

J.-P. Migne
SÆCULA IV-V. ANNI 387-430.

22802

SANCTI AURELII

AUGUSTINI, HIPPONENSIS EPISCOPI, OPERA OMNIA,

POST LOVANIENSIMUM THEOLOGORUM RECENSIONEM,

CASTIGATA DENUO AD MANUSCRITOS CODICES GALLICOS, VATICANOS, BELGICOS, ETC.,

NECNON AD EDITIONES ANTIQUORES ET CASTIGATIONES,

OPERA ET STUDI

MONACHORUM ORDINIS SANCTI BENEDICTI
E CONGREGATIONE S. MAURI.

EDITIO NOVISSIMA, EMENDATA ET AUCTIOR,

ACCURANTE ET DENUO RECOGNOSCENTE J.-P. MIGNE,

Bibliotheca Cleri universae,

SIVE

CURSUM COMPLETORUM IN SINGULOS SCIENTIAS ECCLESIASTICAS RAMOS EDITORE.

TOMUS TERTIUS.

PARS ALTERA.

VENIT 10 FR. GALLICIS.

EXCUDEBATUR ET VENIT APUD J.-P. MIGNE EDITOREM,
IN VIA DICTA D'AMBOISE, OLIM PROPE PORTAM LUTETIAE PARISIORUM VULGO D'ENFER
NOMINATAM, SEU PETIT-MONTROUGE, NUNC VERO INTRA MOenia PARISINA.

1864

ELENCHUS

AUCTORUM ET OPERUM QUI IN HOC TERTIO TOMO CONTINENTUR.



IN II PARTE.

Quæstionum Evangeliorum libri II.	Col. 1321
Quæstionum septemdecim in Evangelium secundum Matthæum liber unus.	1365
In Joannis Evangelium tractatus cxxiv.	1379
In Epistolam Joannis ad Parthos tractatus x.	1977
Expositio quarumdam propositionum ex Epistola ad Romanos, liber unus.	2063
Epistolæ ad Romanos inchoata Expositio.	2087
Expositio Epistolæ ad Galatas, liber unus.	2105

CONTENTA IN APPENDICE.

De mirabilibus sacræ Scripturæ libri III.	2149
De benedictionibus patriarchæ Jacob.	2199
Quæstiones Veteris et Novi Testamenti.	2213
In B. Joannis Apocalypsim Expositio.	2417



S. AURELII AUGUSTINI
HIPPONENSIS EPISCOPI
QUÆSTIONUM EVANGELIORUM
LIBRI DUO ^(a).

De subsequente opere vide librum 2, cap. 12, Retractionum, col. 634, a verbis, Sunt quædam expositiones, usque ad col. 635 verbis, Non ita scriptum est. M.

Prologus.

Hoc opus non ita scriptum est, ac si Evangelium exponentium ex ordine susceptum esset a nobis : sed pro arbitrio et tempore consulentis, cum quo legebatur, si quid ei videbatur obscurum. Ideo multa, et fortassis obscuriora pratermissa sunt ; quia jam ea noverat, qui ea que nōndum noverat, inquirebat, nec teneri volebat festinationem suam in iis que anteja jam sic acceperat, ut etiam assiduitate audiendi atque tractandi, memorie stabiliter firmeque mandaret. Nonnulla etiam hic non eodem ordine inveniuntur exposta, quo in Evangelio narrata sunt ; quoniam quædam festinatione dilata, cum tempus daretur, retractabantur, et eo loco scribabantur, qui vacus in ordine jam expositarum rerum subsequebatur. Quod posteaquam compcri, ne quis forte querens aliquid legere in hoc opere, quod eum in Evangelio movisset et ad quærendum excitasset, tredio perturbari ordinis offendetur (quandoquidem ea que carplim, ut poterant, dicebantur, in unum collecta et contexta cognovi) ; feci ut ad ordinem numerorum prescriptis titulis, quod cuique opus esset, facile investigaret.

TITULI QUÆSTIONUM LIBRI PRIMI
IN EVANGELIUM SECUNDUM MATTHEIUM ^(b).

- I. Quod ait, *Nemo norit Filium nisi Pater.*
- II. Quod discipuli Domini ceperunt vellere sicas, et manducare.
- III. De Iaco funigante.
- IV. De exco et muto.
- V. Quod a t, *Et si ego in Pezelzebus ejicio daemones.*
- VI. Quod ait, *Troglodites riperarunt.*
- VII. Quod ait, *Sicut enim fuit Iona in ventre ceti tribus diebus et tribus noctibus.*
- VIII. Quod ait, *Cum Spiritus inundans exierit ab homine.*
- IX. De fructu centeno, sexageno, et triceno.
- X. Quod ait, *Colligite primo azania.*

ADMONITIO PP. BENEDICTINORUM.

Quæstionum Evangeliorum libri duo emendati sunt ad MSS. Victorinos duos, ad Sorbonicum, vaticinum, Michaelinum Cisterciensem, Arnulfiensem, Corbeiensem qui annos fere 600 præter : ad lectiones variantes Lovaniensis ex tribus quætorve codicibus : ad editos etiam Rat. Am. Er. et Lov.

Comparavimus præterea eas omnes editiones initio Retr. et Confess. t. 1, memoratas. M.

(a) Scri, ti versus Christi annum 400. Ilorū librorū atatem colligimus non modo ex Retractionum serie, ubi locum habemus iper oī uscula circiter annum Christi 400 edita ; sed etiam ex illis Augustini verbis, lib. 2, quæst. 13 : « Jam claffitata, inquit, Ecclesia et liberato populo Gentium a dominatione daemontorum, in abditi agunt sacrilegos ritus suos & qui Christo credere noluerunt. » Quæ profecto verba significant id temporis non levius palam colere idola : quam in rei leges anno 399 dedit imperator Honorius.

(b) Quæstionum titulos ab Erasmo et Lovaniensisibus immixto rejectos huc revocamus ex MSS. et antiquioribus editis.

PATROL. XXXV.

(Quarante-deux.)

- XXXVIII.** Quod sit, *Sicut fulgor exit ab oriente, et perenit usque in occidentem.*
- XXXIX.** Quod ait, *Ab arbore fici discite similitudinem.*
- XL.** Quod ait de Iudea, *Ionum erat illi non nasci.*
- XLI.** Quod tringita argenteis venditus est.
- XLII.** Quod ait, *Ubi fuerit corpus, illo congregabuntur aquila.*
- XLIII.** Quod ait, *Non bibam amodo de hac generatione vritis.*
- XLIV.** Quod spuerunt in faciem ejus, et colpissemus eum percusserunt.
- XLV.** De trina Petri negatione.
- XLVI.** Quod a longe secutus est Dominum euntem ad passionem.
- XLVII.** Quod ter Dominus oravit priusquam traderetur.
- TITULI QUÆSTIONUM LIBRI II
IN EVANGELIUM SECUNDUM LUCAM.
- I.** Quod Zacharias audit ab angelo, *Excudit est oratio tua.*
- II.** Quod de navicula docet turbas.
- III.** Quod ait leproso mundato, *Vnde, ostende te sacerdoti.*
- IV.** De paralytico qui ier tectum est ad eum depositus.
- V.** Quonodo duos patres habere potuerit Joseph.
- VI.** De septuaginta septem generationi us.
- VII.** De eo qui labebat dexteram manum arida.
- VIII.** Quod ait, *Mensuram bonam, confortam, et consolatam, et supereffluentiam dabunt in suum regnum.*
- IX.** Quod ait, *Nimquid potest cæcus cæcum dicere?*
- X.** De illo qui fodit in altum et posuit fundamentum super petram.
- XI.** De iueris sedentibus in foro et ad invicem clamantibus.
- XII.** Quod ait, *Nemo lucernam accendens operit eam vase, aut subdit lectum pinit.*
- XIII.** De illo in quo erat legio demoniorum.
- XIV.** De se: tuaginta duobus discipulis.
- XV.** Quod ait, *Ni quod in te est lumen tenebre sunt, ipsa tenebrae quanta sunt?*
- XVI.** Quod ait, *Nunc vos, iheri wi, quod desoritis est calicis et catini mundatis.*
- XVII.** De digito Dei.
- XVIII.** De iepuia filiorum sponsi.
- XIX.** De illo qui descendens ab Jerusalem in Jericho

- Incidit in latrones.
- XX.** Quod Martha exceptit illum in domum suam, ubi Maria sedebat ad pedes ejus.
- XXI.** De illo qui media nocte ab amico petit tres panes.
- XXII.** De pane et pisces et ovo.
- XXIII.** Quod ait, *Tulisti clavem scientie.*
- XXIV.** Quod ait, *nina plus est quam esca.*
- XXV.** Quod ait, *Sunt lambi resti præcincti, et lucernæ ardentes.*
- XXVI.** De mensura trictici quam dat fidelis dispensator familie.
- XXVII.** Quod ait, *Cum vide illis nubem orientem ab occasu.*
- XXVIII.** Quod ait de statura corporis cui non possint ali quid addere.
- XXIX.** Quod ait, *Nolite in subline extolliri.*
- XXX.** De invitatis ad coenam.
- XXXI.** De sumptibus ad turrem ædificandam, et rege qui habet viginti millia.
- XXXII.** De sale infatuato et ove perdita.
- XXXIII.** De duobus filiis querum junior profectus est in regionem longinquam.
- XXXIV.** Quod ait, *Facile vobis amicos de mammona iniuriantis.*
- XXXV.** Quod ait, *Si in alieno fideles non fristis.*
- XXXVI.** Quod ait, *Nemo potest duobus dominis servire.*
- XXXVII.** Quod ait, *Regnum colorum vim pa. iur.*
- XXXVIII.** De divite ad cuius januam jacebat Lazarus ulcerosus.
- XXXIX.** Quod dixerunt discipuli Domino, *Adauge nobis fidem.*
- XL.** De decem leprosis.
- XLI.** De illo qui in tecto est, et vasa ejus in domo.
- XLII.** De illo qui in agro est, ut non redeat retro.
- XLIII.** De uxore Loti.
- XLIV.** De duabus in lecto et duabus molentibus et duabus in agro.
- XLV.** De iu liice iniquo quem vidua interpellabat.
- XLVI.** De homine nobili qui abiit in regnum longinquum aeci, et ibi regnum.
- XLVII.** De exercitu per foramen a. us.
- XLVIII.** De cœco illuminato, cum proinqaret Jericho.
- XLIX.** De vita sancti rum, cum resurrexerint.
- L.** Quod ait, *Orate ne intratis in tentationem.*
- LI.** Quod scriptum est de Domino, *Finit se longius i.e.*

LIBER PRIMUS.

Questiones in Evangelium secundum Matthæum.

QUEST. I. [MATTH. c. xi, § 27.] Cum diceret, *Nemo novit Filium nisi Pater, non dixit, Et cui voluerit Pater revelare; quemadmodum cum diceret, Nemo novit Patrem, nisi Filius, addidit, et cui voluerit Filius revelare. Quod non ita intelligendum est, quasi Filius a nullo possit cognosci, nisi a Patre solo; Pater autem non solum a Filio, sed etiam ab eis quibus revelaverit Filius. Sic enim potius dictum est, ut intelligamus et Patrem et ipsum Filium per Filium revelari; quia ipse est menti nostra lumen: ut quod postea intulit, et cui voluerit Filius revelare, non tantum Patrem, sed etiam Filium accipias: ad totum enim quod dixit, illatum est. Verbo enim suo ipse Pater declaratur: verbum autem non solum id quod per verbum declaratur, sed etiam seipsum declarat.*

II. [lb. xii, 4.] Quod discipuli Domini cœperunt veltere spicas, et manducare, quod nisi confricentes eas, facere non possent; hinc est, *Mortificate membra nostra, que sunt super terram:* id est, quia quisque non transit in corpus Christi, nisi carnalibus exsoliatus fuerit indumentis; hinc est et, *Exulte vos veterem hominem* (Coloss. iii, 5-9); hinc est et, *Circumcisio*

non manufacta in exsolationem carnis (Coloss. ii, 11).

III. [lb. xii, 20.] In lino fumigante notandum quia et desertum lumine facit putorem.

IV. [lb. xii, 22.] *Tunc oblatus est ei daemonium habens, cæcus et mutus:* id est, qui non credit, et subditus est diabolo; qui non intelligit, et non constitutur ipsum fidem, de qua dictum est, *Ore autem confessio fit in sautem* (Rom. x, 10); vel qui non dat laudem Deo.

V. [lb. xii, 27-29.] Quod dixit, *Et si ego in Beelzebub ejicio demones, etiam secundum vestram sententiam: igitur perenit in vos regnum Dei;* quia regnum diaboli stare non potest, quod adversum se divisum esse fatemini. Regnum Dei nunc dicit, quo damnantur impii, et a fidelibus de peccatis suis pœnitentiem nunc agentibus secernuntur. Fortem illum appellat, quia ipse tenebat, ne possent viribus suis ab

¹ In editis brevem quæstionem sic incipit, *tridinem quassatum* Iudaos dicit, propter quod et unum erant, et ab invicem discrepabant, tum sequitur, *in lino sicut grande, etc.* At in vss. omnibus caret prima illa parte; adeoque in Quæstionum eiusdem tractat, non de arundine quassata; sed hocce titulo, de lino fumigante.

illo se homines crux, sed per gratiam Dei. Vasa ejus dicit omnes infideles. *Nisi prius alligaverit fortē : ali-gaverit* dixit, potestatem illi ademerit impediendi voluntatem fidelium a sequendo Christo, et obtinendo regno Dei.

VI. [Ib. xii, 54.] Progenies viperarum eos dicit, quia et diaboli filios appellat. In tantum enim quisque filius ejus est, in quantum eum peccando imitatur.

VII. [Ib. xii, 40.] *Sicut enim fuit Jonas in ventre ceti tribus diebus et tribus noctibus ; sic erit Filius hominis in corde terrae tribus diebus et tribus noctibus.* Sexte seriae dici partem qua sepultus est cum præterita nocte, pro nocte et die accipias, hoc est pro toto die; sabbati noctem et diem; et noctem dominicam cum eodem die illucescente: ac per hoc accipiendo partem pro toto, habes triduum et tres noctes. Quod enim dicuntur decem menses pregnantis, novem sunt pleni; sed initium decimi pro toto accipitur. Et quod se Dominus ostendit in monte, post sex dies factum dicit unus evangelista (*Matth. xvii, 1*); alter vero post octo dies dicit (*Luc. ix, 28*), partem posteriorum primi dicit in quo futurum hoc Dominus promisit, et partem priorem novissimi diei in quo completum est quod promisit, pro totis atque integris diebus annumerans: ut intelligas eum qui dixit, post sex dies, solos medios commemorasse, qui vere toti atque integri completi sunt. In Genesi enim a lumine incipit dies, et finit ad tenebras (*Gen. 1, 5*), ad significandum ipsum hominis: nunc autem a tenebris ad lucem, sicut dictum est, *De tenebris lucem clarescere* (*II Cor. iv, 6*): quia a peccatis homo liberatus, pervenit ad lucem justitiae.

VIII. [Ib. xii, 45-45.] *Cum spiritus immundus exierit ab homine : significat quosdam ita credituros, ut ferre non possint labores continentiae, et ad sæculum redituri sint. Quod dictum est, Assunxit secum alios septem, intelligitur quia eum quis occiderit de iustitia, etiam simulationem habebit. Cupiditas enim carnis expulsa per poenitentiam a consuetis operibus, cum non invenerit in quibus delectationibus correquiescat, avidus reddit, et rursus occupat mentem hominis, si cum pulsa esset¹, negligenter subsecuta est, ut non intruderetur tanquam habitator mundæ domini sermo Dei per sanam doctrinam. Et quoniam non solum habebit illa septem vita, que septem virtutibus spiritualibus² sunt contraria, sed etiam per hypocrisim se ipsas virtutes habere simulabit; propterea assumptis secum septem aliis nequioribus, hoc est, ipsa septenaria simulatione, reddit illa concupiscentia, ut sint novis imis hominis pejora quam erant prima.*

IX. [Ib. xiii, 15, 25.] Quod dicit, *Aliud centesimum, aliud sexagesimum, aliud trigesimum*: centesimum martyrum, propter satietatem³ vite vel contemptum mortis: sexagesimum virginum, propter otium inter-

¹ Am. Er. et Lov. *sic cum expulsa esset justitia, negligenter subsecuta est.* Emendamus ad octo liss. et ad editioem Ratis. omissions.

² Miss. Corb. et Sanctoriorini duo, *virtutum spiritibus*.

³ Rat. Am. Er. et octo MSS., *sancitatem*.

rius, quia non pugnant contra consuetudinem carnis; solet enim otium concedi sexagenariis post militiam, vel post actiones publicas: trigesimum conjugatorum, quia haec est artus prelantium; ipsi enim habent aeriorem conflictum, ne libidinibus superentur.

X. [Ib. xiii, 25-30.] *Omnis immunditia in segete, zizania dicuntur.* Quod primo separata zizania dicuntur¹, quia tribulatione precedente separabuntur impii a piis: quod per bonos Angelos intelligitur fieri; quia officia vindictæ possunt implere boni bono animo, quomodo rex², quomodo judex; officia vero misericordiae nulli implere non possunt.

XI. [Ib. xiii, 31.] *Granum sinapis ob servorem fidei, vel quod dicatur venena expellere, majus sit omnibus oleribus, id est dogmatibus.* Dogmata autem sunt platica sectarum, id est, quod placuit singulis sectis.

XII. [Ib. xiii, 35.] *Fermentum quod accepit mulier, et abscondit in farina satis tribus : mulierem, sapientiam dicit : fermentum, dilectionem; quod servat et excitat.* In farinæ autem satis tribus, vel tria illa in homine, *Ex toto corde, et ex tota anima, et ex tota mente* (*Matth. xii, 37*); vel tria illa fructifera, *Centenum, sexagenum, tricenum* (*Id. xii, 8, 25*); vel tria illa genera hominum, *Noe, Daniel et Job* (*Ezech. xiv, 14*).

XIII. [Ib. xii, 44] *Thesaurum in agro absconditum, dixit duo Testamenta legis in Ecclesia, que quis cum ex parte intellectus attigerit, sentit illie magna latere : et radit et vendit omnia sua, et emit agrum illum,* id est, contemptu temporalium comparat sibi oīam, ut sit dives cognitione Dei.

XIV. [Ib. xiii, 54.] *Quod dixerunt Judæi, Unde huic sapientia haec et virtutes?* sapientia in his que loquuntur, virtutes in his que operabatur. Ideoque et Apostolus cum dixit *Christum Dei Virtutem, et Dei Sapientiam* (*I Cor. 1, 24*); virtutem ad signa retulit propter Judæos, sapientiam autem ad doctrinam propter Graecos, id est Gentes.

XV. [Ib. xv, 26-35.] *Quod dixerunt discipuli phantasma esse, significat id quod dictum est, Putas, irenit fidem in terra* (*Luc. xvii, 8*)? quia quidam qui cesserint diabolo, de Christi adventu dubitabant. Quot autem Petrus implorat a Domino auxilium, ne mergatur, significat quibusdam tribulationibus etiam post ultimam persecutionem purgandam esse Ecclesiam. Quod et Paulus significat dicens: *Salvus erit; sic iam quasi per ignem* (*1 Cor. iii, 15*). Quod sequitur, ut adorantes omnes qui in navi erant, dicerent, *Vere Filius Dei es*, significat claritatem ejus tunc manifestam futuram, per speciem jam videntibus, qui per fidem nunc ambulant.

XVI. [Ib. xv, 5.] *Munus quocumque est ex me, tibi proderit;* id est, munus quod offers causa mei, ad te jam pertinebit: quibus verbis significant filii jam non sibi opus esse parentum pro se oblationes, quod ad eam ætatem pervenissent, ut possent jam ipsi offerre pro se. In hac ergo ætate constitutos, ut possent pra-

¹ Er. Lugd. Ven. Lov. habent, *zizania dicitur. Quod primo separatur, zizani i dicitur.* M.

² Sic Rat. et Ms. Cisterciensis. At alii codices, *lex*.

rentibus suis hoc dicere, cum hoc dixissent, negabant Pharisai reos esse, si parentibus suis non prestatent honorem.

XVII. [Ib. xv, 13.] *Omnis plantatio quam non plantavit Pater meus cœlestis, eradicabitur*: id est, carnalis cupiditas, secundum quam sentientes offendebantur de prætermissis rerum signis, vel etiam traditionibus suis; et præcepta vitæ non curabant, quæ a cupiditate animalium purgant.

XVIII. [Ib. viii, 13; xv, 28.] Quod et puerum Centurionis, et filiam Chananæ mulieris non veniens ad domos eorum, salvat; significat Gentes, ad quas non venit, salvas fore per verbum suum. Quod ipsis rogantibus filii sanantur, intelligenda est Ecclesiæ persona, quæ sibi est et mater et filii: nam simul omnes, quibus constat Ecclesia, mater dicitur; singuli autem iudicem ipsi filii appellantur.

XIX. [Ib. xv, 50] Quod turbæ obtulerunt Domino mutos; qui cum non laudent, vel non confitentur fidem: *cæcos*; qui non intelligunt, etiamsi obtemperant jubentibus: *surdos*; qui non obtemperant etiamsi intelligunt: *claudos*; qui præcepta non implent.

XX. [Ib. xvi, 2, 3.] Quid dixit Dominus, *Facto vespero dicitis, Scerenum erit; rubicundum est enim cœlum*; id est, sanguine passionis Christi, in primo adventu indulgentia peccatorum datur. *Et mane, Hodie tempestas; rubet enim cum tristitia cœlum*; id est, quod secundo adventu igne precedente venturus est. *Faciem ergo cœli judicare nostis; signa autem temporum non potestis?* Signa temporum dixit de adventu suo vel passione, cui simile est roseum cœlum vespere: et item de tribulatione ante adventum suum futura, cui simile est mane roseum cum tristitia cœlum.

XXI. [Ib. xvii, 14.] Quod dixit Dominus, *Elias quidem venturus est, et restituet omnia*; id est, vel eos quos persecutio Antichristi conturbaverit; vel ut ipse restituat moriendo quæ debet.

XXII. [Ib. xvii, 14, 18.] Quod dixit, *Sæpe cadit in ignem, et aliquando in aquam: ignem ad iram, quod alta petat: aquam ad voluptates carnis*. Item quod dicunt discipuli, *Quare nos non potuimus ejicere eum?* ne illis miraculis faciendis extollerentur in superbiam, admoniti sunt potius per humilitatem fidei, quasi per sinapis granum, elationem terrenam, quæ montis nomine significata est, curare ut transiret.

XXIII. [Ib. xvii, 25.] Quod dixit, *Ergo liberi sunt filii: in omni regno intelligendum est liberos esse filios*, id est, non esse vectigales. Multo ergo magis liberi esse debent in quolibet regno terreno filii regi illius sub quo sunt omnia regna terrena.

XXIV. [Ib. xviii, 6.] Quod Dominus dicit, *Qui autem scandalizaverit unum de pusilis istis, id est, ex humilibus, quales vult esse discipulos suos, non obtemperando, vel etiam contraveniendo*, sicut de Alessandro ærario Apostolus dicit (Il Tim. iv, 14): *expedit ei ut mola asinaria suspendatur collo ejus, et precipitetur in profundum maris*: id est, congruit ei cupiditas rerum temporalium, cui stulti et ceci col-

ligantur, cum devinctum pondere suo deducat ad infernum.

XXV. [Ib. xviii, 24-31.] *Quod oblatus est Domino debitor decem millium talentorum, et jussit eum veniendi, et uxorem ejus, et filios, et omnia quæ habebat, et reddi*: intelligendum est decem præceptorum Legis cum fuisse debitorem; et pro cupiditate atque operibus suis, tanquam uxore et filiis, poenas solvere debuisse, quod est pretium ejus: pretium enim venditi, supplicium dannati intelligitur. Quod dixit, *Noluit ignoroscere conservo suo, sed abiit et misit eum in carcere*, et reliqua; intelligendum, tenuit contra eum hunc animum, ut supplicia illi vellet. Conservi autem qui narraverunt Domino quæ siebant, potest intelligi Ecclesia, quæ et illum solvit, et illum ligat.

XXVI. [Ib. xix, 25, 25.] Quod ait Dominus, divitem non intrare in regnum Dei; et discipuli dicunt, *Quis potest salvus fieri?* cum pauci sint divites in comparatione multitudinis pauperum: intelligendum quod omnes qui talia cupiunt, in eorum numero haberit animadverterint.

XXVII. [Ib. xx, 17.] Quod Dominus seorsum se duobus discipulis passurum refert (^a), ad confirmandum in posterum testimonium fecit: quia dixit, *In ore duorum vel trium testium stabit omne verbum* (Matth. xix, 16). Ut enim neque vulgaretur quod dicebat, neque eareret humani testimonii firmitate, paucioribus quam duobus dicere non potuit. Vel ad sacramentum charitatis ostendendum: minus enim quam inter duos charitas esse non potest. Erat autem ille non necessitate debiti propter peccatum suum, sed ad solvenda nostra peccata charitate passurus.

XXVIII. [Ib. xx, 29-34.] Ab Iericho egreditur Dominus; jam de ista terra resurrectione d'iscendens. Sequuntur eum turba mulæ; credunt in eum populi et gentes. Duo autem ceci sedentes juxta viam, significant de utroque populo quosdam jam cohaerentes per fidem dispensationi temporali, secundum quam Christus via est; et desiderantes illuminari, id est, aliquid de Verbi aeternitate intelligere, quod transeunte Jesu impetrare cipi bant, id est, per meritum fidei qua creditur Filius Dei et natus homo et passus propter nos. Per hanc enim dispensationem quasi transit Jesus, quia talis actio temporalis est. Oportebat autem tantum clamatorem, donec resistentis sibi turbæ strepitum vincerent; id est, tam perseveranter animum intenderent orando atque pulsando, quoisque consuetudinem desideriorum carnalium, que tanquam turba obstrepit cogitationi lucem veritatis aeternæ videre conanti, vel ipsam hominum carnalium turbam studia spiritualia impediens, fortissima intentione superarent. Itaque audiens Jesus qui ait, *Potenti debitur, et querens inventiet, et pulsanti aperietur* (Matth. vii, 7), venientes ad se, ipso scilicet desiderii ardore prævenientes ad id quod desiderant, stans eos tangit, atque illuminat. Non enim sicut illa dispensatio temporalis, ita etiam Verbi aeternitas transit, quæ in se ipsa maxime omnia innovat (Sip. vii, 27). Quapropter

(a) II retract. cap. 12.

quia fides incarnationis temporalis ad æterna intelligenda nos præparat, transente Jesu admoniti sunt ut illuminarentur, et ab stante illuminati sunt. Temporalia enim transeunt, æterna stant.

XXIX. [lb. xxi, 21.] Quod Dominus dicit discipulis suis, *Dicetis monti huic, Tolle, et jacta te in mare,* de superbia dixit quæ ad seculares pertinet: hoc sibi servus Dei dicere debet, ut eam a se repellat, quia ipsi non congruit. Vel quod per eorum fidem, quia per eos Evangelium prædicatum est, ipse Dominus qui mons appellatus est (*Isai. ii, 2*), ablatus est a Judeis, ut in Gentes tanquam in mare porro jaceretur.

XXX. [lb. xxi, 44.] Quod Dominus dicit, *Et qui cederit super lapidem istum confringetur: super quem vero ceciderit, conteret eum:* de his dicit quod cadent super eum, qui illum modo contemnunt, vel injuriis afficiunt; ideo nondum penitus interercent, sed tamen confringuntur, ut non recte ambulent: super quos autem cadit, veniet illis desuper in judicio cum pena perditionis; ideo dixit, Conteret eos, ut sint impii tanquam pulvis, quem projicit ventus a facie terræ (*Psal. i, 4*).

XXXI. [lb. xxii, 2-9.] Quod Dominus dixit, *Simile est regnum cœlorum homini regi qui fecit nuptias filio suo;* nuptias dixit Verbum incarnatum, quia in ipso homine suscepto Ecclesia Deo copulata est. Quod dixit, *Tauri mei et altilia occisa sunt:* tauros dixit principes plebiū; altilia vero, omnia saginata. Quod dixit Dominus, *Ite ad exitus viarum, et quoscumque inveneritis, vocate ad nuptias:* viae intelliguntur dogmata Gentium; quia ex omnibus illis ad nuptias venerunt, id est, Christo crediderunt.

XXXII. [lb. xxii, 25.] Quod Sadducei dicunt Dominino, *Fuerunt apud nos septem fratres, et unus accepto uxore obiit, et secundus, et tertius; intelliguntur homines impii, qui fructuum justitiae non potuerunt afferre in terra per omnes septem mundi ætates, quibus ista terra consistit: postea enim et ipsa terra transiit, per quam omnes illi quasi septem mariti steriliter transierunt.*

XXXIII. [lb. xxii, 40.] Quod Dominus dicit, *In his duabus præceptis tota Lex pendet et Prophætæ; pendet dicit, id est, illo refertur, ibi habet finem.*

XXXIV. [lb. xxiii, 17, 19.] Quod Dominus dixit, *Quid enim maius est, aurum, an templum quod sanctificat aurum? et item dixit, Quid enim maius est, donum, an altare quod sanctificat donum?* intelligendum templum et altare ipsum Christum; aurum et donum, laudes et sacrificia precum, quæ in eo per eum offerimus. Non enim ille per hæc, sed ista per illum sanctificantur.

XXXV. [lb. xxiii, 23 et 24.] Quod Dominus dixit, *Excolantes culicem, refertur ad id quod dixit, decimare illos minuta quæque. Camelum glutientes, referuntur ad id quod dixit, Præteritis graviora Legis; misericordiam, et judicium, et fidem: ut iste sit sensus, minima observatis, maxima contemnitis. Ex hac enim perversitate etiam illud eis accidit, quo possunt hæc per allegoriam referri, ut dimitterent Barabbam.*

(*Matth. xxvii, 20*), quia videlicet ipse non solverebat sabbatum, quod magna diligentia carnaliter observabant; occiderent autem Dominum spiritualiter sabbatum insinuantem per misericordiam et judicium et fidem, quæ illi maxime contemnebant. Nam et culicis nomine poni absurdè figuratur seditionis homicidæ, quia hoc animal et strepido inquietat, et sanguine delecat: et camelii nomine propter humiliantem se ad si be mala onera magnitudinem, intelligitur congreuentem Dominus.

XXXVI. [lb. xxiii, 37.] Quod dixit Dominus d. Jerusalem, *Quoties volsi congregare filios tuos, sicut gallina congregat filios suos sub alas, et noluisti?* hoc genus animantis magnum affectum in filios habet, ita ut eorum infirmitate affecta et ipsa infirmatur; et quod difficileius in cæteris animalibus inveneries, alis suis filios protegens, contra milvum pugnet: sic etiam mater nostra Sapientia Dei, per carnis susceptionem infirmata quodammodo (unde et Apostolus dicit, *Quod infirmum Dei, fortius est hominibus* (*1 Cor. i, 25*), protegit infirmitatem nostram, et resistit diabolo, ne nos rapiat. In qua defensione, quod illa adversus milvum conatur affectu, hæc adversus diabolum persicit protestate.

XXXVII. [lb. xxiv, 20]. Quod Dominus dixit, *Orate ne fiat fuga vestra hieme vel sabbato,* id est, ne impedimento aliquo detineamini: quia et hieme, imbris vel frigore; et sabbato, in quo proficiunt non licet, impediatur quis ab itinere. Vel aliud, ne in tristitia aut letitia rerum temporalium quis inveniatur a die illa.

XXXVIII. [lb. xxiv, 23-27.] Quod Dominus dicit, *Sicut enim fulgur exit ab oriente, et pervenit usque ad occidentem; ita erit et adventus Filii hominis;* orientis et occidentis nomine totum orbem voluit significare, per quem futura erat Ecclesia, incipiente Evangelio ab Jerusalem (*Luc. xxiv, 47*), secundum illum sensum quo dixit, *A modo videbitis Filium hominis venientem in nubibus* (*Matth. xxvi, 64*). Convenienter enim Ecclesiæ¹ nunc fulgur nominavit, quod maxime solet emicare de nubibus. Constituta ergo auctoritate Ecclesiæ per orbem terrarum clara atque manifesta, consequenter discipulos admonet, atque omnes fideles, et qui in eum credere voluerint, nam schismaticis atque hereticis credant. Unumquodque enim schisma, et unaquæque heresis, aut locum suum habet in orbe terrarum, partem aliquam tenens; aut obscuris atque occultis conventiculis curiositatem hominum decipit. Quo pertinet quod ait, *Si quis vobis dixerit, Ecce hic est Christus, aut illic, quod significat terrarum partes et provinciarum: aut in penetralibus, aut in deserto,* quod significat obscuri et occulta conventicula hereticorum. Quod ergo dixit, ab oriente in occidentem perventurum adventum suum, contra illos valet qui per terrarum particulas nominantur, et dicunt apud se esse Christum. Quod autem ait, *Sicut fulgur, contra illos valet, qui occulite congregantur*

¹ Tres MSS., Convenienter enim etiam nunc fulgur, etc. Alii addunt, Convenienter etiam tam nunc fulgur, etc.

tanquam in penetralibus, et paucos tanquam in deserto: ad manifestationem quippe claritatemque pertinet Ecclesie fulgoris nomen, significans etiam uoetem vel nubila saeculi hujus; tunc enim fulgoris candor appetet.

XXXIX. [Ib. xxiv, 32.] Quod Dominus dixit, *Ab arbore autem fici discite similitudinem;* arborem fici genus humanum intellige, propter pruritum carnis. *Cum jam ramus ejus tener fuerit;* id est, cum filii hominum per fidem Christi ad spirituales fructus proficerint, et in eis honor adoptionis filiorum Dei eminuerit.

XL. [Ib. xxvi, 24.] Quod Dominus de Iuda dixit, *Bonum erat illi non nasci, utrum in hanc vitam?* ut uisitate locutus sit. Non enim potest bonum esse aliquid ei, qui non est. Et si quisquam contendit esse aliquam vitam ante istam, non Iude tantum ut nascetur, sed nulli expedire coinvicetur. An diabolus dicit non nasci ad peccatum? An etiam bonum illi erat ut Christo non nasceretur per vocationem, ne esset apostata?

XLI. [Ib. xxvi, 45.] Quod Dominus triginta argenteis venditus est, significat per Judam Iudeos iniquos, qui sequestres carnalia et temporalia, que ad quinque sensus pertinent corporis, Christum habere noluerunt: quod quia sexta mundi aetate fecerunt, sexies quinos eos¹ tanquam pretium venditi Domini accepisse significatum est. De quo tempore talibus insultat propheta dicens, *Fili hominum, quousque graves corde?* *utquid diligitis vanitatem, et quaritis mendacium* (*Psalm. iv, 5*)? ut si quinque aetatis suisset aliqua excusatio sequendae vanitatis, vel sexta comprehendenderent veritatem, que per Dominum nostrum praedicabatur, et demonstrabatur, sicut sexta die homo factus est ad imaginem Dei (*Gen. i, 26*). Quod quia noluerunt, habent sexies quini impressam imaginem principis saeculi, et non habent Christum per quem signatum est in nobis Iumen vultus tui, Domine (*Psalm. iv, 7*). Et quia eloquium Domini argenteum est (*Psalm. xi, 7*), illi autem etiam ipsam legem carnaliter intellexerunt, tanquam in argento impressam sternalis principatus imaginem amissi Domino tenuerunt.

XLII. [Ib. xxiv, 28.] Quod Dominus dicit, *Ubi fuerit corpus, illo congregabuntur aquilæ;* id est in cœlum, quo hinc secum levavit corpus in homine suscepto: quod etiam cadaver ideo appellatum est, quia moriturus haec loquebatur. *Illo congregabuntur aquilæ,* dictum est de spiritualibus, qui ejus passionem humilitatemque imitando, tanquam de ejus corpore saturantur. Corpus enim propter humilitatem pro nobis passionemque suscepit.

XLIII. [Ib. xxvi, 29.] Quod Dominus dicit sub tempore passionis discipulis, *Non bibam modo de hoc genimine vitiis, usque in diem illum,* cum illud bibam *vobiscum novum in regno Patris mei,* vult intelligi hoc vetus esse, cum illud novum dicit. Quia ergo de pro-

pagine Adam, qui vetus homo appellatur, corpus suscepserat, quod in passione morti traditus erat (unde etiam per vini sacramentum commendat sanguinem suum), quid aliud novum vinum, nisi immortallitatem renovatorum corporum intelligere debemus? quod cum dicit, *Vobiscum bibam,* etiam ipsis resurrectionem corporum ad induendam immortalitatem promittit. *Vobiscum enim non ad idem tempus,* sed ad eamdem innovationem dictum accipendum est. Nam et nos dicit Apostolus resurrexisse cum Christo (*Coloss. ii, 12*), ut spes rei future jam presentem letitiam affraterat. Quod autem de hoc genimine vitis etiam illud novum esse dicit, significat eadem utique corpora resurrecta secundum innovationem ecclesiæ, que nunc secundum terrenam vetustatem moritura sunt. Si autem vitæ de eius vetustate hunc passionis calicem bibit, ipsis Judeos intellexeris, significatum est etiam ipsam gentem ad corpus Christi per novitatem vitæ accessuram, cum, ingressa plenitudine Gentium, omnis Israel salvis fieri (*Roman. xi, 25*).

XLIV. [Ib. xxvi, 67.] Quod dictum est, *Exsperunt in faciem ejus,* significavat eos qui ejus presentiam gratiae respiciunt. Item tanquam colaphis cum cedunt, qui honores suos ei præferunt: palmas in faciem ejus dant, qui perfidia cæcaci cum non venisse affirmant, tanquam presentiam ejus exterminantes et repellentes.

XLV. [Ib. xxvi, 69-74.] Quod Petrus needum solidatus in tide, Deam ter negavit, videtur ipsa tria ejus negotio pravum errorem hereticorum designasse. Nam error hereticorum de Christo tribus generibus terminatur: aut enim de divinitate ejus, aut de humilitate, aut de utroque fallentur¹.

XLVI. [Ib. xxvi, 53.] Quod ad passionem eumtem Dominum a longe sequebatur Petrus, significat Ecclesiam securoram quidem, hoc est, imitaturam passionem Domini, sed longe differenter: Ecclesia enim pro se patitur, at ille pro Ecclesia.


XLVII. [Ib. xxvi, 59, 42, 44.] Sicut tentatio cupiditatis tria est, ita etiam tentatio timoris tria est. Cupiditati quæ in curiositate est, opponitur timor mortis: sicut enim in illa cognoscitur rerum est aviditas, ita in ista metus amittendæ talis notitiae. Cupiditati vero honorum vel laudis, opponitur timor ignominie et contumeliarum. Cupiditati autem voluntatis, opponitur timor doloris. Non absurde ergo intelligitur propter triam tentationem passionis, ter Dominum orasse ut transiret calix; sed ita ut potius impliceretur voluntas Patris.

¹ In MSS. questione quadragesima quinta incipit ab istis verbis, *error hereticorum:* nec premituntur illa, *Credet needum solidatus, etc.,* horum tamen loco in quibusdam codicibus ponitur, *De trina,* vel, *In trina retræ negatione.* Præterea in editis Rat. Am. et Er. ad istam questionem haec subjiciuntur: *Notandum,* quod Petrus semel ante primum galii cantum negavit dominum, illos significasse qui christum ante resurrectionem reum esse non putaverunt, ejus morte turbati, illud autem quod bis ante secundum galii cantum, eos qui mina in illo vel secundum deum, vel secundum hominem, vel secundum utrumque errant, et ideo veritatem negant ante Ecclesie resurrectionem; ut primus galii cantus intelligatur capitis resurrectio, hoc est ipsius Romani; secundus autem ipsius, sed in corpore universæ Ecclesie: que absunt a ceteris codicibus, excepto uno vs. Cisterciensi.

² Editio Am., *sexies quiri eos,* etc. Sic etiam plerique MSS. opid quos rursus paulo infra legebamus, *sexies quiri:* ubi in editis habetur, *sexies quinque impressam,* etc.

LIBER SECUNDUS.

Quæstiones in Evangelium secundum Lucam.



QUEST. I. [Luc. cap. 1, § 13, 20] Quod Zacharias orans pro populo, audit ab angelo, *Exaudita est oratio tua; ecce Elizabeth uxor tua concipiet et pariet filium, et vocabis nomen ejus Joannem*; primo hoc attendendum est, quia non est verisimile, ut cum pro populi peccatis vel salute vel redemptione ille offerret, si quidem populus cum exspectabat offereat, quod potuerit relictis publicis votis homo senex, uxorem habens anum, pro accipiendo filii orare: præsertim quia nemo orat accipere, quod sè accepturum esse desperat; usque adeo autem ille jam se habituum filios desperabat, ut hoc angelo promittenti non crederet. Ergo quod ei dicitur, *Exaudita est oratio tua*, pro populo intelligendum est: cujus populi quoniam salus et redemptio et peccatorum abolitio per Christum fatura erat, ad hoc munitiatur Zacharie filius nasciturus, quia precursor Christi destinabatur. Quod autem ei non credenti angelo, ab eodem angelo dicitur, *Et ecce eris tacens donec impleantur haec in tempore suo*, intelligendum est significasse quod prophetia usque ad Joannem, tanquam a sono sileret intelligibili; quia non est intellecta, donec in Domino completeretur.

II. [Ib. v, 3-11.] Quod Dominus de navicula docet turbas, significavit hoc tempus, quando Dominus de auctoritate Ecclesie docet gentes. Quod Dominus *ascendens in navem, quæ erat Petri, rogat eum a terra reducere pusillum*, significat vel temperante nundum verbo ad turbas, ut nec terrena eis precipiantur, nec sic a terrenis in profundiora sacramentorum recedatur, ut ea penitus non intelligent: vel prius in proximiis regionibus gentibus prædicandum; ut quod dicit item Petro, *Duc in altum, et laxate retia vestra in capturam*, ad remotores gentes, quibus postea prædicatum est, pertineat: sicut Isaïa dicit, *Tolle signum in gentes, ad eas quæ prope, et ad eas quæ longe* (Isai. LXII, 10, et LVII, 19). Ut quod etiam retia rumpebant piscium copia, et naviculae implete sunt, ita ut mergerentur, significet hominum carnalium multitudinem tantam futuram in Ecclesia, ut etiam disruptione pacis, exentibus inde heresisbus et schismatisbus, tanta remaneret, et tanta esset futura illi amissio fidei et bonorum morum, ut Christo dicere videatur talis Ecclesia, *Exi a me, quia peccator homo sum: tanquam turbis carnalium repleta, et eorum moribus pene submersa, regimen spiritualium, in quibus maxime Christi persona eminet, a se repellat quodammodo*. Non enim hoc voce linguae dicunt homines bonis ministris Dei, ut eos a se repellant: sed voce mocrum et actuum suorum suadent a se recedi, ne per bonos regantur; et eo vehementius, quo deferunt eis honorem, et tamen factis suis a se recedere admonent: ut honoriscentiam eorum significaverit Petrus,

cadens ad pedes Domini; mores autem in eo quod dicit, *Exi a me, Domine, quia peccator homo sum*. Quod tamen quia non fecit Dominus; non enim recessit ab eis, sed eos subductis navibus ad littus perduxit; significat in bonis et spiritualibus viris non esse oportere hanc voluntatem, ut peccatis turbarum commoti, quo quasi securius tranquillusque vivant, munus ecclasiasticum deserant. Quod ergo *subductis ad terram navibus, relicts omnibus secuti sunt eum* Petrus et Jacobus et Joannes, potest significare finem temporis, quo ab hujus mundi salo, qui Christo inhaeserint, penitus recessuri sunt.

III. [Ib. v, 14.] Quod Dominus dicit leproso munido: *Vade, ostende te sacerdoti, et offer munus pro emundatione tua, sicut præcepit Moyses, in testimonium illis*; hic videtur approbare sacrificium, quod per Moysen præceptum est, cum id non receperit Ecclesia. Quod ideo jussisse intelligi potest, quia nondum esse corporal sacrificium Sanctum sanctorum, quod corpus ejus est. Nondum enim in passione obtulerat holocaustum suum, quo sacrificio confirmato in creditibus populis, templum ipsum eversum est, ubi illa sacrificia offerri solebant. Hoc autem factum est secundum prophetiam Danielis (Dan. ix, 27). Non enim oportebat auferri significantia sacrificia, prius quam illud quod significabatur confirmatum esset contestatione Apostolorum prædicantium, et fide credentium populorum.

IV. [Ib. v, 18-25.] De paralytico: potest intelligi anima disoluta membris, hoc est bonis operationibus, Christum querere, id est, voluntatem Veri i Dei; impediri autem turbis, nisi tecta, id est, oporta Scripturarum aperiat, ut per haec ad notitiam Christi perveniat, hoc est, ad ejus humilitatem fidei pietate descendat. Hi autem a quibus deponitur, bonos in Ecclesia doctores possunt significare. Quod autem cum lecto deponitur, significat ab homine in ista carne adhuc constituto Christum debere cognosci. Quem tamen lectum sanus postea jubetur portare, et ire in dominum suam, ut remissione peccatorum convalescentibus per spem bonam membris animæ, hoc corpus restaurare intelligatur: ut jam non in carnalibus gaudiis tanquam in lecto requiescat infirmitas animi; sed magis ipsa contineat affectiones carnales, et tendat ad quietem secretorum cordis sui.

V. [Ib. iii, 23.] Non absurde quæstio proponitur, Quomodo potuerit duos patres habere Joseph. Nam Matthæus eum dicit genitum ab eo qui vocabatur Jacob (Matth. 1, 16); Lucas vero filium esse dicit ejus qui vocabatur Heli. Neque hoc loco illud dici potest quod unus homo, sicut non solum apud Gentiles, sed etiam apud Judæos accidere solere manifestum est, duo nomina habuerit. Cætera enim serie generati-

nus, qui hoc putat, facile refellitur. Quid enim de avis, atavis, proavis, cæterisque majoribus dicturus est, quorum diversa nomina singuli Evangeliste in sua quisque narratione contexunt? Quid postremo de ipso numero; quandoquidem Lucas a Domino usque ad David quadraginta tres generationes enumerat, Matthæus autem a David usque ad Dominum viginti octo vel viginti septem? Certi enim sacramenti gratia usque ad transmigrationem, et ab ipsa item transmigratione unus bis numeratur. Quarendum igitur quando duos patres potuerit habere Joseph. Et milii quidem in præsencia tres causæ occurruunt, quarum aliquam Evangelista secutus sit. Aut enim unus erat Joseph naturalis pater, et alter cum adoptaverat: aut more Judæorum, cum sine filii unus decessisset, uxore eius propinquus accipiens, filium quem genuit propinquu[m] mortuo deputavit (*Deut. xxv, 5, 6*); ut cum ab altero alteri genitus esset Joseph, convenienter duos patres habere diceretur. Aut unus Evangelista patrem eius a quo genitus est, nominavit; alter vero vel avum maternum, vel aliquem de cognatis majoribus posuit, cui propter consanguinitatis vinculum, in filii loco Joseph non absurde constitueretur, ut inde jam usque ad David non eundem quem Matthæus generationem ordinem texeret. In quibus causis illa videatur infirma, quam secundo loco posuimus: quia cum quisque apud Judæos defuncto fratre vel propinquu[m] prolem de uxore ejus exsuscitat, illud quod nascitur nomen defuncti solet accipere (a). Ergo aut adoptio solvit istam quæstionem, aut origo majorum, aut aliqua alia causa, quæ nobis in præsencia non occurrit. Quapropter tanta est eorum dementia, qui faciliter dilabuntur ad Evangelistarum aliquem de mendacio criminandum, quam causas querant, eur diversa patrum nomina singuli commemoraverint, ut temere dicatur duas solas esse causas, quibus id recte fieri potuerit, cum tamen ad solvendam quæstionem vel unam invenire sufficiat.

VI. [Ib. iii, 23-38.] Quid sibi velit quod septuaginta septem personæ secundum generationes, quas Lucas secutus est, inveniuntur, quæri potest. Nam et hujus numeri mentionem Dominus fecit, cum eum Petrus de dimittendis peccatis fratris interrogasset. Ait enim, non solum septies, sed septuagies septies esse dimittendum (*Math. xviii, 22*). Unde recte creditur commemoratione hujus numeri omnia peccata jussisse dimitti; quandoquidem ipse per quem peccata omnia dimissa sunt, septuagesima et septima generatione, secundum evangelistæ memorati testimonium, ad homines humaniter venire dignatus est. Convenientissime autem, cum sit etiam alia series generationum quam Matthæus explicat (*Id. i, 1-17*), hanc ille tenet, qui baptizato Domino generationes ipsas per septuaginta et septem personas sursum versus enumerat. Nam et redditus est et tanquam ascensus ad Deum, cui post peccatorum abolitionem reconciliamur, expressus, cum sursum versus per illas generationes ascenditur. Et utique per Baptismum fit omnium re-

missio peccatorum, que illo numero significatur. Non enim in baptismâ Domini ipsi Domino peccata dimissa sunt, sed ipsa ibi remissio peccatorum omnium, que misericordia ejus et potestate donata est hominibus, per illum baptismum Domini et per illum numerum generationum consecrata atque signata est. Nec temere Dominus et frustra septuagesima et septima generatione venit abolitus omnia peccata, nisi quia in illo numero aliiquid latet, quod ad significationem pertinet omnium peccatorum. Hoc autem in undenario et septenario considerandum est: qui numeri per se multiplicati, ad tantum perveniunt; nam undecies septem vel septies undecim, septuaginta et septem sunt. Undecim autem transgressionem denarii significant: ac si in denario perfectio beatitudinis significatur, unde est etiam illud, quod omnes conducti ad vienam, denario remunerantur (*Id. xx, 2-10*), quod sit cum septenaria creatura Trinitati Creatoris adjungitur; manifestum est quod transgressio denarii peccatum significat per superbiam plus aliiquid habere cupidientis, et integratatem perfectionemque amittentis. Hoc autem septies propterea dicitur, ut motu hominis facta significetur illa transgressio. Ternario enim numero incorporea pars hominis significatur; unde est quod ex toto corde, et ex tota anima, et ex tota mente jubemur diligere Deum (*Deut. vi, 5, et Math. xxii, 37*): quaternario vero corpus; multis enim modis quadripartita invenitur natura corporis. Ex his ergo conjunctis homo constans, non absurde septenario numero significatur. Motus autem in numeris non exprimitur, cum dicimus, Unum, duo, tria, quatuor, etc.; sed cum dicimus, Semel, bis, ter, quater: quapropter, ut dixi, non septem et undecim, sed septies undecim, significatur transgressio, quæ motu facta est hominis peccantis, hoc est perfectionis suæ stabilitatem transgredientis cupiditate amplius aliiquid habendi; ut tanto post per prophetam animas diceretur, Sperabas, si a me discessisses, aliiquid amplius te habituram? Ex quo vitio superbie omnia peccata silvescunt: quæ tamen dimittuntur, cum septuagies septies ignoscendum esse admonemur (*Math. xviii, 22*), ut intelligamus nullum peccatum excipi, quod pœnitenti et veniam deprecant per Ecclesiam, cujus personam Petrus gestat, non dimittatur.

VII. [Ib. vi, 9.] Quod dicit Dominus Iudeis, de eo qui habebat manum dexteram aridam, *Interrogabo vos si licet sabbato bene facere, an male; animam salvam facere, an perdere.* Quæritur, cum corpus curaverit, quare sic interrogaverit, *animam salvam facere, an perdere.* Vel quod illa miracula proprie fidei faciebat, ubi salus est animæ: vel quod ipsa sanatio manus dexteræ, salute animæ significabat, que a bonis operibus cessans, aridam quodammodo dexteram habere videbatur: vel animam pro homine posuit, sicut dici solet, Tot animæ ibi fuerunt.

VIII. [Ib. vi, 53.] Quod Dominus dicit, *Date, et distribuit vobis; mensuram bonam, confertam et coagitam et supereffuentem dabunt in sinum nostrum, ex illa sententia accipi potest, qua dicit et alio loco, Ut ipsi reci-*

(a) *Retract. lib. 2, cap. 12.*

pient ros in æterna tabernacula (Luc. xvi, 9) : ut plebi preceptum esse videatur, quod dictum est, Date, et dubitum vobis. Secundum quam sententiam dicit Apostolus, Communicet qui catechizatur verbo, ci qui se catechizat, in omnibus bonis (Galat. vi, 6). Non enim dicaret, dubunt in sinum vestrum, nisi quia per illorum merita, quibus vel caliceip aquæ frigide in nomine discipuli dederint, mercedem cœlestem recipere merebuntur (Mauth. x, 42).

IX. [Ib. vi, 39.] Quod Dominus dicit, *Numquid potest cœcus cœcum ducere? nonne ambo in foveam cadunt?* fortassis hoc ideo subjungerit, ne sperarent a Levitis se accepturos mensuram illam de qua dixit, *Dabunt in sinum vestrum, quoniam ipsis dabant decimas.* Quos eccos dixit, quia Evangelium non tenerent; ut illam remunerationem per discipulos Domini potius plebs inciperet jam sperare: quos imitatores suos volens ostendere, addidit etiam, *Non est discipulus super magistrum.*

X. [Ib. vi, 47, 48.] Quod Dominus dicit, *Omnis qui venit ad me, et audit sermones meos, et facit eos, ostendam vobis cui similis sit: similis est homini ædificanti domum, qui fodit in altum, et posuit fundamentum super petram; fodere dixit, humilitate christiana omnia terrena exhaurire de corde suo, ne propter aliquid tale Deum colat. In altum autem fodere, donec ad perpetram perveniat: in tantum Christum gratis sequi, et gratis eum colere, ut non solum non propter superflua, sed nec propter illa quæ videntur huic vita necessaria, et quæ sine culpa a quovis justo sumi et haberi possunt, tamen temporalia atque terrena sunt, colendus Deus putetur.*

XI. [Ib. viii, 32-35.] De pueris sedentibus in foro, et ad invicem clamantibus, converso ordine ad proposta respondit. Nam quod ait, *Lamentavimus, et non plorastis*, ad Joannem pertinet, cuius abstinentia a cibis et potu, luctum pornitentiae significabat. Quod autem ait, *Cantavimus tibi, et non saltastis*, ad ipsum Dominum, qui utendo cum ceteris cibo et potu, laetitiam regni figurabat. At illi nec humiliari cum Joanne, nec cum Christo gaudere voluerunt; dicentes illum dæmonium habere, istum voracem et ebriosum, et animalium publicanorum et peccatorum. Quod autem subjungit, *Et justificata est sapientia ab omnibus filiis suis*, ostendit filios sapientiae intelligere, nec in abstinentia, nec in manducando esse justitiam, sed in æquanimitate tolerandi inopiam, et temperantia per abundantiam non se corrumpendi, atque opportune sumendi vel non sumendi ea quorum non usus, sed concupiscentia reprehendenda est. Non enim interest omnino quid alimentorum sumas, ut succurras necessitatim corporis, dummodo congruas in generibus alimentorum his cum quibus tibi vivendum est. Neque quantum sumas, multum interest; cum videamus aliorum stomachum citius satiare, et eos tamen illi ipsi parvo quo satiantur, ardenter, et intolerabiliter, et omnino turpiter inhiare: alios autem plusculo quidem satiare, sed tolerabilius inopiam perpeti, et vel ante

ora⁴ positas epulas, si id in tempore aut opus sit, aut necesse sit, cum tranquillitate aspicere, neque tangere. Magis ergo interest, non quid vel quantum alimentorum pro congruentia hominum atque persone suæ et pro suæ valetudinis necessitate quis capiat; sed quanta facilitate atque serenitate animi careat, cum his vel oportet vel etiam necesse est carere: ut illud in animo christiani compleatur quod Apostolus dicit, « Scio et minus habere, scio et abundare (in omnibus et in omnibus imbutus sum), et satiari et esurire, et abundare et penuriam pati: omnia possum in eo qui me confortat (Philipp. iv, 12, 13); et illud, « Neque si manducaverimus, abundabimus; neque si non manducaverimus, egebimus (I Cor. viii, 8); et illud, » Non est enim regnum Dei esca et potus, sed justitia et pax et gaudium. » Et quia solent homines multum gaudere de carnalibus epulis, addidit, in *Spiritu sancto (Rom. xiv, 17)*. Justificatur ergo sapientia ab omnibus filiis suis, qui intelligunt utendis terrenis tempora opportuna esse debere; facilitatem vero carendi talibus, et amorem fruendi aeternis, non variari oportere per tempora, sed perpetuo retineri.

XII. [Ib. viii, 16.] Quod Dominus ait, *Nemo autem lucernam accendens operit eam vase, aut subitus lectum ponit; sed super candelabrum ponit, ut intrantes videant lumen;* qui verbum Dei timore carnalium incommodorum abscondit, ipsam utique carnem præponit manifestationi veritatis, et ea quasi cooperit verbum, timendo prædicare: eam itaque vasis et lecti nomine appellavit, sub quo lucernam ponere ait eum qui hoc facit.

XIII. [Ib. viii, 26-39.] Quod in regione Gerasenorum curavit Dominus eum in quo erat legio dæmoniorum, significat sunt Gentes quæ multis dæmonibus serviebant. Quod sine vestimento erat, non habebat fidem, etc. Quod in domo non habitabat, in conscientia sua non requiescebat. Quod in monumentis manebat, in mortuis operibus, hoc est peccatis, delectabatur. Quod autem compedibus ferreis et catenis ligabatur, significat graves et duras leges Gentium, quibus et in eorum republica peccata cohibentur. Quod etiam vinculis talibus disruptis agebatur a dæmonio in eremum, significat quod etiam ipsis transgressis legibus, ad eas scelera cupiditate ducebatur, que jam vulgarem consuetudinem excederent. Quod autem in porcos paſſentes in montibus dæmonia ire permitta sunt, significat immundos et superbos homines, quibus dæmonia dominantur per idolorum cultus. Quod autem in stagnum præcipitati sunt, significat quod jam clarificata Ecclesia, et liberato populo Gentium a dominatione dæmoniorum, in abditis agunt sacrilegos ritus suos (a), qui Christo credere poluerunt, cœca et profunda curiositate submersi. Quod autem pastores porcorum fugientes, ista nuntiaverunt, significat quosdam etiam primates impiorum, quanquam christianam legem fugiant, potentiam tamen ejus per gentes stupendo et

⁴ Rat. Am. et novem MSS., ante horam.

(a) Post Honorii leges contra idola datas anno 390. vid. lib. 18 de Civit. dei, cap. 51.

mirando prædicare. Quod Geraseni prodeunt videre quod factum est, et inveniunt hominem vestitum, et mente sana sedere ad pedes Jesu, et cognoscentes quid factum sit, rogamt Jesum ut ab eis discederet, magno timore perculsi; significat multitudinem vetusta sua vita delectatam, honorare quidem, sed nolle pati christianam legem, dum dicunt quod eam impiere non possint; admirantes tamen fidem populum a pristina perdita conversatione sanatum. Quod ille cupit jam esse cum Christo, et dicitur ei, *Redi domum tuam, et enarra quanta tibi fecit Deus;* ex illa Apostoli sententia recte potest intelligi, cum ait, *Dissolvi et esse cum Christo, multo magis optimum; manere in carne, necessarium propter vos* (*Philipp. i, 23*). Ut sic quisque intelligat post remissionem peccatorum redeundum sibi esse in conscientiam bonam, et servendum Evangelio propter aliorum etiam salutem, ut deinde cum Christo requiescat: ne cum prepropere jam vult esse cum Christo, negligat ministerium prædicationis, fraternæ redemptioi accommodatum.

XIV. [Ib. x, 1.] De septuaginta duobus discipulis: sicut viginti quatuor horis totus orbis peragitur, atque a sole lustratur; ita mysterium ¹ illustrandi orbis per Evangelium Trinitatis in septuaginta duobus discipulis intimatur. Viginti quatuor enim ter in septuaginta duabus ponimus. Quod autem binos mittit, sacramentum est charitatis: sive quia duo sunt charitatis præcepta, sive quia omnis charitas minus quam inter duos esse non potest.

XV. [Ib. xi, 35.] *Si lumen quod est in te, tenebrae sunt, ipsæ tenebrae quantæ* (*Matt. vi, 23*)? Lumen dicit bonam intentionem mentis, qua operamur: tenebras autem ipsa opera appellat, sive quia ignoratur ab aliis quo animo illa facianus, sive quia corum exitum etiam ipsi nescimus, id est, quomodo exeat atque proveniant eis quibus nos ea bono animo impendimus. Plerumque enim beneficiis nostris male utendo corrumpuntur, quibus nos ea misericorditer benevolia intentione prestamus.

XVI. [Ib. xi, 39.] *Nunc vos, Pharisæi, quod deforis est calicis et catini, mundatis.* Hinc et dñeceps quod dicit in Pharisæos et Legis doctores, hoc est quod superius dixit, *Obfirmaverat faciem in Jerusalem* (*Luc. ix, 51*), ut eis aperte vera diceret vitia et peccata eorum.

XVII. [Ib. xi, 20.] Ideo dicitur Spiritus sanctus datus Dei, propter partitionem donorum quæ in eodantur, unicuique propria, sive hominum, sive Angelorum. In nullis enim membris nostris magis appetit partitio, quam in digitis.

XVIII. [Ib. v, 33-38.] Jejunium aut in tribulatione est, aut in gaudio: in tribulatione, ad propitiandum Deum pro peccatis; in gaudio vero, cum tanto minus lelectant carnalia, quanto spiritualiùm major sagina est. Cum ergo Dominus interrogatus esset cur discipuli ejus non jejunarent, de utroque jejunio respondit. Namque ad illud quod in tribulatione jejunari solet, pertinet quod ait, sponsi filios tunc jejunaturos, cum libeis ablatus fuerit sponsus: tunc enim desolabuntur,

¹ lat. et Ms. Cisterciensis, ministerium.

et in moerore ac luctu erunt, donec eis per Spiritum sanctum gaudia consolatoria retrahuantur. Quod dono percepto, etiam jejunii alterum genus, quod sicut per laetitiam, jam renovati in vitam spiritualem conveniens celebrabunt. Quod antequam accipiunt, dicit eos tanquam vetera vestimenta, quibus inconvenienter novus pannus assuitur, id est aliqua particula doctrinæ, quæ ad nova vitae temperantiam pertinet; quia si hoc fiat, et ipsa doctrina quodammodo scinditur, cuius particula quæ ad jejunium ciborum valet, inopportune traditur, cum illa doceat generale jejunium, non a concupiscentia ciborum tantum, sed ab omni laetitia temporalium delectationum: ejus quasi pannum, id est partem aliquam, quæ ad cibos pertinet, dicit non oportere hominibus adhuc veteri consuetudini deditis impertiri; quia et illine quasi concessio videtur fieri, et ipsi vetustati non convenit. Dicit etiam similes eos esse veteribus utribus, quos vino novo, id est spirituibus praecaptis, facilius disrupti, quam id continere dicit. Erant autem jam utres novi, cum post ascensum Domini, desiderio consolationis ejus orando et sperando innovabantur. Tu: è enim accepérunt Spiritum, sanctum, quo impleti, cum omnium, qui de diversis gentibus aderant, linguis loquerentur, dicti sunt musto pleni (*Act. ii, 1-13*). Novum enim vinum jam novis utribus venerat.

XIX. [Ib. x, 50-57.] *Homo quidam descendebat ab Jerusalem in Jericho:* ipse Adam intelligitur in genere humano. *Jerusalem,* civitas pacis illa cœlestis, a cuius beatitudine lapsus est. *Jericho,* Luna interpretatur, et significat mortalitatem nostram, propter quod nascitur, crescit, senescit, et occidit. *Latrones,* diabolus et angeli ejus ¹: qui eum spoliaverunt immortalitate: et plagi impositi, peccata suadendo: reliquerunt semivivum: quia ex parte qua potest intelligere et cognoscere Deum, vivus est homo; ex parte qua peccatis conturbescit et premitur, mortuus est, et ideo semivivus dicitur. Sacerdos autem et Levita qui eo viso præterierunt, sacerdotium et ministerium Veteris Testamenti significant, que non poterant professe ad salutem. Samaritanus, Custos interpretatur: et ideo ipse Dominus significatur hoc nomine. Alligatio vulnerum, est cohibitus peccatorum. Oleum, consolatio spei bonæ, propter indulgentiam datam ad reconciliationem pacis. Vinum, exhortatio ad operandum ferventissimo spiritu. Jumentum ejus, est caro in qua ad nos venire dignatus est. Imponi jumento, est in ipsam incarnationem Christi credere. Stabulum, est Ecclesia, ubi resciuntur viatores de peregrinatione redeentes in æternam patriam. Altera dies, est post resurrectionem Domini. Duo denarii, sunt vel duo præcepta charitatis, quam per Spiritum sanctum accepérunt Apostoli ad evangelizandum cœteris; vel promissio vitæ presentis et future. Secundum enim duas promissiones dictum est, *Accipiet in hoc saeculo septies tantum* ², et in saeculo

¹ sic octo MSS. At editi excepto lat., senescit. Et incidit in latrones, diabolum et angelos ejus.

² Editi, centies tantum. At MSS. codices, suffragante Eusebijo, septies tantum. sic profecto Augustinus in opere super Epistolam ad Galatas, cap. 2, v. 6, etc. forte pro græco, cito-

futuro vitam aeternam consequetur (*Math. xix, 29*). *Strabularius ergo est Apostolus. Quod supererogat, aut illud est consilium quod ait, De virginibus autem praeceptum Domini non habeo, consilium autem do* (*I Cor. vii, 25*) . aut. quod etiam manibus suis operatus es, ne infirmorum aliquem in novitate Evangelii gravaret, cum ei licet pasci ex Evangelio (*II Thess. i, 8, 9*).

XX. [Ib. x, 58-42.] Quod *Martha exceptit illum in domum suam*, significat Ecclesiam quae nunc est, *excepientem Dominum in eorū suum*. *Maria soror ejus quae sedebat ad pedes Domini, et audiebat verbum ejus* significat eamdem Ecclesiam, sed in futuro seculo, ubi cessaus ab opere ministratio, que indigentia, sola sapientia perficitur. *Martha ergo occupata est circa multum ministerium*; quia nunc talibus operibus exercetur Ecclesia. *Quod autem queritur quod se soror ejus non adjuvet, occasio datur sententiae Domini*, quia ostendit istam Ecclesiam sollicitam esse et turbari circa plurima, cum sit unum necessarium, ad quod per ministerium hujus merita pervenitur. *Mariam vero dicit optimam partem e'gisse, quae non auferetur ab ea*: et ideo intelligitur optima, quia et per hanc ad illam tenditur, et non auferetur; illa vero ministerii, quamvis sit bona, tamen auferetur, quando indigentia, cui ministratur, transferit.

XXI. [Ib. xi, 5-8.] Amicos ad quem venitur media nocte ut accomm̄det tres panes, utique ad similitudinem ponitur, secundum quam quis *Teum roget in media tribulatione constitutus*, ut ei tribuat intelligentiam Trinitatis, qua praesentis vite consoletur labores. Sed comparatio est a minore. Si enim amicus homo surgit de lecto, et dat, non amicitia, sed tedium compulsus; quanto magis Deus dat, qui sine tedium largissime donat quod petitur, sed ad hoc se peti vult, ut capaces donorum ejus siant qui petunt? In tribus autem panibus etiam illud significatur, unius esse substantia Trinitatem. Amicus autem, quem dicit ille qui petit, venisse de via, et non se habere quod ponat ante illum, intelligitur hominis appetitus, qui debet obtemperare rationi. Serviebat autem consuetudini temporali, quam viam vocat, propter omnia per tempus transiuntia. Converso autem homine ad Deum, etiam ille appetitus a consuetudine revocatur: sed si non consolatur interius gaudium de doctrina spirituali, qua Creatoris Trinitatis predicatur, magna angustia sunt in homine, quem premit armina mortalis, cum ab iis quae foris delectant, precipitor abstinentia, et intus non est refectio de letitia doctrine salvatoris¹; et ipsa angustia est media nox, qua cogitur vehementer instare petendo, ut accipiat tres panes. *Quod autem ei dicitur de intus, jam ostium clausum esse*, pueros quoque ejus cum eo in calidi esse, significat tempus famis verbi, cum intelligentia claudatur, et illi qui evangelicam sapientiam tanquam panem erogantes, per orbem terrae praedicaverunt, pueri patrisfamilias jam sunt in secreta quiete cum Dominis *ontoplastiona*, quod exstat *Math. cap. 19, v. 29*, et *Marc. cap. 10, v. 50*, legerat interpres, *heptoplastiona*.

¹ duo MSS., *spiritualis*. Rat. et MS. Cisterciensis, *salvatoris*.

no: et tamen orando efficitur ut accipiat desiderans intellectum ab ipso Deo, etiamsi homo desit per quem sapientia praedicetur.

XXII. [Ib. xi, 12] *De pane, pisce, et ovo, quibus contraria posuit, lapidem, serpentem et scorponem*. Intelligitur panis charitas, propter maiorem appetitum, et tam nece sarcum ut sine illa cetera nihil sint, sicut sine pane mensa inops²: cui contraria est cordis duritia, quam lapidi comparavit. Pisces autem intelligitor fides invisibilium, vel propter aquam Baptismi, vel quia de invisibilibus locis capitur; quod etiam filies hujus mundi fluctibus circumlatrata non frangitur, recte pisces comparatur: cui contrarium posuit serpentem, propter venena fallacie, quae etiam primo homini male suadendo preseminavit. In ovo intelligitur spes; ovum enim nondum est fetus perfectas, sed fovento speratur: cui contrarium posuit scorponem, cuius aculeus venenatus retro timendum est; sicut spei contrarium est retro respiceret, cum spes futurorum in ea quae ante sunt, se extendat.

XXIII. [Ib. xi, 52] *De eo quod dicit Dominus Scriptis vel doctoribus Iudeorum, Tulisti clavem scientie; ipsi non introistis, et eos qui intrabant, prohibuistis*: quod in Scriptura Dei humilitatem Christi nec ipsi intelligere³, nec ab aliis intelligi volebant.

XXIV. [Ib. xii, 25.] *Quod Dominus dicit discipulis: Anima plus est quam resca, et corpus quam vestimentum*, et utique, si hoc tibi dedit quod plus est, quanto magis dabit quod minus est!

XXV. [Ib. xii, 55.] *Quod Dominus dicit, Sint lambi vestri accincti*; propter continentiam ab amore rerum saecularium: *lucernae ardentes*; hoc ipsum ut vero fine et recta intentione faciatis.

XXVI. [Ib. xii, 42.] *Quod Dominus dixit Petro, Quis, putas, est fidelis dispensator et prudens, quem constituet Dominus super familiam suam, ut det illis in tempore tritici mensuram?* mensuram dicit propter modum capacitatis quorunque audientium.

XXVII. [Ib. xii, 54, 55.] *Quod Dominus dicit, Cum ruderitis nubem orientem ab occasu, carnem suam a morte resurgentem significat*: ex illo enim omnibus terris imber evangelicae predicationis infusus est. *Austrum flantem ante astus, tribulationes leviores ante iudicium*.

XXVIII. [Ib. xii, 26.] *Quod Dominus dicit, Si enim quod minimum est, non potestis, cum de augenda corporis statura diceret; minimum est enim hoc, sed Deo, corpora operari*.

XXIX. [Ib. xii, 29] *Cum diceret discipulis, non debere haberi sollicititudinem de cibis*, ait, *Et nolite in sublime extolliri*. Primo enim haec ad necessitatem implendam homo querit: cum autem haec abundaverint, incipit et superbire de talibus. Tale est hoc ac si se vulneratus quis jactet quia habet multa emplastrum in domo, cum hoc illi bonum esset ut vul-

¹ *Lugd. Ven. Lov.*, mensa est inops. M.

² sic plerique MSS. At editi, quod in *Scriptura de humanitate Christi* dicitur, quam nec ipsi intelligere.

nera non haberet, et ne uno quidem indigeret emplastro.

[Ib. xiv, 2, 5; xiii, 11-16.] (a) Congruenter hydroponium animali quod cecidit in puteum, comparavit; humore enim laborabat: sicut et illam mulierem quam decem et octo annis alligatam dixerat, et ab eadem alligatione solverebat, comparavit jumento quod solvitur, ut ad aquam ducatur. Hydroponem autem recte comparamus diviti avaro: sicut enim ille quanto magis abundat humore inordinato, tanto amplius sitit; sic iste quanto est copiosior divitiis, quibus non bene utitur, tanto ardentius talia concepit. Illam vero ita morbo incurvataam, ut se erigere non posset, animæ¹ terrenis opinionibus debilitate atque oppressæ, ita ut divina cogitare non valeat.

XXX. [Ib. xiv, 21, 23.] Quod de civitate adducit invitatos ad coenam, de ipsa gente Iudeorum qui crediderunt significat, debiles peccatis, non habentes superbiam quasi justitiae, quæ mendax primates eorum a gratia prohibebat. Quod autem de sepibus et viis alios adduci jussit, cum adhuc locus esset, Gentes significat, propter diversas vias sectarum et spiritus peccatorum.

XXXI. [Ib. xiv, 28-33.] Sumptus ad turrem ædificandam, vires ad discipulatum Christi obtinendum: et decem millia præliaturi cum rege qui habebat viginti millia, simplicitatem christiani dimicaturi cum duplicitate diaboli, hoc est cum dolis et fallaciis ejus, In affectu constituit² renuntiantis omnibus quæ sunt ejus. Ita enim concludit: *Sic ergo omnis ex vobis qui non renuntiat omnibus quæ sunt ejus, non potest meus esse discipulus.* Inter quæ omnia etiam ipsa temporalis vita intelligatur necesse est, quam oportet sic possidere ad tempus, ut non te impediatur ab alterna, qui eam fuerit minatus auferre. Sicut autem de turri non perfecta, per opprobrium deterruit dicentium, *Quia hic homo cœpit ædificare, et non potuit consummare:* sic in rege cum quo dimicandum est, ipsam pacem accusavit, cum ait, *Adhuc illo longe agente, legationem mittens rogat ea quæ sunt pacis;* significans etiam iniuras imminentium a diabolo temptationum, non sustinere homines qui non renuntiant omnibus quæ possident, et pacem cum eo facere consentiendo illi ad committenda peccata. Turrem quippe ædificare, et contra regem illum dimicare, esse discipulum Christi est: habere autem sumptus ad perficiendam turram, et habere fortia decem millia contra viginti millia regis, renuntiare est omnibus quæ sunt ejus.

XXXII. [Ib. xiv, 34, 35, xv, 4-10.] Salem infatuum, apostamat: Ovem perditam, omnes peccatores

¹ Editi, refragantibus MSS. addunt hic, assimilari: pro quo sursumdiendum est, comparamus. Et mox stat. An. et Er. tacent, *terrenis opinionibus vel operibus.*

² Sic Ven. et Lov. dant hunc locum: *vires sunt... ostendunt simplicitatem christiani populi... in affectu constituti.* Sic etiam Lügd., ea tamen discrecunt, quod uincit septem sint haec voces, *sunt, ostendunt, populi.* M.

(a) De reliqua parte hujus questionis nihil habet ipsis titulis in Elencho, supra, pag. 1324. Exstat tamen etiam apud Egiyptum, cum titulo auctioire his verbis: « El de hydroponico, vel de muliere curvata. »

dixit, qui per poenitentiam reconciliantur Deo. Nam humeris suis portat, quia humiliando se tales erexit. Ideo antem illas nonaginta novem dixit, quas reliquit in deserto, quia superbos significant, tanquam solitudinem gerentes in animo, dum solos se videri volunt, quibus ad perfectionem unitas deest. Cum enim quisque a vera unitate divellitur, superbia divellitur: sua quippe potestatis esse cupiens, non sequitur unum, quod Deus est. Ideoque et in nonaginta novem ovibus et in novem drachmis ponit eorum significationem, qui de se presumentes peccatoribus ad salutem reduntibus se preponunt. Unum enim deest ad novem ut decem sint, et ad nonaginta novem ut centuin sint. Et si per ceteros numeros hoc consideres. Nam et nongentis nonaginta novem, unum deest ut mille sint, et ad novem millia nougenta nonaginta novem, unum deest ut decem millia sint. Variari ergo per brevitatem et magnitudinem numeri possunt, quibus unum deest ut perficiantur: ipsum vero unum sine varietate in se manens cum accesserit perficit, cui deputat omnes per poenitentiam reconciliatos, quæ humilitate obtinetur.

XXXIII. [Ib. xv, 11-32.] Homo habens duos filios, Deus ad duos populos intelligitur, tanquam stirpes duas generis humani: unam eorum qui permanerunt in unius Dei cultu, alteram eorum qui usque ad collenda idola deseruerunt Deum. Ab ipso autem exordio creaturæ mortalium consideratio debet intendi. Major ergo filius ad cultum unius Dei pertinet. Minorum in regionem longinquam profectum esse dicit. Petuit enim ut sibi pars substantiæ quæ cum tangeret, daretur a patre, tanquam anima potestate sua delectata, id quod illi est vivere, intelligere, meminisse, ingenio alaci excellere: omnia ista divina sunt munera, quæ in potentiam accipiens per liberum arbitrium, quia divisit pater liberis substantiam, minor filius in regionem longinquam profectus est, male utendo naturalibus bonis, eo ipso quod patrem deseruit cupiditate fruendi creatura, relicto ipso Creatore.

Quod non post multos dies dixit factum, ut congregatis omnibus peregre proficeretur in regionem longinquam: quia non multo post institutionem humani generis placuit animæ per liberum arbitrium ferre secum quamdam velut potentiam naturæ suæ, et deserere eum a quo condita est, præsidens viribus suis; quas vires tanto consumit citius, quanto eum deserit a quo date sunt. Itaque hanc vitam prodigam vocat, amantem fundere atque spatiari pompis exterioribus, intus inanescensem, cum ea quisque sequitur quæ ab illa procedunt, et relinquat eum qui sibi est interior. Regio itaque longinqua, oblivio Dei est. Fames autem in illa regione, est indigentia verbi veritatis. Unus civium regionis illius, aliquis aerius princeps ad militiam diaboli pertinens. Villa ejus, modus potestatis ejus. Porci, immundi spiritus qui sub ipso essent. Siliquæ quibus porcos pascebant, secularares doctrine, sterili vanitate resonantes; de quibus laudes idolorum fabularemque ad deos Gentianæ

peripentinii vario sermone atque carminibus percrepant, quibus daemonia delectantur: unde cum iste saturari cupiebat, aliquid solidum et rectum quod ad beatam vitam pertineret, invenire volebat in talibus, et non poterat. Hoc est enim quod ait, *Et nemo illi dabat.*

In se autem reversus, jam scilicet ab eis quae fornicatus frustra illiciunt et seducunt, in conscientiae interiora reducem faciens intentionem s:am, dixit, Quanti mercenarii in domo patris mei abundant panibus! Unde hoc scire poterat, in quo erat tanta oblitio Dei, sicut in omnibus idololatris fuit, nisi quia ista recognitio jam resipiscens est, cum Evangelium praedicaretur? Jam enim poterat talis animadvertere multos praedicare veritatem, inter quos quidam essent non ipsius amore veritatis ducti, sed cupiditate comparandorum secularium commodorum. De quibus dicebat Apostolus, esse quosdam qui Evangelium annuntiarent non caste (*Philipp. i, 17*), existimantes quæstum esse pietatem (*I Tim. vi, 5*). Non enim aliud annuntiabant, sicut haeretici; sed hoc quod apostolus Paulus, non eo tamen animo quo apostolus Paulus: unde et mercenarii recte appellantur, in eadem quidem domo cumdem panem verbi tractantes; non tam in haereditatem aeternam vocati, sed temporali mercere conducti. De talibus dictum est, *Amen, dico vobis, percepserunt mercedem suam* (*Math. vi, 2*). Ego ergo, inquit, *hic fame pereo.* Deinde ait, *Surgam, quia jacebat: et ibo, quia longe aberat: ad patrem meum, quia sub principe pororum erat.* Cetera verba sunt penitentiam meditantis in confessione peccati, nondum tamnam agentis. Non enim jam dicit patri, sed dictorum se esse promittit cum venerit. Intelligas igitur hoc nunc accipiendum esse venire ad patrem, in Ecclesia constitui per fidem, ubi jam possit esse peccatorum legitima et fructuosa confessio. Quid ergo patri dictorum se dici? *Pater, peccavi in cælum et coram te, et jam non sum dignus vocari filius tuus; fac me sicut unum de mercenariis tuis.* Utrum hoc est *Peccavi in cælum, quod est Coram te;* ut cælum appellaverit ipsam summittatem Patris: unde est etiam illud in Psalmo, *A summo cælo egressio ejus* (*Psal. xviii, 7*), cum ab ipso Patre vellet intelligi? An potius, *Peccavi in cælum, coram sanctis animis,* in quibus est sedes Dei: *Coram te autem, in ipso penetrali interiori conscientiae?*

Et surgens venit ad patrem suum. Cum autem adhuc longe esset: antequam intelligeret Deum, sed tamquam iam pie quereret, *Vidit illum pater ipsius.* Impios enim et superbos convenienter non videre dicitur, tanquam ante oculos non habere: ante oculos enim haberi, nonnisi qui diliguntur, dici solent. *Et misericordia motus est: et accurrens cecidit super colum ejus.* Non enim Pater unigenitum Filium deseruit, in quo usque ad nostram longinquam etiam peregrinationem cucurrit atque descendit; quia Deus erat in Christo mundum reconcilians sibi (*Il Cor. v, 19*): et ipse Dominus ait, *Pater in me manens ipse facit opera sua* (*Joan. xiv, 10*). Quid est autem, super colum ejus cadere, nisi inclinare et humiliare in am-

plexum ejus brachium suum? *Et trachium Domini cui revelatum est* (*Isai. LIII, 4*)? quod est utique Dominus noster Jesus Christus. *Et osculatus est illum.* Consolari verbo gratiae Dei ad spem indulgentiae peccatorum, hoc est, post longa itinera remeautem mereri a patre osculum charitatis. Et incipit jam peccata constitutus in Ecclesia confiteri. Nec dicit omnia quæ dicturum se esse promiserat, sed usque ad illud, *Non sum dignus vocari filius tuus.* Hoc enim vult fieri per gratiam, quo se indignum esse per merita fatetur. Non addit quod in illa meditatione dixerat, *Fac me sicut unum de mercenariis tuis.* Cum enim panem non haberet, vel mercenarius esse cupiebat: quod post osculum patris generosissime jam deditigatur.

Stola prima, est dignitas quam perdidit Adam. Servi qui eam proferunt, reconciliationis prædicatores. Annulus in manu, pignus Spiritus sancti propter gratiae partitionem¹, quæ dígito bene significatur. Calceamenta in pedes, præparatio evangelizandi ad non tangenda terrena. Vitulus saginatus, ipse idem Dominus, sed secundum carnei satiatus opprobriis. Quod autem imperat ut adducant eum, quid aliud, nisi ut prædicens eum, et annuntiando venire faciant in exhausta fame viscera filii esurientis? Nam etiam ut occident eum jubet, hoc est, ut mortem ejus insimunt: tunc enim quinque occidunt, cum credit occisum. *Et epulemur,* inquit: hoc ad latitudinem valet, propter illa quæ consequenter dicit, *Quia hic filius meus mortuus erat, et revixit; perierat, et inventus est.* Et iste epula atque festivitas nunc celebrantur, per orbem terrarum Ecclesia dilatata atque diffusa. Vitulus enim ille in corpore et sanguine Dominicō et offeratur Patri, et pascit totam dominū.

Cum interea major filius, populus Israel secundum carnem, non quidem profectus in longinquam regionem, sed tamnam in domo non est. In agro autem est, id est, in ipsa hereditaria opulentia Legis et Prophetarum terrena potius operatur, et in quibuscumque Israeliticis considerationibus². Nam multi tales inventi sunt in eis, et sœpe inveniuntur. Veniens de agro domini propinquare cœpit, id est, labore servilis operis improbato, ex iisdem Scripturis Ecclesia libertatem consideravit. Audit symphoniam et chorum, scilicet Spiritu plenos³ vocibus consonis Evangelium prædicare: quibus dictum est, *Obsecro vos, fratres, per nomen Domini nostri Iesu Christi, ut id ipsum dicatis omnes* (*I Cor. i, 10*). Audit quoque concorditer conversantium animam et cor unum in laudes Dei. Vocat unum de servis, et interrogat quæ illa sint: sumit utique ad legendum aliquem Prophetarum, et in eo quærens, quodammodo interrogat unde ista festa in Ecclesia celebrantur, in qua se esse non videt. Respondet ei servus patris propheta: *Frater tuus venit, et occidit pater tuus titulum saginatum, quia sal-*

¹ Lov., participationem. Alli codices, partitionem: melius, ut supra, quæst. 17.

² Sic Rat. et quatuor MSS. At Am. et Er., *Israelitis consideratoribus.* Lov., *Israelitis considerationibus.* Ms. Michaelius *Israelitis consideratioribus.*

³ Rat. et duo MSS., *spiritu sancto plenos.*

vum illum recepit. In extremis enim terræ fuit frater tuus. Sed inde major exsultatio cantantium Domino canticum novum, quia laus ejus ab extremis terræ (*Isai. xlvi, 10*); et propter eum qui absens erat, occisus est vir in plaga positus, et sciens ferre imbecillitatem (*Id. lxx, 3*); quia quibus non est narratum de eo, viderunt; et qui non audierunt, intellexerunt (*Id. lxx, 15*).

Sed indignatur etiam nunc, et adhuc non vult introire. Cum ergo plenitudo Gentium intraverit, egreditur opportuno tempore pater ejus, ut et jam omnis Israel salvus fiat: cui ex parte excitas facta est velut absentia in agro, donec plenitudo filii minoris longe in idolatria Gentium constituti redux ad manducandum vitulum intraret (*Rom. xi, 25*). Erit enim quandoque aperta vocatio Judeorum in saletem Evangelii. Quam manifestationem vocationis, tanquam egressum patris appellat ad rogandum maiorem filium.

Deinde quæ respondet idem major filius, duas quæstiones habent: quomodo videlicet accipiat ille populus nunquam mandatum Dei præterisse; et quem dicat haecum quem nunquam accepit, ut cum amicis suis epularetur. Sed de mandato non præter gresso facile illud occurrit, neque de omni mandato dictum esse, sed de uno maxime necessario, quo nullum Deum alium præter unum Creatorem omnium ecclere Iesus est (*Exod. xx, 5*): neque iste filius in omnibus Israëlitis, sed in his intelligitur habere personam, qui nunquam ab uno Deo ad simulacra conversi sunt. Quanquam enim tanquam in agro positus iste filius terrena desideraret, ab uno tamen Deo ista desiderabat bona, quamvis communia cum pecoribus. Unde in Psalmo ex persona Synagoga, quod interpretatur Asaph, convenienter accipitur dictum, *Quasi prece fœtus sum ad te, et ego semper tecum* (*Psal. lxxii, 23*). Quod etiam patris ipsius testimonio comprobatur, cum dicit, *Tu mecum es semper*. Non enim quasi mentientem redarguit, sed secum perseverantiam ejus approbans, ad perfrunctionem potioris atque jucundioris exultationis invitat.

Quis est ergo haecum quem nunquam accepit ad epulandum? Peccator profecto hædi nomine significari solet. Sed absit ut Antichristum intelligam. Non enim exitum iaventio hujusc sententiae. Multum enim absurdum est, cum ei dicatur, *Tu mecum es semper*, hoc a patre optasse, ut Antichristo crederet. Neque omnino in eis Judeorum, qui Antichristo credatur sunt, istum filium fas est intelligi. Quomodo autem epularetur ex illo haedo, si ipse esset Antichristus, qui ei non crederet? Aut si hoc est epulari ex hædi occasione, quod est de Antichristi perditione ketari, quomodo dicit filius quem recepit pater hoc sibi non fuisse concessum, cum omnes filii Dei de illius adversarii damnatione ketatur sint? Nimirum ergo (quod in re obscurissima sine prejudicio diligenteris inquisitionis dixerim) ipsum Dominum sibi negatum ad epulandum conqueritur, dum eum peccatorem putat. Cum enim haecum est illi genti, id est,

cum cum sabbati violatorem et profanatorem Legis existimat, jucundari epulis ejus non meruit: ut quod ait, *Nunquam dedisti mihi hædum, ut cum amicis meis epularer*; tale sit ac si diceret, eum qui mihi hædus videbatur, nunquam dedisti mihi ad epulandum, eo ipso mihi illum ipsum non concedens, quo mihi hædes videbatur. Quod autem dicit, *cum amicis meis*, aut ex persona principum cum plebe intelligitur, aut ex persona populi Jerosolymitani cum cæteris populis Juda. Meretrices autem cum quibus dissipasse substantiam suam filius junior accusatus est, recte intelliguntur superstitiones, relicto uno connubio legitimo verbi Dei, cum turba daemoniorum cupiditate turpissima fornicari.

Quid deinde sibi vult quod cum pater diceret, *Tu mecum es semper*, quod jam tractatum est, addidit, *Et omnia mea tua sunt?* Quia in re primo cavendum est ne intelligas ita dictum, *omnia mea tua sunt*, quasi non sunt et fratris, ut tanquam in terrena hæreditate, patiaris angustias, quoniam possunt omnia esse majoris, si habet ibi etiam junior partem suam. Sic enim a perfectis et purpurgatis, ac jam immortalibus filiis habentur omnia, ut sunt et omnium singula, et omnia singularum. Ut enim cupiditas nihil sine angustia, ita nihil cum angustia charitas tenet. Sed quomodo omnia? Num et Angelos, ait aliquis, et Virtutes subtilles ac Potestates, atque universa ecclæstia Dei ministeria Deus in possessionem tali filio subjicisse putandus est? Si possessionem sic accipias, ut ejus possessio ipse sit dominus; non utique omnia. Non enim domini erunt, sed consortes potius Angelorum, de quibus dictum est, *Erant aquales Angelis Dei* (*Matth. xxii, 50*). Si vero possessio sic intelligitur, quomodo recte dicimus possidere animas veritatem; non inventio eur non vere ac proprie accipere possimus omnia quæ dicta sunt omnia. Non enim illud ita loquitur, ut dominas veritatis di animas animas, quam ab eis dicimus possideri. Aut si nomine possessionis ad hunc sensum impediatur, id quoque auferatur. Non enim ait pater, *Omnia in possessionem tibi dabo*, sive, *Omnia mea possides vel possidebis*; sed, *Omnia mea tua sunt*. Nec tamen ita sunt ejus, ut ipsius Dei. Quod enim est in nostra pecunia, potest familie nostræ vel alimentum esse vel ornamentum, vel aliquid hujusmodi. Et certe cum ipsum patrem recte ille posset suum dicere, non video que ipsius recte sua vocare non possit, diversis duntaxat modis. Cum enim beatitudinem illam obtinuerimus, nostra erunt ad vivendum superiora, nostra erunt ad convivendum aequalia, nostra erunt ad dominandum inferiora. Congaudeat ergo securissimus major frater, quia junior frater *morts erat, et revixit; perierat, et inventus est*.

XXXIV. [lb. xvi, 4 9.] In villico quem Dominus ejiciebat de villicatu, et laudavit eum quod in futurum sibi prospexerit, non omnia debemus ad imitandum sumere. Non enim aut Domino nostro facienda est in aliquo fraude, ut de ipsa fraude elemosynas faciamus, aut eos a quibus recipi volumus in tabernacula eterna, tanquam debitores Dei et Domini nostri fas

est intelligi; cum justi et sancti significantur hoc loco, qui eos introducant in tabernacula aeterna, qui necessitatibus suis terrena bona communicaverint; de quibus etiam dicit, quod si quis alicui eorum calicem aquae frigide dederit tantum in nomine discipuli, non perdet mercedem suam (*Math. x.*, 42): sed etiam e contrario ducuntur istae similitudines, ut intelligamus, si laudari potuit ille a Domino qui fraudem faciebat, quanto amplius placeant Domino Deo, qui secundum ejus praeceptum illa opera faciunt; sicut etiam de judee iniquitatis qui interpellabatur a vidua, comparationem duxit ad judicem Deum, cui nulla ex parte iudex ieiunus conferendus est (*Luc. xviii.*, 2-8). Quod autem de centum cadiis olei, quinquaginta scribi fecit a debitore; et de centum coris tritici, octoginta; ad nihil aliud valere arbitror, nisi ut ea que similiter atque in *Levitas Iudei*, quisque operatur in Christi Ecclesiam¹, abundet justitia ejus super Scribarum et Pharisaeorum (*Math. v.*, 20), ut cum illi decimas darent, is: i dimidias dent: sicut non de fructibus, sed de ipsis bonis suis fecit Zacheus (*Luc. xix.*, 8); aut certe duplacet decimam, ut duas decimas dando superat impendia Iudeorum. Mammona vero iniquitatis ob hoc a Domino appellata est ista pecunia, quam possidemus ad tempus, quia Mammona divitiae interpretantur, nec sunt iste divitiae nisi iniquis, qui in eis constituant spem atque expectiam beatitudinis sue: a justis vero cum haec possidentur, est quidem ista pessima, sed non sunt illis divitiae nisi celestes et spirituales, quibus indigentiam suam spiritualiter supplentes exclusa egestate misericordie, beatitudinis copia ditantur.

XXXV. [Ib. xvi., 12.] Quod dicit, *Si in alieno fides non fuistis*, alienas appellat terrenas facultates; quia nemo eis secum moriens auseit. Hoc est quod dicit David: *Ne timueris cum dives factus fuerit homo, et cum multiplicata fuerit gloria domus eius; quoniam non, cum morietur, accipiet omnia, neque simul descendet cum eo gloria eius* (*Psal. xlviij.*, 17, 18).

XXXVI. [Ib. xvi., 13.] Qued ait, *Aut unum odiet, et alterum diligit; aut unius adhæredit, et alterum contemnet*, non si e consideratione distingueda sunt. Non enim passim aut quasi temere dicta sunt. Nemo enim interrogatus utrum diligat diabolum, respondet se diligere, sed potius odire: Denique autem se diligere omnes fratres proclamant. Ergo aut unum odiet, et alterum diligit, ut fieri debet: odiet scilicet diabolum, diligit Deum. Quod vero adjunxit, *Aut alteri adhæredit, et alterum contemnet*: adhaerit scilicet diabolo, cum quasi ejus praemia temporalia sectatur; contemnet autem Deum. Non dixit, odiet, sed contemnet: sicut solent minas ejus postponere cupiditatibus suis, qui de bonitate ejus ad impunitatem sibi blandiuntur. Quibus per Salomonem dicitur: *Fili, ne adjicias peccatum super peccatum, et dicas, Miseratio Dei magna est* (*Eccli. v.*, 5, 6).

¹ Ita melioris notæ MSS. neconon Rat. Am. et Er., nisi quod in his editionibus pro, *Ecclesiam*, legitur, *Ecclesia*. At apud Lov. haec sic: *Quæ similius in sacerdotes, atque in levitas Iudei, quisque operatur in Christi Ecclesia*.

XXXVII. [Ib. xvi., 16.] *Regnum cœlorum vim patitur, et qui vim faciunt, diripiunt illud* (*Math. xi.*, 12). Non solum ut quisque ista contemnet, sed etiam linguas deridentium se talia contemnentem: hac enim vi facta invadit quodammodo quasi predator violentus regnum cœlorum. Hoc enim subjunxit Evangelista, cum dixisset derisum suisse Jesum a Pharisæis, cum de contempnendis terrenis divitiis loqueretur.

XXXVIII. [Ib. xvi., 19-31.] *Homo quidam erat dives, et induebatur purpura et byssos, et epulabatur quotidie splendide, et cetera.* Per allegoriam sic accipi possunt, ut in divite intelligentur superbi Judeorum, ignorantes Dei justitiam, et suam volentes constituere (*Rom. x.*, 3). Purpura et byssus, dignitas regni est. *Et auctoretur, inquit, a vobis regnum Dei, et dabitur genti facienti justitiam* (*Math. xxi.*, 43). Epulatio splendida, jactantia Legis est, in qua gloriantur plus ad pompa elationis abutentes ea, quam ad necessitatem salutis utentes. Mendicus autem nomine Lazarus, quod interpretatur Adjutor, significat indigentem, veluti genitilem aliquem aut publicanum, qui tanto magis adjuvatur, quanto minus de suarum copia facultatum presumpnit. Tales erant duo qui orabant in templo; unus publicanus, et alias pharisæus. Dives ergo dicit tanquam satiatus justitia, non inter illos beatos numerandos qui esuriunt et sitiunt justitiam (*Id. v.*, 6): *Gratias tibi ago, quia non sum sicut publicanus iste*. Pauper autem qui se adjuvari desiderat, dicit: *Propitius esto mihi peccatori* (*Luc. xviii.*, 10-13). Desiderat tamen saturari de misericordiis que cadunt de mensa divitis jacens ad januam. Non enim admittebatur ad epulas ejus, qui nec bene illis utebatur, nec egenti dabat; tanquam Scriba claves habens regni cœlorum, nec ipse intrans, nec alios intrare permittens (*Id. xi.*, 52). Mice cadentes de mensa divitis, sunt quedam verba Legis, quæ illi jactantes quasi projiciebant in terram, cum superbe populo loquerentur. Ulcera, sunt confessiones peccatorum, velut mali humores a visceribus intimis feras erumpentes. Canes qui ea lingebant, nequissimi homines annantes peccata, qui lata lingua etiam laudore non cessant opera mala, quæ in se alius gemens et consistens detestatur. Sinus Abrahæ, requies beatorum pauperum, quorum est regnum cœlorum, in quo post hanc vitam recipientur. Sepultura inferni, pœnarum profunditas, quæ superbios et immisericordes post hanc vitam vorat. Quos tamen Dominus in ista narratione dicit videre de longinquio atque sentire beatorum requiem, quo sane transire non possunt.

Quod autem linguam sibi vult refrigerari, cum inflatura utique totus arderet, significat quod scriptum est, *Mors et vita in manibus linguae* (*Prov. xviii.*, 21): et quia ore confessio fit ad salutem (*Rom. x.*, 10), quod per superbiam ille non fecit. Extremum autem ditti, vel minimum operationem misericordie significat, quia per Spiritum sanctum subvenitur. Cum autem ei dicatur, *Recepisti bona in vita tua, illud tangitur, quia felicitatem dilexit sæculi, nec aliam vitam præter*

istam in qua superbus tumebat, adamavit. Lazarum autem mala dicit recepisse, quia intellexit hujus vitæ mortalitatem, labores, dolores, et ærumnas, pœnas esse peccati: de quo scriptum est, *Eramus et nos naturaliter filii iræ, sicut et ceteri* (*Ephes. ii, 3*); de quo iterum scriptum est, nec infantem cuius est unius dici vita super terram mundum esse a peccato (*Job xiv, 4, sec. LXX*), quia omnes utique in Adam morimur (*I Cor. xv, 22*), qui factus est transgressione mortalitis.

Quod autem dicit, ad ea loca in quibus torquentur impii, justos, etiam si velint, non posse transire, quid aliud significat, nisi post hanc vitam ita receptis in carcere, ut non inde exeat donec reddant nō vissimum quadrantem (*Matth. v, 26*), per incommutabilitatem divinæ sententiae, nullum auxilium misericordiæ posse præberi a justis, etiam si eam velint præbere? Quo admonet scilicet ut in hac vita homines subveniant quibus possunt, ne postea etiam si optime recepti fuerint, eis quos diligunt opitulari non valeant. Illud enim quod scriptum est, *Ut et ipsi recipient vos in æterna tabernacula* (*Luc. xvi, 9*), non de superbis et immisericordibus scriptum est, qualis iste dives fuisse demonstratur, quod recipi a sanctis in illa tabernacula mereantur; sed de his qui sibi amicos officiosissimis operibus misericordiæ fecerint: quanquam nec ipsos justi velut propria potestate quasi gratificando recipient; sed promissione atque permissione illius qui eos consilio premonuit ut sibi amicos facerent, et qui seipsum pasci, vestiri, hospitio recipi, visitari in unoquoque minorum suorum, liberatoris bonitate dignatus est. Quanquam illa receptio, utrum statim post istam vitam fiat, an in fine saeculi in resurrectione mortuorum atque ultima retributione judicij, non minima questio est: sed quandolibet fiat, certe de talibus qualis ille dives insinuatur, nulla Scriptura fieri pollicetur.

Quinque autem fratres quos habere se dicit in domo patris sui, Judæos significantur. Appellati enim sunt quinque, quia sub Lege detinebantur quæ per Moysen data est, qui libros quinque conscripsit. Quod vero Lazarum petit mitti ad fratres suos, sensit se utique indignum qui testimonium perhibeat veritati: et quia non impetraverat paululum se refrigerari¹, multo minus credit relaxari se posse ab inferis ad prædicationem veritatis. Quod Abraham dicit, *Si volunt credere, habent Moysen et Prophetas*, non istos Evangelio præposuit; sed quia Evangelium, sicut dicit Apostolus, testimonium habet a Lege et Prophetis (*Rom. iii, 21*), illis credendo posse eos significat ad Evangelium pervenire: sicut alio loco ipse Dominus dicit, *Si credreteris Moysi, crederebis et mihi: ille enim de me scripsit* (*Joan. v, 46*). Denique ad hoc pertinet quod etiam postea dicit, *Si Moysen et Prophetas non audiunt, neque si quis ex mortuis resurrexerit, credent*: quia eum prænuntiaverunt Moyses et Prophetæ qui surrexit a mortuis, hoc ipsum etiam de illo quod resur-

recturus esset a mortuis, quibus non credendo utique nec Christo volunt credere. Multo minus ergo cuilibet possunt credere qui a mortuis resurrexerit, quando ei non credunt, cujus resurrectionem Moyses et Prophetæ prædicaverunt, quibus credere nolunt.

Alier etiam intelligi potest ista narratio, ut per Lazarum Dominum significari accipiamus, jacentem ad januam illius divitis, quia se ad aures superbissimas Judæorum incarnationis humilitate dejecit: *cupiens saturari de micis quæ cadebant de mensa divitis*, querens ab eis vel minima opera justitiæ, que sua mensæ, hoc est, suæ potestati per superbiam non usurparent; que opera misericordie atque humilitatis, quamvis minima et sine disciplina et perseverantia vita bone, saltem interdum vel casu sacerent, sicut micæ de mensa cadere solent. Uleera, passiones sunt Domini ex infirmitate carnis, quam pro nobis suscipere dignatus est. Canes ergo qui ea lingebant, Gentes sunt, quos homines peccatores et immundos dicebant Judæi, et tamen passiones Domini in Sacramentis corporis et sanguinis ejus, per totum jam orbem suavitate lambunt devotissima. Jam sinus Abrahæ intelligitur secretum Patris quo post passionem resurgens assumptus est Dominus: quo eum portatum ab Angelis ideo dictum puto, quia ipsam receptionem qua in secretum Patris abscessit, Angeli annuntiaverunt discipulis intuentibus. Dicendo enim, *Quid statis aspicientes in cælum* (*Act. i, 11*)? quid aliud dixerunt, nisi nullo modo posse oculos hominum usque in illud penetrare secretum quo ibat Dominus, cum in conspectu discipulorum ferretur in cælum? Jam extera secundum superiorem expositionem accipi possunt: quia secretum Patris bene intelligitur, ubi etiam ante resurrectionem justorum animæ vivunt cum Deo. Tanto enim verius ubique est Deus, quanto nullo continetur loco, sicut et latroni dictum est, *Hodie tecum eris in paradiſo* (*Luc. xxiii, 43*): unde nonquam recessit Dei filius, quamvis ab hominibus per susceptam carnem in civitate Judæorum tanta pateretur.

XXXIX. [lb. xvii, 5-10.] Quod dixerunt discipuli Domino, *Adauge nobis fidem*, potest quidem intelligi hanc fidem sibi eos augeri postulasse, qua creduntur ea quæ non videntur: sed tamen dicitur etiam fides rerum, quando non verbis, sed rebus ipsis presentibus creditur; quod futurum est, cum jam per speciem manifestam se contemplandam præbebit sanctis ipsis Dei Sapientia per quam facta sunt omnia (*Psal. cxii, 24*). De qua fide rerum lucisque illius presentatae¹ forsitan Paulus apostolus dicit: «Justitia enim Dei in eo revelatur ex fide in fidem» (*Rom. i, 17*). Dicit enim et alio loco: «Nos autem revelata facie gloriam Domini speculantes, in emendam imaginem transformamur de gloria in gloriam, tanquam a Domino Spiritu» (*II Cor. iii, 18*). Sicut enim hic ait, *de gloria in gloriam*; ita et ibi, *ex fide in fidem*: de gloria scilicet Evangelii, quo nunc credentes illuminantur, in gloriam ipsius incommutabilis et manifesta-

¹ *Mss. paululum sibi refrigerari. Forte, palatum sibi, etc.*

¹ Quatuor *Mss. praesentia*.

veritatis, qua tunc commutati perfruentur; ita ex fide verborum quibus nunc credimus quod nondum videamus, in fidem rerum qua in æternum quod nunc credimus, obtinebimus. Secundum sententiam hanc etiam illud dictum est a Joanne in Epistola ad Parthos : *Dilectissimi, nunc filii Dei sumus, et nondum apparuit quid erimus: scimus quia cum apparuerit, similes ei erimus, quoniam videbimus eum sicuti est* (I Joan. iii, 2). Unde enim *nunc filii Dei sumus*, nisi quia potestatem dedit nobis filios Dei fieri, credentibus in nomine ejus (Joan. i, 12), ut videamus in ænigmate (I Cor. xiii, 12)? unde autem tunc *similes ei erimus*, nisi quoniam, ut ipse ait, *videbimus eum sicuti est?* Quod etiam dictum est, *Tunc autem facie ad faciem.*

Hilam ergo fidem præsentissimæ veritatis plerisque non intelligentibus videri potest Dominus noster, discipulis suis non ad id quod petiverant respondisse. Cum enim dixissent Domino, *Adauge nobis fidem*, ait illis : « Si haberetis fidem tanquam granum sinapis, diceretis huic arbori moro, Eradicare et transplantare in mare, et obediret vobis. » Deinde sequitur : « Quis autem vestrum habens servum arantem aut pascentem, qui regresso de agro dicet illi statim, Transi, recumbere; et non dicet ei, Para quod coenem, et præcinge te, et ministra mihi donec manducem et bibam, et post haec tu manducabis et bubes? Numquid gratiam habet servo illi, quia fecit quæ sibi imperaverat? Non puto. Sic et vos cum feceritis omnia quæ præcepta sunt vobis, dicite: Servi supervacui sumus; quod debaimus facere fecimus. » Quid haec pertineant ad id quod dictum est Domino, *Adauge nobis fidem*, difficile appareat, nisi intelligamus ex fide in fidem, id est, ex fide ista in qua ministratur Dco, in illam fidem eos significasse transferri ubi fruantur Dco. Augebitur enim fides, cum primo verbis prædicantibus, deinde rebus apparentibus creditur. Sed illa contemplatio suminam quietem habet, quæ in æterno Dei regno tribuitur; summa vero quies illa, præmium est justorum laborum, qui in Ecclesiæ ministratione peraguntur. Et ideo, quamvis in agro aret servus aut pascat, hoc est, in vita seculari vel terrena verset negotia, vel stultis hominibus tanquam pecoribus seruat; opus est ut post illos labores domum veniat, hoc est, Ecclesiæ societur; laboret etiam ibi ministrans Domino suo donec manducet et bibat (nam et esuriens ille quæsivit poma in arbore [Matth. xi, 18, 19], et a Samaritanæ aquam sitiens postulavit [Joan. iv, 7]): manducet ergo et bibat confessionem et fidem gentium, ministrantibus, hoc est, evangeliis tantibus servis suis. Quo pertinet etiam illud quod de grano sinapis eis primo respondit, prius illos fidem habere debere præsenti vita necessariam, quæ minima videtur quandiu thesaurus est in vasis fictilibus, sed vi maxima effervet et germinat. Dominus noster Jesus Christus, qui vult pasci ministerio servorum suorum, hoc est, in suum corpus quasi manatus et inaducatos transferre credentes, etiam hic pascit eos verbo fidei et sacramento passionis sue.

PATROL. XXXV.

Non enim venit ministrari, sed ministrare (Matth. xx, 28). Dicant ergo illi servi per sinapis granum arbori huic moro, hoc est, ipsi Evangelio crucis dominica, per poma sanguinea, tanquam vulnera in ligno pendentia, victimum populis prohibita¹; dicant ergo illi ut eradicetur de perfidia Judæorum, et in mare Gentium transferatur atque plantetur: hac enim domestica servitute esurienti et sitiensi Domino ministrabunt. Tunc demum querant escis incorruptibilibus in æternum divinæ Sapientiae perfrui, cum dixerint, *Servi supervacui sumus, quod debuimus facere, fecimus*: nihil nobis operis restat; cursum consummavimus, agonem perfecimus, superest nobis corona justitiae (II Tim. iv, 7, 8). Omnia enim dici possunt de illa ineffabili perfruptione veritatis: et tanto magis omnia dici possunt, quanto minus digne dici aliquid potest. Nam et lux est illuminatorum, et requies exercitatorum, et patria redeuntium, et esca indigentium, et corona vincentium: et quæcumque bona temporaliter transeuntia per creaturæ partes error appetit infidelium, veriora in æternum manentia in Creatore omnium simul inventura est pietas filiorum.

XL. [lb. xvii, 12-19.] In decem leprosis quos Dominus ita mundavit, cum ait, *Ite, ostendite vos sacerdotibus*, multa quæri possunt quæ merito querentes movent. Non solum de numero quid sibi velint quod decem sunt, et quod unus ex illis solus gratias agit; hæc enim libere queruntur, ut etiam non investigata, vel nihil vel non multum impediunt intentionem legantis: sed illa potius, cur eos ad sacerdotes miserit, ut cum irent mundarentur. Nullum enim eorum quibus hæc corporalia beneficia præstitit, invenitur missis ad sacerdotes, nisi leprosos. Nam et illum a lepra mundaverat cui dixit: *Vade, ostende te sacerdotibus, et offer pro te sacrificium quod præcepit Moyses, in testimonium illis* (Luc. v, 13, 14). Deinde qualis mundatio spiritualis possit intelligi eorum, quos ingratos exstitisse redarguit. Secundum corpus enim facile est videre posse hominem non habere lepram, et tamen animi esse non boni: secundum significationem autem hujus miraculi, conturbat considerantem, quomodo mundus dici possit ingratus.

Quærendum igitur est quid ipsa lepra significet. Non enim sanati, sed mundati dicuntur qui ea caruerunt: coloris quippe vitium est, non valetudinis aut integratatis sensuum atque membrorum. Leprosi ergo non absurde intelligi possunt, qui scientiam veræ fiduci non habentes, varias doctrinas proflentur erroris. Non enim vel abscondunt imperitiam suam, sed pro summa peritia proferunt in lucem, et jactantia² sermonis ostentant. Nulla porro falsa doctrina est quæ non aliqua vera intermisceat. Vera ergo falsis inordinate permixta, in una disputatione vel narratione hominis, tanquam in unius corporis colore apparenzia, significant lepram, tanquam veris falsisque co-

¹ Rat. et Ms. Cisterciensis, *vnum populis præbitura*.
² MSS. nostri omnes, *jactantiam*: et paulo infra pro *colorum fucis*, habent, *colorum locis*.

lorum fucis humana corpora variantem atque maculantem. Illi autem tam vitandi sunt Ecclesiae, ut si sieri potest, longius remoti magno clamore Christum interpellent : sicut isti decem steterunt a longe, et levaverunt vocem, dicentes : *Iesu præceptor, misericere nostri.* Nam et quod præceptorem vocant, quo nomine nescio utrum quisquam Dominum interpellaverit pro medicina corporali, satis puto significare lepram falsam esse doctrinam, quam bonus præceptor abspergit.

Sacerdotium vero Judæorum nemo fere fidelium dubitat figuram fuisse futuri sacerdotii regalis, quod est in Ecclesia, quo consecrantur omnes pertinentes ad corpus Christi, summi et veri principis sacerdotum. Nam nunc et omnes unguntur, quod tunc regibus tantum et sacerdotibus fiebat : et quod ait Petrus ad christianum populum scribens, *Regale sacerdotium* (*I Petr. 11,9*); utrumque nomen illi populo convenire declaravit, quo illa unctione pertinebat. Cætera itaque virtus tanquam valetudinis et quasi membrorum animæ atque sensuum, per seipsum interius in conscientia et intellectu Dominus sanat et corrigit : doctrina vero vel imbuendi per Sacra menta, vel catechizandi per sermonem sonantem atque lectionem, ubi color quidam intelligitur verus atque sincerus, quia in promptu est et foris eminentissimus (non enim in occultis cogitationibus, sed in manifestis operationibus haec aguntur). Ecclesiae proprie contributa est. Itaque et Paulus voce Domini audita, *Quid me persequeris?* et, *Ego sum Jesus, quem tu persequeris;* ad Ananiam tamen missus est, ut illo sacerdotio quod in Ecclesia constitutum est, sacramentum doctrinæ fidei perciperet, et verus ejus approbaretur color (*Act. ix, 4-19*). Non quia non potest per seipsum Dominus omnia facere; nam quis aliis haec facit etiam in Ecclesia? sed ut ipsa societas congregatorum fidelium, approbando in invicem atque communicando veræ fidei doctrinam in omnibus quæ dicuntur verbis, vel signatur sacramentis, tanquam unam speciem veri coloris obducat. Ad hoc etiam pertinet quod idem dicit apostolus : « Deinde post annos quatuordecim ascendi Jerosolymam cum Barnaba, assumpto et Tito. Ascendi autem secundum revelationem; et exposui eis Evangelium quod prædicto in gentibus, seorsum autem iis qui videbantur¹: ne forte in vacuum curro, aut cucurri. » Et paulo post : « Cum cognovissent, inquit, gratiam quæ data est mihi Jacobus, Petrus et Joannes, qui videbantur columnæ esse, dexteras dererunt mihi et Barnabæ societatis (*Galat. ii, 1, 2, 9*). Ipsa enim collatio unam doctrinæ speciem exclusa omni varietate monstrabat : quod salubriter etiam Corinthios monet, dicens, *Obscurum autem vos, fratres, per nomen Domini nostri Iesu Christi, ut id ipsum dicas omnes* (*1 Cor. 1, 10*). Cornelius etiam cum

¹ Editi, ridebantur esse aliquid. MSS. quatuor, videntur, qui codices, aliquæ e MSS. non addunt, esse aliquid : quod etiam ab antiquis Corbeiensibus versionis Vulgate Billiis abest ; neque in greco textu Apostoli est nisi, *tois dokei*, id est, juxta Augustini expositionem in Epistola ad Galatas, *eis qui eminebant in Ecclesia.*

et cleemosynæ ejus acceptæ, et preces ejus auditæ illi ab angelo nuntientur, propter doctrinæ tamen Sacramentorumque unitatem ad Petrum jubetur mittere, tanquam illi et suis diceretur, *Ite, ostendite ros sacerdotibus.* Nam et cum irent, mundati sunt. Jam enim ad eos venerat Petrus, sed tamen ipsi nondum accepto Baptismatis sacramento, nondum spiritualiter ad sacerdotes pervenerant; et tamen infusione Spiritus sancti, et admiratione linguarum eorum mundatio declarata est (*Act. x, 44*).

Quæ cum ita se habeant, jam facile est etiam illud videre, sieri posse ut quisque in Ecclesiæ societate doctrinam integrum veramque assequatur, et omnia secundum catholicæ fidei regulam edisserat¹, distinguat a Creatore creaturam, eoque manifestetur varietate mendaciorum tanquam lepra caruisse : et tamen ingratus sit Deo et Domino mundatori suo; quia elatus superbia, gratiarum agendarum pia humilitate non sternitur, similisque efficitur illis de quibus dicit Apostolus, *Qui cum cognovissent Deum, non ut Deum magnificaverunt, aut gratias egerunt* (*Rom. 1, 21*). Quod enim dicit eos Deum cognovisse, ostendit quidem a lepra fuisse mundatos, sed tamen statim accusat ingratos. Ideoque tales in novenario numero tanquam imperfecti remanebant. Unum enim si addatur ad novem, quedam effigies unitatis impletur : quo sit tanta completio, ut ultra non progrediatur numerus, nisi rursus ad unum redeatur; et haec per infinitatem numeri regula custodiatur. Novem itaque indigent uno, ut quadam unitatis forma coagulentur et decem sint : unum autem non eis indiget ut custodiat unitatem. Quamobrem, ut illi novem qui gratias non egerunt, reprobi effecti, a consortio unitatis exclusi sunt; ita unus ille qui gratias egit, unicæ Ecclesiæ significatione approbatus atque laudatus est. Et quia illi erant Judæi, amisisse per superbiam declarati sunt regnum cœlorum, ubi maxime unitas custoditur : iste vero qui erat Samaritanus, quod interpretatur Custos, illi a quo accepit tribuens quod accepit, et quodammodo cantans illud de Psalmo, *Fortitudinem meam ad te custodiam* (*Psal. lviii, 10*); per gratiarum actionem regi subjectus, unitatem regni humili devotione servavit.

XLI. [lb. xvii, 51.] Quid est quod dicit Dominus, *Qui fuerit in tecto, et vasa ejus in domo, non descendat tollere illa?* In tecto est, qui excedens carnalia, tanquam in aura libera spiritualiter vivit. Vasa ejus in domo, sunt sensus carnales, quibus ad investigandam veritatem, quæ intellectu capit, multi utentes penitus erraverunt. Hujus ergo spiritualis viri jam vasa ista vacant in domo; quia mente corpori supereminent per aciem intelligentiae tanquam in tecto positus, perspicuitate sapientiae veluti cœlo apertissimo fruatur. Caveat ergo iste, ne in die tribulationis rursus vita carnali, quæ per sensus corporis pascitur, delectatus, d vasa hujusmodi tollenda descendat.

¹ Tres probæ notæ MSS., secundum Catholicæ regulam edisserat; omisso, fidei. Alius, secundum Catholicam regulam edisserat.

XLII. [lb. xvii, 51.] Quid est quod dictum est, *Et qui in agro fuerit, similiter non redeat retro?* Qui operatur in Ecclesia, sicut Paulus et Apollo plantat et rigat (*I Cor. iii, 6*), non respiciat spem sæcularem, cui renuntiavit.

XLIII. [lb. xvii, 32.] Quid significavit uxor Loth? Eos qui in tribulatione retro respiciunt, et se ab spe divine promissionis avertunt. Et ideo statua salis facta est, ut admonendo homines ne hoc faciant, tanquam condit cor eorum ne sint satui.

XLIV. [lb. xvii, 34, 35] Qui sunt in illa nocte duo in lecto, et duas molentes in unum, et duo in agro, de quibus omnibus binis singuli assumentur, et singuli relinquuntur? Tria genera hominum hic videntur significari: unum eorum qui otium et quietem eligunt, neque negotiis sæcularibus neque negotiis ecclesiasticis occupati; que illorum quies lecti nomine significata est: alterum eorum qui in plebis constituti reguntur a doctoribus¹, agentes ea quæ sunt hujus sæculi; quos et seminarum nomine significavit, quia consiliis, ut dixi, peritorum, regi eis expedit; et molentes dixit, propter temporalium negotiorum orbem atque circuitum; quas tamen in unum molentes dixit, in quantum de ipsis rebus et negotiis suis præbent usibus Ecclesiæ: tertium eorum qui operantur in Ecclesiæ ministerio tanquam in agro Dei, de qua agricultura Apostolus loquitur (*I Cor. xi, 9, 9*). In his ergo tribus generibus bina sunt rursus genera hominum in singulis, et pro robore suarum virium discernuntur. Cum enim omnes ad Ecclesiæ membra pertinere videantur, adveniente tamen tentatione tribulationis, et ex illis qui sunt in otio, et ex illis qui sunt in negotiis sæculi, et ex illis qui Deo ministrant in Ecclesia, aliqui permanent, aliqui cadunt: qui permanent assumuntur, qui cadunt relinquuntur. Ergo unus assumetur, et unus relinquetur, non quasi de duobus hominibus dictum est, sed de duobus generibus affectionum, in singulis generibus trium professionum. *In illa ergo nocte dixit, in illa tribulatione.*

Ad ipsa tria genera quæ assumuntur, pertinere arbitror etiam tria illa nomina virorum sanctorum, quos solos liberandos Ezechiel propheta pronuntiat, Noe, Daniel et Job (*Ezech. xiv, 14*). Videtur enim Noe pertinere ad eos per quos Ecclesia regitur; sicut per illum in aquis area gubernata est (*Gen. vii, 7*), quæ figuram gestabat Ecclesiæ. Daniel autem, qui elegit coelibet vitam, id est nuptias terrenas contempsit, ut, sicut dicit Apostolus, sine sollicitudine viveat, cogitans quæ sunt Dei (*I Cor. vii, 32, 34*), genus eorum significat qui sunt in otio, sed tamen fortissimi in temptationibus, ut possint assumi. Job autem quia uxorem et filios habuit, et amplas terrenarum rerum copias (*Job 1, 1-3*), ad illud genus pertinet, cui molestidinum deputatum est, sed tamen ut sint fortissimi in temptationibus, sicut ille fuit; non enim aliter assumi poterunt. Nec puto esse alia genera hominum quibus constat Ecclesia, quam ista tria, habentia bi-

¹ scilicet quinque MSS., *doctoribus*.

nas differentias, propter assumptionem et relictionem; quamvis in singulis multæ studiorum voluntatumque diversitates, ad concordiam tamen unitatemque concurrentes, possint inveniri.

XLV. [lb. xviii, 1-8.] Quid est quod ad semper orandum et non deficiendum, de judice iniquo voluit parabolam ponere, qui cum Deum non timeret, et hominem non revereretur, vidue tamen assiduis interpellationibus cessit, ut eam vindicaret, ne sibi ab illa tædium fieret? Nam hoc est quod ait, *Ne veniens suggillet me.* Quoniam parabolas Dominus aut secundum similitudinem aliquam ponit; sicut de servo illo, cui dominus dimisit quod ratione redditum debere inventus est, et ipse conservo suo dilationem saltem dare noluit (*Matth. xviii, 23-35*); et de seneratore, qui cum duobus debitoribus donasset quod debebant, ab eo plus dilectus est cui plus donavit (*Luc. vi, 41-43*); et de homine qui habebat duos filios, majorem in agro sibi propinquante, minorem autem in longinquæ luxuriantem (*Id. xv, 11-32*); et innumerabilia hujusmodi: de his enim, in quantum similia sunt, ducitur intellectus ejus rei, cui adlibentur, insinuandæ aut requirendæ¹. Aut ex ipsa dissimilitudine aliquid probat, veluti est illud, *Quod si fenum agri, quod hodie est et cras in clibanum mittitur, Deus sic vestit, quanto magis vos, modicas fidei* (*Matth. vi, 30*)? Ad hoc genus pertinet etiam illud quod de servo ait, cui dominus denuntiaverat ut a villicatu removeretur: fraudem quippe ille fecit domino suo, ut falsatis chirographis, debitoribus ejus, quantum commodum visum est, relaxaret. Neque ullo modo nos Dominus ut sibi fraudem faciamus hortatur: sed si qui fraudando sibi providit in posterum, laudatum eum dicit a domino; quanto-majore alacritate sibi providere debent in æternam vitam, quibus ut justè operentur jubetur de manimona iniquitatibus (*Luc. xvi, 1*)? quod suo loco expositum est (*Supra, quæst. 54*). Ad hoc genus pertinet et ille qui non propter amicitiam, sed ut tædio careret, jam dormiens excitatur, ut tres panes commonet amico suo. Si enim ille molestia compulsus dedit, quanto magis Deus, qui servos suos diligens, ut petamus hortatur, dabit bona potentibus se (*Matth. vii, 7-11*)? Itaque illud superius genus his verbis adjungi potest, Sicut illud, ita et illud: hoc autem posterius his verbis, *Si illud, quanto magis illud?* aut, *Si non illud, quanto minus illud?* sed alicubi obscure, alicubi aperte ista ponuntur. Ilic ergo iniquus iudex non ex similitudine, sed ex dissimilitudine exhibitus est, ut ostenderet Dominus quanto certiores esse debant qui Deum perseveranter rogant, fontem justitiae atque misericordie, vel si quid excellentius dici aut audiri potest, cum apud iniquissimum judicem usque ad effectum impiandi desiderii valuerit perseverantia deprecantis.

Ipsa vero vidua potest habere similitudinem Ecclesiæ, quod desolata videtur donec veniat Dominus, qui tamen in secreto etiam nunc curam ejus gerit. Si au-

¹ Sic MSS. At editi, cui adhibentur ad mysterium insinuandæ aut requirendæ veritatis.

tem moveat cur electi Dei se vindicari deprecantur, quod etiam in Apocalypsi Joannis de martyribus dicitur (*Apoc. vi, 10*), cum apertissime moneamus ut pro nostris inimicis et persecutoribus oremus (*Matth. v, 44*) ; intelligendum est eam vindictam esse justorum, ut omnes mali pereant : pereunt autem duobus modis ; aut conversione ad justitiam, aut amissa per supplicium potestate, qua nunc adversus bonos, quondam hoc ipsum bonis expedit, vel temporaliter aliquid valent. Itaque etiamsi omnes homines converterentur ad Deum, inter quos sunt etiam inimici, pro quibus jubemur orare; diabolus tamen, qui operatur in filiis dissidentiæ (*Ephes. ii, 2*), remaneret in saeculi fine damnum : quem finem justi cum venire desiderant, quamvis pro inimicis suis orent, tamen non absurde vindictam desiderare dicuntur.

XLVI. [lb. xix, 12-27.] *Homo quidam nobilis abiit in regionem longinquam accipere sibi regnum, et reverti : ipse Dominus noster Jesus Christus intelligitur. Regio longinqua, Ecclesia Gentium usque ad fines terræ. Reverti tamen se dicit : abiit enim, ut plenitudo Gentium intraret; revertetur, ut omnis Israel salvus fiat (*Rom. xi, 25*). Per decem mias, Legem significat propter Decalogum. Decem autem servos, quibus sub illa positis gratia predicata est. Sic enim intelligendum est eis datas mias ad usum, cum intellexerunt eam ipsam Legem remoto velamine ad Evangelium pertinere. Cives ejus qui post eum miserunt legationem, dicentes se nolle ut regnet sibi, Judæi sunt, qui etiam post resurrectionem ejus misericorditer persecutores Apostolis¹, et prædicationem Evangelii responderunt. Rediit autem accepto regno, quia in manifestissima et eminentissima claritate venturus est, qui eis humilis apparuit, cum diceret, *Regnum meum non est de hoc mundo* (*Joan. xviii, 36*). Quod autem servi reddentes rationem ex eo quod acceperant, laudantur qui lucratii sunt, significat eos bonam reddere rationem, qui bene usi sunt eo quod acceperunt, ad augendas divitias Domini per eos qui credunt in eum. Quod qui facere nolunt, in illo significati sunt qui manu suam in sudario servavit. Sunt enim homines hac sibi perversitate blandientes ut dicant : Sufficit ut de se unusquisque rationem reddat; quid opus est aliis prædicare aut ministrare, ut etiam de ipsis reddere rationem quisque cogatur, cum apud Dominum etiam illi sint inexcusabiles quibus Lex data non est, neque auditio Evangelio dormierunt, quia per creaturam poterant cognoscere Creatorem, cuius invisibilia, a constitutione mundi, per ea quæ facta sunt, intellecta conspi ciuntur (*Rom. i, 20*)? Hoc est enim quasi metere ubi non seminavit; id est, etiam eos impietatis reos tenere, quibus verbum Legis aut Evangelii non ministratum est. Hoc autem veluti periculum judicii deviantes, pigro languore a verbi ministratione con quiescent; et hoc est quasi in sudario ligare quod acceperunt. Mensam quo danda erat pecunia, professionem ipsam religionis accipimus, quæ tanquam pu-*

¹ Rat. et duo MSS., immiserunt persecutiones apostolis : moxque alii tres et MSS., et prædicatores Evangelii, etc.

blice proponitur ad usum necessarium salutis. Quod autem unus eorum qui bene usi sunt, decem acquisivit, et alter quinque, significat eos esse acquisitos in gregem Dei, a quibus ipsa Lex per gratiam intellecta est; sive quia Decalogo continetur, sive quia ille per quem lata est, libros quinque conscripsit: ad hoc pertinent et decem et quinque civitates, quibus eos preponit. Multiplicatio enim intelligentiae in ipsa varietate, quæ de unoquoque præcepto vel de unoquoque libro pullulat, ad unum redacta, quasi civitatem facit viventium rationum æternarum. Est enim civitas, non quorumlibet animantium, sed rationalium multitudine, legis unius societate devincta. Quod autem ab illo qui uti noluit, auferitur quod acceperat, et ei datur qui decem habebat, significatur et illum posse amittere munus Dei, qui habens non habet, id est non utitur; et in eo augeri qui habens habet, hoc est bene utitur. Inimicos ergo suos quos jubet coram se interfici, significat impietatem Judæorum qui ad eum converti noluerunt.

XLVII. [lb. xviii, 25-27.] Quid est quod ait, *Facilius est camelum per foramen acus transire, quam divitem intrare in regnum Dei?* Divitem hic appellat cupidum rerum temporalium et de talibus superbientem. His divitibus contrarii sunt pauperes spiritu, quorum est regnum cœlorum (*Matth. v, 3*). Nam eo manifestatur omnes cupidos, etiamsi facultatibus hujus mundi careant, ad hoc genus divitum quod est reprehensum pertinere; quia postea dixerunt qui audiebant, *Et quis poterit salvus fieri?* cum incomparabiliter major turba sit pauperum: videlicet intelligentes in eo numero deputari etiam illos qui quanquam talia non habent, tamen habendi cupiditate rapiuntur. Sensus est autem, facilius Christum pati pro dilectoribus saeculi, quam dilectores saeculi ad Christum posse converti. Carmeli autem nomine se intelligi voluit, quia humiliatus onera sustulit. In quo enim manifestius intelligitur, quam in ipso, quod scriptum est, *Quanto magnus es, humilia te in omnibus* (*Ecli. iii, 20*)? Per acum autem, punctiones significat; per punctiones, dolores in passione susceptos: foramen ergo acus dicit angustias passionis. Quod autem ait, *Quæ impossibilia sunt apud homines, possibilia sunt apud Deum*, non ita accipendum est, quod cupidi et superbi, qui nomine illius divitis significati sunt, in regnum cœlorum sint intratur cum suis cupiditatibus et superbiam: sed possibile est Deo, ut per verbum ejus, sicut et jam factum esse, et etiam quotidie fieri videmus, a cupiditate temporalium ad charitatem æternorum, et a perniciosa superbia ad humilitatem saluberrimam convertantur.

XLVIII. [lb. xviii, 33-43.] Possemus de propinquitatibus ad Jericho sic intelligere, ut jam inde egressi, prope tamen adhuc essent ad eam civitatem: quod quidem minus usitate dicitur, sed tamen videri possit hoc dictum, quoniam Matthæus egreditibus eis ab Jericho dicit illuminatos duos cœcos qui juxta viam sedebant (*Matth. xx, 29-34*). De numero quippe nulla est questio, si alter Evangelistarum de uno ta-

cuit, unius reminiscens. Nam etiam Marcus unum commemorat, cum et ipse egredientibus eis ab Iericho dicat illuminatum, cuius et nomen dixit et patrem (*Marc. x, 46-52*) : ut intelligamus eum suisse notissimum, alterum ignotum, ut merito ille notus etiam solus decenter commemoraretur. Sed quoniam que consequuntur in Evangelio secundum Lucam, apertissime ostendunt illud quod ipse narrat adhuc venientibus eis Iericho factum esse; nihil aliud restat intelligere, nisi bis esse factum hoc miraculum, semel in uno exco, dum adhuc veniret in illam civitatem, et iterum in duobus cum inde egredieretur : ut illud unum Lucas, illud alterum Matthaeus enarraret; neque hoc sine aliquo sacramento. Si enim Iericho Lunam, et ob hoc mortalitatem interpretamur, morti propinquans Dominus, Judaeis solis lumen Evangelii jusserset praedicari, quos significavit ille unus excus quem Lucas commemorat: a morte autem resurgens atque discedens, et Judaeis et Gentibus, quos duos populos significare videntur duo exco commemo- rati a Mattheo.

[Ib. xix, 45, 46.] (a) Templum in Evangelio ipsum hominem intelliges, vel etiam adjuncto corpore ejus, quod est Ecclesia. Secundum autem illud quod est caput Ecclesiae, dictum est, *Solvite templum hoc, et intridu suscitabo illud*. Secundum id vero quod etiam adjuncta Ecclesia intelligitur templum, videtur dixisse, *Aufeite ista hinc: scriptum est, Dominus mea dominus orationis vocabitur; vos autem fecistis eam domum negotiationis, vel speluncam latronum* (*Joan. ii, 19, 16*). Significavit enim futuros in Ecclesia, qui sua negotia potius agerent, vel receptaculum ibi haberent ad occultanda scelera sua, quam ut charitate in Christi sequerentur, et peccatorum confessione accepta veniam corrigerentur.

XLIX. [Ib. xx, 56.] Ad id quod dixit, *Non enim ultra incipiunt mori*; quia connubia propter filios, filii propter successionem, successio propter mortem: ubi ergo mors non est, neque connubia. Sicut enim nunc sermo noster decedentibus et succedentibus syllabis peragitur atque perficitur: ita et ipsi homines quorum sermo est, decedendo ac succedendo peragunt atque perficiunt ordinem hujus saeculi, qui temporalium rerum pulchritudine contexitur. In illa autem vita quoniam Verbum Dei quo fruemur, nulla decessione et successione syllabarum completetur, sed omnia quae habet semper manendo simul habet; ita participes ejus, quibus ipsum solum erit vita, neque moriendo sibi decedent, neque nascendo succedent.

L. [Ib. xxii, 40 et 41.] Quod dixit Dominus discipulis, *Orate ne intretis in temptationem: et ipse avulsus est ab eis quantum jactus est lapidis: tanquam hoc eos admonuerit, ut in eum dirigerent lapidem, id est,*

(a) Ille in *templum* annotationem Augustinus in praefixo huic operi Quaestiorum elenco non recenset. Atud Lov. incipit sic, « *Templum in Evangelio ipsum Deum hominem factum intelliges:* » at alii codices nec « *Deum* » addunt, nec « *factum* ».

usque ad eum perducerent intentionem Legis, quae scripta erat in lapide (*Exod. xxxi, 18, et xxxiv, 4, 28*). Usque ad illum enim potest pervenire ille lapis: quoniam finis Legis est Christus, ad justitiam omnium credenti (*Rom. x, 4*).

LI. [Ib. xxiv, 28.] Quod scriptum est de Domino, *Finxit se longius ire*, non ad mendacium pertinet. Non enim omne quod singimus mendacium est: sed quando id singimus quod nihil significat, tunc est mendacium. Cum autem fictio nostra refertur ad aliquam significationem, non est mendacium, sed aliqua figura veritatis. Alioquin omnia quae a sapientibus et sanctis viris, vel etiam ab ipso Domino figurata dicta sunt, mendacia deputabuntur, quia secundum usitatum intellectum non subsistit veritas talibus dictis. Non enim homo qui habuit duos filios, quorum junior, accepta parte patrimonii sui, profectus est in regionem longinquam, et cetera quae in illa narratione contextuntur (*Luc. xv, 11-32*), ita dicuntur tanquam veros fuerit quisquam homo qui hoc in filiis suis duobus aut passus sit, aut fecerit. Ficta sunt ergo ista ad rem quamdam significandam, tam longe lateque maiorem, et tam incomparabiliter differentem, ut per illum fictum hominem Deus verus intelligatur. Sicut autem dieta, ita etiam facta singuntur sine mendacio ad aliquam rem significandam: unde est etiam illud ejusdem Domini, quod in fici arbore quærivit fructum eo tempore quo illa poma nondum essent (*Marc. xi, 13*). Non enim dubium est illam inquisitionem non suisse veram: quisvis enim hominum sciret, si non divinitate, vel tempore, poma illam arborem non habere. Fictio igitur quae ad aliquam veritatem refertur, figura est: que non refertur, mendacium est. Quid ergo significat quod se ire longius Dominus finxit, cum comitaretur discipulis, exponens eis sanctas Scripturas, utrum ipse esset ignorantibus? quid, putamus, nisi quia hospitalitatis officio ad suam cognitionem pervenire posse homines intimavit? ut cum longius ipse ab hominibus abscesserit super omnes caelos, tamen ita cum eis sit qui haec exhibent servis ejus, ut cum dicere coepissent, *Domine, quando te vidimus hospitem, et adduximus?* tanquam eum scilicet qui longe abscesserat: respondeat ille, *Cum uni ex minimis meis fecistis, mihi fecistis* (*Matth. xxv, 38, 40*). Tenet ergo Christum ne longius ab illo eat, quisquis catechizatus verbo, in omnibus bonis ei qui se catechizat communicat; sicut Apostolus dicit, *Communiceat qui catechizatur verbo*¹, *ei qui se catechizat, in omnibus bonis* (*Galat. vi, 6*): et alio loco cum dixisset, *Necessitatibus sanctorum communicantes; statim subjicit, Hospitalitatem sectantes* (*Rom. xii, 13*). Et isti enim catechizati erant verbo, cum eis exponeret Scripturas, et quia hospitalitatem sectati sunt, eum quem in ipsa expositione Scripturarum non cogoverant, in panis fractione cognoscunt. Non enim auditores legis justi sunt apud Deum, sed factores legis justificabuntur (*Id. ii, 15*).

¹ Sic Er. Lugd. Ven. Lov., et in aliis locis ipse Augustinus in B., *verbum. M.*

[lb. xxiii, 11.] (a) Quod Dominum in passione exuerunt ueste propria, et induerunt fucata (*Math.*

(a). Isthæc annotationcula neque computatur in Elencho superius proposito, neque hic omnibus in Mss.; sed in plurimis tamen atque etiam in Corbeiensi antiquissimo reperi-

xxvii, 28), significati sunt hi haeretici, qui eum auunt non verum corpus habuisse, sed fictum.

tur. Abest ab editis Am. et Er. At apud Rat. necnon in Ms. Sorbonico pertinet ad subsequentem librum Quæstionum in Matthæum.

ADMONITIO IN LIBRUM SEPTEMDECIM QUÆSTIONUM SUPER MATTHÆUM.



Ut hic exhibetur inter Augustini germana opera, nec tamen ipsius, ut solet, Augustini nomine prænotetur iste alias Quæstionum in Matthæum liber, non temere sit neque frustra. Nempe stilum in primis et res congruere Augustino censem post Erasmus Lovanienses Theologi. Deinde fragmenta ejusdem libri quædam cum nomine Augustini profert Rabanus Maurus in lib. 4 Commentarii super Matthæi Evangelium, quem ipse circiter 840 Christi annum, collectis hinc inde veterum expositionibus, concinnabat. Denique in Indiculo operum Augustini Possidiano, qui per Joannem Ulimmerium ex Villariensi codice vulgatus est, recensentur pag. 5 Quæstiones Evangeliorum lib. 2; moxque, Annotationes aliquot in Matthæum lib. 4.

Attamen, quod merito moveat, hujus tertii libri nihil meminit Augustinus in Retractionibus, cumque libros Quæstionum in Evangelia duos tantummodo recognoscat, in eos redactas dicit, quas tum super Matthæum tum super Lucam quæstiones dictaverat: et monet postmodum, quæ de supra dictis Evangelistis loca exposita fuerint, prologum suum adjunctis atque annumeratis eisdem quæstionibus indicare. Habet retractionem t. 1, col. 634, et quæstionum omnium Elenchum sub Prologo per nos restitutum supra, hocce tomo, pag. 1321. Sic vero etiam in libri Quæstionum octoginta trium recognitione, omnes et singulas ex ordine quæstiones, ne una quidem omissa, recensere ipsum non piguit. Qua profecto diligentia cavelbat S. Doctor ne ejus nomine quæstiones alias quaslibet recipieremus; neve librarii, quod in eo scripti genere liberius committebant, spuriæ appendices operibus ipsius assurerent.

Neque vero existimare licet tertium hunc librum Retractionibus posterius editum, ob idque in iis non recensitum fuisse. Quippe zizaniorum parabola hic expoitur longe secus quam soleret ab Augustino, ex tempore præsentim Carthaginensis Collationis, in qua Donatistæ, Catholicis reclamantibus, id vehementer affirmabant, quod in hujus libri quæstione 11, n. 1, dicitur, agrum ipsum, non Ecclesiam, sed mundum Domino interpretante intelligendum esse, ut videre est in Actis Collationis, part. 3, capp. 258, 265 et sequentibus. Qua de re Augustinus in lib. 70, cui titulus, Post collationem ad Donatistas, cap. 8: *Diu contenderunt, inquit, dicentes zizania, quæ cum tritico simul crescere usque ad messem permitta sunt, non in Ecclesia, sed in mundo esse, contra intellectum martyris Cypriani qui dixit, Etsi videntur in Ecclesia esse zizania, non tamen impediri debet aut fides aut charitas nostra.* Quid quod iste auctor in quæstione 12, n. 2, responsum illud patrisfamilias zizania ante messem evelli prohibentis, non modo non torquet in Donatistas more Augustini, sed interpretatur eo pacto ut in illos torqueri non valeat? quandoquidem de non auferendis ex hac vita hominibus sermonem haberiputat.

Accedit silentium Eugypii abbatis, qui olim, id est ineunte sexto sâculo, cum ex Augustini operibus amplissima collectaneorum volumina compararet, descriptsit ex duobus præcedentibus libris quæstiones plures, scilicet ex primo saltem quatuor, ex secundo octodecim: nec tamen quidquam ex hoc tertio libro decerpssisse a nobis deprehenditur.

Quod veteres codices spectat, quidam duos priores libros continent sine tertio; nonnulli tertium hunc duobus illis proxime subjectum exhibit cum hocce titulo, *Incipiunt quæstiones Evangeliorum*, non addito nomine Augustini. Istius secundi generis exstat exemplar unum Corbeiense ante annos, ut videtur, nongentos scriptum: præter Cisterciensem codicem multo recentiorem, qui licet non eundem titulum præferat, hoc tamen cum Corbeiensi convenit, quod prædictum librum non attribuit Augustino.

Ad extreum Indiculo Possidii in optimæ notæ Mss. diligenter explorato, id quod sola Ulimmeriana editio habet de subsequenti opere, nusquam reperimus.



QUÆSTIONUM

SEPTEMDECIM

IN EVANGELIUM SECUNDUM MATTH.

Liber unius.



QUEST. I. [MATTH. cap. n, § 16.] Quod dictum est, occisos infantes a binatu et infra, significatum est humiles habentes geminam charitatem, tanquam parvulos binos posse mori pro Christo.

II. [Ib. x, 27.] Quod dico vobis in tenebris, id est, cum adhuc in timore carnali estis, quia in tenebris est timor; dicite in lumine, hoc est, in fiducia veritatis, accepto Spiritu sancto: *Et quod in aure auditis, prædicate super tecta*, id est, quod in secreto auditis, calato carnis domicilio prædicate.

III. [Ib. x, 34-56.] *Nolite arbitrari quia venerim pacem mittere in terram; non veni pacem mittere, sed gladium: veni enim separare hominem adversus patrem suum.* Quia renuntiat quis diabolo, qui fuit filius ejus. *Et filiam adversus matrem suam: plebem Dei adversus mundanam civitatem*, hoc est perniciosa generis humani societatem, quam nunc Babylonia, nunc **Egypto**, nunc Sodoma, nunc aliis atque aliis nominibus Scriptura significat. *Nurum adversus socrum: Ecclesiam adversus Synagogam*, quæ secundum carnem Christum peperit sponsum Ecclesiæ. Dividuntur autem gladio spiritus, quod est verbum Dei (*Ephes. vi, 17*). *Et inimici hominis domestici ejus: cum quibus, antea consuetudine implicatus erat.*

IV. [Ib. viii, 1-3.] Quod autem descendens de monte, posteaquam præcepta illuc discipulis et multitudini dedit, *leprosum statim, extendens manum suam, curat;* significat eos qui de illis implendis dubitabant, suo auxilio ab hujusmodi varietate mundari.

V. [Ib. viii, 20.] Quod Dominus dixit scribæ qui eum sequi voluit, *Vulpes soveas habent, et volucres cœli tabernacula; Filius autem hominis non habet ubi caput suum reclinet*, intelligitur miraculis Domini commotus propter inanem jactantiam eum sequi voluisse, quam significant aves: fluxisse autem discipuli obsequium, quæ sicut vulpium nomine significata est. Reclinatione vero capitis humilitatem suam significavit, quæ in illo simulatore ac superbo non habebat locum.

VI. [Ib. viii, 22.] *Dimitte mortuos sepelire mortuos suos.* Mortuos hic non credentes dixit: mortuos autem suos, qui nihilominus sine fide de corpore exirent.

VII. [Ib. x, 14.] *Exculte pulverem de pedibus vestris: ut ad contestationem laboris terreni, quem pro illis*

inaniter suscepissent; aut ut ostenderent usque adeo se ab ipsis nihil terrenum querere, ut etiam pulverem de terra eorum sibi non paterentur adhaerere.

VIII. [Ib. x, 16.] *Estote ergo prudentes sicut serpentes: ad cavendum malum, in capite custodiendo,* quod est Christus. Nam serpens totum corpus pro capite objicit persequenti: vel quod per angustias se coarctans veteri tunica exutus innovatur. Quod imitantur quibus dictum est, *Intrate per angustum portam* (*Matt. vii, 13*); cum vetere homine exiuntur. Nam si cavendum malum ita moneret, ut violenter resistendum esset malis, non supra dixisset, *Mitto vos sicut oves in medio luporum.* Simplices autem sicut columbas esse voluit, ad nulli nocendum. Nam hoc genus avis nullum omnino animalium necat; non solum grandium, contra quæ vires non habet, sed etiam minutissimorum, quibus etiam perparvi passeres aluntur. Est autem omnibus irrationalibus animantibus una quedam inter se societas, sicut etiam rationalibus sua, id est hominibus, non solum secum, sed etiam cum Angelis. Discunt ergo ex similitudine columbarum nulli prorsus nocere ad societatem suam pertinenti participation rationis.

IX. [Ib. xi, 25.] *Confiteor tibi, Pater, Domine cœli et terræ.* Notandum confessionem ponit in laude Dei. Non enim peccata Dominus confitebatur, quæ nulla habebat, præsertim quia eum exultantem hoc dixisse alias evangelista commemorat (*Luc. x, 21*): quantum et verba ipsa quæ dicit non habeant dubitationem, quod in laude Dei dicantur. Ergo confessionem vocat Scriptura generaliter quidquid manifeste, sicut cernitur, enuntiatur. Nam et illud quod ait, *Si quis me confessus fuerit coram hominibus, confitebor et ego eum coram Patre meo* (*Matt. x, 32*); vel sicut alibi est, *coram Angelis Dei* (*Luc. xii, 8*): non utique peccata confitetur qui Christum confitetur. Quod si propterea putant aliqui confessionem vocari, quia pro crimen objiciatur Christi nonen tempore persecutionis; numquid ita etiam Christus coram Patre vel coram Angelis hominem qui se confessus fuerit confitetur? Est etiam in Ecclesiastico ita positum, *Et haec dicetis in confessione, Opera Domini universa, quoniam bona valde* (*Eccli. xxxix, 20*),

ADMONITIO PP. BENEDICTINORUM.

Quæstionum septemdecim in Matth. liber ad eisdem codices collatus est ac præcedens opus Quæst. Evang., exceptis Michaelino et Arnulfensi, in quibus hic liber non reperitur.

Comparavimus præterea eas omnes editiones initio Retractionum, t. 1, memoratas. M.

21). Quo in loco indubitanter Dei laudes exaggerantur. Hæc dicta sunt propter imperitiam fratrum; qui cum legente lectore audiunt hoc verbum, pectora statim tundunt, non attendentes quo loco dicatur, quasi non possit nisi peccatorum esse confessio.

X. [Ib. xii, 4-8.] Notandum de eo quod illicite factum videretur Iudeis, quod discipuli sabbato spicas evulsissent, unum exemplum datum regia potestatis de David, alterum sacerdotalis de iis qui per ministerium templi sabbatum violant: ut multo minus ad ipsum evulsarum sabbato spicarum crimen pertineat, qui verus rex et verus sacerdos est, et ideo Dominus sabbati.

XI. [Ib. xiii, 25-30, 36-43.] 1. *Cum autem dormirent homines, venit inimicus ejus et superseminavit zizania in medio tritici, et abiit.* Cum negligentius agerent præpositi Ecclesiæ, aut cum dormitionem mortis acciperent Apostoli, venit diabolus et superseminavit eos quos malos filios Dominus interpretatur. Sed recte queritur utrum hæretici sint, an male viventes catholici. Possunt enim dici filii mali etiam hæretici, quia ex eodem Evangelii semine et Christi nomine procreati, pravis opinionibus ad falsa dogmata convertuntur. Sed quod dicit eos in medio tritici seminatos, quasi videntur illi significari qui unius communionis sunt: veruntamen quoniā Dominus agrum ipsum, non Ecclesiam, sed hunc mundum interpretatus est, bene intelliguntur hæretici, quia non societas unius Ecclesiæ vel unius fidei, sed societas solius nominis christiani in hoc mundo permiscentur bonis: ut illi qui in eadem fide mali sunt, palea potius quam zizania depudentur; quia palea etiam fundamentum ipsum habet cum frumento, radicemque communem. In illa plane sagena, qua concluduntur et mali et boni pisces (*Math. xiii, 47-50*), non absurde mali catholici intelliguntur. Aliud est enim mare, quod magis mundum istum significat; aliud sagena, quæ unius fidei vel unius Ecclesiæ communionem videtur ostendere. Inter hæreticos et malos catholicos hoc interest, quod hæretici falsa credunt, illi autem vera credentes non vivunt ita ut credunt.

2. Solet autem etiam queri, schismatici quid ab hæreticis distent; et hoc inveniri quod schismaticos non tides diversa faciat, sed communionis disrupta societas. Sed utrum inter zizania numerandi sint, dubitari potest. Magis autem videntur spicis corruptis esse similiores, sicut scriptum est, *Vento autem corrumpetur filius iniquus* (*Sap. iv, 4*): vel paleis aristorum fractis, vel scissis et de sege te abruptis. Quo enim altiores, id est, superbiores, eo fragiliores levioresque sunt. Nec tamen consequens est ut omnis hæreticus vel schismaticus corporaliter ab Ecclesia separetur. Si enim falsa de Deo credit, vel de aliqua parte doctrine quæ ad fidei pertinet ædificationem, ita ut non querentis cunctatione temperatus sit, sed inconcusse credentis, nec omnino scientis opinione atque errore discordans, hæreticus est, et foris est animo, quamvis corporaliter intus videatur. Multos

enim tales portat Ecclesia, quia non ita defendunt falsitatem sententiae sue, ut intentam multitudinem faciant: quod si fecerint, tunc pelluntur. Item, quicumque invident bonis, ita ut querant occasiones excludendi eos, aut degradandi; vel crimina sua sic defendere parati sunt, si objecta vel prodita fuerint, ut etiam conventiculorum segregations vel Ecclesiæ perturbationes cogitent excitare; jam schismatici sunt, et ab unitate corde dissocii, etiamsi non inventis occasionibus aut occultatis factis suis Sacramento Ecclesiæ corporali conversatione socientur.

3. Quapropter illisoli catholici mali recte deputantur, qui quamvis vera credant quæ ad fidei doctrinam pertinent, et si quid forte nesciunt querendum existiment, et salva pietate discutiant sine aliquo præjudicio ipsius veritatis, et bonos vel quos bonos putant ament atque honorent quantum possunt; tamen flagitiose atque facinorose vivunt, contra quam vivendum esse credunt. Tales enim etiam prodantur aut accusentur, pro disciplina Ecclesiæ salutisque sure causa correpti, vel a communione suspensi, nullo modo sibi recedendum esse a communione catholica existimant, quocumque ¹ permissi fuerint satisfactionis querentes locum: et aliquando per poenitentiam in frumenta mutantur, sive correpti, sive remoti, sive etiam verbo Dei nullo nominatim accusante aut increpante perterriti. Aliquando autem etiam sub nomine poenitentium ita vivunt ut solent, aut non multo minus, quidam etiam amplius; nullo modo tamen a catholica unitate discedunt. Quibus ita viventibus si mors obrepserit, paleæ deputantur usque in finem. Hoc etiam ipsi credunt: nam si aliter credunt, et inconcusse tenent, jam inter hæreticos numerandi sunt, putantes omnibus Deum, etiam in magna iniustitate usque in finem vitæ perseverantibus, tantum quia Ecclesiæ unitatem, non sincera dilectione (nam bene viverent ²), sed magis poenarum timore tenuerunt, veniam daturum. Iste ergo non hoc credunt, vel non firmiter opinantur, etsi adhuc forsitan querunt: sed magis eos decipit spes dilationis, dum se diutius victuros putant, et perditos mores aliquando in melius mutaturos. Contra quos dicitur: *Ne tardes converti ad Dcun, neque differas de die in diem: subito enim veniet ira ejus, et in tempore vindictæ disperdet te* (*Ecli. v, 8, 9*). Illi enim convertuntur, qui recte vivere incipiunt; hoc est enim ad Deum redire: qui autem concupiscentias suas perseveranter sequuntur, dorsum quodammodo habent ad Deum, quamvis in unitate constituti sœpe illum retorto collo conentur aspicere. Ergo et isti, ut ait Propheta, *caro sunt, et spiritus ambulans et ..on revertens* (*Psal. LXXVII, 39*). Sed tamen, ut dictum est, propter eandem fidem atque unitatem Ecclesiæ, neque inter zizania, quoniā illa extra radicata sunt, neque inter aristorum paleam, quæ se etiam frumentis audet apera

¹ Sic MSS. At editi, *a communione catholice fidei existimant, quoniam docuntque, etc.*

² Rat. omittit, *nam bene viverent*: quod in plerisque MSS. reperitur. At Am. Ep. et Lov. habeat ejus loco, *nisi ut tace* *viverent*. Vaticanus codex, *ut bene viverent*.

dissensione et fragili elatione superimponere, sed quamvis subjectam frumentis, tamen inter paleam quæ ultima ventilatione separanda est, numerantur.

4. Boni autem catholici sunt, qui et fidem integrum sequuntur et mores bonos: quod autem ad fidei doctrinam pertinet, ita querunt, si quid querendum habent, ut absit concertatio periculosa, vel querenti, vel ei cum quo queritur, vel eis qui disserentes audiunt. Ita autem docent, si quid docendum habent, ut usitata et confirmata securissime, et fidentissime, et lenissime, ut possunt, insinuant: inusitata vero, etiam si veritatis manifestatione liquidissima perceperunt, querendi potius quam præcipiendi aut affirmandi modo, propter audientis infirmitatem. Si enim tantum habet pondus aliquod verum, ut vires discensis excedat; suspendendum est ut extendat crescentem, non imponendum ut obterat parvulum. Inde est illud Domini: *Sed Filius hominis cum venerit, putas, inveniet fidem in terra* (*Luc. xviii, 8*)? Aliquando autem et occultandum est, sed cum spe hortatoria, ut non faciat desperatio frigidiores, sed desiderium capaces. Inde est illud ejusdem Domini: *Multa habeo vobis dicere; sed non potestis portare modo* (*Joan. xvi, 12*). Quod vero ad mores pertinet, hoc bene et breviter dicitur: aut consilendum est cum amore temporalium bonorum, ut non vincat; aut etiam edomitus subditusque esse debet, ut cum surgere cœperit, facile reprimatur; aut ita extinctus, ut se omnino nulla ex parte commoveat. Ex quo sit ut etiam ipsam mortem propter veritatem alii fortiter obeant, alii æquanimiter, alii libenter. Quæ tria genera fructus sunt fertilis terræ, triceni, et sexageni, et centeni (*Matth. xiii, 8, 23*). In horum aliquo genere inveniendus est tempore mortis suæ, si quis de hac vita recte cogitat emigrare.

5. Toleranda sunt autem non solum zizania usque ad messem, quæ cum diabolus aspersis pravis erroribus falsisque opinionibus superseminasset, hoc est, precedente nomine Christi hæreses superjecisset, magis ipse latuit atque occultissimus factus est; hoc est enim, *Et abiit*: sed etiam palea usque ad ventilationem. Nec probatur fortius gravitas frumentorum, nisi paleæ perturbationibus, quas qui comprimere non potuerit veritate defensa, cesserit unitate servata. Quanquam in hac parabola Dominus, sicut in ejus expositione conclusit, non quædam, sed omnia scandala, et eos qui faciunt iniquitatem, zizaniorum nomine significasse intelligitur.

XII. [lb. xiii, 26-50.] 1. *Cum autem crevisset herba, et fructum fecisset, tunc apparuerunt et zizania.* Cum enim spiritualis homo esse cœperit dijudicans omnia (*I Cor. ii, 15*), tunc ei errores incipiunt apparero. Servi autem dixerunt ei: *Vis, imus, et colligimus ea?* Utrum ipsi sunt servi, quos paulo post messores appellat? an quia in expositione parabole messores dixit esse Angelos, nec quisquam facile dicere ausus fuerit Angelos nescisse quis zizania superseminaverit, et ea tunc apparuisse Angelis cum herba fructum fecisset; magis oportet intelligi homines ipsos fideles servorum

nomine hoc loco significatos, quos etiam bonum semen dicit? Nec mirum si et bonum semen ipsi dicuntur, et servi patrisfamilias: sicut et de se ait, quod et ipse sit janua, ipsæ sit pastor (*Joan. x, 7, 11*). Ex diversis enim significationibus una res etiam plures et diversas similitudines recipit. Præsertim quia cum ad servos loqueretur, non ait, *In tempore messis dicam vobis, Colligit primum zizania; sed Dicam, inquit, messoribus.* Unde intelligitur colligendorum zizaniorum ad comburendum alia esse ministeria, nec quemquam Ecclesie filium debere arbitrari ad se hoc officium pertinere.

2. Cum igitur esse quisque spiritualis cœperit, cognoscit errores hæreticorum, et omnino dijudicat atque discernit quidquid audierit aut legerit abhorre a regula veritatis: sed donec in eisdem spiritualibus perficiatur, et quodammodo maturescat in fructum quem herba dedit, potest cum movere, quare sub nomine christiano tam multæ hæreticorum extiterint falsitates. Inde est quod servi dicunt, *Nonne bonum semen seminasti in agro tuo? unde ergo habet zizania?* Deinde cum cognoverit hanc excogitasse fraudem diabolum, cum contra tanti nominis auctoritatem nihil se valere sentiret, ut fallacias suas eodem nomine obtegeret; potest ei suboriri voluntas, ut tales homines de rebus humanis auferat, si aliquam temporis habeat facultatem; sed utrum facere debeat, justitiam Dei consulit utrum hoc ei præcipiat, vel permittat, et hoc officium esse hominum velit: hinc est quod servi dicunt, *Vis, imus, et colligimus ea?* Quibus quia Veritas ipsa respondet, non ita hominem constitutum esse in hac vita, ut certus esse possit qualis quisque futurus sit postea, cuius in præsentia cernit errorem, vel quid etiam error ejus conferat ad provectum bonorum; non esse tales auferendos de hac vita, ne cum malos conatur interficere, bonos interficiat, quod forte futuri sunt; aut bonis ohsit, quibus et inviti forte utiles sunt: sed tunc opportune fieri, cum iam in fine non restat vel tempus commutandæ vitæ, vel proficiendi ad veritatem ex occasione atque comparatione alieni erroris; tunc autem hoc non ab hominibus, sed ab Angelis fieri: inde est quod respondet patersfamilias, *Non; ne forte colligentes zizania, eradicetis simul et triticum: sed in tempore messis dicam messoribus, et cetera.* Atque hoc modo eos patientissimos et tranquillissimos reddit.

3. Quæri autem potest, quod ait, *Alligate fasciculos ad comburendum*, cur non unum fascem, aut unum acervum zizaniorum fieri dixit? Nisi forte propter varietatem hæreticorum, et non solum a tritico, verum etiam a scipsis discrepantium, ipsa uniuscujusque hæreses propria conventicula, in quibus singillatim sua communione devincti sunt, nomine fasciculorum designavit: ut jam tunc incipient aligari ad comburendum, cum a catholica communione segregati suas proprias quasi ecclesiæ habere cœperint; ut combustio earum sit in fine saculi, modo alligatio fasciculorum. Sed si ita esset, non jam multæ resipescendo, et in Catholicam remeando ab errore descri-

scent. Quapropter et allatio fasciculorum in fine futura est, ut non confuse, sed pro modo per versitatis suæ uniuscujusque erroris pertinacia puniatur.

4. Ne forte colligentes zizania, eradicetis simul et triticum. Utrum quia etiam boni cum adhuc infirmi sunt, opus habent in quibusdam malorum commixtione, sive ut per eos exerceantur, sive ut eorum comparatione magna illis exhortatio fiat, ut nitantur ad melius, quibus sublatis altitudo charitatis quasi evulsa marcescat, quod est eradicari? Nam sic ait Apostolus: *Ut in charitate radicati et fundati, possitis comprehendere* (Ephes. iii, 17, 18). An forte ideo simul eradicatur triticum, cum auferuntur zizania, quia multi primo zizania sunt, et postea triticum sunt? qui nisi patienter, cum mali sunt, tolerentur, ad laudabilem mutationem non pervenient: itaque si evulsi fuerint, simul eradicatur et triticum, quod futuri essent, si eis parceretur.

XIII. [Ib. xiii, 45, 46.] Simile est regnum cœlorum homini negotiatori quærenti bonas margaritas. Inventa autem una pretiosa margarita, abiit et vendidit omnia quæ habuit, et emit eam. Questio est cur a numero plurali ad singularem transierit, ut cum querat homo bonas margaritas, unam inveniat pretiosam, quam venditis omnibus quæ habet, emat. Aut ergo iste bonos homines quærens, cum quibus utiliter vivat, invenit unum præ omnibus sine peccato, mediatorem Dei et hominum, hominem Christum Jesum (I Tim. ii, 5): aut præcepta quærens, quibus servatis cum hominibus recte conversetur, invenit dilectionem proximi, in quo uno dicit Apostolus omnia contineri; ut, *Non occides, non mæchaberis, non furaberis, non falsum testimonium dices, et si quod est aliud mandatum, singulæ margaritæ sint, quæ in hoc sermone recapitulantur, Diliges proximum tuum tanquam te ipsum* (Rom. xiii, 8, 9). Aut bonos intellectus homo querit, et invenit unum illud quo cuncti continentur, in principio Verbum, et Verbum apud Deum, et Verbum Dénū (Joan. i, 1), lucidum candore veritatis, et solidum firmitate æternitatis, et undique sui simile pulchritudine divinitatis, qui Deus, penetrata carnis testudine, intelligendus est. Ille enim ad margaritam ipsam jam pervenerat, quæ in tegumentis mortalitatis, quasi concharum obstaculo, in profundo hujus saeculi, atque inter duritas saxeas Iudeorum aliquando latuerat: ille ergo ad ipsam margaritam jam pervenerat, qui ait, *Et si noveramus Christum secundum carnem, sed nunc jam non novimus* (II Cor. v, 16). Nec ullus omnino intellectus margarite nomine dignus est, nisi ad quem discussis omnibus carnalibus tegminibus pervenitur, quibus sive per verba humana, sive per similitudines circumpositas operitur, ut purus et solidus et nusquam a se dissonans, certa ratione cernatur. Quos tamen omnes veros et firmos et perfectos intellectus unus ille continet, per quem facta sunt omnia, quod est Verbum Dei (Joan. i, 3). Quodlibet autem horum trium sit, vel si aliquid aliud occurrere potuerit, quod margaritæ unius et pretiosæ nomine

bene significetur, pretium ejus est nos ipsi: qui ad eam possidendum non sumus liberi, nisi omnibus pro nostra liberatione contemptis, quæ temporaliter possidentur. Venditis enim rebus nostris, nullum earum majus accipimus pretium, quam nos ipsos; quia talibus implicati, nostri non eramus: ut rursus nos ipsos pro illa margarita demus, non quia tanti valeamus¹, sed quia plus dare non possumus.

XIV. [Ib. xiii, 45.] 1. Et oculos suos clauerunt, nequando oculis videant: id est, ipsi causa fuerunt ut Deus eis oculos clauderet. Alius enim evangelista dicit, *Excœavit oculos eorum.* Sed utrum ut nunquam videant? an vero ne vel sic aliquando videant, cœcitatem sua sibi displices, et se dolentes, et ex hoc humiliati atque commoti ad confitenda peccata sua, et pio querendum Dominum? Sic enim Marcus hoc dicit, *Nequando convertantur, et dimittantur eis peccata* (Marc. iv, 12). Ubi intelliguntur peccatis suis meruisse ut non intelligerent, et tamen hoc ipsum misericorditer eis factum, ut peccata sua cognoscerent, et conversi veniam mererentur. Quod autem Joannes hunc locum ita dicit. « Propterea non poterant credere, quia iterum dixit Isaías, Excœavit oculos eorum, et induravit cor eorum, ut non videant oculis, et intelligent corde, et convertantur, et sanem eos » (Joan. xii, 39, 40); adversari videtur huic sententiae, et omnino cogere ut quod hic dictum est, *Nequando oculis videant, non accipiatur, Ne vel sic aliquando oculis videant, sed prorsus, Ut non videant: quandoquidem aperte ita dicit, Ut oculis non videant.* Et quod ait, *Propterea non poterant credere*, satis ostendit non ideo factam illam excœcationem, ut ea commoti et dolentes se non intelligere, converterentur aliquando per poenitentiam; non enim possent hoc facere, nisi prius crederent, ut credendo converterentur, conversione sanarentur, sanitate intelligerent: sed ideo potius excœatos, ut non crederent. Dicit enim apertissime, *Propterea non poterant credere.*

2. Quod si ita est, quis non exsurgat in defensionem Iudeorum, ut eos extra culpam fuisse proclamet, quod non crediderunt? Propterea enim non poterant credere, quia excœavit oculos eorum. Sed quoniam potius Deus extra culpam debet intelligi, cogimur sati álii quibusdam peccatis ita eos excœcari meruisse: qua tamen excœcatione non potuerunt credere. Verba enim Joannis ista sunt: *Propterea non poterant credere, quia iterum dixit Isaías, Excœavit oculos eorum.* Frustra itaque conamur intelligere, ideo fuisse cœatos, ut converterentur², cum ideo converti non poterant, quia non credebant, et ideo credere non poterant, quia excœcati erant. An forte non absurde dicimus, quosdam Iudeorum fuisse sanabiles; sed tanto tamen superbice tumore periclitatos, ut eis expedierit primo non credere, et ad hoc fuisse cœcatos, ut non intelligerent Dominum loquentem per parabolam.

¹ Miss. plerique, non quia tanto valet.

² Am. Er. et Lov., ut non converterentur. Expungenda hinc negatio, quæ nec est in Vss., nec in antiqua editione Ratisponensi, nec apud Rabanum, qui hunc locum transluxit in lib. 4 Comment. super Matthæum.

las, quibus non intellectis, non in eum crederent. non credentes autem, cum ceteris desperatis crucifigerent eum; atque ita post ejus resurrectionem converterentur, quando jam de reatu mortis Domini amplius humiliati, vehementius diligerent a quo sibi tantum scelus dimissum esse gauderent: quoniam tanta erat eorum superbia, ut tali humiliatione esset dejicienda? Quod incongrue dictum esse quilibet arbitretur, si non ita contigisse in Actibus Apostolorum manifestissime legerit (*Act. ii, 37*). Non ergo abhorret quod ait Joannes, *Propterea non poterant credere, quia excæcavit oculos eorum ut non videant, ab ea sententia qua intelligimus ideo excæcatos ut converterentur; hoc est, ideo eis per obscuritates parabolæ occultatas sententias Domini, ut post ejus resurrectionem salubriore penitentia resipiscerent: quia per obscuritatem sermonis excæcati, dicta Domini non intellexerunt, et ea non intelligendo, non in eum crediderunt, non credendo crucifixerunt eum;* atque ita post ejus resurrectionem miraculis, quæ in ejus nomine fiebant, exterriti, majore criminis reatu compuncti sunt et prostrati ad pœnitentiam, deinde accepta indulgentia ad obedientiam, flagrantissima dilectione conversi.

5 Nam quibus non profuit illa cæcitas ad conversionem, quæ per linguam parabolæ siebat, ita de illis propheta alio loco dicit, quod etiam Apostolus communemoravit cum de obscuritate linguarum ageret: *In aliis linguis, et in aliis labiis loquar populo huic, et nec sic me exaudient, dicit Dominus* (*1 Cor. xiv, 21; Isaï. xxviii, 11*). Non enim dicetur, *Nec sic me exaudient, nisi ad hoc fieret, ut vel sic exaudirent: id est, ut eis ad humilem confessionem, et sollicitam inquisitionem, et obedientem conversionem, et ferventem dilectionem valeret.* Est vero etiam ista ratio medicinae corporalis. Nam et pleraque medicamenta prius affligunt ut sanent, et ipsa collyria que ad oculos pertinent, si ea opus est intrinsecus infundi, nisi sensum videndi prius claudant et perturbent, prodesse non possunt.

4. Nec moyeat quod idem propheta dicit, *Nisi credideritis, non intelligetis* (*Isai. vii, 9, sec. LXX*); quasi contrarium sit quod Joannes ait, *Propterea non poterant credere, quia excæcavit oculos eorum;* id est, quia illæ parabolæ ita dicebantur, ut ab eis non possent intelligi. Dicit enim aliquis: Si ut intelligerent credere debebant, quomodo propteræ non poterant credere, quia non intelligebant, hoc est, quia excæcavit oculos eorum? Sed quod ait Isaïas, *Nisi credideritis, non intelligetis*, de illa intelligentia dictum est, in qua semper manebitur, rerum ineffabilium: cum autem dicitur quod creditur, nisi quod dicitur intelligatur, credi non potest. Intelligentia sunt ergo dicta, ut credantur quæ dici potuerunt: credenda autem quæ dici potuerunt, ut intelligentur quæ dici non possunt.

XV. [lb. xiiii, 34.] *Et sine parabolis non loquebatur eis.* Non quia nihil proprie locutus est, sed quia nullum sere sermonem explicavit, ubi non aliquid per parabolam significavit, quamvis in eo aliqua et pro-

prie dixerit: ita ut sepe inveniatur totus sermo ejus parabolis explicatus, totus autem proprie dictus nullus inveniatur. Explicatos autem sermones dico, quando ex aliqua occasione rerum incipit loqui quo usque terminet quidquid ad ipsam rem pertinet, et transeat ad aliud. Nonnunquam sane alias evangelista contextit, quod alias diversis temporibus dictum indicat. Non enim omnimodo secundum rerum gestarum ordinem, sed secundum suæ quisque recordationis facultatem, narrationem quam exorsus est ordinavit.

XVI. [lb. xiii, 51, 52, 44.] *Intellexistis hæc omnia?* Dicunt ei: *Etimam. Ali illis: Ideo omnis scriba doctus in regno cœlorum, similis est homini patrifamilias, qui profert de thesauro suo nova et vetera.* Utrum ista conclusione exponere voluit quem dixerit thesaurum in agro absconditum: quoniam sanctæ Scripturæ intelligentur, quæ nomine duorum Testamentorum, Novi et Veteris, concluduntur; quemadmodum apud alium evangelistam, gladium bis acutum tali conclusione videtur exponere (*Apoc. i, 16*)? An quia in parabolis ista locutus est; et cum quæsisset ab eis utrum intellexissent, responderunt se intellexisse; fortasse ista similitudine ultima patrifamilias proferentis de thesauro suo nova et vetera, ostendere voluit eum doctum habendum esse in Ecclesia, qui etiam Scripturas veteres parabolis explicatas intellexerit, ab istis novis accipiens regulas? Quia et ista Dominus per parabolas enuntiavit, quamvis ipse Christus esset finis illorum; id est, ut in eo illa vetera completerentur: ut si ipse in quo illa complentur et manifestantur, per parabolæ adhuc loquitur, donec ejus passio velut discindat, ut nihil sit occultum quod non reveletur; multo magis illa quæ ad commendandam tantam salutem tam longe de illo scripta sunt, parabolæ opera esse noverimus: que cum Iudei ad litteram acciperent, noluerunt esse docti in regno cœlorum, neque transire ad Christum, ut auferretur velamen quod supra cor eorum positum est¹.

XVII. [lb. xiii, 55 et 56.] 1. *Frates ejus, Jacobus, et Joseph, et Simon, et Judas, et sorores ejus, nonne omnes apud nos sunt? unde ergo huic omnia ista? Et scandalizabantur in eo.* Fratres apud Iudeos dici solere cognatos usque adeo probatur, ut non solum ex propinquo generationis gradu, sicut sunt filii fratrum et sororum, qui etiam apud nos usitatissime fratres dicuntur; sed etiam avunculus et sororis filius, sicut sibi erant Jacob et Laban, fratres appellati inveniantur (*Gen. xxix, 15*). Non ergo mirum est dictos esse fratres Domini ex materno genere quoscumque cognatos; cum etiam ex cognitione Joseph dici potuerint fratres ejus ab eis, qui illum patrem Domini esse arbitrabantur (a).

2. Generalem justitiam non violat quis, nisi libidine transgressus fuerit aut placitum societatis humanæ,

¹ In editione Ratisponensi inseritur hic questio in illa verba Matth. cap. 24, v. 36: *De die autem illo et hora nemo scit, etc.*, sed quæ nihil differt ab ea quæ inter octoginta tres Questiones ordine est sexagesima.

(a) Hic terminatur opusculum in editis Rat. Am. Er. et in MSS. Vaticano, Sorbonico, Cisterciensi: nec reliqua vidimus, nisi apud Lov. et in MSS. Victoriniis duobus ac uno Corbeicensi vetustissimo.

sicut est furtum, rapina, adulterium, incestus, et hujusmodi; aut naturam, sicut est contumelia, cædes, homicidium, concubitus masculorum vel pecorum; aut modum in concessis, sicut est superbum amplius verberare quam oportet, vel superfluum edere vel bibere amplius quam oportet, cum ipsa conjugi cumberem amplius quam oportet, et similia.

3. Bene intelligitur Spiritus sanctus ideo primum linguarum donum dedisse hominibus, quæ pacto et placito hominum institute sunt, et forinsecus per sensus corporis consuetudine audiendi discuntur, ut eis ostenderet quam facile posset sapientes facere per sapientiam Dei, quæ in eis interna est.

4. Item voluntas Verbi sempiterni stabilis est semper, quia simul habet omnia: nostra autem voluntas ideo non stat, quia non habet simul omnia; ideo modo hoc, modo illud volumus. Item sic fuerunt in illo Verbo omnia quæ facta sunt, et ipsa susceptio hominis sic ab eo præcognita est, quomodo si pector velit pingere totum donum, et cogitet vel neverit locum ubi etiam se pingere debeat: totum in arte habet, et in preparatione, et in voluntate, quamvis certis et suis quæque temporibus explicet. Sic omnis creatura

et ipse homo qui ejusdem Sapientiæ personam mystice et inenarrabili susceptione gestatus erat, in ipsa sapientia tanquam Dei arte sempiterna semper erat, quamvis suis quæque temporibus efficiat, quæ pertendit a fine usque ad finem fortiter, et disponit omnia suaviter atque in se manens innovat omnia (*Sap. viii, 4, et vii, 27*).

5. Item quomodo quis velit velle mori, si sic velle mori pervenerat, qui jam habet sanam fidem et videt quo sibi pervenientum sit, ad hoc jam proficit, ut libenter de hac vita discedat. Non enim hoc est videre quo sibi pervenientum sit, quod est etiam amare illud, et ibi jam esse desiderare: quod in cuius animo effectum fuerit, necesse est ut libenter moriatur. Frustra itaque dicunt quidam, qui jam sanam fidem tenent, ideo se nolle mori ut proficiant, cum ipse profectus eorum in eo profecti sit, ut mori velint. Si ergo verum loqui volunt, non dicant, Ideo mori nolo, ut proficiam; sed, Ideo mori nolo, quia parum profeci. Itaque mori nolle fidibus non consilium est ut proficiant, sed indicium quod parum profecerint. Proinde quod nolunt, ut perfecti sint; velint, et perfecti sunt.

ADMONITIO EX SUBSEQUENTIBUS IN JOANNEM TRACTATIBUS.



Haud temere fecisse videbimur, si Augustini in Joannem Tractatus adscripserimus anno Christi supra quadragesimum sexto decimo, aut proximo post tempori. Certe quidem hunc evangelistam cum exponeret, flagrabat etiam tum Catholicorum cum Donatistis pugna; quando in factiosis illis revincendis tam multis tamque vehemens inibi est. S. Doctor: præterquam quod ad id usque temporis schismaticum eorum altare stabat Hippone: unde in Tractatu super ejusdem Joannis Epistolam (cui nimur exponendæ Epistolæ, inchoata dudum ac intermissa paulisper Evangelii tractatione, dedit operam), in hæc verba conqueritur, *Quid faciunt in hac civitate quo altaria?* Quod licet in tempora etiam anteriora Carthaginensi Collatione, quæ cum Donatistis anno 411 habita fuit, referri queat; attamen quia per hos ipsos, de quibus agimus in Evangelium Tractatibus, non solum Prædestinationis fides, uti res maxime explorata, proponitur in Tractt. xlvi, lxviii, lxxviii, lxxxviii, cv, cxi, etc., sed etiam perstringuntur tacito nomine Pelagiani in Tractt. lxxii, lxxvii, lxxxii, lxxxvii, etc., hinc profecto intelligere licebat eosdem Tractatus non ante quadragesimum et undecimum Christi annum, quo primum invehitur in Africam Pelagiana heres, editos fuisse. Sed aliud argumentum, quo sit ut in annum quadragesimum decimum sextum a nobis remittantur, suppetit longe expressius ex Tract. cxx, ubi Nicodemus sæpius venisse ad Christum, ut ejus discipulus audiendo fieret, probat Augustinus hac ratione: *Quod certe ait, modo in revelatione corporis beatissimi Stephani (quæ videlicet anno quadragesimo decimo quinto propo si nito facta est) fere omnibus gentibus declaratur.*

Diebus porro quibuslibet Tractatus sermonesve hanc in rem suos habebat. Primum, exempli gratia, die dominico, postridie secundum se pronuntiasse in hoc ipso Tract. ii indicat. Habitus item fuit dominico die quadragesimus sextus, ex Tract. xlvi: pridie vero quadragesimus quintus, ex Tract. xlvi, dictus fuerat. Trigesimus quartus tresque sequentes, quatuor diebus continuis, ut ex cujusque exordio ac peroratione patet, habiti sunt, et quidem trigesimus septimus die dominico, ex Tract. xxxviii. Sic octavus, nonus, et decimus: sic tandem isti quinque xix, xx, xxi, xxii et xxiii, singuli singulis continententer diebus pronuntiati significantur. Hoc egisse Augustinum, ut e diebus habenda concioni destinatis nullum præteriret, vel hinc intelligitur, quod unum hujuscemodi quadam occasione omissum diem in Tract. viii, excusat, et in xlvi, prælecti de Evangelio loci tractationem diligenter in reddendi sermonis dies remittit. In xlvi, quem dominico die habuit, dicit sepe per temporis, ut solet, angustias, quo minus orationem fusius prosequatur, minime prohiberi. Testatur contra nonnunquam, eo nolle se diebus solemnioribus sermonem producere, quod forte essent multi, qui potius solemnitas causa quam sermonis audiendi desiderio convenissent: sic ad Tractatus viii finem. Ex xlvi autem

aliisque eum intelligimus, quam Evangelii partem populo erat expositurus jubere solitum inter divina officia recitari : quam prælectam postea nitebatur explicare. Verum si quando hoc futurum fuisset æquo longius, residuum in aliud tempus differebat ; ac tum quoque relegi Evangelium præcepit.

Cæterum exacta nondum hieme suam in Joannis Evangelium explanationem aggressus est Augustinus. Testatur quippe in Tract. vi, sese subveritum ne populus a frequentanda ecclesia frigoris vi deterretur. In x, proximum significat tempus imminere, ut passionis ac resurrectionis Dominicæ solemnitas celebretur. In xi autem, ut adhortetur catechumenos, jam tempus exigere. Pridie ejus diei quo habuit xii, dicturum se de pace Ecclesiæ, vel quid egisset, vel quid adhuc agendum speraret, populo promiserat : sed præmittere solitam de lectione evangelica tractationem voluit, ac tum fidem suam liberare. Quid illud porro fuerit, quod de Ecclesiæ pace dicendum habebat, incomptum est; neque in ejusdem tractationis fine conscriptum fuit. Videtur ex xiii Tractatus exordio posse colligi, a diebus non ita paucis intermissum ab eo fuisse Joannis Evangelium : et recipsa illud per Paschalia festa, quæ in 2 diem aprilis anno 416 incidebant, interrupit, eo quod his diebus fixas et certas ex Evangelio lectiones oportet in Ecclesia recitari, quibus substituere alias non licet : sicuti sua in Expositionem Epistolæ Joannis præfatione docet. Nam interea temporis enarrandam hanc ipsam Epistolam suscepit : moxque ea pertractata rediit ad Evangelium. In cuius explicatione Tractatum xxvii, needum in Laurentii martyris, quem ibidem laudat, celebritate excesserat : tametsi quinque Tractatus a xix, uti jam observatum est, ad xxiii, diebus quinque continuis perfecisset.

Ex hoc opere decerpta quam multa reperies apud Bedam et Alcuinum super Joannem, apud Florum in Commentariis super Pauli Epistolas, Bedæ nomine vulgatis, etc., necnon sententias quasdam a veteribus confirmandæ catholicæ fidei causa prolatas ex variis Tractatibus : scilicet ex ii, a Cassiano, lib. 7 de Incarnatione, cap. 27 ; ex lxxviii, a Leone papa in Epistola ad Leonem Augustum olim 97, nunc 134, etc. Recordatur ejusdem operis Cassiodorus Senator in lib. Instit., cap. 7, Joannem copiosa et insigni expositione ab Augustino illustratum commendans. Possidius in Indiculo, cap. 6, sub his verbis : *Tractatus de Evangelio Joannis a capite usque ad finem, in codicibus sex.* Augustinus ipse in præfatione ad Tractatus super Epistolam Joannis : *Mennit, inquit, Sanctitas vestra Evangelium secundum Joannem ex ordine lectionum nos solere tractare.* Rursusque in lib. 15 de Trinitate, cap. 27, signat Tractatum in Joan. xcix, cum ait : *De hac re in sermone quodam proferendo ad aures populi christiani diximus, dictumque conscripsimus.* Plura sane, si sat vixisset, dicturus in Retractationum libris peculiaribus, quos, uti ad Quodvultdeum, epist. 224, scribit, in Tractatus populares homiliae que a se habitas meditabatur.

Opus in vetustis codicibus inscribitur, quibusdam Tractatus, aliis Sermones, nonnullis Homiliæ in Joannem. Sed paulo amplior titulus est in MSS. Audioenensi, Gemmeticensi, et Pratellensi, hunc in modum : *Aurelii Augustini Doctoris Hippion. episc. Homiliæ in Evangelium Dom. Iesu secundum Joannem incipiunt, quas ipse colloquendo prius ad populum habuit, et inter loquendum a notariis exceptas, eo quo habitæ sunt ordine, verbum ex verbo postea dictavit.* Denique quod ad præfationem hic subjectam attinet, frustra eam querere vel in MSS. vel in editis Am. et Bad. Hanc post Erasmus dederunt Lovanienses, qui tamen observant nec Augustini esse, nec in ullo Ms. extare. Habetur paucis mutatis verbis apud Bedam et Alcuinum in Joannem.

PRÆFATIO INCERTI AUCTORIS.

Omnibus divinæ Scripturæ paginis Evangelium excusat; quia quod Lex et Prophetæ futurum prædixerunt, hoc complectum dicit Evangelium. Inter ipsos autem Evangeliorum scriptores Joannes eminet in divinorum mysteriorum profunditate, qui a tempore Dominicæ ascensionis per annos sexaginta quinque verbum Dei absque adminiculo scribendi, usque ad ultima Domitiani prædicavit tempora. Sed occiso Domitiano, cum permittente Nerva de exilio rediisset Ephesum ; compulsus ab episcopis Asiae, de coetera Patri divinitate Christi scripsit adversus hereticos, qui eo absente irruperant in ejus Ecclesias, qui Christum ante Mariam fuisse negabant. Unde merito in figura quatuor animalium, aquilæ volanti comparatur : quæ volat altius cæteris avibus, et solis radios irreverberatis aspicit luminibus. Cæteri quippe evangelistæ, qui temporalem Christi nativitatem, et temporalia ejus facta quæ gessit in homine, sufficienter

exponunt, et de divinitate pauca dixerunt, quasi animalia gressibilia cum Domino ambulant in terra : hic autem pauca de temporalibus ejus gestis edisserens, sed divinitatis potentiam sublimius contemplans, cum Domino ad coelum volat. Qui enim supra pectus Domini in coena recubuit, coelestis haustum sapientiae cæteris excellentius de ipso Dominicæ pectoris fonte potavit. Legerat siquidem Evangelia trium evangelistarum, et approbaverat fidem eorum et veritatem : in quibus deesse vidit aliqua gestarum rerum historiæ, et ea maxime quæ Dominus gessit primo prædicationis suæ tempore, scilicet antequam Joannes Baptista clauderetur in carcere. Hæc ergo quasi dimissa ab illis scribit Joannes, quæ fecit Jesus antequam Joannes clauderetur : sed maxime divinitatem Christi et Trinitatis mysterium commendare curavit. Tres siquidem alii evangelistæ dicta et facta Domini temporalia, quæ ad informandos mores vitæ præsentis maxime valeunt,

copiosius prosecuti, circa activam vitam sunt versati : in qua laboratur, ut cor mundetur ad videndum Deum : Joannes vero pauca Domini facta dicit : verba vero Domini quæ Trinitatis unitatem, et vite æternæ felicitatem insinuant, diligentius conscribit ; et sic in con-

templativa virtute commendanda, intentionem suam et prædicationem tenuit : in qua contemplativa vacatur ut Deus videatur. Iste siquidem est Joannes, quem Dominus de fluctuaga nupliarum tempestate vocavit, et cui Matrem virginem virgini commendavit.

S. AURELII AUGUSTINI HIPPONENSIS EPISCOPI IN JOANNIS EVANGELIUM TRACTATUS CXXIV ^(a).

TRACTATUS I.

In illud Joannis, In principio erat Verbum, et Verbum erat apud Deum, et Deus erat Verbum, etc., usque ad id, Et tenebræ eam non comprehendenterunt. Cap. 1, ¶ . 4-5.

1. Intuens¹ quod modo audivimus ex lectione apostolica, quod animalis homo non percipit ea quæ sunt Spiritus Dei (*I Cor. II, 14*), et cogitans, in hac præsenti turba Charitatis vestræ necesse esse ut multi sint animales, qui adhuc secundum carnem sapiant, nondumque se possint ad spiritualem intellectum erigere, hæcito vehementer, quomodo, ut Dominus dederit, possim dicere, vel pro modulo meo explicare quod lectum est ex Evangelio, *In principio erat Verbum, et Verbum erat apud Deum, et Deus erat Verbum* : hoc enim animalis homo non percipit. Quid ergo, fratres ? silebimus hinc? Quare ergo legitur, si silebitur? aut quare auditur, si non exponitur? sed et quid exponitur, si non intelligitur? Itaque quoniam rursum esse non dubito in numero vestro quosdam, a quibus possit non solum expositum capi, sed et antequam exponatur, intelligi; non fraudabo eos qui possunt capere, dum timeo superflius esse auribus eorum qui non possunt capere. Postremo aderit misericordia Dei, fortasse ut omnibus satis fiat, et capiat quisque quod potest: quia et qui loquitur, dicit quod potest. Nam dicere ut est, quis potest? Audeo dicere, fratres mei, forsitan nec ipse Joannes dixit ut est, sed et ipse ut potuit; quia de Deo homo dixit: et quidem inspiratus a Deo, sed tamen homo. Quia inspiratus, dixit aliquid; si non inspiratus esset, dixisset nihil: quia vero homo

inspiratus, non totum quod est dixit; sed quod potuit homo, dixit.

2. Erat enim iste Joannes, fratres charissimi, de illis montibus, de quibus scriptum est: *Suscipient montes pacem populo tuo, et colles justitiam* (*Psal. LXXI, 3*). Montes, excelsæ animæ sunt: colles, parvulae animæ sunt. Sed ideo montes excipiunt pacem, ut colles possint excipere justitiam. Quæ est justitia, quam colles excipiunt? Fides, quia justus ex fide vivit (*Habac. II, 4*; *Rom. I, 17*). Non autem exciperent minores animæ fidem, nisi majores animæ, quæ montes dictæ sunt, ab ipsa Sapientia illustrarentur, ut possint parvulis trajicere quod possint parvuli capere, et vivere ex fide colles, quia montes pacem suscipiunt. Ab ipsis montibus dictum est Ecclesiæ, *Pax vobiscum*: et ipsi montes pacem annuntiando Ecclesiæ, non divisorunt se adversus cum a quo suscepserunt pacem (*Joan. XX, 19*), ut veraciter, non sicut nuntiarent pacem.

3. Sunt enim alii montes naufragosi, quo quisque navim cum impulerit, solvitur. Facile est enim cum videtur terra a periclitantibus, quasi conari ad terram: sed aliquando videtur terra in monte, et saxa latent sub monte; et cum quisque conatur ad montem, incidit in saxa; et non ibi invenit portum, sed planctum. Sic fuerunt quidam montes, et magni apparuerunt inter homines; et fecerunt hereses et schismata, et divisorunt Ecclesiam Dei: sed isti qui divisorunt Ecclesiam Dei, non erant illi montes de quibus dictum est, *Suscipient montes pacem populo tuo*. Quomodo enim pacem suscepserunt, qui unitatem divisorunt?

ADMONITIO PP. BENEDICTINORUM.

Hos tractatus recognovimus ad MSS. Possatensem optimæ notæ, descriptum jussu Ingilberti abbatis circiter annum 840, ad vetustissimos Gernuaenses duos, ad Corbeieensem, Remigiensem, Gemmætensem, Floriacensem, Audoenensem, Becherouensem, Fratellensem, Vindocienses duos, Carcassonensis Ecclesie unum, Abbaticæ de Cultura unum. Adhucimus præterea variantes lectiones Belgicorum septem codicum per Lovanienses collectas: necnon antiquiores editiones Rad. Er. et Lov.

Comparavimus præterea eas omnes editiones initio Retr. et Confess. t. 1, memoratas. M.

¹ MSS. nostri magno consensu, intuentes; et infra, et co-gitantes, plurali numero, pro, intuens... et cogitans.

(a) Habitæ forte sub Christi annum 416.

4. Qui autem suscepserunt pacem nuntiadam populo, contemplati sunt ipsam Sapientiam, quantum humanis cordibus potuit contingi quod nec oculus vidit, nec auris audivit, nec in cor hominis ascendit (*I Cor. ii, 9*). Si in cor hominis non ascendit, quomodo ascendit in cor Joannis? An non erat homo Joannes? An forte nec in cor Joannis ascendit, sed cor Joannis in illam ascendit? Quod enim ascendit in cor hominis, de ino est ad hominem: quo autem ascendit cor hominis, sursum est ab homine. Etiam sic, fratres, dici potest quia si ascendit in cor Joannis, si aliquo modo potest dici, in tantum ascendit in cor Joannis, in quantum ipse Joannes non erat homo. Quid est, Non erat homo? In quantum cœperat esse angelus: quia omnes sancti, angeli; quia annuntiatores Dei. Ideo carnalibus et animalibus non valentibus percipere quæ sunt Dei, quid ait Apostolus? *Cum enim dicitis, Ego sum Pauli, ego Apollo, nonne homines estis?* (*I Cor. iii, 4*)? Quid eos volebat facere, quibus exprobrabat quia homines erant? Vultis nosse quid eos facere volebat? audite in Psalmis: *Ego dixi, Dii estis, et filii Excelsi omnes* (*Psal. lxxxi, 6*). Ad hoc ergo vocat nos Deus, ne simus homines. Sed tunc in melius non erimus homines, si prius nos homines esse agnoscamus, id est, ut ad illam celsitudinem ab humilitate surgamus: ne cum putamus nos aliquid esse, cum nihil sinus, non solum non accipiamus quod non sumus, sed et amittamus quod sumus.

5. Ergo, fratres, de his montibus et Joannes erat, qui dixit, *In principio erat Verbum, et Verbum erat apud Deum, et Deus erat Verbum*. Suscepserat pacem mons iste, contemplabatur divinitatem Verbi. Qualis iste mons erat? quam excelsus? Transcenderat omnia cacumina terrarum, transcenderat omnes campos aeris, transcenderat omnes altitudines siderum, transcenderat omnes choros et legiones Angelorum. Nisi enim transcenderet ista omnia quæ creata sunt, non perveniret ad eum per quem facta sunt omnia. Non potestis cogitare quid transcenderit, nisi videatis quo pervenerit. Quæreris de cœlo et terra? facta sunt. Quæreris de his quæ sunt in cœlo et terra? Utique multo magis et ipsa facta sunt. Quæreris de spiritualibus creaturis, de Angelis, Archangelis, Sedibus, Dominationibus, Virtutibus, Principatibus? et ipsa facta sunt. Nam cum enumeraret hæc omnia Psalmus, conclusit sic: *Ipse dixit, et facta sunt; ipse mandavit, et creata sunt* (*Psal. cxlviii, 5*). Si dixit, et facta sunt, per Verbum facta sunt: si autem per Verbum facta sunt, non potuit Joannis cor pervenire ad id quod ait, *In principio erat Verbum, et Verbum erat apud Deum, et Deus erat Verbum*; nisi transcendisset omnia quæ sunt facta per Verbum. Qualis ergo iste mons, quam sanctus, quam altus inter illos montes qui suscepserunt pacem populo Dei, ut colles possent suscipere justitiam?

6. Videte ergo, fratres, ne forte de ipsis montibus est Joannes, de quibus paulo ante cantavimus, *Levari oculos meos in montes, unde veniet auxilium mihi*. Ergo, fratres mei, si vultis intelligere, levate oculos vestros

in montem istum; id est, erigite vos ad Evangelistam, erigite vos ad ejus sensum. Sed quia montes isti pacem suscipiunt, non potest autem esse in pace, qui spem ponit in homine; nolite sic erigere oculos in montem, ut putetis in homine spem vestram esse collocandam; et sic dicite, *Levari oculos meos in montes, unde veniet auxilium mihi*, ut statim subiungatis, *Auxilium meum a Domino, qui fecit cœlum et terram* (*Psal. cxx, 1, 2*). Ergo levemus oculos in montes, unde veniet auxilium nobis: et tamen non ipsi montes sunt, in quibus spes nostra ponenda est; accipiunt enim montes quod nobis ministrant: ergo unde et montes accipiunt, ibi spes nostra ponenda est. Oculos nostros cum levamus ad Scripturas, quia per homines ministratae sunt Scripturae, levamus oculos nostros ad montes, unde auxilium veniet nobis: sed tamen quia ipsi homines erant qui scripserunt Scripturas, non de se lucebant; sed ille erat lumen verum (*Joan. i, 9*), qui illuminat omnem hominem venientem in hunc mundum. Mons erat et ille Joannes Baptista, qui dixit, *Non sum ego Christus* (*Ibid. , 20*): ne quisquam spem in montem ponens, caderet ab illo qui montes illustrat, et ipse confessus ait, *Quoniam de plenitudine ejus omnes accepimus* (*Ibid. i, 16*). Ita debes dicere, *Levavi oculos meos in montes, unde veniet auxilium mihi*, ne auxilium quod tibi venit, montibus imputes; sed sequareis, et dicas, *Auxilium meum a Domino, qui fecit cœlum et terram*.

7. Ergo, fratres, ad hoc ista monuerim, ut quando erexistis cor ad Scripturas, cum sonaret Evangelium, *In principio erat Verbum, et Verbum erat apud Deum, et Deus erat Verbum*, et cetera quæ lecta sunt, intelligatis vos levasse oculos ad montes. Nisi enim montes ista dicerent, unde omnino cogitaretis, non inventeritis. Ergo ex montibus venit vobis auxilium, ut hæc vel audiretis: sed nondum potestis intelligere quod audistis. Invocate auxilium a Domino, qui fecit cœlum et terram: quia montes sic potuerunt loqui, ut non possint ipsi illuminare; quia et ipsi illuminati sunt audiendo. Inde qui hæc dixit, accepit Joannes ille, fratres, qui discubebat super pectus Domini (*Joan. xiii, 25*), et de pectore Domini bibebat quod propinaret nobis. Sed propinavit verba; intellectum autem inde debes capere, unde et ipse biberat qui tibi propinavit: ut leves oculos ad montes, unde auxilium veniet tibi, ut inde tanquam calicem, id est, verbum¹ propinatum acciperes; et tamen quia auxilium tuum a Domino, qui fecit cœlum et terram, inde implexes pectus, unde implevit ille: unde dixisti, *Auxilium meum a Domino, qui fecit cœlum et terram*: qui potest ergo, impletat. Fratres, hoc dixi²: levet quisque cor suum quomodo illud videt idoneum, et capiat quod dicitur. Sed forte hoc dicetis, quia ego vobis sum præsentior quam Deus. Absit. Multo est ille præsentior: nam ego oculis vestris appareo, ille conscientiis vestris præsidet. Ad me aures, ad illum cor, ut utrumque impletatis. Ecce oculos vestros et

¹ in plerisque MSS., verbo.

² sic MSS. At editi, ergo, *Fratres, impletat hoc quod dixi*.

sensus istos corporis levatis ad nos ; nec ad nos , non enim nos de illis montibus , sed ad ipsum Evangelium , ad ipsum Evangelistam : cor autem implendum ad Dominum. Et unusquisque sic levet , ut videat quid levet , et quo levet. Quid dixi , Quid levet , et quo levet ? Quale cor levet , videat ; quia ad Dominum levet : ne sarcina voluntatis carnalis prægravatum , ante cadat , quam fuerit sublevatum. Sed videt se quisque gestare onus carnis ? det operam per continentiam , ut purget quod levet ad Deum. Beati enim mundi corde , quoniam ipsi Deum videbunt (*Matth. v. 8*).

8. Nam ecce quid prodest , quia sonuerunt verba , *In principio erat Verbum , et Verbum erat apud Deum , et Deus erat Verbum* ? Et nos diximus verba , cum loqueremur. Numquid^{*} tale Verbum erat apud Deum ? Nonne ea quæ diximus , sonuerunt atque transierunt ? Ergo et Dei Verbum sonuit et peractum est ? Quomodo omnia per ipsum facta sunt , et sine ipso factum est nihil ? quomodo per illud regitur , quod per illud creatum est , si sonuit et transiit ? Quale ergo Verbum quod et dicitur , et non transit ? Intendat Charitas vestra : magna res est. Quotidie dicendo verba viluerunt nobis , quia sonando verba et transeundo viluerunt , et nihil aliud videntur quam verba. Est verbum et in ipso homine , quod manet intus : nam sonus procedit ex ore. Est verbum quod vere spiritualiter dicitur , illud quod intelligis de sono , non ipse sonus. Ecce verbum dico , cum dico , Deus. Quam breve est quod dixi , quatuor litteras , et duas syllabas ! Numquidnam hoc totum est Deus , quatuor litteræ , et duas syllabæ ? An quantum hoc vilo est , tantum charum est quod in eis intelligitur ? Quid factum est in corde tuo , cum audisses , Deus ? Quid factum est in corde meo , cum dicerem , Deus ? Magna et summa quedam substantia cogitata est , quæ transcendat omnem mutabilem creaturam , carnalem et animalem. Et si dicam tibi , Deus commutabilis est , an incommutabilis ? respondebis statim , Absit ut ego vel credam vel sentiam commutabilem Deum : incommutabilis est Deus. Anima tua quamvis parva , quamvis forte adhuc carnalis , non mihi potuit respondere nisi incommutabilem Deum ; omnis autem creatura mutabilis : quomodo ergo potuisti scintillare in illud quod est super omnem creaturam , ut certus mihi responderes incommutabilem Deum ? Quid est ergo illud in corde tuo , quando cogitas quandam substantiam vivam , perpetuam , omnipotentem , infinitam , ubique præsentem , ubique totam , nusquam inclusam ? Quando ista cogitas , hoc est verbum de Deo in corde tuo. Numquid autem hoc est sonus ille qui quatuor litteris constat , et duabus syllabis ? Ergo quæcumque dicuntur et transeunt , soni sunt , litteræ sunt , syllabæ sunt. Hoc verbum transit , quod sonat : quod autem significavit sonus , et in cogitante est qui dixit , et in intelligenti est qui audivit , manet hoc transeuntibus sonis.

9. Refer¹ animum ad illud verbum. Si tu potes habere verbum in corde tuo , tanquam consilium natum in mente tua , ut mens tua pariat consilium , et

¹ Juxta Lov. , refert. M.

insit consilium quasi proles mentis tue , quasi filius cordis tui. Prius enim cor generat consilium , ut aliquam fabricam construas , aliquid amplum in terra moliaris ; jam natum est consilium , et opus nondum completum est : vides tu , quid facturus es ; sed alias non miratur , nisi cum feceris et construxeris molem , et fabricam illam ad exsculptiōnē perfectionemque perduxeris : attendunt homines mirabilem fabricam , et mirantur consilium fabricantis ; stupent quod vident , et amant quod non vident : quis est qui potest videre consilium ? Si ergo ex magna aliqua fabrica laudatur humanum consilium , vis videre quale consilium Dei est Dominus Jesus Christus , id est , Verbum Dei ? Attendo fabricam istam mundi ; vide que sint facta per Verbum , et tunc cognosces quale sit Verbum. Attende hæc duo mundi corpora , cœlum et terram : quis explicat verbis ornatum cœli ? quis explicat verbis fecunditatem terre ? quis digne collaudat temporum vices ? quis digne collaudat seminum viu ? Videtis quæ taceam , ne diu commemorando parum dicam forte , quam potestis cogitare¹. Ex fabrica ergo ista animadvertisque quale Verbum est per quod facta est : et non sola facta est. Omnia enim ista videntur , quia pertinent ad sensum corporis. Per illud Verbum et Angeli facti sunt ; per illud Verbum et Archangeli facti sunt ; Potestates , Sedes , Dominationes , Principatus ; per illud Verbum facta sunt omnia : hinc cogitate quale Verbum est.

10. Respondet mihi modo forte nescio quis : Et quis hoc Verbum cogitat ? Noli ergo tibi quasi vilo aliquid formare , cum audis Verbum , et conjicero verba quæ audis quotidie , Ille talia verba dixit , talia verba locutus est , talia verba mihi narras : assidue enim dicendo nomina verborum , quasi viluerunt , verba. Et quando audis , *In principio erat Verbum* , ne vilo aliquid putares , quale consuevisti cogitare , cum verba humana soleres audire , audi quid cogites : *Deus erat Verbum*.

11. Exeat nunc nescio quis infidelis Arianus , et dicat quia Verbum Dei factum est. Quomodo potest fieri ut Verbum Dei factum sit , quando Deus per Verbum fecit omnia ? Si et Verbum Dei ipsum factum est , per quod aliud Verbum factum est ? Si hoc dicis , quia est Verbum Verbi , per quod factum est illud , ipsum dico ego unicum Filium Dei. Si autem non dicis Verbum Verbi , concede non factum per quod facta sunt omnia. Non enim per scipsum fieri potuit , per quod facta sunt omnia : crede ergo Evangelistæ. Poterat enim dicere , *In principio fecit Deus cœlum et terram* ; et omnia sic enumerat , Dixit Deus , Fiat , et factum est (*Gen. i*). Si dixit , quis dixit ? Utique Deus. Et quid factum est ? Creatura aliqua. Inter dicentem Deum et factum creaturam quid est per quod factum est , nisi Verbum ? quia dixit Deus , Fiat , et factum est. Hoc Verbum incommutabile : quamvis mutabilia per Verbum sint , ipsum incommutabile est .

¹ Unus Becheronensis codex , et minus quam potestis cogitare. Hinc cum aliis sexdecim MSS. omissa particula , ex , prosequitur sic . Fabrica ergo ista cūm alversa , quale , etc.

12. Noli ergo credere factum, per quod facta sunt omnia: ne non reficiaris per Verbum, per quod reficiunt omnia. Jam enim factus es per Verbum, sed exportet te refici per Verbum: si autem mala fuerit fides tua de Verbo, non poteris refici per Verbum. Et si tibi contigit fieri per Verbum, ut per illud factus sis, per te deficis: si per te deficis, ille te reficiat qui te fecit: si per te deterius efficeris, ille te recreet qui te creavit. Quomodo te autem recreet per Verbum, si male aliquid sentias de Verbo? Evangelista dicit, *In principio erat Verbum; et tu dicis, In principio factum est Verbum. Ille, Omnia per ipsum facta sunt,* dicit; et tu dicis quia et ipsum Verbum factum est. Poterat dicere Evangelista, *In principio factum est Verbum: sed quid ait? In principio erat Verbum.* Si erat, non est factum, ut ista omnia per ipsum fierent, et sine ipso nihil. Si ergo *erat in principio Verbum, et Verbum erat apud Deum, et Deus erat Verbum:* si non potes cogitare quid sit, differ ut crescas. Ille cibus est, accipe lac ut nutriaris, ut sis validus ad capiendum cibum.

13. Sane, fratres, quod sequitur, *Omnia per ipsum facta sunt, et sine ipso factum est nihil*, vide te ne sic cogitetis, quia nihil aliquid est. Solent enim multi male intelligentes, *sine ipso factum est nihil*, putare aliquid esse nihil. Peccatum quidem non per ipsum factum est: et manifestum est, quia peccatum nihil est, et nihil sunt homines cum peccant. Et idolum non per Verbum factum est: habet quidem formam quamdam humanam, sed ipse homo per Verbum factus est; nam forma hominis in idolo, non per Verbum facta est; et scriptum est, *Scimus quia nihil est idolum* (*I Cor. viii, 4*). Ergo ista non sunt facta per Verbum; sed quaecumque naturaliter facta sunt, quaecumque sunt in creaturis, omnia omnino quae fixa in celo sunt, quae fulgent desuper, quae volitant sub celo, et quae moventur in universa natura rerum, omnis omnino creatura: dicam planius, dicam, fratres, ut intelligatis, ab angelo usque ad vermiculum. Quid præclarus angelo in creaturis? quid extremius vermiculo in creaturis? Per quem factus est angelus, per ipsum factus est et vermiculus: sed angelus dignus celo, vermiculus terra. Qui creavit, ipse disposuit. Si poneret vermiculum in celo, reprehenderes; si vellet Angelos nasci de putrescentibus carnibus, reprehenderes: et tamen prope hoc facit Deus, et non est reprehendendus. Nam omnes homines de carne nascentes, quid sunt nisi vermes? et de vermis Angelos facit. Si enim ipse Dominus dicit, *Ego autem sum vermis, et non homo* (*Psal. xxi, 7*); quis dubitat hoc dicere quod scriptum est et in Job, *Quanto magis homo putredo, et filius hominis vermis* (*Job xxv, 6*)? Primo dixit, *homo putredo*; et postea, *filius hominis vermis*: quia vermis de putredine nascitur, ideo *homo putredo*, et *filius hominis vermis*. Ecce quid fieri voluit propter te, illud quod *in principio erat Verbum, et Verbum erat apud Deum, et Deus erat Ver-*

bum. Quare hoc factum est propter te? Ut sugeres, qui manducare non poteras. Omnino ergo, fratres, sic accipite, *Omnia per ipsum facta sunt, et sine ipso factum est nihil.* Universa enim creatura per ipsum facta est, major, minor: per ipsum facta sunt supera, infera; spiritualis, corporalis, per ipsum facta sunt. Nulla enim forma, nulla compages, nulla concordia partium, nulla qualiscumque substantia, quæ potest habere pondus, numerum, mensuram, nisi per illud Verbum est, et ab illo Verbo creatore, cui dictum est, *Omnia in mensura, et numero, et pondere dispositi* (*Sap. xi, 21*).

14. Nemo ergo vos fallat, quando forte tedium patimini ad muscas¹. Etenim aliqui derisi sunt a diabolo, et ad muscas capti sunt. Solent enim aucupes ponere in muscipula muscas, ut esurientes aves decipiant: sic et isti ad muscas a diabolo decepti sunt. Nam nescio quis tedium patiebatur ad muscas: inventit illum Manichæus tedium affectum; et cum dicaret se non posse pati muscas et odisse vehementer illas, statim ille, *Quis fecit has?* Et quia tedium affectus erat, et oderat illas, non ausus est dicere, *Deus illas fecit*: erat autem catholicus. Ille statim subiecit: *Si Deus illas non fecit, quis illas fecit?* Plane, ait ille, ego credo quia diabolus fecit muscas. Et ille statim: *Si muscam diabolus fecit, sicut te video consiteri, quia prudenter intelligis, apem quis fecit, quæ paulo amplior est musca?* Non ausus ille est dicere quia Deus fecit apem, et inuscam non fecit; quia res erat proxima. Ab ape duxit ad locustam, a locusta ad lacertum, a lacerto ad avem, ab ave duxit ad pecus, inde ad bovem, inde ad elephantem, postremo ad hominem; et persuasit homini quia non a Deo factus est homo. Ita ille miser cum tedium passus est ad muscas, musca factus est, quem diabolus possideret. Beelzebub quippe interpretari dicitur princeps muscarum: de quibus scriptum est, *Muscæ morituræ exterrinant oleum suavitatis* (*Eccle. x, 4*).

15. Quid igitur, fratres? quare ista dixi? Claudite aures cordis vestri adversus dolos inimici; intelligite quia Deus fecit omnia, et in suis gradibus collocavit. Quare autem patimur multa mala a creatura quam fecit Deus? Quia offendimus Deum? Numquid haec Angeli patiuntur? Fortassis et nos in vita ista illa non timeremus. De poena tua peccatum tuum accusa, non judicem. Nam propter superbiam instituit Deus istam creaturam minimam et abjectissinam², ut ipsa nos torqueret: ut cum superbus fuerit homo, et se jactaverit adversus Deum; et, cum sit mortal is, mortalem terruerit; et, cum sit homo, proximum hominem non agnoverit; cum se exeret, pulicibus subdatur. Quid est quod te inflas humana superbia? Homo tibi dixit convicium, et tumulti, et iratus es; pulicibus resisti

¹ Editi, patiens a muscis: et paulo infra, patiebatur a muscis; item postea, passus est a muscis. At MSS. omnes constanter habent, *ad muscas*: scilicet phrasim quadam Afric usitata, ut merito visum est Lovaniensibus.

² Lov., morientes: cuius loco editi alii et MSS., morituræ.

³ In plerisque MSS., instituit ut ista creatura minima et abjectissima.

(Quarante-quatre.)

* Ric in plerisque MSS. non est prepositio, in.

ut dormias : cognosce qui sis. Nam ut noveritis, fratres, propter superbiam nostram domandam creatam istam, quae molesta nobis essent : populum Pharaonis superbum potuit Deus domare de ursis, de leonibus, de serpentibus; muscas et ranas illis immisit (*Exod. viii, 6, 21*), ut rebus vilissimis superbia domaretur.

16. *Omnia ergo, fratres, omnia omnino per ipsum facta sunt, et sine ipso factum est nihil.* Sed quomodo per ipsum facta sunt omnia? *Quod factum est, in illo vita est.* Potest enim¹ sic dici, *Quod factum est in illo, vita est.* ergo totum vita est, si sic pronuntiaverimus. Quid enim non in illo factum est? Ipse est enim *Sapientia Dei;* et dicitur in *Psalmo, Omnia in Sapientia fecisti (Psal. ciii, 23)*: Si ergo Christus est *Sapientia Dei,* et *Psalmus* dicit, *Omnia in Sapientia fecisti;* omnia sicut per illum facta, ita in illo facta sunt. Si ergo omnia in illo, fratres charissimi, et quod in illo factum est, vita est; ergo et terra vita est, ergo et lignum vita est. Dicimus quidem lignum vitam, sed secundum intellectum lignum crucis, unde accepimus vitam. Ergo et lapis vita est. In honestum est sic intelligere, ne rursus nobis subrepatur eadem sordidissima secta Manichaeorum, et dicat quia habet vitam lapis, et habet animam paries, et resticula habet animam, et lana et vestis. Solent enim delirantes dicere, et cum repressi fuerint² et repulsi, quasi de Scripturis proferunt dicentes: Utquid dictum est, *Quod factum est in illo, vita est?* Si enim omnia in ipso facta sunt, omnia vita sunt. Non te abducant: pronuntia sic, *Quod factum est;* hic subdistingue, et deinde infer, *in illo vita est.* Quid est hoc? Facta est terra, sed ipsa terra quae facta est, non est vita: est autem in ipsa *Sapientia spiritualiter ratio quedam qua terra facta est;* hæc vita est.

17. Quomodo possum, dicam Charitati vestrae. Faber facit arcam. Primo in arte habet arcam: si enim in arte arcum non haberet, unde illam fabricando proferret? Sed arca sic est in arte, ut non ipsa arca sit quæ videtur oculis. In arte invisibiliter est, in opere visibiliter erit. Ecce facta est in opere; numquid destitit esse in arte? Et illa in opere facta est, et illa manet quæ in arte est: nam potest illa arca putredine, et iterum ex illa quæ in arte est, alia fabricari. Attendite ergo arcum in arte, et arcum in opere. Arca in opere non est vita, arca in arte vita est; quia vivit anima artificis, ubi sunt ista omnia antequam proferantur. Sic ergo, fratres charissimi, quia *Sapientia Dei*, per quam facta sunt omnia, secundum artem continet omnia, antequam fabricet omnia; hinc quæ sunt per ipsam artem, non continuo vita sunt, sed quidquid factum est, vita in illo est. Terram vides; est in arte terra: cœlum vides; est in arte cœlum: solem et lunam vides; sunt et ista in arte: sed foris corpora sunt, in arte vita sunt. Videte, si quo modo potestis; magna enim res dicta est: et si non a me magno, aut non per me magnum, tamen a magno. Non enim a me parvulo dicta sunt hæc: sed ille non

est parvulus ad quem respicio, ut dicam. Capiat quisque ut potest, in quantum potest: et qui non potest, nutriat cor, ut possit. Unde nutrit? De lacte nutrit, ut ad cibum perveniat. A Christo per carnem nato non recedat, donec perveniat ad Christum ab uno Patre natum, Verbum Deum apud Deum, per quod facta sunt omnia: quia illa vita est, que in illo est lux hominum³.

18. Hoc enim sequitur, *Et vita erat lux hominum;* et ex ipsa vita homines illuminantur. Pecora non illuminantur, quia pecora non habent rationales mentes quæ possint videre sapientiam. Homo autem factus est ad imaginem Dei, habet rationalem mentem per quam possit percipere sapientiam. Ergo illa vita per quam facta sunt omnia, ipsa vita lux est: et non quorunque animalium, sed lux hominum. Unde paulo post dicit, *Erat lumen verum, quod illuminat omnem hominem venientem in hunc mundum.* Ab illo lumine illuminatus est Joannes Baptista; ab ipso et ipse Joannes evangelista. Ex ipso lumine plenus erat qui dixit: *Non sum ego Christus; sed qui post me venit, cuius non sum ego dignus corrigam calceamenti solvere (Joan. i, 9, 20, 27).* Ab illo lumine illuminatus erat qui dixit, *In principio erat Verbum, et Verbum erat apud Deum, et Deus erat Verbum.* Ego, illa vita lux est hominum.

19. Sed forte stulta corda adhuc capere istam lucem non possunt, quia peccatis suis aggravantur, ut eam videre non possint. Non ideo cogitent quasi absente esse lucem, quia eam videre non possunt: ipsi enim propter peccata tenebrae sunt. *Et lux in tenebris lucet, et tenebrae eam non comprehendunt.* Ergo, fratres, quomodo homo positus in sole cœcus, præsens est illi sol, sed ipse soli absens est; sic omnis stultus, omnis iniquus, omnis impius, cœcus est corde. Præsens est sapientia, sed cum cœco præsens est, oculis ejus absens est: non quia ipsa illi absens est, sed quia ipse ab illa absens est. Quid ergo faciat iste? Mundet unde possit videri Deus. Quomodo si propterea videre non posset, quia sordidos et saucios oculos haberet, irruente pulvere vel pituita vel fumo, diceret illi medicus: Purga de oculo tuo quidquid mali est, ut possis videre lucem oculorum tuorum. Pulvis, pituita, fumus, peccata et iniquitates sunt; tolle inde ista omnia, et videbis sapientiam quæ præsens est: quia Deus est ipsa sapientia; et dictum est, *Beati mundo corde, quoniam ipsi Deum videbunt (Math. v, 8).*

TRACTATUS II.

De eo quod scriptum est, Fuit homo missus a Deo, cui nomen erat Joannes, etc., usque ad id, plenum gratiae et veritatis. Cap. 1, §. 6-14.

1. Bonum est, fratres, ut textum divinarum Scripturarum, et maxime sancti Evangelii, nullum locum prætermittentes pertractemus, ut possumus; et pro nostra capacitate pascamur, et ministremus vobis unde et nos pascimur. Capitulum primum præterito

¹ Sic omnes MSS. et antiquiores editi. At Lov.: *Potest etiam.*
² Aliquot MSS., et cum reprehensi fuerint.

³ Tres MSS., quia illa vita quæ in illo est, lux hominum est.

die dominico tractatum esse meminimus, id est, « In principio erat Verbum, et Verbum erat apud Deum; et Deus erat Verbum: hoc erat in principio apud Deum. Omnia per ipsum facta sunt, et sine ipso factum est nihil. Qod factum est, in illo vita est; et vita erat lux hominum; et lux in tenebris luet, et tenebræ eam non comprehendenterunt. » Huc usque tractatum esse credo: recordamini omnes qui adsuistis; et qui non adsuistis, credite nobis, et his qui adesse voluerunt. Nunc ergo quia non possumus semper omnia replicare, propter eos qui hoc volunt audire quod sequitur, et oneri est illis si repetantur priora cum defraudatione posteriorum; dignentur et qui non aderant non praeterita exigere, sed cum his qui aderant et nunc audire præsentia.

2. Sequitur, *Fuit homo missus a Deo, cui nomen erat Joannes*. Etenim ea quæ dicta sunt superius, fratres charissimi, de divinitate Christi dicta sunt ineffabili, et prope ineffabiliter. Quis enim capiet, *In principio erat Verbum, et Verbum erat apud Deum?* Et ne vilescat tibi nomen Verbi, per consuetudinem quotidianorum verborum, *Et Deus erat Verbum*. Hoc Verbum idipsum est, unde hesterno die multum locuti sunus: et præstiterit Dominus, ut vel tantum loquendo aliquid ad corda vestra perduxerimus. *In principio erat Verbum*. Idipsum est, eodem modo est; sicut est, semper sic est; mutari non potest: hoc est est¹. Quod nomen suum dixit famulo suo Moysi: *Ego sum qui sum*; et, *Misit me qui est* (*Exod. iii, 14*). Quis ergo hoc capiet, cum videatis omnia mortalia mutabilia; cum videatis non solum corpora variari per qualitates, nascendo, crescendo, deficiendo, moriendo, sed etiam ipsas animas per affectum diversarum voluntatum distendi atque discindi: cum videatis homines et percipere posse sapientiam, si se illius luci et calori admoverint; et amittere posse sapientiam, si inde malo affectu recesserint? Cum videatis ergo ista omnia esse mutabilia; quid est quod est, nisi quod transcendit omnia quæ sic sunt ut non sint? Quis ergo hoc capiat? Aut quis, quomodo cumque intenderit vires mentis suæ, ut attingat quomodo potest id quod est, ad id quod utcumque mente attigerit, possit pervenire? Sic est enim tanquam videat quisque de longe patriam, et mare interjaceat; videt quo eat, sed non habet qua eat. Sic ad illam stabilitatem nostram ubi quod est est, quia hoc solum semper sic est ut est, volumus pervenire; interjacet mare hujus sæculi qua imus, et si jam videmus quo imus: nam multi nec quo eant vident. Ut ergo esset et qua iremus, venit inde ad quem ire volebamus. Et quid fecit? Instituit lignum quo mare transeamus. Nemo enim potest transire mare hujus sæculi, nisi cruce Christi portatus. Hanc crucem aliquando amplectitur et infirmus oculis²: et qui non videt longe quo eat, non ab illa recedat, et ipsa illum perducet.

3. Itaque, fratres mei, hoc insinuaverim cordibus

¹ Editi et MSS., *hoc est Deus est*: excepto codice Bech., a quo abest vox, *Deus*.

² Sic MSS. At editi, et *infirmus oculus*.

vestris: si vultis pie et christiane vivere, haerete Christo secundum id quod pro nobis factus est, ut perveniatis ad eum secundum id quod est, et secundum id quod erat. Accessit, ut pro nobis hoc fieret³; quia hoc pro nobis factus est, ubi portentur infirmi, et mare sæculi transeant, et perveniant ad patriam; ubi jam navi non opus erit, quia nullum mare transitur. Melius est ergo non videre mente id quod est, et tamen a Christi cruce non recedere, quam videre illud mente, et crucem Christi contemnere. Bonum est super hoc et optimum, si fieri potest, ut et videatur quo eundum sit, et teneatur quo portetur qui pergit. Illoc potuerunt mentes magna montium, qui montes dicti sunt, quos maxime illustrat lunæ justitia: potuerunt, et viderunt illud quod est. Nam videns Joannes dicebat, *In principio erat Verbum, et Verbum erat apud Deum, et Deus erat Verbum*. Viderunt hoc, et ut pervenirent ad id quod videbant de longe, a cruce Christi non recesserunt, et humilitatem Christi non contempserunt. Parvuli vero qui hoc non possunt intelligere, non recedentes a cruce et passione et resurrectione Christi, in ipsa navi perducuntur ad id quod non vident, in qua navi perveniunt et illi qui vident.

4. At vero quidam philosophi hujus mundi existenterunt, et inquisierunt Creatorem per creaturam: quia potest inveniri per creaturam, evidenter dicente Apostolo, *Invisibilia enim ejus, a constitutio[n]e mundi, per ea quæ facta sunt, intellecta conspi[ci]untur; sempiterna quoque virtus ejus et divinitas, ut sint inexcusabiles*. Et sequitur, *Quia cum cognovissent Deum: non dixit, Quia non cognoverunt; sed, Quia cum cognovissent Deum, non sicut Deum glorificaverunt, aut gratias egerunt; sed evanuerunt in cogitationibus suis, et obscuratum est insipiens cor eorum*. Unde obscuratum? Sequitur, ei dicit apertius: *Dicentes enim se esse sapientes, stulti facti sunt* (*Rom. i, 20-22*). Viderunt quo veniendum esset: sed ingrati ei qui illis præstitit quod viderunt, sibi voluerunt tribuere quod viderunt; et facti superbi amiserunt quod videbant, et conversi sunt inde ad idola et simulacra et ad culturas demoniorum, adorare creaturam, et contemnere Creatorem. Sed jam isti elisi ista fecerunt: ut autem eliderentur, superbierunt; cum autem superbirent, sapientes se esse dixerunt. Hi ergo de quibus dixit, *Qui cum cognovissent Deum*, viderunt hoc quod dicit Joannes, quia per Verbum Dei facta sunt omnia. Nam inveniuntur et ista in libris philosophorum: et quia unigenitum Filium habet Deus, per quem sunt omnia. Illud potuerunt videre quod est, sed viderunt de longe: noluerunt tenere humilitatem Christi, in qua navi securi pervenirent ad id quod longe videre potuerunt; et sorduit eis crux Christi. Mare transeundum est, et lignum contemnis? O sapientia superba! irrides crucifixum Christum; ipse est quem longe vidisti: *In principio erat Verbum*,

³ Ita editi. At MSS. interpongunt sic: *Et secundum id quod erat accessit, ut pro nobis hoc fieret; additique hic Bech. codex: quod non erat*.

et Verbum erat apud Deum. Sed quare crucifixus est? Quia lignum tibi humilitatis ejus necessarium erat. Superbia enim tumueras, et longe ab illa patria projectus eras; et fluctibus hujus saeculi interrupta est via, et qua transeatur ad patriam non est, nisi ligno porteras. Ingrate, irrides eum qui ad te venit ut redreas! Ipse factus est via, et hoc per mare: inde in mari ambulavit (*Matth. xiv, 25*), ut ostenderet esse in mari viam. Sed tu, qui quomodo ipse ambulare in mari non potes, navi portare, ligno portare: crede in crucifixum, et poteris pervenire. Propter te crucifixus est, ut humilitatem doceret; et quia si sic veniret ut Deus, non agnosceretur. Si enim sic veniret ut Deus, non veniret eis qui videre Deum non poterant. Non enim secundum id quod Deus est, aut venit, aut discedit; cum sit ubique praesens, et nullo loco contineatur. Sed secundum quid venit? Quod apparuit homo.

5. Quia ergo sic erat homo, ut lateret in illo Deus, missus est ante illum magnus homo, per cuius testimonium inveniretur plus quam homo. Et quis est hic? *Fuit homo.* Et quomodo posset iste verum de Deo dicere? *Missus a Deo.* Quid vocabatur? *Cui nomen erat Joannes.* Quare venit? *Hic venit in testimonium, ut testimonium perhiberet de lumine, ut omnes crederent per illum.* Qualis iste qui testimonium perhiberet de lumine? *Magnum aliquid iste Joannes, ingens meritum, magna gratia, magna celsitudo!* Mirare, plane mirare; sed tanquam montem. Mons autem in tenebris est, nisi luce vestiatur. Ergo tantum mirare Joannem, ut audias quod sequitur, *Non erat ille lumen: ne cum montem putas lumen esse, naufragium in monte facias, non solatium invenias.* Sed quid debes mirari? Montem tanquam montem. Erige autem te ad illum qui illuminat montem, qui ad hoc erectus est, ut prior radios excipiat, et oculis tuis nuntiet. Ergo, *non erat ille lumen.*

6. Quare igitur venit? *Sed ut testimonium perhiberet de lumine.* Utquid hoc? *Ut omnes crederent per illum.* Et de quo lumine testimonium perhiberet? *Erat lux vera.* Quare additum est, *vera?* Quia et homo illuminatus dicitur lux; sed vera lux illa est quae illuminat. Nam et oculi nostri dicuntur lumina; et tamen nisi aut per noctem lucerna accendatur, aut per diem sol exeat, lumina ista sine causa patent. Sic ergo et Joannes erat lux, sed non vera lux: quia non illuminatus, tenebrae; sed illuminatione factus est lux. Nisi autem illuminaretur, tenebrae erat, sicut omnes impii, quibus jam creditibus dixit Apostolus, *Fuistis aliquando tenebrae.* Modo autem quia crediderant, quid? *Nunc autem lux,* inquit, *in Domino* (*Ephes. v, 8*). Nisi adderet, *in Domino,* non intelligeremus. *Lux,* inquit, *in Domino:* tenebrae non in Domino eratis. *Fuistis enim aliquando tenebrae:* ibi non addidit, *in Domino.* Ergo tenebrae in vobis, lux in Domino. Sic et *ille non erat lux, sed ut testimonium perhiberet de lumine.*

7. Ubi autem est ipsa lux? *Erat lux vera, quae illuminat omnem hominem venientem in hunc mundum.* Si

omnem hominem venientem, et ipsum Joannem. Ipse ergo illuminabat, a quo se demonstrari volebat. Intelligat Charitas vestra: veniebat enim ad mentes infirmas, ad corda saucia, ad aciem animæ lippientis. Ad hoc venerat. Et unde posset anima videre quod perfecte est? Quomodo plerumque fit ut in aliquo corpore radiato cognoscatur ortus esse sol, quem oculis videre non possumus. Quia et qui saucios habent oculos, idonei sunt videre parietem illuminatum et illustratum a sole, vel montem vel arborem, aut aliquid hujusmodi idonei sunt videre; et in alio illustrato demonstratur illis ortus ille, cui videndo adhuc minus idoneam aciem gerunt. Sic ergo illi omnes ad quos Christus venerat, minus idonei erant cum videre: radiavit Joannem; et per illum confidentem se radiatum ac se illuminatum esse, non qui radiaret et illuminaret, cognitus est ille qui illuminat, cognitus est ille qui illustrat, cognitus est qui implet. Et quis est? *Qui illuminat,* inquit, *omnem hominem venientem in mundum.* Nam si illinc non recederet, non esset illuminandus: sed ideo hic illuminandus, quia illinc recessit, ubi homo semper poterat esse illuminatus.

8. Quid ergo? Si venit huc, ubi erat? *In hoc mundo erat.* Et hic erat, et hoc venit: hic erat per divinitatem; hoc venit per carnem: quia cum hic esset per divinitatem, ab stultis et cœcis et iniquis videri non poterat. Ipsi iniqui tenebrae sunt de quibus dictum est, *Lux lucet in tenebris, et tenebrae eum non comprehendunt* (*Joan. i, 5*). Ecce hic est et modo, et hic erat, et semper hic est; et nunquam recedit, nusquam recedit. Opus est ut habeas unde videoas quod tibi nunquam recedit; opus est ut tu non recedas ab eo qui nusquam recedit; opus est ut tu non deseras, et non desereris. Noli cadere, et non tibi occidet. Si tu feceris casum, ille tibi facit occasum: si autem tu stas, praesens est tibi. Sed non stetisti: recordare unde cecideris, unde te dejecit qui prior te cecidit. Dejecit enim te, non vi, non impulsu, sed voluntate tua. Si enim malo non consentires, stares, illuminatus maneres. Modo autem quia jam cecidisti, et factus es saucius corde, unde videri illa lux potest¹, venit ad te talis qualem posses videre; et talem se hominem præbuit, ut ab homine quereret testimonium. Ab homine querit testimonium Deus, et Deus testem habet hominem; habet Deus testem hominem, sed propter hominem: tam infirmi sumus! Per lucernam querimus diem: quia lucerna dictus est ipse Joannes, Dominus dicente: *Ille erat lucerna ardens et lucens, et vos voluistis exultare ad horam in lumine ejus; ego autem habeo testimonium maius Joanne* (*Id. v, 55, 36*.)

9. Ergo ostendit quia propter homines voluit per lucernam demonstrari ad fidem creditum, ut per ipsam lucernam inimici ejus confunderentur. Illi enim inimici qui illum tentabant, et dicebant, *Dic nobis, In qua potestate ista facis?* Interrogabo vos et ego, inquit, unum sermonem: dicite mihi, baptismus Joannis unde est? de celo, an ab hominibus? Et turbati sunt, et dice-

¹ Editi, non potest. Abest, non, a viss. Sensus Augustini est, videri illam lucem non oculo, sed corde.

runt apua semetipsos, Si dixerimus de cælo; dicturus est nobis, Quare ergo non credidistis illi? (qui ille Christus perhibuerat testimonium, et dixerat, Non sum ego Christus, sed ille [Joh. i, 20 27]). Si autem ex hominibus dixerimus esse, timemus populum ne lapidet nos; quia tanquam prophetam habebant Joannen. Timentes laminationem, sed plus timentes veritatis confessionem, responderunt mendacium veritati; et mentita est iniqitas sibi (Psal. xxvi, 12). Dixerunt enim: Nescimus. Et Dominus, quia ipsi contra se clauerant, negando se scire quod noverant, nec ipse illis aperuit, quia non pulsaverunt. Dictum est enim: Pulsate, et aperietur vobis (Matth. vii, 7). Non solum autem illi non pulsaverunt, ut aperiretur; sed negando, ostium ipsum contra se obstruxerunt. Et ait eis Dominus: Nec ego dico vobis in qua potestate ista facio (Matth. xxi, 23-27, Marc. xi, 28-33, et Luc. xx, 28). Et confusi sunt per Joannem; impletumque in illis est, Paravi lucernam Christo meo; inimicos ejus induam confusione (Psal. cxxxii, 17, 18).

10. *In mundo erat, et mundus per eum factus est.* Ne putes quia sic erat in mundo, quomodo in mundo est terra, in mundo est cœlum, in mundo est sol, luna et stellæ, in mundo arbores, pecora, homines. Non sic iste in mundo erat. Sed quomodo erat? Quomodo artifex, regens quod fecit. Non enim sic fecit, quomodo facit faber. Forinsecus est arca quam facit, et illa in alio loco posita est, cum fabricatur; et quamvis juxta sit, ipse alio loco sedet qui fabricat, et extrinsecus est ad illud quod fabricat: Deus autem mundo infusus fabricat, ubique positus fabricat, et non recedit aliquo, non extrinsecus quasi versat molem quam fabricat. Præsentia majestatis facit quod facit; præsentia sua gubernat quod facit. Sic ergo erat in mundo, quomodo per quem mundus factus est. *Per ipsum enim mundus factus est, et mundus eum non cognovit.*

11. *Quid est, mundus factus est per ipsum?* Cœlum, terra, mare et omnia que in eis sunt, mundus dicitur. Iterum alia significatione, dilectores mundi mundus dicuntur. *Mundus per ipsum factus est, et mundus eum non cognovit.* Num enim cœli non cognoverunt Creatorem suum, aut Angeli non cognoverunt Creatorem suum, aut non cognoverunt Creatorem suum sidera, quem confitentur dæmonia? Omnia undique testimonium perhibuerunt. Sed qui non cognoverunt? Qui amando mundum dicti sunt mundus. Amendo enim habitamus corde: amando autem, hoc appellari meruerunt quod ille ubi habitabant. Quomodo dicimus, Mala est illa domus; aut, Bona est illa domus: non in illa quam dicimus malam, parietes accusamus; aut in illa quam dicimus bonam, parietes laudamus: sed malam domum, inhabitantes malos; et bonam dominum, inhabitantes bonos. Sic et mundum, qui inhabitant amando mundum. Qui sunt? Qui diligunt mundum: ipsi enim corde habitant in mundo. Nam qui non diligunt mundum, carne versantur in mundo; sed corde inhabitant cœlum, sicut Apostolus dicit: *Nostra autem conversatio in cœlis est* (Philipp. iii, 20). Ergo

mundus per eum factus est, et mundus eum non cognovit.

12. *In sua propria venit:* quia omnia ista per eum facta sunt. *Et sui eum non receperunt.* Qui sui? Homines quos fecit. Judæi quos primitus fecit super omnes gentes esse. Quia aliæ gentes idola adorabant, et demonibus serviebant; ille autem populus natus erat de semine Abrahæ: et ipsi maxime sui; quia et per carnem quam suscipere dignatus est, cognati. *In sua propria venit, et sui eum non receperunt.* Non receperunt omnino, nulluscepit? Nullus ergo salvus factus est? Nemo enim salvus flet, nisi qui Christum receperit venientem.

13. *Sed addidit: Quotquot autem receperunt eum.* Quid eis præstít? Magna benevolentia! Magna misericordia! Unicus natus est, et noluit manere unus. Multi homines cum filios non habuerint, peracta ætate adoptant sibi; et voluntate faciunt quod natura non potuerunt: hoc faciunt homines. Si autem aliquis habeat filium unicum, gaudet ad illum magis; quia solus omnia possessurus est, et non habebit qui cum eo dividat hæreditatem, ut pauperior remaneat. Non sic Deus: Unicum eumdem ipsum quem genuerat, et per quem cuncta creaverat, misit in hunc mundum, ut non esset unus, sed fratres haberet adoptatos. Non enim nos nati sumus de Deo, quomodo ille Unigenitus, sed adoptati per gratiam ipsius. Ille enim venit Unigenitus solvere peccata, quibus peccatis implicabamur, ne adoptaret nos propter impedimentum eorum: quos sibi fratres facere volebat, ipse solvit, et fecit cohæredes. Sic enim dicit Apostolus, *Si autem filius, et hæres per Deum* (Galat. iv, 7): et iterum, *Hæredes quidem Dei, cohæredes autem Christi* (Rom. viii, 17). Non timuit ille habere cohæredes; quia hæreditas ejus non sit angusta, si multi possederint. Illi ipsi certe illo possidente sunt hæreditas ipsius, et ipse vicissim fit hæreditas ipsorum. Audi quomodo ipsi sunt hæreditas ipsius: *Dominus dixit ad me, Filius meus es tu; ego hodie genui te. Postula a me, et dabo tibi gentes hæreditatem tuam* (Psal. ii, 7, 8). Ille quomodo fit hæreditas eorum? Dicit in Psalmo: *Dominus pars hæreditatis meæ et calicis mei* (Psal. xv, 5). Et nos illum possideamus, et ipse nos possideat: ille nos possideat, sicut Dominus; nos illum possideamus sicut salutem, nos possideamus sicut lucem. Quid ergo dedit his qui receperunt illum? *Dedit eis potestatem filios Dei fieri, his qui credunt. in nomine ejus: ut teneant lignum, et mare transeant.*

14. *Et quomodo illi nascuntur?* Isti quia filii Dei sunt et fratres Christi, utique nascuntur. Nam si non nascuntur, filii quomodo esse possunt? Sed filii hominem nascuntur ex carne et sanguine, et ex voluntate viri, et ex complexu conjugii. Illi autem quomodo ei nascuntur? Qui non ex sanguinibus: tanquam maris et feminæ. Sanguina¹ non est latinum: sed quia græce positum est pluraliter, maluit ille qui interpretabatur sic ponere, et quasi minus latine loqui secundum.

¹ Codices aliquot, sanguines; a scounda manu.

grammaticos, et tamen explicare veritatem secundum auditum infirmorum. Si enim diceret sanguinem singulari numero, non explicaret quod volebat: ex sanguinibus enim homines nascuntur maris et feminæ. Dicamus ergo, non timeamus ferulas grammaticorum; dum tamen ad veritatem solidam et certiorem perveniamus. Reprehendit qui intelligit, ingratus quia intellexit. *Non ex sanguinibus, neque ex voluntate carnis, neque ex voluntate viri.* Carnem pro femina posuit: quia de costa cum facta esset, Adam dixit, *Hoc nunc os de ossibus meis, et caro de carne mea* (*Gen. ii, 23*); et Apostolus ait, *Qui diligit uxorem suam, seipsum diligit; nemo enim unquam carnem suam odio habet* (*Ephes. v, 28 et 29*). Ponitur ergo caro pro uxore, quomodo et aliquando spiritus pro marito. Quare? Quia ille regit, haec regitur: ille imperare debet, ista servire. Nam ubi caro imperat, et spiritus servit, perversa domus est. Quid pejus domo, ubi femina habet imperium super virum? Recta autem dominus, ubi vir imperat, femina obtemperat. Rectus ergo ipse homo, ubi spiritus imperat, caro servit.

15. Hi ergo *non ex voluntate carnis, neque ex voluntate viri, sed ex Deo nati sunt.* Ut autem homines nascentur ex Deo, primo ex ipsis natu est Deus. Christus enim Deus, et Christus natus ex hominibus. Non quiescivit quidem nisi matrem in terra, quia jam patrem habebat in celo: natus ex Deo, per quem efficeremur; et natus ex femina, per quem reficeremur. Noli ergo mirari, o homo, quia efficeris filius per gratiam, quia nasceris ex Deo secundum Verbum ejus. Prius ipsum Verbum voluit nasci ex homine, ut tu securus nascereris ex Deo, et dices tibi: Non sine causa Deus nasci ex homine voluit, nisi quia aliquid momenti me existimavit, ut immortalem me faceret, et pro me mortaliter nasceretur. Ideo cum dixisset, *ex Deo nati sunt;* quasi ne miraremur, et exhorreremus tantam gratiam, ut nobis incredibile videretur quia homines ex Deo nati sunt, quasi securum te faciens, ait: *Et Verbum caro factum est, et habitavit in nobis.* Quid ergo miraris quia homines ex Deo nascuntur? Attende ipsum Deum natum ex hominibus: *Et Verbum caro factum est, et habitavit in nobis.*

16. *Quia vero Verbum caro factum est, et habitavit in nobis,* ipsa nativitate collyrium fecit, unde tergerentur oculi cordis nostri, et possemus videre maiestatem ejus per ejus humilitatem¹. Ideo *factum est Verbum caro, et habitavit in nobis;* sanavit oculos nostros: et quid sequitur? *Et vidimus gloriam ejus.* Gloriam ejus nemo posset videre, nisi carnis humilitate sanaretur. Unde non poteramus videre? Intendat ergo Charitas vestra, et videte quod dico. Irruerat homini quasi pulvis in oculum, irruerat terra, sauciaverat oculum, videre non poterat lucem: oculus iste sauciatus inungitur; terra sauciatus erat, et terra illuc mittitur ut sanetur. Omnia enim collyria et medicamenta nihil sunt nisi de terra. De pulvere cæcatus es, de pulvere sanaris: ergo caro te cæcaverat, caro

¹ In omnibus prope MSS., per ejus humanitatem.

te sanat. Carnalis enim anima facta erat consentiendo affectibus carnalibus; inde fuerat oculus cordis cæcatus. *Verbum caro factum est:* medicus iste tibi fecit collyrium. Et quoniam sic venit ut de carne vitia carnis extingueret, et de morte occideret mortem; ideo factum est in te, ut quoniam *Verbum caro factum est,* tu possis dicere, *Et vidimus gloriam ejus.* Qualem gloriam? Qualis factus est filius hominis? Illa humilitas ipsis est, non gloria ipsis. Sed quo perduta est acies hominis, curata per carnem? *Vidimus, inquit, gloriam ejus, gloriam quasi Unigeniti a Patre, plenum gratia et veritate.* De gratia et veritate alio loco uberiori in ipso Evangelio, si Dominus dignatus fuerit donare, tractabimus. Haec nunc sufficient, et adiscamini in Christo, et confortamini in fide, et vigilate in bonis operibus: et a ligno nolite recedere, per quod possitis mare transire.

TRACTATUS III.

Ab eo quod scriptum est, Joannes testimonium perhibet de ipso, etc., usque ad id, Unigenitus Filius, qui est in sinu Patris, ipse enarravit. Cap. i, §. 15-18.

1. Gratiam et veritatem Dei, qua plenus sanctis apparuit unigenitus Filius Dominus et Salvator noster Jesus Christus, distinguendam a Veteri Testamento, quoniam res est Novi Testamenti, suscepimus in nomine Domini, et vestræ Charitati promisimus. Adestate ergo intenti, ut et quantum capio, donet Deus, et quantum capit, audiatis. Reliquum enim erit, ut si semen quod spargitur in cordibus vestris, non absulerint aves, nec spinæ præfocaverint, nec æstus exusserit, accidente pluvia cohortationum quotidianarum, et cogitationibus vestris bonis quibus hoc agitur in corde, quod agitur in agro rastris, ut gleba frangatur, et semen operiatur et germinare possit: ut afferatis fructum¹, ad quem gaudeat et lætetur agricola (*Math. xiii, 3-23*). Si autem pro semine bono et pro pluvia bona, non fructum, sed spinas attulerimus; nec semen accusabitur, nec pluvia erit in crimen, sed spinis ignis debitus preparatur.

2. Homines sumus, quod puto non diu esse suadendum Charitati vestra, christiani; et si christiani, utique ipso nomine ad Christum pertinentes. Hujus signum in fronte gestamus: de quo non erubescimus, si et in corde gestemus. Signum ejus est humilitas ejus. Perstellatum Magi cognoverunt (*Id. ii, 2*); et erat hoc signum de Domino datum, cœlestis atque præclarum: noluit stellam esse in fronte fidelium signum suum, sed crucem suam. Unde humiliatus, inde glorificatus: inde erexit humiles, quo humiliatus ipse descendit. Pertinemus ergo ad Evangelium², pertinemus ad Novum Testamentum. *Lex per Moysem data est, Gratia autem et veritas per Iesum Christum facta est.* Interrogamus Apostolum, et dicit nobis quoniam non sumus sub Lege, sed sub Gratia (*Rom. vi, 14*). Misit ergo Filium suum factum ex nulliere, factum sub

¹ Er. Lugd. et Ven. hic habent, ut afferat fructum. M.

² Plerique MSS.: Pertinemus enim ad Evangelium.

*Lege, ut eos qui sub Lege erant, redimeret, ut adoptio-
nem filiorum reciperemus* (Galat. iv, 4, 5). Ecce ad
hoc venit Christus, ut eos qui sub Lege erant redi-
meret : ut jam non simus sub Lege, sed sub Gratia.
Quis ergo dedit Legem ? Ille dedit Legem, qui dedit et
Gratiam : sed Legem per servum misit, cum Gratia
ipse descendit. Et unde facti erant homines sub Lege ?
Non implendo Legem. Qui enim legem impiet, non
est sub lege, sed cum lege : qui autem sub lege est,
non sublevatur, sed premitur lege. Omnes itaque
homines sub Lege constitutos, reos facit Lex ; et ad
hoc illis super caput est, ut ostendat peccata, non
tollat. Lex ergo jubet, dator legis miseretur in eo
quod jubet lex. Conantes homines implere viribus suis
quod a lege praeceptum est, ipsa sua temeraria et præ-
cipiti præsumptione ceciderunt ; et non sunt cum
lege, sed sub lege facti sunt rei : et quoniam suis viri-
bus implere non poterant legem, facti rei sub lege,
imploraverunt liberatoris auxilium; et reatus legis fecit
agritudinem superbis. Agritudo superborum, facta
est confessio humilium : jam confitentur agroti quia
agrotant ; veniat medicus, et sanet agrotos.

3. Medicus quis ? Dominus noster Jesus Christus.
Quis Dominus noster Jesus Christus ? Ille qui visus est
et ab eis a quibus crucifixus est. Ille qui apprehensus,
colaphizatus, flagellatus, sputis illitus, spinis corona-
tus, in cruce suspensus, mortuus, lancea vulneratus,
de cruce depositus, in sepulero positus. Ille ipse Do-
minus noster Jesus Christus ; ille ipse plane, et ipse
est totus medicus vulnerum nostrorum, crucifixus illo
cui insultatum est, quo pendente persecutores caput
agitabant, et dicebant, *Si filius Dei est, descendat de
cruce* (Matth. xxvii, 39, 40) : ipse est totus medicus
noster, ipse plane. Quare ergo non ostendit insultan-
tibus, quia ipse erat Filius Dei : ut si se permisit in
crucem levari, saltem cum illi dicarent, *Si filius Dei
est, descendat de cruce* ; tunc descendaret, et ostenderet
eis verum se esse Filium Dei, quem illi ausi fuerant
irridere ? Noluit. Quare noluit ? numquid quia non
potuit ? Potuit plane. Quid est enim amplius, de cruce
descendere, an de sepulcro resurgere ? Sed pertulit
insultantes : nam crux non ad potentiae documentum¹,
sed ad exemplum patientiae suscepta est. Ibi vulnera
tua curavit, ubi sua diu pertulit : ibi te a morte semi-
piterna sanavit, ubi temporaliter mori dignatus est.
Et mortuus est, an in illo mors mortua est ? Qualis
mors, quæ mortem occidit ?

4. Ipse est tamen Dominus noster Jesus Christus
totus, qui videbatur, et tenebatur, et crucifigebatur ?
Num totus² hoc ipse est ? Ipse est quidem, sed non
totus illud quod viderunt Judæi ; non hoc est totus
Christus. Et quid est ? In principio erat Verbum. In
quo principio ? Et Verbum erat apud Deum. Et quale
Verbum ? Et Deus erat Verbum. Numquid forte a Deo
factum est hoc Verbum ? Non. Hoc enim erat in prin-
cipio apud Deum. Quid ergo ? Alia quæ fecit Deus
non similia sunt Verbo ? Non : quia omnia per ipsum

¹ MSS. aliquot, probæ notæ, ad impotentiae documentum.

² Sic iures MSS. At editi hic et infra, totum.

facta sunt, et sine ipso factum est nihil. Quomodo per
ipsum omnia sunt facta ? Quia quod factum est, in
ipso vita erat : et antequam fieret, vita erat. Quod
factum est, non est vita : sed in arte, hoc est, in
Sapientia Dei, antequam fieret, vita erat. Quod factum
est, transiit : quod est in Sapientia, transire
non potest. Vita ergo in illo erat, quod factum est.
Et qualis vita ? Quia et anima corporis vita est :
corpus nostrum habet vitam suam ; quam cum amissit,
mors est corporis : talis ergo erat illa vita ?
Non : sed vita erat lux hominum. Numquid lux peco-
rum ? Nam ista lux et hominum et pecorum est. Est
quædam lux hominum : unde distant homines a pe-
coribus videamus, et tunc intelligamus quid sit lux
hominum. Non distas a pecore, nisi intellectu : noli
aliunde gloriari. De viribus præsumis ? a bestiis vin-
ceris : de velocitate præsumis ? a museis vinceris :
de pulchritudine præsumis ? quanta pulchritudo est
in pennis pavonis ? Unde ergo melior es ? Ex imagine
Dei. Ubi imago Dei ? In mente, in intellectu. Si ergo
ideo melior pecore, quia habes mentem qua intelli-
gas quod non potest pecus intelligere ; inde autem
homo, quia melior pecore ; lux hominum est lux
mentium. Lux mentium supra mentes est, et excedit
omnes mentes. Hoc erat vita illa per quam facta sunt
omnia.

5. Ubi erat ? hic erat ; an apud Patrem erat, et hic
non erat ? an quod verius est, et apud Patrem erat,
et hic erat ? Si ergo hic erat, quare non videbatur ?
Quia lux in tenebris lucet, et tenebrae eam non compre-
henderunt. O homines, nolite esse tenebrae, nolite
esse infideles, injusti, iniqui, rapaces, avari, amatores
seculi : haec sunt enim tenebrae. Lux non est absens,
sed vos absentes estis a luce. Cæcus in sole præsen-
tem habet solcm, sed absens est ipse soli. Nolite ergo
esse tenebrae. Haec est enim forte gratia, de qua di-
cturus sum, ut jam non simus tenebrae, et dicat nobis
Apostolus : *Fueritis enim aliquid tenebrae; nunc autem
lux in Domino* (Ephes. v, 8). Quia ergo non vi-
debatur lux hominum, id est lux mentium, opus erat
ut homo diceret de luce testimonium, non quidem
tenebrosus, sed jam illuminatus. Nec tamen quia
illuminatus, ideo ipsa lux ; sed ut testimonium perhi-
beret de lumine. Nam non erat ille lux. Et quæ erat
lux ? Erat lux vera, quæ illuminat omnem hominem ve-
nientem in hunc mundum. Et ubi erat ista ? In hoc
mundo erat. Et quomodo in hoc mundo erat ? num-
quid sicut ista lux solis, luncæ, lucernarum, sic et
ista lux in mundo est ? Non. Quia mundus per eum
factus est, et mundus eum non cognovit : hoc est,
lux in tenebris lucet, et tenebrae eam non compre-
henderunt. Mundus enim tenebrae ; quia dilectores
mundi, mundus. Num enim creatura non agnovit
Creatorem suum ? Testimonium dedit cœlum de stel-
la (Matth. ii, 2) ; testimonium dedit mare, portavat
ambularem Dominum (Id. xiv, 26) ; testimonium
decedunt venti, ad ejus jussum quieverunt (Id. viii,
27) ; testimonium dedit terra, illo crucifixo contre-
muit (Id. xxvii, 51) : si omnia ista testimonium de-

derunt, quomodo mundus eum non cognovit, nisi quia mundus dilectores mundi, corde habitantes mundum? Et malus mundus, quia mali habitatores mundi: sicut mala domus, non parietes, sed inhabitantes.

6. *In propria venit, id est, in sua venit: et sui eum non receperunt.* Quae ergo spes est, nisi quia quotquot receperunt eum, dedit eis potestatem filios Dei fieri? Si filii sunt, nascuntur: si nascuntur, quomodo nascuntur? Non ex carne, non ex sanguinibus, non ex voluntate carnis, non ex voluntate viri; sed ex Deo nati sunt. Gaudent ergo, quia ex Deo nati sunt; præsumant se pertinere ad Deum; accipiant documentum, quia ex Deo nati sunt: *Et Verbum caro factum est, et habitavit in nobis.* Si Verbum non erubuit nasci de homine, erubescunt homines nasci de Deo? Hoc autem quia fecit, curavit: quia curavit, videmus. Hoc enim quod *Verbum caro factum est, et habitavit in nobis,* medicamentum nobis factum est, ut quia terra cæcabantur, de terra sanaremur: et sanati quid videremus? *Et vidimus, inquit, gloriam ejus, gloriam tanquam Unigeniti a Patre, plenum gratia et veritate (Joan. i, 1-14).*

7. *Joannes testimonium perhibet de ipso, et clamat dicens, Hic erat quem dixi, Qui post me venit, ante me factus est.* Post me venit, et præcessit me. Quid est, ante me factus est? Præcessit me: non, factus est antequam factus essem ego; sed, antepositus est mihi: hoc est, ante me factus est. Quare ante te factus est, cum post te venerit? *Quia prior me erat.* Prior te, o Joannes? Quid magnum, si prior te? Bene, quia tu illi perhibes testimonium: audiamus ipsum dicentem, *Et ante Abraham ego sum (Joan. viii, 58).* Sed et Abraham in medio genere humano ortus est; multi ante illum, multi post illum: audi vocem Patris ad Filium, *Ante luciferum genui te (Psal. cix, 3).* Qui ante luciferum genitus est, omnes ipse illuminat. Dictus est enim quidam lucifer qui cecidit: erat enim angelus, et factus est diabolus; et dixit de illo Scriptura, *Lucifer qui mane oriebatur, cecidit (Isai. xiv, 12).* Unde lucifer? Quia illuminatus lucebat. Unde autem tenebrosus factus? Quia in veritate non stetit (*Joan. viii, 44*). Ergo ille ante luciferum, ante omnem illuminatum: siquidem ante omnem illuminatum sit necesse est, a quo illuminantur omnes qui illuminari possunt.

8. Ideo hoc sequitur: *Et de plenitudine ejus nos omnes accepimus.* Quid accepistis? *Et gratiam pro gratia.* Sic enim habent verba evangelica, collata cum exemplaribus græcis. Non ait, *Et de plenitudine ejus nos omnes accepimus, gratiam pro gratia;* sed sic ait, *Et de plenitudine ejus nos omnes accepimus, et gratiam pro gratia, id est, accepimus:* ut nescio quid nos voluerit intelligere de plenitudine ejus accepisse; et insuper gratiam pro gratia. Accepimus enim de plenitudine ejus, primo gratiam; et rursum accepimus gratiam, gratiam pro gratia. Quam gratiam pri-

mo accepimus? Fidem. In fide ambulantes, in gratia ambulamus. Unde enim hoc meruimus? quibus nostris præcedentibus meritis? Non se quisque compalpet¹, redeat in conscientiam suam, querat latebras cogitationum suarum, redeat ad seriem factorum suorum: non attendat quid sit, si jam aliquid est; sed quid fuerit, ut esset aliquid; inveniet non se dignum fuisse nisi suppicio. Si ergo suppicio dignus fuisti, et venit ille qui non peccata puniret, sed peccata donaret; gratia tibi data est, non merces redditia. Unde vocatur gratia? Quia gratis datur. Non enim præcedentibus meritis emisti quod accepisti. Hanc ergo accepit gratiam primam peccator, ut ejus peccata dimitterentur. Quid meruit? Interroget justitiam; invenit poenam: interroget misericordiam; invenit gratiam. Sed hoc et promiserat Deus per Prophetas: itaque cum venit dare quod promiserat; non solum gratiam dedit, sed et veritatem. Quonodo exhibita est veritas? Quia factum est quod promissum est.

9. Quid est ergo, *gratiam pro gratia?* Fide promeretur Deum; et qui digni non eramus quibus peccata dimitterentur, ex eo quia tantum donum indigni accepimus, gratia vocatur. Quid est gratia? gratis data. Quid est gratis data? Donata, non redditia. Si debebatur, merces redditia est, non gratia donata; si autem vere debebatur, bonus fuisti: si autem², ut verum est, malus fuisti, credidisti autem in eum qui justificat impium (*Rom. iv, 5*) (Quid est, qui justificat impium? *Ex impio facit pium*); cogita quid per legem tibi imminere debebat, et quid per gratiam consecutus sis. Consecutus autem istam gratiam fidei, eris justus ex fide (*Justus enim ex fide vivit*) (*Habac. ii, 4; Rom. i, 17*); et promereberis Deum vivendo ex fide: cum promerueris Deum vivendo ex fide, accipies præmium immortalitatem, et vitam æternam. Et illa gratia est. Nam pro quo merito accipis vitam æternam? Pro gratia. Si enim fides gratia est, et vita æterna quasi merces est fidei: videatur quidem Deus vitam æternam tanquam debitam reddere (*Cui debitam? Fideli, quia promeruit illam per fidem*); sed quia ipsa fides gratia est, et vita æterna gratia est pro gratia.

10. Audi Paulum apostolum confitentem gratiam, et postea debitum expetentem. Confessio gratiae quae est in Paulo? *Qui prius sui blasphemus, et persecutor, et injuriosus: sed misericordiam.* inquit, *consecutus sum (I Tim. i, 13).* Indignum se dixit qui consequeretur: consecutum tamen non per merita sua, sed per misericordiam Dei. Audi illum jam flagitatem debitum, qui primo indebitam suscepérat gratiam: *Ego enim, inquit, jam immolor, et tempus resolutionis meæ instat. Bonum certamen certavi, cursum consummavi, fidem servavi: de cætero reposita est mihi corona justitiae.* Jam debitum flagitat, jam debitum exigit. Nam vide verba sequentia: *Quam mihi reddet Dominus in illa die, justus judex (II Tim. iv, 6-8).* Ut

¹ MSS. tres, qui a terra. Alii totidem, quia a terra. Unus, quia de terra.

² Ms. Fossatensis, quisquam palpet; a secunda manu.
Editi interponebant hic, non merito tuo; quod abeat a MSS.

ante susciperet gratiam, misericordem patrem opus habebat : ut præmium gratiæ, judicem justum. Qui non damnavit impium, damnabit fidem? Et tamen si bene cogites, ipse dedit fidem primo, qua eum promeruisti : non enim de tuo promeruisti ut tibi aliquid deberetur. Quod ergo præmium immortalitatis postea tribuit, dona sua coronat, non merita tua. Ergo, fratres, *omnes de plenitudine ejus accepimus* : de plenitudine misericordie ejus, de abundantia bonitatis ejus accepimus. Quid? Remissionem peccatorum, ut justificaremur ex fide. Et insuper quid? *Et gratiam pro gratia*; id est, pro hac gratia in qua ex fide vivimus, recepturi sumus aliam : quid tamen nisi gratiam? Nam si dixeris quia et hoc debetur, aliquid mihi assigno, quasi cui debeatur. Coronat autem in nobis Deus dona misericordiae sue : sed si in ea gratia quam primam accepimus, perseveranter ambulemus.

11. *Lex enim per Moysen data est* : quæ reos tenebat. Quid enim ait Apostolus? *Lex subintravit, ut abundaret delictum* (*Rom. v, 20*). Hoc proderat superbis, ut abundaret delictum : multum enim sibi dabant, et quasi viribus suis multum assignabant ; et non poterant implere justitiam, nisi adjuvaret ille qui iussaserat. Superbi illorum volens domare Deus, dedit Legem, tanquam dicens: Ecce implete, ne putetis deesse jubentem. Non deest qui jubeat, sed deest qui impletat.

12. Si ergo deest qui impletat, unde non implet? Quia natus cum traduce peccati et mortis. De Adam natus, traxit secum quod ibi conceptum est. Cecidit primus homo; et omnes qui de illo nati sunt, de illo traxerunt concupiscentiam carnis. Oportebat ut nasceretur alias homo qui nullam traxit concupiscentiam. Homo, et homo: homo ad mortem, et homo ad vitam. Sic dicit Apostolus: *Quoniam quidem per hominem mors, et per hominem resurrectio mortuorum*. Per quem hominem mors, et per quem hominem resurrectio mortuorum? Noli festinare: sequitur, et dicit: *Sicut enim in Adam omnes moriuntur, sic et in Christo omnes vivificabuntur* (*1 Cor. xv, 21, 22*). Qui pertinent ad Adam? Omnes qui nati sunt de Adam. Qui ad Christum? Omnes qui nati sunt per Christum. Quare omnes in peccato? Quia nemo natus est præter Adam. Ut autem nascerentur ex Adam, necessitatis fuit ex damnatione: nasci per Christum, voluntatis est et gratiæ. Non coguntur homines nasci per Christum: non quia voluerunt, nati sunt ex Adam. Omnes tamen qui ex Adam, cum peccato peccatores: omnes qui per Christum, justificati et justi, non in se, sed in illo. Nam in se si interroges, Adam sunt: in illo si interroges, Christi sunt¹. Quare? Quia ille caput Dominus noster Jesus Christus, non cum traduce peccati venit: sed tamen venit cum carne mortali.

13. Mors peccatorum poena erat²: in Domino munus misericordiæ erat, non poena peccati. Non enim aliquid habebat Dominus quare juste moreretur. Ipse

ait, *Ecce venit princeps hujus mundi, et in me nihil inventum*. Quare ergo moreris? Sed ut sciant omnes quia voluntatem Paris mei facio, surgite, eamus hinc (*Joan. xiv, 30 et 31*). Non habebat ille quare moreretur, et mortuus est: tu habes quare, et mori dignaris? Dignare æquo animo pati per meritum tuum, quod ille pati dignatus est, ut te a sempiterna morte liberaret. Homo, et homo: sed ille, non nisi homo; iste, Deus homo³. Ille homo peccati, iste justitiae. Mortuus es in Adam, resurge in Christo: nam utrumque debetur tibi. Jam credidisti in Christum, reddes tamen quod debes de Adam. Sed non te in æternum tenebit vinculum peccati; quia mortem tuam æternam occidit mors temporalis Domini tui. Ipsa est gratia, fratres mei, ipsa est et veritas, quia promissa et exhibita.

14. Non erat ista in Veteri Testamento, quia Lex minabatur, non opitulabatur; jubebat, non sanabat; languorem ostendebat, non auferebat: sed illi præparabat medico venturo cum gratia et veritate; tanquam ad aliquem quem curare vult medicus, mittat primo servum suum, ut ligatum illum inveniat. Sanus non erat, sanari solebat, et ne sanaretur, sanum se esse jactabat: missa Lex est, ligavit cum; invenit se reum, jam clamat de ligatura. Venit Dominus, curat amaris aliquantum et acribus medicamentis: dicit enim agroto, Ferto; dicit, Tolera; dicit, Noli diligere mundum, habeto patientiam, curet te ignis continetiae, ferrum persecutionum tolerent vulnera tua. Ex-pavescebas quamvis ligatus: liber ille et non ligatus bibit quod tibi dabat; prior passus est ut te consolatur, tanquam dicens, Quod times pati pro te, prior patior pro te. Haec est gratia, et magna gratia. Quis illam digne collaudat?

15. De humilitate Christi loquor, fratres mei. Majestatem Christi et divinitatem Christi quis loquitur? In explicando et dicendo ut quoquomodo humilitatem Christi loqueremur, non sufficiimus, imo deficimus: totum cogitantibus commitimus, non audientibus adimplimus. Cogitate humilitatem Christi. Sed quis nobis, inquis, eam explicat, nisi tu dicas? Ille intus dicit. Melius illud dicit qui intus habitat, quam qui foris clamat. Ipse vobis ostendat gratiam humilitatis suæ, qui cœpit habitare in cordibus vestris. Jamvero si in ejus humilitate explicanda et ergo deficimus, majestatem ejus quis loquatur? Si *Verbum caro factum conturbat nos*, *In principio erat Verbum quis explicabit?* Tenete ergo, fratres, soliditatem istam.

16. *Lex per Moysen data est, gratia et veritas per Jesum Christum facta est*. Per servum Lex data est, reos fecit: per Imperatorem indulgentia data est; reos liberavit. *Lex per Moysen data est*. Non sibi aliquid amplius servus assignet, quam quod per illum factum est. Electus ad magnum ministerium tanquam fidelis in domo, sed tamen servus, agere secundum Legem potest, solvere a reatu Legis non potest. *Lex ergo per Moysen data est, Gratia et veritas per Jesum Christum facta est*.

¹ Carcassonensis Ms., *Christus sunt*.

² MSS. quatuor: *Mors in Adam poena peccatorum erat*.

³ Editi, Deus et homo. Expangitur, et, auctoritate MSS.

17. Et ne forte aliquis dicat, *Et Gratia et veritas non est facta per Moysen, qui vidit Deum?* statim subjicit, *Deum nemo vidit unquam.* Et unde innotuit Moysi Deus? Quia revelavit servo suo Dominus. Quis Dominus? Ipse Christus, qui praemisit Legem per servum, ut veniret ipse cum *Gratia et veritate.* *Deum enim nemo vidit unquam.* Et unde illi servo quantum capere posset apparuit? Sed *unigenitus,* inquit, *Filius qui est in sinu Patris, ipse enarravit.* Quid est, *in sinu Patris?* In secreto Patris. Non enim Deus habet sinum, sicut nos habemus in vestibus, aut cogitandus est sic sedere quomodo nos, aut forte cinctus est ut sinum haberet: sed quia sinus noster intus est, secretum Patris sinus Patris vocatur. In secreto Patris, qui Patrem novit, ipse enarravit. Nam *Deum nemo vidit unquam.* Ipse ergo venit, et narravit quidquid vidit. Quid vidit Moyses? Moyses vidit nubem, vidi angelum, vidi ignem: omnis illa creatura est; typum Domini sui gerebat, non ipsius Domini presentiam exhibebat. Namque aperte habes in Lege, *Et loquebatur Moyses cum Domino, contra in contra sicut amicus cum amico suo.* Sequeris ipsam Scripturam, et invenis Moysen dicentem, *Si inveni gratiam in conspectu tuo, ostende mihi te ipsum manifeste, ut videam te.* Et parum est quia dixit: responsum accepit, *Non potes videre faciem meam* (*Exod. xxxiii, 11, 13, 20.*) Loquebatur ergo, fratres mei, cum Moyse angelus, portans typum Domini: et illa omnia quae ibi per angelum facta sunt, futuram istam gratiam et veritatem promittebant. Qui bene scrutantur Legem, noverunt: et cum opportunitum est, ut et nos aliquid inde dicamus, quantum Dominus revelat, non tacemus Charitati vestre.

18. Illud autem sciatis, quia omnia quae corporaliter visa sunt, non erant illa substantia Dei. Illa enim oculis carnis videmus: *Dei substantia unde videtur?* Evangelium interroga: *Beati mundo corde; quia ipsi Deum videbunt* (*Matt. v, 8*). Fuerunt homines (a) qui dicenter vanitatem sui cordis decepi, Pater invisibilis est, Filius autem visibilis est. Unde visibilis? Si propter carnem, quia suscepit carnem; manifestum est. Illi enim qui carnem Christi viderunt, aliqui crediderunt, aliqui crucifixerunt: et qui crediderunt, illo crucifixo nutaverunt; et nisi ipsam post resurrectionem palparent, fides ad eos non revocaretur. Si ergo propter carnem visibilis Filius; et nos concedimus, et est catholica fides: si autem ante carnem sicut ipsi dicunt, id est, antequam incarnaretur; multum delirant, et multum errant. Facta enim sunt illa visibilia corporaliter per creaturam, in quibus typus ostenderetur: non utique substantia ipsa demonstrabatur et manifestabatur. Et hoc attendat Charitas vestra leue documentum¹. Sapientia Dei videri oculis non potest. Fratres, si Christus Sapientia Dei, et Virtus Dei (*I Cor. i, 24*); si Christus Verbum Dei; verbum hominis oculis non videtur, Verbum Dei videri sic potest?

¹ MSS. plerique, *leve documentum:* forte pro, *breve documentum.*

(a) Ariani.

19. Expellite ergo de cordibus vestris carnales cogitationes, ut vere sitis sub gratia, ut ad Novum Testamentum pertineatis. Ideo vita aeterna promittitur in Novo Testamento. Legite Vetus Testamentum, et videte quia carnali adhuc populo ea quidem praecipiebantur quae nobis. Nam unum Deum colere, et nobis praecipitur. *Non accipies in vanum nomen Domini Dei tui,* et nobis praecipitur: quod est secundum praeceptum. *Observa diem sabbati,* magis nobis praecipitur: quia spiritualiter observandum praecipitur. *Judei enim serviliter observant diem sabbati, ad luxuriam, ad ebrietatem.* Quanto melius feminæ eorum lanam facerent, quam illo die in maenianis² saltarent? Absit, fratres, ut illos dicamus observare sabbatum. Spiritualiter observat sabbatum christianus, abstinentes se ab opere servili. Quid est enim ab opere servili? A peccato. Et unde probamus? Dominum interroga: *Omnis qui facit peccatum, servus est peccati* (*Joan. viii, 34*). Ergo et nobis praecipitur spiritualiter observatio sabbati. Jam illa omnia præcepta nobis magis praecipiuntur, et observanda sunt: *Non occides, Non mœchaberis, Non furaberis, Non falsum testimonium dices, Honora patrem et matrem, Non concupisces rem proximi tui, Non concupisces uxorem proximi tui* (*Exod. xx, 3-17*). Nonne ista omnia et nobis praecipiuntur? Sed quære mercedem, et invenies ibi dici: Ut expellantur hostes a facie tua, et accipiatis terram quam promisit Deus patribus vestris (*Levit. xxvi, 1-13*). Quia non poterant capere invisibilia, per visibilia tenebantur. Quare tenebantur? Ne penitus interirent, et ad idola labarentur. Nam fecerunt hoc, fratres mei, sicut legitur, oblii tanta miracula quae fecit Deus coram oculis eorum. Mare discissum est; via facta est in mediis fluctibus; sequentes hostes eorum eisdem aquis operiti sunt, per quas illi transierunt (*Exod. xiv, 21-31*): et cum Moyses homo Dei recessisset ab oculis eorum, idolum petierunt, et dixerunt: *Fac nobis deos qui nos præeant, quia ille homo dimisit nos.* Tota spes eorum in homine posita erat, non in Deo. Ecce mortuus est homo: numquid mortuus est Deus qui eruerat eos de terra Ægypti? Et cum fecissent sibi imaginem vituli, adoraverunt, et dixerunt, *Hi sunt dii tui, Israel, qui te liberaverunt de terra Ægypti* (*Id. xxxii, 1-4*). Quam cito oblii tam manifestam³ gratiam! Quibus ergo modis teneretur populus talis, nisi promissis carnis libus?

20. Ea ibi jubentur in decalogo Legis quæ et nobis; sed non ea promittuntur quæ nobis. Nobis quid promittitur? Vita aeterna. *Hæc est autem vita aeterna, ut cognoscant te unum verum Deum, et quem misisti Iesum Christum* (*Joan. xvii, 3*). Cognitio Dei promittitur: ipsa est gratia pro gratia. Fratres, modo credimus, non videmus: pro ista fide præmium erit, videre quod credimus. Noverant hoc Prophetæ, sed occultum erat antequam veniret. Nam quidam suspirans amatorem in Psalmis ait: *Unam peti a Domino, hanc requiram.*

² Editi, neomanias: corrupte pro, *mænianis*, quod nostri omnes MSS. preferunt. Mæniana veteres vocant podiolas, seu domorum solaria.

³ Editi, *magnificam.* MSS. omnes, *manifestam.*

Et quæris quid petat? Forte enim terram petit fluenter lacte et melle carnaliter, quamvis spiritualiter ista querenda sit et petenda: aut forte subjectionem hostium suorum, aut mortem inimicorum, aut imperia et facultates hujus saeculi. Ardet enim amore, et multum suspirat, et astuat, et anhelat. Videamus quid petat, *Unam petii a Domino, hanc requiram*. Quid est hoc quod requirit? *Ut inhabitem, inquit, in domo Domini, per omnes dies vitæ meæ*. Et puta quia habitat in domo Domini, unde ibi erit gaudium tuum? *Ut contempler, inquit, delectationem Domini* (*Psal. xxvi. 4*).

21. Fratres mei, unde clamatis, unde exultatis, unde amatis, nisi quia ibi est scintilla hujus charitatis? Quid desideratis, rogo vos? Videri potest oculis? tangi potest? pulchritudo aliqua est quæ oculos delectat? Nonne martyres amati sunt vehementer; et quando eos commemoramus, inardescimus amore? Quid in illis amamus, fratres? Membra laniata a feris? Quid soedium, si oculos carnis interroges? quid pulchrius, si oculos cordis interroges? Quid tibi videtur adolescens pulcherius sur? Quomodo horrent oculi tui? Numquid oculi carnis horrent? Si ipsos interroges, nihil illo corpore compositius, nihil ordinatus¹; et parilitas membrorum, et coloris delectatio illicit oculos: et tamen cum audis quia sur est, fugis hominem animo. Vides ex alia parte senem curvum, baculo innitentem, vix se moventem, rugis undique exaratum: quid vides quod oculos delectet? Audis quia justus est; amas, amplecteris. Talia nobis premia promissa sunt, fratres mei: tale aliquid amate, tali regno suspirate, talem patriam desiderate; si vultis pervenire ad id cum quo venit Dominus noster, id est, ad gratiam et veritatem. Si autem corporalia præmia concupieris a Deo, adhuc sub Lege es, et ideo ipsam Legem non implebis. Quando enim videbis abundare ista temporalia in eis qui Deum offendunt, nutant gressus tui, et dicas tibi: Ecce ego colo Deum, quotidie ad ecclesiam curro, genua mihi trita sunt in orationibus; et assidue agroto: homicidia faciunt homines, rapinas faciunt; exsultant et abundant, bene est illis. Talia ergo querelas a Deo? Certe ad gratiam pertinebas². Si gratiam ideo tibi dedit Deus, quia gratis dedit, gratis ama. Noli ad præmium diligere Deum; ipse sit præmium tuum. Dicat anima tua, *Unam petii a Domino, hanc requiram, ut inhabitem in domo Domini per omnes dies vitæ meæ, ut contempler delectationem Domini*. Noli timere ne fastidio desicias: talis erit illa delectatio pulchritudinis, ut semper tibi præsens sit, et nunquam satieris; imo semper satieris, et nunquam satieris. Si enim dixero quia non satiaberis, fames erit; si dixero quia satiaberis, fastidium timeo: ubi nec fastidium erit, nec fames, quid dicam nescio; sed Deus habet quod exhibeat non invenientibus quomodo dicant, et credentibus quod accipient.

¹ Editi, ornatus. Sed melius MSS., ordinatus.
² Ms. Germanensis, non pertinebas.

Ab eo quod scriptum est, Et hoc est testimonium Joannis, quando miserunt Judæi ab Ierosolymis sacerdotes, etc., usque ad id, Ipse est qui baptizat in Spiritu sancto, etc. Cap. 1, §. 19-33.

1. Sæpius audivit Sanctitas vestra, et optime nos, quoniam Joannes Baptista quanto præclarior erat in natis mulierum, et quanto humilior ad cognoscendum Dominum, tanto meruit esse amicus sponsi; sponso zelans, non sibi; non suum honorem querens, sed judicis sui, quem tanquam præco præibat. Itaque Prophetis precedentibus prænuntiare de Christo futura concessum est; huic autem digito ostendere. Sicut enim ignorabatur Christus ab his qui Prophetis non crediderunt antequam veniret, sic ab eis ignorabatur et præsens. Venerat enim humiliter primo et occultius; tanto occultior, quanto humilior: populi autem spernentes per superbiam suam humilitatem Dei, crucifixerunt Salvatorem suum, et fecerunt damnatorem suum.

2. Sed qui primo venit occultus, quia venit humilis, numquid deinceps non est venturus manifestus, quia excelsus? Audistis modo Psalmum: *Deus manifestus veniet, Deus noster et non silebit*. Siluit ut judicaretur, non silebit cum cœperit judicare. Non diceretur, *manifestus veniet*, nisi primo venisset occultus; nec diceretur, *non silebit*, nisi quia primo silit. Quomodo siluit? Interroga Isaiam: *Sicut ovis ad occisionem ductus est, et sicut agnus coram eo qui se teneret*¹, fuit sine voce, sic non aperuit os suum (*Isai. LIII, 7*). Venit autem manifestus, et non silebit. Quomodo manifestus? *ignis ante eum præbit, et in circuitu ejus tempestas valida* (*Psal. XLIX, 3*). Tempestas illa tollere habet totam palcam de area, quæ modo tritatur; et ignis incendere quod tempestas abstulerit. Modo autem tacet: tacet iudicio, sed non tacet præcepto. Si enim tacet Christus, quid sibi volunt hæc Evangelia? quid sibi volunt voces apostolicæ, quid cantica Psalmorum, quid eloquia Prophetarum? In his enim omnibus Christus non tacet. Sed tacet modo, ut non vindicet: non tacet, ut non moneat. Veniet autem præclarus in vindictam, et apparebit omnibus, et qui in eum non credunt. Modo vero quia et præsens occultus erat, oportebat ut contemneretur. Nisi enim contemneretur, non crucifigeretur: si non crucifigeretur, non funderet sanguinem, quo pretio nos redemit. Ut autem daret præmium pro nobis, crucifixus est; ut crucifigeretur, contempsus est; ut contemneretur, humiliis apparuit.

3. Tamen quia quasi in nocte apparuit in corpore mortali, lucernam sibi accendit unde videretur. Ipsa lucerna Joannes erat (*Joan. v, 35*), de quo jam multa adivistis: et præsens lectio Evangelii, verba Joannis continet, primo, quod præcipuum est, consitentis quia non ipse erat Christus. Tanta autem excellentia erat in Joanne, ut posset credi Christus: et in eo probata est humilitas ejus, quia dixit se non esse,

¹ Editi, tondet. At MSS., teneret.

cum posset credi esse. Ergo, *Hoc est testimonium Joannis, quando miserunt Judæi ab Ierosolymis sacerdotes et Levitas ad eum, ut interrogarent eum, Tu quis es?* Non autem mitterent, nisi moverentur excellentia auctoritatis ejus, quia ausus est baptizare. *Et confessus est, et non negavit.* Quid confessus est? *Et confessus est, Quia non sum ego Christus.*

4. *Et interrogaverunt eum, Quid ergo? Elias es tu?* Noverant enim quia p̄cessus erat Elias Christum. Non enim alicui incognitum erat nomen Christi apud Judæos. Istum non putaverunt esse Christum: non omnino Christum non esse venturum. Cum sperarent venturum, sic offendiverunt in præsentem, offendiverunt tanquam in humilem lapidem. Lapis enim ille adhuc parvus erat, jam quidem præcisis de monte sine manibus: sicut dicit Daniel propheta, vidisse se lapidem præcisum de monte sine manibus. Sed quid sequitur? *Et crevit, inquit, lapis ille, et factus est mons magnus, et implevit universam faciem terræ* (*Dan. ii, 34, 55*). Vileat ergo Charitas vestra quod dico: Christus ante Judæos jam præcisis erat de monte. Montem regnum vult intelligi Judæorum. Sed regnum Judæorum non impleverat universam faciem terræ. Inde præcisis est ille lapis, quia inde natus est in præsentia Dominus. Et quare sine manibus? Quia sine opere virili Virgo peperit Christum. Jam ergo erat lapis ille præcisis sine manibus, ante oculos Judæorum: sed humilius erat. Non immerito; quia nondum creverat lapis ille, et impleverat orbem terrarum: quod ostendit in regno suo, quod est Ecclesia, qua implevit totam faciem terræ. Quia ergo nondum creverat, offendiverunt in illum tanquam in lapidem: et factum est in eis quod scriptum est, *Qui ceciderit super lapidem istum, conquassabitur; et super quos ceciderit lapis ille, conteret eos* (*Luc. xx, 18*). Primo super humiliem ecciderunt; excelsus super illos venturus est: sed ut eos venturus excelsus conterat, primo eos humilius quassavit. Offenderunt in eum, et quassati sunt; non contriti, sed quassati: veniet excelsus, et conteret eos. Sed ignoscendum est¹ Judæis, quia offendiverunt in lapidem qui nondum creverat. Quales sunt illi qui in ipsum montem offendiverunt? Jam de quibus dicam cognoscitis. Qui negant Ecclesiam toto orbe diffusam, non in humilem lapidem, sed in ipsum montem offendunt: quod factus est ille lapis dum cresceret. Cæci Judæi non viderunt humiliem lapidem: quanta cæcitas est non videre montem?

5. Ergo viderunt humiliem, et non cognoverunt. Demoustrabatur illis per lucernam. Nam primo ille, quo major nemo surrexerat in natis mulierum, dixit, *Non sum ego Christus.* Dictumque illi est, *Numquid tu es Elias?* Respondit, *non sum.* Christus enim præmituit ante se Eliam: et dixit, *Non sum, et fecit nobis quæstionem.* Timendum est enim ne minus intelligentes, contraria putent Joannem dixisse quam Christus dixit. Quodam enim loco, cum Dominus Jesus Christus in Evangelio quedam diceret de se, responderunt illi di-

scipuli: *Quomodo ergo dicunt Scribæ, id est periti Legis, quia Eliam oportet primum venire?* Et ait Dominus: *Elias jam venit, et fecerunt ei quæ voluerunt; et si vulpis scire, ipse est Joannes Baptista* (*Matth. xvi, 10-13, et xi, 14-14*). Dominus Jesus Christus dixit, *Elias jam venit, et ipse est Joannes Baptista:* Joannes autem interrogatus sic se confessus est Eliam non esse, quomodo nec Christum esse. Et utique sicut verum confessus est Christum se non esse, sic verum confessus est nec Eliam se esse. Quomodo ergo comparabimus dicta præconis cum dictis judicis? Absit ut præco mentiatur: hoc enim loquitur quod audit a judice. Quare ergo ille, *Non sum Elias:* et Dominus, *Ipse est Elias?* Quia in eo Dominus Jesus Christus præfigurare voluit futurum adventum suum, et hoc dicere, quia in spiritu Eliæ erat Joannes. Et quod erat Joannes ad primum adventum, hoc erit Elias ad secundum adventum. Quomodo duo adventus judicis, sic duo præcones. Judex quidem ipse, præcones autem duo: non duo judices. Oportebat enim judicem primo venire iudicandum. Misit ante se primum præconem, vocavit illum Eliam; quia hoc erit in secundo adventu Elias, quod in primo Joannes.

6. Namque intendat Charitas vestra quam verum dicam. Quando conceptus est Joannes, vel potius quando natus est, Spiritus sanctus hoc de illo homine implenduu prophetavit: *Et erit, inquit, præcursor Altissimi, in spiritu et virtute Eliæ* (*Luc. i, 17*). Non ergo Elias, sed *in spiritu et virtute Eliæ.* Quid est, *in spiritu et virtute Eliæ?* In eodem Spiritu sancto vice Eliæ. Quare vice Eliæ? Quia quod Elias secundo, hoc Joannes primo adventui fuit. Recte ergo modo Joannes proprie respondit. Nam Dominus figurate, *Elias ipse est Joannes:* iste autem, ut dixi, proprie, *Non sum ego Elias.* Si figuram præcursionis adertas, Joannes ipse est Elias: quod enim ille ad primum adventum, hoc ille ad secundum erit. Si proprietatem personæ interroges, Joannes Joannes, Elias Elias; Dominus ergo ad præfigurationem recte, *Ipse est Elias:* Joannes autem recte ad proprietatem, *Non sum Elias.* Nec Joannes falsum, nec Dominus falsum: nec præco falsum, nec Judex falsum; sed si intelligas. Quis autem intelligit? Qui imitatus fuerit humilitatem præconis, et cognoverit celitudinem judicis. Nihil enim humilius ipso præcone. Fratres mei, nullum tantum meritum Joannes habuit quam de ista humilitate, quod cum posset fallere homines, et putari Christus, et haberet pro Christo (tante enim gratiae tanteque excellente fuit), confessus est tamen aperte, et dixit, *Non sum ego Christus.* Numquid tu Elias es? Jam si diceret, Elias sum; ergo jam in secundo adventu adveniens Christus judicaret, non adhuc in primo judicaretur. Tanquam dicens, Venturus est et Elias; *Non sum,* inquit, Elias. Sed observate humiliem, ante quem venit Joannes, ne sentiatis excelsum ante quem venturus est Elias. Nam et Dominus ita complevit: *Ipse est Joannes Baptista qui venturus est.* Ipsa præfiguratione venit iste, qua proprietate venturus est Elias. Tunc Elias per proprietatem Elias erit, nunc per similitudi-

¹ *Vetus codex Remigienensis: Si ignoscendum non est.*

nem Joannes erat. Modo Joannes per proprietatem Joannes, per similitudinem Elias est¹. Ambo præcones sibi dederunt similitudines suas, et tenuerunt proprietates suas : unus autem Dominus iudex, sive illo præcone præcedente, sive illo.

7. *Et interrogaverunt eum : Quid ergo? Elias es tu?* *Et dixit : Non.* *Et dixerunt ei : Prophetæ es tu?* *Et respondit : Non.* *Dixerunt ergo ei : Quis es tu?* *ut responsum demus his qui miserunt nos.* *Quid dicis de teipso?* *Ait : Ego vox clamantis in deserto.* Isaias illud dixit (Isa., xl, 3). In Joanne prophetia ista impleta est, *Ego vox clamantis in deserto.* Quid clamantis? *Dirigite viam Domini, rectas facite semitas Dei nostri.* Non vobis videtur præconis esse dicere, *Exite, facite viam!* Nisi quod præco Exite dicit: Joannes dicit, Venite. A iudice repellit præco, ad judicem vocat Joannes. Imo vocat Joannes ad humilem, ne iudex sentiatur excellens. *Ego vox clamantis in deserto, dirigite viam Domini, sicut dixit Isaias propheta.* Non dixit, Ego sum Joannes, ego sum Elias, Ego sum propheta. Sed quid dixit? Hoc vocor, *Vox clamantis in deserto, Dirigite viam Domino :* ego sum ipsa prophetia.

8. *Et qui missi fuerant, erant ex Pharisæis :* id est, ex principibus Judeorum. *Et interrogaverunt, et dixerunt ei : Quid ergo baptizas, si tu non es Christus, neque Elias, neque propheta?* Quasi audacie videbatur esse baptizare, quasi, In qua persona? Quærimus utrum tu sis Christus; tu dicis te non esse: quærimus ne forte præcursor illius sis, quia novimus ante Christi adventum venturum esse Eliam; negas te esse: quærimus ne forte aliquis multum præveniens præco es, id est propheta, et accepisti hanc potestatem; nec prophetam te esse dicis. Et non erat propheta Joannes: major erat quam propheta. Dominus de illo tale testimonium dedit: *Quid existis in desertum videre? Arundinem vento agitari.* Utique, Non vento agitari, subaudis; quia non hoc erat Joannes, quasi qui a vento moveretur: qui enim a vento inovetur, circumflatur omni spiritu seductorio. *Sed quid existis videre? Hominem mollibus vestitum?* Vestiebatur enim Joannes asperis, id est, tunica facta de pilis camelii. *Ecce qui mollibus vestiuntur, in domibus regum sunt.* Non ergo existis videre hominem mollibus vestitum. *Sed quid existis videre? Prophetam?* Ita dico vobis, major quam propheta hic (Matth. xi, 7, 8, 9): quia prophetæ longe ante prænuntiaverunt, Joannes præsentem demonstrabat.

9. *Quid ergo tu baptizas, si tu non es Christus, neque Elias, neque propheta?* Respondit eis Joannes, et dixit: *Ego baptizo in aqua;* medius autem vestrum stetit quem vos nescitis. Humilis enim non videbatur, et propter lucerna accensa est. Videbat quomodo dat locum, qui aliud posset putari. *Ipse est qui post me venit, qui ante me factus est.* Sicut jam diximus, id est, antepositus est mihi. Cujus ego non sum dignus ut solvam corrigiam calceamenti ejus. Quantum se abjecit? Et ideo mul-

tum elevatus est; quoniam qui se humiliat, exaltabitur (Luc. xiv, 11). Unde debet videre Sanctitas vestra, quia si Joannes sic se humiliavit, ut diceret, *Non sum ego dignus corrigiam solvere;* quomodo habent humiliari, qui dicunt: Nos baptizamus, nos quod datus nostrum est, et quod nostrum est, sanctum est. Ille dicit, Non ego, sed ille: illi dicunt, Nos (a). Non est dignus Joannes solvere corrigiam calceamenti ejus: quod si dignum se diceret, quam humilius esset? Et si dignum se diceret, et sic diceret, Ille venit post me, qui ante me factus est, cuius tantummodo corrigiam calceamenti dignus sum solvere; multum se humiliasset. Quando autem nec ad hoc dignum se dicit, vere plenus Spiritu sancto erat, qui sic servus Domini agnovit, et ex servo amicus fieri meruit.

10. *Hæc in Bethania facta sunt trans Jordanem, ubi erat Joannes baptizans.* Altera die vidit Joannes Jesum venientem ad se, et ait: *Ecce Agnus Dei, ecce qui tollit peccatum mundi.* Nemo sibi arroget, et dicat quia ipse auferat peccatum mundi. Jam intendite¹, contra quos superbos intendebat digitum Joannes. Nondum erant nativi haeretici, et jam ostendebantur: contra illos clamabat tunc a fluvio, contra quos modo clamat ex Evangelio. Venit Jesus; et quid dicit ille? *Ecce Agnus Dei.* Si agnus innocens, et Joannes agnus. An non et ipse innocens? Sed quis innocens? quantum innocens? Omnes ex illa traduce veniunt et ex illa propagine, de qua cantat gemens David: *Ego in iniquitate conceptus sum, et in peccatis mater mea in utero me aluit* (Psal. l, 7). Solus ergo ille Agnus, qui non sic venit. Non enim in iniquitate conceptus est; quia non de mortalitate conceptus est: nec eum in peccatis mater ejus in utero aluit, quem virgo concepit, virgo peperit; quia fide concepit, et fide suscepit. Ergo *ecce Agnus Dei.* Non habet iste traducem de Adam: carnem tantum sumpsit de Adami, peccatum non assumpsit. Qui non assumpsit de nostra massa peccatum, ipse est qui tollit nostrum peccatum. *Ecce Agnus Dei, ecce qui tollit peccatum mundi.*

11. Nostis quia quidam homines dicunt aliquando: Nos tollimus peccata hominibus, qui sancti sumus: si enim non fuerit sanctus qui baptizat, quomodo tollit peccatum alterius, cum sit homo ipse plenus peccato? Contra istas disputationes verba nostra non dicamus, hunc legamus: *Ecce Agnus Dei, ecce qui tollit peccatum mundi.* Non sit præsumptio hominibus in homines: non transmigret passer in montes, in Domino confidat (Psa.. x, 2); et si levat oculos in montes, unde veniet auxilium ei, intelligat quia auxilium ejus a Domino, qui fecit cœlum et terram (Psal. cxx, 1, 2). Tantæ excellentiæ Joannes, dicitur ei, Tu es Christus? Dicit, Non. Tu es Elias? Dicit, Non. Tu es propheta? Dicit, Non. Quare ergo baptizas? *Ecce Agnus Dei, ecce qui tollit peccatum mundi:* hic est de quo dixi, Post me venit vir qui ante me factus est, quia prior me erat. Post me venit, quia posterius natus est:

¹ Sic omnes MSS. At editi: *Nunc per similitudinem Joannes Elias erat. Modo Joannes per proprietatem Joannes est, tunc per similitudinem Elias Joannes erit.*

¹ Sic MSS. prope omnes. At editi: *auferat peccata. Unde jam intendit.*
(a) Donatistarum superbia

ante me factus est, quia prælatus est mihi : prior me erat, quia in principio erat Verbum, et Verbum erat apud Deum, et Deus erat Verbum.

12. « Et ego nesciebam eum, dixit : sed ut manifestaretur Israeli, propterea veni ego in aqua baptizans. Et testimonium perhibuit Joannes, dicens, Quia vidi Spiritum de celo descendenterem quasi columbam, et mansit super eum : et ego nesciebam eum, sed qui me misit baptizare in aqua, ille mihi dixit, Super quem videris Spiritum descendenterem et manentem super eum, hic est qui baptizat in Spiritu sancto : et ego vidi, et testimonium perhibui quia hic est Filius Dei. » Intendat modicum Charitas vestra : Joannes quando didicit Christum ? Missus est enim ut baptizaret in aqua. Quæsitum est quare ? *Ut manifestaretur Israeli*, dixit. Quid profuit baptismus Joannis ? Fratres mei, si profuit aliquid, et modo inaneret, et baptizarentur homines baptismō Joannis ; et sic venirent ad baptismum Christi. Sed quid ait ? *Ut manifestaretur Israeli* : id est, ipsi Israel, populo Israel ut manifestaretur Christus, venit baptizare in aqua. Accipit ministerium baptismatis Joannes, in aqua pœnitentie parare viam Domino, non existens Dominus : at ubi cognitus est Dominus, superfluo ei via parabatur ; quia cognoscentibus se ipse factus est via : itaque non duravit diu baptismus Joannis. Sed quomodo demonstratus est Dominus ? Humilis ; ut ideo acciperet baptismus Joannes, in quo baptizaretur ipse Dominus.

13. Et opus erat Domino baptizari ? Et ego interrogans cito respondeo : Opus erat Domino nasci ? opus erat Domino crucifigi ? opus erat Domino mori ? opus erat Domino sepeliri ? Si ergo tantam suscepit pro nobis humilitatem, baptismum non erat suscepturus ? Et quid profuit quia suscepit baptismum servi ? Ut tu non dedianareris suspicere baptismum Domini. Intendat Charitas vestra. Futuri erant aliqui in Ecclesia excelsioris gratiæ catechumeni. Fit enim aliquando ut videoas catechumenum abstinentem ab omni concubitu, valescentem sæculo, renuntiantem omnibus quæ possidebat, distribuentem pauperibus ; et catechumenus est, instructus etiam forte doctrina salutari supra multos fideles. Timendum est huic ne dicat apud semetipsum de Baptismate sancto quo peccata dimittuntur : Quid plus accepturus sum ? Ecce ego melior sum illo fideli et illo fideli : cogitans fideles aut conjugatos, aut forte idiotas, aut habentes et possidentes res suas, quas ipse distribuit jam pauperibus, et meliorem se esse arbitrans quam ille qui jam baptizatus est, dedignetur venire ad Baptismum, dicens, Hoc sum accepturus quod habet ille et ille ; et proponat sibi illos quos contemnit, et quasi sordeat illi hoc accipere quod acceperunt inferiores, quia jam videtur ipse sibi melior : et tamen omnia peccata super illum sunt, et nisi venerit ad salutarem Baptismum, ubi peccata solvuntur, cum omni excellentia sua non potest intrare in regnum cœlorum. Sed ut illam excellentiam invitaret Dominus ad baptismum suum, ut peccata illi dimitterentur, venit ipse ad baptismum servi sui ; et cum ipse non haberet quod ei

dimitteretur, nec quod in illo lavaretur, suscepit a servo baptismum ; et tanquam allocutus est filium superbientem et extollentem se, ac dedianterem forte accipere cum idiotis unde ei possit salus venire, et quasi dicens : Quantum te extendis ? quantum extolis ? quanta est excellentia tua ? quanta gratia tua ? major potest esse quam mea ? si ego veni ad servum, tu dedianaris venire ad Dominum ? si ego suscepit baptismum servi, tu dedianaris a Domino baptizari ?

14. Nam ut noveritis, fratres mei, quia non ex necessitate alicujus vinculi peccati Dominus veniebat ad ipsum Joannem ; sicut dicunt alii evangeliste, cum ad illum veniret baptizandus Dominus, ait ipse Joannes : *Tu ad me venis ? ego a te debeo baptizari.* Et quid ei ipse respondit ? *Sine modo ; impleatur omnis justitia* (*Matth. iii, 14, 15*). Quid est, *impleatur omnis justitia* ? Mori veni pro hominibus, baptizari non habeo pro hominibus ? Quid est, *impleatur omnis justitia* ? Impleatur omnis humilitas. Quid ergo ? non erat suscepturus baptismum a bono servo, qui passionem suscepit a servis malis ? Intendite ergo. Baptizato Domino, si propterea baptizavit Joannes, ut in ejus baptismō Dominus ostenderet humilitatem, nemo alias baptizaretur baptismō Joannis ? Multi autem baptizati sunt baptismō Joannis ; baptizatus est Dominus baptismō Joannis, et cessavit baptismus Joannis : inde jam missus est in carcere Joannes ; deinceps nemo baptizatus invenitur illo baptimate. Si ergo propterea venit et Joannes baptizans, ut Domini humilitas nobis demonstraretur, ut quia ille suscepit a servo, nos non dedianaremur suspicere a Domino ; Dominum solum Joannes baptizaret ? Sed si solum Dominum Joannes baptizaret, non deessent qui putarent sanctius fuisse baptismus Joannis quam Christi : quasi baptismus Joannis solus Christus meruisset baptizari, baptimate autem Christi genus humanum. Intendat Charitas vestra. Baptimate Christi baptizati sumus, non tantum nos, sed et universus orbis terrarum, et baptizatur usque in finem. Quis nostrum potest ex aliqua parte comparari Christo, cuius se Joannes dixit indignum solvere corrigiam calceamenti ? Si ergo ille Christus tante excellentiae homo Deus, solus baptizaretur baptismō Joannis, quid dicturi erant homines ? Qualem baptismum habuit Joannes ? Magnum baptismum habuit, ineffabile sacramentum : vide, quia solus Christus meruit baptizari Joannis baptismō. Atque ita major videretur baptismus servi, quam baptismus Domini. Baptizati sunt et alii baptismō Joannis, ne melior baptismus videretur Joannis quam Christi ; baptizatus autem et Dominus, ut Domino suscipiente baptismum servi, non dedianarentur alii servi suspicere baptismum Domini : ad hoc ergo missus erat Joannes.

15. Sed noverat Christum, au non noverat ? Si non noverat, quare dicebat quando venit ad fluvium Christus : *Ego a te debeo baptizari* ? hoc est, Scio qui sis. Si ergo jam noverat, certe tunc cognovit quando vidi columbam descendenterem. Manifestum est quia columba non descendit super Dominum, nisi postea-

quam ascendit ab aqua baptismi. Dominus baptizatus ascendit ab aqua, aperi sunt coeli, et vidit super eum columbam. Si ergo post baptismum descendit columba, et antequam baptizaretur Dominus, dixit illi Joannes, *Tu ad me venis? ego a te debeo baptizari?* ante, illum noverat, cui dixit, *Tu ad me venis? ego a te debeo baptizari?* quomodo ergo dixit, « Et ego nesciebam eum; sed qui me misit baptizare in aqua, ille mihi dixit, Super quem videris Spiritum descendenter sicut columbam, et manentem super eum, ipse est qui baptizat in Spiritu sancto? » Non parva questio est, fratres mei. Si vidistis questionem, non parum vidistis: superest ut ipsius solutionem Dominus det. Tamen illud dico, si vidistis questionem, non est parum. Ecce positus est Joannes ante oculos vestros, stans ad fluvium Joannes Baptista; ecce venit Dominus adhuc baptizandus, nondum baptizatus: audi vocem Joannis, *Tu ad me venis? ego a te debeo baptizari;* ecce jam cognoscit Dominum, a quo vult baptizari. Baptizatus Dominus ascendit ab aqua, aperiuntur coeli, descendit Spiritus, modo illum cognoscit Joannes: si modo illum cognoscit, quid dixit antea, *Ego a te debeo baptizari?* Si autem non eum modo cognoscit, quia jam noverat eum, quid est quod dixit, « Non noveram eum; sed qui me misit baptizare in aqua, ille mihi dixit, Super quem videris Spiritum descendenter, et manentem super eum sicut columbam, ipse est qui baptizat in Spiritu sancto? »

16. Fratres, ista quæstio si hodie solvatur, gravatis vos, non dubito, quia jam multa dicta sunt. Sciatis autem talēm istam quæstionem esse, ut haec sola perimit partem Donati. Ad hoc dixi Charitati vestre, ut intentos vos facerem, similiiter ut solo; simul ut oreis pro nobis et vobis, ut et nobis det Dominus digna loqui, et vos digna capere mereamini. Interim hodie dignamini differre. Sed hoc breviter dico interim, donec solvatur: interrogate pacifice, sine rixa, sine contentione, sine alterationibus, sine inimicitiis; et vobiscum querite, et alios interrogate, et dicte, Hanc quæstionem proposuit nobis hodie episcopus noster, aliquando si Dominus concesserit, soluturus eam. Sed sive solvatur sive non solvatur, putate me proposuisse quod me movet: mox enim nullum. Dicit Joannes, *Ego a te debeo baptizari;* tanquam Christo cognito. Si enim non noverat eum a quo volebat baptizari, temere dicebat, *Ego a te debeo baptizari.* Noverat ergo eum. Si noverat eum, quid est ergo quod dicit, *Non noveram eum; sed qui me misit baptizare in aqua, ipse mihi dixit, Super quem videris Spiritum descendenter et manentem super eum, sicut columbam, ipse est qui baptizat in Spiritu sancto?* Quid dicturi sumus? Quia non scimus quando venerit columba? Ne forte ibi lateant¹, legantur alii evangelistæ, qui planius illud dixerunt: et invenimus apertissime tunc descendisse columbam, cum Dominus ab aqua ascendit. Super baptizatum enim aperi sunt coeli, et vidit Spiritum descendenter (*Matth. iii, 16, Marc. i, 10, et Luc. iii,*

21 et 22.) Si jam baptizatum cognovit, ventienti ad baptismia quomodo dicit, *Ego a te debeo baptizari?* Hanc vobiscum interim ruminare, hanc vobiscum conferte, hanc vobiscum tractate. Præstet Dominus Deus noster ut antequam a me audiatis, alicui vestrū priori eam revelet. Tamen, fratres, hoc sciatis, quia per istius quæstionis solutionem, vocem pars Donati de Baptismi gratia, ubi nebulae obtundunt imperitis, et retia tendunt avibus volantibus, si frontem habent, omnino non habebunt: omnino eorum ora claudentur.

TRACTATUS V.

Rursum in illud, Et ego nesciebam eum, etc. Quid novi Joannes didicerit de Domino per columbam. Cap. i, § . 33.

1. Sicut Dominus voluit, ad diem promissionis nostræ pervenimus: præstabat etiam hoc, ut ad ipsius promissionis redditionem pervenire possimus. Tunc enim ea quæ dicimus, et nobis et vobis si utilia sunt, ab ipso sunt: quæ autem ab homine sunt, mendacia sunt; sicut ipse dixit Dominus noster Jesus Christus, *Qui loquitur mendacium, de suo loquitur* (*Joan. viii, 44*). Nemo habet de suo, nisi mendacium et peccatum. Si quid autem homo habet veritatis atque justitiae, ab illo fonte est, quem debemus sitire in hac eremo, ut ex eo quasi guttis quibusdam irrorati, et in hac peregrinatione interim consolati, ne deficiamus in via, venire ad ejus requiem satietatemque possimus. Si ergo *qui loquitur mendacium, de suo loquitur;* qui loquitur veritatem, de Deo loquitur. Verax Joannes, veritas Christus; verax Joannes, sed omnis verax a veritate verax est: si ergo verax est Joannes, et verax esse homo non potest, nisi a veritate; a quo erat verax, nisi ab eo qui dixit, *Ego sum veritas* (*Id. xiv, 6*)? Non ergo, posset dicere, aut veritas contra veracem, aut verax contra veritatem. Veracem veritas misit; et ideo verax erat, quoniam a veritate missus erat. Si veritas Joannem miserat, Christus eum miserat. Sed quod Christus cum Pater facit, Pater facit: et quod Pater cum Christo facit, Christus facit. Nec seorsum Pater aliiquid facit sine Filio; nec seorsum aliiquid Filius sine Patre: inseparabilis charitas, inseparabilis unitas, inseparabilis majestas, inseparabilis potestas, secundum haec verba quæ ipse posuit, *Ego et Pater unus sumus* (*Id. x, 50*). Quis ergo misit Joannem? Si dicamus, Pater, verum dicimus; si dicamus, Filius, verum dicimus: manifestius autem ut dicamus, Pater et Filius. Quem misit autem Pater et Filius, unus Deus misit; quia Filius dixit, *Ego et Pater unus sumus.* Quomodo ergo nesciebat eum a quo missus est? Dixit enim, *Ego nesciebam eum; sed qui me misit baptizare in aqua, ipse mihi dixit.* Interrogo Joannem, Qui te misit baptizare in aqua, quid tibi dixit? *Super quem videris Spiritum descendenter, sicut columbam, et manentem super eum, ipse est qui baptizat in Spiritu sancto.* Hoc tibi, o Joannes, dixit qui te misit? Manifestum quia hoc. Quis ergo te misit? Forte Pater. Verus Deus Pater, et veritas Deus Filius: si Pater sine Filio te misit, Deus sine veritate te misit: si ideo autem verax es, quia verita-

¹ Editi, lateat. MSS., lateant: scilicet, donatistæ.

tem loqueris, et ex veritate loqueris; non te misit Pater sine Filio, sed simul te misit Pater et Filius: si ergo et Filius te misit cum Patre, quomodo nesciebas eum a quo missus es? Quem videras in veritate, ipse te misit ut agnosceretur in carne, et dixit, *Super quem videris Spiritum descendenter sicut columbam, et manentem super eum, ipse est qui baptizat in Spiritu sancto.*

2. Hoc audivit Joannes, ut nosset eum quem non noverat, an ut plenius nosset quem jam noverat? Si enim omni ex parte non nosset, non venienti ad flumen ut baptizaretur diceret, *Ego a te debeo baptizari, et tu venis ad me (Matth. iii, 14)*? noverat ergo. Quando autem columba descendit? Jam baptizato Domino, et ab aqua ascende. At si ille qui eum misit, dixit, *Super quem videris Spiritum descendenter sicut columbam, et manentem super eum, ipse est qui baptizat in Spiritu sancto;* et non noverat eum, sed columba descendente cognovit eum; columba vero tunc descendit, quando Dominus ab aqua ascendit; tunc autem cognoverat Joannes Dominum, quando ad eum Dominus ad aquam veniebat: manifestatur nobis quia Joannes secundum aliquid noverat, secundum aliquid nondum noverat Dominum. Nisi autem hoc intellexerimus, mendax erat. Quomodo erat verax agnoscens, qui dicit, *Tu ad me venis baptizari, et ego a te debeo baptizari?* Verax est cum hoc dicit? Et quomodo rursus verax est cum dicit, *Ego non noveram eum; sed qui misit me baptizare in aqua, ipse mihi dixit, Super quem videris Spiritum descendenter sicut columbam, et manentem super eum, ipse est qui baptizat in Spiritu sancto?* Innotuit per columbam Dominus, non ei qui se non noverat, sed ei qui in eo aliquid noverat, aliquid non noverat. Nostrum est ergo querere quid in eo Joannes nondum noverat, et per columbam didicit.

3. Quare missus est Joannes baptizans? Jam memini me quantum potui dixisse Charitati vestrae. Si enim baptismus Joannis necessarius erat saluti nostrae; et modo debuit exerceri. Non enim modo non salvantur homines, aut non modo plures salvantur, aut alia tunc salus erat, et alia modo. Si mutatus est Christus, mutata est et salus: si salus in Christo est, et idem ipse Christus est, eadem nobis salus est. Sed quare missus est Joannes baptizans? Quia oportebat baptizari Christum. Quare oportebat baptizari Christum? Quare oportuit nasci Christum? quare oportuit crucifigi Christum (*a*)? Si enim viam humilitatis demonstratus advenerat, et seipsum facturus ipsam humilitatis viam; in omnibus ab eo implenda erat humilitas. Auctoritatem dare baptismu suo hinc dignatus est, ut cognoscerent servi quanta alacritate deberent currere ad baptismum Domini, quando ipse non dignatus est suscipere baptismum servi. Donatum enim erat hoc Joanni, ut ipsius baptismus diceretur.

4. Hoc attendat, et distinguat, et noverit Charitas vestra. Baptismus quem accepit Joannes, baptismus

(*a*) Interrogando respondet quæstioni, ut supra Tract. 4, n. 13.

Joannis dictus est: solus tale donum accepit. nullus ante illum justorum, nullus post illum, ut aciperet baptismum, qui baptismus illius diceretur¹. Accepit quidem; non enim a se posset aliquid: si enim a se quis loquitur, mendacium de suo loquitur. Et unde accepit, nisi a Domino Iesu Christo? Ab illo ut baptizare posset accepit, quem postea baptizavit. Nolite mirari: sic enim hoc fecit Christus in Joanne, quomodo quiddam fecit in matre. De Christo enim dictum est, *Omnia per ipsum facta sunt (Joan. i, 3)*: si omnia per ipsum, et Maria per ipsum facta est, de qua postea natus est Christus. Intendat Charitas vestra. Quomodo creavit Mariam, et creatus est per Mariam; sic dedit baptismum Joanni, et baptizatus est a Joanne.

5. Ad hoc ergo accepit baptismum a Joanne, ut accipiens quod inferius erat ab inferiore, ad id quod superius erat hortaretur inferiores. Sed quare non solus ipse baptizatus est a Joanne, si ad hoc missus erat Joannes, per quem baptizaretur Christus, ut pararet viam Domino, id est ipsi Christo? Et hoc jam diximus; sed commemoramus, quia necessarium est praesenti quæstioni. Si solus Dominus noster Jesus Christus baptizatus esset baptismate Joannis: tenete quod dicimus; non tantum valeat saeculum, ut debeat e cordibus vestris quod ibi scripsit Spiritus Dei; non tantum valeant spine curarum, ut efficiant semen quod seminatur in vobis: quare enim cogimur eadem repetere, nisi quia de memoria cordis vestri securi non sumus? si ergo solus Dominus baptizatus esset baptismo Joannis, non decessent qui sic eum haberent, ut putarent baptismum Joannis maiorem esse, quam est baptismus Christi. Dicerent enim: Usque adeo illud baptismum majus est, ut solus Christus eo baptizari meruisset. Ergo ut daretur nobis a Domino exemplum humilitatis, ad percipiendam salutem baptismatis, Christus suscepit quod ei opus non erat, sed propter nos opus erat. Et rursus, ne hoc ipsum quod accepit a Joanne Christus, præponeretur baptismati Christi, permitti sunt et alii baptizari a Joanne. Sed qui baptizati sunt a Joanne, non eis sufficit: baptizati sunt enim baptismum Christi; quia non baptismus Christi erat baptismus Joannis. Qui accipiunt baptismum Christi, baptismum Joannis non querunt: qui acceperunt baptismum Joannis, baptismum Christi quæsierunt. Ergo Christo sufficit baptismus Joannis. Quomodo non sufficeret, quando nec ipse erat necessarius? Illi enim nullus baptismus erat necessarius; sed ad hortandos nos ad baptismum suum, suscepit baptismum servi. Et ne præponeretur baptismus servi baptismu Domini, baptizati sunt alii baptimate conservi. Sed qui baptizati sunt baptimate conservi, oportebat ut baptizarentur baptimate Domini: qui autem baptizan-

¹ Er. et Lugd. sic legunt hunc locum: *Baptismum quod accepit Joannes, baptismum joannis dictum est. Nullus ante illum justorum, nullus post illum: ut aciperet baptismum, quod baptismum ipsius diceretur, accepit: solus tale donum accepit quidem. Quibus suffragantur Ven. et Lov., ea tamen inter se discrepantia, ut Ven., baptismus, Lov. autem, baptismum ferant. M.*

tur baptismate Domini, non opus habent baptismate conservi.

6. Quoniam ergo acceperat Joannes baptismum, qui proprie Joannis diceretur; Dominus autem Jesus Christus noluit baptismum suum alicui dare, non ut nemo baptizaret baptismum Domini, sed ut semper ipse Dominus baptizaret: id actum est, ut et per ministros Dominus baptizaret, id est ut, quos ministri Domini baptizatur erant, Dominus baptizaret, non illi. Aliud est enim baptizare per ministerium, aliud baptizare per potestatem. Baptisma enim tale est, qualis est ille in cuius potestate datur; non qualis est ille per cuius ministerium datur. Talis erat baptismus Joannis, qualis Joannes: baptismus justus tanquam justi, tamen hominis; sed qui acceperat a Domino istam gratiam, et tantam gratiam, ut dignus esset praire judicem, et eum digito ostendere, et implere vocem prophetiae illius, *Vox clamantis in deserto, parate viam Domino* (*Isai. xl, 3*). Tale autem baptismus Domini, qualis Dominus: ergo baptismus Domini divinum, quia Dominus Deus.

7. Potuit autem Dominus Jesus Christus, si vellet, dare potestatem alicui servo suo, ut daret baptismum suum tanquam vice sua, et transferre a se baptizandi potestatem, et constituere in aliquo servo suo, et tantum vim dare baptismum translatu in servum, quantum vim haberet baptismus datus a Domino. Hoc noluit ideo, ut in illo spes esset baptizatorum, a quo se baptizatos agnoscerent. Noluit ergo servum ponere spem in servo. Ideoque clamabat Apostolus, cum videret homines volentes ponere spem in scipso: *Numquid Paulus pro vobis crucifixus est? aut in nomine Pauli baptizati estis?* (*1 Cor. i, 13*)? Baptizavit ergo Paulus tanquam minister, non tanquam ipsa potestas: baptizavit autem Dominus tanquam potestas. Intendite. Et potuit hanc potestatem servis dare, et noluit. Si enim daret hanc potestatem servis, id est, ut ipsorum esset quod Domini erat, tot essent baptismi quot essent servi; ut quomodo dictum est baptismus Joannis, sic diceretur baptismus Petri, sic baptismus Pauli, sic baptismus Jacobi, baptismus Thomae, Matthaei, Bartholomei: illud enim baptismus Joannis dictum est. Sed forte aliquis resistit, et dicit: Proba nobis quia illud baptismus Joannis dictum est. Probabo, ipsa Veritate dicente, quando interrogavit Iudeos, *Baptisma Joannis unde est? de caelo, an ex hominibus?* (*Matth. xxii, 25*)? Ergo ne tot baptismata dicerentur, quot essent servi qui baptizarent accepta potestate a Domino; sibi tenuit Dominus baptizandi potestatem, servis ministerium dedit. Dicit se servus baptizare; recte dicit, sicut Apostolus dicit, *Baptizari autem et Stephanæ domum* (*1 Cor. i, 16*): sed tanquam minister. Ideo si sit et manus, et contingat illi habere ministerium, et si eum homines non norunt, et Deus eum novit: permittit Deus baptizari per eum, qui sibi tenuit potestatem.

8. Hoc autem Joannes non noverat in Domino. *Quia Dominus erat, noverat;* quia ab ipso debebat baptizari, noverat: et confessus est quia veritas erat illa, et ille vera missus a veritate; hoc noverat. Sed

PATROL. XXXV.

quid in eo non noverat? Quia sibi retenturus erat baptismatis sui potestatem, et non eam transmissurus et translaturus in aliquem servum: sed sive baptizaret in ministerio servus bonus, sive baptizaret in ministerio servus malus, non sciret se ille qui baptizaret baptizari, nisi ab illo qui sibi tenuit baptizandi potestatem. Et ut noveritis, fratres, quia hoc in illo non noverat Joannes, et hoc didicit per columbam: Dominum enim noverat, sed eum baptizandi sibi potestatem retenterum, et nulli servo eam daturum, nondum noverat; secundum hoc dixit, *Et ego nesciebam eum.* Et ut noveritis quia ibi hoc didicit, attendite sequentia: *Sed qui misit me baptizare in aqua, ipse mihi dixit, Super quem videris Spiritum descendenterem, quasi columbam, et manentem super eum, ipse est.* Quid ipse est? Dominus. Sed jam noverat Dominum. Ergo putate huc usque dixisse Joannem, *Ego non noveram eum; sed qui ne misit baptizare in aqua, ipse mihi dixit.* Quærimus quid dixerit? Sequitur, *Super quem videris Spiritum descendenterem, quasi columbam, et manentem super eum.* Non dico sequentia; interim attendite: *Super quem videris Spiritum descendenterem, tanquam columbam, et manentem super eum, ipse est.* Sed quid ipse est? quid me voluit per columbam docere qui me misit? Quia ipse erat Dominus? Jam noveram a quo missus eram: jam noveram eum cui dixi: *Tu ad me venis baptizari? ego a te debeo baptizari:* usque adeo ergo noveram Dominum, ut ego ab eo vellem baptizari, non ut a me ipse baptizaretur: et tunc mihi dixit, *Sine modo; impleatur omnis justitia* (*Matth. iii, 14, 15*); pati veni, baptizari non venio? impleatur omnis justitia, ait mihi Deus meus; impleatur omnis justitia, doceam plenam humilitatem: novi superbientes in futuro populo meo, novi aliquos in aliqua excellentiori gratia futuros homines, ut cum viderint idiotas aliquos baptizari, illi quia meliores sibi videntur, sive continentia, sive eleemosynis, sive doctrina, dedignentur isti fortasse accipere quod illi inferiores acceperunt; oportet ut sanem eos, ut non dedignantur venire ad baptismum Domini, quia ego veni ad baptismum servi.

9. Jam ergo hoc noverat Joannes, et noverat Dominum. Quid ergo docuit columba? quid voluit per columbam, id est, per Spiritum sanctum sic venientem docere, qui miserat eum, cui ait, *Super quem videris Spiritum descendenterem, tanquam columbam, et manentem super eum, ipse est?* Quis ipse est? Dominus. Novi. Sed numquid hoc jam noveras, quia Dominus iste baptizandi habens potestatem, eam potestatem nulli servo daturum est, sed sibi eam retenturus est, ut omnis qui baptizatur per servi ministerium, non inputet servo, sed Domino? numquid hoc jam noveras? Non hoc noveram: adeo quid mihi dixit: *Super quem videris Spiritum descendenterem tanquam columbam, et manentem super eum, ipse est qui baptizat in Spiritu sancto.* Non ait, Ipse est Dominus; non ait, ipse est Christus; non ait, ipse est Deus; non ait, ipse est Jesus; non ait, ipse est qui natus est de vir-

(Quarante-cinq.)

gine Maria , posterior te , prior te : non ait hoc ; jam enim hoc neverat Joannes. Sed quid non neverat ? Tantam potestatem Baptismi ipsum Dominum habiturum et sibi retenturum , sive praesentem in terra , sive absentem corpore in caelo et praesentem majestate , sibi retenturum Baptismi potestatem : ne Paulus diceret , Baptismus meus ; ne Petrus diceret , Baptismus meus. Ideo videte , intendite voces Apostolorum. Nemo Apostolorum dixit , Baptismus meus. Quamvis unum omnium esset Evangelium , tamen invenis dixisse , Evangelium meum : non invenis dixisse , Baptisma meum.

10. Hoc ergo didicit Joannes , fratres mei . Quod dicit Joannes per columbam , discamus et nos. Non enim columba Joannem docuit , et Ecclesiam non docuit , cui Ecclesiæ dictum est , *Una est columba mea* (*Cant. vi. 8*). Columba doceat columbam ; neverit columba quod Joannes didicit per columbam. Spiritus sanctus in specie columbae descendit. Hoc autem quod discebat Joannes in columba , quare in columba didicit ? Oportebat enim ut disceret : nec hoc forte oportebat , nisi ut per columbam disceret. Quid dicam de columba , fratres mei ? aut quando mihi sufficit facultas vel cordis vel linguae , dicere quomodo volo ? Et forte non digne volo quomodo dicendum est ; nec si tamen possum dicere quomodo volo : quanto minus quomodo dicendum est ? Ego a meliore hoc audire velle , non vobis dicere.

11. Dicit Joannes eum quem neverat : sed in eo disicit in quo eum non neverat ; in quo neverat non disicit. Et quid neverat ? Dominum. Quid non neverat ? Potestatem dominici baptismi in nullum hominem a Domino transituram , sed ministerium plane transiitrum : potestatem a Domino in neminem , ministerium et in bonos et in malos. Non exhorreat columba ministerium malorum , respiciat Domini potestatem. Quid tibi facit malus minister , ubi bonus est Dominus ? Quid te impedit malitiosus preceo , si est benevolus judex ? Joannes didicit per columbam hoc. Quid est quod didicit ? Ipse repeatat : *Ipse mihi dixit* , inquit , *Super quem videris Spiritum descendenter , tanquam columbam , et manentem super eum , hic est qui baptizat in Spiritu sancto*. Non ergo te decipient , o columba , seductores , qui dicunt , Nos baptizamus (*a*). Columba , agnosce quid docuit columba. *Hic est qui baptizat in Spiritu sancto*. Per columbam discitur quia hic est ; et tu ejus potestate putas te baptizari , cuius ministerio baptizaris ? Si hoc putas , nondum es in corpore columbae ; et si non es in corpore columbae , non mirandum : quia simplicitatem non habes. Simplicitas enim maxime per columbam designatur.

12. Quare per simplicitatem columbae didicit Joannes , quia *hic est qui baptizat in Spiritu sancto* , fratres mei , nisi quia columbae non erant qui Ecclesiam dissipaverunt ? Accipitres erant , milvi erant. Non laniat columba. Et vides illos invidiam nobis facere , quasi de persecutionibus quas passi sunt. Corporales quidem passi quasi persecutions , cum essent flagella Domini

(*a*) Donatianæ.

manifeste dantis disciplinam ad tempus , ne dannet in eternum , si eam non cognoverint , seque correxerint. Illi vere persequuntur Ecclesiam , qui dolis persequuntur ; illi gravius cor ferunt , qui lingue gladio ferunt ; illi acerbius sanguinem fundunt , qui Christum . quantum in ipsis est , in homine occidunt. Perterriti videntur quasi iudicio potestatum. Quid tibi facit potestas , si bonus es ? Si autem malus es , time potestatem : *Non enim frustra gladium portat* , dicit Apostolus (*Rom. xiii. 4*). Tuum gladium noli educere , quo percutis Christum. Christiane , quid tu persecueris in christiano ? quid in te persecutus est imperator ? Carnem persecutus est ; tu in christiano spiritum persecueris. Non occidis tu carnem. Et tamen nec carni parcent : quoquot potuerunt caedendo necaverunt ; nec suis nec alienis peperceroent. Notum est hoc omnibus. Invidiosa est potestas , quia legitima est : invidiosa facit , qui jure facit : sine invidia facit , qui praeter leges facit. Attendat unusquisque vestrum , fratres mei , quid habeat christianus. Quod homo est , commune cum multis : quod christianus est , sccernitur a multis ; et plus ad illum pertinet quod christianus , quam quod homo. Nam quod christianus , renovatur ad imaginem Dei , a quo homo factus est ad imaginem Dei , (*Col. iii. 10*) : quod autem homo , posset et malus , posset et paganus , posset ¹ et idololatra. Hoc tu persecueris in christiano , quod melius habet : hoc enim illi vis auferre unde vivit. Vivit enim temporaliter secundum spiritum vitæ , quo corpus animatur ; vivit autem ad eternitatem secundum Baptisma quod accepit a Domino : hoc illi vis tollere , quod accepit a Domino ; hoc illi vis tollere unde vivit. Latrones eos quos volunt expoliare , sic volunt , ut ipsi plus habeant , et illi nihil habeant : tu et tollis huic , et apud te non erit plus ; non enim plus tibi fit , quia huic tollis. Sed vere hoc faciunt , quod hi qui tollunt animam ; et alteri tollunt , et ipsi duas animas non habent.

13. Quid ergo vis auferre ? Unde tibi displicet quem vis rebaptizare ? Dare non potes quod jam habet , sed facis negare quod habet. Quid acerbius faciebat paganus , persecutor Ecclesiæ ? Exserebantur gladii adversus martyres , emittebantur bestiæ , ignes admovebantur : utquid ista ? Ut diceret qui ista patiebatur , Non sum christianus. Quid doces tu eum quem vis rebaptizare , nisi ut primo dicat , Non sum christianus ? Ad quod aliquando persecutor proferebat flammarum , ad hoc tu producis linguam : seducendo facis quod ille occidendo non fecit. Et quid est quod datus es , et cui datus es ? Si tibi verum dicat , et non seductus a te mentiatur , dicturus est , Habeo. Interrogas , Habes Baptisma ? Habeo , dicit. Quamdiu habeo dicit , inquis , non sum datus. Et noli dare : quod enim vis dare , haerere in me non potest ; quia quod accepi , auferri a me non potest. Sed tamen exspecta ; videam quid me vis docere. Dic , inquit , primo , Non habeo. Sed hoc habeo : si dixerim , Non habeo , mentior ; quod enim habeo , habeo. Non habes , inquit. Doce quia non

¹ possidet , pro posset , ter legit Morel , Element. critie pag. 211. M.

habeo. Malus tibi dedit. Si malus Christus, malus mihi dedit. Non, inquit, malus Christus : sed non tibi Christus dedit. Quis ergo mihi dedit? responde : ego in a Christo scio accepisse. Dedit tibi, inquit, sed traditor nescio quis, non Christus. Videro quis fuerit minister, videro quis fuerit praeco; de officiali non dispueto, judicem attendo : et forte quod objicis officiali, mentiris : sed nolo discutere ; causam officialis sui cognoscet Dominus amborum : forte si exigam ut probes, non probas; imo mentiris : probatum est te probare non potuisse (a) : sed non ibi pono causam meam, ne cum studiose coepero defendere homines innocentes, putes me spem meam vel in hominibus innocentibus posuisse : fuerint homines qualeslibet, ego a Christo accepi, ego a Christo baptizatus sum. Non, inquit, sed ille episcopus te baptizavit, et ille episcopus illis communicat. A Christo sum baptizatus, ego novi. Unde nosti? Docuit me columba quam vidi Joannes. O milvo male, non me dilanias a visceribus columbae : in columbae membris numeror; quia quod columba docuit, hoc novi. Tu mibi dicis, Ille te baptizavit, aut ille te baptizavit; per columbam mibi et tibi dicitur, *Hic est qui baptizat*: cui credo, milvo, an columbae?

14. Certe tu mibi dic, ut per illam lucernam confundaris, qua confusi sunt et priores inimici, pares¹ tui pharisei, qui cum interrogarent Dominum, in qua potestate ista faceret : *Interrogabo et ego vos*, inquit, *istum sermonem*, *Dicite mihi*, *Baptisma Joannis unde est? de caelo an ex hominibus?* Et illi qui preparabant jaculari dolos, irretiti sunt quæstione, coeperunt volvere apud semetipos, et dicere, *Si dixerimus quia de caelo est, dicturus est nobis*, *Quare non credidistis ei?* Joannes enim dixerat de Domino, *Ecce Agnus Dei, ecce qui tollit peccatum mundi* (*Joan. i, 29*). Quid ergo queritis, in qua potestate facio? O lupi, in potestate Agni facio quod facio. Sed ut nossetis Agnum, quare non credidistis Joanni, qui dixit, *Ecce Agnus Dei, ecce qui tollit peccatum mundi?* Scientes ergo illi quid dixisset Joannes de Domino, dixerunt apud se, *Si dixerimus quia de caelo est baptismus Joannis, dicet nobis*, *Quare ergo non credidistis ei?* *Si dixerimus quia ex hominibus est, lapidabimur a populo; quia prophetam habent Joannem.* Hinc timebant homines, hinc veritatem fateri confundebantur. Tenebrae tenebras responderunt, sed a luce superante sunt. Quid enim responderunt? *Nescimus*: quod sciebant, dixerunt, *nescimus*. Et Dominus, *nec ego vobis dico*, inquit, *in qua potestate ista facio* (*Math. xxi, 23-27*). Et confusi sunt primi inimici. Unde? De lucerna. Quis erat lucerna? Joannes. Probamus quia lucerna erat? Probamus. Dominus enim dicit: *Ille erat lucerna ardens et lucens* (*Joan. v, 35*). Probamus quia et de ipso confusi sunt inimici? Psalmum audi: *Paravi*, inquit, *lucernam Christo meo; inimicos ejus induam confusione* (*Psal. cxxxii, 17, 18*).

15. Adhuc in hujus vita tenebris ad lucernam fidei ambulamus: tepeamus et nos lucernam Joannem, confundamus et inde inimicos Christi; imo ipse con-

¹ Unus Parcensis Ms., *patres*.

(a) Tangit causam Cæciliiani. Confer epistolam 43, 88, (95), etc.

fundat inimicos suos per lucernam suam. Interrogemus et nos quod Dominus Judeos, interrogemus et dicamus, Baptisma Joannis unde est? de caelo, an ex hominibus? Quid dicturi sunt, videte, si non et ipsi tamquam inimici de lucerna confunduntur. Quid dicturi sunt? Si dixerint, *Ex hominibus*; et ipsi sui eos lapidabunt: si autem dixerint, *De caelo*; dicamus eis, *Quare ergo non credidistis ei?* Bicunt fortasse, *Credimus ei*. Quomodo ergo dicitis quia vos baptizatis, et Joannes dicit, *Hic est qui baptizat*? Sed ministros, inquiunt, tanti judicis justos oportet esse, per quos baptizatur. Et ego dico, et omnes dicimus, quia justos oportet esse tanti judicis ministros: sint ministri justi, si volunt; si autem noluerint esse justi qui cathedram Moysi sedent¹, securum me fecit magister meus, de quo Spiritus ejus dixit, *Hic est qui baptizat*. Quomodo securum me fecit? *Scribae*, inquit, et *Pharisei cathedram Moysi sedent; que dicunt, facite; que autem faciunt, facere nolite: dicunt enim, et non faciunt* (*Math. xxiii, 2, 3*). Si fuerit minister justus, computo illum cum Paulo, cumculo illum cum Petro; cum istis computo justos ministros: quia vere justi ministri gloriani suam non querunt; ministri enim sunt, pro judicibus haberit nolunt, spem in se ponit exhorrescent: ergo computo cum Paulo justum ministrum. Quid enim dicit Paulus? *Ego plantavi, Apollo rigavit; sed Deus incrementum dedit: neque qui plantat est aliquid, neque qui rigat; sed qui incrementum dat Deus* (*I Cor. iii, 6, 7*). Qui vero fuerit superbis minister, cum zabulo² computatur: sed non contaminatur donum Christi, quod per illum fluit purum, quod per illum transit liquidum venit ad fertilem terram. Puta quia ipse lapideus est, quia ex aqua fructum ferre non potest: et per lapideum canalem transit aqua, transit aqua ad areolas³; in canali lapideo nihil generat, sed tamen hortis⁴ plurimum fructum affert. Spiritualis enim virtus Sacramenti ita est ut lux: et ab illuminandis pura excipitur, et si per immundos transeat, non inquinatur. Sint plane ministri justi, et gloriani suam non querant, sed illius cuius ministri sunt: non dicant, *Baptisma meum est*; quia non est ipsorum. Attendant ipsum Joannem. Ecce Joannes plenus erat Spiritu sancto; et baptismum de caelo habebat, non ex hominibus: sed quatenus habebat? Ipse dixit, *Parate viam Domino* (*Joan. i, 23*). Ubi autem cognitus est Dominus, ipse factus est via; non jam opus erat baptizare Joannis, quo pararetur via Domino.

16. Tamen quid nobis solent dicere? Ecce post Joannem baptizatum est. Antequam enim bene ista quæstio tractaretur in Ecclesia catholica, multi in ea erraverunt, et magni et boni (a): sed quia de membris columbae erant, non se præciderunt, et factum est in eis quod dixit Apostolus, *Si quid aliter sapitis,*

¹ Sic Lov. cum 5 Ms.; at Juxta Er. Lugd. Ven. legendum, *in cathedra Moysi sedent*. M.

² In pluribus Ms. loco, *zabuli*, est ubique nomen, *diabolus*.

³ Er. Lugd. et Ven. habent, *per lapidem canalem trans*-

⁴ *it aqua ad areolas*. M.

⁵ In omnibus Ms., *hortus*.

(a) Cyprianum in primis subintelligit, cumque ipso Carthaginensem synodum, de qua in libb. de Baptismo contra Donatistas 6 et 7.

hoe quoque vobis Deus revelabit (*Philipp.* iii, 15). Unde isti qui se separaverunt, indeciles facti sunt. Quid ergo solent dicere? Ecce post Joannem baptizatum est; post haereticos non baptizatur? Quia quidam qui habebant baptismum Joannis, jussi sunt a Paulo baptizari (*Act. xix.*, 3-5): non enim habebant baptismum Christi. Quid ergo exaggeras meritum Joannis, et quasi ab ijis infelicitatem hereticorum? Et ego tibi concedo sceleratos esse hereticos: sed haeretici baptismum Christi dederunt, quod baptismum non dedit Joannes.

17. Recurro ad Joannem, et dico: *Hic est qui baptizat*. Sic enim melior Joannes quam haereticus, quomodo melior Joannes quam ebriosus, quomodo melior Joannes quam homicida. Si post deteriorem baptizare debemus, quia post meliorem baptizarunt Apostoli; quemque apud ipsos baptizati fuerint ab ebrioso, non dico ab homicida, non dico a satellite alicujus scelerati (a), non dico a raptore rerum alienarum, non dico ab oppressore pupillorum, non a separatore conjugum; nihil horum dico: quod solemne est dico, quod quotidianum est dico, quo vocantur omnes dico, et in ista civitate, quando eis dicitur, *Alogiemus*¹, bene sit nobis, et tali die festo Januariarum non debes jejunare; ea dico levia, quotidiana: ab ebrioso homine cum baptizatur, quis est melior, Joannes an ebriosus? Responde, si potes, quod ebriosus tuus melior sit quam Joannes: nunquam hoc audebis. Ergo tu quia sobrius es, baptiza post ebriosum tuum. Si enim post Joannem baptizaverunt Apostoli, quanto magis debet post ebriosum sobrius baptizare? An dicas, *In unitate mecum est ebriosus?* Ergo Joannes amicus sponsi, non erat in unitate cum sponso?

18. Sed tibi ipsi dico, quisquis es: Tu es melior, an Joannes? Non audebis dicere: Ego sum melior quam Joannes. Ergo post te baptizent tui, si te fuerint meliores. Si enim post Joannem baptizatum est, erubescit quia post te non baptizatur. Dicitur es, Sed ego baptismum Christi habeo, et doceo. Aliquando ergo agnoscere judicem, et noli preceo superbis esse. Baptismum Christi das, ideo non post te baptizatur: post Joannem ideo baptizatum est, quia non Christi baptismum dabat, sed suum; quia sic accepérat ut ipsius esset. Non ergo tu melior quam Joannes: sed baptismus qui per te datur, melior quam Joannis. Ipse enim Christi est, iste autem Joannis. Et quod dabatur a Paulo, et quod dabatur a Petro, Christi est: et si datum est a Juda, Christi erat. Dedit Judas, et non baptizatum est post Judam; dedit Joannes, et baptizatum est post Joannem: quia si datus est a Juda baptismus, Christi erat; qui autem a Joanne datus est, Joannis erat. Non Judam Joanni, sed baptismum Christi etiam per Judae manus datum, baptismum Joannis etiam per manus Joannis dato recte praeponimus. Etenim dictum est de Domino antequam

¹ *Bad. et Am., alongemur. Lov., alogiemur.* MSS. aliquot probe nota, *alogiemus*. Verbum ductum est ab *alogia*, quæ dicitur, Augustino in epist. 36 ad Casulannum, n. 2, interprestante, «cum epulis indulgetur, ut a rationis tramite dete virtutem».

(a) Respicit ad Thamugadensem episcop. optatum, qui Gildonis satelles dictus est. Confer epist. 87, ad Feneritum.

patoretur, quia baptizabat plures quam Joannes: deinde adjunctum est, *Quamvis ipse non baptizaret, sed discipuli ejus* (*Joan. iv.*, 1, 2). Ipse, et non ipse: ipse potestate, illi ministerio; servitatem ad baptizandum illi admovebant, potestas baptizandi in Christo permanebat. Ergo baptizabant discipuli ejus, et ibi adhuc erat Judas inter discipulos ejus: quos ergo baptizavit Judas, non sunt iterum baptizati; et quos baptizavit Joannes, iterum baptizati sunt? Plane iterum, sed non iterato baptismo. Quos enim baptizavit Joannes, Joannes baptizavit: quos autem baptizavit Judas, Christus baptizavit. Sic ergo quos baptizavit ebriosus, quos baptizavit homicida, quos baptizavit adulter, si baptismus Christi erat, Christus baptizavit. Non timeo adulterum, non ebriosum, non homicidam; quia columbam atendo, per quam mihi dicitur, *Hic est qui baptizat*.

19. Cæterum, fratres mei, delirum est dicere quia melioris meriti fuit, non dico Judas, sed quilibet hominum, quam ille de quo dictum est, *In natis mulierum nemo exsurrexit major Joanne Baptista* (*Math. xi.*, 11). Non ergo huic quisquam servus, sed baptismus Domini etiam per servum malum datum, baptismati etiam amici servi præponitur. Audi quales commemorat apostolus Paulus falsos fratres, invidia prædicantes verbum Dei, et quid de illis dicit: *Et in hoc gaudeo, sed et gaudeo.* Christum enim annuntiabant, per invidiam quidem, sed tamen Christum (*Philipp.* i, 15-18). Non per quid, sed quem vide: per invidiam tibi prædicatur Christus? vide Christum, vita invidiam. Noli imitari malum prædicatorem, sed imitare bonum qui¹ tibi prædicatur. Christus ergo a quibusdam per invidiam prædicabatur. Et quid est invidere? Horrendum malum. Ipso malo zabolus dejectus est, ipsum dejectum multum maligna pestis²: et habebant illam quidam Christi prædicatores, quos tamen prædicare permittit Apostolus. Quare? Quia Christum prædicabant. Qui autem invidet, odit; et qui odit, quid de illo dicitur? Audi apostolum Joannem: *Qui odit fratrem suum, homicida est* (*I Joan.* iii, 15). Ecce post Joannem baptizatum est, post homicidam non baptizatum est; quia Joannes dedit baptismum suum, homicida dedit baptismum Christi. Quod Sacramentum tam sanctum est, ut nec homicida ministrante poliuatur.

20. Non respuo Joannem, sed potius credo Joanni. Quid credo Joanni? Quod didicit per columbam. Quid didicit per columbam? *Hic est qui baptizat in Spiritu sancto.* Jam ergo, fratres, tenete hoc, et cordibus vestris insigite. Si enim hodie voluero plenus dicere quare per columbam, tempus non sufficit. Quia enim res discenda insinuata est Joanni per columbam, quam non noverat in Christo Joannes, quamvis jam nosset Christum, exposui quantum arbitror Sanetitati vestre: sed quare hanc ipsam rem per columbam oportuit demonstrari, si breviter dici posset, dicerem: sed quia diu dicendum est, et onerare vos nolo, quomodo adjutus sum orationibus vestris, ut illud quod promisi,

¹ Edit, quod. At MSS., qui: recte, nam refertur ad Christum.

² In aliquot MSS., ipso dejectis multis, maligna pestis est.

implerem; adjuvante etiam atque etiam pia intentione et votis bonis, et illud apparebit vobis, quare Joannes quod didicit in Domino, quia *ipse est qui baptizat in Spiritu sancto*, et nulli servo suo translegavit potestatem baptizandi, non debuit discere nisi per columbam.

TRACTATUS VI.

In eundem Evangelii locum. Quare Deus per columbae speciem ostendere voluerit Spiritum sanctum. Cap. 1, § 32, 35.

1. Fateor Sanctitati vestre, timueram ne frigus hoc frigidos vos ad convenientium faceret: sed quia ista celebritate et frequentia vestra, spiritu vos servere demonstratis, non dubito quia etiam orastis pro me, ut debitum vobis exsolvam. Promiseram enim in nomine Christi disserere hodie, cum angustia temporis tunc impeditret, ne id possemus explicare tractando, quare Deus per columbae speciem ostendere voluerit Spiritum sanctum. Hoc ut explicetur, illuxit nobis dies ho- diernus; et sentio audiendi cupiditate et pia devotione vos celebrius congregatos. Exspectationem vestram Deus impleat ex ore nostro. Amastis enim ut veniretis: sed amastis, quid? Si nos, et hoc bene; nam voluntus amari a vobis, sed nolumus in nobis. Quia ergo in Christo vos amamus, in Christo nos redamate, et amor noster pro invicem gemat ad Deum: ipse enim gemitus columba est.

2. Si ergo gemitus columba est, quod omnes novimus, gemunt autem columbae in amore; audite quid dicat Apostolus, et nolite mirari quia in columbae specie voluit demonstrari Spiritus sanctus: *Quid enim oremus, sicut oportet, inquit, nescimus: sed ipse Spiritus interpellat pro nobis gemitibus inenarrabilibus (Rom. viii, 26).* Quid ergo, fratres mei, hoc dicturi sumus, quia Spiritus gemit, ubi perfecta et aeterna beatitudo est ei cum Patre et Filio? Spiritus enim sanctus Deus, sicut Dei Filius Deus, et Pater Deus. Ter dixi Deus, sed non dixi tres deos: magis enim Deus ter, quam dili tres; quia Pater et Filius et Spiritus sanctus unus Deus: hoc optime nostis. Non ergo Spiritus sanctus in semetipso apud semetipsum in illa Trinitate, in illa beatitudine, in illa aeternitate substantiae gemit: sed in nobis gemit, quia gemere nos facit. Nec parva res est, quod nos docet Spiritus sanctus gemere: insinuat enim nobis quia peregrinamur, et docet nos in patriam suspirare, et ipso desiderio gemimus. Cui bene est in hoc saeculo, imo qui putat quod ei bene sit, qui letitia rerum carnalium, et abundantia temporalium, et vana felicitate exsultat, habet vocem corvi: vox enim corvi clamosa est, non gemebunda. Qui autem novit in pressura se esse mortalitatis hujus, et peregrinari se a Domino (Il Cor. v, 6), nondum tenere illam perpetuam quae nobis promissa est beatitudinem, sed habere illam in spe, habiturus in re, cum Dominus venerit in manifestatione praelarus, qui prius in humilitate venit occultus; qui hoc novit, gemit. Et quamdiu propter hoc gemit, bene gemit: Spiritus illum docuit gemere, a columba dicit gemere. Multi enim gemunt in infelicitate terrena, vel quassati damnis, vel aegritudine corporis

prægravati, vel carceribus inclusi, vel catenis colligati, vel fluctibus maris jactati, vel aliquibus inimicorum insidiis circumsepti gemunt: sed non columbae gemitu gemunt, non amore Dei gemunt, non spiritu gemunt. Ideo tales cum ab ipsis pressuris fuerint liberati, exsultant in grandibus vocibus: ubi appareat quia corvi sunt, non columbae. Merito de arca missus est corvus, et non est reversus; missa est columba; et reversa est: illas duas aves misit Noe (Gen. viii, 6-9). Habebat ibi corvum, habebat et columbam; utrumque hoc genus arca illa continebat: et si arca figurabat Ecclesiam, videtis utique quia necesse est ut in isto diluvio saeculi utrumque genus contineat Ecclesia, et corvum, et columbam. Qui sunt corvi? Qui sua querunt. Qui columbae? Qui ea que Christi sunt querunt (Philipp. ii, 21).

3. Propterea ergo cum mitteret Spiritum sanctum, duabus modis eum ostendit visibiliter; per columbam, et per ignem: per columbam, super Dominum baptizatum; per ignem, super discipulos congregatos. Cum enim ascendisset Dominus in cœlum post resurrectionem, peractis cum discipulis suis quadraginta diebus, impleto die Pentecostes, misit eis Spiritum sanctum, sicut promiserat. Spiritus ergo tunc veniens implevit locum illum, factoque primo sonitu de cœlo tanquam ferretur flatus vehemens, sicut in Actibus Apostolorum legimus, *Visa, inquit, illis sunt lingue divisæ velut ignis, qui et insedit super unumquemque eorum; et caperunt linguis loqui, sicut Spiritus dabat eis pronuntiare (Act. ii, 1-4).* Hac vidimus columbam super Dominum, hac linguas divisas super discipulos congregatos: ibi simplicitas, hic fervor ostenditur. Sunt enim qui dicuntur simplices, et pigri sunt: vocantur simplices, sunt autem segnes. Non talis erat Stephanus plenus Spiritu sancto: simplex erat, quia nemini nociebat; servens erat, quia impios arguebat. Non enim tacuit Iudeis: ejus¹ sunt verba illa flammantia, *Dura cervice, et non circumcisi corde et auribus, vos semper restititis Spiritui sancto.* Magnus impetus: sed columba sine felle sævit. Nam ut noveritis quia sine felle sæviebat, illi auditis his verbis qui corvi erant, ad lapides statim adversus columbam cucurrebunt; coepit Stephanus lapidari: et qui paulo ante frenens et servens spiritu, tanquam in inimicos impetu fecerat, et tanquam violentus inventus erat in verbis igneis atque ita flammatibus, ut audistis, *Dura cervice, et non circumcisi corde et auribus:* ut qui ea verba audiret, putaret Stephanum, si ei liceret, statim illos velle consumi: venientibus in se lapidibus ex manibus eorum, genu fixo ait², *Domine, ne statuas illis hoc delictum (Act. vii, 51, 59).* Inhaeserat unitati columbae. Prior enim illud fecerat magister, super quem descendit columba; qui pendens in cruce ait. *Pater, ignosce illis, quia nesciunt quid faciunt (Luc. xxii, 54).* Ergo ne Spiritu sanctificati dolum habeant, in columba demonstratum est: ne simplicitas frigida remaneat, in igne demonstratum est. Nec moveat,

¹ Sic legendum ex MSS. [cuius.]² Apud Fr. Lugd. Ven. Lov., genu flexo ait. M.

quia linguae divisæ sunt. Distant enim linguae, ideo divisis linguis apparuit. Linguae, inquit, divisæ velut rgnis, qui et insedit super unumquemque eorum. Distant inter se linguae, sed linguarum distantia¹ non sunt schismata. In linguis divisis noli dissipationem timere, unitatem cognosce in columba.

4. Sic ergo, sic oportebat demonstrari Spiritum sanctum venientem super Dominum, ut intelligat unusquisque, si habet Spiritum sanctum, simplicem se esse debere sicut columbam; habere cum fratribus veram pacem, quam significant oscula columbarum. Habant enim oscula et corvi, sed in corvis falsa pax, in columba vera pax. Non omnis ergo qui dicit, Pax vobiscum, quasi columba audiendus est. Unde ergo discernuntur oscula corvorum ab osculis columbarum? Osculantur corvi, sed laniant; a laniatu innocens est natura columbarum: ubi ergo laniatus, non est vera in osculis pax; illi habent veram pacem, qui Ecclesiam non laniaverunt. Nam corvi de morte pascuntur, hoc columba non habet; de frugibus terræ vivit, innocens ejus victus est: quod vere, fratres, mirandum est in columba. Sunt passeress brevissimi, vel muscas occidunt: nihil horum columba; non enim de morte pascitur. Qui laniaverunt Ecclesiam, de mortibus pascuntur. Potens est Deus, rogemus ut reviviscant qui devorantur ab eis et non sentiunt. Multi agnoscunt, quia reviviscunt; nam ad eorum adventum quotidie gratulamur in nomine Christi. Vostantum sic estote simplices, ut sitis ferventes²; et fervor vester in linguis sit. Nolite tacere; ardentibus linguis loquentes, accende frigidos.

5. Quid enim, fratres mei? quis non videat quod illi non vident? Nec mirum; quia qui inde reverti nohant, sicut corvus qui de arca emissus est³. Quis enim non videat quod illi non vident? Et ipsi Spiritui sancto ingratiti sunt. Ecce columba descendit super Dominum, et super Dominum baptizatum; et apparuit ibi sancta illa et vera Trinitas, qua nobis unus Deus est. Ascendit enim Dominus ab aqua, sicut in Evangelio legimus: *Et ecce aperti sunt ei cœli, et vidit Spiritum descendente velut columbam, et mansit super eum: et statim vox consecuta est, Tu es Filius meus dilectus, in quo mihi complacui* (Math. iii, 16 et 17). Apparet manifestissima Trinitas, Pater in voce, Filius in homine, Spiritus in columba. In ista Trinitate quo missi sunt Apostoli, videamus quod videmus, et quod mirum est quia illi non vident: non enim vere non vident, sed ad id quod facies eorum ferit, oculos claudunt. Quo missi sunt discipuli, in nomine Patris et Filii et Spiritus sancti, ab illo de quo dictum est, *Hic est qui baptizat*. Dictum est enim ministris ab eo qui sibi tenuit hanc potestatem.

6. Hoc enim in illo vidit Joannes, et cognovit quod non noverat: non quia eum non noverat Filium Dei, aut cum non noverat Dominum, aut non noverat

¹ Editi, *distantiae*. At MSS., *distantia*.

² Editi: *t' sitis prudentes et ferventes*. Abest a MSS., *prudentes et*.

³ Er. et Lov.: *Nec mirum; quia inde reverti nolunt, sicut sorbus qui de arca emissus est.* M.

Christum, aut vero et hoc non noverat quia ipse baptizatus esset in aqua et Spiritu sancto; nam et hoc noverat: sed quia ita ut sibi teneret ipsam potestatem, et in nullum ministrorum eam transferret, hoc est quod didicit in columba. Per hanc enim potestatem, quam Christus solus sibi tenuit, et in neminem ministrorum transadit, quamvis per ministros suos baptizare dignatus sit, per hanc stat unitas Ecclesiæ, quæ significatur in columba, de qua dictum est: *Una est columba mea, una est matri sue* (Cant. vi, 8). Si enim, ut jam dixi, fratres mei, transferretur potestas a Domino ad ministrum, tot baptismata essent, quot ministri essent, et jam non staret unitas Baptismi.

7. Intendite, fratres: antequam veniret Dominus noster Jesus Christus ad baptismum (nam post baptismum descendit columba in qua cognovit Joannes quiddam proprium, cum ei dictum esset, *Super quem videris Spiritum descendenter sicut columbam, et manentem super eum, in se est qui baptizat in Spiritu sancto*), noverat quia ipse baptizat in Spiritu sancto; sed quia tali proprietate, ut potestas ab eo non transiret in alterum, quamvis eo donante, hoc ibi didicit. Et unde probamus quia jam et hoc noverat Joannes, quia baptizatus erat Dominus in Spiritu sancto; ut hoc intelligatur didicisse in columba, quod ita erat baptizatus Dominus in Spiritu sancto, ut in neminem alium hominem potestas illa transiret? unde probamus? Columba jam baptizato Domino descendit: ante autem quam veniret Dominus ut baptizaret a Joanne in Jordane, diximus quia noverat eum, illis vocibus ubi ait: *Tu ad me venis, baptizari? ego a te debeo baptizari*. Sed ecce Dominum noverat, noverat Filium Dei: unde probamus quod jam noverat quia ipse baptizaret in Spiritu sancto? Antequam veniret ad fluvium, cum multi ad Joannem concurrent baptizari, ait illis, *Ego quidem baptizo vos in aqua: qui autem post me venit, maior me est, cuius non sum dignus corrigiam calceamenti solvere; ipse vos baptizabit in Spiritu sancto et igni* (Math. iii, 14, 11): jam et hoc noverat. Quid ergo per columbam didicit, ne mendax postea inveniatur (quod avertat a nobis Deus opinari); nisi quamdam proprietatem in Christo futuram, ut quamvis multi ministri baptizaturi essent, sive justi, sive injusti, non tribueretur sanctitas Baptismi, nisi illi super quem descendit columba, de quo dictum est, *Hic est qui baptizat in Spiritu sancto?* Petrus baptizet, hic est qui baptizat; Paulus baptizet, hic est qui baptizat; Judas baptizet, hic est qui baptizat.

8. Nam si pro diversitate meritorum Baptisma sanctum est, quia diversa sunt merita, diversa erunt baptismata; et tanto quisque aliquid melius putatur accipere, quanto a meliore videtur accepisse. Ipsi sancti, intelligite fratres, boni pertinentes ad columbam, pertinentes ad sortem civitatis illius Jerusalem, ipsi boni in Ecclesia, de quibus dicit Apostolus, *Novit Dominus qui sunt ejus* (II Tim. ii, 19); diversarum gratiarum sunt, non omnes paria merita habent: sunt alii aliis sanctiores, sunt alii aliis meliores. Quare ergo si unus ab illo, verbi gratia, justo sancto baptizetur,

alius ab alio inferioris meriti apud Deum, inferioris gradus, inferioris continentiae, inferioris vitae, unum tamen et par et æquale est quod acceperunt, nisi quia *hic est qui baptizat?* Quomodo ergo cum baptizat bonus et melior, non ideo iste bonum accepit, et ille melius; sed quamvis bonus et melior fuerint ministri, unum et æquale est quod acceperunt, non est melius in illo, et inferius in isto: sic et cum baptizat malus ex aliqua vel ignorantia Ecclesiae, vel tolerantia (aut enim ignorantur mali, aut tolerantur, toleratur palea, quo usque in ultimo ventiletur area), illud quod datum est, unum est, nec impar propter impares ministros; sed par et æquale, propter, *Hic est qui baptizat.*

9. Ergo, dilectissimi, videamus quod videre illi nolunt; non quod non videant, sed quod se videre doleant: quasi clausum sit contra illos. Quo missi sunt discipuli, in nomine Patris et Filii et Spiritus sancti, ut baptizarent tanquam ministri? quo missi sunt? *Ite, dixit, baptizate gentes.* Audistis, fratres, quomodo venit illa hæreditas, *Postula a me, et dabo tibi gentes hæreditatem tuam, et possessionem tuam terminos terræ* (*Psal. II, 8*). Audistis quomodo a Sion prodiit lex, et verbum Domini ab Jerusalem (*Isai. II, 5*): ibi enim audierunt discipuli, *Ite, baptizate gentes in nomine Patris et Filii et Spiritus sancti* (*Matth. xxviii, 19*). Intenti facti sumus, cum audiremus, *Ite, baptizate gentes.* In cuius nomine? *In nomine Patris et Filii et Spiritus sancti.* Iste unus Deus, quia non, in nominibus Patris et Filii et Spiritus sancti; sed, *in nomine Patris et Filii et Spiritus sancti.* Ubi unum nomen audis, unus est Deus: sicut de semine Abraham dictum est, et exponit Paulus apostolus, *In semine tuo benedicentur omnes gentes: non dixit, In seminibus, tanquam in multis; sed tanquam in uno, Et semine tuo, quod est Christus* (*Gen. xxii, 18; Gal. III, 16*). Sicut ergo quia ibi non dicit, in seminibus, docere te voluit Apostolus, quia unus est Christus: sic et hic cum dictum est, *in nomine, non, in nominibus;* quomodo ibi, *in semine, non, in seminibus;* probatur unus Deus Pater et Filius et Spiritus sanctus.

10. Sed, Ecce, inquiunt discipuli ad Dominum, audivimus in quo nomine baptizemus, ministros nos fecisti, et dixisti nobis, *Ite, baptizate in nomine Patris et Filii et Spiritus sancti:* quo ibimus? Quo? non audistis? Ad hæreditatem meam. Interrogatis, Quo ibimus? Ad id quod emi sanguine meo. Quo ergo? Ad gentes, inquit. Putavi quia dixit, *Ite, baptizate Afros in nomine Patris et Filii et Spiritus sancti.* Deo gratias: solvit Dominus questionem, docuit columba. Deo gratias: ad gentes Apostoli missi sunt; si ad gentes, ad omnes linguas. Hoc significavit Spiritus sanctus divisus in linguis, unitus in columba. Hac linguae dividuntur¹, hac columba copulat. Linguae gentium concordarunt, et una lingua Africæ discordavit? Quid evidentius, fratres mei? In columba unitas, in linguis gentium societas. Aliquando enim et linguae per superbiam discordaverunt, et tunc sunt factæ linguae ex una multæ. Post diluvium enim superbiam

¹ In quatuor MSS., dividuntur.

quidam homines, velut adversus Deum se munire co[n]tantes, quasi aliquid esset excelsum Deo, aut aliquid tutum superbie, exerentur turrim²; quasi ne diluvio, si postea fieret, delerentur. Audierant enim et recensuerant quia omnis iniq[ue]itas erat delecta diluvio: ab iniq[ue]itate temperare solebant; altitudinem turris contra diluvium requirebant; ædificaverunt turrim excelsam. Videlicet Deus superbiam ipsorum, et hunc errorem illis immitti fecit, ut non se cognoscerent loquentes; et factæ sunt diversæ linguae per superbiam³ (*Gen. XI, 1-9*). Si superbia fecit diversitates linguarum, humilitas Christi congregavit diversitates linguarum. Jam quod illa turris dissociaverat, Ecclesia colligit. De una lingua factæ sunt multæ; noli mirari, superbia hoc fecit: de multis linguis sit una; noli mirari, charitas hoc fecit. Quia etsi soni diversi linguarum sunt, in corde unus Deus invocatur, una pax custoditur. Unde debuit ergo, charissimi, demonstrari Spiritus sanctus, unitatem quendam designans, nisi per columbam, ut pacatae Ecclesiae diceretur, *Una est columba mea?* Unde debuit humilitas, nisi per avem simplicem et gementem, non per avem superbiam et exaltantem se sicut corvus?

11. Et forte dicent: Quia ergo columba, et una columba, præter unam columbam Baptismus esse non potest: ergo si apud te est columba, vel tu es columba, quando ad te venio, tu da mihi quod non habeo. Scitis hoc ipsorum esse: modo vobis apparebit non esse de voce columbae, sed de clamore corvi. Nam paululum attendat Charitas vestra, et timete insidias: imo cavete, et excipite verba contradicentium responda, non transglutienda et visceribus danda. Facite inde quod fecit Dominus, quando illi obtulerunt amarum potum; gustavit, et respuit (*Matth. XXVII, 34*): sic et vos, audite, et abjecite. Quid enim dicunt? videamus. Ecce, inquit, tu es columba, o Catholica, tibi dictum est, *Una est columba mea, una est matri suæ:* tibi certe dictum est. Exspecta, noli me interrogare: si mihi dictum est, proba primum; si mihi dictum est, cito volo audire. Inquit, Tibi dictum est. Respondeo voce Catholicae, Mibi. Hoc autem, fratres, quod ore meo solius sonuit, sonuit, ut arbitror, et de cordibus vestris, et omnes pariter diximus, Ecclesiae catholicae dictum est, *Una est columba mea, una est matri suæ.* Præter ipsam columbam, inquit, Baptismus non est; ego præter ipsam columbam sum baptizatus; ergo non habeo Baptismum: si Baptismum non habeo, quare mihi non das quando ad te venio?

12. Et ego interrogo: interim sequestremus, cui dictum sit, *Una est columba mea, una est matri suæ;* adhuc querimus: aut mihi dictum est, aut tibi dictum est; sequestremus cui dictum sit. Hoc ergo quærō, si columba est simplex, innocens, sine felle, pacata in osculis, non sæva in ungulis; quærō utrum ad hujus columbae membra pertineant avari, raptiores, subdoli, ebriosi, flagitosi: membra sunt columbae hujus? Al-

¹ Sic MSS. At editi, aut aliquid tutum, superbia exerentur turrim.

² MSS. prope omnes, dirisæ linguae de superbia.

sit, inquit. Et revera, fratres, quis hoc dixerit? Ut nihil aliud dicam, raptore solo si dicam, membra accipitris possunt esse, non membra columbae: milvi rapiunt, accipitres rapiunt, corvi rapiunt; columbae non rapiunt, non dilaniant: ergo raptore non sunt membra columbae. Non apud vos fuit vel unus raptor? Quare manet Baptismus quem dedit accipiter, non columba? Quare non baptizatis apud vos ipsos post raptore et adulteros et ebrios, post avaros apud vos ipsos? An isti omnes membra columbae sunt? Sic de honestatis columbam vestram, ut ei membra vulturina faciatis. Quid ergo, fratres, quid dicimus? Mali et boni sunt in Ecclesia catholica: ibi autem soli mali sunt. Sed forte inimico animo hoc dico: et hoc postea requiratur. Et ibi certe dicunt quia sunt boni et mali: nam si dixerint solo bonos se habere; credant illis sui, et subscribo. Non sunt apud nos, dicant, nisi sancti, justi, casti, sobrii; non adulteri, non feneratores, non fraudatores, non perjuri, non violenti: dicant; non enim attendo linguis ipsorum, sed tango corda ipsorum. Cum autem noti sint nobis et vobis et suis, sicut et vos et vobis in Catholica et illis noti estis; nec nos eos reprehendamus, nec illi se palpent. Nos fatemur in Ecclesia et bonos et malos esse, sed tanquam grana et paleam. Aliquando qui baptizatur a grano, palea est; et qui baptizatur a palea, granum est. Alioquin si qui baptizatur a grano, valet; et qui baptizatur a palea, non valet: falsum est, *Hic est qui baptizat*. Si autem verum est, *Hic est qui baptizat*: et quod ab illo datur, valet; et quomodo columba, baptizat. Non enim malus ille columba est, aut ad membra columbae pertinet: nec hic potest dici in Catholica, nec apud illos, si illi dicunt, columbam esse Ecclesiam suam. Quid ergo intelligimus, fratres? Quoniam manifestum est, et omnibus notum, et si nolint convincuntur: quia et ibi quando dant mali, non post illos baptizatur; et hic quando dant mali, non post illos baptizatur. Columba non baptizat post corvum: corvus quare vult baptizare post columbam?

45. Intendant Charitas vestra: et quare designatum est nescio quid per columbam, ut baptizato Domino veniret columba, id est, Spiritus sanctus in specie columbae, et maneret super eum, eum in adventu columbre hoc cognosceret Joannes, propriam quamdam potestatem in Domino ad baptizandum? Quia per hanc propriam potestatem, sicut dixi, pax Ecclesie firmata est. Et potest fieri ut habeat aliquis Baptismum praeter columbam: ut prosit ei Baptismus praeter columbam, non potest. Intendant Charitas vestra, et intellegat quod dico: nam et ista circumventione sepe seducunt fratres nostros qui pigri et frigidi sunt. Simus simpliciores et ferventiores. Ecce, inquit, ego accepi, an non accepi? Respondeo, Accepisti. Si ergo accepi, non est quod mihi des; securus sum, etiam testimonio tuo: et ego enim me dico accepisse, et tu me fateris accepisse; utriusque lingua securum me facit: quid ergo mihi promittis? quare me vis catholicon facere, quando non mihi aliquid datus es amplius, et me jam accepisse fateris quod te habere dicis? Ego

autem quando dico, Veni ad me, dico quia non habes tu, qui fateris quia habeo: quare dicis, Veni ad me?

14. Docet nos columba. Respondet enim de capite Domini, et dicit: Baptismum habes, charitatem autem qua gemo non habes. Quid est hoc, inquit, Baptismum habeo, charitatem non habeo? Sacraenta¹ habeo, et charitatem non? Noli clamare; ostende mihi quomodo habeat charitatem, qui dividit unitatem. Ego, inquit, habeo Baptismum. Habes, sed Baptismus ille sine charitate nihil tibi prodest; qui sine charitate tu nihil es. Nam Baptismus ille, etiam in illo qui nihil est, non est nihil: Baptisma quippe illud aliquid est, et magnum aliquid est; propter illum de quo dictum est, *Hic est qui baptizat*. Sed ne putares illud quod magnum est, tibi aliquid prodesse posse si non fueris in unitate, super baptizatum columba descendit, tanquam dicens: Si Baptismum habes, esto in columba, ne non tibi prosit quod habes. Veni ergo ad columbam, dicimus: non ut incipias habere quod non habebas, sed ut prodesse tibi incipiat quod habebas. Foris enim habebas Baptismum ad perniciem: intus si habueris, incipit prodesse ad salutem

15. Non enim tantum tibi non proderat Baptisma, et non etiam operat. Et sancta possunt obesse: in bonis enim sancta ad salutem insunt; in malis ad iudicium. Certe enim, fratres, novimus quid accipimus, et utique sanctum est quod accipimus, et nemo dicit, non esse sanctum: et quid ait Apostolus? *Qui autem manducat et bibit indigne, iudicium sibi manducat et bibit* (1 Cor. xi, 29). Non ait quia illa res mala est: sed quia ille malus, male accipiendo, ad iudicium accipit bonum quod accipit. Num enim mala erat buccella quae tradita est Iudee a Domino (Joan. xiii, 26)? Absit. Medicus non daret venenum: salutem medicus dedit; sed indigne accipiendo, ad perniciem acceptit qui non paenitus acceptit. Sic ergo et qui baptizatur. Habeo, inquit, mihi. Fateor, habes: observa quod habes; eo ipso quod habes damnaberis. Quare? Quia rem columbae praeter columbam habes. Si rem columbae in columba habeas, securus habes. Puta te esse militarem: si characterem imperatoris tui intus habeas, securus militas; si extra habeas, non solum tibi ad militiam non prodest character ille, sed etiam pro desertore punieris. Veni ergo, veni, et noli dicere: Jam habeo, jam sufficit mihi. Veni; columba te vocat, gemendo te vocat. Fratres mei, vobis dico; gemendo vocate, non rixando: vocate orando, vocate invitando, vocate jejunando; de charitate² intelligent quia doletis illos. Non dubito, fratres mei, quia si videant dolorem vestrum, confundentur, et reviviscunt. Veni ergo, veni: noli timere; time si non venis: imo non time, sed plange. Veni, gaudebis si veneris: gemes quidem in tribulationibus peregrinationis; sed gaudebis in spe. Veni ubi est columba, cui dictum est, *Una est columba mea, una*

¹ Editi, sacramentum. MSS., sacramenta.

² Editi, vocate jejunando in charitate. At MSS. habent, de charitate; et omitunt, vocate jejunando, exceptis paucis.

et matri eue. Columbam unam vides super caput Christi, linguis non vides in toto orbe terrarum? quem Spiritus per columbam, idem et per linguas: si per columbam idem Spiritus, et per linguas idem Spiritus, Spiritus sanctus orbi terrarum¹ datus est, a quo te præcidisti, ut clamis cum corvo, non ut gemas cum columba. Veni ergo.

16. Sed sollicitus es forte, et dicas: Foris baptizatus, timeo ne inde sim reus, quia foris acceperi. Jam cœpisti cognoscere quid gemendum sit: verum dicas, quia reus es; non quia accepisti, sed quia foris accepisti. Tene ergo quod accepisti, emenda quod foris accepisti: accepisti rem columbæ, præter columbam: duo sunt quæ audis; Accepisti, et, Præter columbam accepisti: quod accepisti, approbo; quia foris accepisti, improbo. Tene ergo quod accepisti; non mutatur, sed agnoscurit: character est Regis mei, non ero sacrilegus; corrigo desertorem, non inimicu characterem.

17. Noli de Baptismate gloriari, quia dico, ipsum est; ecce dico, ipsum est; tota Catholica dicit, ipsum est: advertit columba, et agnoscit, et gemit, quia ipsum foris habes; videt ibi quod agnoscat, videt et quod corrigat. Ipsum est, veni. Gloriaris quia ipsum est, et non vis venire? Quid ergo mali, qui non pertinent ad columbam? Ait tibi columba: Et mali inter quos gemo, qui non pertinent ad membra mea, et necesse est ut inter illos gemam, nonne habent quod te habere gloriari? nonne multi ebriosi habent Baptismum? nonne multi avari? nonne multi idololatriæ, et quod est pejus, furtum? nonne Pagani ad idola eunt, vel ibant publice? nunc occulte Christiani sortilegos querunt, mathematicos consulunt. Et isti habent Baptismum, sed columba gemit inter corvos. Quid ergo gaudes, quia habes? hoc habes quod habet et malus. habeto humilitatem, charitatem, pacem: habeto bonum quod nondum habes, ut prosit tibi bonum quod habes.

18. Nam quod habes, habuit et Simon magus: Actus Apostolorum testes sunt, ille liber canonicus omni anno in Ecclesia recitandus. Anniversaria solemnitate post passionem Domini nostis illum librum recitari, ubi scriptum est quomodo conversus sit Apostolus, et ex persecutore prædicator factus (Act. ix, 1-30): ubi etiam die Pentecostes missus est Spiritus sanctus in linguis divisis velut ignis (*Id. n.*, 1-4). Ibi legimus multos credidisse in Samaria per predicationem Philippi: intelligitur autem sive unus ex Apostolis, sive ex diaconis; quia septem ibi diaconos legimus ordinatos, inter quos est etiam nomen Philippi (*Id. vi*, 3-6). Per Philippi ergo predicationem crediderunt Samaritæ; Samaria cœpit abundare fidibus: ibi erat iste Simon magus; per magicas factiones suas dementaverat populum, ut eum virtutem Dei putarent: commotus tamen signis quæ a Philippo siebant, etiam ipse credidit; sed quomodo ipse crediderit, posteriora sequentia demonstraverunt: baptizatus est autem et Simon. Audierunt hoc Apostoli,

qui erant Jerusalem; missi sunt ad illos Petrus et Joannes, invenerunt multos baptizatos: et quia nullus ipsorum adhuc acceperat Spiritum sanctum, sicut tunc descendebat, ad ostendendam significationem gentium crediturarum, ut linguis loquerentur in quos descendebat Spiritus sanctius; imposuerunt illis manus orantes pro eis, et acceperunt Spiritum sanctum. Simon ille, qui non erat in Ecclesia columba, sed corvus, quia ea quæ sua sunt quærebant, non quæ Jesu Christi (*Philipp. ii*, 21); unde in Christianis potentiam magis amaverat quam justitiam, vidit per impositionem manuum Apostolorum dari Spiritum sanctum (non quia ipsi dabant, sed quia ipsis orantibus datus est), et ait Apostolis, *Quid vultis a me accipere pecunias, ut et per impositionem manuum mearum detur Spiritus sanctus?* Et ait illi Petrus, *Pecunia tua tecum sit in perditionem; quoniam donum Dei putasti pecunia comparandum.* Cui dicit, *Pecunia tua tecum sit in perditionem?* Utique baptizato. Jain Baptisma habebat: sed columbæ visceribus non hærebat. Audi quia non hærebat; verba ipsa Petri apostoli adverte: sequitur enim, *Non est tibi pars neque sors in hac fide; in selle enim amaritudinis video te esse* (*Act. viii*, 5-23). Columba fel non habet: Simon habebat; ideo separatus erat a columbæ visceribus. Baptisma illi quid proderat? Noli ergo de Baptismate gloriari, quasi ex ipso salus tibi sufficiat: noli irasci, depone fel, veni ad columbam; hic tibi proderit quod foris non solum non proderat, sed etiam oberrat.

19. Neque dicas: Non venio, quia foris sum baptizatus. Ecce incipe habere charitatem, incipe habere fructum, inveniatur in te fructus, mittet¹ te columba intro. Invenimus hoc in Scriptura. Imputribilibus lignis arca fuerat fabricata (*Gen. vi*, 14): imputribilia ligna sancti sunt, fideles pertinentes ad Christum. Quomodo enim in templo lapides vivi de quibus ædificatur templum, homines fideles dicti sunt; sic ligna imputribilia homines perseverantes in fide. In ipsa ergo arca ligna imputribilia erant; arca enim Ecclesia est: ibi baptizat columba; arca enim illa in aqua serebatur: ligna imputribilia intus baptizata sunt. Invenimus quadam ligna foris baptizata, omnes arbores quæ erant in mundo. Ipsa tamen aqua erat, non erat altera: omnis de celo venerat, et de abyssis fontium: ipsa erat aqua in qua baptizata sunt ligna imputribilia quæ erant in arca, in qua baptizata sunt ligna foris. Missa est columba, et primo non invenit requiem pedibus suis: rediit ad arcem; plena enim erant aquis omnia, et maluit redire quam rebaptizari. Corvus autem ille emissus est antequam siccaret² aqua: rebaptizatus redire noluit; mortuus est in his aquis. Avertat Deus corvi illius mortem. Nam quare non est reversus, nisi quia aquis intercepitus est? At vero columba non inveniens requiem pedibus suis, cum ei undique clamaret aqua, Veni, veni, hic tingere; quomodo clamant isti hæretici, Veni, veni, hic habes: non inveniens illa requiem pedibus

¹ Editi: *Spiritus sanctus per orbem terrarum.* At MSS., *orbis terrarum.*

² Editi, *mittat.* MSS., *mittel.*

² Sic in MSS. At in editis, *siccaretur.*

suis, reversa est ad arcam. Et misit illam Noe iterum, sicut vos mittit arca, ut loquamini illis : et quid fecit postea columba ? Quia erant ligna foris baptizata, reportavit ad arcum ramum de oliva. Ramus dilectus et folia et fructum habebat (*Gen. viii, 6-11*) : non sint in te sola verba, non sint in te sola folia; sit fructus, et redis ad arcum, non per te ipsum, columba te revocat. Gemite foris, utillos intro revocetis.

20. Etenim fructus iste olivæ, si discutiatur, invenies quid erat. Olivæ fructus, charitatem significat. Unde hoc probamus ? Quomodo enim oleum a nullo lumore premitur, sed disruptis omnibus exsilit et superereminet : sic et charitas non potest premi in ima ; necesse est ut ad superna emineat¹. Propterea de illa dicit Apostolus, *Adhuc supererminentem viam vobis demonstro*. Quia diximus de oleo, quia supererminet, ne forte non de charitate dixerit Apostolus, *Supererminentem viam vobis demonstro*, audiamus quid sequitur : *Si linguis hominum loquar et angelorum, charitatem autem non habeam, factus sum tanquam æramentum sonans, aut cymbalum tinniens* (*I Cor. xii, 31, xiii, 1*). I nunc, Donate, et clama, Disertus sum : i nunc, et clama, Doctus sum. Quantum disertus ? quantum doctus ? numquid linguis Angelorum locutus es ? Et tamen si linguis Angelorum loquereris, charitatem non habens, audirem æra sonantia et cymbala tinnientia. Soliditatem aliquam quaero, fructum in soliis inveniam : non sint sola verba, habeant olivam, redeant ad arcum.

21. Sed, inquires, habeo sacramentum. Verum dicens : Sacramentum divinum est; habes Baptisma, et ego confiteor. Sed quid dicit idem apostolus ? *Si sciero omnia sacramenta, et habuero prophetiam et omnem fidem, ita ut montes transferam* : ne forte et hoc diceres. Credidi, sufficit mihi. Sed quid dicit Jacobus ? *Et dæmones credunt, et contremiscunt* (*Jacobi ii, 19*). Magna est fides, sed nihil prodest si non habeat charitatem. Confitebantur et dæmones Christum. Ergo credendo, sed non diligendo dicebant, *Quid nobis et tibi* (*Marc. i, 24*) ? Fidem habebant, charitatem non habebant : ideo dæmones erant. Noli de fide gloriari; adhuc dæmonibus comparandus es. Noli dicere Christo², Mibi et tibi quid est ? Unitas enim Christi tibi loquitur. Veni, cognosce pacem, redi ad viscera columbae. Foris baptizatus es; habeto fructum, et redis ad aream.

22. Et tu : Quid nos queritis, si mali sumus ? Ut boni sitis. Ideo vos querimur, quia mali estis : nam si mali non essetis, invenissemus vos, non vos quereremus. Qui bonus est, jam inventus est : qui malus est, adhuc queritur. Ideo vos querimur; redite ad arcum. Sed jam habeo Baptismum. Si omnia sacramenta sciero, et habuero prophetiam et omnem fidem, ita ut montes transferam, charitatem autem non habeam, nihil sum. Fructum ibi videam, olivam ibi videam, et revocaris ad arcum.

23. Sed quid ais ? Ecce nos multa mala patimus.

¹ In omnibus fere MSS., emicet.

² Sic MSS. At editio : *Noli dicere christiano*.

Hæc si pro Christo pateremini, non pro honoribus vestris. Audite quod sequitur : jactant se enim aliquando, quia eleemosynas multas faciunt, dant pauperibus; quia patiuntur molestias : sed pro Donato, non pro Christo. Vide quomodo patiaris : nam si pro Donato pateris, pro superbo pateris; non es in columba, si pro Donato pateris. Non erat ille amicus sponsi : nam si amicus esset sponsi, gloriam sponsi quereret, non suam (*Joan. iii, 29*). Vide amicum sponsi dicentem, *Hic est qui baptizat*. Ille non erat amicus sponsi, pro quo pateris. Non habes vestem nuptialem; et si ad convivium venisti, foras habes mitti (*Math. xxii, 11-13*) ; imo quia foras missus es, ideo miser es : redi aliquando, et noli gloriari. Audi quid dicit Apostolus : *Si distribuero omnia mea pauperibus, et tradidero corpus meum ut ardeam, charitatem autem non habeam*. Ecce quod non habes. *Si tradidero, inquit, corpus meum ut ardeam*; et utique pro nomine Christi : sed quia sunt multi qui jactanter illud faciunt, non cum charitate, ideo, *Si tradidero corpus meum ut ardeam, charitatem autem non habeam, nihil mihi prodest* (*I Cor. xiii, 2, 3*). Charitate ficerunt martyres illi qui in tempore persecutionis passi sunt ; charitate ficerunt : isti autem de tumore et de superbia faciunt ; nam cum persecutor desit, seipso præcipitant. Veni ergo, ut habeas charitatem. Sed nos habemus martyres. Quos martyres ? Non sunt columbae, ideo volare conati sunt, et de petra ceciderunt.

24. Omnia ergo, fratres mei, videtis, quia clamant adversus illos, omnes paginæ divinæ, omnis prophœtia, totum Evangelium, omnes apostolicæ litteræ, omnis gemitus columbae ; et nondum evigilant, nondum expurgiscuntur. Sed si columba sumus, gemamus, toleremus, speremus ; aderit misericordia Dei, ut efferveat ignis Spiritus sancti in simplicitate vestra ; et venient. Non est desperandum ; orate, prædicate, diligite ; prorsus potens est Dominus. Jam coepérunt cognoscere frontem suam : multi cognoverunt, multi erubuerunt ; aderit Christus, ut cognoscent et ceteri. Et certe, fratres mei, vel palea sola ibi remaneat, omnia grana colligantur : quidquid ibi fructificavit, redat ad arcum per columbam.

25. Modo deficients ubique, quid nobis propoundunt, non invenientes quid dicant ? Villas nostras tulerunt, fundos nostros tulerunt. Proferunt testamenta hominum. Ecce ubi Gaius Scius donavit fundum Ecclesiae, cui præterat Faustinus. Cujus episcopus erat Faustinus Ecclesiae ? quid est Ecclesia ? Ecclesiae, dixit, cui præterat Faustinus : sed non Ecclesiae præterat Faustinus, sed parti præterat. Columba autem Ecclesia est. Quid clamas ? Non devoravimus villas, columba illas habeat : queratur quæ sit columba, et ipsa habeat. Nam nostis, fratres mei, quia villæ istæ non sunt Augustini : et si non nostis, et putatis me gaudere in possessione villarum, Deus novit, ipse scit quid ego de illis villis sentiam, vel quid ibi sufferam ; novit gemitus meos, si mihi aliquid de columba impertire dignatus est. Ecce sunt villæ : quo jure defendis villas ? divino an humano ? Respondeant : Divinum jus in Scri-

pturis habemus, humanum jus in legibus regum. Unde quisque possidet quod possidet? nonne jure humano? Nam jure divino, Domini est terra et plenitudo ejus (*Psal. xxiii, 1*): pauperes et divites Deus de uno limo fecit, et pauperes et divites una terra supportat. Jure tamen humano dicit, *Hæc villa mea est, hæc domus mea, hic servus meus est.* Jure ergo humano, jure imperatorum. Quare? Quia ipsa jura humana per imperatores et reges sæculi Deus distribuit generi humano. Vultis legamus leges imperatorum, et secundum ipsas agamus de villis? Si jure humano vultis possidere, recitemus leges imperatorum: videamus si voluerunt aliquid ab hereticis possideti. Sed quid mihi est imperator? Secundum jus ipsius possides terram. Aut tolle jura imperatorum, et quis audet dicere: *Mea est illa villa, aut meus est ille servus, aut domus hæc mea est?* Si autem ut tencantur ista ab hominibus, jura acceperunt regum, vultis recitemus leges, ut gaudetis quia vel unum hortum habetis, et non imputetis nisi mansuetudini columbe, quia vel ibi vobis permittitur permanere? Leguntur enim leges manifeste, ubi præceperunt imperatores, eos qui præter Ecclesiæ catholice communionem usurpant sibi nomen Christianum, nec volunt in pace colere pacis auctorem, nihil nomine Ecclesiæ audeant possidere,

26. Sed quid nobis et imperatori? Sed jam dixi, de jure humano agitur. Et tamen Apostolus voluit serviri regibus, voluit honorari reges, et dixit: *Regem reveremini* (*I Petr. ii, 17*). Noli dicere: Quid mihi et regi? Quid tibi ergo et possessioni? Per jura regum possidentur possessiones. Dixisti, Quid mihi et regi? noli dicere possessiones tuas; quia ad ipsa jura humana renuntiasti, quibus possidentur possessiones. Sed de divino jure ago, ait. Ergo Evangelium recitemus; videamus quo usque Ecclesia catholica Christi est, super quem venit columba, quæ docuit, *Hic est qui baptizat*. Quomodo ergo jure divino possideat, qui dicit, Ego baptizo; cum dicat columba, *Hic est qui baptizat*; cum dicat Scriptura, *Una est columba mea, una est matri suæ?* Quare laniastis columbam? Imo laniastis viscera vestra: nam vobis laniatis, columba integra perseverat. Ergo, fratres mei, si ubique non habent quod dicant, ego dico quod faciant: veniant ad Catholicam, et nobiscum habebunt non solum terram, sed etiam illum qui fecit cœlum et terram.

TRACTATUS VII.

Ab eo quod scriptum est, Et ego vidi, et testimonium peribui quia hic est Filius Dei, usque ad id, Amen dico vobis, videbitis cœlum apertum, et Angelos ascendentēs et descendētēs super Filium hominis. *Cap. i, §. 34-51.*

4. Congaudemus frequentiæ vestræ, quia ultra quam sperare potuimus, alacriter convenistis. Hoc est quod nos letificat, et consolatur in omnibus laboribus, et periculis vite hujus, amor vester in Deum, et pium studium, et certa spes, et fervor spiritus. Audistis cum Psalmus legeretur, quia inops et pauper clamat ad Deum in hoc sæculo (*Psal. lxxiii, 21*). Vox enim est, ut sèpius audistis, et meminisse de-

betis, non unius hominis, et tamen unius hominis: non unius, quia fideles multi; multa grana inter palæa gementia, diffusa toto orbe terrarum: unius autem, quia membra Christi omnes; ac per hoc unum corpus. Iste ergo populus inops et pauper, non novit gaudere de sæculo: et dolor ejus intus est, et gaudium ejus intus est, ubi non videt nisi ille qui exaudit gementem, et coronat sperantem. Lætitia sæculi, vanitas. Cum magna exspectatione speratur ut veniat, et non potest teneri cum venerit. Iste enim dies qui lætus est perditis hodie in ista civitate, cras utique non erit: nec iidem ipsi cras hoc erunt quod hodie sunt. Et transeunt omnia, et evolant omnia, et sicut fumus vanescunt: et vœ qui amant talia! Omnis enim anima sequitur quod amat. Omnis caro fenum, et omnis honor carnis quasi flos feni; fenum aruit, flos decidit: Verbum autem Domini manet in æternum (*Isai. xl, 6-8*). Ecce quod ames, si vis manere in æternum. Sed dicere habebas: Unde possum apprehendere Verbum Dei? Verbum caro factum est, et habitavit in nobis (*Joan. i, 14*).

2. Quapropter, charissimi, ad inopiam nostram et paupertatem nostram pertineat et quod illos dolemus qui sibi abundare videntur. Gaudium enim ipsorum quasi phreneticorum est. Quomodo autem phreneticus gaudet in insanis plerisque, et ridet; et plangit illum qui sanus est: sic et nos, charissimi, si receperimus medicinam de cœlo venientem, quia et nos omnes phrenetici eramus, tanquam salvi facti, quia ea quæ diligebamus non diligimus, gemamus ad Deum de iis qui adhuc insaniunt. Potens est enim ut et ipsos salvos faciat. Et opus est ut respiciant se, et displiceant sibi. Spectare volunt¹, et spectare se non, neverunt. Nam si aliquantum oculos ad se convertant, vident confusione suam. Quod donec fiat, alia sint studia nostra, alia sint avocamenta animæ nostræ. Plus valet dolor noster, quam gaudium illorum. Quantum pertinet ad numerum fratrum, difficile est ut quisquam illa celebritate raptus fuerit ex viris: quantum autem ad sororum numerum, contristat nos, et hoc magis dolendum est, quia non ipse potius ad Ecclesiam currunt, quas debuit si non timor, certe verecundia de publico revocare. Viderit hoc qui videt, et aderit misericordia ejus, ut sanet omnes. Nos autem qui convenimus, pascamur epulis Dei, et sit gaudium nostrum sermo ipsius. Invitavit enim nos ad Evangelium suum: et ipse cibus noster est, quo nihil dulcior; sed si quis habet palatum sanum in corde.

3. Bene autem arbitror meminisse Charitatem vestram hoc Evangelium lectionibus congruis ex ordine recitari: et puto vobis non excidisse quæ jam tractata sunt, maxime recentiora de Joanne et columba. De Joanne scilicet, quid novum didicerit in Domino per columbam, qui jam neverat Dominum. Et hoc inventum est inspirante Spiritu Dei, quod jam quidem Joannes neverat Dominum, sed quod ipse Dominus ita esset baptizatus, ut baptizandi po-

¹ MSS., spectari volunt.

statem a se in neminem transfunderet, hoc didicit per columbam, quia dictum ei erat, *Super quem videris Spiritum descendenter velut columbam, et manentem super eum, hic est qui baptizat in Spiritu sancto* (Joan. I, 33). Quid est, *hic est?* Non aliud, etsi per alium. Quare autem per columbam? Multa dicta sunt, nec possum, nec opus est omnia retexere: precipue tamen propter pacem; quia et ligna quae baptizata sunt foris, quia fructum in eis invenit columba, ad arcam attulit: sicut meministis columbam emissam a Noe de arca, quae diluvio natabat, et baptismō ablucbatur, non mergebatur. Cum ergo esset emissa, attulit ramum olivæ: sed non sola folia habebat, habebat et fructum (Gen. viii, 8-11). Itaque hoc optandum est fratibus nostris qui foris baptizantur, ut habeant fructum: non illos sinet columba foris, nisi ad arcam reduxerit. Fructus autem est totus charitas, sine qua nihil est homo, quidquid alind habuerit. Et hoc uberrime ab Apostolo dictum commemoravimus et recensuimus. Ait enim: « Si linguis hominum loquar et Angelorum, charitatem autem non habeam, factus sum velut carentium sonans, aut cymbalum tinniens: et si habuero omnem scientiam, et sciām omnia saera- mienta, et habeam omnem prophetiam, et habuero omnem fidem, (fidem autem quomodo dixit omnem?) et montes transferam, charitatem autem non habeam, nihil sum. Et si distribuero omnia mea pauperibus, et si tradidero corpus meum ut ardeam, charitatem autem non habeam, nihil mihi prodest» (1 Cor. xiii, 1-3). Nullo modo autem possunt dicere se habere charitatem, qui dividunt unitatem. Hic dicta sunt: sequentia videamus.

4. Perhibuit Joannes testimonium, quia vidit. Quale testimonium perhibuit? *Quia ipse est Filius Dei.* Oportebat ergo ut ille baptizaret qui est Filius Dei unicus, non adoptatus. Adoptati filii, ministri sunt Unici: Unicus habet potestatem, adoptati ministerium. Licet baptizet minister non pertinens ad numerum filiorum, quia male vivit et male agit, quid nos consolatur? *Hic est qui baptizat.*

5. Altera die iterum stabat Joannes, et ex discipulis ejus duo, et respiciens Jesum ambularem dicit, *Ecce Agnus Dei.* Utique singulariter iste Agnus: nam et discipuli dicti sunt agni, *Ecce ego mitto vos sicut agnos in medio luporum* (Matth. x, 16). Dicti sunt et ipsi lumen, *Vos estis lumen mundi* (Id. v, 14): sed aliter ille de quo dictum est, *Erat lumen verum, quod illuminat omnem hominem venientem in hunc mundum* (Joan. I, 9). Sic et Agnus singulariter, solus sine macula, sine peccato; non cuius maculæ abstersæ sint, sed cuius macula nulla fuerit. Quid enim? quia dicebat Joannes de Domino, *Ecce Agnus Dei*, ipse Joannes non erat agnus? non erat vir sanctus? non erat amicus sponsi? Ergo singulariter ille, *Hic est Agnus Dei*; quia singulariter hujus Agni sanguine solo homines redimi potuerunt.

6. Fratres mei, si agnoscimus prelum nostrum quia sanguis est Agni; qui sunt illi qui hodie celebrant festivitatem sanguinis, nescio cujus mulieris?

et quam ingrati sunt? Raptum est aurum, dicunt, de aure mulieris, et cucurrit sanguis, et positum est aurum in trutina vel statera, et preponderavit multum de sanguine. Si pondus ad inclinandum aurum habuit sanguis mulieris, quale pondus habet ad inclinandum mundum sanguis Agni, per quem factus est mundus? Et quidem ille spiritus nescio quis, ut premeret pondus, placatus est sanguine. Immundi spiritus noverant venturum Jesum Christum, audierant ab Angelis, audierant ex Prophetis, et sperabant cum venturum. Nam si non sperabant, unde clamaverunt, *Quid nobis et tibi est? venisti ante tempus perdere nos? scimus qui sis, Sanctus Dei* (Marc. I, 24). Venturum sciebant, sed tempus ignorabant. Sed quid audistis in Psalmo de Jerusalem? *Quoniam beneplacitum haberunt servi tui lapides ejus, et pulveris ejus miserebuntur: tu exsurgens, inquit, misereberis Sion, quoniam venit tempus ut miserearis ejus* (Psal. ci, 15, 14). Quando venit tempus ut misereretur Deus, venit Agnus. Qualis Agnus quem lupi timent? qualis Agnus est qui leonem occisus occidit? Dictus est enim diabolus leo circumiens et rugiens, querens quem devoret (I Petr. v, 8): sanguine Agni victus est Ico. Ecce spectacula Christianorum. Et quod est amplius, illi oculis carnis vident vanitatem, nos cordis oculis veritatem. Ne putatis, fratres, quod sine spectaculis nos dimisit Dominus Deus noster: nam si nulla sunt spectacula, cur hodie convenistis? Ecce quod diximus, vidistis, et exclamastis: non exclamaretis, nisi vidissetis. Et magnum est hoc spectare per totum orbem terrarum, victum leonem sanguine Agni, educta de dentibus leonum membra Christi, et adjuncta corpori Christi. Ergo nescio quid simile imitatus est quidam spiritus, ut sanguine simulacrum suum emi vellet, quia noverat pretioso sanguine quandcumque redimendum esse genus humanum. Fingunt enim spiritus mali umbras quasdam honoris sibimetipsis, ut sic decipient eos qui sequuntur Christum. Usque adeo, fratres mei, ut illi ipsi qui seducunt per ligaturas, per praecantationes, per machinamenta inimici, miscent praecantationibus suis nomen Christi: quia jam non possunt seducere Christianos, ut dent venenum, addunt mellis aliquid, ut per id quod dulce est, lateat quod amarum est, et bibatur ad perniciem. Usque adeo ut ego noverim aliquo tempore illius Pilleati sacerdotem solere dicere, *Et ipse Pilleatus christianus est.* Ut quid hoc, fratres, nisi quia aliter non possunt seduci Christiani?

7. Ne queratis ergo alibi Christum, quam ubi se vobis voluit prædicari Christus; et quomodo vobis voluit prædicari, sic illum tenete, sic in corde vestro scribite. Murus est adversus omnes impetus et adversus omnes insidias inimici. Nolite timere, nec temet ille, nisi permisso fuerit: constat illum nihil facere, nisi permisso fuerit aut missus. Mittitur tanquam angelus malus a potestate dominante; permittitur, quando aliquid petit: et hoc, fratres, non sit, nisi ut probentur justi, puniantur injusti. Quid ergo times? Ambula in Domino Deo tuo, certus es: quod te

non vult pati, non pateris; quod te permiserit pati, flagellum corridentis est, non poena damnantis. Ad hereditatem sempiternam erudimur, et flagellari dignamur! Fratres mei, si recusaret quisquam puer colaphis aut flagellis credi a patre suo, quomodo diceretur superbus, desperatus, ingratus paterna discipline? Et utquid erudit pater homo filium hominem? Ut possit non perdere temporalia que illi acquisivit, que illi collegit, que non vult eum perdere, que ipse qui relinquit, non potuit in sempiternum tenere. Non docet filium cum quo possideat, sed qui post eum possideat. Fratres mei, si filium docet pater successorem, et quem docet et ipsum similiter per illa omnia transiit, qua et ille qui monebat transiturus est; quomodo vultis erudit nos Pater noster, cui non successuri, sed ad quem accessuri sumus, et cum quo in eternum mansuri in hereditate, que non marcescet, nec moritur, nec grandinem novit? Et ipse hereditas et ipse Pater est. Hunc possidebimus, et erudi non debemus? Sufferamus ergo eruditionem Patris. Non quando nobis dolet caput, curramus ad praecantatores¹, ad sortilegos et remedia vanitatis. Fratres mei, non vos plangam? Quotidie invenio ista; et quid faciam? Nondum persuadeo Christianis in Christo spem esse ponendam? Ecce, si cui factum est remedium, moriatur, (quam multi enim cum remedii mortui sunt? et quam multi sine remedii vixerunt?) qua fronte exiit anima ad Deum? Perdidit signum Christi, accepit signum diaboli. An forte dicat: Non perdidisti signum Christi? Ergo signum Christi cum signo diaboli habuisti. Non vult Christus communionem, sed solus vult possidere quod emit. Tanti emit ut solus possideat: tu facis ei consortem diabolum, cui te per peccatum vendideras. Vae duplici corde (*Ecli. ii, 14*)! qui in corde suo partem faciunt Deo, partem faciunt diabolo. Iratus Deus, quia sit ibi pars diabolo, discedit, et totum diabolus possidebit. Non frustra itaque Apostolus dicit: *Neque deis locum diabolo* (*Ephes. iv, 27*). Cognoscamus ergo Agnum, fratres, cognoscamus pretium nostrum.

8. Stabat Joannes, et ex discipulis ejus duo. Ecce duo de discipulis Joannis: quia talis erat Joannes amicus sponsi, non querebat gloriam suam, sed testimonium perhibebat veritati; numquid voluit apud se remanere discipulos suos, ut non sequerentur Dominum? Magis ipse ostendit discipulis suis quem sequerentur. Habant enim illum tamquam Agnum: et ille, Quid me attenditis! ego non sum Agnus; **Ecce Agnus Dei**: de quo etiam superius dixerat, **Ecce Agnus Dei**. Et quid nobis prodest Agnus Dei? Ecce, ait, qui tollit peccatum mundi. Secuti sunt illum, hoc auditio, duo qui erant cum Joanne.

9. Videamus sequentia. **Ecce Agnus Dei**: hoc Joannes. **¶** Et audierunt et m duo discipuli loquentem, et secuti sunt Jesum. Corversus autem Jesus, et videns eos sequentes se, dicit eis: Quid queritis? Qui dixerunt: Rabbi (quod dicitur interpretatum Magister), ubi habitas? **¶** Non sic illum sequebantur quasi iam

ut inhärenter illi: nam manifestum est quando illi inhäserunt, quia de navi eos vocavit. In his enim duobus erat Andreas, sicut modo audistis; Andreas autem frater Petri erat: et novimus in Evangelio quod Petrum et Andream Dominus de navi vocavit, dicens, *Venite post me, et faciam vos pescatores hominum* (*Matth. iv, 19*). Et ex illo jam inhäserunt illi, ut non recederent. Modo ergo quod illum sequuntur isti duo, non quasi non recessuri sequuntur; sed videre voluerunt ubi habitaret, et facere quod scriptum est, *Limen ostiorum ejus exterat pes tuus; surge ad illum venire assidue et erudire præceptis ejus* (*Ecli. vi, 36, 37*). Ostendit eis ille ubi maneret: venerunt et fuerunt cum illo. Quam beatum diem duxerant, quam beatam noctem! Quis est qui nobis dicat quaz audiarent illi a Domino? **Ædificemus et nosmetipsi in corde nostro**, et faciamus domum quo veniat ille, et doceat nos; colloquatur nobis.

10. ¶ Quid queritis? Qui dixerunt ei: Rabbi, (quod interpretatum dicitur Magister), ubi habitas? Dicit eis: Venite, et videte. Et venerunt, et viderunt ubi maneret, et apud eum manserunt die illo: hora autem erat quasi decima. **¶** Nihilne arbitramur pertinuisse ad Evangelistam, dicere nobis quota hora erat? Potest fieri ut nihil ibi nos animadvertere, nihil quarere voluerit? Decima erat hora. Numerus iste legem significat, quia in decem præceptis data est lex. Venerat autem tempus ut impleretur lex per dilectionem; quia a Judais non poterat impleri per timorem. Unde Dominus dicit: *Non veni solvere legem, sed imple* (*Matth. v, 17*). Merito ergo decima hora eum secuti sunt ad testimonium amici sponsi duo isti: et decima hora audivit, **Rabbi**, quod interpretatur Magister. Si decima hora **Rabbi** Dominus audivit, et decimus numerus ad legem pertinet; magister legis non est nisi dator legis. Nemo dicat quia alius dedit legem, et alius docet legem: ipse illam docet qui illam dedit; ipse est magister legis sue, et docet illam. Et misericordia est in lingua ipsius, ideo misericorditer docet legem, sicut dictum est de sapientia, *Legem autem et misericordiam in lingua portat* (*Prov. xxxi, 26*). Noli timere, ne implere legem non possis, fuge ad misericordiam. Si multum est ad te legem implere, utere pacto illo, utere chirographo, utere precibus quas tibi constituit et compositus jurisperitus ecclesiastis.

11. Qui enim habent causam, et volunt supplicare imperatori, querunt aliquem scholasticum jurisperiodum, a quo sibi preces componantur; ne forte si alter petierint quam oportet, non solum non impetrant quod petunt, sed et poenam pro beneficio consequantur¹. Cum ergo quererent supplicare Apostoli, et non invenirent quomodo adirent imperatorem Deum, dixerunt Christo, **Domine, doce nos orare**: hoc est, Jurisperite noster, assessor, imo consessor Dei, compone nobis preces. Et docuit Dominus de libro juris celestis, docuit quomodo orarent: et in ipso quod docuit, posuit quamdam conditionem: *Dimitte nobis debita nostra, sicut et nos dimittimus debitoribus nostris* (*Luc. xi,*

¹ In plerisque MSS., *præcantationes*.

¹ Plerique MSS., *m̄creantur*.

1-4). Si non secundum legem petieris, reus eris. Contremiscis imperatorem factus reus? offer sacrificium humilitatis, offer sacrificium misericordiae, dic in precibus, Dimitte mihi, quoniam et ego dimitto. Sed si dicis, fac. Quid enim facturus es, quo iturus es, si mentitus fueris in precibus? Non quomodo dicitur in foro, carabis beneficio rescripti; sed nec rescriptum impetrabis. Juris enim forensis est ut qui in precibus mentitus fuerit, non illi prosit quod impetravit. Sed hoc inter homines, quia potest falli honio; potuit falli imperator, quando preces misisti: dixisti enim quod voluisti, et cui dixisti, nescit an verum sit; dimisit te adversario tuo convincendum, ut si ante judicem convictus fueris de mendacio, quia non potuit ille nisi praestare, nesciens an fueris mentitus, ibi carabis ipso beneficio rescripti, quo perduxisti rescriptum. Deus autem qui novit utrum mentiaris, an verum dicas, non facit ut in iudicio tibi non prosit; sed nec impetrare te permittit, quia ausus es mentiri veritati.

12. Quid ergo facturus es? dic mihi. Impiere legem ex omni parte, ita ut in nullo offendas, difficile est: reatus ergo certus est; remedio uti non vis? Ecce, fratres mei, quale remedium posuit Dominus contra ægrotitudines animæ. Quod ergo? Cum caput tibi dolet, laudamus si Evangelium ad caput tibi posueris, et non ad ligaturam cucurreris. Ad hoc enim perducta est infirmitas hominum, et ita plangendi sunt homines qui currunt ad ligaturas, ut gaudeamus quando videmus hominem in lecto suo constitutum, jactari febribus et doloribus, nec alicubi spem posuisse, nisi ut sibi Evangelium ad caput poneret: non quia ad hoc factum est, sed quia præstatum est Evangelium ligatoris. Si ergo ad caput ponitur ut quiescat dolor capitidis, ad cor non ponitur ut sanctetur a peccatis? Fiat ergo. Quid fiat? Ponatur ad cor, sanctetur cor. Bonum est, bonum, ut de salute corporis non satagias, nisi ut a Deo illam petas. Si scit tibi prodesse, dabit illam: si non tibi dederit, non proderat habere illam. Quam multi ægrotant in lecto innocentes; et si sani fuerint, procedunt ad scelera committenda? Quam multis obest sanitas? Latro qui procedit ad faucem occidere hominem, quanto illi melius erat ut ægrotaret? Qui noctu surgit ad fodiendum parietem alienum, quanto illi melius si febribus jactaretur? Innocentius ægrotaret, scelerate sanus est. Novit ergo Deus quid nobis expedit: id agamus tantum, ut cor nostrum sanum sit a peccatis; et quando forte flagellamur in corpore, ipsum deprecemur. Rogavit eum Paulus apostolus, ut auferret stimulum carnis, et noluit auferre. Numquid perturbatus est? numquid contristatus dixit se desertum? Magis se dixit non desertum, quia non ablatum est quod volebat auferri, ut illa infirmitas sanaretur. Hoc enim invenit in voce medici: *Sufficit tibi gratia mea; nam virtus in infirmitate perficitur* (Il Cor. XII, 8, 9). Unde ergo scis quod non vult te sanare Deus? Adhuc tibi expedit flagellari. Unde scis quam putre est quod secat medicus, agens ferrum per putra? Nonne novit modum, quid faciat, quo usque faciat? Numquid ululatus ejus qui secat, re-

trahit manus medici artificiose secantis? Ille clamat; ille secat. Crudelis qui non audit clamantem, an potius misericors qui vulnus persecutur ut sanet agrotum? Haec, fratres mei, ideo dixi, ne quis querat aliquid præter auxilium Dei, quando forte in aliqua correptione Domini sumus. Vide te ne pereatis, vide te ne ab Agno recessatis, et a leone devoremini.

13. Diximus ergo quare hora decima: sequentia videamus. Erat Andreas frater Simonis Petri unus ex duobus qui audierant ab Joanne, et secuti fuerant eum. Invenit hic Simonem fratrem suum, et dicit ei, *Invenimus Messiam; quod est interpretatum Christus*. Messias hebraice, Christus græce est, latine Unctus. Ab unctione enim dicitur Christus. *Xριστας unctio est græce; ergo Christus, unctus. Ille singulariter unctus, præcipue unctus; unde omnes Christiani unguntur, ille præcipue. Quomodo in Psalmo dicit, audi: Propterea unxit te, Deus, Deus tuus oleo exultationis, præ participibus tuis* (Psal. XLIV, 8). Participes enim ejus omnes sancti; sed ille singulariter Sanctus sanctorum, singulariter unctus, singulariter Christus.

14. Et duxit eum ad Jesum. Intuitus autem eum, Jesus dixit, *Tu es Simon filius Joannis, tu vocaberis Cephas; quod interpretatur Petrus*. Non magnum quia Dominus dixit cujus filius esset iste. Quid magnum Domino? Omnia nomina sanctorum suorum sciebat, quos ante constitutionem mundi prædestinavit; et miraris quia dixit uni homini, Tu es filius illius, et tu vocaberis illud? Magnum quia mutavit ei nomen; et fecit de Simone Petrum? Petrus autem a petra, petra vero Ecclesia: ergo in Petri nomine figurata est Ecclesia. Et quis securus, nisi qui ædificat super petram? Et quid ait ipse Dominus? « Qui audit verba mea hæc et facit ea, similabo eum viro prudenti, ædificanti super petram» (non cedit temptationibus): « descendit pluvia, venerunt flumina, flaverunt venti, et impegerunt in domum illam, et non cecidit; fundata enim erat super petram. Qui audit verba mea et non facit ea, (jam unusquisque nostrum timeat et caveat), similabo eum viro stulto qui ædificavit domum suam super arenam: descendit pluvia, venerunt flumina, flaverunt venti, et impegerunt in domum illam, et cecidit; et facta est ruina ejus magna» (Matth. VII, 24, 27). Quid prodest quia intrat Ecclesiam, qui vult super arenam ædificare? Audiendo enim et non faciendo, ædificat quidem, sed super arenam. Si enim nihil audit, nihil ædificat: si autem audit, ædificat. Sed quærimus, ubi. Si enim audit et facit, super petram: si audit et non facit, super arenam. Duo sunt genera ædificantium; aut super petram, aut super arenam. Quid ergo illi qui non audiunt? securi sunt? securos eos dicit, quia nihil ædificant? Nudi sunt sub pluvia, ante ventos, ante flumina: cum venerint ista, ante illos tollunt, quam domos dejiciant. Ergo una est securitas, et ædificare, et super petram ædificare. Si audire vis et non facere, ædificas; sed ruinam ædificas: cum autem venerit tentatio, dejicit domum, et cum ipsa ruina tua te tollit. Si autem non audis, nudus es, illis temptationibus tu ipse traheris. Audi ergo,

et fac ; unum est remedium. Quanti forte hodie audiendo et non faciendo rapti sunt fluvio celebritatis hujus ? Audiendo enim et non faciendo , venit fluvius ipsa celebrites anniversaria , impletus est torrens , transiturus est et siccaturus : sed vix illi quem tulerit ! Illud ergo neverit Charitas vestra , quia nisi quis et audiat et faciat , non adfiscat super petram ; et non pertinet ad nomen tam magnum , quod sic commendavit Dominus. Intentum enim te fecit. Nam si hoc ante Petrus vocaretur , non ita videres mysterium petrae ; et putares casu eum , sic vocari , non providentia Dei : ideo voluit eum aliud prius vocari , ut ex ipsa commutatione nominis , sacramenti vivacitas commendaretur.

15. Et in crastinum voluit exire in Galileam , et invenit Philippum. Dicit ei : Sequere me. Erat autem de civitate Andreae et Petri. Et invenit Philippus Nathanaelem : jam vocatus a Domino Philippus. Et dixit ei : Quem scripsit Moyses in Lege , et Prophetæ , invenimus Jesum filium Joseph. Ejus filius dicebatur , cui despontata erat mater ejus. Nam quod ea intacta conceptus et natus sit , bene neverunt omnes Christiani ex Evangelio. Hoc Philippus dixit Nathanaeli ; addidit et locum , a Nazareth. Et dixit ei Nathanael : A Nazareth potest aliquid boni esse . Quid intelligitur , Fratres ? Non quomodo aliqui pronuntiant : nam et sic solet pronuntiari , A Nazareth potest aliquid boni esse ? Sequitur enim vox Philippi , et dicit , Veni , et vide. Ambas autem pronuntiationes potest ista vox sequi , sive sic pronunties tanquam confirmans , A Nazareth potest aliquid boni esse ; et ille , Veni , et vide : sive sic dubitans , et totum interrogans , A Nazareth potest aliquid boni esse ? Veni , et vide. Cum ergo sive illo modo , sive isto pronuntietur , non repugnent verba sequentia ; nostrum est quererere quid potius intelligamus in his verbis.

16. Qualis fuerit Nathanael iste , in sequentibus probamus. Audite qualis fuerit : Dominus ipse perhibet testimonium. Magnus Dominus cognitus testimonio Joannis : beatus Nathanael cognitus testimonio veritatis. Quia Dominus etsi testimonio Joannis non commendaretur , ipse sibi perhibebat testimonium ; quia sufficit sibi ad testimonium suum veritas. Sed quia veritatem non poterant capere homines , per lucernam quærebant veritatem : et ideo Joannes per quem Dominus ostenderetur , missus est. Audi Dominum Nathanaeli testimonium perhibentem : Et dixit ei Nathanael : A Nazareth potest aliquid boni esse . Dicit ei Philippus : Veni , et vide. Et vidit Jesus Nathanaelem venientem ad se , et dicit de eo : Ecce vere Israelita , in quo dolus non est. Magnum testimonium ! hoc nec Andreæ dictum , nec Petro dictum , nec Philippo , quod dictum est de Nathanaele : Ecce vere Israelita , in quo dolus non est.

17. Quid ergo facinus , fratres ? Deberet iste primus esse in Apostolis ? Non solum primus non inventur in Apostolis , sed nec medius , nec ultimus inter duodecim Nathanael est , cui tantum testimonium perhibuit Filius Dei , dicens , Ecce vere Israelita , in quo

dolus non est. Quæritur causa ? quantum Dominus intimat , probabiliter invenimus. Intelligere enim debemus ipsum Nathanaelem eruditum et peritum Legis fuisse : propterea noluit illum Dominus inter discipulos ponere ; quia idiotas elegit , unde confunderet mundum. Audi Apostolum dicentem ista : « Videte enim , inquit , vocationem vestram , fratres , quia non multi potentes , non multi nobiles : sed infirma mundi elegit Deus , ut confundat fortia ; et ignobilia mundi et contemptibilia elegit Deus , et ea quæ non sunt , tanquam quæ sunt , ut ea quæ sunt evanescantur » (I Cor. 1, 26-28). Si doctus eligeretur , fortasse ideo se diceret electum , quia doctrina ejus meruit eligi. Dominus noster Jesus Christus volens superborum frangere cervices , non quiescit per oratorem piscatorem ; sed de piscatore lucratus est imperatorem. Magnus Cyprianus orator , sed prior Petrus piscator , per quem postea crederet non tantum orator , sed et imperator. Nullus nobilis primo electus est , nullus doctus ; quia infirma mundi elegit Deus , ut confunderet fortia. Erat ergo iste magnus et sine dolo : hoc solo non electus , ne cuiquam videretur Dominus doctos elegisse. Et ex ipsa doctrina Legis veniebat , quod cum audisset a Nazareth : scrutatus enim erat Scripturas , et sciebat quia inde erat expectandus Salvator , quod non facile alii Scribæ et Pharisæi neverant : iste ergo doctissimus Legis , cum audisset Philippum dicentem , Invenimus Jesum , quem scripsit Moyses in Lege , et Prophetæ , a Nazareth , filium Joseph ; ille qui optime Scripturas neverat , auditio nomine Nazareth , erectus est in spem , et dixit , A Nazareth potest aliquid boni esse.

48. Jam cætera de ipso videamus , Ecce vere Israelita , in quo dolus non est. Quid est , in quo dolus non est ? Forte non habebat peccatum ? forte non erat æger ? forte illi medicus non erat necessarius ? Absit. Nemo hic sic natus est , ut illo medico non egeret. Quid sibi ergo vult , in quo dolus non est ? Aliquanto intentius quæramus ; apparebit modo in nomine Domini. Dolum dicit Dominus ; et omnis qui verba latina intellegit , scit quia dolus est , cum aliud agitur et aliud singitur. Intendat Charitas vestra. Non dolus dolor est : propterea dico , quia multi fratres imperitiores latinitatis loquuntur sic , ut dicant , Dolus illum tortquet , pro eo quod est dolor. Dolus fraus est , similitudo est. Quando aliquis aliquid in corde tegit , et aliud loquitur , dolus est , et tanquam duo corda habet : unum quasi sinum cordis habet , ubi videt veritatem ; et alterum sinum , ubi concipit mendacium. Et ut neveritis hunc esse dolum , dictum est in Psalmis , Labia dolosa . Quid est , Labia dolosa ? Sequitur , In corde et corde locuti sunt mala (Psal. xi, 3). Quid est , In corde et corde ; nisi duplici corde ? Si ergo dolus in isto non erat , sanabilem illum medicus judicavit , non sanum. Aliud est enim sanus , aliud sanabilis , aliud insanabilis : qui ægrotat cum spe , sanabilis dicitur ; qui ægrotat cum desperatione , insanabilis ; qui autem jam sanus est , non eget medico. Medicus ergo qui venerat sanare , vidit istum sanabilem , quia dolus in

illo non erat. Quomodo dolus in illo non erat? Si peccator est, fatetur se peccatorem. Si enim peccator est, et justum se dicit; dolus est in ore ipsius. Ergo in Nathanaele confessionem peccati laudavit, non judicavit non esse peccatorem.

19. Propterea cum Pharisæi qui sibi videbantur justi, reprehenderent Dominum quia miscebatur ægrotis medicus, et dicerent, *Ecce cum quibus manducat, cum publicanis et peccatoribus*; respondit medicus phreneticis, *Non est opus sanis medicus, sed male habentibus: non veni vocare justos, sed peccatores* (*Math. ix, 11-13*). Hoc est dicere, Quia vos justos dicitis, cum sitis peccatores, sanos vos judicatis¹, cum langueatis, medicinam repellitis, non sanitatem tenetis. Unde ille pharisæus qui vocaverat Dominum ad prandium, sanus sibi videbatur: ægrota autem illa mulier irrupit in domum, quo non erat invitata, et desiderio salutis facta impudens, accessit, non ad caput Domini, non ad manus, sed ad pedes; lavit eos lacrymis, tersit capillis, osculata est eos, unxit unguento, pacem fecit cum vestigiis Domini peccatrix. Reprehendit ille tanquam sanus medicum, ille pharisæus qui illic discumbebat; et ait apud se: *Hic si esset propheta, sciret quæ mulier illi pedes tetigisset*. Ideo autem suspicatus erat eum ignorasse, quia non illam repulit, quasi ne immundis manibus tangeretur: neverat autem ille, permisit se tangi, ut tactus ipse sanaret. Dominus videns cor Pharisæi, proposuit similitudinem: « Duo debitores erant cuidam feneratori; unus ei debebat quinquaginta denarios, alter quingentos: cum non haberent unde redderent, donavit ambobus; quis cum plus dilexit? Et ille: Credo, Domine, cui plus donavit. Et conversus ad mulierem, dixit Simoni: Vides istam mulierem? Intravi in domum tuam, aquam mihi ad pedes non dedisti; illa autem lacrymis lavit pedes meos, et capillis suis tersit: osculum mihi non dedisti; illa non destitit pedes meos osculari: oculum mihi non dedisti; illa pedes meos unxit unguento. Propterea dico tibi; dimittuntur ei peccata multa, quoniam dilexit multum: cui autem modicum dimittitur, modicum diligit» (*Luc. vii, 36-47*). Hoc est dicere, Plus ægrotas, sed sanum te putas: modicum putas tibi dimitti, cum plus debitor sis. Bene ista, quia dolus in illa non erat, meruit medicinam. Quid est, dolus in illa non erat? Confitebatur peccata. Hoc et laudat in Nathanaele, quod dolus in illo non erat: quia multi pharisæi qui abundant peccatis, justos se dicebant, et dolum afferebant, per quem sanari non poterant.

20. Vedit ergo jam istum in quo dolus non erat, et ait: *Ecce vere Israelita, in quo dolus non est*. Dicit ei Nathanael: *Unde me nosti?* Respondit Jesus, et dixit: *Priusquam te Philippus vocaret, cum essem sub fico, vidi te; id est, sub arbore fici*. Respondit ei Nathanael, et ait: *Rabbi, tu es Filius Dei, tu es rex Israel*. Aliiquid magnum potuit Nathanael iste intelligere, in eo quod dictum est, *Cum essem sub fico arbore, vidi te*,

¹ *Mss., prædicatis.*

priusquam te Philippus vocaret. Nam tales vocem protulit, Tu es Filius Dei, tu es rex Israel; qualem tanto post Petrus, quando ei Dominus ait, Beatus es Simon Bar Jona, quia non tibi revelavit caro et sanguis, sed Pater meus qui est in caelo (*Math. xvi, 17*). Et ibi nominavit petram, et landavit firmamentum Ecclesie in ista fide. Hic jam dicit, *Tu es Filius Dei, tu es rex Israel*. Unde? Quia dictum est ei, *Antequam te Philippus vocaret, cum essem sub arbore fici, vidi te*.

21. Querendum est, an aliiquid significet ista arbor fici. Audite enim, fratres mei: Invenimus arborem fici maledictam, quia sola folia habuit, et fructum non habuit (*Id. xxi, 19*). In origine humani generis Adam et Eva cum peccassent, de foliis siculenis succinctoria sibi fecerunt (*Gen. iii, 7*): folia ergo siculnea intelliguntur peccata. Erat autem Nathanael sub arbore fici, tanquam sub umbra mortis. Vedit eum Dominus, de quo dictum est, *Qui sedebant sub umbra mortis, lumen ortum est eis* (*Isai. ix, 2*). Quid ergo dictum est Nathanaeli? Dicis mibi, o Nathanael, *Unde me nosti?* Modo jam loqueris tecum, quia vocavit te Philippus. Jam quem vocavit per apostolum, ad Ecclesiam suam vedit pertinere. O tu Ecclesia, o tu Israel, in quo dolus non est; si es populus Israel in quo dolus non est, modo jam cognovisti Christum per Apostolos, quomodo Nathanael cognovit Christum per Philippum. Sed misericordia sua ante te vedit, quam tu eum cognosceres¹, cum sub peccato jaceres. Numquid enim nos prius quæsivimus Christum, et non ille nos quæsivit? Numquid nos venimus ægroti ad medicum, et non medicus ad ægrotos? Nonne ovis illa perierat, et relictis nonaginta novem pastor quæsivit illam et invenit, quam lætus in humeris reportavit? Nonne perierat drachma illa, et accedit mulier lucernam, et quæsivit in tota domo sua donec invenit? Et cum invenisset, *Collætamini mihi*, ait viciniis suis, *quia inveni drachnam quam perdidera* (*Luc. xv, 4-10*). Sic et nos sicut ovis perieramus, et sicut drachma perieramus: et pastor noster invenit ovem, sed quæsivit ovem; mulier invenit drachmam, sed quæsivit drachmam. Quæ est mulier? Caro Christi. Quæ est lucerna? *Paravi lucernam Christo meo* (*Psal. cxxxi, 17*). Ergo quæsiti sumus, ut inveniremur; inventi loquimur. Non superbiamus, quia antequam inveniremur, perieramus, si non quæreremur. Non ergo nobis dicant quos amamus, et volumus lucrari paci Ecclesiæ catholicæ: Quid nos vultis? quid nos quæritis, si peccatores sumus? Ideo vos quærimus, ne pereatis: quærimus, quia quæsiti sumus; invenire vos volumus, quia inventi sumus.

22. Itaque Nathanael cum dixisset, *Unde me nosti?* ait illi Dominus, *Priusquam te vocaret Philippus, cum essem sub arbore fici, vidi te*. O tu Israel sine dolo, quisquis es, o popule vivens ex fide, antequam te per Apostolos meos vocarem, cum essem sub umbra mortis, et tu me non videres, ego te vidi. Dominus deinde dicit ei: « Quia dixi tibi, Vidi te sub arbore fici, credis: majus his videbis. » Quid est hoc, « majus his videbis? Et dicit ei: Amen, amen dico vobis, videbi-

¹ *Mss. nostri omnes omittunt, quam tu eum cognosceres.*

tis cœlum apertum, et Angelos ascendentēs et descendētēs super Filium hominis. » Fratres, nescio quid magis dixi, quam est, *sab arbore fici vidi te.* Plus enim est quod nos Dominus vocatos justificavit, quam quod vidit jacentes sub umbra mortis. Quid enim nobis proderat si ibi remansissemus, ubi nos vidit? Nunquid non jaceremus? Quid est hoc magis? Quando vidimus Angelos ascendentēs et descendētēs super Filium hominis?

23. Jam aliquando de his ascendentibus et descendētēs Angelis dixeram; sed ne oblii fueritis, breviter dico tanquam commemorans: pluribus enim dicērem si non commemorarem, sed modo insinuarem. Scalas vidit Jacob per somnum, et in ipsis scalis vidit Angelos ascendentēs et descendētēs; et lapi-dem quem sibi posuerat ad caput, unxit (*Gen. xxviii, 12-18.*) Audistis quia Messias Christus est, audistis quia unctus Christus est. Non enim sic posuit lapi-dem unctum, ut veniret et adoraret: alioquin idolo-latria esset, non significatio Christi. Facta est ergo significatio, quo usque oportuit fieri significationem, et significatus est Christus. Lapis unctus, sed non in idolum. Lapis unctus: lapis quare? *Ecce pono in Sion lapidem electum, pretiosum, et qui crediderit in illum, non confundetur (Isai. xxviii, 16; I Petr. ii, 6).* Quare unctus? Quia Christus a chrismate. Quid autem vidit tunc in scalis? Ascendentēs et descendētēs Angelos. Sic est et Ecclesia, fratres: Angeli Dei, boni prædicatores, prædicantes Christum; hoc est, super Filium hominis ascendētēs et descendētēs. Quomodo ascendētēs, et quomodo descendētēs? Ex uno habemus exemplum: audi apostolum Pavulum; quod in ipso invenerimus, hoc de ceteris veritatis prædicatoribus credamus. Vide Paulum ascendentem: « Scio hominem in Christo ante annos quatuordecim raptum fuisse usque in tertium cœlum, sive in corpore, sive extra corpus nescio, Deus scit: et audisse ineffabilia verba quæ non licet homini loqui » (*II Cor. xii, 2-4*). Ascendentem audistis, descendētēm audite. « Non potui loqui vobis quasi spiritualibus, sed quasi carnalibus: quasi parvulis in Christo lac vobis potum dedi, non escam » (*I Cor. iii, 1, 2*). Ecce descendit qui ascenderat. Quare quo ascenderat. Usque in tertium cœlum. Quare quo descenderat. Usque ad lac parvulus dan-dum. Audi quia descendit: *Factus sum parvulus, inquit, in medio vestrum, tanquam si nutrix foreat filios suos (I Thess. ii, 7).* Videmus enim et nutrices et matres descendere ad parvulos: et si norunt latina verba dicere, decurant illa, et quassant quodammodo linguam suam, ut possint de lingua diserta fieri blan-dimenta puerilia; quia si sic dicant, non audit infans, sed nec proficit infans. Et disertus aliquis pater, si sit tantus orator ut lingua illius forta concrepent, et tribunalia concutiantur; si habeat parvulum filium, cum ad domum redierit, seponit forensem eloquentiam quo ascenderat, et lingua puerili descendit ad parvulum. Audi uno loco ipsum Apostolum ascendentem et descendētēm, in una sententia: « Sive enim, inquit, mente excessimus, Deo: sive temporan-

PATROL. XXXV.

tes sumus, vobis » (*II Cor. v, 13*). Quid est, « mente excessimus, Deo? » Ut illa videanius « quæ non licet homini loqui. » Quid est, « temperantes sumus, vobis? Numquid judicavi me aliquid scire inter vos, nisi Je-sum Christum, et hunc crucifixum » (*I Cor. ii, 2*)? Si ipse Dominus ascendit et descendit; manifestum est quia et predicatorēs ipsius ascendunt imitatione, descendunt prædicatione.

24. Et si aliquanto vos diutius tenuimus, consilium fuit ut importunæ horæ transirent: arbitramur jam illōs¹ peregisse vanitatem suam. Nos autem, fratres, quando pasti sumus epulis salutaribus, quæ restant agamus, ut diem dominicum solemniter impleamus in gaudiis spiritualibus, et comparemus gaudia veritatis cum gaudiis vanitatis: et si horremus, doleamus; si dolemus, oremus; si oramus, exaudiāmur; si exaudiāmur, et illōs lucramur.

TRACTATUS VIII.

Ab eo Evangelii loco, Et die tertia nuptiæ factæ sunt in Cana Galilææ; usque ad id, Quid mihi et tibi est, mulier? nondum venit hora mea. Cap. ii, ¶ 1-4.

1. Miraculum quidem Domini nostri Jesu Christi, quo de aqua vinum fecit, non est mirum eis qui no-verunt quia Deus fecit. Ipse enim fecit vinum illo die in nuptiis in sex illis hydriis, quas impleri aqua præcepit (*Joan. ii, 6-11*), qui omni anno facit hoc in vi-tibus. Sicut enim quod miserunt ministri in hydriis, in vinum conversum est opere Domini; sic et quod nubes fundunt, in vinum convertitur ejusdem opere Domini. Illud autem non miramur, quia omni anno fit: assiduitate amisit admirationem. Nam et considerationem majorem invenit, quam id quod factum est in hydriis aquæ. Quis est enim qui considerat opera Dei, quibus regitur et administratur totus hic mun-dus, et non obstupescit obruiturque miraculis? Si consideret vim unius grani, cuiuslibet seminis, magna quædam res est, horror est consideranti. Sed quia homines in aliud intenti perdiderunt considerationem operum Dei, in qua darent laudem quotidie Creatori; tanquam servavitsibi Deus inusitata quædam quæ faceret, ut tanquam dormientes homines, ad se colendum mirabilius excitaret. Mortuus resurrexit, mirati sunt homines: tot quotidie nascuntur, et nemo miratur. Si consideremus prudentius, majoris miraculi est esse qui non erat, quam reviviscere qui erat. Idem tamen Deus Pater Domini nostri Jesu Christi per Verbum suum facit omnia hæc, et regit qui crea-vit. Priora miracula fecit per Verbum suum Deum apud se: posteriora miracula fecit per ipsum Verbum suum, incarnatum, et propter nos hominem factum. Sicut miramur quæ facta sunt per hominem Je-sum, miremur quæ facta sunt per Deum Jesum. Per Deum Jesum facta sunt cœlum et terra, mare, et omnis ornatus cœli, opulentia terræ, secunditas na-ris; omnia hæc quæ oculis adjacent, per Jesum Deum facta sunt. Et videmus hæc, et si est in nobis Spir-i-

¹ MSS. melioris notæ, illas: forte quod mulieres poti-stum spectaret ista celebritas. vide supra, nn. 3 et 6.

(Quarante-six.)

tus ipsius, sic nobis placent ut artifex laudetur: non ut ad opera conversi ab artifice avertamur, et faciem quodammodo ponentes ad eą quae fecit, dorsum ponamus ad eum qui fecit.

2. Et hæc quidem videmus, et adjacent oculis: quid illa quæ non videamus, sicut sunt Angeli, Virtutes, Potestates, Dominationes, omnisque habitator fabrica hujus supercelestis, non adjacens oculis nostris? Quanquam sœpe et Angeli, quando oportuit, demonstraverunt se hominibus. Nonne Deus et per Verbum suum, id est, unicum Filium suum Dominum nostrum Jesum Christum fecit hæc omnia? Quid ipsa anima humana, quæ non videtur, et per opera quæ exhibet in carne, magnam præbet admirationem bene considerantibus, a quo facta est, nisi a Deo? et per quem facta est, nisi per Filium Dei? Nondum dico de anima hominis. Cujusvis pecoris anima quomodo regit mollem suam! sensus omnes exserit, oculos ad videndum, aures ad audiendum, nares ad percipiendum odorem, oris judicium ad sapores discernendos, membra denique ipsa ad peragenda officia sua. Numquid hæc corpus, et non anima, id est, habitatrix corporis agit? Nec tamen videtur oculis, et ex his quæ agit, admirationem movet. Accedat jam consideratio tua etiam ad animam humanam, cui tribuit Deus intellectum cognoscendi Creatorem suum, dignoscendi et distinguendi inter bonum et malum, hoc est inter justum et injustum: quanta agit per corpus! Attendite universum orbem terrarum ordinatum in ipsa humana republica: quibus administrationibus, quibus ordinibus potestatum, conditionibus civitatum, legibus, moribus, artibus! Hoc totum per animam geritur, et hæc vis animæ non videtur. Cum subtrahatur corpori, cadaver jacet: cum autem adest corpori, primum condit quodammodo putores. Corruptibilis est enim omnis caro, in putredines des�uit, nisi quodam condimento animæ teneatur. Sed hoc communice illi est cum pecoris anima: illa magis miranda quæ dixi, quæ ad mentem et intellectum pertinent; ubi etiam ad imaginem Creatoris sui renovatur, ad cuius imaginem factus est homo (*Coloss.* iii, 10). Quid erit hæc vis animæ, cum et corpus hoc induerit incorruptionem, et mortale hoc induerit immortalitatem (*1 Cor.* xv, 53, 54)? Si tanta potest per carnem corruptibilem, quid poterit per corpus spirituale post resurrectionem mortuorum? Hæc tamen anima, ut dixi, admirabilis naturæ atque substantiæ, invisibilis res est et intelligibilis: et hæc tamen per Jesum Deum facta est, quia ipse est Verbum Dei. Omnia per ipsum facta sunt, et sine ipso factum est nihil (*Joan.* i, 3).

3. Cum ergo tanta videamus facta per Deum Jesum, quid miramur aquam in vinum conversam per hominem Jesum? Neque enim sic factus est homo, ut perderet quod Deus erat: accessit illi homo, non amissus est Deus. Ipse ergo fecit hoc, qui illa omnia. Non itaque miremur quia Deus fecit; sed amemus quia inter nos fecit, et propter nostram reparationem fecit. Aliiquid enim et in ipsis factis innuit nobis. Puto quia non sine causa venit ad nuptias. Excepto miraculo, aliiquid in ipso facto mysterii et sacramenti

latet. Pulsemus ut aperiat, et de vino invisibili inebriet nos: quia et nos aqua eramus, et vinum nos fecit, sapientes nos fecit; sapimus enim fidem ipsius, qui prius insipientes eramus. Et forte ad ipsam sapientiam pertinet, cum honore Dei, et cum laude majestatis ejus, et cum charitate potentissimæ misericordiae ejus, intelligere quid sit gestum in hoc miraculo.

4. Dominus invitatus ad nuptias venit. Quid miremus si in illam domum ad nuptias venit, qui in hunc mundum ad nuptias venit? Si enim non venit ad nuptias, non hic habet sponsam. Et quid est quod ait Apostolus, *Aplavi vos uni viro, virginem castam exhibere Christo?* Quid est quod timet ne virginitas sponsæ Christi per astutiam diaboli corrumpatur? *Timeo, inquit, ne sicut serpens Evar seduxit astutia sua, sic et vestræ mentes corrumpantur a simplicitate et castitate quæ est in Christo* (*II Cor.* xi, 2, 3). Habet ergo hic sponsam quam redemit sanguine suo, et cui pignus dedit Spiritum sanctum (*Id.* i, 22). Eruit eam de mancipati diaboli: mortuus est propter delicta ejus, resurrexit propter justificationem ejus (*Rom.* iv, 25). Quis offeret tanta sponsæ suæ? Offerant homines quælibet ornamenta terrarum; aurum, argenteum, lapides pretiosos, equos, mancipia, fundos, prædia: numquid aliquis offeret sanguinem suum? Si enim sanguinem suum sponsæ dederit, non erit qui ducat uxorem. Dominus autem securus moriens, dedit sanguinem suum pro ea quam resurgens haberet, quam sibi jam coniunxerat in utero Virginis. Verbum enim sponsus, et sponsa caro humana; et utrumque unus Filius Dei, et idem filius hominis: ubi factus est caput Ecclesiæ, ille uterus virginis Mariæ thalamus ejus, inde processit tanquam sponsus de thalamo suo, sicut Scriptura prædictit, *Et ipse tanquam sponsus procedens de thalamo suo, exsultavit ut gigas ad currēdā viam* (*Psal.* xviii, 6); de thalamo processit velut sponsus, et invitatus venit ad nuptias.

5. Ceri sacramenti gratia, videtur matrem de qua sponsus processit, non agnoscere, et dicere illi, *Quid mihi et tibi est, mulier? nondum venit hora mea.* Quid est hoc? ideone venit ad nuptias, ut doceret matrem contemni? Utique ad cuius nuptias venerat, ideo ducebatur uxorem, ut filios procrearet; et ab eis quos ut procrearet optabat, utique honorari cupiebat: ille ergo venerat ad nuptias, ut exonoraret matrem, cum propter filios habendos, quibus reddere honorem parentibus imperat Deus, ipsæ nuptiæ celebrentur, et ducantur uxores? Procul dubio, fratres, latet ibi aliquid. Nam tanta res est, ut quidam, quos cavendos præmonuit Apostolus, sicut supra commemoravimus, dicens, *Timeo ne sicut serpens Evar seduxit astutia sua, sic et vestræ mentes corrumpantur a simplicitate et castitate quæ est in Christo*, derogantes Evangelio, et dicentes quod Jesus non sit natus de Maria Virgine, hinc argumentum sumere conarentur erroris sui, ut dicent, *Quomodo erat mater ejus, cui dixit, Quid mihi et tibi est, mulier?* Respondendum ergo est eis, et disserendum quare hoc dixerit Dominus; ne sibi

aliquid adversus sanam fidem insanentes invenisse videantur, unde sponsæ virginis castitas corrumpatur, id est, unde fides Ecclesie violetur. Revera enim, fratres, corrumpitur fides eorum qui præponunt mendacium veritati. Nam isti qui videntur sic honorare Christum, ut negent eum carnem habuisse, nihil aliud eum quam mendacem prædicant. Qui ergo mendacium ædificant in hominibus, quid ab eis expellunt, nisi veritatem? Immittunt diabolum, excludunt Christum; immittunt adulterum, excludunt sponsum: paronymphi scilicet, vel potius lenones serpentis. Ad hoc enim loquuntur ut serpens possideat, Christus excludatur. Quomodo possidet serpens? Quando possidet mendacium. Quando possidet falsitas, serpens possidet: quando possidet veritas, Christus possidet. Ipse enim dixit, *Ego sum veritas* (*Joan. xiv.*, 6): de illo autem dixit, *Et in veritate non stetit, quia veritas non est in eo* (*Id. viii.*, 44). Sic est autem veritas Christus, ut totum verum accipias in Christo. Verum Verbum, Deus aequalis Patri, vera anima, vera caro, verus homo, verus Deus, vera nativitas, vera passio, vera mors, vera resurrectio. Si aliquid borum dixeris falsum, intrat putredo, de veneno serpentis nascuntur vermes mendaciorum, et nihil integrum remanebit.

6. Quid est ergo, inquit, quod ait Dominus, *Quid mihi et tibi est, mulier?* Forte in eo quod sequitur ostendit nobis Dominus quare hoc dixerit: *Nondum, inquit, venit hora mea.* Sic enim ait, *Quid mihi et tibi est, mulier?* *nondum venit hora mea.* Et hoc cur dictum sit, requirendum est. Prius ergo hinc resistamus hereticis. Quid dicit serpens veternosus, venenorum insibilator et inspirator antiquus? quid dicit? Non habuit matrem feminam Jesus. Unde probas? Quia dixit, inquit, *Quid mihi et tibi est, mulier?* quis hoc narravit, ut credamus quia hoc dixit? quis hoc narravit? Neuspe Joannes evangelista. At ipse Joannes evangelista dixit, *Et erat ibi mater Jesu.* Nam ita narravit: *Altera die nuptias factæ sunt in Cana Galileæ, et erat ibi mater Jesu.* Venerat autem illuc invitatus ad nuptias cum discipulis suis. Tenemus duas sententias ab Evangelista prolatas. *Erat ibi mater Jesu,* Evangelista dixit: quid dixerit matri suæ Jesus, ipse Evangelista dixit. Et quomodo dixit respondisse matri suæ Jesus, ut primo diceret, *Ait illi mater ejus, vide te, fratres, ut adversus linguam serpentis muniam virginitatem cordis habeatis.* Illic in ipso Evangelio eo ipso evangelista narrante dicitur, *Erat ibi mater Jesu;* et, *Dixit illi mater ejus.* Quis hoc narravit? Joannes evangelista. Et quid respondit matri Jesus? *Quid mihi et tibi est, mulier?* quis hoc narrat? Idem ipse Joannes evangelista. O Evangelista fidelissime et veracissime, tu mihi narras dixisse Jesus, *Quid mihi et tibi est, mulier?* cur ei apposuisti matrem quam non agnoscit? Nam tu dixisti quia *ibi erat mater Jesu,* et quia *dixit ei mater ejus:* cur non potius dixisti, *Erat ibi Maria;* et, *Dixit ei Maria?* Utrumque tu narras, et, *Dixit ei mater ejus;* et, *Respondit ei Jesus, Quid mihi et tibi est, mulier?* Quare hoc, nisi quia

utrumque verum est? Illi autem in eo volunt credere Evangelistæ, quod narrat Jesum dixisse matri, *Quid mihi et tibi est, mulier?* et in eo nolunt credere Evangelistæ quod ait, *Erat ibi mater Jesu;* et, *Dixit ei mater ejus.* quis est autem qui resistit serpentis et tenet veritatem, cuius virginitas cordis non corrumpitur astutia diaboli? Qui utrumque verum credit; et quia erat ibi mater Jesu, et quia illud respondit matri Jesus. Sed si nondum intelligit quemadmodum dixerit Jesus, *Quid mihi et tibi est, mulier?* interim credit quod dixerit, et quod matri dixerit. Sit primo pietas in credente, et erit fructus in intelligente.

7. Interrogo vos, o fideles Christiani, Erat ibi matri Jesu? respondete, Erat. Unde scitis? respondete, Hoc loquitur Evangelium. Quid respondit matri Jesus? respondete, *Quid mihi et tibi est, mulier?* nondum venit hora mea. Et hoc unde scitis? respondete, Hoc loquitur Evangelium. Nullus vobis corrumpat hanc fidem, si vultis sponsos servare castam virginitatem. Si autem quereritur a vobis, cur hoc matri responderit; dicat qui intelligit: qui autem nondum intelligit, firmissime tamen credat, hoc respondisse, et tamen matri respondisse Jesum. Hac pietate merebitur etiam intelligere cur ita responderit, si orando pulset, et non rixando accedat ad ostium veritatis. Tantum caveat, ne dum se putat scire, aut erubescit nescire cur ita responderit, cogatur credere aut Evangelistam fuisse mentium qui ait, *Erat ibi mater Jesu:* aut ipsum Christum falsa morte passum propter delicta nostra, et falsas cicatrices ostendisse propter justificationem nostram; falsumque dixisse, *Si manseris in verbo meo, vere discipuli mei estis;* et cognoscetis veritatem, et veritas liberabit vos (*Joan. viii.*, 31, 32). Si enim falsa matr, falsa caro, falsa mors, falsa vulnera passionis, falsæ cicatrices resurrectionis; non veritas credentes in eum, sed potius falsitas liberabit. Imo vero falsitas cedat veritati, et confundantur omnes qui propterea se volunt videri veraces, quia Christum conantur demonstrare fallacem; et nolunt sibi dici, Non vobis credimus quia mentimini; cum ipsam veritatem dicant esse mentitam. Quibus tamen si dicamus, Unde nostis dixisse Christum, *Quid mihi et tibi est, mulier?* Evangelio se credidisse respondent. Cur non credunt Evangelio dicenti, *Erat ibi mater Jesu;* et, *Dixit ei mater ejus?* Aut si hoc mentitur Evangelium, quomodo ei creditur quod dixerit Jesus, *Quid mihi et tibi est, mulier?* Cur non potius miseri, et quod ita non extraneæ, sed matri Dominus responderit, fideliter credunt; et cur ita responderit, pie querunt? Multum enim interest inter eum qui dicit, Volo scire quare Christus hoc matri responderit; et eum qui dicit, Scio quod hoc Christus non matri responderit. Aliud est intelligere velle quod clausum est, aliud nolle credere quod apertum est. Qui dicit, Scire volo cur ita Christus matri responderit, aperiri sibi vult Evangelium cui credit: qui autem dicit, Scio quod hoc Christus non matri responderit, ipsum Evangelium arguit de mendacio, ubi credit quod Christus ita responderit.

8. Jam ergo si placet, fratres, illis repulsis, et in sua exercitata errantibus semper, nisi humiliter sanentur, nos queramus, quare Dominus noster sic matri responderit. Ille singulariter natus de Patre sine matre, de matre sine patre; sine matre Deus, sine patre homo; sine matre ante tempora, sine patre in fine temporum. Quod respondit, matri respondit: quia, *Erat ibi mater Iesu*; et, *Dixit ei mater ejus*. Hoc totum Evangelium loquitur. Illic novimus quia *erat ibi mater Iesu*, ubi novimus quod dixerit ei, *Quid mihi et tibi est, mulier? nondum venit hora mea*. Totum credamus, et quod nondum intelligimus requiramus. Et primum hoc videte, ne forte quomodo invenirent Manichaei occasionem perfridice suæ, quia dixit Dominus, *Quid mihi et tibi est, mulier?* sic inveniant mathematici occasionem fallaciæ suæ, quia dixit, *Nondum venit hora mea*. Et si hoc secundum mathematicos dixit, sacrilegium fecimus incendendo codices eorum. Si autem recte fecimus, sicut Apostolorum temporibus factum est (*Act. xix, 19*); non secundum eos dixit Dominus, *Nondum venit hora mea*. Dicunt enim vanilequi et seducti seductores, Vides quia sub fato erat Christus, qui dicit, *Nondum venit hora mea*. Quibus ergo prius respondendum est; hæreticis, an mathematicis? Utrique enim a serpente illo veniunt, volentes corrumpere virginitatem cordis Ecclesie, quam habet in integra fide. Primo si placet, eis quos proposueramus, quibus quidem jam ex magna parte respondimus. Sed ne arbitrentur nos non habere quid dicamus de his verbis quae Dominus matri respondit, vos magis adversus illos instruimus: nam illis refellendis, puto quod sufficiant quæ jam dicta sunt.

9. Cur ergo ait matri filius, *Quid mihi et tibi est, mulier? nondum venit hora mea*. Dominus noster Jesus Christus, et Deus erat et homo: secundum quod Deus erat, matrem non habebat; secundum quod homo erat, habebat. Mater ergo erat carnis, mater humanitatis, mater infirmitatis quam suscepit propter nos. Miraculum autem quod facturus erat, secundum divinitatem facturus erat, non secundum infirmitatem; secundum quod Deus erat, non secundum quod infirmus natus erat. Sed infirmum Dei fortius est hominibus (*I Cor. i, 25*). Miraculum ergo exigebat mater; at ille tanquam non agnoscit viscera humana, operatus facta divina; tanquam dicens, Quod de me facit miraculum, non tu genuisti, divinitatem meam non tu genuisti: sed quia genuisti infirmitatem meam, tunc te cognoscam, cum ipsa infirmitas pendebit in cruce: hoc est enim, *Nondum venit hora mea*. Tunc enim cognovit, qui utique semper neverat. Et antequam de illa natus esset, in prædestinatione neverat matrem; et antequam ipse Deus crearet, de qua ipse homo crearetur, neverat matrem: sed ad quamdam horam in mysterio non agnoscit; et ad quamdam horam quæ nondum venerat, in mysterio rursus agnoscit. Tunc enim agnoscit, quando illud quod peperit moriebatur. Non enim moriebatur per quod facta erat Maria, sed moriebatur quod factum erat ex Maria: non moriebatur aternitas

divinitatis, sed moriebatur infirmitas carnis. Illud ergo respondit, discernens in fide credentium, quis, qua venerit. Venit enim per matrem feminam, Deus et Dominus cœli et terræ. Secundum quod Dominus mundi, quod Dominus cœli et terræ, Dominus utique et Mariane; secundum quod creator cœli et terræ, creator et Mariane: secundum autem quod dictum est, *Factum ex muliere, factum sub Lege* (*Galat. iv, 4*), filius Mariane. Ipse Dominus Mariane, ipse filius Mariane: ipse creator Mariane, ipse creatus ex Maria. Noli mirari quia et filius et dominus: sicut enim Mariane, ita et David dictus est filius; et ideo David filius, quia Maria filius. Audi Apostolum aperte dicentem, *Qui factus est ei ex semine David secundum carnem* (*Rom. i, 3*). Audi eum et Dominum David; dicat hoc ipse David: *Dixit Dominus Dominino meo, Sede ad dexteram meam* (*Psal. cix, 4*). Et ipse Jesus hoc proposuit Judæis, et eos inde convicit (*Math. xxii, 45*). Quomodo ergo David et filius et dominus; filius David secundum carnem, dominus David secundum divinitatem: sic Mariane filius secundum carnem, et Mariane dominus secundum majestatem. Quia ergo non erat illa mater divinitatis, et per divinitatem futurum erat miraculum quod petebat; respondit ei, *Quid mihi et tibi est, mulier?* sed ne putas quod te negem matrem, *Nondum venit hora mea*: ibi enim te agnoscam, cum pendere in cruce coepit infirmitas cuius mater es. Probemus si verum est. Quando passus est Dominus, sicut idem evangelista dicit, qui neverat matrem Domini, et qui nobis insinuavit etiam in his nuptiis matrem Domini, ipse narrat: *Erat, inquit, illuc circa crucem mater Iesu, et ait Jesus matri sue, Mulier, ecce filius tuus: et ad discipulum, Ecce mater tua* (*Joan. xix, 25-27*). Commendat matrem discipulo: commendat matrem prior matre moriturus, et ante matris mortem resurrecturus; commendat homo homini hominem. Hoc pepererat Maria. Illa hora jam venerat, de qua tunc dixerat, *Nondum venit hora mea*.

40. Quantum arbitror, fratres, responsum est hæreticis: mathematicis respondeamus. Et ipsi unde coenantur convincere quia sub fato erat Jesus? Quia ipse ait, inquit, *Nondum venit hora mea*. Ergo illi credimus; et si dixisset, Horam non habeo, exclusisset mathematicos: sed ecce, inquit, ipse dixit, *Nondum venit hora mea*. Si ergo dixisset, Horam non habeo, exclusisset mathematicos, non esset unde calumniarentur: nunc vero quia dixit, *Nondum venit hora mea*, contra ipsius verba quid possumus dicere? Mirum est quod mathematici credendo verbis Christi, conantur convincere Christianos quod sub hora fatali vixerit Christus. Credant ergo Christo dicenti, *Potestatem habeo ponendi animam meam, et iterum sumendi eam: nemo tollit eam a me, sed ego pono eam a me ipso, et iterum sumo eam* (*Id. x, 18*). Ergone ista potestas sub fato est? Ostendant hominem qui potestatem habeat quando moriatur, quādū vivat: omnino non ostendent. Credant ergo Deo dicenti, *Potestatem habeo ponendi animam meam, et iterum sumendi eam:* et querant quare sit dictum, *Nondum venit hora mea*; nec ideo jam sub fato ponant conditorem cœli, crea-

torem atque ordinatorem siderum. Quia si esset fatum de sideribus, non poterat esse sub necessitate siderum. conditor siderum. Adde quia non solum Christus non habuit quod appellas fatum; sed nec tu, aut ego, aut ille, aut quisquam hominum.

11. Verumtamen seducti seducunt, et proponunt fallacias hominibus: tendunt ad capiendos homines, et hoc in plateis. Nam qui tendunt ad capiendas feras, vel in silvis atque in solitudine id agunt: quam infeliciter vani sunt homines, quibus capiendis in foro tenditur! Nummos accipiunt, cum se homines hominibus vendunt; dant isti nummos, ut se vanitatibus vendant. Intrant enim ad mathematicum, ut emant sibi dominos, quales mathematico dare placuerit; vel Saturnum, vel Jovem, vel Mercurium, vel si quid aliud sacrilegi nominis. Intravit liber, ut nummis datis servus exiret. Imo vero non intraret, si liber esset: sed intravit quo eum dominus error, et domina cupiditas traxit. Unde et Veritas dicit: *Omnis qui facit peccatum, servus est peccati* (*Joan. viii, 34*).

12. Quare ergo dixit, *Nondum venit hora mea?* Magis quia in potestate habebat quando moreretur, nondum videbat esse opportunum ut illa potestate uteretur. Quomodo nos, fratres, verbi gratia, sic loquimur. Jam certa hora est, qua examus ut celebremus sacramenta? Si ante examus quam opus est, nonne perversi et preposteri sumus? Quia ergo non facimus, nisi quando opportunum est; propterea in his agendis, cum ita loquimur, fatum consideramus? Quid est ergo, *Nondum venit hora mea?* Quando ego scio opportunum me pati, quando passio mea utilis erit, nondum venit ipsa hora; tunc voluntate patiar: ut utrumque serves¹, et, *Nondum venit hora mea;* et, *Potestatem habeo ponendi animam meam, et iterum sumendi eam.* Venerat ergo habens in potestate quando moreretur. At si ante moreretur quam discipulos elegisset, certe præpostorum esset: si esset homo qui non haberet in potestate horam suam, posset ante mori quam discipulos elegisset; et si forte moreretur jam electis eruditisque discipulis, præstaretur ei, non ipse hoc faceret. At vero qui venerat in manu habens quando iret, quando rediret, quo usque excurreret, cui paterent inferi, non tantum morienti, sed et resurgentí, ut nobis ostenderet spem immortalitatis Ecclesiae suæ, in capite ostendit quod membra exspectare deberent. Resurget etiam in cæteris membris, qui resurrexit in capite. Hora ergo nondum venerat, opportunitas nondum erat. Vocandi erant discipuli, annuntiandum erat regnum cœlorum, facienda erant virtutes, commendanda erat divinitas Domini in miraculis, commendanda erat humanitas Domini in ipsa compassione mortalitatis. Ille enim qui esuriebat, quia homo erat, pavit quinque panibus tot millia, quia Deus erat: qui dormiebat, quia homo erat, ventis et fluctibus impetrabat, quia Deus erat. Haec omnia commendanda erant prius, ut esset quod scriberent Evangelistæ, quod prædicaretur Ecclesiæ. At ubi tantum fecit, quantum sufficere judicavit; venit hora non necessitatis, sed vo-

buntatis, non conditionis, sed potestatis.

13. Quid ergo, fratres, quia illis et illis respondimus, nihil dicemus quid sibi velint hydræ, quid aqua in vinum conversæ, quid architriclinus, quid sponsus, quid mater Jesu in mysterio, quid ipse nuptiæ? Dicenda sunt omnia, sed onerandi non estis. Volui quidem in nomine Christi et hesterno die, quo solet sermo deberi Charitati vestræ, id agere vobiscum, sed non sum permissus necessitatibus quibusdam impedientibus. Si ergo placet Sanctitati vestræ, hoc quod ad mysterium pertinet hujus facti, in crastinum differamus, et non oneremus et vestram et nostram infirmitatem. Sunt forte hodie multi qui propter solemnitatem diei, non propter audiendum sermonem convernunt. Crastino qui venient, veniant audituri; ut nec fraudemus studiosos, nec gravemus fastidiosos.

TRACTATUS IX.

In eamdem Evangelii lectionem. Quid mysterii sit in miraculo facto in nuptiis apud Cana Galilææ. Cap. ii, §. 4-11.

1. Adsit Dominus Deus noster, ut donet nobis reddere quod promisiimus. Hesterno enim die, si meminimus Sanctitas vestra, cum temporis excluderemur angustia, ne sermonem inchoatum impleremus, in hodiernum distulimus, ut ea quæ in hoc facto evangelicæ lectionis mystice in sacramentis posita essent, ipso adjuvante aperirentur. Non itaque opus est jam immorari diutius in commendando Dei miraculo. Ipse est enim Deus qui per universam creaturam quotidiana miracula facit, quæ hominibus non facilitate, sed assiduitate viluerunt: rara autem quæ facta sunt ab eodem Domino, id est a Verbo propter nos incarnato, majorem stuporem hominibus attulerunt: non quia majora erant, quam sunt ea quæ quotidie in creatura facit, sed quia ista quæ quotidie flunt, tanquam naturali cursu peraguntur; illa vero efficacia potentie tanquam præsentis exhibita videntur oculis hominum. Diximus, sicut meministis, resurrexit unus mortuus, obstupuerunt homines; cum quotidie nasci qui non erant, nemo miretur. Sic aquam in vinum conversam, quis non miretur, cum hoc annis omnibus Deus in vitibus faciat? Sed quia omnia quæ fecit Dominus Jesus, non solum valent ad excitanda corda nostra miraculis, sed etiam ad ædificanda in doctrina fidei: scrutari nos oportet quid sibi velint illa omnia, id est, quid significent. Horum enim omnium significationes, sicut recordamini, in hodiernum distulimus.

2. Quod Dominus invitatus venit ad nuptias, etiam excepta mystica significatione, confirmare voluit quod ipse fecit nuptias¹. Futuri enim erant, de quibus dixit Apostolus, prohibentes nubere (*1 Tim. iv, 3*), et dicentes quod malum essent nuptiæ, et quod diabolus eas fecisset: cum idem Dominus dicat in Evangelio, interrogatus utruin liceat homini dimittere uxorem suam ex qualibet causa, non licere excepta causa fornicationis. In qua responsione, si meministis, hoc ait: *Quod Deus conjunxit, homu non separat* (*Math. xix, 3-6*).

¹ In aliquot MSS., et utrumque verum est.

¹ MSS. non addunt hic, *nuptias*.

Et qui bene erudit sunt in fide catholica, neverunt quod Deus fecerit nuptias, et sicut conjunctio a Deo, illa divortium a diabolo sit. Sed propterea in causa fornicationis licet uxorem dimittere, quia ipsa esse uxor prior noluit, quæ fidem conjugalem marito non servavit. Nec illæ quæ virginitatem Deo vovent, quamquam ampliorem gradum honoris et sanctitatis in Ecclesia teneant, sine nuptiis sunt: nam et ipsæ pertinent ad nuptias cum tota Ecclesia, in quibus nuptiis sponsus est Christus. Ac per hoc ergo Dominus invitatus venit ad nuptias, ut conjugalis castitas firmaretur, et ostenderetur sacramentum nuptiarum: quia et illarum nuptiarum sponsus personam Domini figurabat, cui dictum est, *Servasti vinum bonum usque adhuc. Bonum enim vinum Christus servavit usque adhuc, id est, Evangelium stum.*

3. Jam enim incipiamus ipsa sacramentorum opera detegere, quantum ille donat in cuius nomine vobis promisimus. Erat prophetia antiquis temporibus, et a prophetice dispensatione nulla tempora cessaverunt: sed illa prophetia, quando in illa Christus non intelligebatur, aqua erat. In aqua enim vinum quodammodo latet. Dicit Apostolus quid intelligamus in ista aqua: « Usque ad hodiernum, inquit, diem, quamdiu legitur Moyses, id ipsum velamen super cor eorum positum est; quod non revelatur¹, quia in Christo evacuatur. Et cum transieris², inquit, ad Dominum, auferetur velamen » (*II Cor. iii, 14-16*). Velamen dicit adoperationem prophetice, ut non intelligeretur. Tollitur velamen, cum transieris ad Dominum: sic tollitur insipientia, cum transieris ad Dominum, et quod aqua erat, vinum tibi fit. Lege libros omnes propheticos, non intellecto Christo, quid tam insipidum et fatuum invenies? Intellige ibi Christum, non solum sapit quod legis, sed etiam inebriat; mutans mentem a corpore, ut praeterita obliscens, in ea quæ ante sunt extendaris (*Philipp. iii, 13*).

4. Ergo prophetia ab antiquis temporibus, ex quo prorsus currit ordo nascentium in genere humano, de Christo non tacuit: sed occultum ibi erat; adhuc enim erat aqua. Unde probamus quod omnibus temporibus superioribus usque ad ætatem qua Dominus venit, prophetia de illo non defuit? Ipso Domino dicente. Cum enim resurrexisset a mortuis, invenit discipulos dubitantes de ipso quem securi erant. Viderunt enim eum mortuum, et non speraverunt resurrecturum, et tota spes eorum concidit. Unde ille latro laudatus, ipso die meruit esse in paradyso? Quia in cruce fixus tunc confessus est Christum (*Luc. xxiii, 40-43*), quando de illo discipuli dubitaverunt. Ergo invenit eos nutantes, et quodammodo arguentes seipsos quod in illo redemptionem speraverant. Dolebant tamen eum sine culpa occisum, quia neverant innocentem. Et hoc ipsi post re-

surrectionem dixerunt, cum quosdam eorum tristes invenisset in via: « Tu solus peregrinaris in Jerusalem, et non cognovisti quæ facta sunt in illa istis diebus? Ille autem dixit eis: Quæ? Illi autem dixerunt: De Iesu Nazareno, qui fuit vir propheta, potens in factis et dictis in conspectu Dei et universi populi, quomodo hunc tradiderunt sacerdotes et principes nostri in damnationem mortis, et cruci eum fixerunt. Nos autem sperabamus, quia ipse erat qui redempturus esset Israel; et nunc tertius dies agitur hodie¹, ex quo hæc facta sunt. » Hæc atque alia cum dixisset unus ex duabus quos invenit in via euntés ad propriaquum castellum; respondit ipse et ait: « O insensati et tardi corde ad credendum super omnia quæ locuti sunt Prophetæ! nonne hæc omnia oportebat pati Christum, et introire in claritatem suam? Et fuit incipiens a Moyse et omnibus Prophetis, interpretans illis in omnibus Scripturis, quæ de ipso erant. » Item alio loco, cum etiam palpari se manibus discipulorum voluit, ut crederent, quia in corpore resurrexerat: « Hi sunt, inquit, sermones, quos locutus sum ad vos, cum adhuc essem vobiscum, quia oporteret impleri omnia quæ scripta sunt in Lege Moysi, et Prophetis, et Psalmis de me. Tunc adaperuit illis sensum, ut intelligerent Scripturas, et dixit illis: Quia sic scriptum est, pati Christum², et resurgere a mortuis tertha die, et praedicari in nomine ejus poenitentiam et remissionem peccatorum in omnes gentes, incipiens ab Jerusalem. »

5. His ex Evangelio, quæ certe manifesta sunt, intellectis, patebunt illa omnia mysteria quæ in isto miraculo Domini latent. Vide quid ait, quia oportebat impletri in Christo quæ de illo scripta sunt. Ubi scripta sunt? In Lege, inquit, et Prophetis, et Psalmis. Nihil Scripturarum veterum prætermisit. Illa erat aqua; et ideo dicti sunt illi a Domino insensati, quia eis adhuc aqua sapiscebat, non vinum. Quomodo autem fecit de aqua vinum? Cum aperuit eis sensum, et exposuit eis Scripturas, incipiens a Moyse per omnes Prophetas. Unde jam inebriati dicebant, *Nonne cor nostrum erat ardens in via, cum aperiret nobis Scripturas* (*Luc. xxiv, 43-47*)? Intellexerunt enim Christum in his Libris in quibus etiam non neverant. Mutavit ergo aquam in vinum Dominus noster Jesus Christus, et sapit quod non sapiscebat, inebriat quod non inebriabat. Si enim jussisset inde aquam effundi, et sic ipse mitteret vinum ex occultis creature sinibus, unde fecit et panem quando saturavit tot millia: non enim quinque panes habébant quinque' millium hominum saturitatem, aut saltem duodecim cephalinos plenos (*Math. xiv, 17-21*), sed omnipotentia Domini quasi fons panis erat; sic posset et effusæ aqua vinum infundere: quod si fecisset, videretur Scripturas veteres improbasse. Cum autem ipsam aquam convertit in vinum, ostendit nobis quod et Scriptura vetus ab ipso est: nam jussu ipsius impletæ sunt hydriæ. A Domino quidem et illa Scriptura; sed nihil sapit, si

¹ Lov., nunc revelatur. At editi alii et MSS. habent, non revelatur; pro quo apud Apostolum legitur in Vulg., manet non revelatum.

² Vulgata, conversus fuerit. At Augustinus non hic solum, sed etiam libro 12 contra Faustum, cap. 4, et alibi scribit, transieris: forte græcum epistrepse summis interpres a verbo medio, secunda persona.

¹ MSS. I. lures, tertium diem agit hodie: iuxta grac., tritén tunérē emeran aëgi sémeron.

² Er. Lugd. Ven. Lov.: Quia sic scriptum est, et sic oportebat pati Christum. Abest a MSS., et sic oportebat, ut Lov. animadvertiscat. M.

non ibi Christus intelligatur.

6. Intendite autem quod ipse ait, *Quæ scripta sunt in Lege, et Prophetis, et Psalmis de me.* Novimus autem Legem ex quibus temporibus narret, id est, ab exordio mundi: *In principio fecit Deus cælum et terram* (*Gen. 1, 1*). Inde usque ad hoc tempus quod nunc agimus, sexta ætas est, ut saepe audistis et nos. Nam prima ætas computatur ab Adam usque ad Noe: se-cunda a Noe usque ad Abraham: et sicut Matthæus Evangelista per ordinem sequitur et distinguit, tertia ab Abraham usque ad David: quarta a David usque ad transmigrationem in Babyloniam: quinta a transmigratione in Babyloniam usque ad Joannem Bapti-stam (*Matth. 1, 17*): sexta inde usque ad finem sæculi. Propterea et sexta die fecit Deus hominem ad imaginem suam (*Gen. 1, 27*): quia sexta ista ætate manifestatur per Evangelium reformatio mentis no-stre, secundum imaginem ejus qui creavit nos (*Coloss. iii, 10*); et convertitur aqua in vinum, ut jam mani-festatum Christum in Lege et Prophetis sapiamus. Ideo erant ibi sex hydriæ, quas jussit impleri aqua. Sex ergo illæ hydriæ, sex ætates significant, quibus non defuit prophetia. Illa ergo tempora sex, quasi articulis distributa atque distincta, quasi vasa essent in-a-nia, nisi a Christo implerentur. Quid dixi, tempora que inaniter current, nisi in eis Dominus Jesus prædicaretur? Impletæ sunt prophetæ, plente sunt hy-driæ: sed ut aqua in vinum convertatur, in illa tota prophetia Christus intelligatur.

7. Quid est ergo, *Capiebant metretas binas vel ter-nas?* Mysterium nobis maxime ista locutio commendat. Metretas enim dicit mensuras quasdam, tanquam si diceret urbas, amphoras, vel si quid hujusmodi. No-men mensuræ est metreta, et a mensura accepit nomen ista mensura. Μέτρον enim mensuram dicunt Græci: inde appellatae metretæ. *Capiebant ergo metretas binas vel ternas.* Quid dicimus, fratres? Si ternas tantum diceret, non curreret animus noster nisi ad mysterium Trinitatis. Sed forte nec sic debemus inde cito jam sensum avértere, quia dixit binas vel ternas: quia no-minato Patre et Filio, consequenter et Spiritu sanctu-intelligentius est. Spiritus enim sanctus non est Patris tantummodo, aut Filii tantummodo Spiritus; sed Patris et Filii Spiritus. Scriptum est enim, *Si quis dilexerit mandatum, non est Spiritus Patris in illo* (*Ioan. n, 15*): item scriptum est, *Quisquis autem Spiritum Christi non habet, hic non est ejus* (*Rom. viii, 9*). Idem autem Spiritus Patris et Filii. Nominato itaque Patre et Filio, intelligitur et Spiritus sanctus; quia Spiritus est Patris et Filii. Cum autem nominatur Pater et Fi-lius, tanquam duæ metretæ nominantur, cum autem ibi intelligatur Spiritus sanctus, tres metretæ. Ideo non dictum est, capientes metretas aliæ binas, aliæ ternas: sed ipsæ sex hydriæ capiebant metretas binas vel ternas. Tanquam diceret, Et quando dico binas, etiam Spir-itum Patris et Filii cum his intelligi volo: et quando dico ternas, ipsam Trinitatem manifestius enuntio.

¹ Sic omnes codices. At Vulgata, *charitas*: consonante græco.

8. Quisquis itaque nominat Patrem et Filium, oportet ibi intelligat tanquam charitatem invicem Patris et Filii, quod est Spiritus sanctus. Fortassis enim dis-cussæ Scripturæ: quod non sic dico, ut hodie docere possim, aut quasi aliud inveniri non possit: sed tam-en fortasse scrutatae Scripturæ indicant quod Spir-itus sanctus charitas est. Et ne putetis villem esse charitatem. Quomodo autem vilis est, quando omnia quæ dicuntur non vilia, chara dicuntur? Si ergo quæ non sunt vilia, chara sunt; quid est charius ipsa charitate? Sic autem commendatur charitas ab Apostolo, ut dicat: « Supereminentiorem viam vobis demon-strabo. Si linguis hominum loquar et Angelorum, charitatem autem non habeam, factus sum feramentum sonans, aut cymbalum tinniens: et si sciero omnia sacramenta et omnem scientiam, et habuero prophe-tiam et omnem fidem, ita ut montes transferam, charitatem autem non habeam, nihil sum: et si distri-buero omnia mea pauperibus, et tradidero corpus meum ut ardeam, charitatem autem non habeam, ni-hil nihil prodest» (*I Cor. xii, 31, xiii, 1-3*). Quanta est ergo charitas, quæ si desit, frustra habentur ex-tera; si adsit, recte¹ habentur omnia? Tamen charita-tem laudans apostolus Paulus copiosissime atque uber-rime, minus de illa dixit quam quod ait breviter apo-stolus Joannes, cuius est hoc Evangelium. Neque enim dubitavit dicere, *Deus charitas est* (*I Joan. iv, 16*). Scriptum est etiam, *Quia charitas Dei diffusa est in cor-diibus nostris per Spiritum sanctum qui datus est nobis* (*Rom. v, 5*). Quis ergo nominet Patrem et Filium, et non ibi intelligat charitatem Patris et Filii? Quam cum habere coepit, Spiritum sanctum habebit: quam si non habuerit, sine Spiritu sancto erit. Et quomodo corpus tuum sine spiritu, quod es anima tua, si fuerit, mortuum est; sic anima tua sine Spiritu sancto, id est, sine charitate si fuerit, mortua deputabitur. Ergo me-tretas binas capiebant hydriæ, quia in omnium tempo-rum prophetia Pater et Filius prædicatur: sed ibi est et Spiritus sanctus; ideoque adjunctum est, *vel ternas*. *Ego et Pater*, inquit, *unum sumus* (*Joan. x, 30*): sed absit ut desit Spiculus sanctus, ubi audimus, *Ego et Pater unum sumus*. Tamen quia Patrem et Filium nominavit, capiant hydriæ binas metretas; sed audi, *vel ternas*: *Ite, baptizate gentes in nomine Patris et Filii et Spiritus sancti* (*Matth. xxviii, 19*). Itaque in eo quod dicuntur binæ, non exprimitur, sed intelli-gitur; in eo vero quod dicuntur *vel ternæ*, etiam exprimitur Trinitas.

9. Sed est et alijs intellectus non prætermittendus, et ipsum dicam: eligat quisque quod placet; nos quod suggestur non subtrahimus. Mensa enim Do-mini est, et non oportet ministrum fraudare convivas, præsertim sic esurientes, ut appareat aviditas vestra². Prophetia quæ ab antiquis temporibus dispensatur, ad salutem omnium gentium pertinet. Ad solum quidem populum Israel missus est Moyses, et ei soli po-pulo per eum Lex data est, et ipsi Prophetæ ex illo

¹ In MSS. omittitur, *recte*.

² Apud Er. Lugd. Ven. Lov., *et apparel aviditas vestra*. M

populo fuerunt, et ipsa distributio temporum secundum cumdem populum distincta est; unde et hydriæ dicuntur *secundum purificationem Judæorum*: sed tamen quod illa prophetia etiam cæteris gentibus annuntiabatur, manifestum est; quandoquidem Christus in eo occultus erat, in quo benedicuntur omnes gentes, sicut promissum est Abrahæ dicente Domino, *In semine tuo benedicentur omnes gentes* (*Gen. xii, 18*). Nondum autem intelligebatur, quia nondum aqua conversa erat in vinum. Ergo omnibus gentibus dispensabatur prophetia. Quod ut emineat jucundius, de singulis ætatis, tanquam de singulis hydriis, pro tempore quædam commemoremus.

10. In ipso exordio Adam et Eva parentes omnium gentium erant, non tantummodo Judæorum; et quidquid figurabatur in Adam de Christo, ad omnes utique gentes pertinebat, quibus salus est in Christo. Quid ergo potissimum dicam de aqua primæ hydriæ, nisi quod Apostolus ait de Adam et Eva? Nemo enim me dicet prave intellexisse, quando intellectum non meum, sed Apostoli profero. Illud ergo unum quantum mysterium de Christo continet, quod commemorat Apostolus, dicens, *Et erunt duo in carne una: sacramentum hoc magnum est* (*Ephes. iii, 31 et 32*)? Et ne quis magnitudinem istam sacramenti in singulis quibusque hominibus uxores habentibus intelligeret, *Ego autem, inquit, dico in Christo et in Ecclesia*. Quod est hoc sacramentum magnum, *Erunt duo in carne una?* Cum de Adam et Eva Scriptura Geneseos loqueretur, unde ventum est ad hæc verba, *Propterea relinquet homo patrem et matrem, et adhærebit uxori suæ; et erunt duo in carne una* (*Gen. ii, 24*). Si ergo Christus adhaesit Ecclesiæ, ut essent duo in carne una, quomodo reliquit Patrem? quomodo matrem? Reliquit Patrem, quia cum in forma Dei esset, non rapinam arbitratus est esse æqualis Deo, sed semetipsum exinanivit, formam servi accipiens (*Philipp. ii, 6, 7*). Hoc est enim, reliquit Patrem, non quia deseruit et reessit a Patre; sed quia non ea in forma apparuit hominibus in qua æqualis est Patri. Quomodo reliquit matrem? Relinquendo synagogam Judæorum, de qua secundum carnem natus est; et inherendo Ecclesiæ, quam ex omnibus gentibus congregavit. Ergo et prima hydria habebat prophetiam de Christo: sed quando ista quæ loquor non prædicabantur in populis, adhuc aqua erat, in vinum mutata nondum erat. Et quia illuminavit nos per Apostolum Dominus, ut ostenderet nobis quid ibi quereremus in ipsa una sententia, *Erunt duo in carne una; sacramentum magnum in Christo et in Ecclesia*; jam licet nobis ubique Christum querere, et de omnibus hydriis vinum potare. Dormit Adam ut fiat Eva: moritur Christus ut fiat Ecclesia. Dormienti Adæ sit Eva de latere (*Gen. ii, 21*): mortuo Christo lancea percutitur latus (*Joan. xix, 34*), ut profluant sacramenta, quibus formetur Ecclesia. Cui non appareat quia in illis tunc factis futura figurata sunt, quandoquidem dicit Apostolus ipsum Adam formam futuri esse? *Qui est, inquit, forma futuri* (*Rom. v, 14*). Præfigurabantur omnia

mystice. Neque enim vere non poterat Deus vigilanti costam educere, feminamque formare. An forte ne doferet latus quando costa detracta est, propter hoc oportebat ut ille dormiret? Quis est qui sic dormiat, ut ei ossa non evigilanti evellantur? An quia Deus evellebat, propterea homo non sentiebat? Poterat ergo et vigilanti sine dolore evellere, qui potuit dormienti. Sed procul dubio hydria prima implebatur: prophetia illius temporis de futuro isto tempore dispensabatur.

11. Christus etiam figuratus est in Noe, et in illa arca orbis terrarum. Quare enim in arca inclusa sunt omnia animalia (*Gen. vii, 7-9*), nisi ut significarentur omnes gentes? Non enim deerat Deo rursus creare omne genus animalium. Quando enim omnia non erant, nonne dixit, *Producat terra*, et produxit terra (*Id. i, 24*)? Unde ergo tunc fecit, inde reficeret; verbo fecit, verbo reficeret: nisi quia mysterium commendabat, et secundam hydriam propheticæ dispensationis implebat, ut per lignum liberaretur figura orbis terrarum; quia in ligno figenda erat vita orbis terrarum?

12. Jam in tertia hydria, ipsi Abrahæ, quod jam commemoravi, dictum est, *In semine tuo benedicentur omnes gentes*. Et quis non videat cujus habebat figuram unicu[m] ejus, qui sibi ad sacrificium, quo ipse immolandus ducebatur, ligna portabat? Portavit enim Dominus crucem suam, sicut Evangelium loquitur (*Joan. xix, 17*). Hoc de tertia hydria commemorasse sufficerit.

13. De David autem, quid dicam quod ad omnes gentes pertinebat prophetia ejus; quando modo audiavimus Psalmum, et difficile est ut dicatur psalmus ubi hoc non sonet? Sed certe, ut dixi, modo cantavimus, *Surge, Deus, judica terram; quoniam tu hereditabis in omnibus gentibus* (*Psal. lxxxi, 8*). Et ideo Do[n]atistæ tanquam projecti de nuptiis: sicut ille homo qui non habebat vestem nuptialem, invitatus est et venit, sed projectus est de numero vocatorum, quia non habebat vestem ad sponsi gloriam; qui enim suam gloriam querit, non Christi, non habet vestem nuptialem: non enim volunt consonare voci illius qui amicus erat sponsi, et ait, *Hic est qui baptizat* (*Joan. i, 33*). Nec immerito illi qui non habebat vestem nuptialem, hoc per increpationem objectum est, quod non erat: *Amice, quid hic venisti?* Et sicut ille obnubuit (*Matth. xxii, 11-13*), ita et isti. Quid enim prodest strepitus oris, muto corde? Noverunt quippe intus apud semetipsos non se habere quod dicant. Intus obmutuerunt, foris perspèrunt. Audiunt, velint molint, etiam apud se cantari, *Surge, Deus, judica terram; quoniam tu hereditabis in omnibus gentibus*: et non communicando omnibus gentibus, quid aliud quam se exhiberatos esse cognoscunt?

14. Quod ergo dicebam, fratres, quia ad omnes gentes pertinet prophetia: volo enim alium sensum ostendere in eo quod dictum est, *Capientes metetas binas vel ternas: ad omnes, inquam, gentes pertinet prophetia*; modo commemoravimus demonstratum in

Adam, qui est forma futuri. Quis autem nesciat quod de illo exortae sunt omnes gentes ; et in ejus vocabulo quatuor litteris , quatuor orbis terrarum partes per græcas appellaciones demonstrantur ? Si enim græce dicantur , Oriens , Occidens , Aquilo , Meridies , sicut eas plerisque locis sancta Scriptura commemorat ; in capitibus verborum invenis Adam : dicuntur enim græce quatuor memoratae mundi partes ἀνατολὴ, δύσις, οὐρα, μεσημβρία. Ista quatuor nomina si tanquam versus quatuor sub invicem scribas , in eorum capitibus Adam legitur. Hoc in Noe propter arcam figuratum est, in qua erant omnia animalia , quæ significabant omnes gentes : hoc in Abraham , cui apertius dictum est , *In semine tuo benedicentur omnes gentes* : hoc in David, de cuius Psalmis, ut alia omittam, modo cantavimus, *Surge, Deus, judica terram* ; *quoniam tu hæreditabis in omnibus gentibus*. Cui enim Deo dicitur , *Surge, Deus, judica terram*. Tanquam diceretur, Dormisti, judicatus a terra ; surge , ut judices terram. Et quo pertinet illa prophætia , *Quoniam tu hæreditabis in omnibus gentibus?*

15. Jam vero in quinta ætate , tanquam in quinta hydria , Daniel vidit lapidem præcisum de monte sine manibus , et fregisse omnia regna terrarum ; et crevississe illum lapidem , et factum esse montem magnum , ita ut impleret universam faciem terræ (*Dan. ii, 34, 35*). Quid apertius, fratres mei ? Lapis de monte præciditur : ipse est lapis quem reprobaverunt ædificantes , et factus est in caput anguli (*Psal. cxvii, 22*). De quo monte præciditur, nisi de regno Judæorum , unde Dominus noster Jesus Christus secundum carnem natus est ? Et præciditur sine manibus , sine opere humano ; quia sine amplexu maritali de virgine exortus est. Mons ille unde præcisis est, non impletaverat universam faciem terræ : non enim tenuerat regnum Judæorum omnes gentes. At vero regnum Christi , universum orbem terrarum cernimus occupare.

16. Jam ad sextam ætatem pertinet Joannes Baptista, quo nemo exsurrexit major in natis mulierum : de quo dictum est , *Major quam propheta* (*Math. xi, 11, 9*). Quomodo et ipse ostendit, quia omnibus gentibus missus est Christus ? Quando Judæi venerunt ad eum ut baptizarentur, et ne superbirent de nomine Abraham , *Generatio*, inquit, *viperarum, quis ostendit vobis fugere ab ira ventura? facite ergo fructum dignum paenitentiae* ; id est , humiles estote : superbis enim loquebatur. Unde autem erant superbii ? De genere carnis , non de fructu imitationis patris Abraham . Quid eis ait ? *Nolite dicere, Patrem habemus Abraham: potens est enim Deus de lapidibus istis suscitare filios Abrahæ* (*Math. iii, 9*). Lapidem dicens omnes gentes , non propter firmitatem , sicut lapis dictus est quem reprobaverunt ædificantes ; sed propter stoliditatem et duritiam stultitiae , quia eis quos adorabant similes facti erant : adorabant enim insensata simulacra, pariter insensati. Unde insensati ? Quoniam in Psalmo dicitur , *Similes illis fiant qui faciunt ea, et omnes qui confidunt in eis* (*Psal. cxvi, 8*). Ideo cum cœperint

homines Deum adorare , quid audiunt ? Ut *etis filii Patris vestri qui in cælis est, qui solem suum facit oriri super bonos et malos, et pluit super justos et injustos* (*Math. v, 45*). Quapropter si ei sit homo similis quem adorat ; quid est , *Potens est Deus de lapidibus istis suscitare filios Abrahæ*? Nos ipsos interrogemus, et videmus quia factum est. Nos enim de gentibus venimus ; de gentibus autem non veniremus , nisi Deus de lapidibus suscitasset filios Abrahæ. Facti sumus filii Abrahæ imitando fidem , non nascendo per carnem. Sicut enim illi degenerando exhæredati ; sic nos imitando adoptati. Ergo, fratres , ad omnes gentes pertinebat etiam ista sexta hydrie prophætia ; et ideo de omnibus dictum est , *Capientes metretas binas vel ternas*.

17. Sed quomodo ostendimus omnes gentes pertinere ad binas vel ternas metretas ? Aestimantis enim fuit quodammodo , ut ipsas diceret binas , quas dixerat ternas , ad commendandum scilicet sacramentum. Quomodo sunt binæ metretæ ? Circumcisio et præputium. Hos duos populos Scriptura commemorat , et nullum prætermittit hominum genus , quando dicit , *Circumcisio et præputium* (*Coloss. iii, 11*) ; in duobus istis nominibus habes omnes gentes : binæ metretæ sunt. His duobus parietibus de diverso venientibus ad pacem in seipso faciendam , lapis angularis factus est Christus (*Ephes. ii, 14-20*). Ostendamus et ternas metretas in eisdem ipsis omnibus gentibus. Tres erant filii Noe (*Gen. v, 31*), per quos reparatum est genus humanum. Unde Dominus ait : *Simile est regnum cœlorum fermento, quod accepit mulier et abscondit in sarcinæ mensuris tribus, quo ad usque fermentaretur totum* (*Luc. xiii, 21*). Quæ est ista mulier , nisi caro Domini ? Quod est fermentum , nisi Evangelium ? Quæ sunt tres mensuræ , nisi omnes gentes , propter tres filios Noe ? Ergo sex hydriæ capientes binas vel ternas metretas , sex sunt ætates temporum , capientes prophetiam pertinentem ad omnes gentes , sive in duabus generibus hominum , id est , Judæis et Græcis , sicut sæpe Apostolus commemorat (*Rom. ii, 9; I Cor. i, 24, etc.*) ; sive in tribus , propter Noe tres filios , significatas. Figurata est enim prophætia pertingens usque ad omnes gentes. Nam in eo quod pertingit , dicta est metreta , sicut dicit Apostolus , *Accepimus mensuram pertingendi usque ad vos* (*II Cor. x, 13*). Gentibus enim evangelizans , hoc ait , *mensuram pertingendi usque ad vos*.

TRACTATUS X.

Ab eo Evangelii loco, Post hæc descendit ad Capharnaum ipse et mater ejus, etc., usque ad id, Ille autem dicebat de templo corporis sui. Cap. ii, ¶ 12-21.

1. In Psalmo audistis gemitum pauperis , cuius membra per totam terram tribulationes patiuntur usque in finem sæculi. Satis agite , fratres mei , esse in his membris et de his membris : nam tribulatio tota transitura est. Væ gaudentibus (*Luc. vi, 25*) ! Veritas dicit : *Beati lugentes, quoniam ipsi consolabuntur* (*Math. v, 5*). Deus homo factus est : quid futurus est homo , propter quem Deus factus est homo ? Hæc spes

consoletur nos in omni tribulatione et tentatione hujus vitae. Non enim cessat inimicus perseguiri; et si non aperte sœvit, insidiis agit. Quid enim agit?¹ *Et super iram dolose agebant* (*Psalm. xxxiv, 20*). Inde dictus est Ico et draco. Sed quid dicitur Christo? *Et concubabis leonem et draconem* (*Psalm. xc, 13*). Leo propter apertam iram, draco propter occultas insidias. Draco ejecit Adam de paradiſo, idem ipse leo persecutus est Ecclesiam, dicente Petro, *Quia adversarius vester diabolus sicut leo rugiens circuit, querens quem devoret* (*1 Peter. v, 8*). Non tibi sœvitiam suam perdidisse diabolus videatur: quando blanditur, tunc magis cavendus est. Sed inter has omnes insidias et ejus tentationes, quid faciemus, nisi quod ibi audivimus, *Ego autem, cum mihi molesti essent, inducbam me cilicio, et humiliabam in jejuniu animani meam*. Est qui exaudiat, ne dubitetis orare: qui autem exaudiūt, intus manet. Non in montem aliquem oculos dirigatis, non faciem in stellas aut solem aut lunam levetas. Non tunc exaudiri vos arbitriamini, quando super mare oratis: imo detestamini tales orationes. Munda tantum cubiculum cordis: ubi fueris, ubicumque oraveris, intus est qui exaudiat, intus in secreto, quem sinum vocat cum ait, *Et oratio mea in sinu meo convertetur* (*Psalm. xxxiv, 13*). Qui te exaudit, non est praeter te. Non longe vadas, nec te extollas, ut quasi attingas illum manibus. Magis si te exfuleris, eades: si te humiliaveris, ipse appropinquabit. Hic Dominus Deus noster Verbum Dei; Verbum caro factum, Filius Patris, Filius Dei, Filius hominum: excelsus ut nos facheret, humilis ut nos resiceret, ambulans inter homines, patiens humana, absondens divina.

2. Descendit, ut dicit Evangelista, *In Capharnaum, ipse et mater eius, et fratres eius, et discipuli eius, et ibi manserunt non multis diebus*. Ecce habet matrem, habet fratres, habet et discipulos: inde fratres, unde matrem. Fratres enim Scriptura nostra, non eos solos appellare consuevit, qui nascuntur ex eodem viro et femina, aut ex eodem utero, aut ex eodem patre, quamvis diversis matribus; aut certe ex eodem gradu, velut compatriuelles aut consobrinos: non solum hos fratres novit dicere Scriptura nostra. Quomodo loquitur, sic intelligenda est. Habet linguam suam: quicumque hanc linguam nescit, turbatur, et dicit, Unde fratres Domino? Num enim Maria iterum peperit? Absit. Inde cecepit dignitas virginum. Illa femina mater esse potuit, mulier esse non potuit. Dicta est autem mulier secundum semineum sexum, non secundum corruptiōnem integratitatis: et hoc ex lingua ipsius Scripturæ. Nam et Eva statim facta de latere viri sui, nondum contacta a viro suo, nostis quia mulier appellata est: *Et formavit eam in mulierem* (*Gen. ii, 22*). Unde ergo fratres? Cognati Marie fratres Domini, de quolibet gradu cognati. Unde probanii? Ex ipsa Scriptura. Frater Abrahæ dictus est Lot (*Id. xiii, 8, et xiv, 14*); filius erat fratris ipsius. Lege, et invenies quia Abram patruus erat Lot (*Id. xi, 27, 31*), et dicti sunt fra-

tres. Unde, nisi quia cognati? Item Jacob Laban Syrum habebat avunculum: frater enim erat Laban matris Jacob, id est Rebeccæ uxoris Isaac (*Id. xxviii, 2*). Lege Scripturam, et invenies quia fratres dicuntur avunculus et sororis filius (*Id. xxix, 12-15*). Quia regula cognita, invenies omnes consanguineos Mariæ fratres esse Christi.

3. Sed illi discipuli magis erant fratres; quia et illi cognati fratres non essent, si discipuli non essent: et sine causa fratres, si magistrum non agnoscerent fratrem. Nam quodam loco cum ei nuntiati essent mater et fratres ejus foris stantes, ille autem cum discipulis suis loquebatur; ait: *Quae mihi mater, vel qui fratres?* *Et extendens manum super discipulos suos, dixit, Ibi sunt fratres mei*: et, *Quicumque fecerit voluntatem Patris mei, ille mihi mater, et frater, et soror est* (*Matthew. xii, 46-50*). Ergo et Maria, quia fecit voluntatem Patris. Hoc in ea magnificavit Dominus, quia fecit voluntatem Patris, non quia caro genuit carnem. Intendat Charitas vestra. Propterea cum Dominus in turba admirabilis videretur, faciens signa et prodigia, et ostendens quid lateret in carne, admirata quedam animæ dixerunt: *Felix venter qui te portavit*. Et ille: *Imo felices qui audiunt verbum Dei, et custodiunt* (*Luc. xi, 27, 28*). Hoc est dicere, Et mater mea quam appellasti felicem, inde felix quia verbum Dei custodit: non quia in illa Verbum caro factum est, et habitavit in nobis (*John. i, 14*); sed quia custodit ipsum Verbum Dei per quod facta est, et quod in illa caro factum est. Homines non gaudent prole temporali, exsultent si spiritu junguntur Deo. Haec diximus propter id quod ait Evangelista, quia cum matre sua et fratribus suis et discipulis habitavit in Capharnaum paucis diebus.

4. Inde quid sequitur? *Et prope erat Pascha Iudeorum, et ascendit Jerosolymam*. Aliam rem narrat, sicut se habebat recordatio annuntiantis. « *Et invenit in templo vendentes boves et oves et columbas, et nummularios sedentes: et cum fecisset quasi flagellum de resticulis, omnes ejecit de templo; boves quoque et oves, et nummulariorum effudit æs, et mensas subvertit; et his qui columbas vendebant, dixit, Auferte ista hinc, et nolite facere domum Patris mei domum negotiationis.* » *Quid audivimus, fratres?* Ecce templum illud figura adhuc erat, et ejecit inde Dominus omnes qui sua quærebant, qui ad nundinas venerant. Et quæ ibi vendebant illi? Quæ opus habebant homines in sacrificiis illius temporis. Novit enim Charitas vestra quod sacrificia illi populo pro ejus carnalitate et corde adhuc lapideo talia data sunt, quibus teneretur ne in idola deflueret; et immolabant ibi sacrificia, boves, oves et columbas: nostis, quia legit̄. Non ergo magnum peccatum, si hoc vendebant in templo, quod emebatur ut offerretur in templo; et tamen ejecit inde illos. Quid, si ibi ebriosos inveniret, quid faceret Dominus; si vendentes ea quæ licita sunt, et contra iustitiam non sunt (quæ enim honeste emuntur, non illicite venduntur), expulit tamen, et non est passus domum orationis fieri domum negotiationis? Si nego-

¹ Maxima pars Miss.: *Quid enim ait? Et super iram.*

tiationis domus non debet fieri domus Dei, potationis debet fieri? Nos autem quando ista dicimus, stridunt dentibus suis aduersus nos: et consolatur nos psalmus quem audistis, *Striderunt super me dentibus suis.* Novimus et nos audire unde curemur, etsi ingeminantur flagella Christo, quia flagellatur sermo ipsius: *Congregata sunt, inquit, in me flagella, et nescierunt*¹. Flagellatus est flagellis Judaeorum, flagellatur blasphemis falsorum christianorum: multiplicant flagella Dominu suo, et nesciunt. Faciamus nos, quantum ipse adjuvat, *Ego autem, cum mihi molesti essent, indubam me cilicio, et humiliabam in jejunio animam meam* (*Psal. xxxiv, 13-16*).

5. Dicimus tamen, fratres (non enim et ipse peperit illis: qui flagellandus erat ab eis, prior illos flagellavit), signum quoddam nobis ostendit, quod fecit flagellum de resticulis, et inde indisciplinatos, negotiationem de Dei templo facientes, flagellavit. Etenim unusquisque in peccatis suis restem sibi texit. Propheta dicit, *Vae his qui trahunt peccata sicut restem longam!* (*Isai. v, 18, sec. LXX*). Quis facit restem longam? Qui peccato addit peccatum. Quomodo adduntur peccata peccatis? Cum peccata quæ facta sunt, cooperinuntur aliis peccatis. Furtum fecit, ne inveniatur quia² fecit, querit mathematicum. Sufficeret fursum fecisse; quare vis adjungere peccatum peccato? ecce duo peccata. Cum ad mathematicum prohiberis accedere, blasphemas episcopum: ecce tria peccata. Cum audis, Mitte illum foras de Ecclesia; dicis, Duco me ad partem Donati: ecce addis quartum. Crescit restis: time restem. Bonum est tibi ut hic inde cum flagellaris, corrigaris; ne in fine dicatur, *Ligate illi pedes et manus, et projicie eum in tenebras exteriores* (*Math. xxii, 13*). Criniculis enim peccatorum suorum unusquisque constringitur (*Prov. v, 22*). Illud Dominus dicit, illud alia Scriptura dicit; sed utrumque Dominus dicit. De peccatis suis ligantur homines, et mittuntur in tenebras exteriores.

6. Qui sunt tamen qui vendunt boves? ut in figura queramus mysterium facti. Qui sunt qui oves vendunt et columbas? Ipsi sunt qui sua querunt in Ecclesia, non quæ Jesu Christi (*Philipp. ii, 21*). Venale habent totum, qui nolunt redimi³: enim nolunt, et vendere volunt. Bonum est enim eis ut redimantur sanguine Christi, ut perveniant ad pacem Christi. Quid enim prodest acquirere in hoc sæculo quodlibet temporale et transitorium, sive sit pecunia, sive sit voluptas ventris et gutturis, sive sit honor in laude humana? Nonne omnia fumus et ventus? nonne omnia transeunt, currunt? Et vae his qui haerent transeuntibus, quia simul transeunt. Nonne omnia fluvius præcepit currens in mare? Et vae qui ecciderit, quia in mare trabetur. Ergo tenere debemus omnes affectus a talibus concupiscentiis. Fratres mei, qui talia querunt, vendunt. Nam et Simon ille ideo volebat emere Spiritum sanctum, quia vendere volebat Spiritum sanctum (*Act. viii*

18, 19); et putabat Apostolos mercatores tales esse, quales Dominus de templo flagello ejecit. Talis enim ipse erat, et quod venderet emere volebat: de illis erat qui columbas vendunt. Etenim in columba apparuit Spiritus sanctus (*Math. iii, 16*). Qui ergo vendunt columbas, fratres, qui sunt, nisi qui dicunt, Nos damus Spiritum sanctum? Quare enim hoc dicunt, et quo pretio vendunt? Pretio honoris sui. Accipiunt præmium cathedras temporales, ut videantur ipsi vendere columbas. Caveant a flagello de resticulis. Columba non est venalis: gratis datur, quia gratia vocatur. Ideo, fratres mei, quomodo videtis eos qui vendunt, propolarios⁴, quisque quod vendit laudat: quot proposta fecerunt? Alterum propositum habet Carthaginæ Primianus, alterum habet Maximianus, alterum habet in Mauritania Rogatus, alterum habent in Numidia illi et illi, quos jam nec nominare sufficiunt (a). Circuit ergo aliquis emere columbam, unusquisque ad propositum suum laudat quod vendit. Avertatur illius cor ab omni vendente, veniat ubi gratis accipitur. Nec sic erubescunt, fratres, quia per ipsas dissensiones suas amaras et malitiosas, cum sibi tribuant quod non sunt, cum extolluntur putantes se aliquid esse cum nihil sint (*Galat. vi, 3*), tot partes de se fecerunt. Sed quid in eis impletum est quod nolunt corrigi, nisi quod audistis in Psalmo, *Discissi sunt, nec compuncti sunt?*

7. Qui ergo boves vendunt? Boves intelliguntur qui nobis Scripturas sanctas dispensaverunt. Boves erant Apostoli, boves erant Prophetæ. Unde dicit Apostolus: « Bovi trituranti os non infrenabis. Numquid de bobus pertinet ad Deum? An propter nos dicit? Propter nos enim dicit; quia debet in spe qui arat arac, et triturans in spe participandi» (*1 Cor. ix, 9, 10*). Ergo illi boves reliquerunt nobis memoriam Scripturarum. Non enim de suo dispensaverunt, quia gloriam Domini quæserunt. Quid enim audistis in ipso Psalmo? *Et dicant semper, Magnificetur Dominus, qui volunt pacem servi ejus* (*Psal. xxxiv, 16, 27*). Servus Dei, populus Dei, Ecclesia Dei. Qui volunt pacem Ecclesiae ipsius, magnificant Dominum, non servum: *et dicant semper, Magnificetur Dominus. Qui dicant? Qui volunt pacem servi ejus.* Ipsi populi, ipsius servi vox est illa evidens, quam in lamentationibus audistis in Psalmo, et movebamini cum audiretis, quia inde estis. Quod cantabatur ab uno, de omnibus cordibus resonabat. Felices qui se in illis vocibus tanquam in speculo

¹ In tribus codicibus, *popularios*. Sed melius in cæteris, *propolarios*, id est, *propolas*; quam vocem origine græcam illi putant, ductam a verbo *pôlein*, vendere: Augustinus vero hic latinam omnino esse, et nataam ex eo significat, quod venditor quisque merces ad propositum laudat.

² Edidit; *nesciebant*. MSS. *nescierunt*. At Vulgata, *ignoravi*.

³ Lov., qd. Cæteri codices, *qua*.

⁴ MSS., *quia nolunt redimi*.

(a) Capita indicat factionum aliquot, quibus Donatiste inter se ipsi discidebantur, adeo ut factio quæque jactaret Baptismum integrum validumque nonnisi apud se repperiri. Quia de re Augustinus in lib. I de Baptismo contra Donatistas, cap. 6: « Eadem, ait, pars Donati in multa minutissime frusta consissa est, quæ omnes minuta particulae hanc unam multo grandiorem, in qua Primianus est, de recepto Maximianistarum Baptismo reprehendunt, et sine computare asserere apud se tantummodo verum Baptismum remansisse. » De Primiano et Maximiano consule Enarr. 2 in Psal. 36, serm. 2, n. 18-23: de Rogato, epist. 93, ad Vincentium.

cognoscabant. Qui ergo volunt pacem servi ejus, pacem populi ejus, pacem unius quam dicit *unicam*, et quam vult erui a leone, *Erue de manu canis unicam meam* (*Psal. xxi, 21 et 22*)? Qui dicunt semper, *Magnificetur Dominus*. Ergo boves illi Dominum magnificaverunt, non se. Videbo bovem magnificantem Dominum suum, quia agnovit bos possessorem suum (*Isai. 1, 3*): attendite bovem timentem ne deseratur possessor bovis, et in bove presumatur; quonodo expavescit eos qui volunt in illo ponere spem: « Numquid Paulus pro vobis crucifixus est? aut in nomine Pauli baptizati estis » (*1 Cor. 1, 13*)? Quod dedi, non ego dedi: gratis accepistis, columba de cœlo descendit. « Ego », inquit, « plantavi, Apollo rigavit; sed Deus incrementum dedit: neque qui plantat est aliquid, neque qui rigat, sed qui incrementum dat Deus (*Id. iii, 6, 7*). Et dicant semper, *Magnificetur Dominus, qui volunt pacem servi ejus.* »

8. Isti autem de Scripturis ipsis fallunt populos, ut accipiant ab ipsis honores et laudes, et non convertantur homines ad veritatem. Quia vero ipsis Scripturis fallunt populos, a quibus querunt honores; vendunt boves, vendunt et oves, id est ipsas plebes. Et cui vendunt, nisi diabolo? Namque, fratres mei, si Christi unica Ecclesia est, et una est; quidquid inde praeciditur, quis tollit, nisi leo ille rugiens et circumiens, querens quem devoret (*1 Petr. v, 8*)? Vnde his qui praeciduntur! nam illa integra permanebit. Novit enim Dominus qui sunt ejus (*II Tim. ii, 19*). Tamen quantum in ipsis est, vendunt boves et oves, vendunt et columbas: observent flagellum peccatorum suorum. Certe quando aliquid tale patiuntur propter istas iniquitates suas, agnoscant quia Dominus fecit flagellum de resticulis, et ad hoc admonet eos ut mutant se, ut non sint negotiatores: nam si se non mutaverint, audient in fine, *Ligate illis manus et pedes, et projicie in tenebras exteriores.*

9. Tunc scriptum esse, *Zelus domus tua comedit me, recordati sunt discipuli*: quia zelo domus Dei ejecit istos de templo Dominus. Fratres, unusquisque christianus in membris Christi zelo domus Dei comedatur. Quis comeditur zelo domus Dei? Qui omnia quæ forte ibi videt perversa, satagit corrigi, cupit emendari¹, non quiescit: si emendare non potest, tolerat, gemit. Non excutitur de area granum, sustinet palam; ut intret in horreum, cum palea fuerit separata. Tu ante horreum, si granum es, noli excuti de area; ne prius ab avibus colligaris, quam in horreum congregeris. Aves enim coeli aeriae potestates exspectant aliquid rapere de area, et non rapiunt nisi quod inde fuerit excussum. Ergo zelus domus Dei comedat te: unumquemque christianum zelus domus Dei comedat, in qua domo Dei membrum est. Non enim magis est domus tua, quam domus ubi habes salutem semipiternam. Domum tuam intras propter requiem temporalem; domum Dei intras propter requiem sempiternam. Si ergo in domo tua ne quid perversum fiat satagis; in domo Dei ubi salus proposita est et re-

quos sine fine, debes pati quantum in te est, si quid forte perversum videris? Verbi gratia, vides fratrem currere ad theatrum? prohibe, mone, contristare, si zelus domus Dei comedit te. Vides alios currere et inebriari velle, et hoc velle in locis sanctis, quod nusquam decet? prohibe quos potes, tene quos potes, terre quos potes, quibus potes blandire; noli tamen quiescere. Amicus est? admoneatur leniter. Uxor est? severissime refrenetur. Ancilla est? etiam verberibus compescatur. Fac quidquid potes, pro persona quam portas; et perfidis, *Zelus donius tuæ comedit me*. Si autem fueris frigidus, marcidus, ad te solum spectans, et quasi tibi sufficiens, et dicens in corde tuo, *Quid mihi est curare aliena peccata? sufficit mihi anima mea; ipsam integrum servem Deo: eia, non tibi venit in mentem servus ille qui abscondit talentum, et noluit erogare?* Numquid enim accusatus est quia perdidit, et non quia sine lucro servavit (*Math. xxv, 25-30*)? Sic ergo audite, fratres mei, ut non quiescatis. Ego vobis consilium datus sum: det ille qui intus est; quia etsi per me dederit, ille dat. Nostis quid agatis unusquisque in domo sua cum amico, cum inquilino, cum cliente suo, cum majore, cum minore: quonodo dat Deus aditum, quonodo aperit januam verbo suo, nolite quiescere lucrari Christo; quia luerati estis a Christo.

10. « Dixerunt illi Iudei: Quod signum ostendis nobis, quia haec facis? » Et Dominus: « Solvite templum hoc, et in tribus diebus excitabo illud. Dixerunt ergo Iudei: Quadraginta et sex annis ædificatum est templum hoc, et tu dicis, In tribus diebus excitabo illud? » Caro erant, carnalia sapiebant: ille vero loquebatur spiritualiter. Quis autem posset intelligere de quo templo dicebat? Sed non multum quærimus; per Evangelistam nobis aperuit, dixit de quo templo diceret: *Solvite templum hoc, et in tribus diebus excitabo illud. Quadraginta et sex annis ædificatum est templum, et triduo susciabis illud?* Dicebat autem, ait Evangelista, *de templo corporis sui*. Et manifestum est, occisum Dominum post triduum resurrexisse. Hoc modo omnibus nobis notum est: et si Iudeis clausum est, quia foris stant; nobis tamen apertum est, quia novimus in quem credimus. Ipsius templi solutionem et reædificationem, anniversaria solemnitate celebraturi sumus: ad quam vos exhortamur, ut præparetis vos, si qui estis catechumeni, ut accipiatis gratiam; jam nunc tempus est, jam nunc parturiatur quod tunc nascatur. Ergo illud novimus.

11. Sed forte hoc exigitur a nobis, utrum habeat aliquod sacramentum quadraginta sex annis ædificatum templum. Sunt quidem multa quæ hinc dici possint; sed quod breviter dici potest et facile intelligi, hoc interim dicimus. Fratres, diximus jam, nisi fallor, hesterno die, Adam unum hominem fuisse, et ipsum esse totum genus humanum. Nam ita diximus, si meministis (*In superiori Tractatu*). Quasi fractus est, et sparsus colligitur, et quasi conflatur in unum societate atque concordia spirituali¹. Et gemit unus

¹ Sic MSS. ut editi, satagit emendare, cupit corrigere.

¹ Sic MSS. At editi, in unam societatem atque concordiam

pauper modo ipse Adam, sed in Christo innovatur : quia sine peccato venit Adam, ut peccatum Adam solveret in carne sua, et ut redintegraret sibi Adam imaginem¹ Dei. De Adam ergo caro Christi : de Adam ergo templum quod destruxerunt Judæi, et resuscitavit Dominus triduo. Resuscitavit enim carnem suam : videte, quia Deus erat æqualis Patri. Fratres mei, dicit Apostolus, *Qui eum excitavit a mortuis*. De quo dicit? De Patre : « Factus, » inquit, « obediens usque ad mortem, mortem autem crucis : propter quod et Deus illum excitavit a mortuis², et dedit ei nomen quod est super omne nomen » (*Philipp. ii, 8, 9*). Resuscitatus et exaltatus est Dominus. Resuscitavit eum, quis? Pater, cui dixit in Psalmis, *Excita me, et reddam illis.* (*Psal. xl, 11*). Ergo Pater eum resuscitavit. Non se ipse? Quid autem facit Pater sine Verbo? quid facit Pater sine Unico suo? Nam audi quia et ipse Deus erat : *Solvite templum hoc, et in tribus diebus excitabo illud.* Numquid dixit, Solvite templum, quod triduo Pater resuscitet? Sed quomodo cum Pater suscitat, et Filius suscitat; sic cum Filius suscitat, et Pater suscitat: quia Filius dixit, *Ego et Pater unus sumus* (*Joan. x, 30*).

12. Quid ergo sibi vult numerus quadragenarius senarius? Interim ipse Adam quia per totum orbem terrarum est, audistis jam hesterno die in quatuor litteris græcis quatuor verborum græcorum. Si enim ista verba quatuor scribas sub invicem, id est, nomina quatuor partium mundi, Orientis, Occidentis, Aquilonis et Meridiani, quod est totus orbis; unde dicit Dominus a quatuor ventis collecturum se electos suos, cum venerit ad judicium (*Marc. xiii, 27*): si enim facias ista quatuor nomina græca, ἀνατολὴ, quod est Oriens; δύσις, quod est Occidens; Ἀρκτος, quod est Septentrio; μεσημβρία, quod est Meridies: Anatole, dysis, arctos, mesembria, capita verborum Adam habent. Quomodo ergo ibi invenimus et quadragenarium senarium numerum? Quia caro Christi de Adam erat. Ad litteras numeros computant Græci. Quod nos facimus a litteram, ipsi lingua sua ponunt alpha α, et vocatur alpha α unum. Ubi autem in numeris scribunt beta β, quod est b ipsorum, vocatur in numeris duo. Ubi scribunt gamma γ, vocatur in numeris ipsorum tria. Ubi scribunt delta δ, vocatur in numeris ipsorum quatuor: et sic per omnes litteras numeros habent. M, quod nos dicimus, et illi dicunt my μ, quadraginta significat: dicunt enim my μ τεσσαράκοντα. Jam videat istæ litteræ quem numerum habeant; et ibi invenietis quadraginta sex annis ædificatum templum. Habet enim Adam alpha α, quod est unum: habet delta δ, quod sunt quatuor; habet quinque: habet iterum alpha α, quod est unum; habet sex: habet et my μ, quod est quadraginta; habet quadraginta sex. Hæc, fratres mei, etiam ab anterioribus majoribus nostris dicta sunt, et inventus est iste numerus in litteris quadragenarius senarius (a). Et quia Dominus noster Jesus spiritualem.

¹ MS. Possatensis, in *imaginem*.

² Tres MSS., *exaltavit a mortuis*.

(a) Vid. lib. de montibus sina et Sion contra Judæos, inter Cypriani opera.

Christus de Adam corpus accepit, non de Adam peccatum traxit; templum corporeum inde sumpsit, non iniquitatem quæ de templo pellenda est: ipsam autem carnem quam traxit de Adam (Maria enim de Adam, et Domini caro de Maria), Judæi crucifixerunt; et ille resuscitatus erat ipsam carnem in triduo, quam illi in cruce erant occisi: illi solverunt templum quadraginta sex annis ædificatum, et ille in triduo resuscitavit illud.

13. Benedicimus Domino Deo nostro, qui ad lætitiam spiritualem congregavit nos. Simus in humilitate cordis semper, et gaudium nostrum penes ipsum sit. Non de prosperitate aliqua hujus sæculi inflemur, sed noverimus felicitatem nostram non esse nisi cum ista transierint. Modo gaudium nostrum, fratres mei, in spe sit: nemo gaudeat quasi in re præsenti, ne haereat in via. Totum gaudium de spe futura sit, totum desiderium vitae æternæ sit. Omnia suspiria Christo anhælent: ille unus pulcherrimus, qui et fœdos dilexit ut pulchros faceret, desideretur; ad illum unum curratur, illi ingemiscatur; et dicant semper, *Magnificetur Dominus, qui volunt pacem servi ejus.*

TRACTATUS XI.

Ab eo quod scriptum est, Cum autem esset Jerosolymis in Pascha in die festo, multi crediderunt in nomine ejus; usque ad id, Nisi quis renatus fuerit ex aqua et Spiritu, non potest introire in regnum Dei. Cap. ii, §. 23-25, et cap. iii, §. 1-5.

1. Opportune nobis Dominus procuravit hodierno die lectionis hujus ordinem: nam quia ex ordine Evangelium secundum Joannem considerare atque tractare suscepimus, credo quod adverterit Charitas vestra. Opportune ergo occurrit ut hodie audiretis ex Evangelio, quia *Nisi quis renatus fuerit ex aqua et Spiritu, non videbit regnum Dei.* Tempus est enim ut vos exhorteatur, qui adhuc estis catechumeni: qui sic credidistis in Christum, ut adhuc vestra peccata portetis. Nullus autem regnum cœlorum videbit oneratus peccatis; quia nisi cui dimissa fuerint, non regnabit cum Christo: dimitti autem non possunt, nisi ei qui renatus fuerit ex aqua et Spiritu sancto. Sed omnia verba quemadmodum se habeant advertamus, ut hic inveniant qui pigri sunt, quanta sollicitudine sibi sustinandum sit ad onus deponendum. Quia si ferrent aliquam sarcinam gravem, aut lapidis, aut ligati, aut alicujus etiam lucri, si frumentum portarent, si vim, si pecuniam, currerent ut deponerent oneraportant sarcinam peccatorum, et pigri sunt currere. Currendum est ut deponatur hæc sarcina; premit, et mergit.

2. Ecce audistis quia cum esset Dominus Jesus Christus Jerosolymis in Pascha in die festo, multi crediderunt in nomine ejus, videntes signa ejus quæ faciebat. Multi crediderunt in nomine ejus: et quid sequitur? Ipse autem Jesus non credebat semetipsum eis. Quid sibi ergo hoc vult, Illi credebant in nomine ejus; et, *Ipse Jesus non credebat semetipsum eis?* An forte non crediderant ei, et singebant se credisse, et pro-

pteror Jesus non se credebat eis; Sed non diceret Evangelista, *Muli crediderunt in nomine ejus, nisi verum illis testimonium perhiberet.* Magna ergo res, et mira res: credunt homines in Christum, et Christus non se credit hominibus. Præsertim quia Filius Dei est, utique volens passus est; et si nollet, nunquam pateretur; qui si nollet, nec nasceretur: si autem hoc solum vellet, ut nasceretur tantum, et non moreretur, et quidquid vellet, faceret; quia omnipotens Pater Filius omnipotens est. Ex ipsis rebus probemus. Quia cum voluissent eum tenere, discessit ab eis; loquitur Evangelium: *Et cum voluissent eum de vertice montis præcipitare, discessit ab eis Iesus* (Luc. iv, 29, 30). Et quando venerunt ad eum comprehendendum, jam venditum a Juda traditore, cum ille putaret in potestate se habere, tradere magistrum et Dominum suum; et ibi ostendit Dominus voluntate se pati, non necessitate. Nam cum eum comprehendere Judæi voluissent, dixit illis: *Quem queritis? At illi dixerunt: Jesum Nazarenum. Et ille: Ego sum. Dac voce audita, redierunt retro, et cediderunt* (Joan. xviii, 4-6). In eo quod eos respondens dejicit, ostendit potestatem; ut in eo quod ab eis comprehensus est, ostenderet voluntatem. Ergo quod passus est, misericordiae fuit. Traditus est enim propter delicta nostra, et resurrexit propter justificationem nostram (Rom. iv, 25). Audi verba ipsius: *Potestatem habeo ponendi animam meam, et potestatem habeo iterum sumendi eam: nemo tollit eam a me, sed ego pono illam a meipso, ut iterum sumam eam* (Joan. x, 18). Cum ergo haberet tantam potestatem, cum eam dictis prædicaret, factis ostenderet; quid sibi vult quod non se credebat eis Jesus, quasi aliquid nolenti nocituris, aut aliquid nolenti fakturis, præsertim quia jam crediderant in nomine ejus? Et de ipsis dicit Evangelista, *Crediderunt in nomine ejus, de quibus dicit, Ipse autem Jesus non credebat semetipsum eis.* Quare? *Quod ipse nosset omnes, et quia opus ei non erat ut quis testimonium perhiberet de homine; ipse enim sciebat quid esset in homine.* Plus noverat artifex quid esset in opere suo, quam ipsum opus quid esset in semetipso. Creator hominis noverat quid esset in homine, quod ipse creatus homo non noverat. Nonne hoc probamus de Petro, quia non noverat quid in ipso esset, quando dixit, *Tecum usque ad mortem?* Audi quia Dominus noverat quid esset in homine: *Tu mecum usque ad mortem?* Amen, amen dico tibi, priusquam gallus cantet, ter me negabis (Matth. xxvi, 33, -54, et Luc. xxii, 35, 34). Homo ergo nesciebat quid esset in se; sed Creator hominis noverat quid esset in homine. Crediderunt tamen in nomine ejus multi, et ipse Jesus non se credebat eis. Quid dicimus, fratres? Forte consequentia indicabunt nobis quid sibi vult mysterium verborum istorum. Quia crediderant in eum homines, manifestum est, verum est: nemo dubitat, Evangelium loquitur, verax Evangelista testatur. Item quia ipse Jesus non credebat semetipsum illis, et hoc manifestum est, et nullus christianus dubitat: quia et hoc Evangelium loquitur, et idem verax Evangelista testatur. Quare ergo crediderunt illi in

nomine ejus, et Jesus non credebat semetipsum illis? Sequentia videamus.

5. *Erat autem homo ex Pharisæis, Nicodemus nomine, princeps Iudeorum: hic venit ad eum nocte, et dixit ei, Rabbi. Jam hoc nostis, quia Rabbi magister dicitur. Scimus quia a Deo venisti magister: nemo enim potest hæc signa facere quæ tu facis, nisi fuerit Deus cum eo.* Ergo iste Nicodemus ex his erat qui crediderant in nomine ejus, videntes signa et prodigia quæ faciebat. Superius enim hoc dixit: *Cum autem esset Jerosolymis in Pascha in die festo, multi crediderunt in nomine ejus.* Quare crediderunt? sequitur et dicit, videntes signa ejus quæ faciebat. Et de Nicodemo quid dicit? *Erat princeps Iudeorum, nomine Nicodemus: hic venit ad eum nocte, et ait illi, Rabbi, scimus quia a Deo venisti magister.* Et iste ergo crediderat in nomine ejus. Et ipse unde crediderat? Sequitur, *Nemo enim potest hæc signa facere quæ tu facis, nisi fuerit Deus cum eo.* Si ergo Nicodemus de illis multis erat qui crediderant in nomine ejus, jam in isto Nicodemo attendamus quare Jesus non se credebat eis. *Respondit Jesus, et dixit ei: Amen, amen dico tibi, nisi quis natus fuerit denuo, non potest videre regnum Dei.* Ipsis ergo se credit Jesus, qui nati fuerint denuo. Ecce illi crediderant in eum, et Jesus non se credebat eis. Tales sunt omnes catechumeni: ipsi jam credunt in nomine Christi, sed Jesus non se credit eis. Intendat et intelligat Charitas vestra. Si dixerimus catechumeno, Credis in Christum? respondet, Credo, et signat se: jam crucem Christi portat in fronte¹, et non erubescit de cruce Domini sui. Ecce credit in nomine ejus. Interrogemus eum, Manducas carnem Filii hominis, et bibis sanguinem Filii hominis? nescit quid dicimus, quia Jesus non se credit ei.

4. Cum ergo ex eo numero Nicodemus esset, venit ad Dominum: sed nocte venit; et hoc forte ad rem pertinet. Ad Dominum venit, et nocte venit: ad lucem venit, et in tenebris venit. Renati autem ex aqua et Spiritu, quid audiunt ab Apostolo? *Fuitis aliquando tenebrae; nunc autem lux in Domino: sicut filii lucis ambulate* (Ephes. v, 8): et iterum, *Nos autem qui diei sumus, sobrium simus* (1 Thess. v, 8). Qui ergo renati sunt, noctis fuerunt, et diei sunt: tenebrae fuerunt, et lumen sunt. Jam credit se illis Jesus, et non nocte veniunt ad Jesum sicut Nicodemus, non in tenebris querunt diem. Tales enim jam etiam proflentur: accessit ad illos Jesus, fecit in illis salutem: quia ipse dixit: *Nisi quis manducaverit carnem meam et biberit sanguinem meum, non habebit in se vitam* (Joan. vi, 54). Et quod signum crucis habent in fronte catechumeni, jam de domo magna sunt; sed sicut ex servis filii. Non enim nihil sunt qui jam ad domum magnam pertinent. Quando autem manna manducavit populus Israel? Cum transisset mare rubrum. Mare autem rubrum quid significet, audi Apostolum: *Nolo autem vos ignorare, fratres, quia omnes*

¹ sic plerique MSS. cum editis Bad. et Am. et Er. et Lov., signat se cruce Christi, portat, etc. Nonnulli e MSS. portans.

pueres nostri sub nube fuerunt, et omnes per mare transierunt. Utquid per mare transierunt, quasi quæreres ab illo; seculus ait, Et omnes per Moysem baptizati sunt in nube et in mari (I Cor. x, 1, 2). Si ergo figura maris tantum valuit, species Baptismi quantum valebit? Si quod gestum est in figura, trajectum populum ad manna perduxit; quid exhibet Christus in veritate baptismi sui, trajecto per eum populo suo? Per baptismum suum trajicit credentes, occisis omnibus peccatis, tanquam hostibus consequentibus, sicut in illo mari omnes Ægyptii perierunt. Quo trajicit, fratres mei? quo trajicit per Baptismum Jesus, cuius figuram tunc gerebat Moyses, qui per mare trajiciebat? quo trajicit¹? Ad manna. Quod est manna? Ego sum, inquit, panis vivus, qui de cœlo descendit (Joan. vi, 51). Manna accipiunt fideles, jam trajecti per mare rubrum. Quare mare rubrum? jam mare, quare et rubrum? Significabat mare illud rubrum baptismum Christi. Unde rubet baptismus Christi, nisi Christi sanguine consecratus? Quo ergo perducit credentes et baptizatos? Ad manna. Ecce dico manna: notum est quid acceperint Judæi, populus iste Israel, notum est quid illis pluisse Deus de cœlo; et nesciunt catechumeni quid accipiant Christiani. Erubescant ergo, quia nesciunt; transeant per mare rubrum, manducent manna: ut quomodo crediderunt in nomine Jesu, sic se ipsis creditat Jesus.

5. Ideo intendite, fratres mei, quid respondeat iste qui nocte venit ad Jesum. Quamvis ad Jesum venerit, tamen quia nocte venit, adhuc de tenebris carnis suæ loquitur. Non intelligit quod audit a Domino, non intelligit quod audit a luce, quæ illuminat omnem hominem venientem in hunc mundum (Id. 1, 9). Jam ei Dominus dixit, Nisi quis natus fuerit denuo, non videbit regnum Dei. Dicit ad eum Nicodemus: Quomodo potest homo nasci cum sit senex? Spiritus ei loquitur², et ille carnem sapit. Carnem suam sapit, quia carnem Christi nondum sapit. Cum enim dixisset Dominus Jesus, Nisi quis manducaverit carnem meam, et biberit sanguinem meum, non habebit in se vitam; scandalizati sunt quidam qui eum sequebantur, et dixerunt apud semetipsos, Durus est hic sermo; quis potest eum audire? Putabant enim hoc dicere Jesum, quod eum possent concisum sicut agnum coquere, et manducare: abhorrentes a verbis ejus, recesserunt, et amplius eum non sunt secuti. Sic Evangelista loquitur: Et Dominus ipse remansit cum duodecim: et illi ad eum, Domine, ecce illi dimiserunt te; et ille, Numquid et vos vultis abire³? Ostendere volens quia ipse illis erat necessarius, non illi erant Christo necessarii. Ne quis terreat Christum, quando dicitur ut sit christianus; quasi beatior erit Christus, si tu fueris christianus. Bonum est tibi, ut sis christianus: nam si non fueris, malum Christo non erit. Audi vocem Psalmi: Dixi Domino, Deus meus es tu, quoniam bonorum meorum non egis (Psal. xv, 2). Ideo Deus meus es

tu, quoniam bonorum meorum non egis. Si fueris sine Deo, minor eris; si fueris cum Deo, major Deus non erit. Non ex te ille major, sed tu sine illo minor. Cresce ergo in illo, noli te subtrahere, ut quasi ille deficiat. Rescieris, si accesseris; deficies, si recesseris. Integer manet te accedente, integer manet et te cadente. Cum ergo dixisset discipulis, Nunquid et vos vultis abire? respondit Petrus, petra illa, voce omnium, Domine, ad quem ibimus? Verba vita æternæ habes. Bene sapuit in ore ipsius caro Domini. Dominus autem exposuit eis, et dixit, Spiritus est qui vivificat: cum dixisset, Nisi quis manducaverit carnem meam, et biberit sanguinem meum, non habebit in se vitam; ne carnaliter intellegarent, Spiritus est, inquit, qui vivificat, caro autem nihil prodest: verba quæ locutus sum vobis, spiritus est et vita (Joun. vi, 54-69).

6. Hunc spiritum et hanc vitam non sapiebat iste Nicodemus, qui nocte venerat ad Jesum. Ait ei Jesus: Nisi quis natus fuerit denuo, non videbit regnum Dei. Et ille carnem suam sapiens, in cuius ore nondum sapiebat caro Christi: Quomodo, inquit, potest homo, cum sit senex, iterum nasci? Numquid potest in ventrem matris suæ iterum introire, et nasci? Non noverat iste nisi unam nativitatem ex Adam et Eva; ex Deo et Ecclesia nondum noverat: non noverat nisi eos parentes qui generant ad mortem; nondum noverat eos parentes qui generant ad vitam: non noverat nisi eos parentes qui generant successuros; nondum noverat eos qui semper viventes generant permansuros. Cum ergo sint duæ nativitates, ille unam intelligebat. Una est de terra, alia de cœlo; una est de carne, alia de Spiritu; una est de mortalitate, alia de æternitate; una est de masculo et femina, alia de Deo et Ecclesia. Sed ipsæ duæ singulæ sunt; nec illa potest repeti, nec illa. Recte intellexit Nicodemus nativitatem carnis: sic et tu intellige nativitatem spiritus, quomodo intellexit Nicodemus nativitatem carnis. Quid Nicodemus intellexit? Nunquid potest homo denuo in ventrem matris suæ intrare, et nasci? Sic, quicumque tibi dixerit ut spiritualiter iterum nascaris, responde quod dixit Nicodemus, Numquid potest homo iterum in ventrem matris suæ intrare, et nasci? Jam natus sum de Adam, non me potest iterum generare Adam: jam natus sum de Christo, non me potest iterum generare Christus. Quomodo uterus non potest repeti, sic nec Baptismus.

7. Qui nascitur de Ecclesia catholica, tanquam de Sara⁴ nascitur, de libera nascitur: qui nascitur de heresi, tanquam de ancilla nascitur, sed, ex semine Abraham. Advertat Charitas vestra quam magnum sacramentum. Testatur Deus, et dicit, Ego sum Deus Abraham, et Deus Isaac, et Deus Jacob. Non erant alii patriarchæ? non erat ante istos sanctus Noe, qui solus in toto genere humano cum tota domo sua meruit de diluvio liberari, in quo et in filiis ejus figurata est Ecclesia? Ligno portante evadunt diluvium (Gen. viii, 7). Deinde postea magni quos novimus, quos sancta Scri-

¹ Editi, trajiciebat. At MSS., trajicit.

² Quatuor MSS., Christus ei loquitur.

³ MSS. hic et infra vultis ire.

⁴ In MSS. hic et alibi constanter, Sarra, cum duplicit rr.

ptura commendat, Moyses fidelis in tota domo ejus (*Num. xii, 7*). Et illi tres nominantur, quasi eum soli promeruerint, *Ego sum Deus Abraham, et Deus Isaac, et Deus Jacob*: *hoc mihi nomen est in eternum* (*Exod. iii, 6, 15*). Sacramentum grande! Potens est Dominus et ora nostra aperire, et corda vestra, ut dicere possimus sicut revelare dignatus est, et capere possitis sicut expedit vobis.

8. Tres ergo isti patriarchæ, Abraham, Isaac, et Jacob. Jam nostis filii Jacob quia duodecim fuerunt, et inde populus Israel: quia ipse Jacob Israel, et populus Israel tribus duodecim, pertinentes ad duodecim filios Israel. Abraham, Isaac, et Jacob, tres patres, et populus unus⁴. Tres patres tanquam in principio populi; tres patres in quibus figurabatur populus: et populus ipse prior, præsens populus. In populo enim Iudeorum figuratus est populus Christianorum. Ibi figura, hic veritas: ibi umbra, hic corpus, dicente Apostolo, *Hæc autem in figura contingebant illos*. Vox est Apostoli: *Scripta sunt, inquit, propter nos, in quos finis sæculorum obvenit* (*I Cor. x, 11*). Recurrat nunc animus vester ad Abraham, Isaac, et Jacob. In ipsis tribus invenimus parere liberas, parere et ancillas: invenimus ibi partus liberarum, invenimus ibi et partus ancillarum. Ancilla nihil boni significat: *Ejice ancillam*, inquit, *et filium ejus; non enim hæres erit filius ancillæ cum filio liberæ*. Apostolus hoc commemorat; et in ipsis duabus filiis Abraham, dicit Apostolus suis figuram duorum Testamentorum, Veteris et Novi. Ad Vetus Testamentum pertinent dilectores temporalium, dilectores saeculi: ad Novum Testamentum dilectores vite æternæ. Ideo illa Jerusalem in terra, umbra erat ecclesiæ Jerusalem matris omnium nostrum, quæ est in celo: et hæc Apostoli verba sunt (*Gen. xxi, 10*; *Galat. iv, 22-30*). Et de ista civitate unde peregrinamur, multa nostis, multa jam audistis. Invenimus autem rem miram in ipsis partibus, id est in ipsis fetibus, in ipsis generationibus liberarum et ancillarum, quatuor scilicet genera hominum: in quibus quatuor generibus, completur figura futuri populi christiani, ut non sit mirum quod in ipsis tribus dictum est, *Ego sum Deus Abraham, et Deus Isaac, et Deus Jacob*. In omnibus enim Christianis, fratres intendite, aut per malos nascuntur boni, aut per bonos nascuntur mali, aut per bones boni, aut per malos mali: amplius ipsis quatuor generibus non potestis invenire. Quæ iterum repetam, adverte, retinet; excutite corda vestra, nolite pigri esse: capite, ne capiamini, quomodo quatuor genera sunt omnium Christianorum. Aut per bonos nascuntur boni, aut per malos nascuntur mali, aut per bonos mali, aut per malos boni. Puto quia planum est. Per bonos boni: si et qui baptizant, boni sunt; et qui baptizantur, recte credunt, et in membris Christi recte numerantur. Per malos mali: si et qui baptizant, mali sunt; et qui baptizantur, dupli corde accedunt ad Deum, et non tenent eos mores quos audiunt in Ec-

⁴ In MSS. hic post vocem, *Jacob*, non additur, *tres patres*; neque, *unus*, post voces, et *populus*.

clesia, ut non ibi sint palea, sed frumentum. Quam enim multi sunt, novit Charitas vestra. Per malos boni: aliquando baptizat adulter, et qui baptizatur justificatur. Per bonos mali: aliquando qui baptizant, sancti sunt; qui baptizantur, tenere viam Dei non sunt.

9. Puto, fratres, notum esse in Ecclesia, et quotidianis exemplis manifestari ea quæ dicimus: sed in prioribus nostris patribus ea consideremus, quia haberunt et illi ista quatuor genera. Per bonos boni: Ananias Paulum baptizavit (*Act. ix, 18*). Quid per malos mali? Dicit Apostolus quosdam prædicatores Evangelii, quos dicit non caste annuntiare solere Evangelium, quos tolerat in societate christiana, et dicit, *Quid enim? dum omni modo, sive occasione, sive veritate Christus annuntietur, et in hoc gaudeo* (*Philipp. i, 18*). Numquid malevolus erat, et de alieno malo gaudebat? Sed quia et per malos verum prædicabatur, et per malorum ora Christus prædicabatur; si quos isti sui similes baptizabant, mali malos baptizabant: si quos isti baptizabant tales, quales admonet Dominus cum dicit, *Quæ dicunt facite; quæ autem faciunt, facere nolite* (*Math. xxiii, 3*), mali bonos baptizabant. Boni malos baptizabant, quomodo a Philippo sancto Simon magus baptizatus est (*Act. viii, 13*). Nota sunt ergo ista quatuor genera, fratres mei. Ecce iterum ea reproto, temete illa, numerate illa, adverti illa; cavete quæ mala sunt, temete quæ bona sunt. Per bonos boni nascuntur, cum per sanctos sancti baptizantur: per malos mali, cum et qui baptizant et qui baptizantur, inique et impie vivunt; per malos boni, cum mali sunt qui baptizant; et boni qui baptizantur: per bonos mali, cum boni sunt qui baptizant, et mali qui baptizantur.

10. Quomodo invenimus ista in tribus ipsis nominibus, *Ego sum Deus Abraham, Deus Isaac, et Deus Jacob*? Ancillas accipimus in malis, liberas accipimus in bonis: pariunt liberæ bonos; Sara peperit Isaac (*Gen. xxi, 3*): pariunt ancillæ malos; Agar peperit Ismael (*Id. xvi, 13*). Habemus in uno Abraham et illud genus cum per bonos boni, et illud genus cum per malos mali. Per bonos mali ubi figurati sunt? Libera erat Rebecca uxor Isaac: legite, peperit geminos, unus erat bonus, alter malus. Habes aperte Scripturam dicentem Dei voce, *Jacob dilexi, Esau autem odio habui* (*Malach. i, 2, 5; Rom. ix, 13*). Isto duos genuit Rebecca, Jacob et Esau: unus inde eligitur, alius reprobatur⁵; unus succedit in hereditatem, alter exheredatur. Non facit populum suum Deus de Esau; sed facit de Jacob. Semen unum, diversi qui concepti sunt: uterus unus, diversi qui nati sunt. Numquid non libera peperit Jacob, quæ libera peperit Esau? Luctabantur in ventre matris sua, et dictum est Rebbecca, cum ibi luctarentur, *Duo populi sunt in utero tuo* (*Gen. xxv, 22-24*). Duo homines, duo populi; bonus populus, malus populus: sed tamen in uno ventre luctantur. Quantæ mali sunt in Ecclesia, et unus uterus portat, donec in fine discernantur: et

⁵ MSS., *unprobatur*.

loni aduersus malos clamant, et mali aduersus bonos reclamant, et in unius visceribus utrique luctantur. Nunquid semper simul erunt? In fine exitur ad lucem, declaratur nativitas que hic in sacramento figuratur: et tunc apparebit, Jacob dilexi, Esau autem odio habui.

11. Jam ergo invenimus, fratres, et de bonis bonos, de libera Isaac: et de malis malos, de ancilla Ismael: et de bonis malos, Esau de Rebecca. De malis bonos ubi inveniemus? Restat Jacob, ut in tribus patriarchis quatuor generum istorum perfectio concludatur. Habuit uxores Jacob liberas, habuit et ancillas: pariunt liberæ, pariunt et ancillæ, et sunt duodecim filii Israel (*Gen. xxix, xxx, xxxv*). Si numeros omnes de quibus nati sunt, non omnes de liberis, non omnes de ancillis: sed tamen omnes ex uno scmine. Quid ergo, fratres mei? nunquid qui nati sunt de ancillis, non simul possederunt terram promissionis cum fratribus suis? Invenimus ibi bonos filios Jacob natos de ancillis, et bonos filios Jacob natos de liberis. Nihil illis obsuit nativitas de uteris ancillarum, quando in patre cognoverunt semen suum, et consequenter regnum cum fratribus tenerunt. Quomodo ergo in filiis Jacob non obsuit illis qui nati sunt de ancillis, quominus tenerent regnum, et terram promissionis cum fratribus ex æquo acciperent; non illis obsuerunt natales ancillarum, sed prevaluit semen paternum: sic quicunque per malos baptizantur, tanquam de ancillis videntur nati; sed tamen quia ex semine verbi Dei, quod figuratur in Jacob, non contristentur, simul hæreditatem cum fratribus possidebunt. Securus ergo sit qui de semine bono nascitur; tantum non imitetur ancillam, si de ancilla nascitur. Ancillam malam superbientem non imiteris. Unde enim filii Jacob de ancillis nati, possederunt terram promissionis cum fratribus, Ismael autem de ancilla natus, expulsus est ab hæreditate? Unde, nisi quia ille superbus erat, illi humiles? Erexit ille cervicem, et voluit seducere fratrem suum, ludens cum illo.

12. **Magnuni ibi sacramentum.** Ludebant simul Ismael et Isaac; vidi illos Saraludentes, et ait Abrahæ: *Ejice ancillam et filium ejus; non enim hæres erit filius ancillæ cum filio meo Isaac.* Et cum contristatus esset Abraham, confirmavit ei Dominus dictum uxoris ejus. Jam hic manifestum est sacramentum, quia nescio quid futurum parturiebat illa res gesta. Ludentes vidit, et dicit: *Ejice ancillam et filium ejus.* Quid est hoc, fratres? Quid enim mali fecerat Ismael puer Isaac, quia ludebat cum illo? Sed illa lusio, illusio erat; illa lusio deceptionem significabat. Nam magnum sacramentum attendat Charitas vestra. Persecutionem illam vocat Apostolus; ipsam lusionem, ipsum lusum persecutionem vocat: ait enim, *Sed sicut tunc ille qui secundum carnem natus erat, persecuebatur eum qui secundum spiritum, ita et nunc;* id est, qui secundum carnem nati sunt, persecuntur eos qui secundum spiritum nati sunt. Qui sunt secundum carnem nati? Dilectores mundi, amatores sæculi. Qui sunt secundum spiritum nati? Amatores regni cœlorum, dilectores Christi, desiderantes vitam æternam.

PATROL. XXXV.

nam, gratis colentes Deum. Ludunt, et dicit Apostolus persecutionem. Nam posteaquam dixit haec verba Apostolus, *Et sicut tunc ille qui secundum carnem natus erat, persecuebatur eum qui secundum spiritum, ita et nunc;* secutus est, et ostendit de qua persecutione diceret: *Sed quid dicit Scriptura? Ejice ancillam et filium ejus; non enim hæres erit filius ancillæ cum filio meo Isaac* (*Gen. xxi, 9-12; Galat. iv, 29, 30*). Quæriamus ubi hoc dicat Scriptura, ut videamus utrum aliqua persecutio præcesserit Ismaelis in Isaac: et invenimus hoc dictum esse a Sara, quando vidi pueros ludentes simul. Quam lusionem dicit Scriptura vidisse Sarah, hanc persecutionem dicit Apostolus. Plus ergo vos persequuntur qui vos illudendo seducunt: *Veni, veni; baptizare hic, hic habes verum baptismum. Noli ludere, unus est verus; ille Iusus est; seduceris*¹, et ista persecutio gravis tibi erit. Melius tibi erat ut Ismaelem tu lucrareris ad regnum; sed non vult Ismael, quia ludere vult. Tene tu hæreditatem patris, et audi: *Ejice ancillam et filium ejus; non enim hæres erit filius ancillæ cum filio meo Isaac.*

13. Isi etiam audent dicere quia persecutionem solent pati a catholicis regibus, aut a catholicis principibus. Quam persecutionem tolerant? Afflictionem corporis: si tamen aliquando passi sunt, aut quomodo passi sunt, ipsi sciant, et convenient conscientias suas; tamen afflictionem corporis passi sunt: persecutio quam faciunt gravior est. Cave quando vult ludere Ismael cum Isaac, quando tibi blanditur, quando offert alterum baptismum: responde, Habeo jam Baptismum. Si enim verus est iste baptismus, qui tibi vult dare alterum, illudere te vult. Cave animæ persecutorem. Nam si a principibus catholicis aliquid passa est pars Donati aliquando, secundum corpus passa est, non secundum illusionem spiritus. Audite et videte in ipsis veteribus factis, omnia futurarum rerum signa et indicia. Invenitur Sara afflixisse Agar ancillam: Sara libera est: posteaquam superbire coepit ancilla, questa est Abraham Sara, et dixit, *Ejice ancillam; erexit adversum me cervicem suam.* Et quasi ab Abraham fieret, de Abram questa est mulier. Abraham vero qui non in ancilla libidine abutendi tenebatur, sed officio generandi, quoniam Sara ei deciderat unde prolem susciperet, ait ei: *Ecce ancilla tua, utere ea sicut vis.* Et afflixit eam graviter Sara, et fugit a facie ejus. Ecce libera afflixit ancillam, et non illam vocat persecutionem Apostolus; iudit servus cum domino, et persecutionem vocat: afflictio ista non vocatur persecutio, et lusio illa vocatur persecutio. Quid vobis videtur, fratres? Nonne intelligitis quid significatum sit? Sic ergo quando vult Deus concitare potestates aduersus hæreticos, aduersus schismatics, aduersus dissipatores Ecclesiæ, aduersus exsufflatores Christi, aduersus blasphematores Baptismi, non mirentur; quia Deus concitat, ut a Sara verberetur Agar. Cognoscat se Agar, ponat cervicem: quia cum humiliata discederet a domina sua, occurrit ei angelus, et dixit, *Quid est, Agar ancilla*

¹ In tribus MSS., *bisus est seducens. In uno, seductor.*

(Quarante-sept.)

Saræ? cum conquesta esset de domina, quid audivit ab Angelo? Revertere ad dominam tuam (*Gen. xvi*, 5-9). Ad hoc ergo affligitur, ut revertatur. Atque utinam revertatur; quia proles ejus, sicut filii Jacob, cum fratribus hæreditatem tenebit.

14. Mirantur autem quia commoventur potestates christianaæ adversus detestandos dissipatores Ecclesiæ. Non ergo moverentur? Et quomodo redderent rationem de imperio suo Deo? Intençat Charitas vestra quid dicam, quia pertinet hoc ad reges sæculi christianos, ut temporibus suis pacatam velint matrem suam Ecclesiam, unde spiritualiter nati sunt. Legimus Danielis visiones et gesta prophetica. Tres pueri in igne laudaverunt Dominum: miratus est Nabuchodonosor rex laudantes Deum pueros, et circa eos ignem innocentem¹; et cum admiratus esset, quid ait Nabuchodonosor rex, non vel Iudeus vel circumcisus, ille qui statuam suam erexerat, et ad eam adorandum omnes coegerat; tamen laudibus trium puerorum commotus, ubi vidit majestatem Dei præsentis in igne, quid ait? «Et ego proponam decretum omnibus tribubus et linguis in omni terra.» Quale decretum? «Quicumque dixerint blasphemiam in Deum Sidrac, Misac, et Abdenago, in interitum erunt, et domus eorum in perditionem» (*Dan. iii*). Ecce quomodo sævit rex alienigena, ne blasphemetur Deus Israel, quia potuit tres pueros de igne liberare: et nolunt ut sæviant reges christiani, quia Christus exsufflatur, a quo non tres pueri, sed orbis terrarum cum ipsis regibus a gehennarum igne liberatur? Nam tres illi pueri, fratres mei, liberati sunt ab igne temporali. Numquid non ipse est Deus Machabæorum, qui et trium puerorum? Illos ab igne liberavit: illi in tormentis igneis corpore defecerunt, sed in legitimis mandatis animo permanserunt. Illi aperte liberati sunt, illi occulte coronati sunt (*II Machab. vii*). Plus est liberari de flamma gehennarum, quam de fornace potestatis humanae. Si ergo Nabuchodonosor rex laudavit et prædicavit et gloriam dedit Deo, quia liberavit de igne tres pueros, et tantam gloriam dedit, ut decretum miigeret per regnum suum, *Quicumque dixerint blasphemiam in Deum Sidrac, Misac, et Abdenago, in interitum erunt, et domus eorum in perditionem*: quomodo isti reges non moveantur, qui non tres pueros attendant liberatos de flamma, sed seipsos liberatos de gehenna, quando vident Christum, a quo liberati sunt, exsufflari in Christianis, quando audiunt dici christiano, Dic te non esse christianum? Talia facere volunt, et saltem talia pati nolunt.

15. Nam videte qualia faciunt, et qualia patiuntur. Occidunt animas, affliguntur in corpore: sempiternas mortes faciunt, et temporales se perpeti conqueruntur. Et tamen quas patiuntur? Proferunt nobis nescio quos in persecutione suos martyres. Ecce Marcus de petra præcipitatus est: ecce Donatus Bagaiensis in puteum missus est. Quando potestates Romane talia supplicia decreverunt, ut præcipitarentur homines? Quid autem respondent nostri? Quid

¹ Edid, non nocentem. Mss., innocentem.

sit: gestum nescio: tamen quid tradunt nostri? Quia ipsi se præcipitaverunt, et potestates infaniaverunt. Recordemur consuetudinem potestatum Romanarum, et videamus cui credendum sit. Dicunt nostri illos se præcipitasse: si non sunt ipsi discipuli ipsorum qui se modo de saxis nullo perseguente præcipitant, non credamus: quid mirum, si fecerunt illi quod solent? Nam potestates Romane nunquam talibus suppliciis usæ sunt. Num enim non poterant occidere aperte? Sed illi qui se mortuos colli voluerunt, famosiorem mortem non invenerunt. Postremo quidquid illud est, non novi. Et si passa es, o pars Donati, corporalem afflictionem ab Ecclesia catholica, a Sara passa es Agar; redi ad dominam tuam. Locus quidem necessarius aliquanto diutius nos tenuit, ut textum totum evangelicæ lectionis exponere minime valeremus. Fratres, sufficiat interim Charitatē vestræ, ne hæc quæ dicta sunt, dicendo alia, excludantur de cordibus vestris. Hæc tenete, talia dicite, flammantes illuc procedite, accendite frigidos.

TRACTATUS XII.

Ab eo Evangelii loco, Quod natum est de carne, caro est, etc., usque ad id, Qui autem facit veritatem, venit ad lucem, ut manifestentur ejus opera, quia in Deo sunt facta. Cap. iii, § 6-21.

1. Ex eo quod hesterno die intentam fecimus Charitatem vestram, intelligimus vos alacrius et numerosius convenisse: sed interim lectioni evangelicæ ex ordine sermonem debitum reddamus, si placet; deinde audiet Charitas vestra de pace Ecclesiæ vel quid egerimus, vel quid adhuc agendum speremus. Nunc ergo tota intentio cordis ad Evangelium scratur, nemo aliunde cogitet. Si enim qui totus adest, vix capit; qui se per cogitationes diversas dividit, nonne et quod ceperat fundit? Meminit autem Charitas vestra Dominicō præterito, quantum Dominus adjuvare dignatus est, disseruisse nos de spirituali regeneratione (*In superiori Tractatu*): quam lectionem vobis iterum legi fecimus, ut quæ tunc non dicta sunt, in Christi nomine adjuvantibus orationibus vestris impleamus.

2. Regeneratio spiritualis una est, sicut generatio carnalis una est. Et quod Nicodemus Domino ait, verum dixit, quia non potest homo cum sit senex, redire rursum in uterum matris suæ, et nasci. Ille quidem dixit, quia homo cum sit senex, hoc non potest, quasi, et si infans esset, posset. Omnino enim non potest, sive recens ab utero, sive annosa jam ætate, redire rursum in materna viscera, et nasci. Sed sicut ad nativitatem carnalem valent muliebria viscera ad semel parendum; sic ad nativitatem spiritualem valent viscera Ecclesiæ, ut semel quisque baptizetur. Propterea ne quis forte dicat, Sed iste in heresi natus est, et iste in schismate natus est; amputata sunt omnia, si meministis, quæ vobis disputata sunt de tribus patribus nostris, quorum Deus dici voluit, non quia soli erant, sed quia in solis expleta est integritas significandi populi futuri. Invenimus enim natum de

ancilla exhaeredatum, natum de libera hæredem : rursus invenimus natum de libera exhaeredatum, natum de ancilla hæredem. Natus de ancilla exhaeredatus Ismael (*Gen. xxi, 10*), natus de libera hæres Isaac (*Id. xxv, 5*); natus de libera exhaeredatus Esau (*Id. xxvii, 35*), nati de ancillis hæredes filii Jacob (*Id. xl ix*). In illis itaque tribus patribus, omnis futuri populi figura perspecta est : nec immrito Deus inquit, *Ego sum Deus Abraham, et Deus Isaac, et Deus Jacob : hoc mihi*, inquit, *nomen est in eternum* (*Exod. iii, 6, 15*). Magis meminerimus quid promissum sit ipsi Abraham : hoc enim promissum est Isaac, hoc promissum est et Jacob. Quid invenimus ? *In semine tuo benedicentur omnes gentes* (*Gen. xxi, 18*). Credidit tunc unus quod nondum videbat : vident homines, et excœantur. Completum est in gentibus quod promissum est uni : et separantur a communione gentium, qui et quod impletum est videre nolunt. Sed quid illis prodest quia videre nolunt ? Vident, velint nolint; aperta veritas et clausos oculos ferit.

3. Responsum est Nicodemo, qui ex eis erat qui crediderant in Jesum, et ipse Jesus non se credebat eis. Quibusdam enim non se credebat, cum jam in illo credissent. Sic habes scriptum : « Multi crediderunt in nomine ejus, videntes signa quæ faciebat. Ipse autem Jesus non credebat semetipsum illis. Non enim opus habebat ut quisquam testimonium perhiberet de homine ; ipse enim sciebat quid esset in homine » (*Joan. ii, 23-25*). Ecce jam illi credebant in Jesum, et ipse Jesus non se credebat eis. Quare ? Quia nondum erant renati ex aqua et Spiritu. Inde hortati sumus, et hortamur fratres nostros catechumenos. Si enim interroges eos, jam crediderunt in Jesum : sed quia nondum carnem ejus et sanguinem accipiunt, nondum se illis credidit Jesus. Quid faciant, ut se illis credat Jesus ? Renascantur ex aqua et Spiritu, proferat Ecclesia quos parturit. Concepti sunt, edantur in lucem : habent ubera quibus nutriantur, non timeant ne nati suffocentur, ab überibus maternis non recedant.

4. Nullus potest homo redire in matris viscera, et iterum nasci. Sed de ancilla nescio quis natus es ? Numquid tunc qui nati sunt de ancillis, redierunt in uterum liberarum, ut denuo nascerentur ? Semen Abraham et in Ismael ; et ut posset Abraham facere filium de ancilla, uxor auctor fuit. Natus est ex semine viri, et non utero, sed solo placito uxoris (*Gen. xvi, 2-4*). Numquid quia de ancilla, ideo exhaeredatus ? Si propterea exhaeredatus quia de ancilla natus est, nulli ancillarum filii admitterentur ad hæreditatem. Filii Jacob ~~admissi~~ sunt ad hæreditatem : Ismael autem, non quia ex ancilla natus, exhaeredatus, sed quia superbis matri, superbis in filium matris ; mater enim ejus magis Sara quam Agar. Illius uterus accommodatus, illius voluntas accessit ; non faciet Abram quod Sara nollet : magis ergo ille filius Saræ. Sed quia superbis in fratrem, et superbis ludendo, quia deludendo ; quid ait Sara ? *Ejice ancil-*

lam et filium ejus ; non enim hæres erit filius ancilla cum filio meo Isaac (*Gen. xxi, 9, 10*). Non ergo illum viscera ancillæ ejecerunt foras, sed cervix servilis. Et si liber superbis sit, servus est ; et quod pejus est, malæ dominæ, ipsius superbiaz. Itaque, fratres mei, respondete homini non posse rursus nasci hominem ; respondete securi non posse rursus nasci hominem. Quidquid iterum fit, illusio est ; quidquid iterum fit, lusus est. Ismael ludit, foras mittatur. Animadvertis enim eos Sara ludentes, ait Scriptura, et dixit Abraham, *Ejice ancillam et filium ejus*. Dispicuit Saræ lusus puerorum; aliquid novum vidit pueros ludere. Nonne optant hoc quæ filios habent, videre ludentes filios suos ? Vedit illa, et improbabit. Nescio quid vidit in lusu : illusionem vidit in illo lusu, animadvertis servi superbiam ; dispicuit illi, ejecit foras. Nati de ancillis improbi mittuntur foras¹, et natus de libera mittitur foras Esau. Nemo ergo presumat quia de bonis nascitur, nemo presumat quia per sanctos baptizatur. Qui per sanctos baptizatur, adhuc caveat ne non sit Jacob, sed Esau. Illoc ergo, fratres, dixerim : melius est ab hominibus sua querentibus et inundum diligenteribus, quod significat nomen ancillæ, baptizari et spiritualiter hæreditatem querere Christi, ut sit tanquam filius Jacob de ancilla, quam baptizari per sanctos et superbire, ut sit Esau foras mittendus, quamvis natus ex libera. Hæc, fratres, tenete. Non vos palpanus, nulla spes vestra in nobis sit : nec nobis blandimur, nec vobis ; unusquisque suam sarcinam portat. Nostrum est dicere, ne male judicemur : vestrum est audire, et corde audire, ne exigatur quod damus ; uno quando exigitur, lucrum inveniatur, non detrimentum.

5. Dicit Dominus Nicodemo, et exponit ei : *Amen, amen dico tibi, nisi quis renatus fuerit ex aqua et Spiritu, non potest introire in regnum Dei*. Tu, inquit, carnalem generationem intelligis, cum dicis, *Numquid potest homo redire in viscera matris sue* ? ex aqua et Spiritu oportet ut nascatur propter regnum Dei. Si propter hæreditatem patris hominis temporalem nascitur, nascatur ex visceribus matris carnalis : si propter hæreditatem patris Dei sempiternam, nascatur ex visceribus Ecclesiae. Generat per uxorem filium pater moriturus successurum : generat Deus de Ecclesia filios non successuros, sed secum mansuros. Et sequitur : *Quod natum est de carne, caro est : et quod natum est de Spiritu, spiritus est*. Spiritualiter ergo nascimur, et in spiritu nascimur verbo et sacramento. Adest Spiritus, ut nascamus : Spiritus invisibiliter adest unde nasceris, quia et tu invisibiliter nasceris. Sequitur enim, et dicit : *Non miraris quia dixi tibi, oportet vos nasci denuo : Spiritus ubi vult spirat, et vocem ejus audis, sed nescis unde veniat, aut quo vadat*. Nemo videt Spiritum : et quomodo audimus vocem Spiritus ? Sonat Psalmus, vox est Spiritus ; sonat Evangelium, vox est Spiritus ; sonat sermo divinus, vox est Spiritus. *Vocem ejus audis, et nescis unde vo-*

¹ tres MSS. : *Nati de ancillis ad hæreditatem admittuntur filii Jacob, et natus de libera, etc.*

niat, et quo vadat. Sed si nascaris et tu de Spiritu, hoc eris, ut ille qui non est adhuc natus de Spiritu, non sciat de te unde venias, et quo eas. Hoc enim secutus ait: *Sic est et omnis qui natus est ex Spiritu.*

6. *Respondit Nicodemus, et dixit ei: Quomodo posunt haec fieri?* Et revera carnaliter, non intelligebat. In illo siebat quod dixerat Dominus, vocem Spiritus audiebat, et nesciebat unde venerat et quo ibat. *Respondit Jesus, et dixit ei: Tu es magister in Israel, et haec ignoras?* O fratres, quid, putamus Dominum huic magistro Judæorum quasi insultare voluisse? Noverat Dominus quid agebat, volebat illum nasci ex Spiritu. Nemo ex Spiritu nascitur, nisi humiliis fuerit: quia ipsa humilitas facit nos nasci de Spiritu; quia prope est Dominus oblitus corde (*Psal. xxxiii*, 19). Ille magisterio inflatus erat, et alicujus momenti sibi esse videbatur, quia doctor erat Judæorum: deponit ei superbiam, ut possit nasci de Spiritu: insultat tanquam indocto; non quia superior vult videri Dominus. Quid magnum, Deus ad hominem, veritas ad mendacium? Major Christus quam Nicodemus dici debet, dici potest, cogitandum est? Si diceretur major Christus quam Angeli, ridendum erat: incomparabiliter enim major omni creatura, per quem facta est omnia creatura. Sed exagitat superbiam hominis, *Tu es magister in Israel, et haec ignoras?* Tanquam dicens, Ecce nihil nosti, princeps superbus; nascere ex Spiritu: si enim natus fueris ex Spiritu, vias Dei tenebis, ut Christi humilitatem sequaris. Sic enim altus est super omnes Angelos, quia *cum in forma Dei esset, non rapinam arbitratus est esse aequalis Deo; sed semel ipsum exinanivit formam servi accipiens, in similitudinem hominum factus, et habitu inventus ut homo: humiliavit semel ipsum, factus obediens usque ad mortem* (et ne mortis genus tibi aliquod placeat), *mortem autem crucis* (*Philipp. ii*, 6-8). Pendebat, et insultabatur⁶ ei. De cruce descendere poterat; sed differebat, ut de sepulcro resurgeret. Pertulit superbos servos Dominus; medicus ægrotos. Si hoc ille, quid illi quos oportet nasci ex Spiritu? si hoc ille versus magister in cœlo, non hominum tantum, sed et Angelorum. Si enim docti sunt Angeli, Verbo Dei docti sunt. Si Verbo Dei docti sunt, querite unde docti sunt; et invenietis, *In principio erat Verbum, et Verbum erat apud Deum, et Deus erat Verbum* (*Joan. i*, 1). Tollerit homini cervix, sed aspera et dura, ut sit lenis cervix ad portandum jugum Christi, de quo dicitur, *Jugum meum lene est, et sarcina mea levis est* (*Matth. xi*, 30).

7. *Et sequitur: Si terrena dixi vobis, et non creditis; quomodo, si dixero vobis cœlestia, credetis?* Quæ terrena dixit, fratres? *Nisi quis natus fuerit de novo, terrenum est?* *Spiritus ubi vult spirat, et vocem ejus audis, et nescis unde veniat, et quo eat,* terrenum est? Si enim de isto vento diceret, sicut nonnulli intellexerunt (a),⁶ cum quereretur ab eis quid terrenum

(a) De vento accepérunt *Cyrillus, Chrysost., Theophylact.* et auctor *Quæst. Vet. et Nov. Test.*, q. 59. At Augustino consévit *Amb.*, lib. 2 de Fide, cap. 3.

dixerit Dominus, dum ait, *Si terrena dixi vobis, et non creditis; quomodo, si cœlestia dixeris, credetis?* Cum ergo quereretur a quibusdam, quid terrenum dixerit Dominus, angustias passi dixerunt, Quod ait, *Spiritus ubi vult spirat, et vocem ejus audis, et nescis unde veniat, et quo eat,* de isto vento dixit. Quid enim nominavit terrenum? Loquebatur de generatione spirituali: secutus ait, *Sic est omnis qui natus est ex Spiritu.* Deinde, fratres, quis nostrum non videat, verbi gratia, austrum euntem de meridie ad aquilonem; aut alium ventum ventum ventem ab oriente ad occidentem? quomodo ergo nescimus unde veniat et quo eat? Quid ergo dixit terrenum, quod non credabant homines? An illud quod de templo resuscitando dixerat? Corpus enim suum de terra accepérat, et ipsam terram de terreno corpore susceptam parabat suscitare. Non ei creditum est terram suscitatu. *Si terrestria, inquit, dixi vobis et non creditis: quomodo, si cœlestia dixeris, credetis?* Hoc est, si non creditis quia templum possum resuscitare dejectum a vobis; quomodo credetis quia per Spiritum possint homines regenerari?

8. *Et sequitur: Et nemo ascendit in cœlum, nisi qui descendit de cœlo.* Filius hominis qui est in cœlo. Ecce hic erat, et in cœlo erat: hic erat carne, in cœlo erat divinitate; ino, ubique divinitate. Natus de matre, non recedens a Patre. Duæ nativitates Christi intelliguntur; una divina, altera humana: una per quam efficeremur, altera per quam reficeremur: ambæ mirabiles; illa sine matre, ista sine patre. Sed quia de Adam corpus accepérat, quia Maria de Adam, ipsumque corpus suscitatatur erat: terrenum quiddam dixerat, *Solvite templum hoc, et in tribus diebus suscitabo illud* (*Joan. ii*, 19). Cœlesti autem quiddam dixit, *Nisi quis renatus fuerit ex aqua et Spiritu, non videbit regnum Dei* (*Id. iii*, 5). Eia, fratres, Deus voluit esse filius hominis, et homines voluit esse filios Dei. Ipse descendit propter nos, nos ascendamus propter ipsum. Solus enim descendit et ascendit, qui hoc ait, *Nemo ascendit in cœlum, nisi qui descendit de cœlo.* Non ergo ascensuri sunt in cœlum quos facit filios Dei? Ascensuri plane: haec nobis promissio est, *Eranū aequalēs Angelis Dei* (*Matth. xxii*, 30). Quomodo ergo nemo descendit, nisi qui descendit? Quia unus descendit, unus ascendit. Quid de ceteris? quid intelligendum, nisi quia membra ejus erunt, ut unus ascendat? Propterea sequitur, *Nemo ascendit in cœlum, nisi qui de cœlo descendit, Filius hominis qui est in cœlo.* Miraris quia et hic erat et in cœlo? Tales fecit discipulos suos. Paulum audi apostolum dicentem, *Nostra autem conversatio in cœlis est* (*Philipp. iii*, 20). Si homo Paulus apostolus ambulabat in carne in terra, et conversabatur in cœlo, Deus cœli et terræ non poterat esse et in cœlo et in terra?

9. Si ergo nemo, nisi ille, descendit et ascendit, quæ spes est ceteris? Ea spes est ceteris, quia ille propterea descendit ut in illo et cum illo unus essent,

⁶ Editi, unam. MSS., unus.

qui per illum ascensuri essent. Non dicit, *Et semini bus*, ait Apostolus, *tangam in multis; sed tangam in uno*, *Et semini tuo, quod est Christus*. Et fidelibus ait: *Vos autem Christi; si autem Christi, ergo semen Abram etis* (Galat. iii, 16, 20). Quod dixit unum, hoc dixit omnes nos esse. Ideo in Psalmis aliquando plures cantant, ut ostendatur quia de pluribus fit unus; aliquando unus cantat, ut ostendatur quid fiat de pluribus. Propterea unus sanabatur in illa piscina (Joan. v, 4); et quisquis alias descendebat, non sanabatur. Ergo iste unus commendat unitatem Ecclesie. Vnde illis qui oderunt unitatem, et partes sibi faciunt in hominibus! Audiant illum qui volebat eos facere unum in uno ad unum: audiant illum dicentem, *Nolite vos facere multos: ego plantavi, Apollo rigavit; sed Deus incrementum dedit: sed neque qui plantat est aliquid, neque qui rigat, sed qui incrementum dat Deus* (I Cor. iii, 6, 7). Illi dicebant: *Ego sum Pauli, ego Apollo, ego Cephae*. Et ille: *Divisus est Christus* (*Id* i, 12, 13)? In uno estote, unus estote, unus estote: *Nemo ascendit in cælum, nisi qui de cælo descendit*. Ecce volumus esse tui, dicebant Paulo. Et ille: *Nolo sitis Pauli, sed ejus estote cuius est vobiscum Paulus*.

10. Descendit enim et mortuus est, et ipsa morte liberavit nos a morte: morte occisus, mortem occidit. Et nostis, fratres, quia mors ista per diaboli invidiā intravit in mundum. *Deus mortem non fecit*, Scriptura loquitur; *nec lætatur, inquit, in perditione vivorum: creavit enim ut essent omnia* (*Sap.* i, 13, 14). Sed quid ibi ait? *Invidia autem diaboli mors intravit in orbem terrarum* (*Id.* ii, 24). Ad mortem a diabolo propinatam non veniret homo vi adductus: non enim cogendi potentiam diabolus habebat, sed persuadendi versutiam. Non consentires, nihil invexerat diabolus: consensio tua, o homo, te perdixit ad mortem. A mortali mortales nati, ex immortalibus mortales facti. Ab Adam omnes homines mortales: Jesus autem Filius Dei, Verbum Dei, per quod facta sunt omnia, unicus æqualis Patri, mortalis factus est; quia Verbum caro factum est, et habitavit in nobis (*Joan.* i, 13, 14).

11. Ergo mortem suscepit, et mortem suspendit in cruce; et de ipsa morte liberantur mortales. Quod in figura factum est apud antiquos, commemorat illud Dominus: *Et sicut, inquit, Moyses exaltavit serpentem in eremo, ita exaltari oportet Filium hominis; ut omnis qui credit in eum, non pereat, sed habeat vitam æternam*. Magnum sacramentum, et qui legerunt, noverunt. Deinde audient vel qui non legerunt, vel qui forte lectum sive auditum obliiti sunt. Prosternebatur in eremo populus Israel morsibus serpentum, flebat magna strages multarum mortuum¹: plaga enim Dei erat corripiens, et flagellans, ut eruditret. Demonstratum est ibi magnum sacramentum rei future, ipse Dominus testatur in hac lectione, ut nemo possit aliud interpretari quam quod ipsa veritas de se indicat. Dictum est enim ad Moysen a Domino ut faceret æneum serpentem, et exaltaret in ligno in eremo, et admonereret populum Israel, ut si quis morsus esset a serpente, illum serpentem in

¹ In MSS., *stragis multorum mortuorum*.

ligno exaltatum attenderet. Factum est: mordebantur homines, intuebantur, et sanabantur (*Num.* xii, 6-9). Quid sunt serpentes mordentes? Peccata de mortalitate carnis. Quis est serpens exaltatus? Mors Domini in cruce. Quia enim a serpente mors, per serpentis effigiem figurata est. Morsus serpents lethalis, mors Domini vitalis. Attenditur serpens, ut nihil valeat serpens. Quid est hoc? Attenditur mors, ut nihil valeat mors. Sed cujus mors? Mors vitæ: si die potest, Mors vitæ; imo quia dici potest, mirabiliter dicitur. Sed numquid non erit dicendum quod fuit faciendum? Ego dubitem dicere quod Dominus pro magnificatus est facere? Nonne vita Christus? et tamen in cruce Christus. Nonne vita Christus? et tamen mortuus Christus. Sed in morte Christi mors mortua est; quia vita mortua occidit mortem, plenitudo vite deglutivit mortem: absorpta est mors in Christi corpore. Sic et nos dicemus in resurrectione, quando iom triumphantes cantabimus, *Ubi est, mors, contentio tua? ubi est, mors, aculeus tuus* (*I Cor.* xv, 54, 55)? Interim modo, fratres, ut a peccato sanemur; Christum crucifixum intueamur; quia *sicut Moyses, inquit, exaltavit serpentem in eremo, ita exaltari oportet Filium hominis; ut omnis qui credit in eum, non pereat, sed habeat vitam æternam*. Quo modo qui intuebantur illum serpentem, non peribant morsibus serpentum; sic qui intuentur fide mortem Christi, sanabuntur a morsibus peccatorum. Sed illi sanabantur a morte ad vitam temporalem: hic autem ait, *ut habeant vitam æternam*. Hoc enim interest inter figuratam imaginem et rem ipsam: figura præstabilit vitam temporalem; res ipsa cuius illa figura erat, præstat vitam æternam.

12. *Non enim misit Deus Filium suum in mundum, ut judicet mundum, sed ut salvet mundus per ipsum*. Ergo quantum in medico est, sanare venit ægrotum. Ipse se interimit, qui precepta medici observare non vult. Venit Salvator ad mundum: quare Salvator dictus est mundi, nisi ut salvet mundum, non ut judicet mundum? Salvari non vis ab ipso; ex te judicaberis. Et quid dicam, judicaberis? Vide quid ait: *Qui credit in eum, non judicatur; qui autem non credit: quid dictorum speras? nisi, judicetur jam, inquit, judicatus est*. Nondum apparuit judicium, sed jam factum est judicium. Novit enim Dominus qui sunt ejus: novit qui permaneant ad coronam, qui permaneant ad flammarum; novit in area sua triticum, novit paleam; novit segetem, novit zizania. Jam judicatus est qui non credit. Quare judicatus? *Quia non creditit² in nomine unigeniti Filii Dei*.

13. *Hoc est autem judicium, quia lux venit in mundum, et dilexerunt homines magis tenebras quam lucem: erant enim mala opera eorum*. Fratres mei, quorum opera bona invenit Dominus? Nullorum: omnium mala opera invenit. Quomodo ergo quidam fecerunt veritatem, et venerunt ad lacem? Et hoc enim sequitur: *Qui autem facit veritatem, venit ad lucem, ut manifestentur opera ejus, quia in Deo sunt facta*. Quomodo

¹ MSS. duodecim, putas. Alii tres, sperabas.

² Sic etiam legebatur in antiquis corbeiensibus Bibliis, juxta græcum, p. pisteuen. At hanc in Vulgata est, credit.

quidam opus bonum fecerunt, ut venirent ad lucem, id est ad Christum? et quomodo quidam dilexerunt tenebras? Si enim omnes peccatores invenerint, et omnes a peccato sanat, et serpens ille in quo figurata est mors Domini, eos sanat qui morsi fuerant, et propter morsum serpentis erectus est serpens, id est mors Domini, propter mortales homines, quos invenit iustos; quomodo intelligitur, *Hoc est iudicium, quia lux venit in mundum, et dilexerunt homines magis tenebras quam lucem: erant enim mala opera eorum?* Quid est hoc? quoniam enim erant bona opera? Nonne venisti ut justifices impios? Sed *dilexerunt*, inquit, *tenebras magis quam lucem.* Ibi posuit vim: multi enim dilexerunt peccata sua, multi confessi sunt peccata sua: quia qui constiterunt peccata sua, et accusat peccata sua, jam cum Deo facit. Accusat Deus peccata tua: si et tu accusas, coniungeris Deo. Quasi dure res sunt, homo et peccator. Quod audis homo, Deus fecit: quod audis peccator, ipse homo fecit. Dele quod fecisti, ut Deus salvet quod fecit. Oportet ut oderis in te opus tuum, et ames in te opus Dei. Cum autem cœperit tibi displicere quod fecisti, inde incipiunt bona opera tua, quia accusas mala opera tua. Initium operum bonorum, confessio est operum malorum. Facis veritatem, et venis ad lucem. Quid est, Facis veritatem? Non te palpas, non tibi blandiris, non te adulas¹; non dicis, Justus sum, cum sis iniquus, et incipis facere veritatem. Venis autem ad lucem ut manifestentur opera tua, quia in Deo sunt facta; quia et hoc ipsum quod tibi displicuit peccatum tuum, non tibi displiceret, nisi Deus tibi luceret, et ejus veritas tibi ostenderet. Sed qui et admonitus diligit peccata sua, odit admonentem lucem et fugit eam, ut non arguantur opera ejus mala quæ diligit. Qui autem facit veritatem, accusat in se mala sua; non sibi parcit, non sibi ignoscit, ut Deus ignoscat: quia quod vult ut Deus ignoscat, ipse agnoscit, et venit ad lucem; cui gratias agit, quod illi quid in se odisset ostenderit. Dicit Deo, *Averte faciem tuam a peccatis meis: et qua fronte dicit, nisi iterum dicat, Quoniam facinus meum ego cognosco, et peccatum meum coram me est semper (Psal. l. 11, 5)?* Sit ante te quod non vis esse ante Deum. Si autem post te feceris peccatum tuum, retrorquet illud tibi Deus ante oculos tuos; et tunc retrorquet, quando jam penitentiae fructus nullus erit.

14. Currite, ne tenebrae vos comprehendant (*Joan. xii. 33*), fratres mei: evigilate ad salutem vestram, evigilate dum tempus est; nullus retardetur a templo Dei, nullus retardetur ab opere Domini, nullus avocetur ab oratione continua, nullus a solita devotione fraudetur. Evigilate ergo cum dies est: lucet dies, Christus est dies. Paratus est ignoroscere, sed agnoscere; punire autem defendantes se, et justos se jactantes, et putantes se esse aliquid, cum nihil sint. In dilectione autem ejus et in misericordia ejus qui ambo lat, etiam liberatus ab illis letalibus et grandibus peccatis, qualia sunt facinora, homicidia, furta, adulteria; propter illa quæ minuta videantur esse peccata

¹ Sic Ms. At editi, tibi adularis.

lingue, aut cogitationum, aut immoderationis in rebus concessis, facit veritatem confessionis, et venit ad lucem in operibus bonis: quoniam minuta plura peccata si negligantur, occidunt. Minutæ sunt guttæ quæ flumina implent: minutæ sunt grana arenæ; sed si multa arena imponatur, premit atque opprimit. Hoc facit sentina neglecta, quod facit fluctus irruens: paucum per sentinam intrat; sed diu intrando et non exhaustiendo, mergit navim. Quid est autem exhaustire, nisi bonis operibus agere ne obruant peccata, gemendo, jejuno, tribuendo, ignoscendo? Iter autem hujus sæculi molestum est, plenum est tentationibus; in rebus prosperis ne extollat, in rebus adversis ne frangat. Qui tibi dedit felicitatem hujus sæculi, ad consolationem tuam dedit, non ad corruptionem. Rursus qui te flagellat in isto sæculo, ad emendationem, non ad damnationem facit. Ferto patrem eruditem, ne sentias judicem punientem. Hæc quotidie dicimus vobis, et sœpe dicenda sunt, quia bona et salutaria sunt.

TRACTATUS XIII.

Ab eo Evangelii loco, Post hæc venit Jesus et discipuli ejus in Judecam terram, etc., usque ad id, Amicus autem sponsi, qui stat et audit eum, gaudio gaudet propter vocem sponsi. Cap. iii, §. 22-29.

1. Ordo lectionis evangelice secundum Joannem, sicut potestis meminisse, qui curam geritis profectus vestri, ita sequitur, ut hæc quæ modo lecta est, hodie nobis tractanda proponatur. Ab ipso principio usque ad hodiernam lectionem, quæ supra dicta sunt, meministis jam esse tractata. Et si forte inde multa estis oblitū, certe vel officium nostrum manet in vestra memoria. Quæ hinc audieritis de baptismo Joannis, et si non tenetis omnia, audisse vos tamen credo quod teneatis: quæ dicta sunt etiam, quare Spiritus sanctus in columbae specie apparuerit; et quomodo illa nodosissima quæstio soluta sit, quia nescio quid quod non uoverat, didicit Joannes in Domino per columbam, cum jam eum nosset, quando venienti ut baptizaretur, ait, *Ego a te debeo baptizari, et tu venis ad me?* Quando ei Dominus respondit, *Sine modo, ut impleatur omnis justitia (Matth. iii, 14 et 15).*

2. Nunc ergo ad eundem Joannem cogit nos ordo lectionis reverti. Ipse est ille qui prophetatus est per Isaiam, *Vox clamantis in crevo, Parale riam Domino, rectas facito sensas ejus (Isa. xl, 3).* Tale testimonium reddidit Domino suo, et (quia ille dignatus est) amico suo: Dominusque ipsius et amicus ipsius perhibuit et ipse testimonium Joanni. Dixit enim de Joanne, *In natu mulierum non exsurrexit major Joanne Baptista.* Sed quia illi se præposuit, in hoc quod plus erat Joanne, Deus erat. Qui autem minor est, inquit, in regno celorum, major est illo (*Matth. xi, 11*). Minor natiuitate, major potestate, major divinitate, majestate, claritate: tanquam in principio erat Verbum, et Verbum erat apud Deum, et Deus erat Verbum. Sic autem peribnerat in superioribus lectionibus Joannes Dominus testimonium, ut Filium Dei quidem dicaret, Deum non diceret, nec tamen negaret: tacuerat Deum, non

negaverat Deum; sed non omnino tacuit Deum: fortassis enim invenimus hoc in hodierna lectione. Dixerat Pilum Dei: sed dicti sunt et homines filii Dei. Dixerat tantæ excellentiæ illum fuisse, ut non esset ipse dignus corrigiam calceamenti ejus solvere (*Joan. 1, 1, 34, 27*). Jam magnitudo ista multum dat intelligentiæ, cuius non erat dignus corrigiam calceamenti solvere, ille quo nemo surrexerat major in natis mulierum. Plus enim erat omnibus hominibus et Angelis. Nam angelum invenimus prohibuisse, ne homo illi ad pedes caderet. Cum enim quædam in Apocalypsi Angelus ostenderet Joanni, qui scripsit hoc Evangelium, contritus magnitudine visionis Joannes cecidit ad pedes Angelii. Et ille: *Surge, vide ne feceris hoc; Deum adora*¹ *nam ego conservus tuus sum et fratrum tuorum* (*Apoc. xxii, 8, 9*). Cadere ergo sibi ad pedes hominem angelus prohibuit. Nonne manifestum est quia super omnes Angelos est, cui talis homo, quo major nein surrexit in natis mulierum, dicit indignum esse solvere corrigiam calceamenti?

3. Tamen aliquid evidentius dicat Joannes, quia Deus est Dominus noster Jesus Christus. Inveniamus hoc in presenti lectione, quia forte et de illo cantavimus, *Regnavit Deus super omnem terram*: contra quod surdi sunt, qui putant eum in Africa sola regnare. Non enim non dictum est de Christo, cum dictum est, *Regnavit Deus super omnem terram*. Quis est enim aliud rex noster, nisi Dominus noster Jesus Christus? Ipse est rex noster. Et quid audistis in ipso Psalmo, recenti versu modo cantato? *Psallite Deo nostro, psallite: psallite regi nostro, psallite*. Quem dixit Deum, ipsum dixit regem nostrum: *Psallite Deo nostro, psallite: psallite regi nostro, psallite intelligenter*. Ne in una parte velis intelligere cui psallis: *Quoniam rex omnis terræ Deus* (*Psal. xlvi, 3, 7, 8*). Et quomodo est omnis terræ rex, qui visus est in una parte terrarum, in Ierosolyma, in Iudea, ambulans inter homines, natus, sugens, crescens, manducans, bibens, vigilans, dormiens, fatigatus ad puteum sedens, comprehensus, flagellatus, sputis illitus, spinis coronatus, ligno suspensus, lancea percussus, mortuus, sepultus? quomodo ergo rex omnis terræ? Quod videbatur in loco, caro erat: oculis carneis caro apparebat; in carne mortali majestas immortalis occultabatur. Et quibus oculis majestas immortalis penetra compage carnis poterit intueri? Est alias oculus, est interior oculus. Non enim nullos oculos habebat et Tobias, quando excus oculis corporeis filio dabat præcepta vitae (*Tob. iv*). Ille patri manum tenebat, ut pedibus ambularet: ille filio consilium dabat, ut viam justitiae teneret. Et hac oculos video, et hac oculos intelligo. Et meliores oculi dantis vitæ consilium, quam oculi tenentis manum. Tales oculos quærebat et Jesus, quando ait Philippo, *Tanto tempore vobiscum sum, et non cognovisti me?* Tales oculos quærebat, cum ait, *Philippe, qui videt me, videt et Patrem* (*Joan. xiv, 9*). Isti oculi in intelligentia sunt, isti oculi in mente sunt. Ideo cum dixisset Psalmus, *Quoniam rex omnis terræ*

¹ Plerique MSS., *illum adora, hoc est Deum*.

Deus; subiect statim, Psallite intelligenter. Quod enim dico, Psallite Deo nostro, psallite; Deum dico regem nostrum. Sed regem nostrum inter homines vidistis tanquam hominem, vidistis passum, crucifixum, mortuum: latebat aliquid in illa carne quam oculis carnels videre potuistis¹. Quid ibi latebat? Psallite intelligenter; nolite oculis querere quod mente conspicitur. Psallite lingua, quia inter vos caro; sed quia Verbum caro factum est, et habitavit in nobis, reddite sonum carni, reddite Deo mentis obtutum. Psallite intelligenter, et videtis quia Verbum caro factum est, et habitavit in nobis.

4. Dicat et Joannes testimonium: *Post hæc vendi Jesus et discipuli ejus in Judaram terram, et illic demorabatur cum eis, et baptizabat. Baptizatus baptizabat. Non eo baptismo baptizabat quo baptizatus est. Dat baptismum Dominus baptizatus a servo, ostendens humilitatis viam, et perducens ad baptismum Domini, hoc est baptismum suum, præbendo humilitatis exemplum, quia ipse non respuit baptismum servi. Et in baptismo servi via præparabatur Domino, et baptizatus Dominus viam se fecit venientibus². Ipsum audiamus: Ego sum via, veritas et vita* (*Joan. xiv, 6*). Si veritatem queris, viam tene: nam ipsa est ria qua est veritas. Ipsa est quo is, ipsa est qua is; non per aliud is ad aliud, non per aliud venis ad Christum: per Christum ad Christum venis. Quomodo per Christum ad Christum? Per Christum hominem ad Christum Deum: per Verbum carnem factum, ad Verbum quod in principio erat Deus apud Deum; ab eo quod manducavit homo, ad illud quod quotidie manducant Angelii. Sic enim scriptum est, *Panem cari dedit eis: panem Angelorum manducavit homo* (*Psal. lxxvii, 24 et 25*). Quis est panis Angelorum? In principio erat Verbum, et Verbum erat apud Deum, et Deus erat Verbum. Quomodo panem Angelorum manducavit homo? *Et Verbum caro factum est, et habitavit in nobis* (*Joan. 1, 1, 14*).

5. Sed quia diximus manducare Angelos, fratres, ne putetis morsibus fieri. Nam si hoc intellexeritis, quasi dilaniatur Deus quem manducant Angelii. Quis dilaniat justitiam? Sed rursum mihi aliquis dicit: Et quis est qui manducat justitiam? Unde ergo, *Beati qui esuriant et sitiunt justitiam, quoniam ipsi saturabuntur* (*Math. v, 6*)? Cibus quem manducas per carnem, ut reficiaris tu, ille deficit; ut reparet te, consumitur: manduca justitiam, et tu reficeris, et illa integra perseverat. Quomodo videndo istam lucem corpoream reficiuntur isti oculi nostri, et res est corporea que videtur oculis corporeis. Multi enim cum fuerint diutius in tenebris, infirmatur acies ipsorum, quasi jejuno lucis. Fraudati oculi cibo suo (luce quippe paucuntur), defatigantur jejunio et debilitantur, ita ut ipsam lucem qua reficiuntur, videre non possint: et si diutius absuerit, extinguntur, et tanquam moritur in eis ipsa acies lucis. Quid ergo? quia tot oculi quotidie ista luce pascuntur, minor fit? Et illi reficiuntur, et ipsa integra permanet. Si hoc potuit Deus

¹ Sic MSS. At editi, *quod oculis carneis videre non potuisti*.

² MSS. quatuor, viam fecit ad se venientibus. Tres alii, viam se fecit ad se venientibus.

de luce corporea corporeis oculis exhibere ; non exhibet mundis cordibus lucem illam infatigabilem, integrum perseverantem, nulla ex parte deficientem? Quam lucem? *In principio erat Verbum, et Verbum erat apud Deum.* Videamus si lux est. *Quoniam apud te est fons vita, et in lumine tuo videbimus lumen* (*Psal. xxxv, 10*). In terra aliud est fons, aliud lumen. Sicut enim quæris fontem, et ut pervenias ad fontem, quæris lucem : et si dies non est, accendis lucernam, ut ad fontem pervenias. Fons ille, ipsa est lux; sicut fons est, cæco lux est : aperiantur oculi ut videant lucem, aperiantur fantes cordis ut bibant fontem; quod bibis, hoc vides, hoc audis. Totum tibi sit Deus; quia horum quæ diligis, totum tibi est. Si visibilia attendis, nec panis est Deus, nec aqua est Deus, nec lux ista est Deus, nec vestis est Deus, nec domus est Deus. Omnia enim hæc visibilia sunt, et singula sunt : quod est panis, non hoc est aqua; et quod est vestis, non hoc est domus; et quod sunt ista, non hoc est Deus : visibilia enim sunt. Deus tibi totum est : si esurus, panis tibi est; si sitiis, aqua tibi est; si in tenebris es, lumen tibi est, quia incorruptibilis manet; si nudus es, immortalitatis vestis tibi est, cum corruptibile hoc induerit incorruptionem, et mortale hoc induerit immortalitatem (*I Cor. xv, 53, 54*). Omnia possunt dici de Deo, et nihil digne dicitur de Deo. Nihil latius hac inopia. Quæris congruum nomen, non invenis; quæris quoquo modo dicere, omnia invenis. Quid simile, agnus et leo? De Christo utruque dictum est : *Ecce agnus Dei* (*Joan. i, 29*). Quomodo leo? *Vicit leo de tribu Juda* (*Apoc. v, 5*).

6. Audiamus Joannem : *Baptizabat Jesus.* Diximus quia baptizabat Jesus. Quomodo Jesus? quomodo Dominus? quomodo Dei Filius? quomodo Verbum? Sed Verbum caro factum est. *Erat autem et Joannes baptizans in Aenon juxta Salim.* Lacus quidam Aenon¹. Unde intelligitur quia lacus erat? *Quia aquæ multæ erant ibi, et veniebant, et baptizabantur.* Nondum enim missus erat in carcerem Joannes. Si meministis (ecce iterum dico), dixi quare baptizabat Joannes: quia oportebat ut Dominus baptizaretur. Et quare oportebat ut Dominus baptizaretur? Quia multi contempti erant Baptismum, eo quod jam majore gratia prædicti viderentur, quam viderent alios fideles. Verbi gratia, jam continebatur vivens catechumenus, contemneret conjugatum, et diceret se meliorem quam ille sit filialis. Ille catechumenus posset dicere in corde suo: *Quid mihi opus est Baptismum accipere, ut hoc habeam quod et iste, quo jam melior sum?* Ne ergo cervix ista præcipitaret quosdam de meritis justitiae sue plurimum elatos, baptizari voluit Dominus a servo; tanquam alloquens filios capitales: *Quid vos extollitis? quid erigitis, quia habetis, ille prudentiam, ille doctrinam, ille castitatem, ille fortitudinem patientiam? Numquid tantum habere potestis, quantum ego qui dedi?* Et tamen ego baptizatus sum a servo, vos dignamini a Domino. Hoc est, *Ut impleatur omnis justitia* (*Matth. iii, 15*).

¹ In aliquot MSS., sali n locus quidam, ration lacus.

7. Sed dicet aliquis: Sufficiebat ergo ut baptizaret Dominum Joannes; quid opus erat ut alii baptizarentur a Joanne? Et hoc diximus, quia si solus Dominus baptizaretur a Joanne, non decesset ista cogitatio hominibus, quod meliorem habebat baptismum Joannes quam Dominus. Dicerent enim: Usque adeo magnus erat baptismus quem habuit Joannes, ut solus Christus illo fuerit dignus baptizari. Ergo ut ostenderetur melior baptismus quem datus erat Dominus, et ille tanquam servi intelligeretur, ille tanquam Domini, baptizatus est Dominus, ut præberet humilitatis exemplum: non solus autem baptizatus est ab eo, ne baptismus Joannis melior baptismu Domini videretur. Ad hoc autem viam præbuit Dominus noster Jesus Christus, sicut audistis, fratres, ne quis arrogans quod habeat abundantiam alicujus gratiæ, dignetur baptizari baptismu Domini. Quantumcumque enim catechumenus proficiat, adhuc sarcinam iniquitatis suæ portat: non illi dimittitur, nisi cum venerit ad Baptismum. Quomodo non caruit populus Israel populo Ægyptiorum, nisi cum venisset ad mare Rubrum (*Exod. xiv*); sic pressura peccatorum nemo caret, nisi cum ad fontem Baptismi venerit.

8. *Facta est ergo quæstio ex discipulis Joannis cum Judæis de purificatione.* Baptizabat Joannes, baptizabat Christus: moti sunt discipuli Joannis; concurrebatur ad Christum, veniebatur ad Joannem¹. Qui enim veniebant ad Joannem, mittebat illos ad Jesum baptizari; non mittebantur ad Joannem, qui a Christo baptizabantur. Turbati sunt discipuli Joannis, et cœperunt quæstionem tractare cum Judæis, quomodo solet fieri. Intelligas dixisse Judæos majorem esse Christum, et ad ejus baptismum debere concurri. Illi nondum intelligentes, defendebant baptismum Joannis. Ventum est ad ipsum Joannem, ut solveret quæstionem. Intelligat Charitas vestra. Et hic utilitas ipsa humilitatis agnoscatur, et ostenditur utrum in ipsa quæstione cum errarent homines, gloriari apud se voluerit Joannes. Fortasse enim dixit: Verum dicitis, recte contenditis, baptismus meus est melior. Nam ut noveritis quod baptismus meus est melior, ipsum Christum ego baptizavi. Poterat hoc dicere Joannes, baptizato Christo. Quantum, se si vellet extendere, habebat ubi se extenderet? Sed nuelius noverat apud quem se humiliaret: quem se noverat nascendo antecedere, illi voluit confitendo cedere; salutem suam intelligebat in Christo esse. Jam dixerat superius, *Nos omnes de plenitudine ejus accipimus* (*Joan. i, 16*): et hoc confiteri Deum est. Quomodo enim omnes homines de plenitudine ejus accipiunt, nisi ille sit Deus? Nam si sic ille homo ut non Deus, de plenitudine Dei accipit etiam ipse, et sic non Deus est. Si autem omnes homines de plenitudine ejus accipiunt, ille est fons, illi bibentes. Qui bibunt fontem, et sitire possunt et bibere; fons nunquam sinit, fons se ipso non egit. Fons egent homines; aridis visceribus, aridis fauibus currunt ad fontem ut reficiantur: fons fluit ut reficiat; ita Dominus Jesus.

¹ Duo MSS., veniebatur a Joanne.

9. Videamus ergo quid responderit Joannes : *Venerunt ad Joannem, et dixerunt ei : Rabbi, qui erat secum trans Jordanem, cui tu testimonium perhibisti, ecce hic baptizat, et omnes veniunt ad illum : hoc est, Quid dicis? non sunt prohibendi, ut ad te potius veniant? Respondit, et dixit : Non potest homo quidquam accipere, nisi ei datum fuerit de cælo. De quo putatis hoc dixisse Joannem? De scipso : Quasi homo accepi, ait, de cælo. Intendat Charitas vestra. Non potest homo quidquam accipere, nisi fuerit ei datum de cælo. Ipsi vos mihi testimonium perhibetis quod dixerim, Ego non sum Christus. Tanquam dicens, quid vos fallitis? vos ipsi mihi quomodo proposuistis istam quæstionem? Quid mihi dixistis? Rabbi, qui erat tecum trans Jordanem, cui tu testimonium perhibuisti. Nostis ergo quale testimonium illi perhibui : modo dicturus suni non esse illum quem dixi esse? Ergo quia aliquid accepi de cælo ut aliquid essem, inanem me vultis esse, ut loquar contra veritatem? Non potest homo accipere quidquam, nisi fuerit illi datum de cælo. Ipsi vos mihi testimonium perhibetis quod dixerim, Ego non sum Christus. Non es tu Christus : sed quid, si major illo, quia tu illum baptizasti? Missus sum : ego præsum, ille judex est.*

10. Et audi testimonium multo vehementius, multo expressius. Videate quid nobiscum agitur; videate quid amare debeamus; videate quia aliquem hominem amare pro Christo, adulterium est. Quare hoc dico? Autendamus vocem Joannis: poterat in illo errari, poterat ipse putari qui non erat; respuit a se falsum honorem, ut teneat solidam veritatem. Videate quid dicat Christum, quid se: *Qui habet sponsam, sponsus est. Casti estote, sponsum amate. Quid autem tu es, qui nobis dicas, Qui habet sponsam, sponsus est? Amicus autem sponsi, qui stat et audit eum, gaudio gaudet propter vocem sponsi. Aderit Dominus Deus noster pro motu cordis mei, multo enim genitu plenum est, dicere quod doleo: sed obsecro vos per ipsum Christum, ut quod dicere non potuero, vos cogitetis; novi enim dolorem meum exprimi satis digne non posse. Multos enim adulteros video, qui sponsam tanto prelio emptam, amatam fœdam ut pulchra fieret, illo emptore, illo liberatore, illo decoratore, possidere volunt; et id agunt verbis suis, ut pro sponso amentur. De illo dictum est, *Hic est qui baptizat* (Joan. 1, 35). Quis huc exit et dicit, Ego baptizo? quis huc exit et dicit, Ego quod dedero, hoc est sanctum? quis huc procedit qui dicit, Bonum est tibi ut nascaris ex me? Amicum sponsi audiamus, non adulteros sponsi: audiamus zelantem, sed non sibi.*

11. Fratres, regredimini corde ad vestras domos, carnalia loquor, terrena loquor; humanum dico, propter insírmitatē carnis vestræ (Rom. vi, 19). Multi habentis conjuges, multi habere vultis, multi etsi non vultis, habuistis; multi qui omnino conjuges habere non vultis, de conjugibus patrum vestrorum nati estis: nullum cor est quod non iste tangat affectus; nullus in rebus humanis tam avius a genere humano

¹ In pluribus MSS., ego qui.

est, qui quod dico non sentiat. Ponite aliquem per egre profectum, commendasse amico suo sponsam suam: Vide, queso te, clarus meus es, ne forte me absente pro me aliquis ametur. Qualis ergo ille, qui custodiens sponsam vel uxorem amici sui, dat quidem operam ut nullus alius ametur, sed si se amari pro amico voluerit, et uti voluerit commendata sibi, quam de testandus universo humano generi appetat? Videat illam aliquanto petulantius per fenestram attendere aut jocari cum aliquo, prohibet tanquam zelet: video zelantem, sed videam cui; utrum amico absenti, an sibi præsenti. Putate hoc Dominum nostrum Jesum Christum fecisse. Commendavit amico suo sponsam suam, peregre profectus est accipere regnum, sicut dicit ipse in Evangelio (Luc. xix, 12), et tamen præsens est majestate. Fallatur amicus qui trans mare profectus est; et si fallitur, vœ illi qui fallit! quid Deum fallere conantur, Deum intuentem omnium corda, et omnium secreta rimantem? Existit aliquis hereticus, et dicit: Ego do, ego sanctifico, ego justifico, nolo eas ad illam sectam. Bene quidem zelat, sed vide cui. Non eas ad idola, bene zelat: non ad sortilegos, bene zelat. Videamus cui zelat: Ego quod do sanctum est, quia ego do; ego quem baptizo baptizatus est, quem non baptizo non est baptizatus. Audi amicum sponsi, disce zelare amico tuo: audi vocem illius, *Hic est qui baptizat*. Quare tibi vis arrogare quod tuum non est? Usque adeo absens est qui hic reliquit sponsam suam? Nescis quia ille qui a mortuis resurrexit, ad dexteram Patris sedet? Si contempserunt eum Judæi in ligno pendenter, tu contemnis in cælo sedentem? Noverit Charitas vestra magnum dolorem me pati de hac re: sed, ut dixi, dimitto cætera cogitationibus vestris. Non enim dico, si loquar tota die; si plangam tota die, non sufficio: non dico, si habeam, sicut dicit propheta, *fontem lacrymarum* (Jerem. ix, 1); sed si convertar in lacrymas, et lacrymæ siam¹, in linguis, et linguae siam, parum est.

12. Redeamus, videamus quid dicit iste: *Qui habet sponsam, sponsus est; non est mea sponsa. Et non gaudes in nuptiis?* Imo gaudeo, ait: *Amicus autem sponsi, qui stat et audit eum, gaudio gaudet propter vocem sponsi.* Non, inquit, gaudeo propter vocem meam, sed propter vocem sponsi gaudeo. Ego sum in audiendo, ille in dicendo: ego sum enim illuminandus, ille lumen; ego sum in aure, ille Verbum. Ergo amicus sponsi stat et audit eum. Quare stat? Quia non cadit. Quare non cadit? Quia humilis est. Vide stantem in solido: *Non sum dignus corrigiam calceamenti ejus solvere* (Joan. 1, 27). Bene te humilias, merito non cadis, merito stas, merito audis eum, et gaudio gaudes propter vocem sponsi. Sic et Apostolus amicus sponsi, zelat et ipse, non sibi, sed sponso. Audi vocem zelantis: *Zelo Dei vos zelo, dixit; non meo, non mihi, sed zelo Dei.* Unde? quomodo? quam zelas, vel cui zelas? *Desponsavi enim vos uni viro, virginem castam exhibere Christo.* Quid ergo times? quare zelas?

¹ MSS. I rope omnes emittunt, in lacrymas et lacrymæ siam.

Timeo, inquit, ne sicut serpens seduxit Eram astutia sua, sic et vestri sensus corrumpantur a castitate quae est in Christo (Il Cor. xi, 2, 3). Omnis Ecclesia virgo appellata est. Diversa esse membra Ecclesiae, diversis donis pollere videtis atque gaudere : alii conjugati, aliae conjugatae, alii viduati uxores ultra non querunt, aliae viduate maritos ultra non querunt, alii integratatem ab ineunte ætate conservant, aliae virginitatem suam Deo voverunt ; diversa sunt munera, sed omnes isti una virgo est. Ubi est ista virginitas ? non enim in corpore¹. Paucarum seminarum est, et si dici virginitas in viris potest, paucorum virorum sancta integritas etiam corporis est in Ecclesia, et honorabilius membrum est : alia autem membra non in corpore, sed omnia in mente servant virginitatem. Quæ est virginitas mentis ? Integra fides, solida spes, sincera charitas. Hanc virginitatem timebat ille, qui zelabat sponso, a serpente corrumpi. Sicut enim membrum corporis violatur in quodam loco, sic seductio linguae violat virginitatem cordis. In mente non corrumpatur, quæ non vult sine causa tenere corporis virginitatem.

43. Quid ergo dicam, fratres ? Et haeretici habent virgines, et multæ sunt virgines haereticorum. Videamus si sponsum amant, ut virginitas ista custodiatur. Cui custoditur ? Christo, inquit. Videamus si Christo, non Donato : videamus cui servetur ista virginitas ; cito probare poteritis. Ecce ostendo sponsum, quia ipse se ostendit : perhibet illi testimonium Joannes, *Hic est qui baptizat*. O tu virgo, si sponso huic servas virginitatem tuam, quare curris ad eum qui dicit, Ego baptizo ; cum amicus sponsi tui dicat, *Hic est qui baptizat* ? Deinde sponsus tuus totum orbem tenet ; quare tu in parte corrumperis ? Quis est sponsus ? *Quoniam rex omnis terræ Deus* (Psal. xlvi, 8). Ipse sponsus tuus totum tenet, quia totum emit. Vide quanti emerit, ut intelligas quid emerit : quod pretium dedit ? Sanginem dedit. Ubi dedit, ubi sudit sanguinem suum ? In passione. Nonne sponso tuo cantas, aut cantare te flingis, quando emptus est totus orbis : *Foderunt manus meas et pedes, dinumeraverunt omnia ossa mea* : ipsi vero consideraverunt, et conspexerunt me ; *diviserunt sibi vestimenta mea, et super vestem meam miserunt sortem* ? Sponsa es, agnosce vestem sponsi tui. Super quam vestem missa est sors ? Interroga Evangelium ; vide cui despontata sis, vide a quo arrhas accipias. Interroga Evangelium ; vide quid tibi dicat in passione Domini. *Erat ibi tunica* : videamus qualis : *desuper texta*. Desuper texta tunica quid significat, nisi charitatem ? desuper texta tunica quid significat, nisi unitatem ? Hanc tunicam attende, quam nec persecutores Christi diviserunt. Ait enim : *Dixerunt inter se, Non dividamus eam, sed sortem super eam mittamus* (Joan. x:23, 24). Ecce unde audistis Psalmum. Vestem persecutores non considerunt : christiani Ecclesiam dividunt.

¹ Sic aliquot MSS. At editi : *Non enim in corpore. In corpore paucarum seminarum est*. Et post, loco *sacra integritas*, habent, *sancitas, integritas*.

44. Sed quid dicam, fratres ? Aperte videamus quid emerit. Ibi enim emit, ubi ¹ pretium dedit. Pro quanto dedit ? Si pro Africa dedit, simus Donatistæ, et non appellemus Donatistæ, sed Christiani ; quia Christus solam Africam emit : quanquam et hic non soli Donatistæ. Sed non tacuit in commercio suo quid emerit. Fecit tabulas : Deo gratias, non nos sefelli. Opus est ut audiat illa sponsa, et ibi intelligat cui voverit virginitatem. Ibi in ipso psalmo ubi dictum est, *Foderunt manus meas et pedes, dinumeraverunt omnia ossa mea* ; ubi passio Domini apertissime declaratur : qui psalmus omni anno legitur novissima hebdomada intento universo populo, imminente passione Christi, et apud nos, et apud illos psalmus iste legitur. Intendite, fratres, quid ibi emit ; recitentur tabulae commerciales ; quid ibi emit, audite : *Commemorabuntur et convertentur ad Domum universi fines terræ* ; et *adorabunt in conspectu ejus universæ patriæ gentium* : *quoniam ipsis est regnum, et ipse dominabitur gentium* (Psal. xxi, 29-3). Ecce quid emit. Ecce *quoniam rex omnis terræ Deus* est sponsus tuus. Quid ergo ad pannos vis deduci talem divitem ? Agnosce : totum emit, et tu dicas, Partem hic habes. O si placeres sponso, o si non corrupta loquereris, et corrupta, quod pejus est, corde, non corpore ! Amas hominem pro Christo, amas dicentem, Ego baptizo : amicum sponsi non audis dicentem, *Hic est qui baptizat* ; non audis dicentem, *Qui habet sponsam, sponsus est*. Ego non habeo sponsam, dixit : sed quid sum ? Amicus autem sponsi, qui stat et audit eum, *gaudio gaudet propter vocem sponsi* (1 Cor. xiii, 1).

45. Evidenter ergo, fratres mei, nihil prodest istis servare virginitatem, habere continentiam, elemosinas dare ; omnia illa quæ laudantur in Ecclesia, nihil illis prosunt : quia concindunt unitatem, id est, tunicae illam charitatis. Quid faciunt ? Diserti sunt multi inter illos, magnæ linguae, flumina linguarum. Numquid angelice loquuntur ? Audiant amicum sponsi zelantem sponso, non sibi : *Si linguis hominum loquar et Angelorum, charitatem autem non habeam, factus sum ut æramentum sonans, aut cymbalum tinniens* (1 Cor. xiii, 1).

46. Sed quid dicunt ? Habemus Baptismum. Habes, sed non tuum. Aliud est habere, aliud dominari. Baptismum habes, quia accepisti ut baptizatus sis, accepisti tanquam illuminatus ; si tamen a te non tenebratus : et quando das, minister das, non possessor ; præco clamas, non judex. Per præconem loquitur judex, et in actis tamen non scribitur, Præco dixit ; sed, Judex dixit. Proinde vide si tuum es quod das, potestate. Si autem accepisti, confitere cum amico sponsi, *Non potest homo accipere quidquam, nisi datum fuerit ei de cœlo*. Confitere cum amico sponsi, *Qui habet sponsam, sponsus est ; amicus autem sponsi stat et audit cum*. Sed o si stares et audires eum, et non caderes ut audires te ! Audiendo enim eum, stares et audires : nam loqueris, et tibi caput inflas. Ego, inquit Ecclesia, si sponsa sum, si arrhas accepi, si pretio sanguinis illius redempta sum, audio vocem sponsi ; et vocem amici sponsi tunc audio, si sponso

¹ Er., ibi. M.

meo det gloriam, non sibi. Dicat amicus, *Qui habet sponsam, sponsus est: amicus autem sponsi stat et audit eum, et gaudio gaudet propter vocem sponsi.* Ecce habes Sacra menta, et ego concedo. Habes formam, sed sarm entum es de vite prae cism; tu formam ostendis, ego radicem quero: de forma fructus non exit, nisi ubi est radix; ubi autem est radix, nisi in charitate? Et audi formam sarm entorum; Paulus loquatur: *Si sciam, inquit, omnia sacramenta, et habeam omnem prophetiam et omnem fidem* (et quantam fidem?), ita ut montes transferam, charitatem autem non habeam, nihil sum (*I Cor. xiii, 1, 2.*)

47. Nemo ergo vobis fabulas vendat. Et Pontius fecit miraculum; et Donatus oravit, et respondit ei Deus de celo. Primo, aut falluntur aut fallunt. Postremo, fac illum montes transferre: *Charitatem autem, inquit, non habeam, nihil sum.* Videamus utrum habuerit charitatem. Credarem, si non divisisset unitatem. Nam et contra istos, ut sic loquar, mirabilioris cantum me fecit Deus meus, dicens: *In novissimis temporibus exsurgent pseudoprophetæ, facientes signa et prodigia, ut in errorum inducent, si fieri potest, etiam electos: ecce prædici vobis* (*Marc. xiii, 22, 23.*). Ergo cautos nos fecit sponsus, quia et miraculis decipi non debemus. Aliquando enim et desertor terret provincialem; sed utrum in castris sit, et aliquid illi proposit character ille in quo signatus est, hoc attendit qui terreri et seduci non vult. Teneamus ergo unitatem, fratres mei: præter unitatem, et qui facit miracula nihil est. In unitate enim erat populus Israel, et non faciebat miracula: præter unitatem erant magi Pharaonis, et faciebant similia Moysi (*Exod. vii, 12, 22, et viii, 7.*) Populus Israel, ut dixi, non faciebat: qui erant salvi apud Deum; qui faciebant, an qui non faciebant? Petrus apostolus resuscitavit mortuum (*Act. ix, 40;* Simon Magus fecit multa (*Id. viii, 10*): erant ibi quidam christiani qui non poterant facere, nec quod faciebat Petrus, nec quod faciebat Simon; sed unde gaudebant? Quia nomina eorum erant scripta in celo. Nam et redeuntibus discipulis, Dominus noster Jesus Christus propter fidem gentium hoc ait. Dixerunt enim gloriantes ipsi discipuli, *Ecce, Domine, in nomine tuo etiam dæmonia nobis subjecta sunt.* Bene quidem confessi sunt, detulerunt honorem nomini Christi; et tamen quid ait eis? *Nolite in hoc gloriarri, quia dæmonia vobis subjecta sunt; sed gaudete, quia nomina vestra scripta sunt in celo* (*Luc. x, 17-20.*) Petrus dæmonia exclusit; nescio quæ anicula vidua, nescio quis homo qualiscumque laicus habens charitatem, tenens integratatem fidei, non facit hoc: Petrus in corpore oculus est, ille in corpore digitus; in eo tamen corpore est, in quo et Petrus; et si minus valet digitus quam oculus, non est tamen præcisis a corpore. Melius est esse digitum et esse in corpore, quam esse oculum et evelli de corpore.

48. Proinde, fratres mei, nemo vos fallat, neiso vos seducat: amate pacem Christi, qui pro vobis crucifixus est, cum Deus esset. Paulus dicit, *Negre qui plantat est aliquid, neque qui rigat, sed qui incremen-*

tum dat Deus (*I Cor. iii, 7.*) Et quisquam nostrum dicit quia aliquid est? Si dixerimus quia aliquid sumus, et non illi gloriam dederimus, adulteri sumus; nos amari volumus, non sponsum. Vos Christum diligite, et nos in illo, in quo et vos a nobis diligimini. Invicem se diligent membra, sed omnia sub capite vivant. Dolore quidem, fratres mei, multa coactus sum dicere, et parva dixi: lectiōnem finire non potui¹, aderit Dominus ut opportune finiat. Nolui enim amplius onerare corda vestra, quæ volo vacare gemitis, et orationibus pro his qui adhuc surdi sunt, et non intelligent.

TRACTATUS XIV.

Ab eo Evangelii loco, Hoc ergo gaudium meum impletum est, etc., usque ad id, Qui autem incredulus est Filio, non videbit vitam, sed ira Dei manet super eum. Cap. iii, §. 29-36.

1. Lectio ista de sancto Evangelio excellentiam divinitatis Domini nostri Jesu Christi, et humilitatem hominis qui meruit dici amicus sponsi, nos docet; ut distinguamus quid intersit inter hominem hominem, et hominem Deum. Quia homo Deus Dominus noster Jesus Christus, Deus ante omnia saecula, et homo in nostro saeculo: Deus de Patre, homo de Virgine, unus tamen atque idem Dominus et Salvator Jesus Christus, Filius Dei, Deus et homo. Joannes vero excellentis gratiae missus ante ipsum; illuminatus ab illo qui lumen est. De Joanne enim dictum est, *Non erat ille lumen, sed ut testimonium perhiberet de lumine* (*Joan. i, 8.*) Potest quidem dici lumen, et bene dicitur et ipse lumen; sed illuminatum, non illuminans. Aliud est enim lumen quod illuminat, et aliud lumen quod illuminatur: nam et oculi nostri lumina dicuntur, et tamen in tenebris patent, et non vident. Lumen autem illuminans a seipso lumen est, et sibi lumen est, et non indiget alio lumine ut lucere possit, sed ipso indigent cetera ut luceant.

2. Confessus est ergo Joannes, sicut audistis, quia cum discipulos multos faceret Jesus, et perserretur ad eum veluti ut instigaretur; quasi invido enim narraverunt, Ecce ille facit plures discipulos quam tu: ille confessus est quid esset, et inde meruit ad ipsum pertinere, quia non est ausus se dicere quod est ille. Hoc ergo dixit Joannes, « Non potest homo accipere quidquam, nisi datum illi fuerit de celo. » Ergo Christus dat, homo accipit. « Ipsi vos mihi testimonium perhibetis quod dixerim, Ego non sum Christus, sed quia missus sum ante illum. Qui habet sponsam, sponsus est: amicus autem sponsi, qui stat et audit eum, gaudio gaudet propter vocem sponsi » (*Id. iii, 26-29.*) Non sibi gaudium fecit de se. Qui enim vult gaudere de se, tristis erit: qui autem de Deo vult gaudere, semper gaudebit; quia Deus sempiternus est. Vis habere gaudium sempiternum? Inhaere illi qui sempiternus est. Talem se dixit Joannes. *Propter vocem sponsi gaudet amicus sponsi*, ait, non propter vocem suam: et stat, et audit eum. Si ergo cadit, non

¹ Sic Mag. At editi, et pauca dixi: *lectionem tamen finire non potui.*

audit eum : de illo enim quodam qui recidit, dictum est, *Et in veritate non stetit* (*Joan. viii. 44*) ; de diabolo dictum est. Ergo stare debet amicus sponsi et audire. Quid est stare? Permanere in gratia ejus quam accepit. Et audit vocem ad quam gaudeat. Sic erat Joannes : noverat unde gaudebat, non sibi arrogabat quod ipse non erat; sciebat illuminatum se, non illuminatorem. *Erat autem lumen verum*, ait Evangelista, *quod illuminat omnem hominem venientem in hunc mundum* (*Id. 1, 9*). Si ergo omnem hominem, et ipsum Joannem; quia et ipse de hominibus. Etenim quamvis nemo exsurrexit major Joanne in natis mulierum (*Matth. xi, 11*), unus tamen et ipse ex his qui nati sunt ex mulieribus. Numquid comparandus est ei qui, quia voluit, natus est; et ideo novo partu, quia natus natus? Ambae enim generationes Domini inusitate sunt, et divina et humana: divina non habet matrem, humana non habet patrem. Ergo unus de ceteris Joannes, sed tamen majoris gratiae, ita ut in natis mulierum nemo exsureret major illo, tantam testificationem tribuit Domino nostro Iesu Christo, ut illum dicat sponsum, se amicum sponsi, non dignum tamen solvere corrigiam calceamenti ipsius. Hinc audiuit jam multa Charitas vestra: quod sequitur videamus; aliquantum enim spissum est ad intelligendum. Sed quoniam dicit ipse Joannes, quia non potest homo accipere quidquam, nisi datum illi fuerit de caelo; quidquid non intellexerimus, rogemus eum qui dat de caelo: quia homines sumus, et non possumus accipere quidquam, nisi ille dederit qui homo non est.

3. Hoc ergo sequitur, et dicit Joannes, *Hoc ergo gaudium meum impletum est*. Quod est gaudium ipsius? Ut gaudeat ad vocem sponsi. Impletum est in me, habeo gratiam meam, plus mihi non assumo, ne et quod accepi amittam. Quod est hoc gaudium? *Gaudio gaudet propter vocem sponsi*. Intelligat ergo homo non se gaudere debere de sapientia sua, sed de sapientia quam accepit a Deo. Nihil plus querat, et non amittit quod invenit. Multi enim ideo facti sunt insipientes, quia dixerunt se esse sapientes. Arguit illos Apostolus, et dicit de ipsis: « Quia quod notum est Dei, ait, manifestum est illis: Deus enim illis manifestavit. » De quibusdam ingratis, impiis, audite quid dicat: « Deus enim illis manifestavit. Invisibilia enim ejus, a creatura mundi, per ea quae facta sunt, intellecta conspicuntur; sempiterna quoque virtus ejus ac divinitas, ut sint ipsi inexcusabiles. » Quare inexcusabiles? Quia « cognoscentes Deum; » non dixit, quia non cognoverunt; « cognoscentes Deum, non sicut Deum glorificaverunt aut gratias egerunt; sed evanuerunt in cogitationibus suis, et obscuratum est insipientis cor eorum: dicentes enim se esse sapientes, stolidi facti sunt » (*Rom. i, 19-22*). Si enim Deum cognoverant, simul cognoverant quia non eos fecerat sapientes nisi Deus. Non ergo sibi tribuerent quod a se non habebant, sed ei a quo acceperant. Non autem agendo gratias insipientes facti sunt. Ergo Deus quod dederat gratis, tulit gratis. Noluit esse hoc Joannes, gratus esse voluit:

confessus est accepisse se, et gaudere se dixit propter vocem sponsi, et ait, *Hoc ergo gaudium meum impletum est*.

4. *Illum oportet crescere, me autem minui*. Quid est hoc? Illum oportet exaltari, me autem humiliari. Quomodo crescit Jesus? quomodo crescit Deus? Perfectus non crescit. Deus autem nec crescit, nec minuitur. Si enim crescit, perfectus non est: si minuitur, Deus non est. Jesus autem Deus quomodo crescit? Si ad aetatem, quia dignatus est esse homo, et fuit puer; et cum sit Verbum Dei, infans in praesepi jacuit, et cum ipse matrem suam consideret, lac infantiae de matre suxit: quia crevit ergo Jesus aetate carnis, ideo forte dictum est, *Illum oportet crescere, me autem minui*. Sed quare et hoc? Joannes et Jesus, quod ad carnem pertinet, coevi erant: sex menses inter se habebant (*Luc. i, 36*), pariter creverant; et si diutius ante mortem Dominus noster Jesus Christus vellet hic esse, et ipsum Joannem hic secum esse, quomodo pariter creverant, ita pariter senescere poterant: quare ergo, *Illum oportet crescere, me autem minui*? Primo, quia jam et Dominus triginta annorum erat (*Id. iii, 23*): numquid juvenis, si jam triginta annorum sit, adhuc crescit? Jam ab ipsa aetate vergere incipiunt homines, et declinare ad graviorem aetatem, et inde ad senectudem. Sed et si pueri essent ambo, non diceret, *Illum oportet crescere, me autem minui*; sed diceret, Simul nos oportet crescere. Nunc autem triginta annorum ille, triginta et ille: sex menses qui intererant, nullam distinguunt aetatem; magis illud invenit lectio quam aspectio.

5. Quid ergo est, *Illum oportet crescere, me autem minui*? Magnum hoc sacramentum! intelligat Charitas vestra. Antequam veniret Dominus Jesus, homines gloriabantur de se: venit ille homo, ut minueretur hominis gloria, et augeretur gloria Dei. Etenim venit ille sine peccato, et invenit omnes cum peccato. Si sic venit ille ut dimitteret peccata, Deus largiatur, homo confiteatur. Etenim confessio hominis, humilitas hominis: miseratio Dei, altitudo Dei. Si ergo venit ille dimittere homini peccata, agnoscat homo humilitatem suam, et Deus faciat misericordiam suam. *Illum oportet crescere, me autem minui*: hoc est, illum oportet dare, me autem accipere; illum oportet glorificari, me autem confiteri. Intelligat homo gradum suum, et confiteatur Deo, et audiat Apostolum dicentem homini superbienti et elato, extollere se volenti: *Quid enim habes quod non acceperisti? si autem acceperisti, quid gloriaris quasi non acceperis* (*1 Cor. iv, 7*)? Intelligat ergo homo quia accepit, qui volebat suum dicere quod non est ejus, et minuatur: bonum est enim illi ut Deus in illo glorificetur. Ipse in se minuatur, ut in Deo augeatur. Haec testimonia et hanc veritatem, etiam passionibus suis significaverunt Christus et Joannes. Nam Joannes capite minutus, Christus in cruce exaltatus; ut et ibi appareret quid est, *Illum oportet crescere, me autem minui*. Deinde natus est Christus cum jam inciperent crescere dies, natus est Joannes quando coepérunt minui dies. At-

testata est ipsa creatura et ipse passiones verbis Joannis dicentis, *Illum oportet crescere, me autem minui*. Crescat ergo in nobis gloria Dei, et minuatur gloria nostra, ut in Deo crescat et nostra. Hoc enim dicit Apostolus, hoc dicit Scriptura sancta : *Qui gloriatur, in Domino glorietur* (*I Cor. i, 31, et Jerem. ix, 23, 24*). In te vis gloriari? crescere vis : sed malo tuo male crescis. Qui enim male crescit, juste minuitur. Crescat ergo Deus qui semper perfectus est, crescat in te. Quanto enim magis intelligis Deum, et quanto magis capis, videtur in te crescere Deus : in se autem non crescit, sed semper perfectus est. Intelligebas heri modicum, intelligis hodie amplius, intelliges cras multo amplius : lumen ipsum Dei crescit in te ; ita velut Deus crescit, qui semper perfectus manet. Quemadmodum si curarentur alicujus oculi ex pristina exercitate, et inciperet videre paululum lucis, et alia die plus videret, et tertia die amplius, videretur illi lux crescere : lux tamen perfecta est, sive ipse videat, sive non videat. Sic est et interior homo : proficit quidem in Deo¹, et Deus in illo videtur crescere ; ipse tamen minuitur, ut a gloria sua decidat, et in gloriam Dei surgat.

6. Et distincte jam et manifeste apparet quod modo audivimus. *Qui de sursum venit, supra omnes est*. Vide quid dicat de Christo. Quid de se? *Qui est de terra, de terra est, et de terra loquitur. Qui de sursum venit, supra omnes est*; Christus est : *Qui autem est de terra, de terra est, et de terra loquitur*; Joannes est. Et hoc est totum, Joannes de terra est, et de terra loquitur? totum testimonium quod perhibet de Christo, de terra loquitur? non voces Dei audiuntur a Joanne, ubi testimonium perhibet de Christo? Quomodo ergo de terra loquitur? Sed de homine dicebat. Quantum ad ipsum hominem pertinet, de terra est, et de terra loquitur : si autem aliqua loquitur divina, illuminatus est a eo. Num si non esset illuminatus, terra terram loqueretur. Ergo seorsum est gratia Dei, seorsum natura hominis. Modo naturam hominis interroga : nascitur et crescit, usitata ista hominum discit. Quid novit nisi terram de terra? Humana loquitur, humana novit, humana sapit; carnalis carnaliter estimat, carnaliter suspicatur : ecce est totus homo. Veniat gratia Dei, illuminet tenebras illius, sicut dicit, *Tu illuminabis lucernam meam, Domine; Deus meus, illuminabas tenebras meas* (*Psalm. xvii, 29*); assumat mentem humnam, convertat² ad lucem suam : incipit jam dicere, quod Apostolus dicit, *Non ego autem, sed gratia Dei mecum* (*I Cor. xv, 10*); et, *Vivo autem jam non ego, vivit autem in me Christus* (*Galat. ii, 20*). Hoc est, *Illum oportet crescere, me autem minui*. Ergo Joannes, quod ad Joannem pertinet, de terra est, et de terra loquitur : si quid divinum audisti a Joanne, illuminantis est, non recipientis.

7. *Qui de caelo venit, supra omnes est*; et quod videt et audit, hoc testificatur; et testimonium ejus

nemo accipit. De caelo venit, supra omnes est, Dominus noster Jesus Christus : de quo superius dictum est, *Nemo ascendit in caelum, nisi qui de caelo descendit, Filius hominis qui est in caelo* (*Joan. iii, 13*). Est autem super omnes; et quod videt et audit, hoc loquitur. Habet enim et Patrem ipse Filius Dei; habet et Patrem, et audit a Patre. Et quod audit a Patre quid est? quis hoc explicat? Quando lingua mea, quando cor meum sufficere potest, vel cor ad intelligendum, vel lingua ad proferendum, quid est quod Filius audit a Patre? Forte Filius Verbum Patris audivit? Imo Filius Verbum Patris est. Videtis quemadmodum hic fatigetur omnis conatus humanus; videtis quemadmodum hic desiciat omnis conjectura pectoris nostri, et omnis intentio mentis caligantis. Audio dicentem Scripturam quia Filius hoc loquitur, quod audit a Patre; et rursus audio dicentem Scripturam quia ipse Filius Verbum Patris est: *In principio erat Verbum, et Verbum erat apud Deum, et Deus erat Verbum*. Nos loquimur verba voluntia et transeuntia: mox ut sonuerit ore tuo verbum tuum, transit; peragit strepitum suum et transit in silentium. Numquid potes sequi sonum tuum, et tenere ut stet? Cogitatio tamen tua manet, et de ipsa cogitatione manente dicas multa verba transeuntia. Quid dicimus, fratres? Deus cum loqueretur, adhibuit vocem, adhibuit sonos, adhibuit syllabas? Si adhibuit ista, qua lingua locutus est? Hebreæ, an græca, an latina? ibi necessariæ linguae, ubi distinctio gentium. Ibi autem nemo potest dicere, illa lingua, vel illa lingua locutum esse Deum. Corpus attende. Quando concipis verbum quod dicas: dicam enim, si potero, quod in nobis attendamus, non unde illud comprehendamus: quando ergo concipis verbum quod proferas, reu vis dicere, et ipsa rei conceptio in corde tuo jam verbum est; nondum processit, sed jami natum est in corde, et manet ut procedat: attendis autem ad quem procedat, cum quo loquaris; si Latinus est, vocem latinan quæris; si Græcus est, verba græca meditaris; si Punicus est, attendis si nosti linguam punicam; pro diversitate auditorum diversas linguis adibebes, ut proferas verbum conceptum: illud autem quod corde conceperas, nulla lingua tenebatur. Cum ergo Deus loquens, linguam non quereret, et genus locutionis³ non assumeret, quomodo auditus est a Filio, cum ipsum Filium sit locutus Deus? Quomodo enim tu verbum quod loqueris, in corde habes, et apud te est, et ipsa conceptio spiritualis est (nam sicut anima tua spiritus est, ita et verbum quod conceperisti, spiritus est; nondum enim accepit sonum ut per syllabas dividatur, sed manet in conceptione cordis et in speculo mentis⁴): sic Deus edidit Verbum, hoc est, genuit Filium. Et tu quidem ex tempore gignis verbum etiam in corde: Deus sine tempore genuit Filium, per quem creavit omnia tempora. Cum ergo Verbum Dei Filius sit, Filius autem locutus est nobis, non yer-

¹ Vindocinensis Ms., in Deum.

² Edit, convertatur. Melius Ms., convertat; scilicet, gratia.

³ in omnibus Ms., elocutionis.

⁴ Plerique Ms., in spectaculo mentis.

bum suum, sed Verbum Patris, se nobis loqui voluit, qui Verbum Patris loquebatur. Hoc ergo quomodo decuit, et oportuit, dixit Joannes : quomodo potuimus, nos exposuimus. Cui ad eor nondum pervenit dignus de tanta re intellectus, habet quo se convertat, habet quo pulset, habet a quo querat, habet a quo petat, habet a quo accipiat.

8. *Qui de cœlo venit, supra omnes est : et quod vidit et audivit, hoc testatur ; et testimonium ejus nemo accipit.* Si nemo, utquid venit ? Quorumdam ergo nemo. Est quidam populus preparatus ad iram Dei, damnandus cum diabolo : horum nemo accipit testimonium Christi. Nam si omnino nemo, nullus homo ; quid est quod sequitur, *Qui autem accepit testimonium ejus, signavit quia Deus verax est ?* Certe ergo non nemo, si tu ipse dicis, *Qui accepit testimonium ejus, signavit quia Deus verax est.* Responderet ergo fortasse Joannes interrogatus, et diceret, Novi quid dixerim, nemo. Est enim quidam populus natus ad iram Dei, et ad hoc præcognitus. Qui sint enim credituri, et qui non sint credituri, novit Deus ; qui sint perseveraturi in eo quod crediderunt, et qui sint lapsuri, novit Deus : et numerati sunt Deo omnes futuri in vitam æternam ; et novit jam illum populum distinctum. Et si ipse novit, et Prophetis dedit nosse per Spiritum suum, dedit et Joanni. Attendebat ergo Joannes, non oculo suo ; nam quantum ad ipsum pertinet, terra est, et de terra loquitur : sed in ea gratia Spiritus, quam accepit a Deo, vidit quemdam populum impium, infidelem ; attendens illum in infidelitate sua, ait, *Testimonium ejus qui venit de cœlo, nemo accipit.* Quorum nemo ? Eorum qui ad sinistram futuri sunt, eorum quibus dicetur, *Ite in ignem æternum, qui præparatus est diabolo et angelis ejus.* Qui ergo accipiunt ? Illi qui ad dexteram futuri sunt, illi quibus dicetur, *Venite, benedicti Patris mei, percipite regnum quod vobis paratum est ab origine mundi* (*Matth. xxv, 41, 34*). Attendit ergo in spiritu divisionem, in genere autem humano commixtionem ; et quod nondum locis separatum est, separavit intellectu, separavit cordis asperitu ; et vidit duos populos, fidelium et infidelium : attendit infideles, et ait, *Qui de cœlo venit, supra omnes est : et quod vidit et audivit, hoc testatur¹ ; et testimonium ejus nemo accipit.* Deinde transtulit se a sinistra, et aspexit ad dexteram, et secutus ait, *Qui accepit testimonium ejus, signavit quia Deus verax est.* Quid est, *signavit quia Deus verax est*, nisi, homo mendax est, et Deus verax est ? Quia nemo hominum potest dicere quod veritatis est, nisi illuminetur ab eo qui mentiri non potest. Deus ergo verax, Christus autem Deus. Vis probare ? Accipe testimonium ejus, et irvenis : *Qui enim accepit testimonium ejus, signavit quia Deus verax est.* Quis ? Ipse qui de cœlo venit et supra omnes est, Deus verax est. Sed si nondum illum intelligis Deum, nondum accepisti testimonium ejus : accipe, et signas, præsumenter intelligis, desinenter agnoscis quia Deus verax est.

9. *Quem enim misit Deus, verba Dei loquitur. Ipse*

¹ *MSS. loquitur : et post, loco, transtulit, habent, tulit.*

est Deus verax, et misit illum Deus : Deus misit Deum. Junge ambos, unus Deus, Deus verax missus a Deo. De singulis interroga, Deus : et de amobus interroga, Deus. Non singuli Deus¹ et ambo dñi, sed singulus quisque Deus et ambo Deus. Tanta enim ibi est charitas Spiritus sancti, tanta pax unitatis, ut de singulis cum interrogaatur, Deus tibi respondeatur ; de Trinitate cum interrogaatur, Deus tibi respondeatur. Si enim spiritus hominis quando iuharet Deo unus spiritus est, aperte Apostolo dicente, *Qui adhæret Domino, unus spiritus est* (*1 Cor. vi, 17*) ; quanto magis Filius æqualis adhærens Patri simul cum illo unus Deus est ? Audite alterum testimonium. Nostis quam multi crediderunt, quando omnia quæ habebant, ad pedes Apostolorum vendita posuerunt, ut distribueretur unicuique sicut opus erat : et de illa congregatione sanctorum quid dicit Scriptura ? *Erat illis anima una et cor unum in Domino* (*Act. iv, 32*). Si charitas de tot animis fecit animam unam, et de tot cordibus fecit cor unum, quanta est charitas inter Patrem et Filium ? Major utique potest esse quam inter illos homines quibus erat cor unum. Si ergo multorum fratrum cor unum propter charitatem, et multorum fratrum anima una propter charitatem ; Deus Pater et Deus Filius, dicturus es quia duo sunt ? Si duo dñi sunt, non est ibi summa charitas. Si enim hic tanta charitas est, ut animam tuam et animam amici tui unam animam faciat ; quomodo ibi nou est unus Deus Pater et Filius ? Absit ut hoc sentiat fides non facta. Prorsus quantum excellat charitas illa, hinc intelligite. Multæ animæ sunt multorum hominum, et si se diligunt, una anima est ; sed possunt dici et multæ animæ, possunt in hominibus, quia nou est tanta conjunctio : ibi autem, unum Deum licet dicas ; duos aut tres deos non licet dicas. Hinc tibi commendatur supereminentia et summitas charitatis tanta, ut major esse non possit.

10. *Quem enim misit Deus, verba Dei loquitur.* Hoc utique de Christo dicebat, ut se ab illo distingueret. Quid enim ? ipsum Joannem nonne Deus misit ? An non ipse dixit, *Missus sum ante eum* (*Joan. iii, 28*), et, *Qui me misit baptizare in aqua* (*Id. 1, 33*) : et de illo dictum est, *Ecce mitto angelum meum ante te, et præparabit viam tuam?* Nonne et ipse verba Dei loquitur, de quo etiam dictum est quod sit amplius quam propheta (*Malach. iii, 1* ; *Matth. xi, 10, 9*) ? Si ergo et ipsum Deus misit, et verba Dei loquitur ; quomodo ad distinctionem, de Christo cum dixisse accipiens, *Quem enim misit Deus, verba Dei loquitur ?* Sed vide quid adjungat : *Non enim ad mensuram dat Deus Spiritum.* Quid est hoc, *Non enim ad mensuram dat Deus Spiritum ?* Invenimus quia ad mensuram dat Deus Spiritum. Audi Apostolum dicentem, *Secundum mensuram donationis Christi* (*Ephes. iv, 7*). Hominibus ad mensuram dat, unico Filio non dat ad mensuram. Quomodo hominibus ad mensuram ? *Alii quidem datur per Spiritum sermo sapientæ ; alii sermo scientiæ secundum euudem Spiritum ; alii fides in eodem Spiritu,*

¹ Sic omnes MSS. At editi : *Non singuli dñi.*

alii prophetia, alii dijudicatio spirituum, alii genera linguarum, alii donatio curationum. Numquid omnes apostoli? numquid omnes prophetic? numquid omnes doctores? numquid omnes virtutes? numquid omnes dona habent sanitatum? numquid omnes linguis loquuntur? numquid omnes interpretantur (I Cor. XII, 8, 9, 10, 29, 30)? Aliud habet iste, aliud ille; et quod habet ille, non habet iste: mensura est, divisio quadam donorum est. Ergo hominibus ad mensuram datur, et concordia ibi unum corpus facit. Quomodo aliud accipit manus ut operetur, aliud oculus ut videat, aliud auris ut audiat, aliud pes ut ambulet; anima tamen una est quae agit omnia, in manu ut operetur, in pede ut ambulet, in aure ut audiat, in oculo ut videat: sic sunt etiam diversa dona fidelium, tanquam membris ad mensuram cuique propriam distributa. Sed Christus qui dat, non ad mensuram accipit.

11. Audi enim adhuc quid sequitur; quia de Filio dixerat, *Non enim ad mensuram dat Deus Spiritum: Pater diligit Filium, et omnia dedit in manu ejus. Adiecit, Omnia dedit in manu ejus, ut nosses et hic qua distinctione¹ dictum sit, Pater diligit Filium. Quare enim? Pater non diligit Joannem? et tamen non omnia dedit in manu ejus. Pater non diligit Paulum? et tamen non omnia dedit in manu ejus. Pater diligit Filium: sed quomodo Pater Filium, non quomodo dominus servum; quomodo Unicum, non quomodo adoptatum. Itaque omnia dedit in manu ejus. Quid est, omnia? Ut tantus sit Filius, quantus est Pater. Ad aequalitatem enim sibi genuit eum, cui rapina non esset in forma Dei esse aequalem Deo (Philipp. II, 6). Pater diligit Filium, et omnia dedit in manu ejus. Ergo cum ad nos dignatus est mittere Filium, non putemus aliquid minus nobis missum quam est Pater. Pater mittens Filium, se alterum misit.*

12. Namque putantes adhuc discipuli quia Pater aliquid majus est quam Filius, videntes carnem et non intelligentes divinitatem, dixerunt ei: *Domine, ostende nobis Patrem, et sufficit nobis.* Tanquam dicent, Jam novimus te, et benedicimus te, quia novimus te: gratias enim tibi agimus, quia ostendisti te nobis; sed Patrem nondum novimus: propterea cor nostrum ardet, et satagit concupiscentia quadam sancta videndi Patris tui qui te misit; ipsum nobis ostende, et nihil amplius a te desiderabimus: sufficit enim nobis cum ille fuerit demonstratus, quo major esse nemo potest. Bona concupiscentia, bonum desiderium; sed parvus intellectus. Attendens enim ipse Dominus Jesus parvos magna querentes, et se ipsum magnum inter parvos, et parvum inter parvos, ait Philippo qui hoc dixerat, uni ex discipulis: *Tanto tempore robiscum sum, et non cognovistis me, Philippe?* Posset hic Philippus respondere, Cognovimus te; sed numquid diximus tibi, Ostende nobis te? Te cognovimus, sed Patrem querimus. Subjecit statim: *Qui me vidit, vidit et Patrem (Joan. XIV, 8, 9).* Si ergo aequalis Patri missus est, non eum aestimemus ex infirmitate carnis, sed cogitemus majestatem indutam carne, non oppres-

¹ Remigensis Ms., quia ad distinctionem.

sam carne. Manens enim Deus apud Patrem, apud homines factus est homo, ut tu per illum qui ad te factus est homo, fieres talis qualis capit Deum. Non enim homo poterat capere Deum: videre poterat homo hominem, capere Deum non poterat. Unde non poterat capere Deum? Quia oculum cordis unde caperet, non habebat. Erat ergo aliquid intus saeculum, et aliquid foris sanum: corporis oculos habebat sanctos, cordis oculos habebat saecios. Factus est ille homo ad corporis oculum; ut credens in eum qui videri corporaliter potuit, curarcris² ad eum ipsum videndum quem spiritualiter videre non poteras. Tanto tempore robiscum sum, et non cognovistis me, Philippe? Qui me vidit, vidit et Patrem. Quare illi non illum videbant? Ecce videbant illum, et Patrem non videbant: videbant carnem, sed maiestas latebat. Quod videbant discipuli qui amaverunt, viderunt et Iudei qui crucifixerunt. Intus ergo erat totus ille, et sic intus in carne, ut apud Patrem maneret: non enim deseruit Patrem quando venit ad carnem.

13. Carnalis cogitatio non capit quod dico: differat intellectum, et incipiat a fide; audiat quod sequitur: *Qui credit in Filium, habet vitam eternam: qui autem incredulus est Filio, non videbit vitam, sed ira Dei manet super eum.* Non dixit, ira Dei venit ad eum; sed, *ira Dei manet super eum.* Omnes qui nascuntur mortales, habent secum iram Dei. Quam iram Dei? Quam accepit primus Adam. Si enim peccavit primus homo, et audivit, *Morte morieris (Gen. II, 17);* factus est mortal is ille, et coepimus nasci mortales; cum ira Dei nati sumus. Venit inde Filius non habens peccatum, et indutus est carne, indutus est mortalitate. Si ille nobiscum communicavit iram Dei, nos pigris sumus cum illo communicare gratiam Dei? Qui ergo non vult credere in Filium, *ira Dei manet super eum.* Quae ira Dei? De qua dicit Apostolus, *Fuimus et nos natura filii irae sicut et ceteri (Ephes. II, 3).* Omnes ergo filii irae; quia de maledicto mortis venientes. Crede in Christum factum pro te mortalem, ut illum capias immortalē: quando enim ceperis ejus immortalitatem, nec tu eris mortal is. Vivebat, moriebatur: mortuus est, ut vivas. Attulit gratiam Dei, abstulit iram Dei. Deus vicit mortem, ne mors vinceret hominem³.

TRACTATUS XV.

Ab eo Evangelii loco, Ut ergo cognovit Jesus quia audiuerunt Pharisæi, quia Jesus plures discipulos facit, etc., usque ad id, Et scimus quia hic est vere Salvator mundi. Cap. IV, §. 1-42.

1. Non rude est auribus Charitatis vestræ, evangelistam Joannem velut aquilam volare altius, caliginemque terræ transcendere, et lucem veritatis firmioribus oculis intineri. Multa enim jam ex Evangelio ejus per ministerium nostrum Domino adjuvante tractata sunt: ex ordine autem sequitur hæc lectio, quæ

¹ Editi, curreres. Consentient MSS., exceptis duobus qui ferunt, curarcris.

² Sic aliquot optimæ notæ MSS. At editi, bibil mortem, ne mors biberet hominem.

hodie recitata est. Ea quæ dicturus sum Domino dominante multi sic audituri estis , ut magis recognoscatis quam discatis. Non ideo tamen pigra debet esse intentio , quia non est cognitio , sed recognitio. Hoc lectum est , et hanc lectionem tractandam gestamus in manibus , quod Dominus Jesus ad puteum Jacob loquebatur cum Samaritana muliere. Dicta enim ibi sunt magna mysteria , et magnarum similitudines rerum ; pascentes animam esurientem , reficientes languentem.

2. Dominus enim hæc « cum audisset , cognovisse Pharisæos quod plures discipulos ficeret quam Joannes , et plures baptizaret (quoniam Jesus non baptizaret , sed discipuli ejus) , reliquit Iudeam terram , et abiit iterum in Galilæam. » Hinc diutius disputandum non est , ne immorantes in manifestis , angustias temporis patiamur ad obscura scrutanda et aperienda. Utique Dominus si sciret Pharisæos ita de se cognovisse , quod plures discipulos ficeret , et quod plures baptizaret , ut hoc eis ad salutem valeret sequendi eum , ut et ipsi essent discipuli , et ipsi vellent ab eo baptizari ; magis non relinquere Iudeam terram , sed propter illos maneret ibi : quia vero cognovit eorum scientiam , simul cognovit et invidentiam , quia non hoc propterea didicerunt ut sequerentur , sed ut persequerentur ; abiit inde. Poterat quidem ille et præsens ab his non teneri , si nollet ; non occidi , si nollet ; quia potuit et non nasci , si nollet : sed quia in omni re quam gessit ut homo , hominibus in se credituris præbebat exemplum (quia unusquisque servus Dei non peccat , si secesserit in aliun locum , videns furorem forte persequentium se , aut querentium in malum animam suam ; videretur autem sibi servus Dei peccare si ficeret , nisi in faciendo Dominus præcessisset) , fecit hoc ille magister bonus ut doceret , non quod timeret.

3. Fortassis etiam hoc moveat , cur dictum sit , *Baptizabat Jesus plures quam Joannes* ; et posteaquam dictum est , *Baptizabat* , subjectum est , *Quoniam Jesus non baptizabat , sed discipuli ejus*. Quid ergo ? falsum dictum erat , et correctum est , cum additum est , *Quoniam Jesus non baptizabat , sed discipuli ejus*? An utrumque verum est , quia et Jesus baptizabat , et non baptizabat? Baptizabat enim , quia ipse mundabat ; non baptizabat , quia non ipse tingebat. Prebebant discipuli ministerium corporis , præbebat ille adjutorium majestatis. Quando enim cessaret a baptizando , quamdiu non cessat a mundando? De quo dictum est ab eodem Joanne , per Joannis Baptiste personam dicentes , *Hic est qui baptizat* (Joan. 1, 33). Ergo Jesus adhuc baptizat ; et quo usque baptizandi sumus , Jesus baptizat. Securus homo accedat ad inferiorem ministram ; habet enim superiorem magistrum.

4. Sed forte ait aliquis : *Baptizat* quidem Christus in spiritu , non in corpore. Quasi vero alterius dono quam ictius , quisquam etiam sacramento corporalis et visibilis Baptismatis imbuatur. Vis nosse quia ipse baptizat , non solum spiritu , sed etiam aqua? Audi Apostolum : « Sicut Christus , inquit , dilexit Ecclesiam , et seipsum tradidit pro ea , mundans eam lavero aquæ in verbo , ut exhiberet ipse sibi gloriosam Ecclesiam , non habentem maculam aut rugam , aut aliquid hujusmodi » (Ephes. v, 25-27). Mundans eam. Unde? *Lavacro aquæ in verbo*. Quid est baptismus Christi? Lavacrum aquæ in verbo. Tolle aquam , non est baptismus : tolle verbum , non est baptismus.

siam , et seipsum tradidit pro ea , mundans eam lavero aquæ in verbo , ut exhiberet ipse sibi gloriosam Ecclesiam , non habentem maculam aut rugam , aut aliquid hujusmodi » (Ephes. v, 25-27). Mundans eam. Unde? *Lavacro aquæ in verbo*. Quid est baptismus Christi? Lavacrum aquæ in verbo. Tolle aquam , non est baptismus : tolle verbum , non est baptismus.

5. Jam ergo his prajectis , per quæ venit ad collationem cum illa muliere , videamus quæ restant plena mysteriis , et grada sacramentis. « Oportebat autem , inquit , eum transire per Samariam. Venit ergo in civitatem Samariae quæ dicitur Sichar , juxta prædium quod dedit Jacob filio suo Joseph. Erat autem ibi fons Jacob. » Puteus erat : sed omnis puteus fons , non omnis fons puteus : Ubi enim aqua de terra manat , et usui præbetur haurientibus , fons dicitur : sed si in promptu et superficie sit , fons tantum dicitur ; si autem in alto et profundo sit , ita puteus vocatur , ut fontis nomen non amittat.

6. *Jesus ergo fatigatus ex itinere , sedebat sic super fontem. Hora erat quasi sexta*. Jam incipiunt mysteria. Non enim frustra fatigatur Jesus ; non enim frustra fatigatur Virtus Dei ; non enim frustra fatigatur , per quem fatigati recreantur ; non enim frustra fatigatur , quo descrente fatiganur , quo præsente firmamur. Fatigatur tamen Jesus ; et fatigatur ab itinere , et sedet , et juxta puteum sedet , et hora sexta fatigatus sedet. Omnia ista innuunt aliquid , indicare volunt aliquid ; intentos nos faciunt , ut pulsemus hortantur. Ipse ergo aperiat et nobis et vobis , qui dignatus est ita hortari ut diceret , *Pulsate , et aperietur vobis* (Matth. viii, 7). Tibi fatigatus est ab itinere Jesus. Invenimus Virtutem¹ Jesum , et invenimus infirmum Jesum ; fortem et infirmum Jesum : fortem , quia in principio erat Verbum , et Verbum erat apud Deum , et Deus erat Verbum : *hoc erat in principio apud Deum*. Vis videre quam iste Filius Dei fortis sit ? *Omnia per ipsum facta sunt , et sine ipso factum est nihil* ; et sine labore facta sunt. Quid ergo illo fortius , pér quem sine labore facta sunt omnia ? Infirnum vis nosse ? *Verbum caro factum est , et habitavit in nobis* (Joan. 1, 1, 3, 14). Fortitudo Christi te creavit , infirmitas Christi te recreavit. Fortitudo Christi fecit ut quod non erat esset : infirmitas Christi fecit ut quod erat non periret. Condidit nos fortitudine sua , quæsivit nos infirmitate sua.

7. Nutrit ergo ipse infirmus infirmos , tanquam gallina pullos suos ; huic enim se similem fecit : *Quoties volui* , inquit ad Jerusalem , *congregare filios tuos sub alas , tanquam gallina pullos suos , et nolviisti* (Matth. xxiii, 37) ? Videtis autem , fratres , quemadmodum gallina infirmetur cum pullis suis. Nulla alia avis quod sit mater agnoscitur. Videamus nidificare passeris quoslibet ante oculos nostros ; hirundines , ciconias , columbas quotidie videmus nidificare ; quos nisi quando in nidis videamus , parentes esse non agnoscimus. Gallina vero sic infirmatur in pullis suis , ut etiam si ipsi pulli non sequantur , filios non videas ,

¹ MSS. quatuor , fortem.

matrem tamen agnoscas. Ita sit alis demissis , plumis his-pida , voce rauca , omnibus membris demissa et abjecta , ut quemadmodum dixi , etiamsi filios non vides , matrem tamen intelligas. Sic ergo infirmus Jesus , fatigatus ab itinere. Iter ipsius est caro pro nobis assumpta. Quomodo enim iter habet qui ubique est , qui nusquam deest ? Quo it , aut unde it , nisi quia non ad nos veniret , nisi formam visibilis carnis assumeret ? Quia ergo venire ad nos eo modo dignatus est , ut in forma servi assumpta carne appareret , ipsa carnis assumptio est iter ipsius. Ideo *fatigatus ab itinere* quid est aliud , quam fatigatus in carne ? Infirmus in carne Jesus : sed noli tu infirmari ; in illius infirmitate tu fortis es , quia quod infirmum est Dei , fortius est hominibus (I Cor. 1, 25).

8. Sub hac rerum imagine Adam qui erat forma futuri (Rom. v, 14) , præbuit nobis magnum indicium sacramenti ; imo Deus in illo præbuit. Nam et dormiens meruit accipere uxorem , et de costa ejus facta est ei uxor (Gen. ii, 21) : quoniam de Christo in cruce dormiente futura erat Ecclesia de latere ejus , de latere scilicet dormientis ; quia et de latere in cruce pendentes lancea percuesso (Joan. xix, 34) Sacraenta Ecclesiae profluxerunt. Sed quare hoc dicere volui , fratres ? Quia infirmitas Christi nos facit fortes. Magna ibi imago præcessit. Potuit Deus carnem detrahere homini unde faceret feminam , et magis videtur quasi congruere potuisse. Fiebat enim sexus infirmior , et magis de carne infirmitas fieri debuit quam de osse : ossa enim in carne firmiora sunt. Non detraxit carnem unde faceret mulierem ; sed detraxit os , et detracto osse formata est mulier , et in locum ossis caro adimpta est. Poterat pro os reddere , poterat ad faciendam mulierem non costam , sed carnem detrahere. Quid igitur significavit ? Facta est mulier in costa tanquam fortis : factus est Adam in carne tanquam infirmus. Christus est et Ecclesia , illius infirmitas nostra est fortitudo.

9. Quare ergo hora sexta ? Quia ætate sæculi sexta. Computa in Evangelio tanquam unam horam , unam ætatem ab Adam usque ad Noe ; secundam a Noe usque ad Abraham ; teriam ab Abraham usque ad David ; quartam a David usque ad transmigrationem Babylonie ; quintam a transmigratione Babylonie usque ad baptismum Joannis : inde sexta agitur. Quid miraris ? Venit Jesus , et humiliando se venit ad puteum. Fatigatus venit , quia infirmam carnem portavit. Hora sexta , quia ætate sæculi sexta. Ad puteum , quia ad profunditatem hujus habitationis nostræ. Unde dicitur in Psalmis , *De profundis clamavi ad te , Domine* (Psal. cxxix, 1). Sedit , ut dixi , quia humiliatus est ¹.

10. *Et venit mulier.* Forma Ecclesie , non jam justificatæ , sed jam justificandæ ; nam hoc agit sermo. Venit ignara , invenit eum , et agitur cum illa. Videamus quid , videamus quare : *Venit mulier de Samaria haurire aquam.* Samaritani ad Judæorum gentem non pertinebant : alienigenæ enim fuerunt , quamvis vici-

¹ sic MSS. cum Bod. et Am. At Er. et Lov., *humilis venit.*

PATROL. XXXV.

nas terras incolerent. Longum est originem Samaritanorum retexere , ne nos multa teneant , et necessaria non loquamur : sufficit ergo ut Samaritanos inter alienigenas deputemus. Et ne hoc audacius me arbitrenimi dixisse quam verius , audite ipsum Dominum Jesum , quid dixerit de illo Samaritano , uno de decem leprosis quos mundaverat , qui solus rediit ut gratias ageret : *Nonne decem mundati sunt ? et novem ubi sunt ? non erat alius qui daret gloriam Deo , nisi alienigena iste* (Luc. xvii, 17, 18). Pertinet ad imaginem rei , quod ab alienigenis venit ista mulier , quæ typum gerebat Ecclesie : ventura enim erat Ecclesia de Gentibus , alienigena a genere Judæorum. Audianus ergo in illa nos , et in illa agnoscamus nos , et in illa gratias Deo agamus pro nobis. Illa enim figura erat , non veritas ; quia et ipsa promisit figuram , et facta est veritas. Nam creditit in eum , qui de illa figuram nobis prætendebat. *Venit ergo haurire aquam.* Simpliciter venerat haurire aquam , sicut solent vel viri vel feminine.

11. « Dicit ei Jesus : Da mibi bibere. Discipuli enim ejus abierant in civitatem , ut cibos emerent. Dicit ergo ei mulier illa Samaritana : Quomodo tu Judeus cum sis , bibere a me possis , quæ sum mulier Samaritana ? Non enim contundunt Judei Samaritanis . Videtis alienigenas : omnino vasculis eorum Judæi non utebantur. Et quia ferebat secum mulier vasculum unde aquam hauriret , eo mirata est , quia Judeus petebat ab ea bibere , quod non solebant facere Judei. Ille autem qui bibere quærebatur , fidem ipsius mulieris sitiebat.

12. Denique audi quis petat bibere. Respondit Jesus , et dicit ei : Si scires donum Dei , et quis est qui dicit tibi , Da mihi bibere , tu forsitan petisses ab eo , et dedisset tibi aquam vivam . Petit bibere , et promittit bibere. Eget quasi accepturus , et affluit tanquam satiatus. Si scires , inquit , donum Dei. Donum Dei est Spiritus sanctus. Sed adhuc mulieri tecte loquitur , et paulatim intrat in cor. Fortassis jam docet. Quid enim istahortatione suavius et benignius ? Si scires donum Dei , et scires quis est qui dicit tibi , Da mihi bibere , tu forsitan peteres , et daret tibi aquam vivam : huc usque suspendit. Viva aqua dicitur vulgo illa quæ de fonte exit. Illa enim quæ colligitur de pluvia in lacunas aut cisternas , aqua viva non dicitur. Et si de fonte manaverit , et in loco aliquo collecta steterit , nec ad se illum unde manabat admiserit , sed interrupto ² meatu , tanquam a fontis tramite separata fuerit ; non dicitur aqua viva : sed illa aqua viva dicitur , quæ manans excipitur. Talis aqua erat in illo fonte. Quid ergo promittebat quod petebat ?

13. Tamen mulier suspensa ait : Domine , neque in quo haurias habes , et puteus altus est. Vide quomodo intellexerit aquam vivam , aquam scilicet quæ erat in illo fonte. Tu mihi vis dare aquam vivam , et ego fero unde hauriam , et tu non fers. Aqua viva hic est , quomodo mihi daturus es ? Aliud intelligens et carnaliter sapiens quodammodo pulsat , ut aperiat magister quod

² sic MSS. , *intrupto* ; sive , *irrupto* .

(Quarante-huit.)

clausum est. Pulesabat ignorantia, non studio; adhuc miseranda, non dum instruenda.

14. Dicit aliquid evidentius Dominus de illa aqua viva. Dixerat enim mulier, *Numquid tu major es pater nostro Jacob, qui dedit nobis puteum, et ipse ex eo bibit, et filii ejus, et pecora ejus?* De hac aqua viva dare mihi non potes, quoniam hauritorum non habes: forte alium fontem promittis? Patre nostro melior potes esse, qui hunc puteum fodit, et ipse cum suis usus est eo? Dominus ergo dicat quid dixerit aquam vivam. Respondit Jesus, et dixit ei: *Omnis qui biberit ex aqua hac, sitiet iterum: qui autem biberit ex aqua quam ego dabo ei, non sitiet in aeternum; sed aqua quam ego dabo ei, fieri in eo fons aquae salientis in vitam aeternam.* Apertius locutus est Dominus, *Fiet in eo fons aquae salientis in vitam aeternam.* Qui biberit de aqua ista, non sitiet in aeternum. Quid evidentius, quia non aquam visibilem, sed invisibilem promitterebat? quid evidentius, quia non carnaliter, sed spiritualiter loquebatur?

15. Adhuc tamen illa mulier carnem sapit: delecta est non sitire, et putabat hoc secundum carnem promissum sibi esse a Domino. Quod quidem fiet, sed in resurrectione mortuorum. Jam hoc volebat illa. Dederat enim Deus aliquando servo suo Eliæ, ut per quadraginta dies nec esuriret, nec sitiret (III Reg. xix, 8). Qui hoc potuit dare per quadraginta dices, non potuit dare semper? Suspirabat tamen illa, nolens indigere, nolens laborare. Assidue venire ad illum fontem, onerari pondere, quo indigentia suppleretur; et finito quod hauserat, rursus redire cogebatur: et quotidianus ei fuit iste labor; quia indigentia illa reficiebatur, non exstinguebatur. Delectata ergo tali munere, rogat ut ei aquam vivam daret.

16. Verumtamen non prætereamus, quoniam Dominus spirituale aliquid promitterebat. Quid est, *Qui biberit de aqua hac, sitiet iterum?* Et verum est secundum hanc aquam; et verum est secundum quod significabat illa aqua. Etenim aqua in puto, voluptas saeculi est in profunditate tenebrosa: hinc eam hauriunt homines hydria cupiditatum. Cupiditatem quippe proni submittunt, ut ad voluptatem haustam de profundo perveniant; et fruuntur voluptate, præcedente et præmissa cupiditate. Nam qui non præmisserit cupiditatem, pervenire non potest ad voluptatem. Pone ergo hydriam, cupiditatem; et aquam de profundo, voluptatem: cum pervenerit quisque ad voluptatem saeculi hujus, cibus est, potus est, lavacrum est, spectaculum est, concubitus est; numquid non iterum sitiet? Ergo *de hac aqua qui biberit, iterum,* inquit, *sitet: si autem ceperit a me aquam, non sitiet in aeternum.* Satiabitur, inquit, *in bonis domus tue* (Psal. lxiv, 5). De qua ergo aqua datus est, nisi de ita de qua dictum est, *Apud te est fons vita?* Nam quomodo sident qui inebriabuntur ab ubertate domus tue (Psal. xxxv, 10, 9)?

17. Promittebat ergo saginam quamdam et satiactem Spiritus sancti: et illa nondum intelligebat; et non intelligens, quid respondebat? *Dicit ad eum mu-*

lier: Domine, da mihi hanc aquam, ut non sitiam, neque veniam hue haurire. Ad laborem indigentia cogebat, et laborem infirmitas recusabat. Utinam audiret, *Venite ad me, omnes qui laboratis et onerati estis, et ego vos reficiam* (Math. xi, 28). Hoc enim ci dicebat Jesus, ut jam non laboraret: sed illa nondum intelligebat.

18. Denique volens ut intelligeret, dicit ei Jesus: *Vade, voca virum tuum, et veni huc.* Quid est, *Voca virum tuum?* Per virum suum ei volebat aquam illam dare? An quia non intelligebat, per virum suum eam volebat docere? Forte quomodo ait Apostolus de mulieribus, *Si quid autem volunt discere, domi viros suos interrogant?* Sed ibi dicitur, *domi viros suos interrogant, ubi nos est Jesus qui doceat:* denique dicitur mulieribus quas prohibebat Apostolus loqui in Ecclesia (I Cor. xiv, 35, 36). Cum vero ipse Dominus aderat, et præsens præsenti loquebatur? quid opus erat ut per virum ejus ei loqueretur? Numquid per virum suum loquebatur Marie sedenti ad pedes suos, et excipienti verbum suum, quando Martha circa multum ministerium etiam de sororis sue felicite occupatissima murmurabat (Luc. x, 39, 40)? Ergo, fratres mei, audiamus et intelligamus quod ait Dominus, *Voca virum tuum, mulieri.* Forte enim et animæ nostræ dicit, *Voca virum tuum.* Quæramus et de viro animæ. Cur jam non ipse Jesus vir animæ verus est? Adsit intellectus, quoniam quod diciuntur sumus, vix capitur nisi ab intentis: adsit ergo intellectus ut capiatur, et ipse intellectus erit fortasse vir animæ.

19. Videns ergo Jesus quia mulier non intelligebat, et volens eam intelligere, *Voca, inquit, virum tuum.* Ideo enim nescis quod dico, quia intellectus tuus non adest: loquo ego secundum spiritum, tu audis secundum carnem. Quæ loquo, nec ad voluptatem aurium pertinent, nec ad oculos, nec ad olfactum, nec ad gustum, nec ad tactum; mente sola capiuntur, intellectu solo hauriuntur: ille intellectus non tibi adest, quomodo capis quod dico? *Voca virum tuum,* præsenta intellectum tuum. Quid tibi est enim animam habere? Non est magnum, nam et pecus habet. Unde tu melior? Quia intellectum habes, quod pecus non habet. Quid est ergo, *Voca virum tuum?* Non me capis, non me intelligis: de dono Dei tibi loquo, tu autem carnem cogitas; secundum carnem sitire non vis, ego spiritum alloquo: absens est intellectus tuus, *Voca virum tuum.* Noli esse sicut equus et mulus, quibus non est intellectus (Psal. xxxi, 9). Ergo, fratres mei, animam habere, et intellectum non habere, hoc est, non adhibere, nec secundum eum vivere, bestialis est vita. Est enim in nobis quiddam bestiale quo in carne vivimus, sed intellectu regendum est. Motus enim animæ secundum carnem se moventis, et in delicias carnales immoderate diffluere cupientis, regit desuper intellectus. Qui debet dici vir? qui regit, an qui regitur? Procul dubio cum ordinata vita est, intellectus animam regit, ad ipsam animam pertinens. Non enim aliud aliud est quam anima, sed aliud animæ est intellectus: quomodo non aliud aliud quam caro est oculus, sed aliud carnis est oculus. Cum autem car-

nis aliquid sit oculus, solus tamen luce perfruitur: cætera autem membra carnalia luce perfundi possunt, lucem sentire non possunt; solus ea oculus et perfunditur et perfruitur. Sic in anima nostra quiddam est quod intellectus vocatur. Hoc ipsum animæ quod intellectus et mens dicitur, illuminatur luce superiore. Jam superior illa lux, qua mens humana illuminatur, Deus est; *Erat enim verum lumen, quod illuminat omnem hominem venientem in hunc mundum (Joan. 1, 9).* Talis lux Christus erat, talis lux cum muliere loquebatur: et illa intellectu non aderat, qui illa luce illuminaretur, nec tantum perfundetur, verum etiam frueretur. Ergo Dominus tanquam diceret, *Illustrare volo, et non adest quem; Voca, inquit, virum tuum:* adhibe intellectum per quem doccaris, quo regaris. Ergo constitue animam excepto intellectu tanquam seminam: intellectum autem habere, tanquam virum. Sed iste vir non bene regit seminam suam, nisi cum a superiore regitur. Caput enim mulieris vir, caput autem viri Christus (*I Cor. xi, 3*). Loquebatur caput viri cum femina, et non aderat vir. Et tanquam diceret Dominus, Adhibe caput tuum ut ille suscipiat caput suum: ergo *voca virum tuum, et veni huc;* id est, adesto, præsens esto: velut enim absens es, dum non intelligis præsentis vocem veritatis; præsens esto, sed noli sola; eum viro tuo adesto.

20. Et adhuc illa nondum advocato illo viro, non intelligit, adhuc carnem sapit; absens est enim vir: *Non habeo, inquit, virum.* Et Dominus sequitur, et mysteria loquitur. Intelligas revera istam mulierem non habuisse tunc virum; sed coutebatur nescio quo non legitimo viro, adultero magis quam viro. *Et Dominus ei: Bene dixisti, Quia non habeo virum.* Unde ergo tu dixisti. *Voca virum tuum?* Et audi quia bene novit Dominus eam non habere virum, *Dicit ei, etc.* Ne forte putaret mulier ideo dixisse Dominum, *Bene dixisti, Quia non habeo virum,* quod hoc a muliere didicerit, non quod ipse istud divinitate cognoverit, audi aliquid quod non dixisti: *Quinque enim viros habuisti, et iste quem habes, non est vir tuus, hoc vere dixisti.*

21. Iterum cogit de ipsis quinque viris subtilius aliquid perscrutari. Multi quippe intellexerunt, non quidem absurde, nec usquequaque improbabiliter, *quinque viros* mulieris hujus, *quinque libros Moysi (a).* Utebant enim eis Samaritani, et sub eadem Lega erant: nam inde illis et circumcisio inerat. Sed quoniam angustat nos quod sequitur, *Et nunc quem habes, non est vir tuus;* videtur mihi facilius nos posse accipere *quinque viros* priores animæ, *quinque sensus corporis esse.* Quando enim quisque nascitur, antequam uti possit mente atque ratione, non regitur nisi sensibus *carnis.* Anima in pueru parvulo, quod auditur, quod videtur, quod olet, quod sapit, quod tactu sentitur, hoc appetit aut fugit. Appetit quidquid mulcet, fugit quidquid offendit hos quinque sensus. Hos enim quinque sensus mulcet voluptas, offendit dolor. Secundum hos quinque sensus, tanquam quinque viros,

(a) sic intellexit Ambrosius in *Luc.*, capp. 14 et 20. At Origeni cum Augustino visum est significari sensus corporis.

prius vivit anima; quia ipsis regitur. Quare autem viri dicti sunt? Quia legitimi. A Deo quippe facti, et a Deo donati animæ. Infirma est adhuc quæ ipsis quinque sensibus regitur, et sub ipsis quinque viris agit: at ubi venerit ad annos exserendæ rationis, si eam suscepit optima disciplina et doctrina sapientiae; quinque illis viris ad regendum non succedit, nisi vir verus legitimus et illis melior, et qui melius regat, et qui ad æternitatem regat, ad æternitatem excolat, ad æternitatem instruat. Nam nisi quinque sensus non ad æternitatem nos regunt, sed ad ista temporalia vel appetenda vel fugienda. Ubi vero intellectus sapientia imbutus regere coepit animam, scit jam non solum fugere loveam, et ambulare in æquali quod oculi ostendunt animæ infirme: nec tantum canoras voces suaviter audire, dissonasque repellere; vel blandis odoribus delectari, putoresque respuere; aut dulcedine capi, et amaritudine offendit; aut lenibus mulceri, et asperis laedi. Ista enim omnia infirme animæ sunt necessaria. Quid ergo regiminis adhibetur per illum intellectum? Non alba et nigra discreturus est, sed justa et injusta, bona et mala, utilia et inutilia, castitatem et impudicitiam, hanc ut amet, istam ut vitet; charitatem et odium, in hac ut sit, in illo ut non sit.

22. Illic vir quinque illis viris in ista muliere non successerat. Ubi enim non succedit ille, error dominatur. Nam cum coepit anima capax esse rationis, aut a sapiente mente regitur, aut ab errore: sed error non regit, sed perdit. Post istos ergo quinque sensus mulier illa adhuc errabat, et error eam ventilabat. Error autem iste non erat legitimus vir, sed adulter: ideo ei Dominus, ait, *Bene dixisti, Quia non habeo virum. Quinque enim viros habuisti:* quinque te sensus carnis primo rexerunt; venisti ad ætatem utende rationis, nec ad sapientiam pervenisti, sed in errorem incidisti. Ergo post illos quinque viros, *iste quem habes, non est tuus vir.* Et quid erat, si vir non erat, nisi adulter? *Voca itaque non adulterum, sed virum tuum;* ut intellectu me capias, non errore de me aliquid falsum sentias. Adhuc enim errabat mulier, quæ aquam illam cogitabat; cum jam Dominus de Spiritu sancto loqueretur. Quare errabat, nisi quia adulterum, non virum habebat? Tolle ergo hinc istum adulterum qui te corrupit, et *vade, voca virum tuum.* Voca, et veni, ut intelligas me.

23. *Dicit ei mulier: Domine, video quia propheta es tu.* Cœpit venire vir, nondum plene venit. Prophetam Dominum putabat. Erat quidem et propheta: nam de seipso ait, *Non est propheta sine honore, nisi in patria sua (Luc. iv, 24).* Item de illo dictum est ad Moysem, *Prophetam eis suscitaro de fratribus eorum, similem tui (Deut. xviii, 18).* Similem scilicet ad formam carnis, non ad eminentiam majestatis. Ergo invenimus Dominum Jesum dictum prophetam. Proinde jam non multum errat mulier ista. *Video, inquit, quia propheta es tu.* Incipit vocare virum, adulterum excludere: *Video quia propheta es tu.* Et incipit querere quod illam solet movere. Contentio quippe fuerat inter Samaritanos et Judæos, quia Judæi in templo a Salo-

mone fabricato adorabant Deum ; Samaritani longe inde positi, non in eo adorabant. Ideo Judæi meliores se esse jactabant, quia in templo adorabat Deum. *Non enim contumaciter Judæi Samaritanis :* quia dicebant eis, Quonodo vos jactatis, et ideo vos meliores nobis esse perhibetis, quia templum habetis quod nos non habemus ? Numquid patres nostri qui Deo placuerunt in illo templo adoraverunt ? nonne in monte isto adoraverunt, ubi nos sumus ? Melius ergo nos, inquit, in hoc monte Deum rogamus, ubi patres nostri rogarerunt. Contendebant utrique ignari, quia virum non habentes : illi pro templo, illi pro monte inflabantur adversus invicem.

24. Dominus tamen modo quid docet mulierem, tanquam cuius vir cœperit præsens esse ? *Dicit ei mulier :* Domine, video quia propheta es tu. Patres nostri in monte hoc adoraverunt, et vos dicitis quia Jerosolymis est locus ubi¹ adorare oportet. *Dicit ei Jesus :* Mulier, credere mihi. Veniet enim Ecclesia, sicut dictum est in Canticis canticorum, veniet et pertransiet ab initio fidei (Cant. iv, 8, sec. LXX). Veniet ut pertranseat, et pertransire non potest nisi ab initio fidei. Merito jam præsente viro audit, *Mulier, credere mihi.* Jam enim est in te qui credit, quia præsens est vir tuus. Cœpisti adesse intellectu, quando me prophetam appellasti. *Mulier, credere mihi :* quia nisi credideritis, non intelligetis (Isai. vii, 9, sec. LXX). Ergo, *Mulier, credere mihi, quia veniet hora, quando neque in monte hoc, neque in Jerosolymis adorabilitis Patrem.* Vos adoratis quod nescitis, nos adoramus quod scimus ; quia salus ex Judæis est. Sed veniet hora. Quando ? *Et nunc est.* Quæ ergo hora ? Quando veri adoratores adorabunt Patrem in spiritu et veritate ; non in monte isto, non in templo, sed in spiritu et veritate. Nam et Pater tales querit, qui adorent eum. Quare Pater tales querit qui adorent eum, non in monte, non in templo, sed in spiritu et veritate ? *Spiritus est Deus.* Si corpus esset Deus, oportebat eum adorari in monte, quia corporeus est mons ; oportebat eum adorari in templo, quia corporeum est templum. *Spiritus est Deus ; et eos qui adorant eum, in spiritu et veritate oportet adorare.*

25. Audivimus, et manifestum est ; foras ieramus, intro missi sumus. O si invenirem, dicebas, montem aliquem altum et solitarium ! credo enim quia in alto est Deus, magis me exaudit ex alto. Quia in monte es, propinquum te Deo putas, et cito te exaudiri, quasi de proximo clamantem ? In excelsis habitat, sed humilia respicit. Prope est Dominus. Quibus ? forte altis ? His qui obtulerunt cor (Psal. xxxiii, 19). Mira res est : et in altis habitat, et humilibus propinquat : humilia respicit, excelsa autem a longe cognoscit (Psal. cxxxvii, 6) ; superbos longe videt, eo illis minus propinquat, quo sibi videntur altiores. Quæreas ergo montem ? descendere ut attingas. Sed ascendere vis ? ascende : noli montem quærere. Ascensiones, inquit, in corde eius (hoc Psalmus dicit), in convallis plorationis (Psal. lxxxiii, 6, 7). Convallis humilitatem habet. Ergo intus age totum. Et si forte quæris aliquem locum altum,

aliquem locum sanctum, intus exhibe te templum Deo. Templum enim Dei sanctum est, quod estis vos (1 Cor. iii, 17). In templo vis orare ? in te ora. Sed prius esto templum Dei, quia ille in templo suo exaudiens orantem.

26. *Venit ergo hora, et nunc est, quando veri adoratores adorabunt Patrem in spiritu et veritate. Nos adoramus quod scimus, vos adoratis quod nescitis ; quoniam salus ex Judæis est.* Multum dedit Judæis : sed noli istos reprobos accipere. Parietem illum accipe cui adjunctus est alius, ut pacati in lapide angulari, quod est Christus, copulentur. Unus enim paries a Judæis, unus a Gentibus : longe a se isti paries, sed donec in angulo conjugantur. Alienigenæ autem hospites erant, et peregrini a testamentis Dei (Ephes. ii, 12-22). Secundum hoc ergo dictum est, *Nos adoramus quod scimus.* Ex persona quidem Judæorum dictum est, sed non omnium Judæorum, non reproborum Judæorum : sed de qualibus fuerunt Apostoli, quales fuerunt Prophetæ, quales fuerunt illi omnes sancti, qui omnia sua vendiderunt, et pretia rerum suarum ad pedes Apostolorum posuerunt (Act. iv, 34, 35). Non enim repulit Deus plebem suam quam præscivit (Rom. xi, 2).

27. Audivit hoc mulier ista, et addidit. Jamdudum prophetam dixerat ; vidit talia dicere eum cum quo loquebatur, quæ jam plus essent ad prophetam¹ ; et quid respondit, vide : *Dicit ei mulier, Scio quia Messias veniet, qui dicitur Christus : cum ergo venerit ille, omnia nobis demonstrabit.* Quid est hoc ? Modo, inquit, de templo contendunt Judæi, et nos de monte contendimus : cum ille venerit, et montem spernet, et templum evertet ; docebit nos iste omnia, ut in spiritu et veritate neverimus adorare. Sciebat quis eam posset docere, sed jam docentem nondum agnoscebat. Jam ergo digna erat cui manifestaretur. Messias autem unctus est ; unctus græce Christus est ; hebraice Messias est : unde et punice, Messe dicitur unge. Cognatae quippe sunt linguae istæ et vicinæ, hebraica, punica, et syra.

28. Ergo dicit ei mulier, *Scio quia Messias veniet, qui dicitur Christus : cum ergo venerit ille, nobis annuntiabit omnia.* *Dicit ei Jesus :* Ego sum qui loquor tecum. Vocavit virum suum, factus est vir ejus caput mulieris, factus est Christus caput viri (1 Cor. xi, 3). Jam mulier ordinatur in fide, et regitur bene victura. Posteaquam audivit hoc, *Ego sum qui loquor tecum, jam ultra quid diceret ; quando Christus Dominus manifestare se voluit mulieri, cui dixerat, Credere mihi ?*

29. *Et continuo venerunt discipuli ejus, et mirabantur quia cum muliere loquebatur.* Quia quærebatur perditam, qui venerat quærere quod perierat, hoc illi mirabantur. Bonum enim mirabantur, non malum suspicabantur. *Nemo tamen dixit :* Quid quæris aut quid loqueris cum ea ?

30. Reliquit ergo hydram suam mulier. Auditio, *Ego sum qui loquor tecum, et recepto in cor Christo Dominum, quid faceret, nisi jam hydram dimitteret, et evangelizare curreret ? Projectis cupiditatē, et pro-*

¹ In sex MSS., plus esset a propheta.

¹ In sex MSS., plus esset a propheta.

peravit annuntiare veritatem. Discant qui volunt evangelizare, projiciant hydriam ad puteum. Recordamini quid superius dixerim de hydria : vas erat unde aqua hauriebatur, græco nomine appellatur hydria, quoniam græce ὑδρία aqua dicitur; tanquam si aquarium diceretur. Projectit ergo hydriam, quæ jam non usui, sed oneri fuit : avida quippe desiderabat aqua illa satiari. Ut nuntiaret Christum, onore abjecto, cucurrit ad civitatem, et dicit illis hominibus : Venite, et videte hominem qui mihi dixit omnia quæcumque feci. Pedentem, ne illi quasi irascerentur, et indignarentur, et persequerentur. Venite, et videte hominem qui dixit mihi omnia quæcumque feci : numquid ipse est Christus? Exierunt de civitate, et veniebant ad eum.

31. Et interea rogabant eum discipuli dicentes : Rabbi, manduca. Ierant enim emere cibos et venerant. Ille autem dixit : Ego habeo cibum manducare quem vos non scitis. Dicebant ergo discipuli ad invicem : Numquid aliquis attulit ei manducare? Quid mirum si mulier illa non intelligebat aquam? ecce discipuli nondum intelligent escam. Audivit autem cogitationes illorum, et jam instruit ut magister; non per circuitum, sicut illam cuius adhuc virum requirebat, sed jam aperte : Meus, inquit, cibus est ut faciam voluntatem ejus qui misit me. Ergo et potus ipse erat in illa muliere, ut faceret voluntatem ejus, qui miserat eum. Ideo dicebat, Sitio, da mihi bibere; scilicet ut fidem in ea operaretur, et fidem ejus biberet, et eam in corpus suum traxiceret: corpus enim ejus Ecclesia. Ipse est ergo, inquit, cibus meus ut faciam voluntatem ejus qui me misit.

32. Nonne vos dicitis quod adhuc quatuor menses sunt, et messis renit? In opus ferrebat, et operarios mittere disponebat. Vos quatuor menses computatis usque ad messem; ego vobis aliam messem albani et paralam ostendo. Ecce dico vobis, levate oculos vestros, et videte quia jam albae sunt regiones ad messem. Ergo messores missurus est. In hoc enim est verbum verum, quia alius est qui metit, alius qui seminat: ut et qui seminat simul gaudeat et qui metit. Ego nisi vos metere quod vos non laborastis: alii laboraverunt, et vos in laborem eorum introistis. Quid ergo? messores misit, non seminatores? Quo messores? Ubi jam alii laboraverunt. Nam ubi jam laboratum erat, utique seminatum erat; et quod seminatum erat, jam maturum erat factum, falcem et trituram desiderabat. Quo ergo erant messores mittendi? Ubi jam Prophetæ prædicaverant; ipsi enim seminatores. Nam si ipsi non seminatores, unde ad illam mulierem pervenerat, Scio quia *Messias* veniet? Jam ista mulier fructus maturus erat, et erant albae messes, et falcem quærebant. Misit vos ergo: quo? Metere quod non seminasti: alii seminaverunt, et vos in labores eorum introistis. Qui laboraverunt? Ipse Abraham, Isaac, et Jacob. Legite labores eorum: in omnibus laboribus eorum prophetia Christi; et ideo seminatores. Moyses et ceteri Patriarchæ et omnes Prophetæ, quanta pertulerunt in illo frigore quando seminabant? Ergo jam in Iudea

messis parata erat. Merito ibi tanquam matura seges fuit, quando tot hominum millia pretia rerum suarum afferebant, et ad pedes Apostolorum ponentes, expeditis humeris a sarcinis sacerularibus, Christum Dominum sequebantur: vere matura messis. Quid inde factum est? De ipsa messe ejecta sunt pauca grana, et seminaverunt orbem terrarum, et surgit alia messis quæ in fine saeculi metenda est. De ista messe dicitur, Qui seminant in lacrymis, in gaudio metent (*Psal. cxxv*, 5). Ad istam ergo messem non Apostoli, sed Angeli mittentur: *Messores*, inquit, *Angeli sunt* (*Matth. xiii*, 39). Ista ergo messis crescit inter zizania, et exspectat purgari in fine. Illa vero messis jam matura erat, quo prius missi sunt discipuli, ubi Prophetæ laboraverunt. Sed tamen, fratres, videte quid dictum sit: *Simul gaudeat et qui seminal et qui metit*. Disparates temporis labores habuerunt: sed gaudio pariter perfruentur, mercedem simul accepturi sunt vitam æternam.

33. Ex civitate autem illa multi crediderunt in eum Samaritani, propter verbum mulieris testimonium perhibentis, Quia dixit mihi omnia quæcumque fecit. Cum venissent autem ad eum Samaritani, rogaverunt ut apud eos maneret, et mansit ibi duos dies. Et multo plures crediderunt propter sermonem ejus: et mulieri dicebant: Quia jam non propter tuam loquelam credimus; ipsi enim nos audivimus, et scimus quia hic est vere Salvator mundi. Et hoc paululum animadvertisendum est, quia lectio terminata est. Mulier primum nuntiavit, et ad mulieris testimonium crediderunt Samaritani, et rogarerunt eum ut apud eos maneret, et mansit ibi biduo, et plures crediderunt: et cum credidissent, dicebant mulieri, Non jam propter verbum tuum credimus, sed ipsi cognovimus, et scimus quia vere hic est Salvator mundi; primo per famam¹, postea per presentiam. Sic agitur hodie cum eis qui foris sunt, et nondum sunt christiani: Christus nuntiatur per christianos amicos; tanquam illa muliere, hoc est Ecclesia annuntiante, ad Christum veniunt, credunt per istam famam; manet apud eos biduo, hoc est, dat illis duo præcepta charitatis; et multo plures et firmius in eum credunt, quoniam vere ipse est Salvator mundi.

TRACTATUS XVI.

Ab eo Evangelii loco, Post duos autem dies exiit inde, et abiit in Galileam; usque ad id, Et creditit ipse, et domus eius tota. Cap. iv, §. 43-53.

1. Hodierna evangelica lectio, hesterni diei sequitur lectionem, quæ nobis ad disputandum proponitur. In qua quidem sensus non sunt investigatione difficiles, sed digni prædicatione, digni admiratione et laudatione. Proinde locum istum Evangelii cum commendatione commemoremus polius, quam cum difficultate tractemus. Abiit enim Jesus post biduum quod fecerat in Samaria in Galileam ubi nutritus erat. Secutus autem Evangelista ait: *Ipsa enim Jesus testimonium perhibuit quia propheta in patria sua honorem non habet.*

¹ In tribus MSS., *Disparis*.

² Lov., per feminam: dissentientibus editis aliis et MSS.

Non propterea post biduum discessit Jesus de Samaria, quia honorem in Samaria non habebat: non enim Samaria patria ipsius erat, sed Galilea. Cum ergo istam deseruisset tam cito, et ad Galileam venisset ubi nutritus erat; quomodo attestator *quia propheta in patria sua honorem non habet?* Magis videtur attestari potuisse quod propheta in patria sua honorem non haberet, si contemneret pergere in Galileam, et in Samaria remansisset.

2. Intendat ergo Charitas vestra insinuatum nobis non modicam sacramentum, suggestente Domino et donante quod loquar. Questionem propositam cognovistis, solutionem ejus exquirite. Sed repetamus propositionem, ut solutionem desiderabilem faciamus. Movet nos cur Evangelista dixerit, *Ipse enim Jesus testimonium perhibuit quod propheta in patria sua honorem non habet.* Hoc permoti reteximus verba superiora, ut inveniamus cur hoc Evangelista dicere voluerit; et invenimus superiora verba ejus ita narrantis, quoniam post biduum profectus est de Samaria in Galileam. Propter hoc ergo dixisti, o Evangelista, testimonium perhibuisse Jesum quod propheta in patria sua honorem non haberet; quia post biduum reliquit Samariam, et properavit venire in Galileam? Imo vero quasi videor mihi congruentius intelligere, quia si honorem in patria sua Jesus non haberet, non ad eamdem relicta Samaria festinaret. Sed ni fallor, imo quia verum est, et non fallor, melius enim quam ego, vidit Evangelista quid diceret, melius me veritatem videbat, qui eam de pectore Domini bibebat. Ipse est enim Joannes evangelista, qui inter omnes discipulos super pectus Domini discubebat; et quem Dominus charitatem debens omnibus, tamen præ ceteris diligebat (*Joan. xiii, 25, et xxi, 20*). Ergo ille falleretur, et ego recta sentire? Imo si pie sapio, obedienter audiam quod dixit, ut merear sentire quod sensit.

3. Accipite itaque, charissimi, quid hic seatiā, sine præjudicio, si vos melius aliquid scosseritis. Magistrum enim unum omnes habemus, et in una schola condiscipuli sumus. Hoc ergo seatio, et videte si non aut verum est, aut propinquat veritati quod seatio. In Samaria biduum fecit, et crediderunt in cum Samaritani: tot dies in Galilea fecit, et non in eum crediderunt Galilæi. Retexite vel recolite memoria besterni diei et lectionem et sermonem. Venit in Samariam, ubi eum primo mulier illa prædicaverat, cum qua ad puteum Jacob locutus erat magna mysteria: eo viso Samaritani et auditio crediderunt in eum propter verbum mulieris, et firmius crediderunt propter verbum ejus, et plures crediderunt: sic scriptum est. Ibi facto biduo (quo numero dierum mystice commendatus est duorum numerus præceptorum, in quibus duobus præceptis tota Lex pendet et Prophetæ [*Matth. xxii, 37-40*], sicut besterno die nos commendasse meministis), pergit in Galileam, et venit in civitatem Canam Galilææ, ubi aquam vinum fecit. Ibi autem quando aquam in vinum convertit, sicut scribit ipse Joannes, crediderunt in eum discipuli ejus (*Joan. ii,*

11-14): et utique plena erat domus turbis convivantium. Factum est tamen magnum miraculum, et non in eum crediderunt nisi discipuli ejus. Hanc civitatem Galilææ modo repetivit. *Et ecce quidam regulus, cuius filius infirmabatur, venit ad eum, et rogare cœpit ut descenderet, ad illam civitatem vel domum, et sanaret filium ejus; incipiebat enim mori.* Qui rogabat, non credebat? Quid a me exspectas audire? Dominum interroga quid de illo senserit. Rogatus enim talia respondit: *Nisi signa et prodigia videritis, non creditis.* Arguit hominem in fide tepidum, aut frigidum, aut omnino nullius fidei: sed tentare cupientem de sanitate filii sui, qualis esset Christus, quis esset, quantum posset. Verba enim rogantis audivimus, cor diffidentis non videmus: sed ille pronuntiavit, qui et verba audivit et cor inspexit. Denique et ipse Evangelista testimonio narrationis sua ostendit quia nondum crederat, qui venire ad domum suam Dominum cupiebat, ad sanandum filium ejus. Nam posteaquam ei nuntiatum est sanum esse filium ejus, et invenit ea hora sanatum, qua hora Dominus dixerat, *Vade, filius tuus vivit; et credidit, inquit, ipse, et dominus ejus tota.* Si ergo propterea credidit ipse et dominus ejus tota, quia nuntiatus est ei filius ejus sanus, et comparavit horam nuntiantiam horae prænuntiantis; quando rogabat, nondum credebat. Samaritani nullam signum expectaverant, verbo ejus tantummodo crediderant: cives autem ejus audire meruerunt, *Nisi signa et prodigia videritis, non creditis;* et ibi tamen facto tanto miraculo, non credidit nisi ipse et dominus ejus. Ad solum sermonem crediderunt plures Samaritani: ad illud miraculum sola illa domus credidit, ubi factum est. Quid igitur, fratres, quid nobis comendat Dominus? Tunc Galilæa Judeæ patria erat Domini, quia ibi nutritus est: nunc vero quia portendit aliquid res illa; non enim sine causa dicta sunt prodigia, nisi quia aliquid portendant: prodigium enim appellatum est quasi porrodictum¹, quod porro dicat, porro significet, et aliquid futurum esse portendat: quia ergo aliquid illa omnia portendebant, aliquid illa omnia prædicebant, faciamus modo nos patriam Domini nostri Jesu Christi secundum carnem (non enim habuit patriam in terra, nisi secundum carnem, quam accepit in terra); faciamus ergo patriam Domini populum Judæorum. Ecce in patria sua honorem non habet. Modo attende Judæorum turbas, attende jam gentem illam dispersam toto orbe terrarum, et evulsam radicibus suis; attende ramos fractos, concisos, dispersos, aridos, quibus fractis inserui meruit oleaster (*Rom. xi, 17*): vide turbam Judæorum, quid dicit modo? Quem colitis, quem adoratis, frater noster erat. Et nos respondeamus, *Propheta in patria sua honorem non habet.* Denique illi ambulanteum Dominum Jesum in terra, sicut etiamque miracula; ex eos illuminantem, surdis aures aperientem, mutorum ora solventem, paralyticorum membra stringentem, super mare ambulanteum, ventis imperantem et fluctibus, mortuos suscitanteum; tanta signa facientem viderunt, et vix

¹ In plurisque Nas., prodicium.

inde pauci crediderunt. Populo Dei loquor : tam multi credidimus, quæ signa vidimus ? Illud ergo quod factum est tunc, hoc quod nunc agitur portendebat. Judæi fuerunt vel sunt similes Galilæi ; nos similes illis Samaritanis. Evangelium audivimus, Evangelio consensimos, per Evangelium in Christum credidimus ; nulla signa vidimus, nulla exigimus.

4. Quamvis enim unus ex duodecim electis et sanctis, tamen Israelita fuit, de gente scilicet Domini, Thomas ille, qui in loca vulnerum digitos cupiebat mittere. Sic eum arguit Dominus quomodo istum regulum. Huic dixit, *Nisi signa et prodigia videritis non creditis* : illi autem dixit, *Quia vidisti, credidisti*. Ad Galilæos venerat, post Samaritanos qui sermoni ejus crediderant, apud quos nulla miracula fecerat, quos firmos in fide securus cito dimiserat, quia divinitatis praesentia non dimiserat. Ergo quando dicebat Dominus Thomæ, *Veni, mutte manus tuam, et noli esse increditus, sed fides* ; et cum ille exclamaret, tactis vulneram locis, et diceret, *Dominus meus, et Deus meus* : increpatur et dicitur ei, *Quia vidisti, credidisti*. Quare, nisl quia propheta in patria sua honorem non habet? Quia vero apud alienigenas propheta iste honorem habet, quid sequitur? *Beati qui non viderunt et crediderunt*¹ (*Joan. xx, 25-29*). Prædicti sumus nos; et quod Dominus ante laudavit, et in nobis implere dignatus est. Viderunt qui crucifixerunt, palpaverunt, et sic pauci crediderunt : nos non vidimus, non contrectavimus, audivimus, credidimus. Fiat in nobis, perficiatur in nobis beatitudo quam promisit; et hic, quia patriæ ipsius prælati sumus; et in futuro seculo, quia pro ramis fractis inserti sumus.

5. Hos enim ramos se fracturam esse monstrabat, et hunc oleastrum inserturam, quando commotus Centurionis fide, qui ei dixit, « Non sum dignus ut sub tectum meum intres; sed tantum dic verbo, et sanabis puer meus : nam et ego homo sum sub potestate constitutus, habens sub me milites, et dico huic, *Vade, et vadit*; et huic, *Veni, et venit*; et seruo meo, *Fac hoc, et facit*. Conversus ad eos qui se sequabantur, dixit, *Amen dico vobis, non inveni tantam fidem in Israel.* » Quare non invenit tantam fidem in Israel? Quia propheta in patria sua honorem non habet. Numquid non et illi centurioni poterat dicere Dominus, quod dixit huic regulo, *Vade, puer tuus vivit?* Videte distinctionem : regulus iste Dominum ad dominum suum descendere cupiebat; ille centurio indignum se esse dicebat. Illi dicebatur, *Ego venio² et curabo eum*; huic dictum est, *Vade, filius tuus vivit*. Illi presentiam promittebat; hunc verbo sanabat. Iste tamen presentiam ejus extorquesbat; ille se presentia ejus indignum esse dicebat. Hic cessum est elationi; illie concessum est humilitati. Tanquam huic diceret, *Vade, filius tuus vivit, noli mihi tardium facere*. *Nisi signa et prodigia videritis, non creditis*: presentiam meam vis in domo tua, possum et verbo jubere; noli

tu de signis credere : centurio alienigena credidit me verbo posse facere, et antequam facerem credidit; vos, nisi signa et prodigia videritis, non creditis. Ergo si ita est, frangantur superbi rami, humiliis inseratur oleaster : mancat tamen radix, illa præcisio, ieiis receptis. Ubi manet radix? In Patriarchis. Etenim patria Christi populus Israel, quia ex eis venit secundum carnem : sed hujus arboris radix, Abraham, Isaac, et Jacob, patriarchæ sancti. Et ubi isti? In requie apud Deum, in honore magno : et in Abraham sinum adjutus³ ille pauper post corporis exitum levaretur, et in Abraham sinu de longinquu a superbo divite videtur (*Luc. xvi, 22, 23*). Ergo radix manet, radix laudatur : sed rami superbi et præcidi et arescere meruerunt; oleaster autem humilius illorum præcisione inventit locum.

6. Audi ergo quemadmodum præcidantur rami naturales, quemadmodum inseratur oleaster, ex ipso centurione, quem propter comparationem hujus reguli commemorandum putavi. Amen, inquit, *dico vobis, non inveni tantam fidem in Israel*: propterea dico vobis, quia multi ab oriente et occidente. Quam late terram occupaverat oleaster! Amara silva mundus hic fuit: sed propter humilitatem, propter *Non sum dignus ut sub tectum meum intres*, *Multi ab oriente et occidente venient*. Et puta quia venient: quid de illis fiet? Si enim venient, jam præesi sunt de silva: ubi inserendi sunt, ne arescant? *Et recumbent*, inquit, *cum Abraham, et Isaac, et Jacob*. In quo convivio; ne forte non invites ad semper vivendum, sed ad multum bibendum? *Recubant cum Abraham, et Isaac, et Jacob*. Ubi? *In regno*, inquit, *calorum*. Et quid erit de illis qui venerunt de stirpo Abraham? quid fiet de ramis quibus arbor plena erat? Quid, nisi quia præceduntur, ut isti inserantur? Doce quia præceduntur: *Fili autem regni ibunt in tenebras exterioras* (*Math. viii, 5-12*).

7. Habeat ergo apud nos honorem Propheta, quia non habuit honorem in patria sua. Non habuit honorem in patria, in qua conditus est; habeat honorem in patria quam condidit. In illa enim conditus est conditor omnium, conditus in illa est secundum formam servi. Nam ipsam civitatem in qua conditus est, ipsam Sion, ipsam Iudeorum gentem, ipsam Jerusalem, ipse condidit cum esset apud Patrem Verbum Dei: *Omnia enim per ipsum facta sunt, et sine ipso factum est nihil*. De illo ergo homine de quo hodie audiimus, unus mediator Dei et hominum homo Christus Jesus (*I Tim. ii, 5*), etiam Psalmus prælocutus est, dicens, *Mater Sion, dicet homo*. Quidam homo, mediator Dei et hominum homo, Mater Sion dicit. Quare Mater Sion dicit? Quia inde accepit carnem, inde virgo Maria, de cuius utero servi forma suscepta est, in qua dignatus est apparere humilius. Mater Sion dicit homo, et homo iste qui dicit Mater Sion, factus est in ea, *homo factus est in ea*. Nam Deus erat

¹ MSS., *qui non vident et credunt*.

² Lov., *Ego venian*. Cæteri libri, *Ego venio*.

³ Editi Am. Rad. et Er., *Justus*. Vindocinensis Ms., ad iustos. At MSS. alii cum Lov., *adjutus*: quod nomen ipsum lazari est interpretatum.

ante eam, et homo factus est in ea. Qui homo factus est in ea, ipse fundavit eam Altissimus (*Psal. lxxxvi, 5*), non humiliatus. *Homo factus est in ea humiliatus*; quia *Verbum caro factum est, et habitavit in nobis: ipse fundavit eam Altissimus*; quia in principio erat Verbum, et Verbum erat apud Deum; et Deus erat Verbum: omnia per ipsum facta sunt (*Joan. i, 1, 3, 14*). Quia vero condidit istam patriam, hic habeat honorem. Repulit eum patria in qua generatus est; suscipiat eum patria quam regeneravit.

TRACTATUS XVII.

Ab eo quod scriptum est, Post hæc erat dies festus Iudeorum, et ascendit Jesus Jerosolymam; usque ad id, Querebant eum Judæi interficere, quia non solum solvebat sabbatum, sed et patrem suum dicebat Deum, æqualem se faciens Deo. Cap. v, §. 4-18.

1. Mirum non esse debet a Deo factum miraculum: mirum enim esset si homo fecisset. Magis gaudere quam mirari¹ debemus, quia Dominus noster et salvator Jesus Christus homo factus est, quam quod divina inter homines Deus fecit. Plus est enim ad salutem nostram quod factus est propter homines, quam quod fecit inter homines: et plus est quod vita sanavit animalium, quam quod sanavit languores corporum moriturorum. Sed quia ipsa anima non cum noverat a quo sananda erat, et oculos habebat in carne unde facta corporalia videret, nondum habebat sanos in corde, unde Deum latenter cognosceret; fecit quod videre poterat, ut sanaretur unde videre non poterat. Ingressus est locum ubi jacebat magna multitudo languentium, cæcorum, claudorum, aridorum; et cum esset medicus et animalium et corporum, et qui venisset sanare omnes animas crediturorum, de illis languentibus unum elegit quem sanaret, ut unitatem significaret. Si mediocri corde, et quasi humano captiuo et ingenio consideremus facientem, et quod ad potestatem pertinet, non magnum aliiquid perfecit; et quod ad benignitatem, parum² fecit. Tot jacebant, et unus curatus est, cum posset uno verbo omnes erigere. Quid ergo intelligendum est, nisi quia potestas illa et bonitas illa magis agebat quid animæ in factis ejus pro salute sempiterna intelligerent, quam quid pro temporali salute corpora mererentur? Corporum enim salus que vera exspectatur a Domino, erit in fine in resurrectione mortuorum: tunc quod vivet, non morietur; tunc quod sanabitur, non ægrotabit; tunc quod satiabitur, non esuriet aut sitiet; tunc quod renovabitur, non veterascet. Nunc vero in illis factis Domini et salvatoris nostri Iesu Christi, et cæcorum aperti oculi, morte clausi sunt; et paralyticorum membra constricta, morte dissoluta sunt; et quidquid sanatum est temporaliter in membris mortalibus, in fine defecit: anima vero quæ creditit; ad vitam æternam transitum fecit. Animæ ergo creditæ, cu-

Jus peccata dimittere venerat, ad cuius languores sandos se humiliaverat, de hoc languido sanato magnum signum dedit. Cujus rei et cuius signi profundum sacramentum, quantum Dominus donare dignatur, attentis vobis et orando adjuvantibus infinitatem nostram, loquar ut potero. Quidquid autem non possum, supplebit in vobis ipse, quo adjuvante facio quod possum.

2. De hac piscina quæ quinque porticibus cingebatur, in quibus jacebat magna multitudo languentium, assidue nos tractasse memini; et rem dicturus sum quam mecum plures recognoscant potius quam cognoscant. Verum nihil est ab re, etiam nota repete, ut et qui non noverant instruantur; et qui noverant confirmentur. Proinde tanquam nota breviter perstringenda sunt, non otiose inculcanda. Piscina illa et aqua illa populum mihi videtur significasse Iudeorum. Significari enim populos nomine aquarum, aperte nobis indicat *Apocalypse* Joannis: ubi ei cum ostenderentur aquæ multæ, et interrogasset quid essent, responsum accèpit, populos esse (*Apoc. xvii, 15*). Aqua ergo illa, id est populus ille, quinque libris Moysi, tanquam quinque porticibus claudebatur. Sed illi libri prodebat languidos, non sanabant. Lex enim peccatores convincebat, non absolvebat. Ideo littera sine gratia reos faciebat, quos confitentes gratia liberabat. Nam hoc dicit Apostolus: *Si enim data esset lex quæ posset vivificare, omnino ex Lege esset justitia*. Quare ergo data est Lex? Sequitur, et dicit: *Sed conclusit Scriptura omnia sub peccato, ut promissio ex fide Iesu Christi daretur credentibus* (*Galat. iii, 21, 22*). Quid evidenter? Nonne verba hæc exposuerunt nobis et quinque porticus, et languentium multitudinem? Quinque porticus Lex est. Quare quinque porticos non sanabant languentes? Quia si data esset lex quæ posset vivificare, omnino ex Lege esset justitia. Quare ergo confinebant quos non sanabant? Quia conclusit Scriptura omnia sub peccato, ut promissio ex fide Iesu Christi daretur credentibus.

3. Quid ergo siebat ut in aqua illa turbata sanarentur, qui in porticibus sanari non poterant? Subito enim videbatur aqua turbata, et a quo turbabatur, non videbatur. Credas hoc angelica virtute fieri solere, non tamen sine significante aliquo sacramento. Post aquam turbatam mittebat se unus qui poterat, et sanabatur solus: post illum quisquis se mitteret, frustra faceret. Quid sibi ergo hoc vult, nisi quia venit unus Christus ad populum Iudeorum; et faciendo magna, docendo utilia, turbavit peccatores, turbavit aquam præsentia sua, et excitavit ad passionem suam? Sed latens turbavit. Si enim cognovissent, nunquam Dominum gloriae crucifixissent (*I Cor. xi, 8*). Descendere ergo in aquam turbatam, hoc est humiliter credere in Domini passionem. Ibi sanabatur unus, significans unitatem; postea quisquis veniret, non sanabatur: quia quisquis præter unitatem fuerit, sanari non poterit.

4. Videamus ergo quid voluerit significare in illo

¹ Sic editi et MSS. ferunt. Forte librariorum lapsu, pro, et admirari, sive ut olim scribebant, et ammirari, substituti fuit, quam mirari.

² In MSS., parvum.

uno, quem etiam ipse servans unitatis mysterium, sicut prælocutus sum, de tot languentibus unum sanare dignatus est. Invenit in annis ejus numerum quemdam languoris : *Triginta octo annos habebat in infirmitate.* Hic numerus quomodo magis ad languorem pertineat, quam ad sanitatem, paulo diligentius exponendum est. Intentos vos volo; aderit Dominus, ut congrue loquar, et sufficienter audiatis. Quadragenarius numerus sacratus nobis in quadam perfectione commendatur. Notum esse arbitror Charitati vestre : testantur saepissime divinæ Scripturæ. Jejunium hoc numero consecratum est : bene nostis. Nam et Moyses quadraginta diebus jejunavit (*Exod. xxxiv, 28*), et Elias totidem (*III Reg. xix, 8*), et ipse Dominus noster et salvator Jesus Christus hunc jejunii numerum implevit (*Matth. iv, 2*). Per Moysen significatur Lex, per Eliam significantur Prophetæ, per Dominum significatur Evangelium. Ideo in illo monte tres apparuerunt, ubi se discipulis ostendit in claritate vultus et vestis suæ. Apparuit enim medius inter Moysen et Eliam (*Id. xvii, 1-5*), tanquam Evangelium testimonium haberet a Lege et Prophetis (*Rom. iii, 21*). Sive ergo in Lege, sive in Prophetis, sive in Evangelio, quadrigenarius numerus nobis in jejunio commendatur. Jejunium autem magnum et generale est, abstinere ab iniquitatibus et illicitis voluptatibus sæculi quod est perfectum jejunium : *ut abnegantes impietatem et sæculares cupiditates, temperanter, et juste, et pie vivamus in hoc sæculo.* Huic jejunio quam mercedem addit Apostolus? Sequitur, et dicit : *Exspectantes illum beatam spem, et manifestationem gloriae beati Dei, et salvatoris nostri Iesu Christi (Tit. ii, 12, 13).* In hoc ergo sæculo quasi Quadragesimam abstinentie celebramus, cum bene vivimus, cum ab iniquitatibus et ab illicitis voluptatibus abstinemus. Sed quia haec abstinentia sine mercede non erit, exspectamus *beatam illum spem, et revelationem gloriae magni Dei, et salvatoris nostri Iesu Christi.* In illa spe, cum fuerit de spe facta res, accepturi sumus mercedem denarium. Ipsa enim merces redditur operariis in vinea laborantibus secundum Evangelium (*Matth. xx, 9, 10*), quod vos credo reminisci : neque enim omnia commemoranda sunt, tanquam rudibus et imperitis. Denarius ergo qui accepit nomen a numero decem, redditur, et conjunctus quadrigenario fit quinquagenarius : unde cum labore celebramus Quadragesimam ante Pascha ; cum letitia vero, tanquam accepta mercede, Quinquagesimam post Pascha. Nam huic tanquam salutari labori boni operis, qui pertinet ad quadrigenarium numerum, additur quietis et felicitatis denarius, ut quinquagenarius fiat.

5. Significavit hoc et ipse Dominus Jesus multo apertius, quando post resurrectionem quadraginta diebus conversatus est in terra cum discipulis suis (*Act. i, 3*); quadragesimo autem die cum ascendisset in cœlum, peractis decem diebus misit mercedem Spiritus sancti (*Id. ii, 1-4*). Significata sunt ista, et quibusdam significationibus res ipsæ præventæ sunt.

Significationibus pascimur, ut ad res ipsas perdurantes pervenire possimus. Operarii enim sumus, et adhuc in vinea laboramus : finito die, finito opere, merces restituetur. Sed quis operarius perdurat ad accipientiam mercedem, nisi qui pascitur cum laboret? Non enim et tu operario tuo mercedem solam daturus es : non etiam afferes illi unde vires reparet in labore? Pascis utique cui mercedem datus es. Proinde et nos Dominus in istis Scripturarum significationibus laborantes pascit. Nam si ista intelligendorum sacramentorum lætitia subtrahatur a nobis, desiccamus in labore, et non erit qui perveniat ad mercedem.

6. Quomodo ergo quadrigenario numero perficiatur opus? Fortasse ideo, quia Lex in decem præceptis data est, et per totum mundum prædicanda erat Lex : qui totus mundus quatuor partibus commendatur, Oriente et Occidente, Meridie et Aquilone, unde denarius per quatuor multiplicatus, ad quadrigenarium pervenit. Vel quia per Evangelium quod quatuor libros habet, impletur Lex : quia in Evangelio dictum est, *Non reni solvere Legem, sed adimplere (Matth. v, 17)*. Sive ergo illa, sive ista causa, sive alia aliqua probabiliore, quæ nos latet, doctiores non latet; certum est tamen quadrigenario numero significari quamdam perfectionem in operibus bonis, quæ maxime opera bona exercentur in abstinentia quamdam ab illicitis cupiditatibus ¹ sæculi, hoc est, generali jejunio. Audi et Apostolum dicentem, *Plenitudo Legis charitas (Rom. xiii, 10)*. Charitas unde? Per gratiam Dei, per Spiritum sanctum. Non enim habemus illam ex nobis, quasi facientes illam nobis. Dei donum est, et magnum donum : *Quoniam charitas Dei, inquit, diffusa est in cordibus nostris per Spiritum sanctum qui datus est nobis (Id. v, 5)*. Charitas ergo implet Legem, et verissime dictum est, *Plenitudo Legis charitas. Quæramus hanc charitatem, quemadmodum ² commendatur a Domino.* Mementote quid proposuerim : numerum triginta octo annorum in illo languido volo exponere, quare numerus ille trigesimus octavus languoris sit potius quam sanitatis. Ergo, ut dicebam, charitas implet Legem. Ad plenitudinem Legis in omnibus operibus pertinet quadrigenarius numerus : in charitate autem duo præcepta nobis commendantur. Intuenni, obsecro, et figite memorix quod dico; ne sitis contemptores verbi, ne fiat anima vestra via, ubi grana jacta non germinent : *Et venient, inquit, volatilia cœli, et colligent ea (Marc. iv, 4)*. Percipite, et recondite in cordibus vestris. Charitatis præcepta duo sunt a Domino commendata : *Diliges Dominum Deum tuum ex toto corde tuo, et ex tota anima tua, et ex tota mente tua; et, Diliges proximum tuum tanquam te ipsum. In his duobus præceptis tota Lex pendet et Prophetæ (Matth. xxi, 37-40)*. Merito et illa vidua omnes facultates suas, duo minuta misit in dona Dei (*Luc. xxi, 2-4*) : merito et pro illo languido a latronibus

¹ MSS., *voluptatibus.*

² Lov., quæ admodum. Cæteri libri, quemadmodum.

sauciate, stabularies duos numeros accepit eadem sa-
naretur (*Luc. x.*, 35) : merito apud Samaritanos bi-
duum fecit Jesus, ut eos charitate firmaret (*Joan. iv.*,
40). Binario ergo isto numero cum aliquid boni si-
gnificatur maxime bipartita charitas commendatur.
Si ergo quadragenarius numerus habet perfectionem
Legis et Lex non impletur nisi in gemino praecepto
charitatis ; quid miraris quia languebat qui ad qua-
draginta, duo minus habebat ?

7. Videamus proinde jam quo sacramento iste
languidus curetur a Domino. Venit enim ipse Dominus,
charitatis doctor, charitate plenus, *breviane*, sicut
de illo praedictum est, *verbum super terram* (*Isai. x.*,
23, et *xxviii*, 22; *Rom. ix.*, 28) : et ostendit in duobus
praeceptis charitatis pendere Legem et Prophetas.
Inde ergo pependit Moyses quadragenario suo, inde
Elias cum suo, hunc numerum attulit Dominus in
testimonia suo. Curatur iste languidus a praesente
Domino ; sed prius quid ei dicit ? *Vix sanus fieri ?* Re-
spondit ille hominem se non habere, a quo in pisci-
nam mittatur. Vere necessarius erat illi homo ad
sanitatem, sed homo ille qui et Deus est. *Unus enim
Deus, unus et mediator Dei et hominum, homo Christus
Jesus* (*I Tim. n.*, 5). Venit ergo homo qui erat neces-
sarius : quare sanitas differretur ? *Surge, inquit, tolle
grabatum tuum, et ambula.* Trax dixit, *Surge, tolle
grabatum tuum, et ambula.* Sed *Surge*, non operis
imperium fuit, sed operatio sanitatis. Sano autem
duo imperavit, *Tolle grabatum tuum, et ambula.* Rogo
vos, cur non sufficeret, *Ambula* ? aut certe cur non
sufficeret, *Surge* ? Neque enim ille cum sanus sur-
rexisset, in loco remansisset. Nonne ad hoc surrexisset
ut abiasset ? Movet ergo me etiam quod duo praecepit,
qui illum jacentem duobus minus invenit : tanquam
enim duo quedam jubendo, quod minus erat implevit.

8. Quomodo ergo inveniamus in his duobus Domini
jussis, duo illa praecepta significata charitatis ? *Tolle*,
inquit, *grabatum tuum, et ambula.* Quae sunt illa duo
praecepta, fratres, recolite mecum. Notissima enim
esse debent, nec modo tantum venire in mentem cum
commemorantur a nobis, sed deleri nunquam debent
de cordibus vestris. Semper omnino cogitate diligendū
esse Deum et proximum : *Deum ex toto corde, ex
tota anima, et ex tota mente ; et proximum tanquam se-
ipsum.* Hac semper cogitanda, haec meditanda, haec
retinenda, haec agenda, haec implenda sunt. Dei dilec-
tio prior est ordine praecipiendi ; proximi autem
dilectio prior est ordine faciendi. Neque enim qui tibi
praeципeret dilectionem istam in duobus praeceptis,
prius tibi commendaret proximum, et postea Deum ;
sed prius Deum, postea proximum. Tu autem quia
Deum nondum vides, diligendo proximum prome-
reris quem vides ; diligendo proximum purgas oculum
ad videndum Deum, evidenter Joanne dicente,
*Si fratrem quem vides non diligis, Deum quem non vides
quomodo diligere poteris* (*I Joan. iv.*, 20) ? Ecce dicitur
tibi, Dilige Deum. Si dicas mihi, Ostende mihi quem
diligam ; quid respondebo, nisi quod ait ipse Joannes,
Deum nemo vidit unquam (*Joan. i.*, 18) ? Et ne te

alienum omnino a Deo videndo esse arbitris : *Bens,*
inquit, *charitas est ; et qui manet in charitate, in Deo
manet* (*I Joan. iv.*, 16). Dilige ergo proximum : et in-
tuere in te unde diligis proximum ; ibi videbis, ut
poteris, Deum. Incipe ergo diligere proximum. *Frange
esurienti panem tuum, et egenum sine tecto induc in do-
mum tuum : si videris nudum, vesti, et domesticos se-
minis tui ne despexeris.* Faciens autem ista quid con-
queris ? *Tunc erumpet velut matutina lux tua* (*Isai. lviii.*,
7, 8). Lux tua Deus tuus est, tibi *matutina*, quia post
noctem saeculi tibi veniet : nam ille nec oritur, nec
occidit ; quia semper manet. Erit tibi *matutinus redi-*
eunti, qui tibi occasum fecerat pereuenti. Ergo, *Tolle
grabatum tuum*, mihi videtur dixisse, Dilige prox-
imum tuum.

9. Sed clausum est adhuc, et expositione indiget,
quantum arbitror, quare in tollendo grabato dilectio
proximi commendetur : nisi forte hoc nos effudit,
quod per grabatum, rem quamdam stolidam et insen-
satam, proximus commendatur. Non iraseatur proximus,
si commendatur nobis per rem quae sine anima
et sine sensu est. Ipse Dominus et salvator noster Je-
sus Christus lapis angularis dictus est, ut duos con-
deret in se (*Ephes. ii.*, 14-20). Dictus est et petra, unde
aqua profluxit : *Petra autem erat Christus* (*I Cor. x.*, 4).
Quid ergo mirum, si *Petra Christus*, lignum proximus ?
Non tamen qualicumque ligum : quomodo nec
illa qualicumque petra, sed unde aqua profluxerat si-
cientibus ; nec qualicumque lapis, sed angularis, qui
in semetipso copulavit duos parietes e diverso ve-
nientes. Sic nec qualicumque lignum proximum ac-
ceperis, sed grabatum. Quid ergo in grabato, obsecro
te ? quid, nisi quia ille languidus grabato portabatur ?
Sanus autem grabatum portat. Quid dictum est ab
Apostolo ? *In vicem onera vestra portate, et sic adimplebitis legem Christi* (*Galat. vi.*, 2). Lex ergo Christi
charitas est, nec charitas impletur nisi invicem onera
nostra portemus. *Suffragantes, inquit, invicem in dilec-*
tione, studentes servare unitatem spiritus in vinculo pa-
cis (*Ephes. iv.*, 2, 3). Cum essemus languidus, portabat
te proximus tuus ; sanus factus es, porta proximum
tuum : *In vicem onera vestra portate, et sic adimplebitis
legem Christi.* Sic adimplebis, o homo, quod tibi de-
rat. *Tolle ergo grabatum tuum.* Sed cum tuleris, noli
remanere, *ambula.* Diligendo proximum, et curam ha-
bendo de proximo tuo, iter agis, nisi
ad Dominum Deum, ad eum quem diligere debemus
ex toto corde, ex tota anima, ex tota mente ? Ad Do-
minum enim nondum pervenimus, sed proximum no-
biscum habemus. Porta ergo eum, cum quo ambulas ;
ut ad eum pervenias, cum quo manere desideras.
Tolle ergo grabatum tuum, et ambula.

10. Fecit hoc ille, et scandalizati sunt Iudei. Vi-
debant enim hominem die sabbati portantem graba-
tum suum, nec calumniabantur Domino quod sanum
eum fecerat sabbato, ut eis respondere posset quia si
cujusquam eorum jumentum in puteum cecidisset,
utique die sabbati crueret illud, et salvaret jumentum
suum (*Luc. xiv.*, 5) : non itaque iam illi objiciebant

quod die sabbati sanctus factus esset homo ; sed quod portabat grabatum suum. Si sanitas non erat differenda, numquid et opus fuerat imperandum ? Non tibi, inquit, facere quod facis, tollere grabatum tuum. Et ille auctorem sanitatis suae objiciebat calumniatoribus : Qui, inquit, me fecit sanum, ipse mihi dixit, Tolle grabatum tuum, et ambula. Non acciperem iunctionem a quo receperam sanitatem ? Et illi : Quis est ille homo qui tibi dixit, Tolle grabatum tuum, et ambula ?

11. Sed qui sumus erat factus nesciebat quis esset, a quo hoc audierat. Jesus autem, cum hoc fecisset, et jussisset, declinaverat ab eo in turba. Videte quemadmodum et hoc impleatur. Portamus proximum, et ambulamus, ad Deum ; sed eum ad quem ambulamus, nondum videmus : ideo et ille nondum novaret Jesus. Sacramentum hoc commendatum est, quia in eum erimus quem nondum videmus : et ut non videatur, declinat in turba. Difficile est in turba videre Christum : solitudo quedam necessaria est meati nostra ; quadam solitudine intentionis videntur Deus. Turba strepitum habet ; visio ista secretum desiderat. Tolle grabatum tuum, porta portatus proximum tuum ; et ambula, ut pervenias. Noli Jesum querere in turba, non est tanquam unus de turba : prævenit omnem turbam. Prior ascendit de mari piscis ille magnus, et in celis sedet interpellans pro nobis : tanquam sacerdos magnus, unus intravit in interiora veli : turba foris stat. Ambula tu, qui portas proximum tuum ; si didicisti portare, qui solebas portari. Denique modo nondum nosti Jesum, nondum vides Jesum : quid postea sequitur ? Quoniam non destitit ille tollendo grabatum suum, et ambulando, Vidi eum postea Jesus in templo. In turba non eum vidit, in templo vidit. Dominus quidem Jesus et in turba eum videbat, et in templo : ille autem languidus Jesum in turba non cognoscit, in templo cognoscit. Pervenit ergo ille ad Dominum ; vidit eum in templo, vidit eum in loco sacro, in loco sancto. Et quid ab eo audit ? Ecce jam sanus factus es ; noli peccare, ne quid tibi deterius contingat.

12. Tunc ille, posteaquam vidit Jesum, et cognovit Jesum auctorem sanitatis suæ, non fuit piger in evangelizando quem viderat : Abiit, et nuntiavit Judæis quia Jesus esset qui eum sanum fecerat. Ille annuntiabat, et illi insaniebant : ille salutem suam prædicabat, illi salutem suam non quærebant.

13. Persequebantur Judæi Dominum Jesum, quia hæc faciebat in sabbato. Quid ergo Dominus modo respondit Judæis, audiamus. De sanis factis hominibus sabbato, dixi quid soleat respondere, quia jumenta sua non contemnebant sabbato, vel liberando vel alendo. De portato grabato quid respondit ? Manifestum opus corporale factum erat ante oculos Judæorum : non sanitas corporis, sed operatio corporis ; quæ non videbatur ita necessaria, quemadmodum sanitas. Aperte ergo Dominus dicat sacramentum sabbati, et signum observandi unius diei ad tempus datum esse Judæis ; impletionem vero ipsam sacramenti in illo venisse. Pater natus, inquit, usque modo

operator, et ego operator. Misit in eos magnum tumultum ; adventu Domini turbatur aqua, sed qui turbat, latet. Tamen sanandus est turbata aqua æger unus magnus, passo Domino totus mundus.

14. Videamus ergo responsionem Veritatis : Pater meus usque modo operator, et ego operator. Falsum ergo dixit Scriptura quia Deus requievit ab omnibus operibus suis in die septimo (Gen. ii, 2) ? et contra hanc Scripturam per Moysen ministratam, loquitur Dominus Jesus, cum ipse dicat Judæis, Si crederetis Moysi, crederetis et mihi : de me enim ille scriptit (Joan. v, 46) ? Videamus ergo ne aliquid voluit significare Moyses, quod Deus requievit in die septimo. Non enim defecrat Deus operando creaturam suam, et indigebat requie sicut homo. Quomodo defecerat qui verbo fecerat ? Tamen et illud verum est, quia requievit Deus ab operibus suis in die septimo ; et hoc verum est quod ait Jesus, Pater meus usque modo operator. Sed quis explicet verbis, homo hominibus, infirmos infirmis, indoctus discere cupientibus, et forte si quid sapit, promere et explicare non valens hominibus, difficile forte capientibus, etiam si explicari possit quod capturatur ? Quis, inquam, fratres mei, explicet verbis quomodo Deus et quietus operetur, et operans quiescat ? Obscro vos, ut hoc vobis proficiens differatis ; visio enim ista templum Dei quærerit, sanctum locum quererit : portate proximum et ambulate ; ibi eum videbitis, ubi verba hominum non quæratis.

15. Hoc forte potius dicere valemus, quia et in eo quod Deus in die septimo requievit, ipsum Dominum et salvatorem nostrum Jesum Christum, qui haec loquebatur et dicebat, Pater meus usque modo operator, et ego operator, magno sacramento significavit. Quia et Dominus Jesus utique Deus. Ipse est enim Verbum Dei, et audistis quia in principio erat Verbum ; et non qualemcumque Verbum, sed Deus erat Verbum, et omnia per ipsum facta sunt (Id. i, 1, 3) : forte significatus est requieturus in die septimo ab omnibus operibus suis. Legite enim Evangelium, et videte quanta operatus sit Jesus. Operatus est salutem nostram in cruce, ut implerentur in eo omnia prædicta Prophetarum : coronatus est spinis, suspensus est ligno ; dixit, Sitio, accepit acetum in spongia, ut impleretur quod dictum est, Et in siti mea potaverunt me aceto (Psal. lxviii, 22). At ubi impleta sunt omnia opera ejus, sexta sabbati inclinato capite reddidit spiritum, et in sepulcro sabbato requievit ab omnibus operibus suis (Joun. xix). Ergo tanquam diceret Judæis, Quid exspectatis ut non operer sabbato ? Sabbati dies vobis ad significationem meam præceptus est. Opera Dei attenditis ; ego ibi eram cum fierent, per me facta sunt omnia, ego novi : Pater meus usque modo operator. Operatus est Pater lucem ; sed dixit ut fieret lux (Gen. i, 3) : si dixit, Verbo operatus est ; Verbum ejus ego eram, ego sum : per me factus est mundus in illis operibus, per me regitur mundus in istis operibus. Pater meus et tunc operatus est cum fecit mundum, et usque nunc operatur cum regit mundum : ergo et per me fecit cum

fecit, et per me regit cum regit. Dicit hoc, sed quibus? Surdis, cæcis, claudis, languidis, medicum non agnoscentibus, et tanquam in phrenesi mente perdita occidere volentibus.

16. Proinde quid secutus Evangelista dixit? *Hinc ergo magis querebant eum Judæi interficere, quia non solum solvebat sabbatum, sed et patrem suum dicebat Deum.* Non quomodocumque: sed quid? *Æqualem se faciens Deo.* Nam omnes dicimus Deo, *Pater noster qui es in celis* (*Matt. vi, 9*): legimus et *Judæos dixisse, Cum tu sis pater noster* (*Isai. LXIII, 16 et LXIV, 8*). Ergo non hinc irascebantur, quia patrem suum dicebat Deum; sed quod longe alio modo quam homines. Ecce intelligent *Judæi* quod non intelligunt *Ariani*. Ariani quippe inæqualem Patri Filium dicunt, et inde hæresis est pulsa de Ecclesia¹. Ecce ipsi cœci, ipsi imperfectores Christi, intellexerunt tamen verba Christi. Non eum intellexerunt esse Christum, nec eum intellexerunt Filium Dei: sed tamen intellexerunt in illis verbis, quia talis commendatur Filius Dei, qui æqualis esset Deo. Quis erat ne sciebant; talem tamen prædicari agnoscebant, quia patrem suum dicebat Deum, æqualem se faciens Deo. Non erat ergo æqualis Deo? Non ipse se faciebat æqualem, sed ille illum generat æqualem. Si se ipse ficeret æqualem Deo, caderet per rapinam. Qui enim se voluit æqualem facere Deo cum non esset, cecidit (*Isai. XIV, 14, 15*), et ex angelō factus est diabolus: et hanc superbiam homini propinavit, unde ipse dejectus est. Nam hoc dixit homini, cui stanti lapsus invidit, *Gustate, et eritis sicut dei* (*Gen. III, 5*): id est, usurpatione rapite quod facti non estis; quia et ego rapiendo dejectus sum. Non hoc prodebat, sed hoc suadebat. Christus autem æqualis Patri natus erat, non factus: natus de substantia Patris. Unde illum sic commendat Apostolus: *Qui cum in forma Dei esset, non rapinam arbitratus est esse æqualis Deo.* Quid est, non rapinam arbitratus est? Non usurpavit æqualitatem Dei; sed erat in illa, in qua natus erat. Et nos ad æqualem Deum quomodo perveniremus? *Semei ipsum exinanivit formam servi accipiens* (*Philipp. II, 6, 7*). Non ergo se exinanivit amittens quod erat, sed accipiens quod non erat. Hanc formam servi contemnentes *Judæi*, Dominum Christianum æqualem Patri intelligere non poterant; quavis eum hoc de se dicere minime dubitabant, et ideo saeviebant: et adhuc tamen eos ille perferebat, et sanitatem saevientium requirebat.

TRACTATUS XVIII.

In eum Evangelii locum, Amen, amen dico vobis, non potest Filius a se facere quidquam, nisi quod videbit Patrem facientem: quæcumque enim ille fecerit, hæc et Filius similiter facit. Cap. V, §. 19.

1. Joannes evangelista inter consortes et comparicipes suos alias evangelistas, hoc præcipuum et

¹ Sic vetus codex Carcassonensis, et molius: nam infra, Tract. 23, n. 6, ubi sermo est de Apollinaristis, sic loquitur: «Fuerunt enim quidam hæretici, et pulsi sunt ab Ecclesia; » et hoc loquendi modo passim utitur. [et inde hæresis pulsat Ecclesiam].

proprium donum accepit a Domino (super cujus pectus in convvio discubebat (*Joan. XIII, 25*), ut per hoc significaret quia secreta altiora de intimo ejus corde potabat), ut ea diceret de Filio Dei quæ parvolorum mentes fortassis intentas excitare possint; implere autem nondum capaces non possint: grandiusculis, autem quibusque mentibus et ad ætatem quamdam interius virilem pervenientibus, dat aliquid verbis his, quo et exerceantur, et pascantur. Audistis cum legeretur, et unde sermo iste venerit meministis. Illesterno enim die lectum est, quod propterea volebant *Jesum Judæi interficere, quia non solum solvebat sabbatum, sed etiam patrem suum dicebat Deum, æqualem se faciens Deo* (*Id. V, 18*). Quod *Judæis* displacebat, hoc ipsi Patri placebat. Hoc sine dubio placet etiam eis qui honorificant Filium, sicut honorificant Patrem; quia si eis non placeat, displacebunt. Non enim Deus erit major, quia placet tibi; sed tu minor, si displacest tibi. Adversus hanc autem eorum calumniam, venientem vel de ignorantia, vel de malitia, loquitur Dominus non omnino quod capiant, sed unde agitantur et conturbentur, et fortasse vel conturbati medicum quærant. Dicebat autem quæ scriberentur, ut etiam a nobis postea legerentur. Viderimus ergo quid in *Judæorum* cordibus factum sit, cum hæc audirent: quid in nobis fiat cum hæc audimus, amplius cogitemus. Neque enim natae sunt hæreses, et quedam dogmata perversitatis illaqueantia animas et in profundum præcipitantia, nisi dum Scripture bonæ intelliguntur non bene; et quod in eis non bene intelligitur, etiam temere et audacter asseritur. Itaque, charissimi, valde caute hæc audire debemus, ad quæ capienda parvuli sumus; et corde pio et cum tremore, sicut scriptum est, hanc tenentes regulam sanitatis, ut quod secundum fidem qua imbuti sumus, intelligere valuerimus, tanquam de cibo gaudeamus: quod autem secundum sanam fidem regulam intelligere nondum potuerimus, dubitationem auferamus, intelligentiam differamus; hoc est, ut etiam si quid sit nescimus, bonum tamen et verum esse minime dubitemus. Et ego, fratres, qui suscepisti loqui vobis, cogitandus sum a vobis qui suscepimus, et quæ suscepimus: suscepimus enim tractanda divina homo, spiritualia carnalis, æterna mortalitas. Etiam a me, charissimi, longe sit vana præsumptio, si volo sanus in domo Dei conversari, quæ est Ecclesia Dei vivi, columna et firmamentum veritatis (*I Tim. III, 15*): pro modulo meo capio quod vobis appono; ubi aperitur, pascor vobiscum; ubi clauditur, pulso vobiscum.

2. Commoti sunt ergo *Judæi*, et indignati sunt; merito quidem, quod audebat homo æqualem se facere Deo: sed ideo immerito, quia in homine non intelligebant Deum. Carnem videbant, Deum nesciebant: habitaculum cernebant, habitatorem ignorabant. Caro illa templum erat, Deus inhabitabat in itus. Non ergo Jesus carnem æquabat Patri, non formam servi Domino comparabat; non quod factum est propter nos, sed quod erat quando fecit nos.

Quis namque sit Christus, Catholicis loquor, nostis, quia bene credidistis: non Verbum tantum, nec caro tantum; sed Verbum caro factum est, ut habitaret in nobis. Recenseo de Verbo quod nostis: *In principio erat Verbum, et Verbum erat apud Deum, et Deus erat Verbum*: hic aequalitas cum Patre. Sed *Verbum caro factum est, et habitavit in nobis* (*Joan. 1, 1 - 14*): hac carne major est Pater. Ita Pater et aequalis, et major: aequalis Verbo, major carne; aequalis ei per quem fecit nos, major eo qui factus est propter nos. Ad hanc regulam sanam catholicani, quam præcipue nosse debetis, quam tenete qui nostis, a qua prorsus fides vestra labi non debet, quæ nullis hominum argumentis extorquenda est cordi vestro, diriganus ea quæ intelligimus; et quæ forte non intelligimus, dirigenda ad hanc regulam quandoque differamus, cum idonei fuerimus. Novimus ergo aequalem Patri Filium Dei, quia novimus in principio Deum Verbum. Quid ergo *Judæi volebant eum interficere?* Quia non solum solvebat sabbatum, sed et patrem suum dicebat Deum, aequalem se faciens Deo: videntes carnem, non videntes Verbum. Loquatur ergo et contra eos Verbum per carnem, et interior habitator sonet per habitaculum suum: ut qui potest, neverit quis intus habitet.

3. Quid ergo eis dicit? *Respondit itaque Jesus, et dixit eis*, commotis quod aequalem se faceret Deo, Amen, amen dico vobis, non potest Filius a se facere quidquam, nisi quod viderit Patrem facientem. Ad hæc quid responderint Judæi, scriptum non est: et fortasse lacuerunt. Quidam tamen, qui christianos se haberi volunt, non tacent, et quodammodo ex his verbis concipiunt quædam dicenda contra nos: quæ contumenda non sunt, et propter ipsos et propter nos. Ariani quippe hæretici dicentes, non per carnem, sed ante carnem, Filium ipsum qui suscepit carnem, minorem esse quam Pater est, et non esse ejusdem substantie cuius Pater est, capiunt ex his verbis ansam calumniæ, et respondent nobis: Videtis quia Dominus Jesus, cum animadverteret Judæos ex hoc moveri, quod Patri Deo aequalem se faceret, talia verba subjunxit, ut se aequalem non esse monstraret. Movebat enim Judæos, aiunt, adversus Christum, quia aequalem se faciebat Deo; et volens eos corrigere ab hoc motu Christus, et eis demonstrare Filium non esse aequalem Patri, id est, aequalem Deo, ait, quasi dicens, *Quid irascimini? quid indignamini?* Non sum aequalis, quia non potest Filius a se facere quidquam, nisi quod viderit Patrem facientem. Qui enim non potest, inquiunt, facere a se quidquam, nisi quod viderit Patrem facientem, utique minor est, non aequalis.

4. In hac regula cordis sui distorta et prava, hæreticus audiat nos nondum objurgantes, sed adhuc quasi querentes, et explicet nobis quod sentit. Puto enim, o quisquis ille es (faciamus enim eum tanquam presentem adesse), tenes nobiscum quia in principio erat Verbum. Teneo, inquit. Et quia Verbum erat apud Deum? Et hoc, inquit, teneo. Sequere ergo, et hoc fortius tene, quia Deus erat Verbum. Et hoc, inquit,

teneo: sed ille Deus major, ille Deus minor. Jam nescio quid paganum redolet: cum christiano me loqui arbitrabar. Si est Deus major, et est Deus minor; duos deos colimus, non unum Deum. Quare, inquit? et tu non duos deos dicis aequales sibi? Hoc ego non dico: aequalitatem enim istam sic intelligo, ut ibi intelligam etiam individuam charitatem; et si individuam charitatem¹, perfectam unitatem. Si enim caritas quam misit hominibus Deus, de multis hominum cordibus facit cor unum, et multas hominum animas facit animam unam, sicut de creditibus seseque invicem diligentibus scriptum est in Actibus Apostolorum, *Erat illis anima una, et cor unum in Deum* (*Act. iv. 32*): si ergo anima mea et anima tua, cum idem sapimus nosque diligimus, sit anima una: quanto magis Pater Deus et Filius Deus in fonte dilectionis Deus unus est?

5. Verum ad hæc verba, quibus commotum est cor tuum, intende, et recole tecum quod de Verbo requirebamus. Jam tenemus, *Deus erat Verbum*: adjungo aliud, quia cum dixisset, *Hoc erat in principio apud Deum*, continuo subiectum Evangelista, *Omnia per ipsum facta sunt*. Nunc te querendo exagito, nunc te contra te moveo, et te contra te interippo: tene tantum memoriter ista de Verbo, quia *Deus erat Verbum*, et *omnia per ipsum facta sunt*. Audi jam verba quibus commotus es, ut minorem dices Filium, nempe quia dixit, *Non potest Filius a se facere quidquam, nisi quod viderit Patrem facientem*. Ita, inquit. Expone hoc mibi paululum: sic, quantum opinor, intelligis, quoniam quædam facit Pater, Filius autem attendit quemadmodum faciat Pater, ut possit et ipse ea facere quæ viderit Patrem facientem. Duos quasi fabros constitui: ita Patrem et Filium, ut etiam magistrum et discipulum, quomodo solent patres fabri docere filios suos artem suam. Ecce descendo ad carnalem sensum tuum, ita interim cogito ut tu: videamus si cogitatio hæc nostra inveniat exitum secundum illa quæ jam de Verbo pariter locuti sumus pariterque sentimus, quia *Deus Verbum*, et *omnia per ipsum facta sunt*. Pone igitur Patrem tanquam fabrum, quædam opera facientem, Filium autem tanquam discipulum, qui non potest facere quidquam, nisi quod viderit Patrem facientem: intendit enim quodammodo manus Patris, ut quomodo viderit eum fabricare, sic et ipse tale aliquid fabricet in operibus suis. Sed Pater iste omnia illa quæ facit, et vult ut attendat eum Filius et talia et ipse faciat; per quem facit²? Eia nunc est ut adsis sententiae tuæ priori, quam mecum recentiisti mecumque tenuisti, quia in principio Verbum, et apud Deum Verbum, et Deus Verbum, et omnia per ipsum facta sunt. Tu ergo cum mecum tenueris quia per Verbum facta sunt omnia; rursum carnali sapore et puerili motu facis tibi in animo Deum facientem, et Verbum attendentem, ut cum fecerit Deus, faciat et Verbum. Quid enim facit Deus præter Verbum? Si enim facit, non omnia per Verbum facta sunt; perdi-

¹ Duodecim Ms., et sic individuam charitatem.

² Lov. sic habent hunc locum: *Sed Pater iste omnia illa quæ facit, vult ut attendat eum Filius et talia et ipse faciat, per quem facit.* M.

disti quod tenebas : si autem omnia per Verbum facta sunt, corrige quod male intelligebas. Fecit Pater, et non fecit nisi per Verbum : quomodo attendit Verbum, ut videat Patrem facientem sine Verbo, quod similiter faciat Verbum ? Quidquid fecit Pater, per Verbum fecit : aut falsum est, *Omnia per ipsum facta sunt*. Sed verum est, *Omnia per ipsum facta sunt*. Parum fortasse tibi videbatur ? *Et sine ipso factum est nihil*.

6. Recede ergo ab ista carnis prudentia, et queramus quemadmodum dictum sit, *Non potest Filius a se facere quidquam, nisi quod viderit Patrem facientem*. Quæramus, si digni sumus qui apprehendamus. Fato enim, magna res est, ardua omnino, videre Patrem facientem per Filium, non singula opera facientem Patrem et Filium¹ sed quodlibet opus Patrem per Filium, ut nulla opera fiant vel a Patre sine Filio, vel a Filio sine Patre : quia *omnia per ipsum facta sunt*, et *sine ipso factum est nihil*. Quibus in fundamento fidei firmissime constitutis, jam quale est videre, quia *non potest Filius a se facere quidquam, nisi quod viderit Patrem facientem*? Quæreris, ut opinor, nosse Filium facientem; quære prius nosse Filium videntem. Certe enim quid ait? *Non potest Filius a se facere quidquam, nisi quod viderit Patrem facientem*. Intende quod dixit, *nisi quod viderit Patrem facientem*. Præcedit visio, et sequitur effectio : videt enim ut faciat. Tu quid quæreris jam nosse quomodo faciat, dum nondum scias quomodo videat? Quid curris ad id quod posterius est, relicto quod prius est? Videntem se dixit et facientem; non, facientem et videntem : quia *non potest a se facere quidquam, nisi quod viderit Patrem facientem*. Vis ut explicem tibi quomodo faciat? Tu mihi explica quomodo videat. Si hoc tu explicare non potes, nec ego illud : si hoc tu percipere nōndum es idoneus, nec ego illud. Uterque ergo nostrum quærat, uterque pulset, ut uterque accipere mereatur. Quid quasi doctus calumniaris indocto? Ego ad faciendum, tu ad videndum, ambo indocti a magistro quæramus, non in schola ejus pueriliter litigemus. Tamen simul jam didicimus quia *omnia per ipsum facta sunt*. Ergo manifestum est quia non alia opera facit Pater, quæ videat Filius, ut ipse faciat similia : sed eadem opera facit Pater per Filium, quia *omnia per Verbum facta sunt*. Jam quomodo faciat Deus quis novit? Non dico quomodo fecerit mundum, sed quomodo fecerit oculum tuum, cui carnaliter inherens, visibilia invisibilibus comparas. Talia enim de Deo cogitas, qualia his oculis videre consuesti. Si autem istis oculis videri posset Deus, non diceret, *Beati mundo corde, quia ipsi Deum videbunt* (*Matth. v. 8*). Ergo habes oculum corporis ad videndum fabrum, sed nondum habes oculum cordis ad videndum Deum : ideo quod soles videre in fabro, transferre vis ad Deum. Pone in terra terrena, sursum cor.

7. Quid ergo, charissimi? explicaturi sumus nos quod interrogavimus, quomodo videat Verbum, quomodo Pater videatur a Verbo, quid sit videre Verbi? Non sum iam audax, tanq[ue] tenerarius, ut hoc explicare pollicear et me et vos : utcumque suspicor modu-

Pierique MSS., non singula opera faciente Pater et Filius.

lum vestrum, novi tamen meum. Si ergo placet, non diutius immoremur, percurramus lectionem, et videamus verbis Domini turbari corda carnalia; ad hoc turbari, ne in eo quod tenent remaneant. Extorqueatur tanquam pueris ludicrum nescio quid, quo se malo avocant, ut possint inseri utiliora grandioribus, ut possint proficere qui repebant in terra. Surge, quære, suspira, anhela desiderio, et ad clausa pulsa. Si autem nondum desideramus, nondum inhiamus, nondum suspiramus, margaritas quibuscumque projecturi sumus, aut margaritas qualescumque nos ipsi inventuri sumus. Moverim ergo, charissimi, desiderium in corde vestro. Mores perducunt ad intelligentiam : genus vite perducit ad genus vite. Alia vita terrena, alia vita cœlestis; alia vita pecorum, alia vita hominum, alia vita Angelorum. Vita pecorum terrenis voluptatibus æstuat, sola terrena conquirit, in ea prona atque projecta est : vita Angelorum sola cœlestis : vita hominum media est inter Angelorum et pecorum. Si vivit homo secundum carnem, pecoribus comparatur : si vivit secundum spiritum, Angelis sociatur. Quando secundum spiritum vivis, quære etiam in ipsa angelica vita utrum parvus an grandis sis. Si enim adhuc parvus es, dicunt tibi Angeli : Cresce ; nos panem manducamus, tu lacte nutrire, lacte fidei, ut pervenias ad cibum speciei. Si autem adhuc inhiatur sordidis voluptatibus, si adhuc fraudes cogitantur, si mendacia non vitantur, si mendacia perjurii cumulantur; tam immundum cor audet dicere, Explica nihil quomodo videt Verbum; etiam si possim, etiam si ego jam videam? Porro autem si forte ego non sum in his moribus, et tamen ab ista visione longe sum; quantum ille qui nondum isto superno desiderio rapitur, terrenis desideriis prægravatus? Multum interest interaversantem et desiderantem : et iterum multum interest inter desiderantem et fruentem. Vivis ut pecora, aversaris : Angeli perfruuntur. Tu autem si non vivis ut pecora, jam non aversaris : desideras aliquid, et non capis; inchoasti ipso desiderio vitam Angelorum. Crescat in te, et perficiatur in te; et capias hoc non a me, sed ab illo qui ei me fecit et te.

8. Tamen non utcumque nos dimisit et Dominus, qui voluit intelligi quia in eo quod dixit, *Non potest Filius a se facere quidquam, nisi quod viderit Patrem facientem*, non alia opera Pater facit quæ videat Filius, et alia Filius cum viderit Patrem facientem; sed eadem opera ipse et Pater et Filius. Seunt enim ait : *Quæcumque enim ille fecerit, haec et Filius similiter facit*. Non cum ille fecerit, alia Filius similiter facit; sed *quæcumque ille fecerit, haec et Filius similiter facit*. Si haec facit Filius quæ fecerit Pater, per Filium facit Pater : si per Filium facit quæ facit Pater, non alia Pater, alia Filius facit; sed eadem opera sunt Patris et Filii. Et quomodo eadem facit et Filius? Et eadem et similiter. Ne forte eadem sed dissimiliter: *Eadem, inquit, et similiter*. Et quomodo posset eadem non similiter? Accipite exemplum, quod puto ad vos non sit grande: cum scribimus litteras, facit eas primo cor nostrum, et deinde man-

nostra. Certe unde omnes acclamatis, nisi quia cognovistis? Certum est quod dixi, et manifestum omnibus nobis. Littera sunt primo a corde nostro, deinde a corpore nostro; manus servit imperanti cordi, easdem litteras facit et cor et manus: numquid alias cor, alias manus? Eadem quidem facit manus, sed non similiter: cor enim nostrum facit eas intelligibiliter, manus autem visibiliter. Ecce quomodo sunt eadem dissimiliter. Unde parum fuit Domino dicere, *Quicumque Pater fecerit, haec et Filius facit, nisi adderet, et similiter*. Quid si enim hoc modo intelligeres quomodo quaecumque cor facit, haec et manus facit, sed non similiter? Illic vero addidit, *haec et Filius similiter facit*. Si et haec facit, et similiter facit, expurgiscere, stringatur Judeus, credat Christianus, convincatur haereticus; aequalis est Patri Filius.

9. *Pater enim diligit Filium, et omnia demonstrat ei quae ipse facit* (Joan. v, 20). Ecce est illud, *demonstrat*. *Demonstrat* quasi cui? Utique quasi videnti. Redimus ad id quod explicare non possumus, quomodo Verbum videat. Ecce homo factus est per Verbum; sed homo habet oculos, habet aures, habet manus, diversa membra in corpore: per oculos potest videre, per aures potest audire, per manus operari; diversa membra, diversa membrorum officia. Non potest illud membrum quod potest alterum: tamen propter corporis unitatem, oculus et sibi et auri videt, et auris sibi et oculo audit. Numquid tale aliquid in Verbo arbitrandum est esse, quoniam omnia per ipsum? Et dixit Scriptura in Psalmo, *Intelligite, qui insipientes estis in populo; et stulti, aliquando sapite. Qui plantavit aurem non audiet?* aut qui finxit oculum non considerat (Psal. xcii, 8, 9)? Si ergo finxit oculum Verbum, quia omnia per Verbum; si plantavit auram Verbum, quia omnia per Verbum: non possumus dicere, Non audit Verbum, non videt Verbum; ne objurget nos Psalmus, et dicas, *Stulti, aliquando sapite*. Itaque si audit Verbum et videt Verbum, audit Filius et videt Filius: numquid tamen et in ipso diversis locis quiescunt sumus oculos et aures? Aliunde audit, aliunde videt; et auris ejus nos potest quod oculas, et oculus non potest quod potest auris? An totus ille visus est, et totus auditus? Forte ita: ideo non forte, sed vere ita; dum tamen et ipsum ejus videre, et ipsum ejus audire, longe alio modo quam nostrum sit. Et videre et audire simili in Verbo est, nec aliud est ibi audire, et aliud videre; sed auditus visus, et visus auditus.

10. Et nos qui aliter audimus, aliter videntur, hoc unde novimus? Redimus forte ad nos, si non sumus prevaricatores, quibus dictum est, *Redite, prevaricatores, ad cor* (Isai. xlvi, 8). Redite ad cor: quid illis a vobis, et peritis ex vobis? quid illis solitudinis vias? Erratis vagando; redite. Quo? Ad Dominum. Cito est¹: primo redi ad eorū tuum, exsul a te, vagaris foris; te ipsum non nosti, et queris a quo factus es! Redi, redi ad eorū, tolle te a corpore: corpus tuum habitatio tua est; eorū tuum senti etiam per corpus

¹ Lov., ad Dominum cito; omisso, est, quod cæteri codices habent.

tuum: sed corpus tuum non quod cor tuum; dimittit et corpus tuum, redi ad cor tuum. In corpore tuo inventebas alibi oculos, alibi aures: in corde tuo numquid hoc invenias? An in corde tuo non habes aeres? De quibus ergo Dominus dicebat, *Qui habet aures audiendi, audiat* (Luc. viii, 8)? An in corde non habes oculos? Unde dicit Apostolus, *Illuminatos oculos cordis vestri* (Ephes. i, 18). Redi ad cor; vide ibi quid sentias forte de Deo, quia ibi est *imago Dei*. In interiori hominæ habitat Christus (Id. iii, 16, 17), in interiori hominæ renovaris ad imaginem Dei, in imagine sua cognosce auctorem ejus. Vide quenadmodum omnes corporis sensus cordi intro nuntiant quid senserint foris: vide quam multos ministros habeat unus interior imperator, et quid apud se etiam sine his ministris agat. Renuntiant oculi cordi alba et nigra; renuntiant aures eidem cordi canora et dissona; renuntiant narres eidem cordi odora et putentia; renuntiat gustus eidem cordi amara et dulcia; renuntiat tactus eidem cordi lenia et aspera: renuntiat et sibi ipsum cor justa et injusta. Cor tuum et videt et audit, et cætora sensibilia dijudicat; et quo non aspirant corporis sensus, justa et injusta, mala et bona discernit. Ostende mihi oculos, aures, narres cordis tui. Diversa sunt quæ ad cor tuum referuntur, et diversa ibi membra non inveniuntur. In carne tua alibi sudis, alibi vides: in corde tuo ibi audis, ubi vides. Si hoc *imago*, quanto potenter illæ ejus *imago*? Ergo et audit Filius, et videt Filius, et ipsa visio et auditio Filius: et hoc est illi audire quod esse, et hoc est illi videre quod esse. Tibi non hoc est videre quod esse: quia et si perdas visum, potes esse; et si perdas auditum, potes esse.

11. Putamusne pulsavimus? Erectum est aliquid in nobis quo vel tenuiter suspicetur unde lumen veniat nobis? Puto, fratres, quia cum loquimur ista, et cum meditatur, exercemus nos. Et cum exercemus nos in ipsis, et rursus quasi reflectimus pondere nostro ad ista consueta, tales sumus quales lipientes, cum producuntur ad videndum lumen, si forte antea visum omnino non habebant, et incipiunt euendum visum per diligentiam medicorum uteunque reparare. Et cum probare vult medicus quantum salutis eis accesserit, tentat eis ostendere quod videre desiderabant, et non poterant cum cæci essent: et redeunte jam utcumque acie oculorum, producuntur ad lucem; et cum viderint, fulgore ipso reverberantur quodammodo, et respondent medico demonstranti, Jam jam vidi, sed videre non possum. Quid ergo facit medicus? Revocat ad solita, et addit collyrium, ut ad illud quod visum est, et videri non potuit, desiderium nutrit, et ex ipso desiderio curetur plenius; et si qua mordacia reparanda sanitati adhibentur, fortiter ferat, ut amore illius lucis accensus dicat sibi: Quando erit ut illud firmis oculis videam, quod sauciis insirmisque non potui? Urget medicum, et rogat ut curet. Ergo, fratres, si forte tale aliquid factum est in cordibus vestris, si utcumque erexitur cor vestrum ad videndum Verbum, et ipsius luce reverberati ad solidam recidisti; rogate medicum ut adhibeat collyria

mordacia, præcepta justitiae. Est quod videas, sed non est unde videcas. Non mihi antea credelias quia est quod videas : duce quadam ratione adductus es : propinquasti, intendisti, palpitasti, refugisti. Scis certe esse quod videas, sed idoneum non te esse qui videas. Ergo curare. Quæ sunt collyria ? Noli mentiri, noli perjurare, noli adulterare, noli furari, noli fraudare. Sed consuesti, et cum aliquo dolore a consuetudine revocaris : hoc est quod mordet, sed sanat. Nam dico tibi liberius, ex timore et meo et tuo : si curari destiteris, et esse idoneus ad perfruendum hac luce neglexeris, valetudine oculorum tuorum; tenebras amabis; et amando tenebras, in tenebris remanebis; et remanendo in tenebris, etiam in tenebris exteriores projiceris : ibi erit fletus et stridor dentium (*Math. xxii, 13.*) Si nihil in te faciebat amor lucis, faciat timor doloris.

42. Sufficienter me locutum arbitror, et lectionem tamen evangelicam non finivi : si dicam reliqua one-rabo vos, et timeo ne etiam quod haustum est effundatur ; sufficient ergo ista Charitati vestræ. Debitores sumus, non nunc, sed semper quamdiu vivimus ; quia propter vos vivimus. Verum tamen vitam nostram istam infirmam, laboriosam, periculosam, in hoc mundo consilamini bene vivendo, nolite nos contristare et atterere malis moribus vestris. Cum enim offendimur mala vita vestra, si refugiamus a vobis, et separemus nos a vobis, et ad vos non accedamus; nonne conqueremini, et dicetis : Et si languebamus, curaretis ; et si infirmahamur, visitaretis ? Ecce curamus, ecce visitamus sed non nobis fiat quomodo audistis ab Apostolo, *Timeo ne sine causa laboraverim in vos*¹ (*Galat. iv, 11.*).

TRACTATUS XIX.

Ab eo quod scriptum est, Non potest a se Filius facere quidquam, nisi quod viderit Patrem facientem ; usque ad id, quia non quero voluntatem meam, sed voluntatem ejus qui misit me. Cap. v, §. 19-50.

1. Sermone pristino, quantum nostrum movit affectum et intelligendi paupertatem, locuti sumus, ex occasione verborum evangelicorum, ubi scriptum est, *Non potest Filius a se facere quidquam, nisi quod viderit Patrem facientem*, quid sit videre Filii, hoc est, videre Verbi, quia Filius Verbum : et quia per Verbum facta sunt omnia, quomodo possit intelligi quod videat Filius primo Patrem facientem, tunc demum et ipse faciat quæ facta conspexerit ; cum Pater nihil nisi per Filium fecerit. *Omnia enim per ipsum facta sunt, et sine ipso factum est nihil.* Non tamen explicatum aliquid diximus ; sed quia nec explicatum aliquid intelleximus. Aliquando quippe sermo deficit, ubi etiam intellectus proficit ; quanto magis sermo patitur defectionem, quando intellectus non habet perfectionem ? Nunc itaque, quantum Dominus donat, breviter percurramus lectionem, et vel hodie expleamus debitum pensum. Si quid forte remainserit vel temporis vel virium, retractabimus, si potuerimus (quantum et a nobis et apud vos fieri potest), quid sit videre Verbi, quid demonstrari

¹ *Lov., in vobis.* Editi alii et MSS., *in vos*; *juxta græcum.*

Verbo. Omnia quippe dicta sunt hic, quæ si intelligantur secundum humanum sensum carnaliter, nihil aliud nobis facit anima plena phantasmatis, nisi quasdam imagines velut duorum hominum Patris et Filii, unius ostendentis; alterius videntis; unius loquentis, alterius audientis : quæ omnia idola cordis sunt; que si jam dejecta sunt de templis suis, quanto magis dejicienda sunt de pectoribus christianis ?

2. *Non potest*, inquit, *Filius a se facere quidquam nisi quod viderit Patrem facientem.* Verum est hoc, tenete hoc : dum tamen non amittatis quod in ipsius Evangelii exordio tenuistis, quia *in principio erat Verbum, et Verbum erat apud Deum, et Deus erat Verbum*; et præcipue quia *omnia per ipsum facta sunt* (*Joan. i, 1, 3.*) Quod nunc enim audistis, conjungite illi auditui, et utrumque concordet in cordibus vestris. Sic itaque *non potest Filius a se facere quidquam, nisi quod viderit Patrem facientem*, ut tamen Pater ea quæ facit non faciat nisi per Filium, quia Filius est ejus Verbum : et *in principio erat Verbum, et Verbum erat apud Deum, et Deus erat Verbum*, et *omnia per ipsum facta sunt.* Quæcumque enim ille fecerit, hæc et Filius similiter facit : non alia, sed hæc ; nec dissimiliter, sed similiter.

3. *Pater enim diligit Filium, et omnia demonstrat ei quæ ipse facit.* Ad hoc quod supra dixit, *nisi quod viderit Patrem facientem*, videtur pertinere et quod *omnia demonstrat ei quæ ipse facit.* Sed si Pater demonstrat quæ facit, nec Filius potest facere nisi Pater demonstraverit, Paterque demonstrare non potest nisi fecerit ; consequens erit ut non per Filium faciat *omnia* Pater : porro si fixum atque inconcussum tenemus quia per Filium *omnia* Pater facit, antequam faciat, demonstrat Filio. Nam si Pater cum fecerit demonstrat Filio, ut Filius demonstrata faciat quæ demonstrata jam facta sunt ; aliquid procul dubio Pater sine Filio facit. Sed non facit Pater aliquid sine Filio, quia Filius Dei Verbum Dei est, et *omnia per ipsum facta sunt.* Remanet igitur fortasse ut quæ Pater facturus est, demonstret facienda, ut per Filium sint facta. Nam si Filius ea facit, quæ Pater facta demonstrat ; ea quæ Pater facta demonstrat, non utique per Filium fecit. Monstrari enim non possent Filio nisi facta ; facere Filius non posset, nisi monstrata : ergo sine Filio facta. Sed yorum est, *Omnia per ipsum facta sunt* : ergo antequam facta, monstrata sunt. Sed hoc diximus differendum esse, quo redeundum sit percursa lectione, si, ut diximus, aliquid vel temporis vel virium nobis remanserit, ad ea quæ distulimus retractanda.

4. Amplius audite et difficilius : *Et majora his,* inquit, *demonstrabit ei opera, ut vos miremini. Majora his :* quibus majora ? Facile occurrit, iis quas modo audistis, curationibus languorum corporalium. De isto enim qui trigesima et octo annos habebat in infirmitate, et Christi verbo sanatus est, nata est hujus occasio tota sermonis : et propter hoc Dominus dicere potuit : *Majora his demonstrabit ei opera, ut vos miremini.* Sunt enim opera majora quam ista, et demonstrabit ea Pater Filio. Non demonstravit, tanquam de præterito;

sed demonstrabit, de futuro, hoc est, demonstraturus est. Rursus difficilis oritur quæstio. Est enim aliquid apud Patrem quod Filio nondum demonstratum sit? est aliquid apud Patrem quod adhuc latebat Filium, quando ista Filius loquebatur? Si enim demonstrabit, hoc est, demonstraturus est; nondum demonstravit; et Filio tunc demonstratus est, quando et istis: sequitur enim, ut vos miremini. Et hoc difficile est videre, quomodo tanquam temporaliter Filio coetero aliqua demonstrat æternus Pater, omnia scienti quæ sunt apud Patrem.

5. Quæ sunt tamen illa majora? Hoc enim forte facile est intelligere. *Sicut enim Pater, inquit, suscitat mortuos, et vivificat; sic et Filius quos vult vivificat.* Majora ergo sunt opera mortuos suscitare, quam languidos sanare. Sed *sicut suscitat Pater mortuos et vivificat, sic et Filius quos vult vivificat.* Alios ergo Pater, alios Filius? Sed omnia per ipsum: ipsos itaque Filius, quos et Pater; quia non alia, nec aliter, sed *hac et Filius similiter facit.* Ita plane intelligendum est, et ita tenendum: sed mementote quia *Filius quos vult vivificat.* Tenete hic ergo non solum potestatem Filii, verum etiam voluntatem. Et Filius quos vult vivificat, et Pater quos vult vivificat; et ipsos Filius quos et Pater: ac per hoc eadem Patris et Filii et potestas est et voluntas. Quid est ergo quod sequitur? *Neque enim Pater judicat quemquam, sed judicium omne dedit Filio, ut omnes honorificant Filium, sicut honorificant Patrem:* quod ita subjunxit, tanquam rationem reddens superioris sententiae. Multum movet, intenti estote. Filius quos vult vivificat, Pater quos vult vivificat: Filius suscitat mortuos, sicut Pater suscitat mortuos. *Neque enim Pater judicat quemquam.* Si in judicio suscitandi sunt mortui, quomodo Pater suscitat mortuos, si non judicat quemquam? *Omne quippe judicium dedit Filio.* In illo autem judicio suscitantur mortui; et resurgunt alii ad vitam, alii ad poenam: quod totum si Filius facit, Pater autem ideo non facit, quia *Pater non judicat quemquam, sed omne judicium dedit Filio,* contrarium videbitur ei quod dictum est, *Sicut Pater suscitat mortuos et vivificat, sic et Filius quos vult vivificat.* Simul ergo suscitant. Si simul suscitant, simul vivificant. Simul ergo judicant: quomodo itaque verum est, *Neque enim Pater judicat quemquam, sed omne judicium dedit Filio?* Moveant interim propositæ quæstiones, præstabat Dominus ut solute delectent. Ita est, fratres; omnis quæstio nisi intentum fecerit proposita, non delectabat exposita. Sequatur ergo ipse Dominus, ne forte in iis quæ subnecit, aperiat se aliquantum. Subtextit enim nubilo lucem suam; et difficile est aquile more volare super omnem nebulam qua tegitur omnis terra (*Eccli. xxiv, 6*), et videre in verbis Domini sincerissimam lucem. Ne forte ergo calore radiorum suorum discutiat caliginem nostram, et aliquantum se in consequentibus aperire dignetur, dilatis istis sequentia videamus.

6. *Qui non honorificat Filium, non honorificat Patrem qui misit illum.* Hoc verum est et planum est. *Omne quippe judicium dedit Filio, sicut supra dixit, ut om-*

PATROL. XXXV.

nes honorificant Filium, sicut honorificant Patrem. Quid si inveniuntur qui Patrem honorificant, et non honorificant Filium? Non potest, inquit, fieri: *Qui non honorificat Filium, non honorificat Patrem qui misit illum.* Non potest ergo dicere aliquis, Ego Patrem honorisicabam, quia Filium non neveram. Si nondum Filium honorisicabas, nec Patrem honorisicas. Quid est enim honorificare Patrem, nisi quod habeat Filium? Aliud est enim cum tibi commendatur Deus, quia Deus est; et aliud est cum tibi commendatur Deus, quia Pater est. Cum tibi quia Deus est commendatur, creator tibi commendatur, omnipotens tibi commendatur, spiritus quidam summus, æternus, invisibilis, incommutabilis tibi commendatur: cum vero tibi quia Pater est commendatur, nihil tibi aliud quam et Filius commendatur; quia Pater dici non potest, si Filium non habet; sicut nec Filius, si Patrem non habet. Sed ne forte Patrem quidem honorisicet tanquam majorem, Filium vero tanquam minorem, ut dicas mihi, Honorifico Patrem, scio enim quod habeat Filium; et non erro in Patris nomine, non enim Patrem intelligo sine Filio, honorifico tamen et Filium tanquam minorem: corrigit te ipse Filius, et revocate dicens, *ut omnes honorificant Filium, non inferius, sed sicut honorificant Patrem.* Qui ergo non honorificat Filium, non honorificat Patrem qui misit illum. Ego, inquis, majorem honorem volo dare Patri, minorem Filio. Ibi tollis honorem Patri, ubi minorem das Filio. Quid enim aliud tibi videtur ita sentienti, nisi quia Pater æqualem sibi Filium generare aut noluit, aut non potuit? Si noluit, invidit; si non potuit, defecit. Non ergo vides quia ita sentiendo, ubi majorem honorem vis dare Patri, ibi es contumeliosus in Patrem? Proinde sic honorifica Filium, quomodo honorisicas Patrem, si vis honorificare et Patrem et Filium.

7. *Amen, amen dico vobis, quia qui verbum meum audit, et credit ei qui misit me, habet vitam æternam; et in judicium non venit, sed transiit, non nunc transit, sed jam transiit a morte in vitam.* Et hoc attendite, *Qui verbum meum audit: et non dixit, Credit mihi; sed, credit ei qui me misit.* Verbum ergo Filii audiat, ut Patri credit. Quare verbum audit tuum, et credit alteri? Nonne cum verbum alicujus audimus, eidem verbum proferenti credimus, loquenti nobis fidem accommodamus? Quid ergo voluit dicere, *Qui verbum meum audit, et credit ei qui misit me;* nisi, quia verbum ejus est in me? Et quid est, *audit verbum meum,* nisi, *audit me?* *Credit autem ei qui misit me:* quia cum illi credit, verbo ejus credit: cum autem verbo ejus credit, mihi credit; quia Verbum Patris ego sum. Pax ergo in Scripturis, et omnia disposita, nequaquam rixantia. Tu abjice litem cordis tui, intellige concordiam Scripturarum. Numquid contraria sibi diceret veritas?

8. *Qui verbum meum audit, et credit ei qui misit me, habet vitam æternam; et in judicium non venit, sed transiit a morte in vitam.* Meministis quod superius posueramus, quia *sicut Pater suscitat mortuos et vivificat, sic et Filius quos vult vivificat.* Incipit jam ape-

(Quarante-neuf.)

rire se, et loqui de resurrectione mortuorum, et ecce jam resurgent mortui. Qui enim verbum meum audit, et credit ei qui misit me, habet vitam æternam, et in iudicium non veniet. Proba quia resurrexit. Sed transiit, inquit, a morte in vitam. Qui transiit a morte ad vitam, nullo dubitante utique resurrexit. Non enim transiret de morte ad vitam, nisi primo esset in morte, et non esset in vita: cum autem transierit, erit in vita, et non erit in morte. Mortuus ergo erat, et revixit; perierat, et inventus est (*Luc. xv.*, 32). Fit proinde jam quedam resurrectio, et transeunt homines a morte quadam ad quamdam vitam: a morte infidelitatis, ad vitam fidei; a morte falsitatis ad vitam veritatis; a morte iniquitatis, ad vitam justitiae. Est ergo et ista quedam resurrectio mortuorum.

9. Aperiat illam plenius, et dilucescat nobis, ut cœpit. Amen, amen dico vobis, quia venit hora, et nunc est. Nos exspectabamus in fine resurrectionem mortuorum; nam ita credidimus: imo non exspectabamus, sed plane exspectare debemus; neque enim falsum credimus in fine mortuos resurrecturos. Cum ergo vellet Dominus Jesus insinuare nobis quamdam resurrectionem mortuorum ante resurrectionem mortuorum; non sicut Lazari (*Joan. xi.*, 43, 44), vel filii illius viduae (*Luc. vi.*, 14, 15), vel filie archisynagogi (*Marc. v.*, 41, 42), qui resurrexerunt morituri (nam et ipsorum mortuorum quedam resurrectio facta est ante resurrectionem mortuorum): sed sicut hic dicit, *Habet, inquit, vitam æternam; et in iudicium non venit, sed transiit a morte ad vitam.* Ad quam vitam? Ad æternam. Non ergo sicut corpus Lazari: transiit enim et ille a morte sepulcri ad vitam hominum, sed non æternam, iterum moriturus; resurrecti autem in fine saeculi mortui, in vitam æternam transibunt. Cum ergo vellet Dominus noster Jesus Christus, magister coelestis, Verbum Patris et Veritas, demonstrare nobis quamdam resurrectionem mortuorum in æternam vitam, ante resurrectionem mortuorum in æternam vitam: *Venit hora*, inquit. Tu procul dubio imbutus fide resurrectionis carnis, exspectabas horam illam finis saeculi, diem judicii, quam ne in isto loco exspectares, addidisti, et nunc est. Quod ergo dicit, *Venit hora*, non dicit de illa hora novissima, ubi in jussu et in voce archangeli, et in tuba Dei Dominus ipse descendet de caelo, et mortui in Christo resurgent primo: deinde nos viventes qui reliqui sumus, simul rapiemur cum illis in nubibus obviam Christo in aera, et ita semper cum Domino erimus (*I Thess. iv.*, 15 et 16). Veniet illa hora, sed non est nunc. Hora vero ista quæ sit, adverte: *Venit hora, et nunc est.* Quid in ea sit? Quid, nisi resurrectio mortuorum? Et qualis resurrectio? Ut qui resurgent, in æternum vivant. Hoc erit et in novissima hora.

10. Quid igitur? quomodo intelligimus duas istas resurrectiones? Numquid forte qui nunc resurgent, tunc non resurgent; ut aliorum fiat nunc resurrectio, aliorum tunc? Non est ita. Nam ista resurrectione, si recte credidimus, resurrexiimus; et nos ipsi qui jam resurrexiimus, alteram in fine resurrectionem exspe-

ctamus. Sed et nunc in æternam vitam resurrexiimus, si in fide ipsa perseveranter manemus; et tunc in æternam vitam resurrexiimus, quando Angelis coquabimur (*Luc. xx.*, 36). Ipse ergo distinguat, ipse aperiat quod loqui ausi sunus: quomodo fiat resurrectio ante resurrectionem, non aliorum et aliorum, sed eorumdem; nec talis qualis Lazari, sed in vitam æternam. Aperiet plane. Audite dilucescentem magistrum, et illabentem cordibus nostris solem nostrum; non quem desiderant oculi carnis, sed cui æstuant aperiri oculi cordis. Ipsum ergo audiamus: *Amen, amen dico vobis, quia venit hora, et nunc est, quando mortui, videte exprimi resurrectionem, quando mortui audient vocem Filii Dei, et qui audierint vivent.* Quare addidit, *Qui audierint vivent?* Possent enim audire nisi vivere? Sufficeret ergo, *Venit hora, et nunc est, quando mortui audient vocem Filii Dei.* Jam nos intelligeremus viventes eos; quando nisi viverent, audire non possent. Non, inquit, quia vivunt audiunt, sed audiendo reviviscent: *audient, et qui audierint vivent.* Quid est ergo, *audient*; nisi, *obaudient?* Quantum enim pertinet ad auris auditum, non omnes qui audient vivent: multi enim audiunt et non credunt; audiendo et non credendo non obaudiunt: non obaudiendo non vivunt. Itaque hic, *qui audient*, nihil est aliud quam qui obaudient. Qui ergo obaudierint, vivent; certi sint, securi sint, vivent. Predicatur Christus Verbum Dei, Filius Dei, per quem facta sunt omnia, certe (*a*) dispensationis gratiaassumpta carne natus ex Virgine, infans in carne, juvenis in carne, patiens in carne, moriens in carne, resurgens in carne, ascendens in carne, promittens resurrectionem carni, promittens resurrectionem menti, menti ante carnem, carni post mentem. Qui audit et obaudit, vivet: qui audit et non obaudit, id est, audit et contemnit, audit et non credit, non vivet. Quare non vivet? Quia non audit. Quid est, non audit? Non obaudit. Ergo *qui audierint, vivent.*

11. Attende nunc quod dixeramus differendum, ut nunc, si fieri potuerit, aperiatur. Subjecit continuo de hac ipsa resurrectione, *Sicut enim Pater habet vitam in semetipso, sic dedit et Filio vitam habere in semetipso.* Quid est, *habet vitam Pater in semetipso?* Non alibi habet vitam, sed in semetipso. Vivere quippe suum in illo est; non aliunde, non alienum est: non quasi mutuatur vitam, nec quasi particeps sit vita, ejus vita quæ non est quod ipse; sed *habet vitam in semetipso*, ut ipsa vita sibi sit ipse. Si potuero adhuc modicum quid inde dicere, exemplis propositis ad intelligentiam vestram informandam, Domino adjuvante ptero, et pietate intentionis vestrae. Vivit Deus, vivit et anima: sed vita Dei immutabilis est, vita animæ mutabilis est. Deus nec proficit, nec deficit; sed est ipse semper in se, est ita ut est: non aliter nunc, aliter postea, aliter antea. Animæ vero vita, valde aliter atque aliter: vivebat stulta, vivit sapiens; vivebat iniqua, vivit justa: nunc meminit, nunc obliviscitur; nunc discit, nunc discere non potest; nunc perdit quod didicerat, nunc percepit

(a) seu certæ.

quod amiserat: mutabilis vita animæ. Et cum vivit anima in iniuitate, mors ejus est: cum autem sit justa, sit particeps alterius vitæ, quæ non est quod ipsa, erigendo se quippe ad Deum et inhærendo Deo, ex illo justificatur. Dicitur est enim: *Credenti in eum qui justificat inimicium, deputatur fides ejus ad justitiam* (*Rom. iv, 5*). Deficiendo ab illo sit iniqua, proficiendo ad illum sit justa. Nonne videtur tibi quasi aliquid frigidum igni admotum fervescere, remotum ab igne torpescere? nonne videtur tibi quiddam tenebrosum, admotum luci clarescere, remotum a luce nigrescere? Tale quiddam est anima, non tale aliquid Deus. Potest et homo dicere, habere se lucem nunc in oculis suis. Dicant ergo quasi quadam voce propria oculi tui si possunt: *Habemus lucem in nobis ipsis*. Contra dicitur: *Non propriæ dicitis habere vos lucem in vobis ipsis: habetis lucem, sed in cœlo; habetis lucem, si forte nox est, sed in luna, in lucernis, non in vobis ipsis: nam clausi amittitis, quod aperti percipitis*. Non in vobis ipsis habetis lucem: sole occidente tenete lucem, si potestis: nox est, et lumine nocturno perfruimini; subducta lucerna tenete lucem: cum vero subtracta lucerna in tenebris remanetis, non lucem in vobis ipsis habetis. Hoc est ergo habere lucem in semetipso, non indigere luce ex altero. Ecce ubi, si quis intelligat, ostendit Filium aqualem Patri, ubi ait, *Sicut habet Pater vitam in semetipso, sic dedit et Filiu vitam habere in semetipso*: ut hoc solum intersit inter Patrem et Filium, quia Pater habet vitam in semetipso, quam nemo ei dedit; Filius autem habet vitam in semetipso, quam Pater dedit.

42. Sed etiam hic oritur aliquod nubilum discutiendum. Non deficiamus, intenti simus: pascua mentis sunt, non fastidiamus, ut vivamus. Ecce, inquis, fateris ipse quod vitam Filio Pater dedit, ut habeat eam quidem in semetipso, sicut habet Pater vitam in semetipso, non indigens ille, non indigeat et iste; ut sit ille vita, sit et iste; et utrumque conjunctionem una vita, non duæ; quia unus Deus, non duo dñi: et hoc ipsum sit esse vitam. Quomodo ergo dedit Filio vitam Pater? Non sic quasi ante fuerit Filius sine vita, atque ut viveret a Patre accepit vitam: nam si hoc esset, non haberet vitam in semetipso. Ecce de anima loquebar. Est anima: etsi non sit sapiens, etsi non sit justa, anima est; etsi non sit pia, anima est. Aliud illi ergo est esse animam, aliud vero esse sapientem, esse justam, esse piam. Est ergo aliquid quo nondum est sapiens, nondum justa, nondum pia; non tamen nihil est, non tamen nulla vita est: nam ex operibus quibusdam suis ostendit se vitam¹, etsi non se ostendit sapientem, piam, justam. Nisi enim viveret, corpus non moveret; pedibus gressum, manibus opus, oculis intuitum, auribus auditum non imperaret; non aperiret os ad vocem, linguam ad distinctionem vocum non moveret. His itaque operibus vivere se ostendit, et esse aliquid quod sit corpore melius: sed numquid his operibus, sapientem, piam, justam se ostendit?

¹ Er. Lugd. Ven. Lov. pro, *vñam*, ferunt, *vivam*. M.

Nonne ambulant, operantur, vident, audiunt, loquuntur et stulti, et impii, et injusti? Cum vero se erigit ad aliquid quod ipsa non est, et quod supra ipsam est, et a quo ipsa est, percipit sapientiam, justitiam, pietatem: sine quibus cum esset, mortua erat, nec vitam habebat qua ipsa viveret, sed qua corpus vivificaret. Aliud est enim in anima unde corpus viviscatur, aliud unde ipsa viviscatur. Melius quippe est quam corpus; sed melius quam ipse est Deus. Est ergo ipsa, etiamsi sit insipientis, injusta, impia, vita corporis. Quia vero vita ejus est Deus, quomodo cum ipsa est in corpore, præstat illi vigorrem, decorem, mobilitatem, officia membrorum; sic cum vita ejus Deus in ipsa est, præstat illi sapientiam, pietatem, justitiam, charitatem. Aliud est ergo quod præstatur corpori de anima; aliud quod præstatur animæ de Deo: vivificat, et viviscatur; mortua vivificat, si ipsa non viviscatur. Veniente itaque verbo et infuso audientibus, factisque illis non solum audientibus, sed etiam obedientibus, resurgit anima a morte sua ad vitam suam; hoc est, ab iniuitate, ab insipientia, ab impietate ad Deum suum, qui est illi sapientia, justitia, claritas. Surgat ad illum, illuminetur ab illo. *Accedite, inquit, ad eum*. Et quid nobis erit? *Et illuminamini* (*Psal. xxxviii, 5*). Si ergo accedendo illuminamini, et recedendo tenebramini; non erat in vobis lumen vestrum, sed in Deo vestro. Accedite, ut resurgatis: si recesseritis, moriemini. Si ergo accedendo vivitis, recedendo morimini; non erat in vobis vita vestra. Ipsa est enim vita vestra, quæ est lux vestra. *Quoniam apud te est fons vita, et in lumine tuo videbimus lumen* (*Psal. xxxv, 10*).

43. Non ergo sicut anima aliquid aliud est antequam illuminetur, et sit melius cum illuminatur participatione melioris; ita et Verbum Dei, Filius Dei, aliquid aliud erat antequam acciperet vitam, ut participando habeat vitam: sed vitam habet in semetipso; ac per hoc ipse est ipsa vita. Quid ergo ait, *Dedit Filiu vitam habere in semetipso?* Breviter dixerim, Genuit Filium. Neque enim erat sine vita, et accepit vitam; sed nascendo vita est. Pater vita est non nascendo; Filius vita est nascendo. Pater de nullo patre, Filius de Deo Patre. Pater quod est, a nullo est: quod autem Pater est, propter Filium est. Filius vero et quod Filius est, propter Patrem est; et quod est, a Patre est. Hoc ergo dixit, *Vitam dedit Filiu, ut haberet eam in semetipso*; tanquam diceret, Pater qui est vita in semetipso, genuit Filium qui esset vita in semetipso. Pro eo enim quod est genuit, voluit intelligi *dedit*. Tanquam si cuiquam diceremus, *Dedit tibi Deus esse*. Cui dedit? Si alicui jam existenti dedit esse, non ei dedit esse; quia erat, antequam ei daretur, qui posset accipere. Cum ergo audis, *Dedit tibi esse*, non eras qui acciperes, et existendo accepisti ut esses. Dedit structor domui huic ut esset. Sed quid ei dedit? Ut domus esset. Qui dedit? Illic domui. Quid ei dedit? *Ut domus esset*. Quomodo potuit dare domui ut domus esset? Etenim si domus erat; cui daret, ut domus esset, quando jam domus erat? Quid est

ergo, Dedit ei ut domus esset? Fecit ut domus esset. Quid ergo Filio dedit? Dedit ei ut Filius esset, genuit ut vita esset: hoc est, *Dedit ei habere vitam in semetipso*, ut esset vita non egens vita, ne participando intelligatur habere vitam. Si enim participando haberet vitam, posset et amittendo esse sine vita: hoc in Filio ne accipias, ne cogites, ne credas. Manet ergo Pater vita, manet et Filius vita: Pater vita in semetipso, non a Filio; Filius vita in semetipso, sed a Patre. A Patre genitus ut esset vita in semetipso: Pater vero non genitus vita in semetipso. Nec minorum Filium genuit, qui crescendo fieret aequalis. Non enim ad sui perfectionem adjutus est tempore, per quem perfectum creata sunt tempora. Ante omnia tempora Patri coeternus est. Non enim unquam Pater sine Filio: aeternus autem Pater est; ergo coeternus et Filius. Quid tu, anima? Mortua eras, amiseras vitam, audi Patrem per Filium. Surge, recipe vitam; ut in eo recipias vitam quam non habes in te, qui habet vitam in semetipso. Vivificat ergo te Pater, et Filius; et agitur prima resurrectio, quando resurgis ad participandam vitam quod tu non es, et participando efficeris vivens. Resurge a morte tua in vitam tuam, qui est Deus tuus; et transi a morte in vitam aeternam. Habet enim vitam aeternam Pater in semetipso; et nisi Filium talem generaret, qui haberet vitam in semetipso, non sicut Pater suscitat mortuos et vivificat, sic et Filius quos vellet vivificare.

14. Quid ergo de illa resurrectione corporis? Nam isti qui audiunt et vivunt, unde, nisi audiendo, vivunt? Amicus enim sponsi stat et audit eum, et gaudio gaudet propter vocem sponsi (Joan. iii, 29), non propter vocem suam; hoc est, participando, non existendo audiunt et vivunt: et omnes qui audiunt, vivunt; quia omnes qui obedient, vivunt. Dic aliquid, Domine, etiam de resurrectione carnis. Fuerunt enim qui eam negarent, et dicent quia ista sola est resurrectio quae sit per fidem. Cujus resurrectionis modo Dominus fecit commemorationem, et inflammativit nos, quia quidam ¹ mortui audient vocem Filii Dei, et vivent. Non eorum qui audierint alii morientur, et alii vivent; sed omnes qui audierint vivent, quia omnes qui obedierint vivent. Ecce videmus resurrectionem mentis: non ergo amittamus fidem de resurrectione carnis ². Et nisi tu, Domine Jesu, dixeris eam, quem opponerius contradictoribus? Omnes enim sectae, quae se aliquam religionem hominibus inserere ³ præsumpserunt, non negaverunt istam mentium resurrectionem: ne diceretur eis, Si non resurget anima, quare mihi loqueris? quid in me facere vis? si non facis ex deteriore meliorem, quare loqueris? si non facis ex iniquo justum, quare loqueris? si autem facis ex iniquo justum, ex impio pium, ex stulto sapientem, fateris resurgere animam meam, si tibi obtemperavero, si tibi credidero. Volentes

ergo sibi credi omnes qui instituerunt alicujus etiam falsae religionis sectam, negare istam mentium resurrectionem non potuerunt; omnes de illa consenserunt: sed multi carnis resurrectionem negaverunt; dixerunt in fide jam factam esse resurrectionem. Talibus resistit Apostolus, dicens: *Ex quibus est Hymenæus et Philetus, qui circa veritatem aberraverunt, dicentes resurrectionem jam factam esse, et fidem querundam subvertunt* (II Tim. ii, 17, 18). Jam factam esse resurrectionem dicebant, sed eo modo ut alia non speraret: et reprehendebant homines qui specrabant resurrectionem carnis, velut jam resurrectio qua promissa erat, credendo impleretur in mente. Reprehendit eos Apostolus. Cur eos reprehendit? Nonne hoc dicebant quod modo Dominus loquebatur, *Venit hora, et nunc est, quando mortui audient vocem Filii Dei; et qui audierint, vivent?* Sed de vita mentium loquor adhuc, ait tibi Jesus: nondum loquor de vita corporum; sed loquor de vita vitae corporum, id est, de animalium, in quibus est vita corporum: nam scio esse corpora in monumentis jacentia, scio et corpora vestra in monumentis futura; nondum de illa resurrectione loquor: de ista loquor, in ista resurgite, ne ad poenam in illa resurgatis. Sed ut noveritis quia de illa loquor, quid addo? *Sicut enim habet Pater vitam in semetipso, sic dedit et Filio habere vitam in semetipso.* Haec vita quod Pater est, quod Filius est, ad quid pertinet? ad animam, an ad corpus? Non enim vitam illam sapientie sentit corpus, sed mens rationalis. Nam nec omnis anima potest sentire sapientiam. Habet enim et pecus animam; sed pecoris anima non potest sentire sapientiam. Ergo anima humana potest sentire istam vitam quam habet Pater in semetipso, et dedit Filio vitam habere in semetipso; quia illud est verum lumen quod illuminat, non omnem animam, sed omnem hominem venientem in hunc mundum. Cum ergo ipsi menti loquor, audiat, id est obediat, et vivat.

15. Noli itaque, Domine, tacere de resurrectione carnis; ne non eam credant homines, et remaneamus nos argumentatores, non praedicatorum. Ergo *sicut habet Pater vitam in semetipso, sic dedit et Filio habere vitam in semetipso.* Intelligent qui audiunt, credant ut intelligent, obedient ut vivant. Audiant adhuc aliud, ne hic finitam esse resurrectionem putent. *Et dedit ei potestatem et judicium facere.* Quis? Pater. Cui dedit? Filio. Cui enim dedit habere vitam in semetipso, potestatem dedit ei et judicium facere. *Quia filius hominis est.* Iste enim Christus, et Filius Dei et filius hominis est. *In principio erat Verbum, et Verbum erat apud Deum, et Deus erat Verbum; hoc erat in principio apud Deum.* Ecce quomodo dedit ei vitam habere in semetipso. Sed quia *Verbum caro factum est, et habitavit in nobis* (Joan. i, 9, 1, 2, 14), ex virgine Maria homo factus, filius hominis est. Proinde quia filius hominis est, quid accepit? Potestatem et judicium facere. Quod judicium? In fine saeculi: et ibi erit resurrectio mortuorum, sed corporum. Animas ergo suscitabit Deus, per Christum Filium Dei: corpora sus-

¹ In quatuor MSS., quidem.

² MSS. magno consensu: *Non ergo amittamus de fide resurrectionem carnis.*

³ Sic MSS. At editi: *Se aliquareligione hominibus inserere.*

eitat Deus , per eundem Christum filium hominis. *Dedit ei potestatem.* Hanc potestatem non haberet nisi acciperet , et esset homo sine potestate. Sed ipse est filius hominis , qui et Filius Dei. Hærendo enim ad unitatem personæ filius hominis Filio Dei , facta est una persona , eademque Filius Dei , quæ et filius hominis. Quid autem propter quid habeat , dignoscendum est. Filius hominis habet animam , habet corpus. Filius Dei , quod est Verbum Dei , habet hominem , tanquam anima corpus. Sicut anima habens corpus , non facit duas personas , sed unum hominem ; sic Verbum habens hominem , non facit duas personas , sed unum Christum. Quid est homo ? Anima rationalis habens corpus. Quid est Christus ? Verbum Dei habens hominem. Video de quibus rebus loquar , et quis loquar , et quibus loquar.

16. Nunc audite de resurrectione corporum , non me , sed Dominum locuturum , propter eos qui resurrexerunt surgendo a morte , inhærendo vitæ. Cui vitæ? Quæ non novit mortem. Quare non novit mortem ? Quia nescit mutabilitatem. Quare nescit mutabilitatem ? Quia vita est in semetipso. *Et potestatem dedit ei et judicium facere , quia filius hominis est.* Quod judicium , quale judicium ? *Nolite mirari hoc , quia dixi , Dedit ei potestatem et judicium facere. Quia venit hora.* Non addidit , et nunc est : ergo horam quamdam vult insinuare in fine seculi. Hora nunc est ut resurgent mortui , hora erit in fine saeculi ut resurgent mortui : sed resurgent nunc in mente , tunc in carne ; resurgent nunc in mente per Verbum Dei Filium Dei , resurgent tunc in carne per Verbum Dei carnem factum , filium hominis. Neque enim ad judicium vivorum et mortuorum Pater ipse venturus est : nec tamen recedit a Filio Pater. Quomodo ergo non ipse venturus est ? Quia non ipse videbitur in judicio. *Videbunt in quem pupugrunt* (*Joan. xix*, 37). Forma illa erit judex , quæ stetit sub judice ; illa judicabit quæ judicata est : judicata est enim inique , judicabit juste. Veniet ergo forma servi , et ipsa apparebit. Etenim forma Dei quomodo appareret justis et iniquis ? Nam si judicium non fieret nisi inter solos justos , appareret tanquam justis forma Dei : quia vero judicium futurum est justorum et iniquorum , nec licet ut iniqui videant Deum ; *Beati enim mundi corde , quoniam ipsi Deum videbunt* (*Matth. v*, 8) ; talis apparebit judex , qualis videri possit et ab eis quos coronaturus est , et ab eis quos damnaturus est. Forma ergo servi videbitur , occulta erit forma Dei. Occultus erit in servo Filius Dei , et apparebit filius hominis ; quia potestatem dedit ei et judicium facere , quia filius hominis est. Et quia ipse solus apparebit in forma servi , Pater autem non apparebit , quia non est indutus forma servi ; ideo superius ait , *Pater non judicat quemquam , sed omne judicium dedit Filio.* Bene ergo dilatum est , ut ipse esset expositor qui propositor. Superius enim occultum erat ; nunc jam , ut arbitror , manifestum est quia dedit ei potestatem et judicium facere , quia Pater non judicat quemquam , sed omne judicium dedit Filio : quia judicium per illam formam futurum est , quam

non habet Pater. Et quale judicium ? *Nolite mirari hoc ; quia venit hora :* non ea quæ nunc est , ut resurgent animæ ; sed quæ futura est , ut resurgent corpora.

17. Expressius hoc dicat , ut calumniam hæreticus negator resurrectionis corporis non inveniat : quantumjam intellectus elucescat. Cum superioris dictum esset , *Venit hora ; addidit , et nunc est :* modo autem , *Venit hora ; non addidit , et nunc est.* Tamen omnes ansas , omnes claviculas calumniarum , omnes nodos laqueorum aperta veritate disrumpat. *Nolite mirari hoc ; quia venit hora , in qua omnes qui in monumentis sunt.* Quid evidenter ? quid expressius ? Corpora sunt in monumentis : animæ non sunt in monumentis , nec justorum , nec iniquorum. Justi anima in sinu Abraham fuit , iniqui anima apud inferos torquebatur (*Luc. xvi*, 22-25) : in monumento , nec illa , nec illa. Superioris quando ait , *Venit hora , et nunc est ; obsecro , intendite.* Nostis , fratres , quia ad panem ventris cum labore pervenitur ; quanto magis ad panem mentis ? Cum labore statis , et auditis ; sed nos cum majore stamus , et loquimur. Si laboramus propter vos , collaborare non debetis propter eosdem vos ? Superioris ergo cum diceret , *Venit hora , et adderet , et nunc est , quid subjecit ? Quando mortui audient vocem Filii Dei , et qui audierint vivent.* Non dixit , Omnes mortui audient , et qui audierint vivent : mortuos enim iniquos volebat intelligi. Et numquid omnes iniqui obaudient Evangelio ? Aperte dicit Apostolus , *Sed non omnes obaudient Evangelio* (*Rom. x*, 16). Tamen qui audiunt , vivent ; quia omnes qui obaudient Evangelio , transient ad vitam æternam per fidem : non tamen omnes obaudient , et hoc nunc est. At vero in fine , *omnes qui sunt in monumentis* , hoc est justi et iniqui , *audient vocem ejus , et procedent.* Quomodo noluit dicere , et vivent ? Omnes enim procedent , sed non omnes vivent. In eo quippe quod supra dixit , *Et qui audierint vivent ; in ipsa obauditione vitam æternam intelligi voluit et beatam , quam non omnes habebunt qui de monumentis procedent.* Jam ergo et commemoratione monumentoruin , et expressione processionis de monumentis , aperte intelligimus corporum resurrectionem.

18. *Audient omnes vocem ejus , et procedent.* Et ubi judicium , si omnes audient , et omnes procedent ? Quasi totum confusum est ; nihil video discretum. Certe accepisti potestatem judicandi , quia filius hominis es ; ecce aderis in judicio , resurgent corpora : de ipso judicio dic aliquid , hoc est de discretione malorum et bonorum. Et hoc audi : *Qui bona fecerunt , in resurrectione vitæ ; qui mala egerunt , in resurrectionem judicii.* Superioris cum de resurrectione mentium et animarum loqueretur , numquid fecit discretionem ? Sed omnes qui audient , vivent ; quia obaudiendo vivent. At vero resurgendo et procedendo de monumentis , non omnes ad vitam æternam ibunt , sed qui bene fecerunt : qui autem male , ad judicium. Hic enim judicium pro poena posuit. Et erit diremptio , et non qualis modo est. Nam et modo separamur non locis , sed moribus , affectibus , desideriis , fide , spe ,

charitate. Simul enim cum iniquis vivimus; sed non una vita est omnium: in occulto dirimimur, in occulto separamur; quomodo grana in area, non quomodo grana in horreo. Et separantur grana in area, et miscentur: separantur, cum a palea expoliantur; miscentur, quia nondum ventilantur. Tunc aperta erit separatio, sicut morum, sic et vitae; sicut sapientiae, ita et corporum. Ibunt qui bene fecerunt, vivere eum Angelis Dei: qui male egerunt, torqueri cum diabolo et angelis ejus. Et transiet forma servi. Ad hoc enim se presentaverat ut ficeret judicium: post judicium perget hinc, ducet secum corpus cui capit est, et offeret regnum Deo (*I Cor. xv, 24*). Tunc plane videbitur forma illa Dei, quae non potuit videri ab iniquis, quorum visioni forma servi exhibenda erat. Dicit et alibi sic: *Ibunt isti in ambustionem aeternam (de quibusdam sinistris); justi autem in vitam aeternam (Math. xxv, 46)*: de qua alio loco dicit, *Hæc est autem vita eterna, ut cognoscant te unum verum Deum, et quem misisti Iesum Christum (Joan. xvii, 3)*. Tunc ibi apparebit qui cum in forma Dei esset, non rapinam arbitratus est esse æqualis Deo (*Philipp. ii, 6*): tunc se ostendet quomodo se dilectoribus suis ostensurum promisit. Qui enim diligit me, ait, mandata mea custodit; et qui diligit me, diligitur a Patre meo, et ego diligam eum, et ostendam meipsum illi. Quibus loquebatur, præsens eis erat: sed formam servi videbant; formam autem Dei non videbant. Per iumentum ad stabulum ducebantur curandi, sed sanati videbunt; quia ostendam, inquit, *meipsum illi*. Quomodo ostenditur æqualis Patri? Cum dicit Philippo, *Qui me videt, videt et Patrem meum (Joan. xiv, 21, 9)*.

19. Non possum ego a meipso facere quidquam: sicut audio judico, et judicium meum justum est. Quia dicturi illi eramus, Tu judicabis, et Pater non judicabit, quia omne judicium dedit Filio; non ergo secundum Patrem judicabis: adjecit, *Non possum ego a meipso facere quidquam: sicut audio judico, et judicium meum justum est; quia non quero voluntatem meam, sed voluntatem ejus qui misit me*. Certe Filius quos vult viviscat. Non querit voluntatem suam, sed voluntatem ejus qui misit illum. Non meam, non propriam; non meam, non filii hominis; non meam, quæ resistat Deo. Faciunt enim homines voluntatem suam, non Dei, quando faciunt quod volunt, non quod jubet Deus: quando autem ita faciunt quod volunt, ut tamen sequantur voluntatem Dei, non faciunt voluntatem suam, quamvis quod volunt faciant. Volens fac quod juberis; atque ita et hoc facies quod vis, et non voluntatem tuam facies, sed jubentis.

20. Quid ergo? *Sicut audio, ita judico*. Audit Filius, et demonstrat ei Pater, et videt Filius Patrem facientem. Et ista distuleramus paulo enucleatus pro viribus pertractare, si tempus nobis peracta lectione et vires remansissent. Si dicam me posse loqui adhuc, forte vos audire jam non potestis. Item forte aviditate audiendi dicitis, Possumus. Melius est ergo ut ego infirmitatem meam fatear, quia jam fatigatus loqui non possum, quam ut vobis jam bene satialis, adhuc

infundam quod non bene digeratis. Proinde hujus promissionis quam ad hodiernum tempus, si superesset, distuleram, tenete me adjuvante Domino in crastinum debitorem.

TRACTATUS XX.

Rursum in illud, Amen, amen dico vobis, non potest Filius a se facere quidquam, nisi quod viderit Patrem facientem: quæcumque enim Pater facit, hæc eadem et Filius facit similiter. Cap. v, §. 19.

1. Verba Domini nostri Jesu Christi, maxime quæ Joannes commemorat evangelista, qui non sine causa super pectus Domini discubebat (*Joan. xiii, 25*), nisi ut secreta altioris sapientiae ejus ebiberet, et quod amando biberat, evangelizando ructaret, ita secreta sunt et profunda intelligentiae¹, ut omnes turbent qui perverso sunt corde, et omnes exerceant qui recto sunt corde. Proinde animadvertis Charitas vestra ad hæc pauca quæ lecta sunt. Videamus si quo modo possimus donante et adjuvante ipso qui verba sua nobis voluit recitari, quæ tunc audita atque conscripta sunt, ut modo legerentur, quid sibi velit quod eum audistis modo dicere, *Amen, amen dico vobis, non potest Filius a se facere quidquam, nisi quod viderit Patrem facientem: quæcumque enim Pater facit, hæc eadem et Filius facit similiter*.

2. Unde autem natus sit sermo iste, commemorandi estis propter superiora lectionis, ubi curaverat Dominus quemdam inter illos qui in quinque porticibus piscinæ illius Salomonis jacebant, cui dixerat, *Tolle grabatum tuum, et vade in domum tuam*. Hoc autem fecerat sabbatis: unde perturbati Judæi calumniabantur, quasi eversorem et prævaricatorem Legis. Tunc eis dixerat, *Pater meus usque modo operatur, et ego operor (Id. v, 8, 17)*. Illi enim carnaliter accipientes sabbati observationem, putabant Deum post laborem fabricati mundi usque ad hunc diem quasi dormire; et propterea sanctificasse illum diem, ex quo cœpit velut a laboribus requiescere. Est autem sacramentum sabbati antiquis patribus nostris præceptum (*Exod. xx, 8-11*), quod nos Christiani spiritualiter observamus, ut ab omni servili opere, id est ab omni peccato (quia Dominus dicit, *Omnis qui facit peccatum, servus est peccati (Joan. viii, 34)*), abstineamus nos, et habeamus quietem in corde nostro, id est tranquillitatem spiritualem. Et quanvis in hoc sæculo id conemur, ad eam tamen requiem perfectam non perveniemus, nisi cum de hac vita exierimus. Sed ideo dictum est Deum requievisse, quia iam creaturam nullam condebat postquam perfecta sunt omnia. Quietem vero propterea appellavit Scriptura, ut nos admonereret post bona opera requieturos. Sic enim scriptum habemus in Genesi, *Et fecit Deus omnia bona valde, et requierit Deus die septimo (Gen. i, 31, et ii, 2)*: ut tu homo cum attendis ipsum Deum post bona opera requievisse, non tibi spes requiem, nisi cum bona fueris operatus. Et quemadmodum Deus posteaquam fecit hominem ad imaginem et similitudinem suam sexto die, et in illo perfecit omnia

¹ Er. Lugd. et Ven. legunt, *profundæ intelligentiae*. M.

opera sua bona valde, requievit septimo die; sic et tibi requiem non spares, nisi cum redieris ad similitudinem in qua factus es, quam peccando perdisisti. Non enim Deus laborasse dicendum est, qui dixit, et facta sunt. Quis est qui post tantam operis facilitatem quasi post labore velit requiescere? Si jussit et aliquis ei restitui, si jussit et non est factum, et ut fieret laboravit; merito dicatur post laborem requievisse: cum vero et in ipso libro Geneseos legamus, *Dixit Dux, Fiat lux; et facta est lux: dixit Deus, Fiat firmamentum; et factum est firmamentum* (*Gen. i, 3, 6, 7*); et cetera in verbo ejus continuo facta: cui attestatur et Psalmus dicens, *Ipse dixit, et facta sunt; ipse mandavit, et creata sunt* (*Psal. xxxii, 9, et cxlviii, 5*): quomodo post mundum factum requiem quasi ut cessaret requirebat, qui in jubendo nunquam laboraverat? Ergo illa mystica sunt, et propriae ita posita, ut nobis requiem spernemus post hanc vitam, sed si bona opera fecerimus. Ideo Dominus retundens impudentiam et errorem Judaeorum, et ostendens eos non recte sapere de Deo, ait illis scandalizatis¹ quod sabbato operabatur hominum sanitatem, *Pater meus usque modo operatur, et ego operor*: nolite ergo hoc putare quia sabbato ita requievit Pater meus, ut ex illo non operetur; sed sicut ipse nunc operatur, operor et ego. Sed sicut Pater sine labore, sic et Filius sine labore. *Dixit Deus, et facta sunt*: dixit Christus languenti, *Tolle gravatum tuum, et vade in domum tuam*, et factum est.

5. Catholicica autem fides habet, quod Patris et Filii opera non sunt separabilia. Hoc est quod volo, si possum, loqui Charitati vestrae: sed secundum illa verba Domini, *Qui potest capere capit* (*Math. xix, 12*). Qui autem capere non potest, non mihi adscribat, sed tarditati sue; et convertat se ad illum qui cor aperit, ut infundat quod donat. Postremo et si quisquam propterea non intellexerit, quia non a me sic dictum est ut dici debuit, ignoscat humanæ fragilitati, et supplicet divinæ bonitati. Habemus enim iustus magistrum Christum. Quidquid per aurem vestram, et os meum capere non potueritis, in corde vestro ad eum convertimini, qui et me docet quod loquor, et vobis quemadmodum dignatur distribuit. Qui novit quid det, et cui det, aderit petenti, et aperiet pulsanti. Et si forte non dederit, nemo se dicat desertum. Forte enim aliquid dare differt, sed neminem esurientem relinquit. Si enim non dat ad horam, exercet querentem, non contemnit petentem. Videte ergo et attendite quid velim dicere, etsi forte non possim. Catholicica fides hoc habet, firmata Spiritu Dei in sanctis ejus, contra omnem hereticam pravitatem, quia Patris et Filii opera inseparabilia sunt. Quid est quod dixi? Quomodo ipse Pater et Filius inseparabiles sunt, sic et opera Patris et Filii inseparabilia sunt. Quomodo Pater et Filius inseparabiles sunt? Quia ipse dixit, *Ego et Pater unus sumus* (*Joan. x, 30*). Quia Pater et Filius non sunt duo dii, sed unus Deus,

¹ *Mss. octo, sed consubstantiale illi est quidquid ejus est, et quidquid ejus est quod est, quia Deus est. Remigianus vero addit, est, hoc loco, et quidquid ejus est, est quod est, quia Deus est: nec minus recte.*

Verbum et cuius est Verbum, unus et Unicus, Deus unus Pater et Filius charitate complexi, unusque charitatis Spiritus eorum est, ut fiat Trinitas Pater et Filius et Spiritus sanctus. Non ergo tantum Patris et Filii, sed et Spiritus sancti, sicut æqualitas et inseparabilitas personarum, ita etiam opera inseparabilia sunt. Adhuc planius dicam quid sit, opera inseparabilia sunt. Non dicit catholica fides quia fecit Deus Pater aliiquid, et fecit Filius aliud: sed quod fecit Pater, hoc et Filius fecit, hoc et Spiritus sanctus fecit. Per Verbum enim facta sunt omnia: quando dixit et facta sunt, per Verbum facta sunt, per Christum facta sunt. In principio enim erat Verbum, et Verbum erat apud Deum, et Deus erat Verbum: omnia per ipsum facta sunt (*Joan. i, 1, 3*). Si omnia per ipsum facta sunt; *dicit Deus, Fiat lux; et facta est lux*: in Verbo fecit, per Verbum fecit.

4. Ecce ergo nunc audivimus Evangelium, cum responderet stomachantibus Judeis, *quia non solum solebat sabbatum, sed etiam patrem suum dicebat Deum, æqualem se faciens Deo* (*Id. v, 18*): sic enim scriptum est in superiori capitulo. Cum ergo tali eorum erranti indignationi Dei Filius et Veritas responderet, ait, *Amen, amen dico vobis, non potest Filius a se facere quidquam, nisi quod viderit Patrem facientem*. Tantquam diceret, Quid scandalizati estis, quia Patrem meum dixi Deum, et quia æqualem me facio Deo? Ita sum æqualis, ut ille me genuerit: ita sum æqualis, ut non ille a me, sed ego ab illo sim. Hoc enim intelligitur in his verbis, *Non potest Filius a se facere quidquam, nisi quod viderit Patrem facientem*. Hoc est, quidquid Filius habet ut faciat, a Patre habet ut faciat. Quare habet a Patre ut faciat? Quia a Patre habet ut Filius sit. Quare a Patre habet ut Filius sit? Quia a Patre habet ut possit, quia a Patre habet ut sit. Filio enim hoc est esse quod posse. Homini non ita est. Ex comparatione humanæ infirmitatis, longe infra jacentis, utcumque corda sustollite; et ne forte aliquis nostrum attingat secretum, et quasi coruscatione magnæ lucis horrescens, sapiat aliiquid, ne insipiens remaneat: non tamen se totum sapere putet, ne superbiat, et quod sapuit amittat. Homo aliud est quod est, aliud quod potest. Ali quando enim et est homo, et non potest quod vult; aliquando autem sic est homo, ut possit quod vult: itaque aliud est esse ipsius, aliud posse ipsius. Si enim hoc esset esse ipsius, quod est posse ipsius; cum vellet posset. Deus autem cui non est alia substantia ut sit, et alia potestas ut possit, sed consubstantiale illi est quidquid ejus est, et quidquid est, quia Deus est¹; non alio modo est, et alio modo potest; sed esse et posse simul habet, quia velle et facere simul habet. Quia ergo potentia Filii de Patre est, ideo et substantia Filii de Patre est; et quia substantia Filii de Patre, ideo potentia Filii de Patre est. Non alia potentia est in Filio, et alia substantia: sed ipsa est potentia quæ et substantia; substantia ut sit, potentia ut possit. Ergo quia Filius de Patre est,

¹ *Mss. octo, sed consubstantiale illi est quidquid ejus est, et quidquid ejus est quod est, quia Deus est. Remigianus vero addit, est, hoc loco, et quidquid ejus est, est quod est, quia Deus est: nec minus recte.*

ideo dixit, *Filius non potest a se facere quidquam.* Quia non est Filius a se, ideo non potes a se.

5. Videtur enim quasi minorem se fecisse, cum dixit, *Non potest Filius a se facere quidquam, nisi quod viderit Patrem facientem.* Hic erigit cervicem hæretica vanitas, eorum scilicet qui dicunt Filiū minorem esse quam Patrem, minoris potestatis, majestatis, possibilitatis, non intelligentes mysterium verborum Christi. Attendat autem Charitas vestra, et videte quemadmodum in carnali suo intellectu modo turbentur in ipsis verbis Christi. Hoc autem paulo ante prælocutus sum, quia omnia perversa corda perturbat, sicut pia corda exerceat Verbum Dei, maxime quod per Joannem evangelistam dicitur. Alta enim per illum dicuntur, non qualiacumque, non que facile intelligentur. Ecce jam hæreticus si forte audit verba ista, erigit se, et dicit nobis : *Ecce minor est Filius quam Pater,* ecce audi verba Filii, qui dicit, *Non potest Filius a se facere quidquam, nisi quod viderit Patrem facientem.* Exspecta, quemadmodum scriptum est, *Esto mansuetus ad audiendum verbum, ut intelligas* (Eccli. v. 15). Puta enim me conturbatum esse his verbis, quoniam dico æqualem potestatem majestatemque esse Patris et Filii, cum audivi, *Non potest Filius a se facere quidquam, nisi quod viderit Patrem facientem.* Turbatus his verbis quero abs te, qui jam tibi videris intellexisse : Novimus in Evangelio Filiū ambulasse super mare (*Math. xiv. 25*) ; ubi Patrem vidi ambulasse super mare ? Hicjam ille turbatur. Pon ergo quod intellexeras, et simul queramus. Quid ergo facimus ? Verba Domini audivimus, *Non potest Filius a se facere quidquam, nisi quod viderit Patrem facientem.* Ambulavit ipse super mare, Pater nunquam ambulavit super mare. Certe non facit Filius quidquam, nisi quod viderit Patrem facientem.

6. Redi ergo mecum ad id quod dicebam, ne forte sic intelligentium sit, ut de quæstione ambo examus. Nam ego secundum fidem catholicam video quomodo exeam sine offensione, sine scandalo : tu autem circumclusus, queris qua exeras. Qua intraveras vide. Forte non intellexisti et hoc quod dixi, Qua intraveras vide : ipsum audi dieentein, *Ego sum janua* (*Joan. x. 7*). Non sine causa ergo queris qua exeras, et non invenis, nisi quia non per januam intrasti, sed per maceriam ecclisti. Ergo quemadmodum potes, a ruina tua collige te, et intra per januam, ut sine offensione intres, et sine errore exeras. Per Christum veni, nec ex corde tuo asperas quod dicas ; sed quod ille ostendit, hoc loquere. Ecce fides catholica quemadmodum exit de ista propositione. Ambulavit Filius super mare, pedes carnis fluctibus imposuit ; caro ambulabat, et divinitas gubernabat : quando ergo caro ambulabat et divinitas gubernabat, Pater absens erat ? Si absens erat, quomodo ipse Filius dicit, *Pater autem in me manens, ipse facit opera sua* (*Id. xiv. 10*) ? Si ergo Pater in Filio manens, ipse facit opera sua ; ambulatio illa carnis supra mare, a Patre fiebat, per Filiū fiebat. Ergo illa ambulatio opus est Patris et Filii inseparabile. Utrumque ibi operantem video :

nec Pater Filium deseruit, nec Filius a Patre discessit. Ita quidquid facit Filius, non facit sine Patre ; quia quidquid facit Pater, non facit sine Filio.

7. Exitum est hinc. Videte quia recte nos dicimus inseparabilia esse opera Patris et Filii et Spiritus sancti. Nam quomodo tu intelligis, ecce fecit Deus lucem, et vidit Filius Patrem facientem lucem, secundum carnalem intellectum tuum, qui ideo vis minorem intelligere, quia dixit, *Non potest Filius a se facere quidquam, nisi quod viderit Patrem facientem.* Fecit Deus Pater lucem ; quoniam lucem alias fecit Filius ? Fecit Deus Pater firmamentum, cœlum inter aquas et aquas, vidit eum Filius secundum intelligentiam tuam tardam et grossam : quia vidit Filius Patrem facientem firmamentum, et dixit, *Non potest Filius a se facere quidquam, nisi quod viderit Patrem facientem,* da mihi alterum firmamentum. An tu amisisti fundamentum ? Superædificati autem supra fundamentum Apostolorum et Prophetarum, ipso summo lapide angulari existente Christo Jesu, pacantur in Christo (*Ephes. ii. 14-20*) ; nec contendunt et errant in heresi. Intelligentius ergo lucem factam a Deo Patre, sed per Filiū ; firmamentum factum a Deo Patre, sed per Filiū. *Omnia enim per ipsum facta sunt, et sine ipso factum est nihil.* Excute intelligentiam tuam ; nec intelligentiam vocandam, sed plane stultitiam. Deus Pater fecit mundum : quem fecit Filius alterum mundum ? da mihi mundum Filii. Iste in quo sumus, cuius est ? dic nobis, a quo factus est ? Si dixeris, A Filio ; non a Patre ; errasti a Patre : si dixeris, A Patre, non a Filio ; respondet tibi Evangelium, *Et mundus per eum factus est, et mundus eum non cognovit* (*Joan. i, 3, 10*). Agnosce ergo eum per quem factus est mundus, et noli esse inter illos qui cum qui fecit mundum non cognoverunt.

8. Inseparabilia sunt ergo opera Patris et Filii. Sed hoc est, *Non potest Filius a se quidquam facere*, quod esset si diceret, Non est Filius a se. Etenim si Filius est, natus est : si natus est, ab illo est de quo natus est. Sed tamen æqualem sibi genuit. Non enim desuit aliquid generanti, aut tempus quæsivit ut generaret, qui genuit coeternum ; aut matrem quæsivit ut generaret, qui de se protulit Verbum ; aut Pater generans aetate præcesserat Filium, ut minorem Filium generaret. Et forte dicit aliquis quia post multa saecula in senectute sua Deus suscepit Filium. Sicut Pater sine senectute, sic et Filius sine incremento : nec ille senuit nec ille crevit ; sed æqualis æqualem genuit, æternus æternum. Quomodo, inquit aliquis, æternus æternum ? Quomodo flamma temporalis generat lucem temporalem. Coæva est autem flamma generans luci quam generat, nec præcedit tempore flamma generans lucem generatam ; sed ex quo incipit flamma, ex illo incipit lux. I. nihili flammam sine luce, et do tibi Deum Patrem sine Filio. Hoc est ergo, *Non potest Filius a se facere quidquam, nisi quod viderit Patrem facientem* ; quia videre Filiū, hoc est natum esse de Patre. Non alia visio ejus et alia substantia ejus : nec alia potentia ejus, alia substantia ejus. Totum quod est, de Patre est ; totum quod potest, de Patre est : quoniam quod potest et est, hoc unum est ; et de Patre totum est.

9. Sequitur et ipse in verbis suis, et male intelligentes conturbat, ut ad rectum intellectum revocet errantes. Cum dixisset, *Non potest Filius a se facere quidquam, nisi quod viderit Patrem facientem*: ne forte carnalis subreperet intellectus, et averteret mentem, et ficeret sibi homo quasi duos fabros, unum magistrum, alterum discipulum quasi attendentem ad magistrum, verbi gratia, facientem arcam; ut quomodo ille fecit arcam, faciat et iste alteram arcam secundum visionem quam inspexit in magistro operante: sed ne tale aliquid sibi duplicaret in illa simplici divinitate intellectus carnalis, secutus ait, *Quaecumque enim Pater fecit, hæc eadem et Filius facit similiter*. Non facit Pater alia, et alia Filius similia, sed eadem similiter. Non enim ait, *Quaecumque facit Pater, facit et Filius alia similia*: sed, *Quaecumque, inquit, Pater facit, hæc eadem et Filius facit similiter*. Quæ ille, hæc et ipse: mundum Pater, mundum Filius, mundum Spiritus sanctus. Si tres dii, tres mundi: si unus Deus Pater et Filius et Spiritus sanctus, unus mundus factus est a Patre per Filium in Spiritu sancto. Hæc ergo facit Filius, quæ facit et Pater, et non dissimiliter facit: et hæc facit, et similiter facit.

10. Jam dixerat, *hæc facit*; quare addidit, *similiter facit*? Ne alias pravus intellectus vel error in animo nasceretur. Vides enim hominis opus; animus est in homine et corpus: animus imperat corpori, sed multum interest inter corpus et animum: corpus visibile est, animus invisibilis; inter potentiam virtutemque animi, et cuiusvis licet celestis corporis multum interest. Imperat tamen animus corpori suo, et facit corpus: et quod videtur animus facere, hoc facit et corpus. Videtur ergo corpus hoc idem facere quod animus, sed non similiter. Quomodo hoc idem facit, sed non similiter? Facit animus verbum apud se, jubet linguæ, et profert verbum quod fecit animus: fecit animus, fecit et lingua; fecit dominus corporis, fecit et servus: sed ut ficeret servus, a domino accepit quod ficeret, et jubente domino fecit. Hoc idem ab utroque factum est: sed numquid similiter? Quonodo non similiter, ait aliquis? Ecce verbum quod fecit animus meus, manet in me: quod fecit lingua mea, percusso aere transiit, et non est. Cum dixeris verbum in animo tuo, et sonuerit per linguam tuam, redi ad animum tuum, et vide quia ibi est verbum quod fecisti. Numquid sicut mansit in animo tuo, mansit in lingua tua? Quod sonuit per linguam tuam, fecit lingua sonans, fecit animus cogitans: sed quod sonuit lingua, transiit; quod cogitavit animus, permanet. Hoc ergo fecit corpus, quod fecit animus; sed non similiter. Fecit enim animus quod teneat animus; fecit autem lingua quod sonat, et per aereum aurem verberat. Numquid sequeris syllabas, et facis ut maneant? Non ergo sic Pater et Filius; sed hæc eadem facit, et similiter facit. Si fecit Deus cœlum quod manet, hoc fecit Filius cœlum quod manet. Si fecit Deus Pater hominem qui moritur, cumdem Filius hominem fecit qui moritur. Quaecumque fecit Pater stantia, hæc fecit et Filius stantia; quia similiter fecit: et quæcumque fecit

Pater temporalia, hæc eadem fecit Filius temporalia; quia non solum ipsa fecit, sed et similiter fecit. Pater enim fecit per Filium, quia per Verbum fecit Pater omnia.

11. Quære in Patre et Filio separationem, non inventis: sed si assurrexisti, tunc non invenis; si aliquid supra mentem tuam teligisti, tunc non invenis. Nam si in his versaris, quæ sibi errans animus facit; cum imaginibus tuis loqueris, non cum Verbo Dei: fallunt te imagines tuæ. Transcende et corpus, et sape animum: transcende et animum, et sape Deum. Non tangis Deum, nisi et animum transieris: quanto minus tangis, si in carne manseris? Illi ergo qui sapient carnem, quam longe sunt a sapiendo quod Deus est? quia non ibi essent, etiam si animum sapient. Recedit homo multum a Deo quando sapit carnaliter, et multum interest inter carnem et animum: plus tamen interest inter animum et Deum. Tu si in animo es, in medio es: si infra attendis, corpus est: si supra attendis, Deus est. Attolle te a corpore, transi etiam te. Vide enim quid dixit Psalmus, et admoneris quemadmodum sapiendus sit Deus: *Factæ sunt, inquit, mihi lacrymæ meæ panes die ac nocte, cum dicitur mihi quotidie, Ubi est Deus tuus?* Tanquam Pagani dicant: Ecce dii nostri; Deus vester ubi est? Ostendunt enim illi quod videtur; nos colimus quod non videtur. Et cui ostendamus? homini qui non habet unde videat? Nam utique si ipsi deos suos vident oculis; habemus et nos alios oculos, unde videamus Deum nostrum. Ipsi oculi mundandi sunt a Deo nostro, ut videamus Deum nostrum: *Beati enim mundo corde, quia ipsi Deum videbunt* (*Matth. v, 8*). Ergo cum se conturbatum dixisset, cum dicitur illi quotidie, *Ubi est Deus tuus?* *Hæc memoratus sum, inquit, quia dicitur mihi quotidie, Ubi est Deus tuus?* et quasi volens apprehendere Deum suum, *Hæc memoratus sum, inquit, et effudi super me animum meam* (*Psal. xli, 4, 5*). Ut ergo attingerem Deum meum, de quo mihi dicebatur, *Ubi est Deus tuus?* non effudi animam meam super carnem meam, sed super me: transendi me, ut illum tangerem. Ille enim est super me, qui fecit me: nemo eum attingit, nisi qui transierit se.

12. Cogita corpus; mortale est, terrenum est, fragile est, corruptibile est: abjice. Sed forte caro temporalis est. Alia corpora cogita, cœlestia corpora cogita; majora, meliora, splendida sunt: attende et ipsa, volvuntur ab oriente ad occidentem, non stant; videntur oculis, non solum ab homine, sed etiam a pecore: transi et ipsa. Et quomodo, inquis, transeo cœlestia corpora, cum ambulo in terra? Non carne transis, sed mente. Abjice et ipsa: quamvis luceant, corpora sunt; quamvis de cœlo fulgeant, corpora sunt. Veni, quoniam forte non te putas habere quo eas, cum consideras ista omnia. Et ultra cœlestia corpora quo iturus sum, inquis, et quid mente transiurus sum? Considerasti ista omnia? Consideravi, inquis. Unde considerasti? Ipse considerator apparent. Ipse enim considerator istorum omnium, discriminator, distinctor et quodammodo appensor in libra sa-

pientiae, animus est. Sine dubio melior est animus quo ista omnia cogitasti, quam ista omnia quae cogitasti. Animus ergo iste spiritus est, non corpus : transi et ipsum. Compara ipsum animum primo, ut videoas quo transeas; compara illum carni. Absit, ne digneris comparare. Compara illum fulgori solis, lunae, stellarum : major fulgor est animi. Primo celeritatem animi ipsius vide. Vide si non vehementior scintilla est animi cogitantis, quam splendor solis luctentis. Solem orientem tu vides animo : motus ipsius quam tardus est ad animum tuum? Cito tu potuisti cogitare quod facturus est sol. Ab oriente ad occidentem venturus est, jam ex alia parte cras oritur. Ubi hoc fecit eogitatio tua, adhuc ille tardus est, et tu omnia peragrasti. Magna ergo res est animus. Sed quonodo dico, est? Transi et ipsum; quia et ipse animus mutabilis est, quamvis melior sit omni corpore. Modo novit, modo non novit; modo obliiscitur, modo recordatur; modo vult, modo non vult; modo peccat, modo justus est. Transi ergo omnes mutabilitatem; non solum omne quod videtur, sed et omne quod mutatur. Transisti enim carnem quae videtur, transisti cœlum, solem, lunam, et stellas quae videntur; transi et omne quod mutatur. Jam enim istis transactis veneras ad animum tuum, sed et ibi invenisti mutabilitatem animi tui. Numquid mutabilis est Deus? Transi ergo et animum tuum. Effunde super te animam tuam, ut contingas Deum, de quo tibi dicitur, *Ubi est Deus tuus?*

43. Ne putas te aliiquid facturum quod homo non possit. Hoc fecit ipse Joannes evangelista. Transcendit carnem, transcendit terram quam calcabat, transcendit maria quae videbat, transcendit aerem ubi alites volant, transcendit solem, transcendit lunam, transcendent stellas, transcendit omnes spiritus qui non videntur, transcendit mentem suam ipsa ratione¹ animi sui. Transcendens ista omnia, super se effundens animam suam, quo pervenit? Quid vidit? *In principio erat Verbum, et Verbum erat apud Deum.* Si ergo separationem non vides in luce, quid separationem queris in opere? Vide Deum, vide Verbum ejus inhærente Verbo dicenti²: quia ipse dicens non syllabis dicit; sed splendor sapientiae fulgere, hoc est dicere. Quid dictum est de Sapientia ipsius? *Candor est lucis aeternæ* (*Sap. vii, 26*). Attende candorem solis. In cœlo est, et expandit candorem per terras omnes, per maria omnia: et utique corporalis lux est. Si separas candorem solis a sole, separa Verbum a Patre. De sole loquor. Lucernæ una flammula tenuis, quae uno statu possit extingui, spargit lucem suam super cuncta quae subjacent. Vides lucem sparsam a flammula generatam, emissionem vides, separationem non vides. Intelligite ergo, fratres charissimi, Patrem et Filium et Spiritum sanctum inseparabiliter sibi cohærente, Trinitatem hanc unum Deum; et omnia opera unius Dei, hæc esse Patris, hæc esse Filii, hæc esse Spir-

tus sancti. Cætera que consequuntur, que pertinent ad sermonem ipsius Domini nostri Iesu Christi in Evangelio, quoniam et crastino die sermo dabitur vobis, adestote ut audiatis.

TRACTATUS XXI.

Ab eo quod scriptum est, Pater enim diligit Filium, et omnia demonstrat ei quæ ipse facit; *usque ad id,* Qui non honorificat Filium, non honorificat Patrem qui misit illum. *Cap. v, §. 20-23.*

1. Hesterno die quantum Dominus donare dignatus est, qua potuimus facultate tractavimus, et qua potuimus capacitate intelleximus, quomodo inseparabilia sunt opera Patris et Filii; nec alia facit Pater, alia Filius, sed omnia Pater facit per Filium, tanquam per Verbum suum, de quo scriptum est, *Omnia per ipsum facta sunt, et sine ipso factum est nihil.* Sequentia verba bodie videamus, et ab eodem Domino ejus misericordiam et deprecemur, et speremus, ut primum si dignum ipse judicat, intelligamus quod verum est: si autem hoc non potuerimus, non eamus in illud quod falsum est. Melius est enim nescire, quam errare: sed scire est melius quam nescire. Itaque ante omnia conari debemus ut sciamus: si potuerimus, Deo gratias; si autem non potuerimus interierem pervenire ad veritatem, nou eamus ad falsitatem. Quid enim simus, et quid tractemus, considerare debemus. Homines sumus carnem portantes, in hac vita ambulantes: et si jam de semine verbi Dei renati, tamen ita in Christo innovati, ut nondum penitus ab Adam expoliati. Quod enim nostrum mortale et corruptibile aggravat animam (*Sap. ix, 15*), ex Adam esse apparuit, et manifestum est: quod autem nostrum spirituale sublevat animam, de Dei dono et de misericordia ejus, qui Unicum suum misit communicare nobiscum mortem nostram, et ducere nos ad immortalitatem suam. Hunc habemus magistrum, ut non peccemus; et defensorem, si peccaverimus et confessi atque conversi fuerimus; et interpellatorem pro nobis, si quid boni a Domino desideraverimus; et datorem cum Patre, quia Deus unus est Pater et Filius. Sed loquebatur ista homo hominibus; Deus occultus, homo manifestus, ut manifestos homines ficeret deos; et Filius Dei, factus hominis filius, ut hominum filios ficeret filios Dei. Qua hoc arte sapientiae sue faciat, in ejus verbis agnoscamus. Loquitur enim parvulus parvus: sed ipse ita parvus ut et magnus; nos autem parvi, sed in illo magni: loquitur ergo tanquam sovens et nutriendis lactentes, et amando crescentes.

2. Dixerat, *Non potest Filius a se facere quidquam, nisi quod viderit Patrem facientem* (*Joan. v, 19*). Intelleximus autem quia non seorsum aliiquid Pater facit, quod cum viderit Filius, faciat et ipse aliiquid tale inspecto opere Patris sui; sed quod dixit, *Non potest Filius a se facere quidquam, nisi quod viderit Patrem facientem*, quia de Patre est totus Filius, et tota substantia et potentia ejus ex illo est qui genuit eum. Modo autem cum dixisset se hæc facere similiter quæ facit Pater, ut non intelligamus alia facere Patrem.

¹ Unus codex, ipsam rationem. Alius, ipsamque rationem.
² Sic Nss. At editi. vide verbum ejus: *inhærente verbo dicitur.*

alii Filium, sed simili potentia facere Filium eadem ipsa quæ Pater facit, cum Pater facit per Filium; secundus autem quod hodie lectum audivimus, *Pater enim diligit Filium, et omnia demonstrat ei quæ ipse facit.* Rursus mortalis cogitatio perturbatur. Demonstrat Pater Filio quæ ipse facit: ergo, ait aliquis, seorsum Pater facit, ut possit Filius videre quod facit. Rursus occurserunt humanae cogitationi tanquam artifices duo, velut si faber doceat filium suum artem suam, et demonstraret ei quidquid facit, ut possit etiam ipse facere: *Omnia, inquit, demonstrat ei quæ ipse facit.* Cum ergo Pater facit, Filius non facit, ut possit videre Filius quod Pater facit? Certe *omnia per ipsum facta sunt, et sine ipso factum est nihil.* Hunc videmus quemadmodum Pater demonstrat Filio quod facit; cum Pater nihil faciat, nisi quod per Filium facit. Quid facit Pater? Mundum. Itane factum mundum demonstravit Filio, ut et ipse tale aliquid saceret? Detur ergo mundus nobis quem fecit et Filius, Sed, et *omnia per ipsum facta sunt, et sine ipso factum est nihil, et mundus per eum factus est (Joan. i, 3, 10).* Si factus per eum est mundus, et omnia per ipsum facta sunt, et nihil facit Pater quod non per Filium faciat; ubi demonstrat Filio Pater quod facit, nisi in ipso Filio per quem facit? Quis enim locus ubi demonstretur opus Patris Filio, quasi extra faciat et extra sedeat, et Filius attendat manum Patris quemadmodum facit? Ubi est illa inseparabilis Trinitas? ubi est Verbum de quo dictum est quod ipse est Virtus et Sapientia Dei (*1 Cor. i, 24*)? ubi quod de ipsa Sapientia Scriptura dicit, *Candor est enim lucis æternæ (Sap. vii, 26)*? ubi quod de illa iterum dicitur, *Attingit a fine usque ad finem fortiter, et disponit omnia suaviter (Id. viii, 4)*? Si quid facit Pater, per Filium facit; si per Sapientiam suam, et Virtutem suam facit: non extra illi ostendit quod videat, sed in ipso illi ostendit quod facit.

3. Quid videt Pater, vel potius quid videt Filius in Patre ut faciat et ipse? Possim forte dicere; sed da qui possit capere: aut forte possim cogitare, nec dicere; aut forte nec cogitare. Excedit enim nos illa divinitas tanquam Deus homines, tanquam immortalis mortales, tanquam æternus temporales. Inspiret et donec, de fonte illo vitæ nunc aliquid irrorare dignetur et distillare in situm nostram, ne in hac eremo arescamus. Dicamus ei, Domine, cui didicimus dicere, Pater. Audemus enim hoc, quia ipse voluit ut audieremus: si tamen sic vivamus, ut non nobis dicat, *Si Pater sum, ubi est honor meus? si Dominus sum, ubi est timor meus (Malach. i, 6)*? Dicamus ergo illi, Pater noster. Cui dicimus, Pater noster? Patri Christi. Qui ergo Patri Christi dicit, Pater noster, quid dicit Christo, nisi, Frater noster? Non tamen sicut Christi Pater, ita et noster Pater: nunquam enim Christus ita nos conjuavit, ut nullam distinctionem saceret inter nos et se. Ille enim Filius æqualis Patri, ille æternus cum Patre, Patrique coæternus: nos autem facit per Filium, adepti per Unicum. Proinde nunquam anditum est de ore Domini nostri Iesu Christi, cum ad discipulos loqueretur, dixisse illum de Deo

summo Patre suo, Pater noster: sed aut, Pater meus, dixit; aut, Pater vester. Pater noster non dixit, usque adeo ut quodam loco ponaret hæc duo: *Vado ad Deum meum, inquit, et Deum vestrum.* Quare non dixit, Deum nostrum? Et Patrem meum dixit, et Patrem vestrum (*Joan. xx, 17*); non dixit, Patrem nostrum. Sic jungit ut distinguat, sic distinguit ut non se Jungat. Unum nos vult esse in se, unum autem Patrem et se.

4. Quantumcumque ergo intelligamus et quantumcumque videamus, etiam cum Angelis æquati fuerimus, non videbimus sicut videt Filius. Nos enim et quando non videmus, sumus aliquid. Et quid aliud sumus quando non videmus, nisi non videntes? Sumus tamen vel non videntes; et ut videamus, convertimus nos ad eum quem videamus; et fit in nobis visio quæ non erat, quando nos tamen eramus. Est enim homo non videns, et idem ipse cum viderit, dicitur homo videns. Non ergo hoc est illi videre, quod esse hominem: nam si hoc illi esset videre quod esse hominem, nunquam esset homo nisi videns. Cum vero est homo non videns, et queritur videre quod non videt; et qui queratur, et est qui se convertat ut videat: et cum se bene converterit et viderit, fit homo videns, qui prius erat homo non videns. Videre ergo accedit illi, et recedit ab illo: accedit illi cum se converterit, recedit ab illo cum se averterit. Numquid ita Filius? Absit. Nunquam fuit Filius non videns, et postea factus est videns: sed videre Patrem, hoc illi est esse Filium. Nos enim avertendo ad peccatum, amittimus illuminationem; et convertendo nos ad Deum, percipimus illuminationem. Aliud est enim lumen quo illuminamur, aliud nos quo illuminamur. Lumen autem ipsum quo illuminamur, nec avertitur a se, nec perdit lumen¹, quia lux est. Sic ergo demonstrat Pater rem quam facit Filio, ut in Patre videat omnia Filius, et in Patre sit omnia Filius. Videndo enim natus est, et nascendo videt. Sed non aliquando non erat natus, et postea natus est; sicut non aliquando non videt, et postea videt: sed in eo quod est illi videre, in eo est illi esse, in eo est illi natum esse, in eo est illi permanere, in eo est illi non mutari, in eo est illi sine initio et sine fine persistere. Non ergo carnaliter accipiamus quia sedet Pater, et facit opus, et demonstrat Filio; et videt Filius opus quod Pater facit, et facit illud in alio loco, aut ex alia materia. *Omnia enim per ipsum facta sunt, et sine ipso factum est nihil.* Verbum Patris est Filius, nihil dixit Deus quod non dixit in Filio. Dicendo enim in Filio quod facturus erat per Filium, ipsum Filium genuit per quem saceret omnia.

5. *Et majora his demonstrabit ei opera, ut vos mirermini.* Rursus hic turbat. Et quis est qui digne perscrutetur hoc tantum secretum? Sed jam quoniam nobis loqui dignatus est, ipse aperit. Neque enim vellet dicere quod nollet intelligi: quia dicere dignatus est, sine dubio excitavit audientiam; numquid quem excitavit ut audiret, excitatum deserit? Diximus, ut potuimus, non temporaliter scire Filium, nec aliud esse

¹ In decem MSS., nec perdit lucere.

Filii scientiam, aliud ipsum Filium; et aliud esse Filii visionem, et aliud ipsum Filium: sed ipsam visionem esse Filium, et ipsam scientiam vel sapientiam Patris esse Filium, eamque sapientiam et eam visionem aeternam esse ab aeterno, et ei a quo est coeternam¹; nec ibi per tempus aliquid variari; nec aliquid nasci quod non erat; nec aliquid perire quod erat. Diximus, ut potuimus. Quid ergo hic modo facit tempus, ut dicaret, *majora his demonstrabit ei opera?* id est demonstraturus est, hoc est demonstrabit. Aliud est demonstravit, aliud est demonstrabit: demonstravit, de praeterito dicimus; demonstrabit, de futuro dicimus. Quid ergo hic agimus, fratres? Ecce quem dixeramus Patri coeternum, nihil in illo variari per tempus, nihil moveri per spatia vel momentorum vel locorum, manere semper cum Patre videntem, videntem Patrem et videndo existentem, rursus nobis tempora nominans, *demonstrabit ei*, inquit, *his majora*. Ergo demonstraturus est adhuc aliquid Filio, quod non novit Filius? Quid ergo facimus? quomodo hoc intelligimus? Ecce Dominus noster Jesus Christus sursum erat, deorsum est. Quando sursum erat? Quando dixit, *Quaecumque facit Pater, haec eadem et Filius facit similiter*. Unde modo deorsum? *Majora his demonstrabit ei opera.* O Domine Iesu Christo, salvator noster, Verbum Dei per quod facta sunt omnia, quid tibi Pater demonstraturus est quod adhuc nescis? quid te latet Patris? quid te latet in Patre, quem non latet Pater? quae opera tibi majora demonstraturus est? aut quibus operibus majora sunt quae demonstraturus est? Cum enim dixit, *majora his*, debemus prius intelligere quibus majora.

6. Recordemur unde sermo iste processit. Quando curatus est ille qui triginta et octo annos habebat in infirmitate, et jussit eum salvum tollere grabatum sum, et ire in domum suam. Illic enim Judæi commoti, cum quibus loquelatur: loquebatur verbis, et tacebat intellectu; quodammodo innuebat intelligentibus, celabat irascentibus: hinc ergo cum essent commoti Judæi, quia hoc sabbato Dominus ficeret, dederunt occasionem sermoni huic. Non ergo sic audiamus haec tanquam oblii que supra dicta sunt, sed respiciamus illum languidum triginta et octo annorum subito factum sanum, admirantibus Judæis et irascentibus. Quærebant tenebras magis de sabbato, quam lumen de miraculo. His ergo indignantibus loquens, ait hoc, *Majora his demonstrabit ei opera. His majora*: quibus? Quod vidistis hominem factum sanum, cuius languor duraverat usque ad triginta et octo annos, his majora Pater demonstraturus est Filius. Quæ sunt majora? Sequitur, et dicit: *Sicut enim Pater suscitat mortuos et vivificat, sic et Filius quos vult vivificat.* Plane majora sunt ista. Valde enim plus est ut resurgat mortuus, quam ut convalescat ægrotus: majora sunt ista. Sed quando ea Pater demonstraturus est Filius? Nescit enim ea Filius? et ille qui loquebatur, non noverat mortuos suscitat? adhuc habebat discere resuscitare mortuos, per quem facta sunt emnia? qui fecit ut viveremus, qui non eramus, adhuc

¹ MSS. ab aeterno etiam cui est coeterna.

habebat discere ut resuscitaremur? Quid est ergo quod vult dicere?

7. Descendit enim ad nos, et qui paulo ante loquebatur ut Deus, coepit loqui ut homo. Ipse est tamen homo qui Deus, quia Deus factus est homo: sed factus quod non erat, non amittens quod erat. Ergo accessit homo Deo, ut esset homo qui erat Deus. non ut jam homo esset, et non esset Deus. Audiamus ergo eum et fratrem, qui² audiebamus conditorem: conditorem, quia Verbum in principio; fratrem, quia natum ex virgine Maria: conditorem ante Abraham, ante Adam, ante terram, ante coetum, ante omnia corporalia et spiritualia; fratrem autem ex semine Abrahæ, ex tribu Juda, ex Virgine Israëlica. Si ergo novimus hunc, qui nobis loquitur, et Deum et hominem, intelligamus verba Dei et hominis: aliquando enim talia nobis dicit quæ pertineant ad majestatem, aliquando quæ pertineant ad humilitatem. Ipse enim excelsus, qui humiliis ut nos humiles faciat excelsos³. Quid ergo ait? *Demonstrabit mihi Pater his majora, ut vos miremini.* Ergo nobis est demonstraturus, non illi. Cum ergo nobis sit demonstraturus Pater; propterea dixit, *ut vos miremini.* Expositus enim quod voluit dicere, *Demonstrabit mihi Pater.* Quare non dixit, *Demonstrabit vobis Pater*; sed, *demonstrabit Filius?* Quia et nos membra sumus Filii; et nos membra tanquam quod discimus, ipse discit quodammodo in membris suis. Quomodo discit in nobis? Quomodo patitur in nobis. Unde probamus quia patitur in nobis? Ex illa voce de cœlo: *Saule, Saule, quid me persequeris* (Act. ix, 4)? Nonne ipse est qui iudex in fine sæculi residet, et justos ad dexteram ponens, iniquos autem ad sinistram, dictator est, *Venite, benedicti Patris mei, percipite regnum: esurivi enim, et dedistis mihi manducare?* cumque illi responderint, *Domine, quando te vidimus esurientem?* dicturus est eis, *Cum uni ex minimis meis dedistis, mihi dedistis* (Math. xxv, 31-40). Qui ergo dixit, *Cum uni ex minimis meis dedistis, mihi dedistis;* et nunc interrogetur a nobis, et dicamus illi, *Domine, quando eris⁴ discens, cum tu doceas omnia?* Statim enim nobis in fide nostra respondet, *Cum unus ex minimis meis discit, ego disco.*

8. Ergo gratulemur et agamus gratias, non solum nos christianos factos esse, sed Christum. Intelligitis, fratres, gratiam Dei super nos capitum? Admiramini, gaudete, Christus facti sumus. Si enim caput ille, nos membra; totus homo, ille et nos. Illoc est quod apostolus dicit Paulus: *Ut ultra jam non simus parvuli. jactati et circumdati omni vento doctrinæ.* Superiorus autem dixerat: *Donec occurramus omnes in unitatem fidei, et in agnitionem Filii Dei, in virum perfectum in mensuram aetatis plenitudinis Christi* (Ephes. iv, 14, 15). Plenitudo ergo Christi, caput et membra. Quid est, caput et memb. a? Christus et Ecclesia. Arrogare-

¹ In duabus MSS., *quem.*

² Sic Bad. Am. Er. et septem MSS. At Lov., qui *humiles facit excelsos.*

³ Lov., esuris; et infra, *intelligitis, fratres, gratiam Dei super nos?* Capitis, admiramini, etc. Emendatur uterque locus ad editiones antiquiores et ad MSS.

nus enim nobis hoc superbe , nisi ipse dignaretur hoc promittere , qui per apostolum eudem dicit : *Vos autem estis corpus Christi et membra* (I Cor. xii, 27).

9. Cum ergo ostendit Pater membris Christi, Christo ostendit. Fit quoddam miraculum magnum , sed tamen verum : ostenditur Christo quod noverat Christus , et ostenditur Christo per Christum. Res mira est et magna , sed Scriptura sic loquitur. Contradicturi sumus divinis eloquiis , et non potius intellecturi , et ex ipsius dono ei qui donavit gratias acturi? Quid est quod dixi , demonstratur Christo per Christum ? Demonstratur membris per caput. Ecce vide illud in te : pone te clausis oculis velle aliquid tollere ; nescit manus quo eat , et utique manus tua membrum tuum est , non enim a corpore tuo separata est ; aperi oculos , videt jam manus quo eat , demonstrante capite membrum secutum est. Si ergo in te potuit inveniri aliiquid , ut corpus tuum ostenderet corpori tuo , et per corpus tuum demonstraretur aliiquid corpori tuo ; noli mirari quia dictum est , demonstratur Christo per Christum. Demonstrat enim caput ut membra videant , et docet caput ut membra discant : unus tamen homo caput et membra. Noluit se separare , sed dignatus est agglutinari. Longe a nobis erat , et multum longe : quid tam longe , quam conditum et conditor ? quid tam longe , quam Deus et homo ? quid tam longe , quam justitia et iniquitas ? quid tam longe , quam aeternitas et mortalitas ? Ecce quam longe erat Verbum in principio Deus apud Deum , per quem facia sunt omnia. Quomodo ergo factus est prope , ut esset quod nos , et nos in illo ? *Verbum caro factum est , et habitavit in nobis* (Joan. i, 14).

10. Hoc ergo est nobis demonstratus : hoc demonstravit discipulis suis , qui eum in carne viderunt. Quid est hoc ? *Sicut Pater suscitat mortuos et vivificat ; sic et Filius quos vult vivificat*. Alios Pater , alios Filius ? Certe omnia per ipsum facta sunt. Quid dicimus , fratres mei ? Lazarum suscitavit Christus : quem inmortuum suscitavit Pater , ut videret Christus quem admodum Lazarum suscitat ? An quando resuscitavit Lazarum Christus , non euni resuscitavit Pater , et sine Patre fecit Filius solus ? Legite ipsam lectio nem , et videte quia Patrem ibi invocat ut resurgat Lazarus (Id. xi, 41-44). Sicut homo , invocat Patrem : sicut Deus , facit cum Patre. Ergo et Lazarus qui resurrexit , et a Patre et a Filio suscitus est in dono et gratia Spiritus sancti ; et illud mirabile opus Trinitas fecit. Non ergo sic intelligamus , *Sicut Pater suscitat mortuos et vivificat , sic et Filius quos vult vivificat* , ut alios a Patre resuscitari et vivificari , alios a Filio existimemus : sed eosdem quos Pater suscitat et vivificat , ipso et Filius suscitat et vivificat ; quia omnia per ipsum facta sunt , et sine ipso factum est nihil . Et ut ostenderet habere se quamvis a Patre datum¹ , tamen parem potestatem , ideo ait , *Sic et Filius quos vult vivificat* , ut ostenderet ibi voluntatem suam : et ne quis diceret , Suscitat Pater mortuos per Filium , sed ille tanquam potens , tanquam potestatem habens , iste tanquam ex aliena potestate , tanquam minister facit aliiquid , sicut angelus ; potestati significavit ubi ait , *Sic et Filius quos vult vivificat*. Non enim vult Pater aliud quam Filius ; sed sicut illis una substantia , sic et una voluntas est.

lius quos vult vivificat , ut ostenderet ibi voluntatem suam : et ne quis diceret , Suscitat Pater mortuos per Filium , sed ille tanquam potens , tanquam potestatem habens , iste tanquam ex aliena potestate , tanquam minister facit aliiquid , sicut angelus ; potestati significavit ubi ait , *Sic et Filius quos vult vivificat*. Non enim vult Pater aliud quam Filius ; sed sicut illis una substantia , sic et una voluntas est.

11. Et qui sunt isti mortui quos vivificat Pater et Filius ? An ipsi sunt de quibus diximus , Lazarus , vel filius illius viduae (Luc. vii, 14, 15) , vel filia archisynagogi (Id. viii, 54, 55) ? novimus enim istos a Christo Domino suscitos. Aliud aliiquid nobis vult insinuare , resurrectionem scilicet mortuorum , quam omnes exspectamus ; non illam quam quidam habuerunt , ut crederent cæteri. Resurrexit enim Lazarus moriturus , resurreximus nos semper victuri. Talem resurrectionem Pater facit , an Filius ? Imo vero Pater in Filio. Ergo Filius , et Pater in Filio. Unde probamus quia de ista dicit resurrectione ? Cum dixisset , *Sicut enim Pater suscitat mortuos et vivificat , sic et Filius quos vult vivificat* ; ne intelligeremus illam mortuorum resurrectionem quam facit ad miraculum , non ad vitam æternam , secutus ait , *Neque enim Pater judicat quemquam , sed omne judicium dedit Filio*. Quid hoc est ? De mortuorum resurrectione dicebat , quia *sicut Pater suscitat mortuos et vivificat , sic et Filius quos vult vivificat* : unde continuo tanquam rationem subiecit de judicio , dicens , *Neque enim Pater judicat quemquam , sed omne judicium dedit Filio* , nisi quia de illa resurrectione mortuorum dixerat , quæ futura est in judicio ?

12. *Neque enim , ait , Pater judicat quemquam , sed omne judicium dedit Filio*. Paulo ante putabanus aliiquid facere Patrem , quod non facit Filius ; quando dicebat , *Pater enim diligit Filium , et omnia demonstrat ei quæ ipse facit* : tanquam Pater faciebat , et Filius videbat. Sic erat subrepens menti nostræ intellectus carnalis , quasi Pater facaret quod Filius non faceret ; Filius autem videret Patrem demonstrantem quod fieret a Patre. Ergo velut Pater faciebat quod Filius non faciebat ; modo jani videmus aliiquid facere Filium , quod non facit Pater. Quomodo nos versat , et mentem nostram pertractat ; huc atque illuc ducit , uno carnis loco remanere non sinit , ut versando exerceat , exercendo mundet , mundando capaces reddat , capaces factos impletat ! Quid de nobis faciunt verba hæc ? quid loquebatur ? quid loquitur ? Paulo ante dicebat quia demonstrat Filio Pater quidquid facit ; videbam quasi Patrem facientem , Filium exspectantem : modo rursus video Filium facientem , Patrem vacantem ; *Non enim Pater judicat quemquam , sed omne judicium dedit Filio*. Quando ergo Filius judicaturus est , Pater vacabit et non judicabit ? Quid est hoc ? quid intelligam ? Domine , quid dicis ? Verbum Deus es , homo sum. Dicis quia *Pater non judicat quemquam , sed omne judicium dedit Filio* ? Lego alio loco te dicentem , *Ego non judico quemquam ; est qui querat et judicet* (Joan. viii, 45, 50) : de quo dicis , *Est qui querat et judicet* ,

¹ Ita MSS. quatuor. Alii plures cum editione Lovaniensi omittunt , *datam* ; habentque , tamen apud Patrem potestatem . At si quid Am. Bad. et Er. legitur sic , *datam tamen Patris potestatem*.

nisi de Patre? Ille querit injurias tuas, ille judicat de injuriis tuis. Quomodo hic *Pater non judicat quemquam, sed omne judicium dedit Filio?* Interrogemus et Petrum, audiamus eum loquentem in Epistola sua: *Christus pro nobis passus est, inquit, relinquens nobis exemplum, ut sequamur vestigia ejus: qui peccatum non fecit, nec dolus inventus est in ore ejus; qui cum maledicetur, non remaledicetur, cum injuriam acciperet, non minabatur, sed commendabat illi qui juste judicat* (1 Petr. ii, 21-23). Quomodo verum est quia *Pater non judicat quemquam, sed omne judicium dedit Filio?* Turbamur hic, turbati desudemus, desudantes purgemur. Cone-mur utecumque, donante ipso, penetrare alta secreta verborum istorum. Temere fortasse facimus, quia dis-cutere et scrutari volumus verba Dei. Et quare dicta sunt, nisi ut sciantur? quare sonuerunt, nisi ut audiatur? quare auditam sunt, nisi ut intelligentur? Confortet ergo nos, et donet nobis aliquid quantum ipse dignatur; et si nondum penetramus ad fontem, de rivo-lo bibamus. Ecce ipse Joannes nobis tanquam rivulus emanavit, perduxit ad nos de alto Verbum, humiliavit, et quodammodo stravit, ut non horreamus altum, sed accedamus ad humilem.

13. Omnino est quidam intellectus verus, fortis, si quo modo eum tenere possumus, quia *Pater non judicat quemquam, sed omne judicium dedit Filio.* Hoc enim dictum est, quia hominibus in judicio non apparebit nisi Filius. Pater occultus erit, Filius manifestus. In quo erit Filius manifestus? In forma qua ascendit. Nam in forma Dei cum Patre occultus est, in forma servi hominibus manifestus. Non ergo *Pater judicat quemquam, sed omne judicium dedit Filio*, sed manifestum: in quo manifesto judicio Filius judicabit, quia ipse iudicandis apparebit. Evidentius nobis ostendit Scriptura quia ipse apparebit. Quadragesimo die post resurrectionem suam ascendit in celum, videntibus discipulis suis: et vox illis angelica, *Viri, inquit, Galilaei, quid statis aspicentes in celum? Iste qui assumptus est a vobis in celum, sic veniet quemadmodum vidistis eum euntem in celum* (Act. 1, 3, 9, 10, 11). Quomodo eum videbant ire? In carne, quam tetigerunt, quam palparerunt, cuius etiam cicatrices tangendo probaverunt, in illo corpore in quo cum eis intravit et exivit per quadraginta dies, manifestans se eis in veritate; non in aliqua falsitate: non phantasma, non umbra, non spiritus; sed quemadmodum ipse dixit non fallens, *Palpate, et videte, quia spiritus carnem et ossa non habet, sicut me videtis habere* (Luc. xxiv, 39). Est quidem illud iam corpus dignum coelesti habitatione, non sub-jacens morti, non mutabile per aetates. Non enim sicut ad illam aetatem ab infantia creverat, sic ab aetate que juventus erat, vergit in senectutem: manet sicut ascendit, venturus ad eos quibus antequam veniat, verbum suum voluit praedicari. Sic ergo veniet in forma humana: hanc videbunt et impii, videbunt et ad dexteram positi, videbunt et ad sinistram separati; sicut scriptum est, *Videbunt in quem pupugerunt* (Zach. xii, 10; Joan. xix, 37). Si videbunt in quem pupugerunt, corpus ipsum videbunt, quod lancea percusse-

runt: lancea non percutitur Verbum: hoc ergo impii videre poterunt, quod et vulnerare potuerunt. Latenter Deum in corpore non videbunt: post judicium videbatur ab his qui ad dexteram erunt. Hoc est ergo quod ait, *Pater non judicat quemquam, sed omne judicium dedit Filio:* quia manifestus ad judicium veniet Filius, in humano corpore apparet hominibus, dicens dextris, *Venite, benedicti Patris mei, percipite regnum;* dicens sinistris, *Ite in ignem aeternum, qui paratus est diabolo et angelis ejus* (Matth. xxv, 34, 41).

14. Ecce videbatur forma hominis a piis et impiis, a justis et ab injustis, a fidelibus et ab infidelibus, a gaudientibus et a plangentibus, a confisis et a confusis: ecce videbatur. Cum visa fuerit illa forma in iudicio, et fuerit peractum judicium, ubi dictum est Patrem non judicare quemquam, sed omne judicium dedisse Filio, ob hoc, quia Filius apparet in iudicio in forma quam ex nobis accepit, quid postea futurum est? Quando videbatur forma Dei, quam sitiunt omnes fideles? quando videbatur illud quod erat in principio Verbum, Deus apud Deum, per quod facta sunt omnia? quando videbatur illa forma Dei, de qua dicit Apostolus, *Cum in forma Dei esset, non rapinare arbitratus est esse aequalis Deo* (Philipp. ii, 6)? Magna enim illa forma ubi adhuc aequalitas Patris et Filii cognoscitur: ineffabilis, incomprehensibilis, maxime parvulus. Quando videbatur? Ecce ad dexteram sunt justi, ad sinistram sunt injusti; omnes pariter hominem vident, Filium hominis vident, qui puerus est vident, qui crucifixus est vident; humiliatum vident, natum ex Virgine vident, Agnum de tribu Juda vident: Verbum Deum apud Deum quando videbunt? Ipse erit et tunc, sed forma servi apparet. Forma servi servis demonstrabitur: forma Dei filii servabitur. Fiant ergo servi filii; qui sunt ad dexteram, eant in aeternam hereditatem olim promissam, quam non videntes martyres crediderunt, pro cuius promissione sanguinem suum sine dubitatione fuderunt: eant illuc et videant ibi. Quando illuc ibunt? Dicat ipse Dominus: *Sic ibunt illi in amissionem aeternam, justi autem in vitam aeternam* (Matth. xxv, 46).

15. Ecce vitam aeternam nominavit. Numquid hoc nobis dixit, quia ibi videbimus et cognoscemus Patrem et Filium? Quid, si vivemus in aeternum, sed illum Patrem et Filium non videbimus? Audi alio loco ubi vitam aeternam nominavit, et expressit quid sit vita aeterna. Noli timere, non te fallo: non sine causa promisi dilectoribus meis dicens, *Qui habet mandata mea et servat ea, ille est qui diligit me: et qui me diligit, diligit a Patre meo, et ego diligam eum, et ostendam mihi ipsum illi* (Joan. xiv, 21). Respondeamus Domino, et dicamus: Quid, Domine Deus noster, magnum? quid magnum? Nobis demonstratus es te ipsum? Quid enim, et Judaeis te non demonstrasti? non te viderunt et qui crucifixerunt? Sed demonstrabis te in iudicio, cum stabimus ad dexteram tuam: numquid et illi qui ad sinistram stabunt non te videbunt? Quid est quod demonstrabis nobis te ipsum? Nunc enim non te videmus cum loqueris? Respondet,

Demonstrabo meipsum in forma Dei, videtis modo formam servi. Non te fraudabo, o homo fidelis; credo quia videbis. Amas, et non vides: amor ipse non te perducet ut videoas? Ama, persevera in amando: non fraudabo, inquit, amorem tuum, qui mundavi cor tuum. Utquid enim mundavi cor tuum, nisi ut Deus a te possit videri? Beati enim mundo corde, quia ipsi Deum videbunt (*Matth. v., 8.*). Sed hoc, inquit servus tanquam cum Domino disputans, non expressisti cum dixisti, Ibunt justi in vitam æternam: non dixisti, Ibunt ut videant me in forma Dei, videant Patrem cui æqualis sum. Alibi attende quid dixit: *Hæc est autem vita æterna, ut cognoscant te unum verum Deum, et quem misisti Iesum Christum (Joan. xvii., 3).*

46. Et modo ergo¹ post commemoratum judicium, quod omne dedit Filio Pater non judicans quemquam, quid futurum est? Quid sequitur? *Ut omnes honorificant Filiū, sicut honorificant Patrem.* Judæis honorificatur Pater², contemnitur Filius. Filius enim videbatur ut servus, Pater honorificabatur ut Deus. Apparebit et Filius æqualis Patri, *ut omnes honorificant Filiū, sicut honorificant Patrem.* Modo ergo hoc habemus in fide. Nec dicat Judæus: Patrem honorifico; quid mihi est cum Filio? Respondeat illi, *Qui non honorificat Filiū, non honorificat Patrem.* Mentiris omnino, Filiū blasphemas, et Patri facis injuriam. Pater enim Filiū misit, tu contegnis quem misit: quomodo honorificas mittentem, qui blasphemias missum?

47. Ecce, inquit aliquis, missus est Filius; et major est Pater, quia misit. Recede a carne. Vetus homo suggesterit vetustatem³, tu in novo agnosce novitatem. Novus tibi a saeculo antiquus, perpetuus, æternus, revocet ad hoc intellectum. Minor est Filius, quia missus dictus est Filius? Missionem audio, non separationem. Sed hoc, inquit, videmus in rebus humanis, quia major est qui mittit, quam ille qui mittitur. Sed res humanæ fallunt hominem, res divinæ purgant. Noli attendere ad res humanas, ubi major videtur qui mittit, et minor qui mittitur: quanquam et ipsæ res humanæ dicunt contra te testimonium. Velut, verbi gratia, si quis uxorem velit petere, et per se non possit, amicum majorem mittit qui ei petat. Et sunt multa in quibus ipse major eligitur, qui mittatur a minore. Quid ergo jam calumniam vis facere, quia ille misit, ille missus est? Sol radium mittit, et non separat; luna splendorem mittit, et non separat; lucerna lumen fundit, et non separat: video ibi missionem⁴, et nullam video separationem. Nam si de rebus humanis queris exempla, o heretica vanitas, quanquam, sicut paulo ante dixi, et ipsæ res humanæ in quibusdam exemplis coargunt et convincunt te; tamen attende quam sit aliud in rebus humanis, unde

¹ MSS. plures, *Et quomodo ergo post. Alii vero, Et quomodo? Ergo et post.*

² Sic legendum juxta Er. Lugd. et Ven., *Modo honorificant Patrem, et. M.*

³ Sic Iren. MSS. Alii autem habent, *vetustate;* vel cum editis, *vetustati.* Paulo post in editis legitur, *novus tibi, saeculo antiquus,* absque prepositione, a, quæ tamen est in omnibus MSS. Denique infra Lov. habet, *revocet ab his intellectu:* refragantibus editis aliis et MSS.

⁴ MSS., *emissionem.*

vis duco exempla ad res divinas. Homo qui mittit, manet ipse, et pergit ille qui mittitur: numquid pergit homo cum eo quem mittit? Pater autem qui misit Filium, non recessit a Filio. Ipsum Dominum aucti dicentem, *Ecce veniet hora, ut unusquisque discedat ad sua, et me solum relinquatis: sed non solus sum, quia Pater mecum est (Joan. xvi., 52).* Quomodo eum misit cum quo venit? quomodo eum misit a quo non recessit? Alio loco dixit, *Pater autem in me manens facit opera sua. (Id. xiv., 10).* Ecce in illo est, ecce operatur. Non recessit a missis mittens, quia missus et mittens unum sunt.

TRACTATUS XXII.

Ab eo quod scriptum est, Amen, amen dico vobis quia qui verbum meum audit, et credit ei qui misit me, habet vitam æternam; usque ad id, Quod non quæro voluntatem meam, sed voluntatem ejus qui me misit. Cap. v., y. 24 50.

1. Nudiustertiani et hesterni diei sermones redditos vobis sequitur hodierna evangelica lectio, quam ex ordine pertractemus, non pro ejus dignitate, sed pro viribus nostris: quia et vos non pro inundantis fontis largitate, sed pro vestro modulo capitis. Et nos non tantum dicimus in aures vestras, quantum ipse fons manat; sed quantum capere possumus, quod in vestros sensus trajiciamus, abundantius operante ipso in cordibus vestris, quam nobis in auribus vestris. Res enim magna tractatur, et non a magnis, imo multum parvis: spem tamen et fiduciam dat nobis, qui magnus propter nos factus est parvus. Si enim ab illo non exhortaremur, nec invitaremur ad eum intelligendum, sed desereret nos tanquam contemptibiles; quia capere non possumus divinitatem ipsius, si non caperet ipse mortalitatem nostram, et perveniret ad nos ut loqueretur nobis Evangelium; si quod in nobis abjectum et minimum est, noluisse communicare nobiscum; putaremus eum noluisse nobis dare magnum suum, qui suscepit parvum nostrum. Hæc dixi, ne quis vel nos reprehendat ista tractantes, quasi multum audaces; vel de se desperet quod possit capere dono Dei, quod illi dignatus est loqui Filius Dei. Ergo quod loqui nobis dignatus est, debemus credere, quia voluit ut intelligamus. Sed si non possumus, præstat intellectum rogatus, qui verbum præstit non rogatus.

2. Ecce quæ verborum ista secreta sint, attendite. *Amen, amen dico vobis, quia qui verbum meum audit, et credit ei qui misit me, habet vitam æternam.* Ad vitam certe æternam omnes tendimus; et ait, *Qui verbum meum audit, et credit ei qui misit me, habet vitam æternam.* Numquid ergo audire nos voluit verbum suum, et intelligere noluit? Quandoquidem si in audiendo et credendo vita æterna est, multo magis in intelligendo. Sed gradus pietatis est fides, fidelis fructus intellectus, ut perveniamus ad vitam æternam, ubi non nobis legatur Evangelium; sed ille qui nobis modo Evangelium dispensavit, remotis omnibus electionis paginis, et voce lectoris et tractatoris, appa-

reat omnibus suis purgato corde assistentibus, et in corpore immortali jam nunquam morituris, mundans eos, et illuminans viventes, et videntes quod in principio erat Verbum, et Verbum erat apud Deum (Joan. i, 1). Nunc ergo qui sumus attendamus, et quem audianus cogitemus. Deus est Christus, et cum hominibus loquitur: capi se vult, faciat capaces; videri se vult, aperiat oculos. Non tamen sine causa loquitur nobis, nisi quia verum est quod promittit nobis.

3. *Verba mea*, inquit, *qui audit, et credit ei qui me misit, habet vitam æternam, et in judicium non veniet, sed transit a morte ad vitam*. Ubi, quando venimus de morte ad vitam, ut non in judicium veniamus? In hac vita transitur a morte ad vitam; in hac vita quæ nondum est vita, hinc transitur a morte ad vitam. Quis est ille transitus? *Qui audit verba mea, dixit, et credit ei qui misit me*. Servans ista credis, et transis. Et est qui stando transit? Plane est: stat enim corpore, transit mente. Ubi erat, unde transiret, et quo transit? Transit a morte ad vitam. Vide unum hominem stantem, in quo agatur totum hoc quod dicitur. Stat, audit; forte non credebat, audiendo credit: paulo ante non credebat, modo credit; quasi de regione infidelitatis ad regionem fidei transitum fecit, moto corde, non moto corpore, moto in melius¹: quia iterum qui deserunt fidem, moventur in deterrus. Ecce in hac vita, quæ, sicut dixi, nondum est vita, transitur a morte ad vitam, ut in judicium non veniatur. Quare autem dixi quia nondum est vita? Si vita esset ista, non diceret Dominus cuidam, *Si vis renire ad vitam, serva mandata* (Matth. xix, 17). Non enim ait illi, *Si vis venire ad vitam æternam; non addidit æternam, sed tantum dixit, vitam*. Ergo ista nec vita nominanda est, quia non est vera vita. Quæ est vera vita, nisi quæ est æterna vita? Audi Apostolum dicentem ad Timotheum: *Præcipe divitibus hujus saeculi, non superbe sapere, neque sperare in incerto divitiarum; sed in Deo vivo, qui præstat nobis omnia abundantiter ad fruendum: bene faciant, divites sint in operibus bonis, facile tribuant, communicent*. Utquid hoc? Audi quod sequitur: *Thesaurizent sibi fundatum bonum in futurum, ut apprehendant veram vitam* (I Tim. vi, 17-19). Si debent sibi thesaurizare fundamentum bonum in futurum, ut apprehendant veram vitam; profecto ista in qua erant, falsa vita est. Nam utquid velis apprehendere veram, si jam tenes veram? Apprehendenda est vera? migrandum est a falsa. Et qua migrandum? quo? Audi, crede; et transitum facis a morte ad vitam, et in judicium non venis.

4. Quid est hoc, *Et in judicium non venis?* Et quis melior erit Paulo apostolo, qui ait: *Oportet nos exhiberi omnes ante tribunal Christi, ut illuc recipiat unusquisque quæ per corpus gessit, sive bonum sive malum* (II Cor. v, 10)? Paulus dicit: *Oportet nos exhiberi omnes ante tribunal Christi; et tu tibi audes promit-*

tere quia in judicium non venies, Absit, inquis, ut ego mihi hoc promittere audeam: sed credo promittenti. Salvator loquitur, Veritas pollicetur, ipse dixit mihi, *Qui audit verba mea, et credit ei qui me misit, habet vitam æternam, et transitum facil de morte in vitam, et in judicium non veniet*. Ego ergo audivi verba Domini mei, credidi; jam infidelis cum essem, factus sum fidelis: sicut me monuit, transii a morte ad vitam, ad judicium non venio; non presumptione mea, sed ipsius promissione. Paulus autem contra Christum loquitur, servus contra Dominum, discipulus contra magistrum, homo contra Deum, ut cum Dominus dicat quia *qui audit et credit, transit a morte ad vitam, et in judicium non veniet*, dicat Apostolus, *Oportet nos omnes exhiberi ante tribunal Christi?* Aut si ad judicium non venit qui ad tribunal exhibetur, nescio quomodo intelligam.

5. Revelat ergo Dominus Deus noster, et per Scripturas suas admonet nos quomodo intelligatur, quando dicitur judicium. Hoc ergo ut attendatis. Aliquando judicium poena dicitur: aliquando judicium discriminatio dicitur. Secundum illum modum quo dicitur judicium discriminatio, *oportet nos omnes exhiberi ante tribunal Christi, ut illuc recipiat homo quæ per corpus gessit, sive bonum sive malum*: ipsa est enim discriminatio, ut bonis bona, malis mala distribuantur. Nam si judicium semper in malo acciperetur, non diceret Psalmus, *Judica me, Deus*. Audit forte aliquis dicentem, *Judica me, Deus*, et miratur. Solet enim homo dicere, Ignoscat mihi Deus; Parce mihi, Deus: quis est qui dicat, *Judica me, Deus*? Et aliquando in Psalmo versus ipse in diapsalmate ponitur, qui prebeat a lectore, et respondeatur a populo. Non forte alicui cor percutitur, et timet cantare Deo et dicere, *Judica me, Deus*? Et tamen cantat populus credens, nec putat se male optare quod didicit a divina lectione: et si parum intelligit, credit aliquid boni esse quod cantat. Et tamen et ipse Psalmus non dimisit hominem sine intellectu. Secutus enim, verbis posterioribus ostendit quale judicium diceret; quia non est damnationis, sed discretionis. Ait enim, *Judica me, Deus*. Quid est, *Judica me, Deus*? Et discerne causam meam a gente non sancta. Ergo secundum hoc judicium discretionis, *oportet nos omnes exhiberi ante tribunal Christi*. Secundum judicium autem damnationis, *Qui audit verba mea, inquit, et credit ei qui misit me, habet vitam æternam, et in judicium non veniet, sed transitum facil de morte ad vitam*. Quid est, *in judicium non veniet*? In damnationem non veniet. Probemus de Scripturis quia dictum est judicium ubi poena intelligitur: quanquam et in hac ipsa lectione paulo post audietis ipsum verbum judicii non positum nisi pro damnatione et poena (*Infra*, n. 13). Tamen Apostolus dicit quodam loco, scribens ad eos qui Corpus quod fideles nostis, male tractabant; et propter quod male tractabant, corripiebant flagello Domini: ait enim illis, *Proprieta multi in vobis infirmi et ægroti dormiunt sufficienter*².

¹ Editi: *Transitum fecit, motu cordis, non motu corporis, motu in melius*. At MSS., *motu corde, non motu corpore, moto in melius*

² Sic omnes codices, licet apud Apostolum sit, non ita.

Multi enim propterea etiam moriebantur. Et secutus est, *Si enim nos ipsos judicaremus, a Domino non iudicaremur: hoc est, si nos ipsos corriperemus, a Domino non corriperemur. Cum judicamur autem, a Domino corrumpimur, ne cum hoc mundo damnemur* (*I Cor. xi, 30-32*). Sunt ergo secundum poenam qui judicantur hic, ut parcatur illis ibi; sunt quibus parcitur hic, ut abundantius torqueantur ibi: sunt autem quibus distribuuntur ipsae poenæ sine flagello poenæ, si flagello Dei correcti non fuerint; ut cum hic contempserint patrem verberantem, ibi sentiant judicem punientem. Ergo est judicium quo missurus est Deus, id est Filius Dei, in fine diabolum et angelos ejus, et omnes infideles et impios cum eo: ad hoc judicium non veniet, qui modo credens transitum facit a morte ad vitam.

6. Etenim ne putares credendo te non moriturum secundum carnem, et accipiendo carnaliter diceres tibi, Dominus meus mibi dixit, *Qui audit verba mea, et credit ei qui misit me, transiit a morte ad vitam; ergo ego credidi, non sum moriturus: scias te mortem quam debes suppicio Adam, persolutum: accepit enim ille, in quo tunc omnes suimus, Morte morieris* (*Gen. ii, 17*); nec potest evanescere divina sententia. Sed cum persolveris morte in veteris hominis, suscipieris in vitam æternam novi hominis, et transitum facies a morte ad vitam. Modo interim fac transitum vitæ. Quæ est vita tua? Fides: *Justus ex fide vivit* (*Habac. ii, 4*; *Rom. i, 17*). Infideles quid? Mortui sunt. Inter tales mortuos erat ille corpore, de quo dicit Dominus: *Dimitte mortuos, sepeliant mortuos suos* (*Math. viii, 22*). Ergo et in hac vita sunt mortui, sunt vivi, et quasi omnes vivunt. Qui sunt mortui? Qui non crediderunt. Qui sunt vivi? Qui crediderunt. Quid dieiut mortuis ab Apostolo? *Surge, qui dormis*. Sed somnum, inquit, dixit, non mortem. Audi sequentia: *Surge, qui dormis, et exsurge a mortuis*. Et quasi diceret, Quo ibo? *Et illuminabit te Christus* (*Ephes. v, 14*). Jam cum te credentem illuminaverit Christus, transitum facis a morte ad vitam: mane in eo quo transisti, et non venies ad judicium.

7. Exponit illud jam ipse, et sequitur: *Amen, amen dico vobis*. Ne forte quia dixit, *transiit a morte ad vitam*, intelligamus hoc in futura resurrectione, ostendere volens quomodo transit qui credit; et hoc esse transire de morte ad vitam, transire ab infidelitate ad fidem, ab injustitia ad justitiam, a superbia ad humilitatem, ab odio ad charitatem: nunc ait, *Amen, amen dico vobis, quia venit¹ hora, et nunc est*. Quid evidenter? Jam certe aperuit quod dicebat, quia modo fit quo nos Christus hortatur. *Venit hora. Quæ hora?* *Et nunc est, quando mortui audient vocem Filii Dei, et qui audierint vivent*. Jam de his mortuis locuti sumus. Quid putamus, fratres mei? in ista turba quæ me audit, nulline sunt mortui? Qui enim credunt et sufficienter; sed *ichani, sufficientes, sive multi*.

¹ In hac voce versicoli 23, vix unum codicem reperias ubi ipsi consenteant: nam editi et MSS. alias habent, *venit*; alias, *venit*. Sic postea etiam in 28 vers. ejusdem capituli 5 Joannis vocem istam, inconstanter permuteant.

secundum veram fidem agunt, vivunt et mortui non sunt: qui autem vel non credunt, vel sicut dæmones credunt, trementes (*Jacobi ii, 19*) et male viventes, Filium Dei confitentes et charitatem non habentes, mortui potius deputandi sunt. Et tamen agitur adhuc hora ista. Non enim hora de qua locutus est Dominus, una erit hora de duodecim horis unius diet. Ex quo locutus est usque ad hoc tempus, et usque ad finem seculi, ipsa una hora agitur, de qua dicit in Epistola sua Joannes, *Filioli, novissima hora est* (*I Joan. ii, 18*). Ergo nunc est. Qui vivit, vivat: qui mortuus erat, vivat; audiat vocem Filii Dei qui mortuus jacebat, surgat, et vivat. Clamat Dominus ad sepulcrum Lazari, et quatrideruanus mortuus resurrexit. Qui putebat, in auras processit; sepultus erat, lapis superpositus erat, vox Salvatoris irrupti duritiam lapidis: et cor tuum ita durum est, ut nondum illa vox divina te rumpat! Surge in corde tuo, procede de sepulcro tuo. Etenim mortuus in corde tuo tanquam in sepulcro jacebas, et tanquam saxo malæ consuetudinis gravabar. Surge, et procede. Quid est, Surge, et procede? Crede, et confitere. Qui enim credidit, surrexit; qui confitetur, processit. Quare processisse diximus confitentem? Quia antequam confiteretur, occultus erat; cum autem confiteretur, procedit de tenebris ad lucem. Et cum confessus fuerit, quid dicitur ministris? Quod dictum est ad funus Lazari, *Solvite illum, et sinite abiire* (*Joan. xi, 38-44*). Quomodo? Dictum est ministris Apostolis, *Quæ solveritis in terra, soluta erunt et in cœlo* (*Math. xviii, 18*).

8. *Venit hora, et nunc est, quando mortui audient vocem Filii Dei, et qui audierint vivent*. Unde vivent? De vita. De qua vita? De Christo. Unde probamus quia de vita Christo? *Ego sum, inquit, via, veritas et vita* (*Joan. xiv, 6*). Ambulare vis? *Ego sum via*. Falli non vis? *Ego sum veritas*. Mori non vis? *Ego sum vita*. Hoc dicit tibi Salvator tuus: Non est quo eas, nisi ad me; non est qua eas, nisi per me. Nunc ergo ista hora agitur, hoc et agitur plane, et omnino non cessatur. Surgunt homines qui mortui erant, transeunt ad vitam, ad vocem Filii Dei vivunt, de illo, perseverantes in fide ipsius. Habet enim Filius vitam, unde vivant credentes habet.

9. Et quomodo habet? Sicut habet Pater. Audi ipsum dicentem, *Sicut enim Pater habet vitam in semetipso, sic dedit et Filio vitam habere in semetipso*. Fratres, ut potero dicam. Haec sunt enim illa verba quæ parvum intellectum perturbant. Quare addidit, *in semetipso*? Sufficeret ut diceret, *Sicut enim Pater habet vitam, sic dedit et Filio habere vitam*. Addidit, *in semetipso*: habet enim in semetipso Pater vitam, habet et Filius in semetipso. Aliquid intelligere nos voluit, in eo quod ait, *in semetipso*. Et hic secretum in verbo hoc clausum est: pulsetur, ut aperiatur. O Domine, quid est quod dixisti? *In semetipso*, quare addidisti? Etenim Paulus apostolus quem vivere fecisti, non habebat vitam? Habebat, inquit. Quantum homines mortui ut reviviscant, et ad verbum tuum credendo transierant: cum transierint, non in te habebunt vitam?

Habebunt; nam et ego paulo ante dixi, *Qui audit verba mea, et credit ei qui me misit, habet vitam aeternam.* Ergo illi qui in te credunt, habent vitam: et non dixisti, in semetipsis. Cum autem de Patre loquereris, *Sicut Pater habet vitam in semetipso: rursus, cum de te loquereris, dixisti, sic et Filio dedit habere vitam in semetipso.* Sicut habet, sic dedit habere. Ubi habet? *In semetipso.* Ubi dedit habere? *In semetipso.* Paulus ubi habet? Non in semetipso, sed in Christo. Tu fidelis ubi habes? Non in temetipso, sed in Christo. Videlamus si hoc dicit Apostolus: *Vivo autem jam non ego, vivit vero in me Christus (Galat. ii, 20).* Vita nostra tanquam nostra, id est, de voluntate propria nostra, non erit nisi mala, peccatrix, iniqua: vita vero bona de Deo in nobis est, non a nobis; a Deo nobis datur, non a nobis. Christus autem in semetipso habet vitam sicut Pater, quia Verbum Dei. Non modo male vivit, et modo bene vivit: homo autem, modo male, modo bene. Qui male vivebat, in vita sua erat: qui bene vivit, ad vitam Christi transiit. Particeps factus vitae, non eras quod acceperisti, et eras qui acciperes: Filius autem Dei non quasi primo fuit sine vita, et accepit vitam. Si enim sic illam acciperet, non eam haberet in semetipso. Quid est enim, *in semetipso?* Ut ipsa vita ipse esset.

10. Adhuc aliud planius fortasse dicam. Lucernam quisque accendit: exempli gratia, lucerna (a) illa quantum pertinet ad flammulam quæ ibi lucet, ignis ille habet lucem in semetipso; oculi autem tui qui lucerna absente jacebant et nihil videbant, jam et ipsi habent lucem, sed non in semetipsis. Proinde si se a lucerna averterint, tenebrantur; si se converterint, illuminantur. At vero ille ignis quamdiu est, luce: si volueris illi lucem tollere, simul et ipsum extinguis; nam sine luce non potest remanere. Sed lux Christus inextingibilis et coeternus Patri, semper candens, semper lucens, semper servens: nam si non serveret, numquid diceretur in Psalmo, *Nec est qui se abscondat a calore ejus (Psal. xviii, 7)?* Tu autem in peccato tuo frigidus eris, converteris ut fervescas: si recesseris, frigescis. In peccato tuo tenebrosus eras, converteris ut illumineris: si averteris te, obscuraberis. Proinde quia in te tenebrae eras, cum illuminaberis, non eris lumen, quamvis sis in lumine. Ait enim Apostolus: *Fuistis aliquando tenebrae; nunc autem lux in Domino (Ephes. v, 8).* Cum dixisset, nunc autem lux: addidit, *in Domino.* In te ergo tenebrae, *lux in Domino.* Lux quare? Quia participatione lucis illius lux es. Si autem a luce qua illuminaria, recesseris, ad tenebras tuas redis. Non sic Christus, non sic Verbum Dei. Sed quomodo? *Sicut habet Pater vitam in semetipso, sic dedit et Filio habere ritam in semetipso:* ut non participatione vivat, sed incommutabiliter vivat; et omnino ipse vita sit. *Sic dedit et Filio habere vitam.* Sicut habet, sic dedit. Quid interest? Quia ille dedit, iste accepit. Numquid jam erat quando accepit? Numquid intelligimus Christum aliquando suisce

(c) Subobscurum significat hunc sermonem se ad lucernam dixisse, cum eum tamen testate habuerit, ut ex xxvii Tractatu in Laurentii martyris celebritate pronuntiatio colligitur.

sine luce, cum ipse sit Sapientia Patris, de qua dictum est, *Candor est lucis aeternæ (Sap. vii, 26)?* Ergo quod dicitur, *dedit Filio,* tale est ac si diceretur, genuit filium: generando enim dedit. Quomodo dedit ut esset, sic dedit ut vita esset, et sic dedit ut in semetipso vita esset. Quid est, in semetipso vita esset? Non aliunde vita indigeret, sed ipse esset plenitudo vitae, unde credentes alii viverent dum viverent. *Dedit ergo illam habere ritam in semetipso:* dedit tanquam cui? Tanquam Verbo suo, tanquam ei qui in principio erat Verbum, et Verbum erat apud Deum.

11. Deinde quia homo factus, quid illi dedit? *Et potestatem dedit ei judicium facere, quoniam filius hominis est.* Secundum quod Filius Dei est, *sicut habet Pater vitam in semetipso, sic et dedit Filio vitam habere in semetipso:* secundum autem quod filius hominis est, *potestatem dedit ei judicium faciendi.* Hoc est quod histerno die exposui Charitati vestrae, quia in iudicio homo videbitur, Deus autem non videbitur: sed post iudicium videbitur Deus ab his qui vicirint in iudicio; ab impiis autem non videbitur Deus (*In superiori Tractatu*). Quia ergo homo videbitur in iudicio forma illa, qua sic veniet sicut ascendit, ideo supra dixerat: *Pater non judicat quemquam, sed omne iudicium dedit Filio (Joan. v, 22).* Hoc etiam in isto loco repetit, cum dicit, *Et potestatem dedit ei iudicium faciendi, quoniam filius hominis est.* Tanquam dices tu, *Potestatem dedit ei iudicium faciendi, quare?* Quando non habuit istam potestatem iudicium faciendi? Quando in principio erat Verbum, et Verbum erat apud Deum, et Deus erat Verbum, quando omnia per ipsum facta sunt (*Id. i, 1, 3*) nunquid non habebat potestatem iudicium faciendi? Sed secundum hoc dico, *Potestatem dedit ei iudicium faciendi, quia filius hominis est:* secundum hoc accepit potestatem iudicandi, *quia filius hominis est.* Nam secundum quod Dei Filius est, semper habuit hanc potestatem. Accepit qui crucifixus est. Qui fuit in morte, est in vita: Verbum Dei nunquam in morte, semper in vita.

12. Jam ergo de resurrectione forte aliquis nostrum dicebat: Ecce resurreximus; qui audit Christum, qui credit, et transit de morte ad vitam et in iudicium non veniet; venit hora, et nunc est, ut qui audit vocem Filii Dei, vivat; mortuus erat, audivit, ecce resurgit: quid est quod dicitur postea resurrectione futura? Parce tibi, noli precipitare sententiam, ne pergas post illam. Est quidem ista resurrectione quæ fit nunc: mortui erant infideles, mortui erant iniqui; vivunt justi, transeunt a morte infidelitatis ad vitam fidei: sed noli inde credere nullam futuram postea resurrectionem corporis, crede futuram et resurrectionem corporis. Audi enim quid sequatur post commendataam resurrectionem istam quæ fit per fidem, ne quis putaret istam solam esse, et incideret in illam desperationem et errorem hominum, qui pervertebant aliorum sensus, *dientes resurrectionem jam factam esse,* de quibus dicit Apostolus: *Et fidem quorundam pervertunt (II Tim. ii, 18).* Credo enim quia talia verba illis dicebant: Ecce Do-

minus ubi ait, *Et qui credit in me, transiit a morte ad vitam*; jam facta est resurrectio in hominibus fideli- bus qui fuerant infideles: quomodo altera dicitur resurrectio? Gratias Domino Deo nostro; fulcit nutan- tes, dirigit hesitantes, confirmat dubitantes. Audi quid sequitur, quia non habes unde tibi facias caliginem mortis. Si credidisti, totum crede. Quid totum, inquis, credo? Audi quid dicit: *Nolite mirari hoc*, quia dedit potestatem Filio faciendi judicii. In fine dieo, ait. Quomodo in fine? *Nolite mirari hoc; quia venit hora*. Hic non dixit, et nunc est. In illa resurrec- tione fidei quid dixit? *Venit hora, et nunc est*. In ista resurrectione quam commendat futuram corporum mortuorum, *Venit hora*, dixit; non dixit, nunc est; quia in fine saeculi ventura est.

13. Et unde, inquis, mihi probas quia de ipsa re- surrectione dixit? Si patienter audias, tu ipse tibi modo probabis. Sequamur ergo: *Nolite mirari hoc; quia venit hora, in qua omnes qui in monumentis sunt. Quid evidenter ista resurrectione? Jam dudum non dixerat, qui in monumentis sunt; sed, mortui audient vocem Filii Dei; et qui audierint, vivent. Non dixit, alii vivent, alii damnabuntur; quia omnes qui credunt vivent. De monumentis autem quid dicit? Omnes qui sunt in monumentis, audient vocem ejus, et procedent. Non disit, audient et vivent. Si enim male vixerunt et ja- cebant in monumentis, ad mortem surgent, non ad vitam. Ergo videamus qui procedent. Licet paulo ante mortui audiendo et credendo vivebant, non ibi facta est discretio: non dictum est, Audient mortui vocem Filii Dei, et cum audierint, alii vivent, alii damnabuntur; sed, *Omnes qui audierint, vivent*: quia qui credunt vivent, qui habent charitatem vivent, et nemo morietur. De monumentis autem, *audient vocem, et procedent qui bene fecerunt, ad resurrectionem vitæ; qui male fecerunt, ad resurrectionem judicii*. Hoc est judi- cium, poena illa de qua paulo ante dixerat, *Qui credit in me, transiit a morte ad vitam, et in judicium non veniet*.*

14. Non possum ego a meipso facere quidquam: sicut audio iudico, et judicium meum justum est. Si sic ut audis judicas, a quo audis? Si a Patre, certe *Pater non judicial quemquam, sed omne judicium dedit Filio*. Quando tu quodammodo praeco Patris, quod audis, hoc dicas¹? Quod audio hoc dico, quia quod est Pater, hoc sum: dicere enim meum esse est; quia Verbum Patris sum. Hoc enim tibi dicit Christus. Inde de tuo. Quid est, *Sicut audio, ita iudico*, nisi, Sicut sum? Quomodo enim audit Christus? Fratres, quereramus, rogo vos. Audit Christus a Patre? Quomodo illi dicit Pater? Utique si dicit illi, verba ad illum facit: omnis enim qui aliquid alicui dicit, verbo dicit. Quomodo Pater Filio dicit, quando Filius Verbum Patris est? Quidquid nobis Pater dicit, Verbo suo dicit: Verbum Patris Filius est, ipsi Verbo quo alio verbo dicit? Unus est Deus, unum Verbum habet, in uno Verbo omnia continet. Quid est ergo, *Sicut au- dio, ita iudico?* Sicut de Patre sum, ita iudico. Ergo

¹ Er. Lngd. et ven. plusculas hic ferunt differentias; sic euini legunt: *Quoniam tu quodammodo praeco Patris, ut quod audis dicas*. M.

judicium meum justum est. Nam si nihil facis ex te, o Domine Jesu, quomodo sentiunt carnales; si nihil facis ex te, quomodo paulo ante dixisti, *Sic et Filius quos vult viviscat?* Modo dicas, Ex me facio nihil. Sed quid commendat Filius, nisi quia de Patre est? Qui est de Patre, non est de se. Si de se Filius esset, non esset Filius: de Patre est. Pater ut sit non est de Filio, Filius ut sit de Patre est. *Aequalis Patri*; sed tamen iste de illo, non ille de isto.

15. *Quia non quero voluntatem meam, sed volunta- tem ejus qui misit me.* Filius unicus dicit, *Non quero voluntatem meam; et homines volunt facere voluntatem suam!* Ille tantum se humiliat qui æqualis est Patri; et tantum se extollit qui in imo jacet, et nisi ei manus porrigitur, non surgit! Faciamus ergo volun- tam Patris, voluntatem Filii¹, voluntatem Spiritus sancti; quia Trinitatis hujus una voluntas, una potes- tas, una maiestas est. Ideo tamen dicit Filius, *Non veni facere voluntatem meam, sed voluntatem ejus qui misit me*; quia Christus non est de se, sed de Patre suo est. Quod autem habuit ut homo apparceret, de creatura assumpsit quam ipse formavit.

TRACTATUS XXIII.

In illam lectionem Evangelii, Si ego testimonium per- libeo de me, etc., usque ad id, Et non vultis venire ad me, ut vitam habeatis. Tum etiam repetuntur su- periores lectiones jam ante tractatae, scilicet ab his verbis, Amen, amen dico vobis, non potest Filius a se facere quidquam, etc. Cap. v, §. 19-40.

1. Quodam loco in Evangelio Dominus ait, pruden- tem auditorem verbi sui similem esse debere homini qui volens ædificare, fodit altius, donec perveniat ad fundamentum stabilitatis petrae, et ibi securus consti- tuat quod fabricat adversus impetum fluminis: ut cum venerit, reperiatur potius firmitate ædificii, quam impulsu suo ruinam faciat illi domui (*Matth. vii, 24, 25*). Putemus Scripturam Dei tanquam agrum esse, ubi volumus aliquid ædificare. Non simus pigri, nec superficie contenti; fodiamus altius, donec perveniamus ad petram: *Petra autem erat Christus* (*I Cor. x, 4*).

2. Hodie lectio de testimonio Domini nobis locuta est, quia non habeat necessarium ab hominibus testimonium, sed habeat magis quam sunt homines; atque id testimonium dixit quid sit: *Opera, inquit, quæ ego facio, testimonium perhibent de me*. Deinde adjunxit: *Et testimonium perhibet de me, qui misit me Pater*. Ipsa quoque opera quæ facit, a Patre se accepisse dicit. Testimonium ergo perhibent opera, testi- monium perhibet Pater. Nullumne testimonium perhi- buit Joannes? Perhibuit plane, sed tanquam lucerna, non ad satiandos amicos, sed ad confundendos inimi- cces²: jam enim antea prædictum erat a persona Patris, *Paravi lucernam Christo meo: inimicos ejus induam confusione; super ipsum autem effloreat sancti- ficatio mea* (*Psal. cxxxi, 17 et 18*). Esto tanquam in nocte

¹ In omnibus MSS., voluntatem Christi.

² In B., non ad satiandos amicos, sed confundendos inimi- cicos. Locum hunc restituimus ex Er. et Lov., quorum lectio videtur concinnior. M.

*positus, attendisti in lucernam, et miratus es lucernam, et exsultasti ad lumen lucernæ : sed illa lucerna dicit esse solem, in quo exsultare debeas; et quamvis ardeat in nocte, diem te jubet exspectare. Non ergo quia illius hominis testimonio non erat opus. Nam utquid mitteretur, si non erat opus? Sed ne in lucerna remaneat homo, et lumen lucernæ sufficere sibi arbitretur; ideo Dominus nec lucernam illam superfluam dicit suisse, nec tamen te dicit in lucerna debere remanere. Dicit aliud testimonium Scriptura Dei: ibi utique Deus perhibuit testimonium Filio suo, et in illa Scriptura Iudei spem posuerant, in Lege scilicet Dei, ministrata sibi per Moysen famulum Dei. Scrutamini, inquit, *Scripturam*, in qua vos putatis vitam æternam habere; ipsa testimonium perhibet de me: et non vultis venire ad me, ut vitam habeatis. Quid vos putatis habere in Scriptura vitam æternam? Ipsam interrogate, cui perhibet testimonium; et intelligite quæ sit vita æterna. Et quia propter Moysen volebant repudiare Christum, tanquam adversarium institutis præceptisque Moysi; rursus eosdem ipse convincit tanquam de alia lucerna.*

3. Omnes enim homines lucernæ, quia et accendi possunt et extingui. Et lucernæ quidem cum sapiunt, lucent, et spiritu fervent: nam et si ardebat et extinctæ sunt, etiam putent. Permanerunt enim servi Dei lucernæ bonæ ex oleo misericordie illius, non ex viribus suis. Gratia quippe Dei gratuita, illa oleum lucernarum est. *Plus enim illis omnibus laboravi, ait quædam lucerna; et ne viribus suis ardere videretur, adjunxit, Non ego autem, sed gratia Dei tecum (I Cor. xv, 10).* Omnis ergo prophetia ante Domini adventum, lucerna est: de qua dicit Petrus apostolus, *Habenus certiore propheticum sermonem, cui bene facitis intendentes, quemadmodum lucernæ lucent in obscuro loco, donec dies lucescat, et lucifer oriatur in cordibus vestris (II Petr. i, 19).* Lucernæ itaque Prophetæ, et omnis prophetia una magna lucerna. Quid Apostoli? non lucernæ etiam ipsi? Plane lucernæ. Solus enim ille non lucerna. Non enim accenditur et extinguitur: quia sicut Pater habet vitam in semetipso, sic dedit Filio habere vitam in semetipso. Lucernæ ergo et Apostoli; et gratias agunt, quia et accensi sunt lumine Veritatis, et fervent Spiritu charitatis, et suscepit illis oleum gratiæ Dei. Si non essent lucernæ, non diceret illis Dominus, *Vos estis lumen mundi.* Nam posteaquam dixit, *Vos estis lumen mundi*, ostendit ne tale lumen se putarent, quale dictum est, *Erat lumen verum, quod illuminat omnem hominem venientem in hunc mundum.* Tunc autem hoc de Domino dictum est, cum a Joanne distingueretur. De Joanne quippe Baptista dictum erat, *Non erat ille lumen, sed ut testimonium perhiberet de lumine (Joan. i, 9, 8).* Et ne diceres, Quomodo lumen non erat, de quo Christus dicit, quia lucerna erat? In comparatione alterius luminis non erat lumen. *Erat enim verum lumen, quod illuminat omnem hominem venientem in hunc mundum.* Ergo cum et discipulis diceret, *Vos estis lumen mundi*, ne sibi aliquid tributum putarent, quod de solo Christo intelligendum esset, et ita lucernæ vento superbitæ

extinguenterent; cum dixisset, *Vos estis lumen mundi*, continuo subjunxit, *Non potest civitas abscondi supra montem constituta, neque accendunt lucernam et ponunt eam sub modio, sed super candelabrum, ut luceat omnibus qui in domo sunt.* Sed quid, si Apostolos non dixit lucernam, sed accensores lucernæ quam ponerent super candelabrum? Audi quia ipsos dixit lucernam. *Sic luceat, inquit, lumen vestrum cyram hominibus, ut videntes bona opera vestra glorificant, non vos, sed Patrem vestrum qui in cœlis est (Matth. v, 14-16).*

4. Ergo et Moyses perhibuit testimonium Christo, et Joannes perhibuit testimonium Christo, et cæteri Prophetæ et Apostoli perhibuerunt testimonium Christo. His omnibus testimoniorum præponit testimonium operum suorum. Quia et per illos nonnisi Deus perhibuit testimonium Filio suo. Sed perhibet alio modo Deus testimonium Filio suo: per ipsum Filium suum indicat Deus Filium, indicat se per Filium. Ad hunc si potuerit homo pervenire, nec lucernis indigebit, et vere fodiendo altius, ædificium perducet ad petram.

5. Facilis est ergo, fratres, hodierna lectio: sed propter hesternum debitum (scio enim quid distulerim, non abstulerim, et Dominus dignatus est donare etiam hodie loqui ad vos), recordamini quid reponscere debeatis, si forte aliquo modo servata pietate et salubri humilitate, extendamus nos non adversus Dœum, sed ad Dœum; et levemus ad eum animam nostram, effundentes eam super nos, sicut ille in Psalmo, cui dicebatur, *Ubi est Deus tuus? Haec, inquit, meditatus sum, et effudi super me animam meam (Psal. xli, 4 et 5).* Levemus ergo animam ad Dœum, non contra Dœum; quia et hoc dictum est, *Ad te, Domine, levavi animam meam (Psal. xxiv, 1).* Et levemus adjuvante ipso; nam gravis est. Unde autem gravis est? Quia corpus quod corrumpitur, aggravat animam, et deprimit terrena inhabitatio sensum multa cogitantem (*Sap. ix, 15*). Ne forte ergo possimus sensum nostrum a multis colligere ad unum, et evulsum a multis relevare ad unum (quod quidem non poterimus, ut dixi, nisi adjuvet ille qui ad se vult levari animas nostras), et contingamus ex aliqua parte, quomodo Verbum Dei unicus Patri, cocternus et æqualis Patri, non faciat nisi quod viderit Patrem facientem, cum tamen Pater ipse non faciat aliquid nisi per Filium videntem. Videtur mihi quoniam Dominus Jesus in hoc loco magnum quiddam insinuare volens intentis, et insinuare capacibus, incapaces autem excitare ad studium, ut nondum intelligentes heuc vivendo capaces fiant, insinuavit nobis animam humanam et mentem rationalem, quæ inest homini, non inest pecori, non vegetari, non beatificari, non illuminari, nisi ab ipsa substantia Dei: eamque animam facere aliquid per corpus et de corpore, atque habere subjectum corpus, et per corporalia mulceri posse sensus corporis vel offendit, et propter hoc, id est propter consortium quoddam animæ et corporis in hac vita atque complexu, delectari animam lenitus, vel contrastari offensis corporis sensibus; beatitudinem tameñ ejus qua fit beata ipsa anima, non fieri nisi participatione illius

vitæ semper vivæ, incommutabilis, eternæque substantia, quæ Deus est: ut quomodo anima quæ inferior Deo est, id quod ipsa inferius est, hoc est corpus, facit vivere; sic eamdem animam non faciat beate vivere, nisi quod ipsa anima est superior. Superior enim anima quam corpus, et superior quam anima Dei. Præstat aliquid inferiori, præstatur illi a superiori. Serviat Domino suo, ne conculcetur a servo suo. Hæc est, fratres mei, religio christiana, quæ prædicatur per totum mundum, horrentibus inimicis; et ubi vincuntur, murmurantibus; ubi prævalent, sevientibus. Hæc est religio christiana, ut colatur unus Deus, non multi dii; quia non facit animam beatam nisi unus Deus. Participatione Dei sit beata. Non participatione sanctæ animæ sit beata infirma anima, nec participatione angeli sit beata sancta anima: sed si quererit beata esse infirma anima, querat unde beata sit sancta anima. Non enim beatus efficeris ex angelo tu; sed unde angelus, inde et tu.

6. His præmissis atque firmissime constitutis, animam rationalem non beatificari nisi a Deo, corpus non vegetari nisi per animam, atque esse quamdam medietatem inter Deum et corpus, animam; intendite et recolite mecum, non hodiernam, de qua sufficenter locuti sumus, sed besternam lectionem, quam ecce jam triduo versamus atque tractamus, et pro viribus sodimus, donec ad petram perveniamus. Verbum Christus, Verbum Dei Christus apud Deum, Verbum Christus et Deus Verbum, Christus et Deus et Verbum unus Deus. Illuc perge, anima, contemptis cæteris, vel etiam transiens; illuc perge. Nihil potentius ista creatura, quæ mens dicitur rationalis, nihil hac creatura sublimius: quidquid supra istam est, jam Creator est. Dicebam autem quia Verbum Christus, et Verbum Dei Christus, et Deus Verbum Christus; sed non tantum Verbum Christus, quia *Verbum caro factum est, et habitavit in nobis* (Joan. 1, 14): ergo et Verbum et caro Christus. Cum enim in forma Dei esset, non rapinam arbitratus est esse æqualis Deo. Et quid nos in ino, qui non poteramus infirmi et humi repentes attingere Deum, nunquid relinquendi eramus? Absit. *Semei ipsum extinxerit forinam servi accipiens* (Philipp. ii, 6, 7). Non ergo formam Dei amittens. Factus est ergo homo qui erat Deus, accipiendo quod non erat, non amittendo quod erat: ita factus est homo Deus. Ibi habes aliquid propter infirmitatem tuam, ibi habes aliud propter perfectionem tuam. Erigat te Christus per id quod homo est, ducat te per id quod Deus homo est, perducat te ad id quod Deus est. Et tota prædicatio dispensatioque per Christum hæc est, fratres, et alia non est, ut resurgent animæ, resurgent et corpora. Utrumque quippe mortuum erat; corpus ex infirmitate, anima ex iniquitate. Quia utrumque mortuum erat, resurgent utrumque. Quid utrumque? Animæ et corpus. Per quid ergo anima, nisi per Deum Christum? Per quid corpus, nisi per hominem Christum? Erat enim et in Christo anima humana, tota anima: non irrationale tantum animæ, sed etiam rationale quod mens dicitur. Fuerunt enim quidam hæretici, et

pulsi sunt ab Ecclesia, qui putarent non habere mentem rationalem corpus Christi, sed quasi animam belluina (a): excepta quippe rationali mente, vita belluina est. Sed quia expulsi sunt, et veritate expulsi sunt; accipe totum Christum, Verbum, mentem rationalem, et carnem. Hoc totum Christus est. Resurgat anima tua ab iniquitate per id quod Deus est, resurgat corpus tuum a corruptione per id quod homo est. Proinde, charissimi, audite magnam lectionis hujus, quantum mihi videtur, profunditatem; et videte quemadmodum loquatur hic Christus, nihil alius quam quare venerit Christus, ut resurgent animæ ab iniquitate, resurgent corpora a corruptione. Jam dixi animæ per quid resurgent, per ipsam substantiam Dei; corpora per quid resurgent, per dispensationem humanam Domini nostri Jesu Christi.

7. *Amen, amen dico vobis, non potest a se Filius facere quidquam, nisi quod riderit Patrem facientem: quæcumque enim ille fecerit, hæc et Filius similiter facit.* Cœlum, terram, mare, quæ in cœlo, quæ in terra, quæ in mari, visibilia, invisibilia, animalia in terris, frumenta in agris, natantia in aquis, in aere volantia, in cœlo lucentia; præter hæc omnia, Angelos, Virtutes, Sedes, Dominationes, Principatns, Potestates: *omnia per ipsum facta sunt* (Joan. 1, 3). Numquid Deus omnia hæc fecit, et demonstravit ea facta Filio, ut et ipse faceret alterum mundum his omnibus plenum? Non utique. Sed quid? *Quæcumque enim ille fecerit, hæc, non alia, sed hæc et Filius, nec dissimiliter, sed similiter facit.* Pater enim diligit Filium, et omnia demonstrat ei quæ ipse facit. Demonstrat Pater Filio ut animæ suscitentur, quia per Patrem et Filium animæ suscitantur: nec possunt vivere animæ, nisi earum vita sit Deus. Si ergo non possunt vivere animæ, nisi earum vita sit Deus, sicut ipsæ sunt vita corporum; quod demonstrat Pater Filio, id est quod facit, per Filium facit. Non enim faciendo demonstrat Filio, sed demonstrando facit per Filium. Videt enim Filius Patrem demonstrantem antequam aliquid fiat, et ex demonstratione Patris et visione Filii fit quod fit a Patre per Filium. Sic animæ suscitantur, si potuerint videre istam umbras conjunctionem, Patrem demonstrantem, Filium videntem, et per Patris demonstrationem et Filii visionem fieri creaturam: atque id fieri per Patris demonstrationem et Filii visionem, quod nec Pater sit nec Filius, sed infra Patrem et Filium, quidquid fit a Patre per Filium. Quis hoc videt?

8. Ecce iterum ad carnales sensus, ecce rursus humiliamus nos, et descendimus ad vos, si tamen aliquid aliquando ascenderamus a vobis. Vis demonstrare aliquid filio tuo, ut faciat quod facis: facturus es tu, et sic demonstratus. Quod igitur facturus es ut demonstras filio, non utique facis per filium: sed tu solus facis quod ipse factum videat, et aliud tale similiter faciat. Non est hoc ibi: quid pergis ad similitudinem tuam, et deles in te similitudinem Dei? Ibi omnino non est hoc. Inveni aliquid, quomodo demonstras filio tuo quod facis, antequam facis; ut cum de-

(a) Apollinaristæ.

monstraveris, per filium facias hoc quod facis. Jam forte quasi occurrit tibi : Ecce, inquis, cogito facere domum, et volo ut per filium meum fabricetur : antequam eam ipse fabricem, ostendo filio meo quod facere volo ; et facit ipse, atque ego per ipsum, cui ostendi voluntatem meam. Recessisti quidem a pristina similitudine, sed adhuc jaces in magna dissimilitudine. Ecce enim antequam facias domum, indicas filio tuo, et demonstras quid facere velis ; ut te demonstrante antequam facias, faciat ipse quod demonstraveris, et tu per ipsum : sed verba dicturus es filio tuo, inter te et ipsum verba cursura sunt ; et inter demonstrantem et videntem, vel loquentem et audientem sonus articulatus volat, qui non est quod tu, non est quod ipse. Sonus quippe ille qui exit de ore tuo, et verberato aere tangit aurem filii tui, et impleto sensu audiendi perducit ad cor cogitationem tuam ; sonus ergo ille, non est ipse tu, non est ipse filius tuus. Signum datum est ab animo tuo animo filii tui, quod signum non sit nec animus tuus, nec animus filii tui, sed aliud aliquid. Itane putamus Patrem locutum esse cum Filio ? Fuerunt verba inter Deum et Verbum ? quomodo istud est ? An quidquid vellet Pater dicere Filio, si verbo vellet dicere, ipse Filius est Verbum Patris¹, numquid per verbum loqueretur ad Verbum ? An quia Filius magnum Verbum, minora verba cursura erant inter Patrem et Filium ? Sonus aliquis et quasi creatura quedam temporalis atque volatrica, exitura erat ex ore Patris, et percussura aurem Filii ? Numquid habet Deus corpus, ut quasi ex ejus labiis hoc procedat ; et habet aures corporis Verbum, in quas sonus veniat ? Remove omnia corporalia, simplicitatem vide, si simplex es. Quomodo autem eris simplex ? Si te non mundo implicaveris, sed ex mundo explicaveris : explicando enim te simplex eris. Et vide si potes quod dico, aut si non potes, crede quod non vides. Dicis filio tuo, verbo dicis ; verbum quod sonat, nec tu es, nec filius tuus.

9. Habeo, inquis, aliud quo ostendam : ita enim est eruditus filius meus, ut nec loquente me audiat, sed nutu ostendo ei quod faciat. Ecce nutu ostende quod vis, certe animus tuus vult ostendere quod in se habet. Unde facis nutum ? De corpore, scilicet, labiis, vultu, superciliis, oculis, manibus. Haec omnia non sunt quod animus tuus ; etiam ista media sunt : intellectum est aliiquid per haec signa, quae non sunt quod animus tuus, nec quod animus filii tui : sed hoc totum quod corpore agis, infra animum tuum est, et infra animum filii tui ; nec potest cognoscere animum tuum filius tuus, nisi dederis ei signa de corpore. Quid igitur facio ? Non est hoc ibi, simplicitas ibi est. Pater ostendit Filio quod facit, et ostendendo Filium gignit. Video quid dixerim : sed quia video et quibus dixerim, fiat in vobis intellectus iste

¹ Edd. habent hic nonnullas lectionum varietates, quae potissimum e punctuationis diversitate nascuntur. Legunt Er. Lug. et Ven., fuerunt verba inter Deum et Verbum, quomodo istud est ? An quidquam vellet Pater dicere Filio ? Si..... Patris. Numquid. Lov. : An quidquam vellet Pater dicere Filio ? Si vellet verba dicere, ipse Filius est Verbum Patris. Numquid, etc. M.

quandoque. Nunc si non potestis comprehendere quid sit Deus, vel hoc comprehendite quid non sit Deus : multum profeceritis, si non aliud quam est, de Deo senseritis. Nondum potes pervenire ad quid sit, perveni ad quid non sit. Non est Deus corpus, non terra, non coelum, non luna, non sol, non stellæ, non corporalia ista. Si enim non celestia, quanto minus terrena ? Tolle omne corpus. Adhuc audi aliud : non est Deus mutabilis spiritus. Nam fatator, et fatendum est, quia Evangelium loquitur, *Deus spiritus est*. Sed transi omnem mutabilem spiritum, transi spiritum qui modo scit, modo nescit, modo meminit, et oblitiscitur ; vult quod nolebat, non vult quod volebat ; sive patiatur jam istas mutabilitates, sive pati possit : transi haec omnia. Non invenis in Deo aliiquid mutabilitatis, non aliiquid quod aliter nunc sit, aliter paulo ante fuerit. Nam ubi invenis aliter et aliter, facta est ibi quedam mors : mors enim est, non esse quod fuit. Immortalis dicitur anima : est quidem, quia vivit semper anima, et est in illa quedam vita permanens, sed mutabilis vita. Secundum mutabilitatem vitae hujus et mortalis dici potest : quia si vivebat sapienter, et desipit, mortua est in deterius ; si vivebat insipienter, et sapit, mortua est in melius. Nam esse mortem in deterius, esse mortem in melius Scriptura nos docet. Utique in deterius mortui erant, de quibus dicitur, *Sine mortuos, sepeliant mortuos suos* (*Matth. viii, 22*) ; et, *Surge, qui dormis, et exsurge a mortuis, et illuminabit te Christus* (*Ephes. v, 14*) ; et de hac lectione, *Quando mortui audient, et qui audierint vivent*. In deterius mortui erant, ideo reviviscunt. Reviviscendo moriuntur in melius, quia et reviviscendo non erunt quod erant : non esse autem quod erat, mors est. Sed forte, si in melius est, non appellatur mors ? Appellavit illam mortem Apostolus : *Si autem mortui estis cum Christo ab elementis huius mundi, quid adhuc velut viventes de hoc mundo decernitis* (*Coloss. ii, 20*) ? et iterum, *Mortui enim estis, et vita vestra abscondita est cum Christo in Deo* (*Id. iii, 3*). Mori nos vult ut vivamus, quia viximus ut moreremur. Quidquid ergo et a meliore in deterius, et a deteriore in melius moritur, non est hoc Deus : quia neque in melius ire potest summa bonitas, neque in deterius vera æternitas. Vera enim æternitas est, ubi temporis nihil est. Erat autem modo hoc, et modo illud ? jam tempus admissum est, æternum non est. Nam ut noveritis quia non sic Deus quomodo anima : certe immortalis est anima ; quid ergo est quod ait Apostolus de Deo, *Qui solus habet immortalitatem* (*1 Tim. vi, 16*) ; nisi quia hoc aperte dixit, Solus habet incommutabilitatem, quia solus habet veram æternitatem ? Ergo ibi nulla mutabilitas.

10. Agnosce in te aliquid, quod volo dicere, intus, intus in te ; non in te quasi in corpore tuo, nam et ibi potest dici in te. In te est enim sanitas, in te qualibet ætas, sed secundum corpus ; in te est manus, pes tuus : sed aliud est in te intus, aliud in te tanquam in veste tua. Sed relinque foris et vestem tuam et carnem tuam, descendere in te, adi secretarium tuum,

mentem tuam, et ibi vide quod volo dicere, si potueris. Si enim tu ipse a te longe es, Deo propinquare unde potes? Dicebam de Deo; et intellectum te arbitraris: de anima dico, de te dico; intellige, ibi te probabo. Non enim valde longe pergo in exempla, quando de mente tua volo aliquam similitudinem dare ad Deum tuum; quia utique non in corpore, sed in ipsa mente factus est homo ad imaginem Dei. In similitudine sua Deum queramus, in imagine sua Creatorem agnoscamus. Ibi intus, si potuerimus, inveniamus hoc quod dicimus; quomodo demonstret Pater Filio, et Filius videat quod demonstrat Pater, antequam fiat aliquid a Patre per Filium. Sed cum dixero et intellexeris, nec sic putas jam illud aliquid tale esse, ut serves ibi pietatem, quam volo a te servari, et præcipue moneo: id est, ut si non vales comprehendere Deus quid sit, parum non tibi putas esse scire quid non sit.

11. Ecce in mente tua video aliqua duo, memoriam tuam et cogitationem tuam, id est, quasi aciem quamdam et obtutum animæ tue. Vides aliquid, et per oculos percipis, et commendas memorie: ibi est intus quod memorie commendasti, in abdito reconditum quasi in horreo, quasi in thesauro, quasi in secretario quadam et penetrali interiore. Cogitas aliunde, intentio tua alibi est; illud quod vidisti in memoria tua est, et non videtur a te, quia cogitatio tua in aliud intenditur. Modo probo, scientibus loquor: Carthaginem nomino, omnes modo intus quicunque eam nostis, vidistis Carthaginem. Numquid tot sunt Carthagines quot anime vestre? Omnes vidistis per nomen hoc: per quatuor has syllabas notas vobis, erumpentes ex ore meo, tactæ sunt aures vestræ, tactus est sensus anime per corpus, et ab alia intentione reflexus est animus ad id quod ibi erat, et vidit Carthaginem. Numquid tunc est ibi Carthago facta? Jam ibi erat, sed latebat. Quare ibi latebat? Quia animus tuus in aliud attendebat: cum vero reflexa est cogitatio tua ad id quod erat in memoria, inde formata est, et visio quedam animi facta est. Antea non erat visio, sed erat memoria: reflexa cogitatione ad memoriam, facta est visio. Demonstravit ergo memoria tua cogitationi tuæ Carthaginem, et quod in illa erat antequam intenderes, conversæ ad se intentioni cogitationis ostendit. Ecce facta est a memoria demonstratio, facta est in cogitatione visio; et nulla verba in medio cucurrerunt, nullum ex corpore signum datum est: nec innuisti, nec scripsisti, nec sonuisti; et tamen cogitatio vidit quod memoria demonstravit. Ejusdem autem substantia est, et quæ demonstravit, et cui demonstravit. Sed Carthaginem ut haberet memoria tua, per oculos hausta est imago hæc: vidisti enim quod in memoria reconderes. Sic arborum quam meministi vidisti, sic montem, sic flumen, sic amici faciem, sic inimici, sic patris, matris, fratri, sororis, filii, vicini; sic litterarum in codice conscriptarum, sic ipsius codicis, sic hujus basilice: omnia ista vidisti, et visa quia jam erant, memoria commendasti; et tanquam posuisti illic quæ

videres cogitando cum velles, etiam cum ab ipsis corporis oculis absfuisserent. Vidisti enim Carthaginem cum esses Carthagini, accepit speciem per oculos anima tua; hæc species recondita est in memoria tua, et servasti aliquid intus homo apud Carthaginem constitutus, quod posses apud te videre etiam cum ibi non esses. Hæc omnia forinsecus accepisti. Pater quæ demonstrat Filio, non accipit extrinsecus: intus totum agitur; quia nihil creaturarum esset extrinsecus, nisi hoc Pater fecisset per Filium. Creatura omnis a Deo facta est; antequam fieret non erat. Non ergo facta visa est et retenta memoriter, ut eam Pater Filio tanquam memoria cogitationi monstraret: sed faciendam Pater monstravit, faciendam Filius vidit, et eam Pater demonstrando fecit, quia per Filium videntem fecit. Et ideo movere non debet, quia dictum est, nisi quod viderit Patrem facientem: non dictum est, demonstrantem. Per hoc enim significatum est, id esse Patri facere, quod est demonstrare; ut ex hoc intelligatur per Filium videntem omnia facere. Nec illa demonstratio, nec illa visio temporalis est. Quia enim per Filium sunt omnia tempora, non utique aliquo tempore possent ei demonstrari facienda. Sic autem demonstratio Patris Filii visionem gignit, quemadmodum Pater Filium gignit. Demonstratio quippe generat visionem, non visio demonstrationem. Quod si purius et perfectius intueri valeremus, fortasse inviriemus nec aliud esse Patrem, aliud ejus demonstrationem; nec aliud Filium, aliud ejus visionem. Sed si vix hoc cepimus, vix explicare potuimus, quomodo memoria quod cepit extrinsecus, ostendat cogitationi; quanto minus capere aut explicare poterimus, quomodo Pater Deus demonstrat Filio quod non habet aliunde, vel quod non est aliud quam ipse? Parvuli sumus; loquor vobis quid non sit Deus, non ostendo quid sit: ergo ut capiamus quid sit, quid faciemus? Numquid a me, numquid per me poteritis? Dicam hoc parvulis, et vobis et mihi: est per quem possimus; modo cantavimus, modo audiavimus, *Jacta in Dominum curam tuam, et ipse te enutriet* (*Psal. LIV, 23*). Ideo enim non potes, o homo, quia parvulus es: si parvulus es, nutriendus es: nutritus, grandis eris; et quod parvulus non poteras, grandis videbis: sed ut nutriaris, *Jacta in Dominum curam tuam, et ipse te enutriet*.

12. Modo ergo percurramus breviter quæ restant, et videte hic quæ commendavi, quomodo Dominus insinuet. *Pater diligit Filium, et omnia demonstrat ei quæ ipse facit*. Ipse suscitat animas, sed per Filium, ut fruantur animæ suscitatae substantia Dei, hoc est Patris et Fili. *Et majora his demonstrabit ei opera*. Quibus majora? Sanitatibus corporum. Jam et antea tractavimus (*In Tractatu 19, nn. 4, 5, et Tract. 21, n. 5-10*), nec immorari debemus. Major est enim resurrectio corporis in æternum, quam hæc quæ ad tempus facta est in illo languido sanitas corporis. *Et majora his demonstrabit ei opera, ut vos miremini*. Demonstrabit, quasi temporaliter: ergo quasi homini facto in tempore, quia Verbum Deus non est factus;

per quem omnia facta sunt tempora; sed homo factus Christus in tempore. Apparet quo Consule, quo die conceptum de Spiritu sancto virgo Maria peperit Christum: ergo homo factus est in tempore, per quem Deum facta sunt tempora. Ideo tanquam in tempore demonstrabit ei opera majora, id est, resurrectionem corporum, ut vos miremini factam per Filium resurrectionem corporum.

13. Deinde redit ad illam resurrectionem animarum: *Sicut enim Pater suscitat mortuos et vivificat, sic et Filius quos vult vivificat*, sed secundum spiritum. Vivificat Pater, vivificat Filius; quos vult Pater, quos vult Filius: sed ipsos Pater quos Filius; quia omnia per ipsum facta sunt. *Sicut enim Pater suscitat mortuos et vivificat, sic et Filius quos vult vivificat*. De resurrectione animarum dictum est hoc: quid de resurrectione corporum? Redit, et dicit, *Neque enim Pater judicat quemquam, sed omne judicium dedit Filio*. Resurrectio animarum sit per substantiam Patris et Filii aeternam et incommutabilem: resurrectio vero corporum sit per dispensationem humanitatis Filii temporalem, non Patri coeternam. Ideo cum commemoraret judicium, ubi fieret resurrectio corporum, *Non enim Pater, inquit, judicat quemquam, sed omne judicium dedit Filio*: de resurrectione autem animarum, *Sicut Pater suscitat mortuos et vivificat, sic et Filius quos vult vivificat*. Illud ergo simul Pater et Filius: hoc autem de resurrectione corporum, *Non judicat Pater quemquam, sed omne judicium dedit Filio*. *Ut omnes honorificant Filium, sicut honorificant Patrem*. Hoc redditum est resurrectioni animarum. *Ut omnes honorificant Filium*. Quomodo? *Sicut honorificant Patrem*. Animarum enim resurrectionem sic operatur Filius, quomodo Pater: sic vivificat Filius, quomodo Pater. Ergo in animarum resurrectione *omnes honorificant Filium, sicut honorificant Patrem*. Quid de honorificatione propter resurrectionem corporis? *Qui non honorificat Filium, non honorificat Patrem qui misit illum*. Non dixit, sicut; sed, honorificat, et honorificat. Honoratur enim homo Christus, sed non sicut Pater Deus. Quare? Quia secundum hoc dixit, *Pater maior me est* (*Joan. xiv. 28*). Quando autem honorificatur Filius, sicut honorificatur Pater? Cum in principio erat Verbum, et Verbum erat apud Deum, et omnia per ipsum facta sunt (*Id. i. 4, 3*). Et ideo in hac honorificatione secunda quid ait? *Qui non honorificat Filium, nec honorificat Patrem qui misit illum*. Non est missus Filius, nisi quia factus est homo.

14. *Amen, amen dico vobis*. Iterum redit ad resurrectionem animarum, ut assidue dicentem capiamus: quia velut volantem serinonem sequi non poteramus; ecce immoratur nobiscum sermo Dei, ecce quasi habitat cum infirmis nostris: redit rursum ad commendationem resurrectionis animarum. *Amen, amen dico vobis, quia qui verbum meum audit, et credit ei qui me misit, habet vitam aeternam*: sed tanquam ex Patre. *Quia qui verbum meum audit, et credit ei qui misit me, ex Patre habet vitam aeternam*, credendo in eum

qui misit illum. *Et in judicium non veniet, sed translatum a morte ad vitam*: sed ex Patre vivificatur, cui credit. Quid, tu non vivificas? Vide quia et *Filius quos vult vivificat*. Amen, amen dico vobis, quia venit hora, quando mortui audient vocem Filii Dei, et qui audierint vivent. Hic non dixit, Credent ei qui misit me, et ideo vivent; sed audiendo vocem Filii Dei, qui audierint, hoc est obaudierint Filio Dei, vivent. Ergo et ex Patre vivent, cum credent Patri; et ex Filio vivent, cum audient vocem Filii Dei. Quare et ex Patre vivent et ex Filio vivent? *Sicut enim habet Pater vitam in semetipso, sic dedit Filio habere vitam in semetipso*.

15. Implevit de resurrectione animarum; restat evidentius dicere de resurrectione corporum. *Et potestatem dedit ei, et judicium facere*: non solum animas per fidem et sapientiam suscitare, sed et judicium facere. Quare autem haec? *Quia filius hominis est*. Facit ergo aliquid Pater per Filium hominis, quod non facit ex substantia sua cui æqualis est Filius; sicut ipsum nasci, sicut ipsum crucifigi, sicut ipsum mori, sicut ipsum resurgere: non enim aliquid horum Patri contigit. Sic et resuscitationem corporum. Nam resuscitationem animarum ex substantia sua Pater facit per substantiam Filii¹, qua illi æqualis est; animæ quippe sunt participes illius incommutabilis lucis, non corpora: resuscitationem autem corporum Pater facit per filium hominis. *Et potestatem enim dedit ei et judicium facere, quia filius hominis est*: secundum illud quod supra dixit, *Neque enim Pater judicat quemquam*. Et ut ostendat quia de resurrectione corporum hoc dixit: *Nolite mirari hoc, quia venit hora*. Non nunc est, sed venit hora, in qua omnes qui in monumentis sunt (jam hoc et hesterno die satiatissime audistis [*In superiori Tractatu, n. 13*]), audient vocem ejus et procedent. Et ubi? In judicium: *Qui bene fecerunt, in resurrectionem vitae; qui male egerunt, in resurrectionem iudicii*. Et tu hoc facis solus, quia omne judicium Filio Pater dedit, et non judicat quemquam? Ego, inquit, facio. Sed quomodo facis? *Non possum a me facere quidquam: sicut audio judico, et judicium meum justum est*. Cum ageretur de resurrectione animarum, non dicebat, *Audio*; sed, *video*. *Audio* enim, tanquam præcipiens Patris imperium. Jam ergo sicut homo, sicut quo major est Pater; jam ex forma servi, non ex forma Dei, *sicut audio, judico; et judicium meum justum est*. Unde est judicium justum hominis? Fratres mei, attendite: *Quia non quæro voluntatem meam, sed voluntatem ejus qui misit me*.

TRACTATUS XXIV.

Ab eo quod scriptum est, Post haec abiit Jesus trans mare Galilææ, quod est Tiberiadis; usque ad id, Hic est vere propheta qui venit in mundum. *Cap. vi, §. 1-14*.

1. Miracula quæ fecit Dominus noster Jesus Christus, sunt quidem divina opera, et ad intelligendum

¹ In undecim MSS., *ex substantia sua Pater, ex substantia sua Filius, qua illi, etc.*, omissio verbo, facit.

Deum de visibilibus admonent humanam mentem. Quia enim ille non est talis substantia quæ videri oculis possit, et miracula ejus quibus totum mundum regit universamque creaturam administrat, assiduitate viluerunt, ita ut pene nemo dignetur attendere opera Dei mira et stupenda in quolibet seminis grano; secundum ipsam suam misericordiam servavit sibi quædam, quæ ficeret opportuno tempore præter usitatum cursum ordinemque naturæ, ut non majora, sed insolita videndo stuperent, quibus quotidiana viluerant. Majus enim miraculum est gubernatio totius mundi, quam saturatio quinque millium hominum de quinque panibus: et tamen hæc nemo miratur: illud mirantur homines non quia majus est, sed quia rarum est. Quis enim et nunc pascit universum mundum, nisi ille qui de paucis granis segetes creat? Fecit ergo quomodo Deus. Unde enim multiplicat de paucis granis segetes, inde in manibus suis multiplicavit quinque panes. Potestas enim erat in manibus Christi: panes autem illi quinque, quasi semina erant, non quidem terre mandata, sed ab eo qui terram fecit multiplicata. Hoc ergo admotum est sensibus, quo erigeretur mens, et exhibuit oculis ubi exerceretur intellectus, ut invisibilem Deum per visibilia opera miraremur, et erecti ad fidem et purgati per fidem, etiam ipsum invisibiliter videre cuperemus, quem de rebus visibilibus invisibilem nosceremus.

2. Nec tamen sufficit hæc intueri in miraculis Christi. Interrogemus ipsa miracula, quid nobis loquuntur de Christo: habent enim si intelligentur, linguam suam. Nam quia ipse Christus Verbum Dei est, etiam factum Verbi, verbum nobis est. Hoc ergo miraculum, sicut audivimus quam magnum sit, quæramus etiam quam profundum sit: non tantum ejus superficie delectemur, sed etiam altitudinem perscrutemur. Habet enim aliquid intus, hoc quod miramur foris. Vidi-
mus, spectavimus magnum quiddam, præclarum quiddam, et omnino divinum, quod fieri nisi a Deo non possit: laudavimus de facto factorem. Sed quemadmodum si litteras pulchras alicubi inspicseremus, non nobis sufficeret laudare scriptoris articulum, quoniam eas pariles, æquales decorasque fecit, nisi etiam legeremus quid nobis per illas indicaverit: ita factum hoc qui tantum inspicit, defectatur pulchritudine facti ut admiretur artificem; qui autem intelligit, quasi legit. Alter enim videtur pictura, aliter videntur litteræ. Picturam cum videris, hoc est totum vidisse, laudas: litteras cum videris, non hoc est totum; quoniam commoneris et legere. Etenim dicens, cum videris litteras, si forte non eas nosti legere, Quid putamus esse quod hic scriptum est? Interrogas quid sit, cum jam videas aliquid. Aliud tibi demonstraturus est, a quo quæreris agnoscere quod vidi-
sti. Alios ille oculos habet, alios tu. Nonne similiter apices videtis? Sed non similiter signa cognoscitis. Tu ergo vides et laudas: ille videt, laudat, legit et intelligit. Quia ergo vidimus, quia laudavimus, legamus et intelligamus.

3. Dominus in monte: multo magis intelligamus

quia Dominus in monte Verbum est in alto. Proinde non quasi humiliter jacet quod in monte factum est; nec transeunter prætereundum est, sed suspiciendum. Turbas vidit, esurientes agnovit, misericorditer pavit: non solum pro bonitate, verum etiam pro potestate. Quid enim sola prodesset bonitas, ubi non erat panis, unde turba esuriens pasceretur? Nisi bonitati adasset potestas, jejuna illa turba et esuriens remaneret. Denique et discipuli qui erant cum Domino in fame, et ipsi turbas volebant pascere, ut non remanerent inanes, sed unde pascerent non habebant. Interrogavit Dominus unde emerentur panes ad turbas pascendas. Et ait Scriptura, *Hoc autem dicebat tentans eum: discipulum scilicet Philippum, quem interrogaverat. Ipse enim sciebat quid esset facturus.* Cui ergo bono tentabat, nisi quia ignorantiam discipuli demonstrabat? Et forte in demonstratione ignorantiae discipuli aliiquid significavit. Apparebit ergo, cum ipsum sacramentum de quinque panibus cœperit nobis loqui, et quid significet indicare: ibi enim videbimus quare Dominus in hoc facto ignorantiam discipuli voluit interrogando quod sciebat, ostendere. Nam interrogamus aliquando quod nescimus, audire volentes ut discamus; aliquando interrogamus quod scimus, scire volentes utrum et ille sciat quem interrogamus: utrumque hoc noverat Dominus; et quod interrogabat sciebat, quid enim esset facturus ipse noverat; et hoc nescire Philippum sciebat similiter. Quare itaque interrogabat, nisi quia illius ignorantiam demonstrabat? Et hoc quare fecerit, ut dixi, postea intelligemus.

4. Andreas ait: *Est hic puer quidam qui habet quinque panes, et duos pisces; sed hæc quid sunt ad tantos?* Cum dixisset Philippus interrogatus, ducentorum denariorum panes non sufficerent, quibus tanta illa turba reficeretur, erat ibi quidam puer portans quinque panes hordeaceos et duos pisces. Et ait Jesus: *Facite homines discumber. Erat autem ibi fenum multum, et discubuerunt ferme quinque millia hominum. Accepit autem Dominus Jesus panes, gratias egit, jussit, fracti sunt panes, positi ante discumbentes. Non iam quinque panes, sed quod adjecerat, qui creaverat quod auctum erat. Et de piscibus quantum sufficiebat. Parum est turbam illam fuisse satiatam, etiam fragmenta resederunt: et ipsa colligi jussa sunt, ne perirent; et implieverunt duodecim copinas fragmentorum.*

5. Breviter ut curramus, quinque panes intelliguntur quinque libri Moysi: merito non triticei, sed hordeacei; quia ad Vetus Testamentum pertinent. Nostis autem hordeum ita creatum, ut ad medullam ejus vix perveniat: vestitur enim eadem medulla tegmine paleæ, et ipsa palea tenax et inhærens, ut cum labore exuatur. Talis est littera Veteris Testamenti, vestita tegminibus carnalium sacramentorum: sed si ad ejus medullam perveniat, pascit et satiat. Ferebat ergo puer quidam quinque panes et duos pisces. Si quæramus quis fuerit puer iste, forte populus Israel erat: sensu puerili portabat, nec man-

ducabat. Illa enim quæ portabat, clausa onerabant, aperta pascebant. Duo autem pisces, videntur nobis significare duas illas in Veteri Testamento sublimes personas, quæ ungebantur ad populum sanctificandum et regendum, sacerdotis et regis. Et ipse in mysterio venit aliquando, qui per illas significabatur: venit aliquando qui per medullam hordei ostendebatur, per paleam vero hordei occultabatur. Venit ipse unus utramque personam in se portans, sacerdotis et regis: sacerdotis per victimam, quam seipsum obluit pro nobis Deo; regis, quia regimur ab eo: et apériuntur quæ clausa portabantur. Gratias illi; implevit per se quod per Vetus Testamentum promittebatur. Et frangi jussit panes: frangendo multiplicati sunt. Nihil verius. Quinque enim illi libri Moysi, quam multos libros, cum exponuntur, tanquam frangendo, id est disserendo, fecerunt? Sed quia in illo hordeo ignorantia princi populi tegebatur, de quo primo populo dictum est, *Quandiu legitur Moyses, velamen supra corda eorum positum est* (II Cor. iii, 15): nondum enim ablatum erat velamen, quia nondum venerat Christus; nondum velum templi fuerat illo in cruce pendente conscius: quia ergo ignorantia populi erat in Lege, propterea illa Domini tentatio ignorantiam discipuli demonstrabat.

6. Nihil igitur vacat, omnia innuunt, sed intellectorem requirunt: nam et iste numerus pasti populi, populum significabat sub Lege constitutum. Cur enim quinque millia erant, nisi quia sub Lege erant, quæ Lex quinque libris Moysi explicatur? Unde et quinque illis porticibus languidi probabantur, non sanabantur. Ille autem ibi curavit languidum (Joan. v, 2-9), qui et hic turbas de quinque panibus pavit. Nam et super fenum discubebant: carnaliter ergo sapiebant, et in carnalibus quiescebant. Omnis enim caro fenum (Isa. xl, 6). Quæ sunt autem illa fragmenta, nisi quæ populus non potuit manducare? Intelligentur ergo quædam secretiora intelligentiæ, quæ multitudo non potest capere. Quid ergo restat, nisi ut secretiora intelligentiæ, quæ non potest capere multitudo, illis credantur qui idonei sunt et alios docere, sicut erant Apostoli? Unde duodecim cophini impleti sunt. Factum est hoc et mirabiliter, quia magnum factum est; et utiliter, quia spirituale factum est. Qui tunc videbant, admirati sunt: nos autem non miramur cum audimus. Factum est enim ut illi viderent, scriptum est autem ut nos audiremus. Quod in illis oculi valuebant, hoc in nobis fides. Cernimus quippe animo, quod oculis non potuimus: et prælati sumus illis, quoniam de nobis dictum est, *Beati qui non vident, et credunt* (Joan. xx, 29). Addo autem quia forte et intelleximus quod illa turba non intellexit. Et vere nos pasti sumus, qui ad medullam hordei pervenire potuimus.

7. Denique homines illi qui viderunt hoc, quid putaverunt? Illi, inquit, homines cum vidissent quod fecerat signum, dicebant, *Quia hic est vere propheta. Forte adhuc ideo Christum prophetam putabant, quia super fenum discubuerant. Erat autem ille Dominus*

Prophetarum, impletor Prophetarum, sanctificator Prophetarum, sed et propheta: nam et Moysi dictum est, *Suscitabo eis prophetam similem tui*. Similem secundum carnem, non secundum majestatem. Et de ipso Christo illam Domini promissionem habere intellectum, aperte in Actibus Apostolorum exponit et legitur (Deut. xviii, 18; Act. vii, 37). Et ipse Dominus de se ait, *Non est propheta sine honore, nisi in patria sua* (Joan. iv, 44). Propheta Dominus, et Verbum Dei Dominus, et nullus propheta sine Verbo Dei prophetat: cum Prophetis Verbum Dei, et propheta Verbum Dei. Meruerunt priora tempora Prophetas affatos, et impletos Verbo Dei: meruimus nos prophetam ipsum Verbum Dei. Sic autem propheta Christus, Dominus Prophetarum; sicut angelus Christus, Dominus Angelorum. Nam et ipse dictus est magni consilii Angelus (Isa. ix, 6, sec. LXX). Verumtamen alibi quid dicit propheta? Quia non legatus neque angelus, sed ipse veniens salvos faciet eos (Id. xxxv, 4): id est, ad salvos eos faciendo non mittet legatum, non mittet angelum, sed veniet ipse. Quis veniet? Ipse angelus. Certe non per angelum, nisi quia iste sic angelus, ut etiani Dominus Angelorum. Etenim Angeli latine nuntii sunt. Si Christus nihil annuntiaret, angelus non diceretur: si Christus nihil prophetaret, propheta non diceretur. Exhortatus est nos ad fidem, et ad capessendam vitam æternam: aliquid præsens annuntiavit, aliquid futurum prædictit: ex eo quod præsens annuntiavit, angelus erat; ex eo quod futurum prædictit, propheta erat: ex eo quod Verbum Dei caro factum est, et Angelorum et Prophetarum Dominus erat.

TRACTATUS XXV.

Ab eo quod scriptum est, Jesus ergo cum cognovisset quod venissent ut raperent eum; usque ad id, Et ego resuscitabo eum in novissimo die. Cap. vi, §. 15-44.

1. Hesternam ex Evangelio lectionem, ista est hodierna quæ sequitur, unde hodiernus sermo debetur. Facto illo miraculo, ubi quinque millia hominum de quinque panibus pavit Jesus, cum admiratae essent turbæ, et eum magnum Prophetam dicentes qui venit in mundum, sequitur hoc: *Jesus ergo cum cognovisset quia venerant ut raperent eum, et facerent eum regem, fugit iterum in montem ipse solus*. Datur ergo intelligi quod Dominus cum sederet in monte cum discipulis suis, et videret turbas ad se venientes, descenderat de monte, et circa inferiora loca turbas paverat. Nam quomodo fieri potest ut rursus illuc fugeret, nisi ante de monte descendere? Significat ergo aliquid, quod Dominus de alto descendit ad pascendas turbas. Pavit, et ascendit.

2. Quare autem ascendit, cum cognovisset quod eum vellent rapere et regem facere? Quid enim? nou erat rex, qui timebat fieri rex? Erat omnino: nec talis rex qui ab hominibus sicut, sed talis qui hominibus regnum daret. Numquid forte et hic aliquid significat nobis Jesus, cuius facta verba sunt? Ergo in hoc quod voluerunt cum rapere et regem facere,

et propter hoc fugit in montem ipse solus, hoc in illo factum tacet, nihil loquitur, nihil significat? An forte hoc erat rapere eum, prævenire velle tempus regni ejus? Etenim venerat modo, non jam regnare, quomodo regnaturus est in eo quod dicimus, *Adveniat regnum tuum* (*Matth. vi, 10*). Semper quidem ille cum Patre regnat secundum quod est Filius Dei, Verbum Dei, Verbum per quod facta sunt omnia. Prædixerunt autem Prophetæ regnum ejus, etiam secundum id quod homo factus est Christus, et fecit fidèles suos Christianos. Erit ergo regnum Christianorum quod modo colligitur, quod modo comparatur, quod modo emitur sanguine Christi: erit aliquando manifestum regnum ejus, quando aperta erit claritas sanctorum ejus post judicium ab eo factum; quod judicium supra ipse dixit quod filius hominis facturus sit (*Joan. v, 22*). De quo regno etiam Apostolus dixit: *Cum tradiderit regnum Deo et Patri* (*I Cor. xv, 24*). Unde etiam ipse ait: *Venite, benedicti Patris mei, percipite regnum quod vobis paratum est ab initio mundi* (*Matth. xxv, 34*). Discípuli autem et turbæ credentes in eum, putaverunt illum sic venisse ut jam regnaret: hoc est velle rapere et regem facere, prævenire velle tempus ejus, quod ipse apud se occultabat, ut opportune proderet, et opportune in fine saeculi declararet.

3. Nam ut noveritis quia regem eum volebant facere, id est, antevenire, et jāni habere manifestum Christi regnum, quem primo oportebat judicari, et deinde judicare: ubi crucifixus est, et illi qui in eum sperabant, spem resurrectionis ejus perdiderant, resurgens a mortuis invenit inde duos cum desperatione sibi sermocinantes, et cum gemitu quæ gesta fuerant colloquentes; et apparens eis velut incognitus, cum oculi eorum tenerentur ne ab eis agnosceretur, sermonem tractantibus miscuit: at illi narrantes ei unde sermocinarentur, dixerunt quia ille magnus propheta in factis et dictis occisus esset a principibus sacerdotum; *Et nos, inquit, sperabamus quia ipse esset redempturus Israel* (*Luc. xxiv, 13-21*). Recete sperabatis, verum sperabatis: in illo est redemptio Israel. Sed quid festinatis? Rapere vultis. Illud etiam indicat nobis hunc sensum, quia cum ab eo quererent discípuli de fine, dixerunt ei: *Si hoc in tempore præsentaberis¹, et quando regnum Israel?* Jam enim esse cupiebant, jam volebant; hoc est rapere velle, et regem facere. Sed ait discípulis, quia adhuc solus ascensurus erat: *Non, inquit, est vestrum scire tempora vel momenta², quæ Pater posuit in sua potestate: sea accipietis virtutem ex alto, Spiritum sanctum supervenientem³ in vos, et eritis mihi testes in Jerusalem, et in omni Iudea et Samaria, et usque in fines*

¹ In editis: *si in hoc tempore præsentabis*. Sed legendum ut in MSS., *si hoc in tempore præsentaberis*. Sic enim infra Tract. 40 in Epist. Joan., n. 9. Unde in Tract. 101 in Evangelium Joan., n. 4: « interrogatus, ait, quando præsentabitur » [i] si hoc in tempore præsentabis».

² MSS., *scire tempora quæ Pater posuit*; omisso, uti solent, *vel momenta*.

³ Duo MSS.: *Spiritu sancto superveniente*.

terræ (*Act. i, 6-8*). Vultis ut jam exhibeam regnum; prius colligam quod exhibeam: altitudinem amatis, et altitudinem adipiscemini; sed per humilitatem me sequimini. Sic de illo etiam prædictum est, *Et congregatio populorum circumdabit te, et propter hanc in altum regredere* (*Psal. vii, 8*); id es, ut circumdet te congregatio populi, ut multos colligas, regredere in altum. Sic fecit; pavit, et ascendit.

4. Quare autem dictum est, *fugit*? Neque enim vere si nollet teneretur, si uollet raperetur, qui si nollet nec agnosceretur. Nam ut noveritis hoc mystice factum, non ex necessitate, sed ex significanti dispositione, modo in consequenti videbitis; quia eisdem turbis quæ eum quærebant apparuit, et cum eis loquens multa eis dixit, multa de pane cœlesti disputavit: nonne cum ipsis de pane disputans erat, a quibus ne teneretur aufugerat? Non ergo et tunc poterat agere ut non ab eis comprehendenderetur, quemadmodum postea quando cum eis loquebatur? Aliquid ergo significavit fugiendo. Quid est, *fugit*? Non potuit intelligi altitudo ejus. Quidquid enim non intellexeris, Fugit me, dicas. Ergo *fugit iterum in montem ipse solus*. Primogenitus a mortuis (*Coloss. i, 18*) ascendens super omnes cœlos, et interpellans pro nobis (*Rom. viii, 34*).

5. Interea illo sursum posito solo sacerdote magno (qui intravit in interiora veli, foris populo constituto; hunc enim sacerdos ille in Lege veteri significavit, qui hoc semel in anno faciebat [*Hebr. ix, 42*]): illo ergo sursum posito, discípuli in navicula quid patiebantur? Nam illo in altis constituto, navicula illa Ecclesiam præsignabat. Si non hoc primo in Ecclesia intelligimus, quod illa navicula patiebatur; non erant illa significantia, sed simpliciter transeuntia: si autem videmus exprimi in Ecclesia veritatem illarum significacionum, manifestum est quia facta Christi genera sunt locutionum. *Ut autem sero factum est, inquit, descendunt discípuli ejus ad mare: et cum ascendissent naviculam, venerunt trans mare in Capharnaum*. Cito dixit sinitum quod postea factum est. *Venerunt trans mare in Capharnaum*. Et reddit, ut exponat quomodo venerunt, quia per stagnum navigantes transierunt. Et dum navigarent ad eum locum quo eos venisse jam dixit, recapitulando exponit quid acciderit: *Tenebræ jam factæ erant, et non venerat ad eos Jesus*. Merito tenebræ, quia lux non venerat: *Tenebræ jam factæ erant, et non venerat ad eos Jesus*. Quantum accedit finis mundi, crescent errores, crebrescent terrors, crescit iniqüitas, crescit infidelitas: lux denique quæ charitas apud Joannem ipsum evangelistam satis apteque demonstratur, ita ut diceret, *Qui odit fratrem suum, in tenebris est* (*I Joan. ii, 11*), creberrime extinguitur: crescent ista tenebrae odiorum fraternorum, quotidie crescent; et nondum venit Jesus. Unde apparet quia crescent? *Quoniam abundabit iniqüitas, refrigescet charitas multorum*. Crescent tenebrae, et nondum venit Jesus. Crescentibus tenebris, refrigescente charitate, abundante iniqüitate, ipsi sunt fluctus navem turbantes: tempestates et venti, clamo-

res sunt maledicorum. Inde charitas refrigescit, inde fluctus augentur, et turbatur navis.

6. *Vento magno flante mare exsurgebat. Tenebrae crescabant, intelligentia minuebatur, iniquitas augebatur. Cum remigassent ergo quasi stadia viginti quinque aut triginta. Interea ambulabant, promovebant, nec venti illi et tempestates et fluctus et tenebrae id agebant, ut vel navis non promoveretur, vel soluta mergeretur: sed inter illa omnia mala ibat. Etenim quia abundavit iniquitas, et refrigescit charitas multorum, crescunt fluctus, augentur tenebrae, saevit ventus: sed tamen navis ambulat. Qui enim perseveraverit usque in finem, hic salvus erit (Mauh. xxiv, 12, 13).* Nec ipse stadiorum numerus contemnendus est. Neque enim vere posset nihil significare quod dictum est, *Cum remigassent stadia viginti quinque aut triginta, tunc ad eos venit Jesus. Sufficeret viginti quinque, sufficeret triginta, maxime quia aestimantis erat, non affirmantis. Numquid periclitaretur veritas in aestimante, si diceret stadia ferme triginta, aut stadia ferme viginti quinque? Sed ex viginti quinque fecit triginta. Quæramus numerum vigesimum quintum. Unde constat, unde sit? De quinario. Quinarius ille numerus ad Legem pertinet. Ipsi sunt quinque libri Moysi, ipsae sunt quinque porticus illae languidos continentibus, ipsi quinque panes quinque millia hominum pascentes. Ergo Legem significat numerus vigesimus quintus: quoniam quinque per quinque, id est, quinque quini, faciunt viginti quinque, quadratum quinarium. Sed huic Legi antequam Evangelium veniret, deerat perfectio. Perfectio autem in senario numero comprehenditur. Propterea sex diebus Deus in mundum perfecit (Gen. 1), et quinque ipsa per sex multiplicantur, ut Lex per Evangelium adimpleatur, ut sicut sexies quini triginta. Ad eos ergo qui implent Legem, venit Jesus. Et venit, quomodo? Calcans fluctus; omnes tumores mundi sub pedibus habens, omnes celsitudines saeculi premens. Hoc agitur quantum additur temporis, et quantum accedit aetas saeculi. Augentur in isto mundo tribulationes, augentur mala, augentur contritiones, exaggerantur haec omnia: Jesus transit, calcans fluctus.*

7. Et tamen tantæ sunt tribulationes, ut etiam ipsi qui crediderunt in Jesum, et qui conantur persevere usque in finem, expavescant ne deficiant: Christo fluctus calcante, saeculi ambitiones et altitudines deprimente, expavescit Christianus. Nonne haec illi praedicta sunt? Merito et Jesu in fluctibus ambulante, timuerunt: quomodo Christiani quarvis habentes spem in futuro saeculo, quando viderint deprimi altitudinem saeculi huius, plerumque conturbantur de contritione rerum humanarum. Aperit Evangelium, aperiunt Scripturas; et inveniunt ibi ista omnia praedicta; quia hoc Dominus facit. Deprimit celsitudines saeculi, ut ab humilibus glorificetur. De quorum altitudine praedictum est, *Civitates firmissimas destrues; et, Inimici desecerunt franeæ in finem, et civitates destruas (Psal. ix, 7).* Quid ergo timetis, Christiani? Christus loquitur: *Ego sum, nolite timere.* Quid haec

expavescitis? Quid timetis? Ego ista predixi, ego facio, necessum est ut siant. *Ego sum, nolite timere. Voluerunt ergo eum accipere in navem, agnoscentes ac gaudentes, securi facti. Et statim fuit navis ad terram in quam ibant.* Factus est finis ad terram: de humido ad solidum, de turbato ad firmum, de itinere ad finem.

8. *Altera die turba que stabat trans mare, unde illi venerant, vidit quia navicula non erat ibi nisi una, et quia non introisset cum discipulis suis in navem, sed soli discipuli ejus abiissent: aliae vero supervenerunt naves a Tiberiade, juxta locum ubi manducaverunt panem, gratias agentes Domino. Cum ergo vidissent turbæ quia Jesus non esset ibi, neque discipuli ejus, ascenderunt in naviculas, et venerunt Capharnaum quærentes Jesum. Insinuatum tamen est illis tam magnum miraculum. Viderunt enim quod discipuli soli ascendissent in navem, et quia alia navis non ibi erat. Venerunt autem inde et naves juxta locum illum ubi manducaverunt panem, in quibus eum turbæ secutæ sunt. Cum discipulis ergo non ascenderat, alia navis illuc non erat: unde subito trans mare factus est Jesus, nisi quia super mare ambulavit, ut miraculum monstraret?*

9. *Et cum invenissent eum turbæ. Ecce presentat¹ se turbis, a quibus se rapi timuerat, et in montem fugerat. Omnino confirmat et insinuat nobis in mysterio dicta esse illa omnia; et facta in magno sacramento, ut aliquid significarent. Ecce est ille qui in montem fugerat turbas: nonne cum ipsis turbis loquitur? Modo teneant, modo regem faciant. Et cum invenissent eum trans mare, dixerunt ei: Rabbi, quando huc venisti?*

10. Ille post miraculi sacramentum, et sermonem infert, ut si fieri potest, qui pasti sunt, pascantur, et quorum satiavit panibus ventres, satiet et sermonibus mentes; sed si capiunt. Et si non capiunt, sumatur quod non capiunt², ne fragmenta pereant. Loquatur ergo, et audiamus. *Respondit Jesus, et dixit: Amen, amen dico vobis, quæritis me, non quia vidistis signa, sed quia manducasti ex panibus meis.* Propter carnem me quæritis, non propter spiritum. Quam multi non querunt Jesum, nisi ut illis faciat bene secundum tempus! Alius negotium habet, quærit intercessionem clericorum; alias premitur a potentiore, fugit ad ecclesiam; alias pro se vult interveniri apud eum apud quem parum valet: ille sic, ille sic; impletur quotidie talibus ecclesia. Vix quæritur Jesus propter Jesus. *Quæritis me, non quia vidistis signa, sed quia manducasti ex panibus meis.* Operamini non cibum qui perit, sed qui permanet in vitam æternam. Quæritis me propter aliud, quærite me propter me. Seipsum enim insinuat istum cibum, quod in consequentibus illucescit. *Quem Filius hominis dabit vobis. Exspectabas, credo, iterum panes manducare, iterum discumbere,*

¹ Juxta Er. Ingd. et Ven., repreſentet. M.

² Plerique MSS.: *Et si non capiunt, sumant quod capiunt. Sed forte melius alii tres: Et si non capiunt, sumant qui capiunt.*

iterum saginari. Sed dixerat cibum non qui perit, sed qui permanet in vitam æternam: quomodo dictum fuerat mulieri illi Samaritanæ. Si scires qui petit a te bibere, tu forsitan postulasses ab eo, et daret tibi aquam vivam: cum illa diceret, Unde tibi, quandoquidem non habes hauritorum, et puteus altus est? Samaritanæ respondit: Si scires qui a te petit bibere, tu pettis ab eo, et daret tibi aquam, unde qui biberit, amplius non sitiet: nam de hac aqua qui biberit, sitiet iterum. Et gavisa est illa, et voluit accipere, quasi non passura siti corporis, quæ labore hauriendi fatigabatur; et sic inter hujusmodi sermocinationes pervenit ad potum spiritualem (*Joan. iv, 5-26*): omnino isto modo et hic.

11. Hunc ergo cibum, non qui perit, sed qui permanet in vitam æternam, quem Filius hominis dabit vobis: hunc enim Pater signavit Deus. Iustum filium hominis nolite sic accipere, quasi alias filios hominum, de quibus dictum est, *Filiis autem hominum in protectione alarum tuarum sperabunt* (*Psal. xxxv, 8*). Iste filius hominis sequestratus quadam gratia Spiritus, et secundum carnem filius hominis, exceptus a numero hominum; filius hominis est. Iste filius hominis et Filius Dei est, iste homo etiam Deus est. Alio loco interrogans discipulos ait: *Quem me dicunt esse homines Filium hominis?* Et illi: *Alii Joannem, alii Eliam, alii Jeremiam, aut unum ex Prophetis.* Et ille: *Vos vero quem me dicitis esse?* Respondit Petrus: *Tu es Christus Filius Dei vivi* (*Matth. xvi, 13-16*). Ille dixit se Filium hominis, et Petrus eum dixit Filium Dei vivi. Optime ille commemorabat quod misericorditer exhibuerat: ille commcmorabat quod in claritate permanebat. Verbum Dei commendat humilitatem suam, homo agnoscit claritatem Domini sui. Et revera, fratres, puto quia justum est; humiliavit se propter nos, glorificemus illum nos: non enim filius hominis propter se est, sed propter nos. Ergo erat filius hominis illo modo, cum *Verbum caro factum est, et habitavit in nobis* (*Joan. i, 14*). Ideo enim *hunc Deus Pater signavit*. Signare quid est, nisi proprium aliquid ponere? Hoc est enim signare, imponere aliquid quod non confundatur cum ceteris. Signare, est signum rei ponere. Cuicunque rei ponis signum, ideo ponis signum, ne confusa cum aliis, a te non possit agnosciri. *Pater ergo eum signavit.* Quid est, signavit? Proprium quiddam illi dedit, ne ceteris comparetur hominibus. Ideo de illo dictum est, *Unxit te, Deus, Deus tuus oleo exultationis, præ participibus tuis* (*Psal. xliv, 8*). Ergo signare quid est? Exceptum habere: hoc est, *præ participibus tuis*. Itaque nolite, inquit, me contemnere, quia filius sum hominis; et quererite a me cibum non qui perit, sed qui permanet in vitam æternam. Sic enim filius hominis sum, ut non sim unus ex vobis: sic sum filius hominis, ut Pater Deus me signaret. Quid est, signaret? Proprium aliquid mihi daret, quo non confunderer eum genere humano, sed per me liberaretur genus humanum.

12. Dixerunt ergo ad eum: Quid faciemus ut operemur opera Dei? Dixerat enim illis, *Operamini escam,*

non quæ perit, sed quæ permanet in vitam æternam. Quid faciemus, inquit, quid observando, hoc preceptum implere poterimus? Respondit Jesus, et dixit eis: *Hoc est opus Dei, ut credatis in eum quem misit ille.* Hoc est ergo manducare cibum non qui perit, sed qui permanet in vitam æternam. Utquid paras dentes et ventrem? crede, et manducasti. Discernitur quidem ab operibus fides, sicut Apostolus dicit, *justificari hominem per fidem sine operibus Legis* (*Rom. iii, 28*): et sunt opera quæ videntur bona, sine fide Christi; et non sunt bona, quia non referuntur ad eum finem ex quo sunt bona: *Finis enim Legis Christus, ad justitiam omni credenti* (*Id. x, 4*). Ideo noluit discernere ab opere fidem, sed ipsam fidem dixit esse opus. Ipsa est enim fides quæ per dilectionem operatur (*Galat. v, 6*). Nec dixit, *Hoc est opus vestrum*; sed, *Hoc est opus Dei, ut credatis in eum quem misit ille*: ut qui gloriatur, in Domino gloriatur (*I Cor. i, 31*). Quia ergo invitabat eos ad fidem, illi adhuc quærebant signa quibus crederent. Vide si non Judæi signa pertinet. Dixerunt ergo ei, *Quod ergo tu facis signum, ut videamus et credamus tibi? quid operaris?* Parvum erat quod de quinque panibus pasti sunt? Sciebant hoc quidem, sed huic cibo manna de cœlo præferebant. Dominus autem Jesus talen se dicebat, ut Moysi præponeret. Non enim ausus est Moyses de se dicere quod daret cibum non qui perit, sed qui permanet in vitam æternam. Aliquid plus iste promittebat quam Moyses. Per Moysen quippe promittebatur regnum, et terra fluens lac et mel, temporalis pax, abundantia filiorum, salus corporis, et cetera omnia, temporalia quidem, in figura tamen spiritualia: quia veteri homini in Veteri Testamento promittebantur. Attendeant ergo promissa per Moysen, et attendeant promissa per Christum. Ille plenum ventrem promittebat in terra, sed cibo qui perit: iste promittebat cibum non qui perit, sed qui permanet in æternum. Attendeant eum plus promittentem, et quasi nondum videbant majora facientem. Attendeant itaque qualia fecisset Moyses, et adhuc aliqua majora volebant fieri ab eo qui tam magna pollicebatur. Quid, inquit, facis, ut credamus tibi? Et ut noveris quia miracula illa huic miraculo comparabant, et ideo quasi minora ista judicabant quæ faciebat Jesus: *Patres, inquit, nostri manna manducaverunt in deserto.* Sed quid est manna? Forte contemnitis. *Sicut scriptum est, Dedit illis manna manducare.* Per Moysen patres nostri panem de cœlo acceperunt, et non eis dictum est a Moysi, *Operamini cibum non qui perit.* Tu promittis cibum non qui perit, sed qui permanet in vitam æternam, et non talia opera operaris qualia Moyses. Panes hordeaceos ille non dedit, sed dedit manna de cœlo.

13. Dicit ergo eis Jesus: *Amen, amen dico vobis, non Moyses dedit vobis panem de cœlo, sed Pater meus dedit vobis panem de cœlo.* Verus enim panis est qui de cœlo descendit, et dat vitam mundo. Verus ergo ille panis est qui dat vitam mundo; et ipse eibus est de quo paulo ante locutus sum, *Operamini cibum non qui*

perit, sed qui permanet in vitam æternam. Ergo et illud manna hoc significabat, et illa omnia signa mea erant. Signa mea dilexisti; qui significabatur, contemnisti? Non ergo Moyses dedit panem de cœlo : Deus dat panem. Sed quem panem? forte manna? Non, sed panem quem significavit manna, ipsum scilicet Dominum Jesum. *Pater meus dat vobis panem verum.* Panis enim Dei est qui descendit de cœlo, et dat vitam mundo. Dixerunt ergo ad eum : Domine; da nobis semper panem hunc. Quomodo mulier illa Samaria, cui dictum est, *Qui biberit de hac aqua, non siet unquam;* continuo illa secundum corpus accipiens, sed tamen carere indigentia volens, *Da mihi,* inquit, Domine, de hac aqua : sic et isti, Domine, da nobis panem hunc, qui nos reficiat, nec deficiat.

14. *Dixit autem eis Jesus :* Ego sum panis vita : qui venit ad me, non esuriet; et qui credit in me, non siet unquam. Qui venit ad me, hoc est quod ait, et qui credit in me; et quod dixit, non esuriet, hoc intelligendum est, non siet unquam. Utroque enim illa significatur æterna satietas, ubi nulla est egestas. Panem de cœlo desideratis; ante vos habetis, et non manducatis. *Sed dixi vobis,* quia et vidistis me, et non credidistis. Sed non ideo ego populum perdidii. Numquid enim infidelitas vestra fidem Dei evacuavit (*Rom. iii, 5*)? Vide enim quod sequitur : Omne quod dut mihi Pater, ad me veniet; et eum qui venerit ad me, non ejiciam foras. Quale est intus illud, unde non exitur foras? Magnum penetrale, et dulce secretum. O secretum sine tædio, sine amaritudine malarum cogitationum, sine interpellatione tentationum et dolorum! Nonne illud secretum est quo intrabit ille, cui dicturus est Dominus servo bene merito, *Intra in gaudium Domini tui* (*Matth. xxv, 23*)?

15. *Et eum qui veniet ad me, non ejiciam foras.* Quia descendit de cœlo, non ut faciam voluntatem meam, sed voluntatem ejus qui misit me. Ideo ergo cum qui veniet ad te, non ejicies foras, quia descendisti de cœlo, non facere voluntatem tuam, sed voluntatem ejus qui te misit? Magnum sacramentum! Obscro vos, simul pulsumus; exeat ad nos aliquid quod nos pascat, secundum quod nos delectavit. Magnum illud et dulce secretum : Qui veniet ad me. Attende, attende, et appende : Qui veniet ad me, non ejiciam foras. Ergo, qui veniet, inquit, non ejiciam foras. Quare? Quia descendit de cœlo, non ut faciam voluntatem meam, sed voluntatem ejus qui misit me. Ipsa est ergo causa quare non ejicias eum foras qui venit ad te, quia non voluntatem tuam facere descendisti de cœlo, sed voluntatem ejus qui te misit? Ipsa. Quid querimus utrum ipsa sit? Ipsa est, ipse agitur. Non enim nobis fas est aliud suspicari qualem loquitur : Qui venerit ad me, non ejiciam foras. Et quasi quereres, Quare? Quia non veni facere voluntatem meam, sed voluntatem ejus qui misit me. Timeo ne foras propterea exierit anima a Deo, quia superba erat; imo non dubito. Scriptum est enim, *Initium omnis peccati superbia;* et, *Initium superbiae hominis apostatare a Deo.* Scriptum est, firmum est, verum est. Deinde quid de superbo

dicitur mortali, accincto pannis carnis, prægravato pondere corporis corruptibilis, et tamen extollenti se, et obliviscenti qua pelle vestitus sit, quid ei dicit Scriptura? *Quid superbis terra et cinis? Quid superbis?* Dicat quid superbis. Quoniam in vita sua projecit intima sua (*Eccli. x, 15, 14, 9 et 10*). Quid est, *projecit*, nisi porro jecit? Hoc est exire foras. Etenim intrare intro, appetere intima; projicere intima, foras exire est. Intima projicit superbis, intima appetit humilis. Si superbis ejicimur, humilitate regredimur.

16. Caput omnium morborum superbia est, quia caput omnium peccatorum superbia. Medicus quando aegritudinem discutit, si curet quod per aliquam causam factum est, et ipsam causam qua factum est non curet, ad tempus videtur mederi, causa manente morbus repetitur. Verbi gratia, expressius hoc dicam: humor in corpore scabiem vel ulcera gignit; in corpore fit magna febris, et non parvus dolor: exhibentur quædam medicamenta quæ scabiem compescant et servorem illum ulceris sedent; et adhibentur et proficiunt: vides hominem qui fuit ulcerosus et scabiosus, sanatum; sed quia humor ille non ejectus est, rursus ad ulcus redditur. Cognoscens hoc medicus, purgat humorum, detrahit causam, et nulla erunt ulcera. Unde abundat iniquitas? Per superbiam. Cura superbiam, et nulla erit iniquitas. Ut ergo causa omnium morborum curaretur, id est superbia, descendit et humili factus est Filius Dei. Quid superbis, homo? Deus propter te humili factus est. Puderet te fortasse imitari humilem hominem, saltem imitare humilem Deum. Venit Filius Dei in homine, et humili factus est: præcipitur tibi ut sis humili, non tibi præcipitur ut ex homine sis pecus: ille Deus factus est homo; tu, homo, cognosce quia es homo: tota humilitas tua, ut cognoscas te. Ergo quia humilitatem docet Deus, dixit, *Non veni facere voluntatem meam, sed ejus voluntatem qui misit me.* Haec enim commendatio humilitatis est. Superbia quippe facit voluntatem suam; humilitas facit voluntatem Dei. Ideo qui ad me venerit, non ejiciam foras. Quare? Quia non veni facere voluntatem meam, sed voluntatem ejus qui misit me. Humilis veni, humilitatem docere veni, magister humilitatis veni: qui ad me venit, incorporatur mihi; qui ad me venit, humili fit; qui mihi adhæret, humili erit; quia non facit voluntatem suam, sed Dei; et ideo non ejicetur foras, quia cum superbis esset, projectus est foras.

17. Vide illa interiora commendari in Psalmo: *Filius autem hominum in protectione alarum tuarum sperabunt.* Vide quid sit ire intro, vide quid sit ad illius protectionem confugere, vide quid sit etiam sub verbena patris currere: flagellat enim omnem filium quem recipit. *Filius autem hominum sub tegmine alarum tuarum sperabunt.* Et quid est intus? *Inebriabuntur ab ubertate domus tuæ.* Cum miseris intro, intrantes in gaudium Domini sui; *inebriabuntur ab ubertate domus tuæ,* et torrente voluptatis tuæ potabis eos. Quoniam apud te est fons vitae. Non fons extra te, sed intus apud te, ibi est fons vitae. *Et in lumine tuo vide-*

bitus lumen. Prætende misericordiam tuam scientibus te, et justitiam tuam his qui recte sunt corde. Qui sequuntur voluntatem Domini sui, non querentes sua, sed quæ Domini Jesu Christi, ipsi sunt recti corde, ipsis non commoventur pedes. Bonus enim Deus Israel rectis corde. Mei autem, inquit ille, pene commoti sunt pedes. Quare? Quia zelavi in peccatoribus, vacem peccatorum intuens (Psal. lxxii, 13). Ergo quibus bonus est Deus, nisi rectis corde? Nam mihi torto corde displicuit Deus. Quare displicuit? Quia dedit felicitatem malis: et ideo mutaverunt mihi pedes, quasi sine causa servisset Deo. Ideo ergo mei pene commoti sunt pedes, quia non fui rectus corde. Quid est ergo rectus corde? Sequens voluntatem Dei. Felix est ille, laborat ille: ille male vivit et felix est, ille juste vivit et laborat. Non indignetur juste vivens et laborans; intus habet quod felix ille non habet: non ergo tristetur, non maceretur, non deficiat. Felix ille habet ipse aurum in arca, iste Deum in conscientia. Compara nunc aurum et Deum, arcum et conscientiam. Ille illud habet quod perit, et ibi habet unde perit; iste Deum habet, qui perire non potest, et ibi habet unde auferri non potest: sed si sit rectus corde; tunc enim intrat, et non exit. Ideo ille quid dicebat? *Quoniam apud te est fons vitae: non apud nos.* Ideo intrare debemus ut vivamus, non quasi nobis sufficere ut percamus, non quasi de nostro velle satiari ut arescamus: sed os ad ipsum fontem ponere, ubi aqua non deficit. Quia voluit suo consilio vivere Adam, et lapsus est per eum qui ante ceciderat per superbiam, qui ei calicem ipsius superbie propinavit. Quia ergo *apud te est fons vitae, et in lumine tuo videbimus lumen; intus bibamus, intus videamus.* Quare enim inde exitum est? Audi quare: *Non veniat mihi pes superbie.* Ergo ille exiit, cui venit pes superbie. Ostende quia ideo exiit. *Et manus peccatorum non moveant me: propter pedem superbie.* Quare hoc dicis? *Ibi ceciderunt omnes qui operantur iniquitatem.* Ubi ceciderunt? In ipsa superbia. *Expulsi sunt, nec potuerunt stare (Psal. xxxv, 8-13).* Si ergo superbia expulit eos qui non potuerunt stare; humilitas intromittit, qui possint in perpetuum stare. Ideo etenim ille qui dixit, *Exsultabunt ossa humiliata; prædixit, Auditui meo dabis exsultationem et laetitiam (Psal. L, 10).* Quid est, *auditui meo?* Audiendo te felix sum, de voce tua felix sum; intus bibendo felix sum. Ideo non cedo, ideo *exsultabunt ossa humiliata:* ideo *amicus sponsi stat, et audit eum (Joan. iii, 29);* ideo stat, quia audit. De interiore fonte bibit, ideo stat. Illi qui noluerunt de interiore bibere, *ibi ceciderunt; expulsi sunt, nec potuerunt stare.*

18. Doctor itaque humilitatis venit non facere voluntatem suam, sed voluntatem ejus qui misit illum. Veniamus ad eum, intremus ad eum, incorporemur ei, ut nec nos faciamus voluntatem nostram, sed voluntatem Dei: et non nos ejiciet foras, quia membra ejus sumus, quia caput nostrum esse voluit docendo humilitatem. Ad extreum, ipsum audite concionandum: *Venite ad me, qui laboratis et onerati estis: tol-*

lite jugum meum super vos, et discite a me quia misit sum et humilis corde; et cum hoc didiceritis, invematis requiem animabus vestris (Matth. xi, 28 et 29), unde non ejiciamini foras: quia descendit de cœlo, non us faciam voluntatem meam, sed voluntatem ejus qui misit me; humilitatem doceo, ad me venire non potest nisi humiliis. Non mittit foras nisi superbia: quomodo exit foras qui servat humilitatem, et non labitur a veritate? Dicta sunt quanta dici potuerunt de abscondito sensu, fratres: satis enim hic latet sensus, et nescio utrum congruis verbis a me sit depromptus et exculptus, quare ideo non ejiciat foras qui venit ad illum, quia non venit facere voluntatem suam, sed voluntatem ejus qui misit eum.

19. *Hæc est autem, inquit, voluntas ejus qui misit me Patris, ut omne quod dedit mihi, non perdam ex eo. Ipse illi datus est, qui servat humilitatem; hunc accipit: qui non servat humilitatem, longe est a magistro humilitatis. Ut omne quod dedit mihi, non perdam ex eo. Sic non est voluntas in conspectu Patris vestri, ut pcreat unus de pusillis istis. De tumentibus potest perire, de pusillis nihil perit: quia nisi fueritis sicut pusillus iste, non intrabitis in regnum cœlorum (Id. xviii, 14, 4). Omne quod dedit mihi Pater, non perdam ex eo; sed resuscitabo illud in novissimo die. Vide quemadmodum et hic geminam illam resurrectionem delineet. Qui venit ad me, modo resurget humilius factus in membris meis: sed et resuscitabo eum in novissimo die, secundum carnem. Hæc est enim voluntas Patris mei qui misit me, ut omnis qui videt Filium, et credit in eum, habeat vitam æternam; et ego resuscitabo eum in novissimo die. Superius dixit, Qui audit verbum meum, et credit ei qui misit me: modo autem, Qui videt Filium, et credit in eum. Non dixit, Videt Filium, et credit in Patrem: hoc est enim credere in Filium, quod et in Patrem. Quia sicut habet Pater vitam in semetipso, sic dedit et Filio vitam habere in semetipso (Joan. v, 24, 26). Ut omnis qui videt Filium, et credit in eum, habeat vitam æternam: credendo et transeundo ad vitam, tanquam prima illa resurrectione. Et quia non est sola, et resuscitabo ego eum, inquit, in novissimo die.*

TRACTATUS XXVI.

Ab eo quod scriptum est, Murmurabant ergo Iudei de illo, quia dixisset, Ego sum panis qui de cœlo descendit; usque ad id, Qui manducat hunc panem, vivet in æternum. Cap. vi, §. 41-59.

1. Cum Dominus noster Jesus Christus, *sicut in Evangelio cum legeretur, audivimus, panem se esso dixisset, qui de cœlo descendit, murmuraverunt Iudei, et dixerunt, Nonne hic est Jesus filius Joseph, cuius nos novimus patrem et matrem? Quomodo ergo hic dicit, Quia descendit de cœlo?* Isti a pane de cœlo longe erant, nec eum esurire noverant. Fauces cordis languidas habebant, auribus apertis surdi erant, videbant et cœci stabant. Panis quippe iste interioris hominis querit esuriem: unde alio loco dicit, *Beati qui esuriunt et sitiunt justitiam, quoniam ipsi saturabuntur*

(*Matth. v, 6*). *Justitiam vero nobis esse Christum Paulus apostolus dicit (Id. Cor. i, 30).* Ac per hoc qui esurit hunc panem, esuriat justitiam; sed justitiam quæ de cœlo descendit, justitiam quam dat Deus, non quam sibi facit homo. Si enim nullam sibi homo faceret justitiam, non diceret idem apostolus de Iudaïs: *Ignorantes enim Dei justitiam, et suam volentes constituere, justitiae Dei non sunt subjecti (Rom. i, 3)*. Inde erant isti qui panem de cœlo descendantem non intelligebant, quia sua justitia saturati, justitiam Dei non esuriebant. Quid est hoc, justitia Dei et justitia hominis? Justitia Dei hic dicitur, non qua justus est Deus, sed quam dat homini Deus, ut justus sit homo per Deum. Quæ autem erat illorum justitia? Qua de suis viribus presumebant, et quasi impletores Legis se ipsos ex sua virtute dicebant. Nemo autem impletus Legem, nisi quem adjuverit gratia, id est panis qui de cœlo descendit. *Legis enim plenitudo, compendio ut ait Apostolus, charitas est (Id. xiiii, 10)*: charitas non nummi, sed Dei; charitas non terræ, non cœli, sed ejus qui fecit cœlum et terram. Unde ista charitas homini? Ipsum audiamus: *Charitas, inquit, Dei diffusa est in cordibus nostris per Spiritum sanctum qui datum est nobis (Id. v, 5)*. Daturus ergo Dominus Spiritum sanctum, dixit se panem qui de cœlo descendit, horrens ut credamus in eum. Credere enim in eum, hoc est manducare panem vivum. Qui credit, manducat: invisibiliter saginatur, quia invisibiliter renascitur. Infans intus est, novus intus est: ubi novellatur, ibi solvatur.

2. Quid ergo talibus murmurantibus respondit Jesus? *Nolite murmurare ad invicem*. Tanquam dicens, Scio quare non esurialis, et istum panem non intelligatis neque querbatis. *Nolite murmurare ad invicem: nemo potest venire ad me, nisi Pater qui misit me, traherit eum*. Magna gratia commendatio! Nemo venit nisi traxit. Quem trahat et quem non trahat, quare illum trahat et illum non trahat, noli velle judicare, si non vis errare. Semel accipe, et intellige: nondum traheris¹? ora ut traharis. Quid hic dicimus, fratres? Si trahimur ad Christum, ergo inviti credimus; ergo violentia adhibetur, non voluntas excitatur. Intrare quisquam ecclesiam potest nolens, accedere ad altare potest nolens, accipere Sacramentum potest nolens: credere non potest nisi volens. Si corpore crederetur, sieret in nolentibus: sed non corpore creditur. Apostolum audi: *Corde creditur ad justitiam*. Et quid sequitur? *Ore autem confessio fit ad salutem (Id. x, 10)*. De radice cordis surgit ista confessio. Aliquando audis confitentem, et nescis credentem². Sed nec debes vocare confitentem, quem judicas non credentem. Hoc est enim confiteri, dicere quod habes in corde: si autem aliud in corde habes, aliud dicis; loqueris, non confiteris. Cum ergo in Christum corde credatur, quod nemo utique facit invitus, qui autem trahitur, tanquam invitus cogi videtur; quomodo istam solvi-

mus questionem, *Nemo venit ad me nisi Pater qui misit me, traherit eum?*

3. Si trahitur, ait aliquis, invitus venit. Si invitus venit, nec credit; si non credit, nec venit. Non enim ad Christum ambulando currimus, sed credendo: nec motu corporis, sed voluntate cordis accedimus. Ideo illa mulier quæ fimbriam tetigit, magis tetigit quam turbam quæ pressit. Ideo Dominus dixit, *Quis me tetigit? (Luc. viii, 44-46)*? Et mirantes discipuli, dixerunt: *Turbæ te compriment, et dicis, Quis me tetigit?* Et ille repetivit: *Tetigit me aliquis*. Illa tangit, turba premit. Quid est tetigit, nisi credidit? Unde et mulieri illi post resurrectionem dixit volenti se mittere ad pedes ejus: *Noli me tangere; nondum enim ascendi ad Patrem (Joan. xx, 17)*. Quod vides, hoc solum me esse putas; noll me tangere. Quid est? Hoc solum me esse putas quod tibi appareo, noli sic credere: hoc est, *Noli me tangere; nondum enim ascendi ad Patrem; tibi non ascedi, nam inde nunquam recessi. In terra non tangebat stantem, quomodo tangeret ad Patrem ascendenter? Sic tamen, sic se tangi voluit: sic tangitur ab eis a quibus bene tangitur, ascendens ad Patrem, manens cum Patre, aequalis Patri.*

4. Inde et hic si advertis, *Nemo venit ad me, nisi quem Pater attraherit*. Noli te cogitare invitum trahi³: trahitur animus et amore. Nec timere debemus ne ab hominibus qui verba perpendunt, et a rebus maxime divinis intelligendis longe remoti sunt, in hoc Scripturarum sanctorum evangelico verbo forsitan reprehendamus, et dicatur nobis, *Quomodo voluntate credo, si trahor? Ego dico: parum est voluntate, etiam voluptate traheris. Quid est trahi voluptate? Delectare in Domino, et dabit tibi petitiones cordis tui (Psal. xxxvi, 4)*. Est quedam voluptas cordis, cui panis dulcis est ille celestis. Porro si poeta dicere licuit, «Trahit sua et quenque voluptas» (*Virg. Eclog. 2*); non necessitas, sed voluptas; non obligatio, sed delectatio: quanto fortius nos dicere debemus trahi hominem ad Christum, qui delectatur veritate, delectatur beatitudine, delectatur justitia, delectatur sempiterna vita, quod totum Christus est? Auero habent corporis sensus voluptates suas, et animus deseritur a voluptatibus suis? Si animus non habet voluptates suas, unde dicitur, *Filiæ autem hominum sub tegmine alarum tuarum sperabunt: inebriarunt ab ubertate domus tuæ, et torrente voluptatis tuæ potabis eos; quoniam apud te est fons vitae, et in lumine tuo videbimus lumen (Psal. xxxv, 8-10)*? Da amantem, et sentit quod dico. Da desiderantem, da esurientem⁴, da in ista solitudine peregrinantem atque sientem, et fontem æternæ patriæ suspirantem: da talem, et scit quid dicam. Si autem frigido loquor, nescit quid loquor. Tales erant isti qui invicem murmurabant. *Pater, inquit, quem traherit, venit ad me*.

5. Quid est autem, *Pater quem traherit, cum ipse Christus trahat?* Quare voluit dicere, *Pater quem tra-*

¹ Ediu, non traheris. MSS., nondum traheris.

² Am Bad. et Er. addunt, vocas confitentem, et nescis credendum.

³ MSS. plures: *Nolite cogitare invitum trahi invitum*.

⁴ Plerique MSS., da ferueniem. Paulusque post omnes, omissos, nescit, habent ita: *Si autem frigido loquor, quid loquor?*

xerit? Si trahendi sumus, ab illo trahamur cui dicit quædam quæ diligit, *Post odorem unguentorum tuorum curremus* (*Cant. 1, 5*). Sed quid intelligi voluit, advertamus, fratres, et quantum possumus capiamus. Trahit Pater ad Filium eos qui propterea credunt in Filium, quia eum cogitant Patrem habere Deum: Deus enim Pater æqualem sibi genuit Filium: ut qui cogitat, atque in fide sua sentit et ruminat æqualem esse Patri eum in quem credit, ipsum trahit Pater ad Filium. Arius credidit creaturam, non eum traxit Pater; quia non considerat Patrem, qui Filium non credit æquatem. Quid dicis, o Ari? quid, hæretice, loqueris? quid est Christus? Non, inquit, Deus verus; sed quem fecit Deus verus. Non te traxit Pater; non enim intellexisti Patrem, cujus Filium negas: aliud cogitas, non est ipse Filius; nec a Patre traheris, nec ad Filium traheris: aliud est enim Filius, aliud quod tu dicas. Photinus dixit: Homo solus est Christus, non est et Deus. Qui sic credit, non Pater eum traxit. Quem Pater traxit, *Tu es*, inquit, *Christus Filius Dei vivi*. Non sicut propheta, non sicut Joannes, non sicut aliquis magnus justus; sed sicut unicus, sicut æqualis, *tu es Christus Filius Dei vivi*. Vide quia tractus est, et a Patre tractus est. *Beatus es Simon Bar-Jona, quia non tibi revelavit caro et sanguis, sed Pater meus qui in cœlis est* (*Math. xvi, 16, 17*). Ista revelatio, ipsa est attractio. Rannum viridem ostendis ovi, et trahis illam. Nuces pueru demonstrantur, et trahitur: et quo currit trahitur, amando trahitur, sine lesione corporis trahitur, cordis vinculo trahitur. Si ergo ista quæ inter delicias et voluptates terrenas revelantur amantibus, trahunt; quoniam verum est, «Trahit sua quemque voluptas;» non trahit revelatus Christus a Patre? Quid enim fortius desiderat anima quam veritatem? Quo avidas fauces habere debet, unde optare ut sanguis sit intus palatum vera judicandi, nisi ut manducet et bibat sapientiam, justitiam, veritatem, æternitatem?

6. Ubi autem hoc? Ibi melius, verius ibi, plenius ibi. Nam hic facilius possumus esurire, et hoc si bonam spem habenuis, quam satiari: *Beati enim, inquit, qui esuriunt et sitiunt justitiam*, sed hic; quoniam saturabuntur (*Id. v, 6*), sed ibi. Ideo cum dixisset, *Nemo venit ad me, nisi Pater qui misit me, traxerit eum, quid subjecit?* Et ego resuscitabo eum in novissimo die. Reddo illi quod amat, redbo quod sperat: videbit quod adhuc non videndo credit; manducabit quod esurit, saturabit eo quod sitit. Ubi? In resurrectione mortuorum, quia ego resuscitabo eum in novissimo die.

7. *Scriptum est enim in Prophetis, Et erunt omnes docibiles Dei.* Quare hoc dixi, o Judæi? Pater vos non docuit; quomodo potestis me agnoscere? Omnes regni illius homines docibiles Dei erunt, non ab hominibus audiunt. Et si ab hominibus audiunt, tamen quod intelligunt, intus datur, intus coruscat, intus revelatur. Quid faciunt homines forinsecus annuntiantes? quid facio ego modo cum loquor? Strepitum verborum ingero auribus vestris. Nisi ergo revelet ille

¹ Aliquot MSS., *Et quod currit.*

qui intus est, quid dico, aut quid loquor? Exterior cultor arboris, interior est Creator. Qui plantat et qui rigat, extrinsecus operatur: hoc facimus nos. Sed neque qui plantat est aliquid, neque qui rigat; sed qui incrementum dei Deus (*1 Cor. iii, 7*): hoc est, *Erunt omnes docibiles Dei*. Qui, omnes? *Omnis qui audivit a Patre et didicit, venit ad me.* Videte quomodo trahit Pater: docendo delectat, non necessitatē imponendo. Ecce quomodo trahit. *Erunt omnes docibiles Dei*: trahere Dei est. *Omnis qui audivit a Patre et didicit, venit ad me*: trahere Dei est.

8. Quid igitur, fratres? Si omnis qui audivit a Patre et didicit, ipse venit ad Christum, Christus nihil hic docuit? Quid quod Patrem magistrum homines non viderunt, Filium viderunt? Filius dicebat, sed Pater docebat. Ego cum homo sim, quem doceo? quem, fratres, nisi cum, qui audivit verbum meum? Si ego cum homo sim, illum doceo qui audit verbum meum; illum docet et Pater, qui audit Verbum ejus; si illum docet Pater qui audit Verbum ejus; quare quid sit Christus, et invenies Verbum ejus: *In principio erat Verbum*. Non, *In principio fecit Deus Verbum*; quomodo, *In principio fecit Deus cœlum et terram* (*Gen. 1, 1*): ecce quia non est creatura. Discit trahi ad Filium a Patre; doceat te Pater, audi Verbum ejus. Quod Verbum ejus, inquis, audio? *In principio erat Verbum*; non factum est, sed erat: *Et Verbum erat apud Deum, et Deus erat Verbum*. Quomodo homines in carne constituti audiant tale Verbum? Quia Verbum caro factum est, et habitavit in nobis (*Joan. 1, 1, 44*).

9. Exponit hoc et ipse, et ostendit nobis quid dixerit, *Qui audivit a Patre et didicit, venit ad me.* Continuo subiecit quod cogitare possemus: *Non quia Patrem vidi quisquam, nisi is qui est a Deo, hic vidit Patrem.* Quid est quod ait? Ego vidi Patrem, vos non vidiistis Patrem; et tamen non venitis ad me, nisi trahamini a Patre. Quid est autem vos trahi a Patre, nisi discere a Patre? quid est discere a Patre, nisi audire a Patre? quid est audire a Patre, nisi audire Verbum Patris, id est me? Ne forte ergo cum dico vobis, *Omnis qui audivit a Patre et didicit, dicit apud vos*, Sed nunquam vidimus Patrem; quomodo discere potuimus a Patre? a meipso audite: *Non quia Patrem vidi quisquam, sed qui est a Deo, hic vidit Patrem.* Ego novi Patrem, ab illo sum: sed quomodo verbum ab illo cuius est verbum; non quod sonat et transit, sed quod manet cum dicente, et trahit audientem.

10. Admoneat quod sequitur: *Amen, amen dico vobis, qui credit in me, habet vitam æternam.* Revelare se voluit quid esset: nam compendio dicere potuit, Qui credit in me, habet me. Ipse enim Christus verus Deus est et vita æterna. Qui ergo credit in me, inquit, it in me; et qui it in me, habet me¹. Quid est autem habere me? Habere vitam æternam. Vita

¹ vindocinensis Ms., *vivit in me, et qui vivit in me*. At Am. Bod. et Er, carent hac sententia: *Qui credit in me, inquit, it in me; et qui it in me, habet me*: quæ tamen exstat in ceteris codicibus.

æterna mortem assumpsit, vita æterna mori voluit; sed de tuo, non de suo: accepit a te, ubi moreretur pro te. Ab hominibus enim carnem assumpsit, sed non more hominum. Nam Patrem habens in cœlo, matrem elegit in terra: et illic natus sine matre, et hic sine Patre. Assumpsit ergo vita mortem, ut vita occideret mortem. Nam qui in me credit, inquit, habet vitam æternam: non quod patet, sed quod latet. Vita enim æterna Verbum: in principio erat apud Deum, et Deus erat Verbum et vita erat lux hominum (*Ibid.* 2, 4). Ipse vita æterna, dedit et carni susceptæ vitam æternam. Mori venit, sed die tertio resurrexit. Inter Verbum suscipiens, et carnem resurgentem, mors media consumpta est.

11. *Ego sum, inquit, panis vita.* Et unde illi superbiebant? *Patres vestri, inquit, manducaverunt in deserto manna, et mortui sunt.* Quid est unde superbitis? *Manducaverunt manna, et mortui sunt.* Quare manducaverunt, et mortui sunt? Quia quod videbant, credebant: quod non videbant, non intelligebant. Ideo patres vestri, quia similes estis illorum¹. Nam quantum pertinet, fratres mei, ad mortem istam visibilem et corporalem, numquid nos non morimur qui manducamus panem de cœlo descendantem? Sic sunt mortui et illi, quemadmodum nos sumus morituri; quantum attinet, ut dixi, ad mortem hujus corporis visibilem atque carnalem. Quantum autem pertinet ad illam mortem, de qua terret Dominus, qua mortui sunt patres istorum; manducavit manna et Moyses, manducavit manna et Aaron, manducavit manna et Phinees, manducaverunt ibi multi qui Domino plauerunt, et mortui non sunt. Quare? Quia visibilem cibum spiritualiter intellexerunt, spiritualiter esurierunt, spiritualiter gustaverunt, ut spiritualiter satientur. Nam et nos hodie accipimus visibilem cibum: sed aliud est Sacramentum, aliud virtus Sacramenti. Quam multi de altari accipiunt et moriuntur, et accipiendo moriuntur? Unde dicit Apostolus, *Judicium sibi manducat et bibit* (*1 Cor. xi, 29*). Non enim buccella Dominicæ venenum fuit Judæ². Et tamen accepit, et cum accepit, in eum inimicus intravit: non quia malum accepit, sed quia bonum male malus accepit. Vide ergo, fratres, panem cœlestem spiritualiter manducate, innocentiam ad altare apportate. Peccata etsi sunt quotidiana, vel non sint mortisera. Antequam ad altare accedatis, attendite quid dicatis: *Dimitte nobis debita nostra, sicut et nos dimittimus debitoribus nostris* (*Matth. vi, 12*). Dimitis, dimittetur tibi: securus accede, panis est, non venenum. Sed vide si dimittis: nam si non dimittis, mentiris, et ei mentiris, quem non fallis. Mentiri Deo potes, Deum fallere non potes. Novit ille quid agat³. Intus te videt, intus te exanimat, intus inspicit, intus judicat, intus aut damnat, aut coronat. Patres autem isto-

¹ Hic in decem MSS. additur, et infidelium filiorum infideles patres.

² Sic Bad. Am. et omnes MSS. At Er. et Lov., *Nonne buccella Dominicæ venenum fuit Judæ?* Vide supra, Tract. 6, n. 15.

³ Ex. et Lov., *ugas*: refragantibus editis aliis et MSS

rum¹, id est, mali patres malorum, infideles patres infidelium, murmuratores patres murmuratorum. Nam de nulla re magis Dominum offendisse ille populus dictus est, quam contra Deum murmurando. Ideo et Dominus eos volens ostendere talium filios, hinc ad eos cœpit: *Quid murmuratis in invicem, murmuratores, filii murmuratorum?* *Patres vestri manna manducaverunt, et mortui sunt:* non quia malum erat manna, sed quia male manducaverunt.

12. *Hic est panis qui de cœlo descendit.* Hunc panem significavit manna, hunc panem significavit altare Dei². Sacraenta illa fuerunt: in signis diversa sunt; in re qua significatur paria sunt. Apostolum audi: *Nolo enim vos, inquit, ignorare, fratres, quia patres nostri omnes sub nube fuerunt, et omnes mare transierunt, et omnes in Moyse³ baptizati sunt in nube et in mari, et omnes eamdem escam spiritualem manducaverunt.* Spiritualen utique eamdem; nam corporalem alteram, quia illi manna, nos aliud: spiritualem vero, quam nos. Sed patres nostri, non patres illorum: quibus nos similes sumus, non quibus illi similes fuerunt. Et adjungit: *Et omnes eundem potum spiritualem biberunt.* Aliud illi. aliud nos; sed specie visibili, quod tamen hoc idem significaret virtute spirituali⁴. Quomodo enim eundem potum? Bibeant, inquit, de spirituali sequente petra: *petra autem erat Christus* (*1 Cor. x, 4-5*). Inde panis, inde potus. Petra Christus in signo, verus Christus in Verbo et in carne. Et quonodo biberunt? Percussa est petra de virga bis (*Num. xx, 11*): gemina percussio, duo ligna crucis significat. *Hic est ergo panis de cœlo descendens, ut si quis manducaverit ex ipso, non moriatur.* Sed quod pertinet ad virtutem Sacramenti, non quod pertinet ad visibile Sacramentum: qui manducat intus, non foris; qui manducat in corde, non qui premit dente.

13. *Ego sum panis vivus, qui de cœlo descendit.* Ideo vivus, quia de cœlo descendit. De cœlo descendit et manna: sed manna umbra erat, iste veritas est: *Si quis manducaverit ex hoc pane, viret in æternum: et panis quem ego dabo, caro mea est pro mundi vita.* Hoc quando caperet caro, quod dixit panem, carnem? Vocatur caro, quod non capit caro: et ideo magis non capit caro, quia vocatur caro. Hoc enim exhortauerunt, hoc ad se multum esse dixerunt, hoc non posse fieri putaverunt. *Caro mea est*, inquit, *pro mundi vita.* Norunt fideles corpus Christi, si corpus Christi esse non negligant. Fiant corpus Christi, si volunt vivere de Spiritu Christi. De spiritu Christi non vivit, nisi corpus Christi⁵. Intelligite, fra-

¹ Er. Lugd. Ven. et Lov. pro, autem, ferunt, ergo. M.

² MSS. plerique, significat altare Det.

³ Editi, per Moyse. Aliquot MSS., in Moyse. Alii plerique, in Moyse, iuxta gracum, eis tōn Mōysēn: id est, chrysostomo interprete, *θαρράστας τῷ Μώυσῃ* scilicet Moysi fidentes Israelitæ, sub nube et per mare iter ingressi sunt, ipso præcente: ac sic nos, qui in Christum credentes baptizamur præsignarunt.

⁴ Sic Er. Lugd. et Ven., sed specie visibili quidem tamen hoc idem significante virtute spirituali. M.

⁵ Omnes MSS., de Spiritu Christi non vident, nisi sit corpus Christi.

tres mei, quid dixerim. Homo es, et spiritum habes, et corpus habes. Spiritum dico qua anima vocatur, qua constat quod homo es: constas enim ex anima et corpore. Habes itaque spiritum invisibilem, corpus visibile. Dic mihi quid ex quo vivat: spiritus tuus vivit ex corpore tuo, an corpus tuum ex spiritu tuo? Respondet omnis qui vivit: qui autem hoc non potest respondere, nescio si vivit: quid respondet omnis qui vivit? Corpus utique meum vivit de spiritu meo. Vis ergo et tu vivere de Spiritu Christi? In corpore esto Christi. Numquid enim corpus meum vivit de spiritu tuo? Meum vivit de spiritu meo, et tuum de tuo. Non potest vivere corpus Christi, nisi de Spiritu Christi. Inde est quod exponens nobis apostolus Paulus hunc panem, *Unus panis*, inquit, *unum corpus multi sumus* (*I Cor. x, 17*). O Sacramentum pietatis! o signum unitatis! o vinculum charitatis! Qui vult vivere, habet ubi vivat, habet unde vivat. Accedat, credit¹; incorporetur, ut viviscetur. Non abhoreat a compage membrorum, non sit putre membris quod resecari mereatur, non sit distortum de quo erubescatur: sit pulchrum, sit aptum, sit sanum; habeat corpori, vivat Deo de Deo: nunc laboret in terra, ut postea regnet in caelo.

14. *Litigabant ergo Judæi ad invicem, dicentes: Quomodo potest hic carnem suam nobis dare ad manducandum?* Litigabant utique ad invicem, quoniam panem concordiae non intelligebant, nec sumere volebant: nam qui manducant talem panem, non litigant ad invicem; quoniam *unus panis, unum corpus multi sumus*. Et per hunc facit Deus unius modi habitare in domo (*Psalm. LXVII, 7*).

15. Quod autem ad invicem litigantes querunt, quomodo possit Dominus carnem suam dare ad manducandum, non statim audiunt: sed adhuc eis dicitur, *Amen, amen dico vobis, nisi manducaveritis carnem Filii hominis, et biberitis ejus sanguinem, non habebitis vitam in vobis*. Quomodo quidem edatur, et quisnam modus sit manducandi istum panem, ignoratis; verumtamen nisi manducaveritis carnem Filii hominis, et biberitis ejus sanguinem, non habebitis vitam in vobis. Ille non utique cadaveribus, sed viventibus loquebatur. Unde, ne istam vitam intelligentes et de hac re litigarent, secutus adjunxit, *Qui manducat meam carnem, et bibit meum sanguinem, habet vitam eternam*. Hanc ergo non habet, qui istum panem non manducat, nec istum sanguinem bibit: nam temporalem vitam sine illo habere homines possunt, eternam vero omnino non possunt. Qui ergo non manducat ejus carnem, nec bibit ejus sanguinem, non habet in se vitam: et qui manducat ejus carnem, et bibit ejus sanguinem, habet vitam. Ad utrumque autem respondet quod dixit, *eternam*. Non ita est in hac esca, quam sustentandæ hujus temporalis vitae causa sumimus. Nam qui eam non sumpserit, non vivet: nec tamen qui eam sumpserit, vivet. Fieri enim potest ut seculo, vel morbo, vel aliquo casu, plurimi et qui eam

¹ MSS. decem, credit, vivat in Deo, de Deo; incorporeus, etc.

sumpserint moriantur. In hoc vero cibo et potu, id est corpore et sanguine Domini, non ita est. Nam et qui eam non sumit, non habet vitam: et qui eam sumit, habet vitam, et hanc utique eternam. Hunc itaque cibum et potum societatem vult intelligi corporis et membrorum suorum, quod est sancta Ecclesia in prædestinatis et vocatis, et justificatis, et glorificatis sanctis, et fidelibus ejus. Quorum primum jam factum est, id est, prædestinatio: secundum et tertium factum est, et sit, et fiet, id est, vocatio et justificatio: quartum vero nunc in spe est, in re autem futurum est, id est, glorificatio. Hujus rei Sacramentum, id est, unitatis corporis et sanguinis Christi alicubi quotidie, alicubi certis intervallis dierum in dominica mensa preparatur, et de mensa dominica sumitur; quibusdam ad vitam; quibusdam ad exitium: res vero ipsa cuius sacramentum est, omni homini ad vitam, nulli ad exitium, quicunque ejus particeps fuerit.

16. Ne autem putarent sic in isto cibo et potu promitti vitam eternam, ut qui eam sumerent, jam nec corpore morerentur; huic cogitationi dignatus est occurgere. Nam cum dixisset, *Qui manducat meam carnem, et bibit meum sanguinem, habet vitam eternam;* continuo subiecit, *Et ego resuscitabo eum in novissimo die.* Ut habeat interim secundum spiritum vitam eternam in requie, quæ sanctorum spiritus suscepit: quod autem ad corpus attinet, nec ejus vita eterna fraudetur, sed in resurrectione mortuorum novissimo die.

17. *Caro enim mea, inquit, vere est cibus, et sanguis meus vere est potus.* Cum enim cibo et potu id appetant homines, ut non esuriant, neque sitiunt; hoc veraciter non præstat nisi iste cibus et potus, qui eos a quibus sumitur, immortales et incorruptibles facit¹, id est societas ipsa sanctorum, ubi pax crit et unitas plena atque perfecta. Propterea quippe, sicut etiam ante nos hoc intellexerunt homines Dei, Dominus noster Jesus Christus corpus et sanguinem suum in eis rebus commendavit, quæ ad unum aliquid rediguntur ex multis. Namque aliud in unum ex multis granis conſit: aliud in unum ex multis acinis conſlit (a).

18. Denique jam exponit quomodo id fiat quod loquitur, et quid sit manducare corpus ejus, et sanguinem bibere. *Qui manducat carnem meam, et bibit meum sanguinem, in me manet, et ego in illo.* Hoc est ergo manducare illam escam, et illum bibere potum, in Christo manere, et illum manentem in se habere. Ac per hoc qui non manet in Christo, et in quo non manet Christus, procul dubio nec manducat [spiritualiter] carnem ejus, nec bibit ejus sanguinem, [sic] et carnaliter et visibiliter premat dentibus Sacramentum corporis et sanguinis Christi:] sed magis tautæ rei Sacramentum ad iudicium sibi manducat et bibit, quia immundus presumpsit ad Christi accedere Sacramenta, quæ aliquis non digne sumit, nisi qui mundus est; de quibus dicitur, *Beati mundo corde,*

¹ MSS., faciat.

(a) Ita Cyprianus ad Cæciliū, epist. 63, et ad Magnum, epist. 76.

quoniam ipsi Deum videbunt¹ (Matth. v, 8).

19. *Sicut, inquit, misit me vivens Pater, et ego vivo propter Patrem; et qui manducat me, et ipse vivet propter me.* Non ait: *Sicut manducat Patrem, et ego vive propter Patrem; et qui manducat me, et ipse vivet propter me.* Non enim Filius participatione Patris sit melior, qui est natus aequalis; sicut participatione Filii per unitatem corporis ejus et sanguinis, quod illa manducatio potatioque significat, nos efficiuntur² meliores. Vivimus ergo nos propter ipsum, manducantes eum; id est, ipsum accipientes aeternam vitam, quam non habebamus ex nobis: vivit autem ipse propter Patrem, missus ab eo; quia semetipsum exinanivit, factus obediens usque ad mortem crucis (Philipp. ii, 8). Si enim secundum id accipimus, *Vivo propter Patrem, quod alibi ait, Pater major me est* (Joan. xiv, 28); sicut et nos vivimus propter ipsum, qui major est nobis: hoc ex eo quod missus est, factum est. Missio quippe ejus exinanitio suum etipsius est, et formae servilis acceptio: quod reete intelligitur, servata etiam Filii cum Patre aequalitate naturae. Major enim est Pater homine filio, sed aequaliter habet Deum Filium: cum idem ipse sit et Deus et homo, Dei Filius et hominis filius, unus Christus Jesus. In quam sententiam si recte accipiuntur haec verba, ita dixit, *Sicut me misit vivens Pater, et ego vivo propter Patrem; et qui manducat me, et ipse vivet propter me:* ac si diceret, Ut ego vivam propter Patrem, id est, ad illum tanquam majorem referam vitam meam, exinanitio mea fecit, in qua me misit; ut autem quisque vivat propter me, participatio facit qua manducat me. Ego itaque humiliatus vivo propter Patrem, ille erectus vivit propter me. Si autem ita dictum est, Vivo propter Patrem, quia ipse de illo, non ille de ipso est; sine detimento aequalitatis dictum est. Nec tamen dicendo, et qui manducat me, et ipse vivet propter me, eamdem suam et nostram aequalitatem significavit; sed gratiam mediatoris ostendit.

20. *Hic est panis qui de celo descendit: ut illum manducando vivamus;* quia aeternam vitam ex nobis habere non possumus. *Non sicut, inquit, manducaverunt patres vestri manna, et mortui sunt: qui manducat hunc panem, vivet in aeternum.* Quod ergo illi mortui sunt, ita vult intelligi, ut non vivant in aeternum. Nam temporaliter et hi profecto morientur, qui Christum manducant: sed vivunt in aeternum, quia Christus est vita aeterna.

TRACTATUS XXVII.

Ab eo quod scriptum est, Hoc dixit in synagoga doce: sabbati in Capharnaum; usque ad id, Ille enim traditus erat eum, cum esset unus ex duodecim. Cap. vi, §. 60-72.

~ 1. Verba Domini ex Evangelio, quæ sermonem

¹ Sic editi quidam; at MSS. nostri omnes habent hoc modo: *Nec manducat carnem ejus, nec bibit ejus sanguinem, etiamsi tantæ rei sacramentum ad judicium sibi manducet et bibat.* Sicut, inquit, misit me vivens Pater, etc., carentque verbis ceteris, quæ hic annulli concluduntur; quæ verba nullo etiam e suis MSS. contineri testantur Lovanienses: habentur ipsa in Bedæ et Alcuini Commentariis super Joannem.

² In omnibus fere MSS., nos efficit.

pristinum consequuntur, audivimus. Hinc sermo debetur auribus et mentibus vestris, et hodierno diei non importunus est: est enim de corpore Domini, quod dicebat se dare ad manducandum propter aeternam vitam. Exposuit autem modum attributionis hujus et doni sui, quomodo daret carnem suam manducare, dicens, *Qui manducat carnem meam, et bibit sanguinem meum, in me manet, et ego in illo* (Joan. vi, 57). Signum quia manducavit et bibit hoc est, si manet et manetur, si habitat et inhabitatur, si haeret ut non deseratur¹. Hoc ergo nos docuit et admonuit mysticis verbis, ut simus in ejus corpore sub ipso capite in membris ejus, edentes carnem ejus, non relinquentes unitatem ejus. Sed qui aderant plures non intelligendo scandalizati sunt: non enim cogitabant haec audiendo, nisi carnem, quod ipsi erant. Apostolus autem dicit, et verum dicit, *Sapere secundum carnem, mors est* (Rom. viii, 6). Carnem suam dat nobis Dominus manducare, et sapere secundum carnem mors est; cum de carne sua dicat, quia ibi est vita aeterna. Ergo nec carnem debemus sapere secundum carnem, sicut in his verbis:

2. *Muli itaque audientes; non ex inimicis, sed ex discipulis eius, dixerunt: Durus est hic sermo; quis potest eum audire?* Si discipuli durum habuerunt istum sermonem, quid inimici? Et tamen sic oportebat ut diceretur, quod non ab omnibus intelligeretur. Secretum Dei intentos debet facere, non adversos. Isti autem cito defecerunt, talia loquente Domino Jesu: non crediderunt aliiquid magnum dicentem, et verbis illis aliquam gratiam cooperientem; sed prout voluerunt ita intellexerunt, et more hominum, quia poterat Jesus, aut hoc disponebat Jesus, carnem quia induitum erat Verbum, veluti concisam distribuere credentibus in se. *Durus est, inquiunt, hic sermo; quis potest eum audire?*

3. *Sciens autem Jesus apud semetipsum quia murmurarent de eo discipuli eius.* Sic enim apud se ista dixerunt, ut ab illo non audirentur; sed ille qui eos noverat in seipsis, audiens apud semetipsum, respondit, et ait, *Hoc vos scandalizat: quia dixi, Carnem meam do vobis manducare, et sanguinem meum bibere, hoc vos nempe scandalizat.* Si ergo rideritis Filium hominis ascendentem ubi erat prius? Quid est hoc? Hinc solvit quod illos moverat? hinc aperuit unde fuerant scandalizati? Hinc plane, si intelligerent. Ille enim putabant eum erogaturum corpus suum; ille autem dixit se ascensurum in celum, utique integrum. Cum videritis Filium hominis ascendentem ubi erat prius; certe vel tunc videbitis quia non eo modo quo putatis, erogat corpus suum; certe vel tunc intelligitis quia gratia ejus non consumitur morsibus.

4. Et ait: *Spiritus est qui vivificat, caro non potest quidquam.* Hoc antequam exponamus, ut Dominus donat, illud non negligenter praetercundum est, quod ait, *Si ergo videritis Filium hominis ascendentem ubi erat prius?* Filius enim hominis Christus, ex virgine Maria. Ergo filius hominis hic coepit esse in terra, ubi

¹ Er. legit, et non deseretur. M.

carnem assumpsit ex terra. Unde propheticē dictum erat, *Veritas de terra orta est* (*Psalm. lxxxiv, 12*). Quid sibi ergo vult quod ait, *Cum videritis Filium hominis ascendentem ubi erat prius?* Nulla enim esset quæstio si ita dixisset, *Si videritis Filium Dei ascendentem ubi erat prius?* cum vero Filium hominis dixit ascendentem ubi erat prius, numquid Filius hominis in cœlo erat prius, quando in terra esse cœpit? Hic quidem dixit, *ubi erat prius*, quasi tunc non ibi esset quando haec loquebatur. Alio autem loco ait, *Nemo ascendit in cœlum, nisi qui de cœlo descendit, Filius hominis, qui est in cœlo* (*Joan. iii, 13*): non dixit, erat, sed, *Filius*, inquit, *hominis qui est in cœlo*. In terra loquebatur, et in cœlo se esse dicebat. Et non ita dixit: *Nemo ascendet in cœlum, nisi qui de cœlo descendit, Filius Dei, qui est in cœlo*. Quo pertinet, nisi ut intelligamus, quod etiam pristino sermone commendavi Charitati vestræ, unam personam esse Christum Deum et hominem, non duas; ne fides nostra non sit Trinitas, sed quaternitas? Christus ergo unus est: Verbum, anima et caro unus Christus: Filius Dei et filius hominis unus Christus. Filius Dei semper, filius hominis ex tempore; tamen unus Christus secundum unitatem personæ. In cœlo erat, quando in terra loquebatur. Sic erat filius hominis in cœlo, quomodo Filius Dei erat in terra; Filius Dei in terra in suscepta carne, filius hominis in cœlo in unitate personæ.

5. Quid est ergo quod adjungit, *Spiritus est qui vivificat, caro non prodest quidquam?* Dicamus ei (patitur enim nos non contradicentes, sed nosse cupientes): O Domine, magister bone, quomodo caro non prodest quidquam, cum tu dixeris, *Nisi quis manducaverit carnem meam, et biberit sanguinem meum, non habebit in se vitam?* An vita non prodest quidquam? et propter quid sumus quod sumus, nisi ut habeamus vitam æternam, quam tua carne promittis? quid est ergo, *non prodest quidquam caro?* Non prodest quidquam, sed quomodo illi intellexerunt: carnem quippe sic intellexerunt, quomodo in cadavere dilaniatur, aut in macello venditur, non quomodo spiritu vegetatur. Proinde sic dictum est, *Caro non prodest quidquam; quomodo dictum est, Scientia inflat.* Jam ergo debemus odisse scientiam? Absit. Et quid est, *Scicuitia inflat?* Sola, sine charitate: ideo adjunxit, *Charitas vero ædificat* (*I Cor. viii, 4*). Adde ergo scientiae charitatem, et utilis erit scientia; non per se, sed per charitatem. Sic etiam nunc, *caro non prodest quidquam*, sed sola caro: accedit spiritus ad carnem, quomodo accedit charitas ad scientiam, et prodet plurimum. Nam si caro nihil prodesset, Verbum caro non fieret, ut inhabitaret in nobis. Si per carnem nobis multum profuit Christus, quomodo caro nihil prodest? Sed per carnem Spiritus aliquid pro salute nostra egit. Caro vas fuit; quod habebat attende, non quod erat. Apostoli missi sunt; numquid caro ipsorum nihil nobis profuit? Si caro Apostolorum nobis profuit, caro Domini potuit nihil prodesse? Unde enim ad nos sonus verbi, nisi per vocem carnis? unde stilus, unde conscriptio? Ista omnia opera carnis sunt, sed agitante spiritu tanquam orga-

nūm suum. *Spiritus ergo est qui vivificat, caro autem non prodest quidquam:* sicut illi intellexerunt carnem, non sic ego do ad manducandum carnem meam.

6. Proinde, *Verba*, inquit, *quaे ego locutus sum vobis, spiritus et vita est.* Diximus enim, fratres, hoc Dominum commendasse in mandatione carnis suæ et potatione sanguinis sui, ut in illo maneamus, et ipse in nobis. Manemus autem in illo, cum sumus membra ejus: manet autem ipse in nobis, cum sumus templum ejus. Ut autem simus membra ejus, unitas nos compaginat. Ut compaginet unitas, quæ facit nisi charitas? Et charitas Dei unde? Apostolum interroga: *Charitas, inquit, Dei diffusa est in cordibus nostris per Spiritum sanctum qui datum est nobis* (*Rom. v, 5*). Ergo *Spiritus est qui vivificat*: spiritus enim facit viva membra. Nec viva membra spiritus facit, nisi quæ in corpore quod vegetat ipse spiritus, invenerit. Nam spiritus qui est in te, o homo, quo constas ut homo sis, numquid vivifacit membrum quod separatum invenerit a carne tua? Spiritum tuum dieo animam tuam: anima tua non vivifacit nisi membra quæ sunt in carne tua; unum si tollas, jam non vivifacatur ex anima tua, quia unitati corporis tui non copulatur. Haec dicuntur ut amemus unitatem, et timeamus separationem. Nihil enim sic debet formidare christianus, quam separari a corpore Christi. Si enim separatur a corpore Christi, non est membrum ejus; si non est membrum ejus, non vegetatur spiritu ejus: *Quisquis autem, inquit Apostolus, Spiritum Christi non habet, hic non est ejus* (*Id. viii, 9*). *Spiritus ergo est qui vivificat, caro autem non prodest quidquam.* *Verba quaे ego locutus sum vobis, spiritus et vita sunt.* Quid est, *spiritus et vita sunt?* Spiritualiter intelligenda sunt. Intellexisti spiritualiter? *spiritus et vita sunt.* Intellexisti carnaliter? etiam sic illa *spiritus et vita sunt*, sed tibi non sunt.

7. *Sed sunt quidam, inquit, in vobis qui non credunt.* Non dixit, *Sunt quidam in vobis qui non intelligunt*; sed causam dixit, quare non intelligent. *Sunt enim quidam in vobis qui non credunt;* et ideo non intelligunt, quia non credunt. Propheta enim dixit, *Nisi credideritis, non intelligetis* (*Isai. vii, 9, sec. LXX*). Per fidem copulamur, per intellectum vivificamur. Prius haereamus per fidem, ut sit quod viviscetur per intellectum. Nam qui non haeret, resistit; qui resistit, non credit. Nam qui resistit, quomodo vivifacatur? Adversarius est radio lucis, quo penetrandus est: non avertit aciem, sed claudit mentem. *Sunt ergo quidam qui non credunt.* Credant et aperiant, aperiant et illuminabuntur. *Sciens enim ab initio Jesus qui essent credentes, et quis traditurus esset eum.* Ibi enim erat et Judas. Nam quidam scandalizati sunt: ille autem mansit ad insidiandum, non ad intelligendum. Et quia ideo manserat, non de illo tacuit Dominus. Non illum expressit, sed nec silevit; ut omnes timerent, quamvis unus periret. Sed posteaquam dixit et distinxit credentes a non credentibus, expressit causam quare non credant: *Propterea dixi vobis, inquit, quia nemo potest venire ad me, nisi fuerit ei datum a Patre meo.* Ergo et credere datur nobis: non enim nihil est credere. Si autem magnu-

aliquid est, gaudet quia credidisti, sed noli extolli: quid enim habes quod non accepisti (1 Cor. iv, 7)?

8. *Ex hoc multi discipulorum ejus abierunt retro, et iam non cum illo ambulaverunt. Abierunt retro, sed post Satanam, non post Christum.* Nam aliquando Dominus Christus Petrum appellavit Satanam, magis quia volebat praecedere Dominum suum, et consilium dare ne moreretur ille, qui venerat ut moreretur, ne nos in aeternum moreremur; et ait illi: *Redi post me. Satanas; non enim sapis quae Dei sunt, sed quae hominis sunt* (Matth. xvi, 25). Non illum repulit retro ire post Satanam, et appellavit Satanam; sed fecit post se ire, ut non esset Satanus ambulando post Dominum. Isi autem sic redierunt retro, quomodo de quibusdam feminis dicit Apostolus: *Quaedam enim conversae sunt retro post Satanam* (1 Tim. v, 15). Ulterius cum illo non ambulaverunt. Ecce praecisi a corpore vitam perdidérunt, quia forte in corpore nec fuerunt. Inter non eredentes et ipsi deputandi sunt, quamvis discipuli dicentur. Abierunt retro, non pauci, sed multi. Illoc forte factum est ad consolationem, quoniam aliquando contingit ut dieat homo verum, et quod dicit, non capiat, atque illi qui audiunt, scandalizentur et discedant. Poenitentia autem hominem dixisse quod verum est: dicit enim apud se homo, Non debui sic dicere, non hoc dicere debui. Ecce Domino contigit; dixit, et perdidit multos, remansit ad paucos. Sed non turbabatur ipse, quia ab initio noverat et qui credentes essent, et qui non credentes: nos si nobis contingat, perturbamur. Solatium in Domino inveniamus, et tamen caute verba dicamus.

9. Atque ille ad paucos qui remanserant: *Dixit ergo Jesus duodecim; id est illis duodecim qui remanserunt: Numquid et vos, inquit, vultis ire?* Non discessit nec Judas. Sed quare manebat, Domino jam apparebat; nobis postea manifestatus est. Respondit Petrus pro omnibus, unus pro multis, unitas pro universis: *Respondit ergo ei Simon Petrus: Domine, ad quem ibimus?* Repellis nos a te, da nobis alterum te. *Ad quem ibimus?* Si a te recedimus, ad quem ibimus? *Verba vitae aeternae habes.* Vide quoniammodum Petrus, dante Deo, recercante Spiritu sancto, intellexit. Unde, nisi quia credidit? *Verba vitae aeternae habes.* Vitam enim aeternam habes in ministracione corporis et sanguinis tui. *Et nos credidimus, et cognovimus.* Non cognovimus, et credidimus, sed credidimus, et cognovimus. Credidimus enim ut cognoscemus: nam si prius cognoscere, et deinde credere vellemus, nec cognoscere nec credere valeremus. Quid credidimus, et quid cognovimus? *Quia tu es Christus Filius Dei;* id est, quia ipsa vita aeterna tua es, et non das in carne et sanguine tuo nisi quod es.

10. Ait ergo Dominus Jesus: *Nonne ego vos duodecim elegi, et unus ex vobis diabolus est?* Ergo, *Undecim elegi* diceret: an eligitur et diabolus, et in electis est diabolus? Electi in laude solent dici: an electus est et iste, de quo nolente et nesciente magnum aliquid boni fieret? Hoc est proprium Dei; contrarium iniquis. Sicut enim iniqui male utuntur bonis

operibus Dei; sic contra Deus bene utitur malis operibus hominum iniquorum. Quam bonum est membra corporis ita esse, quemadmodum disponi non possunt nisi ab artifice Deo! Petulauita tamen quam male utitur oculis? Fallacia quam male utitur lingua? Falsus testis nonne lingua sua et animam suam prius trucidat, et alterum ledere se pereempto conatur? Male utitur lingua, nec ideo malum est lingua: opus Dei est lingua, sed bono opere Dei male utitur illa inequitia. Quomodo utuntur pedibus qui currunt ad sceleris? quomodo utuntur manibus homicide? et illis adjacentibus forinsecus bonis creaturis Dei quam male utuntur mali? Auro judicia corrumpunt, innocentes opprimunt. Luce ista mali male utuntur: male vivendo enim etiam ipsam lucem qua vident, ad ministerium scelerum suorum usurpant. Lens enim ut faciat aliquid mali malus, lucere sibi vult ne offendat, qui jam intus offendit et occidit: quod timet in corpore, jam incurrit in corde. Omnibus ergo bonis Dei, ne per singula currere longum sit, male utitur malus: contra, malis boninum malorum bene utitur bonus. Et quid tam bonum quam unus Deus? Quoniamquidem ipse Dominus dixit, *Nemo bonus nisi unus Deus* (Marc. x, 18). Quanto ergo ille melior, tanto melius utitur et malis nostris. Quid Juda pejus? Inter omnes adhaerentes Magistro, inter duodecim, loculi illi commissi sunt, et dispensatio pauperum distributa: ingratus tanto beneficio, honori tanto, accepit pecuniam, perdidit justitiam: tradidit vitam mortuus; quem ut discipulus secutus, ut inimicus persecutus est. Totum hoc malum Jude; sed malo ejus bene usus est Dominus. Tradi se pertulit ut redimeret nos. Ecce malum Jude in bonum conversum est. Satanus quantos martyres persecutus est? Si Satanus persequendo cessaret, hodie tam gloriosam coronam sancti Laurentii non celebraremus. Si ergo ipsius diaboli malis operibus bene utitur Deus: quod facit malus, male utendo, sibi nocet; non bonitati Dei contradicit. Artifex illo utitur; et magnus artifex, si illo uti non nosset, nec eum esse permitteret. Ergo unus ex vobis diabolus est, ait, cum ego vos duodecim elegerim. Potest et sic intelligi quod ait, *duodecim elegi*, quia sacratus est numerus. Non enim quia per illi inde unus, ideo illius numeri honor demptus est: nam in locum percuntis, alias subrogatus est (Act. i, 26). Mansit numerus consecratus, numerus duodenarius; quia per universum mundum, hoc est per quatuor cardines mundi, Trinitatem fuerant annuntiatur. Ideo ter quaterii¹. Se ergo exterminavit Judas, non duodenarium numerum violavit: ipse deseruit praeceptorem, nam Deus illi apposuit successorem.

11. Hoc totum quod Dominus de carne et de sanguine suo locutus est, et quod in ejus distributionis gratia vitam nobis promisit aeternam, et quod hinc voluit intelligi manducatores et potatores carnis et sanguinis sui, ut in illo maneant et ipse in illis, et

¹ Editi hactenus, ideo et quaterni, emendantur hic ad MSS.

quod non intellexerunt qui non crediderunt, et quod spiritualia carnaliter sapiendo scandalizati sunt, et quod eis scandalizatis et pereuntibus, consolationi Dominus adfuit¹ discipulis qui remanserant, ad quos probandos interrogavit, *Numquid et vos vultis ire?* ut responsio permaneionis eorum innotesceret nobis; nam ille noverat quia manebant: hoc ergo totum ad hæc nobis valeat, dilectissimi, ut carnem Christi et sanguinem Christi non edamus tantum in Sacramento, quod et multi mali; sed usque ad spiritus participationem manducemus et bibamus, ut in Domini corpore tanquam membra maneamus, ut ejus spiritu vegetemur, et non scandalizemur, etiam si multi modo nobiscum manducant et bibunt tempora- liter Sacra menta, qui habebunt in fine æterna tormenta. Modo enim corpus Christi mixtum est tanquam in area: sed novit Dominus qui sunt ejus (II Tim. ii, 49). Si tu nosti quid trituras, quia ibi est latens massa, nec consumit trituratio quod purgatura est ventilatio; certi sumus, fratres, quia omnes qui sumus in corpore Domini, et manemus in illo, ut et ipse maneat in nobis, in hoc sæculo necesse habemus usque in finem inter malos vivere. Non inter illos dico malos, qui blasphemant Christum: rari enim jam inveniuntur qui liequa blasphemant, sed multi qui vita. Necesse est ergo ut inter illos usque in finem vivamus.

12. Sed quid est quod ait, *Qui manet in me, et ego in illo* (Joan. vi, 57, et xv, 5)? Quid, nisi quod martyres audiebant, *Qui perseveraverit usque in finem, hic salvus erit* (Matth. xxiv, 13)? Quomodo mansit in illo sanctus Laurentius, cuius hodie festa celebramus? Mansit usque ad tentationem, mansit usque ad tyrranicam interrogationem, mansit usque ad acerri- mam comminationem, mansit usque ad peremptio- nem: parum est, usque ad immanem exercuationem mansit. Non enim occisus est cito, sed cruciatus est in igne: diu vivere permisus est; imo non diu vi- vere permisus est, sed tarde mori compulsus est. In illa ergo longa morte, in illis tormentis, quia bene manducaverat et bene biberat, tanquam illa esca sagi- natus et illo calice ebrius, tormenta non sensit. Ibi enim erat qui dixit, *Spiritus est qui vivificat. Caro enim ardebat, sed spiritus animam vegetabat.* Non cessit, et in regnum successit. Dixerat autem illi **Xystus** martyr sanetus, cuius diem quinto ab hinc retro die celebravimus: « Noli mœrere, fili. » **Epi- scopus** enim erat ille, iste diaconus. « Noli mœrere, inquit; sequeris me post triduum. » Triduum autem dixit medium inter diem passionis sancti Xysti, et diem hodiernæ passionis sancti Laurentii. Triduum est medium. O consolatio! non ait, *Noli mœrere, fili;* desinet persecutio, et securus eris: sed, *Noli mœrere;* quo ego præcedo, tu sequeris; nec consecutio tua dissertur: triduum medium erit, et mecum eris. Accepit oraculum, vicit diabolum, pervenit ad triumphum.

¹ Sic MSS. Editi vero, *consolatio Domini adfuit.*

TRACTATUS XXVIII.
Ab eo loco Evangelii, Et post hæc ambulabat Jesus in Galilæam; usque ad id, Nemo tamen palam loque- batur de eo, propter metum Judeorum. Cap. vii, §. 1-13.

1. In isto Evangelii capitulo, fratres, Dominus noster Jesus Christus secundum hominem se plurimum commendavit fidei nostræ. Etenim semper hoc agit dictis et factis suis, ut Deus credatur et homo: Deus qui nos fecit, homo qui nos quæsivit; Deus cum Patre semper, homo nobiscum ex tempore. Non enim quæreret quem fecerat, nisi fieret ipse quod fecerat. Verum hoc mementote, et de cordibus vestris nolite dimittere, sic esse Christum hominem factum, ut non destiterit Deus esse. Manens Deus accepit hominem, qui fecit hominem. Quando ergo latuit ut homo, non potentiam perdidisse putandus est, sed exemplum infirmitati præbuisse. Ille enim quando voluit detentus est, quando voluit occisus est. Sed quoniam futura erant membra ejus, id est fideles ejus, qui non haberent illam potestatem quam habebat ipse Deus noster; quod latebat, quod se tanquam ne occideretur occultabat, hoc indicabat factura esse membra sua, in quibus utique membris suis ipse erat. Non enim Christus in capite et non in corpore, sed Christus totus in capite et in corpore. Quod ergo membra ejus, ipse: quod autem ipse, non continuo membra ejus. Nam si non ipse essent membra ejus, non dicaret: *Saul,* quid me persequeris (Act. ix, 4)? Non enim Saulus ipsum, sed membra ejus, id est fideles ejus, in terra persequebatur. Noluit tamen dicere, sanctos meos, servos meos; postremo honorabilius, fratres meos: sed, *Me,* hoc est membra mea, quibus ego sum caput.

2. His prædictis, puto nos in hoc capitulo quod modo lectum est, non esse laboraturos: sepe enim significatum est in capite, quod futurum erat in corpore. Post hæc, inquit, ambulabat Jesus in Galilæam: non enim volebat in Judeam ambulare, quia quæabant eum Judæi interficere. Hoc est quod dixi; infirmitati nostræ præbebat exemplum. Non ipse perdiderat potestatem, sed nostram consolabatur fragilitatem. Futurum enim erat, ut dixi, ut aliquis fidelis ejus absconderet se, ne a persecutoribus inveniretur; et ne illi pro crimine objiceretur latibulum, præcessit in capite quod in membro confirmaretur. Sic enim dictum est, *Nolebat ambulare in Judeam, quia quæabant eum Judæi occidere:* quasi non posset Christus et ambulare inter Judeos, et non occidi a Judeis. Haec enim potentiam, quando voluit, demonstravit: nam cum eum jam passurum tenere vellent, ait illis, *Quem quæratis?* Responderunt: *Jesum.* Et ille: *Ego sum;* non se occultans, sed manifestans. Ad eam tamen manifestationem illi non substiterunt, sed redēentes retro ceciderunt (Joan xviii, 4-6). Et tamen quia pati venerat, surrexerunt, tenuerunt, ad judicem adduxerunt, et occiderunt. Sed quid fecerunt? Quod ait quædam Scriptura, *Terra tradita est in manus impiorum.*

(Job ix, 24) : caro data est in potestatem Iudeis. Et hoc propterea, ut quasi sacculus concinderetur, unde nostrum pretium manaret.

3. *Erat autem in proximo dies festus Iudeorum Scenopegia.* Quid sit Scenopegia, Scripturas qui legerunt, neverunt. Faciebant die festo tabernacula, ad similitudinem tabernaculorum in quibus habitaverant cum ex Aegypto educti peregrinarentur in eremo. Iste erat dies festus, magna solemnitas. Celebrabant hoc Iudei, velut reminiscentes beneficia Domini, qui occisi erant Dominum. Hoc ergo die festo (quia plures erant dies festi; sic enim appellabatur apud Iudeos dies festus, ut non esset dies unus, sed plures) locuti sunt *fratres ejus* ad Dominum Christum. *Fratres ejus* sic accipite, sicut nostis: non enim novum est quod auditis. Consanguinei virginis Mariae, fratres Domini dicebantur. Erat enim consuetudinis Scripturarum, appellare fratres quoslibet consanguineos et cognitionis propinquos, et extra usum nostrum, non quo more nos loquimur. Nam quis dicat fratres avunculum et filium sororis? Scriptura tamen etiam hujusmodi cognationes fratres appellat. Nam Abraham et Lot fratres sunt dicti, cum esset Abraham paterus Lot (Gen. xi 27, 31, xii, 8, et xiv, 14): et Laban et Jacob fratres sunt dicti, cum esset Laban avunculus Jacob (Id. xxviii, 2, et xxix, 10, 15). Cum ergo auditis fratres Domini, Mariæ cogitate consanguinitatem, non iterum parientis ullam propaginem. Sicut enim in sepulcro ubi positum est corpus Domini, nec antea nec postea mortuus jacuit; sic uterus Mariæ nec antea nec postea quidquam mortale concepit.

4. Diximus fratres qui fuerint; audiamus quid dixerint. *Transi hinc, et vade in Iudeam, ut et discipuli tui videant opera tua, quae tu facis.* Opera Domini discipulos non latebant, sed istos latebant. Iste enim fratres, id est consanguinei, Christum consanguineum habere potuerunt, credere autem in eum ipsa propinquitate fastidierunt. Dictum est in Evangelio: non enim hoc nos audemus opinari, modo audistis. Addunt, et monent: *Nemo enim in occulto quid facit, et querit ipse in palam esse: si haec facis, manifesta te ipsum mundo.* Et continuo: *Neque enim fratres ejus credebant in eum.* Quare in eum non credebant? Quia humanam gloriam requirebant. Nam et quod cum videntur monere fratres, glorie ipsius consultunt: Facis mirabilia, innotescere; id est, appare omnibus, ut laudari possis ab omnibus. Loquebatur caro carni: sed caro sine Deo, carni cum Deo. Loquebatur enim prudentia carnis Verbo quod caro factum est et habavit in nobis (Joan. i, 14).

5. Quid ad haec, Dominus? Dic ergo eis Jesus: *Tempus meum nondum venit, tempus autem vestrum semper est paratum.* Quid est hoc? Nondum venerat tempus Christi? Quare ergo Christus venerat, si tempus ejus nondum venerat? Nonne audivimus Apostolum dicente, *Cum autem venit plenitudo temporis, misit Deus Filium suum* (Galat. iv, 4)? Si ergo in plenitudine temporis missus est; quando debuit missus est, quando oportuit venit: *quid est, Tempus meum nondum venit?* Intellige,

fratres, quo animo illi loquebantur, qui quasi fratrem suum monere videbantur. Dabant ei consilium consequendæ gloriae, veluti seculariter et terreno affectu monentes, ne esset ignobilis et latitaret: quod ergo ait Dominus, *Tempus meum nondum venit*, illis respondit qui ei consilium de gloria dabant, *Tempus gloriae mee nondum venit.* Videte quam profundum sit: de gloria illi admonebant, sed ille voluit altitudinem humilitate præcedere, et ad ipsam celsitudinem per humilitatem viam sternere. Nam et illi discipuli utique gloriam requirebant, qui volebant sedere unus ad dextram ejus, et alter ad sinistram: attendebant quo, et non videbant quæ; Dominus eos, ut ordinate venirent ad patriam, revocavit ad viam. Excelsa est enim patria, humiliis via. Patria est vita Christi, via est mors Christi: patria est mansio Christi, via est passio Christi. Qui recusat viam, quid querit patriam? Denique et illis hoc respondit, querentibus altitudinem: *Potestis bibere calicem quem ego bibiturus sum* (Matth. xx, 21, 22)? Ecce qua venitur ad celsitudinem quam desideratis. Calicem quippe commemorabat humilitatis atque passionis.

6. Ergo et hic, *Tempus meum nondum venit; tempus autem vestrum, id est, mundi gloria, semper est paratum.* Hoc est tempus de quo in prophetia¹ loquitur Christus, id est, corpus Christi: *Cum accepero tempus, ego justitias judicabo* (Psal. LXXIV, 3). Modo enim non est tempus judicandi, sed iniquos tolerandi. Ferat igitur modo corpus Christi, et toleret iniquitatem male viventium. Habeat tamen justitiam modo, antequam habeat judicium: per institutionem enim perveniet ad judicium. Tolerantibus quippe membris iniquitatem seculi hujus quid Scriptura sancta dicit in Psalmo? *Non repellit Dominus plebem suam.* Laborat quippe plebs ejus inter indignos, inter iniquos, inter blasphemantes, inter murmurantes, detrahentes, insectantes, et si liceat, perimentes. Laborat quidem; sed non repellit Dominus plebem suam, et *hæreditatem suam non derelinquet, quoadusque justitia convertatur in judicium*² (Psal. xcii, 14, 15). Quoadusque justitia quæ modo est in sanctis ejus, convertatur in judicium; cum implebitur quod eis dictum est, *Sedebitis super duodecim sedes, judicantes duodecim tribus Israel* (Matth. xix, 28). Habeat justitiam Apostolus, sed nondum illud judicium de quo dicit, *Nescitis quoniam angelos judicabimus* (I Cor. vi, 3)? Sit ergo modo tempus juste vivendi, postea erit tempus eos qui male vixerint, judicandi. *Quoadusque justitia, inquit, convertatur in judicium.* Hoc erit tempus iudicii, de quo Dominus modo dixit, *Tempus meum nondum venit.* Erit enim tempus glorie, ut qui venit in humilitate, veniat in altitudine. Qui venit iudicandus, veniet iudicaturus: qui venit occidi a mortuis, veniet iudicare de vivis et mortuis. *Deus, inquit Psalmus, manifestus veniet, Deus noster et non silebit* (Psal. xlix, 5). Quid est, *manifestus veniet?* Quia venit occultus. Tunc non silebit: nam quando venit occultus

¹ Plerique MSS., *de quo in propheta loquitur.*

² MSS., *hoc loco et paulo inferius, ad judicium.*

sicut ovis ad immolandum ductus est, et sicut agnus coram tondente se non aperuit os suum (*Isai. lvi, 7*). Veniet et non silebit. *Tacui, inquit, numquid semper tacebo* (*Id. xlii, 14, sec. LXX*)?

7. Modo autem quid necessarium est eis qui habent justitiam? Quod in illo ipso psalmo legitur, *Quoad-usque justitia convertatur in judicium; et qui habent eam, omnes recti corde*. Queritis fortasse qui sunt recti corde? Illos invenimus in Scriptura rectos corde, qui mala saeculi tolerant, et non accusant Deum. Vide, fratres; rara avis est ista quam loquor¹. Ne scio quo enim modo quando evenit homini aliquid mali, Deum currit accusare, qui deberet se. Quando boni aliquid agis, te laudas: quando mali aliquid patieris, Deum accusas. Hoc est ergo cor tortum, non rectum. Ab ista distortione et pravitate si corrigaris, convertetur in contrarium quod faciebas. Antea enim quid faciebas? Laudabas te in bonis Dei, accusabas Deum in malis tuis: converso corde et directo, laudabis Deum in bonis suis, accusabis te in malis tuis. Iste sunt recti corde. Denique ille nondum recto corde, cui displicebat felicitas malorum et labor bonorum, ait correctus: *Quam bonus Deus Israel rectis corde!* *Mei autem*, quando non eram recto corde, *pene com-moti sunt pedes, paulo minus effusi sunt gressus mei*. Quare? *Quia zelavi in peccatoribus, pacem peccatorum intuens* (*Psal. lxxii, 1-3*). Vidi, inquit, malos felices, et displicuit mihi Deus: hoc enim volebam, ut non permetteret Deus malos esse felices. Intelligat homo: nunquam hoc permittit Deus; sed ideo malus felix putatur, quia quid sit felicitas ignoratur. Simus ergo recti corde: tempus gloriae nostrae nondum venit. Dicatur amatoribus hujus saeculi, quales erant fratres Domini, *Tempus vestrum semper est paratum; tempus nostrum nondum venit*. Audeamus enim hoc dicere et nos. Et quoniam corpus Domini nostri Jesu Christi sumus, quoniam membra ejus sumus, quoniam caput nostrum grataanter agnoscimus, dicamus prorsus; quoniam propter nos et ipse hoc dignatus est dicere. Quando nobis insultant amatores hujus saeculi, dicamus eis, *Tempus vestrum semper est paratum; tempus nostrum nondum venit*. Nobis enim dixit Apostolus, *Mortui enim estis, et vita vestra abscondita est cum Christo in Deo*. Quando veniet tempus nostrum? *Cum Christus*, inquit, *apparuerit vita vestra, tunc et vos ap-parebilis cum ipso in gloria* (*Coloss. iii, 3, 4*).

8. Quid deinde addit? *Non potest mundus odisse ros*. Quid est hoc, nisi Non potest mundus odisse amatores suos, falsos testes? Bona enim dicitis que mala sunt, et mala quae bona sunt. *Me autem odit, quia ego testimonium perhibeo de illo, quia opera ejus mala sunt*. *Vos ascendite ad diem festum hunc*. Quid est hunc? Ubi gloriam humanam queritis. Quid est hunc? Ubi extendere vultis carnalia gaudia, non aeterna cogitare. *Ego non ascendo ad diem festum hunc, quia meum tempus nondum impletum est*. In die festo hoc gloriam vos humanam queritis; meum vero

¹ Er. et Lugd. ven. sic habent hunc locum: *Rara causa est ista quam loquor.* M.

tempus, id est gloriae meae, nondum venit. Ipse erit dies festus meus, non diebus istis praecurrens et transient, sed permanens in aeternum: ipsa erit festivitas, gaudium sine fine, aeternitas sine labore, serenitas sine nube. *Hac cum dixisset, ipse mansit in Galilaea*. Ut autem ascenderunt fratres ejus, tunc et ipse ascendit ad diem festum; non manifeste, sed quasi in occulto. Ideo non ad diem festum hunc, quia non gloriari temporaliter, sed aliquid docere salubriter, corrigere homines, de die festo aeterno admonere, amorem ab hoc saeculo avertire, et in Deum convertere cupiebat. Quid est autem, quasi latenter ascendit ad diem festum? Non vacat et hoc Domini². Videtur mihi, fratres, etiam hinc, quod quasi latenter ascendit, aliquid significare voluisse: nam consequentia docebunt sic eum ascendisse mediato die festo, id est mediatis illis diebus, ut etiam palam doceret. Sed quasi latenter dixit, ne se ostenderet hominibus. Non vacat quod latenter ascenderit Christus ad diem festum, quia ipse latebat in illo die festo. Adhuc etiam ego quod dixi, in latibulo est. Manifestetur ergo, tollatur velum, et appareat quod erat secretum.

9. Omnia quae dicta sunt antiquo populo Israel in multiplice scriptura sanctae Legis, quae agerent sive in sacrificiis, sive in sacerdotiis, sive in diebus festis, et omnia in quibuslibet rebus quibus Deum colebant, quaecumque illis dicta et precepta sunt, umbræ fuerunt futurorum. Quorum futurorum? Quae implentur in Christo. Unde dicit Apostolus, *Quotquot enim promissiones Dei, in illa etiam* (*II Cor. i, 20*): id est, in illo impletæ sunt. Deinde dicit alio loco: *Omnia in figura contingunt illis; scripta sunt autem propter nos, in quos finis saeculorum obvenit* (*I Cor. x, 11*). Dicit et alibi: *Finis enim Legis Christus est* (*Rom., x, 4*). Item alio loco: *Nemo vos judicet in cibo, aut in potu, aut in parte diei festi, aut neomeniæ, aut sab-batorum, quod est umbra futurorum* (*Coloss. ii, 16, 17*). Si ergo omnia illa umbræ fuerunt futurorum; et Scenopegia umbra erat futurorum. Hic ergo dies festus, quæramus cuius futuri umbra erat. Exposui quid erat Scenopegia: celebratio erat tabernaculorum, propterea quia populus de Aegypto liberatus tendens per desertum ad terram promissionis, in tabernaculis habitavit. Quid sit animadvertisamus, et nos erimus; nos, inquam, qui membra Christi sumus, si sumus³: illo autem dignante sumus, non nobis promerentibus. Attendamus ergo nos, fratres: educti sumus de Aegypto, ubi diabolo tanquam Pharaoni serviebamus: ubi lutea opera in terrenis desideriis agebamus, et in eis multum laborabamus. Etenim nobis Christus quasi lateres facientibus clamavit: *Venite ad me, omnes qui laboratis et onerati estis* (*Matth. xi, 28*). Illic educti per Baptismum tanquam per mare Rubrum, ideo rubrum, quia Christi sanguine consecratum, mortuis omnibus inimicis nostris qui nos insectabantur, id

¹ Er. et Lugd. serunt, non vacat et hoc ab intellectu. Videtur, etc. M.

² Sic Er., in illo est. M.

³ Er. et Lugd. ven. ita legunt, qui membra Christi sumus si sumus, illo autem. M.

est, deletis omnibus peccatis nostris, transiecti sumus. Modo ergo antequam ad patriam promissionis, id est, aeternum regnum veniamus, in deserto in tabernaculis sumus. Qui ista agnoscunt, in tabernaculis sunt: futurum enim erat ut quidam hoc agnoscerent. Ille enim est in tabernaculis, qui se esse in mundo intelligit peregrinum. Ille se intelligit peregrinantem, qui se videt patriæ suspirantem. Cum autem corpus Christi est in tabernaculis, Christus est in tabernaculis. Sed tunc non evidenter, sed latenter. Adhuc enim umbra lucem obscurabat: veniente luce, umbra remota est. Christus erat in occulto, in Secnoegia Christus erat, sed latens Christus. Modo jam cum manifestata sunt ista, agnoscimus nos iter agere in eremo: si enim agnoscamus, in eremo sumus. Quid est in eremo? In deserto. Quare in deserto? Quia in isto mundo, ubi sittitur in via inaquosa. Sed sittamus, ut saturemur. Beati enim qui esuriunt et sitiunt iustitiam, quoniam ipsi saturabuntur (*Math. v, 6*). Et satis nostra de petra impletur in eremo: *Petra enim erat Christus, et virga percussa est, ut aqua manaret.* Ut autem manaret, bis percussa est (*I Cor. x, 4; Num. xx, 11*); quia duo ligna sunt crucis. Omnia ergo haec quae siebant in figura, manifestantur in nobis. Et non vacat quod de Domino dictum est, *Ascendit ad diem festum, non manifeste, sed tanquam in occulto.* Figuratum enim erat ipsum in occulto, quia in ipso die festo Christus latebat; quia ipse dies festus, Christi membra peregrinatura significabat.

40. *Judaï ergo querebant eum in die festo: antequam ascenderet.* Priors enim fratres ascenderunt, et non tunc ascendit ille, quando illi putabant et volabant: ut etiam hoc impleretur quod ait, *Non ad hunc, id est, ad quem vos vultis, primum vel secundum diem.* Ascendit autem postea, ut Evangelium loquitur, *mediato die festo;* id est, cum jam illius diei festi tot dies preteriissent quod remansisset. Ipsam enim festivitatem, quantum intelligendum est, diebus pluribus celebrabant.

41. *Dicebant ergo: Ubi est ille? Et murmur multum de eo erat in turba. Unde murmur? De contentione. Quae fuit contentio? Quidam enim dicebant, *Quia bonus est; alii autem, Non, sed seducit turbas.* De omnibus servis ejus intelligendum: hoc dicitur modo. Quicunque enim eminuerit in aliqua gratia spirituali, profecto alii dicunt¹, *Bonus est; alii, Non, sed seducit turbas.* Unde hoc? *Quia vita nostra abscondita est cum Christo in Deo* (*Coloss. iii, 3*). Ideo licet dicere hominibus per hiemem, Mortua est ista arbor, verbi gratia, arbor fici, arbor piri, et hujusmodi pomorum, similis est aridae; et quamdiu hiems est, non appareat. *Aestas probat, judicium probat. Aestas nostra, revelatio Christi est: Deus manifestus veniet, Deus noster et non silebit* (*Psalm. xlix, 3*); *ignis ante eum praebit: iste ignis inflammabit inimicos ejus* (*Psalm. xcvi, 5*); aridas arbores ignis comprehendet. Tunc enim aridae apparet, quando eis dicitur, *Esurivi, et non dedistis**

¹ *Juxta Rr. Lugd. Ven. legendum est, in aliqua gratia spirituali profectu, alii dicunt.* M.

*mihi manducare: in alia vero parte, hoc est in dextera, apparebit fecunditas fructuum, dignitasque foliorum; viriditas, aeternitas erit. Illis ergo tanquam aridis dicitur, *Ite in ignem aeternum* (*Matth. xxv, 42, 41*). *Ecce enim, inquit, securis ad radicem arborum posita est.* Omnis ergo arbor quæ non facit fructum bonum, excidetur, et in ignem mittetur (*Id. iii, 10*). Dicant ergo de te, si profici in Christo, dicant homines, *Seducit turbas.* De ipso, de toto corpore Christi hoc dicitur. Cogita corpus Christi adhuc in mundo, cogita corpus Christi adhuc in area; vide quemadmodum blasphemetur a palea. Simul quidem triturantur; sed paleæ conteruntur, frumenta purgantur. Quod dictum est ergo de Domino, valet ad consolationem, de quo cum hoc dictum fuerit christiano.*

42. *Nemo tamen palam loquebatur de illo, propter metum Judæorum.* Sed qui non loquebantur de illo propter metum Judæorum? Utique qui dicebant, *Bonus est:* non qui dicebant, *Seducit turbas.* Qui dicebant, *Seducit turbas,* sonitus eorum audiiebatur tanquam aridorum foliorum. *Seducit turbas,* clarus sonabat; *Bonus est,* pressius susurrabat. Modo autem, fratres, quamvis nondum venerit illa gloria Christi, quæ nos aeternos factura est; modo tamen ita crescit Ecclesia ejus, ita eam dignatus est per cuncta diffundere, ut jam susurretur, *Seducit turbas;* et clarus personet, *Bonus est.*

TRACTATUS XXIX.

In illud Evangelii, Jam autem die festo mediante, ascendit Jesus in templum; usque ad id, Qui misit illum, hic verax est, et injustitia in illo non est. Cap. vii, §. 14-18.

1. Quod sequitur de Evangelio et hodie lectum est, consequenter et nos videamus; et quod Dom'rus donaverit, hinc dicamus. Hesterno die hue usque lectum erat, quia licet non vidissent Dominum Jesum in templo per diem festum, loquebantur tamen de illo: *Et alii dicebant, Bonus est; alii autem, Non, sed seducit turbas* (*Joan. vii, 12*). Dictum enim hoc est ad eorum solarium, qui postea predicantes verbum Dei, futuri erant ut seductores et veraces (*II Cor. vi, 8*). Si enim seducere decipere est; nec Christus seductor, nec Apostoli ejus; nec quisquam seductor debet esse christianus: si autem seducere, aliunde aliquem ad aliud persuadendo ducere est, querendum est unde et quo: si a malo ad bonum, bonus seductor est; si a bono ad malum, malus seductor est. In hanc ergo partem qua seducuntur homines de malo ad bonum, utinam omnes seductores et vocemur et simus!

2. *Ascendit ergo postea Dominus ad diem festum, mediante die festo, et docebat.* Et mirabantur Judæi dicentes: *Quomodo hic litteras scit, cum non didicerit?* Ille qui latebat, docebat; et palam loquebatur, et non tenebatur. Illud enim ut lateret, erat causa exempli, hoc potestatis. Sed cum doceret, mirabantur Judæi. Omnes quidem, quantum arbitror, mirabantur; sed non omnes convertebantur. Et unde admiratio? *Quia multi noverant ubi natus, quemad-*

modum fuerit educatus; nunquam cum viderant litteras discentem, audiebant autem de Lege disputantem, Legis testimonia proferentem, quae nemo posset proferre nisi legisset, nemo legere nisi litteras didicisset: et ideo mirabantur. Eorum autem admiratio Magistro facta est insinuandæ altius veritatis occasio. Ex eorum quippe admiratione et verbis, dixit Dominus profundum aliquid, et diligentius inspici et discenti dignum. Propter quod intentam facio Charitatem vestram, non solum ad audiendum pro vobis, sed etiam ad orandum pro nobis.

5. Quid ergo Dominus respondit eis admirantibus quomodo sciret litteras quas non didicerat? *Mea*, inquit, *doctrina non est mea, sed ejus qui misit me*. Hæc est profunditas prima: videtur enim paucis verbis quasi contraria locutus. Non enim ait, Ista doctrina non est mea; sed, *Mea doctrina non est mea*. Si non tua, quomodo tua? Si tua, quomodo non tua? Tu enim dicas utrumque: et, *mea doctrina*; et, *non mea*. Nam si dixisset, Ista doctrina non est mea, nulla esset questio. Nunc vero, fratres, primitus intendite questionem, et sic ordine exspectate solutionem. Nam qui non videt questionem quæ proponitur, quomodo intelligit quod exponitur? Ille est ergo in questione, quod ait, *mea non mea*: hoc videtur esse contrarium, quomodo *mea*, quomodo *non mea*. Si ergo intucamur diligenter quod ipse in exordio dicit sanctus Evangelista, *In principio erat Verbum, et Verbum erat apud Deum, et Deus erat verbum* (Joan. 1, 1); inde pendet huius solutio questionis. Quæ est ergo doctrina Patris, nisi Verbum Patris? Ipse ergo Christus doctrina Patris, si Verbum Patris. Sed quia Verbum non potest esse nullius, sed alicujus: et suam doctrinam dixit, *scipsum*; et non suam, quia Patris est Verbum. Quid enim tam tuum quan tu? et quid tam non tuum quan tu, si alicujus est quod es?

4. Verbum ergo et Deus est, et doctrinæ stabilis Verbum est, non sonabilis per syllabas et volatilis, sed manentis cum Patre, ad quam¹ convertamur manente, sonis transeuntibus admoniti. Non enim nos ita admonet quod transit, ut ad transitoria vocet. Admonemus ut diligamus Deum. Totum hoc quod dixi, syllabe fuerunt; percussum aerem verberaverunt, ut ad sensum² vestrarum aurium pervenirent, sonando transierant: non tamen illud quod vos admonui, transire debet; quia ille quem vos diligere admonui, non transit; et cum transeuntibus syllabis admoniti, conversi ad eum fueritis, nec vos transibitis, sed cum manente manebitis. Hoc est ergo in doctrina magnum, altum et aeternum quod manet; quo vocant³ omnia quæ temporaliter transeunt, quando bene significant, nec mendaciter proferuntur. Omnia quippe signa quæ proferimus sonis, aliquid significant quod non est sonus. Non enim duas breves syllabæ Deus est, et duas breves syllabas colimus, et duas breves syllabas

adoramus, et ad duas breves syllabas pervenire desideramus: quæ pene ante desinunt sonare, quam cœperint; nec in eis secundæ locus est, nisi prima transierit. Manet ergo aliquid magnum quod dicitur Deus, quamvis non maneat sonus cum dicitur Deus. Sic intendite doctrinam Christi, et pervenietis ad Verbum Dei: cum autem perveneritis ad Verbum Dei, intendite, *Deus erat Verbum*; et videbitis verum dictum esse, *mea doctrina*: intendite etiam cuius est Verbum; et videbitis recte dictum esse, *non est mea*.

5. Breviter ergo dico Charitati vestre; hoc videatur mihi dixisse Dominus Jesus Christus, *Mea doctrina non est mea*, ac si diceret, Ego non sum a meipso. Quamvis enim Filium Patri dicamus et credamus aequalē, nec ullam in eis esse naturæ substantiarque distantiam, nec inter generantem atque generatum aliquod interfuisse temporis intervallum; tamen hoc servato et custodito ista dicimus, quod ille Pater est, ille Filius. Pater autem non est, si non habeat Filium; et Filius non est, si non habeat Patrem: sed tamen Filius Deus de Patre; Pater autem Deus, sed non de Filio. Pater Filii, non Deus de Filio: ille autem Filius Patris, et Deus de Patre. Dominus enim Christus dicitur Lumen ex Lumine. Lumen ergo quod non ex lumine, et Lumen æquale quod ex Lumine, simul unum Lumen, non duo lumina.

6. Si intelleximus, Deo gratias: si quis autem parum intellexit, fecit homo quo usque potuit, cetera videat unde speret. Forinsecus ut operarii possumus plantare et rigare, sed Dei est incrementum dare (I Cor. III, 6). *Mea*, inquit, *doctrina non est mea, sed ejus qui misit me*. Audiat consilium, qui dicit, Non dum intellexi. Magna quippe res et profunda cum suis dicta, vidi utique ipse Dominus Christus hoc tam profundum non omnes intellecturos, et in consequence dedit consilium. Intelligere vis? crede. Deus enim per prophetam dixit: *Nisi credideritis, non intelligetis* (Isai. vii, 9, sec. LXX). Ad hoc pertinet quod etiam hic Dominus secutus adjunxit: *Si quis voluerit voluntatem ejus facere, cognoscet de doctrina, utrum ex Deo sit, an ego a meipso loquar*. Quid est hoc, *Si quis voluerit voluntatem ejus facere?* Sed ego dixeram, Si quis crediderit; et hoc consilium dederam. Si non intellexisti, inquam, crede. Intellectus enim merces est fidei. Ergo noli querere intelligere ut credas, sed crede ut intelligas; quoniam *nisi credideritis, non intelligetis*. Cum ergo ad possibilitatem intelligendi consilium dederim obedientiam credendi, et dixerim Dominiūm Jesum Christum hoc ipsum adjunxisse in consequenti sententia, invenimus eum dixisse, *Si quis voluerit voluntatem ejus facere, cognoscet de doctrina*. Quid est, *cognoscet?* Ille est intelliget. Quod est autem, *Si quis voluerit voluntatem ejus facere, hoc est credere*. Sed quia *cognoscet*, hoc est intelliget, omnes intelligunt: quia vero quod ait, *Si quis voluerit voluntatem ejus facere*, hoc pertinet ad credere, ut diligenter intelligatur, opus est nobis ipso Domino nostro expositore, ut indicet nobis utrum revera ad credere pertineat facere voluntatem Patris ejus. Quis nesciat

¹ Lov., *ad quem*: refragantibus editis aliis et MSS.

² MSS., *ut ad sonum*.

³ Sic MSS. At editi Am. Bad. Er., *quod vocant*. Lov., *quo vocantur*.

hoe esse facere voluntatem Dei , operari opus ejus , id est , quod illi placet ? Ipse autem Dominus aperte alio loco dicit : *Hoc est opus Dei , ut credatis in eum quem ille misit (Joan. vi, 29).* Ut credatis in eum ; non , ut credatis ei . Sed si creditis in eum , creditis ei : non autem continuo qui credit ei , credit in eum . Nam et demones credebant ei , et non credebant in eum . Rursus etiam de Apostolis ipsius possumus dicere , Credimus Paulo ; sed non , Credimus in Paulum : Credimus Petro ; sed non , Credimus in Petrum . *Credenti enim in eum qui justificat impium , deputatur fides ejus ad justitiam (Rom. iv, 5).* Quid est ergo credere in eum ? Credendo amare , credendo diligere , credendo in eum ire , et ejus membris incorporari . Ipsa est ergo fides quam de nobis exigit Deus : et non inventit quod exigat , nisi donaverit quod inveniat . Quae fides , nisi quam definivit alio loco Apostolus plenissime dicens : *Neque circumcisio aliquid valet , neque preputium , sed fides quae per dilectionem operatur (Galat. v, 6)* ? Non qualiscumque fides , sed fides quae per dilectionem operatur : hæc in te sit , et intelliges de doctrina . Quid enim intelliges ? Quia doctrina ista non est mea , sed ejus qui misit me : id est , intelliges quia Christus Filius Dei , qui est doctrina Patris , non est ex seipso , sed Filius est Patris .

7. Sabellianam haeresim sententia ista dissolvit . Sabelliani enim dicere ausi sunt ipsum esse Filium qui est et Pater ; duo esse nomina , sed unam rem . Si duo essent nomina , et res una , non diceretur , *Mea doctrina non est mea* . Utique si tua doctrina non est tua , o Domine , cuius est , nisi alius sit cuius sit ? Quod dixisti , Sabelliani non intelligunt : non enim Trinitatem viderunt , sed sui cordis errorem secuti sunt . Nos cultores Trinitatis et unitatis Patris et Filii et Spiritus sancti , et unius Dei , intelligamus de doctrina Christi , quoniam non est ejus¹ . Et ideo dixit non se a seipso loqui , quoniam Christus Patris est Filius , et Pater Christi est Pater , et Filius de Deo Patre Deus est : Pater autem Deus , non de Filio Deo Deus est .

8. *Qui a semetipso loquitur , gloriam propriam querit.* Illo erit ille qui vocatur Antichristus , extollens se , sicut Apostolus ait , *supra omne quod dicitur Deus , et quod colitur (II Thess. ii, 4)* . Ipsum quippe annuntians Dominus gloriam suam quæsitorum , non gloriam Patris , ait ad Iudeos : *Ego veni in nomine Patris mei , et non suscepistis me : aliud veniet in nomine suo , hunc suscipietis (Joan. v, 43)* . Significavit eos Antichristum suscepturos , qui gloriam nominis sui quæsitorum est , inflatus , non solidus ; et ideo non stabilis , sed utique ruinosus . Dominus autem noster Jesus Christus magnum exemplum nobis prebuit humilitatis : nempe æqualis est Patri , nempe in principio erat Verbum , et Verbum erat apud Deum , et Deus erat Verbum ; nempe ipse dixit , et verissime dixit , *Tanto tempore roboscum sum , et non cognovissem me ? Philippe , qui vidit me , vidit et Patrem (Id. xiv, 9)* ; nempe ipse dixit , et verissime dixit , *Ego et Pater unus sumus (Id. x, 50)* . Si ergo ille cum Patre unum , æqualis Patri , Deus de

¹ Juxta Er. Lugd. et Ven. Lov., quomodo non est ejus . M.

Deo , Deus apud Deum , coæternus , immortalis , pariter incommutabilis , pariter sine tempore , pariter creator et dispositor temporum ; tamen quia venit in tempore , et formam servi accepit , et habitu est inventus ut homo (*Philipp. ii, 7*) , querit gloriam Patris , non suam : quid tu , homo , facere deles , qui quando aliquid boni facis , gloriam tuam quæris ; quando autem aliquid mali facis , Deo calumniam meditaris ? Intende tibi ; creatura es , agnosce Creatorem : servus es , ne contemnas Dominum : adoptatus es , sed non meritis tuis ; quære ejus gloriam , a quo habes hanc gloriam , homo adoptatus , cuius gloriam quæsivit qui est ab illo unicus natus . Qui autem querit gloriam ejus qui misit illum , hic verax est , et injustitia in illo non est . In Antichristo autem injustitia est , et verax non est ; quia gloriam suam quæsitorum est , non ejus a quo missus est : non enim est missus , sed venire permisus . Omnes ergo pertinentes ad corpus Christi , ne inducamur in laqueos Antichristi , non queramus gloriam nostram . Sed si ille quæsivit gloriam ejus qui eum misit , quanto magis nos ejus qui nos fecit ?

TRACTATUS XXX.

Ab eo loco , Nonne Moyses dedit vobis Legem , et nemo ex vobis facit Legem ? usque ad id , Nolite judicare secundum faciem , sed justum judicium judicate. Cap. vii , § . 19-24.

1. Evangelii sancti lectionem , de qua pridem Charitati vestre locuti sumus , ista que modo lecta est , hodierna consequitur . Dominum loquentem audiebant et discipuli et Judæi ; veritatem loquentem audiebant , et veraces et mendaces ; charitatem loquentem audiebant et amici et inimici ; bonum loquentem audiebant et boni et mali . Illi audiebant , sed ille discernebat ; et quibus sermo prodesset et profuturus esset , videbat et prævidebat . In illis enim qui tunc erant videbat , in nobis qui futuri eramus prævidebat . Nos itaque sic audiamus Evangelium , quasi præsentem Dominum ; nec dicamus , O illi felices qui eum videre potuerunt ! quia multi in eis qui viderunt , et occiderunt ; multi autem in nobis qui non viderunt , et crediderunt . Quod enim pretiosum sonabat de ore Domini , et propter nos scriptum est , et nobis servatum , et propter nos recitatum¹ , et recitabitur etiam propter posteros nostros , et donec sæculum finiatur . Sursum est Dominus : sed etiam hic est veritas Dominus . Corpus enim Domini² in quo resurrexit , uno loco esse potest : veritas ejus ubique diffusa est . Dominum ergo audiamus , et quod ipse donaverit de verbis ejus , et nos dicamus .

2. *Nonne Moyses , inquit , dedit vobis Legem , et nemo ex vobis facit Legem ? Quid me queritis interficere ?* Ideo enim queritis me interficere , quia nemo ex vobis

¹ Er. Lugd. et Ven. ferunt , recitatur . M.

² Nonnulli codices omittunt , *Domini* : at postea in verbis istis , uno loco esse potest , editi et MSS. quos consideraro nobis licuit , omnes convenient : tametsi Ivo Decr. , p. 2 , c. 8 ; Gratianus , de Consecr. dist. 2 , c. Prima quidem ; Magister , 4 Seat. , dist. 10 , c. 1 ; postque illus Thomas Aquinas , 5 p. , q. 78 , a. 1 , sic sententiam banc referant , uno loco esse opinici .

facit Legem : nam si Legem faceritis, in ipsis litteris Christum agnosceretis, et praesentem non occideritis. Et illi responderunt¹: *Respondit et turba.*, Respondit quasi turba non pertinentia ad ordinem, sed ad perturbationem : denique turba turbata videt quid responderit : *Dæmonium habes; quis te querit occidere?* Quasi non peius fuerit dicere, *Dæmonium habes*, quam eum occidere. Ei quippe dictum est quod dæmonium haberet, qui daemones expellebat. Quid possit aliud dicere turba turbulenta? quid possit aliud olere cœnum commotum? Turba turbata est; unde? A veritate. Turbam lippitudinis turbavit claritas lucis. Oculi enim non habentes sanitatem, non possunt ferre luminis claritatem.

5. Dominus autem non plane turbatus, sed in sua veritate tranquillus, non reddidit malum pro malo, nec maledictum pro maledicto (*I Petr. iii, 9*). Quibus si diceret, Dæmonium habetis vos; verum utique diceret. Non enim talia illi veritati dicerent, nisi eos diaboli falsitas irritaret. Quid ergo respondit? Audiamus tranquille, et tranquillum bibamus : *Unum opus feci, et omnes miramini.* Tanquam dicens, Quid si omnia opera mea videretis? Ipsius enim opera erant quæ in mundo videbant, et ipsum qui fecit omnia non videbant : fecit unam rem, et turbati sunt, quia salvum fecit hominem sabbato. Quasi vero si quisquam ægrotus sabbato sinceraret², alius illum sanum fecisset quam ille, qui eos scandalizavit, quia unum hominem salvum fecit sabbato. Quis enim alius salvos fecit quam ipsa salus; qui illam salutem quam dedit huic homini, dat et jumentis? Salus enim corporalis erat. Salus carnis et reparatur, et moritur; et cum reparatur, mors differtur, non auseatur. Tamen, fratres, etiam ipsa salus a Domino est, per quemlibet detur : quocumque curante et ministrante impertitur, ab illo datur a quo est omnis salus, cui dicitur in Psalmo, *Homines et jumenta salvos facies, Domine; sicut multiplicasti misericordiam tuam, Deus.* Quia enim Deus es, multiplicata misericordia tua peruenit etiam ad salutem carnis humanae, peruenit etiam ad salutem inutorum animalium : sed qui das salutem carnis hominibus jumentisque communem, numquid nulla salus est quam servas hominibus? Est certe alia quæ non solum communis non est hominibus et jumentis, sed nec ipsis hominibus communis est bonis et malis. Denique cum ibi de ista salute dixisset, quam communiter accipiunt pecora et homines; propter illam salutem quam sperare debent homines, sed boni homines, secutus adjunxit, *Filiū autem hominum sub tegmine alarum tuarum sperabunt: inebrabuntur ab ubertate domus tuæ, et torrente voluptatis tue potabis eos; quoniam apud te est fons vitae, et in lumine tuo vivimus lumen* (*Psal. xxxv, 7-10*). Illic est salus quæ

¹ Apud Er. Lugd. Ven. omittuntur verba, et non habent; sed additum continuo: *respondit enim turba.* Lov. lectio ab illa differt solum eo quod ferant, *respondit ei*, pro, *respondit enim.* M.

² In tribus MSS., *ægrotum sabbato sinceraret*: in ceteris, *ægrotus sabbato sinceraret*; id est scipso, neque medici accedente opera, sanus fieret. — Er. fert, *ægrotus sanaretur*, ubi lugd. Ven. legunt, *ægrotum sanaret*. M.

ad bonos pertinet, quos appellavit filios hominum; cum supra dixisset, *Homines et jumenta salvos facies, Domine.* Quid enim? illi homines non erant filii hominum, ut cum dixisset, *Homines*, sequeretur et dicearet, *Filiū autem hominum*; quasi aliud erant *homines*, et aliud *filiī hominum*? Non tamen arbitror sine aliqua significatione distinctionis hoc dixisse Spiritum sanctum. *Homines* ad primum Adam, *filiī hominum* ad Christum. Forte enim *homines* pertinent ad primum hominem: *filiī autem hominum* pertinent ad Filium hominis.

4. *Unum opus feci, et omnes miramini.* Et continuo subjungit: *Propterea Moyses dedit vobis circumcisio-nem.* Bene factum est ut acciperetis circumcisio-nem a Moyse. *Non quia ex Moyse est, sed ex Patribus.* Abraham quippe primus accepit circumcisio-nem a Domino (*Gen. xvii, 10*). *Et in sabbato circumciditis.* Convicit vos Moyses, In Lege accepistis ut circumcidatis octavo die (*Levit. xi, 3*); accepistis in Lege ut vacetis septimo die (*Exod. xx, 10*): si octavus dies illius qui natus est occurret ad diem septimum sabbati, quid facietis? Vacabitis, ut servetis sabbatum; an circumcidetis, ut impleatis sacramentum diei octavi? Sed novi, inquit, quid facietis. *Circumciditis hominem.* Quare? Quia circumcisio pertinet ad aliquod signaculum salutis, et non debent homines sabbato vacare a salute. Ergo nec mihi irascamini, quia salvum feci totum hominem sabbato: si circumcisio-nem, inquit, accipit homo in sabbato, ut non solvatur lex Moysi (aliquid enim per Moysen in illa constitutione circumcisio-nis salubriter institutum est), mihi operanti salutem in sabbato quare indignamini?

5. Forte enim illa circumcisio ipsum Dominum significabat, cui isti curanti et sananti indignabantur. Jussa est enim adhiberi octavo die circumcisio: et quid est circumcisio, nisi carnis exsangatio? Significat ergo ista circumcisio exsangiationem a corde cupiditatum carnalium. Non ergo sine causa data est, et in eo membro jussa fieri; quoniam per illud membrum procreatur creatura mortalium. Et per unum hominem mors, sicut per unum hominem resurrectio mortuorum (*1 Cor. xv, 21*): et per unum hominem peccatum intravit in mundum, et per peccatum mors (*Rom. v, 12*). Ideo quisque cum præputio nascitur, quia omnis homo cum vitio propaginis nascitur: et non mundat Deus sive a vitio cum quo nascimur, sive a vitiis quæ male vivendo addimus, nisi per cultellum petrinum, Dominum Christum. Petra enim erat Christus (*1 Cor. x, 4*). Cultellis enim petrinis circumcidabant, et petre nomine Christum figurabant: et praesentem non agnoscabant, sed insuper eum occidere cupiebant. Quare autem octavo die, nisi quia post septimum sabbati Dominus die dominico resurrexit? Ergo resurrectio Christi, quæ facta est tertio quidem die passionis, sed octavo die in diebus hebdomadis, ipsa nos circumcidit. Audi circumcisos vera petra, Apostolo admonente: *Si ergo resurrexisti cum Christo; quæ sursum sunt querite, ubi Christus est in dextera Dei sedens; quæ sursum sunt sapientia, non quæ super terram* (*Coloss. iii,*

4, 2). Circumeisis loquitur : Resurrexit Christus, abstulit vobis desideria carnalia, abstulit concupiscentias malas, abstulit superfluum cum quo nati eratis, et multo pejus quod male vivendo addideratis; circumcisi per petram quare adhuc sapitis terram? Et ad extremum quia Legem dedit Moyses, et circumcidit hominem sabbato, intelligite hoc significari opus bonum, quod ego feci totum hominem salvum sabbato; quia et curatus est ut sanus esset in corpore, et credidit ut sanus esset in anima.

6. *Nolite judicare personaliter, sed rectum judicium judicate.* Quid est hoc? Modo qui per legem Moysi circumcidit sabbato, non irascimini Moysi; et quia ego die sabbati salvum feci hominem, irascimini mihi. Personaliter judicatis, veritatem attendite. Ego non me praefero Moysi, ait Dominus, qui erat et ipsius Moysi Dominus. Sic attendite quomodo homines nos duos, tanquam ambos homines : judicate inter nos, sed verum judicium judicate; nolite me honorato illum damnare, sed illo intellecto me honorare. Hoc enim eis alio loco dixit : *Si crederetis Moysi, crederetis utique et mihi; de me enim ille scripsit (Joan. v. 46).* Sed hoc loco noluit hoc dicere, tanquam se et Moyse ante illos constitutis. Propter legem Moysi circumciditis, quando etiam sabbatum occurrit; et ego sanitatum faciendarum beneficentiam non vultis ut exhibeam per sabbatum? Quia Dominus circumcisionis et Dominus sabbati, salutis est auctor : et servilia opera prohibiti estis facere sabbato; si vere intelligatis servilia opera, non peccatis. Qui enim facit peccatum, servus est peccati (*Id. viii. 34*). Numquid servile opus est, hominem sanare per sabbatum? Manducatis et bibitis (ut aliquid dicam ex admonitione Domini nostri Iesu Christi, et ex verbis ejus); utique quare manducatis et bibitis in sabbato, nisi quia pertinet ad salutem quod facitis? Per hoc ostenditis opera salutis non esse ullo modo die sabbati omittenda. Ergo *nolite personaliter judicare, sed rectum judicium judicate.* Attende me quomodo hominem, attendite Moysen quomodo hominem : si secundum veritatem judicetis, neque Moysen, neque me condemnabitis; et veritate cognita me cognoscetis, quia ego sum veritas (*Id. xiv. 6*).

7. Hoc vitium, fratres, quod Dominus notavit hoc loco, evadere in hoc saeculo magni laboris est, non personaliter judicare, sed rectum judicium retinere. Admonuit quidem Dominus Judæos, sed monuit et nos : illos convicti, nos instruxit; illos redarguit, nos exaevit. Non putemus hoc nobis non ideo dictum, quia tunc ibi non fuimus. Scriptam est, legitur, cum recitaretur audivimus; sed tanquam Judæis dictum audivimus : non nos ponamus post nos, et quasi intueamur inimicos reprehendere, et ipsi nos faciamus quod in nobis veritas ipsa reprehendat. Judæi quidem personaliter judicabant, sed ideo non pertinent ad Novum Testamentum, ideo non habent in Christo regnum celorum, ideo non junguntur sanctorum societati Angelorum : terrena querabant a Domino; terra enim promissionis, victoria ab inimicis, secunditas

pariendi, multiplicatio filiorum, abundantia fructuum, que illis omnia a Deo quidem vero et bono, tamen ut eternibus promissa sunt, omnia haec fecerunt illis Vetus Testamentum. Quid est Vetus Testamentum? Quasi hereditas pertinens ad hominem veterem. Nos innovati sumus, homo novus facti sumus; quia et ille homo novus venit. Quid tam novum quam nasci de virgine? Quia ergo non erat quid in illo innovaret praeceptum, quia nullum habebat peccatum; novus partus est datus. In illo partus novus, in nobis homo novus. Quid est homo novus? A vetustate innovatus. Ad quam rem innovatus? Ad desideranda cœlestia, ad concupiscentia sempiterna, ad patriam quæ sursum est et hostem non timet, desideraudam, ubi non perdimus amicum, non timemus inimicum; ubi vivimus cum bono affectu, sine ullo defectu; ubi nemo nascitur, quia nemo moritur; ubi nemo jam proficit, et nemo deficit; ubi non esuritur, et non sitiatur, sed satietas est immortalitas, et cibis veritas. Haec habentes promissa, et ad Novum Testamentum pertinentes, et novæ hereditatis facti heredes, et ipsius Domini coheredes, aliam spem valde habemus: non personaliter judicemus, sed rectum judicium teneamus.

8. Quis est qui non judicat personaliter? Qui diligit æqualiter. Dilectio æqualis facit non acceptari personas. Non cum homines diverso modo pro suis gradibus honoramus, tunc timendum est ne personas accipiamus. Sed quando inter duos judicamus, et aliquando inter necessarios, fit non unquam judicium inter patrem et filium; queritur pater de malo filio, aut queritur filius de duro patre: servamus honorificentiam patri, quæ debetur a filio; non æquamus filium patri in honore; sed præponimus, si bonam causam habet: filium æquemus patri in veritate; et sic tribuemus honorem debitum, ut non perdat æquitas meritum. Ita verbis Domini proficiamus, et ut proficiamus gratia illius adjuvamur.

TRACTATUS XXXI.

Ab eo loco, Dicebant ergo quidam ex Jerosolymis, Nonne hic est quem quærebant Judæi interficere; usque ad id, Quæretis me, et non inveniatis; et ubi sum ego, vos non potestis venire. Cap. vii. §. 25-36.

4. Meminit Charitas vestra pristinis sermonibus et lectum esse in Evangelio, et a nobis ut potuimus disputatum, quod Dominus Jesus ideo velut occulte ascendit ad diem festum, non quia timebat ne tenetur, cuius potestas erat ne teneretur; sed ut significaret etiam in ipso die festo qui celebrabatur a Judæis, se occultari, et suum esse mysterium: hodierna ergo lectione apparuit potestas, quæ putabatur timiditas; loquebatur enim palam in die festo, ita ut mirarentur turba, et dicerent quod audivimus, cum lectio legeretur, Nonne hic est quem quærbant interficere? Et ecce palam loquitur, et nihil illi dicunt: numquid vere cognoverunt principes quia hic est Christus? Qui noverant qua scvitia quærebatur, mirabantur qua potentia non tenebatur. Deinde non plene intelligentes illius

* Juxta Er. Lugd. Ven. Lov., quod. M.

potentiam, putaverunt principum esse scientiam, quod ipsi cognoverant eumdem esse Christum : ideo percerunt ei, quem tantopere occidendum quæsierunt.

2. Deinde illi ipsi apud scipios, qui dixerant, *Numquid cognoverunt principes quia hic est Christus?* fecerunt sibi quæstionem quæa videretur non ipse esse Christus : adjungentes enim dixerunt, *Sed istum norimus unde sit; Christus autem cum venerit, nemo scit unde sit.* Hæc opinio apud Judæos unde nata fuerit, quod *Christus cum venerit, nemo scit unde sit* (non enim inaniter nata est); si considereremus Scripturas, invenimus, fratres, quoniam sanctæ Scripturæ dixerunt de Christo, *quoniam Nazareus vocabitur* (*Matth. ii, 23*). Ergo predixerunt unde sit. Rursus si locum nativitatis ejus quæramus, tanquam inde sit ubi natus est; nec hoc latebat Judæos, propter Scripturas quæ ista prædixerant. Nam cum eum visa stella Magi quærerent adorare, venerunt ad Herodem, et dixerunt quid quærerent et quid vellent : ille autem convocatis eis qui Legem sciebant, quæsivit ab eis ubi Christus nasceretur : illi dixerunt, *In Bethlehem Judææ;* et testimonium etiam propheticum protulerunt (*Matth. ii, 1-6*). Si ergo Prophetæ prædixerant et locum unde erat origo carnis ejus, et locum ubi eum peperit mater ejus ; unde nata est ista opinio apud Judæos, quam modo audivimus, *Christus cum venerit, nemo scit unde sit*, nisi quia utrumque prædicaverant et prænuntiaverant Scripturæ ? Secundum hominem prædixerant Scripturæ unde esset : secundum Deum latebat impios, et quærebat pios. Ad hoc enim et isti dixerunt, *Christus cum venerit, nemo scit unde sit*; quia hanc illis opinionem generaverat quod per Isaïam dictum est, *Generationem autem ejus quis enarrabit* (*Isai. lxx, 8*)? Denique et ipse Dominus ad utrumque respondit, et quia noverant eum unde esset, et quia non noverant ; ut attestaretur prophetæ sanctæ quæ de illo ante prædicta est, et secundum humanitatem infirmitatis, et secundum divinitatem majestatis.

3. Audite ergo Verbum Domini, fratres, videte quemadmodum confirmavit eis et quod dixerunt, « *Iustum novimus unde sit;* » et quod dixerunt, « *Christus cum venerit, nemo scit unde sit.* » Clamat ergo docens in templo Jesus : *Et me scitis, et unde sim scitis;* et a meipo non veni, sed est verus qui me misit, quem vos nescitis. » Hoc est dicere, *Et me scis, et me nescitis :* hoc est dicere, *Et unde sim scitis, et unde sim nescitis.* Unde sim scitis, Jesus a Nazareth, cuius etiam parentes nostis. Solus enim in hac causa latebat virginis partus, cui tamen testis erat maritus : ipse enim hoc poterat fideliter indicare, qui posset maritaliter et zelare¹. Hoc ergo exceptio virginis partu, totum noverant in Jesu quod ad hominem pertinet : facies ipsius nota erat, patria ipsius nota erat, genus ipsius notum erat, ubi natus est sciebatur. Recte ergo dixit, *Et me nosis, et unde sim scitis*, secundum carnem et esiguum hominis quam gerebat : secundum autem divinitatem, *Et a me ipso non veni,*

¹ sic MSS. cum editis Am. et Bad. At Er. et Lov. habent, qui potuit maritiū fieri et celare.

sed est verus qui me nūsīt, quem vos nescitis ; sed ut eum sciatis, credite in eum quem misit, et scietis. Deum enim nemo vidit unquam, nisi unigenitus Filius qui est in sinu Patris, ipse enarravit (*Joan. i, 18*) : et, *Patrem non cognoscit nisi Filius, et cui voluerit Filius revelare* (*Matth. xi, 27*).

4. Denique cum dixisset, *Sed est verus qui misit me, quem vos nescitis ; ut ostenderet eis unde possent scire quod nesciebant, subiecit, Ego scio eum.* Ergo a me querite, ut sciatis eum. Quare autem scio eum ? *Quia ab ipso sum, et ipse me misit.* Magnifice utrumque monstravit. *Ab ipso, inquit, sum* ; quia Filius de Patre, et quidquid est Filius, de illo est cuius est Filius. Ideo Dominum Jesum dicimus Deum de Deo; Patrem non dicimus Deum de Deo, sed tantum Deum : et dicimus Dominum Jesum Lumen de Lumine; Patrem non dicimus Lumen de Lumine, sed tantum Lumen. Ad hoc ergo pertinet, quod dixit, *Ab ipso sum.* Quod autem videtis me in carnē, *ipse me misit.* Ubi audis, *ipse me misit*, noli intelligere naturæ dissimilitudinem, sed generantis auctoritatem.

5. *Quærebant ergo eum apprehendere, et nemo misit in illum manus, quia nondum venerat hora ejus :* hoc est, quia nolebat. Quid est enim, *nondum venerat hora ejus ?* Non enim Dominus sub fato natus est. Hoc nec de te credendum est, nedum de illo¹ per quem factus es. Si tua hora voluntas est illius; illius hora quæ est, nisi voluntas sua ? Non ergo horam dixit qua cogeretur mori, sed qua dignaretur occidi. Tempus enim exspectabat quo moreretur, quia et tempus exspectavit quo nasceretur. De hoc tempore Apostolus loquens, ait : *Cum autem venit plenitudo temporis, misit Deus Filium suum* (*Galat. iv, 4*). Ideo multi dicunt : Quare non ante venit Christus ? Quibus respondendum est, quia nondum venerat plenitudo temporis, moderante illo per quem facta sunt tempora : sciebat enim quando venire deberet. Primo per multam seriem temporum et annorum prædicendus fuit ; non enim aliquid parvum venturum fuit : diu fuerat prædicendus, semper tenendus. Quanto major iudex veniebat, tanto præconum longior series præcedebat. Denique ubi venit plenitudo temporis, venit et ille qui nos liberaret a tempore. Liberati enim a tempore, venturi sumus ad æternitatem illam, ubi non est tempus : nec dicitur ibi, Quando veniet hora ; dies est enim sempiternus, qui nec præceditur hesterno, nec excluditur crastino. In hoc autem seculo volvuntur dies, et alii transeunt, et alii veniunt ; nullus manet : et momenta quibus loquimur, invicem se expellunt, nec stat prima syllaba, ut sonare possit secunda. Ex quo loquimur aliquantum senimus, et sine ulla dubitatione senior sum modo quam mane : ita nihil stat, nihil fixum manet in tempore. Amare itaque debemus per quem facta sunt tempora, ut liberemur a tempore, et sigamur in æternitate, ubi jam nulla est mutabilitas temporum. Magna igitur misericordia Domini nostri Jesu Christi, factum esse eum propter nos in tempore, per quem facta sunt tempora ; factum esse in-

¹ Er. lugd. ven. et Lov. sic, quanto minus de illo. M.

ter omnia , per quem facta sunt omnia : factum esse quod fecit. Factus est enim quod fecerat ; factus est enim homo qui hominem fecerat , ne periret quod fecerat. Secundum hanc dispensationem jam venerat hora nativitatis , et natus erat : sed nondum venerat hora passionis, ideo nondum passus erat¹.

6. Denique ut noveritis non necessitatem , sed potestatem morientis (a) : propter nonnullos hoc loquor , qui cum audierint , nondum venit hora ejus , ædificantur ad credenda fata , et sicut corda eorum fatua : ut ergo noveritis potestatem morientis , ipsam passionem recolite , crucifixum intuemini. Dixit in ligno pendens , *Sitio*. Illi hoc auditio , in arundine per spongiam obtulerunt ei acetum in cruce : accepit , et ait , *Perfectum est* ; et inclinato capite , reddidit spiritum. Videtis potestatem morientis , quia hoc exspectabat , donec omnia completerentur quæ de illo praedicta fuerant ante mortem futura. Dixerat enim propheta : *Dederunt in escam meam fel , et in siti mea potaverunt me aceto* (*Psal. LXVIII*, 22). Exspectabat ut haec omnia completerentur : posteaquam completa sunt , dixit , *Perfectum est* ; et abscessit potestate , quia non venerat necessitate. Ideo quidam plus mirati sunt istam potestatem morientis , quam potentiam miracula facientis. Ventum est enim ad crucem , ut corpora deponerentur de ligno , quoniam sabbatum illucescebat ; et inventi sunt latrones viventes. Supplicium quippe crucis ideo durius erat , quia diutius cruciabant , et omnes crucifixi longa morte necabantur. Illi autem , ne remanerent in ligno , cruribus fractis coacti sunt mori , ut possent inde deponi. Dominus autem inventus est mortuus (*Joan. XIX*, 28-53) ; et admirati sunt homines : et qui cum vivum contempserunt , mortuum sic admirati sunt , ut dicenter quidam , *Vere Filius Dei est hic* (*Math. XXVI*, 54). Unde est et illud , fratres , ubi ait querentibus se , *Ego sum* ; et illi retro redeuntes omnes ceciderunt (*Joan. XVIII*, 6). Erat ergo in illo potestas summa. Nec hora cogebatur mori ; sed horam exspectabat , qua opportune fieret voluntas , non qua inviti impleretur necessitas.

7. *De turba autem multi crediderunt in eum*. Humiles et pauperes salvos faciebat Dominus. Principes insaniebant ; et ideo medicum non solum non agnoscebant , sed etiam occidere cupiebant. Erat quedam turba quæ suam ægritudinem cito vidit , et illius medicinam sine dilatatione cognovit. Videamus quid sibi dixerit turba ipsa commota miraculis : *Numquid Christus cum venerit , plura signa facturus est?* Utique si duo non erunt , hic est. Crediderunt ergo in eum dicentes ista.

8. Principes vero illi audita multitudinis fide , et eo murmure quo Christus glorificabatur , miserunt ministros , ut apprehenderent eum. Quem apprehenderent ? Adhuc nolentem ? Quia ergo non poterant apprehendere nolentem , missi sunt ut audirent docentem. Quid docentem ? *Dicit ergo Jesus* : *Adhuc modicum terpus vobiscum sum*. Quod modo vultis facere ,

¹ Editi : ideo non passurus erat. At MSS. , passus.
(a) Confer Tract. 57, n. 8-10.

facturi estis , sed non modo ; quia modo nolo. Quare adhuc modo nolo ? Quia *adhuc modicum tempus vobiscum sum* : et tunc vado ad eum qui me misit. Implore debeo dispensationem meam , et sic pervenire ad passionem meam.

9. *Quæretis me , et non invenietis ; et ubi sum ego , vos non potestis venire*. Hic jam resurrectionem suam prædictum : noluerunt enim agnoscere præsentem , et postea quæsierunt , cum viderunt in eum multitudinem jam credentem. Magna enim signa facta sunt , etiam cum Dominus resurrexit , et ascendit in cœlum. Tunc per discipulos facta sunt magna ; sed ille per illos , qui et per se ipsum : ipse quippe illis dixerat , *Sine me nihil potestis facere* (*Joan. XV*, 5). Quando claudus ille qui sedebat ad portam , ad vocem Petri surrexit , et suis pedibus ambulavit , ita ut homines mirarentur , sic eos allocutus est Petrus , quia non in sua potestate ista fecit , sed in virtute illius quem ipsi occiderunt (*Act. III*, 2-16). Multi compuncti dixerunt : *Quid facies* (*Id. II*, 37) ? Viderunt enim se ingenti crimine impietatis astrictos , quando illum occiderunt , quem venerari et adorare debuerunt : et hoc putabant esse inexpiable. Magnum enim facinus erat , cuius consideratio illos faceret desperare : sed non debebant desperare , pro quibus in cruce pendens Dominus est dignatus orare. Dixerat enim : *Pater , ignosce illis* , *quia nesciunt quid faciunt* (*Luc. XXIII*, 34). Videbat quosdam suos inter multos alienos ; illis jam petebat veniam , a quibus adhuc accipiebat injuriam. Non enim attendebat quod ab ipsis moriebatur , sed quia pro ipsis moriebatur. Multum est quod illis concessum est , et ab ipsis , et pro ipsis ; ut nemo de sui peccati dimissione desperet , quando illi veniam meruerunt , qui Christum occiderunt. Mortuus est Christus pro nobis ; sed nunquid a nobis ? At vero illi viderunt Christum suo scelere morientem ; et crediderunt in Christum suis sceleribus ignoscentem. Quousque biberent sanguinem quem fuderant , de sua salute desperaverunt. Ergo hoc dixit , *Quæretis me , et non invenietis ; et ubi sum ego , vos non potestis venire* : quia quæsiti illi erant post resurrectionem compuncti. Nec dixit , ubi ero ; sed , *ubi sum*. Semper enim ibi erat Christus , quo fuerat redditurus : sic enim venit , ut non recederet. Unde alio loco ait , *Nemo ascendit in cœlum , nisi qui descendit de cœlo* , *Filius hominis , qui est in cœlo* (*Joan. III*, 13) : non dixit , qui fuit in cœlo. In terra loquebatur , et in cœlo se esse dicebat. Sic venit , ut inde non abscederet : sic rediit , ut nos non derelinqueret. Quid miramini ? Deus hoc facit. Homo enim secundum corpus in loco est , et de loco migrat , et cum ad alium locum venerit , in eo loco unde venit non erit : Deus autem implet omnia , et ubique totus est ; non secundum spatia tenetur locis. Erat tanien Dominus Christus secundum visibilem carnem in terra , secundum invisibilem majestatem in cœlo et in terra : ideo ait , *Ubi ego sum , vos non potestis venire*. Nec dixit , non poteritis ; sed , *non potestis* : tales enim tunc erant qui non possent. Nam ut sciatis non hoc ad desperationem dictum , et discipulis suis dixit tale aliquid , *Quo*

ego vado, vos non potestis venire (*Joan. xiii, 33*) ; cum pro illis orans dixerit, *Pater, volo ut ubi ego sum, et ipsi sint mecum* (*Id. xvii, 24*). Denique hoc Petrus exposuit, et ait illi : *Quo ego vado, non potes me sequi modo; sequeris autem postea* (*Id. xiii, 36*).

10. *Dixerunt ergo Iudei*, non ad ipsum ; sed, *ad seipos* : *Quo hic iturus est, quia non inveniens eum? numquid in dispersionem Gentium iturus est, et doctrinus Gentes?* Non enim sciebant quod dixerunt ; sed quia ille voluit, prophetaverunt. Iturus enim erat Dominus ad Gentes, non praesentia corporis sui, sed tamen pedibus suis. Qui erant pedes ejus? Quos pedes conculcare volebat persequendo Saulus, quando ei caput claimavit : « *Saul, Saul, quid me persequeris?* » (*Act. ix, 4*)? « *Quis est hic sermo, quem dixit: Quæretis me, et non invenietis; et ubi ego sum, vos non potestis venire?* » Unde hoc dixit Dominus, nescierunt, et tamen aliquid quod futurum erat, nescientes prænuntiaverunt. Dicit enim hoc Dominus, quia locum, si tamen dicendus est locus, id est sinum Patris unde nunquam discedit unigenitus Filius, non illi noverant ; nec cogitare idonei erant ubi erat Christus, unde non recessit Christus ; quo redditurus erat Christus, ubi manebat Christus. Unde hoc cordi humano cogitare, nedum lingua explicare¹? Hoc ergo illi nullo modo intellexerunt ; et tamen ex hac occasione salutem nostram prædixerunt, quod Dominus iturus esset ad dispersionem Gentium, et impleturus quod legebant et non intelligebant, *Populus quem non cognovi, servivit mihi, in obauditu auris obaudivit mihi* (*Psal. xvii, 45*). Illi non audierunt in quorum oculis fuit ; illi audierunt in quorum auribus sonuit.

11. Illius enim Ecclesiæ venturæ de Gentibus typum gerebat mulier quæ fluxum sanguinis patiebatur : tangebat, et non videbatur ; nesciebatur, et sanabatur. Figura quippe erat, quod Dominus interrogavit, *Quis me tetigit?* Quasi ignorans ignoratam sanavit (*Luc. viii, 43-48*) : sic fecit et Gentibus. Non eum didicimus in carne, et meruimus carnem ejus manducare, et in carne ejus membra esse. Quare? Quia misit ad nos. Quos? Praecones suos, discipulos suos, servos suos, redemptos suos quos creavit, sed quos et redemit fratres suos : totum parum dixi : membra sua, scipsum ; misit enim ad nos membra sua, et fecit nos in membra sua. Tamen secundum speciem corporis quam Iudei viderunt et contempserunt, non apud nos fuit Christus : quia et hoc de illo dictum erat, sicut et Apostolus dicit, *Dico enim Christum ministrum fuisse circumcisionis propter veritatem Dei, ad confirmandas promissiones patrum.* Ad illos debuit venire, a quorum patribus et quorum patribus est promissus : ideo et ipse sic ait, *Non sum missus nisi ad oves quæ perierunt domus Israel* (*Matt. xv, 24*). Sed quid dicit Apostolus in sequenti? *Gentes autem super misericordia glorificare Deum* (*Rom. xv, 8, 9*). Quid et ipse Dominus? *Habeo alias oves quæ non sunt ex hoc ovili* (*Joan. x, 16*). Qui dixerat, *Non sum missus nisi ad oves*

quæ perierunt domus Israel; quomodo habet alias oves ad quas non est missus, nisi quia significavit præsentiam corporalem non se missum exhibere nisi solis Iudeis, qui viderunt et occiderunt? Et multi tamen inde et antea et postea crediderunt. Messis prima de cruce ventilata est, ut esset semen unde alia messis consurgeret. Nunc vero cum fama Evangelii et bono ejus odore excitati credunt fideles ejus per omnes gentes, erit exspectatio gentium, quando veniat qui jam venit (*Gen. xlix, 10*) ; quando ab omnibus videatur, qui tunc a quibusdam visus non est, a quibusdam visus est ; quando veniat iudicaturus qui venit judicandus ; quando veniat discreturus, qui venit ut non discernatur. Non enim ab impiis Christus est discretus, sed cum impiis iudicatus : de illo enim dictum est, *Inter iniquos reputatus est* (*Isai. liii, 12*). Latro evasit : Christus damnatus est (*Marc. xv, 15; Joan. xviii, 40*). Accipit indulgentiam criminosis, damnatus est qui omnium criminis conscientium relaxavit. Tamen et ipsa crux, si attendas, tribunal fuit : in medio enim iudice constituto, unus latro qui credidit liberatus (*Luc. xxiii, 43*), alter qui insultavit damnatus est. Jam significabat quod facturus est de vivis et mortuis ; alios positurus ad dexteram, alios ad sinistram : similis ille latro futuris ad sinistram, similis alter futuris ad dexteram. Judicabatur, et iudicium minabatur.

TRACTATUS XXXII.

Ab eo loco, In novissimo autem die festivitatis stabet Jesus et clamabat, dicens, Si quis sit, veniat ad me, et bibat; usque ad id, Nondum enim erat Spiritus datus, quia Jesus nondum fuerat glorificatus. Cap. vii, ¶ . 37-39.

1. Inter dissensiones et dubitationes Judæorum de Domino Iesu Christo, inter cætera quæ dixit, quibus alii confunderentur, alii docerentur ; novissimo illius festivitatis die (tunc enim ista agebantur), quæ appellatur Scenopægia, id est tabernaculorum constructio, de qua festivitate jam antea meminit Charitas vestra fuisse dissertum, vocat Dominus Jesus Christus, et hoc non utcumque loquendo, sed clamando, ut qui sit, veniat ad eum. Si sitimus, veniamus ; et non perdibus, sed affectibus ; nec migrando, sed amando veniamus. Quanquam secundum interiorum hominem, et qui amat migrat. Et aliud est migrare corpore, aliud corde : migrat corpore qui motu corporis mutat locum ; migrat corde, qui motu cordis mutat affectum. Si aliud amas, aliud amabas, non ibi es ubi eras.

2. Clamat ergo nobis Dominus : *Stabas enim, et clamabat, Si quis sit, veniat ad me, et bibat. Qui credit in me, sicut dicit Scriptura, flumina de ventre ejus fluent aquæ vivæ.* Quid hoc esset, quando Evangelista exposuit, immorari non debemus. Unde enim dixerit Dominus, *Si quis sit, veniat ad me, et bibat.* et, *Qui credit in me, flumina de ventre ejus fluent aquæ vivæ;* consequenter exposuit Evangelista, dicens : *Hoc autem dixit de Spiritu quem accepturi erant credentes in eum. Nondum enim erat Spiritus datus, quia Jesus nondum erat glorificatus.* Est ergo sitis interior et ven-

(Cinquante-deux.)

¹ Er., lingua. Juxta Lugg. Ven. Lov., linguae. M.

ter interior, quia est homo interior. Et ille quidem interior invisibilis, exterior autem visibilis : sed melior interior quam exterior. Et quod non videtur, hoc plus amat : constat enim plus amari hominem interiorum quam exteriorum. Unde hoc constat ? Unusquisque in seipso probet. Quamvis enim qui male vivunt, amimos suos corpori addicant; viveré tamen volunt, quod non est nisi animi, magisque seipso indicant qui regunt, quam illa quae reguntur. Regant enim animi, reguntur corpora. Gaudet quisque voluntate, et capit de corpore voluptatem : sed separa animum, nihil restat in corpore quod gaudet; et si de corpore gaudet, animus gaudet. Si gaudet de domo sua, de se non debet gaudere ? et si habet animas unde oblectetur extrinsecus, sine deliciis manet intrinsecus ? Omnino constat plus amare hominem animam suam quam corpus suum. Sed et in alio homine plus amat homo animam quam corpus. Quid enim amat in amico, ubi est amor sincerior et castior ? Quid amat in amico ; animus, an corpus ? Si fides amat, animus amat : si benevolentia amat, benevolentiae sedes animus est : si hoc amas in altero, quia et ipse amat te, animum amas ; quia non caro, sed animus amat. Ideo enim amas, quia te amat : quare unde te amet, et vide quid ames. Plus ergo amat, et non videtur.

3. Aliquid etiam volo dicens, ubi magis appareat Dilectioni vestrae quantum ametur animus, et quemadmodum corpori præponatur. Illi ipsi lascivi amatores, qui pulchritudine corporum delectantur, et forma membrorum accenduntur, tunc amant amplius quando amantur. Nam si amet et sentiat quia odio habetur, magis irascitur quam diligit. Quare magis irascitur quam diligit ? Quia non ei redditur quod impedit. Si ergo ipsi corporum amatores redamari se volunt, et hoc eos magis deleat si amentur ; quales sunt amatores animorum ? Et si magni sunt amatores animorum, quales sunt amatores Dei, qui pulchros animos facit ? Sicut enim animus facit decus in corpore, sic Deus in animo. Non enim facit corpori unde ametur nisi animus : qui cum migraverit, cadaver horrescit ; et quantumcumque pulchra illa membra dilexeris, sepelire festinas. Decus ergo corporis, animus : decus animi, Deus.

4. Clamat ergo Dominus ut veniamus et bibamus; si intus sitemus; et dicit quia cum biberimus, fluminā aquae viva fluent de ventre nostro. Venter interioris hominis conscientia cordis est. Bibito ergo isto liquore vivescit purgata conscientia ; et hauriens, fontem habebit ; etiam ipsa fons erit. Quid est fons, et quid est fluvius qui manat de ventre interioris hominis ? Benevolentia, quæ vult consilere proximo. Si enim puer quia quod bibit soi ipsi debet sufficere; non fluit aqua viva de ventre ejus : si autem proximo festinat consulere ; ideo non siceat, quia manat. Videbimus nunc quid sit quod bibent, qui credunt in Domino; quia utique Christiani sumus, et si credimus, bibimus. Et unusquisque in seipso dubet agnoscere si bibit, et si vivit ex eo quod bibit : non

enim nos deserit fons, si non deseramus fontem.

5. Expositus Evangelista, ut dixi, unde Dominus clamasset, ad qualem potum invitasset, quid libentibus propinasset, dicens, *Hoc autem aicebat de Spiritu quem accepturi erunt credentes in eum. Nondum enim erat Spiritus datus, quia Jesus nondum erat glorificatus.* Quem dicit Spiritum, nisi sanctum Spiritum ? Nam unusquisque homo habet in se proprium spiritum, de quo loqueretur cum animum commendarem. Animus enim cuiusque, proprius est spiritus ejus : de quo dicit Paulus apostolus, *Quis enim seit hominem quæ sunt hominis, nisi spiritus hominis, qui in ipso est ?* deinde adjunxit, *Sic et quæ Dei sunt, nemo scit, nisi Spiritus Dei* (Cor. ii, 11). Nostra nemo scit, nisi spiritus noster. Non enim nevl quid cogitas, aut tu quid cogito : ipsa enim sunt propria nostra, quæ interius cogitamus ; et cogitationum uniuscujusque hominis ipsius spiritus testis est. *Sic et quæ Dei sunt, nemo scit, nisi Spiritus Dei.* Nos cum spiritu nostro, Deus eum suo : ita tamen ut Deus cum suo Spiritu sciat etiam quid agatur in nobis ; nos autem sine ejus Spiritu scire non possumus quid agatur in Deo. Deus autem scit in nobis et quod ipsi nescimus in nobis. Nam infirmitatem suam Petrus nesciebat, quando a Domino quod ter esset negatur audiebat (Math. xxvi, 33-35), et æger se ignorabat ; medicus ægrum sciebat. Sunt ergo quædam quæ Deus novit in nobis, nescientibus nobis. Tamen quantum ad homines pertinet, nemo sic se novit quomodo ipse homo : alius nescit quid in illo agatur, sed spiritus ejus novit. Accepto autem Spiritu Dei, discimus et quid agatur in Deo : non totum, quia non accepimus totum. De pignore multa novimus : pignus enim accepimus, et huius pignoris plenitudo postea dabitur. Interim in hac peregrinatione pignus nos consoletur, quia qui nos dignatus est oppignerare, multum paratus est dare. Si talis est arrha, quid est cuius est arrha ?

6. Sed quid est quod ait, *Non enim erat Spiritus datus, quia Jesus nondum erat glorificatus?* In evidenti est intellectus. Non enim non erat Spiritus Dei, qui erat apud Deum ; sed nondum erat in eis qui crediderant in Jesum. Ita enim disposuit Dominus Jesus non eis dare Spiritum istum de quo loquiuntur, nisi post resurrectionem suam ; et hoc non sine causa. Et forte si queramus, annuet ut inveniamus ; et si pulsemus, aperiet ut intremus. Pietas pulsat, non manas : quanquam pulsat et manus, si ab operibus misericordiae non cesseret manus. Quæ igitur causa est eur Dominus Jesus Christus statuerit nonnisi cum esset glorificatus, dare Spiritum sanctum ? Quod antequam dicamus ut possamus, prius querendum est, ne quem forte moveat, quomodo nondum erat Spiritus in hominibus sanctis, cum de ipso Domine recens nato legatur in Evangelio, quod eum in Spiritu sancto agnoverit Simeon, agnoverit etiam Anna vidua prophetissa (Luc. ii, 25-38); agnoverit Joannes ipse, qui eum baptizavit (Joh. i, 26-34) : impletus Spiritu sancto Zacharias multa dixit (Luc. i, 67-70) ; Spiritum sanctum ipsa Maria, ut Dominum concepisse.

ret, accepit (*Luc. 35*). Multa ergo indicia præcedentia Spiritus sancti habemus, antequam Dominus glorificaretur resurrectione carnis suæ. Non enim alium spiritum etiam Prophetæ habuerunt, qui Christum venturum prænuntiaverunt. Sed modus quidam futurus erat dationis hujus, qui omnino antea non apparuerat: de ipso hic dicitur. Nusquam enim legimus antea congregatos homines accepto Spiritu sancto, linguis omnium gentium locutos fuisse. Post resurrectionem autem suam, primum quando apparuit discipulis suis, dixit illis: *Accipite Spiritum sanctum.* De hoc ergo dictum est, *Non erat Spiritus datus, quia Jesus nondum erat glorificatus.* Et insufflavit in faciem eorum (*Joan. xx, 22*), qui statu primum hominem vivificavit, et de limo erexit, quo statu animam membris dedit (*Gen. ii, 7*); significans eum se esse qui insufflavit in faciem eorum, ut a luto exsurgent, et luteis operibus renuntiarent. Tunc primum post resurrectionem suam Dominus, quam dicit Evangelista glorificationem, dedit discipulis suis Spiritum sanctum. Deinde commoratus cum eis quadraginta dies, ut liber Actuum Apostolorum demonstrat, ipsis videntibus, et videndo deducentibus, ascendit in cœlum (*Act. 1, 3 et 9*). Ibi peractis decem diebus, die Pentecostes misit desuper Spiritum sanctum. Quo, sicut dixi, qui fuerant in uno loco congregati, accepto impleti, omnium gentium linguis locuti sunt (*Id. ii, 1-6*).

7. Quid ergo, fratres, quia modo qui baptizatur in Christo, et credit in Christum, non loquitur omnium gentium linguis, non est credendus accepisse Spiritum sanctum? Absit ut ista perfidia tentetur cor nostrum. Certi sumus omnem hominem accipere: sed quantum vas fidei attulerit ad fontem, tantum implet. Cum ergo et modo accipiatur, dixerit aliquis, quare nemo loquitur linguis omnium gentium? Quia jam ipsa Ecclesia linguis omnium gentium loquitur. Antea in una gente erat Ecclesia, ubi omnium linguis loquebatur. Loquendo linguis omnium, significabat futurum ut crescendo per gentes, loqueretur linguis omnium. In hac Ecclesia qui non est, nec modo accipit Spiritum sanctum. Præclusus enim et divisus ab unitate membrorum, quæ unitas linguis omnium loquitur, renuntiet sibi; non habet¹. Nam si habet, det signum quod tunc dabatur. Quid est, det signum quod tunc dabatur? Loquatur omnibus linguis. Respondet mihi: Quid enim, tu loqueris omnibus linguis? Loquo plane, quia omnis lingua mea est, id est, ejus corporis cuius membrum sum. Diffusa Ecclesia per gentes loquitur omnibus linguis; Ecclesia est corpus Christi, in hoc corpore membrum es: cum ergo membrum sis ejus corporis quod loquitur omnibus linguis, crede te loqui omnibus linguis. Unitas enim membrorum charitate concordat; et ipsa unitas loquitur quomodo tunc unus homo loquebatur.

8. Accipimus ergo et nos Spiritum sanctum, si amamus Ecclesiam, si charitate compaginamur, si catholico nomine et fide gaudemus. Credamus, fra-

tres; quantum quisque amat Ecclesiam Christi, tantum habet Spiritum sanctum. Datus est enim Spiritus, sicut Apostolus dicit, *ad manifestationem.* Quam manifestationem? Sicut ipse idem dicit, *Quia alii datur per Spiritum sermo sapientiae, alii sermo scientiae secundum eundem Spiritum, alii fides in eodem Spiritu, alii donatio curationum in uno Spiritu, alii operatio virtutum in eodem Spiritu.* Multa enim dantur ad manifestationem, sed tu forsitan eorum omnium quæ dixi nihil habes. Si amas, non nihil habes: si enim amas unitatem, etiam tibi habet quisquis in illa habet aliquid. Tolle invidiam, et tuum est quod habeo: tollam invidiam, et meum est quod habes. Livor separat, sanitas jungit. Oculus solus videt in corpore: sed numquid soli sibi oculus videt? Et manus videt, et pedi videt, et ceteris membris videt: non enim si aliquis ictus in pedem veniat, avertit se oculus inde ut non præcaveat. Rursus sola manus operatur in corpore; sed numquid sibi soli operatur? Et oculo operatur: nam si ictus aliquis veniens non eat in manum, sed tantum in faciem, numquid dicit manus, Non me moveo, quia non tendit ad me? Sic pes ambulando omnibus membris militat: membra cetera tacent, et lingua omnibus loquitur. Habemus ergo Spiritum sanctum, si amamus Ecclesiam: amamus autem, si in ejus compage et charitate consistimus. Nam ipse Apostolus cum dixisset diversa dona dari diversis hominibus, tanquam officia quorumque membrorum, *Adhuc, inquit, supereminenteriam viam vobis demonstro;* et cœpit loqui de charitate. Præposuit eam linguis hominum et Angelorum, præposuit miraculis fidei, præposuit scientiae et propheticæ, præposuit etiam illi magno operi misericordiae, quo sua quæ possidet distribuit quisque pauperibus; et ad extremum præposuit eam etiam corporis passioni: his omnibus tam magnis rebus præposuit charitatem (*I Cor. xi, 7-13, 3*). Ipsam habeto, et cuncta habebis: quia sine illa nihil proderit, quidquid habere potueris. Quia vero ad Spiritum sanctum pertinet charitas de qua loquimur (quæstio enim modo in Evangelio de Spiritu sancto retractatur), audi Apostolum dicentem, *Charitas Dei diffusa est in cordibus nostris per Spiritum sanctum, qui datus est nobis* (*Rom. v, 5*).

9. Quare ergo Dominus Spiritum, cuius maxima beneficia sunt in nobis, quia charitas Dei per ipsum diffusa est in cordibus nostris, post resurrectionem suam dare voluit? quid significavit? Ut in resurrectione nostra charitas nostra flagret, et ab amore seculi separet, ut tota currat in Deum. Hic enim nascimur et morimur, hoc non amemus: charitate migremus, charitate sursum habitemus, charitate illa qua diligimus Deum. Nihil aliud in hac vitæ nostræ peregrinatione meditemur, nisi quia et hic non semper erimus, et ibi nobis locum bene vivendo præparabimus, unde nunquam migremus. Dominus enim noster Jesus Christus, posteaquam resurrexit, *jam non moritur; mors illi ultra,* sicut Apostolus dicit, *non dominabitur* (*Id. vi, 9*). Ecce quod amemus. Si vi-

¹ In plurisque MSS., renuntiet si non habet.

vimus, si in ipsum credimus qui resurrexit; dabit nobis, non quod hic amant homines qui Deum non amant, aut tanto plus amant, quanto illum minus amant: tanto autem hoc minus amant, quanto illum plus amant. Sed videamus quid nobis promisit: non divitias terrenas et temporales, non honores et potestates in saeculo isto; videtis enim omnia haec dari et hominibus malis, ne magnipendantur a bonis. Non ipsam postremo corporis sanitatem: non quia ipse illum non dat, sed quia, ut videtis, et pecoribus dat. Non vitam longam. Quid est enim longum quod aliquando finitur? Non pro magno nobis credentibus promisit longevitatem, aut decrepitam senectutem; quam oinnes optant antequam veniat, omnes de illa cum venerit murmurant. Non pulchritudinem corporis, quam vel corporis morbus, vel ipsa senectus que optatur exterminat. Vult esse pulcher, et vult esse senex: ista duo desideria sibi invicem concordare non possunt: si senex eris, pulcher non eris: quando senectus venerit, pulchritudo fugiet; et in uno habitare non possunt vigor pulchritudinis, et gemitus senectutis. Omnia ergo ista non nobis promisit, qui dixit, *Qui credit in me, veniat, et bibat; et flumina de ventre ejus fluenter aquæ vivæ.* Vitam aeternam promisit, ubi nihil timeamus, ubi non conturbemur, unde non migrerimus, ubi non moriamur; ubi nec decessor planatur, nec successor speretur. Quia ergo tale est quod nobis promisit amantibus, et Spiritus sancti charitate ferventibus; ideo ipsum Spiritum noluit dare, nisi cum esset glorificatus: ut in suo corpore ostenderet vitam, quam modo non habemus, sed in resurrectione speramus.

TRACTATUS XXXIII.

Ab eo loco Evangelii. Ex illa ergo turba cum audissent hos sermones ejus, etc., usque ad id, Nec ego te condemnabo; vade, et amplius noli peccare. Cap. vii, §. 40-55, et cap. viii, §. 1-11.

1. Meminit Charitas vestra, sermone pristino ex occasione lectionis evangelice locutos nos esse vobis de Spiritu sancto. Ad hunc potandum cum Dominus invitasset credentes in se, loquens inter eos qui illum tenere cogitabant, et isterfiscere cupiebant nec valabant, quia ille nolebat: cum ergo haec locutus esset, nata est de illo in turba dissensio, aliis putantibus quod ipse esset Christus, aliis dicentibus quia de Galilea non exsurget Christus. Qui vero missi fuerant, ut eum tenerent, redierunt immunes a crimine, et pleni admiratione. Nam et testimonium perhibuerunt divince doctrinæ ejus, cum dicerent a quibus misserantur, *Quare non adduxistis eum?* Responderunt enim nunquam se audisse hominem sic locutum: *Non enim quisquam sic loquitur homo.* Ille autem sic locutus est, quia Deus erat et homo. Tamen Pharisei testimonium eorum repellentes, dixerunt eis: *Numquid et vos seducti estis?* Videamus enim delectatos vos esse sermonibus illius. *Numquid aliquis de principibus credidit in euri, aut ex Pharisæis?* Sed turba hac quæ non novit Legem, maledicti sunt. Qui non noverant Le-

gem, ipsi credebant in eum qui miserat Legem: et eun qui miserat Legem, contemnebant illi qui doccebant Legem: ut impleretur quod dixerat ipse Dominus, *Ego veni ut non videntes videant, et videntes cœiant* (Joan. ix, 39). Cæci enim facti sunt Pharisei doctores, illuminati sunt populi nescientes Legem, et in auctorem Legis credentes.

2. *Nicodemus tamen unus ex Pharisæis, qui ad Domum nocte venerat,* et ipse non quidem incredulus, sed timidus; nam ideo nocte venerat ad lucem, quia illuminari volebat, et sciri timebat: respondit Iudeis, *Numquid Lex nostra judicat hominem, nisi audierit ab ipso prius et cognoverit quid faciat?* Volebant enim illi perverse ante esse damnatores quam cognitores. Sciebat enim Nicodemus, vel potius credebat, quia tantummodo eum vellent patienter audire, forte similes fierent illis qui missi sunt tenere, et inaluerunt credere. *Illi responderunt, ex prejudicio cordis sui,* quod et illis: *Numquid et tu Galilæus es?* Id est, quasi a Galilæo seductus. Dominus enim Galilæus dicebatur, quoniam de Nazareth civitate erant parentes ejus. Secundum Mariam dixi parentes, non secundum virile semen: non enim quæsivit in terra nisi matrem, qui jam habebat desper Patrem. Nam ultraque ejus nativitas mirabilis fuit; divina sine matre, humana sine patre. Quid ergo illi quasi Legis doctores ad Nicodemum dixerunt? *Scrutare Scripturas, et vide quia propheta a Galilæa non surgit.* Sed Dominus Prophetarum inde surrexit. *Reversi sunt, inquit Evangelista, unusquisque in domum suam.*

3. *Inde Jesus perrexit in montem:* in montem autem Oliveti, in montem fructuosum, in montem unguenti, in montem chrismati. Ubi enim decebat docere Christum, nisi in monte Oliveti? Christi enim nomen a chrismate dictum est: *χριστός* autem græce, latine unctio nuncupatur. Ideo autem nos unxit, quia luctatores contra diabolum fecit. *Et diluculo iterum venit in templum, et omnis populus venit ad eum, et sedens docebat eos.* Et non tenebatur, quia nouium pati dignabatur.

4. Nunc jam attendite, ubi ab inimicis tentata sit Domini mansuetudo. « Adducunt autem illi Scribæ et Pharisæi mulierem in adulterio deprehensam, et statuerunt eam in medio; et dixerunt ei: Magister, haec mulier modo deprehensa est in adulterio. In Lege autem Moyses mandavit nobis hujusmodi lapidare: tu ergo quid dicas? Haec autem dicebant tentantes eum, ut possent accusare eum. » Unde accusare? Numquid ipsum in aliquo facinore deprehenderant, aut illa mulier ad eum aliquo modo pertinuisse dicebatur? Quid est ergo, *tentantes eum, ut possent accusare eum?* Intelligimus, fratres, admirabilem mansuetudinem in Domino preminuisse. Animadverterunt cum nimium esse mitem, nimium esse mansuetum: de illo quippe fuerat ante prædictum, *Accingere gladio tuo circa femur tuum, potentissime; specie tua et pulchritudine tua intende, prospere procede, et regna: propter veritatem et mansuetudinem et justitiam.* (Psal. xliiv, 4 et 5). Ergo attulit veritatem ut doctor, mansue-

tudinem ut liberator, justitiam ut cognitor. Propter hec eum esse regnaturum in Spiritu sancto propheta prædixerat (*Isai. xi*). Cum loqueretur, veritas agnoscetatur : cum adversus inimicos non moveretur, mansuetudo laudabatur. Cum ergo de dubibus istis, id est de veritate et mansuetudine ejus, inimici livore et inuidia torquerentur; in tertio, id est justitia, scandalum posuerunt. Quare? Quia Lex jusserset adulteros lapidari; et utique Lex quod injustum erat jubere non poterat : si quis aliud diceret quam Lex jusserset, injustus deprehenderetur. Dixerunt ergo apud semetipsos: Verax putatur, mansuetus videtur; de justitia illi querenda calumnia est. Offeramus ei mulierem in adulterio deprehensam, dicamus quid de illa in Lege præceptum sit: si eam jusserit lapidari, mansuetudinem non habebit; si eam dimitti censuerit, justitiam non tenebit. Ut autem mansuetudinem, inquiunt, non perdat, in qua jam populis amabilis factus est, sine dubio eam dimitti debere dicturus est. Hinc nos invenimus accusandi occasionem, et reum facimus tanquam Legis prævaricatorem: dicentes ei, Hostis es Legis, contra Moysen respondes, imo contra eum qui per Moysen Legem dedit; reus es mortis, cum illa et tu ipse lapidandus. Posset his verbis atque his sententiis inflammari invidia, servare accusatio, flagitari damnatio. Sed cui hoc? Perversitas reætitudini, falsitas veritati, corruptum cor cordi recto, stultitia sapientiae. Quando illi laqueos prepararent, in quos non prius ipsi caput iniecerent? Ecce Dominus in respondendo et justitiam servaturus est, et a mansuetudine non recessurus. Non est captus cui tendebatur, sed potius capti sunt qui tendebant; quia in eum qui eos posset de laqueis eruere, non credebant.

3. Quid ergo respondit Dominus Jesus? quid respondit veritas? quid respondit sapientia? quid respondit ipsa cui calumnia parabatur justitia? Non dixit, Non lapidetur; ne contra Legem dicere videatur. Absit autem ut diceret, Lapidetur: venit enim non perdere quod invenerat, sed querere quod perierat (*Luc. xix, 10*). Quid ergo respondit? Vide te quom plenum sit justitia, plenum mansuetudine et veritate! *Qui sine peccato est vestrum*, inquit, *prior in illam lapidem mittat*. O responsio sapientiae! Quomodo eos intromisit in se? Foris enim calumniabantur, scipios intrinsecus non perscrutabantur: adulteram videbant, se non perspiciebant. Prævaricatores Legis Legem impleri cupiebant, et hoc calumniano; non vere, tanquam adulteria castitate dammando. Audistis, Judei; audistis, Pharisæi; audistis, Legis doctores, Legis custodem, sed nondum intellexisti Legis latorem. Quid vobis aliud significat, cum digito scribit in terra? Digito enim Dei Lex scripta est; sed propter duros in lapide scripta est (*Exod. xxxi, 18*). Nunc jam Dominus in terra scribebat, quia fructum quærebat. Audistis ergo, Impleatur Lex, lapidetur adultera: sed numquid in illa punienda, Lex implenda est a puniendis? Consideret se unusquisque vestrum, intret in semetipsum, ascendat tribunal mentis suæ, constitutus se ante conscientiam suam cogat se confiteri. Scit

enim qui sit¹: quia nemo scit hominum que sunt hominis, nisi spiritus hominis, qui in ipso est (*1 Cor. ii, 11*). Unusquisque in se intendens, peccatorem se invenit. Ita plane. Ergo aut istam dimittite, aut simul cum illa pœnam Legis excipite. Si diceret, Non lapidetur adultera; injustus convinceretur: si diceret, Lapidetur; mansuetus non videbet: dicat quod dicere debet, et mansuetus et justus, *Qui sine peccato est vestrum, prior in illam lapidem mittat*. Haec vox justitiae est: Puniatur peccatrix, sed non a peccatoriis; impletatur Lex, sed non a prævaricatoribus Legis. Haec vox omnino justitiae est: qua justitia illi tanquam trabali telo percussi, sese insipientes et reos invenientes, *unus post unum omnes recesserunt*. Relicti sunt duo, misera et misericordia. Dominus autem cum eos illo telo justitiae percussisset, nec dignatus est eadentes attendere, sed averso ab eis obtutu, rursum digito scribebat in terra.

6. Relicta autem sola illa muliere, omnibusque abeuntibus, levavit oculos suos ad mulierem. Audivimus vocem justitiae, audiamus et mansuetudinis. Plus enim, credo, territa erat illa mulier cum andisset a Domino dictum, *Qui sine peccato est vestrum, prior in illam lapidem mittat*. Illi ergo attendentis se, et abscessu ipso confessi de se, reliquerant mulierem cum grandi peccato, ei qui erat sine peccato. Et quia illa hoc audierat, *Qui sine peccato est, prior in illam lapidem mittat*; ab illo se sperabat puniendam, in quo peccatum inveniri non poterat. Ille autem qui adversarios ejus repulerat lingua justitiae, levans in eam oculos mansuetudinis, interrogavit eam: *Nemo te condemnavit?* Respondit illa: *Domine, nemo*. Et ille: *Nec ego te condemnabo; a quo te forte damnari timuisti, quia in me peccatum non invenisti. Nec ego te damnabo.* Quid est, Domine? Faves ergo peccatis? Non plane ita. Attende quod sequitur: *Vade, deinceps jam noli peccare.* Ergo et Dominus damnavit, sed peccatum, non hominem. Nam si peccatorum fautor esset, diceret, Nec ego te damnabo; vade, vive ut vis: de mea liberatione esto secura; ego quantumcumque peccaveris, te ab omni poena etiam gehennæ et inferni tortoribus liberabo. Non hoc dixit.

7. Intendant ergo qui amant in Domino mansuetudinem, et timeant veritatem. Etenim *dulcis et rectus Dominus* (*Psal. xxiv, 8*). Amas quod dulcis est, time quod rectus est. Tanquam mansuetus dixit, *Tacui: sed tanquam justus, Numquid semper tacebo* (*Isai. xlii, 14, sec. LXX*)? *Misericors et miserator Dominus*. Ita plane. Adhuc adde, *longanimus*; adhuc adde, et *multum misericors*: sed time quod est in novissimo, et *verax* (*Psal. lxxxv, 13*). Quos enim modo sustinet peccantes, judicaturus est contemnentes. *An dicitas longanimitatis et mansuetudinis ejus contemnis, ignorans quia patientia Dei ad paenitentiam te adducit?* Tu autem secundum duritiam cordis tui et cor impudentis, thesaurizas tibi iram in die iræ et revelationis justi judicij Dei, qui redet unicuique secundum opera sua (*Rom. ii, 4-6*). Mansuetus Dominus, longanimus Do-

¹ Apud Er., quis sit. n

TRACTATUS XXXIV.

misericors Dominus : sed et justus Dominus, et verax Dominus. Largitur tibi spatium correctionis : sed tu plus amas dilationem quam emendationem. Malus fuisti heri ? hodie bonus esto. Et hodiernum diem in malitia peregisti ? vel cras mutare. Semper exspectas, et de misericordia Dei tibi plurimum polliceris : quasi ille qui tibi per pœnitentiam¹ promisit indulgentiam, promiserit tibi etiam prolixorem vitam. Unde scis quid pariat crastinus dies ? Recte dicis in corde tuo : Quando me correxero, Deus mihi omnia peccata dimittet. Negare non possumus quod correctis atque conversis indulgentiam Deus promisit. Nam in quo propheta mihi legis quia promisit correcto indulgentiam, non mihi legis quia promisit tibi Deus longam vitam.

8. Ex utroque igitur homines periclitantur, et sperando et desperando, contrariis rebus, contrariis affectionibus. Sperando qui decipitur ? Qui dicit², Bonus est Deus, misericors est Deus, faciam quod mibi placet, quod libet ; laxem habenas cupiditatibus meis, impleam desideria anime meae. Quare hoc ? Quia misericors est Deus, bonus est Deus, mansuetus est Deus. Spe isti periclitantur. Desperatione autem, qui cum inciderint in gravia peccata, putantes sibi non posse jam ignosci pœnitentibus, et statuentes se ad damnationem sine dubio destinatos, dicunt apud seipsos, Jam damnandi sumus³, quare non quod volumus facimus ? animo gladiatorum ferro destinorum. Ideo molesti sunt desperati : jam enim quod timeant non habent, et vehementer timendi sunt. Isto desperatio necat, spes illos. Inter spem et desperationem fluctuat animus. Metuendum est ne te occidat spes, et cum multum speras de misericordia, incidas in judicium : metuendum est rursus ne te occidat desperatio, et cum putas jam tibi non ignosci quæ gravia commisisti, non agas pœnitentiam, et incurras in judicem Sapientiam, quæ dicit, *Et ego vestre perditioni supervidebo* (*Prov. 1, 26*). Quid ergo agit Dominus cum periclitantibus utroque morbo ? Illis qui spe periclitantur, hoc dicit : *Ne tardes converti ad Dominum, neque differas de die in diem ; subito enim veniet ira illius, et in tempore vindictæ disperdet te* (*Ecli. v, 8, 9*). Illis qui desperatione periclitantur, quid dicit ? *In quacumque die iniquus conversus fuerit, omnes inimites ejus obliscar* (*Ezech. xviii, 21, 22, 27*). Propter illos ergo qui desperatione periclitantur, proposuit indulgentiae portum : propter illos qui spe periclitantur et dilationibus illuduntur, fecit diem mortis incertum. Quando veniat ultimus dies, nescis. Ingratus es, quia hodiernum habes, in quo corrigeris ? Sic ergo ad istam mulierem, *Nec ego te damnabo* ; sed facta secura de præterito, cave futura. *Nec ego te damnabo* : delevi quod commisisti, observa quod precepi, ut invenias quod promisi.

¹ Sic Ms. Carcassonensis. At ceteri libri, per patientiam.

² In B. : *Sperando decipitur, qui decipitur, qui dicit*. Er. Lugd. Ven. et Lov. secuti sumus. M.

³ In duabus MSS., *jam damnati sumus*.

. *In illud, Ego sum lux mundi : qui sequitur me, non ambulat in tenebris, sed habebit lumen vitae. Cap. viii, §. 12.*

1. Quod modo audivimus et intenti accepimus, cum sanctum Evangelium legeretur, non dubito quod omnes etiam intelligere conati sumus : et quisque nostrum de re tam magna quæ lecta est, pro suo modulo cepit quod potuit ; et posito pane verbi, nemo est qui se queratur nihil gustasse. Sed iterum non dubito, quia difficile quisquam est qui totum intellexerit. Tamen etiamsi est qui omnia verba Domini nostri Jesu Christi modo ex Evangelio recitata satis intelligat ; toleret ministerium nostrum, quousque, si possimus, illo adjuvante tractando faciamus ut vel omnes vel multi intelligent, quod se pauci intellexisse latentur.

2. Quod ait Dominus, *Ego sum lux mundi*, clarum puto esse eis qui habent oculos, unde hujus lucis participes fiant : qui autem non habent oculos nisi in sola carne, mirantur quod dictum est a Domino Jesu Christo, *Ego sum lux mundi*. Et forte non desit qui dicat apud semetipsum : Numquid forte Dominus Christus est sol iste, qui ortu et occasu peragit diem ? Non enim defuerunt haeretici qui ista senserunt. Manichæi solem istum oculis carnis visibilem expositum et publicum non tantum hominibus, sed etiam pecoribus ad videndum, Christum Dominum esse putaverunt. Sed catholice Ecclesie recta fides improbat tale commentum, et diabolical doctrinam esse cognoscit : nec solum agnoscit credendo, sed in quibus potest convincit etiam disputando. Improbemus itaque hujusmodi errorem, quem sancta ab initio anathematizavit Ecclesia. Non arbitremur Dominum Iesum Christum hunc esse solem quem videntius oriri ab oriente, occidere in occidente ; cuius cursus noctis succedit, cuius radii nube obumbrantur, qui certa de loco in locum motione commigrat : non est hoc Dominus Christus. Non est Dominus Christus sol factus, sed per quem sol factus est. Omnia enim per ipsum facta sunt, et sine ipso factum est nihil (*Joan. 1, 5*).

3. Est ergo lux quæ fecit hanc lucem : hanc amemus, hanc intelligere cupiamus, ipsam sitiamus ; ut ad ipsam duce ipsa aliquando veniamus, et in illa ita vivamus, ut nunquam omnino moriamur. Ista enim lux est, de qua prophetia olim præmissa ita in Psalmo cecinist : *Homines et jumenta salvos facies, Domine ; sicut multiplicata est misericordia tua, Deus*. Psalmi sancti ista verba sunt : advertite quid de tali luce antiquus sanctorum hominum Dei sermo præmiserit. *Homines, inquit, et jumenta salvos facies, Domine ; sicut multiplicata est misericordia tua, Deus*. Quoniam enim Deus es, et babes multiplicem misericordiam ; pervenit eadem multiplicitas misericordiæ tuæ, non solum ad homines quos creasti ad imaginem tuam, sed etiam ad pecora quæ hominibus subdividisti. A quo enim salus hominis, ab illo salus et pecoris. Non crucescas hoc sentire de Domino Deo tuo : imo præsumas et fidas, et caveas ne aliter sentias. *Qui salvum*

facit te, ipse salvum facit equum tuum, ipse ovem tuam; ad minima omnino veniamus, ipse gallinam tuam: Domini est salus (*Psal. iii, 9*), et ista Deus salvat. Mover te, interrogas; miror quiddubitas. Dignatus est salvare, qui dignatus est creare? Domini est salus Angelorum, hominum, pecorum; Domini est salus. Sicut nemo est a seipso, ita nemo salvus est a seipso. Proinde verissime Psalmus ait optime ait, *Homines et jumenta salvos facies, Domine. Quare? Sicut multiplicata est misericordia tua, Deus.* Tu enim es Deus, tu creasti, tu salvas: tu dedisti esse, tu das sanam esse.

4. Si ergo sicut multiplicata est misericordia Dei, ab illo homines et jumenta salvantur; nonne homines habent aliquid aliud quod eis Deus praestet creator, quod jumentis non praestat? Nullane discretio est inter animal factum ad imaginem Dei, et animal subditum imaginis Dei? Est plane: praeter salutem istam communem nobis oum animantibus mutis, est quod nobis praestet Deus, illis autem non praestat. Quid est hoc? Sequere in eodem psalmo: *Fili hominum sub tegmine alarum tuarum sperabunt.* Habant modo salutem communem cum pecoribus suis, *Fili hominum sub tegmine alarum tuarum sperabunt.* Aliam habent salutem in re, aliam in spe. Salus ista qua in presenti est, hominibus pecoribusque communis est: sed est alia quam sperant homines; et accipiunt qui sperant, non accipiunt qui desperant. *Fili enim hominum sub tegmine,* inquit, *alarum tuarum sperabunt.* Qui autem perseveranter sperant, a te proteguntur, ne de spe a diabolo dejiciantur: *sub tegmine alarum tuarum sperabunt.* Si ergo sperabunt, quid sperabunt, nisi quod pecora non habebunt? *Inebriabuntur ab ubertate domus tuarum;* et torrente voluptatis tuarum potabis eos. Quale vinum est, unde inebriari ludibile est? quale vinum est, quod non turbat, sed dirigit mentem? quale vinum est, quod facit perpetuo sanum, non inebriando facit insanum? *Inebriabuntur.* Unde? *Ab ubertate domus tuarum;* et torrente voluptatis tuarum potabis eos. Unde? *Quoniam apud te fons vita.* Ipse fons vita ambulabat in terra, ipse dicebat, *Qui sitis, veniat ad me* (*Joan. vii, 37*). Ecce fons. Sed nos de lumine loqui coeparamus, et propositam ex Evangelio questionem de lumine tractabamus. Leetum est enim nobis dicente Domino, *Ego sum lux mundi.* Inde questio, ne quis carnaliter sapiens solem istum intelligentem putaret: venimus inde ad Psalmum, quo considerato, invenimus interim Dominum fontem vita. Bibe et vive. *Apud te,* inquit, *fons vita:* ideo sub umbraculo alarum tuarum sperant filii hominum, inebriari isto fonte querentes. Sed de lumine dicebamus. Sequere ergo: nam Propheteta cum dixisset, *Apud te fons vita,* secutus adjunxit, *In lumine tuo videbitur lumen* (*Psal. xxxv, 8, 10*); Deum de Deo, lumen de lumine. Per hoc lumen factum est solis lumen: et lumen quod fecit solem, sub quo fecit et nos, factum est sub sole propter nos. Factum est, inquam, propter nos sub sole lumen quod fecit solem. Noli con-

temnere nubem carnis: nube tegitur, non ut obscuratur, sed ut temperetur.

5. Loquens ergo per nubem carnis lumen indeficiens, lumen sapientiae, ait dominus, *Ego sum lux mundi: qui sequitur me, non ambulabit in tenebris; sed habebit lumen vitae.* Quonodo te abstulit ab oculis carnis, et revocavit ad oculos cordis? Non enim sufficit dicere, *Qui me sequitur, non ambulabit in tenebris, sed habebit lumen;* addidit enim, *vita;* sicut ibi dictum est, *Quoniam apud te fons vita.* Vide itaque, fratres mei, quonodo verba Domini cum illius psalmi veritate concordant: et ibi lumen positum est cum fonte vita, et a Domino dictum est *lumen vita.* In istis autem usibus corporalibus aliud est lumen, aliud fons: fontem fauces querunt, lunen oculi: quando sitimus querimus fontem; quando in tenebris sumus, querimus lumen; et si forte nocte sitiamus, lumen accendimus ut ad fontem veniamus. Non sic apud Deum: quod lumen est, hoc est fons; qui tibi lucet ut videas, ipse tibi manat ut bibas.

6. Videbis ergo, fratres mei, videtis, si intus videntis, quale hoc lumen est de quo dominus dicit, *Qui me sequitur, non ambulabit in tenebris.* Sequere istum solem, videamus si non ambulabis in tenebris. Ecce oriundo exit ad te: ille cursu suo ad occidentem pergit; tibi forte ad orientem profectio est: nisi tu in contrarium partem pergas, non qua ille tendit, sequendo eum profecto errabis, et pro oriente occidentem tenebris. Tu cum in terra si soquaris, errabis: nauis si eum in mari sequatur, errabit. Postremo videtur tibi sequendum esse solem, et tendis etiam ipse ad occidentem, quo et ille tendit: videamus cum occiderit, si non ambulabis in tenebris. Vide quemadmodum etsi nolueris eum tu deserere, ipse te deseret, servitutis sue necessitate peragens diem. dominus autem noster Jesus Christus interim et cum per carnis nubem non omnibus apparebat, per sapientiae potentiam omnia tenebat. Deus tuus ubique totus est: si non ab illo facias casum, nunquam a te ipse facit occasum.

7. Qui ergo me, inquit, sequitur, non ambulabit in tenebris; sed habebit lumen vita. Quod promisit, futuri temporis verbo posuit: non enim ait, habet; sed, *habebit,* inquit, *lumen vita.* Nec ait tamen, qui sequetur me; sed, *qui sequitur me.* In eo quod facere debemus, præsens tempus posuit: quod autem promisit facientibus, futuri temporis verbo significavit. *Qui sequitur habebit.* Modo sequitur, post habebit: modo sequitur per fidem, post habebit per speciem. *Quamdiu enim sumus in corpore,* ait apostolus, *per egrinamur a Domino: per fidem enim ambulamus, non per speciem* (*II Cor. v, 6, 7*). Quando per speciem? Cum habuerimus lumen vita, cum ad illam visionem venerimus, quando nox ista transierit. De illo quippe die qui exorturus est, dictum est, *Mane astabo tibi, et contemplabor* (*Psal. v, 5*). Quid est, *mane?* Transacta nocte sæculi hujus, transactis terroribus tentationum, superato illo leone qui nocte rugiens circuit, quem devoret querens (*I Petr. v, 8*) *Mane astabo*

tibi, et contemplabor. Nunc vero quid putamus, fratres huic temporis congruere, nisi quod rursus in Psalmo dicitur, *Lubabo per singulas noctes lectum meum, lacrymis meis stratum meum rigabo* (*Psal. vi, 7*)? Per singulas noctes, inquit, flebo: desiderio lucis ardebo. Videt Dominus desiderium meum; quoniam dicit illi alter psalmus, *Ante te est omne desiderium meum, et gemitus meus a te non est absconditus* (*Psal. xxxvii, 10*). Desideras aurum? videri potes; quærrens enim aurum manifestus eris hominibus. Desideras frumentum? interrogas qui habeat; cui et cupiens pervenire ad id quod desideras, indicas. Desideras Deum? quis videt, nisi Deus? A quo enim petis Deum, sicut panem, sicut aquam, sicut aurum, sicut argentum, sicut frumentum? A quo petis Deum, nisi a Deo? Ipse petitur a seipso, qui promittit seipsum. Extendet anima cupiditatem suam; et sinu capaciore quærat comprehendere quod oculus non vidit, nec auris audivit, nec in cor hominis ascendit (*I Cor. ii, 9*). Desiderari potest, concupisci potest, suspirari in illud potest: digne cogitari, et verbis explicari non potest.

8. Ergo, fratres mei, quoniam Dominus breviter ait, *Ego sum lux mundi: qui me sequitur, non ambulabit in tenebris; sed habebit lumen vitæ: quibus verbis aliud est quod jussit, aliud quod promisit: faciamus quod jussit, ne impudenti fronte desideremus, quod promisit; ne dicat nobis in judicio suo, Fecisti enim quod jussi, ut expertas quod promisi?* Quid ergo iussisti, Domine Deus noster? Dicit tibi, Ut sequereris me. Consilium vitæ petisti. Cujus vita, nisi de qua dictum est, *Apud te sors vitæ?* Audivit quidam, *Vade, rende omnia quæ habes, et da pauperibus, et habebis thesaurum in cælo;* et veni, sequere me. Tristis abscessit, non est secutus: quæsivit magistrum bonum, interpel-lavit doctorem, et contempnit docentem: tristis abscessit, ligatus cupiditatibus suis; tristis abscessit, ha-bens grandem sareinam avaritiæ super humeros suos (*Matth. xix, 16-22*). Laborabat, testuabat; et qui ab illo sarcinam deponere voluit, non est sequendus putatus, sed deserendus. Postea vero quam Dominus per Evangelium clamavit, *Venite ad me, omnes qui laboratis et onerati estis, et ego vos reficiam;* tollite jugum meum super vos, et discite a me quia nitis sum et humiliis corde (*Id. xi, 28 et 29*): quam multi fecerunt audito Evangelio, quod ex ore ipsius auditum dives ille non fecit? Ergo modo faciamus, sequamur Dominum; solvamus compedes quibus impedimur sequi. Et quis idoneus solvere tales nodos, nisi ille adjuvet cui dictum est, *Disrupisti vincula mea* (*Psal. cxv, 16*)? De quo alius psalmus dicit, *Dominus solvit compeditos, Dominus erigit elisos* (*Psal. cxlv, 8*).

9. Et quid sequuntur soluti et erecti, nisi lumen a quo audiunt, *Ego sum lumen mundi: qui me sequitur, non ambulabit in tenebris?* quia Dominus illuminat cœcos. Illuminamur ergo modo, fratres, habentes collyrium fidei. Processit enim ejus saliva cum terra, unde inungeretur qui cœci est natus (*Joan. ix, 6*). Et nos de Adam cœci nati sumus, et illo illuminante opus

habemus. Miscuit salivam cum terra: *Verbum caro factum est, et habitavit in nobis* (*Joan. i, 14*). Miscuit salivam cum terra; ideo prædictum est, *Veritas de terra orta est* (*Psal. lxxxiv, 12*): ipse autem dixit, *Ego sum via, veritas et vita* (*Joan. xiv, 6*). Veritate perfruentur, cum viderimus facie ad faciem; quia et hoc promittitur nobis. Nam quis auderet sperare quod Deus non dignatus esset vel polliceri vel dare? Videbimus facie ad faciem. Apostolus dicit: *Nunc scio ex parte, nunc in enigmate per speculum, tunc autem facie ad faciem* (*I Cor. xiii, 12*). Et Joannes apostolus in Epistola sua: *Dilectissimi, nunc filii Dei sumus, et nondum apparuit quid erimus: scimus quia cum apparuerit, similes ei erimus; quoniam videbimus eum sicuti est* (*I Joan. iii, 2*). Hæc est magna promissio; si amas, sequere. Amo, inquis; sed qua sequor? Si dixisset tibi Dominus Deus tuus, *Ego sum veritas et vita;* desiderans veritatem, concupiscens vitam, viam qua ad hæc pervenire pos-ses profecto quæreres, et diceres tibi: *Magna res veritas, magna res vita;* si esset quomodo illuc perva-niret anima mea! Quæreris qua? audi eum dicentem primo, *Ego sum via.* Antequam diceret tibi quo, præmisit qua: *Ego sum, inquit, via. Quo via?* *Et veritas et vita.* Primo dixit qua venias, postea dixit quo veuias. Ego sum via, ego sum veritas, ego vita. Manens apud Patrem, veritas et vita: induens sc carnem, factus est via. Non tibi dicitur, Labora quærendo viam, ut per-venias ad veritatem et vitam; non hoc tibi dicitur. Pi-ger, surge; via ipsa ad te venit, et te de somno dor-mientem excitavit, si tamen excitavit: surge, et am-bula. Forte conaris ambulare, et non potes, quia do-lent pedes. Unde dolent pedes? an jubente avaritia per aspera cucurrerunt? Sed Dei Verbum sanavit et clau-dos. Ecce, inquis, sanos habeo pedes, sed ipsam viam non video. Illuminavit et cœcos.

10. Hoc totum per fidem, quamdiu peregrinamur a Domino, inanentes in corpore: cum autem perambu-laverimus viam, et ad ipsam patrum venerimus, quid erit nobis lætius? quid erit nobis beatius? Quia nihil pacatus: nihil enim adversus hominem rebellabit. Nunc vero, fratres, difficile sine rixa sumus. Ad con-cordiam quidem vocati sumus, jubemus pacem, habere inter nos; ad hoc conandum est, omnibusque inten-dum viribus, ut aliquando veniamus ad perfectissimam pacem: modo autem litigamus plerumque cum eis quibus consulere volumus. Ille errat, tu vis ducere ad viam; resistit tibi, litigas: resistit paganus, disputas contra errores idolorum et dæmoniorum: resistit hereticus, disputas contra alias doctrinas dæmoniorum: malus catholicus non vult bene vivere, corripis etiam interiorum fratrem tuum: tecum manet in domo, et perditas vias querit; æstuas quomodo corrigas, ut de illo bonam rationem Domino amborum reddas. Quante undique rixarum necessitates? Plerumque homo tæ-dio affectus, dicit apud semetipsum: Quid mihi est pati contradictores, pati eos qui reddit mala pro bonis? Ego volo consulere, illi volunt perire: consumo vitam meam litigando; pacem non habeo: inimicos insuper facio, quos amicos habere deberem, si bene-

volentiam consulentis attenderent : quid mihi est ista perpeti ? redeam ad me, mecum ero, Deum meum invocabo. Redi ad te ipsum, ibi invenis rixam : si cœpisti Deum sequi, ibi invenis rixam. Quam rixam, inquis, invenio ? Caro concupiscit adversus spiritum, et spiritus adversus carnem (*Galat. v, 17*). Ecce tu ipse es, ecce tu solus es, ecce tecum es, ecce alium nullum hominem pateris : sed vides aliam legem in membris tuis, repugnantem legi mentis tue, et captivantem te in lege peccati, quæ est in membris tuis. Exclama ergo, et a rixa interiore clama ad Deum, ut tibi pacificet te : *Miser ego homo, quis me liberabit de corpore mortis hujus ? Gratia Dei per Jesum Christum Dominum nostrum (Rom. vii, 23-25)*. Quia qui me, inquit, sequitur, non ambulabit in tenebris ; sed habebit lumen vitae. Finita tota rixa, immortalitas consequetur, quia novissima inimica destruetur mors. Et qualis pax erit ? Oportet corruptibile hoc induere incorruptionem, et mortale hoc induere immortalitatem (*I Cor. xv, 26, 53*). Quo ut veniamus, quia tunc erit in re, nunc sequamur in spe eum qui dixit, *Ego sum lux mundi : qui me sequitur, non ambulabit in tenebris ; sed habebit lumen vita*.

TRACTATUS XXXV.

Ab eo quod legitur, Dixerunt ergo Pharisæi, Tu de te ipso testimonium perhibes, etc., usque ad id, Verum est testimonium meum, quia scio unde veni, et quo vado. Cap. viii, ¶ 13, 14.

1. De verbis Domini nostri Jesu Christi, ubi ait, *Ego sum lux mundi : qui me sequitur, non ambulabit in tenebris ; sed habebit lumen vita* (*Joan. viii, 12*), hec sterno die qui adfueritis, diu disputatum esse meministis : et si adhuc velimus de illo lumine disputare, diu loqui possumus ; nam non possumus explicare compendio. Itaque, fratres mei, sequamur Christum lumen mundi, ne ambulemus in tenebris. Tenebræ metuendæ sunt, morum, non oculorum : et si oculorum, non exteriorum, sed interiorum, unde discernitur non album et nigrum, sed justum et injustum.

2. Cum hæc ergo dixisset Dominus noster Jesus Christus, responderunt Iudei : *Tu de te testimonium dicas ; testimonium tuum non est verum*. Antequam veniret Dominus noster Jesus Christus, multas ante se lucernas propheticas accedit et misit. De his etiam erat Joannes Baptista, cui tam magnum ipsum lumen, quod est Dominus Christus, perhibuit testimonium, quale nulli hominum : ait enim, *In natibus mulierum non surrexit major Joanne Baptista (Matth. xi, 11)*. Hic tamen, quo nemo erat major in natibus mulierum, dicit de Domino Jesu Christo : *Ego quidem baptizo vos in aqua ; qui autem venit, fortior me est, cuius non sum dignus calceamentum solvere (Joan. i, 26, 27)*. Videte quemadmodum se lucerna diei submittat. Lucernam vero ipsum Joannem fuisse Dominus ipse testatur : *Ille erat, inquit, lucerna ardens et lucens ; et vos voluntatis ad horam exultare in lumine ejus (Id. v, 35)*. Quando autem dixerunt Iudei Domino, *Dic nobis, in qua potestate ista facis ?* sciens Dominus quia Joannem Baptistam pro magno haberent, et quod ipse quem pro magno habebant, eis de Domino testimonium per-

hibuisset, respondit eis. Interrogabo et ego vos unum sermonem : dicite mihi, Baptismus Joannis unde est ? de cœlo, an ex hominibus ? Turbati illi intra semetipsos cogitabant, quia si dicerent, Ab hominibus, lapidari possent a turba, quæ Joannem prophetam esse credebat : si dicerent, De cœlo, responderet eis, Ille quem confitemini de cœlo habuisse prophetiam, mihi testimonium perhibuit, et ab illo audistis in qua ego ista faciam potestate. Viderunt ergo, quodlibet horum respondissent, in laqueum se casuros ; et dixerunt, *Nescimus*. Et Dominus eis : *Nec ego dico vobis, in qua potestate ista facio (Matth. xxi, 25-27)*. Non vobis dico quod scio, quia non vultis fateri quod scitis. Justissime utique repulsi, confusi abscesserunt : et impletum est quod in Psalmo per Prophetam dicit Deus Pater, *Parari lucernam Christo meo, id est, ipsum Joannem ; inimicos ejus induam confusione (Psal. xxxi, 17, 18)*.

3. Habebat ergo Dominus Jesus Christus testimonium Prophetarum ante se præmissorum, præconum judicem præcedentium ; habebat testimonium a Joanne : sed ipse majus¹ testimonium erat, quod sibi perhibebat. Illi autem infirmis oculis lucernas quererent, quia diem ferre non poterant : nam Joannes idem ipse apostolus, cuius Evangelium in manibus habenus, in ipsius Evangelii sui capite ait de Joanne, « Erat homo missus a Deo, cui nomen erat Joannes : hic venit in testimonium, ut testimonium perhiberet de lumine, ut omnes crederent per eum. Non erat ille lumen, sed ut testimonium perhiberet de lumine. Erat lumen verum, quod illuminat omnem hominem venientem in mundum. » Si omnem, ergo et Joannem. Unde dicit et ipse Joannes, *Nos omnes de plenitudine ejus accepimus (Joan. i, 6-9, 16)*. Discernite ergo ista, ut proficiat mens vestra in fide Christi ; ne semper infantes sitis ubera querentes, et a cibo solidio resilientes. Debetis apud matrem sanctam Ecclesiam Christi nutritri et ablactari, et ad escas solidiores accedere, mente, non ventre. Hoc ergo discernite, aliud esse lumen quod illuminat, aliud esse quod illuminatur. Nam et oculi nostri lumina dicuntur ; et unusquisque ita jurat, tangens oculos suos, per lumina sua, Sic vivant lumina mea : usitata juratio est. Quæ lumina si lumina sunt, desit lumen in cubiculo tuo clango, patcent et luceant tibi : non utique possunt. Quomodo ergo ista in facie quæ habemus, et lumina nuncupamus, et quando sana sunt, et quando patent, indigent extrinsecus adjutorio luminis ; quo ablato aut non illato, sana sunt, aperta sunt, nec tamen vident : sic mens nostra, quæ est oculus animæ, nisi veritatis lumine radietur, et ab illo qui illuminat nec illuminatur, mirabiliter illustretur, nec ad sapientiam nec ad justitiam poterit pervenire. Ipsa est enim via nostra juste vivere. Quomodo autem non offendat in via, cui non lucet lumen ? Ac per hoc in tali via videre opus est, in tali via videre magnum est. Nam Tobias in facie oculos clausos habebat, et filius patri manum

¹ Lov, *ipsum majus*. At Am. Bad. et Er., *ipse*. Sic etiam MSS. e quibus plerique loco *majus*, habent, *magis*.

dabat; pater filio viam præcipiendo monstrabat (*Tob.* ii, 11, iv).

4. Responderunt ergo Iudei, *Tu de te testimonium dicas; testimonium tuum non est verum.* Videamus quid audiant: audiamus et nos, sed non sicut illi. Illi contemnentes, nos credentes: illi occidere Christum voluntates, nos per Christum vivere cupientes. Interim ista distinctoria distinguat aures mentesque nostras, et audiamus quid Iudeis responderit Dominus. *Respondit Jesus, et dicit eis: Etsi ego de me testimonium perhibeo, verum est testimonium nunc; quia scio unde veni, et quo vado.* Lumen et alia demonstrat et seipsum. Accendis lucernam, verbi gratia, ut quæras tunicam, et præstat tibi ardeas lucerna ut invonis tunicam: numquid accendis lucernam ut video ardorem lucernam? Lucerna quippe ardens idonea est et alia quæ tenebris operiebant nudare, et seipsam tuis oculis demonstrare. Sic et Dominus Christus et inter fideles suos, et inimicos Iudeis, tanquam inter lucem et tenebras distinguebat; tanquam inter illos, quos radio fidei perfundebat, et illos quorum clausos oculos circumfundebat. Nam etiam sol iste et videntis faciem illustrat, et cœci: ambo pariter stantes, et faciem ad solem habentes illustrantur in carne, sed non ambo illuminantur in carne; videt ille, ille non videt; ambobus sol præsens est, sed præsenti soli unus est absens. Sic et Sapientia Dei, Verbum Dei, Dominus Jesus Christus ubique præsens est; quia ubique est veritas, ubique est sapientia. Intelligit quis in oriente justitiam; intelligit alias in occidente justitiam: numquid alia est justitia quam ille intelligit, alia quam iste? Separati sunt corpore, et in uno habent acies mentium suarum. Quam video justitiam hic constitutus, si justitia est, ipsam videt justus nescio quot mansionibus a me carne sejunctus, et in illius justitiae luce conjunctus. Ergo testimonium sibi perhibet lux: aperit sanos oculos, et sibi ipsa testis est, ut cognoscatur lux. Sed quid agimus de infidelibus? numquid illis non est præsens? Est præsens et illis: sed quibus eam videant, oculos non habent cordis. Audi de illis ex Evangelio ipso prolatam sententiam: *Et lux lucet in tenebris, et tenebrae eam non comprehendunt* (*Joan.* i, 5). Ergo ait Dominus, et verum ait, *Etsi ego de me testimonium perhibeo, verum est testimonium meum; quia scio unde veni, et quo vado.* Patrem volebat intellegi; Patri gloriam dabat Filius. Aequalis glorificat eum a quo est missus: quantum debet homo glorificare eum a quo est creatus?

5. *Scio unde veni, et quo vado.* Iste qui in præsencia vobis loquitur, habet quod non deseruit, sed tamen venit: non enim veniendo inde discessit, aut redeundo nos dereliquit. Quid miramini? Deus est. Non potest hoc fieri ab homine; non potest hoc fieri ab ipso sole. Quando pergit ad occidentem, deserit orientem, et donec oriturus redeat ad orientem, non est in oriente: *Dominus autem noster Jesus Christus et venit, et ibi est; et redit, et hic est.* Audi ipsum Evangelistam alio loco dicentem, et si potes, cape; si non potes, crede: *Deum, inquit, nemo vidit unquam, nisi uni-*

genitus Filius, qui est in sinu Patris, ipse enarrabit (*Joan.* i, 18). Non dixit, *Fuit in sinu Patris, quasi* ui-
niendo deseruerit sinum Patris. *Hic doquacabatur, et* ibi se esse dicebat: qui et hinc discessurus, quid dixit? *Ecce ego vobiscum sum usque ad consummationem sæculi* (*Math.* xxviii, 20).

6. Ergo verum est testimonium luminis, sive se ostendat, sive alia; quia sine lumine non potes videre lumen, et sine lumine non potes videre quodlibet aliud quod non est lumen. Si idoneum est lumen ad demon-
stranda ea quæ non sunt lumina, numquid in se deficit? numquid se non aperit, sine quo alia patere non possunt? Locutus est Propheta verum; sed unde haberet, nisi de fonte veritatis hauriret? Locutus est Joannes verum; sed unde locutus est, ipsum inter-
regna: *Nos omnes, inquit, de plenitudine ejus arcepimus.* Ergo idoneus est Dominus noster Jesus Christus qui sibi perhibeat testimonium. Sed plane, fratres mei, in nocte hujus sæculi audiamus et prophetiam intente: modo enim ad fragilitatem nostram nocturnaque cordis nostri intimas tenebras humili voluit venire Dominus noster. Homo venit contempnendus et hono-
randus, venit negandus et confundendus; contempnendus et negandus a Iudeis, honorandus et confundendus a nobis: judicandus et judicaturus; judicandus in iuste, judicaturus iuste. Talis ergo venit, ut oportet ei lucer-
nam, testimonium perhibere. Nam quid opus erat ut Joannes tanquam lucerna perhiberet testimonium diei, si dies ipse ab infirmitate nostra posset videri? Sed noui poteramus: infirmus factus est infirmis, per infirmitatem sanavit infirmitatem; per mortalem car-
nem, carnis abstulit mortem; de corpore suo colly-
rium fecit luminibus nostris. Quia ergo Dominus venit, et in nocte sæculi adhuc sumus, oportet ut et prophetias audiamus.

7. Nam de prophetia convincimus contradicentes Pa-
ganos. Quis est Christus, dicit Paganus? Cui responde-
mus: Quem prænuntiaverunt Prophetæ. Et ille: Qui Prophetæ? Recitamus Isaiam, Danielem, Jeremiam, alios sanctos Prophetas; dicimus quam longe ante illum
venerint, quanto tempore adventum ejus præcesserint. Hoc ergo respondemus: Prævenerunt eum Prophetæ, prædixerunt eum esse venturum. Respondet aliquis eo-
rum: Qui Prophetæ? Nos recitamus, qui nobis quotidie recitantur. Et ille: Qui sunt hi Prophetæ? Nos respon-
demus: Qui et prædixerunt ea quæ fieri videmus. Et ille: Vos, inquit, vobis ista fixistis, vidistis ea fieri, et quasi ventura prædicta essent, in libris quibus voluistis conscripsistis. Hic contra inimicos Paganos occurrit nobis aliorum testimonium inimicorum. Proferimus codices a Iudeis, et respondemus: Nempe et vos et illi, fidei nostræ estis inimici. Ideo sparsi sunt per gentes, ut alios ex aliis convincamus inimicis. Codex Isaiae proferatur a Iudeis, videamus si non ibi lego, «Sicut ovis ad immolandum ductus est, et sicut agnus coram tendente fuit sine voce, sic non aperuit os suum. In humiliitate judicium ejus sublatum est; livore ejus sanati sumus: omnes ut oves erravimus, et ipse traditus est pro peccatis nostris» (*Isai. liii, 5-8*).

Ecce lucerna una. Alia proferatur, Psalmus aperiat, etiam inde predicta passio Christi recitetur. « *Foderunt manus meas et pedes meos, dinumeraverunt omnia ossa mea : ipsi vero consideraverunt et conspicerunt me, divisorunt sibi vestimenta mea, et super vestimentum meum miserunt sortem. Apud te laus mea; in Ecclesia magna confitebor tibi. Commemorabunt et convertentur ad Dominum universi fines terrae : et adorabunt in conspectu ejus universæ patriæ gentium; quia Domini est regnum, et ipse dominabitur gentium» (*Psal. xxi, 17-29*). Erubescat unus inimicus, quia codicem mihi ministrat alius inimicus. Sed ecce de codicibus prolatis ab uno inimico alterum vici : et ipse qui mihi codicem protulit, non relinquatur ; ab illo proferatur, unde et ipse vincatur. Lego alium prophetam, et invenio Dominum loquenter ad Iudeos : *Non est mihi voluntas in vobis, dicit Dominus, nec accipiam sacrificium¹ de manibus vestris : quoniam ab ortu solis usque ad occasum, sacrificium mundum offertur nomini meo* (*Malach. i, 10 et 11*). Non venis, Iudee, ad sacrificium mundum; convinco te immundum.*

Se. Ecce et lucernæ perhibent testimonium diei propter infirmitatem nostram, quia diei claritatem tolerare et videre non possumus. Nam et nos ipsi Christiani in comparatione quidem infidelium lux jam sumus ; unde dicit Apostolus, *Fuistis enim aliquando tenebrae; nunc autem lux in Domino, sicut filii lucis ambulate* (*Ephes. v, 8*) : et alibi dixit, *Nox processit, dies autem appropinquavit : abficiamus ergo operu tenebrarum, et induamus nos arma lucis ; sicut in die honeste ambulenuis* (*Rom. xiii, 12, 13*). Tamen quia in comparatione illius lucis ad quam venturi sumus, adhuc nox est etiam dies in quo sumus, audi Petrum apostolum : delatam dicit Domino Christo vocem de magnifica potestate, *Tu es Filius meus dilectus, in quo bene sensi. Hanc vocem, inquit, nos de caelo audivimus delatam, cum essemus cum illo in monte sancto.* Sed quia nos non ibi fuimus, et istam vocem de cœlo tunc non audivimus ; ait ad nos ipse Petrus, *Et habemus certiorem propheticum sermonem.* Non audistis vocem de cœlo delatam, sed certiore habetis propheticum sermonem. Prævidens enim Dominus Jesus Christus impios quosdam futuros, qui miraculis ejus calumniantur, magicis artibus ea tribuendo, Prophetas ante præmisit. Numquid enim, si magus erat et magicis artibus fecit ut coleretur et mortuus, magus erat antequam natus ? Prophetas audi, o homo mortue, et crescendo calumniose, Prophetas audi : lego, audi qui ante Dominum venerunt. *Habemus*, inquit apostolus Petrus, *certiorem propheticum sermonem, cui bene facitis attendentes, sicut lucernæ in obscuru loco, donec dies lacescat, et lucifer oriatur in cordibus vestris* (*1 Petr. i, 17-19*).

Quando ergo Dominus noster Jesus Christus venerit, et, sicut dicit etiam apostolus Paulus, illuminaverit occulta tenebrarum, et manifestaverit cogitationes cordis, ut laus sit unicuique a Deo (*1 Cor. iv, 5*) ;

¹ Magno consensu MSS., *sacrificia*.

tunc præsente tali die lucernæ non erunt accessariae : non legetur nobis Propheta, non aperietur codex Apostoli, non requiremos testimonium Joannis, non ipso indigebimus Evangelio. Ergo omnes Scripturæ tollentur de medio, quæ nobis in hujus sæculi nocte tanquam lucernæ accendebantur, ne in tenebris remaneremus : istis omnibus sublati, ne quasi nobis luocant indigentibus, et ipsis hominibus Dei, per quos haec ministrata sunt, nobiscum lumen illud verum clarumque videntibus, remotis ergo his adjumentis quid videbimus ? unde pascetur mens nostra ? unde obtutus ille lætabitur ? unde erit illud gaudium quod nec oculus vidit, nec auris audivit, nec in cor hominis ascendit (*1 Cor. ii, 9*) ? quid videbimus ? Obsecro vos, amate mecum, currite credendo mecum : patriam supernam desideremus, supernæ patriæ suspiriemus, peregrinos nos esse hic sentiamus. Quid tunc videbimus ? Dicat nunc Evangelium : *In principio erat Verbum, et Verbum erat apud Deum, et Deus erat Verbum* (*Joan. i, 1*). Unde tibi ros inspersus est, ad fontem venies : unde radius per obliqua et per angusta tibi ad cor tenebrosum missus est, nudam ipsam lucem videbis, cui videndæ ferendæque mundaris. *Dilectissimi*, quod et hesterno commemoravi, Jeannes ipse dicit, *fili Dei sumus, et nondum apparuit quid erimus : scimus quia cum apparuerit, similes ei erimus, quoniam videbimus eum sicuti est* (*1 Joan. iii, 2*). Sentio vestros affectus attolli mecum in superna : sed corpus quod corrumpitur, aggravat animam ; et deprimit terrena inhabitatione sensum multa cogitantem (*Sap. ix, 15*). Deposurus sum et ego codicem istum, discessuri estis et vos quisque ad sua. Bene nobis fuit in luce communii, bene gavisi sumus, bene exultavimus : sed cum ab invicem recedimus, ab illo non recedamus.

TRACTATUS XXXVI.

Ab eo quod scriptum est, Vos secundum carnem judicatis; ego non judico quemquam; usque ad id, Ego sum qui testimonium perhibeo de meipso, et testimonium perhibet de me, qui misit me Pater. Cap. viii, ¶ . 15-18.

In quatuor Evangelii, vel potius quatuor libris unius Evangelii, sanctus Joannes apostolus, non immerito secundum intelligentiam spiritualem equilæ comparatus, altius multoque sublimius aliis tribus erexit prædicationem suam ; et in ejus erectione etiam corda nostra erigi voluit. Nam cæteri tres evangeliste, tanquam cum homine Domino in terra ambulabant, de divinitate ejus pauca dixerunt : istum autem quasi pugnerit in terra ambulare, sicut ipso exordio sui sermonis intonuit, erexit se, non solum super terram et super omnem ambitum aeris et cœli, sed super omnem etiam exercitum Angelorum, omnemque constitutionem invisibilium potestatum, et pervenit ad eum per quæ facta sunt omnia, dicendo, *In principio erat Verbum, et Verbum erat apud Deum, et Deus erat Verbum : hoc erat in principio apud Deum. Omnia per ipsum facta sunt, et sine ipso factum est nihil* (*Joan. i, 1-3*). Huic tantæ sublimitati principii etiam cætera congrua prædicavit, et de Domini divinitate, quomodo nullus alijs,

est locutus. Hoc ructabat quod biberat. Non enim sine causa de illo in isto ipso Evangelio narratur, quia et in convivio super pectus Domini discumbebat (*Joan. xiii.*, 25). De illo ergo pectore in secreto bibebat : sed quod in secreto bibit, in manifesto eructavit, ut perveniat ad omnes gentes non solum incarnationis Filii Dei, et passio, et resurrectio; sed etiam quid erat ante incarnationem Unicus Patri, Verbum Patris, coeternus generanti, æqualis ei a quo missus est ; sed in ipsa missione minor factus, quo major esset Pater.

2. Quidquid ergo humiliiter possum audistis de Domino Iesu Christo, susceptæ carnis dispensationem cogitate; qualis factus est propter nos, non qualis erat ut ficeret nos : quidquid autem sublime et supra omnes creatureas excelsum atque divinum, et Patri æquale atque coeternum de illo audieritis in Evangelio ponit, vel legeritis, scitote vos hoc legere quod ad formam Dei pertinet, non quod ad formam servi. Quia si istam regulam tenueritis qui capere potestis; non autem omnes capere potestis, sed omnes credere debetis : si ergo hanc regulam tenueritis, adversus calumnias tenebrarum haereticarum, tanquam lumine ambulantes, securi pugnabitis. Non enim defuerunt qui sola evangelica testimonia legendi sectarentur, quæ de humilitate Christi posita sunt, qui adversus ea testimonia quæ divinitatem ejus locuta sunt, surdi fuerunt : ideo surdi, ut male verbosi. Item quidam illa sola attendentes quæ de Domini sublimitate dicta sunt, etiam ipsi misericordiam ejus, qua homo factus est propter nos, et si legerunt, non crediderunt, et ab hominibus inducta, atque falsa esse putaverunt; contendentis Deum tantummodo suisse Dominum nostrum Christum, non etiam hominem. Alii sic, alii sic; utriusque in errore. Catholica autem fides ex utroque verum tenens quod tenet, et prædicens quod credit, et Deum Christum intellexit, et hominem creditit : utrumque enim scriptum est, et utrumque verum est. Si Deum tantum dixeris Christum, medicinam negas qua sanatus es : si hominem tantum dixeris Christum, potentiam negas qua creatus es. Utrumque igitur tene, anima fidelis et cor catholicum, utrumque tene, utrumque crede, utrumque fideliter confitere. Et Deus Christus est, et homo Christus. Qualis Deus Christus? Æqualis Patri, unum cum Patre. Qualis homo Christus? De virginie natus, trahens de homine mortalitatem, non trahens iniquitatem.

3. Isti ergo Judæi videbant hominem, nec intelligebant nec credebant Deum : atque inter cetera audistis jam quemadmodum ei dixerint, *Tu de te testimonium dicis; testimonium tuum non est verum* (*Id. viii.*, 13). Audistis etiam quid ille responderit, cum hesterno die lectum esset, et pro nostris viribus disputatum. Hodie verba ejus hæc lecta sunt, *Vos secundum carnem judicatis*. Ideo, inquit, mihi dicitis, *Tu de te testimonium dicis; testimonium tuum non est verum*, quia *secundum carnem judicatis*; quia Deum non intelligitis, et hominem videtis, et hominem persequendo, Deum latentem offenditis. Ergo *secundum carnem judicatis*. Ideo vobis arrogans videor, quia

ego de me testimonium perhibeo. Omnis enim homo, quando de se vult perhibere testimonium laudabile, arrogans et superbis videtur. Ideo scriptum est, *Non te laudet os tuum, sed laudet te os proximi tui* (*Prov. xxvii.*, 2). Sed hoc homini dictum est. Infrimi enim sumus, et apud infrimos loquimur. Verum dicere et mentiri possumus : et si verum dicere debemus, et mentiri tamen possumus cum volumus. Lux mentiri non potest : absit ut in lucis divinae splendore tenebre mendacii reperiantur. Loquebatur ille tanquam lux, loquebatur tanquam veritas ; sed lux in tenebris lucebat, et tenebrae eam non comprehenderunt : ideo secundum carnem judicabant. *Vos*, inquit, *secundum carnem judicatis*.

4. *Ego non judico quemquam*. Non ergo judicat quemquam Dominus Jesus Christus? Nonne ipse est quem constemur resurrexisse tertia die, ascensisse in celum, ibi sedere ad dexteram Patris, inde esse venturum ad judicandos vivos et mortuos? Nonne ipsa est fides nostra, de qua dicit Apostolus, *Corde creditur ad justitiam, ore autem confessio fit ad salutem* (*Rom. x.*, 10)? Ergo quando ista constemur, contra Dominum loquimur? Nos dicimus venturum judicem vivorum et mortuorum; ipse autem dicit, *Ego non judico quemquam*. Questio ista duabus modis solvi potest; ut aut hoc intelligamus, *non judico quemquam*, id est, modo : sicut dicit alio loco, *Ego non veni ut judicem mundum, sed ut salvum faciam mundum* (*Joan. xii.*, 47); non judicium suum negando, sed differendo. Aut certe quia dixerat, *Vos secundum carnem judicatis*; ita subjunxit, *Ego non judico quemquam*, ut subaudias, secundum carnem. Nullus ergo nobis contra fidem quam tenemus et annuntiamus de judice Christo, scrupulus dubitationis in corde remaneat. Venit Christus, sed primo salvare, postea judicare : eos judicando in poenam, qui salvari noluerunt; eos perducendo ad vitam, qui credendo salutem non respuerunt. Prima ergo dispensatio Domini nostri Iesu Christi medicinalis est, non judicialis : nam si primo venisset judicaturus, neminem invenisset cui præmia justitiae redderet. Quia ergo vidit omnes peccatores, et omnino neminem esse immunem a morte peccati; prius erat ejus misericordia præroganda, et post exserendum judicium : quia de illo cantaverat Psalmus, *Misericordiam et judicium cantabo tibi, Domine* (*Psal. c.*, 1). Non enim judicium ait et misericordiam; nam si primo esset judicium, nulla esset misericordia : sed primo misericordia, postea judicium. Quæ est primo misericordia? Creator hominis, homo esse dignatus est : factus est quod fecerat, ne periret quem fecerat. Quid huic misericordiae addi potest? Et tamen addidit. Parum fuit ei hominem fieri; sed etiam¹ ab hominibus reprobari : parum erat reprobari; et exonorari : parum erat exonorari; et occidi : sed et hoc parum est; morte crucis. Nam et cum ejus obedientiam usque ad mortem factam commendaret Apostolus, parum illi fuit dicere, *Factus*

¹ *Lugd. Ven. Lov. legunt, sed voluit etiam. In B., ad marginem annotatur, supple, ADDIDIT. M.*

obediens usque ad mortem: non enim qualecumque mortem, sed addidit, *mortem autem crucis* (*Philipp. II, 8*). Illa morte pejus nihil sicut inter omnia genera mortuum. Denique ubi dolores acerrimi exagitant, crucifixus vocatur, a cruce nominatus. Pendentibus enim in ligno crucifixi, clavis ad lignum pedibus manibusque confixi, producta morte necabantur. Non enim crucifigi hoc erat occidi: sed diu vivebatur in cruce; non quia longior vita eligebatur, sed quia mors ipsa protendebatur, ne dolor citius finiretur. Mori voluit pro nobis: parum dicimus, crucifigi dignatus est, usque ad mortem crucis obediens factus. Elegit extrellum et pessimum genus mortis, qui omnem fuerat ablaturus mortem: de inorte pessima occidit omnem mortem. Pessima enim erat non intelligentibus Iudeis; nam a Domino electa erat. Ipsam enim crucem suam signum habiturus erat, ipsam crucem de diabolo superato tanquam tropaeum in frontibus fidelium positurus, ut diceret Apostolus: *Mihi autem absit glorificari nisi in cruce Domini nostri Jesu Christi, per quem mihi mundus crucifixus est, et ego mundo* (*Galat. VI, 14*). Nihil erat tunc in carne intolerabilius, nihil est nunc in fronte glriosius. Quid servat fidei suo, qui talem honorem dedit suppicio suo? Denique modo in paenitentia reorum non est apud Romanos: ubi enim Domini crux honorata est, putatum est quod et reus honoraretur, si crucifigeretur. Qui ergo ideo venit, neminem judicavit: et malos passus est. Pertulit iustum judgmentum, ut ageret iustum. Sed in eo quod pertulit iustum, misericordiae sicut. Denique ita humiliis factus ut veniret ad crucem, distulit quidem potentiam, sed publicavit misericordiam. Unde distulit potentiam? Quia de cruce noluit descendere, qui potuit de sepulcro resurgere. Unde publicavit misericordiam? Quia tendens in cruce dixit: *Pater, ignosce illos, quia nesciunt quid faciunt* (*Luc. XXIII, 34*). Sive ergo propter hoc, quia non venerat judicare mundum, sed salvare mundum, dixit, *Ego non judico quemquam*: sive quemadmodum commemoravi, quoniam dixerat, *Vos secundum carnem judicatis, addidit, Ego non judico quemquam*, ut intelligamus Christum non secundum carnem judicare, sicut ab hominibus iudicatus est.

5. Nam ut agnoscatis jam et judicem Christum, audite quod sequitur: *Et si judico ego, judicium meum verum est*. Ecce habes et judicem, sed agnosce salvatorem, ne sentias judicem. Quare autem dixit iudicium suum verum esse? *Quia solus, inquit, non sum, sed ego et qui misit me Pater*. Dixi vobis, fratres, quia Joannes iste evangelista sanctus multum alte volat: vix est eum mente comprehendere. Mysterium autem altius volantis opus est ut commemorem Charitatem vestram. Et apud Ezechielem prophetam, et in Apocalypsi ipsius Joannis, cuius est hoc Evangelium, commemoratur animal quadruplex, habens quatuor personas; hominis, vituli, leonis, aquilæ (*Ezech. I, 5-10; Apoc. IV, 6, 7*). Qui ante nos Scripturarum sonetarum mysteria tractaverunt, plerique in hoc animali, vel potius in his animalibus quatuor Evangelii-

stas intellexerunt. Leonem pro rege positum, quoniam videtur leo rex esse quodammodo bestiarum, propter potentiam et terribilem fortitudinem. Hæc persona tributa est Matthæo, quia in generationibus Domini regiam seriem prosecutus est, quemadmodum esset Dominus per stirpem regiam de semine David regis. Lucas autem quoniam cœpit a sacerdotio Zacharie sacerdotis, faciens mentionem patris Joannis Baptiste, vitulo deputatus est; quia magna victima vitulus erat in sacrificio sacerdotum. Marce homo Christus merito assignatus est, quia neque de regia potestate aliquid dixit, neque de sacerdotali cœpit, sed tantum ab homine Christo exorsus est. Illi omnes prope de terrenis, id est de iis que in terra gessit Dominus noster Jesus Christus, non recesserunt: de divinitate ejus per pauca locuti sunt, tanquam in terra cum illo ambulantes. Restat aquila: ipse est Joannes, sublimum prædicator, et lucis internæ atque æternæ fixis oculis contemplator. Dicuntur enim et pulli aquilarum a parentibus sic probari, patris scilicet ungue suspensi, et radiis solis opponi: qui firme contemplatus fuerit, filius agnoscitur; si acie palpitaverit, tanquam adulterinus ab ungue dimittitur. Jam ergo videte quam sublimia loqui debuit, qui est aquilæ comparatus: et tamen etiam nos humi repentes, infirmi et vix ullius momenti inter homines, audemus tractare ista, et ista exponere; et putamus nos aut capere posse cum cogitamus, aut capi dum dicimus.

6. Quare ista dixi? Forte enim post hæc verba quisquam mihi juste dicat: Pone ergo codicem. Quod excedit mensuram tuam, quid sunis in manum tuam? quid ei committis linguam tuam? Ad hoc respondeo: Multi haeretici abundant, et ad hoc eos Deus abundare permisit, ne semper lacte nutriamur, et in brua infantia remaneamus. Quia enim non intellexerunt quomodo commendaretur divinitas Christi, sapuerunt sicut voluerunt: non autem recte sapiendo, fidelibus catholicis questiones molestissimas intulerunt; cœperunt exigitari et fluctuare corda fidelium. Jam tunc necessitas facta est spiritualibus viris, qui aliquid secundum divinitatem Domini nostri Jesu Christi, non solum legerant in Evangelio, sed etiam intellexerant, ut contra arma diaboli Christi arma proferrent: et de Christi divinitate adversus falsos fallacesque doctores, quantis possent viribus, apertissima conflictatione pugnarent; ne cum ipsis tacerent, alii perirent. Quicumque enim senserunt Dominum nostrum Jesum Christum, aut diversæ substantie esse quam Pater est, aut tantum esse Christum solum, ut ipse sit Pater, ipse sit Filius, ipse sit Spiritus sanctus: quicumque etiam sentire voluerunt hominem suisesse solum, non Deum factum hominem, aut ita Deum ut in sua divinitate mutabilem, aut ita Deum ut non et hominem; a fide naufragaverunt, et de portu Ecclesiæ projecti sunt, ne inquietudine sua naves secum positas frangerent. Quæ res coegerit ut etiam nos minimi, et quantum ad nos pertinet prorsus indigni, quantum autem ad illius misericordiam in aliquo dispensatorum ejus nu-

mero constituti, non vobis taceamus quod aut intelligatis, mecumque gaudentis; aut si intelligere nondum valeatis, credendo securi in portu maneat.

7. Dicam ergo; capiat qui potest, credit qui non potest: tamen dicam quod ait Dominus, *Vos secundum carnem judicatis; ego non judico quemquam*, aut modo, aut secundum carnem. *Sed et si ego judico, iudicium meum verum est.* Quare iudicium tuum verum est? *Quia solus non sum, inquit, sed ego et qui misit me Pater.* Quid ergo, Dominus Iesu? Si solus es, falso esset iudicium tuum; et ideo verum judicas, quia solus non es, sed tu et qui te misit Pater? Quid responsurus sum? Ipse respondeat: *Verum est, inquit, iudicium meum.* Quare? *Quia solus non sum, sed ego et qui misit me Pater.* Si tecum est, quomodo te misit? Et te misit, et tecum est? Itane et missus non recessisti? itane et ad nos venisti, et ibi mansisti? Quomodo istud creditur? quomodo capit? Ad hanc duo respondeo: Quomodo capit, recte dicas; quomodo creditur, non recte dicas. Imo ideo bene creditur, quia non cito capit: nam si cito caperetur, non opus erat ut crederetur; quia videretur. Ideo credis, quia non capis; sed credendo sis idoneus ut capias. Nam si non credis, nunquam capies; quia missus idoneus remanebis. Fides ergo mundet te, ut intellectus impleat te. *Verum est, inquit, iudicium meum;* *quia solus non sum, sed ego et qui misit me Pater.* Ergo, Domine Deus noster Iesu Christe, missio tua incarnatio tua est. Sic video, sic intelligo: postremo sic credo, ne arrogantiae sit dicere, Sic intelligo. Prorsus et hic est Dominus noster Jesus Christus; imo hic erat secundum carnem, modo hic est secundum divinitatem: et cum Patre erat, et a Patre non recesserat. Quod ergo dicitur missus venisse ad nos, incarnationis ipsius commendatur, quia Pater non est incarnatus.

8. Nam Sabelliani dioti sunt quidam haeretici, qui vocantur et Patriconi, qui dicunt ipsum Patrem passum fuisse. Noli tu, catholice: si enim fueris patriconius, non eris sanus. Ergo intellige missionem Filii nominatam incarnationem Filii: Patrem autem incarnatum esse non credas, sed a Filio incarnato Patrem recessisse non credas. Ille carnem portabat, ille cum Filio erat. Si in celo Pater, in terra Filius; quomodo Pater cum Filio erat? Quia et Pater et Filius ubique erant: non enim in celo sic est Deus, ut non sit in terra. Audi illum qui volebat fugere iudicium Dei, et non inveniebat qua: *Quo abiyo, inquit, a spiritu tuo, et a facie tua quo fugiam?* *Si ascendero in celum, tu ibi es.* De terra erat questio; audi quid sequitur: *Si descendero ad infernum, ades* (*Psal. xxxviii, 7, 8.*) Si ergo et in inferno dicitur quod adsit, quid rerum remanet ubi nos sit? Vox enim Dei est apud prophetam, *Caelum et terram ego impleo* (*Jerem. xxii, 24.*) Ubique ergo est, qui nullo clauditur loco. Noli ab illo averti, et tecum est. Si vis ad eum pervenire, noli piger esse amare: non enim pedibus, sed affectibus curris. Uno loco manens venis, si credis et diligis. Ergo ubique est: si ubique est, quomodo cum Filio non est? Itane cum Filio non est, qui, si credis, et

tecum est?

9. Unde ergo verum est iudicium ejus, nisi quia verus est Filius? Hoc enim dixit, *Et si judico, verum est iudicium meum; quia solus non sum, sed ego et qui misit me Pater.* Tanquam diceret, *Verum est iudicium meum, quia Filius Dei sum.* Unde probas quia Filius Dei es? *Quia solus non sum, sed ego et qui misit me Pater.* Erabesce, Sabelliane, audis Filium, audis Patrem. Pater, Pater est; Filius, Filius est. Non dixit, Ego sum Pater, et ego ipse sum Filius; sed, *solus non sum, inquit.* Quare solus non es? Quia mecum est Pater. *Ego sum, et qui misit me Pater: audis, Ego sum, et qui me misit.* Ne perdas personam, distinguas personas. Distingue intelligentia, noli separare persidia; ne iterum quasi fugiens Charybdim, in Scyllam incurras. Vorabat enim te gorges impietatis Sabellianorum, ut dices ipsum esse Patrem qui est Filius: modo didicisti, *Solus non sum, sed ego et qui misit me Pater.* Agnoscis quin Pater, Pater est; et Filius, Filius est. Bene agnoscis: sed noli dicere, Pater maior est, Filius minor est; noli dicere, Pater aurum est, Filius argentum est. Una substantia est, una divinitas, una coeternitas, perfecta aequalitas, dissimilitudo nulla. Nam si tantummodo alterum credideris esse Christum, non eum qui Pater est, in aliquo tamen distantem secundum naturam esse putaveris; a Charybdi quidem evasisti, sed in Scyllaeis scopolis naufragasti. In medio naviga, utrumque periculum latutus evita. Pater, Pater est; Filius, Filius est. Jam dicas, *Pater, Pater est; Filius, Filius est:* bene periculum absorbentis gurgitis evasisti; quid vis ire in alteram partem, ut dicas, Aliud est Pater, Filius aliud? Alius est, recte dicas; aliud, non recte. Alius enim est Filius, quia non est ipse qui Pater; et alius Pater, quia non ipse qui Filius: non tamen aliud, sed hoc ipsum est et Pater et Filius. Quid est, hoc ipsum est? Unus Deus est. Audisti, *Quia non sum solus, sed ego et qui misit me Pater;* audi quomodo credas Patrem et Filium, audi ipsum Filium: *Ego et Pater unus sumus* (*Joan. x, 30.*) Non dixit, Pater ego sum; aut, Ego et Pater unus est¹; sed cum dicit, *Ego et Pater unus sumus;* utrumque audi, et *unus,* et *sumus,* et a Charybdi et a Scylla liberaberis. In duabus istis verbis quod dixit, *unus,* liberat te ab Ario: quod dixit, *sumus,* liberat te a Sabellio. Si *unus,* non ergo diversum; si *sumus,* ergo et Pater et Filius. *Sumus enim, non diceret de uno;* sed et *unus* non diceret de diverso. Ergo ideo *verum est, inquit, iudicium meum,* breviter ut audias, quia Filius Dei sum. Sed sic tibi persuadeo, inquit, quia Filius Dei sum, ut intelligas quia mecum est Pater: non sic sum Filius ut ipsum deseruerim; non ita hic sum, ut cum ipso non sim; non ita illa est, ut mecum non sit: formam servi accepi (*Philipp. ii, 7,*) sed formam Dei non amisi; *Solus ergo, inquit,*

¹ Editi, *unum est:* et paulo infra, *unum non diceret de diversis.* At MSS. omnes habent, *unus est,* et postea, *de diverso:* quibus codicibus id faveat quod in Tract. 37, n. 6, legitur: « Non ergo diversum, quia unum: non unus, quia « sumus. »

non sum, sed ego et qui misit me Pater.

10. Dixerat de judicio; de testimonio vult dicere. *In Lege, inquit, vestra scriptum est quia duorum hominum testimonium verum est. Ego sum qui de me testimoniorum perhibeo, et testimoniorum perhibet de me qui misit me Pater.* Exposuit illis et Legem, si ingratu non essent. Magna enim quaestio est, fratres mei, et valde mihi videtur in mysterio res esse constituta, ubi Deus dixit, *In ore duorum vel trium testium stabit omne verbum* (*Dcut. xix, 15; Matth. xviii, 16*). Veritas queritur per duos testes? Ita plane, sic se habet humani generis consuetudo: sed tamen fieri potest ut et duo mentiantur. Susanna casta duobus falsis testibus urgebatur: numquid quia duo erant, ideo falsi testes non erant? De duabus dicimus aut de tribus? universus populus mentitus est contra Christum (*Luc. xxii, 1*). Si ergo populus constans ex magna hominum multitudine, falsus testis inventus est; quomodo accipiendo est, *In ore duorum vel trium testium stabit omne verbum*: nisi quia hoc modo per mysterium Trinitas commendata est, in qua est perpetua stabilitas veritatis? Vis habere bonam causam? Habeto duos vel tres testes, Patrem et Filium et Spiritum sanctum. Denique quando Susanna casta femina fidelisque conjux duobus falsis testibus urgebatur, Trinitas illi in conscientia atque in occulto suffragabatur: illa Trinitas de occulto unum testem Danielem excitavit, et duos convicit (*Dan. xii, 36-62*). Ergo quia in Lege vestra scriptum est, duorum hominum testimonium verum esse, accipe nostrum testimonium, ne sentiatis judicium. *Ego enim, inquit, non judico quemquam, sed testimonium perhibeo de me*: differo judicium, non differo testimonium.

11. Eligamus nobis, fratres, contra linguas hominum, contra infirmas suspiciones generis humani Deum judicem, Deum testem. Non enim dignatur testis esse qui judex est, aut promovet cum sit judex; quoniam qui testis est, ipse judex erit. Quare ipse testis? Quia non querit alium unde cognoscat quis sis. Quare ipse judex? Quia ipse habet potestatem mortificandi et vivificandi, damnandi et absolvendi, in gehennas precipitandi et in caelos levandi, diabolo conjugandi et cum Angelis coronandi. Cum ergo ipse habeat hanc potestatem, judex est. Quia vero ut te cognoscat non querit alium testimoniem; qui tunc judicabit te, modo videt te: non est unde illum fallas, cum coepit judicare. Non enim adhibes tibi aliquos falsos testes, qui judicem illum possint circumvenire, quando te coepit judicare. Deus hoc tibi dicit: Quando contemnebas, ego videbam; et quando non credebas, sententiam meam non frustrabam: differebam, non auferebam. Noluisti audire quod precepisti, scilicet quod praedixi. Si autem audias que precepisti, non mala senties que praedixi, sed bona percipies que promisi.

12. Ne aliquem sane moveat quod ait, *Verum est judicium meum; quia solus non sum, sed ego et qui misit me Pater*; cum alibi dixerit, *Pater non judicat quemquam, sed omne judicium dedit Filio* (*Joan. v, 22*).

22). Jam in eisdem verbis Evangelii disputavimus, et nunc admonemus, non hoc ideo dicentes, quia Pater non erit cum Filiis judicante; sed quoniam bonus et malis in judicio solus Filius apparebit, in ea forma in qua passus est, et resurrexit, et ascendit in celum. Discipulis quippe tunc consipientibus ascendentem, vos angelica sorritis, *Sic veniet, quemadmodum vidistis eum euntem in celum* (*Act. i, 11*): id est, in forma humanis in qua judicatus est judicabit, ut etiam illud propheticum impletur, *Videbunt in quem pupugerunt* (*Zach. xii, 10; Joan. xix, 37*). Cum vero euntibus justis in vitam eternam, videbimus eum sicuti est; non erit illud judicium vivorum et mortuorum, sed primum tantummodo vivorum.

13. Item ne moveat quod ait, *In Lege vestra scriptum est quia duorum hominum testimonium verum est*, et ideo quisquam existimet non fuisse illam legem Dei, quia non dictum est, *In lege Dei*: sciat ita dictum esso. *In Lege vestra, tanquam diceret, in Lege que vobis est data; a quo, nisi a Deo?* Sicut dicimus, *Panem nostrum quotidianum: et tamen dicimus, Du nobis hodie* (*Matth. vi, 11*).

TRACTATUS XXXVII.

Ab eo quod scriptum est, Dicebant ergo, Ubi est pater tuus? *unque ad id*, Et nemo apprehendit eum, quia nondum venerat hora ejus. *Cap. viii, §. 19, 20.*

1. Quod in sancto Evangelio breviter dicitur, non breviter oportet exponi, ut quod auditur, intelligatur. Verba enim Domini pauca, sed magna sunt; non numero aestimanda, sed pondere: nec ideo contumenda, quia pauca; sed ideo querenda, quia magna. Qui adfueritis hesterno die, audistis, ut posuimus disputavimus ex eo quod ait Dominus, *Vos secundum carnem judicatis; ego non judico quemquam. Sed et si judico ego, judicium meum verum est; quia solus non sum, sed ego et qui misit me Pater.* *In lege vestra scriptum est quod duorum hominum testimonium verum est. Ego sum qui testimonium perhibeo de me, et testimonium perhibet de me qui misit me Pater* (*Joan. viii, 15-18*). Ex his verbis hesterno, ut dixi, die redditus est sermo auribus et mentibus vestris. Hoc cum Dominus dixisset; illi qui audierunt, *Vos secundum carnem judicatis, manifestaverunt quod audierunt.* Responderent enim Dominio loquenti de Deo Patre suo, et dixerunt, *Ubi est pater tuus?* Patrem Christi carnaliter acceperunt, quia verba Christi secundum carnem judicaverunt. Erat autem qui loquebatur in aperto earo, in occulto Verbum: homo manifestus, Deus occultus. Videbant indumentum, et contemnabant indutum: contemnabant, quia nesciebant; nesciebant, quia non videbant; non videbant, quia cæci erant; cæci erant, quia non credebant.

2. Videamus ergo et ad hæc Dominus quid responderit. *Ubi est, inquit, pater tuus?* Audivimus enim te dicere, *Solus non sum, sed ego et qui misit me Pater*: nos solum te videmus, patrem tuum tecum non videamus; quoniam te dicas solus non esse, sed eum patre tuo esse: aut ostende nobis tecum esse patrem

tuum. **Et Dominus :** Numquid me videtis, ut Paterem ostendam vobis? Hoc enim sequitur, hoc suis verbis ipse respondit, quorum verborum expositionem nos ante præmisimus. Videte enim quid dixerit, *Neque me scitis, neque Patrem meum.* Si me sciretis, forsitan et Patrem meum sciretis. Dicatis ergo, *Ubi est Pater tuus?* quasi jam me sciatis; quasi totum hoc sim quod videtis. Ergo quia me non nostis, ideo vobis Patrem meum non ostendo. Me quippe hominem putatis, ideo Patrem meum hominem queritis, quia secundum carnem judicatis. Quia vero secundum quod videtis aliud sum, et aliud secundum quod non videtis; Patrem autem meum loquor occultus occultum: prius est ut me noveritis; tunc et Patrem meum scieatis.

3. Si enim me sciretis, et Patrem meum forsitan sciretis. Ille qui omnia scit, quando dicit *forsitan*, non dubitat, sed increpat. Attende enim quomodo increpative dicatur ipsum *forsitan*, quod videtur esse verbum dubitationis. Sed dubitationis verbum est quando dicitur ab homine, ideo dubitante quia nesciente: cum vero dicitur a Deo verbum dubitationis, cum Deum nihil utique lateat, illa dubitatione arguitur infidelitas, non opinatur divinitas. Homines enim de his rebus quas certas habent, aliquando increpative dubitant, id est, verbum dubitationis ponunt, cum corde non dubitent: velut si indigniter servo tuo et dicas, *Contemnis me; considera, forsitan dominus tuus sum.* Illic et Apostolus ad quosdam contemptores suos loquens ait: *Puto autem, et ego Spiritum Dei habeo* (*I Cor. vii, 40*). Qui dicit, *puto*, dubitare videtur: sed ille increpabat, non dubitabat. Et ipse Dominus Christus alio loco increpans infidelitatem futuram generis humani: *Cum venerit, inquit, Filius hominis, putas, invenerit fidem in terra* (*Luc. xviii, 8*)?

4. Jam, quantum existimo, intellexistis quomodo sit positum *forsitan*: ne quis verborum appensor et syllabarum examinato, veluti latine loqui sciens, reprehendat verbum quod dixit Dei Verbum; et reprehendendo Dei Verbum, non eloquens, sed mutus remaneat. Quis enim loquitur sic, quomodo loquitur Verbum quod erat in principio apud Deum? Noli verba ista considerare, et ex his verbis assuetis illud Verbum metiri velle quod Deus est. Audis enim Verbum et contemnis; audi Deum et time: *In principio erat Verbum.* Tu revocas ad usum sermocinationis tuæ, et dicens apud te, *Quid est verbum? quid magnum est verbum? sonat et transit; verberato aere aurem percudit, postea non erit.* Audi adiuc, *Verbum erat apud Deum:* manebat, non sonando transibat. Adhuc forte contemnis: *Deus erat Verbum* (*Joan. i, 1*). Apud te ipsum, o homo, cum est in corde tuo verbum, aliud est quam sonus: sed verbum quod est apud te, ut transcat ad me, sonum quasi vehiculum quarit. Assumit ergo sonum, imponit se quodammodo in vehiculum, transcurrit aereum, venit ad me, nec recessit a te. Sonus autem ut veniret ad me, recessit a te, nec persistit apud me. Verbum ergo quod erat in corde tuo, numquid sono proctereunte praeteriit? Quod

cogitabas dixisti; et ut ad me perveniret quod apud te latebat, syllabas sonuisti: sonus syllabarum perduxit ad aurem meam cogitationem tuam; per aurem meam descendit in cor meum cogitatio tua, sonus medium transvolavit: verbum vero illud quod assumpsit sonum, antequam sonares, erat apud te; quia sonuisti, est apud me, et non recessit a te. Hoc attende, quisquis es examinator sonorum. Verbum Dei contemnis, qui verbum hominis non comprehendis!

5. Scit ergo omnia per quem facta sunt omnia, et tamen dubitando increpat: *Si me sciretis, forsitan et Patrem meum sciretis.* Increpat infideles. Nam talam sententiam dixit discipulis: sed ibi non est verbum dubitationis, quia non fuit causa increpandæ infidelitatis. Nam quod modo dixit Judæis, *Si me sciretis, forsitan et Patrem meum sciretis:* dixit et discipulis quando cum Philippus interrogavit, imo postulavit et ait, *Domine, ostende nobis Patrem, et sufficit nobis:* quasi diceret, *Et ipsi te jam novimus, apparuisti nobis, vidimus te, dignatus es eligere nos, secuti sumus te, mirabilia tua vidimus, verba salutis audivimus, precepta suscepimus, promissa speramus; multum nobis conferre presentia tua ipse dignatus es: sed tamen cum te noverimus, quia Patrem nondum novimus, inflammamur desiderio illius videndi quem nondum novimus: ac per hoc quia te novimus, sed non nobis sufficit, donec et Patrem noverimus; ostende nobis Patrem, et sufficit nobis.* Et Dominus ut scirent non se nosse quod se putabant jam nosse: *Tanto tempore robiscum sum, et me nescitis?* *Philippe, qui me vidit, vidit et Patrem* (*Joan. xiv, 8, 9*). Numquid habet ista sententia verbum dubitationis? numquid dixit, *Qui me vidit, forsitan vidit et Patrem?* Quare? Quia fidelis audiebat, non fidei persecutor: ideo non erat Dominus increpator, sed doctor. *Qui me vidit, vidit et Patrem;* et hic, *Si me sciretis, et Patrem meum sciretis:* tollamus verbum quo notata est infidelitas audientium, et ipsa sententia est.

6. Jam hesterno die commendavimus Charitati vestræ, et diximus sententias Joannis evangelistæ, quibus nobis narrat quod a Domino didicit, nec discussiendas fuisse si fieri posset, nisi haereticorum commenta compellerent. Breviter ergo hesterno die, insinuavimus Charitati vestræ, esse haereticos qui vocantur Patripassiani, vel a suo auctore Sabelliani: hi dicunt ipsum esse Patrem qui est Filius; non una diversa, unam vero esse personam. Cum vult, Pater est, inquit; cum vult, Filius: tamen unus est. Item sunt alii haeretici qui vocantur Ariani. Conscientur quidem unicum Patris Filium Dominum nostrum Jesum Christum, illum Patrem Filii, istum Filium Patris; eum qui Pater est non esse Filium, eum qui Filius est non esse Patrem: conscientur generationem, sed negant æqualitatem. Nos, id est, catholica fides veniens de doctrina Apostolorum, plantata in nobis, per seriem successionis accepta, sana ad posteros transmittenda, inter utrosque, id est, inter utrumque errorem tenuit veritatem. In errore Sabellianorum unus est solus, ipse est Pater qui Filius: in errore

Arianorum, alias est quidem Pater, alias Filius; sed ipse Filius non solum alias, sed etiam aliud est: tu in medio quid? Exclusisti sabellianum, exclude et arianum. Pater, Pater est; Filius, Filius est: alias, non aliud; quia *ego et Pater*, inquit, *unum sumus* (*Joan. x. 30*), sicut etiam hesterno die, quantum potui, commendavi. Cum audit, *sumus*, abscedat confusus sabellianus; cum audit, *unum*, abscedat confusus arianus: gubernet catholicus inter utrumque fidei sue navigium, quoniam cavendum est in utroque naufragium. Dic ergo tu, quod dicit *Evangelium*, *Ego et Pater unum sumus*. Non ergo diversum, quia *unum*; non unus, quia *sumus*.

7. Paulo ante dixit, *Judicium meum verum est; quia solus non sum, sed ego et qui misit me Pater*: tanquam diceret, Ideo judicium meum est verum, quia Filius Dei sum, quia verum loquor, quia ipsa veritas ego sum. Isti carnaliter intelligentes, dixerunt, *Ubi est pater tuus?* Modo audi, ariane: *Neque me scitis, neque Patrem meum*; quia *si me sciretis, et Patrem meum sciretis*. Quid est, *si me sciretis et Patrem, meum sciretis*, nisi, *ego et Pater unum sumus?* Quando vides aliquem alicui similem: intendat *Charitas* vestra, quotidiana locutio est; non sit vobis arduum quod esse advertitis usitatum: quando ergo vides aliquem alicui similem, et nosti tu cui similis sit, admirans dicis, Quomodo iste homo similis est illi homini! Hoc non dices, nisi duo essent. Hic ille qui eum ignorat, cui tu istum similem dicis: Itane, inquit, similis est? Et tu ad *eum*: Quid enim, tu illum non nosti? At ille: Non novi, inquit. Jam tu, ut illum quem nescit, ei notum facias ex praesente quem cernit, respondes et dicis: Hunc vidisti, illum vidisti. Non utique quia hoc dixisti, unum esse asseverasti, et duos negasti: sed propter similitudinem tale dedisti reponsum, Iustum nosti et illum nosti; valde enim similis est, et nihil distat omnino. Hunc et Dominus, *Si me, inquit, sciretis, et Patrem meum sciretis*, non quia Pater est Filius, sed quia Patri similis Filius. Erubescat arianus. Gratias Domino quia et ipse arianus recessit ab errore sabelliano, et non est patriconfessionarius: non dicit ipsum Patrem induitum carne venisse ad homines, ipsum esse passum, ipsum resurrexisse, et quodammodo ad se ascendisse; hoc non dicit: agnoscit tecum Patrem, Patrem esse; et Filium, Filium esse. Sed, o frater, evasisti illud naufragium, quare tendis in alterum? Pater, Pater est; Filius, Filius est: quare dicis dissimilis? quare diversum? quare aliam substantiam? Si dissimilis esset, numquid diceret discipulis suis, *Qui me vidit, vidi et Patrem?* numquid diceret Iudeis, *Si me sciretis, et Patrem meum sciretis?* Unde hoc verum esset, nisi et illud verum, *Ego et Pater unum sumus?*

8. *Hæc verba locutus est Jesus in gazophylacio docens in templo: magna fiducia, sine timore. Non enim patetur quod nollet, qui nec nasceretur si nollet. Denique quid sequitur? Et nemo apprehendit eum, quia nondum venerat hora ejus.* Illo item nonnulli cum audiunt, sub fato suisse Dominum Christum credunt,

PATROL. XXXV.

et dicunt: Ecce Christus habebat fatum. O si cor tuum non esset fatum, non crederes fatum! Si fatum, sicut nonnulli intellexerunt, a fundo dictum est, id est a loquendo; Verbum Dei quomodo habet fatum, quando in ipso Verbo omnia sunt que condita sunt? Non enim aliquid Deus constituit quod ante nescivit; in Verbo ipsius erat quod factum est. Mundus factus est; et factus est, et ibi erat. Quomodo et factus est, et ibi erat? Quia domus quam ædificat structor, prius in arte erat; et ibi melius erat, sine vetustate, sine ruina: tamen ut ostendat artem, fabricat domum; et processit quodammodo domus ex domo; et si domus ruat, ars manet. Ita apud Dei Verbum erant omnia que condita sunt; quia omnia in sapientia fecit Deus (*Psalm. cxii. 24*), et cuncta nota fecit: non enim quia fecit didicit, sed quia noverat fecit. Nobis quia facta sunt, nota sunt; illi nisi nota essent, facta non essent. Praecessit ergo Verbum. Et quid ante Verbum Dei? Nihil omnino. Nam si esset aliquid ante, non dictum esset, *In principio erat Verbum; sed, In principio factum est Verbum*. Denique de mundo quid ait Moyses? *In principio fecit Deus cælum et terram* (*Gen. i. 1*). Fecit quod non erat: si ergo fecit quod non erat, ante quid erat? *In principio erat Verbum*. Et unde cœlum et terra? *Omnia per ipsum facta sunt* (*Joan. i. 1, 3*). Tu ergo ponis Christianum sub fato? Ubi sunt fata? In cœlo, inquit, in ordine et conversionibus siderum. Quomodo ergo fatum habet, per quem factum est cœlum et sidera; cum tua voluntas, si recte sapias, transcendat et sidera? An quia nosti Christi carneam fuisse sub cœlo, ideo putas et potestatem Christi subditam cœlo?

9. Audi, stulte: *Nondum venerat hora ejus*, non qua cogeretur mori, sed qua dignaretur occidi. Noverat enim ipse quando deberet mori: intendit omnia que prædicta sunt de illo, et exspectabat finiri omnia que prædicta sunt ante ejus passionem futura; ut cum impleta essent, tunc veniret et passio, dispositionis ordine, non fatali necessitate. Denique audite, ut probetis: inter cætera quæ de illo prophetata sunt, scriptum est etiam, *Dederunt in escam meam fel, et in siti mea potaverunt me aceto* (*Psalm. lxviii. 22*). Quomodo facta sint, in Evangelio novimus. Prius dederunt fel; accepit, gustavit, et despuit: postea in cruce pendens, ut omnia prædicta completerentur, ait, *Sitio*: acceperunt spongiam aceto plenam, in arundine ligaverunt, et admoverunt pendenti; accepit ille et ait, *Perfectum est*. Quid est, *Perfectum est?* Impleta sunt omnia quæ aucto passionem meam fuerant prophetata: ergo adhuc quid hic facio? Denique posteaquam dixit, *Perfectum est, inclinato capite tradidit spiritum* (*Joan. xix. 28-30*). Numquid illi latrones juxta confisi, quando voluerant, expiraverunt? Tenebant vinculis carnis, quia non erant creatoris carnis: clavis confixi diu cruciabantur, quia infirmati non dominabantur. Dominus autem quando voluit, carnem in utero virginali accepit; quando voluit, ad homines processit; quando voluit, inter homines vixit; quando voluit, a carne discessit: hoc est potestatis, non necessitatis. Hanc ergo horam

(Cinquante-trois.)

Die expectabat, non fatalem, sed opportunam et voluntariam: ut prius omnia completerentur, quæ ante passionem ipsius compleri oportebat. Nam quomodo sub fati necessitate positus erat, qui alio loco dixit: *Potestatem habeo ponendi animam meam, et potestatem nubco iterum sumendi eam: nemo tollit eam a me, sed ego ipse pono eam a me, et iterum sumeo eam* (Joan. x., 18)? Ostendit hanc potestatem, quando enim Iudei querebant. *Quem queritis, inquit?* Et illi: *Jesum.* Et ille: *Ego sum. Quia voce audita, redierunt retro et cederunt* (Id. xviii., 4, 6).

10. Dicit aliquis, Si haec in illo potestas erat, quare, cum Iudei insultarent pendentib; et dicerent, *Si Filius Dei est, descendat de cruce* (Matth. xxvi., 40), non descendit, ut eis suam potestatem descendendo monstraret? Quia patientiam docebat, ideo potentiam differebat. Si enim quasi commotus ad eorum verba descendere, victus conviciorum dolore putaretur. Prorsus non descendit, sicut permansit, quando vellet abscessurus. Num quid ei magnum fuit de cruce descendere, qui potuit de sepulcro resurgere? Intelligamus ergo nos quibus hoc ministratum est, potentiam Domini nostri Iesu Christi occultam tunc, manifestam futuram in iudicio: de quo dictum est, *Deus manifestus veniet, Deus noster et non silebit* (Psal. xlix., 5). Quid est, *manifestus veniet?* Quia venit occultus, veniet manifestus Deus noster, hoc est Christus. *Et non silebit:* quid est, *non silebit?* Quia primo siluit. Ubi silevit? Quando iudicatus est; ut etiam hoc impletetur, quod et propheta praedixerat, *Sicut ovis ad immolandum ductus est, et sicut agnus coram tendente se sine voce, sic non aperuit os suum* (Isai. lxi., 7). Si ergo pati nolle, non patetur; si non patetur, sanguis ille non funderetur; si sanguis ille non funderetur, mundus non redimeretur. Agamus itaque gratias et potestati divinitatis, et miserationi infirmitatis ejus: et de occulta potentia quam Iudei non noverant, unde illis modo dictum est, *Neque me nolis, neque Patrem meum;* et de carne suscepta quam Iudei noverant, et cuius patriam sciebant; unde illis alio loco dixit, *Et me nolis, et unde sim nolis* (Joan. vii., 28). Utrunque noverimus in Christo; et unde æqualis est Patri, et unde illo major est Pater. Illud Verbum est, illud caro; illud Deus est, illud homo: sed unus est Christus Deus et homo.

TRACTATUS XXXVIII.

Ab eo quod scriptum est, Dixit ergo eis Jesus: Ego vado, et quereris me; usque ad id, Dixit eis Jesus: Principium, quia et loquor vobis. Cap. viii., 7. 21-25.

1. Lectio sancti Evangelii quæ præcessit hodiernam, ita concluserat, quia *locutus est docens in gnostophylacio Dominus*, quæ voluit, et quæ audistis: *et nemo apprehendit eum, quia nondum venerat hora ejus* (Joan. viii., 20). Hinc disputatum est dominico die, quod ipse donare dignatus est. Intimavimus Charitati vestre quare dictum sit, *Nendum venerat hora*

ejus; ne positum Christum sub aliqua necessitate fatali ulla impietas auderet improbe suspicari. Non dum enim venerat hora qua ex ordine suo, secundum ea quæ prædicta sunt de illo, non mori cogeretur invitus, sed occideretur paratus.

2. Modo autem de ipsa passione sua, quæ posita erat non in ejus necessitate, sed potestate, locutus est Iudeis dicens: *Ego vado.* Christo enim Domino mors profectio fuit illo unde venerat, et unde non discesserat. *Ego, inquit, vado, et quereris me:* non desiderio, sed odio. Nam illum posteaquam abscessit ab oculis hominum, inquisierunt et qui oderant et qui amabant: illi persequendo, illi habere cupiendo. In Psalmis ait ipse Dominus per prophetam, *Periit fuga a me, et non est qui requirat animam meam* (Psal. cxli., 5): et iterum ait alio loco in Psalmo, *Confundantur et reverentur requirentes animam meam* (Psal. xxxix., 15). Culpavit qui non requirent, damnavit qui requirent. Malum est enim non querere animam Christi, sed quomodo eam quæsierunt discipuli; et malum est querere animam Christi, sed quomodo eam Iudei quæsierunt: illi enim ut haberent, isti ut perderent. Denique isti quia sic quererant more malo, corde perverso, quid secutus adjunxit? *Quæretis me, et, ne putetis quia bene me queretis, in peccato vestro moriemini.* Hoc est Christum male querere, in peccato suo mori: hoc est illum odire, per quem posset solum salvus esse. Cum enim homines quorum spes in Deo est, non debeant mala reddere nec¹ pro malis, reddentib; isti mala pro bonis. Praenantiavit ergo illis Dominus, dixitque sententiam præciosum, quod in suo peccato morerentur. Deinde adjungit: *Quo ego vado, vos non potestis venire.* Hoc et discipulis alio loco dixit; nec tamen eis dixit, *In peccato vestro moriemini.* Quid autem dixit? Quod et istis: *Quo ego vado, vos venire non potestis* (Joan. xiii., 35). Non abstulit spem, sed prædixit dilationem. Quando enim hoc discipulis Dominus loquebatur, tunc non poterant venire quo ille ibat, sed postea venturi erant: isti autem nunquam, quibus præciosum dixit, *In peccato vestro moriemini.*

3. His autem auditis verbis, quomodo solent carnæ cogitantes, et secundum carnem judicantes, et totum carnaliter audientes atque sapientes, dixerunt: *Numquid interficiet semetipsum; quia dixit, Quo ego vado, vos non potestis venire?* Stulta verba, et omnino insipientiæ plena. Quid enim? non poterant illo venire quo ille perrexisset, si interficeret semetipsum? Numquid ipsi non erant morituri? Quid est ergo, *Numquid interficiet semetipsum; quia dixit, Quo ego vado, vos non potestis venire?* Si de morte hominis diceret, quis homo non moritur? Ergo *quo ego vado* dixit, non cum² itur ad mortem, sed quo ibat ipse post mortem. Illi itaque non intelligentes, ista responderunt.

4. Et Dominus ad eos qui terram sapiebant, quid ait? *Et dicebat eis: Vos de deorsum estis.* Ideo terram sapitis, quia sicut serpentes terram manducatis. Quid

¹ *abest, nec, ab omnibus* MSS.

² *Aliquot* MSS., *non quo.*

est, terram manducatis? Terrenis pascimini, terrenis delectamini, terrenis inhiatis, sursum cor non habetis. *Vos de deorsum estis: ego de supernis sum. Vos de mundo hoc estis: ego non sum de hoc mundo.* Quomodo enim erat de mundo, per quem factus est mundus? Omnes de mundo post mundum; quia prius mundus, et sic homo de mundo: prius autem Christus, deinde mundus; quoniam ante mundum Christus, ante Christum nihil: quia in principio erat Verbum; omnia per ipsum facta sunt (*Joan. i, 1, 5*). Sic ergo erat ille de supernis. De quibus supernis? De aere? Absit: ibi et aves volant. De celo quod videmus? Et hoc absit; ibi et stelle et sol et luna circumveunt. De Angelis? Neque hoc intelligatis: per illum et Angeli facti sunt, per quem omnia facta sunt. De quibus ergo supernis Christus? Ab ipso Patre. Nihil illo Deo superioris, qui Verbum genuit aequaliter sibi, coeterum sibi, unigenitum, sine tempore, per quem conderet tempora. Sic ergo accipe Christum de supernis, ut excedet cogitatione tua omne quod factum est; universam omnino creaturam, omne corpus, omnem conditum spiritum, omnem rem quoquo modo mutabilem: totum excede, sicut excessit Joannes, ut contingaret, *In principio erat Verbum, et Verbum erat apud Deum, et Deus erat Verbum.*

5. Ego ergo, inquit, de supernis sum. *Vos de hoc mundo estis: ego non sum de hoc mundo. Dixi ergo robis quia moriemini in peccatis vestris.* Exposuit nobis, fratres, quid intelligi voluerit, *Vos de hoc mundo estis.* Ideo quippe dixit, *Vos de hoc mundo estis, quia peccatores erant, quia iniqui erant, quia infideles erant, quia terrena sapiebant.* Nam quid vobis videtur de sanctis Apostolis? Quantum intererat inter Judos et Apostolos? Quantum inter tenebras et lucem, quantum inter fidem et infidelitatem, quantum inter pietatem et impietatem, quantum inter spem et desperationem, quantum inter charitatem et cupiditatem: multum ergo intererat. Quid ergo? quia tantum intererat, Apostoli de mundo non erant. Si cogites quomodo nati sint, et unde venerint; quia omnes ex Adam venerant, de hoc mundo erant. Sed quid eis ait ipse Dominus? *Ego vos de mundo elegi*¹ (*Id. xv, 19*). Qui ergo de mundo erant, facti sunt non de mundo, et pertinere coeperunt ad eum per quem factus est mundus. Iste autem remanserunt esse de mundo, quibus dictum est, *Moriemini in peccatis vestris.*

6. Nemo ergo dicat, fratres, De hoc mundo non sum. Quisquis es homo, de hoc mundo es: sed venit ad te qui fecit mundum, et liberavit te de hoc mundo. Si delectat te mundus, semper vis esse immundus; si autem jam non te delectat hic mundus, jam tu es mundus. Verumtamen si per aliquam infirmitatem adhuc te delectat mundus, habitet in te qui mundat, et eris mundus. Si autem fueris mundus, non remanebis in mundo; nec audies quod audierunt Judaei, *Moriemini in peccatis vestris.* Omnes enim cum peccato nati sumus; omnes vivendo ad id quod nati eramus

addidimus, magisque de mundo facti sumus, quam tunc quando de parentibus nostris nati sumus. Et ubi essemus, si ille non veniret, qui non habebat omnino peccatum¹, ut solveret omne peccatum? In quem Iudei quia non credebat, merito audierunt, *Moriemini in peccatis vestris:* quia non habere peccatum nullo modo potuistis, qui cum peccato nati estis, sed tamen si in me, inquit, credideritis, cum peccato quidem nati estis, sed in peccato vestro morituri non estis. Tota ergo infelicitas Iudeorum ipsa erat, non, peccatum habere, sed in peccatis mori. Hoc est quod debet fugere omnis christianus: propter hoc ad Baptismum currit; propter hoc qui aegritudine vel aliunde periclitantur, sibi desiderant subveniri; propter hoc etiam supens parvulus a matre suis manibus ad Ecclesiam fertur, ne sine Baptismo exeat, et in peccato quo natus est moriatur. Infelicissima conditio, misera sors istorum, qui de ore veridico audiuerunt, *In peccatis vestris moriemini.*

7. Unde tamen hoc eis contingat, exponit: *Si enim non credideritis quia ego sum, moriemini in peccatis vestris.* Credo, fratres, in illa multitudine que Dominum audiebat, et eos fuisse qui credituri erant. Quasi autem in omnes processerat severissima illa sententia, *In peccato vestro moriemini;* ac per hoc et illis qui credituri erant, spes erat ablata: illi sevabant, illi timebant; imo non timebant, sed jam desperabant. Revocavit eos in spem; adjunxit enim, *Si non credideritis quia ego sum, moriemini in peccatis vestris.* Ergo si credideritis quia ego sum, non moriemini in peccatis vestris. Reddita est spes desperantibus, excitatio facta est dormientibus, cordibus evigilaverunt: inde plurimi crediderunt, sicut Evangelii ipsius consequentia testantur. Erant enim illic membra Christi, que nondum adhaeserant corpori Christi: et in illo populo a quo crucifixus est, a quo in ligno suspensus est, a quo penitus irrigus est, a quo lancea vulneratus est, a quo selle et aceto potatus est, erant membra Christi, pro quibus dixit, *Pater, ignosce illis, quia nesciunt quid faciunt.* Quid autem converso non ignoscitur, si fucus Christi sanguis ignoscitur? Quis homicida desperet, si in spem redditus est a quo etiam Christus occisus est? Crediderunt inde multi; donatus est eis sanguis Christi, ut magis eum biberent quo liberarentur, quam rei de illo effuso tenerentur: quis desperet? Et si in cruce latro salvatus est, ante paululum homicida, post paululum accusatus, convictus, damnatus, suspensus, liberatus; noli mirari. Ubi convictus, ibi damnatus: sed ibi liberatus, ubi mutatus (*Luc. xviii, 34-43*). In hoc ergo populo cui Dominus loquebatur, erant qui in peccato suo fuerant morituri: erant etiam qui in ipsum qui loquebatur, fuerant credituri, et ab omni peccato liberandi.

8. Tamen hoc attende quod ait Dominus Christus: *Si non credideritis quia ego sum, moriemini in peccatis vestris.* Quid est, *Si non credideritis quia ego sum?* *Ego sum, quid?* Nihil addidit; et quia nihil addidit, multum est quod commendavit. Exspecta-

¹ MSS., *Ego vos de mundo elegi.*

¹ MSS., *qui non habebat peccatum;* prætermisso, *omnino.*

batur enim ut diceret quid esset, nec tamen dixit. Quid exspectabatur ut diceret? Forte, *Nisi credideritis quia ego sum Christus; nisi credideritis quia ego sum Dei Filius; nisi credideritis quia ego sum Verbum Patris; nisi credideritis quia ego sum conditor mundi; nisi credideritis quia ego sum hominis formator et reformator, creator et recreator, factor et refector: nisi hoc credideritis quia ego sum, moriemini in peccatis vestris.* Multum est quod ait ipsum, *Ego sum*¹: quia sic dixerat et Deus Moysi, *Ego sum qui sum.* Quis digne eloquatur quid sit, *sum?* Mittebat Deus per angelum suum, servum suum Moysen ad liberandum ex Aegypto populum suum (legistis quod audistis, et nostis; commemooro tamen); mittebat tremorem; excusantem, sed obedientem. Cum ergo excusaret, ait Deo, quem loqui in angelo intelligebat: Si dixerit mihi populus, Et quis est Deus qui misit te, quid eis dicam? Et Dominus ad eum, *Ego sum qui sum: et repetivit, Dices filii Israel, Qui est, misit me ad vos.* Non ait et ibi, *Ego sum Deus; aut, Ego sum mundi fabricator; aut, Ego sum omnium rerum creator; aut, Ego sum ipsius populi liberandi propagator: sed hoc tantum, *Ego sum qui sum;* et, *Dices filii Israel, Qui est;* non addidit, Qui est Deus vester, qui est Deus patrum vestrorum, sed tantum hoc dixit, *Qui est, misit me ad vos.* Forte mutumerat et ad ipsum Moysen, sicut multum est et ad nos, et multo magis ad nos, intelligere quid dictum sit, *Ego sum qui sum;* et, *Qui est, misit me ad vos.* Et si forte caperet Moyses, illi ad quos mittebatur quando erat? distulit ergo Dominus quod capere homo non posset, et addidit quod capere possset: adjunxit enim et ait, *Ego sum Deus Abraham, et Deus Isaac, et Deus Jacob* (*Exod. iii, 13-15*). Hoc potes capere: Nam *Ego sum qui sum,* que mens potest capere?*

9. Quid ergo nos? audebimusne aliquid dicere ex hoc quod dictum est, *Ego sum qui sum:* vel potius ex hoc quod Dominum dicere audistis, *Nisi credideritis quia ego sum, moriemini in peccatis vestris?* Itane his viribus meis tantillis et pene nullis, audebo disputare quid sit quod ait Dominus Christus, *Nisi credideritis quia ego sum?* Audebo ipsum Dominum interrogare: audite me interrogantem potius quam disputantem, magis querentem quam presumantem, potius discentem quam docentem, et certe in me vel per me etiam vos interrogate. Præsto est etiam ipse Dominus qui ubique est, audiat interrogandi affectum, et intelligendi præstet effectum. Nam ego quibus verbis, et si forte aliquid capio, perducere possum quod capio ad corda vestra? Quisnam sufficit sonus? que suppetit eloquentia? que vires intelligendi? que facultas proferendi?

10. Dicam ergo Domino nostro Iesu Christo, dicam, et audiat me². Credo præsentem, omnino non dubito; ipse enim dixit, *Ecce ego vobiscum sum usque in consummationem saeculi* (*Math. xxviii. 20*). O Do-

mine Deus noster, quid est quod aisti, *Nisi credideritis quia ego sum?* Quid enim non est eorum quæ fecisti? Numquid cælum non est? numquid terra non est? numquid non sunt ea quæ in terra et in cœlo sunt? numquid homo ipse cui loqueris non est? numquid angelus quem mittis non est? Si omnia sunt haec quæ per te facta sunt, quid est quod tibi proprium quiddam tenuisti ipsum esse, quod aliis non dedisti, ut tu solus es? Nam quomodo audio, *Ego sum qui sum;* quasi alia non sint? et quomodo audio, *Nisi credideritis quia ego sum?* Illi enim non erant qui audiebant? Et si peccatores erant, homines erant. Quid ergo facio? Quid sit ipsum esse, dicat cordi, intus dicat, intus loquatur; homo interior audiat, mens capiat vere esse: est enim semper eodem modo esse. (Res enim aliqua, quælibet omnino: quasi cœpi disputare, et destiti quærere; forte quod audivi volo loqui, auditui meo det exultationem et vestro cum loquor): res enim quælibet, prorsus qualicumque excellētia, si mutabilis est, non vere est; non enim est ibi verum esse, ubi est et non esse. Quid quid enim mutari potest, mutatum non est quod erat: si non est quod erat, mors quædam ibi facta est; peremptum est aliquid ibi quod erat, et non est. Nigredo mortua est in capite albescensit senis, pulchritudo mortua est in corpore fessi et incurvi senis, mortua sunt vires in corpore languentis, mortua est statio in corpore ambulantis, mortua est ambulatio in corpore stantis, mortua est ambulatio et statio in corpore jacentis, mortua est locutio in lingua tacentis: quidquid mutatur et est quod non erat, video ibi quædam vitam in eo quod est, et mortem in eo quod fuit. Denique de mortuo cum dicitur, Ubi est homo ille? responderetur, Fuit. O veritas que vere es! Nam in omnibus actionibus et motibus nostris, et in omni prorsus agitatione creaturæ duo tempora invenio, præteritum et futurum. Præsens quoque nihil stat: quod dixi, jam non est; quod dicturus sum, nondum est: quod feci, jam non est; quod facturus sum, nondum est: quod vixi, jam non est; quod victurus sum, nondum est. Præteritum et futurum invenio in omni motu rerum: in veritate quæ manet, præteritum et futurum non invenio, sed solum præsens, et hoc incorruptibiliter, quod in creatura non est. Discute rerum mutationes, invenies Fuit et Erit: cogita Deum, invenies Est, ubi Fuit et Erit esse non possit. Ut ergo et tu sis, transcendit tempus. Sed quis transcendit viribus suis? Letvet illuc qui Patri dixit, *Volo ut ubi ego sum, et ipsi sint mecum.* Hoc itaque promittens ne moriamur in peccatis nostris, nihil aliud Dominus Jesus Christus mihi videtur his verbis dixisse, *Nisi credideritis quia ego sum:* prorsus nihil aliud mihi videtur his verbis dixisse quam hoc, *Nisi credideritis quia ego Deus sum, moriemini in peccatis vestris.* Bene, Deo gratias, quia dixit, *Nisi credideritis:* non dixit, *Nisi ceperitis.* Quis enim hoc capiat? Aut vere, quia ausus sum dicere, et visi estis intelligere³, aliquid de tanta inef-

¹ Sic Fr. Lugd. Ven. Lov.: *Multum est quod iuste iisse, ego sum.*

² Apud Fr. Lugd. et Ven., *audiet me.* M.

³ Lov., et nisi. At editi alii et MSS., *vise.*

fabilitate cepistis? Si ergo non capis, fides te liberat. Ideo et Dominus non ait, Nisi cuperitis quia ego sum; sed quod poterant dixit, *Nisi credideritis quia ego sum, moriemini in peccatis vestris.*

41. Et illi semper terrena sapientes et semper secundum carnem audientes et respondentes, quid ei dixerunt? *Tu quis es?* Non enim cum dixisti, *Nisi credideritis quia ego sum*, addidisti quid esses. Quis es, ut credamus? Et ille, *Principium*. Ecce quod est esse. Principium mutari non potest: principium in se manet, et innovat omnia; principium est, cui dictum est, *Tu autem idem ipse es, et anni tui non deficient* (*Psal. ci, 28*). *Principium*, ait, *quia¹ et loquor vobis*. Principium me credite, ne moriamini in peccatis vestris. Tanquam enim in eo quod dixerunt, *Tu quis es?* nihil aliud dixerint quam, Quid te esse credimus? respondit, *Principium*; id est, Principium me credite. In græco namque eloquio discernitur, quod non potest in latino. Apud græcos enim feminini generis est principium, sicut apud nos lex generis feminini est, quæ apud illos est masculini: sicut sapientia et apud nos et apud illos generis feminini est. Consuetudo locutionis ideo per diversas linguis variat genera vocabulorum, quia in ipsis rebus non invenis sexum. Non enim sapientia vere femina est, cum Christus sit Dei Sapientia (*I Cor. i, 24*), et Christus appelletur genere masculino, sapientia feminino. Cum ergo dicerent Iudei, *Tu quis es?* ille qui sciebat esse ibi quosdam credituros, et ideo dixisse, *Tu quis es?* ut scirent quid illum credere deberent, respondit, *Principium*: non tanquam diceret, *Principium sum*; sed tanquam diceret, *Principium me credite*. Quod in sermone græco, ut dixi, evidenter appetet, ubi feminini generis est principium (*a*). Velut si vellet dicere se esse veritatem, et dicentibus, *Tu quis es?* responderet, Veritatem; cum videatur ad id quod dictum est, *Tu quis es?* respondere debuisse, Veritas; id est, Veritas sum. Sed altius respondit, cum videret eos ita dixisse, *Tu quis es?* ac si dicerent, Quoniam abs te audivimus, *Nisi credideritis quia ego sum*, quid te esse credemus? ad hoc respondit, *Principium*: tanquam diceret, *Principium me credite*. Et addidit, *quia et loquor vobis*: id est, quia humilis propter vos factus, ad ista verba descendit. Nam si principium sicuti est, ita maneret apud Patrem, ut non acciperet formam servi et homo loqueretur hominibus; quomodo ei crederent, cum infirma corda intelligibile Verbum sine voce sensibili audire non possent? Ergo, inquit, credite me esse principium; quia, ut creditis, non solum sum, sed et loquor vobis. Sed de hac re jam inultum est loqui vobis: placeat itaque Charitati vestrae ut quod restat, illo adjuvante servemus, crastino reddituri.

TRACTATUS XXXIX.

Ab eo quod scriptum est, Multa habeo de vobis loqui

¹ Editi, quæ. At plerique MSS., quæ: juxta græcum, oti.

(a) In græco est *tén archén*: quod nonnullis adverbii solum hic habet, ut Latinis *principio* et *primum*: sic certe sonabat Chrysostomo. At interpretationi Augustini lavet Ambrosius, Bernardus, etc.

et judicare; usque ad id,, Et non cognoverunt quia Patrem ejus dicebat Deum. Cap. viii, §. 26, 27.

1. Verba Domini nostri Jesu Christi, quæ habuit cum Iudeis, ita moderans loquaciam suam, ut cœci non viderent, et fideles oculos aperirent, quæ hodie de sancto Evangelio recitata sunt, ista sunt: *Dicebant ergo Iudei, Tu quis es?* Quia dixerat supra Dominus, *Nisi credideritis quia ego sum, moriemini in peccatis vestris* (*Joan. viii, 25, 24*). Ad hoc ergo illi, *Tu quis es?* veluti querentes nosce in quem deberent credere, ne in suo peccato morerentur. Respondit dicentibus, *Tu quis es?* et ait, *Principium, quia et loquor vobis*. Si se dixit Dominus esse principium, queri potest utrum et Pater principium sit. Si enim Filius principium est qui habet Patrem, quanto facilius intelligendus est Deus Pater esse principium, qui habet quidem Filium cui Pater sit, sed non habet de quo sit? Filius enim Patris est Filius, et Pater utique Filii Pater est: sed Deus de Deo Filius dicitur, lumen de lumine Filius dicitur: Pater dicitur lumen, sed non de lumine; Pater dicitur Deus, sed non de Deo. Si ergo Deus de Deo, lumen de lumine principium est; quanto facilius intelligitur principium lumen de quo lumen, et Deus de quo Deus? Videtur itaque absurdum, charissimi, ut Filium dicamus principium, et Patrem principium non dicamus.

2. Sed quid agemus? numquid duo erunt principia? Cavendum est hoc dicere. Quid ergo? si et Pater principium et Filius principium, quomodo non duo principia? Quomodo dicimus Patrem Deum et Filium Deum, nec tamen dicimus duos deos. Nefas est enim dicere duos deos, nefas est dicere tres deos: et tamen qui Pater est, non est Filius; qui Filius est, non est Pater: Spiritus autem sanctus Patris et Filii Spiritus, nec Pater est nec Filius. Quamvis ergo, sicut aures catholicæ sunt eruditæ in gremio matris Ecclesiae, nec ille qui est Pater sit Filius, nec ille qui est Filius sit Pater, nec Spiritus sanctus Patris et Filii sit vel Filius vel Pater, tres deos tamen esse non dicimus: quamvis de singulis si queratur, necesse est de quo-cumque interrogati fuerimus, Deum esse fateamur.

3. Et absurdâ ista videntur hominibus solita trahentibus ad insolita, visibilia ad invisibilia, creaturam comparantibus Creatori. Interrogant enim nos aliquando infideles et dicunt: Patrem quem dicitis, Deum dicitis? Respondemus: Deum. Filium quem dicitis, Deum dicitis? Respondemus: Deum. Spiritum sanctum quem dicitis, Deum dicitis? Respondemus: Deum. Ergo, inquit, Pater et Filius et Spiritus sanctus tres sunt dii? Respondemus: Non. Turbantur, quia non illuminantur: cor clausum habent, quia clavim fidei non habent. Nos ergo, fratres, sive præcedente, que sanat oculum cordis nostræ, quod intelligimus, sine obscuritate capiamus; quod non intelligimus, sine dubitatione credamus: a fundamento fidei non recedamus, ut ad culmen perfectionis veniamus. Deus est Pater, Deus est Filius, Deus est Spiritus sanctus: et tamen Pater non est qui Filius, nec Filius est qui Pater, nec Spiritus sanctus Patris et Filii Spiritus aut Pater est

aut Filius. Trinitas unus Deus : Trinitas, una aeternitas, una potestas, una majestas; tres¹, sed non dii. Non mihi calumniator respondeat : Quid ergo tres? Si enim tres, ait, oportet dicas quid tres. Respondeo : Pater et Filius et Spiritus sanctus. Ecce, inquit, tres dixisti; sed quid tres exprime. Imo tu numera : nam ego compleo tres, cum dico, Pater et Filius et Spiritus sanctus. Id enim quod Pater ad se est, Deus est; quod ad Filium est, Pater est : quod Filius ad se ipsum est, Deus est; quod ad Patrem est, Filius est.

4. Ista que dico potestis de similitudinibus agnoscere quotidianis. Homo et alter homo, si ille sit pater, ille filius; quod homo est, ad se ipsum est; quod pater est, ad filium est : et filius quod homo est, ad se ipsum est; quod autem filius est, ad patrem est. Pater enim nomen est dictum ad aliquid, et filius ad aliquid : sed isti duo homines sunt. At vero Pater Deus ad aliquid est Pater, id est ad Filium; et Filius Deus ad aliquid est Filius, id est ad Patrem : sed non quomodo illi duo homines sunt, sic i-ti duo dii. Quare hoc non ita est ibi? Quia illud aliud, hoc autem aliud est : quia illa divinitas est. Est ibi aliquid ineffabile, quod verbis explicari non possit, ut et numerus sit, et numerus non sit. Videte enim si non quasi appetet numerus, Pater et Filius et Spiritus sanctus Trinitas. Si tres, quid tres? Deficit numerus. Ita Deus nec recedit a numero, nec capitur numero. Quia tres sunt, tanquam est numerus : si queris quid tres, non est numerus. Unde dictum est, *Magnus Dominus noster et magna virtus ejus, et sapientia ejus non est numerus* (*Psal. xiv, 6, 5*). Ubi cogitare coeperas, incipis numerare : ubi numeraveris, quid numeraveris non potes respondere. Pater, Pater est; Filius, Filius est; Spiritus sanctus, Spiritus sanctus est : quid sunt isti tres, Pater et Filius et Spiritus sanctus? Non tres dii? Non. Non tres omnipotentes? Non. Non tres mundi creatores? Non. Ergo omnipotens Pater? Omnipotens plane. Ergo et Filius non omnipotens? Plane et Filius omnipotens? Ergo et Spiritus sanctus non omnipotens? Et ipse omnipotens. Tres ergo omnipotentes? Non ; sed unus omnipotens. Hoc solo numerum insinuant quod ad invicem sunt, non quod ad se sunt. Quia enim Deus Pater ad se est Deus simul cum Filio et Spiritu sancto, non sunt tres dii; quia ad se est omnipotens simul cum Filio et Spiritu sancto, non sunt tres omnipotentes : quia vero non ad se est Pater, sed ad Filium; nec Filius ad se est, sed ad Patrem; nec Spiritus ad se, in eo quod dicitur Spiritus Patris et Filii; non est quid dicam tres, nisi Patrem et Filium et Spiritum sanctum unum Deum, unum omnipotentem. Ergo unum principium.

5. Accipite aliquid de Scriptoris sanctis, unde hoc quod dicitur utecumque capiatis. Posteaquam Dominus uoster Jesus Christus resurrexit, et cum voluit ascendit in cœlum, decem diebus illuc impletis misit inde Spiritum sanctum : quo impleti qui aderant in

¹ Editi, tres personæ. At viss. omnes carent vix, personæ : eamque expungi Lovatienses in Castigationibus tomum præcepérant.

conclavi uno, omnium gentium linguis cœperunt loqui. Miraculo exterriti Domini interfectores, compuncti doluerunt, dolentes mutati sunt, mutati crediderunt : accesserunt corpori Domini, id est numero fidelium, tria millia hominum. Item alio factio quodam miraculo, accesserunt alia quinque millia; facta est plebs una non parva : in qua omnes accepto Spiritu sancto, quo amor spiritualis accensus est, charitate ipsa et fervore spiritus in unum redacti, cœperunt in ipsa societatis unitate vendere omnia que habebant, et pretia ponere ad pedes Apostolorum, ut distribueretur unicuique, sicut cuique opus erat. Et hoc de illis Scriptura dicit, quod erat eis anima una et cor unum in Deum (*Act. ii-iv*). Attendite ergo, fratres, et hinc agnoscite mysterium Trinitatis, quomodo dicamus. Et Pater est, et Filius est, et Spiritus sanctus est, et tamen unus Deus est. Ecce illi tot millia erant, et cor unum erat ; ecce tot millia erant, et una anima erat. Sed ubi? In Deo. Quanto magis ipse Deus? Numquid erro in verbo, quando dico duos homines duas animas, aut tres homines tres animas, aut multos homines multas animas? Recte utique dico. Accedant ad Deum, una anima est omnium. Si accedentes ad Deum, multæ animæ per charitatem una anima est, et multa corda unum cor ; quid agit ipse fons charitatis in Patre et Filio? Nonne ibi magis Trinitas unus est Deus? Inde enim nobis charitas venit, de ipso Spiritu sancto, sicut dicit Apostolus : *charitas Dei diffusa est in cordibus nostris per Spiritum sanctum qui datus est nobis* (*Rom. v, 5*). Si ergo *charitas Dei diffusa in cordibus nostris per Spiritum sanctum qui datus est nobis*, multas animas facit unam animam, et multa corda facit unum cor ; quanto magis Pater et Filius et Spiritus sanctus, Deus unus, lumen unum, unumque principium?

6. Audiamus ergo principium quod loquitur nobis. *Multa, inquit, habeo loqui de vobis et judicare*. Menimistis quod ait, *Ego non judico quemquam* (*Joan. viii, 15*) : ecce modo dicit, *Multa habeo de vobis loqui et judicare*. Sed aliud est, *non judico*; aliud, *habeo judicare*. *Nou judico*, dixit ad præsens; venerat enim ut salvaret mundum, non ut judicaret mundum (*Id. xii, 47*) : quod autem dicit, *Multa habeo de vobis loqui et judicare*, judicium futurum dicit. Ideo enim ascendit, ut veniat judicare vivos et mortuos. Nemo justius iudicabit, quam qui injuste iudicatus est. *Multa, inquit, habeo de vobis loqui et judicare : sed qui me misit, verax est*. Videte quemadmodum Patri det gloriam æqualis Filius. Exemplum enim nobis præbet, et tanquam in cordibus nostris loquitur: O homo fidelis, si Evangelium meum audis, dicit tibi Dominus Deus tuus, ubi ego in principio Verbum Deus apud Deum, æqualis Patri, coeternus dignus, do gloriam ei cuius sum Filius; quomodo tu superbus es adversus eum cuius servus es?

7. *Multa habeo, inquit, de vobis loqui et judicare : sed qui me misit, verax est : tanquam diceret*, Ideo verum judico, quia Filius veracis veritas sum. Pater verax, Filius veritas, quid putamus esse amplius? Co-

gitemus si possimus, quid est amplius, verax an veritas. De quibusdam queramus. Pius homo plus est, an pietas? Sed plus est ipsa pietas: pius enim a pietate, non pietas a pio. Potest enim esse pietas, et si ille qui pius erat, factus est impius. Ipse perdidit pietatem, pietati nihil abstulit. Quid iten pulcher et pulchritudo? Plus est pulchritudo quam pulcher: pulchritudo enim facit pulchrum, non pulcher facit pulchritudinem? Castus et castitas? Castitas plane plus est quam castus. Si enim castitas non esset, unde esset iste castus, non haberet: si autem noluerit esse castus, castitas integra perseverat. Si ergo plus pietas quam pius, plus pulchritudo quam pulcher, plus castitas quam castus; numquid dicturi sumus plus veritas quam verax? Si hoc dixerimus, Filium incipiemos dicere Patre majorem. Ait enim apertissime ipse Dominus: *Ego sum, via et veritas, et vita* (*Joan. xiv, 6*). Ergo si Filius veritas; Pater quid, nisi quod ait ipsa veritas, *Qui me misit, verax est?* Filius veritas, Pater verax: quid plus sit quæro, sed æqualitatem invenio. Verax enim Pater non ab ea veritate verax est cuius partem cepit, sed quam totam genuit.

8. Video planius esse dicendum. Et certe ne vos diu teneam, hodie hic usque tractetur: cum finiero quod volo dicere, adjuvante Deo, sermo claudatur. Hoc ideo dixi, ut intentos vos facherem. Omnis anima quoniā res est mutabilis, et quamvis magna creatura, tamen creatura; quamvis corpore melior, tamen facta: omnis ergo anima quoniā mutabilis est, hoc est, modo credit, modo non credit; modo vult, modo non vult; modo adultera est, modo casta; modo bona, modo mala; mutabilis est: Deus autem hoc est quod est; ideo proprium nomen sibi tenuit, *Ego sum qui sum* (*Exod. iii, 14*). Hoc est Filius, dicendo, *Nisi credideritis quia ego sum*: ad hoc pertinet et, *Tu quis es?* *Principium* (*Joan. viii, 24, 25*). Deus igitur incommutabilis est, anima mutabilis. Quando capit anima ex Deo unde sit bona, participando sit bona: quomodo tuus oculus participando videt. Nam lumine subtracto non videt, cuius particeps factus videt. Quia ergo anima participando sit bona, si mutata cœperit esse mala, bonitas manet cuius erat particeps bona. Bonitatis enim cuiusdam particeps facta est cum bona esset; qua mutata in pejus, integra bonitas permanet. Si recedat anima et mala fiat, non minuitur bonitas; si revertatur et bona fiat, non crescit bonitas. Factus est oculus tuus particeps lucis hujus, et vides: clausus est? hanc lucem non minuisti: apertus est? hanc lucem non auxisti. Hac data similitudine, fratres, intelligite quia si pia est anima, est pietas apud Deum, cuius sit particeps anima; si est casta anima, est castitas apud Deum, cuius est particeps anima; si est bona anima, est bonitas apud Deum, cuius est particeps anima; si est verax anima, est veritas apud Deum, cuius est particeps anima. Cuius particeps si non fuerit anima, omnis homo mendax (*Psalm. cxv, 41*): si omnis homo mendax, nullus homo de suo verax. Pater autem verax, de suo est verax; quia genuit veritatem. Aliud est. Verax est homo iste, quia

jami percepit veritatem; aliud est, Verax Deus, quia genuit veritatem. Ecce quomodo verax est Deus, non participando, sed generando veritatem. Video vos intellexisse et gaudeo: sufficiat vobis hodie; cetera quando Dominus placuerit, sicut donaverit, exponemus.

TRACTATUS XL.

Ab eo loco, Dixit ergo eis Jesus: *Cum exaltaveritis Filium hominis; usque ad id, Et cognoscetis veritatem, et veritas liberabit vos.* *Cap. viii, §. 28-32.*

1. De sancto Evangelio secundum Joannem, quod gestare nos videtis in manibus, jam multa audivit Charitas vestra, quae Deo donante sicut potuimus disputavimus, commendantes vobis maxime istum evangelistam de Domini divinitate, secundum quam aequalis est Patri et Filius unicus Dei, loqui elegisse, et propterea aquilæ comparatum: nulla quippe avis volare altius perhibetur. Proinde quæ ex ordine subsequuntur, sicut ea Dominus tractare donaverit, intentissime audite.

2. Locuti sumus vobis de precedenti lectione, insinuantes quomodo intelligatur Pater verax, Filius veritas. Cum autem dixisset Dominus Jesus, *Verax est qui me misit* (*Joan. viii, 26*), non intellexerunt Iudei quod de Patre illis diceret. Et ait illis quod modo cum legeretur audistis: *Cum exaltaveritis Filium hominis, tunc cognoscetis quia ego sum, et a me ipso facio nihil, sed sicut docuit me Pater, haec loquor.* Quid est hoc? Nihil enim aliud videtur dixisse, nisi eos post passionem suam cognituros quis esset. Procul dubio ergo videbat ibi aliquos, quos ipse noverat, quos ipse cum ceteris sanctis suis ante constitutionem mundi præsciendo elegerat, post passionem suam esse credituros. Ipsi sunt illi quos assidue commendamus, et ad imitationem cum magna exhortatione proponimus. Misso enim desuper Spiritu sancto post Domini passionem et resurrectionem et ascensionem, cum miracula fierent in ejus nomine, quem tanquam mortuum persequentes Iudei contempserant, compuncti sunt corde; et qui sævientes occiderunt, mutati crediderunt; et quem sanguinem sæviendo fuderunt, credendo biberunt: illa tria millia, et illa quinque millia Iudeorum (*Act. ii, 37, 41, et iv, 4*), quos ibi videbat, quando dicebat, *Cum exaltaveritis Filium hominis, tunc cognoscetis quia ego sum.* Tanquam dicens, Differo cognitionem vestram, ut impleam passionem meam: ordine vestro¹ cognoscetis qui sim. Non quia omnes tunc erant credituri ex iis qui audiebant, id est, post passionem Domini: nam paulo post dicit, *Hæc eo loquente, multi crediderunt in eum*, et nondum exaltatus erat Filius hominis. Exaltationem quippe dicit passionis, non glorificationis; crucis, non cœli: quia et ibi exaltatus est, quando peperdit in ligno. Sed illa exaltatio humiliatio fuit. Tunc enim factus est obediens usque ad mortem crucis (*Philipp. ii, 8*). Hoc oportebat impleri per eorum manus qui postea fuerant credituri, quibus dicit, *Cum exaltaveritis Filium hominis, tunc cognoscetis quia ego sum.* Quare hoc,

¹ Editi, verso. MSS., vestro.

nisi ut nemo desperaret in quocumque scelere male sibi conscient, quando videbat eis donari homicidium qui occiderant Christum?

5. Illos ergo in illa turba agnoscens Dominus, dixit, *Cum exaltaveritis Filium hominis, tunc cognosceris quia ego sum.* Jam nostis quid sit *sum*; nec assidue repetendum est, ne pariat res tanta fastidium. Recolite illud, *Ego sum qui sum, et Qui est, misit me* (*Exod. in. 14*); et agnoscetis, quid dictum sit, *Tunc sciatis quia ego sum*: sed eti, Pater est, et Spiritus sanctus est. Ad ipsum esse pertinet tota Trinitas. Sed quia Dominus sicut Filius loquebatur, ne forte in eo quod dixit, *Tunc cognosceris quia ego sum*, subintraret error Sabellianorum, hoc est Patrificationis, quem vobis errorem commendavi non tenendum, sed cavadendum, eorum scilicet qui dixerunt, Ipse est Pater, ipse est Filius; duo sunt nomina, sed res una: propter istum ergo cavendum errorem cum dixisset Dominus, *Tunc cognosceris quia ego sum*; ne ipse intelligeretur Pater, continuo subinxerit. *Et a meipso facio nihil, sed sicut docuit me Pater, haec loquor.* Jam gaudere coepit sabellianus, erroris sui occasione comperta: statim ut se tanquam in obscuro extulit, sequentis sententiæ luce confusus est. Putaveras eum esse Patrem, quia dixit, *Ego sum*: audi quia Filius est, *Et a meipso facio nihil*. Quid est, *A meipso facio nihil*? A meipso non sum. Filius enim de Patre est Deus; Pater autem non est de Filio Dous: Filius est Deus de Deo; Pater autem Deus, sed non de Deo: Filius est lumen de lumine; Pater autem lumen, sed non de lumine: Filius est, sed est de quo est; Pater autem est, sed non est de quo est.

4. Quod ergo addidit, *Sicut docuit me Pater, haec loquor*; nemini vestrum obrepat cogitatio carnalis, fratres mei. Non enim potest humana infirmitas cogitare, nisi quod consuevit facere vel audire. Nolite ergo vobis quasi duos homines ante oculos ponere, unum patrem, alterum filium, et loquentem patrem ad filium: sicut facis tu, quando verba aliqua dicis filio tuo, monens eum et instruens eum quomodo loquatur, ut quæcumque audivit a te, commendet memoriae; cum commendaverit memorie, proferat et lingua, distinguat per sonos, inferat auribus alienis quod percepit in suis. Nolite ita cogitare, ne in corde vestro idola fabricetis. Humanam formam, humanae lineamenta membrorum, figuram carnis humanae, sensus istos conspicenos, staturam motusque corporis, linguae officium, distinctiones sonorum, nolite in illa Trinitate cogitare, nisi quod pertinet ad formam servi, quam accepit unigenitus Filius, cum Verbum caro factum est, ut habitaret in nobis (*Joan. i. 14*). Ibi non te prohibeo, humana infirmitas, cogitare quod nosti; imo etiam compello. Si fides in te vera est, talem Christum cogita: sed ex Maria virgine, non de Deo Patre talem cogita. Infans fuit, crevit ut homo, ambulavit ut homo, esurivit, sitiuit ut homo, dormiuit ut homo, postremo passus ut homo, suspensus in ligno, occisus, sepultus ut homo; in eadem forma resurrexit, in eadem forma ante oculos discipulo-

rum ascendit in cœlum, in eadem forma venturus est ad judicium. Angelorum enim vox est in Evangelio expressa: *Sic veniet quomodo eum vidistis euntem in cœlum* (*Act. i. 11*). Quando ergo de forma servi cogitas in Christo, humanam effigiem cogita, si est in te fides: quando autem cogitas, *In principio erat Verbum, et Verbum erat apud Deum, et Deus erat Verbum* (*Joan. i. 1*), percitat de corde tuo omnis humana figuratio: pollatur de cogitationibus tuis quidquid sine corporeo terminatur, quidquid loci spatio continetur, vel quantalibet mole diffunditur; de corde tuo segmentum tale dispercat. Cogita, si potes, pulchritudinem sapientiae, occurrat tibi pulchritudo justitiae. Forma est? statura est? color est? Nihil horum est, et tamen est: nam si non esset, nec amaretur, nec merito laudaretur, nec amata nec laudata corde moribusque teneretur: nunc vero sunt homines sapientes; unde fierent, nisi esset sapientia? Porro autem, o homo, si sapientiam tuam videre carnis oculis non potes, nec tali imaginatione cogitare quali corporalia cogitantur, sapientiae Dei aedes ingerere humani corporis formam?

5. Quid ergo dicimus, fratres? Quomodo locutus est Pater Filio, quoniam Filius ait *Sicut docuit me Pater, haec loquor?* Locutus est illi? Quando docuit Pater Filium, verba fecit, quomodo tu, quando doces filium tuum, verba facis? Quomodo facit verba Verbo? Quæ verba multa fierent unico Verbo? Verbum enim Patris aures habuit ad os Patris? Carnalia sunt ista, percant de cordibus vestris. Hoc enim dico, ecce si intellexistis quod ego dixi, ego certe locutus sum, et mea verba sonuerunt, sonisque aures pepulerunt, et per sensum auditus vestri ad cor sententiam perduxerunt, si intellexistis. Facite aliquem audisse latine linguae hominem, tantummodo audisse, nec tamen intellexisse quod dixi: quantum ad strepitum pertinet emissum ex ore meo, sic ejus ille particeps factus est qui non intellexit, quomodo et vos; eum sonum audivit, eadem syllabæ aures ejus percusserunt; sed in corde ipsius nihil genuerunt. Quare? Quia non intellexit. Vos autem si intellexistis, unde intellexistis? Ego ad aurem sonui; numquid ego in corde lumen accendi? Procul dubio si verum est quod dixi, et hoc verum non solum audistis, verum etiam intellexistis; duæ res ibi factæ sunt, discernite illas, auditus et intellectus. Auditus per me factus est, intellectus per quem? Ego ad aurem dixi ut audiretis, ad cor vestrum quis dixit ut intelligeretis? Sine dubio aliquis et ad cor vestrum aliquid dixit, ut non solum strepitus iste verborum percuteret aurem vestram, sed etiam in cor vestrum aliquid descenderet veritatis: dixit aliquis et ad cor vestrum, sed non eum videtis; si intellexistis, fratres, dictum est et cordi vestro. Munus Dei est intelligentia. Quis hoc dixit in corde vestro, si intellexistis? Cui dici Psalmus, *Da mihi intellectum, ut discam mandata tua* (*Psal. cxviii. 75*). Verbi gratia, episcopus locutus est. Quid locutus est, aliquis ait? Respondes quid locutus est, et addis: Verum dixit. Tunc aliud qui non intel-

lexit: Quid dixit, inquit, aut quid est quod Iudas? Ambo me audiuerat, ambobus ego dixi; sed non ipsorum Deus dixit. Si parva magnis comparare conceditur, quoniam nos ad eum quid sumus? tamen nescio quid incorporaliter et spiritualiter facit in nobis Dens, quod nec sonus est qui aurem percusat, nec color qui oculis discernatur, nec odor est qui naribus capiatur, nec sapor qui fauicibus judicetur, nec durum et molle quid tangendo sentiatur: tamen aliquid est quod sentire facile est, explicare impossibile est. Si ergo Dens, ut dicere coeparam, loquitur in cordibus nostris sine sono, quomodo loquitur Filio suo? Sic ergo, fratres, sic cogitate, quantum potestis, ut dixi, si licet parva magnis modo aliquo comparare; sic cogitate. Incorporaliter Pater locutus est Filio, quia incor, oraliter Pater genuit Filium. Nec eum sic docuit quasi indoctum genuerit: sed hoc est eum docuisse, quod est scientem genuisse; et hoc est, docuit me Pater, quod est, scientem me genuit Pater. Si enim, quod pauci intelligunt, simplex est natura veritatis; hoc est Filio esse quod nosse. Ab illo ergo habet ut noverit, a quo habet ut sit: non ut prius ab illo esset, et ab illo postea nosset; sed quemadmodum illi gignendo dedit ut esset, sic gignendo dedit ut nosset: quia simplici, ut dictum est, naturae veritatis esse et nosse non est aliud atque aliud, sed hoc ipsum.

6. Dicit ergo ista Iuda, et addidit: *Et qui me misit mecum est.* Jam hoc et ante dixerat, sed rem magnam assidue commemorat: *misit me, et mecum est.* Si ergo tecum est, o Domine, non unus ab alio missus est, sed ambo venistis. Et tamen cum ambo simul sint, unus missus est, alter misit: quoniam missio incarnatio est, et ipsa incarnatio Filii tantum est, non et Patris. Misit itaque Pater Filium, sed non recessit a Filio. Non enim quo misit Filium, non ibi erat Pater. Ubi enim non est qui fecit omnia? ubi non est qui dixit, *Cælum et terram ego imdeo* (*Jerem. xxiii, 24*)? Sed forte Pater ubique, et Filius non ubique est? Evangelistam audi: *In hoc mundo erat, et mundus per eum factus est* (*Joan. i, 10*). Ergo, inquit, *qui misit me*, cuius auctoritate tanquam paterna incarna-tus sum, *mecum est, non me reliquit.* Quare non me reliquit? *Non me reliquit*, inquit, *solum quia ego quæ placita sunt ei, facio semper.* Ipsa est æqualitas semper, non ex quodam initio et deinceps, sed sine initio, sine fine. Dei enim generatio non habet initium temporis, quia per genitum facta sunt tempora.

7. *Hæc illo loquente, multi crediderunt in eum.* Utinam et me loquente multi qui aliud sapiebant intelligent, et credant in eum. Quidam enim fortasse sunt in ista multitudine ariani. Non audeo suspicari esse sabellianos qui ipsum Patrem dicunt esse qui Filius est: hæresis quippe ista nimis antiqua est, et paulatim evicerata. Arianorum autem adhuc videtur habere alias motiones quasi cadaveris putrescentis; aut certe, ut multum, quasi hominis animam agentis: oportet inde reliquos liberari, sicut inde muli libertati sunt. Et quidem ista civitas eos non habebat; sed posteaquam multi perfugini advenerunt, nonnulli et

ipsi venerunt. Ecce hæc Domino loquente multi Judæi crediderunt in eum; ecce et me loquente Ariani credant, non in me, sed mecum.

8. *Dicebat ergo Dominus ad eos qui crediderant in eum Judæos: Si vos manseritis in verbo meo.* Ideo manseritis, quia initiati estis, quia et ibi esse cœpistis. Si manseritis, hoc est in fide quæ in vobis esse credentibus cœpit; quo pervenietis? Vide quale initium, quo perducit. Amasti fundamentum, culmen attende, et ex ista humilitate aliam celsitudinem quære. Fides enim humilitatem habet: cognitio et immortalitas et æternitas non habet humilitatem, sed celsitudinem; erectionem, nullam defectionem, æternam stabilitatem, nullam ab inimico expugnationem, nullum deficiendi timorem. Magnum est quod incipit a fide; sed contemnitur. Fundamentum solet etiam in ædificio ab imperitis contemni. Fossa fit grandis, lapides quoquo modo passim mittuntur; nulla ibi expolitio, nulla pulchritudo apparet: quomodo nec in arboris radice, non appareat aliqua pulchritudo; totum tamen quidquid te delectat in arbore, de radice surrexit. Sed vides radicem, et non delectaris; vides arborem et miraris. Stule, quod miraris, i.e. surrexit quo non delectaris. Parum aliquid videtur fides credentium, non habes stateram unde appendas. Audi ergo quo perveniat, et vide quanta sit: sicut et ipse Dominus alio loco dicit, *Si habueritis fidem sicut granum sinapis* (*Matth. xv, 19*). Quid humilius, quid vehementius? quid minutius, quid ferventius? Ergo et vos, ait, *si manseritis in verbo meo*, in quo credidistis, quo perducemini? *Vere discipuli mei eritis.* Et quid nobis prodest? *Et cognoscetis veritatem.*

9. Quid promittit credentibus, fratres? *Et cognoscetis veritatem.* Quid enim? non iam cognoverant, quando Dominus loquebatur? si non cognoverant, quomodo crediderunt? Non quia cognoverunt crediderunt, sed ut cognoscerent crediderunt. Credimus enim ut cognoscamus, non cognoscimus ut credamus. Quod enim cognituri sumus, nec oculus vidit, nec auris audivit, nec in cor hominis ascendit (*Isai. lxiv, 4*; *I Cor. ii, 9*). Quid est enim fides, nisi credere quod non vides? Fides ergo est, quod non vides credere; veritas, quod credidisti videre: sicut ipse quodam loco ait. Ideo Dominus prius ad faciendam fidem ambulavit in terra. Homo erat, humilis factus erat; ab omnibus videbatur, nec ab omnibus cognoscetur; a multis reprobabatur, a turba occidebatur, a paucis dolebatur: sed tamen et ab eis a quibus dolebatur, nondum sicut erat agnoscebatur. Totum hoc quasi initium est lineamentorum fidei et structuræ futuræ. Quod Dominus ipse attendens quodam loco ait, *Qui diligit me, mandata mea custodit; et qui diligit me, diligetur a Patre meo, et ego diligam eum, et ostendam meipsum illi* (*Joan. xiv, 21*). Quem qui audiebant, utique jam videbant; eis tamen, si diligebant, videndum se promittebat. Sic et hic, *Cognoscetis veritatem.* Quid enim? quod dixisti non est veritas? Veritas est, sed adhuc creditur, nondum videtur. Si maneat in eo quod creditur, pervenitur ad id quod videatur. Inde

Joannes ipso sanctus evangelista in Epistola sua : *Dilectissimi, inquit, filii Dei sumus, sed nondum apparuit quid erimus.* Jam sumus, et aliquid erimus. Quid plus erimus quam sumus? Audi : *Nondum apparuit quid erimus : scimus quia cum apparuerit, similes ei erimus.* Unde? *Quoniam videbimus eum sicuti est* (I Joan. iii, 2). Magna promissio; sed merces est fideli. Queris mercedem, opus praecedat. Si credis, mercedem exige fidei; si autem non credis, fidei mercedem qua fronte queris? Si ergo *manseritis in verbo meo, vere discipuli mei eritis*: ut contemplemini ipsam veritatem sicuti est; non per verba sonantia, sed per lucem splendeat, cum satiaverit nos¹, quod legitur in Psalmio, *& quatum est super nos lumen vultus tui, Domine* (Psal. iv, 7). Moneta Dei sumus, nummus a thesauro oberravimus. Errore detritum est quod in nobis fuerat impressum; venit qui resormet, quia ipse formaverat : querit et ipse nummum suum; sicut Cæsar nummum suum; ideo ait, *Redde Cæsari quæ Cæsari sunt, et Deo quæ Dei sunt* (Matth. xxii, 21) : Cæsari nummos, Deo vos ipsos. Tunc ergo exprimetur veritas in nobis.

10. Quid dicam Charitati vestrae? O si cor esset qualitercumque suspirans in illam ineffabilem gloriam! O si peregrinationem nostram in gemitu sentiremus, et seculum non amaremus, et ad eum qui nos vocavit, pia mente perpetuo pulsaremus! Desiderium, sinus cordis est; capiemus, si desiderium quantum possumus extendamus. Hoc nobiscum agit Scriptura divina, hoc congregatio populorum, hoc celebratio sacramentorum, hoc baptismus sanctus, hoc cantica laudis Dei, hoc ipsa nostra disputatio, ut hoc desiderium non solum seminetur et germinet, verum etiam in modum tante capacitatibus augeatur, ut idoneum sit sumere quod oculus non vidit, nec auris audivit, nec in cor hominis ascendit. Sed amate mecum. Non amat multum nummum, qui amat Deum. Et ego palpavi infirmitatem, non ausus sum dicere. Non amat nummum; sed, non multum amat nummum: quasi amandus sit nummus, sed non multum. O si Deum digne amemus, nummos omnino non amabimus! Erit tibi nummus instrumentum peregrinationis, non irritamentum cupiditatis; quo utaris ad necessitatem, non quo fruaris ad delectationem. Deum ama, si aliquid in te egit quod audis et laudas. Uttere mundo, non te capiat mundus. Quod intrasti², iter agis, exiturus venisti, non remansurus: iter agis, stabulum est hæc vita. Uttere nummo, quomodo viator in stabulo utitur mensa, calice, urceo, lectulo, dimissurus, non permansurus. Si tales fueritis, erigite cor qui potestis, et audite me: si tales fueritis, ad ejus missa venietis. Non enim multum est ad vos, quia magna est manus ejus qui vos vocavit. Vocavit, invocetur; dicitur illi: Vocasti nos, invocamus te; ecce audivimus vocantem, audi invocantes: perduc quo promisi, perfice quod inchoasti; noli deserere munera tua, noli deserere agrum tuum,

germina tua intrent in horreum. Abundant tentaciones in mundo³; sed major est qui fecit mundum: abundant tentations; sed non deficit qui in illo spem ponit, in quo defectus nullus est.

11. Ad hoc hortatus sum isla, fratres, quia libertas de qua loquitur Dominus noster Jesus Christus, non hujus temporis est. Videte quid adjunxit: *Vere discipuli mei eritis, et cognoscetis veritatem, et veritas liberabit vos.* Quid est, *liberabit vos?* Liberos vos faciet. Denique Iudei carnales, et secundum carnem judicantes, non hi qui crediderant, sed in illa turba qui erant qui non credebant, injuriam sibi factam putaverunt, quia dixit eis, *Veritas liberabit vos.* Indignati sunt servos se esse significatos. Et vere servi erant: et exponit illis quæ sit servitus, et quæ sit futura libertas quam ipse promittit. Sed de hac libertate et de illa servitute nimis longum est ut hodie disputemus.

TRACTATUS XLI.

Rursum in illud, Dicebat autem Jesus ad eos qui crediderunt; usque ad id, Si ergo vos Filius liberaret, vere liberi eritis. Cap. viii, §. 31-36.

1. Quod de lectione pristina sequitur, et de sancto Evangelio hodie nobis recitatum est, tunc distuli dicere, quoniam multa jam dixeram, et de libertate in quam nos vocat gratia Salvatoris, non prætereaunter neque negligenter fuerat disserendum: hinc hodie, Domino adjuvante, statuimus loqui vobis. Quibus enim loquebatur Dominus Jesus Christus, Iudei erant, ex magna quidem parte inimici, sed etiam amici ex quadam parte jam facti, et futuri: nam quosdam ibi videbat, sicuti jam diximus, qui post ejus passionem fuerant credituri. Hos intuens dixerat: *Cum exaltaveritis Filium hominis, tunc cognoscetis quia ego sum* (Joan. viii, 28). Erant ibi etiam qui hæc loquente illo continuo crediderunt; ipsis locutus est quod audivimus hodie: *Dicebat ergo Jesus ad eos qui crediderant ei, Iudeos: Si manseritis in verbo meo, vere discipuli mei eritis.* Manendo eritis: quia enim nunc credentes estis, manendo videntes eritis. Ideo sequitur, *Et cognoscetis veritatem.* Veritas incommutabilis est. Veritas panis est, mentes reficit nec deficit: mutat vescentem, non ipsa in vescentem mutatur. Ipsa est veritas Verbum Dei, Deus apud Deum unigenitus Filius. Hæc Veritas carne induita est propter nos, ut de Maria virgine nasceretur, et impletur prophetia, *Veritas de terra orta est* (Psal. lxxxiv, 12). Hæc ergo Veritas cum Iudeis loqueretur, latebat in carne: latebat autem non ut negaretur, sed ut differretur; differretur, ut in carne pateretur; in carne autem pateretur, ut caro peccati redimeretur. Stans itaque conspicuus secundum infirmitatem carnis Dominus noster Jesus Christus, et secundum maiestatem divinitatis occultus, dixit ad eos qui ei, cum hæc loqueretur, crediderant, *Si manseritis in verbo meo, vere discipuli mei eritis.* Qui enim perseve-

¹ Sie omnes MSS. At editi, cum signaverit nos.

² Duo MSS., mundus quem intrasti. Alii totidem, quo intrasti.

³ Editi: abundant tempestates in mundo. At MSS., abundant tentations.

raverit usque in finem, hic salvus erit (*Matth. x. 22*). *Et cognoscetis veritatem*, quæ modo vos latet, et loquitur vobis. *Et veritas liberabit vos*. Hoc verbum Dominus a libertate posuit, *liberabit vos*. Nihil est enim aliud proprie liberat, nisi liberum facit. Quomodo salvat nihil est aliud quam salvum facit; quomodo sanat nihil est aliud quam sanum facit; dicit nihil est aliud quam ditem, id est, divitem facit: sic liberat nihil est aliud quam liberum facit. Hoc in verbo græco planius est (*a*). Nam in latina consuetudine plerumque dicimus hominem liberari, quod ad libertatem non pertinet, sed tantum ad salutem: sicut quisquam dicitur liberari ab infirmitate; usitate dicitur, non tamen proprie. Sic autem posuit Dominus hoc verbum, ut diceret, *Et veritas liberabit vos*, ut in græca lingua nemo dubitet cum de libertate dixisse.

2. Denique et Judæi sic intellexerunt, *et responderunt ei*: non illi qui jam crediderant, sed illi qui in turba erant nondum credentes: *responderunt ei*, *Semen Abrahæ sumus, et nemini servivimus unquam; quomodo tu dicas, Liberi eritis?* Non autem dixerat Dominus, *Liberi eritis*; sed, *Veritas liberabit vos*. In quo tamen verbo illi, quia, sicut dixi, patet in græco, non intellexerunt nisi libertatem; et extulerunt se quod semen essent Abrahæ, et dixerunt, *Semen Abrahæ sumus; et nemini servivimus unquam; quomodo tu dicas, Liberi eritis?* O pellis inflata! Non est ista magnitudo, sed tumor. Et hoc ipsum secundum hujus temporis libertatem quomodo verum dixistis, *Nemini servivimus unquam?* Joseph non est venimatus (*Gen. xxxvii, 28*)? Prophete sancti in captivitatem non sunt ducti (*IV Reg. xxiv*)? Deinde, nonne ipse ille est populus qui in Ægypto lateres faciebat, et regibus duris non saltem in auro et argento, sed in luto serviebat (*Exod. i, 14*)? Si nemini servistis unquam, o ingrati, quid est quod assidue vobis imputat Deus quod vos de domo servitutis liberavit (*Id. xiii, 3; Deut. v, 6, etc.*)? An forte patres vestri servierunt, vos autem qui loquimini, nemini unquam servistis? Quomodo ergo solvebatis iam tributa Romanis, unde et ipsi Veritati laqueum quasi captionis proposuistis, ut diceretis, *Licet reddere tributum Cæsari?* ut si dixisset, *Licet*; teneretis eum quasi male optasset libertati semiinis Abrahæ: si autem diceret, *Non licet*; calumniaremini apud reges terræ, quod prohiberet regibus tributa persolvi. Merito protalummo victi estis, et captioni vestre ves ipsi estis respondere compulsi. Ibi enim vobis dictum est, *Reddite Cæsari quæ Cæsaris sunt, et Deo quæ Dei sunt;* cum vos ipsi respondissetis quod numinus haberet imaginem Cæsaris (*Matth. xxii, 15-21*). Quia sicut querit Cæsar in nummo imaginem suam, sic Deus querit in homine suam. Hæc ergo respondit Judæis. Movet enim me, fratres, hominum vana superbia, quia etiam de ipsa, quam carnaliter intelligebant, sua libertate mentiti sunt dicentes, *Nemini servivimus unquam.*

3. Dominus autem quid responderit, hoc potius et intentius audiamus, ne et nos ipsi servi inveniamur.

(a) Græc., eleutherosci.

Respondit enim eis Jesus: Amen, amen dico vobis, quia omnis qui facit peccatum, servus est peccati. Servus est, utinam hominis et non peccati! Quis non sub his verbis contremiscat? Præstet nobis Dominus Deus noster, id est et mihi et vobis, ut pro sententia loquar de hac libertate appetenda, et de illa servitute vitanda. *Amen, amen dico vobis, Veritas dicit: et quale est Domini Dei nostri dicere, Amen, amen dico vobis?* Multum commendat quod ita pronuntiat; quodammodo, si dici fas est, juratio ejus est, *Amen, amen dico vobis. Amen* quippe interpretatur, *Verum:* et tamen non est interpretatum, cum potuisse dici, *Verum dico vobis.* Nec græcus hoc interpres ausus est facere, nec latinus: nam hoc verbum quod est *Amen*, nec græcum est nec latinum, sed hebræum. Sic mansit, non est interpretatum, ut honorem haberet velamento secreti: non ut esset negatum, sed ne vilesceret nudatum. Nec semel tamen, sed bis a Domino dictum est, *Amen, amen dico vobis.* Jam quantum hoc commendatum sit, ex ipsa geminatione cognoscite.

4. Quid est ergo commendatum? Verum, verum dico vobis, Veritas dicit; quæ utique etsi non diceret, Verum dico, mentiri omnino non posset: tamen commendat, inculcat; dormientes quodammodo excitat, intentos facit, contemni non vult. Quid dicens? *Amen, amen dico vobis, quia omnis qui facit peccatum, servus est peccati.* O miserabilis servitus! Plerumque homines cum dominos malos patientur, venales se petunt; non quærent dominum non habere, sed saltē mutare; servus peccati quid faciat? quem interpellat? apud quem interpellat? apud quem se venalem petat? Deinde servus homigis aliquando sui domini duris imperiis fatigatus, fugiendo requiescit: servus peccati quo fugit? Secum se trahit quocumque fugerit. Non fugit scipsam mala conscientia, non est quo eat, sequitur se; imo non recedit a se: peccatum enim quod facit, intus est. Fecit peccatum, ut aliquam corporalem caperet voluptatem: voluptas transit, peccatum manet; præterit quod delectabat, remansit quod pungat. Mala servitus! Aliquando fugiunt homines ad Ecclesiam, et plerumque eos patimur tanquam indisciplinatos: volentes carere dominis¹, qui nolunt carere peccatis. Aliquando autem etiam illico jugo et improbo subjecti fugiunt ad Ecclesiam, quia retinentur ingenui ad servitatem, et interpellatur episcopus: et nisi curet operam impendere, ne ingenuitas opprimatur, inimiceris deputatur. Ad Christum omnes fugianus, contra peccatum Deum liberatorem interpellamus: venales nos petamus, ut ejus sanguine redimamur. Dicit enim Dominus, *Gratis venimati estis, et sine argento redimemini* (*Isai. lii, 3*). Sine pretio, sed vestro; quia meo. Hoc Dominus dicit: ipse enim pretium dedit, non argentum, sed sanguinem suum. Nam nos et servi et egeni remanseramus.

5. Liberat ergo ab hac servitute solus Dominus:

¹ Fr. lugd. et ven. sic habent hunc locum: *Quanquam indisciplinatos, volentes carere dominis.* M.

qui illam non habuit, ipse de illa liberat; solus enim in hac carne venit sine peccato. Nam quos videtis in manibus matrum parvulos ferri, nondum ambulant, et jam sunt compediti; traxerunt enim de Adam quod solvatur a Christo. Pertinet etiam ad ipsos, cum baptizantur, ista gratia quam Dominus pollicetur; quia de peccato solus liberare potest, qui venit sine peccato, et factus est sacrificium pro peccato. Auditis enim cum Apostolus legeretur: *Pro Christo, inquit, legatione fungimur, tanquam Deo exhortante per nos; obsecramus pro Christo;* id est, tanquam vos Christus obsecrat. Quid? Reconciliari Deo. Si exhortatur et obsecrat Apostolus ut reconciliemur Deo, inimici eramus Deo. Nemo enim reconciliatur nisi ex inimicitia. Inimicos autem nos non natura, sed peccata fecerunt. Unde inimici illius, inde servi peccati. Non habet Deus liberos inimicos; necesse est servi sint: et servi remanebunt nisi ab illo liberentur, cui peccando inimici esse voluerunt. *Obsecramus ergo,* inquit, *pro Christo, reconciliari Deo.* Quomodo autem reconciliamur, nisi solvatur quod inter nos et ipsum separat? Ait enim per prophetam: *Non gravavit aurem ne audiat, sed peccata vestra separant inter vos et Deum* (*Isa. LIX, 1, 2*). Quia ergo non reconciliamur nisi ablato quod in medio est, et posito quod in medio sit. Est enim medium separans, sed contra est mediator reconcilians; medium separans est peccatum, mediator reconcilians est Dominus Jesus Christus: *Unus enim Deus, et unus mediator Dei et hominum, homo Christus Jesus* (*I Tim. II, 5*). Ut ergo tollatur maceria separans quod est peccatum, venit ille mediator, et factus est sacrificium sacerdos ipse. Et quia sacrificium factus est pro peccato, offerens seipsum in holocaustum in cruce passionis sue, sequitur Apostolus et dicit, cum dixisset, *Obsecramus pro Christo, reconciliari Deo:* quasi diceremus, quomodo poterimus reconciliari? Eum, inquit, id est ipsum Christum, qui non norerat peccatum, peccatum pro nobis fecit, ut nos sumus justitia Dei in ipso (*II Cor. V, 20, 21*). Eum ipsum, inquit, Christum Deum, qui non norerat peccatum. Venit enim in carne, hoc est in similitudine carnis peccati (*Rom. VIII, 3*), non tamen in carne peccati, non habens ullum omnino peccatum: et ideo factus est verum sacrificium pro peccato, quia nullum habebat ipse peccatum.

6. Sed forte de sensu meo dixi, quia *peccatum sacrificium* est pro peccato. Qui legerunt, agnoscant; qui non legerunt, non sint pigni: non sint, inquam, pigni ad legendum, ut veraces sint ad judicandum. Cum de sacrificiis enim praecepit Deus offerendis pro peccato, in quibus sacrificiis non erat expiatio peccatorum, sed umbra futurorum, eadem ipsa sacrificia, easdem ipsas hostias, easdem ipsas victimas, easdem ipsa animalia quae admovebantur mactanda pro peccatis, in quorum sanguine sanguis illi figurabatur, peccata Lex appellat: usque adeo ut in quibusdam locis scriptum sit ita, ut sacerdotes immolatur ponerent manus suas super caput peccati, id est, super caput victimæ imminolande pro peccato.

Tale ergo *peccatum*, id est, *sacrificium pro peccato*, factus est Dominus noster Jesus Christus, qui non norerat peccatum.

7. Merito liberat ab hac servitute peccati ille qui dicit in Psalmis: *Factus sum tanquam homo sine adiutorio, inter mortuos liber* (*Psal. LXXXVII, 5, 6*). Solus enim liber, quia non habebat peccatum. Ipse enim dicit in Evangelio: *Ecce venit princeps hujus mundi, diabolus significans venturum in Iudeis persecutoribus; ecce, inquit, venit, et in me nihil inveniet* (*Joan. XIV, 30, 31*). Non quomodo in eis quos occidit etiam justos, invenit qualemque peccatum, in me nihil inveniet. Et tanquam ei diceretur, si nihil in te inveniet, quare te occidet? Subjecit, et ait: *Sed ut sciant omnes quia voluntatem Patris mei facio, surgite, eamus hinc.* Non, inquit, mortem mei peccati necessitate persolvo, sed in eo quod morior, voluntatem Patris mei facio: plusque ibi facio quam patior, quia si nolle, nec passus essem. Habes illum alio loco dicentem, *Potestatem habeo ponendi animam meam, et potestatem habeo iterum sumendi eam.* (*Id. X, 18*). Ecce vere in mortuis liber.

8. Cum ergo omnis qui facit peccatum, servus sit peccati, quæ sit spes nobis libertatis, audite. *Servus autem, inquit, non manet in domo in æternum.* Ecclesia est dominus, servus peccator est. Intrant multi in Ecclesiam peccatores. Non ergo dixit, *Servus non est in domo; sed, non manet in domo in æternum.* Si ergo nullus ibi servus erit, quis ibi erit? *Cum enim rex justus sederit in throno, sicut Scriptura loquitur, quis gloriabitur castum se habere cor? aut quis gloriabitur mundum se esse a peccato* (*Prov. XX, 8, 9*)? Multum nos terruit, o fratres mei, dicendo, *Servus non manet in domo in æternum.* Adjungit autem, et dicit, *Filius autem manet in æternum.* Ergo solus in domo sua erit Christus? nullus illi populus cohærebit? Cui erit caput, si non erit corpus? An forte totum hoc Filius, caput et corpus? Non enim sine causa et terruit, et spem dedit: terruit, ne peccatum amaremus; spem dedit, ne de peccati solutione disfideremus: *Omnis, inquit, qui facit peccatum, servus est peccati.* *Servus autem non manet in domo in æternum.* Quæ ergo nobis spes est, qui non sumus sine peccato? Audi spem tuam; *Filius manet in æternum.* Si ergo vos Filius liberaverit, tunc vere liberi eritis. Hæc spes nostra est, fratres, ut a libero liberemur, et liberando servos nos faciat: servi enim eramus cupiditatis, liberati servi efficiuntur charitatis. Hoc et Apostolus dicit: *Vos autem fratres in libertatem vocati estis; tantum ne libertatem in occasionem carnis delis, sed per charitatem servite invicem* (*Galat. V, 13*). Non ergo dicat christianus: Liber sum, in libertatem vocatus sum: servus eram, sed redemptus sum, et ipsa redemptio liber effectus sum, faciam quod volo; nemo me prohibeat a voluntate mea, si liber sum. Sed si ista voluntate peccatum facis, servus es peccati. Noli ergo libertate abuti ad libere peccandum, sed utere ad non peccandum. Erit enim voluntas tua libera, si fuerit pia. Eris liber, si fueris servus; liber peccati, servus iustitiae:

dicente Apostolo, *Cum servi essetis peccati, liberi eratis iustitiae: nunc autem liberati a peccato, servi autem facti Deo, habetis fructum restrum in sanctificationem, finem vero vitam æternam (Rom. vi, 20, 22).* Hoc conemur, id agamus.

9. Prima libertas est carere criminibus. Intendite, fratres mei, intendite; ne forte possim perducere vobis ad sensum et qualis modo sit, et qualis futura sit ista libertas. Quemlibet valde justum discussias in hac vita, quamvis Jam sit dignus justi vocabulo, non est tamen sine peccato: audi ipsum sanctum Joannem, cuius et hoc Evangelium est, in Epistola sua dicentem, *Si dixerimus, inquit, quia peccatum non habemus, nos ipsos decipimus, et veritas in nobis non est (I Joan. i, 8).* Solus hoc dicere potuit in mortuis liber, de solo dici potuit qui non noverat peccatum; de solo dici potuit: etenim expertus est omnia secundum similitudinem sine peccato (*Nebr. iv, 15*). Solus dicere potuit, *Ecce veniet princeps mundi, et in me nihil inveniet.* Quemcumque alium licet justum discusseris, non omnimodo est sine peccato. Nec qualis erat Job, cui Dominus tale testimonium perhibebat, ut diabolus invideret, et postularet tentandum, tentans superaretur, ut ille probaretur (*Job. i, ii*). Ideo autem ille probatus est, non quia latebat Deum corona:ndus, sed ut innotesceret hominibus imitandus. Etiam ipse Job quid dicit? *Quis enim mundus? Nec infans, cuius est unius diei vita super terram (Id. xiv, 4, sec. LXX).* Sed plane multi justi dicti sunt sine querela, quod intelligitur sine crimen: nulla enim querela justa est de his in rebus humanis, qui non habent crimen. Crimen autem est peccatum grave, accusatione et damnatione dignissimum. Non ergo Deus quædam peccata damnat, quædam justificat et laudat: nulla laudat, odit omnia. Quomodo odit medicus ægritudinem ægroti, et id agit curando ut ægritudo pellatur, æger levetur: sic Deus gratia sua hoc in nobis agit, ut peccatum consumatur, homo liberetur. Sed quando consumitur, inquies? Si minuitur, quare non consumitur? Minuitur autem in vita proficiens, quod in vita consumitur perfectorum.

10. Prima est ergo libertas, carere criminibus. Ideo et apostolus Paulus quando elegit ordinandos vel presbyteros vel diaconos, et quicumque ordinandus est ad præposituram Ecclesie, non ait, *Si quis sine peccato est;* hoc enim si diceret, omnis homo reprobaretur, nullus ordinaretur: sed ait, *Si quis sine crimen est (I Tim. iii, 10, et Tit. i, 6),* sicuti est hominidium, adulterium, aliqua inmunditia fornicationis, furtum, fraudus, sacrilegium, et cætera hujusmodi. Cum corporit ea non habere homo (debet autem non habere omnis christianus homo), incipit caput erigere ad libertatem: sed ista inchoata est, non perfecta libertas. Quare, inquit aliquis, non est perfecta libertas? Quia video aliam legem in membris meis, repugnantem legi mentis meæ: non enim quod volo ago, ait, sed quod odi illud facio (*Galat. v, 17*). Caro, inquit, concupiscit adversus spiritum, et spiritus adversus carnem, ut non ea quæ vultis illa faciatis. Ex parte li-

bertas, ex parte servitus: nondum tota, nondum pura, nondum plena libertas, quia nondum æternitas. Hæbemus enim ex parte infirmitatem, ex parte accepimus libertatem. Quidquid peccatum est a nobis, antea deletum est in Baptismo. Numquid quia deleta est tota iniquitas, nulla remansit infirmitas? Si non remansisset, sine peccato hic viveremus. Quis autem audeat hoc dicere nisi superbus, nisi misericordia liberatoris indignus, nisi qui seipsum vult decipere, et in quo veritas non est? Ergo ex eo quod remansit aliquid infirmitatis, audeo dicere, ex qua parte servimus Deo, liberi sumus: ex qua parte servimus legi peccati, adhuc servi sumus. Unde dicit Apostolus quod dicere coeparamus: *Condelector legi Dei secundum interiorem hominem.* Ecce unde liberi, unde condelectamur legi Dei: libertas enim delectat. Nam quamdui timore facis quod justum est, non Deus te delectat¹. Quamdui adhuc servus facis, te non delectat: delectet te, et liber es. Noli timere poenam, sed ama justitiam. Nondum potes amare justitiam? time vel poenam, ut pervenias ad amandam justitiam.

11. Ergo jam ille ex parte superiori liberum esse sentiebat, unde dicebat, *Condelector legi Dei secundum interiorem hominem.* Delectat me lex, delectat me quod jubet lex, delectat me ipsa justitia. *Video autem aliam legem in membris meis:* hæc est quæ remansit infirmitas: *repugnantem legi mentis meæ, et captivantem me in lege peccati, quæ est in membris meis.* Ex hac parte sentit captivitatem, ubi non est impleta justitia: nam ubi condelectatur legi Dei, non captivus, sed legis amicus est; et ideo liber, quod amicus. Quid ergo ex eo quod restat? Quid, nisi respiciamus ad illum qui dixit, *Si vos Filius liberaverit, tunc vere liberi eritis?* Denique et ipse qui loquebatur, ad illum respexit: « Infelix ego homo, quis me liberabit, inquit, de corpore mortis hujus? Gratia Dei per Jesum Christum Dominum nostrum. Ergo si vos Filius liberaverit, tunc vere liberi eritis. » Denique ita conclusit: « Igitur ipse ego mente servio legi Dei, carne autem legi peccati (*Rom. vii, 19-25*). Ipse ego, inquit: non enim duo sumus inter nos contrarii de diversis principiis venientes; sed ego ipse mente servio legi Dei, carne autem legi peccati, quamdui languor obluctatur saluti.

12. Sed si carne servis legi peccati, fac quod ait ipse Apostolus: *Non ergo regnet peccatum in vestro mortali corpore ad obedientium desideriis ejus, neque exhibeat membra vestra arma iniquitatis peccato (Rom. vi, 12, 13).* Non ait, Non sit; sed, *Non regnet.* Quamdui peccatum necesse est esse in membris tuis, saltem illi regnum auferatur, non fiat quod jubet. Surgit ira? noli dare iræ linguam ad maledicendum; noli dare iræ manum aut pedem ad feriendum. Non surget ira ista irrationalis, nisi peccatum esset in membris: sed tolle illi regnum, non habeat arma unde contra te pugnet; discesset etiam non surgere, cum arma corporis non invenire. *Non exhibeat membra*

¹ Unus e MSS. omittit, *Dens.* Forte legendum, *nondum te delectat.* Mox veteres codices Fossatensis et Carrassonensis prosequantur sic: *Quamdui te non delectat, auius servus factus.*

vestra arma iniquitatis peccato; alioquin toti captivi eritis, et non erit dicere, *Mente servio legi Dei*. Mens enim si teneat arma, membra non moventur in ministerium furentis peccati. Teneat arcem imperator interior, quia sub majore imperatore juvandus assistit; frenet iram, coerceat concupiscentiam. Inest tamen quod frenetur, inest quod coerceatur, inest quod teneatur. Quid autem volebat ille justus mente serviens legi Dei, nisi ut omnino non esset quod frenaretur? Et hoc debet conari omnis qui tendit ad perfectionem, ut et ipsa concupiscentia cui non dantur ad obediendum membra, quotidie in proficiente minuantur. *Velle*, inquit, *adjacet mihi, perficere autem bonum non* (*Rom. vii, 18*). Numquid dixit, Non mihi adjacet facere bonum? Si hoc dixisset, spes nulla esset. Non ait, Non mihi adjacet facere, sed, *Non mihi adjacet perficere*. Quae est enim perfectio boni, nisi consumptio et finis mali? Quae est autem consumptio mali, nisi quod Lex dicit, *Non concupiscere* (*Exod. xx, 17*)? Omnino non concupiscere perfectio boni est, quia consumptio mali est. Illoc dicebat ille, *Perficere bonum non mihi adjacet*; quia non poterat facere ut non concupiseret: faciebat tantum ut concupiscentiam refrenaret, ut concupiscentiae non consentiret, et concupiscentiae membra ad satellitum non preberet. *Perficere ergo*, inquit, *bonum non mihi adjacet*: non possum implere quod dictum est, *Non concupiscere*. Quid ergo opus est? Ut impleas, *Post concupiscentias tuas non eas* (*Ecli. xviii, 30*). Illoc age interim quamdiu insunt illicite concupiscentiae in carne tua, *Post concupiscentias tuas non eas*. Mane in servitute Dei, in libertate Christi; mente servi legi Dei tui. Noli te dare concupiscentiis tuis: sequendo cas, vires eis addis; dando eis vires quomodo vincis, quando contra te inimicos nutris vibibus tuis?

15. Quae igitur libertas plena atque perfecta in illo Domino Iesu qui dixit, *Si vos Filius liberaverit, tunc vere liberi eritis*; quando plena et perfecta libertas erit? Quando nullae inimicitiae, quando novis-ima inimica destruetur mors. Oportet enim corruptibile hoc induere incorruptionem, et mortale hoc induere immortalitatem: cum autem mortale hoc induerit immortalitatem, tunc siet sermo qui scriptus est, Absorpta est mors in victoriā. Ubi est, mors, contentio tua? (*I Cor. xv, 26, 53, 54, 55*)? Quid est, *Ubi est, mors, contentio tua?* Caro concupisebat adversus spiritum, et spiritus adversus carnem, sed quando peccati caro vigebat. *Ubi est, mors, contentio tua?* Jam vivemus, jam non moriemur, in illo qui pro nobis mortuus est et resurrexit: *ut qui vivunt, inquit, jam non sibi vivant, sed ei qui pro ipsis mortuus est et resurrexit* (*II Cor. v, 15*). Prececum medicum saucii, portemur in stabulum curandi. Ille est enim qui promittit sanitatem, qui miseratus est in via semivivum a latronibus derelictum¹: infudit oleum et vinum, curavit vulnera, levavit in jumentum, perduxit in stabulum, stabulario commendavit. Cui stabulario? Forte illi qui dixit, *Pro Christo legatione fungimur* (*Ibid. 20*).

¹ *Mas.*, miseratus est in via semivivum a latronibus derelicto.

Dedit etiam duos nummos, qui impenderentur saucio curando (*Luc. x, 30 31*): forte ipsa sunt duo praecepta, in quibus tota Lex pendet et Prophete (*Math. xxii, 37-40*). Ergo, fratres, et Ecclesia hoc tempore, in qua saucus sanatur, stabulum est viatoris: sed ipsi Ecclesia sursus est hereditas possessoris.

TRACTATUS XLII.

Ab eo quod scriptum est, Scio quis filii Abrahæ estis, sed queritis me interficere; usque ad id, Propterea vos non auditis, quia ex Deo non estis. *Cap. viii, 37-47*.

1. Dominus noster etiam in forma servi non servus, sed in forma etiam servi Dominus (sunt quippe illa carnis forma servilis, sed quamvis esset similitudo carnis peccati [*Rom. viii, 3*], non erat caro peccati), libertatem promisit credentibus in se: Judæi vero tanquam de sua libertate superbientes, designati sunt fieri liberi, cum essent servi peccati. Ideo autem se liberos esse dixerunt, quia semen erant Abrahæ. Quid ergo eis ad hæc responderit Dominus, hodierna lectio cum recitaretur, audivimus. *Scio*, inquit, *quia filii Abrahæ estis: sed queritis me interficere, quia sermo meus non capit in vobis*. Agnosco vos, inquit: *fili Abrahæ estis, sed queritis me interficere*. Agnosco carnis originem, non cordis fidem. *Fili Abrahæ estis*, sed secundum carnem. Ideo, inquit, *queritis me occidere: sermo enim meus non capit in vobis*. Si sermo meus caperetur, caperet; si caperemini, intra recta fidei tanquam pisces concluderemini. Quid est ergo, *non capit in vobis*? Non caput cor vestrum, quia non recipitur a corde vestro. Sic enim est sermo Dei, et sic esse debet fidelibus, tanquam pisci hamus; tunc capit quando capitur. Nec sit injuria illis qui capiuntur: ad salutem quippe, non ad perniciem capiuntur. Unde Dominus discipulis suis ait: *Venite post me, et faciam vos pescatores hominum* (*Math. iv, 19*). Non ergo isti erant tales: et tamen filii Abrahæ erant; filii hominis Dei, homines iniqui. Trahebant enim carnis genus, sed degeneres facti erant, non imitando fidem illius cuius filii erant.

2. Audistis certe Dominum dicentem, *Scio quia filii Abrahæ estis*; audite quid dicat postea: *Ego quod vidi apud Patrem meum, loquor; et vos quæ vidistis apud patrem vestrum, facitis*. Jam dixerat, *Scio quia filii Abrahæ estis*. Quid autem faciunt? Quod eis dixit, *Queritis me occidere*. Illoc apud Abraham nunquam videbuntur. Dominus autem Patrem Deum vult intelligi cum dicit, *Quæ vidi apud Patrem meum, loquor*. Veritatem vidi, veritatem loquor, quia Veritas sum. Si enim Dominus veritatem loquitur quam vidi apud Patrem; se vidit, se loquitur: quia ipse est Veritas Patris, quam vidi apud Patrem; ipse est enim Verbum, quod Verbum erat apud Deum. Isti ergo malum quod faciunt, quod Dominus objurgat et corripit, ubi viderunt? Apud patrem suum. Cum audierimus in consequentibus apertius dictum quis sit eorum pater, tunc intelligimus qualia viderint apud talern patrem: abduc enim non nominat patrem ipsorum. Paulus superius Abraham commemoravit, sed carnis origine, non vite similitudine: dicturus est alterum patrem illorum, qui nec

genuit eos, nec creavit ut homines essent; sed tamen sibi erant ejus in quantum mali erant, non in quantum homines erant; in quo imitati, non quod creati.

3. Responderunt, et dixerunt ei : Pater noster Abraham est : quasi, Quid tu dicturus es contra Abraham? aut, Si aliquid potes, aude reprehendere Abraham. Non quia Dominus non audebat reprehendere Abramam; sed talis erat Abramam qui non reprehenderetur a Domino, sed potius laudaretur: tamen isti videbantur eum provocare, ut aliquid mali diceret de Abraham, et esset occasio faciendi quod cogitabant. **Pater noster Abraham est.**

4. Audiamus quomodo eis responderit Dominus, cum illorum damnatione laudans Abraham, Dicit eis Jesus : *Si filii Abrahæ estis, opera Abrahæ facite. Nunc autem quæratis me interficere, hominem qui veritatem robis locutus sum, quam audiri a Deo : hoc Abraham non fecit.* Ecce ille laudatus, isti damnati. Abraham non erat homicida. Non dico, inquit, Ego Dominus sum Abrahæ: quod si dicerem, verum dicere. Nam dixit alio loco, *Ante Abraham ego sum* (*Joan. viii, 58*): tunc enim illi lapidare voluerunt: non dixit hoc. Interim quod videtis, quod aspicitis, quod me solum putatis, homo sum: hominem dicentem vobis quod audiuit a Deo, quare vultis occidere, nisi quia non estis filii Abrahæ? Et tamen superius ait, *Scio quia filii Abrahæ estis.* Non negat eorum originem, sed facta condemnata: caro eorum ex illo erat, sed vita non erat.

5. Nos autem, charissimi, numquid de genere venimus Abrahæ, aut ullo modo Abraham pater noster fuit secundum carnem? Originem de carne ejus caro Iudeorum dicit, non caro Christianorum: nos de aliis gentibus venimus; et tamen imitando, Abrahæ filii facti sumus. Audi Apostolum: *Abrahæ dictæ sunt promissiones et semini ejus. Non dicit, inquit, Et seminibus, tanquam in multis; sed tanquam in uno, Et semini tuo, quod est Christus.* Si autem vos Christi, ergo semen Abrahæ estis, secundum promissionem heredes (*Galat. iii, 16, 29*). Nos ergo facti sumus semen Abrahæ gratia Dei. Non de carne Abrahæ fecit illi coheredes Deus. Illos exheredavit, istos adoptavit: et de arbore illa olivæ, cuius radix est in Patriarchis, ramos naturales superbos amputavit, humilem oleastrum inseruit (*Rom. xi, 17*). Ideo cum venirent ad Joannem baptizandi Iudei, erupit in illos, et ait illis, *Generatio viperarum.* Maxime quippe de altitudine originis gloriantur: ille autem generationem eos dixit viperarum; non saltem hominum, sed viperarum. Hominum formam videbat, sed venenum agnoscebat. Venerant tamen mutandi¹, quia utique baptizandi: et ait illis, *Generatio viperarum, quis vobis ostendit fugere a ventura ira? Facie ergo fructus dignos pœnitentia. Et nolite dicere intra ros ipsos, Patrem habemus Abraham: potens est enim Deus de lapidibus istis suscitare filios Abrahæ* (*Matth. iii, 7-9*). Si fructus dignos pœnitentiae non feceritis, nolite vobis de illa stirpe blandiri: potens est Deus et vos damnare, et Abraham filii non fraudare. Habet enim unde excitat filios Abrahæ: sicut filii qui si-

dem fuerint imitati: *Potens est Deus de lapidibus istis suscitare filios Abrahæ.* Nos sumus: in parentibus nostris lapides eramus, quando pro Deo lapides colebamus; de talibus lapidibus familiam Deus fecit Abrahæ.

6. Quid se ergo extollit inanis et vana jactatio? Filii Abrahæ gloriari jam desinant: audierunt quod audire debuerunt, *Si filii Abrahæ estis,* factis probate, non verbis. *Quæratis me occidere hominem:* interim non dico Filium Dei, non dico Deum, non dico Verbum, quia non moritur Verbum; hoc dico quod videtis, quia et quod videtis potestis occidere, et quem non videtis offendere. *Hoc ergo Abraham non fecit. Vos finitis opera patris vestri.* Et adhuc non dicit quis est iste pater eorum.

7. Modo illi quid responderunt. Coepérunt enim utrumque cognoscere, non de carnis generatione Dominum loqui, sed de vita institutione. Et quia consuetudo Scripturarum est, quas legebant, fornicationem spiritualiter appellare, cum diis multis et falsis anima tanquam prostituta subjicitur, ad hoc responderunt: *Dixerunt itaque ei, Nos ex fornicatione non sumus nati, unum patrem habemus Deum.* Jam viluit Abraham. Repulsi enim sunt, quomodo repelli debuerunt ore veridico; quia talis erat Abraham, cuius facta non imitabantur, et de illius genere gloriantur. Et mutaverunt responsionem; credo, dicentes apud semetipsos: *Quotiescumque nominaverimus Abraham, dicitur est nobis. Quare non imitamini eum, de cuius genere gloriamini?* Nos sanctum, justum, innocentem, tantum virum imitari non possumus: Deum dicamus patrem nostrum, videamus quid nobis dicturus est.

8. Prorsus falsitas invenit quod dicere, et non invenerit veritas quid responderet? Audiamus quid dicant, audiamus quid audiant: *Unum, inquit, patrem habemus Deum. Dicit ergo eis Jesus : Si Deus pater vester esset, diligerelis utique me : ego enim ex Deo processi et veni. Neque enim a meipso veni, sed ille me misit.* Dicitis Deum patrem, agnoscite me vel fratrem. Verumtamen erexit intelligentibus cor, et illud tetigit quod solet dicere, *Non a meipso veni, ille me misit, a Deo processi et veni.* Mementote quid soleamus dicere, Ab illo venit; et a quo venit, cum illo venit. Christi ergo missio; est incarnationis. Quod vero de Deo processit Verbum, æterna processio est: non habet tempus, per quem factum est tempus. Nemo dicat in corde suo: Antequam esset Verbum, quomodo erat Deus? Nunquam dicas: Antequam esset Verbum Dei. Nunquam Deus sine Verbo fuit; quia Verbum est manens, non transiens; Deus, non sonus; per quem factum est cœlum et terra, non quod præteriit cum iis quæ facta sunt super terram. Ergo ab illo processit ut Deus, ut sequalis, ut Filius unicus, ut Verbum Patris: et venit ad nos, quia Verbum caro factum est, ut habitaret in nobis (*Joan. i, 14*). Adventus ejus, humanitas ejus: mansio ejus, divinitas ejus: divinitas ejus quo imus, humanitas ejus qua imus. Nisi nobis fieret qua iremus, nunquam ad illum manentem perveniremus.

9. Quare, inquit, loquelam meam non cognoscitis? Quia non votelis audire sermonem meum. Ideo non

¹ Sie in omniatis vñs. At in editis, mundandi.

poterant cognoscere, quia non poterant audire. Sed unde audire non poterant, nisi quia corrigi credendo nolebant? Et hoc unde? *Vos a patre diabolo estis.* Quamdiu patrem commemoratis? Quamdiu patres mutatis, modo Abraham, modo Deum? Audite a Filio Dei, cuius sitis filii: *A patre diabolo estis.*

10. Hic jam cavenda est haeresis Manichaeorum, quae dicit esse quamdam naturam mali et quamdam gentem tenebrarum cum principibus suis, quae ausa est pugnare contra Deum: illum vero Deum, ne debellaret gens adversa regnum ejus, misisse contra eam tanquam viscera sua principes de luce sua; eamque gentem fuisse debellatam, unde diabolus originem ducit. Hinc dicunt ducere originem carnem nostram; et secundum hoc putant dictum a Domino, *Vos a patre diabolo estis*, quod essent illi velut natura mali, ducentes originem de gente contraria tenebrarum. Sic errant, sic excancantur, sic seipsos faciunt gentem tenebrarum, credendo quod falsum est contra eum a quo creati sunt. Bona est enim omnis natura; sed vitiata est hominis natura per voluntatem malam. Quod fecit Deus non potest esse malum, si ipse homo non sit sibi malus: sed plane Creator, Creator est; creature, creature est; aquari creature non potest Creatori. Discernite eum qui fecit, ab eo quod fecit. Aquari non potest fabro scannum, aquari non potest columna structori; et tamen faber si scannum fecit, lignum ipse non creavit. Dominus autem Deus noster quia omnipotens est, et Verbo fecit quod fecit: omnia quae fecit non habuit unde faceret, et tamen fecit. Facta sunt enim quia voluit, facta sunt quia dixit: sed facta factori comparari non possunt. Quæreris quod compares, Filium unicum agnosce. Unde ergo Iudei filii diaboli? Imitando, non nascendo. Audite Scripturæ sanctæ consuetudinem. Propheta dicit ad ipsos Iudeos: *Pater tuus Amorrhæus, et mater tua Cethæa* (*Ezech. xvi, 3*). Amorrhæi gens erat quedam, unde originem Iudei non duecebant: Cethæi et ipsi gentem suam habebant, omnino alienam a genere Iudeorum. Sed quia erant impii Amorrhæi et Cethæi, Iudei autem imitati sunt impietas illorum; invenerunt sibi parentes, non de quibus nascerentur, sed quorum mores sectando pariter damnarentur. Quæreris autem fortasse, unde ipse diabolus? Inde utique unde et cæteri Angeli. Sed cæteri Angeli in sua obedientia persistenterunt: ille inuidiendo et superbiendo lapsus est angelus, et factus est diabolus.

11. Sed modo audite quid dicat Dominus, *Vos*, inquit, *a patre diabolo estis, et desideria patris vestri vultis facere.* Ecce unde filii ejus; quia talia desideratis, non quia de illo nati estis. Quæ sunt illius desideria? *Ille homicida erat ab initio.* Ecce quod est, *desideria patris vestri facere vultis: Quæritis me occidere, hominem qui veritatem robis dico.* Et ille inuidit homini, et occidit hominem. Diabolus enim cum invaderet homini, serpente induitus locutus est mulieri, et de muliere venenavit et virum. Mortui sunt diaboli audiendo (*Gen. iii, 1*), quem non audissent, i.

Dominum audire voluissent: positus enim homo inter eum qui creavit, et eum qui lapsus est, ottemperare debuit Creatori, non deceptori. Ergo *ille homicida erat ab initio.* Videte genus homicidii, fratres. Homicida dicitur diabolus, nou gladio armatus, non ferro accinctus; ad hominem venit, verbum malum seminavit, et occidit. Noli ergo putare te non esse homicidam, quando fratri tuo mala persuades: si fratri tuo mala persuades, occidis. Et ut scias quia occidis, audi Psalmum: *Filiū hominum, dentes eorum arma et sagittæ, et lingua eorum machæra acuta* (*Psalm LVI, 5*). Vos ergo *desideria patris vestri vultis facere:* ideo sævit in carnem, quia non potestis in mentem. *Ille homicida erat ab initio:* utique in primo homine. Ex illo ille homicida, ex quo potuit fieri homicidium: ex illo potuit fieri homicidium, ex quo factus est homo. Non enim posset occidi homo, nisi p ius fieri homo. *Homicida ergo ille ab initio.* Et unde homicida? *Et in veritate non stetit.* Ergo in veritate fuit, sed non stando cecidit. Et quare *in veritate non stetit?* *Quia veritas non est in eo.* Non quomodo in Christo, sic est veritas, ut Christus ipse sit veritas. Si ergo iste in veritate stetisset, in Christo stetisset, sed *in veritate non stetit, quia veritas non est in eo.*

12. *Cum loquitur mendacum, ex propriis loquitur; quia mendax est, et pater ejus.* Quid est hoc? Audistis verba Evangelii, intenti accepistis: ecce repeto, ut agnoscastis quid exigatis. De diabolo Dominus ea dicebat quæ de diabolo dici a Domino debuerunt. *Ille homicida erat ab initio*, verum est; nam primum hominem occidit: *et in veritate non stetit;* quia de veritate lapsus est. *Cum loquitur mendacum, utique ipse diabolus, de propriis loquitur; quia mendax est, et pater ejus.* In his verbis quidam patrem diabolum habere putaverunt, et quæsierunt quis esset diaboli pater. Hic vero detestabilis error Manichæorum inventus adhuc qua deciperet imperitos. Solent enim dicere: Puta diabolus angelus fuit, et lapsus est; ab illo coepit peccatum, sicut dicitis: Pater ejus quis erat? Nos contra: Quis enim nostrum aliquando dixit diabolum habere patrem? Et illi contra: Dominus dicit, Evangelium loquitur, de diabolo dicens, ait, *Ille homicida erat ab initio, et in veritate non stetit; quia veritas non est in eo: cum loquitur mendacum, de propriis loquitur; quia mendax est, et pater ejus.*

13. Audi, intellige; non te longe mitto, in ipsis verbis intellige. Diabolum Dominus dixit patrem mendacii. Quid est hoc? Audi quid sit, replica modo ipsa verba, et intellige. Non omnis enim qui mentitur, pater mendacii sui est. Si enim ab alio mendacium accepisti, et dixisti; tu quidem mentitus es proferendo mendacium: sed pater mendacii ipsius non es, quia ab altero accepisti mendacium. Diabolus autem a seipso mendax fuit; mendacium suum ipse genuit, a nemine audivit. Quomodo Deus Pater genuit Filium veritatem; sic diabolus lapsus genuit quasi filium mendacium. His auditis, replica nunc et recole verba Domini: mens catholica, quid auferis adverte, quid dicat attende. *Ille: qui?* Diabo-

lus : homicida erat ab initio. Agnoscimus, occidit Adam. Et in veritate non stetit. Agnoscimus, quia de veritate lapsus est. Quia veritas non est in eo. Verum est; recedendo a veritate¹ non habet veritatem. Cum loquitur mendacium, de propriis loquitur. Non aliunde accipit unde loquatur. Cum loquitur mendacium, de propriis loquitur; quia mendax est, et pater ejus. Et mendax est, et pater mendacii. Nam tu forte mendax es, quia mendacium loqueris: sed non es pater ejus. Si enim quod dicis a diabolo accepisti, et diabolo credidisti; mendax es, pater mendacii non es: ille vero quia non aliunde accepit mendacium, quo mendacio tanquam veneno serpens hominem occideret, pater est mendacii; sicut Deus Pater est veritatis. Recedite a patre mendacii, currite ad Patrem veritatis; amplectimini veritatem, ut accipiatis libertatem.

14. Illi ergo Iudei apud patrem suum viderunt quoniam loquebantur: quid, nisi mendacium? Dominus autem apud Patrem suum vidit quod loqueretur: quid, nisi seipsum? quid, nisi Verbum Patris? quid, nisi veritatem Patris aeternam, et Patri coeternam? Ille ergo homicida erat ab initio, et in veritate non stetit, quia veritas non est in eo: cum loquitur mendacium, de propriis loquitur; quia mendax est. Et non solum mendax est, sed et pater ejus est: id est, ipsius mendacii quod loquitur, pater est, quia ipse genuit mendacium suum. Ego autem quia veritatem dico, non creditis mihi. Quis ex vobis arguit me de peccato; quomodo ego arguo et vos et patrem vestrum? Si veritatem dico quare vos non creditis mihi; nisi quia filii diaboli estis?

15. Qui est ex Deo, verba Dei audit: propterea vos non auditis, quia ex Deo non estis. Iterum nolite attendere naturam, sed vitium. Sic sunt isti ex Deo, et non sunt ex Deo: natura ex Deo, vitio non ex Deo. Obsecro vos, attendite; in Evangelio habetis unde sanemini contra errores venenosos et nefarios haereticorum. Quoniam et de his verbis solent Manichaei dicere, Ecce quia duæ naturæ sunt, una bona, et altera mala; Dominus dicit: quid dicit Dominus? Propterea vos non auditis, quia ex Deo non estis. Dicit haec Dominus. Quid ergo, inquit, tu ad ista dicis? Audi quæ dicam. Et ex Deo sunt, et ex Deo non sunt; natura ex Deo sunt, vitio non sunt ex Deo: natura enim bona quæ ex Deo est, peccavit voluntate, credendo quod diabolus persuasit, et vitiata est; ideo medicum querit, quia sana non est. Ecce quod dico. Sed impossibile tibi videtur ut ex Deo sint, et ex Deo non sint: audi quia non est impossibile. Sic sunt ex Deo, et non sunt ex Deo, quomodo et filii Abrahæ sunt, et non sunt filii Abrahæ. Hic habetis; non est quod dicatis. Ipsum Dominum audi, ipse illis dixit, Scio quia filii Abrahæ estis. Numquid Dominus mentitur? Absit. Ergo verum est quod Dominus dixit? Verum est. Verum est ergo quod illi Abrahæ filii erant. Verum est. Audi ipsum negantem. Qui dixit,

¹ Er. Lugl. et Ven., quia recedendo a veritate. Lovanienses vocem, quia, uncis includunt. M.

Filiæ Abrahæ estis, ipse illos negavit filios Abrahæ: Si filii Abrahæ estis, facta Abrahæ facite. Nunc autem queritis me occidere, hominem qui veritatem robis dico, quam audivi a Deo: hoc Abraham non fecit. Vos facitis opera patris vestri, id est diaboli. Quomodo ergo et filii Abrahæ erant, et filii Abrahæ non erant? Utrumque in illis ostendit: et filii Abrahæ erant, propter originem carnis; et non erant filii Abrahæ, propter vitium diabolice persuasionis. Sic et Dominum et Deum nostrum attendite: et ex illo erant, et ex illo non erant. Quomodo ex illo erant? Quia ipse creavit hominem de quo nati erant. Quomodo ex illo erant? Quia ipse est conditor naturæ, ipse est creator carnis et animæ. Quomodo ergo ex illo non erant? Quia vitiosi a seipsis facti erant. Ex illo non erant, quia imitando diabolum, filii diaboli facti erant.

16. Venit ergo Dominus Deus ad hominem peccatorum. Duo nomina audisti, et hominem, et peccatorem. Quod homo est, ex Deo est: quod peccator est, non est ex Deo. A natura vitium secernatur: agnoscatur natura, unde Creator laudetur; agnoscatur vitium, propter quod medicus invocetur. Quod ergo ait Dominus, Qui est ex Deo, verba Dei audit: propterea vos non auditis, quia ex Deo non estis; non naturarum mortali discrevit, aut præter suam animam et carnem, aliquam naturam in hominibus quæ peccato vitiata non esset, invenit: sed quoniam prescierat qui fuerant credituri, ipsos dixit ex Deo, quoniam regenerationis adoptione renascerentur ex Deo. Ad hos pertinet, Qui est ex Deo, verba Dei audit. Quod vero sequitur, Propterea vos non auditis, quia ex Deo non estis; eis dictum est, qui non solum peccato vitiosi erant (nam hoc malum commune erat omnibus), sed etiam præcongniti quod non fuerant credituri, ea fide qua sola possent a peccatorum obligatione liberari. Quapropter presciebat illos quibus talia dicebat, in eo permansuros quod ex diabolo erant, id est, in suis peccatis atque impietate morituros, in qua ei similes erant; nec venturos ad regenerationem in qua essent filii Dei, hoc est ex Deo nati, a quo erant homines creati. Secundum banc predestinationem locutus est Dominus: non quod aliquem hominum invenit, qui vel secundum regenerationem jam esset ex Deo, vel secundum naturam jam non esset ex Deo.

TRACTATUS XLIII.

Ab eo quod scriptum est, Responderunt igitur Iudei et dixerunt ei; usque ad id, Tulerunt ergo lapides Iudei ut jacent in eum: Jesus autem abscondit se, et exivit de templo. Cap. VIII, §. 48-59.

1. In ista lectione sancti Evangelii, quæ hodie recitata est, a potentia discimus patientiam. Quid enim sumus servi ad Dominum, peccatores ad justum, creatura ad Creatorem? Tamen quomodo si quid nihil sumus, a nobis sumus; ita quidquid boni sumus, ab illo, et per illum sumus. Et nihil sic querit homo quomodo potentiam: habet Dominum Christum magnam potentiam; sed prius ejus imitetur patientiam, ut perveniat ad potentiam. Quis nostrum patienter

(Cinquante-quatre.)

andiret si alicui diceretur, *Dæmonium habes?* Quod dictum est ei qui non solum homines salvabat, sed etiam dæmonibus imperabat.

2. Hoc enim cum dixissent Judæi, *Nonne bene dicimus nos quia Samaritanus es, et dæmonium habes?* horum duorum sibi objectorum unum negavit, alterum non negavit. Respondit enim, et ait: *Ego dæmonium non habeo.* Non dixit, Samaritanus non sum: et utique duo fuerant objecta. Quamvis maledictum male-dictio non reddiderit, quamvis convictionem non convicio refutaverit; pertinuit tamen ad eum negare unam rem, alteram non negare. Non frustra, fratres. Samaritanus enim interpretatur Custos. Noverat se ille nostrum esse custodem. *Non enim dormit neque dormitat qui custodit Israel* (*Psal. cxx, 4*): et, *Nisi Dominus custodierit civitatem, in vanum vigilabunt qui custodiunt* (*Psal. cxxvi, 1*). Est ergo ille custos noster, qui creator noster. Num enim pertinuit ad eum ut redimeremur, et non pertineret ut servaremur? Denique ut plenius noveritis mysterium quare se Samaritanum negare non debuit, parabolam illam notissimam attendite, ubi homo quidam descendebat ab Jerusalem in Jericho, et incidit in latrones, qui eum graviter vulnerantes, semivivum in via reliquerunt. Transiit sacerdos, neglexit eum: transiit Levites, et ipse præteriit: transiit quidam Samaritanus, ipse est custos noster; ipse accessit ad saucium, ipse impedit misericordiam, cique se præstít proximum, quem non deputavit alienum (*Luc. x, 30-37*). Ad hoc ergo solum quod dæmonium non haberet, non autem se Samaritanum non esse, respondit.

3. Deinde post tale convictionem, hoc solum dixit de gloria sua: *Sed honorifico, inquit, Patrem meum, et vos inhonorastis me.* Illoc est, Ego me non honorifico, ne vobis arrogans videar, habeo quem honorissem; sed si vos me agnoscetis, sicut ego honorifico Patrem, sic et vos honoriscaeris me: ego facio quod debeo, vos non facitis quod debetis.

4. *Ego autem, inquit, non querro gloriam meam; est qui querat et judicet.* Quem vult intelligi, nisi Patrem? Quomodo ergo alio loco dicit, *Pater non judicat quemquam, sed omne iudicium dedit Filio* (*Joan. v, 22*); et hic dicit, *Non querro gloriam meam; est qui querat et judicet?* Si ergo judicat Pater, quomodo non judicat quemquam, sed omne iudicium dedit Filio?

5. Hanc questionem ut solvamus, attendite; similiori locutione solvi potest. Scriptum habes, *Deus neminem tentat* (*Jacobi i, 13*); et iterum scriptum habes, *Tentat vos Dominus Deus vester, ut sciat si diligitis eum* (*Deut. xiii, 5*). Nempe quæstio est, videtis. Quomodo enim *Deus neminem tentat*, et quomodo *tentat vos Dominus Deus vester, ut sciat si diligitis eum?* Item scriptum est, *Timor non est in charitate, sed perfecta caritas foras mittit timorem* (*I Joan. iv, 18*); et alio loco scriptum est, *Timor Domini castus, permanens in sæculum sæculi* (*Psal. xviii, 10*). Et ipsa quæstio est. Quomodo enim, *perfecta caritas foras mittit timorem*, si *timor Domini castus permanet in sæculum sæculi?*

6. Intelligimus ergo duas esse tentationes; unam quæ decipit, alteram qua probat: secundum eam quæ decipit, *Deus neminem tentat*; secundum eam quæ probat, *tentat vos Dominus Deus vester, ut sciat si diligitis eum*. Sed iterum et hic alia nascitur quæstio, quomodo *tentat ut sciat*, quem latere nihil potest antequam tentet. Non ergo Deus nescit: sed dicunt est, *ut sciat*, quod est, ut scire vos faciat. Læcutiones tales et in sermonibus nostris sunt, et in auctoribus eloquentiæ reperiuntur. De sermone nostro aliiquid dicam. Fossa cæca dicitur, non quia ipsa orulos perdidit, sed quia latendo non videntes facit. Aliiquid et de illis auctoribus dicam. Tristes lupinos ait quidam (*Virg. Georg. lib. I, v. 75*), hoc est amaros: non quia ipsi sunt tristes, sed quia gustati contristant, hoc est, tristes faciunt. Sunt ergo et in Scripturis locutiones ejusmodi. Qui in talibus questionibus cognoscendis laborant, in solvendis talibus questionibus non laborant. Ergo *tentat vos Dominus Deus vester, ut sciat*: quid est, *ut sciat*? Ut scire vos faciat, *si diligitis eum*. Job latebat se, sed Deum non latebat; admisit tentatorem, et fecit eum sui cognitorem.

7. Quid de duabus timoribus? Est timor servilis, et est timor castus; est timor ne patiaris poenam, est alijs timor ne amittas justitiam. Timor ille ne patiaris poenam, servilis est. Quid magnum est timere poenam? Hoc et nequissimus servus, hoc et crudelissimus latro. Non est magnum timere poenam, sed magnum est amare justitiam. Qui ergo amat justitiam, nihil timet? Timet plane: non ne incidat in poenam, sed ne amittat justitiam. Fratres mei, credite, et concicite ex eo quod amatis. Amat aliquis vestrum pecuniam. Putas, invenio aliquem qui non amet? Ex hoc tamen ipso quod amat, intelligat quod dico. Timet damnum: quare timet damnum? Quia pecuniam diligit. Quantum amat pecuniam, tantum tinet ne perdat pecuniam. Ergo invenitur aliquis amator justitiae, qui plus in corde damnum pertimescat, qui plus timeat exscoliari justitia, quam tu pecunia. Ipse est timor castus, ipse permanet in sæculum sæculi: non eum tollit charitas, nec foras mittit, sed magis complectitur, et comitem tenet simul et possidet. Venimus enim ad Dominum, ut videamus facie ad faciem: ibi timor castus nos servat; timor enim ille non perturbat, sed confirmat. Timet mulier adultera ne vir ejus veniat, timet et casta ne vir ejus abscedat.

8. Ergo sicut secundum aliam temptationem, *Deus neminem tentat*; secundum aliam vero, *tentat vos Dominus Deus vester*: et secundum alium timorem, *timor non est in charitate, sed perfecta caritas foras mittit timorem*; secundum vero alium timorem, *timor Domini castus permanet in sæculum sæculi*: sic et hoc loco, secundum alterum iudicium, *Pater non judicat quemquam, sed omne iudicium dedit Filio*; secundum vero alterum iudicium, *Ego, inquit, non querro gloriam meam; est qui querat et judicet*.

9. Et de ipso verbo quæstio ista solvatur. Habes in Evangelio commemorationum poenale iudicium: *Qui non credit, iam iudicatus est* (*Joan. iii, 18*); et alio

loco, *Veniet hora quando ii qui sunt in monumentis audiunt vocem ejus, et procedent qui bene fecerunt, in resurrectionem vitæ; qui male egerunt, in resurrectionem judicii (Joan. v, 28, 29).* Videte quemadmodum iudicium pro damnatione et poena posuit. Et tamen si semper iudicium pro damnatione acciperetur, numquid audiremus in Psalmo, *Judica me, Deus?* Ibi iudicium secundum afflictionem, hic iudicium secundum discretionem positum est. Quomodo secundum discretionem? Quomodo exponit ipse qui ait, *Judica me, Deus.* Lege enim et vide quid sequitur. Quid est, *Judica me, Deus?* et discerne causam meam, inquit, de gente non sancta (*Psul. XLII, 1*). Quod ergo dictum est, *Judica me, Deus,* et discerne causam meam de gente non sancta; secundum hoc ait modo Dominus Christus, *Ego non queror gloriam meam; est qui querat et judicet.* Quomodo est qui querat et judicet? Est Pater qui gloriam meam a vestra gloria discernat et separat. Vos enim secundum hoc sæculum gloriamini: ego non secundum hoc sæculum gloriior, qui Patri dico, *Pater, glorifica me ea gloria quam habui apud te, antequam mundus esset (Joan. xvii, 5)*. Quid est, *ea gloria?* Ab humana inflatione discreta. Secundum hoc judicat Pater. Quid est, judicat? Discernit. Quid discernit? Gloriam Filii sui a gloria hominum; quia ideo dictum est, *Uncit te, Deus, Deus tuus oleo exultationis præ participibus tuis (Psal. XLIV, 8)*. Non enim quia homo factus est, jam comparandus est nobis. Nos homines cum peccato, ille sine peccato: nos homines trahentes de Adam et mortem et delictum; ille de Virgine carnem mortalem, nullam iniuriam. Denique nos nec quia volumus nati sumus, nec quamdiu volumus vivimus, nec quomodo volumus morimur: ille antequam nasceretur elegit de qua nasceretur, natus fecit ut a Magis adoraretur, crevit infans, et miraculis se Deum ostendebat, et infirmitate hominem præferebat. Postremo elegit et genus mortis, hoc est, ut in cruce penderet, et ipsam crucem in frontibus fidelium figeret: ut dicat Christianus, *Mihi autem abiit gloriari, nisi in cruce Domini nostri Jesu Christi (Galat. vi, 14)*. In ipsa cruce quando voluit, corpus dimisit, et abscessit: in ipso sepulcro quamdiu voluit, jacuit; quando voluit, tanquam de lecto surrexit. Ergo, fratres, secundum ipsam formam servi, (nam illud quis digne loquitur, *In principio erat Verbum, et Verbum erat apud Deum, et Deus erat Verbum?*) secundum ipsam, inquam, formam servi multum interest inter gloriam Christi, et gloriam hominum ceterorum. De ipsa gloria dicebat, quando quod dæmonium haberet audiebat, *Ego non queror gloriam meam; est qui querat et judicet.*

10. Tu autem de te, Domine, quid dicas? Amen, amen dico vobis; si quis sermonem meum servaverit, mortem non videbit in æternum. Vos, inquit, dicitis, *Dæmonium habes; ego vos ad vitam voco: servate sermonem meum, et non moriemini.* Illi audiebant, *Mortem non videbit in æternum, qui sermonem meum servaverit;* et irascebantur, quia jam mortui erant illa morte quæ vitanda erat. Dixerunt ergo Judei: *Nunc*

cognovimus quia dæmonium habes. Abraham mortuus est et Prophetæ, et tu dicas, Si quis sermonem meum servaverit, mortem non gustabit in æternum. Vide locutionem Scripturarum: Mortem non videbit, id est, gustabit. Mortem videbit, mortem gustabit. Quis videt? quis gustat? Quos oculos habet homo, ut videat quando moritur? Quando veniendo mors ipsos oculos claudit ne aliquid videant; quomodo dicitur, non videbit mortem? Item quo palato, quibus faucibus mors gustatur, ut quid sapiat dignoscatur? Quando totum sensum tollit, quid in palato remanebit? Sed videbit dictum est et gustabit, pro eo quod est, experietur.

11. Hæc Dominus, parum est si dicam, morituris loquebatur moriturus: quia et Domini exitus mortis (*Psal. LXVII, 21*), sicut loquitur Psalmus. Cum ergo et morituris loqueretur, et moriturus loqueretur, quid sibi vult quod ait, *Qui sermonem meum servaverit, mortem non videbit in æternum;* nisi quia videbat Dominus aliam mortem, de qua nos liberare venerat, mortem secundam, mortem æternam, mortem gehennarum, mortem damnationis cum diabolo et angelis ejus? Ipsa est vera mors: nam ista migratio est. Quid est ista mors? Relictio corporis, depositio sarcinæ gravis: sed si alia sarcina non portetur, qua homo in gehennas precipitetur. De ipsa ergo morte Dominus dixit, *Mortem non videbit in æternum, qui sermonem meum servaverit.*

12. Non expavescamus istam mortem, sed illam timeamus. Quod est autem gravius, multi perverse timendo istam, inciderunt in illam. Dictum est aliquibus, Adorate idola; quod si non feceritis, interficiemini: aut quemadmodum ille Nabuchodonosor dixit, *Si non feceritis, mittemini in caninum ignis ardoris.* Multi timuerunt et adoraverunt; nolentes mori mortui sunt: timendo mortem quæ non evaditur, inciderunt in mortem quæ evadere feliciter possent, si istam quæ non evaditur, infeliciter non timerent. Natus es homo, moritrus es. Qua ibis, ut non moriaris? quid facies ut non moriaris? Ut Dominus tuus necessitate moritrum consolaretur, voluntate mori dignatus est. Quando vides Christum mortuum, dignebaris mori? Ergo moritrus es: qua evadas hoc, non habes. Hodie sit, cras sit; futurum est, debitum est reddendum. Quid ergo agit homo timens, fugiens, occultans se ne inveniatur ab inimico? Numquid agit ut non moriatur? Sed ut paulo serius moriatur. Non accipit debiti securitatem, sed postulat dilationem. Quantumlibet diu differatur, veniet quod differtur. Illam mortem timeamus quam timuerunt tres viri, quando dixerunt regi: *Potens est Deus etiam de ista flamma liberare nos; sed et si non (Dan. iii, 15, 17, 18)*. Ibi fuit timor illius mortis¹, quammodo Dominus communiciatur, quando dixerunt. Sed et si noluerit aperte liberare, potest in occulto coronare. Unde et ipse Dominus facturus martyres, et caput martyrum futurus ait: *Nolite timere eos qui occidunt corpus, et postea non habent quid faciant. Quomodo non habent*

¹ Juxta Fr. Lugd. et Ven. legendum, liberare nos, et si illi nol. fuit timor illius mortis. M.

quid faciant? Quid si cum occiderint, corpus bestiis tacerandum et diripiendum alibus projiciant? videatur adhuc saevitiae habere quod faciat. Sed cui facit? Qui migravit. Inest corpus, sed nullus est sensus: habitatio jacet, habitator abscessit. Ergo postea non habent quid faciant: non sentient enim nihil faciunt. Sed eum timete qui habet potestatem et corpus et animam occidere in gehenna ignis (Matth. x., 28, et Luc. xii, 4, 5). Ecce de qua morte loquebatur, cum diceret: *Qui sermonem meum servaverit, mortem non videbit in æternum.* Servemus ergo, fratres, sermonem ipsius in fide; perventuri ad speciem, cum acceperimus plenissimam libertatem.

13. Isti autem indignantes mortui, et morti sempernae predestinati, respondebant conviciose, et dicebant: *Modo cognovimus quia dæmonium habes. Abraham mortuus est et Prophetæ.* Sed ista morte quam Dominus vult intelligi, nec Abraham mortuus est, nec Prophetæ. Illi enim mortui sunt, et vivunt: isti vivebant, et mortui erant. Nam respondens quodam loco Sadduceis moventibus quæstionem de resurrectione, hoc ait ipse Dominus: *De resurrectione autem mortuorum non legitur,* quomodo ait Dominus de rubo ad Moysen, *Ego sum Deus Abraham, et Deus Isaac, et Deus Jacob?* Non est Deus mortuorum, sed vivorum (Matth. xxii, 31 et 32; Exod. iii, 6). Si ergo illi vivunt, laboremus sic vivere, ut cum illis vivere possimus¹ cum mortui fuerimus. *Quem te ipsum facis,* inquit, ut dicas, *Mortem non videbit in æternum, qui sermonem meum servaverit;* cum scias et Abraham mortuum et prophetas?

14. Respondit Jesus: *Si ego glorifico me ipsum, gloria mea nihil est: est Pater meus qui glorificat me.* Hoc ait propter illud quod dixerunt, *Quem te ipsum facis?* Resert enim gloriam suam ad Patrem, de quo est quod Deus est. Aliquando Ariani et de isto verbo calumniantur fidei nostræ, et dicunt: *Ecce major est Pater, quia utique glorificat Filium.* Hæretici, non legisti et ipsum Filium dicentem quod glorificat Patrem suum (Joan. xvii, 4)? Si et ille Filium glorificat, et Filius Patrem glorificat: pone pervicaciam, agnosce aequalitatem, corrige perversitatem.

15. Est ergo, inquit, *Pater meus qui glorificat me, quem vos dicitis, Quia Deus noster est, et non cognovistis eum.* Videtc, fratres mei, quemadmodum ostendat ipsum Deum Patrem esse Christi, qui annuntiatus est et Judæis. Propterea dico, quia rursus quidam hæretici dicunt Deum annuntiatum in Veteri Testamento, non esse Patrem Christi; sed nescio quem principem malorum angelorum. Manichæi sunt qui ista dicunt, Marcionitæ sunt qui ista dicunt. Sunt et alii fortasse hæretici, quos commemorare vel non opus est, vel a me omnes recoli in præsentia non possunt: non defuerunt tamen qui hoc dicerent. Itaque attendite, ut habeatis quid dicatis et contra ipsos. Eum dicit Patrem suum Dominus Christus, quem illi dicebant Deum suum, et non cognoverunt: si enim ipsum eognovissent, ejus Filium receperissent. *Ego*

autem, inquit, nori eum. Secundum carnem judicantibus potuit et hinc arrogans videri, quia dixit, *Ego novi eum.* Sed videte quid sequatur: *Si dixeris quia non novi eum, ero similis vobis mendax.* Ergo arrogantia non ita caveatur, ut veritas relinquatur. *Sed scio eum, et sermonem ejus servo.* Sermonem Patris tanquam Filius loquebatur; et ipse erat Verbum Patris, quod hominibus loquebatur.

16. *Abraham pater vester exsultavit ut videret diem meum;* et vidit, et gavissus est. Magnum testimonium perhibet Abrahæ, semen Abrahæ, creator Abrahæ: *Abraham exsultavit, inquit, ut videret diem meum.* Non timuit, sed exsultavit ut videret. Erat enim in illo charitas quæ foras mittit timorem (I Joan. iv, 18). Non ait, Exsultavit, quia vidit; sed, *exsultavit ut videret.* Credens utique exsultavit sperando, ut videret intelligendo. *Et vidit,* Et quid potuit plus dicere, vel quid debuit plus dicere Dominus Jesus Christus? *Et vidit,* inquit, et gavissus est. Quis explicat hoc gaudium, fratres mei? Si gavisi sunt illi quibus Dominus oculos carnis aperuit, quale gaudium sicut videntis cordis oculis¹ lucem ineffabilem, Verbum manens, splendorem piis mentibus resurgentem, sapientiam indeficientem, apud Patrem manentem Deum, et aliquando in carne venturum, nec de Patris gremio recessurum? Totum hoc vidit Abraham. Nam quod ait, *diem meum,* incertum potest esse unde dixerit; utrum diem Domini temporalem quo erat venturus in carne, an diem Domini qui nescit ortum, nescit occasum. Sed ego non dubito patrem Abraham totum scisse. Et ubi inveniam? An sufficere nobis debet testimonium Domini nostri Jesu Christi? Putemus nos invenire non posse, quia forte difficile est, quomodo manifestum sit quod Abraham exsultavit ut videret diem Christi, et vidit, et gavissus est. Et si nos non invenimus, numquid mentiri veritas posset? Credamus veritati, et de Abrahæ meritis minime dubitemus. Tamen audite unum locum, qui mihi interim occurrit. Pater Abraham quando misit servum suum, ut peteret uxorem filio suo Isaac, hoc cum sacramento obstrinxit, ut fideliter quod jubebatur impleret, et sciret etiam ipse quid ficeret. Magna enim res agebatur, quando Abrahæ semini conjugium quærebatur. Sed ut hoc cognosceret servus quod noverat Abraham, quia nepotes non carnaliter desiderabat, nec de genere suo aliquid carnale sapiebat; ait servo suo quem mittebat: *Pone manum sub femore meo, et jura per Deum cœli* (Gen. xxiv, 2-4). Quid vult Deus cœli ad femur Abrahæ? Jam intelligitis sacramentum: per femur, genus. Ergo quæ fuit illa juratio, nisi quia significabatur de genere Abrahæ venturum in carne Deum cœli? Stulti reprehendunt Abraham, quia dixit, *Mitte manum sub femore meo.* Qui reprehendunt carnem Christi, reprehendunt factum Abrahæ. Nos autem, fratres, si agnoscimus carnem Christi venerandam, illud femur non contemnamus, sed in prophetis dictum accipiamus. Etenim propheta erat Abraham. Cujus propheta? Seminis sui et Do-

¹ Am. Bad. Er. et plures MSS., et cum illis vivere: omisso, possimus.

¹ Sic MSS. At editi, *videntibus cordis oculis.* Quam vox, oculis, abest a Bad. et MSS. nonnullis.

mini sui. Semen suum significavit dicendo, *Mitte manum sub semore meo*. Dominum suum significavit addendo, *et iura per Deum celi*.

17. Irati Iudei responderunt: *Quinquaginta annos nondum habes, et Abraham vidisti!* Et Dominus: *Amen, amen dico vobis; antequam Abraham fieret, ego sum.* Appende verba, et cognosce mysterium. *Antequam Abraham fieret.* Intellige, fieret ad humanam facturam, sum vero ad divinam pertinere substantiam. *Fieret,* quia creatura est Abraham. Non dixit, *Antequam Abraham esset,* ego eram; sed, *Antequam Abraham fieret,* qui nisi per me non fieret, ego sum. Neque hoc dixit, *Antequam Abraham fieret,* ego factus sum, *In principio enim fecit Deus celum et terram* (*Gen. 1. 1*): nam in principio erat Verbum (*Joan. 1. 1*). *Antequam fieret Abraham, ego sum.* Agnoscite Creatorem, discerite creaturam. Qui loquebatur, semen Abrahæ factus erat; et ut Abraham fieret, ante Abraham ipse erat.

18. Hinc jam velut Abrahæ apertissimo convicio commoti sunt aerius. Blasphemasse quippe illis visus est Dominus Christus, quoniam dixit, *Antequam Abraham fieret, ego sum. Tulerunt ergo lapides ut jacerent in eum.* Tanta duritia quo curreret, nisi ad similes? *Jesus autem, tanquam homo, tanquam in forma servi, tanquam humilis, tanquam passurus, tanquam moriturus, tanquam nos suo sanguine redempturus:* non tanquam ille qui est, non tanquam in principio Verbum, et Verbum apud Deum. Nam cum illi lapides tulerant ut mitterent in eum, quid magnum erat ut eos continuo dehiscens terra sorberet, et pro lapidibus inferos invenirent? Non erat magnum Deo: sed magis erat commendanda patientia, quam exserenda potentia. *Abscondit se ergo ab eis, ne lapidaretur.* Tanquam homo a lapidibus fugit: sed vix illis a quorum lapideis cordibus Deus fugit!

TRACTATUS XLIV.

Ab eo quod scriptum est, Et prateriens vidit hominem cæcum a nativitate; usque ad id, Nunc vero dicitis, Quia videmus: peccatum vestrum manet. Cap. ix.

1. De homine quem Dominus Jesus illuminavit, qui cæcus natus fuit, prolixa lectio recitata est: quam si universam pertractare conemur, pro sui dignitate, sicut valemus, singula considerantes, non sufficit dies. Proinde petra et admoneo Charitatem vestram, ut in iis quæ aperta sunt, sermonem nostrum non requiratis: nam nimis longum erit in singulis immorari. Breviter ergo cæci hujus illuminati commando mysterium. Ea quippe quæ fecit Dominus noster Jesus Christus stupenda atque miranda, et opera et verba sunt: opera, quia facta sunt; verba, quia signa sunt. Si ergo quid significet hoc quod factum est cogitemus, genus humandum est iste cæcus: hæc enim cæcitas contigit in primo homine per peccatum, de quo omnes originem duximus, non solum mortis, sed etiam iniquitatis. Si enim cæcitas est infidelitas, et illuminatio fides; quem fidelem quando venit Christus invenit? Quandoquidem Apostolus natus in gente Prophetarum dicit: *Fuimus et nos aliquando natura filii iræ, sicut et cæteri* (*Ephes. 2. 3*). Si filii iræ, filii vindictæ, filii pœnæ, filii ge-

bennæ. Quomodo *natura*, nisi quia peccante primo homine, vitium pro natura inolevit? Si vitium pro natura inolevit, secundum mentem omnis homo cæcus natus est. Si enim videt, non opus habet ductore; si opus habet ductore et illuminatore, cæcus est ergo a nativitate.

2. Venit Dominus: quid fecit? Magnum mysterium commendavit. *Exspuit in terram*, de saliva sua lumen fecit: quia Verbum caro factum est (*Joan. 1. 44*). Et inuinxit oculos cæci. Inunctus erat, et nondum videbat. Misit illum ad piscinam quæ vocatur Siloe. Pertinuit autem ad Evangelistam commendare nobis nomen hujus piscinæ; et ait, *Quod interpretatur Missus.* Jam quis sit missus agnoscat: nisi enim ille fuisset missus, nemo nostrum esset ab iniuitate dimissus. Lavit ergo oculos in ea piscina quæ interpretatur Missus, baptizatus est in Christo. Si ergo quando eum in scipso quodammodo baptizavit, tunc illuminavit; quando inuinxit, fortasse catechumenum fecit. Potest quidem aliter atque aliter tanti sacramenti exponi profunditas et pertractari¹: sed hoc sufficiat Chiaritati vestræ; audistis grande mysterium. Interroga hominem, Christianus es? Respondet tibi, Non sum, si Paganus est aut Iudeus. Si autem dixerit, Sum; adhuc quæreris ab eo, Catechumenus, an fidelis? Si responderit, Catechumenus; inunctus est, nondum lotus. Sed unde inunctus? Quære, et respondet; quære ab illo in quem credat: eo ipso quo catechumenus est, dicit, In Christum. Ecce modo loquor et fidelibus et catechumenis. Quid dixi de sputo et luto? Quia Verbum caro factum est. Illoc et catechumeni audiunt: sed non eis sufficit ad quod inuncti sunt; festinent ad lavacrum, si lumen inquirunt.

3. Jam ergo propter quasdam in hac ipsa lectione quæstiones, verba Domini et ipsius universæ lectionis percurranus potius quam tractemus. *Exiens vidit hominem cæcum: non utcumque cæcum, sed, a nativitate.* Et interrogaverunt eum discipuli ejus: Rabbi. Scitis Rabbi quia magister est. Magistrum appellabant, quia discere desiderabant: quæstionem quippe Domino proposuerunt tanquam magistro, *Quis peccavit, hic, an parentes ejus, ut cæcus nasceretur?* Respondit Jesus: *Neque hic peccavit, neque parentes ejus, ut cæcus nasceretur.* Quid est quod dixit? Si nullus homo sine peccato, numquid parentes hujus cæci sine peccato erant? Numquid ipse vel sine originali peccato natus erat, vel vivendo nihil addiderat? An quia oculos clausos habebat, concupiscentię minime vigilabat²? Quanta mala committunt cæci! A quo malo abstinet mens mala, etiam clausis oculi? Non poterat videre, sed noverat cogitare, et forte concupiscere aliquid quod cæcus non posset implere, sed in corde judicari a cordis perscrutatore. Si ergo et parentes ejus habuerunt peccatum, et iste habuit peccatum; quare Dominus dixit, *Neque hic peccavit, neque parentes ejus: nisi ad rem de qua interrogatus est, ut cæcus nasceretur?* Habebant enim peccatum parentes

¹ In plerisque MSS., aliter atque aliter ratio tanti sacramenti exponi et pertractari profinditas.

² sic omnes prope MSS. At editi, vigilabat.

ejus, sed non ipso peccato factum est ut cæcus nasceretur. Si ergo non peccato factum est parentum ut cæcus nascetur, quare cæcus hatus est? Audi magistrum docentem: querit credentem, ut faciat intelligentem. Ipse causam dicit quare ille cæcus sit natus: *Neque hic peccarit, inquit, neque parentes ejus: sed ut manifestentur opera Dei in illo.*

4. Deinde quid sequitur? *Me oportet operari opera ejus qui misit me.* Ecce est ille missus in quo faciem lavit cæcus. Et videte quid dixerit, *Me oportet operari opera ejus qui misit me, donec dies est.* Memento te quomodo universam gloriam illi dat de quo est: quia ille habet filium qui de illo sit, ipse non habet de quo sit. Sed quare dixisti, Domine, *donec dies est?* Audi quare. *Venit nox quando nemo potest operari.* Nec tu, Domine? Itane tantum valebit nox illa, ut nec tu possis in ea operari, eujus opus nox est? Puto enim, Domine Iesu, imo non puto, sed credo atque confirmo te ibi suisse, quando dixit Deus, *Fiat lux; et facta est lux* (*Gen. 1, 3*). Si enim Verbo fecit, per te fecit: et ideo dictum est, *Omnia per ipsum facta sunt, et sine ipso factum est nihil* (*Joan. 1, 5*). *Divisit Deus inter lucem et tenebras; lucem vocavit diem, et tenebras vocavit noctem* (*Gen. 1, 4, 5*).

5. Quæ est illa nox, quæ cum venerit, nemo poterit operari? Audi quid sit dies, et tunc intelliges quæ sit nox. Unde sumus audituri quisnam sit dies iste? Ipse dicat: *Quamdiu in hoc mundo sum, lux sum mundi.* Ecce ipse est dies. Lasset oculos cæcus in die, ut videat diem. *Quamdiu, inquit, in mundo sum, lux sum mundi.* Ergo nescio quæ nox erit, quando ibi Christus non erit; ideo nemo poterit operari. Restat inquirere, fratres mei, patienter accipite inquirentem me: vobiscum quæro, vobiscum inveniam a quo quæro. Constat, expressum ac definitum est, diem communemorasse Dominum hoc loco scipsum, id est lumen mundi: *Quamdiu, inquit, sum in hoc mundo, lux sum mundi.* Ergo ipse operatur. Quamdiu est autem in hoc mundo? Putamus eum, fratres, fuisse hic tunc, et modo non hic esse? Si ergo hoc putamus, jam ergo post ascensum Domini facta est nox ista metuenda, ubi nemo possit operari: si post ascensum Domini facta est nox ista, unde Apostoli tanta operari sunt? Numquid ista nox erat, quando Spiritus sanctus veniens, et omnes qui in uno loco erant adimplens, dedit eis loqui omnium gentium linguis (*Act. II, 1-6*)? Numquid nox erat quando claudus ille ad verbum Petri salvus effectus est, imo ad verbum Domini habitans in Petro (*Id. III, 6-8*)? Numquid nox erat quando transeuntibus discipulis ægri cum lectulis ponebantur, et vel umbra transeuntium tangerentur (*Id. V, 15*)? Dominus autem cum hic esset, neminem transiens umbra sua salvum fecit: sed ipse discipulis dixerat, *Majora horum facietis* (*Joan. XIV, 12*). Dixerat quidem Dominus, *Majora horum facietis*: sed non se extollat caro et sanguis; audiat dicentem, *Sine me nihil potest facere* (*Id. XV, 5*).

6. Quid igitur? quid dicemus de nocte ista? Quando

¹ *Mss. Jerique, cnue*

erit, quando nemo poterit operari? Nox ista impiorum erit: nox ista eorum erit quibus in fine dicetur, *Item ignem æternum, qui paratus est diabolo et angelis ejus.* Scd nox dicta est, non flamma, non ignis. Audi quia et nox est. De quodam servo dicit, *Ligate illi manus et pedes, et projicite eum in tenebras exteriores* (*Matth. XXII, 13*). Operetur ergo homo dum vivit, ne illa nocte præveniatur, ubi nemo possit operari. Modo est ut operetur fides per dilectionem: et si modo operamur, hic est dies, hic est Christus. Audi promittentem, et ne arbitris absentem. Ipse dixit, *Ecce ego vobiscum sum. Quamdiu?* Non sit in nobis sollicitudo qui vivimus: si fieri posset, de hac etiam voce posteros qui futuri sunt, securissimos faceremus. *Ecce, inquit, ego vobiscum sum usque in consummationem sæculi* (*Id. XXVIII, 20*). Dies iste qui circuitu solis hujus impletur, paucas horas habet, dies praesentiae Christi usque in consummationem sæculi extenditur. Post resurrectionem vero vivorum et mortuorum, cum positis ad dexteram dixerit, *Venite, benedicti Patris mei, percipite regnum,* positis autem ad sinistram dixerit, *Ite in ignem æternum, qui paratus est diabolo et angelis ejus* (*Id. XXV, 34, 41*): ibi erit nox ubi nemo potest operari, sed recipere quod operatus est. Aliud est tempus operationis, aliud receptionis: reddet enim Dominus unicuique secundum opera sua (*Id. XVI, 27*). Cum vivis, fac, si facturus es: erit enim tunc nox valida, quæ involvat impios. Sed et modo omnis infidelis, quando moritur, illa nocte suscipitur: non est ut illic aliquid operetur. In illa nocte dives ardebat, et stillam aquæ de dígito pauperis requirebat: dolebat, angebatur, fatebatur, nec ei subveniebatur; et conatus est benefacere. Ait enim Abrabæ: *Pater Abraham, mitte Lazarum ad fratres meos, ut dicat illis quid hic agatur, ne et ipsi veniant in hunc locum tormentorum* (*Luc. XVI, 24-28*). O infelix! quando vivebas, tunc erat tempus operandi; modo jam in nocte es, in qua nemo possit operari.

7. « Hæc cum dixisset, exspuit in terram, et fecit lutum ex sputo, et linivit lutum super oculos ejus, et dixit ei: Vade, et lava in natatoria Siloe » (quod interpretatur Missus). « Abii ergo, et lavit, et venit videns. » Hæc quia manifesta sunt, transeamus.

8. « Itaque vicini, et qui videbant eum prius quia mendicus erat, dicebant: Nonne hic est qui sedebat, et mendicabat? Alii dicebant, Quia hic est: alii, Nequam, sed similis est ejus. » Aperti oculi vultum mutaverant. « Ille dicebat, Quia ego sum. » Vox grata, ne damnaretur ingrata. « Dicebant ergo ei: Quomodo aperti sunt oculi tui? Respondit: Ille homo qui dicitur Jesus, lutum fecit, et unxit oculos meos, et dixit mihi, Vade ad natatorium Siloe, et lava. Et abii, et lavi, et vidi. » Ecce annuntiator factus est gratias; ecce evangelizat, constitutus videns. Cæcus ille confitebatur, et cor impiorum frangebatur¹; quia non habebant in corde, quod jam ille habebat in facie. *Dixerunt ei: Ubi est ille qui tibi aperuit oculos?* Ait: Nescio. In his verbis animus ipsius adhuc inuncto similis

¹ In duabus MSS., stringebatur.

erat, nondum videnti. Sic ponamus, fratres, tanquam illam inunctionem in animo habuerit. Prædicat, et nescit quem prædicat.

9. « Aduocunt eum ad Pharisæos, qui cæcus fuerat. Erat autem sabbatum quando lutum fecit Jesus, et aperuit oculos ejus. Iterum ergo interrogabant eum Pharisæi quomodo vidisset. Ille autem dixit eis : Lutum posuit mihi super oculos, et lavi, et video. Dicebant ergo ex Pharisæis quidam. » Non omnes, sed quidam : jam enim inungebantur quidam. Quid ergo dicebant, nec videntes, nec inuncti ? Non est hic homo a Deo, qui sabbatum non custodit. Ipse potius custodiebat, qui sine peccato erat. Sabbatum enim spirituale¹ hoc est, non habere peccatum. Denique, fratres, hoc admonet Deus, quando commendat sabbatum : Omne opus servile non facietis (Levit. xiii, 8). Haec sunt verba Dei sabbatum commendantis : Omne opus servile non facietis. Jam superiores lectiones interrogate, quid sit opus servile (Tract. 20, n. 2); et Dominum audite, Omnis qui facit peccatum, servus est peccati (Joan. viii, 34). Sed isti nec videntes, ut dixi, nec inuncti, sabbatum carnaliter observabant, spiritualiter violabant. Alii dicebant : Quomodo potest homo peccator hæc signa facere ? Ecce sunt inuncti. Et schisma erat in eis. Dies ille divisorat inter lucem et tenebras. Dicunt ergo cæco iterum : Tu quid dicis de eo qui aperuit oculos tuos ? Quid de illo sentis ? quid existimas ? quid judicas ? Quærebant quemadmodum homini calumniarentur, ut de synagoga pelleretur, sed a Christo inveniretur. Sed ille constanter quod sentiebat expressit. Ait enim : Quia propheta est. Adhuc quidem inunctus in corde, nondum Dei Filium constitetur, nec mentitur tamen. Ipse enim Dominus de seipso ait : Non est propheta sine honore, nisi in patria sua (Matth. xiii, 57).

10. « Non crediderunt ergo Judæi de illo quia cæcus fuisset et vidisset, donec vocarent parentes ejus qui viderat : » id est, qui cæcus fuerat, et viderat. « Et interrogaverunt eos, dicentes : Hic est filius vester, quem vos dicitis quia cæcus natus est ? quomodo ergo nunc videt ? Responderunt eis parentes ejus, et dixerunt : Scimus quia hic est filius noster, et quia cæcus natus est : quomodo autem nunc videat nescimus ; aut quis ejus aperuit oculos, nos nescimus. Et dixerunt : Ipsum interrogate, aitatem habet, ipse de se loquatur. » Filius quidem noster est, sed juste congeremur loqui pro infante, quia ipse pro se loqui non posset : olim loquitur, modo videt ; cæcum a nativitate novimus, loquentem olim scimus, videntem modo videmus : ipsum interrogate, ut instruamini ; quid nobis calumniamini ? Haec dixerunt parentes ejus, quia timebant Judæos. Jam enim conspiraverant Judæi, ut si quis eum confiteretur Christum, extra synagogam fieret. Jam non erat malum fieri extra synagogam. Illi expellebant, sed Christus excipiebat. Propterea parentes ejus dixerunt, Quia aitatem habet, ipsum interrogate.

11. Vocaverunt ergo rursum hominem qui fuerat cæcus, et dixerunt ei : Da gloriam Deo. Quid est, Da gloriam

Deo ? Nega quod accepisti. Hoc plane non est gloriam Deo dare, sed Deum potius blasphemare Da, inquit, gloriam Deo. Nos scimus quia hic homo peccator est. Dixi : ergo ille : Si peccator est, nescio ; unum scio, quia cæcus cum essem, modo video. Dixerunt ergo illi : Quid fecit tibi ? quomodo aperuit tibi oculos ? Et ille jam stomachans adversus duritiam Judeorum, et ex cæco videntis, non ferens cæcos, respondit eis : Dixi jam vobis, et audistis ; quid iterum vultis audire ? Numquid et vos vultis discipuli ejus fieri ? Quid est, Numquid et vos, nisi, quia ego jam sum ? Numquid et vos vultis ? Jam video, sed non invideo.

12. Maledixerunt ei, et dixerunt : Tu discipulus ejus sis. Tale maledictum super nos, et super filios nostros. Maledictum enim est, si cor discutias, non si verba perpendas. Nos autem Moysi discipuli sumus : nos scimus quia Moysi locutus est Deus, istum autem nescimus unde sit. Utinam sciretis quia Moysi locutus est Deus ; sciretis quia per Moysen prædicatus est Deus. Habetis enim Dominum dicentem, Si crederetis Moysi, crederetis et mihi ; de me enim ille scripsit (Joan. v, 46). Itane sequimini servum, et dorsum ponitis contra Dominum ? Sed nec servum sequimini ; nam per illum ad Dominum duceremini.

13. Respondit ille homo, et dixit eis : In hoc mirabile est, quia vos nescitis unde sit, et aperuit oculos meos. Scimus autem quia peccatores Deus non audit ; sed si quis Dei cultor est, et voluntatem ejus facit, hunc exaudit. Adhuc inunctus loquitur. Nam et peccatores exaudit Deus. Si enim peccatores Deus non exaudiret, frustra ille Publicanus oculos in terram demittens et pectus suum percutiens diceret, Domine : propitius esto mihi peccatori. Et ista confessio meruit justificationem, quomodo iste cæcus illuminationem. A sæculo non est auditum quia aperuit quis oculos cæci nati. Nisi esset hic a Deo, non poterat facere quidquam. Libere, constanter, veraciter. Haec enim que facta sunt a Domino, a quo fierent nisi a Deo ? Aut quando a discipulis talia fierent, nisi in eis Dominus habitaret ?

14. Responderunt, et dixerunt ei : In peccatis natus es totus. Totus quid est ? Cum oculis clausis. Sed qui aperuit oculos, salvat et totum : ipse dabit ad dexteram resurrectionem, qui in facie dedit illuminationem¹. In peccatis totus natus es, et tu doces nos ? Et ejecerunt eum foras. Ipsi illum magistrum fecerunt, ipsi ut discentes toties interrogaverunt, et ingrati docentem projecerunt.

15. Sed quod dixi jam dudum, fratres, illi peilunt, excipit Dominus : magis enim quia expulsus est, christianus factus est. Audivit Jesus quia ejecerunt eum foras, et cum invenisset eum dixit ei : Tu creditis in Filium Dei ? Modo lavat faciem cordis. Respondit ille, et ait, quasi adhuc inunctus, Quis est, Domine, ut credam in eum ? Et dicit ei Jesus : Et vidisti eum, et qui loquitur tecum, ipse est. Missus est ille, iste lavans faciem in Siloe, quod interpretatur Missus. Denique jam facie lata cordis et mundata conscientia, agnoscens eum non filium hominis tantum, quod ante crediderat, sed jam

¹ In aliquot MSS., spiritualiter.

¹ Omnes MSS., in faciem dedit illuminationem.

Filiū Dei qui carnem suscepérat, ait: *Credo, Domine.* Parum est, *Credo;* vis videre qualem credat? *Procidens adoravit eum.*

16. *Et dixit ei Jesus.* Modo dies ille est, inter lucem et tenebras discernens. *In judicium ego in hunc mundum veni, ut qui non vident, videant; et qui vident, cæci fiant.* Quid est hoc, Domine? Magnam quæstionem fessis intulisti: sed erige vires nostras, ut possimus intelligere quod dixisti. Venisti *ut qui non vident, videant:* recte, quia lumen es; recte, quia dies es; recte, quia de tenebris liberas: hoc omnis anima accipit, omnis intelligit. Quid est hoc quod sequitur, *Et qui vident, cæci fiant?* Ergone quia venisti, cæci sient qui videbant? Audi quid sequitur, et fortassis intelleges.

17. Commoti sunt ergo verbis istis quidam ex Pharisæis, et dixerunt ei: *Numquid et nos cæci sumus?* Audi jam quid est quod movebat, *Et qui vident, cæci fiant.* *Dixit eis Jesus:* *Si cæci essetis, non haberetis peccatum.* Cum sit cæcitas ipsa peccatum. *Si cæci essetis, id est, si vos caecos adverteretis, si vos caecos diceretis, et ad medicum curreretis; si ergo ita cæci essetis, non haberetis peccatum:* quia veni ego auferre peccatum. *Nunc vero dicitis, Quia videmus: peccatum vestrum manet.* Quare? Quia dicendo, *Videmus,* medicum non queritis, in cæcitate vestra remanetis. Hoc est ergo quod paulo ante non intellexeramus quod ait, *Ego veni, ut qui non vident, videant:* quid est, *ut qui non vident, videant?* Qui se non videre confitentur, et medicum querunt, ut videant. *Et qui vident, cæci fiant:* quid est, *qui vident, cæci fiant?* Qui se putant videre, et medicum non querunt, in sua cæcitate permaneant. Ergo istam discretionem vocavit judicium, cum ait, *In judicium veni in hunc mundum, quo discernit causam credentium et confitentium a superbis, se videre putantibus, et ideo gravius excecas;* tanquam dixerit ei peccator confitens et medicum querens, *Judica me, Deus, et discerne causam meam de gente non sancta (Psal. XLII, 1):* illorum scilicet qui dicunt, *Videmus,* et eorum peccatum manet. Non autem illud judicium jam intulit mundo, quo de vivis et mortuis in fine saeculi judicabit. Secundum hoc enim dixerat, *Ego non judico quemquam (Joan. VIII, 15):* quoniam prius venit, non *ut judice mundum, sed ut salvetur mundus per ipsum (Id. III, 17).*

TRACTATUS XLV.

At eo quod scriptum est, Amen, amen dico vobis; qui non intrat per ostium in ovile ovi, sed ascendit aliunde, ille sur est et latro; *usque ad id,* Ego veni ut vitam habeant, et abundantius habeant. *Cap. x. ¶ 1-10.*

1. De illuminato illo qui natus est cæcus, sermo ad Judeos Domini exortus est. Huic itaque lectioni diernam esse contextam, scire debuit et commoneri Charitas vestra. Cum enim Dominus dixisset, *In judicium ego veni in hunc mundum, ut qui non vident, videant; et qui vident, cæci fiant;* quod eo tempore, quando lectum est, ut potuimus exposuimus: quidam

ex Pharisæis dixerunt, *Numquid et nos cæci sumus?* Quibus respondit: *Si cæci cassetis, non haberetis peccatum; nunc autem dicitis, Quia videmus: peccatum vestrum manet (Joan. IX, 39-41).* His verbis sibi junxit ea que hodie cum recitarentur, audivimus.

2. *Amen, amen dico vobis,* qui non intrat per ostium in ovile ovi, sed ascendit aliunde, ille sur est et latro. Dixerunt enim se caecos non esse: videre autem tunc possent, si oves Christi essent. Unde sibi usurpabant lumen qui furebant contra diem? Propter illorum ergo vanam et superbam et insanabilem arrogantiam Dominus Jesus ista contexit: in quibus salubriter nos, si advertamus, admonuit. Multi enim sunt qui secundum quamdam vitæ hujus consuetudinem dicuntur boni homines, boni viri, bona feminæ, innocentes, et quasi observantes ea quæ in lege præcepta sunt; deferentes honorem parentibus suis, non mœchantes, non homicidium perpetrantes, non furtum facientes, non falsum testimonium adversus quemquam perhibentes, et cætera quæ lege mandata sunt velut observantes, christiani non sunt: et plerunque se jaçant quomodo isti, *Numquid et nos cæci sumus?* Quia vero ista omnia quæ faciunt, et nesciunt ad quem finem referant, inaniter faciunt, Dominus de grege suo, et de ostio quo intratur ad ovile, similitudinem proponit in hodierna lectione. Dicant ergo Pagani: Bene vivimus. Si per ostium non intrant, quid prodest eis unde gloriantur? Ad hoc enim debet uniuersique prodere bene vivere, ut detur illi semper vivere: nam cui non datur semper vivere, quid prodest bene vivere? Quia nec bene vivere dicendi sunt, qui sine bene vivendi vel cæcitate nesciunt, vel inflatione contentiunt. Non est autem enīquam spes vera et certa semper vivendi, nisi agnoscat vitam, quod est Christus; et per januam intret in ovile.

3. Querunt ergo plerunque tales homines etiam persuadere hominibus ut bene vivant, et christiani non sint. Per aliam partem volunt ascendere, rapere et occidere; non ut pastor, conservare atque salvare. Fuerunt ergo quidam philosophi, de virtutibus et virtutis subtilia multa tractantes, dividentes, definientes, ratiocinationes acutissimas concludentes, libros impletantes, suam sapientiam buccis crepantibus ventilantes; qui etiam dicere auderent hominibus, Nos sequimini, sectam nostram tenete, si vultis beatæ vivere. Sed non intrarant per ostium: perdere volebant, mactare et occidere.

4. Quid de istis dicam? Ecce ipsi Pharisæi legebant, et in eo quod legebant, Christum sonabant, venturum sperabant, et præsentem non agnoscebant: jactabant se etiam ipsi inter videntes, hoc est inter sapientes, et negabant Christum, et non intrabant per ostium. Ergo et ipsi, si quos forte seducerent, mactando et occidendo, non liberando seducerent. Et hos dimittamus: videamus illos si forte ipsi intrant per ostium, qui ipsius Christi nomine gloriantur.

5. Innumerabiles enim sunt, qui se videntes non solum jactant, sed a Christo illuminatos videri volunt:

sunt autem hæretici. Forte ipsi per januam intraverunt? Absit. Sahelius dicit, Qui Filius est, ipse est Pater: sed si Filius, non est Pater. Non intrat per ostium, qui Filium dicit Patrem. Arius dicit: Aliud est Pater, aliud est Filius. Recte diceret, si diceret Alius; non, aliud. Quando enim dicit, Aliud, ei contradicit a quo audit, *Ego et Pater unum sumus* (*Joan. x.*, 30). Nec ipse ergo per ostium intrat: prædicat enim Christum qualem sibi singit, non qualem veritas dicit. Nomen habes, rem non habes. Alicujus rei nomen est Christus: tene ipsum rem, si vis prodesse tibi nomen. Alius nescio unde, sicut Photinus: Christus homo est, inquit; Deus non est. Nec ipse intrat per ostium, quia Christus et homo et Deus est. Et quid opus est multa percurrere, et multa vana hæresum enumerare? Hoc tenete, ovile Christi esse catholicam Ecclesiam. Quicumque vult intrare ad ovile, per ostium intret, Christum verum prædicet. Non solum Christum verum prædicet, sed Christi gloriam querat, non suam: nam multi querendo gloriam suam, oves Christi sparserunt potius quam congregaverunt. Humilis est enim janua Christus Dominus: qui intrat per hanc januam, oportet humiliet se, ut sano capite possit intrare. Qui autem se non humiliat, sed extollit, per maceriam vult ascendere: qui autem per maceriam ascendit, ideo exaltatur ut cadat.

6. Tecte tamen adhuc loquitur Dominus Jesus, nondum intelligitur: nominat ostium, nominat ovile, nominat oves: commendat hæc omnia, sed nondum exponit. Legamus ergo, quia venturus est ad ea verba in quibus nobis aliqua quæ dixit dignetur exponere: ex quorum expositione dabit nobis fortasse etiam illa quæ non exposuit, intelligere. Pascit enim manifestis, exercet obscuris. *Qui non intrat per ostium in ovile orium, sed ascendit aliunde.* Væ misero, quia casurus est! Sit ergo humilis, per ostium intret: piano pede veniat, et non offendet. *Ille*, inquit, *fur est et latro*. Oves suas vult dicere oves alienas: ad hoc suas, id est, furto ablatas, non ut salvet, sed ut occidat. Ergo fur est, quia quod alienum est, suum dicit: latro, quia et quod est furatus, occidit. *Qui autem intrat per ostium, pastor est orium: huic ostiarius aperit.* De ostiario isto tunc queramus, quando ab ipso Domino audierimus quod sit ostium, et qui sit pastor. *Et oves vocem ejus audiunt, et proprias oves vocal nominatim.* Habet enim nomina earum scripta in libro vitæ. *Proprias oves vocal nominatim.* Illic dicit Apostolus: *Novit Dominus qui sunt ejus* (*II Tim. ii.*, 19) *Et educit eas.* Et cum proprias oves emiserit, ante eas radit: et oves illum sequuntur, quia sciunt vocem ejus. *Alienum autem non sequuntur, sed fugiunt ab eo; quia non noverunt vocem alienorum.* Tecta sunt hæc, plena quæstionibus, grava sacramentis. Sequamur ergo et audiamus magistrum ex his obscuris aliquid aperientem; et per id quod aperit, nos forte intrare facientem.

7. *Hoc proverbium dixit illis Jesus; illi autem non cognoverunt quid loqueretur eis.* Forte nec nos. Quid ergo interest inter illos et nos, antequam ista verba agnoscamus et nos? Quia nos pulsamus ut aperiatur

nobis; illi autem Christum negando noblebant intra- re servandi, sed foris remainere perdendi. Quod ergo nos audimus hæc pie, quod antequam illa intelligamus, credimus vera esse atque divina, magna ab istis diversitate distamus. Cum enim duo audiant verba Evangelii, unus impius, alter pius, et alia sunt ut forte ambo non intelligent, unus dicit, *Nihil dixit*; alius dicit, *Verum dixit, et bonum est quod dixit*, sed nos non intelligimus: iste quia credit jam pulsat, et dignus est cui aperiatur, si pulsare persistat; ille vero adhuc audit, *Nisi credideritis, non intelligetis* (*Isai. vii.*, 9, sec. LXX). Quare ista commando? Quia etiam cum verba hæc obscura, sicut possum, exposuero, aut quia valde sunt abdita, vel ego eorum non apprehendero intelligentiam, vel explicandi quod intelligo non ha- buero facultatem, vel tam fuerit quisque tardus, ut etiam exponentem non sequatur; non de se desperet: maneat in fide, ambulet in via, audiat Apostolum dicentem, *Et si quid aliter sapitis, hoc quoque vobis Deus revelabit: verum tamen in quod pervenimus, in eo ambulemus* (*Philipp. iii.*, 15).

8. Incipiamus ergo audire exponentem, quem audi- vimus proponentem. *Dixit ergo iterum eis Jesus: Amen, amen dico vobis, quia ego sum ostium ovium.* Ecce ipsum ostium quod clausum posuerat, aperuit. Ipse est ostium. Agnoscimus, intremus, aut nos intrasse gaudemus. *Omnes quotquot venerunt, fures sunt et latrones.* Quid est hoc, Domine, *Omnes quotquot vene- runt?* Quid enim? tu non venisti? Sed intellige: *Omnes quotquot venerunt dixi, utique præter me.* Recolamus ergo. Ante adventum ipsius venerunt Prophete; numquid fures et latrones fuerunt? Absit. Non præter illum venerunt, quia cum illo venerunt. Venturus præcones mittebat, sed eorum corda quos misserat, possidebat. Vultis nosse quia cum illo venerunt, qui est ipse semper? Carnem quippe accepit ex tempore. Quid est ergo semper? *In principio erat Verbum* (*Joan. i.*, 1). Cum illo ergo venerunt, qui cum verbo Dei venerunt. *Ego sum, inquit, via et veritas et vita* (*Id. xiv.*, 6). Si ipse est veritas, cum illo venerunt qui veraces fuerunt. Quotquot ergo præter illum, fures et latrones; id est, ad surandum et occidendum.

9. *Sed non audierunt eos oves.* Major hæc quæstio est, *non audierunt eos oves.* Ante adventum Domini nostri Jesu Christi, quo humilis venit in carne, præcesserunt justi, sic in eum credentes venturum, quomodo nos credimus in eum qui venit. Tempora variata sunt, non fides. Quia et ipsa verba pro tempore varian- tur, cum varie declinantur: alium sonum habet, Venturus est; alium sonum habet, Venit: mutatus est sonus, venturus est, et venit: eadem tamen fides utrosque conjungit, et eos qui venturum esse, et eos qui cum venisse crediderunt. Diversis quidem temporibus, sed utrosque per unum fiduci ostium, hoc est per Christum, videmus ingressos. Nos credimus Domini Iesum Christum natum ex Virgine, venisse in carne, passum esse, resurrexisse, in cœlum ascendisse: totum hoc, sicut verba auditis præteriti temporis, impletum esse jam credimus. In ejus sunt fidei soci-

tate nobiscum et illi patres, qui crediderunt de Virgine nasciturum, passurum, resurrecturum, in celum ascen-urum : illos enim ostendit Apostolus ubi ait, *Habentes autem eundem spiritum fidei, sicut scriptum est, Credidi, propter quod locutus sum; et nos credimus, propter quod et loquimur* (II Cor. iv, 13). Prophet a dixit, *Credidi, propter quod locutus sum* (Psal. cxv, 10) : Apostolus dicit, *Et nos credimus, propter quod et loquimur*. Ut scias autem quod una sit fides, audi dicentes, *Habentes eundem spiritum fidei, et nos credimus*. Sic et alio loco, *Nolo enim vos ignorare, fratres, quia patres nostri omnes sub nube fuerunt, et omnes per mare transierunt, et omnes in Moysen baptizati sunt, in nube et in mari, et omnes eamdem escam spiritualem manducaverunt, et omnes eundem potum spiritualem biberunt*. Marc Rubrum significat Baptismum ; Moyses dux dux per mare Rubrum significat Christum ; populus transiens significat fideles ; mors Ægyptiorum significat abolitionem peccatorum. In signis diversis eadem fides : sic in signis diversis, quomodo in verbis diversis ; quia verba sonos mutant per tempora, et utique nihil aliud sunt verba quam signa. Significando enim verba sunt : telle significationem verbo, strepitus inanis est. Significata ergo sunt omnia. Numquid non eadē credēbant, per quos hæc signa ministrabantur, per quos eadē quæ credimus, prophetata prænuntiabantur ? Utique credebat : sed illi ventura esse, nos autem venisse. Ideo et sic ait, *Eundem potum spiritualem biberunt*. Spiritualem eundem, nam corporalem non eundem. Quid enim illi bibeant ? *Bibebant enim de spirituali sequente petra : petra autem erat Christus* (I Cor. x, 4-5). Videamus ergo, fide manente, signa variata. Ibi petra Christus, nobis Christus quod in altari Dei ponitur. Et illi pro magno sacramento ejusdem Christi biberunt aquam profluente de petra ; nos quid bibamus norunt fideles. Si speciem visibilem intendas, aliud est : si intelligibilem significationem, eundem potum spiritualem biberunt. Quotquot ergo illo tempore crediderunt vel Abraham, vel Isaac, vel Jacob, vel Moysi, vel aliis Patriarchis, aliisque Prophetis Christum prænuntiantibus, oves erant, et Christum audierunt : non alienam vocem, sed ipsius audierunt. Judex fuerat in præcone. Quia et quando judex loquitur per præconem, exceptio non facit, Præco dixit ; sed, Judex dixit. Alii sunt ergo quos non audierunt oves, in quibus non erat vox Christi, errantes, falsa dicentes, inania garrientes, vana fingentes, miseros seducentes.

10. Quid est ergo quod dixi, Major hæc est quæstio ? Quid habet obscurum et ad intelligendum difficile ? Audite, obsecro. Ecce Dominus ipse Jesus Christus venit, predicavit : utique multo magis vox pastoris erat, expressa ipso ore pastoris. Si enim per Prophetas vox pastoris erat, quanto magis vocem pastoris proferebat lingua ipsa pastoris ? Non omnes audierunt. Sed quid putamus ? qui audierunt, oves erant ? Ecce audivit Judas, et lupus erat : sequebatur, sed pelle ovina tectus pastori insidiabatur. Aliqui vero eorum qui Christum crucifixerunt, non audiebant, et oves

erant : ipsos enim videbat in turba, quando dicebat : *Cum exaltaveritis Filium hominis, tunc cognoscetis quia ego sum* (Joan. viii, 23). Quomodo enim ista solvitur quæstio ? Audiunt non oves, et non audiunt oves ; sequuntur vocem pastoris quidam Iudei, et ei quedam contradicunt oves ; postrem pastorem occidunt oves. Solvitur quæstio : respondet enim aliquis, et dicit, Sed quando non audiebant, oves nondum erant, tunc lupi erant ; vox audita eos mutavit, et ex lupis oves fecit : quando ergo facte sunt oves, audierunt, et pastorem invenerunt, pastoremque secuti sunt ; pastoris promissa speraverunt, quia jussa fecerunt.

11. Soluta est utcumque ista quæstio, et cuiquam sorte sufficiat. Me autem adhuc moveat, et quid me moveat communico vobiscum, ut quodammodo quaerens vobiscum, revelante illo vobiscum merear inventire. Quid ergo me moveat, accipite. Per Ezechiel prophetam Dominus objurgat pastores, et dicit inter cetera de ovibus, *Errantem ovem non revocasti* (Ezech. xxxiv, 4). Et errantem dicit, et ovem appellat. Si quando errabat ovis erat, cuius vocem ut erraret audiebat ? Procul dubio enim non erraret, si vocem pastoris audiret : sed ideo erravit, quia vocem audivit alieni ; vocem furis et latronis audivit. Certe latronum vocem non audiunt oves : *Qui venerunt, inquit, et intelligimus, Præter me ; id est, Qui venerunt præter me, fures sunt et latrones, et non audierunt eos oves*. Domine, si non audierunt eos oves, quomodo errant oves ? Si oves non audiunt nisi te ; tu autem veritas es : quisquis veritatem audit, non utique errat. Illi autem errant, et oves appellantur. Nam si in errore ipso oves non appellarentur, non diceretur per Ezechiel, *Errantem ovem non revocasti*. Quomodo et errat, et ovis est ? Vocem alieni audivit ? Certe non audierunt eos oves. Deinde modo multi colliguntur ad ovile Christi, et ex haereticis sunt catholici ; a furibus tolluntur, pastori redduntur : et aliquando murmurant, triduum patiuntur ad revocantem, et non intelligunt jugulantem ; verumtamen etiam cum renitentes venerint quæ oves sunt, agnoscent vocem pastoris, et se venisse latentur, et errasse erubescunt. Quando ergo in illo errore tanquam in veritate gloriabantur, et utique non audiebant vocem pastoris, et alienum ideo sequebantur, oves erant an non erant ? Si oves erant, quomodo alienos oves non audiunt ? si oves non erant, quare objurgantur illi quibus dicitur, *Errantem ovem non revocasti* ? In ipsis etiam jam factis catholicis Christianis, bonæ spei fidelibus, aliquando mala contingunt ; seducuntur in errorem, et post errorem revocantur : quando seducti sunt in errorem, et rebaptizati sunt, ant post ovinis dominici societatem rursus in errorem pristinum revoluti sunt, oves erant an non erant ? Utique catholici erant. Si catholici fideles erant, oves erant. Si oves erant, quomodo vocem alieni audire potuerunt, cum Dominus dicat, *non audierunt eos oves* ?

12. Audistis, fratres, altitudinem quæstionis. Dico ergo : *Novit Dominus qui sunt ejus* (II Tim. ii, 19). Novit præscitos, novit prædestinatos : de illo quippe dicitur,

« Quos autem prescivit, et prædestinavit conformes fieri imaginis Filii sui, ut sit ipse primogenitus in multis fratibus. Quos autem prædestinavit, ipsos et vocavit; et quos vocavit, ipsos et justificavit; quos autem justificavit, ipsos et glorificavit. Si Deus pro nobis, quis contra nos? Adde adhuc: Qui proprio Filio suo non pepercit, sed pro nobis omnibus tradidit eum, quomodo non et cum illo omnia nobis donavit? » Sed quibus nobis? Præscitis, prædestinatis, justificatis, glorificatis: de quibus sequitur, *Quis accusabit adversus electos Dei (Rom. viii, 29-33)?* Norit ergo Dominus qui sunt ejus; ipsæ sunt oves. Aliquando se ipsæ nesciunt, sed pastor novit eas, secundum istam prædestinationem, secundum istam Dei præscientiam, secundum electionem ovium, ante constitutionem mundi: nam et hoc dicit Apostolus, *Sicut elegit nos in ipso ante constitutionem mundi (Ephes. 1, 4).* Secundum istam ergo præscientiam Dei et prædestinationem, quam multæ oves foris, quam multi lupi intus; et quam multæ oves intus, et quam multi lupi foris! Quid est quod dixi, quam multæ oves foris? Quam multi modo luxuriantur, casti futuri; quam multi blasphemant Christum, credituri in Christum; quam multi se inebriant, futuri sobrii; quam multi rapiunt res alienas, donaturi suas! verumtamen modo vocem alienam audiunt, alienos sequuntur. Item quam multi intus laudant, blasphematur; casti sunt, fornicaturi; sobrii sunt, se vino postea sepulti; stant, casuri! non sunt oves. (De prædestinatis enim loquimur; de his loquimur quos novit Dominus, qui sunt ejus.) Et tamen ipsi quamdiu recte sapiunt, Christi vocem audiunt. Ecce audiunt ipsi, non audiunt illi: et tamen secundum prædestinationem non oves isti, oves illi.

13. Adbuc manet quæstio, quæ mihi interim nunc videtur ita posse dissolvi. Est aliqua vox, est, inquam, vox aliqua pastoris, in qua oves non audiunt alienos, in qua non oves non audiunt Christum. Quæ est ista vox? Qui perseveraverit usque in finem, hic salvus erit (Math. x, 22). Hanc vocem non negligit proprius, non audit alienus: nam et ille hoc ei prædicat, ut perseveret apud ipsum usque in finem, sed non apud eum perseverando non audit hanc vocem. Venit ad Christum, audivit alia et alia verba, illa et illa, omnia vera, sana omnia: inter quæ omnia est et illa vox, Qui perseveraverit usque in finem, hic salvus erit. Istam qui audierit, ovis est. Sed audiebat illam nescio quis, et desipuit, refriguit, audivit alienam: si prædestinatus est, ad tempus erravit, in æternum non periret; redit ut audiat quod neglexit, faciat quod audivit. Si enim de his est qui prædestinati sunt, et errorem ipsius Deus præscivit, et conversionem futuram; si aberravit, redit ut audiat illam vocem pastoris, et sequatur dicentem, Qui perseveraverit usque in finem, hic salvus erit. Bona vox, fratres, vera, pastoralis, ipsa est vox salutis in tabernaculis justorum (Psal. cxvii, 15). Nam facile est audire Christum, facile est laudare Evangelium, facile acclamare disputatori: perseverare usque in finem, hoc est ovium vocem pa-

storis audientium. Tentatio accedit, persevera usque in finem: quia tentatio non perseverat usque in finem¹. Usque in quem finem perseverabis? Quousque finias viam. Quamdiu enim non audis Christum, adversarius tuus est in ista via, hoc est in ista mortali vita. Sed quid dicit? Concordia cum adversario tuo cito, dum es cum eo in via (Matth. v, 25). Audisti, credidi, concordasti. Si adversabaris, concorda. Si tibi præstitum est concordare, noli ulterius litigare. Quando enim finiatur via nescis, sed tamen scit ille. Si ovis es, et si perseveraveris usque in finem, salvus eris: ac per hoc istam vocem non contemnunt sui, non audiunt alieni. Ut potui, ut ipse donavit, profundam multum quæstionem aut exposui vobis, aut tractavi vobiscum. Si qui minus intellexerunt, maneat pietas, et revealabitur veritas: qui autem intellexerunt, non se extollant quasi celiores super tardiores, ne extollendo se exorbitent, et faciliter perveniant tardiores. Omnes autem perducat cui dicimus: Deduc me, Domine, in via tua, et ambulabo in veritate tua (Psal. LXXXV, 11).

14. Per hoc ergo quod exposuit Dominus, quia ipso est ostium, intremus ad ea quæ proposuit, nec exposuit. Et pastor quidem quisnam sit, quanvis non dixerit in ista lectione quæ hodie recitata est, tamen in ea quæ sequitur apertissime dicit: *Ego sum pastor bonus.* Quod elsi non diceret, quem alium præter ipsuni intelligere deberemus in eis verbis, ubi ait: « Qui intrat per ostium, pastor est ovium. Huic ostiarioris aperit: et oves vocem ejus audiunt; et proprias oves vocat nominati, et educit eas. Et cum proprias oves emiserit, ante eas vadit: et oves cum sequuntur, quia sciunt vocem ejus? » Qui enim alias oves proprias vocat nominati, et educit eas hinc ad vitam æternam, nisi qui novit nomina prædestinatrum? Unde ait discipulis suis, *Gaudete quia nomina vestra scripta sunt in celo (Luc. x, 20)*: hinc enim vocat eas nominati. Et quis alias eas emitit, nisi qui earum peccata dimittit, ut eum sequi duris liberate vinculis possint? Et quis eas præcessit quo eum sequantur, nisi qui surgens a mortuis jam non moritur, et mors ei ultra non dominabitur (Rom. vi, 9): et cum hic conspicuus esset in carne ait, « Pater, quos dedisti mihi, volo ut ubi ego sum, et ipsi sint mecum » (Joan xvii, 24)? Unde illud est quod ait: « Ego sum ostium: per me si quis introierit, salvabitur; et ingredietur, et egredietur; et pascua inveniet. » In hoc evidenter ostendit, non solum pastorem, sed etiam oves intrare per ostium.

15. Sed quid est, *ingredietur, et egredietur, et pascua inveniet!* Ingredi quippe in Ecclesiam per ostium Christum, valde bonum est: exire autem de Ecclesia, sicut ait iste ipse Joannes evangelista in Epistola sua, *Ex nobis exierunt, sed non erant ex nobis (Joan. ii, 19)*; non est utique bonum. Talis ergo egressus non posset a bono pastore laudari; ut diceret, *et ingredietur, et egredietur, et pascua inveniet.* Est ergo aliquis non solum ingressus, verum etiam egressus bonus per ostium bonum, quod est Christus. Sed quis est iste laudabilis

¹ Isthæc sententia, quia tentatio non perseverat usque in finem, abest a plerisque MSS.

et beatus egressus! Possem quidem dicere ingredi nos, quando interius aliquid cogitamus; egredi autem, quando exterius aliquid operamur: et quoniam, sicut dicit Apostolus, per fidem habitat Christus in cordibus nostris (*Ephes.* iii, 17), ingredi per Christum esse secundum ipsam fidem cogitare; egredi autem per Christum, secundum ipsam fidem etiam foris, id est, coram hominibus operari. Unde et in Psalmo legitur, *Exie homo ad opus suum* (*Psal.* ciii, 23): et ipse Dominus dicit, *Luceant opera vestra coram hominibus* (*Matth.* v, 16). Sed plus me delectat quod ipsa veritas tanquam pastor bonus, et ideo bonus doctor, quodammodo nos admonuit, quemadmodum intelligere debeamus quod ait, «ingredietur, et egredietur, et pascua inveniet; cum secutus adjunxit, «Fur non venit nisi ut fuerit, et mactet, et perdat: ego veni ut vitam habeant, et abundantius habeant.» Videtur enim mihi dixisse, Ut vitam habeant ingredientes, et abundantius habeant egredientes. Non autem potest quisque per ostium, id est per Christum, egredi ad vitam eternam, quae erit in specie, nisi per ipsum ostium, hoc est per eundem Christum in Ecclesiam ejus, quod est ovile ejus, intraverit ad vitam temporalem, quae est in fide. Ideo ait, *Ego veni, ut vitam habeant*, hoc est fidem, quae per dilectionem operatur (*Galat.* v, 6); per quam fidem in ovile ingrediuntur ut vivant, quia justus ex fide vivit (*Rom.* i, 17): et abundantius habeant, qui perseverando usque in finem, per illud ostium, id est, per fidem Christi egrediuntur, quoniam veri fideles moriuntur; et abundantius habebunt vitam, veniendo quo pastor ille processit, ubi nunquam deinde moriantur. Quamvis ergo et hic in ipso ovili non desunt pascua, quoniam ad utrumque possumus intelligere quod dictum est, et pascua inveniet, id est, et ad ingressum et ad egressum: tamen tunc vera pascua invenient, ubi saturentur qui esurunt et sitiunt justitiam (*Matth.* v, 6); qualia pascua invenit cui dictum est, *Hodie mecum eris in paradyso* (*Luc.* xxiii, 43). Quomodo autem ipse sit ostium, ipse pastor, ut per seipsum quodammodo etiam ipse ingredi et egredi intelligatur, et quisnam sit ostiarius, longum est hodie querere, et disserendo sicut ipse donaverit explicare.

TRACTATUS XLVI.

Ab eo quod scriptum est, Ego sum pastor bonus, etc., usque ad id, Mercenarius autem fugit, quia mercenarius est, et non pertinet ad eum de ovibus. Cap. x, §. 11-13.

1. Loquens Dominus Jesus ovibus suis, et praesentibus, et futuris quae tunc aderant; quia erant ubi jam oves ejus erant, quae futurae erant ejus oves¹: item presentibus et futuris, et illis et nobis, et quotquot etiam post nos fuerint oves ejus, quis ad eas missus esset, ostendit. Omnes ergo audiunt vocem pastoris sui dicentis, *Ego sum pastor bonus*. Non adderet, *bonus*, nisi essent pastores mali. Sed pastores mali, ipsi sunt fures et latrones: aut certe, ut multum, mercenarii. Omnes enim hic personas quas po-

¹ Er. Lugd. Ven. et Lov. habent, erant ibi jam oves ejus, et quae futurae erant ejus oves. M.

suit, requirere, distinguere, nosse debemus. Aperuit enim jam duas res Dominus, quas quodammodo clavas proposuerat: jam scimus quia ostium ipse est, scimus quia pastor ipse est. Fures et latrones qui sunt, in hesterna lectione patescunt est; hodie autem audivimus mercenarium, audivimus et lupum: heri nominatus est et ostiarius. In bonis ergo ostium est, ostiarius, pastor et oves: in malis fures et latrones, mercenarii, lupus.

2. Ostium Dominum Christum accipiens, pastorem ipsum: ostiarium quem? Hæc enim duo ipse exposuit; ostiarium nobis reliquit querendum. Et quid ait de ostiario? *Huic*, inquit, *ostiarus aperit*. Cui aperit? Pastori. Quid aperit pastori? Ostium. Et quis est ipsum ostium? Ipse pastor. Numquid, si Dominus Christus non exposuisset, non ipse dixisset, *Ego sum pastor*, et, *Ego sum ostium* (*Joan.* x, 3, 9), audieret quisquam nostrum dicere quod ipse Christus sit et pastor et ostium? Si enim diceret, *Ego sum pastor*, et non dicaret, *Ego sum ostium*; quæsturi eramus quid esset ostium, et forte aliud putantes ante ostium remansuri. Gratia illius et misericordia nobis exposuit pastorem, seipsum dixit; exposuit ostium, seipsum dixit: ostiarium quærendum nobis reliquit. Quem nos dicturi sumus ostiarium? Quemlibet invenerimus, cavendum est ne major existimetur quam ipsum ostium; quia ostiarius in domibus hominum major est ostio. Ostiarius enim ostio, non ostium præponitur ostiario; quia ostiarius ostium, non ostium custodit ostiarium. Non audeo dicere aliquem ostio majorem; audivi enim jam quid sit ostium: non me latet, non sum dimissus conjecturæ meæ, non mibi humana est relaxata suspicio; Deus dixit, veritas dixit, mutari non potest quod immutabilis dixit.

3. Dicam ergo in hujus profunditate quæstionis quid mihi videatur: eligat unusquisque quod placet; pie tamen sentiat, sicut scriptum est, *Sentite de Domino in bonitate, et in simplicitate cordis quærite illum* (*Sap.* i, 1). Ostiarium forte ipsum Dominum debemus accipere. Multo sunt enim inter se diversa in rebus humanis pastor et ostium, quam ostiarius et ostium; et tamen Dominus et pastorem se dixit, et ostium. Cur ergo non intelligamus ipsum et ostiarium? Si enim consideremus proprietates, Dominus Christus nec pastor est, sicut consuevimus nosse et videre pastores; nec ostium est, non enim eum faber fecit: si autem secundum aliquam similitudinem, et ostium et pastor est; audeo dicere, et ovis est: ovis nempe sub pastore est, tamen ille et pastor est et ovis. Ubi est pastor? Ecce hic habes, lege Evangelium: *Ego sum pastor bonus*. Ubi est ovis? Interroga prophetam: *Sic ut ovis ad immolandum ductus est* (*Isa.* lxi, 7). Interroga amicum sponsi: *Ecce agnus Dei, ecce qui tollit peccatum mundi* (*Joan.* i, 29). Adiuc aliiquid secundum istas similitudines mirabilius sum dicturus. Et agnus enim et ovis et pastor inter se amica sunt contra leones autem a pastribus oves custodiri solent: et tamen de Christo, cum sit ovis et pastor, legimus dictum, *Vicit leo de tribu Juda* (*Apoc.* v, 5).

Hæc omnia, fratres, secundum similitudines accipite, non secundum proprietates. Solemus videre pastores sedere supra petram, et inde commissa sibi pecora custodire: utique melior pastor quam petra, super quam sedet pastor; et tamen Christus et pastor et petra. Totum hoc secundum similitudinem. Proprietatem autem si quæras a me; *In principio erat Verbum, et Verbum erat apud Deum, et Deus erat Verbum (Joan. i. 1).* Si quæras a me proprietatem; Filius unicus de Patre in æternum ab æterno genitus, a qualis gignenti, per quem facta sunt omnia, cum Patre incomparabilis, et accepta forma hominis non mutatus, ex incarnatione homo, filius hominis et Filius Dei. Hoc totum quod dixi, non similitudo, sed res est.

4. Non ergo pigeat nos, fratres, secundum quasdam similitudines ipsum accipere ostium, ipsum ostiarium. Quid est enim ostium? Qua intramus. Quis est ostiarus? Qui aperit. Quis ergo se aperit, nisi qui seipsum exponit? Ecce Dominus dixerat ostium, non intellexeramus; quando non intelleximus, clausum erat; qui aperuit, ipse est ostiarus. Nulla est ergo necessitas aliquid aliud querere, nulla necessitas: sed fortasse est voluntas. Si est voluntas, noli exorbitare, noli a Trinitate discedere. Si personam aliam queris ostiarum, Spiritus sanctus occurrat: non enim dignabatur ostiarus esse Spiritus sanctus, quando ipsum ostium esse dignatus est Filius. Vide ostiarium forte Spiritum sanctum: ipse Dominus discipulis suis de Spiritu sancto dicit, *Ipse vos docebit omnem veritatem (Id. xvi, 13).* Ostium quid est? Christus. Quid est Christus? Veritas. Quis aperit ostium, nisi qui docet omnem veritatem?

5. De mercenario autem quid dicimus? Non in bonis hic commemoratus est. *Pastor bonus*, ait, *animam suam dat pro oib'bus. Mercenarius, et qui non est pastor, cuius non sunt oves propriæ, videt lupum venientem, et dimittit oves, et fugit; et lupus rapit, et dispergit oves.* Non hic bonam personam mercenarius gerit, et tamen in aliquo utilis est: nec mercenarius diceretur, nisi acciperet a conduceente mercedem. Quis est ergo iste mercenarius, et culpabilis et necessarius? Hic vero, fratres, luceat nobis ipse Dominus, ut et mercenarios intelligamus, et mercenarii non simus. Quis est ergo mercenarius? Sunt in Ecclesia quidam præpositi, de quibus Paulus apostolus dicit: *Sua querentes, non quæ Jesu Christi. Quid est, sua querentes?* Non Christum gratis diligentes, non Deum propter Deum querentes; temporalia commoda consecstantes, laetus inhabantes, honores ab hominibus appetentes. Hæc quando amantur a præposito, et propter hæc servitur Deo; quisquis est talis, mercenarius est, inter filios se non computet. De talibus enim et Dominus dicit: *Amen dico vobis, percepereunt mercedem suam (Matth. vi, 5).* Audi de Timotheo sancto quid dicat apostolus Paulus: «Spero autem in Domino Jesu Timotheum cito mittere vobis, ut et ego bono animo sim, cum cognovero quæ circa vos sint: neminem enim habeo unanimem¹, qui germane de vobis sollicitus sit. Omnes enim sua querunt, non quæ

¹ Sic MSS. Editu vero, tam unanimem.

Jesu Christi » (*Philipp. ii, 19-21*). Inter mercenarios pastor ingemuit: *Quæsivit aliquem qui sinceriter diligenter gregem Christi, et circa se in eis qui cum illo eo tempore fuerant, non invenit. Non enim in Ecclesia Christi tunc praeter Paulum apostolum et Timotheum nemo erat qui germane de grege sollicitus esset: sed contigerat ut eo tempore quo Timotheum misit, circa se alium de filiis non haberet; sed soli mercenarii cum illo essent, sua querentes, non quæ Jesu Christi.* Et tamen ipse germane de grege sollicitus, maluit filium mittere, et inter mercenarios remanere. Invenimus et mercenarios, non eos discutit nisi Dominus; qui cor inspicit, ipse discutit: tamen aliquando intelliguntur a nobis. Non enim frustra dixit ipse Dominus etiam de lupis: *Ex fructibus eorum cognoscetis eos (Matth. vii, 16).* Multos interrogant tentationes, et tunc apparent cogitationes: multi autem latent. Habeat² ovile Domini præpositos, et filios et mercenarios. Præpositi autem qui filii sunt, pastores sunt. Si pastores sunt, quomodo unus pastor, nisi quia sunt illi omnes unius membra pastoris, cujus sunt oves propriae? Nam et ipsi membra sunt ipsius unius ovis; *quia sicut ovis ad immolandum ductus est.*

6. Audite autem, quia et mercenarii necessarii sunt. Multi quippe in Ecclesia commoda terrena setantes, Christum tamen prædicant, et per eos vox Christi auditur: et sequuntur oves, non mercenarium, sed vocem pastoris per mercenarium. Audite mercenarios ab ipso Domino demonstratos: *Scribæ, inquit, et Pharisæi cathedralm Moysi sedent: quæ dicunt, facite; quæ autem faciunt, facere nolite (Id. xxiii, 2).* Quid aliud dixit, nisi, Per mercenarios vocem pastoris audite? Sedendo enim cathedralm Moysi legem Dei docent: ergo per illos Deus docet. Sua vero illi si velint docere, nolite audire, nolite facere. Certe enim tales sua querunt, non quæ Jesu Christi: nullus tamen mercenarius ausus est dicere populo Christi, Tua quære, non quæ Jesu Christi. Quod enim facit male, non prædicat de cathedra Christi: inde laedit unde mala facit, non unde bona dicit. Botrum carpe, spinam cave. Bene, quia intellexistis; sed propter tardiores dicam hoc idem planius. Quomodo dixi, Botrum carpe, spinam cave; cum Dominus dicat, *Numquid colligunt de spinis uvam, aut de tribulis ficum (Id. vii, 16)?* Verum est omnino; et tamen etiam verum ego dixi, Botrum carpe, spinam cave. Quia botrus aliquando de radice vitis exortus, pendet in sepe, crescit palmes, inseritur spinis, et portat fructum spinam non suum. Non enim spinam vitis attulit, sed spinis palmes incubuit. Noli interrogare nisi radices. Quære radicem spinæ, extra invenis a vite; quære originem uvæ, vitis hanc protulit ex radice. Cathedra ergo Moysi vitis erat: Phariseorum mores spinæ erant. Doctrina vera per malos, palmes in sepe, botrus inter spinas. Cante lege³, ne dum queris fru-

¹ Editi, habet. At MSS., *habet*: quo significatur necessaria Ecclesiæ etiam mercenariorum opera.

² Sic MSS. At editi: *Botrum inter spinas cante lege.*

ctum, laceres manum: et cum audis bona dicentem, ne imiteris mala facientem. *Quæ dicunt facite, legite uvas: quæ autem faciunt, facere nolite, cavete spinas.* Eliam per mercenarios vocem pastoris audite, sed nolite esse mercenarii, cum sitis membra pastoris. Ipse autem Paulus sanctus apostolus, qui dixit, « *Neminem habeo qui germane de vobis sollicitus sit; omnes enim sua querunt, non quæ Jesu Christi;* » alio loco inter mercenarios filiosque distinguens, videte quid dixerit: « *Quidam pér invidiam et contentionem; quidam vero et per bouam voluntatem Christum prædicant: quidam ex charitate, scientes quia in defensionem Evangelii positus sum; quidam vero et per contumaciam Christum anhuiuntiant, non caste, existimantes tribulationem suscitat vinculis meis.* » Iste mercenarius erant, Paulo apostolo invidebant. Quare invidebant, nisi quia temporalia requirebant? Sed quid adjungat, attendite: *Quid enim? Dum omni modo, sive occasione, sive veritate Christus annuntietur; et in hoc gaudeo, sed et gaudebo (Philipp. i, 15-18).* Veritas est Christus: veritas a mercenariis occasione annuntietur, veritas a filiis veritate annuntietur: filii æternam hæreditatem Patris patienter exspectant, mercenarii temporalem mercedem conductent festinanter exoptant: mihi humana gloria, cui-mercenarios invidere video, minuantur; et tamen per linguas et mercenariorum et filiorum divina Christi gloria diffameretur, cum sive occasione, sive veritate Christus annuntietur.

7. Vidimus qui sit etiam mercenarius. Quis est lupus, nisi diabolus? Et quid dictum est de mercenario? *Cum viderit lupum venientem, fugit; quia non sunt ejus oves propriæ, nec ei cura est de ovibus.* Numquid talis erat apostolus Paulus? Absit. Numquid talis Petrus? Absit. Numquid tales creteri Apóstoli, excepto Iuda filio perditionis? Absit. Pastores ergo illi? Plagne pastores. Et unde unus pastor? Jam dixi, pastores, quia membra pastoris. Illo capite gaudebant, sub illo capite concordabant, uno spiritu in unius corporis compage vivebant: ac per hoc omnes ad unum pastorem pertinebant. Si ergo pastores, non mercenarii, quare fugiebant quando persecutionem patiebantur? Expone nobis, o Domine. Vidi in Epistola fugientem Paulum: per murum in sporta submissus est, ut manus persequentis evaderet (II Cor. xi, 33). Non ergo illi cura fuit de ovibus, quas lupo veniente deserebat? Fuit plane, sed eas pastori in celo sedenti orationibus commendabat: se autem utilitati carum fugiendo servabat, sicut quodam loco ait, *Manere in carne necessarium propter vos (Philipp. i, 24).* Ab ipso namque pastore omnes audierant, *Si vos persecuti fuerint in una civitate, fugite in aliam (Matth. x, 23).* Hanc nobis questionem Dominus dignetur expondere. Domine, tu dixisti eis quos fideles pastores esse utique volebas, quos tua membra esse formabas, *Si vos persecuti fuerint, fugite.* Injuriam ergo illis facis, quando reprehendis mercenarios, qui vident lupum venientem et fugiunt. Rungamus indices nobis quid habeat altitudo questionis: pulsemus, aderit qui aperiat se ostiarius ostii, quod est ipse.

8. Quis est mercenarius, qui videt lupum venientem et fugit? Qui sua querit, non quæ Jesu Christi: peccantem non libere audet arguere (I Tim. v, 20). Ecce nescio quis peccavit, graviter peccavit; increpandus est, excommunicandus est: sed excommunicatus, inimicus erit, insidiabitur, nocebit cum potuerit. Jam ille qui sua querit, non quæ Jesu Christi, ne perdat quod sectatur, humanæ amicitia communitatem, et inimicitarum humanarum incurrat molestiam, tacet, non corripit. Ecce lupus ovi guttur apprehendit: diabolus fidelis adulterium persuasit; tulaces, non increpas: o mercenarie, lupum venientem vidisti, et fugisti. Respondet forte et dicit: Ecce hic sum, non fugi. Fugisti, quia tacuisti; tacuisti, quia timuisti. Fuga animi, timor est. Corpore stetisti, spiritu fugisti: quod ille non faciebat qui dicebat, *Etsi corpore absens sum, spiritu vobiscum sum (Coloss. ii, 5).* Quomodo enim spiritu fugiebat, qui etiam corpore absens, fornicatores litteris arguebat? Affectiones nostræ motus animorum sunt. Lætitia, animi diffusio; tristitia, animi contractio: cupiditas, animi progressio; timor, animi fuga est. Diffunderis enim animo, cum delectaris; contracteris animo, cum molestaris: progrederis animo, cum appetis; fugis animo, cum metuis. Ecce unde ille mercenarius viso lupo dicitur fugere. Quare? *Quia non est ei cura de ovibus.* Quare *non est ei cura de ovibus?* *Quia mercenarius est.* Quid est, mercenarius est? Temporalem mercedem querens, et in domo in æternum non habitabit¹. Sunt hic adhuc querenda, et discutienda vobiscum, sed onerare vos non est consilii. Dominica enim cibaria conservis ministramus; in pascuis dominicis oves pascimus, et simul pascimur. Sicut non est negandum quod necessarium est, sic non est cor infirmum pabuli multitudine prægravandum. Non sit ergo molestum Charitati vestre, quia omnia quæ hic adhuc discutienda arbitror, hodie non discutio: sed iterum nobis² in nomine Domini diebus reddendi sermonis eadem lectio recitatitur, et diligentius, illo adjuvante, tractabitur.

TRACTATUS XLVII.

Ab eo quod scriptum est, Ego sum pastor bonus, et cognosco oves meas, etc., usque ad id, Numquid dæmonium potest exercorum oculos aperire? Cap. x, §. 14-21.

1. Qui sermonem Dei nostri non solum libenter, sed etiam diligenter audit, promissionis nostræ procul dubio meministis. Ipsa quippe lectio evangelica et hodie lecta est, quæ lecta fuerat proximo domino die: propterea quoniam in quibusdam necessitatibus immorati, non potuimus omnia discutere quæ vestris sensibus debebamus. Proinde quæ jam dicta atque tractata sunt, hodie non querimus; ne adhuc eadem repetendo, ad illa que nondum dicta sunt pervenire minime permittamur. Nostis jam in nomine Domini qui sit bonus pastor, et quemadmodum pastores boni membra sint ejus, et ideo pastor sit unus:

¹ Ita Er. Lugd. Ven. et Lov., querit, et in domo in alterum non manebit. M.

² MSS., robit.

nostis qui sit mercenarius ferendus; quis lupus, et fures, et latrones cavendi; que sint oves, quod sit ostium quo et oves ingrediuntur et pastor; quomodo sit intelligendus ostiarius: nostis etiam quoniam quisquis non per ostium intraverit, fur est et latro, nec venit nisi ut furetur, et occidat, et perdat. Hæc omnia dicta, sufficienter, quantum existimo, pertractata sunt. Hodie debemus dicere, quantum adjuvat Dominus (quoniam ipse Jesus Christus salvator noster et pastorem se esse dixit, et ostium, et pastorem bonum dixit intrare per ostium), quomodo ipse per seipsum intret. Si enim nemo pastor bonus est, nisi qui per ostium intrat, et ipse est præcipue pastor bonus, et ipse est ostium; intelligere non possum, nisi et ipsum per seipsum ad oves suas intrare, et vocem suam illis dare ut sequantur eum, easque intrantes et exeuntes pascua invenire, quod est vita æterna.

2. Cito ergo dico. Ego quærens intrare ad vos, id est ad cor vestrum, Christum prædico: si aliud prædicem, per aliam partem conabor ascendere. Christus itaque mihi janua est ad vos; per Christum intro, non ad parietes vestros, sed ad corda vestra. Per Christum intro, Christum in me libenter audistis. Quare Christum in me libenter audistis? Quia oves Christi estis, sanguine Christi comparati estis. Agnoscitis premium vestrum: quod non a me datur, sed per me prædicatur. Ille quippe emit, qui pretiosum sanguinem fudit: pretiosus sanguis est illius sine peccato. Fecit tamen ipse etiam suorum sanguinem pretiosum, pro quibus dedit sanguinis premium: nam si suorum sanguinem non faceret pretiosum, non diceretur, *Pretiosa in conspectu Domini mors sanctorum ejus (Psal. cxv, 15)*. Itaque etiam quod ait, *Pastor bonus animam suam ponit pro ovibus*, non ipse unus hoc fecit: et tamen si illi qui fecerunt membra ejus sunt, idem ipse unus hoc fecit. Ipse enim potuit facere sine illis; ipsi sine illo unde potuerunt, cum ipse dixerit, *Sine me nihil potestis facere (Joan. xv, 5)*? Hinc autem ostendimus quod et alii fecerint, quia ipse apostolus Johannes, qui hoc quod audistis Evangelium prædicavit, in Epistola sua dixit: *Sicut Christus pro nobis animam suam posuit, sic et nos debemus animas pro fratribus ponere (I Joan. iii, 16)*. *Debemus*, dixit; debitores nos fecit qui primus exhibuit. Ideo quodam loco scriptum est: *Si sederis cœnare ad mensam potentis, sapienter, intellige quæ apponuntur tibi: et mitte manum tuam, sciens quia talia te oportet præparare (Prov. xxiii, 1, 2, sec. LXX)*. Mensa potentis quæ sit, nostis; ibi est corpus et sanguis Christi: qui accedit ad tales mensam, præparet talia. Et quid est, præparet talia? Quomodo ipse pro nobis animam suam posuit, sic et nos debemus, ad ædificandam plebem et asserendam fidem¹, animas pro fratribus ponere. Ideo Petro quem facere volebat pastorem bonum, non in ipso Petro, sed in corpore suo ait: *Petre, amas me? pasce oves meas*. Hoc semel, hoc iterum, hoc tertio usque ad ejus tristitiam. Et cum tantum interrogasset Dominus, quantum in-

terrogandum esse judicavit, ut ter confiteretur qui ter negaverat, et ei suas oves pascendas tertio commendasset; ait illi, *Cum junior essem, cingebas te, et ambulabas ubi volebas: cum autem senueris, extendes manus tuas, et alter te cinget, et ducet quo tu non vis*. Et exposuit Evangelista quid Dominus dixerit: *Hoc autem inquit, dixit, significans qua morte clarificaturus esset Deum (Joan. xxi, 15-19)*. Ad hoc ergo pertinet, *Pasce oves meas*: ut ponas animam tuam pro ovibus meis.

5. Jam illud quod ait, *Sicut novit me Pater, et ego agnosco Patrem*, quis nescit? Ipse enim agnoscit Patrem per se, nos per illum. Quia ipse per se agnoscit, novimus: quia et nos per illum, etiam hoc novimus; quia et hoc per illum novimus. Ipse enim dixit: *Deum nemo vidit unquam, nisi unigenitus Filius qui est in sinu Patris; ipse enarravit (Id. i, 18)*. Ergo et nos per ipsum, quibus enarravit. Item alibi ait: *Nemo novit Filium, nisi Pater; neque Patrem quisquam novit, nisi Filius, et cui voluerit Filius revelare (Matth. xi, 27)*. Sicut ergo ipse per se novit Patrem, nos autem per illum novimus Patrem; sic intrat in ovile per seipsum, et nos per ipsum Ostium dicebamus per Christum nos habere ad vos; quare? Quia Christum prædicamus. Nos Christum prædicamus; et ideo per ostium intramus. Christus autem Christum prædicat, quia seipsum prædicat; et ideo pastor per seipsum intrat. Lumen cum alia monstrat quæ videntur in lumine, numquid aliquo alio indiget ut monstretur? Lumen ergo et alia demonstrat et seipsum. Quæcumque intelligimus, intellectu intelligimus; et ipsum intellectum unde, nisi intellectu, intelligimus? Numquid sic oculo carnis et alia vides et ipsum? Quamvis enim videant homines oculis suis, non tamen vident oculos suis. Oculus carnis alia videt, se non potest: intellectus autem et alia intelligit, et seipsum. Quomodo intellectus videt se, sic et Christus prædicat se. Si prædicat se, et predicando intrat ad te, per se intrat ad te. Et ad Patrem ipse est ostium; quia non est quia veniatur ad Patrem, nisi per ipsum. Unus enim Iesus et unus mediator Dei et hominum, homo Christus Jesus (ITim. ii, 5). Verbo multa dicuntur: hæc ipsa quæ dixi, utique verbo dixi. Si velim dicere et ipsum verbum, unde dico, nisi verbo? Ac per hoc per verbum et alia dicuntur, quæ non sunt quod verbum; et ipsum verbum dici non potest, nisi per verbum. Adjuvante Domino exemplis abundavimus. Tenete ergo quomodo Dominus Jesus Christus et ostium sit, et pastor: ostium pandendo se, pastor intrando per se. Et quidem, fratres, quod pastor est, dedit et membris suis: nam et Petrus pastor, et Paulus pastor, et cæteri Apostoli pastores, et boni episcoli pastores. Ostium vero nemo nostrum se dicit; hoc sibi ipse proprium tenuit, qua intrent oves. Denique Paulus apostolus boni pastoris implebat officium, quando Christum prædicabat, quia per ostium intrabat. At ubi oves indisciplinatae cœperunt facere schismata, et alia ostia sibi ponere, non qua intrarent ut congregarentur, sed quia errarent ut dividenderent,

¹ MSS. plerique non habent, *ad ædificandam plebem et asserendam fidem*.

dicentes, alii, *Ego sum Pauli*; alii, *Ego sum Cephae*; alii, *Ego Apollo*; alii, *Ego Christi*: expavescens ad eos qui dixerunt, *Ego sum Pavli*, tanquam clamans ad oves, Miseræ, qua itis? non sum ostium: *Numerus quid Paulus*, inquit, *pro vobis crucifixus est? aut in nomine Pauli baptizati estis* (*I Cor. 1, 12, 13*)? Qui vero dicebant, *Ego sum Christi*, invenerant ostium.

4. De uno autem ovili et uno pastore, jam quidem assidue soletis audire: multum enim commendavimus unum ovile, prædicantes unitatem, ut per Christum omnes oves ingredierentur, et Donatum nulla sequeatur. Verumtamen unde hoc proprie dixerit Dominus, satis apparet. Loquebatur enim apud Judeos, missus autem fuerat ad ipsos Judeos, non propter quosdam immuni odio pertinaces et perseverantes in tenebris, sed propter quosdam in ipsa gente quas dicit oves suas: de quibus ait, *Non sum missus nisi ad oves quæ perierunt domus Israel* (*Matth. xv, 24*). Noverat etiam eos in turba furentium, et prævidebat in pace credentium. Quid est ergo, *Non sum missus nisi ad oves quæ perierunt domus Israel*; nisi quia præsentiam suam corporalem non exhibuit nisi populo Israel? Ad Gentes non perrexit ipse, sed misit: ad populum vero Israel et misit, et venit ipse; ut qui contemnebant, majus judicium sumerent, quia et præsentia est illis exhibita. Ipse Dominus ibi fuit, ibi matrem elegit; ibi concipi, ibi nasci, ibi sanguinem fundere voluit; ibi sunt¹ vestigia ejus, modo adorantur, ubi novissime stetit, unde ascendit in cœlum: ad Gentes autem misit.

5. Sed forte aliquis arbitratur, quoniam non ipse ad nos venit, sed misit ad nos, non nos audisse vocem ipsius, sed vocem eorum quos misit. Absit; pellatur ista cogitatio de cordibus vestris: et in his quos misit ipse erat. Ipsum Paulum audi quem misit; ad Gentes enim præcipue Paulum misit apostolum: et ait ipse Paulus terrens non de se, sed de illo, *An vultis accipere experimentum ejus qui in me loquitur Christi* (*II Cor. XIII, 3*)? Audite et ipsum Dominum. *Et alias oves habeo*, id est, in Gentibus: *qua non sunt de hoc ovili*, id est de populo Israel: *oportet me et illas adducere*. Ergo et per suos non alter adducit. Adhuc audi: *Vocem meam audient*. Ecce et per suos ipse loquitur, et per eos quos mittit vox ejus auditur. *Ut sit unum ovile et unus pastor*. Duobus ipsis gregibus tanquam duobus parietibus, factus est lapis angularis (*Ephes. ii, 11-22*). Ergo et ostium est, et lapis angularis: omnia per similitudinem, nihil horum proprie.

6. Jam enim dixi, et commendavi vehementer, ei qui capiunt sapiunt, imo qui sapiunt capiunt; et qui nondum intellectu sapiunt, sive teneant quod intelligere nondum possunt. Per similitudinem Christus multa est quae per proprietatem non est. Per similitudinem et petra est Christus, et ostium est Christus,

¹ Lovanienses monent omitti, hic sunt, in duabus e suis MSS.; at in nostris omnibus reperitur. Porro de Christi vestigiis in Oliveti monte humo impressis mentio fit etiam in libro de Locis Hebraicis inter Hieronymi opera, et apud Bedam de nominibus locorum in Actis Apostolorum, item in Sulpiii Severi historia sacra, lib. 2.

et lapis angularis est Christus, et pastor est Christus, et agnus est Christus, et leo est Christus. Quam multa per similitudines, et alia, quæ commemorare longum est! Si autem proprietates discutias rerum quas videre consuesti; nec petra est, quia durus et sine sensu non est; nec ostium est, quia faber eum non fecit; nec lapis angularis est, quia non est ab structore compositus; nec pastor est, quia custos ovium quadrupedum non est; nec leo est, quia fera non est; nec agnus est, quia pecus non est. Omnia ergo ista per similitudinem. Quid ergo proprie? *In principio erat Verbum, et Verbum erat apud Deum, et Deus erat Verbum*. Quid de homine qui apparuit? *Et Verbum caro factum est, et habitavit in nobis* (*Joan. i, 1, 14*).

7. Audi et cetera. *Propterea me Pater diligit*, inquit; *quia ego pono animam meam, ut iterum sumam eam*. Quid ait? *Propterea me Pater diligit*: quia morior ut resurgam (a). Cum magno enim pondere dictum est, *ego*: *Quia ego pono*, inquit, *pono animam meam, ego pono*. Quid est, *ego pono*? Ego illam pono: non gloriantur Judæi; sœvire potuerunt, potestatem habere non potuerunt: sœviant quantum possunt; si ego noluero animam meam ponere, quid sœviendo facturi sunt? Una responsione prostrati sunt: quando eis dictum est, *Quem queritis?* dixerunt, *Jesum*; et ait eis, *Ego sum: redierunt retro, et ceciderunt* (*Id. xviii, 4-6*). Qui ceciderunt ad unam vocem Christi morituri, quid facient sub voce judicaturi? *Ego, ego, inquam, pono animam meam, ut iterum sumam eam*. Non gloriantur Judæi, quasi prævaluerint; ipse posuit animam suam. *Ego dormivi*, dicit. Nostis Psalmum: *Ego dormivi, et somnum cepi; et exsurrexi, quoniam Dominus suscepit me* (*Psal. iii, 6*). Modo Psalmus ipse lectus est, modo audivimus: *Ego dormivi, et somnum cepi; et exsurrexi, quoniam Dominus suscepit me*. Quid est, *Ego dormivi?* Quia volui, dormivi. Quid est, *dormivi?* Mortuus sum. Nonne dormivit, qui quando voluit, de sepulcro tanquam de lecto surrexit? Sed amat dare gloriam Patri, ut nos adscicet gloriam dare Creatori. Nam quod addidit, *exsurrexi, quoniam Dominus suscepit me*; putatis hic quasi virtutem ejus defecisse, ut per potestatem suam mori potuerit, per potestatem suam resurgere non potuerit? Sic enim videntur sonare verba non intentius intellecta, *Ego dormivi*; id est, quia volui, dormivi. *Et exsurrexi*: quare? *Quia Dominus suscepit me*. Quid enim, tu a teipso resurgere non valeres? Si non valeres, non dices, *Potestatem habeo ponendi animam meam, et potestatem habeo iterum sumendi eam*. Audi alio loco in Evangelio, quia non solum Pater suscitavit Filium, sed etiam Filius scipsum. *Solvite, inquit, templum hoc, et in triduo suscitarbo illud*. Et Evangelista: *Hoc autem, inquit, dicebat de templo corporis sui* (*Joan. ii, 19, 21*). Hoc enim suscibatur quod moriebatur. Nam Verbum non est mortuum, anima illa non est mortua. Si nec tua moritur, Domini moreretur?

8. Unde scio, inquis, si mea non moritur? A te non occidatur, et non moritur. Quomodo, inquis, ego

(a) Forte hic aut superstes aut deest nonnulli.

possum occidere animam meam? Ut alia peccata interim taceam, *Os quod mentitur, occidit animam* (*Sap. 1, 11*). Quomodo, inquis, securus sum, quia non moritur? Ipsum Dominum audi dantem servo securitatem: *Nolite timere eos qui occidunt corpus, et postea non habent quid faciant.* Sed plane quid ait? *Eum timete qui habet potestatem et corpus et animam occidere in gehenna* (*Matth. x, 28, et Luc. xii, 4, 5*). Ecce quia moritur, ecce quia non moritur. Quid est mori ipsius? quid est mori carni tuæ? Mori carni tuæ, est amittere vitam suam: mori animæ tuæ, est amittere vitam suam. Vita carnis tuæ, anima tua: vita animæ tuæ, Deus tuus. Quomodo moritur caro amissa anima, quæ vita est ejus; sic moritur anima amissa Deo, qui vita est ejus. Certe ergo immortalis est anima. Plane immortalis, quia vivit et mortua. Quod enim de vidua deliciosa dixit Apostolus, etiam de anima, si Deum suum amiserit, dici potest, *Vivens mortua est* (*1 Tim. v, 6*).

9. Quomodo ergo ponit animam suam Dominus? Fratres, queramus hoc paulo attentius. Non nos arctat hora quæ solet die dominico¹: vacat nobis, hoc lucentur qui ad verbum Dei etiam die hodierna convenient. Pono, inquit, *animam meam*. Quis ponit? quam ponit²? Quid est Christus? Verbum et homo. Nec sic homo ut sola caro: sed quia homo, constat ex carne et anima, totus autem homo in Christo. Non enim partem deteriorem suscepisset, et partem meliorem deseruisset: pars quippe hominis melior est anima quam corpus. Quia ergo totus homo in Christo, quid est Christus? Verbum, inquam, et homo. Quid est Verbum et homo? Verbum, anima et caro. Tenete hoc, quia non defuerunt haeretici et in ista sententia, pulsi quidem jam olim a veritate catholica: sed tamen ut fures et latrones non intrantes per ostium, insidiari ovili non desinunt. Apollinaristæ haeretici dicti sunt, qui ausi sunt dogmatizare quod Christus non sit nisi Verbum et caro: animam humanam non cum assumptione contendunt. Nam et aliqui eorum fuisse in Christo animam, negare non potuerunt. Videite absurditatem et insaniam non ferendam. Animam irrationali eum habere voluerunt, rationale negaverunt: dederunt ei animam peccoris, substraxerunt hominis. Sed illi abstulerunt Christo rationem, non tenendo rationem. Absit hoc a nobis, in sive catholica nutritis atque fundatis. Ex hac ergo occasione admonuerimus Charitatem vestram, ut quomodo superioribus lectiibus satis vos instruximus adversus Sabellianos et Arianos; Sabellianos qui dicunt, Ipse est Pater qui Filius; Arianos qui dicunt, Aliud est Pater, aliud est Filius, quasi non sint ejusdem substantiae Pater et Filius: instruximus etiam, quantum meministis, et meminisse debetis, contra haereticos Photinianos, qui

solum hominem Christum sine Deo esse dixerunt³; contra Manichæos, qui solum sine homine Deum: ex hac occasione de anima instruamus vos et contra Apollinaristas, qui dicunt Dominum nostrum Jesum Christum non habuisse animam humanam, id est animam rationalem, animam intelligentem, animam, inquam, in qua distans a pecore, quod homines sumus.

10. Quomodo ergo hic dixit Dominus, *Potestatem habeo ponendi animam meam?* Quis ponit animam, et iterum sumit eam? Christus ex eo quod Verbum est, ponit animam, et sumit eam iterum? An ex eo quod anima humana est, ipsa se ponit, et iterum ipsa se sumit? An ex eo quod caro est, caro animam ponit, et iterum sumit? Tria proposui, omnia pertractemus, et hoc eligamus quod conveniat regulæ veritatis. Si enim dixrimus, quia Verbum Dei posuit animam suam, et iterum sumpsit eam; metuendum est ne subintret prava cogitatio, et dicatur nobis: Ergo aliquando anima illa separata est a Verbo, et aliquando Verbum illud, ex quo suscepit animam illam, fuit sine anima. Video enim fuisse sine anima humana Verbum, sed cum in principio erat Verbum, et Verbum erat apud Deum, et Deus erat Verbum. Ex quo enim Verbum caro factum est, ut habitaret in nobis (*Joan. 1, 1, 14*), et susceptus est a Verbo homo, id est totus homo, anima et caro; quid fecit passio, quid fecit mors, nisi corpus ab anima separavit? Animam vero a Verbo non separavit. Si enim mortuus est Dominus, imo quia mortuus est Dominus; mortuus est enim pro nobis in cruce; sine dubio caro ipsius exspiravit animam: ad tempus exiguum anima deseruit carnem, sed redeunte anima resurrecturam. A Verbo autem animam separatam esse non dico. Latronis animæ dixit: *Hodie mecum eris in paradiso* (*Luc. xxiii, 43*). Fidelem latronis animam non deserebat, et deserebat suam? Absit: sed illius ut Dominus custodivit, suam vero inseparabiliter habuit. Si autem dixerimus quia ipsa se anima posuit, et iterum ipsa se sumpsit, absurdissimus sensus est: non enim quæ a Verbo non erat separata, a scipsa poterat separari.

11. Dicamus ergo et quod verum est, et quod facile intelligi potest. Ecce homo quilibet non constans ex Verbo et anima et carne, sed ex anima et carne: de isto homine interrogemus quomodo ponat animam suam quicumque homo. An forte nullus homo ponit animam suam? Potes mihi dicere: Nullus homo habet potestatem ponere animam suam, et iterum sumere eam. Ponere animam suam nisi posset homo, non diceret Joannes apostolus, *Sicut Christus pro nobis animam suam posuit, sic et nos debemus animas pro fratribus ponere* (*1 Joan. iii, 16*). Ergo et nobis licet (si et nos impleamur virtute ipsius, quia sine illo nihil facere possumus) ponere pro fratribus animas nostras. Quando martyr quilibet sanctus posuit pro fratribus animam suam, quis posuit, et quam posuit? Hoc si intellexerimus, ibi videbimus quemadmodum a Christo dictum sit, *Potestatem habeo ponendi animam meam*.

¹ Omnes MSS., *Christum esse dixerunt*: nec habent, *sine Deo*.

(Cinquante-cinq.)

² Apud Er. Ludg. et Ven. sic additur, *Chrystus*. Apud Lov. vox, *Christus*, uncis includitur. M.

³ Sic verba interpongere visum est: non ut in prius editis, *Non nos arctat hora quæ solet, die dominico vacat nobis*. Quod enim proxime subjetur, *hoc lucentur qui ad verbum Dei etiam die hodierna convenient*, satis indicat sermonem alio præter dominicum die fuisse habitum.

O homo, paratus es pro Christo mori? Paratus, inquit. Dicam hoc aliis verbis. Paratus es pro Christo animam tuam ponere? Et ad ista verba sic mihi responderet, Paratus sum; quomodo mihi responderat cum dicerem, Paratus es mori. Hoc ergo est ponere animam, quod est mori. Sed pro quo ibi est certamen? Omnes enim homines quando moriuntur, ponunt animam; sed non omnes pro Christo ponunt. Et nemo habet potestatem sumere quod posuerit: Christus autem et pro nobis posuit, et quando voluit, posuit; et quando voluit, sumpsit. Ponere ergo animam, mori est. Sic et apostolus Petrus Domino dixit, *Animam meam pro te ponam* (*Joan. xiii, 37*): id est, pro te moriar. Carni hoc tribue: caro ponit animam suam, et caro iterum sumit eam; non tamen sua potestate caro, sed potestate inhabitantis carnem: caro ergo ponit animam suam exspirando. Vide ipsum Dominum in cruce; *Sitio* dixit: illi qui aderant tinixerunt spongiam in acetum, alligaverunt arundini, et apposuerunt ori ejus; quod cum accepisset, ait, *Perfectum est: quid est, Perfectum est?* Impleta sunt omnia quae ante mortem futura de me fuerant prophetata. Et quia potestatem habebat quando vellet ponendi animam suam; poste aquam dixit, *Perfectum est, quid ait Evangelista? Et inclinato capite tradidit spiritum* (*Id. xix, 28-30*). Hoc est ponere animam. Modo hic attendat Charitas vestra. *Inclinato capite tradidit spiritum.* Quis tradidit? quem tradidit? Spiritum tradidit, caro illum tradidit. Quid est, caro illum tradidit? Caro illum emisit, caro illum exspiravit. Ideo enim dicitur exspirare, extra spiritum fieri. Quomodo est exsulare, extra solum fieri; exorbitare, extra orbitam fieri: sic exspirare, extra spiritum fieri; qui spiritus anima est. Cum ergo exiit anima a carne, et remanet caro sine anima, tunc homo ponere animam dicitur. Quando Christus animam posuit? Quando Verbum voluit. Principatus enim in Verbo erat; ibi potestas erat quando poneret caro animam, et quando sumeret.

42. Si ergo caro animam posuit, quomodo Christus animam posuit? Non enim caro Christus? Ita plane, et caro Christus, et anima Christus, et Verbum Christus: nec tamen tria haec tres Christi, sed unus Christus. Hominem interroga, et, de te ipso fac gradum ad ea que supra te sunt, et si nondum intelligenda, saltem credenda. Quomodo est enim unus homo anima et corpus; sic unus Christus Verbum et homo. Videte quid dixerim, et intelligite. Anima et corpus due res sunt, sed unus homo: Verbum et homo duæ res sunt, sed unus Christus. Ergo de homine quere. Ubi est Paulus apostolus modo? Si quis respondeat, In requie cum Christo; verum dicit. Item si quis respondeat, Romæ in sepulcro; et ipse verum dicit. Illud mihi de anima, hoc de ejus carne responderet. Nec tamen ideo duos dicimus apostolos Paulos; unum qui requiescit in Christo, alium qui positus est in sepulcro: quamvis apostolus Paulum dicamus vivere in Christo, eundemque apostolus Paulum dicamus mortuum jacere in sepulcro. Moritur aliquis, dicimus, Bonus homo, fidelis homo, in pace est cum

Domino: et continuo, Eamus ad execuções ipsius, et sepeliamus illum. Eum sepulturus es quem jam dixeras in pace esse cum Deo: cum aliud sit anima que immortaliter viget, aliud corpus quod corruptibiliter jacet. Sed ex quo consortium carnis et animæ hominis nomen accepit, jam et singulum atque separatum, utrumlibet eorum nomen hominis tenuit.

13. Nemo ergo titubet, quando audit Dominum dixisse, *Pono animam meam, et iterum sumo eam.* Ponit eam caro, sed ex potestate Verbi: sumit eam caro, sed ex potestate Verbi. Et ipse Dominus Christus dictus est sola caro. Quomodo, inquit, probas? Audeo dicere, et sola caro Christi dictus est Christus. Cedimus certe non in solum Deum Patrem, sed et in Jesum Christum Filium ejus unicum Dominum nostrum: modo totum dixi, in Jesum Christum Filium ejus unicum Dominum nostrum. Totum ibi intellige, et Verbum, et animam, et carnem. Sed utique consideris etiam illud quod habet eadem fidès, in eum Christum te credere qui crucifixus est et sepultus. Ergo etiam sepultum Christum esse non negas: et tamen sola caro sepulta est. Si enim erat ibi anima, non erat mortuus: si autem vera mors erat, ut ejus vera sit resurrectio, sine anima fuerat in sepulcro; et tamen sepultus est Christus. Ergo Christus erat etiam sine anima caro, quia non est sepulta nisi caro. Disce hoc etiam in apostolicis verbis. *Hoc sentite, inquit, in vobis, quod et in Christo Iesu: qui cum in forma Dei esset, non rapinam arbitratus est esse aequalis Deo.* Quis, nisi Christus Jesus, quantum attinet ad id quod est Verbum, Deus apud Deum? Vide autem quod sequitur: *Sed semetipsum exinanivit formam servi accipiens; in similitudine hominum factus, ei habitu inventus ut homo.* Et hoc quis, nisi idem ipse Christus Jesus? Sed hic jam omnia sunt, et Verbum in forma Dei, quae accepit formam servi; et anima et caro in forma servi, quae accepta est a forma Dei. *Hunilavit semetipsum, factus obediens usque ad mortem* (*Philipp. ii, 6-8*). Jam in morte sola caro est a Judæis occisa. Si enim discipulis dixit, *Nolite timere eos qui occidunt corpus, animam autem non possunt occidere* (*Math. x, 28*); numquid in ipso potuerunt plus quam corpus occidere? Et tamen carne occisa Christus occisus est. Ita cum caro animam posuit, Christus animam posuit; et cum caro, ut resurgeret, animam sumpsit, Christus animam sumpsit. Nec tamen potestate carnis hoc factum est; sed ejus qui et animam et carnem, ubi haec adimplerentur, assumpsit.

14. *Hoc, inquit, mandatum accepi a Patre meo.* Verbum non verbo¹ accepit mandatum, sed in Verbo unigenito Patris est omne mandatum. Cum autem dicitur Filius a Patre accipere quod substantialiter habet, quomodo dictum est, *Sicut habet Pater vitam in semetipso, sic dedit Filio haberet vitam in semetipso* (*Joan. v, 21*), cum Filius ipse sit vita; non potestas minuitur, sed generatio ejus ostenditur. Quoniam Pater non quasi ei filio qui imperfectus est natus, aliquid addidit; sed ei quem perfectum genuit, omnia

¹ Editi, non a verbo. Mas. vero carent prepositione a.

gignendo dedit. Ita illi dedit suam aequalitatem, quem non genuit inaequalem. Sed haec loquente Domino, quoniam lux lucebat in tenebris, et tenebrae eam non comprehendebant (*Joan. i, 5*), *Dissensio iterum facta est inter Iudeos propter sermones hos*. Dicebant autem multi ex ipsis: *Dæmonium habet, et insaniit; quid eum auditis?* Isti fuerunt densissimæ tenebrae. Alii dicebant: *Hæc verba non sunt dæmonium habentis; numquid dæmonium potest cæcorum oculos aperire?* Jam istorum oculi cœperant aperiri.

TRACTATUS XLVIII.

Ab eo loco, Facta sunt Encænia in Jerosolymis; usque ad id, Omnia autem quæcumque dixit Joannes de hoc, vera erant: et multi crediderunt in eum. Cap. x, §. 22-42.

1. Quod jam commendavi Dilectioni vestræ, stabiliter meminisse debetis, sanctum Joannem evangelistam nolle nos semper lacte nutririri, sed solido cibo vesci. Quisquis autem ad sumendum solidum cibum verbi Dei adhuc minus idoneus est, lacte fidei nutritatur, et verbum quod intelligere non potest, credere non cunctetur. Fides enim meritum est, intellectus præmium. In ipso labore intentionis desudat acies mentis nostræ, ut ponat sordiculas nebulae humanæ, et serenetur ad Verbum Dei. Non ergo recusetur labor, si adest amor: nostis enim quoniam qui amat non laborat. Omnis enim labor non amantibus gravis est. Si tantos labores cum avaris portat cupiditas, nobiscum non portat charitas?

2. Evangelium intendite: *Facta sunt autem Encænia in Jerosolymis.* Encænia festivitas erat dedicationis templi. Græce enim καθιδίκηται novum quandocumque novum aliquid fuerit dedicatum, Encænia vocantur¹. Jam et usus habet hoc verbum: si quis nova tunica induatur, encæniare dicitur. Illum enim diem quo tempium dedicatum est, Iudei solemniter celebrabant: ipse dies festus agebatur, cum ea quæ lecta sunt, locutus est Dominus.

3. *Hiems erat.* Et ambulabat Jesus in templo in portico Salomonis. Circundederunt ergo eum Iudei, et dicebant ei: *Quousque animam nostram tollis? Si tu es Christus, dic nobis patam.* Non veritatem desiderabant, sed calumniam præparabant. *Hiems erat*, et frigidí erant: ad illum enim divinum ignem accedere pigrí erant. Sed accedere est credere: qui credit, accedit; qui negat, recedit. Non movetur anima pedibus, sed affectibus. Friguerant a diligendi charitate, et ardebant nocendi cupiditate. Longe aberant, et ibi erant: nou accedebant credendo, et premebant persequendo. Quærebant audire a Domino, Ego sum Christus: et fortasse de Christo secundum hominem sapiebant. Prædicaverunt Prophetæ Christum: sed divinitatem Christi et in Prophetis et in ipso Evangelio nec hæretici intelligunt; quanto minus Iudei, quamdiu velamen est super cor eorum (*II Cor. iii, 15*)? Denique quodam loco sciens Dominus Jesus eos de Christo secundum hominem sapere, non secundum

Deum, secundum id quod homo erat, non secundum id quod Deus etiam assumpto homine permanebat, ait illis: *Quid vobis videtur de Christo? cuius filius est?* Responderunt secundum opinationem suam: *David.* Sic enim legerant, et hoc solum tenebant: quia divinitatem ejus legebant, sed non intelligebant. Dominus autem ut eos suspenderet ad querendam ejus divinitatem, cuius contemnebant infirmitatem, respondit eis: *Quomodo ergo David in spiritu dicit eum Dominum, dicens, Dixit Dominus Dominu meo, Sede a dextris meis, donec ponam inimicos tuos sub pedibus tuis?* Si ergo David in spiritu dicit eum Dominum, quomodo filius ejus est (*Matth. xxii, 42-45*)? Non negavit, sed interrogavit. Ne quis hoc cum audierit, putet quod Dominus Jesus negaverit se filium esse David. Filium David Dominus Christus si se negaret, cœcos sic eum invocantes non illuminaret. Transibat enim aliquando, et duo cœci sedentes juxta viam clamaverunt: *Miserere nostri, fili David.* Qua voce audita, misertus est; stetit, sanavit, lumen dedit (*Id. xx, 30-34*); quia nomen agnovit. Dicit et apostolus Paulus, *Qui factus est ei ex semine David secundum carnem* (*Rom. i, 3*): et ad Timotheum, *Memor esto Iesum Christum resurrexisse a mortuis ex semine David secundum Evangelium meum* (*II Tim. ii, 8*). Quia de semine David originem Maria virgo ducebatur, inde Dominus de semine David.

4. Hoc pro magno Iudei a Christo quærebat, ut si diceret, Ego sum Christus, secundum quod illi solum sapiebant de semine David, calumniarentur quod sibi arrogaret regiam potestatem. Plus est quod eis respondit: illi de filio David volebant calumniari, ille Filium Dei se esse respondit. Et quomodo? Audite: Respondit eis Jesus: *Loquor vobis, et non creditis; opera quæ ego facio in nomine Patris mei, hæc testimonium perhibent de me: sed vos non creditis, quia non estis ex oibis meis.* Jam supra (in Tract. 45) didicistis quæ sint oves: estote oves. Oves credendo sunt, oves pastorem sequendo sunt, o es redemptorem non contempnendo sunt, oves per ostium intrando sunt, oves exeundo et pascua inveniendo sunt, oves vita æterna perfruendo sunt. Quomodo ergo istis dixit, *Non estis ex oibis meis?* Quia videbat eos ad sempiternum interitum prædestinatos, non ad vitam æternam sui sauginis pretio comparatos.

5. *Oves meæ vocem meam audiunt, et cognosco eas, et sequuntur me: et ego vitam æternam do eis.* Ecco sunt pascua. Si recolitis, superius dixerat, *Et ingreditur, et egredietur, et pascua inveniet.* Ingressi sumus credendo, egredimur moriendo. Sed quomodo per ostium fidei ingressi sumus, sic fideles de corpore examineamus: sic enim per ipsum ostium egredimur, ut pascua invenire possimus. Bona pascua, vita æterna dicitur: ibi nulla herba arescit, totum viret, totum viget. Solet quædam herba dici semper viva¹: ibi solum vivere invenitur. *Vitam æternam, inquit, dabo eis, oibis meis.* Vos calumnias propriae quæritis, quia de vita præsenti cogitatis.

¹ In MSS., *semper vivil*: dicitur Græcis, *aeizōn*, sive *aeizōn*.

¹ MSS., *Encænia vocatur.*

6. *Et non peribunt in æternum : subaudis, tanquam eis dixerit, Vos peribitis in æternum, quia non estis ex ovibus meis. Non rapiet eas quisquam de manu mea. Intentius accipite : Pater meus quod dedit mihi, majus est omnibus.* Quid potest lupus? quid potest fur et latro? Non perdunt nisi ad interitum prædestinatos. De illis autem ovibus, de quibus dicit Apostolus, *Novit Dominus qui sunt ejus* (II Tim. ii, 19); et, *Quos præscivit, ipsos et prædestinavit ; quos autem prædestinavit, ipsos et vocavit ; quos autem vocavit, illos et justificavit ; quos autem justificavit, ipsos et glorificavit* (Rom. viii, 29, 30) : de ovibus istis nec lupus rapit, nec fur tollit, nec latro interficit. Securus est de numero earum, qui pro eis novit quod dedit. Et hoc est quod ait, *Non rapiet eas quisquam de manu mea* : et item ad Patrem, *Pater meus quod dedit mihi, majus est omnibus.* Quid dedit Filio Pater majus omnibus? Ut ipse illi esset unigenitus Filius. Quid est ergo, *dedit?* jam erat cui daret, an gignendo dedit? Nam si erat cui daret ut Filius esset, aliquando erat, et Filius non erat : Absit ut aliquando Dominus Christus fuerit, et Filius non fuerit. De nobis hoc dici potest : aliquando filii hominum eramus, filii Dei non eramus. Nos enim filios Dei gratia fecit, illum natura, quia ita natus est. Et non est ut dicas, Non erat antequam natus erat : nunquam enim non natus erat, qui Patri coæternus erat. Qui sapit capiat; qui non capit credit¹, nutritur, et capiet. Verbum Dei semper cum Patre, et semper Verbum : et quia Verbum, ideo Filius. Semper ergo Filius, et semper æqualis. Non enim crescendo, sed nascendo æqualis est, qui semper natus est de Patre Filius, de Deo Deus, de æterno coæternus. Pater autem non de Filio Deus : Filius de Patre Deus; ideo Pater Filio gignendo dedit ut Deus esset, gignendo dedit ut sibi coæternus esset, gignendo dedit ut æqualis esset. Hoc est quod majus est omnibus. Quomodo vita Filius, et habens vitam Filius? Quod habet hoc est : tu aliud es, aliud habes. Verbi gratia, habes sapientiam ; numquid tu es ipsa sapientia? Denique quia non es tu ipse quod habes, si amiseris quod habes, redis² ut non habeas : et aliquando resumis, aliquando amittis. Quomodo oculus noster non in seipso habet inseparabiliter lucem; aperitur et capit, clauditur et amittit. Non sic est Deus Dei Filius, non sic est Verbum Patris : non sic est Verbum quod non sonando transit, sed nascendo manet. Sic habet sapientiam, ut ipse sit sapientia, faciatque sapientes ; sic habet vitam, ut sit ipse vita, faciatque viventes. Hoc est quod majus est omnibus. Attendit Joannes ipse evangelista coelum et terram, volens dicere de Filio Dei; attendit, et transcendit. Cogitavit supra cœlum millia exercitus Angelorum, cogitavit et transcendit universam, sicut aquila nubes, sic sua mente creaturam : transcendit magna omnia, pervenit ad illud quod majus est omnibus; et dixit, *In principio erat Verbum* (Joan. i, 1). Sed quia ille cuius est Verbum non est de Verbo, Verbum autem de illo est cuius est Verbum; ideo ait,

¹ Omnes MSS., qui non sapit credat.

² Sic MSS. At editi, redditis.

Quod dedit mihi Pater, id est, ut sim Verbum ejus, ut sim unigenitus Filius ejus, ut sim splendor lucis ejus, majus est omnibus. Ideo, Nemo rapit, inquit, oves meas de manu mea. Nemo potest rapere de manu Patris mei.

7. *De manu mea, et de manu Patris mei :* quid est hoc, *Nemo rapit de manu mea, et, Nemo rapit de manu Patris mei?* Utrum una manus est Patris et Filii, an forte ipse Filius manus est Patris sui? Si manum intelligimus potestatem, una est Patris et Filii potestas; quia una est divinitas : si autem manum intelligamus, sicut dictum est per prophetam, *Et brachium Domini cui revelatum est* (Isa. LIII, 1), manus Patris ipse est Filius. Quod non ita dictum est, tanquam Deus habeat humanam formam, et quasi corporis membra; sed quod per ipsum facta sunt omnia. Nam solent et homines dicere manus suas esse alios homines, per quos faciunt quod volunt. Ali quando et ipsum opus hominis, manus hominis dicitur quod fit per manum : sicut dicitur quisque agnoscere manum suam, cum id quod scripsit agnoscit. Cum ergo multis modis etiam hominis dicatur manus, qui proprie manum habet in sui corporis membris; quanto magis non uno modo intelligendum est cum legitur manus Dei, cui forma corporis nulla est? Ac per hoc melius hoc loco manum Patris et Filii intelligimus potestatem Patris et Filii; ne forte cum hic manum Patris ipsum Filium dictum acceperimus, incipiat carnalis cogitatio etiam ipsius Filii querere Filium, quem similiter credat Christi manum. Ergo, *Nemo rapit de manu Patris mei;* hoc est, Nemo rapit mihi.

8. Sed ne forte adhuc titubes, audi quid sequitur : *Ego et Pater unus sumus.* Huc usque Judæi tolerare potuerunt : audierunt, *Ego et Pater unus sumus*, et non pertulerunt; et more suo duri, ad lapides cucurserunt. *Tulerunt lapides, ut lapidarent eum.* Dominus quia non patiebatur quod nolebat pati, et non est passus nisi quod voluit pati, adhuc eos lapidare cupientes alloquitur. « Sustulerunt lapides Judæi, ut lapidarent illum. Respondit eis Jesus : Multa bona opera ostendi vobis ex Patre meo, propter quod eorum opus me lapidatis? Et illi responderunt : De bono opere non lapidamus te, sed de blasphemia, et quia tu homo cum sis, facis te ipsum Deum. » Ad illud hoc responderunt quod dixerat, *Ego et Pater unus sumus.* Ecce Judæi intellexerunt quod non intelligunt Ariani. Ideo enim irati sunt, quoniam senserunt non posse dici, *Ego et Pater unus sumus*, nisi ubi æquitas est Patris et Filii.

9. Dominus autem videte quid responderit tardis. Vedit eos non ferre splendorem veritatis, et eum temperavit in verbis. *Nonne scriptum est in Lege vestra, id est, vobis data, quia ego dixi, Dii estis?* Deus dicit per Prophetam in Psalmo hominibus : *Ego dixi, Dii estis* (Psal. LXXXI, 6). Et Legem appellavit Dominus generaliter omnes *Mas Scripturas* : quamvis alibi specialiter dicat Legem, a Prophetis eam distinguens; sicut est, *Lex et Prophetæ usque ad Joannem* (Luc. XVI, 16); et, *In his duabus præceptis tota Lex pendet et Prophetæ*

(*Matth. xxii, 40*). Aliquando autem in tria distribuit casdem Scripturas, ubi ait : *Oportebat impleri omnia quæ scripta sunt in Lege, et Prophetis, et Psalmis de me (Luc. xxiv, 44)*. Nunc vero Psalms etiam Legis nomine nuncupavit, ubi scriptum est : *Ego dixi, Dii estis. Si illos dixit deos ad quos sermo Dei factus est, et non potest solvi Scriptura : quem Pater sanctificavit et misit in mundum, vos dicilis, Quia blasphemas ; quia dixi, Filius Dei sum ?* Si sermo Dei factus est ad homines ut dicerentur dii, ipsum Verbum Dei quod est apud Deum, quomodo non est Deus ? Si per sermonem Dei sunt homines dii, si participando sunt dii, unde participant non est Deus ? Si lumina illuminata dii sunt, lumen quod illuminat non est Deus ? Si calefacti quodammodo igne salutari dii efficiuntur, unde calefiant non est Deus ? Accedis ad lumen et illuminaris, et inter filios Dei numeraris ; si recessis a lumine, obscuraris, et in tenebris computaris : illud tamen lumen nec accedit ad se, quia non recedit a se. Si ergo vos deos facit sermo Dei, quomodo non est Deus Verbum Dei ? Pater ergo sanctificavit Filium suum, et misit in mundum. Forte aliquis dicat : Si Pater eum sanctificavit, ergo aliquando non erat sanctus ? Sic sanctificavit, quomodo genuit. Ut enim sanctus esset, gignendo ei dedit, quia sanctum eum genuit. Nam si quod sanctificatur, ante non erat sanctum ; quomodo dicimus Deo Patri, *Sanctificetur nomen tuum (Matth. vi, 9)* ?

10. *Si non facio opera Patris mei, nolite mihi credere : si autem facio, et si mihi non vultis credere, operibus credite, ut cognoscatis et credatis quia in me est Pater, et ego in illo.* Non sic dicit Filius, *in me est Pater, et ego in illo*, quomodo possunt homines dicere. Si enim bene cogitemus, in Deo sumus ; et si bene vivamus, Deus in nobis est : fideles participantes ejus gratiam, illuminati ab ipso, in illo sumus, et ipse in nobis. Sed non sic unigenitus Filius : ille in Patre, et Pater in illo, tanquam æqualis in eo cui est æqualis. Denique nos aliquando possumus dicere, *In Deo sumus, et Deus in nobis : Ego et Deus unus sumus, numquid possumus dicere ? In Deo es, quia Deus te continet ; Deus est in te, quia templum Dei factus es : sed numquid quia in Deo es, et Deus est in te, potes dicere, Qui me videt, Deum videt : quomodo Unigenitus dixit, Qui me vidit, vidit et Patrem (Joan. xiv, 9) ; et, Ego et Pater unus sumus ? Agnosce proprium Domini, et munus servi. Proprium Domini, est æqualitas Patris : munus servi, est participatio Salvatoris.*

11. *Quærebant ergo eum apprehendere.* Utinam apprehenderent, sed credendo et intelligendo, non sanguiendo et occidendo. Nam modo, fratres mei, quando talia loquor, infirmus fortia, parvus magna, fragilis solida, et vos tanquam ex eadem massa unde sum et ego, et ego ¹ ipse qui vobis loquor, simul omnes apprehendere volumus Christum. Quid est apprehendere ? Intellexisti, apprehendisti. Sed non sic Judæi : tu apprehendisti ut habeas, illi apprehendere volebant

ut non haberent. Et quia sic volebant apprehendere, quid eis fecit ? *Exit de manibus eorum.* Non cum apprehenderunt, quia manus fidei non habuerunt. Verbum caro factum est : sed non erat Verbo magnum, ejicere carnem suam de manibus carnis. Mente Verbum apprehendere, hoc est Christum recte apprehendere.

12 *Et abiit iterum trans Jordanem, in eum locum ubi Joannes baptizans primum, et mansit ibi.* Et multi venerunt ad eum, et dicebant : *Quia Joannes quidem signum fecit nullum. Meministis vobis dictum de Joanne, quia lucerna erat, et diei testimonium perhibebat (Joan. v, 35, 33).* Quid ergo isti apud se dixerunt, *Joannes signum fecit nullum ? Nullum, inquit, miraculum ostendit Joannes : non dæmonia fugavit, non expulit febrem, non cæcos illuminavit, non mortuos suscitat, non tot millia hominum de quinque vel septem panibus pavit, non supra mare ambulavit, non ventis et fluctibus imperavit ; nihil horum fecit Joannes : et totum quidquid dicebat, huic testimonium perhibebat.* Per lucernam veniamus ad diem. *Joannes nullum signum fecit. Omnia autem quæcumque dixit Joannes de hoc, vera erant. Ecce qui apprehenderunt, non quomodo Judæi. Judæi volebant apprehendere discendentem, apprehenderunt isti permanentem. Denique quid sequitur ? Et multi crediderunt in eum.*

TRACTATUS XLIX.

Ab eo quod legitur, Erat autem quidam languens, Lazarus; usque ad id, Abiit in regionem juxta desertum, in civitatem quæ dicitur Ephrem, et ibi morabatur cum discipulis suis. Cap. xi, §. 1-54.

1. Inter omnia miracula quæ fecit Dominus noster Jesus Christus, Lazari resurrectio præcipue prædatur. Sed si attendamus quis fecerit, delectari debemus potius quam mirari. Ille suscitavit hominem, qui fecit hominem : ipse enim est Unicus Patris, per quem, sicut nostis, facta sunt omnia. Si ergo per illum facta sunt omnia, quid mirum est si resurrexit unus per illum, cum tot quotidie nascantur per illum ? Plus est homines creare quam resuscitare. Dignatus est tamen et creare et resuscitare ; creare omnes, resuscitare quosdam. Nam cum multa fecisset Dominus Jesus, non omnia scripta sunt ; sicut idem ipse sanctus Joannes evangelista testatur multa Dominum Christum et dixisse et fecisse quæ scripta non sunt (*Joan. xx, 30*) : electa sunt autem quæ scriberentur, quæ saluti credentium sufficere videbantur. Audisti enim quia Dominus Jesus mortuum suscitavit : sufficit tibi ut scias quia si vellet, omnes mortuos suscitaret. Et hoc quidem sibi ad finem sæculi reservavit. Nam quem audistis magno miraculo quatriduanum mortuum suscitasse de sepulcro, veniet hora, sicut ipse ait, quando omnes qui sunt in monumentis, audient vocem ejus et procedent. Resuscitavit putentem, sed tamen in cadavere putente adhuc erat forma membrorum ; ille in novissimo die ad unam vocem cineres est restituturus in carnem. Sed oportebat ut modo aliqua ficeret, quibus datis velut suæ virtutis indicis credamus in eum, et ad illam resurrectionem præ-

¹ Er. Lugd. Ven. semel ferunt, et ego. M.

paremur, quæ erit ad vitam, non ad judicium. Ita quippe ait : *Veniet hora quando omnes qui in monumentis sunt, audient vocem ejus : et procedent qui bene fecerunt, ad resurrectionem vitæ ; qui male egerunt, ad resurrectionem judicii* (*Joan. v, 28, 29*).

2. Tres tamen mortuos a Domino resuscitatos in Evangelio legimus, et forte non frustra. Domini quippe facta non sunt tantummodo facta, sed signa. Si ergo signa sunt, præter id quod mira sunt, aliquid profecto significant : quorum factorum significatiōnem invenire, aliquanto est operosius, quam ea legere vel audire. Admirantes audiebamus, tanquam magni miraculi spectaculo ante nostros oculos constituto, cum Evangelium legeretur, quemadmodum revixerit Lazarus. Si attendamus mirabiliora opera Christi, omnis qui credit, resurget (*a*) : si attendamus omnes, et intelligamus detestabiliores mortes, omnis qui peccat moritur. Sed mortem carnis omnis homo timet, mortem animæ pauci. Pro morte carnis quæ sine dubio quandoque ventura est, curant omnes ne veniat : inde est quod laborant. Laborat ne moriatur homo moriturus, et non laborat ne peccet homo in æternum victurus. Et cum laborat ne moriatur, sine causa laborat; id enim agit ut multum mors differatur, non ut evadatur : si autem peccare nolit, non laborabit, et vivet in æternum. O si possemus excitare homines, et cum ipsis pariter excitari, ut tales essemus amatores vitaे permanentis, quales sunt homines amatores vitaе fugientis! Quid non facit homo sub mortis periculo constitutus? Gladio impidente cervicibus, prodiderunt homines quidquid sibi, unde viverent, reservabant. Quis non continuo prodidit ne percuteretur? Et post præditionem fortasse percussus est. Quis non, ut viveret, continuo perdere voluit unde viveret, eligens vitam mendicantem quam celerem mortem? Cui dictum est, *Navige ne moriaris*; et distulit? Cui dictum est, *Labora ne moriaris*; et piger fuit? *Levia* Deus jubet, ut in æternum vivamus; et obediens negligimus. Non tibi Deus dicit, *Perda quidquid habes*, ut vivas exiguo tempore in labore sollicitus; sed, *Da panperi unde habes*, ut vivas semper sine labore securus. Accusant nos amatores vitaе temporalis, quam nec cum volunt, nec quamdiu volunt habent: et nos inviem non accusamus, tam pigris, tam tepidi ad capessendam vitam æternum, quam si voluerimus habebimus, cum habuerimus non amitemus; hanc autem mortem quam timemus, etiam si noluerimus, habebimus.

3. Si ergo Dominus magna sua gratia, et magna sua misericordia animas suscitavit, ne moriamur in æternum; bene intelligimus tres illos mortuos quos in corporibus suscitavit, aliquid significare et figurare de resurrectionibus animalium quæ fiunt per fidem: resuscitavit filiam archisynagogi adhuc in domo jacentem (*Marc. v, 41, 42*); resuscitavit juvenem filium videa extra portas civitatis elatum (*Luc. vii,*

(a) Forte legendum sic: *mirabiliore opere Christi omnis qui credit resurget*. Et infra: *detestabiliore morte omnis qui peccat moriatur*.

14, 15); resuscitavit Lazarum sepultum quatriundum. Intueatur quisque animam suam: si peccat, moritur; peccatum, mors est animæ. Sed aliquando in cogitatione peccatur. Delectavit quod malum est, consensisti, peccasti; consensio illa occidit te: sed intus est mors, quia cogitatum malum nondum processit in factum. Talem animam resuscitare se significans Dominus, resuscitavit illam puellam que nondum erat foras elata, sed in domo mortua jacebat, quasi peccatum latebat. Si autem non solum malæ delectationi consensisti, sed etiam ipsum malum fecisti; quasi mortuum extra portam extulisti: jam foris es, et mortuus elatus es. Tamen et ipsum Dominus resuscitavit, et reddidit viduæ matri suæ. Si peccasti, poeniteat te: et resuscitat te Dominus, et reddet Ecclesiae matri tuæ. Tertius mortuus est Lazarus. Est genus mortis immane, mala consuetudo appellatur. Aliud est enim peccare, aliud peccandi consuetudinem facere. Qui peccat et continuo corrigitur, cito reviviscit: quia nondum est implicatus consuetudine, non est sepultus. Qui autem peccare consuevit, sepultus est, et bene de illo dicitur, *fetet*: incipit enim habere pessimam famam, tanquam odorem terribilium. Tales sunt omnes assueti sceleribus, perditæ moribus. Dicis ei, *Noli facere*. Quando te audit quem terra sic premit, et tibi corruptitur, et mole consuetudinis prægravatur? Nec ad ipsum tamen resuscitandum minor fuit virtus Christi. Novimus, vidimus, quotidie videmus homines, pessima consuetudine permutata vivere melius, quam vivunt qui reprehendebant. Detestabaris hominem: ecce ipsa soror Lazari (si tamen ipsa est quæ pedes Domini unxit unguento, et tersit capillis suis quos laverat lacrymis) melius suscitata est quam frater ejus: de magna malæ consuetudinis mole est liberata. Erat enim famosa peccatrix: et de illa dictum est, *Dimituntur ei peccata multa, quoniam dilexit multum* (*Luc. 57-47*). Videmus multos, novimus multos: nemo desperat, nemo de se præsumat. Et desperare malum est, et de se præsumere. Sic noli desperare, ut eligas de quo debebas præsumere.

4. Ergo et Lazarum Dominus suscitavit. Audistis qualem, id est, quid significet Lazari resurrectio. Legamus itaque iam; et quoniam multa in hac lectione manifesta sunt, expositionem in singulis non queramus, ut necessaria pertractemus. Erat autem quidam languens, *Lazarus a Bethania, de castello Mariæ et Marthæ sororum ejus*¹. In superiori lectione meministis quod Dominus exiit de manibus eorum qui lapidare illum voluerant, et discessit trans Jordanem ubi Joannes baptizabat (*Joan. x, 39, 40*). Ibi ergo Domino constituto, infirmabatur in Bethania Lazarus, quod castellum erat proximum Jerosolymis.

5. *Maria autem erat quæ unxit Dominum unguento, et extersit pedes ejus capillis suis, cujus frater Lazarus infirmabatur. Miserunt ergo sorores ejus ad eum, dicentes. Jam intelligimus quo miserunt, ubi erat Do-*

¹ In omnibus MSS. omittuntur, *sororum ejus*.

(a) Conf. lib. 4, de Sermone Domini in morte, n. 53.

minus : quoniam absens erat, trans Jordanem scilicet. Miserunt ad Dominum, nuntiantes quod ægrotaret frater earum : ut si dignaretur venire, et eum ab ægritudine liberaret. Ille distulit sanare, ut posset resuscitare. Quid ergo renuntiaverunt sorores ejus ? *Domine, ecce quem amas infirmatur.* Non dixerunt, Veni : amanti enim tantummodo nuntiandum fuit. Non ausæ sunt dicere, Veni, et sana : non ausæ sunt dicere, Ibi jube, et hic siet. Cur enim non est istæ, si fides illius Centurionis inde laudatur ? Ait enim : *Non sum dignus ut intres sub tectum meum, sed tantum dic verbo, et sanabitur puer meus* (*Math. viii, 8, 10*). Nihil horum istæ, sed tantummodo, *Domine, ecce quem amas infirmatur.* Sufficit ut noveris ; non enim amas, et deseris. Dicit aliquis : Quomodo per Lazarum peccator significabatur, et a Domino sic amabatur ? Audiat eum dicentem, *Non veni vocare justos, sed peccatores* (*Id. ix, 43*). Si enim peccatores Deus non amaret, de cœlo ad terras non descendebat.

6. *Audiens autem Jesus, dicit eis : Infirmitas hæc non est ad mortem, sed pro gloria Dei, ut glorificetur Filius Dei.* Talis glorificatio ipsius non ipsum auxit, sed nobis profuit. Hoc ergo ait, *non est ad mortem,* quia et ipsa mors non erat ad mortem ; sed potius ad miraculum, quo facto crederent homines in Christum, et vitarent veram mortem. Sane videte quemadmodum tanquam ex obliquo Dominus Deum se dixit, propter quosdam qui negant Filium Deum esse. Nam sunt hæretici qui hoc negant, quod Filius Dei sit Deus. Ecce audiant : *Infirmitas hæc, inquit, non est ad mortem, sed pro gloria Dei.* Qua gloria ? cuius Dei ? Audi quod sequitur : *Ut glorificetur Filius Dei. Infirmitas ergo hæc, inquit, non est ad mortem, sed pro gloria Dei, ut glorificetur Filius Dei per eam.* Per quam ? Per illam infirmitatem.

7. *Diligebat autem Jesus Martham, et sororem ejus Mariam, et Lazarum.* Ille languens, illæ tristes, omnes dilecti : sed diligebat eos et languentium salvator, imo etiam mortuorum suscitator, et tristium consolator. *Ut ergo audivit quia infirmabatur, tunc quidem mansit in eodem loco duobus diebus.* Nuntiaverunt ergo illi; mansit illic ille : tamdiu tempus ductum est, quoque quatriuum completeretur. Non frustra, nisi quia forte, imo quia certe et ipse numerus dierum intimat aliquod sacramentum. *Deinde post hæc dicit iterum discipulis suis, Eamus in Iudeam :* ubi pene fuerat lapidatus, qui propterea inde discessisse videbatur, ne lapidaretur. Discessit enim ut homo ; sed in reudeo quasi oblitus infirmitatem, ostendit potestatem. *Eamus, inquit, in Iudeam.*

8. Deinde hoc dicto, vide quemadmodum discipuli territi fuerint. *Dicunt ei discipuli : Rabbi, nunc quærebant te Judæi lapidare, et iterum vadis illuc ? Respondit Jesus : Nonne duodecim sunt horæ diei ? Quid sibi vult ista responsio ?* Illi dixerunt, *Modo te lapidare volebant Judæi, et iterum illuc vadis, ut te lapident ?* Et Dominus, *Nonne duodecim horæ sunt diei ? Si quis ambulaverit in die, non offendit, quia lucem hu-*

jus mundi videt : si autem ambulaverit in nocte, offendit, quia lux non est in eo. De die quidem locutus est, sed in nostra intelligentia quasi adhuc nox est. Invocemus diem, ut expellat noctem, et cor lumine illustret. Quid enim Dominus dicere voluit ? Quantum mihi videtur, quantum sublucet altitudo profunditasque sententiae, redarguere voluit illorum dubitationem et infidelitatem. Voluerunt enim consilium dare Domino ne moreretur, qui venerat mori, ne ipsi morentur. Sic etiam quodam alio loco Petrus sanctus diligens Dominum, sed adhuc non plene intelligens cur venisset, timuit ne moreretur, et vitæ displicuit, id est, ipsi Domino : nam cum indicaret discipulis quod esset Jerosolymis passurus a Judæis¹, respondit Petrus inter ceteros, et ait, *Absit a te, Domine, propitius tibi esto, non fit istud.* Et continuo Dominus, *Abdi post me, satanas, non enim sapis quæ Dei sunt, sed quæ hominum.* Et paulo ante consilens Filium Dei laudem meruerat : audierat enim, *Beatus es, Simon Bar Jona, quia non tibi revelavit caro et sanguis, sed Pater meus qui in cælis est* (*Math. xvi, 16-23*). Cui dixerat, *Beatus es* ; illi dicit, *Abdi retro, satanas : quia beatus a se non erat, Sed unde ? Quia non tibi revelavit caro et sanguis, sed Pater meus qui in cælis est.* Ecce unde beatus, non de tuo, sed de meo. Non quia Pater ego, sed quia omnia quæ habet Pater, mea sunt (*Joan. xvi, 45*). Si beatus de ipsius Domini ; satanas de cuius ? Ibi dicit : rationem quippe reddidit beatitudinis, ut diceret, *Non caro et sanguis tibi revelavit hoc, sed Pater meus qui in cælis est : hæc est causa beatitudinis tuæ.* Quod vero dixi, *Abdi post me, satanas, audi etiam hujus rei causam : Non enim sapis quæ Dei sunt, sed quæ sunt hominum.* Nemo ergo se palpet ; de suo satanas est, de Dei beatus est. Quid est enim de suo, nisi de peccato suo ? Tolle peccatum, quod est tuum. Justitia, inquit, de meo est². Quid enim babes quod non accepisti (*1 Cor. iv, 7*) ! Cum ergo vellent dare consilium homines Deo, discipuli magistro, servi Domino, ægroti medico ; corripuit eos, et ait, *Nonne duodecim horæ sunt diei ? Si quis ambulaverit in die, non offendit.* Me sequimini, si non vultis offendere : nolite mihi consilium dare, quos a me consilium oportet accipere. Quo ergo pertinet, *Nonne duodecim horæ sunt diei ?* Quia ut diem se esse ostenderet, duodecim discipulos elegit. Si ego sum, inquit, dies, et vos horæ, numquid horæ diei consilium dant ? Horæ diem sequuntur, non dies horas. Si ergo illi horæ, quid ibi Judas ? Et ipse inter duodecim horas ? Si hora erat, lucebat ; si lucebat, quomodo diem ad mortem tradebat ? Sed Dominus in hoc verbo non ipsum Judam, sed successorem ipsius prævidebat. Juda enim cadente successit Matthias, et duodenarius numerus mansit (*Act. i, 26*). Non ergo frustra duodecim discipulos elegit Dominus, nisi quia ipse spiritualis est dies. Sequantur ergo horæ diem, prædicent horæ diem, horæ illustrentur a die, horæ

¹ In sex MSS., quid esset passurus.

² Hæc est Er. punctuatio in hunc locum : *Tolle peccatum quod est tuum, justitia, inquit, de meo est.* Lov. post tuum, duo ; uncta interponunt. M.

illuminentur a die, et per horarum prædicationem credat mundus in diem. Hoc ergo ait de compendio, Me sequimini, si non vultis offendere.

9. *Et post hoc dicit eis: Lazarus amicus noster dormit; sed vado, ut a somno excitem eum.* Verum dixit. Sororibus mortuus erat, Domino dormiebat. Hominibus mortuus erat, qui eum suscitare non poterant: nam Dominus tanta cum facilitate excitabat de sepulcro, quanta tu non excitas dormientem de lecto. Ergo secundum potentiam suam dixit dormientem: quia et alii mortui dicti sunt in Scripturis saepe dormientes, sicut Apostolus dicit, *De dormientibus autem nolo vos ignorare, fratres, ut non contristemini, sicut et ceteri qui spem non habent* (*I Thess. iv, 12*). Ideo et ipse dormientes appellavit, quia resurrecturos prænuntiavit. Dormit ergo omnis mortuus, et bonus et malus. Sed quomodo interest in ipsis qui quotidie dormiunt et exsurgunt, quid quisque videat in somnis: alii sentiunt leta somnia, alii torquentia, ita ut evigilans dormire timeat, ne ad ipsa iterum redeat: sic unusquisque hominum cum causa sua dormit, cum causa sua surgit. Et interest quali custodia quisque recipiatur, ad judicem postea producendus. Nam et receptiones in custodia pro meritis causarum adhibentur: alios jubentur custodire lictores, humanum et mite officium atque civile; alii traduntur optionibus¹; alii mittuntur in carcerem: et in ipso carcere non omnes, sed pro meritis graviorum causarum in ima carceris contruduntur. Sicut ergo diversæ custodiæ agentium in officio; sic diversæ custodiæ mortuorum, et diversa merita resurgentium. Receptus est pauper, receptus est dives: sed ille in sinum Abrahæ; ille ubi sitiret, et guttam non inveniret (*Luc. xvi, 22-24*).

10. Habent ergo omnes animæ, ut ex hac occasione instruam Charitatem vestram, habent omnes animæ, cum de seculo exierint, diversas receptiones suas. Habent gaudium bonæ, male tormenta. Sed cum facta fuerit resurrectio, et bonorum gaudium amplius erit, et malorum tormenta graviora; quando cum corpore torquebuntur. Recepti sunt in pace sancti Patriarchæ, Prophetæ, Apostoli, Martyres, boni fidèles; omnes tamen adhuc in fine accepturi sunt quod promisit Deus: promissa enim est resurrectio etiā carnis, mortis consumptio, vita æterna cum Angelis. Hoc omnes simul accepturi simus: nam requiem quæ continuo post mortem datur, si ea dignus est, tunc accipit quisque cum moritur. Priores acceperunt Patriarchæ: videte ex quo requiescant: posteriores Prophetæ, recentius Apostoli, multo recentiores sancti Martyres, quotidie boni fidèles. Et alii in ista requie jam diu sunt², alii non tam diu, alii paucioribus annis, alii nec recenti tempore. Cum vero ab hoc

¹ In MSS. per b scribitur *optionibus*: corrupte; nam optiones Varro, Isidorus aliquæ putant ab optando dictos, qui nimur electi essent decurionum adiunctorum et adjutores in re militari. Iisque variis præterea munis preficiebantur: unde sunt optiones fabrica, et officii sive carceris, quo postremo significatu hic nominantur; uero non in Comment. super Ephes. cap. 4, inter Ambrosii opera, his verbis: Neque Paulus et Silas tempus distulerunt, quo optionem carceris baptizarent.

² Sic plures MSS. At editi, *tamdiu sunt*: et paulo infra,

somino evigilabunt, simul omnes quod promissum est accepturi sunt.

11. *Lazarus amicus noster dormit; sed rado, ut a somno excitem eum.* Dixerunt ergo discipuli: quomodo intellexerunt, sic responderunt: Domine, si dormit, salvis erit. Solet enim esse somnus agrotantium salutis indicium. Dixerat autem Jesus de morte ejus; illi autem putaverunt quod de dormitione somni diceret. Tunc ergo dixit eis Jesus manifeste. Subobscurè enim dixerat, dormit: ait ergo manifeste, *Lazarus mortuus est: et gaudeo propter vos, ut credatis; quia non eram ibi.* Et scio quia mortuus est, et non ibi eram: riger enim, non mortuus, fuerat nuntiatus. Sed quid lateret eum qui creaverat, et ad cuius manus anima morientis exierat? Hoc est quod ait, *Gaudeo propter vos, ut credatis; quia non ibi eram: ut jam inciperent admirari, quia Dominus potuit dicere mortuum, quod nec viderat nec audierat.* Ubi sane meminisse debemus quod adhuc etiam ipsorum discipulorum qui in eum jam crediderant, miraculis ædificabatur fides: non ut ea quæ non erat, esse inciperet, sed ut ea quæ jam esse cœperat, cresceret; quamvis tali verbo usus sit, quasi tunc credere inciperent. Non enim ait, *Gaudeo propter vos, ut fides vestra pugeatur, sive firmetur; sed ait, ut credatis: quod intelligendum est, ut amplius robustiusque credatis.*

12. *Sed eamus ad eum.* Dixit ergo Thomas, qui dicitur Didymus, ad condiscipulos: Eamus et nos, et moriamur cum illo. Venit itaque Jesus, et invenit eum quatuor dies jam in monumento habentem. De quatuor diebus multa quidem dici possunt, sicut se habent obscura Scripturarum, quæ pro diversitate intelligentium, multos sensus pariunt. Dicamus et nos quid nobis videatur significare mortuus quatriduanus. Quomodo enim in illo ex eo intelligimus quodammodo humanum genus, sic forte et in isto mortuo multis intellectu sumus: diversis enim modis una res significari potest. Homo quando nascitur, jam cum morte nascitur; quia de Adam peccatum trahit. Unde dicit Apostolus: *Per unum hominem peccatum intravit in mundum, et per peccatum mors; et ita in omnes homines pertransiit, in quo omnes peccaverunt* (*Rom. v, 12*). Ecce habes unum diem mortis, quod homo trahit de mortis propagine. Deinde crescit, incipit accedere ad rationales annos, ut legem sapiat naturalem, quam omnes habent in corde fixam: Quod tibi non vis fieri, alii ne feceris. Numquid hoc de paginis discitur¹, et non in natura ipsa quodammodo legitur? Furtum vis pati? Utique non vis. Ecce lex in corde tuo: Quod non vis pati, facere noli. Et hanc legem transgrediuntur homines: ecce alter dies mortis. Data est Lex etiam divinitus per famulum Del Moysen: dictum est illuc, *Non occides; Non mæcha beris; Non falsum testimonium dices; Honora patrem et matrem; Non concupisces rem proximi tui; Non concupisces uxori proximi tui* (*Exod. xx, 12-17*). Ecce

allii recenti tempore, omissis nec; pro quo aliquot MSS. habent, in.

¹ Juxta Er. Lugd. et Ven.: *Nunquid hoc de Paginis dicitur?* M.

Lex scripta est, et ipsa contemnitur: ecce tertius dies mortis. Quid restat? Venit et Evangelium, prædicatur regnum cœlorum, diffamatur ubique Christus, minatur gehennam, vitam promittit æternam, et ipsa contemnitur. Transgrediuntur homines Evangelium: ecce quartus dies mortis. Merito jam patet. Numquid et talibus est neganda misericordia? Absit: etiam ad tales Dominus excitandos non dedignatur accedere.

13. *Multi autem ex Iudeis venerant ad Martham et Mariam, ut consolarentur eas de fratre, suo. Martha ergo ut audivit quia Jesus venit, occurrit illi: Maria autem domini sedebat. Dixit ergo Martha ad Jesum: Domine, si fuisses hic, frater meus non fuisset mortuus; sed et nunc scio quia quæcumque poposceris a Deo, dabit tibi Deus. Non dixit. Sed et modo rogo te ut resuscites fratrem meum. Unde enim sciebat, si fratri ejus resurgere utile fuerit? Hoc tantum dixit, Scio quia potes, si vis facis: utrum enim facias, judicii tui est, non præsumptionis meæ. Sed et nunc scio quia quæcumque poposceris a Deo, dabit tibi Deus.*

14. *Dicit illi Jesus: Resurget frater tuus. Hoc ambiguum fuit. Non enim ait, Modo resuscito fratrem tuum; sed, Resurget frater tuus. Dicit ei Martha: Scio quia resurget in resurrectione, in novissima die. De illa resurrectione secura sum, de hac incerta sum. Dicit ei Jesus: Ego sum resurrectio. Dicis, Resurget frater meus in novissima die: verum est; sed per quem tunc resurget, potest et modo, quia Ego sum, inquit, resurrectio et vita. Audite, fratres, audite quid dicat. Certe tota exspectatio erat circumstantium ut revivisceret Lazarus, unus mortuus quatriduanus: audiamus, et resurgamus. Quam multi sunt in hoc populo, quos premit consuetudinis moles! Forte audiunt me quidam, quibus dicitur, Nolite inebriari vino in quo est luxuria (Ephes. v, 18): dicunt, Non possumus. Forte audiunt me aliqui immundi, lasciviis et flagitiis inquinati, quibus dicitur, Nolite hoc facere, ne pereatis: et respondent, Non possumus tolli a consuetudine nostra. O Domine, istos resuscita. Ego sum, inquit, resurrectio et vita. Ideo resurrectio, quia vita.*

15. *Qui credit in me, etiamsi mortuus fuerit, vivet: et omnis qui vivit et credit in me, non morietur in æternum. Quid est hoc? Qui credit in me, etiamsi mortuus fuerit, sicut Lazarus mortuus est, vivet; quia non est Deus mortuorum, sed vivorum. De olim mortuis patribus, hoc est de Abraham, et Isaac, et Jacob, tale responsum Iudei dedit: Ego sum Deus Abraham, et Deus Isaac, et Deus Jacob, non est Deus mortuorum, sed vivorum: omnes enim illi vivunt (Matth. xxii, 32, et Luc. ix, 37, 38). Crede ergo; et si mortuus fueris, vives: si autem non credis; et cum vivis, mortuus es. Probemus et hoc, quia si non credis, etsi vivis, mortuus es. Cuidam Dominus differenti sequi eum, et dicens, Eam prius sepelire patrem meum: Sine, inquit, mortuos sepelire mortuos suos; tu veni, sequere me (Matth. viii, 21, 22). Erat ibi mortuus sepeliendus, erant ibi et mortui mortuum sepulti: ille mortuus in carne, illi in anima. Unde mors in anima? Quia non est fides. Unde mors in corpore? Quia non est ibi*

anima. Ergo animæ tue anima fides est. *Qui credit in me, inquit, etiamsi mortuus fuerit in carne, vivet in anima; donec resurgat et caro nunquam postea moritura. Hoc est, Qui credit in me, licet moriatur, vivet. Et omnis qui vivit in carne et credit in me, etsi morietur ad tempus propter mortem carnis, non morietur in æternum propter vitam spiritus, et immortalitatem resurrectionis. Hoc est quod ait, Et omnis qui vivit et credit in me, non morietur in æternum. Credis hoc? Ait illi: Utique, Domine, ego credidi, quia tu es Christus Filius Dei, qui in mundum venisti. Quando hoc credidi, credidi quia tu es resurrectio, credidi quia tu es vita; credidi quia qui credit in te, etsi moriatur, vivet; et qui vivit et credit in te, non morietur in æternum.*

16. *Et cum hæc dixisset, abiit, et vocavit Mariam sororem suam silentio, dicens: Magister adest, et vocat te. Advertendum est quemadmodum suppressam vocem silentium nuncupavit. Nam quomodo siluit, quæ dixit, Magister adest, et vocat te? Advertendum etiam quemadmodum Evangelista non dixerit ubi vel quando vel quomodo Mariam Dominus vocaverit, ut hoc in verbis Marthæ potius intelligeretur, narrationis brevitatem servata.*

17. *Illa ut audivit, surgit cito, et venit ad eum. Non dum enim venerat Jesus in castellum, sed erat adhuc in illo loco ubi occurrerat ei Martha. Iudei igitur qui erant cum illa in domo, et consolabantur eam, cum vidissent Mariam, quia cito surrexit et exit, secuti sunt eam dicentes: quia vadit ad monumentum, ut ploret ibi. Quare pertinuit hoc ad Evangelistam narrare? Ut videamus quæ occasio fecerit ut plures ibi essent quando Lazarus resuscitatus est. Putantes enim Iudei propterea illam festinare, ut doloris sui solarium lacrimis quæreret, secuti sunt eam; ut tam grande miraculum quatriduani mortui resurgentis, testes plurimos invenirent.*

18. *Maria autem cum venisset ubi erat Jesus, videns eum, cecidit ad pedes ejus, et dixit ei: Domine, si fuisses hic, frater meus non esset mortuus. Jesus ergo ut videt eam plorantem, et Iudeos qui cum illa erant plorantes, fremuit spiritu, et turbavit semetipsum, et dixit: Ubi posuisti eum? Nescio quid nobis insinuavit tremendo spiritu, et turbando scipsum. Quis enim eum posset, nisi se ipse, turbare? Itaque, fratres mei, primo hic attendite potestatem, et sic inquirite significationem. Turbaris tu nolens; turbatus est Christus, quia voluit. Esurivit Jesus, verum est, sed quia voluit; dormivit Jesus, verum est, sed quia voluit; mortuus est Jesus, verum est, sed quia voluit: in illius potestate erat sic vel sic affici, vel non affici. Verbum enim animam suscepit et carnem, totius hominis sibi coaptans in personæ unitate naturam. Nam et anima Apostoli Verbo illustrata est, anima Petri Verbo illustrata est, anima Pauli, aliorum Apostolorum, sanctorum Prophetarum Verbo illustrata sunt animæ: sed de nulla dictum est, Verbum caro factum est (Joan. i, 14); de nulla dictum est, Ego et Pater unum sumus (Id. x, 30). Animæ et*

caro Christi cum Verbo Drei una persona est, unus Christus est. Ac per hoc ubi summa potestas est, secundum voluntatis nutum tractatur infirmitas¹: hoc est, *turbavit semetipsum*.

19. Dixi potestatem, attendite significationem. Magnus reus est, quem mortis quatriidum et illa significat sepultura. Quid est ergo quod turbat semetipsum Christus, nisi ut significet tibi quomodo turbari tu dehebas, cum tanta mole peccati gravaris et premeris? Attendisti enim te, vidisti te reum, computasti tibi: illud feci, et pepercit mihi Deus; illud commisi, et distulit me; Evangelium audivi, et contempsi; baptizatus sum, et iterum ad eadem revolutus sum: quid facio? quo eo? unde evado? Quando ista dicas, jam fremit Christus; quia fides fremit. In voce frementis appetit spes resurgentis. Si² ipsa fides intus, ibi est Christus fremens: si fides in nobis, Christus in nobis. Quid enim aliud ait Apostolus: *Habitate Christum per fidem in cordibus vestris* (*Ephes.* iii, 17)? Ergo fides tua de Christo, Christus est in corde tuo. Hinc est illud quod dormiebat in navi: et cum periclitarentur discipuli, jam imminente naufragio accesserunt ad eum, et excitarerunt eum: surrexit Christus, imperavit ventis et fluctibus, et facta est tranquillitas magna (*Matth.* viii, 24-26). Sic et tu: intrant venti cor tuum, utique ubi navigas, ubi hanc vitam tanquam procellosum et periculosum pelagus transis; intrant venti, movent fluctus, turbant navim. Qui sunt venti? Audisti convicium, irasceris; convicium ventus est, iracundia fluctus est: periclitaris, disponis respondere, disponis maledictum maledicto reddere, jam navis propinquat naufragio; excita Christum dormientem. Ideo enim fluctus, et mala pro malis reddere preparas, quia Christus dormit in navi. In corde enim tuo somnus Christi, oblio fidei. Nam si excites Christum, id est recolas fidem, quid tibi dicit tanquam vigilans Christus in corde tuo? Ego audivi, *Dæmonium habes* (*Joan.* vii, 20), et pro eis oravi: audit Dominus, et patitur; audit servus, et indignatur! Sed vindicari vis. Quid enim? ego jam sum vindicatus? Cum tibi haec loquitur fides tua, quasi imperatur ventis et fluctibus, et fit tranquillitas magna. Quomodo ergo hoc est excitare Christum in navi, excitare fidem; sic in corde hominis quem premit magna moles et consuetudo peccati, in corde hominis transgressoris etiam sancti Evangelii, contemptoris poenarum æternarum, fremat Christus, increpet se homo. Audi adhuc: flevit Christus, fleat se homo. Quare enim flevit Christus, nisi quia flere hominem docuit? Quare fremuit et turbavit semetipsum, nisi quia fides hominis sibi merito displicens fremere quodammodo debet in accusatione malorum operum, ut violentiae pœnitendi cedat consuetudo peccandi?

20. Et dixit: *Ubi posuistis eum?* Scisti quia mortuus sit, et ubi sit sepultus ignoras? Et ista significatio est, quia sic perditum hominem quasi nescit Deus. Non ausus sum dicere, Nescit: quid enim ille nescit? Sed quasi nescit. Unde hoc probamus? Dominum audi di-

¹ In uno Ms. et apud Alcuinum. *turbatur infirmitas*.

² Particula, si, abest a Ms. plerisque.

eturum in judicio, *Non novi vos; discedite a me* (*Matth.* vii, 23). Quid est, *Non novi vos?* Non vos video in luce mea, non vos video in illa justitia quam novi. Sic et hic tanquam nesciens tales peccatorem, dixit, *Ubi posuistis eum?* Talis est vox Dei in paradiso posteaquam homo peccavit, *Adam, ubi es* (*Gen.* iii, 9)? *Dicunt ei: Domine, veni, et vide.* Quid est, *vide?* Misere. Videat enim Dominus, quando miseretur. Unde illi dicitur, *Vide humilitatem meam, et laborem meum, et dimite omnia peccata mea* (*Psal.* xxiv, 18).

21. *Lacrymatus est Jesus. Dixerunt ergo Iudei: Ecce quomodo amabat eum.* Quid est, *amabat eum?* Non veni vocare justos, sed peccatores in pœnitentiam (*Matth.* ix, 13). *Quidam autem ex ipsis dixerunt: Non poterat hic qui aperuit oculos cacci, facere ut et hic non moreretur?* Qui noluit facere ut non moreretur, plus est quod facturus est, ut mortuus suscitetur.

22. *Jesus ergo rursus fremens in semetipso, renit ad monumentum.* Fremat et in te, si disponis reviviscere. Omni homini dicitur, qui premitur pessima consuetudine: *Venit ad monumentum.* Erat autem spelunca, et lapis superpositus erat ei. Mortuus sub lapide, reus sub lege. Scitis enim quia Lex quæ data est Iudeis, in lapide scripta est (*Exod.* xxxi, 18). Omnes autem rei sub lege sunt: bene viventes cum lege sunt. Justo lex posita non est (*1 Tim.* i, 9). Quid est ergo, *Lapidem removete?* Gratiam prædicate. Apostolus enim Paulus ministrum se dicit Novi Testamenti, non litteræ, sed spiritus¹: *nam littera, inquit, occidit, spiritus vivificat* (*Il Cor.* iii, 6). Littera occidens, quasi lapis est premens. *Removete, inquit, lapidem.* Removete Legis pondus; gratiam prædicate. *Si enim datus esset lex, quæ posset vivificare, omnino ex Lege esset justitia.* Sea conclusis omnia Scriptura sub peccato, ut promissio ex fide Jesu Christi daretur credentibus (*Galat.* iii, 21 et 22). *Ergo removete lapidem.*

23. *Dicit ei Martha, soror ejus qui mortuus fuerat: Domine, jam setet; quatriduanus enim est.* Dicit ei Jesus: *Nonne dixi tibi quoniam si credideris, vides gloriam Dei?* Quid est, *vides gloriam Dei?* Quia et putentem et quatriduanum resuscitat. Omnes enim peccaverunt, et egent gloria Dei (*Rom.* iii, 23): et, *Ubi abundavit peccatum, superabundavit et gratia* (*Id.* v, 20).

24. *Tulerunt ergo lapidem.* Jesus autem elevatis sursum oculis, dixit: *Pater, gratias ago tibi, quoniam audiisti me: ego autem sciebam quia semper me audis; sed propter populum qui circumstat, dixi, ut credant quia tu me misisti.* Haec cum dixisset, magna voce clamavit. Fremuit, lacrymavit, voce magna clamavit. Quam difficile surgit, quem moles malæ consuetudinis premit! Sed tamen surgit: occulta gratia intus vivificatur; surgit post vocem magnam. Quid est factum? *Voce magna clamavit: Lasare, veni foras.* Et statim prodit qui fuerat mortuus, ligatus manus et pedes instititus²; et facies illius sudario erat ligata. Quomodo processit li-

¹ Editi, non littera, sed spiritu. At Ms., non litteræ, sed spiritus, genitivo casu, juxta græcum, ou grammatis, alli pœnitentias.

² Abest a Ms., instititus.

gatis pedibus miraris , et non miraris quia surrexit quadriduanus ? In utroque potentia Domini erat , non vires mortui . Processit , et adhuc ligatus est : adhuc involutus , tamen jam foras processit . Quid significat ? Quando contemnis , mortuus jaces ; et si tanta quanta dixi contemnis , sepultus jaces : quando confiteris , procedis . Quid est enim procedere , nisi ab occulis velut exeundo manifestari ? Sed ut confitearis , Deus facit magna voce clamando , id est , magna gratia vobando . Ideo cum processisset mortuus adhuc ligatus , confitens et adhuc reus ; ut solverentur peccata ejus , ministris hoc dixit Dominus : *Solvite illum , et sinite abire . Quid est , Solvite , et sinite abire ? Quae solveritis in terra , soluta erunt et in celo* (*Math. XVI*, 19).

25. *Multi ergo ex Iudeis qui venerant ad Mariam et viderant quae fecit Jesus , crediderunt in eum : quidam autem ex ipsis abierunt ad Pharisaeos , et dixerunt eis quae fecit Jesus . Non omnes ex Iudeis qui convenerant ad Mariam , crediderunt , sed tamen multi . Quidam vero ex eis , sive ex Iudeis qui convenerant , sive ex eis qui crediderant , abierunt ad Pharisaeos , et dixerunt eis quae fecit Jesus : sive annuntiando , ut et ipsi crederent ; sive potius prodendo , ut scirent . Sed quomodolibet et a quibuslibet , ad Pharisaeos ista perlata sunt .*

26. *Collegunt pontifices et Pharisai concilium , et dicebant : Quid facimus ? Nec tamen dicebant , Credamus . Plus enim perdit homines cogitabant quomodo nocerent ut perderent , quam quomodo sibi consularent ne perirent : et tamen timebant , et quasi consulebant . Dicebant enim : Quid facimus ? Quia hic homo multa signa facit : si dimittimus eum sic , omnes credent in eum ; et venient Romani , et tollent nostrum locum et gentem . Temporalia perdere timuerunt , et vitam eternam non cogitaverunt ; ac sic utrumque amiserunt . Nam et Romani post Domini passionem et glorificationem , tulerunt eis et locum et gentem , expugnando et transferendo : et illud eos sequitur quod alibi dictum est , Filii autem regni hujus ibunt in tenbras exteriores* (*Id. VIII*, 12). Hoc autem timuerunt , ne si omnes in Christum crederent , nemo remaneret qui adversus Romanos civitatem Dei templumque defendenter ; quoniam contra ipsum templum , et contra suas paternas leges doctrinam Christi esse sentiebant .

27. *Unus autem ex ipsis Caiphas , cum esset pontifex anni illius , dixit eis : Vos nescitis quidquam , nec cogitatis quia expedit nobis ut unus moriatur homo pro populo , et non tota gens pereat . Hoc autem a semetipso non dixit , sed cum esset pontifex anni illius , prophetauit . Illic docemur etiam per homines malos prophetiae Spiritum futura praedicere : quod tamen Evangelista divino tribuit sacramento , quia pontifex fuit , id est , summus sacerdos . Potest autem movere quomodo dicatur pontifex anni illius , cum Deus unum constituerit summum sacerdotem , cui mortuo unus succederet . Sed intelligendum est , per ambitiones et contentiones inter Iudeos postea constitutum ut plures essent , et per annos singulos vicibus ministrarent .*

¹ *Edili , robis . MSS. vero , nobis ; faveante graco , emin .*

Nam et de Zacharia hoc dicitur : *Factum est autem , cum sacerdotio fungeretur in ordine vicis sue ante Deum , secundum consuetudinem sacerdotii , sorte exiit ut incensum poneret , ingressus in templum Domini* (*Luc. I*, 8, 9). Ille apparebat plures eos suis , et vices suas habuisse : nam incensum non licet ponere nisi summo sacerdoti (*Exod. XXX*, 7). Et forte etiam unum annum plures administrabant , quibus alio anno alii succedebant , ex quibus sorte exhibat quis , ut incensum poneret . Quid est ergo quod prophetavit Caiphas ? *Quia Jesus moriturus erat pro gente ; et non tantum pro gente , sed ut filios Dei qui erant dispersi , congregaret in unum .* Hoc Evangelista addidit : nam Caiphas de sola gente Iudeorum prophetavit , in qua erant oves de quibus ait ipse Dominus , *Non sum missus nisi ad oves quae perierunt domus Israel* (*Math. XV*, 24). Sed neverat Evangelista esse alias oves , quae non erant de hoc ovili , quas oportebat adduci , ut esset unum ovile et unus pastor (*Joan. X*, 16). Hec autem secundum prædestinationem dicta sunt : nam neque oves ejus , nec filii Dei adhuc erant , qui nondum crediderant .

28. *Ab illo ergo die cogitaverunt ut interficerent eum . Jesus ergo jam non palam ambulabat apud Iudeos , sed abiit in regionem juxta desertum , in civitatem quae dicitur Ephrem , et ibi morabatur cum discipulis suis . Non quia potentia ejus defecrat , in qua utique si vellet , et palam Iudeis conversaretur , et nihil ei facerent ; sed in hominis infirmitate vivendi exemplum discipulis demonstrabat , in quo appareret non esse peccatum , si fideles ejus qui sunt membra ejus , oculis persequentium se subtraherent , et furorem sceleratorum latendo potius devitarent , quam se offerendo magis accenderent .*

TRACTATUS L.

Ab eo loco , Proximum erat Pascha Iudeorum ; usque ad id , Multi propter illum abibant , et credebant in Jesum . Cap. XI , ¶ 55 , 56 , et cap. XII , ¶ 1-11 .

1. *Hesternam lectionem sancti Evangelii , de qua locuti sumus quod Dominus dedit , hodierna sequitur , de qua locuturi sumus quod Dominus dabit . Quædam in Scripturis tam manifesta sunt , ut potius auditorem quam expositorem desiderent : in eis nos immorari non oportet , ut necessarii in quibus immorandum est , tempus sufficiat .*

2. *Proximum ergo erat Pascha Iudeorum . Illum diem festum Iudei cruentum habere Domini sanguine voluerunt . Illo die festo occisus est Agnus , qui nobis eundem diem festum suo sanguine consecravit . Concilium erat inter Iudeos de occidendo Jesu : ille qui de celo venerat pati , propinquare voluit loco passionis , quia imminebat hora passionis . Ascenderunt ergo multi Jerosolymam de regione ante Pascha , ut sacrificarent seipso . Hoc faciebant Iudei secundum præceptum Domini , per sanctum Moysen in Lege mandatum , ut diē festo quod Pascha erat , omnes undique convenirent , et illius diei celebratione sanctificarentur . Sed illa celebratio umbra erat futuri . Quid*

est, umbra futuri? Prophetia Christi venturi, prophetia pro nobis illo die passuri: ut transiret umbra, et lux veniret; ut transiret significatio, et veritas teneretur. Habant ergo Judæi Pascha in umbra, nos in luce. Quid enim opus erat ut eis Dominus præciperet per ipsum festum diem ovem occidere, nisi quia ille erat de quo prophetatum est, *Sicut ovis ad immolandum ductus est* (*Isai. LIII, 7*). Sanguine occisi pecoris Judaeorum postes signati sunt; sanguine Christi frontes nostræ signantur. Et illa signatio, quia erat significatio, dicta est a domibus signatis exterminatorem prohibere (*Exod. XII, 22, 23*): signum Christi a nobis repellit exterminatorem, si cor nostrum recipiat Salvatorem. Quare hoc dixi? Quia multi postes habent signatos, et intus non manet habitator: facile habent in fronte signum Christi, et corde non recipiunt verbum Christi. Ideo dixi, fratres, quod repeto, signum Christi a nobis repellit exterminatorem, si cor nostrum habeat Christum habitatorem. Hec dixi, ne quis forte cogitaret quid sibi vellent ista festa Judaorum. Venit ergo Dominus tanquam ad victimam, ut verum Pascha nos haberemus, cum ejus passionem tanquam ovis immolationem celebraremus.

3. *Quærebant ergo Jesum*: sed male. Beati enim qui querunt Jesum, sed bene. Illi quærebant Jesum, ut nec ipsi haberent eum, nec nos: sed ab ipsis abscedentem suscepimus nos. Reprehenduntur qui querunt, laudantur qui querunt: animus enim querentis aut laudem invenit, aut damnationem. Habes enim et in Psalmis, *Confundantur et revereantur, qui querunt animam meam* (*Psalm. XXXIX, 15*): isti sunt qui male quærebant. Alio autem loco dicit: *Perit fuga a me, et non est qui requirat animam meam* (*Psalm. CXL, 5*). Culpantur qui quærebant, culpantur qui non quærebant. Ergo quæramus Christum ut habeamus; quæramus ut teneamus, sed non ut occidamus: nam et illi ideo quærebant¹ ut tenerent, sed ut cito non haberent. *Quærebant ergo, et loquèbantur inter se: Quid putatis, quia non venit ad diem festum?*

4. *Dederant autem pontifices et Pharisæi mandatum, ut si quis cognoverit ubi sit, indicet, ut apprehendant eum*. Nos indicemus modo Judæis, ubi sit Christus. Utinam velint audire et apprehendere quicumque sunt ex semine illorum, qui dederant mandatum ut indicaretur eis ubi esset Christus. Veniant ad Ecclesiæ, audiant ubi sit Christus, et apprehendant eum. A nobis audiant, ex Evangelio audiant. Occisus est a parentibus eorum, sepultus est, resurrexit, a discipulis agnitus, ante oculos eorum ascendit in cœlum, ibi sedet ad dexteram Patris; qui judicatus est, venturus est judex: audiant, et teneant. Respondent: *Quomodo tenebo absentem*²; *quomodo in cœlum manum mittam, ut ibi sedentem tencam?* Fidem mitte, et tenuisti. Parentes tui tenuerunt carne, tu tene corde: quoniam Christus absens etiam præsens est. Nisi præsens esset, a nobis ipsis teneri non pos-

set. Sed quoniam verum est, quod ait, *Ecce ego vobiscum sum usque ad consummationem sæculi* (*Matth. XXVIII, 20*); et abiit, et hic est; et rediit, et nos non deserit: corpus enim suum intulit cœlo, majestate in abstulit mundo.

5. *Jesus ergo ante sex dies Paschæ venit Bethaniam, ubi fuerat Lazarus mortuus, quem suscitavit Jesus. Fererunt autem ei ibi cœnam, et Martha ministrabat: Lazarus vero unus erat ex discubentibus*. Ne putarent homines phantasma esse factum, quia mortuus surrexit, unus erat ex recumbentibus; vivebat, loquebatur, epulabatur: veritas ostendebatur, infidelitas Judaorum confundebatur. Discubebat ergo Dominus cum Lazaro et cæteris, ministrabat Martha una ex sororibus Lazari.

6. *Maria vero, altera soror Lazari, accepit libram unguenti nardi pistici pretiosi, unxit pedes Jesu, et extersit capillis suis pedes ejus, et domus impleta est ex odore unguenti*. Factum audivimus, mysterium requiramus. Quæcumque anima fidelis vis esse, cum Maria unge pedes Domini pretioso unguento. Unguentum illud justitia fuit, ideo libra fuit: erat autem unguentum nardi pistici pretiosi. Quod ait, *pistici*, locum aliquem credere debemus, unde hoc erat unguentum pretiosum: nec tamen hoc vacat, et sacramento optime consonat. *Itac græce, fides dicitur*. Quærabas operari justitiam: *justus ex fide vivit* (*Rom. I, 17*). Unge pedes Jesu: bene vivendo dominica sectare vestigia. Capillis terge: si habes superflua, da pauperibus, et Domini pedes tersisti; capilli enim superflua corporis videntur. Habes quod agas de superfluis tuis: tibi superflua sunt, sed Domini pedibus necessaria. Forte in terra Domini pedes indigent. De quibus enim nisi de membris suis in fine dicturus est, *Cum uni ex minimis meis fecisti, mihi fecisti* (*Matth. XXV, 40*)? Superflua vestra impendistis, sed pedibus meis obsecuti estis.

7. *Domus autem impleta est odore*; mundus impletus est fama bona: nam odor bonus, fama bona est. Qui male vivunt et christiani vocantur, injuriam Christo faciunt: de qualibus dictum est quod per eos *nomen Domini blasphematur* (*Rom. II, 24*). Si per tales nomen Dei blasphematur, per bonos nomen Domini laudatur. Audi Apostolum: *Christi bonus odor sumus*, inquit, *in omni loco*. Dicitur et in Canticis cantorum: *Unguentum effusum nomen tuum* (*Cant. I, 2*). Ad Apostolum revoca intentionem: *Christi*, inquit, *bonus odor sumus in omni loco, et in his qui salvi sunt, et in his qui pereunt; aliis sumus odor vitae in vitam, aliis odor mortis in mortem: et ad hæc quis idoneus* (*II Cor. XI, 14-16*)? Occasionem nobis præbet præsens lectio sancti Evangelii de odore isto ita loqui, ut et a nobis sufficienter dicatur, et a vobis diligenter audiatur, Apostolo ipso ita dicente, *Et ad hæc quis idoneus?* Ergo ut inde nos conemur loqui, numquid idonei sumus, aut vos audire hæc idonei estis? Nos quidem idonei non sumus; sed idoneus est ille qui per nos dignetur³ dicere quod vobis propositum audire. Ecce Apo-

¹ Sic MSS. At editi, non ideo quærebant.

² Editi: *Quem tenebo absentem?* Aliquot MSS.: *Quomodo tenebo*.

³ In quatuor MSS., *dignatur*.

stolus bonus odor est, sicut dicit ipse : sed ipse bonus odor *aliis est odor vitæ in vitam*, *aliis autem odor mortis in mortem*; tamen bonus odor. Numquid enim ait, Aliis sumus bonus odor ad vitam, aliis malus odor ad mortem? Bonum odorem se dixit, non malum; et eundem bonum odorem aliis ad vitam dixit, aliis ad mortem. Felices qui bono odore vivunt : quid autem infelicius illis qui bono odore moriuntur?

8. Et quis est, ait aliquis, quem bonus odor occidit? Hoc est quod ait Apostolus, *Et ad hæc quis idoneus?* Quomodo ea facit Deus miris modis, ut bono odore et boni vivant, et mali moriantur; quomodo sit, quantum Dominus inspirare dignatur¹ (nam fortasse ibi lateat² altior intellectus, qui a me non potest penetrari); tamen quoque penetrare potui, vobis non debet denegari. Paulum apostolum bene agentem, bene viventem, justitiam verbo prædicantem, opere demonstrantem, doctorem mirabilem, fidelem dispensatorem, fama usquequa disseminabat : quidam diligebant, quidam invidebant. Nam ipse quodam loco ait de quibusdam, quod non caste, sed per invidiam Christum annuntiarent; *existimantes*, inquit, *tribulationem suscitare vinculis meis*. Sed quid ait? *Sive occasione, sive veritate Christus annuntietur* (*Philipp. i, 17, 18*). Annuntiant qui me amant, annuntiant qui mili invident; illi bono odore vivunt, et illi bono odore moriuntur: tamen utrisque prædicantibus nomen Christi annuntietur, odore optimo mundus impleatur. Amasti bene agentem, vixisti bono odore: invidisti bene agenti, mortuus es bono odore. Numquid quia mori voluisti, ideo odorem illum malum esse fecisti? Noli invidere, et non te occidet bonus odor.

9. Denique audi et hic ex unguento isto, quomodo aliis erat odor bonus in vitam, aliis odor bonus in mortem. Posteaquam hoc fecit religiosa Maria ad Domini obsequium, continuo *annus ex discipulis ejus, Judas Iscariotes*, qui eum erat traditurus, dixit: *Quare hoc unguentum non veniit trecentis denariis, et datum est egenis?* Væ tibi, miser! bonus odor occidit te. Quare enim hoc dixerit, Evangelista sanctus aperuit. Putaremus autem et nos, si mens ipsius nobis per Evangelium non proderetur, pauperum cura hoc illum dicere potuisse. Non ita est. Sed quid? Audi testimoniū veracem: *Dixit autem hoc, non quia de egenis pertinebat ad illum; sed quia sur erat, et loculos habens, et ea quæ mittebantur portabat. Portabat, an exportabat?* Sed ministerio portabat, furto exportabat^(a).

10. Ecce audite quia Judas iste non tunc perversus factus est, quando a Judæis corruptus Dominum tradidit. Plerique enim incuriosi Evangelii, existimant tunc periisse Judam, quando accepit a Judæis pecuniam ut Dominum traderet. Non tunc periit, jam sur erat, et Dominum perditus sequebatur; quia non corde, sed corpore sequebatur. Duodenarium nume-

rum Apostolorum implebat, apostolicam beatitudinem non habebat, ad imaginem fuerat duodecimus: quo decedente, et alio succedente, et suppleta est apostolica veritas, et numeri permanit integritas (*Act. i, 26*). Quid ergo voluit Dominus noster Jesus Christus, fratres mei, admonere Ecclesiam suam, quando unum perditum inter duodecim habere voluit, nisi ut malos toleremus, nec corpus Christi dividamus? Ecce inter sanctos est Judas, ecce sur est Judas, et, ne contemnas, sur et sacrilegus, non qualiscumque sur: sur loculorum, sed dominicorum; loculorum, sed sacerdotum. Si crimina discernuntur in foro, qualiscumque furti et peculatus; peculatus enim dicitur furtum de re publica; et non sic judicatur furtum rei privatæ quomodo publicæ: quanto vehementius judicandus est sur sacrilegus, qui ausus fuerit non undecim cumque tollere, sed de Ecclesia tollere? Qui aliquid de Ecclesia suratur, Judæ perditio comparatur. Talis erat iste Judas, et tamen cum sanctis discipulis undecim intrabat et exibat. Ad ipsam dominicam cœnam pariter accessit: conversari cum eis potuit, eos inquinare non potuit. De uno pane et Petrus et Judas accepit, et tamen quæ pars fideli cum infidelis? Petrus enim accepit ad vitam, Judas ad mortem. Quomodo enim ille odor bonus, sic ille cibus bonus. Sicut ergo odor bonus, ita et cibus bonus, bonos vivificat, malos mortificat. *Qui enim manducaverit indigne, iudicium sibi manducat et bibit* (*I Cor. xi, 29*): *iudicium sibi, non tibi. Si iudicium sibi, non tibi; tolera malum bonus, ut venias ad præmia bonorum, ne militaris in poenam malorum.*

11. Exemplum Domini accipite conversantis in terra. Quare habuit loculos cui Angeli ministraverunt, nisi quia Ecclesia ipsius loculos suos habitura erat? Quare furem admisit, nisi ut ejus Ecclesia fures patienter toleraret? Sed ille qui consueverat de loculis pecuniam tollere, non dubitavit accepta pecunia ipsum Dominum vendere. Videamus quid ad ista Dominus respondeat. Videte, fratres: non illi ait, Propter furtu tua dicens ista. Furem noverat, nec prodebat; sed potius tolerabat, et ad perferendos malos in Ecclesia nobis exemplum patientie demonstrabat. *Dixit ergo ei Jesus: Sine illam, ut in diem sepulturæ mee serret illud. Moritum se denunciavit.*

12. Sed quid est quod sequitur? *Pauperes enim semper habebitis vobiscum, me autem non semper habebitis. Intelligimus quidem, Pauperes semper habebitis:* quod dixit, verum est. Quando Ecclesia sine pauperibus? *Me autem non semper habebitis*, quid sibi vult? Quomodo intelligendum est, *Me autem non semper habebitis*? Nolite expavescere; Judæ dictum est. Quare ergo non dixit, habebis; sed, *habebitis*? Quia non unus est Judas. Unus malus corpus malorum significat; quonodo Petrus corpus bonorum, imo corpus Ecclesie, sed in bonis¹. Nam si in Petro non esset

¹ Quinque probæ notæ MSS., *corpus bonorum, corpus Ecclesie, imo corpus Ecclesiam, sed in bonis*. Favent alli duo qui habent: *Corpus Ecclesie, uno corpus Ecclesia, sed, etc.* Bad. et Am., *corpus Ecclesie, imo corpus Ecclesie, sed in bonis*.

^a Itic in editiis additur, ostendam; quod abest a MSS.

^b Latet, juxta Er. Lugd. Ven. Lov. M.

(a) Epist. 108, c. 3, n. 8.

Ecclesiae sacramentum, non ei diceret Dominus. *Tibi dabo claves regni cælorum : quæcumque solveris in terra, soluta erunt et in cælo ; et quæcumque ligaveris in terra, ligata erunt et in cælo* (*Matth. xvi, 19*). Si hoc Petro tantum dictum est, non facit hoc Ecclesia. Si autem et in Ecclesia sit, ut quæ in terra ligantur, in cælo ligentur, et quæ solvuntur in terra, solvantur in cælo : quia cum excommunicat Ecclesia, in cælo ligatur excommunicatus; cum reconciliatur ab Ecclesia, in cælo solvit reconciliatus : si hoc ergo in Ecclesia sit, Petrus quando claves accepit, Ecclesiam sanctam significavit. Si in Petri persona significati sunt in Ecclesia boni, in Iudeæ persona significati sunt in Ecclesia mali; ipsis dictum est, *Me autem non semper habebitis*. Quid est enim, *non semper*? Et quid est, *semper*? Si bonus es, si ad corpus pertinet, quod significat Petrus; habes Christum et in præsenti et in futuro: in præsenti per fidem, in præsenti per signum, in præsenti per Baptismatis sacramentum, in præsenti per altaris cibum et potum. Habes Christum in præsenti, sed habebis semper; quia cum hinc exieris, ad illum venies qui dixit latroni, *Hodie tecum eris in paradyso* (*Luc. xxiii, 43*). Si autem male versaris, videris habere in præsenti Christum, quia intras Ecclesiam, signas te signo Christi, baptizaris baptismō Christi, misces te membris Christi, accedis ad altare Christi: in præsenti habes Christum, sed male vivendo non semper habebis.

13. Potest et sic intelligi: *Pauperes semper habebitis vobiscum, me autem non semper habebitis*. Accipiant hoc et boni, sed non sint solliciti: loquebatur enim de præsentia corporis sui. Nam secundum majestatem suam, secundum providentiam, secundum ineffabilem et invisibilem gratiam, impletur quod ab eo dictum est, *Ecce ego vobiscum sum usque in consummationem sæculi* (*Matth. xxviii, 20*). Secundum carnem vero quam Verbum assumpsit, secundum id quod de Virgine natus est, secundum id quod a Iudeisprehensus est, quod ligno confixus, quod de cruce depositus, quod linteis involutus, quod in sepulcro conditus, quod in resurrectione manifestatus, *non semper habebitis vobiscum*. Quare? Quoniam conversatus est secundum corporis præsentiam quadraginta diebus cum discipulis suis, et eis deducentibus videndo non sequendo, ascendit in cœlum (*Act. 1, 3, 9, 10*), et non est hic. Ibi est enim, sedet ad dexteram Patris: et hic est, non enim recessit præsentia majestatis. Alter: secundum præsentiam majestatis semper habemus Christum; secundum præsentiam carnis, recte dictum est discipulis, *Me autem non semper habebitis*. Habuit enim illum Ecclesia secundum præsentiam carnis paucis diebus: modo sive tenet, oculis non videt. Ergo sive ita dictum est, *Me autem non semper habebitis*, questio sicut arbitror jam nulla est, quæ duobus modis soluta est.

14. Caetera quæ pauca remanent, audiamus: *Cognovit ergo turba multa ex Iudeis quia illic est ; et viderunt, non propter Jesum tantum, sed ut Lazarum*

viderent, quem suscitavit Jesus a mortuis. Curiositas eos adduxit, non charitas: venerunt, et viderunt. Audite mirabile consilium vanitatis. Viso Lazaro resuscitato, quia tantum miraculum Domini tanta erat evidens dissimilatum, tanta manifestatione declaratum, ut non possent vel occultare quod factum est, vel negare, quid invenerunt videte. Cogitaverunt autem principes sacerdotum ut et Lazarum interficerent; quia multi propter illum ababant ex Iudeis, et credebant in Jesum. O stulta cogitatio, et cæca sævitia! Dominus Christus qui suscitat potuit mortuum, non posset occisum? Quando Lazaro inferebatur necem, numquid auferebatis Domino potestatem? Si aliud vobis videtur mortuus, aliud occisus; ecce Dominus utrumque fecit, et Lazarum mortuum, et scipsum suscitavit occisum.

TRACTATUS LI.

Ab eo quod scriptum est, In crastinum autem turba multa quæ venerat ad diem festum, etc., usque ad id, Si quis mihi ministraverit, honorificabit illum Pater meus. Cap. xii, §. 12-26.

1. Posteaquam Dominus quatriuanum mortuum suscitavit, stupentibus Iudeis, et aliis eorum videndo credentibus, aliis invidendo pereuntibus, propter odorem bonum, qui est aliis ad vitam, aliis ad mortem (*II Cor. ii, 15*); posteaquam discubuit in domo cum recumbente Lazaro, qui fuerat mortuus suscitatus, post unguentum effusum super pedes ejus, unde domus odore completa est; posteaquam vanam sævitiam, et stultissimum et dementissimum scelus Iudei etiam de occidendo Lazaro corde perditō conceperunt; de quibus omnibus ut potuimus, quod Dominus dedit, superioribus sermonibus locuti sumus: nunc intendat *Charitas vestra*, ante Domini passionem quantus fructus apparuerit prædicationis ejus, et quantus grex ovium ex his quæ perierant domus Israel, vocem pastoris audierit.

2. Sic enim loquitur Evangelium, quod modo cum recitaretur, audistis: *In crastinum autem turba multa quæ venerat ad diem festum, cum audissent quia venit Jesus Jerosolymam, acceperunt ramos palmarum, et processerunt obviam ei, et clamabant, Hosanna, benedictus qui venit in nomine Domini, rex Israel. Rami palmarum laudes sunt, significantes victoriam; quia erat Dominus mortem moriendo superaturus, et tropæ crucis de diabolo mortis principe triumphatus. Vox autem obsecrantis est, Hosanna, sicut nonnulli dicunt qui Hebream linguam noverunt, magis affectum indicans, quam rem aliquam significans: sicut sunt in lingua latina quas interjectiones vocant, velut cum dolentes diciunt, Heu! vel cum delectamur, Vah! dicimus; vel cum miramur, dicimus, O reni magnam! tunc enim, O, nihil significat, nisi mirantis affectum. Quod ideo credendum est ita esse, quia neque Græcus, neque Latinus hoc interpretari potuit: sicut illud, Qui dixerit fratri suo, Racha (*Matth. v, 22*). Nam et hæc interjectio esse perhibetur, affectum indignantis ostendens.*

3. *Benedictus autem qui venit in nomine Domini,*

rex Israel, sic potius accipendum est, ut in nomine Domini, in nomine Dei Patris intelligatur : quamvis possit intelligi etiam in nomine suo, quia et ipse Dominus est. Unde et alibi scriptum est, *Pluit Dominus a Domino* (Gen. xix, 24). Sed verba ejus melius nostrum dirigunt intellectum, qui ait : *Ego veni in nomine Patris mei, et non suscepistis me : alias veniet in nomine suo, hunc suscipietis* (Joan. v, 43). Humilitatis enim magister est Christus, qui humiliavit semet ipsum, factus obediens usque ad mortem, mortem autem crucis (Philipp. ii, 8). Non itaque amittit divinitatem, quando nos docet humilitatem : in illa est Patri æqualis, in haec nobis similis : per quod Patri est æqualis, nos ut essemus creavit ; per quod nobis est similis, ne periremus redemit.

4. Ihas ei laudes turba dicebat, *Hosanna, benedictus qui venit in nomine Domini, rex Israel*. Quam crucem mentis invidentia principum Iudeorum perpeti poterat, quando regem suum Christum tanta multitudo clamabat ? Sed quid fuit Domino regem esse Israel ? Quid magnum fuit regi sæculorum , regem fieri hominum ? Non enim rex Israel Christus ad exigendum tributum, vel exercitum ferro armandum, hostesque visibiliter debellandos : sed rex Israel, quod mentes regat, quod in æternum consulat, quod in regnum cœlorum credentes, sperantes, amantesque perducat. Dei ergo Filius æqualis Patri, Verbum per quod facta sunt omnia, quod rex esse voluit Israel, dignatio est, non promotio ; miserationis indicium est, non potestatis augmentum¹. Qui enim appellatus est in terra rex Iudeorum, in cœlis est Dominus Angelorum.

5. Et invenit Jesus asellum, et sedet super eum. Hic breviter dictum est : nam quemadmodum sit factum, apud alios evangelistas plenissime legitur (Matth. xxi, 4-16; Marc. xi, 1-11, et Luc. xix, 29-48). Adhibetur autem huic facto propheticum testimonium, ut appareret quod maligni principes Iudeorum eum non intellegebant, in quo implebantur quæ legebant. Invenit ergo Jesus asellum, et sedet super eum : sicut scriptum est, *Noli timere, filia Sion : ecce rex tuus venit sedens super pullum asinæ*. In illo ergo populo erat filia Sion : ipsa est Jerusalem quæ Sion. In illo, inquam, populo reprobo et cæco, erat tamen filia Sion, cui diceretur, *Noli timere : ecce rex tuus venit sedens super pullum asinæ*. Hæc filia Sion cui divinitus ista dicuntur, in illis erat oibus quæ vocem pastoris audiebant ; in illa erat multitudine quæ Dominum venientem tanta devotione laudabat, tanto agmine deducebat. Ei dictum est, *Noli timere* : illum agnosce qui a te laudatur, et noli trepidare cum patitur ; quia ille sanguis funditur, per quem tuum delictum deleatur, et vita reddatur. Sed pullum asinæ in quo nemo sederat (hoc enim apud alios evangelistas invenitur) intelligimus populum Gentium, qui Legem Domini non acceperat. Asinam vero (quia utrumque jumentum Domino adductum est) plebeum ejus quæ veniebat ex populo Israel, non indomitam plane, sed quæ præsepe Domini agnovit.

¹ Lov., argumentum. Editi allii et MSS., augmentum.

6. *Hæc non cognoverunt discipuli ejus primum : sed quando glorificatus est Jesus, id est, quando virtutem suæ resurrectionis ostendit : tunc recorduti sunt quia hæc scripta erant de eo, et hæc fecerunt ei, id est, non alia fecerunt ei, quam illa quæ erant scripta de eo.* Recolentes quippe secundum Scripturam, quæ ante passionem Domini, vel in passione Domini completa sunt, ibi et hoc invenerunt quod secundum eloquia Prophetarum in pullo asinæ sederit.

7. *Testimonium ergo perhibebat turba quæ erat cum eo quando Lazarum vocavit de monumento, et suscitavit eum a mortuis. Propterea et obviam venit ei turba, quia audierunt eum fecisse hoc signum. Pharisæi ergo dixerunt ad semetipsos : Videtis quia nihil proficimus ? ecce mundus totus post eum abiit. Turba turbavit turbam. Quid autem invides, carca turba, quia post eum abit mundus, per quem factus est mundus ?*

8. « Erant autem Gentiles quidam, ex iis qui ascenderant ut adorarent in die festo. Hi ergo accesserunt ad Philippum, qui erat a Bethsaïda Galilææ, et rogabant eum, dicentes : Domine, volumus Jesum videre. Venit Philippus, et dicit Andreæ : Andreas rursum et Philippus dicunt Jesu. » Audiamus quid Dominus ad ista responderit. Ecce volunt eum Judæi occidere, Gentiles videre : sed etiam illi ex Judæis erant qui clamabant, *Benedictus qui venit in nomine Domini, rex Israel*. Ecce illi ex circumcisione, illi ex præputio, velut parietes duo de diverso venientes, et in unam fidem Christi pacis osculo concurrentes : audiamus ergo vocem lapidis angularis. *Jesus autem, inquit, respondit eis dicens : Venit hora ut glorificetur Filius hominis*. Hic quisquam forsitan putat ideo se dixisse glorificatum, quia Gentiles eum volebant videre. Non ita est. Sed videbat ipsos Gentiles post passionem et resurrectionem suam in omnibus gentibus credituros : quia, sicut dicit Apostolus, *Cœcitas ex parte in Israel facta est donec plenitudo Gentium intraret* (Rom. xi, 25). Ex occasione igitur istorum Gentilium qui eum videre cupiebant, annuntiat futuram plenitudinem Gentium ; et promittit jam jamque adesse horam glorificationis suæ, qua facta in cœlis, Gentes fuerant crediturae. Unde prædictum est, *Exaltare super celos, Deus, et super omnem terram gloria tua* (Psal. cvi, 6). Hæc est Gentium plenitudo, de qua dicit Apostolus, *Cœcitas ex parte in Israel facta est, donec plenitudo Gentium intraret*.

9. Sed altitudinem glorificationis oportuit ut præcederet humilitas passionis : ideo secutus adjunxit, *Amen, amen dico vobis, nisi granum frumenti cädens in terram, mortuum fuerit, ipsum solum manet : si autem mortuum fuerit, multum fructum afferit*. Se autem dicebat. Ipsum erat granum mortificandum et multiplicandum : mortificandum infidelitate Iudeorum, multiplicandum fide popolorum.

10. Jamvero exhortans ad passionis suæ sectanda vestigia : *Qui amat, inquit, animam suam, perdet eam. Quod duobus modis intelligi potest : Qui amat,*

¹ Aliquot MSS., ex parte Israel, sine præpositione, in ; quæ et abest a græco textu Apostoli.

perdet, id est, Si amas, perde; si cupis vitam tenere in Christo, noli mortem timere pro Christo. Item alio modo: *Qui amat animam suam, perdet eam.* Noli amare, ne perdas; noli amare in hac vita, ne perdas in æterna vita. Hoc autem quod posterius dixi, magis habere videtur evangelicus sensus: sequitur enim, *Et qui odit animam suam in hoc mundo, in vitam æternam custodiet eam.* Ergo quod supra dictum est, *Qui amat, subintelligitur, in hoc mundo; ipse utique perdet: qui autem odit, utique in hoc mundo; in vitam æternam ipse custodiet.* Magna et mira sententia, quemadmodum sit hominis in animam suam amor ut pereat, odium ne pereat! Si male amaveris, tunc odisti: si bene oderis, tunc amasti. Felices qui oderunt custodiendo, ne perdant amando. Sed vide ne tibi subrepatur te ipsum velis interimere, sic intelligendo quod debes odisse in hoc mundo animam tuam. Hinc enim quidam maligni atque perversi, et in seipsis crudeliores et sceleratores homicidæ, flammis se donant, aquis præfocant, præcipitio collidunt, et pereunt. Hoc Christus non docuit, imo etiam diabolo præcipitum suggestenti respondit: *Redi retro, satanas; scriptum est, Non tentabis Dominum Deum tuum (Matth. iv, 7).* Petro autem dixit, significans qua morte glorificaturus erat Deum: *Cum essem junior, cingebas te, et ibas quo rolebas; cum autem senueris, alter te cinget, et feret quod tu non vis (Joun. xxi, 18, 19).* Ubi satis expressit, non a scipso, sed ab alio debere occidi, qui vestigia sequitur Christi. Cum ergo causæ articulus venerit, ut hæc conditio proponatur, aut faciendum esse contra Dei præceptum, aut ex hac vita emigrandum, quorum duorum humo cogatur alterum eligere, comminante mortem persecutore; ibi eligat Deo dilecto emori, quam offensio vivere: ibi oderit in hoc mundo animam suam, ut in vitam æternam custodiat eam.

11. *Si quis mihi ministrat, me sequatur.* Quid est, me sequatur; nisi, me imitetur? *Christus enim pro nobis passus est*, ait apostolus Petrus, *relinquens nobis exemplum, ut sequamur vestigia ejus (I Petr. ii, 21).* Ecce quod dictum est, *Si quis mihi ministrat, me sequatur.* Quo fructu? qua mercede? quo præmio? *Et ubi sum, inquit, ego, illic et minister meus erit.* Gratis ametur, ut operis¹ quo ministratur illi, pretium sit esse cum illo. Ubi enim bene erit sine illo, aut quando esse male poterit cum illo? Audi evidenter. *Si quis mihi ministraverit, honorificabit eum Pater meus.* Quo honore, nisi ut sit cum Filio ejus? Quod enim superius ait, *Ubi ego sum, illic et minister meus erit*; hoc intelligitur exposuisse cum dicit, *honorificabit eum Pater meus.* Nam quem majorem honorem accipere poterit adoptatus, quam ut sit ubi est Unicus; non æqualis factus divinitati, sed consociatus æternitati?

12. Quid sit autem ministrare Christo, cui operi merces tanta proponitur, hoc potius debemus inquirere. Si enim hoc putaverimus esse Christo ministrare, ea quæ sunt corpori necessaria præparare, aut cœpantib[us] cibum coquere vel apponere, vel poculum dare potumque miscere; fecerunt hoc illi qui potuerunt

¹Plerique viss., et operis.

eam in corpore habere præsentem, sicut Martha et Maria, quando et Lazarus unus erat ex recumbentibus. Sed eo modo Christo etiam Judas perditus ministravit; nam et loculos ipse habebat: et quamvis ex eis quæ mittebantur sceleratissime suraretur, per illum tamen etiam necessaria parabantur (*Joan. xii, 2, 6*). Hinc est illud quod cum ei diceret Dominus, *Quod facis, fac celeriter; arbitrai sunt quidam, quod eum jusserrit propter diem festum necessaria præparare, vel indigentibus aliquid dare (Id. xiii, 27, 29).* Nullo modo igitur de bujuscemodi ministris diceret Dominus, *Ubi sum ego, ibi erit et minister meus;* et, *Si quis mihi ministraverit, honorificabit eum Pater meus:* quoniam Judam talia ministrantem, reprobatum potius quam honoratum videmus. Utquid ergo alibi querimus quid sit ministrare Christo, et non potius in istis ipsis verbis agnoscimus? Cum enim dixit, *Si quis mihi ministrat, me sequatur;* hoc intelligi voluit, ac si diceret, Si quis me non sequitur, non mihi ministrat. Ministrant ergo Jesu Christo, qui non sua querunt, sed quæ Jesu Christi (*Philipp. ii, 21*). Hoc est enim, *me sequatur, vias ambulet meas, non suas:* sicut alibi scriptum est, *Qui se dicit in Christo manere, debet sicut ambulavit ille, et ipse ambulare (I Joan. ii, 6).* Debet etiam, si porrigit esurienti panem, de misericordia facere, non de jactantia; non aliud ibi querere quam opus bonum, nesciente sinistra quid faciat dextera (*Matth. vi, 3*), id est, ut alienetur intentio cupiditatis ab opere charitatis. Qui sic ministrat, Christo ministrat; recteque illi dicetur, *Cum uni ex minimis meis fecisti, mihi fecisti (Id. xxv, 40).* Nec tantum ea quæ ad misericordiam pertinent corporalem, sed omnia bona opera propter Christum faciens (tunc erunt enim bona, quoniam *finis Legis Christus, ad justitiam omni credenti (Rom. x, 4)*, minister est Christi usque ad illud opus magnæ charitatis, quod est animam suam pro fratribus ponere: hoc est enim et pro Christo ponere. Quia et hoc propter sua membra dicturus est: Cum pro istis fecisti, pro me fecisti. De tali quippe opere etiam se ministrum facere et appellare dignatus est, ubi ait: *Sicut Filius hominis non venit ministrari, sed ministrare, et animam suam ponere pro multis (Matth. xx, 28).* Hinc est ergo unusquisque minister Christi, unde est minister et Christus. Sic ministrantem Christo honorificabit Pater ejus, honore illo magno, ut sit cum Filio ejus, nec unquam deficiat felicitas ejus.

15. Cum ergo audiis, fratres, Dominum dicentem, *Ubi ego sum, illic et minister meus erit; nolite tantummodo bonos episcopos et clericos cogitare.* Etiam vos pro modo vestro ministrate Christo, bene vivendo, eleemosynas faciendo, nomen doctrinamque ejus quibus potueritis prædicando; ut unusquisque etiam patrifamilias hoc nomine agnoscat paternum affectum suæ familie se debere. Pro Christo et pro vita æterna, suos omnes admoneat, doceat, hortetur, corripiat; impendat benevolentiam, exerceat disciplinam: ita in domo sua ecclesiasticum et quodammodo episcopale implebit officium, ministrans Christo ut in æternum

sit cum ipso. Nam et illam maximam passionis ministracionem multi ex vestro numero ministrarunt : multi non episcopi neque clerici, juvenes et virgines, seniores cum junioribus, multi conjugati et conjugatæ, multi patres matresque familias Christo ministrantes, etiam animas suas in ejus martyrio posuerunt, et honorificante Patre coronas gloriosissimas receperunt.

TRACTATUS LH.

Ab eo quod scriptum est, Nunc anima mea turbata est; et quid dicam? usque ad id, Hæc locutus est Jesus, et abiit, et abscondit se ab eis. Cap. xii, j. 27-36.

1. Postquam Dominus Jesus Christus verbis lectio-
nis besternæ ministros suos ut seipsum sequerentur
hortatus est, cum ita predixisset passionem suam,
quod nisi granum frumenti cadens in terram mortuum
fuerit, solum manet; si autem mortuum fuerit, mul-
tum fructum affert: ubi excitavit eos, qui eum ad
regnum celorum sequi vellent, ut animam suam odissent
in hoc mundo, si eam in vitam æternam custodi-
re cogitarent: ad nostram rursus infirmitatem
suam temperavit affectum, et ait, unde lectio coepit
hodierna, *Nunc anima mea turbata est.* Unde turbata
est, Domine, anima tua? Nempe paulo ante dixisti,
Qui odit animam suam in hoc mundo, in vitam æternam custodit eam. Ergo anima tua in hoc mundo amat, ideo turbatur veniente hora qua ex hoc mundo egrediatur? Quis hoc de anima Domini audeat affirmare? Sed nos in se transtulit, nos in se suscepit caput nostrum, membrorum suorum suscepit affectum: et ideo non est ab aliquo turbatum; sed sicut de illo dictum est, cum Lazarum suscitaret, *turbavit semetipsum* (*Joan. xi, 33*). Oportebat enim ut unus mediator Dei et hominum homo Christus Jesus, sicut nos excitavit ad summa, ita nobiscum pateretur et inflama¹.

2. Audio superius dicentem, *Venit hora ut glorifi-
cetur Filius hominis: si mortificatum fuerit granum,
multum fructum affert.* Audio, *Qui odit animam suam in
hoc mundo, in vitam æternam custodit eam.* Nec permittor tantummodo mirari, sed jubeor imitari. Deinde sequentibus verbis, *Si quis mihi ministrat, me sequatur; et ubi sum ego, ibi et minister meus erit;* mundum contempnere accendor, et in conspectu meo nihil est vitæ hujus totus, quantumlibet fuerit prolixus, vapor; præ amore æternorum temporalia mihi cuncta vilescent: et rursus ipsum Dominum meum, qui me illis verbis ab infirmitate mea rapuit ad firmitatem suam, audio dicentem, *Nunc anima mea turbata est.* Quid est hoc? Quomodo sequi jubes animam meam, si turbari video animam tuam? quomodo sufferam quod grave tanta firmitas sentit? quale fundamentum queram, si petra succumbit? Sed videor mihi audire in cogitatione mea respondentem mihi Dominum, et quodammodo dicentem. Magis sequens, quia sic me interpono ut sufferas: andisti ad te vocem fortitudinis mee, audi in me vocem infirmita-

¹ In omnibus prope MSS., pateretur et infirma.

tis tuæ: vires suggero ut curras, nec represso quod acceleras; sed transero in me quod trepidas, et substerno qua transeas. O Domine mediator, Deus supras, homo propter nos, agnosco misericordiam tuam! nam quod tu tantus tuæ charitatis voluntate turbaris, multos in corpore tuo qui suæ infirmitatis necessitate turbantur, ne desperando pereant consolaris.

3. Denique homo qui sequi vult, audiat qua sequatur. Accessit forte hora terribilis, proponitur optio aut faciendæ iniquitatis, aut subeundæ passionis; turbatur anima infirma, propter quam sponte turbata est anima invicta: præpone tuæ voluntati voluntatem Dei. Attende enim quid deinde subjungat creator tuus et magister tuus, qui te fecit, et ut te doceret factus est et ipse quod fecit: homo enim factus est qui hominem fecit; sed Deus incommutabilis mansit, et hominem in melius commutavit. Audi ergo quid indo subjungat, cum dixisset. *Nunc anima mea turbata est.* Et quid dicam, inquit? *Pater, salvifica me ex hac hora: sed propterea veni in hanc horam.* Pater, clarifica nomen tuum. Docuit te quid cogites, docuit quid dicas, quem invoces, in quo speres, cuius voluntatem certam atque divinam tuæ voluntati humanæ infirmæque præponas. Non ideo tibi videatur ex alto descere, quia te vult ab imo proficere. Nam et tentari dignatus est a diabolo, a quo utique si nollet non tentaretur, quemadmodum si nollet non pateretur: et ea respondit diabolo, quæ tu in temptationibus debebas responderem (*Math. iv, 1-10*). Et ille quidem tentatus est, sed non periclitatus; ut doceret te in temptatione periclitantem tentatori respondere, et post tentatorem non ire, sed de periculo temptationis exire. Sicut autem hic dixit, *Nunc anima mea turbata est*, ita etiam ubi dicit, *Tristis est anima mea usque ad mortem;* et, *Pater, si fieri potest, transeat a me calix iste:* hominis suscepit infirmitatem¹, ut doceat sic contristatum et conturbatum quod sequitur dicere, *Verum-
tamen non quod ego volo, sed quod tu vis,* Pater (*Id. xxvi, 38 et 39*). Sic enim homo ab humanis in divina dirigitur, cum voluntati humanæ voluntas divina præponitur. Quid est autem, *Clarifica tuum no-
men;* nisi, in sua passione et resurrectione? Quid est ergo aliud, nisi ut Pater clarificet Filium, qui clarificat suum nomen etiam in similibus passionibus ser- vorum suorum? Unde scriptum est de Petro, quod ideo de illo dixerit, *Alter te cinget, et feret quo tu non vis;* quia significare voluit, *qua morte glorificatus erat Deum* (*Joan. xxi, 18, 19*). Ergo et in illo Deus clarificavit nomen suum, quia sic etiam in membris suis clarificat Christum.

4. *Venit ergo vox de cœlo, Et clarificari, et iterum clarificabo. Et clarificavi, antequam facerem mundum: et iterum clarificabo, cum resurget a mortuis, et as-
cendet in cœlum.* Et aliter intelligi potest. *Et clarifi-
cavi,* cum de Virgine natus est, cum virtutes opera-

¹ Sic MSS. At editi, ostendit hominis suscepti infirmitatem.

tus est, cum cœlo indice per stellam a Magis adoratus est, cum a sanctis Spiritu sancto plenis agnitus es; , cum descendente Spiritu in specie columbae declaratus , cum voce de cœlo sonante monstratus , cum in monte transfiguratus , cum miracula multa fecit , cum multos sanavit atque mundavit , cum de paucissimis panibus tantam multititudinem pavit , cum ventis et fluctibus imperavat , cum mortuos suscitavit : et iterum clarificabo , cum resurget a mortuis , cum mors ei ultra non dominabitur , cum exaltabitur super cœlos Deus , et super omnem terram gloria ejus.

5. *Turba ergo quæ stabat, et audierat, dicebat tonitrum factum esse: alii dicebant, Angelus ei locutus est. Respondit Jesus, et dixit: Non propter me hæc vox venit, sed propter vos. Hic ostendit illa vox non sibi indicatum quod jam sciebat, sed eis quibus indicari oportebat. Sicut autem illa vox non propter eum, sed propter alios divinitate facta est; sic anima ejus, non propter eum, sed propter alios voluntate turbata est.*

6. Attende cætera. *Nunc, inquit, judicium est mundi. Quid ergo exspectandum est in fine sæculi? Sed in fine quod exspectatur judicium, erit judicandorum vivorum et mortuorum, judicium erit præmiorum poenarumque æternarum. Quale ergo nunc judicium est? Jam in superioribus lectionibus quantum potui, commonui Charitatem vestram, dici etiam judicium non damnationis, sed discretionis: unde scriptum est, Judica me, Deus, et discerne causam meam de gente non sancta (Psal. xlvi, 1). Multa autem sunt judicia Dei: unde dicitur in Psalmo, Judicia tua abyssus multa (Psal. xxxv, 7). Dicit etiam Apostolus, O altitudo diritiarum sapientiae et scientiae Dei! quam inscrutabilia sunt judicia ejus (Rom. xi, 33)! Ex quibus judiciis etiam hoc est quod hic ait Dominus, Nunc judicium est mundi; servato illo judicio in fine, ubi novissime vivi et mortui judicandi sunt. Possidebat ergo diabolus genus humanum, et reos suppliciorum tenebat chirographo peccatorum; dominabatur in cordibus infidelium, ad creaturam colendam, deserto Creatore, deceptos captivosque pertrahebat: per Christi autem fidem, quæ morte ejus et resurrectione firmata est, per ejus sanguinem, qui in remissionem fusus est peccatorum, millia credentium a dominatu liberantur diaboli, Christi corpori copulantur, et sub tanto capite uno ejus Spiritu fidelia membra vegetantur. Illoc vocabat judicium, hanc discretionem, hanc e suis redemptis diaboli expulsionem.*

7. Denique attende quid dicat. Quasi quereremus quid esset quod ait, *Nunc judicium est mundi, secutus exposuit: ait enim, Nunc princeps hujus mundi ejicietur foras. Audivimus quale dixerit esse judicium. Non ergo illud quod in fine venturum est, ubi vivi et mortui judicandi sunt, aliis ad dexteram, aliis ad sinistram separatis; sed judicium quo princeps hujus mundi ejicietur foras.* Quomodo ergo intus erat, et quo eum ejiciendum dixit foras? Numquidnam in mundo erat, et extra mundum missus est foras? Si enim de illo judicio diceret, quod in fine venturum

est, posset aliquis opinari ignem æternum, quo militandus est diabolus cum angelis suis, et omnibus qui sunt ex parte ejus; non natura, sed vitio; non quia creavit aut genuit, sed quia persuasit et tenuit: posset ergo aliquis opinari illum ignem æternum extra mundum esse, et hoc esse dictum, ejicietur foras. Quia vero ait, *Nunc judicium est mundi;* et exponeus quid dixerit, *Nunc, inquit, princeps hujus mundi ejicietur foras:* hoc intelligendum est quod nunc sit, non quod tanto post futurum est in novissimo die. Prædictabat ergo Dominus quod sciebat, post passionem et glorificationem suam per universum mundum multos populos credituros, in quorum cordibus diabolus intus erat; cui quando ex fide renuntiant, ejiciuntur foras.

8. Sed dicit aliquis: Numquid de cordibus Patriarcharum et Prophetarum, veterumque justorum non ejectus est foras? Ejectus est plane. Quomodo ergo dictum est, *nunc ejicietur foras?* Quomodo putamus, nisi quia tunc quod in hominibus paucissimis factum est, nunc in multis magnisque populis jam mox futurum esse predictum est? Sic et illud quod dictum est, *Spiritus autem nondum erat datus, quia Jesus nondum fuerat glorificatus (Joan. vii, 39),* potest similem habere quæstionem, et similem solutionem. Non enim sine Spiritu sancto futura prænuntia verunt Prophetæ; aut non etiam Dominum infantem in Spiritu sancto Simeon senex et Anna vidua cognoverunt (Luc. ii, 25-38); et Zacharias et Elizabeth, qui de illo nondum nato, sed jam concepto, tanta per Spiritum sanctum prædixeront (Id. i, 41-45, 67-79). Sed *Spiritus nondum erat datus;* id est, illa abundatio gratiae spiritualis, qua congregati linguis omnium futura prænuntiarentur Ecclesia: qua gratia spirituali populi congregarentur, qua longe lateque peccata dimitterentur, et millia millium Deo reconciliarentur.

9. Quid ergo, ait quispiam, quia diabolus de credentium cordibus ejicietur foras, jam fidelium neminem tentat? Imo vero tentare non cessat. Sed aliud est intrinsecus regnare, aliud forinsecus oppugnare: nam et munitissimam civitatem aliquando hostis oppugnat, nec expugnat. Et si aliqua tela ejus missa perveniant, admonet Apostolus unde non laudent; commemorat loricam et scutum fidei (I Thess. v, 8). Et si aliquando vulnerat, adest qui sanat. Quia sicut pugnantibus dictum est, *Hæc scribo vobis, ut non peccatis:* ita qui vulnerantur, quod sequitur audiunt, *Et si quis peccaverit, advocatum habemus apud Patrem, Jesum Christum justum; ipse est propitiatio peccatorum nostrorum (I Joan. ii, 1, 2).* Quid enim oranus cum dicimus, *Dimitte nobis debita nostra,* nisi ut vulnera nostra sanentur? Et quid aliud petimus cum dicimus, *Ne nos inferas in temptationem (Math. vi, 12, 13),* nisi ut ille qui insidiatur, vel certat extrinsecus, nulla irrumptat ex parte, nulla nos fraude, nulla nos possit virtute superare? Quantaslibet tamen adversum nos erigat machinas, quando non tenet locum cordis ubi fides habitat, ejectus est foras. Sed nisi Dominus custodi-

erit civitatem, in vanum vigilabit qui custodit (*Psal. cxxvi, 1*). Nolite ergo de vobis ipsis presumere, si non vultis foras ejectum diabolum intro iterum revocare.

10. Absit autem ut diabolus mundi principem ita dictum existimemus, ut eum cœlo et terræ dominari posse credamus. Sed mundus appellatur in malis hominibus, qui toto orbe terrarum diffusi sunt: sicut appellatur domus in his a quibus habitatur, secundum quod dicimus, *Bona domus est, vel, mala domus est, non quando reprehendimus sive laudamus ædificium parietum atque tectorum, sed quando mores vel bonorum hominum vel malorum.* Sic ergo dictum est, *Princeps hujus mundi:* id est, princeps malorum omnium qui habitant in mundo. Appellatur etiam mundus in bonis, qui similiter toto terrarum orbe diffusi sunt: inde dicit Apostolus, *Deus erat in Christo, mundum reconcilians sibi* (*Il Cor. v, 19*). Hi sunt ex quorum cordibus princeps hujus mundi ejicitur foras.

11. Cum ergo dixisset, *Nunc princeps hujus mundi ejicietur foras;* Et ego, inquit, si exaltatus fuero a terra, omnia traham post me. Quae omnia, nisi ex quibus ille ejicitur foras? Non autem dixit, omnes, sed, omnia: non enim opnum est fides (*Il Thess. iii, 2*). Non itaque hoc ad universitatem hominum retulit, sed ad creaturem integratatem; id est, spiritum, et animam, et corpus; et illud quo intelligimus, et illud quo vivimus, et illud quo visibiles et contrectabiles sumus. Qui enim dixit, *Capillus capitis vestri non peribit* (*Luc. xxii, 48*), omnia trahit post se. Aut si omnia ipsi homines intelligendi sunt, omnia praedestinata ad salutem possamus dicere: ex quibus omnibus ait nihil esse peritum, cum supra de suis ovinis lequeretur (*Joan. x, 28*). Aut certe omnia hominum genera, sive in linguis omnibus, sive in etatibus omnibus, sive in gradibus honorum omnibus, sive in diversitatibus ingeniorum omnibus, sive in artium licitarum et utilium professionibus omnibus, et quidquid aliud dei potest secundum innumerabiles differencias quibus inter se præter sola peccata homines distant, ab excelsissimis usque ad humilissimos, a rege usque ad mendicum; *omnia,* inquit, *traham post me:* ut sit caput eorum, et illi membra ejus. Sed si exaltatus, inquit, fuero a terra; hoc est, eum exaltatus fuero: non enim dubitab futurum esse quod venit implere. Hoc refertur ad illud quod superioris ait, *Si autem mortuum fuerit granum, multum fructum affert.* Nam exaltationem suam quid aliud dixit quam in cruce passionem? Qued et ipse Evangelista non tacuit: subjunxit enim, et ait, *Hoc autem dicebat, significans qua morte esset moriturus?*

12. Respondit ei turba: *Nos audivimus ex Lege quia Christus manet in æternum; et quomodo tu dicis, Oportet exaltari Filium hominis?* Et quis est iste Filius hominis? Memoriter tenuerunt quod Dominus dicebat assidue se esse Filium hominis. Nam hoc loco non ait, Si exaltatus fuerit a terra Filius hominis: sed superioris dixerat, quod hesterno die lectum atque traçatum est, quando nuntiati sunt Gentiles illi, qui eum videre cupiebant. Venit hora ut glorificetur Filius ho-

minis (*Joan. xii, 25, 23*). Ille itaque isti animo relinquentes, et quod nunc ait, *Cum exaltatus fuero a terra, mortem crucis intelligentes, quiescerunt ab illo, et dixerunt: Nos audivimus ex Lege quia Christus manet in æternum; et quomodo tu dicis, Oportet exaltari Filium hominis?* Quis est enim iste Filius hominis? Si enim Christus est, inquit, manet in æternum: si manet in æternum, quomodo exaltabitur a terra: id est, quomodo crucis passione morietur? Hoc enim eum dixisse intelligebant, quod facere cogitabant. Non ergo eis verborum istorum obscuritatem aperuit infusa sapientia, sed stimulata conscientia.

13. *Dixit ergo eis Jesus: Adhuc modicum lumen in vobis est.* Hinc est quod intelligitis quia Christus manet in æternum. Ergo ambulate dum lucem habetis, ut non tenebræ vos comprehendant. Ambulate, accedite, totum intelligite, et moriturum Christum, et victurum in æternum, et sanguinem fusurum quo redimat, et ascensurum in sublimia quo perducat. Tenebræ autem vos comprehendent, si eo modo credideritis Christi æternitatem, ut negetis in eo mortis humilitatem. *Et qui ambulat in tenebris, nescit quo vadat.* Sic potest offendere in lapidem offensionis, et petram scandalum, quod fuit Dominus cæcis Judæis: sicut eredentialis lapis quem reprobaverunt ædificantes, factus est in caput anguli (*I Petr. ii, 6-8*). Hinc dedignati sunt eredere in Christum, quia eorum impietas contempnit mortuum, risit occisum: et ipsa erat mors grani multiplicandi, et exaltatio trahentis post se omnia. *Dum lucem,* inquit, *habetis, credite in lucem, ut filii lucis sitis.* Cum aliquid veri auditum habetis, credite in veritatem, ut renascamini in veritate.

14. *Hæc locutus est Jesus, et abiit, et abscondit se ab eis.* Non ab eis qui credere et diligere coeparent, non ab eis qui cum ramis palmarum et laudibus obviam venerant: sed ab eis qui videbant et invidebant; quia nec videbant, sed in lapidem illum cæcitate offendebant. Cum autem abscondit se Jesus ab eis qui eum occidere cupiebant (quod sepe propter oblivionem commonendi estis), nostræ infirmitati consuluit, non sive potestati derogavit.

TRACTATUS LIM.

Ab eo quod scriptum est, Cum autem tanta signa fecisset coram eis, non credebant in eum; usque ad id, Dilexerunt gloriam hominum magis quam gloriam Dei. Cap. xii, §. 37-43.

1. Prænuntiata Dominus Christus passione sua, et morte fructuosa in exaltatione crucis, ubi dixit se omnia tracturum esse post se, cum intellexissent Iudei quod de sua morte dixisset, et proposuerint ei quæstionem, quomodo diceret se esse moriturum, cum ex Lege audierint quod Christus manet in æternum; hortatus est eos, ut dum adhuc modicum lumen in eis esset, quo Christum æternum esse didicissent, ambularent, ut totum disserent, ne comprehenderentur a tenebris. Et cum hæc esset locutus, abscondit se ab eis. Hæc in superioribus dominicis lectionibus verbisque didicistis.

2. Deinde intulit Evangelista unde hodiernum capitulum recitatum est, et ait : *Cum autem tanta signa fecisset coram eis, non credebant in eum : ut sermo Isaiae prophetæ impleretur quem dixit, Domine, quis credit auditui nostro ? et brachium Domini cui revelatum est ?* Ubi satis ostendit brachium Domini ipsum Filium Dei nuncupatum ; non quod Deus Pater figura determinatur carnis humanæ, eique Filius tanquam membrum corporis hæreat : sed quia omnia per ipsum facta sunt, ideo brachium Domini dictum est. Sicut enim tuum brachium, per quod operaris; sic Dei brachium dictum est ejus Verbum, quia per Verbum operatus est mundum. Cur enim homo ut aliquid operetur, brachium extendit, nisi quia non continuo sit quod dixerit ? Si autem tanta potestate prævaleret, ut sine ullo motu corporis sui quod diceret fieret, brachium ejus verbum ejus esset¹. Sed Dominus Jesus unigenitus Dei Patris Filius, sicut non est paterni corporis membrum, ita non est cogitabile vel sonabile ac transitiorum verbum ; quia cum omnia per ipsum facta sunt, Dei Verbum erat.

3. Cum ergo audiimus brachium Dei Patris esse Dei Filium, non nobis obstrepat consuetudo carnalis : sed quantum illo donante possumus, Virtutem Dei et Sapientiam cogitemus, per quam facta sunt omnia. Tale quippe brachium nec porrectum extenditur, nec collectum contrahitur. Non est enim ipse qui Pater, sed unus sunt ipse et Pater; et æqualis Patri ubique totus est sicut Pater : ne aliqua patet occasio detestabili errori eorum, qui dicunt solum esse Patrem, sed pro diversitate causarum ipsum dici Filium, ipsum dici Spiritum sanctum; et in his verbis audeant² dicere, Ecce videtis quia solus est Pater, si brachium ejus est Filius; non enim duæ, sed una persona est homo et brachium ejus. Non intelligentes neque advertentes, quomodo verba de rebus aliis ad res alias transferantur, propter aliquam similitudinem etiam in locutionibus quotidianis de visibilibus et notissimis rebus; quanto magis ut nobis ineffabilia qualitercumque dicantur, quæ dici sicuti sunt, omnino non possunt? Nam et homo alterum hominem per quem solet agere quidquid agit, brachium suum appellat : et si ei auseratur, dolens dicit, Brachium perdi; et ei qui abstulerit, dicit Brachium meum mihi abstulisti. Intelligent ergo quomodo dictus sit Filius Patris brachium, per quod Pater operatus est omnia; ne hoc non intelligendo, et in sui erroris tenebris permanendo, similes sint Judæis ipsis, de quibus dictum est, *Et brachium Domini cui revelatum est?*

4. Hic occurrit altera quæstio, de qua quidem ut competenter aliquid disputetur, et omnes ejus latebrosissimi sinus perscrutentur et excutiantur ut dignum est, nec mearum virium esse arbitror, nec angustiarum temporis, nec vestræ capacitatis. Tamen quia transire ad alia vestra expectatione non sinimur,

¹ Hic Er. et Lov. addunt, *quia verbum est cogitabile vel sonabile*: quod totum abest a MSS., præter paucos, qui cum Am. et Bod. habent, *quia verbum non est cogitabile vel sonabile*.

² sic in MSS. At in editis, audent.

nisi aliquid inde dicamus, accipite quod potuerimus : et ubi vestræ exspectationi non sufficerimus, ab illo incrementum poscite qui nos plantare posuit et rigare; quia, sicut dicit Apostolus, *Neque qui plantat est aliquid, neque qui rigat; sed qui incrementum dat Deus* (*I Cor. iii, 7*). Quidam ergo inter se mussitant, et ubi possunt aliquando proclamat, et turbulenta disceptatione contendunt, dicentes : *Quid fecerunt Judæi, vel quæ culpa eorum fuit, si necesse erat ut sermo Isaiae prophetæ impleretur quem dixit, Domine, quis credit auditui nostro ? et brachium Domini cui revelatum est ?* Quibus respondemus, Dominum præcium futurorum, per Prophetam prædixisse infidelitatem Judæorum ; prædixisse tamen, non fecisse. Non enim propterea quemquam Deus ad peccandum cogit, quia futura hominum peccata jam novit. Ipsorum enim præscivit peccata, non sua; non cujusquam alterius, sed ipsorum. Quapropter si ea quæ ille præscivit ipsorum, non sunt ipsorum; non vere ille præscivit: sed quia illius præscientia falli non potest; sine dubio non alias, sed ipsi peccant, quos Deus peccatores esse præscivit. Fecerunt ergo peccatum Judæi, quod eos non compulit facere, cui peccatum non placet; sed facturos esse prædixit, quem nihil latet. Et ideo si non makum, sed bonum facere voluissent, non prohiberentur; et hoc facturi præviderentur ab eo qui novit quid sit quisque facturus, et quid ei sit pro ejus opere redditurus.

5. Sed et quæ sequuntur Evangelii verba plus urgent, et profundorem faciunt quæstionem : adjungit enim, et dicit, *Propterea non poterant credere, quia iterum dixit Isaías : Excavavit oculos eorum, et induravit cor eorum, ut non videant oculis, et intelligent corde, et convertantur, et sanem illos.* Dicitur enim nobis : Si non potuerunt credere, quod peccatum est hominis non facientis quod non potest facere? si autem non credendo peccaverunt, potuerunt ergo credere, et non fecerunt. Si ergo potuerunt, quomodo dicit *Evangelium*, *Propterea non poterant credere, quia iterum dixit Isaías, Excavavit oculos eorum, et induravit cor eorum; ut, quod est: gravius, ad Deum referatur causa qua non crediderant, quandoquidem ipse excavavit oculos eorum, et induravit cor eorum?* Non enim saltem hoc de diabolo dicitur, sed de Deo, quod ipsa prophetica Scriptura testatur. Nam si arbitremur hoc dictum de diabolo, quod *excavavit oculos eorum, et cor induravit*; laborandum est quomodo illorum culpani, quia non crediderunt, possimus ostendere, de quibus dicitur, *non poterant credere*. Deinde quid respondebimus de alio prophetæ ipsius testimonio, quod posuit Paulus apostolus diceens : *Quod quarebat Israel, hoc non est consecutus; electio autem consecuta est: cæteri vero excœcati sunt, sicut scriptum est, Dedit illis Deus spiritum compunctionis; oculos, ut non videant, et aures, ut non audiant, usque in hodiernum diem* (*Rom. xi, 7, Isa. vi, 10*).

6. Audistis, fratres, propositam quæstionem, nempe quam profunda sit cernitis : sed respondemus ut possumus. *Non poterant credere*, quia hoc Isaías propheta prædixit : hoc autem Propheta prædixit, quia Deus hoc futurum esse præscivit. Quare autem non pot-

rant, si a me queratur, cito respondeo, quia nolent: malam quippe eorum voluntatem prævidit Deus, et per Prophetam prænuntiavit ille cui abscondi futura non possunt. Sed aliam causam, inquis, dicit Propheta non voluntatis eorum. Quam causam dicit Propheta? Quia *dedit illis Deus spiritum compunctionis; oculos, ut non videant, et aures, ut non audiant, et execravit oculos eorum, et induravit cor eorum.* Etiam hoc eorum voluntatem meruisse respondeo. Sic enim execratur, sic obduratur Deus, deserendo et non adjuvando: quod occulto judicio facere postest, iniquo non potest. Hoc omnino pietas religiosorum inconcussum debet inviolatumque servare; sicut Apostolus, cum eamdem ipsam tractaret difficultissimam quæstionem, *Quid ergo dicemus, inquit? numquid iniquitas apud Deum? Absit (Rom. ix, 14).* Si ergo absit ut sit iniquitas apud Deum; sive quando adjuvat, misericorditer facit; sive quando non adjuvat, juste facit: quia omnia non temeritate, sed judicis facit. Porro si judicia sanctorum justa sunt, quanto magis sanctificantis et justificantis Dei? Justa ergo sunt, sed occulta. Ideo cum quæstiones hujusmodi in medium venerint, quare alius sic, alius autem sic; quare ille Deo deserente execratur, ille Deo adjuvante illuminetur: non nobis judicium de judicio tanti judicis usurpemus, sed contremiscentes exclamemus cum Apostolo, *O altitudo divitiarum sapientiae et scientiae Dei! quam inscrutabilia sunt judicia ejus, et investigabiles viae ejus (Id. xi, 33).* Unde dictum est in Psalmo, *Judicia tua, sicut multa abyssus (Psal. xxxv, 7).*

7. Non ergo me, fratres, ad hanc penetrandam altitudinem, ad hanc abyssum discutiendam, ad inscrutabilia perscrutanda, expectatio vestrae Charitatis impingat. Agnosco modulum meum, sentire mihi videor etiam modulum vestrum. Altius est hoc incrementis meis, et fortius viribus meis; puto quia et vestris. Simul ergo audiamus admonentem Scripturam atque dicentem, *Altiora te ne quæsieris, et fortiora te ne scrutatus fueris (Eccli. iii, 22).* Non quia ista negata sunt nobis, cum Deus magister dicat, *Nihil est occultum quod non revelabitur (Math. x, 26)*: sed si in quod pervenimus, in eo ambulemus, sicut dicit Apostolus, non solum quod nescimus et scire debemus, sed etiam si quid aliter sapimus, id quoque nobis Deus revelabit (*Philipp. iii, 15 et 16*). Pervenimus autem in viam fidei, hanc perseverantissime teneamus: ipsa perducet ad cubiculum regis, in quo sunt omnes thesauri sapientiae et scientiae absconditi (*Coloss. ii, 3*). Non enim ipse Dominus Jesus Christus suis illis magnis et præcipue electis discipulis invidebat, quando dicebat, *Multa habeo vobis dicere, sed non potestis illa portare modo (Joan. xvi, 12).* Ambulandum est, proficiendum est, crescendum est, ut sint corda nostra capacia earum rerum quas capere modo non possumus. Quod si nos ultimus dies proficientes invenerit, ibi discernemus quod hic noui posuimus.

8. Si quis autem istam quæstionem liquidius et melius novit se posse et confidit exponere, absit ut non sim parvior discere quam docere. Tantum ne audeat

quisquam liberum arbitrium sic defendere, ut nobis orationem qua dicimus, *Ne nos inferas in tentationem,* conetur auferre: rursus, ne quisquam neget voluntatis arbitrium, et audeat excusare peccatum. Sed audiamus Dominum, et præcipientem, et opitulantem; et jubentem quid facere debeamus, et adjuvantem ut implere possimus. Nam et quosdam nimia suæ voluntatis fiducia extulit in superbiam; et quosdam nimia suæ voluntatis disfidentia dejecit in negligentiam. Illi dicunt: *Utquid rogamus Deum ne vincamur tentatione, quod in nostra est potestate?* Isti dicunt: *Utquid conamur bene vivere, quod in Dei est potestate?* O Domine, o Pater qui es in cœlis, ne nos inferas in quamlibet istarum temptationum, sed libera nos a malo (*Math. vi, 13*)! Audiamus Dominum dicentem, *Rogavi pro te, Petre, ne deficiat fides tua (Luc. xii, 32);* ne sic existimemus fidem nostram esse in libero arbitrio, ut divino non egeat adjutorio. Audiamus et Evangelistam dicentem, *Dedit eis potestatem filios Dei fieri (Joan. i, 12);* ne omnino existimemus in nostra potestate non esse quod credimus: verumtamen in utroque illius beneficia cognoscamus. Nam et agendæ sunt gratiae, quia data est potestas; et orandum, ne succumbat infirmitas (*Galat. v, 6*). Ipsa est fides quæ per dilectionem operatur, sicut ejus mensuram Dominus cuique partitus est (*Rom. xii, 3*); ut qui gloriatur, non in seipso, sed in Domino glorietur (*I Cor. i, 31*).

9. Non itaque mirum est quia non poterant credere, quorum voluntas sic superba erat, ut ignorantes Dei justitiam, suam vellent constituere: sicut dicit de illis Apostolus, *Justitiae Dei non sunt subjecti (Rom. x, 3).* Quia enim non ex fide, sed tanquam ex operibus tumuerunt; ipso suo tumore cæcati, offenderunt in lapidem offensionis. Sic autem dictum est non poterant, ubi intelligendum est quod nolent; quemadmodum dictum est de Domino Deo nostro, *Si non credimus, ille fidelis permanet, negare seipsum non potest (II Tim. ii, 13).* De omnipotente dictum est, non potest. Sicut ergo quod Dominus negare seipsum non potest, laus est voluntatis divinæ; ita quod illi non poterant credere, culpa est voluntatis humanae.

10. Ecce dico et ego, quod qui tam superbe sapiunt, ut suæ voluntatis viribus tantum existiment esse tribuendum, ut negent sibi esse necessarium divinum adjutorium ad bene vivendum, non possunt credere in Christum. Non enim aliquid prosunt syllabe nominis Christi, et Sacraenta Christi, ubi resistitur fidei Christi. Fides autem Christi est, credere in eum qui justificat impium (*Rom. iv, 5*); credere in Mediatorem, sine quo interposito non reconciliamur Deo; credere in Salvatorem, qui venit quod perierat querere atque salvare (*Luc. xix, 10*); credere in eum qui dixit, *Sine me nihil potestis facere (Joan. xv, 5).* Quia ergo ignorans Dei justitiam qua justificatur impius, suam vult constituere qua convincatur superbus, in hunc non potest credere. Hinc et illi non poterant credere: non quia mutari in melius homines non possunt; sed quamdiu talia sapiunt, non possunt credere. Hinc excecantur, et indurantur; quia negando divinum

adjuvorum, non adjuvantur. Hoc de Judæis qui excaecati et indurati sunt, Deus præscivit, atque in ejus Spiritu Propheta prædictit.

11. Quid vero addidit, *Et convertantur et sanem eos*: utrum subandendum sit, non, id est, non convertantur, connexa desuper sententia, ubi dictum est, *ut non videant oculis et intelligent corde*; quia et hic utique dictum est (*a*), ut non intelligent? et ipsa enim conversio de illius gratia est, cui dicitur, *Deus virtutum, converte nos* (*Psal. lxxix, 8*). An forte et hoc de supernæ medicinæ misericordia factum intelligendum est, ut quoniā superbae et perversæ voluntatis erant, et suam justitiam constituere volebant, ad hoc desererentur, ut excæcarentur; ad hoc excæcarentur, ut offendarent in lapidem offensionis, et impleretur facies eorum ignominia; atque ita humiliati quererent nomen Domini, et non suam qua inflatur superbis, sed justitiam Dei qua justificatur impius? Hoc enim multis eorum proficit in bonum, qui de suo scelere compuncit, in Christum postea crediderunt: pro quibus et ipse oraverat dicens, *Pater, ignosce illis, quia nesciunt quid faciunt* (*Luc. xxiii, 34*). De qua eorum ignorantia et Apostolus dicit, *Testimonium illis perhibeo quia zelum Dei habent, sed non secundum scientiam: tunc enim et hoc subjunxit, atque ait, Ignorantes enim Dei justitiam, et suam volentes constituere, justitiae Dei non sunt subjecti* (*Rom. x, 2, 3*).

12. *Hæc dixit Isaías, quando vidit gloriam ejus, et locutus est de eo.* Quid viderit Isaías, et hoc quomodo ad Dominum Christum pertineat, in libro ejus legendum et intelligendum est. Vedit enim non sicuti est, sed modo quodam significativo, sicut Prophetæ visio fuerat informanda. Nam vedit et Moyses, et tamen ei quem videbat dicebat, *Si inveni gratiam ante te, ostende mihi temetipsum, manefeste ut videam te* (*Exod. xxxiii, 13*); quia non videbat sicuti est. Quando autem nobis hoc futurum sit, idem iste sanctus Joannes evangelista in Epistola sua dicit: *Dilectissimi, Filii Dei sumus, et nondum apparuit quid erimus: scimus quia cum apparuerit, similes ei erimus, quoniam videbimus eum sicuti est* (*I Joan. iii, 2*). Poterat dicere, quoniam videbimus eum, et non addere, sicuti est: sed quia sciebat a quibusdam patribus et prophetis visum, sed non sicuti est; ideo cum dixisset, videbimus eum, addidit, sicuti est. Nemo enim vos fallat, fratres, eorum qui dicunt invisibilem Patrem, et visibilem Filium. Hi enim hoc asserunt qui putant eum esse creaturam; nec intelligunt secundum quid dictum sit, *Ego et Pater unus sumus* (*Joan. x, 30*). Prorsus in forma Dei in qua æqualis est Patri, etiam Filius invisibilis est: ut autem ab hominibus videretur, formam servi accepit, et in similitudine hominum factus (*Philipp. ii, 7*), visibilis factus est. Ostendit ergo se etiam, antequam

¹ Editi, in similitudinem. At MSS., in similitudine, juxta græc., en omōiōmati.

(a) Forte legendum, *dictum non est*: nisi sensus sit negationem præfixam verbo videant, mente adjungi ad verbum intelligent. Et quidem Vulgata Evangelii versio in expressus habet, et non intelligent corde; sed in antiquis corbelensis Biblio, græco consentiens negationem hoc loco minime repetit.

susciperet carnem, oculis hominum, sicut voluit in subiecta sibi creature, non sicuti est. Mundemus corda per fidem, ut illi ineffabili, et, ut ita dicam, invisibili visioni præparemur. Beati enim mundo corde, quoniam ipsi Deum videbunt (*Matth. v, 8*).

13. *Verumtamen et ex principibus multi crediderunt in eum; sed propter Phariseos non confitebantur, ut de synagoga non ejicerentur: dilexerunt enim gloriam hominum magis quam gloriam Dei.* Videate quemadmodum notaverit Evangelista et improbaverit quosdam, quos tamen in eum credidisse dixit: qui in hoc ingressu fidei si proficerent, amorem quoque humanæ gloriæ proficiendo superarent, quem superaverat Apostolus, dicens, *Mihi autem absit gloriari, nisi in cruce Domini nostri Jesu Christi, per quem mihi mundus crucifixus est, et ego mundo* (*Galat. vi, 14*). Ad hoc enim et ipse Dominus crucem suam, ubi eum dementia superbæ impietatis irrisit, in eorum qui in illum crederent frontibus fixit, ubi est quodammodo sedes verecundiæ, ut de nomine ejus fides non erubescat, et magis Dei gloriam quam hominum diligat.

TRACTATUS LIV.

Ab eo quod ait Jesus, Qui credit in me, non credit in me, sed in eum qui misit me; usque ad id, Quæ ego loquor, sicut dixit mihi Pater, sic loquor. Cap. xii, 7. 44-50.

1. Loquente Domino nostro Jesu Christo apud Iudeos, et tanta miraculorum signa faciente, quidam crediderunt prædestinati in vitam æternam, quos etiam vocavit oves suas: quidam vero non crediderunt, nec poterant credere, eo quod occulto, nec tam in iusto iudicio Dei fuerant excæcati et indurati, deserente illo qui superbis resistit, humiliibus autem dat gratiam (*Jacobi iv, 6*). Eorum autem qui crediderunt, alii usque adeo confitebantur, ut palmarum ramis acceptis venienti occurrerent, in eadem laudis confessione iacentes: alii vero ex principibus non audebant confiteri, ut de synagoga non ejicerentur; quos notavit Evangelista dicens, *quod dilexerunt gloriam hominum magis quam gloriam Dei* (*Joan. xii, 43*). Eorum etiam qui non crediderunt, alii erant postea credituri, quos prævidebat, ubi ait, *Cum exaltaveritis Filium hominis, tunc agnosceris quia ego sum* (*Id. viii, 28*): alii vero in eadem infidelitate mansuri, quorum imitatrix est etiam ista gens Judæorum, quæ postmodum debellata, ad testimonium prophetæ quæ de Christo scripta est, in toto pene orbe dispersa est.

2. His ita se habentibus, et sua jam propinquante passione, *Jesus clamavit, et dixit; unde lectio cœpit hodierna: Qui credit in me, non credit in me, sed in eum qui misit me: et qui videt me, videt eum qui misit me.* Jam dixerat quodam loco: *Mea doctrina non est mea, sed ejus qui misit me* (*Id. vii, 16*). Ubi intelleximus eum doctrinam suam dixisse Verbum Patris quod est ipse; et hoc significasse dicendo, *Mea doctrina non est mea, sed ejus qui me misit*, quod a seipso ipse non esset, sed haberet a quo esset (*Supra, Tract. 29*). Deus enim de Deo, Filius Patris: Pater autem non

Deus de Deo, sed Deus Pater Fili. Nunc autem quod ait, *Qui credit in me, non credit in me, sed in eum qui misit me*, quomodo intellecturi sumus, nisi quia homo apparebat hominibus³, cum lateret Deus? Et ne putarent hoc eum esse tantummodo quod videbant, talem ac tantum se volens credi, qualis et quantus est Pater, *Qui credit in me, inquit, non credit in me, id est, in hoc quod videt; sed in eum qui misit me, id est, in Patrem.* Sed qui credit in Patrem, necesse est eum credat esse Patrem; qui autom credit eum Patrem, necesse est ut credat eum habere Filium: ac per hoc qui credit in Patrem, necesse est ut credat in Filium. Sed ne quisquam hoc credat de unigenito Filio, quod de iis qui dicti sunt filii Dei secundum gratiam, non naturam, sicut ait Evangelista, *Dedit eis potestatem filios Dei fieri* (*Joan. 1, 12*); unde et illud est quod ipse Dominus commemoravit in Lege dictum, *Ego dixi, Dii estis, et filii excelsi omnes* (*Id. x, 34*): propterea dixit, *Qui credit in me, non credit in me; ne totum quod de Christo creditur, secundum hominem crederetur.* Ille ergo, inquit, credit in me, qui non credit in me secundum id quod me videt, sed in eum qui me misit: ut cum credit in Patrem, credat eum habere Filium sibi æqualem, et tunc vere credat in me. Nam si putaverit eum non habere nisi filios secundum gratiam, qui sunt ejus utique creatura, non Verbum, sed facta per Verbum, nec habere Filium æqualem sibi atque coeternum, semper natum, pariter incommutabilem, ex nullo dissimilem atque imparem; non credit in Patrem qui eum misit, quia non est hoc Pater qui eum misit.

3. Et ideo cum dixisset, *Qui credit in me, non credit in me, sed in eum qui misit me;* ne putaretur sic voluisse Patrem intelligi tanquam Patrem multorum filiorum per gratiam regeneratorum, non unici Verbi æqualis sibi, continuo subjecit, *Et qui videt me, videt eum qui misit me.* Numquid ait, Qui videt me, non videt me, sed eum qui misit me; sicut dixerat, *Qui credit in me, non credit in me, sed in eum qui misit me?* Illud namque dixit, ne sicut videbatur, crederetur tantummodo filius hominis: hoc autem dixit, ut Patri crederetur æqualis. Qui credit in me, inquit, non credit in hoc quod videt me, sed credit in eum qui misit me. Aut cum credit in Patrem qui sibi æqualem genuit me; non quomodo me videt, sed sic credit in me, quomodo in eum qui misit me: usque adeo enim nihil distat inter eum et me, ut qui me videt videat eum qui me misit. Apostolos suos certe ipse Dominus Christus misit, quod eorum etiam nomen indicat: nam sicut græce angeli, latine nuntii vocantur, ita græce apostoli, latine missi appellantur. Nunquam tamen aliquis apostolorum dicere anderet, *Qui credit in me, non credit in me, sed in eum qui misit me:* omnino enim non dicere, *Qui credit in me.* Credimus enim apostolo, sed non credimus in apostolum: non enim apostolus justificat impium. Credenti autem in eum qui justificat impium, deputatur fides ejus ad justitiam (*Rom. iv, 5*). Posset dicere apostolus, *Qui recipit me, recipit eum qui me misit;* vel, *Qui audit me, audit cum qui me misit:* hoc enim eis ipse

Dominus ait, *Qui vos recipit, me recipit, et qui recipit me, recipit eum qui me misit* (*Matth. x, 40*). Quia dominus honoratur in servo, et pater in filio: sed pater tanquam in filio, dominus tanquam in servo. Filius autem unigenitus recte dicere potuit, *Credite in Deum, et in me credite* (*Joan. xiv, 1*); et quod nunc ait, *Qui credit in me, non credit in me, sed in eum qui misit me.* Non a se abstulit fidem credentis, sed noluit in forma servi remanere credentem: quoniam cum quisque credit in Patrem qui eum misit, profecto credit in Filium, sine quo Patrem non esse cognoscit; et ita credit ut credat æqualem, quoniam sequitur, *Et qui videt me, videt eum qui me misit.*

4. Attende cætera: *Ego lux in mundum veni, ut omnis qui credit in me, in tenebris non maneat.* Dixit quodam loco discipulis suis, *Vos estis lux mundi. Non potest civitas abscondi super montem constituta, neque accendent lucernam, et ponunt eam sub modio, sed super candelabrum, ut luceat omnibus qui in domo sunt: sic luceat lumen vestrum coram hominibus, ut videant opera vestra bona, et glorificant Patrem vestrum qui in celis est* (*Matth. v, 14-16*): non tamen eis dixit, *Vos lux venistis in mundum, ut omnis qui credit in vos, in tenebris non maneat.* Nusquam hoc legi posse confirmo. Lumiua ergo sunt omnes sancti; sed credendo ab eo illuminantur, a quo si quis recesserit tenebrabitur. Lumen autem illud quo illuminantur, a se recedere non potest; quia incommutabile omnino est. Credimus ergo lumini illuminato, sicut prophetae, sicut apostolo: sed ideo illi credimus, ut non in ipsum credamus quod illuminatur, sed cum illo credamus in illud lumen a quo illuminatur; ut et nos illuminemur, non ab illo, sed cum illo a quo ille. Cum autem dicit, *Ut omnis qui credit in me, in tenebris non maneat;* satis manifestat omnes se in tenebris invenisse: sed ne in eis tenebris maneant in quibus inventi sunt, debent credere in lucem quaenam venit in mundum, quia per illam factus est mundus.

5. *Et si quis audierit, inquit, verba mea, et non custodierit, ego non judico eum.* Memento que vos audisse in superioribus lectionibus novi; et qui oblitus forte estis, recolite; et qui non adsuistis, sed addestis, audite quomodo dicit Filius, *Ego non judico eum;* cum dicat alio loco, *Pater non judicat quemquam, sed omne iudicium dedit Filio* (*Jean. v, 22*): nisi quia intelligendum est, Modo non judico eum. Quare non judicat modo? Attende quid sequitur: *Non enim veni, inquit, ut judicem mundum, sed ut salvificem mundum:* id est ut salvum faciam mundum. Nunc ergo est tempus misericordiae, post erit iudicium: quia, *Misericordiam, inquit, et iudicium cantabo tibi, Domine* (*Psal. c, 1*).

6. Sed de ipso etiā futuro novissimo iudicio videte quid dicat: *Qui spernit me et non accipit verba mea, habet qui judicet eum: sermo quem locutus sum, ille judicabit eum in novissimo die.* Non ait, Qui spernit me, et non accipit verba mea, ego non iudico eum in novissimo die. Hoc enim si dixisset, non video quomodo posset non esse contrarium illi sententiae

ubi ait, *Pater non judicat quemquam, sed omne iudicium dedit Filio.* Cum vero dixit, *Qui spernit me, et non accipit verba mea, habet qui judicet eum;* exspectantibus autem quisnam ille esset, secutus adjunxit, *Sermo quem locutus sum, ille judicabit eum in novissimo die:* satis manifestavit semetipsum iudicaturum in novissimo die. Se ipsum quippe locutus est, scipsum annuntiavit, se ipsum januam posuit, quia ipse ad oves pastor intraret. Aliter itaque judicabuntur qui non audierunt, aliter qui audierint et contempserunt. *Qui enim sine Lege peccaverunt,* ait Apostolus, *sine Lege et peribunt: et qui in Lege peccaverunt, per Legem judicabuntur* (*Rom. ii, 12*).

7. *Quia ego, inquit, ex meipso non sum locutus.* Ideo se dicit non locutum ex seipso, quia non est ex seipso. Jam hoc s^epē diximus; jam hoc tanquam nōtissimum non docere sed admonere debemus. *Sed qui misit me Pater, ipse mihi mandatum dedit quid dicam et quid loquar.* Non laboraremus, si cum eis nos loqui sciremus, cum quibus superiora locuti sumus, et cum eis ipsis non omnibus, sed quā audierunt memoria retinētibus: nunc vero quia fortasse aliqui adsunt qui non audierunt, eisque sunt similes qui oblii sunt quod audierunt, propter illos perferant moras nostras qui audita meminerunt. Quomodo dat mandatum Pater unico Filio? Quo verbo loquitur Verbo, cum sit ipse Filius unigenitum Verbum? Numquid per angelum, cum per ipsum creati sint Angeli? Numquid per nubem: quā quando sonuit ad Filium, non propter ipsum sonuit, quod alibi dicit etiam ipse; sed propter alios quos oportebat ita audire? Numquid per sonum labiis emissum, qui non habet corpus; nec aliquo locorum intervallo Filius a Patre separatur, ut sit inter illos aer medius, quo percusso vox fiat et in aurem veniat? Absit ut talia de illa incorporeā et ineffabili substantia suspicemur. Filius unicus est Verbum Patris, et Sapientia Patris; in illa sunt omnia manda Patris. Neque enim Patris mandatum Filius aliquando nesciebat, ut eum necesse esset ex tempore habere quod antea non habebat. Ita enim a Patre quod habet accepit, ut nascendo accepterit, dederitque illi gignendo. Nam et vita est, et accepit vitam utique nascendo, non prius sine vita existendo. Quia et Pater habet vitam, et quod habet est: nec accipit tamen, quia non ex aliquo est. Filius autem accepit vitam, dante Patre a quo est: et ipse quod habet, est; habet enim vitam, et vita est. *Ipsum audi loquentem: Sicut habet, inquit, Pater vitam in semetipso, sic dedit et Filio vitam habere in semetipso* (*Joan. v, 26*). Numquid existenti, et non habenti dedit? Sed eo dedit quo genuit, qui vitam genuit, et vita genuit vitam. Et quia parem genuit, non imparem vitam; ideo dictum est, *Sicut habet ipse vitam in semetipso, sic dedit et Filio vitam habere in semetipso.* Vitam dedit, quia gignendo vitam, quid dedit, nisi esse vitam? Et quia æterna est ipsa nativitas, nunquam non fuit Filius qui est vita, nunquam fuit Filius sine vita; et sicut est nativitas æterna, sic est qui natus est vita æterna. Ita et mandatum non quod Filius non habebat, Pater

dedit; sed, sicut dixi, in Sapientia Patris, quod est Verbum Patris, omnia manda sunt Patris. Dicitur autem mandatum datum, quia non est a seipso cui dicitur datum: et hoc est dare Filio sine quo nunquam Filius fuit, quod est gignere Filium qui nunquam non fuit.

8. Sequitur autem: *Et scio quia mandatum ejus vita æterna est.* Si ergo vita æterna est ipse Filius, et vita æterna est mandatum Patris; quid aliud dictum est, quam, Ego sum mandatum Patris? Proinde et id quod adjungit, et dicit, *Quæ ego loquor, sicut dixit mihi Pater, sic loquor;* non accipiamus, dicit mihi, quasi Pater verba locutus sit unico Verbo, aut egeat Dei verbis Dei Verbum. Dicit ergo Pater Filio, sicut dedit vitam Filio: non quod nesciebat vel non habebat, sed quod ipse Filius erat. Quid est autem, sicut dixit mihi, sic loquor, nisi, Verum loquor? Ita ille dixit ut verax, ita ista loquitur ut veritas. Verax autem genuit veritatem. Quid ergo jam diceret veritati! Non enim imperfecta erat veritas, cui verum aliiquid adderetur. Dixit ergo veritati, quia genuit veritatem. Porro ipsa veritas sic loquitur, ut ei dictum est: sed intelligentibus, quos docet ut nata est. Ut autem crederent homines quod intelligere nondum valent, ex ore carnis verba sonuerunt, et abierunt; transvolantes soni strepuerunt, peractis morulis temporum suorum: sed res ipsæ quarum signa sunt soni, trajectæ quodammodo in eorum memoriam qui audierunt, etiam ad nos per litteras quā visibilia signa sunt, pervenerunt. Non sic loquitur veritas: intelligentibus mentibus intus loquitur, sine sono instruit, intelligibili luce perfundit. Qui ergo potest in ea videre ¹ nativitatis ejus æternitatem, ipse illam sic audit loquentem, sicut ei dixit Pater quod loqueretur. Excitavit nos ad magnum desiderium interioris dulcedinis sue: sed crescendo capimus, ambulando crescimus, proficiendo ambulanus², ut pervenire possimus.

TRACTATUS LV.

Ab eo loco, Ante diem festum Paschæ, sciens Jesus quia venit hora ejus; usque ad id, Et coepit lavare pedes discipulorum, et extergere linteo quo erat præcinctus. Cap. XIII, ¶ 1-5.

1. Cœna Domini secundum Joannem, adjuvante ipso, debitibus est explicanda tractatibus, et ut nobis posse donaverit, explananda. *Ante diem autem festum Paschæ, sciens Jesus quia venit hora ejus ut transeat ex hoc mundo ad Patrem, cum dilexisset suos qui erant in mundo, in finem dilexit eos.* Pascha, fratres, non sicut quidam existimant, græcum nomen est, sed hebræum: opportunissime tamen occurrit in hoc nomine quædam congruentia ultrarumque linguarum. Quia enim pati græce πάσχειν dicitur, ideo Pascha passio putata est, velut hoc nomen a passione sit appellatum: in

¹ Sic duo MSS.; cœteri vero ut in editis, *verbum loquor.*

² Sic MSS. At Lov., *audire.* Editi alii, *credere.*

³ Editi, *sed credendo capimus.* MSS., *sed crescendo:* et quinque ex his optativo modo habent, *capiamus... crescamus... ambulemus.*

sua vero lingua, hoc est in hebreæ, Pascha transitus dicitur: propterea tunc primum Pascha celebravit populus Dei, quando ex Ægypto fugientes, Rubrum mare transierunt (*Exod. xiv*, 29). Nunc ergo figura illa prophetica in veritate completa est, cum sicut ovis ad immolandum ducitur Christus (*Isai. lxx*, 7), cuius sanguine illis postibus nostris, id est, cuius signo crucis signatis frontibus nostris, a perditione hujus saeculi tanquam a captitatem vel interemptione Ægyptia liberamur (*Exod. xii*, 23); et agimus saluberrimum transitum, cum a diabolo transimus ad Christum, et ab isto instabili saeculo ad ejus fundatissimum regnum. Ideo quippe ad Deum perinanentem transimus, ne cum mundo transeunte transeamus. De hac nobis collata gratia Deum laudans Apostolus dicit: *Qui eruit nos de potestate tenebrarum, et transluit in regnum Filii charitatis sue* (*Coloss. i*, 13). Hoc itaque nomen, id est, Pascha, quod latine, ut dixi, transitus nuncupatur, velut interpretans nobis beatus Evangelista, *Ante diem, inquit, festum Pasche, sciens Jesus quia venit hora ejus ut transeat ex hoc mundo ad Patrem*. Ecce Pascha, ecce transitus. Unde, et quo? *De hoc scilicet mundo ad Patrem*. Spes membris in capite data est, quod essent illo transeunte sine dubio secutura. Quid ergo infideles, et ab hoc capite atque ab ejus corpore alieni? nonne et ipsi transeunt, quia non permanent? Transeunt plane et ipsi: sed aliud est transire de mundo, aliud est transire cum mundo; aliud ad Patrem, aliud ad hostem. Nam et Ægyptii transierunt; non tamen transierunt per mare ad regnum, sed in mari ad interitum.

2. Sciens ergo Jesus quia venit hora ejus ut transiret ex hoc mundo ad Patrem, cum dilexisset suos qui erant in mundo, in finem dilexit eos. Utique ut et ipsi de hoc mundo ubi erant, ad suum caput, quod hinc transisset, ejus dilectione transient. Quid est enim, in finem, nisi, in Christum? *Finis enim Legis Christus*, ait Apostolus, *ad justitiam omni credenti* (*Rom. x*, 4). Finis perficiens, non interficiens: finis quo usque eamus, non ubi percramus. Sic omnino intelligendum est, *Pascha nostrum immolatus est Christus* (*I Cor. v*, 7). Ipse est finis noster, in illum est transitus noster. Nam video posse ista verba evangelica quadam humano modo etiam sic accipi, tanquam usque ad mortem Christus dilexerit suos, ut hoc videatur esse, in finem dilexit eos. Huimana est haec sententia, non divina: neque enim nos hucusque ille dilexit, qui semper et sine fine nos diligit. Absit ut dilectionem morte finierit, qui non est morte finitus. Etiam post mortem, quinque fratres suos dilexit dives ille superbis atque impius (*Luc. xvi*, 27, 28), et usque ad mortem nos dilexisse putandus est Christus? Absit, charissimi. Nequaquam ille nos diligendo usque ad mortem veniret, si dilectionem nostram morte finiret. Nisi forte ita sit intelligendum, in finem dilexit eos: Quia tanquam dilexit eos, ut moreretur propter eos. Illoc enim testatus est dicens: *Majorem hac charitatem nemo habet, quam ut animam suam ponat quis pro amicis suis* (*Joan. xv*, 13). Ita sane non prelibemus intelligi, in

finem dilexit, id est, usque ad mortem illum dilectio ipsa perduxit.

3. Et cœna, inquit, facta, cum diabolus jam misisset in cor, ut traderet eum Judas Simonis Iscariotes¹: sciens quia omnia dedit ei Pater in manus, et quia a Deo exiit, et ad Deum vadit, surgit a cœna, et ponit vestimenta sua; et cum accepisset linteum, præcinxit se. Deinde mittit aquam in pœlum, et coepit lavare pedes discipulorum, et extergere linteum quo erat præcinctus. Non ita debemus intelligere cœnam factam veluti jam consummatam atque transactam²: adhuc enim cœnabatur, cum Dominus surrexit et pedes lavit discipulis suis. Nam postea recubuit, et buccellam suo traditori postea dedit, utique cœna nondum finita, hoc est, dum adhuc panis esset in mensa. *Cœna ergo facta, dictum est, jam parata, et ad convivantium mensam usumque perducta.*

4. Quod autem ait, Cum diabolus jam misisset in cor, ut traderet eum Judas Simonis Iscariotes; si quæris quid missum sit in cor Judæ: hoc utique, ut traderet eum. Missio ista, spiritualis suggestio est: non sit per aurem, sed per cogitationem; ac per hoc non corporaliter, sed spiritualiter. Neque enim spirituale quod dicitur, semper in laude accipendum est. Novit Apostolus quædam spiritualia nequitiae in cœlestibus, aduersus quæ nobis collectationem esse testatur (*Ephes. vi*, 12): non autem essent etiam maligna spiritualia, si non essent etiam maligni spiritus. A spiritu enim spiritualia nominantur. Sed quomodo ista flant, ut diabolice suggestiones immittantur, et humanis cogitationibus misceantur, ut eas tanquam suas deputet homo, unde scit homo? Nec dubitandum est etiam bonas suggestiones a bono spiritu ita latenter ac spiritualiter fieri: sed interest quibusnam earum mens humana consentiat, divino auxilio vel deserta per meritum, vel adjuta per gratiam. Factum ergo jam fuerat in corde Judæ per inmissionem diabolicalm, ut traderet discipulus magistrum, sed quem non didicerat Deum. Jam talis venerat ad convivium, explorator Pastoris, insidiator Salvatoris, venditor Redemptoris; jam talis venerat, et videbatur, et tolerabatur, et se ignorari arbitrabatur: quia in eo quem volebat fallere, fallebatur. At ille isto in ipso corde intus inspecto, nesciente scienter utebatur.

5. Sciens quia omnia dedit ei Pater in manus. Ergo et ipsum traditorem: nam si eum in manibus non haberet, non utique illo uteretur ut vellet. Proinde jam traditor traditus erat ei quem tradere cupiebat, atque ita malum tradendo faciebat, ut de illo tradito bonum fieret quod nesciebat. Sciebat enim Dominus quid faceret pro amicis, qui patienter utebatur inimicis: ac sic omnia dederat Pater in manus ejus, et in usum mala, et in effectum bona. *Sciens etiam quia a Deo exiit, et ad Deum vadit*: nec Deum, cum inde exiret; nec nos deserens, cum rediret.

6. Hac ergo sciens, surgit a cœna, et ponit vestimenta sua; et cum accepisset linteum, præcinxit se.

¹ MSS., constanter habent: *Judas Simonis Scariotis.*

² Tredecim MSS., *jam consummatam atque transactam.*

Deinde mittit aquam in pelvum, et cœpit lavare pedes discipulorum, et extergere linteo quo erat præcinctus. Debemus, di ecclissimi, sensum Evangelistæ diligenter attendere. Locuturus quippe de tanta Domini humilitate, prius celsitudinem ejus voluit commendare. Ad hoc pertinet quod ait, *Sciens quia omnia dedit ei Pater in manus, et quia a Deo exiit, et ad Deum vadiit.* Cum illi ergo omnia Pater dedisset in manus, ille discipulorum non manus, sed pedes lavit: et cum se sciret a Deo exiisse, et ad Deum pergere, non Dei Domini, sed hominis servi implevit officium. Ad hoc autem pertinet quod etiam de traditore ipsius, qui jam talis venerat, qui nec ab illo ignorabatur, præloqui voluit; ut hoc quoque ad maximum cumulum humilitatis accederet, quod etiam illi non dignatus est pedes lavare, cuius manus jam prævidebat in sceleto.

7. Quid autem mirum si surrexit a cœna, et posuit vestimenta sua, qui cum in forma Dei esset, semetipsum exinanivit? Et quid mirum si præcinxit se linteo, qui formam servi accipiens habitu inventus est ut homo (*Philipp. ii. 6 et 7.*)? Quid mirum si misit aquam in pelvum unde lavaret pedes discipulorum, qui in terram sanguinem fudit, quo immunditiam dilueret peccatorum? Quid mirum si linteo quo erat præcinctus, pedes quos lavarat, tersit, qui carne qua erat induitus, Evangelistarum vestigia confirmavit? Et linteo quidem ut se præcingeret, posuit vestimenta quæ habebat: ut autem formam servi acciperet quando semetipsum exinanivit, non quod halebat depositum, sed quod non habebat acceptum. Crucifigendus sane suis exsoliatus est vestimentis, et mortuus involutus est linteis: et tota illa ejus passio, nostra purgatio est. Passurus igitur exitia, premisit obsequia; non solum eis pro quibus erat subiturus mortem, sed etiam illi qui eum fuerat traditorus ad mortem. Tanta est quippe humanæ humilitatis utilitas, ut eam suo commendaret exemplo etiam divina sublimitas: quia homo superbis in æternum periret, nisi illum Deus humilis inveniret. Venit enim Filius hominis querere et salvum facere quod perierat (*Luc. xix. 10.*) Perierat autem superbiam deceptoris secutus, ergo humilitatem Redemptoris sequatur inventus.

TRACTATUS LVI.

Ab eo quod scriptum est, Venit ergo ad Simonem Petrum, etc., usque ad id, Qui lotus est, non indiget nisi ut pedes lavet, sed est mundus totus. Cap. xiii, §. 6-10.

1. Cum lavaret pedes discipulorum Dominus, *Venit ad Simonem Petrum; et dicit ei Petrus: Domine, tu mihi lavas pedes?* Quis enim non expavesceret lavari sibi pedes a Dei Filio? Quamvis itaque magna fuisse audacie contradicere servum Dominum, hominem Deo: tamen hoc Petrus facere maluit, quam perpeti ut sibi pedes lavarentur a Domino et Deo. Nec putare debemus hoc Petrum inter cæteros formidasse atque recusasse, cum id alii ante ipsum libenter vel æquanimiter sibi fieri permisissent. Facilius quippe

sic accipiuntur ista verba Evangelii, quia cum dictum esset, *Cœpit lavare pedes discipulorum, et extergere linteo quo erat præcinctus;* deinde subjunctum est, *Venit ergo ad Simonem Petrum,* quasi aliquibus jam lavisset, post eos venisset ad primum. Quis enim nesciat primum Apostolorum esse beatissimum Petrum? Sed non ita intelligendum est quod post aliquos ad illum venerit; sed quod ab illo cœperit. Quando ergo pedes discipulorum lavare cœpit, venit ad eum a quo cœpit, id est, ad Petrum: et tunc Petrus, quod etiam quilibet corum expavisset, expavit, atque ait, *Domine, tu mihi lavas pedes?* Quid est, *tu?* quid est, *mihi?* Cogitanda sunt potius quam dicenda; ne forte quod ex his verbis aliquatenus dignum concipit anima, non explicet lingua.

2. Sed respondit Jesus, et dixit ei: *Quod ego facio, tu nescis modo, scies autem postea.* Nec tamen ille dominici facti altitudine exterritus, permittit fieri quod cur fieret ignorabat; sed usque ad suos pedes humilem Christum adhuc non vult videre, non potest sustinere. *Non lavabis mihi, inquit, pedes in æternum.* Quid est, in æternum? Nunquam hoc seram, nunquam patiar, nunquam sinam: hoc quippe in æternum non fit, quod nunquam fit. Tum Salvator ægrum reluctantem, de ipsis salutis periculo exterrens: *Si non lavero te, inquit, non habebis partem mecum.* Ita dictum est, *Si non lavero te, cum de solis pedibus ageretur; quomodo dici assolet, Calcas me, quando sola planta calcatur.* At ille amore et timore perturbatus, et plus expavescens Christum sibi negari, quain usque ad suos pedes humiliari: *Domine, ait, non tantum pedes meos, sed et manus et caput.* Quandoquidem sic minaris, lavanda tibi membra mea, non solum ima non subtraho, verum etiam prima substerno. Ne mihi negas capiendam tecum partem, nullam tibi nego abluendam mei corporis partem.

3. Dicit ei Jesus: *Qui lotus est, non habet opus nisi pedes lavare, sed est mundus totus.* Hic moveatur fortassis quis, et dicat: Imo si mundus est totus, quid ei opus est vel pedes lavare? Dominus autem noverat quod dicebat, etiamsi nostra infirmitas ejus secreta non penetrat. Verumtamen quantum nos erudire et ex lege sua docere dignatur, pro captu meo, pro modulo meo, aliquid etiam ego de hujus questionis profunditate, illo adjuvante, respondeam: ac primum ipsam locutionem non sibi esse contrariam facilime ostendam. Quis enim non ita rectissime loqui possit, Mundus est totus, præter pedes? Elegantius autem loquitur si dicit, Mundus est lotus, nisi pedes; quod tantumdem valet¹. Hoc ergo ait Dominus, *Non habet opus nisi pedes lavare, sed est mundus totus.* Totus utique præter pedes, vel, nisi pedes, quos habet opus lavare.

4. Sed quid est hoc? quid sibi vult? quid hoc² necessarium est ut queramus? Dominus dicit, veritas loquitur, quod opus habeat pedes lavare etiam ille qui lotus est. Quid, fratres mei, quid putatis? nisi

¹ Unus e Mss., *quos tantum lavet.*

² Quid hic, juxta Er. Lugd. Ven. Lov. M.

quia homo in sancto quidem Baptismo totus abluitur, non præter pedes, sed totus omnino : verumtamen cum in rebus humanis postea vivitur, utique terra calcatur. Ipsi igitur humani affectus, sine quibus in hac mortalitate non vivitur, quasi pedes sunt, ubi ex humanis rebus afficiuntur ; et sic afficiuntur, ut si dixerimus quia peccatum non habemus, nos ipsos decipiamus, et veritas in nobis non sit (*I Joan. 1, 8*). Quotidie igitur pedes lavat nobis, qui interpellat pro nobis (*Rom. viii, 34*) : et quotidie nos opus habere ut pedes lavemus, id est, vias spiritualium gressuum dirigamus, in ipsa oratione dominica confitemur, cum dicimus, *Dimitte nobis debita nostra, sicut et nos dimittimus debitoribus nostris* (*Math. vi, 12*). Si enim confitemur, sicut scriptum est, *peccata nostra, profectio ille qui lavit pedes discipulorum suorum, fidelis est et justus qui dimittat nobis peccata, et mundet nos ab omni iniustitate* (*I Joan. 1, 9*), id est, usque ad pedes quibus conversamur in terra.

5. Proinde Ecclesia quam mandat Christus lavacro aquæ in verbo, non solum in illis est sine macula et rega (*Ephes. v, 26, 27*), qui post lavacrum regenerationis continuo ex hujus vitae contagione tolluntur, nec encant terram ut opus habeant pedes lavare; verum etiam in iis quibus istam misericordiam præbens Dominus, fecit eos de seculo isto lotis etiam pedibus emigrare. In his autem qui hic demorantur, etiam si munda sit, quoniam juste vivunt; opus tamen habent pedes lavare, quoniam sine peccato utique non sunt. Propter hoc dicit in Canticō cantoricorum, *Lavi pedes meos; quomodo inquinabo illos* (*Cant. v, 3*)? Dicit enim hoc cum cogitur ad Christum venire, et terram calcare cum venit. Alia quæstio rursus exortatur. Nonne Christus sursum est? nonne ascendit in eolum, et sedet ad dexteram Patris? nonne Apostolus clamat, et dicit, *Si ergo resurrexisti cum Christo, quæ sursum sunt sapientie, ubi Christus est ad dexteram Dei sedens, quæ sursum sunt querit, non quæ super terram* (*Coloss. iii, 1 et 2*)? Quomodo ergo ut ad Christum eamus, terram calcare compellimur; cum potius nobis sursum cor habendum sit ad Dominum, ut cum Illo esse possimus? Videlicet, fratres, hodierni temporis angustias istam coarctare quæstionem. Quod et si vos forte minus videtis, ego utcumque video quantæ disputationis indigeat. Unde peto ut eam potius suspendi, quam vel negligentius vel angustius pertractari, non fraudata, sed dilata exspectatione patiamini. Aderit enim Dominus qui nos debitores facit, ut faciat etiam redditores.

TRACTATUS LVII.

Quoniam modo Ecclesia timeat inquinare pedes, dum pergit ad Christum.

1. Non immemor mei debiti, jam reddendi tempus agnosco. Donet unde reddam, qui donavit ut debeam. Donavit enim dilectionem, de qua dictum est, *Nemini quidquam debetis, nisi ut invicem diligatis* (*Rom. xiii, 8*); donet etiam sermonem, quem video me debere dilectis. Exspectationem vestram ad hoc nempe distu-

leram, ut explicarem sicut possem, quemadmodum etiam per terram veniatur ad Christum; cum potius jubeamur quæ sursum sunt querere, non quæ super terram (*Coloss. iii, 1, 2*). Sursum enim Christus est sedens ad dexteram Patris : sed profecto et hic est: propter quod et Saulo in terra sevienti dicit, *Quid me persequeris* (*Act. ix, 4*)? Ut autem hoc querendum suscipieremus, id tractabatur quod pedes Dominus discipulis lavit, cum jam ipsi discipuli toti essent, nec opus haberent, nisi pedes lavare. Ubi visum est intelligendum quod Baptismo quidem homo totus abluitur; sed dum isto postea vivit in seculo, humanis affectibus terram velut pedibus calcans, ipsa scilicet conversatione vitae hujus, contrahit unde dicat, *Dimitte nobis debita nostra* (*Math. vi, 12*). Ac sic etiam inde mundatur ad eo qui pedes lavit discipulis suis (*Joan. xiii, 5*), nec desinit interpellare pro nobis (*Rom. viii, 34*). Hinc occurserunt ex Canticō cantoricorum Ecclesie verba dicentis, *Lavi pedes meos; quomodo inquinabo eos?* cam vellet ire, et aperire ei qui venerat ad eam, et pulsaverat, sibique aperiri poposcerat, ille speciosas formæ prefiliis hominum (*Psal. xliv, 3*). Hinc quæstio nata est quam coarctare nolimus angustias temporis, ideoque distulimus, quoniam modo Ecclesia timeat inquinare pedes, dum pergit ad Christum, quos baptismate taverat Christi.

2. Sic enim ait: « Ego dormio, et cor meum vigilat; vox fratuelis mei pulsat ad januam » Deinde dicit etiam ipse: « Aperi mihi, soror mea, proxima mea, columba mea, perfecta mea; quia caput meum repletum est rore, et crines mei noctis gultis. » Et respondet illa: « Exui me tunica mea; quomodo induam eam? Lavi pedes meos; quomodo inquinabo illos » (*Cant. v, 2, 3*)? O admirabile sacramentum! o grande mysterium! Ergone timet inquinare pedes, veniendo ad eum qui lavit suorum discipulorum pedes? Timet certe, quia per terram venit ad eum, qui etiam in terra est, quia suos hic constitutos non deserit. An non ipse ait, *Ecce ego vobiscum sum usque ad consummationem saeculi* (*Math. xxviii, 20*)? An non ipso ait, *Videbitis caelos apertos, et Angelos Dei ascendentes et descendentes ad Filium hominis* (*Joan. 1, 51*)? Si ascendunt ad eum propterea quia sursum est, quomodo ad eum descendent, si non etiam hic est? Dicit ergo Ecclesia: *Lavi pedes meos; quomodo inquinabo eos?* In eis hoc dicit qui possant omni fœcē mundati dicere: *Cupio dissolvi et esse cum Christo, permanere autem in carne magis necessarium propter vos* (*Philipp. 1, 23 et 24*)? In eis hoc dicit qui prædicant Christum et aperint illi ostium, ut habitat per fidem in cordibus hominum (*Ephes. iii, 17*). In his hoc dicit, cum deliberant utrum ministerium tale suscipiant, cui se minus idoneos existimant, ut sine culpa impleant, ne forte aliis prædicantes, ipsi reprobi flant (*I Cor. ix, 27*). Talius enim veritas auditur quam prædicatur: quoniam cum auditur, humilitas custoditur; cum autem prædicatur, vix non subrepit culvis hominum quantulacumque jactantia, in qua utique inquinantur pedes.

3. Ergo, ut apostolus Jacobus dicit, *Sit omnis homo velox ad audiendum, tardus autem ad loquendum* (*Ja-cobi* i, 19). Dicit et alius homo Dei, *Auditui meo da-bis gaudium et luctitiam, et exsultabunt ossa humiliata* (*Psal. L*, 10). Illoc est quod dixi, Cum veritas auditur, humilitas custoditur. Dicit et alius, *Amicus autem sponsi stat et audit eum, et gaudio gaudet propter vocem sponsi* (*Joan. III*, 29). Fruamur auditu, sine strepitu nobis loquente intrinsecus veritate. Quanquam etiam cum forinsecus insonat per legentem, per annuntian-tem, per prædicantem, per disputantem, per præcipientem, per consolantem, per exhortantem, per ipsum etiam cantantem atque psallentem; ipsi qui hæc agunt, inquinare pedes suos timeant, cum placi-
cere hominibus subrepente amore humanæ laudis af-fectant. Cæterum qui eos audit libenter et pie, non habet locum jactandi se in laboribus alienis; et non inflatis ossibus, sed humiliatis gaudio gaudet propter vocem dominice veritatis. Proinde in eis qui libenter et humiliiter àudire neverunt, et vitam quietam in studiis dulcibus et salubribus agunt, sancta delicietur Ecclesia, et dicat, *Ego dormio, et cor meum vigilat*. Quid est, *Ego dormio, et cor meum vigilat*; nisi, ita quiesco ut audiam? Otium meum non impeditur nu-triendæ desidiae, sed percipiendæ sapientie. *Ego dor-mio, et cor meum vigilat*: vaco, et video quoniam tu es Dominus (*Psal. XLV*, 1): quia *sapientia scribæ in tem-pore otii; et qui minoratur actu, ipse percipiet eam* (*Ecccli. XXXVIII*, 25). *Ego dormio, et cor meum vigilat*: ego requiesco a negotiosis actibus, et animus meus divinis se intendit affectibus¹.

4. Sed in iis qui isto modo suaviter et humiliiter re-quiescent, dum otiose oblectatur Ecclesia, ecce pulsat ille qui ait: «Quæ dico vobis in tenebris, dicate in lu-mine; et quod in aure auditis, predicate super tecta» (*Matth. X*, 27). Vox ergo ejus pulsat ad januam, et dicit: «Aperi mihi, soror mea, proxima mea, columba mea, perfecta mea; quia caput meum repletum est rore, et crines mei noctis guttis.» Velut si dice-ret, Tu vacas, et contra me ostium clausum est²: tu studes otio paucorum, et abundante iniuitate re-frigescit charitas multorum (*Id. XXIV*, 12). Nox quippe, iniuitas est: ros vero ejus et guttae, hi sunt qui refrigescunt et cadunt, et faciunt refrigescere ca-put Christi, hoc est, ut non ametur Deus. Caput enim Christi Deus (*I Cor. XI*, 3). Sed portantur in crinibus, id est, in sacramentis visibilibus tolerantur: nequaquam interiora sensus attingunt. Pulsat ergo ut excu-tiat quietem sanctis otiosis, et clamat, Aperi mihi, de sanguine meo soror mea, de accessu meo proxima mea, de spiritu meo columba mea, de sermone meo quem plenius ex otio didicisti perfecta mea; aperi mihi, prædicta me. Ad eos quippe qui clauserunt con-tra me, quomodo intrabo sine aperiente? quomodo enim audient sine prædicante (*Rom. X*, 14)?

5. Hinc fit ut etiam hi qui amant otium studiorum honorum, et aolunt perpeti laboriosarum molestias

¹Tres MSS., affabibus.

²MSS., et contra me clausum est; omissa voce, ostium,

actionum, eo quod minus idoneos ad hæc ministranda, et sine reprehensione agenda se sentiunt; malling, si fieri posset, sanctos apostolos et prædicatores veritatis antiquos excitari adversus abundantiam ini-quitatis, qua fervor friguit charitatis. Sed in eis qui jam de corpore exierunt, et carnis indumento expoliati sunt (neque enim ab ea separati sunt), respondet Ecclesia, *Exui me tunica mea; quomodo induam eam?* Recipietur quidem illa tunica, et in eis qui jam exuti sunt, rursus vestietur carne Ecclesia: non tamen nunc quando servefaciendi sunt frigidi, sed tunc quando resurrecti sunt mortui. Passa ergo difficultatem propter inopiam prædicatorum, et recolens illa sua membra sana sermonibus, sancta moribus, sed jam exuta corporibus, ingemit et dicit Ecclesia, *Exui me tunica mea; quomodo induam eam?* Membra illa mea que Christo aperire evangelizando excellen-tissime potuerunt, quomodo ad corpora quibus exuta sunt, redire nunc possunt?

6. Deinde respiciens ad eos qui prædicare, et po-pulos acquirere ac regere, ac sic Christo aperire ut-cumque possunt, sed in his difficultatibus actionum peccare metuunt, *Lavi, inquit, pedes meos; quomodo inquinabo illos?* Quisquis enim in verbo non offendit, hic perfectus est vir. Et quis est perfectus? quis est qui non offendit in tanta abundantia iniuitatis, tanto frigore charitatis? *Lavi pedes meos; quomodo inquinabo eos?* Quandoquidem lego, et audio, *Nolite multi magistri fieri, fratres, quoniam majus judicium sumitis: in multis enim offendimus omnes* (*Jacobi. III*, 1, 2). *Lavi pedes meos; quomodo inquinabo eos?* Sed ecce surgo, et aperio. Christe, lava eos, *Dimitte nobis debita nostra*, quoniam non est extincta charitas nostra: quia *et nos dimillimus debitoribus nostris* (*Matth. VI*, 12). Quando te audimus, exsultant tecum in cœlestibus ossa humiliata (*Psal. L*, 10). Sed quando te prædi-ca-mus, terram calcamus ut tibi aperiamus: et ideo si reprehendimur, perturbamur; si laudamur, inflamur. Lava pedes nostros ante mundatos, sed cum ad aperien-dum tibi per terram pergitus, inquinatos. Hæc vobis hodie satis sint, dilectissimi. Si quid secus quam oportuit dicentes fortassis offendimus, vel laudibus vestris immoderatus quam oportuit elevati sumus; impe-
trate mundationem pedibus nostris, Deo placentibus orationibus vestris.

TRACTATUS LVIII.

Ab eo quod Dominus dicit, Et vos mundi estis, sed non omnes; usque ad id, Exemplum dedi vobis, ut quemadmodum ego feci vobis, ita et vos faciatis. Cap. XIII, §. 10 15.

1. Jam illa verba Evangelii, ubi Dominus lavans pedes discipulis suis, ait, *Qui lotus est semel, non habet necessitatem nisi pedes lavare, sed est mundus totus* (*Joan. XIII*, 10), Dilectioni vestræ, ut Dominus donare dignatus est, exposuimus: nunc quod sequi-tur videamus. *Et vos, inquit, mundi estis, sed non omnes.* Hoc quid sit ne quereremus, ipse Evangelista patefecit, adjungens: *Sciebat enim quisnam esset qui*

traderet eum; propterea dixit: Non estis mundi omnes. Quid hoc apertius? Proinde ad sequentia transeamus.

2. *Postquam ergo lavit pedes eorum, et accepit vestimenta sua; cum recubuisse iterum, dixit eis: Scitis quid fecerim vobis? Nunc est ut beato Petro reddatur illa promissio: dilatus enim fuerat, quando expavescens, et dicenti, Non lavabis mihi pedes in aeternum, responsum est ei, Quod ego facio, tu nescis modo, scies autem postea (Ibid. 8, 7). Eece est ipsum postea; jam tempus est ut dicatur quod paulo ante dilatum est. Memor itaque Dominus se promissoe jam dudum scientiam facti sui tam inopinati, tam mirabilis, tam expavescendi, et nisi ipse vehementer terruisset, nullo modo sinendi, ut magister non tantum ipsorum, sed Angelorum, et Dominus non tantum ipsorum, sed rerum omnium, lavaret pedes discipulorum et servorum suorum: hujus ergo tanti facti quoniam promiserat scientiam dicens, Scies autem postea; quid sit quod fecit, docere nunc incipit.*

3. *Vos, inquit, vocatis me, Magister, et Domine: et bene dicitis; sum etenim. Bene dicitis, quia verum dicitis; sum quippe quod dicitis. Homini præceptum est, Non te laudet os tuum, sed laudet te os proximi tui (Prov. xxvii, 2). Periculorum est enim sibi placere, cui cavendum est superbire. Ille autem qui super omnia est, quantumcumque se laudet, non se extollit excelsus: nec potest recte dici arrogans Deus. Nobis namque expedit eum nosse, non illi: nec eum quisque cognoscit, si non se indicet ipse qui novit. Si ergo non se laudando quasi arrogantiam vitare voluerit, nobis sapientiam denegabit. Et magistrum quidem quod se esse dicit, nemo reprobenderet, etiam qui eum nihil esse aliud quam hominem crederet; quoniam id profiteretur quod et ipsi homines in quibuslibet artibus usque adeo sine arrogantia profitentur, ut professores vocentur. Quod vero dominum et ipse se dicit discipulorum suorum, cum sint illi etiam secundum saeculum ingenui, quis ferat in homine? Sed Deus loquitur. Nulla est hic elatio tantæ celsitudinis, nullum mendacium veritatis: nobis subiacere illi utile est celsitudini, nobis servire utile est veritati. Quod se Dominum dicit, non illi vitium est, sed nobis beneficium. Cujusdam saecularis auctoris verba laudantur, quia dixit, « Cum omnis arrogantia odiosa est, et tum illa ingenii et eloquentiae multo molestissima » (Cic. in Q. Caecilium): et tamen idem ipse cum de sua eloquentia loqueretur, « Dicerem, inquit, perfectam, si ita judicarem; nec in veritate crimen arrogantiae pertimescerem » (Id. in Oratore). Si igitur ille homo eloquentissimus in veritate arrogantiam non timeret, quomodo arrogantiam ipsa veritas timeret? Dicat se Dominum qui Dominus est, dicat verum qui veritas est; ne non discam ego quod utile est, dum tacet ille quod est. Beatissimus Paulus, non utique unigenitus Dei Filius, sed unigeniti Dei Filii servus et apostolus; non veritas, sed particeps veritatis; altibet et constanter, Et si voluero gloriari, non ero insipiens; veritatem enim dico (II Cor. xii, 6). Neque enim in seipso, sed in ipsa veritate quae superior est*

ipso, et humiliter et veraciter gloriaretur: quoniam et ipse præcepit ut qui gloriatur in Domino gloriatur (Cor. i, 31). Itane non timeret insipientiam, si gloriari vellet amator sapientie; et in gloria sua timeret insipientiam ipsa sapientia? Non timuit arrogantiam qui dixit, In Domino laudabitur anima mea (Psal. xxxiii, 3); et in laude sua timeret arrogantiam potestas Domini, in qua laudatur anima servi? Vos, inquit, vocatis me, Magister, et Domine: et bene dicitis; sum etenim. Ideo bene dicitis, quia sum: nam si non essem quod dicitis, male diceretis, etiamsi me laudaretis. Quomodo ergo negaret veritas, quod dicunt discipuli veritatis? quomodo quod dicunt qui didicerunt, negaret ipsa unde didicerunt? Quomodo fons negat quod bibens prædicat? quomodo lux occultat quod videns indicat?

4. « Si ergo, inquit, ego lavi pedes vestros Dominus et Magister, debetis et vos alter alterius lavare pedes. Exemplum enim dedi vobis, ut quemadmodum ego feci vobis, et vos ita faciatis. » Hoc est, beate Petre, quod nesciebas, quando fieri non sinebas. Hoc tibi postea sciendum promisit, quando ut sineres terruit te Magister tuus et Dominus tuus, lavans pedes tuos. Didicimus, fratres, humilitatem ab Excelso; faciamus invicem humiles, quod humiliter fecit Jesus. Magna est haec commendatio humilitatis: et faciunt sibi hoc invicem fratres, etiam opere ipso visibili, cum se invicem hospitio recipiunt; est enim apud plerosque consuetudo hujus humilitatis, usque ad factum quo cernatur expressa. Unde Apostolus cum viduam bene meritam commendaret, Si hospitio, inquit, recepit, si sanctorum pedes lavit (I Tim. v, 10). Et apud sanctos ubicumque haec consuetudo non est, quod manu non faciunt, corde faciunt, si in illorum numero sunt quibus dicitur in hymno beatorum trium virorum, Benedicite, sancti et humiles corde, Domino (Dan. iii, 87). Multo autem est melius, et sine controversia verius, ut etiam manibus fiat; nec deditur quod dicit Christus, facere christianus. Cum enim ad pedes fratris inclinatur corpus, etiam in corde ipso vel excitatur, vel si jam inerat, confirmatur ipsius humilitatis affectus.

5. Sed excepto isto morali intellectu, ita nos hujus dominici facti altitudinem commendasse ineminiimus, quod lavando pedes jam lotorum atque mundorum discipulorum, significaverit Dominus propter humanos quibus in terra versamur affectus, ut quantumlibet proficerimus in apprehensione justitiae, sciamus nos sine peccato non esse: quod subinde abluit interpellando pro nobis, cum oramus Patrem qui in celis est, ut debita nostra dimittat nobis, sicut et nos dimittimus debitoribus nostris (Matth. vi, 12). Quomodo ergo ad hunc intellectum poterit pertinere hoc quod ipse postea docuit, ubi sui facti exposuit rationem dicens, « Si ergo ego lavi vestros pedes Dominus et Magister, debetis et vos alter alterius lavare pedes. Exemplum enim dedi vobis, ut quemadmodum ego vobis feci, ita et vos faciatis! » Numquid dicere possumus quod etiam frater fratrem a delicti poterit contagione mundare? Imo vero id etiam nos esse admoni-

tos in hujus dominici operis altitudine noverimus, ut confessi invicem delicta nostra oremus pro nobis, sicut et Christus interpellat pro nobis (*Rom. vii.*, 34). Audiamus Apostolum Jacobum hoc ipsum evidentissime præcipientem et dicentem, *Confitemini invicem delicta vestra, et orate pro vobis* (*Jacobi v.*, 16). Quia et ad hoc Dominus nobis dedit exemplum. Si enim ille qui ullum peccatum nec habet, nec habuit, nec habebit, orat pro peccatis nostris; quanto magis nos invicem pro nostris orare debemus? Et si dimittit nobis ille cui non habemus quod dimittamus; quanto magis dimittere nobis debemus invicem, qui sine peccato hic vivere non valemus? Quid enim videtur in hac altitudine sacramenti Dominus significare, cum dicit, « Exemplum enim dedi vobis, ut quemadmodum ego feci vobis, ita et vos faciatis; » nisi quod aper-tissime dicit Apostolus, « Donantes vobis metipsis, si quis adversus aliquem habet querelam, sicut et Dominus donavit vobis, ita et vos » (*Coloss. iii.*, 13)! Invicem itaque nobis delicta donemus, et pro nostris delictis invicem oremus, atque ita quodammodo invicem pedes nostros lavemus. Nostrum est, donante ipso, ministerium charitatis et humilitatis adhibere: illius est exaudire, ac nos ab omni peccatorum contaminatione mundare per Christum, et in Christo; ut quod aliis etiam dimittimus, hoc est in terra solvimus, solvatur in celo.

TRACTATUS LIX.

Ab eo quod Dominus dicit, Amen, amen dico vobis; non est servus major domino suo; usque ad id, Qui autem me accipit, accipit eum qui misit me. Cap. xiii., §. 16-20.

1. Audivimus in sancto Evangelio loquentem Dominum atque dicentem, « Amen, amen dico vobis; non est servus major domino suo, neque apostolus major eo qui misit illum: si haec scitis, beati eritis si feceritis ea. » Hoc ideo dixit, quia laverat discipulorum pedes, magister humilitatis et verbo et exemplo: sed poterimus ea quae sunt operiosius disserenda ipso adjuvante disserere, si non in eis quae manifesta sunt immoremur. Cum ergo haec Dominus præmisisset, adjunxit, « Non de omnibus vobis dico: ego scio quos elegerim: sed ut impleatur Scriptura, Qui manducat panem meum, levabit super me calcaneum suum. » Hoc quid est aliud nisi, concubabit me? Notum est de quo loquatur; Judas ille traditor ejus attingitur. Ergo ipsum non elegerat, unde ab eis quos elegit, isto sermone secernit. Quod ergo dico, inquit, *Beati eritis si feceritis ea, non de omnibus vobis dico: est inter vos qui non erit beatus, neque faciet ea. Ego scio quos elegerim.* Quos, nisi eos qui beati erunt faciendo quae præcepit, ac facienda monstravit, qui efficeret beatos potest? Non est, inquit, traditor Judas electus. Quid est ergo quod alio loco dicit, *Nonne ego vos duodecim elegi, et unus ex vobis diabolus est* (*Joan. vi.*, 71)? An et ipse ad aliquid est electus, ad quod utique erat necessarius; non autem ad beatitudinem, de qua modo ait, *Beati eritis si feceritis ea?* Hoc non de omnibus dicit: scit enim quos ad societatem beatitudinis hujus

elegerit. Non est ex eis iste qui panem illius sic edebat, ut super eum levaret calcaneum. Illi manduca-bant panem Dominum, ille panem Domini contra Domum: illi vitam, ille poenam. « Qui enim manducat indigne» ait Apostolus, « judicium sibi manducat» (*I Cor. xi.*, 29). « Amodo, » inquit, « dico vobis, prius quam fiat; ut cum factum fuerit, credatis quia ego sum: » id est, ego sum de quo illa Scriptura præcessit, ubi dictum est, *Qui manducat mecum panem, levabit super me calcaneum.*

2. Deinde sequitur, et dicit: *Amen, amen dico vobis; qui accipit si quem misero, me accipit; qui autem me accipit, accipit eum qui me misit.* Tantumne distare intelligi voluit inter eum quem mittit et seipsum, quantum inter seipsum et Patrem Deum? Hoc si isto modo acceperimus, nescio quos gradus, quod absit, Arianorum more faciemus. Illi quippe cum audiunt haec evangelica verba, seu legunt, statim ad illos gradus sui dogmatis currunt, quibus non ascendunt ad vitam, sed præcipitantur in mortem. Continuo quippe dicunt: Quantum apostolus Filii distat a Filio, quamvis dixerit, *Qui accipit si quem misero, me accipit;* tantum et Filius distat a Patre, quamvis dixerit, *Qui autem me accipit, accipit eum qui me misit.* Sed si hoc dicas, oblitus es, heretice, gradus tuos. Si enim tanto intervallo propter haec Domini verba Filium a Patre, quantum apostolus distinguis a Filio, ubi positurus es Spiritum sanctum? Exciditne tibi, eum vos ponere solere post Filium? Erit ergo ipse inter apostolum et Filium; et multo amplius distabit Filius ab apostolo quam Pater a Filio. Auforte, ut inter Filium et apostolum, atque inter Patrem et Filium maneat paribus intervallis ista distinc-tio, aequalis erit Spiritus sanctus Filio? Sed nec hoc vultis. Ubi ergo eum positiuri estis, si quanta Filium Patri, tanta apostolum Filio discretione supponitis? Cohibete itaque vestræ præsumptionis audaciam; et in his verbis nolite querere quantam Filii et apostoli, tantam Patris Filiique distantiam. Ipsum Filium audite potius dicentem, *Ego et Pater unus sumus* (*Joan. x.*, 30). Ubi veritas vobis inter Genitorem et Unigenitum nullam distantiam suspicionem reliquit, ubi gradus vestros Christus elisit, ubi scalas vestras petra confregit.

3. Sed hereticorum calumnia refutata, quoniam modo nos accepturi sumus haec dominica verba, « Qui accipit si quem misero, me accipit; qui autem me accipit, accipit eum qui me misit? Si enim voluerimus intelligere ideo dictum, *Qui me accipit, accipit eum qui me misit,* quod unius naturæ sint Pater et Filius; consequens videbitur ex eorumdem verborum regula, qua dictum est, *Qui accipit si quem misero, me accipit,* ut unius naturæ sit Filius et apostolus. Posset quidem non inconvenienter et hoc intelligi, quoniam geminus est ille gigas substantiæ, qui exsultavit ad currendam viam (*Psalm. xviii.*, 6): Verbum quum caro factum est (*Joan. i.*, 14), hoc est, Deus homo factus est. Proinde ita dixisse posset videri, *Qui accipit si quem misero, me accipit secundum hominem:* *Qui au-*

tem me secundum Deum accipit, accipit eum qui me misit. Sed cum ista dicebat, non ab illo naturae unitas; sed in eo qui mittitur, mittentis commendabatur auctoritas. Sic itaque eum qui missus est unusquisque accipiat, ut in illo eum qui misit attendat. Si ergo attendas Christum in Petro, invenies discipuli praeceptorem; si autem attendas Patrem in Filio, invenies Unigeniti Genitorem: ac sic in eo qui missus est, sine ullo accipis errore mittentem. Ea quæ sequuntur in Evangelio, non sunt temporis brevitate coarctanda. Et ideo sermo iste, charissimi, velut ovium sanctorum cibus, si sufficit, salubriter capiatur; si exiguis est, desiderabiliter ruminetur.

TRACTATUS LX.

In illud, Cum hæc dixisset Jesus turbatus est spiritu.

Cap. xiii, §. 21.

1. Non parva, fratres, ex Evangelio beati Joannis nobis proponitur quæstio, ubi ait: *Cum hæc dixisset Jesus, turbatus est spiritu, et protestatus est, et dixit: Amen, amen dico vobis, quia unus ex vobis tradet me.* Hincne turbatus est Jesus, non carne, sed spiritu, quia dicturus fuerat, *Unus ex vobis tradet me?* Numquidnam illi hoc tunc primum venit in mentem, vel tunc primum ei subito revelatum est, eumque repentina tanti mali novitas turbavit? Nonne hinc paulo ante loquebatur dicens, *Qui manducat mecum panem, levabit super me calcaneum?* Nonne etiam jam superiorius dixerat, *Et vos mundi estis, sed non omnes?* Ubi Evangelista subiunxit, *Sciebat enim quisnam esset qui traderet eum* (*Joan. xiii, 18, 10, 11*): quem jam et ante significaverat dicens, *Nonne ego vos duodecim elegi, et unus ex vobis diabolus est* (*Id. vi, 71*)? Quid est ergo quod nunc *turbatus est spiritu*, cum *protestatus est*, et *dixit: Amen, amen dico vobis, quia unus ex vobis tradet me?* An quia eum jam fuerat expressurus, ut non lateret in cæteris, sed discernetur a cæteris, ideo *turbatus est spiritu?* An quia ipse traditor jam fuerat exiturus, ut Iudeos, quibus Dominus ab eo traduceret, adduceret, turbavit eum imminentis passio, et periculum proximum, et traditoris impendens manus, cuius fuerat præcognitus animus? Tale quippe hoc est quod Jesus *turbatus est spiritu*, quale etiam illud quod ait, *Nunc anima mea turbata est; et quid dicam?* *Pater, salva me ex hora hac; sed proprieu veni in horam hanc* (*Id. xii, 27*). Sicut ergo tunc ejus anima turbata est hora propinquante passionis; ita etiam nunc exituro Iuda atque venturo, et propinquante tanto scelere traditoris, *turbatus est spiritu.*

2. Turbatus est ergo potestatem habens ponendi animam suam, et potestatem habens iterum sumendi eam (*Id. x, 18*). Turbatur tam ingens potestas, turbatur petrae firmitas: an potius in eo nostra turbatur infirmitas? Ita vero: nihil indignum credant servi de Domino suo, sed agnoscant se membra in capite suo. Qui mortuus est pro nobis, turbatus est idem ipse pro nobis. Qui ergo potestate mortuus est, potestate turbatus est: qui transfiguravit corpus hu-

militatis nostræ conforme corpori gloriæ sue (*Philipp. iii, 21*), transfiguravit etiam in se effectum infirmitatis nostræ, compatiens nobis affectu animæ suæ. Proinde quando turbatur magnus, fortis, certus, invictus, non ei timeamus quasi desiceat; non perit, sed nos querit. Nos, inquam, nos omnino sic querit nos ipsos in illius perturbatione videamus, ut quando turbatur, non desperatione pereamus. Quando turbatur qui non turbaretur nisi volens, eum consolatur qui turbatur et nolens.

3. Pereant argumenta philosophorum, qui negant in sapientem cadere perturbationes animorum. Stultam fecit Deus sapientiam hujus mundi (*I Cor. i, 20*); et Dominus novit cogitationes hominum, quoniam vanæ sunt (*Psal. xciii, 41*). Turbatur plane animus christianus, non miseria, sed misericordia: timeat ne pereat homines Christo, contristetur cum perit aliquis Christo; concupiscat acquiri homines Christo, lætetur cum acquiruntur homines Christo: timeat et sibi ne pereat Christo, contristetur perigrinari se a Christo; concupiscat regnare cum Christo, lætetur dum sperat se regnaturum esse cum Christo. Iste sunt certe quatuor quas perturbationes vocant, timor et tristitia, amor et lætitia. Habeant eas justis de causis animi christiani, nec philosophorum Stoicorum, vel quorumcumque similium consentiatur errori: qui profecto quemadmodum vanitatem existimat veritatem, sic stuporem deputant sanitatem; ignorantes sic hominis animum, quemadmodum corporis membrum, desperatius ægrotare, quando et doloris amiserit sensum.

4. Sed dicit aliquis: Numquid animus christiani debet etiam morte impendente turbari? Ubi est enim quod ait Apostolus, concupiscentiam se habere dissolvi et esse cum Christo (*Philipp. i, 23*); si illud quod concupiscit, potest eum turbare cum venerit? Facile est quidem istis ad hæc respondere, qui et ipsam lætitiam perturbationem vocant. Quid si enim propterea morte imminente turbatur, quia morte imminente lætatur? Sed hoc, inquit, gaudium, non lætitia nominanda est. Quid est hoc, nisi easdem res sentire, et rerum nomina velle mutare? Verum nos sacris Litteris accommodemus auditum, et secundum ipsas potius istam quæstionem Domino adjuvante solvamus: nec quoniā scriptum est, *Cum hæc dixisset Jesus, turbatus est spiritu*, dicamus eum lætitia suis turbatum; ne verbis suis nos ipse convincat ubi dicit, *Tristis est anima mea usque ad mortem* (*Mauth. xxvi, 38*). Tale aliquid etiam hic intelligendum est, quando suo traditore jam tunc solo exituro, et cum suis sociis continuo reddituro, *Jesus turbatus est spiritu.*

5. Firmissimi quidem sunt christiani, si qui sunt, qui nequaquam morte imminente turbantur: sed numquid Christo firmiores? Quis hoc insanissimus dixerit? Quid est ergo quod ille turbatus est, nisi quia infirmos in suo corpore, hoc est in sua Ecclesia, suæ infirmitatis voluntaria similitudine consolatus est: ut si qui suorum adhuc morte imminente tur-

bantur in spiritu, ipsum intueantur, ne hoc ipso se putantes reprobos, pejore desperationis morte sorbeantur? Quantum itaque bonum de participatione divinitatis ejus exspectare et sperare debemus, cuius nos et perturbatio tranquillat, et infirmitas firmat? Sive ergo isto loco ipsum Judam pereuntem miserando turbatus est, sive sua morte propinquante turbatus est: non est tamen ullo modo dubitandum, non eum animi infirmitate, sed potestate turbatum; ne nobis desperatio salutis oriatur, quando non protestate, sed infirmitate turbamur. Carnis quippe ille gerebat infirmitatem, quae infirmitas resurrectione consumpta est. Sed qui non solum homo, verum etiam Deus erat, ineffabili distantia universum genus humanum animi fortitudine superabat. Non ergo aliquo est cogente turbatus, sed turbavit semetipsum; quod de illo evidenter expressum est, quando Lazarum suscitavit: nam ibi scriptum est quod turbaverit semetipsum (*Joan. xi, 35*), ut hoc intelligatur et ubi non scriptum legitur, et tamen eum legitur fuisse turbatum. Affectum quippe humanum, quando oportuisse judicavit, in seipso potestate commovit, qui hominem totum potestate suscepit.

TRACTATUS LXI.

Ab eo quod Dominus ait, Amen, amen dico vobis, quia unus ex vobis tradet me; usque ad id, ille est cui ego tinctum panem porrexero. Cap. xiii, §. 21-26.

1. Hoc Evangelii capitulum, fratres, ita nobis exponendum hac lectione propositum est, ut jam etiam de traditore Domini per panem tinctum eique porrectum satis evidenter expresso aliquid dicere debeamus. Et de illo quidem, quod eum jam demonstratus Jesus turbatus est spiritu, praeterito sermone disserui: sed fortassis quod ibi non dixi, etiam hoc nobis Dominus significare sua perturbatione dignatus est, quod scilicet falsos fratres, et dominici agri illa zizania ita necesse est usque ad messis tempus inter frumenta tolerari (*Math. xiii, 29, 30*), ut quando ex eis aliqua separari etiam ante messem urgens causa compellit, fieri sine Ecclesiae perturbatione non possit. Hanc perturbationem sanctorum suorum per schismaticos et haereticos futuram, quodammodo prænuntians Dominus, præfiguravit in seipso, cum exituro Juda homine malo, et commixtionem frumenti, in qua diu fuerat toleratus, separatione apertissima relicturo, turbatus est non carne, sed spiritu. Spirituales enim ejus in hujusmodi scandalis non pervertitate, sed charitate turbantur; ne forte in separatione aliquorum zizaniorum, simul aliquod eradicetur et triticum.

2. *Turbatus itaque est Jesus spiritu, et protestatus est, et dixit: Amen, amen dico vobis, quia unus ex vobis tradet me. Unus ex vobis, numero, non merito; specie, non virtute; commixtione corporali, non vinculo spirituali; carnis adjunctione, non cordis socius unitate: proinde non qui ex vobis est, sed qui ex vobis exiturus est. Nam quomodo erit verum quod protestatur est. Dominus, et dixit, Unus ex vobis; si*

verum est quod ait idem ipse in Epistola sua, cuius est hoc Evangelium, *Ex nobis exierunt, sed non erant ex nobis: nam si fuissent ex nobis, mansissent utique nobiscum* (*I Joan. ii, 19*)? Non erat igitur ex illis Iudas: mansisset enim cum illis, si esset ex illis. Quid est ergo, *Unus ex vobis tradet me; nisi, unus ex vobis* exiturus est, qui me tradet? Quia et ille qui ait, *Si fuissent ex nobis, mansissent utique nobiscum; jam dixerat, Ex nobis exierunt*. Ac per hoc utrumque verum est, et *ex nobis*, et *non ex nobis*: secundum aliud *ex nobis*, secundum aliud *non ex nobis*; secundum communionem Sacramentorum *ex nobis*, secundum suorum proprietatem criminum, *non ex nobis*.

3. *Aspiciebant ergo ad invicem discipuli, hæsitanter de quo diceret.* Sic quippe in eis erat erga Magistrum suum pia charitas, ut tamen eos humana alterum de altero stimularet infirmitas. Nota quidem sibi erat cujusque conscientia; verumtamen quia proximi erat ignota, ita sibi unusquisque erat certus, ut incerti essent et in cæteris singuli, et in singulis cæteri.

4. *Erat ergo recumbens unus ex discipulis ejus in sinu Jesu, quem diligebat Jesus.* Quid dixerit, *in sinu*, paulo post ait, ubi dicit, *supra pectus Jesu*. Ipse est Joannes cuius est hoc Evangelium, sicut postea manifestat (*Joan. xxi, 20-24*). Erat enim eorum hæc consuetudo qui sacras Litteras nobis ministrarunt, ut quando ab aliquo eorum divina narrabatur historia, cum ad seipsum veniret, tanquam de alio loqueretur; et sic se insereret ordini narrationis suæ, tanquam rerum gestarum scriptor, non tanquam sui ipsius prædicator. Nam et hoc sanctus Matthæus fecit, qui cum in textu narrationis suæ venisset ad seipsum, *Vidit, inquit, in telonio sedentem quemdam publicanum, nomine Matthæum, et ait illi, Seguere me* (*Math. ix, 9*): non ait, *Vidit me*, et dixit mihi. Hoc fecit et beatus Moyses, ita de seipso tanquam de alio cuncta narravit, et ait: *Dixit Dominus ad Moysen* (*Exod. vi, 1*). Inusitatius apostolus Paulus, non in historia, ubi rerum gestarum suscipitur explicanda narratio, sed in Epistola hoc fecit. Nam utique de seipso ait: *Scio hominem in Christo ante annos quartuordecim (sive in corpore, sive extra corpus, nescio; Deus scit), raptum hujusmodi usque in tertium cælum* (*II Cor. xii, 2*). Quocirca quod etiam hic beatus Evangelista non ait, Eram recumbens in sinu Jesu, sed ait, *Erat recumbens unus ex discipulis*; nostrorum auctorum consuetudinem agnoscamus potius quam miremur. Quid enim deperit veritati, quando et res ipsa dicitur, et modo quodam jactantia devitatur? Hoc quippe narrabat quod ad ejus laudem maximam pertinebat.

5. *Quid est autem, quem diligebat Jesus?* Quasi alias non diligeret, de quibus idem ipse Joannes superius ait, *In finem dilexit eos* (*Joan. xiii, 1*). Et ipse Dominus, *Majorem hac charitatem nemo habet, quam ut animam suam ponat pro amicis suis* (*Id. xv, 13*). Et quis enumeret omnia divinarum testimonia paginarum, quibus Dominus Jesus, non illius neque corum quæc erant tantum, sed etiam post futurorum mem-

brorum suorum, et totius Ecclesiae sue dilector ostenditur? Sed profecto latet hic aliquid, et pertinet ad sinum in quo recumbebat qui ista dicebat. Per sinum quippe quid significatur aliud quam secretum? Sed alius est opportunior locus, ubi nobis Dominus aliquid donet de hoc secreto, quantum sufficiat, dicere.

6. *Innuit ergo Simon Petrus, et dicit ei.* Notanda locutio est, dici aliquid non sonando, sed tautummodo innuendo: *Innuit, inquit, et dicit;* utique innuendo dicit. Si enim cogitando aliquid dicitur, sive Scriptura loquitur, *Dixerunt apud semetipsos* (*Sap.* ii, 4); quanto magis innuendo, ubi jam foras qualibuscumque signis promittit quod fuerat corde conceptum? Quid ergo dixit innuendo? Quid, nisi quod sequitur? *Quis est de quo dicit?* Haec verba Petrus innuit; quia non sono vocis, sed motu corporis dixit. *Itaque cum recubuisse illus supra pectus Jesu.* Illic est utique pectoris sinus, sapientiae secretum. *Dicit ei: Domine, quis est?* Respondit Jesus: *Ille est cui ego tinctum panem porrexero.* Et cum tinxisset panem, dedit Iudee Simonis Iscariotae. Et post panem, tunc introivit in illum satanas. Expressus est traditor, nudatus sunt latebrae tenebrarum. Bonum est quod accepit, sed malo suo accepit, quia male bonum inalitus accepit. Verum de isto pane tincto qui porrectus est factio, et de his que sequuntur, multa dicenda sunt: quibus necessarium est plus temporis, quam nunc habemus jam in istius fine sermonis.

TRACTATUS LXII.

Ab eo quod scriptum est, Et cum tinxisset panem, dedit Iudee; usque ad id, Nunc clarificatus est Filius hominis. Cap. xiii, §. 26-31.

1. Scio, charissimi, moveri posse nonnullos, sive pios ut requirant, sive impios ut reprehendant, quod posteaquam panem tinctum traditori suo Dominus dedit, intraverit in illum satanas. Sic enim scriptum est: *Et cum tinxisset panem, dedit Iudee Simonis Iscariotae; et post panem tunc introivit in illum satanas.* Dicunt enim: Itane hoc meruit panis Christi porrectus de mensa Christi, ut post illum intraret in ejus discipulum satanas? Quibus respondemus, hinc nos potius doceri quam sit cavendum male accipere bonum. Multum quippe interest, non quid accipiat, sed quis accipiat; nec quale sit quod datur, sed qualis sit ipse cui datur. Nam et bona obsunt, et mala prosonnt, sicut fuerint quibus dantur. *Peccatum,* inquit Apostolus, *ut appareat peccatum, per bonum mihi operatum est mortem* (*Rom.* vii, 13). Ecce per bonum factum est malum, dum male accipitur bonum. Itemque ipse ait, « In magnitudine revelationum mearum ne extoller, datus est mihi stimulus carnis meae, angelus satanæ qui me colaphizet. Propter quod ter Dominum rogavi, ut auferret eum a me, et dixit mihi: Sufficit tibi gratia mea; nam virtus in infirmitate persicitur » (*II Cor.* xii, 7-9). Ecce per malum factum est bonum, dum bene accipitur malum. Quid ergo miraris si datus est Iudee panis Christi, per quem manciparetur diabolo;

PATROL. XXXV.

cum videas e contrario datum Paulo angelum diaboli, per quem persiceretur in Christo? Ita et male bonum oblitus, et malum hono profuit. Recordamini unde sit scriptum, *Quicumque manducaverit panem, aut biberit calicem Domini indigne, reus erit corporis et sanguinis Domini* (*I Cor.* xi, 27). Et de his erat sermo, cum hoc Apostolus diceret, qui Domini corpus velut alium clibum quemlibet indiscrete negligenter sumebant. Illic ergo si corripitur qui non dijudicat, hoc est, non discernit a ceteris cibis Dominicum corpus; quo modo damnatur¹ qui ad ejus mensam singens amicum, accedit inimicus? Si reprehensione tangitur negligentia convivantis, qua poena percutitur venditor invitantis? Quid erat autem panis traditori datus, nisi demonstratio cui gratiae fuisset ingratus?

2. Intravit ergo post hunc panem satanas in Domini traditorem, ut sibi jam traditum plenius possideret, in quem prius intraverat ut deciperet. Neque enim non in illo erat quando perrexit ad Iudeos, et de pretio tradendi Domini pactus est, cum haec aperiisse Lucas evangelista testetur et dicat: *Intravit autem satanas in Judam, qui cognominabatur Iscariotes, unum de duodecim; et abiit, et locutus est cum principibus sacerdotum* (*Luc.* xxii, 3 et 4). Ecce ubi ostenditur quod jam intraverat satanas in Judam. Prius ergo intraverat, immittendo in cor ejus cogitationem qua traderet Christum: talis enim jam venerat ad eccliam. Nunc autem post panem intravit in eum, non ut adhuc alienum tentaret, sed ut proprium possideret.

3. Non autem, ut putant quidam negligenter legentes, tunc Judas Christi corpus accepit. Intelligendum est enim quod jam omnibus eis distribuerat Dominus Sacramentum corporis et sanguinis sui, ubi et ipse Judas erat, sicut sanctus Lucas evidentissime narrat (*Ibid.*, 19-21): ac deinde ad hoc ventum est, ubi secundum narrationem Joannis apertissime Dominus per buccellam tinctam atque porrectam suum exprimit traditorem, fortassis per panis tinctionem illius significans fictionem². Non enim omnia que tinguntur, abluuntur; sed ut inficiantur, nonnulla tinguntur. Si autem bonum aliquid hic significat tinctio, eidem bono ingratum non immerito est secuta damnatio.

4. Adhuc tamen Iudee posse, non a Domino, sed a diabolo, cum homini ingrato intrasset panis in ventrem, hostis in mentem: adhuc, inquam, tanti male jam corde concepti plenus restabat effectus, enjus jam præcesserat damnandus affectus. Itaque cum Dominus panis vivus panem mortuo tradidisset, et panem tradendo panis traditorem ostendisset: *Quod facis, inquit, fac citius.* Non præcepit facinus; sed prædictis Iudee malum, nobis bonum. Quid enim Iudee pejus, et quid nobis melius quam traditus Christus, ab illo adversus illum, pro nobis præter illum? *Quod facis, fac citius.* O verbum libentius parati, quam irati! o verbum non tam paenam exprimens prodito-

¹ Sic omnes MSS. At Edist, quomodo non damnatur.

² MSS. plerique, *factorem*: minus bene, ut patet ex Tract. 61, n. 6.

ris, quam mercedem significans Redemptoris! Dixit enim, *Quod facis, fac citius*, non tam in perniciem persidi sciendo, quam ad salutem fidelium festinando; quia traditus est propter delicta nostra (*Rom. iv, 23*), et dilexit Ecclesiam, et semetipsum tradidit pro ea (*Ephes. v, 23*). Unde et de seipso dicit Apostolus: *Qui dilexit me, et tradidit seipsum pro me* (*Galat. ii, 20*). Nisi ergo se traderet Christus, nemo traderet Christum. Quid habet Judas, nisi peccatum? Neque enim in tradendo Christo salutem nostram cogitavit, propter quam traditus est Christus, sed cogitavit pecunias lucrum, et invenit animae detrimentum. Accepit mercedem quam voluit, sed nolenti est data quam meruit. Tradidit Judas Christum, tradidit Christus seipsum: ille agebat negotium suæ venditionis, iste nostræ redemptionis. *Quod facis, fac citius*, non quia tu potes, sed quia hoc vult qui totum potest.

5. *Hoc autem nemo scivit discubentium ad quid dixerit ei. Quidam enim putabant, quia loculos habebat Judas, quia dicit ei Jesus, Eme ea quæ opus sunt nobis ad diem festum; aut egenis ut aliquid daret. Ille habebat ergo et Dominus loculos, et a fidelibus oblata conservans, et suorum necessitatibus et aliis indigentibus tribuebat. Tunc primum ecclesiastice pecuniae forma est instituta, ubi intelligeremus quod precepit non cogitandum esse de crastino (*Matth. vi, 34*), non ad hoc fuisse præceptum, ut nihil pecuniae servetur a sanctis; sed ne Deo pro ista serviatur, et propter inopias timorem justitia deseratur. Nam et Apostolus in posterum providens, ait: *Si quis fidelis habet viudas, sufficienter tribuat eis, ut non gravetur Ecclesia, quo veris viduis sufficere possit* (*I Tim. v, 16*).*

6. *Cum ergo accepisset ille buccillam, exiit continuo. Erat autem nox. Et ipse qui exiit, erat nox. Cum ergo exisset nox, ait Jesus: Nunc clarificatus est Filius hominis. Dies ergo dici eructavit verbum, id est, Christus discipulis fidelibus, ut audirent cum, et amarent sequendo; et nox nocti annuntiavit scientiam (*Psal. xviii, 3*), id est, Judas Iudeiæs insidelibus, ut venirent ad eum, et apprehenderent persequendo. Sed jam hinc in sermonem Domini, qui factus est ad piros, antequam teneretur ab impiis, intentior flagitatur auditor; et ideo cum precipitare non debet, sed differe potius disputator.*

TRACTATUS LXIII.

De eo quod Dominus ait, Nunc clarificatus est Filius hominis; usque ad id, Et continuo clarificabit eum. Cap. xiiii, ¶ 34, 32.

1. Intendamus mentis obtutum, et adjuvante Domino, Deum requiramus. Divini cantici vox est, *Quærite Deum, et rivet anima vestra* (*Psal. lxviii, 33*). Quæramus inveniendum, quæramus inventum. Ut inveniendum queratur, occultus est; ut inventus queratur, immensus est. Unde alibi dicitur, *Quærite faciem ejus semper* (*Psal. civ, 4*). Satiat enim querentem in quantum capit; et invenientem capaciorem facit ut rursus querat impleri¹, ubi plus capere

sic aliquot viss. at Ecclii, implore.

cœperit. Non ergo ita dictum est, *Quærite faciem ejus semper, quemadmodum de quibusdam. Semper discentes, et ad scientiam veritatis nunquam pervenientes* (*II Tim. iii, 7*); sed potius sicut ille ait, *Cum consumaverit homo, tunc incipit* (*Ecclesiastes xviii, 6*): donec ad illam vitam veniamus, ubi sic amplectemur, ut capaciores non efficiamur, quia ita perfecti erimus, ut jam non proficiamus. Tunc enim ostendetur nobis quod sufficit nobis. Hic autem semper queramus, et fructus inventionis non sit finis inquisitionis. Neque enim propterea non semper, quia hic tantum; sed ideo hic semper dicimus esse querendum, ne alio quando hic putemus ab inquisitione cessandum. Nam et de quibus dictum est, *Semper discentes, et ad veritatis scientiam nunquam pervenientes*; hic sunt utique semper discentes; cum vero de hac vita exierint, jam non erunt discentes, sed, erroris sui mercedem recipientes. Sic enim dictum est, *Semper discentes, et ad veritatis scientiam nunquam pervenientes*; tanquam dicetur, *Semper ambulantes, et ad viam nunquam pervenientes*. Nos autem semper ambulemus in via, donec eo veniamus quo ducit via; nusquam in ea remaneamus, donec perducat ubi maneamus: atque ita, et querendo tendimus, et inveniendo ad aliquid pervenimus, et ad id quod restat querendo et inveniendo transimus, quo usque ibi stat finis querendi, ubi perfectioni non superest intentio proficiendi. Haec prælocutio, dilectissimi, intentam fecerit Charitatem vestram ad istum Domini sermonem, quem ad discipulos habuit ante passionem: profundus est enim, et utique ubi multum laboratur est disputator, non remissus debet esse auditor.

2. Quid ergo ait Dominus posteaquam Judas exiit, ut citius faceret quod erat facturus, hoc est, Dominum traditurus? Quid ait dies, cum exisset nox? Quid ait Redemptor, cum exisset venditor? *Nunc, inquit, clarificatus est Filius hominis. Quare nunc?* Numquid quia exiit qui tradat, quia imminent qui teneant et occident? Itane *nunc clarificatus est*, quia prope est ut humilietur amplius: cui jam impendet ut alligetur, ut judicetur, ut condemnetur, ut irrideatur, ut crucifigatur, ut interimatur? Haecce est clarificatio, an potius humiliatio? Nonne quando miracula faciebat, aut tamen de illo iste Joannes, *Spiritus non erat datus, quia Jesus nondum erat glorificatus* (*Joan. vii, 39*)? Tunc ergo nondum erat glorificatus, cum mortuos suscitaret; et nunc est glorificatus, cum mortuis propinquaret? nondum erat glorificatus faciens divina, et glorificatus est passurus humana? Mirum, si hoc Deus ille magister significabat, et docebat his verbis. Altius est perscrutandum Altissimi dictum, qui se aliquantum manifestat ut inveniamus, et iterum occultat ut inquiramus, et de inventis ad invenienda tanquam passibus innitamur. Video hic aliquid quod præfiguret magni aliquid. Exiit Judas, et clarificatus est Jesus; exiit filius perditionis, et clarificatus est Filius hominis. Ille quippe exierat, propter quem dictum erat eis, *Et vos mundi estis, sed non omnes* (*Id. xiii, 10*). Exeunte itaque immundo omnes mundi remanserunt, et cum suo mundatore.

manserunt. Tale aliquid erit cum virtus a Christo transierit hic mundus, et nemo in populo Christi remanebit immundus; cum zizaniis a tritico separatis, justi fulgebunt sicut sol in regno Patris sui (*Matth. xiii, 43*). Hoc futurum prævidens Dominus, et nunc significatum esse contestans, discedente Juda tanquam zizaniis separatis, remanentibus tanquam tritico Apostolis sanctis, *Nunc, inquit, clarificatus est Filius hominis*: tanquam diceret, Ecce in illa mea clarificatione quod erit, ubi malorum nullus erit, ubi honorum nullus perit. Sic autem non est dictum, *Nunc significata est clarificatio Filii hominis*; sed dictum est, *Nunc clarificatus est Filius hominis*: quemadmodum non est dictum, *Petra significabat Christum*; sed, *Petra erat Christus* (*I Cor. x, 4*). Nec dictum est, Bonum semen significabat filios regni, aut, zizania significabant filios maligni, sed dictum est, *Bonum semen hi sunt filii regni; zizania autem, filii maligni* (*Matth. xiii, 38*). Sicut ergo solet loqui Scriptura, res significantes tanquam illas quæ significantur appellans; ita locutus est Dominus dicens, *Nunc clarificatus est Filius hominis*: posteaquam separato inde nequissimo, et secum remanentibus sanctis, significata est glorificatio ejus, quando separatis iuquis manebit in æternitate cum sanctis.

3. Cum autem dixisset, *Nunc clarificatus est Filius hominis*, adjunxit, *Et Deus clarificatus est in eo*. Ipsa est enim clarificatio Filii hominis, ut Deus clarificeatur in eo. Si enim non ipse in seipso, sed Deus in illo clarificatur, tunc illum Deus in se clarificatur. Denique tanquam ista exponens, adjungit, et dicit: *Si Deus clarificatus est in eo, et Deus clarificabit eum in semetipso*. Hoc est, *Si Deus clarificatus est in eo*, quia non venit facere voluntatem suam, sed voluntatem ejus qui misit illum; *et Deus clarificabit eum in semetipso*, ut natura humana in qua est filius hominis, quæ a Verbo æterno suscepta est, etiam immortali æternitate donetur. *Et continuo, inquit, clarificabit eum*. Resurrectionem scilicet suam, non sicut nostram in fine saeculi, sed continuo futuram hac attestatione prædicens. Ipsa est enim clarificatio, de qua Evangelista jam dixerat, quod paulo ante commemoravi, quia propterea nondum Spiritus datus erat illo novo modo in eis, quibus fuerat eo modo post resurrectionem creditibus dandus, quia Jesus nondum fuerat clarificatus: id est, nondum fuerat mortalitas immortalitate vestita, et in æternam virtutem temporalis infirmitas commutata¹. Potest et de ista clarificatione dictum videri, *Nunc clarificatus est Filius hominis*; ut quod ait *nunc*, non ad imminentem passionem, sed ad vicinam resurrectionem pertinere credatur, tanquam fuerit factum quod erat tam proxime jam futurum. Hodie Dilectioni vestræ ista sufficerint; cum donaverit Dominus, de consequentibus disseremus.

TRACTATUS LXIV.

In id quod Dominus dicit, Filioli, adhuc modicum vobiscum sum: quæreris me, et sicut dixi Iudeis,

¹ Plurimæ MSS. omittunt, et in æternam virtutem temporalis infirmitas commutata.

quo ego vado, vos non potestis venire; et vobis dico modo. *Cap. xiii, § 33.*

1. Advertenda est, charissimi, dominicorum verborum ordinata connexio. Cum enim superius dixisset, posteaquam Judas egressus est, et ab illa sanctorum etiam corporali conversatione sejunctus est. *Nunc clarificatus est Filius hominis, et Deus clarificatus est in eo*: quod sive futurum regnum significans dixit, quando mali separabuntur a bonis, sive quod ejus resurrectio tunc futura esset, id est, differenda non esset, sicut in finem saeculi nostra differtur: ac deinde addidisset, *Si Deus clarificatus est in eo, et Deus clarificabit eum in semetipso, et continuo clarificabit eum*, quod sine ulla ambiguitate de sua resurrectione continuo futura testatus est: adiecit, atque ait, *Filioli, adhuc modicum vobiscum sum*. Ne putarent ergo quod sic eum clarificaturus esset Deus, ut non eis conjungeretur ulterius ea conversatione qua in terra est; *Adhuc modicum, inquit, vobiscum sum*: tanquam diceret, Continuo quidem resurrectione clarificabor; non tamen continuo ascensurus in cœlum, sed *adhuc modicum vobiscum sum*. Sicut enim scriptum est in Actibus Apostolorum, fecit cum eis post resurrectionem quadraginta dies intrans et exiens, manducans et bibens (*Act. i, 3*): non quidem habens esuriendi ac sitiendi egestatem, sed usque ad ista carnis insinuans veritatem, quæ cibandi ac potandi jam non habebat necessitatem, sed potestatem. Illos ergo quadraginta dies significavit dicendo, *Adhuc modicum vobiscum sum*, an aliquid aliud? Potest enim et sic intelligi, *Adhuc modicum vobiscum sum*, Adhuc, sicut vos, in hac infirmitate carnis etiam ipse sum, donec scilicet moreretur aliquid resurgeret: quia posteaquam resurrexit, cum illis quidem fuit diebus, ut dictum est, quadraginta exhibitione corporalis praesentiae; sed non cum illis fuit consortio infirmitatis humanæ.

2. Est et alia divina praesentia sensibus ignota mortalibus, de qua item dicit: *Ecce ego vobiscum sum usque ad consummationem saeculi* (*Matth. xxviii, 20*). Hoc certe non est, *Adhuc modicum vobiscum sum*: non enim modicum est usque ad consummationem saeculi. Aut si et hoc modicum est (volat enim ætas, et in oculis Dei mille anni sicut dies unus, aut sicut vigilia in nocte [*Psal. lxxxix, 4*]), non tamen hoc significare voluisse credendus est nunc, quandoquidem secutus adjunxit, *Quæreris me, et sicut dixi Iudeis, quo ego vado, vos non potestis venire*. Utique post hoc modicum quo vobiscum sum, *Quæreris me, et quo ego vado, vos non potestis venire*. Nunquid post consummationem saeculi, quo ipse vadit, venire non poterunt? Et ubi est quod aliquanto post in hoc ipso sermone dicturus est: *Pater, volo ut ubi ego sum, et ipsi sint mecum* (*Joan. xvii, 24*)? Non ergo de illa sua cum suis praesentia, qua cum illis est usque ad consummationem saeculi, nunc locutus est, ubi ait, *Adhuc modicum vobiscum sum*: sed vel de infirmitate mortali, qua cum illis erat usque ad passionem suam; aut de praesentia corporali, qua

cum illis futurus erat usque ad ascensionem suam. Quodlibet horum quis eligat, cum fide non litigat.

3. Ne cui autem videatur abhorrere iste sensus a vero, quo dicimus Dominum mortalis carnis communionem, in qua cum discipulis usque ad passionem fuit, significare potuisse dicendo, *Adhuc modicum vobiscum sum; apud alium quoque evangelistam post resurrectionem verba ejus attendat, ubi ait, Hæc locutus sum vobis, cum adhuc essem vobiscum (Luc. xxiv, 44)*: quasi tunc non erat cum ipsis simul assistentibus, videntibus, tangentibus, colloquentibus. Quid est ergo, *cum adhuc essem vobiscum*, nisi, cum adhuc essem in carne mortali, in qua estis et vos? Tunc enim quidem in eadem carne resuscitatus erat; sed cum illis in eadem mortalitate jam non erat. Quapropter sicut ibi jam immortalitate carnis indutus veraciter ait, *cum adhuc essem vobiscum*; ubi nihil aliud intelligere possumus, nisi, cum adhuc essem in carnis mortalitate vobiscum: ita et hic non absurde dixisse intelligitur, *Adhuc modicum vobiscum sum, tanquam diceret, adhuc modicum sicut vos estis, mortalis sum ego*. Ergo sequentia videamus.

4. *Quæretis me, et sicut dixi Iudeis, quo ego vado, vos non potestis venire, et vobis dico modo*. Hoc est, modo non potestis Iudeis autem cum hoc diceret, non addidit modo. Isti itaque venire non poterant tunc quo ille ibat, sed poterant postea: nam hoc apostolo Petro apertissime paulo post ait. Cum enim dixisset ille, *Domine, quo vadis?* respondit ei, *Quo ego vado, non potes me modo sequi; sequeris autem postea (Joan. xiii, 36)*. Sed hoc quid sit, non negligenter est praeterendum. Quo enim sequi tunc non poterant discipuli Dominum, sed postea poterant? Si dixerimus ad mortem: homini nato quod invenitur tempus, quo ad moriendum non sit idoneus; quandoquidem talis est in corpore corruptibili hominum sors, ut non sit in ea facilior vita quam mors? Non igitur adhuc minus idonei erant sequi Dominum ad mortem, sed minus idonei erant sequi Dominum ad vitam quæ non habet mortem. Illo quippe ibat Dominus, ut surgens a mortuis jam non moreretur, et mors ei ultra non dominaretur (*Rom. vi, 9*). Moriturum quippe Dominum pro justitia quomodo jam fuerant secuti, adhuc martyrio non maturi? Aut iturum Dominum ad immortalitatem carnis, quomodo jam fuerant secuti, quandolibet morituri, sed in sæculi sine resurrecti? Aut iturum Dominum ad sinum Patris, nec relietur eos, unde nec recessit cum venisset ad eos, quomodo jam fuerant secuti; cum esse nemo possit in illa felicitate nisi perfectus in charitate? Ideoque docens quomodo idonei esse possint pergere quo ille antecedebat, *Mandatum*, inquit, *novum do vobis, ut diligatis invicem (Joan. xiii, 34)*. Hi sunt grossus quibus sequendus est Christus: sed de his sermo uberior in aliud tempus est differendus.

TRACTATUS LXV.

In id quod Dominus ait, Mandatum novum do vobis, ut diligatis invicem, sicut dilexi vos, ut et vos in-

vicem diligatis: in hoc cognoscent omnes quia mei discipuli estis, si dilectionem habueritis in invicem.
Cap. xiii, § 34, 35.

1. Dominus Jesus mandatum novum se discipulis suis dare testatur, ut diligent invicem: *Mandatum, inquit, novum do vobis, ut diligatis invicem*. Nonne jam erat hoc mandatum in antiqua Dei lege, ubi scriptum est, *Diliges proximum tuum tanquam te ipsum (Levit. xix, 18)*? Cur ergo novum appellatur a Domino, quod tam vetus esse convincitur? An ideo est mandatum novum, quia exuto vetero induit nos hominem novum? Innovat quippe audientem, vel potius obedientem, non omnis, sed ista dilectio quam Dominus ut a carnali dilectione distingueret, addidit, *sicut dilexi vos*. Nam diligunt invicem mariti et uxores, parentes et filii, et quæcumque alia inter se homines necessitudo humana devinxerit: ut taceamus de dilectione culpabili atque damnabili, qua diligunt invicem adulteri et adulteræ, scortatores et meretrices, et quoscumque alios non humana necessitudo, sed humanæ vitae noxia turpitudo conjungit. Mandatum ergo novum dedit nobis Christus, ut diligamus invicem, sicut et ipse dilexit nos. Dilectio ista nos innovat, ut simus homines novi, hæredes Testamenti Novi, cantatores cantici novi. Hæc dilectio, fratres charissimi, antiquos etiam tunc justos, tunc Patriarchas et Prophetas, sicut postea beatos Apostolos innovavit: ipsa et nunc innovat gentes, et ex universo genere humano quod diffunditur toto orbe terrarum, facit et colligit populum novum, corpus novæ nuptie Filii Dei unigeniti sponsæ, de qua dicitur in Cantico canticorum, *Quæ est ista quæ ascendit dealbata (Cant. viii, 5, sec. LXX)*? utique dealbata, quia innovata; unde nisi mandato novo? Propter quod pro invicem sollicita sunt membra in ea; et si patitur unum membrum, compatiuntur omnia membra, et si glorificatur unum membrum, congaudent omnia membra (*I Cor. xii, 25, 26*). Audiunt enim, atque custodiunt, *Mandatum novum do vobis, ut vos invicem diligatis*: non sicut se diligunt qui corrumpunt, nec sicut se diligunt homines, quoniam homines sunt; sed sicut se diligunt, quoniam dii sunt et filii Altissimi omnes, ut sint Filio ejus unico fratres, ea dilectione invicem diligentes, qua ipse dilexit eos, perducturus eos ad illum finem qui sufficiat eis, ubi satietur in bonis desiderium eorum (*Psal. cii, 5*). Tunc enim aliquid desiderio non deerit, quando omnia in omnibus Deus erit (*I Cor. xv, 28*). Talis finis non habet finem. Nemo ibi moritur, quo nemo pervenit, nisi huic sæculo mortalitur, non morte omnium, qua corpus ab anima deseritur; sed morte electorum, qua etiam cum in carne mortali adhuc manetur, cor sursum ponitur. De qualis morte dicebat Apostolus, *Mortui enim estis, et vita vestra abscondita est cum Christo in Deo (Coloss. iii, 3)*. Hinc fortasse dictum est, *Valida est sicut mors dilectio (Cant. viii, 6)*. Hac enim dilectione sit ut in isto adhuc corruptibili corpore constituti moriamur huic sæculo, et vita nostra abscondatur cum Christo in Deo. Imo ipsa dilectio est mors nostra sæculo, et

vita cum Deo. Si enim mors est quando de corpore anima exit, quomodo non est mors quando de mundo amor noster exit? Valida est ergo sicut mors dilectio. Quid ea validius, qua vincitur mundus?

2. Nolite itaque, fratres mei, putare in hoc quod ait Dominus, *Mandatum novum do vobis, ut vos diligatis*, illud maius pretermisso esse mandatum, quo præcipitur ut diligamus Dominum Deum nostrum ex toto corde, ex tota anima, et ex tota mente: tanquam enim hoc pretermissio videtur dictum, *ut diligatis invicem*, velut hoc ad illud alterum non pertineat, quo dictum est, *Diliges proximum tuum tanquam te ipsum. In his enim duobus præceptis*, inquit, *tota Lex pendet, et Prophetæ* (*Math. xxii, 37-40*). Sed bene intelligentibus utrumque invenitur in singulis. Nam et qui diligit Deum, non eum potest contemnere præcipientem ut diligit proximum; et qui sancte ac spiritualiter diligit proximum, quid in eo diligit nisi Deum? Ipsa est dilectio ab omni mundana dilectione discreta, quam distinguendo addidit Dominus, *sicut dilexi vos*. Quid enim nisi Deum dilexit in nobis? Non quod habebamus, sed ut habemus: ut perducat nos, sicut paulo ante dixi, ubi sit Deus omnia in omnibus. Sic etiam medicus recte dicitur ægros diligere: et quid in oīs nisi salutem diligit, quam cupit utique revocare, non morbum, quem venit expellere? Sic ergo et nos invicem diligamus, ut quantum possumus, invicem ad habendum in nobis Deum cura dilectionis attrahamus. Hanc dilectionem nobis donat ipse qui ait, *Sicut dilexi vos, ut et vos diligatis invicem*. Ad hoc ergo nos dilexit, ut et nos diligamus invicem; hoc nobis conferens diligendo nos, ut mutua dilectione constringamur inter nos, et tam dulci vinculo connexis membris corpus tanti capitatis simus.

3. *In hoc cognoscent, inquit, omnes quia mei discipuli estis, si dilectionem habueritis in invicem*: tanquam dicerebant, Alia munera mea habent vobiscum etiam non mei, non solum naturam, vitam, sensum, rationem, et eam salutem quæ hominibus pecoribusque communis est; verum etiam linguas, Sacra menta, prophetiam, scientiam, fidem, distributionem rerum suarum pauperibus, et traditionem corporis sui ut ardeant: sed quoniam charitatem non habent, ut cymbala concrepant, nihil sunt, nihil illis prodest (*I Cor. xiii, 1-3*). Non ergo in illis quamvis bonis muneribus meis, quæ habere possunt etiam non discipuli mei; sed *in hoc cognoscent omnes quia mei discipuli estis, si dilectionem habueritis in invicem*. O sponsa Christi pulchra inter mulieres! o dealbata ascendens, et incumbens super fratrelem tuum! quoniam cuius lumine illustraris ut candreas, ejus adjutorio fulciris ne cadas: o quam bene cantatur tibi in illo Canticorum velut epithalamio tuo, *Quia caritas in deliciis tuis* (*Cant. vii, 6, sec. LXX*)! Ipsa non comperdit cum impiis animam tuam; ipsa discernit causam tuam, et sicut mors valida est, et in deliciis tuis est. Quam mirandi generis mors est, cui parum fuit non esse in pœnis, nisi esset insuper in deliciis! Sed hic jam iste

sermo claudatur: ab alio exordio tractanda sunt quæ sequuntur.

TRACTATUS LXVI.

De eo quod sequitur, Dicit ei Simon Petrus: Domine, quo vadis? usque ad id, Amen, amen dico tibi; non cantabit gallus, donec ter me neges. Cap. xiii, § 36-38.

4. Cum Dominus Jesus sanctam dilectionem qua se invicem diligerent, discipulis commendaret, *Dicit ei Simon Petrus: Domine, quo vadis?* Sic utique hoc dixit Magistro discipulis, et Domino servus, tanquam sequi paratus. Propterea quippe Dominus, qui ejus animum vidit quare hoc interrogaverit, sic ei respondit: *Quo ego vudo, non potes me modo sequi*: tanquam diceret, Propter quod interrogas, non potes modo. Non ait, non potes; sed *non potes modo*: dilectionem intuiti, non spem tulit; et eamdem spem quam non tulit, sed potius dedit, sequenti voce firmavit, addendo atque dicendo, *Sequeris autem postea*. Quid festinas, Petre? Nondum te suo spiritu solidavit petra. Noli extolliri præsumendo, *non potes modo*: noli dejici desperando, *sequeris postea*. Sed adhuc ille quid dicit? *Quare te non possum sequi modo?* *Animam meam pro te ponam*. Quid in animo ejus esset cupiditatis, videbat; quid virium, non videbat. Voluntatem suam jactabat infirmus, sed inspiciebat valetudinem medicus; iste promittebat, ille prænoscebat: qui nesciebat, audebat; qui præsciebat, docebat. Quantum sibi assumpserat Petrus intuendo quid vellet, ignorando quid posset? quantum sibi assumpserat, ut cum venisset Dominus animam suam ponere pro amicis suis, ac per hoc et pro ipso, ille hoc Domino offerre confideret: et nondum pro se posita anima Christi, animam suam polliceretur se positurum esse pro Christo? Respondit ergo Jesus, *Animam tuam pro me pones?* Itane facies pro me, quod nondum ego pro te? *Animam tuam pro me pones?* Præire potes, qui sequi non potes? Quid tantum præsumis? quid de te sentis? quid esse te credis? Audi quid sis: *Amen, amen dico tibi; non cantabit gallus, donec ter me neges*. Ecce quomodo tibi cito apparebis, qui magna loqueris, et te parvulum nescis. Qui mihi promittis mortem tuam, ter negabis vitam tuam. Qui te jam putas mori posse pro me, prius vive pro te: nam timendo mortem carnis tuæ, mortem dabitis animæ tuæ. Quanta enim vita est confiteri Christum, tanta mors est negare Christum.

2. An apostolus Petrus, sicut eum quidam favore perverso excusare nituntur (*Ambros. in Luc. xxii*), Christum non negavit, quia interrogatus ab ancilla hominem se nescire respondit, sicut alii evangelistæ contestantur expressius? Quasi vero qui hominem Christum negat, non Christum negat; et hoc in eo negat quod factus est propter nos, ne periret quod fecerat nos. Ergo qui ita constitetur Christum Deum, ut hominem neget, non pro illo mortuus est Christus; quia secundum hominem mortuus est Christus. Qui negat hominem Christum, non reconciliatur per me-

diatorem Deo. Unus enim Deus, et unus mediator Dei et hominum homo Christus Jesus (I Tim. ii, 5). Qui negat hominem Christum, non justificatur; quia sicut per inobedientiam unius hominis, peccatores constituti sunt multi; ita et per obedientiam unius hominis, justi constituentur multi (Rom. v, 19). Qui negat hominem Christum, non resurget in resurrectionem vite; quia per hominem mors, et per hominem resurrectio mortuorum: sicut enim in Adam omnes moriuntur, ita et in Christo omnes viviscauntur (I Cor. xv, 21 et 22). Per quid autem caput est Ecclesia, nisi per hominem, quod Verbum caro factum est? id est, Dei Patris Unigenitus Deus homo factus est. Quomodo est igitur in corpore Christi, qui negat hominem Christum? Qui enim caput negat, quomodo est membrum? Sed quid multis immorer, cum ipse Dominus abstulerit omnes humanæ argumentationis ambages? Non enim ait, Non cantabit gallus donec hominem neges; aut, sicut loqui familiariore cum hominibus dignatione consuevit, Non cantabit gallus donec Filium hominis ter neges: sed ait, *donec me ter neges*. Quid est, *me*, nisi quod erat? et quid nisi Christus erat? Quidquid ergo ejus negavit, ipsum negavit, Christum negavit, Dominum Deum suum negavit. Quia et ille condiscipulus ejus Thomas, quando exclamavit, *Dominus meus et Deus meus*, non Verbum, sed cornem tetigit; non incorpoream Dei naturam, sed hominis corpus curiosis manibus contrectavit (Joan. xx, 27, 28). Honinem itaque tetigit, et tamen Deum cognovit. Si ergo quod iste tetigit, hoc Petrus negavit; quod iste exclamavit, hoc Petrus offendit. *Non cantabit gallus, donec ter me neges*. Dicas licet, *Nescio hominem*; dicas licet, *Homo, nescio quid dicas*; dicas licet, *Non sum ex discipulis ejus* (Matth. xxvi, 34, 69-74, et Luc. xxii, 55-60): me negabis. Si, quod dubitare nefas est, Christus hoc dixit, verumque prædictum, procul dubio Petrus Christum negavit. Non accusemus Christum cum defendimus Petrum. Peccatum agnoscat infirmitas; nam mendacium non habet veritas. Agnovit quippe peccatum suum infirmitas Petri, prorsus agnoscit; et quantum mali Christum negando commiserit, plorando monstravit. Ipse suos redarguit defensores, et unde eos convincat, produceit lacrymas testes. Neque nos cum ista dicimus, primum Apostolorum accusare delectat: sed hunc intuendo admoneri nos oportet, ne homo quisquam de humanis viribus fidat. Nam quid aliud pertinuit ad doctorem Salvatoremque nostrum, nisi ut nobis nequaquam de se quemquam præsumere debere, in ipso primo Apostolorum demonstraret exemplo? In anima itaque Petri contigit quod offerebat in corpore. Non tamen pro Domino, ut temere præsumebat, processit, sed aliter quam putabat. Namque ante mortem et resurrectionem Domini, et mortuus est negando, et revixit plorando: sed mortuus est, quia superbe ipse præsumpsit; revixit autem, quia benigne ille respexit.

TRACTATUS LXVII.

De eo quod Dominus dicit, Non turbetur cor vestrum;

usque ad id, iterum venio, et accipiam vos ad me ipsum. Cap. xiv, ¶ 1. 3.

1. Erigenda est nobis, fratres, ad Deum major intentio, ut verba sancti Evangelii, quæ modo in nostris auribus sonuerunt, etiam mente capere utcumque possimus. Ait enim Dominus Jesus: *Non turbetur cor vestrum. Credite in Deum, et in me credite*. Ne mortem tanquam homines timerent, et ideo turbarentur, consolatur eos, etiam se Deum esse contestans. *Credite, inquit, in Deum, et in me credite*. Consequens est enim ut si in Deum creditis, et in me credere debeatis: quod non esset consequens, si Christus non esset Deus. *Credite in Deum, et in eum credite* cui natura est, non rapina, esse aqualem Deo: semetipsum enim exinanivit; non tamen formam Dei amittens, sed formam servi accipiens (Philipp. ii, 6, 7). Mortem metuitis huic formæ servi; *non turbetur cor vestrum*, suscitabit illam formam Dei.

2. Sed quid est quod sequitur, *In domo Patris mei mansiones multæ sunt*, nisi quia et sibi metuebant? Unde audire debuerunt, *Non turbetur cor vestrum*. Quis enim eorum non metueret, cum Petro dictum esset fidentiori atque promptiori, *Non cantabit gallus donec ter me neges* (Joan. xiii, 38)? Tanquam ergo essent ab illo perituri, merito turbabantur: sed cum audiunt, *In domo Patris mei mansiones multæ sunt: si quo minus, dixissem vobis quia vado parare vobis locum*; a perturbatione recreantur, certi ac fidentes etiam post pericula temptationum se apud Deum cum Christo esse mansuros. Quia etsi alias est alio fortior, alias alio sapientior, alias alio justior, alias alio sanctior; *in domo Patris mansiones multæ sunt*; nullus eorum alienabitur ab illa domo, ubi mansionem pro suo quisque accepturus est merito. Denarius quidem ille æqualis est omnibus, quem paterfamilias eis qui operati sunt in vinea jubet dari omnibus, non in eo discernens qui minus et qui amplius laborarunt (Matth. xx, 9): quo utique denario vita significatur æterna, ubi amplius alio nemo vivit, quoniam vivendi non est diversa in æternitate mensura. Sed multæ mansiones, diversas meritorum in una vita æterna significant dignitates. Alia est enim gloria solis, alia gloria lunæ, alia gloria stellarum: stella enim ab stella differt in gloria; sic et resurrectio mortuorum. Tanquam stellæ sancti diversas mansiones diversæ claritatis¹, tanquam in cœlo, sortiuntur in regno; sed propter unum denarium nullus separatur a regno: atque ita Deus erit omnia in omnibus (I Cor. xv, 41, 42, 28), ut quoniam Deus Charitas est (I Joan. iv, 8), per charitatem fiat ut quod habent singuli, commune sit omnibus. Sic enim quisque etiam ipse habet, cum amat in altero quod ipse non habet. Non erit itaque aliqua invidia imparis claritatis, quoniam regnabit in omnibus unitas charitatis.

3. Proinde resuendi sunt a corde christiano, qui

¹ Pauciores MSS., *creditis*, juxta Vulgatam: porro Graecum verum, quod in hoc versiculo bis ponitur, *pistete*, anci s'est, significans *creditis*, vel *credite*.

² Sic MSS. At editi, *diversas claritates*.

putant ideo dictum multas esse mansiones, quia extra regnum cœlorum erit aliquid, ubi maneat beati innocentes qui sine Baptismo ex hac vita emigrarunt, quia sine illo in regnum cœlorum intrare non poterunt. Haec fides non est fides, quoniam non est vera et catholica fides. Itane tandem stulti homines, et carnalibus cogitationibus excacati, cum reprobandi essetis, si mansionem non dico Petri et Pauli vel cuiuslibet Apostolorum, sed cujuscumque parvuli baptizati a regno cœlorum separaretis; non vos putatis esse reprobando, qui domum Dei Patris inde separatis? Non enim ait Dominus, In universo mundo, aut, in universa creatura, aut, in vita vel beatitudine sempiterna mansiones multæ sunt; sed, *In domo*, inquit, *Patris mei mansiones multæ sunt*. Nonne ista est domus ubi ædificationem habemus ex Deo, domum non manufactam, aeternam in cœlis (*Il Cor. v, 1*)? Nonne ista est donus de qua cantavimus Domino, *Beati qui habitant in domo tua; in sæcula sæculorum laudabunt te* (*Psal. LXXXIII, 5*)? Ergone vos non domum cujusque baptizati fratris, sed domum ipsius Dei Patris, cui omnes fratres dicimus, *Pater noster, qui es in cœlis* (*Math. vi, 9*), a regno separare cœlorum, aut eam sic dividere audebitis, ut aliquæ mansiones ejus sint in regno cœlorum, aliquæ autem extra regnum cœlorum? Absit, absit ut qui volunt habitare in regno cœlorum, in hac stultitia velint habitare vobiscum: absit, inquam, ut cum omnis domus regnantium filiorum non sit alibi nisi in regno, ipsius regiae domus pars aliqua non sit in regno.

4. Et si abiero, inquit, et præparavero vobis locum; iterum venio, et accipiam vos ad me ipsum, ut ubi sum ego et vos sitis. Et quo ego vado scitis, et viam scitis. O Domine Jesu, quomodo vadis parare locum, si jam multæ mansiones sunt in domo Patris tui, ubi tecum habitabunt tui! Aut si accipis eos ad te ipsum, quomodo iterum venis qui non recessis? Ista, charissimi, si breviter explicare conemur, quantum videtur hodierno satis esse sermoni, coarctata utique non clarebunt, et erit ipsa brevitas altera obscuritas: proinde hoc debitum differamus, quod opportunius vobis Patrefamilias nostro largiente reddamus.

TRACTATUS LXVIII.

In eamdem lectionem.

*1. Deberi vobis, fratres charissimi, jamque esse reddendum quod distuleramus, agnoscamus, quomodo intelligi possint non esse inter se ista duo contraria, quod cum dixisset Dominus, *In domo Patris mei mansiones multæ sunt: si quo minus, dixissem vobis quia vado parare vobis locum; ubi satis ostendit ideo se hoc illis dixisse, quia jani ibi sunt mansiones multæ, et non est opus aliquam præparare: rursus dicit: Et si abiero, et præparavero vobis locum; iterum venio, et accipiam vos ad me ipsum, ut ubi ego sum et vos sitis.* Quomodo vadit, et parat locum, si jam multæ mansiones sunt? Si quo minus, dixisset, *Vado parare.* Aut si adhuc parandus est, cur non merito dixisset, *Vado parare?* An istæ mansiones et*

sunt, et parandæ sunt? Si quo minus enim essent, dixisset, *Vado parare.* Et tamen quia ita sunt ut parandæ sint, non eas vadit parare sicut sunt: sed si abierit et paraverit sicut futuræ sunt, iterum veniens accipiet suos ad seipsum, ut ubi est ipse, sint etiam ipsi. Quomodo ergo mansiones in domo Patris non aliæ, sed ipsæ, et sine dubio jam sunt sicut parandæ non sunt, et nondum sunt sicut parandæ sunt? Quomodo putamus, nisi quomodo etiam propheta prædicat Deum, quia fecit quæ futura sunt? Non enim ait, Qui facturus est quæ futura sunt, sed, Qui fecit quæ futura sunt (*Isa. XLV, 11, sec. LXX.*). Ergo et fecit ea, et facturus est ea. Nam neque facta sunt, si ipse non fecit: neque futura sunt, si ipse non fecerit. Fecit ergo ea prædestinando, facturus est operando. Sicut discipulos quando elegit, satis indicat Evangelium; tunc utique quando eos vocavit (*Luc. vi, 13*): et tamen ait Apostolus, *Elegit nos ante mundi constitutionem* (*Ephes. i, 4*): prædestinando utique, non vocando. *Quos autem prædestinavit, illos et vocavit* (*Rom. VIII, 30*): elegit prædestinando ante mundi constitutionem, elegit vocando ante mundi consummationem. Sic et mansiones præparavit et præparat; nec alias, sed quas præparavit, has præparat, qui fecit quæ futura sunt: quas præparavit prædestinando, præparat operando. Jam ergo sunt in prædestinatione: si quo minus, dixisset, Ibo et parabo, id est, prædestinabo. Sed quia nondum sunt in operatione, *Et si abiero, inquit, et præparavero vobis locum; iterum venio, et accipiam vos ad me ipsum.*

*2. Parat autem quodammodo mansiones, mansionibus parando mansores. Quippe cum dixerit, *In domo Patris mei mansiones multæ sunt;* quid putamus esse domum Dei, nisi templum Dei? Quod autem sit, interrogetur Apostolus, et respondeat: *Templum enim Dei sanctum est, quod estis vos* (*Il Cor. III, 17*). Hoc est etiam regnum Dei, quod Filius traditurus est Patri: unde dicit idem apostolus, *Initium Christus, deinde qui sunt Christi in præsentia ejus: deinde finis, cum tradiderit regnum Deo et Patri* (*Id. xv, 23 et 24*); id est, quos redemit sanguine suo, tradiderit contemplando etiam Patri suo. Hoc est regnum cœlorum, de quo dicitur, *Simile est regnum cœlorum homini seminanti bonum semen in agro suo. Bonum autem semen, hi sunt filii regni:* qui etsi nunc habent permixta ziania, mittet in fine rex ipse Angelos suos, et colligent de regno ejus omnia scandalum. Tunc justi fulgebunt sicut sol in regno Patris sui (*Math. XIII, 24, 38-43*). Regnum fulgebit in regno, cum regno venerit regnum, quod nunc oramus, et dicimus, *Veniat regnum tuum* (*Id. vi, 10*). Nunc ergo jam regnum vocatur, sed adhuc convocatur: si enim regnum non vocaretur, *Colligent de regno ejus omnia scandalum,* non diceretur. Sed nondum regnat hoc regnum. Proinde sic jam est regnum, ut cum de illo collecta fuerint omnia scandalum, tunc perveniat ad regnum; ut non solum regni nomen, sed etiam regnandi habeat potestatem. Illic quippe regno ad dexteram stanti, in fine dicetur, *Venite, benedicti Patris mei, percipite**

regnum (*Matth. xxv, 34*) : id est, qui regnum eratis et non regnabatis, venite, regnate; ut quod in spe futuratis, etiam in re esse possitis. Hec ergo dominus Dei, hoc templum Dei, hoc regnum Dei, regnumque cœlorum adhuc redicatur, adhuc fabricatur¹, adhuc patratur, adhuc congregatur. In illo erunt mansiones, sicut eas adhuc parat dominus: in illo iam sunt, sicut prædestinavit jam dominus.

3. Sed quid est quod ut præpararet abiit, cum profecto nos ipsos præpararet², quod non faciet si reliquerit? Agnosco, domine, ut possum: nimis illud significas, quia ut parentur istæ mansiones, vivere debet justus ex fide (*Rom. i, 17*). Qui enim a domino peregrinatur, opus habet ex fide vivere; quia per hanc ad speciem contemplandam paratur (*Il Cor. v, 6-8*). Beati enim mundo corde, quia ipsi deum videbunt (*Matth. v, 8*): et, *Fide mundat corda eorum* (*Act. xv, 9*). Illud in evangelio, hoc in apostolorum actibus legitur. Fides autem, qua eorum qui deum visuri sunt, quamdiu peregrinantur, corda mundantur, quod non videt credit: nam si vides, non est fides. Credenti colligitur meritum, videnti redditur præmium. Eat ergo dominus et paret locum; eat ne videatur, lateat ut credatur. Tunc enim locus patratur, si ex fide vivatur. Creditus desideretur, ut desideratus habeatur: desiderium dilectionis, præparatione est mansionis. Ita, domine, para quod paras: nos enim tibi paras, et te nobis paras; quoniam locum paras, et tibi in nobis, et in te nobis. Tu enim dixisti, *Manete in me, et ego in vobis* (*Joan. xv, 4*). Quantum quisque fuerit particeps tui, alius minus, aliis amplius, haec erit diversitas præriorum pro diversitate meritorum: haec erit multitudo mansionum pro disparilitate mansorum; sed tamen omnia in alternitate vivorum, et sine fine beatorum. Quid est quod vadis? quid est quod venis? Si bene te intelligo, nec unde vadis nec unde venis, recedis: vadis latendo, venis apprendo. Sed nisi maneras regendo, ut proficiamus bene vivendo; quomodo parabitur locus ubi possimus manere perfruendo? Haec de verbis quæ recitata sunt evangeliis, satis dicta sint, quo usque ait dominus, *Iterum venio, et accipiam vos ad me ipsum*. Quid autem sit quod sequitur, *Ut ubi ego sum, et vos sis*. Et quo ego vado scitis, et viam scitis; post interrogationem quæ sequitur a discipulo factam, tanquam per eum et nos interrogatus, melius audiemus opportunius tractabimus.

TRACTATUS LXIX.

In id quod dominus dicit, Et quo ego vado scitis, et viam scitis; usque ad id, Nemo venit ad patrem, nisi per me. Cap. xiv, §. 4-6.

4. Nunc est dilectissimi, ut quantum valamus, intelligamus de verbis domini posterioribus priora, et consequentibus præcedentia, in eo quod audistis apostolo thome interroganti esse responsum. Dixerat enim superiorius dominus, cum de mansionibus

¹ Abest a plerisque mss., adhuc fabricatur.
² Præpare, juxta Er. lugd. et Ven. M.

loqueretur, quas et esse dixit in domo patris sui, et ire se ut præparet eas; ubi intelleximus et esse iam mansiones ipsas in prædestinatione, et præparari eas cum eorum qui ibi mansuri sunt, per fidem corda mundantur, quoniam ipsa deum domus ipsi sunt; et quid est aliud manere in domo dei, quam esse in populo dei, cum idem populus est in deo, et deus in eo? hoc ut præpararet, dominus abiit; ut credendo in eum qui non videtur, ea quæ in specie semper futura est, nunc per fidem mansio præparetur: propter hoc ergo dixerat, *Et si abiero, et præparavero vobis locum, iterum venio, et accipiam vos ad me ipsum, ut ubi ego sum et voss sitis. Et quo ego vado scitis, et viam scitis*. Ad hæc dicit ei thomas: *Domine, nescimus quo vadis; et quomodo possumus viam scire?* Utrumque illos dominus dixerat scire, utrumque dicit iste nescire, et locum quo itur, et viam qua itur. Sed nescit ille mentiri: ergo isti sciebant, et scire se nesciebant. Convincat eos iam scire, quod se putant adhuc usque nescire. *Dicit ei Jesus: Ego sum via, et veritas, et vita.* Quid est, fratres? Ecce audivimus discipulum interrogantem, audivimus et magistrum docentem, et nondum capimus, etiam post vocem sonantem, sententiam latitatem. Sed quid non possumus capere? Numquid poterant ei dicere apostoli ejus cum quibus loquebatur, *Nescimus te?* Proinde si eum sciebant, et via ipse est, viam sciebant: si eum sciebant, et veritas ipse est, veritatem sciebant: si eum sciebant, et vita ipse est, vitam sciebant. Ecce scire convicti sunt quod se scire nesciebant.

2. Quid igitur et nos in isto sermone non cepimus? Quid putatis, fratres mei, nisi quia dixit, *Et quo ego vado scitis, et viam scitis?* Et ecce cognovimus quod sciebant viam, quia sciebant ipsum qui est via: sed via est qua itur; numquid via est et quo itur? Utrumque autem illos dixerat scire, et quo vadit, et viam. Opus ergo erat ut diceret, *Ego sum via, ut ostenderet eos qui eum scirent, viam scire quam putaverant se nescire: quid autem opus erat ut diceret, Ego sum via, et veritas, et vita, cum via cognita qua iret, restaret nos quo iret; nisi quia ibat ad veritatem, ibat ad vitam?* Ibat ergo ad seipsum, per seipsum. Et nos quo imus, nisi ad ipsum? et qua imus, nisi per ipsum? Ipse igitur ad seipsum per seipsum; nos ad ipsum per ipsum: immo vero et ad patrem et ipse et nos. Nam et de seipso alibi dicit, *Ad patrem vado* (*Joan. xvi, 10*): et hoc loco propter nos, *Nemo, inquit, venit ad patrem, nisi per me.* Ac per hoc et ipse per seipsum et ad seipsum et ad patrem, et nos per ipsum et ad ipsum et ad patrem. Quis haec capit, nisi qui spiritualiter sapit? Et quantum est quod hic capit, etiamsi spiritualiter sapit? Fratres, quid a me ista vobis vultis exponi? Cogitate quam excelsa sint. Videlicet quid sim, video quid sitis: in omnibus nobis corpus quod corruptitur aggravat animam, et deprimit terrena inhabitatio sensum multa cogitantem (*Sap. ix, 15*). Putamusne possumus dicere. *Ad te levavi animam meam, qui habitas in caelo* (*Psal. cxxii, 1*)? Sed sub tanto pondere ubi ingemiscimus gravati,

quomodo levabo animam meam, nisi tecum levet qui posuit pro me suam? Dicam ergo quod possum, capiat vestrum qui potest. Quo donante dico, eo donante capit qui capit, et eo donante credit qui nondum capit. *Nisi enim credideritis, inquit propheta, non intelligetis* (*Isa. vii, 9, sec. LXX.*)

3. Dic mihi, Domine meus, quid dicam servis tuis conservis meis? Thomas apostolus ut te interrogaret, habuit te ante se; nec tamen intelligeret te, nisi haberet in te: ego interrogo te, quia te scio esse super me; interrogo autem in quantum possum super me effundere animam meam, ubi non sonantem et tamen docentem audiam te. Dic mihi, obsecro, quomodo vadis ad te. Numquidnam ut venires ad nos, reliqueras te: maxime quia non a te ipso venisti, sed Pater te misit? Scio quidem quod te exinanisti; sed quia formam servi accepisti (*Philipp. ii, 7*), non quia formam Dei vel ad quam redires demisisti, vel quam reciperes amisisti: et tamen venisti, et non solum usque ad carnales oculos, verum etiam usque ad manus hominum pervenisti. Quomodo, nisi in carne? Per hanc venisti manens ubi eras, per hanc redisti non relinquens quo veneras. Si ergo per hanc venisti et redisti; per hanc procul dubio non solum nobis es qua veniremus ad te, verum etiam tibi qua venires et redires, via fuisti. Cum vero ad vitam, quod es ipse, isti; eamdem profecto carnem tuam de morte ad vitam duxisti. Aliud quippe Dei Verbum est, aliud homo: sed Verbum caro factum est, id est homo. Non itaque alia Verbi, alia est hominis persona, quoniam utrumque est Christus una persona: ac per hoc quemadmodum caro cum mortua est, Christus est mortuus; et cum caro sepulta est, Christus est sepultus (sic enim corde credimus ad justitiam, sic ore confessionem facimus ad salutem [*Rom. x, 10*]); ita cum caro a morte venit ad vitam, Christus venit ad vitam. Et quia Verbum Dei Christus est, Christus est vita. Ha nra quodam et ineffabili modo, qui nunquam demisit vel amisit seipsum, venit ad seipsum. Venerat autem, ut dictum est, per carnem Deus ad homines, veritas ad mendaces: Deus enim verax, omnis autem homo mendax (*Id. iii, 4*). Cum itaque ab hominibus abstulit, atque illuc ubi nemo mentitur, carnem suam levavit; idem ipse, quia Verbum caro factum est, per seipsum, id est per carnem, ad veritatem, quod est ipse, remeavit. Quam quidem veritatem, quamvis inter mendaces, et in morte servavit: aliquando enim Christus fuit mortuus, sed nunquam fuit falsus.

4. Accipite quamvis diversum et longe impar exemplum, tanien utcumque ad intelligendum Deum, ex his quae proprius subjecta sunt Deo. Ecce ego ipse, quantum attinet ad animum meum, cum hoc sim quod estis et vos, si taceo, apud me ipsum sum: si autem loquor vobis quod intelligatis, quodammodo ad vos procedo, nec me relinquo, sed et ad vos accedo, et non recedo unde procedo. Cun autem tacuero, quodammodo ad me redeo; et quodammodo vobiscum maneo, si tenueritis quod audistis in sermone quem

dico. Si hoc potest *imago* quam fecit Deus, quid potest non a Deo facta, sed ex Deo nata *imago* Dei Deus: cuius illud, quo ad nos egressus est, et in quo a nobis regressus est, corpus, non sicut meus elapsus est sonus, sed manet ibi ubi jam non moritur, et mors ei ultra non dominabitur (*Rom. vi, 9*)? Multa de his evangelicis verbis adhuc dici fortasse poterant et debebant: sed non sunt corda vestra spiritualibus cibis quamlibet suavibus oneranda; maxime quia spiritus promptus est, caro autem infirma (*Matth. xxvi, 41*).

TRACTATUS LXX.

De eo quod Dominus ait, Si cognovissetis me, et Patrem meum utique cognovissetis; usque ad id, Non credis quia ego in Patre, et Pater in me est? Cap. xiv, §. 7-10.

1. Verba sancti Evangelii, fratres, ita recte intelliguntur, si cum superioribus reperiuntur habere concordiam: convenire enim debent precedentia consequentibus, quando veritas loquitur. Superius dixerat Dominus, «Et si abiero, et preparavero vobis locum; iterum venio, et accipiam vos ad me ipsum, ut ubi ego sum, et vos sitis: » deinde addiderat, «Et quo ego vado scitis, et viam scitis; » nihilque aliud ostendit esse quod dixit, nisi quia ipsum sciebant. Quid ergo esset ire ad seipsum per seipsum, quod etiam discipulis praestat ut eant ad ipsum per ipsum, ut potuimus pristino sermone jam diximus. Quod itaque ait, *Ut ubi ego sum, et vos sitis*, ubi erant futuri nisi in ipso? Ac per hoc est etiam ipse in seipso, et ideo ibi illi ubi et ipse, id est, in ipso. Ipse est igitur vita æterna in qua futuri sumus, cum acceperit nos ad se: et ipsa vita æterna quod ipse est in ipso est, ut ubi est ipse, et nos simus, hoc est, in ipso. *Sicut enim habet Pater vitam in semetipso*, et utique non aliud est vita quam habet, nisi quod est ipse qui hanc habet: *sic dedit Filio habere vitam in semetipso* (*Joan. v, 26*), eum ipse sit eadem vita quam habet in semetipso. Numquid autem nos vita quod est ipse, hoc erimus, cum in illa vita, hoc est in ipso esse coepimus? Non utique, quia ipse existendo vita habet vitam, et ipse est quod habet, et quod vita est in ipso, ipse est in seipso: nos autem non ipsa vita, sed ipsius vitæ participes sumus, atque ita ibi erimus, ut in nobis ipsis non quod ipse est esse possimus, sed nos ipsi non vita, ipsum habemus vitam, qui seipsum habet vitam, eo quod ipse sit vita. Denique ipse et in seipso est immutabiliter, et in Patre inseparabiliter: nos vero cum in nobis ipsis esse voluissemus, ad nos ipsos turbati sumus; unde illa vox est, *Ad me ipsum turbata est anima mea* (*Psal. xli, 7*): atque in deterius commutati, neque id quod sumus, mancre potuimus. Cum autem per ipsum veniam ad Patrem, sicut ait, *Nemo venit ad Patrem, nisi per me*; manentes in illo, nec a Patre nos quisquam poterit separare, nec ab illo.

2. Connectens itaque consequentia precedentibus. *Si cognovissetis me*¹, inquit, *et Patrem meum utique co-*

¹ Hic in MSS. erat, *Si cognovissem me*; altero hujus versiculi loco, *utique cognoscetis*: sed nunc plures a secunda manu habent utrobius, *cognovissetis*.

gnovistis. Hoc est quod ait : *Nemo venit ad Patrem, nisi per me.* Deinde subjungit : *Et modo cognoscetis eum, et vidistis eum.* Sed Philippus unus ex Apostolis, quid audierit non intelligens : *Domine, inquit, ostende nobis Patrem, et sufficit nobis.* Cui Dominus : *Tanto, inquit, tempore vobiscum sum, et non cognovistis me, Philippe?* Qui videt me, videt et Patrem. Ecce increpat quod tanto tempore cum ipsis erat, et non cognoscebatur. Nonne ipse dixerat, *Et quo ego vado scitis, et viam scitis;* et se nescire dicentes, eos haec scire convincerat, addendo atque dicendo, *Ego sum via, veritas et vita?* Quomodo nunc dicit, *Tanto tempore vobiscum sum, et non cognovistis me?* cum profecto, et quo iact, et viam scirent, non ob aliud nisi quod ipsum utique scirent? Sed facile ista solvitur quæstio, si dicamus quod eum aliqui eorum sciebant, aliqui nesciebant, atque in his qui nesciebant et Philippus erat : ut quod ait, *Et quo ego vado scitis, et viam scitis,* illis dixisse intelligatur qui sciebant; non Philippo cui dictum est, *Tanto tempore vobiscum sum, et non cognovistis me, Philippe?* His ergo qui Filium jam noverant, etiam illud de Patre dictum est, *Et modo cognoscetis eum, et vidistis eum:* dictum est enim propter omnimodam similitudinem quæ illi cum Patre est, ut ideo modo dicerentur nosse Patrem, quia noverant similem Filium. Ergo jam sciebant Filium, etsi non omnes, certe quidam eorum quibus dicitur, *Et quo vado scitis, et viam scitis:* ipse est enim via. Sed Patrem nesciebant, ideo audiunt, *Si cognovistis me, et Patrem meum cognovistis:* per me utique et illum. Alius enim ego sum, alius ille. Sed ne putarent dissimilem, *Et modo, inquit, cognoscetis eum, et vidistis eum.* Viderunt enim ejus simillimum Filium, sed admonendi fuerant tallem esse etiam Patrem quem nondum videbant, qualis est Filius quem videbant. Et ad hoc valet quod postea Philippo dicitur, *Qui videt me, videt et Patrem.* Non quod ipse esset Pater et Filius, quod in Sabellianis, qui vocantur etiam Patrissiani, catholica fides damnat : sed quod tam similes sint Pater et Filius, ut qui unum noverit, ambos noverit. Solemus enim de simillimiis duobus ita loqui eis qui unum illorum vident, et qualis est alius volunt nosse, ut dicamus : *Vidistis istum, illum vidistis.* Sic ergo dictum est, *Qui me videt, videt et Patrem:* non utique ut ipse sit Pater qui Filius, sed quod a Patris similitudine in nullo prorsus discrepet Filius. Nam nisi duo essent Pater et Filius, non dictum esset, *Si cognovistis me, et Patrem meum cognovistis.* Utique enim, quia nemo, inquit, *renuit ad Patrem, nisi per me;* *si cognovistis me, et Patrem meum cognovistis:* quoniam ego per quem venitur ad Patrem, perducam vos ad eum, ut ipsum etiam cognoscatis. Sed quoniam illi sum omnino simillimus, *modo cognoscetis eum, cum cognoscitis me:* *et vidistis eum, si oculis cordis vidistis me.*

3. Quid ergo est quod dicas, Philippe, *Ostende nobis Patrem, et sufficit nobis?* Tanto, inquit, *tempore vobiscum sum, et non cognovistis me, Philippe?* Qui videt me, videt et Patrem. Quod si ad te multum est hoc videre, saltem quod non vides hoc crede. Quo-

modo enim dicas, inquit, *Ostende nobis Patrem?* Si me vidisti qui omni modo similis sum, vidisti illum cui similis sum. Quod si videre non potes, non saltem credis quia ego in Patre, et Pater in me est? Poterat hic dicere Philippus : Video quidem te, et credo simillimum esse Patri; sed numquid argendum et objurgandum est qui cum similem videt, etiam illum cui similis est vult videre? Similem quidem novi, sed adhuc alterum sine altero novi; non mihi sufficit, nisi et illum cuius est iste similis noverim. *Ostende itaque nobis Patrem, et sufficit nobis.* Sed ideo magister discipulum arguebat, quoniam cor postulantis videbat. Tanquam enim melior esset Pater quam Filius, ita Philippus Patrem nosse cupiebat: et ideo nec Filium sciebat, quo melius esse aliquid credebat. Ad hunc sensum corrigendum dictum est, *Qui videt me, videt et Patrem.* Quomodo tu dicas, *Ostende nobis Patrem?* Video quomodo tu dicas: non alterum quæris videre similem, sed illum putas esse meliorem. *Non credis quia ego in Patre, et Pater in me est?* Cur in similibus distantiam cupis cernere? cur inseparabiles separatis desideras nosse? Deinde non ad solum Philippum, sed ad eos pluraliter loquitur, que non sunt in angustias coartanda, ut adjuvante ipso diligentius exponantur.

TRACTATUS LXXI.

In id quod Dominus dicit, Verba quæ ego loquor vobis, a meipso non loquor; usque ad id, Si quid petieritis Patrem in nomine meo, hoc faciam. Cap. xiv, ¶ 10-14.

1. Audite auribus, accipite mentibus, dilectissimi, loquentibus quidem nobis, sed ipso docente qui non recedit a nobis. Dominus dicit, quod modo cum legeretur audistis, *Verba quæ ego loquor vobis, a meipso non loquor: Pater autem in me manens ipse facit opera.* Ergo et verba opera sunt? Plane ita est. Nam profecto qui proximum loquendo ædificat, bonum opus operatur. Sed quid est, *a meipso non loquor,* nisi, *a meipso non sum qui loquor?* Ei quippe tribuit quod facit, de quo est ipse qui facit. Pater enim Deus non est de aliquo, Filius autem Deus est quidem Patri æqualis, sed de Patre Deo. Ideo ille Deus, sed non de Deo; et lumen, sed non de lumine: iste vero Deus de Deo, lumen de lumine.

2. Nam in his duabus sententiis, una qua dictum est, *Non a meipso loquor:* alia qua dictum est, *Pater autem in me manens, ipse facit opera:* singulas tenentes, diversi nobis adversantur hæretici, qui non ex una parte, sed in contraria conantes, a via veritatis exorbitant. Ariani quippe dicunt: Ecce inæqualis est Patri Filius, a seipso non loquitur. Dicunt Sabelliani contra, id est Patrissiani: Ecce qui Pater est ipse et Filius; quid enim est, *Pater in me manens, ipse facit opera,* nisi, in me maneo ego qui facio? Contraria dicitis: sed non eo modo sicut est falsum contrarium vero, sed sicut sunt inter se duo falsa contraria. Errando in diversa istis, in medio est via quam reliquistis¹. Inter vos ipsos longiore intervallo separati

¹ Er. Iugd. et Ven. sic habent hunc locum: *In diversa iitis, in medio est via quam reliquistis.* M.

et tis, quam ab ipsa via cuius desertores estis. Vos hinc, vos autem illine, hic venite: alteri ad alteros transire nolite, sed hinc atque illinc ad nos veniendo, invicem vos inveniente. Sabelliani, agnoscite quem pretermittitis; Ariani, aequate quem subditis, et in via vera nobiscum ambulabitis. Est enim quod invicem ex vobis alteri ex alteris admoneri utrique debeatis. Audi, sabelliane: usque adeo non ipse Pater, sed alter est Filius, ut eum arianus inaequalem asserat Patri. Audi, ariane: usque adeo Filius aequalis est Patri, ut sabellianus eumdem esse dicat et Patrem. Tu addes quem tollis, tu adimple quem minuis, et nobiscum ambo consistitis: quia nec tu tollis, nec tu minuis eum qui et alter est a Patre, ut convinas sabellianum, et aequalis Patri, ut convinas arianum. Utrisque enim clamat, *Ego et Pater unum sumus* (*Joan. x, 30*). Quod ait, *unum*, audiant Ariani; quod ait, *sumus*, audiant Sabelliani: et nec illi aequalem, nec illi alterum negando sint vani. Si ergo quoniam dixit, *Verba quæ ego loquor vobis, a meipso non loquor*, propterea putatur usque adeo imparis potestatis, ut non quod ipse vult faciat; audiatur quod dixit, *Sicut Pater suscitavit mortuos et vivificavit, sic et Filius quos vult vivificat*. Item si quoniam dixit, *Pater in me manens, ipse facti opera*, propterea putatur non aliud esse Pater, aliud ipse; audiatur quod dixit, *Quæcumque Pater facit, haec et Filius similiter facit* (*Id. v, 21, 19*); et intelligitur non bis unus, sed duo unum. Verum quia sic aequalis alter alteri, ut tamen alter ex altero, ideo non loquitur a semetipso, quia non est a seipso: et ideo Pater in illo manens facit opera ipse, quia per quem et cum quo facit, non est nisi ab ipso. Denique adjungit, et dicit: *Non creditis quia ego in Patre, et Pater in me est?* Alioquin propter opera ipsa credite. Antea solus Philippus arguebatur, nunc autem non ibi eum solum fuisse qui esset arguendus ostenditur. Propter opera, inquit, *ipsa credite quia ego in Patre, et Pater in me est*: neque enim si separati essemus, inseparabiliter operari ulla ratione possemus.

3. Sed quid est quod sequitur, «Amen, amen dico vobis, qui credit in me, opera quæ ego facio, et ipse faciet, et majora horum faciet; quia ego ad Patrem vado: et quæcumque petieritis in nomine meo, haec faciam. Ut glorificetur Pater in Filio, si quid petieritis in nomine meo, hoc faciam.» Ergo et illa majora opera seipsum facturum esse promisit. Non se extollat servus supra Dominum, et discipulus supra magistrum (*Id. xiii, 16*): majora quam ipse facit, dicit eos esse facturos; sed in eis vel per eos se faciente, non ipsis tanquam ex seipsis. Ei quippe cantatur, *Diligam te, Domine, virtus mea* (*Psal. xvii, 2*). Sed quæ sunt tandem ista majora? An forte quod ægros ipsis trans-euntibus, etiam eorum umbra sanabat (*Act. v, 15*)? Majus est enim ut sanet umbra quam simbria (*Matth. xiv, 36*). Illud per se, hoc per ipsos; sed tamen utrumque ipse. Verumtamen quando ista dicebat, verborum suorum opera commendabat: sic enim dixerat, *Verba quæ ego loquor vobis, a meipso non loquor;* *Pater autem in me manens, ipse facti opera.* Quæ opera

tunc dicebat, nisi verba quæ loquebatur? Audiebant et credebant illi, et eorumdem verborum fructus erat fides illorum: verumtamen evangelizantibus discipulis, non tam pauci quam illi erant, sed gentes etiam crediderunt; haec sunt sine dubitatione majora. Nec tamen ait, Majora horum facies, ut solos Apostolos ea putaremus esse facturos; sed, *Qui credit in me, inquit, opera quæ ego facio, et ipse faciet, et majora horum faciet.* Itane quicunque credit in Christum, facit quæ Christus, vel majora quam Christus? Non prætereunter ista tractanda sunt, nec debent festinatione præcipitari; sed ea cogit concludendus jam sermo iste differri.

TRACTATUS LXXII.

In eamdem lectionem.

1. Quid sibi velit, et quomodo accipiendum sit quod Dominus ait, *Qui credit in me, opera quæ ego facio, et ipse faciet*, non est facile comprehendere: et cum hoc ad intelligendum difficultissimum sit, adjecit aliud difficultius, *Et majora horum faciet*. Quid est hoc? Qui faeceret opera quæ Christus fecit, non inveniebamus; qui etiam majora faciet, inventuri sumus? Sed dixeramus sermone pristino quia majus fuit umbræ sue transitu, quod discipuli fecerunt (*Act. v, 15*), quam simbriæ sue tactu, quod ipse Dominus fecit (*Matth. xiv, 36*), sanare languentes; et quia plures Apostolis, quam ipso per os proprium prædicante Domino crediderunt: ut haec viderentur opera intelligenda esse majora: non quo major esset Magistro discipulus, vel Domino servus, vel adoptatus Unigenito, vel homo Deo; sed quod per illos ipse dignaretur eadem majora facere, qui dicit illis alio loco, *Sine me nihil potestis facere* (*Joan. xv, 5*). Ipse quippe, ut alia omittam, quæ sunt innumerabilia, sine ipsis fecit eos, sine ipsis fecit hunc mundum; et quia homo etiam ipse fieri dignatus est, sine ipsis fecit et seipsum. Quid autem illi sine ipso, nisi peccatum? Denique et hic id quod de hac re poterat nos movere, mox abstulit: cum enim dixisset, *Qui credit in me, opera quæ ego facio, et ipse faciet, et majora horum faciet*; continuo secutus adjunxit, *Quia ego ad Patrem vado, et quæcumque petieritis, in nomine meo, haec faciam*. Qui dixerat faciet, post ait faciam; tanquam diceret, *Non vobis impossibile hoc videatur: non enim poterit esse major me qui credit in me, sed ego facturus sum et tunc majora quam nunc; majora per eum qui credit in me, quam præter eum per me: ego tamen ipse præter eum, ego ipse per eum: sed quando præter eum, non faciet ipse; quando autem per eum, quamvis non per semetipsum, faciet et ipse.* Porro autem majora facere per eum quam præter eum, non est defectio, sed dignatio. Quid enim retribuant servi Domino, pro omnibus quæ retribuit eis (*Psal. cxv, 12*)? Quandoquidem inter cetera bona etiam hoc eis donare dignatus est, ut majora faceret per illos quam præter illos. Nonne ab ore illius dives ille tristis abscessit, quando vitæ aeternæ consilium quæsivit (*Matth. xix, 16-22*)? Audivit, abiecit: et tamen postea quod ab illo auditum non fecit

unus, fecerunt multi, cum loqueretur per discipulos magister bonus; contemptibilis ei quem divitem per seipsum monuit, amabilis eis quos ex divitibus pauperes per pauperes fecit. Ecce majora fecit prædicatus a credentibus, quam locutus audientibus.

2. Verum hoc adhuc movet, quod hæc majora per Apostolos fecit: non autem ipsos tantum significans ait, *Opera quæ ego facio et vos facietis, et majora horum facietis*: sed omnes ad suam familiam pertinentes intelligi volens, *Qui credit in me, inquit, opera quæ ego facio, et ipse faciet, et majora horum faciet*. Si ergo qui credit faciet, non credit utique qui non faciet: sicuti est, *Qui diligit me, mandata mea custodit* (*Joan. xiv, 21*); unde profecto qui non custodit, non diligit. Item alio loco, *Qui audit, inquit, verba mea hæc et facit ea, similabo eum viro prudenti qui ædificat domum suam supra petram* (*Math. vii, 24*): qui ergo non est similis hunc viro prudenti, procul dubio aut verba hæc audit et non facit, aut omnino nec audit. *Qui credit, inquit, in me, licet moriatur, vivet* (*Joan. xi, 25*): qui ergo non vivet, non utique credit. Tale etiam hoc est, *Qui credit in me, faciet*: non utique credit qui non faciet. Quid est hoc, fratres? Numquid inter credentes in Christum non est computandus, qui non fecerit opera majora quam Christus? Durum est, absurdum est, ferri non potest: non toleratur nisi intelligatur. Apostolum igitur arianus: *Credenti, inquit, in eum qui justificat impium, deputatur fides ejus ad justitiam* (*Rom. iv, 5*). In hoc opere faciamus opera Christi, quia et ipsum credere in Christum, opus est Christi. Hoc operatur in nobis, non utique sine nobis. Audi ergo jam, et intellige, *Qui credit in me, opera quæ ego facio, et ipse faciet*: prius ego facio, deinde et ipse faciet; quia facio ut faciat. Quæ opera, nisi ut ex impio justus fiat?

3. *Et majora horum faciet*. Quorum, obsecro? Numquidnam omnium operum Christi majora facit, qui cum timore et tremore suam ipsius salutem operatur (*Philipp. ii, 12*)? Quod utique in illo, sed non sine illo Christus operatur. Prorsus majus hoc esse dixerim, quam est cœlum et terra, et quæcumque cernuntur in cœlo et in terra. Et cœlum enim et terra transibit (*Math. xxiv, 35*); prædestinorum autem, id est eorum quos præscit, salus et justificatio permanebit. In illis tantum opera Dei, in his autem etiam est imago Dei. Sed et in cœlis, Sedes, Dominationes, Principatus, Potestates, Archangeli, Angeli opera sunt Christi; numquid etiam his operibus majora facit, qui operante in se Christo, cooperatur æternam salutem ac justificationem suam? Non hic audeo præcipitare sententiam: intelligat qui potest, judicet qui potest, utrum majus sit justos creare quam impios justificare. Certe enim si æqualis est utrumque potentiae, hoc majoris est misericordiae. *Hoc est enim magnum pietatis sacramentum, quod manifestatum est in carne, justificatum est in Spiritu, apparuit Angelus, prædicatum est in gentibus, creditum est in mundo, assumptum est in gloria* (*I Tim. iii, 16*). Sed omnia opera Christi intelligere ubi ait, *Majora horum faciet*, nulla nos necessi-

tas cogit. *Horum enim forsitan dixit, quæ in illa hora faciebat: tunc autem verba fidei faciebat, et de his operibus fuerat prælocutus dicens, Verba quæ ego loquor vobis, a meipso non loquor: Pater autem in me manens, ipse facit opera*. Tunc igitur verba ejus erant opera ejus. Et utique minus est verba justitiae prædicare, quod fecit præter nos, quam impios justificare, quod ita facit in nobis, ut faciamus et nos. Restat inquirere quomodo accipendum sit, *Quodcumque petieritis in nomine meo, hoc faciam*. Propter multa enim quæ pertinet fideles ejus, nec accipiunt, non parva hinc exortitur quæstio: sed quoniam sermo iste jam claudendus est, ei considerandæ atque tractandæ tribuatur saltem parva dilatio.

TRACTATUS LXXXIII.

Item in eamdem lectionem.

1. *Magnam spem Dominus suis promisit sperantibus*¹, dicens: *Quia ego ad Patrem vado, et quodcumque petieritis in nomine meo, hoc faciam*. Sic ergo perirexit ad Patrem, ut non relinqueret indigentes, sed exaudiens petentes. Sed quid est, *quodcumque petieritis*, cum videamus plerumque fideles ejus petere, et non accipere? An forte propterea quia male petunt? Nam hoc exprobavit apostolus Jacobus dicens: *Petitis, et non accipitis, eo quod male petatis, ut in concupiscentiis vestris insumatis* (*Jacobi iv, 3*). Male ergo usurus eo quod vult accipere, Deo potius miserante non accipit. Proinde si hoc ab illo petitur unde homo lædatur exauditus, magis metuendum est ne quod posset non dare propitius, det iratus. An non videmus Israelitas malo suo impetrasse quod culpabili concupiscentia petierunt? Concupierant enim carnis vesci (*Num. xi, 32*), quibus pluebatur manna de cœlo. Fastidiebant quippe quod habebant; et quod non habebant, impudenter petebant: quasi non melius peterent, non ut cibus qui deerat indecenti desiderio præstaretur, sed ut ille qui aderat sanato fastidio sumeretur. Quando enim nos delectant mala, et non delectant bona, rogare debemus potius Deum ut delectent bona, quam ut concedantur mala. Non quia malum est carne vesci, cum de hac re loquens Apostolus dicat, *Onnis creatura Dei bona est, et nihil abjetendum quod cum gratiarum actione accipitur* (*I Tim. iv, 4*): sed quia sicut item ipse ait, *Malum est homini qui per offendit manducat* (*Rom. xiv, 20*); et si hominis offendit, quanto magis Dei? Cujus in Israelitis non parva erat offenditio, repudiare quod dabant sapientia, et petere id quod inhibebat concupiscentia: quamvis illi nec peterent, sed quia deerat murmurarent. Sed ut sciremus non Dei creaturam esse culpabilem, sed inobedientiam contumacem et inordinatam cupiditatem; non propter porcum, sed propter pomum mortem primus homo invenit (*Gen. iii, 6*), et Esau primatus suos non propter gallinam, sed propter lenticulam perdidit (*Id. xxv, 34*).

2. Quomodo ergo intelligendum est, *Quodcumque petieritis, hoc faciam*, si Deus aliqua petentibus fidelibus etiam consulendo non facit? An forte solis Apo-

¹ In tribus MSS., orantibus.

stolis dictum debemus accipere? Absit. Unde enim ad hoc venit ut diceret, superius dixerat, *Qui credit in me, opera quae ego facio, faciet, et majora horum faciet*: de qua re pristino sermone tractavimus. Et ne quisquam hoc sibi tribueret, ut etiam illa opera majora seipsum facere ostenderet, adjectit, atque ait: *Quia ego ad Patrem vado; et quodcumque petieritis in nomine meo, hoc faciam*. Numquid in eum soli Apostoli crediderunt? Ad eos itaque loquebatur dicendo, *Qui credit in me, in quibus eo donante etiam nos sumus, qui utique non quodcumque petierimus accipimus*. Ipsos quoque beatissimos si cogitemus Apostolos, invenimus eum qui plus omnibus laboravit, non autem ipse, sed gratia Dei cum ipso (*I Cor. xv, 10*), ter Dominum rogassem ut ab eo discederet angelus satanae, nec tamen quod rogaverat accepisse (*II Cor. xii, 8*). Quid dicemus, charissimi?¹ Putabimusne hoc promissum ubi ait, *Quodcumque petieritis, hoc faciam*, nec Apostolis fuisse ab illo completum? Et cui tandem quod promisit implebit, si Apostolos suos in sua promissione fraudavit?

3. Evigila igitur, homo fidelis, et vigilanter audi quod illic positum est, *in nomine meo*: ipsum enim *quodcumque*, non ait, petieritis utcumque; sed, *in nomine meo*. Qui promisit ergo tam magnum beneficium, quid vocatur? Utique Christus Jesus: Christus significat regem, Jesus significat Salvatorem: non utique nos salvos faciet, quicumque rex, sed rex Salvator; ac per hoc quodcumque petimus adversus utilitatem salutis, non petimus *in nomine Salvatoris*. Et tamen ipse Salvator est, non solum quando facit quod petimus, verum etiam quando non facit; quoniam quod videt peti contra salutem, non faciendo potius se exhibet Salvatorem. Novit enim medicus quid pro sua, quid contra suam salutem poscat agrotus; et ideo contraria poscentis non facit voluntatem, ut faciat sanitatem. Quapropter quando volumus ut faciat quodcumque petimus, non utcumque, sed *in nomine ejus petamus*, hoc est *in nomine Salvatoris petamus*. Non ergo contra nostram salutem petamus: quod si fecerit, non ut Salvator facit, quod est nomen ejus fidelibus ejus. Est quippe impiis et damnator, qui dignatur fidelibus esse Salvator. Qui ergo credit in eum, quodcumque petierit in eo nomine, quod est illis qui credunt in eum, hoc facit; quoniam hoc sicut Salvator facit. Si autem qui in eum credit, aliquid per ignorantiam contra suam salutem petit, non *in nomine Salvatoris* petit; quia Salvator ejus non erit, si quod ejus salutem impedit, fecerit. Unde tunc expedit potius ut non faciendo proper quod invocatur, faciat quod vocatur. Propterea non solum Salvator, sed etiam magister bonus, ut faciat quodcumque petierimus, in ipsa oratione quam nobis dedit, docuit quid petamus; ut etiam sic intelligamus non petere nos *in nomine magistri*, quod petimus praeter regulam ipsius magisterii.

4. Sane quedam quamvis *in nomine ejus petamus*,

¹ In R., *quid dicimus, charissimi?* Er. Lugd. Ven. Lov. seculisimus. M.

id est secundum Salvatorem et secundum magistrum petamus; non tunc quando petimus facit, sed tamen facit. Neque enim quia et illud petimus ut veniat regnum Dei, propterea non facit quod petimus, quia non statim cum illo in aeternitate regnamus: differtur enim quod petimus, non negatur. Verumtamen orantes tanquam seminantes non deficiamus; tempore enim proprio metemus (*Galat. vi, 9*). Et simul petamus quando bene petimus, ut non faciat quod non bene petimus; quia et ad hoc pertinet quod in eadem oratione dominica dicimus, *Ne nos inferas in temptationem* (*Matth. vi, 9-13*). Neque enim parva est tentatio, si contra tuam sit causam tua postulatio. Non autem negligenter audiendum est, quod Dominus, ne quisquam eum putaret quod se promisit facere petentibus, sine Patre esse facturum, cum dixisset, *Quodcumque petieritis in nomine meo, hoc faciam, continuo subjecit, Ut glorificetur Pater in Filio, si quid petieritis in nomine meo, hoc faciam*. Nullo modo igitur sine Patre hoc Filius facit, quandoquidem ut in illo Pater glorificetur, propterea facit. Facit ergo Pater in Filio, ut Filius glorificetur in Patre: et facit Filius in Patre, ut Pater glorificetur in Filio; quoniam unum sunt Pater et Filius.

TRACTATUS LXXIV.

De eo quod ait, Si diligitis me, mandata mea servate; usque ad id, Apud vos manebit, et in vobis erit. Cap. xiv, ¶. 15-17.

1. Audivimus, fratres, cum Evangelium legeretur, Dominum dicentem: *Si diligitis me, mandata mea servate: et ego rogado Patrem, et alium Paracletum dabit vobis, ut maneat vobiscum in aeternum, Spiritum veritatis, quem mundus non potest accipere; quia non videt eum, nec scit eum. Vos autem cognoscetis eum, quia apud vos manebit, et in vobis erit*. Multa sunt, quae in istis paucis verbis Domini requirantur; sed multum est ad nos vel omnia quae hic querenda sunt querere, vel omnia quae hic querimus invenire. Verumtamen quantum nobis Dominus donare dignatur, pro nostra et vestra capacitate, quid dicere debeamus, et quid audire debeatis, attendentes, per nos, charissimi, quod possumus sumite, et ab illo quod non possumus poscite. Spiritum paracletum Christus promisit Apostolis; quo autem modo promiserit, advertamus. *Si diligitis me*, inquit, *mandata mea servate: et ego rogado Patrem, et alium Paracletum dabit vobis, ut maneat vobiscum in aeternum, Spiritum veritatis*. Illic est utique in Trinitate Spiritus sanctus, quem Patri et Filio consubstantiale et coeternum fides catholica constitutus: ipse est de quo dicit Apostolus, *Charitas Dei diffusa est in cordibus nostris per Spiritum sanctum, qui datum est nobis* (*Rom. v, 5*). Quomodo ergo Dominus dicit, *Si diligitis me, mandata mea servate: et ego rogado Patrem, et alium Paracletum dabit vobis*; cum hoc dicat de Spiritu sancto, quem nisi habeamus, nec diligere Deum possumus, nec ejus mandata servare? Quomodo diligimus ut eum accipiamus, quem nisi habeamus, diligere non vale-

ius? aut quomodo mandata servabimus ut cum accipiamus, quem nisi habcamus, mandata servare non possumus? An forte praeedit in nobis charitas, qua diligimus Christum, ut diligendo Christum ejusque mandata faciendo, mereamur accipere Spiritum sanctum, ut charitas non Christi, que jam praeceperat, sed Dei Patris diffundatur in cordibus nostris per Spiritum sanctum qui datus est nobis? Perversa est ista sententia. Quid enim se Filium diligere credit, et Patrem non diligit, profecto nec Filium diligit, sed quod sibi ipse confinxit. Deinde apostolica vox est, *Nemo dicit, Dominus Jesus, nisi in Spiritu sancto* (*1 Cor. xii, 3*): et quis Dominum Jesum, nisi qui eum diligit, dicit, si eo modo dicit quo Apostolus intelligi voluit? Multi enim voce dicunt, corde autem et factis negant: sicut de talibus ait, *Confidentur enim se nosse Deum, factis autem negant* (*Tit. i, 16*). Si negatur factis, procul dubio etiam dicitur factis. *Nemo itaque dicit, Dominus Jesus, animo, verbo, facto, corde, ore, opere, nemo dicit, Dominus Jesus, nisi in Spiritu sancto*; et nemo sic dicit, nisi qui diligit. Jam itaque Apostoli dicebant, *Dominus Jesus*: et si eo modo dicebant, ut non sicut dicentes, ore confitentes, corde et factis negantes; prorsus si veraciter hoc dicebant, procul dubio diligebant. Quomodo igitur diligebant, nisi in Spiritu sancto? Et tamen eis prius imperatur ut diligent eum, et ejus mandata conservent, ut accipiant Spiritum sanctum: quem nisi haberent, profecto diligere et mandata servare non possent.

2. Restat ergo ut intelligamus Spiritum sanctum habere qui diligit, et habendo mereri ut plus habeat, et plus habendo plus diligit. Jam itaque habebant Spiritum discipuli, quem Dominus promittebat, sine quo eum Dominum non dicebant: nec tamen eum adhuc habebant, sicut eum Dominus promittebat. Et habebant ergo, et non habebant, qui quantum habendus fuerat, nondum habebant. Habebant itaque minus, dandus erat eis amplius. Habebant occulte, accepturi fuerant manifeste; quia et hoc ad majus donum sancti Spiritus pertinebat, ut eis innotesceret quod habebant. De quo munere loquens Apostolus ait: *Nos autem non spiritum hujus mundi accepimus, sed Spiritum qui ex Deo est, ut sciamus quae a Deo donata sunt nobis* (*1 Cor. ii, 12*). Nam et ipsam manifestam impertitionem Spiritus sancti non semel, sed bis numero Dominus egit. Mox enim ut resurrexit a mortuis, insufflans ait: *Accipite Spiritum sanctum* (*Joan. xx, 22*). Numquid igitur quia tunc dedit, ideo non misit etiam postea quem promisit? Aut non idem ipse est Spiritus sanctus, qui et tunc est insufflatus ab ipso, et postea ab ipso missus e coelo (*Act. ii, 4*)? Quapropter cur ipsa quae facta est evidenter donatio ejus, his facta fuerit, alia quæstio est: fortassis enim propter duo precepta dilectionis, hoc est proximi et Dei, ut commendaretur ad Spiritum sanctum pertinere dilectio, haec ejus gemina est in manifestatione facta donatio. Et si alia causa querenda est, non nunc ejus inquisitione in longiorem quam oportet modum sermo iste mittendus est: dum tamen con-

stet, sine Spiritu sancto Christum nos diligere et mandata ejus servare non posse; et id nos posse atque agere tanto minus, quanto illum percipiimus minus; tanto autem amplius, quanto illum percipiimus amplius. Proinde non solum non habenti, verum etiam habenti, non incassum promittitur: non habenti quidem, ut habeatur; habenti autem, ut amplius habeatur. Nam nisi ab alio minus, ab alio amplius haberetur, sanctus Elisæus sancto Eliæ non diceret: *Spiritus qui est in te, duplo sit in me*¹ (*IV Reg. ii, 9*).

3. Quando autem ait Joannes Baptista, *Non enim ad mensuram dat Deus Spiritum* (*Joan. iii, 34*), de ipso Dei Filio loquebatur, cui non est datus Spiritus ad mensuram; quia in illo inhabitat omnis plenitudo divinitatis (*Coloss. ii, 9*). Neque enim sine gratia Spiritus sancti est mediator Dei et hominum homo Christus Jesus (*1 Tim. ii, 5*): nam et ipse dicit de se fuisse propheticum illud impletum, *Spiritus Domini super me; propter quod unxit me, evangelizare pauperibus misit me* (*Luc. iv, 18-21*). Quod enim est Unigenitus æqualis Patri, non est gratia, sed naturæ: quod autem in unitatem personæ Unigeniti assumptus est homo, gratia est, non naturæ, confitente Evangelio atque dicente, *Puer autem crescebat et confortubatur plenus sapientia, et gratia Dei erat in illo* (*Id. ii, 40*). Caeteris autem ad mensuram datur, et datus additur, donec unicuique pro modo sua perfectionis propria mensura compleatur. Unde et monet Apostolus, *Non plus sapere quam oportet sapere, sed sapere ad temperantiam; unicuique sicut Deus partitus est mensuram fidei* (*Rom. xii, 3*). Neque enim ipse dividit Spiritus, sed dona per Spiritum: nam divisiones donationum sunt, idem autem Spiritus (*1 Cor. xii, 4*).

4. Quod vero ait, *Rogabo Patrem, et alium Paracletum dabit vobis*, ostendit et seipsum esse paracletum. Paracletus enim latine dicitur advocatus: et dictum est de Christo, *Advocatum habemus ad Patrem, Iesum Christum justum* (*I Joan. ii, 1*). Sic autem mundum dixit non posse accipere Spiritum sanctum, sicut etiam dictum est, *Prudentia carnis inimica est in Deum: legi enim Dei non est subjecta; nec enim potest* (*Rom. viii, 7*); velut si dicamus, *Injustitia justa esse non potest*. Mundum quippe ait hoc loco, mundi significans dilectores, quae dilectio non est a Patre (*I Joan. ii, 16*). Et ideo dilectioni hujus mundi, de qua satis agimus² ut minuatur et consumatur in nobis, contraria est dilectio Dei, quae diffunditur in cordibus nostris per Spiritum sanctum qui datus est nobis. *Mundus ergo eum accipere non potest, quia non videt eum, neque scit eum.* Non enim habet invisibilis oculos mundana dilectio, per quos videri Spiritus sanctus, nisi invisibiliter non potest.

5. *Vos autem, inquit, cognoscitis eum, quia apud vos manebit, et in vobis erit.* Erit in eis ut maneat, non manebit ut sit: prius est enim esse alicubi, quam manere. Sed ne putarent quod dictum est, *apud vos manebit*, ita dictum quemadmodum apud hominem

¹ Editio. duplex sit in me. At MSS., duplo.

² Sanginus, fuxta Fr. Lugd. Ven. Lov. M.

hospes visibiliter manere consuevit; exposuit quid dixerit, *apud vos manebit*, cum adjunxit et dixit, *in vobis erit*. Ergo invisibiliter videtur: nec si non sit in nobis, potest esse in nobis ejus scientia. Sic enim a nobis videtur in nobis et nostra conscientia: nam faciem videmus alterius, nostram videre non possumus; conscientiam vero nostram videmus, alterius non videntur. Sed conscientia nunquam est, nisi in nobis: Spiritus autem sanctus potest esse etiam sine nobis; datur quippe ut sit et in nobis. Sed videri et sciri quemadmodum videndus et sciendus est, non potest a nobis, si non sit in nobis.

TRACTATUS LXXV.

De eo quod ait Jesus, non relinquam vos orphanos; usque ad id. Et ego diligam eum, et manifestabo ei meipsum. Cap. xiv, §. 18-21.

1. Post promissionem Spiritus sancti, ne quisquain putaret quod ita eum Dominus datus fuerat velut pro seipso, ut non et ipse cum eis esset futurus, adjectit atque ait: *Non relinquam vos orphanos; veniam ad vos*. Orphani pupilli sunt. Illud enim græcum ejusdem rei nomen est, hoc latinum: nam et in psalmo ubi legimus, *Pupillo tu eris adjutor* (Psal. ix, 14), græcus habet *orphano*. Quamvis ergo non Filius Dei suo Patri adoptaverit filios, et eundem Patrem nos voluerit habere per gratiam, qui ejus Pater est per naturam; tamen etiam ipse circa nos paternum affectionem quodammodo demonstrat, cum dicit, *Non relinquam vos orphanos; veniam ad vos*. Hinc est quod etiam sponst filios nos appellat, ubi dicit: *Veniet hora ut auferatur ab eis sponsus, et tunc jejunabunt filii sponsi* (Matth. ix, 15). Quis autem sponsus, nisi Dominus Christus?

2. Deinde sequitur, et dicit: *Adhuc modicum, et mundus me jam non videt*. Quid enim? tunc eum videbat mundus; quandoquidem mundi nomine vult intelligi eos de quibus superius est locutus, dicens de Spiritu sancto, *Quem mundus accipere non potest, quia non videt eum, neque cognoscit eum*? Videbat eum plane mundus carnis oculis in carne conspicuum, non autem videbat quod in carne Verbum latebat: videbat hominem, nou videbat Deum; videbat indumentum, non videbat indutum. Sed quoniam post resurrectionem etiam ipsam carnem suam, quam non solum videndam, verum etiam contrectandam demonstravit suis, noluit demonstrare non suis; hinc fortasse intelligendum est esse dictum, *Adhuc modicum, et mundus me jam non videt: vos autem videbitis me; quia ego vivo, et vos vivetis*.

3. Quid est, *quia ego vivo, et vos vivetis*? Cur de presenti se dixit vivere, illos autem de futuro esse victuros, nisi quia vitam etiam carnis utique resurgentis, qualis in ipso præcedebat, et illis est pollicitus secuturam? Et quia ipsius mox futura erat resurrectione, præsentis posuit temporis verbum propter significandam celeritatem: illorum autem quoniam saeculi differtur in finem, non ait, vivitis; sed, *vivetis*. Duas ergo resurrectiones, suam scilicet mox futuram et

nostram in saeculi fine venturam, duobus verbis praesentis temporis et futuri, eleganter breviterque promisit. *Quia ego, inquit, vivo, et vos vivetis*: quia ille vivit, ideo et nos vivemus. Per hominem quippe mors, et per hominem resurrectio mortuorum. Sicut enim in Adam omnes moriuntur, sic in Christo omnes viviscabuntur (I Cor. xv, 21 et 22). Quoniam nemo ad mortem nisi per illum, nemo ad vitam nisi per Christum. Quia non ¹ viximus, mortui sumus: quia vixit ipse, vivemus nos. Mortui sumus illi, quando viximus nobis: quia vero mortuus ille pro nobis, et sibi vivit et nobis. Quia enim vivit ille, et nos vivemus. Nam sicut per nos mortem habere potuimus, non sic et vitam per nos habere possumus.

4. In illo die, inquit, *vos cognoscetis quia ego sum in Patre meo, et vos in me, et ego in vobis*. In quo die, nisi de quo ait, et *vos vivetis*? Tunc enim erit ut possumus videre quod credimus. Nam et nunc est in nobis, et nos in illo: sed hoc nunc credimus, tunc etiam cognoscemus; quamvis et nunc credendo neverimus, sed quod contemplando noscemos. Quamdiu enim sumus in corpore quale nunc est, id est corruptibile quod aggravat animam, peregrinamur a Domino: perfidem enim ambulamus, non per speciem, (II Cor. v, 6). Tunc ergo per speciem, quoniam videbimus eum sicuti est (I Joan. iii, 2). Nam si etiam nunc Christus in nobis non esset, non dicaret Apostolus: *Si autem Christus in vobis, corpus quidem mortuum est propter peccatum, spiritus autem vita est propter justitiam* (Rom. viii, 10). Quia vero et nos etiam tunc, in illo sumus, satis ostendit, ubi dicit: *Ego sum vitis, vos palmites* (Joan. xv, 5). In illo ergo die, quando vivemus ea vita qua mors absorbebitur, cognoscemus quia ipse in Patre, et nos in ipso, et ipse in nobis; quia tunc perficietur hoc ipsum quod et nunc inchoatum est jam per ipsum, ut sit in nobis et nos in ipso.

5. Qui habet, inquit, *mandata mea et servat ea ille est qui diligit me*. Qui habet in memoria, et servat in vita; qui habet in sermonibus, et servat in moribus; qui habet audiendo, et servat faciendo; aut qui habet faciendo, et servat perseverando; *ipse est*, inquit, *qui diligit me*. Operc est demonstranda dilectio, ne sit infruerosa nominis appellatio. *Et qui diligit me*, inquit, *diligetur a Patre meo; et ego diligam eum, et manifestabo ei meipsum*. Quid est, *diligam*? tanquam tunc dilecturus sit, et nunc non diligit? Absit. Quomodo enim nos Pater sine Filio, aut Filius sine Patre diligenter? Quomodo cum inseparabiliter operentur, separabiliter diligunt? Sed ad hoc dixit, *diligam eum*, ad quod sequitur, *et manifestabo ei meipsum*. *Diligam, et manifestabo*; id est, ad hoc diligam, ut manifestem. Nunc enim ad hoc dilexit, ut credamus, et mandatum fidei teneamus; tunc ad hoc diligit, ut videamus, et ipsam visionem ² mercedem fidei capiamus: quia et nos nunc diligimus, credendo quod videbimus; tunc autem diligemus, videndo quod credimus.

¹ Editi, *Quia nobis*. MSS. plerique, *Quia nos*.

² Sic MSS. At editi, *ipsa visione*; et infra, *credendo quod non videmus*.

TRACTATUS LXXVI.

De eo quod sequitur. Dicit ei Judas, non ille Iscariotes, etc., usque ad id, Sermo quem audistis non est meus, sed ejus qui misit me, Patris. Cap. xiv, §. 22-24.

1. Interrogantibus discipulis et eis magistro respondentem Jesu, etiam nos tanquam cum illis discimus, quando sanctum Evangelium vel legimus vel audimus. Quia ergo dixerat Dominus, *Adhuc modicum, et mundus me jam non videt, vos autem videbitis me*; interrogavit eum de hoc ipso Judas, non ille traditor ejus qui Iscariotes cognominatus est, sed cuius Epistola inter Scripturas canonicas legitur: *Domine, quid factum est, quia nobis manifestatus es te ipsum, et non mundo?* Simus cum ipsis tanquam interrogantes discipuli, communemque magistrum audiamus et nos. Judas enim sanctus, non immundus, nec insectator Domini, sed sectator, causam quæsivit quare se hominibus, sed suis manifestatus esset Jesus; quare adhuc modicum et mundus non videret eum, ipsis autem videbant eum.

2. *Respondit Jesus, et dixit ei: Si quis diligit me, sermonem meum servabit: et Pater meus diligit eum, et ad eum veniemus, et mansionem apud eum faciemus.* Qui non diligit me, sermones meos non servat. Ecce exposita est causa quare se suis manifestatus est, non alienis, quos mundi nomine appellat; et ipsa est causa quod hi diligent, illi non diligent. Ipsa causa est de qua sacer insonat Psalmus, *Judica me, Deus, et discerne causam meam de gente non sancta* (Psal. XLII, 1). Qui enim diligunt¹, quia diligunt, eliguntur: qui vero non diligunt, si linguis hominum loquantur et Angelorum, fiunt æramentum sonans et cymbalum tintiens; et si habuerint prophetiam, et scierint omnia sacramenta, et omnem scientiam, et habuerint omnem fidem ut montes transferant, nihil sunt; et si distribuerint omnem substantiam suam, et tradiderint corpus suum ut ardeant, nihil eis prodest (1 Cor. XIII, 1-3). Dilectio sanctos discernit a mundo, quæ facit unanimes habitare in domo (Psal. LXVII, 7). In qua domo facit Pater et Filius mansionem; qui donant et ipsam dilectionem, quibus donent in fine etiam ipsam suam manifestationem: de qua discipulus magistrum interrogavit, ut non solum illi qui tunc audiebant per os ejus, sed etiam nos per Evangelium ejus hoc nosse possemus. Quæsicerat enim de Christi manifestatione, et audivit de dilectione atque mansione. Est ergo quædam Dei manifestatio interior, quam prorsus impii non neverunt, quibus Dei Patris et Spiritus sancti manifestatio nulla est: Filii vero potuit esse, sed in carne; quæ nec talis est qualis illa, nec semper illis adesse potest qualiscumque sit, sed ad modicum tempus; et hoc ad judicium, nou ad gaudium; ad suppliium, non ad præmium.

3. Nunc est ergo ut intelligamus, quantum aperire ipse dignatur, quomodo dictum sit, *Adhuc modicum, et mundus me jam non videt, vos autem videbitis me.* Verum est quidem quod post paululum etiam corpus

suum in quo poterant eum et impli videre, oculis eorum fuerat subtracturus; quandoquidem post resurrectionem nemo illorum vidit eum. Sed quoniam dictum est testantibus Angelis, *Sic veniet quem admodum vidistis eum euntem in cælum* (Act. I, 11); nec aliud credimus quam eum in eodem corpore ad judicium vivorum et mortuorum esse venturum: procul dubio tunc eum videbit mundus, quo nomine significati sunt a regno ejus alieni. Ac per hoc longe melius intelligitur jam illud tempus significare voluisse, in eo quod ait, *Adhuc modicum, et mundus me jam non videt*, quando in fine sæculi auferetur ab oculis damnatorum, ut illi eum de cætero videant, apud quos diligentes eum facit Pater atque ipse mansionem. *Modicum autem dixit, quia et id quod prolixum videtur hominibus, brevissimum est ante oculos Dei: de hoc quippe modo iste ipse Joannes evangelista, Filioli, inquit, novissima hora est* (1 Joan. II, 18).

4. Ne quis porro existimet Patrem tantummodo et Filium sine Spiritu sancto apud dilectores suos facere mansionem, recolat quod superius de Spiritu sancto dictum est, *Quem mundus non potest accipere, quia non videt eum, nec scit eum: vos autem cognoscetis eum, quia apud vos manebit, et in vobis erit* (Joan. XIV, 17). Ecce facit in sanctis cum Patre et Filio sanctus etiam Spiritus mansionem; intus utique, tanquam Deus in templo suo. Deus Trinitas, Pater et Filius et Spiritus sanctus, veniunt ad nos, dum venimus ad eos: veniunt subveniendo, venimus obediendo; veniunt illuminando, venimus intuendo; veniunt impleendo, venimus capiendo: ut sit nobis eorum non extraria visio, sed interna; et in nobis eorum non transitoria mansio, sed eterna. Sic mundo non se Filius manifestat: mundus enim dictus est hoc loco, de quibus continuo subjinxit, *Qui non diligit me, sermones meos non servat.* Illi sunt qui Patrem et Spiritum sanctum nunquam vident: Filium autem non ut beatificantur, sed ut judicentur, ad modicum vident; nee ipsum in forma Dei, ubi est cum Patre et Spiritu sancto pariter invisibilis; sed in forma hominis, ubi esse voluit mundo patiendo contemptibilis, judicando terribilis.

5. Quod vero adjunxit, *Et sermo quem audistis non est meus, sed ejus qui misit me, Patris;* non miremur, non paveamus: non est minor Patre, sed non est nisi a Patre; non est impar ipso, sed non est a seipso. Neque enim mentitus est dicendo, *Qui non diligit me, sermones meos non servat.* Ecce suos dixit esse sermones; numquid sibi ipse est contrarius, ubi rursus dixit, *Et sermo quem audistis non est meus?* Et fortasso propter aliquam distinctionem, ubi suos dixit, dixit pluraliter, hoc est sermones; ubi autem sermonem, hoc est Verbum, non suum dixit esse, sed Patris, se ipsum intelligi voluit. In principio enim erat Verbum, et Verbum erat apud Deum, et Deus erat Verbum (John. I, 1). Non utique suum, sed Patris est Verbum: quomodo nec sua imago, sed Patris; nec suus Filius idem ipse, sed Patris. Recite igitur tribuit auctori quidquid facit æqualis, a quo habet hoc ipsam quod illi est iudicenter æqualis.

¹ Decem MSS., *Qui enim diliguntur.*

TRACTATUS LXXVII.

De eo quod sequitur, Hæc locutus sum vobis apud vos manens ; usque ad id, Pacem meam do vobis ; non quomodo mundus dat, ego do vobis. Cap. xiv, § . 26-27.

1. In precedenti lectione sancti Evangelii, quam sequitur ista quæ modo recitata est, Dominus Jesus dixerat se et Patrem ad dilectores suos esse venturos, et apud eos mansionem esse facturos. Jamvero et superius dixerat de Spiritu sancto, *Vos autem cognoscetis eum, quia apud vos manebit, et in vobis erit* (Joan. xiv, 17) : unde intelleximus in sanctis tanquam in templo suo simul manere Tripitatem Deum. Nunc autem dicit : *Hæc locutus sum vobis apud vos manens*. Illa itaque mansio alia est, quam promisit futuram ; hæc vero alia, quam præsentem esse testatur. Illa spirituialis est, atque in trinsecus mentibus redditur : hæc corporalis forinsecus oculis atque auribus exhibetur. Illa in æternum beatificat liberatos ; hæc in tempore visitat liberandos. Secundum illam Dominus a suis dilectoribus non recedit ; secundum hanc it et recedit¹. *Hæc*, inquit, *locutus sum vobis, apud vos manens* : utique præsentia corporali, qua cum illis visibilis loquebatur.

2. *Paracletus autem*, inquit, *Spiritus sanctus, quem mittet Pater in nomine meo, ille vos docebit omnia, et commemorabit vos omnia quæcumque dixerit vobis*. Numquidnam dicit Filius, et docet Spiritus sanctus, ut dicente Filio verba capiamus, docente autem Spiritu sancto eadem verba intelligamus? Quasi dicat Filius sine Spiritu sancto, aut Spiritus sanctus doceat sine Filio : aut vero non et Filius doceat et Spiritus sanctus dicat, et cum Deus aliquid dicit et docet, Trinitas ipsa dicat et doceat? Sed quoniam Trinitas est, oportebat ejus singulas insinuare personas, eamque nos distincte audire, inseparabiliter intelligere. Audi Patrem dicentem ubi legis, *Dominus dixit ad me, Filius meus es tu* (Psal. ii, 7) : audi et docentem ubi legis, *Omnis qui audivit a Patre et didicit, venit ad me* (Joan. vi, 45). Filium vero dicentem modo audisti; de se quippe ait, *Quæcumque dixerit vobis* : quem si et docentem vis nosse, magistrum recole, *Unus est*, inquit, *Magister vester Christus* (Matth. xxi, 10). Spiritum porro sanctum, quem modo audisti docentem ubi dictum est, *Ipse vos docebit omnia*, audi etiam dicentem, ubi legis in Actibus Apostolorum, beato Petro dixisse Spiritum sanctum, *Vade cum illis, quia ego misi eos* (Act. x, 20). Omnis igitur et dicit et docet Trinitas : sed nisi etiam singillatim commendaretur, eam nullo modo humana capere utique posset infirmitas. Cum ergo omnino sit inseparabilis, nunquam Trinitas esse sciretur, si semper inseparabiliter diceretur : nam et cum dicimus Patrem et Filium et Spiritum sanctum, non eos utique dicimus simul, cum ipsi non possint esse non simul. Quod vero addidit, *commemorabit vos*, intelligere debemus etiam, quod jubemur non obliisci saluberrimos monitus ad gratiam pertinere, quam nos commemorat Spiritus.

¹ Lov. redit. Cæteri codices, recedit.

3. *Pacem, inquit, relinquo vobis, pacem meam do vobis*. Hoc est quod legimus apud prophetam, *Pacem super pacem* : pacem nobis relinquit iturus, pacem suam nobis dabit in fine venturus. Pacem nobis relinquit in hoc sæculo, pacem suam nobis dabit in futuro sæculo. Pacem suam nobis relinquit, in qua manentes hostem vincimus : pacem suam nobis dabit, quando sine hoste regnabimus. Pacem relinquit nobis, ut etiam hic invicem diligamus : pacem suam nobis dabit, ubi nunquam dissentire possumus. Pacem relinquit nobis, ne de occultis nostris invicem judicemus, cum in hoc sumus mundo : pacem suam dabit nobis, cum manifestabit cogitationes cordis, et tunc laus erit unicuique a Deo (1 Cor. iv, 5). In illo tamen atque ab illo nobis est pax, sive quam nobis relinquit iturus ad Patrem, sive quam nobis dabit nos perducturus ad Patrem. Quid autem nobis relinquit ascendens a nobis, nisi seipsum, dum non recedit a nobis? Ipse est enim pax nostra ; qui fecit utraque unum (Ephes. ii, 14). Pax ergo ipse nobis est, et cum credimus quia est, et cum videmus eum sicuti est (1 Joan. iii, 2). Si enim quamdui sumus in corpore corruptibili quod aggravat animam, cum per fidem ambulamus, non per speciem, non deserit peregrinantes a se (II Cor. v, 6, 7) ; quanto magis cum ad ipsam speciem venerimus, nos implebit ex se?

4. Sed quid est quod ubi ait, *Pacem relinquo vobis*, non addidit *meam*; ubi vero ait, *do vobis*, ibi dixit *meam*? Utrum subaudiendum est *meam*, et ubi dictum non est, quia potest referri ad utrumque etiam quod semel dictum est? An forte et hic aliiquid latet quod petendum est et quærendum, et ad quod pulsantibus aperiendum? Quid si enim pacem suam eam voluit intelligi qualem habet ipse? Pax vero ista quam nobis relinquit in hoc sæculo, nostra est potius dicenda quam ipsius. Illi quippe nihil repugnat in scipso, qui nullum habet omnino peccatum : nos autem talem pacem nunc habemus, in qua adhuc dicamus, *Dimittite nobis debita nostra* (Matth. vi, 12). Est ergo nobis pax aliqua, quoniam condelectamur legi Dei secundum interiorem hominem : sed non est plena, quia videmus aliam legem in membris nostris, repugnantem legi mentis nostræ (Rom. vii, 22 et 25). Itemque inter nos ipsos est nobis pax, quia invicem nobis credimus quod invicem diligamus : sed nec ipsa plena est, quia cogitationes cordis nostri invicem non videmus ; et quædam de nobis quæ non sunt in nobis, vel in melius invicem vel in deterius opinamur. Itaque ista etiam ab illo nobis relicta est, pax nostra est : nisi enim ab illo, non haberemus et talem ; sed ipse non habet talem. Si tenuerimus usque in finem qualem accepimus, qualem habet habebimus, ubi nihil nobis repugnet ex nobis, et nihil nos invicem lateat in cordibus nostris. Nec ignoro ista Domini verba etiam sic accipi posse, ut ejusdem sententiae repetitio videatur, *Pacem relinquo vobis, pacem meam do vobis* : ut quod dixerat, pacem, hoc repetierit dicens, *pacem meam* ; et quod dixerat, *relinquo vobis*, hoc repetierit dicens, *do vobis*. Ut volet

quisque accipiat : me tamen delectat, credo et vos, fratres mei dilecti, sic tenere istam pacem, ubi adversarium concorditer vincimus, ut desideremus pacem, ubi adversarium non habebimus.

5. Quod vero Dominus adjunxit, atque ait, *Non quomodo mundus dat, ego do vobis*; quid est aliud, nisi, non quomodo homines dant qui diligunt mundum, ita do vobis? Qui propterea dant sibi pacem, ut sine molestia litium atque bellorum, non Deo, sed amico suo mundo perfrauantur: et quando justis dant pacem ut non eos persequantur, pax non potest esse vera, ubi non est vera concordia; quia disjuncta sunt corda. Quomodo enim consors dicitur, qui sortem jungit; ita ille concors dicendus est, qui corda jungit. Nos ergo, charissimi, quibus Christus pacem relinquit, et pacem suam nobis dat, non sicut mundus, sed sicut ille per quem factus est mundus, ut concordes simus; jungamus invicem corda, et cor unum sursum habeamus, ne corrumpatur in terra.

TRACTATUS LXXVIII.

In id quod Dominus dicit, Non turbetur cor vestrum, neque formidet, etc. Cap. xiv, § 27, 28.

1. Accepimus, fratres, verba Domini dicentis ad discipulos suos: *Non turbetur cor vestrum, neque formidet. Audistis quia ego dixi vobis, Vado, et venio ad vos: si diligenteris me, gauderetis utique, quia ego vado ad Patrem; quia Pater major me est.* Hinc ergo turbari et formidare poterat cor illorum, quod ibat ab eis, quanvis venturus ad eos: ne forsitan gregem lupus hoc intervallo invaderet, pastoris absentia. Sed a quibus homo abscedebat, Deus non derelinquebat: et idem ipse Christus homo et Deus. Ergo et ibat per id quod homo erat, et manebat per id quod Deus erat: ibat per id quod uno loco erat, manebat per id quod ubique erat. Cur itaque turbaretur et formidaret cor, quando ita deserabat oculos, ut non desereret cor? Quanvis Deus etiam qui nullo continetur loco, discedat ab eorum cordibus, qui eum relinquunt moribus, non pedibus; et veniat ad eos qui convertuntur ad eum non facie, sed fide, et accedunt ad eum mente, non carne. Ut autem intelligerent secundum id quod homo erat eum dixisse, *Vado et venio ad vos;* adjecit, atque ait, *Si diligenteris me, gauderetis utique, quia ego vado ad Patrem; quia Pater major me est.* Per quod ergo Filius non est aequalis Patri, per hoc iterum erat ad Patrem, a quo venturus est vivos iudicaturus et mortuos: per illud autem in quo aequalis est gignenti Unigenitus, nunquam recedit a Patre; sed cum illo est ubique totus pari divinitate, quam nullus continet locus. *Cum enim in forma Dei esset,* sicut Apostolus loquitur, *non rapinam arbitratus est esse aequalis Deo.* Quomodo enim rapina posset esse natura quae non erat usurpata, sed nata? *Semetipsum autem exinanivit, formam servi accipiens* (*Philipp. ii, 6, 7*): non ergo amittens illam, sed accipiens istam. Eo modo se exinaniens, quo hic minor apparebat quam apud Patrem manebat. Forma quippe servi accessit, non forma Dei recessit: haec est assumpta, non illa consumpta. Propter hanc dicit, *Pater major me*

est: propter illam vero, Ego et Pater unum sumus (*Joan. x, 30*).

2. Hoc attendat arianus, et attentione sit sanus: ne contentione sit vanus, aut, quod est pejus, insanus. Ille est enim forma servi, in qua Dei Filius minor est, non Patre solo, sed etiam Spiritu sancto: neque id tantum, sed etiam seipso; quia idem ipse in forma Dei major est scipso. Neque enim homo Christus non dicitur Filius Dei, quod etiam sola caro ejus in seculo meruit appellari. Nam quid aliud constitemur, cum dicimus credere nos in unigenitum Dei Filium, qui sub Pontio Pilato crucifixus est et sepultus? Et quid ejus nisi caro sepulta est sine anima? Ac per hoc cum credimus in Dei Filium qui sepultus est, profecto Filium Dei dicimus et carnem quae sola sepulta est. Ipse ergo Christus Filius Dei, aequalis Patri in forma Dei, quia semetipsum exinanivit, non formam Dei amittens, sed formam servi accipiens, major est et seipso; quia major est forma Dei quae amissa non est, quam servi quae accepta est. Quid itaque mirum, vel quid indignum, si secundum hanc formam servi loquens, ait Dei Filius, *Pater major me est;* et secundum Dei formam loquens, ait idem ipse Dei Filius, *Ego et Pater unum sumus?* Unum sunt enim, secundum id quod Deus erat Verbum: major est Pater, secundum id quod Verbum caro factum est (*Id. i, 1, 14*). Dicam etiam quod Ariani et Eunomiani negare non possunt: secundum hanc formam servi puer Christus etiam parentibus suis minor erat, quando parvus majoribus, sicut scriptum est, *subditus erat* (*Luc. ii, 51*). Quid igitur, haereticus, cum Christus Deus sit et homo, loquitur ut homo, et calumniaris Deo? Ille in se naturam commendat humanam; tu in illo audes deformare divinam? Infidelis, ingrate, ideone tu minus eum qui fecit te, quia dicit ille quid factus sit propter te? Aequalis enim Patri, Filius per quem factus est homo, ut minor esset Patre, factus est homo: quod nisi fieret, quid esset homo?

3. Dicat plane Dominus et Magister noster, *Si diligenteris me, gauderetis utique, quia vado ad Patrem, quia Pater major me est.* Cum discipulis audiamus verba doctoris, non cum alienis sequamur astutiam deceptoris. Agnoscamus geminam substantiam Christi; divinam scilicet qua aequalis est Patri, humanam qua major est Pater. Utrumque autem simul non duo, sed unus est Christus; ne sit quaternitas, non Trinitas Deus. Sicut enim unus est homo anima rationalis et caro, sic unus est Christus Deus et homo: ac per hoc Christus, est Deus anima rationalis et caro. Christum in his omnibus, Christum in singulis constemur. Quis est ergo per quem factus est mundus? Christus Jesus, sed in forma Dei. Quis est sub Pontio Pilato crucifixus? Christus Jesus, sed in forma servi. Item de singulis quibus homo constat. Quis non est derelictus in inferno? Christus Jesus, sed in anima sola. Quis resurrecturus triduo jacuit in sepulcro? Christus Jesus, sed in carne sola. Dicitur ergo et in his singulis Christus. Verum haec omnia non duo, vel tres, sed unus est Christus. Ideo ergo

dixit, *Si diligenteris me, gauderetis utique, quia vado ad Patrem; quia naturæ humanae gratulandum est, eo quod sic assumpta est a Verbo unigenito. ut immortalis constitueretur in cœlo, atque ita fieret terra sublimis, ut incorruptibilis pulvis sederet ad dexteram Patris. Hoc enim modo se iturum dixit ad Patrem. Nam profecto ad illum ibat qui cum illo erat. Sed hoc erat ire ad eum et recedere a nobis, mutare atque immortale f. cere quod mortale suscepit ex nobis, et levare in cœlum per quod fuit in terra pro nobis. Quis non hinc gaudeat, qui sic diligit Christum, ut et suam naturam jam immortalem grataleatur in Christo, atque id se speret futurum esse per Christum?*

TRACTATUS LXXXIX.

De eo quod ait, Et nunc dixi vobis priusquam fiat, etc., usque ad id, Surgite, eamus hinc. Cap. xiv, § 29-31.

1. Dominus et salvator noster Jesus Christus dixerat discipulis suis : *Si diligenteris me, gauderetis utique, quia vado ad Patrem; quia Pater maior me est. Quod ex forma servi eum dixisse, non ex forma Dei in qua æqualis est Patri, novit fides quæ religiosis est membris fixa, non calumniosis et dementibus ficta. Deinde subiunxit : Et nunc dixi vobis priusquam fiat, ut cum factum fuerit, credatis. Quid est hoc, cum magis homo credere debeat antequam fiat id quod credendum est? Haec est enim laus fidei, si quod creditur non videtur. Nam quid magnum est si creditur quod videtur, secundum illam ejusdem Domini sententiam, quando discipulum arguit dicens : Quia vidisti, credidisti, beati qui non vident et credunt (Joan. xx, 29)? Et nescio utrum credere dicendus est quisque quod videt; nam ipsa fides in Epistola quæ scribitur ad Hebreos, ita est definita : *Est autem fides sperantium¹ substantia, convictio rerum quæ non videntur (Hebr. xi, 1).* Quapropter si fides est rerum quæ creduntur, eademque fides earum est que non videntur; quid sibi vult quod Dominus ait, *Et nunc dixi vobis priusquam fiat, ut cum factum fuerit, credatis?* Nonne potius dicendum fuit, *Et nunc dixi vobis priusquam fiat, ut credatis, quod cum factum fuerit, videatis?* Nam et ille cui dictum est, *Quia vidisti, credidisti, non hoc creditur quod videt; sed aliud videt, aliud credidit : videt enim hominem, credit Deum. Cernebat quippe atque tangebat carnem viventem, quam viderat morientem; et credebat Deum in carne ipsa latenter. Credebat ergo mente quod non videbat, per hoc quod sensibus corporis apparebat. Sed etsi dicuntur credi quæ videntur, sicut dicit unusquisque oculis suis se creditisse : non tamen ipsa est quæ in nobis ædificatur fides; sed ex rebus quæ videntur, agitur in nobis ut ea credantur quæ non videntur. Quocirca, dilectissimi, unde nunc mihi sermo est, quod Dominus ait, *Et nunc dixi vobis priusquam fiat, ut cum factum fuerit, credatis;* illud utique dicit, *cum factum fuerit, quod eum visuri erant post mortem viventem, et ad Patrem ascenderent.***

¹ Tres MSS., *sperandorum*. Am. et Bad., *sperandarum*. Er. Lov. et plerique MSS., *sperantum*. Sic rursus variant infra, Tract. 95.

tem : quo viso illud fuerant credituri, quod ipse esset Christus Filius Dei vivi, qui potuit hoc facere cum prædictisset, et prædicere ante quam ficeret : credituri autem hoc non fide nova, sed aucta ; aut certe cum mortuus esset defecta, cum resurrexisset refecta. Neque enim eum Dei Filium non et ante credebant ; sed cum in illo factum esset quod ante prædictum, fides illa quæ tunc quando illis loquebatur fuit parva, et cum moreretur pene jam nulla, et revixit et crevit.

2. Deinde quid dicit? *Jam non multa loquar vobiscum : venit enim princeps mundi hujus : quis, nisi diabolus? Et in menon habet quidquam : nullum scilicet omnino peccatum. Sic enim ostendit non creaturarum, sed peccatorum, principem diabolum, quos nunc nomine mundi hujus appellat. Et quotiescumque mundi nomen in malis significazione ponitur, non ostendit nisi mundi istius amatores ; de quibus alibi scriptum est, *Quicumque voluerit amicus esse sæculi hujus, inimicus Dei constituetur (Jacobi iv, 4).* Absit ergo ut sic intelligatur diabolus princeps mundi, tanquam gerat universi mundi, id est, cœli et terræ, atque omnium quæ in eis sunt principatum : de quali mundo dictum est, cum de Christo Verbo sermo esset, *Et mundus per eum factus est (Joan. i, 10).* Universus itaque mundus a summis cœlis usque ad infimam terram creatori est subditus, non desertori ; redemptori, non interemptori ; liberatori, non captivatori ; doctori, non deceptoris. Quemadmodum autem sit intelligendus princeps mundi diabolus, evidentius aperuit Paulus apostolus, qui cum dixisset, *Non est nobis collectatio adversus carnem et sanguinem, id est, adversus homines ; subjicit, atque ait, sed adversus principes et potestates et rectores mundi tenebrarum harum (Ephes. vi, 12).* Sequunt enim verbo expositi quid dixisset, *mundi, cum subjicit, tenebrarum harum : ne quisquam mundi nomine intelligeret universam creaturam, cuius nullo modo sunt rectores angeli desertores. Tenebrarum, inquit, harum, id est, mundi istius amatorum : ex quibus tamen electi sunt, non per suum meritum, sed per Dei gratiam, quibus dicit, *Fuistis enim aliquando tenebrae ; nunc autem lux in Domino (Id. v, 8).* Omnes enim fuerunt sub rectoribus tenebrarum harum, id est, hominum impiorum, tanquam tenebrae sub tenebris : sed *gratias Deo, qui eruit nos, sicut dicit idem apostolus, de potestate tenebrarum, et transtulit in regnum Filii charitatis suæ (Coloss. i, 12, 13).* In quo princeps hujus mundi, hoc est tenebrarum harum, non habebat quidquam ; quia neque cum peccato Deus venerat, nec ejus carnem de peccati propagine Virgo pepererat. Et tanquam ei diceretur, Cur ergo moreris, si non habes peccatum cui debeatur mortis supplicium ? continuo subjicit, *Sed ut cognoscat mundus quia diligo Patrem, et sicut mandatum dedit mihi Pater, sic facio ; surgite, eamus hinc. Discubens enim discubentibus loquebatur. Eamus autem dixit, quo, nisi ad illum locum unde fuerat tradendus ad mortem, qui nullum habebat meritum mortis ? Sed habebat ut moreretur mandatum Patris, tanquam ille de quo prædictum erat, quæ non rapui, tunc exsolvebam (Psal. lxviii, 5) :***

mortem sine debito soluturus, et nos a morte debita redempturus. Rapuerat autem Adam peccatum, quando manum in arborem presumptione deceptus extendit, ut incommunicabile nomen inconcessæ divinitatis invaderet, quam Filio Dei natura contulerat, non rapina.

TRACTATUS LXXX.

De eo quod dicit, Ego sum vitis' vera, et Pater meus agricola est; usque ad id, Jam vos mundi estis propter sermonem quem locutus sum vobis. Cap. xv., ¶ . 1-3.

1. Iste locus evangelicus, fratres, ubi se dicit Dominus vitem, et discipulos suos palmites, secundum hoc dicit quod est caput Ecclesie, nosque membra ejus, mediator Dei et hominum homo Christus Jesus (*I Tim. ii., 5*). Unius quippe naturæ sunt vitis et palmites: propter quod cum esset Deus, cuius naturæ non sumus, factus est homo, ut in illo esset vitis humana natura, cuius et nos homines palmites esse possemus. Quid ergo est, *Ego sum vitis vera?* Numquid ut adderet vera, hoc ad eam vitem retulit, unde ista similitudo translata est? Sic enim dicitur vitis, per similitudinem, non per proprietatem; quemadmodum dicitur ovis, agnus, leo, petra, lapis angularis, et cætera hujusmodi, quæ magis ipsa sunt vera, ex quibus ducuntur istæ similitudines, non proprietates. Sed cum dicit, *Ego sum vitis vera*, ab illa se utique discernit cui dicitur, *Quomodo conversa es in amaritudinem, vitis aliena* (*Jerem. ii., 21*)? Nam quo pacto est vitis vera, quæ exspectata est ut ficeret uvam, fecit autem spinas (*Isai. v., 4*)?

2. *Ego sum, inquit, vitis vera, et Pater meus agricola est.* *Omnum palmitem in me non ferentem fructum, tollet eum: et omnem qui fert fructum, purgabit cum, ut fructum plus afferat.* Numquid unum sunt agricola et vitis? Secundum hoc ergo vitis Christus, secundum quod ait, *Pater maior me est* (*Joan. xiv., 28*): secundum autem id quod ait, *Ego et Pater unus sumus* (*Id. x., 30*), et ipse agricola est. Nec talis quales sunt, qui extrinsecus operando exhibent ministerium; sed talis ut det etiam intrinsecus incrementum. *Nam neque qui plantat est aliquid, neque qui rigat; sed qui incrementum dat Deus.* Sed utique Deus est Christus, quia Deus erat Verbum; unde ipse et Pater unus sunt: et si Verbum caro factum est (*Id. i., 1, 14*) quod non erat, manet quod erat. Denique cum de Patre tanquam de agricola dixisset quod infructuosos palmites tollat, fructuosos autem purget ut plus afferant fructum; continuo etiam seipsum mundatorem palmitum ostendens, *Jam vos, inquit, mundi estis propter sermonem quem locutus sum vobis.* Ecce et ipse mundator est palmitum, quod est agricolæ, non vitis officium: qui etiam palmites operarios suos fecit. Nam etsi non dant incrementum, impendunt tamen aliquid adjumentum; sed non de suo: *Quia sine me, inquit, nihil potestis facere.* Audi etiam ipsos consilentes: *Quid autem est Apollo? quid autem Paulus? Ministri per quos (διά) credidistis, et unicuique sicut Dominus dedit. Ego plantavi, Apollo rigavit.*

Et hoc ergo *sicut unicuique Dominus dedit*: non itaque de suo. Jamvero quod sequitur, *sed Deus incrementum dedit* (*I Cor. iii., 5-7*); non per illos, sed per seipsum facit: excedit hoc humanam humilitatem, excedit angelicam sublimitatem, nec omnino pertinet nisi ad agricolam Trinitatem. *Jam vos mundi estis, mundi scilicet atque mundandi.* Neque enim nisi mundi essent, fructum ferre potuissent: et tamen omnem qui fert fructum, purgat agricola, ut fructum plus afferat. Fert fructum, quia mundus est; atque ut plus afferat, purgatur adhuc. Quis enim est in hac vita sic mundus, ut non sit magis magisque mundandus? Ubi et si dixerimus quia peccatum non habemus, nos ipsos seducimus, et veritas in nobis non est: si autem confessi fuerimus peccata nostra, fidelis est et justus, qui dimittat nobis peccata, et mundet nos ab omni iniuitate» (*I Joan. i., 8, 9*): mundet utique mundos, hoc est fructuosos, ut tanto sint fructuosiores, quanto fuerint mundiores.

3. *Jam vos mundi estis propter verbum quod locutus sum vobis.* Quare non ait, mundi estis propter Baptismum quo loti estis, sed ait, *propter verbum quod locutus sum vobis;* nisi quia et in aqua verbum mundat? Detrahe verbum, et quid est aqua nisi aqua? Accedit verbum ad elementum, et fit Sacramentum, etiam ipsum tanquam visibile verbum. Nam et hoc utique dixerat, quando pedes discipulis lavit: *Qui lotus est, non indiget nisi ut pedes lavet, sed est mundus totus* (*Joan. xiii., 10*). Unde ista tanta virtus aquæ, ut corpus tangat et cor abluat, nisi faciente verbo: non quia dicitur, sed quia creditur? Nam et in ipso verbo, aliud est sonus transiens, aliud virtus manens. *Hoc est verbum fidei quod prædicamus*, ait Apostolus, quia si confessus fueris in ore tuo quia Dominus est Jesus, et credideris in corde tuo quia Deus illum suscitavit a mortuis, salvus eris. Corde enim creditur ad justitiam, ore autem confessio fit ad salutem (*Rom. x., 8-10*). Unde in Actibus Apostolorum legitur, *Fide mundans corda eorum* (*Act. xv., 9*): et in Epistola sua beatus Petrus, *Sic et vos, inquit, Baptisma salvos facit; non carnis depositio sordium, sed conscientiae bonæ interrogatio* (*I Petr. iii., 21*). *Hoc est verbum fidei quod prædicamus:* quo sine dubio ut mundare possit, consecratur et Baptismus. Christus quippe nobiscum vitis, cum Patre agricola, *dilexit Ecclesiam, et seipsum tradidit pro ea.* Lege Apostolum, et vide quid adjungat: *Ut eam sanctificaret, inquit, mundans eam lavacro aquæ in verbo* (*Ephes. v., 25-26*). Mundatio igitur nequaquam fluxo et labili tribueretur elementum, nisi adderetur, in verbo. Hoc verbum sidei tantum valet in Ecclesia Dei, ut per ipsum credentem¹, offerentem, benedicentem, tingentem, etiam tantillum mundet infantes; quamvis nondum valentem corde credere ad justitiam, et ore confiteri ad salutem. Totum hoc fit per verbum, de quo Dominus ait, *Jam vos mundi estis propter verbum quod locutus sum vobis.*

¹ Lov., per ipsam credentem. Editi alii, per ipsum credentem; consentientibus MSS., qui carent voce, offerentem.

TRACTATUS LXXXI.

De eo quod ait, Manete in me, et ego in vobis; usque ad id, Quodcumque volueritis petetis, et fiet vobis.
Cap. xv, §. 4-7.

1. Vitem se dixit esse Jesus, et discipulos suos palmites, et agricolam Patrem: unde jampridem sicut potuimus disputatum est. In hac autem lectione, cum adhuc de seipso qui est vitis, et de suis palmitibus, hoc est discipulis loqueretur: *Manete, inquit, in me, et ego in vobis.* Non eo modo illi in ipso, sicut ipse in illis. Utrumque autem prodest non ipsi, sed illis. Ita quippe in vite sunt palmites, ut viti non conferant, sed inde accipient unde vivant: ita vero vitis est in palmitibus, ut vitale alimentum subministret eis, non sumat ab eis. Ac per hoc et manentem in se habere Christum, et manere in Christo, discipulis prodest utrumque, non Christo. Nam præciso palmite, potest de viva radice aliis pullulare; qui autem præcisis est, sine radice non potest vivere.

2. Denique adjungit et dicit: *Sicut palmes non potest ferre fructum a semetipso, nisi manserit in vite; sic nec vos, nisi in me manseritis.* Magna gratiae commendatio, fratres mei: corda instruit humilium, ora obstruit superborum. Ecce cui, si audent, respondeant, qui ignorantes Dei justitiam, et suam volentes constituere, justitiae Dei non sunt subjecti (*Rom. x, 3*). Ecce cui respondeant sibi placentes, et ad bona opera facienda Deum sibi necessarium non putantes. Nonne huic resistunt veritati, homines mente corrupti, reprobi circa fidem (*II Tim. iii, 8*), qui respondent et loquuntur iniuriam, dicentes: A Deo habemus quod homines sumus, a nobis ipsis autem quod justi sumus? Quid dicitis, qui vos ipsos decipitis, non assertores, sed præcipitatores liberi arbitrii, ex alto elationis per inania præsumptionis, in profunda submersionis? Nempe vox vestra est, quod homo ex semetipso facit justitiam: hoc est altum elationis vestrae. Sed veritas contradicit, et dicit, *Palmes non potest ferre fructum a semetipso, nisi manserit in vite.* Ite nunc per abrupta, et non habentes ubi sigamini, ventosa loquacitate jactamini. Hæc sunt inania præsumptionis vestræ. Sed quid vos sequatur videte, et si est in vobis ullus sensus, horrete. Qui enim a semetipso se fructum existimat ferre, in vite non est; qui in vite non est, in Christo non est; qui in Christo non est, christianus non est. Hæc sunt profunda submersionis vestræ.

3. Etiam atque etiam considerate quid adhuc veritas adjungat et dicat: *Ego sum, inquit, vitis, vos palmites.* Qui manet in me, et ego in eo, hic fert fructum multum: *quia sine me nihil potestis facere.* Ne quisquam putaret saltem parvum aliquem fructum posse a semetipso palmitem ferre, cum dixisset, *hic fert fructum multum,* non ait, *quia sine me parum potestis facere;* sed, *nihil potestis facere.* Sive ergo parum, sive multum, sine illo fieri non potest, sine quo nihil fieri potest. Quia etsi parum attulerit palmes, eum purgat agricola ut plus afferat: tamen nisi in vite manserit et vixerit de radice, quantumlibet fructum a semet-

ipso non potest ferre. Quanvis autem Christus vitis non esset, nisi homo esset; tamen istam gratiam palmitibus non præberet, nisi etiam Deus esset. Verum quia ita sine ista gratia non potest vivi, ut et mors in potestate sit liberi arbitrii: *Si quis in me, inquit, non manserit, mittetur foras sicut palmes; et ardet.* Ligna itaque vitis tanto sunt contemptibilia si in vite non manserint, quanto gloriosiora si manserint: denique, sicut de his etiam per Ezechielem prophetam Dominus dicit, præcisa nullis agricolaram usibus prosunt, nullis fabrilibus operibus deputantur (*Ezech. xv, 5*). Unum de duobus palmiti congruit, aut vitis, aut ignis; si in vite non est, in igne erit: ut ergo in igne non sit, in vite sit.

4. *Si manseritis in me, inquit, et verba mea in vobis manserint, quodcumque volueritis petetis, et fiet vobis.* Manendo quippe in Christo, quid velle possunt nisi quod convenit Christo? Quid velle possunt manendo in Salvatore, nisi quod non est alienum a salute? Aliud quippe volumus quia sumus in Christo, et aliud volumus quia sumus adhuc in hoc sæculo. De mansione namque hujus sæculi nobis aliquando subrepit, ut hoc petamus quod nobis non expedire nescimus. Sed absit ut fiat nobis, si manemus in Christo, qui non facit quando petimus, nisi quod expedit nobis. Manentes ergo in eo, cum verba ejus in nobis manent, quodcumque voluerimus petemus, et fiet nobis. Quia si petimus et non fiet, non hoc petimus quod habet mansio in eo, nec quod habent verba ejus quæ manent in nobis; sed quod habet cupiditas et infirmitas carnis, quæ non est in eo, et in qua non manent verba ejus. Nam utique ad verba ejus pertinet oratio illa quam docuit, ubi dicimus, *Pater noster, qui es in cælis* (*Matth. vi, 9*). Ab hujus orationis verbis et sensibus non recedamus petitionibus nostris, et quidquid petierimus, fiet nobis. Tunc enim diceenda sunt verba ejus in nobis manere, quando facimus quæ præcepit, et diligimus quæ promisit: quando autem verba ejus manent in thesauraria, nec inveniuntur in vita, non computatur palmarum in vite, quia vita non attrahit ex radice. Ad hanc differentiam valet quod scriptum est, *Et memoria retinentibus mundata ejus, ut faciant ea* (*Psal. cii, 18*). Multi enim memoria retinent, ut contemnant, vel etiam derideant et oppugnant ea. In his verba Christi non manent, qui attingunt quodammodo, non cohaerent: et ideo illis non erunt in beneficium, sed in testimonium. Et quia sic insunt eis ut non manent in eis, ad hoc tenentur ab eis, ut judicentur ex eis.

TRACTATUS LXXXII.

De eo quod Dominus dicit, In hoc clarificatus est Pater meus, ut fructum plurimum afferatis; usque ad id.
Et maneo in ejus dilectione. Cap. xv, §. 8-10.

1. Magis magisque Salvator gratiam, qua salvamur discipulis loquendo commendans: *In hoc, inquit, clarificatus est Pater meus, ut fructum plurimum afferatis, et efficiamini mei discipuli.* Sive glorificatus sive clarifi-

sicut dicitur, ex uno graco verbo utrumque translatum est, quod est ἀράγεται. Διότι enim quae graece dicitur, latine gloria est. Quod ideo commemorandum existimat, quia dicit Apostolus, Si Abraham ex operibus justificatus est, habet gloriam, sed non ad Deum (Rom. iv, 2). Ille est ad Deum gloria qua glorificatur non homo, sed Deus, si non ex operibus, sed ex fide justificatur, ut ex Deo illi sit quod etiam bene operatur: quoniam palmes, sicut jam superius dixi, non potest ferre fructum a semetipso (Tract. 81, n. 2). Si enim in hoc clarificatus est Deus Pater ut fructum plurimum afferamus, et efficiamur Christi discipuli; non hoc gloriae nostrae tribuamus, tanquam hoc ex nobis ipsis habeamus. Ejus est enim haec gratia, et ideo in hoc non nostra, sed ejus est gloria. Unde et alibi cum dixisset, Sic luceat lumen vestrum coram hominibus, ut videant opera vestra bona; ne a semetipsis putarent esse bona opera sua, mox addidit, Et glorificent Patrem vestrum qui in caelis est (Matth. v, 16). In hoc enim glorificatur Pater ut fructum plurimum afferamus, et efficiamur Christi discipuli. A quo efficiamur, nisi ab illo cuius misericordia prævenit nos? Ipsius enim segmentum sumus, creati in Christo Jesu in operibus bonis (Ephes. ii, 10).

2. *Sicut dilexit me Pater, inquit, et ego dilexi vos: manete in dilectione mea.* Ecce unde sunt nobis opera bona. Nam unde nobis essent, nisi quia fides per dilectionem operatur (Galat. v, 6)? Unde autem diligemus, nisi prius diligemur? Apertissime hoc in Epistola sua idem iste evangelista dixit: *Nos diligamus Deum, quoniam ipse prior dilexit nos* (I Joan. iv, 19). Quod autem ait, *Sicut dilexit me Pater, et ego dilexi vos;* non æqualitatem naturæ ostendit nostræ et suæ, sicut est Patris et ipsius, sed gratiam qua mediator Dei et hominum est Iomo Christus Jesus (I Tim. ii, 5). Mediator quippe monstratur, cum dicit, *me Pater, et ego vos*¹. Nam Pater utique diligit et nos, sed in ipso; quia in hoc glorificatur Pater, ut fructum afferamus in vite, hoc est in Filio, et efficiamur ejus discipuli.

3. *Manete, inquit, in dilectione mea.* Quomodo manebimus? Audi quid sequitur: *Si præcepta mea, inquit, servaveritis, manebitis in dilectione mea.* Dilectio facit præcepta servari, an præcepta servata faciunt dilectionem? Sed quis ambigat quod dilectio præcedit? Unde enim præcepta servet non habet, qui non diligit. Quod ergo ait, *Si præcepta mea servaveritis, manebitis in dilectione mea,* ostendit non unde dilectio generetur, sed unde monstretur. Tanquam diceret, Nolite vos putare manere in dilectione mea, si non servatis præcepta mea: si enim servaveritis, manebitis. Hoc est, hinc apparebit quod in dilectione mea manebitis, si præcepta mea scrupulib. Ut nemo se fallat, dicendo quod eum diligit, si ejus præcepta non servat. Nam in tantum eum diligimus, in quantum ejus præcepta servamus: in quantum autem minus servamus, minus diligimus. Quamvis quod ait, *Manete in dilectione mea,* non apparent quam

¹ Er. Lugd. et Ven., sic ferunt: *sic dilexit me Pater, et ego dilexi vos.* M.

dixerit dilectionem, utram qua cum diligimus, an qua ipse diligit nos: sed ex verbo superiore dignoscitur. Dixerat quippe, *Et ego dilexi vos;* cui verbo continuo subjunxit, *Manete in dilectione mea:* illa ergo qua dilexit nos. Quid est ergo, *Manete in dilectione mea,* nisi manete in gratia mea? Et quid est, *Si præcepta mea servaveritis, manebitis in dilectione mea,* nisi ex hoc scietis quod in dilectione mea qua^a vos diligo, manebitis, si præcepta mea servabitis? Non ergo ut nos diligit, prius ejus præcepta servamus; sed nisi nos diligit, præcepta ejus servare non possumus. Haec est gratia qua humilibus patet, superbos latet.

4. *Sed quid illud est quod adjungit: Sicut et ego Patris mei præcepta servavi, et maneo in ejus dilectione?* Utique etiam hic hanc dilectionem Patris intelligi voluit, qua eum diligit Pater. Ita quippe dixerat, *Sicut dilexit me Pater, et ego dilexi vos;* atque his verbis illa subjunxit, *Manete in dilectione mea,* illa procul dubio qua dilexi vos. Ergo quod ait etiam de Patre, *Maneo in ejus dilectione,* illa scilicet accipienda est qua dilexit eum Pater. Sed numquid et hic gratia intelligenda est, qua Pater diligit Filium, sicut gratia est qua nos diligit Filius: cum simus nos filii gratia, non natura; Unigenitus autem natura, non gratia? An hoc etiam in ipso Filio ad hominem referendum est? Ita sane. Nam dicendo, *Sicut dilexit me Pater, et ego dilexi vos,* gratiam mediatoris ostendit. Mediator autem Dei et hominum, non in quantum Deus, sed in quantum homo est Christus Jesus. Et profecto secundum id quod homo est, de illo legitur, *Et Jesus proficiebat sapientia et ætate, et gratia apud Deum et homines* (Luc. ii, 52). Secundum hoc igitur recte possumus dicere, quod cum ad naturam Dei non pertineat humana natura, ad personam tamen unigeniti Filii Dei per gratiam pertinet humana natura; et tantam gratiam, ut nulla sit major, nulla prorsus æqualis. Neque enim illam susceptionem hominis ulla merita præcesserunt, sed ab illa susceptione merita ejus cuncta coperunt. Manet ergo Filius in dilectione qua eum dilexit Pater, et ideo servavit præcepta ejus. Quid est enim et ille homo, nisi quod Deus susceptor est ejus (Psal. iii, 4), Deus enim erat Verbum, Unigenitus dignitati coextensus: sed ut mediator daretur nobis, per ineffabilem gratiam Verbum caro factum est, et habitavit in nobis (Joan. i, 1, 14).

TRACTATUS LXXXIII.

In haec verba, Haec locutus sum vobis, ut gaudium meum in vobis sit, et gaudium vestrum impleatur. Illoc est præceptum meum, ut diligatis invicem, sicut dilexi vos. Cap. xv, 33. 11, 12.

1. *Audistis, charissimi, Dominum dicentem discipulis suis, Haec locutus sum vobis, ut gaudium meum in vobis sit, et gaudium vestrum impleatur.* Quid est gaudium Christi in nobis, nisi quod dignatur gaudere de nobis? Et quid est gaudium nostrum quod dicit implendum, nisi ejus habere cōsortium? Propter quod beato Petro dixerat, *Si non lavero te, non habebis partem mecum* (Id. xiii, 8). Gaudium ergo ejus in

nobis, gratia est quam præstítit nobis : ipsa est¹ et gaudium nostrum. Sed de hac ille etiam ex æternitate gaudebat, quando nos elegit ante constitutionem mundi (*Ephes.* 1, 4). Nec recte possumus dicere quod gaudium ejus plenum non erat : non enim Deus imperfecte aliquando gaudebat. Sed illud ejus gaudium in nobis non erat : quia nec nos in quibus esse posset jam eramus ; nec quando esse cœpimus, cum illo esse cœpimus. In ipso autem semper erat, qui nos suos futuros certissima suæ præscientiæ veritate gaudebat. Proinde gaudium jam perfectum de nobis habebat, quando nos præscrendo et prædestinando gaudebat : neque enim ullus in illo ejus gaudio metus esse poterat, ne forte non fieret quod se facturum esse præsciebat. Sed neque cum id facere cœpit, quod se facturum esse præscivit, gaudium ejus, quo beatus est, crevit ; alioquin beatior factus est, quia nos fecit. Absit hoc, fratres : Dei beatitudo quia nec minor fuerat sine nobis, non sit major ex nobis. Gaudium igitur ejus de salute nostra, quod in illo semper fuit cum præscivit et prædestinavit nos, cœpit esse in nobis quando vocavit nos ; et hoc gaudium merito nostrum dicimus, quo et nos beati futuri sumus : sed hoc gaudium nostrum crescit et proficit, et ad suam perfectionem perseverando pertendit. Ergo inchoatur in fide renascentium, implebitur in præmio resurgentium. Ecce unde dictum existimo, *Hæc locutus sum vobis, ut gaudium meum in vobis sit, et gaudium vestrum impleatur : in vobis sit meum; impleatur vestrum.* Semper enim erat meum plenum, et antequam vocaremini, cum vocandi a me præsciremini ; sed sit et in vobis, cum hoc efficimini quod præscivi de vobis. *Impleatur autem vestrum :* quia beati eritis, quod nondum estis ; sicut creati estis qui non fuistis.

2. *Hoc est*, inquit, *præceptum meum, ut diligatis invicem, sicut dilexi vos.* Sive dicatur præceptum, sive mandatum, ex uno verbo græco utrumque interpretatur, quod est ἀντολή. Jamvero istam sententiam et antea dixerat, de qua me vobis, ut potui, disputasse meminisse debetis (*Supra, Tract.* 65). Ibi enim sic ait, *Mandatum novum do vobis, ut diligatis invicem, sicut dilexi vos, ut et vos diligatis invicem* (*Joan.* xiii, 34). Hujus itaque mandati repetitio, commendatio est : nisi quod ibi, *Mandatum*, inquit, *novum do vobis* ; hic autem, *Hoc est*, inquit, *mandatum meum* : ibi, tanquam non fuerit ante tale mandatum ; hic, tanquam non sit aliud ejus mandatum. Sed ibi dictum est *novum*, ne in vetustate nostra persevereinus : hic dictum est *meum*, ne contemnendum putemus.

3. Quod autem hic ita dixit, *Hoc est mandatum meum*, velut non sit aliud, quid putamus, fratres mei ? Numquidnam solum ejus de ista dilectione mandatum est, qua diligimus invicem ? Nonne est et aliud magius, ut diligamus Deum ? Aut vero de sola Deus nobis dilectione mandavit, ut alia non requiramus ? Tria certe commendat Apostolus dicens : *Manent autem fides, spes, charitas, tria hæc : major autem horum charitas* (*1 Cor.* xii, 13). Etsi in charitate, hoc est in dilectione concluduntur duo illa præcepta ; *major* tamen dicta

est esse, non sola. De fide igitur nobis quam multa mandata sunt, quam multa de spe, quis potest cuncta colligere, quis enumerando sufficere ? Sed intueamur quod ait idem apostolus, *Plenitudo Legis charitas* (*Rom.* xii, 10). Ubi ergo charitas est, quid est quod possit decessus ? ubi autem non est, quid est quod possit prodesse ? *Dæmon credit* (*Jacobi* ii, 19), nec diligit : nemo diligit, qui non credit. Frustra quidem, sed tamen potest sperare veniam qui non diligit : nemo autem potest desperare qui diligit. Itaque ubi dilectio est, ibi necessario fides et spes : et ubi dilectio proximi, ibi necessario etiam dilectio Dei. Qui enim non diligit Deum, quomodo diligit proximum tanquam scipsum ; quandoquidem non diligit et scipsum ? Est quippe impius et iniquus ; qui autem diligit iniquitatem, non plane diligit, sed odit animam suam (*Psal.* x, 6). Hoc ergo præceptum Domini teneamus, ut nos invicem diligamus ; et quidquid aliud præcepit, faciemus¹ : quoniam quidquid est aliud hic habemus. Discernitur quippe ista dilectio ab illa dilectione quae invicem diligunt homines sicut homines : nam et discerneretur, adjunctum est, *sicut dilexi vos.* Utquid enim diligit nos Christus, nisi ut regnare possimus cum Christo ? Ad hoc ergo et nos invicem diligamus, ut dilectionem nostram discernamus a cæteris, qui non ad hoc se invicem diligunt, quia nec diligunt. Qui autem se propter habendum Deum diligunt, ipsi se diligunt : ergo ut se diligent, Deum diligunt. Non est hæc dilectio in omnibus hominibus : pauci se propterea diligunt, ut sit Deus omnia in omnibus (*1 Cor.* xv, 28).

TRACTATUS LXXXIV.

In illud, Majorem hac dilectionem nemo habet, ut animam suam ponat quis pro amicis suis. Cap. xv, §. 13.

1. Plenitudinem dilectionis qua nos invicem diligere debemus, fratres charissimi, definit Dominus dicens : *Majorem hac dilectionem nemo habet, ut animam suam ponat quis pro amicis suis.* Quia ergo superiorius dixerat, *Hoc est mandatum meum, ut diligatis invicem, sicut dilexi vos*; quibus verbis addidit quod nunc audistis, *Majorem hac dilectionem nemo habet, ut animam suam ponat quis pro amicis suis* : sit ex hoc consequens, quod idem iste evangelista Joannes in Epistola sua dicit, *Ut quemadmodum Christus pro nobis animam suam posuit, sic et nos debeamus pro fratribus animas ponere* (*1 Joan.* iii, 16); diligentes utique invicem sicut ipse dilexit nos, qui pro nobis animam suam posuit. Nimirum hoc est quod legitur in Proverbiis Salomonis : *Si sederis cœnare ad mensam potentis, considerans intellige quæ apponuntur tibi; et sic mitte manum tuam, sciens quia talia te oportet præparare* (*Prov.* xxiii, 1 et 2). Nam quæ mensa est potentis, nisi unde sumitur corpus et sanguis ejus qui animam suam posuit pro nobis ? Et quid est ad eam sedere, nisi humiliter accedere ? Et quid est considerare et intelligere quæ apponuntur tibi, nisi digna tantam gratiam cogitare ? Et quid est sic mittere ma-

¹ Editi, ipse est. At MSS., ipsa est.

¹ Ia Lov. Editi vero alii et plerique MSS., faciemus.

nun, ut scias quia talia te oportet præparare, nisi quod jam dixi, quia sicut pro nobis Christus animam suam posuit, sic et nos debemus animas pro fratribus ponere? Sicut enim ait etiam apostolus Petrus, *Christus pro nobis passus est, relinquens nobis exemplum, ut sequamur vestigia ejus* (I Petr. ii, 21). Hoc est talia præparare. Hoc beati martyres ardenti dilectione fecerunt: quorum si non inaniter memorias celebramus, atque in convivio quo et ipsi saturati sunt, ad mensam Domini accedimus, oportet, ut quemadmodum ipsi, et nos talia præparemus. Ideo quippe ad ipsam mensam non sic eos commemoramus, quemadmodum alios qui in pace requiescent, ut etiam pro eis oremus, sed magis ut ipsi pro nobis, ut eorum vestigiis adhæreamus; quia impleverunt ipsi charitatem qua Dominus dixit non posse esse majorem. Talia enim suis fratribus exhibuerunt, qualia de Domini mensa pariter acceperunt.

2. Neque hoc ita dictum sit, quasi propterea Domino Christo pares esse possimus, si pro illo usque ad sanguinem martyrum duxerimus. Ille potestatem habuit ponendi animam suam, et iterum sumendi eam (Joan. x, 18); nos autem nec quantum volumus vivimus, et morimur etiamsi nolumus: ille moriens mox in se occidit mortem; nos in ejus morte liberamur a morte: illius caro non vedit corruptionem (Act. ii, 31); nostra post corruptionem, in fine seculi per illum induetur incorruptionem¹: ille nobis non indiguit ut nos salvos ficeret; nos sine illo nihil possumus facere: ille se nobis palmitibus præbuit vitem; nos habere præter illum non possumus vitam. Postremo etsi fratres pro fratribus moriantur, tamen in fraternorum peccatorum remissionem nullius sanguis martyris funditur, quod fecit ille pro nobis: neque in hoc quid imitaremur, sed quid gratularemur contulit nobis. Quatenus ergo martyres pro fratribus sanguinem suum fuderunt, hactenus talia exhibuerunt, qualia de mensa dominica percepérunt². In cæteris enim quæ dixi, quamvis nec omnia dicere potui, martyr Christi longe impar est Christo. Quod si quisquam se, non dico potentiae Christi, sed innocentiae comparabit; non dicam et alienum se putando sanare, sed suum saltem nullum habere peccatum: etiam sic avidior est quam ratio salutis exposcit, multum est ad illum, non capit tantum. Et bene quod ista Proverbiorum sententia commonetur, quæ continuo subjungit atque dicit, *Quod si avidior es, noli concupiscere cibos ejus; satius est enim ut nihil inde sumas, quam ut tibi plus quam oportet assumas*. *Hæc enim*, inquit, *vitam habent fallacem*, hoc est hypocrisim. Dicendo enim se sine peccato esse, justum non potest exhibere, sed fingere. Ideo dictum est, *Hæc enim habent vitam fallacem*. Unus est solus qui et carnem hominis habere, et peccatum potuit non habere. Merito quod sequitur, nobis præcipitur, ac tali verbo atque proverbio hu-

mora infirmitas convenitur, eique dicitur: *Noli extendere te, cum sis pauper, contra divitem*. Dives est enim qui nec hæreditario nec proprio unquam debito obnoxius, et ipse justus est, et alios justificat Christus. Noli contra cum te extendere, in tantum pauper, ut remissionis peccatorum appareas quotidianus in oratione mendicus. *Tuo autem consilio, inquit, abstine te*. Unde, nisi a presumptione fallaci? Ille quippe quia non tantum est homo, sed etiam Deus, ideo nunquam reus. Si enim direxeris oculum tuum ad illum, *nusquam parebit*. *Oculum tuum, oculum videlicet humanum quo cernis humana, si direxeris ad illum, nusquam parebit*; quia videri non potest, quemadmodum videre tu potes. *Parabili enim sibi pennas sicut aquilæ, et vadet in domum præpositi sui* (Prov. xxiii, 3-5): unde ad nos utique venit, nec tales qualis venit invenit. Diligamus ergo invicem, sicut et Christus dilexit nos, et tradidit semetipsum pro nobis (Galat. ii, 20). Majorem quippe hac dilectionem nemo habet, ut animam suam ponat quis pro amicis suis. Eumque sic imitemur pia obedientia, ut ei nos comparare nulla præsumamus audacia.

TRACTATUS LXXXV.

De eo quod dicit, Vos amici mei estis, si feceritis quæ præcipio vobis. Jam non dico vos servos; quia servus nescit quid faciat dominus ejus. *Cap. xv, ¶ 14, 15.*

1. Cum Dominus Jesus commendasset charitatem quam exhibuit nobis moriendo pro nobis, atque dixisset, *Majorem hac dilectionem nemo habet, ut animam suam ponat quis pro amicis suis*: *Vos, inquit, amici mei estis, si feceritis quæ ego præcipio vobis*. Magna dignatio! cum servus bonus esse non possit, nisi præcepta domini sui fecerit; hinc amicos suos voluit intelligi, unde servi boni possunt probari. Sed, ut dixi, ista dignatio est, ut dominus quos novit servos suos, dignetur dicere amicos suos. Nam ut sciatis ad servorum officium pertinere præcepta domini sui facere, alio loco servos utique objurgat dicens: *Quid autem vocatis me, Domine, Domine, et non facitis quæ dico* (Luc. vi, 46)? Cum ergo dicitis, inquit, Domine; jussa faciendo, quid dicatis ostendite. Nonne servo obedienti ipse dicturus est, *Euge, serve bone, quia in paucis fuisti fidelis, supra multa te constituam; intra in gaudium Domini tui* (Math. xxv, 21)? Potest igitur esse servus et amicus, qui servus est bonus.

2. Sed quod sequitur attendamus. *Jam non dico vos servos; quia servus nescit quid faciat dominus ejus*. Quomodo ergo intellecturi sumus, et servum et amicum esse servum bonum, cum dicat, *Jam non dico vos servos, quia servus nescit quid faciat dominus ejus*? Ita nomen constituit amici, ut auferat servi; non ut in uno utrumque maneat, sed ut alterum altero decedente succedat. Quid est hoc? Itane cum præcepta Domini fecerimus, servi non erimus? Itane tunc servi non erimus, quando boni servi fuerimus? Et quis contradicere potest veritati quæ ait, *Jam non dico vos servos?* Et cur hoc dixerit, docet: *Quia servus, in-*

¹ *Incorruptionem*, Juxta Er. Lugd. et Ven. M.

² Hic sex MSS. addunt, *imitari quis morientem potuit, nemo autem potuit redimentem*. Id tres alii referunt proxime ante haec verba, *quod si quisquam*.

quit, *nescit quid faciat dominus ejus*. Namquidnam servo bono et probato dominus ejus non etiam secreta sua committit? Quid est ergo quod ait, *Servus nescit quid faciat dominus ejus?* Verum, esto, *nescit quid faciat*; numquid nescit etiam quid præcipiat? Nam et si hoc nescit, quomodo servit? Aut quomodo servus est, qui non servit? Et tamen Dominus loquitur, *Vos amici mei estis, si feceritis quæ ego præcipio vobis. Jam non dico vos servos*. O rem mirabilem! Cum servire non possimus, nisi præcepta Domini fecerimus, quomodo præcepta faciendo servi non erimus? Si servus non ero præcepta faciendo, et nisi præcepta fecero, servire non potero; ergo serviendo servus non ero.

3. *Intelligamus, fratres, intelligamus, et hoc in nobis Dominus faciat ut intelligamus, faciat etiam ut intellecta faciamus*. Hoc autem si scimus, profecto scimus quod facit Dominus, quia nos ipsos tales non facit hisi Dominus, et per hoc ad ejus amicitiam pertinemus. Sicut enim duo sunt timores, qui faciunt duo genera timentium; sic duæ sunt servitudes, quæ faciunt duo genera servorum. Est timor quem perfecta charitas foras mittit (*I Joan. iv, 18*), et est alius timor castus permanens in sæculum sæculi (*Psal. xviii, 10*). Illum timorem qui non est in charitate, attendebat Apostolus, cum dicebat: *Non enim accepistis spiritum servitutis iterum in timore* (*Rom. viii, 15*). Illum autem timorem castum attendebat, cum dicebat: *Noli altum sapere, sed time* (*Id. xi, 20*). In illo timore quem foras charitas mittit, est etiam servitus simul foras cum ipso timoremittenda: utrumque enim junxit Apostolus, hoc est servitudinem et timorem, dicendo, *Non enim accepistis spiritum servitutis iterum in timore*. Ad hanc servitudinem servum pertinentem intuebatur et Dominus dicens, *Jam non dico vos servos; quia servus nescit quid faciat dominus ejus*. Non utique ille servus pertinens ad timorem castum, cui dicitur, *Euge, serve bone, intra in gaudium Domini tui*: sed ille servus pertinens ad timorem foras a charitate mittendum, de quo alibi dicit, *Servus non manet in domo in æternum; filius autem manet in æternum* (*Joan. viii, 35*). Quoniam itaque dedit nobis potestatem filios Dei fieri (*Id. i, 12*), non servi, sed filii simus: ut miro quodam et ineffabili, sed tamen vero modo, servi non servi esse possimus; servi scilicet timore casto, ad quem pertinet servus intrans in gaudium domini sui; non servi autem timore foras mittendo, ad quem pertinet servus non manens in domo in æternum. Ut autem tales servi non servi simus, Dominum facere sciamus¹. Hoc autem servus ille nescit, qui nescit² quid faciat Dominus ejus; et cum aliquid boni facit, sic extollitur quasi hoc ipse faciat, non Dominus ejus; et in se, non in Domino gloriatur, cum se ipse deceperit, quia sic gloriatur, quasi non acceperit (*I Cor. iv, 7*). Nos autem, charissimi, ut amici Domini esse possimus,

¹ Er. Lingd. Ven. Lov. sic legendum putant: *Dominum facere sciimus*. M.

² In plerisque MSS. non habetur, *qui nescit*.

quid noster Dominus faciat sciamus. Non solum enim homines, verum etiam justos ipse facit nos, et non ipsi nos. Et ut hoc sciamus, quis nisi ipse facit? *Non enim spiritum hujus mundi accepimus, sed Spiritum qui ex Deo est, ut sciamus quæ a Deo donata sunt nobis* (*I Cor. ii, 12*). Ab ipso quidquid boni est, donatur. Ergo quia et hoc bonum est, ab ipso utique donatur ut sciatur a quo bonum omne donetur; ut omnino de omnibus bonis, qui gloriatur, in Domino glorietur (*Id. i, 31*). Quod vero sequitur, *Vos autem dixi amicos; quia omnia quæcumque audivi a Patre meo, nota feci vobis*, ita est profundum, ut nullo modo sit isto sermone coarctandum, sed in aliud differendum.

TRACTATUS LXXXVI.

De eo quod Dominus ait, Vos autem dixi amicos; usque ad id, Ut quodcumque petieritis Patrem in nomine meo, det vobis. Cap. xv, ¶ 15, 16.

1. Merito queritur quomodo accipiendum sit quod ait Dominus, *Vos autem dixi amicos; quia omnia quæcumque audivi a Patre meo, nota feci vobis*. Quis enim audeat affirmare vel credere ullum hominum scire omnia quæcumque a Patre audivit unigenitus Filius; quando ne hoc quidem quisquam capit, quomodo a Patre audiat ullum verbum, cum ipse sit Patris unicum Verbum? Quid, quod aliquanto post, in hoc ipso tamen sermone, quem post cœnam ante passionem ad discipulos habuit, *Multa, inquit, habeo vobis dicere; sed non potestis illa portare modo* (*Joan. xvi, 12*)? Quo igitur pacto intellecturi sumus omnia eum nota fecisse discipulis, quæcumque audivit a Patre, cum propterea quædam multa non dicat, quia scit eos modo portare non posse? Sed nimis quod facturus est, fecisse se dicit, qui ea quæ futura sunt fecit (*Isai. xlv, 11*). Sicut enim dicit per prophetam, *Foderunt manus meas et pedes meos* (*Psal. xxi, 18*); nec ait, fossuri sunt; velut præterita dicens, et ea tamen futura prædicens: ita et hoc loco ait omnia se nota fecisse discipulis, quæ se novit nota esse facturum in illa plenitudine scientiæ, de qua dicit Apostolus, *Cum autem venerit quod perfectum est, quod ex parte est evacuabitur*. Ibi quippe dicit: *Nunc scio ex parte, tunc autem cognoscam sicut et cognitas sum; et nunc per speculum in ænigmate, tunc autem facie ad faciem* (*I Cor. xiii, 10, 12*). Nam et ipse Apostolus salvos nos dicit esse factos per lavacrum regenerationis (*Tit. iii, 5*): qui tamen alio loco, *Spe, inquit, salvi facti sumus*. *Spes autem quæ videtur, non est spes: quod enim videt quis, quid sperat?* Si autem quod non videmus speramus, per patientiam exspectamus (*Rom. viii, 24 et 25*). Unde etiam ejus coapostolus Petrus: *In quem modo, inquit, non videntes creditis; quem cum videritis, exultubitis gaudio inenarrabili et honorato, percipientes mercedem fiduci, salutem animarum vestrarum* (*I Petr. i, 8 et 9*). Si ergo nunc tempus est fidei, salus autem animarum merces est fidei; quis dubitet in fide, quæ per dilectionem operatur (*Gal. v, 6*), peragendum diem, atque in fine dici recipiendum esse mercedem, non solum redemptionem corporis nostri, de qua dicit apostolus Paulus

(Rom. viii, 23); verum etiam salutem animarum nostrarum, de qua dicit Apostolus Petrus? Utriusque enim rei felicitas isto tempore atque in hac mortalitate in spe potius habetur, quam in re tenetur. Verum hoc interest, quod exterior noster homo, id est corpus, adhuc corruptitur; interior autem, id est anima, jam renovatur de die in diem (Il Cor. iv, 16). Itaque sicut immortalitatem carnis et salutem animarum futuram exspectamus, quamvis jam pignore accepto salvi facti esse dicamur; ita omnium notitiam quaecumque Unigenitus audivit a Patre, futuram sperare debemus, quamvis hoc jam se fecisse dixerit Christus.

2. *Non vos me elegistis*, inquit, sed ego vos elegi. Haec est illa ineffabilis gratia. Quid enim eramus quando Christum nondum elegeramus, et ideo non diligebamus? Nam qui eum non elegit, quomodo diligit? Numquid jam in nobis erat quod in Psalmo canitur: *Elegi abjectus esse in domo Domini, magis quam habitare in tabernaculis peccatorum* (Psal. lxxxiii, 11)? Non utique. Quid ergo eramus, nisi iniqui et perdit? Neque enim jam credideramus in cum, ut eligeret nos: nam si jam credentes elegit, electus elegit¹. Cur ergo diceret, *Non vos me elegistis*, nisi quia misericordia ejus prævenit nos (Psal. lviii, 11)? Hic certe vacat vana illorum ratiocinatio, qui præscientiam Dei defendunt contra gratiam Dei, et ideo dicunt nos electos ante mundi constitutionem (Ephes. i, 4), quia præscivit nos Deus futuros bonos, non seipsum nos facturum bonos. Non hoc dicit, qui dicit, *Non vos me elegistis*. Quoniam si propterea nos elegisset, quia bonos futuros esse nos præciverat; simul etiam præcisset quod eum non fuissemus prius electuri. Non enim aliter esse possemus boni: nisi forte dicendus est bonis qui non elegit bonum. Quid ergo elegit in non bonis? Non enim electi sunt quia boni fuerunt, qui boni non essent nisi electi essent. Alioquin gratia jam non est gratia, si præcessisse contendimus merita. Hec quippe electio gratiae est, de qua dicit Apostolus: *Sic ergo et in hoc tempore reliqua per electionem gratiae salvæ factæ sunt*. Unde subiungit: *Si autem gratia, jam non ex operibus; alioquin gratia jam non est gratia* (Rom. xi, 5, 6). Audi, ingrate, audi: *Nou vos me elegistis, sed ego elegi vos*. Non est ut dicas, Ideo electus sum, quia jam credebam. Si enim credebas in eum, jam elegeras eum. Sed audi: *Non vos me elegistis*. Non est ut dicas, Antequam crederem, jam bona operabam, ideo electus sum. Quid enim est boni operis ante fidem, cum dicat Apostolus, *Omne quod non est ex fide, peccatum est* (Id. xiv, 23)? Quid ergo dicturi sumus audiendo, *Non vos me elegistis*; nisi quia mali eramus et electi sumus, ut boni per gratiam nos eligentis essemus? Non est enim gratia, si præcesserant merita: est autem gratia; haec igitur non invenit, sed efficit merita.

¹ Libri omnines, electos elegit; excepto uno Remigiensi vs., qui habet, electus elegit: hauc vero lectionem conjectura assecuti fuerant Lovanienses.

3. Et videte, charissimi, quemadmodum non eligat bonos, sed quos elegit, faciat bonos. *Ego, inquit, elegi vos, et posui vos ut eatis, et fructum afferatis, et fructus vester maneat*. Nonne iste est fructus de quo jam dixerat, *Sine me nihil potestis facere* (Joan. xv, 5)? Elegit ergo, et posuit ut eamus, et fructum afferamus: nullum itaque fructum unde nos eligeret habebamus. *Ut eatis*, inquit, *et fructum afferatis*. Inus ut afferamus, et ipse est via qua inus, in qua nos posuit ut eamus. Proinde in omnibus misericordia ejus prævenit nos. *Et fructus*, inquit, *vester maneat: ut quodcumque petieritis Patrem in nomine meo, det vobis*. Maneat ergo dilectio; ipse est enim fructus noster. Quæ dilectio nunc est in desiderio, nondum in saturitate: et ipso desiderio quodcumque petierimus in nomine unigeniti Filii, dat nobis Pater. Quod autem accipere salvandis non expedit nobis, non existinemus nos petere in nomine Salvatoris: sed hoc petimus in nomine Salvatoris, quod pertinet ad rationem salutis.

TRACTATUS LXXXVII.

De eo quod dicit Jesus, Haec mando vobis, ut diligatis invicem; usque ad id, Sed ego elegi vos de mundo; propterea odit vos mundus. Cap. xv, §. 17-19.

4. In lectione evangelica que hanc antecedit, dixerat Dominus: *Non vos me elegistis; sed ego elegi vos, et posui vos, ut eatis et fructum afferatis, et fructus vester maneat: ut quodcumque petieritis Patrem in nomine meo, det vobis*. De quibus verbis jam nos quod Dominus dedit, disseruisse meninistis. Hic autem dicit, sequenti scilicet lectione, quam modo cum recitaretur, audistis: *Hæc mando vobis, ut diligatis invicem*. Ac per hoc intelligere debemus hunc esse fructum nostrum de quo ait, *Ego vos elegi ut eatis, et fructum afferatis, et fructus vester maneat*. Et quod adjunxit, *Ut quodcumque petieritis Patrem in nomine meo, det vobis*: tunc uique dabit nobis, si diligamus invicem; cum et hoc ipsum ipse dederit nobis, qui nos elegit non habentes fructum, quia non eum nos elegeramus; et posuit nos ut fructum afferamus, hoc est, invicem diligamus: quem fructum sine illo habere non possumus, sicut palmites facere sine vite nihil possunt. Charitas ergo est fructus noster, quam definit Apostolus, *de corde puro et conscientia bona, et fide non facta* (1 Tim. i, 5). Hæc diligimus invicem, hac diligimus Deum. Neque enim vera dilectione diligenteremus invicem, nisi diligentes Deum. Diligit enim unusquisque proximum tanquam seipsum, si diligit Deum: nam si non diligit Deum, non diligit seipsum. In his enim duobus præceptis charitatis tota Lex pendet et Prophetæ (Math. xxii, 40): hic est fructus noster. De fructu itaque nobis mandans, *Hæc mando, inquit, vobis, ut diligatis invicem*. Unde et apostolus Paulus, cum contra opera carnis commendare fructum spiritus vellet, a capite hoc posuit, *Fructus, inquit, spiritus charitas est*: ac deinde cetera tanquam ex isto capite exorta et religata contexuit, quæ sunt, *gaudium, pax, longanimitas, benignitas, bonitas, fides, mansuetudo, continentia* (Galat. v, 22). Quis autem bene gaudet, qui bonum non diligit unde gaudet? Quis pacem veram, nisi cum illo potest

habere quem veraciter diligit? Quis est longanimes in bono perseveranter manendo¹, nisi seruat diligendo? Quis est benignus, nisi diligit cui opitulatur? Quis bonus, nisi diligendo efficiatur? Quis salubriter fidelis, nisi ea fide quae per dilectionem operatur? Quis utiliter mansuetus, cui non dilectio moderetur? Quis ab eo continet unde turpatur, nisi diligit unde honestatur? Merito itaque magister bonus dilectionem sic saepe commendat, tanquam sola praecipienda sit, sine qua non possunt prodesse cetera bona, et quae non potest haberi sine ceteris bonis, quibus homo efficitur bonus.

2. Pro hac autem dilectione patienter debemus etiam mundi odia sustinere. Necesse est enim ut nos oderit, quos cernit nolle quod diligit. Sed plurimum nos de seipso Dominus consolatur, qui cum dixisset, *Hæc mando vobis, ut diligatis invicem*; adjectit, atque ait, *Si mundus vos odit, scitote quoniam me priorem vobis odio habuit*. Cur ergo se membrum supra verticem extollit? Recusas esse in corpore, si non vis odium mundi sustinere cum capite. *Si de mundo, inquit, essetis, mundus quod suum erat diligenter*. Universæ utique hoc dicit Ecclesie, quam plerumque etiam ipsam mundi nomine appellat: sicut est illud, *Deus erat in Christo, mundum reconcilians sibi* (II Cor. v, 19). Itemque illud: *Non venit Filius hominis ut judicet mundum, sed ut salvetur mundus per ipsum* (Joan. iii, 16). Et in Epistola sua Joannes ait: *Advocatum habemus ad Patrem, Iesum Christum justum, et ipse propitiator est peccatorum nostrorum; non tantum nostrorum, sed etiam totius mundi* (I Joan. ii, 1 et 2). Totus ergo mundus Ecclesia est, et totus mundus odit Ecclesiam. Mundus igitur odit mundum, inimicus reconciliatum, damnatus salvatum, inquinatus mundatum.

3. Sed iste mundus quem Deus in Christo reconciliat sibi, et qui per Christum salvatur, et cui per Christum peccatum omne donatur, de mundo electus est inimico, damnato, contaminato. Ex ea quippe massa quæ tota in Adam periit, sunt vasa misericordiae, in quibus est mundus pertinens ad reconciliationem: quem mundus odit, ex eadem massa pertinens ad vasa ire, quæ perfecta sunt ad perditionem (Rom. ix, 21-23). Denique cum dixisset, *Si de mundo essetis, mundus quod suum erat diligenter*; continuo subiectit, *Quia vero de mundo non esstis, sed ego elegi vos de mundo, propterea odit vos mundus*. Ergo et ipsi inde erant, unde ut non essent, electi sunt inde, non meritis suis, quorum nulla bona precesserant opera; non natura, quæ tota fuerat per liberum arbitrium in ipsa radice vitia: sed gratuita, hoc est vera gratia. Qui enim de mundo mundum elegit, fecit quod eligeret, non invenit: quia reliquæ per electionem gratiarum salutare factæ sunt. Si autem gratia, inquit, jani non ex operibus; alioquin gratia jam non est gratia (Rom. xi, 5 et 6).

4. Si autem queratur quomodo se diligit mundus perditionis, qui odit mundum redemptionis; diligit se utique falsa dilectione, non vera. Proinde falso se di-

ligit, et vere odit. Qui enim diligit iniquitatem, odit animam suam (Psal. x, 6). Sed diligere se dicitur, quoniam iniquitatem qua iniquus est diligit: et rursus odisse se dicitur, quoniam quod ei nocet, hoc diligit. Odit ergo in se naturam, diligit vitium: odit quod factus est per Dei bonitatem, diligit quod in eo factum est per liberam voluntatem. Unde nos quoque illum diligere et prohibemur, si recte intelligimus, et jubemur: prohibemur scilicet, ubi nobis dicitur, *Nolite diligere mundum* (I Joan. ii, 15); jubemur autem, ubi nobis dicitur, *Diligite inimicos vestros* (Luc. vi, 27). Ipsi sunt mundus qui nos odit. Ergo et prohibemur diligere in illo quod ipse diligit in seipso; et jubemur diligere in illo quod ipse odit in seipso, Dei scilicet opificium, et diversas bonitatis sue consolationes. Vitium quippe in illo diligere prohibemur, jubemurque diligere naturam, cum ipse in se diligit vitium, oderitque naturam: ut nos eum et diligamus et oderimus recte, cum se ipse diligit oderitque perverse.

TRACTATUS LXXXVIII.

De eo quod ait Jesus, Mementote sermonis mei, etc., usque ad id. Sed hæc omnia facient vobis propter nomen meum, quia nesciunt eum qui misit me. Cap. xv, ¶ 20, 21.

1. Exhortans Dominus servos suos ad mundi odia perferenda patienter, nullum majus eis et melius quam de seipso proponit exemplum: quoniam, sicut dicit apostolus Petrus, *Christus pro nobis passus est, relinquens nobis exemplum, ut sequamur vestigia ejus* (I Petr. ii, 21). Quod utique si facimus, ipso adjuvante facimus, qui dixit, *Sine me nihil potestis facere*. Denique quibus iam dixerat, *Si odit vos mundus, sciote quia me priorem vobis odio habuit*: et nunc in eo quod audistis, cum legeretur Evangelium, *Mementote*, inquit, *sermonis mei quem ego dixi vobis, Non est servus major domino suo: si me persecuti sunt, et vos persequentur; si sermonem meum servaverunt, et vestrum servabunt*. Dicendo autem, *Non est servus major domino suo*, nonne evidenter ostendit quemadmodum intelligere debeamus quod superius dixerat, *Jam non dico vos servos* (Joan. xv, 5; xviii, 15)? Ecce enim eos servos dicit. Nam quid est aliud, *Non est servus major domino suo: si me persecuti sunt, et vos persequentur?* Manifestum est igitur illum servum (*a*), qui non manet in domo in æternum (Id. viii, 35), illum pertinente ad timorem quem foras charitas mitit (I Joan. iv, 18), esse intelligendum, ubi dictum est, *Jam non dico vos servos*: hic autem ubi dicitur, *Non est servus major domino suo: si me persecuti sunt, et vos persequentur*, illum significari servum pertinentem ad timorem castum, qui permanet in sæculum sæculi (Psal. xviii, 10). Hic enim servus est auditurus, *Euge, serve bone, intra in gaudium Domini tui* (Math. xxv, 21).

2. Sed hæc, inquit, omnia facient vobis propter nomen meum, quia nesciunt eum qui misit me. Quæ omnia facient, nisi quæ dixit, odio habebunt scilicet, et perse-

(a) Vid. supra, Tract. 85, n. 3.

¹ Germanensis Ms., perseveranter tenendo.

quentur, sermonemque contemnent? Quoniam si sermonem non servarent eorum, nec tamen odissent eos, neque persequerentur; vel etiamsi odissent, nec tamen persequerentur: non omnia facerent. *Hæc autem omnia facient vobis propter nomen meum*, quid est aliud dicere, quain, me in vobis odio habebunt, me in vobis persequentur, et sermonem vestrum, quia meus est, ideo non servabunt? *Hæc enim omnia facient vobis propter nomen meum*: non vestrum, sed *meum*. Tanto igitur miseriores qui propter hoc nomen ista faciunt, quanto beatores qui propter hoc nomen ista patiuntur: sicut ipse alio loco dicit, *Beati qui persecutionem patiuntur propter justitiam* (*Matth. v, 10*). Hoc est enim propter me, vel propter nomen meum: quia, sicut Apostolus docet, *Factus est nobis sapientia a Deo, et justitia, et sanctificatio, et redemptio; ut quemadmodum scriptum est, Qui gloriatur, in Domino glorietur* (*I Cor. i, 30 et 31*). Faciunt quippe ista mali malis; sed non propter justitiam: et ideo miseri utrique, et qui faciunt, et qui patiuntur. Faciunt et boni malis: ubi etsi faciunt isti propter justitiam, non tamen illi propter justitiam patiuntur.

3. Sed dicit aliquis: Si mali quando persequuntur bonos propter nomen Christi, propter justitiam boni patiuntur, profecto propter justitiam hæc eis mali faciunt; quod si ita est, ergo et quando boni malos propter justitiam persequuntur, propter justitiam etiam mali patiuntur. Si enim possunt mali persecutionem facere bonis propter nomen Christi, cur non possunt mali persecutionem pati a bonis propter nomen Christi; et quid est, nisi propter justitiam? Nam si non propter quod boni faciunt, propter hoc mali patiuntur; quia faciunt boni propter justitiam, patiuntur mali propter injustitiam: nec mali ergo propter hoc possunt facere propter quod boni patiuntur, quia faciunt mali propter injustitiam, patiuntur boni propter justitiam. Quomodo ergo erit verum, *Hæc omnia facient vobis propter nomen meum*; cum illi non propter nomen Christi faciunt, id est, non propter justitiam, sed propter iniqutatem suam? *Hæc quæstio ita solvit*, si eo modo intelligamus dictum, *Hæc omnia facient vobis propter nomen meum*, ut totum referatur ad justos; tanquam dictum sit, *Hæc omnia patiemini ab eis propter nomen meum*: ut hoc sit, *facient vobis*, quod est, patiemini ab eis. Si autem propter nomen meum sic accipitur, tanquam diceret, propter nomen meum quod in vobis oderunt; ita potest accipi, et propter justitiam quam in vobis oderunt¹: ac per hoc boni cum persecutionem faciunt malis, possunt recte dici et propter justitiam facere, quam diligendo persequuntur malos; et propter iniqutatem, quam oderunt in ipsis malis: ita ergo et ipsi mali possunt dici pati, et propter iniqutatem quæ in illis punitur, et propter justitiam quæ in eorum poena exercetur.

4. Item quæri potest, si etiam mali faciunt persecutionem malis; sicut impii reges et judices, cum

¹ MSS. plerique carent hisce verbis: *Ita potest accipi, et propter justitiam quam in vobis oderunt.*

essent persecutores piorum, utique et homicidas, et adulteros, et quoscumque maleficos, quos contra leges publicas fecisse cognoscerent, puniebant; quomodo intelligendum est quod ait Dominus, *Si de mundo essetis, mundus quod suum erat diligaret* (*Joan. xv, 19*). Neque enim quos punit diligit mundus, a quo videmus supra dicta scelerum genera plerumque puniri: nisi quia mundus est in eis a quibus talia scelerata puniuntur, et mundus est in eis a quibus talia scelerata diliguntur. Mundus itaque ille qui intelligitur in malis atque impiis, et odit quod suum est, ex ea parte hominum qua sceleratis nocet; et diligit quod suum est, ex ea parte hominum qua eisdem ipsis consceleratis favet. Ergo, *Hæc omnia facient vobis propter nomen meum*, vel ita dictum est, propter quod vos patimini; vel ita, propter quod et ipsi faciunt: quia et hoc in vobis dum persequuntur, oderunt. Et addidit: *Quia nesciunt eum qui misit me*. Hoc secundum eam scientiam dictum intelligendum est, de qua et alibi scriptum est, *Scire autem te, sensus est consummatus* (*Sap. vi, 16*). Hac quippe scientia qui sciunt Patrem a quo missus est Christus, nullo modo persequuntur eos quos colligit Christus; quia et ipsi cum eis colliguntur a Christo.

TRACTATUS LXXXIX.

De eo quod dicit Dominus, Si non venissem, et locutus eis fuisset; usque ad id, Qui me odit, et Patrem meum odit. Cap. xv, 22, 23.

5. Superiorus dixerat Dominus ad discipulos suos: *Si me persecuti sunt, et vos persequentur; si sermonem meum servaverunt, et vestrum servabunt: sed hæc omnia facient vobis propter nomen meum, quia nesciunt eum qui misit me*. De quibus autem hoc dixerit si queramus, invenimus eum ad hæc verba venisse ab eo quod dixerat, *Si mundus vos odit, sciote quia me priorem vobis odio habuit*: nunc vero quod addidit, *Si non venissem, et locutus eis fuisset, peccatum non haberent*, *Judeos ostendit expressius*. De his ergo et illa dicebat; nam hoc indicat verborum ipsa contextio. De his enim dicit, *Si non venissem, et locutus eis fuisset, peccatum non haberent*, de quibus dicebat, *Si me persecuti sunt, et vos persequentur; si sermonem meum servaverunt, et vestrum servabunt: sed hæc omnia facient vobis propter nomen meum, quia nesciunt eum qui misit me*: his enim verbis et ista subjungit, *Si non venissem, et locutus eis fuisset, peccatum non haberent*. *Judei ergo persecuti sunt Christum*, quod evidentissime indicat Evangelium; *Judeis locutus est Christus*, non aliis gentibus: in eis ergo voluit intelligi mundum, qui odit Christum et discipulos ejus; imo vero non in eis solis, sed hos quoque ad eumdem mundum pertinere monstravit. Quid est ergo, *Si non venissem, et locutus eis fuisset, peccatum non haberent*? Numquid sine peccato erant Judei, antequam Christus ad eos in carne venisset? Quis hoc vel stultissimus dixerit? Sed magnum quoddam peccatum, non omne peccatum, quasi sub generali nomine vult intelligi. Hoc est enim peccatum quo tenentur cuncta peccata, quod

unusquisque si non habeat, dimittuntur ei cuncta peccata : hoc est autem, quia non crediderunt in Christum, qui propterea venit ut creditur in eum. Hoc peccatum, si non venisset, non utique haberent. Adventus quippe ejus quantum credentibus salutaris, tantum non credentibus exitiabilis factus est : tanquam et ipse caput et princeps Apostolorum, quod de se ipsi dixerunt, exstiterit *quibusdam quidem odor vite in vitam, quibusdam vero odor mortis in mortem* (*II Cor. ii, 16*).

2. Sed quod adjunxit, atque ait, *Nunc autem excusationem non habent de peccato suo*, potest movere querentes, utrum hi ad quos non venit Christus, nec locutus est eis, habeant excusationem de peccato suo. Si enim non habent, cur hic dictum est propterea istos non habere, quia venit et locutus est eis? Si autem habent, utrum ad hoc habeant ut a poenitentia alienentur, an ut mitius puniantur? Ad haec inquisita pro meo captu, Domino donante, respondeo, habere illos excusationem, non de omni peccato suo, sed de hoc peccato quo in Christum non crediderunt, ad quos non venit, et quibus non est locutus. Sed non in eo sunt numero hi ad quos in discipulis venit, et quibus per discipulos est locutus, quod et nunc facit : nam per Ecclesiam suam venit ad Gentes, et per Ecclesiam loquitur Gentibus. Ad hoc enim pertinet quod ait, *Qui vos recipit, me recipit* (*Math. x, 40*) : et, *Qui vos spernit, me spernit* (*Luc. x, 16*). An vultis, inquit apostolus Paulus, *experimentum accipere ejus qui in me loquitur Christus* (*II Cor. xiii, 3*)?

3. Restat inquirere utrum hi qui priusquam Christus in Ecclesia veniret ad Gentes, et priusquam Evangelium ejus audirent, vita hujus sine preventi sunt, seu praveniuntur, possint habere hanc excusationem? Possunt plane, sed non ideo possunt effugere damnationem. *Quicumque enim sine Lege peccaverunt, sine Lege et peribunt : et quicumque in Lege peccaverunt, per Legem judicabuntur* (*Rom. ii, 12*). Quae quidem Apostoli verba, quoniam id quod ait, *peribunt*, terribilis sonat quam quod ait, *judicabuntur*; non solum nihil adjuvare hanc excusationem videntur ostendere, verum etiam plus gravare. Qui enim se quia non audierunt, excusabunt, *sine Lege peribunt*.

4. Sed utrum hi qui cum audirent, contempserunt, vel etiam restiterunt, nec tantum contradicendo, sed et eos a quibus audierunt odiis persecundo, in eis deputandi sunt de quibus aliquid levius videtur sonuisse quod dictum est, *per Legem judicabuntur*, merito queritur. Sed si aliud est perire sine Lege, aliud judicari per Legem, et illud est gravius, hoc autem levius; procul dubio non sunt isti in hac pena leviore ponendi; quia neque in Lege peccaverunt, sed omnino Legem Christi accipere voluerunt, et eam quantum ad ipsos attinet, omnino nullam esse voluerunt. Illi autem peccant in Lege, qui sunt in Lege, id est, qui eam suscipiunt, eamque sanctam, et mandatum sanctum et justum et bonum fatentur (*Id. vii, 12*); sed infirmitate non implet quod ab ea rectissime precipi dubitare non possunt. Hi sunt qui

aliquo modo forsitan possunt ab eorum, qui sine Lege sunt, perditione discerni : si tamen quod Apostolus ait, *per Legem judicabuntur*, sic accipiendum est tanquam dixerit, non peribunt; quod mirum sita est. Neque enim de infidelibus et fidelibus erat sermo ut hoc diceret, sed de Gentibus et Judaeis : qui certe utriusque nisi in eo Salvatore salventur, qui venit querere quod perierat (*Luc. xix, 40*), ad perditionem sine dubio pertinebunt. Quamvis dici possit, alias gravius, alias levius perituros, id est, alias graviores, alias leviores poenias in sua perditione passuros. Ille enim perire Deo dicitur, quisquis ab illa beatitudine quam dat sanctis suis, per supplicium separatur : tanta est autem suppliciorum, quanta est diversitas peccatorum; quae quomodo se habeat, altius judicat sapientia divina, quam conjectura scrutatur aut effatur humana. Iste certe ad quos venit, et quibus locutus est Christus, non habent de magno infidelitatis peccato illam excusationem, qua possint dicere, Non vidimus, non audivimus : sive non acceptaretur ista excusatio ab illo cuius inscrutabilia sunt iudicia, sive acceptaretur, et si non ut ab omni damnatione liberarentur, certe ut aliquanto lenius damnarentur.

5. *Qui me odit, inquit, et Patrem meum odit*. Ille nobis fortasse dicatur : Quis potest odire quem nescit? Et utique antequam diceret, *Si non venissem, et locutus eis fuisset, peccatum non haberent*, dixerat discipulis suis, *Hac facient vobis, quia nesciunt eum qui misit me*. Quomodo ergo nesciunt et oderunt? Si enim non quod est ipse, sed nescio quid aliud de illo opinantur; non utique ipsum, sed illud inveniuntur odire quod fingunt, aut errando potius suspicantur. Et tamen nisi possent homines odire quod nesciunt, non veritas utrumque dixisset, quia ejus Patrem et nesciunt et oderunt. Sed quomodo id fieri possit, si adjuvante Domino per nos demonstrari potest; quia haec disputatio est iam claudenda, nunc non potest.

TRACTATUS XC.

In illud, Qui me odit, et Patrem meum odit. Cap. xv, §. 23.

1. Audistis Dominum dicentem, *Qui me odit, et Patrem meum odit*; qui superius dixerat, *Hac facient vobis, quia nesciunt eum qui misit me*. Non itaque dissimulanda nascitur questio, quomodo possint odire quem nesciunt. Si enim Deum non quod est ipse, sed nescio quid aliud eum suspicantur aut credunt, et hoc oderunt; utique non ipsum oderunt, sed quod sua mendaci suspicione vel vana credulitate concipiunt: si autem quod est, hoc de illo sentiunt, quomodo eum nescire dicuntur? Et de hominibus quidem fieri potest ut eos saepe quos nunquam vidimus, diligamus; ac per hoc nec illud a contrario impossibile est, ut eos quos nunquam vidimus, oderimus. Fama quippe de aliquo sermocinante seu bene seu male, sit non immerito ut amemus vel oderimus ignotum. Sed si fama sit vera, quomodo est de quo vera didicimus, dicendus ignotus? An quia ejus faciem non vidimus? Quam cum et ipse non videat, nulli tamen

potest notior esse quam sibi. Non igitur in ejus facie corporali nobis intimatur cujusque notitia. Sed tunc nobis ad cognitionem patet, quando ejus mores et vita non latet. Alioquin nec seipsum nosse quisquam potest, qui videre faciem suam non potest. Sed utique tanto certius quam notus est aliis ipse se novit, quanto certius interiore conspectu potest videre quod sapit, videre quod cupit, videre quod vivit: quæ cum aperiuntur et nobis, tunc vere sit cognitus nobis. Hæc itaque quoniam plerumque ad nos de absentibus vel etiam mortuis, sive fama, sive litteris perferuntur; hinc sit ut saepe quos nunquam facie corporis vidimus (non tamen quos omnino nescimus), vel oderimus homines, vel amemus.

2. Sed plerumque in eis nostra credulitas fallitur; quia nonnunquam et historia, et multo magis fama mentitur. Pertinet autem ad nos ne perniciosa opinione fallamur, ut quia non possumus hominum indagare conscientiam, de ipsis rebus vero beamus veram certamque sententiam¹. Hoc est, ut si ille vel ille homo utrum sit impudicus pudicusve nescimus, oderimus tamen impudicitiam, et pudicitiam diligamus: et si illum vel illum injustum esse justumne nescimus, amemus tamen iustitiam, et iustitiam detestemur; non quas nobis ipsi errando contingimus, sed quas fideliter, hanc appetendam, illamque vitandam in Dei veritate conspicimus: ut cum de ipsis rebus quod appetendum est appetimus, quod devitandum est devitamus, ignoratur nobis quod de occultis hominum aliquando, immo assidue non vera sentimus. Hoc enim ad humanam tentationem pertinere arbitror, sine qua duci ista non potest vita, ita ut Apostolus diceret, *Tentatio vos non apprehendat nisi humana* (*I Cor. x, 13*). Quid enim tam humanum quam non posse inspicere cor humanum; et ideo non ejus latebras perscrutari, sed plerumque aliud quam id quod ibi agitur suspicari? Quanquam et in his rerum tenebris humanarum, hoc est cogitationum alienarum, etsi suspiciones intelligere non possumus, quia homines sumus; judicia tamen, id est, definitas firmasque sententias continere debemus, nec ante tempus quidquam judicare, donec veniat Dominus, et illuminet abscondita tenebrarum, et manifestet cogitationes cordis; et tunc laus erit unicuique a Deo (*Id. iv, 5*). Quando ergo non erratur in rebus, ut recta sit improbatio virtutum virtutumque probatio; profecto si erratur in hominibus, venialis est humana tentatio.

3. Per has autem humanorum cordium tenebras, res multum miranda et multum dolenda contingit, ut eum nonnunquam quem injustum putamus, et tamen justus est et iustitiam in eo nescientes diligimus, devitemus, aversemur, a nostro prohibeamus accessu, communem cum illo vitam victumque habere nolimus; eumque etiam, si disciplinae imponeundæ necessitas cogit, sive ne alii noceat, sive ut fiat ipse correctior, asperitate salubri persecuamur; et hominem bonum tanquam malum affligamus, quem nescientes amamus. Hoc sit, si quis, verbi gratia,

cum sit pudicus, a nobis creditur impudicus. Sine dubio enim si pudicum diligo, hoc est ipse quod diligo: ergo etiam ipsum diligo, et nescio. Et si impudicum odi, non ergo ipsum odi; quia non est quod odi: et tamen dilecto meo, cum quo semper in charitate pudicitie habitat anima mea, facio ignarus injuriam, non errans in discretione virtutum atque vitorum, sed in cordium tenebris humanorum. Proinde sicut fieri potest ut homo bonus hominem bonum oderit nesciens, vel potius diligit nesciens (ipsun enim diligit cum bonum diligit, quia id quod est ille, hoc iste diligit); oderit autem nesciens non ipsum, sed quod putat esse ipsum: ita fieri potest ut etiam homo injustus hominem oderit justum, et dum estimat se sui similem injustum diligere, nesciens diligit justum; et tamen dum eum credit injustum, diligit non ipsum, sed quod putat esse ipsum. Quemadmodum autem hominem, sic et Deum. Denique si interrogarentur Judæi, utrum diligenter Deum; quid se aliud quam diligere responderent, nec ex animo mentientes, sed errando potius opinantes? Quomodo enim diligenter Patrem veritatis, qui haberent odio veritatem? Nolunt enim sua facta damnari, et hoc habet veritas ut talia facta damnentur: tantum igitur oderunt veritatem, quantum oderunt suas poenæ, quas talibus irrogat veritas. Nesciunt autem illam esse veritatem, quæ tales quales ipsi sunt damnati: oderunt ergo quam nesciunt; et cum illam oderunt, profecto et eum de quo nata est nisi odisse non possunt. Ac per hoc quia veritatem qua judicante damnantur, de Patre Deo natam nesciunt; utique etiam ipsum et nesciunt, et oderunt. O miseros homines, qui cum esse volunt mali, nolunt esse veritatem qua damnantur mali! Nolunt enim eam esse quod est, cum se ipsis debeat nolle esse quod sunt; ut ipsa manente mutentur, ne ipsa judicante damnentur.

TRACTATUS XCI.

In haec verba, Si opera non fecisset in eis, quæ nemo alius fecit; usque ad id, Quia odio habuerunt me gratis. *Cap. xv, ¶ 24, 25.*

1. Dixerat Dominus: *Qui me odit, et Patrem meum odit*. Utique enim qui odiit veritatem, necesse est oderit et a quo veritas nata est: unde jam quantum datum est, locuti sumus. Deinde addidit unde nobis nunc loquendum est: *Si opera non fecisset in eis, quæ nemo alius fecit, peccatum non haberent*. Peccatum illud sciaret magnum, de quo et superius ait, *Si non venissem, et locutus eis fuisset, peccatum non haberent*. Hoc est peccatum quo in eum loquentem et operantem non crediderunt. Neque enim nullum habebant peccatum, antequam loqueretur eis et operaretur in eis; sed hoc peccatum quo in eum non crediderunt, ideo sic commemoratur, quia ipso peccato tenentur et cætera. Hoc enim si non haberent, et in eum crederent, dimitterentur et cætera.

2. Sed quid est hoc quod cum dixisset, *Si opera non fecisset in eis, mox addidit, quæ nemo alius fecit?* Nulla quippe in operibus Christi videntur esse majora quam suscitatio mortuorum; quod scimus etiam anti-

¹ *Mss. octo, scientiam.*

quos fecisse Prophetas. Fecit enim Elias (III Reg. xvii, 21, 22), fecit Eliseus et cum in hac carne vivebat (IV Reg. iv, 35), et cum in suo monumento sepultus jaceret. Nam quidam portantes mortuum, cum irrueribus hostibus eo refugissent, eumque ibi posuerint, continuo resurrexit (*Id. xiii, 21*). Fecit tamen aliqua Christus, quae nemo aliis fecit: quod quinque milia hominum de quinque, et quatuor milia de septem panibus pavit (*Math. xiv, 15-21, et xv, 32-58*); quod super aquas ambulavit, et Petro ut hoc ficeret praestitit (*Id. xiv, 25 et 29*); quod aquam mutavit in vinum (*Joan. ii, 9*); quod aperuit oculos excoi nati (*Id. ix, 7*), et alia multa quae commemorare longum est. Sed respondetur nobis, et alios fecisse quae ipse non fecit, et quae nemo aliis fecit. Quis enim nisi Moyses Aegyptios plagi tot tantisque percussit (*Exod. vii-xii*), divisio mari populum duxit (*Id. xiv, 21-29*), manna de cœlo esurientibus impetravit (*Id. xvii*), aquam de Petra sicutibus fudit (*Id. xvii, 6*)? Quis nisi Jesus Nave populo transituro Jordanis fluente divisit (*Josue iii*), et currentem solem emissam ad Deum oratione frenavit et fixit (*Id. x, 12-14*)? Quis præter Samson propter suam sitim maxilla mortui asini exundante satiatus est (*Judic. xv, 19*)? Quis præter Eliam curru igneo in alta subiectus est (*IV Reg. ii, 11*)? Quis præter Eliseum, quod paulo ante commemoravi, sepulito suo cadavere, cadaver alterius reddidit vita? Quis præter Danielem inter ora inclusorum socum iconum esurientium vixit innocuus (*Dan. vi, 22*)? Quis præter tres viros, Ananiam, Azariam, Misaelem, in flammis ardentibus et non urentibus deambulavit illæsus (*Id. iii, 93*)?

3. Prætero cætera, quoniam hæc satis esse arbitratur, quibus demonstretur et aliquos sanctos quædam opera miranda fecisse, quæ nemo aliis fecit. Sed qui tam multa vitia et malas valetudines vexationesque mortalium tanta potestate sanaret, nullus omnino legitur antiquorum. Ut enim taceantur quos jubendo, sicut occurribant, salvos singulos fecit; Marcus evangelista quodam loco ait: *Vespere autem facio cum occidisset sol, afferebant ad eum omnes male habentes, et damnatione habentes; et erat omnis civitas ad januam congregata: et curavit multis qui vexabantur variis languoribus, et damnatione multa ejiciebat* (*Marc. i, 32-34*). Id autem cum commemorasset Matthæus, etiam testimonium propheticum addidit dicens: *Ut adimpleretur quod dictum est per Isaiam prophetam dicentem, Ipse infirmitates nostras accepit, et ægritudines portavit* (*Math. viii, 17*). Item alio loco dicit Marcus: *Et quocumque introibat in vias, vel in villas, aut in civitates, in plateis ponebant infirmos, et deprecabantur eum ut vel fimbriam vestimentum ejus tangerent; et quotquot tangebant eum, salvi fiebant* (*Marc. vi, 56*). Hæc nemo aliis fecit in eis. Sic enim intelligendum est quod ait, *in eis*, non inter eos vel coram eis; sed prorsus *in eis*, quia sanavit eos. Hæc quippe intelligi voluit quæ non solum facerent admirationem, verum etiam manifestam conferrent salutem; pro quibus beneficiis utique amorem, non odium retribuere debuerunt. Omnia quidem cæterorum miracula superat, quod est natus ex vir-

gine, matrisque integratatem solus potuit nec conceperat violare nec natus: sed hoc nec coram eis factum est, nec in eis. Ad cognoscendam quippe hujus miraculi veritatem, non communi cum eis aspectu, sed discreto ab eis discipulatu Apostoli pervenerunt. Jamvero illud quod die tertia in carne in qua occisus fuerat, de sepulcro se reddidit vivum, et nunquam deinde moriturus cum illa ascendit in cœlum, superat etiam cuncta quæ fecit: sed neque hoc factum est in Iudeis, neque coram eis; et nondum hoc fecerat, quando dicebat, *Si opera non fecissem in eis, quæ nemo aliis fecit*.

4. Nimirum ergo sunt illa quæ in eorum valetudinibus tanta miracula salutis ostendit, quanta in illis antea nemo donavit: hæc enim viderunt, et hoc eis exprobrans adjungit, et dicit, *Nunc autem et viderunt, et oderunt et me et Patrem meum: sed ut adimpleatur sermo qui in Legè eorum scriptus est, Quia odio habuerunt me gratis*. Eorum Legem dicit, non ab ipsis inventam, sed ipsis datum: sicut dicimus, *Panem nostrum quotidianum*; quem tamen a Deo petimus, addendo, *da nobis* (*Math. vi, 11*). Gratis autem odit, qui nullum ex odio commodum querit, vel incommodum fugit: sic oderunt Dominum impii; sic diligunt justi, hoc est gratis, ut alia præter illum non expectent bona, quoniam ipse erit in omnibus omnia. Quisquis vero altius attenderit Christum dicentem, *Si opera non fecissem in eis, quæ nemo aliis fecit* (sic hæc et si Pater aut Spiritus sanctus fecit, nemo aliis fecit, quia totius Trinitatis una substantia est), inventiet ipsum fecisse, si quando quispiam Dei homo tale aliquid fecit. Potest quippe in seipso cuncta per se ipsum; nemo autem potest aliquid sine ipso. Christus namque cum Patre et Spiritu sancto, non sunt tres dii, sed unus Deus, de quo scriptum est, *Benedictus Dominus Deus Israel, qui facit mirabilia solus* (*Psal. LXXI, 18*). Nemo ergo aliis fecit quæcumque opera in eis fecit; quoniam quisquis alius homo aliquid eorum fecit, ipso faciente fecit. Hæc autem ipse, non illis facientibus, fecit.

TRACTATUS XII.

In hæc verba, Cum autem venerit Paracletus quem ego mittam vobis a Patre, Spiritum veritatis, etc. Cap. xv, § 7. 26, 27.

1. Dominus Jesus in sermone quem locutus est discipulis suis post coenam, proximus passioni, tanquam iturus et relicturus eos præsentia corporali, cum omnibus autem suis usque in consummationem sæculi saturus præsentia spirituali, exhortatus est eos ad perseverandas persecutions impiorum, quos mundi nomine nuncupavit: ex quo tamen mundo etiam ipsos discipulos se elegisse dixit, ut scirent se Dei gratia esse quod sunt, suis autem viis fuisse quod fuerunt. Deinde persecutores et suos et ipsorum Iudeos evidenter expressit, ut omnino appareret etiam ipsos mundi damnabilis appellatione conclusos, qui persequitur sanctos¹. Cumque de illis diceret quod ignorarent eum a quo missus est, et tamen odissent

¹ Quinque MSS., qui persequuntur sanctos.

et Filium et Patrem, hoc est, et eum qui missus est, et eum a quo missus est, de quibus omnibus in aliis sermonibus jam disseruimus; ad hoc pervenit ubi ait,
Ut adimpleatur sermo qui in Lege eorum scriptus est, Quia odio habuerunt me gratis. Deinde tanquam consequenter adjunxit, unde modo disputare suscepimus: « Cum autem venerit Paracletus quem ego mittam vobis a Patre, Spiritum veritatis qui a Patre procedit, ille testimonium perhibebit de me; et vos testimonium perhibebitis, quia ab initio mecum estis. » Quid hoc pertinet ad illud quod dixerat, « Nunc autem et viderunt, et oderunt et me et Patrem meum: sed ut impleatur sermo qui in Lege eorum scriptus est, Quia odio habuerunt me gratis? » An quia Paracletus quando venit, Spiritus veritatis, eos qui videbunt et oderunt, testimonio manifestiore convicit? Imo vero etiam aliquos ex illis qui viderunt, et adhuc oderant, ad fidem quæ per dilectionem operatur (*Galat. v, 6*), sui manifestatione convertit. Hoc ut ita intelligamus, ita factum esse recolinus. Venit enim die Pentecostes Spiritus sanctus in centum viginti homines congregatos, in quibus et Apostoli omnes erant, qui illo adimplenti cum linguis omnium gentium loquerentur, plures ex his qui oderant¹, tanto miraculo stupefacti (quandoquidem viderunt loquente Petro tam magnum atque divinum testimonium perhiberi de Christo, ut ille qui occisus ab eis inter mortuos deputabatur, surrexisse et vivere probaretur), compuncti corde conversi sunt; et tanti sanguinis tam impie atque iminanter fusi indulgentiam perceperunt, ipso redempti sanguine quem fuderunt (*Act. ii, 2*). Christi enim sanguis sic in remissionem peccatorum omnium fusus est, ut ipsum etiam peccatum posset delere quo fusus est. Hoc ergo intuens Dominus dicebat, *Odio habuerunt me gratis: cum autem venerit Paracletus, ille testimonium perhibebit de me: tanquam dicere, Odio me habuerunt, et occiderunt videntes; sed tale de me Paracletus testimonium perhibebit, ut eos faciat in me credere non videntes.*

2. Et vos, inquit, *testimonium perhibebitis, quia ab initio mecum estis.* Perhibebit Spiritus sanctus, perhibebitis et vos. Quia enim ab initio mecum estis, potestis prædicare quod nostis: quod ut modo non faciatis, illius Spiritus plenitudo nondum adest vobis. *Ille ergo testimonium perhibebit de me, et vos perhibebitis:* dabit enim vobis fiduciam testimonium perhibendi charitas Dei diffusa in cordibus vestris per Spiritum sanctum qui dabitur vobis (*Rom. v, 5*). Quæ utique Petro adhuc desuit, quando mulieris ancillæ interrogatiōne perterritus, non potuit verum testimonium perhibere; sed contra suam pollicitationem timore magno compulsus est ter negare (*Math. xxvi, 69-74*). Timor autem iste non est in charitate, sed perfecta charitas foras mittit timorem (*I Joan. iv, 18*). Denique ante passionem Domini, servilis timor ejus interrogatus est a femina servitutis; post resurrectionem vero Domini liberalis ejus amor ab ipso Principe libertatis (*Joan. xxi, 15*): et ideo ibi turbabatur, hic

¹ *Mss., oderant.*

tranquillabatur; ibi quem dilexerat negabat, hic quem negaverat diligebat. Sed adhuc etiam tunc amor ipso infirmus fuerat et angustus, donec eum roboraret et dilataret Spiritus sanctus. Qui posteaquam illi est abundantia gratiae largioris infusus, sic ad perhibendum de Christo testimonium quandam ejus frigidum pectus accendit, atque illa prius trepida quæ veritatem suppresserant, ora rescrivit, ut cum omnes in quos venerat Spiritus sanctus, linguis omnium gentium loquerentur, Judæorum circumstantibus turbis, solus ad testimonium de Christo perhibendum præ ceteris promptius emicaret, ejusque interfectores de illius resurrectione confunderet. Si quem delectat tam suaviter sanctum¹ tale spectaculum intueri, Actus Apostolorum legat (*Act. ii-v.*): ibi beatum Petrum quem negantem doluerat, stupeat prædicantem; ibi linguam illam videat ad fiduciam a dissidentia, et ad libertatem a servitute translatam, tot linguas inimicorum convertere ad Christi confessionem, quarum non valendo unam ferre, versa fuerat in negationem. Quid plurā? Tantus in illo fulgor gratiae, tanta Spiritus sancti plenitudo apparebat, tanta de ore prædicantis pretiosissimæ veritatis pondera procedebant, ut ingentis multitudinis adversarios interfectores Christi Judæos saceret pro illo paratos mori, a quibus cum illo formidabat occidi. Hoc fecit Spiritus sanctus tunc missus, ante promissus. Ista Dominus magna atque miranda sua beneficia prævidebat, quando dicebat, « Et viderunt, et oderunt et me et Patrem meum: ut adimpleatur sermo qui in Lege eorum scriptus est, quia odiq habuerunt me gratis. Cum autem venerit Paracletus quem ego mittam vobis a Patre, Spiritum veritatis qui a Patre procedit, ille testimonium perhibebit de me; et vos testimonium perhibebitis. » Ille quippe testimonium perhibens et testes fortissimos faciens, abstulit Christi amicis timorem, et inimicorum odium convertit in amorem.

TRACTATUS XCIII.

De eo quod Dominus dicit, Hæc locutus sum vobis, ut non scandalizemini; usque ad id, Sed hæc locutus sum vobis, ut, cum venerit hora eorum, reminiscamini, quia ego dixi vobis. Cap. xvi, §. 1-4.

1. In his quæ precedunt hoc Evangelii capitulum, Dominus discipulos suos ad inimicorum odia perserenda confirmans, suo quoque præparavit exemplo, ut eum imitando fierent fortiores: addens et promittens eis quod venturus esset Spiritus sanctus, qui de illo testimonium perhiberet, et adjiciens quod et ipsi fierent testes ejus, hoc utique in eis operante Spiritu sancto. Sic enim ait: *Ille testimonium perhibebit de me, et vos testimonium perhibebitis.* Utique quia ille perhibebit, etiam vos perhibebitis: ille in cordibus vestris, vos in vocibus vestris; ille inspirando, vos sormando: ut possit impleri, *In omnem terram exire sonus eorum (Psal. xviii, 5).* Parum quippe fuerat eos adhortari exemplo suo, nisi impleret Spiritu suo. Denique apostolus Petrus cum jam verba ejus audisset, ubi dixerat, *Non est servus major domino suo: si me*

¹ *In tribus viss., sapidum.*

persecuti sunt, et vos persequentur (*Joan. xv, 20*) ; et hoc in illo jam videret impleri, in quo patientiam Domini sui, si exemplum sufficeret, debuit imitari : succubuit et negavit, non utique serens quod illum ferre cernebat. Cum vere accepit donum Spiritus sancti, quem negaverat praedicavit; et quem confiteri timuerat, non timuit profiteri. Prius enim exemplo quidem fuerat edocitus, ut quod fieri convenerat nosset; sed nondum fuerat virtute fultus, ut quod noverat faceret : instructus erat ut staret, sed non erat firmatus ne caderet. Quod posteaquam per Spiritum sanctum factum est, annuntiavit usque ad mortem, quem negaverat timens mortem. Ideo Dominus in hoc consequenti capitulo, de quo nunc vobis loquendum est, *Hæc, inquit, locutus sum vobis, ut non scandalizemini*. Canitur quippe in Psalmo, *Pax multa diligenteribus legem tuam, et non est illis scandalum* (*Psal. cxviii, 165*). Merito itaque promisso Spiritu sancto, quo in eis operante fierent testes ejus, subjunxit, *Hæc locutus sum vobis, ut non scandalizemini*. Cum enim charitas Dei diffunditur in cordibus nostris per Spiritum sanctum qui datus est nobis (*Rom. v, 5*), sit pax multa diligentibus legem Dei, ut non sit illis scandalum.

2. Deinde quid passuri essent, jam exprimens ait : *Extra synagogas facient vos*. Quid autem mali erat Apostolis expelli de synagogis Judaicis, quasi non inde fuerant se separaturi, etiamsi eos nullus expellere? Sed nimurum hoc voluit denuntiare, quia Judæi Christum non fuerant recepturi, a quo isti non fuerant recessuri; et ideo futurum erat ut foras mitterentur cum illo, ab eis qui esse nollent in illo, hi qui esso non possent sine illo. Nam prosceto, quia non erat ullus alias populus Dei quam illud semen Abrahæ, si agnoscerent et reciperent Christum, tanquam rami naturales in olea permanerent (*Id. xi, 17*); nec alii fierent Ecclesiae Christi, alii Synagogæ Judæorum : eadem¹ quippe essent, si in eodem esse voluissent. Quod quia noluerunt, quid restabat nisi ut remanentes extra Christum, extra synagogas facerent eos qui non relinquenter Christum? Accepto quippe Spiritu sancto testes ejus effecti, non utique tales essent, de quibus dicitur : *Multi principes Judæorum crediderunt in eum; sed propter metum Judæorum, ne pellerentur de synagogis, non audebant confiteri eum* : dilexerunt enim gloriam hominum magis quam Dei (*Joan. xii, 42 et 43*). Crediderunt ergo in eum, sed non sic quomodo eos volebat credere, qui dicebat : *Quomodo potestis credere, gloriam ab invicem exspectantes, et gloriam quæ a solo Deo est non querentes* (*Id. v, 44*) ? Discipulis ergo sic in eum creditibus, ut impleti Spiritu sancto, hoc est dono gratiæ Dei, non sint de numero eorum qui ignorantes Dei justitiam, et suam volentes constituere, justitiae Dei non sunt subjecti (*Rom. x, 3*); nec de illorum de quibus dictum est, *Dilexerunt gloriam hominum magis quam Dei* : illa congruit prophetia, quæ de ipsis invenitur impleta, *Domine, in lumine vultus tui ambulabunt, et in nomine tuo exultabunt tota die, et in tua justitia exaltabuntur; quoniam gloria virtutis eo-*

rum tu es (*Psal. lxxxviii, 16-18*). Merito eis dicitur, *Extra synagogas facient vos* : illi scilicet qui zelum Dei habent, sed non secundum scientiam; propter quod ignorantes Dei justitiam, et suam volentes constituere (*Rom. x, 2 et 3*), eos expellunt² qui non in sua, sed in Dei justitia exaltantur, nec expulsi ab hominibus erubescunt, quoniam gloria virtutis eorum ipse est.

3. Denique cum hoc eis dixisset, adjecit : *Sed venit hora ut omnis qui interficit vos, arbitretur obsequium se præstare Deo* : et hæc facient vobis, quia non cognoverunt Patrem neque me. Hoc est, non cognoverunt Deum nec ejus Filium, cui se in vobis occidendis præstare arbitrantur obsequium. Quæ verba Dominus ita subjecit, tanquam ex hoc consolaretur suos, qui de synagogis Judaicis pellerentur. Prænuntians enim quæ mala essent pro ejus testimonio perpessuri, *Extra synagogas*, inquit, *facient vos*. Nec ait, *Et venit hora ut omnis qui interficit vos, arbitretur obsequium se præstare Deo*. Quid ergo ait? *Sed venit hora* : quemadmodum diceret, si aliquid boni post mala ista prædiceret. Quid sibi ergo vult, *Extra synagogas facient vos* : *sed venit hora?* Tanquam hoc dicturus fuisse : Separabunt illi quidem vos, sed ego vos colligam; aut, Separabunt quidem illi vos, sed venit hora lætitiae vestre. Quid ergo ibi facit hoc verbum quod ait, *Sed venit hora*, quasi consolationem eis promitteret post tribulationem; cum magis dicere debuisse videatur indicativo modo, *Et venit hora?* Sed non ait, *Et venit*, cum tribulationem super tribulationem, non consolationem post tribulationem venturam illis esse prædiceret. Au forte sic eos illa de synagogis separatione fuerat turbatura, ut mori mallent, quam in hac vita sine Judæorum congregationibus immorari? Absit ut sic turbarentur, qui Dei, non hominum gloriam requireant. Quid ergo est, *Extra synagogas facient vos* : *sed venit hora*; cum potius dicere debuisse videatur, *Et venit hora, ut omnis qui interficit vos, arbitretur obsequium se præstare Deo?* Neque enim saltem dictum est, *Sed venit hora ut interficiant vos*, quasi ut eis mors pro consolatione illius separationis accideret³; sed, *Venit, inquit, hora ut omnis qui interficit vos, arbitretur obsequium se præstare Deo*. Prorsus non mihi videtur aliud significare voluisse, nisi ut intelligerent atque gauderent tam multos se Christo acquisitos, cum de Judæorum congregationibus pellerentur, ut eos non sufficeret⁴ pellere, sed non sinerent vivere, ne omnes ad nomen Christi sua prædicatione converterent, et ab observatione Judaismi, tanquam divinæ veritatis, averterent. Hoc enim de Judæis dictum debemus accipere, de quibus dixerat, *Extra synagogas facient vos*. Nam testes, id est martyres Christi, etiamsi occisi sunt a Gentilibus; non tamen illi arbitrati sunt Deo, sed diis suis falsis obsequium se præstare, cum hæc facerent. Judæorum autem omnis qui occidit prædicatores Christi, Deo se præstare pu-

¹ Sic Er. Iugd. et Ven. In B., et eos expellunt, addita vula, et, qua carent editi quibus adstipulamur. *M.*

² MSS., *accederet*.

³ In editis, non sufficerent. In decem MSS., non sufficeret. (*C. quante-necus.*)

¹ Aliquot MSS., *eadem*.

tavit obsequium; credens quod desererent Deum Israel, quicunque converterentur ad Christum. Ut enim et ipsum Christum occiderent, ista ratione commoti sunt: nam eorum de hac re etiam verba conscripta sunt. *Videtis quia totus mundus post eum abiit* (*Joan. xii, 19*): *si dimiserimus eum vivere, venient Romani, et tollent nobis et locum et gentem.* Et quod Caiphas dixit: *Expedit ut unus homo moriatur pro populo, et non tota gens pereat* (*Id. xi, 48, 50*). Et in hoc ergo sermone suos discipulos suo erexit exemplo, quibus dixerat, *Si me persecuti sunt, et vos persequentur* (*Id. xv, 20*); ut quemadmodum illum occidendo, Deo se præstitisse obsequium putaverunt, sic etiam illos.

4. Iste itaque sensus est in his verbis: *Extra synagogas facient vos;* sed nolite solitudinem formidare: separati quippe a congregatione eorum, tam multos in nomine meo congregabis, ut illi metuentes ne templum quod erat apud eos, et omnia Legis veteris sacramenta deserantur, intersciant vos; sic fundentes sanguinem vestrum, ut Deo se præstare arbitrentur obsequiū. Ecce est illud quod de his dixit Apostolus, *Zelum Dei habent, sed non secundum scientiam* (*Rom. x, 2*): obsequium se putant præstare Deo, intersciendo famulos Dei. O error horrendus! Itane ut placeas Deo, percutis placentem Deo; et templum Dei vivum te feriente prosternitur, ne Dei templum lapideum descratur? O exsecrabilis cæcitas! Sed ex parte in Israel facta est, ut plenitudo Gentium intraret: ex parte, inquam, facta est, non ex toto. Non enim omnes, sed aliqui ex ramis fracti sunt, ut insereretur oleaster (*Id. xi, 25, 17*). Nam Spiritu sancto implente discipulos Christi, cum linguis omnium gentium loquerentur, cum per eos divina miracula frequentarentur, et divina eloquia spargebantur, etiam occisus ita dilectus est Christus, ut ejus discipuli expulsi a congregationibus Judeorum, ex ipsis quoque Judæis ingentem multitudinem congregarent, et nullam solitudinem formidarent (*Act. ii-iv*). Hinc ergo accensi cæteri reprobi et cæci, zelum Dei habentes, sed non secundum scientiam, et obsequium se præstare Deo credentes, occidebant eos. Sed pro ipsis occisus colligebat eos; qui de his futuris, antequam occideretur, instruxerat eos, ne ignoras atque imparatos animos mala inopinata et improvisa, quamvis cito transitura, turbarent, sed præcognita et patienter accepta ad bona sempiterna perducerent. Hanc enim fuisse causam ut hæc eis denuntiaret, etiam ipse demonstravit adjungens: *Sed hæc locutus sum vobis, ut cum venerit hora eorum, reminiscamini quia ego dixi vobis.* Hora corum hora tenebrosa, hora nocturna. Sed in die mandavit Dominus misericordiam suam, et in nocte declaravit (*Psal. xli, 9*): quando nox Judeorum separatum a se diem Christianorum nulla confusione fuscavit; et quando carnem occidere potuit, fidem tenebrare non potuit.

TRACTATUS XCIV.

De eo quod dicit Jesus, Hæc autem vobis ab initio non

dixi, quia vobiscum eram; usque ad id, Si autem abiero, mittam eum ad vos. Cap. xvi, §. 5-7.

1. Cum Dominus Jesus predixisset discipulis suis persecutiones quas passuri fuerant post ejus abscessum, subjunxit, atque ait: *Hæc autem vobis ab initio non dixi, quia vobiscum eram: nunc autem vado ad eum qui me misit.* Ubi primum videndum est, utrum eis futuras non predixerit ante passionem. Sed alii tres evangelistæ satis eum predixisse ista demonstrant, antequam ventum esset ad coenam (*Matth. xxiv, 9*; *Marc. xiii, 9-13*, et *Luc. xxi, 12-17*): qua parata secundum Joannem ista locutus est, ubi ait, *Hæc autem vobis ab initio non dixi, quia vobiscum eram.* An forte hinc ista solvitur questio, quia et illi cum narrant passioni proximum fuisse cum haec diceret? Non ergo ab initio quando cum illis erat, quia jam discessurus, jamque ad Patrem perrecturus haec dixit: et ideo etiam secundum illos evangelistas verum est quod hic dictum est, *Hæc autem vobis ab initio non dixi.* Sed quid agimus de sive Evangelii secundum Matthæum, qui haec eis a Domino non solum cum jam esset Pascha cum discipulis cœnaturus imminentे passionē, verum et ab initio denuntiata esse commemorat, ubi primum nominatim duodecim exprimuntur Apostoli, et ad opera divina mittuntur (*Matth. x, 17*)? Quid sibi ergo vult quod hic ait, *Hæc autem vobis ab initio non dixi, quia vobiscum eram:* nisi quia ea que hic dicit de Spiritu sancto, quod sit venturus ad eos et testimonium perhibitus, quando mala illa passuri sunt, haec ab initio eis non dixit, quia cum ipsis erat?

2. Consolator ergo ille vel advocatus (utrumque enim interpretatur quod est græce paracletus), Christo abscedente fuerat necessarius; et ideo de illo non dixerat ab initio quando cum illis erat, quia ejus præsentia consolabantur: abscessurus autem oportebat ut diceret illum esse venturum, per quem futurum erat ut charitate diffusa in cordibus suis verbum Dei cum fiducia prædicarent; et illo intrinsecus apud eos testimonium perhibente de Christo, ipsi quoque testimonium perhiberent; neque scandalizarentur cum inimici Judæi absque synagogis facerent eos, et interscierent arbitrantes obsequium se præstare Deo: quoniam charitas omnia tolerat (*I Cor. XIII, 7*), quæ diffundenda erat in cordibus eorum per Spiritus sancti donum (*Rom. v, 5*). Hinc ergo iste totus ducitur sensus, quia facturus eos erat martyres suos, id est testes suos per Spiritum sanctum; ut illo in eis operante, persecutionum quæcumque aspera tolerarent, nec frigescerent a charitate prædicandi, illo divino igne succensi. Hæc ergo, inquit, *locutus sum vobis, ut cum venerit hora eorum, reminiscamini quia ego dixi vobis* (*Joan. xvi, 4*). Hæc scilicet locutus sum vobis, non tantum quia passuri estis ista; sed quia cum venerit paracletus ille, testimonium perhibebit de me, ne ista timendo taceatis, unde sicut ut etiam vos testimonium perhibeatis. *Hæc autem vobis ab initio non dixi, quia vobiscum eram,* et ego vos consolabar mea corporali præsentiæ, exhibita humanis sensibus ve-

stis, quam parvuli capere poteratis.

3. *Nunc autem vado ad eum qui me misit : et nemo, inquit, ex vobis interrogat me, Quo vadis ?* Significat sic se iturum ut nullus interrogaret, quod palam fieri visu corporis cernerent : nam superius interrogaverant eum quo esset iturus, et responderat eis se iturum quo ipsi tunc venire non possent (*Joan. XIII, 36*). Nunc vero ita se promittit iturum, ut nullus eorum quo vadit interroget. Nubes enim suscepit eum quando ascendit ab eis ; et euntem in coelum non verbis quiescierunt, sed oculis deduxerunt (*Act. I, 9-11*).

4. *Sed quia haec locutus sum vobis, inquit, tristitia implevit cor vestrum.* Videbat utique quid illa sua verba in eorum cordibus agerent : spiritualem quippe nondum interius habentes consolationem, quam per Spiritum sanctum fuerant habituri, id quod exterius in Christo videbant, amittere metuebant ; et quia se amissuros esse illum vera denuntiantem¹ dubitare non poterant, contrastabatur humanus affectus, quia carnalis desolabatur aspectus. Noverat autem ille quid eis potius expediret, quia visus interior ipse est unique melior, quo eos consolaturus fuerat Spiritus sanctus ; non cernentium corporibus ingesturus corpus humanum, sed seipsum credentium pectoribus infusurus. Denique adjungit, *Sed ego veritatem dico vobis, expedit vobis ut ego vadam.* Si enim non abiero, *Paracletus non veniet ad vos : si autem abiero, mittam eum ad vos :* tanquam dicaret, Expedit vobis ut haec forma servi auferatur a vobis : caro quidem factum Verbum habito in vobis ; sed nolo me carnaliter adhuc diligatis, et isto lacte contenti semper infantes esse cupiat. *Expedit vobis ut ego vadam.* Si enim non abiero, *Paracletus non veniet ad vos.* Si alimenta tenera quibus vos alii, non subtraxero, solidum cibum non esurietis ; si carni carnaliter hasceritis, capaces Spiritus non critis. Nam quid est, *Si non abiero, Paracletus non veniet ad vos : si autem abiero, mittam eum ad vos ?* Numquid hic positus, eum non poterat mittere ? Quis hoc dixerit ? Neque enim ubi ille erat, iste inde recesserat ; et sic venerat a Patre, ut non maneret in Patre. Postremo, quomodo eum etiam hic constitutus non poterat mittere, quem scimus super eum baptizatum venisse atque mansisse (*Joan. I, 32*) ; imo vero a quo scimus eum nunquam separabilem fuisse ? Quid eat ergo, *Si non abiero, Paracletus non veniet ad vos ; nisi, non potestis capere Spiritum, quamdiu secundum carnem persistitis nosse Christum ?* Unde ille qui jam acceperat Spiritum : *Etsi noveramus, inquit, secundum carnem Christum, sed nunc jam non novimus* (*II Cor. V, 16*). Etiam ipsam quippe carnem Christi non secundum carnem novit, qui Verbum carnem factum spiritualiter novit. Hoc nimur significare voluit magister bonus dicendo, *Si enim non abiero, Paracletus non veniet ad vos : si autem abiero, mittam eum ad vos.*

5. Christo autem discendente corporaliter, non solum Spiritus sanctus, sed et Pater et Filius illis adsuit spiritualiter. Nam si ab eis sic abscessit Christus, ut pro illo, non cum illo in eis esset Spiritus sanctus ;

¹ Unde decim MSS., illo vera denuntiante.

ubi est ejus promissio dicentis, *Ecce ego vobiscum sum usque in consummationem saeculi* (*Math. XXVIII, 20*) ; et, *Veniemus ad eum ego et Pater, et mansionem apud eum faciemus* (*Joan. XIV, 23*) : cum et Spiritum sanctum ita se promiserit esse missurum, ut cum eis esset in aeternum ? Ac per hoc cum ex carnalibus vel animalibus essent spirituales futuri, profecto et Patrem et Filium et Spiritum sanctum capacius fuerant habituri. In nullo autem credendus est esse Pater sine Filio et Spiritu sancto, aut Pater et Filius sine Spiritu sancto, aut Filius sine Patre et Spiritu sancto, aut sine Patre et Filio Spiritus sanctus, aut Pater et Spiritus sanctus sine Filio : sed ubi eorum quilibet unus, ibi Trinitas Deus unus. Oportebat autem ita insinuari Trinitatem, ut quamvis nulla esset diversitas substantiarum, singillatim tamen commendaretur distinctio personarum ; ubi eis qui recte intelligunt, nunquam videri potest separatio naturarum).

6. Quod autem sequitur, *Et cum veherit ille, arguet mundum de peccato, et de justitia, et de judicio : de peccato quidem, quia non credunt in me ; de justitia vero, quia ad Patrem vado, et jam non videbitis me ; de judicio autem, quia princeps hujus mundi judicatus est* (*Id. XVI, 8-11*) : tanquam solum sit peccatum non credere in Christum, et tanquam ipsa sit justitia non videre Christum, et tanquam ipsum sit judicium quod princeps hujus mundi, hoc est diabolus judicatus est : valde latebrosum est, nec isto sermone coaretandum, ne fiat obscurius brevitate ; sed alio potius quantum Dominus adjuverit explicandum.

TRACTATUS XCV.

In haec verba superioris lectionis, Cum veherit ille, arguet mundum de peccato, et de justitia, etc. Cap. XVI, §. 8-11.

1. Promittens Dominus missurum se Spiritum sanctum, *Cum veherit, inquit, ille arguet mundum de peccato, et de justitia, et de judicio.* Quid est hoc ? Numquidnam Dominus Christus non arguit mundum de peccato, cum ait : *Si non venissem, et locutus eis fuisset, peccatum non haberent ; nunc autem excusationem non habent de peccato suo ?* Sed ne quis forte dicat hoc ad Judaeos proprie pertinere, non ad mundum ; nonne ait alio loco : *Si de mundo essetis, mundus quod suum esset diligenter* (*Id. XV, 22, 19*) ? Numquid non arguit de justitia, ubi ait : *Pater juste, mundus te non cognovit* (*Joan. XVII, 25*) ? Numquid non arguit de judicio, ubi se ait sinistris esse dicturum : *Ite in ignem aeternum, qui paratus est diabolo et angelis ejus* (*Math. XXV, 41*) ? Et multa alia reperiuntur in sancto Evangelio, ubi de his Christus arguit mundum. Quid est ergo quod tanquam proprie tribuit hoc Spiritui sancto ? An forte, quia Christus in Judaeorum tantum gente locutus est, mundum non videtur arguisse, ut ille intelligatur argui qui audit arguentem ? Spiritus autem sanctus in discipulis ejus toto orbe diffusus, non unam gentem intelligitur arguisse, sed mundum. Nam illis ait ascensurus in coelum : *Non est vestrum scire tempora vel momenta, que Pater posuit in sua potestate* . sed

accipietis virtutem Spiritus sancti supervenientis in vos. et eritis mihi testes in Jerusalem, et in tota Iudea, et in Samaria, et usque in fines terrae (Act. 1, 7 et 8). Hoc est arguere mundum. Sed quis audeat dicere quod per discipulos Christi arguit mundum Spiritus sanctus, et non arguat ipse Christus; cum clamet Apostolus, *An vultis experimentum accipere ejus qui in me loquitur Christus* (II Cor. XIII, 5)? Quos itaque arguit Spiritus sanctus, arguit ultius et Christus. Sed quantum mihi videtur, quia per Spiritum sanctum diffundenda erat charitas in cordibus eorum (Rom. V, 5), quæ foras mittit timorem (I Joan. IV, 18), quo impediri possent ne arguere mundum qui persecutionibus fremebat, auderent; propterea dixit, *Ille arguet mundum: tanquam dicaret, Ille diffundet in cordibus vestris charitatem; sic enim timore depulso, arguendi habebitis libertatem. Sæpe autem diximus inseparabilia opera esse Trinitatis* (*Supra, Tract. 20*); sed singillatim commendandas fuisse personas, ut non solum sine separatione, verum etiam sine confusione et unitas intelligatur et Trinitas.

2. Exponit deinde quid dixerit *de peccato, et de justitia et de judicio*. *De peccato quidem*, inquit, *quia non crediderunt in me*. Illoc enim peccatum quasi solum sit, præ ceteris posuit; quia hoc manente cetera detinentur, et hoc discedente cetera remittuntur. *De justitia vero*, inquit, *quia ad Patrem vado, et jam non videbitis me*. Illic primo videndum est, si recte quisque arguitur de peccato, quomodo recte arguatur et de justitia. Numquid enim si arguendus est peccator propterea quia peccator est, arguendum putabit quisquam et justum propterea quia justus est? Absit. Nam et si aliquando justus arguitur, ideo recte arguitur, quia, sicut scriptum est, *Non est justus in terra qui faciet bonum, et non peccabit*. Quocirca etiam cum justus arguitur, de peccato arguitur, non de justitia. Quoniam et in illo quod legimus divinitus dictum, *Noli effici justus multum* (Eccl. VN, 21, 17); non est notata justitia sapientis, sed superbia præsumentis. Qui ergo sit *multum justus*, ipso nimio sit injustus. Multum enim se facit justum, qui dicit se non habere peccatum; aut qui se putat non gratia Dei, sed sua voluntate sufficiente effici justum: nec recte vivendo justus est, sed potius inflatus, putando se esse quod non est. Quo pacto igitur mundus arguendus est de justitia, nisi de justitia credentium? Arguitur itaque de peccato, quia in Christum non credit; et arguitur de justitia eorum qui credunt. Ipsa quippe fidicium comparatio, infidelium est vituperatio. Hoc et ipsa expositio satis indicat. Volens enim aperire quid dixerit, *De justitia vero*, inquit, *quia ad Patrem vado, et jam non videbitis me*. Non ait, *Et jam non videbunt me*; de quibus dixerat, *quia non crediderunt in me*. Sed peccatum quid vocaret exponens, de illis locutus est dicens, *quia non crediderunt in me*: exponens autem quam diceret justitiam, de qua mundus arguitur, ad ipsos quibus loquebatur, se convertit, atque ait, *Quia ad Patrem vado, et jam non videbitis me*. Quapropter mundus de peccato quidem suo, de justitia vero arguitur aliena,

sicut arguntur de lumine tenebræ: *Omnia enim quæ arguuntur, ait Apostolus, a lumine manifestantur* (Ephes. V, 13). Quantum enim malum sit eorum qui non credunt, non solum per seipsum, verum etiam ex bono potest eorum apparere qui credunt. Et quoniam ista vox infidelium esse consuevit, Quomodo credimus quod non videmus? ideo credentium justitiam sic oportuit definiri, *Quia ad Patrem vado, et jam non videbitis me*. Beati enim qui non vident, et credunt (Joan. XX, 29). Nam et qui viderunt Christum, non in eo laudata est fides eorum, quia credebant quod videbant, id est Filium hominis; sed quia credebant, quod non videbant, id est Filium Dei. Cum vero et ipsa forma servi subtracta eorum esset aspectibus, tum vero ex omni parte impletum est, *Justus ex fide vivit* (Rom. I, 17; Habac. II, 4, et Hebr. XI, 4). *Est enim fides, sicut in Epistola quæ ad Hebreos est definitur, sperantium substantia, convictio rerum quæ non videntur*.

3. Sed quid est, *Jam non videbitis me?* Non enim ait, *Ad Patrem vado, et non videbitis me*; ut temporis intervallum quo non videbitur, significasse intelligeretur, sive breve, sive longum, tamen utique terminatum: sed dicendo, *Jam non videbitis me*, velut nunquam eos de cætero visuros Christum, veritas prænuntiavit. Hæcce justitia est nunquam Christum videre, et in eum tamen credere; cum propterea laudetur fides ex qua justus vivit, quoniam credit, quem modo non videt Christum, se aliquando esse visurum? Postremo secundum hanc justitiam, numquid dicturi sumus Paulum apostolum non fuisse justum, consitentem se Christum vidiisse post ascensionem ejus in cœlum (I Cor. XV, 8), de quo utique jam tempore dixerat, *Jam non videbitis me?* Numquid secundum hanc justitiam justus non erat gloriissimus Stephanus, qui cum lapidaretur, ait: *Ecce video cœlum apertum, et Filium hominis stantem ad dexteram Dei* (Act. VII, 55)? Quid ergo est, *Ad Patrem vado, et jam non videbitis me*; nisi, quomodo sum, cum vobiscum sum? Tunc enim adhuc erat mortalis in similitudine carnis peccati (Rom. VIII, 3), qui esurire poterat ac sitiare, fatigari atque dormire: hunc ergo Christum, id est tales Christum, cum transisset de hoc mundo ad Patrem, non erant jam visuri; et ipsa est justitia fidicium, de qua dicit Apostolus, *Etsi noveramus Christum secundum carnem, sed nunc jam non novimus* (II Cor. V, 16). Erit itaque, inquit, vestra justitia, qua mundus arguitur, *quia vado ad Patrem, et jam non videbitis me*: quoniam in eum quem non videbitis credetis in me: et quando me videbitis, quod tunc ero, non videbitis me quod sum vobiscum modo; non videbitis humilem, sed excelsum; non videbitis mortalem, sed sempiternum; non videbitis judicandum, sed judicaturum¹: et de hac fide vestra, id est justitia vestra, arguet Spiritus sanctus incredulum mundum.

4. Arguet etiam *de judicio, quia princeps hujus mundi judicatus est*. Quis est iste, nisi de quo ait alio loco, *Ecce venit princeps mundi, et in me nihil inveniet* (Joan. XIV, 30); id est, nihil juris sui, nihil quod ad

¹ MSS., *judicatorem*.

eum pertineat, nullum scilicet omnino peccatum? Per hoc enim est diabolus princeps mundi. Non enim cœli et terræ et omnium quæ in eis sunt, est diabolus princeps, qua significatione intelligitur mundus, ubi dictum est, *Et mundus per eum factus est*: sed mundus est diabolus princeps, de quo mundo ibi continuo subjungit atque ait, *Et mundus eum non cognovit* (*Joan. i, 10*), hoc est homines infideles, quibus toto orbe terrarum mundus est plenus: inter quos gemit fidelis mundus, quem de mundo elegit, per quem factus est mundus; de quo ipse dicit, *Non venit Filius hominis ut judicet mundum, sed ut salvetur mundus per ipsum* (*Id. iii, 17*). Mundus eo judicante damnatur, mundus eo subveniente salvator: quoniam sicut arbor foliis et pomis, sicut area palcis et frumentis, ita infidelibus et fidelibus plenus est mundus. Princeps ergo mundi hujus, hoc est princeps tenebrarum harum, id est infidelium; de quibus eruit mundus, quibus dicitur, *Fuistis aliquando tenebrae; nunc autem lux in Domino* (*Ephes. v, 8*): princeps mundi hujus de quo alibi dicit, *Nunc princeps mundi hujus missus est foras* (*Joan. xii, 31*), utique judicatus est; quoniam judicio ignis æterni irrevocabiliter destinatus est. Et de hoc itaque judicio quo princeps judicatus est mundi, arguitur a Spiritu sancto mundus; quoniam cum suo principe judicatur, quem superbus atque impius imitatur¹. Si enim Deus, sicut dicit apostolus Petrus, *peccantibus angelis non pepercit, sed carceribus caliginis inferi retrudens tradidit in judicio puniendos servari* (*II Petr. ii, 4*); quomodo non a Spiritu sancto de hoc judicio mundus arguitur, quando in Spiritu sancto haec loquitur Apostolus? Credant itaque homines in Christum, ne arguantur de peccato infidelitatis suæ, quo peccata omnia detinuntur: transeant in numerum fidelium, ne arguantur de justitia corum, quos justificatos non imitantur: caveant futurum judicium, ne cum mundi principe judicentur, quem judicatum imitantur. Etenim ne sibi existimet parci superbìa dura mortalium, de superborum supplicio terrena est angelorum.

TRACTATUS XCVI.

In hac verba, Adhuc multa habeo vobis dicere; sed non potestis portare modo: cum autem venerit ille Spiritus veritatis, docebit vos omnem veritatem. Cap. xvi, ¶ 12, 13.

1. In isto sancti Evangelii capitulo, ubi Dominus ait discipulis suis, *Adhuc multa habeo vobis dicere, sed non potestis portare modo*, prius querendum illud occurrit, quomodo superius dixerit, *Omnia quæ audivi a Patre meo, nota feci vobis* (*Joan. xv, 15*): et hic dicat, *Adhuc multa habeo vobis dicere, sed non potestis portare modo*. Verum illud quomodo dixerit, quod nondum fecerat tanquam fecerit, sicut ea quæ futura sunt, Deum fecisse propheta testatur dicens, *Qui fecit quæ futura sunt* (*Isai. xlv, 11, sec. LXX*), jam cum ipsa verba tractaremus, ut potuimus, exposuimus. Nunc

¹ Lov., *superbum atque impium imitatur*. Nos hic ut in editis aliis et MSS.

ergo quæ ista sint quæ Apostoli tunc portare non poterant, vultis forsitan scire. Sed quis nostrum audeat eorum se dicere jam capacem, quæ illi capere non valeant? Ac per hoc nec a me exspectanda sunt ut dicantur, quæ forte non caperem, si mibi ab alio dicerentur; nec vos ea portare possetis, etiam si ego tantus essem, ut a me ista quæ vobis altiora sunt audiretis. Et fieri quidem potest ut sint in vobis aliqui ad ea capienda jam idonei, quæ alii capere nondum valent; et si non omnia de quibus magister Deus ille dicebat, *Adhuc multa habeo vobis dicere*, tamen eorum fortasse nonnulla: sed quænam sint ista quæ ipse non dixit, temerarium est velle præsumere ac dicere. Nam et mori pro Christo nondum erant idonei tunc Apostoli, quibus dicebat, *Non potestis me sequi modo*; unde primus eorum Petrus, qui hoc jam se posse præsumperat, aliud expertus est quam putabat (*Joan. xiii, 36-38*): et tamen postea et viri et mulieres, pueri et pueræ, juvenes et virgines, seniores cum junioribus innumerabiles martyrio coronati sunt; et posse inventæ sunt oves, quod tunc quando ista Dominus loquebatur, nondum poterant portare pastores. Numquid ergo debuit illis ovibus dici in illo temptationis articulo, quo certare usque ad mortem pro veritate oportebat, et pro Christi nomine vel doctrina sanguinem fundere; numquid, inquam, debuit eis dici, *Quis vestrum audeat idoneum martyrio se putare, cui Petrus idoneus nondum fuerat, quando eum os ad os ipse Dominus instruebat?* Sic itaque dixerit aliquis non debere dici populis christianis, andire cupientibus quæ sint de quibus Dominus tunc dicebat, *Adhuc multa habeo vobis dicere, sed non potestis portare modo*. Si Apostoli nondum poterant, multo minus vos potestis: quia forte sic multi possunt audire, quod tunc nondum poterat Petrus, sicut multi possunt martyrio coronari, quod tunc nondum poterat Petrus: præser-tim jam missio Spiritu sancto, qui tunc nondum erat missus, de quo continuo subjunxit, atque ait, *Cum autem venerit ille Spiritus veritatis, docebit vos omnem veritatem*; sic utique demonstrans illos ideo quæ habebat dicere, portare non posse, quia nondum ad eos venerat Spiritus sanctus.

2. Ecce concedamus ut ita sit, multos ea modo portare posse jam missio Spiritu sancto, quæ tunc eo nondum missio non poterant portare discipuli: numquid ideo scimus quæ sint quæ dicere noluit, quæ tunc sciremus si ab eo dicta legeremus vel audiremus? Aliud est enim scire utrum a nobis vel a vobis portari possint; aliud autem scire quæ sint, sive portari possint, sive non possint. Quæcum ipse tacuerit, quis nostrum dicat, Ista vel illa sunt? Aut si dicere audeat, unde probat? Quis enim est tam vanus aut temerarius, qui cum dixerit etiam vera quibus voluerit, quæ voluerit, sine ullo testimonio divino affirmet ea esse quæ tunc Dominus dicere noluit? Quis hoc nostrum faciat, et non maximam culpam temeritatis incurrat, in quo nec prophætica nec apostolica excellit auctoritas? Nam profecto si eorum aliquid legissimus in Libris canonice auctoritate firmatis, qui post

ascensionem Domini scripti sunt, parum fuerat hoc legisse, nisi illie id etiam legeretur, hoc ex eis esse quæ tunc Dominus noluit discipulis dicere, quia non poterant illa portare. Tanquam si, verbi gratia, ego dicarem, illud quod legimus in hujus Evangelii capite, *In principio erat Verbum, et Verbum erat apud Deum, et Deus erat Verbum, hoc erat in principio apud Deum* (*Joan. i, 1, 2*), et alia quæ sequuntur, quoniam postea scripta sunt, nec ea Dominum Jesum dixisse narratum est, cum hic esset in carne, sed hæc unus ex Apostolis ejus, ac Spiritu ejus¹ sibi revelante conscripsit, ex his esse quæ noluit tunc Dominus dicere, quia ea discipuli portare non poterant; quis me audiat tam temere ista dicentem? Si autem ubi hoc legimus, ibi hoc etiam legeremus, quis non tanto apostolo crederet?

3. Sed id quoque mihi videtur absurdissime dici, ea tunc non potuisse portare discipulos, quæ de invisibilibus et altissimis rebus invenimus in apostolicis litteris, quæ postmodum scriptæ sunt, nec ea Dominum quando cum illis visibiliter erat, dixisse narratur. Cur enim ea tunc ferre non poterant, quæ nunc in eorum Libris quis non legat, quis non ferat, etiamsi non intelligat? Nonnulla quidem homines insidet in Scripturis sanctis et non intelligunt cum legunt vel audiunt, et lecta vel audita ferre non possunt: sicut Pagani, quod per eum qui crucifixus est, factus est mundus; sicut Judæi, quod Filius Dei sit, qui eo modo quo ipsi celebrant sabbatum solvit; sicut Sabelliani, quia Trinitas est Pater et Filius et Spiritus sanctus; sicut Ariani, quia æqualis est Patri Filius, et Patri ac Filio Spiritus sanctus; sicut Photiniani, quia non homo tantum similis nobis, sed etiam Deus Deo Patri æqualis est Christus; sicut Manichæi, quod Christus Jesus per quem liberandi² sumus, nasci in carne et de carne dignatus est: et cæteri omnes perversarum ac diversarum sectarum homines, utique ferre non possunt, quidquid in Scripturis sanctis et in fide catholica reperitur, quod contra eorum profertur errores; sicut nos ferre non possumus sacrilegas eorum vanitates et insanias mendaces. Quid e-t enim ferre non posse, nisi æquo animo non habere? Sed omnia quæ post ascensionem Domini canonica veritate atque auctoritate conscripta sunt, quis fidelis vel etiam catechumenus, antequam Spiritum sanctum baptizatus accipiat, non æquo animo legit atque audit, etiamsi nondum sicut oportet intelligit? Quomodo ergo aliquid eorum quæ post ascensionem Domini scripta sunt, non possent ferre discipuli, etiam nondum sibi missò Spiritu sancto, cum omnia nunc ferant catechumeni nondum accepto Spiritu sancto? Quia etsi non eis fideliū sacra menta produntur, non ideo sit quod ea ferre non possunt; sed ut ab eis tanto ardentius concupiscantur, quanto eis honorabilius occultantur.

4. Quapropter, charissimi, non a nobis expectetis audiare quæ tunc noluit Dominus discipulis dicere, quia nondum poterant illa portare: sed potius in charitate proficite, quæ diffunditur in cordibus vestris per Spi-

ritum sanctum qui datus est vobis (*Rom. v, 5*); ut spiritu ferventes et spiritualia diligentes, spiritualem lucem spiritualemque vocem, quam carnales homines ferre non possunt, non aliquo signo corporalibus oculis apparente, nec aliquo sono corporalibus auribus instrepente, sed interiore conspectu et auditu nosse possitis. Non enim diligitur quod penitus ignoratur. Sed cum diligitur quod ex quantulacumque parte cognoscitur, ipsa efficitur dilectione ut melius et plenius cognoscatur. Si ergo in charitate proficiatis, quam diffundit in cordibus Spiritus sanctus, *docebit vos omnem veritatem*: vel, sicut alii codices habent, *deducet vos in omni veritate* (a): unde dictum est, *Deduc me, Domine, in via tua, et ambulabo in veritate tua* (*Psal. lxxxv, 11*). Sic fieri ut non a doctoribus exterioribus illa discatis, quæ noluit Dominus tunc dicere, sed satis omnes docibile Deo (*Joan. vi, 45*); ut ea ipsa quæ per lectiones atque sermones extrinsecus adhuc didicistis et credidistis de natura Dei non corporea, nec loco aliquo inclusa, nec per infinita spatia locorum quasi mole distenta, sed ubique tota et perfecta et infinita, sine nitoribus colorum, sine figuris lineamentorum, sine notis litterarum, sine serie syllabarum, ipsa mente conspicere valeatis. Ecce dixi aliquid quod forte inde sit, et tamen accepistis; et non solum ferre potuistis, verum etiam libenter audistis. Sed ille magister interior, qui cum adhuc discipulis exterius loqueretur, ait, *Adhuc multa habeo vobis dicere, sed non potestis portare modo*, si vellet nobis id quod de incorpore Dei natura dixi, intrinsecus ita dicere, sicut sanctis Angelis dicit, qui semper vident faciem Patris (*Matth. xviii, 10*); nondum ea portare possemus. Proinde quod ait, *Docebit vos omnem veritatem*, vel, *deducet vos in omni veritate*, non arbitror in hac vita in cujusquam mente posse compleri (quis enim vivens in hoc corpore quod corruptitur et aggravat animam [*Sap. ix, 15*], possit omnem cognoscere veritatem; cum dicat Apostolus, *Ex parte scimus?*); sed quia per Spiritum sanctum sit, unde nunc pignus accepimus (*II Cor. i, 22*), ut ad ipsam quoque plenitudinem veniamus: de qua idem dicit apostolus, *Tunc autem facie ad faciem*; et, *Nunc scio ex parte, tunc autem cognoscam sicut et cognitus sum* (*I Cor. xiii, 9, 12*): non quod in hac vita scit totum, quod usque ad illam perfectionem futurum nobis Dominus promisit per charitatem Spiritus, dicens, *Docebit vos omnem veritatem*; vel, *deducet vos in omni veritate*.

5. Quæcum ita sint, dilectissimi, monco vos in charitate Christi, ut seductores caveatis impuros et obscenæ turpitudinis sectas, de quibus ait Apostolus, *Quæ autem occulæ fuit ab ipsis, turpe est et dicre* (*Ephes. v, 12*): ne cum horrendas immundicias docere coepirint, quas humanæ aures qualescumque sint, portare non possunt, dicant ipsa esse quæ Dominus ait, *Adhuc multa habeo vobis dicere, sed non potestis portare modo*; et per Spiritum sanctum assertant fieri ut possint illa immunda et nefanda portari.

(a) Græc., οδηγεῖσι.

¹ Editi, ipso ac Spiritu ejus. Abest, ipso, a MSS.
² In editis, liberati. At in MSS., liberandi.

Alia sunt mala quæ portare non potest qualisunque pudor humanus; et alia sunt bona quæ portare non potest parvus sensus humanus: ista sunt in corporibus impudicis, illa remota sunt a corporibus universis; hoc impura carne committitur, illud pura mente vix cernitur. « Renovamini ergo spiritu mentis vestrae » (*Ephe. iv, 23*), « et intelligite quæ sit voluntas Dei, quod bonum est et beneplacitum et perfectum » (*Rom. xii, 2*): « ut in charitate radicati et fundati, possitis comprehendere cum omnibus sanctis, quæ sit longitudo, latitudo, altitudo et profundum; cognoscere etiam supereminentem scientiæ charitatem Christi, ut impleamini in omnem plenitudinem Dei » (*Ephe. iii, 17-19*). Isto enim modo vos docebit Spiritus sanctus omnem veritatem, cum magis magisque diffundet in cordibus vestris charitatem.

TRACTATUS XCVII.

In eamdem lectionem.

1. Spiritus sanctus quem promisit Dominus se discipulis suis esse missurum, qui eos doceret omnem veritatem, quam tunc quando cum eis loquebatur, portare non poterant: de quo Spiritu sancto, sicut dicit Apostolus, nunc *pignus accepimus* (*Il Cor. i, 22*), quo verbo intelligeremus ejus plenitudinem nobis in vita alia reservari: ipse ergo Spiritus sanctus et nunc docet fideles, quanta quisque potest capere spiritualia; et eorum pectora desiderio majore succedit, si quisque in ea charitate proficiat, qua et diligit cognita, et cognoscenda desideret: ita ut ea quoque ipsa quæ nunc quomodocumque cognoscit, nondum se scire sciat, sicut scienda sunt in ea vita quam nec oculus vidit, nec auris audivit, nec in cor hominis ascendit (*Il Cor. ii, 9*). Quo sciendi modo, si nunc ea vellet interior magister dicere, id est, nostræ menti aperire aliquid monstrare; humana infirmitas portare non posset. Unde me vestra Dilectio meminit iam locutum, cum sancti Evangelii verba tractaremus, ubi Dominus ait, *Adhuc multa habeo vobis dicere, sed non potestis portare modo*. Non ut in his Domini verbis nescio quæ secreta nimis abdita suspicemur, quæ cum dici a docente possint, portari a discente non possint: sed ea ipsa quæ in doctrina religionis in quorumlibet hominum notitia legimus et scribimus, audimus et dicimus, si vellet eo modo nobis Christus dicere, sicut ea dicit Angelis sanctis in seipso unigenito Patris Verbo, Patrique coetero; quinam portare homines possent, etiam si jam essent spirituales, quales adhuc Apostoli non fuerunt, quando ista eis Dominus loquebatur, qualesque postea veniente sancto Spiritu facti sunt? Nam utique quidquid de creatura sciri potest, minus est ipso Creatore, qui summus et verus et immutabilis est Deus. Et quis eum tacet? Ubi non a legentibus, disputantibus, querentibus, respondentibus, laudantibus, cantantibus, quoquomodo sermocinantibus, postremo ab ipsis etiam blasphemantibus nominatur? Et cum eum nemo taceat, quis est qui eum sicut intelligendus est capiat, cum de oribus et auribus hominum non recedat? Quis est cuius acies ad eum mentis accedat? Quis

est qui eum Trinitatem esse scisset, nisi ipse sic innotescere voluisse? Et quis hominum jam istam sileat Trinitatem: et tamen quis hominum sicut Angeli sapiat Trinitatem? Ea ipsa ergo quæ de Dei æternitate, veritate, sanctitate, in promptu et palam sine cessatione dicuntur, ab aliis bene, ab aliis male intelliguntur: ino ab aliis intelliguntur, ab aliis non intelliguntur. Qui enim male intelligit, non intelligit. Ab eis ipsis autem a quibus bene intelliguntur, ab aliis minus, ab aliis amplius mentis vivacitatem cernuntur, et a nullo hominum sicut ab Angelis capiuntur. In ipsa ergo mente, hoc est in interiori homine, quodammodo crescit, non solum ut ad cibum a lacte transeat, verum etiam ut amplius atque amplius cibus ipse sumatur. Non autem crescit spatiose mole, sed intelligentia luminosa; quia et ipse cibus intelligibilis lux est. Ut ergo crescat, cumque capiatis, et quanto magis crescat, tanto magis magisque capiatis; non ab eo doctore qui vestris auribus sonat, hoc est, forinsecus operando plantat et rigat, sed ab eo qui dat incrementum (*I Cor. iii, 6*), petere ac sperare debet.

2. Proinde, sicut præterito sermone commonui, cavete, maxime qui parvuli estis et adhuc alimentis lacteis indigetis, ne hominibus sub hac occasione deceptis ac deceptoribus, quia Dominus ait, *Adhuc multa habeo vobis dicere, sed non potestis portare modo*, aurem curiosam præbeatis ad incognita scienda, cum mentes invalidas habeatis ad vera et falsa dijudicanda: maxime propter obscurissimas turpitudines, quas docuit satanas animas instabiles atque carnales, ad hoc Deo sinente, ut ejus ubique sint tremenda judicia, et in comparatione impuræ nequitæ dulcedescat purissima disciplina; atque ut illi det honorem, timorem autem vel pudorem sibi, qui in illa mala vel illo regente non cecidit, vel illo inde levante surrexit. Cavete timendo et orando, ne irruatis in illud ænigma Salomonis, ubi mulier insipiens et audax, inops panis effecta, convocat prætereuntes dicens, *Panes occultos libenter attingite, et aquæ fertivæ dulcedinem* (*Pror. ix, 13-17*). Hec enim mulier vanitas est impiorum, cum sint insipientissimi, aliquid se scire opinantium, sicut de ista muliere dictum est, *inops panis effecta*. Quæ cum sit inops panis, promittit panes; id est, cum sit ignara veritatis, promittit scientiam veritatis. Occultos tamen panes promittit, quos dicit libenter attingi, et aquæ fertivæ dulcedinem; ut ea scilicet libentius et dulcius audiantur et agantur, que palam in Ecclesia dici credique prohibentur. Ipsa quippe occultatione condit quodammodo nefarii doctores sua venena curiosis; ut ideo se existimant aliquid discere magnum, quia meruit habere secretum, et suavius hauriant insipientiam, quam putant scientiam, cujus prohibitam quodammodo furantur audientiam.

3. Hinc et nefarios ritus suos hominibus sacrilega curiositate deceptis vel decipiendis magicarum artium doctrina commendat. Ille illicite divinationes inspectis pecudum visceribus occisorum, aut vocibus et volatibus avium, aut signis multiformibus demo-

num, insusurrantur auribus hominum periturorum per colloquia perditorum. Propter hæc illicita atque punienda secreta, mulier illa non solum *insipiens*, *verum audax* etiam nuncupatur. Sed hæc non solum a re ipsa, verum et a nomine nostræ religionis aliena sunt. Quid quod mulier hæc *insipiens* et *audax*, sub christiano vocabulo tot sceleras hæreses condidit, tot nefandas fabulas finxit? Utinam tales quales in iheatris sive cantantur, sive saltantur, sive mimica scurrilitate ridentur; et non quasdam tales, quales adversus Deum singere potuisse sic illam doleamus insipientiam, ut miremur audaciam. Omnes autem insipientissimi heretici, qui se christianos vocari volunt, audacias segmentorum suorum, quas maxime exhorret sensus humanus, occasione evangelicæ sententiæ colorare conantur, ubi Dominus ait, *Adhuc multa habeo vobis dicere, sed non potestis portare modo:* quasi hæc ipsa sint quæ tune discipuli portare non poterant, et ea docuerit Spiritus sanctus, quæ palam docere atque prædicare, quantilibet feratur audacia, spiritus erubescit inmundus.

4. Hos Apostolus in Spiritu sancto prævidens¹ ait: « Erit enim tempus quo sanam doctrinam non sustinebunt, sed secundum desideria sua magistros sibi coacervabunt prurientes auditu: et a veritate quidem auditum suum avertent, ad fabulas autem convertentur» (*II Tim. iv, 3, 4*). Illa enim secreti furtique commemoratio quadicitur, *Panes occulti libenter attingite, et aquæ furtivæ dulcedinem*, pruritum facit audientibus in auribus spiritualiter fornicantibus, sicut pruritus quodam libidinis etiam in carne corrumpitur integritas castitatis. Audite itaque Apostolum talia prævidentem, et ea vitanda salubriter admonentem: *Profanas*, inquit, *verborum novitates evita: multum enim proficiunt ad impietatem, et sermo eorum sicut cancer serpit* (*Id. ii, 16, 17*). Et non ait, verborum novitates; sed addidit, *profanas*. Sunt enim et doctrinæ religionis congruentes verborum novitates, sicut ipsum nomen Christianorum quando dico cœperit, scriptum est. In Antiochia enim primum post ascensionem Domini appellati sunt discipuli Christiani, sicut legitur in Actibus Apostolorum (*Act. xi, 26*): et xenodochia et monasteria postea sunt appellata novis nominibus, res tamen ipsæ et ante nomina sua erant, et religionis veritate firmantur, qua etiam contra improbos defenduntur. Adversus impietatem quoque Arianorum hereticorum novum nomen Patris Homousion condiderunt: sed non rem novam tali nomine signaverunt; hoc enim vocatur Homousion, quod est, *Ego et Pater unus sumus* (*Joan. x, 30*), unius videlicet ejusdemque substantiæ. Nam si omnis novitas profana esset, nec a Domino diceretur, *Mandatum novum do vobis* (*Id. xiii, 34*); nec Testamentum appellaretur Novum, nec cantaretur in universa terra Canticum novum. Sed profane sunt verborum novitates, ubi dicit *mulier insipiens et audax*: *Panes occulti libenter attingite, et aquæ furtivæ dulcedinem*. Ab hac pollicitatione falsæ scientiæ prohibet etiam illo loco Apostolus ubi dicit:

¹ sic. Fr. Lugd. et Ven. • *Hoc apostolus... prævidens. M.*

« O Timothee, depositum custodi, devitans profanas vocum novitates, et contradictiones falsi nominis scientiæ, quam quidam promittentes, circa fidem exciderunt» (*I Tim. vi, 20*). Nihil enim sic amant isti quam scientiam promittere; et fidem rerum verarum quas credere parvuli præcipiuntur, velut imperitiam deridere.

5. Dicit aliquis: Nihilne spirituales viri habent in doctrina, quod carnalibus taceant, et spiritualibus eloquantur? Si respondero, Non habent, continuo mihi dicetur ex Epistola ad Corinthios apostoli Pauli: « Non potui vobis loqui quasi spiritualibus, sed quasi carnalibus. Quasi parvulis in Christo lac vobis potum dedi, non escam; nondum enim poteratis: sed nec adhuc quidem potestis; adhuc enim estis carnales» (*I Cor. iii, 1 et 2*); et illud, « Sapientiam loquimur inter perfectos; » et illud, « Spiritualibus spiritualia comparantes: animalis autem homo non percipit quæ sunt Spiritus Dei; stultitia enim est illi» (*Id. ii, 6, 13 et 14*). Hoc totum quale sit, ne rursus propter hæc verba Apostoli profanis vocum novitatibus secreta querantur, et ea quæ debet castorum spiritus corporusque vitare, dicatur carnales sustinere non posse, sermone alio si Dominus donaverit, disputandum est, ut jam istum aliquando claudamus.

TRACTATUS XCVIII.

In eamdem lectionem.

1. Ex verbis Domini nostri, ubi dicit, *Adhuc multa habeo vobis dicere, sed non potestis portare modo*, exortam difficultem quæstionem me recolo distulisse, ut inde otiosius tractaretur¹, quia illum modus competens compellebat finire sermonem. Nunc ergo quoniam tempus est promissa reddendi, pertractetur ut Dominus ipse donaverit, qui cordi nostro ut proponeatur ingressit. Hæc est autem quæstio: utrum spirituales homines habeant aliquid in doctrina, quod carnalibus taceant, et spiritualibus dicant. Quia si dixerimus, Non habent; respondebitur nobis, Quid est ergo quod dicebat Apostolus scribens ad Corinthios: « Non potui vobis loqui quasi spiritualibus, sed quasi carnalibus. Quasi parvulis in Christo lac vobis potum dedi, non escam; nondum enim poteratis: sed nec adhuc quidem potestis; adhuc enim estis carnales» (*I Cor. iii, 1 et 2*)? Si autem dixerimus, Habent; timendum et cavendum est, ne sub hac occasione in occultis nefaria doceantur, et spiritualium nomine, velut ea quæ carnales capere non possunt, non solum excusatione dealbanda, verum etiam prædicatione laudanda videantur.

2. Primum ergo scire debet Charitas vestra, quod ipse Christus crucifixus², quo velut lacte parvulos aluisse se dicit Apostolus; ipsa vero caro ejus, in qua facta est vera mors ejus et vulnera vera confixi, sanguisque percussi, non eo modo a carnalibus quo ab spiritualibus cogitatur, et illis est lac, istis cibus; quia et si non audiunt amplius, intelligunt amplius. Non

¹ Omnes prope MSS., ut de spatio tractaretur.

² Editi, quod ipse Christus est crucifixus. Male additur, est, quo MSS. carent.

enim æqualiter mente percipitur, etiam quod in fide pariter ab utrisque recipitur. Ita sit ut prædicatus ab Apostolis Christus crucifixus, et Iudeis esset scandalum, et Gentibus stultitia, et ipsis vocatis Judeis et Grecis Dei Virtus et Dei Sapientia (I Cor. 1, 23, 24); sed carnalibus parvulis id tantum credendo tenentibus, spiritualibus autem capacioribus id etiam intelligendo cernentibus; illis ergo tanquam lacteus potus, istis tanquam solidus cibus: non quia hoc illi aliter in populis, isti aliter in cubiculis cognoverunt; sed quod eodem modo utriusque cum palam diceretur audiebant, pro suo modo quique capiebant. Cum enim Christus propterea sit crucifixus, ut in remissionem peccatorum sanguinem funderet, qua ejus Unigeniti passione divina gratia commendatur, ut nemo in homine glorietur; quomodo intelligebant Christum crucifixum qui adhuc dicebant, *Ego sum Pauli* (Ibid., 12)? Numquid quomodo ipse Paulus qui dicebat, *Mihi autem absit gloriari, nisi in cruce Domini nostri Jesu Christi* (Galat. vi, 14)? De ipso itaque Christo crucifixo, et ipse cibum pro sua capacitatem sumebat, et illos lacte pro eorum infirmitate nutriebat. Denique illa quæ scripsit ad Corinthios, aliter utique ab ipsis parvulis, aliter a capacioribus posse intelligi sciens, ait: *Siquis est inter vos propheta aut spiritualis, agnoscat quæ scribo vobis, quia Domini est mandatum: si quis autem ignorat, ignorabitur* (I Cor. xiv, 37, 38). Solidam profecto voluit esse scientiam spiritualium, ubi non sola fides accommodaretur, sed certa cognitio teneretur; ac per hoc illi ea ipsa credebant, quæ spirituales insuper agnoscabant. *Ignorabitur autem*, ait, *qui ignorat*; quia nondum ei revelatum est, ut quod credit sciat. Quod cum sit in hominis mente, ipse dicitur cognosci a Deo; quia Deus illum cognoscentem facit, sicut alibi ait: *Nunc autem cognoscentes Deum, imo cogniti a Deo* (Galat. iv, 9). Neque enim tunc cognoverat eos Deus, præcognitos et electos ante mundi constitutionem (Eph. 1, 4); sed tunc eos seipsum cognoscere fecerat.

3. Hoc igitur primitus cognito, quod ea ipsa quæ simul audiunt spirituales atque carnales, pro suo quique modulo capiunt; illi ut parvuli, isti ut maiores, illi ut lactis alimentum, isti ut cibi solidamentum: nulla videtur esse necessitas, ut aliqua secreta doctrinæ taceantur, et abscondantur fidibus parvulis, seorsum dicenda majoribus, hoc est intelligentioribus; et hoc ideo faciendum putetur, quia dixit Apostolus, *Non potui vobis loqui quasi spiritualibus, sed quasi carnalibus*. Hoc ipsum enim quod non judicavit se scire in eis nisi Iesum Christum, et hunc crucifixum (I Cor. ii, 2), ipsis non potuit loqui quasi spiritualibus, sed quasi carnalibus; quia id sicut spirituales capere non valebant. Quicumque autem spirituales inter eos erant, idem quod illi tanquam carnales audiebant, spirituali ipsi intellectu capiebant: ut sic intelligatur quod ait, *Non potui vobis loqui quasi spiritualibus, sed quasi carnalibus*, ac si diceret, Non potuisse quasi spirituales, sed quasi carnales capere quod loquebar. *Animalis enim homo*, id est, qui secundum hominem sapit, animalis dictus ab anima, carnis

a carne, quia ex anima et carne constat totus homo, non percipit quæ sunt Spiritus Dei (I Cor. ii, 14), id est, quid gratiae credentibus crux conferat Christi; et putat hoc illa cruce actum esse tantummodo, ut nobis usque ad mortem pro veritate certantibus imitandum preberetur exemplum. Nam si scirent hujusmodi homines, qui nolunt esse nisi homines, quemadmodum Christus crucifixus factus sit nobis sapientia a Deo, et justitia, et sanctificatio, et redemptio, ut quemadmodum scriptum est, *Qui gloriatur in Domino glorietur* (Id. i, 30, 31); procul dubio non gloriarentur in homine, nec carnaliter dicerent, *Ego quidem sum Pauli; ego autem Apollo; ego vero Cephae: sed spiritualiter, Ego sum Christi* (Ibid. 12).

4. Verum illud adhuc quæstionem facit, quod in Epistola ad Hebreos legitur: «Cum jam deberetis tempore ipso esse doctores, iterum doctrina indigetis, quæ sint elementa sermonum Dei; et facti estis opus habentes lacte, non solidi cibo. Omnis enim qui lactatur, inexpertus est verbum justitiae; infans est enim. Perfectiorum est autem solidus cibus, eorum qui per habitum exercitatos habent sensus, ad separandum bonum a malo» (Hebr. v, 12-14). Hic enim videmus tanquam definitum esse quem perfectorum dicit solidum cibum; et hoc esse illud quod ad Corinthios scriptum est, *Sapieniam loquimur inter perfectos* (I Cor. ii, 6). Quos autem perfectos voluerit hoc loco intelligi, subjicit atque ait, *Qui per habitum exercitatos habent sensus, ad separandum bonum a malo*. Hoc ergo qui invalida et inexercitata mente non possunt, profecto nisi fidei quodam lacte teneantur, ut et invisibilis quæ non videat, et intelligibilia quæ nondum intelligunt, credant, facile ad vanas et sacrilegas fabulas promissione scientiae ducuntur: ut et bonum et malum nonnisi corporalibus imaginibus cogitent, et ipsum Deum nonnisi aliquod esse corpus existiment, et malum nisi substantiam putare non possint; cum sit potius ab immutabili substantia mutabilium substantiarum quidam defectus, quas fecit ex nihilo ipsa immutabilis et summa substantia, qui est Deus. Quod profecto quisquis non solum credit, verum etiam exercitatis interioribus animi sensibus intelligit, percipit, novit; non est jam metuendum ne seducatur ab eis qui malum putando esse substantiam quam non fecit Deus, mutabilem substantiam faciunt ipsum Deum, sicut Manichæi, vel si quæ aliae pestes ita despiciunt.

5. Sed mente adhuc parvulis, quos dicit Apostolus carnales lacte nutriendos, omnis de hac re sermo, quo agitur ut non solum credatur, verum etiam intelligatur sciaturque quod dicitur, percipere talia non valentibus onerosus est, faciliusque illos premit quam pascit. Ex quo sit ut spirituales ista carnalibus non omnino taceant, propter catholicam fidem, quæ omnibus prædicanda est; nec tamen sic disserant, ut volentes ea perducere ad intelligentiam non capacem, facilius fastidiri faciant in veritate sermonem, quam in sermone percipi veritatem. Propterea dicit scribens ad Colossenses: *Et si corpore absens sum, sp̄s*

ritu vobiscum sum, gaudens et ridens ordinationem vestram, et id quod deest¹ fidei vestrae in Christo (Coloss. n. 5). Et ad Thessalonicenses : *Nocte ac die*, inquit, *abundantius orantes, ut videamus faciem vestram, et suppleamus quae desunt fidei vestrae* (*I Thess. iii, 10*). Intelligenti sunt utique ita primum catechizati, ut lacte alerentur, non solido cibo : cuius lactis ad Hebreos commemoratur ubertas eis quos volebat cibi soliditate jam pascere. Propter quod ait : « Ideoque remittentes initii Christi verbum, in consummationem respiciamus ; non iterum jacientes fundamentum pœnitentiae ab operibus mortuis, et fidei in Deum, lavae in doctrina, et impositionis manuum, resurrectionis etiam mortuorum, et judicij æterni» (*Hebr. vi, 1, 2*). Hæc est lactis ubertas, sine quo non vivunt qui jam quidem ratione utantur ut possint credere, sed bonum a malo, non credendo tantum, verum etiam intelligendo (quod pertinet ad solidum cibum) separare non possunt. Quod autem in lactis commemoratione posuit et doctrinam, ipsa est quæ per symbolum traditur et orationem dominicam.

6. Sed huic lacti absit ut sit contrarius cibus rerum spiritualium firma intelligentia capiendus, qui Colossensibus et Thessalonicensibus defuit, et supplendus, fuit. Quando enim suppletur quod defuit, non improbatur quod fuit. Nam et in ipsis quæ sumimus alimentis, usque adeo non est lacti contrarius solidus cibas, ut ipse lactescat, quo possit esse aptus infantibus, ad quos per matris vel nutricis pervenit carnem : sicut fecit etiam mater ipsa sapientia, quæ cum sit in excelsis Angelorum solidus cibus, dignata est quodammodo lactescere parvulis, cum Verbum caro factum est, et habitavit in nobis (*Joan. i, 1, 14*). Sed ipse homo Christus, qui vera carne, vera cruce, vera morte, vera resurrectione sincerum lac dicitur parvulorum, cum bene ab spiritualibus capit, invenitur Dominus Angelorum. Prinde nec sic parvuli sunt lactandi, ut semper non intelligent Deum Christum ; nec sic ablactandi, ut deserant hominem Christum. Quod alio modo idipsum ita dici potest : nec sic lactandi sunt, ut creatorem nunquam intelligent Christum ; nec sic ablactandi, ut mediatorem unquam deserant Christum. In hoc quippe non convenit huic similitudo materni lactis et solidi cib, sed potius fundamenti : quia et puer quando ablactatur, ut ab alimentis infantiae jam recedat, inter solidos cibos non repetit ubera quæ sugebat ; Christus autem crucifixus, et lac sugentibus, et cibus est proficitibus. Fundamenti vero ideo est aptior similitudo, quia ut perficiatur quod struitur, additur ædificium, non subtrahitur fundamentum.

7. Quæ cum ita sint, o quicumque estis, qui sine dubio multi estis parvuli in Christo, proficite ad solidum cibum mentis, non ventris. Proficite ad separandum bonum a malo, et magis magisque inhærente Mediatori, per quem liberamini a malo ; quod non est a

¹ *Pro, τὸ στερέωμα, firmamentum; legebat, τὸ υστερέωμα, id quod deest.* Sic etiam in epistola ad Paulinum, quæ nunc est 149.

vobis loco separandum, sed in vobis potius est saeundum. Quisquis autem vobis diverit, Nolite credere verum hominem Christum, aut non a vero Deo corpus cuiuslibet hominis vel cuiuslibet animantis creatum, aut non a vero Deo Vetus Testamentum datum, et si quid hujusmodi ; hæc enim vobis prius ideo non dicebantur, quando lacte nutriebamini, quoniam ad vera capienda cor nondum habebatis idoneum : non vobis iste cibum preparat, sed venenum. Propter quod beatus Apostolus eos alloquens qui sibi jam videbantur esse perfecti, cum se imperfectum ipse dixisset, *Quotquot ergo, inquit, perfecti, hoc sapiamus : et si quid ultra sapitis, hoc quoque vobis Deus revelabit.* Et ne forte incurrent in seductores, qui eos vellent a fide avertere promittendo scientiam veritatis, et hoc putarent esse quod dixit Apostolus, *id quoque vobis Deus revelabit* ; continuo subjunxit, *Verum tamen in quod pervenimus, in eo ambulemus* (*Philipp. iii, 15, 16*). Si quid ergo intellexeris quod non sit contra regulam catholicæ fidei, ad quam, velut viam quæ te ducat ad patriam, pervenisti ; et sic intellexeris, ut inde dubiare omnino non debetas : adde ædificium, noli tamen relinquere fundamentum. Sic debent majores docere aliquid parvulos, ut omnium Dominum Christum, et seipsis longe majores Prophetas et Apostolos non dicant aliquid suis mentitos. Non autem solum vanilios et mentis seductores fabulos et falsa garrientes, et in eis vanitatibus velut altam scientiam promittentes contra regulam fidei, quam catholicam suscepistis, cavere debetis : verum etiam ipsos qui de ipsa divinæ immutabilitate nature, vel incorporea creatura, sive Creatore veraciter disputant, et quod dicunt, omnino documentis atque rationibus certissimis probant, et tamen ab uno Dei et hominum Mediatore conantur avertire, tanquam pestem insidiosorem ceteris fugite. Tales enim sunt de quibus dicit Apostolus, *Quia cognoscentes Deum, non sicut Deum glorificaverunt* (*Rom. i, 21*). Quid enim prodest babere intelligentiam veram de immutabili bono, ei qui non tenet per quem liberetur a malo ? Prorsus admonitio beatissimi Apostoli de vestris cordibus non recedat : *Si quis vobis evangelizaverit praeter quod accepistis, anathema sit* (*Galat. i, 9*). Non ait, plus quam accepistis ; sed, *praeter quod accepistis*. Nam si illud diceret, sibi ipse præjudicaret, qui cupiebat venire ad Thessalonicenses, ut suppleret quæ illorum fidei defuerunt. Sed qui supplet, quod minus erat addit, non quod inerat tollit : qui autem prætergreditur fidei regulam, non accedit in via, sed recedit de via.

8. Quod itaque ait Dominus, *Adhuc multa habeo vobis dicere, sed non potestis portare modo* ; adjicienda illis fuerant quæ nesciebant, non quæ didicerant evertenda. Et ille quidem, sicut in pristino sermone jam exposui, potuit hoc ita dicere, quia illa ipsa quæ docuerat, si vellet eis sic aperire, ut in illo concipiuntur ab Angelis ; hoc infirmitas humana in qua adhuc erant, ferre non posset. Spiritualis autem homo quilibet potest alterum hominem docere quod novit, si proficiendo capaciorem faciat Spiritus sanctus, in quo et

ipse doctoR aliiquid amplius addiscere potuit, ut sint ambo docibiles Deo (*Joan. vi, 45*). Quanquam et inter ipsos spirituales sunt utique aliis alii capaciores atque meliores; ita ut quidam illorum ad ea pervenerit quae non licet homini loqui. Qua occasione vani quidam Apocalypsim Pauli, quam sana non recipit Ecclesia, nescio quibus fabulis plenam, stultissima præsumptione finxerunt; dicentes hanc esse unde dixerat ratum se fuisse in tertium cœlum, et illuc audisse infesabilia verba quæ non licet homini loqui (*II Cor. XII, 2, 4*). Utecumque illorum tolerabilis esset audacia, si se audisse dixisset quæ adhuc non licet homini loqui: cum vero dixerit, quæ non licet homini loqui; isti qui sunt qui hac audeant impudenter et infelicititer loqui? Sed jam istam sermonem hoc sine concludam; per quem vos esse cupio sapientes quidem in bono, integros autem a malo.

TRACTATUS XCIX.

In illud, Non enim loquetur a semetipso, sed quæcumque audiet, loquetur. Cap. XVI, §. 13.

1. Quid est quod Dominus ait de Spiritu sancto, cum eum venturum esse promitteret, et docturum discipulos ejus omnem veritatem, vel eos deducturum in omni veritate: *Non enim loquetur a semetipso, sed quæcumque audiet, loquetur?* Simile est enim hoc ei quod de se ipse dixit, *Non possum a me facere quidquam: sicut audio, judico* (*Joan. v, 30*). Sed illud cum exponeremus, secundum hominem posse accipi diximus (*Sapra. Tract. xix-xxii*): ut obedientiam suam qua factus est obediens usque ad mortem crucis (*Philipp. II, 8*), prænuntiasse Filius videretur, et in judicio futuram¹, quo vivos et mortuos judicabit; quia hoc per id facturus est quod filius hominis est. Propter quod dixit, *Pater non judicial quenquam, sed omne judicium dedit Filio*: quia in judicio non forma Dei qua æqualis est Patri, nec ab impiis videri potest, sed forma hominis apparebit, qua minoratus est etiam modico minus ab Angelis; quainvis jam in claritate, non in pristina sit humilitate venturus, conspicuus tamen futurus et bonis et malis. Hinc ait et illud: *Et potestatem dedit ei judicium facere, quoniam filius hominis est* (*Joan. v, 22, 27*). In quibus verbis ejus manifestatur non eam formam presentandam esse judicio, in qua cum esset, non rapinam arbitratus est esse æqualis Deo; sed illam quam cum semetipsum exinanisset, accepit. Semetipsum enim exinanivit formam servi accipiens (*Philipp. II, 6, 7*): in qua videtur etiam ad faciendum judicium obedientiam suam commendasse, cum dixit, *Non possum facere a meipso quidquam: sicut audio, judico*. Adam namque per cuius unius hominis inobedientiam peccatores constituti sunt multi, non sicut audivit, judicavit; quia quod audivit prævaricavit, et a semetipso fecit malum quod fecit; quia non Dei voluntatem, sed suam fecit: iste autem per cuius unius hominis obedientiam justi constituuntur multi (*Rom. v, 19*), non solum obediens fuit usque ad mortem crucis, in qua est vivus judicatus a mortuis; sed obediens

¹ Fr. Lulg. et Ven. ferunt, et judicium futurum. M.

tem se futurum promittens in ipso quoque judicio, quo est de vivis judicaturus et mortuis, *Non possum, inquit, a meipso facere quidquam: sicut audio, judico*. Sed numquid de Spiritu sancto quod dictum est, *Non enim loquetur a semetipso, sed quæcumque audiet, loquetur*, secundum hominem vel secundum assumptionem cuiuscumque creature dictum esse andebimus opinari? Solus quippe in Trinitate Filius formam servi accepit, quæ forma illi ad unitatem personæ cooptata est, id est, ut Filius Dei et filius hominis unus sit Jesus Christus; ne non Trinitas, sed quaternitas predictura nobis, quod absit a nobis. Propter quam personam unam ex duabus substantiis divina humanaque constantem, aliquando secundum id quod Deus est loquitur, ut est illud quod ait, *Ego et Pater unus sumus* (*Joan. X, 30*): aliquando secundum id quod homo est, sicuti est illud, *Quoniam Pater maior me est* (*Id. XIV, 28*); secundum quod accepimus esse ab eo dictum et hoc unde nunc disputo, *Non possum a meipso facere quidquam: sicut audio, judico*. In persona vero Spiritus sancti quomodo accipiamus quod ait, *Non enim loquetur a semetipso, sed quæcumque audiet, loquetur*; cum in ea non sit alia divinitatis, alia humanitatis, vel alterius creaturæ cuiuscumque substantia, magna exoritur difficultas.

2. Illud enim quod sicut columba Spiritus sanctus apparuit specie corporali (*Matth. III, 16*), visio fuit ad horam facta atque transacta: sicut etiam quando super discipulos venit, vise sunt illis linguae divisæ velut ignis, qui et insedit super unumquemque eorum (*Act. II, 3*). Qui ergo dicit columbam ad unitatem personæ Spiritui sancto fuisse conjunctam, ut ex illa et Deo (quia Spiritus sanctus Deus est) una Spiritus sancti persona constaret; hoc etiam de illo igne compelitur dicere, ut intelligat nihil horum debere se dicere. Ista enim quæ de substantia Dei quoquo modo ut opus erat significanda, corporeis hominum sensibus sese intulerunt atque transierunt, ad horam divinitus facta sunt de creatura serviente, non de ipsa dominante natura, quæ in se manens quod vult movet, et quod vult immutabilis mutat. Sicut etiam vox illa de nube aures utique attigit corporales, eumque sensum corporis qui vocatur auditus (*Luc. IX, 35*); nec tamen ullo modo credendum est Verbum Dei, quod est unigenitus Filius, quoniam Verbum dicitur, syllabis sonisque finiri: quia nec omnes simul sonare possunt cum sermo fit, sed tanquam nascentes morientibus ordine suo soni quicunque succedunt, ut totum quod loquimur novissima syllaba compleatur. Absit ut sic loquatur Pater ad Filium, hoc est, Deus ad Verbum suum Deum! Sed hoc eorum est capere, quantum ab homine capi potest, ad quos non lac pertinet, sed solidus cibus. Cum igitur Spiritus sanctus nulla susceptione hominis sit homo factus, nulla susceptione cujusquam creaturæ factus, nulla susceptione cuiuscumque creaturæ sit factus; quomodo de illo intelligentum est quod Dominus ait, *Non enim loquetur a semetipso, sed quæcumque audiet, loquetur?* Ardua questio, nimis ardua. Ipse adsit Spiritus, ut saltem sicut eam cogitare possumus, sic eloqui possimus, ac sic ad intelligentem

tiam vestram pro mei moduli facultate perveniat.

3. Prius itaque nosse debetis, et intelligere qui potestis, credere autem qui intelligere nondum potestis, in ea substantia quæ Deus est, non quasi per corporis molem sensus locis propriis distributos, sicut in carne mortali quorumque animalium alibi est visus, alibi auditus, alibi gustus, alibi olfactus, per totum autem tactus. Absit hoc credere in illa incorporea immutabilique natura. Audire ergo ibi et videre, id ipsum est. Dicitur et olfactus in Deo: unde dicit Apostolus, *Sicut et Christus dilexit nos, et tradidit semetipso pro nobis oblationem et hostiam Deo in odorem suavitatis* (*Ephes. v. 2*). Et gustus intelligi potest, secundum quem Deus et odit amaricantes, et nec frigidos nec calidos, sed tepidos evomit ex ore suo (*Apoc. iii. 16*): et Deus Christus dicit, *Meus cibus est ut faciam voluntatem ejus qui me misit* (*Joan. iv. 34*). Est etiam tactus ille divinus, unde dicit sponsa de sposo: *Sinistra ejus sub capite meo, et dextera ejus complectetur me* (*Cant. ii. 6*). Non sunt hæc in Deo per diversa corporis loca. Cum enim dicitur scire, ibi sunt omnia; et videre, et audire, et olfacere, et gustare, et tangere; sine ulla ejus mutatione substantia, sine ulla mole quæ in alia parte major, in alia minor: etiam in senibus puerili pectore cogitatur, quando Deus sic cogitatur.

4. Nec mireris quod ineffabilis Dei scientia, quæ novit omnia, per varios humanæ locutionis modos, omnium istorum corporalium sensuum nominibus nuncupatur: cum et ipsa mens nostra, hoc est homo interior, cui uniformiter scienti per hos quinque veluti nuntios corporis diversa nuntiantur, quando immutabilem veritatem intelligit, elit, diligit, et lumen videt de quo dicitur, *Erat lumen verum; et verbum audit de quo dicitur, In principio erat Verbum* (*Joan. i. 9, 1*); et odorem capit de quo dicitur, *Post odorem unguentorum tuorum curremus* (*Cant. i. 3*); et fontem bibit, de quo dicitur, *Apud te est fons vite* (*Psal. xxxv. 10*); et tactu fruitur, de quo dicitur, *Mihi autem adhærere Deo bonum est* (*Psal. lxxii. 28*): nec aliud atque aliud, sed una intelligentia tot sensuum nominibus nuncupatur. Cum ergo de Spiritu sancto dicitur, *Non enim loquetur a semetipso, sed quæcumque audiet, loquetur*; multo magis ibi simplex natura, ubi verissime simplex est, vel intelligenda est vel credenda, quæ longe alteque naturam nostræ mentis exceedit. Mutabilis quippe est mens nostra, quæ percipit discendo quod nesciebat, et amittit dediscendo quod sciebat; et veri similitudine fallitur, ut pro vero approbet falsum, et obscuritate sua quasi quibusdam tenebris impeditur, ne perveniat ad verum. Et ideo non est ista substantia verissime simplex, cui non hoc est esse quod nosse: potest enim esse, nec nosse. At illa divina non potest, quia id quod habet est. Ac per hoc non sic habet scientiam, ut aliud illi sit scientia qua scit, aliud essentia qua est; sed utrumque unum. Nec utrumque dicendum est, quod simpliciter unum est. *Sicut habet Pater vitam in semetipso, nec aliud est ipse quam vita quæ in ipso est; et dedit Filio habere*

vitam in semetipso (*Joan. v. 26*), hoc est, genuit Filium qui et ipse vita esset. Sic itaque debemus accipere quod de Spiritu sancto dictum est, *Non enim loquetur a semetipso, sed quæcumque audiet, loquetur*, ut intelligamus non eum esse a semetipso. Pater quippe solus de alio non est. Num et Filius de Patre natus est, et Spiritus sanctus de Patre procedit: Pater autem nec natus est de alio, nec procedit. Nec ideo sane aliqua disparilas in summa illa Trinitate cogitationi occurrat humanae: nam et Filius ei de quo natus est, et Spiritus sanctus ei de quo procedit, aequalis est. Quid autem illuc intersit inter procedere et nasci, et longum est querendo disserere, et temerarium cum disserueris definire: quia hoc et menti utcumque comprehendere, et si quid forte mens inde comprehenderit, linguae difficillimum est explicare, quantuslibet præsit docto, quantuslibet adsit auditor. *Non ergo loquetur a semetipso*: quia non est a semetipso. *Sed quæcumque audiet, loquetur*: ab illo audiet a quo procedit. Audire illi scire est; scire vero esse, sicut superius disputatum est. Quia ergo non est a semetipso, sed ab illo a quo procedit; a quo illi est essentia, ab illo scientia: ab illo igitur audientia, quod nihil est aliud quam scientia.

5. Nec moveat quod verbum futuri temporis positum est. Non enim dictum est, quæcumque audivit, aut, quæcumque audit; sed, *quæcumque audiet, loquitur*. Illa quippe audientia sempiterna est, quia sempiterna scientia. In eo autem quod sempiternum est, sine initio et sine fine, cuiuslibet temporis verbum ponatur, sive præteriti, sive præsentis, sive futuri, non mendaciter ponitur. Quamvis enim natura illa immutabilis et ineffabilis non recipiat Fuit et Erit, sed tantum Est: ipsa enim veraciter est, quia mutari non potest; et ideo illi tantum convenerat dicere, *Ego sum qui sum*; et, *Dices filii Israel, Qui es, misit me ad vos* (*Exod. iii. 14*): tamen propter mutabilitatem temporum in quibus versatur nostra mortalitas et nostra mutabilitas, non mendaciter dicimus, et fuit, et erit, et est. Fuit, in præteritis sæculis, est in præsentibus, erit in futuris. Fuit, quia nunquam defuit; erit, quia nunquam deerit; est, quia semper est. Neque enim, velut qui jam non sit, cum præteritis occidit; aut cum præsentibus, velut qui non maneat, labitur; aut cum futuris, velut qui non fuerat, orietur. Proinde cum secundum volumina temporum locutio humana variatur, qui per nulla deesse potuit aut potest aut poterit tempora, vera de illo dicuntur cuiuslibet temporis verba. Semper itaque audit Spiritus sanctus, quia semper scit: ergo et scivit, et scit, et sciet; ac per hoc et audivit, et audit, et audiet: quia sicut jam diximus, hoc est illi audire quod scire, et scire illi hoc est quod esse. Ab illo igitur audivit, audit, et audiet a quo est: ab illo est a quo procedit.

6. Hic aliquis forsitan querat utrum et a Filio procedat Spiritus sanctus. Filius enim solius Patris est Filius, et Pater solius Filii est Pater: Spiritus autem sanctus non est unius eorum Spiritus, sed amborum. Ille igitur ipsum Dominum dicentem, *Non enim vos estis*

qui loquimini, sed Spiritus Patris vestri qui loquitur in vobis (*Matth. x, 20*) : habes et Apostolum, *Misit Deus Spiritum Filii sui in corda vestra* (*Galat. iv, 6*). Nunquid duo sunt, alius Patris, alius Filii? Absit. *Unum enim corpus*, ait, cum significaret Ecclesiam; moxque addidit, *et unus Spiritus*. Et vide quomodo illic impletat Trinitatem. *Sicut vocati estis*, inquit, *in una spe vocationis vestrae. Unus Dominus*; hic utique Christum intelligi voluit: restat ut etiam Patrem nominet: sequitur ergo. *Una fides, unum Baptisma: unus Deus et Pater omnium, qui super omnes, et per omnes*¹, *et in omnibus nobis* (*Ephes. iv, 4-6*). Cum ergo sicut unus Pater, et unus Dominus, id est Filius, ita sit et unus Spiritus; profecto amborum est: quandoquidem dicit ipse Christus Jesus, *Spiritus Patris vestri qui loquitur in vobis*; et dicit Apostolus, *Misit Deus Spiritum Filii sui in corda vestra*. Habes alio loco eundem apostolum dicentem, *Si autem Spiritus ejus qui suscitarit Jesum ex mortuis, habitat in vobis*; hic utique Spiritum Patris intelligi voluit: de quo tamen alio loco dicit, *Quisquis autem Spiritum Christi non habet, hic non est ejus* (*Rom. viii, 14, 9*). Et multa alia sunt testimonia quibus hoc evidenter ostenditur, et Patris et Filii esse Spiritum qui in Trinitate dicitur Spiritus sanctus.

7. Nec ob aliud existimo ipsum vocari proprio Spiritum: cum etiamsi de singulis interrogemur, non possumus nisi et Patrem et Filium spiritum dicere; quoniam spiritus est Deus (*Joan. iv, 24*), id est, non corpus est Deus, sed spiritus. Quod ergo communiter vocantur et singuli, hoc proprie vocari oportuit eum qui non est unus eorum, sed in quo communitas apparet amborum. Cur ergo non credamus quod etiam de Filio procedat Spiritus sanctus, cum Filii quoque ipse sit Spiritus? Si enim non ab eo procederet, non post resurrectionem se representans discipulis suis insufflasset dicens: *Accipite Spiritum sanctum* (*Id. xx, 22*). Quid enim aliud significavit illa insufflatio, nisi quod procedat Spiritus sanctus et de ipso? Ad hoc pertinet etiam illud quod de muliere quæ fluxum sanguinis patiebatur, ait: *Tetigit me aliquis; ego enim sensi de me virtutem exiisse* (*Luc. viii, 46*). Nam virtutis nomine appellari etiam Spiritum sanctum, et eo loco clarum est, ubi angelus dicenti Mariæ, *Quomodo fieri istud, quoniam virum non cognosco?* respondit, *Spiritus sanctus superveniet in te, et virtus Altissimi obumbrabit tibi* (*Id. i, 34, 35*): et ipse Dominus promittens eum discipulis, ait, *Vos autem sedete in civitate quousque induamini virtute ex alto* (*Id. xxiv, 49*); et iterum, *Accipietis*, inquit, *virtutem Spiritus sancti supervenientem in vos, et eritis mihi testes* (*Act. i, 8*). De hac virtute credendus est dicere evangelista, *Virtus de illo exhibat, et sanabat omnes* (*Luc. xi, 19*).

8. Si ergo et de Patre et de Filio procedit Spiritus sanctus; cur Filius dixit, *De Patre procedit* (*Joan.*

xv, 26)? Cur putas, nisi quemadmodum ad eum sollet referre et quod ipsius est, de quo et ipse est? Unde illud est quod ait, *Mea doctrina non est mea, sed ejus qui me misit* (*Joan. vii, 16*). Si igitur intelligitur hic ejus doctrina, quam tamen dixit non suam, sed Patris; quanto magis illic intelligendus est de ipso procedere Spiritus sanctus, ubi sic ait, *De Patre procedit*, ut non diceret, *De me non procedit*? A quo autem habet Filius ut sit Deus (est enim de Deo Deus), ab illo habet utique ut etiam de illo procedat Spiritus sanctus: ac per hoc Spiritus sanctus ut etiam de Filio procedat, sicut procedit de Patre, ab ipso habet Patrem.

9. Hic utecumque etiam illud intelligitur, quantum a talibus quales nos sumus, intelligi potest, cur non dicitur natus esse, sed potius procedere Spiritus sanctus. Quoniam si et ipse Filius diceretur, amborum utique Filius diceretur, quod absurdissimum est. Filius quippe nullus est duorum, nisi patris et matris. Absit autem, ut inter Deum Patrem et Deum Filium tale aliquid suspicemur. Quia nec filius hominum simul et ex patre et ex matre procedit: sed cum in matrem procedit ex patre, non tunc procedit ex matre; et cum in hanc lucem procedit ex matre, non tunc procedit ex patre. Spiritus autem sanctus non de Patre procedit in Filium, et de Filio procedit ad sanctificandam creaturam; sed simul de utroque procedit: quamvis hoc Filio Pater dederit, ut quemadmodum de se, ita de illo quoque procedat. Neque enim possumus dicere quod non sit vita Spiritus sanctus, cum vita Pater, vita sit Filius. Ac per hoc sicut Pater cum habeat vitam in semetipso, dedit et Filio habere vitam in semetipso; sic ei dedit vitam procedere de illo, sicut procedit et de ipso (a). Sequuntur autem verba Domini dicentis: *Et quæ ventura sunt, annuntiabit vobis. Ille me clarificabit, quia de meo accipiet, et annuntiabit vobis. Omnia quæcumque habet Pater, mea sunt: propterea dixi quia de meo accipiet, et annuntiabit vobis.* Sed quia iste jam prolixus est, in alium sunt differenda sermonem.

TRACTATUS C.

In ejusdem lectionis verba postrema. Cap. xvi,
¶. 13-15.

1. Cum promitteret Dominus venturum Spiritum sanctum, *Docebit vos*, inquit, *omnem veritatem*; vel, quod in nonnullis codicibus legitur, *Deducet vos in omnem veritatem*. Non enim loquetur a semetipso, sed quæcumque audiet, loqueretur. De quibus evangelicis verbis jam quod donavit Dominus disputavimus: nunc ea quæ sequuntur attendite. *Et quæ ventura sunt, inquit, annuntiabit vobis.* Neque hic est, quoniam planum est, immorandum: nihil enim habet questionis, cuius a nobis expositio flagitetur. Sed quod adjungit, *Ille me clarificabit, quia de meo accipiet, et annuntiabit vobis*, non negligenter est transeundum. Quod enim ait, *Ille me clarificabit*, potest intelligi, quia diffundendo in

(a) Hunc locum a n. 8 transtulit August. in 15 lib. de Trinitate, cap. 27.

cordibus credentium charitatem, spiritualesque faciendo, declaravit eis quomodo Filius Patri esset æqualis, quem secundum carnem prius tantummodo noverant, et hominem sicut homines cogitabant. Vel certe, quia per ipsam charitatem fiducia repleti¹, et timore depulso, annuntiaverunt hominibus Christum; ac sic fama ejus diffusa est toto orbe terrarum. Ut sic dixerit, *Ille me clarificabit*, tanquam diceret: Ille vobis auferet timorem, et dabit amorem, quo me ardenter prædicantes, gloria meæ per totum mundum dabis adorem, commendabitis honorem. Quod enim facturi fuerant in Spiritu sancto, hoc eundem Spiritum dixit esse facturum: quale est etiam illud, *Non enim vos estis qui loquimini, sed Spiritus Patris vestri qui loquitur in vobis* (Matth. x, 20). Verbum quippe grecum quod est δοξάσῃ, alias clarificabit, alius glorificabit, latini interpres in sua quisque translatione posuerunt: quoniam ipsa quæ græce dicunt δόξα, unde dictum est verbum δόξα, et claritas interpretatur et gloria. Gloria namque sit quisque clarus, et claritate gloriosus; ac per hoc quod utroque verbo significatur, id ipsum est. Sicut autem desinierunt antiqui latine lingue clarissimi auctores, gloria est frequens de aliquo fama cum laude. Quæ cum est in hoc mundo facta de Christo, non Christo credenda est magnum aliquid contulisse, sed mundo. Bonum enim laudare, non laudato, sed laudantibus prodest.

2. Est autem etiam falsa gloria, quando laudantes errore falluntur, sive in rebus, sive in hominibus, siue in utrisque. Nam in rebus falluntur, quando putant id bonum esse quod malum est: in hominibus autem, quando putant eum bonum esse qui malus est: in utrisque vero, quando et id quod est vitium, virtus putatur; et ipse qui propter hoc laudatur, non babet quod putatur, sive sit bonus, sive sit malus. Donare quippe res suas histrionibus, vitium est immane, non virtus: et scitis de talibus quam sit frequens fama cum laude; quia, sicut scriptum est, *Laudatur peccator in desideriis animæ suæ, et qui iniqua gerit, benedicitur* (Psal. ix, 3). Hic laudatores non falluntur in hominibus, sed in rebus: malum est enim quod bonum esse credunt. Illi autem qui hoc malo largitionis vitiis sunt, tales utique sunt, quales eos hi qui laudant non suspicantur esse, sed cernunt. Porro si se quisquam justum singat, et non sit, sed totum quidquid coram hominibus laudabiliter agere videtur, non agat propter Deum, hoc est propter veram justitiam, sed solam querat et diligat ab hominibus gloriam; illi autem apud quos frequens est ejus fama cum laude, non eum putent nisi propter Deum laudabiliter vivere, non falluntur in re, sed falluntur in homine. Quod enim bonum esse credunt, est bonum; sed quem bonum esse credunt, non est bonus. Quod si putetur, verbi gratia, bonum artium peritia magiarum, et dum quisque patriam liberasse eisdem quas omnino nescit artibus creditur, frequentem cum laude famam, quæ gloria definita est, apud homines impios consequatur;

¹ Quatuor MSS., quia per ipsum charitate ac fiducia repleti.

errant in utroque qui laudant: et in re scilicet, quia id quod malum est, bonum putant; et in homine, quia non est quod putant. Quapropter falsa est in his tribus generibus gloria. Cum autem de aliquo per Deum et propter Deum justo, hoc est veraciter justo, causa ipsius justitiae frequens est fama cum laude; vera quidem gloria est; non tamen ea credendum est beatificari justum, sed laudantibus gratulandum est, quia recte judicant, et diligunt justum. Quanto magis ergo Dominus Christus, non sibi, sed eis profuit gloria sua, quibus profuit morte sua?

3. Sed non est vera ejus apud haereticos gloria, apud quos tamen frequenter famam videtur habere cum laude. Non est haec vera gloria, quia in utroquo falluntur: nam et bonum putant esse quod bonum non est, et Christum putant esse quod Christus non est. Unigenitum enim Filium aequaliter non esse dignanti, non est bonum: unigenitum Dei Filium hominem tantum esse, non Deum, non est bonum: Veritatis carnem non esse veram carnem, non est bonum. Horum trium quæ dixi, primum sentiunt Ariani, secundum Photiniani, tertium Manichæi. Sed quia et eorum nihil est bonum, et Christus nihil est eorum, in utroque falluntur: nec dant veram gloriam Christo, quamvis apud eos esse videatur cum laude frequens fama de Christo. Et omnes prorsus haeretici, quos commemorare nimis longum est, qui de Christo non recte sentiunt, ideo errant, quia et de bonis rebus ac malis non verum sentiunt. Pagani etiam quoniam sunt Christiani plurimi laudatores, et ipsi in utroque falluntur, qui non secundum veritatem Dei, sed potius secundum suam suspicionem dicunt eum fuisse hominem magum. Christianos quippe velut imperitos vituperant, Christum autem velut magum laudant, ac sic produnt quod amant: Christum vero non amant; quoniam quod non erat Christus, hoc amant. Ideo ergo in utroque falluntur, quia et magum esse malum est; et magus non fuit Christus, quia bonus est. Quapropter quoniam de his nihil hoc loco dicendum est, qui Christum vituperant atque blasphemant; quia de gloria ejus loquimur, qua est glorificatus in mundo: non eum glorificavit Spiritus sanctus vera gloria, nisi in Ecclesia sancta catholica. Alibi enim, id est, vel apud haereticos, vel apud quosdam paganos, vera ejus in terris gloria non potest esse, et ubi videtur esse frequens de illo fama cum laude. Vera ergo ejus gloria in Ecclesia catholica sic a propheta cantatur: *Exaltare super cælos, Deus, et super omnem terram gloria tua* (Psal. cxvii, 6). Quia itaque post ejus exaltationem venturus erat Spiritus sanctus, et eum glorificatus, hoc sacer Psalmus, hoc ipse Unigenitus promisit futurum, quod videmus impletum.

4. Quod autem ait, *De meo accipiet, et annuntiabit vobis*, catholicis audite auribus, catholicis percipite mentibus. Non enim propterea, sicut quidam haeretici putaverunt, minor est Filio Spiritus sanctus: quasi Filius accipiat a Patre, et Spiritus sanctus a Filio quibusdam gradibus naturarum. Absit hoc credere, absit hoc dicere, absit a christianis cordibus cogitare.

Denique continuo solvit ipse questionem, et eur hoc dixerit, explanavit. *Omnia*, inquit, *quæcumque habet Pater, mea sunt: propterea dixi quia de meo accipiet, et annuntiabit vobis.* Quid vultis amplius? Ergo de Patre accipit Spiritus sanctus, unde accipit Filius; quia in hac Trinitate de Patre natus est Filius, de Patre procedit Spiritus sanctus. Qui autem de nullo natus sit, de nullo procedat, Pater solus est. Quomodo autem dixerit unigenitus Filius, *Omnia quæ habet Pater, mea sunt* (quia utique non sic quemadmodum dictum est illi Filio non unigenito, sed ex duabus majori, *Tu tecum es semper, et omnia mea tua sunt* [Luc. xv, 51]); eo loco, si Dominus voluerit, diligent consideratione tractabitur, ubi dicit Unigenitus Patri, *Et mea omnia tua sunt, et tua mea sunt* (Joan. xvii, 10): ut hic iste sermo claudatur; quoniam quæ sequuntur, aliud poscunt, quo disserantur, exordium.

TRACTATUS CL.

De eo quod Dominus dicit, Modicum et jam non videbitis me; usque ad id, Et in illo die me non rogabitis quidquam. Cap. xvi, ¶. 16-23.

1. Hæc Domini verba ubi ait, *Modicum et jam non videbitis me, et iterum modicum et videbitis me, quia vado ad Patrem*, ita obscura erant discipulis, antequam id quod dicit impletum esset, ut querentes inter se quid esset quod diceret, omnino se faterentur nescire. Sequitur enim Evangelium: *Dixerunt ergo ex discipulis ejus ad invicem, Quid est hoc quod dicit nobis, Modicum et non videbitis me, et iterum modicum et videbitis me, et quia vado ad Patrem?* *Dicebant ergo, Quid est hoc quod dicit, Modicum?* Nescimus quid loquiur. Illoc enim est quod eos movebat, quia dixit, *Modicum et non videbitis me, et iterum modicum et videbitis me.* Nam in præcedentibus quia non dixerat, *Modicum*, sed dixerat, *Ad Patrem vado, et jam non videbitis me* (Joan. xvi, 10); tanquam aperte illis visus est locutus, nec inter se de hoc aliquid quæsierunt. Nunc ergo quod illis tunc obscurum fuit, et mox manifestatum est, jam nobis utique manifestum est: post paululum enim passus est, et non viderunt eum; rursus, post paululum resurrexit, et viderunt eum. Illud autem quod ait, *Jam non videbitis me, quia isto verbo, id est, jam, hoc intelligi voluit quod eum ulterius non viderent, ibi exposuimus quomodo accipendum sit, ubi dixit, De justitia arguet mundum Spiritus sanctus, quia ad Patrem vado, et jam non videbitis me* (*Supra, Tract. 95*): quia scilicet mortalem Christum ulterius non viderent.

2. Cognovit autem Jesus, sicut sequens Evangelista dicit, quia volabant eum interrogare, et dixit eis: *De hoc quæritis inter vos, quia dixi, Modicum et non videbitis me, et iterum modicum et videbitis me.* Amen, amen dico vobis, quia plorabis et flebitis vos; mundus autem gaudebit: vos autem contristabimini, sed tristitia vestra in gaudium erit¹. Et hoc sic accipi potest, quia contristati sunt discipuli de morte Domini, et confessim de resurrectione lætati: mundus autem, quo nomine

¹ Sic MSS. At editi, vertetur in quædam.

significati sunt inimici a quibus Christus occisus est, tunc utique lætati sunt occiso Christo, quando sunt discipuli contristati. Mundi quippe nomine, malitia potest mundi hujus intelligi, id est hominum mundi hujus amicorum. Unde Jacobus apostolus in Epistola sua dicit, *Quicumque voluerit avicu esse hujus æculi inimicus Dei constitutus (Jacobi iv, 4)*: quibus inimicitiis Dei factum est ut nec ejus Unigenito parceretur.

3. Deinde subjungit, et dicit: *Mulier cum parit, tristitiam habet, quia renit hora ejus; cum autem pepererit puerum, jam non menin pressuræ propter gaudium, quia natus est homo in mundum: et vos igitur nunc quidem tristitiam habetis; iterum autem videbo vos, et gaudebit cor vestrum, et gaudium vestrum nemo tolleret a vobis.* Nec ista similitudo ad intelligendum videtur esse difficultis; quoniam comparatio ejus in promptu est, eodem ipso exponente cur dicta sit. Parturio quippe tristitiae, partus autem gaudio comparatur; quod tunc majus esse consuevit, quando non puella, sed puer nascitur. Quod vero ait, *Gaudium vestrum nemo tolleret a vobis*, quia gaudium eorum est ipse Jesus, significatum est quod ait Apostolus, *Christus surgens a mortuis jam non moritur, et mors ei ultra non dominabitur* (Rom. vi, 9).

4. Illeusque in isto Evangelii capitulo, unde hodie disputamus, velut facili intellectu omnia cùcurrent: acior necessaria est ip his quæ sequuntur intentio. Quid est enim quod ait, *Et in illo die me non rogabitis quidquam?* Hoc verbum quod est rogare, non solum petere, verum etiam interrogare significat; et græcum Evangelium, unde hoc translatum est, tale habet verbum quod utrumque possit intelligi, ut hæc ambiguitas nec inde solvatur (a): quanquam etsi solveretur, non ideo nulla quæstio remaneret. Dominum etenim Christum, postquam resurrexit, et interrogatum legimus et rogatum. Nam interrogatus est a discipulis ascensurus in cœlum, quando presentaretur, et quando regnum esset Israel (Act. i, 6): cum vero jam esset in cœlo, rogatus est a sancto Stephano, ut spiritum ejus acciperet (Id. vii, 58). Et quis audeat vel cogitare vel dicere, in cœlo sedentem Christum rogandum non esse, et in terra manentem rogatum suisse? rogandum non esse immortalem, rogari debuisse mortalem? Imo, charissimi, rogarus eum, ut nodum quæstionis hujus ipse dissolval, lucendo in cordibus nostris ad videnda quæ dicit.

5. Puto enim quod ait, *Iterum autem videbo vos, et gaudebit cor vestrum, et gaudium vestrum nemo tolleret a vobis*, non ad illud tempus esse referendum quo resurrexit, eisque suam carnem cernendam tangendamque monstravit (Joan. xx, 27): sed potius ad illud unde jam dixerat, *Qui diliget me, diligetur a Patre meo; et ego diligam eum, et manifestabo me ipsum illi* (Id. xiv, 21). Jam quippe resurrexerat, jam se illis in carne monstraverat, jam sedebat ad dexteram Patris, quando dicebat idem ipse apostolus Joannes, cuius est hoc Evangelium, in Epistola sua: *Dilectissimi, nunc filii Dei sumus, et nondum manifestatum est quid*

(a) Græc., eradicata.

erimus : scimus quia cum manifestatum fuerit, similes ei erimus, quoniam videbimus cum sicuti est (I Joan. iii, 2). Ista visio non vita hujus est, sed futura; non temporalis, sed æterna¹. *Hæc est autem vita æterna, dicente ipsa vita, ut cognoscant te, inquit, unum verum Deum, et quem misisti Jesum Christum (Joan. xvii, 3).* De hac visione et cognitione dicit Apostolus : *Videamus nunc per speculum in ænigmate, tunc autem facie ad faciem : nunc scio ex parte, tunc autem cognoscam sicut et cognitus sum (I Cor. xiii, 12 et 13).* Hunc totius laboris sui fructum Ecclesia nunc parturit desiderando, tunc est paritura cernendo; nunc parturit gemendo, tunc paritura lætando; nunc parturit orando, tunc paritura laudando. Et ideo masculum; quoniam ad istum fructum contemplationis cuncta officia referuntur actionis. Solus est enim liber; quia propter se appetitur, et non refertur ad aliud. Huic servit actio : ad hunc enim refertur quidquid bene agitur, quia propter hunc agitur; ipse autem non propter aliud, sed propter semetipsum tenetur et habetur. Ibi ergo finis qui sufficit nobis. *Æternus igitur erit : neque enim nobis sufficit finis, nisi cuius nullus est finis.* Hoc inspiratum erat Philippo quando dixit : *Ostende nobis Patrem, et sufficit nobis.* In qua ostensione se promisit et Filius dicens : *Non credis quia ego in Patre, et Pater in me est (Joan. xiv, 8, 10)*? De hoc itaque quod sufficit nobis, rectissime audimus, *Gaudium vestrum nemo tollet a robis.*

6. De hoc etiam quæ superius dicta sunt, melius existimo intelligi, *Modicum et jam non videbitis me, et iterum modicum et videbitis me.* Modicum est enim hoc totum spatum quo præsens pervolat sæculum : unde dicit idem ipse evangelista in Epistola sua, *Novissima hora est (I Cor. ii, 18).* Ideo namque addidit, *quia vado ad Patrem.* quod ad priorem sententiam referendum est, ubi ait, *Modicum et jam non videbitis me;* non ad posteriorem ubi ait, *et iterum modicum et videbitis me.* Eundo quippe ad Patrem, facturus erat ut cum non viderent. Ac per hoc non ideo dictum est, quia fuerat moritrus, et donec resurgeret, ab eorum aspectibus recessurus; sed quod esset iturus ad Patrem, quod fecit posteaquam resurrexit, et cum eis per quadraginta dies conversatus ascendit in cœlum (Act. i, 3, 9). Illis ergo ait, *Modicum et jam non videbitis me,* qui eum corporaliter tunc videbant, quia iturus erat ad Patrem, et eum deinceps mortalem vi-suri non erant, qualem cum ista loqueretur videbant. Quod vero addidit, *et iterum modicum et videbitis me,* universæ promisit Ecclesiæ : sicut universæ promisit, *Ecce ego vobiscum sum usque in consummationem sæculi (Math. xxviii, 20).* Non tardat Dominus promissum : modicum, et videbimus eum, ubi jam nihil rogemus, nihil interrogemus; quia nihil desiderandum remanebit, nihil querendum latebit. Hoc modicum longum nobis videtur, quoniam adhuc agitur : cum finitum fuerit, tunc sentiemus quam modicum fuerit. Non ergo sit gaudium nostrum quale habet mundus, de quo dictum est, *Mundus autem grudebit :*

¹ *Tres n.s., non temporalis, sed æternae.*

nec tamen in hujus desiderii parturitione sine gaudio tristes simus, sed sicut ait Apostolus, *Spe gaudentes, in tribulatione patientes (Rom. xii, 12);* quia et ipsa parturiens, cui comparati sumus, plus gaudet de mox futura prole, quam tristis est de presenti dolore. Sed hujus sermonis iste sit finis : habent enim questionem molestissimam quæ sequuntur, nec brevitatem coartanda sunt, ut possint commodius, si Dominus voluerit, explicari.

TRACTATUS CII.

De eo quod Dominus ait, Amen, amen dico vobis, si quid petieritis Patrem in nomine meo, dabit vobis ; usque ad id, Iterum relinquo mundum, et vado ad Patrem. Cap. xvi, §. 23-28.

1. Domini verba nunc ista tractanda sunt, *Amen, amen dico vobis, si quid petieritis Patrem in nomine meo, dabit vobis.* Jam dictum est in superioribus hujus dominici sermonis partibus, propter eos qui nonnulla petunt a Patre in Christi nomine, nec accipiunt, non peti in nomine Salvatoris quidquid petitur contra rationem salutis (*Supra, Tract. 73*). Non enim sonum literarum ac syllabarum, sed quod sonus ipse significat, et quod eo sono recte ac veraciter intelligitur, hoc accipiens est dicere cum dicit, *in nomine meo.* Unde qui hoc sentit de Christo quod non est de unico Dei Filio sentiendum, non petit in ejus nomine, etiamsi non taceat litteris ac syllabis Christum; quoniam in ejus nomine petit, quem cogitat cum petit. Qui vero quod est de illo sentiendum sentit, ipse in ejus nomine petit; et accipit quod petit, si non contra suam salutem semperitnam petit. Accipit autem quando debet accipere. Quædam enim non negantur, sed ut congruo dentur tempore differuntur. Ita sane intelligendum est quod ait, *dabit vobis,* ut ea beneficia significatae scientur his verbis, quæ ad eos qui petunt proprie pertinent. Exaudiuntur quippe omnes sancti pro scipsis, non autem pro omnibus exaudiuntur vel amicis vel inimicis suis, vel quibuslibet aliis : quia non utcumque dictum est, *dabit*; sed *dabit vobis.*

2. *Usque modo, inquit, non petistis quidquam in nomine meo. Petite, et accipietis, ut gaudium vestrum sit plenum.* Hoc quod dicit gaudium plenum, profecto non carnale, sed spirituale gaudium est : et quando tantum erit, ut aliquid ei jam non sit addendum, procul dubio tunc erit plenum. Quidquid ergo petitur quod pertineat ad hoc gaudium consequendum, hoc est in nomine Christi petendum, si divinam intelligimus gratiam, si vere beatam poscimus vitam. Quidquid autem aliud petitur, nihil petitur : non quia nulla omnino res est, sed quia in tantæ rei comparatione quidquid aliud concupiscitur, nihil est. Neque enim prorsus nulla res est homo, de quo ait Apostolus : *Qui se putat aliquid esse, cum nihil sit (Galat. vi, 3).* In comparatione quippe spiritualis hominis, qui scit gratia Dei se esse quod est, quisquis vana præsumit, nihil est. Etiam sic ergo recte intelligi potest, *Amen, amen dico vobis, si quid petieritis Patrem in nomine meo, dabit vobis;* ut hoc quod ait, *si quid,* non quodlibet intelligatur, sed aliquid quod non in beatæ vitæ con-

paratione sit nihil. Et quod sequitur, *Usque modo non petistis quidquam in nomine meo*, duobus modis intelligi potest: vel quia non in nomine meo petistis, quod nomen non sicut cognoscendum est cognovistis; vel non petistis quidquam, quoniam in comparatione rei quam petere debuistis, pro nihil habendum est quod petistis. Ut igitur in ejus nomine non nihil, sed gaudium plenum petant (quoniam si aliquid aliud pertinet, idem aliquid nihil est), exhortatur dicens, *Petite, et accipietis, ut gaudium vestrum sit plenum*: id est, hoc in nomine meo petite, ut gaudium vestrum sit plenum, et accipietis. Isto enim bono in petendo perseverantes sanctos suos nequaquam misericordia divina fraudabit.

3. *Hæc, inquit, in proverbiis locutus sum vobis: venit hora cum jam non in proverbiis loquar vobis, sed palam de Patre meo annuntiabo vobis.* Possem dicere hanc de qua loquitur horam, futurum oportere sæculum intelligi, ubi videbimus palam, quod beatus Paulus dicit, *facie ad faciem*; ut quod ait, *Hæc in proverbiis locutus sum vobis*, hoc sit quod ab eodem apostolo dictum est, *Videmus nunc per speculum in ægnitate* (*I Cor. xiii, 12*): *annuntiabo autem vobis*, quia per Filium Pater videbitur, juxta illud quod alibi ait, *Nec que Patrem quis cognoscit, nisi Filius, et cui voluerit Filius revelare* (*Matth. xi, 27*). Sed istum sensum videtur impedire quod sequitur: *Ilo die in nomine meo petetis.* In futuro enim sæculo cum pervenerimus ad regnum, ubi similes ci erimus, quoniam videbimus eum sicuti est (*I Joan. iii, 2*), quid petituri sumus, quando satiabitur in bonis desiderium nostrum (*Psal. cxii, 5*)? Unde et in alio psalmo dicitur: *Satiabor cum manifestabitur gloria tua* (*Psal. xvi, 15*). Petatio namque alicujus est indigentiae, quæ ibi nulla erit ubi haec satietas erit.

4. Relinquitur itaque, quantum sapere voleo, ut intelligatur Jesus discipulos suos de carnalibus vel animalibus se spirituales promisso facturum, quamvis nondum tales quales erimus, quando spirituale etiam corpus habebimus; sed qualis erat qui dicebat, «*Sapientiam loquimur inter perfectos*» (*I Cor. ii, 6*); et, «*Non potui vobis loqui quasi spiritualibus, sed quasi carnalibus*» (*Id. iii, 4*); et, «*Non spiritum hujus mundi acceperimus, sed Spiritum qui ex Deo est, ut sciamus quæ a Deo donata sunt nobis; quæ et loquimur, non in sapientiae humanæ doctis verbis, sed doctis Spiritus*»¹, spiritualibus spiritualia comparantes. Animalis autem homo non percipit quæ sunt Spiritus Dei. » Non itaque percipiens quæ sunt Spiritus Dei homo animalis, sic audit quæcumque audit de Dei natura, ut aliud quam corpus cogitare non possit, quamlibet amplissimum vel immensum, quamlibet lucidum ac speciosum, corpus tamen: ideo proverbia illi sunt quæcumque dicta sapientiae de incorpore immutabili que substantia; non quod ea tanquam proverbia deputat, sed quia sic cogitat, quomodo qui proverbia solent audire neque intelligere. Cum vero spiritualis

¹ Er., *docti Spiritu a spiritualibus*. Lugd. et Ven., *docti Spiritu spiritualibus*. M.

ceperit omnia dijudicare, ipse autem a nemine dijudicari (*I Cor. ii, 12-15*), etiam in hac vita adhuc velut per speculum ex parte, perspicit tamen non ulla corporis sensu, non ulla imaginaria cogitatione quæ² capiat aut flingit qualiumcumque similitudines corporum, sed mentis certissima intelligentia, Deum non corpus esse, sed spiritum: ita palam de Patre annuntiante Filio, ut ejusdem substantiæ conspiciatur et ipse qui annuntiat. Tunc in ejus nomine petunt qui petunt; quia in sono ejus nominis non aliud quam res ipsa est quæ hoc nomine vocatur, intelligunt, nec animi vanitate vel infirmitate consingunt tanquam in alio loco Patrem, in alio Filium ante Patrem stantem, et pro nobis rogantem, spatia sua quæque amborum occupantibus molibus, et Verbum ad eum cujus est Verbum facere verba pro nobis, intervallo interposito inter os loquentis et auriculas audientis; et alia talia quæ sibi animales, iidemque carnales in cordibus fabricantur. Quidquid enim tale spiritualibus de Deo cogitantibus ex corporum consuetudine occurrit, negando atque respondendo, tanquam importunas muscas, ab interioribus oculis abigunt; et sinceritati ejus lucis acquiescent, qua teste ac judice has ipsas imagines corporum suis internis aspectibus irruentes, falsas omnino esse convincunt. Illi possunt utcumque cogitare Dominum nostrum Jesum Christum in quantum homo est, pro nobis interpellare Patrem; in quantum autem Deus est, nos exaudire cum Patre. Quod eum significasse arbitror ubi ait, *Et non dico vobis quia ego rogabo Patrem de vobis*. Ad hoc quippe intuendum quomodo non rogat Patrem Filius, sed simul exaudiunt rogantes Pater et Filius, nonnisi spiritualis oculus mentis ascendit.

5. *Ipse enim Pater*, inquit, *amat vos, quia vos me amatis.* Ideo amat ille, quia nos amamus; an potius, quia ille amat, ideo nos amamus? Ex Epistola sua evangelista idem ipse respondeat: *Nos diligimus, inquit, quia prior ipse dilexit nos* (*I Joan. iv, 10*). Hinc ergo factum est ut diligenteremus, quia dilecti sumus. Prorsus donum Dei est diligere Deum. Ipse ut diligenter dedit, qui non dilectus dilexit. Displicentes amati sumus, ut esset in nobis unde placeremus. Non enim amaremus Filium, nisi amaremus et Patrem. Amat nos Pater, quia nos amamus Filium; cum a Patre et Filio acceperimus ut et Patrem amemus et Filium: diffundit enim charitatem in cordibus nostris amborum Spiritus (*Rom. v, 5*), per quem Spiritum et Patrem amamus et Filium, et quem Spiritum cum Patre amamus et Filio. Amorem itaque nostrum pium quo colimus Deum, fecit Deus, et vidi quia bonus est, ideo quippe amavit ipse quod fecit. Sed in nobis non faceret quod amaret, nisi antequam id faceret, nos amaret.

6. *Et credidisti*, inquit, *quia a Deo exivi. Exivi a Patre et veni in mundum: iterum relinquo mundum, et rado ad Patrem.* Plane credidimus. Neque enim propterea debet incredibile videri, quia sic ad mundum

² Lov. non habent particulam, *qua*; cum hæc tamen vox ad sensum requiratur, et reperiatur in *Ass.*

veniens exiit a Patre, ut non desereret Patrem; et sic vadit ad Patrem relicto mundo, ut non deserat mundum. Exiit enim a Patre, quia de Patre est: in mundum venit, quia mundo suum corpus ostendit quod de Virgine assumpsit. Reliquit mundum corporali discessione, porrexit ad Patrem hominis ascensione, nec mundum deseruit praesentiae gubernatione.

TRACTATUS CIII.

De eo quod sequitur, Dicunt ei discipuli ejus: Ecce nunc palam loqueris; usque ad id, Sed confidite, ego vici mundum. Cap. xvi, §. 29-33.

1. Quales erant discipuli Christi, quando cum eis ante passionem loquebatur magna cum parvis, sed sicut oportebat ut magna dicerentur et parvis, quia nondum accepto Spiritu sancto, quemadmodum eum post ejus resurrectionem vel ipso insufflante, vel desuper acceperunt, humana magis quam divina sapiebant, multis judiciis per totum Evangelium declaratur: unde et hoc est quod in ista lectione dixerunt. Ait enim Evangelista: « Dicunt ei discipuli ejus: Ecce nunc palam loqueris, et proverbium nullum dicis: nunc scimus quia nosti omnia, et non opus est tibi ut quis te interroget; in hoc credimus quia a Deo existi. » Ipse Dominus paulo ante dixerat, « Hæc in proverbiis locutus sum vobis: venit hora cum jam non in proverbiis loquar vobis. » Quomodo ergo isti dicunt, *Ecce nunc palam loqueris, et proverbium nullum dicis?* Numquid hora jam venerat, qua non jam in proverbiis se promiserat locuturum? Prorsus quod nondum illa hora venisset, continuatio verborum ejus ostendit, quæ ita sese habet: « Hæc, inquit, in proverbiis locutus sum vobis: venit hora cum jam non in proverbiis loquar vobis, sed palam de Patre meo annuntiabo vobis. Illo die in nomine meo petitis: et non dico vobis quia ego rogarbo Patrem de vobis; ipse enim Pater amat vos, quia vos me amastis, et credidistis quia ego a Deo exivi. Exivi a Patre, et veni in mundum: iterum relinquo mundum, et vado ad Patrem » (*Joan. xvi, 25-28*). Cum per hæc omnia verba adhuc illam promittat horam qua non jam in proverbiis loquetur, sed palam de Patre annuntiabit eis; in qua hora dicit eos in suo nomine petituros, nec se Patrem de illis rogaturum, eo quod ipse Pater amet eos, quia et ipsi amaverunt Christum, et crediderunt quod a Patre exierit et venerit in mundum, iterum relicturus mundum et iturus ad Patrem: cum ergo adhuc promittatur hora illa in qua sine proverbiis locuturus est, cur isti dicunt, *Ecce nunc palam loqueris, et proverbium nullum dicis;* nisi quia illa quæ seit ipse non intelligentibus esse proverbia, illi usque adeo non intelligunt, ut nec saltem non se intelligere intelligent? Parvuli enim erant, et nondum spiritualiter dijudicabant, quæ de rebus non ad corpus, sed ad spiritum pertinentibus audiebant.

2. Denique de ipsa eorum ætate adhuc secundum interiorem hominem parva et infirma eos admonens, « Respondit eis Jesus: Modo creditis? Ecce venit hora, et jam venit, ut dispergamini unusquisque in propria, et me solum relinquatis. Et non sum solus,

quia Pater mecum est. » Paulo ante dixerat, « Relinquo mundum, et vado ad Patrem; » nunc dicit, « Pater mecum est. » Quis vadit ad eum qui cum illo est? Sed hoc intelligenti est verbum, non intelligenti proverbium: sic tamen quod modo a parvulis non intelligitur, utcumque sugitur; et eis etiam si non præbet, quia nondum eum capiunt, solidum cibam, saltem lacteum non denegat alimentum. Ex hoc alimento est, quod sciebant eum nosse omnia, nec opus ei esse ut eum quis interroget: quod quidem eis dixerint, queri potest. Videatur enim potius fuisse dicendum, Non opus est tibi ut quemquam interroges; non, ut quis te interroget. Dixerunt quippe, *Scimus quia nosti omnia:* et utique qui novit omnia, magis a nescientibus interrogari solet, ut interrogantes audiunt quod volunt, ab eo qui novit omnia; non ipse interrogare, tanquam volens aliquid scire, qui novit omnia. Quid sibi ergo vult, quod ei quem sciebant nosse omnia, eum dicere debuisse videantur, Non opus est tibi ut quemquam interroges, dicendum potius putaverunt, *Non opus est tibi ut quis te interroget?* Quid quod utrumque legimus factum, et interrogasse scilicet Dominum, et interrogatum fuisse? Sed hoc cito solvit: quia hoc non ei, sed illis potius opus erat quos interrogabat, vel a quibus interrogabatur. Neque enim aliquos ille interrogabat, ut ab eis aliquid disceret, sed eos potius ut doceret. Et qui interrogabant eum, volentes ab eo aliquid discere, illis profecto id opus erat, ut scirent aliqua ab illo qui noverat omnia. Nimirum ergo propterea non opus erat ut cum quis interrogaret. Quoniam nos quando interrogamur ab eis qui volunt aliquid a nobis scire, ex ipsis interrogationibus eorum cognoscimus quid velint discere; opus est ergo nobis ab eis interrogari, quos docere aliquid volumus, ut inquisitiones eorum quibus respondentum est noverimus: illi autem ne id quidem opus erat, qui omnia noverat; nec opus habebat quod ab eo quisque scire vellet, per ejus interrogationem cognoscere, quia prius quam interrogaretur, interrogaturi noverat voluntatem. Sed ideo se patiebatur interrogari, ut vel eis qui tunc aderant, vel qui hæc sive dicta fuerant audituri, sive scripta lecturi, quales essent, a quibus interrogabatur, ostenderet; eoque modo nossemus vel quibus non circumveniretur fraudibus, vel quibus apud eum proficeretur accessibus. Prævidere autem cogitationes hominum, et ideo non opus habere ut eum quis interrogaret, magnum Deo non erat, sed magnum parvulis erat qui ei dicebant, *In hoc credimus quia a Deo existi.* Multo autem majus erat, ad quod intelligentem eos volebat extendi et crescere, quod cum illi dixissent, verumque dixissent, *a Deo existi*, ait ille, *Pater mecum est;* ne sic a Patre Filium cogitarent exisse, ut putarent etiam recessisse.

3. Deinde sermonem istum magnum prolixumque concludens: *Hæc, inquit, locutus sum vobis, ut in me pacem habeatis. In mundo pressuram habebitis; sed confidite, ego vici mundum.* Illud initium habuit

tura ista pressura, de quo superius ut eos ostenderet parvulos, quibus adhuc non intelligentibus et aliud pro alio sentientibus, proverbia quodammodo essent quaecumque magna et divina dixisset, ait, *Modo creditis? Ecce venit hora, et jam venit, ut dispergamini unusquisque in propria.* Ecce initium pressuræ, sed non eo modo perseveraturæ. Quod enim adjunxit, et *me solum relinquat*, non vult eos tales esse in consequenti pressura, quam post ejus ascensionem in mundo fuerant habituri, ut relinquant eum; sed ut in illo pacem habeant permanentes in eo. Non enim quando comprehensus est, tantummodo carne sua ejus carnem, verum etiam mentem reliquerunt fidem. Ad hoc pertinet quod ait, *Modo creditis? Ecce venit hora, ut dispergamini in propria, et me relinquatis:* tanquam dicoret, Tunc ita perturbabimini, ut etiam quod modo creditis, relinquatis. Venerunt enim ad tantam desperationem, et sue pristine fidei, ut ita dixerim, mortem, quanta apparuit in illo Cleopha, qui post ejus resurrectionem cum illo se loqui nesciens, et quid ei contigerit narrans, *Nos, inquit, sperabamus quod ipse fuerat redemptus Israel* (*Lac. xxiv, 21*). Ecce quomodo eum reliquerant, desiderando etiam ipsam fidem qua in eum ante crediderant. In ea vero pressura quam post ejus glorificationem accepto Spiritu sancto portulerunt, non eum reliquerunt: et quainvis fugerent de civitate in civitatem, ab ipso non refugerunt; sed ut habentes pressuram in mundo, in illo pacem tenerent, non ab ipso refugae fuerunt, sed ipsum potius refugium habuerunt. Dato quippe illis Spiritu sancto, factum est in eis quod nunc dictum est eis, *Confidite, ego vici mundum.* Considerunt, et vicerunt. In quo, nisi in illo? Non enim vicisset ille mundum, si ejus menbra vinceret mundus. Unde ait Apostolus, *Gratias Deo, qui das nobis victoriam; continuoque subjicit, per Dominum nostrum Iesum Christum* (*I Cor. xv, 57*): qui dixerat suis, *Confidite, ego vici mundum.*

TRACTATUS CIV.

In id quod sequitur, Hec locutus est Jesus, et sublevatis oculis in cœlum dixit: Pater, venit hora, clarifica Filium tuum, ut Filius clarificet te. Cap. xvii, §. 1.

1. Ante ista quæ nunc sumus adjuvante Domino tractaturi, dixerat Jesus, *Hec locutus sum vobis, ut in me pacem habeatis:* quæ non recentiora paulo superius ab eo dicta, sed omnia debemus accipere, sive quaecumque illis locutus est ex quo eos cœpit habere discipulos, sive certe ex quo post cœnam exorsus est hunc admirabilem prolixumque sermonem. Talem quippe commemoravit causam cur eis sit locutus, ut ad eum finem rectissime referantur vel omnia quæ locutus est eis, vel ea maxime quæ dixit jam pro eis moriturus, tanquam verba novissima, posteaquam de convivio sancto ille qui eum fuerat traditurus, egredens est. Hanc enim commendavit causam sermonis sui, ut in illo pacem haberent, propter quod totum agitur quod christiani sumus. Hec enim pax finem

temporis non habebit, sed omnis pia nostra intentio-nis actionisque finis ipsa erit. Propter hanc Saeramenti-s ejus imbuimur, propter hanc mirabilibus ejus ope-ribus et sermonibus eradicimur, propter hanc Spiritus ejus pignus accepimus, propter hanc in eum credi-mus et speramus, et ejus amore quantum donat ac-cendimur: hac pace in pressuris omnibus consolamur, lac a pressuris omnibus liberamur: propter hanc omne-rem tribulationem fortiter sustinemus, ut in hac feliciter sine ulla tribulatione regnemus. Merito ad eam clausit verba, quæ parum intelligentibus disci-pulis erant proverbia; intellecturis ea quando eis dedisset promissum Spiritum sanctum, de quo superius ait: « *Hæc locutus sum vobis, apud vos manens. Pa-tracletus autem Spiritus sanctus, quem mittet Pater in nomine meo, ille vos docebit omnia, et suggesteret vobis omnia quæcumque dixerim vobis* » (*Ioan. xiv, 25, 26*). Hac nitarum futura fuerat illa hora, qua se promiserat non jam in proverbiis locuturum, sed pa-lam de Patre annuntiaturum. Eadema quippe ipsius verba, revelante Spiritu sancto, intelligentibus jam non erant futura proverbia. Neque enim loquente in eorum cordibus Spiritu sancto, taciterus erat unigenitus Filius, qui dixit in ea hora palam se His an-nuntiaturum esse de Patre, quod eis utique jam intel-ligentibus non esset proverbum. Sed hec quoque ipsum, quemodo simul loquantur in suorum spiritua-lium cordibus et Dei Filius et Spiritus sanctus, imo ipsa Trinitas quæ inseparabiliter operatur, intelligentibus est verbum, non intelligentibus autem proverbum.

2. Cum ergo dixisset propter quid omnia sit locu-tus, ut in illo scilicet pacem haberent, in mundo ha-bentes pressuram, exhortatusque fuisset ut confide-rent, quia ipse vicit mundum; eo qui erat ad illos sermone finito, deinde ad Patrem verba direxit, et orare jam coepit. Sic enim Evangelista sequitur, di-cens: *Hæc locutus est Jesus, et sublevatis oculis in cœlum dixit: Pater, venit hora, clarifica Filium tuum.* Poterat Dominus Unigenitus et coæternus Patri in forma servi et ex forma servi, si hoc opus es-set, orare silentio; sed ita se Patri exhibere voluit precatorem, ut meminisset nostrum se esse docto-rem. Proinde eam quam fecit orationem pro no-bis, notam fecit et nobis; quoniam tanti magistri non solum ad ipsos sermocinatio, sed etiam pro ipsis ad Patrem oratio, discipulorum est ædificatio. Et si illorum qui hæc dicta aderant audituri, profectio et nostra qui fueramus conscripta lecturi. Quapropter hoc quod ait, *Pater, venit hora, clarifica Fi-lium tuum*, ostendit nonne tempus, et quid quando facaret vel fieri sineret, ab illo esse dispositum qui tempori subditus non est; quoniam quæ futura erant per singula tempora, in Dei sapientia causas efficien-tes habent, in qua nulla sunt tempora. Non ergo cre-datur hæc hora fato urgente venisse, sed Deo potius ordinante. Nec siderea necessitas Christi connexuit passionem: absit enim ut sidera mori cogerent side-ru conditorem. Non itaque Christum tempus ut mo-reretur impegit, sed tempus Christus quo moreretur

elegit : qui etiam tempus quo de Virgine natus est, cum Patre constituit, de quo sine tempore natus est. Secundum quam veram sanamque doctrinam, etiam Paulus apostolus, « Cum autem venit, » inquit, « plenitudo temporis, misit Deus Filium suum » (*Galat. iv. 4*) ; et D^r. us per Prophetam, « Tempore, » ait, « acceptabili exaudivi te, et in die salutis adjuvi te » (*Isai. xlix. 8*) ; et rursus Apostolus, « Ecce nunc tempus acceptabile, ecce nunc dies salutis » (*II Cor. vi. 2*). Dicat ergo, *Pater, venit hora, qui cum Patre dispositi omnes horas : tanquam dicens, Pater, quam propter homines et apud homines ad me clarificandum simul constituimus, venit hora, clarifica Filium tuum, ut et Filius tuus clarificet te.*

3. Clarificatum a Patre Filium nonnulli accipiunt, in hoc quod ei non pepercit, sed pro nobis omnibus tradidit eum (*Rom. viii. 32*). Sed si passione clarificatus dicitur, quanto magis resurrectione ! Nam in passione magis ejus humilitas quam claritas commendatur, Apostolo teste, qui dicit, « Humiliavit semetipsum, factus obediens usque ad mortem, mortem autem crucis : » deinde sequitur, et de ejus clarificatione jam dicit, « Propter quod et Deus illum exaltavit, et donavit ei nomen quod est super omnia nomen, ut in nomine Jesu omne genu fleatur coelestium, terrestrium, et inferorum, et omnis lingua confiteatur quia Dominus Jesus Christus in gloria est Dei Patris. » Hæc est clarificatio Domini nostri Jesu Christi, que ab ejus resurrectione sumpsit exordium. Humilitas ergo ejus incipit in sermone Apostoli, ab eo loco ubi ait, *Semet ipsum excinanvit formam servi accipiens*; et pervenit usque, *ad mortem crucis*. Claritas vero ejus incipit ab eo loco ubi ait, *Propter quod et Deus exaltavit eum*; et pervenit usque, *in gloria est Dei Patris* (*Philipp. ii. 7-11*). Nam et ipsum nomen, si inspiciantur codices graci, ex qua lingua Epistole apostolice translatae sunt in latinam, quod hic legitur gloria, ibi legitur *δόξα* : unde verbum derivatum est in græco ut dicetur *δόξαντος*, quod interpres latinus ait *clarifica*, cum posset etiam *glorifica* dicere, quod tantumdem valet. Et ideo posset etiam in Apostoli Epistola, ubi est gloria, claritas ponи : quod si fieret tantumdem valeret. Ut autem non recedatur a verborum sonis, quemadmodum a claritate clarificatio, sic a gloria glorificatio derivatur. Ut ergo mediator Dei et hominum homo Christus Jesus resurrectione clarificaretur vel glorificaretur, prius humiliatus est passione : non enim a mortuis resurrexisset, si mortuus non fuisset. Humilitas, claritatis est meritum ; claritas, humiliatis est primum. Sed hoc factum est in forma servi ; in forma vero Dei semper fuit, semper erit claritas : immo non fuit quasi jam non sit, nec erit quasi nondum sit ; sed sine initio, sine fine semper est claritas. Quod ergo ait, *Pater, venit hora, clarifica Filium tuum* ; sic intelligendum est, tanquam dixerit, Venit hora semiandas humiliatis, fructum non differas claritatis. Sed quid sibi vult quod sequitur, *Ut Filius tuus clarificet te?* Numquid etiam Deus Pater pertulit humilitatem carnis sive passionis, ex qua illum clari-

ficiari oportet ? Quomodo igitur eum clarificaturus erat Filius, cuius claritas sempiterna nec ex forma humana potuit videri minor, nec in divina posset esse amplior ? Sed istam questionem in hunc sermonem nolo arctare, aut hinc eum facere longiore.

TRACTATUS CV.

Ab eo quod Dominus ait, Ut Filius tuus clarificet te ; usque ad id, Claritate quam habui, priusquam mandus esset, apud te. Cap. xvii. §. 4-5.

1. Clarificatum a Patre Filium secundum formam servi, quam Pater suscitavit a mortuis, et ad suam dexteram collocavit, res ipsa indicat, et nullus ambigit christianus. Sed quoniam non tantum dixit, *Pater, clarifica Filium tuum*, sed addidit etiam, *ut Filius tuus clarificet te* ; merito queritur quomodo Patrem clarificaverit Filius, cum sempiterna claritas Patris nec diminuta fuerit in forma humana, nec augeri potuerit in sua perfectione divina. Sed in scipsa claritas Patris nec minui nec augeri potest ; apud homines autem procul dubio minor erat, quando in Iudea tantummodo Deus notus erat (*Psalm. lxxv. 2*) : nondum a solis ortu usque ad occasum laudabant pueri nomen Domini (*Psalm. cxii. 3, 4*). Hoc autem quia per Evangelium Christi factum est, ut per Filium Pater innotesceret gentibus ; profecto Patrem clarificavit et Filius. Si autem tantummodo mortuus fuisset Filius, nec resurrexisset, procul dubio nec a Patre clarificatus esset, nec Patrem clarificasset : nunc autem resurrectione clarificatus a Patre, resurrectionis sue prædicatione clarificat Patrem. Hoc quippe aperit ordo ipse verborum : *Clarifica*, inquit, *Filium tuum, ut Filius tuus clarificet te* ; tanquam diceret, Resuscita me, ut innotescas toti orbi per me.

2. Deinde magis magisque pandens quomodo clarificet Patrem Filius : *Sicut dedisti*, inquit, *ei potestatem omnis carnis*, *ut omne quod dedisti ei, det eis vitam aeternam*. Omnem carnem dixit omnem hominem, a parte totum significans ; quemadmodum rursus a parte superiori significatus est homo totus, ubi ait Apostolus, *Omnis anima potestatibus sublimioribus subditia sit* (*Rom. xiii. 1*). Quid enim dixit, *Omnis anima*, nisi, *omnis homo* ? Et hoc autem quod potestas Christo a Patre data est omnis carnis, secundum hominem intelligendum est : nam secundum Deum omnia per ipsum facta sunt (*Joan. i. 3*), et in ipso condita sunt omnia in celo et in terra, visibilia et invisibilia (*Coloss. i. 16*). *Sicut ergo dedisti ei potestatem*, inquit, *omnis carnis*, ita te glorificet Filius tuus, id est, notum te faciat omni carni quam dedisti ei. Sic enim dedisti, *ut omne quod dedisti ei, det eis vitam aeternam*.

3. *Hæc est autem*, inquit, *vita aeterna, ut cognoscant te solum verum Deum*, et quem misisti Iesum Christum. Ordo verborum est, *ut te et quem misisti Iesum Christum cognoscant solum verum Deum*. Consequenter enim et Spiritus sanctus intelligitur, quia Spiritus est Patris et Filii, tanquam charitas substantialis et consubstantialis amborum. Quoniam non duo dii Pater et Filius, nec tres dii Pater et Filius et Spiritus sanctus ; sed ipsa Trinitas unus solus verus Deus. Nec

idem tamen Pater qui Filius , nec idem Filius qui Pater , nec idem Spiritus sanctus qui Pater et Filius ; quoniam tres sunt Pater et Filius et Spiritus sanctus ; sed ipsa Trinitas unus est Deus. Si ergo eo modo te glorificat Filius *sicut dedisti ei potestatem omnis carnis* , et sic dedisti , *ut omne quod dedisti ei , deit eis vitam æternam* , et , *hæc est vita æterna , ut cognoscant te* ; sic te igitur Filius glorificat , ut omnibus quos dedisti ei , te cognitum faciat. Porro si cognitio Dei est vita æterna , tanto magis vivere tendimus , quanto magis in hac cognitione proficimur. Non autem moriemur in vita æterna : tunc ergo Dei cognitio perfecta erit , quando nulla mors erit. Summa tunc Dei clarificatio ; quia summa gloria , quæ græce dicitur δόξα. Unde dictum est δέξοντα , quod Latini quidam interpretati sunt , clarifica ; quidam , glorifica. A veteribus autem gloria , qua gloriosi homines dicuntur , ita est definita : Gloria est frequens de aliquo fama cum laude. At si homo laudatur cum famæ creditur , quomodo Deus laudabit quando ipse videbitur ? Propter quod scriptum est , *Beati qui habitant in domo tua; in sæcula sæculorum laudabunt te* (Psal. lxxxiii , 5). Ibi erit Dei sine fine laudatio , ubi erit Dei plena cognitio ; et quia plena cognitio , ideo summa clarificatio vel glorificatio.

4. Sed prius hic clarificatur Deus , dum annuntiatus hominibus innotescit , et per fidem credentium prædicitur. Propter quod dicit , *Ego te clarificavi super terram , opus consummavi quod dedisti mihi ut faciam*. Non ait , jussisti ; sed , dedisti : ubi commendatur evidens gratia. Quid enim habet quod non accepit , etiam in Unigenito humana natura ? An non accepit , ut nihil mali , sed bona ficeret omnia , quando in unitatem personæ suscepta est a Verbo , per quod facta sunt omnia ? Sed quomodo consummavit opus quod accipit ut faciat , cum restet adhuc passionis experimentum , ubi martyribus suis maxime præbuit quod se querentur exemplum ; unde ait apostolus Petrus , *Christus passus est pro nobis relinquens nobis exemplum , ut sequamur vestigia ejus* (I Petr. ii , 21) : nisi quia consummasset se dicit quod se consummatum esse certissime novit ? Sicut longe ante in prophetia præteriti temporis usus est verbis , quando post annos plurimos futurum fuerat quod dicebat : *Foderunt , inquit , manus meas et pedes , dinumeraverunt omnia ossa mea* (Psal. xxi , 17 , 18) ; non ait , Fodient et dinumerabunt. Et in hoc ipso Evangelio , *Omnia , inquit , quæ audivi a Patre meo , nota feci vobis* (Joan. xv , 15) : quibus ait postea , *Adhuc multa habeo vobis dicere ; sed non potestis illa portare modo* (Id. xvi , 12). Qui enim certis et immutabilibus causis omnia futura prædestinavit , quidquid facturus est fecit : nam et per prophetam dictum de illo est , *Qui fecit quæ futura sunt* (Isai. xlv , 11 , sec. LXX).

5. Secundum hoc etiam quod sequitur dicit : *Et nunc clarifica me tu , Pater , apud temetipsum , claritate quam habui , priusquam mundus esset , apud te*. Nam supra dixerat , *Pater , venit hora , clarifica Filium tuum , ut Filius tuus clarificet te* : in quo verborum ordine

ostenderat prius a Patre clarificandum Filium , ut Partem clarificaret Filius. Modo autem dixit , *Ego te clarificavi super terram , opus consummavi quod dedisti mihi ut faciam : et nunc clarifica me* ; tanquam prior ipse Patrem clarificaverit , a quo deinde ut clarificetur exposcit. Ergo intelligendum est utroque verbo superiorius usum secundum id quod futurum erat , eoque ordine quo futurum erat , *Clarifica Filium , ut te clarificet Filius* : modo vero usum suis verbo præteriti temporis de re futura , ubi ait , *Ego te clarificavi super terram , opus consummavi quod dedisti mihi ut faciam*. Deinde dicendo , *Et nunc clarifica me tu , Pater , apud temetipsum* , quasi posterius esset clarificandus a Patre , quem prius ipse clarificaverat ; quid ostendit , nisi superiorius ubi ait , *Ego te clarificavi super terram , ita locutum se fuisse , tanquam fecisset quod facturus esset* ; hic autem poposcisse ut Pater ficeret , per quod illud Filius facturus esset , id est , ut Pater clarificaret Filium , per quam Filii clarificationem etiam Filius clarificatus esset Patrem? Denique si de re quæ futura erat , ponamus etiam futuri temporis verbum , ubi pro tempore futuro posuit ipse præteritum , nulla sententiæ remanebit obscuritas : veluti si dixisset , *Ego te clarificabo super terram , opus consummabo quod dedisti mihi ut faciam : et nunc clarifica me tu , Pater , apud temetipsum*. Nempe ita planum est , sicut illud ubi ait , *Clarifica Filium tuum , ut Filius tuus clarificet te* : et ipsa est omnino sententia , nisi quia et hic dictus est ejusdem clarificationis modus , ibi autem tacitus ; tanquam illud isto exponeretur eis quos poterat permovere , quomodo Pater Filium , et maxime quomodo Patrem clarificaret et Filius. Dicendo enim clarificari a se Patrem super terram , se autem a Patre apud eumdem Patrem , modum profecto utriusque clarificationis ostendit. Ipse quippe Patrem clarificavit super terram , cum gentibus prædicando ; Pater vero ipsum apud semetipsum , ad suam dexteram collocando. Sed ideo postea de clarificando Patre ubi ait , *Ego te clarificavi , verbum præteriti temporis ponere maluit , ut monstraret in prædestinatione jam factum , et pro jani facto habendum quod certissime fuerat futurum* ; id est , ut a Patre apud Patrem glorificatus , Patrem super terram glorificaret et Filius.

6. Sed hanc prædestinationem in sua clarificatione manifestius aperuit , qua eum clarificavit Pater , in eo quod adjunxit , *Claritate quam habui , priusquam mundus esset , apud te*. Ordo verborum est , *quam habui apud te , priusquam mundus esset*. Ad hoc valet quod ait , *Et nunc clarifica me* ; hoc est , sicut tunc , ita et nunc ; sicut tunc prædestinatione , ita et nunc perfectione : sicut in mundo , quod apud te jam fuerat ante mundum ; sicut in suo tempore , quod ante omnia tempora statuisti. Hoc quidam sic intelligendum putarunt , tanquam natura humana quæ suscepta est a Verbo , converteretur in Verbum , et homo mutaretur in Deum ; imo , si diligentius quod opinati sunt cogitamus , homo periret in Deo. Non enim quisquam ex ista mutatione hominis vel duplicari Dei Verbum di-

cūrūs est, vel augeri, ut aut̄ duo sint quod unum fuit, aut amplius sit quod minus fuit. Porro si natura humana in Verbum mutata atque conversa, Verbum Dei quantum erat et quod erat hoc erit, ubi est homo si non perit?

7. Sed ad hanc opinionem, quam veritati prorsus non video convenire, nihil nos urget, si Filio dicēt, *Et nunc clarifica me tu, Pater, apud temetipsum, claritate quam habui, priusquam mundus esset, apud te, intelligamus prædestinationem claritatis humanæ quæ in illo est naturæ, ex mortali immortalis apud Patrem futuræ; et hoc jam prædestinando factum suisce apto-quam mundus esset, quod in mundo etiam suo tempore fieret. Si enim de nobis dixit Apostolus, Sicut elegit nos in ipso ante mundi constitutionem (Ephes. 1, 4); cur abhorrere putatur a vero, si tunc Pater caput nostrum glorificavit, quando nos in ipso, ut membra ejus essemus, elegit? Sic enim nos electi, quomodo ipse clarificatus; quia priusquam mundus esset, nec nos eramus, nec ipse mediator Dei et hominum homo Christus Jesus (1 Tim. u, 5). Sed ille qui per ipsum in quantum Verbum ejus est, etiam quæ futura sunt fecit, et rocat ea quæ non sunt, tanquam sint (Rom. iv, 17); profecto secundum id quod mediator Dei et hominum homo est, ante mundi constitutionem pro nobis Deus Pater glorifieavit ipsum, si tunc elegit etiam nos in ipso. Quid enim dicit Apostolus? *Sciimus autem quoniam diligentibus Deum omnia cooperantur in bonum, his qui secundum propositum vocati sunt. Quos enim præscivit, et prædestinavit conformes fieri imaginis Filii ejus, ut sit ipse primogenitus in multis fratribus: quos autem prædestinavit, illos et vocavit* » (Id. viii, 28-50).*

8. Nisi forte ipsum prædestinatum dicere formidabimur, quia de nobis tantum ut efficiamur conformes imaginis ejus, hoc dixisse videtur Apostolus. Quasi vero quisquam regulam fiduci fideliter intuens, Filium Dei negaturus est prædestinatum, qui eum negare hominem non potest. Recte quippe dicitur non prædestinatus secundum id quod est Verbum Dei, Deus apud Deum. Utquid enim prædestinaretur, cum jam esset quod erat, sine initio, sine termino sempiternus? Illud autem prædestinandum erat, quod nondum erat, ut sic suo tempore fieret, quemadmodum ante omnia tempora prædestinatum erat ut fieret. Quisquis igitur Dei Filium prædestinatum negat, hunc eundem filium hominis negat. Sed propter contentiosos etiam hinc audiamus Apostolum in suorum exordio Litterarum. Nam et in prima Epistolarum ejus, quæ est ad Romanos, et ipsius Epistole principium est, ubi legitur: *Paulus servus Iesu Christi, vocatus Apostolus, segregatus in Evangelium Dei, quod ante promiserat per Prophetas suos in Scripturis sanctis de Filio suo, qui factus est ex semine David secundum carnem, qui prædestinatus est Filius Dei in virtute secundum Spiritum sanctificationis ex resurrectione mortuorum* (Id. i, 1-4). Secundum hanc ergo prædestinationem etiam clarificatus est antequam mundus esset, ut esset claritas ejus ex resurrectione mortuo-

rum apud Patrem, ad cuius dexteram sedet. Cum ergo videtur illius prædestinatione sūmclarificationis venisse jam tempus, ut et nunc fieret in redditione, quod fuerat in prædestinatione jam factum, oravit dicens, *Et nunc clarifica me tu, Pater, apud temetipsum, claritate quam habui, priusquam mundus esset, apud te: tanquam diceret, Claritatem quam habui apud te, id est, illam claritatem quam habui apud te in prædestinatione tua, tempus est ut apud te habeam etiam vivens in dextera tua. Sed quoniam diu nos tenuit hujus discussio questionis, alio quæ sequuntur sermone tractanda sunt.*

TRACTATUS CVI.

De eo quad Dominus dicit, Manifestavi nomen tuum hominibus; usque ad id, Et crediderunt quia tu me misisti. Cap. xvii, ¶ . 6-8.

4. De his verbis Domini, sicut ipso donaverit, sermone isto disputaturi sumus, quæ ita se habent: *Manifestavi nomen tuum hominibus quos dedisti mihi de mundo. Quod si de his tantum dicit discipulis cum quibus ecceavit, et ad quos antequam orare iaceret, tam multa locutus est; non pertinet hoc ad illam clarificationem, sive ut alii interpretati sunt, glorificationem, de qua superioris loquebatur, qua Filius clarificat vel glorificat Patrem. Quanta est enim vel qualis gloria, duodecim vel undecim potius innotuisse mortalibus? Si autem quod ait, *Manifestavi nomen tuum hominibus, quos dedisti mihi de mundo*, omnes intelligi voluit, etiam qui in eum fuerant credituri, ad ejus magnam quæ futura erat ex omnibus gentibus Ecclesiastiam pertinentes, de qua in Psalmo canitur, *In Ecclesia magna confitebor tibi* (Psal. xxxiv, 18); est plane ista clarificatio qua Filius clarificat Patrem, cum ejus nomen notum faciat omnibus gentibus, et tam multis generationibus hominum. Et tale est hoc quod ait, *Manifestavi nomen tuum hominibus, quos dedisti mihi de mundo*, quale il'ud quod paulo ante dixerat, *Ego te clarificavi super terram* (Joan. xvii, 4); pro tempore futuro et illic et hio præteritum ponens, sicut qui sciret prædestinatum esse ut id fieret, et ideo fecisse dicens se quod erat sine ulla dubitatione facturus.*

5. Sed de his qui jam erant discipuli ejus, non de omnibus qui in illum fuerant credituri eum dixisse quod dixit, *Manifestavi nomen tuum hominibus, quos dedisti mihi de mundo*, ea quæ sequuntur, credibilis esse demonstrant. Cum enim hoc dixisset, adjunxit: *Tui erant, et mihi eos dedisti, et sermonem tuum servaverunt: nunc cognoverunt quia omnia quæ dedisti mihi, abs te sunt; quia verba quæ dedisti mihi, dedi eis: et ipsi acceperunt, et cognoverunt vere quia a te exivi, et crediderunt quia tu me misisti. Quanquam et hec omnia de futuris omnibus fidelibus dici potuerunt spe jam perfetta¹, cum adhuc essent futura: sed ut de his solis quos tunc habebat discipulis hoc loqui intelligatur, illud magis urget quod paulo post ait, *Cum eas cum eis, ego servabam eos in nomine tuo: quos dedisti mihi custodivi, et nemo ex eis perit, nisi filius perditionis,**

¹ Sic tres MSS. At cæteri cum editis, specie perfecta.

ut Scriptura implatur; Judam significans qui tradidit eum : ex isto quippe duodenario numero Apostolorum solus perii. Deinde subjungit : *Nunc autem ad te venio*. Unde manifestum est cum de corporali sua dixisse presentia, *Cum essem cum eis, ego servabam eos*, veluti iam eum eis ea presentia non esset. Eo modo enim significare voluit ascensionem suam mox futuram, de qua dixit, *Nunc autem ad te venio*: iturus utique ad dexteram Patris; unde venturus est ad vivos et mortuos judicandos presentia itidem corporali, secundum fideli regulam sananque doctrinam: nam presentia spirituali cum eis erat utique futurus post ascensionem suam, et cum tota Ecclesia sua in hoc mundo usque in consummationem saeculi (*Math. xxviii, 20*). Non itaque recte intelliguntur de quibus dixerit, *Cum essem cum eis, ego servabam illos*, nisi hi quos in se credentes servare jam cceperat presentia corporali, et quos relicturus fuerat absentia corporali, ut eos cum Patre servaret presentia spirituali. Post vero adjungit et ceteros suos, ubi dicit : *Non pro his autem rogo tantum, sed et pro his qui credituri sunt per verbum eorum in me*. Ubi manifestius ostendit quod non de omnibus ad eum pertinentibus superius loqueretur, ab eo loco ubi ait, *Manifestavi nomen tuum hominibus, quos dedisti mihi*; sed de his tantum qui eum, cum illa diceret, audiebant.

3. Ab ipso itaque orationis ejus exordio, ubi sublevatis oculis in caelum, dixit, *Pater, venit hora, clarifica Filium tuum, ut Filius tuus clarificet te*, usque ad illud quod paulo post ait, *Et nunc clarifica me tu, Pater, apud temetipsum, claritate quam habui, priusquam mundus esset, apud te*; omnes suos volebat intelligi, quibus notum faciendo Patrem, clarificat eum. Cum enim dixisset, *ut Filius tuus clarificet te*; mox quemadmodum id fieret, demonstravit dicens, *Sicut dedisti ei potestatem omnis carnis, ut omne quod dedisti ei, det eis vitam aeternam*: haec est autem vita aeterna, ut cognoscant te solum verum Deum, et quem misisti Jesum Christum (*Joan. xvii, 1-20*). Non enim potest cognitione hominum clarificari Pater, nisi et ille cognoscatur per quem clarificatur, id est, per quem populus innotescit. Haec est glorificatio Patris, quae non circa solos illos Apostolos facta est, sed circa omnes homines sit, quibus suis membris caput est Christus. Neque enim de solis Apostolis potest intelligi, *Sicut dedisti ei potestatem omnis carnis, ut omne quod dedisti ei, det eis vitam aeternam*; sed utique de omnibus quibus in eum credentibus vita aeterna datur.

4. Jam nunc ergo videamus quid de illis, a quibus tunc audiebatur, discipulis suis dicat. *Manifestavi*, inquit, *nomen tuum hominibus quos dedisti mihi*. Non ergo noverant Dei nomen, cum essent Iudei? Et ubi est quod legitur, *Notus in Iudea Deus; in Israel magnum nomen ejus* (*Psal. lxxv, 2*)? Ergo *manifestavi nomen tuum hominibus istis, quos dedisti mihi de mundo*, qui me audiunt haec dicentem : non illud nomen tuum quo vocaris Deus, sed illud quo vocaris Pater meus; quod nomen manifestari sine ipsis Filii manifestatione non possit.

Nam quod Deus dicitur universo creaturae, etiam omnibus gentibus antequam in Christum crederent, non omni modo esse potuit hoc nomen ignotum. Ille est enim vis verae divinitatis, ut creature rationali jam ratione utenti, non omnino ac penitus posset abscondi. Exceptis enim paucis in quibus natura nimium depravata est, universum genus humanum Deum mundi hujus fatetur auctorem. In hoc ergo quod fecit hunc mundum coelo terraque conspicuum, et antequam imbuenter in fide Christi, notus omnibus gentibus Deus. In hoc autem quod non est injuris suis cum diis falsis colendus, notus in Iudea Deus. In hoc vero quod Pater est hujus Christi, per quem tollit peccatum mundi, hoc nomen ejus prius occultum omnibus, nunc manifestavit eis quos dedit ei Pater ipse de mundo. Sed quomodo manifestavit, si nondum venit hora de qua superius dixerat, quod veniret hora cum jam non in proverbii, inquit, *loqueris nobis, sed palam de Patre meo annuntiabo vobis* (*Joan. xvi, 25*)? An vero annuntiatio manifesta putabitur in proverbii? Cur ergo dictum est, *Palam annuntiabo vobis*, nisi quia in proverbii non est palam? quod autem non in proverbii occultatur, sed verbis manifestatur, procul dubio palam dicitur. Quomodo ergo manifestavit quod nondum palam dixit? Proinde sic intelligendum est, pro tempore futuro praeteritum possum, quemadmodum illud, *Omnia quae audiri a Patre meo, nota feci vobis* (*Id. xv, 15*): quod nondum fecerat, sed loquebatur quasi fecisset, quod immobiliter esse praefixum sciebat ut ficeret.

5. Quid est autem, *Quos dedisti mihi de mundo*? Dictum est enim de illis quod non essent de mundo. Sed hoc illis regeneratio praestita, non generatio. Quid est etiam quod sequitur, *Tui erant et mihi eos dedisti*? An aliquando erant Patris, quando non erant unigeniti Filii ejus; et habuit aliquando Pater aliquid sine Filio? Absit. Verumtamen habuit aliquid aliquando Deus Filius, quod nondum habuit idem ipse homo Filius; quia nondum erat homo factus ex matre, quando tamen habebat universa cum Patre. Quapropter quod dixit, *Tui erant, non inde se separavit Deus Filius*, sine quo nihil unquam Pater habuit; sed solet ei tribuere omne quod potest, a quo est ipse qui potest. A quo enim habet ut sit, ab illo habet ut possit; et simul utrumque semper habuit, quia nunquam fuit et non potuit. Quocirca quidquid potuit Pater, semper cum illo Filius potuit; quoniam ille qui nunquam fuit et non potuit, nunquam sine Patre fuit, nunquam sine illo Pater fuit. Ac per hoc sicut Pater aeternus omnipotens, ita Filius coeternus omnipotens; et si omnipotens, utique omnitenens. Id enim potius verbum e verbo interpretamur, si proprio volumus dicere, quod a Graecis dicitur *παντοπάτης*: quod nostri non sic interpretarentur, ut omnipotens dicent, cum sit *παντοπάτης* omnitenens, nisi tantumdem valere sentirent. Quid ergo unquam habere potuit aeternus omnitenens, quod non simul habuerit coeternus omnitenens? Quod itaque ait, *Et mihi eos dedisti*, hominem se accipisse banc potestatem ut cos

haberet, ostendit; quoniam qui semper omnipotens fuit, non semper homo fuit. Quamobrem, cum Patri potius tribuisse videatur ut ab eo illos acceperit quoniam ex ipso est quidquid est de quo est; etiam ipse sibi eos dedit, hoc est, cum Patre Deus Christus, homini Christo quod cum Patre non est, homines dedit. Denique qui hoc loco dicit, *Tui erant, et mihi eos dedisti*, jam superius eisdem discipulis dixerat, *Ego vos de mundo elegi* (*Joan. xv.*, 19). Conteratur hic cogitatio carnalis, atque dispereat. De mundo sibi a Patre dicit Filius datos homines quibus alio loco dicit, *Ego vos elegi de mundo*. Quos Deus Filius de mundo elegit cum Patre, idem ipse homo Filius de mundo eos accepit a Patre: non enim Pater illos Filio dedit, nisi elegisset. Ac per hoc Filius sicut non inde separavit Patrem, quando dixit, *Ego vos de mundo elegi*, quoniam simul eos elegit et Pater: sic non inde separavit et se, quando dixit, *Tui erant, quia et ipsius Filii pariter erant*. Nunc autem homo idem ipse Filius accepit eos qui non erant ipsius, quia et formam servi accepit Deus idem quae non erat ipsius.

6. Sequitur ac dicit, *Et sermonem tuum servaverunt: nunc cognoverunt quia omnia quae dedisti mihi, abs te sunt: id est, cognoverunt quia abs te sum*. Simul enim Pater dedit omnia, cum genuit qui haberet omnia. *Quia verba, inquit, quae dedisti mihi, dedi eis, et ipsi accepérunt: id est, intellexerunt atque tenuerunt*. Tunc enim verbum accipitur, quando mente percipitur. *Et cognoverunt, inquit, vere quia a te exivi, et crediderunt quia tu me misisti*. Et hic subaudiendum est, *vere*: quod enim dixit, *cognoverunt vere*, expōnere voluit adjungenda, et crediderunt. Hoc itaque crediderunt *vere*, quod *cognoverunt vere*: id enim est *a te exivi, quod est, tu me misisti*. Cum ergo dixisset, *cognoverunt vere*, ne quisquam putaret istam cognitionem jam per speciem factam, non per fidem; expōnendo addidit, et crediderunt, ut subaudiamus *vere*, et intelligamus hoc dictum esse, *cognoverunt vere*, quod est crediderunt *vere*: non eo modo quem significavit paulo ante, cum dixit, *Modo creditis?* *Venit hora, et iam venit, ut dispergantini unusquisque in propria, et me solum relinquatis* (*Id. xvi.*, 31 et 32). Sed crediderunt *vere*, id est quonodo credendum est, inconcusse, firme, stabiliter, fortiter; non jam in propria redituri, et Christum reliecturi. Aduic ergo discipuli non erant tales, quales eos dicit verbis præteriti temporis, quasi jam essent, prænuntians quales futuri essent, accepto scilicet Spiritu sancto, qui eos, sicut promissum est, doceret omnia. Quem priusquam acciperent quonodo servaverunt ejus sermonem, quod de illis quasi fecerint, dixit; quando prius eorum ter eum negavit (*Math. xxvi.*, 69-74), cum ex ore ejus audisset quid futurum esset homini qui eum coram hominibus negavisset (*Id. x.*, 33)? Dedit ergo eis verba sicut dixit, quae dedit ei Pater: sed quando illa non foris in auribus, sed intus in cordibus spiritualliter accepérunt, tunc vere accepérunt, quia tunc vere cognoverunt; vere autem cognoveront, quia vere crediderunt.

7. Ipsi autem Filio quonodo Pater ea verba dederit, quibus verbis homo poterit explicare? Facilius sane quæstio videtur, si secundum id quod filius est hominis, accepisse a Patre illa verba credatur. Quanquam natus ex Virgine quando et quonodo ea didicerit, quis enarrabit; quando etiam ipsam que de Virgine facta est, generationem ejus quis enarrabit? Si vero secundum id quod est de Patre genitus Patrique coeterus, accepisse a Patre ista verba cogitatur, nihil ibi temporis cogitetur quasi prius fuerit qui ea non habuerit, atque ut haberet quæ non habebat accepit; quoniam quidquid Deus Pater Deo Filio dedit, gignendo dedit. Ita enim dedit Filio Pater, sine quibus Filius esse non posset, sicut ei dedit ut esset. Nam quonodo aliter Verbo verba daret aliqua, in quo inessibiliter dixit omnia? Sed jam quæ sequuntur, alio sunt exspectanda sermone.

TRACTATUS CVII.

De eo quod dicit Jesus, Ego pro eis rogo, etc., usque ad id, Ut habeant gaudium meum impletum in semetipsis. Cap. xvii, ¶ 9-13.

1. Cum de his quos jam discipulos habebat, Dominus loqueretur ad Patrem, inter alia etiam dixit hoc: *Ego pro eis rogo: non pro mundo rogo, sed pro his quos dedisti mihi*. Mundum vult modo intelligi, qui vivunt secundum concupiscentiam mundi, et non sunt in ea sorte gratiae, ut ab illo elegantur ex mundo. Non itaque pro mundo, sed pro his quos ei Pater dedit, rogare se dicit: per hoc enim quod eos illi Pater jam dedit, factum est ut non pertineant ad eum mundum pro quo non rogat.

2. Deinde subjungit, *Quia tui sunt*. Neque enim quia Pater eos Filio dedit, amisit ipse quos dedit: cum adhuc Filius sequatur, et dicat, *Et mea omnia tua sunt, et tua mea*. Ubi satis appareat quonodo unigeniti Filii sint omnia quae sunt Patris; per hoc utique quod etiam ipse Deus est, et de Patre Patri est natus æqualis: non quonodo dictum est uni ex duabus filiis, majori scilicet, *Tu semper tecum es, et omnia mea tua sunt* (*Luc. xv.*, 31). Illud enim dictum est de his omnibus creaturis quae infra creaturam sanctam rationalem sunt, quae utique subduntur Ecclesiæ; in qua universa Ecclesia et illi duo intelliguntur filii major et minor, cum omnibus Angelis sanctis, quibus erimus æquales in regno Christi et Dei (*Math. xxii.*, 30): hoc autem ita dictum est, *Et mea omnia tua sunt, et tua mea*, ut hic sit etiam ipsa creatura rationalis, quae non nisi Deo subditur, ut ei quae infra illam sunt cuncta subdantur. Hæc ergo cum sit Dei Patris, non simul esset et Filii, nisi Patri esset æqualis: de ipsa quippe agebat, cum diceret, *Non pro mundo rogo, sed pro his quos dedisti mihi: quia tui sunt, et mea omnia tua sunt, et tua mea*. Nec fas est ut sancti, de quibus hæc locutus est, cujusquam sint, nisi ejus a quo creati et sanctificati sunt: ac per hoc et omnia quae ipsorum sunt, necesse est ut ejus sint cuius et ipsi sunt. Ergo cum et Patris et Filii sunt, aequales eos esse demonstrant, quorum æqualiter sunt, Illud autem quod ait, cum de Spiritu sancto lo-

queretur, *Omnia quæ habet Pater, mea sunt; propterea dixi quia de meo accipiet, et annuntiabit vobis* (*Joan. xvi, 15*); de his dixit quæ ad ipsam Patris pertinent divinitatem, in quibus illi est æqualis, omnia quæ habet habendo. Neque enim Spiritus sanctus de creatura quæ Patri est subdita et Filio, fuerat accepturus quod ait, *de meo accipiet*; sed utique de Patre de quo procedit Spiritus, de quo est natus et Filius.

3. *Et clarificatus sum, inquit, in eis.* Nunc suam clarificationem tanquam facta sit dicit, cum adhuc esset futura: superius autem a Patre poscebat ut fieret. Sed utrum ipsa sit clarificatio, de qua dixerat, *Et nunc clarifica me tu, Pater, apud temetipsum, claritate quam habui, priusquam mundus esset, apud te* (*Joan. xvii, 4, 5*); utique requirendum est. Si enim *apud te, quomodo in eis?* An cum hoc ipsum innescit eis, ac per ipsos omnibus qui credunt eis testibus suis? Possumus plane sic intelligere dixisse Dominum de Apostolis, quod clarificatus sit in eis: dicens enim esse jam factum, ostendit jam fuisse prædestinatum, et certum haberi voluit quod esset futurum.

4. *Et jam, inquit, non sum in mundo, et hi in mundo sunt.* Si horam prorsus illam qua loquebatur attendas, utrique adhuc in mundo erant; et ipse scilicet, et illi de quibus hoc dicebat: non enim secundum provectum cordis et vitæ id accipere possumus vel debemus, ut illi propterea adhuc dicantur in mundo, quod mundana adhuc sapient; ille autem jam non esse in mundo, sapiendo divina. Positum est hic enim verbum unum, quod nos ita intelligere omnino non sinat: quia non ait, *Et non sum in mundo*; sed, *Jam non sum in mundo*: per hoc ostendens fuisse se in mundo, jam non esse. Numquid ergo fas est ut eum credamus aliquando mundana sapuisse, et ab hoc errore liberatum jam illa non sapere? Quis tam impio sensu se induerit? Restat igitur ut secundum id quod ipse etiam in mundo prius erat, in mundo se dixerit jam non esse; profecto præsentia corporali, a mundo scilicet absentiam suam jam cito futuram, illorum autem tardius, per hoc ostendens, quod se jam non hic esse, illos autem hic esse dixi, cum et ipse hic et illi adhuc essent. Sic enim est locutus, homo congruens hominibus, ut mos loquendi sese habet humanus. An non quotidie dicimus, *Jam non est hic, de aliquo quantocius abituro?* Et maxime hoc de morituris solet dici. Quanquam et ipse Dominus tanquam prævidens quid lecturos movere posset adjecit, *Et ego ad te venio: sic expones quodammodo cur dixerit, Jam non sum in mundo.*

5. Commendat ergo eos Patri, quos corporali absentia relicturus est, dicens: *Pater sancte, scrua eos in nomine tuo quos dedisti mihi.* Nempe sicut homo Deum rogat pro discipulis suis, quos accepit a Deo. Sed attende quod sequitur: *Ut sint, inquit, unum sicut et nos.* Non ait, *Ut nobiscum sint unum, aut, simus unus ipsi et nos, sicut unum sumus nos;* sed ait, *Ut sint unum sicut et nos.* Ipsi utique in natura

sua sint unum, sicut et nos in nostra unum sumus. Quod procul dubio verum non diceret, nisi secundum hoc diceret, quod ejusdem naturæ Deus est cuius et Pater, secundum quod alibi dixit, *Ego et Pater unum sumus* (*Joan. x, 30*): non secundum id quod etiam homo est; nam secundum hoc, *Pater major me est* (*Id. xiv, 28*), dixit. Sed quoniam una eademque persona est Deus et homo, intelligimus hominem in eo quod roget: intelligimus autem Deum in eo quod unum sunt et ipse et ille quem roget. Sed est adhuc in oonsequentibus locus ubi de hac re diligentius disputandum est.

6. Hic autem sequitur: *Cum essem cum eis, ego servabam eos in nomine tuo.* Me, inquit, veniente ad te, servabos in nomine tuo, in quo eos quando cum eis eram, et ipse servabam. In nomine Patris servabat discipulos suos Filius homo, cum eis humana præsentia constitutus: sed etiam Pater in nomine Filiī servabat quos in nomine Filii petentes exaudiebat. His quippe idem Filius dixerat: *Amen, amen dico vobis, si quid petieritis Patrem in nomine meo, dabit vobis* (*Id. xvi, 23*). Neque hoc tam carnaliter dehemos accipere, velut vicissim nos servent Pater et Filius, amborum in nobis custodiendis alternante custodia, quasi succedat aliis quando discesserit aliis: simul enim nos custodiunt Pater et Filius et Spiritus sanctus, qui est unus verus et beatus Deus. Sed Scriptura nos non levat, nisi descendat ad nos: sicut Verbum caro factum descendit ut levaret, non occidit ut jaceret. Si descendenter cognovimus, cum levante surgamus; et intelligamus, cum ita loquitur, personas eum distingui, non separare naturas. Quando ergo servabat discipulos suos Filius præsentia corporali, non exspectabat Pater ad custodiendum succedere Filio discedenti; sed eos ambo servabant potentia spirituali: et quando ab eis abstulit Filius præsentiam corporalem, tenuit cum Patre custodiām spiritualem. Quia et custodiendos quando Filius homo accepit, custodiæ paternæ non eos abstulit: et cum Pater Filio custodiendos dedit, non dedit sine ipso cui dedit; sed dedit homini Filio, non sine Deo eodem ipso utique Filiō.

7. Sequitur ergo Filius, et dicit: *Quos dedisti mihi, custodivi: et nemo ex his periit, nisi filius perditionis, ut Scriptura impletatur.* Filius perditionis dictus est traditor Christi, perditioni prædestinatus, secundum Scripturam que de illo in psalmo centesimo octavo maxime prophetatur.

8. *Nunc autem, inquit, ad te venio; et hæc loquor in mundo, ut habeant gaudium meum impletum in semetipsis.* Ecce in mundo se loqui dicit, qui paulo ante dixerat, *Jam non sum in mundo*: quod cur dixerit, ibi exposuimus, imo ipsum id exposuisse docuimus. Ergo et quia nondum abierat, hic adhuc erat; et quia mox fuerat abitus, hic quodammodo jam non erat. Quod sit autem hoc gaudium de quo ait, *ut habeant gaudium meum impletum in semetipsis*, jam superius expressum est, ubi ait, *Ut sint unum sicut et nos.* Hoc gaudium suum, id est, a se in eos collatum, in eis

dicit implendum; propter quod locutum se dixit in mundo. Hæc est pax illa et beatitudo in futuro sæculo, propter quam consequendam temperanter et juste et pie vivendum est in hoc sæculo.

TRACTATUS CVIII.

De eo quod ait Jesus, Ego dedi eis sermonem tuum; usque ad id, Ut sint et ipsi sanctificati in veritate. (Cap. xvii, §. 14-19).

1. Loquens adhuc Dominus ad Patrem, et orans pro discipulis suis, dicit: *Ego dedi eis sermonem tuum, et mundus eos odio habuit.* Nondum id experti fuerant passionibus suis, quæ illos postea sunt secutæ; sed more suo dicit ista, verbis præteriti temporis futura prænuntians. Deinde causam subjiciens cur eos odiaret mundus: *Quia non sunt, inquit, de mundo, sicut et ego non sum de mundo.* Nec eis regeneratione collatum est: nam generatione de mundo erant, propter quod jam eis dixerat, *Ego vos de mundo elegi* (Joan. xv, 19). Donatum est ergo eis ut sicut ipse, nec ipsi essent de mundo, eos ipso liberante de mundo. Ipse autem de mundo nunquam fuit: quia etiam secundum formam servi de Spiritu sancto ipse natus est, de quo illi renati. Nam si propterea illi jam non de mundo, quia renati sunt de Spiritu sancto; propterea ille nunquam de mundo, quia natus est de Spiritu sancto.

2. *Non rogo, inquit, ut tollas eos de mundo, sed ut serves eos ex malo.* Adiuc enim necessarium habebant, quamvis jam non essent de mundo, esse tamen in mundo. Repetit eamdem sententiam: *De mundo, inquit, non sunt, sicut et ego non sum de mundo. Sanctifica eos in veritate.* Sic enim servantur ex malo, quod superius oravit ut fieret. Quæri autem potest quomodo de mundo jam non erant, si sanctificati in veritate nondum erant; aut si jam erant, cur poscat ut sint. An quia et sanctificati in eadem proficiunt sanctitate, siueque sanctiores; neque hoc sine adiutorio gratie Dei, sed illo eorum sanctificante proiectum, qui sanctificavit inceptum? Unde et Apostolus dicit: *Qui in vobis opus bonum caecit, perficiet usque in diem Christi Jesu* (Philipp. 1, 6). Sanctificantur itaque in veritate hærcdes Testamenti Novi, cuius veritatis umbræ fuerant sanctifications Veteris Testamenti: et cum sanctificantur in veritate, utique sanctificantur in Christo, qui veraciter dixit, *Ego sum via, et veritas, et vita* (Joan. xiv, 6). Item quando ait, *Veritas liberabit vos*, paulo post exponens quid dixerit, *Si vos, inquit, Filius liberaverit, tunc vere liberi eritis* (Id. viii, 52, 56); ut ostenderet hoc se prius dixisse veritatem, quod postmodum Filium. Quid ergo aliud et hoc loco dixit, *Sanctifica eos in veritate*, nisi, *sanctifica eos in me?*

3. Denique sequitur, et hoc apertius insinuare non desinit: *Sermo, inquit, tuus veritas est.* Quid aliud dixit, quam, *Ego veritas sum?* Græcum quippe Evangelium λόγος habet, quod etiam ibi legitur, ubi dictum est, *In principio erat Verbum, et Verbum erat apud Deum, et Deus erat Verbum.* Et utique Verbum ipsum novi-

nus unigenitum Dei Filium, quod caro factum est, et habitavit in nobis (Id. i, 1, 14). Unde et hic ponit potuit, et in quibusdam codicibus positum est, *Verbum tuum veritas est;* sicut in quibusdam codicibus etiam ibi scriptum est *In principio erat sermo.* In græco autem sine ulla varietate, et ibi et hic λόγος est. Sanctificat itaque Pater in veritate, id est, in Verbo suo, in Unigenito suo, suos hærcedes ejusque cohæredes.

4. Sed nunc adhuc de Apostolis loquitur; nam secutus adjungit, *Sicut me misisti in mundum, et ego misi eos in mundum.* Quos misit, nisi Apostolos suos? Nam et ipsum nomen Apostolorum, quoniam græcum est, nihil nisi missos significat in latino. Misit ergo Deus Filium suum non in carne peccati, sed in similitudine carnis peccati (Rom. viii, 3); et misit Filius ejus eos quos natos in carne peccati sanctificavit a labe peccati.

5. Sed quoniam per hoc quod mediator Dei et hominum homo Christus Jesus factus est caput Ecclesie, illi membra sunt ejus; ideo ait quod sequitur, *Et pro eis ego sanctifico meipsum.* Quid est enim, *Et pro eis ego sanctifico meipsum*, nisi, eos in meipso sanctifico, cum et ipsi sint ego? Quoniam de quibus hoc ait, ut dixi, membra sunt ejus, et unus est Christus caput et corpus: docente Apostolo atque dicente de semine Abraham, *Si autem vos Christi, ergo semen Abrahæ estis;* cum dixisset superius, *Non dicit, Et seminibus tanquam in multis; sed tanquam in uno, Et semini tuo, quod est Christus* (Galat. iii, 29, 16). Si ergo semen Abraham, hoc est Christus, quid aliud dictum est quibus dictum est, *Ergo semen Abrahæ estis*, nisi, ergo Christus estis? Inde est quod alio loco idem ipse apostolus ait: *Nunc gaudeo in passionibus pro vobis, et adimpleo ea quæ desunt pressurarum Christi, in carne mea* (Coloss. i, 24). Non dixit, pressurarum mearum, sed, *Christi*: quia membrum erat Christi; et in persecutionibus suis, quales Christum in suo toto corpore pati oportebat, etiam ipse pressuras ejus pro sua portione adimplerbat. Quod ut etiam hoc loco certum sit, attende sequentia. Cum enim dixisset, *Et pro eis ego sanctifico meipsum*, ut intelligeremus hoc eum dixisse, quod eos sanctificaret in se, mox addidit, *Ut sint et ipsi sanctificati in veritate.* Quod quid est aliud quam, in me, secundum id quod veritas est Verbum illud in principio Deus? In quo et ipse filius hominis sanctificatus est ab initio creationis suæ, quando Verbum factum est caro; quia una persona facta est Verbum et homo. Tunc ergo sanctificavit se in se, hoc est, hominem se in Verbo se; quia unus Christus Verbum et homo, sanctificans hominem in Verbo. Propter sua vero membra, *Et pro eis, inquit, ego, id est, quod prospicit etiam ipsis*, quia et ipsi sunt ego; sicut mihi profuit in me, quia homo sum sine ipsis: *Et ego sanctifico meipsum*, hoc est, ipsos in me tanquam meipsum sanctifico ego, quoniam in me etiam ipsi sunt ego. *Ut sint et ipsi sanctificati in veritate.* Quid est et ipsi, nisi, quemadmodum ego; in veritate, quod ipse sum ego? Deinde jam non solum de Apostolis, sed etiam de

suis ceteris membris incipit dicere : quod donante ipso, alio sermone tractandum est.

TRACTATUS CIX.

In illud, Non pro his autem rogo tantum, sed et pro eis qui credituri sunt per verbum eorum in me. Cap. xvii, § . 20.

1. Dominus Jesus jam sua propinquante passione, cum orasset pro discipulis suis, quos et Apostolos nominavit, cum quibus cœnaverat ultimam cœnam, de qua traditor ejus per buccellam manifestatus exierat, et cum quibus post ejus egressum antequam pro eis oraret, multa jam fuerat locutus; adjunxit et cæteros qui in eum fuerant credituri, et ait ad Patrem, *Non pro his autem rogo tantum*, id est pro discipulis qui cum illo tunc erant : *sed et pro eis*, inquit, *qui credituri sunt per verbum eorum in me*. Ubi omnes suos intelligi voluit, non solum qui tunc erant in carne, sed etiam qui futuri erant. Quotquot enim postea crediderunt in eum, per verbum Apostolorum sine dubio crediderunt, et donec veniat, credituri sunt : ipsis enim dixerat, *Et vos testimonium perhibebitis, quia ab initio mecum estis* (Joan. xv, 27); et per hos Evangelium ministratum est, et antequam scriberetur, et utique quisquis in Christum credit, Evangelio credit. Non itaque hi tantum intelligendi sunt, quos ait in se credituros per verbum eorum, qui ipsos, cum in carne vivèrent, Apostolos audierunt; sed et post obitum eorum, et nos longe post nati, per verbum eorum credidimus in Christum. Quoniam ipsi qui cum illo tunc fuerunt, quod ab illo audierunt, cæteris prædicaverunt : atque ita verbum eorum, ut etiam nos credemus, ad nos usque pervenit, ubicumque est ejus Ecclesia ; et per venturum est ad posteros, quicunque, ubicumque postea in eum credituri sunt.

2. Potest itaque videri Jesus in hac oratione non orasse pro quibusdam suis, nisi diligenter scrutemur in eadem oratione verba ejus. Si enim pro eis prius oravit, sicut jam ostendimus, qui cum illo tunc erant, postea vero etiam pro eis qui per verbum eorum in illum fuerant credituri ; potest dici non orasse pro illis qui neque tunc erant cum illo quando ista dicebat, neque per verbum eorum postea, sed in eum sive per ipsos, sive quomodolibet, tamen ante crediderant. Numquid enim cum illo tunc erat Nathanael? Numquid Joseph ille ab Arimathia, qui corpus ejus a Pilato petiit, quem jam discipulum ejus fuisse iste ipse Joannes evangelista testatur (Joan. xix, 58)? Numquid Maria mater ejus, et aliae feminæ, quas ejus discipulas in Evangelio jam tunc fuisse didicimus? Numquid cum illo tunc erant de quibus sœpe dicit idem Joannes evangelista, *Multi crediderunt in eum* (Id. ii, 25, iv, 39, vii, 51, viii, 30, et x, 42)? Nam unde erat multitudo illa eorum qui cum ramis partim precedebant, partim sequebantur incidentem jumento, dicentes, *Benedictus qui venit in nomine Domini*; et cum eis pueri, de quibus ipse ait fuisse prædictum, *Ex ore infantium et lacientium perficiati laudem* (Math. xxi, 7, 16; Psal. viii, 3)? Unde quingenti fratres, quibus simul post resurrectionem non apparuisset (I Cor.

xv, 6), nisi ia eum ante credidissent? Unde illi centum et novem, qui cum istis undecim centum et vinti erant, quando simul congregati post ejus ascensum exspectaverunt, et acceperunt promissum Spiritum sanctum (Act. i, 15, et ii, 4)? Unde erant isti omnes, nisi ex illis de quibus dictum est, *Multi crediderunt in eum?* Non ergo pro eis tunc oravit Salvator, quoniam pro eis oravit qui cum illo tunc erant, et pro aliis qui per verbum eorum in eum non jam crediderant, sed fuerant crediti. Isti autem nec cum illo tunc erant, et in eum jam ante crediderant. Omitto dieere de Simeone sene, qui in infantulum credit; de Anna prophetissa (Luc. ii, 25-38); de Zacharia et Elisabeth, qui eum prophetaverunt antequam de Virgine nasceretur (Id. i, 41-45, 67-79); de filio eorum Joanne præcursori ejus, amico sponsi, qui eum et in sancto Spiritu agnoscit, et absentem prædicavit, et alia agnoscendum cum præsens esset ostendit (Joan. i, 19-36, et iii, 26-38) : hos omitto, quoniam responderi potest orandum pro talibus mortuis non fuisse, qui cum magnis suis meritis hinc abierant, et recepti quiescebant; hoc enim et de antiquis justis similiter respondetur. Quis enim eorum a damnatione totius massa perditionis, quæ per unum hominem facta est, salvus esse potuisset, nisi in unum Mediatorem Dei et hominum in carne venturum revelante Spiritu credidisset? Sed numquid ei pro Apostolis orandum fuit, et pro tam multis qui in hac vita adhuc erant, nec cum illo tunc erant, et jam ante crediderant, orandum non fuit? Quis hoc dixerit?

3. Intelligendum est igitur, quod nondum in eum sic crediderant, quoniam in se credi volebat : quandoquidem et ipse Petrus, cui confidenti et dicenti, *Tu es Christus Filius Dei vivi*, tam magnum testimonium perhibuerat, magis cum mori solebat, quam mortuum resurrectorum esse credebat; unde mox ab eo appellatus est satanas (Math. xvi, 23). Fideliores itaque reperiuntur, qui defuncti jam fuerant, et resurrectorum Christum revelante Spiritu non utique dubitabant, quam illi qui cum credidissent ipsum redemptum Israel, visa ejus morte spem totam quam de illo habuerant perdiderant. Nihil itaque melius credimus, quam post ejus resurrectionem impertito Spiritu sancto, et doctis et confirmatis Apostolis, eisque in Ecclesia primitus doctoribus constitutis, per eorum verbum sic alios credidisse quoniammodum in Christum credi oportebat, id est, ut fidem resurrectionis ejus tenerent. Ac per hoc et illos omnes qui jara in eum credidisse videbantur, ad eorum numerum pertinuisse pro quibus oravit, dicens, *Non pro his autem rogo tantum, sed et pro eis qui credituri sunt per verbum eorum in me*.

4. Sed restat nobis ad istam questionem adhuc solvendam beatus Apostolus, et latro ille crudelis in scelere, fidelis in cruce. Paulus quippe apostolus non ab hominibus, neque per hominem, sed per Jesum Christum se dicit factum Apostolum : et de ipso suo evangelio loquens ait, *Neque enim ab homine ego accipi illud, neque didici; sed per revelationem Iesu*

Christi (*Galat.* 1, 1, 12). Quomodo igitur erat in eis de quibus dictum est, *credituri sunt per verbum eorum in me?* Latro vero ille tunc credidit, quando in ipsis doctoribus fides quæ fuerat qualiscumque defecit. Nec ipse itaque per eorum verbum credidit in Christum Jesum: et tamen sic credidit, ut quem videbat crucifixum, confiteretur non solum resurrectum, verum etiam regnaturum, dicendo, *Memento mei, cum veneris in regnum tuum* (*Luc. xxiii, 42*).

5. Proinde relinquitur, ut si Dominus Jesus hac oratione pro suis omnibus quicunque in hac vita, quæ tentatio est super terram (*Job vii, 1*), vel tunc erant, vel futuri erant, orasse credendus est, sic intelligamus quod dictum est, *per verbum eorum*, ut ipsum verbum fidei quod prædicaverunt in mundo, hic significatum esse credamus; dictum autem esse verbum eorum, quoniam ab ipsis est primitus ac præcipue prædicatum. Jam enim ab ipsis prædicabatur in terra, quando per revelationem Jesu Christi ipsum verbum eorum Paulus accepit. Unde et contulit cum eis Evangelium, ne forte in vacuum encurrisset aut curreret; et dexteras ei dederunt: quia et in illo, quamvis non per eos illi datum, tamen verbum suum, quod jam prædicabant, et in quo fundati fuerant, inveniebant (*Galat. ii, 2, 9*). De quo verbo resurrectionis Christi idem dicit apostolus, «Sive ego, sive illi, sic prædicamus, et sic credidistis» (*I Cor. xv, 11*); et iterum, «Hoc est», inquit, «verbum fidei quod prædicamus, quia si confessus fueris in ore tuo quia Dominus est Jesus, et credideris in corde tuo quia Deus illum suscitat a mortuis, salvus eris» (*Rom. x, 8 et 9*). Et in Actibus Apostolorum legitur quod in Christo Deus desinierit fidem omnibus, suscitans eum a mortuis (*Act. xvii, 31*). Hoc verbum fidei, quia principaliiter ac primitus per Apostolos, qui ei cohæserant, prædicatum est, ideo verbum eorum dictum est. Neque enim propterea non est verbum Dei, quia dictum est verbum eorum; cum dicat idem apostolus Thessalonicenses excepsisse a se, *non ut verbum hominum, sed, sicut est, vere verbum Dei* (*I Thess. ii, 13*). Ideo ergo Dei, quia Deus id donavit; eorum vero verbum dictum est, quia hoc prædicandum illis Deus primitus ac præcipue commendavit. Ac per hoc etiam ille latro in sua fide verbum eorum habebat: quod eorum propterea dictum erat, quoniam prædicandum ad eorum officium primitus ac præcipue pertinebat. Denique cum murmur factum esset de ministerio mensarum a viduis Græcorum, antequam Paulus credidisset in Christum; responderunt Apostoli, qui Domino ante cohæserant: *Non est bonum nos relinquere verbum Dei, et ministrare mensis* (*Act. vi, 1-4*). Tunc ordinando diaconos providerunt, ne ipsi a prædicandi verbi avocarentur officio. Unde merito dictum est verbum eorum, quod est verbum fidei, per quod omnes in Christum, undecumque id audierint, crediderunt, vel audituri et credituri sunt. Ergo illa oratione pro omnibus quos redemit, sive tunc in carne viventes, sive postea futuros, Redemptor noster oravit, cum regans pro Apostolis qui cum illo tunc exant, ad-

junxit etiam illos qui per eorum verbum in eum fuerant crediti. Quid autem adjunctis illis deinde dicat, alia est disputatione tractandum.

TRACTATUS CX.

De eo quod sequitur, Ut omnes unum sint, etc., usque ad id, Et dilexisti eos, sicut et me dilexisti. Cap. xvii, §. 21-23.

1. Cum Dominus Jesus orasset pro discipulis suis quos tunc secum habebat, atque adjunxit suos alios, dicens, *Non pro his autem rogo tantum, sed et pro eis qui credituri sunt per verbum eorum in me;* volunt quæreremus, quid vel quare pro illis rogaret, continuo subintulit, dicens: *Ut omnes unum sint, sicut tu, Pater, in me, et ego in te, ut et ipsi in nobis unum sint.* Et superiorius cum adhuc pro solis discipulis, quos secum habebat, oraret: *Pater sancte, inquit, serva eos in nomine tuo quos dedisti mihi, ut sit unum sicut et nos* (*Joan. xvii, 11*). Hoc ergo nunc etiam et pro nobis rogavit, quod tunc pro illis, ut omnes, hoc est et nos et illi, unum sumus. Ubi diligenter advertendum est non dixisse Dominum, ut omnes unum sumus; sed, *Ut omnes unum sint, sicut tu, Pater, in me, et ego in te* (subintelligitur, unum sumus; quod apertius dicitur postea): quia et prius dixerat de discipulis qui cum illo erant, *Ut sint unum sicut et nos.* Quoniam ita est Pater in Filio, et Filius in Patre, ut unum sint, quia unius substantiæ sunt: nos vero esse quidem in eis possumus, unum tamen cum eis esse non possumus; quia unius substantiæ nos et ipsi non sumus, in quantum Filius cum Patre Deus est. Nam in quantum homo est, ejusdem substantiæ est cuius et nos sumus. Sed nunc illud potius voluit commendare, quod alio loco ait, *Ego et Pater unum sumus* (*Id. x, 30*); ubi eamdem Patris et suam significavit esse naturam. Ac per hoc et cum in nobis sunt Pater et Filius, vel etiam Spiritus sanctus, non debemus eos putare naturæ unius esse nobiscum. Sic itaque sunt in nobis, vel nos in illis, ut illi unum sint in natura sua, nos unum in nostra. Sunt quippe ipsi in nobis, tanquam Deus in templo suo: sumus autem nos in illis, tanquam creatura in Creatore suo.

2. Deinde cum dixisset, *Ut et ipsi in nobis unum sint,* adjunxit, *Ut mundus credat quia tu me misisti.* Quid est hoc? Numquidnam tunc crediturus est mundus, quando in Patre et Filio unum omnes erimus? Nonne ista est pax illa perpetua, et potius fidei merces quam fides? Unum enim erimus, non ut credamus, sed quia credidimus. Sed etsi in hac vita propter ipsam communem fidem, omnes qui in unum credimus, unum sumus, juxta illud Apostoli, *Omnes enim vos unum estis in Christo Jesu* (*Galat. iii, 28*); etiam sic non ut credamus, sed quia credimus, unum sumus. Quid est ergo, *Omnes unum sint, ut mundus credat?* Ipsi quippe omnes mundus est credens. Neque enim alii sunt qui unum erunt, et alias est mundus propterea crediturus, quia illi unum erunt; cum procul dubio de his dicat, *Ut omnes unum sint, de quibus dixerat, Non pro his autem rogo tantum, sed et pro eis qui crediti*

sunt per verbum eorum in me, continuo subjugens. *Ut omnes unum sint.* Isti autem omnes quid est, nisi mundus, non hostilis utique, sed fidelis? Nam ecce qui dixerat, *Non pro mundo rogo* (*Joan. xvii, 9*), pro mundo rogit ut credit. Quoniam est mundus de quo scriptum est: *Ne cum hoc mundo dannemur* (*I Cor. xi, 32*). Pro isto mundo non rogit: neque enim quo sit prædestinatus, ignorat. Et est mundus de quo scriptum est, *Non enim venit Filius hominis ut judicet mundum, sed ut salvetur mundus per ipsum* (*Joan. iii, 17*): unde et Apostolus, *Deus, inquit, erat in Christo, mundum reconcilians sibi* (*Il Cor. v, 19*). Pro isto mundo rogit, dicens, *Ut mundus credit quia tu me misisti.* Per hanc enim fidem mundus reconciliatur Deo, cum credit in Christum qui est missus a Deo. Quomodo ergo intellecturi sumus quod ait, *Ut et ipsi in nobis unum sint, ut credat mundus quia tu me misisti:* nisi quia non in eo causam posuit ut credit mundus, quia illi unum sunt, tanquam ideo credit quod eos esse unum videt; cum ipse mundus sint omnes, qui credendo unum sunt: sed orando dixit, *Ut mundus credit;* sicut orando dixit, *Ut omnes unum sint;* orando dixit, *Ut et ipsi in nobis unum sint?* Hoc est enim omnes unum sint, quod est mundus credit: quoniam credendo unum sunt; perfecte unum, qui cum natura essent unum, dissentiendo ab uno non erant unum. Denique si verba quod ait, *rogo, tertio subaudiamus, vel potius quo plenius fiat, ubique ponamus;* erit hujus expositio sententiae manifestior: *Rogo ut omnes unum sint, sicut tu Pater in me, et ego in te: rogo ut et ipsi in nobis unum sint: rogo ut mundus credit quia tu me misisti.* Ideo quippe addidit, quod dixit, *in nobis,* ut quod unum efficiamur fidelissima charitate, gratia Dei neverimus tribuendum esse, non nobis: sicut Apostolus cum dixisset, *Fuistis enim aliquando tenebrae, nunc autem lux, inquit; et ne sibi hoc tribuerent, adjecit, in Domino* (*Ephes. v, 8*).

3. Deinde Salvator noster rogando Patrem, se hominem demonstrabat: nunc demonstrans et seipsum, quoniam cum Patre Deus est, facere quod rogit, *Et ego, inquit, claritatem quam dedisti mihi, dedi illis.* Quam claritatem, nisi immortalitatem, quam natura humana in illo fuerat acceptura? Nam nec ipse adhuc accepérat eam, sed more suo propter immobilitatem prædestinationis, præteriti temporis verbis futura significat, quod nunc clarificandus, hoc est suscitandus a Patre, et ipse sit nos ad eam claritatem suscitaturus in fine. Simile est hoc ei quod alibi dicit, *Sicut Pater suscitavit mortuos et vivificat, sic et Filius quos vult vivificat.* Et quos, nisi eosdem quos Pater? *Quæcumque enim Pater facit, non alia, sed haec et Filius;* nec aliter, sed similiter facit (*Joan. v, 21, 19*). Ac per hoc suscitavit et seipsum etiam ipse. Nam inde est, *Solvite templum hoc, inquit, et in triduo resuscitabo illud* (*Id. ii, 19*). Proinde immortalitatis claritatem, quam sibi a Patre datam dicit, etiam ipse sibi dedisse intelligentus est, etsi non dicit. Ideo quippe sepius solum Patrem facere dicit quod et ipse facit cum Patre, ut quidquid est ei tribuat de quo est. Sed et aliquando

etiam tacito Patre, se dicit facere quod facit cum Patre: ut intelligamus ita Filium non esse a Patris opere separandum, quando se tacito Patrem dicit aliquid operari; quemadmodum nec Pater ab opere Filii separatur, quando ipso tacito Filius operari dicitur, quod nihilominus pariter operantur. Cum ergo tacet Filius in opere Patris operationem suam, humilitatem commendat, ut sit nobis salubrior: cum vero vicissim in opere suo tacet operationem Patris, parilitatem suam commendat, ne credatur inferior. Isto igitur modo et hoc loco nec se facit alienum a Patris opere, quamvis dixerit, *Claritatem quam dedisti mihi;* quia et ipse dedit eam sibi: nec Patrem facit alienum ab opere suo, quamvis dixerit, *dedi eis;* quia et Pater illam dedit eis. Inseparabilia namque sunt opera non solum Patris et Filii, verum etiam Spiritus sancti. Sicut autem ex eo quod Patrem pro suis omnibus rogavit, hoc fieri voluit, *Ut omnes unum sint:* ita ex hoc etiam suo beneficio quod ait, *Claritatem quam dedisti mihi, dedi eis, id illeri nihilominus voluit;* nam continuo subjunxit, *Ut sint unum, sicut et nos unum sumus.*

4. Deinde addidit: *Ego in eis, et tu in me, ut sint consummati in unum.* Ubi se mediatorem inter Deum et homines breviter intimavit. Neque enim hoc ita dictum est, tanquam Pater non sit in nobis, aut nos in Patre non simus; cum et alio loco dixerit, *Veniemus ad eum, et mansionem apud eum faciemus* (*Joan. xiv, 23*): et hic paulo ante non dixerit, *Ego in eis et tu in me, quod dixit modo;* aut, *Ipsi in me et ego in te;* sed, *Tu in me et ego in te, et ipsi in nobis.* Quod ergo nunc ait, *Ego in eis et tu in me,* ita dictum est ex persona Mediatoris, sicut illud quod Apostolus ait, *Vos Christi, Christus vero Dei* (*I Cor. iii, 23*). Quod vero addidit, *Ut sint consummati in unum,* ostendit eo perduci reconciliationem, quæ fit per Mediatorem, ut perfecta beatitudine, cui jam nihil possit adjici, perfruamur. Unde id quod sequitur, *Ut cognoscat mundus quia tu me misisti,* non sic accipendum puto, tanquam iterum dixerit, *Ut credat mundus:* aliquando enim et cognoscere pro eo quod est credere ponitur, ut est quod ait aliquanto superius, *Et cognoverunt vere quia a te exivi, et crediderunt quia tu me misisti* (*Joan. xvii, 8*). Hoc dixit posterius crediderunt, quod prius dixerat cognoverunt. Sed hic quandoquidem de consummatione loquitur, talis est intelligenda cognitio, qualis erit per speciem, non qualis nunc est per fidem. Nam videtur ordo esse servatus in eo quod paulo ante dixit, *Ut credat mundus;* hic autem, *Ut cognoscat mundus.* Ibi enim quamvis dixerit, *Ut omnes unum sint, et in nobis unum sint,* non ait tamen, *Sint consummati in unum;* atque ita subnexuit, *Ut credat mundus quia tu me misisti:* hic vero, *Ut sint, inquit, consummati in unum;* ac deinde non addidit, *Ut credat mundus,* sed, *Ut cognoscat mundus quia tu me misisti.* Quamdiu enim credimus quod non videmus, nondum sumus ita consummati, quemadmodum erimus cum inruerimus videre quod credimus. Rectissime igitur ibi, *Ut credat mundus;* hic, *Ut cognoscat mundus:* tamen et ibi

et hic, *quia tu me misisti*; ut noverimus quantum pertinet ad Patris et Filii inseparabilem charitatem, hoc nos modo credere quod tendimus credendo cognoscere. Si autem diceret, Ut cognoscent quia tu me misisti: tantumdem valeret quantum hoc quod ait, *ut cognoscas mundus*. Ipsi sunt enim mundus, non permanens inimicus, qualis est mundus damnationi praedestinatus; sed ex inimico amicus effectus, propter quem Deus erat in Christo mundum reconcilians sibi. Ideo dixit, *Ego in eis, et tu in me: tanquam diceret, Ego in eis ad quos misisti me; et tu in me, mundum reconcilians tibi per me.*

5. Propterea sequitur etiam illud quod ait, *Ei dilexisti eos sicut et me dilexisti*. In Filio quippe nos Pater diligit, quia in ipso nos elegit ante constitutionem mundi (*Ephes. 1, 4*). Qui enim diligit Unigenitum, profecto diligit et membra ejus quae adoptavit in eum per eum. Nec ideo pares sumus unigenito Filio per quem creatus et recreati sumus; quia dictum est, *Dilexisti eos sicut et me*. Neque enim semper aequalitatem significat, qui dicit, *Sicut illud, ita et illud: sed aliquando tantum*, Quia est illud, est et illud; aut, Quia est illud, ut sit et illud. Quis enim dixerit eo prorsus modo in mundum a Christo Apostolos missos, quomodo est ipse missus a Patre? Ut enim alias taceam differentias, quas commemorare longum est, missi sunt certe illi cum iam homines essent; missus est autem ipse ut homo esset: et tamen superior ait, *Stetit me misisti in mundum, et ego misi eos in mundum* (*Joan. xvii, 18*); tanquam diceret, Quia misisti me, misi eos. Ita et hoc loco, *Dilexisti eos, inquit, sicut me dilexisti*; quod nihil aliud est quam, *Dilexisti eos, quoniam et me dilexisti*. Non enim membra Filii non diligenter qui diligit Filium; aut alia causa est diligendi membra ejus, nisi quia diligit eum. Sed diligit Filium secundum divinitatem, quia genuit illum aqualem sibi; diligit eum etiam secundum id quod homo est, quia ipsum unigenitum Verbum caro factum est, et propter Verbum est ei chara Verbi caro: nos autem diligit, quoniam sumus ejus membra quem diligit; et hoc ut essemus, propter hoc nos dilexit antequam essemus.

6. Quapropter incomprehensibilis est dilectio qua diligit Deus, neque mutabilis. Non enim ex quo ei reconciliati sumus per sanguinem Filii ejus, nos coepit diligere; sed ante mundi constitutionem dilexit nos, ut cum ejus Unigenito etiam nos filii ejus essemus, priusquam omnino aliquid essemus. Quod ergo reconciliati sumus Deo per mortem Filii ejus, non sic audiatur, non sic accipiatur, quasi ideo nos reconciliaverit ei Filius, ut jam inciperet amare quos oderat; sicut reconciliatur inimicus inimico, ut deinde sint amici, et invicem diligent qui oderant invicem: sed jam nos diligenti reconciliati sumus ei, cum quod propter peccatum inimicitias habebamus. Quod utrum verum dicam, attestetur Apostolus: *Commendat*,

Inquit, dilectionem suam Dens in nobis, quoniam enim adhuc peccatores essemus, Christus pro nobis mortuus est (*Rom. v, 8, 9*). Habet illaque illo erga nos charitatem, etiam cum iniurias adversum eum exercentes operarentur iniquitatem: et tamen si verissime dictum est, *Odiavi, Domine, omnes qui operantur iniquitatem* (*Psalm. v, 7*). Prinde tamen et divino modo et quando nos oderat, diligebat: oderat enim nos, quales ipse non fecerat; et quia iniquitas nostra opus ejus non omni ex parte consumpscerat, moverat simul in undique nostrum et odisse quod fecerant, et amare quod fecerat. Et hoc quidem in omnibus intelligi potest de illo, cui veraciter dicitur, *Nihil odiavi eorum quae feceris* (*Sap. xi, 25*). Non enim quodcumque odisset esse voluisse, aut omnino esset quod omnipotens esse traxisset, nisi et in eo quod odit, esset etiam quod amaret. Merito quippe odit, et velut a regula sue artis alienum improbat vitium: amat tamen suum etiam in vitiis vel sanatione beneficium, vel damnatione iudicium¹. Ita Deus, et nihil odiit eorum quae fecit: naturarum enim, non viatorum conditor, nra quae odit, ipse non fecit; et de malis eisdem vel sanando ea per misericordiam, vel ordinando per iudicium, bona sunt ipsa quae facit. Cum igitur eorum quae fecit nihil oderit, quis digne possit eloqui, quantu[m] diligit membra Unigeniti sui; et quanto amplius ipsum Unigenitum, in quo condita sunt omnia visibilia et invisibilia, quae in suis generibus ordinatae ordinatissime diligit? Membra quippe Unigeniti ad Angelorum sanctorum aequalitatem gracie suo largitate perducit: Unigenitus autem cum sit Dominus omnium, procul dubio est Dominus Angelorum, natura qua Deus est, non Angelis, sed Patri potius aequalis; gratia vero qua homo est, quomodo non excedit excellentiam cuiuslibet angeli, cum sit una persona carnis et Verbi?

7. Quanquam non desint qui etiam nos Angelis preferant; quia pro nobis, inquit, non pro Angelis mortuus est Christus. Id quid est aliud, quam de impietate velle gloriari? Etenim *Christus*, sicut ait Apostolus, *juxta tempus pro impiis mortuus est* (*Rom. v, 6*). Illic ergo non meritum nostrum, sed Dei misericordia commendatur. Nam quale est ideo se velle laudari, quia vitio suo tam detestabiliter agrotavit, ut non posset aliter quam medici morte sanari? Non est haec nostrorum gloria meritorum, sed medicina morborum. An ideo nos preferimus Angelis, quia eum et angeli peccaverint, nihil eis tale unde sanarentur impensum est? Quasi aliquid eis vel parvum fuerit impensum, et nobis amplius. Quod si et hoc factum esset, adhuc queri posset utrum ideo fuisset factum, quod steteramus excellentiam, an quod desperatus jacobinus. Cum vero noverimus honorum omnium Creatorem reparandis angelis malis nihil gratiae contulisse, cur non potius intelligimus quod tanto damnablem eorum iudicata sit culpa, quanto erat natura sublimior? Tanto enim minus quam nos

¹ In editis, reconciliati. At vero MSS., recreati.

² Sic MSS. Editi vero: *Sanationis beneficium, vel damnationis iudicium.*

peccato debuerunt, quanto meliores nobis fuerunt. Nunc autem in offendendo Creatorem tanto execrabilitas beneficio ejus ingrati exsisterunt, quanto benevolentius sunt creati; nec eis satis fuit desertores esse illas, nisi et nostri fierent deceptores. Hoc itaque nobis magnum bonum conseret, qui dilexit nos sicut dilexit Christum, ut propter ipsum cuius membra nos esse voluit, aequales Angelis sanctis simus (*Luc. xx, 36*), quibus et natura inferiores conditi sumus, et peccato indigniores facti, qui corum fieri qualescumque socii deberemus.

TRACTATUS CXI.

De eo quod Dominus dicit, Pater, quos dedisti mihi, volo ut ubi ego sum, et illi sint mecum; usque ad id, Ut dilectio qua dilexisti me, in ipsis sit, et ego in ipsis. Cap. xvii, ¶ . 24-26.

1. In magnam spem Dominus Jesus suos erigit, qua major omnino esse non possit. Audite, et ecce in spe gaudentes, propter quod vita ista non amanda, sed toleranda sit, ut esse possitis in ejus tribulatione patientes (*Rom. xii, 12*). Audite, inquam, et quo spes nostra levetur attendite. Christus Jesus dicit, Filius Dei unigenitus qui Patri coeternus et aequalis est, dicit; qui propter nos homo factus est, sed sicut omnis homo mendax (*Psal. cxv, 11*) non factus est, dicit; via, vita, veritas dicit (*Joun. xiv, 6*); qui mundum vicit (*Id. xvi, 33*), de his quibus vicit, dicit. Audite, credite, sperate, desiderate quod dicit: *Pater, inquit, quos dedisti mihi, volo ut ubi ego sum, et illi sint mecum.* Qui sunt isti quos ait a Patre datos sibi? Nonne illi de quibus alio loco dicit, *Nemo venit ad me, nisi Pater qui misit me, traxerit eum* (*Id. vi, 44*)? Jam quomodo ea quae fieri dicit a Patre, faciat et ipse cum Patre, si quid in hoc Evangelio profecimus, novimus. Ipsi sunt ergo quos a Patre accepit, quos et ipse elegit de mundo, atque elegit ut jam non sint de mundo, sicut non est et ipse de mundo: ut sint tamen etiam ipso mundus credens et cognoscens quod Christus a Deo Patre sit missus, ut mundus ex mundo liberaretur, ne mundus Deo reconciliandus cum mundo iniamicissimo damnaretur. Sic enim ait in hujus orationis exordio: *Dedisti ei potestatem omnis carnis*, id est omnis hominis, *ut omne quod dedisti ei, det eis vitam aeternam* (*Id. xvii, 2*). Ubi ostendit potestatem se quidem omnis hominis accepisse, ut liberet quos voluerit, damnet quos voluerit, qui vivos et mortuos iudicabit; sed eos sibi esse datos, quibus omnibus det vitam aeternam. Sic enim ait: *Ut omne quod dedisti ei, det eis vitam aeternam*. Proinde non ei dati sunt, quibus vitam non dabit aeternam: quamvis et ipsorum potestas data sit, cui potestas data est omnis carnis, id est omnis hominis. Ita mundus reconciliatus ex iniicio liberabitur mundo, cum in illum exserit potestatem suam, ut eum in mortem mittat aeternam: hunc autem facit suum, cui vitam donet aeternam. Quapropter omnibus prorsus ovibus suis bonus pastor, omnibus membris suis magnum caput promisit hoc premium, ut ubi ipse est, et nos cum illo simus: nec poterit nisi fieri quod omnipotenti Patri se velle

dixit omnipotens Filius. Ibi est enim et Spiritus sanctus pariter aeternus, pariter Deus, Spiritus unus eorum, et substantia voluntatis amborum. Nam illud quod dixisse legitur propinquante passione, *Verum non quod ego volo, sed quod tu vis, Pater* (*Matth. xxvi, 39*), quasi alia Patris, alia Filii sit voluntas aut fuerit, sonus est nostrae infirmitatis, quamvis fidelis, quam in se caput nostrum transfiguravit, quando etiam peccata nostra portavit. Unam vero esse Patris et Filii voluntatem, quorum etiam Spiritus unus est, quo adjuncto cognoscimus Trinitatem, etsi intelligere nondum permittit infirmitas, credit pietas.

2. Sed quoniam quibus promiserit et quam firma sit ipsa promissio, pro sermonis brevitate jam diximus; hoc ipsum quantum valemus, quid sit quod dignatus est pronuntiare videamus, *quos dedisti mihi*, inquit, *volo ut ubi ego sum, et illi sint mecum*. Quantum attinet ad creaturam in qua factus est ex semine David secundum carnem (*Rom. 1, 3*), nec ipse adhuc erat ubi futurus erat: sed eo modo dicere potuit, *ubi ego sum*, quo intelligeremus quod cito fuerat ascensus in celum, ut jam ibi esse se diceret ubi fuerat mox futurus. Potuit et in illo modo, quo ante jam dixerat loquens ad Nicodemum, *Nemo ascendit in celum, nisi qui descendit de celo, Filius hominis, qui in celo est* (*Joan. iii, 13*). Nam et ibi non dixit, Erat; sed, est, propter unitatem personae, in qua et Deus homo est, et homo Deus. In celo ergo nos futuros esse promisit: illo enim forma servi levata est, quam sumpsit ex Virgine, et ad Patris dexteram collocata. Propter spem tanti hujus boni et Apostolus ait: *Deus autem qui dives est in misericordia, propter multam dilectionem quam dedit nos, et cum essemus mortui peccatis, conviviscavit nos Christo, cuius gratia sumus salvi facti; et simul excitavit, et simul sedere fecit in celestibus in Christo Iesu* (*Ephes. ii, 4-6*). Illoc ergo potest intelligi dixisse Dominus, *Ut ubi ego sum, et illi sint mecum*. Et ipse quidem de se dixit quod ibi jam esset; de nobis autem velle se dixit ut essemus ibi cum illo, non quod jam essemus ostendit. Apostolus autem quod Dominus velle se dixit ut fieret, tanquam factum fuerit est locutus. Non enim ait, Excitatus est, et in celestibus sedere factorus; sed, *excitavit, et sedere in celestibus fecit*: quia non inaniter sed fideliter jam deputat factum quod futurum esse non dubitat. Quod vero attinet ad formam Dei in qua aequalis est Patri, si secundum eam velimus intelligere quod dictum est, *Volo ut ubi ego sum, et illi sint mecum*; abscedat ab animo omnis imaginum corporalium cogitatio: quidquid menti occurrit longum, latum, crassum, qualibet luce corporeo coloratum, per qualibet locorum spatia vel finita, vel infinita diffusum, ab his omnibus, quantum potest, aciem sue contemplationis vel intentionis avertat. Et non inquiratur aequalis Patri Filius ubi sit, quoniam nemo inventit ubi non sit. Sed qui vult querere, querat potius ut cum illo sit; non ubique sicut ille, sed ubicumque esse potuerit. Qui enim homini penaliter pendenti, et salubriter constenti ait, *Hodie tecum eris in paradyso* (*Luc. xxiii, 43*);

secundum id quod homo erat, anima ejus ipso die futura fuerat in inferno, caro in sepulcro; secundum autem id quod Deus erat, utique et in paradiso erat. Et ideo latronis anima a pristinis facinoribus absoluta, et illius munere jani beata, quamvis ubique sicut ille esse non poterat; tamen etiam ipso die cum illo in paradiso esse poterat, unde ille qui ubique semper est, non recesserat. Propterea nimis non ei satis fuit dicere, *Volo ut ubi ego sum, et illi sint*; sed addidit, *mecum*. Esse enim cum illo, magnum bonum est. Nam et miseri esse possunt ubi est ille, quoniam quicunque ubicumque fuerint, est et ille: sed beati soli sunt cum illo, quia beati esse non poterunt nisi ex illo. Annon Deo veraciter dictum est, *Si ascendero in caelum, tu ibi es; et si descendero in infernum, ades* (*Psalm. cxxxviii*, 8)? aut vero Christus non est Dei Sapientia, quae attingit ubique propter suam munditiam (*Sap. vii*, 24)? Sed lux lucet in tenebris, nec eam tenebrae comprehendunt (*Joan. i*, 5). Ac per hoc, ut de re visibili, quamvis longe dissimili, qualemunque sumamus exemplum, sicut cæcus etiam si ibi sit ubi lux est, non est tamen ipse cum luce, sed absens est a praesente; ita infidelis atque impius, aut etiam si fidelis et pius, nondum tamen ad intuendum lumen sapientiae idoneus, etiam si esse nosquam possit ubi non sit et Christus, non est tamen ipse cum Christo, duntaxat per speciem. Nam hominem pie fidem, non est dubitandum cum Christo esse per fidem: propter quod dicit, *Qui non est tecum, adversum me est* (*Math. xii*, 30). Sed cum Patri Deo dicebat, *Quos dedisti mihi, volo ut ubi ego sum, et ipsi sint tecum*; de specie illa omnino dicebat, in qua videbimus eum sicuti est (*I Joan. iii*, 2).

3. Nemo serenissimum sensum nubilosa contradictione perturbet; consequentia perhibent testimonium precedentibus verbis. Nempe cum dixisset, *Volo ut ubi ego sum, et ipsi sint tecum*, continuo secutus adjunxit, *Ut videant claritatem meam quam dedisti mihi, quia dilexisti me ante constitutionem mundi*. Ut videant, dixit; non, ut credant. Fidei merces est ista, non fides. Si enim fides in Epistola ad Hebreos recte definita est, *Convictio rerum quae non videntur* (*Hebr. xi*, 1); cur non merces fiduci definiatur, Visio rerum quae credita sperabantur? Cum viderimus enim claritatem quam dedit Pater Filio, etiam si eam dici hoc loco intelligamus, non quam Pater æquali Filio gignens eum dedit, sed quam facto hominis filio¹ dedit ei post mortem crucis: quando ergo videbimus illam Filii claritatem, profecto tunc siet iudicium vivorum atque mortuorum, tunc tolletur impius, ne videat claritatem Domini (*Isa. xxvi*, 10); quam, nisi illam qua Deus est? Beati enim mundicordes, quoniam ipsi Deum videbunt (*Math. v*, 8): nec mundicordes sunt impii, propterea non videbunt. Tunc ibunt ipsi in supplgium æternum; sic enim tolletur impius ne videat claritatem Domini: justi autem ibunt in vitam æternam (*Id. xxv*, 46). Et quae est vita æterna? *Ut cognoscant, inquit, te solum verum Deum, et quem mi-*

¹ Er. Lugd. et Ven., *sucto homini filio*. M.

sisti Jesum Christum (*Joan. xvii*, 3): non utique sicut eum cognoverunt qui licet non mundicordes, tamen in forma servi clarificata judicantem videre potuerunt; sed sicut cognoscendus est a mundis corde solus verus Deus, cum Patre et Spiritu sancto Filius, quia ipsa Trinitas est solus verus Deus. Si ergo secundum id quod Filius Dei Deus est Patri æqualis atque coæternus; accipiamus hoc dictum, *Volo ut ubi ego sum, et ipsi sint tecum*, in Patre cum Christo erimus; sed ille sicut ille, nos sicut nos, ubicumque corpore fuerimus. Si enim loca dicenda sunt, et quibus non corpora continentur, et locus est cuique rei ubi est; locus Christi æternus ubi semper est, ipse Pater est, et locus Patris Filius est; quia, *Ego*, inquit, *in Patre, et Pater in me est* (*Id. xiv*, 10); et in hac oratione, *Sicut tu Pater*, inquit, *in me, et ego in te*: et locus noster ipsi sunt, quia sequitur, *Ut et ipsi in nobis unum sint* (*Id. xvii*, 21): et nos locus Dei sumus, quoniam templo ejus sumus; sicut orat pro nobis qui mortuus est pro nobis, vivitque pro nobis, ut in ipsis unum simus; quia *factus est in pace locus ejus, et habitatio ejus in Sion* (*Psalm. lxxv*, 5), quæ nos sumus. Sed quis idoneus loca ista, vel quæ sunt in locis istis, sine spatiis capacitatibus et sine corporeis molibus cogitare? Non parum tamen proficitur, si saltem quidquid tale oculo cordis occurrit, negatur, respuitur, improbatur: et lux quædam in qua ista neganda, respuenda, improbanda cernuntur, sicut potuerit, cogitatur; et quan sit certa cognoscitur, et amat, ut inde surgatur, atque ad interiora tendatur: quæ cum penetrare mens invalida, et minus quam illa sunt, pura, nequierit; non sine aioris gemitu et desiderii lacrymis inde pelatur; et patienter ferat quamdiu sive mundatur, atque ut illic habitare valeat, sanctis moribus præparatur².

4. Quomodo ergo non erimus cum Christo ubi est, quando in Patre cum illo erimus in quo est? Neque hinc Apostolus nobis, quamvis nondum rem tenentibus, sed tamen spem gerentibus, tacuit. Ait enim: *Si resurrexissemus cum Christo, quæ sursum sunt querite, ubi Christus est in dextera Dei sedens; quæ sursum sunt sapientie, non quæ super terram*. Mortui enim estis, inquit, et vita vestra abscondita est cum Christo in Deo. Ecce interim sive ac spe vita nostra ubi Christus est, cum illo est; quia cum Christo in Deo est. Ecce velut jam factum est quod oravit ut fieret, dicens, *Volo ut ubi ego sum, et ipsi sint tecum*: sed nunc per fidem. Quando autem siet per speciem? *Cum Christus*, inquit, *apparuerit vita vestra, tunc et vos apparebitis cum ipso in gloria* (*Coloss. iii*, 1-4). Tunc apparebitis quod tunc erimus; quia tunc apparebit non inaniter nos id credidisse ac sperasse antequam essemus. Facit hoc cui Filius cum dixisset³, *Ut videant claritatem meam quam dedisti mihi*, continuo subjunxit, *Quia dilexisti me ante constitutionem mundi*. In illo enim dilexit et

² *Præparetur*, iuxta Er. Lugd. Ven. Lov. M.

³ Plurimi editi hic inter se discrepant. Sic legit Er.: *Faciat hoc Filius qui cum dixisset*. Lov., *antequam essemus facti: cui Filius cum dixisset*. Lugd. et Ven., *quod antequam essemus. Facit cui Filius cum dixisset*. M.

nos ante constitutionem mundi, et tunc praedestinavit quod in fine facturus est mundi.

5. *Pater, inquit, justus, mundus te non cognovit.* Quia justus es, ideo te non cognovit. Mundus quippe ille damnationi prae destinatus merito non cognovit: mundus vero quem per Christum reconciliavit sibi, non merito, sed gratia cognovit. Quid est enim eum cognoscere, nisi vita eterna? quam mundo damnato utique non dedit, reconciliato dedit. Propterea itaque mundus non cognovit, quia justus es, et meritis ejus, ut non cognosceret, tribuisti: et propterea mundus reconciliatus cognovit, quia misericors es, et ut cognosceret non ei merito, sed gratia subvenisti. Denique sequitur, *Ego autem te cognovi.* Ipse fons gratiae est Deus natura, homo autem de Spiritu sancto et Virgine ineffabili gratia: denique propter ipsum, quia gratia Dei per Jesum Christum est Dominum nostrum, *Et hi cognoverunt*, inquit, *quia tu me misisti.* Ipse est mundus reconciliatus. Sed quia tu me misisti, ideo cognoverunt: ergo gratia cognoverunt.

6. *Et notum feci eis, inquit, nomen tuum, et notum faciam.* Notum feci per fidem, notum faciam per speciem: notum feci cum sine peregrinantibus, notum faciam sine sine regnantibus. *Ut dilectio*, inquit, *quam dilexisti me, in ipsis sit, et ego in ipsis.* Non est usitata locutio, *dilectio quam dilexisti me, in ipsis sit, et ego in ipsis:* usitate quippe diceretur, dilectio qua dilexisti me. De græco quidem ista translatata est: sed sunt similares et latines; sicut dicimus, Fidelem servitatem servivit, strenuam militiam militavit; cum dici debuisse videatur, Fideli servitute servivit, strenua militia militavit. Qualis autem ista locutio est, *dilectio quam dilexisti me*; tali et Apostolus usus est, *Bonum certamen certavi* (II Tim. iv, 7): non ait, bono certamine, quod usitatius et tanquam rectius diceretur. Quonodo autem dilectio quam dilexit Pater Filium, est et in nobis, nisi quia membra ejus sumus, et in illo diligimur, cum ipse diligitor totus, id est caput et corpus? Ideo subiunxit, *et ego in ipsis;* tanquam dicaret, quoniam ego sum et in ipsis. Alter enim est in nobis tanquam in templo suo; aliter autem quia et nos ipse sumus, cum secundum id quod ut caput nostrum esset, homo factus est, corpus ejus sumus. Finita est Salvatoris oratio, incipit passio: ergo et iste sermo finiatur, ut de passione quod ipse donaverit, aliis sermonibus disputetur.

TRACTATUS CXII.

In id quod sequitur, Hæc cum dixisset Jesus, egressus est cum discipulis suis, etc.; usque ad id, Comprehenderunt Jesum, et ligaverunt eum. Cap. xviii, §. 1-12.

1. Terminato magno prolixo sermone quem post coenam Dominus, fundendo pro nobis proximus sanguini, ad discipulos habuit qui cum illo tunc erant, adjuncta oratione quam direxit ad Patrem, deinceps ejus passionem Joannes evangelista sic orsus est: *Hæc cum dixisset Jesus, egressus est cum discipulis suis trans torrentem Cedron, ubi erat hortus, in quem*

PATROL. XXXV.

introivit ipse et discipuli ejus. Sciebat autem et Judas, qui tradebat eum, locum; quia frequenter Jesus convenerat illuc cum discipulis suis. *Hoc quod narrat ingressum Dominum cum discipulis suis in hortum non continuo factum est, cum ejus illa finita esset oratio, de enus verbis ait, Hæc cum dixisset Jesus: sed alia quaedam sunt interposita que ab isto præmissa apud alios evangelistas leguntur; sicut apud hunc inveniuntur multa que illi similiter in sua narratione tacuerunt. Quonodo autem inter se omnes conveniant, nec veritati que per alium promittur, ab alio repugnetur, quisquis nosse desiderat, non in his sermonibus, sed in aliis laboriosis litteris querat (a); nec stando et audiendo, sed potius sedendo et legendendo, vel legenti aurem mentemque intentissimam præbendo, illa condiscat. Credat tamen antequam sciat, sive id etiam scire in hac vita possit, sive per aliqua impedimenta non possit, nihil ab aliquo evangelista esse conscriptum, quantum ad hos attinet quos in auctoritatem canonicanam recepit Ecclesia, quod vel ipsius vel alterius non minus veraci narrationi possit esse contrarium. Nunc itaque hujus beati Joannis narrationem, ut suscepimus tractandam, sine aliorum comparatione videamus, in eis que manifesta sunt non innorantes; ut hoc ubi opus est, causa poscent facianus. Non ergo sic accipiamus quod ait, *Hæc cum dixisset Jesus, egressus est cum discipulis suis trans torrentem Cedron, ubi erat hortus, in quem introivit ipse et discipuli ejus, tanquam continuo post illa verba in illum hortum fuerit ingressus: sed ad hoc valeat quod dictum est, Hæc cum dixisset Jesus, ut non eum ante opinemur ingressum, quam illa verba sineret.**

2. *Sciebat, inquit, et Judas, qui tradebat eum, locum.* Ordo verborum est, *Sciebat locum qui tradebat eum. Quia frequenter, inquit, Jesus convenerat illuc cum discipulis suis.* Ibi ergo lupus ovina pelle contectus, et inter oves alto Patrisfamilias consilio toleratus, didicit ubi ad tempus exiguum dispergeret gregem, insidiis appetendo pastorem. *Judas ergo, inquit, cum accepisset cohortem, et a principibus et Phariseis ministros, venit illuc cum laternis et facibus et armis.* Cohors non Judæorum, sed militum fuit. A preside itaque intelligatur accepta, tanquam ad tendendum reuin, servato ordine legitime potestatis, ut nullus tenentibus auderet obsistere: quanquam et manus tanta fuerat congregata, et sic armata veniebat, ut vel terretur vel etiam repugnaret, si quisquam Christum defendere auderet. Ita quippe ejus abscondebatur potestas, et obtenebatur infirmitas, ut hæc inimicis necessaria viderentur adversus eum, in quem nihil valuisset nisi quod ipse voluisset; bene utens bonus malis, et faciens bona de malis, ad faciendo bonos ex malis et discernendos bonos a malis.

3. «Jesus itaque,» sicut Evangelista secutus adjungit, «sciens omnia que ventura erant super eum, processit, et dicit eis: Quem queritis? Responderunt ei: Jesum Nazarenum. Dicit eis Jesus: Ego sum. Stabat

(a) Mittit ad suos libros de consensu Evangelistarum.
(Soixante-une.)

autem et Judas, qui tradebat eum, cum ipsis. Ut ergo dixit eis, Ego sum, abierunt retrorsum, et ceciderunt in terram. » Ubi nunc militum cohors, et ministri principum ac Pharisæorum? ubi terror et munimen armorum? Nempe una vox dicentis, *Ego sum*, tantam turbam odiis ferocem armisque terribilem, sine telo ullo percussit, repulit, stravit. Deus enim latebat in carne; et semipaternus dies ita membris occultabatur humanis, ut laternis et facibus quereretur occidens a tenebris. *Ego sum*, dicit; et impios dejicit. Quid judicaturus faciet, qui judicandus hoc fecit? Quid regnatus poterit, qui moriturus hoc potuit? Et nunc ubique per Evangelium, *Ego sum*, dicit Christus; et a Iudeis exspectatur Antichristus, ut retro redcant, et in terram cadant, quoniam deserentes cœlestia, terrena desiderant. Certe ad comprehendendum Jesum persecutores cum traditore venerunt, quem quærebant invenerunt, audierunt *Ego sum*: quare non comprehendenterunt, sed abierunt retro, et ceciderunt, nisi quia hoc voluit, qui potuit quidquid voluit? Verum si nunquam se ab eis permetteret apprehendi, non quidem illi facerent propter quod venerant, sed nec ipse faceret propter quod venerat. Eum quippe illi occidendum quærebant sæviendo; sed quærebat nos et ipse moriendo. Proinde quia tenere voluntibus, nec valentibus, ostendit potestatem suam; jam teneant eum, ut faciat de nescientibus voluntatem suam.

4. « Iterum ergo eos interrogavit: Quem quæritis? Illi autem dixerunt: Jesum Nazarenum. Respondit Jesus: Duxi vobis quia ego sum. Si ergo me quæritis, sinite hos abire. Ut impleretur sermo quem dixit, Quia quos dedisti mihi, non perdidi ex eis quemquam. Si me, » inquit, « quæritis, sinite hos abire. » Inimicos videt¹, et hoc faciunt quod jubet; sinunt eos abire, quos non vult perire. Numquid autem non erant postea morituri? Cur ergo si tunc morerentur, perderet eos, nisi quia nondum sic in eum credebant, quomodo credunt quicumque non pereunt?

5. Simon ergo Petrus habens gladium, eduxit eum, et percussit servum principis sacerdotum, et abscedit ejus auriculam dexteram. Erat autem nomine servo Malchus. Solus hic evangelista etiam nomen hujus servi expressit: sicut Lucas solus, quod ejus auriculam Dominus tetigerit, et sanaverit eum (*Luc. xxii*, 51). Malchus autem interpretatur Regnatus. Quid ergo auris pro Domino amputata et a Domino sanata significat, nisi auditum amputata vetustate renovatum, ut sit in nobilitate spiritus, et non in vetustate litteræ (*Rom. vii*, 6)? Quod cui præstitum fuerit a Christo, quis dubitet regnaturum esse cum Christo? Quod autem servus inventus est, et hoc ad illam pertinet vetustatem quæ in servitutem generat, quod est Agar (*Galat. iv*, 24). Sed cum accessit sanitas, figurata est et libertas. Factum tamen Petri Dominus improbavit, et progredi ultra prohibuit dicens: *Mitte gladium in vaginam. Calicem quem dedit mihi Pater, non bibam illum?* In suo

¹ Thomas Aquinas in Catena legit hic, inimicos jubet, nec admodum inconvenire. M.

quippe facto ille discipulus magistrum defendere voluit, non quod significandum est cogitavit. Et ille igitur ad patientiam commonendus fuit, et hoc ad intelligentiam conscribendum. Quod autem a Patre sibi dicit datum calicem passionis, profecto illud est quod ait Apostolus: *Si Deus pro nobis, quis contra nos?* Qui Filio proprio non pepercit, sed pro nobis omnibus tradidit eum (*Rom. viii*, 31, 32). Verum auctor calicis hujus est etiam ipse qui bibit. Unde idem apostolus item dicit: *Christus dilexit nos, et tradidit semetipsum pro nobis oblationem et hostiam Deo in odorem suavitatis* (*Ephes. v*, 2).

6. *Cohors autem et tribunus et ministri Iudeorum comprehenderunt Jesum, et ligaverunt eum.* Comprehenderunt ad quem non accesserunt: quoniam dies ille, illi vero tenebrae permanerunt; nec audierunt, *Accedite ad eum et illuminamini* (*Psalm. xxxiii*, 6). Si enim sic accederent, non eum manibus occidendum, sed recipiendum corde comprehenderent. Nunc autem quando eum illo modo comprehenderunt, tunc ab illo longius recesserunt: et ligaverunt eum a quo solvi potius velle debuerunt. Et erant fortassis in eis qui tunc imposuerunt Christo vincula sua, atque ab eo postea liberati dixerunt, *Disrupisti vincula mea* (*Psalm. cxv*, 16). Haec hodie satis sint; tractabuntur, Deo volente, sermone alio quæ sequuntur. •

TRACTATUS CXIII.

Ab eo quod legitur, Et adduxerunt eum ad Annam primum; usque ad id, Iterum ergo negavit Petrus, et statim gallus cantavit. Cap. xviii, § . 13-27.

1. Posteaquam persecutores tradente Juda comprehendens Dominum ligaverunt, qui dilexit nos et tradidit semetipsum pro nobis (*Ephes. v*, 2), et cui Pater non pepercit, sed pro nobis omnibus tradidit eum (*Rom. viii*, 32); ut intelligatur Judas, non laudabilis utilitate traditionis hujus, sed sceleris voluntate damnabilis: *Adduxerunt eum*, sicut Joannes evangelista narrat, *ad Annam primum*. Nec tacet causam cur ita factum sit: *Erat enim, inquit, socer Caiphæ, qui erat pontifex anni illius. Erat autem, inquit, Caiphæ qui consilium dedit Iudeis, Quia expedit uram hominem mori pro populo.* Merito et Matthæus cum id brevius narrare voluisse, eum ad Caipham ductum fuisse commemorat (*Matth. xxvi*, 57); quia et ad Annam prius ideo duxus est, quod socer ejus fuerit: ubi intelligendum est hoc eumdem Caipham fieri voluisse.

2. *Sequebatur autem, inquit, Jesum Simon Petrus, et aliis discipulis.* Quisnam iste sit discipulus, non temere affirmandum est, quia tacetur. Solet autem se idem Joannes ita significare, et addere, *quem diligebat Jesus* (*Ioan. xiii*, 23, et *xix*, 26). Fortassis ergo et hic ipse est: quisquis tamen sit, sequentia videamus. « Discipulus autem ille, » inquit, « erat notus pontifici, et introivit cum Jesu in atrium pontificis: Petrus autem stabat ad ostium foris. Exiit ergo aliis discipulus qui erat notus pontifici, et dixit ostiariæ et introduxit Petrum. Dicit ergo Petro ancilla ostiaria: Numquid et tu ex discipulis es hominis istius? Dicit

ille : Non sum. » Ecce columna firmissima ad unius aure impulsum tota contremuit. Ubi¹ est illa promptitudinis audacia, et de se plurimum praesidentis? Ubi sunt verba illa, quando ait, *Quare non possum te sequi modo? animam meam pro te ponam* (*Joan. xiii, 37*)? Hoc cincis est sequi magistrum, se negare discipulum? siccine pro Domino anima ponitur, ut hoc ne fiat, vox ancillæ formidetur? Sed quid mirum si Deus vera prædixit, homo autem falsa præsumpsit? Sane in ista quæ jactant coepita est negatione apostoli Petri, debemus advertere non solum ab eo negari Christum, qui dicit eum non esse Christum; sed ab illo etiam qui cum sit, negat se esse christianum. Dominus enim non ait Petro, Discipulum meum te negabis; sed, *me negabis* (*Matth. xxvi, 34*). Negavit ergo ipsum, cum se negavit ejus esse discipulum. Quid autem aliud isto modo quam se negavit esse Christianum? Quamvis enim discipuli Christi nondum appellarentur hoc nomine: post ascensionem quippe ejus in Antiochia primum coeperunt appellari discipuli Christiani (*Act. xi, 26*): jam tamen erat res ipsa illo postea vocabulo nuncupanda, jam erant discipuli qui postea appellati sunt Christiani; et hoc communne nomen, sicut commune nōdem, etiam ad posteros transmisserunt. Qui ergo se Christi negavit esse discipulum, ipsam rem negavit, cuius nomen est vocari christianum. Quam multi postea, non dico senes et anas, in quibus hujus vitæ satietas facilius potuit mortem pro Christi confessione contemnere; nec solum juvenis utriusque sexus, de qua ætate convenienter videtur exigi fortitudo; sed etiam pueri puellæque potuerunt, et innumerabilis societas sanctorum martyrum in regnum cœlorum fortiter et violenter intravit, quod tunc iste non potuit, qui claves regni ejus accepit (*Matth. xvi, 19*)? Ecce unde dictum est, *Sinete hos abire*, quando se pro nobis tradidit, qui suo sanguine nos redemit; ut impleretur sermo quem dixit, *Quia quos dedisti mihi, non perdidisti eis quicquam*. Utique enim Petrus si negato Christo hinc iret, quid aliud quam periret?

3. *Stabant autem servi et ministri ad prunas, quia frigus erat, et calefaciebant se*. Non hiems erat, sed tamen frigus erat: quod solet etiam æquinoctio verno aliquando contingere. » Erat autem cum eis et Petrus stans, et calefaciens se. Pontifex ergo interrogavit Jesum de discipulis ejus, et de doctrina ejus. Respondit ei Jesus: Ego palam locutus sum mundo, ego semper docui in synagoga² et in templo, quo omnes Iudei conveniunt, et in occulto locutus sum nihil: quid me interrogas? Interroga eos qui audierunt quid locutus sum ipsis: ecce hi sciunt quæ dixerim ego. » Non prætereunda nascitur quæstio, quomodo dixerit Dominus Jesus, *Ego palam locutus sum mundo*; et maxime illud quod ait, *In occulto locutus sum nihil*. Nonne in hoc ipso recentiore sermone, quem post cœnam discipulis est locutus, ait illis: *Hæc in proverbiis locutus sum vobis: venit hora cum jam non in proverbiis*

¹ *Hæc verba, columna firmissima ad unius aure impulsum tota contremuit. Ibi, non exstant in MSS.*

² *MSS., in synagogis.*

loqueris vobis, sed palam de Patre meo annuntiabo vobis (*Joan. xvi, 25*)? Si ergo ipsis conjunctioribus discipulis suis non loquebatur palam, sed horam promittebat quando palam erat locuturus, quonodo palam locutus est mundo? Deinde illis ipsis suis, sicut aliorum quoque evangelistarum testatur auctoritas, in eorum comparatione qui discipuli ejus non erant, multo utique manifestius loquebatur, quando cum solis erat, remotus a turbis: tunc enim eis et parabolas aperiebat, quas clausas proferebat ad alios. Quid est ergo, *In occulto locutus sum nihil*? Sed intelligendum est ita eum dixisse, *Palam locutus sum mundo*; ac si dixisset, Multi me audierunt. Ipsum autem palam modo quodam erat palam, modo autem quodam non erat palam. Palam quippe erat, quia multi audiebant; et rursum non erat palam, quia non intelligebant. Et quod seorsum discipulis loquebatur, non in occulto utique loquebatur. Quis namque in occulto loquitur, qui coram tot hominibus loquitur; cum scriptum sit, *In ore duorum vel trium testium stabit omne verbum* (*Deut. xix, 15*): præsertim si hoc loquitur paucis, quod per eos velit innotescere multis; sicut ipse Dominus ait illis, quos adhuc paucos habebat, *Quod dico vobis in tenebris, dicite in lumine; et quod in aure auditis, prædicate super tecta* (*Matth. x, 27*)? Ergo et hoc ipsum quod ab ipso dici videbatur occulte, quodammodo non dicebatur in occulto: quia non ita dicebatur, ut ab eis quibus dictum fuerat, taceretur; sed ita potius, ut usquequa prædicaretur. Sic ergo dici potest aliquid et palam simul et non palam, vel in occulto simul et non in occulto, quomodo dictum est, *Ut videntes videant, et non videant* (*Marc. iv, 12*). Quomodo enim videant, nisi quia palam, non in occulto; et quomodo idem ipsi rursus non videant, nisi quia non palam, sed in occulto? Ea tamen ipsa quæ audierant et non intellexerant, talia erant, ut non possent juste ac veraciter criminari: et quotiescumque interrogando tentarunt, ut invenirent unde accusarent eum, sic eis respondit, ut omnes eorum retunderentur dolii, et calumnias frustrarentur. Ideo dicebat, *Quid me interrogas? Interroga eos qui audierunt quid locutus sum ipsis: ecce hi sciunt quæ dixerim ego.*

4. *Hæc autem cum dixisset, unus assistens ministrorum dedit alapam Jesu, dicens: Sic responde pontifici? Respondit ei Jesus: Si male locutus sum, testimonium perhibe de malo; si autem bene, quid me cedis?* Quid ista responsione verius, mansuetius, justius? Ejus est enim de quo prophætica vox præcesserat, *Intende, et prospere procede, et regna; propter veritatem, et mansuetudinem, et justitiam* (*Psal. XLIV, 5*). Si cogitemus quis acceperit alapam, nonne vellemus eum qui percussit, aut cœlesti igne consumi, aut terra deluiscente sorberi, aut correptum dæmonio voluntari, aut aliqua hujusmodi qualibet poena, vel etiam graviore puniri? Quid enim horum per potentiam jubere non potuisse per quem factus est mundus, nisi patientiam nos docere maluisset qua vincitur mundus? Illic dicit aliquis: Cur non fecit quod ipse præcepit (*Matth. v, 39*)? percutienti enim non

sic respondere, sed maxillam debuit alteram præbere¹. Quid quod et veraciter, mansuete, justeque respondit, et non solum alteram maxillam iterum percussuro, sed totum corpus ligendum preparavit in ligno? Et hinc potius demonstravit, quod demonstrandum fuit, sua scilicet magna illa præcepta patientiæ non ostentatione corporis, sed cordis præparatione facienda. Fieri enim potest ut alteram maxillam visibiliter præbeat homo et iratus. Quanto ergo melius et respondet vera placatus, et ad perferenda graviora tranquillo animo sit paratus? Beatus est enim qui in omnibus quæ inuste pro justitia patitur, potest veraciter dicere, *Paratum cor meum, Deus, paratum cor meum*: hinc sit quippe quod sequitur, *Cantabo et psallam* (*Psal. lvi, 8*); quod Paulus et Barnabas(a) etiam in vinculis durissimis facere potuerunt.

5. Sed ad narrationis evangelicæ sequentia redamus. *Et misit eum Annas ligatum ad Caipham pontificem*. Ad illum, sicut Matthæus dicit, ab initio ducebatur, quoniam ipse erat illius anni princeps sacerdotum. Alternos quippe intelligendi sunt agere solere annos ambo pontifices, id est principes sacerdotum, qui erant illo tempore Annas et Caiphas, quos Lucas evangelista commemorat, narrans quo tempore cœperit Domini præcursor Joannes prædicare regnum cœlorum, et congregare discipulos. Sic enim dicit: *Sub principibus sacerdotum Anna et Caipha, factum est verbum Domini super Joannem Zachariæ filium in deserto* (*Luc. iii, 2*), et cetera. Proinde isti ambo pontifices vicissim suos annos agebant: et erat annus Caiphæ quando passus est Christus. Ideo secundum Matthæum cum comprehensus esset, ad eum ductus est: sed prius ad Annam secundum Joannem venerunt cum illo; non quia collega, sed quia socer ejus erat. Et credendum est secundum voluntatem Caiphæ id esse factum, vel etiam domos eorum ita fuisse positas, ut non deberet Annas a transeuntibus præteriri.

6. Sed cum dixisset Evangelista quod eum ligatum miserit Annas ad Caipham, reversus est ad locum narrationis, ubi reliquerat Petrus, ut explicaret quod in domo Annæ de trina ejus negatione contigerat. *Erat autem*, inquit, *Simon Petrus stans et calefaciens se*. Hoc recapitulat quod ante jam dixerat: deinde quæ secuta sunt jungit. *Dixerunt ergo ei*: *Numquid et tu ex discipulis ejus es?* Negavit ille, et dixit: *Non sum*. Jam semel negaverat; ecce iterum. Deinde ut tertia negatio compleatur, *Dicit unus ex servis pontificis, cognatus ejus cuius abscondit Petrus auriculam*: *Nonne ego te vidi in horto cum illo?* Iterum ergo negavit Petrus, et statim gallus cantavit. Ecce medici completa est prædictio, ægroti convicta præsumptio. Non enim factum est quod iste dixerat, *Animam meam protponam*; sed factum est quod ille prædixerat, *Ter me negabis* (*Joan. xiii, 38*). Sed trina Petri negatione completa, jam et iste sermo compleatur, ut deinceps

¹ Decem MSS., *præparare*.

(a) Fortasse legendum Silas, ex *Act. xvi, 25*.

que de Domino apud Pontium Pilatum præsidem gesta sunt, ab alio consideremus exordio.

TRACTATUS CXIV.

Ab eo loco, Adducunt ergo Jesum ad Caipham in prætorium; usque ad id, Ut sermo Jesu impleretur quem dixit, significans qua morte esset moriturus. *Cap. xviii, §. 28-32.*

1. Que cum Domino vel de Domino nostro Jesu Christo apud Pontium Pilatum præsidem gesta sint, quantum Joannes evangelista indicat, deinde videamus. Redit enim ad locum narrationis suæ ubi eam reliquerat, ut explicaret Petri negationem. Jam quippe dixerat, *Et misit eum Annas ligatum ad Caipham pontificem* (*Joan. xviii, 24*): atque inde regressus ubi dimiserat Petrum calefacientem se ad ignem in atrio, posteaquam totam ejus negationem, quæ ter facta est, terminavit, *Adducunt ergo Jesum*, inquit, *ad Caipham in prætorium*. Ad Caipham quippe ab Anna collega et socero ejus dixerat missum. Sed si ad Caipham, cur in prætorium? Quod nihil aliud vult intelligi, quam ubi præses Pilatus habitabat. Aut igitur aliqua urgente causa de domo Annæ, quo ad audiendum Jesum ambo convenerant, Caiphas perreverat ad prætorium præsidis, et socero suo Jesum reliquerat audiendum: aut in domo Caiphæ prætorium Pilatus accepérat, et tanta domus erat, ut seorsum habitantem dominum suum, seorsum judiceem ferret.

2. *Erat autem mane, et ipsi*, id est qui ducebant Jesum: *non introierunt in prætorium*, hoc est in eam partem domus quam Pilatus tenebat, si ipsa erat domus Caiphæ. Cur autem non introierunt in prætorium, exponens causam, *Ut non contaminarentur*, inquit, *scd ut manducarent Pascha*. Dies enim agere cœperant azymorum: quibus diebus contaminatio illis erat in alienigenæ habitaculum intrare. O impia cœcitas! Habitaculo videlicet contaminarentur alieno, et non contaminarentur scelere proprio? Alienigenæ judicis prætorio contaminari timebant, et fratris innocentis sanguine non timebant: ut hoc solum interim dicam, ubi rea malorum conscientia tenebatur. Nam quod etiam Dominus erat, qui eorum impietate ducebatur ad mortem, et vitæ dator occidebatur; non eorum conscientia, sed ignorantia deputetur.

3. *Exivit ergo Pilatus ad eos foras*, et dixit: *Quam accusationem afferitis adversus hominem hunc?* Responderunt, et dixerunt ei: *Si non esset hic malefactor, non tibi tradidissemus eum*. Interrogentur atque respondeant ab immundis spiritibus liberati, languidi sanati, leprosi mundati, surdi audientes, muti loquentes, cæci videntes, mortui resurgententes, et quod omnia superat, stulti sapientes, utrum sit malefactor Jesus. Sed ista dicebant, de quibus per prophetam jam ipse prædixerat, *Retribuebant mihi mala pro bonis* (*Psal. xxxiv, 12*).

¹ Sic etiam in libro tertio de Consensu Evangelistarum, cap. 7. At in sacris Bibliis habetur nuic, *apo tos Caipha. a caipha*.

4. *Dixit ergo eis Pilatus : Accipite eum vos, et secundum Legem vestram judicate eum. Dixerunt ergo ei Iudei : Nobis non licet interficere quemquam. Quid est quod loquitur insana crudelitas ? An non interficiebant, quem interficiendum offerebant ? An forte crux non interficit ? Sic desipiunt, qui non sectantur, sed insectantur sapientiam. Quid est autem, Nobis non licet interficere quemquam ? Si malefactor est, cur non licet ? Nonne Lex eis præcepit, ne malefactoribus, præsertim (qualem istum putabant) a suo Deo seductoriis parcent (*Deut. xiii, 5*) ? Sed intelligendum est eos dixisse non sibi licere interficere quemquam, propter diei festi sanctitatem, quem celebrare jam cœperant ; propter quem de ingressu etiam prætorii contaminari metuebant. Itane obduruistis, falsi Israeliti ? itane omnem sensum nimia malitia perdidistis, ut ideo vos a sanguine innocentis impollutos esse creditis, quia eum fundendum alteri tradidistis ? Numquid et Pilatus illum, qui potestati ejus a vobis ingeritur occidendum, suis est manibus occisurus ? Si non eum voluistis occidi, si non insidiati estis, si non vobis tradendum pecunia comparastis, si non comprehendistis, vinxistis, adduxistis, si non occidendum manibus obtulistis, vocibus poposcistis, non eum a vobis imperfectum esse jactate. Si autem illis omnibus vestris præcedentibus factis, atiam Crucifige, crucifige, clamastis (*Joan. xix, 6*) ; audite quod contra vos etiam propheta clamat : *Fili hominum, dentes eorum arma et sagittæ, et lingua eorum machæra acuta* (*Psal. lvi, 5*). Ecce quibus armis, quibus sagittis, qua machæra justum interfecisti, quando vobis interficere quemquam non licere dixisti. Hinc est quod ad comprehendendum Jesum, cum sacerdotum non venissent principes, sed miserent ; Lucas tamen evangelista in eodem narrationis suæ loco ait : *Dixit autem, inquit, Jesus ad eos qui venerant ad se, principes sacerdotum, et magistratus templi, et seniores : Quasi ad latronem existis* (*Luc. xxii, 52*), et cætera. Sicut ergo principes sacerdotum non per seipsos, sed per eos quos miserant ad comprehendendum Jesum, quid aliud quam ipsi in sue jussionis potestate venerunt ? sic omnes qui crucifigendum Christum impii vocibus clamaverunt, non quidem per seipsos eum, sed tamen ipsi per illum qui eorum clamore ad hoc nefas impulsus est, occiderunt.*

5. Quod vero Joannes evangelista subjungit, *Ut sermo Jesu impleretur quem dixit, significans qua morte esset moriturus* : si mortem crucis hic velimus accipere, tanquam ideo dixerint Iudei, *Nobis non licet interficere quemquam*, quia interfici aliud est, aliud crucifigi ; non video quomodo id possit consequenter intelligi, cum hoc ad Pilati verba responderint, quibus eis dixerat, *Accipite eum vos, et secundum Legem vestram judicete eum*. Numquid ergo eum non poterant accipere, et ipsi eum crucifigere, si per tale genitum supplicii interpolationem cuiusquam vitare cupiebant ? Quis autem non videat quam sit absurdum eis licere quemquam crucifigere, quibus non licet quemquam interficere ? Quid quod ipse Dominus eamdem mortem suam, id est mortem crucis, etiam interpolationem

vocat, sicut legimus apud Marcum, ubi ait : « Ecce ascendimus Jerosolymam, et Filius hominis tradetur principibus sacerdotum et Scribis, et damnabunt eum morte, et tradent eum Gentibus ; et illudent ei, et conspuent eum, et flagellabunt eum, et interficiant eum, et tertia die resurget » (*Marc. x, 33, 34*) ? Nimirum ergo ista dicendo significavit Dominus qua esset morte moriturus : non quod hic mortem crucis vellet intelligi, sed quod eum Iudei fuissent Gentibus tradituri, hoc est Romanis. Nam Pilatus Romanus erat, eumque in Iudeam Romani præsiden miserant. Ut ergo iste sermo Jesu impleretur, id est, ut eum sibi traditum Gentes interficerent, quod Jesus futurum esse prædixerat ; ideo Pilatus qui judex Romanus erat, cum vellet eum reddere Iudeis, ut secundum Legem suam judicaret eum, noluerunt eum accipere dicentes, *Nobis non licet interficere quemquam*. Ac sic impletus est sermo Jesu, quem de sua morte prædictis, ut eum a Iudeis traditum interficerent Gentes ; minore scelere quam Iudei, qui se isto modo ab ejus interfectione velut alienos facere voluerunt, non ut eorum innocentia, sed ut dementia monstraretur.

TRACTATUS CXV.

De eo quod dicitur, Introivit ergo iterum in prætorium Pilatus ; usque ad id, Erat autem Barabbas latro. Cap. xviii, § . 33-40.

1 Quid Pilatus dixerit Christo, quidve Pilato ille responderit, isto sermone considerandum atque tractandum est. Cum enim dictum esset Iudeis, « Accipite eum vos, et secundum Legem vestram judicete eum » atque illi respondissent, « Nobis non licet occidere quemquam ; introivit iterum in prætorium Pilatus, et vocavit Jesum, et dixit ei : Tu es rex Iudeorum ? Et respondit Jesus : A temetipso hoc dicens, an alii tibi dixerunt de me ? » Sciebat utique Dominus et quod ipse interrogavit, et quod ille responsurus fuit ; sed tamen dici voluit, non ut ipse sciret, sed ut scriberetur quod nos voluit ut sciremus. Respondit Pilatus : Numquid ego Iudeus sum ? Gens tua et pontifices tradiderunt te mihi : quid fecisti ? Respondit Jesus : Regnum meum non est de hoc mundo. Si ex hoc mundo esset regnum meum, ministri mei utique decertarent, ut non traderer Iudeis : nunc autem regnum meum non est hinc. » Hoc est quod bonus magister scire nos voluit : sed prius nobis demonstranda fuerat vana hominum de regno ejus opinio, sive Gentium, sive Iudeorum, a quibus id Pilatus audierat : quasi propterea morte fuisse plectendus, quod illicitum affectaverit regnum ; vel quoniam solent regnaturis invidere regnantes, et videlicet cavendum erat ne ejus regnum sive Romanis, sive Iudeis esset adversum. Poterat autem Dominus quod ait, *Regnum meum non est de hoc mundo*, etc., ad primam interrogationem præsidis respondere, ubi ei dixit, *Tu es rex Iudeorum ?* sed eum vicissim interrogans utrum hoc a semetipso diceret, an audisset ab aliis, illo respondentie ostendere voluit hoc sibi apud illum fuisse a Iudeis velut crimen objectum : patefaciens nobis co-

gitationes hominum, quas ipse noverat, quoniam vanæ sunt (*Psalm. xciiii, 11*); eisque post responsionem Pilati, jam Judæis et Gentibus opportunius aptiusque respondens, *Regnum meum non est de hoc mundo*. Quod si interroganti Pilato continuo respondisset; non etiam Judæis, sed solis Gentibus hoc de se opinantibus respondisse videretur. Nunc vero quoniam respondit Pilatus, *Numquid ego Judæus sum? Gens tua et pontifices tradiderunt te mihi?* abstulit a se suspicione, quia posset putari a semetipso dixisse quod Iesu regem dixerat esse Judæorum, id se a Judæis audisse demonstrans. Deinde dicendo, *Quid fecisti?* satis ostendit illud ei pro crimine objectum: tanquam diceret, *Si regem te negas, quid fecisti ut tradereris mihi?* Quasi mirum non esset si puniendus judici traderetur, qui se diceret regem: si autem hoc non dicaret, querendum ab illo esset quid aliud forte fecisset, unde tradi judici dignus esset.

2. Audite ergo, Judæi et Gentes; audi, circumcisio; audi, præputium; audite, omnia regna terrena: Non impedio dominationem vestram in hoc mundo, *Regnum meum non est de hoc mundo*. Nolite metuere metu vanissimo quo Herodes ille major, cum Christus natus nuntiaretur, expavit, et tot infantes ut ad cū mors perveniret, occidit (*Matthew. ii, 3, 16*), timendo magis quam irascendo crudelior, *Regnum*, inquit, *meum non est de hoc mundo*. Quid vultis amplius? Venite ad regnum quod non est de hoc mundo; venite credendo, et nolite sacerdote metuendo. Dicit quidem in prophetia de Deo Patre, *Ego autem constitutus sum rex ab eo super Sion montem sanctum ejus* (*Psalm. ii, 6*); sed Sion illa et mons ille non est de hoc mundo. Quod est enim ejus regnum nisi credentes in eum, quibus dicit, *De mundo non estis, sicut et ego non sum de mundo?* Quamvis eos esse vellet in mundo: propter quod de illis dixit ad Patrem, *Non rogo ut tollas eos de mundo, sed ut serves eos ex mundo* (*John. xvii, 16, 15*). Unde et hic non ait, *Regnum meum non est in hoc mundo; sed, non est de hoc mundo*. Et cum hoc probaret dicens, *Si ex hoc mundo esset regnum meum, ministri mei utique decertarent, ut non traderer Judæis:* non ait, *Nunc autem regnum meum non est hic; sed, non est hinc*. Hic est enim regnum ejus usque in finem sæculi, habens inter se commixta zizania usque ad messem; messis enim finis est sæculi, quando messores venient, id est Angeli, et colligent de regno ejus omnia scandala (*Matthew. xxiii, 38-41*); quod utique non fieret, si regnum ejus non esset hic. Sed tamen non est hinc; quia peregrinatur in mundo: regno suo quippe dieit, *De mundo non estis, sed ego vos elegi de mundo* (*John. xv, 19*). Erant ergo de mundo, quando regnum ejus non erant, sed ad mundi principem pertinebant. De mundo est ergo quidquid hominum a vero quidem Deo creatum, sed ex Adam vitia atque damnata stirpe generatum est: factum est autem regnum non jam de mundo, quidquid inde in Christo regeneratum est. Sic enim nos Deus eruit de potestate tenebrarum, et transtulit in regnum Filii charitatis suæ (*Coloss. i, 13*): de quo regno dicit, *Regnum*

meum non est de hoc mundo; vel, Regnum meum non est hinc.

3. *Dixit itaque ei Pilatus: Ergo rex es tu? Respondit Jesus: Tu dicas quia rex sum ego.* Non quia regem se timuit confiteri; sed *Tu dicas ita libratum est, ut neque se regem neget* (rex est enim cuius regnum non est de hoc mundo), neque regem *talem se esse fateatur*, cuius regnum putetur esse de hoc mundo. *Talem* quippe ille sentiebat qui dixerat, *Ergo rex es tu?* cui responsum est, *Tu dicas quia rex sum ego*. Dictum est enim, *Tu dicas*, ac si dictum esset, carnis carnaliter dicis.

4. Deinde subjungit: *Ego in hoc natus sum, et ad hoc veni in mundum, ut testimonium perhibeam veritati.* Non est producenda hujus pronominis syllaba, quod ait, *In hoc natus sum*, tanquam dixerit, *In hac re natus sum: sed corripienda, tanquam dixerit, Ad hanc rem natus sum, vel ad hoc natus sum; sicut ait, Ad hoc veni in mundum.* In greco namque Evangelio nihil est hujus locutionis ambiguum (a). Unde manifestum est eum temporalem nativitatem suam hic commemorasse, qua incarnatus venit in mundum; non illam sine initio quia Deus erat, per quem Pater condidit mundum. In hoc ergo se dixit natum, id est propter hoc natum, et ad hoc venisse in mundum, utique nascendo de Virgine, ut testimonium perhibeat veritati. Sed quia non omnium est fides (*II Thess. iii, 2*), adjunxit, atque ait: *Omnis qui est ex veritate, audit meam vocem.* Audit utique interioribus auribus, id est, obaudit meæ voci: quod tantumdem valeret si diceret, Credit mihi. Cum itaque Christus testimonium perhibet veritati, profecto testimonium perhibet sibi: ejus quippe vox est, *Ego sum veritas* (*John. xiv, 6*): et dixit alio quoque loco, *Ego testimonium perhibeo de me* (*Id. viii, 18*). Quod vero ait, *Omnis qui est ex veritate, audit vocem meam, gratiam commendavit qua secundum propositum vocat.* De quo proposito dicit Apostolus, *Scimus quia diligenteribus Deum omnia cooperatur in bonum, his qui secundum propositum Dei vocati sunt* (*Roman. viii, 28*); propositum scilicet vocantis, non vocatorum: quod alibi apertius ita positum est, *Collabora Evangelio secundum virtutem Dei, salvos nos facientis et vocantis vocatione sua sancta; non secundum opera nostra, sed secundum suum propositum et gratiam* (*II Tim. i, 8, 9*). Nam si naturam cogitemus in qua creati sumus, cum omnes veritas creaverit, quis non est ex veritate? Sed non omnes sunt quibus ut audiant veritatem, hoc est ut obaudiant veritati, et credant in veritatem, ex ipso veritate prestatur; nullis procul dubio praecedentibus meritis, ne gratia non sit gratia. Si enim dixisset, *Omnis qui audit meam vocem, ex veritate est: ideo dictus ex veritate putaretur, quia obtemperat veritati: non autem hoc ait; sed ait, Omnis qui est ex veritate, audit meam vocem.* Ac per hoc non ideo est ex veritate, quia ejus audit vocem; sed ideo audit, quia ex veritate est, id est, quia hoc illi donum ex veritate collatum est. Quod quid est aliud, quam

(a) Græc., *cis testa*.

donante Christo credit in Christum?

5. *Dixit ei Pilatus: Quid est veritas?* Nec expectavit audire respondens; sed cum hoc dixisset, iterum exivit ad Iudeos, et dixit eis: *Ego nullam invenio in eo causam.* Est autem consuetudo robis ut unum dimittam robis in Pascha; vultis ergo dimittam vobis regem Iudeorum? Credo cum dixisset Pilatus, *Quid est veritas?* in mentem illi venisse continuo consuetudinem Iudeorum, qua solebat eis dimitti unus in Pascha: et ideo non expectavit ut responderet ei Jesus quid est veritas, ne mora fieret, cum recoluisset morem quo posset eis per Pascha dimitti; quod eum valde voluisse manifestum est. Avelli tamen ex ejus corde non potuit Jesum regem esse Iudeorum, tanquam hoc ibi, sicut in titulo, ipsa veritas fixerit, de qua quid esset interrogavit. Sed hoc auditio, *Clamaverunt rursum omnes dicentes: Non hunc, sed Barabbam.* Erat autem Barabbas latro. Non reprehendimus, o Iudei, quod per Pascha liberatis nocentem, sed quod occiditis innocentem: quod tamen nisi fieret, verum Pascha non fieret. Sed umbra veritatis a Iudeis errantibus tenebatur, et mirabili dispensatione divinæ sapientie per homines fallaces ejusdem umbrae veritas implebatur; quia ut verum Pascha fieret, Christus velut ovis immolabatur. Hinc ea sequuntur quæ injuria Christo Pilatus et cohors ejus ingessit; sed alia disputatione tractanda sunt.

TRACTATUS CXVI.

In id quod sequitur, Tunc ergo apprehendit Pilatus Jesum, et flagellavit; usque ad id, Suscepserunt autem Jesum, et eduxerunt. Cap. xix, ¶ 1-16.

1. Cum Iudei clamassent, non Jesum sibi a Pilato dimitti velle per Pascha, sed Barabbam latronem; non salvatorem, sed interfectorum; non datorem vitae, sed ademptorem: *Tunc apprehendit Pilatus Jesum, et flagellavit.* Hoc Pilatus non ob aliud fecisse credendus est, nisi ut ejus injuriis Iudei satiati sufficere sibi existimarent, et usque ad ejus mortem savire desisterent. Ad hoc pertinet quod idem praeses cohortem suam etiam permisit facere quæ sequuntur; aut fortassis et jussit, quamvis hoc Evangelista tacerit. Dicit enim quid deinde fecerint milites; Pilatum tamen id jussisse non dixit. *Et milites, inquit, plectentes coronam de spinis imposuerunt capiti ejus, et ueste purpurea circumdederunt eum.* Et veniebant ad eum et dicebant: *Ave, rex Iudeorum. Et dabani ei alapas.* Sic implebantur quæ de se prædixerat Christus: sic martyres informabantur ad omnia quæ persecutores libuisset facere, perforanda; sic paulisper occultata tremenda potentia, commendabatur prius imitanda patientia; sic regnum quod de hoc mundo non erat, superbum mundum non atrocitate pugnandi, sed patiendi humilitate vincebat; sic illud granum multiplicandum seminabatur horribili contumelia, ut mirabili pullularet in gloria.

2. *Exiit iterum Pilatus foras, et dicit eis: Ecce adduco eum foras, ut cognoscatis quia in eo nullam causam invenio.* Exiit ergo Jesus portans spineam coronam et purpureum uestimentum. Et dicit eis: *Ecce homo.*

Hinc apparet non ignorante Pilato haec a militibus facta, sive jussiterat ea, sive permiserit; illa scilicet causa, quam supra diximus, ut haec ejus ludibria inimici libentissime biberent, et ulterius sanguinem non sitirent. Egreditur ad eos Jesus portans spineam coronam et purpureum uestimentum, non clarus imperio, sed plenus opprobrio; et dicitur eis, *Ecce homo:* si regi invidetis, jam parcite, quia dejectum videtis; flagellatus est, spinis coronatus est, ludibrosa ueste amictus est, amaris conviciis illusus est, alapis cæsus est; servet ignominia, frigescat invidia. Sed non frigescit, inardescit potius et increscit.

3. *Cum ergo vidissent eum pontifices et ministri, clamabant dicentes: Crucifige, crucifige eum.* Dicit eis Pilatus: *Accipite eum vos, et crucifigite;* ego enim non invenio in eo causam. Responderunt ei Iudei: *Nos Legem habemus, et secundum Legem debet mori, quia Filium Dei se fecit.* *Ecce altera major invidia.* Parva quippe illa videbatur, velut affectatio illico ausu, regiae potestatis: et tamen neutrum sibi Jesus mendaciter usurpavit; sed utrumque verum est, et unigenitus est Dei Filius, et rex ab eo constitutus super Sion montem sanctum ejus: et utrumque nunc demonstraretur, nisi quanto erat potentior, tanto mallet esse patientior.

4. *Cum ergo audisset Pilatus hoc verbum, magis timuit; et ingressus est prætorium iterum, et dicit ad Jesum: Unde es tu?* Jesus autem responsum non dedit ei. *Hoc silentium Domini nostri Iesu Christi non semel factum, collatis omnium Evangelistarum narrationibus reperitur, et apud principes sacerdotum, et apud Herodem, quo cum, sicut Lucas indicat, miserat Pilatus audiendum, et apud ipsum Pilatum (Matth. xxvi, 63, xxvii, 14; Marc. xiv, 61, xv, 5; Luc. xxiii, 7-9, et Joan. xix, 9): ut non frustra de illo prophetia præcesserit, Sicut agnus coram tondente se fuit sine voce, sic non aperuit os suum (Isai. liii, 7); tunc utique quando interrogantibus non respondit. Quamvis enim quibusdam interrogationibus saepe responderit; tamen propter illa in quibus noluit respondere, ad hoc data est de agno similitudo, ut in suo silentio non reus, sed innocens haberetur. Cum ergo judicaretur, ubicumque non aperuit os suum, sicut agnus non aperuit; id est, non sicut male sibi conscient qui de peccatis convincebatur suis, sed sicut mansuetus qui pro peccatis immolabatur alienis.*

5. *Dicit ergo ei Pilatus: Mihi non loqueris? Nescis quia potestatem habeo crucifigere te, et potestatem habeo dimittere te?* Respondit Jesus: *Non haberes adversum me potestatem ullam, nisi tibi datum esset despicer: propterea qui me tradidit tibi, majus peccatum habet.* Ecce respondit, et tamen ubicumque non respondit, non sicut reus sive dolosus, sed sicut agnus, hoc est, sicut simplex atque innocens non aperuit os suum. Proinde ubi noui respondebat, sicut ovis silebat; ubi respondebat, sicut pastor docebat. Discamus ergo quod dixit, quod et per Apostolum docuit, quia non est potestas nisi a Deo (Rom. xiii, 4); et quia plus peccat qui potestati innocentem occidendum livore tradit,

quam potestas ipsa si eum timore alterius majoris potestatis occidit. Talem quippe Pilato Deus dederat potestatem, ut etiam esset sub Cæsaris potestate. Quapropter non haberes, inquit, adversum me potestatem ullam, id est, quantumcumque habes, nisi hoc ipsum quidquid est, tibi esset datum desperare. Sed quoniam scio quantum sit; non enim tantum est, ut tibi omni modo liberum sit: propterea qui tradidit me tibi, majus peccatum habet. Ille quippe me tuæ potestati tradidit invidendo, tu vero eamdem potestatem in me exsertorus es metuendo. Nec timendo quidem, præsertim innocentem, homo hominem debet occidere: sed tamen id zelando facere multo magis malum est, quam timendo. Et ideo non ait verax magister, *Qui me tradidit tibi, ipse habet peccatum;* tanquam ille non haberet: sed ait, *majus habet peccatum;* ut etiam se habere intelligeret. Neque enim propterea illud nullum est, quia hoc unius est.

6. *Exinde quærebat Pilatus dimittere eum.* Quid est hoc quod dictum est, *exinde*, quasi antea non quærebat? Lege superiora, et invenies jamdudum eum quærere dimittere Jesum. *Exinde* itaque intelligendum est, Propter hoc, id est, ex hac causa, ne haberet peccatum occidendo innocentem sibi traditum, quoniam minus peccans quam Judæi, qui cum illi tradiderant occidendum. *Exinde ergo*, id est, ideo ne hoc peccatum ficeret, non nunc primum, sed ab initio quærebat eum dimittere.

7. *Judei autem clamabant dicentes:* *Si hunc dimittis, non es amicus Cæsaris.* Omnis enim qui se regem facit, contradicit Cæsari. Majorem timorem se ingenerare putaverunt Pilato, terrendo de Cæsare, ut occideret Christum, quam superius ubi dixerunt, *Nos Legem habemus, et secundum Legem debet mori.* quia *Filiū Dei se fecit.* Eorum Legem quippe ille non timuit, ut occideret¹: sed magis *Filiū Dei* timuit, ne occideret. Nunc vero non sic potuit contemnere Cæsarem auctorem potestatis suæ, quæmadmodum Legem gentis alienæ.

8. Adhuc tamen Evangelista sequitur, et dicit: *Pilatus autem cum audisset hos sermones, adduxit foras Jesum, et sedis pro tribunali, in loco qui dicitur Lithostrotos, hebraice autem Gabbatha.* Erat autem parasceve Paschæ, hora quasi sexta. Qua hora sit Dominus crucifixus, propter evangelistæ alterius testimonium qui dixit, *Erat autem hora tertia, et crucifixerunt eum* (*Marc. xv, 25*), quoniam magna disceptatio solet oboriri; cum ad ipsum locum ubi crucifixus narratur ventum fuerit, ut potuerimus, si Dominus voluerit, disseremus (a). Cum ergo pro tribunali sedisset Pilatus, *Dicit Iudeis:* *Ecce rex vester.* Illi autem clamabant: *Tolle, tolle, crucifige eum.* *Dixit eis Pilatus:* *Regem vestrum crucifigam?* Ahduc terrorem quem de Cæsare ingesserant, superare conatur, de ignominia eorum volens eos frangere dicendo, *Regem vestrum crucifigam?* quos de ignominia Christi mitigare non potuit: sed timore mox vineitur.

¹ Plurique MSS., *timuti occidere.* unus. *timuit offendere.*
(a) Vid. infra, Tract. 117. n. 1-2.

9. *Responderunt enim pontifices:* *Non habemus regem nisi Cæsarem.* Tunc ergo tradidit eis illum ut crucifigeretur. Apertissime quippe contra Cæsarem venire videretur, si regem se non habere nisi Cæsarem profertibus, alium regem vellet ingerere dimittendo impunitum, quem propter hos ausus ei tradiderant occidendum. Tradidit ergo eis illum ut crucifigeretur. Sed numquid aliud et ante cupiebat quando dicebat, *Accipite eum vos, et crucifigit;* vel etiam superioris, *Accipite eum vos, et secundum Legem vestram judicate eum?* Cur autem illi tantopere noluerunt, dicentes, *Nobis non licet interficere quemquam* (*Joan. xviii, 31*); et omni modo instantes, ut non ab eis, sed a præside occideretur, et ideo eum occidendum accipere recusantes, si nunc cum accipiunt occidendum? Aut si hoc non sit, cur dictum est, *Tunc ergo tradidit eis illum ut crucifigeretur?* An aliquid interest? Plane interest. Non est enim dictum, *Tunc ergo tradidit eis illum ut crucifigerent eum;* sed, *ut crucifigeretur,* id est, ut judicio ac potestate præsidis crucifigeretur. Sed ideo illis traditum dixit Evangelista, ut eos criminis implacatos, a quo alieni esse conabantur, ostenderet: non enim faceret hoc Pilatus, nisi ut id quod eos cupere cernebat, impleret. Quod autem sequitur, *Susceperrunt autem Jesum, et eduxerunt,* potest ad milites iam referri apparatores præsidis. Nam postea evidenter dicitur, *Milites ergo cum crucifecissent eum* (*Joan. xiv, 23*): quoniam evangelista etiam totum Judæum tribuit, merito facit; ipsi enim suscepserunt quod avidissime flagitaverunt, et ipsi fecerunt quidquid ut fieret extorserunt. Sed hæc sequentia alio sermone tractanda sunt.

TRACTATUS CXVII.

De eo quod sequitur. Et bajulans sibi crucem, exiit in eum qui dicitur Calvariae locum; usque ad id, Respondit Pilatus: Quod scripsi, scripsi. Cap. xix, §. 17 22.

1. Judicante atque damnante Pilato pro tribunali, Dominum Jesum Christum hora quasi sexta suscepserunt, et eduxerunt. Et bajulans sibi crucem, exiit in eum qui dicitur Calvariae locum, hebraice Golgotha, ubi crucifixerunt eum. Quid est ergo quod Marcus evangelista dicit, *Erat autem hora tertia, et crucifixerunt eum* (*Marc. xv, 25*); nisi quia hora tertia crucifixus est Dominus linguis Judæorum, hora sexta manibus militum? Ut intelligamus horam quintam iam fuisse transactam, et aliquid de sexta coepitum quando sedis pro tribunali Pilatus, que dicta est a Joanne hora quasi sexta: et cum duceretur, et ligno cum duobus latronibus configeretur, et juxta ejus crucem gererentur quæ gesta narrantur, hora sexta integra completeretur; ex qua hora usque ad nonam sole obscurato, tenebras factas trium evangelistarum, Matthæi, Marci et Lucæ contestatur auctoritas (*Matt. xxvii, 45; Marc. xv, 33, et Luc. xxiii, 44*). Sed quoniam Judei scilicet interfecti Christi a se in Romanos, id est, in Pilatum et ejus milites transferre conati sunt; propter Marcus suppressa ea hora quæ Christus a mili-

tibus crucifixus est, quæ agi sexta jam coepérat, tertiam potius horam recordatus expressit, qua hora intelliguntur apud Pilatum clamare potuisse, *Crucifige, crucifige* (*Joan. xix.*, 6) : ut non illi tantum reperiantur crucifixisse Jesum, id est, milites qui eum ligno sexta hora suspenderunt; verum etiam Iudei, qui ut crucifigeretur, hora tertia clamaverunt.

2. Est et alia hujus solutio quæstionis, ut non hic accipiatur hora sexta diei, quia nec Joannes ait, Erat autem hora diei quasi sexta, aut hora quasi sexta; sed ait, *Erat autem parasceve Paschæ, hora quasi sexta* (*Ibid.* 14). Parasceve autem latine Præparatio est: sed isto verbo græco libentius utuntur Iudei in hujusmodi observationibus, etiam qui magis latine quam græce loquuntur. Erat ergo præparatio Paschæ. Pascha vero nostrum, sicut dicit Apostolus, *inimolatus est Christus* (*I Cor. v.*, 7): cuius Paschæ præparationem si ab hora noctis nona computemus (tunc enim videntur principes sacerdotum pronuntiasse immolationem Domini, dicentes, *Rex est mortis* [*Math. xxvi.*, 66]; cum adhuc in domo pontificis audiretur: unde congruenter accipitur inde cœpisse præparationem veri Paschæ, cuius umbra erat Pascha Iudeorum, id est, immolationis Christi, ex quo a sacerdotibus pronuntiatus est inimolatus), profecto ab ea noctis hora, quæ tunc nona fuisse coniicitur, usque ad horam dici tertiam qua crucifixum esse Christum Marcus evangelista testatur, sex horæ sunt, tres nocturnæ et tres diurnæ. Unde in hac parasceve Paschæ, id est præparatione immolationis Christi, quæ ab hora noctis nona coepérat, quasi sexta agebatur hora; id est, peracta quinta jam sexta currere coepérat, quando Pilatus tribunal ascendit: adhuc enim erat ipsa præparatio, quæ ab hora noctis nona coepérat, donec fieret quæ præparabatur Christi immolatio: quæ facta est hora tertia secundum Marcum, non præparationis, sed diei; eademque sexta non diei, sed præparationis, sex utique horis a noctis nona usque ad diei tertiam computatis. Harum duarum solutionum istius difficultas quæstionis, eligat quisque quam volet. Melius autem quid eligat judicabit, qui de Consensu Evangelistarum quæ operosissime disputata sunt, legerit (*Lib. 3 de Consensu Evangelist.*, cap. 13, n. 40-50). Quod si et alias solutiones ejus potuerint inveniri, cumulantur evangelicæ veritatis constantia defendetur adversus calumnias infidelis atque impie vanitatis. Nunc ad narrationem Joannis evangelistæ post ista breviter tractata redeamus.

3. Suscepérunt autem, inquit, *Jesum*, et eduxerunt: et bajulans sibi crucem, exiit in eum qui dicitur *Calvariae locum*, hebraice *Golgotha*, ubi crucifierunt eum. Ibat ergo ad locum ubi fuerat crucifigendus, portans crucem suam Jesus. Grande spectaculum: sed si spectet impietas, grande ludibrium; si pietas, grande mysterium: si spectet impietas, grande ignominiae documentum; si pietas, grande fidei munimentum: si spectet impietas, ridet regem pro virga regni lignum sui portare supplicii; si pietas, videt regem bajularem lignum ad semetipsum figendum, quod

fixurus fuerat etiam in frontibus regum: in eo spernendus oculis impiorum, in quo erant gloriatura corda sanctorum. Dicturo enim Paulo, *Miki autem absit gloriari, nisi in cruce Domini nostri Jesu Christi* (*Galat. vi.*, 14), ipsam crucem suam suo gestans humero commendabat; et lucernæ arsuræ quæ sub modo ponenda non erat, candelabrum ferebat (*Mattk.*, v., 15). *Bajulans* ergo sibi crucem, *exiit in eum qui dicitur Calvariae locum*, hebraice *Golgotha*: ubi eum crucifierunt; et cum eo alios duos hinc et hinc, medium autem Jesum. Isti duo latrones erant, sicut aliorum evangelistarum narratione didicimus, cum quibus crucifixus et inter quos fixus est Christus (*Id. xxvii.*, 58, *Marc. xv.*, 27, et *Luc. xxiii.*, 33): de quo præmissa dixerat prophetia, *Et inter iniquos depatus est* (*Isai. lxi.*, 12).

4. « Scripsit autem et titulum Pilatus, et posuit super crucem: erat autem scriptum, *Jesus Nazarenus Rex Iudeorum*. Hunc ergo titulum multi legerunt Iudeorum, quia prope civitatem erat locus ubi crucifixus est Jesus. Et erat scriptum hebraice, græce et latine: *Rex Iudeorum*. » Haec quippe tres lingue ibi præ cæteris eminebant: hebreæ, propter Iudeos in Dei Lege gloriantes; græca, propter Gentium sapientes; latina, propter Romanos multis ac pene omnibus iam tunc gentibus imperantes.

5. *Dicebant ergo Pilato pontifices Iudeorum: Noli scribere, Rex Iudeorum; sed quia ipse dixit, Rex sum Iudeorum. Respondit Pilatus: Quod scripsi, scripsi.* O ineffabilem vim divinæ operationis, etiam in coribus ignorantium! Nonne occulta vox quedam Pilato intus quodam, si dici potest, clamoso silentio personabat, quod tanto ante in Psalmorum litteris prophetatum est, *Ne corrumpas tituli inscriptionem* (*Tit. Psal. lvi.*, lxxii)? Ecce tituli inscriptionem non corrumpit; quod scripsit, scripsit. Sed etiam pontifices qui hoc corrumpti volant, quid dicebant? *Noli scribere, inquit, Rex Iudeorum; sed quia ipse dixit, Rex sum Iudeorum. Quid loquimini, insani?* Quid fieri contradicitis, quod mutare nullo pacto potestis? Numquid enim propterea non erit verum, quia Jesus ait, *Rex sum Iudeorum*? Si corrumpi non potest quod Pilatus scripsit, corrumpi potest quod veritas dixit? Sed Iudeorum tantum rex est Christus, an et Gentium? Imo et Gentium. Cum enim dixisset in prophetia, *Ego autem constitutus sum rex ab eo super Sion montem sanctum ejus, prædicans præceptum Domini;* no propter montem Sion solis Iudeis eum regem quisquam diceret constitutum, continuo subjecit, *Dominus dixit ad me, Filius meus es tu, ego hodie genui te: postula a me, et dabo tibi gentes hæreditatem tuam, et possessionem tuam terminos terræ* (*Psal. ii.*, 6-8). Unde et ipse jam per os proprium loquens apud Iudeos: *Habeo, inquit, alias oves quæ non sunt de hoc ovili; oportet me et ipsas adducere, et vocem meam audient, et erit unus gressus et unus pastor* (*Joan. x.*, 16). Cur ergo magnum volumus intelligi in hoc titulo sacramentum, in quo scriptum erat, *Rex Iudeorum*, si rex est Christus et Gentium? Quia scilicet oleaster factus est par-

ceptis pinguedinis oleæ, non olea particeps facta est anaritudinis oleastri (*Rom. xi, 17*). Nam in eo quod de Christo veraciter scriptus est titulus, *Rex Judæorum*, qui sunt intelligendi Judæi, nisi sēmen Abrahæ, filii promissionis, qui sunt etiam filii Dei? Quoniam non qui filii carnis, ait Apostolus, *huius filii Dei; sed qui filii promissionis, deputantur in semine* (*Id. ix, 7, 8*). Et Gentes erant quibus dicebat, *Si autem vos Christi, ergo Abraham sēmen estis, secundum promissionem heredes* (*Galat. iii, 29*). Rex ergo Judæorum Christus, sed Judæorum circumciseōne cordis, spiritu, non littera; quorum laus non ex hominibus, sed ex Deo est (*Rom. ii, 29*); pertinentium ad Jerusalem liberam matrem nostram æternam in cœlis, Saram spiritualem, ancillam et filios ejus de domo libertatis ejicientem (*Galat. iv, 22-31*). Ideo enim Pilatus quod scripsit, scripsit; quia Dominus quod dixit, dixit.

TRACTATUS CXVIII.

In hæc verba, Milites ergo cum crucifixissent eum, acceperunt vestimenta ejus, etc. *Cap. xix, ¶¶. 23, 24.*

1. Ea quæ gesta sunt juxta crucem Domini, cum jam crucifixus esset, isto, quantum adjuvat, sermone tractemus. Milites ergo cum crucifixissent eum, acceperunt vestimenta ejus, et fecerunt quatuor partes; unicuique militi partem, et tunicam. Erat autem tunica inconsutilis, desuper contexta per totum: dixerunt ergo ad invicem, Non scindamus eam, sed sortiamur de illa cuius sit. Ut Scriptura impleretur dicens, *Partiti sunt vestimenta mea sibi, et in vestem meam miserunt sortem.* Factum est quod voluerunt Judæi: non ipsi, sed milites qui parebant Pilato, judicante ipso, crucifixerunt Jesum; et tamen si voluntates, si insidias, si operam, si traditionem, postremo si extorquentes clamores eorum cogitemus, magis utique Judæi crucifixerunt Jesum.

2. Sed de partitione et sortitione vestimentorum ejus non est prætereunter loquendum. Quamvis enim omnes Evangelistæ quatuor hujus rei meminerint, cæteri tamen brevius quam Joannes: et clause illi, iste vero apertissime. Nam Matthæus ait: *Postquam autem crucifixerunt eum, divisérunt vestimenta ejus, sortem mittentes* (*Math. xxvii, 35*). Marcus: *Et crucifigentes eum, divisérunt vestimenta ejus, mittentes sortem super eis, quis quid tolleret* (*Marc. xv, 24*). Lucas: *Dividentes vero vestimenta ejus, miserunt sortes* (*Luc. xxiii, 34*). Joannes autem et quot partes de vestimentis ejus fecerint, dixit, id est, quatuor, ut singulas tollerent. Unde apparet quatuor fuisse milites qui in eo crucifigendo præsidi paruerunt. Manifeste quippe ait, *Milites ergo cum crucifixissent eum, acceperunt vestimenta ejus, et fecerunt quatuor partes, unicuique militi partem, et tunicam;* subaudiendum est, acceperunt: ut iste sit sensus. Acceperunt vestimenta ejus, et fecerunt quatuor partes, unicuique militi partem; acceperunt et tunicam. Et sic locutus est, ut de cæteris vestimentis nullam sortem mis-

sam esse videamus; sed de tunica quam simul cum cæteris acceperunt, sed non similiter divisérunt. De hac enim sequitur exponens, *Erat autem tunica inconsutilis, desuper contexta per totum.* Cur autem de illa sortem miserunt narrans: *Dixerunt ergo*, inquit, *ad invicem*, *Non scindamus eam, sed sortiamur de illa cuius sit.* Apparet itaque in aliis vestibus æquales eos habuisse partes, ut sortiri necesse non fuerit: in illa vero una non eos habere potuisse singulas partes, nisi scinderetur, ut panos ejus inutiliter tollerent; quod ne facerent, ad unum eam pervenire sortitione maluerunt. Hujus evangelistæ narrationi consonat etiam propheticum testimonium, quod et ipse continuo subiungens, *Ut scriptura*, inquit, *impleretur dicens*, *Partiti sunt vestimenta mea sibi, et super vestem meam miserunt sortem.* Non enim, ait, sortiti; sed, *partiti*: nec ait, sortientes partiti sunt; sed in cæteris vestimentis sortem omnino non nominans, postea dixit, *et in vestem meam miserunt sortem*, propter illam reliquam tunicam. De qua re dicam quod ipse donaverit, cum prius eam quæ oboriri potest, tanquam Evangelistæ inter se discrepant, calumniam propulsavero, demonstrans nullius cæterorum verba narrationi Joannis esse contraria.

3. Matthæus enim dicendo, *Diviserunt vestimenta ejus, sortem mittentes*, ad totam divisionem vestimentorum voluit intelligi etiam tunicam pertinere, de qua sortem miserunt; quia utique omnes vestes dividendo, in quibus et illa fuit, de ipsa sortiti sunt. Tale est etiam quod ait Lucas, *Dividentes vestimenta ejus, miserunt sortes*: dividentes enim venerunt ad tunicam, de qua facta est sortitio, ut inter eos universa vestimentorum ejus divisio completeretur. Quid autem interest utrum dicatur, *Dividentes miserunt sortes*, quod ait Lucas; an, *Diviserunt, sortem mittentes*, quod ait Matthæus: nisi quod Lucas dicendo sortes, pluralem pro singulis numero posuit; quæ locutio Scripturis sanctis insolita non est: quamvis nonnulli codices sortem reperiantur habere (a), non sortes? Marcus itaque solus videtur aliquam intulisse quæstionem: dicendo enim, *Mittentes sortem super eis, quis quid tolleret*, tanquam super omnibus vestimentis, non super sola tunica sors missa sit, locutus videtur. Sed etiam hic brevitas obscuritatem facit: sic enim dictum est, *Mittentes sortem super eis*, ac si diceretur, Mittentes sortem cum dividerentur: quod et factum est. Omnium quip e vestimentorum ejus divisio completa non esset, nisi sorte clarisset quis etiam illam tunicam tolleret, ut sic contentio dividentium finiretur, vel nulla potius oriretur. Quod ergo ait, *Quis quid tolleret*, quandoquidem hoc sorti deputatur, non ad omnia quæ divisa sunt vestimenta referendum est; sors enim missa est, quis illam tunicam tolleret: de qua quoniam narrare prætermisit qualis fuerit, et quemadmodum æqualibus factis partibus sola remanserit, quæ ne consinderetur, veniret in sortem; propterea positum est quod ait, *Quis quid tolleret*, id est, quis eam tolleret: tanquam si totum ita dice-

^(a) Sic omnes MSS. Editi vero habent, et filium ejus.

(a) sic hodie in græco, clerus.

retur, Diviserunt vestimenta ejus, mittentes sortem super eis, quis tunicam quæ partibus æqualibus superfuerat, tolleret.

4. Querat forte aliquis, quid significet in tot partes vestimentorum facta divisio, et de tunica illa sortita. Quadripartita vestis Domini Iesu Christi, quadripartitam figuravit ejus Ecclesiam, toto scilicet, qui quatuor partibus constat, terrarum orbe diffusam, et omnibus eisdem partibus æqualiter, id est concorditer distributam. Propter quod alibi dicit missurum se Angelos suos, ut colligant electos ejus a quatuor ventis (*Matth. xxiv, 31*): quod quid est, nisi a quatuor partibus mundi, Oriente, Occidente, Aquiloni et Meridie? Tunica vero illa sortita, omnium partium significat unitatem, quæ charitatis vinculo continetur. De charitate autem locuturus Apostolus, *Supereminem-tem*, inquit, *viam vobis demonstro* (*I Cor. xi, 31*): et alio loco ait, *Cognoscere etiam supereminenter scientiam charitatem Christi* (*Ephes. iii, 19*); itemque alibi, *Super omnia autem hæc charitatem, quæ est vinculum perfectionis* (*Coloss. iii, 14*). Si ergo charitas et supereminentiorem habet viam, et supereminet scientiam, et super omnia præcepta est; merito vestis qua significatur, desuper contexta perhibetur. Inconsutilis autem, ne aliquando dissuatur: et ad unum pervenit, quia in unum omnes colligit. Sicut in Apostolis cum esset etiam ipse numerus duodenarius, id est quadripartitus in ternos, et omnes essent interrogati, solus Petrus respondit, *Tu es Christus Filius Dei viri*; et ei dicitur, *Tibi dabo claves regni cœlorum* (*Matth. xvi, 15, 16, 19*), tanquam ligandi et solvendi solus accepit potestatem: cum et illud unus pro omnibus dixerit, et hoc cum omnibus tanquam personam gerens ipsius unitatis acceperit: ideo unus pro omnibus, quia unitas est in omnibus. Unde et hic cum dixisset, *desuper contexta*; addidit, *per totum*. Quod si referamus ad id quod significat, nemo ejus est expers qui pertinere invenitur ad totum: a quo toto, sicut græca indicat lingua, catholica vocatur Ecclesia (*a*). In sorte autem quid, nisi Dei gratia commendata est? Sic quippe in uno ad omnes pervenit, cum sors omnibus placuit, quia et Dei gratia in unitate ad omnes pervenit: et cum sors mittitur, non personæ cuiusque vel meritis, sed occulto judicio Dei ceditur.

5. Nec ideo ista non aliquid boni significasse quis dixerit, quia per malos facta sunt, non scilicet per eos qui Christum secuti, sed qui sunt persecuti. Quid enim de ipsa cruce dicturi sumus, quæ certe similiter ab inimicis atque impiis Christo facta et impacta est? Et tamen ea significari recte intelligitur quod ait Apostolus, *Quæ sit latitudo, et longitudine, et altitudo, et profundum* (*Ephes. iii, 18*). Lata est quippe in transverso ligno, quò extenduntur pendentis manus; et significat opera bona, in latitudine charitatis: longa est a transverso ligno usque ad terram, ubi dorsum pedesque aguntur; et significat perseverantiam in longitudine temporis usque in finem: alta est in cacumine, quo transversum lignum sursum versus

(a) Græc. *alon*, totum.

exceditur; et significat supernum finem, quo cuncta opera referuntur; quoniam cuncta quæ latitudine ac longitudine bene ac perseveranter sunt, propter altitudinem divinorum facienda sunt præmiorum: profunda est in ea parte qua in terra sitgit; ibi quippe et occulta est, nec videri potest, sed cuncta ejus apparentia et eminentia inde consurgunt; sicut bona nostra de profunditate gratiae Dei, quæ comprehendendi ac dijudicari non potest, universa procedunt. Sed etsi crux Christi hoc solum significet quod ait Apostolus, *Qui autem Iesu Christi sunt, carnem suam crucifixierunt cum passionibus et concupiscentiis* (*Galat. v, 24*), quam magnum bonum est? Nec tamen facit hoc, nisi concupiscens adversus carnem spiritus bonus, cum illam crucem Christi fecerit inimicus, id est spiritus malus. Postremo quid est, quod omnes noverunt, *Signum Christi*, nisi crux Christi? Quod signum nisi adhibeatur sive frontibus credentium, sive ipsi aquæ ex qua regenerantur, sive oleo quo chrismate unguntur, sive sacrificio quo aluntur, nihil eorum rite perficitur. Quomodo ergo per id quod mali faciunt, nihil boni significatur; quando per crucem Christi, quam fecerunt mali, in celebratione Sacramentorum ejus bonum nobis omne signatur? Sed hæc hactenus: quæ autem sequuntur, alias, ut Deus opitulabitur, disserendo videbimus.

TRACTATUS CXIX.

Ab eo quod sequitur, Et milites quidem hæc fecerunt; usque ad id, Et inclinato capite tradidit spiritum. *Cap. xix, ¶. 24-30.*

1. Crucifixo Domino, posteaquam divisio vestimentorum ejus etiam sorte missa completa est, que deinde narret Joannes evangelista videamus. « Et milites quidem, » inquit, « hæc fecerunt. Stabant autem juxta crucem Jesu, mater ejus, et soror matris ejus Maria Cleophae, et Maria Magdalene. Cum vidisset ergo Jesus matrem et discipulum stantem quem diligebat, dicit matri sue, Mulier, ecce filius tuus: deinde dicit discipulo, Ecce mater tua. Et ex illa hora accepit eam discipulus in sua. » Hæc nimirum est illa hora de qua Jesus aquam conversurus in vinum, dixerat matre, *Quid mihi et tibi est, mulier? nondum venit hora mea* (*Joan. ii, 4*). Hanc itaque horam prædicterat quæ tunc nondum venerat, in qua deberet agnoscerre moriturus, de qua fuerat mortaliter natus. Tunc ergo divina facturus, non divinitatis, sed infirmitatis matrem velut incognitam repellebat: nunc autem humana jam patiens, ex qua fuerat factus homo, affectu commendabat humano. Tunc enim qui Mariam creaverat, innotescerat virtute: nunc vero quod Maria prepererat, peudebat in cruce (*a*).

2. Moralitatem igitur insinuatur locus. Facit quod faciendum admonet, et exemplo suo suos instruxit præceptor bonus, ut a filiis piis impendatur cura parentibus: tanquam lignum illud ubi erant fixa membra morientis, etiam cathedra fuerit magistri docentis. Ex hac sana doctrina didicerat Paulus apostolus

(a) vid. supra, Tract. 8.

quod docebat, quando dicebat: *Si quis autem suis, et maxime domesticis non providet, fidem negavit, et est infidelis deterior* (*I Tim. v, 8*). Quid autem tam cuique domesticum quam parentes filiis, aut parentibus filii? Hujus itaque saluberrimi precepti ipse magister sanctorum de seipso constituebat exemplum, quando non ut famulae Deus quam creaverat et regebat, sed ut matri homo de qua creatus fuerat et quam relinquebat, alterum pro se quodammodo filium providebat. Nam cur hoc fecerit, quod sequitur indicat: ait enim Evangelista, *Et ex illa hora accepit eam discipulus in sua*, de seipso dicens. Sic quippe commemorare se solet, quod eum diligebat Jesus: qui utique omnes, sed ipsum praeceteris et familiarius diligebat, ita ut in convivio super pectus suum discumbere ficeret (*Joan. XIII, 23*); credo ut istius Evangelii, quod per eum fuerat praedicaturus, divinam excellentiam hoc modo altius commendaret.

3. Sed in quæ sua Joannes matrem Domini accepit? Neque enim non ex eis erat qui dixerunt ei, *Ecce nos dimisimus omnia, et secuti sumus te*. Sed ibi quoque audierat, Quicumque ista dimiserit propter me, accipiet in hoc saeculo centies tantum (*Matth. xix, 27, 29*). Habebat ergo ille discipulus centupliciter plura quam dimiserat, in quæ susciperet ejus matrem qui illa donaverat. Sed in ea societate beatus Joannes receperat centuplum, ubi nemo dicebat aliquid suum, sed erant illis omnia communia; sicut in Apostolorum Actibus scriptum est. Sic enim Apostoli erant, quasi nihil habentes, et omnia possidentes (*II Cor. vi, 10*). Quomodo ergo matrem magistri et Domini sui discipulus et famulus accepit in sua, ubi aliquid suum nemo dicebat? An quia paulo post in eodem libro legitur, *Quotquot enim possessores prædiorum vel dominorum erant, vendentes afferebant pretia eorum, et ponabant ad pedes Apostolorum: distribuebatur autem unicuique prout opus erat* (*Act. IV, 32-35*), intelligendum est sic distributum fuisse huic discipulo quod opus erat, ut illic etiam beatae Mariæ tanquam matris ejus portio poneretur; magisque sic debemus accipere quod dictum est, *Ex illa hora suscepit eam discipulus in sua*, ut ad ejus curam quidquid ei esset necessarium pertineret? Suscepit ergo eam in sua, non prædia, quæ nulla propria possidebat; sed officia, quæ propria dispensatione exsequenda curabat.

4. Deinde subhjungit: « Postea sciens Jesus quia omnia consummata sunt, ut consummaretur Scriptura, dicit: Sitio. Vas ergo positum erat acetum plenum; illi autem spongiam plenam acetum hyssopo circumponentes, obtulerunt ori ejus. Cum ergo accepisset Jesus acetum, dixit: Consummatum est. Et inclinato capite tradidit spiritum. Quis potest quæ facit, ita disponere, quomodo disposuit homo iste quæ passus est? Sed homo mediator Dei et hominum; homo de quo prædictum legitur, Et homo est, et quis agnoscat eum? quoniam homines per quos haec siebant, non agnoscebant hominem Deum. Homo namque apparabat qui Deus latebat; patiebatur haec omnia qui apparabat, et idem ipse disponebat haec omnia qui latebat.

Vidit ergo quia consummata sunt omnia quæ oportebat ut fierent antequam acciperet actum et traduceret spiritum; atque ut hoc etiam consummaretur quod Scriptura prædixerat, *Et in siti mea potaverunt me acetum* (*Psal. LXVIII, 22*), Sitio, inquit: tanquam dicceret, Hoc minus fecistis, date quod estis. Judei quippe ipsi erant acetum, degenerantes a vino Patriarcharum et Prophetarum; et tanquam de pleno vase, de iniustitate mundi hujus impleti, cor habentes velut spongiam, cavernosis quodammodo atque tortuosis latibulis fraudulentum. Hyssopum autem cui circumposuerunt spongiam aceto plenam, quoniam herba est humilis, et pectus purgat, ipsius Christi humilitatem congruenter accipimus: quam circumderunt, et se circumvenisse putaverunt. Unde est illud in psalmo, *Asperges me hyssopo, et mundabor* (*Psal. L, 9*). Christi namque humilitate mundamur; quia nisi humiliasset semetipsum, factus obediens usque ad mortem crucis (*Philipp. II, 8*), non utique sanguis ejus in peccatorum remissionem, hoc est, in nostram mundationem fuisset effusus.

5. Nec moveat quomodo spongia ori ejus potuerit adunoveri, qui in cruce fuerat exaltatus a terra. Sicut enim apud alios evangelistas legitur, quod hic prætermisit, in arundine est factum (*Matth. XXVI, 48, et Marc. XV, 36*), ut in spongia talis potus ad crucis sublimia levaretur. Per arundinem vero Scriptura significabatur, quæ implebatur hoc facto. Sicut enim lingua dicitur vel græca vel latina, vel alia quælibet sonum significans, qui lingua promittur; sic arundo dici potest littera, quæ arundine scribitur. Sed sonos significantes vocis humanæ usitatissime dicimus linguas: Scripturam vero arundinem dici, quo minus est usitatum, eo magis est mystice figuratum. Faciebat ista populus impius, patiebatur ista misericors Christus. Qui faciebat, quid faceret nesciebat: qui patiebatur autem, non solum quid fieret et cur fieret sciebat, verum etiam de male facientibus bene ipse faciebat.

6. *Cum ergo accepisset Jesus acetum, dixit: Consummatum est.* Quid, nisi quod prophetia tanto ante prædixerat? Deinde quia nihil remanserat quod antequam moreretur fieri adhuc oportet, tanquam ille qui protestat habebat ponendi animam suam, et iterum sumendi eam (*Joan. X, 18*), peractis omnibus quæ ut peragerentur exspectabat, *Inclinato capite tradidit spiritum.* Quis ita dormit quando voluerit, sicut Jesus mortuus est quando voluit? Quis ita vestem ponit quando voluerit, sicut se carne exiit quando voluit? Quis ita eum voluerit abit, quomodo cum voluit obiit? Quanta speranda vel timenda potestas est judicantis, si apparuit tanta morientis?

TRACTATUS CXX.

Ab eo quod sequitur, Judæi ergo, quoniam parassevererat, etc.; usque ad id, Nondum enim sciebant Scripturam, quia oportet eum a mortuis resurgere. Cap. xix, ¶ . 31-42, et cap. xx, ¶ . 1-9.

1. Posteaquam Dominus Jesus, peractis omnibus que ante suam mortem peragi oportere præsciebat,

quando voluit tradidit spiritum, quæ deinde secuta sunt, Evangelista narrante videamus. « Judæi ergo, inquit, quoniam parasseve erat, ut non remanerent in cruce corpora sabbati (erat enim magnus dies ille sabbati), rogarerunt Pilatum ut frangerentur eorum crura, et tollerentur. » Non crura tollerentur, sed hi quibus ideo frangebantur ut morerentur, et auferrentur ex ligno; ne pendentes in crucibus magnum diem festum sui diurni¹ cruciatus horrore fœdarent.

2. « Venerunt ergo milites, et primi quidem fregerunt crura, et alterius qui crucifixus est cum eo. Ad Jesum autem eum venissent, ut viderunt eum jam mortuum, non fregerunt ejus crura: sed unus militum lancea latus ejus aperuit, et continuo exivit sanguis et aqua. » Vigilanti verbo Evangelista usus est, ut non diceret, Latus ejus pereussit, aut vulneravit, aut quid aliud; sed, *aperuit*: ut illie quodammodo vitæ ostium panderetur, unde Sacraenta Ecclesiæ manaverunt, sine quibus ad vitam quæ vera vita est, non intratur. Ille sanguis in remissionem fusus est peccatorum: aqua illa salutare temperat poculum; hæc et lavacrum præstat, et potum. Hoc prænuntiabat quod Noe in latere areæ ostium facere jussus est (*Gen. vi, 16*), qua intrarent animalia quæ non erant diluvio peritura, quibus presfigurabatur Ecclesia. Propter hoc prima mulier facta est de latere viri dormientis (*Id. ii, 22*), et appellata est vita materque vivorum (*Id. iii, 20*). Magnum quippe significavit bonum, ante magnum prævaricationis malum². Hic secundus Adam inclinato capite in cruce dormivit, ut inde formaretur ei conjux, quod de latere dormientis effluxit. O mors unde mortui reviviscent! Quid isto sanguine mundius? quid vulnere isto salubrius?

3. *Et qui vidit*, inquit, *testimonium perhibuit*, et *verum est testimonium ejus*: et ille scit quia vera dicit, ut et vos credatis. Non dixit, ut et vos sciatis; sed ut credatis: scit enim qui vidit, cuius credit testimonio qui non vidit. Magis autem ad fidem credere pertinet quam videre. Nam quid est aliud credere, quam fidem accommodare? *Facta sunt enim haec*, inquit, ut *Scriptura impleretur*. *Os non comminuetis ex eo*. Et iterum alia *Scriptura dicit*, *Videbunt in quem confixerunt*. Duo testimonia de Scripturis reddidit singulis rebus quas factas fuisse narravit. Nam quia dixerat, *Ad Jesum autem cum venissent*, ut viderunt eum jam mortuum, non fregerunt ejus crura, ad hoc pertinet testimonium, *Os non comminuetis ex eo*: quod præceptum est eis qui celebrare Pascha jussi sunt ovis immolatione in veteri Lege, quæ Dominicæ passionis umbra præcesserat. Unde *Pascha nostrum immolatus est Christus* (*1 Cor. v, 7*): de quo et Isaías propheta predixerat, *Sicut ovis ad immolandum ductus est* (*Isai. lxi, 7*). Item quia subjunxerat dicens, *Sed unus militum lancea latus ejus aperuit*; ad hoc pertinet alterum testi-

monium, *Videbunt in quem confixerunt*: ubi promissus est Christus, in ea quæ crucifixus est carne venturus.

4. « Post hæc autem rogavit Pilatum Joseph ab Arimathia (eo quod esset discipulus Jesu, occultus autem propter metum Judæorum), ut tolleret corpus Jesu: et permisit Pilatus. Venit ergo, et tulit corpus Jesu. Venit autem Nicodemus, qui venerat ad Jesum nocte primum, ferens mixturam myrræ et aloës quasi libras centum. » Non ita distinguendum est, ut dicamus, *primum ferens mixturam myrræ*; sed ut quod dictum est, *primum*, ad superiorem sensum pertineat. Venerat enim Nicodemus ad Jesum nocte primum, quod idem Joannes narravit in prioribus Evangelii sui partibus (*Joan. iii, 1, 2*). Hic ergo intelligendum est ad Jesum, non tunc solum, sed tunc primum venisse Nicodemum; ventitasse autem postea ut fieret audiendo discipulus: quod certe modo in revelatione corporis beatissimi Stephani fere omnibus gentibus declaratur (*a*). *Accepterunt ergo corpus Jesu, et ligaverunt illud linteis cum aromatibus, sicut mos est Iudeis sepelire*. Non mihi videtur Evangelista frustra dicens voluisse, *sicut mos est Iudeis sepelire*: ita quippe, nisi fallor, admonuit in hujusmodi officiis quæ mortuis exhibentur, morem cujusque gentis esse servandum.

5. *Erat autem in loco ubi crucifixus est, hortus, et in horto monumentum novum, in quo nondum quisquam positus erat*. Sicut in Mariæ virginis utero nemo ante illum, nemo post illum conceptus est; ita in hoc monumento nemo ante illum, nemo post illum sepultus est. « Ibi ergo propter parasseven Judæorum, quia juxta erat monumentum, posuerunt Jesum. » *Acceleratam vult intelligi sepulturam, ne advesperaseret*; quando jam propter parasseven, quam cœnam puram Judæi latine usitatius apud nos vocant, facere tale aliquid non licebat.

6. *Una autem sabbati Maria Magdalene venit mane, cum adhuc tenebrae essent, ad monumentum; et vidi lapidem sublatum a monumento*. Una sabbati est, quem jam diem dominicum propter Domini resurrectionem mos Christianus appellat: quem Matthæus solus in Evangelistis primam sabbati nominavit (*Matth. xxviii, 1*). *Cucurrit ergo, et venit ad Simonem Petrum, et ad alium discipulum quem amabat Jesus; et dicit eis: Tulerunt Dominum de monumento, et nescimus ubi posuerunt eum*. Nonnulli codices etiam græci habent, *Tulerunt Dominum meum, quod videri dictum potest propensiore charitatis vel famulatus affectu; sed hoc in pluribus codicibus quos in promptu habuimus, non invenimus*.

7. *Exiit ergo Petrus et ille alias discipulus, et venerunt ad monumentum*. Currebant autem duo simul, et ille alias discipulus præcucurrit citius Petro, et venit primus ad monumentum. Advertenda hic et commendanda est recapitulatio, quomodo redditum est ad id

(a) Eam revelationem, qua i; sius etiam Nicodemus corpus detectum fuit, ad anni 415 finem referunt, fredi auctoritate Luciani presbyteri, in libello hac de re conscripto.

¹ Lov., *diuturni*. Alli codices, *diurni*.

² In tribus vss., et a; ad Alcuinum, post hæc verba, ante magnum prævaricationis malum, additur, in *habitu jacentis et dormientis*.

quod fuerat prætermissum; et tamen quasi hoc se quereret adjunctum est. Cum enim jam dixisset, *venérunt ad monumentum*, regressus est ut narraret quomodo venerunt; atque ait, *currebant autem duo simul*, etc. Ubi ostendit quod præcurrerens ad monumentum prior venerit alius ille discipulus, quem scipsum significat, sed tanquam de alio cuncta narrat¹.

8. « Et cum se inclinasset, inquit, vidit posita linteum, non tamen introivit. Venit ergo Simon Petrus sequens eum, et introivit in monumentum; et vidit linteum posita, et sudarium quod fuerat super caput ejus, non cum linteaminibus positum, sed separatum involutum in unum locum. » Putamusne nihil ista significant? Nequaquam hoc putaverim. Sed ad alia festinamus, in quibus immorari questionis vel obscuritatis alicujus necessitate compellimur. Nam ista quæ per scipsa manifesta sunt, quid singula etiam significant, querere sanctæ quidem deliciæ sunt, sed otiosorum, quod non sumus nos.

9. *Tunc ergo introiit, et ille discipulus qui venerat primus ad monumentum.* Prior venit, et posterior intravit. Neque hoc utique vacat, sed mihi ad ista non vacat. *Et vidit, inquit, et credidit.* Hic nonnulli parum attentes, putant hoc Joannem credisse, quod Jesus resurrexit; sed quod sequitur, hoc non indicat. Quid sibi enim vult quod statim adjunxit, *Nondum enim sciebant Scripturam, quia oportet eum a mortuis resurgere?* Non ergo eum credidit resurrexisse, quem nesciebat oportere resurgere. Quid ergo vidit? quid credidit? Vedit scilicet inane monumentum, et credidit quod dixerat mulier, eum de monumento esse sublatum. *Nondum enim sciebant Scripturam, quia oporteret eum a mortuis resurgere.* Et ideo quando id ab ipso Domino audiebant, quamvis apertissime diceretur; consuetudine audiendi ab illo parabolas, non intelligebant, et aliquid aliud eum significare credebant. Sed ea quæ sequuntur in sermonem alium differamus.

TRACTATUS CXXI.

De eo quod sequitur, Abierunt ergo iterum ad semetipsos discipuli; usque ad id, Beati qui non videbunt et crediderunt. Cap. xx, §. 10-29.

1. Sublatum esse Dominum de monumento, discipulis ejus Petro et Joanni nuntiaverat Maria Magdalene: quo illi venientes, invenerunt sola linteum, quibus corpus fuerat involutum; et quid aliud credere potuerunt, nisi quod dixerat, quod etiam ipsa crediderat? *Abierunt ergo iterum ad semetipsos discipuli: id est, ubi habitabant, et unde ad monumentum eucurrerant.* *Maria autem stabat ad monumentum foris plorans.* Viris enim redeuntibus, infirmorem sexum in eodem loco fortior figebat affectus. Et oculi qui Dominum quæsierant et non invenerant, lacrimis jam vacabant, amplius dolentes quod fuerat de monumento ablatus, quam quod fuerat in ligno occisus; quoniam magistri tanti, cuius eis vita subtracta

¹ Er. Lugd. et Ven., sed tanquam de alio, more sanctæ Scripturæ, cuncta narrat. Verba, more sanctæ Scripturæ, ad textum non pertinere videntur, et apud Er. Guill. nec non apud Lov., uncis concluduntur. M.

fuerat, nec memoria remanebat. Tenebat itaque ad monumentum jam dolor iste mulierem. *Cum ergo fleret, inclinavit se et prospexit in monumentum.* Cur hoc fecerit nescio. Non enim nesciebat non ibi esse jam quem quærebat; quandoquidem inde sublatum et discipulis ipsa nuntiaverat; et illi ad monumentum venerant, et non solum intuendo, sed etiam intrando corpus Domini quæsierant, nec invenerant. Quid sibi ergo vult quod ista cum fleret, rursum in monumentum inclinata prospexit? Utrum quod nimum dolebat, nec suis nec illorum oculis facile putabat esse credendum? An potius divino instinctu in animo ejus effectum est ut prospiceret? Prospexit enim, *Et vidit duos angelos in albis, sedentes, unum ad caput, et unum ad pedes, ubi positum fuerat corpus Iesu.* Quid est quod unus ad caput, et ad pedes alter sedebat? An, quoniam qui græce Angeli dicuntur, latine sunt nuntii, isto modo Christi Evangelium velut a capite usque ad pedes, ab initio usque in finem significabant esse nuntiandum? *Dicunt ei illi: Mulier, quid ploras?* Dicit ei: *Quia tulerunt Dominum meum, et nescio ubi posuerunt eum.* Angeli lacrymas prohibebant: ubi quid aliud quam futurum quodammodo gaudium nuntiabant? Ita enim dixerunt, *Quid ploras?* ac si dicerent, *Noli plorare.* At illa eos putans interrogasse nescientes, causas prodit lacrymarum. *Quia tulerunt, inquit, Dominum meum:* Dominum suum vocans corpus exanime Domini sui, a toto parte significans; sicut omnes constemur Jesum Christum Filium Dei unicum Dominum nostrum, quod utique simul est et Verbum et anima et caro, crucifixum tam et sepultum, cum sola ejus sepulta sit caro. *Et nescio, inquit, ubi posuerunt eum.* Haec erat causa major doloris, quia nesciebat quo iret ad consolandum dolorem. Sed hora jam venerat qua id quod nuntiatum quodammodo fuerat ab angelis flere prohibentibus, gaudium succederet fletibus.

2. Denique « hæc cum dixisset, conversa est retrorsum, et vidit Jesum stantem, et non sciebat quia Jesus est. Dicit ei Jesus: *Mulier, quid ploras?* Quem quæris? Illa existinans quia hortulanus esset, dicit ei: *Domine, si tu sustulisti eum, dico mihi ubi posuisti eum, et ego eum tollam.* Dicit ei Jesus: *Maria.* Conversa illa dicit ei, *Rabboni;* quod dicitur Magister. » Nemo calumnietur mulieri quod hortulanum dixerit dominum, et Jesum Magistrum. Ibi enim rogabat, hic agnoscebat: ibi honorabat hominem a quo beneficium postulabat; hic recolebat doctorem a quo discernere humana et divina discebat. Appellabat dominum cuius ancilla non erat, ut per eum perveniret ad Dominum cuius erat. Alter ergo Dominum dixit, *Sustulerunt Dominum meum;* aliter autem, *Domine, si tu sustulisti eum.* Nam et Prophetæ appellaverunt dominos eos qui homines erant; sed aliter illum de quo scriptum est, *Dominus nomen ei* (*Psal. LXVII, 5.*) Sed ista mulier quæ jam fuerat conversa retrorsum ut videret Jesum, quando eum putavit esse hortulanum, et cum illo utique loquebatur, quomodo rursus conversa dicitur, ut ei diceret, *Rab-*

bni, nisi quia tunc conversa corpore, quod non erat, putavit, nunc corde conversa, quod erat agnoverit?

3. « Dicit ei Jesus : Noli me tangere, nondum enim ascendi ad Patrem meum : vade autem ad fratres meos, et dic eis, Ascendo ad Patrem meum et Patrem vestrum, Deum meum et Deum vestrum. » Est in his verbis quod breviter quidem, sed tamen attentius pertractare debemus. Jesus quippe mulierem quem illum magistrum agnoverit et appellavit, cum haec ei responderet, fidem docebat : et hortulanus ille in ejus corde, tanquam in horto suo granum sinapis seminabat. Quid est ergo, *Noli me tangere?* Et tanquam hujus prohibitionis causa quereretur, adjunxit, *nondum enim ascendendi ad Patrem meum*. Quid est hoc? Si stans in terra non tangitur, sedens in celo quomodo ab hominibus tangeretur? Qui certe antequam ascenderet, discipulis se tangendum obtulit dicens, sicut Lucas evangelista testatur, *Palpate, et videte, quia spiritus carnem et ossa non habet, sicut me videtis habere* (*Luc. xxiv, 39*) : vel quando dixit discipulo Thomæ, *Inser digitum tuum huc, et vide manus meas, et affer manum tuam, et mitte in latus meum*. Quis autem tam sit absurdus, ut dicat eum a discipulis quidem antequam ad Patrem ascendisset, voluisse se tangi; a mulieribus autem noluisse, nisi cum ascendisset ad Patrem? Sed nec sic, qui vellet, despere sineretur. Leguntur enim etiam feminæ post resurrectionem antequam ad Patrem ascenderet, tetigisse Jesum, in quibus erat etiam ipsa Maria Magdalene, narrante Matthæo quod occurserit illis Jesus dicens, *Ave. Illæ autem accesserunt, inquit, et tenuerunt pedes ejus et adoraverunt eum* (*Matth. xxviii, 9*). Hoc a Joanne prætermissum est, sed a Matthæo verum dictum. Restat ergo ut aliquod in his verbis lateat sacramentum; quod sive inveniamus, sive invenire minime valeamus, inesse tamen nullo modo dubitare debemus. Aut ergo sic dictum est, *Noli me tangere, nondum enim ascendendi ad Patrem meum*, ut in illa femina figurae Ecclesia de Gentibus, quæ in Christum non credidit, nisi cum ascendisset ad Patrem: aut sic in se credi voluit Jesus, hoc est, sic se spiritualiter tangi, quod ipse et Pater unum sint. Ejus quippe intimis sensibus quodammodo ascendit ad Patrem, qui sic in eo profecerit ut Patri agnoscat æqualem: aliter non recte tangitur, id est, aliter non recte in eum creditur. Poterat autem sic credere Maria, ut eum putaret imparem Patri, quod utique prohibetur cum ei dicitur, *Noli me tangere*: id est, Noli in me sic credere, quemadmodum adhuc sapis; noli tuum sensum hoc usque pertendere quod pro te factus sum, nec transire ad illud per quod facta es. Quomodo enim non carnaliter adhuc in eum credebat, quem sicut hominem flebat? *Nondum enim ascendi*, inquit, *ad Patrem meum*: ibi me tanges, quando me credideris Patri non imparem Deum. *Vade autem ad fratres meos, et dic eis, Ascendo ad Patrem meum et Patrem vestrum*. Non ait, Patrem nostrum: aliter ergo meum, aliter vestrum; natura meum, gratia vestrum. *Et Deum meum, et Deum vestrum*. Neque hic dixit, Deum

nostrum: ergo et hic aliter meum, aliter vestrum; Deum meum sub quo et ego homo sum, Deum vestrum inter quos et ipsum mediator sum.

4. « Venit Maria Magdalene annuntians discipulis, Quia vidi Dominum, et haec dixit mihi. Cum esset ergo sero die illa una sabbatorum, et fores essent clausæ, ubi erant discipuli congregati propter metum Judæorum, venit Jesus, et stetit in medio, et dicit eis : Pax vobis. Et cum hoc dixisset, ostendit eis manus et latus. » Clavi enim manus fixerant, lancea latus ejus aperuerat : ubi ad dubitantium corda sananda, vulnerum sunt servata vestigia. Moli autem corporis ubi divinitas erat, ostia clausa non obstiterunt. Ille quippe non eis apertis intrare potuit, quo nascente virginitas matris inviolata permanxit. *Gavist sunt ergo discipuli, viso Domino. Dixit ergo eis iterum : Pax vobis*. Iteratio confirmatio est; ipse quippe dat per prophetam promissam pacem super pacem (*Isai. xxvi, 3*). *Sicut misit me Pater, inquit, et ego mitti vos*. *Æqualem Patri Filium novimus, sed hic verba Mediatoris agnoscimus*. Medium quippe se ostendit dicens, Ille me, et ego vos. *Hoc cum dixisset, insufflavit, et dicit eis : Accipite Spiritum sanctum*. Insufflando significavit Spiritum sanctum non Patris solius esse Spiritum, sed et suum. *Quorum remiseritis, inquit, peccata, remittuntur eis ; et quorum retinueritis, retenta sunt*. Ecclesiæ charitas quæ per Spiritum sanctum diffunditur in cordibus nostris, participum suorum peccata dimittit: eorum autem qui non sunt ejus particeps, tenet. Ideo posteaquam dixit, *Accipite Spiritum sanctum*; hoc continuo de peccatorum remissione ac detentione subjecit.

5. « Thomas autem unus ex duodecim, qui dicitur Didymus, non erat cum eis quando venit Jesus : Dixerunt ergo ei alii discipuli : Vidimus Dominum. Ille autem dixit eis : Nisi videro in manibus ejus fixuram clavorum, et mittam digitum meum in locum clavorum, et mittam manum meam in latus ejus, non credam. Et post dies octo iterum erant discipuli ejus intus, et Thomas cum eis. Venit Jesus januis clausis, et stetit in medio, et dixit : Pax vobis. Deinde dicit Thomæ : Inser digitum tuum huc, et vide manus meas, et affer manum tuam, et mitte in latus meum; et noli esse incredulus, sed fidelis. Respondit Thomas et dixit ei : Dominus meus et Deus meus. » Videbat tangebatque hominem, et confitebatur Deum quem non videbat neque tangebat; sed per hoc quod videbat atque tangebat, illud jam remota dubitatione creditabat. *Dicit ei Jesus : Quia vidisti me, credidisti*. Non ait, tetigisti me; sed, *vidisti me*: quoniam generalis quodammodo sensus est visus. Nam et per alios quatuor sensus nominari solet: velut cum dicimus, Audi et vide quam bene sonet, olfac et vide quam bene oleat, gusta et vide quam bene sapiat, tange et vide quam bene caleat. Ubique sonuit, Vide, cum visus proprie non negetur ad oculos pertinere. Unde et hic ipse Dominus, *Inser, inquit, digitum tuum huc, et vide manus meas*: quid aliud ait quam, Tange et vide? Nec tamen oculos ille habebat in digito. Ergo sive

intuendo, sive etiam tangendo, *Quia vidisti me, inquit, credidisti.* Quamvis dici possit non ausum fuisse discipulum tangere, cum se offerret ille tangendum: non enim scriptum est, *Et tetigit Thomas.* Sed sive aspicio, tantum, sive etiam tangendo viderit et crediderit, illud quod sequitur, magis gentium fidem praedicat atque commendat, *Beati qui non viderunt, et crediderunt.* Præteriti temporis usus est verbis, tanquam ille qui quod erat futurum, in sua noverat prædestinatione jam factum. Sed jam sermo iste a prolixitate cibilendus est: donabit Dominus ut de his quæ restant, alias disputemus.

TRACTATUS CXXII.

De eo quod sequitur, Multa quidem et alia signa fecit Jesus; usque ad id, Et cum tanti essent, non est scissum rete. Cap. xx, § 30, 31, et cap. xxi, §. 1-11.

1. Post narrationem rei gestæ, in qua Thomas discipulus oblati sibi tangendis in Christi carne vulnerum locis, vedit quod credere nollebat et credidit; interponit hæc evangelista Joannes, et dicit: « Multa quidem et alia signa fecit Jesus in conspectu discipulorum suorum, quæ non sunt scripta in libro hoc. Ilac autem scripta sunt, ut creditatis quia Jesus est Christus Filius Dei; et ut credentes, vitam habecatis in nomine ejus. » Hoc capitulum velut libri hujus indicat finem: sed narratur hic deinde quemadmodum se manifestaverit Dominus ad mare Tiberiadis, et in captura piscium commendaverit Ecclesie sacramentum, qualis futura est ultima resurrectione mortuorum¹. Ad hoc itaque commendandum valere arbitratur, quod tanquam finis interpositus est libri, quod esset etiam secutæ narrationis quasi procœnum, quod ei quodammodo ficeret eminentiorem locum, quæ narratio incipit ita: « Postea manifestavit se iterum Jesus ad mare Tiberiadis; manifestavit autem sic: Erant simul Simon Petrus et Thomas qui dicitur Didymus, et Nathanael qui erat a Cana Galileæ, et filii Zebedæi, et alii ex discipulis ejus duo. Dicit eis Simon Petrus: Vado piscari. Dicunt ei: Venimus et nos tecum. »

2. Quæri solet de hac pescatione discipulorum, cur redierint Petrus et filii Zebedæi ad id quod fuerunt priusquam a Domino vocarentur: erant enim piscatores quando eis dixit, *Venite post me, et faciam vos pescatores hominum* (*Matth. iv, 19.*) Tunc eum quippe secuti sunt, ut magisterio ejus relicitis omnibus adhaerenter: in tantum ut cum ab eo dives illeris abscederet, cui dixerat, *Vade, vende quæ habes, et da panperibus, et habebis thesaurum in celo;* et veni, *sequere me,* diceret ei Petrus, *Ecce nos dimisimus omnia, et secuti sumus te* (*Id. xix, 21, 22, 27.*) Quid est ergo quod nunc quasi Apostolatu relicto sunt quod fuerunt, et quod diuiserant repetunt, tanquam obliti quod audierant, *Nemo ponens manum super aratum, et respiciens retro, aptus est regno cœlorum*

(*Luc. ix, 62*)? Quod si fecissent defuncto Jesu, priusquam resurrexisset a mortuis: quod quidem non poterant, quoniam dies quo crucifixus est, totos eos tenebat attentos, usque ad ejus sepulturam, quæ ante vesperam facta est; sequens autem dies erat sabbati, quando eis morem patrium servantibus, operari utique non licebat; tertio vero die Dominus resurrexit, eosque revocavit ad spem quam de illo non habere jam cooperant: tamen si tunc fecissent, putaremus eos illa quæ animos eorum occupaverat, desperatione fecisse. Nunc vero post eum sibi de sepulcro redditum vivum, post oblatam suis oculis et manibus, non solum videndum, verum etiam tangendam atque palpandam redivivæ carnis evidentissimam veritatem; post inspecta vulnerum loca, usque ad apostoli Thomæ confessionem, qui se aliter creditarum non esse prædicterat; post acceptum ejus inflatione Spiritum sanctum, post verba in suas aures ejus ore prolatæ, *Sicut misit me Pater, et ego misso vos: quorum remiseritis peccata, remittuntur eis, et quorum retinueritis, retenta sunt* (*Joan. xix, 21-23*): subito sunt sicut fuerant, non hominum, sed piscium pescatores.

3. His ergo quos hoc movet respondendum est, non eos fuisse prohibitos arte sua, licita scilicet atque concessa, victimum necessarium querere, sui Apostolatus integritate servata, si quando unde vivebant aliud non haberent. Nisi forte quispiam putare audebit aut dicere, apostolum Paulum non pertinuisse ad eorum perfectionem qui relictis omnibus Christum secuti sunt, quoniam ne quemquam eorum gravaret quibus Evangelium prædicabat, suum victimum suis manibus transigebat (*Il Thess. iii, 8*): ubi magis impletum est quod ait, *Plus omnibus illis laboravi;* et adjunxit, *Non autem ego, sed gratia Dei mecum* (*I Cor. xv, 10*): ut hoc quoque appareat Dei gratia deputandum, quod et animo et corpore poterat usque adeo plus illis omnibus laborare, ut neque cessaret ab Evangelio prædicando, neque tamen ex Evangelio, sicut illi, sustentaret hanc vitam; cum id per tot gentes in quibus Christi nomen non fuerat prophetatum¹, multo latius atque fertilius seminaret. Ubi ostendit ex Evangelio vivendi, hoc est victimum habendi, non necessitatem Apostolis impositam, sed potestatem datam. Quam potestatem commemorat idem apostolus dicens: « Si nos vobis spiritualia seminavimus, magnuni est si vestra carnalia metamus? Si alii potestatis vestrae participant, non magis nos? Sed non umus, » inquit, « usi haec potestate. » Et paulo post: « Qui altari serviant, » inquit, « altari compartiuntur; sic et Dominus ordinavit his qui Evangelium annuntiant, de Evangelio vivere: ego autem nullo horum usus sum. » Satis igitur apertum est, non imperatum, sed in potestate Apostolis positum, ut aliunde non viverent nisi ex Evangelio, et ab eis quibus Evangelium prædicando spiritualia seminabant, carnalia metarent; hoc est, carnis hujus sustentaculum sumerent, et tanquam milites Christi stipendum debitum acciperent,

¹ Lov., propagatam. Sed Am. Bad. et MSS., propagatam.

¹ Fr. Iugd. et Ven., resurrectio mo. tuorum. M.

sicut a provincialibus Christi (a). Unde idem ipse miles egregius paulo superius de hac re dixerat, *Quis militat suis stipendiis unquam* (I Cor. ix, 11-15, 7)? Quod tamen ipse faciebat, quia plus illis omnibus laborabat. Si ergo beatus Paulus ut ea potestate, quam profecto cum ceteris Evangelii prædictoribus habebat, non cum ceteris uteretur, sed suo stipendio militaret, ne gentes a nomine Christi penitus alienas doctrinam ejus quasi venalis offenderet, aliter educatus, artem quam non neverat didicit, ut dum suis manibus transigitur doctor, nullus gravaretur auditor; quanto magis beatus Petrus, qui jam pescator fuerat, quod neverat fecit, si ad præsens illud tempus, aliud unde viveret, non invenit?

4. Sed respondebit quispiam: Et cur non invenit, cum Dominus promiserit dicens, *Quarite primum regnum et justitiam Dei, et hæc omnia apponentur vobis* (Matth. vi, 33)? Prorsus etiam sic Dominus quod promisit implevit. Nam quis alias pisces qui caperentur apposuit? qui non ob aliud credendum est eis ingressisse penuriam qua compellerentur ire pescatum, nisi dispositum voleus exhibere miraculum: ut simul et predicatores Evangelii sui pasceret, et ipsum Evangelium tanto sacramento quod erat de numero piscium commendaturus augeret. De qua re etiam nos quod ipse apposuerit, dicere jam debemus.

5. Dicit ergo Simon Petrus: *Vado pescari*. Dicunt ei qui cum illo erant: *Venimus et nos tecum*. Et exierunt et ascenderunt in navem: et illa nocte nihil apprehenderunt. Mane autem jam facto stetit Jesus in littore; non tamen cognoverunt discipuli quia Jesus est. Dicit ergo eis Jesus: *Pueri, nunquid pulmentarium habetis?* Responderunt ei: *Non*. Dicit eis: *Mittite in dexteram navi gili rete, et invenietis. Miscent ergo, et jam non valebant illud trahere a multitudine piscium*. Dicit ergo discipulus ille quem diligebat Jesus, *Petro*: *Dominus est. Simon Petrus cum audisset quia Dominus est, tunica succinxit se, erat enim nudus, et misit se in mare*. Alii autem discipuli navigio venerunt (non enim longe erant a terra, sed quasi cubitis ducentis), trahentes rete pescium. Ut ergo descenderunt in terram, viderunt prunas positas, et pescem superpositum, et panem. Dicit eis Jesus: *Afferte de piscibus quos apprehendistis nunc. Ascendit Simon Petrus, et traxit rete in terram plenum magnis piscibus centum quinquaginta tribus. Et cum tanti essent, non est scissum rete*.

6. Hoc est magnum sacramentum in magno Joannis Evangelio; et ut vehementius commendaretur, loco ultimo scriptum. Quod ergo septem discipoli fuerunt in ista pescatione, Petrus, et Thomas, et Nathanael, et duo filii Zebedaei, et alii duo quorum nomina tacentur, isti suo septenario numero finem significant temporis. Universum quippe septem diebus volvitur tempus. Ad hoc pertinet quod mane facto Jesus stetit

(a) Milites itaque stipendium a provincialibus accipiabant: quo spectare videtur illud supra in Tract. 13, n. 47: «Aliquando enim et desertor terret provinciam; sed utrum in castris sit, et aliquid illi prosit character ille in quo signatus est, hoc attendit qui terrori et seduci non vult.»

PATROL. XXXV.

in littore; quia etiam littus finis est maris, et ideo finem significat saeculi. Eundem finem saeculi ostendit et quod Petrus rete extraxit in terra, hoc est in littus. Quod ipse Dominus aperuit, ubi alio quodam loco de sagena in mare missa similitudinem dedit: *Et eam trahunt, inquit, ad littus*. Quod littus quid esset expensis, ait: *Sic erit in consummatione saeculi* (Math. xiii, 48, 49).

7. Sed illa verbi est, non rei geste parabola: re autem gesta, sicut hoc loco qualiter in saeculi fine futura sit, ita Dominus alia pescatione significavit Ecclesiam qualiter nunc sit. Quod autem illud fecit in initio prædicationis suæ, hoc vero post resurrectionem suam, hinc ostendit illam capturam piscium, bonos et malos significare, quos nunc habet Ecclesia; istam vero tantummodo bonos, quos habebit in æternum, completa in fine hujus saeculi resurrectione mortuorum. Denique ibi Jesus non sicut hic in littore stabat, quando jussit pisces capi; sed *ascendens in unam navim que erat Simonis, rogavit eum ut a terra reduceret pusillum; et in ea sedens docebat turbas*. Ut cessavit autem loqui, dixit ad Simonem: *Duc in altum, et laxate retia vestra in capturam*. Et illuc quod captum est piscium in naviculis fuit, non sicut hic rete extraxerunt in terram. His signis et si qua alia potuerint reperiri, ibi Ecclesia in hoc saeculo, hic vero in fine saeculi figurata est: ideo illud ante, hoc autem post resurrectionem Domini factum est; quia ibi nos Christus significavit vocatos, hic resuscitatos. Ibi retia non mittuntur in dexteram, ne solos significant bonos, nec in sinistram, ne solos malos; sed indifferenter, *Laxate, inquit, retia vestra in capturam*, ut permixtos intelligamus bonos et malos: hic autem, inquit, *Mittite in dexteram navi gili rete*, ut significaret eos qui stabant ad dexteram, solos bonos. Ibi rete propter significanda schismata rumpebatur: hic vero quoniam tunc jam in illa summa pace sanctorum nulla erunt schismata, pertinuit ad Evangelistam dicere, *Et cum tanti essent, id est, tam magni, non est scissum rete*; tanquam illud respiceret ubi scissum est, et in illius mali comparatione commendaret hoc bonum. Ibi capta est multiudo piscium tanta, ut impleta duo navi gilia mergerentur (Luc. v, 3-7), id est, in submersione premerentur: non enim mersa sunt, sed tamen periclitata. Unde enī existunt in Ecclesia, tanta que gemimus; nisi cum tantæ multitudini obsisti non potest, quæ ad submergandam propemodum disciplinam intrat cum moribus suis a sanctorum itinere penitus alienis? Hic autem miserunt rete in dexteram partem, et jam non valebant illud trahere a multitudine piscium. Quid est, jam non valebant illud trahere, nisi quia illi qui pertinent ad resurrectionem vite, id est ad dexteram, et intra christiani nominis retia defunguntur, nonni in littore, id est in fine saeculi cum resurrexerint, apparebunt? Ideo non valuerunt sic trahere retia, ut in navem refunderent quos ceperant pisces; sicut de illis omnibus factum est, quibus rete disruptum, et naviculae pressæ sunt. Habet autem istos dextros Ecclesia post finem vite hujus in somno

(Soixante-deux.)

pacis, velut in profundo latentes, donec ad littus rete perveniat quo trahebatur, quasi a cubitis ducentis. Quod autem illic duabus naviculis, propter circumcidionem et preputium; hoc isto loco ducentis cubitis existimo figuratum, propter utriusque generis electos, et circumcisionis et præputii, tanquam centum et centum; quia in summa centenarii numerus ad dextram transit. Postremo in illa piseatione numerus piscium non exprimitur, tanquam illud ibi fiat quod prædictum est per prophetam, *Anuntiari et locutus sum; multiplicati sunt super numerum (Psal. xxxix, 6)*: hic vero non sunt aliqui super numerum, sed certus est numerus centum quinquaginta tres; cuius numeri ratio Domino adjuvante reddenda est.

8. Si enī numerum constituamus qui Legem si gnisceat, quid erunt nisi decem? Decalogum quippe Legis, id est, decem notissima illa præcepta digito Dei duabus lapideis tabulis primum fuisse conscripta certissimum nobis est (*Deut. ix, 10*). Sed Lex quando non adjuvat gratia, prævaricatores facit, et tantummodo in littera est: propter hoc enim maxime ait Apostolus, *Littera occidit, spiritus autem vivificat (II Cor. iii, 6)*. Accedat ergo ad litteram spiritus, ne occidat littera quem non viviscat spiritus; sed ut operemur præcepta Legis, non viribus nostris, sed munere Salvatoris. Cum autem accedit ad Legem gratia, id est, ad litteram spiritus, quodanmodo denario numero additur septenarius. Isto quippe numero, id est septenario, significari Spiritum sanctum, advertenda Litterarum sacrarum documenta testantur. Nempe enim sanctitas vel sanctificatio ad sanctum proprie pertinet Spiritum: unde cum et Pater spiritus sit, et Filius spiritus sit, quoniam Deus spiritus est (*Joan. iv, 24*); et Pater sanctus, et Filius sanctus sit: proprio tamen nomine amborum Spiritus vocatur Spiritus sanctus. Ubi ergo primum in Legi sonuit sanctificatio, nisi in die septimo? Non enim sanctificavit Deus diem primum, in quo fecit lucem; aut secundum, in quo firmamentum; aut tertium, in quo discrevit mare a terra, et terra herbam lignumque produxit; aut quartum, in quo sidera sunt creata; aut quintum, in quo animalia quæ in aquis vivunt et in aere volitant; aut sextum, in quo terrestris anima viva et ipse homo: sed sanctificavit diem septimum, in quo requievit ab operibus suis (*Gen. i, et ii, 3*). Convenienter igitur septenario numero significatur Spiritus sanctus. Isaías etiam propheta, *Requiescat*, inquit, in eo Spiritus Dei: eumque deinceps commendans opere vel munere septenario, *Spiritus*, inquit, *sapientiae et intellectus, spiritus consilii et fortitudinis, spiritus scientiae et pietatis, et implebit illum spiritus timoris Dei (Isai. xi, 2, 3)*. Quid in Apocalypsi? nonne septem spiritus Dei dicuntur (*Apoc. iii, 1*), cum sit unus atque idem Spiritus, dividens propria unicuique prout vult (*I Cor. xii, 11*)? Sed operatio septenaria unius Spiritus sic appellata est ab eodem Spiritu, qui scribenti adfuit, ut septem spiritus dicentur. Cum itaque Legis denario Spiritus sanctus per septenarium numerum accedit, sunt decem et septem: qui nume-

rus ab uno usque ad seipsum computatis omnibus crescens, ad centum quinquaginta tres pervenit. Ad unum enim si adjicias duo, sunt utique tres; his si adjicias tres et quatuor, sunt omnes decem; deinde si adjicias omnes numeros qui sequuntur usque ad decem et septem, ad supradictum numerum summa perducitur; id est, si ad decem, quo ab uno usque ad quatuor perveneras, addas quinque, sunt quindecim: his addas sex, et sunt viginti unum; his addas septem, et sunt viginti octo; his addas octo et novem et decem, et sunt quinquaginta quinque; his addas undecim et duodecim et tredecim, et sunt nonaginta unum; his rursum quatuordecim et quindecim et sexdecim, et sunt centum triginta sex: huic numero adde illum qui restat de quo agitur, id est decem et septem, et piscium numerus ille complebitur. Non ergo tantummodo centum quinquaginta tres sancti ad vitam resurrecti significantur aeternam, sed millia sanctorum ad gratiam Spiritus pertinentium: qua gratia cum Lege Dei tanquam cum adversario concordatur; ut vivificant Spiritu littera non occidat, sed quod per litteram jubetur, Spiritu adjuvante compleatur, et si quid minus sit, remittatur. Omnes ergo ad istam gratiam pertinentes, hoc numero figurantur, hoc est figurata significantur. Qui numerus ter habet etiam quinquagenarium numerum, et insuper ipsa tria propter mysterium Trinitatis: quinquagenarius autem multiplicatis septem per septem, et unius adjectione completur; nam septies septem sunt quadriginta novem. Unus autem additur, ut eo significetur unus esse qui per septem propter operationem septenariam demonstratur: et novimus Spiritum sanctum post ascensionem Domini quinquagesimo die missum, quem discipuli jussi sunt exspectare promissum (*Act. ii, 2-4; i, 4*).

9. Non igitur frustra dicti sunt hi pisces et tot et tanti, id est et centum quinquaginta tres et magni. Sic enim scriptum est: *Ei traxit rete in terram plenum magnis piscibus centum quinquaginta tribus*. Cum enim dixisset Dominus, *Non reni solvere Legem, sed implere*, datus utique Spiritum per quem Lex posset impleari, tanquam septem additurus ad decem; paucissimis verbis interpositis ait, *Qui ergo solverit unum de mandatis istis minimis, et docuerit sic homines, minimus vocabitur in regno caelorum: qui autem fecerit et docuerit, magnus vocabitur in regno caelorum*. Iste ergo poterit pertinere ad numerum piscium magnorum. Minimus autem ille qui solvit factis quod docet verbis, in tali Ecclesia potest esse, qualem significat piscium prima illa captura, habentem bonos et malos, quia et ipsa dicitur regnum caelorum: propter quod ait, *Simile est regnum caelorum sacerdoti missæ in mare, et ex omni genere congreganti*¹ (*Math. xiii, 47*). Ubi vult intelligi etiam bonos, et malos; quos dicit in littore, id est, in fine saeculi separandos. Denique ut ostenderet istos minimos reprobos esse, qui docent bona loquendo, quæ solvent male vivendo, nec quasi minimos in vita alterna futuros, sed

¹ *Editi, et ex omni genere piscium congreganti. Abest, piscium, a Msc. et a gracco.*

omnino ibi non futuros : cum dixisset, *Minimus vocabitur in regno cœlorum, continuo subjicit. Dico enim vobis, qua nisi abundaverit justitia vestra plus quam Scribatur et Pharisæorum, non intrabitis in regnum cœlorum* (*Matth. v. 17 - 20*). Illi sunt certe, Scribæ et Pharisæi, qui cathedram Moysi sedent, et de quibus ait, *Quæ dicunt facie; quæ autem faciunt, facere nolite: dicunt enim et non faciunt* (*Id. xxiii, 2, 3*) : docent sermonibus, quod solvunt moribus. Consequens est ergo, ut qui minimus est in regno cœlorum, qualis nunc est Ecclesia, non intret in regnum cœlorum, qualis tunc erit Ecclesia; quoniam docendo quod solvit, ad eorum societatem qui faciunt quod docent, non pertinebit : et ideo non erit in numero piscium magnorum; quoniam qui fecerit et docuerit, magnus vocabitur in regno cœlorum. Et quia hic magnus erit, ideo ibi erit, ubi minimus ille non erit. Usque adeo quippe ibi magni erunt, ut qui minor ibi est, major sit eo quo hic nemo major est (*Id. xi, 11*). Sed tamen qui hic magni sunt, id est, qui in regno cœlorum, ubi sagena congregat bonos et malos, faciunt bona quæ docent, ipsi erunt in illa regni cœlorum aeternitate majores, quos isti ad dexteram et resurrectionem vitæ pertinentes indicant pisces. Sequitur de prandio Domini cum istis septem discipulis, et de his quæ post prandium locutus est, ac de ipsis Evangelii termino, ut Deus quod donaverit disseramus : sed hoc non est isto sermone coactandum.

TRACTATUS CXXIII.

De eo quod dicit Jesus, Venite, prandeate; usque ad id, Hoc autem dixit, significans qua morte clarificatus esset Deum. Cap. xxi, §. 12-19.

1. In eo quod tertio Dominus post resurrectionem manifestavit se discipulis suis, beati Joannis apostoli Evangelium terminatur : in quo jam pertractavimus, ut valuimus, partem priorem, usque ad eum locum ubi narratum est captus fuisse pisces centum quinquaginta tres a discipulis quibus se demonstravit, et cum magni essent, retia non esse disrupta. Deinde que sequuntur consideranda sunt, et quantum adjuvat Dominus, sicut res postulare videbitur, disserenda. Peracta quippe illa pescatione, *Dicit eis Jesus: Venite, prandeate. Et nemo audebat discubentium interrogare eum, Tu quis es? scientes quia Dominus est.* Si ergo sciebant, quid opus erat ut interrogarent? si autem non opus erat, quare dictum est, *non audebant*; quasi opus esset, sed timore aliquo non auderent? Sensus ergo hic est: tanta erat evidētia veritatis, qua Jesus illis discipulis apparebat, ut eorum non solum negare, sed nec dubitare quidem ullus auderet; quoniam si quisquam dubitaret, utique interrogare deberet. Sic ergo dictum est, *Nemo audebat eum interrogare, Tu quis es?* ac si diceretur, *Nemo audebat dubitare quod ipse esset.*

2. *Et venit Jesus, et accipit panem, et dat eis, et pīscem similiiter.* Ecce dictum est etiam quid pranderent: de quo prandio aliiquid suave ac salubre dicemus et nos, si pascat et nos. Superius narratum est quod isti discipuli, quando descenderunt in terram, viderunt

prunas positas, et pīscem superpositum, et panem. Ubi non est intelligendum etiam superpositum panem fuisse pruni, sed tantum subaudiendum, Viderunt. Quod verbum si repetamus eo loco ubi subaudiendum est, ita totum dici potest: Viderunt prunas positas, et pīscem superpositum, et panem viderunt. Vel ita potius: Viderunt prunas positas, et pīscem superpositum, viderunt et panem. Jubente etiam Domino atulerunt et de piscibus quos ipsi ceperant: quod eos fecisse quamvis a narrante non esset expressum, tamen Dominum jussisse non tacitum est. Ait enim: *Afferte de piscibus quos apprehendistis nunc* (*Joan. xxi 9, 10*). Et utique jubente illo eos non fecisse quis credit? Hinc ergo fecit prandium Dominus illis septem discipulis suis, de pīscis scilicet quem pruni superpositum viderant, huic adjungens ex illis quos ceperant, et de pane quem nihilominus eos vidisse narratum est. Piscis assus, Christus est passus. Ipse est et pīnis qui de cœlo descendit (*Id. vi, 41*). Huic incorporatur Ecclesia ad participandam beatitudinem sempiternam. Propter quod dictum est, *Afferte de piscibus quos apprehendistis nunc;* ut omnes qui hanc spem gerimus, per illum septenarium numerum discipulorum, per quem potest hoc loco nostra universitas intelligi figurata, tanto Sacramento nos communicare nossemus, et eidem beatitudini sociari. Hoc Domini prandium est eorum discipulis suis, ad quod Joannes Evangelium suum, cum haberet de Christo alia multa quæ diceret, magna, ut existimo, et rerum magnarum contemplatione concludit. Hic enim Ecclesia qualis in solis bonis futura est, significatur per capturam centum quinquaginta trium piscium; et eis qui haec credunt, sperant, diligunt, participatio tantæ beatitudinis per hoc prandium demonstratur.

3. *Hoc jam tertio, inquit, manifestatus est Jesus discipulis suis, cum resurrexisset a mortuis.* Quod non ad ipsas demonstrationes, sed ad dies referre debemus (id est primo die, cum surrexit; et post dies octo, quando discipulus Thomas vidiit et credidit, et hodie quando hoc de piscibus fecit; post quot autem dies id fecerit, dictum non est): nam ipso primo die non semel visus est, sicut Evangelistarum omnium testimonia collata demonstrant: sed, sicut dictum est, secundum dies numerandæ sunt manifestationes ejus, ut ista sit tertia; prima quippe habenda sit¹, eademque una propter unum diem, quotiescumque se et quibuscumque, die illo quo resurrexit, ostendit; secunda post dies octo, et haec tertia, et deinde quoties voluit usque ad diem quadragesimum, quo ascendiit in cœlum, quamvis non scripta sint omnia.

4. *Cum ergo prandissent, dicit Simoni Petro.* Simon Joannis, diligis me plus his? Dicit ei: Etiā, Domine, tu scis quia amo te. Dicit ei: Pasce agnos meos. Dicit ei iterum: Simon Joannis, diligis me? Ait illi: Etiā, Domine, tu scis quia amo te. Dicit ei: Pasce agnos meos. Dicit ei tertio: Simon Joannis, amas me? Contristatus est Petrus, quia dixit ei tertio, Amas me? et dicit ei: Domine, tu omnia scis,

¹ Est, iuxta Er. Lugd. et Ven. M.

tu scis quia amo te. Dicit ei : Pasce oves meas. Amen, amen dico tibi ; cum esses junior, cingebas te, et ambulabas ubi volebas : cum autem senueris, extendes manus tuas, et alius te cinget, et ducet quo tu non vis. Hoc autem dixit, significans qua morte clarificaturus esset Deum. Hunc invenit exitum ille negator, et amator ; presumendo elatus, negando prostratus, flendo purgatus, confitendo probatus, patiendo coronatus : hunc invenit exitum, ut pro ejus nomine perfecta dilectione moreretur, cum quo se moriturum perversa festinatione prouiserat. Faciat ejus resurrectione firmatus, quod immature pollicebatur infirmus. Hoc enim oportebat, ut prius Christus pro Petri salute, deinde Petrus pro Christi prædicatione moreretur. Præpostorum fuit quod audere coepit humana temeritas, cum istum disposuisset ordinem veritas. Animam suam se positurum pro Christo Petrus putabat (*Ioan. xiii*, 37), pro liberatore liberandus ; cum Christus venisset animam suam positurus pro suis omnibus¹, in quibus erat et Petrus ; quod ecce jam factum est. Nunc jam firmitas cordis ad suscipiendam mortem pro nomine Domini vera ipso donante sumatur, non falsa nobis errantibus præsumatur. Nunc est ut vita hujus non metuamus interitum ; quia resurgente Domino vite alterius processit exemplum. Nunc est, Petre, ut mortem non timeas ; quia vivit quem mortuum dolebas, et quem pro nobis mori carnali amore prohibebas (*Math. xvi*, 21, 22). Ausus es prævenire ductorem, formidasti ejus persecutorem : jam pretio pro te fuso, nunc est ut sequaris emptorem, et sequaris omnino usque ad mortem crucis. Verba ejus audisti, quem jam veracem probasti ; passurum te ipse prædictis, qui te prædixerat negaturum.

5. Sed prius Dominus quod sciebat interrogat, nec semel, sed iterum ac tertio, utrum Petrus eum diligit ; nec aliud toties audit a Petro, quam se diligi ; nec aliud toties commendat Petro, quam suas oves pasci. Redditur negationi trinæ trina confessio, nemiam amori lingua serviat quam timori, et plus vocis elicuisse videa ut mors imminens, quam vita præsens. Sit amoris officium, pascere dominicum gregem ; si fuit timoris indicium, negare pastorem. Qui hoc animo pascuat oves Christi, ut suas velint esse non Christi, se convincunt amare, non Christum ; vel gloriaudi, vel dominandi, vel acquirendi cupiditate, non obediendi et subveniendi et Deo placendi charitate. Contra hos ergo vigilat toties inculcata ista vox Christi, quos Apostolus gemit sua querere, non que Jesu Christi (*Philipp. ii*, 21). Nam quid est aliud, *Diligis me? pasce oves meas*, quam si diceretur, *Si me diligis, non te pascere cogita : sed oves meas, sicut meas pasci, non sicut tuas ; gloriam meam in eis quare, non tuam ; dominum meum, non tuum ; lucra mea, non tua* ; ne sis in eorum societate qui pertinent ad tempora periculosa, seipso amantes, et cetera que huic malorum initio connectuntur ? Cum enim dixisset Apostolus, *Erunt enim homines seipso amantes* ;

¹ Duo MSS, *pro suis oribus*.

secutus adjunxit, *et Amatores pecuniae, elati, superbi, blasphemii, parentibus non obedientes, ingratii, scelesti, irreligiosi, sine affectione, detractores, incontinentes, immites, sine benignitate, proditores, procaces, cæcati, voluptatum amatores magis quam Dei ; habentes speciem pietatis, virtutem autem ejus abnegantes* (II Tim. iii, 1-5). Hæc omnia mala ab eo velut fonte manant, quod primum posuit, *seipso amantes*. Merito dicitur Petro, *Diligis me?* et respondet, *Amo te* ; eique refertur, *Pasce agnos meos* : et hoc iterum, hoc tertio. Ubi etiam demonstratur unum atque idem esse amorem et dilectionem : nam etiam Dominus novissime non ait, *Diligis me* ; sed, *Amas me*? Non ergo nos, sed ipsum amemus ; et in pascendis ovibus ejus ea quæ sunt ejus, non ea quæ sunt nostra queramus. Nescio quoniam enim in explicabili modo, quisquis scipsum, non Deum amat, non se amat ; et quisquis Deum, non scipsum amat, ipse se amat. Qui enim non potest vivere de se, moritur utique amando se : non ergo se amat, qui ne vivat se amat. Cum vero ille diligatur de quo vivitur, non se diligendo magis diligit, qui propterea non se diligit, ut eum diligit de quo vivit. Non sint ergo *seipso amantes* qui pascunt oves Christi, ne tanquam suas, sed tanquam ipsius eas pascant ; et velint ex illis sua lucra conquerire, sicut *amatores pecunia* ; vel eis dominari, sicut *elati* ; vel gloriari de honoribus quos ab eis sumunt, sicut *superbi* ; vel in tantum progredi ut etiam haereses faciant, sicut *blasphemi* : nec cedant sanctis patribus, sicut *parentibus non obedientes* ; et eis qui illos corrigere volunt quia perire nolunt, mala pro bonis reddant, sicut *ingrati* : interficiant animas et suas et alienas, sicut *scelesti* ; materna Ecclesiæ viscera dissipent, sicut *irreligiosi* ; non compatiuntur infirmis, sicut *sine affectione* ; famam sanctorum maculare conentur, sicut *detractores* ; cupiditates pessimas non refrenent, sicut *incontinentes* ; exerceant lites, sicut *immites* ; nesciant subvenire, sicut *sine benignitate* ; indicent inimicis piorum quæ occultanda cogoverint, sicut *proditores* ; humanam verecundiam inverecunda exagitatione perturbent, sicut *procaces* ; non intelligent neque quæ loquuntur, neque de quibus affirmant (II Tim. i, 7), sicut *cæcati* ; letitias carnales spiritualibus gaudiis anteponant, sic ut *voluptatum amatores magis quam Dei*. Hæc enim atque hujusmodi yitia, sive uni homini accidenti omnia, sive his alia, illis alia dominantur, ex illa radice quodammodo pullulant, cum sunt homines *seipso amantes*. Quod vitium maxime cavendum est eis qui pascunt oves Christi, ne sua querant, non que Jesu Christi ; et in usus cupiditatum suarum conferant, pro quibus sanguis fusus est Christi. Cujus amor in eo qui pascit oves ejus, in tam magnum debet spirituali crescere ardorem, ut vineat etiam mortis naturalem timorem, quo mori nolumus, et quando cum Christo vivere volumus. Nam et apostolus Paulus dicit se habere concupiscentiam dissolvi et esse cum Christo (*Philipp. i*, 23) : ingemiscit tamen gravatus, et non vult exscoliari, sed supervestiri, ut absorbeat mortale a vita (II Cor. v, 4). Et huic Dominus

dilectori suo, *Cum senueris*, inquit, *extendes manus tuas*, et *alius te cinget*, et *ducet quo tu non vis*. *Hoc enim ei dixit*, significans qua morte clarificaturus erat Deum. *Extendes*, inquit, *manus tuas*, hoc est crucifigeris. Ad hoc autem ut venias, *alius te cinget*, et *ducet*, non quo vis, sed *quo non vis*. Prius dixit quod fieret, et deinde quomodo fieret. Non enim crucifixus, sed utique crucifigerus quo nollet est ducens: nam crucifixus non quo nolebat abiit, sed potius quo volebat. Solutus quippe a corpore volebat esse cum Christo, sed si fieri posset, prater mortis molestiam vitam concupiscebat aeternam: ad quam molestiam nolens ductus est, sed ab ea volens eductus est: nolens ad eam venit, sed volens eam vicit; et reliquit hunc infirmitatis affectum quo nemo vult mori, usque adeo naturalem, ut eum beato Petro nec senectus auferre potuerit, cui dictum est, *Cum senueris*, duceris *quo non vis*. Propter nos consolando hunc etiam in se transfiguravit ipse Salvator, dicens, *Pater, si fieri potest, transeat a me calix iste* (*Matth. xxvi, 39*): qui utique mori venerat, nec habebat mortis necessitatem, sed voluntatem, potestate positurus animam suam, et rursus eam potestate sumpturus. Sed molestia quantumque sit mortis, debet eam vincere vis amoris, quo animatur ille qui cum sit vita nostra, etiam mortem voluit perferre pro nobis. Nam si nulla esset mortis vel parva molestia, non esset tam magna martyrum gloria. Sed si pastor bonus qui posuit animam suam pro ovibus suis (*Joan. x, 18, 11*), ex ipsis ovibus tam multos sibi martyres fecit; quanto magis debent usque ad mortem pro veritate certare, et usque ad sanguinem adversus peccatum, quibus oves ipsas pascendas, hoc est, docendas regendasque committit? Ac per hoc praecedente passionis ejus exemplo, quis non videat magis debere imitando pastori hærere pastores, si eum multæ etiam imitatae sunt oves, sub quo pastore uno in grege uno, et pastores ipsi sunt oves? Omnes quippe fecit suas oves, pro quibus est omnibus passus; quia et ipse ut pro omnibus pateretur, ovis est factus.

TRACTATUS CXXIV.

Ab eo loco, Et cum hoc dixisset, dicit ei: *Sequere me, etc., usque in finem Evangelii. Cap. xxi, §. 19-25.*

1. Non parva questio est, cur apostolo Petro, quando se tertio manifestavit discipulis, dixerit Dominus, *Sequere me*; de apostolo autem Joanne, *Sic eum volo manere donec veniam; quid ad te?* Hunc questioni, quantum Dominus ipse donaverit, sive per tractande, sive solvendæ sermonem novissimum hujus operis impendimus. Cum ergo prænuntiasset Dominus Petro, qua morte clarificaturus esset Deum, dicit ei: *Sequere me*. *Conversus Petrus vidit illum discipulum quem diligebat Jesus*, sequentem: qui et recubuit in cena super pectus ejus, et dixit, *Domine, quis est qui tradet te?* *Hunc ergo cum vidisset Petrus*, dicit Jesus: *Domine, hic autem quid?* Dicit ei Jesus: *Sic eum volo manere donec veniam; quid ad te?* Tu me sequere.

CAPUT XXI.

Exit ergo sermo iste inter fratres, quia discipulus ille non moritur. Et non dixit ei Jesus, Non moritur; sed, Sic eum volo manere donec veniam; quid ad te? Ecce quoque in hoc Evangelio extenditur questio, quæ sua profunditate non mediocriter mentem scrutantis exercet. Cur enim dicitur Petro, *Sequere me*, nec dicitur cæteris qui simul aderant? Et profecto eum sicut magistrum discipuli sequebantur. Sed si ad passionem intelligendum est, numquid solus pro christiana veritate passus est Petrus? Nonne ibi erat in illis septem alius filius Zebedæi frater Joannis, qui post ejus ascensionem, ab Herode manifestatur occisus (*Act. xii, 2*)? Verum aliquis dixerit, quoniam Jacobus non est crucifixus, merito dictum esse Petro, *Sequere me*, qui non solum mortem, sed etiam mortem crucis, sicut Christus, expertus est. Sit hoc, si nihil aliud quod sit convenientius potuerit inveniri. Cur ergo de Joanne dictum est, *Sic eum volo manere donec veniam; quid ad te?* et repetitum est, *Tu me sequere*; tanquam ille ideo non sequeretur, quoniam eum manere voluit donec veniat? Quis facile aliud dictum esse credat, quam quod fratres crediderant qui tunc erant, eo quod scilicet non esset discipulus ille moriturus, sed donec Jesus veniret, ista maneret in vita? Sed hanc opinionem Joannes ipse abstulit, non hoc dixisse Dominum aperta contradictione declarans. Cur enim subjungeret, *Non dixit Jesus, Non moritur*, nisi ne hominum cordibus quod falsum fuerat inhaereret?

2. Sed cui placet, adhuc resistat; et dicat verum esse quod ait Joannes, non dixisse Dominum quod discipulus ille non moritur, sed hoc tamen significatum esse talibus verbis, qualia eum dixisse narravit; et asserat apostolum Joannem vivere, atque in illo sepulcro ejus quod est apud Ephesum, dormire cum potius quam mortuum jacere contendat. Assumat in argumentum, quod illuc terra sensim scatere, et quasi ebullire prohibetur; atque hoc ejus anhelitu fieri, sive constanter sive pertinaciter asseveret. Non enim possunt deesse qui credant, si non desunt qui etiam Moysen assentient vivere: quia scriptum est ejus sepulcrum non inveniri (*Deut. xxxiv, 6*), et apparuit cum Domino in monte, ubi et Elias fuit (*Matth. xvii, 3*), quem mortuum legimus non esse, sed raptum (*IV Reg. ii, 11*). Quasi Moysi corpus non poterit alicubi sic abscondi, ut prorsus homines lateret ubi esset, atque inde ad horam divinitus excitari, quando cum Christo Elias et ipse sunt visi: sicut ad horam multa sanctorum corpora surrexerunt, quando passus est Christus, et post ejus resurrectionem apparuerunt multis in sancta, sicut scriptum est, civitate (*Matth. xxvi, 52, 53*). Sed tamen, ut dicere coeparam, si quidam Moysen mortuum negant, quem Scriptura psa, ubi sepulcrum ejus nusquam inveniri legimus, mortuum tamen esse sine ulla ambiguitate testatur; quanto magis Joannes ex istorum occasione verborum ubi Dominus ait, *Sic eum volo manere donec venio*, creditur vivus dormire sub terra? Quem tradunt etiam (quod in quibusdam Scripturis quamvis

apocryphis reperitur), quando sibi fieri jussit sepulcrum, incolumem fuisse praesentem; eoque effosso et diligentissime preparato, ibi se tanquam in lectulo colloccasse, statimque eum esse defunctum: ut autem isti putant, qui haec verba Domini sic intelligent, non defunctum, sed defuncto similem cubuisse; et cum mortuus putaretur, sepultum fuisse dormientem; et donec Christus veniat sic manere, suamque vitam scaturigine pulveris indicare: qui pulvis ereditur, ut ab imo ad superficiem tumuli ascendat, flatu quiescentis impelli. Huius opinioni supervacaneum existimo reluctari. Viderint enim qui locum sciunt, utrum hoc ibi faciat vel patiatur terra quod dicitur; quia et revera non a levibus hominibus id audivimus.

3. Interim cedamus opinioni, quam certis documentis refellere non valemus, ne rursus aliud quod a nobis queratur exsurget. Cur super humatum mortuum ipsa humus quodammodo vivere ac spirare videatur. Sed numquid hinc tanta ista solvit quæstio, si magno miraculo, qualia potest facere Omnipotens, tamdiu vivum corpus in sopore sub terra est, donec veniat terminus saeculi? Quin imo sit amplior et difficilior, cur discipulo Jesus, quem diligebat præ ceteris, in tantum ut super pectus ejus discumbere mereretur, pro magno munere longum in corpore doinxaverit somnum: cum beatum Petrum per ingentem martyrii gloriam, ab onere ipsius corporis solverit, eique concesserit quod apostolus Paulus se concupisse dixit, et scripsit, *Dissolvi et esse cum Christo* (*Philip. i, 23*). Si autem quod magis creditur, ideo sanctus Joannes ait, non dixisse Dominum, *Non moritur*, ne illis verbis quæ dixit, hoc voluisse intelligi putaretur; corpusque ejus in sepulcro ejus examine sicut aliorum mortuorum jacet: restat ut si vere ibi sit quod sparsit fama de terra, quæ subinde ablata succrescit, aut ideo fiat ut eo modo commendetur pretiosa mors ejus, quoniam non eam commendat martyrium (non enim cum pro fine Christi persecutor occidit), aut propter aliquid aliud quod nos latet. Manet tamen quæstio cur dixerit Dominus de homine morituro, *Sic eum volo manere donec veniam*.

4. Illud etiam in his duobus apostolis Petro et Joanne quem non moveat ad querendum, cur Joannem plus dilexit Dominus, cum ipsum Dominum plus dilexerit Petrus? Ubicumque enim se commemorat Joannes, ut nomine suo tacito ipse possit intelligi, hoc addit quod eum diligebat Jesus, quasi solum diligenter, ut hoc signo discerneretur a ceteris, quos utique omnes diligebat: quid ergo, nisi amplius se dilectum, cum hoc dicaret, volebat intelligi? quod absit ut mendaciter dicaret. Quod autem majus dare potuit Jesus majoris erga eum suæ dilectionis indicium, quanum ut homo cum ceteris condiscipulis suis socius tantæ salutis, solus tamen discubuerit super pectus ipsius Salvatoris? Porro quod apostolus Petrus plus aliis dilexit Christum, possunt quidem documenta multa proferri: sed ut longe in alia non ea pars, ipsius tertiae manifestationis Domini paulo superiore lectione, quæ istam præcedit, satis evidenter

apparet, ubi interrogans eum, dixit, *Diligis me plus his?* Quod utique sciebat, et tamen interrogabat, ut etiam nos qui legimus Evangelium, amorem Petri erga Dominum, et illo interrogante et isto respondentem nossemus. Quod autem in eo quod respondit Petrus, *Amo te*, non addidit, plus his, hoc respondit quod de seipso sciebat. Non enim quantum ab alio quolibet diligenter scire poterat, qui cor alterius videre non poterat. Sed tamen superioribus verbis dicendo, *Etiam, Domine, tu scis* (*Joan. xxi, 15, 16*), satis et ipse declaravit, scientem Dominum interrogasse quod interrogavit. Sciebat igitur Dominus non solum quod diligenter, verum etiam quod plus illis cum diligenter Petrus. Et tamen si proponamus querentes, quis duorum sit melior, utrum qui plus, an qui minus diligit Christum; quis dubitabit respondere, cum qui plus diligit esse meliorem? Item si proponamus quis duorum sit melior, utrum quem minus, an quem plus diligit Christus; eum qui plus diligitur a Christo, meliorem procul dubio respondebimus. In illa ergo comparatione quam prius posui, Petrus Joanni; in hac vero altera, Joannes anteponitur Petro. Proinde tertiam sic proponimus: quis est duorum discipulorum melior, qui minus quam condiscipulus ejus diligit Christum, et plus quam condiscipulus ejus diligit a Christo? an ille quem minus quam condiscipulum ejus diligit Christus, cum plus ipse quam suus condiscipulus diligit Christum? Hic plane cunctatur responsio, et augetur quæstio. Quantum autem ipse sapio, meliorem qui plus diligit Christum, feliciorem vero quem plus diligit Christus, facile responderem; si justitiam Liberatoris nostri minus eum diligenter a quo plus diligitur, et eum plus a quo minus diligitur, quemadmodum defendem, perviderem.

5. Aggrediar igitur in ejus manifesta misericordia, cuius est occulta justitia, de solvenda quæstione tam ingenti, pro viribus quas ipse donaverit, disputare: hucusque enim proposita est, non exposita. Exponenda vero ejus hoc sit exordium; ut meminerimus in hoc corruptibili corpore quod aggravat animam (*Sap. ix, 15*), vitam nos miseram vivere. Sed qui jam redempti per Mediatorem sumus, et Spiritum sanctum pignus accepiimus, beatam vitam in spe habemus, et si re ipsa nondum tenemus. Spes autem quæ videtur, non est spes: quod enim videt quis, quid sperat? Si autem quod non videmus speramus, per patientiam exspectamus (*Rom. viii, 24, 25*). In malis autem quæ quisque patitur, non in bonis quibus fruitur, opus est patientia. Hanc itaque vitam de qua scriptum est, *Numquid non tentatio est vita humana super terram* (*Job vii, 1*)? in qua quotidie clamamus ad Dominum, *Libera nos a malo* (*Matth. vi, 13*), cogitum bono tolerare etiam remissis peccatis: quamvis ut in eam veniret miseriam, primum fuerit causa peccatum. Productior est enim poena quam culpa; ne parva putaretur culpa, si cum illa finiretur et poena. Ac per hoc vel ad demonstrationem debite miseriae, vel ad emendationem labilis vite, vel ad exercitatio-

nem necessarie patientiae, temporaliter hominem debet pena et quem jam ad damnationem sempiternam reum non deflet culpa. Hec est istorum dierum, quos in hac mortalitate agimus malos, quamvis in ea diligamus videre dies bonos, flenda quidem, sed non reprehendenda conditio. Venit enim de ira Dei justa, de qua Scriptura loquens, *Homo, inquit, natus ex muliere, brevis vita, et plenus iræ* (*Job xiv, 1*): cum ira Dei non sit ut hominis, id est perturbatio concitati animi, sed tranquilla justi supplicii constitutio. In hac ira sua Deus non continens, sicut scriptum est, miserationes suas (*Psal. LXXVI, 10*), praeter alia solatia miserorum quae generi humano præbere non cessat, in plenitudine temporis, quo ipse sciebat hoc esse faciendum, misit Filium suum unigenitum (*Galat. iv, 4*), per quem creavit universa, ut manens Deus fieret homo, et esset mediator Dei et hominum homo Christus Jesus (*I Tim. ii, 5*): in quem credentes, per lavaerum regenerationis soluto reatu omnium peccatorum, et originalis videlicet quod generatio trahit, contra quam maxime regeneratio est instituta, et cæterorum quae male agendo contracta sunt, liberarentur a damnatione perpetua, et viverent in fide et spe et charitate, peregrinantes in hoc seculo, atque in ejus temptationibus laboriosis et pericolosis, consolationibus autem Dei et corporalibus et spiritualibus ambularent ad conspectum ejus, viam tenentes, quod eis factus est Christus. Et quia in ipso quoque ambulantes non sunt sine peccatis, que de hujus vita infirmitate subrepunt, dedit eleemosynarum remedia salutaria, quibus eorum adjuvaret oratio, ubi eos dicere docuit, *Dimitte nobis debita nostra, sicut et nos dimittimus debitoribus nostris* (*Matth. vi, 12*). Ille agit Ecclesia spe beata in hac vita aruinoosa: cuius Ecclesiae Petrus apostolus, propter Apostolatus sui primatum, gerebat figurata generalitate personam. Quod enim ad ipsum proprie pertinet, natura unus homo erat, gratia unus christianus, abundantiore gratia unus idemque primus apostolus: sed quando ei dictum est, *Tibi dabo claves regni cœlorum, et quodcumque ligaveris super terram, erit ligatum et in cœlis; et quodcumque solveris super terram, erit solatum et in cœlis*, universam significabat Ecclesiam, que in hoc seculo diversis temptationibus velut imbris, fluminibus, tempestatibus quatitur, et non cadit, quoniam fundata est super petram, unde Petrus nomen accepit. Non enim a Petro petra, sed Petrus a petra; sicut non Christus a christiano, sed christianus a Christo vocatur. Ideo quippe ait Dominus, *Super hanc petram ædificabo Ecclesiam meam*, quia dixerat Petrus, *Tu es Christus Filius Dei viri* (*Id. xvi, 16-19*). Super hanc ergo, inquit, petram quam confessus es, ædificabo Ecclesiam meam. Petra enim erat Christus (*I Cor. x, 4*): super quod fundamentum etiam ipse ædificatus est Petrus. Fundamentum quippe aliud nemo potest ponere præter id quod positum est, quod est Christus Jesus (*Id. iii, 11*). Ecclesia ergo quae fundatur in Christo, claves ab eo regni cœlorum accepit in Petro, id est potestatem ligandi solvendique peccata. Quod

est enim per proprietatem in Christo Ecclesia, hoc est per significationem Petrus in petra; qua significatio intelligitur Christus petra, Petrus Ecclesia. Ille igitur Ecclesia quam significabat Petrus, quamdiu debet in malis, amando et sequendo Christum liberatur a malis. Magis autem sequitur in eis qui certant pro veritate usque ad mortem. Sed universitati dicitur, *Sequere me*, pro qua universitate passus est Christus: de quo dicit idem Petrus, *Christus pro nobis passus est, relinquens nobis exemplum, ut sequamur vestigia ejus* (*I Petr. ii, 21*). Ecce propter quod ei dictum est, *Sequere me*. Est autem alia vita immortalis, que non est in malis: ibi facie ad faciem videbimus, quod hic per speculum et in ænigmate videtur (*I Cor. xiii, 12*), quando multum in conspicienda veritate proficitur. Duas itaque vitas sibi divinitus prædictas et commendatas novit Ecclesia, quarum est una in fide, altera in specie; una in tempore peregrinationis, altera in aeternitate mansionis; una in labore, altera in re quie; una in via, altera in patria; una in opere actionis, altera in mercede contemplationis; una declinat a malo et facit bonum, altera nullum habet a quo declinet malum, et magnum habet quod fruatur bonum; una cum hoste pugnat, altera sine hoste regnat; una fortis est in adversis, altera nihil sentit adversi; una carnales libidines frenat, altera spirituales delectationibus vacat; una est vincendi cura sollicita, altera victorie pace secura; una in temptationibus adjuvatur, altera sine ulla temptatione in ipso adjutore letatur; una subvenit indigenti, altera ibi est ubi nullum invenit indigentem; una aliena peccata ut sua sibi ignoscantur ignoscit, altera nec patitur quod ignoscat, nec facit quod sibi poscat ignosci; una flagellatur malis, ne extollatur in bonis, altera tanta plenitudine gratiae caret omni malo, ut sine ulla temptatione superbie cohæreat summo bono; una bona et mala discernit, altera que sola bona sunt cernit: ergo una bona est, sed adhuc misera; altera melior et beata. Ista significata est per apostolum Petrum, illa per Joannem. Tota hic agitur ista usque in hujus saeculi finem, et illic invenit finem: differtur illa complenda post hujus saeculi finem, sed in futuro seculo non habet finem. Ideo dicitur huic, *Sequere me*: de illo autem, *Sic eum volo manere donec veniam; quid a te? Tu me sequere*. Quid enim est hoc? Quantum sapio, quantum capio, quid est hoc, nisi, Tu me sequere per imitationem perferendi temporalia mala; ille maneat donec sempiterna venio redditurus bona? Quod apertius ita dici potest: Perfecta me sequatur actio, informata mee passionis exemplo; inchoato vero contemplatio maneat donec venio, perficienda cum venero. Sequitur enim Christum, perveniens usque ad mortem pia plenitudo patientia: manet autem donec veniat Christus, tunc manifestanda plenitudo scientiae. Ille quippe tolerantur mala hujus mundi in terra morientum, ibi videbuntur bona Domini in terra viventium. Quod enim ait, *Volo eum manere donec veniam*, non sic intelligendum est quasi dixerit, remanere vel permanere; sed, exspectare: quoniam

quod per eum significatur, non utique nunc, sed cum venerit Christus, implebitur. Quod autem per hunc significatur, cui dictum est, *Tu me sequere*, nisi nunc agatur, non pervenietur ad illud quod exspectatur. In hae autem activa vita quanto magis Christum diligimus, tanto facilius liberamur a malo. At ipse nos minus diligit quales nunc sumus; et hinc ideo liberat, ne semper tales simus. Ibi vero amplius nos diligit; quoniam quod ei dispiceat, et quod a nobis auferat, non habebimus: nec ob aliud nos hic diligit, nisi ut sanet et transferat ab his quae non diligit. Illic ergo minus, ubi non vult remaneamus: ibi amplius, quo vult transcamus, et unde non vult pereamus. Amet ergo eum Petrus, ut ab ista mortalitate liberemur: ametur ab eo Joannes, ut in illa immortalitate servemur.

6. Sed ista ratione illud ostenditur, cur amplius Joannem quam Petrum amaverit Christus, non cur amplius Petrus quam Joannes amaverit Christum. Neque enim, si plus nos diligit Christus in futuro sæculo, ubi cum illo sine fine vivemus, quam in isto unde cruimur, ut illuc semper sinus, propterea nos tunc eum minus dilecturi sumus quando meliores erimus; cum meliores utique nisi amplius eum diligendo, nullo modo esse possimus. Cur ergo Joannes minus eum diligebat quam Petrus, si eam vitam significabat, in qua est multo amplius diligendus, nisi quia propterea dictum est, *Volo eum manere*, id est exspectare, *donec veniam*, quoniam et ipsum amorem qui tunc multo amplior erit, nondum habemus, sed futurum exspectamus, ut cum ipse venerit, habeamus? Nam sicut in Epistola sua idem dicit apostolus, *Non-dum apparuit quod erimus; scimus quoniam cum appa-ruerit, similes ei erimus, quoniam videbimus eum sicuti est* (*1 Joan. III, 2*). Tunc ergo amplius quod videbimus, diligemus. Ipse autem Dominus illam que futura est vitam nostram, qualis in nobis futura sit sciens, prædestinatione plus amat, ut ad eam nos amando perducat. Quocirca quoniam universæ viæ Domini misericordia et veritas (*Psal. xxiv, 10*), miseri-riam nostram præsentem novimus, quia sentimus; et ideo misericordiam Domini, quam nobis de miseria liberandis exhiberi volumus, plor amamus, eamque quotidie maxime pro peccatorum remissione posci-mus et habemus: hoc per Petrum significatum est plus amantem, sed minus amatum; quia minus nos amat Christus miseros quam beatos. Veritatis autem contemplationem qualis tunc futura est, minus amamus, quia nondum novimus nec habemus: hæc per Joannem significata est minus amantem, atque ideo et ad ipsam, et ad ejus in nobis amorem, qualis ei debetur, implendum, donec veniat Dominus exspectantem; sed plus amatum, quia id quod per illum si-guratum est, hoc efficit beatum.

7. Nemo tamen istos insignes apostolos separat. Et in eo quod significabat Petrus, ambo erant; et in eo quod significabat Joannes, ambo futuri erant. Si-gnificando sequebatur iste, manebat ille: credendo autem ambo mala præsentia hujus miseriae tolerabant, ambo futura bona illius beatitudinis exspectabant.

Nec ipsi soli, sed universa hoc facit sancta Ecclesia sponsa Christi, ab ipsis temptationibus eruenda, in illa felicitate servanda. Quas duas vitas Petrus et Joannes figuraverunt, singuli singulas: verum et in hac temporaliter ambulaverunt ambo per fidem, et illa in æternum fruentur ambo per speciem. Omnibus igitur sanctis ad Christi corpus inseparabiliter pertinentibus, propter hujus vitæ procellosissimæ gubernaculum, ad liganda et solvenda peccata claves regni cœlorum primus Apostolorum Petrus accepit: eisdemque omnibus sanctis propter vitæ illius secretissimæ quietissimum sinum, super pectus Christi Joannes evan-gelista discubuit. Quoniam nec iste solus, sed universa Ecclesia ligat solvitque peccata: nec ille in principio Verbum Deum apud Deum, et cætera de Christi divinitate, et de totius divinitatis trinitate atque unitate sublimia, quæ in illo regno facie ad faciem contemplanda, nunc autem donec veniat Dominus, in speculo atque in ænigmate contuenda sunt, quæ prædicando ructaret, de fonte Dominici pectoris solus bibit; sed ipse Dominus ipsum Evangelium pro sua cujusque capacitate omnibus suis bibendum toto terrarum orbe diffidit. Sunt qui senserint, et hi quidem non contem-pitibiles sacri eloquii tractatores, a Christo Joannem apostolum propterea plus amatum, quod neque uxori duxerit, et ab ineunte pueritia castissimus vixerit (*Hieron. lib. I contra Jovinianum*). Hoc quidem in Scripturis canoniceis non evidenter appetit: verumtamen id quoque multum adjuvat congruentiam hujusc sententiae, quod illa vita per eum significata est, ubi non erunt nuptiae.

8. *Hic est discipulus ille qui testimonium perhibet de his, et scripsit haec; et scimus quia verum est testimonium ejus.* Sunt autem, inquit, et alia multa quæ fecit Jesus, quæ si scribantur per singula, nec ipsum arbitror mundum capere eos qui scribendi sunt libros. Non spatio locorum credendum est mundum capere non posse, quæ in eo scribi quomodo possent, si scripta non ferret? sed capacitatem legentium comprehendendi fortasse non possent: quamvis salva rerum fide, plerumque verba excedere videantur fidem. Quod non sit quando aliquid quod erat obscurum vel dubium, causa et ratione redditæ exponitur: sed quando id quod aper-tum est vel augetur, vel extenuatur, nec latenter a tramite significande veritatis erratur; quoniam sic verba rem quæ indicatur excedunt, ut voluntas lo-quentis nec fallentis appareat, qui novit quoisque credatur, a quo ultra quam credendum est vel minuitur loquendo aliquid, vel augetur. Hunc loquendi mo-dum græco nomine, non solum græcarum, verum etiam latinarum litterarum magistri hyperbolent vocant. Qui modus, sicut hoc loco, ita in nonnullis aliis divinis Litteris invenitur: ut est, *Posuerunt in cælum os suum* (*Psal. LXXII, 9*); et, *Verticem capilli perambulantium in delictis suis* (*Psal. LXVII, 22*); et multa hujusmodi, quæ Scripturis sanctis non desunt, sicut alii tropi, hoc est locutionum modi. De quibus ope-rosius disputarem, nisi Evangelista terminante Evan-geliū suū, etiam ipse compellerer meum termi-nare sermouem.

S. AURELII AUGUSTINI

HIPPONENSIS EPISCOPI

IN EPISTOLAM

JOANNIS AD PARTHOS

TRACTATUS DECIMUS^(a).

Prologus.

Meminit Sanctitas vestra Evangelium secundum Joannem ex ordine lectionum nos solere tractare : sed quia nunc interposita est solemnitas sanctorum dierum, quibus certas ex Evangelio lectiones oportet in Ecclesia recitari, quae ita sunt annuae, ut aliae esse non possint (b) ; ordo ille quem suscepimus, necessitate paululum intermissus est , non amissus. Cum autem cogitarem quid secundum hilaritatem presentium dierum per hanc hebdomadam vobiscum de Scripturis agerem, quantum Dominus donare dignatur, quod posset in istis septem vel octo diebus finiri, occurrit mihi Epistola beati Joannis : ut cuius Evangelium paululum intermisimus, ejus Epistolam tractando ab eo non recedamus ; præsertim quia in ipsa Epistola satis dulci omnibus quibus sanum est palatum cordis, ubi sapiat panis Dei, et satis memorabili in sancta Ecclesia Dei, maxime Charitas commendatur. Locutus est multa, et prope omnia de Charitate. Qui habet in se unde audiat, necesse est gaudeat ad quod audit. Sic enim illi erit lectio ista , tanquam oleum in flamma ; si est ibi quod nutritur, nutritur, et crescit, et permanet. Item quibusdam sic esse debet, tanquam flamma ad somitem ; ut si non ardebat, accidente sermone accendatur. In quibusdam enim nutritur quod est, in quibusdam accenditur si deest ; ut omnes in una charitate gaudeamus. Ubi autem charitas , ibi pax ; et ubi humilitas ,

ibi charitas. Jam ipsum audiamus ; et ad ejus verba, quæ Dominus suggerit, etiam vobis ut bene intelligatis, loquamur.

TRACTATUS I.

De eo quod Joannes scribit, Quod erat ab initio, quod audivimus, et quod vidimus, etc., usque ad id, Quoniam tenebre execucaverunt oculos ejus. Cap. i, et cap. ii, § . 1-11.

1. *Quod erat ab initio, quod audivimus, et quod vidi mus oculis nostris, et manus nostra tractaverunt de Verbo vitæ.* Quis est qui manibus tractat Verbum, nisi quia Verbum caro factum est , et habitavit in nobis ? Illoc autem Verbum quod caro factum est, ut in manibus tractaretur, coepit esse caro ex virgine Maria : sed non tunc coepit Verbum, quia quod erat ab initio dixit. Videte si non attestatur Epistola sua Evangelio suo, ubi modo audistis, *In principio erat Verbum, et Verbum erat apud Deum (Joan. 1, 14, 1).* Forte de Verbo vitæ sic quisque accipiat quasi locutionem quamdam de Christo, non ipsum corpus Christi quod in manibus tractatum est. Videte quid sequatur : *Et ipsa vita manifestata est.* Christus ergo Verbum vitæ. Et unde manifestata est ? Erat enim ab initio ; sed non erat manifestata hominibus : manifestata autem erat Angelis videntibus , et tanquam pane suo cibantibus. Sed quid ait Scriptura ? *Panem Angolorum manducavit*

ADMONITIO PP. BENEDICTINORUM.

His Tractatibus castigandis subsidio fuerunt codices MSS., e Bigotiana bibliotheca duo, ex Michaelina et Germanensi totidem, ex Remigiana tres, unus ex Théodericensi vetustissimus et optimæ notæ, item unus ex Benigniana, Vindociensi, Floriacensi, Vincentiana, unus Ecclesiæ Laudunensis, unus Abbatæ S. Quintini Bellovacensis; alius Bellovacensis Ecclesiæ, qui ad calceum notatur scriptus anno Clotharii Regis duodecimo : tum etiam variantes lectiones, quas ex quinque Belgicis MSS. excerpserunt Lovanienses Doctores. Perfectæ demum fuerunt editiones Am. Bad. Er. et Lov.

Comparavimus præterea eas omnes editiones initio Retr. et Confess. t. 1, memoratas. M.

(a) Scripti circiter Christi annum 416.

(b) Id nempe etiam in Sermone 232, n. 1, et 239, n. 1, de Tempore, testatur usu receptum fuisse, ut Paschali solemnitate per septem vel octo dies historie Domiuice resurrectionis recitaretur secundum omnes Evangelistas : nec eodem semper ordine, sed ita ut Luce Marcus nonnunquam postponeretur. Et vero Tractatus hic secundus, quem secundæ feriæ Pasche assignat vetustissimus codex Theodericensis, ex ipsis initio intelligitur habitus ea die qua lucas de illa duobus discipulis Einmaus eunitibus Christi apparitione lectus fuerat. Pascha autem in 2 Aprilis incidente anno illo 416, cui non temere adscribas hosce Tractatus : quippe quos cœpta jam ante in Joannis Evangelium Tracta-

tione, eademque paulisper intermissa, prouuntiatis a se dicit Augustinus in Prologo. De his nulla mentio in Retractionum opere, quo nimur solos ex opusculis suis libros recensuit, sperans aliud a se edendum ei us in Epistolas et Tractatus populares, uti ad Quodvultdeum, Epist. 224, scribit. At in Possidii Indiculo, cap. 9, notantur his verbis : « De « Epistola Joannis ad Parthos sermones decem. » In omnibus MSS. tribuuntur Augustino ; sed in paucioribus Tractatus, in aliis sermones, aut Homiliae inscribuntur, addito in nonnullis titulo, De Charitate. In MSS. denique Prologus pars est primi Tractatus, nec ab ipso nota ultra vel tituli, ut in Excusis, interpositione disjungitur.

homo (Psal. lxxvii, 25). Ergo manifestata est ipsa vita in carne; quia in manifestatione posita est, ut res quae solo corde videri potest, videretur et oculis, ut corda sanaret. Solo enim corde videtur Verbum: caro autem et oculis corporalibus videtur. Erat unde videremus carnem, sed non erat unde videremus Verbum: factum est Verbum caro, quam videre possemus, ut sanaretur in nobis unde Verbum videremus.

2. Et vidimus, et testes sumus. Forte aliqui fratrum nesciunt, qui græce non nuntiunt, quid sint *testes græce*: et usitatum nomen est omnibus et religiosum; quos enim testes latine dicimus, græce martyres sunt. Quis autem non audivit martyres, aut in ejus christiani ore non quotidie habitat nomen martyrum? Atque utinam sic habitet et in corde, ut passiones martyrum imiteatur, non eos calcibus persequamur! Ergo hoc dixit, *Vidimus, et testes sumus:* *Vidimus, et martyres sumus.* Testimonium enim dicendo ex eo quod viderunt, et testimonium dicendo ex eo quod audierunt ab his qui viderunt, cum displaceat ipsum testimonium hominibus adversus quos dicebatur, passi sunt omnia quæ passi sunt martyres. Testes Dei sunt martyres. Deus testes habere voluit homines, ut et homines habeant testem Deum. *Vidimus, inquit, et testes sumus.* Ubi viderunt? In manifestatione. Quid est, in manifestatione? In sole, id est in hac luce. Unde autem potuit videri in sole qui fecit solem, nisi quia in sole posuit tabernaculum suum, et ipse tanquam sponsus procedens de thalamo suo, exsultavit ut gigas ad currēdam viam (Psal. xviii, 6)? Ille ante solem qui fecit solem¹, ille ante luciferum, ante omnia sidera, ante omnes Angelos, verus creator (quia omnia per ipsum facta sunt, et sine ipso factum est nihil [Joan. i, 3]), ut videretur oculis carneis qui solem videat; ipsum tabernaculum suum in sole posuit, id est carnem suam in manifestatione hujus lucis ostendit: et illius sponsi thalamus fuit uterus Virginis, quia in illo utero virginali conjuncti sunt duo, sponsus et sponsa, sponsus Verbum et sponsa caro; quia scriptum est, *Et erunt duo in carne una* (Gen. ii, 24); et Dominus dicit in Evangelio, *Igitur jam non duo, sed una caro* (Matth. xix, 6). Et Isaías optimie meminit unum esse ipsos duos: loquitur enim ex persona Christi, et dicit, *Sicut sponso imposuit mihi mitram, et sicut sponsam ornavit me ornamento* (Isai. lxi, 10). Unus videtur loqui, et sponsum se fecit et sponsam se fecit; quia non duo, sed una caro: quia Verbum caro factum est, et habitavit in nobis. Illi carni adjungitur Ecclesia, et fit Christus totus, caput et corpus.

3. Et testes, inquit, sumus; et annuntiamus vobis vitam æternam, quæ erat apud Patrem, et manifestata est in nobis: hoc est, manifestata est inter nos; quod apertius diceretur, manifestata est nobis. Quæ ergo vidimus et audivimus, nuntiamus vobis. Intendat Charitas vestra: Quæ ergo vidimus et audivimus, nuntiamus vobis. Illi viderunt ipsum Dominum præsentem in

¹ tres MSS.: *ille autem sol qui fecit solem.* Alii duo: *Jam autem illi sol qui fecit solem.*

carne, et audierunt verba ex ore Domini, et annuntiaverunt nobis. Et nos ergo audivimus, sed non vidimus. Minus ergo sumus felices quam illi qui viderunt et audierunt? Et quomodo adjungit, *Ut et vos societatem habeatis nobiscum?* Illi viderunt, nos non vidimus, et tamen socii sumus; quia fidem communem tenemus. Nam et quidam vidento non credidit, et palpare voluit, et sic credere, et ait: *Non credam nisi digitos meos misero in locum clavorum, et cicatrices ejus tetigero.* Et præbuit se ex tempore palpandum manibus hominum, qui semper se præbet videndum aspectibus Angelorum: et palpavit ille discipulus et exclamavit, *Dominus meus et Deus mens.* Quia tetigit hominem, confessus est Deum. Et Dominus consolans nos qui ipsum jam in cœlo sedentem manu contrectare non possumus, sed sive contingere, ait illi: *Quia vidisti, credidisti; beati qui non vident et credunt* (Joan. xx, 23-29). Nos descripti sumus, nos designati sumus. Fiat ergo in nobis beatitudo quam Dominus predixit futuram: firme teneamus quod non videmus; quia illi nuntiant qui viderunt. *Ut et vos, inquit, societatem habeat nobiscum.* Et quid magnum societatem habere cum hominibus? Noli contemnere; vide quid addat: *Et societas nostra sit cum Deo Patre, et Jesu Christo Filio ejus. Et haec, inquit, scribimus vobis, ut gaudium vestrum sit plenum.* Plenum gaudium dicit in ipsa societate, in ipsa charitate, in ipsa unitate.

4. Et haec est annuntiatio quam audivimus ab eo, et annuntiamus vobis. Quid est hoc? Ipsi viderunt, contrectaverunt manibus Verbum vite: ab initio erat, ad tempus visibilis et palpabilis factus est unicus Filius Dei. Ad quam rem venit, vel quid nobis novum nuntiavit? Quid docere voluit? Quare fecit hoc quod fecit, ut Verbum caro fieret, ut Deus super omnia indigna ab hominibus pateretur, ut alapas eorum sustineret de manibus quas ipse formavit? Quid voluit docere? quid voluit ostendere? quid voluit annuntiare? Audiamus: nam sine fructu præcepti, auditio rei gestar, quia natus est Christus, et quia passus est Christus, avocamentum mentis est, non firmamentum. Quid magnum audis? quo fructu audis¹, vide. Quid voluit docere? quid annuntiare? Audi: *Quia Deus lux est,* inquit, *et tenebrae in eo non sunt ullæ.* Adhuc lucem quidem nominavit, sed obscura sunt verba: bonum est nobis ut ipsa lux quam nominavit, illustret corda nostra, et videamus quid dixit. Hoc est quod annuntiamus, *quia Deus lux est, et tenebrae in eo non sunt ullæ.* Quis enim anderet dicere quia in Deo sunt tenebrae? Aut quid est ipsa lux? aut quid sunt tenebrae? ne forte talia dicat, quæ ad oculos istos nostros pertineant. *Deus lux est:* ait nescio quis, Et sol lux est, et luna lux est, et lucerna lux est. Aliiquid debet esse longe his majus, longe præstantius, longeque superreminens. Quantum Deus a creatura, quantum conditor a conditione, quantum sapientia ab eo quod factum est per sapientiam, longe

¹ Lov., audias. Er.: *Quid magnum audis, quo fructu audias?* Vide quid. Ingld.: *Quid magnum audis, quo fructu audias?* Vide, etc. Ven.: *Quid magnum audis? quo fructu audias, vide, quid voluit docere?* M.

ultra omnia debet esse lux ista. Et forte vicini ei erimus, si quæ sit lux ista cognoverimus, et ad eam nos applicaverimus, ut ex ipsa illuminemur; quia in nobis tenebrae sumus, et ab illa illuminati possumus esse lux, et non confundi de illa, quia de nobis confundimur. Quis est qui de se confunditur? Qui se cognoscit peccatorem. Quis de illa non confunditur? Qui ab illa illuminatur. Quid est ab illa illuminari? Qui jam videt se peccatis tenebrari, et cupit ab illa illuminari, accedit ad illam: unde dicit Psalmus, *Accedite ad eum, et illuminamini; et vultus vestri non erubescet* (Psal. xxxiii, 6). Sed non erubesces de illa¹, si, quando tibi te sordidum ostenderit, displiceat tibi ceditas tua, ut percipias pulchritudinem illius. Hoc est quod vult docere.

5. Et fortasse præpropere itud nos dicimus? Ipse hoc manifestet in consequentibus. Mementote in principio sermonis nostri, quia Epistola ista charitatem commendat: *Deus lux est*, inquit, *et tenebrae in eo non sunt ullæ*. Et quid superioris dixerat? *Ut societatem habeatis nobiscum, et societas nostra sit cum Deo Patre et Filio ejus Iesu Christo*. Porro si Deus lux est, et tenebrae in eo non sunt ullæ, et societatem cum illo habere debemus; et a nobis pellendæ sunt tenebrae, ut fiat in nobis lux; nam tenebrae cum luce societatem habere non possunt: id ovide quid sequatur: *Quod si dixerimus quia societatem habemus cum eo, et in tenebris ambulamus, mentimur*. Habes et apostolum Paulum dicentem, *Aut quæ societas luci ad tenebras* (II Cor. vi, 14)? Dicis te societatem habere cum Deo, et in tenebris ambulas; et *Deus lux est*, et *tenebrae in eo non sunt ullæ*: quomodo ergo est societas luci et tenebris? Jam ergo dicat sibi homo, *Quid faciam? unde ero lux?* In peccatis et in iniquitatibus vivo. Quasi subrepit quedam desperatio et tristitia. Salus nulla est, nisi in societate Dei. *Deus lux est*, et *tenebrae in eo non sunt ullæ*. Peccata autem tenebrae sunt, sicut dicit Apostolus diabolum et angelos ejus rectores tenebrarum barum esse (Ephes. vi, 12). Non diceret rectores tenebrarum, nisi rectores peccatorum, dominatores iniquorum. Quid ergo facimus, fratres mei? Societas cum Deo habenda est, alia spes vitæ æternæ nulla est; *Deus autem lux est, et tenebrae in eo sunt nullæ*: iniquitates autem tenebrae sunt; iniquitatibus premimur, ne societatem cum Deo habere possimus: quæ ergo spes? Nonne promiseram me aliquid locuturum istis diebus quod gaudium faciat? *Quod si non exhibeo, tristitia est ista*. *Deus lux est*, et *tenebrae in eo non sunt ullæ*; peccata tenebrae sunt: quid erit nobis? Audiamus ne forte consoletur, erigat, det spem, ne deficiamus in via. Currimus enim, et ad patriam currimus; et si nos perventuros desperamus, ipsa desperatione deficimus. Ille autem qui nos vult pervenire, ut conservet in patria, pascit in via. Audiamus ergo: *Quod si dixerimus quia societatem habemus cum eo, et in tenebris ambulamus; mentimur, et non facimus veritatem*. Non dicamus quia

¹ Lov.: *Sed erubescis de illa*. At plures MSS., suffragante editione Bad.: *Sed non erubesces*.

societatem cum illo habemus, si in tenebris ambulamus. *Quod si in lumine ambulamus, sicut et ipse est in lumine; societatem habemus cum invicem*. In lumine ambulemus, sicut et ipse est in lumine, ut possimus societatem habere cum illo. Et quid facimus de peccatis? Audi quid sequitur: *Et sanguis Iesu Christi Filii ejus purgabit nos ab omni delicto*. Magnam securitatem dedit Deus. Merito Pascha celebamus, ubi fusus est sanguis Domini, quo purgamur ab omni delicto. Simus securi: cautionem contra nos servitutis diabolus tenebat, sed sanguine Christi deleta est. *Sanguis*, inquit, *Filius ejus purgabit nos ab omni delicto*. Quid est, *ab omni delicto*? Attende: ecce iam in nomine Christi per sanguinem ejus², quem nunc confessi sunt isti qui appellantur infantes, mundata sunt omnia peccata ipsorum. Veteres intraverunt, novi exierunt. Quid est, veteres intraverunt, novi exierunt? Senes intraverunt, infantes exierunt. Senectus enim veternosa, vetusta vita: infantia autem regenerationis, nova vita. Sed quid facimus? Præterita peccata donata sunt, non tantum ipsis, sed et nobis; et post donationem et abolitionem omnium peccatorum vivendo in hoc sæculo inter tentationes, quedam forte contracta sunt. Ideo quod potest homo faciat; ipse consiteatur quod est, ut ab illo curetur qui semper est quod est: ipse enim semper erat et est³; nos non eramus et sumus.

6. Vide enim quid dicat: *Quod si dixerimus quia peccatum non habemus, nosmetipsos seducimus, et veritas in nobis non est*. Ergo si te confessus fueris peccatorem, est in te veritas: nam ipsa veritas lux est. Nondum perfecte splenduit vita tua, quia insunt peccata; sed tamen iam illuminari coepisti, quia inest confessio peccatorum. Vide enim quid sequatur: *Quod si confessi fuerimus delicta nostra, fidelis est et justus, ut dimittat nobis delicta nostra, et purget nos ex omni iniquitate*. Non tantum præterita, sed et si qua forte contraximus ex hac vita; quia non potest homo quandiu carnem portat, nisi habere vel levia peccata. Sed ista levia quæ dicimus, noli contemnere. Si contemnis, quando appendis; expavesc, quando numeras. Levia multa faciunt unum grande: multæ guttæ implent flumen; multa grana faciunt massam. Et quæ spes est? Ante omnia confessio: ne quisquam se justum putet, et ante oculos Dei qui videt quod est, erigat cervicem homo qui non erat et est. Ante omnia ergo confessio, deinde dilectio: quia de charitate quid dictum est? *Charitas cooperit multititudinem peccatorum* (I Petr. iv, 8). Jam videamus si ipsam charitatem commendat, propter subrepentia delicta: quia sola charitas extinguit delicta. Superbia extinguit charitatem: humilitas ergo roborat charitatem; charitas extinguit delicta. Humilitas pertinet ad confessionem, qua constitemur nos peccatores esse: ipsa est humilitas, non ut dicamus illud lingua; quasi

¹ Editi, per sanguinem crucis Domini, quem nunc confessi. Nos cum aliquot MSS., per sanguinem ejus, quem, etc.

² Apud Lov., ipse enim est et est. In ceteris libris, ipse enim semper erat et est.

propter arrogantiam ne displiceamus hominibus, si nos justos esse dixerimus. Faciunt hoc impii et insani: Scio quidem quia justus sum, sed quid dicturus sum ante homines? si me justum dixero, quis ferat, quis toleret? apud Deum nota sit justitia mea: ego tamen dicam me peccatorem; non quia sum, sed ne arrogantia odiosus inveniar. Dic hominibus quod es, dic Deo quod es. Quia si non dixeris Deo quod es, damnat Deus quod in te inveniet. Non vis ut ille damnet? tu damna. Vis ut ille ignoscat? tu agnosce, ut possis Deo dicere, Averte faciem tuam a peccatis meis. Dic illi etiam illa verba in ipso Psalmo, Quoniam iniuriam meam ego agnosco (Psal. L, 11, 5). Quod si confessi fuerimus delicta nostra, fidelis est et justus, qui dimittat nobis delicta nostra, et purget nos ex omni iniuriae. Quod si dixerimus quia non peccavimus, mendacem facimus eum, et verbum ejus non est in nobis. Si dixeris, Non peccavi; illum facis mendacem, cum te vis facere veracem. Unde fieri potest ut Deus mendax sit, et homo verax; cum contradicat Scriptura: Omnis homo mendax, Deus solus verax (Rom. III, 4)? Ergo Deus per seipsum verax, tu per Deum verax; nam per te mendax.

7. Et ne forte impunitatem videretur dedisse peccatis, quia dixit, *Fidelis est et justus, qui mundet nos ab omni iniuriae;* et dicent jam sibi homines, Peccemus, securi faciamus quod volumus, purgat nos Christus, fidelis est et justus, purgat nos ab omni iniuriae: tollit tibi malam securitatem, et inserit utillem timorem. Male vis esse securus, sollicitus esto. Fidelis enim est et justus, ut dimittat nobis delicta nostra, si semper tibi displices, et muteris donec perficiaris. Ideo quid sequitur? *Filioli mei, haec scribo vobis, ut non peccatis.* Sed forte subrepit de vita humana peccatum: quid ergo fieri? Quid? jam desperatione erit? Audi: *Et si quis, inquit, peccaverit, advocatum habemus ad Patrem, Iesum Christum justum; et ipse propitiator est peccatorum nostrorum.* Ille est ergo advocatus; da operam tu ne pecces: si de infirmitate vitae subrepserit peccatum, continuo vide, continuo displiceat, continuo damna; et cum damna veris, securus ad judicem venies. Ibi habes advocationem; noli timere ne perdas causam confessionis tue. Si enim aliquando in hac vita committit se homo disertae linguae, et non perit; committis te Verbo, et periturus es? *Clama, Advocatum habemus ad Patrem.*

8. Videamus ipsum Joannem servantem humilitatem. Certe vir justus erat et magnus, qui de pectore Domini mysteriorum secreta bibebat; ille, ille qui bibendo de pectore Domini divinitatem ructavit, *In principio erat Verbum, et Verbum erat apud Deum (Joan. I, 1)*: ille talis vir non dixit, *Advocatum habetis apud Patrem; sed, Si quis peccaverit, advocatum, inquit, habemus.* Non dixit, habetis; nec, me habetis, dixit; nec, ipsum Christum habetis, dixit: sed et Christum posuit, non se; et *habemus* dixit, non, habetis. Maluit se ponere in numero peccatorum, ut haberet *advocatum Christum*, quam ponere se pro

Christo *advocatum*, et inveniri inter damnados superbos. Fratres, Iesum Christum justum, ipsum habemus *advocatum ad Patrem*; ipse propitiatio est peccatorum nostrorum. Hoc qui tenuit, haeresim non fecit; hoc qui tenuit, schisma non fecit. Unde enim facta sunt schismata? Cum dicunt homines, Nos justi sumus; cum dicunt homines, Nos sanctificamus immundos, nos justificamus impios, nos petimus, nos impetramus. Joannes autem quid dixit? *Et si quis peccaverit, advocatum habemus ad Patrem, Iesum Christum justum.* Sed dicit aliquis: Ergo sancti non petunt pro nobis? ergo episcopi et prepositi non petunt pro populo? Sed attendite Scripturas, et videte quia et prepositi commandingant se populo. Nam Apostolus dicit plebi, *Orantes simul et pro nobis (Coloss. IV, 3).* Orat Apostolus pro plebe, orat plebs pro Apostolo. Oramus pro vobis, fratres: sed et vos orate pro nobis. Invicem pro se omnia membra orent, caput pro omnibus interpellat. Propterea non mirum quia sequitur hie, et claudit ora dividentibus Ecclesiam Dei. Qui enim dixit¹, *Jesum Christum habemus justum, et ipse propitiatio est peccatorum nostrorum:* propter illos qui se divisuri erant, et dicturi, *Ecce hic est Christus, ecce illic (Matth. XXIV, 23);* et vellent ostendere eum in parte qui emit totum, et possidet totum; continuo secutus est, *Non tantum nostrorum, sed et totius mundi.* Quid est hoc, fratres? Certe invenimus eam in campis² saltuum (Psal. CXXXI, 6), invenimus Ecclesiam in omnibus gentibus. Ecce Christus propitiatio est peccatorum nostrorum; non tantum nostrorum, sed et totius mundi. Ecce habes Ecclesiam per totum mundum; noli sequi falsos justificatores, et veros praesciores³. In illo monte esto qui implevit orbem terrarum (Dan. II, 35): quia Christus propitiatio est peccatorum nostrorum; non tantum nostrorum, sed et totius mundi, quem suo sanguine comparavit.

9. *Et in hoc, inquit, cognoscimus eum, si mandata ejus servaverimus.* Quae mandata? Qui dicit quia cognovit eum, et mandata ejus non servat; mendax est, et in hoc veritas non est. Sed adhuc queris, Quae mandata? Qui autem, inquit, servaverit verbum ejus, vere in hoc perfecta est dilectio Dei. Videamus ne ipsum mandatum dilectio vocetur. Quarebamus enim, quae mandata, et ait, Qui autem servaverit verbum ejus, vere in hoc perfecta est dilectio Dei. Attende Evangelium, si non est hoc mandatum: *Mandatum, inquit, novum do vobis, ut vos invicem diligatis (Joan. XIII, 34).* In hoc cognoscimus quia in ipso sumus, si in ipso perfecti fuerimus⁴. Perfectos in dilectione vocat: quae est perfectio dilectionis? Et inimicos diligere, et ad hoc diligere, ut sint fratres. Non enim dilectio nostra carnalis esse debet. Optare alicui salutem temporalem, bonum est; sed et si desit, anima tuta sit. Optas alii cui amico tuo vitam? bene facis. Gaudes de morte

¹ Er. Lugd. Ven. Lov., quia dicit. M.

² Quatuor MSS.: Quid est hoc? Psalmum attende, numeramus eam in campis.

³ Editi, praecipitatores. MSS., vero, praesciores.

⁴ Istud, si in ipso perfecti fuerimus, habetur hic in omnibus codicibus; sed abest a sacris Bibliis.

inimici tui? male facis. Sed forte et amico tuo vita illa quam optas inutilis est, et inimico tuo mors de qua gaudes utilis fuit. Incertum est utrum alicui sit utilis vita ista, an inutilis; vita vero quae est apud Deum, sine dubio utilis est. Sic diligē inimicos tuos, ut fratres optes; sic diligē inimicos tuos, ut in societatem tuam voceatur. Sic enim dilexit ille qui in cruce pendens ait: *Pater, ignosce illis, quia nesciunt quid faciunt* (Luc. xxii, 34). Neque enim dixit, Pater, vivant isti multo tempore; me quidem occidunt, sed ipsi vivant. Sed quid ait? *Ignosce illis, quia nesciunt quid faciunt*. Mortem sempiternam ab eis expellebat, prece misericordissima, et potentia præstantissima. Multi ex eis crediderunt, et dimissus est eis fūsus sanguis Christi. Primo fuderunt cum sevirent, nunc biberunt cum crederent. In hoc cognoscimus quia in ipso sumus, si in ipso perfecti fuerimus. De ipsa perfectione diligendorum inimicorum Dominus admonens ait: *Estote ergo vos perfecti, sicut et Pater vester cælestis perfectus est* (Matth. v, 48). Qui ergo dicit se in ipso manere, debet sicut ipse ambulavit et ipse ambulare. Quomodo, fratres? Quid nos monet? Qui dicit se in ipso manere, id est in Christo, debet sicut ille ambulavit et ipse ambulare. Forte hoc nos monet, ut ambulemus in mari? Absit. Ille ergo, ut ambulemus in via justitiae. In qua via? Jam commemoravi. Fixus in cruce erat, et in ipsa via ambulabat: ipsa est via charitatis¹, *Pater, ignosce illis, quia nesciunt quid faciunt*. Sic ergo, si didiceris orare pro inimico tuo, ambulas viam Domini.

10. *Dilectissimi, non mandatum norum scribo vobis, sed mandatum vetus quod habebatis ab initio. Quod mandatum vetus dixit? Quod habebatis, inquit, ab initio.* Ideo ergo vetus, quia jam illud audistis: alioquin contrarius erit Domino, ubi ait, *Mandatum norum do vobis, ut vos invicem diligatis*. Sed mandatum vetus quare? Non quia ad veterem hominem pertinet. Sed quare? *Quod habebatis ab initio. Mandatum vetus, est verbum quod audistis.* Ideo ergo vetus, quia jam audistis. Et idipsum novum ostendit dicens, *Iterum mandatum novum scribo vobis.* Non alterum, sed idem ipsum quod dixit vetus, idem est et novum. Quare? *Quod est verum in ipso et in vobis.* Jam quare vetus, audistis; quia jam illud noveratis. Quare autem novum? *Quia tenebræ transierunt, et lux vera jam lucet.* Ecce unde novum: quia tenebræ ad veterem hominem, lux vero ad novum pertinet. Quid dicit apostolus Paulus? *Exuite vos veterem hominem, et induite norum* (Coloss. iii, 9, 10). Et iterum quid dicit? *Fuisti aliquando tenebræ; nunc autem lux in Domino* (Lphes. v, 8).

11. Qui dicit se esse in lumine; medo manifestat totum quod dixit: Qui dicit se esse in lumine, et fratrem suum odit, in tenebris est usque adhuc. Eia, fratres mei, quamdiu dicemus vobis, *Diligite inimicos* (Matth. v, 44)? Videte, quod pejus est, ne adhuc fratres oderitis. Si fratres solum amaretis, nondum esse-

tis perfecti: si autem fratres oditis¹, quid estis? ubi estis? Respiciat unusquisque cor suum: non teneat odium contra fratrem pro aliquo verbo duro; pro contentione terræ, ne fiat terra. Quisquis enim odit fratrem suum, non dicat quia in lumine ambulat. Quid dixi? non dicat quia in Christo ambulat. Qui dicit se esse in lumine, et odit fratrem suum, in tenebris est usque adhuc. Nescio quis enim ex pagano factus est Christianus; intendite: ecce in tenebris erat, quando paganus erat; modo jam Christianus factus est; Deo gratias, omnes gratulantur: recitat Apostolus gratulans. *Fuisti enim aliquando tenebræ; nunc autem lux in Domino.* Adorabat idola, adorat Deum; adorabat quæ fecit, adorat qui eum fecit. Mutatus est; Deo gratias, omnes gratulantur Christiani. Quare? Quia jam adorator Patris et Filii et Spiritus sancti, et detestator dæmoniorum et idolorum est. Adhuc de isto Joannes sollicitus est, multis gratulantibus adhuc suspectus est. Fratres, maternam sollicitudinem libenter amplectamur. Non sine causa mater sollicita est de nobis, cum alii gaudent: matrem dico charitatem; ipsa enim habitabat in corde Joannis, cum ista diceret. Quare, nisi quia aliquid timet in nobis, et cum iam nobis homines gratulantur? Quid est quod timet? Qui dicit se esse in lumine. Quid est hoc? Qui jam dicit se esse Christianum: et fratrem suum odit, in tenebris est usque adhuc. Quod exponere non est; sed quod gaudere si non fiat, aut quod plangere si fiat.

12. Qui diligit fratrem suum, in lumine manet, et scandalum in eo non est. Obscuro per Christum; pascit nos Deus, refecti sumus corpora in nomine Christi, et aliquantum refecta sunt, et rescienda sunt; mens nostra pascitur. Non quia diu dicturus sum, dico; nam ecce jam finitur lectio: sed ne forte ex tædio minus attente audiamas quod maxime necessarium est. Qui diligit fratrem suum, in lumine manet, et scandalum in eo non est. Qui sunt qui patiuntur scandalum, aut faciunt? Qui scandalizantur in Christo et in Ecclesia. Qui in Christo scandalizantur, tanquam a sole uruntur; qui in Ecclesia, tanquam a luna. Dicit autem Psalmus. *Per diem sol non uret te, neque luna per noctem* (Psal. cxx, 6): id est, Si tenueris charitatem, nec in Christo scandalum patieris, nec in Ecclesia; nec Christum relinques, nec Ecclesiam. Qui enim Ecclesiam relinquit, quomodo est in Christo, qui in membris Christi non est? quomodo est in Christo, qui in corpore Christi non est? Illi ergo patiuntur scandalum, qui relinquunt aut Christum aut Ecclesiam. Unde intelligimus quia inde dixit Psalmus, *Per diem sol non uret te, neque luna per noctem*, quia ipsam unctionem scandalum vult intelligi? Primo ipsam similitudinem attende. Quomodo qui uritur dicit, Non tolco, non fero, et subducit se: sic qui quedam non ferunt in Ecclesia, et subtrahunt se vel nomini Christi vel Ecclesie, scandalum

¹ Editi hic et in variis locis tractatum, nunc *oditis*, nunc *oderitis* ferunt. Er., hic, *oditis*. Lov., *oderitis*, sed quatuor apud ipsos MSS., *oditis*, et unus MS., *oditis*. Lugd. et ven. et autem *auditis*. M.

¹ In quatuor MSS., ipsa via est charitas

patiuntur. Vide et quomodo passi sunt scandalum tanquam a sole illi carnales, quibus predicabat carnem suam Christus, et dicebat: *Qui non manducaverit carnem Filii hominis, et biberit ejus sanguinem, non habebit in se vitam.* Septuaginta ferme homines dixerunt, *Durus est hic sermo; et recesserunt ab eo: et remanserunt duodecim.* Omnes illos ussit sol, et recesserunt, non valentes ferre vim verbi. Remanserunt ergo duodecim. Et ne forte putarent homines quia ipsi praestant Christo credendo in Christum, et non ab ipso illis praestantur beneficium; cum duodecim remansissent, ait illis Dominus: *Numquid et vos vultis ire?* Ut noveritis quia vobis necessarius ego sum, non vos mihi. Illi autem quos non usserat sol, responderunt ex voce Petri: *Domine, verbum vitæ aeternæ habes; quo ibimus (Joan. vi, 51-69)?* Quos autem urit Ecclesia tanquam luna per noctem? Qui schismata fecerunt. Audi ipsum verbum positum in Apostolo: *Quis infirmatur, et ego non infirmor? quis scandalizatur, et ego non uror (II Cor. xi, 29)?* Quomodo ergo non est scandalum in eo qui diligit fratrem? Quia qui diligit fratrem, tolerat omnia propter unitatem; quia in unitate charitatis est fraterna dilectio. Offendit te nescio quis, sive malus, sive ut tu putas malus, sive ut tu singulis malis, et deseris tot bonos? Qualis dilectio fraterna est, qualis apparet in istis (a)? Cum accusant Afros, deseruerunt orbem terrarum. Numquid in orbe terrarum sancti non erant? Aut inauditi a vobis damnari potuerunt? Sed o si diligenteris fratres, scandalum in vobis non esset. Audi Psalmum, quid dicat: *Pax multa diligentibus legem tuam, et non est eis scandalum (Psalm. cxviii, 165).* Pacem multam dixit eis qui diligunt legem Dei, et ideo non eis esse scandalum. Illi ergo qui scandalum patiuntur, pacem perdunt. Et quos dixit non pati scandalum, aut non facere? Diligentes legem Dei. Ergo in charitate positi sunt. Sed dicit aliquis, *Legem Dei dicit diligentibus, non fratres.* Audi quid Dominus dicat: *Mandatum novum do vobis, ut vos invicem diligatis.* Quid est lex, nisi mandatum? Quomodo autem non patiuntur scandalum, nisi dum sufferunt invicem? Sicut Paulus dicit, *Sufferentes invicem in dilectione, studentes servare unitatem spiritus in vinculo pacis (Ephes. iv, 2, 3).* Et quia ipsa est lex Christi, eundem audi apostolum commendantem ipsam legem: *Invicem, inquit, onera vestra portate, et sic adimplebitis legem Christi (Galat. vi, 2).*

13. Nam qui odit fratrem suum, in tenebris est, et in tenebris ambulat, et nescit quo eat. Magna res, fratres; atteudite, rogamus vos. Qui odit fratrem suum, in tenebris ambulat, et nescit quo eat; quoniam tenebrae excaverunt oculos ejus. Quid tam cecum, quam isti qui oderunt fratres? Nam ut noveritis quia ceci sunt, in montem offenduntur. Eadem dico, ne vobis excidant. Nonne lapis isto qui praecisus est de monte sine manibus, Christus est de regno Iudeorum sine opere maritali? Nonne ille lapis confregit omnia regna terrarum, id est, omnes dominationes idolorum et daemorum?

(a) Donatistis.

niorum? Nonne ille lapis crevit, et factas est mons maganus, et implevit universum orbem terrarum (*Dan. ii, 34, 35*)? Numquid digito ostendimus istum montem, quomodo ostenditur hominibus tertia luna (a)? Verbi gratia, quando volunt homines videre lunam novam, dicunt, *Ecce luna!*, ecce ubi est: et si sunt ibi qui non valeant intendere aciem, et dicant, *Ubi? in-tenditur illis digitus ut videant.* Aliquando dum erubescunt ne cœci potentur, dicunt se vidisse quod non viderunt. Numquid sic ostendimus Ecclesiam, fratres mei? Nonne aperta est? nonne manifesta? nonne tenuit omnes gentes? nonne impletur quod ante tot annos promissum est Abraham, in semine ejus benedici omnes gentes (*Gen. xxii, 18*)? Uni fidei promissum est, et nullibus fidelium mundus impletus est. Ecce mons implens universam faciem terræ: ecce civitas de qua dictum est, *Non potest civitas abscondi super montem constituta (Matth. v, 44).* Illi autem offendunt in montem. Et cum eis dicitur, *Ascendite;* Non est mons, dicunt, et facilius illuc faciem impingunt, quia in illie habitaculum querunt. Isaías besterna die lectus est; qui quis vestrum vigilabat, non oculis tantum, sed aure, nec aure corporis, sed aure cordis, advertit, *Erit in novissimis diebus manifestus mons domus Domini, paratus in cacumine montium.* Quid tam manifestum quani mons? Sed sunt et montes ignoti, quia in una parte terrarum positi sunt. Quis vestrum novit Olympum montem? quomodo ibi qui habitant, Giddabam^a nostrum non norunt. In partibus sunt isti montes. Ille autem mons non sic, quia implevit universam faciem terræ; et de illo dicitur, *Paratus in cacumine montium.* Mons est super cacumina omnium montium. *Et congregabuntur, inquit, ad eum omnes gentes (Isai. ii, 2).* Quis errat in hoc monte? Quis frangit faciem offendendo in illum? Quis ignorat civitatem super montem constitutam? Sed nolite mirari quia ignoratur ab istis qui oderunt fratres: quia in tenebris ambulant, et nesciunt quo eant; quia tenebrae excaverunt oculos eorum. Montem non vident: nolo mireris, oculos non habent. Unde oculos non habent? Quia tenebrae excaverunt eos. Unde probamus? Quia fratres oderunt, quia cum offenduntur in Afris, separant se ab orbe terrarum quia non tollerant pro pace Christi quos inserviant (b), et tollerant pro parte Donati quos dominant (c).

TRACTATUS II.

Ab eo versiculo, Scribo vobis, filioli, quia remittuntur vobis peccata per nomen ejus; *usque ad istum,* Qui autem fecerit voluntatem Dei, manet in æternum, sicut et ipse manet in æternum. *(Cap. ii, §. 12-17.)*

1. Omnia quæ leguntur de Scripturis sanctis, ad instructionem et salutem nostram, intente oportet audire. Maxime tamen memorie commendanda sunt, que adversus haereticos valent plurimum; quorum

^a Omnes sere MSS., *videre lunam novam: Ecce luna.* Nec habent, *dicunt.*

^b Sex MSS., *Gibbam.* Duo, *Gibam.* Tres, *Giblam.*

(a) Vid. in Joan. Evang. Tract. 4, n. 4.

(b) Scilicet Caecilianum ejusque ordinates. — (c) Scilicet Maximianistas. Vid. Epistolas 51, 108, etc.

insidie infirmiores quosque et negligentiores circumvenire non cessant. Mementote Dominum nostrum et salvatorem Iesum Christum, et mortuum esse pro nobis et resurrexisse; mortuum scilicet propter delicta nostra, resurrexisse propter justificationem nostram (*Rom. iv, 25*). Sicut modo audistis quia discipulorum duorum quos invenit in via, tenebantur oculi ne eum agnoscerent: et invenit eos desperantes de redemptione que erat in Christo, et existimantes jam illum passum et mortuum fuisse, sicut hominem, nec tanquam Filium Dei putantes semper vivere; et in carne ita mortuum ut non revivisceret, sed tanquam unum ex Prophetis: sicut verba corum paulo ante qui intendi eratis, audistis. Tunc aperuit illis Scripturas, incipiens a Moyse per omnes Prophetas, ostendens eis omnia quae passus erat praedicta fuisse; ne illi magis moverentur, si resurrexisset Dominus, et magis ei non crederent, si de illo ista ante dicta non essent. Firmitas enim fidei in eo est, quia omnia quae evenerunt in Christo, praedicta sunt. Discipuli ergo eum non agnoverunt, nisi in fractione panis. Et vere qui non sibi judicium manducat et bibit (*1 Cor. xi, 29*), in fractione panis Christum agnoscit. Postea et illi undecim putabant se spiritum videre. Præbuit se palpandum, qui se præbuit crucifigendum; crucifigendum inimicis, palpandum amicis: medicus tamen omnium, et illorum impietatis, et istorum incredulitatis¹. Namque audistis cum Actus Apostolorum legerentur, quot milia crediderunt ex intersectoribus Christi (*Act. ii, 41*). Si crediderunt postea qui occiderant, non erant credituri qui paululum dubitabant? Et ipsis tamen (quod maxime debetis animadvertere, et memoriae vestrae mandare, quia contra insidiosos errores Deus voluit ponere firmamentum in Scripturis, contra quas nullus audet loqui, qui quoquo modo se vult videri Christianum) cum se palpandum præbuisset, non illi suffecit, nisi de Scripturis confirmaret cor credential: præsiciebat enim nos futuros; in quo quod palpamus nos non habemus, sed quod legamus habemus. Si enim propterea illi crediderunt, quia tenuerunt et palpaverunt; nos quid faciemus? Jam Christus ascendit in cœlum, non est venturus nisi in fine, ut judicet de vivis et mortuis: unde credituri sumus, nisi unde et ipsos palpantes voluit confirmari? Aperuit enim illis Scripturas, et ostendit eis quia oportebat pati Christum, et impleri omnia quae de illo scripta sunt in lege Moysi, et Prophetis, et Psalmis. Omnem veterem textum Scripturarum circumplexus est. Quidquid illarum Scripturarum est, Christum sonat; sed si aures inveniat. Et aperuit eis sensum, ut intelligerent Scripturas. Unde et nobis hoc orandum est, ut ipse sensum nostrum aperiat.

2. Quid autem ostendit Dominus scriptum de se in lege Moysi, et Prophetis, et Psalmis? quid ostendit? Ipse dicat. Breviter hoc Evangelista posuit, ut nos nossemus quid in tantâ latitudine Scripturarum credere et intelligere debeamus. Certe multæ sunt pagi-

¹ Quatuor MSS., et illorum impietas, et istorum incredulitatis sanavit

næ, et multi libri, hoc habent omnes quod dixit Dominus breviter discipulis suis. Quid est hoc? Quia oportebat pati Christum, et resurgere tertia die. Habes jam de sponso, quia oportebat Christum pati et resurgere. Commendatus est nobis sponsus. De sponsa videamus quid dicat; ut tu cum cognoveris sponsum et sponsam, non sine causa ad nuptias venias. Celebratio enim nuptiarum omnis celebratio: Ecclesia nuptie celebrantur. Duxurus est uxorem filius regis, et ipse filius regis rex: et qui frequentant, ipsi sunt sponsa. Non quonodo in nuptiis carnalibus alii frequentant nuptias, et alia nubit, in Ecclesia qui frequentant, si bene frequentant, sponsa sunt. Omnis enim Ecclesia sponsa Christi est, cuius principium et primitiae caro Christi est: ibi juncta est sponsa sponso in carne. Merito carnem ipsam cum commendaret², panem frexit; et merito in fractione panis aperti sunt oculi dei cipulorum, et agnoverunt eum. Quid ergo dixit Dominus scriptum esse de se in Lege, et Prophetis, et Psalmis? Quia oportebat pati Christum. Si non adderet, et resurgere, recte illi plangerent, quorum oculi tenebantur; sed et resurgere prædictum est. Et ut quid hoc? quare oportebat pati Christum et resurgere? Propter illum psalmum quem vobis maxime commendavimus, quarta sabbati, statione prima novissime hebdomadis. Quare oportebat Christum pati et resurgere? Propterea³: *Commemorabuntur et convertentur ad Dominum universi fines terræ, et adorabunt in conspectu ejus universæ patriæ gentium* (*Psal. xxi, 28*). Nam ut noveritis quia oportebat pati Christum et resurgere; et hic quid addidit, ut post commendationem sponsi commendaret et sponsam? *Et prædicari*, inquit, in nomine ejus pœnitentiam et remissionem peccatorum per omnes gentes, incipiens ab Jerusalem⁴. Audistis, fratres, tenete. Nemo dubitet de Ecclesia, quia per omnes gentes est; nemo dubitet, quia ab Jerusalem cœpit, et omnes gentes implevit. Agnoscimus agrum ubi vitis plantata est: cum autem creverit, non agnoscimus, quia totum occupavit. Unde cœpit? *Ab Jerusalem*. Quo pervenit? *Ad omnes gentes*. Paucæ remanserunt, omnes tenebit. Interea dum omnes teneat, aliqua sarmenta inutilia visa sunt agricole præcenda; et fecerunt hæreses et schismata. Non vos inducant præcisa, ut præcidamini; hortamini magis quæ præcisa sunt, ut iterum inserantur. Manifestum est Christum passum, resurrexisse, et ascendisse in cœlum: manifestata est et Ecclesia, quia prædicatur in nomine ejus pœnitentia et remissio peccatorum per omnes gentes. Unde cœpit? *Incipiens ab Jerusalem*. Audit stultus, vanus, et quid amplius dicturus sum quam cœcus, qui tam magnum montem non videt; qui contra lucernam in candelabro positam oculos claudit?

3. Cum eis dicimus, Si christiani catholici estis, communicate illi Ecclesie unde Evangelium toto orbe diffunditur; illi Jerusalem communicate, quando eis dicimus, respondent nobis, Non communicamus illi

² Sex MSS.: *Merito ut carnem ipsam commendaret*.

³ Er. Lugd. et Ven., propter psalmum. M.

⁴ Er. Lugd., *incipientes*. M.

civitati ubi occisus est rex noster, ubi occisus est Dominus noster : quasi oderint civitatem ubi occisus est Dominus noster. Occiderunt Judæi quem invenerunt in terra , exsufflant isti eum qui sedet in caelo. Qui sunt pejores, qui contempserunt quia hominem putabant , an qui Sacraenta ejus exsufflant , quem jam Deum confitentur ? Sed oderunt videlicet civitatem in qua occisus est Dominus ipsorum. Pii homines et misericordes, multum dolent occisum esse Christum, et occidunt in hominibus Christum ! At ille dilexit illam civitatem , et misertus est ejus : inde dixit incipere prædicationem suam, *Incipiens ab Jerusalem*. Ille ibi principium fecit prædicationis nominis sui : et tu exhorrescis communionem illius civitatis¹? Non est mirum si præcisis odisti radicem. Quid ait ille discipulis suis? *Estote sedentes in civitate, quia ego mitto promissionem meam in vos* (*Luc. xxiv, 43-49*). Ecce quam civitatem oderunt. Forte amarent, si Judæi interfectores Christi in illa habitarent. Manifestum est enim omnes interfectores Christi, id est Judæos, expulsos esse de illa civitate. Quæ habebat saevientes in Christum, habet adorantes Christum. Propterea illam isti oderunt, quia Christiani in illa sunt. Ibi voluit sedere discipulos suos, et ibi illis mittere Spiritum sanctum. Ubi inchoata est Ecclesia , nisi ubi venit de cœlo Spiritus sanctus, et implevit unæ loco sedentes centum viginti ? Duodenarius ille numerus decuplatus erat. Sedebant centum viginti homines, et venit Spiritus sanctus, et implevit totum locum, et factus est sonus, quasi ferretur fatus vehemens, et linguae divisæ sunt velut ignis. Audistis Actus Apostolorum, hodie lecta est ipsa lectio (*a*) : *Cœperunt linguis loqui quomodo Spiritus dabit eis pronuntiare.* Et omnes qui aderant illuc, de diversis gentibus venientes Judæi, agnoscabant unusquisque linguam suam ; et mirabantur illos idiotas et imperitos subito didicisse non unam aut duas linguas, sed omnium omnino gentium (*Act. i, 15, et ii, 1, 12*). Ubi ergo jam omnes linguae sonabant, omnes linguae credituræ ostendebantur. Isti autem qui multum amant Christum, et ideo nolunt communicare civitati quæ interfecit Christum, sic honorant Christum, ut dicant illum remansisse ad duas linguas , latinam , et punicam , id est , afram. Solas duas linguas tenet Christus ? Istæ enim due linguae solæ sunt in parte Donati, plus non habent. Evigilemus, fratres, videamus potius donum Spiritus Dei, et credamus ante dictis de illo, et videamus impleta quæ ante dicta sunt in Psalmo : *Non sunt loquelaæ neque sermones, quorum non audiantur voces eorum.* Et ne forte ipsæ linguae venerunt ad unum locum , et non potius donum Christi venit ad omnes linguas , audi quid sequitur : *In omnem terram exit sonus eorum, et in fines orbis terræ verba eorum.* Quare hoc ? *Quia in sole posuit tabernaculum suum* (*Psal. xviii, 4-6*), id est , in manifesto. Tabernaculum ejus, caro ejus ; ta-

¹ Editio : *exhorrescis communicationem illius civitatis.* MSS., *communionem.*

(a) Liber *Act. Apost.* anniversaria solemnitate post Pascham Domini recitabatur, ex *Tract. 6* in *Evang. Joan.*, n. 18.

bernaculum ejus, Ecclesia ejus : in sole posita est, non est in nocte, sed in die. Sed quare illi non agnoscent ? Redite ad lectionem, ad quam heri finis factus est, et vide quare non agnoscent : *Qui odit fratrem suum, in tenebris ambiat, et nescit quo eat; quoniam tenebræ excœaverunt oculos ejus.* Nos ergo sequentia videamus, et non simus in tenebris. Unde non erimus in tenebris? Si amemus fratres. Unde probatur quia amamus fraternitatem? Quia non scindimus unitatem, quia tememus charitatem.

4. *Scribo vobis, filioli, quia remittuntur vobis peccata per nomen ejus.* Ideo filioli, quia dimissis peccatis nascimini. Sed per cuius nomen remittuntur peccata ? Numquid per Augustini ? Ergo nec per nomen Donati. Videris quis Augustinus , aut quis Donatus : nec per nomen Pauli, nec per nomen Petri. Nam dividentibus sibi Ecclesiam, et partes facere de unitate conantibus parturiens parvulos mater charitas in Apostolo , exponit viscera sua, conscindit quodammodo verbis ubera sua, plorat filios quos videt efferti, revocat ad unum nomen eos qui multa nomina sibi facere volebant, repellit ab amore suo ut Christus ametur, et dicit : *Numquid Paulus pro vobis crucifixus est? aut in nomine Pauli baptizati estis* (*I Cor. i, 13*)? Quid dicit ? Nolo me satis, ut mecum sitis¹ : mecum estote ; omnes illius sumus qui pro nobis mortuus est, qui pro nobis crucifixus est : unde et hic, *Dimituntur vobis peccata per nomen ejus*, non per hominis alicujus.

5. *Scribo vobis, patres.* Quare primo filii? *Quia remittuntur vobis peccata per nomen ejus*, et regeneramini in novam vitam, ideo filii. Patres quare? *Quia cognovistis eum qui a principio est:* principium enim ad paternitatem pertinet. Novus Christus in carne, sed antiquus in divinitate. Quam antiquus putamus? quot annorum ? Putamusne major quam mater sua ? Major plane quam mater : omnia enim per ipsum facta sunt (*Joan. i, 3*). Si omnia, et ipsam matrem antiquus fecit, de qua nasceretur novus. Putamusne ante matrem solam ? Et ante avos matris antiquus. Avus matris ipsius Abraham ; et Dominus dicit, *Ante Abraham ego sum* (*Id. viii, 58*). Ante Abraham dicimus? Cœlum et terra, antequam esset homo, facta sunt. Ante ista fuit Dominus, imo et est. Optime enim non ait, Ante Abraham ego fui ; sed, *Ante Abraham ego sum*. Quod enim dicitur quia fuit, non est ; et quod dicitur quia erit, nondum est : ille non novit nisi esse. Secundum quod Deus est, esse novit; fuisse et futurum esse non novit. Dies est ibi unus, sed sempiternus. Non ponunt illum diem in medio hesternus et crastinus : hesterno enim die finito, incipiens hodiernus venturo crastino finitur. Ille unus dies ibi est sine tenebris, sine nocte, sine spatiis, sine mensura, sine horis. Quod vis illum die : si vis, dies est; si vis, annus est; si vis, anni sunt. Dictum est enim de ipso², *Et anni tui non deficient* (*Psal. ci, 28*). Quando autem dicitur est dies ? Quando dictum est Domino, *Ego hodie genui te* (*Psal. ii, 7*). Ab æterno Patre genitus, ex

¹ Er., sed mecum sitis. Lugd. et Ven., sed ut mecum sitis. M.

² In B., de ipso die ; at Er. Lugd. Ven. et Lov. carent verbo, die, et merito. M.

æternitate genitus, in æternitate genitus : nullo initio, nullo termino, nullo spatio latitudinis ; quia est quod est, quia ipse est qui est. Hoc nomen suum dixit Moysi : *Dices eis, Qui est, misit me ad vos* (*Exod. iii, 14*). Quid ergo ante Abraham ? quid ante Noe ? quid ante Adam ? Audi Scripturam : *Ante luciferum genui te* (*Psal. cix, 3*). Postremo ante cœlum et terram. Quare ? *Quia omnia per ipsum facta sunt, et sine ipso factum est nihil* (*Joan. i, 3*). Ideo patres agnoscite : patres enim sunt agnoscendo quod est ab initio.

6. *Scribo vobis, juvenes.* Filii sunt, patres sunt, juvenes sunt ; filii, quia nascuntur ; patres, quia principium agnoscunt : juvenes quare ? *Quia vici istis malignum.* In filiis nativitas, in patribus antiquitas, in juvenibus fortitudo. Si malignus a juvenibus vincitur, pugnat nobiscum. Pugnat, sed non expugnat. Quare ? Quia nos sumus fortes, aa quia ille est fortis in nobis, qui inter manus persequentium insirinus inventus est ? Ille nos fortes fecit, qui persequenteribus non restituit. Crucifixus est enim ex insuritate, sed vivit ex virtute Dei (*II Cor. xiii, 4*).

7. *Scribo vobis, pueri.* Unde pueri ? *Quia cognovistis Patrem.* *Scribo vobis, patres :* commendat hoo, et repetit (a), *Quia cognovistis eum qui a principio est.* Mementote vos patres esse : si obliuiscimini eum qui a principio est, perdistis paternitatem. *Scribo vobis, juvenes.* Etiam atque etiam considerate, quia juvenes estis : pugnate, ut vincatis ; vincite, ut coronemini ; humiles estote, ne cadatis in pugna. *Scribo vobis, juvenes, quia fortes estis, et verbum Dei in vobis manet, et vici istis malignum.*

8. Hæc omnia, fratres, quia cognovimus id quod a principio est, quia fortes sumus, quia cognovimus Patrem : omnia ista quasi cognitionem commendant, charitatem non commendant ? Si cognovimus, amemus : nam cognitio sine charitate non salvos facit. Scientia inflat, charitas ædificat (*I Cor. viii, 4*). Si confiteri vultis et non amare, incipitis dæmonibus similes esse. Consitebantur dæmones Filium Dei, et dicebant, *Quid nobis et tibi* (*Matth. viii, 29*) ? et repellebantur. Conscitemini, et amplectimini. Illi enim timebant de iniquitatibus suis ; vos amate dimissorem iniquitatum vestrum. Sed quomodo poterimus amare Deum, si amamus mundum ? Parat nos ergo inhabitari charitate¹. Duo sunt amores, mundi et Dei : si mundi amor habitet, non est qua intret amor Dei : recedat amor mundi, et habitet Dei ; melior accipiat locum. Amabas mundum, non amare mundum : cum exhausteris cor tuum amore terreno, hauries amorem divinum ; et incipit habitare jam charitas, de qua nihil malum potest procedere. Audite ergo verba purgantis modo. Quasi agrum invenit corda hominum : sed quomodo invenit ? Si silvam invenit, extirpat ; si agrum-purgatum invenit, plantat. Plantare ibi vult arboreni, charitatem. Et quam silvam vult extirpare ? Amorem mundi. Audi

¹ Er. : *Sed quomodo poterimus amare Deum, si amamus mundum ? si amamus mundum, separat nos a charitate Dei.* Lugd., si amamus mundum ? si amamus mundum, separat nos a charitate Dei. Parat nos ergo inhabitare charitatem. M.

(a) Non repetit in vulgata, nec in græco.

extirpatorem silvæ. *Nolite diligere mundum*, hoc enim sequitur, *ncque ea quæ sunt in mundo. Si quis dilexerit mundum, dilectio Patris non est in ipso.*

9. Auditistis quia si quis dilexerit mundum, *dilectio Patris non est in ipso.* Ne quis dicat in corde suo falsum esse hoc, fratres : Deus dicit, per Apostolum Spiritus sanctus locutus est, nihil verius, *Si quis dilexit mundum, dilectio Patris non est in ipso.* Vis habere dilectionem Patris, ut sis cohæres Filii ? Noli diligere mundum. Excluse malum amorem mundi, ut imploraris amore Dei. Vas es, sed adhuc plenus es ; funde quod habes, ut accipias quod non habes. Certe jam renati sunt ex aqua et Spiritu fratres nostri ; et nos ante aliquot annos renati sumus ex aqua et Spiritu. Bonum est nobis ut non diligamus mundum, ne remaneant in nobis Sacraenta ad damnationem, non firmamenta ad salutem. Firmamentum salutis est, habere radicem charitatis, habere virtutem pietatis, non formam solam. Bona forma, sancta forma : sed quid valet forma, si non teneat radicem ? Sarmentum præcisum nonne in ignera mittitur ? Habe formam, sed in radice. Quomodo autem radicamini, ut non eradicemini ? Tenendo charitatem, sicut dicit apostolus Paulus, *In chartitate radicati et fundati* (*Ephes. iii, 17*). Quomodo ibi radicabitur charitas, inter tanta silvosa amoris mundi ? Extirpate silvas. Magnum semen posituri estis ; non sit in agro quod effocet semen. Hæc sunt verba extirpantia quæ dixit : *Nolite diligere mundum, neque ea quæ sunt in mundo. Si quis dilexerit mundum, non est charitas Patris in eo.*

10. *Quia omne quod in mundo est, desiderium est carnis, et desiderium oculorum, et ambitio sæculi,* tria dixit, *quæ non sunt ex Patre, sed ex mundo sunt.* Et mundus transit et desideria ejus : qui autem fecerit voluntatem Dei, manet in æternum, sicut et ipse manet in æternum. Quare non amem quod fecit Deus ? Quid vis ? utrum amare temporalia, et transire cum tempore ; an mundum non amare, et in æternum vivere cum Deo ? Rerum temporalium fluvius trahit : sed tanquam circa fluvium arbor nata est Dominus noster Jesus Christus. Assumpsit carnem, mortuus est, surrexit, ascendit in cœlum. Voluit se quodammodo circa fluvium temporalium plantare. Raperis in præcepis ? tene ligaum. Volvit te amor mundi ? tene Christum. Propter te factus est temporalis, ut tu fias æternus ; quia et ille sic factus est temporalis, ut maneret æternus. Accessit illi aliquid ex tempore, non decessit ex æternitate. Tu autem temporalis natus es, et per peccatum temporalis factus es : tu factus es temporalis per peccatum, ille factus est temporalis per misericordiam dimittendi peccata. Quantum interest, cum duo sunt in carcere, inter reum et visitatorem ipsius ? Homo enim aliquando venit ad amicum suum, et intrat visitare cum, et ambo in carcere vindentur ; sed multum distant et distincti sunt. Illum causa premit, illum humanitas adduxit. Sic in ista mortalitate, nos reatu tenebamur ; ille misericordia descendit : intravit ad captivum-redemptor, non op-

¹ Am. Bad. et novem MSS. carent his verbis, Quare non amem quæ scribit Deus ?

pressor. Dominus pro nobis sanguinem suum fudit, redemit nos, mutavit spem nostram. Adhuc portamus mortalitatem carnis, et de futura immortalitate præsumimus : et in mari fluctuamus, sed anchoram spei in terra jam fiximus.

11. Sed non diligamus mundum, neque ea quæ in mundo sunt. Quæ enim in mundo sunt, *desiderium carnis est, et desiderium oculorum, et ambitio sæculi*. Tria sunt ista : ne quis forte dicat, Quæ in mundo sunt, Deus fecit, id est, cœlum et terram, mare, solem, lunam, stellas, omnia ornamenta cœlorum. Quæ sunt ornamenta maris? *Omnia repentina*. Quæ terræ? *Animalia, arbores, volatilia*. Ista sunt in mundo, Deus illa fecit. Quare ergo non ameni quod Deus fecit? *Spiritus Dei sit in te, ut videoas quia hæc omnia bona sunt* : sed vœ tibi si amaveris condita, et deserueris conditorem. Pulehra sunt tibi; sed quanto est ille pulchrior qui ista formavit? Intendat Charitas vestra. Similitudinibus enim potestis instrui : ne subrepat vobis satanas, dicens quod solet dicere, Bene vobis sit in creatura Dei; quare illa fecit, nisi ut bene vobis sit? Et inebriantur, et pereunt, et obliviscuntur Creatorem suum: dum non temperanter, sed cupide utuntur creatis, Creator contemnitur. De talibus dicit Apostolus : *Culnerunt et servierunt creature potius quam Creatori, qui est benedictus in sæcula (Rom. i, 25)*. Non te prohibet Deus amare ista, sed non diligere ad beatitudinem ; sed approbare et laudare ut ames Creatorem. Quemadmodum, fratres, si sponsus ficeret sponsæ sue annulum, et illa acceptum annulum plus diligeret quam sponsum qui illi fecit annulum; nonne in ipso dono sponsi adultera anima deprehenderetur, quamvis hoc amaret quod dedit sponsus? Certe hoc amaret quod dedit sponsus : tamen si diceret, Sufficit mihi annulus iste, jam illius faciem nolo videre; qualis esset? Quis non detestaretur hanc amentiam? quis non adulterium animalium convinceret? Amas aurum pro viro, amas annulum pro sponso : si hoc est in te, ut ames annulum pro sposo tuo, et nolis videre sponsum tuum ; ad hoc tibi arrham dedit, ut non te oppigneraret, sed averteret. Ad hoc utique arrham dat sponsus, ut in arrha sua ipse ametur. Ergo dedit tibi Deus omnia ista, ama illum qui fecit. Plus est quod tibi vult dare, id est, seipsum, qui ista fecit. Si autem amaveris hæc, quamvis illa Deus fecerit, et neglexeris Creatorem, et amaveris mundum; nonne tuus amor adulterinus deputabitur?¹⁹

12. Mundus enim appellatur non solum ista fabrica quam fecit Deus, cœlum et terra, mare, visibilia et invisibilia : sed habitatores mundi mundus vocantur, quomodo domus vocatur et parietes et inhabitantes. Et aliquando laudamus domum, et vituperamus inhabitantes. Dicimus enim, Bona domus; quia marmo-rata est et pulchre laqueata : et aliter dicimus, Bona domus; nemo ibi patitur injuriam, nullæ rapinæ, nullæ oppressiones ibi sunt. Modo non parietes laudamus, sed inhabitatores parietum : domus tamen

¹⁹ MSS., et amaveris mundum, delinquis. Am. Bad. Fr., et amaveris mundum, amittis Creatorem qui fecit mundum.

vocatur, sive illa, sive illa. Omnes enim dilectores mundi, quia dilectione inhabitant mundum; sicut cœlum inhabitant quorum sursum est cor, et ambulant carne in terra : omnes ergo dilectores mundi mundus vocantur. Ipsi non habent nisi ista tria, desiderium carnis, desiderium oculorum, et ambitionem sæculi. Desiderant enim manducare, bibere, concumbere, uti voluptatibus istis. Numquid non est in his modis? Aut quando dicitur, Nolite ista diligere, hoc dicitur, ut non manducetis, aut non bibatis, aut filios non procreetis? Non hoc dicitur. Sed sit modus propter Creatorem, ut non vos illigent ista dilectione ; ne ad fruendum hoc ametis, quod ad utendum habere debetis. Non autem probamini, nisi quando vobis proponuntur duo, hoc aut illud: *Justitiam vis, an lucra?* Non habeo unde vivam, non habeo unde manducem, non habeo unde bibam. Sed quid, si non potes habere ista nisi per iniquitatem? Nonne melius amas quod non amittis, quam iniquitatem committis? *Lucrum auri vides, damnum fidei non vides*. Hoc ergo, ait nobis, *desiderium carnis est, id est, desiderium earum rerum quæ pertinent ad carnem, sicut cibus et concubitus, et cetera hujusmodi*.

13. *Et desiderium oculorum*: desiderium oculorum dicit omnem curiositatem. Jam quain late patet curiositas? Ipsa in spectaculis, in theatris, in sacramentis diaboli, in magicis artibus, in maleficis ipsa est curiositas. Aliquando tentat etiam servos Dei, ut ve-llint quasi miraculum facere, tentare utrum exaudiat illos Deus in miraculis; curiositas est, hoc est desiderium oculorum; non est a Patre. Si dedit Deus, fac; obtulit enim ut facias : non enim qui non fecerunt, ad regnum Dei non pertinebunt. Cum gaude-rent Apostoli quia dæmonia eis subjecta erant, quid eis dixit Dominus? *Nolite in hoc gaudere; sed gaudete quoniam nomina vestra scripta sunt in cœlo (Luc. x, 20)*. Inde voluit gaudere Apostolos, unde gaudes et tu. Vœ tibi enim, si nomen tuum non est scriptum in cœlo. Numquid vœ tibi, si non suscitaveris mortuos? numquid vœ tibi, si non ambulaveris in mari? numquid vœ tibi, si non excluderis dæmonia? Si acce-psti unde facias, utere humiliter, non superbe. Nam et de quibusdam pseudopropheticis dixit Dominus, quia facturi sunt signa et prodigia (*Matt. xxiv, 24*). Ergo non sit ambitio sæculi. Ambitio sæculi superbia est. Jactare se vult in honoribus; magnus sibi videtur homo, sive de divitiis, sive de aliqua potentia.

14. Tria sunt ista, et nihil invenis unde tentetur cupiditas humana, nisi aut desiderio carnis, aut desiderio oculorum, aut ambitione sæculi. Per ista tria tentatus est Dominus a diabolo. Desiderio carnis tentatus est, quando dictum est ei, *Si Filius Dei es, dic lapidis istis ut panes fiant*; quando esurivit post jejunium. Sed quomodo repulit tentatorem, et docuit pugnare militem? Attende quid illi ait: *Non in solo pane vivit homo, sed in omni verbo Dei*. Tentatus est et desiderio oculorum de miraculo, quando ei dixit: *Mitte te deorsum, quia scriptum est, Angelis suis mandarit de te, ut suscipiant te, ne quando offendas ad Impium pedem*

tum. Ille restitit tentatori : si enim faceret miraculum , non videretur nisi aut cessisse , aut curiositate fecisse : fecit enim quando voluit tanquam Deus , sed tanquam infirmos curans. Nam si tunc faceret , quasi tantummodo miraculum voluisse facere putaretur. Sed ne hoc homines sentirent , attende quid respondit ; et quando tibi talis tentatio evenierit , die illud et tu , *Redi post me , satanas ; scriptum est enim , Non tentabis Dominum Deum tuum :* id est , Si hoc fecero , tentabo Deum. Hoc dixit , quod te voluit dicere. Quando tibi suggerit inimicus , Qualis homo , qualis christianus ? modo vel unum miraculum fecisti , aut orationibus tuis mortui surrexerunt , aut febrientes sanasti ? si vere esses aliquis momenti ¹ , faceres aliquid miraculum : responde et dic , *Scriptum est , Non tentabis Dominum Deum tuum :* non ergo tentabo Deum , quasi tunc pertineam ad Deum si fecero miraculum , et non pertineam si non fecero. Et ubi sunt verba ejus , *Gaudete quia nomina vestra scripta sunt in caelo ?* De ambitione saeculi quomodo tentatus est Dominus ? Quando elevavit eum in excelsum , et dixit ei : *Hæc omnia tibi dabo , si prostratus adoraveris me.* De elatione regni terreni voluit tentare regem saeculorum ² : sed Dominus qui fecit cœlum et terram , diabolum calcabat. Quid magnum , a Domino diabolum vinci ? Quid ergo respondit diabolo , nisi quod te docuit ut respondeas ? *Scriptum est , Dominum Deum tuum adorabis , et illi soli servies* (*Matth. iv, 1-10*). Tenuentes ista , non habebitis concupiscentiam mundi : non habendo concupiscentiam mundi , non vos subjugabit nec desiderium carnis , nec desiderium oculorum , nec ambitio saeculi ; et facietis locum charitati venienti , ut diligatis Deum. Quia si fuerit ibi dilectio mundi , non ibi erit dilectio Dei. Tenete potius dilectionem Dei , ut quomodo Deus est aeternus , sic et vos maneat in aeternum : quia talis est quisque , qualis ejus dilectio est. Terram diligis ? terra eris. Deum diligis ? quid dicam ? deus eris ? Non audeo dicere ex me , Scripturas audiamus : *Ego dixi , Dii esatis , et filii Altissimi omnes* (*Psal. lxxxi, 6*). Si ergo vultis esse dii et filii Altissimi , nolite diligere mundum , nec ea quae sunt in mundo. Si quis dilixerit mundum , non est charitas Patris in illo. Quia omnia quae sunt in mundo , desiderium carnis est , et desiderium oculorum , et ambitio saeculi , quae non est ex Putre , sed ex mundo : id est , ab hominibus dilectoribus mundi. *Et mundus transit , et desideria ejus : qui autem facit voluntatem Dei , manet in aeternum , sicut et Deus manet in aeternum.*

TRACTATUS III.

De eo quod sequitur , Pueri , novissima hora est ; usque ad id , Unctio ipsius docet vos de omnibus. Cap. ii , § . 18-27.

1. *Pueri , novissima hora est.* In hac lectione pueros alloquitur , ut festinent crescere , quia novissima hora est. *Aetas corporis non est in voluntate.* Ita nullus secundum carnem crescit quando vult ; sicut nullus quando vult nascitur : ubi autem nativitas in voluntate est , et clementum in voluntate est. Nemo ex

¹ Theodericensis vetus codex , meriti.

² Tres MSS. , colorum.

aqua et Spiritu nascitur nisi volens. Ergo si vult , crescit : si vult , decrescit. Quid est crescere ? Proficere. Quid est decrescere ? Desicere. Quisquis novit natum se esse , audiat quia puer est et infans ; avide inhibet uberibus matris , et cito crescit. Est autem mater Ecclesia ; et ubera ejus duo Testamenta Scripturarum divinarum. Hinc sugatur lac omnium sacramentorum temporaliter pro aeterna salute nostra gestorum , ut nutritus atque roboratus perveniat ad manducandum cibum , quod est , *In principio erat Verbum , et Verbum erat apud Deum , et Deus erat Verbum* (*Joan. i, 1*). Lac nostrum Christus humilis est ; cibus noster , idem ipse Christus aequalis Patri. Lacte te nutrit , ut pane pascat : nam corde contingere Jesum spiritualiter , hoc est cognoscere quia aequalis est Patri.

2. Propterea et Mariam prohibebat se tangere , et dicebat ei : *Noli me tangere ; nondum enim ascendi ad Patrem.* Quid est hoc ? Discipulis se palpandum praebuit , et Mariae contactum vitavit ? Nonne ipse est qui dubitanti discipulo dixit , *Mitte digitos , et palpacatrices* (*Id. xx, 17, 27*) ? Numquid jam ad Patrem ascenderat ? Quare ergo Mariam prohibet , et dicit , *Noli me tangere ; nondum enim ascendi ad Patrem ?* An hoc dicturi sumus , quod a viris se tangi non timuit , et a mulieribus tangi timuit ? Contactus illius omnem carnem mundat. Quibus primo voluit manifestari , ab his se timuit contrectari ? Nonne viris resurrectio ejus per feminas nuntiata est , ut contraria arte serpens viuceretur ? Quia enim ille mortem primo homini per feminam nuntiavit ; et viris vita per feminam nuntiata est. Quare ergo se tangi noluit , nisi quia contactum illum spirituale intelligi voluit ? Contactus spiritualis est de corde mundo. Ille attingit de corde mundo Christum , qui eum intelligit Patri coequalem. Qui autem nondum intelligit divinitatem Christi , usque ad carnem venit , usque ad divinitatem non venit. Quid autem magnum est , usque illuc attingere , usque quo persecutores qui crucifixerunt ? Illud est magnum , intelligere Verbum Deum apud Deum in principio , per quod facta sunt omnia : qualem se cognosci volebat , quando ait Philippo , *Tanto tempore vobiecum sum , et non cognovistis me , Philippe ? Qui videt me , videt et Patrem* (*Joan. xiv, 9*).

3. Sed ne quis piger sit ad proficiendum , audiat : *Pueri , novissima hora est.* Proficite , currite , crescere , novissima hora est. Ipsa novissima hora diurna est ; tamen novissima est. Horam enim pro tempore posuit novissimo ; quia in novissimis temporibus veniet Dominus noster Jesus Christus. Sed dicturi sunt aliqui : *Quomodo novissimum tempus ? quomodo novissima hora ? certe prius veniet Antichristus , et tunc veniet dies judicii.* Vedit Joannes cogitationes istas : ne quasi securi fierent , et ideo non esse horam novissimam putarent , quod venturus esset Antichristus , ait illis , *Et sicut audistis quod Antichristus sit venturus , nunc antichristi multi facti sunt.* Numquid posset habere multos antichristos , nisi hora novissima ?

4. Quos dixit antichristos ? Sequitur , et exponit *Unde cognoscimus quod novissima sit hora.* Unde ? Quia

antichristi multi facti sunt. Ex nobis exierunt : videte antichristos. Ex nobis exierunt : ergo plangimus damnum. Audi consolationem : Sed non erant ex nobis. Omnes haeretici, omnes schismatici ex nobis exierunt, id est, ex Ecclesia exeunt; sed non exirent, si ex nobis essent. Antequam exirent ergo, non erant ex nobis. Si antequam exirent, non erant ex nobis ; multi intus sunt, non exierunt, sed tamen antichristi sunt. Audeamus hoc dicere : utquid, nisi ut unusquisque cum intus est, non sit antichristus ? Descripturus enim et designaturus est antichristos ; et videbimus eos nunc. Et interrogare debet unusquisque conscientiam suam, an sit antichristus. Latine enim Antichristus, contrarius est Christo. Non quomodo nonnulli intelligunt Antichristum ideo dictum, quod ante Christum venturus sit, id est, post eum venturus sit Christus : non sic dicitur, nec sic scribitur ; sed Antichristus, id est, contrarius Christo. Jam quis sit contrarius Christo, nunc advertitis ipso exponente, et intelligitis non posse exire foras nisi antichristos ; eos autem qui non sunt Christo contrarii, foras exire nullo modo posse. Qui enim non est Christo contrarius, in corpore ipsius haeret, et membrum computatur. Nunquam sibi sunt membra contraria. Corporis integritas universis membris constat. Et quid de concordia membrorum dicit Apostolus ? Si patitur unum membrum, compatuntur omnia membra ; et si glorificatur unum membrum, congaudent omnia membra (I Cor. xii, 26). Si ergo in glorificatione membra cætera membra congaudent, et in passione omnia membra patiuntur ; concordia membrorum non habet antichristum. Et sunt qui intus sic sunt in corpore Domini nostri Iesu Christi ; quandoquidem adhuc curatur corpus ipsius, et sanitas perfecta non erit nisi in resurrectione mortuorum : sic sunt in corpore Christi, quomodo humores mali. Quando evomuntur, tunc relevatur corpus : sic et mali quando exeunt, tunc Ecclesia relevatur. Et dicit quando eos evomit atque proicit corpus : Ex me exierunt humores isti, sed non erant ex me. Quid est, non erant ex me ? Non de carne mea præcisi sunt, sed pectus mihi premebat cum inessent.

5. Ex nobis exierunt ; sed, nolite tristes esse, non erant ex nobis. Unde probas ? Quod si fuissent ex nobis, permanissent utique nobiscum. Hinc ergo videat Charitas vestra, quia multi qui non sunt ex nobis, accipiunt nobiscum Sacraenta, accipiunt nobiscum Baptismum, accipiunt nobiscum quod norunt fideles se accipere, Benedictionem, Eucharistiam¹, et quidquid in Sacraentis sanctis est ; ipsius altaris communionem accipiunt nobiscum, et non sunt ex nobis. Tentatio probat quia non sunt ex nobis. Quando illis tentatio venerit, velut occasione venti, volant foras, quia grana non erant. Omnes autem tunc volabunt, quod saepè dicendum est, cum area Dominica coepit ventilari in die judicii. Ex nobis exierunt, sed non erant ex nobis : quod si fuissent ex nobis, permanissent utique nobiscum. Nam vultis nosse, charissimi, quam certissime dicitur hoc, ut qui forte exierunt et redeant, non sint antichristi, non sint contrarii Christo ? Qui

¹ In duabus MSS. : Benedictionem Eucharistiae.

non sunt antichristi¹, non potest fieri ut remaneant foris. Sed de voluntate sua quisque aut antichristus, aut in Christo est. Aut in membris sumus, aut in humoribus malis. Qui se in melius commutat, in corpore membrum est : qui autem in malitia permanet, humor malus est ; et quando exierit, relevabuntur qui premebantur. Ex nobis exierunt, sed non erant ex nobis : quod si fuissent ex nobis, permanissent utique nobiscum : sed ut manifestarentur, quod non omnes erant ex nobis. Ideo addidit, ut manifestarentur, quia et intus cum sunt, non ex nobis sunt ; non tamen manifesti sunt, sed exiendo manifestantur. Et vos unctionem habetis a sancto, ut ipsi vobis manifesti sitis. Unctionis spiritualis ipse Spiritus sanctus est, cuius sacramentum est in unctione visibili. Hanc unctionem Christi dicit omnes qui habent, cognoscere malos et bonos ; nec opus esse ut doceantur, quia ipsa unctione docet eos.

6. Scribo vobis, non quod nescieritis veritatem ; sed quia nostis eam, et quia omne mendacium non est ex veritate. Ecce admoniti sumus quomodo cognoscamus Antichristum. Quid est Christus ? Veritas. Ipse dixit, Ego sum veritas (Joan. xiv, 6). Omne autem mendacium non est ex veritate : omnes igitur qui mentiuntur, nondum sunt ex Christo. Non dixit quoddam mendacium ex veritate, et quoddam mendacium non ex veritate. Sententiam attendite ; ne vos palpetis, ne vos adulteris, ne vos decipiatis, ne vos illudatis : Omne mendacium non est ex veritate. Videamus ergo quomodo antichristi mentiuntur quia non est unum genus mendacii. Quis est mendax, nisi is qui negat quod Jesus non est Christus ? Aliam significationem habet Jesus, aliam habet Christus : cum sit unus Jesus Christus salvator noster, Jesus tamen proprium nomen est illi. Quomodo Moyses proprio nomine appellatus est, quomodo Elias, quomodo Abraham ; sic tanquam proprium nomen habet Dominus noster Jesus : Christus autem sacramenti nomen est. Quomodo si dicatur propheta, quomodo si dicatur sacerdos ; sic Christus commendatur unctionis, in quo esset redemptio totius populi Israel. Iste Christus sperabatur venturus a populo Iudeorum ; et quia humilis venit, non est agnitus ; quia lapis parvus erat, offenderunt in illum, et fracti sunt. Sed crevit lapis, et factus est mons magnus (Dan. ii, 35) ; et quid ait Scriptura ? Quicunque offenderit in lapidem istum, conquassabitur ; et super quem venerit lapis iste, conseruet eum (Luc. xx, 18). Discernenda sunt verba : offendentem dixit conquassari ; super quem autem venerit, conteri. Primo quia humilis venit, offendentur in illum homines : quia excelsus venturus est ad judicium, super quem venerit, conteret eum. Sed illum non conteret venturus, quem non quassavit cum venit. Qui in humilem non offendit, non formidabit excelsum. Breviter auditis, fratres : qui in humilem non offendit, non formidabit excelsum. Omnibus enim malis lapis-offensionis est Christus ; quidquid dicit Christus, amarum est illis.

7. Etenim audite, et videte. Omnes certe qui exierunt

¹ In plerisque MSS., ut qui forte exierint, non sint antichristi. Redeant, et non sunt contrarii Christo : hoc sunt enim antichristi. Non potest fieri ut remaneant, etc.

de Ecclesia, et ab unitate Ecclesiae præciduntur, antichristi sunt : nemo dubitet; ipse enim designavit, *Ex nobis exierunt, sed non erant ex nobis : nam si fuissent ex nobis, permanissent utique nobiscum.* Quicumque ergo non manent nobiscum, sed exēunt ex nobis, manifestum est quod antichristi sunt. Et quomodo probantur antichristi? Ex mendacio. Et quis est mendax, nisi qui negat quod Jesus non est Christus? Interrogemus hæreticos : quem invenis hæreticum, qui negat quia Jesus non est Christus? Videat Charitas vestra magna sacramentum. Attendite quid inspiraverit nobis Dominus Deus, et quid insinuare vobis velim. Ecce exierunt a nobis, et facti sunt Donatistæ: interrogamus eos utrum Jesus sit Christus; statim confitentur quia Jesus Christus est. Si ergo ille est antichristus qui negat Jesum esse Christum, nec nos possumus illi dicere antichristos, nec nos illos; quia et nos confitemur, et illi. Si ergo nec illi nos dicunt, nec nos illos; ergo nec illi a nobis exierunt, nec nos ab ipsis. Si ergo non a nobis exivimus, in unitate sumus: si in unitate sumus, quid faciunt in hac civitate duo altaria? quid faciunt divisæ domus, divisa conjugia? quid facit communis lectus, et divisus Christus? Admonet nos, vult nos fateri quod verum est. Aut ipsi a nobis exierunt, aut nos ab ipsis. Sed absit ut nos ab ipsis: habemus enim testamentum dominicæ hereditatis, recitamus, et ibi nos invenimus, *Dabo tibi gentes hæreditatem tuam, et possessionem tuam terminos terræ* (*Psal. ii, 8*). Tenemus hæreditatem Christi: illi eam non tenent; non communicant orbi terrarum, non communicant universitati redemptæ sanguine Domini. Habemus ipsum Dominum resurgentem a mortuis, qui se dubitantium manibus discipulorum præbuit palpandum. Et cum adhuc illi dubitarent, ait illis: *Oportebat Christum pati, et resurgere tertia die, et praedicari in nomine ejus pænitentiam et remissionem peccatorum.* Ubi? qua? quibus? Per omnes gentes, incipiens ab Jerusalem (*Luc. xxiv, 46 et 47*). Securi sumus de unitate hæreditatis. Quisquis huic hæreditati non communicat, foras exiit.

8. Sed non contristemur: *Ex nobis exierunt, sed non erant ex nobis : nam si fuissent ex nobis, permanissent utique nobiscum.* Si ergo ex nobis exierunt, antichristi sunt; si antichristi sunt, mendaces sunt; si mendaces sunt, negant Jesum esse Christum. Iterum redimus ad difficultatem questionis. Singulos interroga, confitentur Jesum esse Christum. Coarctat nos angustus intellectus in hac Epistola. Videlicet certe quæstionem; hæc quæstio et nos et ipsos turbat, si non intelligatur. Aut nos sumus antichristi, aut illi sunt antichristi: illi nos antichristos vocant, et dicunt quod exivimus ab eis; nos illos similiter: sed designavit hæc Epistola antichristos. Quicumque negat quod Jesus non sit Christus, ipse est antichristus. Jam ergo queramus quis negat; et non attendamus ad linguam, sed ad facta. Si enim omnes interrogentur, omnes uno ore confitentur Jesum esse Christum. Quiescat paululum lingua, vitam interroga. Si invenimus hoc, si ipsa Scriptura nobis dixerit quia ne-

gatio non tantum lingua sit, sed et factis; certe invenimus multos antichristos qui ore profitentur Christum, et moribus dissentiant a Christo. Ubi invenimus hoc in Scriptura? Paulum audi apostolum: de talibus cum loqueretur, ait, *Confitentur enim se nosse Deum, factis autem negant* (*Tit. i, 16*). Invenimus et ipsos antichristos: quisquis factis negat Christum, antichristus est. Non audio quid sonet, sed video quid vivat. Opera loquuntur, et verba requiriuntur? Quis enim malus non bene vult loqui? Sed quid dicit talibus Dominus? *Hypocritæ, quomodo potestis bona loqui, cum sitis mali* (*Matth. xi, 34*)? Voces vestras ad aures meas profertis; ego cogitationes vestras inspicio: voluntatem malam ibi video, et falsos fructus ostenditis. Novi quid unde colligam; non colligo de tribulis sicut, non colligo de spinis uvas. Unaquæque enim arbor a fructu cognoscitur (*Id. viii, 16*). Magis mendax est antichristus qui ore profitetur Jesum esse Christum, et factis negat. Ideo mendax, quia aliud loquitur, aliud agit.

9. Jam ergo, fratres, si facta interroganda sunt, non solum invenimus antichristos foras exisse; sed multos nondum manifestos, qui minime foras exierunt. Quotquot enim habet Ecclesia perjuros, fraudatores, maleficos, sortilegorum inquisidores, adulteros, ebriosos, sueneratores, mangones, et omnia quæ numerare non possumus; contraria sunt doctrinae Christi, contraria sunt verbo Dei: Verbum autem Dei Christus est: quidquid contrarium est Verbo Dei, in Antichristo est. Antichristus enim contrarius est Christo. Et vultis nosse quam aperte resistant isti Christo? Ali quando evenit ut aliquid mali faciant, et incipiunt corripi; quia Christum non audent blasphemare, ministros ejus blasphemant, a quibus corripiuntur: si autem ostenderis illis quia Christi verba dicis, non verba tua; conantur quantum possunt ut te convincant verba tua te dicere, non verba Christi: si autem manifestum fuerit quia verba Christi dicis, eunt et in Christum, incipiunt reprehendere Christum: Quomodo, inquietant, et quare tales nos fecit? Nonne dicunt hoc quotidie homines convicti de factis suis? Prava voluntate perversi, artificem accusant. Clamat illis artifex de cœlo (quia ipse nos fecit, qui nos refecit): Quid te feci? Ego hominem feci, non avaritiam; ego hominem feci, non latrocinium; ego hominem feci; non adulterium. Audisti quia laudant me opera mea. Ex ore trium puerorum ipse hymnus erat qui ab ignibus defendebat (*Dan. iii, 24-90*). Laudant opera Domini Dominum; laudat cœlum, terra, mare; laudant omnia quæ sunt in cœlo; laudant Angeli, laudant stellæ, laudant luminaria; laudat quidquid natat, quidquid volat, quidquid ambulat, quidquid reptit, laudant ista omnia Dominum. Numquid audisti quia landat Dominum avaritia? numquid audisti quia laudat Dominum ebriositas; quia laudat luxuria, landat nugacitas? Quidquid ibi non audis laudem dare Domino, non fecit Dominus. Corrige quod tu fecisti, ut salvetur quod in te Deus fecit. Si autem non vis, et amas et amplecteris peccata tua; contrarius es Christo. Intus sis, foris sis, antichristus es: intus sis, fo-

ris sis, palea es. Sed quare foris non es? Quia occasionem venti non invenisti.

10. Jam ista manifesta sunt, fratres. Ne quis dicat: Christum non colo, sed Deum colo Patrem ipsius. *Omnis qui negat Filium, nec Filium nec Patrem habet; et qui confitetur Filium, et Filium et Patrem habet.* Vos grana alloquitor; et qui palea erant, audiant, et grana flant. Unusquisque considerans conscientiam suam, si mundi amator est, mutetur; fiat amator Christi, ne sit antichristus. Si quis ei dixerit quod antichristus sit, irascitur, injuriam sibi factam putat; fortassis inscriptionem minatur, si audiat a litigante quod antichristus sit. Dicit ei Christus: Patiens esto; si falsum audisti, gaude mecum, quia et ego falsa ab antichristis audio: si autem verum audisti, conveni conscientiam tuam; et si audire times, esse plus time.

11. Ergo vos quod ab initio audistis, in vobis maneat. Quod si in vobis manserit quod ab initio audistis; et vos in Filio et Patre manebitis. *Hæc est pollicitatio quam ipse pollicitus est nobis.* Forte enim mercedem quæceres, et dices: Ecce in me quod ab initio audivi custodio, obtempero; pericula, labores, tentationes pro ista permansione sustineo: quo fructu? qua mercede? Quid mihi postea dabit, quia in hoc sæculo me video laborare inter tentationes? Non video hic requiem esse aliquam; mortalitas ipsa aggravat animam, et corpus quod corrumpitur premit ad inferiora: sed tollero omnia, ut illud quod ab initio audivi, maneat in me; et dicam Deo meo, *Propter verba labiorum tuorum ego custodivi vias duras* (*Psalm. xvi, 4*). Ad quam ergo mercedem? Audi, et noli desiccare. Si desiciebas in laboribus, promissa mercede fortis esto. Quis est qui operetur in vinea, et recedat illi de corde quod accepturus est? Fac illum oblitum mercedem suam, desipient manus. Memoria promissæ mercedis perseverantem facit in opere: et homo promisit qui te potest fallere. Quanto fortior esse debes in agro Dei, quando promisit veritas, cui nec succedi potest, nec mori, nec fallere potest eum cui promissum est? Et quid est promissum? Videamus quid promisit. Aurum est, quod hic multum amant homines, an argentum? An possessiones, ad quas fundunt homines aurum, quamvis multum ament aurum? An amœna prædia, amplæ domus, multa mancipia, animalia numerosa? Non hæc est quædam merces ad quam nos hortatur, ut in labore duremus. Quid dicitur merces ista? Vita æterna. Audistis, et gavisi exclamastis: amate quod audistis, et liberamini a laboribus vestris in requiem vite æternæ. Ecce quid promittit Deus, vitam æternam. Ecce quid minatur Deus, ignem æternum. Quid illis ad dexteram constitutis? *Venite, benedicti Patri mei, percipite regnum quod vobis paratum est ab origine mundi.* Ad sinistram quid? *Ite in ignem æternum, qui preparatus est diabolo, et angelis ejus* (*Matth. xxv, 34, 41*). Illud nondum amas, vel hoc time.

12. Mementote ergo, fratres mei, quia vitam æternam nobis promisit Christus: *Hæc est, inquit, pollicitatio quam ipse pollicitus est nobis, vitam æternam.* *Hæc scripsi vobis de his qui vos seducunt.* Nemo vos se-

ducatur ad mortem; promissionem vite æternæ desiderate. Quid potest mundus promittere? Quidquid libet promittat, fortassis crastina morituro promittit. Et qua fronte ad illum qui manet in æternum, exiturus es? Sed minatur mibi potens homo, ut aliquid mali faciam. Quid minatur? Carceres, catenas, ignes, tormenta, bestias: numquid ignem æternum? Exhorresce quod minatur Omnipotens, ana quod pollicetur Omnipotens; et vilescit omnis mundus, sive promittens, sive terrens. *Hæc scripsi vobis de his qui vos seducunt;* ut scialis quia unctionem habetis, et unctionis quam accepimus ab eo¹, permaneat in nobis. unctionis sacramentum est, virtus ipsa invisibilis, unctionis invisibilis, Spiritus sanctus; unctionis invisibilis, charitas illa est quæ in quocumque fuerit, tanquam radix illi erit, quamvis ardente sole arescere non potest. Omne quod radicatum est, nutritur calore solis, non arescit.

13. *Et non habetis necessitatem ut aliquis vos doceat, quia unctionis ipsius docet vos de omnibus.* Quid ergo nos facimus, fratres, quia docemus vos? Si unctionis ejus doceat vos de omnibus, quasi nos sine causa laboramus. Et utquid tantum clamamus? Dimittamus vos unctioni illius, et doceat vos unctionis ipsius. Sed modo mihi facio quæstionem, et illi ipsi apostolo facio: dignetur audire parvulum quærentem a se; ipsi Joanni dico, *unctionem habebant quibus loquebaris?* Tu dixisti, *Quia unctionis ipsius docet vos de omnibus.* Utquid talem Epistolam fecisti? Quid illos tu docebas? quid instruebas? quid edificabas? Jam hic videte magna sacramentum, fratres: sonus verborum nostrorum aures percutit, magister intus est. Nolite putare quemquam aliquid discere ab homine. Admonere possumus per strepitum vocis nostræ; si non sit intus qui doceat, inanis fit strepitus noster. Adeo, fratres, vultis nosse? Numquid non sermonem istum omnes audistis? Quam multi hinc indocti exituri sunt? Quantum ad me pertinet, omnibus locutus sum; sed quibus unctionis illa intus non loquitur, quos Spiritus sanctus intus non docet, indocti redeunt. Magisteria forinsecus, adjutoria quædam sunt, et admonitiones. Cathedram in cœlo habet qui corda docet. Propterea ait et ipse in Evangelio: *Nolite vobis dicere magistrum in terra; unus est magister vester Christus* (*Matth. xxiii, 8, 9*). Ipse vobis ergo intus loquatur, quando nemo hominum illic est; quia etsi aliquis est a latere tuo, nullus est in corde tuo. Et non sit nullus in corde tuo²: Christus sit in corde tuo; unctionis ipsius sit in corde, ne sit in solitudine cor sitiens, et non habens fontes quibus irrigetur. Interior ergo magister est qui docet, Christus docet, inspiratio ipsius docet. Ubi illius inspiratio et unctionis illius non est, forinsecus inaniter perstrepunt verba. Sic sunt ista verba, fratres, quæ forinsecus dicimus, quomodo est agricola ad arborem: forinsecus operatur, adhibet aquam et diligentiam culturae; qualibet forinsecus adhibeat, numquid poma format? numquid nuditatem lignorum vestit umbra

¹ MSS. duo, et vos unctionem quam accepistis ab eo: omisso, ut scialis quia unctionem habetis.

² Tres MSS.: *Et non sit ullus in corde tuo. Unus: Et nullus in corde tuo.* Alius: *Et nullus sit in corde tuo.*

filiorum? numquid tale aliquid intrinsecus agit? Sed quis agit hoc? audite agricolam Apostolum, et videte quid sumus, et audite magistrum interiorem: *Ego plantavi, Apollo rigavit; sed Deus incrementum dedit: neque qui plantat est aliquid, neque qui rigat; sed qui incrementum dat Deus* (*I Cor. iii, 6, 7*). Illoc ergo vobis dicimus: sive plantemus, sive rigemus loquendo, non sumus aliquid; sed ille qui incrementum dat Deus, id est, unctio illius quem docet vos de omnibus.

TRACTATUS IV.

De eo quod sequitur, Et verax est, et non est mendax; usque ad id, in hoc manifestatus est Filius Dei, ut solvat opera diaboli. *Cap. ii, § . 27-29, et cap. iii, § . 1-8.*

1. Meministis, fratres, hesternam lectionem ad hoc terminatam, quia non habetis necessitatem ut quis doceat vos, sed ipsa unctio docet vos de omnibus. Illoc autem, sicut vos recordari certus sum, sic exposuimus vobis, quia nos qui forinsecus loquimur ad aures vestras, ita sumus quasi operarii, adhibentes culturam forinsecus ad arborem, sed incrementum dare non possumus, nec fructus formare: ille autem qui vos creavit, et redemit, et vocavit per fidem et Spiritum suum habitans in vobis, nisi loquatur vobis intus, sine causa nos perstrepimus. Unde hoc apparet? Quia cum multi audiant, non omnibus persuadetur quod dicitur; sed illis solis quibus intus loquitur Deus. Illis autem intus loquitur, qui ei locum præbent: illi autem Deo locum præbent, qui diabolo locum non præbent. Habitare enim vult diabolus corda hominum, et loqui ibi omnia quae valent ad seductionem. Sed quid ait Dominus Jesus? *Princeps hujus mundi missus est foras* (*Joan. xii, 31*). Unde missus est? nunquid extra cœlum et terram? nunquid extra fabricam mundi¹? Sed extra corda credentium. Foras missis invasore, habitet redemptor²; quia ipse redemit qui creavit. Et diabolus jam forinsecus oppugnat, non vincit illum qui intus possidet. Forinsecus autem oppugnat, immittendo varias tentationes: sed ille non consentit cui Deus intus loquitur, et unctio quam audiatis.

2. *Et verax est*, inquit, cadem unctio; id est, ipse Spiritus Domini qui docet homines, mentiri non potest. Et non est mendax. Sicut docuit vos, permanete in ipsa³. Et nunc, filioli, manete in eo, ut cum manifestatus fuerit, habeamus fiduciam in conspectu ejus, ut non confundamur ab eo in adventu ejus. Videtis⁴, fratres; credimus in Jesum quem non vivimus: annuntiaverunt eum qui viderunt, qui contrectaverunt, qui verbum ex ore ipsius audierunt; et ut haec persuaderent generi humano, ab illo missi sunt, non a seipsis ire ausi sunt. Et quo missi sunt? Audistis cum Evangelium legeretur, *Ite, prædicate Evangelium universæ creaturæ quae sub cœlo est* (*Marc. xvi, 15*). Ubique ergo discipuli missi sunt,

attestantibus signis et prodigiis ut crederetur illis, quia ea dicebant quae viderant. Et credimus in eum quem non vidimus, et venturum eum exspectamus. Quicumque illum fide exspectant, cum venerit gaudebunt: qui sine fide sunt, cum venerit quod nunc non vident, erubescunt. Et confusio illa non erit unius dici et transiet, quomodo solent confundi qui inveniuntur in aliqua culpa, et eis insultatur ab hominibus. Confusio illa traducet confusos ad sinistram, ut audiunt, *Ite in ignem eternum, qui paratus est diabolo et angelis ejus* (*Matth. xxv, 31*). Maneamus ergo in verbis ejus, ne confundamur cum venerit. Ipse enim dicit in Evangelio eis qui in eum crediderant: *Si permaneritis in verbo meo, vere discipuli mei estis*. Et quasi dicent, *Quo fructu?* *Et cognoscetis, inquit, veritatem, et veritas liberabit vos* (*Joan. viii, 31 et 52*). Modo enim salus nostra in spe, nondum in re: non enim tenemus jam quod promisum est, sed venturum speramus. Fidelis autem est qui promisit; non te fallit: tantum tu noli desicere, sed exspecta promissionem. Non enim novit fallere veritas. Tu noli esse mendax, ut aliud profitearis, aliud agas: tu serva fidem, et servat ille pollicitationem. Si autem non tu servaveris fidem, tu te fraudasti, non ille qui promisit.

3. *Si scitis quia justus est, scitote quia omnis qui facit justitiam, ex ipso est natus*. Justitia modo nostra ex fide. Justitia perfecta non est nisi in Angelis; et vix in Angelis, si Deo comparentur: tamen si qua perfecta justitia animalium et spirituum est quos Deus creavit, in Angelis est sanctis, justis, bonis, nullo lapsu aversis, nulla superbia cadentibus, sed manentibus semper in contemplatione Verbi Dei, et nihil aliud dulce habentibus, nisi a quo creati sunt; in ipsis perfecta justitia est: in nobis autem ex fide coepit esse secundum Spiritum. Audistis cum Psalmus legeretur, *Incipite Domino in confessione* (*Psal. cxlv, 7*). *Incipite*, inquit: initium justitiae nostrae, confessio est peccatorum. Coepisti non defendere peccatum tuum, jam inchoasti justitiam: perficietur autem in te, quando nihil aliud facere delectabit, quando absorbebitur mors in victoriam (*I Cor. xv, 54*), quando nulla concupiscentia titillabit, quando non erit lucta cum carne et sanguine, quando erit corona victoriae, triumphus de inimico; tunc erit perfecta justitia. Modo adhuc pugnamus: si pugnamus, in stadio sumus; ferimus, et ferimur: sed qui vineat, exspectatur. Ille autem vincit, qui et quod ferit, non de viribus suis presumit, sed de hortatore⁵ Deo. Solus diabolus adversum nos pugnat. Nos si cum Deo sumus, diabolum vincimus: nam et si tu solus cum diabolo pugnaveris, vinceras. Exercitatus hostis est: quot palmarum? Considerate quo dejecerit: ut mortales nasceremur, primo ipsam originem nostram de paradiso dejecit. Quid ergo exercitatus est, quia ipse exercitatus est? Invocetur Omnipotens adversus exercitatum diabolum. Habitetur in te qui non potest vinci, et securus vices eum qui vincere solet. Sed quos? In quibus non habitat Deus. Nam, ut noveritis, fratres, contemptis

¹ Editi hic addunt, *Non*; quae vox abest a MSS.

² Er. Lugg. et Ven., *habitat*. M.

³ MSS. duo, *in ipso*.

⁴ Er. Lugg. Lov. Ven., *Videte*. M.

⁵ MSS. septem, *protectore*.

Adam in paradiso positus præceptum Dei, et erexit cervicem, veluti in potestate sua esse cupiens, et nolens subdi voluntati Dei, et lapsus est ab illa immortalitate, ab illa beatitudine (*Gen. iii, 6*). Homo autem quidam jam exercitatus, natus mortalis, cum sederet in stercore putris vermis, diabolus vicit : vicit et ipse Adam, et in *Job ipse* ; quia de genere ipsius, *Job*. Ergo Adam vicius in paradyso, vicit in stercore. In paradyso cum esset, audivit persuasionem mulieris, quam illi immiserat diabolus : in stercore autem cum esset, ait *Eva*, *Tanquam una ex insipientibus mulieribus locuta es* (*Job ii, 10*). Ibi aurem apposuit ; hic responsum dedit : cum esset latet, audivit ; cum esset flagellatus, vicit. Ideo videte quid sequitur, fratres, in Epistola ista ; quia hoc nobis commendat, ut diaholum quidem vincamus, sed non ex nobis. *Si scitis quia justus est*, ait, *scitote quia omnis qui facit justitiam, ex ipso est natus* : ex Deo, ex Christo. Et quia dixit, *Ex ipso est natus*, hortatur nos. Jam ergo quia nati ex illo sumus, perfecti sumus.

4. Audite : *Ecce qualēm dilectionem dedit nobis Pater, ut filii Dei vocemur et simus*. Nam qui vocantur et non sunt, quid illis prodest nomen ubi res non est? Quam multi vocantur medici, qui curare non norunt? quam multi vocantur vigiles, qui tota nocte dormiunt? Sic multi vocantur christiani, et in rebus non inveniuntur ; quia hoc quod vocantur non sunt, id est in vita, in moribus, in fide, in spe, in charitate. Hic autem quid andistis, fratres? *Ecce qualēm dilectionem dedit nobis Pater, ut filii Dei vocemur et simus*. Propter hoc mundus non cognoscit nos, quia non cognovit eum, et nos non cognoscit mundus. *Totus mundus christianus, et totus mundus impius* ; per totum enim mundum impii, et per totum mundum pii : illi illos non cognoscunt. Quomodo putamus quia non cognoscunt? Insultant bene viventibus. Attende et vide, quia forte sunt et inter vos. Unusquisque vestrum qui jam pie vivit, qui contemnit secularia, qui non vult ire ad spectacula, qui non vult se ineptiare quasi solemniter, et, quod est gravius, accidente patrocinio, sanctorum dierum fieri immundus ; qui ista facere noluerit, quomodo ei insultatur ab his qui faciunt? Numquid insultaretur ei si agnosceretur? Quare autem non agnosceitur? Mundus eum non agnoscit. Quis est mundus? Illi habitatores mundi, quomodo dicitur domus, habitatores ejus. Jam ista sepe dicta sunt, et non ea vobis cum odio repetimus¹. Jam cum auditis mundum in mala significacione, non intelligatis nisi dilectores mundi ; quia per dilectionem inhabitant, et per quod inhabitant, nonne habere meruerunt. Propter hoc mundus non cognovit nos, quia non cognovit eum. Ambulabat et ipse Dominus Jesus Christus, in carne erat Deus, latebat in infirmitate. Et unde non est cognitus? Quia omnia peccata arguebat in hominibus. Illi amando delectationes peccatorum, non agnoscabant Deum : amant

do quod febris suadebat, injuriam medico faciebant.

5. Quid ergo nos? Jam nati sumus ex ipso ; sed quia in spe sumus, *Dilectissimi*, inquit, *nunc filii Dei sumus*. Jam nunc? Quid est ergo quod exspectamus, si jam filii Dei sumus? *Et nondum*, inquit, *manifestatum est quid erimus*. Quid autem erimus aliud, quam filii Dei? Audit quid sequitur : « Scimus quia cum apparuerit, similes ei erimus ; quoniam videbimus eum sicut est. » *Intelligat Charitas vestra. Magna res* : « Scimus quia cum apparuerit, similes ei erimus ; quoniam videbimus eum sicuti est. » Jam illud attendite quid vocatur *est*. Nostis quid vocatur. *Est* quod vocatur, et non solum vocatur, sed vere est, incommutabile est ; semper manet, mutari nescit, nulla ex parte corruptitur : nec proficit, quia perfectum est ; nec deficit, quia æternum est. Et quid est hoc? *In principio erat Verbum, et Verbum erat apud Deum, et Deus erat Verbum* (*Ioan. i, 1*). Et quid est hoc? *Qui cum in forma Dei esset, non rapinam arbitratus est esse aequalis Deo* (*Philip. ii, 6*). Hoc modo Christum in forma Dei, Verbum Dei, Unicum Patri, aequalem Patri, non possunt videare mali. Secundum id vero quod Verbum caro factum est, poterunt et mali : quia in die judicii videbunt et mali ; quia sic veniet judicatus quomodo venerat judicandus. In ipsa forma homo, sed Deus : nam maledictus omnis qui spem suam ponit in homine (*Jerem. xvii, 5*). Homo venit ut judicaretur, homo veniet ut judicet. Et si non videbitur, quid est quod scriptum est, *Videbunt in quem confixerunt* (*Joan. xix, 57*)? De impiis enim dictum est quia videbunt, et confundentur. Quomodo non videbunt impii, quando alios ponet ad dexteram, alios ad sinistram? Ad dexteram positis dicet, *Venite, benediciti Patrie mei, percipite regnum* : ad sinistram positis dicet, *Ite in ignem æternum* (*Math. xxv, 34, 41*). Videbunt, sed formam servi : formam Dei non videbunt. Quare? Quia impii sunt ; et ipse Dominus dicit, *Beati mundo corde, quoniam ipsi Deum videbunt* (*Id. v, 8*). Ergo visuri sumus quamdam visionem, fratres, quam nec oculus vidit, nec auris audivit, nee in cor hominis ascendit (*I Cor. ii, 9*) : visionem quamdam, visionem præcellentem omnes pulchritudines terrenas, auri, argenti, nemorum atque camporum, pulchritudinem maris et aeris, pulchritudinem solis et lunæ, pulchritudinem stellarum, pulchritudinem Angelorum, omnia superantem ; quia ex ipsa pulchra sunt omnia.

6. Quid ergo nos erimus, quando hoc videbimus? Quid nobis promissum est? *Similes ei erimus ; quoniam videbimus eum sicuti est*. Quomodo potuit, lingua sonuit; cetera corde cogitentur. Quid enim vel ipse Joannes dixit ad comparationem ejus qui est, vel quid a nobis potest dici hominibus longe imparibus meritis ipsius? Redeamus ergo ad illam unctionem ipsius, redeamus ad illam unctionem quae intus docet quod loqui non possumus, et quia modo videre non potestis, officium vestrum in desiderio sit. Tota vita christiani boni, sanctum desiderium est. Quod autem desideras, nondum vides ; sed desiderando capax es-

¹ Editio: *Et non ea vobiscum hodie repetimus*. Melius tres MSS., *vobis cum odio*. Sic enim infra, Tract. 7, n. 4: « Nec timendum est, aut ne sepe dicendo in odium veniat. »

ris, ut cum venerit quod videas, implearis. Sicut enim si velis implere aliquem sinum, et nosti quam magnum est quod dabitur, extendis sinum vel sacci vel utris vel alicujus rei: nosti quantum missurus es, et vides quia angustus est sinus; extendendo facis capaciorem: sic Deus differendo extendit desiderium, desiderando extendit animum, extendendo facit capacem. Desideremus ergo, fratres, quia implendi sumus. Vide Paulum extendentem sinum, ut possit capere quod venturum est. Ait enim: *Non quia jam acceperim, aut jam perfectus sim: fratres, ego me non arbitror apprehendisse.* Quid ergo agis in hac vita, si nondum apprehendisti? *Unum autem, quæ retro oblitus, in ea quæ ante sunt extensus, secundum intentionem sequor ad palnam supernæ rovationis* (Philipp. III, 13, 14). Extensem se dixit, et secundum intentionem sequi se dixit. Minorem se sentiebat ad capiendum quod oculus non vidit, nec auris audivit, nec in cor hominis ascendit. Hæc est vita nostra, ut desiderando exerceamur. Tantum autem nos exercet sanctum desiderium, quantum desideria nostra amputaverimus ab amore saccu. Jam diximus aliquando, *Exinani quod implendum est*¹. Bono implendus es, funde malum. Puta quia melle te vult implere Deus: si acetum plenus es, ubi mel pones? Fundendum est quod portabat vas: mundandum est ipsum vas; mundandum est, et si cum labore, cum tritura, ut fiat aptum eidam rei. Maledicamus, aurum dicamus, vim dicamus; quidquid dicius quod dici non potest, quidquid volumus dicere, Deus vocatur. Et quod dicimus Deus, quid diximus? Duæ istæ syllabæ sunt totum quod exspectamus? Quidquid ergo dicere valimus, infra est: extendamus nos in eum, ut cum venerit, impleat. *Similes enim ei erimus; quoniam videbimus eum sicuti est.*

7. *Et omnis qui habet spem hanc in ipso.* Videtis quia in spe nos posuit. Videtis quemadmodum congruit apostolus Paulus coapostolo suo, *Spe salvi facti sumus. Spes autem quæ videtur, non est spes: quod enim videt quis, quid sperat?* Si enim quod non videamus speramus, per patientiam exspectamus (Rom. VIII, 24, 25). Ipsa patientia exercet desiderium. Mane tu, nam manet ille: et persevera in ambulando, ut pervenias; quia quo tendis, non migrabit. Vide: *Et omnis qui habet spem hanc in ipso, castificat semetipsum, sicut et ipse castus est.* Vide quemadmodum non abstulit liberum arbitrium, ut diceret, *castificat semetipsum.* Quis nos castificat nisi Deus? Sed Deus te nolcentem non castificat. Ergo quod adjungis voluntatem tuam Deo, castificas te, non de te, sed de illo qui venit ut inhabet te. Tamen quia agis ibi aliquid voluntate, ideo et tibi aliquid tributum est. Ideo autem tibi tributum est, ut dicas sicut in Psalmo, *Adjutor meus esto, ne derelinquas me* (Psal. XXVI, 9). Si dicis, *Adjutor meus esto,* aliquid agis: nam si nihil agis, quomodo ille adjuvat?

8. *Omnis qui facit peccatum, et iniquitatem facit.*

¹ Sic legendum, suffragantibus Am. Bad. et o. o. MSS., nisi quod in omnibus codicibus deterior est vocum interlocutio [jam diximus aliquando extrahiri quod implendum est.]

Nemo dicat, Aliud est peccatum, aliud iniquitas: nemo dicat, Ego peccator homo sum, sed iniquus non sum. *Omnis enim qui facit peccatum, et iniquitatem facit. Peccatum est iniquitas.* Quid ergo facimus de peccatis nostris et iniquitatibus? Audi quid dicat: *Ei scitis quia ille manifestatus est, ut peccatum auferat; et peccatum in ipso non est.* In quo non est peccatum, ipse venit auferre peccatum. Nam si esset et in illo peccatum, auferendum esset illi, non ipse auferret. *Omnis qui in ipso manet, non peccat.* In quantum in ipso manet, in tantum non peccat. *Omnis qui peccat, non vidit eum, neque cognovit eum.* Magna ista quæstio: *Omnis qui peccat, non vidit eum, neque cognovit eum.* Non est mirum. Non eum vidiimus, sed visuri sumus; non eum cognovimus, sed cognituri sumus: credimus in eum quem non cognovimus. An forte ex fide cognovimus, et specie nondum cognovimus? Sed in fide et vidiimus et cognovimus. Si enim nondum videt fidem, quare dicimus illuminati? Est illuminatio per fidem, est illuminatio per speciem. Modo cum peregrinamur, per fidem ambulamus, non per speciem (Il Cor. V, 7). Ergo et justitia nostra per fidem est, non per speciem. Erit perfecta nostra justitia, cum videbimus per speciem. Modo non relinquamus eam justitiam quæ est ex fide, quoniam *justus ex fide vivit* (Rom. I, 17), sicut ait Apostolus. *Omnis qui manet in ipso, non peccat.* Nam *omnis qui peccat, non vidit eum, neque cognovit eum.* Non credit iste qui peccat: si autem credit, quantum ad fidem ejus pertinet, non peccat.

9. *Filioli, nemo vos seducat.* Qui facit justitiam, justus est, sicut et ille justus est. Numquid quando audiimus quia justi sumus, sicut et ille, æquales nos debemus putare Deo? Debetis nosse quid est, sicut: jamdudum enim dixit, *Castificat semetipsum, sicut ipse castus est.* Jain ergo par et æqualis est castitas nostra castitati Dei, et justitia nostra justitiae Dei? Quis hoc dicat? Sed, sicut, non semper ad æqualitatem dici solet. Quomodo, verbi gratia, visa basilica ista ampla, si velit facere aliquis minorem, sed tamen proportione ad mensuras ejus, ut verbi gratia, si lata est ista simpliciter, et longa duplum; faciat et ille latam simpliciter, et longam duplum: videtur sic fecisse sicut est ista. Sed ista habet, verbi gratia, centum cubitos, illa triginta: et sic est, et impar est. Videatis quia non semper, sicut, ad parilitatem et æqualitatem resertur. Verbi gratia, videat quantum sit inter faciem hominis, et imaginem de speculo: facies in imagine, facies in corpore; imago in imitatione, corpus in veritate. Et quid dicimus? Nam sicut hic oculi, ita et ibi: sicut hic aures, ita et ibi aures sunt. Dispar est res; sed, sicut, ad similitudinem dicitur. Habeamus ergo et nos imaginem Dei; sed non illam quain habet Filius æqualis Patri; tamen et nos pro modulo nostro si non sicut ille essemus, ex nulla parte similis diceremur. Ergo castificat nos sicut et ipse castus est; sed ille castus æternitate, nos casti fide: justi sumus sicut et ipse justus est; sed ipse in ipsa incommutabili perpetuitate, nos justi credendo in quem

non videmus, ut aliquando videamus. Et cum perfecta fuerit justitia nostra, cum facti æquales Angelis fuerimus; nec tunc illi æquabitur. Quanto ergo modo ab illo longe est, quando nec tunc par erit?

10. *Qui facit peccatum, de diabolo est; quia ab initio diabolus peccat. De diabolo est, nostis quid dicat: imitando diabolum. Nam neminem fecit diabolus, neminem genuit, neminem creavit: sed quicumque fuerit imitatus diabolus, quasi de illo natus, sit filius diaboli imitando, non proprie nascendo. Quomodo es filius Abrahæ? numquid Abraham te genuit? Quomodo Iudeæ, filii Abrahæ non imitantes fidem Abrahæ, facti sunt filii diaboli: de carne Abraham nati sunt, et fidem Abrahæ non sunt imitati. Si ergo qui inde nati sunt, exhaeredati sunt, quia non sunt imitati; tu qui non de illo natus es, efficeris filius, et sic eris filius imitando. Et si diabolus fueris imitatus, quia ille superbus exstitit et impius adversus Deum, eris filius diaboli, imitando; non quia creavit te, aut genuit te.*

11. *In hoc manifestatus est Filius Dei. Eia, fratres, omnes peccatores ex diabolo nati sunt, in quantum peccatores. Adam a Deo factus est: sed quando consensit diabolo, ex diabolo natus est; et tales omnes genuit qualis erat. Cum ipsa concupiscentia nati sumus; et antequam nos debita nostra addamus, de illa damnatione nascimur. Nam si cum nullo peccato nascimur, quid est quod cum infantibus ad Baptismum curritur, ut solvantur? Ego duas nativitates attendite, fratres, Adam et Christum¹: duo sunt homines; sed unus ipsorum homo homo, alter ipsorum homo Deus. Per hominem hominem, peccatores sumus: per hominem Deum, justificamur. Nativitas illa dejicit ad mortem; ista nativitas erexit ad vitam: nativitas illa trahit secum peccatum; nativitas ista liberat a peccato. Ideo enim venit Christus homo, ut solveret peccata hominum. In hoc manifestatus est Filius Dei, ut solvat opera diaboli.*

12. Cætera commendo Charitati vestræ, ne vos gravem. Ipsa enim quæstio est, in qua solvenda laboramus, quia peccatores nos dicimus: si enim quis dixerit se esse sine peccato, mendax est. Et in ipsius Epistola Joannis invenimus, *Si dixerimus quia peccatum non habemus, nos ipsos seducimus, et veritas in nobis non est* (*I Joan. 1, 8*). Et rursus in consequentibus audis, *Qui natus est ex Deo, non peccat: Qui facit peccatum, non vidit eum, neque cognovit eum: Omnis qui facit peccatum, de diabolo est. Ex Deo non est peccatum. Iterum terret nos. Quomodo nati sumus ex Deo, et quomodo nos fatemur peccatores? An dicturi sumus, quia de Deo nati non sumus? Et quid faciunt ista Sacraenta in infantibus? Quid dixit Joannes? *Qui natus est ex Deo, non peccat. Ipse Joannes iterum dixit, Si dixerimus quia peccatum non habemus, nos metus ipsos seducimus, et veritas in nobis non est*. Magna*

¹ Lov., *Adam et Christi*. At Am. Bad. et MSS. habent, *Adam et christum*.

quæstio est et angusta; et ad hanc solvendam intentam fecerim Charitatem vestram. In nomine Domini cras quod inde dederit, disseremus.

TRACTATUS V.

In id quod sequitur, Omnis qui natus est ex Deo, non facit peccatum; usque ad id, Non diligamus verbo tantum et lingua, sed opere et veritate. Cap. iii, §. 9-18.

1. Intente audite, obsecro vos, quia res non minima versatur in medio: et non dubito quia besterno die adfuius intente, quod et hodie intentius convonistis. Est enim non parva quæstio, quomodo dicat in ista Epistola, *Qui natus est ex Deo, non peccat*: et quomodo in eadem Epistola superius dixit, *Si dixerimus quia peccatum non habemus, nos ipsos seducimus, et veritas in nobis non est* (*I Joan. 1, 8*). Quid facturus est quem uterque sermo ex eadem Epistola in medio coarctavit? Si se confessus fuerit peccatorum, timet ne dicatur illi, Non ergo ex Deo natus es; quia scriptum est, *Qui natus est ex Deo, non peccat*. Si autem dixerit se justum, et non habere peccatum, accipit ex alia parte plagam ex ipsa Epistola, *Si dixerimus quia peccatum non habemus, nos ipsos seducimus, et veritas in nobis non est*. Positus ergo homo in medio, quid dicat, et quid confiteatur, aut quid profiteatur, non invenit. Profiteri se esse sine peccato, periculoso est; et non solum periculoso, sed etiam mordoso: *Nos ipsos, inquit, seducimus, et veritas in nobis non est, si dixerimus quia peccatum non habemus*. Sed utinam non haberes, et dices! verum enim dices, nec in veritate promenda ullum iniquitatem vel vestigium formidares. Sed ideo male facis si dicas quia mendacium dicas: *Veritas, inquit, in nobis non est, si dixerimus quia peccatum non habemus*. Non ait, Non habuimus; ne forte de præterita vita dictum videretur. Habuit enim peccata homo iste; sed ex quo natus est ex Deo, cœpit non habere. Si ita esset, nulla nos angustaret quæstio. Diceremus enim: Fuimus peccatores, sed modo justificati sumus; habuimus peccatum, sed modo non habemus. Non hoc ait: sed quid ait? *Si dixerimus quia peccatum non habemus, nos ipsos seducimus, et veritas in nobis non est*. Post aliquantum rursus, *Qui natus est ex Deo, inquit, non peccat*. Numquid Joannes ipse non erat natus ex Deo? Si Joannes non erat natus ex Deo, de quo audistis quia supra pectus Domini recumbebat; aliquis sibi audet promittere regenerationem factam in se, quam ille habere non meruit, qui super pectus Domini recumbere meruit? Quem Dominus plus quam cæteros diligebat (*Joan. xiii, 23*), ipsum solum de Spiritu non generat?

2. Attendite nunc verba ista: adhuc angustias nostras commendo, ut per intentionem vestram, quæ oratio est et pro nobis et pro vobis, dilatet Deus, et det exitum; ne aliquis in verbo ejus inveniat occasionem perditionis suæ, quod verbum non est prædicatum et conscriptum, nisi ad medicinam et salutem. *Omnis, inquit, qui facit peccatum, et iniquitatem facit. Ne forte discernas: Peccatum iniquitas est. Ne*

dicas, Peccator sum, sed iniquus non sum : *Peccatum iniquitas est. Et scitis quia in hoc ille manifestatus est, ut peccata auferat ; et peccatum in illo non est.* Et quid prodest nobis quia venit sine peccato ? *Omnis qui non peccat, in ipso manet : et omnis qui peccat, non vidit eum, neque cognovit eum.* Filioli, nemo vos seducat. Qui facit justitiam, justus est, sicut et ille justus est. Jam ista diximus, quia sicut secundum quandam similitudinem, non secundum aequalitatem, dici solet. Qui facit peccatum, de diabolo est; quia ab initio diabolus peccat. Et hoc diximus, quia neminem creavit diabolus, neque genuit; sed imitatores ejus tanquam ex illo nascuntur. *In hoc manifestatus est Filius Dei, ut solvat opera diaboli (Joan. iii, 4-8).* Ergo ut solvat peccata¹ ille qui non habet peccatum. Deinde sequitur : *Omnis qui natus est ex Deo, non facit peccatum, quia semen ejus in ipso manet ; et non potest peccare, quia ex Deo natus est.* Fortiter instrinxit. Fortassis secundum quoddam peccatum dixit, *non peccat*, non secundum omne peccatum : ut quod ait, *Qui natus est ex Deo, non peccat*, certum quoddam peccatum intelligas, quod non potest admittere homo qui ex Deo natus est : et tale peccatum est illud, ut si quisquam illud admiserit, confirmet cetera; si quis autem hoc non admiserit, solvat cetera. Quod est hoc peccatum ? Facere contra mandatum. Quod est mandatum ? *Mandatum novum do vobis, ut vos invicem diligatis (Id. xiii, 34).* Intendite. Ille mandatum Christi dilectio vocatur : per hanc dilectionem peccata solvuntur. Ille si non teneatur, et grave peccatum est, et radix omnium peccatorum.

3. Intendite, fratres; protulimus aliquid in quo bene intelligentibus soluta est quæstio. Sed numquid cum celerioribus tantum ambulamus viam ? Et quia tardius ambulant, non sunt relinquendi. Versemus hoc quibus possumus verbis, ut ad omnes perveniat. Puto enim, fratres, quia omnis homo sollicitus est pro anima sua, qui non sine causa intrat Ecclesiam, qui non temporalia querit in Ecclesia, qui non propterera intrat ut transigat negotia sacerdotalia; sed ideo intrat, ut aliquid sibi aeternum promissum teneat, quo perveniat : necesse est cogitet² quemadmodum ambulet in via, ne remaneat, ne retro eat, ne aberret, ne claudicando non perveniat. Qui ergo sollicitus est, tardus sit, velox sit, non recedat de via. Hoc ergo dixi, quia *qui natus est ex Deo, non peccat*, fortassis secundum quoddam peccatum voluit intelligi : nam erit contrarium illi loco, *Si dixerimus quia peccatum non habemus, nos ipsos seducimus, et veritas in nobis non est.* Sic ergo potest solvi quæstio. Est quoddam peccatum quod non potest admittere ille qui natus est ex Deo; et quo non admisso solvuntur cetera, quo admisso confirmantur cetera. Quid est hoc peccatum ? Facere contra mandatum Christi, contra testamentum novum. Quod est mandatum novum ? *Mandatum novum do vobis, ut vos invicem diligatis.* Qui facit contra cha-

ritatem et contra dilectionem fraternalm, non audeat gloriari, et dicere natum se esse ex Deo : qui autem in dilectione fraterna constitutus est, certa sunt peccata quæ non potest admittere, et hoc maxime non oderit fratrem. Et quid ex ceteris peccatis facit, unde dictum est, *Si dixerimus quia peccatum non habemus, nos ipsos seducimus, et veritas in nobis non est?* Audiat securitatem de alio loco Scripturæ : *Charitas cooperit multititudinem peccatorum (I Petr. iv, 8).*

4. Charitatem ergo commendamus; charitatem commendat haec Epistola. Post resurrectionem Dominus quid aliud interrogavit Petrum, nisi, *Amas me ?* Et parum fuit semel interrogare; et iterum nihil aliud, et tertio nihil aliud. Cum jam tertio ille tredio afficeretur, quasi non sibi crederet, quomodo qui nesciret quid in illo ageretur; tamen et primo, et secundo, et tertio hoc interrogavit. Ter negavit timor, ter confessus est amor (*Joan. xxi, 15-17*). Ecce amat Petrus Dominum. Quid præstaturus Domino ? Non enim et ipse non turbatus est in illo psalmo, *Quid retribuam Domino pro omnibus quæ retribuit mihi ?* Qui enim dicebat haec in Psalmo, attendebat quanta sibi essent præstata a Deo; et quærebatur quid retribueret Deo, et non inveniebat. Quidquid enim retribuere volueris, ab ipso accepisti ut reddas. Et quid invenit ut retribuat ? Quod, ut diximus, fratres, ab ipso acceperat, hoc invenit quod retribueret. *Calicem salutaris accipiam, et nomen Domini invocabo (Psal. cxv, 12, 13).* Quis enim illi dederat calicem salutarem, nisi ille cui volebat retribuere ? Accipere autem calicem salutarem, et invocare nomen Domini, hoc est satiari charitate; et ita satiari, ut non solum non oderis fratrem, sed paratus sis mori pro fratre. Perfecta ista charitas est, ut paratus sis mori pro fratre. Hanc ipse Dominus in se exhibuit, mortuus pro omnibus, orans pro eis a quibus crucifigebatur, et dicens : *Pater, ignosce illis, quia nesciunt quid faciunt (Luc. xxiii, 34).* Sed si solus hoc fecit, non erat magister, si discipulos non habebat. Secuti discipuli hoc fecerunt. Lapidabatur Stephanus, et genu fixo ait : *Domine, ne statuas illis hoc delictum (Act. viii, 59).* Amabat a quibus occidebatur, quia et pro ipsis moriebatur. Audi et apostolum Paulum : *Et ipse, inquit, impendar pro animabus vestris (II Cor. xii, 15).* Inter illos enim erat pro quibus Stephanus deprecabatur, quando eorum manibus moriebatur. Perfecta ergo charitas haec est. Si quis tantam habuerit charitatem, ut paratus sit pro fratribus etiam mori, perfecta est in illo charitas. Sed numquid mox ut nascitur, jam prorsus perfecta est ? Ut perficiatur, nascitur : cum fuerit nata, nutritur; cum fuerit nutrita robatur; cum fuerit robata, perficitur : cum ad perfectionem venerit, quid dicit ? *Miki vivere Christus est, et mori lucrum. Optabam dissolvi et esse cum Christo; multo enim magis optimum : manere in carne necessarium propter vos (Philipp. i, 21-24).* Propter eos volebat vivere, pro quibus paratus erat mori.

5. Et ut noveritis quia ipsa est perfecta charitas, quam non violat, et in quam non peccat qui natus est ex Deo; hoc Dominus dicit Petro : *Petre, amas me ?*

¹ Editi addunt hic vocem, *venit*; quæ abest ab omnibus MSS.

² Fr. Lugd. Ven. Lov., *necesse est ergo cogitet*. M

Et ille : *Amo.* Non ait, Si amas me, obsequere mihi. Quando enim erat Dominus in carne mortali, esurivit, sitiuit : eo tempore quo esuriebat et sitiiebat, suscep-tus est hospitio; ministrarunt illi qui habuerunt, de substantia sua, sicut legimus in Evangelio (*Luc. viii, 3*). Suscepit eum hospitio *Zacchaeus* : salvus factus est a morbo, suscepto medico. Quo morbo? Avaritiae. Erat enim ditissimus, et princeps publicanorum. Attendite sanatum a morbo avaritiae. *Dimidium*, inquit, *bonorum meorum do pauperibus; et si cui aliquid tuli, quadruplum reddam* (*Id. xix, 6-8*). Ideo servavit alterum dimidium, non quo frueretur, sed unde debita solveret. Suscepit ergo tunc medicum hospitio, quia erat infirmitas carnis in Domino, cui hoc obsequium præberent homines : et hoc, quia voluit præstare obsequentibus; obsequentibus enim proderat, non illi. Cui enim Angeli ministrabant, horum obsequium requirebat? Nec Elias servus illius hoc necessarium habebat aliquando, cui panem et carnem per corvum mittebat; et tamen ut vidua religiosa benediceretur, mittitur servus Dei, pascitur a vidua quem Deus in secreto pascebat (*III Reg. xvii, 4-9*). Verumtamen quanquam de his servis Dei sibi præstant, qui eorum indigentiam considerant, propter illam mercedem a Domino in Evangelio manifestissime positam, *Qui suscipit justum in nomine justi, mercedem justi accipiet; et qui suscipit prophetam in nomine prophetæ, mercedem prophetæ accipiet; et qui dederit calicem aquæ frigidæ uni ex his minimis tantum in nomine discipuli, amen dico vobis, non perdet mercedem suam* (*Math. x, 41 et 42*) : quanvis ergo sibi præstant qui hoc faciunt, tamen nec hoc poterat præberi ascensuro in cœlum. Quid illi poterat retribuere Petrus, qui amabat illum? Audi quid : *Pasce oves meas*; id est, Fac pro fratribus quod pro te feci. Omnes sanguine meo redemi : nolite dubitare mori pro veritatis confessione, ut cæteri vos imitentur.

6. Sed hæc, ut diximus, fratres, perfecta charitas est; qui natus est ex Deo, habet illam. Intendat Charitas vestra, vide quid dicam. Ecce accepit Sacramentum nativitatis homo baptizatus; Sacramentum habet, et magnum Sacraumentum, divinum, sanctum, ineffabile. Considera quale : ut novum hominem faciat dimissione omnium peccatorum. Attendant tamen in cor, si perfectum est ibi, quod factum est in corpore : videat si habet charitatem, et tunc dicat, Natus sum ex Deo. Si autem non habet, characterem quidem impositum habet, sed desertor vagatur. Habeat charitatem; aliter non se dicat natum ex Deo. Sed haheo, inquit, sacramentum. Audi Apostolum : *Si sciām omnia sacramenta, et habeām omnem fidem, ita ut montes transferām, charitatem autem non habeām, nihil sum* (*I Cor. xiii, 2*).

7. Hoc, si meministis, commendavimus, cum istam Epistolam legere inciperemus, nihil in ea nobis sic commendari, quomodo charitatem. Et si videtur alia et alia dicere, illuc facit redditum; et ad ipsam charitatem omnia vult referre quæcumque dixerit. Videamus si et hic hoc facit. Attende : *Omnis qui natus est*

ex Deo, non facit peccatum. Quærimus quod peccatum : quia si omne intellexeris, contrarius erit illi loco, Si dizerimus quia peccatum non habemus, nosmetipsos seducimus, et veritas in nobis non est. Ergo dicit quod peccatum, doceat nos; ne forte ego temere dixerim peccatum hoc esse violationem charitatis, quia supra dixit, Qui odit fratrem suum, in tenebris est, et in tenebris ambulat, et nescit quo eat, quia tenebras excæverunt oculos ejus (*I Joan. ii, 11*). Sed forte dixit aliquid in posterioribus, et nominavit charitatem¹. Videate quia circuitus ille verborum hunc habet finem, hunc habet exitum. *Omnis qui natus est ex Deo, non peccat; quia sc̄men ejus in ipso manet.* Seinen Dei, id est, verbum Dei : unde dicit Apostolus, *Per Evangelium ego vos genui* (*I Cor. iv, 15*). *Et non potest peccare, quia ex Deo natus est.* Dicat hoc, videamus in quo non potest peccare. *In hoc manifestati sunt filii Dei et filii diaboli. Omnis qui non est justus, non est a Deo, et qui non diligit fratrem suum.* Certe jam manifestum est unde dicat, *Et qui non diligit, inquit, fratrem suum.* Dilectio ergo sola discernit inter filios Dei et filios diaboli. Signent se omnes signo crucis Christi; respondeant omnes, Amen; cantent omnes, Alleluia; baptizentur omnes, intrent Ecclesias, faciant parietes basilicarum : non discernuntur filii Dei a filiis diaboli, nisi charitate. Qui habent charitatem, nati sunt ex Deo : qui non habent, non sunt nati ex Deo. Magnum indicium, magna discretio. Quidquid vis habe ; hoc solum non habeas, nihil tibi prodest : alia si non habeas, hoc habe, et implesti Legem. *Qui enim diligit alterum, Legem implevit,* ait Apostolus : et, *Plenitudo Legis charitas* (*Rom. xiii, 8, 10*). Puto istam margaritam esse illam quam homo negotiator quæsisse describitur in Evangelio, qui invenit unam margaritam, et vendidit omnia quæ habebat, et emit eam (*Math. xiii, 46*). Hæc est margarita pretiosa, charitas, sine qua nihil tibi prodest quocumque habueris : quam si solam habeas, sufficit tibi. Modo cum fide vides, tunc cum specie videbis. Si enim amamus cum non videmus, quomodo amplectemur cum viderimus? Sed ubi nos debemus exercere? In amore fraterno. Potes mihi dicere, Non vidi Deum; numquid potes mihi dicere, Non vidi hominem? Dilige fratrem. Si enim fratrem quem vides dilexeris, simul videbis et Deum; quia videbis ipsam charitatem, et intus inhalabit Deus.

8. *Qui non est justus, non est ex Deo; et qui non diligit fratrem suum. Quia hæc est annuntiatio : vide quomodo confirmat : Quia hæc est annuntiatio quam audi-vimus ab initio, ut diligamus invicem.* Manifestavit nobis inde se dicere : contra hoc mandatum quisquis facit, in peccato illo est scelerato, in quod incident qui non nascuntur ex Deo. *Non sicut Cain qui ex maligno erat, et occidit fratrem suum. Et cuius rei gratia occidit?* Quia opera ejus maligna fuerunt, fratris vero ejus justa. Ergo ubi est invidia, amor fraternus esse non potest. Intendat Charitas vestra. Qui invidet, non

¹ Quatuor MSS., et non nominavit charitatem.

amat. Peccatum diaboli est in illo; quia et diabolus invidendo dejecit. Cecidit enim, et invidit stanti. Non ideo voluit dejicere ut ipse staret, sed ne solus caderet. Tenete in animo ex hoc quod subjecit, invidiam non posse esse in charitate. Italias aperte cum laudaretur ipsa charitas, *Charitas non emulatur* (1 Cor. xiii, 4). Non fuit charitas in Cain; et nisi esset charitas in Abel, non acciperet Deus sacrificium ejus. Cum enim ambo obtulissent, ille de fructibus terrae, ille de fetibus ovium; quid putatis, fratres, quia Deus fructus terra neglexit, et fetus ovium dilexit? Non intendit Deus ad manus¹; sed in corde vides: et quem vides cum charitate offerre, ipsius sacrificium respexit; quem vides cum invidia offerre, ab ipsius sacrificio oculos avertit. Opera ergo bona Abel non dicit nisi charitatem: opera mala Cain non dicit nisi odium fraternalum. Parum est quia odit fratrem suum, et invidit operibus bonis; quia imitari noluit, necare voleuit. Et hinc apparuit quia filius erat diaboli, et ille hinc apparuit justus Dei. Hinc ergo discernuntur homines, fratres mei. Nemo attendat linguas, sed facta et cor². Si non bene faciat pro fratribus suis, ostendit quid in se habeat. Tentationibus probantur homines.

9. *Nolite mirari, fratres, si odit nos³ mundus.* Numquid saepè vobis dicendum est quid est mundus? Non cœlum, non terra, nec ista opera quæ Deus fecit; sed dilectores mundi. Ista saepè dicendo quibusdam onerosus sum: sed usque adeo non frustra dico, ut aliqui interrogentur an dixerim, et non respondeant. Ergo vel inculcando hæreat aliquid in cordibus audentium. Quid est mundus? Mundus est, quando in male ponitur, dilectores mundi: mundus quando in laude ponitur, cœlum et terra est, et quæ in his opera Dei; unde dicitur, *Et mundus per eum factus est* (Joan. i, 10). Item mundus est plenitudo terræ, sicut dixit ipse Joannes, *Non solum autem nostrorum peccatorum propitiator est, sed et totius mundi* (1 Joan. ii, 2). Mundi dicit omnium fidem per orbem sparsorum. Mundus autem in male, amatores mundi sunt. Qui amant mundum, fratrem amare non possunt.

10. *Si odit nos mundus: nos scimus.* Quid nos sci-mus? *Quia transivimus de morte ad vitam.* Unde sci-mus? *Quia diligimus fratres.* Nemo interroget hominem; redeat unusquisque ad cor suum: si ibi inuenierit charitatem fraternalm, sceurus sit, quia transiit a morte ad vitam. Jam in dextera est: non attendat quia modo gloria ejus occulta est; cum venerit Dominus, tunc apparebit in gloria. Viget enim, sed adhuc in hieme; viget radix, sed quasi aridi sunt rami: intus est medulla quæ viget, intus sunt folia arborum, intus fructus; sed vestitam exspectant. Ergo *nos sci-mus quia transivimus de morte ad vitam, quia diligimus fratres.* Qui non diligit, manet in morte. Ne pente-tio, fratres, leve esse, odisse aut non diligere, audite quod sequitur: *Omnis qui odit fratrem suum, homicida*

est. Jam ergo si contemnebat quisquam odium frater-num, numquid et homicidium in corde suo contem-pturnus est? Non movet manus ad occidendum homi-nem, homicida jam tenetur a Domino; vivit ille, et iste jam interfector judicatur. *Omnis qui odit fratrem suum, homicida est.* Et scitis quia omnis homicida non habet vitam æternam in se mancitem.

11. *In hoc cognoscimus dilectionem.* Perfectionem dilectionis dicit, perfectionem illam quam commenda-vimus. *In hoc cognoscimus dilectionem, quia ille pro nobis animam suam posuit: et nos debemus animas pro fratribus ponere.* Ecce unde veniebat, Petre, *amas me?* pasce oves meas. Nam ut noveritis quia sic ab eo pasce-volet oves suas, ut animam suam pro ovibus pone-ret; hoc illi continuo dixit, « *Cum juvenis essem, præc-ingebas te, et ibas quo volebas; cum autem fueris senior, aliis te præcingeret, et tollet te quo tu non vis.* Hoc autem dixit, » ait Evangelista, « significans qua morte clarificaturus erat Dœum » (Joan. xxi, 15-19): ut cui dixerat, « *Pasce oves meas,* » diceret eum po-nere animam pro ovibus suis.

12. Unde incipit charitas, fratres? Modicum atten-dite: quo perficiatur audistis; ipsum finem et modum ipsum et Dominus in Evangelio commendavit: *Majo-rem charitatem nemo habet,* ait, *quam ut animam suam ponat pro amicis suis* (Id. xv, 13). Perfectionem ergo ejus ostendit in Evangelio, et hic commendata est ejus perfectio: sed interrogatis vos, et dicitis vobis, Quando possumus habere istam charitatem? Noli cito de te desperare: forte nata est, sed nondum perfecta est; nutri eam, ne effocetur. Sed dicturus es mihi, Et unde novi? Quo enim perficiatur audivimus; unde incipiat audiamus. Sequitur, et dicit: *Qui autem habue-rit facultates mundi, et viderit fratrem suum esurientem, et clauerit viscera sua ab eo: quomodo poterit dilectio Dei manere in eo?* Ecce unde incipit charitas. Si nondum es idoneus mori pro fratre, jam idoneus esto dare de tuis facultatibus fratri. Jam percutiat vi-seira tua charitas, ut non de jactantia facias, sed de intimo adipe misericordiae; ut consideres illum in igestate positum. Si enim superflua non potes dare fratri tuo, animam tuam potes ponere pro fratre? Ja-cet pecunia in sinu tuo, quam tibi fures possunt au-ferrare; et si illam non auferent fures, moriendo illam deserent, etiam si te illa viventem non deserat: quid inde facturus es? Esurit frater tuus, in necessitate pos-situs est: fortassis suspenditur, a creditore angusta-tar; non habet ipse, habes tu: frater tuus est, simus empi estis, unum est pretium vestrum, ambo sanguine Christi redempti estis: vide si misereris, si ha-bes facultates mundi. Quid ad me pertinet, forte di-cis? Ego-daturus sum pecuniam meam, ne ille mole-stiam patiatur? Si hoc tibi responderit cor tuum, dilectio Patris non in te manet. Si dilectio Patris non in te manet, non es natus ex Deo. Quomodo te glo-biaris esse christianum? Nomen habes, et facta non habes. Si autem nomen secutum fuerit opus, dicat te quisquam paganum, tu factis ostende te christianum. Nam si factis non ostendis te christianum, omnes te

¹ Am. Badi Er. et quinque MSS., *ad munus.*

² Decem MSS., *sed facta.* Cor si non bene faciat.

³ Sic MSS. At sacra Biblia, *mundus, vas.*

christianum vocent, quid tibi prodest nomen, ubi res non invenitur? « Qui autem habuerit facultates mundi, et viderit fratrem suum egentem, et clauerit viscera sua ab eo; quomodo potest dilectio Dei manere in eo? » Et sequitur : « Filioli, non diligamus verbo tantum et lingua, sed opere et veritate. »

13. Puto manifestatum esse vobis magnum et necessarium secretum et sacramentum, fratres mei. Quid valeat charitas, omnis Scriptura commendat; sed nescio si alicubi amplius quam in ista Epistola commendetur. Rogamus vos et obsecramus in Domino, ut et illa quae audistis memoria teneatis; et ad ea quae adhuc dicenda sunt, donec finiatur ipsa Epistola, intenti veniatis, intenti audiatis. Aperite autem cor ad semina bona : extirpate spinas, ne effocetur in vobis quod seminatur, sed potius crescat seges; et gaudet agricola, et horreum vobis præparet tanquam frumentis, non ignem tanquam paleis.

TRACTATUS VI.

In illud, Et in hoc cognoscimus quia ex veritate sumus; usque ad id, Et hic est Antichristus de quo audistis, etc. Cap. iii, §. 19-24, et cap. iv, §. 1-3.

1. Si meministis, fratres, hesterno nos clausisse sermonem ad istam sententiam, quæ sine dubio manere debuit et debet in corde vestro, quia ipsam novissimam audistis : « Filioli, non diligamus verbo tantum et lingua, sed opere et veritate. » Deinde sequitur : « Et in hoc cognoscimus quia ex veritate sumus, et coram ipso persuademus cordi nostro : quia si male senserit cor nostrum, major est Deus corde nostro, et novit omnia. » Dixerat, « Non diligamus verbo tantum et lingua, sed opere et veritate : » queritur a nobis, in quo opere et in qua veritate agnoscitur qui diligit Deum, vel qui diligit fratrem suum. Jam superius dixerat quousque charitas perficiatur; quod et Dominus in Evangelio ait, *Majorem hac nemo habet charitatem, quam ut animam suam ponat pro amicis suis* (*Ioan. xv, 13*) : et iste hoc dixerat, *Sicut ille animam suam pro nobis posuit, debemus et nos animas pro fratribus ponere*. Hæc est perfectio charitatis; et major omnino non potest inveniri. Sed quia non in omnibus perfecta est, et desperare non debet in quo perfecta non est, si jam nata est quæ perficiatur : et utique si nata est, nutrienda est, et quibusdam suis nutrientis ad perfectionem propriam perducenda. Quæsivimus inchoationem charitatis unde incipiat, et ibi continuo invenimus : *Si quis habet facultates mundi, et videbit fratrem suum egentem, et clauerit viscera sua adversus eum; quomodo dilectio Patris manet in illo* (*I Joan. iii, 16, 17*)? Ergo hic incipit ista charitas, fratres, ut de suis superfluis tribuat egenti, in angustiis aliquibus constituto; ex eo quod sibi abundat secundum tempus, a tribulatione temporali liberet fratrem. Hinc exordium est charitatis. Hanc ita cœptam, si verbo Dei et spe futuræ vite nutrieris, pervenies ad illam perfectionem, ut paratus sis animam tuam ponere pro fratribus tuis.

2. Sed quia multa talia sunt ab his qui alia querunt, et qui fratres non amant; revocemur ad testi-

monium conscientiæ. Unde probamus quia talia multa sunt ab his qui fratres non amant? Quam multi se in hæresibus et schismatibus martyres dicunt! Videntur sibi animam ponere pro fratribus suis. Si pro fratribus animam ponerent, non se ab universa fraternitate separarent. Item quam multi sunt qui jactantiae causa multa tribuunt, multa donant; et non ibi querunt nisi laudem humanam et gloriam populariem, plenam ventis, nulla stabilitate solidatam! Quia ergo sunt tales, ubi probanda erit charitas fraterna? quia voluit illam probari, et ait admonens : *Filioli, non diligamus verbo tantum et lingua, sed opere et veritate*. Quærimus, In quo opere, in qua veritate? Potest esse manifestius opus, quam tribuere pauperibus? Multi hoc jactantia faciunt, non dilectione. Potest esse majus opus, quam mori pro fratribus? Et hoc multi volunt putari se facere, jactantia nominis comparandi, non visceribus dilectionis. Restat ut ille diligat fratrem, qui ante Deum ubi solus videt, cordi suo persuadet, et interrogat cor suum an vere propter fratrum dilectionem hoc faciat; et perhibet illi testimonium oculus qui penetrat cor, quo homo attendere non potest. Ideo Paulus apostolus, quia paratus erat mori pro fratribus, et dicebat, *Ipse impendar pro animabus vestris* (*II Cor. xii, 15*): tamen quia Deus hoc videbat in corde ipsius, non homines quibus loquebatur, ait illis, *Miki autem minimum est ut a vobis dijudicer, aut ab humano die* (*I Cor. iv, 5*). Et ostendit etiam ipse quodam loco quia solent ista fieri inani jactantia, non firmamento charitatis : ait enim cum de ipsis charitatis commendatione loqueretur, *Si distribuero omnia mea pauperibus, et tradidero corpus meum ut ardeam, charitatem autem non habeam, nihil mihi prodest* (*Id. xiii, 3*). Potest enim quisquam hoc facere sine charitate? Potest. Nam qui non habent charitatem, divisorunt unitatem (a). Quærite ibi, et videbitis multos multa tribuere pauperibus; videbitis alios paratos ad suscipiendam mortem, ita ut desistente persecutore, seipsos præcipitent : isti sine dubio sine charitate hoc faciunt. Revocemur ergo ad conscientiam, de qua dicit Apostolus : *Nam gloria nostra hæc est, testimonium conscientiæ nostræ* (*II Cor. i, 12*). Revocemur ad conscientiam, de qua idem dicit : *Opus autem suum probet unusquisque, et tunc in semetipso gloriam habebit, et non in altero* (*Galat. vi, 4*). Opus ergo suum probet unusquisque nostrum, utrum de vena charitatis emanet, utrum de radice dilectionis rami bonorum operum pullulent. *Opus autem suum probet unusquisque*, ait, *et tunc in semetipso gloriam habebit, et non in altero*: non quando illi perhibet testimonium lingua aliena, sed quando perhibet conscientia propria.

3. Hoc ergo hic commendat. *In hoc cognoscimus quia ex veritate sumus*, quando opere et veritate, non verbis et lingua tantum diligimus : et coram ipso persuademus cordi nostro, Quid est, coram ipso? Ubi ipse videt. Unde ipse Dominus in Evangelio : *Cavete, inquit, facere justitiam vestram coram hominibus, ut vi-* (a) Donatistæ.

*deamini ab eis : alioquin mercedem non habebitis apud Patrem vestrum qui in cœlis est. Et quid est, Nesciat sinistra tua quid faciat dextera tua (Matth. vi, 4, 3) : nisi quia dextera, pura conscientia est; sinistra, mundi cupiditas? Multi per cupiditatem mundi multa mira faciunt; sinistra operatur, non dextra. Dextra debet operari, et nesciente sinistra, ut nec misceat se cupiditas sæculi, quando aliquid boni dilectione operamur. Et ubi hoc cognoscimus? Ante Deum es, interroga cor tuum: vide quid fecisti, et quid ibi appetisti; salutem tuam, an laudem hominum ventosam. Intus vide: nam homo judicare non potest quem videre non potest. Si persuaderemus cordi nostro, coram ipso persuadeamus. Quia si male sentiat cor nostrum, id est, accuset nos intus, quia non eo animo facimus quod faciendum sit; major est Deus corde nostro, et novit omnia. Cor tuum abscondis ab homine; a Deo absconde si potes. Quomodo abscondes ab eo, cui dictum est a peccatore quadam timente et confiteente: *Quo ibo a spiritu tuo? et a facie tua quo fugiam?* Quarebat qua fugeret, ut evaderet judicium Dei, et non inveniebat. Ubi enim non est Deus? Si ascendero, inquit, in cœlum, ibi es: si descendero in infernum, ades (Psal. cxxxviii, 7, 8). Quo iturus es? quo fugies? Vis audire consilium? Si vis ab illo fugere, ad ipsum fuge. Ad ipsum fuge confiendo, non ab ipso latendo: latere enim non potes, sed confiteri potes. Dic illi, *Refugium meum es tu* (Psal. xxxi, 7); et nutritur in te dilectio, quæ sola perducit ad vitam. Perhibeat tibi testimonium conscientia tua, quia ex Deo est. Si ex Deo est, noli illam velle ante homines jactare; quia nec laudes hominum te levant in cœlum, nec vituperationes inde te deponunt. Ille videat qui coronat; ille sit testis quo judice coronaris. Major est Deus corde nostro, et novit omnia.*

4. *Dilectissimi, si cor non male senserit, fiduciam habemus ad Deum.* Quid est, cor non male senserit? Verum nobis responderit, quia diligimus, et germana dilectio est in nobis: non ficta, sed sincera; salutem fraternalm quærens, nullum emolumentum exspectans a fratre, nisi salutem ipsius. *Fiduciam habemus ad Deum; et quidquid postulaverimus, accipiemus ab eo, quia mandata ejus servamus.* Ideo non in conspectu hominum, sed ubi ipse Deus videt in corde. *Fiduciam ergo habemus ad Deum; et quidquid postulaverimus, ab eo accipiemus: sed, quia mandata ejus servamus.* Quæ sunt mandata ejus? Numquid semper repetendum est? *Mandatum nostrum do vobis, ut ros invicem diligatis* (Joan. xii, 34). Ipsam charitatem loquitur, ipsam commendat. Quisquis ergo habuerit charitatem fraternalm, et coram Deo habuerit, ubi Deus videt, corque ejus interrogatum sub justo examine, non ei affud responderit, quam germanam ibi esse radicem charitatis, unde boni fructus existant; habet fiduciam apud Deum, et quidquid postulaverit, ab eo accipiet, quia mandata ejus servat.

5. Occurrit quæstio quædam, quia non ille aut ille homo, aut tu aut ego, qui si petiero aliquid a Domino

Deo nostro, et non accepero, facile de me potest dicere unusquisque, Non habet charitatem; et de quolibet homine hujus temporis facile dici potest; et sentiat quis quod vult homo de homine: majorem quæstionem non faciunt, nisi illi viri, quos sanctos constat fuisse cum scriberent, et modo esse cum Deo. Quis habet charitatem, si eam Paulus non habebat, qui dicebat, *Os nostrum patet ad vos, o Corinthi, cor nostrum dilatum est; non angustamini in nobis* (1 Cor. vi, 11, 12); qui dicebat, *Impendar pro animabus vestris* (Id. xii, 15): et tanta gratia in illo erat, ut manifestaretur cum habere charitatem? Invenimus eum tamen petisse, et non accepisse. Quid dicimus, fratres? Quæstio est; intenti estote ad Deum. Magna et ista quæstio est. Quomodo de peccato ubi dictum est, *Qui natus est ex Deo, non peccat* (1 Joan. iii, 9); invenimus hoc esse peccatum violare charitatem, et hoc proprie designatum esse in hoc loco: sic et nunc querimus quid dixerit. Si enim verba attendas, planum videtur; si exempla, obscurum est. Verbis his nihil est planius: « Et quidquid postulaverimus, accipiemus ab eo; quia mandata ejus servamus, et quæ placent illi, in conspectu ejus facimus. Quidquid postulaverimus, » ait, « accipiemus ab eo. » Angustavit vehementer. Quia et ibi angustaret, si diceret omne peccatum: sed ideo invenimus locum exponendi, quia de certo peccato dixit, non de omni; sed de quodam peccato, quod omnis qui ex Deo natus est, non facit: et invenimus ipsum quoddam peccatum violationem esse charitatis. Et habemus exemplum de Evangelio manifestum, quando ait Dominus, *Si non venissem, peccatum non haberent* (Joan. xv, 22). Quid ergo? ad innocentibus Iudeos venerat, quia sic loquitur? Ergo si ipse non veniret, peccatum non haberent? Præsentia ergo medici fecit ægrotum, febrem non abstulit? Quis hoc vel demens dicat? Ille non venit nisi curare et sanare ægrotos. Quare ergo dixit, *Si non venissem, peccatum non haberent, nisi quia certum quoddam peccatum voluit intelligi?* Quoddam enim peccatum non haberent Iudei. Quod peccatum? Quo in eum non crediderunt, quo præsentem contempserunt. Sicut ergo ibi peccatum dixit, et non est consequens ut omne peccatum intelligamus, sed certum peccatum: sic et hic non omne peccatum, ne contrarius sit illi loco ubi ait, *Si dixerimus quia peccatum non habemus, nosmetipsos seducimus, et veritas in nobis non est* (1 Joan. 1, 8); sed certum quoddam peccatum, id est, violationem charitatis. Hic autem plus nos constrinxit: Si petierimus, dixit, si nos non accusaverit cor nostrum, et renuntiaverit in conspectu Dei quia vera dilectio est in nobis; *quidquid postulaverimus, ab eo accipiemus.*

6. Jam ergo dixi Charitati vestræ, fratres, nemo attendat ad nos. Quid enim sumus nos? Aut quid estis vos? Quid, nisi Ecclesia Dei, quæ nota est omnibus? Et si illi placet, in illa sumus; et qui dilectione in illa manemus, ibi perseveremus, si volumus ostendere dilectionem quam habemus. Verumtamen de apostolo Paulo quid mali sensuri sumus? Ipse non diligebat

fratres? Apud ipsum non erat testimonium conscientiae ejus in conspectu Dei? Non erat in Paulo radix illa charitatis, unde omnes boni fructus procedebant? Quis hoc demens dixerit? Ubi ergo invenimus petisse Apostolum et non accepisse? Ait ipse: *In magnitudine revelationum ne extollerat, datus est mihi stimulus carnis meæ, angelus satanae, qui me colaphizet: propter quod ter Dominum rogavi ut auferret eum a me; et dixit mihi, Sufficit tibi gratia mea; nam virtus in infirmitate perficitur* (*Il Cor. xii, 7-9*). Ecce non est exauditus, ut auferret ab illo angelus satanae. Sed quare? Quis non ei proderat. Ergo exauditus est ad salutem, qui non est exauditus ad voluntatem. Noverit magnum sacramentum Charitas vestra; quod ideo commendamus vobis, ne excidit vobis in tentationibus vestris. Sancti ad salutem per omnia exaudiuntur, semper exaudiuntur ad salutem æternam: ipsam desiderant; quia secundum hanc semper exaudiuntur.

7. Sed discernamus exauditiones Dei. Invenimus enim quosdam non exauditos ad voluntatem, exauditos ad salutem: et rursus quosdam invenimus exauditos ad voluntatem, et non exauditos ad salutem. Hoc discernite, hoc tenete exemplum ejus qui non est exauditus ad voluntatem, sed exauditus ad salutem. Audi apostolum Paulum; nam ipsam exauditionem ad salutem ostendit illi Deus: *Sufficit tibi, inquit, gratia mea; nam virtus in infirmitate perficitur. Rogasti, clamasti, ter clamasti: ipsum semel quod clamasti audivi, non averli aures meas a te; novi quid faciam: tu vis auferri medicamentum quo meritis; ego novi infirmitatem qua gravaris. Ergo iste ad salutem exauditus est, ad voluntatem non est exauditus. Quos invenimus exauditos ad voluntatem, non exauditos ad salutem? Invenimus, putamus, aliquem nequam, aliquem impium exauditum a Deo ad voluntatem, non exauditum ad salutem? Si alicujus hominis exemplum posuero, forte dicturus es mihi: Tu illum dicis iniquum, nam justus erat; si justus non esset, a Deo non exaudiiretur. Talem propositurus sum, de cuius iniquitate et impietate nemo dubitet. Diabolus ipse petit Job, et accepit (*Job 1, 11, 12*). Nonne et hic de diabolo audistis quia qui facit peccatum, ex diabolo est (*I Joan. iii, 8*)? Non quia ille crevit, sed quia iste imitatur. Nonne de illo dictum est, *In veritate non stetit* (*Jean. viii, 44*)? Nonne ipse est antiquus ille serpens qui per feminam venenum primo homini propinavit (*Gen. iii, 1-6*)? Qui et ipsi Job feminam propterea servavit, per quam maritus non consolaretur, sed tentaretur (*Job ii, 9*). Ipse diabolus petit sanctum virum tentandum, et accepit: petit Apostolus ut auferretur ab eo stimulus carnis, et non accepit. Sed Apostolus magis exauditus est quam diabolus. Apostolus enim est exauditus ad salutem, etsi non ad voluntatem: diabolus exauditus est ad voluntatem, sed ad damnationem. Ideo enim concessus est iste tentandus, ut eo probato esset ille cruciandus. Sed hoc, fratres, non tantum in veteribus Libris invenimus, sed et in Evangelio. Petierunt dæmones a Domino, cum eos excluderet ab homine, ut ire permitt-*

rentur in porcos. Non ¹ eis posset dicere Dominus, ut nec illuc accederent? Non enim, si nollet, rebellatur contra regem coeli et terræ. Certi tamen mysterii gratia et certa dispensatione dimisit dæmones in porcos (*Luc. viii, 32*), ut ostenderet diabolum in eis dominari, qui vitam porcorum gerunt. Dæmones ergo exauditi sunt, Apostolus non est exauditus? An potius quod verius est dicamus, Imo Apostolus exauditus est, dæmones non sunt exauditi? Illorum voluntas facta est, hujus sanitas perfecta est.

8. Secundum hoc intelligere debemus quia Deus etsi voluntati nostræ non dat, salutem dat. Quid si enim hoc petieris quod tibi obest, et medicus novit quia obest tibi? Non enim non te exaudit medicus, quando forte tu frigidam aquam petis, et si prodest, statim dat; si non prodest, non dat. Non exaudivit, an potius ad sanitatem exaudivit, quia voluntati contradixit? Sit ergo in vobis charitas, fratres; sit in vobis, et securi estote: et quando non vobis datur quod petitis, exaudimini; sed nescitis. Multi dati sunt in manus suas malo suo: de quibus dicit Apostolus, *Tradidit eos Deus in desideria cordis eorum* (*Rom. i, 24*). Petuit aliquis magnam pecuniam; accepit malo suo. Quando illam non habebat, parum timebat; habere illam coepit, præda factus est potentiori. Nonne malo suo exauditus est, qui voluit habere unde a latrone quereretur, quem pauperem nemo quererebat? Discite rogare Deum, ut medico committatis, quod ipse novit faciat. Tu morbum confitearis, ille medicamentum adhibeat. Tu tantum charitatem tene. Nam ille secare vult, urere vult; tu si clamas, et non exaudiris in sectio[n]e, in unctione et tribulatione, novit ille quousque putre est. Tu jam vis revocet manus, et ille vulneris sinum attendit; scit quo usque perveniat. Non te exaudit ad voluntatem, sed exaudit ad sanitatem. Certi ergo estote, fratres mei, quia quod ait Apostolus verum est: *Quid enim oremus, sicut oportet, nescimus; sed ipse Spiritus interpellat gemib[us] inenarrabilib[us], quia ipse interpellat pro sanctis* (*Id. viii, 26, 27*). Quid est, *Ipse Spiritus interpellat pro sanctis*, nisi, ipsa Charitas quæ in te per Spiritum facta est? Ideo enim dicit idem apostolus: *Charitas Dei diffusa est in cordibus nostris per Spiritum sanctum qui datus est nobis* (*Id. v, 5*). Charitas ipsa genit, charitas ipsa orat; contra hanc aures claudere non novit qui illam dedit. Securus esto, charitas roget; et ibi sunt aures Dei. Non fit quod vis, sed fit quod expedit. Ergo *quidquid postulaverimus*, inquit, *accipiemus ab eo*. Jam dixi, si ad salutem intelligas, nulla quæstio est: si non ad salutem, quæstio est, et magna, quæ te calumniantem facit Paulo apostolo. *Quidquid postulaverimus, accipiemus ab eo; quia mandata ejus servamus, et quæ placent illi, in conspectu ejus facimus. In conspectu ejus, intus ubi videt.*

9. Et quæ illa mandata sunt? *Hoc est*, inquit, *mandatum illius, ut credamus nomini Filii ejus Iesu Christi, et diligamus invicem*. Videtis quia hoc est mandatum, videtis quia contra hoc mandatum qui facit, peccatum

¹ Ex. Lugd. et Ven., Norme. M.

facit, quo caret omnis qui natus est ex Deo. *Sicut dedit nobis mandatum: ut diligamus invicem. Et qui servaverit mandatum ejus: videtis quia nihil aliud nobis præcipitur, nisi ut diligamus invicem: Et qui servaverit mandatum ejus, in ipso manebit, et ipse in eo.* Et in hoc cognoscimus quia manet in nobis de Spiritu quem dedit nobis. Nonne manifestum est quia hoc agit Spiritus sanctus in homine, ut sit in illo dilectio et charitas? Nonne manifestum est quod ait apostolus Paulus: *Charitas Dei diffusa est in cordibus nostris per Spiritum sanctum qui datus est nobis?* De charitate enim loquebatur, et dicebat quia in conspectu Dei debemus interrogare cor nostrum. *Quod si non male senserit cor nostrum:* id est, si confiteatur quia de dilectione fratris sit, quidquid sit in bono opere. Accessit etiam quod de mandato cum diceret, hoc ait: *Hoc est mandatum ejus, ut credamus nomini Filii ejus Iesu Christi, et diligamus invicem.* Et qui facit mandatum ejus, in ipso manet, et ipse in eo. In hoc cognoscimus quia manet in nobis de Spiritu quem dedit nobis. Si enim inveneris te habere charitatem, habes Spiritum Dei ad intelligendum: valde enim necessaria res est.

10. Primit temporibus cadebat super credentes Spiritus sanctus; et loquebantur linguis quas non didicerant, quomodo Spiritus dabat eis pronuntiare. Signa erant tempori opportuna. Oportebat enim ita significari in omnibus linguis Spiritum sanctum, quia Evangelium Dei per omnes linguas cursurum erat toto orbe terrarum. Significatum est illud, et transiit. Numquid modo quibus imponitur manus ut accipiant Spiritum sanctum, hoc exspectatur, ut linguis loquantur? Aut quando imposuimus manum istis infantibus, attendit unusquisque vestrum utrum linguis loquerentur; et cum videret eos linguis non loqui, ita perverso corde aliquis vestrum fuit ut diceret: Non acceperunt isti Spiritum sanctum; nam si accepissent, linguis loquerentur quemadmodum tunc factum est? Si ergo per hæc miracula non fiat modo testimonium presentiæ Spiritus sancti; unde sit, unde cognoscit quisque accepisse se Spiritum sanctum? Interroget cor suum: si diligit fratrem, manet Spiritus Dei in illo. Videat, probet seipsum coram oculis Dei; videat si est in illo dilectio pacis et unitatis, dilectio Ecclesiæ toto terrarum orbe diffusa. Non attendat eum solum diligere fratrem quem attendit ante se: multos enim non videntur fratres nostros, et in unitate Spiritus illis copulamur. Quid mirum quia nobiscum non sunt? In uno corpore sumus, unum caput habemus in cœlo. Fratres, oculi nostri non se vident, quasi non se norunt. An in charitate compaginis corporalis non norunt se? Nam, ut noveritis quia in conjunctione charitatis se norunt: quando ambo patent, non licet ut aliquid attendat dexter, quod non attendat sinister. Dirige radium dextrum sine altero, si potes. Simul coeunt, simul diriguntur; intentio una est, loca diversa sunt. Si ergo omnes qui tecum diligunt Deum, unam intentionem tecum habent, noli attendere quia corpore in loco separatis es; aciem cordis simul fixistis in lumine veritatis. Ergo si vis nosse quia accepisti Spiritum,

PATROL. XXXV.

interroga cor tuum; ne forte sacramentum habes, et virtutem sacramenti non habes¹. Interroga cor tuum, si est ibi dilectio fratris, securus esto. Non potest esse dilectio sine Spiritu Dei: quia Paulus clamat, *Charitas Dei diffusa est in cordibus nostris per Spiritum sanctum qui datus est nobis.*

11. *Dilectissimi, nolite omni spiritui credere.* Quia dixerat, *In hoc cognoscimus quia manet in nobis de Spiritu quem dedit nobis.* Unde autem cognoscitur ipse Spiritus attendite: *Dilectissimi, nolite omni spiritui credere, sed probate spiritus si ex Deo sunt.* Et quis est qui probat spiritus? Difficilem rem nobis propositum, fratres mei: bonum est nobis ut dicat ipse unde discernamus. Dicturus est; ne formidetis: sed primo vide, attendite; videte hinc exprimi illud unde vani heretici calumniantur. Attendite, videte quid ait, *Dilectissimi, nolite omni spiritui credere, sed probate spiritus si ex Deo sunt.* Spiritus sanctius nomine aquæ appellatus est in Evangelio, Domino clamante et dicente: *Si quis sit, veniat ad me, et bibat: qui credit in me, flumina aquæ vivæ fluent de ventre ejus.* Evangelista autem exposuit unde diceret: secutus enim ait, *Hoc autem dicebat de Spiritu quem accepturi erant qui in eum erant crediti.* Quare non multos baptizavit Dominus? Sed quid ait? *Spiritus autem nondum erat datus, quia Jesus nondum erat clarificatus* (Joan. vii, 37-39). Quia ergo illi Baptismum habebant, et Spiritum sanctum nondum acceperant, quem die Pentecostes misit Dominus de celo; ut daretur Spiritus, exspectabatur clarificatio Domini. Et antequam clarificaretur, et antequam mitteret eum, invitabat tamen homines ut se prepararent ad accipiendam aquam, de qua dixit, *Qui sit, veniat et bibat;* et, *Qui credit in me, flumina aquæ vivæ fluent de ventre ejus.* Quid est, flumina aquæ vivæ? quid est illa aqua? Nemo me interroget; Evangelium interroga. *Hoc autem dicebat, ait, de Spiritu quem accepturi erant hi qui in eum erant crediti.* Aliud est ergo aqua Sacramenti, aliud aqua quæ significat Spiritum Dei. Aqua Sacramenti visibilis est; aqua Spiritus invisibilis. Ista abluit corpus, et significat quod sit in anima: per illum Spiritum ipsa anima mundatur et saginatur. Ipse est Spiritus Dei, quem non possunt habere heretici, et quicumque se ab Ecclesia præcidunt. Et quicumque non aperie præcidunt, sed per iniuriam præcisi sunt, et intus tanquam paleæ volvuntur, et grana non sunt, non habent istum Spiritum. Iste Spiritus nomine aquæ a Domino significatus est: et audivimus ab hac Epistola, *Nolite omni spiritui credere;* et testantur verba illa Salomonis, *Ab aqua aliena abstine te.* Quid est aqua? Spiritus. Numquid semper aqua Spiritum significat? Non semper: sed quibusdam locis Spiritum significat, quibusdam locis Baptismum significat, quibusdam locis populos significat, quibusdam locis consilium significat. Habes quodam loco dictum, *Fons rite consilium, possidentibus eum* (Prov. xvi, 22). Ergo per diversa loca Scripturarum nomen aquæ diversa

¹ Fr. Lugd. et Ven., ne forte cum sacramentum habes, et ritulum sacramenti non habeas. Lov. bis ferunt, habeas M.

(Soixante-quatre.)

significat. Nunc tamen nomine aquæ Spiritum sanctum audistis, non ex interpretatione nostra, sed ex Evangelico testimonio, ubi ait : *Hoc autem dicebat de Spiritu quem erant accepturi hi qui in eum erant credituri.* Si ergo aquæ nomine significatur Spiritus sanctus, et dicit nobis Epistola ista, *Nolite omni spiritui credere, sed probate spiritus si ex Deo sunt*; intelligamus inde dictum esse, *Ab aqua aliena abstine te, et de fonte alieno ne biberis* (*Prov. ix, 18, sec. LXX.*). Quid est, de fonte alieno ne biberis? Spiritui alieno ne credideris.

12. Restat ergo examen, unde probetur quia Spiritus Dei est. Posuit quidem signum, et hoc fortasse difficile; videamus tamen. Ad illam charitatem redituri sumus; ipsa est qua nos docet, quia ipsa est unitio. Tamen hic quid ait? *Probate spiritus si ex Deo sunt: quia multi pseudoprophetae exierunt in istum mundum.* Jam ibi sunt omnes harretici et omnes schismati. Quomodo ergo probo spiritum? Sequitur, *In hoc cognoscitur Spiritus Dei.* Erigit aures cordis. Laborabamus, et dicebamus, Quis novit? quis discernit? Ecce dicturus est signum. *In hoc cognoscitur Spiritus Dei: omnis spiritus qui confitetur Iesum Christum in carne venisse, ex Deo est.* Et omnis spiritus qui non confitetur Iesum Christum in carne venisse, non est ex Deo: et hic est antichristus, de quo audistis quod venturus sit; et nunc in isto mundo est. Quasi eriguntur aures ad discernendos spiritus; et tale quiddam audivimus, unde nihilominus non discernamus. Quid enim ait? *Omnis spiritus qui confitetur Iesum Christum in carne venisse, ex Deo est.* Ergo spiritus qui est apud haereticos, ex Deo est; quia confitentur Iesum Christum in carne venisse? Jam hic erigunt se forte adversus nos, et dicunt: Vos non habetis spiritum ex Deo; sed nos confitemur Iesum Christum in carne venisse: iste autem illos negavit Spiritum Dei habere, qui non confitentur Iesum Christum in carne venisse. Quære ab Arianis; confitentur Iesum Christum in carne venisse: quære ab Eunomianis; confitentur Iesum Christum in carne venisse: quære a Macedonianis; confitentur Iesum Christum in carne venisse: interroga Cataphrygas; confitentur Iesum Christum in carne venisse: interroga Novatianos; confitentur Iesum Christum in carne venisse. Omnes ergo istæ haereses Spiritum Dei habent? Non ergo pseudoprophetae sunt? nulla est ergo ibi deceptio, nulla est ibi seductio? Certe antichristi sunt, qui ex nobis exierunt, sed non erant ex nobis.

13. Quid ergo facimus? unde discernimus? Intentiate; emus simul corde, et pulsemus. Vigilat ipsa charitas, quia ipsa pulsatura est, ipsa apertura: modo intelligitis in nomine Domini nostri Iesu Christi. Jam superius audistis quia dictum est, *Qui negat Iesum Christum in carne venisse, hic est antichristus* (*I Joan. ii, 19, 22.*) Et ibi quæsivimus, quis neget; quia nec nos negamus, nec illi negant. Et invenimus quosdam factis negare (*Supra, Tract. 3, n. 7-9;*) et adhibuimus testimonium de Apostolo, qui ait, *Confitentur enim se nosse Deum, factis autem negant* (*Tit. i, 16.*).

Sic ergo et modo queramus in factis, non in lingua. Quis est spiritus qui non est ex Deo? *Qui negat Iesum Christum in carne venisse.* Et quis est spiritus qui est ex Deo? *Qui confitetur Iesum Christum in carne venisse.* Quis est qui confitetur Iesum Christum in carne venisse? Eia, fratres, opera attendamus, non strepitum lingue. Queramus quare venerit in carne Christus, et invenimus qui eum negant in carne venisse. Nam si linguas attendas, multas haereses auditorus es confitentes Christum in carne venisse: sed convincit illos veritas. Quare venit Christus in carne? Nonne Deus erat? Nonne de illo scriptum est, *In principio erat Verbum, et Verbum erat apud Deum, et Deus erat Verbum* (*Joan. i, 1*)? Nonne ipse pascebatur Angelos, et ipse pascit Angelos? Nonne sic huc venit, ut inde non recederet? Nonne sic ascendit, ut nos non dimitteret? Quare ergo venit in carne? Quia oportebat nobis ostendi spem resurrectionis. Deus erat, et in carne venit; Deus enim mori non poterat, caro mori poterat; ideo ergo venit in carne, ut moretur pro nobis. Quemadmodum autem mortuus est pro nobis? *Majorem hac charitatem nemo habet, quam ut animam suam ponat pro amicis suis* (*Id. xv, 13.*) Charitas ergo illum adduxit ad carnem. Quisquis ergo non habet charitatem, negat Christum in carne venisse. Hic nunc jam interroga omnes haereticos, Christus venit in carne? Venit; hoc credo, hoc confiteor. In hoc negas. Unde nego? audis quia hoc dico. In ego convinco quia negas. Dicis voce, negas corde; dicis verbis, negas factis. Quomodo, inquis, nego factis? Quia ideo venit in carne Christus, ut moreretur pro nobis. Ideo mortuus est pro nobis, quia charitatem multam docuit: *Majorem hac charitatem nemo habet, quam ut animam suam ponat pro amicis suis.* Tu non habes charitatem; quia pro honore tuo dividis unitatem. Ergo hinc intelligite spiritum ex Deo. Pulsate, tangite vasa fictilia, ne forte crepuerint et male resonent: videte si integre sonant, videte si ibi est charitas. Tollis te ab unitate orbis terrarum, dividis Ecclesiam per schismata, dilanias corpus Christi. Ille venit in carne, ut colligat: tu ideo clamans, ut sparegas. Ergo ipse est Spiritus Dei, qui dicit Iesum in carne venisse: qui dicit non lingua, sed factis; qui dicit non sonando, sed amando. Ille autem non est spiritus Dei, qui negat Iesum Christum in carne venisse: negat et ipse non lingua, sed vita; non verbis, sed factis. Manifestum est ergo unde cognoscamus fratres. Multi intus, quasi intus sunt; nemo autem fors, nisi vere foris.

14. Adeo ut noveritis quia ad facta retulit, *Et omnis spiritus, ait, qui solvit Christum, in carne venisse*¹, non est ex Deo. Solvere factis intelligitur. Quid tibi ostendit? qui negat; quia dixit, *solvit*². Ille venit colligere, tu venis solvere. Distringere vis membra Christi. Quomodo non negas Christum in carne venisse, qui disrumpis Ecclesiam Dei, quam ille con-

¹ In Er. Lugd. et Ven. desunt verba, in carne venisse; licet Lov. ea in MSS. esse contendant. M.

² Er. Lugd. Ven. Lov.: quid tibi ostendit qui negat, quia dixit: *solvit?* M.

gregavit? Contra Christum ergo venis; antichristus es. Intus sis, foris sis; antichristus es: sed quando intus es, lates, quando foris es, manifestaris. Solvis Iesum, et negas eum in carne venisse; non es ex Deo. Ideo dicit in Evangelio: *Qui solverit unum de mandatis istis minime, et docuerit sic, minimus vocabitur in regno cælorum.* Quid est, solvitur? quid est, docetur? Solvitur factis, et docetur quasi verbis. *Qui prædictas non furandum, furaris (Rom. ii, 21).* Solvit ergo in facto qui furatur, et quasi docet sic; *minimus vocabitur in regno cælorum,* id est, in Ecclesia hujus temporis. De illo dictum est, *Quæ dicunt facie; quæ autem faciunt, facere nolite (Math. xxiii, 3).* Qui autem fecerit, et sic docuerit, *magnus vocabitur in regno cælorum (Id. v, 19).* Ex eo quod dixit hic, fecerit, contra hoc ibi dixit, *solverit,* id est, non fecerit, et docuerit sic. Ille ergo solvit qui non facit. Quid nos docet, nisi ut facta interrogeremus, non verba credamus? Obscuritas rerum multa nos cogit dicere: maxime ut illud quod Dominus revelare dignatur, etiam ad tardiores fratres perveniat; quia omnes Christi sanguine comparati sunt. Et vereor ne ipsa Epistola istis diebus, sicut promiseram, non finiatur: sed quod Domino placet, melius est servare reliquias, quam onerare corda nimio cibo.

TRACTATUS VII.

Ab eo quod sequitur, Jam vos ex Deo estis filioli; usque ad id, Deum nemo vidit unquam. Cap. iv, §. 4-12.

1. Mundus iste omnibus fidelibus querentibus patriam sic est, quomodo fuit eremus populo Israel. Errabant quidem adhuc, et patriam quererebant: sed duce Deo errare non poterant. Via illis fuit jussio Dei¹. Nam ubi per quadraginta annos circumierunt, paucissimis mansionibus consicitur iter ipsum, et notum est omnibus. Tardabantur, quia exercabantur, non quia deserebantur. Quod ergo nobis promittit Deus, ineffabilis dulcedo est, et bonum, sicut Scriptura dicit, et sc̄pē nobis commemorantibus audistis, *quod oculus non vidit, nec auris audivit, nec in cor hominis ascendit (Isai. lxiv, 4; 1 Cor. ii, 9).* Laboribus autem temporalibus exercemur, et temptationibus vita præsentis erudimur. Sed si non vultis in ista eremo siti mori, bibite charitatem. Fons est quem voluit Dominus hic ponere, ne deficiamus in via: et abundantius eum bibemus, cum ad patriam venerimus. Modo Evangelium lectum est; ut de ipsis verbis, quibus lectio terminata est dicam, quid aliud nisi de charitate audistis? Quandoquidem pactum fecimus cum Deo nostro in oratione, ut si volumus ut dimittat nobis peccata nostra, dimittamus et nos peccata quæ in nos fuerint commissa (Math. vi, 12). Non autem dimittit nisi charitas. Tolle charitatem de corde; odium tenet, ignoroscere non novit. Sit ibi charitas, secura ignoroscit, quæ non angustatur. Epistola autem ista tota, quam suscepimus tractandam vobis, videte si aliud aliquid commendat quam ipsam unam charitatem. Nec timendum est ne sc̄pē dicendo in odium

¹ sic in MSS. At in editis, *nōs* Dicitur.

veniat. Quid enim amat, si charitas in odium veniat? Quia charitate fit¹ ut ex altera bene amentur, ipsa quomodo amanda est? Res ergo quæ nunquam debet de corde discedere, nec ab ore discedat.

2. *Jam vos, inquit, ex Deo estis filioli, et vicistis eum:* quem, nisi Antichristum? Superioris enim dixerat, *Omnis qui solvit Iesum Christum et negat eum in carne venisse, non est ex Deo (Joan. iv, 3).* Exposuimus autem, si meministis, quia omnes negant Jesum Christum in carne venisse, qui violent charitatem. Jesus enim non opus erat ut veniret, nisi propter charitatem. Charitas enim nobis illa commendatur, quam et ipse in Evangelio commendat: *Majorem hac dilectionem nemo potest habere, quam ut animam suam ponat pro amicis suis (Id. xv, 13).* Quomodo poterat Filius Dei animam suam ponere pro nobis, nisi carne indueretur, ubi mori posset? Quisquis ergo violat charitatem, quodlibet dicat lingua, vita ipsius negat Christum in carne venisse; et iste est antichristus, ubi cumque fuerit, quocumque intraverit. Sed quid dicit eis qui cives sunt illius patriæ cui suspiramus? *Vicistis eum.* Et unde vicirunt? *Quia major est qui est in vobis, quam qui in hoc mundo.* Ne victoriam suis viribus tribuerent, et arrogantia superbie vincerentur (quemcumque enim diabolus superbum fecerit, vincit), volens eos servare humilitatem, quid ait? *Vicistis eum.* Jam omnis homo qui audit, *Vicistis,* erigit caput, erigit cervicem, laudari se vult. Noli te extollere, vide quis in te vicit. Quare vicisti? *Quia major est qui est in vobis, quam qui in hoc mundo.* Esto humilis, porta Dominum tuum; esto jumentum sessoris tui. Bonum tibi est ut ipse regat, et ipse ducat. Nam si ipsum sessorem non habueris, cervicem erigere potes, calces potes mittere: sed va tibi sine rectore; quia libertas ista in bestias te mittit comedendum.

3. *Hi de mundo sunt.* Qui? Antichristi. Jam audistis qui sint. Et si non estis, cognoscitis eos: quisquis autem hoc est, non cognoscit. *Hi de mundo loquuntur, et mundus eos audit.* Qui sunt qui de mundo loquuntur? Attendite qui² contra charitatem. Ecce audistis Dominum dicentem, *Si dimiseritis peccata hominibus, dimittet vobis et Pater vester cœlestis peccata vestra: si autem non dimiseritis, nec Pater vester dimittet vobis peccata vestra (Math. vi, 14, 15).* Sententia est veritatis: aut si non veritas loquitur, contradic. Si christianus es, et credis Christo, ipse dixit, *Ego sum veritas (Joan. xiv, 6).* Sententia ista vera est, firma est. Jam audi homines de mundo loquentes. Et non te vindicaturus es, et dicturus est ille quia fecit tibi? Imo sentias quia cum viro habet³ Quotidie dicuntur ista. De mundo loquuntur qui isti dicunt; et mundus eos audit. Nec dicunt ista nisi qui diligunt mundum; neque audiuntur ista nisi ab his qui diligunt mundum. Et qui diligit mundum, et negligit charitatem, audistis quia negat Jesum in carne venisse. Aut si fecit illud in carne ipse Dominus? Si

¹ Er. Lugd. Ven. Lov., *Quia charitate fit.* M.

² Sic duo MSS. At alii cum editis omittunt, qui.

³ Er., *rem habet.* Lov. verbum, rem, non in MSS. legi affrancant. M.

cum expalmaretur, voluit se vindicari? Si cum in cruce ponderaret, non dixit, *Pater, ignosce illis, quia nesciunt quid faciunt* (*Luc. xxii, 34*). Si autem non minabatur qui potestatem habebat; tu quid minaris, quid sufflas¹ in potestate aliena constitutus? Ille quia voluit mortuus est, et non minabatur; tu nescis quando morieris, et minaris?

4. *Nos ex Deo sumus.* Videamus quare: videte si propter aliud quam propter charitatem. *Nos ex Deo sumus. Qui novit Deum, audit nos: qui non est ex Deo, non nos audit.* Ex hoc cognoscimus spiritum veritatis et erroris. Quia qui audit nos, spiritum habet veritatis: qui non audit nos, spiritum habet erroris. Videamus quid monet, et audiamus cum potius in spiritu veritatis monentem; non antichristos, non amatores mundi, non mundum: si ex Deo nati sumus, *Dilectissimi*, sequitur supra, videte quid: *Nos ex Deo sumus. Qui novit Deum, audit nos: qui non est ex Deo, non nos audit.* Ex hoc cognoscitur spiritus veritatis et erroris. Jam ergo intentos nos fecit: quia qui novit Deum, ipse audit; qui autem non novit, non audit: et haec discrecio est spiritus veritatis et erroris. Videamus quid monitorus est, in quo illum audire debeamus. *Dilectissimi, diligamus invicem.* Quare? quia homo monet? *Quia dilectio ex Deo est.* Multum commendavit dilectionem, quia dixit ex Deo est: plus dicatur est, intente audiamus. Modo dixit, *Dilectio ex Deo est: et omnis qui diligit, ex Deo natus est, et cognovit Deum. Qui non diligit, non novit Deum.* Quare? *Quia Deus dilectio est.* Quid amplius dici potuit, fratres? Si nihil de laude dilectionis diceretur per omnes istas paginas hujus Epistolae, si nihil omnino per ceteras paginas Scripturarum, et hoc solum unum audiремus de voce Spiritus Dei, *Quia Deus dilectio est;* nihil amplius querere deberemus.

5. Jam videte quia facere contra dilectionem, facere contra Deum est. Nemo dicat: In hominem pecco, quando non diligo fratrem meum (intendite); et facile est peccatum in hominem, in Deum solum non pecarem. Quomodo non peccas in Deum, quando in dilectionem peccas? *Deus dilectio est.* Numquid nos dicimus? Si nos diceremus, *Deus dilectio est;* forte scandalizaretur aliquis ex vobis, et diceret. Quid dixit? quid voluit dicere, quia *Deus dilectio est?* Dedit dilectionem Deus, donavit Deus dilectionem. *Ex Deo est dilectio: Deus dilectio est.* Ecce habetis, fratres, Scripturas Dei: canonica est ista Epistola; per omnes gentes recitatur, orbis terrarum ipsa ædificavit. Audis hic ab Spiritu Dei, *Deus dilectio est.* Jam si audes, fac contra Deum, et noli diligere fratrem tuum.

6. Quomodo ergo jamdudum, *Dilectio ex Deo est;* et modo, *Dilectio Deus est?* Est enim Deus Pater et Filius et Spiritus sanctus: Filius, Deus ex Deo; Spiritus sanctus, Deus ex Deo; et hi tres unus Deus, non tres dii. Si Filius Deus, et Spiritus sanctus Deus, et ille diligit in quo habitat Spiritus sanctus: ergo dilectio Deus est; sed Deus quia ex Deo. Utrumque

enim habes in Epistola; et, *Dilectio ex Deo est, et, Dilectio Deus est.* De solo Patre Scriptura non novit dicere quia ex Deo est. Cum autem audis, ex Deo; aut Filius intelligitur, aut Spiritus sanctus. Quia vero dicit Apostolus, *Charitas Dei diffusa est in cordibus nostris per Spiritum sanctum qui datus est nobis.* (*Rom. v, 5*); intelligamus in dilectione Spiritum sanctum esse. Ipse est enim Spiritus sanctus, quem non possunt accipere mali; ipse est ille fons de quo dicit Scriptura, *Fons aquæ tuæ sit tibi proprius, et nemo alienus communicet tibi* (*Prov. v, 16, 17*). Omnes enim qui non diligunt Deum, alieni sunt, anti-christi sunt. Et quamvis intrent basilicas, non possunt numerari inter filios Dei; non ad illos pertinet fons ille vitæ. Habere Baptismum et malus potest; habere prophetiam et malus potest. Invenimus Saülem regem habuisse prophetiam: persecutus est sanctum David, et impletus est Spiritu prophetiarum, et prophetare coepit (*I Reg. xix*). Accipere Sacramentum corporis et sanguinis Domini et malus potest: nam de talibus dictum est, *Qui manducat et bibit indignus, iudicium sibi manducat et bibit* (*I Cor. xi, 29*). Habere nomen Christi et malus potest; id est, christianus vocari et malus potest: de quibus dictum est, *Pollueant nomen Dei sui* (*Ezech. xxxvi, 20*). Ergo habere sacramenta ista omnia et malus potest; habere autem charitatem, et malus esse, non potest. Hoc est ergo proprium donum; ipse est singularis fons. Ad hunc bibendum, vos hortatur Spiritus Dei; ad se bibendum vos hortatur Spiritus Dei.

7. *In hoc manifestata est dilectio Dei in nobis.* Ecce, ut diligamus Deum, hortationem habemus. Possemus illum diligere, nisi prior ille diligenter? Si piger eramus ad amandum, non simus piger ad redamandum. Prior amavit nos; nec sic nos amamus. Iniquos amavit, sed iniquitatem solvit: iniquos amavit, sed non ad iniquitatem congregavit. Ægrotos amavit, sed sanandos visitavit. *Deus ergo dilectio est.* *In hoc manifestata est dilectio Dei in nobis, quia Filium suum unigenitum misit in hunc mundum, ut vivamus per ipsum.* Quomodo ipse Dominus ait, *Majorem dilectionem nemo potest habere, quam ut animam suam ponat pro amicis suis;* et ibi probata est dilectio Christi in nos, quia mortuus est pro nobis. Dilectio Patris unde probata est in nos? Quia Filium suum unicum misit mori pro nobis: sic et Paulus apostolus dicit, *Qui Filio proprio non pepercit, sed pro nobis omnibus tradidit eum, quomodo non et cum illo omnia nobis donavit* (*Rom. viii, 32*)? Ecce Christum tradidit Pater, tradidit Judas; numquid non quasi simile factum videatur? Traditor est Judas: ergo traditor est et Deus Pater? Absit, inquis. Non dico, sed Apostolus dicit: *Qui Filio proprio non pepercit, sed pro nobis omnibus tradidit eum.* Et Pater illum tradidit, et ipse se tradidit. Ait idem apostolus: *Qui me dilexit, et tradidit seipsum pro me* (*Galat. ii, 20*). Si Pater tradidit Filium, et tradidit seipsum Filius, Judas quid fecit? Facta est traditio a Patre, facta est traditio a Filio, facta est traditio a Jada; una res facta est: sed quæ

¹ Lov., inflari. At MSS. cum Am. et Er., sufflas.

res discernit Patrem tradentem Filium, scipsum Filium tradentem, et Judam discipulum tradentem magistrum sumi? Quia hoc fecit Pater et Filius in charitate; fecit autem hoc Judas in proditione. Videtis quia non quid faciat homo, considerandum est; sed quo animo et voluntate faciat. In eodem facto invenimus Deum Patrem, in quo invenimus Judam; Patrem benedicimus, Judam detestamur. Quare Patrem benedicimus, Judam detestamur? Benedicimus charitatem, detestamur iniquitatem. Quantum enim præstitum est generi humano de tradito Christo? Numquid hoc cogitavit Judas ut tradiceret? Deus cogitavit salutem nostram qua redempti sumus; Judas cogitavit premium quo vendidit Dominum. Filius ipse cogitavit premium quod dedit pro nobis; Judas cogitavit premium quod accepit ut venderet. Diversa ergo intentio diversa facta fecit. Cum sit una res, ex diversis eam intentionibus si metiamur, unum amandum, alterum damnandum; unum glorificandum, alterum detestandum invenimus. Tantum valet charitas. Vide quia sola discernit, videte quia facta hominum sola distinguit.

8. Illoc diximus in similibus factis. In diversis factis, invenimus sevientem hominem factum de charitate; et blandum factum de iniquitate. Puerum credit pater, et mangi blanditur. Si duas res proponas, plagas et blandimenta; quis non eligat blandimenta, et fugiat plagas? Si personas attendas, charitas cedit, blanditur iniquitas. Vide quid commendatus, quia non discernuntur facta hominum, nisi de radice charitatis. Nam multa fieri possunt quae speciem habent bonam, et non procedunt de radice charitatis. Habent enim et spine flores: quædam vero videntur aspera, videntur truculenta; sed sunt ad disciplinam dictante charitate. Semel ergo breve præceptum tibi præcipitur, Uilige, et quod vis fac: sive taceas, dilectione tacens; sive clamis, dilectione clamans¹; sive emendes, dilectione emendes; sive parcas, dilectione parcas: radix sit intus dilectionis, non potest de ista radice nisi bonum existere.

9. In hoc est dilectio. In hoc manifestata est dilectio Dei in nobis, quia Deus Filium suum misit unigenitum in hunc mundum, ut vivamus per ipsum. In hoc est dilectio, non quia nos dileximus, sed quia ipse dilexit nos. Non illum dileximus prius: nam ad hoc nos dilexit, ut diligamus eum. Et misit Filium suum litatorem pro peccatis nostris: litatorem, sacrificatorem. Sacrificavit² pro peccatis nostris. Ubi invenit hostiam? ubi invenit victimam quam puram volebat offerre? Aliud non invenit, seipsum obtulit. Diligissimi, si ita Deus dilexit nos, debemus et nos invicem diligere. Petre, inquit, amas me? Et ille dixit: Amo. Pasce oves meas (Joan. xxi. 15-17).

10. Deum nemo vidit unquam: res est invisibilis; non oculo, sed corde querendus est. Sed quemad-

modum si solem istum videre vellemus, oculum corporis purgaremus, unde videri lux potest; volentes videri Deum, oculum quo Deus videri potest, purgemos. Ubi est iste oculus? Audi Evangelium: Beati mundo corde, quoniam ipsi Deum videbunt (Matth. v, 8). Sed nemo sibi pro concupiscentia oculorum cogitet Deum. Facit enim sibi aut ingentem formam, aut magnitudinem aliquam inestimabilem distendit per locos, velut lucem istam quam videt his oculis, auget per campos quantum potest; aut facit sibi aliquem quasi venerabilis formæ senem. Nihil horum cogites. Est quod cogites, si vis videre Deum: Deus Dilectio est. Qualem faciem habet dilectio? qualem formam habet? qualem staturam habet? quales pedes habet? quales manus habet? Nemo potest dicere. Habet tamen pedes; nam ipsi ducunt ad Ecclesiam: habet manus; nam ipsæ pauperi porrigit: habet oculos; nam inde intelligitur ille qui egit: Beatus, inquit, qui intelligit super egenum et pauperem (Psal. xl, 2). Habet aures, de quibus dicit Dominus, Qui habet aures audiendi, audiat (Euo. viii, 8): Non sunt membra distincta per locos, sed intellectu totum simul videt qui habet charitatem. Habita, et inhabitaberis; manc, et manebitur in te. Quid enim, fratres mei, quis amat quod non videt? Quare autem quando laudatur charitas, erigimini, acclamatis, laudatis? Quid vobis ostendi? aliquos colores protuli? aurum et argentum proposui? gemmas de thesauris effodi? Quid tale ostendi oculis vestris? numquid facies mea mutata est cum loquor? Carnem gero, in ipsa forma sum in qua processi, in ipsa forma estis in qua venistis: laudatur charitas, et clamatis. Certe nihil videtis. Sed quomodo vobis placet quando laudatis, sic vobis placeat ut in corde servetis. Intendite enim quid dicam, fratres: exhortor vos, quantum dat Dominus, ad magnum thesaurum. Si vobis ostenderetus aliquod vasculum anaglyplum, inauratum, operose factum, et illiceret oculos vestros, et diceret in se intentionem cordis vestri, et placeret vobis manus artificis, et pondus argenti, et splendor metalli; nonne unusquisque vestrum diceret, O si haberem vasculum istud? Et sine causa diceretis, in potestate enim vestra non erat. Aut si quisquam vellat habere, cogitaret illud de domo aliena furari. Laudatur charitas vobis; si placet, habete, possidete: non opus est ut furtum alicui faciatis, non opus est ut emere cogitatis; gratis constat. Tenete eam, amplectiunimi eam; dulcius illa nihil est. Si cum commemoratur talis est, cum habetur qualis est?

11. Si qui forte vultis servare charitatem, fratres, ante omnia ne putetis abjectam et desidiosam; nec quadam mansuetudine, imo non mansuetudine, sed remissione et negligencia servari charitatem. Non sic servatur. Non putas tunc te amare servum tuum, quando eum non cedis; aut tunc te amare filium tuum, quando ei non das disciplinam; aut tunc te amare vicinum tuum, quando eum non corripis: non est ista charitas, sed languor. Fervet charitas ad corrigendum, ad emendandum: sed si sunt boni

¹ Plurique MSS.: sive taces, dilectione taces; sive clamas, dilectione clamans. Et sic constanter habent, emendas, parcis.

² Lov., sacrificatorem significat. M.

mores, delectent; si sunt mali, emendentur, corrigitur. Noli in homine amare errorem, sed hominem: hominem enim Deus fecit, errorem ipse homo fecit. Ama illud quod Deus fecit, noli amare quod ipse homo fecit. Cum illud amas, illud tollis: cum illud diligis, illud emendas. Sed etsi sœvis aliquando, propter correctionis dilectionem. Propterea de columba demonstrata est charitas, quæ venit super Dominum (*Math. iii, 16*). Species illa columba¹, in qua specie venit Spiritus sanctus quo nobis charitas infunderetur. Quare hoc? Fel columba non habet: tamen rostro et pennis pro nido pugnat, sine amaritudine sœvit. Hoc facit et pater: quando filium castigat, ad disciplinam castigat. Sicut dixi, seductor ut vendat, cum amaritudine blanditur: pater ut corrigat, sine felle castigat. Tales estote ad omnes. Videte, fratres, magnum documentum, magnam regulam: Unusquisque habet filios, aut habere vult; aut si omnino decrevit filios non habere carnaliter, vel spiritualiter cupit habere: quis est qui non corrigit filium suum? quis est cui non det disciplinam pater (*Hebr. XII, 7*)? Et tamen sœvire videtur. Amor sœvil, charitas sœvit: sœvit quodam modo sine felle, more columbino, non corvino. Unde venit in mentem, fratres mei, dicere vobis quia illi violatores charitatis schisma fecerunt: quomodo oderunt ipsam charitatem, sic oderant et columbam. Sed convincit illos columba: procedit de cœlo, aperiuntur cœli, et manet super caput Domini. Utquid hoc? Ut audiat, *Hic est qui baptizat* (*Joan. i, 33*). Recedite, prædones; recedite, invasores possessionis Christi. In possessionibus vestris, ubi dominari vultis, titulos potentis ausi estis infigere. Cognoscit ille titulos suos; vindicat sibi possessionem suam: non delet titulos, sed intrat et possidet. Sic ad Catholicam venienti, non deletur Baptismus, ne titulus imperatoris deleatur. Sed quid sit in Catholicâ? Agnoscitur titulus; intrat possessio sub titulis suis, quo intrabat prædo sub titulis alienis.

TRACTATUS VII.

De eo quod sequitur, Si diligamus invicem, Deus in nobis manebit; usque ad id, Deus dilectio est; et qui manet in dilectione, in Deo manet, et Deus in eo. Cap. iv, §. 12-16.

1. Dilectio dulce verbum, sed dulcius factum. Semper de illa loqui non possumus. Multa enim agimus, et diversæ actiones distendunt nos, ut non vacet lingua nostræ semper de dilectione loqui: nam nihil melius ageret lingua nostra. Sed de qua semper loqui non licet, semper eam custodiare licet. Sicut nunc quod cantamus, Alleluia, numquid semper hoc facimus? Vix unius horæ non toto spatio, sed parva particula cantamus, Alleluia; et vacamus ad aliud². Est autem Alleluia, sicut iam nostis, Laudate Deum. Qui Deum laudat lingua, non semper potest: qui minoribus Deum laudat, semper potest. Opera mise-

ricordiæ, affectus charitatis, sanctitas pietatis, incorruptio castitatis, modestia sobrietatis, semper haec tenenda sunt: sive cum in publico sumus, sive cum in domo, sive cum ante homines, sive cum in cubiculo, sive loquentes, sive tacentes, sive aliquid agentes, sive vacantes; semper haec tenenda sunt; quia intus sunt omnes istæ virtutes quas nominavi. Quis autem sufficit omnes nominare? Quasi exercitus est imperatoris, qui sedet intus in mente tua. Quomodo enim imperator per exercitum suum agit quodque placet¹; sic Dominus Jesus Christus incipiens habitare in interiore homine nostro, id est in mente per fidem (*Ephes. iii, 17*), utitur istis virtutibus quasi ministris suis. Et per has virtutes quæ videri oculis non possunt, et tamen quando nominantur, laudantur: non autem laudarentur nisi amarentur, non amarentur nisi viderentur; et si utique non amarentur nisi viderentur, alio oculo videntur, id est, interiori cordis aspectu: per has virtutes invisibilis, moventur membra visibiliter: pedes ad ambulandum; sed quo? Quo moverit bona voluntas, quæ militat bono imperatori. Manus ad operandum; sed quid? Quod jusserit charitas, quæ inspirata est intus a Spiritu sancto. Membra ergo videntur cum moventur; qui jubet intus, non videtur. Et quis intus jubeat, prope ipse solus novit qui jubet, et ille intus cui jubetur.

2. Namque, fratres, audistis modo, cum Evangelium legeretur; certe si aurem ibi non tantum corporis, sed et cordis habuistis. Quid ait? *Cavete facere justitiam vestram coram hominibus, ut videamini ab eis* (*Math. vi, 1*). Numquid hoc voluit dicere, ut quæcumque bona facimus, abscondamus ab oculis hominum, et timeamus videri? Si times spectatoris, non habebis imitatores: debes ergo videri. Sed non ad hoc debes facere ut videaris. Non ibi debet esse finis gaudii tui, non ibi terminus lætitiae tuæ, ut putes te totum fructum consecutum esse boni operis tui, cum visus fueris atque laudatus. Nihil est hoc. Contemne te cum laudaris: ille in te laudetur, qui per te operatur. Noli ergo ad laudem tuam operari quod bonum agis, sed ad laudem illius a quo habes ut bonum agas. Abs te habes male agere, a Deo habes bene agere. Contra perversi homines videte quam præposteri sint. Quod faciunt bene, volunt sibi tribuere: si male faciunt, Deum volunt accusare. Converte hoc distortum nescio quid et præpostorum, faciens illud quodammodo capite deorsum: quod susum², faciens jusum; quod deorsum, faciens sursum. Jusum vis facere Deum, et te susum? Præcipitaris, non elevaris: ille enim semper sursum est. Quid ergo? tu bene, et Deus male? Imo hoc dic, si vis verius dicere, Ego male, ille bene; et quod ego bene, ab illo bene: nam a me quidquid ago male. Ista confessio firmat cor, et facit

¹ Er. Lugd. Ven. Lov. *quod ei placet*.

² Aliquot MSS. pro, *quod susum*; habent, *quod sursum*: et mox, *faciens deorsum*; pro, *faciens jusum*. Sic sonare barbaras illas voces constare ex antithesi poterat, nechon eo ex loco Tract. 10, n. 8: « Susum me honoras, jusum me calcas. »

¹ Lov., columba est. II.

² In uno Ms., et rocamur ad aliud.

dilectionis fundamentum. Nam si opera nostra abscondere debemus bona , ne videantur ab hominibus ; ubi est illa sententia Domini in eo sermone quem habuit in monte ? Ubi hoc dixit , ibi et illud paulo ante dixit : *Luceant opera vestra bona coram hominibus.* Et non ibi cessavit , non ibi finem fecit ; sed addidit , *Et glorificent Patrem vestrum qui in celis est* (Matth. v, 16). Et Apostolus quid ait ? *Eram autem ignotus facie Ecclesiis Iudeorum , quae in Christo sunt : tantum autem audientes erant quia qui nos aliquando persequebatur , nunc evangelizat fidem quam aliquando vastabat ; et in me magnificabant Deum* (Galat. i, 22-24). Vide te quem admodum et ipse , quia sic innotuit , finem non posuerit in laudem suam , sed in laudem Dei. Et quantum ad ipsum pertinet , vastator Ecclesiae , persecutor invidus , malignus , ipse constitetur , non nos conviciamus. Amat Paulus dici a nobis peccata sua , ut glorificetur ille qui talem morbum sanavit. Magnitudinem enim vulneris manus medici secuit , et sanavit. Vox illa de caelo prostravit persecutorem , et erexit prædicatorem ; occidit Saulum , et vivificavit Paulum (Act. ix). Saul enim persecutor erat sancti viri (I Reg. xix) ; inde nomen habebat iste quando persequebatur Christianos : postea de Saulo factus est Paulus (Act. xiii, 9). Quid est Paulus ? Modicus. Ergo quando Saulus , superbus , elatus : quando Paulus , humilis , modicus. Ideo sic loquimur , Paulo post video te , id est , post modicum. Audi quia modicus factus est : *Ego enim sum minimus Apostolorum* (I Cor. xv, 9) ; et , *Mihi minimo omnium sanctorum* , dicit alio loco (Ephes. iii, 8). Sic erat inter Apostolos tanquam simbria vestimenti : sed tetigit Ecclesia Gentium tanquam fluxum patiens , et sanata est (Matth. ix, 20-22).

3. Ergo , fratres , hoc dixerim , hoc dico , hoc si possem non tacerem : opera modo illa sint in vobis , modo illa , pro tempore , pro horis , pro diebus. Numquid semper loqui ? numquid semper tacere ? numquid semper reficere corpus ? numquid semper jejunare ? numquid semper panem dare egenti ? numquid semper nudum vestire ? numquid semper ægrotos visitare ? numquid semper discordantes concordare ? numquid semper mortuos sepelire ? Modo illud , modo illud. Inchoantur ista , et cessant : ille autem imperator , nec inchoatur , nec cessare debet. Charitas intus non intermittatur : officia charitatis pro tempore exhibeantur. Charitas ergo , sicut scriptum est , *fraterna permaneat* (Hebr. xiii, 1).

4. Fortassis autem moverit aliquos vestrum , ex quo istam Epistolam beati Joannis tractamus vobis , quare non commendaverit maxime nisi fraternalm charitatem. Qui diligit fratrem (I Joan. ii, 10) , dicit ; et , *Præceptum nobis est datum , ut diligamus invicem* (Id. iii, 23). Assidue nominavit charitatem fraternalm : Dei autem charitatem , id est qua debemus diligere Deum , non tam assidue nominavit ; sed tamen non omnino tacuit. De inimici vero dilectione prorsus tacuit prope per totam ipsam Epistolam. Cum vehementer nobis predicit , commendetque charitatem , non nobis dicit ut diligamus inimicos ; sed dicit nobis

ut fratres diligamus. Modo vero cum Evangelium legeretur , audivimus , *Si enim diligitis eos qui vos diligunt , quam mercedem habebitis ? noune et publicani hoc faciunt* (Matth. v, 46) ? Quid est igitur quod pro magno nobis ad perfectionem quamdam fraternalm dilectionem commendat Joannes apostolus ; Dominus autem dicit non nobis sufficere ut fratres diligamus , sed debere nos extendere ipsam dilectionem , ut perveniamus ad inimicos ? Qui usque ad inimicos pervenit , non transilit ¹ fratres. Necessa est sicut ignis , prius occupet proxima , et sic se in longinquiora distendat. Propinquior est tibi frater quam nescio quis homo. Rursus tibi magis adhaeret ille quem non uoveras , qui tibi tamen non adversatur , quam inimicus qui etiam adversatur. Extende dilectionem in proximos , nec voces illam extensionem. Prope enim te diligis , qui eos diligis qui tibi adhaerent. Extende ad ignotos , qui tibi nihil mali fecerunt. Transcede et ipsis ; perveni , ut diligas inimicos. Hoc certe Dominus jubet. Quare iste tacuit de dilectione inimici ?

5. Omnis dilectio , sive que carnalis dicitur , que non dilectio , sed magis amor dici solet (dilectionis enim nomen magis solet in melioribus rebus dici , in melioribus accipi) : tamen omnis dilectio , fratres charissimi , utique benevolentiam quamdam habet erga eos qui diliguntur. Non enim sic debemus diligere homines , aut sic possumus diligere , vel amare ; hoc enim verbo etiam usus est Dominus cum diceret , *Petre , amas me* (Joan. xxi, 17) ? non sic debemus amare homines , quomodo audimus gulosos dicere , Amo turdos. Quæreris quare ? Ut occidat , et consumat. Et amare se dicit , et ad hoc amat ut non sint , ad hoc amat ut perimat. Et quidquid ad cibandum amamus , ad hoc amamus , ut illud consumatur , et nos resiliamus. Numquid sic amandi sunt homines , tanquam consumendi ? Sed amicitia quedam benevolentia est ² , ut aliquando præstemus eis quos amamus. Quid , si non sit quod præstemus ? Sola benevolentia sufficit amanti. Non enim optare debemus esse miseros , ut possimus exercere opera misericordiae. Das panem esurienti : sed melius nemo esuriret , et nulli dares. Vestis nudum : utinam omnes vestiti essent , et non esset ista necessitas ! Sepelis mortuum : utinam veniat aliquando illa vita ubi nemo moriatur ! Concordias litigantes : utinam aliquando sit pax illa æterna Jerusalem , ubi nemo discordet ! Ille enim omnia officia necessitatum sunt. Tolle miseros ; cessabunt opera misericordiae. Opera misericordiae cessabunt ; numquid ardor charitatis extinguetur ? Germanius amas felicem hominem , cui non habes quod præstes ; prius ille amor erit , multoque senior. Nam si præstiteris misero , fortassis extollere te cupis aduersus eum , et eum tibi vis esse subjectum , qui auctor est tu beneficii ³ . Ille indiguit , tu imperitus es ; quasi major videris quia tu præstitisti , quam

¹ Er., translit. M.

² Er. Lugd. Ven. Lov. , sed amicitia quadam benevolentia , ut. M.

³ Septem MSS. , q[uia] auctor es tu beneficii. Alii tres , q[uia] auctor es tu beneficii.

ille cui præstum est. Opta æqualem, ut ambo sub uno sitis cui nihil præstari potest.

6. Nam in hoc excessit modum superba anima, et quodammodo, avara fuit; quia *radix omnium malorum avaritia* (*Tim. vi, 10*). Et item dictum est, *Initium omnis peccati superbia* (*Ecli. x, 15*). Et querimus aliquando quomodo sibi concordent istæ duas sententiae: *Radix omnium malorum avaritia*; et, *Initium omnis peccati superbia*. Si initium omnis peccati superbia, radix omnium malorum superbia est. Certe radix omnium malorum avaritia est: invenimus et in superbia avaritiam esse; excessit enim modum homo. Quid est avarum esse? Progredi ultra quam sufficit. Adam superbia cecidit: *Initium omnis peccati superbia*, inquit. Numquid avaritia? Quid avarius illo, cui Deus sufficere non potuit? Ergo, fratres, legimus quemadmodum factus sit homo ad imaginem et similitudinem. Dei: et quid de illo dixit Deus? *Et habeat potestatem piscium maris, et volutilium cœli, et omnium pecorum quæ repunt super terram* (*Gen. i, 26*). Numquid dixit, Habeat potestatem hominum? *Habeat potestatem*, ait: dedit potestatem naturalem. Quorum habeat potestatem? *Piscium maris, volutilium cœli, et omnium repentium quæ repunt super terram*. Quare hæc est naturalis potestas hominis in ista? Quia homo ex eo habet potestatem, ex quo factus est ad imaginem Dei. Ubi autem factus est ad imaginem Dei? In intellectu, in mente, in interiori homine; in eo quod intelligit veritatem, dijudicat justitiam et injustitiam, novit a quo factus est, potest intelligere creatorem suum, laudare creatorem suum. Habet hanc intelligentiam, qui habet prudentiam. Ideo multi cum per cupiditates malas detererent in se imaginem Dei, et ipsam quodammodo flamman intelligentia perversitate morum extinguerent; clamabat illis Scriptura, *Nolite fieri sicut equus et mulus, quibus non est intellectus* (*Psal. xxxi, 9*). Hoc est dicere, Præposui te equo et mulo; te ad imaginem meam feci, potestatem tibi super ista dedi. Quare? Quia non habent feræ rationalem mentem: tu autem rationali mente capis veritatem, intelligis quod supra te est; subdere ei qui supra te est, et infra te erunt illa quibus præpositus es. Quia vero per peccatum homo deseruit eum sub quo esse debuit, subditur eis supra quæ esse debuit.

7. Intendite quid dicam: Deus, homo, pecora: verbi gratia, supra te Deus; infra te pecora. Agnosce eum qui supra te est, ut agnoscant te que infra te sunt. Ideoque cum Daniel agnovisset supra se Deum, agnoverunt illum supra se leones (*Dan. vi, 22*). Si autem non agnoscis illum qui supra te est, superiorum contemptis, subderis inferiori. Propterea superbìa Ægyptiorum unde domita est? De ranis et muscis (*Exod. viii*). Poterat Deus et leones mittere, sed aliquis magnus leone terrendus est. Quanto illi erant superbiores, tanto de rebus contemptibilibus et abjectis fracta est eorum cervix mala. Sed Danielem agnoverunt leones, quia ille subditus Deo erat. Quid? martyres qui ad bestias pugnaverunt, et ferarum morsibus lacerati sunt, non erant sub Deo? Aut erant servi Dei tres viri,

et non erant servi Del Machabæi? Agnovit ignis servos Dei tres viros, quos non ussit, quorum nec vestimenta corruptit (*Dan. iii, 50*); et non agnovit Machabæos? Agnovit Machabæos; agnovit, fratres et istos (*Il Machab. vii*). Sed opus erat quodam flagello, permitente Domino, qui dixit in Scriptura, *Flagellat omnem filium quem recipit* (*Hebr. xii, 6*). Putatis enim, fratres, quia ferrum transverberaret viscera Domini, nisi ipse permetteret; aut hereret in ligno, nisi ipse voluisset? Non eum agnovit creatura sua? An exemplum patientiae propositus fidelibus suis? Ideo Deus quodam liberavit visibiliter, quosdam non liberavit visibiliter: omnes tamen spiritualiter liberavit, spiritualiter neminem deseruit. Visibiliter quosdam visus est deseruisse, quosdam visus est eripuisse. Ideo quodam eripuit, ne putas illum non potuisse eripere. Testimonium dedit quia potest, ut ubi non facit, secretiorem intelligas voluntatem, non suspiceris difficultatem. Sed quid, fratres? Cum evaserimus omnes istos mortalitatis laqueos, cum transierint tempora temptationis, cum sæculi hujus fluvios decucurrent et receperimus illam stolam primam, immortalitatem illam quam peccando perdidimus, cum corruptibile hoc induerit incorruptionem, id est, caro ista induerit incorruptionem, et mortale hoc induerit immortalitatem (*1 Cor. xv, 53, 54*); jam perfectos filios Dei, ubi non opus est tentari, nec flagellari, agnoscat omnis creatura: subdita nobis erunt omnia, si nos hic subditi sumus Deo.

8. Sic ergo debet esse christianus, ut non glorietur super alios homines. Dedit enim tibi Deus esse super bestias, id est, meliorem esse quam bestias. Hoc naturale habes; semper melior eris quam bestia. Si vis melior esse quam aliis homo, invidebis ei quando tibi esse videbis æqualem. Debes velle omnes homines æquales tibi esse; et si viceris aliquem per prudentiam, optare debes ut sit et ipse prudens. Quamdiu tardus est, diseit a te; quamdiu indoctus est, indiget tui; et tu videris doctor, ille autem discens: tu ergo superior, quia doctor es; ille inferior, quia discens. Nisi illum optes æqualem, semper vis habere discentem. Si autem vis semper habere discentem, invidus eris doctor. Si invidus doctor, quomodo eris doctor? Rogo te, noli docere ipsum invidentiam tuam. Audi Apostolum dicentem de visceribus charitatis: *Vellent omnes homines esse sicut meipsum* (*Id. vii, 7*). Quomodo volebat omnes esse æquales? Ideo erat omnibus superior, quia charitate optabat omnes æquales. Excessit ergo homo modum; avarior voluit esse, ut supra homines esset, qui supra pecora factus est: et ipsa est superbìa.

9. Et videte quanta opera faciat superbìa; ponite in corde quam similia facit, et quasi paria charitati. Pascit esurientem cbaritas, pascit et superbìa: charitas, ut Deus laudetur; superbìa, ut ipsa laudetur. Vestit nudum charitas, vestit et superbìa; jejunat charitas, jejunat et superbìa; sepelit mortuos charitas, sepelit et superbìa. Omnia opera bona quæ vult facere charitas et facit, agitat contra superbìa, et quasi

ducit equos suos. Sed interior est charitas : tollit locum male agitatæ superbie; non male agitant, sed male agitatæ. Væ homini cuius auriga superbia est, necesse est enī ut præceps eat. Ut autem non sit superbia quæ agit facta bona, quis novit? quis videt? ubi est hoc? Opera videmus : pascit misericordia, pascit et superbia ; hospitem suscipit misericordia, hospitem suscipit et superbia ; intercedit pro paupere misericordia, intercedit et superbia. Quid est hoc? In operibus non discernimus. Audeo aliquid dicere, sed non ego; Paulus dixit : moritur charitas, id est, homo habens charitatem, constitutus nomen Christi, dicit martyrium; constitutus et superbia, dicit et martyrium. Ille habet charitatem, ille non habet charitatem. Sed audiat ab Apostolo ille qui non habet charitatem : *Si distribuero omnia mea pauperibus, et si tradidero corpus meum ut ardeam, charitatem autem non habuero, nihil mihi prodest* (*I Cor. xiii, 3*). Ergo Scriptura divina intro nos revocat a jactatione hujus faciei fornicatus; et ab ista superficie quæ jactatur ante homines, revocat nos intro. Redi ad conscientiam tuam, ipsam interroga. Noli attendere quod floret foris, sed quæ radix est in terra. Radicata est cupiditas? species potest esse bonorum factorum, vere opera bona esse non possunt. Radicata est charitas? securus esto, nihil mali procedere potest. Blanditur superbis, sœvit amor. Ille vestit, ille cœdit. Ille enim vestit¹ ut placeat hominibus : ille cœdit ut corrigat disciplina. Accipitur magis plaga charitatis, quam eleemosyna superbie. Redite ergo intro, fratres; et in omnibus quæcumque facitis, intuemini testem Deum. Videte, si ille videt, quo animo faciatis. Si cor vestrum non vos accusat, quia jactantiae causa facitis; bene, securi estote. Nolite autem timere quando facitis bene, ne videat alter. Time ne propterea facias, ut tu lauderis : nam videat alter, ut Deus laudetur. Si enim abscondis ab oculis hominis; abscondis ab imitatione hominis, laudem substrahis Deo. Duo sunt quibus eleemosynam facis : duo esuriunt; unus panem, alter iustitiam. Inter duos istos famelicos, quia dictum est, *Beati qui esuriunt et sitiunt iustitiam, quoniam ipsi saturabuntur* (*Matth. v, 6*) : inter duos istos famelicos, bonus operator constitutus es; si charitas de illo operatur, ambo miseratur, ambobus vult subvenire. Ille enim querit quod manducet, ille querit quod imitetur. Pascis istum, præbe² te isti ; ambobus dedisti cleemosynam : illum fecisti gratulatorem de fame imperfectam; hunc fecisti imitatorem de exemplo proposito.

10. Miseremini ergo tanquam misericordes; quia in eo etiam quod diligitis inimicos, fratres diligitis. Ne putetis Joannem nihil de dilectione inimici præcepisse; quia de fraterna charitate non tacuit : fratres diligitis. Quomodo, inquis, fratres diligimus? Quero quare diligas inimicum : quare illum diligis? Ut sanus sit in hac vita? quid, si non illi expedit? Ut dives sit? quid, si ipsis divitiis excœabitur? Ut uxorem ducat?

¹ Er. Lugd. Ven. Lov. sic exhibent hunc locum : *Blanditur superbia.... illa vestit.... illa enim vestit.* M.

² Er. Lugd. Ven. Lov., præbes. M.

quid, si amaram vitam inde patietur? Ut filios habeat? quid, si mali erunt? Incerta sunt ergo ista quæ videvis optare inimico tuo, quia diligis eum; incerta sunt. Opta illi ut habeat tecum vitam æternam; opta illi ut sit frater tuus. Si ergo hoc optas, diligendo inimicum, ut sit frater tuus; cum eum diligis, fratrem diligis. Non enim amas in illo quod est; sed quod vis ut sit. Dixeram aliquando Charitati vestræ, nisi fallor: Robur est ligni positum ante oculos; faber optimus vidit lignum non dolatum, de silva præcium, adamavit: nescio quid inde vult facere. Non enim ad hoc amavit, ut semper sic maneat. In arte vidit quod futurum est, non in amore quod est; et amavit quod inde facturus est, non illud quod est. Sic et nos Deus amavit peccatores. Dicimus quia Deus amavit peccatores : ait enim, *Non est opus sanis medicus, sed male habentibus* (*Matth. ix, 12*). Numquid ad hoc amavit peccatores, ut peccatores remaneremus? Quasi lignum de silva vidit nos faber, et cogitavit ædificium quod inde facturus est, non silvam quod erat. Sic et tu respicis inimicum tuum adversantem, sœvientem, mordentem verbis, exasperantem coutumeliis, insectantem odiis; attendis ibi quia homo est. Vides ista omnia quæ adversa sunt ab homine facta; et vides in illo quod a Deo factus est. Quod autem homo factus est, a Deo factus est. Quod autem te odit, ipse fecit; quod invidet, ipse fecit. Et quid dicis in animo tuo? Domine, propitius illi esto, dimitte illi peccata; incede illi terror, muta illum. Nou amas in illo quod est, sed quod vis ut sit. Ergo cum iniunicum amas, fratrem amas. Quapropter perfecta dilectio, est inimici dilectio : quæ perfecta dilectio est in dilectione fraterna. Et nemo dicat quia aliquid minus nos monuit Joannes apostolus, et plus nos monuit Dominus Christus: Joannes nos monuit ut fratres diligamus; Christus nos admonuit ut etiam inimicos diligamus (*Id. v, 44*). Attende quare te monuit Christus ut diligas inimicos. Numquid ut semper remaneant inimici? Si ad hoc te monuit ut inimici remaneant, odis, non diligis. Attende quomodo ipse dilexit, id est, quia nolebat ut sic remanerent persecutores; ait, *Pater, ignosce illis, quia nesciunt quid faciunt* (*Luc. xxiii, 34*). Quibus voluit ignosci, mutari illos voluit : quos voluit mutari, ex inimicis fratres facere dignatus est, et vere sic fecit. Occisus est, sepultus est, resurrexit, in cœlum ascendit, Spiritum sanctum misit discipulis; cœperunt cum fiducia prædicare nomen ipsius, miracula faciebant in nomine crucifixi et occisi : viderunt illi interfectores Domini; et qui sanguinem ejus sœviendo fuderunt, credendo biberunt.

11. Hæc dixi, fratres, et longiuscule : tamen quia vehementius commendanda fuit Charitati vestræ ipsa charitas, ideo commendanda sic erat. Si enim charitas nulla est in vobis, nihil diximus. Si autem est in vobis, tanquam oleum in flamas adjecimus; et in quo non erat, forte verbis accensa est. In alio crevit quod erat; in alio cœpit esse quod non erat. Ad hoc ergo ista diximus, ne pigri sitis diligere inimicos. Sœvit in te homo? ille sœvit, tu precare; ille odit, tu misericere. Febris animæ ipsius te odit : sanus erit, et

gratias tibi aget. Quomodo medici diligunt ægrotos? Num quid ægrotos diligunt? Si ægrotos diligunt, volunt ut semper ægrotent. Ad hoc diligunt ægrotos, non ut ægroti remaneant, sed ut ex ægrotis sani flant. Et quanta plerumque patiuntur a phreneticis? quales contumelias verborum? Plerumque et percutiuntur. Persequitur ille febrem, ignoscit homini: et quid dicam, fratres? amat inimicum suum? Imo odit inimicum suum morbum; ipsum enim odit, et amat hominem a quo percutitur: odit febrem. A quo enim percutitur? A morbo, ab ægrotatione, a febre. Illud tollit quod illi adversatur, ut remaneat illud unde gratuletur. Sic et tu: si odit te inimicus tuus, et injuste te odit; neveris quia cupiditas saceruli in illo regnat, propterea te odit. Si odisti filium et tu, contra reddis malum pro malo. Quid facit reddere malum pro malo?¹ Unum ægrotum flebam, qui te oderat; jam duos plango, si et tu odisti. Sed persequitur rem tuam; tollit tibi nescio quæ, quæ habes in terra: ideo illum odisti, quia angustias tibi facit in terra. Noli pati angustias, migra in cœlum sursum: cor ibi habebis ubi latitudo est, ut nullas angustias patiaris in spe vite æternæ. Attende quæ tibi tollit: nec ipsa tibi tolleret, nisi ille permetteret qui flagellat omnem filium quem recipit (*Hebr. xii, 6*). Quodammodo ferramentum Dci est quo saneris, ipse inimicus tuus. Si novit Deus utile tibi esse ut expoliet te, permittit illum; si novit tibi utile esse ut vapules, permittit illum, ut cædaris: de illo te curat, opta ut ille sanetur.

42. *Deum nemo vidit unquam.* Vide te, dilectissimi: *Si diligamus invicem, Deus in nobis manebit, et dilectio ejus erit perfecta in nobis.* Incipe diligere, perficeris. Corpisti diligere? coepit in te Deus habitare; ama eum qui in te coepit habitare, ut perfectius inhabitando faciat te perfectum. *In hoc cognoscimus quia in ipso manemus, et ipse in nobis, quia de Spiritu suo dedit nobis.* Bene, Deo gratias. Cognoscimus quia habitat in nobis. Et hoc ipsum unde cognoscimus, quia cognovimus quia habitat in nobis? Quia hoc ipse Johannes dixit: *Quia de Spiritu suo dedit nobis.* Unde scimus quia de Spiritu suo dedit nobis? Hoc ipsum, quia de Spiritu suo dedit tibi, unde cognoscis? Interroga viscera tua: si plena sunt charitate, habes Spiritum Dei. Unde cognoscimus quia inde cognoscis habitare in te Spiritum Dei? Paulum interroga apostolum: *Quoniam charitas Dei diffusa est in cordibus nostris per Spiritum sanctum qui datus est nobis* (*Rom. v, 5*).

43. *Et nos ridimus, et testes sumus, quia Pater misit Filium suum Salvatorem mundi.* Securi estote qui ægrotatis: talis medicus venit, et desperatis? Magni erant morbi, insanabilia erant vulnera, desperata erat ægritudo. Magnitudinem mali tui attendis, omnipotentiam medicu non attendis? Tu desperatus es; sed ille omnipotens est: cuius testes isti sunt qui primo sanitati, et annuntiantes medicum; et ipsi tamen plus

spe sanati quam re. Nam sic dicit Apostolus: *Spe enim salvi facti sumus* (*Rom. viii, 24*). Cœpimus ergo sanari in fide: persicetur autem salus nostra, cum corruptibile hoc induerit incorruptionem, et mortale hoc induerit immortalitatem (*I Cor. xv, 53, 54*). Haec spes est, nondum res. Sed qui gaudet in spe, tenet et rem: qui autem spem non habet, ad rem non poterit pervenire.

14. *Quicumque confessus fuerit quod Jesus est Filius Dei, Deus in ipso manet, et ipse in Deo.* Jam non multis dicamus: *Qui confessus fuerit, non verbo, sed facto; non lingua, sed vita.* Nam multi confitentur verbis, sed factis negant. *Et nos cognovimus, et credidimus, quam dilectionem Deus habet in nobis.* Et iterum unde cognovisti? *Deus dilectio est.* Jam dixit illud superius, ecce iterum dicit. Amplius tibi non potuit dilectio commendari, quam ut diceretur Deus. Forte munus Dei contemplurus eras. Et Deum contemnis? *Deus dilectio est.* *Et qui manet in dilectione, in Deo manet, et Deus in eo manet.* Vicissim in se habitant, qui continet et qui continetur. Habitatis in Deo, sed ut continearis: habitat in te Deus, sed ut te contineat, ne cadas. Ne forte sic te putas domum Dei fieri, quomodo domus tua portat carnem tuam: si subtrahat se domus in qua es, cadis; si autem tu te subtrahas, non cedit Deus. Integer est, cum eum deseris; integer, cum ad illum redieris. Tu sanaris, non illi aliquid prestabis; tu mundaris, tu reficeris, tu corrigeris. Ille medicamentum est non sano, regula est pravo, lux est tenebrato, habitatio est deserto. Omnia ergo tibi conferuntur. Vide ne putas Deo aliquid conferri, quando venis ad eum; nec mancipium saltem. Ergo non habebit Deus servos, si tu nolueris, et si omnes noluerint? Deus non indiget servis, sed servi Deo: ideo dicit Psalmus, *Dixi Domino, Deus meus es tu.* Ipse est verus Dominus. Et quid ait? *Quoniam bonorum meorum non eges* (*Psal. xv, 2*). Tu eges bono servi tui. Eget servus bono tuo, ut pascas illum: eges et tu bono servi tui, ut adjuvet te. Non tibi potes aquam implere, non tibi potes coquere, non tibi potes ante equum currere, jumentum tuum non potes curare. Vides quia indiges bono servi tui, obsequio illius indiges. Non es ergo verus dominus, quando indiges inferiore. Ille est verus Dominus qui nihil a nobis querit; et vœ nobis, si eum non queramus. Nihil a nobis querit; et quæsivit nos, cum cum non quereremus. Ovis una erraverat; invenit eam, gaudens in humeris suis reportavit (*Luc. xv, 4, 5*). Et numquid ovis erat pastori necessaria, et non ovi potius pastor necessarius erat? Quanto libentius de charitate loquor, tanto minus volo finiri Epistolam istam. Nulla est ardenter ad commendandam charitatem. Nihil vobis dulcius prædicatur, nihil salubrius bibitur: sed si bene vivendo confirmetis in vobis munus Dei. Ne sitis ingratæ tantæ gratiæ illius, qui cum haberet Unicum, noluit illum esse unum; sed ut fratres haberet, adoptavit illi, qui cum illo possiderent vitam æternam

¹ Lov. . *Quid facis reddere malum pro malo?* quæ voces absunt ab editione Erasmi Frobeniana, et apud Er. Guill. Lulg. et Ven. uncis includuntur. M.

TRACTATUS IX.

De eo quod sequitur, In hoc perfecta est dilectio in nobis; usque ad id, Et hoc mandatum habemus ab ipso, ut qui diligit Deum, diligat et fratrem suum. Cap. iv, §. 17-21.

1. Meminit Charitas vestra, ex Epistola Joannis apostoli ultimam partem restare nobis tractandam, et exponendam vobis, quantum Dominus donat. Hujus ergo debiti nos memores sumus: exactionis aucten vos memores esse debetis. Eadem quippe charitas quae in ipsa Epistola maxime et prope sola commendatur, et nos facit fidclissimos debitores, et vos dulcissimos exactores. Ideo dixi dulcissimos exactores, quia ubi charitas non est, amarus exactor est: ubi autem charitas est, et qui exigit dulcis est; et a quo exigitur, etsi aliquem labore suscipit, facit eundem laborem prope nullum et levem ipsa charitas. Nonne videmus etiam in mutis animantibus et irrationalibus ubi non est spiritualis charitas, sed carnalis et naturalis, exigi tamen magno affectu de überibus matris lac a parvulis? Et quamvis sugens impetum faciat in ubera; melius est tamen matri quam si non sugat, nec exigit quod charitate debetur. Sæpe videmus ubera vaccarum etiam a grandiusculis vitulis capite percuti, et prope ipso impetu levari matrum corpora, nec eos tamen calce repellit; sed et si desit filius qui sugat, mugitu vocari ad ubera. Si ergo est in nobis illa charitas spiritualis, de qua Apostolus dicit, *Factus sun parvulus in medio vestrum, tanquam nutritrix fovens filios suos* (I Thess. II, 7); tunc vos diligimus quando exigitis. Pigros nou animamus; quia languentibus formidamus. Intercesserunt autem, ut intermitteremus textum hujus Epistolæ, quædam pro diebus festis solemnia lectionum, quæ non potuerunt nisi legi, et ipsa tractari. Nunc ergo ad prætermissum ordinem redeamus; et quæ restant, intente accipiat Sanctitas vestra. Nescio utrum magniscentius nobis charitas commendari posset, quam ut diceretur, *Deus charitas est*. Brevis laus, et magna laus: brevis in sermone, et magna in intellectu. Quam cito dicitur, *Deus dilectio est!* Et hoc breve est: si numeres, unum est; si appendas, quantum est! *Deus dilectio est. Et qui manet, inquit, in dilectione, in Deo manet et Deus in illo manet* (I Joan. IV, 16). Sit tibi domus Deus, et esto domus Dei; mane in Deo, et maneat in te Deus. Manet in te Deus, ut te contineat: manes in Deo, ne cadas; quia sic de ipsa charitate dicit Apostolus, *Charitas nunquam cadit* (I Cor. XIII, 8). Quomodo cadit quem continet Deus?

2. *In hoc perfecta est dilectio in nobis, ut fiduciam habeamus in die judicii: quia sicut ille est, et nos sumus in hoc mundo.* Dicit quomodo se probet unusquisque, quantum in illo profecerit charitas: vel potius quantum ipse in charitate profecerit. Nam si charitas Deus est, nec proficit nec deficit Deus: sic dicitur prolixere in te charitas, quia tu in ea proficis. Interroga ergo quantum in charitate profeceris, et quid tibi respondeat cor tuum, ut noveris mensuram profectus tui. Promisit enim ostendere nobis in quo cognosca-

mus eum, et ait, *In hoc perfecta est in nobis dilectio. Quere, in quo? Ut fiduciam habeamus in die judicii.* Quisquis fiduciam habet in die judicii, perfecta est in illo charitas. Quid est habere fiduciam in die judicii? Non timere ne veniat dies judicii. Sunt homines qui non credunt diem judicii; isti fiduciam non possunt habere in die quam venturam esse non credunt. Prætermittamus istos: excitet illos Deus, ut vivant; de mortuis utquid loquimur? Non credunt futurum diem judicii, nec timent, nec desiderant quod non credunt. Cœpit aliquis credere diem judicii: si cœpit credere, cœpit et timere. Sed quia timet adhuc, nondum habet fiduciam in die judicii, nondum est in illo perfecta charitas. Numquid tamen desperandum est? In quo vides initium, cur desperas finem? Quod initium video, inquis? Ipsum timorem. Audi Scripturam: *Initium sapientiae timor Domini* (Eccli. I, 16). Cœpit ergo timere diem judicii: timendo corrigat se; vigilet aduersus hostes suos, id est, aduersus peccata sua; incipiat reviviscere interius, et mortificare membra sua quæ sunt super terram, sicut Apostolus dicit, *Mortificate membra vestra quæ sunt super terram.* Spiritualia nequitate dicit membra super terram: nam sequitur et exponit, *Avaritiam, immunditiam* (Coloss. III, 5), et cætera quæ illic exsequitur. Quantum autem mortificat iste, qui timere cœpit diem judicii, membra sua super terram, tantum surgunt et corroborantur membra cœlestia. Membra autem cœlestia, omnia opera bona. Surgentibus cœlestibus membris, incipit desiderare quod timebat. Timebat enim ne veniret Christus, et inveniret impium quem damnaret; desiderat ut veniat, quia inventurus est pium quem coronet. Jam cum cœperit desiderare venientem Christum casta anima, quæ desiderat amplexus sponsi; renuntiat adulterio; sit virgo interius ipsa fide, spe, et charitate. Habet jam fiduciam in die judicii: non contra se pugnat quando orat, et dicit, *Adveniat regnum tuum* (Matth. VI, 10). Qui enim timet ne veniat regnum Dei, timet ne exaudiatur. Quomodo orat, qui timet ne exaudiatur? Qui autem orat cum fiducia charitatis, optat jam ut veniat. De ipso desiderio dicebat quidam in Psalmo, *Et tu, Domine, usquequo? Convertere, Domine, et erue animam meam* (Psal. VI, 4, 5). Gemebat se differri. Sunt enim homines qui cum patientia moriuntur: sunt autem quidam perfecti qui cum patientia vivunt. Quid dixi? Qui adhuc desiderat istam vitam, quando illi venerit dies mortis, patienter tolerat mortem: luctatur adversum se, ut sequatur voluntatem Dei; et hoc potius agit animo, quod eligit Deus, non quod eligit voluntas humana: et ex desiderio vitae præsentis fit lucta cum morte; et adhibet patientiam et fortitudinem, ut æquo animo moriatur: iste patienter moritur. Qui autem desiderat, sicut dicit Apostolus, *dissolvi et esse cum Christo*, non patienter moritur; sed patienter vivit, delectabiliter moritur. Vide Apostolum patienter viventem, id est, cum patientia hic non amare vitam, sed tolerare. *Dissolvi, inquit, et esse cum Christo multo magis optimum: manere autem in carne necessarium propter vos* (Philipp. I,

23, 24). Ergo, fratres, date operam, intus agite vobiscum, ut desideratis diem judicii. Aliter non probatur perfecta charitas, nisi cum cœperit ille dies desiderari. Ille autem eum desiderat, qui fiduciam habet in illo: ille autem fiduciam habet in illo, cuius conscientia non trepidat in charitate perfecta atque sincera.

3. « In hoc perfecta est dilectio ejus in nobis, ut fiduciam habeamus in die judicii. » Quare habebimus fiduciam? « Quia sicut ille est, et nos sumus in hoc mundo. » Audisti causam fiduciae tuæ: « Quia sicut ille est, inquit, et nos sumus in hoc mundo. » Nonne videtur aliquid impossibile dixisse? Numquid enim potest esse homo sicut Deus? Jam vobis exposui quia non semper ad æqualitatem dicitur, *sicut*; sed dicitur ad quædam similitudinem. Quomodo enim dicis, Sicut aures habeo, ita habet et imago? Numquid omnino sic? Sed tamen dicis, *sicut*. Si ergo facti sumus ad imaginem Dei, quare non sicut Deus sumus? Non ad æqualitatem, sed pro modo nostro. Unde ergo nobis datur fiducia in die judicii? *Quia sicut ille est, et nos sumus in hoc mundo.* Debemus hoc referre ad ipsam charitatem, et intelligere quid dictum sit. Dominus in Evangelio dicit, « Si diligitis eos qui vos diligunt, quam mercedem habebitis? nonne et publicani hoc faciunt? » Quid ergo vult nos? « Ego autem dico vobis, diligite inimicos vestros, et orate pro persecutibus vos. » Si ergo jubet nos diligere inimicos nostros, unde nobis dat exemplum? De ipso Deo: ait enim, « Ut sitis filii Patris vestri qui in cœlis est. » Quomodo illud facit Deus? Diligit inimicos suos, « qui facit solem suum oriri super bonos et malos, et pluit super justos et injustos» (*Matth. v, 44-46*). Si ergo ad hanc perfectionem nos invitat Deus, ut diligamus inimicos nostros sicut et ipse dilexit suos; ea nobis fiducia est in die judicii, *quia sicut ille est, et nos sumus in hoc mundo*: quia sicut ille diligit inimicos suos, faciendo solem suum oriri super bonos et malos, et pluendo super justos et injustos; ita nos quia inimicis nostris non possumus prestare solem et pluviam, præstamus lacrymas, cum pro illis oramus.

4. Jam ergo de ipsa fiducia videte quid dicat. Unde intelligitur perfecta charitas? *Timor non est in charitate.* Quid ergo dicimus de illo qui coepit timere diem judicii? Si perfecta in illo esset charitas, non timeret. Perfecta enim charitas faceret perfectam justitiam, et non haberet quare timeret: imo haberet quare desideraret ut transeat iniquitas, et veniat regnum Dei. Ergo *timor non est in charitate.* Sed in qua charitate? Non in inculta. In qua ergo? *Sed perfecta, inquit, charitas foras mittit timorem.* Ergo incipiat timor; *quia initium sapientiae timor Domini.* Timor quasi locum præparat charitati. Cum autem cœperit charitas habitare, pellitur timor qui ei præparavit locum. Quantum enim illa crescit, ille decrescit; et quantum illa sit interior, timor pellitur foras. Major charitas, minor timor; minor charitas, major timor. Si autem nullus timor, non est qua intret charitas. Sicut videmus per setam introduci linum, quando

¹ ven. addit, diligere, M.

aliquid suritur; seta prius intrat, sed nisi exeat, non succedit linum: sic timor primo occupat mentem, non autem ibi remanet timor, quia ideo intravit, ut introduceret charitatem. Jam facta securitate in animo, quale gaudium nobis est vel in hoc, vel in futuro sæculo? Et in hoc sæculo quis nobis nocebit plenis charitate? Videte quomodo exsultet Apostolus de ipsa charitate. « Quis nos, » inquit, « separabit a charitate Christi? tribulatio? an angustia? an persecutio? an famæ? an nuditas? an periculum? an gladius» (*Rom. viii, 35*)? Et Petrus dicit: « Et quis vobis nocere potest, si boniæmulatores fueritis» (*I Petr. iii, 13*)? Timor non est in dilectione: sed perfecta dilectio foras mittit timorem; quia timor tormentum habet. Torquet cor conscientia peccatorum, nondum facta est justificatio. Est ibi quod titillat, quod pungat. Ideo in Psalmo de ipsa perfectione justitiae quid dicit? « Convertisti luctum meum in gaudium mihi: concidisti saceum meum, et cinxisti me letitia; ut cantet tibi gloria mea, et non compungar» (*Psalm. xxix, 12, 13*). Quid est, « non compungar? Non sit quod stimulet conscientiam meam. Stimulat timor: sed noli timere; intrat charitas quæ sanat quod vulnerat timor. Timor Dei sic vulnerat, quomodo medici ferramentum; pungredinem tollit, et quasi videtur vulnera augere. Ecce putredo quando erat in corpore, minus erat vulnus, sed periculosum: accedit ferramentum medici; minus dolebat illud vulnus, quam dolet modo cum secatur. Plus dolet cum curatur, quam si non curaretur; sed ideo plus dolet accedente medicina, ut nunquam doleat succedente salute. Occupet ergo cor tuum timor, ut inducat charitatem; succedat cicatrix¹ ferramentum medici. Talis est medicus, ut nec cicatrices appareant: tu tantum subde te dexteræ ipsius. Nam si sine timore es, non poteris justificari. Sententia dicta est de Scripturis: *Nam qui sine timore est, non poterit justificari* (*Ecli. i, 28*). Opus est ergo ut intret timor primo, per quem veniat charitas. Timor medicamentum, charitas sanitas. « Qui autem timet, non est perfectus in dilectione. » Quare? « Quia timor tormentum habet, » quomodo sectio medici tormentum habet.

5. Est autem alia sententia, quæ videtur huic esse contraria, si non habeat intellectorem: dicitur enim quodam loco in Psalmo, *Timor Domini castus, permanens in sæculum sæculi* (*Psalm. xviii, 40*). Aeternum quemdam timorem nobis ostendit, sed castum. Quod si ille aeternum nobis timorem ostendit, numquid contradicit illi forte ista Epistola quæ dicit, *Timor non est in charitate, sed perfecta charitas foras mittit timorem?* Interrogemus ambo eloquia Dei. Spiritus unus est, etsi codices duo, etsi ora duo, etsi linguae dux. Hoc enim dictum est per Joannem, illud dictum est per David; sed nolite putare alium esse spiritum. Si unus flatus inflat duas tibias, non potest unus Spiritus implere duo corda, agitare duas lin-

¹ Editi, timor, et inducta charitate succedat cicatrix. MSS. tres, ut inducat charitatem; succedat. Alii duo, ut inducat charitatem, et succedat.

guas? Sed si spiritu uno, id est uno statu, impletæ duas tibiæ consonant; impletæ duæ linguae Spiritu Dei, dissonare possunt? Est ergo ibi quedam consonantia, est quedam concordia, sed auditorem desiderat. Ecce inspiravit et implevit duo corda, duo ora, movit duas lingue Spiritus Dei: et audivimus ex una lingua, « Timor non est in charitate, sed perfecta charitas foras mittit timorem; » audivimus ex alia, « Timor Domini castus, permanens in sæculum sæculi. » Quid est hoc? quasi dissonant? Non: excute aures, intende melodiam. Non sine causa hic addidit, *castus*, illic non addidit: nisi quia est timor aliis qui dicitur *castus*, est autem aliis qui non dicitur *castus*. Discernamus istos duos timores, et intelligamus consonantiam tibiæ. Quomodo intelligimus, vel quomodo discernimus? Attendat Charitas vestra. Sunt homines qui propterea timent Deum, ne mittantur in gehennam, ne forte ardeant cum diabolo in igne æterno. Ipse est timor ille qui introducit charitatem: sed sic venit ut exeat. Si enim adhuc propter poenas times Deum, nondum amas quem sic times. Non bona desideras, sed mala caves. Sed ex eo quod mala caves, corrigis te, et incipis bona desiderare. Cum bona desiderare coeperas, erit in te timor castus. Quis est timor castus? Ne amittas ipsa bona. Intendite. Aliud est timere Deum, ne mittat te in gehennam cum diabolo; aliud est timere Deum, ne recedat a te. Ille timor quo times ne in gehennam mittaris cum diabolo, nondum est castus; non enim venit ex amore Dei, sed ex timore poenæ: cum autem times Deum, ne deserat te præsentia ejus; amplecteris eum, ipso frui desideras.

6. Non potest melius explanari quid intersit inter duos istos timores, unum quem foras mittit charitas, alterum castum qui permanet in sæculum sæculi, nisi ponas duas mulieres maritatas, quarum unam ita consti tuas volentem facere adulterium, delectari nequitia, sed timere ne damnetur a marito. Timet maritum, sed quia adhuc amat nequitiam, ideo timet maritum: huic non grata, sed onerosa est mariti præsentia; et si forte vivit nequiter, timet maritum ne veniat. Tales sunt qui timent ne veniat dies judicii. Fac alteram amare virum, debere illi castos amplexus, nulla se adulterii immunditia maculare; optat præsentiam viri. Et quomodo discernuntur duo isti timores? timet illa, timet et illa. Interroga; quasi unum tibi respondent: interroga illam, Times virum? respondet, Timeo. Interroga et illam si timeat virum; respondet, Timeo. Una vox est, sed diversus animus. Jam ergo interrogentur, Quare? Illa dicit, Timeo virum ne veniat: illa dicit, Timeo virum ne discedat. Illa dicit, Timeo ne damnet: illa dicit, Timeo ne deserat. Pone hoc in animo Christianorum, et invenis¹ timorem quem foras mittit charitas, et alium timorem castum permanentem in sæculum sæculi.

7. Loquamur ergo his primo qui sic timent Deum, quomodo illa mulier quam delectat nequitia; timet enim virum ne damnet illam: talibus primo loquamur.

¹ *invenisti*, juxta Er. Lugd. Ven. Lov. M.

O anima quæ sic times Deum, ne damnet te Deus, quomodo timet mulier quam delectat nequitia; timet virum, ne damnetur a viro: quomodo tibi displiceret illa mulier, displice et tu tibi. Si forte habes uxorem, numquid vis ut sic timeat te *uxor tua*, ne damnetur abs te; ut delectet illam nequitia, sed pondere timoris tui reprimatur, non damnatione iniquitatis? Castam eam vis, ut te diligit, non ut te timeat. Exhibe te talem Deo, qualem vis habere uxorem. Et si nondum habes, et habere vis; talem vis habere. Et quid dicimus, fratres? Illa mulier quæ ideo timet virum, ne damnetur a viro, forte non facit adulterium, ne aliquo modo perveniat ad virum, et tollat illi lucem istam temporalem. Potest autem vir ille et falli; homo est enim, sicut et illa quæ potest fallere. Timet illa eum, extra cuius oculos potest esse: tu non times semper faciem supra te viri tui? *Vultus autem Domini super facientes mala* (*Psal. xxxiii*, 17). Captat illa absentiam viri sui, et incitatur forte delectatione adulterii; et dicit sibi tamen, Non faciam: absens est quidem ille, sed difficile est ut non ad illum quoquo modo perveniat. Temperat se ne perveniat ad hominem, qui potest et nescire, qui potest et falli, qui potest et bonam suspicari etiam malam, qui potest et castam suspicari quæ adultera est: tu non times oculos ejus quem fallere nemo potest? tu non times ejus præsentiam, qui averti a te non potest? Roga Deum ut intueatur te, et avertat faciem a peccatis tuis: *Averte faciem tuam a peccatis meis*. Sed unde mereris ut ille faciem suam avertat a peccatis tuis? Si tu non avertas faciem tuam a peccatis tuis. Ipsa enim vox dicit in Psalmo: *Quoniam iniquitatem meam ego agnosco, et peccatum meum coram ne est semper* (*Psal. l, 11, 5*). Tu agnosce, et ille ignoscit.

8. Allocuti sumus eam quæ habet adhuc timorem non permanentem in sæculum sæculi, sed quem charitas excludit et foras mittit; alloquamur et illam quæ habet jam timorem castum, permanentem in sæculum sæculi. Putamus, invenimus illam, ut alloquamur illam? putas, est in hoc populo? putas, est in ijsa exedra? putas, est in hac terra? Non potest nisi esse, sed latet. Hiems est, intus est viriditas in radice. Forte invenimus aures¹ illius. Sed ubicumque est illa anima, utinam illam invenirem, et non aures suas præberet mihi, sed ego meas aures illi! Illa me doceret aliquid potius, quam a me disceret. Anima quedam sancta, ignea, et desiderans regnum Dei: hanc non ego alloquor, sed Deus ipse, et patienter viventem in hac terra ita consolatur: Jam vis veniam, et ego novi quia jam vis ut veniam: novi qualis es, ut secura exspectes adventum meum; novi quia molestia est tibi: sed magis exspecta, tolera; venio, et cito venio. Sed amanti tardum est. Audi eam cantantem tanquam lilium de medio spinarum: audi suspirantem, et dicentem, *Psallam et intelligam in via immaculata; quando venies ad me* (*Psal. c, 1, 2*)? Sed in via immaculata merito non timet; quia perfecta charitas foras mittit timorem: Et cum venerit ad ejus amplexum,

¹ Et Lugd. Ven., et aures. M.

tinet, sed securiter. Quid timet? Cavebit, et observabit se ab iniuitate sua, ne iterum peccet: non nemittatur in ignem, sed ne ab illo deseratur. Et erit in illa, quid? *Timor castus, permanens in sacerulum saeculi.* Audivimus duas tibias consonantes. Illa de timore dicit, et illa de timore: sed illa de timore quo timet anima ne damnetur, illa de timore quo timet anima ne deseratur. Ille est timor quem charitas excludit: ille est timor permanens in sacerulum saeculi.

9. *Nos diligamus, quia ipse prior nos dilexit.* Nam unde diligenteremus, nisi ille prior dilexisset nos? Diligendo amici facti sumus; sed inimicos ille dilexit, ut amici efficeremur. Prior dilexit nos, et donavit nobis ut diligenteremus eum. Nondum diligebamus eum; diligendo pulchri efficimur. Quid facit homo deformis et distorta facie, si amet pulchram? Aut quid facit semina deformis et distorta et nigra, si amet pulchrum? Numquid amando poterit esse pulchra? Numquid et ille amando poterit esse formosus? Amat pulchram; et quando se in speculo videt, erubescit faciem suam levare ad illam formosam suam quam amat. Quid faciet ut pulcher sit? Exspectat ut veniat pulchritudo? Imo exspectando senectus additur, et turpiorem facit. Non est ergo quid agere, non est quomodo illi des consilium, nisi ut compescat se, et non audeat amare impar imparem: aut si forte amat et ducere uxorem optat, in illa castitatem amet, non carnis faciem. Anima vero nostra, fratres mei, foeda est per iniuitatem: amando Deum pulchra efficitur. Qualis amor est qui reddit pulchram amantem? Deus autem semper pulcher est, nunquam deformis, nunquam commutabilis. Amavit nos prior qui semper est pulcher; et quales amavit, nisi foedos et deformes? Non ideo tamen ut foedos dimitteret; sed ut mutaret, et ex deformibus pulchros ficeret. Quomodo erimus pulchri? Amando eum qui semper est pulcher. Quantum in te crescit amor, tantum crescit pulchritudo; quia ipsa charitas est animae pulchritudo. *Nos diligamus, quia ipse prior dilexit nos.* Audi apostolum Paulum: *Ostendit autem Deus dilectionem suam in nobis, quoniam cum adhuc peccatores essemus, Christus pro nobis mortuus est* (Rom. v, 8, 9), justus pro injustis, pulcher pro foedis. Quomodo invenimus pulchrum Jesum? *Speciosus forma praefiliis hominum, diffusa est gratia in labiis tuis* (Psal. XLIV, 3). Unde? Item videte unde sit pulcher, *Speciosus forma praefiliis hominum;* quia in principio erat Verbum, et Verbum erat apud Deum, et Deus erat Verbum (Joan. i, 1). Quia vero carnem suscepit, quasi foeditatem tuam suscepit, id est, mortalitatem tuam, ut aptaret se tibi, et congrueret tibi, et excitarer te ad amandam intus pulchritudinem. Unde ergo invenimus quia foedus et deformis est Jesus, sicut invenimus quia pulcher et speciosus forma praefiliis hominum? Unde invenimus quia et deformis? Isaiam interroga: *Et vidimus eum, et non habebat speciem, neque decorem* (Isai. LIII, 2). Illae sunt duæ tibiae quasi diverse sonantes; sed unus Spiritus ambas inflat. Hac dicitur, *Speciosus forma praefiliis hominum:*

hac dicitur in Isaia, *Vidimus eum, et non habebat speciem, neque decorem.* Uno Spiritu implentur ambæ tibiae, non dissonant. Noli aures avertere, adhibe intellectum. Interrogemus Paulum apostolum, et exponat nobis consonantiam durarum tibiarum. Sonet nobis, *Speciosus forma praefiliis hominum:* Qui cum in forma Dei esset, non rapinam arbitratus est esse aequalis Deo. Ecce speciosus forma praefiliis hominum. Sanct nobis etiam, *Vidimus eum, et non habebat speciem neque decorem:* Semetipsum extinxerunt formam servi accipiens, in similitudine hominum factus, et habitu inventus ut homo (Philipp. ii, 6, 7). Non habebat speciem neque decorem, ut tibi daret speciem et decorem. Quam speciem? quem decorem? Dilectionem charitatis; ut amans curras, currens ames. Pulcher es jam: sed noli te attendere, ne perdas quod acceperisti; illum attende, a quo factus es pulcher. Ideo sis pulcher, ut ille te amet. Tu autem totam intentionem tuam in illum dirige, ad illum curre, ejus amplexus pete, ab illo time discedere; ut sit in te timor castus, permanens in sacerulum saeculi. *Nos diligamus, quia ipse prior dilexit nos.*

10. *Si quis dixerit, Diligo Deum.* Quem Deum? Quare diligimus? *Quia ipse prior dilexit nos,* et donavit nobis diligere. Dilexit impios, ut faceret pios; dilexit injustos, ut faceret justos; dilexit aegrotos, ut faceret sanos. Ergo et *nos diligamus, quia ipse prior dilexit nos.* Interroga unumquemque, dicat tibi si diligat Deum. Clamat, constitetur, *Diligo, ipse scit.* Est aliud unde interrogetur. *Si quis dixerit, inquit, Diligo Deum, et fratrem suum odit, mendax est.* Unde probas quia mendax est? Audi: *Qui enim non diligit fratrem suum quem videt, Deum quem non videt, quomodo potest diligere?* Quid ergo? qui diligit fratrem, diligit et Deum? Necesse est ut diligat Deum, necesse est ut diligat ipsam dilectionem. Numquid potest diligere fratrem, et non diligere dilectionem? Necesse est ut diligat dilectionem. Quid ergo, qui diligit dilectionem, ideo diligit Deum? Utique ideo. Diligendo dilectionem, Deum diligit. An oblitus es quod paulo ante dixisti, *Deus dilectio est* (Joan. iv, 8, 16)? Si Deus dilectio, quisquis diligit dilectionem, Deum diligit. Dilige ergo fratrem, et securus esto. Non potes dicere, *Diligo fratrem, sed non diligo Deum.* Quomodo mentiris si dicas, *Diligo Deum, quando non diligis fratrem;* sic falleris, quando dicas, *Diligo fratrem,* si putas quia non diligis Deum. Necesse est qui diligis fratrem, diligas ipsam dilectionem; *dilectio autem Deus est:* necesse est ergo ut Deum diligat quisquis diligit fratrem. Si autem non diligis fratrem quem vides, Deum quem non vides quomodo potes diligere? Quare non videt Deum? Quia non habet ipsam dilectionem. Ideo non videt Deum, quia non habet dilectionem; ideo non habet dilectionem, quia non diligit fratrem: propterea ergo non videt Deum, quia non habet dilectionem. Nam si habeat dilectionem, Deum videt; quia *Deus dilectio est:* et purgatur ille oculus magis magisque dilectione, ut videat illam incommuni-

¹ Lov.: *Quem? Deum.* M.

tabilem substantiam; cuius præsentia semper gaudet, qua perfruatur in æternum conjunctus Angelis. Sed currat modo, ut aliquando in patria lætetur. Non amet peregrinationem, non amet viam: totum amarum sit, præter illum qui vocat, quonsque inhæramus illi, et dicamus quod dictum est in Psalmo, *Perdidisti omnes quia fornicantur abs te.* Et qui sunt qui fornicantur? Qui discedunt, et amant mundum. Tu autem quid? Sequitur et dicit: *Mili autem inhærente Deo bonum est* (*Psalm. lxxii, 27, 28*). Totum bonum meum est, Deo inhærente gratis. Nam si interroges, et dicas, *Quare inhæres Deo?* Et dicat, *Ut donet mihi.* Quid tibi donet? Cœlum ipse fecit, terram ipse fecit: quid tibi donatus est? jam inhæres illi: inveni meius, et donat tibi.

11. *Qui enim non diligit fratrem suum quem videt, Deum quem non videt, quomodo potest diligere?* Et hoc mandatum habemus ab ipso, ut qui diligit Deum, diligat et fratrem suum. Magnifice dicebas, *Diligo Deum;* et odis fratrem! O homicida, quonodo diligis Deum? Non audisti superius in ipsa Epistola, *Qui odit fratrem suum, homicida est?* Sed prorsus diligo Deum, quamvis oderim fratrem meum. Prorsus non diligis Deum, si odis fratrem. Et modo probo alio documento. Ipse dixit, *Dedit nobis præceptum, ut diligamus invicem* (*I Joan. iii, 15, 23*): quomodo diligis eum, cuius odisti præceptum? Quis est qui dicat, *Diligo imperatorem, sed odi leges ejus?* In hoc intelligit imperator si diligis eum, si observentur leges ejus per provincias. Lex imperatoris quæ est? *Mandatum novum do vobis, ut vos invicem diligatis* (*Joan. xiii, 34*). Dicis ergo te diligere Christum; serva mandatum ejus, et fratrem diligere. Si autem fratrem non diligis; quomodo eum diligis, cuius mandatum contemnis? Fratres, ego non satior loquendo de charitate in nomine Christi. Quantum et vos habetis hujus rei avaritiam, tantum speramus quia crescit in vobis ipsa, et foras mittit timorem, ut remaneat ille timor castus permanens in sœculum sœculi. Toleremus mundum, toleremus tribulationes, toleremus scandala tentationum. Non recedamus a via; teneamus unitatem Ecclesiæ, teneamus Christum, teneamus charitatem. Non divellamur a membris sponsæ ipsius, non divellamur a fide, ut gloriemur in praesentia ipsius: et securi manebimus in eo, modo per fidem, tunc per speciem, cuius tantas arrhas habemus dominum Spiritus sancti.

TRACTATUS X.

De eo quod Joannes scribit, Omnis qui credit quod Jesus sit Christus, ex Deo natus est; usque ad id, illæ: est enim dilectio Dei, ut præcepta ejus servemus. Cap. v, §. 4-13.

1. Meminisse vos credo, qui adfui stis hesterno dic, ad quem locum in progressu hujus Epistolæ pervernit nostra tractatio: id est, *Qui enim non diligit fratrem suum quem videt, Deum quem non videt quomodo potest diligere?* Et hoc mandatum habemus ab ipso, ut qui diligit Deum, diligat et fratrem suum. Huc usque disputatum erat. Quæ sequuntur ergo ex or-

dine videamus. *Omnis qui credit quod Jesus sit Christus, ex Deo natus est.* Quis est qui non credit quod Jesus sit Christus? Qui non sic vivit quomodo præcepit Christus. Multi enim dicunt, Credo; sed fides sine operibus non salvat. Opus autem fidei ipsa dilectionis est, dicente Paulo apostolo, *Et fides quæ per dilectionem operatur* (*Galat. v, 6*). Opera quidem tua præterita, antequam crederes, currebas quidem, sed præter viam currendo, errabas potius quam perveniebas. Est ergo nobis et currendum, et in via currendum. Qui præter viam currit, inaniter currit: imo ad laborem currit. Tanto plus errat, quanto præter viam currit. Quæ est via per quam currimus? Christus dixit, *Ego sum via.* Quæ patria, quo curriimus? Christus dixit, *Ego sum veritas* (*Joan. xiv, 6*). Per illum curris, ad illum curris, in ipso requiescis. Sed ut cureremus per illum, extendit se usque ad nos: longe enim eramus, et longe peregrinabamur. Parum est quia longe peregrinabamur; et languidi nos movere non poteramus. Medicus venit ad ægrotos, via porrecta est ad peregrinos. Salvemur ab ipso, ambulemus per ipsum. Illoc est credere quia Jesus Christus est, quomodo credunt christiani, qui non solo nomine christiani sunt, sed et factis et vita: non quomodo credunt dæmones. Nam et dæmones credunt, et contremiscunt, sicut dicit Scriptura (*Jacobi ii, 19*). Quid potuerunt plus credere dæmones, quam ut dicerent, *Scimus qui sis, Filius Dei?* Quod dixerunt dæmones, hoc dixit et Petrus. Cum Dominus quereret quis esset, et quem illum dicerent homines, responderunt illi discipuli: *Alii dicunt te Joannem Baptistam, alií Eliam, alií Jereniam, aut unum ex Prophetis.* Et ille: *Vos autem quem me esse dicitis?* Respondit Petrus, et ait: *Tu es Christus Filius Dei vivi.* Et audivit a Domino: *Beatus es, Simon Bar Jona, quia non revelavit tibi caro et sanguis, sed Pater meus qui est in caelis.* Videite quæ laudes prosequantur hanc fidem: *Tu es Petrus, et super hanc petram ædificabo Ecclesiam meam* (*Math. xvi, 13-18*). Quid est, *super hanc petram ædificabo Ecclesiam meam?* Super hanc fidem, super id quod dictum est, *Tu es Christus Filius Dei vivi.* *Super hanc petram, inquit, fundabo Ecclesiam meam.* Magna laus! Ergo dicit Petrus, *Tu es Christus Filius Dei vivi:* dicunt et dæmones, *Scimus qui sis, Filius Dei, sanctus Dei.* Illoc Petrus, hoc et dæmones: eadem verba, non idem animus. Et unde constat quia hoc Petrus cum dilectione dicebat? Quia fides christiani cum dilectione est; dæmonis autem sine dilectione. Quomodo sine dilectione? Hoc dicebat Petrus, ut Christum amplectetur: hoc dicebant dæmones, ut Christus ab eis recederet. Nam antequam dicerent, *Scimus qui sis; tu es Filius Dei:* *Quid nobis et tibi est, dixerunt?* *Quid venisti ante tempus perdere nos* (*Math. viii, 29, et Marc. i, 24*)? Aliud est ergo confiteri Christum, ut tencas Christum,

aliud confiteri Christum, ut repellas a te Christum. Ergo videtis quia quomodo hic dicit, *Qui credit, propria quædam fides est; non quomodo cum multis. Itaque, fratres, nemo hæreticorum dicat vobis, Et nos credimus. Ideo enim de dæmonibus exemplum proposui, ne gaudeatis ad verba credentium, sed exploraretis facta viventium.*

2. Videamus ergo quid est credere in Christum; quid, credere quia Jesus ipse est Christus. Sequitur, *Omnis qui credit quod Jesus sit Christus, ex Deo natus est. Sed quid est credere illud? Et omnis qui diligit qui genuit eum, diligit eum qui genitus est ab ipso. Statim fidei coniunxit dilectionem; quia sine dilectione fides inanis est. Cum dilectione fides christiani, sine dilectione fides dæmonis: qui autem non credunt, pejores sunt quam dæmones, et tardiores quam dæmones. Nescio quis non vult credere in Christum; adhuc nec dæmones imitatur. Jam credit in Christum, sed odit Christum; habet confessionem fidei in timore poenæ, non in amore coronæ: nam et illi puniri timebant. Adde huic fidei dilectionem, ut fiat fides qualis dicit Apostolus Paulus, *Fides quæ per dilectionem operatur* (Galat. v, 6): invenisti christianum, invenisti civem Jerusalem, invenisti civem Angelorum, invenisti in via suspirantem peregrinum; adjunge te illi, comes tuus est, curre cum illo, si tamen et tu hoc es. *Omnis qui diligit qui genuit eum, diligit eum qui genitus est ab ipso. Quis genuit? Pater. Quis est genitus? Filius. Quid ergo ait? Omnis qui diligit Patrem, diligit Filium.**

3. In hoc cognoscimus quia diligimus filios Dei. Quid est hoc, fratres? Paulo ante de Filio Dei dicebat, non de filiis Dei: ecce unus positus est Christus contemplandus nobis, et dictum est nobis, *Omnis qui credit quod Jesus sit Christus, est ex Deo natus: et omnis qui diligit qui genuit eum, id est, Patrem, diligit eum qui genitus est ex ipso, id est, Filium Dominum nostrum Jesum Christum.* Et sequitur, *In hoc cognoscimus quia diligimus filios Dei;* quasi dicturus esset, *In hoc cognoscimus quia diligimus Filium Dei: filios Dei dixit, qui Filium Dei paulo ante dicebat; quia filii Dei corpus sunt unici Filii Dei; et cum ille caput, nos membra, unus est Filius Dei.* Ergo qui diligit filios Dei, Filium Dei diligit; et qui diligit Filium Dei, Patrem diligit: nec potest quisquam diligere Patrem, nisi diligit Filium; et qui diligit Filium, diligit et filios Dei. Quos filios Dei? Membra Filii Dei. Et diligendo fit et ipse membrum, et fit per dilectionem in compage corporis Christi; et erit unus Christus amans seipsum. Cum enim se invicem amat membra, corpus se amat. Et si patitur unum membrum, compatiuntur omnia membra; et si gloriatur unum membrum, congaudent omnia membra. Et quid secutus ait? *Vos autem estis corpus Christi et membra* (I Cor. xii, 26, 27). Dicebat paulo ante de dilectione fraterna, et ait, *Qui non diligit fratrem quem videt, Deum quem non videt quomodo poterit diligere* (I Joan. iv, 20)? Si autem diligis fratrem, forte fratrem diligis, et Christum non dili-

gis? Quomodo, quando membra Christi diligis? Cum ergo membra Christi diligis, Christum diligis; cum Christum diligis, Filium Dei diligis; cum Filium Dei diligis, et Patrem diligis. Non potest ergo separari dilectio. Elige tibi quid diligas; sequuntur te cætera. Dicas, Deum solum diligo, Deum Patrem. Mentiris: si diligis, non solum diligis¹; sed si diligis Patrem, diligis et Filium. Ecce, inquis, diliggo Patrem, et diliggo Filium: sed hoc solum, Patrem Deum et Filium Deum et Dominum nostrum Jesum Christum qui ascendit in cœlos, et sedet ad dexteram Patris, illud Verbum per quod facta sunt omnia, et Verbum caro factum est, et habitavit in nobis (Joan. i, 3, 14); hoc solum diliggo. Mentiris: si enim diligis caput, diligis et membra; si autem membra non diligis, nec caput diligis. Non expavescis vocem capitis de cœlo clamantem pro membris, *Saule, Saule, quid me persecueris* (Act. ix, 4)? Persecutorem suum vocavit persecutorem membrorum suorum: dilectorem suum vocavit dilectorem membrorum suorum. Jam quæ sunt membra ejus, nostis, fratres; ipsa est Ecclesia Dei. *In hoc cognoscimus quia diligimus filios Dei, quia Deum diligimus.* Et quomodo? Non aliud sunt filii Dei, aliud Deus? Sed qui Deum diligit, præcepta ejus diligit. Et quæ sunt præcepta Dei? *Mandatum novum do vobis, ut vos invicem diligatis* (Joan. xiii, 31). Nemo se excusat per aliam dilectionem, ad aliam dilectionem; omnino sic se tenet ista dilectio: quomodo ipsa compaginata est in unum, sic omnes quæ ex illa pendent, unum facit, et quasi constat illos ignis. Aurum est, conflatur massa, et fit unum aliquid: sed nisi fervor charitatis accendat, ex multis in unum conflari non potest. *Quia Deum diligimus, inde cognoscimus quia diligimus filios Dei.*

4. Et unde cognoscimus quia diligimus filios Dei? *Quia Deum diligimus, et præcepta ejus facimus.* Suspiramus hic ex difficultate faciendi præceptum Dei. Audi quid sequatur. Homo, quid laboras amando? Amendo avaritiam². Cum labore amatur quod amas: sine labore amatur Deus. Avaritia jussura est labores, pericula, trituras, tribulationes; et obtemperatus es. Quo sine? Ut habeas unde impleas arcum, perdas securitatem. Securior forte eras antequam haberes, quam cum habere coepisti. Ecce quid tibi jussit avaritia: implesti domum, timentur latrones; acquisisti aurum, perdidisti somnum. Ecce quid tibi jussit avaritia. Fac, et fecisti. Quid tibi jubet Deus? Dilige me. Aurum diligis, quæsiterus es aurum, et forte non inventurus: quisquis me querit, cum illo sum. Amaturus es honorem, et forte non perventurus: quis me amavit, et non ad me pervenit? Dicit tibi Deus, Patronum tibi vis facere, aut amicum potentem; ambis per alium inferiorem. Me ama, dicit tibi Deus: non

¹ varie legitur locus ille apud editos. Iugd. et Ven. sic eum exhibent: *Mentiris Deum si diligis, non solum Deum diligis; sed si diligis Patrem, diligis et Filium.* Duo MSS. apud Lov., mentiris. *Si diligis, non solum Patrem diligis,* etc. M.

² Sic Lov.: *homo qui laboras amando avaritiam, cum labore.* Er. Iugd. ven., *homo qui laborabas, et cætera ut Lov. M.*

ad me ambitur per aliquem ; ipse amor presentem me tibi facit. Quid dulcissimus dilectione ista , fratres ? Non sine causa modo audistis in Psalmo , fratres , *Narraverunt mihi injusti delectationes ; sed non sicut lex tua , Domine* (*Psalm. cxviii, 85*). Quæ est lex Dei ? Mandatum Dei . Quod est mandatum Dei ? Novum illud mandatum , quod ideo novum dicitur , quia innovat : *Mandatum novum do vobis, ut vos invicem diligatis*. Audi quia ipsa est lex Dei : Apostolus dicit , *In vicem onera vestra portate, et sic adimplebitis legem Christi* (*Galat. vi, 2*). Ipsa est consummatio omnium operum nostrorum , dilectio . Ibi est finis : propter hoc currimus ; ad ipsam currimus ; cum venerimus ad eam requiescemos .

5. Audistis in Psalmo , *Omnis consummationis vidi finem* (*Psalm. cxviii, 96*). Dixit , *Omnis consummationis vidi finem : quid viderat iste ? Putamus, ascenderat in verticem alicujus altissimi montis et acutissimi, et perspexerat, et viderat ambitum terræ et circulos orbis universi ; et ideo dixit, Omnis consummationis vidi finem ? Si hoc laudabile est, oculos carnis queramus a Domino tam acutos, ut aliquem excelsissimum montem, qui est in terra, requiramus, de cuius cacumine videamus omnis consummationis finem*. Noli ire longe : ecce dico tibi , ascende in montem, et vide finem . Christus mons est ; veni ad Christum , vides inde finem omnis consummationis . Quis est iste finis ? Pau-tum interroga : *Finis autem præcepti est charitas de corde puro, et conscientia bona, et fide non facta* (*1 Tim. i, 5*) ; et alio loco , *Plenitudo autem legis charitas* (*Rom. xiii, 10*). Quid tam finitum et terminatum quam plenitudo ? Etenim, fratres, finem ponit laudabiliter . Nolite putare consumptionem , sed consummationem . Aliter enim dicitur , Finivi panem ; aliter , Finivi tunicam . Finivi panem manducando ; finivi tunicam intexendo . Et ibi finis : onat, et illic finis sonat : sed tamen panis finitur ut consumatur, tunica finitur ut consumetur ; panis finitur ut non sit, tunica finitur ut perfecta sit . Ergo sic audite finem , et quando legitur Psalmus , et auditis , *In finem Psalmus David* . Assidue auditis hoc in Psalmis , et debetis nosse quod auditis . Quid est , *in finem ? Finis enim Legis Christus est, ad justitiam omni credenti* (*Id. x, 4*) . Et quid est , *finis Christus ? Quia Christus Deus*, et finis præcepti charitas , et Deus charitas : quia Pater et Filius et Spiritus sanctus unus sunt . Ibi tibi finis est : alibi via est . Noli haerere in via, et non pervenire ad finem . Ad quidquid aliud veneris , transi usquequo pervenias ad finem . Quid est finis ? *Miki autem adhaerere Deo bonum est* (*Psalm. lxxii, 28*) . Adhaesisti Deo , finisti viam ; permanebis in patria . Intendite . Pecuniam aliquis querit ; non sit tibi finis : transi ¹ tanquam peregrinus . Quere ubi transeas , non ubi remaneas . Si autem amas , per avaritiam implicatus es : erit tibi avaritia catena pedum ; ultra progredi non potes . Transi ergo et hoc ; quære finem . Salutem corporis queris , adhuc noli ibi remanere . Quæ est enim ista salus corporis , quæ morte perimitur , quæ aegritudine debilitatur , fri-

vola , mortalitis , fluxa ? Quære illam , ne impedit forte morbida valetudo opera tua bona . Ergo non est ibi finis ; quia propter aliud queritur . Quidquid propter aliud queritur , non est ibi finis : quidquid propter se et gratis queritur , ibi est finis . Quæreris honores ; forte ad aliquid agendum queris , ut peragas aliquid , ut placeas Deo : noli ipsum honorem amare , ne ibi remaneas . Quæreris laudem ? Si Dei queris , bene facis : si tuam queris , male facis ; remanes in via . Sed ecce amaris tu , laudaris : noli gratulari quando in te laudaris ; laudare in Domino , ut cantes , *In Domino laudabitur anima mea* (*Psalm. xxxiii, 3*) . Sermonem aliquem bonum dicis , et laudatur sermo tuus ? Non laudetur quasi tuus , non est ibi finis . Si ibi ponis finem , finiris : sed non finiris quasi perficiaris , sed finiris ut consummaris . Ergo non laudetur sermo tuus quasi abs te , quasi tuus . Sed quomodo laudetur ? Quomodo dicit Psalmus , *In Deo laudabo sermonem, in Deo laudabo verbum* ? Ex hoc fit ut fiat in te quod sequitur , *In Deo speravi, non timebo quid faciat mihi homo* (*Psalm. lv, 5, 11*) . Quando enim omnia tua in Deo laudantur , non timetur ne pereat laus tua ; quia non deficit Deus . Ergo transi et ipsam .

6. Videte , fratres , quanta transimus , in quibus non est finis . His utimur quasi in via ; quasi in mansionibus stabulorum reliscimus , et transimus . Ubi ergo finis ? *Dilectissimi, filii Dei sumus, et nondum apparuit quid erimus* ; hic dictum est ¹ , in hac Epistola . Adhuc ergo in via sumus ; adhuc quocumque venerimus , transire debemus , usquequo perveniamus ad aliquem finem . *Scimus quia cum apparuerit, similes ei erimus, quoniam videbimus eum sicuti est* (*1 Joan. iii, 2*) . Iste finis ; ibi perpetua laudatio , ibi semper Alleluia sine defectu . Ergo ipsum finem dixit in Psalmo , *Omnis consummationis vidi finem* . Et quasi diceretur illi , Quis est finis quem vidisti ? *Latum mandatum tuum valde* (*Psalm. cxviii, 96*) . Ipse est finis , latitudo mandati . Latitudo mandati charitas est ; quia ubi est charitas , non sunt angustiae . In ipsa latitudine erat Apostolus , cum diceret , *Os nostrum patet ad vos, o Corinthii; cor nostrum dilatatum est : non angustiamini in nobis* (*2 Cor. vi, 11-12*) . Ideo ergo latum mandatum tuum valde . Quod est latum mandatum ? *Mandatum novum do vobis, ut vos invicem diligatis* . Charitas ergo non angustatur . Vis non angustari in terra ? In lato habita . Quidquid enim tibi fecerit homo , non te angustat ; quia illud diligis quod non nocet homo : Deum diligis , fraternitatem diligis , legem Dei diligis , Ecclesiam Dei diligis ; semper erit . Laboras in terra , sed pervenies ad fructum promissum . Quis tibi tollit quod diligis ? Si nemo tollit tibi quod diligis , securus dormis : imo securus vigilas , ne dormiendo perdas quod diligis . Non enim frustra dictum est , *Illumina oculos meos, ne quando obdormiam in morte* (*Psalm. xii, 4*) . Qui claudunt oculos contra charitatem , obdormiscent in concupiscentiis delectationum carnalium . Evigila ergo . Delectationes enim sunt , manducare , bibere , luxuriari , ludere , venari : pompas istas vanas omnia mala sequuntur . Nunquid nescimus quia dele-

¹ Er. Lugd. et Ven., non sit ibi finis. Transi. M.

Er. Lugd. Ven. Lov., hoc. M.

ctationes sunt? Quis néget quia delectant? Sed plus diligitur lex Dei¹. Clama contra tales suasores, *Narraverunt mihi injusti delectationes; sed non sicut lex tua, Domine.* Ista delectatio manet. Non solum manet quo venias, sed etiam revocat fugientem

7. Hæc est enim dilectio Dei, ut præcepia ejus servemus. Jam audistis, *In his duobus præceptis tota Lex pendet et Prophetæ.* Quomodo noluit te dividere per multas paginas? *In his duobus præceptis tota Lex pendet et Prophetæ.* In quibus duobus præceptis? *Diliges Dominum Deum tuum ex toto corde tuo, et ex tota anima tua, et ex tota mente tua;* et, *Diliges proximum tuum sicut teipsum.* *In his duobus præceptis tota Lex pendet et Prophetæ* (*Matt. xxii, 37-40*). Ecce de quibus præceptis narrat tota ista Epistola. Tenete ergo dilectionem, et securi estote. Quid times ne male facias alii cui? Quis male facit ei quem diligit? Dilige, non potest fieri nisi bene facias. Sed forte corripis? Amor hoc facit, non scvitia. Sed forte cædis? Ad disciplinam facis; quia amor ipsius dilectionis non te permittit negligere indisciplinatum. Et sit quodammodo quasi diversus fructus et contrarius, ut aliquando odium blandiatur, et charitas scvitia. Nescio quis odit inimicum suum, et singit illi amicitiam: videt illum facere aliquid mali, laudat: vult eum esse præcipitem, vult ex eum ire per abrupta cupiditatum suarum, unde forte non redeat; laudat, *Quoniam laudatur peccator in desideriis animæ suæ* (*Psal. ix, 3*); adhibet illi unctuonem adulatioñis suæ: ecce odit, et laudat. Alter videt amicum suum tale aliquid facere, revocat; si illum non audiat, profert verba etiam castigationis, objurgat, litigat: aliquando venitur ad hanc necessitatem ut litiget. Ecce odium blanditur, et charitas litigat. Noli attendere verba blandientis, et quasi scvitiam objurgantis; venam inspicere, radicem unde procedant quare. Ille blanditur ut decipiatur, iste litigat ut corrigit. Ergo non opus est, fratres, ut per nos distendatur cor vestrum; impetrare a Deo ut diligatis invicem. Omnes homines, etiam inimicos vestros diligatis: non quia sunt fratres, sed ut fratres sint; ut semper fraterno amore flagretis, sive in fratrem factum, sive in inimicum, ut frater sit diligendo. Ubi cumque fratrem diligitis, amicum diligitis. Jam tecum est, jam in unitate etiam catholica tibi conjunctus est. Si bene vivis, fratrem diligis factum ex inimico. Sed diligis aliquem² qui nondum credit Christo, aut si credit Christo, ut dæmones credit³; reprehendis vanitatem ipsius⁴. Tu diligis, et fraterno amore diligis: nondum est frater, sed ideo diligis ut sit frater. Ergo tota dilectio nostra fraterna est erga Christianos, erga omnia membra ejus. Disciplina charitatis, fratres mei, robur, flores, fructus, pulchritudo, amoenitas, pastus, potus, cibus, amplexus, sine satiætate est. Si sic nos delecat peregrinos, in patria quomodo gaudemus?

¹ Edit. diligatur. Novem MSS., diligitur. Alii duo, delectat.
² Er. Lugd. Ven., si, pro, sed, et paulo infra cum Lov., tu diligis. M.
³ Er. Lugd. Ven. Lov., creditit. M.
⁴ Aliquot MSS., reprehendit unitatem ipsius.

8. Curramus ergo, fratres mei, curramus, et diligamus Christum. Quem Christum? Jesum Christum. Quis est iste? Verbum Dei. Et quomodo venit ad agrotos? *Verbum caro factum est, et habitavit in nobis* (*Ioan. i, 14*). Completum est ergo quod Scriptura prædicta, *Oportebat Christum pati, et resurgere tertia die a mortuis.* Corpus ipsius ubi jacet? Meinbra ipsius ubi laborant¹? Ubi esse debes, ut sub capite sis? *Et prædicari in nomine ejus penitentiam et remissionem peccatorum per omnes gentes, incipiens ab Jerusalem* (*Luc. xxiv, 46, 47*). Ibi diffundatur charitas tua. Dicit Christus et Psalmus, id est, Spiritus Dei, *Latum mandatum tuum valde;* et nescio quis ponit in Africa fines charitatis! Extende charitatem per totum orbem, si vis Christum amare; quia membra Christi per orbem jacent. Si amas partem, divisus es: si divisus es, in corpore non es: si in corpore non es, sub capite non es. Quid prodest quia credis, et blasphemas? Adoras illum in capite, blasphemas in corpore. Amat ille corpus suum. Si tu te præcidisti a corpore ipsius, caput non se præcidit a corpore suo. Sine causa me honoras, clamat tibi caput desuper; sine causa me honoras. Tanquam si velit tibi aliquis osculari caput, et calcare tibi pedes: forte caligis clavatis contereret pedes tuos², volens tibi tenere caput, et osculari; nonne inter verba honorantis clamares et dices, *Quid facis, homo?* calcas me. Non dices, *Calcas caput meum;* quia caput honorabat: sed plus clamaret caput pro membris calcatis, quam pro se, quia honorabatur. Nonne clamat ipsum caput, *Nolo honorem tuum; calcare me noli?* Jam tu dic, si potes, *Quare te calcavi?* dic illud capiti, *Te osculari volui, amplecti volui.* Sed non vides, o stulte, quia quod vis amplecti, per quamdam compaginem unitatis pervenit ad id quod calcas? Susum me honoras, jusum me calcas. Plus dolet quod calcas, quam gaudent quod honoras; quia quod honoras, dolet pro eis quos calcas. Quomodo clamat lingua? Dolet mihi. Non dicit, *Dolet pedi meo;* sed, *Dolet mihi,* dicit. O lingua, quis te tetigit? quis percussit? quis stimulavit? quis pupugit? Nemo, sed conjuncta sum eis quæ calcantur. Quomodo vis non doleam, quando non sum separata?

9. Dominus ergo noster Jesus Christus ideo ascendens in cœlum die quadragesimo, commendavit corpus suum qua habebat jacere, quia videt multos honoratores se, quia ascendit in cœlum; et videt quia honor ipsorum inutilis est, si conculcant membra ipsius in terra. Et ne quis erraret, et cum adoraret caput in cœlo, calcaret pedes in terra, dixit ubi essent membra ipsius. Ascensurus enim dixit verba novissima; post ipsa verba non est locutus in terra. Ascensurum caput in cœlum commendavit membra in terra, et discessit. Jam non invenis loqui Christum in terra: invenis illum loqui, sed de cœlo. Et de ipso cœlo quare? Quia membra calcabantur in terra. Persecutori enim Saulo dixit desuper, *Saule, Saule, quid me persequeris* (*Act. ix, 4*)? Ascendi in cœlum, sed adhuc in terra jaceo:

¹ Er., *Corpus ipsius ubi jacet, membra ipsius laborant.* M.
² Er. Lugd. Ven. Lov., *conteret pedes tuos.* M.

hic ad dexteram Patris sedebo; ibi adhuc esurio, sitio, et peregrinus sum. Quomodo ergo corpus commendavit in terra ascensurus? Cum interrogarent illum discipuli, *Domine, si hoc in tempore præsentaberis, et quando regnum Israel?* respondit iterus, *Non est verum scire tempus quod Pater posuit in sua potestate: sed accipietis virtutem Spiritus sancti supervenientem in vos, et eritis mihi testes.* Videte qua diffundat corpus suum, videte ubi se calcari non vult: *Eritis mihi testes in Ierusalem, et in totam Judæam, et Samariam, et usque in totam terram* (*Act. 1,6-8*). Ecce qua jaceo qui ascendo. Ascendo enim, quia caput sum: jacet adhuc corpus meum. Qua jacet? Per totam terram. Cave ne percutias, cave ne violes, cave ne calces: novissima verba Christi sunt ista, ituri in cœlum. Considerate anguentem in lecto hominem, in domo jacentem, et maceratum ægritudine, proximum morti, anhelantem, jam animam quodammodo inter dentes habentem, qui forte sollicitus de aliqua re chara sibi, quam multum diligit, veniat illi in mentem, et vocet hæredes suos et dicat, *Rogo vos, facite hoc.* Tenet quodammodo violenter animam, ne ante exeat quam illa verba firmenter. Cum illa verba novissima dictaverit, efflat animam: tollitur cadaver in sepulcrum. Hæredes ipsius quomodo meminerunt novissima verba morientis? Quomodo, si quis existat qui dicat eis, *Nolite facere: quid ergo illi dicant?* Ergo non facio quod mihi pater meus efflans animam novissime mandavit, quod ultimum sonuit in aures meas, prosciscente hinc patre meo? Quævis alia verba ipsius aliter possum habere, novissima verba me plus tenent: non eum vidi amplius, non audivi loquentem. Fratres, cogitate visceribus christianis, si hæredibus sunt tam dulcia, tam grata, tam magni ponderis verba ituri in sepulcrum; hæredibus Christi, qualia debent esse verba novissima, non reddituri in sepulcrum, sed ascensuri in cœlum! Namque ille qui vixit et mortuus est, rapitur ad alia loca anima ipsius, corpus ipsius ponitur in terra: an siant illa verba, an non siant, non ad eum pertinet; jam aliud agit, aut aliud patitur: aut in sinu Abraham gaudet, aut in igne æterno aquæ modicum desiderat (*Luc. XVI, 22*, etc.); in sepulcro autem ipsius

jacet cadaver sine sensu; et custodiuntur verba novissima morientis. Quid sibi sperant illi qui verba novissima sedentis in cœlo non custodiunt, videntis de super an contemnuntur, an non contemnuntur? illius qui dixit, *Saule, Saule, quid me persequeris?* qui servat ad judicium quidquid videt pati membra sua?

10. Et quid nos fecimus, inquiunt? nos sumus passi persecutionem, non fecimus. Vos fecistis, o miseri: primo, quia divisistis Ecclesiam. Major est machæra linguae quam ferri. Superba fuit ancilla Saræ Agar; et afflictæ est a domina sua propter superbiam. Disciplina erat illa, non poena. Ideo cum recessisset a domina sua, quid ei dixit angelus? *Revertere ad dominam tuam* (*Gen. XVI, 4-9*). Sic ergo carnalis anima, tanquam ancilla superba, si forte aliquas molestias passa es propter disciplinam, quid insanis? Redi ad dominam tuam, tene dominicam pacem. Ecce profertur Evangelia, legimus qua diffunditur Ecclesia: disputatur contra, et dicitur nobis, Traditores. Cujus rei traditores? Christus commendat Ecclesiam suam, et non credis: ego tibi crediturus sum maledicenti parentibus meis? Vis ut credam tibi de traditoribus? crede tu prius Christo. Quid est dignum? Christus Deus est, tu homo es: cui prius debet credi? Christus Ecclesiam suam toto orbe diffudit: ego dico, contemne; Evangelium loquitur, cave. Quid dicit Evangelium? *Oportebat pati Christum, et resurgere a mortuis die tertia, et prædicari in nomine ejus pænitentiam, et remissionem peccatorum.* Ubi remissio peccatorum, Ecclesia est. Quomodo Ecclesia? Illi enim dicitum est, *Tibi dabo claves regni cœlorum: et quæ solvere in terra, soluta erunt et in cœlis; et quæ ligaveris in terra, ligata erunt et in cœlis* (*Matth. XVI, 19*). Qua diffunditur ista remissio peccatorum? *Per omnes gentes, incipiens ab Ierusalem* (*Luc. XXIV, 47*). Ecce crede Christo. Sed quia intelligis, si credideris Christo, non te habere quod dicas de traditoribus; tibi vis ut credam¹ parentibus meis maledicenti, quam tu credas Christo prædcenti (a).

¹ Plures e MSS., *ut credam et parentibus.* Et prope omnes pro, prædcenti, quod ultimum verbum est, habent, *prædicanti.*

(a) Illic desinat Tractatus in omnibus codicibus.

DE SUBSEQUENTI OPERE,

Vide librum 1, cap. 23, Retractionum, col. 620, a verbis, Cum presbyter adhuc essem, n. 1, usque ad col. 622, n. 4, verbis, in Epistola Pauli ad Romanos. M.



S. AURELII AUGUSTINI
HIPPONENSIS EPISCOPI
EXPOSITIO QUARUMDAM PROPOSITIONUM
EX
EPISTOLA AD ROMANOS.

Liber m^{is}s (a).



Sensus hi sunt in Epistola ad Romanos Pauli apostoli. Primo omnium ut quisque intelligat in hac Epistola quæstionem versari operum Legis et gratiæ.

PROPOSITIO PRIMA. [Rom. cap. 1, §. 4.] Quod autem ait, *Secundum Spiritum sanctificationis ex resurrectione mortuorum*, id est, quia Spiritus donum acceperunt post ejus resurrectionem: mortuorum vero resurrectionem memorat, quia in ipso omnes crucifixi sumus, et resurreximus.

II. [lb. 1, 11.] Quod autem dicit, *Ut gratiam vobis spiritualem impertiar*: dilectionem scilicet Dei et proximi, ut per charitatem Christi Gentibus in Evangelium vocatis minime invidenter.

III. [lb. 1, 18.] Quod autem dicit, *Revelatur ira Dei de celo super omnem impietatem, etc.*, ait et Salomon de sapientibus mundi: *Si enim tantum potuerunt seire, ut possent estimare saeculum; quomodo ipsis mundi Dominum et Creatorem non facilius invenerunt* (Sap. xiii, 9)? Sed quos arguit Salomon, non cognoverunt per creaturam Creatorem: quos autem arguit Apostolus, cognoverunt; sed gratias non egerunt, et dicentes se esse sapientes, stulti facti sunt, et ad colenda simulacula deciderunt (Rom. 1, 21-23). Nam sapientes Gentium quod invenirent Creatorem, manifeste idem apostolus, cum Atheniensibus loqueretur, ostendit. Cum enim dixisset, *Quia in ipso vivimus, et movemur, et sumus*; addidit, *Sicut et quidam secundum vos dixerunt* (Act. xvii, 28). Hac autem intentione prius arguit impietatem Gentium, ut ex hac probet etiam ad gratiam posse pertingere conversos. Injustum est enim ut pœnam subeant impietatis, et præmium fidei non accipiant.

IV. [lb. 1, 21.] Quod autem dicit, *Cognoscentes Deum, non ut Deum glorificaverunt, aut gratias egerunt*, hoc caput est peccati, de quo dictum est, *Initium omnis peccati superbia* (Eccl. x, 15). Qui si gratias egissent Deo, qui dederat hanc sapientiam, non sibi aliquid tribuisserent cogitationibus suis. Quapropter in desideria cordis sui traditi sunt a Domino, ut facerent que non convenient.

V. [lb. 1, 24.] Quod autem dicit, *Tradidit, intelligitur, dimisit in desideria cordis eorum*. Mercedem autem mutuam dicit recepisse de Deo, ut traderentur in desideria cordis sui.

VI. [lb. 1, 28, 29.] Quod autem demum dicit, *Tradidit illos Deus in reprobam mentem, etc., repletos, ait, omni iniustitate, datur intelligi, ad nocendum pertinere ista que nunc dicit, id est facinora. Superius autem diebat de corruptelis quæ flagitia nominantur, ex quibus ad facinora pervenitur; quoniam quisque perniciosam dulcedinem flagitorum sequens, dum impedientes personas removere conatur, pergit in facinus. Sic distinctus est etiam ille locus in Sapientia Salomonis, ubi cum enumerasset superiora flagitia, ait: Circumveniamus pauperem justum, quoniam inutilis est nobis* (Sap. ii, 12), etc.

VII-VIII. [lb. 1, 32; II, 4.] Quod autem dicit, *Non solum qui ea faciunt, sed etiam qui consentiunt facientibus*, significat quia quemcumque fecerunt, non invit¹, sed cum ad mala facta consentiunt, etiam illa que fecerunt² approbant: et ideo de perfectis jam peccatis dicit³, *Propterea inexcusabilis es, o homo omnis qui judicas*. Omnis autem cum dicit, subintrat jam ut monstrat non solum Gentilem, sed etiam Judæum qui

ADMONITIO PP. BENEDICTINORUM.

Collata est (præsens Expositio) ad MSS. Victorinos duos, ad unum Vaticanicum, ad Thuaneum, Corbeiensem, Germanensem, Colbertinum, Jolyensem, Navarricum, et unum Bernardinorum Parisiensis collegii; ad variantes lectiones Lov. ex tribus Belgicis codicibus; ad editiones Am. Er. et Lov. Quibus in editionibus observamus propositionum distinctionem haud esse idoneam, una videlicet atque eadem propositione in duas plures passim dissecata: nunc porro alia induci distinctio cum numericarum notarum mutatione non potuit, ne pareret confusionem.

Comparavimus præterea omnes editiones initio Retr. et Confess. t. 1, memoratas.

M.

(a) Scriptus circiter Christi an. 394: scilicet Augustino adhuc presbytero, ex lib. I Retract., cap. 23, n. 1

¹ Editi: non inviti fecerunt. Nam cum ad mala. At omnes MSS., non inviti, sed cum, etc., excepto uno Victorino qui habet, non inviti fecerunt, sed cum.

² Editi: illa que non fecerunt. Abest, non, ab octo MSS.

³ Editi, jam peccatis dicit. Quod autem ait, Propterea. At MSS. carent istis verbis, Quod autem ait; quæ in editis initium sunt Propositionis octave. Sed contra in MSS. verba sequentia ad Propositionem septimam pertinent.

secundum Legem volebat judicare de Gentibus.

IX. [lb. ii, 5.] Quod autem dicit, *Thesaurizas tibi iram in die ire, iram Dei ubique loquitur pro vindicta. Idecirco ait justi judicii Dei. Notandum autem quia ira Dei ponitur et in Novo Testamento: quod cum in Veteri legunt homines qui Legi veteri adversantur (a), culpandam eam putant; cum Deus utique, sicuti nos, perturbationibus non subjaceat, dicente Salomone, Tu autem, Domine virtutum, cum tranquillitate judicas (Sap. xii, 18). Sed ira, ut dictum est, in vindicta significacione ponitur.*

X. [lb. ii, 15.] Quod autem dicit, *Contestante conscientia illorum, secundum illud loquitur Joannis apostoli quo ait, Dilectissimi, si cor nostrum nos reprehenderit, major est Deus conscientia nostra, etc., (I Joan. iii, 20).*

XI. [lb. ii, 29.] Quod autem dicit, *Spiritu, non littera, hoc est, ut secundum spiritum, non secundum quod habet littera, Lex intelligatur: quod utique contigit illis qui circumcisioem magis carnaliter quam spiritualiter acceperunt.*

XII. [lb. ii, 29.] Quod autem dicit, *Cujus laus non ex hominibus, sed ex Deo, illi convenit quod ait, Qui in secreto Iudeus est.*

XIII-XVIII. [lb. iii, 20.] Quod autem dicit, *Quia non justificabitur in Lege omnis caro coram illo: per legem enim cognitio peccati, et cætera similia, quæ quidam putant in contumeliam Legis objicienda, sollicite satis legenda sunt, ut neque lex ab Apostolo improbata videatur, neque homini arbitrium liberum sit ablatum. Itaque quatuor istos gradus hominis distinguamus; ante Legem, sub Lege, sub gratia, in pace. Ante Legem, sequimur concupiscentiam carnis: sub Lege, trahimus ab ea: sub gratia, nec sequimur eam, nec trahimus ab ea: in pace, nulla est concupiscentia carnis. Ante Legem ergo non pugnamus; quia non solum concupiscimus et peccamus, sed etiam approbamus peccata: sub Lege pugnamus, sed vincimur; fatemur enim mala esse quæ facimus, et satendo mala esse, utique nolumus facere, sed quia nondum est gratia, superamur. In isto gradu ostenditur nobis quomodo jaceamus, et dum surgere volumus et cadimus, gravius affligimur. Inde hic dicitur, *Lex subintravit, ut abundaret delictum (Rom. v, 20).* Inde et quod nunc possumus est, *Per Legem enim cognitio peccati.* Non enim ablatio peccati est; quia per solum gratiam aufertur peccatum. Bona est ergo Lex, quia ea vetat quæ vetanda sunt, et ea jubet quæ jubenda sunt. Sed cum quisque illam viribus suis se putat implere, non per gratiam Liberatoris sui, nihil ei prodest ista præsumptio: imo etiam tantum nocet, ut et vehementiori peccati desiderio rapiatur, et in peccatis etiam prævaricator inveniatur. *Ubi enim non est Lex, nec prævaricatio (Id. iv, 15).* Sic ergo jacens eum se quisque cognoverit per seipsum surgere non valere, imploret Liberatoris auxilium. Venit ergo gratia quæ donet peccata præterita, et conantem adjuvet, et tribuat charitatem justitiae, et auferat me-*

(a) manichæi.

tum. Quod cum sit, tametsi desideria quædam carnis, dum in hac vita sumus, adversus spiritum nostrum pugnant, ut eum ducant in peccatum; non tamen his desideriis consentiens spiritus, quoniam est fixus in gratia et charitate Dei, desinit peccare. Non enim in ipso desiderio pravo, sed in nostra consensione peccamus. Ad hoc valet quod dicit idem apostolus, *Non ergo regnet peccatum in vestro mortali corpore ad obedientium desideriis ejus (Rom. vi, 12).* Hinc enim ostendit esse desideria, quibus non obediendo, peccatum in nobis regnare non sinimus. Sed quoniam ista desideria de carnis mortalitate nascuntur, quæ trahimus ex primo peccato primi hominis, unde carnaliter nascimur; non sicutur hæc, nisi resurrectione corporis immutationem illam, quæ nobis promittitur, mereuerimus, ubi perfecta pax erit, cum in quarto gradu constituemur¹. Ideo autem perfecta pax, quia nihil nobis resistet non resistantibus Deo. Hoc est quod dicit Apostolus, *Corpus quidem mortuum est propter peccatum, spiritus autem vita est propter justitiam. Si ergo Spiritus ejus qui suscitavit Jesum a mortuis, habitat in vobis; qui suscitavit Christum Jesum a mortuis, vivificabit et mortalia corpora vestra per inhabitantem Spiritum ejus in vobis (Id. viii, 10, 11).* Liberum ergo arbitrium perfecte fuit in primo homine, in nobis autem ante gratiam non est liberum arbitrium ut non peccamus, sed tantum ut peccare nolimus. Gratia vero efficit ut non tantum velimus recte facere, sed etiam possimus; non viribus nostris, sed Liberatoris auxilio, qui nobis etiam perfectam pacem in resurrectione tribuet, quæ pax perfecta bonam voluntatem consequitur. *Gloria enim in excelsis Deo, et in terra pax hominibus bona voluntatis (Luc. ii, 14).*

XIX. [lb. iii, 31.] Quod autem dicit, *Legem erga evaniam per fidem? Absit: sed Legem statuimus, id est, firmamus. Sed quemadmodum firmando erat Lex, nisi per justitiam? Justitiam autem quæ est per fidem; quia ea ipsa quæ non poterant impleri per Legem, per fidem impleta sunt.*

XX. [lb. iv, 2.] Quod autem ait, *Si enim Abraham ex operibus justificatus est, habet gloriam, sed non apud Deum; hoc est, quia Abraham sine Lege dum non ex operibus Legis gloriam conquerit, quasi suis viribus Legem impiebat, cum adhuc Lex ista data non esset, Dei illa gloria, non sua est. Non enim merito sui tanquam ex operibus, sed Dei gratia fide justificatus est.*

XXI. [lb. iv, 4.] Quod autem ait, *Ei autem qui operatur, merces non imputatur secundum gratiam, sed secundum debitum, dixit quemadmodum homines hominibus reddant mercedem. Nam Deus per gratiam dedit, quia peccatoribus dedit, ut per fidem justi viverent, id est bene operarentur. Quod ergo bene operamur jam accepta gratia, non nobis, sed illi tribuendum est, qui per gratiam nos justificavit. Nam si debitam mercedem vellet reddere, poenam redderet debitam peccatoribus.*

XXII. [lb. iv, 5.] Quod autem ait, *Qui justificat impium, hoc est ex impiis facit, ut de cetero in*

¹ Am. et Fr., fax erit quam in quarto gradu constituanus.

ipsa pietate permaneat atque justitia; quia ideo justificatus est ut justus sit, non ut peccare sibi licere arbitretur.

XXIII. [Ib. iv, 15.] Quod autem ait, *Lex enim iram operatur*, vindictam significat, et ad illum gradum pertinet, cum est quisque sub Lege.

XXIV. [Ib. iv, 17.] Quod autem ait, *Ante Deum cui creditit*, significavit fidem in interiori homine esse in conspectu Dei; non in ostentatione hominum, sicut uti est carnis circumcisio.

XXV. [Ib. iv, 20.] Quod autem ait de Abraham, *Dans gloriam Deo*, adversus illos positum est, qui gloriam suam de operibus Legis coram hominibus quererebant.

XXVI. [Ib. v, 3.] Quod autem ait, *Non solum autem, sed et gloriamur in tribulationibus*, et cætera gradatim perducit usque ad charitatem Dei; quam charitatem dum dicit nos habere per donum Spiritus, monstrat illa omnia quæ possemus nobis trahi, Deo esse trahi, qui per Spiritum sanctum gratiam dare dignatus est.

XXVII-XXVIII. [Ib. v, 13.] Quod autem ait, *Usque ad Legem enim peccatum in mundo fuit*, intelligendum est quoque veniret gratia. Contra eos enim dictum est, qui arbitrantur per Legem auferri potuisse peccata. Dicit autem Apostolus manifestata esse peccata per Legem, non autem ablata, cum dicit, *Peccatum autem non deputabatur, cum Lex non esset*. Non enim ait, non erat; sed, *non deputabatur*. Neque cum Lex data est, ablatum est; sed deputari coepit, id est, apparere. Non ergo putemus, *usque ad Legem*, ita dictum esse, quasi jam sub Lege non esset peccatum: sed sic dictum est, *usque ad Legem*, ut totum Legis tempus annumeres usque ad finem Legis, quod est Christus.

XXIX. [Ib. v, 14.] Quod autem ait, *Sed regnavit mors ab Adam usque ad Moysen, et in iis qui non peccaverunt in similitudinem prævaricationis Adæ*¹, duobus modis distinguitur: aut, *In similitudinem prævaricationis Adæ regnavit mors*; quia et qui non peccaverunt, ex origine mortalitatis Adam, mortui sunt. Aut certe, *Regnavit mors et in his qui non in similitudinem prævaricationis Adæ peccaverunt*, sed ante Legem peccaverunt: ut illi peccasse intelligentur in similitudinem prævaricationis Adæ, qui Legem acceperunt; quia et Adam accepta præcepti lege peccavit. Sane etiam id quod dictum est, *usque ad Moysen*, totum tempus Legis intelligendum est. *Forma autem futuri dictus est Adam*, sed a contrario: ut quomodo per illum mors, sic per Dominum nostrum vita.

[Ib. v, 15-19.] Quod autem ait, *Sed non sicut delictum, ita est et donatio*, duobus modis donatio præcellit: vel quod multo magis abundat gratia, quia utique in æternum per illam vivitur; temporaliter

¹ Ad isthæc verba, *in similitudinem prævaricationis Adæ*, apud Am. et Er. omittuntur versus circiter quadraginta, et lacuna his tribus impletur verbis, *hic manus habet*, quæ hanc dubie e margine inserunt in textum. Atque inde continet ut cum Propositione vigesima nona confunderetur altera quæ incipiebat ab istis verbis: *Quod autem ait, sed non sicut delictum*, etc.

autem per mortem Adæ mors regnavit: vel quod unius delicti condemnatione mors multorum facta est per Adam; per Dominum autem nostrum Jesum Christum multorum delictorum donatione data gratia in vitam æternam. Aliam vero differentiam sic explicat dicens: *Et non sicut per unum peccantem ita est et donum*. Nam *judicium quidem ex uno in condemnationem: gratia autem ex multis delictis, a justificationem*. *Ex uno ergo quod dictum est, subauditor, delicto*; quia sequitur, *gratia autem ex multis delictis*. Ergo hæc differentia est, quod in Adam unum delictum damnatum est, a Domino autem multa donata sunt. Quod ergo sequitur, ambas istas differentias tenet, ut explicetur sic: *Si enim ob unius delictum mors regnabit per unum, multo magis qui abundantiam gratiae et justitiae accipiunt, in vita regnabunt per unum Jesum Christum*. Quod ergo dixit, *Multo magis regnabunt*, ad vitam æternam pertinet: quod autem dixit, *Abundantiam gratiae accipiunt*, ad donationem multorum pertinet delictorum. Post explicatas autem has differentias, redit ad formam unde cœperat, cuius ordinem suspenderat, cum diceret: *Sicut enim per unum hominem peccatum intravit in hunc mundum, et per peccatum mors (Rom. v, 12)*. Ad quod nunc redit, cum dicit: *Itaque sicut per unius delictum in onnes homines ad condemnationem; ita et per unius justificationem in omnes homines ad justificationem vitæ*. *Sicut enim per inobedientiam unius hominis peccatores constituti sunt multi; ita et per unius obedientiam justi constituentur multi*. Hæc est forma futuri Adam, de qua superius loqui cœperat, et ejus aliquas differentias interponens distulerat ordinem, ad quem nunc redeundo conclusit, dicens, *Itaque sicut per unius delictum in omnes homines, etc.*

XXX. [Ib. v, 20.] Quod autem ait, *Lex subintravit ut abundaret delictum*, ipso verbo satis significavit nescisse Judæos qua dispensatione Lex data sit. Non enim data est quæ posset vivificare; quia gratia vivificat per fidem: sed data est Lex ad ostendendum quantis quamque arctis vinculis peccatorum constringerentur, qui de suis viribus ad implendam justitiam præsumebant. Sic abundavit peccatum, cum et concupiscentia ex prohibitione ardenter facta est, et peccantibus contra Legem prævaricationis crimen accessit. Quod intelligit qui secundum gradum in illis quatuor gradibus considerat (a).

XXXI. [Ib. vi, 1, 2.] Quod autem ait, *Quid ergo dicemus? permanebimus in peccato, ut gratia abundet?* Absit. Qui mortui sumus peccato, quomodo vivamus in eo? hinc ostendit de præteritis peccatis factum esse ut donarentur, et in eo superabundasse gratiam, ut præterita peccata dimitterentur². Ergo quisquis adhuc querit augmenta peccati, ut augmentum gratiae sentiat, non intelligit se id agere, ut nihil in eo gratia operetur. Opus enim gratiae est ut moriamur peccato.

¹ Sic MSS. juxta græcum, dī' henòs hamartēsantos. At editi per union peccatum.

² MSS., ut prævaricata peccata dimitterentur.

(a) Supra, Prop. 43.

XXXII-XXXIV. [lb. vi, 6.] Quod autem ait, *Hoc scientes, quia vetus homo noster simul crucifixus est, ut evacuaret corpus peccati, refertur ad illud quod per Moysen dictum est, Maledictus omnis qui in ligno pependiterit (Deut. xxi, 23).* Veteris enim hominis crucifixio significata est in cruce Domini, sicut novi hominis instauratio in resurrectione significata est. Manifestum est autem secundum eum nos agere veterem hominem, qui maledictus est : propter quem peccatum et de Domino dictum esse nemo ambigit, quod peccata nostra portavil (Isai. lxx, 11), et peccatum pro nobis fecit (Il Cor. v, 21), et de peccato condemnavit peccatum (Rom. viii, 3). Quid est autem evanescere corpus peccati ? Ipse exposuit : *Ut ultra non serviamus peccato.* Et illud quod ait, *Si mortui sumus cum Christo, hoc est, si crucifixi sumus cum Christo.* Dicit enim alio loco : *Qui enim Christi Iesu sunt, carnem suam crucifixerunt cum vitiis et concupiscentiis (Galat. v, 21).* Non ergo Domino maledixit Moyses, sed quid ostenderet ejus crucifixio prophetavit.

XXXV. [lb. vi, 14.] Quod autem ait, *Peccatum enim in vobis non dominabitur : non enim estis sub Lege, sed sub gratia,* utique ad tertium illum gradum jam pertinet, ubi homo jam mente servit Legi Dei, quamvis carne serviat legi peccati (Rom. vii, 25). Non enim obaudit desiderio peccati, quamvis adhuc sollicitent concupiscentiae, et provocent ad consensionem, donec viviscetur etiam corpus, et absorbeat mors in victoriam (I Cor. xv, 54). Quia ergo non consentimus desideris pravis, in gratia sumus, et non regnat peccatum in nostro mortali corpore : et omnino ex illo loco ubi ait, *Qui mortui sumus peccato, quomodo vivemus in eo (Rom. vi, 12, 2)*? eum describit, qui est sub gratia constitutus. Cui autem dominatur peccatum, quamvis velit peccato resistere, adhuc sub Lege est, nondum sub gratia.

XXXVI. [lb. vii, 2.] Quod autem dicit, *Mulier enim sub viro, viro marito, vincita est legi ; si autem mortuus fuerit vir ejus, evanquata est a lege viri, etc., animadversendum est istam similitudinem in hoc differre ab ea re propter quam adhibita est, quod hic virum dicit mori, et mulier nubat cui velet, liberata utique a lege viri : ibi autem cum constitutam animam quasi mulierem, virum autem quasi passiones peccatorum, quae operantur in membris, ut fructum ferant morti, id est, ut tali conjugio proles digna nascatur ; et Lex (a) quae data est non ad auferendum peccatum, vel ad liberationem a peccato, sed ad ostendendum peccatum ante gratiam ; per quod factum est ut sub Lege positi vehementiori desiderio peccandi raperentur, et amplius etiam prævaricatione peccarent : cum ergo et ibi tria sint, anima tanquam mulier, passiones peccatorum tanquam vir, et Lex tanquam lex viri, non ibi tamen peccatis mortuis, tanquam viro mortuo, liberari animam dicit ; sed ipsam animam mori peccato, et liberari a Lege, ut sit alterius viri, id est Christi, cum mortua fuerit peccato, quamvis adhuc quasi vivente ipso peccato : quod sit cum adhuc manentibus in no-*

(a) *Forte, et legem viri quasi legem quæ.*

bis desideriis et incitamentis quibusdam ad peccandum, non obedimus tamen, neque consentimus, mente servientes legi Dei ; quia mortui sunus peccato. Mortuerit autem et peccatum, cum reformatio corporis in resurrectione facta fuerit, de qua post dicit, *Vivificabit et mortalia corpora vestra, propter Spiritum manentem in vobis (Rom. viii, 11).*

XXXVII. [lb. vii, 8, 13.] Quod autem dicit, *Ocasione autem accepta, peccatum per mandatum operatum est in me omnem concupiscentiam,* intelligendum est non omnem fuisse concupiscentiam, antequam prohibitione aucta esset. Augetur enim prohibitione concupiscentia, quando deest gratia liberantis : ideo nondum est omnis antequam prohibeat. cum autem prohibita fuerit, desistente, ut diximus, gratia, tantum crescit concupiscentia, ut ita in suo genere omnis, id est consummata sit, ut etiam contra Legem fiat, et prævaricatione crimen accumulet. Quod autem dicit, *Sine Lege enim peccatum mortuum est, non quia non est, dixit mortuum est, sed quia latet :* quod in consequentibus manifestat, cum dicit, *Sed peccatum, ut appareat peccatum, per bonum mihi operatum est mortem.* Bona est enim Lex ; sed sine gratia ostendit tantummodo peccata, non tollit.

XXXVIII. [lb. vii, 9, 10.] Quod autem ait, *Ego autem vivebam aliquando sine Lege,* intelligendum est, vivere mihi videbar ; quia ante mandatum latebat peccatum. Et quod ait, *Adveniente autem mandato, peccatum revixit ; ego autem mortuus sum,* intelligendum est, peccatum apparere coepit ; ego autem mortuum esse cognovi.

XXXIX. [lb. vii, 11.] Quod autem ait, *Peccatum enim, occasione accepta per mandatum, sesellit me, et per illud occidit,* ideo dictum est, quia desiderii prohibiti fructus dulcior est. Unde etiam quæcumque peccata occulte sunt, dulciora sunt : quamvis mortisista dulcedo sit. Inde est quod apud Salomonem fallacis doctrinæ imagine sedens mulier, et invitans ut ad se veniant insipientes, scribitur dicere : *Panes occultos libenter edite, et aquam furtivam dulcem bibite (Prov. ix, 17).* Ista dulcedo est occasio per mandatum inventa peccati : quæ cum appetitur, utique fallit, et in maiores amaritudines vertit.

XL. [lb. vii, 13.] Quod autem ait, *Quod ergo bonum est, mihi factum est mors ? Absit : sed peccatum, ut appareat peccatum, per bonum mihi operatum est mortem,* hic evidenter ostendit, quod superiorus dixerat, *Sine Lege enim peccatum mortuum est (Rom. vii, 8),* ideo dixisse, quia latet : quandoquidem nunc dicit, non illud bonum, id est, Legem factam sibi esse mortem, sed peccatum operatum esse mortem per bonum Legis, id est, ut appareret peccatum quod latebat sine Lege. Tunc enim se mortuum quisque cognoscit, cum illud quod recte præceptum esse confitetur, implere non potest ; et prævaricationis crimine amplius peccat, quam si non prohiberetur. Hoc est quod in consequentibus dicit, *Ut fiat supra modum peccator aut peccatum per mandatum : quod ante mandatum mi-*

¹ Editi, peccator peccans. MSS. vero, peccator aut peccator

nus erat; quia ubi non est lex, nec prævaricatio.

XLI. [lb. vii, 14.] Quod autem ait, *Scimus quia Lex spiritualis est, ego autem carnalis sum*, satis ostendit non posse impleri Legem, nisi ab spiritualibus, quales facit gratia Dei (a). Similis enim quisque factus ipsi Legi, facile implet quod præcipit; nec erit sub illa, sed cum illa: is est autem qui jam non capitur temporalibus bonis, nec terretur temporalibus malis.

XLII. [lb. vii, 14.] Quod autem ait, *Venundatus sub peccato, intelligendum est quod unusquisque peccando animam suam diabolo vendit, accepta tanquam pretio dulcedine temporalis voluptatis*. Unde et Dominus Redemptor noster dictus est, quia hoc modo quo dictum est, venditi eramus.

XLIII. [lb. vii, 15, 13.] Quod autem ait, *Quod enim operor, ignoro, potest videri minus intelligentibus, contrarium esse illi sententiae qua dixit, Peccatum, ut appareat peccatum, per bonum mihi operatum est mortem*. Quomodo enim appareat, si ignoratur? Sed *ignoro*, sic dictum est hoc loco, ut intelligatur, non approbo. Quomodo enim tenebrae non videntur, sed lucis comparatione sentiuntur; hoc est autem sentire tenebras, quod est non videre: sic et peccatum, quia non illuminatur luce justitiae, non intelligendo dignoscitur, sicut tenebras dictum est non videndo sentiri. Et ad hoc pertinet quod in Psalmo dicitur, *Delicta quis intelligit* (Psal. xviii, 13)?

XLIV. [lb. vii, 19, 20.] Quod autem ait, *Non enim quod volo, hoc ago; sed quod nolo, hoc facio. Si autem quod nolo, hoc facio, consentio Legi, quoniam bona est*, satis quidem Lex ab omni criminacione defenditur: sed cavendum, ne quis arbitretur his verbis auferri nobis liberum voluntatis arbitrium, quod non ita est. Nunc enim homo describitur sub Lege positus ante gratiam. Tunc enim peccatis vincitur, dum viribus suis juste vivere conatur sine adjutorio liberantis gratiae Dei. In libero autem arbitrio habet ut credat Liberatori, et accipiat gratiam, ut jam illo qui eam donat liberante et adjuvante non peccet; atque ita desinat esse sub Lege, sed cum Lege vel in Lege, implens eam charitate Dei, quod timore non poterat.

XLV-XLVI. [lb. vii, 23-25.] Quod autem ait, *Video aliam legem in membris meis, repugnantem legi mentis meæ, et captivantem me sub lege peccati, quæ est in membris meis, legem peccati dicit, qua quisque carni consuetudine implicatus astringitur*. Hanc repugnare ait legi mentis sue, et se captivare sub lege peccati: unde intelligitur ille homo describi, qui nondum est sub gratia (b). Si enim repugnaret tantum consuetudo carnalis, et non captivaret, non esset damnatio. In eo enim est damnatio, quod obtemperamus et servimus desideriis pravis carnalibus. Si autem existant, et non desint talia desideria, non tamen his obediamus; non captivamur, et sub gratia jam sumus, de qua loquetur cum exclamaverit et implo-

tion. Sic alibi Augustinus quod forte in græco legeretur è hamartia.

(a) I. Retract. cap. 25, n. 1.

(b) Ibid.

raverit Liberatoris auxilium, ut possit per gratiam charitas, quod per Legem timor non poterat. Dixit enim, *In felix ego homo, quis me liberabit de corpore mortis hujus?* Et subiecit, *Gratia Dei per Jesum Christum Dominum nostrum*. Deinde incipit describere hominem sub gratia constitutum: qui tertius gradus est illorum quatuor quos superius distinximus (Prop., 13). Ad hunc gradum jam pertinet quod statim subiungit, *Igitur ego ipse mente servio Legi Dei, carne autem legi peccati*: quia licet existentibus desideriis carnalibus, jam non servit consentiendo ad faciendum peccatum, qui sub gratia constitutus mente servit Legi Dei, carne autem legi peccati. Legem autem peccati dicit ex transgressione Adæ conditionem mortalem, qua mortales facti sumus. Ex hac enim labore carnis concupiscentia carnalis sollicitat, et secundum hanc dicit alio loco: *Fuimus et nos natura filii iræ, sicut et cæteri* (Ephes. ii, 3).

XLVII. [lb. viii, 1.] Quod autem dicit, *Nulla ergo condemnatio est nunc his qui sunt in Christo Jesu*, satis ostendit condemnationem non esse, si existant desideria carnalia, sed si eis ad peccandum non obediatur. Quod contingit his qui sub Lege constituti sunt, nondum sub gratia. Nam sub Lege constituti non solum repugnantem habent concupiscentiam, sed etiam captivi ducuntur, cum obtemperant ei. Non autem contingit his qui mente serviunt Legi Dei.

XLVIII. [lb. viii, 3, 4.] Quod autem ait, « Quod enim impossibile erat Legi, in quo infirmabatur per carnem, Deus Filium suum misit in similitudine carnis peccati, et de peccato damnavit peccatum in carne, ut justitia Legis impleretur in nobis, qui non secundum carnem ambulamus, sed secundum spiritum, manifestissime docet, eadem ipsa præcepta Legis propterea non impleta, quamvis essent implenda, quoniam quibus data erat Lex ante gratiam, dediti erant carnalibus bonis, et ex his beatitudinem acquirere cupiebant, neque metuebant, nisi cum talibus bonis imminebat adversitas; et ideo cum illa temporalia bona turbarentur, facile recedebant a præceptis Legis. Infirmitabatur ergo Lex non implendo quod præcipiebat; non sua culpa, sed per carnem, id est, eos homines qui carnalia bona appetendo non amabant Legis justitiam, sed ei temporalia commoda præponabant. Ideo Liberator noster Dominus Jesus Christus suscipiendo mortalem carnem, venit in similitudine earnis peccati. Carni enim peccati debita mors est. At vero illa mors Domini, dignationis fuit, non debiti: et tamen hoc quoque Apostolus peccatum vocat suspicionem mortalis carnis, quamvis non peccataris, ideo quia immortalis tanquam peccatum facit cum moritur. Sed de peccato, inquit, *damnavit peccatum in carne*. Id enim egit mors Domini, ne mors timeretur, et ex eo jam non appeterentur temporalia bona, nec metuerentur temporalia mala, in quibus carnalis erat illa prudentia, in qua impleri Legis præcepta non poterant. Hac autem prudentia in homine Dominico destructa et ablata, justitia Legis impletur, cum secundum carnem non ambulatur, sed secundum

spiritum. Unde verissime dictum est, *Non veni Legem solvere, sed implere* (*Matth. v, 17*). Plenitudo ergo Legis charitas (*Rom. xiii, 10*). Et charitas eorum est qui secundum spiritum ambulant. Hæc enim ad gratiam pertinet Spiritus sancti. Quando enim non erat charitas justitiae, sed timor, Lex non implebatur.

XLIX. [Ib. viii, 7.] Quod autem ait, *Quia prudentia carnis inimica in Deum: Legi enim Dei non est subjecta; nec enim potest, ostendit quid dixerit, inimica: ne quis putaret tanquam ex adverso principio aliquam naturam, quam non condidit Deus, inimicitias adversus Deum exercere. Inimicus ergo Dei dicitur, qui Legi ipsius non obtemperat, et hoc per carnis prudentiam, id est, cum appetit temporalia bona, et timet temporalia mala. Definitio enim prudentiae in appetendis bonis et vitandis malis explicari solet. Quapropter recte appellat Apostolus carnis prudentiam, qua hæc appetuntur pro magnis bonis, quæ non perseverant cum homine; et ne hæc amittantur timetur, quæ quandoque amittenda sunt. Non potest autem talis prudentia Legi Dei obtemperare. Sed tunc obtemperatur Legi, cum hæc prudentia extincta fuerit, ut ei succedat prudentia spiritus, qua nec in temporalibus bonis spes nostra est, neque in malis timor. Eadem namque animæ natura et prudentiam carnis habet, cum inferiora sectatur; et prudentiam spiritus, cum superiora eligit: quemadmodum eadem aquæ natura et frigore congelascit, et calore resolvitur. Sic ergo dictum est, *Legi Dei non est subjecta prudentia carnis; nec enim potest*; quomodo recte diceretur, nivem non posse calefieri; neque enim potest: sed cum adhuc calore solvitur, et calescit aqua, jam nemo potest eam nivem dicere.*

L. [Ib. viii, 10.] Quod autem ait, *Corpus quidem mortuum est propter peccatum, spiritus autem vita est propter justitiam; Corpus mortuum dicitur, mortale. Ex ipsius enim mortalitate indigentia rerum terrena-rum sollicitat animam, et quedam desideria excitat, quibus ad peccandum non obtemperat qui jam mente servit Legi Dei.*

L1. [Ib. viii, 11.] Quod autem ait, *Si Spiritus ejus qui suscitavit Jesum Christum a mortuis, habitat in vobis; qui suscitavit Jesum Christum a mortuis, vivificabit et mortalia corpora vestra per inhabitantem Spiritum ejus in vobis, jam quartum gradum demonstrat ex illis quatuor quos superius distinximus* (*Prop. 43*). Sed gradus iste in hac vita non invenitur. Pertinet enim ad spem qua exspectamus redemtionem corporis nostri, quando corruptibile hoc induet incorruptionem, et mortale hoc induet immortalitatem (*I Cor. xv, 53, 54*). Ibi pax perfecta est, quia nihil molestiarum anima de corpore patitur jam vivificato, et in cœlestem qualitatem immutato.

LII. [Ib. viii, 15, 16.] Quod autem ait, *Non enim accepistis spiritum servitutis in timorem¹, sed accepistis spiritum adoptionis filiorum, in quo clamamus, Abba,*

¹ Editi, in timore. At MSS., in timorem; juxta græcum *eis phobon*, cui consentit Vulgata in antiquis Corbeiensibus Bibliis.

*Pater, evidentissime duorum Testamentorum distincta sunt tempora. Illud enim ad timorem pertinet, Novum autem ad charitatem. Sed queritur quis sit spiritus servitutis? Nam spiritus adoptionis filiorum, utique Spiritus sanctus est. Spiritus ergo servitutis in timore, ille est qui potestatem habet mortis; quia ipso timore per totam vitam rei erant servitutis qui sub Lege agebant, non sub gratia. Nec mirum est quod eum acceperunt per divinam providentiam qui bona temporalia sectabantur, non quia ipsius est Lex et mandatum. Nam *Lex sancta, et mandatum sanctum, et justum et bonum* (*Rom. vii, 12*): ille autem spiritus servitutis non utique bonus, quem accipiunt qui præcepta datæ Legis implere non possunt, dum serviunt desideriis carnalibus, nondum gratia Liberatoris assumpti in filiorum adoptionem. Quia et ipse spiritus servitutis non habet quemquam in potestate, nisi qui ei per ordinem divinæ providentie traditus fuerit, Dei justitia sua cuique tribuente. Quam potestatem acceperat Apostolus, cum dicit de quibusdam, *Quos tradidi satanæ ut discant non blasphemare* (*I Tim. i, 20*): et iterum de alio, *Jam judicavi, inquit, tradere hujusmodi satanæ in interitum carnis, ut anima salva sit* (*I Cor. v, 3, 5*). Qui ergo nondum sub gratia sunt, et sub Lege constituti vincuntur peccatis ad obediendum desideriis carnalibus, et prævaricatione augent reatum criminum suorum, spiritum acceperunt servitutis, id est, spiritum ejus qui potestatem mortis habet. Nam si spiritum servitutis ipsum spiritum hominis intellexerimus, incipit et spiritus adoptionis ipse intelligi tanquam in melius commutatus. Sed quia spiritum adoptionis Spiritum sanctum accipimus, quem manifeste ostendit cum dicit, *Ipse Spiritus testimonium reddit spiritui nostro; restat ut spiritum servitutis illum intelligamus, cui serviunt peccatores: ut quemadmodum Spiritus sanctus a timore mortis vindicat, sic spiritus servitutis qui potestatem habet mortis, ejusdem mortis terrore reos teneat; ut se ad Liberato- roris auxilium quisque convertat, etiam ipso diabolo invito, qui eum semper in potestate habere de- siderat.**

LIII. [Ib. viii, 19-23.] Quod autem ait, *Nam exspectatio creaturæ revelationem filiorum Dei exspectat. Vanitati enim creatura subjecta est non sponte, etc., usque ad id quod ait, Et ipsi in nobis metipsis ingenicinus, adoptionem exspectantes, redemtionem corporis nostri, sic intelligendum est, ut neque sensum dolendi et gemitum opinemur esse in arboribus et oleribus et lapi- dibus, et exteris hujuscemodi creaturis; hic enim error Manichæorum est: neque Angelos sanctos vanitati subjectos esse arbitremur; et de his existinemus quod liberabuntur a servitute interitus, cum interituri utique non sint: sed omnem creaturam in ipso homine sine ulla calumnia cogitemus. Non enim creatura ulla esse potest, nisi aut spiritualis, quæ ex- cellit in Angelis; aut animalis, quæ etiam in vita be- stiarum satis appetet; aut corporalis, quæ videri aut tangi potest: omnis autem est etiam in homine; quia homo constat spiritu et anima et corpore. Ergo crea-*

tura revelationem filiorum Dci exspectat, quidquid nunc in homine laborat, et corruptioni subjacet, illam scilicet manifestationem de qua idem dicit apostolus : *Mortui enim estis, et vita vestra abscondita est cum Christo in Deo : cum Christus apparuerit vita vestra, tunc et vos cum ipso apparebitis in gloria* (*Coloss.* III, 3, 4). Dicit et Joannes : *Dilectissimi, nunc filii Dei sumus et nondum apparuit quid erimus : scimus autem quia cum apparuerit, similes ei erimus, quoniam videbimus eum sicuti est* (*Ioan.* III, 2). Hanc ergo revelationem filiorum Dei exspectat creatura quæ in homine nunc vanitati subiecta est, quamdiu dedita est temporalibus rebus, quæ transeunt tanquam umbra. Unde et in Psalmo dicitur : *Homo vanitatis simulis factus est ; dies ejus velut umbra prætereunt* (*Psal.* CXLII, 4). De qua vanitate etiam Salomon loquitur, cum dicit : *Vanitas vanitantium¹, et omnia vanitas : quæ abundantia homini in omni labore suo, quo ipse laborat sub sole* (*Eccle.* I, 2, 3)? De qua item David dicit : *Utquid diligitis vanitatem, et queritis mendacium* (*Psal.* IV, 3)? Non sponte autem dicit esse subjectam vanitati creaturam, quoniam penalis est ista subjectio. Non enim homo sicut sponte peccavit, sic etiam sponte damnatus est : quæ tamen damnatio non sine spe reparationis irrogata est naturæ nostræ. Et ideo, *Propter eum, inquit, qui subiecit in spe ; quia et ipsa creatura liberabitur a servitute interitus, in libertatem gloriae filiorum Dei* ; id est, etiam ipsa quæ tantummodo creatura est, nondum per fidem aggregata numero filiorum Dei : sed tamen in eis qui credituri erant, videbat Apostolus quod dicit, quia *creatura liberabitur a servitute interitus*, ut interitus non serviat, cui serviunt omnes peccatores. Peccatori enim dictum est, *Morte morieris* (*Gen.* II, 17). Liberabitur autem in libertatem gloriae filiorum Dei, id est, ut et ipsa perveniat² ad libertatem gloriae filiorum Dei per fidem : quæ fides cum in ea non erat, tantummodo creatura dicebatur. Et ad ipsam resert quod sequitur : *Scimus enim quia creatura congemiscit et dolet usque adhuc*. Erant enim adhuc credituri qui etiam spiritu subjecabant laboriosis erroribus. Sed ne quis putaret de ipsorum labore tantum dictum esse, subjungit etiam de iis qui jam crediderant. Quanquam enim spiritu, hoc est, mente servirent Legi Dei, tamen quia carne servitur legi peccati (*Rom.* VII, 25), quamdiu molestias et sollicitationes mortalitatis nostræ patimur, ideo addidit, dicens : *Non solum autem ipsi, sed et nos primicias spiritus habentes, et ipsi in nobismetipsis ingemiscimus*. Non solum ergo, inquit, ipsa quæ tantummodo creatura dicitur in hominibus qui nondum crediderunt, et ideo nondum in filiorum Dei numero constituti sunt, congemiscit et dolet : sed etiam nosmetipsi qui credimus, et spiritus primicias habemus, quia jam spiritu adhæremus Deo per fidem, et ideo non jam creatura, sed filii Dei appellamur ; tamen et ipsi in nobismetipsis ingemiscimus, adoptionem exspectantes,

¹ Editi, *Vanitas vanitatum*. At MSS., *Vanitas vanitantium* ; sicut se aliquando legisse testatur Augustinus in lib. I *Retractationum*, cap. 7.

² Apud Am. et Er. omittitur, *id est etiam ipsa quæ tantummodo*, etc. usque ad illud, *id est ut et ipsa perveniat*.

redemptionem corporis nostri. Hæc enim adoptio, quæ jam facta est in iis qui crediderunt, spiritu non corpore facta est. Nondum enim etiam corpus reformatum est in cœlestem illam immutationem, sicut spiritus jam mutatus est reconciliatione fidei ab erroribus conversus ad Deum. Ergo etiani in iis qui crediderunt, exspectatur adhuc illa manifestatio quæ in corporis resurrectione proveniet : quæ pertinet ad quartum illum gradum, ubi ex toto perfecta pax erit, et quies æterna, nulla nobis ex aliqua parte corruptione resistente, aut sollicitante molestia (a).

LIV. [lb. VIII, 26, 27.] Quod autem ait, *Similiter et Spiritus adjuvat infirmitatem nostram : quid enim oremus, sicut oportet, nescimus, manifestum est eum de Spiritu sancto dicere*; quod in consequentibus clarum est, ubi ait, *Quia secundum Deum interpellat pro sanctis*. Nos ergo quid oremus, sicut oportet, nescimus, duas ob res : quod et illud quod futurum speramus, et quo tendimus, nondum appareat ; et in hac ipsa vita multa possunt nobis prospera videri quæ adversa sunt, et adversa quæ prospera. Nam et tribulatio quando accedit servo Dei ad probationem vel emendationem, videtur nonnunquam minus intelligentibus inutilis : sed si referatur ad illud quod dictum est, *Da nobis auxilium de tribulatione ; et vana salus hominis* (*Psal.* LIX, 13), intelligitur quia plerumque de tribulatione nos adjuvat Deus ; et frustra salus optatur, quæ aliquando adversa est, cum delectatione et amore hujus vitæ implicat animam. Inde est et illud : *Tribulationem et dolorem inveni, et nomen Domini invocavi* (*Psal.* CXIV, 3 et 4). Cum enim dicit, *inveni*, significat utilem : non enim recte gratulamur nos invenisse, nisi quod quærebamus. Ergo quid oremus, sicut oportet, nescimus. Deus enim novit et quid nobis in hac vita expediatur, et quid post hanc vitam daturus sit. *Sed ipse Spiritus interpellat gemilibus inenarrabilibus*. Gemere dicit Spiritum, quod nos gemere faciat charitate, concitans desiderium futurae vite : sicut dicit, *Tentat vos Dominus Deus vester, ut sciat si diligitis eum* (*Deut.* XIII, 5), id est, ut scire vos faciat. Non enim Deum aliquid latet.

LV. [lb. VIII, 28-30.] Quod autem ait, *Quos vocavit, ipsos et justificavit*, potest movere, et quæri utrum omnes qui vocati sunt, justificantur. Sed alibi legitimus, *Multi vocati, pauci autem electi* (*Math.* XXII, 14). Tamen quia ipsi quoque electi utique vocati sunt, manifestum est non justificatos nisi vocatos, quanquam non omnes vocatos, sed eos qui *secundum propositum vocati sunt*, sicut superius dixit. Propositum autem Dei accipiendum est, non ipsum. Ipse autem exponit quid sit secundum propositum, cum dicit, *Quoniam quos ante præscivit, et prædestinavit conformes imaginis Filii ejus*. Nou enim omnes qui vocati sunt, secundum propositum vocati sunt : hoc enim propositum ad præscientiam et ad prædestinationem Dei pertinet ; nec prædestinavit aliquem, nisi quem præscivit crediturum et secuturum vocationem suam, quos et electos dicit. *Multi enim non veniunt, cum*

(a) vid. Prop. 13.

vocati fuerint : nemo autem venit qui vocatus non fuerit.

LVI. [lb. viii, 29.] Quod autem dicit, *Ut sit primogenitus in multis fratribus*, satis docet aliter intelligendum Dominum nostrum unigenitum, aliter primogenitum. Nam ubi Unigenitus dicitur, fratres non habet, et naturaliter est Filius Dei, Verbum in principio, per quod facta sunt omnia (*Joan. 1, 4, 3*). Secundum susceptionem autem hominis et incarnationis dispensationem, per quam nos etiam non naturaliter filios in adoptionem filiorum vocare dignatus est, primogenitus dicitur cum adjunctione fratrum. Ubi enim primus dicitur, non utique solus, sed consecuturis fratribus in id quo ipse processit. Unde et alio loco primogenitum eum a mortuis dicit, ut sit ipse primatum tenens (*Coloss. 1, 18*). Resurrectio enim mortuorum ut jam non moriantur, ante illum nulla : post illum autem multorum sanctorum est, quos fratres non confunditur appellare propter ipsam communicationem humanitatis.

LVII. [lb. viii, 35.] Quod autem dicit, *Quis nos separabit a charitate Christi? tribulatio? an angustia? an persecutio? etc.*, ex superiori sententia pendet, ubi ait, *Si tamen compatimur, ut et glorificemur: existimo enim quod non sunt condignae passiones hujus temporis ad futuram gloriam que revelabitur in nobis* (*Rom. viii, 17, 18*). Ad ipsum enim hortationem omnis ius loci intentio directa est, ne illi quibus loquitur persecutionibus frangerentur, si viverent secundum prudentiam carnis, qua temporalia bona appetuntur, et timent temporalia mala.

LVIII. [lb. viii, 38.] Quod autem ait, *Certus sum enim, et non dixit, Opinor enim; plena fide tenuit, quod nec mors ulla, nec vita temporalis promissa, nec cetera subsequentia possunt credentem a charitate Dei detorquere*. Nemo ergo separat, nec qui minatur mortem; quia qui credit in Christo, licet moriatur, vivet : neque qui pollicetur vitam; quia ille dat vitam aeternam. Nam temporalis vitae pollicitatio, aeternae comparatione contempnenda est. *Neque Angelus separat, quia licet Angelus, inquit, de caelo descendat, et annuntiet vobis praeterquam quod accepistis, anathema sit* (*Galat. 1, 8, 9*). *Neque principatus, id est, contrarius, quia exiit se ipse hos principatus et potestates, triumphans eos in semetipso* (*Coloss. ii, 15*). *Neque praesentia neque futura, id est, temporalia vel quae delectant, vel quae prement, vel quae spem dant, vel quae incutunt timorem*. *Neque virtus: et hic virtutem contrariam oportet intelligi, secundum quam dicit, Nemo vasa fortis diripiет, nisi prius alligaverit fortem* (*Math. xi, 29*). *Neque altitudo, neque profundum*. Plerumque enim inanis curiositas earum rerum quae inveniri non possunt, aut frustra etiam inveniuntur sive in caelo sive in abysso, separat a Deo, nisi charitas vincat, quae ad certa spiritualia non vanitate rerum quae foris sunt, sed veritate quae intus, homines invit¹. Neque creatura alia. Quod duobus modis intelligi potest : aut visibilis creatura, quia et nos, id

¹ Quatuor MSS., sed interno homine invitat. Am. et Er., sed

est anima, creatura sumus, sed invisibilis ; ut hoc dixerit, quod nos non separat alia creatura, id est, amor corporum : aut certo quia nos non separat alia creatura a charitate Dei, ex eo quod nulla creatura est alia inter nos et Deum, quae se opponat, et a complexu ejus excludat. Supra humanas enim mentes quae rationales sunt, jam nulla creatura, sed Deus est.

LIX. [lb. ix, 5.] Quod autem dicit, *Quorum patres et ex quibus Christus secundum carnem*, et adjecit, *Qui est super omnes Deus benedictus in saecula, plenissimam fidem commendat*, quia Dominum nostrum et secundum susceptionem carnis filium hominis constitutus, et secundum aeternitatem Verbum in principio Deum, benedictum super omnes in saecula. Hujus autem confessionis Iudei quoniam partem tenuerunt refelluntur a Domino. Nam cum eos interrogasset, cuius filium dicerent esse Christum ; responderunt, *David*. Hoc autem secundum carnem est. De divinitate vero ejus quod Deus est, nihil responderunt. Ideo Dominus ait eis, *Quomodo ergo David in spiritu vocat eum Dominum* (*Matth. xxi, 42, 43*) ? Ut intellegirent hoc se confessos esse tantum, quod Christus filius est David ; hoc autem tacuisse, quod est Christus Dominus ipsis David. Illud enim est secundum susceptionem carnis, hoc secundum aeternitatem divinitatis.

LX. [lb. ix, 11-13.] Quod autem ait, « Nondum enim nascentium, neque agentium aliquid boni aut malii, ut secundum electionem propositum Dei manaret, non ex operibus, sed ex vocante dictum est ei, Quia major serviet minori, sicut scriptum est, Jacob dilexi, Esau autem odio habui, » nonnullos movet, ut putent apostolum Paulum abstulisse liberum voluntatis arbitrium, quo promeremur Deum bono pietatis, vel malo impietatis offendimus. Dicunt enim quod ante opera aliqua, seu bona seu mala, duorum nondum nascentium Deus unum dilexerit, alterum odio habuerit. Sed respondemus, præscientia Dei factum esse, qua novit etiam de nondum natis, qualis quisque futurus sit. Sed ne quis dicat : Opera ergo elegit Deus in eo quem dilexit, quanquam nondum erant, quod ea futura præsciebat¹; quod si opera elegit, quomodo dicit Apostolus non ex operibus factam electionem ? Propterea ergo intelligendum est, opera bona per dilectionem fieri, dilectionem autem esse in nobis per donum Spiritus sancti, sicut idem apostolus dicit : *Charitas Dei diffusa est in cordibus nostris per Spiritum sanctum qui datus est nobis* (*Rom. v, 5*). Non ergo quisquam gloriari debet ex operibus tanquam suis, quae per donum Dei habet, cum ipsa dilectio in eo bonum operetur. Quid ergo elegit Deus ? Si enim cui vult donat Spiritum sanctum, per quem dilectio bonum operatur, quomodo elegit cui donet ? Si enim nullo merito, non est electio ; æquales enī omnes

interno volumine invitat. Germanensis Ms., sed intra hominem invitat.

¹ In B., quod erant futura præsciebat. Er. Lugd. Ven Lov. seculi sumus. M.

sunt ante meritum, nec potest in rebus omnino aequalibus electio nominari. Sed quoniam Spiritus sanctus non datur nisi credentibus, non quidem Deus elegit opera quae ipse largitur, cum dat Spiritum sanctum, ut per charitatem bona operemur: sed tamen elegit fidem. Quia nisi quisque credit in eum, et in accipiendo voluntate permaneat, non accipit donum Dei, id est, Spiritum sanctum, per quem diffusa charitate bonum possit operari. Non ergo elegit Deus opera cuiusquam in præscientia, quæ ipse datus est; sed fidem elegit in præscientia: ut quem sibi crediturum esse præscivit, ipsum elegerit cui Spiritum sanctum daret, ut bona operando etiam vitam æternam consequeretur. Dicit enim idem apostolus, *Idem Deus qui operatur omnia in omnibus* (*1 Cor. xii, 6*). Nusquam autem dictum est, Deus credit omnia in omnibus. Quod ergo credimus, nostrum est: quod autem bonum operamur, illius qui credentibus in se dat Spiritum sanctum (*a*). Hoc autem exemplum quibusdam Judæis objectum est, qui Christo crediderunt, et de operibus ante gratiam gloriabantur, et dicebant se ipsam Evangelii gratiam per sua bona opera præcedentia meruisse; cum bona opera in nullo esse possint, nisi qui acceperit gratiam. Est autem gratia ut vocatio peccatori prærogetur¹, cum ejus merita nulla, nisi ad damnationem præcesserint. Quod si vocatus vocantem secutus fuerit, quod est jam in libero arbitrio, merebitur et Spiritum sanctum, per quem bona possit operari; in quo permanens (quod nihilominus est in libero arbitrio) merebitur etiam vitam æternam, quæ nulla possit labore corrumpi.

LXI. [*Ib. ix, 11-15.*] Quod autem ait, *Miserebor cui misertus ero, et misericordiam præstabō cui misericors fuero*, hinc ostenditur non esse iniuriam apud Deum; quod possunt dicere quidam, cum audiunt, *Antequam nascerentur, Jacob dilexi, Esau autem odio habui*. *Miserebor enim, inquit, cui misertus ero*. Primo enim misertus est nostri Deus, cum peccatores essemus ut vocaret nos. *Cui ergo misertus ero, inquit, ut eum vocem, miserebor adhuc ejus cum crediderit*. Quomodo autem adhuc, nisi ut det credenti et petenti Spiritum sanctum? Quo dato misericordiam præstabit cui misericors fuerit, id est, ut faciat eum misericordem, quo bona possit per dilectionem operari. Nemo ergo sibi audeat tribuere quod misericorditer operatur; quia Deus illi per Spiritum sanctum dedit dilectionem, sine qua nemo potest esse misericors. Non ergo elegit Deus bene operantes, sed credentes potius, ut ipse illos faciat bene operari. Nostrum enim est credere et velle, illius autem dare credentibus et volentibus facultatem bene operandi per Spiritum sanctum, per quem charitas Dei diffunditur in cordibus nostris, ut nos misericordes efficiat (*b*).

LXII. [*Ib. ix, 15-21.*] Quod autem ait, *Igitur non est editi, ut vocatio peccatoris prærogetur*. Melius MSS., *peccatori prærogetur*.

(a) I Retract. cap. 25, n. 2, et lib. 1 de Prædest. SS., c. 5, dicit se hic errasse.

(b) Ibid., n. 3.

volentis, neque currentis, sed miserentis est Dei, non tollit liberum voluntatis arbitrium; sed non sufficere dicit velle nostrum, nisi adjuvet Deus, misericordes nos efficiendo ad bene operandum per donum Spiritus sancti, ad hoc referens, quod superius dixit, *Miserebor cui misertus ero, et misericordiam præstabō cui misericors fuero*. Quia neque velle possumus, nisi vocemur; et cum post vocationem voluerimus, non sufficit voluntas nostra et cursus noster, nisi Deus et vires currentibus prebeat, et perducat quo vocat. Manifestum est ergo non volentis, neque currentis, sed miserentis Dei esse, quod bonum operamur: quamquam ibi sit etiam voluntas nostra, quæ sola nihil posset. Unde sequitur etiam de Pharaonis supplicio testimonium, cum ait Scriptura de Pharaone, *Quia ad hoc te excitavi, ut ostendam in te potentiam meam, et ut annuntietur nomen meum in universa terra*. Sicut enim legimus in Exodo, obduratum est cor Pharaonis (*Exod. x, 1*), ut tam evidenter signis non moveretur. Quod ergo tunc Pharaon non obtemperabat præceptis Dei, jam de supplicio veniebat. Non autem quisquam potest dicere obdurationem illam cordis inmerito accidisse Pharaoni, sed iudicio Dei retrahuentis incredulitati ejus debitam poenam. Non ergo hoc illi imputatur, quod tunc non obtemperaret, quandoquidem obdurato corde obtemperare non poterat; sed quia dignum se præbuit, cui cor obdurate priore infidelitate. Sicut enim in iis quos elegit Deus, non opera sed fides inchoat meritum, ut per manus Dei bene operentur: sic in his quos damnat, infidelitas et impietas inchoat poenæ meritum, ut per ipsam poenam etiam male operentur; sicut et superiorius idem dicit apostolus, *Et quoniam non probaverunt Deum in notitia habere, tradidit illos Deus in reprobum sensum, ut faciant quæ non conveniunt* (*Rom. i, 28*). Quapropter ita concludit Apostolus, *Ergo cui vult miseretur, et quem vult obdurat*. Cujus enim miseretur, facit eum bene operari; et quem obdurat, relinquat eum ut male operetur. Sed et illa misericordia præcedenti merito fidei tribuitur, et ista obduracione præcedenti impietati (*a*): ut et bona per donum Dei operemur, et mala per supplicium; cum tamen homini non auferatur liberum voluntatis arbitrium, sive ad credendum Deo ut consequatur nos misericordia, sive ad impietatem ut consequatur supplicium. Qua conclusione illata, insert quæstiōnem tanquam a contradicente. Ait enim: *Dicis itaque mihi, Quid adhuc conqueritur? nam voluntati ejus quis resistit?* Cui sano inquisitioni sic respondet, ut intelligamus spiritualibus viris, et jam non secundum terrenum hominem viventibus, patere posse prima merita fidei et impietatis, quomodo Deus præciosus eligat credituros, et damnet incredulos; nec illos ex operibus eligens, nec istos ex operibus damnans; sed illorum fidei præstans ut bene operentur, et istorum impietatem obdurans deserendo, ut male operentur. Qui quoniam intellectus, ut dixi, spiritualibus patet, a carnali autem

(a) De hoc et superioribus locis vid. Retract. lib. 1, cap. 25, nn. 3, 4.

prudentia longe remotus est, sic refellit inquirentem, ut intelligat se deponere debere prius hominem luti, ut ista per spiritum investigare mercatur. Itaque, inquit, *O homo tu quis es, qui respondeas Deo? Numquid dicit figuratum ei qui se finxit, Quare sic me fecisti? Annon habet potestatem figulus luti, ex eadem conspersione vas facere, aliud quidem in honorem, aliud in contumeliam?* Quamdiu figuratum es, inquit, et ad massam luti pertines, nondum perductus ad spiritualia, ut sis spiritualis omnia judicans, et a nemine judicaris, cohibeas te oportet ab hujusmodi inquisitione, et non respondeas Deo. Cujus consilium quis scire cupiens, oportet ut prius in ejus amicitiam recipiat: quod contingere nisi spiritualibus non potest, jam portantibus imaginem cœlestis hominis; *Jam enim inquit, non vos dicam servos, sed amicos: omnia enim quæ audivi a Patre meo, nota feci vobis (Joan. xv, 15).* Quamdiu itaque vas fisticum es, conterendum est hoc ipsum in te prius virga illa ferrea, de qua dictum est, *Reges eos in virga ferrea, et tanquam vas figuli conteres eos (Psal. ii, 9)*: ut corrupto exteriore homine, et interiore renovato, possis in charitate radicatus et fundatus comprehendere latitudinem, longitudinem, altitudinem, et profundum, cognoscere etiam supereminentem scientiam charitatis Dei (*Ephes. iii, 16-19*). Nunc itaque cum ex eadem conspersione Deus alia vasa in honorem facit, alia in contumeliam, non est tuum discutere, quisquis secundum hanc conspersionem adhuc vivis, id est, terreno sensu et carnaliter sapis.

LXIII. [lb. ix, 22.] Quod autem ait, *Attulit in multa patientia vasa iræ, quæ perfecta sunt in perditionem*, hinc satis significavit obdurbationem cordis quæ in Pharaone facta est, ex meritis venisse occultæ superioris impietatis: quam tamen patienter sustinuit Deus, donec ad illud tempus perduceretur, quo opportune in eum vindicta procederet, ad correctionem eorum quos ab errore instituerat liberare, et ad cultum suum pietate vocando perducere¹, precibus eorum et genitibus opem præbens.

LXIV. [lb. ix, 24, 25.] Quod autem ait, *Quos et vocavit nos, non solum ex Judæis, sed etiam ex Gentibus: sicut et in Osee dicit, Vocabo non plebem meam, plebem meam, etc., totius hujus disputationis propositum ad hoc perducit, ut quoniam docuit misericordiæ Dei esse quod bene operamur, non tanquam ex operibus Judæi gloriantur, qui cum Evangelium percipissent, tanquam meritis suis id tribuendum existimantes, nolebant Gentibus dari: a qua superbiam jam debent desistere, intelligentes quoniam si non ex operibus, sed misericordia Dei vocamus ut credamus, et credentibus præstatur ut bene operemur, non est Gentibus ista invidenda misericordia (a), quasi prælato merito Judæorum, quod nullum est.*

LXV. [lb. ix, 27.] Quod autem dicit, *Isaias autem clamat pro Israel, Si fuerit numerus filiorum Israel*

¹ Nostri omnes MSS., et ad cultum suum pietatemque redendo perducere.

(a) I Retract. cap. 23, n. 4.

*quasi arena maris, reliquiæ salvæ fient, ostendit quemadmodum sit Deus lapis angularis, utrumque parietem in se conjungens (Ephes. ii, 20). Testimonium enim Osce prophete dictum est pro Gentibus, *Vocabo non plebem meam, plebem meam, et non dilectam, dilectam (Osee ii, 24)*; et Isaiae testimonium dictum est pro Israel, Quoniam reliquiæ salvæ fient (Isai. x, 22), ut ipse deputentur in semen Abrahæ, que crediderunt in Christum: ita concordes ambos populos facit, secundum et Domini testimonium dicentes in Evangelio de Gentibus, *Habeo alias oves quæ non sunt de hoc ovili, quas oportet me adducere; et erit unus gressus, et unus pastor (Joan. x, 16)*.*

LXVI. [lb. x, 1.] Quod autem ait, *Fratres, bona voluntas cordis mei et deprecatio ad Deum fit pro illis in salutem*; hinc jam incipit de spe Judæorum loqui, ne etiam Gentes superbire audeant adversus Judæos; Sicut enim Judæorum superbìa refellenda erat tanquam ex operibus gloriantium; sic et Gentibus occurrendum est, ne tanquam Judæis prælati superbiant.

LXVII. [lb. x, 8-10.] Quod autem dicit, « Prope est verbum in ore tuo, et in corde tuo; hoc est verbum fidei quod prædicamus: quia si consisteris in ore tuo quia Dominus est Jesus, et credideris in corde tuo quia Deus illum suscitavit a mortuis, salvus eris. Corde enim creditur ad justitiam, ore autem confessio fit in salutem; » totus hic locus ad illud referatur quod superius dixit, *Verbum enim consummans et brevians faciet Dominus super terram (Rom. ix, 28)*. Remotis enim innumerabilibus et multiplicibus sacramentis quibus Judaicus populus premebatur, per misericordiam Dei factum est ut brevitate confessionis fidei ad salutem perveniremus.

LXVIII. [lb. x, 19.] Quod autem dicit, secundum testimonium Moysi, *Ego ad æmulationem vos perducum in non gentem; in gentem insipientem irritabo vos; dicens, gentem insipientem, exposuit quid dixerit, in non gentem: quasi quod nec gens dicenda sit quæ insipientis est. De cuius tamen fide irritandum dicit populum Judaicum, quia illi apprehenderunt quod isti respuerunt. Vel certe in non gentem, in gentem insipientem; quia cum esset gens insipientis omnis populus idola colens, tamen gentilitatem credendo deposituit. Unde illud etiam est: Si igitur præputium justitias Legis custodiat, nonne præputium ejus in circumcisione deputabitur (Id. ii, 26)? Ut sit hic sensus: Ego in æmulationem vos adducam in eam quæ non gens facta est, deponendo gentilitatem per fidem Christi, cum fuisset gens insipientis colendo idola.*

LXIX. [lb. xi, 11.] Quod autem ait, *Nunquid repulit Deus plebem suam? Absit. Nam et ego Israelita sum, ex seniūne Abrahā, de tribu Benjamin, ad hoc referatur quod superius dixit, Non potest autem excidere verbum Dei. Non enim omnes qui sunt ex Israel, hi sunt Israelitas; neque quia sunt semen Abraham, omnes filii; sed in Isaac vocabitur tibi semen: ut de ipso scilicet populo Judæorum illi deputentur in semen, qui Domino crediderunt. De hoc item dicit superius, Reliquiæ salvæ fient (Id. ix, 6, 7, 27).*

LXX. [Ib. xi, 11.] Quod autem dicit, *Dico ergo, Numquid sic deliquerunt ut caderent? Absit. Sed illorum delictio salus Gentibus*¹, non ideo dicit, quia non ceciderunt; sed quia casus ipsorum non fuit inanis, quoniam ad salutem Gentium profecit. Non ergo ita deliquerunt ut caderent, id est, ut tantummodo caderent, quasi ad poenam suam solum; sed ut hoc ipsum quod ceciderunt, prodesset Gentibus ad salutem. Deinde incipit ex hoc loco Iudeorum populum commendare, etiam de ipso casu infidelitatis, ut non superbiant Gentes; quia etiam casus Iudeorum tam pretiosus existit pro salute Gentium: sed magis debent cavere Gentes ne, dum, superbiant, similiter cadant.

LXXI. [Ib. xii, 20, 14, 17.] Quod autem dixit, *Si esurierit inimicus tuus, ciba illum; si sitit, potum da illi: hoc enim faciens, carbones ignis congeres super caput ejus*, multis videri potest repugnare illi sententiae qua Dominus praecepit ut diligamus inimicos nostros, et oremus pro iis qui nos persecuntur (*Matth. v, 44*). vel huic etiam quam idem apostolus superius dixit, *Benedicite persequeentes vos; benedicte, et nolite maledicere; et iterum, Nulli malum pro malo reddentes*. Quomodo enim quisque diligit eum cui propterea cibum et potum dat, ut carbones ignis congerat super caput ejus, si carbones ignis hoc loco aliquam gravem poenam significant? Quapropter intelligendum est ad hoc dictum esse, ut eum qui nos læserit provocemus ad poenitentiam facti sui, cum ei nos benefacimus. Isti enim carbones ignis ad extusionem, id est contribulationem spiritus valent, qui est quasi caput animæ, in qua exuritur omnis malitia, cum homo in nucleus per poenitentiam comunitatur, ut sunt illi carbones, de quibus dicitur in Psalmis: *Quid detur tibi, aut quid apponatur tibi ad linguam subdolam? Sagittæ potentis acutæ cum carbonibus vastatoribus* (*Psal. cxix, 5, 44*).

LXXII. [Ib. xiii, 1.] Quod autem ait, *Omnis anima potestatis sublimioribus subdita sit: non est enim potestas nisi a Deo*, rectissime jam monet, ne quis ex eo quod a Domino suo in libertatem vocatus est, factusque christianus, extollatur in superbiam, et non arbitratur in hujus vita itinere servandum esse ordinem suum, et potestatis sublimioribus, quibus pro tempore rerum temporalium gubernatio tradita est, putet non se esse subdendum. Cum enim constemus ex anima et corpore, et quamdiu in hac vita temporali sumus, etiam rebus temporalibus ad subsidium degendæ hujus vita utamur; oportet nos ex ea parte, quæ ad hanc vitam pertinet, subditos esse potestatis, id est, hominibus res humanas cum aliquo honore administrantibus. Ex illa vero parte qua credimus Deo, et in regnum ejus vocamur, non nos oportet esse subditos cuiquam homini, id ipsum in nobis evertere cupienti, quod Deus ad vitam æternam donare dignatus est. Si quis ergo putat quoniam christianus est, non sibi esse vectigal reddendum, aut tributum, aut non esse exhibendum honorem debi-

¹ In editis additur, est, quod a MSS. et a græco abest: at Vaticanicus MSS. ejus loco habet, venit.

tum eis quæ hæc curant potestatis; in magno errore versatur. Item si quis sic se putat esse subdendum, ut etiam in suam fidem habere potestatem arbitratur eum qui temporalibus administrandis aliqua sublimitate præcellit; in majorem errorem labitur¹. Sed modus iste servandus est, quem Dominus ipse prescribit, ut reddamus Cesari quæ Caesaris sunt, et Deo quæ Dei sunt (*Matth. xxii, 21*). Quanquam enim ad illud regnum vocem ubi nulla erit potestas hujusmodi, in hoc tamen itinere dum agimus, donec perveniamus ad illud sæculum ubi sit evacuatio omnis principatus et potestatis, conditionem nostram pro ipso rerum humanarum ordine toleremus, nihil simulate facientes, et in eo ipso non tam hominibus quam Deo, qui hæc jubet, obtemperantes.

LXXIII. [Ib. xiii, 3, 4.] Quod autem ait, *Vis autem non timere potestatem? bonum fac, et habebis laudem ex illa*, potest movere aliquos, cum cogitaverint ab istis potestatis persecutionem sc̄epe passos fuisse Christianos. Numquid ergo non faciebant bonum, quia non solum non sunt laudati ab istis potestatis, sed etiam poenit affecti et necati sunt? Considerant ergo sunt verba Apostoli. Non enim ait, Bonum fac, et laudabit te potestas; sed ait, *Bonum fac, et habebis laudem ex illa*. Sive enim probet factum tuum bonum, sive persecutetur, *laudem habebis ex illa*; vel cum eam in obsequium Dei lucratus fueris, vel cum ejus persecutione coronam merueris. Hoc etiam in consequentibus intelligitur, cum dicit, *Dei enim minister est tibi in bonum, etiam si sibi in malum*.

LXXIV. [Ib. xiii, 5.] Quod autem ait, *Ideoque necessitatibus subditi estote, ad hoc valet, ut intelligamus quia necesse est propter hanc vitam subditos nos esse oportere, non resistentes si quid illi auferre voluerint, in quod sibi potestas data est, de temporalibus rebus; quæ quoniam transeunt, ideo et ista subjectio non in bonis quasi permansuris, sed in necessariis huic temporis constituenda est*. Tamen quoniam dixit, *Necessitatibus subditi estote; ne quis non integro animo et pura dilectione subditus fieret hujusmodi potestatis, addidit, dicens, Non solum propter iram, sed etiam propter conscientiam*: id est, non solum ad iram evadendam², quod potest etiam simulate fieri; sed ut in tua conscientia certus sis, illius dilectione te facere, cui subditus fueris jussu Domini tui, *qui omnes ruli salvos fieri, et in agnitionem veritatis venire* (*1 Tim. ii, 4*). Et hoc enim cum diceret Apostolus, de ipsis potestatis agebat. Hoc est quod servis alio loco suadet, *Non ad oculum servientes, quasi hominibus placentes* (*Ephes. vi, 6*): ut id ipsum quod subduntur dominis suis, non eos oderint, aut fallaciis promereri desiderent.

LXXV. [Ib. xiii, 8, 10.] Quod autem dicit, *Qui enim diligat alterum*³, *Legem implevit, ostendit consumma*

¹ Isthæc sententia, *Item si quis.... in majorem errorem labitur*, quam MSS. omnes exhibent, omissa est apud Am. et Er.

² Am. Er. et sex MSS. hic et infra, *necessitate*.

³ Omnes nostri MSS., *evacuandam*.

⁴ Editi, *diligit proximum*. At MSS., *alterum*; *juxta græc., ion eteron*.

tionem Legis in dilectione positam , id est, in charitate. Unde et Dominus in illis duobus praeceptis totam Legem pendere dicit, et omnes Prophetas, id est in dilectione Dei et proximi (*Math. xxii, 37-40.*) Unde et ipse qui Legem venit implere, dilectionem donavit per Spiritum sanctum, ut quod antea timor implere non poterat, charitas postmodum impletet. Hinc est et illud ejusdem apostoli, *Plenitudo autem Legis charitas: et illud, Finis autem praecepti est charitas de corde puro, et conscientia bona, et fide non facta* (*I Tim. 1, 5.*).

LXXVI. [lb. xiii, 11.] Quod autem ait, *Et hoc scientes tempus, quia hora est jam nos de somno surgere, illuc spectat quod dictum est, Ecce nunc tempus acceptabile, ecce nunc dies salutis* (*Il Cor. vi, 2.*). Tempus enim Evangelii significatur, et illa opportunitas salvos faciendi credentes in Deum.

LXXVII. [lb. xiii, 14.] Quod autem ait, *Et carnis providentiam ne feceritis in concupiscentiis*, ostendit non esse culpandam carnis providentiam, quando ea providentur quae ad necessitatem salutis corporalis valent. Si autem ad superfluas delectationes atque luxurias, ut quisque in his gaudeat quae carne cupit, recte reprehenditur, quia providentiam carnis in concupiscentiis facit. *Quoniam qui seminat in carne sua, de carne metet corruptionem* (*Galat. vi, viii,*), id est, qui delectationibus carnalibus gaudet.

LXXVIII. [lb. xiv, 1-3.] Quod autem dicit, *Infirmum autem in fide recipite, non in dijudicationibus cogitationum*, hoc dicit, ut cum qui infirmus in fide est, recipiamus, et nostra firmitatem infirmitatem ejus sustineamus, neque dijudicemus cogitationes ejus, id est, quasi ferre audeamus sententiam de alieno corde, quod non videmus. Ideo sequitur, et dicit, *Alius quidem credit manducare omnia: qui autem infirmus est, olus manducet.* Quia illo jam tempore multi jam firmi in fide, et scientes secundum sententiam Domini, non commaculare ea quae in eos intrant, sed quae exirent (*Math. xv, 11-20.*), indifferenter sumebant cibos salva conscientia: quidam vero infirmiores abstinebant a carnibus et a vino, ne vel nescientes incidenter in ea quae idolis sacrificabantur. Omnis enim tunc immolatitia caro in macello vendebatur, et de primitiis vini libabant Gentes simulacris suis, et quedam in ipsis torcularibus sacrificia faciebant. Jubet ergo Apostolus et his qui salva conscientia talibus alimentis utebantur, non spernere infirmitatem illorum qui se a talibus cibis et potu abstinebant: et illis infirmis, ne eos qui carnibus non abstinebant, et vino bibebant, tanquam pollui judicarent. Ad hoc valet quod consequenter dicit, *Qui manducat, non manducantem non spernat; et qui non manducat, manducantem non judicet.* Firmi enim infirmiores contumaciter contemnebant, et infirmi firmos temere judicabant.

LXXIX. [lb. xiv, 4.] Quod autem dicit, *Tu quis es qui judices alienum servum?* ad hoc dicit, ut in his

¹ vaticanus codex, superfeceritis. Cæteri MSS., perfec-

rebus quae possunt et bono animo fieri et malo, iudicium Deo dimittamus, nec audeamus de alterius corde, quod non videmus, ferre sententiam. In his vero rebus quae ita comprehenduntur, ut eas bono et casto animo non posse fieri manifestum sit, non improbat, si judicemus. Itaque hoc quod de cibis dicit, quia ignoratur quo animo fiat, non vult nos esse judices, sed Deum: de illo autem nefario stupro, ubi uxorem patris sui quidam habuerat, præcepit debere judicari (*I Cor. v, 1.*). Non enim poterat ille dicere, bono animo se tam immane flagitium commisso. Ergo quæcumque facta ita manifestantur, ut non possit dici, Bono animo feci, judicanda sunt a nobis; quæcumque autem ita sunt, ut quo animo sunt incertum sit, non sunt judicanda, sed reservanda iudicio Dei: sicut scriptum est, *Quæ occulta sunt, Deo; quæ autem palam sunt, vobis et filiis vestris erunt* (*Deut. xxix, 29.*).

LXXX. [lb. xiv, 5, 6.] Quod autem ait, *Alius quidem judicat altermos dies, alias autem judicat omnem diem*, sequestrata interim meliore consideratione, non de duabus hominibus mihi videtur dictum, sed de homine et Deo. Qui enim altermos dies judicat, homo est: potest enim hodie aliud, cras aliud judicare: id est, ut quemcumque hodie malum convictionem confessumve damnaverit, cras bonum inveniat cum se correxerit; contra, cum aliquem justum hodie laudaverit, cras inveniat depravatum. Qui autem judicat omnem diem, Deus est; quia non solum qualis quisque sit, sed etiam qualis omni die futurus sit, novit. Ergo, *Unusquisque in suo intellectu abundet, inquit: id est, quantum humano intellectui, vel unicuique homini concessum est, tantum audeat judicare. Qui sapit, inquit, diem, Domino sapit:* id est, quia hoc ipsum quod praesentem diem bene judicat, Domino sapit. Hoc est autem bene judicare ad diem, ut noveris non esse de correctione ejus desperandum in futurum, de cuius culpa manifesta in praesentia judicaveris.

LXXXI. [lb. xiv, 22, 16.] Quod autem ait, *Beatus qui non judicial semel ipsum in quo probat, ad id potissimum referendum est, quod superioris dixit, Non ergo blasphemetur bonum nostrum.* Hoc est etiam quod nunc ait ante istam sententiam, *Tu fidem quam habes penes temel ipsum, habe coram Deo:* ut quoniam bona est haec fides qua credimus omnia munda mundis (*Tit. i, 15.*), et in ea fide nos probamus, bene utamur ipso bono nostro; ne forte cum ad offendiculum infirmorum fratrum eo bono abusi fuerimus, peccemus in fratres; et in eo ipso bono nos judicemus, cum scandalizamus infirmos, in quo bono nos probamus, cum ipsa fides nobis placet.

LXXXII. [lb. xv, 8, 9.] Quod autem ait, *Dico enim Christum Jesum ministrum suis circumcisiois, propter veritatem Dei, ad confirmandas promissiones patrum, Gentes autem super misericordia glorificare Deum, ad hoc dicit, ut intelligent Gentes Dominum Christum ad Judæos esse missum, et non superbiant. Judæis enim repellentibus quod ad ipsos missum est,*

factum est ut Gentibus Evangelium prædicaretur : quod et in Actibus Apostolorum manifestissime scribitur, cum dicunt Apostoli Judæis, *Vobis primum oportuit prædicari verbum ; sed quoniam indignos vos iudicatis, ecce convertimus nos ad Gentes* (Act. XIII, 46). Secundum ipsa etiam Domini testimonia, cum dicit, *Non sum missus nisi ad oves perditas domus Israel*; et iterum, *Non est bonum panem filiorum militare canibus* (Math. xv, 24, 26). Quod Gentes si bene considerent, intelligunt ista sua sive, qua jam credunt omnia munda mundis, non se debere insultare his, si qui forte infirmi ex circumcisione fuerint¹ qui propter communicationem idolorum nullas omnino audeant carnes attingere.

LXXXIII. [Ib. xv, 16.] Quod autem dicit, *Ut minister sim Christi Jesu in Gentibus, consecrans Evangelium Dei, ut fiat oblatio Gentium acceptabilis, sanctificata in Spiritu sancto, hoc intelligitur, ut offerantur Gentes Deo, tanquam acceptabile sacrificium, cum in Christum credentes per Evangelium sanctificantur : sicut et superius dicit, Obsecro itaque vos, fratres, per misericordiam Dei², ut exhibeatis corpora*

¹ Omnes MSS., *infirmi ex se fuerint*.

² Hic desinit opusculum in editis Am. et Er. omissa Pro-

vestra hostiam vivam, sanctam, Deo placentem (Rom. XII, 1).

LXXXIV. [Ib. XVI, 17, 18.] Quod autem ait, *Obsecro vos, fratres, ut intendatis in eos qui dissensiones et scandala, præter doctrinam quam vos didicistis, faciunt, de his intelligitur dicere, de quibus et ad Timotheum scripsit, dicens : « Sicut rogavi te, ut sustineres Ephesi, cum irem in Macedoniam, ut denuntiari quibusdam ne aliter docerent, neque intendarent fabulis et genealogiis interminatis, quæ quæstiones magis præstant quam ædificationem Dei, quæ est in tibi » (1 Tim. I, 3, 4); et ad Titum, « Sunt enim multi non subditi, vaniloqui et mentis seductores, qui maxime ex circumcisione sunt ; quos oportet reselli ; qui universas domos subvertunt, docentes quæ non oportet, turpis lueri gratia : dixit quidam ex ipsis propriis eorum propheta, Cretenses semper mendaces, malæ bestiæ, ventres pigræ » (Tit. I, 10-12). Ad hoc enim refertur quod et hic ait, *Hi enim Christo Domino non serviunt, sed suo ventri : de quibus alio loco dicit, Quorum Deus venter est* (Philipp. III, 19).*

positione octogesima quarta, quæ postrema est apud Lov. et apud omnes MSS.

De subsequenti opere, vide lib. I, cap. 25, Retractationum, a col. 623, verbis, Epistolæ quoque ad Romanos, usque ad col. 624, verbis, scripsit ad Romanos. M.

S. AURELII AUGUSTINI HIPPONENSIS EPISCOPI EPISTOLÆ AD ROMANOS INCHOATA EXPOSITIO.

Liber VIII (a).

In quo salutatio tantummodo expeditur, et disputatur de peccato in spiritum sanctum.

4. In Epistola quam Paulus apostolus scripsit ad Romanos, quantum ex ejus textu intelligi potest, quæstionem habet talēm : Utrum Judæis solis Evangelium Domini nostri Jesu Christi venerit propter merita operum Legis; an vero nullis operum meritis præcedentibus, omnibus Gentibus venerit justificatio sive, quæ est in Christo Jesu, ut non quia justi erant homines, crederent; sed credendo justificati, deinceps juste vivere inciperent. Illoc ergo docere intendit, omnibus venisse gratiam Evangelii Domini nostri

Jesu Christi. Quod propterea etiam gratiam vocari ostendit, quia non quasi debitum justitiae redditum est, sed gratuito datum. Cœperant enim nonnulli qui ex Judæis crediderant, tumultuari adversus Gentes, et maxime adversus apostolum Paulum, quod incircumcisos et Legis veteris vinculis liberos admittebat ad Evangelii gratiam, prædicans eis ut in Christum credarent, nullo imposito carnalis circumcisionis jugo. Sed plane tanta moderatione, ut nec Judæos superbiere permittat, tanquam de meritis operum Legis;

ADMONITIO PP. BENEDICTINORUM.

In MSS. nostris non reperta est (præsens Expositio) : sed multis meædis ruragata nunc fuit ope manuscripti vaticani; et recessus ad editiones Am. et Lov.

Comparavimus præterea eas omnes editiones initio Retr. et Confess. t. I, memoratas

(a) Scripta circiter Christi annum 394, scilicet Augustino adhuc presbytero, ex Retract., lib. I, cc. 23, 25.

nec Gentes merito fidei adversus Judæos inflari, quod ipsi receperint Christum, quem illi crucifixerunt : tanquam enim, sicut alio loco dicit, pro ipso Domino legatione fungens (*II Cor. v, 20*), hoc est, pro lapide angulari (*Ephes. ii, 20*), utrumque populum tam ex Judæis quam ex Gentibus connectit in Christo per vinculum gratiae, utrisque auctorēs omnem superbiam meritorum, et justificandos introsque per disciplinam humilitatis associans.

2. Itaque Epistolam sic exorsus est : *Paulus servus Iesu Christi vocatus apostolus, segregatus in Evangelium Dei (Rom. i, 1)*. Breviter in duobus verbis Ecclesiae dignitatem a Synagogæ vetustate discernit. Ecclesia quippe ex vocatione appellata est, Synagoga vero ex congregatione. Convocari enim magis hominibus congruit, congregari autem magis pecoribus : unde greges proprie pecorum dici solent. Quanquam ergo plerisque Scripturarum locis ipsa Ecclesia grex Dei, et ovile Dei, et pecus Dei vocetur ; tamen cum in comparatione homines pecora dicuntur, ad vitam veterem pertinent. Et apparet hujusmodi homines, non cibo sempiternæ veritatis, sed temporalium promissionum tanquam terreno pabulo esse contentos. *Paulus ergo servus Christi Jesu vocatus est apostolus* ; quæ vocatio illum cooptavit Ecclesiæ. In *Evangelium autem Dei segregatus est* ; unde nisi a grege Synagogæ, si verborum latinorum significatio omni modo cum græca interpretatione concordat?

3. Sane *Evangelium Dei*, in quod segregatum se esse commemorat, commendat auctoritate Prophetarum : ut quoniam credentes Christum, in quorum numerum vocatus est, Judæis proposuerat, a quibus se dixerat segregatum, Gentes rursus jam non superbire admoneat. Siquidem de populo Judæorum fuerunt Prophetæ, per quos *Evangelium*, cuius fide credentes justificantur, ante promissum esse testatur : *Segregatus enim, inquit, in Evangelium Dei, quod ante promiserat per Prophetas suos (Rom. i, 1, 2)*. Fuerunt enim et prophetæ non ipsius, in quibus etiam aliqua inveniuntur quæ de Christo auditæ cecinerunt, sicut etiam de Sibylla dicitur : quod non facile credere, nisi quod poetarum quidam in Romana lingua nobilissimus antequam diceret ea de innovatione seculi, quæ in Domini nostri Jesu Christi regnum satis concinere et convenire videantur, præposuit versum, dicens :

Ultima Cumæi venit jam carminis ætas.

(*Virg. Eclog. 4, v. 4.*)

Cumæum autem carmen Sibyllinum esse nemo dubitaverit. Scieus ergo Apostolus ea in libris Gentium inveniri testimonia veritatis, quæ etiam in Actibus Apostolorum loquens Atheniensibus manifestissime ostendit (*Act. xvii, 28*), non solum ait, *per Prophetas suos*, ne quis a pseudoprophetis per quasdam veritatis confessiones in aliquam impietatem seduceretur ; sed addidit etiam, in *Scripturis sanctis* : volens utique ostendere litteras Gentium superstitione idololatriæ plenissimas, non ideo sanctas haberi oportere, quia in eis aliud quod ad Christum pertinet invenitur.

4. Et ne quisquam etiam prophetas aliquos remu-

PATROL. XXXV.

tos atque alienos a gente Judæorum forte proferret, in quibus nullus simulacrorum cultus esset, quantum attinet ad simulacra quæ humana operatur manus : nam simulacris phantasmatum suorum sectatores suos omnis error illudit : ne quis tamen aliqua hujusmodi proferens, quia ibi Christi nomen ostentat, eas potius sanctas Scripturas esse asserat, non eas quæ populo Hebreorum sunt divinitus creditæ, satis opportune mihi videtur adjungere, cum dixisset, in *Scripturis sanctis*, quod adjectum, *de Filio suo, qui factus est ei ex semine David, secundum carnem (Rom. i, 3)*. David enim certe rex Judæorum fuit. Oportebat autem ut ex illa gente orientur Christi prænuntiatores Prophetæ, ex qua gente carnem assumpturus erat quem prænuntiabant. Occurrentum autem erat etiam illorum impictati, qui Dominum nostrum Jesum Christum secundum hominem tantummodo, quem suscepit, accipiunt ; divinitatem autem in eo non intelligunt ab universe creaturæ communione discretam : velut ipsi Judæi, qui Christum filium David tantummodo esse opinantur, ignorantes excellentiam qua Dominus est ipsius David, secundum id quod est *Filius Dei*. Unde illos in *Evangelio* redarguit per prophetam, quæ ipsius David ore prolata est. Quærerit enim ab eis, quem ipse David Dominum appellat, quomodo filius ejus sit (*Mauth. xiii, 42-45*) : cui deberent utique respondere quod secundum carnem filius esset David, secundum divinitatem autem *Filius Dei* et Dominus ipsius David. Quod Paulus apostolus quia jam didicerat, posteaquam dixit, in *Evangelium Dei*, quod ante promiserat per Prophetas suos in *Scripturis sanctis de Filio suo, qui factus est ei ex semine David*, addidit, *secundum carnem* : ne hoc solum et totum in Christo esse arbitrarentur, quod factus erat secundum carnem. Addendo ergo, *secundum carnem*, servavit divinitati dignitatem suam. Quæ non solum semini David, sed nec alicui angelicæ aut cujusvis excellentissimæ creaturæ generationi tribul potest ; quandoquidem ipsum est Verbum Dei, per quod facta sunt omnia. Quod Verbum ex semine David caro factum est, et habitavit in nobis (*Joan. i, 1, 3, 14*). non mutatum et conversum in carnem ; sed carne ut carnalibus congruenter appareret indutum. Quapropter Apostolus non solum eo verbo quod ait, *secundum carnem*, humanitatem a divinitate distinxit ; sed etiam illo quo ait, *factus est*. Non est enim factus secundum id quod Verbum Dei est. Omnia enim per ipsum facta sunt ; nec fieri cum omnibus posset per quem facta sunt omnia. Neque ante omnia factus est, ut per ipsum fierent omnia : ipso enim excepto, si ante illa jam factus esset, non essent illa omnia quæ per illum fierent ; nec possent vere dici facta omnia per ipsum, in quibus ipse non esset, si ipse etiam factus esset. Et ideo Apostolus cum factum diceret Christum, addidit, *secundum carnem* ; ut secundum Verbum quod est *Filius Dei*, non factum a Deo, sed natum esse monstraret.

5. Eumdem sane ipsum qui *secundum carnem factus est ex semine David, prædestinatum dicit Filium Dei, in virtute* ; non secundum carnem, sed secundum (*Soixante-six.*)

Spiritum; nec quilibet spiritum, sed Spiritum sanctificationis ex resurrectione mortuorum (Rom. 1, 4). In resurrectione enim virtus morientis appetet, ut dicatur *prædestinatus in virtute secundum Spiritum sanctificationis ex resurrectione mortuorum.* Deinde sanctificatio vitam novam fecit¹ quæ in Domini nostri resurrectione signata est. Unde idem apostolus alio loco dicit: *Si consurrexisti cum Christo, quæ sursum sunt querite, ubi Christus est in dextera Di[us] sedens (Coloss. iii, 1).* Potest quidem etiam sic esse ordo verborum, ut non ad *Spiritum sanctificationis* adjungamus quod ait, *ex resurrectione mortuorum*; sed ad id quod ait, *prædestinatus est*: ut ordo sit, qui *prædestinatus est ex resurrectione mortuorum*; cui ordini interposita sint h[ic]ec, *Filius Dei in virtute secundum Spiritum sanctificationis.* Et nimur iste ordo certior et melior videtur, ut sit filius David in infirmitate secundum carnem, Filius autem Dei in virtute secundum Spiritum sanctificationis. *Factus est ergo ex semine David,* id est, filius David ex mortali corpore, propter quod et mortuus est. *Prædestinatus est autem Filius Dei,* et Dominus ipsius David, *ex resurrectione mortuorum.* In quantum enim mortuus est, ad id pertinet quod est filius David; in quantum autem resurrexit a mortuis, ad id quod est Filius Dei, et Dominus ipsius David: sicut alibi idem apostolus dicit, *Nam et si mortuus est ex infirmitate, sed virit in virtute Dei (II Cor. xiii, 4);* ut infirmitas pertineat ad David, vita vero æterna ad virtutem Dei. Ideoque in his ipsis verbis Dominum suum designat eum David, dicens: *Dixit Dominus Domino meo, Sede ad dexteram meam, donec ponam inimicos tuos sub pedibus tuis (Psal. cix, 1).* Ex eo enim quod resurrexit a mortuis, sedet ad dexteram Patris. Prædestinatum ergo ex resurrectione mortuorum, ut sederet ad dexteram Patris, videns in Spiritu David, non auderet dicere filium suum, sed Dominum suum. Unde et consequenter Apostolus hic adjungit, *Jesu Christi Domini nostri, poste aquam dixit, ex resurrectione mortuorum;* tanquam admonens unde illum David Dominum suum potius quam filium esse testatus sit. Non autem ait eum *prædestinatum a mortuis, sed ex resurrectione mortuorum.* Non enim resurrectione ipsa sua Filius appetet Dei, propria illa et eminentissima dignitate qua etiam est caput Ecclesiæ, cum et ceteri mortui resurrecturi sint: sed Filius Dei prædestinatus est quodam principatu resurrectionis, quia ex resurrectione omnium mortuorum ipse prædestinatus est, id est, ut ceteris et ante ceteros resurgeret designatus. Ut quod hic positum est, *Filius Dei,* cum dixisset *prædestinatus est*, ad documentum valeat tantæ sublimitatis. Non enim sic prædestinari oportuit nisi Filium Dei, secundum quod est etiam caput Ecclesiæ: unde illum alio loco primogenitum *ex mortuis* appellat (*Coloss. i, 18*). Eum enim decebat venire ad judicium resurgentium, qui præcesserat ad exemplum: neque ad exemplum omnium resurgentium, sed ad exem-

plum eorum qui sic resurrecti sunt, ut cum illo vivant et regnent in sempiternum; quorum etiam caput est, tanquam corporis sui. *Ex ipsorum enim resurrectione etiam prædestinatus est,* ut ipsis princeps fieret: ceterorum autem in sua conditione resurgentium non princeps, sed iudex est. Non itaque ex illorum mortuorum resurrectione prædestinatus est, quos est damnatus. Prædestinatum enim esse ex resurrectione mortuorum, ut præcederet resurrectionem mortuorum, vult intelligi Apostolus: hos autem præcessit, qui ad ipsum coeleste regnum, quo eos præcessit, secuturi sunt. Propter quod non ait, *Qui prædestinatus est Filius Dei ex resurrectione mortuorum* Jesus Christus Dominus noster; sed, *ex resurrectione mortuorum Jesu Christi Domini nostri:* tanquam si diceret, *Qui prædestinatus est Filius Dei ex resurrectione mortuorum suorum,* hoc est, ad se pertinentium in vitam æternam; velut si interrogaretur, quorum mortuorum, et responderet, ipsius Jesu Christi Domini nostri. Ex resurrectione enim ceterorum mortuorum non est prædestinatus, quos non præcessit ad gloriam vitæ æternæ, non utique secuturos, quoniam ad poenas suas impii resurrecti sunt. Ergo ille tanquam Filius Dei unigenitus, etiam primogenitus ex mortuis *prædestinatus est, ex resurrectione mortuorum.* Quorum mortuorum, nisi *Domini nostri Jesu Christi?*

6. *Per quem accepimus, inquit, gratiam et apostolatum.* *Gratiam cum omnibus fidelibus, apostolatum autem non cum omnibus.* Et ideo si tantummodo apostolatum se diceret accepisse, ingratu exstitisset gratie, qua illi peccata dimissa sunt: tanquam enim meritis priorum operum accepisse apostolatum videatur. Optime itaque tenet ordinem causæ, ut nemo audeat dicere vitæ prioris meritis se ad Evangelium esse perductum: quando nec ipsi Apostoli, qui ceteris membris post caput corporis supereminent, accepere apostolatum proprie potuissent, nisi prius communiter cum ceteris gratiam, quæ peccatores sanat et justificat, accepissent. Quod autem suligit, *Ad obediendum fidei in omnibus gentibus pro nomine ejus;* ad hoc dicit apostolatum se accepisse, ut obediatur fidei pro nomine Domini nostri Jesu Christi, hoc est, ut credant omnes Christo, et signentur in ejus nomine qui salvi esse cupiunt. Quam salutem non solis Judæis, sicut nonnulli qui ex ipsis crediderant arbitrabantur, venisse jam ostendit, cum ait, *in omnibus gentibus: in quibus estis, inquit, et vos vocati Jesu Christi (Rom. 1, 5, 6),* id est, ut et vos sitis ejus Jesu Christi, qui omnium gentium salus est, quamquam non in numero Judæorum, sed in numero ceterarum gentium sitis inventi.

7. Huc usque dixit ipse quis esset qui scribit Epistolam. Est enim qui scribit Epistolam, *Paulus servus Jesu Christi, vocatus apostolus, segregatus in Evangelium Dei.* Sed quia occurrebat, *Quod Evangelium?* respondit, *Quod ante promiserat per Prophetas suos in Scripturis sanctis de Filio suo.* Item quia occurrebat, *De quo Filio suo?* respondit, *Qui factus est ei ex se-*

¹ *Vaticanus Ms., Deinde sanctificatio nostram vitam novam fecit*

*mine David secundum carnem, qui prædestinatus est Filius Dei in virtute secundum spiritum sanctificationis ex resurrectione mortuorum Domini nostri Iesu Christi. Et quasi diceretur, Quomodo tu ad eum pertinet? respondit, Per quem accepimus gratiam et apostolatum, ad obedientium fidei in omnibus gentibus pro nomine ejus. Item quasi diceretur, Quæ igitur causa est ut scribas ad nos? respondit, In quibus estis et vos vocati Iesu Christi. Nunc deinde adjongit ex more epistolæ quibus scribat: *Omnibus*, inquit, qui sunt Romanæ, dilectis Dei, vocatis sanctis. Etiam hic significavit benignitatem Dei potius quam meritum illorum. Nou enim ait, diligentibus Deum; sed, *dilectis Dei*. Prior enim dilexit nos ante omnia merita, ut et nos eum dilecti diligenteremus (I Joan. iv, 19). Unde etiam addidit, *vocatis sanctis*. Quanquam enim sibi quis tribuat quod vocanti obtemperat, nemo potest sibi tribuere quod vocatus est. *Vocatis autem sanctis, non ita intelligendum est, tanquam ideo vocati sint, quia sancti erant; sed ideo sancti esse, quia vocati sunt.**

8. Restat ergo ut salutem dicat, ut compleatur usitatum epistole principium, tanquam ille illis salutem. Pro eo autem ac si diceret salutem, *Gratia*, inquit, *vobis et pax a Deo Patre nostro, et Domino Iesu Christo* (Rom. i, 7). Non enim omnis gratia est a Deo. Nam et judices mali præbent gratiam in accipiendis personis aliqua cupiditate illecti, aut timore perterriti. Neque omnis pax Dei est, vel ab ipso: unde ipse Dominus discernens ait, *Pacem meam do vobis; adjungens etiam et dicens non se tales pacem dare, qualem dat hic mundus* (Joan. xiv, 27). Gratia est ergo a Deo Pater, et Domino nostro Iesu Christo, qua nobis peccata remittuntur, quibus adversabamur Deo¹. Pax vero ipsa qua reconciliamur Deo. Cum enim per gratiam remissis peccatis absumptæ fuerint inimicitiae, restat ut pace adhaereamus illi, a quo nos sola peccata dirimebant: sicut propheta dicit, *Non gravabit aurem, ut non audiat; sed peccata vestra inter vos et Deum separant* (Isai. LIX, 1 et 2). Quibus remissis per fidem Domini nostri Iesu Christi, nulla separatione interveniente pax erit.

9. Fortasse autem quisque miretur quomodo intelligenda sit justitia judicis Dei, cum gratiam præbet ignoscendo peccatis. Sed hoc plane justum est apud Deum; quia vere justum est ut ii quos peccatorum suorum pœnitent, eo tempore quo nondum pœnaru manifestus terror apparet, misericorditer separentur ab eis qui defensiones peccatorum suorum pertinaciter exquirentes, nulla pœnitentia corrigi volunt. Injustum est enim ut cum his illi ad consortium pœnale copulentur, qui vocantem Deum non spreverunt, et peccantes displicuerunt sibi, ut quemadmodum ille peccata eorum, sic etiam ipsi odissent sua. Ea enim demum est humanæ justitiae disciplina, non in se amare nisi quod Dei est, et odisse quod proprium est; nec approbare peccata sua, nec in eis alium improbare, sed seipsum; nec putare satis sibi esse ut sua peccata displiceant, nisi etiam vigilantissima deinceps

intentione vitentur; nec in eis vitandis vires suas existimare sufficere, nisi divinitus adjuvetur. Justum est ergo apud Deum ut ignoratur talibus quæcumque antea commiserunt, ne, quod injustissimum est, cum eis qui tales non sunt confundantur atque miscentur. Quapropter et quia talibus non ignoratur, justitia Dei est: ei quia ignoratur, gratia est. Justa est ergo gratia Dei, et grata justitia, cum in eo quoque etiam pœnitentie meritum gratia præcedat, quod neminem peccati sui penitent, nisi admonitione aliqua vocationis Dei.

10. Porro justitiae divinæ tanta constantia est, ut cum pœna spiritualis et sempiterna pœnitenti fuerit relaxata, pressuræ tamen cruciales corporales, quibus etiam martyres exercitatos novimus; postremo mors ipse, quam peccando meruit nostra natura, nulli relaxetur. Quod enim etiam justi homines et pii, tamen exsolvent ista supplicia, de justo Dei judicio venire credendum est. Ipsa est quæ in sacris Scripturis etiam disciplina nominatur, quam nemo justorum effugere sinitur. Neinim quippe exceptit, cum diceret: *Quem enim diligit Deus, corripit, flagellat autem omnem filium quem recipit* (Hebr. XII, 6). Unde etiam ipse Job, qui propterea tam multa illa passus est, ut hominibus quis vir esset, et quantus Dei servus, elucet, poenas tamen corporis pro peccatis suis se exsolvere saepè testatur. Petrus quoque apostolus exhortans fratres ad perseverandas pro Christi nomine passiones, ita loquitur: « Nemo autem vestrum patiatur quasi homicida, aut fur, aut maledicus, aut curas alienas agens: si vero quasi christianus, non erubescat; glorificet autem Deum in isto nomine, quia tempus inchoationis judicij a domo Dei: si autem initium a nobis, quis finis eorum qui non credunt Evangelio Dei? et si justus quidem vix salvus sit, peccator et impius ubi parebunt » (I Petr. IV, 15-18)? Manifeste ostendit easdem ipsas passiones quas justi patiuntur, ad judicium Dei pertinere; quod inchoari dixit ex domo Dei, ut inde conjiciatur quante impiis futuræ servantur. Unde etiam ipse Paulus ad Thessalonenses dicit: « Ita ut nos ipsi de vobis gloriemur in Ecclesiis Dei, pro vestra patientia et fide in omnibus persecutionibus vestris, et pressuris quas sustinetis in exemplum justi judicij Dei » (II Thess. I, 4, 5). Quod omnino ad illud respicit, quod ait Petrus tempus esse inchoationis judicij a domo Dei: et illud quod de propheta interposuit, *Et si justus vix salvus erit, peccator et impius ubi parebunt* (Prov. XI, 31)? Unde mihi videtur etiam illa quæ per Nathan prophetam regi David comminatus est Deus, quanquam statim ignoverit pœnitenti, propterea tamen accidisse omnia (II Reg. XII), ut demonstraretur illam veniam spiritualiter datum propter futurum judicium pœnarum, quod exspectat eos qui hoc tempore corrigi nolunt. Dicit enim et alibi Petrus: *Propter hoc enim et mortuis evangelizatum est, ut judicentur quidem secundum hominem in carne, vivant autem secundum Deum in spiritu* (I Petr. IV, 6). Hoc dixi, ut ostenderem quantum possem, et quantum opportuni-

¹ Vaticanus ms., *aversabantur a Deo*.

tas præsentis loci Scripturarum sinit, non sic acci-
piendam gratiam et pacem Dei, cum dicitur, ut
existimant homines a justitia Deum posse discedere.
Nam et ipsam pacem cum promitteret Dominus, ait :
*Hæc dixi, ut in me pacem habeatis, in mundo autem
pressuram (Joan. xvi., 33).* Sed tribulationes et mole-
stiae cum per justitiam Dei redduntur peccatis, bonos
et justos, et quibus jam plus peccata ipsa displicant
quam ulla corporis poena, non reflectunt ad peccan-
dum, sed ab omni labore penitus purgant. Pax enim
perfecta etiam corporis suo tempore dabitur¹, si nunc
pacem quam Dominus per fidem dare dignatus est, in-
concusse spiritus noster atque incommutabiliter teneat.

11. Quod autem Apostolus gratiam et pacem a Deo
Patre et Domino nostro Iesu Christo dicit, non ad-
juçgens etiam Spiritum sanctum; non mihi alia ratio
videtur, nisi quia ipsum donum Dei Spiritum sanctum
intelligamus : gratia porro et pax, quid aliud est
quam donum Dei? Unde nullo modo dari hominibus
gratia potest qua liberamur a peccatis, et pax qua
reconciliamur Deo, nisi in Spiritu sancto. Et ideo ipsa
Trinitas pariterque incommutabilis unitas in ista sa-
lutatione cognoscitur. Quod propterea maxime credo,
quoniam excepta Epistola quam ad Hebreos scripsit,
ubi principium salutorum de industria dicitur omi-
nisse, ne Judæi qui adversus eum pugnaciter obla-
trabant, nomine ejus offensi vel inimico animo lege-
rent, vel omnino legere non curarent, quod ad eorum
salutem scriperat : unde nonnulli eam in canonem
Scripturarum recipere timuerunt : sed quoquo modo
se habeat ista quæstio, excepta hac Epistola, cæteræ
omnes quæ nulla dubitante Ecclesia Pauli apostoli
esse firmantur, talem continent salutationem; nisi
quod ad Timotheum in utraque interponit misericordiam.
Nam ita scribit : *Gratia, misericordia, pax a
Deo Patre, et Iesu Christo Domino nostro (I et II Tim.
1, 2).* Quo enim familiarius, eo dulcius quodammodo
scribens ad Timotheum, id verbum interposuit, quo
plane aperitur atque ostenditur non meritis operum
priorum, sed secundum misericordiam Dei nobis dari
Spiritum sanctum, ut et peccatorum abolio fiat, qui-
bus sejungebanur a Deo; et reconciliatio, ut illi in-
hæreamus.

12. Nec aliæ Apostolorum Epistolæ, quas usus ec-
clesiasticus recipit, parum nos admonent de ista
Trinitate in principiis suis. Nam Petrus ita dicit, *Grati-
a vobis et pax adimpleatur: deinde statim subjicit, Be-
nedictus Deus et Pater Domini nostri Iesu Christi (I Petr.
1, 2 et 3).* Ut per gratiam et pacem Spiritu sancto in-
tellecto, Patris et Filii commemoratio animum de
Trinitate commoneat. Et in alia sic ait : *Gratia vobis
et pax multiplicetur in recognitione Dei et Christi Iesu
Domini nostri (II Petr. 1, 2).* Joannes autem nescio
quam ob causam omisit tale principium; sed plane
Trinitatis commemorationem nec ipse neglexit, pro
gratia et pace, societatem interponens : *Quod ergo vi-
dimus, inquit, nuntiamus et robis, ut et vos societatem
habeatis nobiscum, et societas nostra sit cum Patre et*

Filio ejus Iesu Christo (I Joan. 1, 3). In secunda vero
illis quæ ad Timotheum sunt consonat, dicens, *Sit
vobiscum gratia, misericordia, pax a Deo Patre et Iesu
Christo Filio Patris (II Joan. 1, 3).* In tertie principio
de Trinitate penitus tacetur, credo, quod sit omnino
brevissima. Sic enim incipit : *Senior Gaio dilectissi-
mo, quem ego diligo in veritate (III Joan. 1, 1).* Quam
veritatem pro ipsa Trinitate positam puto. Judas no-
minato Deo Patre et Domino Iesu Christo, ad intelligi-
endum Spiritum sanctum, hoc est donum Dei, tria
verba ponit ; sic quippe incipit, *Judas Iesu Christi
servus, frater autem Jacobi, in Deo Patre dilectis, et
Iesu Christo conservatis et vocatis, misericordia vobis,
et pax et charitas adimpleatur (Jude 1, 1).* Gratus
enim et pax sine misericordia et charitate intelligi
non potest. Jacobus autem usitatissimum exordium
fecit Epistolæ, ita scribens : *Jacobus Dei et Domini
nostrí Iesu Christi servus, duodecim tribubus quæ sunt
in dispersione, salutem (Jacobi 1, 1).* Credo, conside-
rans salutem non esse nisi in dono Dei¹, ubi gratia
et pax. Et quanquam ante hoc verbum nominaverit
Deum et Dominum nostrum Jesum Christum ; tamen
quia nulla gratia et nulla pace salvi sunt homines,
nisi quæ est a Deo Patre et Domino Iesu Christo, sic
ut Joannes in tertia veritatem, sic iste salutem pro
ipsa Trinitate posuisse mihi videtur.

13. Quo loco prorsus non arbitror prætereundum,
quod pater Valerius animadvertisit admirans in quo-
rumdam rusticorum collocutione. Cum enim alter
alteri dixisset, *Salus*, quæsivit ab eo qui et latine
nosset et punice, quid esset *Salus*: responsum est,
Tria. Tum ille agnoscens cum gudio salutem no-
stram esse Trinitatem, convenientiam linguarum non
fortuitu sic sonuisse arbitratus est, sed occultissima
dispensatione divinae providentiae : ut cum latine no-
minatur *Salus*, a Punicis intelligentur *Tria*; et cum
Punici lingua sua *Tria* nominant, latine intelligatur
Salus. Chananæa enim, hoc est, Punica mulier, de
filiis Tyri et Sidonis egressa, quæ in Evangelio per-
sonam Gentium gerit, salutem petebat filiæ suæ, cui
responsum est a Domino : *Non est bonum panem filio-
rum mittere canibus.* Quod crimen objectum illa non
negans, tanquam de confessione peccatorum impe-
tratura salutem filiæ, hoc est novæ vite suæ : *Ita*,
inquit, *Domine, nam et canes edunt de micis quæ cadunt
de mensa dominorum suorum (Math. xv., 22-27).* *Tria*
enim mulieris lingua *Salus* vocantur : erat enim Chan-
ananæa. Unde interrogati rustici nostri quid sint, pu-
nica respondentes *Chani*, corrupta scilicet, sicut in
talibus solet, una littera, quid aliud respondent quam,
Chananæi? Petens itaque salutem, Trinitatem pete-
bat : quia et Romana lingua, quæ in salutis nomine
Trinitatem Punice sonat, caput Gentium inventa est
in adventu Domini; et diximus Chananæam mulierem,
Gentium sustinere personam. Panem autem appellans
Dominus id ipsum quod a muliere petebatur,
quid aliud quam Trinitati attestatur? Namque alio loco
eamdem Trinitatem in tribus panibus intelligenda

¹ sic Vaticanus Ms. At editi, roborabatur.

¹ Vaticanus Ms., in domo Dei.

esse, apertissime docet. Sed haec verborum consonantia, sive provenerit, sive provisa sit, non pugnaciter agendum est ut ei quisque consentiat, sed quantum interpretantis elegantiam hilaritas audientis admittit.

14. Illud sane magna intentione animi considerandum, et totis viribus pietatis amplectendum satis appareat, quoniam si gratia et pax ad implendam Trinitatis commemorationem sic ab Apostolo ponitur ac si Spiritum sanctum nominasset; ille peccat in Spiritum sanctum, qui desperans, vel irridens atque contempnens prædicationem gratiæ per quam peccata diluuntur, et pacis per quam reconciliamur Deo, detrectat agere penitentiam de peccatis suis, et in eorum impia atque mortifera quadam suavitate perdurandum sibi esse decernit, et in finem usque perdurat. Quod ergo ait Dominus, dimitti homini, si verbum dixerit adversus Filium hominis: si autem verbum dixerit adversus Spiritum sanctum, non ei dimitti, neque hic, neque in futuro sæculo, sed reum esse æterni peccati, non negligenter audiendum est. Constituamus enim aliquem latinæ linguae ignarum, cum illo audiente pronuntiatus fuerit ab aliquo Spiritus sanctus, querere quid rerum significetur sub isto syllabarum sono; ab aliquo autem deceptore vel irrisore impio responderi aliquid aliud, quodlibet vile et abjectum, ut querentem decipiat, sicuti a talibus fieri solet ridendi gratia; illum autem per ignorantiam contempsisse hoc nomen, dum nescit quid significet, et aliqua etiam in hoc convicia jactitasse: neminem esse arbitror tam vanum et inconsideratum, qui hunc hominem ullo crimen impietatis aspergat. At contra, si tacito nomine res ipsa verbis quibus potest ad querentis intelligentiam perducatur, tum vero contumeliose in tantam sanctitatem vel verba vel facta protulerit, reus tenebitur. Quæcum ita sint, manifestum esse arbitror, eum qui hoc nomine auditio, aliam pro alia rem significari putaverit; et adversus eam rem quam significari hoc nomine creditit, verbum dixerit: non hunc sic peccare, ut adversus Spiritum sanctum verbum dixisse judicetur. Ita quoque, si quisquam querens quid sit Spiritus sanctus, audiat ab imperito hunc esse Filium Dei per quem facta sunt omnia, qui etiam certa opportunitate temporis de Virgine natus sit, et occisus sit a Judæis, et resurrexerit, quibus auditis vel neget vel irrideat que dicta sunt: non eum sic teneri putandum est, ac si verbum adversus Spiritum sanctum dixerit; sed potius adversus Filium Dei, vel Filium hominis, sicut et vocari et esse dignatus est. Non enim quid sit imperito per vocem propositionum, sed per rationem expositum, considerandum est. Quia ille cum maledicta proferret, ei utique maledicebat quem sibi enarratum in cogitatione intuebatur. Quodlibet autem vocaretur, utrum res ipsa veneranda, an neganda, vel vituperanda esset, hoc queritur. Hoc modo etiam si quispiam querat quis sit Jesus Christus; et ea querenti respondeantur quæ non in Filium Dei, sed potius in Spiritum sanctum convenient, quibus auditis ille blasphemet: non utique adversus Filium, sed adversus Spiritum san-

ctum verbum dixisse tenebitur.

15. Sed si transitorie ac negligenter attenderimus quod dictum est, Si quis verbum dixerit adversus Spiritum sanctum, non remittetur ei, neque in hoc sæculo, neque in futuro (*Matth. xii, 32*); quis inveniri poterit cui veniam peccatorum dederit Deus? Nam et Pagani qui appellantur, etiam nunc totam nostram religionem, quia jam ferro et cædibus prohibentur, maledictis contumeliisque insectantur; et quidquid de ipsa Trinitate dicimus, negando et blasphemando contemnunt. Non enim excipiunt sibi Spiritum sanctum quem venerentur, ut in cætera seellant; sed simul adversus omnia quæcumque sollicite¹ de trina Dei majestate loquimur, quanto possunt furore impietatis oblatrant. Nam neque de ipso Deo Patre digna sentiunt, quem partim penitus negant, partim sic fatentur, ut de illo falsa singendo, non utique illum, sed sua figmenta venerentur. Multo magis ergo quod de Filio Dei, vel de Spiritu sancto dicimus, suo impio more deridere, quam nostra pia societate colere maluerunt. Quos tamen, quantum possumus, adhortamur ad Christum cognoscendum, et per ipsum Patrem Deum², summoque et vero Imperatori militandum esse suademus; eosque promissa impunitate præteriorum omnium peccatorum invitamus ad fidem. Qua in re satis judicamus, etiam si quid adversus Spiritum sanctum in sua sacrilega superstitione dixerunt, cum christiani facti fuerint, sine ulla caligine dubitationis ignosci. Judæi vero quales adversus Spiritum sanctum fuerint, testis est Stephanus, quem ipso Spiritu sancto plenum lapidaverunt, cum illa omnia quæ in eos dixit, ipse Spiritus dixerit. In quibus verbis apertissime dictum est Judæis, *Vos semper restitistis Spiritui sancto* (*Act. viii, 51*). In illo tamen numero Judæorum resistentium Spiritui sancto, et non ob aliud Stephanum vas ejus, nisi quod ipse eo plenus erat, lapidantium, etiam Paulus apostolus erat, in manibus omnium quorum vestimenta servabat: quod ipse sibi postea etiam poenitendo increpitat, eo ipso Spiritu jam plenissimus, cui primo inanissimus resistebat, et paratus jam lapidari pro talibus dictis, qualium prædicatorem ipse lapidaverat. Quid Samaritani? nonne ita Spiritui sancto adversantur, ut ipsam prophetiam penitus concentur extinguerent, quæ per Spiritum sanctum ministratur est? Quorum tamen salutem et ipse Dominus attestatur, in eo qui de decem leprosis mundatis solus reversus est ut ageret gratias, cum esset Samaritanus (*Luc. xvii, 15, 16*); et in illa muliere, cum qua ad putum sexta hora locutus est, vel eis qui per illam crediderunt (*Joan. iv, 7-42*). Post Domini autem ascensionem, sicut in Actibus Apostolorum scriptum est, quanta gratulatione sanctorum recipit Samaria verbum Dei? Simonem quoque magum arguens Petrus apostolus, quod tam male de Spiritu sancto senserit, ut eum venalem putans pecunia sibi emendum poscerit; non tamen ita de illo desperavit, ut veniae

¹ vaticanus Ms., quæcumque de trina: omissio, sollicite.

² vaticanus Ms., et per ipsum Patri Deo summoque.

locum nullum relinqueret : nam benigne etiam ut eum pœniteret admononuit (*Act. viii, 9-22*). Ipsa denique catholice Ecclesiæ tam insignis auctoritas , que in eodem dono Spiritus sancti omnium sanctorum mater tota secunda orbe diffunditur, cui unquam hæretico vel schismatico spem liberationis, si se corrigat, amputavit? cui placandi Dei aditum clausit? Nonne omnes ad ubora sua, quæ superbo fastidio reliquerunt, cum lacrymis revocat? ¹Quis vero vel de principibus, vel de gregibus hæreticorum invenitur¹, qui non aduersetur Spiritui sancto? Nisi forte quisquam tam perverse sentit, ut arbitretur eum teneri reum qui aduersus Spiritum sanctum aliquid dixerit; eum vero qui aduersus Spiritum sanctum multa fecerit, non teneri. Qui autem tanta evidens contra Spiritum sanctum pugnant, quam illi qui aduersus Ecclesie pacem superbissimis contentionibus sæviunt? Sed si de verbis quæstio est, querò utrum nihil dicant aduersus Spiritum sanctum, cum alii eum, quod ad ipsum proprie pertinet, omnino non esse asseverent; sed ita esse unum Deum, ut idem ipse Pater, idem ipse Filius, idem ipse Spiritus sanctus appetatur (*a*). Alii fateantur quidem esse Spiritum sanctum; sed æqualem Filio, vel omnino esse Deum negent (*b*). Alii unam quidem et eamdem Trinitatis substantiam esse fateantur, sed de ipsa divina substantia tam impie sentiant, ut eam commutabilem et corruptibilem putent; ipsumque Spiritum sanctum, quem Dominus discipulis se missurum esse promisit, non quinquagesimo die post ejus resurrectionem, sicut Apostolorum Acta testantur (*Id. ii, 1-4*), sed post trecentos fere annos per hominem venisse confingant (*c*). Alii similiter adventum ejus, quem tenemus, negent; et eum prophetas in Phrygia, per quos tanto post loqueretur, elegitur contendant (*d*). Alii Sacra menta ejus exsufflent, et baptizatos in nomine Patris, et Filii, et Spiritus sancti, denuo baptizare non dubitant (*e*). Sed ne pergam per singula, quæ sunt innumerabilia, his certe omnibus quos pro tempore breviter attigi, ad sponsam Christi redeuntibus, et errorem atque impietatem pœnitendo damnantibus, nulla catholica disciplina negandam Ecclesiæ pacem, et claudenda viscera misericordiæ judicavit.

16. Quod si quisquam tunc putat verbum dici aduersus Spiritum sanctum, cum ab eo dicitur cui jam per Baptismum dimissa sunt peccata; attendat nec talibus per Ecclesiæ sanctitatem auferri penitentia locum. Si enim propterea credit non dari veniam ei, quia gratia fidei Sacramentisque fidelium jam perceptis non potest dici peccasse ignorantia: videat aliam causam esse, cum dicitur propterea non ignosci, quia non ignorantiae tempore peccatum est; et aliam causam esse, cum dicitur propterea non ignosci, quia verbum dixit aduersus Spiritum sanctum. Si enim sola

¹ Editi, de regibus hæreticorum inneniretur. At *Vaticanus Ms.*, de gregibus hæreticorum inveniretur.

(a) Sabellian. (b) Ariani. (c) Manichæi. (d) Catachrys. (e) Donatista.

ignorantia veniam meretur, et ignorantia non accipitur nisi antequam quisque fuerit baptizatus; non solum si aduersus Spiritum sanctum, sed etiam si aduersus Filium hominis post Baptismum dixerit verbum; et omnino si qua fornicatione, vel homicidio, vel ullo flagio, aut facinore post Baptismum sese maculaverit, non potest pœnitendo curari. Quod qui senserunt exclusi sunt a communione catholica; satisque judicatum est eos in ita crudelitate, divine misericordiæ participes esse non posse. Si autem illud solum, quod aduersus Spiritum sanctum dicitur, sine *venia* esse post acceptum Baptismum putatur: primo Dominus cum inde loqueretur, nullum tempus exceptit, sed regulariter ait, *Qui dixerit verbum aduersus Spiritum sanctum, non remittetur ei, neque in hoc sæculo, neque in futuro*. Deinde Simon, quem paulo ante commemoravi, jam Baptismum acceperat, cum Spiritum sanctum turpissimo mercatui subditum credidit: cui correpto a se Petrus tamen consilium pœnitendi dedit. Quid autem de iis qui cum Baptismi sacramenta pueri vel etiam infantes percepient, postea negligenter educati, per ignorantiae tenebras vitam turpissimam ducent, nescientes omnino quid christiana disciplina jubeat aut vetet, quid pollicentur, et quid minetur, quid credendum, quid sperandum, quid diligendum sit; num audelimus peccata eorum propterea non ignorantiae deputare, quia baptizati peccaverunt, cum omnino ignorantis, et omnino, quemadmodum dicitur, ubi caput haberent nescientes¹, in magno errore peccaverint?

17. Quod si eo tempore cum scientia quisque peccasse dicatur, quo scit malum esse quod facit, et tamen facit; cur hoc in Spiritum sanctum solum, non etiam in Dominum Jesum Christum irremissibile judicatur? Aut si hoc ipsum esse creditur peccare, vel verbum dicere aduersus Spiritum sanctum, quodlibet peccatum cum scientia committere; ut quidquid homines ignorando peccant, in Filium peccare; quidquid autem scientes peccant, in Spiritum sanctum peccare judicentur: quærò quis nesciat malum esse, verbi gratia, corrumpere pudicitiam uxoris alienæ, vel eo ipso certe quod hoc in sua conjugi nollet perpeti; aut fraudare quemquam in negotio, aut circumvenire mendacio, aut opprimere testimonii falsitate, aut auferendæ rei ejus causa insidiari, et occidere quemplam; et si quid omnino est quod sibi ab altero fieri non vult, et si fieri senserit, toto corde indubitanter accusat? Aut si hæc ab ignorantibus fieri dicimus, quid invenimus in quo scientes homines peccare videantur? Restat ergo ut, si hoc est peccare in Spiritum sanctum, peccare cum scientia, illis peccatis quæ commemoravi negetur pœnitendi locus; quoniā peccato in Spiritum sanctum omnem spem venie Dominus amputavit: quod si regu a christiana respuit, omnesque illos qui sic peccam, ad correctionem vitæ vocare non cessat; adhuc querrendum est quid sit peccare in Spiritum sanctum, cui peccato venia nulla conceditur.

¹ *Ms. Vaticanus, ubi caput haberetur, nescientes.*

18. An forte non est dicendus cum scientia peccare, qui peccatum ipsum malum esse novit, et tamen Deum voluntatemque ejus ignorans peccat? Hoc enim videtur ad Hebreos dicere, cum dicit: *Voluntarie enim peccantibus nobis postquam accepimus scientiam veritatis, non adhuc relinquitur pro peccatis sacrificium* (*Hebr. x, 26*). Parum enim erat, si tantummodo diceret, *Voluntarie peccantibus nobis*, nisi adderet, *postquam accepimus scientiam veritatis*; in qua utique Deus voluntasque ejus cognoscitur. Quæ scientia videtur congruere dominice illi sententiæ, cum ait: *Servus ignorans voluntatem domini sui, et faciens digna plagis, rapulabit pauca; servus autem sciens voluntatem domini sui, et faciens digna plagis, rapulabit multa* (*Luc. xii, 47, 48*). Ut hoc putemus dictum esse, quod dictum est, *rapulabit pauca*, tanquam si diceret, leviter emendatus ad veniam pertinebit; in eo vero quod dictum est, *rapulabit multa*, sempiternum supplicium intelligatur, quod minatur peccantibus in Spiritum sanctum, quibus dicit nunquam posse dimitti peccatum: ut hoc sit peccare in Spiritum sanctum, cognita Dei voluntate peccare. Quod si ita est, cogitari oportet et discuti prius quando cognoscatur voluntas Dei. Nonnulli enim et ante perceptum Baptismi sacramentum cognoverunt eam. Nam et Cornelius centurio voluntatem Dei utique apostolo Petro docente cognovit, et ipsum Spiritum sanctum manifestissimis coätestantibus signis, antequam baptizaretur, accepit: quanquam non ideo Sacraenta illa contempserit, sed multo certius baptizatus sit; ut etiam ipsa sacrosancta signacula, quorum res in eo præcesserat, ad perficiendam scientiam veritatis percipere nullo modo moraretur (*Act. x*). Multi autem nec post acceptum Baptismum curant cognoscere voluntatem Dei. Quapropter quisquis ante Baptismum cognita Dei voluntate peccaverit, non possumus dicere, aut ullo modo credere cum ad Baptismum accesserit, non ei dimitti omnia quæcumque peccavit. Huc accedit quod voluntas Dei in diligendo Deo et proximo breviter insinuetur credentibus, ita ut in his duobus præceptis tota Lex pendeat, et omnes Prophetæ (*Matth. xxii, 37-40*). Dilectionem autem proximi, id est, dilectionem hominis usque ad iniuncti dilectionem, nobis Dominus ipse commendat (*Matth. v, 44*): et videmus quām multi jam baptizati, et vera esse ista fateantur, et tanquam Domini præcepta venerentur; cuni autem perpessi fuerint aliquibus inimicitiis, ita rapiuntur animo ad ulcerandum, et tantis inardescunt facibus odiorum, ut nec prolatio et recitatio Evangelio placari possint: et talibus hominibus jam baptizatis Ecclesiæ plenæ sunt; quos tamen spirituales viri fraterne admonere non cessant, et in spiritu lenitatis instanter instruunt (*Galat. vi, 1*), ut hujusmodi tentationibus occurtere ac resistere parati sint, et magis diligent in Christi pace regnare, quam de inimici oppressione lœtari. Quod inaniter fieret, si talium peccatorum nulla spes veniae, nulla poenitentiae medicina remaneret. Et certe caveant qui hoc sentiunt, ne David patriarcham

divina electione probatum atque laudatum, ignorasse affirmat voluntatem Dei, cum aliena conjugis amore perculsus, etiam maritum ejus decipiendum necondumque curavit: de quo tamen scelere cum esset primo sua, deinde prophetæ voce damnatus, poenitendi humilitate, et peccati confessione liberatus est. Sed plane vapulavit multa (*II Reg. xi, xii*), et exemplo suo docuit intelligi, non ad sempiternam poenam, sed ad severiorem disciplinam pertinere quod dictum est a Domino, *Qui autem novit voluntatem Domini sibi, et facit digna plagis, vapulabit multa*.

19. Nam et illud ad Hebreos qui diligentius tractant, sic intelligunt, ut non de sacrificio contributati per poenitentiam cordis accipendum sit quod dictum est, *Non adhuc pro peccatis relinquitur sacrificium*; sed de sacrificio de quo tunc loquebatur Apostolus, id est, holocausto Dominicæ passionis, quod eo tempore offert quisque pro peccatis suis, quo ejusdem passionis fide dedicatur, et Christianorum fidelium nomine baptizatus imbutitur: ut hoc significaverit Apostolus, non posse deinceps cum qui peccaverit, iterum baptizanda purgari. Quo intellectu non intercluditur poenitendi locus: ita sane, ut eos qui nondum baptizati sunt, nondum plenam scientiam veritatis accepisse fateamur. Ex quo conficitur ut omnis qui scientiam veritatis accepit, etiam baptizatus intelligatur. Non autem omnis baptizatus etiam scientiam veritatis accepit, propter quorundam posteriorum proiectum vel misericordem negligentiam: et tamen illud sacrificium de quo loquebatur, id est, holocaustum Domini, quod tunc pro unoquoque offertur quodammodo, cum ejus nomine in baptizando signatur, iterum si peccaverit, offerri non potest. Non enim possunt denuo baptizari qui semel baptizati sunt, quamvis etiam post Baptismum per ignorantiam veritatis peccaverint. Ita sit ut quoniam sine Baptismo nemo recte dicitur accepisse scientiam veritatis, omnis qui accepit eam, non ei relinquatur pro peccatis sacrificium, hoc est, non possit denuo baptizari: nec tamen omnis qui non accepit per doctrinam scientiam veritatis, debeat arbitrari posse pro se illud offerri sacrificium, si jam oblatum est; id est, si jam ejusdem veritatis per Baptismum sacramenta percepit, non potest iterum baptizari. Tanquam si dicieremus omnem hominem non esse quadrupedem, non ideo tamen omne animal quod homo non est, etiam quadrupes esse. Eos enim qui jam baptizati fuerint, curari melius dicimus per poenitentiam, non renovari: quia renovatio in Baptismo est. Ubi quidem operatur poenitentia, sed tanquam in fundamento. Manente itaque fundamento, recurari ædificium potest: si autem fundamentum iterare quis voluerit, totum ædificium subvertat necesse est. Propterea hoc dicit Hebreos, qui ex novo Testamento ad sacerdotium vetus declinassee videbantur: *Ideoquæ remittentes, inquit, initil Christi verbum, in consummatiōnem respiciamus, non iterum jacientes fundamentum paenitentiae a mortuis operibus, et fiduci in Deum, laraci doctrinæ, impo-*

sitionis manus , resurrectionis etiam mortuorum , et iudicii æterni (*Hebr. vi, 1 et 2*). Ista omnia in Baptismo traduntur, quæ negat esse reprobata, utique in consecrandis fidelibus. Nam in verbi Dei tractatione atque doctrina, non iterum tantum, sed sæpius dicenda sunt, sicut rerum de quibus disseritur opportunitas flagitat.

20. An vero jam illud occurret, ut non jam si quodlibet peccatum sciens admiserit, sed si proprie peccatum in Spiritum sanctum sciens admiserit, tunc non habere veniam judicetur? Quo loco queri potest utrum scirent Judæi per Spiritum sanctum operari Dominum, quando eum in principe dæmoniorum dæmonia excludere blasphemabant (*Matth. ix, 34*)? Miror autem quomodo possent in illo Spiritum sanctum cognoscere, cum ipsum Dominum Filium Dei esse nescirent: in illa scilicet cæcitate, que ex parte in *Israel facta est*, donec plenitudo Gentium intraret (*Rom. xi, 25*). De qua opportunius suo loco, Domino adjuvante atque permittente, tractabitur. Deinde si dijudicatio spirituum illa intelligitur, qua quisque dijudicat utrum in quoquam Spiritus sanctus, an fallacie spiritus operetur; hæc autem dijudicatio certo quodam tempore per Spiritum sanctum fidelibus datur, sicut alio loco idem apostolus dicit (*I Cor. xii, 10*): quomodo poterant infideles Judæi sine isto munere dijudicare, utrum per Spiritum sanctum Dæminus operaretur: et tamen in eis, ut justa pena feriuntur, apertissima indicia malevolentiae claruerunt, et cum falsos testes in eum compararunt (*Matth. xxvi, 59-60*), et submiserunt simulatores qui eum in verbo caperent (*Id. xxii, 15-17*); et cum tremenda mirabilia, que in ejus resurrectione facta sunt, eis renuntiarentur, famam falsam disseminare, ac veritatem abscondere, custodum corruptione conati sunt (*Id. xxviii, 13*); et alia malitiosi et venenosí animi signa in eis, quantum evangelica narratio demonstrat, apparuerunt.

21. Unde jam velut incepit clucere, eum peccare in Spiritum sanctum, qui operibus quæ per Spiritum sanctum fiunt, malevolo animo contradicit. Quanquam enim nesciat utrum ille sit Spiritus sanctus; tamen qui hoc animo est, ut ea opera quibus invidet, malit non esse Spiritus sancti; non quia mala sunt, sed quia invidet eis, quia ipsi bonitati est contrarius per malitiam suam; recte in Spiritum sanctum peccare judicatur. Verumtamen si ex eo quoque hominum numero, quibus Dominus illud crimen objicit, veniens ad fidem Christi, et penitendi cruciatibus edomita invidia salutem cum lacrymis poscens, sicut etiam nonnulli eorum fortasse fecerunt; quæro utrum quisquam tanto errore crudescat, ut aut neget eos ad Christi baptismum admitti oportuisse, aut frustra admissions esse contendat? Nam si quis per invidiam opera divina blasphemat, quoniam bonis Dei, hoc est dominis Dei malitia sua resistit, in Spiritum sanctum peccare, et propterea spem veniam non habere existimandus est: attendamus utrum ex eo numero fuerit apostolus Paulus. Dicit enim: *Qui prius sui blasphemus, et persecutor, et injurious; sed misericordiam consecutus sum, quia ignorans feci in incredulitate* (*I Tim. i, 13*). An

forte ideo non pertinuit ad hoc genus criminis, quia non erat invidus? Audiamus quid alibi dicat: *Frimus enim, inquit, et nos stulti aliquando et increduli, errantes, sernentes voluptibus et desideriis variis, in malitia et invidia agentes, abominabiles, invicem odio habentes* (*Tit. iii, 3*).

22. Si ergo nec Paganis, nec Hebreis, nec hereticis, aut schismaticis nondum baptizatis, ad baptismum Christi aditus clauditur, ubi condemnata vita priore in melius commutentur; quamvis Christianitati et Ecclesiæ Dei adversantes antequam christianis Sacramentis abluerentur, etiam Spiritui sancto quanta potuerunt infestatione restiterint: si etiam hominibus, qui usque ad Sacrauentorum perceptionem veritatis scientiam percepereunt, et post hæc lapsi Spiritui sancto restiterunt, ad sanitatem redeuntibus, et pacem Dei penitendo quærentibus, auxilium misericordiae non negatur: si denique de illis ipsis quibus blasphemiam in Spiritum sanctum ab eis prolatam Dominus objecit, si qui resipescentes ad Dei gratiam confugunt, sine ulla dubitatione sanati sunt: quid aliud restat, nisi ut peccatum in Spiritum sanctum, quod neque in hoc sæculo, neque in futuro dimitti Dominus dicit, nullum intelligatur nisi perseverantia in nequitia et in malignitate, cum desperatione indulgentiae Dei? Hoc est enim gratia illius et paci resistere, de quibus nobis sermo nunc ortus est. Nam hinc licet advertere, etiam ipsis Judæis, quorum blasphemiam Dominus arguit, non fuisse clausum corrigendi se et penitendi loeum; quod idem Dominus in ea ipsa reprehensione ait illis: *Ast facite arborem bonam, et fructum ejus bonum; ast facite arborem malam, et fructum ejus malum* (*Matth. xii, 31-33*). Quod utique nulla ratione diceretur eis, si propter illam blasphemiam jam communare animum in melius, et recte factorum fructus generare non possent, aut frusta etiam sine peccati sui dimissione generarent.

23. Ergo quia Dominus in Spiritu Dei expellebat dæmonia, ceterosque humanorum corporum morbos languoresque sanabat, non ob aliud nisi ut crederetur dicentes sibi, *Agite penitentiam; appropinquavit enim regnum cœlorum* (*Id. iii, 2*). Invisibiliter enim peccata dimittuntur, cui dimissioni fidem miraculis comparabat: quod in illo paralytico manifestissime ostenditur. Cum enim primo ei donum visible obtulisset, propter quod venerat; non enim jam venerat Filius hominis, ut judicaret sæculum, sed ut servaret sæculum (*Joan. iii, 17*): cum ergo dixisset, *Dimissa sunt tibi peccata; murmuratumque eset a Judæis indignantibus quod eis tantam potestatem sibi arrogasse videretur: Quid est, inquit, facilius dicere, Dimissa sunt tibi peccata; an dicere, Surge et ambula? Ut sciatis autem quia potestatem habet Filius hominis dimittere peccata,* (dicit paralytico) *Tibi dico, surge, tolle gravatum tuum, et vade in domum tuam* (*Marc. ii, 3-11*). Quo facto, et quibus dictis satis declaravit ideo se illa facere in corporibus, ut crederetur animas peccatorum dimissione liberare, id est, ut de potestate visibili potestas invisibilis mereretur fidem. Quia ergo in Spiritu Dei faciebat illa omnia, ut gratiam pacemque ho-

minibus largiretur; gratiam in remissione peccatorum, pacem in reconciliatione Dei (*a*), a quo separant sola peccata: cum dixissent Iudei quod in Beelzelub ejiceret dæmonia, misericorditer eos voluit admonere, ne verbum dixerent et blasphemiam in Spiritum sanctum (*Math. xii. 22-33*), hoc est, ne gratiæ Dei pacique resisterent, quam per Spiritum sanctum donare Dominus venerat. Non quia jam hoc fecerant, quod sibi neque in hoc sæculo, neque in futuro dimitteretur; sed ne desperando de venia, aut quasi de sua justitia præsumendo, et pœnitentiam non agendo, aut perseverando in peccatis, hoc facerent: hoc modo enim dicerent verbum, hoc est blasphemiam in Spiritum sanctum, in quo Dominus signa illa propter largiendam gratiam pacemque faciebat, si perseverantia peccatorum ipsi gratiæ pacique resisterent. Verbum enim dicere, non ita videtur hic positum, ut tantummodo illud intelligatur quod per lingua fabricamus, sed quod corde conceptum, etiam opere exprimimus. Sicut enim non confitentur Deum, qui tantum oris sono confitentur, non etiam bonis operibus: nam de his dictum est, *Confidentur enim se nosse Deum, factis autem negant* (*Tit. i. 16*). Ex quo manifestum est dici aliquid factis, sicut manifestum est negari aliquid factis. Et sicut illud quod ait Apostolus, *Nemo dicit, Dominus Jesus, nisi in Spiritu sancto* (*I Cor. xii. 3*); non potest recte intelligi, nisi in factis dicere intelligatur. Non enim hoc in Spiritu sancto dicere putandi sunt, quibus ipse Dominus dicit, *Utquid mihi dicitis, Domine, Domine, et non facilis quæ dico vobis*

(*a*) *I Retract. cap. 23.*

(*Luc. vi. 46*)? et illud, *Non omnia qui mihi dicit, Domine, Domine, intrabit in regnum caelorum* (*Math. vii. 21*). Sic etiam qui hoc verbum, quod sine venia vult intelligi Dominus, in Spiritum sanctum dicit, hoc est, qui desperans de gratia et pace quam donat, in peccatis suis perseverandum sibi esse dicit, dicere intelligentius est factis: ut quomodo illi factis Dominum negant, sic isti factis dicant se in mala vita sua et perditis moribus perseveraturos, et ita faciant, hoc est perseverent. Quod si faciunt, quis jam miretur, aut quis non intelligat, et Dominum Jesum Christum per illam comminationem ad pœnitentiam vocasse Iudeos, ut eis in se credentibus gratiam pacemque donaret; et huic gratiæ pacique resistentibus, et hoc modo verbum atque blasphemiam in Spiritum sanctum dicentibus, hoc est, in peccatis suis desperata atque impia mentis obstinatione perseverantibus, et adversus Deum sine humilitate confessionis atque pœnitentiae superbientibus, neque in hoc sæculo, neque in futuro veniam posse concedi? Quæ si ita sunt, opportunitate tractandi de gratia et pace, quæ nobis est a Deo Patre et Domino nostro Iesu Christo, magna et difficillima eodem ipso Domino largiente questio disoluta est. Quisquis autem adhuc de re tanta diligentiore considerationem tractationemque desiderat, in Evangelii tractatione atque in verbis Evangelistarum sibi desideranda esse cognoscat: et meminerit nos nunc Epistolam Pauli apostoli ad Romanos suscepisse tractandam, cuius Epistolæ textum consequentem in aliis voluminibus, si Dominus voluerit, vestigabimus, ut hujus jam tandem iste sit modus.

De subsequenti opere, vide lib. 1, cap. 24, Retractionum, a col. 622, verbis, Post hunc librum exposui, usque ad sol. 623, verbis. Scripsit Apostolus. M.

S. AURELII AUGUSTINI HIPPONENSIS EPISCOPI EPISTOLÆ AD GALATAS *Expositionis liber unus^(a).*

PRÆFATIO.

1. Causa propter quam scribit Apostolus ad Galatas, hæc est, ut intelligent gratiam Dei id secundum agere, ut sub Lege jam non sint. Cum enim prædicta eis esset Evangelii gratia, non defuerunt quidam ex circumcisione, quamvis Christiani nomine, non dum tamen tenentes ipsum gratiæ beneficium, et

adhuc volentes esse sub oneribus Legis, quæ Dominus Deus imposuerat, non justitiæ servientibus, sed peccato, justam scilicet Legem injustis hominibus dando ad demonstranda peccata eorum, non auferrenda: non enim auferit peccata nisi gratia fidei, quæ per dilectionem operatur: sub hac ergo gratia jam Galatas constitutos, illi volebant constituere sub one-

ADMONITIO PP. BENEDICTINORUM.

Castigatus est (hic liber) ad eosdem codices cum Expositione Epistole ad Romanos: prætereaque ad alterum Thuancum, ad Albidensem, Michaelinum et Sergiensem.

Comparavimus præterea eas omnes editiones initio Retr. et Confess. t. 1, memoratus. M.

(a) Scriptus circiter Christi annum 394: scilicet Augustino adhuc presbytero, ex lib. 1 Retract., capp. 23 et 24.

ribus Legis, asseverantes nihil eis prodesse Evangelium, nisi circumcidarentur, et ceteras carnales Iudaici ritus observationes subirent. Et ideo Paulum apostolum suspectum habere coepерant, a quo illis Evangelium prædicatum erat, tanquam non tenentem disciplinam cœterorum Apostolorum, qui Gentes cogebant judaizare. Cesserat enim talium hominum scandalis apostolus Petrus, et in simulationem ductus erat, tanquam et ipse hoc sentiret, nihil prodesse Gentibus Evangelium, nisi onera Legis implerent : a qua simulatione idem apostolus Paulus eum revocat, sicut in hac ipsa Epistola docet (*Galat. n, 14*). Talis quidem quæstio est et in Epistola ad Romanos : verumtamen videtur aliquid interesse, quod ibi contentionem ipsam dirimit, itemque componit, que inter eos qui ex Iudeis, et eos qui ex Gentibus cederant, orta erat, cum illi tanquam ex meritis operum Legis sibi redditum Evangelii præmium arbitrarentur, quod præmium incircumcisus tanquam immeritis nolebant dari; illi contra Iudeis se præstare gestirent, tanquam interfectoribus Domini : in hac vero Epistola ad eos scribit, qui jam commoti erant auctoritate illorum qui ex Iudeis erant, et ad observationes Legis cogebant; coepерant enim eis credere, tanquam Paulus apostolus non vera prædicasset, quod eos circumcidi noluisset. Et ideo sic coepit : *Miror quoa sic tam cito transferimini ab eo, quid vos vocavit in gloriam Christi, in aliud Evangelium.* Hoc ergo exordio causæ questionem breviter insinuavit. Quanquam et ipsa salutatione, cum dicit se apostolus, *non ab hominibus, neque per hominem* (*Id. i, 6, 1*), quod in nulla alia epistola dixisse invenitur, satis ostendit, et illis qui talia persuadebant, non esse a Deo, sed ab hominibus; et ceteris Apostolis, quantum ad auctoritatem testimonii evangelici pertinet, imparem se haberi non oportere : quandoquidem non ab hominibus, neque per hominem, sed per Jesum Christum et Deum Patrem se apostolus noverit. Singula igitur ab ipso Epistolæ vestibulo, permittente Domino et adjuvante studium nostrum, sic consideranda et tractanda suscepimus.

2. [GALAT. cap. 1, ¶ 1, 2.] *Paulus apostolus non ab hominibus, neque per hominem, sed per Jesum Christum, et Deum Patrem, qui suscitavit illum a mortuis; et qui mecum sunt omnes fratres, Ecclesiis Galatia.* Qui ab hominibus mittitur, mendax est; qui per hominem mittitur, potest esse verax, quia et Deus verax potest per hominem mittere : qui ergo neque ab hominibus, neque per hominem, sed per Deum mittitur, ab illo verax est, qui etiam per hominem missos veraces facit. Piores ergo Apostoli veraces, qui non ab hominibus, sed a Deo per hominem missi sunt, per Jesum Christum scilicet adhuc mortalem. Verax etiam novissimus Apostolus, qui per Jesum Christum totum jam Deum post resurrectionem ejus missus est (*a*). Piores sunt ceteri Apostoli per Christum adhuc ex parte hominem. id est mortalem : novissimus est

(a) I Retract. cap. 24, n. 1.

Paulus apostolus, per Christum jam totum Deum, id est, omni ex parte immortalem. Sit ergo testimonij ejus æqualis auctoritas, in cuius honorem implet clærificatio Domini, si quid habebat ordo temporis minus. Ideo enim cum dixisset, *Et Deum Patrem, addidit, qui suscitavit illum a mortuis;* ut etiam ex hoc modo breviter jam a clarificeato missum se esse commemoraret.

3. [Ib. 1, 3-5.] *Gratia vobis et pax a Deo Patre et Dominu Jesu Christo.* Gratia Dei est qua nobis donantur peccata, ut reconciliemur Deo; pax autem, qua reconciliamur Deo. *Qui dedit semetipsum pro peccatis nostris, ut eximeret nos de presenti sæculo maligno.* Seculum praesens malignum propter malignos homines, qui in eo sunt, intelligendum est : sicut dicimus et malignam domum, propter malignos inhabitantes in ea. *Secundum voluntatem Dei et Patris nostri, cui est gloria in sæcula sæculorum.* Amen. Quanto igitur magis homines non debent arroganter ad seipso referre, si quid operantur boni ; quando et ipse Dei Filius in Evangelio, non gloriam suam se querere dixit (*Joan. viii, 50*), nequæ voluntatem suam venisse facere, sed voluntatem ejus qui eum misit (*Id. vi, 38*) ? Quam voluntatem gloriamque Patris nunc conmemoravit Apostolus, ut ipse quoque Domini exemplo, a quo missus est, non se querere gloriam suam significaret, nec facere voluntatem suam in prædicatione Evangelii; sicut paulo post dicit : *Si hominibus placarem, Christi servus non essem.* (*Galat. i, 10*).

4. [Ib. 1, 6-9.] *Miror quod sic tam cito transferimini ab eo, qui vos vocavit in gloriam Christi, in aliud Evangelium, quod non est aliud.* Evangelium enim si aliud est, præter id quod, sive per se, sive per aliquem Dominus dedit; jum nec Evangelium recte dici potest. Vigilanter autem, cum dixisset, *transferimini ab eo qui vos vocavit; adjunxit, in gloriam Christi,* quam volebant illi evacuare, quasi frustra venerit Christus, si jam circumcisio carnis atque hujusmodi opera Legis tantum valebant, ut per illa homines salvi fierent. *Nisi aliqui sunt conturbantes vos, et volentes convertere Evangelium Christi.* Non quemadmodum istos conturbant, ita etiam convertunt Evangelium Christi, quia manet firmissimum : sed tamen convertere volunt, qui ab spiritualibus ad carnalia revocant intentionem credentium. Illis enim ad ista conversis, manet Evangelium non conversum. Et ideo cum dixisset, *conturbantes vos, non dixit, et convertentes, sed, roientes, inquit, convertere Evangelium Christi.* Sed licet nos, aut angelus de celo vobis evangelizaverit præterquam quod evangelizavimus vobis, anathema sit. Veritas propter seipsum diligenda est, non propter hominem, aut propter angelum, per quem annuntiatur. Qui enim propter anuntiatores diligenter eam, potest etiam mendacia diligere, si qua forte ipsi sua protulerint. *Sicut prædiximus, et nunc iterum dico, si quis vobis evangelizaverit præterquam quod accepisti, anathema sit.* Aut præsens hoc prædixerat, aut quia iteravit quod dixit, propterea voluit dicere, *Sicut prædiximus.* Tamen ipsa iteratio saluberrime intentionem

movet ad firmitatem retinendi eam, quae sic commendatur, idem.

5. [Ib. 1, 10.] *Modo ergo hominibus suadeo, an Deo? aut quero hominibus placere? Si adhuc hominibus placarem, Christi servus non essem. Nemo Deo suadet, quia manifesta sunt illi omnia: sed hominibus ille bene suadet, qui non se illis placere vult, sed ipsam quam suadet veritatem. Qui enim placet hominibus, non ab ipsis sicut gloriam querens, sed Dei, et salvi sunt, non jam hominibus, sed Deo placet: aut certe jam cum et Deo placet simul et hominibus, non utique hominibus placet. Aliud est enim placere hominibus, aliud et Deo et hominibus. Item qui hominibus propter veritatem placet, non jam ipse illis, sed veritas placet. Placerem autem dixit quantum in seipso est, quantum ad ejus voluntatem attinet; ac si diceret, placere vellem. Non enim si hoc eo non agente placet alicui, quasi propter seipsum, et nos propter Deum atque Evangelium quod annuntiat, superbiae ipsius potius, quam errori ejus cui perverse placet, tribuendum est. Iste itaque sensus est: Modo ergo hominibus suadeo, an Deo? aut quia hominibus suadeo, quero hominibus placere? Si adhuc hominibus quererem placere, Christi servus non essem. Jubet enim ille servis suis ut discant ab ipso mites esse et humiles corde (Math. xi, 29). Quod nullo modo potest qui propter seipsum, id est propter suam quasi privatam et propriam gloriam, placere hominibus querit. Dicit autem et alibi, *Hominibus suadendum, Deo autem manifestati sunus* (II Cor. v, 11); ut intelligas quod hic ait, *Hominibus suadeo, an Deo?* non utique Deo, sed hominibus suadendum. Non ergo moveat quod alibi dixit, *Sicut et ego omnibus per omnia placebo*: addidit enim, *Non querens quod mihi prodest, sed quod multis, ut salvi sunt* (I Cor. x, 33). Nulli autem prodest, ut salvis sunt, si homo ei propter seipsum placebo: qui non placet utiliter, nisi cum propter Deum placet, id est, ut Deus placeat et glorificeatur, cum dona ejus attenduntur in homine, aut per ministerium hominis accipiuntur; cum autem sic homo placeat, non jam homo, sed Deus placet. Utrumque ergo recte dici potest; et, *Ego placebo, et, non ego placebo*. Si enim adsit bonus intellector, plusque pulsator, patebit utrumque, et nulla inter se repugnantia repaltes intrahem.*

6. [Ib. 1, 11, 12.] *Notum enim vobis facio, fratres, Evangelium, quod evangelizatum est a me, quia non est secundum hominem. Neque enim ego ab homine acceperit illud, neque didici, sed per revelationem Jesu Christi. Evangelium quod secundum hominem est, mendacina est. Omnis enim homo mendax* (Psal. cxxv, 4): *quia quidquid veritatis inventur in homine, non est ab homine, sed a Deo per hominem. Ideo jam quod secundum hominem est, nec Evangelium dicendum est: quale illi affectabant, qui in servitudinem ex libertate attrahebant eos quos Deus ex servitute in libertatem vocabat.*

7. [Ib. 1, 13, 14.] « Audistis enim conversationem meam aliquando in Judaismo, quia supra modum

persequebar Ecclesiam Dei, et vastabam illam; et proficiebam in Judaismo supra multos coetaneos meos in genere meo, abundantius amulter existens paternarum mearum traditionum. » Si persecundo et vastando Ecclesiam Dei proficiebat in Judaismo, apparet contrarium esse Judaismum Ecclesie Dei, non per illam spiritualem Legem quam acceperunt Judai, sed per carnalem conversationem servitutis ipsorum. Et si imitator, id est, imitator paternarum suarum traditionum persecuebatur Paulus Ecclesiam Dei, paternae ipsius traditiones contrariae sunt Ecclesie Dei, non autem Legis illius culpa est; Lex enim spiritualis est (Rom. vii, 14), nec carnaliter se cogit intelligi: sed illorum vitium est, qui et illa quae accepérunt, carnaliter sentiunt, et multa etiam sua tradiderunt, dissolventes, sicut Dominus dicit, mandatum Dei, propter traditiones suas (Math. xv, 3).

8. [Ib. 1, 15-19.] *Cum autem placuit Deo, qui me segregavit de ventre matris meae, et vocavit per gratiam suam, revelare Filium suum in me, ut annuntiarem eum in Gentibus, continuo non acquiesci carni et sanguini. Segregatur quodammodo de ventre matris, quisquis a carnalium parentum consuetudine cœca separatur: acquiescit autem carni et sanguini, quisquis carnalibus propinquis et consanguineis suis carnaliter suadentibus assentitur. Neque veni in Jerosolymam ad predecessores meos Apostolos, sed abii in Arabiam, et iterum reversus sum Damascum. Deinde post annos tres, ascendi Jerosolymam videre Petrum, et mansi apud illum diebus quindecim. Si cum evangelizasset Paulus in Arabia, poste vidit Petrum, non ideo ut per ipsum Petrum disceret Evangelium; nam ante eum utique vidisset: sed ut fraternalm charitatem etiam corporali notitia cumularet. Alium autem Apostolorum non vidi, nisi Jacobum fratrem Domini. Jacobus Domini frater, vel ex filiis Joseph de alia uxore, vel ex cognatione Mariae matris ejus debet intelligi.*

9. [Ib. 1, 20-24.] *Quæ autem scribo vobis, ecce coram Deo, quia non mentior. Qui dicit, Ecce coram Deo, quia non mentior, jurat utique. Et quid sanctius hac juratione? Sed non est contra præceptum juratio quæ a malo est, non jurantis, sed incedulitatis ejus cui jure cogitur. Nam hinc intelligitur ita Dominum prohibuisse a jurando, ut quantum in ipso est quisque non juret: quod multi faciunt in ore habentes jurationem tanquam magnum aut suave aliquid. Nam utique Apostolus moverat præceptum Domini, et juravit tanquam. Non enim audiendi sunt, qui has jurations esse non putant. Quid enim facient de illa, *Quotidie moror, per gloriam vestram, fratres, quam habeo in Christo Jesu Domino nostro* (I Cor. xv, 34)? quam græca exemplaria manifestissimam jurationem esse convincunt (a). Quantum ergo in ipso est, non jurat Apostolus: non enim appetit jurationem cupiditate aut delectatione jurandi. Amplius est enim quam, *Est, est; Non, non;* et ideo a malo est (Math. v, 37), sed infirmitatis aut incredulitatis eorum qui non aliter*

^(a) Vid. Ib. f de Serm. Dom. in monte, cap. 17, n. 58.

moventur ad fidem. Deinde veni in partes Syriæ, et Ciliciæ. Eram autem ignotus facie Ecclesiis Judææ, quæ in Christo sunt. Animadvertisendum, non in sola Jerosolyma Judæos in Christum credidisse, nec tam paucos fuisset, ut Ecclesiis Gentium miscerentur; sed tam multos, ut ex illis Ecclesiæ fierent. Tantum autem audientes erant quia qui aliquando nos persecutus erat, nunc evangelizat fidem quam aliquando vastabat; et in me magnificabat Deum. Hoc est quod dicebat, non se placere hominibus, utique per seipsum, sed ut in illo magnificaretur Deus: hoc est quod etiam Dominus dicit, *Luceant opera vestra coram hominibus, ut videant bona facta vestra, et glorificent Patrem vestrum qui in celis est* (*Matth. v. 16*).

10. [Ib. ii, 1, 2.] Deinde post annos quatuordecim iterum ascendi Jerosolymam cum Barnaba, assumptio etiam Tito. Tanquam testimoniis pluribus agit, cum etiam istos nominat. Ascendi autem secundum revelationem: ne moveret eos quare vel tunc ascenderet, quo tam diu non ascenderat. Quapropter si ex revelatione ascendit, tunc proderat ut ascenderet. Et exposuit illis Evangelium quod prædicto in Gentibus; seorsum autem his qui videntur¹. Quod seorsum exposuit Evangelium eis qui eminebant in Ecclesia, cum jam illud exposuisset coram omnibus, non ideo factum est, quod aliqua falsa dixerat, ut seorsum paucioribus vera diceret: sed aliqua tacuerat, quæ adhuc parvuli portare non poterant; qualibus se ad Corinthios laetavit dedisse, non escam (*I Cor. iii, 2*). Falsum enim dicere nihil licet; aliquando autem aliiquid veri tacere, utile est. Perfectionem ipsius opus erat ut sciarent ceteri Apostoli. Non enim sequebatur ut, si fidelis esset, veramque et rectam teneret fidem, jam etiam apostolus esse deberet. Illud autem quod subiungit, *Ne forte in vacuum curro, aut cucurri*, non ad illos cum quibus seorsum contulit Evangelium, sed ad istos quibus scribit, quasi per interrogationem dictum intelligendum est; ut ex eo appareret non eum in vacuum currere aut cucurrisse, quia jam etiam attestatione ceterorum nihil ab Evangelii veritate dissentire approbatur.

11. [Ib. ii, 3-5.] Sed neque Titus qui tecum erat, inquit, cum esset Græcus, compulsus est circumcidisti. Quamvis Titus Græcus esset, et nulla eum consuetudo aut cognitio parentum circumcidisti cogeret, sicut Timotheum, facile tamen etiam istum circumcidisti permisisset Apostolus. Non enim tali circumcisione salutem docebat auferri, sed si in ea constitueretur spes salutis, hoc esse contra salutem ostendebat. Poterat ergo ut superfluum aquo animo tolerare, secundum sententiam quam alibi dixit: *Circumcisio nihil est, et præputium nihil est; sed observatio mandatorum Dei* (*I Cor. vii, 19*). Propter subintroductos autem falsos fratres non est compulsus Titus circumcidisti: id est, non

¹ Lovanienses codicis Amandiensis auctoritate reponunt, *his qui ridebantur esse aliiquid*. Ceteris tamen Mhris abest, esse aliiquid, quo etiam in antiquis Corbeiensibus Bibliis caret vulgata; atque haec ibi videtur, *his qui videbantur*, sive tres MSS. hic: at alii octo, neconon Am. et Er., *his qui videntur*. Porro in græco est, *tois docoisi*, id est eis qui enuntian Ecclesia, uti interpretatur Augustinus.

ei potuit extorqueri ut circumcidideretur, quia illi qui subintroierunt, dicit, *proscutare libertatem eorum*, vehementer observabant, et cupiebant circumcidere Titum, ut jam circumcisionem, etiam ipsius Pauli attestacione et consensione, tanquam saluti necessariam prædicarent; et sic eos, ut ait, *in servitudinem redigent*, id est, sub onera Legis servilia revocarent. *Quibus se nec ad horam*, id est, nec ad tempus cessasse dicit subjectioni, ut *veritas Evangelii permanoret ad Gentes*.

12. [Ib. ii, 6-9.] Denotabant autem suspectumque haberi volebant invidi apostolum Paulum, quod aliquando persecutor Ecclesiæ fuerit; et ideo dicit. *De his autem qui videntur esse aliiquid, quales aliquando fuerint, nihil mea interest*. Quia et qui videntur esse aliiquid, carnalibus hominibus videntur esse aliiquid: nam non sunt ipsi aliiquid. Et si enim boni ministri Dei sunt, Christus in illis est aliiquid, non ipsi per se. Nam si ipsi per se essent aliiquid, semper fuissent aliiquid. *Quales aliquando fuerint*, id est, quia et ipsi peccatores fuerunt, nihil sua dicit interesse: quia *Deus hominis personam non accipit*, id est, sine personarum acceptione omnes ad salutem vocavit, non reputans illis delicta eorum. Et ideo absentibus illis qui priores facti erant apostoli, Paulus a Domino perfectus est: ut quando cum eis contulit, nihil esset quod perfectioni ejus adderent; sed potius viderent eumdem Dominum Jesum Christum, qui sine personarum acceptione salvos facit, hoc dedisse Paulo ut ministraret Gentibus, quod etiam Petro dederat ut ministraret Judæis. Non ergo inventi sunt in aliquo dissentire ab illo, ut cum ille se perfectum Evangelium accepisse diceret, illi negarent, et aliiquid vellent tanquam imperfectio addere: sed e contrario pro reprehensoribus imperfectionis, approbatores perfectionis fuerunt. *Et dederunt dexteræ societas*, id est, consenserunt in societatem, et paruerunt voluntati Domini, consentientes ut Paulus et Barnabas irent ad Gentes, ipsi autem in circumcisionem, quæ præputio, id est, Gentibus contraria videtur. Nam etiam sic potest intelligi, quod ait, *e contrario*, ut ordo iste sit: Mibi enim qui videntur aliiquid, nihil apposuerunt¹, sed e contrario, ut nos quidem in Gentes iremus, quæ sunt contraria circumcisioni, ipsi autem in circumcisionem, consenserunt mihi et Barnabæ: hoc est, *dexteræ societas nobis dederunt*.

13. Neque in contumeliam præcessorum ejus putet quis ab eo dictum, *Qui videntur esse aliiquid, quales aliquando fuerint, nihil mea interest*. Et illi enim tanquam spirituales viri volebant resisti carnalibus, qui putabant aliiquid ipsos esse, et non potius Christum in eis; multumque gaudebant, cum persuaderetur hominibus, et seipso præcessore Pauli, sicut eumdem Paulum, ex peccatoribus justificatos esse a Domino, qui personam hominis non accipit: quia Dei gloriam quærebant, non suam. Sed quia carnales et superbi homines, si quid de vita ipsorum præterita dicuntur, irascuntur, et in contumeliam accipiunt; ex

¹ Am. Er. et MSS. decem, *Niki enim qui videntur, nihil apposuerunt*; nec habent, aliiquid.

animo suo conjiciunt Apostolos. Petrus autem et Jacobus et Joannes honoratores in Apostolis erant, quia ipsis tribus se in monte Dominus ostendit in significacione regni sui, cum ante sex dies dixisset : *Sunt hic quidam de circumstantibus, qui non gustabunt mortem, donec videant Filium hominis in regno Patris sui* (*Math. xvi, 28*). Nec ipsi erant columnæ, sed videbantur. Noverat enim Paulus sapientiam adfiscasse sibi domum, et non tres columnas constituisse, sed septem (*Prov. ix, 1*) : qui numerus vel ad unitatem Ecclesiarum refertur (sollet enim pro universo poni, sicut in Evangelio dictum est, *Accipiet in hoc sæculo septies [a] tantum* [*Math. xix, 29*]; ac si diceret, *Quasi nihil habentes, et omnia possidentes* [*II Cor. vi, 10*]). Unde etiam Joannes ad septem scribit Ecclesiæ [*Apoc. i, 4*], quæ utique universalis Ecclesiæ¹ personam gerunt); vel certe ad septenariam operationem Spiritus sancti magis refertur septenarius numerus columnarum, sapientiæ et intellectus, consilii et fortitudinis, scientiæ et pietatis, et timoris Dei (*Isai. xi, 2, 3*), quibus operationibus domus Filii Dci, hoc est, Ecclesia continetur.

14. [lb. ii, 10.] Quod autem ait, *Tantum ut pauperum memores essemus, quod et studui hoc ipsum facere* : communis cura erat omnibus Apostolis de pauperibus sanctorum, qui erant in Iudea, qui rerum suarum venditarum pretia ad pedes Apostolorum posuerant (*Act. iv, 35*). Sic ergo ad Gentes missi sunt Paulus et Barnabas, ut Ecclesiæ Gentium quæ hoc non fecerant, ministrarent, hortatione ipsorum, eis qui hoc fecerant : sicut ad Romanos dicit, « *Nunc autem pergam Jerusalem ministrare sanctis : placuit enim Macedonia et Achaia communionem aliquam facere in pauperes sanctorum, qui sunt in Jerusalem. Placuit enim illis, et debitores eorum sunt. Si enim spirituibus eorum coniunctaverunt Gentes, debent et in carnalibus ministrare eis* (*Rom. xv, 25-27*).

15. [lb. ii, 11-16.] In nullam ergo simulationem Paulus lapsus erat, quia servabat ubique quod congruere videbat, sive Ecclesiis Gentium, sive Iudeorum, ut nusquam auferret consuetudinem, quæ servata non impiedebat ad obtainendum regnum Dei : tantum admonens ne quis in superfluis poneret spem salutis, etiam si consuetudinem in eis propter offenditionem infirmorum custodire vellet. Sicut ad Corinthios dicit : « *Circumcisus quis vocatus est? non adducat preputium. In preputio quis vocatus est? non circumcidatur. Circumcisio nihil est, et preputium nihil est; sed observatio mandatorum Dei. Unusquisque in qua vocatione vocatus est, in ea permaneat* » (*I Cor. vii, 18-20*). Hoc enim ad eas consuetudines vel conditiones vite retulit, quæ nihil obsunt fidei bonisque moribus. Non enim si latro erat quisque cum vocatus est, debet in latrocino permanere. Petrus autem cum venisset Antiochiam, objurgatus est a Paulo, non quia servabat consuetudinem Iudeo-

rum, in qua natus atque educatus erat (quianquam apud Gentes eam non servaret) : sed objurgatus est, quia Gentibus eam volebat imponere, cum vidisset quosdam venisse ab Jacobo, id est, a Iudea; nam Ecclesiæ Jerosolymitanæ Jacobus præfuit. Timens ergo eos qui adhuc putabant in illis observationibus saltem constitutam, segregabat se a Gentibus, et simulate illis consentiebat ad imponenda Gentibus illa onera servitutis : quod in ipsis objurgationis verbis satis appareat. Non enim ait, *Si tu, cum Iudeus sis, Gentiliter, et non Iudeice vivis, quemadmodum rursus ad consuetudinem Iudeorum revertaris?* sed, *quemadmodum, inquit, Gentes cogis judaizare?* Quod autem hoc ei *coram omnibus* dixit, necessitas coegit, ut omnes illius objurgatione sanarentur. Non enim utile erat errorem qui palam noceret, in secreto emendare. Huc accedit quod firmitas et charitas Petri, cui ter a Domino dictum est, *Amas me? pasce oves meas* (*Joan. xi, 15*), objurgationem talcm posterioris pastoris pro salute gregis libentissime sustinebat. Nam erat objurgatore suo ipse qui objurgabatur mirabilior, et ad imitandum difficilior. Facilius est enim videre quid in alio corrigas, atque id vituperando vel objurgando corrige, quam videre quid in te corrindendum sit, libenterque corrigi, vel per te ipsum, ne dum per alium; adde posteriorem, adde *coram omnibus*. Valet autem hoc ad magnum humilitatis exemplum, que maxima est disciplina christiana : humilitate enim conservatur charitas. Nam nihil eam citius violat quam superbia. Et ideo Dominus non ait, *Tollite jugum meum et discite a me quoniam quadriduana de sepulcris cadavera exsuscito, atque omnia daemona de corporibus hominum morbosque depello, et cetera hujus modi* : sed, *Tollite, inquit, jugum meum, et discite a me quia misericordia sum, et humili corde* (*Math. xi, 29*). Illa enim signa sunt rerum spiritualium : mitem autem esse et humilem charitatis conservatorem¹, res ipsæ spirituales sunt, ad quas per illa ducuntur, qui oculis corporis dediti fidem invisibilium, quia jam de notis usitatisque non possunt, de novis et repentinis visibilibus queruntur. Si ergo et illi qui cogebant Gentes judaizare, didicissent mites esse et humiles corde, quod a Domino Petrus didicerat; saltem correcto tanto viro ad imitandum invitarentur, nec putarent Evangelium Christi justitiae sue tanquam debitum redditum : sed scientes quoniam non justificatur homo ex operibus Legis, nisi per fidem Christi Jesu, ut impletat opera Legis, adjuvante infirmitatem suam, non merito suo, sed gratia Dei ; non exigenter de Gentibus carnales Legis observationes, sed per ipsam gratiam fidei, spirituallia opera Legis eos implere posse cognoscerent. Quoniam ex operibus Legis, cum suis viribus ea quisque tribuerit, non gratiae miserantis Dei, non justificabitur omnis caro, id est, omnis homo, sive omnes carnaliter sentientes. Et ideo illi, qui cum jam essent sub Lege, Christo crediderunt, non quia justi erant, sed ut justificarentur, venerunt ad gratiam fidei.

¹ Am. et Fr. consentientibus decem MSS., quæ utique universitas Ecclesiæ.

(a) Forte in graco erat, *heptaplaciona*.

¹ Ita MSS. At editi, *charitatis conservatio est, res ipsæ, ew.*

46. [lb. II, 15-18.] Peccatorum autem nomen Gentibus imposuerant Judæi, jam vetusta quadam superbia, tanquam ipsi justi essent, videndo stipulam in oculo alieno, et non trahem in suo. Secundum eorum morem locutus Apostolus ait, *Nos natura Judæi, et non ex Gentibus peccatores*; id est, quos appellant peccatores, cum sint et ipsi peccatores: *Nos ergo, inquit, natura Judæi*, cum Gentiles non essemus, quos ipsi peccatores appellant, tamen *et nos peccatores in Christo Iesu credidimus, ut justificemur per fidem Christi*. Non autem quererentur justificari, nisi essent peccatores. An forte quia in Christo voluerunt justificari, peccaverunt? quia, si jam justi erant, aliud querendo utique peccaverunt: sed, si ita est, inquit, ergo *Christus peccati minister est*. Quod utique non possunt dicere, quia et ipsi qui nolebant nisi circumcisio Gentibus tradi Evangelium, in Christo crediderant. Et ideo quod dicit, *Absit*, non solus, sed cum ipsis dicit. Destruxit autem superbiā gloriantem de operibus Legis, que destrui et deberet et posset, ne gratia fidei videretur non necessaria, si opera Legis etiam sine illa justificare crederentur. Et ideo prævaricator est, si rursus illa ædificat, dicens quod opera Legis etiam sine gratia justificant, ut Christus peccati minister inveniatur. Posset ergo illi objici dicenti, *Si enim quæ destruxi, hæc eadem rursus ædifico, prævaricatorem meipsum constituo*. Quid ergo, quia fidem Christi oppugnabas antea, quam nunc ædificas, prævaricatorem te constituis? Sed illam non destruxit, quia destrui non potest. Hanc autem superbiā vere destruxerat, constanterque destruebat, quia destrui poterat. Et ideo non ille prævaricator est, qui rem veram cum conaretur destruere, et postea veram esse ac destrui non posse cognosceret, tenuit eam ut in ea ædificaretur: sed ille prævaricator est, qui cum destruxerit rem falsam, quia destrui potest, eam rursus ædificat.

47. [lb. II, 19-21.] *Mortuum autem se Legi dicit*, ut jam sub Lege non esset, sed tamen per Legem: sive quia Judæus erat, et tanquam pædagogum Legem acceperat, sicut postea manifestat (*Galat. III, 24*). Hoc autem agitur per pædagogum, ut non sit necessarius pædagogus: sicut per ubera nutritur infans, ut jam uberibus non indigeat; et per navem pervenitur ad patriam, ut jam navi epus non sit. Sive per Legem spiritualiter intellectam Legi mortuus est, ne sub ea carnaliter viveret. Nam hoc modo per Legem Legi ut morerentur volebat, cum eis paulo post ait, *Dicite mihi, sub Lege volentes esse, Legem non legistis?* Scriptum est enim quod *Abrraham duos filios habuit* (*ib. IV, 21, 22*), etc., ut per eamdem Legem spiritualiter intellectam morerentur carnalibus observationibus Legis. Quod autem adjungit, *Ut Deo vivam*; Deo vivit qui sub Deo est; Legi autem, qui sub Lege est: sub Lege autem vivit, in quantum quisque peccator est, id est, in quantum a vetore homine non est mutatus; sua enim vita vivit, et ideo *Lex supra illum est*; quia qui eam non implet, infra illam est. *Nam iusto Lex posita non es* (*1 Tim. I, 9*), id est imposita, ut supra illum sit: in

illa est enim potius quam sub illa; quia non sua vita vivit, cui coercende Lex imponitur. Ut enim sic dicam, ipsa quodammodo Lege vivit¹, qui cum dilectione justitiae juste vivit, non proprio ac transitorio, sed communi ac stabili gaudens bono. Et ideo Paulo non erat Lex imponenda, qui dicit, *Vivo autem jam non ego, vivit vero in me Christus*. Quis ergo audeat Christo Legem imponere, qui vivit in Paulo? Non enim audet quis dicere Christum non recte vivere, ut ei coercendo Lex imponenda sit. *Quod autem nunc vivo, inquit, in carne*; quia non posset dicere Christum adhuc mortaliiter vivere, vita autem in carne mortalis est; *in fide*, inquit, *vivo Filii Dei*: ut etiam sic Christus vivat in credente, habitando in interiore homine per fidem (*Ephes. III, 16, 17*), ut postea per speciem implete eum, cum absorptum fuerit mortale a vita (*1 Cor. V, 4*). Ut autem ostenderet quod vivit in illo Christus, et quod in carne vivens in fide vivit Filii Dei, non meriti sui esse, sed gratia ipsius: *Qui me, inquit, dilexit, et tradidit seipsum pro me*. Pro quo utique, nisi pro peccatore, ut eum justificaret? Et dicit hoc qui Judeus natus et educatus erat, et abundantius æmulator exstiterat paternarum suarum traditionum. Ergo si et pro talibus se tradidit Christus, etiam ipsi peccatores erant. Non ergo meritis justitiae suæ datum dicant, quod non opus erat justis dari. *Non enim veni vocare justos*, ait Dominus, *sed peccatores* (*Math. IX, 13*): ad hoc utique, ne sint peccatores. Si ergo Christus me dilexit, et tradidit seipsum pro me; *non irritam facio gratiam Dei*, ut dicam per Legem esse justitiam. *Nam si per Legem justitia, ergo Christus gratis mortuus est*: id est, sine causa mortuus est, quando per Legem, id est per opera Legis quibus Judei considerabant, posset esse justitia in hominibus. Gratis autem mortuum Christum nec illi dicunt quos resellit, quoniam Christianos se volebant haberi. Non ergo recte per illa Legis opera Christianos justificari suadabant.

48. [lb. III, 1.] Quibus recte dicit, *O stulti Galatae, quis vos fascinavit?* Quod non recte diceretur de his qui nunquam profecissent, sed de his qui ex profectu defecissent. *Ante quorum oculos Christus Jesus proscriptus est, crucifixus*: hoc est, quibus videntibus Christus Jesus bareositatem suam possessionemque suam amicis; his utique auferentibus eam, Dominumque inde expelcentibus, qui ex gratia fidei per quam Christus possidet Gentes, ad Legis opera eos qui considerant revocabant, auferendo illi possessionem suam, id est, eos in quibus jure gratiae fidei que inhabitabat. Quod in ipsis Galatis accidisse vult videri Apostolus: nam ad hoc pertinet quod ait, *Ante quorum oculos*. Quid enim tam ante oculos eorum contingit, quam quod in ipsis contigit? Cum autem dixisset, *Jesus Christus proscriptus est*, addidit, *crucifixus*: ut hinc eos maxime moveret, cum considerarent quo pretio emerit possessionem, quam in eis amitterebat; ut parum esset gratis eum mortuum, quod superius dixerat. Illud enim ita sonat, tanquam non perveniorit ad

¹ Sic aliquot MSS. At editi, ipsam quodammodo legem usvit.

possessionem, pro qua sanguinem dedit. Proscriptio autem etiam quæ tenebat, auferuntur: sed hæc proscriptio non obest Christo, qui etiam sic per divinitatem Dominus est omnium; sed ipsi possessioni, quæ hujus gratiæ cultura caret.

19. Hinc iam incipit demonstrare quemadmodum gratia fidei sufficiat, ad justificandum sine operibus Legis; ne quis diceret non se quidem operibus Legis tantum totam hominis justificationem tribuere, sed neque tantum gratiæ fidei, ex utroque autem persicci salutem. Sed hæc quæstio ut diligenter tractetur, ne quis fallatur ambiguo, scire prius debet opera Legis bipartita esse. Nam partim in sacramentis, partim vero in moribus accipiuntur. Ad sacramenta pertinent, circumcisione carnis, sabbatum temporale, neomeniæ, sacrificia, atque omnes hujusmodi innumeræ observations. Ad mores autem, *Non occides*, *Non mœchaberis*, *Non falsum testimonium dices* (*Exod. xx, 13-16*), et talia cætera. Numquidnam ergo Apostolus ita potest non curare utrum christianus homicida aut mœchus sit, an castus atque innocens; quemadmodum non curat utrum circumcisionis carne, an præputiatus sit? Nunc ergo de his operibus maxime tractat, quæ sunt in sacramentis, quamquam et illa interdum se admiscere significet. Prope finem autem Epistole, de his separatum tractabit, quæ sunt in moribus: et illud breviter, hoc autem diutius. Hæc enim onera potius imponi (*a*) Gentibus quorum utilitas in intellectu est: nam hæc omnia exponuntur Christianis, ut quid valeant, tantum intelligent, non etiam facere cogantur. In observationibus autem, si non intelligantur, servitus sola est; qualis erat in populo Iudeorum, et est usque adhuc: si autem et observentur illa, et intelligentur, non modo nihil obsunt, sed etiam prosunt aliquid, si tempori congruant; sicut ab ipso Moyse Prophetisque observata sunt, congaentibus illi populo, eni adhuc talis servitus utilis erat, ut sub timore custodiretur. Nihil enim tam pie terret animam, quam sacramentum non intellectum: intellectum autem, gaudium pium parit, et celebratur libere, si opus est tempori; si autem non est opus, cum suavitate spiritali tantummodo legitur, et tractatur. Omne autem sacramentum cum intelligitur, aut ad contemplationem veritatis refertur, aut ad bonos mores. Contemplatio veritatis in solius Dei dilectione fundata est: boni mores in dilectione Dei et proximi, in quibus duobus præceptis tota Lex pendet et Prophetæ (*Matth. xxii, 37-40*). Nunc igitur quemadmodum circumcisione carnis, et cetera hujusmodi Legis opera, ubi iam gratia fidei est, non sint necessaria, videamus.

20. [Ib. iii, 2-9.] *Hoc solum*, inquit, *volo discere a vobis: Ex operibus Legis Spiritum accepistis, an ex auditu fidei?* Bespondetur: Utique ex auditu fidei. Ab Apostolo enim prædicta est eis fides, in qua predicatione utique adventum et presentiam sancti Spiritus senserant: sicut illo tempore in novitate invitationis ad fidem etiam sensibilibus miraculis praesentia sancti Spiritus apparcat, sicut in Actibus Apostolo-

(*a*) *Forte, prohibet imponi, aut potius exportit.*

rum logitur (*Act. ii*). Hoc autem factum erat apud Galatas antequam isti ad eos pervertendos et circumcidendos venissent. Iste ergo sensus est: Si in illis operibus Legis esset salus vestra, non vobis Spiritus sanctus nisi circumcisionis daretur. Deinde intulit: *Sic stulti estis, ut cum spiritu corporis, nunc carne consummemini.* Illoc est quod superius in exordio dixerat: *Nisi aliqui sunt conturbantes vos, et volentes convertere Evangelium Christi* (*Galat. i, 7*). Conturbatio enim ordinis contraria est: ordo est autem a carnalibus ad spiritualia surgere, non ab spiritualibus ad carnalia cadere, sicut istis acciderat. Et hæc est Evangelii conversio retrorsus: quod quia bonum non est, non est Evangelium, cum hoc annuntiatur. Quod autem dicit, *Tanta passi estis*; multa jam pro fide toleraverant, non timore, tanquam sub Lege positi, sed magis in ipsis passionibus charitate timorem vicerant: quoniam charitas Dei diffusa est in cordibus eorum per Spiritum sanctum quem acceperunt (*Rom. v, 5*). *Sine causa ergo, inquit, tanta passi estis*, qui ex charitate, quæ in vobis tantum sustinuit, ad timorem relabi vultis. *Si tamen sine causa tanta passi estis.* Quod enim sine causa factum dicitur, superfluum est; superfluum autem nec prodest, nec nocet: hoc vero videndum est, ne ad perniciem valeat. Non enim hoc est non surgere, quod est cadere: quamvis isti nondum cecidissent, sed jam inclinarentur ut caderent. Nam utique adhuc in eis Spiritus sanctus operabatur, sicut consequentor dicit: *Qui ergo tribuit vobis Spiritum, et virtutes operatur in vobis, ex operibus Legis, an ex auditu fidei?* Respondeatur, Utique ex auditu fidei, sicut superius tractatum est. Deinde exhibet exemplum patris Abraham, de quo in Epistola ad Romanos uberioris apertusque disserendum est (*Rom. iv, 3*). Hoc enim maxime in eo victiosum est, quod antequam circumcidetur, deputata est fides ejus ad justitiam, et ad hoc rectissime referunt quod ei dictum est, *Quia benedicentur in te omnes gentes* (*Gen. xxii, 18*): imitatione utique fidei ejus, qua justificatus est etiam ante sacramentum circumcisionis, quod ad fidei signaculum accepit¹, et ante omnem servitudinem Legis, quæ multo post data est.

21. [Ib. iii, 10-12.] Quod autem ait, *Quicumque enim ex operibus Legis sunt, sub maledicto sunt Legis;* sub timore vult intelligi, non in libertate: ut scilicet corporali praesentique vindicta vindicaretur in eos qui non permanerent in omnibus quæ scripta sunt in libro Legis, ut facerent ea; huc quoque accederet, ut in ipsa corporum poena etiam maledicti ignominiam formidarent. Hie autem justificatur apud Deum, qui eum gratis colit, non scilicet cupiditate appetendi aliquid ab ipso preter ipsum, aut timore amittendi. In ipso enim solo vera nostra beatitudo atque perfecta est; et quoniam invisibilis est oculis carnis, fide colitur, quamdiu in hac carne vivimus, sicut supra dixit, *Quod autem nunc vivo in carne, in fide vivo Filius Dei* (*Galat. ii, 20*); et ipsa est justitia. Quo pertinet quod dictum est, *Quia justus ex fide vivit.* Hinc enim

¹ MSS. novem, quod fidei signaculum accepit; pretermisso, ad.

ostendere voluit quia in Lege nemo justificatur, quia scriptum est justum ex fide vivere. Quare intelligentium est in Lege, quod nunc ait in *operibus Legis*, dictum esse; et hoc istis qui in circumcisione carnis et talibus observationibus continentur: in quibus qui vivit, ita in Lege est, ut sub Lege vivat. Sed Legem, ut dictum est, pro ipsis operibus Legis nunc posuit, quod in posterioribus manifestatur. Ait enim: *Lex autem non est ex fide, sed qui fecerit ea, rivet in illis.* Non ait, Qui fecerit eam, vivet in ea; ut intelligas Legem in hoc loco pro ipsis operibus positam. Qui autem vivebant in his operibus, timebant utique ne, si non ea fecissent, lapidationem, vel crucem, vel aliquid hujusmodi paterentur. Ergo qui fecerit ea, inquit, *vivet in illis;* id est, habebit præmium, ne ista morte puniatur. Non ergo apud Deum, cuius ex fide si quis in hac vita vixerit, cum hinc excesserit, tunc eum magis habebit præsentissimum præmium¹. Non itaque ex fide vivit, quisquis præsentia quæ videntur, vel cupid, vel timet; quia fides Dei ad invisibilia pertinet, quæ post dabuntur. Nam est ista quædam in operibus Legis justitia (quando sine suo præmio relicta non est), ut qui fecerit ea, vivat in eis. Unde et ad Romanos dicit: *Si enim Abraham ex operibus justificatus est, habet gloriam, sed non ad Deum (Rom. iv, 2).* Aliud est ergo, non justificari; aliud, non justificari apud Deum. Qui omnino non justificatur, nec illa servat quæ temporale habent præmium, nec illa quæ æternum: qui autem in operibus Legis justificatur, non apud Deum justificatur; quia temporalen inde exspectat visibilemque mercedem. Sed tamen est etiam ista, ut dixi, quædam, ut sic dicam, terrena carnalisque justitia: nam et ipso Apostolus eam justitiam vocat, cum alibi dicit, *Secundum justitiam quæ in Lege est, conversatus qui fuerim sine querela (Philipp. iii, 6).*

22. [Ib. iii, 13, 14.] Propterea Dominus Jesus Christus jam libertatem datus credentibus, quædam earum observationum non servavit ad litteram. Unde etiam cum sabbato esurientes discipuli spicas evulsissent, respondit indignantibus, Dominum esse Filium hominis etiam sabbati (*Math. xii, 1-8*). Itaque illa carnaliter non observando, carnarium conflagravit invidiam; et suscepit quidem poenam propositam illis, qui ea non observassent, sed ut credentes in se talis poenæ timore liberaret: quo pertinet quod adiungit, *Christus nos redemit de maledicto Legis, factus pro nobis maledictum; quia scriptum est, Maledictus omnis qui pendet in ligno.* Quæ sententia spiritualiter intelligentibus sacramentum est libertatis: carnaliter autem sentientibus, si Judezi sunt, jugum est servitutis; si pagani aut heretici, velamentum est cæcitatris. Nam quod quidam nostri minus in Scripturis eruditi, sententiam istam nimis timentes, et Scripturas veteres debita pietate approbantes, non putant hoc de Domino esse dictum, sed de Juda traditore

ejus: aiunt enim propterea non esse dictum, *Maledictus omnis, qui ligatur in ligno; sed, qui pendet in ligno;* quia non hic Dominus significatus est, sed ille qui se laqueo suspendit: nimis errant, nec attendunt se contra Apostolum disputare: qui ait, *Christus nos redemit de maledicto Legis, factus pro nobis maledictum; quia scriptum est, Maledictus omnis qui pendet in ligno.* Qui ergo pro nobis factus est maledictum, ipse utique peperdit in ligno, id est, Christus, qui nos liberavit a maledicto Legis; ut non jam timore justificaremur in operibus Legis, sed fide apud Deum, quæ non per timorem, sed per dilectionem operator. Spiritus enim sanctus, qui hoc per Moysen dixit, utrumque providit², ut et timore visibilis poenæ custodirentur qui nondum poterant ex invisibilium fide vivere; et ipse timorem istum solveret suscipiendo quod timebatur, qui timore sublatu donum dare poterat charitatis. Nec in hoc quod maledictus est appellatus qui pendet in ligno, contumelia in Dominum putanda est. Ex parte quippe mortali peperdit in ligno: mortalitas autem unde sit, notum est credentibus; ex poena quippe est, et maledictione peccati³ primi hominis, quam Dominus suscepit, et peccata nostra pertulit in corpore suo super lignum (*I Petr. ii, 24*). Si ergo diceretur, Mors maledicta est; nemo exhorresceret: quid autem nisi mors Domini peperdit in ligno, ut mortem moriendo superaret? eadem igitur maledicta, quæ victa est. Item si dicercetur, Peccatum maledictum est; nemo miraretur: quid autem peperdit in ligno, nisi peccatum veteris hominis, quod Dominus pro nobis in ipsa carnis mortalitate suscepit? Unde nec erubuit nec timuit Apostolus dicere, peccatum eum fecisse pro nobis, addens, *Ut de peccato condemnaret peccatum (Rom. viii, 3).* Non enim et vetus homo noster simul crucifigeretur, sicut idem apostolus alibi dicit, nisi in illa morte Domini peccati nostri figura penderet, ut evacuaretur corpus peccati, ut ultra non serviamus peccato (*Id. vi, 6*). In cuius peccati et mortis figura, etiam Moyses in eremo super lignum exaltavit serpentem (*Num. xxii, 9*). Persuasione quippe serpentis homo in damnationem mortis cecidit. Itaque serpens ad significationem ipsius mortis, convenienter in ligno exaltatus est: in illa enim figura mors Domini pendebat in ligno. Quis autem abhorret, si diceretur, Maledictus serpens qui pendet in ligno? Et tamen mortem carnis Domini præfigurans serpens pendebat in ligno, cui sacramento ipse Dominus attestatus est, dicens: *Sicut exaltavit Moyses serpentem in eremo, ita exaltari oportet Filium hominis super terram (Joan. iii, 14).* Non enim et hoc in contumeliam Domini Moysen fecisse aliquis dixerit, cum tantam in ea cruce salutem hominum esse cognosceret, ut non ob aliud ad ejus indicium serpentem illum erigere jubaret, nisi ut eum intuentes qui morsi a serpentibus

¹ Editi, prævidit. Nelius MSS., providit.

² Editi: *Ex paena quippe est et maledictio peccati.* MSS. duo, et maledicto peccato. Item duo, maledicti peccati; omissa particula, et. Nos cum aliis novem MSS., et maledictione peccati.

³ Lov., habebit præsentissimum præmium. Alii codices, præsentissimum præmium.

morituri erant, continuo sanarentur. Nec propter aliud ille serpens æneus factus erat, nisi ut permanens passionis Domini fidem significaret. Etiam vulgo quippe dicuntur ænea, quorum numerus manet. Si enim oblitæ essent homines, et oblitteratum esset de memoria temporis, quod Christus pro hominibus mortuus est, vere morerentur: nunc autem tanquam ænea permanet crucis fides, ut cum alii moriantur, alii nascantur, ipsam tamen sublimem permanere inveniant, quam intuendo sanentur. Non igitur mirum si de maledicto vicit maledictum, qui vicit de morte mortem, et de peccato peccatum, de serpente serpentem. Maledicta autem mors, maledictum peccatum, maledictus serpens; et hæc omnia in cruce triumphata sunt. *Maledictus igitur omnis qui pendet in ligno.* Quia ergo non ex operibus Legis, sed ex fide justificat Christus credentes in se, timor maledictionis crucis ablatus est: charitas benedictionis Abrahæ propter exemplum fidei permanet ad Gentes. *Ut annuntiationem,* inquit, *spiritus per fidem accipiens:* id est, ut non quod timetur in carne, sed quod spiritu diligitur, credituris annuntietur.

23. [lb. iii, 15-18.] Unde etiam testamenti humani mentionem facit, quod utique multo est infirmius quam divinum. *Tamen hominis confirmatum testamentum,* inquit, *nemo irritum facit, aut superordinat.* Quia cum testator mutat testamentum, non confirmatum mutat: testatoris enim morte confirmatur. Quod autem mors testatoris valet ad confirmandum testamentum ejus, quia consilium mutare jam non potest; hoc incomutabilitas promissionis Dei valet ad confirmandam hereditatem Abrahæ, cuius fides deputata est ad justitiam (*Rom. iv, 9.*). Et ideo semen Abrahæ, cui dicitæ sunt promissiones, Christum dicit Apostolus, hoc est omnes Christianos fide imitantes Abraham: quod ad singularitatem redigit, commendando quod non dictum est, *Et seminibus, sed, Semini tuo;* quia et una est fides, et non possunt similiter justificari qui vivunt ex operibus carnaliter, cum his qui vivunt ex fide spiritualiter. Vincuntur autem quod insert, Lex nondum data erat, nec posset post tot annos ita dari, ut antiquas Abrahæ promissiones irritas faceret. Si enim Lex justificat, non est justificatus Abraham, qui multum ante Legem fuit. Quod quia dicere non possunt, coguntur fateri non Legis operibus justificari hominem, sed fide. Simul etiam nos cogit intelligere, omnes antiquos qui justificati sunt, ex ipsa fide justificatos. Quod enim nos ex parte præteritum, id est, primum adventum Domini; ex parte futurum, id est, secundum adventum Domini credendo salvi efficiuntur: hoc totum illi, id est, utrumque adventum futurum credebat, revelante sibi Spiritu sancto, ut salvi fierent. Unde est etiam illud: *Abraham concupivit diem meum videre, et vidit, et gavisus est* (*Joan. viii, 56.*).

24. [lb. iii, 19, 20.] Sequitur questio satis necessaria: Si enim fides justificat, et priores sancti, qui apud Deum justificati sunt, per ipsam justificati sunt, quid opus erat Legem dari? Quam questionem tra-

ctandam sic intulit, interrogans, et dieens, *Quid ergo?* Hucusque enim interrogatio est: deinde inferatur responsio, *Lxx transgressionis gratia proposita est, donec veniret, inquit, semen cui promissum est, dispositum per Angelos in manu Mediatoris.* Mediator autem unius non est, Deus vero unus est (a). Mediatorem Iesum Christum secundum hominem dici, ex illa ejusdem apostoli sententia sit planius, cum ait: *Unus enim Deus, unus et mediator Dei et hominum homo Christus Jesus* (*1 Tim. ii, 5.*) Mediator ergo inter Deum et Deum esse non posset, quia unus est Deus: mediator autem unius non est, quia inter aliquos medius est. Angeli porro, qui non lapsi sunt a conspectu Dei, mediatore non opus habent, per quem reconciliantur. Item angeli qui nullo suadente sponte prevaricatione sic lapsi sunt, per mediatorem non reconciliantur. Restat ergo ut qui mediatore superbo diabolo superbiam persuadente, dejectus est, mediatore humili Christo humilitatem persuadente erigatur. Nam si Filius Dei in naturali æqualitate Patris manere vellet, nec se exinaniret, formam servi accipiens (*Philipp. ii, 7.*); non esset mediator Dei et hominum: quia ipsa Trinitas unus Deus est, eadem in tribus, Patre et Filio et Spiritu sancto, deitatis æternitate et æquitate constante. Sic itaque unicus Filius Dei, mediator Dei et hominum factus est, cum Verbum Dei Deus apud Deum, et majestatem suam usque ad humana depositum, et humilitatem humanam usque ad divina subvexit, ut mediator esset inter Deum et homines homo per Deum ultra homines. Ipse est enim speciosus forma præ filiis hominum, et unctus oleo exultationis præ participibus suis (*Psalm. xliv, 33.*) Sanati sunt ergo ab impietate superbie, ut reconciliarentur Deo, quicumque homines humilitatem Christi, et per revelationem antequam fieret, et per Evangelium posteaquam facta est, credendo dilexerunt, diligendo imitati sunt. Sed haec justitia fidei, quia non pro merito data est hominibus, sed pro misericordia et gratia Dei, non erat popularis antequam Deus homo inter homines nasceretur. Semen autem cui promissum est, populum significat; non illos paucissimos qui revelationibus eam futuram cernentes, quaravis per eamdem salvi fierent, populum tamen salvum facere non poterant. Qui populus sane, si per totum orbem consideretur (nam de toto orbe Ecclesiam Jerusalem cœlestem congregat¹), pauci sunt, quia via angusta paucorum est: in unum tamen congregati, quotquot existere potuerunt, ex quo Evangelium prædicatur, et quotquot poterunt usque in finem saculi per omnes gentes, adjunctis sibi etiam illis, quamvis paucissimis, qui ex fide Domini, fide prophetica², ante ambos adventus ejus salutem gratiae percepérunt, implent sanctorum beatissimum civitatis sempiterne statum. Superbient ergo populo Lex posita est, ut quoniam gratiam cha-

¹ Tres MSS., *Ecclesia Jerusalem cœlestem congregat. Unus, Ecclesia in Jerusalem cœlestem congregatur.*

² Sic MSS. At Lov., *ex fide Domini per prophetam.*

(a) I Retract.. cap. 21, n. 2.

ritatis nisi humiliatus accipere non posset, et sine hac gratia nullo modo præcepta Legis impleret, transgressione humiliaretur, ut quereret gratiam, nec se suis meritis salvum fieri, quod superbum est, opinaretur; ut esset non in sua potestate et viribus justus, sed in manu Mediatoris justificantis impium. Per Angelos autem ministrata est omnis dispensatio Veteris Testamenti, agente in eis Spiritu sancto, et ipso Verbo veritatis, nondum incarnato, sed nunquam ab aliqua veridica administratione recedente. Quia per Angelos disposita est illa dispensatio Legis; cum aliquando suam, aliquando Dei personam, sicut Prophetarum etiam in nos est, agerent; perque illam Legem morbos ostendentem, non auferentem, etiam prævaricationis criminis contrita est superbia: *dispositum est per Angelos semen in manu¹ Mediatoris*, ut ipse liberaret a peccatis, jam per transgressionem Legis coactos confiteri opus sibi esse gratiam et misericordiam Domini, ut sibi peccata dimitterentur, et in nova vita per eum, qui pro se sanguinem sudisset, reconciliarentur Deo.

25. [Ib. iii, 21, 22.] In istis enim erat per transgressionem Legis constringenda superbia, qui gloriabantur de patre Abraham, quasi naturalem se jaetabant habere justitiam, et merita sua in circumcisione ceteris gentibus tanto perniciosius, quanto arroganter præferebant, Gentes autem facilissime etiam sine hujusmodi Legis transgressione humiliarentur. Illo-mines enim nullam ex parentibus originem justitiae se trahere prævidentes, simulacrorum etiam servos invenit evangelica gratia. Non enim, sicut istis dici poterat non fuisse illam justitiam parentum eorum in colendis idolis, quam esse arbitrabantur, ita etiam Judæis dici poterat falsam fuisse justitiam patris Abraham. Itaque illis dicitur: « Facite ergo fructum dignum pœnitentiae: et ne dixeritis vobis, Patrem habemus Abraham. Potens est enim Deus de lapidibus istis suscitare filios Abraham » (*Matth. iii, 8, 9*). Istis autem dicitur: « Propter quod memores estis quia vos aliquando Gentes in carne, qui dicimini præputium ab ea quæ dicitur circumcisio in carne manu facta, qui eratis illo tempore sine Christo, alienati a societate Israel, et peregrini testamentorum, promissionis spem non habentes, et sine Deo in hoc mundo » (*Ephes. ii, 11, 12*). « Denique illic infideles de oliva sua fracti, hic autem fideles de oleastro in olivam illorum inserti esse monstrantur (*Rom. xi, 17*). Illorum ergo erat de Legis transgressione atterenda superbia. Sicut ad Romanos cum Scripturarum verbis peccata eorum exaggerasset, *Scitis autem*, inquit, *quoniam quæcumque Lex dicit, his qui in Lege sunt loquitur, ut omnino obstruantur, et reis fiat omnis mundus Deo* (*Id. iii, 19*): Judæi scilicet de transgressione Legis, et Gentes de impietate sine Lege. Unde et iterum ait: *Conclusit enim Deus omnia in incredulitatem, ut omnibus misereatur* (*Id. xi, 32*). Hoc et nunc dicit, refricens ipsam quæstionem: *Lex ergo adversus pro-*

missa Dei? Absit. Si enim data esset Lex que possit vivificare, omnino ex Lege esset justitia. Sed concinuit Scriptura omnia sub peccato, ut promissio ex fide Iesu Christi daretur credentibus. Non ergo Lex data est ut peccatum auferret, sed ut sub peccato omnia concluderet. Lex enim ostendebat esse peccatum, quod illi per consuetudinem exercati, possent putare justitiam: ut hoc modo humiliati, cognoscerent non in sua manu esse salutem suam, sed in manu Mediatoris. Maxime quippe humilitas revocat, unde nos dejicit superbia. Et ipsa humilitas est accommodata percipiende gratiæ Christi, qui singulare humilitatis exemplum est.

26. [Ib. iii, 23.] Nec quisquam hic tam imperite dixerit: Cur ergo non profuit Judæis, quod per Angelos Legem ministrantes, in manu Mediatoris dispositi sunt? Profuit enim, quantum dici non potest. Que enim Gentium Ecclesiæ venditarum rerum suorum pretia ad pedes Apostolorum posuerunt, quod tot millia hominum tam repente fecerunt (*Act. iv, 54*)? Nec turbæ infidelium considerandæ sunt: omnis enim area multis partibus ampliorem habet palcam, quam frumentum. Unde autem etiam illa ejusdem apostoli verba ad Romanos, nisi de sanctificatione Judæorum? *Quid ergo? numquid repulit Deus plebem suam? Absit. Nam et Ego Israëlitæ sum ex semine Abraham, de tribu Benjamin. Non repulit Deus plebem suam, quam præscivit* (*Rom. xi, 1, 2*). Cum autem laudaret præ ceteris Ecclesiis Gentium Ecclesiam Thessalonicensium, similes eos factos ait Ecclesiis Judææ: quia multa a contribulibus suis pro fide passi erant, quomodo et illi a Judæis (*I Thess. ii, 14*). Hinc est et illud, quod paulo ante commemoravi, quod ait ad Romanos: *Si enim spiritualibus eorum communicaverunt Gentes, debent et in carnalibus ministrare eis* (*Rom. xv, 27*). De ipsis ergo Judæis etiam consequenter dicit: *Prius autem quam veniret fides, sub Lege custodiabamur, conclusi in eam fidem, quæ postea revelata est*. Ut enim tam prope invenirentur, et tam de proximo ad Deum venditis suis rebus accederent, quod Dominus eis præcepit qui vellent esse perfecti (*Matth. xix, 21*), Lege ipsa factum est, sub qua custodiebantur, *conclusi in eam fidem*, id est in adventum ejus fidei, *quæ postea revelata est*: conclusio enim eorum erat tum timor unius Dei. Et quod prævaricatores ipsius Legis inventi sunt, non ad perniciem, sed ad utilitatem valuit eis qui crediderunt: cognitio enim majoris ægritudinis, et desiderari medicum vehementius fecit, et diligi ardenter. Cui enim plurimum dimittitur, plurimum diligit (*Luc. vii, 43, 47*).

27. [Ib. iii, 24-27.] Itaque Lex, inquit, *pædagogus noster fuit in Christo*: hoc est, quod ait, *Sub Lege custodiabamur conclusi in ea* (*Galat. iii, 25*). Posteaquam venit fides, jam non sumus sub pædagogo. Eos ergo nunc reprehendit, qui faciunt irritam gratiam Christi: quasi enim nondum venerit, qui vocaret in libertatem, sic adhuc volunt esse sub pædagogo. Quod autem filios Dei dicit esse omnes per fidem, quia induerunt Christum, quicunque in Christo baptizati sunt: ad

¹ Sic plures MSS. At editi, per angelos, sed tu manu.

hoc valet, ne Gentes de se desperarent, quia non custodiebantur sub paedagogo, et ideo se filios non pertinarent: sed per fidem induendo Christum, omnes fiunt filii; non natura, sicut unicus Filius, qui etiam Sapientia Dei est; neque præpotentia et singularitate¹ susceptionis ad habendam naturaliter et agendum personam Sapientiae, sicut ipse Mediator unum cum ipsa suscipiente Sapientia sine interpositione alicujus mediatoris effectus: sed filii fiunt participatione sapientiae, id præparante atque præstante Mediatoris fide: quam fidei gratiam nunc induuentum vocat, ut Christum indui sint, qui in eum crediderunt, et ideo filii Dei fratresque ejus Mediatoris effecti sunt.

28. [Ib. iii, 28, 29.] In qua fide non est distantia Iudei, neque Graeci, non servi neque liberi, non masculi et feminæ: in quantum enim omnes fideles sunt, omnes unum sunt in Christo Jesu. Et si hoc facit fides, per quam in hac vita juste ambulatur; quanto perfectius atque cumulatius id species ipsa factura est, cum videbimus facie ad faciem (I Cor. xiii, 12)? Nam nunc quamvis primitias habentes spiritus, qui vita est, propter justitiam fidei; tamen quia adhuc mortuum est corpus propter peccatum (Rom. viii, 23, 10), differentia ista vel Gentium, vel conditionis, vel sexus, jam quidem ablata est ab unitate fidei, sed manet in conversatione mortali; ejusque ordinem in hujus vitae itinere servandum esse, et Apostoli præcipiunt, qui etiam regulas saluberrimas tradunt, quemadmodum secum vivant pro differentia gentis Iudei et Graeci; et pro differentia conditionis, domini et servi; et pro differentia sexus, viri et uxores², vel si qua talia cetera occurrunt: et ipse prior Dominus, qui ait, *Reddite Cæsari que Cæsaris sunt, et Deo quæ Dei sunt* (Matth. xxii, 21). Alia sunt enim quæ servamus in unitate fidei sine ulla distantia, et alia in ordine vitae hujus tanquam in via, ne nomen Dei et doctrina blasphemetur. Et hoc non solum propter iram, ut effigianus offenditionem hominum; sed etiam propter conscientiam, ut non simulate, quasi ad oculos hominum ista faciamus, sed pura dilectionis conscientia propter Deum, qui omnes homines vult salvos fieri, et in agutionem veritatis venire (I Tim. ii, 4). *Omnes ergo, inquit, vos unum estis in Christo Jesu.* Et addidit, *Si autem, ut hic subdistinguatur et subaudiatur, vos unum estis in Christo Jesu*, ac deinde inferatur, *Ergo Abrahæ semen estis*: ut iste sit sensus, Omnes ergo vos unum estis in Christo Jesu; si autem vos unum estis in Christo Jesu, vos ergo Abrahæ semen estis. Superior enim dixerat, *Non dicit, Et seminibus, tanquam in multis; sed tanquam in uno, et senuni tuo, quod est Christus* (Galat. iii, 16). Hic ergo ostendit unum semen Christum, non tantum ipsum Mediatorem intelligendum esse, verum etiam Ecclesiam, cuius ille corporis caput est: ut omnes in Christo unum sint, et capiant secundum promissionem hæreditatem per fidem, in quam conclusus erat; id est, in cuius adventum tanquam sub

¹ Sic Am. Er. et novem MSS. At Lov., per potentiam et singularitatem.

² Sic juxta Er. Lugd. Ven. In B., uxor. M.

paedago custodiebatur populus usque ad aetatis opportunitatem, qua in libertatem vocandi erant, qui in eodem populo secundum propositum vocati sunt, id est, qui in illa area frumentum inventi sunt.

29. [Ib. iv, 1-5.] Ad hoc enim adjungit: *Dico autem, Quanto tempore hæres parvulus est, nihil differt a servo; cum sit dominus omnium; sed sub procuratoribus et actoribus est usque ad præfinitum tempus a patre: sic et nos cum essemus parvuli, sub elementis hujus mundi eramus servientes.* Quæri autem potest quomodo secundum hanc similitudinem sub elementis hujus mundi fuerint Iudei, cum illis per Legem quam acceperunt, unus Deus qui fecit cœlum et terram, colendus commendaretur. Sed potest esse alius exitus capituli hujus, ut cum superiorius Legem paedagogum fecerit (Gal. iii, 24), sub quo erat ille populus Jud. eorum; nunc procuratores et actores dicat elementa mundi, sub quibus serviebant Gentes: ut filius ille parvulus, id est populus propter unam fidem ad unum semen Abrahæ pertinens, quoniam et de Iudeis et de Gentibus congregatus est, partim fuerit sub paedagogo Legis, tempore pueritiae sue, id est ex ea parte qua de Iudeis congregatus est; partim sub elementis hujus mundi, quibus tanquam procuratoribus et actoribus serviebat, ex ea parte qua de Gentibus congregatus est: ut quod immiscebat Apostolus personam suam, non dicens, *Cum essetis parvuli, sub elementis hujus mundi eratis*; sed dicens, *Cum essemus parvuli, sub elementis hujus mundi eramus servientes*, non pertinet ad significationem Iudeorum, ex quibus Paulus originem dicit, sed magis ad Gentium, hoc duntaxat loco: quoniam et eorum personæ decenter se potest annexere, quibus ad evangelizandum missus est.

50. [Ib. iv, 4, 5.] Deinde jam dicit, veniente plenitudine temporis Deum misisse Filium suum ad liberandum parvulum hæredem, servientem ex parte Legi, tanquam paedagogo, ex parte elementis hujus mundi, tanquam procuratoribus et actoribus: *Misit Deus, inquit, Filium suum factum ex muliere.* Mulierem pro femina posuit, more locutionis Hebræorum. Non enim quia de Eva dictum est, *Formavit eam in mulierem* (Gen. ii, 22), jam passa erat concubitum viri, quod non scribitur passa, nisi cum dimissi essent de paradyso. *Factum autem dixit, propter susceptiōnem creaturæ; quia qui nascuntur ex feminis, non tunc ex Deo nascuntur, sed tamen Deus illos facit, ut sic nasci possint, ut omnem creaturam.* *Factum autem sub Lege dixit, quia et circumcisus est, et hostia pro illo legitima oblata est* (Luc. ii, 21, 24). Nec mirum si et illa Legis opera sustinuit, ex quibus liberaret qui eis serviliter tenebantur; qui etiam morteni sustinuit, ut ex ea liberaret eos qui mortalitate tenebantur. *Ut adōptionem, inquit, filiorum recipiamus.* *Adoptionem propterea dicit, ut distincte intelligamus unicum Dei Filium.* Nos enim beneficio et dignatione misericordiae ejus filii Dei sumus: ille natura est Filius, qui hoc est quod Pater. Nec dixit, accipiamus; sed, *recipiamus*: ut significaret hoc nos amisisse in Adam, ex quo mortales sumus. *Hoc ergo quod ait, Ut eos qui sub Lege*

erant redimeret, et ad liberandum eum populum pertinet, qui parvulus sub pædagogo serviebat; et refertur ad id quod dixit, *factum sub Lege*. Illud autem quod ait, *ut adoptionem filiorum recipiamus*, refertur ad id quod dixit, *factum ex muliere*. Hinc enim adoptionem recipimus, quod ille Unicus non dignatus est participationem naturæ nostræ factus ex muliere, ut non solum Unigenitus esset ubi fratres non habet, sed etiam Primogenitus in multis fratribus fieret (*Rom. viii, 29*). Duo enim proposuit, *factum ex muliere, factum sub Lege*: sed mutato ordine respondit.

31. [Ib. iv, 6.] Jam illum populum adjungens, qui parvulus sub procuratoribus et actoribus serviebat, id est, elementis hujus mundi, ne putarent se non esse filios, quia non erant sub pædagogo, *Quoniam autem filii estis*, inquit, *misit Deus Spiritum Filii sui in corda vestra, clamantem, Abba, Pater*. Duo sunt verba quæ posuit, ut posteriore interpretaretur primum: nam hoc est, *Abba*, quod *Pater*. Eleganter autem intelligitur non frustra duarum linguarum verba posuisse idem significantia, propter universum populum, qui de Judæis et de Gentibus in unitatem fidei vocatus est: ut hebreum verbum ad Judæos, græcum ad gentes, utriusque tamen verbi eadem significatio ad ejusdem fidei spiritusque unitatem pertineat. Nam et ad Romanos, ubi similis quæstio de pace in Christo Judæorum Gentiumque tractatur, hoc dicit: *Non enim accepistis spiritum servitutis iterum in timore; sed accepistis Spiritum adoptionis filiorum, in quo clamamus, Abba, Pater* (*Ibid. 15*). Recete autem de presentia et de dono Spiritus sancti probare voluit Gentibus quod pertineant ad promissionem hereditatis. Non enim evangelizatum est Gentibus, nisi post ascensum Domini et adventum Spiritus sancti. Cooperant enim jam Judæi credere, cum in terris adhuc Filius Dei mortalem hominem gereret, sicut in Evangelio scriptum est: ubi quanquam et Chananææ mulieris fidem ipse laudaverit (*Matth. xv, 28*), et illius Centurionis, de quo ait non se invenisse tamē fidem in Israel (*Id. viii, 10*); tamen proprie tunc Judæis esse evangelizatum, verbis ipsius Domini satis clarum est, cum ad ipsius Chananææ depreciationem dixit non se esse missum nisi ad oves quæ perierunt domus Israel (*Id. xv, 24*): et discipulos cum mitteret, ait, *In viam Gentium ne abieritis, et in civitates Samaritanorum ne introieritis; sed ite primum ad oves quæ perierunt domus Israel* (*Id. x, 5, 6*). Gentium autem aliud ovile appellavit, cum diceret, *Habeo alias oves quæ non sunt de hoc ovili*; quas tamen se adducturum ait, ut esset unus grex, et unus pastor (*Joan. x, 16*): quando autem, nisi post clarificationem suam? Post resurrectionem autem etiam ad Gentes discipulos misit, cum eos interim Jerosolymæ manere jussisset, donec eis secundum promissionem suam Spiritum sanctum mitteret (*Act. i, 4*). Cum ergo dixisset Apostolus, *Misit Deus Filium suum, factum ex muliere, factum sub Lege, ut eos qui sub Lege erant redimeret, ut adoptionem filiorum recipiamus* (*Galat. iv, 4*); restabat ut etiam Gentes, quæ non erant sub Lege, ad eamdem tamen adoptio-

nem filiorum pertinere ostenderet: quod de sancti Spiritus dono, qui omnibus datus est, docet. Unde se etiam Petrus de baptizato incircumcisso Centurione Cornelio defendit apud Judæos qui crediderant, dicens non se potuisse aquam negare illis quos jam Spiritum sanctum accepisse claruerat (*Act. x, 47*). Nam et ipso gravissimo documento etiam superioris usus est Paulus, cum diceret, *Hoc solum volo discere a vobis: Ex operibus Legis Spiritum accepistis, an ex auditu fidei?* Et paulo post, *Qui ergo tribuit vobis Spiritum, et virtutes operatur in vobis: Ex operibus Legis, an ex auditu fidei?* (*Galat. iii, 2, 5*)? Sic et hic, *Quoniam, inquit, filii Dei estis, misit Deus Spiritum Filii sui in corda vestra clamantem, Abba, Pater*.

32. [Ib. iv, 7, 8.] Deinde manifestissime ostendit de his etiam se dicere, qui ex Gentibus ad fidem venerant, ad quos etiam Epistolam scribit, *Itaque jam*, inquit, *non est servus, sed filius*: propter id quod dixerat, *Quamdiu haeres parvulus est, nihil differt a servo. Si autem filius, inquit, et haeres per Deum*: id est, per misericordiam Dei, non per promissiones patrum, de quibus carnaliter sicut Judæi natus non est; sed tamen filius Abrahæ secundum imitationem fidei, cuius fidei gratiam per misericordiam Domini meruit. *Sed tunc quidem*, inquit, *ignorantes Deum, his qui naturaliter non sunt dei servis*. Nunc certe quia non Judæis scribit, sed Gentibus; nec ait, servivimus, sed, *servis*: satis probabile est etiam superioris de Gentibus dictum, quod sub elementis hujus mundi erant servientes, tanquam sub procuratoribus et actoribus (*Id. iv, 1-3*). Nam ipsa elementa utique non sunt naturaliter dei, et sive in cœlo, sive in terra: quemadmodum multi dei, et domini multi: sed nobis unus Deus Pater, ex quo omnia, et nos in ipso; et unus Dominus Jesus Christus, per quem omnia, et nos per ipsum» (*1 Cor. viii, 5, 6*). Cui autem dicit, *His qui naturaliter non sunt dei, seruos*, satis demonstrat unum verum Deum natura esse Deum, quo nomine Trinitas fidelissimo et catholico gremio cordis accipitur. Eos autem qui natura non sunt dei, propterea superioris procuratores actoresque appellat, quia nulla creatura est, sive quæ in veritate manet, dans gloriam Deo; sive quæ in veritate non stetit, querens gloriam suam: nulla inquam creatura est, quæ non, velit nolit, divina providentia serviat; sed volens facit cum ea quod bonum est¹; de illa vero quæ hoc non vult, fit quod justum est. Nam si etiam ipsi prevaricatores angeli, cum principe suo diabolo, non recte dicerentur procuratores vel actores divinae providentiae, non Dominus magistratum hujus mundi diabolum diceret; nec uteretur illo ad correpitionem hominum ipsa potestas apostolica, eodem Paulo alibi dicente, *Quos tradidi satanæ, ut discant non blasphemare* (*1 Tim. i, 20*): et alio loco ad salutem; ait enim, «Ego quidem sicut absens corpore, presens

¹ Lov., ex auctoritate trium manuscriptorum, volens facit, cum ea quod bonum est sit. Ante vero in editis Am. et Fr. legelabatur, volens facit cum ea (subaudi, divina providentia) quod bonum est: quam lectionem firmant omnes nostri alii, excepto Albiniensi, qui habet, volens facit, cum faciliter id quod bonum est.

autem spiritu, jam judicavi quasi præsens, cum qui sic operatus est, in nomine Domini nostri Jesu Christi congregatis vobis et meo spiritu, cum potentia Domini nostri Jesu Christi, tradere hujusmodi satanæ in interitum carnis, ut spiritus salvus sit in die Domini Jesu (*I Cor. v, 5-5*). Sed et magistratus sub statuto¹ imperatore non facit, nisi quantum illi permititur; et procuratores actoresque hujus mundi nihil faciunt, nisi quantum Dominus sinit. Non enim latet eum aliquid, sicut hominem; aut in aliquo est minus potens, ut procuratores atque actores, qui sunt in Iesu potestate, aliquid ipso sive non permittente, sive nesciente, in subjectis sibi pro suo gradu rebus efficiant. Non eis tamen rependitur, quod de ipsis iuste sit, sed quo animo ipsi faciunt: quia neque liberam voluntatem rationali creature suæ Deus negavit; et tamen potestate, qua etiam injustos juste ordinat, sibi retinuit. Quem locum latius et uberiorum in libris aliis saepe² tractavimus (*In libris de Libero Arbitrio*). Sive ergo solem et lunam et sidera et cœlum et terram, ceteraque hujusmodi Gentes colebant, sive dæmonia, recte sub procuratoribus et actoribus fuisse intelliguntur.

33. [lb. iv, 9.] Verumtamen ea quæ sequuntur, jam quasi explicatam questionem rursus implicant. Cum enim per totam Epistolam non ab aliis ostendat sollicitatam fuisse Galatarum fidem, nisi ab eis qui ex circumcisione erant, et ad carnales observationes Legis, tanquam in eis salus esset, adducere cupiebant; hoc tantum loco ad eos loqui videtur, qui ad Gentilium superstitiones redire tentarent. Ait enim: « Nunc autem cognoscentes Deum, imo cogniti a Deo, quomodo revertimini iterum ad infirma et eguna elementa, quibus rursus ut antea servire vultis? » In eo enim quod dicit, *revertimini*, quando non circumcisio, sed Gentibus loquitur, sicut in tota Epistola apparet; non utique ad circumcisionem dicit eos reverti, in qua nunquam erant, sed *ad infirma*, inquit, *et eguna elementa, quibus rursus ut antea servire vultis*. Quod de Gentibus intelligere cogimur: his enim supra dixerat. *Sed tunc quidem ignorantes Deum, his qui natura non sunt dii, servistis* (*Galat. iv, 8*); ad quam servitutem reverti eos velle significat, cum ait, *Quomodo revertimini ad infirma et eguna elementa, quibus rursus ut antea servire vultis?*

34. [lb. iv, 10, 11.] Quod autem adjungit, *Dies obseruatis, et menses, et annos, et tempora: timeo vos, ne forte sine causa laboraverim in vos*³; magis hanc sententiam confirmare videri potest. Vulgatissimus est enim error Gentilium iste, ut vel in agendis rebus, vel in exspectandis eventis vita ac negotiorum suorum, ab astrologis et Chaldeis notatos dies, et menses, et annos, et tempora observent. Fortasse tamen non opus est ut hoc de Gentilium errore intelligamus, ne intentionem causæ, quam ab exordio susceptam ad finem usque perducit, subito in aliud

temere detorquere velle videamur; sed de his potius, de quibus cavendis eum agere per totam Epistolam appetat. Nam et Judæi serviliter observant dies, et menses, et annos, et tempora in carnali observatione sabbati et neomeniæ, et mense novorum, et septimo quoque anno quem vocant Sabbathum sabbatorum. Quæ quoniam erant umbræ futurorum, jam adveniente Christo in superstitione remanserunt, cum tanquam salutaria observarentur a nescientibus quo referenda sint: ut tanquam hoc dixerit Apostolus Gentibus, *Quid prodest vos evasisse servitutem quatenusbamini, cum serviretis elementis mundi, quando rursus ad talia reditis, seducti ab eis qui nondum agnoscentes libertatis sue tempus, inter cetera opera Legis que carnaliter sapiunt, etiam temporibus servient; quibus et vos rursus ut antea servire vultis, et observare cum eis dies, et menses, et annos, et tempora, quibus serviebatis et antequam Christo crederetis?* Manifestum est enim, volumina temporum per elementa hujus mundi, hoc est, cœlum et terram et motus atque ordinem siderum administrari. Quæ *infirma* appellat, ex eo quod *infirma* et *instabili* specie variantur: *egena* vero, ex eo quod egent summa et stabili specie Creatoris, ut quomodo sunt, esse possint.

35. Ergo eligat lector utram volet sententiam, dummodo intellegat ad tantum periculum animæ pertinentias superstitiones temporum observationes, ut huic loco subjecerit Apostolus, *Timeo vos, ne forte sine causa laboraverim in vos.* Quod cum tanta celebritate atque auctoritate per orbem terrarum in Ecclesiis legatur, plena sunt conventicula nostra hominibus qui tempora rerum agendarum a mathematicis accipiunt. Jam vero ne aliquid inchoetur, aut adfisciorum, aut hujusmodi quorunlibet operum, diebus quos Ægyptiacos vocant, saepe etiam nos monere non dubitant, nescientes, ut dicitur, ubi ambulant. Quod si locus iste de Judæorum superstitione observatione intelligendus est, quam spem habent, cum christianos se dici velint, ex ephemeridis vitam naufragam gubernantes, quando de divinis Libris, quos Deus adhuc carnali populo dedit, si more Judæorum tempora observarent, diceret eis Apostolus, *Timeo vos, ne forte sine causa laboraverim in vos?* Et tamen si deprehendatur quisquam vel catechumenus Judaico ritu sabbatum observans, tumultuatur Ecclesia. Nunc autem innumerabiles de numero fidelium cum magna confidientia in faciem nobis dicunt, Die post calendas non proficiscor. Et vix lente ista prohibemus arridentes, ne irascantur, et timentes ne quasi novum aliquid mirentur. Væ peccatis hominum, quæ sola iniuritatem exhorrescimus: usitata vero pro quibus ablueris Filiæ Dei sanguis effusus est, quamlibet magna sint, et omnino claudi contra se faciant regnum Dei, saepe videndo omnia tolerare, saepe tolerando nonnulla etiam facere cogimur! atque utinam, o Domine, non omnia quæ non potuerimus prohibere, faciamus (*a*)!

¹ Am. Er. et decem MSS., *sub tanto*.

² Doest, saepe, a jad Am. Er. et septem MSS.

³ Editio hic ei iura, *in tobis. At MSS., in vos*, *juxta græcum*.

(a) Hunc locum, « vae peccatis, » etc., transtulit in librum Enchiridion, cap. 80.

56. [lb. iv, 9.] Sed jam videamus quæ sequuntur. Sane præterieramus quod dictum est, *Nunc autem cognoscentes Deum, imo cogniti a Deo.* Videtur enim certe hoc loco etiam Apostolica locutio congruere velle infirmitati hominum; ne tantummodo in Veteris Testamenti libris usque ad terrenas hominum cogitationes modus divini eloquii descendisse videatur. Nam quoniam corredit quod dixerat, *cognoscentes Deum*, nihil nos movere debet: manifestum est enim quādū per fidem ambulamus, non per speciem (II Cor. v, 7), nondum nos cognovisse Deum; sed ea fide purgari, ut opportuno tempore cognoscere valeamus. Sed quod in ipsa correctione ait, *imo cogniti a Deo*, si proprie accipitur, putabitur Deus quasi ex tempore aliquid cognoscere, quod ante non noverat. Translate ergo dictum est, ut oculos Dei accipiamus ipsam dilectionem ejus, quam commendavit mittendo pro impiis occidendum unicum Filium: sic enim de iis qui diliguntur dicere solemus quod ante oculos habeantur. Hoc est ergo *cognoscentes Deum, imo cogniti a Deo*, quod et Joannes dixit, *Non quod nos dilexerimus Deum, sed quoniam ipse dilexit nos*¹ (I Joan. iv, 10).

57. [lb. iv, 12-18.] Dicit autem, *Estote sicut et ego*: qui utique cum Iudeus natus sim, jam ista carnalia spirituali dijudicatione contemno. *Quoniam et ego sicut vos*: id est, homo sum. Deinde opportune ac decenter facit eos recolere charitatem suam, ne tanquam inimicum illum depotent. Dicit enim, *Fratres, precor vos, nihil me lasistis*: tanquam si diceret, Ne ergo putatis quod ego lädere vos cupiam. *Scitis quia per infirmitatem carnis jam pridem evangelizavi vobis*: id est, cum persecutionem paterer. *Et temptationem vestram in carne mea non sprevistis, neque respuistis.* Tentati sunt enim, cum persecutionem pateretur Apostolus, utrum timore desererent eum, an charitate amplecterentur. Et *neque sprevistis*, inquit, tanquam utilem istam temptationem: *neque respuistis*, ut non suscipietis communionem periculi mei. *Sed sicut angelum Dei exceptistis me, sicut Christum Jesum.* Deinde admirans, opus eorum spirituale commendat, ut hoc intuentes, in carnalem timorem non decident. *Quæ ergo fuit*, inquit, *beatitudo vestra?* *Testimonium enim vobis perhibeo, quoniam si fieri posset, oculos vestros erissetis, et dedissetis mihi.* Ergo inimicus factus sum robis, verum vobis prædicans? Respondetur utique, Non. Sed quid verum prædicans, nisi ut non circumcidantur? Et ideo vide quid adjungit, *Emuluntur vos non bene*: id est, invidunt vobis, qui vos carnales de spiritualibus volunt facere, hoc est, *emuluntur non bene.* Sed *excludere*, inquit, *vos volunt, ut illos æmulemini*, hoc est, imitemini: quomodo, nisi ut servitutis jugo attineamini, sicut ipsi attinentur? *Bonum autem*², ait, *æmulari in bono semper.* Vult enim ut semper ipsum imitetur: propter hoc addidit, *Et non solum cum præsens sum apud vos.* Cum enim præsenti oculos suos dare vellent, utique ipsum conabantur imitari, quem ita diligebant.

58. [lb. iv, 19.] Ad hoc dicit etiam, *Filioli mei, ut*

¹ Lov., prior *dilexit nos.* M.

² Sic MSS. juxta græcum. At editi, *bonum autem est.*

tanquam parentem utique imitentur, *Quos iterum, inquit, parturio, donec Christus formetur in vobis.* Magis hoc ex persona matris Ecclesiæ locutus est: nam et alibi dicit, *Factus suni parvulus in medio vestrum, tanquam si nutrix soveat filios suos* (I Thess. ii, 7). Formatur autem Christus in credente per fidem in interiore homine, vocato in libertatem gratiae, miti et humili corde, non se jactante de operum meritis, quæ nulla sunt; sed ab ipsa gratia meritum aliquod inchoante, quem possit dicere minimum suum, id est, seipsum, ille qui ait³, *Cum enim fecistis uni ex minimis meis, mihi fecistis* (Matth. xv, 25, 40). Formatur enim Christus in eo qui formam accipit Christi: formam autem accipit Christi, qui adheret Christo dilectione spirituali. Ex hoc enim fit ut hujus imitatione sit quod ille, quantum gradu suo sinitur. *Qui enim dicit se in Christo manere*, ait Joannes, *debet quomodo ille ambulavit, et ipse ambulare* (I Joan. ii, 6). Sed cum homines a matribus concipiuntur ut formentur, jam formati autem parturiantur ut nascantur, potest movere quod dictum est, *Quos iterum parturio, donec Christus formetur in vobis.* Nisi parturitionem hanc pro curarum angoribus positam intelligamus, quibus eos parturivit ut nascerentur in Christo; et iterum parturit propter pericula seductionis, quibus eos conturbari videt. Sollicitudo autem talium de illis curarum, qua se quodammodo parturire dicit, tamdiu esse poterit, donec perveniant in mensuram etatis plenitudinis Christi, ut jam non moveantur omni vento doctrinae (Ephes. iv, 13, 14). Non ergo propter initium fidei, quo jam nati erant, sed propter robur et perfectionem dictum est, *Quos iterum parturio, donec Christus formetur in vobis.* Hanc parturitionem aliis verbis etiam alibi commendat, ubi dicit: *Incursum in me quotidianus, sollicitudo omnium Ecclesiarum. quis infirmatur, et ego non infirmor? quis scandalizatur, et ego non uror* (II Cor. xi, 28, 29)?

59. [lb. iv, 20.] Quod vero subjecit, *Vellem autem nunc adesse apud vos, et mutare vocem meam, quia confundor in vobis;* quid aliud intelligatur, nisi quia filios suos esse dixerat, parcens eis fortasse per litteras, ne severiore objurgatione commoti, facile in ejus odium traducerentur a deceptoribus illis, quibus absens non posset resistere. *Vellem ergo, inquit, nunc adesse apud vos, et mutare vocem meam*, id est, negare vos filios; *quia confundor in vobis.* Malos enim filios, ne de his erubescant, etiam parentes abdicare solent.

40. [lb. iv, 21-31.] Deinde subjungit, *Dicite mihi, sub Lege volentes esse, Legem non audistis?* Et de duabus quidem filiis Abraham quod dicit, facile intelligitur: nam ipse interpretatur hanc allegoriam. Hos enim duos filios habebat Abraham, cum duo Testamenta significata sunt. Post mortem autem Saræ, quos de alia uxore genuit, non pertinent ad hanc significationem. Et ideo multi legentes Apostolum, librum autem Geneseos ignorantes, putant solos habuisse duos filios Abraham. Hos ergo solos commemorat Apostolus, quia solos adhuc habebat, cum haec

³ Duo MSS., minimum suum eundem ipsum ille qui ait.

significantur, quæ consequenter exponit: quod ille de ancilla, quæ Agar vocabatur, Vetus Testamentum significat, id est, populum Veteris Testamenti, propter jugum servile carnalium observationum, et promissa terrena, quibus irretiti, et quæ tantummodo sperantes de Deo, non admittuntur ad hæreditatem spiritualem cœlestis patrimonii. Non autem sufficit quod de libera uxore natus est Isaac, ad significandum populum hæredem Novi Testamenti; sed plus hic valet quod secundum promissionem natus est. Ille autem et de ancilla secundum carnem, et de libera nasci potuit secundum carnem, sicut de Cethura, quam postea duxit Abraham, non secundum promissionem, sed secundum carnem suscepit filios (*Gen. xxv, 1, 2*). Isaac enim mirabiliter natus est per re-promissionem, cum ambo parentes senuissent. Quod si data per Apostolum fiducia, qua duos illos allegorice accipiendo apertissime ostendit, voluerit aliquis etiam Cethuræ filios in aliqua rerum figura futurarum inspicere (non enim frustra de talibus personis administratione Spiritus sancti hæc gesta conscripta sunt); inveniet fortasse hæreses et schismata significari. Qui filii de libera quidem, sicut isti de Ecclesia; sed tamen secundum carnem nati sunt, non spiritualiter per re-promissionem. Quod si ita est, nec ipsi ad hæreditatem inveniuntur pertinere, id est ad cœlestem Jerusalem, quam sterilem vocat Scriptura, quia diu filios in terra non genuit. Quæ deserta etiam dicta est, cœlestem justitiam ¹ deserentibus hominibus terrena sectantibus, tanquam virum habente illa terrena Jerusalem, quia Legem acceperat. Et ideo cœlestem Jerusalem Sara significat, quæ diu deserta est a concubitu viri propter cognitam sterilitatem. Non enim tales homines, qualis erat Abraham, ad explendam libidinem utebantur feminis, sed ad successionem prolis. Accesserat autem sterilitati etiam senectus, ut ex omni desperatione divina promissio magnum meritum creditibus daret. Certus ergo de promissione Dei officio gignendi accessit ad ætatem jam gravem, quam in annis vigintioribus corporali copulatione deseruerat. Non enim ob aliud Apostolus, adjuncta carum mulierum figura, interpretatur quod per prophetam dictum est, *Quoniam multi filii desertæ, magis quam ejus quæ habet virum*; eum et marito prior Sara sit mortua, neque inter eos ullum exstitisset divertium. Unde ergo illa deserita, aut illa habens virum, nisi quod Abraham propagande prolis operam ad Agar ancillæ fecunditatem ab uxoris Saræ sterilitate transiulerat? ipsa tamen permittente et ultro offerente, ut maritus ejus de ancilla susciperet filios. Antiqua enim justitiae regula est, quam commendat ad Corinthios idem apostolus; *Mulier sui corporis potestatem non habet, sed vir; similiter autem et vir sui corporis potestatem non habet, sed mulier* (*I Cor. vii, 4*). Et hujusmodi enim, debita, sicut cetera, in eorum quibus debentur potestate consistunt. Cui potestati qui fraudem non facit, ille castitatis conjugalis jura custodit. Senectus autem paren-

tum Isaac ad eam significationem valet, quoniam Novi Testamenti populus quamvis sit novus, prædestinatio tamen ejus apud Deum, et ipsa Jerusalem cœlestis antiqua est. Unde et Joannes ad Parthos dicit ¹: *Scribo vobis, patres, quoniam cognovistis quod erat ab initio* (*I Joan. ii, 13*). Carnales autem qui sunt in Ecclesia, ex quibus hæreses et schismata sunt, ex Evangelio quidem occasionem nascendi acceperunt; sed carnalis error quo concepi sunt, et quem secum trahunt, non refertur ad antiquitatem veritatis: et ideo de matre adolescentula, et de patre sene sine re-promissione nati sunt. Quia et Dominus non nisi ob antiquitatem veritatis in Apocalypsi albo capite apparuit (*Apoc. i, 14*). Nati sunt ergo tales ex occasione antiquæ veritatis in novitio temporalique mendacio. Dicit ergo nos Apostolus secundum Isaac promissionis filios esse: et sic persecutionem passum Isaac ab Ismaele, quemadmodum hi qui spiritualiter vivere cœperant, a carnalibus Judæis persecutionem patiebantur; frustra tamen, cum secundum Scripturam ejiciatur ancilla et filius ejus, nec hæres esse possit cum filio liberæ. *Nos autem, inquit, fratres, non sumus ancillæ filii, sed liberæ*. Ea enim libertas nunc maxime opponenda est servitutis iugis, quo in operibus Legis tenebantur, qui ad circumcisionem istos trahebant.

41. [lb. v, 4-3.] Cum autem dicit, *State ergo, si-gnificat eos nondum cecidisse: accommodatus enim diceret, Surgite. Sed quod addidit, Et ne iterum ser-vitutis iugo attineamini, quandoquidem hic nullum aliud jugum potest intelligi, quo eos attineri nolit, nisi circumcisionis taliumque observationum Judaicarum; ita enim et sequitur, Ecce ego Paulus dico vobis, quia si circumcidamini, Christus vobis nihil proderit: quomodo accepturi sumus quod ait, ne iterum ser-vitutis iugo attineamini; cum ad eos scribat qui Judei nunquam fuerant? Nam hoc agit utique, ne circum-cidantur. Sed nimur hic declaratur et confirmatur illa sententia de qua superius disputavimus. Quid enim aliud hoc loco Gentibus dicat, non invenio, nisi ut proposit illis quod a servitate superstitionis sue per fidem Christi liberati sunt, ne iterum servi esse velint sub iugis observationum carnalium, quamvis sub Lege Dei, tamen carnalem populum serviliter diligantius. Christum autem nihil eis profuturum esse dicit, si circumcidantur: sed illo modo, quo eos isti volebant circumcidiri, id est, ut in carnis circumcisione ponent sicut salutis. Non enim Timotheo non profuit Christus, quia Paulus ipse illum jam christianum juvenem circumcidit: fecit autem hoc propter scandalum suorum (*Act. xvi, 3*), nihil simulans omnino, sed ex illa indifferentia qua dicit, *Circuncisio nihil est, et præputium nihil est* (*I Cor. vii, 19*). Nihil enim obest illa circumcisione ei qui salutem in illa esse non credit. Secundum hanc sententiam etiam illud addidit, *Testi-ficor autem omni homini circumcidenti se, id est, tan-quam salutarem istam circumcisionem appetenti, quia debitor est universæ Legis faciendæ*. Quod ideo ait, in vel terrore tam innumerabilium observationum, que*

¹ Tres MSS., cœlestius justitiam deserentibus.

¹ Ita sex MSS. At Lov., ad patres. Am. et Er., ad parentes

In Legis operibus scriptæ sunt, ne omnes implere co-gerentur (quod nec ipsi Judæi, nec parentes eorum implere poterunt, sicut Petrus in Actibus Apostolorum dicit [Act. xv, 10]), abstinerent se ab his, quibus eos isti subiungare cupiebant.

42. [Ib. v, 4-12.] *Evacuati*, inquit, *estis a Christo, qui in Lege justificamini*. Hæc est illa proscriptio qua Christum proscriptum superius dixerat (*Galat. iii, 1*), ut cum isti evacuarentur a Christo, id est, Christus ab eis tanquam a possessione quam tenebat, abscedit, opera Legis in eam possessionem tanquam in vacuam inducantur. Quod quia non Christo, sed illis obest, addidit, *a gratia excidistis*. Cum enim hoc agat gratia Christi, ut illi qui debitores erant operum Legis, liberentur hoc debito; isti ingrati tantæ gratia, debitores esse volunt universæ Legis facienda. Nondum autem erat factum; sed quia voluntas moveri cœperat; ita plerisque locis loquitur quasi factum sit. *Nos enim, inquit, spiritu ex fide spem justitiae expectamus*. In quo demonstrat ea pertinere ad fidem Christi, quæ spiritualiter exspectantur; non quæ carnaliter desiderantur, qualibus promissionibus servitus illa tenebatur: sicut alio loco dicit, *Non resipientibus nobis quæ videntur, sed quæ non videntur*. Quæ enim videntur, *temporalia sunt*; quæ autem non videntur, *eterna sunt* (*Il Cor. iv, 18*). Deinde subjunxit, *In Christo enim Iesu neque circumcisio quidquam valeat, neque præputium*; ut illam indifferentiam declararet, nihilque perniciosum esse in hac circumcisione ostenderet, nisi ex illa salutem sperare. Nihil ergo valere dicit in Christo circumcisionem aut præputium, sed fidem quæ per dilectionem operatur. Et hic illud tetigit, quia sub Lege servitus per timorem operatur. *Currebatis bene*, inquit; *quis vos impedivit veritati non obedire?* Hoc est, quod superius ait, *Quis vos fascinavit* (*Galat. iii, 1*)? *Suasio*, inquit, *vestra non ex eo est qui vocavit vos*. Hæc enim suasio carnalis est, ille autem in libertatem vocavit. Suasionem autem eorum dixit, quod eis suadebatur. Eos autem paucos, qui ad illos veniebant, ut ista suaderent, quia in comparatione multitudinis credentium Galatarum exigui numero erant, fermentum appellat. Recipient autem isti fermentum; et tota massa, id est, tota eorum Ecclesia in corruptione carnalis servitus quodammodo fermentabitur, si tales suasores tanquam justos et fideles recipientes honoraverint. *Ego, inquit, confido in vobis in Domino, quod nihil aliud sapietis*. Hinc utique manifestum est, nondum illos fuisse possessos a talibus. *Qui autem conturbat vos, inquit, portabit iudicium, quemque ille fuerit*. Hæc est illa conturbatio contraria ordinis, ut de spiritualibus carnales fiant. Et quoniam intelligendum est fuisse quosdam qui cum vellent eis istam servitutem persuadere, et viderent eos Pauli apostoli auctoritate revocari, dicerent etiam ipsum Paulum id sentire, sed non eis facile aperire voluisse sententiam suam; opportunissime subjicit, *Ego autem, fratres, si circumcisionem adhuc prædico, quid adhuc persecutionem patior?* Etiam ab ipsis enim patiebatur persecutionem, qui talia persuau-

dere moliebantur, cum jam Evangelium suscepisse viderentur. Quos tangit alio loco, ubi ait, *Periculis in falsis fratribus* (*Il Cor. xi, 26*); et hic in capite Epistolæ, ubi dicit, « Propter subintroductos autem falsos fratres, qui subintrolerunt prosecutare libertatem nostram, quam habemus in Christo Jesu, ut nos in servitutem redigerent » (*Galat. ii, 4*). Ergo si circumcisionem prædicabat, desinerent eum persecuti. Qui tamen ne timerentur ab eis, quibus christiana libertas annuntiabatur; aut ne ab ipso Apostolo timeri putarentur, propterea superioris libera plenus fiducia, nomen suum etiam professus est, dicens, *Ecce ego Paulus dico vobis, quia si circumcidamini, Christus vobis nihil proderit* (*Id. v, 2*): tanquam si diceret, Ecce me imitamini, ut non timeatis; aut in me causam refundite, si timetis. Quod autem dicit, *Ergo evacuatum est scandalum crucis, sententiam illam repetit, Si ex Lege justitia, ergo Christus gratis mortuus est* (*Id. ii, 21*). Sed hic quoniam scandalum nominat, in memoriam revocat propterea maxime in Christo passos esse scandalum Judæos, quia istas carnales observationes, quas pro ipsa salute se habere arbitrabantur, eum saepe animadvertebant præterire atque contemnere. Illoc ergo ita dixit, ac si diceret: Sine causa ergo Christum, cum ista contemneret, scandalizati Judæi crucifixerunt, si adhuc eis pro quibus crucifixus est, talia persuadentur. Et adjectit elegantissima ambiguitate quasi sub specie maledictionis benedictionem, dicens: *Ultimam et absidiantur qui vos conturbant*. Non tantum, inquit, circumcidantur, sed et absidiantur. Sic enim sicut spadones propter regnum cœlorum (*Matth. xix, 12*), et carnalia seminare cessabunt.

43. [Ib. v, 13.] *Vos enim, inquit, in libertatem vocati estis, fratres*. Quia illa conturbatio a spiritualibus ad carnalia revocans in servitutem trahebat. Sed jam hinc opera illa Legis tractare incipit, de quibus eum supra dixeram in fine Epistolæ tractaturum (*Supra, n. 19*), quæ ad Novum quoque Testamentum pertinere nemo ambigit; sed alio sine, quo liberos ea facere decet, id est, charitatis æterna sperantis hinc præmia, et ex fide exspectantis. Non sicut Judæi, qui timore ista implere cogebantur, non illo casto permanente in sæculum sæculi (*Psal. xviii, 10*), sed quo timebant præsenti vite suæ: et ideo quædam opera Legis implebant, quæ in sacramentis sunt; illa vero quæ ad bonos mores pertinent, omnino non poterant. Non enim implet ea nisi charitas. Quia et hominem si propterea non occidit aliquis, ne et ipse occidatur; non implet præceptum justitiae: sed si ideo non occidit, quia injustum est, etiam si id possit facere impune, non solum apud homines, sed etiam apud Deum. Sic ut David cum divinitus accepisset in potestatem regem Saül, impune utique occideret, nec hominibus in se vindicaturis, quia multum ab eis diligebatur idem David; nec Deo, qui hanc ipsam potestatem dedisse se dixerat, ut omnino ei faceret quod vellet (*I Reg. xxiv, 4-8*). Pepercit ergo diligens proximum tanquam scipsum, non solum persecutum, sed etiam persecutum, qui cum corrigi quæcumq[ue] interfici malcat: homo

in Veteri Testamento, sed non homo de Veteri Testamento, quem fides futuræ hereditatis Christi revelata et credita¹ salvum faciebat, et ad imitandum vocabat. Ideo nunc dicit Apostolus, *In libertatem vocati estis, fratres; tantum ne libertatem in occasionem carnis detis*: id est, ne auditio nomine libertatis, impune vobis peccandum esse arbitremini. *Sed per charitatem*, inquit, *servite invicem*. Qui enim per charitatem servit, libere servit, et sine miseria obtemperans Deo, cum amore faciendo quod docetur, non cum timore quod cogitur.

44. [Ib. v. 14.] *Omnis enim Lex*, inquit, *in uno sermone impleta est, in eo quod diliges proximum tuum tanquam te ipsum*. Omnein ergo Legem nunc dicit ex his operibus quæ ad bonos mores pertinent: quia et illa quæ sunt in sacramentis, cum bene a liberis intelliguntur, nec carnaliter observantur a servis, ad illa duo præcepta referantur necesse est, dilectionis Dei et proximi. Recte itaque accipitur ad hoc pertinere quod etiam Dominus ait, *Non veni Legem solvere, sed implere* (*Matth. v. 17*): quia erat ablatus timorem carnalem; spiritualem autem charitatem daturus, qua sola Lex impleri potest. *Plenitudo enim Legis, charitas*: ut quoniam fides impetrat Spiritum sanctum, per quem charitas Dei diffusa est in cordibus operantium justitiam (*Rom. v. 5*), nullo modo quisquam ante gratiam fidei de bonis operibus glorieatur. Quapropter istos jactantes se de operibus Legis ita resellit Apostolus, dum ostendit opera vetusta sacramentorum umbras futurorum fuisse, quas jam adventu Domini libero heredi necessarias non esse monstravit: opera vero ad bonos mores pertinentia non impleri nisi dilectione, per quam fides operatur (*Galat. v. 6*). Unde si opera Legis quedam post fidem superflua, quedam ante fidem nulla sunt; vival justus ex fide (*Habac. ii. 4*), ut et onus grave servitutis abjiciat, levi sarcina Christi vegetatus (*Matth. xi. 30*), et justitiae metas non transgredietur, leni jugo² charitatis obtemperans.

45. [Ib. v. 15, 16.] Quæri autem potest cur Apostolus et hic solam commemoravit proximi dilectionem, qua Legem dixit impleri; et ad Romanos cum in eadem quæstione versaretur, «Qui enim diligit alterum, inquit, Legem implevit: nam, Non adulterabis, Non homicidium facies, Non furaberis, Non concupisces, et si quod est aliud mandatum, in hoc sermone recapitulatur, Diliges proximum tuum tanquam te ipsum. Dilectio proximi malum non operatur. Plenitudo autem Legis, charitas» (*Rom. xiii. 8-10*). Cum ergo nonnisi in duabus præceptis dilectionis Dei et proximi perfecta sit charitas, cur Apostolus et in hac et in illa Epistola solam proximi dilectionem commemorat: nisi quia de dilectione Dei possunt mentiri homines, quia rariores tentationes eam probant; in dilectione autem proximi facilius convincuntur eam non habere, dum inique cum hominibus agunt? Consequens est autem ut qui ex toto corde, ex tota anima, ex tota mente Deum diligit, diligit et proximum

tanquam scipsum; quia hoc jubet ille, quem ex toto corde, ex tota anima, ex tota mente diligit. Item diligere proximum, id est omnem hominem, tanquam scipsum, quis potest, nisi Deum diligt, cuius precepto et dono dilectionem proximi possit implere? Cum ergo utrumque præceptum ita sit, ut neutrum sine altero possit teneri, etiam unum horum commemorare plerumque sufficit, cum agitur de operibus justitiae: sed opportunius illud, de quo quisque facilius convincitur. Unde Joannes dicit: *Qui enim non diligit fratrem suum quem videt, Deum quem non videt quomodo potest diligere* (*I Joan. iv. 20*)? Mentiebantur enim quidam dilectionem se Dei habere, et de odio fraterno eam non habere convincebantur: de quo judicare in quotidiana vita et moribus facile est. *Si autem mordetis, inquit, et comeditis invicem, videte ne ab invicem consumamini*: hoc enim maxime vitio contentionis et invidentie, perniciose disputationes inter eos nutriebantur, male de invicem loquendo, et querendo quisque gloriam suam vanamque victoriam, quibus studiis consumuntur societas populi, dum in partes discinditur. Quomodo autem ista vitare possunt, nisi spiritu ambulent, et concupiscentias carnis non perficiant? Primum enim et magnum munus est spiritus, humilitas, et mansuetudo. Unde illud quod jam commemoravi, Dominus clamat, *Discite a me, quia mitis sum, et humilis corde* (*Matth. xi. 29*): et illud prophetæ, *Super quem requiescit Spiritus meus, nisi super humilem et quietum, et trementem verba mea* (*Isai. LXVI. 2*)?

46. [Ib. v. 17.] Quod autem ait, *Caro enim concupiscit adversus spiritum, spiritus autem adversus carnem: haec enim invicem adversantur; ut non ea quæ vulpis faciat*; pulant hic homines liberum voluntatis arbitrium negare Apostolum nos habere, nec intelligunt hoc eis dictum, si gratiam fidei susceptam tenere nolunt, per quam solam possunt spiritu ambulare, et concupiscentias carnis non perficiere; si ergo nolunt eam tenere, non poterunt ea que volunt facere. Volunt enim operari opera justitiae, quæ sunt in Lege, sed vincuntur concupiscentia carnis, quam secundo deserunt gratiam fidei. Unde et ad Romanos dicit, *Prudentia carnis inimica in Deum: Legi enim Dei non est subiecta; neque enim potest* (*Rom. viii. 7*). Cum enim charitas Legem implete, prudentia vero carnis commoda temporalia consecutando spirituali charitati aduersetur; quomodo potest Legi Dei esse subiecta, id est, libenter atque obsequenter implere justitiam, eique non adversari; quando etiam dum conatur, vincatur necesse est, ubi invenerit majus commodum temporale de iniuritate se posse assequi, quam si custodiat æquitatem? Sicut enim prima hominis vita est ante Legem, cum nulla nequitia et malitia prohibetur, neque ulla ex parte pravis cupiditatibus resistit; quia non est qui prohibeat: sic secunda est sub Lege ante gratiam, quando prohibetur quidem et conatur a peccato abstinere se, sed vincitur; quia nondum justitiam propter Deum et propter ipsam justitiam diligit, sed eam sibi vult ad conquirendum

¹ Sic MSS. Editi vero, et redditæ.

² Editi, levi jugo. MSS., leni jugo.

terrena servire. Itaque ubi viderit ex alia parte ipsam, ex alia commodum temporale, trahitur pondere temporalis cupiditatis, et relinquit justitiam : quam propterea tenere conabatur, ut haberet illud quod se nunc videt amittere, si illam tenerit. Tertia est vita sub gratia, quando nihil temporalis commodi justitiae preponitur : quod nisi charitate spirituali, quam Dominus exemplo suo docuit, et gratia donavit, fieri non potest. In hac enim vita etiamsi existant desideria carnis de mortalitate corporis, tamen mentem ad consensionem peccati non subjungant. Ita jam non regnat peccatum in nostro mortali corpore (*Rom. vi, 12*) ; quamvis non possit nisi inhabitare in eo, quamdiu mortale corpus est. Primo enim non regnat, cum mente servimus Legi Dei, quamvis carne legi peccati (*Id. vii, 25*), id est, pœnali consuetudini, cum ex illa existunt desideria, quibus tamen non obedimus. Postea vero ex omni parte extinguitur. Quoniam si Spiritus Jesu habitat in nobis, qui suscitavit Jesum Christum a mortuis, vivificabit et mortalia corpora nostra, propter Spiritum qui habitat in nobis (*Id. viii, 11*). Nunc ergo implendus est gradus sub gratia, ut faciamus quod volumus spiritu, etiamsi carne non possumus ; id est, non obediamus desideriis peccati ad præbenda illi membra nostra arma iniquitatis (*Id. vi, 13*), etiamsi non valeamus efficere ut eadem desideria non existant : ut quamvis nondum simus in pace illa æterna ex omni hominis parte perfecta, jam tamen desinamus esse sub Lege, ubi prævaricationis rea mens tenetur, dum eam concupiscentia carnis in consensionem peccati captivam ducit; simus autem sub gratia, ubi nulla est condemnatio iis qui sunt in Christo Jesu (*Id. viii, 1*) ; quia non certantem, sed victum pena consequitur.

47. [lb. v, 18.] Ordinatissime itaque subjungit, *Quod si spiritu ducimini, non adhuc estis sub Lege* : ut intelligamus eos esse sub Lege, quorum spiritus ita concupiscit adversus carnem, ut non ea quæ volunt faciant; id est, non se teneant invictos in charitate justitiae, sed a concupiscente adversum se carne vincentur (*a*); non solum ea repugnante legi mentis eorum, sed etiam captivante illos sub lege peccati, quæ est in membris mortalibus (*Id. vii, 23*). Qui enim non ducuntur spiritu, sequitur ut carne ducantur. Non autem pati adversitatem carnis, sed duci a carne, damnatio est. Et ideo, *Quod si spiritu*, inquit, *ducimini, non adhuc estis sub Lege*. Nam et superius non ait, *Spiritu ambulate*, et concupiscentias carnis non habueritis ; sed, *ne perfecceritis* (*Galat. v, 16*). Quippe non eas omnino habere, non jam certamen, sed certaminis præmium est, si obtinuerimus victoriam perseverando sub gratia. Commutatio enim corporis in immortalem statum sola carnis concupiscentias non habebit.

48. [lb. v, 19-21.] Deinde incipit opera carnis enumerare, ut intelligent se, si ad operandum ista desideriis carnalibus consenserint, tunc duo carne, non spiritu. Manifesta autem sunt, inquit, opera carnis,

(2) I Retract. cap. 24, n. 2

quæ sunt fornicationes, immunditiae, idolorum servitus, veneficia, inimicitiae, contentiones, animositates, æmulationes, dissensiones, haereses, invidiae, ebrietates, comessationes, et his similia ; quæ prædicto vobis, sicut prædicti, quoniam qui talia agunt, regnum Dei non possidebunt. Agunt autem hæc qui cupiditatibus carnalibus consentientes facienda esse decernunt, etiam si ad impletum facultas non datur. Ceterum qui tanguntur hujusmodi motibus, et iminobiles in majore charitate consistunt, non solum non eis exhibentes membra corporis ad male operandum, sed neque nutu consensionis ad exhibendum consentientes ; non hæc agunt, et ideo regnum Dei possidebunt. Non enim jam regnat peccatum in eorum mortali corpore, ad obediendum desideriis ejus ; quamvis habitet in eorum mortali corpore peccatum, nondum extincto impetu consuetudinis naturalis, qua mortaliiter nati sumus, et propriæ vite nostræ, cum et nos ipsi peccando auximus quod ab origine peccati humani damnationisque trahemus. Aliud est enim non peccare ; aliud, non habere peccatum. Nam in quo peccatum non regnat, non peccat, id est, qui non obedit desideriis ejus : in quo autem non existunt omnino ista desideria, non solum non peccat, sed etiam non habet peccatum. Quod etiam si ex multis partibus in ista vita possit effici, ex omni tamen parte non nisi in resurrectione carnis atque commutatione sperandum est. Potest autem movere quod ait, *Quæ prædicto vobis, sicut prædicti, quoniam qui talia agunt, regnum Dei non possidebunt*, si queratur ubi ista prædixerit ; nam in hac Epistola non invenitur. Ergo aut præsens cum esset, hoc prædicterat ; aut cognoverat pervenisse ad illos Epistolam quæ missa est ad Corinthios. Ibi enim sic ait : « Nolite errare ; neque fornicatores, neque idolis servientes, neque adulteri, neque molles, neque masculorum concubidores, neque fures, neque avari, neque ebriosi, neque maledicti, neque rapaces regnum Dei possidebunt » (*I Cor. vi, 9, 10*).

49. [lb. v, 22, 23.] Illic ergo cum enumerasset opera carnis, quibus clausum est regnum Dei, subjecit etiam opera spiritus, quos spiritus fructus vocat. *Fructus autem spiritus est, inquit, charitas, gaudium, pax, longanimitas, benignitas, bonitas, fides, mansuetudo, continentia* : et addidit, *Adversus hujusmodi non est lex* ; ut intelligamus illos sub Lege positos, in quibus ista non regnant. Nam in quibus hæc regnant, ipsi Lege legitime utuntur, quia non est illis Lex ad coercendum posita : major enim et præpollentior delectatio eorum justitia est. Sic enim ad Timotheum dicit : « Scimus enim quia bona est Lex, si quis ea legitime utatur : sciens hoc quia Lex justo posita non est ; injustis autem, et non subditis, impiis et peccatoribus, et sceleris, et contaminatis, patricidis, et matricidis, homicidis, fornicatoribus, masculorum concubitoribus, plagiariis, mendacibus, perjuris, et si quid aliud sane doctrinae adversatur » (*I Tim. i, 8-10*) : subauditur, his Lex posita est. Regnant ergo spirituales isti fructus in homine, in quo peccata non regnant. Re-

gnant autem ista bona , si tantum delectant , ut ipsa teneant animum in temptationibus ne in peccati consencionem ruat. Quod enim amplius nos delectat , secundum id operemur necesse est : ut verbi gratia , occurrat forma speciosæ feminæ , et movet ad delectationem fornicationis : sed si plus delectat pulchritudo illa intima et sincera species castitatis , per gratiam quæ est in fide Christi , secundum hanc vivimus , et secundum hanc operamur ; ut non regnante in nobis peccato ad obediendum desideriis ejus , sed regnante justitia per charitatem eum magna delectatione facimus quidquid in ea Deo placere cognoscimus. Quod autem de castitate et de fornicatione dixi , hoc de cæteris intelligi volui.

50. Neque moveat , vel quod non omnino ad eundem numerum et ordinem opera carnis in hac Epistola enumeravit , atque in illa ad Corinthios : vel quod spiritualia bona pauciora , pluribus carnalibus vitiis opposuit ; neque ita e contrario ut fornicationibus castitas , immunditias munditia , atque ita ceteris cæteris occurserent. Non enim hoc suscepit ut doceret quot sint , sed in quo genere illa vitanda , illa vero expetenda sint ; cum carnis et spiritus nominibus a poena peccati atque peccato ad gratiam Domini atque justitiam nos converti oportere prædicaret : ne descendo gratiam temporalem , qua pro nobis Dominus mortuus est , non perveniamus ad æternam quietem , in qua pro nobis Dominus vivit ; neque intelligendo poenam temporalem in qua nos Dominus mortalitate carnis ¹ edomare dignatus est , in poenam semipernam incidamus , quæ perseveranti adversum Dominum superbie preparata est. Cum enim commemoratis multis operibus carnis , addidit , et his similia ; satis ostendit non se ista examinatio numero collocasse , sed libriore sermone posuisse. Hoc etiam de spiritualibus fructibus fecit. Non enim ait , *Adversus hæc non est Lex* : sed , *Adversus hujusmodi* ; hoc est , sive ista , sive etiam cætera hujusmodi.

51. Sed tamen diligenter considerantibus non hic omni modo carnalium spiritualiumque operum oppositio inordinata atque confusa est. Ob hoc autem latet , quia pauciora , vel singula quibusdam pluribus opponuntur. Nam ex eo quod carnalium vitorum in capite posuit fornicationes , in capite autem virtutum spiritualium charitatem ; quem non divinarum Litterarum studiosum faciat intentum ad perscrutanda cætera? Si enim fornicatio est amor a legitimo connubio solitus et vagus , explendæ libidinis consecetando licentiam ; quid tam legitime ad spiritualem secunditatatem conjungitur quam anima Deo ? Cui quanto fixius inhaeserit , tanto est incorruptior. Inhaeret autem charitate. Recte igitur fornicationi opponitur charitas , in qua sola est custodia castitatis. Immunditiae autem sunt omnes perturbationes de illa fornicatione conceptæ , quibus gaudium tranquillitatis opponitur. Idorum autem servitus , ultima fornicatio est animæ , propter quam etiam bellum adversus Evangelium cum reconciliatis Deo furiosissimum gestum est , cuius re-

liquie quamvis tritæ diu , adhuc tamen recalent. Huic itaque pax contraria est , qua reconciliamur Deo , eademque pace etiam cum hominibus custodita , venciorum , iniuriarum , contentionum , æmulationum , animositatum , dissensionumque vita sanantur in nobis : ut autem in aliis , inter quos vivimus , justa moderatione tractentur , et ad sustinendum longanimitas , et ad curandum benignitas , et ad ignoscendum bonitas militat. Jam vero heresibus fides , invidiæ mansuetudo , ebrietatibus et coemissionibus continentia reluctatur.

52. Ne quis sane arbitretur hoc esse invidiam quod est æmulatione : vicina enim sunt , et propter ipsam vicinitatem pierumque utrumlibet horum pro altero , vel æmulatione pro invidia , vel invidia pro æmulatione ponitur. Sed quia utrumque hic locis suis dictum est , utique distinctionem de nobis flagitant. Nam æmulatione est dolor animi , cum alius pervenit ad rem quam duo plures appetebant , et nisi ab uno haberet non potest. Istam sanat pax , qua id appetimus , quod omnes qui appetunt , si assequantur , unum in eo finit. Invidia vero dolor animi est , cum indignus videtur aliquis assequi , etiam quod tu non appetebas. Ille sanat mansuetudo , cum quisque ad judicium Dei revocans ¹ , non resistit voluntati ejus , et magis ei credit recte factum esse , quam sibi quod putabat indignum.

53. [lb. v. 24.] *Cruciferunt autem carnem suam cum passionibus et concupiscentiis* , sicut consequenter dicit , *qui sunt in Christo Jesu*. Unde autem crucifixerunt , nisi timore illo casto permanente in sæculum sæculi (*Psal. xviii. 10*) , quo cavemus offendere illum quem toto corde , tota anima , tota mente diligimus? Non enim hoc timore timet adultera , ne custodiatur a viro , quo timet casta ne deseratur : illi enim tristis est præsentia viri , huic absentia. Et ideo timor ille corruptus est , et transire non yult hec sæculum : iste autem castus permanet in sæculum sæculi. De quo timore crucis optat propheta , cum dicit : *Conlige clavis a timore tuo carnes meas* (*Psal. cxviii. 120*). Ista crux est de qua Dominus dicit : *Tolle crucem tuam , et sequere me* (*Math. xvi. 24*).

54. [lb. v. 25.] *Si spiritu , inquit , vivimus , spiritu et sectemur*. Manifestum est certe secundum id nos vivere quod sectati fuerimus ; sectabimur autem quod dilexerimus. Itaque si ex adverso existant duo , præceptum justitiae , et consuetudo carnalis , et utrumque diligitur , id sectabimur quod amplius dilexerimus : si tantumdem utrumque diligitur , nihil horum sectabimur ; sed aut timore , aut inviti trahentur in alterutram partem ; aut si utrumque æqualiter etiam timemus , in periculo sine dubio remanebimus , fluctu dilectionis et timoris alternante quassati. Sed pax Christi vincat in cordibus nostris (*Coloss. iii. 15*). Tunc enim orationes et genitius , et in auxilium invocata dextera misericordia Dei , sacrificium contributati cordis non despiciat , charitatemque sui ampliorem commendatione periculi , de quo liberavit , exsuscitat. In eo au-

¹ Tres MSS. , in qua Dominus mortalitatem carnis.

¹ Tres MSS. , se revocans.

tein illi fallebantur, quod negare quidem non poterant, sectandum sibi esse Spiritum sanctum, assertorem ac ducom libertatis suæ; sed ad opera servilia carnaliter conversi, retrorsum se conari non intelligebant. Propterea non ait, *Si spiritu vivinus, spiritum sectemur; sed, spiritu sectemur*, inquit. Fatebantur enim Spiritui sancto servire oportere: et eum non spiritu suo, sed carne volebant sectari; non spiritu aliter obtinentes gratiam Dei, sed in circumcitione carnali et cæteris hujusmodi spem constituentes salutis.

55. [lb. v, 26.] *Non efficiamur, inquit, inanis gloriæ cupidi, invicem invidentes, et invicem provocantes.* Prorsus magnilice et omnino divino ordine, postea quam eos instruxit adversus illos a quibus in servitatem Legis seducebantur, hoc in eis cavel, ne instructiores facti, et volentes jam calumniis carnalium respondere, contentionibus studeant, et appetitu inanis gloriæ, Legis oneribus non servientes, vanis cupiditatibus serviant.

56. [lb. vi, 1.] Nihil autem sic probat spiritualem virum, quam peccati alieni tractatio, cum liberationem ejus potius quam insultationem, potiusque auxilia quam convicia meditatur, et quantum facultas tribuitur suscipit. Et ideo dicit: *Fratres, etsi præoccupatus fuerit homo in aliquo delicto, vos qui spirituales estis, instruite hujusmodi.* Deinde ne sibi quisque videatur instruere, etiam cum proterve exagit irridetque peccantem, aut superbe tanquam insanabilem detestatur, *in spiritu*, inquit, *mansiæ studiis, intendens te ipsum, ne et tu tenteris.* Nihil enim ad misericordiam sic inclinat, quam proprii periculi cogitatio. Ita eos nec deesse voluit fratum correptioni, nec studere certamini. Multi enim homines cum a somno excitantur, litigare volunt; aut rursus dormire, cum litigare prohibentur. Pax igitur et dilectio, communis periculi cogitatione, in corde serventur¹: modus autem sermonis, sive acrius, sive blandius proferatur, scit salus ejus quem corrigis postulare videtur, moderandus est. Nam et alio loco dicit: *Servum autem Domini litigare non oportet; sed mitem esse ad omnes, docibilem, patientem.* Et ne quisquam ex eo putet cessandum sibi esse a correptione erroris alterius, vide quid adjungat: *In modestia, inquit, corripiemt diversa sentientes* (Il Tim. ii, 24-25). Quomodo *in modestia*, quomodo *corripiemt*, nisi cum lenitatem corde retinemus, et aliquam medicamenta acrimoniam verbo correptionis aspergimus? Nec aliter accipiendum video quod in eadem Epistola positum est: *Prædicta verbum, insta opportune, importune; argue, hortare, increpa in omni longanimitate et doctrina* (Id. iv, 2). Importunitas enim opportunitati utique contraria est: neque omnino ullum medicamentum sanat, nisi quod opportune adhibueris. Quanquam ergo et sic possit distinguiri, *Insta opportune*, ut aliis sit sensus, *Importune argue*, deinde cætera contexantur, *Hortare, increpa cum omni longanimitate et doctrina*: ut tunc

¹ Am. Fr., et communis periculi cogitatio in corde reservetur. Sic etiam Miss. uno tantum excepto.

opportunus sentiaris, cum instas ædificando; cum autem destruis argendo, non cures etiamsi importunus videaris, si hoc est talibus importunum: ita duo quæ sequuntur, ad duo superiora possunt singulatim referri, *Hortare cum opportune instas, increpa cum importune arguis*; deinde cætera duo similiter, sed converso ordine, referuntur, *Cum omni longanimitate*, ad sustinendas indignationes eorum quos destruis; *et doctrina*, ad instruenda eorum studia quos ædificas: tamen etiamsi illo usitatiore modo distinguantur, *Insta opportune*; quod si hoc modo non proficis, *importune*: ita intelligendum est, ut tu opportunitatem omnino non deseras, et sic accipias quod dictum est, *importune*, ut illi videaris importunus, qui non libenter audit quæ dicuntur in eum; tu tamen scias hoc illi esse opportunum, et dilectionem curamque sanitatis ejus animo teneas mansueto, et modesto, et fraterno. Multi enim postea cogitantes quæ audierint, et quam justa audierint, ipsi se gravius et severius arguerunt; et quamvis perturbatores a medico viderentur abscedere, paulatim verbi vigore in medullas penetrante, sanati sunt: quod non fieret, si semper exspectaremus periclitantem putrescentibus membris, quando eum liberet auri ura aut secari. Quod nec ipsi corporis medici attendunt, qui terrenæ mercis intuitu curant. Quotus enim quisque reperitur, qui ferrum eorum aut ignem non ligatus expertus sit? cum et illi rariores sint qui volentes ligati fuerint. Plures enim resistentes, et mori se malle clamantes, quam illo curri modo, vix lingua ipsa eorum relicta libera omnibus membris constrinxerunt; neque ad suum, neque ad reluctantis, sed ad ipsius artis arbitrium: quorum tamen vocibus conviciisque dolentium nec commovetur curantis animus, nec quiescit manus. Medicinæ autem cœlestis ministri, aut per odiorum trahenti cernere stipulam in oculo fratris volunt (*Math. viii, 3*), aut tolerabilius mortem videre peccantis, quam verbum indignantis audire: quod non ita accidisset, si tam sanum animum curando alterius animo adhiberemus, quam sanis manibus illi medici aliena membra pertractant.

57. Nunquam itaque alieni peccati objurgandi suscipiendum est nogotium, nisi cum internis interrogationibus examinantes nostram conscientiam, liquido nobis coram Deo responderimus, dilectione nos facere. Quod si convictionem, vel minæ, vel etiam persecutions ejus quem argueris, laceraverint animum; si adhuc ille per te sanari posse videbitur, nihil respondeas donec saneris prior: ne forte carnibus motibus tuis ad nocendum consentias, et exhibeas linguam tuam arma iniquitatis peccato (*Rom. vi, 13*) ad reddendum malum pro malo, aut maledictum pro maledicto (*I Petr. iii, 9*). Quidquid enim lacerato animo dixeris, punientis est impetus, non charitas corrigitis. Dilige, et dic quod voles: nullo modo maledictum erit quod specie maledicti sonuerit, si memineris senserisque te in gladio verbi Dei, liberatorem hominis esse velle ab obsidione vitiorum. Quod si forte, ut plerunque accidit, dilectione quidem talen-

suscipis actionem, et ad eam corde dilectionis accedis, sed inter agendum subrepserit aliquid, dum tibi resistitur, quod te auferat ab hominis vitio percutiendo, et ipsi homini faciat infestum; postea te lacrymis lavantem hujusmodi pulverem, multo salubrius meminisse oportebit, quam non debeamus super aliorum superbire peccata, quando in ipsis eorum objurgatione peccamus, cum facilius nos ira peccantis iratos, quam miseria misericordes facit.

58. [Ib. vi, 2.] *Alter alterius onera portate, et sic adimplebitis Legem Christi:* Legem utique charitatis. Si autem impleret Legem qui diligit proximum, dilectioque proximi etiam in veteribus Scripturis maxime commendatur (*Levit. xix, 18*), in qua dilectione dicit alio loco idem apostolus, recapitulari omnia mandata Legis (*Rom. xiii, 8, 9*): manifestum est etiam illam Scripturam, quae priori populo data est, Legem Christi esse, quam venit implere charitate (*Matth. v, 17*), quae non implebatur timore. Eadē igitur Scriptura et idem mandatum, cum bonis terrae inhabitantes premit servos, *Testamentum Vetus;* cum in bona aeterna flagrantes erigit liberos, *Testamentum Novum* vocatur.

59. [Ib. vi, 3-5.] *Si enim aliquis, inquit, videtur esse aliquid, cum nihil sit, seipsum seducit.* Non enim eum seducunt laudatores ejus, sed ipse potius; quia cum sibi sit ipse praesentior quam illi, manut se in illis querere, quam in seipso. Sed quid dicit Apostolus? *Opus autem suum probet unusquisque, et tunc in seipso tantum gloriam habebit, et non in altero, id est, intus in conscientia sua: et non in altero, id est, cum eum alter laudat.* *Unusquisque enim, inquit, proprium onus portabit.* Non ergo laudatores nostri minuunt onera conscientiae nostrae: atque ultimam non etiam accumulent, cum plerumque ne illis offensis laus nostra minuatur, aut objurgatione illos curare negligimus, aut jactanter eis aliquid nostrum ostentamus, potius quam constanter ostendimus. Omitto ea quae singunt et mentiuntur de se homines propter hominum laudes. Quid enim ista cæcitate tenebrosius, ad obtinendam inanissimam gloriam errorem hominis aucupari, et Deum testem in corde contemnere? Quasi vero ullo modo comparandus sit error illius qui te bonum putat, errori tuo qui homini de falso bono placere studes, de vero malo displices Deo.

60. [Ib. vi, 6.] Jam cætera planissima esse existimo. Nam et illud usitatum præceptum est, ut prædicatori verbi Dei præbeat necessaria, cui prædicatur. Ad bona enim opera hortandi erant, ut etiam agenti Christo ministrarent, staturi ad dexteram cum agnis; ut plus in eis operaretur dilectio fidei, quam Legis posset timor. Neque hoc quisquam majore fiducia debet præcipere, quam hic apostolus, qui manibus suis victum transigens (*Act. xviii, 5; xx, 34; I Cor. iv, 12; I Thess. ii, 9; II Thess. iii, 8*), hæc in se nolebat fieri, ut majore pondere, propter eorum magis utilitatem qui hæc exhiberent, quam propter eorum quibus exhiberent ea, se monere omnibus demonstraret.

61. [Ib. vi, 7-10.] Quod autem deinde subjungit,

*Nolite errare, Deus non subsannatur: quod enim seminaverit homo, hoc et metet; novit inter quæ verba perditorum hominum laborent, qui constituuntur in fido rerum earum quas non vident. Vident onim seminationem operum suorum, sed messem non vident. Nec talis eis messis promittitur, qualis hic reddi solet, quia justus ex fide vivit (*Habac. ii, 4*). Quia qui seminaverit, inquit, in carne sua, ex carne metet corruptionem.* Hoc dicit de amatoribus voluptatum magis quam Dei. In carne enim sua seminat, qui omnia quæ facit, etiamsi bona videantur, propterca tamen facit, ut carnaliter ei bene sit. *Qui autem seminaverit in spiritu, de spiritu metet vitam æternam.* Seminatio in spiritu est, ex fide cum charitate servire justitiam, et non obaudire desideriis peccati, quamvis de mortali carne existentibus. Messis autem viteæ æternæ cum inimica novissima destructetur mors, et absorbebitur mortale a vita, et corruptibile hoc inducit incorruptionem. In hoc ergo tertio gradu, quo sub gratia sumus, seminamus in lacrymis, cum existunt desideria de animali corpore; quibus non consentiendo renitimus, ut in gaudio metamus, cum etiam reformato corpore, ex nulla parte hominis, ulla nos sollicitabit molestia illumine tentationis periculum. Nam etiam ipsum animal corpus deputatur in semine. *Seminatur enim corpus animale*, ait alio loco; ut ad messem pertineat quod adjunxit, *surget corpus spirituale* (*I Cor. xv, 26, 44*). Huic ergo sententiae propheta concinit, dicens, *Qui seminat in lacrymis, in gudio metet* (*Psal. cxxv, 5*). Bene autem seminare, id est, bene operari, facilius est, quam in eo perseverare. Fructus enim solet laborem consolari: messis autem nostra in fine promittitur; et ideo perseverantia opus est. *Qui enim perseveraverit usque in finem, hic salvus erit* (*Matth. x, 22*): et propheta clamat, *Sustine Dominum, viriliter age; et confortetur cor tuum, et sustine Dominum* (*Psal. xxvi, 14*). Quod nunc Apostolus ait, *Bonum autem facientes, inquit, non infirmemur: proprio enim tempore metemus infatigabiles.* Itaque dum tempus habemus, operemur bonum ad omnes, maxime autem ad domesticos fidei. Quos eum credendum est, nisi Christianos significare? Omnibus enim pari dilectione vita æterna optanda est; sed non omnibus eadem possunt exhiberi dilectionis officia.

62. [Ib. vi, 11-14.] Deinde cum docuisset, opera ipsa Legis, quæ sunt salubria et ad bonos mores pertinent, dilectione fidei posse tantummodo impleri, non timore servili; reddit ad illud unde tota causa agitur. *Vidistis, inquit, qualibus litteris vobis scripsi manu mea.* Cavet ne quisquam sub nomine Epistolæ ejus fallat incautos. *Qui volunt, inquit, placere in carne, hi cogunt vos circumcidiri, tantum ut in cruce Christi persecutionem non patientur.* Multum enim persecabantur Judæi eos qui videbantur deserere traditas hujusmodi observationes: quos ipse quam non timeat satis ostendit, cum tales litteras etiam sua manu scribere voluit. Docet ergo timorem adhuc in ipsis operari, tanquam sub Lege constitutis, qui ad circumcisionem Gentes cogerent. *Neque enim qui circumcisi sunt, hi Legem*

custodiunt. Illam enim dicit custoditionem Legis, non occidere, non mœchari, non falsum testimonium dicere; et si qua hujusmodi ad bonos mores pertinere manifestum est: quæ nisi charitate et spe bonorum æternorum, quæ per fidem accipiuntur, impleri non posse jam dictum est. *Sed volunt vos circumcidi,* inquit, *ut in vestra glorientur carne:* id est, ut non solum non patiantur persecutionem a Judæis, qui nullo modo cerebant incircumcisio Legem prodi, sed etiam glorientur apud eos, quod tam multos proselytos faciunt. Ut enim unum proselytum Judæi facerent, mare et terram eos circuire solere, Dominus dixit (*Math. xxiii, 15*). *Miki autem absit gloriari nisi in cruce Domini nostri Jesu Christi, per quem mihi mundus crucifixus est, et ego mundo.* *Mundus mihi crucifixus est,* ait, ut me non teneat; et *ego mundo,* ut cum non tencam; id est, ut neque mundus mihi nocere possit, neque ego de mundo aliquid cupiam. Qui autem in cruce Christi gloriatur, non vult placere in carne; quia persecutions carnalium non timet, quas prior ut crucifigeretur ille sustinuit, ut vestigia sua sectantibus præberet exemplum.

63. [Ib. vi, 15, 16.] *Neque enim circumcisio aliiquid est, neque præputium.* Servat usque in fine illam indifferentiam, ne quis eum putaret vel in Timothei circumcisione simulate aliiquid egisse, vel in ejusquam agere, si forte aliqua talis causa extitisset. Ostendit enim non ipsam circumcisionem obesse aliiquid credentibus, sed spem salutis in talibus observationibus constitutam. Nam et in Actibus Apostolorum hoc modo inveniuntur illi circumcisionem persuadere, ut aliter eos qui ex Gentibus crediderant, salvos fieri negent posse (*Act. xv, 1*). Non ergo ipsius operis, sed hujus erroris perniciem refellit Apostolus. *Neque circumcision ergo, aliiquid est, neque præputium, sed nova,* inquit, *creatura.* Novam creaturam dicit vitam novam per fidem Jesu Christi: et notandum verbum est. Difficile enim inveneris creaturam vocari etiam eos, qui jam credendo in adoptionem filiorum venerunt. Dicit tamen et alio loco: *Si qua igitur in Christo nova creatura, reterea transierunt, ecce facta sunt omnia nova: omnia autem ex Deo* (*II Cor. v, 17 et 18*). Ubi autem dicit, *Et ipsa creatura liberabitur a servitute intemperie;* et postea dicit, *Non solum autem, sed et nos ipsi trinitas Spiritus habentes* (*Rom. viii, 21, 23*): discerit eos qui crediderunt ab appellatione creature

quomodo eosdem aliquando homines, aliquando non homines dicit. Nam exprobrans objecit Corinthiis quadam loco, quod adhuc homines essent, ubi ait: *Nonne homines estis, et secundum hominem ambulatis* (*I Cor. iii, 3, 4*)? Quomodo cundem Dominum etiam post resurrectionem, alicubi non hominem appellat, sicut in principio hujus Epistolæ, cum ait, *Non ab hominibus, neque per hominem, sed per Jesum Christum* (*Galat. i, 1*); alicubi autem hominem, sicut illo loco ubi ait, *Unus enim Deus, unus et mediator Dei et hominum homo Christus Jesus* (*1 Tim. ii, 5*). Et quicumque, inquit, *hanc regulam sectantur, pax super illos et misericordia, et super Israel Dei:* id est, eos qui vere ad visionem Dei præparantur, non qui vocantur hoc nomine, et carnali cæcitate videre Dominum nolunt, quando gratiam ejus respuentes servi esse temporum cupiunt.

64. [Ib. vi, 17.] *De cætero,* inquit, *laborem nemo mihi præstet.* Non vult per turbulentas contentiones tedium sibi fieri de re, quantum satis erat, exposita, et in Epistola quanu ad Romanos scripsit, et hac ipsa. *Ego enim stigmata Domini Jesu Christi in corpore meo porto:* id est, habeo alios conflictus et certamina cum carne mea, quæ in persecutionibus quas patior, mecum dimicant. Stigmata enim dicuntur nota quedam pœnarum servilium: ut si quis, verbi gratia, servus in compedibus fuerit propter noxam, id est propter culpam, vel hujusmodi aliiquid passus fuerit, stigma habere dicatur; et ideo in jure manumissionis, inferioris est ordinis. Nunc ergo Apostolus stigmata voluit appellare, quasi notas pœnarum de persecutionibus quas patiebatur. Propter culpam enim persecutionis qua perscutitus erat Ecclesiæ Christi, hæc sibi retrubui cognoverat: sicut ab ipso Domino dictum est Ananiæ, cum idem illum Ananias tanquam persecutorem Christianorum formidaret. *Ego illi ostendam,* inquit, *qua oporteat eum pati pro nomine meo* (*Act. ix, 16*). Verumtamen propter remissionem peccatorum, in qua baptizatus erat, omnes illæ tribulationes non ei valebant ad perniciem, sed ad coronam victoriae proficiebant.

65. [Ib. vi, 18.] Conclusio Epistolæ tanquam subscriptio manifesta est; nam et in nonnullis aliis Epistolis ea utitur: *Gratia Domini nostri Jesu Christi cum spiritu vestro, fratres. Amen.*



Appendix tertii tomī OPERUM S. AUGUSTINI

COMPLECTENS ALIQUOT IN SCRIPTURAM TRACTATUS IPSI OLIM FALSO ADSCRIPTOS,

NIMIRUM :

DE MIRABILIBUS S. SCRIPTURÆ, LIBROS TRES.

DE BENEDICTIONIBUS PATRIARCHÆ JACOB.


QUÆSTIONES VETERIS ET NOVI TESTAMENTI, olim in IV tomo exhibitas.

IN APOCALYPSIM JOANNIS EXPOSITIONEM, olim in IX tomo.



Alia quædam opuscula in tertii tomī Appendix antehac contenta, cum ad sacram Scripturam non pertincent, in alios tomos retulimus, scilicet : de Ecclesiasticis Dogmatibus, de Fide ad Petrum, de Spiritu et Anima, Quæstiunculas de Trinitate, in VIII tomum; et Sententias Prospere, in IX tomum.

ADMONITIO IN PROXIME SUBJECTUM OPUSCULUM.



Hoc opusculum nec stilo, nec ingenio refert S. Augustinum, judicio Erasmi et Lovaniensium Theologorum. In quo jam olim intellexerat S. Thomas, qui in parte 3, q. 45, a. 5, non vult hosce libros auctoritate pollere, falsoque adscribi Augustino dicit. In MSS. et superioribus editionibus, si tamen Erasmianam exceperis, præmittitur prefatio epistolari forma, e qua vel sola constare potest librorum istorum auctorem non esse Augustinum Hipponeensem, sed alium quemdam cognominem, qui cum hic episcopis et presbyteris, maxime Carthaginem, dedicet id operis, inferius tamen videtur se gente Anglum, sive Hibernum indicare, in lib. 1, cap. 7 : ubi quidpiam obiter observans de insulis, Hiberniam ex omnibus unam nominat; pauloque post æstum maris Ledonem ac Malinam appellat, verbis apud Anglos vicinosque accolas Britannici m̄ris, præsertim ævo Bede, usu receptis. Tum in lib. 2, cap. 4, Manichæum quemdam Hiberniem mortuum notat : quo insuper loco de cyclis disserens, ostendit liquido se post 660 Christi annum scripsisse hos libros ; quos ab ipso non Carthaginem, sed Cantuariensem, vel Cambrensum (si tamen vox jam in usu erat), vel Kilkennensem, etc., monasteriorum presbyteris nuncupatos fuisse suspicamus.

DE MIRABILIBUS SACRÆ SCRIPTURÆ LIBRI TRES.



Venerandissimis urbium et monasteriorum Episcopis et Presbyteris, maxime Carthaginem (a),
Augustini per omnia subjectus, optabilem in Christo saluteam.

Beatissimi, dum adhuc viveret, Patris mei Eusebii ad hoc opus precepto constrictus, adhortantibus etiam vobis Christianis, vel maxime venerandissimo magistro imperii auctoritate compellente, tres de Mirabilibus sanctarum Scripturæ Veteris ac Novi Testamenti libros, historica expositione, quanta potui brevitate, Domino annuente, composui : in quibus arrepti operis audacia jubentium auctoritate excusabitur. Me etenim quanvis illis quæ dicebantur imparem esse conspiceram, præcipientium tamen imperis cedere, et (a) Fortasse, Cantuariensem.

in aliam partem declinare non audebam; certissime sciens quod major vindicta jussionum refugam inobedientem consequitur, quam precepto obtemperantem cuiuscumque imperato imparem operi vituperantium accusatio conitatur. Plus namque periculi fugiens Jonas propheta in marinis fluctibus reperit (*Jonas*, n. 1), quam accusationis, si quod jubebatur impleret, in sermonibus populi sui pateretur, quod metuit. Prophetæ quoque altaris Bethel, quoniam laboriosi itineris famem et sitim, ut sibi jussum fuerat, non perpetrativit, inobedientiæ vindicta mortem ipsam paulo

post in via saturatus invenit (III Reg. XIII). Jeremias vero adhuc puer, nec litterarum doctrinam, nec virilis prudentia vigorem (quando a Domino missus est prophetare) habuit: sed quod præcepto obediverat, scientiam quam non habuerat, accipere promeruit (*Jerem. 1, 4-9*). Unde ergo non in ea exiguae facultatis penuriam, sed præcipientium providam aspicio auctoritatem. Quoniam si in me igniculum aliquem lucis non crederetis, nullo modo militam præcipui operis ingeniosum laborem injungeretis. In his voluminibus talis dispositionis ratio intenditur, ut primus de Moysi Pentateuco, secundus de Prophetis (a), tertius de Novo Testamento prænosteretur. Cuncti vero laboris hoc magnopere intentio procurat, ut in omnibus rebus, in quibus extra quotidianam administrationem aliquid factum videtur, non novam ibi Deum facere naturam, sed ipsam quam in principio condidit, gubernare ostendat. Præterea etiam in hoc opere curavimus, ut sepositis adhuc figurarum intellectibus, rerum tan-

(a) vetus codex monasterii s. Audocni rotomagensis, de Prophetia.

tummodo gestarum rationem et ordinem exponemus. Quoniam in his locis de quibus historica narratione quedam tetigimus, multiplex sensuum intellectus habetur; et si de ipso per singula disputaremus, plurimos libros et longioris laborem operis legentibus præberemus. Sed hoc præcipue negligentius omittere idcirco rati sunns, quoniam quicumque auctores hæc loca explanare curaverunt, mystico allegoriarum intellectui, hoc est, figurali expositioni, quæ in his respecta est, adhaeserunt. Hoc autem opus utrum intereat, an maneat, in vestro pendet arbitrio. Ab uno enim vestrum, id est, Bathano¹, post patrem Manchianum² si quid intelligentia addidi, et ab altero, ut credo, saliva oris ejus vicem laborum causam suscepit. Ab omnibus vero legentibus generatim oratio nostra atque petitio deplorat, quatenus ea quæ dicta sunt antequam decursa intelligent, occasione aliqua non fastidian.

¹ Audoenensis Ms., *Barbano*. Fortasse, *Bathano*, qui fuit Scotus episcopus, apud Bedam, lib. 2 Hist., cap. 19.

² Aud. Ms. *Manchianum*.

LIBER PRIMUS.

De Moysi Pentateuco.



CAPUT PRIMUM. — *De Deo Creatore et constitutione creaturarum.*

Cum omnipotens Dei auxilio de mirabilibus rerum cupimus tractare sermonem, unde repetendum aptius et sumendum videtur exordium, quam ab ipso rerum omnium Creatore, de quo saepe Scriptura attestatur dicens: *Qui fecit magna et inscrutabilia et mirabilia, quorum non est numerus* (*Job ix, 10*). Quorum omnium mirabilium velut principale quoddam fundatum instituit, quando omnes quas condidit creature, ex nihilo fecit. *Eternus ergo et omnipotens Creator rerum, trinus et individuus semper manens, sine ullo potentia sua detramento, solum sine tempore cunctas præcessit creature: ac deinde ut immensam bonitatem ac potentiam et benevolentiam, quas in se solo prius habuit, etiam per creature ostenderet; ex iuniformi materia, quam ipse prius ex nihilo condidit, cunctarum visibilium et invisibilium rerum, hoc est, sensibilium et insensibilium, intellectuum et intellectu carentium, species multiformes divisit. Quod, ut libri Geneseos auctoritas confirmat, per sex dierum alternationem effectum fuisse monstratur; ita ut in die sexto cuncta consummasse, quæ ad institutionem et instructionem pertinent creature, firmissime declaretur. Sic enim scribitur: Et consummarit Deus omnia opera sua in die sexto, et benedix diem septimum, quod in ipso requievit ab omnibus operibus suis* (*Gen. ii, 2*). Ex quo intelligitur, Deum in die sexto omnia perfecisse, ut in die septimo non a labore, sed ab opere videatur cessasse. Sed quod Dominus Jesus Iudeus de sabbati requie querentibus respondit, *Pater meus usque modo operatur, et ego operor* (*Joan. v, 17*); illum quidem die sexto cuncta perfecisse et in septimo requievisse credimus, et usque modo operari non dubitamus. Sed quemadmodum tunc consummasse, et nunc operari idem Deus intelligitur, subtilius investigatur. In die enim sexto creature, naturas perfecit, quas gubernare etiam nunc non desinit. Et in die septimo requievit ab opere creationis, qui nunquam cessat a gubernationis regimine. Tunc ergo creator, nunc gubernator Deus intelligendus est: ac per hoc etiam novi aliquid in creaturis exoriri videamus, non creare ibi novam naturam, sed gubernare olim creatam Deus putandus est. Sed ita potens est in gubernatione creature qui condidit, ut veluti naturam novam creare videatur, cum ab abditis naturæ sinibus, quod in illa latebat,

depromit. Illa igitur inusitata gubernatione, cum res per voluntatem potentiam gubernatoris ostendunt, quod per efficaciam quotidiane administrationis non faciunt, in Scripturis mirabilia memorantur. Sed dum de his mirabilibus latius postmodum, quando ad eorum loca venerinus, disserenus; hoc fixum interin permaneat, quod consummatis naturarum creationibus, in die septimo Deus ab opere suo requievit, et nunc postmodum per omne tempus a creaturae totius gubernatione non cessat. Sed quamvis per sex dierum alternationem omnis instituta fuisse creatura prohibetur; non tamen hæc dierum alternatio per spatium temporis intelligitur: sed in his operis vicissitudo declaratur. Post namque historie narrator divisit in sermone, quod Deus non divisit in operis perfectione. Simul enim cuncta quæ condidit, Deus creavit (*Ecli. xviii, 1*), dum una voluntate multiplicem omnium specierum varietatem fieri disposit, in qua voluntate una omnia simul sine tempore esse fecit, quæ ab ipso ortu suo per tempus dispensare non desinit.

CAPUT II. — *De rationabilium naturarum dissimili peccato.*

In hac ergo rerum omnium conditione primo spiritualem creatura invisibilis originaliter processit. Et deinde ne quod interius erat, hoc exterius non esset in Dei operibus, etiam corporalis et visibilis creatura fieri coepit: in qua utique principali rerum universarum generalique divisione, duas rationales, unam in spirituali, alteram in corporali instituit creator naturas, Angelorum videlicet et hominum, quibus, prout naturarum differentia expedit, etiam habitacionum loca distinxit. Cœlum namque Angelis, terram hominibus habitandam prestitum. Quibus institutis, utriusque naturæ peccatum, Angelorum scilicet et hominum consequitur. Sed mandati transgressio quæ in hominibus facta erat, libri Geneseos historia narratur. Quæstionem vero non minimam intuentibus praestat, qua causa Angelorum delictum Scriptura testimoniis, qualiter factum est, reticetur. Quamvis namque sub persona Babylonici regis illius angelice ruine verba per prophetam declarantur, dicentes: *Sedebet in monte Testamenti, in lateribus aquilonis: ascendam super altitudinem nubium, et ædificabo thronum meum ad aquilonem, et ero similis Altissima* (*Isai. xiv, 15, 14*); hæc de rege Babylonis historica expositione facillime possunt intelligi, nisi forte figurali expositione de corpore ad caput verba per allegoriam transferan-

tar. Unde loco assumpta quæstio in hoc loco non dissolvitur, dum historialiter in ipso Evangelio causa ruinæ et sententia et vindicta non manifestatur. Nisi forte, ut ceteri existimant, originale illius peccatum in seductione hominis per serpentem esse aliquis dicat; per quam et sententiam animadversionis accepterat, dicente Domino, *Maledictus tu inter omnia animalia et bestias terræ; super pectus tuum gradieris, et terram comedes omnibus diebus vitæ tuæ* (*Gen. iii, 14*); sed absit hoc, ut sentiamus angelum posse suadere homini peccatum in terra, nisi prius ipse peccaret in *cœlo*, dicente Domino, *Vidi satanam sicut fulgur de cœlo cadentem* (*Luc. x, 18*); unde enī potuisse et ipse invidere felicitati humanæ, nisi prius amisisset beatitudinem propriam? Non solum ergo peccatum hominis præcessisse diabolica ruina credenda est, sed etiam perfectionem illam creaturarum que in die sexta facta est; de damnandis in novissimo die Domino pronuntiante, *Discidete a me, maledicti, in ignem aeternum, quem preparavit Pater meus diabolo et angelis ejus* (*Matth. xxv, 41*). Quando ergo præparatus est ille ignis, nisi in perfectione creaturarum omnium? Nisi forte dicamus post sexti diei perfectionem Deum aliquid creasse: quod absit, ne mendacem Scripturam, imo nosmetipsos faciamus. Cui ego carcer in illa creaturarum conditione præparatus est, illius peccatum originæ liter illas creaturas præcessit. Quoniam, ut Scriptura inquit, *Ipsa ab initio mendax est, et in veritate non stetit* (*Joan. viii, 44*). Restat ergo ut ruina angelica, qua causa a Domino tacita est, exponamus, dum illum creaturarum Dei principium angelum cecidisse non ambigamus. Angelicum vero vulnus verus medicus qualiter factum sit, indicare noluit, dum illud postea curare non destinavit. Et qualiter sit ejetus per sententiam vindictæ, retinuit, quem per poenitentiam nullo modo revocavit. Peccatum vero hominis quomodo factum fuerit, profertur: ipsum namque quandoque promereri veniam non desperatur. Et qualiter ejectus sit homo, indicare Deus maluit, quem ad statum pristinum in novissimo iterum revocavit. Et quomodo animadversionis sententiam accepit, non occultavit, a quo aliquando per clementiæ sue veniam satisfactionem accipere non recusavit. Ilanc ergo differentiam in hominibus et Angelis Apostolus considerans ait: *Non enim Angelos, sed Abrahæ semen apprehendit Deus* (*Hebr. ii, 16*). Cum enim Creator clemens et misericors in summa illa et incommutabili Dei Patris manens substantia, in servi formam semetipsum exinanire voluit (*Philipp. ii, 7*), non angelicam naturam, sed humanam apprehendit. Sed et in hoc quæstio nascitur: cum Deus angelis peccantibus non pepercit, et tamen peccanti homini per assumptionem humanae carnis veniam relaxavit; quare ergo inveniabili vindicta summus angelus est percussus, cum peccans et mandatum sui Conditoris homo transgrediens, veniabiliter postmodum ad poenitentiam revocatus sit, Joanne, et Domino, et Petro clamatibus: *Poenitentiam agite; appropinquavit enim regnum celorum* (*Luc. iii, 5; Matth. iv, 17; Act. ii, 38*)? Angelus ergo in summo honoris sui ordine constitutus, immunitationem ad excellentiorem statum non habuit, nisi per contemplationem sui Creatoris confirmatus, in eo statu permaneret ubi conditus fuit: et idcirco prolapsus iterum revocari minime potuit, qui de sublimissimo sui ordinis statu proruit. Homo vero adhuc in terra positus, generandi officio destinatus, ciborumque esui deputatus, immunitationem in sublimiorem et meliorem spiritualemque vitam sine morte recipere, si quamdiu in hac conversatione positus esset, in mandati custodia permaneret. Hunc, antequam ad statum veniret sublimiorem, delictum præripuit: et ideo de inferiori illo suo ordine, id est, immortalitate sui corporis confessi ruit, dicente Domino, *Terra es, et in terram ibis* (*Gen. iii, 19*). Clementia ergo Conditoris homo ad illam beatitudinem, ad quam peccans adhuc non pervenit, per passionem Domini revocatur; qui si inde cecidisset sicut

angelus, nunquam iterum revocaretur: quoniam ad illum ordinem, id est, immortalitatem sui corporis nunquam iterum pervenit, nisi peracta omnium morte, illa beatitudo ad quam revocatur, per resurrectionem restauretur. Non ad illum tamen ordinem aut ad statum unde primus homo ceciderat, sed ad aliud sublimiorem, quem speravit, restitutio fiet, dicente Domino, *Eruunt sancti Angeli Dei in cœlo* (*Math. xxii, 30*). Præterea quoque ad cumulum diabolici peccati illud accidit, quod statim postquam peccavit, foveam desperationis incurrit. Si cuim de suo delicto habere veniam non desperasset, nunquam consentienti sibi homini dammum salutis sue procuraret. Qui enim de priori peccato habere veniam desiderat, nullo modo aliud augmentare preparat. Per haec ergo non solum sibi meti ipsi foveam perditionis inventit, sed etiam per se peccanti homini causa perditionis exstitit. Hoc autem ad levandum hominis delictum occurrit, quod non solum per semetipsum mandati transgressionem non reperit, sed serpentine suasioni consensit; verum etiam alieni creaturam rationabilem in Dei offensionem non induxit: ac per hoc facilis poenitentia jauam adiunxit apertam; quam qui non ingressus fuerit, danno perpetue vita subjacebit. Qui vero per poenitentiam peccata diluerit, angelicæ felicitatis censors in æternum erit.

CAPUT III. — *De Abel et Enoch primatum tenentibus in hominum justitia.*

Ut autem ab ipso humani generis post peccatum originale primordio homines quandoque promereti veniam Deus ostenderet, paucos homines elegit, quibus notitiam sue amicitiae demonstraret: quos processu temporis paulatim plures usque ad sue presentia visitaret adventum, quousque in adventu suo omne genus humanum per totum orbem illuminaret. Ex quibus paucis primus Abel totius humanae justitiae princeps, et secundus post eum Enoch, insignissimus ante diluvium eligitur, quibus summa justitia in initio ipso mundi et fine committitur. Unus enim statim in justitiae sue initio, in ipso etiam mundi principio sanguinis sui tripudio coronatus, martyrio arriput (*Gen. iv, 8*). Alter adhuc sine morte (*Id. v, 24*), in testimonium novissimi temporis reservatur. Sed huic Abel Dominus Jesus Christus primatum justitiae hominum commisit, ita inquiens, *A sanguine Abel justi, usque ad sanguinem Zachariae* (*Matth. xxiii, 35*). In eo enim quod dicit, *A sanguine Abel justi, usque ad sanguinem Zachariae*, et non addidit, *justi*; hæreditatem justitiae Abel tenere Zachariam ostendit. Sicut etiam in genealogia Salvatoris scribitur, *Jesse autem genuit David regem, David autem rex genuit Salomonem* (*Id. i, 5, 6*), cui non additur, *regem*, cum Solomon patris regno teneret majus imperium. Sed ex hoc intelligitur patris sui David regnum Salomon hæreditario jure possidere, et ad David honorem regni plus pertinere, quod primus ex illa generatione regnum obtinuit; sicut et Abel in justitiae hominum primatum tenuit, eo quod primus in terra iustus fieri coepit. Unde quasi hæreditario jure patrum succedunt, sic omnes justi vestigia Abel in cunctis justitiae partibus capiunt. Sed ista investigatione recte incitatus aliquis fortasse interrogabit: Cur ergo, inquiens, dum Abel justitiae primatum tenuit, non hunc Deus sine morte ad testimonium novissimi temporis reservavit, ut in mundi fine ipse doctor existeret veritatis, qui in principio erat auctor perfecti operis? Attamen huic responsioni congrue obviare poterit, qui justitiam in tribus partibus constare novit. Tota enim justitia haec est, virginitas, sacerdotium, et martyrium. Quæ triple justitia in Abel primo fuit, qui et munera Deo placita obtulit, prosapiam generis in sacerdotali non reliquit, et martyrii coronam sanguinis effusione promeruit. Si ergo longiori tempore, ut Enoch, Abel maneret; sine ulla dubitatione conjugium iniret. Quippe qui in tempore illius legis vive-

(Soixante-huit.)

ret, quæ dixit, *Crescite, et multiplicamini, et implete terram* (Gen. 1, 28). Et si illud mandatum expleret, pro certo nequaquam virgo esset. Et si illum Deus sine morte servaret, martyrii primatum nequaquam acciperet. Recte ergo competebat, ut qui primus in terra justus eligitur, in eo totius justitiae forma servaretur, cuique primo in hominibus post delictum gestare figuram conceditur Salvatoris, qui virgo, et sacerdos, et martyr esse videtur. Enoch vero sine morte, per totius pene seculi tempus remotus ab hominum conversatione custoditur, ut in eo qualiter hominum homines si non peccarent, generata prole commutarentur in vitam spiritualem sine morte, ostenderetur. Sed licet longo reservatus tempore adhuc vivat; mortis tamen debitum, quod omnes in Adam sumpsimus, vitare non poterit. Certe in hoc etiam illud occurrit, unde scribendi de mirabilibus occasio sumpta videtur, quare quasi contra naturam, ultra humani ævi metas, hujus vita tam longo admodum tempore distenditur. Attamen in hoc non nova natura uni homini gignitur: sed pristina et generalis omnium hominum gubernatur. Insitum enim omni homini in prima conditione Genesios libri historiam considerantibus esse appareat, ut non solum longo tempore, sed etiam perpetuo viveret, nisi peccati aculeo mors naturæ metas exterminaret.

CAPUT IV. — *De eo quod terrena tantum animalia in diluvio mortificata sunt.*

Inde processu temporis, hominibus post originale peccatum per propria studia in Dei offensam procedentibus, et in oblivione sui Conditoris incidentibus, cum per enorme peccatum, grandi corporis mole gigantes essent exorti, totius terræ facinus aquis diluere parat: et viro perfecto in genere suo reperto, Noe videlicet Lamech filio, mysterium consilii sui soli insinuat, eique arcam per longi temporis spatium fabricare commendat: ut vel ille per hoc factum morte imminente cum domo sua liberaretur, vel videntes imminens exitium pertimescentes ad delictorum pœnitendum revocarentur (Gen. vi). Sed illo contumaciter et negligenter iudicio contemptio, ex insperato tempore Deus offensus, ad commune totius orbis excidium, aquis universa terræ spatia pariter obicit: et exceptis quæ area clauserat, cuncta quæ in terra tantum vivere possunt, homines et cætera animantia ab ipso cœlo aqua conducta delevit (Id. vi, 17-23). Sed universa quæ in aquis vivere possunt, plaga illa non tetigit; terrena tantum animalia mortificavit. Quo in loco astute querentibus ac solutione indigens quæstio subvenit: Quamobrem terrena animalia humanae vindicte plus quam aquatica succumbunt, quorum nec plura peccatum gesta subveniunt? In peccato tamen primi hominis, terra de qua gustaverat, statim male dicitur. Per divinum namque oraculum ita infertur, *Maledicta terra in opere tuo* (Id. iii, 17), etc. Quia in re notandum, ipsa animalia quæ maledictam terram manducaverunt, expertia maledictionis esse non posse, præsentim cum terra cum suis animalibus maledicta erat. Iterum ergo alia adhuc quæstio surgit: Quare Deus etiam aquis in Adæ maledictio non maledixit? Cui facilime responderetur, quod non aquam contra interdictum Domini bibit, sed de terræ fructu homo comedit. Exceptis quoque his rationibus, aquis a maledicto Adæ Deus pepercit, quoniam per aquam diluere maledictionem illam paraverat, quod in diluvio est factum, et nunc per Baptismum indugetur: nam in aqua et Spiritu sancto cuncta humana corporalia crimina simul et spiritualia purgantur. Aquatilia enim maledicto vindictæ non succumbunt, quia in maledictionis participatione non sunt. Ac per hoc et Dominus, cum mortis humane maledictionum resurgendo deposuerat, non terrestrium, sed aquatilium carnem animalium comedebat, cum ad confirmationem resurrectionis coram discipulis piscis assi partem et favum mellis accipiens manducavit (Luc. xxiv, 42, 43).

CAPUT V. — *De animalibus quæ nec in terra tantum vivere, nec in aqua tantum possunt, quomodo diluvium evaserint.*

(a) De animalibus quoque quæ nec in terra tantum, nec in aqua tantum vivere possunt, quæstio vertitur, quomodo diluvium evaserint, quales sunt lutri, vibili marini, et multa avium genera, quæ in aquis escarum suarum victum requirunt, sed in arena dormiunt, et nutruntur, et requiescant. Si ergo arca includerentur, sine aquarum adjumento vivere non possent: et si extra arcam remanerent, aquis universa tegentibus, ubi requiescerent quomodo haberent? De his ergo, ut supra dixi, quæstio vertitur, Utrum per virtutem suam utramvis earum naturam, donec diluvium transire, Deus temperavit, ut aut in humore tantum, aut in arida tantum illis tunc vita esse potuerit. Sed qui Noe cum domo sua per arcam, non per virtutem servare voluerat, qualiter hoc per virtutem custodire vellet? An his alicubi scopolorum aliqua refugia esse poterant? Sed etiam illa quomodo subvenirent, dum omnes montes, quibus duodecim cubitis altior fuit, aqua tegeret (Gen. vii, 20)? An etiam in arce tecto foris requies his esse aliqua valebat, quod a trecentis cubitis longitudinis, et altitudinis triginta, et latitudinis quinquaginta cubitis in unum cubitum undique contractum, latum et stabile spatium faciebat, ut quod intus manentes, sine periculo conservaret, etiam per profundi periculum vagantibus¹ refugium foret?

CAPUT VI. — *De eruptione aquarum diluvii.*

De eruptione aquarum diluvii ita refertur: *Rupti sunt omnes fontes abyssi magnæ, et cataractæ cœli aperte sunt, et facta est pluvia quadraginta diebus et quadraginta noctibus* (Gen. vii, 11, 12). Postea subinfertur: *Clausi sunt fontes abyssi, et prohibita sunt pluviae de cœlo* (Id. viii, 2). Illius rei difficultatem fixa sententia expressane, scientie nostræ parvitate prohibemur. Verumtamen in his magistrorum quid intentio potuit excogitare, indifferenti sermone proferamus, nulli ex diversis opinionibus certiore in tribuentes auctoritatem; de quibus narrationibus, de singulis electionibus arbitrium probandi seu reprobandi concedimus libertatem. Fluvii enim de fontibus utrum ante diluvium fuerunt, inquisitio profertur: de quibus nulla in principio creaturæ certa definitio, utrum facti an non facti sint ostenditur; nisi quod fons unus ascensus de terra, et divisus in quatuor capita, regiones irrigabat (Id. ii, 6). Nisi forte de illo fonte cæteros per totum terræ spatium ubique ebullire etiam tunc aliquis dicat, propter quorum omnium singillatim assignationem originallis illius magni fontis commemoratione sufficeret. An etiam ante diluvium non erant, donec illa aquarum abundantissima eruptione universorum fontium venæ, ubi vel jam ante non fuerunt, quod etiam sepe nunc fieri cernimus, erumperent? Attamen non de fontibus terra, sed de fontibus abyssi dicitur, *Et rupti sunt fontes abyssi*. Sed hoc generaliter de fontibus potest sentiri. Unde enim terra potuisse habere, nisi subiacente abyso per occultos meatus fontium venas suscipere? Et idcirco abyssi fontes, etiam terra fontes possunt nonuinari. Sed qui hoc ita sentiunt, quid dicent in eo quod paulo post, consummata quadraginta dierum inundatione, subinfertur: *Et clausi sunt fontes abyssi magnæ, et prohibita sunt pluviae de cœlo*? Si fontes illi, qui nunc per terras fluunt, in diluvio aperti sunt, quomodo iterum clausi pronuntiantur? nisi non omnes fontes clausos esse denuntient, præter eos tantummodo, per quos exitus hujus aditus administrabatur. Verum etiam hoc pro tempore solummodo esse dictum confirmant. Fontes enim qui clausi erant, cum illa insolens eruptio prohiberetur, postea apertos suis sequens ratio pronuntiat, dum aquæ ibant et revertabantur (Id. viii, 3). Quo enim revertabantur, nisi

¹ Ms. Aud., *navigantibus*.

(a) Exstat apud Alcuinum in lib. quæstionum in Gen., quæst. 123.

unde venerant? Per fontes igitur apertos aquæ irruerant, qui post, ut cessaret eruptio, clausi erant. Sed cum iterum aqua revocaretur, etiam fontes, qui clausi fuerant, reserantur. Aquæ enim quæ clausis janius venire non poterant, quomodo retro, nisi apertis aditibus, reintrabant? De eo autem quod dicitur, *Et cataractæ cœli aperte sunt, et facta est pluvia, non minori diligentia indigneus questio*, diversis inquisitorum sententiis ventilata dignoscitur. Quibusdam namque placet, ut ista cataracta nubibus aperte fuisse putent, quæ sepe cœli nomine per Scripturas divinas nuncupantur, quomodo est illud, *Et cœli dabunt imbre, et terra dabit fructum suum* (*Jerem. xiv. 22; Psal. lxxxv. 13*); et, *Panem cœli dedit eis* (*Psal. lxxvii. 24*); et, *Possunt aves cœli habitare* (*Marc. iv. 32*); et, *Volucres cœli nidos habent ubi requiescant* (*Luc. ix. 58*)? Cataractas ergo in cœlo, in nubibus videlicet factas ut pluvia veniret, illi predicti aestimant, quemadmodum etiam nunc tale ministerium per nubes fieri totus mundus non ambigit. Sed tunc cataractas cœli apertas Scriptura sancta commemorat, quod solito plus, ingens effusio pluvialis facta erat. Ceteri vero istas cataractas in summo illo firmamento, quod ut dividetur inter aquas et aquas, Deus in principio fecerat, factas prius esse dicunt: qui Deum illas aquas, quas supra firmamentum posuerat, ad tale ministerium preparasse dicunt: et in hac conditione et superioris et inferioris aquæ, sacri Baptismatis ministerium figurali expositione inspicunt, dum per cœlestem pluviam, Spiritum sanctum; per abyssi undam, aquam Baptismatis intelligunt: ut sicut aqua superior et inferior, primæ vite mundi pœcamina diluit: sic Spiritus sanctus et aqua, nostra viæ prioris delicta remittat. Sed dum in hoc opere intellectum potius rerum gestarum, quam figuralem expositionem assumptionis, quod ad rem præsentem pertinet, prosequamur. Hi ergo qui firmamenti aquas ad diluvium venire ponunt, etiam ante diluvium pluvias in mundo fuisse non aestimant; occasione illius arcus, qui post diluvium in nubibus est constitutus, in hanc estimationem ducti, ex ipsarum creaturarum natura investigantes, quod si ulla serena ante diluvium pluvia fieret, iris, id est, arcus ille in nubibus serenis appareret; qui per solem semper, et humectas serenasque nubes efficiunt: et non a sole tantum fieri, sed etiam per lunam aliquoties in serenis nubibus videtur. Poterat ergo ipsa mundi nuper creati prima ætas sine ulla turbulenti aeris mutationibus et pluviosis per matutinum et vespertinum rorem ali; ut in ipsa fortitudine sicut homines longevos et sanitate corporum alacres haberent, ita et mundus ipse nullis adhuc perturbationibus agitatus aptos vescentibus ferens fructus consistere: et a secunda ætate sicut turbulentis motibus, ita turbidis rerum tempestibus vivere et vigere inciperet. Quemadmodum in terra Ægypti etiam nunc nequaquam nubium imbribus, sed terre ipsius sudore, et aeris comoditate, et Nili fluminis incrementis fovetur. Sed haec investigatione qualiter accipienda sit pro certo, erudit et catholici viri videant.

CAPUT VII. — *De recessu aquarum diluvii.*

Item de recessu aquarum diluvii quid docti ei ingenirosi magistri sentiunt, sive ulla nostræ auctoritatis præsumptione proferamus: ubi nodosa questio studiosis mentibus ostenditur: Si aliquem locum vacuum reliquerant, cum terræ spatium aquæ diluvii occupabant; et si nullum spatium tale habuerant, quando recesserant quid implebant? De qua inquisitione in illis aquis quæ de cataractis cœli defluxerent, bina magistrorum testimatio est. Aut enim, ut nonnulli testimant, per easdem cataractas revocantur, et quemadmodum de mari aridae nubes lymphaticos imbres consuescunt attrahere; ita et superiū illius firmamenti spatium, aquas quas emiserat de nubibus, posset revocare. Aquæ enim, inquit Scriptura, *ibant et revertabantur*. Quo ergo ibant, nisi unde venerant? Si ergo de excuso illo firmamento, ut juxta quorundam estimationem diximus, aquæ desuper fluxis-

sunt; et spatium quod occupabant, dimiserunt, si illuc revocatae sunt, quid mirum si eadem quæ deseruerant spatia complebant? Vel certe si de nubibus eadem nimborum copia fuisse monstrata conceditur, quid intelligentibus mentibus repugnat, si ad nubes iterum ipsa retrorsum verteretur; quemadmodum in quotidiana rerum administratione fieri cernitur, ut pluvia de nubibus emissæ et resumpta videatur. Ceterum ii quoque qui aate diluvium pluviam esse non permitunt, de recessu aquarum alter sentiunt. Ipsi enim, cum aquarum diffusionem de firmamento factam pronuntiant, in nubes tamen tantummodo eas redire confirmant; et superfluum illud quod aqua desuper fluens prebeat, etiam nunc per omne tempus turbulentos aeris motus, et hemisphærías diversas in nubibus gignit, quod reciprocis immutationibus idem aer nubilosus nunc in inferiores partes nündi, hoc est terram et mare dimittit, nunc de eisdem, mari scilicet et terra, recolligit: quomodo et in pectore humano habitat reciprocis mutationibus eodem modo quo dimititur, iterum exigitur ut resumatur. In his autem quamlibet diversis opinioribus et magistrorum plurimis ambagibus, hoc animo fixum suscipimus, quod aquarum quodcumque desuper venerat, ut terra aquis nundaretur, ventus lambebat. Sic enim scribitur: *Inmittit Dominus ventum super terram, et diminutæ sunt aquæ* (*Gen. viii. 1*). Utrum vero in nubes ventus lymphata aquora collegat, an illa superni firmamenti spatium resumpserat, pro certo erudit viderint. Aquæ autem illæ quæ de abyssi fontibus disruptis largiter defluxerunt, per easdem vias unde venerant, rursus dominico iussu remeabant. Sed adhuc nobis communis questio in his renascitur, quæ in reliquis velut curata videhatur: Si, quando inundaverant, aliquod spatium relinquebant; et si non hoc habuerant, quando reversæ sunt quid implebant? Ceteri hanc quæstionem ita disserunt, quod mare tunc Dei jussu de suo modo consuetu, per illorum fontium apertitionem crescere, et ultra metas suas inundatione insolita per cuncta terræ spatia transundare poterat, et in se iterum quod amiserat resumere, vel etiam in spatium terre deportare, quod ad inferiores aquas pertinebat: que terra semper superpositas lymphas nisi de fontibus absunere, et in semetipsam redigere consuevit, quoniam non contra consuetudinem videnus etiam parvaras res in majus crescere. Nec contra naturam terræ est, superpositos humores semper consumere, præsertim cum hoc Deus in potestate etiam sanctis suis tribuit, quemadmodum Elie et Elyseo (*III Reg. xviii. 44, 45; IV Reg. in. 20*) dedit in nubecula¹. Maria quoquo extra terminos antiquos crescere consuecunt, et terrarum spatia diminuant atque præscindunt, sicut et senes nostro adhuc tempore viventes, videsse se confirmant. Unde etiam insulas quæ ab initio conditi orbis, ut multi testimoni, non fuerant, processu temporis faciunt, dum propinqua promontoria marinis finibus a continentis terra dividunt. Per quod intelligitur, quod ille ferat quæ insularum orbibus includuntur, non humana diligentia devectæ, sed in illa divisione insularum a continentis terra reportæ esse probantur. Quis enim, verbi gratia, lupos, cervos, et silvaticos porcos, et vulpes, taxones, et lepusculos, et sesquivulos in Hiberniam deveheret? Vel qualiter si tunc domesticæ erant, manum portantis ita effugerant, ut omnia genera hæc per silvas nunc oberrare videantur? Sed nonnulli autores genera hæc bestiarum et ferorum animalium, ipsam terram gignere dicunt, qui hæc animalia quæ in insulis includuntur, non ex area, sed ex ipsa terra procreata esse existimant. Hanc vero putationem eorum de quibus diximus, de recessu aquarum diluvii, etsi aliquis acceptam et sufficientem esse crediderit, nostris tamen adhuc mentibus illa questio innodata residet. Quotidianis etenim inundationibus et recessibus Oceani, hæc semper questio renascitur. Quemadmodum hanc inundatio-

¹ Ms. Aud., dedit in duas.

nem unde venit, aut quo recedit nescimus; ita etiam recessum diluvii ignoramus. Ilæc namque quotidiana inundatio bis in die a tempore ad tempus, per horas viginti quatuor semper peragitur, et per alternas hebdomadas Ledonis et Malinae vicissitudo commutatur (*a*). Sed Leda sex horas inundationis, et totidem recessus habet; Malina vero grandis per quinque horas ebullit, et per septem horas littorum dora retegit. Quæ tantam concordiam cum luna ostendit, ut antequam luna nascatur, tribus diebus et duodecim horis semper incipiat; et post nascentis lunæ principia alios tres dies, et duodecim horas consuecat habere: similiter et ante plenilunium tribus diebus et duodecim horis incipit, et post totidem temporis cursus sui terminum consumit. Sex vero uniuscujusque temporis Malinas, veris scilicet et astatis, autunni et hiemis, secundum lunarem suppurationem, hoc est, simul omnes viginti quatuor unusquisque communis annus habet, exceptis videlicet embolismis, qui viginti et sex Malinas retinent: et uniuscujusque de predictis temporibus medie dñx, videlicet æquinoctiales, et aliae quando vel dies vel nox cursus sui terminum consumunt, solito validior ac inundatione altior fieri consuecat. Interpositis vero spatiis iterum tandem semper Leda intermittitur. At vero rationabilis hujus perseverantiae inundatio, quo recedit, mentibus nostris occultata est: non minorem profectum nescientibus preparat scientia homini. Nam qui veram sapientiam cupit, ad æternum regnum ubi nulla est ignorantia, festinare contendat, et interim cum insigni gentium magistro dicat: *Ex parte cognoscimus, et ex parte prophetamus* (*1 Cor. xiii, 9*). Et enim omnes res, quas possidemus, ex parte vix novimus. Terre namque superficies in qua laboramus, alimur, vivimus et sustentamur, nostris appareat obtutibus; sed tamen quomodo illa sustentatur, adhuc ignoramus. Sol in ministerium nostræ necessitatis per diem traditur, sed qualem in nocte profectum sequitur, a nostra scientia occultatur. Lunæ quindecim diebus crescentis, et totidem tempore decrescentis, totius vicissitudinis causas quis intelligere sufficiat? Maris inundantis tumores considerare permittimur, sed recedentes illius intelligentia privamur. In nobismetipsis diem nostræ nativitatis scimus et memoramus; diem mortis quando veniet, cum certe ventura sit, nescimus. Res etiam corporales quas videmus, ex parte tantum considerare possumus. Ex parte ergo cognoscimus, quoniam in hoc seculo sumus. Sed si ad illam lucem Patris luminum venerimus, nihil in creaturis erit quod nesciamus. At vero ut nostrum sequainur propositum in isto diluvio tam magno in Dei creaturis miraculo, nihil contra naturam factum esse ostenditur, quoniam nihil quod Deus in creaturarum prima conditione non fecerat, superinductum esse videtur; nisi quod solito abundantior maris copia, et imbrum ducta congregatur. Nihil in his auctoritate firmaverim, ut in defensione alicuius contentious sim: sed si quid alterius ingenio forte meliori intelligentia horum succurrerit, hoc et meo ingenio forsitan complacebit. Ego enim quod in hoc magistrorum quorūcumque eruditio contulit, litterulis his intimavi, in quibus si quid vitiosum, et minus sanctæ intentionis appareat; non illorum, sed mea titubavit intentio.

(a) Beda de Nat. temp., cap. 28: «Estus, ait, crescentes *Malinas*, decrescentes autem, placuit appellare *Ledenes*;» perinde loquens ac si recens hunc in usum adhiberi ceperissent ea vocabula. Apud Marcellum Empiricum, qui in Gallia Theodosio seniore imperante vixit, *tidnam* et *Malinan*, cap. 16 et 23, legere est; sed in significatu non nihil diverso, uti observat V. Cl. D. du Cange in Gloss. Ceterum Bedæ in predicto lib. cap. 8, nostroque auctori hic, Leda est estus ille maris languidior qui per quatuor pene dies tam ante quam post secundam ultimamque lunæ quadraturam, mense unoquoque accidit; Malina vero estus vehementior, contingens diebus aliis ad novilunium et ad plenilunium.

CAPUT VIII. — *De cursu solis et lunæ in diluvio.*

De terminis, de recurso solis et lunæ in diluvio, quamvis famosa plurimorum mentes quæstio pulsat; nihil in luminarium aut siderum consuetis ministratiōnibus diluvium commutasse, ipsius anni quo diluvium est factum, cursus manifestat. Noe enim secundi decimo septimo die mensis cum universis, que ad eum pertinebant, arcam intravit (*Gen. vii, 11, 15*). Post centum quinquaginta dies in intense septimo vi gesimo septimo die mensis, in montibus Armeniae eadem arca requievit. Prima die decimi cacumina montium apparuerunt. Et prima die mensis primi aquæ minute sunt. Atque evoluto anni circulo, mense secundo, vigesima septima die mensis aerafacta terra conspicitur; qua die Domini jussu, Noe cum omni domo sua de area egressus est (*Id. viii, 4-18*). Ex quibus indicis manifestissime ostenditur, quod in iis que ad anni circulum peragendum pertinebant, in luminarium ministratiōnibus dierum ac noctium plenitudine decursa, nihil decadere videtur. Si enim luminarium, solis scilicet et lune, cursus in aliquo titubaret; dierum ac noctium primitus vicissitudo, et deinde totius anni circulus impeditus appareret: dum vero nullo modoturbatus in se anni circulus revertitur, manifestum est quod in anno precedenteluminarium cursus non turbatur.

CAPUT IX. — *De dispersione linguarum.*

Jam generali totius orbis purgatione per aquam Deo gubernante perfecta, atque aquis iterum terra codem jussu reiecta, egressa de area Noe solius tunc justi pro-apia, totius mundi partes compleitura, cito succrevit (*Gen. ix et x*). Sed antequam in omnes terras essent divisi, impia cunctoru[m] mentibus et superba cogitatione subrepsit, ut in commune magnificare nomen suum, non Dei creatoris, per excellentissimæ turris ad celum usque adificationem decernerent, et in memoria posteritatis per omnes postea generationes, gubernationes, et totius seculi tempus indelebili cunctorum praeconio celebres forent. Sed haec temeritate et superba presumptione rursus Deus offensus, per totius generis communem culpam individua omnium strage, quod in hominibus nuper erat expertus, presertim cum nullus repertus est justus, qui residuus esset, totam funditus gentem delere noluit. Verumtamen cum illud usque tempus esset unius linguae cunctus populus, universorum qui ad tale opus venerant, linguis in diversa verba divisit (*Id. xi, 1-9*), scilicet ut rectissimo justi arbitri judicio, qui alto Deum superbæ tumore contemporaserat, in fragilissimo substantie sure membro sermonis pœnam utique sentirent. Et hoc non in ipsis tantum patribus quod evenerat fiebat; sed per omnes filiorum propagines talis vindictæ conditio pertransibat: ut qui æternam sibi posteritatis famam quererent, mansuram in illis posteritatibus ipsius presumptionis per universa venturi seculi tempora animadversionem invenirent. Postea quoque haec linguarum divisio Dei dispensatione evenerat, ut divinarum Scripturarum mysterium usque ad matrum tempus unius electi ex multis populi lingua custodiret: donec præfinito tempore, quando universis gentibus sacramentum sue dispensationis aperire voluit, Spiritum sanctum de excelso linguarum omnium scientiam affereantem, ejusdem sacramenti præordinatis ministris transmisit: qui Dei magnalia ad illud usque per unam linguam cantaverat, velut ad consecrationem omnium linguarum in ipso suo primo adventu per Apostolos predicabant. Sic enim illi quos de universis gentibus, velut ad hujus rei cooperationem, in Ierusalem tunc temporis collegerat Deus, dicebant, *Audivimus eos linguis nostris loquentes magnalia Dei* (*Act. ii, 4-11*). Sic apostolica humilitas Spiritus sancti munere colligebat, quod superbæ presumptionis et vanæ glorie cupidio disperserat. Lingnas autem illas septuaginta duas esse, pluriui auctores consentiunt, quia in adiunctionem turris illius in terra Sennaar, quæ nunc est Babylon, tot patres congregatos fuisse dicunt.

Unde et Dominus septuaginta duos discipulos, exceptis illis primariis Apostolis, elegisse sermone Evangelii refertur, per quos postea in omnes gentes idem Evangelium prædicaretur (*Luc. x. 4*). In quorum præfiguratione etiam Moysi spiritus in septuaginta seniores distribuitur: et alius duobus qui in eastris resederant, Hælad videt et Medad, ejus spiritus prophetie donum condonatur (*Num. xi. 24, 6*). Quorum quasi hereditarii successores, ad Ptolomeum Philadelphum Alexandrie regem pontificibus, Eleazaro scilicet et ceteris, qui eodem tempore Judæorum populo præerant, septuaginta sapientes, qui ex Israel stirpe descenderant, missi sunt, et Scripturas antiquæ legis in grecum eloquium transtulerunt. Iarum vero omnium linguarum novi Testamenti tempore, tribus linguis, hebraicæ utique, græcæ et latina, principatus committitur; quia in eis crucis Christi titulus litteris hebraicis, græcis et latinis scriptus, Evangelica auctoritate perhibetur (*Joan. xix. 20*). At vero Deus in hoc contra naturam humani eloquii quam olim disponuit, nil dividendo et confundendo linguas hominum et sermones fecit; quando ejusdem loquelas natura in hominibus permanet, nisi quod consuetudo diversa deviare ab alterutro linguis, non naturaliter, sed consuetudinare docet. Latinus namque vel Græcus inter Barbaricos genitus vel nutritus, barbarice loquitur; versa vice barbari filius a Græcis aut Latinis eductus, venusto sermone fatur. Ex quo intelligitur Deum non naturam hominum mutasse, non novum in eis aliquid condidisse, sed dicendi tantum modos et formas in diversis generibus divisiisse.

CAPUT X. — *De Sodomita vindicta.*

Magno deinde temporis intervallo peracto, in confinio Arabie et Palæstinæ quinque posite civitates, Sodoma, Gomorra, Adama, Seboim, et Segor, secundissimi soli habitatione, et rerum omnium abundantia perfruentes, inconvenientis luxuriae et cupidinis in contractione tritici convictæ, dominice vindictæ aditum præbuerunt; ita ut imbris ignis et sulphuris superfusa tota cum habitatoribus suis et animantibus et urbis, regio flagrans arderet (*Gen. xix.*). Hoc namque modo conveniebat, ut qui communis studio Deum offenderant, communis vindictæ impetu eodem perirent: et qui contra consuetudinem hominum in turpis concupiscentiæ perpetratione exarserant, contra consuetam hominum mortem non terrena vindicta, sed coelestium ignium infusione arderent: et qui peccatum suum non solum faciendo, sed etiam predicando palam fecerant, infamem vitam famosa poena consumerent. Quæ vindicta hactenus eorumdem terram non deseruit, dum quali poena, qui talia agunt subjaceat, ostendit. Inter istas vero duas primarias in sæculo penas, diluvii scilicet et Sodomitanam, talis differentia deprehenditur, quod aqua una terra, igni altera punita videatur: una cœli rore, et abyssi unda diluitur; altera igneo imbre, et sulphuris superflusione damatur. Una anni circulo unius permanente, terra retegitur; per alteram terra et adhuc cessatione maceratur: in una naturale scelus in hominibus punitur, per alteram ad inviatio concupiscentiæ contra consuetudinem facta vindicatur. In ista vero Sodomitana pena nil contra naturam Deus facere cernitur, cum desuper aereo ignito illo spatio, insoliti desiderii ardor inflammatur.

CAPUT XI. — *De uxore Loth in statuam salis mutata.*

De qua peccatorum plaga Loth Dei servus per Angelos eruitur; sed illius uxor ne retro respiceret jussa, dum respicit, in salis statuam solidatur (*Gen. xix. 17, 26*), ut cuius visus non erat immunis ex culpe consortio, mortem effugere non posset, quamvis propter justi contubernium eruta sit de incendio. Sed dum hoc assumpsimus, quod nihil in Dei creatura contra naturam sit, sed insita natura semper in omnibus gubernetur; qualiter, uxor Loth cum in salis statuam vertitur, humani corporis natura in hac mutatione gubernatur? Salis igitur naturam in humano corpore esse nullus ambigit, qui lacrymarum salsitu-

dinem comprobavit; quæ a turbato fello, ut medici dicunt, egredientes, salis naturam, quam in recondito naturæ sinu concipiunt, de oculis fluentes, etiam saporis comprobatione ostendunt. Et non solum in lacrymis, sed etiam in phlegmate, et tussi expresso sputo pectoris sapitur, quod salis natura per humanum corpus inseratur. Potens ergo rerum gubernator, cum totum in partem vertere cupit, quod in modica parte latebat, per totum infundit. Atque hac ex causa, cum uxorem Loth in statuam salis vertere voluit, pars illa tenuissima salis quæ carni inerat, totum corpus infecit. Et ita factum est, ut qui sexto die omnes naturas constituere consummavit, nihil ex aliqua natura in aliam congessit, sed unaquamque in semetipsa gubernat, quam in prima conditione constituebat.

CAPUT XII. — *De Sara nonagenaria pariente filium.*

Eodem fere tempore Abraham illius ex multitudine gentium in Dei amicitiam electi, Sara sterilis uxor filium, Isaac nomine, jam nonagenaria peperit (*Gen. xxii. 1, 2*), cum illam usque ætatem per totum vitæ suæ spatium sterilis fuit. Sed hoc valde conveniebat, ut quoniā filius quem parturiebat, ipsam figuram Christi, qui ex sola Virgine sine aliqua humana voluptatis cupidine nascetur, prelulit; illum non recte qua solent feminæ parere, id est, a duodecimo anno usque ad quadragesimum nonum annum, sed ultra illius consuetudinis metas parturiret: ut scilicet ille infans non solum ultra quinquagesimum annum, desinente partus officio, sed etiam nonagesimo anno nascetur, desinente voluptatis desiderio. Et hoc quamvis contra consuetudinem, non tamen adversus naturam factum est: quoniā et si contra consuetudinem est ut pariat anus, adversus tamen naturam non est ut in utero feminali nascatur quandoque filius.

CAPUT XIII. — *De puteo quem vidi Agar ejecta cum filio.*

Quo nascente filio et ablactato, ancilla Agar cum filio suo Ismael qui prior natus est ejicitur, quæ per desertum deficiente aqua, et siti moriente cum puerovadens lacrymatur. Sed angelo eam compellanto et dicente, *Exaudi Domini vocem pueri*, aperti sunt oculi ejus, et vidi puteum in solitudine (*Gen. xxi. 9-19*). De quo puteo ita refertur, ut aut tunc erumpens iam e terra prodatur, aut si ibi ante fuerit, tunc Agar oculi, ut videret, quem ante non poterat, aperiantur.

CAPUT XIV. — *De arietie quem Abraham obtulit pro filio.*

Ut autem appareret etiam hominibus quam fidelis in Dei amicitia permaneret Abraham, filium suum Isaac cum esset iam adulterus, offerre sibi in holocaustum super unum montium, quem ei monstraverat, Deus præcepit. Qui obediens, ad locum quem ostenderat ei Deus, cito perrexit, et assuptum filium iam jamque immolare coepit: sed clamante angelo, filio suo quidquam mali ne faceret, jam inter vespes haerentem cornibus arietem vidi, quem angelo jubente holocaustum pro filio statim obtulit (*Gen. xxii. 1-13*). Sic iste aries requiritur unde in solitudine fuit: utrum, ut quidam asserunt, bunc in illa hora terra protulit, quomodo et in principio pecora gignit? An etiam, ne illud opus post diem sextum condidisse de terra Deus dicator, istum arietem detulisse angelum aliunde credimus, quo modo et Philippum angelus ab eunucho transstulit in Azotum (*Act. viii. 39*), et ad Danielem in Babylonem Ilabacue transstulisse ad lacum leonum fertur angelus (*Dan. xiv. 35*).

CAPUT XV. — *De Jacob et Joseph; quare unus in terra repromissionis, alter in Aegypto seperitur.*

Inde Isaac generante filios Jacob et Esau (*Gen. xxv. 25*), Jacob duodecim Patriarchas generante (*Id. xxxv. 22-26*), decem fratres invidentes Joseph vendiderunt in Aegyptum (*Id. xxxvi. 28*); qui in terra peregrinationis et captivitatis sue salutem gentibus prestans ad quas pervenit, totius regni Aegyptiorum dispensationem, et dominium terre Aegypti accepit, ita ut et patrem cum omni domo sua in Aegyptum

invitaverit : ubi cum annis sexdecim vixisset, die mortis jam instanti, illum suum Joseph adjuravit, ut ad sepulcrum patrum suorum id terram repromissionis, in qua Abraham et Isaac cum Sara et Rebecca jacebant, ubi etiam Lia condita fuerat, illum deponaret. Quam adjurationem Joseph opere complevit : patrum enim suorum ad sepulcrum paternum corpus devexit (*Gen. xl ix, 1*). Et tamen ille in Aegypto postea morens, statim post mortem devehit ad paternum sepulcrum noluit; sed in Aegypto interim sepulturæ locum suscepit, et postea de ossibus suis pergentem de Aegypto populo inandavit, dicens : *Efferte ossa mea vobiscum hinc* (*Id. l, 24*). Quare ergo alter ad sepulcrum Abraham in terram repromotionis protinus portatur, alter adhuc in terra Aegypti quandoque deportandus sepelitur? Jacob namque nequaquam externæ gentis feminis, nisi iis quae de Mesopotamia secum venerant, miscebatur; idecirco ad paternum sepulcrum integro corpore post mortem statim devehitur. Joseph vero Assenech Putifar is sacerdos Heliopoleos filiam uxorem accipiens (*Id. xli, 45*), externo sanguini fuerat mixtus, et ideo post mortem in extraneo terra limo conditus est. Quare ergo postmodum ad terram repromotionis velhi voluit, dum primitus in Aegypto conditus fuit? Joseph ergo ut vir propheticus, praevidit quod Aegyptiorum gens idolatriæ dedita, ipsum qui terrena munificentia illis auctor fuisset, et ipsos de famis periculo liberasset, aliquando adorare vellet: quod et fecerunt. Nam bovis simulacrum juxta sepulcrum Joseph statuerunt, eo quod bos viro in agricultura cooperatur. Qua etiam causa filii Israel cum in deserto idolum adorare vellent, non aliam aliquam statuam quam vitulum, id est, bovem fecerunt: hac vel maxime causa quod ipse in Aegypto juxta sepulcrum Joseph adoraretur. Ne ergo Joseph Aegyptiorum idolatriæ succumbet, protectionem filiorum Israel pravidens, dixit, *Visitatione visitabit vos Deus; et efferte ossa mea hinc vobis*. Hanc ergo causam in hoc loco posui, non quod inter mirabilis deputaretur, sed ne tam magnum inter Abraham et Moysen, sine aliquo quod communi. oratione dignum sit, spatium omitteream.

CAPUT XVI. — *De Moyse et rubo in Oreb.*

Post mortem autem Joseph, durissimæ servitutis jugo Aegyptiorum gen: filios Israel cepit opprimere, ita ut mares eorum parvulos, ne ultra modum gens succresceret, in fluminis projiceret, et diversa jubaret morte mactare (*Exod. i, 14, 22*). Quo tempore Moyses Amra filius, in illa tempestate generatus, Leviticæ stirpis vir, in ultionem sua gentis surrexit: et videns virum Aegyptum Israëlitam opprimentem, occidit. Quae res ut Aegyptiorum regi qualiter facta esset, innotuit; ipse de Aegypto fugiens, per quadrangula annos in terra Madian oves pascens exsul fuit (*Id. ii, 11-15*). Cui evoluto tempore remissionis, quæ facta est ad patres, minanti per pascua gregem in monte Oreb rubus ardens, et igne suo non comburi apparuit. Et cum talem visionem explorare cuperet, cur rubus non combureretur cum arderet, Dominus de medio rubi, Ego, inquit, sum Dominus Deus patrum tuorum. In Aegyptum mittam te, ut inde servitutis jugo oppressum solvas semen eorum (*Id. iii, 1-10*). In hac horribili visione, hoc nostro operi priñum occurrit, quomodo ignis videbatur ardere, et tamen illud in quo arserat, non comburi. Si ergo de ista materia ignis alimoniam sumpserat; quare illud unde creverat non consumebatur? Et si non de hac materia flamma, quæ videbatur, surrexerat; ut in rubo ostenderetur quid necesse erat? Cujusdam ergo virgulti consuetudo refertur, quod quanto plus arserit, non tantum non consumitur, sed ardendo purgatius redditur. De quo ligno sanctus Hieronymus in explanatione altaris lignei, quod in civitate per visionem Domini in Ezechiele ostenditur (*Ezech. xl, 22*), refert quod quasi lini colorem habeat: attamen de hujus nomine reticuit, cum illius naturam indicavit. Si ergo in illius arboris rubo ignis

ille Moysi ostensus arserat, quid mirum si nequaquam illud comburebatur? Servata ergo in utroque natura, igne scilicet et arbore, consideratur; dum et ignis naturaliter de arbore ardet, et arbor ardens igni naturaliter non consumitur. Vel certe in illo rubo non ille ignis arboris inimicus videbatur; sed potius ignis ille ibi fuit, de quo dicitur, *Qui facit angelos suos spiritus, et ministros suos ignem urentem* (*Psal. cxii, 4*). Ignis ergo incorporatus in rubo declaratur, qui dum corporali homini ostensus est, necesse fuit ut aliqua corporea materia monstraretur.

CAPUT XVII. — *De duabus signis, id est manu in sinum conversa, et virga in colubrum mutata.*

Deinde pergenti in Aegyptum, bisarium condonatur signum, scilicet ut in tribus testibus, in se et in duobus signis, consideret verbum. Nam virga quam Moyses adhuc ovium pastor manu portaverat, cum in terram projectaret, serpens siebat: et manum illius in proprium sinum suum missam prima vice leprosam protulerat, et secunda vice in eundem sinum conversa sana apparebat (*Exod. iv, 1-7*). Sed in manu aut in ligno contra naturam esse aliquid factum non appetat. Lepram enim et sanitatem insitam, ut alternatum sepe probatur, carnis humanæ natura retinet. Sed crebra talis mutatio, ut in eodem momento sana manus et lepra candens, et rursum sana appareret, insignissimi miraculum signi intuitibus præbet. Virga igitur in anguem versa et rursus serpens in arboreum mutatus, laborem naturæ inquisitoribus præparat. Nisi quia utrumque, virga scilicet et serpens, factum esse manifeste docetur ex terra. Quod ergo ex eadem materia oritur, gubernatoris Dei potentia vicissim in alterutrum mutatur. Sed si omnia, quæ de terra facta sunt, in alterutrum mutari vicissim conceduntur, hoc est, ut animal in arboreum, panis in lapidem, homo in volucrem verti possit concedatur; nihil ex his firmiter possit intra suæ naturæ terminos permanere, et ridiculos magorum fabulationibus dicentium in avium substantia maiores suos scedula pervolasse, assensum præstare videbimus; ac per hoc Deum in his non gubernatorein, sed mutatorein naturarum dicemus: quod absit, ne illum post primam naturarum omnium conditionem, aliquid novum, quod non propria natura retineat, facere credamus. Nihil enim sub sole novum. Nec valet quisquam dicere, Ecce hoc recens est (*Eccle. i, 10*): et ideo plurimi doctores plus dicunt illam veram virginem, quæ semper Moysi manibus comprehensa virgultum manebat, imaginarie tantum in serpentis formam aliquoties pro signo fuisse versam, præsertim cum ad nullus usus, nisi ad signum ostensionem necessaria esset. Si enim versus serpens fuisset, serpens temper post signa maneret. Etenim vera virga fuerat ex qua Moyses Aegyptum flagellare coepérat; nunquam in serpente mutata, semper virga permaneserat. De qua mare dividitur (*Exod. xiv, 21*), et petre in Oreb et in Gades percutiuntur (*Ibid. xvi, 17, 6; Num. xx, 11*). Si ergo imaginarius serpens ille per signa tantum ostenditur, cur coram Pharaone ceteri magorum serpentes per eum devorantur (*Exod. vii, 12*)? Cui objectioni facile docti respondere poterunt, quod et ipsi serpentes, qui per eum devorantur, imaginarii fuerunt; et ideo divini signi imaginatio devorare poterat quod per magorum diabolicas incantationes imaginatum siebat. Juxta ergo hanc aestimationem non in naturam serpentis virga vertitur, sed pro signo in similitudinem imaginarii commutatur. Nihil enim in arboris natura, quod facere serpentem possit invenitur: et idecirco nisi in hora signi, quæ erat virga naturaliter, serpens specialiter videtur¹.

CAPUT XVIII. — *De aqua in sanguinem versa.*

Pergens igitur in Aegyptum Moyses, cum coram Pharaone ut sibi Dominus imperaverat, signa faceret, et Dei sententiam, ut Israeliticum populum dimitte-

¹ Ms. Aud., *virga specialiter semper videatur. Optime.*

ret, regi indicaret, et ipse rex Dei praecepto nullo modo consentiret, et jubente Domino decem plagis terram Aegypti flagellaret; primo percussas in sanguinem vertit aquas, ita ut omnes aquae per totam Aegyptum mutatae in sanguinem; animantibus quae in psis erant, mortem praestarent, et per interitum sitis hominibus poenale facerent exiitum (*Exod. vii, 20, 21*). Hec autem prius vindicta Aegyptiis cum rege suo convenienter evenerat, ut qui Dei populi infantes in fumen jactari praeceperant, ejusdem fluminis aqua in sanguinem versa exitium bibentibus inferret, et non bibentibus poenam praestaret. At vero et hoc requirendum est, quod ad presentis operis propositum respicit, quonodo Deus naturae gubernator naturaliter aquam in sanguinem mutavit. Aqua igitur cuncti liquoris materia, quotidie per ipsarum rerum ministriones in diversa mutatur, dum ad uniuscujusque naturae pastum et refectionem indesinenter et naturaliter contrahitur. Cum enim per vitis arborem infunditur, in vini saporem et colorem mutatur: et cum oliva ligni ad excelsas summitates ascendit, eadem aqua olei pinguedinem facit: et cum ab apibus in favo congeritur, mellis dulcedinem operatur: et cum per palmarum robora digeritur, dactylos gignit, et ad siccere suavitatem expressa pervenit: et cum in animalium diversorum pastum deputatur, in sanguinis substantias diversas per eamdem carnem distinguitur. Nam et nutriendis fetibus, albi coloris et suavis sine dulcedinis in uberibus lac preparat, et per cancta reliqua carnis membra rubicundum sanguinis colorem fuscat. Multa sunt praeterea sanguinis genera per eamdem carnem, quae usque ad viginti tria physiologi dinumerant, ex quibus urinam, semen, fel nigrum et rufum, salivas et lacrymas, et cetera esse denuntiant: haec quotidianis administrationibus naturae sua per res varias aqua preparat. Quid ergo capiebus mentibus obstat, si illud quod per tempus longius facit, in momento per jussum potentissimi Gubernatoris naturaliter efficiatur? Aqua ergo in sanguinem versa, non contra naturam facit, sed quod aliis rebus per tempus efficeret, jubente Domino in semetipsa protinus operatur.

CAPUT XIX.—*De ceteris plagiis Aegyptiorum.*

De ceteris vero plagiis quibus Deus per Moysen et Moyses per Aaron, Pharaonem et terram eius et servos ejus castigaverat, nil excessisse terminos naturae, ipsa plagarum simplex narratio manifestat. Quoniam etsi tunc solito plures, semper tamen de aquis ranæ nascentur; et sciniphas aestatis tempore calore solis de pulvere oriuntur; locustæ et muscae solis fervore solidatae undique convenient, et jumenta diversis causis morte solita vita sue terminalum peragunt; pulvis quoque conturbatus de terra sepe aerem serenum obscurat, et vesicas, et postea ulceræ in hominibus et jumentis infectis aer generat. Grandio etiam et fulgura de congelantibus et vehementer turbatis nubibus ruunt, et absentia lucis oculorum obtutus, quantocumque lux recessit, tenebræ plus præpediunt. Mois quoque in Adam semi-nata primitus, omnibus filiis ejus dominatur, per quam tunc in Aegypto primogenita soboles cunctorum arctius dannatur. Sed quamvis haec omnia in rerum naturis insita erant, Aegyptiis tamen plagi conditione, ad eorum perfidiam compescendam, et subito, et plus solito acciderunt. Quarum ordo plagarum sicut in differentiatione rerum, ita et ministrorum crevit. Prime namque ex omnibus tres plagiæ per Aaron efficiuntur. Qui primo cum percussisset aquam, in sanguinem statim vertitur. Et cum iterum extendisset eamdem virginem super aquam, ranarum inundatio replevit terram. Et cum tertio extendisset virginem super pulverem terræ, sciniphas ebulliunt (*Ibid., 20; viii, 6-17*): et per Aaron istæ tres plagiæ sunt. Et sequentes tres aliae per verbum Moysi ministrantur. Nam illo jubente, locustæ et muscae veniunt, et mors jumentorum consequitur. At vero tres aliae non sermone tantummodo imperantur, sed

per Moysi opus convocantur. Moyses enim sumptum de camino pulverem in cœlum sparsit, et vesicas in hominibus et jumentis, et ulceræ manantia ut pulvis in omni terra Aegypti nascentur. Et postea assumens virginem in cœlum extendit, et grandinis fulgorumque insolens copia in terram ruit. Iterumque idem Moyses eamdem virginem in cœlum direxit, et tribus diebus totidemque noctibus permanentes tenebras crassitudine palpabiles, et admodum ferales super terram induxit (*Exod. x, 13, 14; viii, 24; ix, 6, 10, 23-25; x, 22*). Ultima autem plaga neque per Aaron, neque per Moyses accidit, sed angelus Domini per Aegyptum transiens cuncta Aegyptiorum primogenita delevit (*Id. xii, 29*). Quoties ergo de terra vindicta colligitur, per Aaron velut inferioris ordinis ministrum; quæ vero de volatilibus et morte jumentorum, quæ et ipsa velut in terra volant, poena contrahitur, per Moysis imperium agitur; quando autem de supernis nubibus castigatio convocatur, per extensionem in altum Mosaicæ manus conductur. At vero quando humanae mortis exitus a Deo dispensatur, non homini, sed angelo ministerium illud committitur: ut qui illud usque tempus per rerum, quas possidebant, flagella minus terrebantur; saltē per suæ insignissime partis detrimentum commune, quod sequebatur, interitum vererentur. Istarum quoque modus plagarum undique, hoc est, terra, aquis, animantibus, aere, igne, nubibus, cœlo et Angelis conveniat, ut ostenderetur quod contra Deo rebelles et contumaces sese pariter universus orbis armati. Sicut autem iis quos Deus punire voluit, omnis creatura irascitur; sic et illis quibus auxilium præbuit, omnis creatura suffragatur. Etenim hos ambos populos mare Rubrum divisit: ubi eorum alteri totius pressuræ finit, initium alteri cunctæ felicitatis fuit.

CAPUT XX.—*De recedente et siccato mari Rubro.*

Cum dimissum, tot plagi attriti, Israëliticum populum Aegypti a se exire compulissent; mala rursus penitidine acti, cuncti cum rege suo exercitus pergunt, ut quos dimiserant, iterum ad servitutem retraherent. Tot Israel in angusto maris Rubri sinu coarctato, Moys virginem super pelagus extendebat, subito maris unda Rubritidis dividitur; et ingrediente populo pedibus siccis, hostibusque succedentibus, via dilatatur: immissoque vento, per totam noctem Deus mare divisum, etiam in siccum vertit, et inter ambos populos nubem, quæ divideret, tenebrosam, et noctem ipsam illuminantem columnam immisit. Nam et Pharaonis exercitus mare post Israel intravit: sed uni refugium, alteri laqueus fuit. Quapropter et illa nubes media Aegyptiis erat tenebrosa, ut per totam noctem præcedentibus conjungi non valerent; Israeli vero noctem ipsam illuminabat, ut profunda maris lucida via incederent. Orto autem diluculo, defensus utroque periculo, hostium et pelagi, totius Dei populus evasit ad rura deserti; cum totus, sine saltē nuntio evadente, Pharaonis cuneus, undis ad suas metas revertentibus, concidit in glarea profundi (*Exod. xiv*). In hoc tam insigni in Dei operibus miraculo, istud de presenti actus nostri intentione exigitur, quonodo in siccato et recedente de littoribus mari ratio conservatur. Sed ipsum non tam difficulter, Deo auxiliante, nos invenire credimus, qui congelantibus undis stagnorum dorsa glacie superstrata sèpissime consideramus. Quod ergo venti et pluviarum desinente turbine aeris inferiores partes gelu obtinente, in aquis sepe naturaliter efficitur, illud tunc Dei jussu per glacialem ventum subito urgente (a) pelago factum fuisse comprobatur. Sed sicut repente mare siccum Domino imperante redditur, ita eodem jubente liquefactum, in fluidas undas de secco resolvitur. De recessu vero illius quotidiana administratione, jam ante prediximus, quia per Oceani maris aestuaria indesinenter fieri videre solemus. Ex quo colligere

(a) Forte, rigente.

possimus, quod mare sicut naturaliter quotidie deserit littora, non contra naturam, quanvis longe alter dissimili modo, Deo tunc gubernante, propria littora detexit.

CAPUT XXI.—*De carmine consono filiorum Israel.*

Considerantes igitur filii Israel validissimam protestatem, quam in sui liberatione Dominus fecit, Moyse præcincte consono carmine canticum Domino universi pariter decantabant (*Exod. xv, 1-22*). Ubi enormi satis admiratione accidit dignum miraculum, ut cuncti pariter senes cum pueris, et omnes ætates, eodem inspirati flamine, uno quasi ex ore, nulla premonitione edocti, easdem concinenter litteras decantarent in unum. Sed naturæ inquisitor in hoc loco securus efficitur, ubi non consuetudine humani ingenii, sed divino Spiritu cantorum pectora et ora inspirantur. Sed in his tamen cantoribus nil idem Spiritus contra naturam effecisse dognoscitur, in quibus per ora et linguas halitus et vox ad verba moverunt. Et quod per verbum et studium ipsi facere potuerunt, consonum omnes carmen decantare in uno momento Dominus illis donavit. Et qui paulo ante profundum coram eis aperuerat, ipse postmodum in tale canticum eorum linguas et ingenia gubernabat.

CAPUT XXII.—*De aquis indulcatis in Marath.*

Indo per infecundæ avium digressi solitudinis, trium dierum continuo fatigati labore, querulosi ardore sitiis, in Marath aquas amarissimas invenerunt; quarum salositate prohibiti, sue sitis babere solamen minime valuerunt. Sed Moysi a Domino lignum ostenditur, cuius tactu amara fluminis aqua indulcat; ejusque deinceps dulci sapore populus sitis ardorem depotatus depositus, quem illuc usque incessabiliter servor fatigavit (*Exod. xv, 23-25*). Sed qualiter naturæ investigator naturaliter esse factum approbabit, quod amara aqua in momento ligni attactu protinus indulcantur? Cujus ergo naturæ aut tantas dulcedinis lignum fuisse videtur, quo semel intacta fluminis unda amarissima, suavis et sapida sit? Etenim si favum mellis aliquis nunc in amaram undam jecerit, nonne potius favus amarus, quam unda sapida erit? Ex quo intelligitur, non tunc lignum contra naturam aquam effecisse dulcem; sed præcepto conditoris et naturæ gubernatoris lympham mutavit in saporem. Nam et virga illa qua a Moyse mare Rubrum percutitur, et flumen et coelum et terra flagellantur, quando terra Ægypti diversis plagiis maceratur, non hanc in se naturæ virtutem habuit, cum eam Moyses vel Aaron ad hæc facienda elevaret, vel ut aquam fluminis in sanguinem verteret, vel etiam scimiphes de pulvere suscitaret, vel tenebras deduceret de cœlo. Si enim aliquis prater Moysen, et non cum Dei præcepto, mare iterum ex illa virga percussisset, pro certo ejus percussioni Thetis nequaquam cederet. Et si iterum aquas fortuitu percuteret, profecto illas nusquam in sanguinem mutaret. Sic et illam arborem per quam in Marath aqua salsa indulcatur, si in amarum liquorem aliquis intingeret, et non idem Deus ut primitus imperaret, pro certo non illam salsuginem in suaven saporem commutaret. Unde povidendum est, quod non ideo Deus hæc ligna, vel etiam de fornace pulverem in his mirabilibus interesse præceperat, ut aliquid in illis per eorum naturam vel administrationem effectum fuisse quis credit. Sed per hæc futurorum mysteria præsignata esse instituit, ut quid in his nunc in Ecclesiæ provectibus ista faciant, sapiens doctor figurali expositione decernat. Dum autem lignum nihil in hoc naturaliter fecisse approbavimus, restat nunc ut quomodo per naturam factum sit, exponamus. Quodcumque ergo per studium quanvis longi temporis in re aliqua invenitur, non aliunde in eamdem per industram ex aliena natura conducitur; sed cum in naturæ abdito recessu occultatur, prius hoc perplexit temporis industria, et alterius naturæ adjumentum reddit. Et quod per humanum seu etiam rerum effectum longo cultu efficitur; hoc Dei voluntate, cuin necesse

habet, ipsa natura operatur. Aquas igitur amaras, vel etiam ipsas salsissimas in dulcem saporem verti posse, frequenter nautæ comprobant, qui illas per humum optiunæ terre infusas, et hoc artificio etiam indulcatas, saepè sitim temperant. Nubes quoque de marinis finibus vapores levant salsi liquoris, sed easdem dulces, quando pluunt, terrenis usibus ministrant. Quoniam salsuginis vitium quod in semetipsis aque insitum capiunt, per infusionem terre aut umbium depontunt. Similiter quoque et dulces aque, cum eas homines per marinorum olerum cineres hauriunt, salsum et plusquam Oceani saporem reddunt. Hanc ergo immutationem insitam sibi naturæ aucter aque habent; sed celerius per præceptum Conditoris illam, quam per efficaciam humanæ diligentia et ipsarum rerum ministracionis exhibent. Per alterius enim rei adjumentum humana diligentia, vel ipsa cujusque rei ministratio, alienus naturæ superficiem mutat; ipse vero creaturarum conditor et gubernator, naturam occultam, que per aliam rem manifestari fieret, in re ipsa sola denudat. Sieut et nunc aqua dulcedinem quam in occulto suæ naturæ continuerat, per humum aut umbem ab amaritudine purgata, ostenderet; ita jussu gubernatoris potentissimi naturarum per se solam absque alterius rei juvanine exhibet.

CAPUT XXIII.—*De manna pluente de cœlo.*

Ingressi ergo solitudinem, hujus populi sexcenta ferme millia pedum pugnatorum, excepto purgamento exercitus, id est innumerabilis et promiscio vulgo quod de Ægypto condescenderat (*Exod. xii, 31, 38*), Deus per annos quadraginta manna, id est, celesti pane saturavit (*Id. xvi, 14, sqq.*). Denique de illo pane et Psalmista postmedium commemorans dixit, *Panem cœli dedit eis, panem Angelorum manducavit homo* (*Psal. LXXVII, 25*). Qui per noctem semper, excepta nocte sabbati, cum rore descendens, circa castrorum locum candorem nivis ostenderet. Erat enim, inquit Scriptura, *quasi semen coriandri, et coloris bælli, album quasi nix* (*Num. xi, 7*). Hoc autem solis ortum susserre non poterat, sed continuo liquebat; cum versa vice collectum et mola confractum, in coquendis panibus ignis ardorem sustentabat. Et si quis in mane alterius diei, residuum aliquid ex eo relinquaret, verniibus scatebat; cum tamen gomor mensura manna sanum post longa postinodum tempora plena Arca reservabat (*Exod. xvi, 32*). In quo et mirabili et necessario tunc signo, exceptis iis que ad figuralem expositionem pertinent, studiosis mentibus subveniunt, que sue explanationis illuminationem Domini adjuvorio exigunt. Primum enim utrum panis sit queritur: et quomodo panis Angelorum vocatur: et si cibus ille nihil terrena naturæ habuisse describitur, quomodo adhuc in terra positi, et vitiis carnalibus subjecti ex eo homines sustentantur. Panis enim in Psalmistæ prædicto versiculo, ut prædictimus, ecclestis esse scribitur, qui de nubibus pariter cum pluvia tributatur: quæ nubes, ut ante jam diximus, per Scripturas, cœlorum nomine vocitantur. Panis autem Angelorum cibus ille dicitur, non quod illo Angeli, qui cibo non egent, saturarentur, sed quod per Angelorum ministerium tale officium, sicut Lex et cetera populo præbebantur, que disposita per Angelos in manu Mediatoris trahitur (*Galat. iii, 19*). Qualiter ergo homines quæsescumque sustentare potuisset, nisi terrenum aliquid in sua substantia haberet? Sed unde nubibus manna pluens terrenam substantiam habere monstrabitur, nisi forte aeris ipsius inferior pars terrenam aliquam naturam retinere ostendatur? Quomodo enim avium volantium corpora susserre valuisse, si non terrenæ soliditatis aliquid aer contineret? Quapropter illa substantia et nubes folia terra ipsius natura, etiam in nives et grandines congelascunt, qui pene duritiam lapidum contrahunt. Quid igitur hoc capacibus animis repugnat, si sicut nubes grandinis lapillos concipiunt, sic et manus grana gigantea potuerunt; præsentia

cum ad terram veniens, veluti cum cognato rore, si illud sol ortus inveniret, quasi grando in terra liquefescens deperiret? Atque ita fieri poterit, ut manna in terreni aeris hujus partibus genitum, terrenis hominibus præbuerit cibalem pastum. Ista etenim pars inferior aeris, terra etiam in Scriptura divina nominatur, dum in centesimo quadragesimo octavo psalmo, prophetali spiritu in Domini creatoris laudem omnes creature incitantur. Sic namque consummatis his quæ ad superiore ornatum cœli pertinent, cum ad partes aeris hujus inferiores venitur, taliter subinfertur: *Laudate Dominum de terra, etc., usque, quæ faciunt verbum ejus.* Ecce nunc crassiorem nubibus et vaporibus insertum aereum, terram Propheta nominavit, et antequam ad inferioris terræ, que postea subinfentur, spatio perveniat. In illa ergo superiori parte terræ, ubi grando et nix gignitur, nascebatur manna, et in cibum inferioris terra partis hominibus per Angelos administrabatur. Ex quo facile dignoscitur, non aliunde extra naturam quesiisse, sed de terra Deus victum præparasse. Non quod Deus quotidie illis panem illum communem etiam in deserto præstare non posset, sed ut homo pastus de nubibus, sciret quia non in solo pane vivit, sed in omni verbo quod de Dei ore procedit (*Deut. viii, 3.*). Sicut enim naturæ imperavit, ut homo saturaretur pane, ita etiam de omni quacunque re, si ita illi jusserit, quomodo habebat et tunc de nubibus pluviam, victum habebit incolorem.

CAPUT XXIV. — *De petra percussa in Oreb.*

Idem quoque populus in deserto sitiens potamenti refocillationem postulavit. Unde Moyses princeps, Deo imperante, virga percussa petra in Oreb, aquam de petra produxit (*Exod. xvii, 6.*). In hoc naturæ investigator in angustum redigitur, quomodo aquæ natura in duro lapide occultatur. De aqua vero in principio lapides factos, qualiter ignorat, qui crystalli naturam, nive per multum temporis congelante, in commutabilem lapidis duritiam procedere non ambigat? presertim cum glebas non de terra: ipsius humo, sed de semi primitus incremento in summis arboribus vel scopolis saepe consideramus, in quibus jam lapillos per pluviarum infusionem et ipsius seni in humum motio- men genitos invenimus. Nonnullas quoque terras argillosas transfluentium aquarum assueto cursu superfusas in duritiam lapidum vidimus conversas: in quibus etiam diuiores velut antiquioræ ætatis lapides, quos ipsæ humus prius in se habuerat, animadvertisimus insertos. Qualiter jam nonnullis lapidibus quoque concavos ostreos, quos quando mollis humus fuerat, interpositos habebat, veluti sue naturali duritiae nunc insertos videamus. In cæteris quoque quos longe admodum ætatis mare ad terras projecit, superposita moræ nagarba¹ videntur, quas non de maris glarea elevatas, sed ex ipsa marini humoris qualitate, et eorum extrema corporum indurata cule admodum esse concretas, ipsa consideratione probamus. Plurima etiam marina reptilia te-tudinibus coetaneis induuntur, in quibus durities plusquam plurimorum lapidum videtur. Ex quibus omnibus manifestis approbationibus, lapides ex aqua tantum nunc, et nonnullos ex aqua et humo nunc genitos esse, doctus quisque non denegat; sicut et lacrymosi marmoris natura et consuetudo indicat. Satis etiam natura de liquore in lapidis duritiam concreta vertitur, et iterum in liquorem solvi contuetur. Lapis quoque, ut Job libri narrat historia, resolutus calore in æs convertitur (*Job xxviii, 2.*); quod non potest, nisi prius in liquoris naturam moveatur. Praeterea quoque omne metallum quantæcumque duritiae fuerit, quamvis liquidæ naturæ esse non pateat², igne resolutum liquescit. Dum ergo ex aquæ humore lapidum natura gigni comprobatur, quid obstat si Dei gubernatoris voluntate lapis in aquam versa vice mutetur, ut natura ad suam

originem redire festinet, cum Deus aquam de petra populo suo præberi jubet?

CAPUT XXV. — *De filiis Moysi, quare ducatu Sa- cerdotum privati sunt.*

Post haec quoque Moysi cognatus, cum Sephoram illius Moysi uxorem et duos filios ejus detulerat, oculus ipsi in occursum Moyses per desertum exire festinat. Cujus consilio quamvis genitilis, tamen cum ad castrorum locum venitur, tribuni et centuriones et quinquagenarii et decuriones in Dei populo constituantur (*Exod. xviii, 5-7, 21, 22.*). Sed de Moysi filiis quæstio nascitur, cur patris sui in ducatu populi hæredes non sunt, sacerdotio saltem privantur, dum per Psalmistam dicitur, *Moyses et Aaron in sacerdotibus ejus* (*Psalm. xcvi, 6.*). Haec tamen questio rationem dando vincitur, cum filii Moysi de gentili matre peregrinationis causa generantur. Sic enim de Moyse, cum primogenitum genuisset, referitur: *Et vocavit nomen ejus Gersan, dicens, Quia advena fu in terra aliena* (*Exod. ii, 22.*).

CAPUT XXVI. — *De jejunio quadraginta dierum.*

Interea invitatus Dei famine Moyses, quadraginta dies jejunavit, et liberato Dei populo de Ægyptiorum decem plagiis, quinquagesimo die, ex quo in Ægypto Pascha celebratum est, decem mandatorum lègem de monte Sinai in duabus lapideis tabulis detulit (*Exod. xxiv, 12; xxxi, 18.*). Quas; cum offensus esset populi peccantis piaculo, ad montis radices confregit (*Exod. xxxii, 19.*). Restauratisque totidem numeri ejusdem materie tabulis, rursus quadraginta diebus jejunus, Dei largitoris munere, eadem præcepta recipere merituit (*Id. xxxiv, 28.*). Sed per hoc tempus contra consuetudinem humani moris, bis taliter, ut prædicti, nullo fatigatus inediæ labore, nullam terrene conversationis escam manducavit; quoniam divini sermonis consoratio fuit, tam longam inediæ sine esurie sustinere potuit.

CAPUT XXVII. — *De populo carnes postulante.*

Praeterea carnium concupiscentia infidelis populi pars flagrans murmuravit, et mannae coelesti ollas carnium Ægyptiorum prepositus. Sed et Moysi cum esset intoleranda res visa, Dominus, *Populum, inquit, sanctifico crastino: ego enim illos mense integro caribus saturabo.* Cui imbecillitate incitatus humanus Moyses, *Sexcenta millia, respondit, peditum pugnatorum, excepto innumerabilis vulgo hujus populi numerantur: numquid boum et ovium immensa multitudo cæderetur, ant ad saturationem innumerabilis turbæ pisces maris in unum congregabuntur?* Et idcirco ut nihil de iis, quæ Moysi mens fragilis, utpote humana arripuit, in pastum populi cederet. *Venitus a Domino egrediens, arreptas trans mare coturnices, ad castrorum loca detulit, easque duobus cubitis in aere volantes circa castrorum loca, quantum una die confici potest.* Ortygometram inseruit (*a*): quam populus colligens, mense integro, id est, tringita diebus comedit. Sed incredulos murmurationis ultio consequitur. Nam in illo loco, priusquam populus egredieretur, qui concupierant, ira dominica mactati sepeliuntur (*Numb. xi*). Certe in hoc nihil novum vel contra naturam a Domino contribuitur, qui olim creaturam avium conditam, et in abdito mundi quodam angulo reconditam, in necessitate populi sui præstare videtur. Quamvis in libro Sapientiæ scribitur, *Nova creaturam avium viderunt* (*Sap. xix, 11.*); nuper utique ostensam, non nuper creatam. Quod olim Deus cum ceteris creaturis in principio condidit, hoc in tempore necessitatibus plebi sue ministravit. Sed tamen idcirco coturnices ad tale ministerium, quæ prius cum manna contributæ nihil adversi edentibus contulerant, ista vice iterum detulit, ne quisquam putaret, quod esca avium sine murmurationis culpa mortem populo præstitu: quoniam et in hac vindicta sana conscientia comedentes incolumes servavit; et quando cum manna data est, toti multitudini nihil incommodi praebuit.

¹ Ms. Aud., *roccæ naga:ba*

² Ms. Aud., *quatenus liquidæ naturæ esse palcat.*

(a) *Ortygometra*, genus coturnicis insigil magnitudine.

CAPUT XXVIII. — *De Æthiopissa uxore Moysi, et lepra murmuratrixis Mariae.*

Postmodum propter Æthiopissam ejus uxorem, Aaron et Maria contra Moysen insolentia verba depro-
munt, quem omnia quia tunc in terra morabantur, mitissimum hominum Spiritus sancti dicta describunt. Sed cum tres tantum illos in tabernaculum vocasset, Aaron castigatus Dei sermone, oleo unctionis a vindicta defenditur; Marie vero lepra: candore corpus ma-
ceratur, quapropter etiam extra castra manere pre-
cipitur. Sed orante pro ea Moyse, septimo die iterum revocatur sana (*Num. xii.*). At vero de ista Moysi Æthiopissa conjugi duplex magistrorum invenitur intentio: utrum de Æthiopia cum esset in domo Pharaonis, de qua quadragenarius egreditur, acceperit, que per multos peregrinationis ejus dies illum expe-
ctavit; an signorum tempore, cum post peregrinatio-
nem in Ægyptum reversus est, Æthiopissam uxorem sibi junxerat, quam de Æthiopia secum et per deser-
tum ducebatur; an æque de Sephora dicitur quod Æthiopissa sit, quando ad aquilonem maris Rubri, ubi prius Æthiopes fuerunt, Æthiopiam alteram esse in multis locis historiarum Scripturae describunt. De qua in ecclesiastica historia scribitur quod ex parte Indiæ adhæret. Et in Chronicis Canoniciis Eusebii refertur (*a*), quod Æthiopes ab Indo flumine consurgentis juxta Ægyptum conserderunt. Ex quo intelligitur, quod terra illa in qua primitus Æthiopes habitaverunt, Æthiopia dicta esse potuerit; ex qua Æthiopia si Moy-
ses uxorem suam acceperat, ideo Æthiopissa dicta fuerat.

CAPUT XXIX. — *De Chore et Dathan et Abiron.*

Chore quoque filius Issaæ de tribu Levi, patruelis Moysi et Aaron; et Dathan, et Abiron filii Eliab; et Ilon, filius Phelech de tribu Ruben, et præterea ducenti quinquaginta viri proceres synagogæ, qui tem-
pore consilii per nomina vocitabantur, superciliosi superbiz tumore contra Moysen et Aaron steterunt. Etenim Chore vindicare sibi sacerdotium voluerat, et reliqui alii de principatu populi contendebant. Sed il-
lum qui ignem holocausti Deo non præcipiente offerre appetivit, holocausti tempore, celestis ignis cum his, qui ad eum pertinebant, absumpsit; et eos qui se in excelsum elevantes Dei ordinationi resistere cœperant, sub pedibus eorum terra dehiscens, aperto ore in infernum deglutiens, voravit (*Num. xvi, 1-36*). In quibus manifeste ostenditur, quod tantumdem sensibili-
es et insensibiles creature Dei dicto obediunt; dum quemadmodum viventes celeriter cum ejus imperio veniunt, ita et quæ non vivunt, velut viventes, quod præcipitur præragunt. Sed quamvis quasi vivens terra illud vindictæ officium peragit, contra naturam tamen in illo nequaquam aliiquid fit: vitam enim insensibili-
tem terra habere indubitanter cognoscitur, per quam in se crescentia arborum et olerum fructuæ moveri vi-
dentur. Unde quasi in vivente carne palpitantes venæ sanguinis discurrunt, ita etiam per terram viventium aquarum rivi profundit: per quam vitam insensibilem Deo imperante terra os suum aperuit, quando homi-
num peccatorum, quasi serviens in ministerio vindictæ, tabernacula voravit.

CAPUT XXX. — *De plaga, quæ descendit in populum, quando Moyses fugit in Tabernaculum.*

Sequenti itidem die totus populus contra Moysen et Aaron, quasi sanguinis reos consurrexit, eosque in eorumdem ultione occidere voluit. Sed hic uterque, Moyses videlicet et Aaron, ad tabernaculum Dei diffu-
gunt, et iterum in rebelli populo cœlestis flamma des-
savit. Rursumque Aaron imperante Moyse, impletio altaris igne thuribulo, foras in populum venit, et in-
ter vivos et mortuos digredientis vestigium vindictæ non transivit. Recto in utroque moderamine effecto, ut qui contra justos principes iracundiæ igne intus exarscant, foris justissimæ vindictæ flamma conflagrarent: et qui in corde proximorum culpas veniabi-

liter dimiserat, ejus vestigio defensos ignis de cœlo missus urere non audiebat. Illa autem die quatuordecim millia ignis ille consumperat (*Num. xvi, 41-49*).

CAPUT XXXI. — *De virga Aaron, quæ fronduerat.*

Quos etiam rebellionis reatus gravius perurgebat. At tamen cessante tumultu, ut singuli manifestis sci-
rent, quem sibi Dominus in sacerdotium eligeret, singulorum ex duabus et decem tribubus principum virgas insertis nominibus Moyses postulaverat, et pro sorte Leviticæ tribus Aaron virgin inserto nomine acceperat, quas in conspectu Domini sub tabernaculi tecto una nocte recondit. Crastino autem mane Aaron virga gemmulas amygdalini floris ostendit, quo patie-
bat Aaron præ omnibus in sacerdotium Deum elegisse (*Num. xvii, 1-8*). Nec tamen in hoc contra naturam virga monstratur aliquid effecisse.

CAPUT XXXII. — *De petra b's percussa in Cades.*

Interjecto tempore dehinc populus sitiens in Ca-
des deserti Sin, murmure gravi contra Moysen et Aaron tumultuabat. Quæ res dum ad Dominum per Moysen refertur, virga percuti petra præcipitur. Sed Moyses infidelis populi murmur permotus, etiam de præcepto Domini fide titubavit, coramque populo cum Aaron bis petram percussit, largiterque fluentes aquas sitiens populus bibit. Sed bac causa Moyses terram reprobmissionis non intravit (*Id. xx, 2-12*). Semel in Oreb petra percutitur, ubi tantum populi infidelitas notatur (*Exod. xvi, 6*). In Cades autem deserti Sin saxum bis cesum pulsatur: ibi namque infidelitas in populo et in duce dignoscitur.

CAPUT XXXIII. — *De serpente æneo.*

Iudem murmurante populo ignitos serpentes fla-
tu adustos plurimos murmuratorum necavit. Ce-
teri autem intereuntum poena territi, et auctio poe-
nitentia ad satisfactionem inclinati, ad Moysen et ad Dominum clamaverunt, ut hæc ab eis plaga cessaret. Et idcirco flexus poenitentium lacrymis Dominus Moysi jubet, ut serpentem æneum virga in excelsum coram populo elevaret. Quo facto statim serpens æneus erigitur, et per illius aspectum priorum serpantium vulnera curabantur (*Num. xxi, 5-9*). Attamen queanadonduam et de virga diximus, et arbore qua amara aqua inducatur, non in serpente salus, sed in Domini imperio tenebatur. Quidquid enim ipse præcepisset, illud tunc in populo salus esset. Sed historia præcedentium rerum in figura, virtus nunc in Christo et in Ecclesia contingetur.

CAPUT XXXIV. — *De Balaam et asina ejus.*

Balaach filius Sephor, cum in terram suam Israel venisse conpperisset, munitos misit, ut Balaam har-
riolum invitaret, ut populo Israel maledeiceret. Qui cum sedens super asinam pergeret, et asina angelum in angustiis stantem evaginato gladio videns timuisse-
set, ter cæsa demum domino substitut. Unde amplius flagellata humano more et sermone, quasi querulosa ancilla, loquitur. Et illa loquente, statim Balaam oculi, ut angelum cerneret, aperiuntur (*Num. xxii*). In hoc admirabili signo quamvis asina competentia sibi verba profatur, non tamen sua mente nec affectu suo loquitur; sed Dominus de quo dicitur, *Et aperit Dominus os asinæ*, sicut ad loquendum os aperuit, ita etiam lingnam et palatum in verba gubernavit. Asina enim quid et quomodo diceret, et si aliiquid diceret, omnino nesciebat. Quoniam et homines qui alieno inflati spiritu loquuntur, et adhuc cum loquuntur, quid dicunt nesciunt, et nihil ex eo recordantur cum respi-
scunt. Sed qui loquendi modos et in rubibus et in igne sepe invenit, et in ore muti animalis lingue plectrum in verba gubernavit. Ex quo intelligimus nihil in natura asinae Dominum communatasse, sed per aerem oris ejus, illa etiam ignorante, prophetae igno-
rantiam compescuisse: quatenus Dominus Spiritus etsi in se loqueretur, elatus in superbiam non esset, qui frequenter, et per res insensibiles, et brutum et mu-
tum et subjectum sibi animal, euodem loqui compet-
isset. Quoniam Spiritus Dei ubi vult spirat (*Joan.*

(a) Ad annum mundi 3380.

m, 8), etiamsi voluntati ejus qui loquitur, minus conveniat. Sicut et Saül prophetas occidere volens, mala incitatus voluntate venerat, et tamen Spiritu Domini arreptus, inter eos quos persequebatur, prophetabat (*I Reg. xix*, 24). Unde et ipse Balaam ad maleficendum deductus, et illud volens implore, non maleficere Dei populo potuit, sed contra voluntatem suam a Domini Spiritu coactus est benedicere (*Num. xxiii*). His ergo duabus causis Balaam venire a Domino permisus est, ut per mutum animal ejus insipientia confutaretur, et adventus Christi per prophetam gentilem, qui futurus erat gentium Salvator, in lege Dei scriberetur. In omni populi Israel itinere columna nubis per diem nunquam defuit, nec coram populo columna ignis per noctem (*Exod. xiii*, 21, 22), ut noctis frigore defensi, et a tenebris illuminari pergerent cum igne. Et a calore solis protecti fuerunt in die sub nube. Quem Dominus custos Israel vere protegit, nec sol per diem nec unquam luna per noctem exurit.

CAPUT XXXV. — *De Moyse pergente in montem Abarim.*

Quadragesimo anno egressionis filiorum Israel de *Egypto*, quadragesima secunda mansione in campesribus Moab super Jordanem populus sedit, ubi Moyse Deuteronomium, hoc est, iterationem Legis

prædicavit (*Deut. 1, sqq.*) : et postea constituto pro se in ducatu populi Iesu filio Nun ex tribu Ephraim (*Id. xxxi*, 7), imperio Domini in montem Abarim (transitus), in monte Nebo solus ascendit, ubi centesimo et vigesimo anniversario sue anno, nec motis dentibus, nec caligintibus oculis, integrō corpore, totius humani generis commune debitum solvit (*Ibid.*, 34). Duabus autem causis, ut sapientes aiant, mortis ejus et sepulcri nemo conscious erat, quatenus illam faciem, que consortio sermonis Domini rutilaverat, mortis macrōe repressam, nullus videret; et ne sepulcrum ejus populus Israel, si cognovisset ubi esset, adoraret. Unde et virginem in qua signa fecerat, ut plurimi putant, ne adoraretur secundum abstulerat; quoniam et serpente quem fecerat, filii Israel postmodum adorabant. Omnis autem illius aetas in tres quadragenarias partes dividitur. Quadraginta enim annis in *Egypto* in domo Pharaonis ab infantia litteras didicit. Quadraginta annis exsul ex *Egypto* in domo sacerdotis Madian fuit. Et quadraginta annis per desertum ducatum populo præbuit. Certe et nos consummati his quæ de Pentateucho historica narratione comprehendimus, primi libri finem de Mirabilibus hic facere convenient, ut secundus de Propheta scilicet excerptus, ab Iesu filio Nun et Jordane initiationem sumat.

LIBER SECUNDUS.

De Prophetia.



CAPUT PRIMUM. — *De Iesu filio Nun, et dirempcio Jordane in transitu populi.*

Cum autem Moyse egrediente, Iei populi gubernationem Jesus filius Nun suscepisset, confortatus sermone Domini, de campesribus Moab ad Jordanis fluvium castra moveri jubet : ac deinde cum arcæ testamenti onere decorati, reliquam plebem præcedentes sacerdotes primas undas ingredierentur; ab illo loco ubi steterunt usque ad mare, omnis fluminis alveus aquis suis confessim nudatus, superiorque aquarum moles quæ de fontibus augebatur, sursum in aera montabat, quoque omnis Israel siccis pedibus alveum fluminis transierat (*Josue iii*, 14, *sqq.*). In cuius miraculi testimonio duodecim lapides, quantos duodecim viri portare poterant, de ima glarea Jordanis portati sunt in locum castrorum, et totidem tanti ex his quos terra secca continueraut, positi sunt in eorum locum (*Id. iv*, 3, 10). Certe et in hoc signo propositi operis nostri causa requiritur, qualiter arcum Domini fluvius naturaliter præterire non permittit. Ita enim aquarum pars quæ ad mare perrexit, nature sue cursum consuetum consequitur, dum altiora descrens, per proua proprio more fluminis paulatim detubabit. At vero humana industria alveos fluminum nudatos legimus et audivimus, quomodo Cyrus imperator Persarum exercitus super Gangem fluvium, qui est secunda post Euphratensem quantitatib; illa expeditione qua Babyloniam expugnavit, dicitur esse castrenses. Ubi charissimum et virorum et equitum, equitem transneandi fluminis audacia persuasum, rapacis alvei vortex demersit. Quo facto, rex incredibiliter iracundia furore adversus fluvium permotus, velut in sensibilem creaturam ulcisci statuit : ac immensum annuum perpeti anno totis viribus in quatercentas sexaginta fossas divisit; nudatoque alveo, meabilem vix genua tingentibus feminis reliquit. Unde eodem exercitu et rege eadem expeditione Babyloniam obsidente, excelsissimo murorum objectu ab expugnandi molimine repulsi, ad Euphratis fluminis perfluentis superiora vada convertunt. Illa autem predicta arte educti, per alienum limitem divertentes, per ejus nudatum alveum Babylonis murum subiungentes, urbem capiunt. Quod ergo humana industria

laborioso conamine potuit, hoc Deus potentiae suæ virtute facilius peregit. Sed forsitan quisquam dispariter respondebit hoc factum esse, dicens, Illic enim fossuræ opus alveos aquarum per humiliora diversit; hic vero stans aqua, nullo reniente ad aceris sublimia concendit. Sed et hoc nonne humana diligentia saepè efficit, et ab oppositis vallibus aquas in excelsum montare, et ad fontes redire offensas compellit? Quod vero homines velut terreni, de terrena crassa materia frequenter faciunt; quomodo Angeli tunc, quorum officiis hæc omnia mirabilia peraguntur, per aerem facere non potuerunt? Cum sit naturale aeris opus et proprium officium aquas retinere in nubibus : et ut docti indoctique pariter norunt, quotidiana administratione retinet; ita tunc Deo jubente fluminis cursum prohibuit, ut per illius fluentia arca Dei et sacerdotes transirent.

CAPUT II. — *De calceamentis et vestibus filiorum Israel.*

Terram igitur reprobmissionis post longi labore itineris ingressi, de fructibus Chananitidis regionis populi turba comedit, et manuæ de nubibus esca ministrari desinit (*Josue v*, 42). In hoc tam longo itinere admiratione dignum accidit illud, quod per quadraginta annos nullius ex omni populo calceamentum aut vestis defecit (*Deut. xxix*, 5). In quo Dominus non naturam novam in calceamentis et vestibus condidit, sed olim conditam conservavit.

CAPUT III. — *De subversione Jericho.*

Inde Jordanis ripam egressis, urbs Jericho prima ex Chananitidis civitatibus occurrit. Quæ iustata circuitu dierum septem, quasi arca dominica et exercitus expavescens adventum, cito corruit. In quo circuitu nullo armorum suffragio usus est victor populus, sed ad clamorem in gyro sonante murus erat usque ad fundamenta dirutus (*Josue vi*, 20). Ubi nihil extra naturam esse factum gesta res ostendit. Siquidem et hoc terræ motibus esse factum frequenter Scriptura denuntiat. Quomodo et in famoso illo terra motu zentum Lybie urbes corruerunt, et in terræ motu dominice passionis undecim in Thracia subversæ sunt. Præterea quoque quod humani actus efficacia congerit, hoc alterius destruentis vel etiam senectu-

is tempus consumit. Attamen haec dicentes, non casu accidisse murorum Jericho ruinam, ostendimus; sed nec contra naturam sicut aliquid in miraculis factum ostendemus. Hoc enim sicut et cetera ministerari angelico opere designavimus, Dei jussu effectum fuisse non dubitamus.

CAPUT IV. — *De sole et luna stantibus ad imperium Josue.*

Post hoc quoque Chananaeorum quinque regibus in unum congregatis ut pugnarent adversus filios Israel, cum ex adverso miscerentur cohortes, et Victoria in Dei populi partem concederet, Jesus filius Nun principis populi Israel soli in medio die praecepit ut ne se moveret, et luna ubi fuerat staret, donec se Dei populus de inimicis vindicaret, quod et factum est. Nam sol duos dies in uno conclusit, et luna diei spatio non occurrit. In qua iussione non humani imperii auctoritate luminaria requiescent, sed Domini imperantibus ut starent, iussui obediunt. Nihil enim propter juventutis hominis verbum Dei creature faciunt, sed quod Dominus servi sui orationi obediens praecepit, hoc efficiunt. Sic enim perscribitur: *Sol stetit contra Gabaon, et luna ad vallem Hailon, obidente Domino voci hominis (Josue x, 12-14).* Ex quo intelligitur Deum servorum suorum precibus obedire, et ad eorum necessitatem creaturas suas opportune gubernare. Haec luminarium mora nihil novum in natura commisit, etsi in ministerio aliquid varium ostendit. Sed et illa varietas nihil in anni cursu et reliquorum dierum commovit, dum pariter sol et luna unumquodque in suo ordine requievit. Si enim unum lumine curreret, dum alterum interim requiesceret, dierum et mensium et annorum assuetum cursum conturbaret. Dum autem utrumque moram hanc habuit, quasi post consuetum diem in occasus sui limitem perrexit. Non enim quod ad bellum illuminatione luna tunc in presentia solis proficeret, stare imperatur; sed ne quid in congruo luminarium meatu per unius quietem et alterius cursum destrueretur. Sed quoniam et maris cursum lunari convenientem esse in omnibus evidenter monstravimus, et illum tunc requievisse, etsi Scripturæ vocibus reticetur, nonne ipse illarum rerum pronuntiat observabilis comineatus? Luna vero non tantum in hac statione requieverit, sed et incrementi vel decrementi sui interim consuetudinem agere non potuit. Si enim dum stetit luna, licet stans, sua incrementa vel decrements ageret; illud incrementum lunare ultra solis cursum in cyclorum rationibus aliquid turbaret. Dum vero nihil in circuli in se revertentis cursu dies illa solito longior prebuit, tunc manifestum est, quod in illa superveniente vespera, unius dici incrementum luna, sicut quotidie solet, gessit. Ut enim hoc manifestis approbationibus pateat, cyclorum etiam ab initio conditi orbis recursus in se breviter digeremus, quos semper post quingentos triginta duos annos, sole ut in principio, et luna per omnia convenientibus, nullis subvenientibus impedimentis, in id unde coepérant, redire ostendemus. Quinto namque cyclo a mundi principio, anno centesimo quarto decimo, generale totius mundi diluvium sub Noe venit, qui post diluvium quadringentesimo decimo octavo anno defecit: et inde aliis incepimus, id est, sextus, in octavo statim Abraham anno finitur. Et nono ejus anno septimus incipiens, trigesimo quinto anno egressionis filiorum Israel de Aegypto, quinquennio ante mortem Moysi concluditur. Post quem octavus, in quo est illud signum in sole et luna factum, trigesimo sexto anno egressionis Israel de Aegypto incipiens, in trigesimum primum annum Asiae regis Juda incidit. Cujus trigesimo secundo anno nonnis exordium capiens, in quo et aliud signum in sole, Ezechiae regis tempore, de quo paulo post dicemus, factum legitur, centesimo octavo anno post templi restauracionem, quae sub Dario facta est, sui cursus spatium consummavit: donec decimus inde oriens nonagesimo secundo anno post passio-

nem Salvatoris, Alia et Sparsa (*a*) consulibus, peractis cursibus consummatur. Post quem undecimus a consulatu Paterni et Torquati ad nostra usque tempora decurrentis, extremo anno Ilibernicium moriente Manichæo inter ceteros sapientes, peragitur. Et duodecimus nunc tertium annum agens ad futurorum scientiam se praestans, a nobis qualcum finem sit habiturus ignoratur: quorum unusquisque uniformi statu, peractis quingentis triginta duobus annis in semetipsum, id est, in sequentis initium revolvitur, complexis videlicet in unoquoque solaribus octovicensis nono-decies, et in lunaris decemnovenatisibus vires octies circulis. Post quos et in lunari suppuratione per communes duodecim et embolismos septem, per ogdoadem et hendecadem et incrementum lunare, quod computatores saltum nominant; et solari per quadrantes et bissextos diligenter dinumeratos, denum duobus luminaribus totidem dies habentibus, et per cursus sui omnes lineas concordi ratione convenientibus, veluti primus conditi orbis annus innovatur. Dum ergo hi circulorum totales recursus in se congrue, et post illos cyclos quibus in sole et luna mora vel redditus signa, quomodo sub Jesu vel Ezechiae factum legitur, apparuisse describirut, sine ulla varietate redeant; manifeste intelligitur, quod non mora illa aut reversio aliquid in luminarium et temporum assueto cursu præpeditum vel insolitum reliquerunt; sed quasi per diem omnem in occasus sui, ut supra dixi; limitem currunt, postquam illius solito longioris diei spatium peregerunt. Per quod videtur quod nihil ad sequentis noctis longitudinem temporis illa dies longa contulerit, cuius princeps pariter in die cum sole præposito luna requievit.

CAPUT V. — *De Gedeone et duabus signis.*

Itaque purgata funestis habitatoribus Chananaidis regione, in Dei populi deditio nem ipsa a Domino terra tribuitur. Qui postmodum pacis otio resolutus, in idolorum terræ illius et reliquarum in circuitu nationum cultum pervagatur. Propter quod gentibus siepe, quarum idola ipse colebat, potestate a Domino concessa, mancipium servire tribuitur. Sed captivitatum et servitudinem laboribus durissimis afflictus, frequenter a Deo per paenitentiam veniam precabatur: ad cuius liberationem, paenitentium lacrymis sedatus ille, judices suscitabat, qui de servitutis jugo plebem eruentes, nequaquam potentiae dominio, sed arbitrorum jure praefiebant (*Judic. ii, iii, iv*). Quorum temporibus dum Madianitis serviret populus, Gedeoni filio Joas celestis nuntius apparuit, illumque destructio idolatriæ ritu, de plebis sue liberatione comonuit. In cuius conspectu dum Gedeon oblationem componeret, desuper carnis jus fundens, cœlestis ignis holocaustum absumpsit. Et iterum postulantum signum siccitas in omni terra, et ros in solo vellere; et rursus siccitas in solo vellere, et ros in omni terra fuit (*Id. vi*). Sed haec quamvis sociantur numero mirabilium, nihil tamen velut novum ostendere videntur in ministracione rerum. Quoniam et cœlestis ignis res terrenas, ut saepe diximus et dicemus, frequenter deorat; et alternatum in mundo per partes nimbus rorat. Sed tamen multa talia de mirabilibus Scripturarum subveniunt, quæ etsi in rebus gestis diligentem explanationem non exigunt, figurarum tamen præsignatione in rerum spiritualium intelligentia referta sunt. Sed quoniam in opere isto rerum tantummodo gestarum intellectum prosequi disponimus, hoc licet memorie causa statim historialiter numero mirabilium inseremus. Quæ etiam si saepe fortuito casu Dei voluntate in rebus proveniant, terribilis tamen et celerius et certius et mirabilius in signis alicuius ostensione per Domini imperium gubernata et ostensa sunt. Unde cum historialiter in holocausti hac concrematione, non terrestri igne, sed cœlesti flamma hoc ostendebatur, quod futurum tunc bellum, non humanis viribus, sed cœlesti auxilio proficeret; et

(a) *Pro, Ariola et Fausa.*

ros prius demonstrabat in solo vellere ostensus, quod divina miseratio, que tunc in Israel fragili et molli populo fuerat, ignitas gentium iras, sicut aqua ignem, possit extingui.

CAPUT VI. — *De Samsonis fortitudine in capillis.*

Iterum cum Philistaeis serviret Israelitica plebs, Manue filii Saruch de tribu Dan sterili uxori priu, scilicet de ipsi Manue Dei angelus prophetali habitu apparuit; eosque de filio qui illis esset nasciturus, qualiter foret educandus edocuit, quatenus ne unquam novacula caput ipsius transiret, et siceram ei vinum et omne quod inebriari potest, non biberet. Cui cum Manue nesciens esse angelum, prandium voluerit prebere, angelus inquit, *De cibis tuis non comedam; sed Domino, si vis, holocaustum compone.* Quod cum Manue illo precipiente composuit, cum igne holocausti coram eis statim angelus in celum ascendit (*Judic. xiii.*). Et hic terrestris holocausti ignis de terra in celum ascensum demonstraverat, quod per nascitum hominis fortitudinem Deus populi liberationem preparaverat. Natus igitur Samson, juxtaque imperium Domini nutritus, maximam fortitudinem in septem sui capitum crinibus habuit. Quod pro certo probatum est, dum eisdem undatus aliquando etiam virtutem amisi. Nam cum Dalilam in valle Sorecti mulierem de regione Philistinorum alienigenam adanaret, et illa pecuniam a Philistinis principibus, quibus Samson multa mala fecerat, proditionis ejus mercedem accepisset, ipse poscenti fortitudinis sue mysterium in capillorum suorum conservatione fieri indicavit. Et illa dormientis in sinu suo, vocato rasore, caput totundit. Perdutusque Samson a Philistaeis, oculis orbatus, molam manu vertebat, donec capilli illius ad priorem longitudinem creverunt. Deinde Philistaeis epulantibus, ut inter epulas Samson illuderetur, adducitur; et ipse puer regenti gressus dixerat, ut se ad duas columnas perduceret, quibus tota domus imminebat, quatenus super veluti illas lassus reclinaretur. Quibus ambabus ultraque manu apprehensis, invocato in auxilium Deo, totam domum concussit. Quae cito corruebantur, tria Philistinorum millia pariter cum ipso Samsonem prostravit (*Id. xvi.*). Sed naturas investigantibus, questionem non minimam iniecit, quomodo totum sensibile corpus in insensibili capillo motum fortitudinis habuit; cujus damnum doloris sensum nequam intulit, cum illum tonsor a reliquo corpore ferramenti aculeo divisit. De Samson ergo, priusquam nasceretur, a Domino preecipitur, ut capillus illius nunquam ferri acumine vel allicuius aculei touderetur (*Id. xiii. 5.*). Quamdiu igitur in mandati divini custodia permanserat, Spiritus sancti munere maximam fortitudinem habebat. Unde cum muliebri persuasione precepti dominici transgressionem advenit; etiam spirituale fortitudinis donum, quod habuerat, statim recessit. Non quia in insensibili capillo ossium, et carnis, et sanguinis, qui nihil ex his habet, virtus inerat: sed mandati dominici observatione donum fortitudinis observabat. Sed fortasse aliquis dicet: Quare ergo cum capillis iterum fortitudo illius succrevit, si non in capillis etiam prius robur habuit? Attamen etiam hac vice, non tam in longo capillo amissam virtutem recuperabat, quam donum spirituale, quod negligens amisit, afflictus penitentia crescentibus capillis paulatim impetrabat; pressum cum in hujus mandati transgressione ex parte licet aliqua excusabatur, quamvis suae virtutis Dalilae petenti mysterium dicere non negavit, non tamen se impetrante, vel concedente, vel consentiente tondetur. Unde afflictus postea a Deo impetravit facilius, quod non sponte, sed dormiens seductus amiserat.

CAPUT VII. — *De arca Domini in terra Philistium.*

Inde post non parvum temporis, filii Israel mandatorum transgressione Deum offenditibus, incitata Philistinorum agmina ad bellandum contra eos conveniunt. Et filii Israel de se nihil confidentes, arcam testamenti Domini in exercitu suo in pugnam contra adversarios conducunt. Sed Legis transgressores ne-

quaquam Legis arca tector, victo potius et deleto ex parte populo, ab alienigenis ipsa capitur. Qui victoriae munere letantes, in terram suam eamdem capti perducunt, et veluti triumphi hujus auctorem, iuxta Dagon deum suum, arcam Dei Israel in templo statuerunt. Sed primo die Dagon coram arca prostratus reportus, iterum in loco suo restituitur. Crastino vero fracti ad limen in centum partes, capite et manibus, spina dorsi ejus truncata reperitur: quod sufficientem idolatrie, in adventu dominice legis, cultum monstrabat. Qui enim fugiunt, consequenti dorsum dant. Proterea quoque tota Philistica foeda admodum plaga percutebitur: nam et extales eorum foras prominebant, et ingens soricem et insolens copia per totam provinciam diffundebatur (*I Reg. iv. v.*). Convenienter quippe Dominus illis ultramque poenam praestaverat, qualem rerum ipsarum conveniens ratio exigebat: quatenus qui misera animalia divino cultu venerabantur, per miserrima animalia in adventu dominice legis castigarentur; et qui tabernaculi Domini interiora, id est, arcam extra limites suos protraxerent, hi interiorum snorum foras prominentium foeda affligerentur clade. Quapropter quando pluстро novo impositam duabus fetis vaccis vehendam, que jugum antea non portaverant, teneris domi vitulis magnientibus, ad fines suos redire arcam permiserunt, quinque mures et totidem annulos aureos indices plagarum suarum, quatenus ne eam vacuanam remitterent, iuxta eam in capsella posnerunt (*Id. vi. 10. 11.*). Sed in his multiplex figurarum intelligentia latet, que proprii operis industria, et temporis otio indiget.

CAPUT VIII. — *De cæli frigore quo territi sunt Allophyli.*

Iterum quoque infinita Philistinorum agmina, quasi arena maris innumerabilia, per plana se terre Israel effuderunt, que Dominus Samuele orante a facie filiorum Israel ingenti cœli frigore perterrebatur (*Id. vii. 10.*): quatenus per hoc et Israel non propria virtute vivisse intelligenter; et hostes Dei protectionem, et auxilium erga hunc populum esse scirent.

CAPUT IX. — *De vocibus et pluvias quando Saül ordinatus est.*

Iudem Samuele invocante Dominum, cum populus sibi regem peteret, et Saül filium Cis de tribu Benjamin in Dei famine jussus Prophetam ordinaret; Dominus per pluvias et horribiles voces intonuit, quibus plebs, quæ audierat, se Dominum repulisse ne regnaret sibi, intelligeret: quos fragores per Samuelem iterum Dominus depreciationm compescerunt, postquam populi de hac re penititudinem intus aspergit (*I Reg. xii. 18. 19.*)

CAPUT X. — *De Saül prophetante inter prophetas.*

Saul invidiae stimulo suscitatus, et malo spiritu saepre arreptus, cum David occidere vellet, et ipse David tunc cum Samuele et ceterorum prophetarum cuneo prophetaret; misit nuntios, et ipsum interficiendum de medio prophetarum rapere jubet. Sed illos, protinus ut adveniebant, spiritus qui in prophetis loquebatur, arripiebat. Ipse quoque Saül quasi injunctum famulis opus tertius acturus post eos exiens, cum inter prophetas venerat, prophetabat (*Id. xix. 20. sqq.*). Diximus autem cum de Balaam et asina disserimus, quoniam Spiritus sancti verba, non dictum merito pensantur, sed ipsius voluntate ubique voluerit proferuntur: per quod tamen proferentium ea merita non in melius angentur, si bona non habent opera, sicut in Balaam, et Saül, et Caipha pontifice. Unde tales prophetæ in judicio, *Nonne in tuo nomine prophetavimus?* damnati Domino responderebunt: et tamen aeterni ignis consortium inter cateros impios subibunt (*Matt. vii. 22. 23.*). At vero et hoc loco quidam testimont, quod Saül non divino spiritu, sed malo illo quo saepre arripiebatur, per totum illum diem prophetaret, donec David etiam imminens mortis periculum, ipso suo spiritu arreptus⁴,

⁴ Ms. Aud., arrepto.

Domini dispensatione evaderet. Sed qualiter hoc sentiri potest, dum ita scribitur: *Et factus est super eum spiritus Domini, et ambulans prophetabat?* nisi forte sic in hoc loco accipiatur spiritus Domini, quomodo et in alio loco spiritus Domini malus Saül arripiebat (*I Reg. xvi, 14*). Verumtamen ubicumque sine additamento *spiritus Dei*, vel *spiritus Domini*, vel *spiritus Christi*, vel *spiritus Iesu*, in Scripturis sanctis inventitur, Spiritus sanctus esse a nullo sano sensu dubitatur. Ubicumque vero cum additamento dicitur *spiritus Domini malus*, ut est in libro Samuelis, intellegitur diabolus esse: qui *Domini propter ministerium, malus propter vitium dictus videtur*. Saepè quoque cum singulariter *spiritus tantum*, et non addito, *santus*, aut *Dei*, aut aliud quodcumque ex his, que ad signandum aut demonstrandum Spiritum sanctum pertinent, deprehenditur; contrarius spiritus qui est diabolus, aut subiectus quisque sibi ex his qui ministrantur diabolibus, dignoscitur.

CAPUT XI. — *De Samuele suscitato a Pythonе.*

Post etiam in angustia constitutus, hostili se premente impetu, cum neque per prophetas, neque per sacerdotes, neque per somnia, petenti sibi Dominus illum responsum daret, Saül rex Israel ad pythonissam perrexit, ut ex mortuis aliquem sibi per suæ artis incantationes suscitatet. Quae cum quereret ex eo, quem mortuum de somno cuperet suscitat, ille sibi Samuelem velle respondit suscitar. Suscitat vero Samuel, Saüli quid eveniret, prenuntiat, *Huc, inquiens, hora tu et filii tui mecum eritis, sed et Israel tradam tecum in manum inimicorum ejus* (*I Reg. xxviii, 5-19*). Qualiter ergo Samuel a pythonissa suscitari dicitur, dum pythonissa diabolus incantationibus et præstigiis uti videtur? Et quonodo Saül, qui in viventibus prophetis Dei responsum non invenit, resuscitatum a morte prophetam audire mernit? Unde non hunc esse Samuelem illum prophetam perfectum, facilius intelligitur; sed diabolus qui se transfigurat in angelum lucis (*II Cor. xi, 14*), in phantasia Samuelis consideretur. Quod ex sermonibus ejus recte dignoseitur, quoniam funesto Saüli dicebat, *Tu et filii tui mecum eritis*. Etenim si verus ille Samuel hic ostensus esset, nullo modo iniquum regni consortem sui meriti post mortem diceret. Si ergo a pythonissa diabolus ostenditur, quare Samuel in divina Scriptura dicitur suscitus? In multis sacra Scriptura locis imaginatis rebus verarum rerum nomina saepè adscrībuntur. Quonodo et prædicta virga in similitudinem serpentis imaginata, et phantastica illa magorum serpentum in *Ægypto* (*Exod. vii, 10, 12*), et ille æneus in deserto serpens nominatur (*Num. xxi, 9*). Duo quoque Cherubim pro similitudine obumbrare propitiatorium memorantur (*Exod. xxxvii, 7*). Quinque mures, et quinque annuli de terra Philistium in capsella cum arca Domini referuntur (*I Reg. vi, 11*). Duodecim boves sub mari aeneo (*III Reg. vii, 25*), et quatuordecim leones in throno Salomonis eburneo statuuntur (*Id. x, 19, 20*). Cherubim quoque et palmæ, et mala granata, et retia in templi ædificio depicta describuntur (*Id. vi, 32*), cum hac omnia non ipsa rerum veritate, sed pro similitudine ista nomina recipiunt. Ipsæ tamen Scriptura sine ullo incertitudini respectu quasi res veras hac nominatio ponunt. Phantasma igitur Samuelis velut ipse Samuel ostensem pronuntiantur, sicut et in visibus Prophetarum, et in Apocalypsi Joannis ostensi viri pronuntiantur.

CAPUT XII. — *De percussione Ozæ.*

Post modicum deinde David regnum obtinente arca testamenti de domo Aminadab ad Jerusalem a rege et omni populo perducitur. Ozæ filius Aminadab sequens arcam, eum illam velut sustentans tangeret, subita morte percussus et suffocatus est (*II Reg. vi, 2-7*). In quo factu temeritas in ipso Ozæ, qui cum non esset de genere Aaron arcum tetigerit, damnatur; et totus populus, quia cante in divinis rebus se agere deberet, admonetur. Sed quidam aliquod præcedens

peccatum in Ozæ per hanc punitum culpam esse existimat: quoniam saepè evenit, ut minores culpe præcedentium peccatorum vindictam inveniant.

CAPUT XIII. — *De David numerante populum.*

Quemadmodum cum populus Israel peccasset, commovit Dominus ut David numeraret populum, per quod accidit, ut plebs peccans per parvam regis culpam penam sustineret præcedentium delictorum. Angelus enim Domini septuaginta virorum millia ex omni Israel usque Bersabee occidit, et Jerosolymam urbem velut delere proposuit (*II Reg. xxix*): non quod Dominus civitatem, quam nunc disperdidit, delere vellet, sed ut ostensus in procinctu vindictæ angelus, dignam videnti regi pœnitentiam inveniret. Ex quo intelligitur David mihiorem culpam commisisse quam plebem, qui peccatum sum per solam pœnitentiam delevit; populi vero delictum in auctoribus suis mortis severitatem promeruit.

CAPUT XIV. — *De duobus signis juxta altare Bethel.*

Et deinde cum per peccatum Salomonis, populi Israel regnum unum in duo divisit Jeroboam filius Nabath rex decem tribuum in parte aquilonis, metuentes ne templi, quod erat in Jerusalem, visitatio rursum populum Roboam filio Salomonis jungeret, idola et altaria in Dan et in Bethel posuit (*III Reg. xii*). Sed in dedicatione altaris quod fuit in Bethel, vir de Juda ut contra illud altare prophetaret, a Domino mittitur. Quo adveniente duo terribilia signa ostenduntur. Nam et altare in duas partes statim in hora holocausti scinditur, et regis ipsius arida manus siccatur (*Id. xiii, 1-5*). Quae duo signa rei et operi suo apte convernuntur, dum quid in ipso tunc rege sit factum, evidenter ostenduntur. Aptum enim videbatur, ut qui Dei cultum, qui illud usque in uno altari et templo erat, divisisset, ipsius altare quod ille sibi metipsi fecerat, sic scissum dessicaret; et qui populi Dei manum, ne Domino suo oblationem et holocausta immolarebant, aridam fecisset, in schismatico illo holocausto manus illius arida appareret.

CAPUT XV. — *De trium annorum et sex mensium siccitate.*

Præterea quoque Achab filio Amri, incitante cum Jezabel uxore sua, plura agente sceleris, Elias Thesbites de Galaad in sermone Dei dixit: *Si non ros et pluvia, nisi juxta oris mei verba, his annis erunt* (*Id. xvii, 1*). Cujus oratione prohibita pluvia tribus annis et sex mensibus non pluit: quatenus qui Deum per mala in terra exacerbassent, coeli clementia et aeris commoditate carerent. Verum hæc plaga, ut multi magistri putant, tantum terram Israel castigaverat. Sed moris est Scripturarum, ut illam provinciam de qua dicunt, omnem terram indifferenter nominent, quod convenienter cum Elias postinomum Achab sermone demonstratur. Cum enim Eliam ipse vidisset, *Tu quis es, qui conturbas populum Israel?* Achab dixisse resertur. Cui respondens Elias, in Israel tantummodo culpam, quæ hanc plagam incitaverat, fuisse denuntiat. Non enim, inquit, *Elias ego conturbo Israel, sed tu et domus patris tui, quia dereliquisti legem Domini, et servis Baal* (*Id. xviii, 17, 18*). Quibus utrisque dictionibus in Israel tantummodo culpam et plagam convenientia verborum esse demonstrat. Si etenim totum mundum plaga illa flagellaret, non qui conturbas Israel tantummodo, sed qui conturbas totum orbem, Achab dixisset. In tempore autem siccitatis a Domino Eliae dicitur, ut in spelunca torrentis Carith se absconderet, ubi corvis ministrantibus pane et carnis, et aqua torrentis illum satiare (*Id. xvii, 2-4*); dupli scilicet occasione, quatenus et in tempore famis haberet alimoniam, et persecutorum avide se quærantium rabidam effugeret iram. Corvis vero ministrare Prophete præcipitor, ut scilicet culpam, quam in diluvio commiserat in terra, purgare avis illa videretur, dum ut fidelis minister efficietur Eliae, qui negligens et fallax erat antea Noc. Præterea quoque in hoc ministerio illud etiam ostenditur, qualiter homo si non peccasset, etiam infructuosorum animalium

nunc ministerii uteatur. Unde vero eas carnes et panes ille corvus detulerit, ipse viderit, qui tale officium committebat. In quo tamen intuendum est, quod ex aliquorum hominum scientium aut nescientium industria, corvi haec acciperent, qui coctos panes et carnes quaslibet qualitercumque preparabant.

CAPUT XVI. — *De vidua in Sarepta Sidoniorum.*

Cumque de torrente proprie nimiam siccitatem aqua deficeret, ad viduam in Sareptam, ut ibi pasceretur, exire Eliam Deus jubet. Quae cum eum in domo sua vietu quotidiano satiaret, familiariter receptionem, lecythus olei, et farinæ hydria, in quibus unius diei rationem in adventu suo inveniebat, non fuita sunt, donec visitavit Dominus populum suum (III Reg. xii, 8-16). Et hoc accidit, non quod invalida manus Domini esset, ut etiam postquam torrentis unda defecisset, aquam illi cum panibus aliunde et carne donaret; sed idcirco ad Sareptam Sidoniorum sartandus Propheta mittitur, ut per illum bona et fidelis vidua pasceretur. Ne vero quem moveat, quod Sidoniorum terra hanc eamdem plagam pariter cum Israel persessa erat; dum inde Jezabel persecutrix prophetarum, et totius vindictæ et facinoris causa, Sidoniorum regis filia, paternam originem ducebat. Certe etiam hoc signo non nova a Domino, sed condita natura immodica non modica substantia gubernatur, quomodo de calcamentis et Israel vestibus predictum memoratur. Nam in exteris predictis omnibus miraculis nil naturæ rationem refutat, sicut ipse rerum eventus frequenter ostendit.

CAPUT XVII. — *De mortuo unico viduæ filio quem suscitavit Elias.*

Hujus viduæ filius illo tempore, quo Elias in domo ejus morabatur, gravi ægritudine mortuus fuit. Sed hunc Elias oratione sua ad vitam iterum revocavit (III Reg. xvii, 17-22). De quo tradunt Hebrei, quod ipse Jonas propheta postea fuerit, quem de ventre ceti glutientis, evolutis tribus diebus, Dominus absoluit (Jonas ii). Quia Dominus qui inimicum suum in quocumque tuto loco potest occidere, servum suum quem vult eruere, de qualicunque angustia liberare valet. At vero illa famosa quæstio, quæ de mortuis resuscitatis agitur, usque ad Lazarum a nobis reservatur.

CAPUT XVIII. — *De holocausto in monte Carmeli.*

Evoluto autem tempore siccitatis, cum Dominus super terram vellet pluviam dare, prophetam Eliam in occursum regis Achab jussit exire, qui omnem Israel ad eum et idolorum prophetas quadringtones quinquaginta in montem Carmeli congregavit. Quibus congregatis, sanctus Elias duos boves, unum Domino, et alterum Baal, per se et per prophetas idolorum mactari in holocaustum rogavit, ut Deus qui per ignem exaudierit, ipse totius populi Deus sit. Quo impetrato, sacerdotes Baal bovem suum prius occidentes, usque ad medium diem tristes, Baal ut per ignem consumeret holocaustum, rogabant. Sed Baal, qui potius igni in potestatem traditus est, super holocaustum ignem dare non poterat. Elias vero bovem suum in frusta comminuens, per membra dividens, super altare quod constructum fuerat, et quod ipse curaverat, tunc statuit: eumque aqua abunde superfluit, oranteque illo, subito ignis de celo cecidit, qui bovem cum altari et lapidibus et aqua simul consumpsit. Ac deinde sacerdotes Baal in potestatem sibi traditos, in torrente Cison interfecit, et omnis populus Deum Dominum esse confessus credidit (III Reg. xviii, 19-40). In hoc etiam extra naturam ignis nequaquam aliquid fecit, qui desperat aero ignito spatio descendens, cum Dei gubernantis imperio, alimenti sui materiam, quam in terra repererat, consumpsit. In superiori enim illo spatio ignis naturam abundantius esse, etiam ignis in terra ardens pronuntiat, qui ad superiora, ubi est natura illius, ardenter condescere tentat. Sicut enim aquæ natura descendere semper ad inferiora, sic ignis proprium est appetere excelsa. Non tamen contra naturam suam aqua sæpe in excelsa videtur coascendere: quod non substantia sua

qua gravis est, per semetipsam, sed per aeris leviorum naturam, qua aquarum minutissimæ guttae vaporaliter contrahuntur, solet facere: que minutissima gutta, ad aeris altiora summi modo consoncentes, cum in densioribus nubibus in se convenienti: aeris natura superferri non possunt, sed vento coagente graviuscula mole ad terram dilabuntur. Et si illas in nubibus, priusquam lapsæ fuerint, gelu præripnatur; easdem guttas concretas in grandinum lapillos glacialis solitatos frigoris rigor deducit: et si remissiores et nequam densatas eas gelu invenerit, nivem facit: et si has gelidum frigus non perstrinxerit, aque stillicidium liberum, ad inferiores partes unde iterat reddit. Sicut autem aqua per semetipsam, nisi per aliam substantiam, ut ostendimus, non ascendit; sic et ignis nisi per aliam substantiam inferius non descendit. Unde cum et Dominus super quinque civitates de quibus in primo libro diximus (Cap. 5), igneos imbræ plueret; hoc idem per sulfur fiebat, quatenus et in sulfure ignis arderet, et per graviorem sulfuris naturam idem ad terram laberetur. In hoc ergo loco ubi super altare ad holocaustum ignis descendit, aut per aërem aut per sulfur descendit: quoniam ignis per semetipsam non potest descendere, nisi se alieni materiæ graviori Deus jussit immisceri. Sacerdotes ergo idolorum sine homicidii culpa Elias Dei servus interfecit; quippe qui erat in illa Legi quæ dicit, Blasphemum non patieris vivere (Levit. xxiv, 16). Nullus holominus ergo idolum colit, nisi Dei blasphemus extiterit. Ac per hoc qui idololatriæ cultores mactaverat, blasphemios et sacrilegos de terra purgabat. Et post haec omnia, qui imbræ a terra perfusione tribus annis et sex mensibus orando prohibuerat, in modo tempori spatio, eodem orationis sue officio, sitiendi terræ abundantem pluviam et placidam a Deo impetrabat. Quæ in terram prius nequaquam venisset, nisi eam a cultoribus Baal occidendo mundaret.

CAPUT XIX. — *De quadraginta dierum jejuniō.*

Quos cum Jezabel ab Elia interfectos esse compreserat, illum de morte propria minacibus verbis prophetam terret. Unde pergens in terram Juda querulus Elias, in umbra juniperi sedens obdormivit. Quem angelus Domini tangens de somno suscitavit, et pane et aqua esurientem saturans et sitiensem refecit. Quo cibo refectus, in ejus fortitudine quadraginta diebus et quadraginta noctibus nil comedens, usque ad Oreb Dei montem ambulavit. Unde verbi Domini fructus consortio rursus in terram Israel reddit (III Reg. xix). De isto vero pane et aqua angelico officio ministratis, quorum fortitudo pastum famis labore Prophetam quadraginta diebus perverxit¹, scientibus unde natura sint, intelligentiam disserendam patescere servamus. In quo pane cum quasi humana industria, quod panis coctus sit, operis similitudinem conspiciamus; non terreni panis virtutem, quod una saturitate quadraginta dierum necessitatem impleverit, esse intelligimus. Nisi forte angelico opere de quacumque terrena materia factus in terra degentis animam hominis pastiam validiorem hominum pane effecerit. Sed hic panis etsi propriam occultando naturam sollicitum lectorem facit; de quadraginta tamen dierum jejuno, quomodo illud tempus jejunus Prophetæ pertulerit, securum reddit, dum per unius virtutem nullo egens cibo tanto tempore vixit.

CAPUT XX. — *De igne descendente super quinquagenarios.*

Inde intervallo quodam temporis interjecto, ipso propheta in monte sedente, quinquagenarium principem, cum iis qui sub eo erant, ut eum ad se ducerent, rex jussit. Qui superciliosus, id est superbo tumore: inflatus animo dixit, *Homo Dei*, ut ad illum nobiscum exeras, rex Ochozias, id est filius Achab, jussit. Cui Elias: *Ut inquis, si homo Dei ego sum propheta, in te nunc et in eos qui tecum sunt, cœlestis flamma ardebit.* Quo facto, et alium ejusdem ordinis virum cum tot

¹ Ms. Aud., protexit.

comitibus ad eumdem rex ire præcipit : quem consona priori proferentem, simili sententia eadem vindicta consumpsit. Quo facto, tertius ad idem destinatus periculum quinquagenarius cum suis coram Domini propheta suppliciter genu flexit, et per verba precatoria illum regis adire conspectum rogavit. Sed , *Huc associare*, Eliæ angelus Domini dixit. Qui cito surgens et gressum socians, super his interecepit, cum humiliato et supplice ad regem perrexit (*IV Reg.* 1, 9, 15). Ignis autem in hoc loco , sicut et in predicto holocausto Dei , dicto Prophetæ verbo obediens , quod jubebatur implevit. Et in his gravioris forsitan ante commissi crimen peccati , sicut et in Oza et numero populi prædiximus , ultrix flamma nimurum punivit.

CAPUT XXI. — *De transeuntibus Jordanem Elia et Elisæo.*

Denum vero cum Dominus Eliam elevare voluisset, ipse et Elisæus filius Saphan, minister suus, Jordanis flumen divisum pallio Eliæ, pede secco, sicut in transitu filiorum Israel factum prædiximus , transierunt (*Id.* ii, 8). In ejus rei explanationem, de libro Jesu prædicta huic operi satis sufficiunt. Quoniam dum in multis his mirabilibus virtutum gestis prædicta conveniunt, iisdem rebus miracula facta, et si in figurali explanatione deviaverunt, eamdem tamen ratione in rerum gestarum historicò intellectu expositiones nature exigunt. Antequam de mirabilibus divinæ totius Scripturae sermonis nostri cœperimus texere coronulam, opera pretium est etiam ea, in quibus propter præcedentium similitudinem explanare aliquid non est necesse, prout gesta sunt exponam; præsertim cum ex mirabilibus Scripturæ dominice nîl præterire disposui, in quibus a ministerio quotidiano excellere ut in alio videntur.

CAPUT XXII. — *De ascensione Eliæ.*

Igitur ambo his ripa Jordanis egressis, Elias ministro suo dicebat : *Postula a me quod vis, priusquam me Deus a te transire et recipi jubeat.* Cui Elisæus , *Spiritus*, inquit, *tuis duplex, oscro, in me requiescat.* Rursumque Elias : *Duriter, dicens postulasti, sed tamen si hora receptionis meæ mihi præsens ostieris et videris, hunc petitionem eventus complebit.* Hoc ergo postulans Elisæus, non elationis affectum super magistrum suum voluit, sed videns peccata populi innumera, a propheta, qui relinquetur, non simplici Eliæ spiritu, sed duplice compesci posse prævidit. Si enī illud quod petivit vitio volentis se elevate animo postulasset, nequaquam a Domino et ab ipso Elia quod petebat, impetraret. Igitur his dictis, janjamque Elias igneo curru receptus velut ad celum, considerante Elisaro, rapitur (*Ibid.*, 9, 12). Et hactenus ipse, sicut et Enoch in testimonium novissimi temporis, adhuc sine morte servatur, ut scilicet horum in ore duorum testium, novissimi testimonii sermo consistat, in extremo tempore, paulo ante quam damnetur satanas, qui humanum genus aperto bello deprimat. Conveuebat ergo ut Elias, quem divini amoris zelus, ignito ardore in anima sua flagrasset, et per ignem miranda multa signa faceret, et per currum igneum ab hominibus commutatum Dominus ad sublimiorem statum evehet. Carterum vero quod de Enoch in primo libro prædiximus, Eliæ etiam conuenire videamus.

CAPUT XXIII. — *De virtutibus Elisæi.*

Interea labentia in terram vestimenta Eliæ incepsus haeres Elisæus colligebat et Jordanem, item Deum Eliæ invocauis, pede secco transierat. Veniens in Jericho, amaras et steriles aquas immisso in fontem sale, sicut per lignum in eremo Moyses, sanabat. De qua etiam re in loco illo disseruisse sufficit. Inde veniens in Bethel, a pueris parvis calvus Elisæus illudebatur. Quibus cum in nomine Domini malediceret, duobus ursis de silva ventientibus quadraginta duo pueri lacerantur (*Ibid.*, 12-24). In hoc loco non propter proprium convicium, Prophetæ in iracundiam consumptus pueris maledixit; sed aversatorum a Do-

mino et Lege patrum filios, qui in Bethel idolis imolabant, cum fortasse et ipsi parvi pueri, ut moris tunc erat, idolis sunt consecrati, justa vindicta plexit. In Bethel namque unus ex duobus vitulis, quos Jero-boam filius Nabath fecerat, qui peccare fecit Israel, fuit constitutus (*III Reg.* xii, 29). In quibus decem tribuum Israel a Domino idola colendo divertens, peccavit populus. Præterea etiam Prophetæ prævidens quid longa post tempora illudens Christo in Calvariae crucifixio Judgeorum petulans populus esset passurus, quod eis figurali ratione competebat, interim est operatus. Deinde in illa expeditione, qua Joram rex Israel, et Josaphat rex Juda, et rex Edom ad filios Moab exierant, cum in deserto totus exercitus sitis labore fieret fatigatus, Elisæus aquas per siecatum torrentem sine pluvia venire a Deo impetraverat : ubi fossas et putros populum facere jussit propter Israelitas et gentiles, qui in eodem exercitu erant (*IV Reg.* iii, 9-20). Cumque ex illa expeditione reversus in terram Israel venisset, mulier vidua unius ex prophetis, lacrymabiliter ad eum clamavit : *Ecce, inquiens, creditor meus duos filios, quos servo tuo viro meo genui, ad servendum sibi, quia reddere aliud ultra non habeam, tollere cupit.* Cui Elisæus : *Dic, inquit, quam rem in domo tua potes habere?* Parvum, respondens ait, *olei quo ungar reconditum penes me habeo in vase.* Pete ergo, inquit Elisæus, *mutuo a vicinis tuis vasa vacua non paucā.* Quod cum fecisset, de parvo illo olei crescente ipsa replevit omnia (*Id.* iv, 1-6). Haec exigua olei particula per virtutem Prophetæ in maius cresceret non contra naturam potuit. Omne enim magnitudinem creaturarum de parvitate semper crescere convenient, cum præsertim specialius hoc in liquoris natura, pincernaria arte fit, ut quedam poculorum genera de parva materia in abundantiam liquoris exundare et fervescere comprobentur. Per Sunam quoque civitatem sape ideū vir egrediens, cum a quadam divite femina, sed sterili, bono frequenter hospitio receptus fuerat, prædicti quod de viro suo proprio conciperet. Sed ille natus et nutritus gravi et solita doloris aggritudine, adhuc puer percussus obiit. Quem tamen Elisæus figurali ordine resuscitans, matre vivum assignavit (*Ibid.*, 8-37). Quodam etiam tempore fame coacti filii prophetarum, inter cæteras herbas agrestes colocynthidas mortiferas et valde amaras non agnoscentes, in pulmento coixerunt : quod cum unus quispiam illorum gustasset, in olla mortem esse clamavit. Sed dum Elisæus farinæ parum in eamdem ollam manu propria misit, illius virtus per illius farinulæ sapidum et suavem et sanguinem saporem, insipidum et mortiferum colocynthidarum agrestium vicit (*Ibid.*, 38-41). Viginti quoque panes in centum viros divini præcipiens, turbam saturaverunt, et superabundante copiam fragmentorum colligentes ministri habuerunt (*Ibid.*, 42-44). Sed et de hujus virtutis intelligentia diligenter explanabimus, cum de quinque panibus et duobus piscibus, et rursus de septem panibus et pisciculis paucis in Evangelio, si Dominus permisit, disseremus.

CAPUT XXIV. — *De lepra Naaman curata, et adhærente Giesi.*

Post hæc Naaman princeps exercitus regis Syriæ leprosus, cum mirabilem prophetam et sanitatum gratia condonatum in terra Israel esse comperisset; comitum stipatus turba militum, sumptis a domino suo munieribus et epistolis, primitus ad regem Israel pergit : et ipse illum ad dominum Elisæi tendere mouet. Ubi præ foribus stante illo, Elisæus per puerum jussit, ut septies in Jordane se lavaret. Sed ipse superciliosè nuntium omnino despiceret, nisi sociorum suorum sermonibus, ut hanc tam facilem rem faceret, suasus foret : quibus acquiescens, septies, ut Elisæus præcepérat, in Jordane lavatur; ejusque cutis tota mollis et tenera, quasi pueri, sanata redidit. Unde pro salutis beneficio viro Dei munera offerre tentabat. Quæ ille recusans, quod gratis accepérat, gratis impertiri malebat. Ex hac re manife-

stissime declaratur, ut praedixi, quod in sermone imperantis Dei, secundum imperium Prophetæ, non in re aliqua virtutis sacramentum continetur: quoniam si sine imperio Prophetæ, imo Dei per Prophetam, Naaman in Jordane se lavaret, sive lepræ purgationem nullo modo tam cito recuperet. Cogitans ergo apud se Giezi minister viri Dei, quod quasi sine causa Naaman dominus sursus Eliseus pepercerauit, duobus assumptis secum pueris, festinans post eum exire, ac si a domino suo missus, properat: acceptantique ab eo, composito mendacio, pecuniam in equis ex parte reportabat, quam Eliseus accipere totam, et habere nequaquam voluerat. Deinde vero interrogatus Giezi a domino suo quoisset, non quoniam se esse falso simulavit. Sed occultum mendacium evidenti judicio Prophetæ convincens, Nonne, inquit, spiritus meus tibi præsens erat, quando homo in occursum tui de suo curru descendit? Dum igitur infelix te cupiditatis cogitatio, ut hoc ageres et dices, fecerit, lepra Naaman cum sua pecunia tibi et semini tuo usque in seculum adhaerabit (*IV Reg. v.*). Ecce eadem potestate Eliseus propheta lepram Naaman corpori deposuerat, qua Giezi eamdem adhaerere carni et domui imperabat. Unde pervidendum est istas omnes virtutes non rerum ipsarum effectibus, sed imperantis præceptio peragi: quamvis contra naturam nihil in illarum vel harum effectione certum est perfici. In quarum tamen perfectione ipsa Dei imperantis voluntas, seu per se, seu per angelos, seu per homines illas res inquirit, quas futurorum figuris apte per omnia convenire prænovit.

CAPUT XXV. — *De ferri supernatione.*

Quodam quoque tempore filiis prophetarum coram Eliseo facientibus sibi locum, mai. . . cuius ex illis securis ferrum de manubrio lapsum excidens in Jordani fluvium cecidit. Qui amissum ferramento quod mutuatum accepérat, animo graviter doluit. Unde Eliseus viri clamore motus, affectu dolentis, locum ubi ferrum ceciderat demersum, requirebat. Quo anno traditum, et a se illue ligno immisso, ferrum de profundo ad superiora aquæ natans revocat (*IV Reg. vi, 5, 6.*). Gravem vero ferri naturam tenuis aquæ substantia ferre non valet. Sed tamen qui postmodum, sub Petri pedibus maris solidaverat naturam (*Matth. xiv, 29*), ante illam de profundo ferrum levare fibet. Sane aquæ natura quamvis terra fragilior, tamen aer solidior videtur. Hoc enim a terra minus habere virtutis ostenditur, quod ab ea metallum et lapides minus sufferuntur. Ab aere vero illud plus retinet, quod hominum et ceterorum animalium corpora et ligna supernatantia susserne valet. Unde etsi metallum ad integrum aqua non supportat, ex parte tamen cum portantibus tolerat: quoniam lapidem, ut saepe probatur, quem vix duo viri in acre possunt levare, in aqua cum de fine pependerit, unus homo poterit resinere. Unde appetat aquam etsi non per totum, ex parte tamen metallum susserne posse; et quod ex parte res habet, Denim per totum et sequatur naturaliter imperare. Propter quod aquæ natura natans ferrum susserne poterat, quia Deus quod ex parte per semetipsam creatura consuescit, ut ad integrum faciat, imperabat.

CAPUT XXVI. — *De victoria per Eliseum.*

Belli quoque tempore regi Israel in multis locis Syriae insidias componebat, quas Eliseus propheta regi Israel semper, ut se caute in his ageret, manifestabat. Sed dum hoc rex Syriae per Eliseum fieri pro certo dignosceret, ad Dolianum civitatem Elisei misit copiosum curribus et equis instructum exercitum. Quod cum viri Dei minister mature surgens videret, territus et pavore concusus ad Eliseum venit. Quem confortans Prophetæ, *Plures, inquit, auxiliatores nostri quam hostes.* Et ne ultra modum pueri mens perterrita fieret, videntis inimicorum multitudinem copiosam, ei Angelorum ignis curribus et equis instructas per totum montem in ejus circuitu astantes phanergas fecit esse visibles. Unde ad hostes digre-

dens hoc a Domino impetrabat, ut illam gentem, sicut antea in foribus Lothi, excitate percuteret (*Gen. xix, 11.*). Hostes igitur obsecatos, demonstraturum se virum quem quererent, promittens, in Samariam urbem perduxit, eorumque oculos aperuit ibi. Quos rex Israel videns, ab Eliseo quiescivit, utrum occideret eos, an non. Cui vir Dei, non ut interficeret imperavit, sed versa vice inimicos cibis reficeret, et abiarent (*IV Reg. vi, 8-23.*). Non ita igitur ut lucem diei non videret hic populus, excitate percutitur; sed præsentis Elisei, et locorum per quos ambulabant, agnitione ab illorum oculis occultatur. Si etenim cæcata diei lucem non conspiceret, nequaquam tanta multitudo solum Eliseum sequi ducentem in Samariam potuisse. Ipsa igitur excitate percussi sunt, dum quem viderunt, nullo modo intellexerunt. Unde simili modo vir Dei suo ministro, non ad videndam lucem diei, per quam hostes videret, oculos aperuit; sed in Angelorum consideratione, quos ante non videbat, ejus intuitum direxit. Hoc etiam bello Benadab rex Syriae in terram Israel cum infinita multitudine veniens, Samariam multis diebus obsedit, et ad tantam angustiam inclusos, ut matres filios suos comedere, obssidionis necessitate coercuit. Unde rex Israel tam obscœna infamia permotus, ad dominum Elisei furore plenus venit, et ut præsentem angustum valorem absolvere, decollare destinavit. Quapropter ipse Prophetæ velut de animæ periculo curans, fixo sermone respondit, *Gras eadem hora hac, statere modius simile, et hordei modii mercabuntur in hujus introitu urbis uno statere.* At unus ex duabus ducibus regis infida mente garriens, Si, inquit, cataractas Dominus in celo fecerit, verum, quod dicis, esse valebit. Cui Eliseus ait: Tu hæc oculis tuis videbis, sed causa hujus infidelitatis ex his comedere non poteris. Sequente dñe nocte, sonitus aerei fragoris in Syrænum castris Dominus audiri fecerat, qui cunctas inimicorum catervas pariter versas in fugam divertebat. Quo explorato, catervatum populus per portam civitatis prorumpens, infidelem illum ducem suffocavit: qui videns ista, iuxta Elisei verbum, eis vesci non potuit (*Ibid. 24, sqq.; vii, 4-7, 17, sqq.*). His omnibus virtutibus, quas propter mirabilium divinae Scripture originem servandam perstrinximus, aut ante in primo libro similia quædam annotavimus, aut etiam tertio, quo de Evangelio et Novo Testamento disseremus, si Dominus vitam et adjutorium dederit, quadam explananda reservamus. Interca post mortem Elisei famuli Dei, cum quadam die familiares ejus mortuum quemdam portantes, latrunculos videntes pertinuisse, in sepulcrum Elisei, quod prope erat, mortui cadaver proiecserunt. Quod dum tangere ossa Elisei, revixit, et ambulavit (*Id. xiii, 21.*). Uide quidam præscriptum sermonem in hoc signo impletum fuisse dicunt, hoc est, *Spiritus qui in te est, fiat duplex in me:* quod necessario impleri debuit. Elias ergo in vita sua priusquam recuperetur, mortuum resuscitasse unum scribitur (*III Reg. xvii, 22.*), quod similiter et Eliseus fecisse jam cernitur (*IV Reg. iv, 35.*). Sed et alium, id est istum, post mortem suam videlicet in sepulcro, revivificasse videtur. Sed etiam in hoc duplex gratia facto esse non apparet. Quippe quod enim Elias semel fecerat, bis ac ter, si necesse esset, rere posset. Sed potius hoc duplexem gratiam Elie esse in Eliseo prouidit, quod Eliseus imperando præcipiebat, que Elias orando et postulando impetrabat. Sive, ut ceteri dicunt, quod Eliseus cum multo honore et sæculi dignitate, virtutum et prophetiarum donum habuit, quod Elias profugus et persecutus, in montibus et speluncis degens, et ejectus ab hominibus retinebat.

CAPUT XXVII. — *De captivitate populi, et Semacherib veniente in Judæam.*

Per longum deinde tempus populus Israel cum Dei legem et Prophetarum dicta transgrediens, idola colendo Dominum ipsum contemneret, qui patres suos de terra Aegypti duxerat; in manus gentium traditus,

(*Soixante neuvi.*)

post plurimas populi strages, et urbium obsessarum eversiones, decem tribus que in partibus Samariæ fuerunt, a facie sua penitus projiciebat: et reges Assyriorum, Salmanasar scilicet et Teglatphasar¹, quibus eos captivandos et translatos tradiderat, Samaritas pro eis, custodes videlicet, ex multis gentibus et urbibus, ne esset inculta terra, congregabant. Quos leones iubente Domino, quod eam non metuisserit, dilacerabant. Unde ad regem Teglatphasar cito per nuntios sermo devenerat, quod gentes quas statuerat in terra Israel, cultum Dei terra ignorantes, leones lacerabant. Quapropter rex unum de sacerdotibus Leviticis stirpis mittens, illas gentes Deum colere fecit. Quo accepto, quamvis gentili superstitione minus relicta, leonum plaga cessavit (IV Reg. xv). Tribum autem Juda et Jerusalem civitatem quam elegit Dominus, et oinnes qui ad eas pertinebant, adhuc Deus tunc reservavit. Cujus regnum ipso tempore Ezechias rex justus Deumque timens gubernavit. Sed Sennacherib rex Assyriorum, videns quod patres sui Samarie regnum et imperium Israel destruxissent, et ipse ad terram Juda, duce Rapsace, quem Hebrei Isaiae propheta filium dicunt, et profugum Judæum ad Assyrios commigrasse, exercitum convocat, et Jerusalem urbem expugnare jubet. Sed in ipso conamine Deus populi defensor et superborum humiliator, de cœlesti exercitu militem, angelum videlicet ad Assyriorum castra misit, qui opere unius noctis centum octoginta quinque millia ab exercitu Sennacherib interfecti. Qui sic fugatus de terra Juda, cum paucis ad Ninivem urbem suam fugiens vix evasit. Ubi in idolorum fano repertus, filiorum suorum, quos ipse genuit, vulnera corruit (Id. xviii, xxi).

CAPUT XXVIII. — De infirmitate et signo Ezechiei.

Pervo interjecto, Ezechias rex Juda, ne de tanta victoria esset elevatus, et forsitan etiam gratiarum actione exigens in gravissimi languoris morbum incidit. Ad quem in ipso languore visitandum Isaías propheta veniens dixit: *Dispone domui tue, quia non vives ultra, sed morte morieris.* Quo tristis admodum nuntio protinus rex ipse pernotus, ad parietem faciem suam convertit, lacrymabilemque pro vita sua in conspectu clementissimi et misericordissimi Domini precem fudit. Non quod de suo, utpote perfectus, merito in conspectu conditoris sui incurtus fuit, sed quia in Christi venturi generatione sui generis prosapiam, et in throno David lucernam non dereliquit. Sed cum supplicantis fletibus regis et famuli sui, pius Dominus ad misericordiam esset flexus; rursus Isaías propheta puro agitato numinemittitur, vix medium atrii dgressus, qui sanitatem et regnum et pacem undique regi ipsi et civitati fore denuntiat, et quindecim annos vite sue ab ipso die, Dei sermone addi confirmat. Sed dum Isaías duas prophetias sibimet invicem contrarias eadem hora² protulisset, neesse erat ut alteram que facienda esset, signi ostensione firmaret. Unde rex ut quod dicebatur indubitanter crederet, solis in ortum ab occasu per decem horas cursum recidivo Deus tramite retrorquet, quatenus inde velut mane iterum festinare inciperet, qui dici totius, exceptis duabus horis, spatium consummasset. Per duas horas, ut multi testimoni, celeri cursu de occasu in ortum revertitur, ut dies integra rursum sine interveniente nocte in ortu innovaretur, ut scilicet dies diuinus, etiam in hac vice, in una luce concluderet (IV Reg. xx, 1-11). Quomodo et sub Jesu filio Nun, in illo prædicto bello moram fecisset, indubitanter et hac vice reverti luna minime dubitatur; quatenus nequiequan, ut prædiximus, in cyclorum cursibus conturbaretur. Propter quod et maris ipsa vicissitudo impedita fuisse non denegatur, ut de cetero convenienter, qualiter quotidie fieri solet, cum lunæ cursibus comitaretur. Naturam enim in hac reversione convenit solem non mutasse, sed sui conditoris in omnibus

naturaliter præcepto obedire. Sicut enim lumine et clere naturæ suæ insitum sol possidet; ita quidquid præcipiter dominica jussio, seu currere, seu stare, seu recurrere, naturaliter habet. Convenienter autem tale signum regi in mortis expectatione posito aptissimum evenit, quod Dominus per solem fieri taliter, congrua dispensatione dispositus. Quoniam sicut sol in procinctu occasus sui positus, in diei initium reducitur; sic rex in mortis expectatione constitutus, quasi ad incipientis vitæ gaudia revocatur. Tantum quoque temporis, id est, quindecim annos ejus vite se Dominus dixit addere, quatenus nasciturus tunc filius, consumptio illo tempore, regnum defuncti patris valeret gubernare. Ceterum illam quam non exiguum quæstionem de isto, utrum suæ vite finem hunc, si non fleret, fieri Deus dispositus, multi auctores habuerent, quando de Lazaro illo quadrinano mortuo aliquid dicemus, si Dominus permisit, ex ipsa Evangelii auctoritate cupimus intimare. Eadem quippe de isto ex mortis janua revocato sententia, que de resuscitatis ex mortis ipsius somno iterum quandoque obcentibus est proferenda.

CAPUT XXIX. — De captivitate Babylonica.

Hoc quoque defuncto, cum reges Juda et reliquis populus multiplicarent scelerâ, et per Proprietas traditurum se Chaldeis Jerusalem cum regibus et populis ad destruendam Dominus prædicaret, id postea ipsius eventus, dum dicta Prophetarum tota pariter plebs contempserat, comprobabat. Nam cum Pharaon rex Ægypti contra Assyrios et Chaldeos pugnaturus venerat. Josias, rex Juda satis justus, in campo Megiddo illi cum exercitu obviavit. In quo confliktu dum Josias vietus et vulneratus occiditur, Joachaz filius eius a populo terra Juda pro ipso ordinatur. Nechao vero Assyriorum et Chaldeorum devicto exercitu, velut ad tuendum regnum quod ceperat, constitutis in Carchamis oppido ducibus, cum exercitu copioso post tres menses, ex quo Josias occisus est, Jerusalem revertitur. Unde, se inconsulto, ordinatus rex Joachaz Josie filius inventus, Joachim fratre suo in loco ejus constituto, catenis vincitus in Ægyptum secum trahebatur. Sed mortuo Nechaone, et ducibus qui in Carchamis reliqui fuerant bello victis, tertio anno Joachim regis Juda, qui illud usque Nechaoni adhæserat, Nabuchodonosor rex Babilonis per exercitum Jerusalem velut Ægypti coloniam obsidebat. Cui se Joachim sponte tradens, datis obsidibus, Daniele videbilet, Anania, Azaria, Misael, et parte vasorum templi Domini, adhuc in regno suo relinquitur; donec gravissimæ servitutis onere depressus, ad Ægyptiorum regem iterum divertens, missus rursum de Babylone exercitu comprehensus et tractus, priusquam ad urbem perveniret, in campo Babylonis undecimo anno regni sui interficitur. Et interim dum haec aguntur, in ejus locum Joachim, qui dicitur et Jechonias, filius eius, pro patre suo a populo in Jerusalem rex constituitur. Cujus regni tertio mense Chaldaeorum reverso exercitu, et civitatem Jerusalem obsidente, monente Jeremiah propheta, ne civitas combureretur, rex Joachim cum Noescha matre ejus, et cunctis populis tribubus, et militibus, et fabris, et clausoribus, Claudiorum se populo tradidit, qui illum cum omni transmigratione sua, in terram Chaldaeorum, id est, in Babylonem deduxit. Post quem constituta a Chaldeis Sedeclias patruus suis filius Josie regis Juda, regnum Jerusalem obtinuit. Qui et ipse non regni sui anno, deficiens, a Chaldeis ad Ægypti regem, regi Nabuchodonosori occasionem dedit, ut ipso sedante in Reblatha in terra Einath, quæ nunc est Antiochia, per exercitum suum obsideret, et expugnaret. Et cum ipsum regem undecimo anno regni sui cepisset, incenso templo et tota urbe, plurimis occisis, et reliquo captivis, eundem filii pariter et oculis orbatum, secum in Babylonem perduceret (IV Reg. xxiii, 26, sqq. xxv, xxv).

CAPUT XXX. — De Daniele clarente in Babylonie.

Quo tempore Daniel, quem in primordio captivitatis

¹ Mr. Aud. *Teglatphasar*

² Ms. Aud. *dix.*

unum de obsidum numero posuimus, in Babylone ex Iudeorum stirpe, illustri fama clarebat. Quoniam cum esset Spiritu Dei plenus, et prophetice munere condonatus, quæ hominibus cæteris liebant incognita, ipsi Deus demonstrabat. Unde accidit ut Nabuchodonosor rex somnum videret, evigilantique etiam ex parte aliqua somni memoria nulla remaneret. Deus Danieli non solum somnum ipsum, sed eti unum somni ipsam occasionem, quæ esset antequam rex dormiret, indicaverat (*Dan. ii.*). Hoc vero factum est, ut regi Danieli summi Creatoris notitiam insinuaret, et plebs in servitate et captivitate posita, aliquod quamvis parvum auxilium et solatium habebat.

CAPUT XXXI. — *De tribus pueris qui ignis tormentum sine leseur evaserunt.*

Sed rex ille ita in Dei oblivionem animo efferus incidit, ut statuam auream altitudinis nimis in campo Duran provincie Babylonis erigens, proprio nomine consecrari divino cultu præceperit. In ejus statuæ dedicationem omnes undique provinciarum populorumque præpositi convocati, communis decreto ipsam imaginem, vellent nollent, coacti sunt adorare, proposita recusantibus presente poena, quod non parva fornacis flamma urendum quisque agere nolens semetipsum præsciret. Unde accidit, ut præpositi Babylonice regionis tres numero, Sidrach, Misach, Abdenago, ex Iudeorum stirpe progeniti, de quibus in initio captivitatis pariter cum Daniele Babylonem deductis diximus (*Supra, cap. xxix.*) ; a Chaldaeis accusati sint coram rege, quod nec deos patronos ipsius regis, nec illam tunc consecratam nuper voluissent imaginem adorare. Quos, ne accusatio alienus odii causa, et non justa querela posset provenire, ipse rex ad se vocari jussit, et utrum ut aliorum faminibus aure traxerat, ita certa re haberetur, interrogavit. Augensque interrogata, Sufficiat, inquit, de præterito narratum ; nunc in ine presentia jussa complete, et auream quam erexit statuam adorare. Sivero quod jubetur, exequi non vultis, opere necessario camini ignis ardore experiendos subire debetis. Sed illi unanimi respondentes sententia, Deos quoscumque tuos non tantum non colimus, verum etiam astantem præstantialiter statuam nuper editam, inquiunt, nequaquam adoramus. Solum enim universitatis auctorem cœlestem tantummodo libent voluntate et communis privatoque studio veneramur. Cuius potentia, quicunque sibi puram, nullo pravo opere lesam conservat fidem, a qualcumque angustia protegit. Ideoque, o rex, nec presentis camini flammæ pertimescimus, nec in ullo aliquo potestatis minas et supplicia fornidanus. Quoniam potentissimum rerum conditor et gubernator, servos suos de ignis ardore, et qualcumque, quam manus tua intulerit, plaga, per omnia potest liberare. Unde rex incredibiliter ira succensus, et fornacem plus solito succendi præceperat, et hos per fortissimos de suo agmine viros, cum vestimentis et ornamentiis in ignem projici, feroci sententia jubebat. Sed ipsi in fornacem projecti, cum in flammarum medio ceciderant, nullo modo ignis ardorem sibi in aliquo adversantem sentiebant. Namque Dei angelus cum in fornacem missis eadem hora pariter in ignem condescendit, qui foras ignis ardores et flammæ de fornace excusit, et intus manentes velut placido rore superfusos, sine ulla molestia incolles conservavit : atque in circuitu fornacis inimicos quoscumque Chaldaeos perditionis et intersectionis eorum reos reperit, ignis ille consumpsit. Unde rex Nabuchodonosor caminum introspiciens, ait : Ecce ego quatuor video viros expeditos in medio flammæ, sed quartus cæteris excellit eminentia fornacis. Illosque tres quos in ignem miserat, de fornace statim per propria nomina vocat. Quibus nihil adversi de fornacis consortio accidisse cuncti videntes populi considerabant : ita ut non solum corpora ardoris vulnera et pene ulla vestigia non pertulerant ; sed etiam sana vestis aut capillus nullum adiunctionis aut ignis ardorem saltem habebat (*Dan. iii.*). In hoc mirabilis facto, natura scrutator qualiter ignis leniter fornace

inclusos sovit, inquirit, cum interim eodem igne viri circumstantes ejusdem substantie, eadem hora comburuntur. Unde ergo lenitatem hanc in una sui parte tunc ignis habuit, cum ex altera parte inimicos regnorum (*a*) Dei ferox illius ardor interfecit ? Ignis igitur substantia vel natura in nulla nisi in aqua vel alienus liquoris materia potest vivere, cum ipse incorporeus intelligitur esse natura. Ex quo accidit, ut dum in lignis ardens, totum quod in eis ad humorum pertinet consumit, in arido cinere qui rursus terra fuerat redditus, liquoris penuria ignem extinguit. Eamdeum quoque liquoris naturam ardoris voracitas consumiendo non totam devorat, sed dum in superiora, ubi illius naturae est copia, pergere nititur, rursus se in aera elevat. Unde familiaris vapor ille, cum ad aeris excelsa sustollitur, nebulosa facie concretus, terris iterum, unde ierat, per pluvias ministratur. Quod saepè vastatarum adiunctionibus provinciarum comprobatur, et incensorum montium crebro vaporibus boreas copias duducientibus declaratur. Tandem igitur ignis in quacumque terrena materia perseverat, quoadusque liquorem omnem, qui in ea est, vel ipse consumat, vel quod ex suo pastu superest, sursum in aera mittat. Si vero exiguis ignis satis humidam materiam invenerit, ipse velut infirmior a validiore victus, humoris abundantiae cedit. Præterea quoque, cum lymphatica, ut supra dixi, substantia pascitur, ipsius nequaque in aliquo vita, nisi per aerem, conservatur. Etenim si in oleo vel in quocumque foemento incendatur, si circumfusus per totum aerem non contigerit, janiusque extinguitur. Quandiu ergo in aliqua terrena materia arserit, ipsius vita in aere et humore consistit. Unde potens Gubernator ignis naturam inter inimicos et servos dividere voluit, ardorem inimicis, flabilem et humidam aeris et aquæ substantiam famulis suis convertit ; ut et illi per comburentem naturam accensi ardenter, et hi in flabili et lymphatico vase nibil adversitatis perpeti sentirent. Quapropter ita Scriptura dicit : *Angelus Domini descendit cum Azaria et sociis ejus in caminum, et excusit flammarum ignis de camino, et fecit medium fornacis quasi ventum roris flantem* (*Dan. iii, 49, 50.*) . Ex aere enim spiritum, et ex aqua in ipso igne inventi rorem. Ecce et hanc divisionem sicut et cetera miracula per angelum effecit, qui pariter cum servis Dei, ut supra dixi, in ignem descendit.

CAPUT XXXII. — *De Daniele quiescente in lacu leonum.*

Daniel quoque veri Dei cultor, de quo in captivitate principio diximus, cum de tribus principibus regni Persarum et Medorum unus fuisset constitutus, regi Dario Astyagis filio, Domino præstante, pre omnibus factus fuerat charus. Sed quoniam dilectionem honor sequitur, et honor maximus invidiam suscitat ; ipsi cæteri Medorum et Persarum principes graviter invidebant. Et idcirco non valentes nisi in lego Dei sui occasionem illi aliquam, unde eum morti tradrearent, invenire, legem ex regis edicto taliem fallaciam nescientis, Persarum et Medorum auctoritate firmatam statuere : Quatenus ne quisquam petitionem quamcumque a quoquam deo vel homine per triginta dies postulasset, nisi a rege. Cui decreto si quis jam inveniretur esse contrarius, illum absque ulla misericordia aut clemencia, devorandum leonum recipere laetus. Quo confirmato edicto, dum diligentissima cura non desisteret observare Danilem, in domo sua ter in omni die more consuetuo, vero Deo suo deprehendebant genua flectere. Unde graviter ab iis accusatum, de manibus eorum eruere voluit rex. Sed hoc lex constituta Medorum atque Persarum non permisit. Quapropter moesto animo dolente rege devorandus Daniel in lacum leonibus decenritur. Sed a Dei angelo, ne insons periret, leonum ora clauduntur. Unde rex transacta insomni nocte, mane lacrymabilis ad lacum venit, ubi incolumentem cubantem inter leones,

(a) Forte, servorum.

secura mente Danielem reperit. Imperante ergo rege, ianuamque Daniel de lacu leonum abstrahitur, quo proditores illius protinus devorandi pro eo mittuntur. Et quos inedia Danielis esurientes fecerat, reorum sanguinis illius criminosa corpora leones recipiebant (*Dan.* vi). In hoc etiam tam insigni facto, non natura in leonibus mutatur, sed insita a conditionis initio suape per angelum a Deo gubernatur. Blanditiae enim et lenitatem, quas catulus suis leones ostendunt, in Danielis exercabant; et saevitiam et ferocitatem, quam in prædam faciunt, in devoratis peccatoribus reddebant. Unde certum est, quod non contra natura sunt terminos ultimam creaturam Dominus aliquid facere, sed naturarum partes qualitercumque necesse habetur, aut in defensionem et solatium eorum quos protegit, aut in detrimentum eorum quos premit, gubernare disponit. De lacu vero iterum et Ihabaeum translato in Belis et draconis fabulis, idcirco in hoc ordine non ponitur, quod in auctoritate divinæ Scripturæ non habentur (*Id.* xiv, 30, *sqq.*)

CAPUT XXXIII. — *De Esdra restituente Legem.*

Interea captivitatis tempore completo, quod Dominus per Prophetas impletum esse prædixerat (*Jer.* xxv, 12; *xxix.* 10; *Dan.* ix, 2), reversionem populi sui et captivitatis solutionem per Cyri regis clementiam præparabat. Quo tempore Esdras Dei sacerdos combustam a Chaldaeis in archivis templi restituit Legem (*I Esdr.* vi, vii). Nempe qui eodem Spiritu, quo ante scripta fuerat, plenus fuerit.

CAPUT XXXIV. — *De bellis præcipuis quæ Domini auxilio peracta sunt.*

Sanctæ Scripturæ Veteris Testamenti, Legis scilicet et Prophetarum mirabilium ordinem in duobus his libellis historica expositione summatum posui. Quibus si quid aliquis forte melioris ingenii sagax investigatione addiderit, adhuc me non recuso discipulum fieri. Præcipua vero bella tantum auxilio Domini peracta, quæ textui divinæ Scripturæ inserta sunt, in his idcirco omisimus, quoniam etsi propter de cœlo auxiliū admiratione digna sunt, et significali ratione contineant multa mysteria; tamen in rerum gestarum intellectibus nihil relinquunt incerti. Scimus quod Amalech, orante Moyse, Jesus filius Nun superabat (*Erod.* xvii, 11-13); et Seon regem Amorrhæorum, et Og regem Basan, proceræ altitudinis viros populus Israel interruebat (*Num.* xxi, 24, 33, et xxii, 5). Balaech filium Sephor regem Madian, cum Balaam illo præcipuo astrologo, Plinæs filius Eleazar cum exercitu occidit. Et Jesus Bennun unum et triginta reges Chananiæ, multis conflicitibus prostravit (*Josue* xii, 7). Gedeon filius Joas in trecentis viris innumera Madianitarum millia per tubas et lucernas occidit (*Judic.* vii, 19-23). Jephœ Galadites populum de Gentium potestate belli jure liberavit (*Id.* xi, 32). Samson ille fortissimus Hebræorum, leonem sibi occurrentem nihil habenti in manibus, confregit; de-

cujus postea ore et capite favum mellis accepit et comedit (*Judic.* xiv, 6, 8), trecentasque vulpes capiens igneque succensas in Philistinorum segetes dimisit (*Id.*, xv, 4, 5). De quibus ille milie viros impetu uno asini mandibula solus mortificavit (*Id.* 15); et undique sedentibus circa civitatem, in qua dormitaverat, Philistis, ambas portæ fores cum ostiis et superluminaribus et seris et vetricibus pariter comprehensens, in vertice montis qui respicit Bersabee, dereliquit (*Id.* xvi, 3). Tribum quoque Benjamin proprie commissum piaculum totam, exceptis sexcentis viris, omnis filiorum Israel populus post tria bella delevit (*Id.* xix, xx). Jonas filius Saül et armiger eius stationem Philistinorum percussit (*Il Reg.* xiv, 15). David filius Jesse adhuc puer et pastor ovium, ursi et leonis interfici de ore prædam eripuit, et Goliat Philisteum de fundibulo lapide prostravit (*Id.* xvii, 34, 49). Qui postea patientiæ virtute Saül bis deprehensio inimico suo pepercit (*Id.* xxiv, 8; *xvi*, 10, 11). Et rex postmodum factus, tribus gravissimis praeliis prostrata Philistinorum agmina tributaria fecit (*Il Reg.* v, 20; et viii, 1). David solus octingentos interficeret impetu uno (*Id.* xxiii, 8). Abisai filius Saracie levavit hastam suam contra trecentos, et interfecit eos (*Ibid.*, 18). Tres robustissimi ruperunt agmina Philistinorum, ut potum darent regi David de cisterna Bethlehem, que in medio hostium erat (*Ibid.*, 16). Banaias filius Joiadæ interfecit duos leones in Moab, et leonem in cisterna in diebus nivis (*Ibid.*, 20, 21). Ipse quoque virginem tenens manu, Ægyptum spectaculo dignum hastam habentem, occidit. Bellum quoque robustorum in Gabiam exercitui David cessit in prosperum (*Il Reg.* xxi, 15, *sqq.*). Præter hæc maxima regis David adversus in circuitu regiones bella, prospere Domini auxilio favente, seu per semetipsum, seu per exercitum sepe peracta sunt. Bellum vero civile in saltu Ephraim in ipso Israel, in testamentum David restituit Samaria regnum (*Id.* xviii, 6, 7). Contra Syros et reges Damasci, nunc hic, nunc illic, alterno proventu vergentia certamina multa fuerunt. Hæc omnia propter de cœlo auxilia mirabiliter gesta, provenerunt. Sed illi operi nostro conveniens additamentum conferre non possunt; quoniam nihil in quotidianam rerum administrationem inusitatum ostendunt, dum per hominum et ipsorum etiam Angelorum dispensationes et fortitudines effecta sunt. In Machabæorum libris, etsi aliquid mirabilium numero inserendum conveniens fuisse ordini inveniatur, de hoc tamen nulla cura fatigabitur: quia tantum agere proposuimus, ut de divini canonis mirabilibus exiguant, quamvis ingenioi nostri modulum excedentem historicam expositionem ex parte aliqua tangeremus. Ideo et præsens libellus in hoc loco finem suum contingat, ut tertius de Novo Testamento ab Evangelii initio, Joanne videlicet et Domino primordium sumat.

LIBER TERTIUS.

De Novo Testamento.



CAPUT PRIMUM. — *De visione Zachariæ et nativitate Joannis Baptiste.*

Octaviani Augusti Cæsaris quadragesimo primo anno, Zacharias sacerdos de vice Abia, cum in ordine suo holocaustum in templo offerebat, angelus Gabriel unus de illorum numero, qui stant in conspectu Domini, celeri nuntio ipsi responsa deferebat: quibus subiectens, Uxor, inquit, tua hucusque sterilis Elizabeth, grandæva satis, concipiet, filiumque Joannem nomine, Altissimi prophetam et præcursum tibi pariet. Sed incredula mente sacerdos, parum his dictis animo fidem accommodans, Quomodo, respondit, hoc fieri poterit; cum ego sim satis senex,

et uxor mea isto officio in juventute privata, in diebus suis proiecta astate processerit? Atamen angelus in ista nequaquam excusatione repulsus, non causa perfidie illatum munus retraxit, sed quo a Domino quod dicebatur impleretur, convenienti oris sui vindictæ subiectum mutum sacerdotem dereliquit: donec nascente postmodum puero, ligata linguae vinculum tolatum est, cui nomen filii scribere tentans, Joannes, dixit, est nomen ejus (*Luc.* i, 5-27, 57-64). Convenienter autem dispensatione factum est, ut Joannes qui postea hominibus victu et vestitu et loco exempla penitentia præberet, et pœnitentiam predicans, etiam conceptionis ejus tempore pater pœnitentia

modum ab angelo sibi impositum, donec ille nascetur, sustineret. Alter quoque congrue hoc signum evenerat, ut dum qui regnum colorum predicaret nasciturus conciperetur, antiquae Legis et Prophetarum predicator sacerdos silentio damnaretur: quoniam Lex et Prophetæ usque ad Joannem fuerunt (*Math. xi, 13*), ex eo autem regnum Dei evangelizatur. Qui conceptus adhuc in matris utero manens, priusquam nasceretur, cum Mariæ matris Domini introitum in dñum ubi fuerat sensit, spirituali famine per os matris de nascituro ex ea Christo Domino prophetavit (*Luc. i, 41*). Dum enim Moysi spiritus in septuaginta duos consiliarios distribuitur (*Num. xi, 25*), quid mirum si puer adhuc in utero manentis spiritus per matrem loqueretur?

CAPUT II. — *De Incarnatione Domini nostri Iesu Christi, et nativitate ex Maria Virgine.*

Interea nuntius ad sponsam Joseph Mariam virginem de stirpe David talia dicta detulit, cui sine viri cognitione partire filium Spiritus sancti munere predixit: *Ilic, inquietus, natus, quem omnium spondent oracula Prophetarum, magnus erit in conspectu Domini, et in aeternum ore cunctorum credentium filius vocabitur Altissimi.* Huic enim precepto munere patris sui David sedem donavit, et regni domus Jacob absque sine imperium, sine succedente haerede, in sempiternum tenebit. Quibus verbis ovans virgo accommodata fide, sine ullo incredulitatis aut inobedientiae objectu consensit (*Luc. i, 26-38*). Sed mentem Joseph conjugis tumentem uterum videntis, quam ipse nunquam cognoverat, ista res sollicitam reddidit. Quem tamen ne hac cogitatione fatigaretur, idem angelus de concepto puer et nascituro, et accipiendo: *virgine communxit (Math. i, 19-24)*. Quæ virgo postmodum instantे tempore filium, quem sine viri semine, et carnali oblectamento voluptatis concepit, sine danno sue virginitatis peperit. In qua re, quamvis præter cunctorum hominum conceptionis consuetudinem, absque viri semine factum opus ostenditur, non tamen extra naturam de mulierib[us] utero sumpta substantia carnis nasciebatur. Ex natura naturaliter naturam suscepit, qui cooperante Spiritu sancto ex materna, quamvis sola carne, veram carnis substantiam humanae, exceptis vitiorum passionibus, integrum contulit. Quam rem ne sine exemplo nature alicuius, velut novam in Dei creaturis dimittamus, multa animantia absque parentum coitu progigni compromamus. Qualiter apes sine patribus sotu materni corporis tantummodo crescent, et omnia illius modi volatilia fetus suos taliter concipiunt. Sed et multæ aves absque maribus ova gigantia possunt. Et talem conceptum in multis piscium generibus esse physiologi ait. In sola quoque carne sine patre vermis nascitur, cui se Dominus hac de causa similem dicere per prophetam non designatur (*Psal. xxi, 7*). Quod ergo in multis rebus consueto more Dominus operatur, quid naturæ contrarium dicendum est, si quando ipse voluit, ut in virginali utero Spiritus sancti dispensatione filius sine viri coitu nasceretur?

CAPUT III. — *De pastoribus quibus Angeli natum infante nuntiaverunt.*

Quo nascente in Bethlehem civitate David, pastores custodiæ gregum destinati, ab Angelis imbuntur, quod cœli rex in terra eam hominibus ex nomine carnem nascendi lege assumere tunc dignaretur. Et deinde cum huic nuntio conveniens audientibus pastoribus carmen concinunt, ad cœlum rursus consequentes Angelii redempti (*Luc. ii, 8-15*). Et in hoc conveniens ab Angelis peractus ordo conspicitur, ut prius pastoribus natus Agnus et gregibus Pastor nuntiaretur. In his duobus pueris Joanne et Iesu, precursore et Domino, non sine historicâ ratione nativitatis ordo intenditur, quod de anno unius, alter de virginie puella generatur. Christi enīm precursor per omnia Joannes idcirco de vetula matre nasci debuit, dum ipse Veteris Legis finis quasi novissimus filius fuit. Christus vero de puella virgine corpus assumpit. Ipsi enim est Novi

Testamenti principium, filiorumque, qui ex Nova Legi nascerentur, exordium exstitit. Igitur quadragesimo secundo anno Octaviani Augusti Casaris, temporibus Herodis regis Judeorum, ablata ex Judæis omni dominandi potestate, in oppido Judeæ Bethlehem, de David stirpe, ex virginе Mariæ Jesus Christus Dominus nascitur. Quod competenter evenerat, ut cum regum et pontificum ex Jacob stirpe descendéntium successio consumpta fuerat, qui in aeternum rex est et pontifex, tunc nasceretur.

CAPUT IV. — *De Magis ab Oriente et stella duce.*

Nascente ergo illo puer, quem Israelitarum et Gentium Prophetæ utrisque populi salvatorem fore predixerant, Magi de terra Hœvæ ducti stella, ad eum cum muneribus longo admodum itinere venerant. Qui oblatis muneribus, et adorato per tempus puer, reversi sunt; non eadem tamen via qua venerunt, sed per aliām ad patria loca remeare moniti divino famine curabant (*Math. ii, 1-12*). De hac autem stella, quod ab Jerusalem pergentibus Magis usque ad Bethlehem dux itineris fuit, Evangelii dicta exponunt. Cæterum vero qui de terra sua usque Jerusalem hanc ducem sui itineris habuisse Magos existinant, ex evangelica auctoritate firmare non possunt: quoniam Magi in terra sua cum essent, excellentem sideribus stellam videntes, Dei esse et regis, qui juxta prophetias tam ipsorum quam ecclesiasticas (*Num. xxiv, 17*), ex Israel nasceretur, seu ex propria eorum scientia, seu angelica admonitione intelligentes, ad terram Israel venerunt; et ad Jerosolymam, ubi totius provincie principatus fuerat, venientes, de rege nato et pariter Deo perquirunt. Unde inventis Israelitarum oraculis vatum de eodem nato, ubi nascendi locum acciperet (*Michæel, 2*), monente subdolo sermone rege, alacres pergunt. Egressique urbem, mox ducem itineris ad Christum stellam sequentes deveniunt. De ista vero stella, utrum stella simpliciter, an angelus, an Spiritus sanctus accipiat, etsi catholicò sensu nihil repugnat, cum de singulis disputationum fuerit, arbitris majoribus eligendi liberam voluntatem ingeniali nostri mensura concedet. Si enim simpliciter stellam accipiadam esse quis maluerit, a ceteris stellis in hoc ducatu quomodo deviavit? Quarum natura ab initio condita, in firmamento cœli constituta fuisse dignoscitur, sicut libri Geneseos auctoritate manifestatur (*Gen. i, 17*). Si ergo in firmamento cœli maneret, inter Bethlehem et Jerusalem dux fieri ambulantibus qualiter posset? Et si per aera, sagittæ more, quamvis paulo lentiore cursu propter sequentes pervolare, a-suetum in firmamento locum et cursum interim desereret. Quod nec majoribus quidem luminaribus accidisse Scripturæ describunt, cum in signis aut steterunt, aut reversa sunt. Nisi forte ærcus ille ignis, qui tale ministerium accepit, propter similitudinem, sicut in multis diximus, stellæ vocabulum accepit. Aut si angelus habita stellæ hoc ministerium fecit, quid repugnat, dum se Angeli quando se hominibus ostendunt, in multos transformat habitus? Quonodo et Moysi in Oreb de rubro angelus ignita facie loquebatur (*Exod. iii, 2*), et velut miles armatus Josue filio Num extra castra in Galgalis ostenditur (*Josue v, 13*). In currum et equos ignes in ascensione Eliae Angeli singuntur (*IV Reg. ii, 11*). Et quando Eliseus pueri sui oculos aperuit, in eisdem habitudinibus Angelii manifestantur (*Id. vi, 17*). In forma hospitum Abrahe et Loti conspectibus se præbuerunt (*Gen. xviii, 2; xix, 4*): et Manne et uxor eius prophetali habita loquentem ad eos angelum videtur (*Judic. xiii, 9*). Nimirum eorum et ista vice angelus duus Magorum efficitur, qui astrologis in stellæ similitudinem et clari-simi sideris fulgore transformatur. Licit enim in imagine rerum, que Joanni in Apocalypsi sua per visionem dicuntur, hic tamē intellectui non contra facit, *Stellæ septem, Ecclesiæ septem Angelii sunt (Apoc. i, 20)*. Unde quamvis in spiritu, dum tamen stellæ Angelii dicuntur, quid repugnat, si etiam in hoc loco stella angelus dictus esse sentiatur? Vel certe si neque angelus, neque stella fir-

umenti, neque alius quispiam ignis hæc stella fuisse dignoscitur; Spiritus ergo sanctus stella hæc fieri concedatur. Qui sicut postmodum corporali specie columba descendit super Jesum Dominum in Jordane (*Math. iii, 16; Luc. iii, 22*); sic Gentes adoratrices, stellæ specie duxit ad conabula Domini nascentis in carne. De quo per parabolam Balaam astrologus loquebatur, *Orietur stelli ex Jacob* (*Num. xxiv, 17*), rutilum scilicet lumen spiritualis gratiae Christi, qua nox infidelitatis Gentium illuminatur. Sic ergo in igne super Apostolos postea in cœnaculo Sion descendit (*Act. ii, 3*), ita in specie stellæ Magos ad Dominum Spiritus sanctus deduxit.

CAPUT V. — *De baptimate Christi.*

Hic igitur puer scientia præbatur atatem, donec trigesimum annum agens ad Jordanem venit, et ab Iodune, de quo supra diximus, Zacharie filio, qui tunc populum in eum crediturum qui venturus erat, baptizabat, et ipse baptismum Agnus ante suscepit, et constitendum unda Jordanis lavavit. In specie columba Spiritus sanctus super eum descendit, et Patrem de cœlis loquentem de se audivit, *Hic est Filius meus dilectus, in quo sibi anima mea complacuit.* Cum his signis cœlum apertum vidi, et ita baptizatus de fluminis lavaero ascendit (*Luc. iii, 21, 22*). Ad baptismum vero Dominus Jesus exiit, non quod baptismi sacramento et lavaero egeret, qui proprii aut originalis peccati nullam culpam haberet; sed ut aquas, quibus quavis in delicto Ada Deus non maledixerat, terre qua continebantur maledicta infectas purgaret. Et ne quisquam Baptismi sacramentum negligeret, dum qui sine peccato fuerat, baptismi aquas invitat. Et ne quisquam ab inferiore baptizari parvi penderet, dum Dominus a servo suo mergi undis baptismi appeteret. Et quatenus adhuc a diabolo, se, donec tentatio perficeretur, occultaret, qui illum velut lavaero indigentem, inter pollutas peccaminibus ablui aquis conspicere. Spiritum vero sanctum super se in baptismō descendente vidit, et vocem Patris de cœlo se contentem Filium suum auditiv, et cœlum coram se apertum conspexit. Non quod ante baptismum suum hec omnia Dei Filius non haberet, sed ut Baptismi sacramentum quid valeat ostenderet. Non enim tunc Spiritum ille cœpit accipere, qui eamdem cum Spiritu sancto substantiam creditur habere. Nec tunc illum Pater Filium suum primitus professus est esse, cui dixit, *Ex utero ante Luciferum genui te* (*Psal. cix, 3*): ante videlicet omnem angelicam creaturam, que Luciferi appellationem per Scripturas sape tenet. Neque tunc illi aperiri cooperat thalamus cœlorum, qui ait, *Sæculum mihi sedes, terra autem scabellum pedum meorum* (*Isai. lxvi, 1*). Sed idcirco hæc omnia sancta Trinitas in baptismō Domini concessit, ut scilicet unusquisque nostrum, quid munera in sacri Baptismatis mysterio suscipiat. Tunc enim Spiritum sanctum quisque peccatorum sordibus ablitus accipit, et a Deo Patre prolixi filii adoptionis gratia incipit, et tunc sibi regni cœlorum januam aperiri, et civem cœlestis patriæ Angelorum sanctorum consors intelligi. Quamvis vero corporali specie Spiritus sanctus super Dominum descendere dicitur, non tamen de avibus sumpsisse columbam, sed ex aere, minime dubitatur. Nequaque enim ex avibus Spiritum sanctum necesse fuit corpus assumere, dum aves sibi connexæ statutam (^a) in nullo transgressæ sunt legem naturæ: sed si in aliquo transgredierentur, in hoc tantum meriti non haberent, ut potest nec aeterna, nec rationabilis creatura, ut a Spiritu assumptione carnis a delicti vindicta solveretur. Sed quod Fili persona corpore carnis humana inducatur, conveniens erat ut Spiritus sancti persona per corporalem speciem super eum descenderet, et Patris vox corporalis de nube per aereni corporis auribus audiatur. Præterea quoque idcirco in nube et columbae imagine Pater et Spiritus sanctus ad baptismum veniunt, quoniam aquatice naturæ res ille aliquid

habuerunt. Dum enim in terra Filius ad baptismi mysterium aquæ creaturam elegisset, necesse fuit ut et Pater per aquaticam nubem intonaret, et Spiritus sanctus illud corpus, quod de aqua in principio factum est (*Gen. i, 20*), ex illa nube acceptum simularet, ut sic tota Trinitas eandem voluntatem, sicut habet, ostenderet.

CAPUT VI. — *De Christi tentatione et jejuni.*

Cum ergo de aqua Dominus Jesus baptizatus, confessum ascendit, ut diabolo daret occasionem tentandi, avia deserti petivit, ubi et quadraginta dies, et totidem noctes nullo humani pastus suffragio fultus jejunavit. Ibiique per tria tentatus, in quibus primus homo seductus est, tentantem Satanam tribus responsionibus viceit (*Math. iv, 1-11*). In diaboli tribus propositionibus tota iniquitas: in Christi vero tribus responsionibus, quibus diabolus repugnatur, tota justitia fuit. Cum inimicus damnatur et vincitur, et humano generi libertas et redemptio preparatur. In hoc namque Satanus dum se supra auctorem¹ elevare voluit, qui sub eo illuc usque fuerat, id est, homo per Domini victoris auxilium ultra ipsum excrevit. Et dum illum qui ab omni impedimento liber² fuerat, alligare tentabat, interim vincitus ille, quem ipse tenebat in carcere, quibus tenebatur vincula depositum. Et dum contra se fortiori repugnare nittitur, interim ipse qui erat infirmior, adversus eum roboratur. Et cum qui hue usque de cœlo tantum in terram ejectus fuerat, terrore³ etiam de terra ad inferna eum migrare Dominus jubebat. Quadraginta dierum inediâ Domini incarnatione sustinere sine vita periculo poterat: quoniam sermo dominicus, qui Moysen per aera quadraginta diebus bis renovaverat, hic Christi artus et nervos intus irrigabat. Quare igitur consummatis quadraginta diebus et quadraginta noctibus esurire Dominus Jesus describitur, cum Moyses et Elias tanti temporis per jejunium famem pati non memorantur (*Exod. xxiv, 18, et xxxiv, 28; III Reg. xix, 8*)? Fauum vero et laborem Redemptor noster consummato tanto dierum numero sustinet, quatenus et tentatori occasionem tentandi inferret, et nosceretur quam veram humanæ carnis substantiam gestaret. Unde nec extra humanum opus et in hoc jejuno aliquid egit novi, dum temporis quod prius homines jejunaverunt, spatium non excessit.

CAPUT VII. — *De virtutibus Evangelii usque ad ambulationem super mare.*

D. victo ergo adversario et quadraginta dierum perfecto jejuni, per Judeam et Galileam Israeliticum populum ad viam salutis vocabat, et duodecim primarios sibi milites ex omnibus speciali electionis numeru segregabat (*Math. iv, 17 sqq.; Luc. vi, 13-16*). Et quatenus de invise et interne substantiæ, animalium videlicet sanitate, faceret fidem omnium corda, etiam in servi⁴ potestate visibiliter nulla resistente vi languoris curata reddebat corpora. Unde cum prædicans Evangelium regni Dei, Galileam circumiret, et promiscuum vulgus varijs agritudo pressum cerneret, quosdam oculorum præsentis defectio lucis letitia privabat, alios perfusi per totius corporis superficiem lepra fœdaverat, nonnullos pedum frustratos habita forma, curavit. In paralyticis autem a quatuor viris portato, tria divina opera cernuntur, dum dimittuntur ei peccata, et præsentis agritudo plaga verbo tunc solvit, et cogitationibus more Dei omnia scrutantis respondet (*Math. ix, 2-6; Marc. ii, 3-12*). Et in hoc viro ostenditur quosdam propter animalia maculas dolore grassari. Quomodo mutus loqui non poterat, cum Verbum Dei Patris responsa ab illo postularet? Qui in ore asinæ facundiam reperit, quomodo humanam linguam, quamvis mutam, ad verba non solidaret? Et cum

^a Ms. Aud., altorem.

^b Vs. Aud., sacer.

^c Ms., errore.

^d Ms. Aud., inferni

(a) Forte, constitutam.

justitiae lux, quæ in mundum venit, appareret, qualiter cœcus non videret? Et qua potestate diabolus in homine permaneret, ad quem ejiciendum quomodo illum peccantem de celo expulerat, Christus veniret? In quinque panibus et duobus piscibus quinque millia saturantibus continentur miratione dignatio, scilicet materie paucitas, et populi saturatio multitudino, et fragmentorum copia (*Matth. xiv, 15, 21*).

CAPUT VIII. — *De ambulante Domino super undas.*

Dominus de terra discipulos petens, necesse habuit in undis ambulare. Causa hujus Petri fides fuit, id est, ne si solus Christus id egisset, veritatem carnis dubiam relinquaret. Dum autem Petrus filius viri et mulieris hoc sacerdot, per imperantis Christi auxilium, nullam de carne Virginis filii dubitationem admittit (*Matth. xiv, 26, 29*). Sed queri potest, utrum Dominus et Petri corporum levigata natura, ut illa aqua sustineret, an aquæ substantia solidata est, ut corpora humana fulcire posset? Quainvis ergo utrumque hoc fieret, non contra naturam, Domino præcipiente, esset, si aut aquam solidaret, aut humanaum Domini jussio carnem levigaret; ut militantes in Scytharum oris, ut antiqui ferunt, et super aquorum auribus (*a*) proludant, natandi arte quoque iniunti, mero medio in profunda vix subeunt. Hominibus ergo illud valentibus, quid mirum si Domino imperante caro levigaretur? presertim cum resurrectio corpora in tantum levigantur, ut non solum crassa aqua, sed etiam nubibus et aere sustineantur, ut Apostolus ait, *Rapiemur ad occurrentem Christo in æra* (*I Thess. iv, 16*). Alter si aquæ naturam solidatam esse quisquam elegerit, quoniam aqua terrena habet crassitudinem, ut cum se gelu perstrinxerit, in duriorem quam terre ipsius soliditatem, rigeat, et multitudinem safferre valeat, et postea calida aura resolvat. Vel certe, si liquidas undas non perstrinxerit natura, que aquæ inserta est, ligna quavis grandia, et humana, et ceterorum animalium corpora, et naves liburnicas supernatantes sustinere consuevit. Illa soliditas Domino imperante facta, nec mirum si etiam Petrum dissidentem non sustinet, cum infideles Domino volente etiam terra non sustentabat, ut Dathan et Abiron (*Num. xvi, 31*).

CAPUT IX. — *De ceteris virtutibus Domini nostri Iesu Christi.*

In naturali rerum administratione hinc rationes deprehenduntur. Deinde inferior ratio quotidiana rerum administratio intelligitur, ut de aqua in animalibus sanguis sit, et unda salsa per nubes aut terræ infusionem inducescit. Et ratio superior inusitata gubernatio sit, que in miraculis rerum dignoscitur, ut in sanguinem aquam in Ægypto in momento, et instincto ligno in dulcedinem Deus commutavit (*Exod. vii, 20, et xv, 23*).

CAPUT X. — *De panibus et piscibus saturantibus millia populorum.*

Quapropter et panem de parvo semine juxta inferiorem rationem in magnum segtem per longi temporis administrationem innumerabilium hominum pastum procreat; quem secundum superiorum rationem de materia modica in momento per benedictionem multiplicat. Sic et pisces per primam benedictionem multiplicat, quando dicitur est, *Grecite et multiplicamini, et replete aquas maris.* (*Gen. i, 22*). Quorum nunc carnes per superioris rationis causam, ad turbaram saturatatem praesenti benedictione multiplicantur (*Matth. xiv, 19; Joan. vi, 11*).

CAPUT XI. — *De visione Domini in monte cum Moyse et Elia colloquentibus.*

Licit in hac ostensione (*Matth. xvii, 2, sqq.*) Dominus facies solari splendore fulserit, non tamen ipsa caro splenduit, sed divinitas latens in corpore, lumen sui portiunculam consciendam foris videntibus, quantum poterant, concessit. Unde ergo vesti-

(a) Forte, littoribus.

menta candorem nivis habuerunt, dum neque de carne, neque de divinitate erant? Nisi forte ut per carnem divinitas foris illuxit, sic et caro illuminata de divinitate, per vestimenta radiavit. Moyses autem et Elias specialiter ad talem ostensionem, vel ut Legis et Prophetæ principes ad finem conducuntur, vel ideo ut Moysi cornuta facies, in quam non poterant filii Israel intendere (*Exod. xxxiv, 35; II Cor. iii, 15*), et Elias curru igneo raptus (*IV Reg. ii, 11*), comparato Christo obscurarentur. Et cum isti quadrangula dies jejunasse Scripturæ vocibus memorantur; de Jesu tantum Dominino his praesentibus, Patris se illis pronuntiantis testimonium. Sed dum Elias manens adhuc in corpore vel ad talem conductionem venerat, quid de Moyse dicendum est? utrum in corpore iterum ad hanc ostensionem aderat; an ex aere simulatum, sicut Samuel visus est, habitum fingebat? Et si suo corpore indutus venit, si hac vice resurrectionem suam, que ceteris nonnisi in novissimo est futura, complevit? De qua quæstione autores una eademque sententia prolata non differenter dicunt, quod dum Dominus cum tribus discipulis suis, et Elias, non cum imaginatis sed veris corporibus convenisse non dubitantur, et ipse Moyses in suo vero corpore de sepulcro resumpto videtur. Sed si Dominus Jesus, primogenitus mortuorum recte creditur (*Apoc. i, 5*), Moysi iterum post hanc visionem corpus sepulturæ commendatur, ut ipsum in novissimo die, quando resurgent mortui, assumere possit¹.

CAPUT XII. — *De Lazaro et ceteris resuscitatibus mortuis.*

Immobili ergo voluntate Deus universorum vitas certosini et termino praordinavit: quorundam igitur vita, non ut moriantur, morte interfici videtur, sed ut per hoc qui eos resuscitant, clariores, utpote Deo chari, hominibus etiam habeantur. Unde de ipso Lazaro discipulis a Domino dicitur, *Hæc infirmitas non est ad mortem, sed ut Filius hominis per eam clarificeatur.* Ecce hoc dicto Lazarus cito moritur: sed tamen per Filium Dei, qui in eo clarificatur, quarto die resuscitat (*Joan. xi, 4, 44*). Quod non spatium vitæ ejus posuit; sed quod sine mutatione Dominus dispositus facere, sæpe retrahere simulat, ut partum uxoribus Abraham et Isaac distulit, ut gratius foret. Et Dominus occasiones præstat, ut quod ipse alicui donare cupit, indulgere rogetur. Si ceterum ea quæ non dispositi, aliquis sanctorum rogaverit, nullo modo fieri permittit: ut quod Moyses terram reprobmissionis ingredieretur (*Deut. xxxiv, 4*); et Paulus ut ab eo angelus Satanae recederet (*II Cor. xii, 8, 9*), et petentes non impetraverunt. De omnibus ergo generaliter mortuis tale quid sentitur, quod ideo prima vice moriuntur, ut per illos digni clarificantur. In his enim octo mortuis, quos divina Scriptura Veteris et Novi Testamenti resuscitatos commemorat, hoc considerandum est, quod de eorum primo, id est, filio viduæ, quem Elias suæ citaverat ita refertur: *Revertatur, obsecro, anima pueri* (*III Reg. xvii, 19*). De novissimo, id est, de Eutychio in Actibus Apostolorum: *Et sublatus repertus est mortuus.* Ad quem cum descendisset Paulus, incubuit super eum, et complexus, dixit, *Nolite turbari, anima enim ejus in eo est* (*Act. xx, 9, 10*). Cautè utrumque intelligendum est, quod viduæ filius mortuus est, atque anima ejus reverti a Propheta postulatur: alter vero mortuus est, at in eo ejus esse animam Paulus dixit. In utroque namque Scriptura vera est, quia mentiri non potest. Sed qua ratione recipi potest, ut in membris occulti corporis posset mortui anima? Nisi forte anima, quæ incorporalis est, corpori inesse occulta creditur. Sed quidam intelligendi laborem vitantes, dicunt de Eutychio, quod emitens animam ita mortuus est, ut post modicum intervallum anima revertente Pau-

¹ Ms. Aud., sporetur.

hunc dixisse putent, *Anima illius in eo est*. Sed tamen Scriptura lacet, si egressa est aut reversa anima. Casteri vero sex mortui, quibus nec egressae animæ, nec reversæ nuntiantur, sine ulla hic ambiguitate prestant quod mortui sint, et divina operatione resuscitati sint.

CAPUT XIII. — *De solis eclipsi in passione Domini.*

Solis defectio juxta carnem, non ut solet, quando luna accenditur, facta erat; sed in plena luna, scilicet quinta decima die mensis, ne casu putaretur fuisse, quod eveneral: et tantum lucem solis media die tenebræ obscuraverunt, ut per tres illas horas defectionis, stellæ in cœlo visæ sint (*Luc. xxii, 44, 45*).

CAPUT XIV. — *De corporibus sanctorum venientibus de monumentis suis post resurrectionem Domini.*

Sancti venerant de monumentis suis post resurrectionem Domini (*Math. xxvii, 52, 53*): sed rursum in monumenta, quomodo et de Moyse memini, redintrarunt; ubi resurrectionem omnium novissimam exspectant, ut Apostolus ait: *Hi omnes testimonio fidei probati inventi sunt, non acceperunt reprobationem a Deo pro nobis melius aliquid providente, uti ne sine nobis consummarentur* (*Hebr. xi, 39, 40*). Si igitur isti et Moyses his resurgere, in hac ostensione utique, et in novissima cunctorum resurrectione, credendi sunt, dum semel mortem sibi inditam Adæ delicto gustaverunt? Sed hoc absit a catholica fide ut semel morientes his credit quis resurgere. Nisi forte his mori Moyses et istos aliquis dicat. Sed nusquam de his scribitur, qui sic apparuerunt, resurrexisse; sed aut vivere, aut apparuisse, vel de sepulcris exisse. Nomen autem resurrectionis in iis, qui post mortem in vita hac conversati sunt, aut in Domini solius, aut in futura omnium resurrectione ponitur. Talis autem apparitio istorum, nec ad vitam humanam, neque ad resurrectionem futuram pertinet; sed ad confirmationem dominicæ resurrectionis, et ad credibilitatem resurrectionis animarum ex inferis, talis apparitio animos movet. Sicut in resuscitatis mortuis similitudo tantum, non mors continua fieri

cernitur; ita et in his similitudo resurrectionis, non ipsa resurrectione ostendebatur. De continua enim morte nullus ad vitam indeciduum, nisi Dominus, usque ad novissimum diem revertitur; et a vera resurrectione nunquam in mortem iterum aliquis retrudetur.

CAPUT XV. — *De cibo Domini post resurrectionem.*

Hunc autem carnalem cibum qualiter resurrectionis caro suscepit, docti requirunt, dum resurrecta corpora spiritualia esse cuncti fideles sciunt, ut dicitur, *Resurget corpus spirituale* (*I Cor. xv, 44*). Quapropter resurgent corpora non gustatura, sano sensu creditur possibilitem edendi cibos, si necesse foret, habitura. Haec Dei exempla minime denegant, ut Angeli juxta ilicem Mambre (*Gen. xviii, 8, 9*). Sed hoc non ut nos ruminatos cibos stomacho et intestinis conserunt, sed statim ut accepta, velut videntur, degustent, in spiritualem naturam, non ex parte, sed tota transformant.

CAPUT XVI. — *Petrus paralyticum restituit.*

Convenientia de Spiritu sancto in columba super Christum, et in igne super Apostolos perscripta sunt, et quando diximus de divisione linguarum et de virtutibus Apostolorum post acceptum Spiritum, in execratione eleemosynæ et paupertatis professione, quando Petrus paralyticus dixit, *Surge et ambula* (*Act. iii, 6*), Magistri præceptum servans: *Nolite habere aurum, neque argentum* (*Math. x, 9*), dum soli Deo serviens de iniquo mammona expeditus fuerat, verbo imperii morbo ligatum cito solvebat.

CAPUT XVII. — *Virtus Petri.*

Eece quanta est apostolica virtus in Christo, sanum Ananiam dum Petrus arguit per sermonis tantum imperium, morte ligavit (*Act. v, 4, 5*); et Tabitham mortis vinculo ligatam, eadem imperii potestate disolvit (*Id. ix, 40*). Ideoque prius Ananias et Saphira in conspectu Ecclesiæ cito mortui sunt, ut apostolica auctoritas quanta esset ostenderetur; et quam magnum peccatum esset, quod oblatum est iterum ab Ecclesia retrahere, monstraretur, et ceteri exemplo hujus castigarentur.

ADMONITIO

DE SEQUENTI OPUSCULO.



Non Augustini, sed Alcuini est istæ de Benedictionibus Jacob patriarchæ quæstio expositio historica et allegorica, decerpta nimis ex ipsius libro Quæstionum in Genesim. Quanquam etiam apud Hieronymum sub iisdem ac totidem fere verbis in opusculo, quod item Quæstionum in Genesim inscribitur, expositionem priorem reperias; posterioris vero expositionis partem postremam apud Gregorium in libris Moralium in Job. Imo utraque ex integro, sed ordine nonnihil diverso, atque aliquot permutatis vocibus, habetur in tertio libro Commentariorum in Genesim, qui Eucherio Lugdunensi tributi olim falso fuere, editique in Bibliotheca Patrum.

DE BENEDICTIONIBUS

JACOB PATRIARCHÆ.



Quid intelligendum est de benedictionibus, quibus Jacob patriarcha benedixit filios suos? An historice vel allegorice intelligend:e sint, dum dicit, *Congregamini, filii Jacob, ut annuntiem vobis quæ ventura sunt in novissimis diebus* (*Gen. xlvi, 2*): et si videtur ex his verbis magis allegoriam sonare quam historiam? Resp. Utrunque vero, et historiam et allegoriam: historiam de divisione terræ reprobationis, que di-

visions dividenda erant nepotibus eorum; et allegoriam de Christo et de Ecclesia in novissimis temporibus futura. Sed prius historiæ fundamenta ponenda sunt, ut aptius allegoriæ culmen priori structure superponatur.

Ruben primogenitus meus, tu fortitudo mea, principium doloris mei: prior in donis, major in imperio. Effusus es sicut aqua, non crescas; quia ascendisti eu-

bile patris tui, et maculasti stratum ejus (Gen. iii, 4) (a). Est autem sensus hic: Tu es primogenitus meus, major in liberis, et debebas, juxta ordinem nativitatis tuæ, hereditatem quæ primogenitus jure debebat, sacerdotum accipere et regnum. Hoc quippe in portando honore et prevalido robore demonstratur. Verum quia peccasti, et quasi aqua quæ quolibet vesculo non tenetur, volupatius effusus es impetu; idcirco præcipio tibi ut ultra non pecces, sisque in fratrum numero, pœnas peccati luens, quod primogeniti ordinem perdidisti. [Principium autem doloris est omnis primogenitus, quia pro eo commouentur viscera parentum (b).] « Simeon et Levi fratres, vasa iniuritatis bellantia. In consilium eorum non veniat anima mea, et in cœtu illorum non sit gloria mea: quia in furore suo occiderunt virum, et in voluntate sua suffoderunt murum. Maledictus furor eorum, quia pertinax; et indignatio eorum, quia dura. Dividam eos in Jacob, et dispergam illos in Israel » (*Ibid.*, 5-7). Significat autem non sui consilii fuisse, quod Simeon et Enos foederatos viros interficerunt, et contra fas in pacis et amicitarum tempore sanguinem fuderunt innocentem, et quasi quodam furore, sic crudelitate rapti, muros hospite urbis everterunt (*Id.* xxxiv, 26). Unde dicit, *maledictus furor eorum, quia pertinax*, et reliqua. *Et dispergam illos in Israel.* Levi enim hereditatem propriam non accepit, sed in omnibus sceptris paucas urbes ad inhabitandum habuit (*Josue* xxii). De Simeone vero in libro Jesu scriptum est, quod et in se proprium funiculum non acceperit, sed de tribu Juda quiddam acceperit (*Id.* xix, 1, 2). *Juda, te laudabunt fratres tui: manus tuæ in cervicibus inimicorum tuorum; adorabunt te filii patris tui. Catulus leonis Juda, ad prædam. fili mi, ascendisti, requiescens accubuisti ut leo, et quasi leæna. Quis suscitabit eum?* Quia Juda confessio sive laus interpretatur, recte scribitur de Juda, *confitebuntur tibi fratres; vel, laudabunt te.* Et licet de Christo grande mysterium sit, tamen secundum literam significat, quod per David stirps generarentur reges, et quod adorarent eum omnes tribus. Non enim ait, *fili mi matris tuae*; sed, *fili patri tui.* Et quod sequitur, *Ad prædam, fili mi, ascendisti, ostendit eum captivos populos esse dicturum, et juxta intelligentiam sacrae ratione ascendisse in altum, et captivam duxisse captivitatem.* Sive, quod mihius puto, *captivitas passionem, ascensus resurrectionem* significat. *Alligans ad vineam pulum suum, et ad vitam asinam suam.* Quod videlicet pullum asinæ, cui supersedit Jesus (*Joan.* xii, 14), hoc est Gentilium populum, vineæ Apostolorum, qui ex Judæis sunt, copulaverit; et ad vitam, sive, ut in Hebreo habetur, *Soreth* (c), id est electam vitem, alligaverit asinam cui supersedit, Ecclesia ex nationibus congregata. Quod autem dicit, *Fili mi, conversionem ad Christum de ipso Juda facit*¹, eo quod Christus sit universa facturus. [Quod autem dicitur, *Non auferetur sceptrum de Juda, et dux de semoribus ejus, donec veniat ille qui mittendus est; et ipse erit exspectatio gentium (Gen. xlvi, 8-11)*: significat quod non deficerent principes de tribu Juda usque ad tempus, quo natus est Christus, qui missus a Patre exspectatio est gentium (d).] « Zabulon in littore maris habitabit, et in statione nivium, pertingens usque ad Sidonem. Issachar, asinus fortis accubans inter terminos: vidit requiem quod esset bona, et terram quod optima; et supposuit humerum suum ad portandum, factusque est tribus serviens » (*Ibid.*, 15-15). Quia supra Zabulon dixerat, quod maris magni littora esset possessurus, Sidonem quoque et reliquas Phœnices urbem contingenter, nunc ad mediterraneam provinciam reddit,

¹ Ms. Corb.: *Quod autem dicit, Fili mi, apostrophen ad ipsum Judam fecit.*

(a) Ex Hieronymo, lib. Quest. in Genesim.

(b) Haec non sunt Hieronymi.

(c) Leg. sorez: sic cuim vitis hebraice appellatur.

(d) Non sunt haec Hieronymi.

et Issachar, qui juxta Nephtaim pulcherrimam in Galilee regionem possessurus est, benedictione sua habitatorem facit. Asinum autem osseum vel forte vocat, et humerum dicit supposuisse ad portandum; quia in labore terræ et vehendis ad mare, quæ in finibus suis nascebantur, plurimum laboraret, regibus quoque tributa comportans. Aliut Hebrei per metaphoram significari, quod Scripturas sanctas de die ac nocte meditans studium suum dederit ad laborandum: et idcirco ei omnes serviant, quasi magistro dona portantes. *Dan judicabit populum suum sicut et alia tribus in Israel. Fiat Dan coluber in via, cerastes in semita, mordens unguis equi, ut cadat ascensor e[st]us retro. Salutare tuum exspectabo, Domin[us] (Gen. xlvi, 16-18).* Samson judex in Israel de tribu Dan fuit (*Judic.* xii, 2). Hoc ergo dicit: Nunc videns in spiritu comam nutrire Sansonem nazareum tuum, cæsisque hostibus triumphare, quod in similitudinem colubri regulique obsidens vias nullum per terram Israel transire permittat; sed etiam si quis temerarius, virtute sua quasi velocitate equi confusis, eam voluerit prædonis more populare, non effugere valebit. Totum autem per metaphoram serpentis et equitis loquitur. Videns ergo tam fortem nazareum tuum, quod ipse propter meretriceum mortuus est, et moriens nostros occidit iniunicos (*Id.* xvi, 30), potavi, o Deus, ipsum esse Christum Filium tuum: verum quia mortuus est, et non resurrexit, et rursum ductus est Israel in captivitatem; aliis mihi Salvator mundi et mei generis prestolandus est, ut veniat cui repositum est, et ipse exspectatio gentium. *Gad accinctus prælibabit ante eum, et ipse accingetur retrorsum (Gen. xlvi, 19).* Significat, quod Gad, Ruben, et dimidia tribus Manasse ad filios, quos trans Jordaniem in possessionem dimiserat, post quatuordecim annos revertentes, prælium adversus eos gentium vicinarum grande repererit, et victis hostibus fortiter dinicaverit. Lege Jesum Nave et Paralipomenon. *Nephtalin, cervus emissus dans eloquia pulchritudinis;* sive, *Nephtalin ager irriguus (Ibid., 21).* Utrumque significat Hebreum verbum, Aiala Seloha. Significat autem, quod aquæ calidæ in ipsa nascentur tribu, sive quod super lacum Genesar fluento Jordanis esset irriguus. Hebrei autem volunt propter Tiberiadem, quæ Legis videbatur habere notitiam, agrum irriguum et eloquia pulchritudinis prophetari. Cervus autem emissus temporaneas fruges et velocitatem terræ uberioris ostendit. Sed melius si ad doctrinam Salvatoris cuncta referamus, quod ibi vel maxime docuerit Salvator, ut in Evangelio quoque scriptum est (*Matth.* iv, 15, 16). Filius mens Joseph accrescens, Filius meus accrescens et decorus aspectu: filiae decurrerunt super murum; sed exasperaverunt eum, et jurgati sunt, invidenterque illi habentes jacula. Sedit in forti arcus ejus, et dissoluta sunt vincula brachiorum et manuum ejus per manus potentis Jacob. Inde pastor egressus est lapis Israel » (*Gen. xlvi, 22-24*). O filii Joseph, qui tam pulcher es, ut te tota de muris et turribus ac fenestris puellarum Ægypti turba prospexit, invidenter tibi, et ad iracundiam te provocaverunt fratres tui, habentes livoris sagittas et zeli jaculis vulnerati. Verum arcum tuum et arma pugnandi posuisti in Deo, qui fortis est pugnator: et vincula tua quibus te fratres ligaverunt, ab ipso soluta sunt et disrupta, ut ex tuo semine tribus nascatur Ephraim fortis et stabilis, et instar lapidis durioris invicta, imperans quoque decem tribibus Israel. *Benjamin lupus rapax, mane comedet prædam, et vespere dividet spolia (Ibid., 27).* Quam de apostolo Paulo, quæ dicta sunt, manifestissima sit prophætia, omnibus patet; quod in adolescentia persecutus sit Ecclesiam, in senectute predicator Evangelii fuerit. Hebrei autem ita dixerunt: Altare in quo immolabantur hostiae, et victimarum sanguis ad basim illius fundebatur, in parte tribus Benjamin fuit: hoc, inquietum, significat, quod sacerdotes immolant mane hostias, ad vesperam dividunt ea que sibi ex lege collata sunt; lupum sanguinarium, lupum voracem

super altaris interpretatione ponentes, et spoliorum divisorem super sacerdotibus, qui servientes altari vivunt de altari (a). Hec autem historicæ.

Spiritualiter autem in Ruben prioris populi Jacobum ostendit esse personam, cui a Domino dicitur, *Israel primogenitus meus* (*Gen. xl ix, 3; Exod. iv, 22*). Etenim juxta quod primogenito debet habetur, ipsis erat accipere sacerdotium et regnum. Additur, *tu virtus mea*. Utique quod ex ipso populo fundamentum fidi, ex ipso virtus Dei, qui est Christus, advenit. Quonodo autem ipse sit principium dolorum, nisi dum Patri Deo semper irrogaverit injuriam; dum convertit ad eum dorsum, et non faciem? Iste prior in donis, quia primum ipsi credita sunt eloquia Dei (*Rom. iii, 2*), et legislatio, et Testamentum sive promissio. Iste major imperio; utique pro magnitudine virium quia copiosius ceteris in hoc seculo populus idem regnavit. *Effusus* est autem sicut aqua, pecando in Christum, quia vasculo non tenetur: voluntatis effusus est impetu, et idcirco addidit, *Ultra non crescas*; quia populus ipse postquam in universo orbe dispersus est, valde immunitus est. Sed quare talia meruit, ita subjicit: *Quia ascendisti cubile patris tui*. Primogenite autem plibet audaciam praedicat, quae ascendit cubile patris sui, et maculavit stratum ejus, quando corpus dominicum, in quo plenitudo divinitatis requiescebat (*Coloss. ii, 9*), raptum in cruce suspendit, et ferro commaculavit. *Simeon et Levi fratres, vasa iniquitatis bellantia*. Per Simeon et Levi Scribe et Pharisai et Sacerdotes Iudaici populi intelliguntur. De Simeone enim Scriba erant Iudeorum, de tribu vero Levi principes sacerdotum, qui consilium fecerunt ut Jesum dolo tenerent et occiderent. De quo consilio dicit, *In consilium eorum ne veniat anima mea*: horrebat enim tanta sclera, que novissimis temporibus facturi erant Iudei. *Quia in furore suo occiderunt virum*: id est Christum, de quo dicitur, *Ecce vir, Oriens nomen ejus* (*Zach. vi, 12*); et alibi, *Femina circumdabit virum* (*Jerem. xxxi, 22*). *Suffuderunt murum*: id est, illum spirituale fortissimum murum, qui custodit Israel, lancea confoderunt. *Maledictus furor eorum, quia perlinax*: utique quando furore accensi et ira, obtulerunt Christum Pontio Pilato, dicentes, *Crucifige, crucifige*. *Ei indignatio eorum, quia dura*: dum Barabbam latronem pelerent, et principem vite crucifigendum postularent. *Dividam eos in Jacob, et dispergam illos in Israel*: quia nonnulli ex ipsis crediderunt, quidam in infidelitate permaneserunt. Dicuntur enim divisi ii, qui ab eis separantur, et venient ad fidem; di-persi autem, quorum patria temploque subverso, per orbem terræ incredulum genus spargitur. *Juda, te laudabunt fratres tui*. Per hunc Judam verus confessor exprimitur Christus, qui ex ejus tribu secundum carnem est genitus. Ipsum laudabant fratres sui: Apostoli scilicet et omnes coheredes ejus, qui per adoptionem Patris, filii Dei effecti sunt, et Christi fratres per gratiam, quorum ipse est Dominus per naturam. *Manus tuæ in cervicibus inimicorum tuorum*: eisdem enim manibus atque eodem crucis tropæo et suos texit, et inimicos et adversarias potestates curvavit. Juxta quod et Pater promittit ei dicens, *Sede ad dexteram meam, donec ponam inimicos tuos scabellum pedum tuorum* (*Psal. cix, 1, 2*). Adorabunt te filii patris tui: quando multi ex filiis Jacob aduenti eum, per electionem gratie salvi facti (*Rom. xi, 5*). *Catalus leonis Juda*: quando nascendo factus est parvulus, sicut scriptum est, *Parvulus natus est nobis* (*Isai. ix, 6*). *Ad prædam, filii, ascendisti*: id est, ascendens in cruxem, captivos populos redemisti; et quos ille contrarius invaserat, tu moriens eripuisti: denique rediens ab inferis, ascendi in altum, captivam doxisti captivitatem (*Psal. lxvii, 19; Ephes. iv, 8*). *Requiescens accubuisti, ut leo*: manifestissime Christus in passione accubuit, quando inclinato capite tradidit spiritum; et quando

in sepulcro securus, velut quodam corporis somno quietevit. Sed quare ut leo, et velut catalus leonis? In somno enim suo leo fuit, quando non necessitate, sed potestate hoc ipsum complevit, sicut ipse dicit: *Nemo tollit a me animam meam, sed ego pono eam* (*Joan. x, 18*). Quod vero addit, *Et ut catalus leonis*: inde enim mortuus, unde natu. Bene ergo Christus ut leo requievit, qui non solum mortis acerbitatem non timuit, sed et in ipsa morte mortis imperium vicit. Quod autem dicit, *Quis suscitabit eum?* quia nullus nisi ipse, juxta quod ipse ait: *Solvite templum hoc, et in triduo resuscitabo illud* (*Id. ii, 19*). *Non deficit dux de Juda, et reliqua*. Illoc manifestissime ad Judæi resurgent. Diu enim fuit ex senecte illius intemerata apud Iudeos successio regni, donec Christus nasceretur, sicut supra diximus. *Alligans ad vineam pullum suum*. Pullus suus populus ex Gentibus, cui adhuc nunquam fuerat Legis onus impositum. Hunc copulavit ad vineam, ad Apostolos scilicet qui ex Iudeis sunt. Nam vinea Domini Sabaoth domus Israel est (*Isai. v, 7*). *Et ad vitam asinum suam*. Ipse dicit, *Ego sum vitis vera* (*Joan. xv, 1*). Ad hanc ergo seruitus alligat asinum suum, synagogam tardigradat scilicet, et gravi Legis pondere depressam. *Lavit in vino stolam suam*: sive carnem suam in sanguine passionis, sive sanctam Ecclesiam illo vino, quod pro multis effundetur in remissionem peccatorum. *Et in sanguine uxæ pallium suum*. Pallium Gentes sunt, quas corpori suo junxit: sicut scribitur, *Vivo ego*, dicit Dominus, nisi hos omnes induam sicut vestimentum. *Pulchriores oculi ejus vino*. Oculi Christi Apostoli sunt ei Evangelistæ, qui lumen scientie Ecclesiae præstant: quorum præcepta austerritatem vini præce Legis superant, quia longe leviora sunt. *Et dentes ejus lacte candidiores*. Dentes præceptores sunt sancti, qui præcident ab erroribus homines, et eos quasi comedendo in Christi corpus transmiserunt. Candidiores autem effecti sunt doctores Ecclesiae lacte veteris Legis. *Zabulon habitabit in littore maris, et in statione navi*. Zabulon interpretatur Habitaculum fortitudinis, et Ecclesiam significat. Haec in littore maris habitat et in statione navi, ut credentibus sit refugium, et periclitantibus demonstret fidei portum. Haec contra omnes turbines seculi inconcessa firmitate solida spectat nausfragium Iudeorum, et hereticorum procellas, qui circumseruntur omni vento doctrinae; quorum etsi tunditur fluctibus, non tamen franguntur. *Pertendit autem usque ad Sidonem*, hoc est, usque ad Gentes. Legitur etiam in Evangelio inde assumptos esse Apostolos aliquos, et ipsis locis Dominum sœpe docuisse, sicut scriptum est, *Terra Zabulon, et terra Nephtalem, populus qui sedebat in tenebris, vidit lucem magnam* (*Isai. ix, 1, 2; Matth. iv, 13, sqq.*). Sidon interpretatur Venator vel venatrix. Venatores qui sunt, nisi Apostoli? Qui, ut supra diximus, ex illis locis assumti sunt, de quibus dicitur: *Mittam venatores multos, et venobunt vos in omni monte* (*Jerem. xvi, 16*). Issachar asinus fortis. Issachar qui interpretatur Merces, referunt ad populum Gentium, quem Dominus sanguinis sui pretio mercatus est. Hic Issachar asinus fortis scribitur, quia prius populus gentilis quasi brutum et luxuriosum animal nullaque ratione substitut, sed postmodum jugum discipline evangelice libenter portavit. *Hic accubans inter terminos, vidit requiem quod esset bona, et terram quod optima* (a). Inter terminos autem cubare, est prestolato mundi sine requiescere, nihilque de iis, quæ nunc versantur in medio, querere, sed ultima desiderare. Et fortis asinus requiem et terram optimam videt, cum simplex gentilitas idcirco se ad robur boni operis erigit, quia ad aeternæ vite patriam tendit. Unde etiam apponit humerum suum ad portandum, quia dum ad promissam requiem pervenire desiderat, cuncta mandatorum onera libenter portat. Unde factus est tributis serviens, hoc est, Christus

(a) Hucusque ex Hieronymo.

(a) Ex Gregorio, lib. i Moral., cap. 6.

regi sue fidei dona et operum bonorum offerens munera. *Dan judicabit populum suum sicut aliae tribus in Israel. Fiat Dan coluber in via, cerastes in semita,* et reliqua. Dicunt quidam (a) Antichristum per haec verba et predici de ista tribu futurum, pro eo quod hoc loco Dan et coluber asseritur et mordens, et quod inter tribus Israel primus Dan ad aquilonem castramatus est (*Num. ii, 23*), illum significans qui se in lateribus aquilonis sedere dicit, et de quo singulariter dicit propheta, *A Dan auditus est fremitus eorum ejus* (*Jerem. viii, 16*). Qui non solum coluber, sed etiam cerastes vocatur. *Képator enim grāce cornū dicuntur.* Serpens ergo ille cornutus esse perhibetur, per quem digne Antichristus asseritur, quia contra vitam fideliū cum mortuī pestiferē prædicationis armabitur etiam cornibus potestatis. Quis autem nesciat semitam angustiorem esse quam viam? Fit ergo Dan coluber in via, quia in presentis vita latitudine eos ambulare provocat, quibus quasi parcendo blanditur: sed in via mordet, quia eos quibus libertatem tribuit, erroris sui veneno consumit. Fit

(a) Ex Gregorio, lib. 51 Moral., cap. 10.

cerastes in semita, quia quos fidèles reperit, et sese int̄ rangusta præcepti coelestis itinera constringentes, non solum nequitia callidae persuasionis impedit, sed etiam terrore potestatis premit; et in persecutionis languore, post beneficia sictie dulcedinis, exercet cornua potestatis. Equus iste cuius ungulas cerastes mordere dicitur, hunc mundum insinuat, qui per elationem suam in cursu labentium temporum spumat. Et quia Antichristus extrema mundi hujus apprehendere nittitur, cerastes iste equi ungulas mordere perhibetur. Ungulas quippe equi mordere est extrema seculi feriendo contingere. *Ut cadat ascensor ejus retro*¹. Plebs infidelis Iudea, erroris sui laqueis capta, pro Christo Antichristum exspectat. Bene Jacob eodem loco repente in electorum vocem conversus est dicens, *Salutare tuum exspectabo, Domine: id est, non sicut infideles Antichristum; sed eum qui in redemtionem nostram venturus est, verum credo fidcliter Christum. Amen.*

¹ In Ms. Corb sic desinit: *ascensor equi est quisquis iniquitatibus hujus mundi extollitur, qui retro cadere dicuntur.*

ADMONITIO

IN LIBRUM QUÆSTIONUM VETERIS ET NOVI TESTAMENTI.



Hoc opus Augustino aljudicant eruditū quicquid. Nec injuria sane, quandoquidem res ratioque docendi, ut de stili distantia nihil dicamus, procul abhorret a S. Doctoris ingenio et fide. In quæstione secunda dicitur Deus, ut diaboli præsumptionem non potestate sed ratione destrueret, materiam condidisse, quæ esset rerum confusio, ex qua facaret mundum. In Q. decima tertia infantes qui in Sodomis cum parentibus perierunt, a gehenna liberos esse, quia in aliena causa occisi sunt, absolute pronuntiatur. Quo loco Quæstionum auctor, quisquis est, originale peccatum inficiari videbatur Bellarmino. Et revera ad hanc ipsam quæstionem respondens Alcuinus in opere super Genesim, interrog. 103, cum alioquin iisdem, quæ hic leguntur, verbis usus fuerit, nequaquam tamē originalis peccati reatum dissimulavit: *Nonne, ait, provisum est illis, ne diu viventes exempla sequerentur patrum; et ut levius in futuro crucientur, vel omnino non, aliena causa occisi?* In Q. vigesima prima, et quadragesima quinta, contendit auctor, mulierem non esse creatam ad imaginem Dei: contra quam docet Augustinus in lib. 3 de Genesi ad litt., cap. 22. In Q. vigesima tertia non patitur quidquam difficultatis, ut Augustinus, circa originem animæ. Q. vigesima septima non Samuelem a pythonissa excitatum, sed ejus spectrum sive diabolum Saüli apparuisse sic asserit, ut falsam et absurdam esse velit aliam opinionem: quam tamē pulchre congruere sacris Scripturis ostendit Augustinus in lib. 2 Quæst. ad Simplicianum. Q. quadragesima prima illud Geneseos, *Spiritus Domini serebatur super aquas*, pugnat ne intelligatur de Spiritu sancto, de quo passim ab Augustino explicatur. Q. quadragesima tertia vehementer improbat votum Jephte, quem facinorosum appellat, nullumque justitiæ testimonium habere dicit, cum is tamē inter insignes viros laudetur in Epistola ad Hebr., cap. 11. In Q. quadragesima sexta nota ignorantiæ aut stultitiae condemnat eos, qui dicunt Samuelen funetum officio sacerdotis, quod ipse cum aliis plurimis sentit Augustinus in lib. 17 de Civit. Dei, cap. 4. In Q. quadragesima octava de Filio Dei loquitur more Arianorum. Q. quinquagesima sexta dicit immerito quibusdam videri (quod tamē Augustino etiam visum est) Joseph esse filium Heli et Jacob, unius secundum naturam, alterius secundum Legem. Q. quinquagesima nona quod apud Joannem dixit Dominus, *Spiritus ubi vult spirat*, vult de vento interpretandum esse, non de Spiritu sancto: cum Augustinus aliter interpretetur. Q. centesima octava multis conviciis insectatur eos, qui volunt Hebreos dictos ab Heber, non ab Abraham: at Augustinus in lib. 2 Retract., cap. 16, et de Civitate Dei lib. 16, cap. 11, cam sequitur sententiam. Q. centesima nona incumbit ut suadeat Melchisedech non hominem fuisse, sed Spiritum sanctum, ipsumque in oblatione dici summum sacerdotem improbat. Q. centesima decima quinta dicit Abrahamum cum patre suo idola coluisse: contra Augustinus, in lib. 16 de Civit. Dei, cap. 13. In Q. centesima decima sexta ille pascha a passione, Augustinus vero ab hebræa voce transitum significantē censem fuisse appellatum, in Epist. 53 ad Januarium, n. 2. Præterea Pelagianam hæresim quæstiones aliquot resipiunt Lovaniensium Theologorum judicio, veluti Quæst. septuagesima nona, octogesima, octogesima tertia, etc. Per paucum demum sunt, quæ non aliqua ex parte pugnant in Augustini doctrinam; ut superfluum sit his addere, quod hujus operis prolixia nullam S. Doctor mentionem facit in libris Retractationum, cum illic diligenter Quæstionum libros alios recenseat.

Superest ut examini judicioque Lectorum subjiciamus opinionem eruditis hodie quamplurimis probataam, que hasce Quæstiones eidem auctori, cui Commentarios in Apostolum Ambrosii nomine vulgatos attribuit. Quippe collatis ad invicem utrisque operibus, scilicet Quæst. vigesima quarta ad Comment. in I Cor. 11, §. 5; Quæst. septuagesima quarta ad Comment. in II Cor. 5, §. 21, et in Gal. 3, §. 15; Quæst. centesima secunda ad Comment. in II Timoth. 2, §. 20; Quæst. centesima octava ad Comment. in Philipp. 3, §. 5; Quæst. centesima decima tertia ad Comment. in Ephes. 3, §. 10, etc., concordiam in rebus, in sententiis, in verbis etiam ipsis, quam maximam deprehenderunt. Ad hæc utrumque opus codem sere tempore consecutum putant: Commentarios quidem cum Damasus Papa, qui sub anni 384 finem obiit, Romanam Ecclesiam regeret, ut eorumdem auctor testatur in I Timoth. 3, §. 15; Quæstiones autem anno circiter 500 ab excidio Jerosolymitano, ex Quæst. quadragesima quarta Adversus Judæos, tametsi non nemo sit qui hunc annum ab adventu Christi numerari arbitretur. Jamvero Commentariorum scriptor creditur designatus ab Augustino in lib. 4, ad Bonifacium, cap. 4, ubi Hilarii nomine sententiam profert, quæ ad verbum in iisdem Commentariis sup. Rom. 5, §. 12, continetur: porro autem cum ab Hilarii episcopi Pictavensis stilo et doctrina plurimum dissideant iudicem Commentarii, non alius esse existimantur quam Hilarii diaconi, qui Damaso Pontifice pariter vivebat, illius nimirum qui secta Luciferianus, patria Sardus dicitur. Hic nos, ut de Commentariorum auctore nihil pronuntiemus, juvat in subjectas Quæstiones observare, manuscriptorum codicum eam a nobis comprehensam esse varietatem, quæ efficere possit, ut jam demum revocetur, atque invaleat opinio Erasmi et aliorum, qui primum suspicabantur non unius hominis esse illud Quæstionum opus, in quo eadem que dicta sunt iterari, et propositis titulis rursum tractari eamdem quæstionem; tum dissimile dicendi genus adhiberi; nec ipsa constanter eadem, sed plane contraria dogmata propugnari cernebant. Enimvero duo sunt manuscriptorum codicum genera. Quidam centum viginti septem illas que primo vulgate fuerunt, quæstiones complectuntur: scilicet quadraginta septem ex Veteri Testamento, reliquas omnes ex Novo Testamento inscriptas; nihilque ab editis differunt, nisi quod titulum huncce tertium, ex utroque mixtim, qui posterioribus triginta quæstionibus a typographis p̄fixis fuit, nusquam habent. Hujus primi generis manuscripti duo sunt in Bibliotheca Sorbonica, in Victorina totidem, in Colbertina unus antiquior multo et ante annos circiter 700 exaratus. Alterius generis manuscriptos non plus quam tres reperimus, unum Sorbonicum, aliud Victorinum, tertium Germanensem nostrum, qui licet centum quinquaginta unam quæstiones contineant, scilicet quinquaginta sex ex Veteri, et nonaginta quinque ex Novo Testamento, adeoque primi generis codicibus sint viginti quatuor quæstionibus auctiores, non tanien habent tractatus plerosque, et conciones ex istis primum vulgatas: quodque ad rem facit, carent quadragesima quarta illa, Adversum Judæos; et centesima decima quinta, Adversum Mathematicos quæstione aliquis nonnullis, unde auctoris actas et patria comperiri posse credebatur. Ex hoc secundo manuscriptorum genere eruit Jacobus Haemer alteram collectionem quæstionum, quæ post vulgatae sunt. Damus hic denique Quæstionum Elenchum duplicum, in quo manuscriptorum diversitas uno conspectu intelligitur. Quæstiones quæ codicibus sive primi sive secundi generis propriæ sunt, stellula designandas curavimus.

ELENCHUS QUÆSTIONUM.



EX MANUSCRIPTIS CODICIBUS

Primi generis (a).

QUESTIONES VETERIS TESTAMENTI.

- I. Quid est Deus.
- II. Cur Deus mundum fecerit.
- III. Quid opus erat per Moysen, et non ante, exordium mundi et ordinem creature expondere.
- IV. Quare Legem non in primordio dedit.
- V. Utquid Abel sacrificium acceptatum est, et Cain refutatum.
- VI. Si Lamech occidit Cain, sicut putatur.
- VII. Quæ decem verba in tabulis data sunt, etc.
- VIII. Utquid Moyses descendens de monte vultum splendidum habuit.
- IX. Si omnia Deus bona fecit, quid est ut dicat ad Noe de mundis et immundis: *induc tecum*, etc.
- X. Cum Deus dicat quod quarta progenie exituri essent filii Israel de Egipto, cur Moyses quinta, inquit, progenie exierunt.
- XI. Si viri justi voluntas bona est, quare Isaac non Esau quem voluit, sed Jacob benedixit quem noluit.
- XII. Quare Abraham fidei suæ signum circuncisionem accipit.

(a) Hac serie continentur omnes quæstiones primo vulgatae.

EX MANUSCRIPTIS CODICIBUS

Secundi generis (a).

CAPITULA DE VETERI TESTAMENTO.

1. De Deo et de hominis libero arbitrio.
2. * Adversum eos qui negant ad Deum aliquid pertinere.
3. Cur Deus mundum fecerit.
4. Quid opus erat per Moyses postea et non ante, exordium mundi et ordinem creature expondere.
5. Quare Legem non in primordio dedit.
6. Utquid Abel sacrificium acceptatum est, Cain repudiatum.
7. Si Lamech occidit Cain, sicut putatur.
8. Quæ decem verba in tabulis data sunt.
9. Utquid Moyses descendens de monte, etc.
10. Si omnia Deus bona fecit, quid est, etc.
11. Cum Deus dicat ad Abraham de filiis Israel quod quarta progenie exituri essent, etc.
12. Si viri justi voluntas bona est, quid est ut Esau, etc.
13. Qua ratione David Saül, postquam Deus ab eo recessit, christum Domini vocat.
14. Quare Abraham fidei suæ signum, etc.
15. Si iudicium Dei justum est, quare infantes in Sodomis, etc.

(a) Hac serie inter alias continentur quæstiones post vulgatae.

- XIII. Si iudicium Dei justum est, quare infantes in Sodomis cremati sunt.
- XIV. Quid est ut Deus, qui justus predicatur, peccata patrum filii dicat redditum.
- XV. Cum justum predict Lex, contra Salomon, *Noli, ait, esse justus multum.*
- XVI. Quare angelus, qui volebat in via Moysen occidere, circumcisio infantis placatus est.
- XVII. Quid est ut maledictos dicat, qui non reliquerint scutum in Israel.
- XVIII. Quare Saül peccans petuit orari pro se, et impetrare non potuit; David autem e contra.
- XIX. Si Adam corpus immortale habuit, an mortale.
- XX. Quid est quod dicitur, *Panem Angelorum manducavit homo*: cum Angeli non egeant cibo.
- XXI. Quid sit ad imaginem et similitudinem Dei fecisse hominem, et a mulier imago Dei.
- XXII. Quid est ut dicat Salomon, *Justifica animam tuam ante obitum tuum*, etc.
- XXIII. An ex traduce sint anime, sicut corpora.
- XXIV. Quid est ut vir imago Dei sit, et non mulier.
- XXV. Utquid Joseph adjurat filios Israel, ut tollerent cineres ejus de Egypto.
- XXVI. De Eliseo, an id quod dure petuit ab Elia, consecutus sit.
- XXVII. An Pythonissa Samuel excitaverit.
- XXVIII. Quid contradicendum his sit, qui mundum aeternum dicunt.
- XXIX. Quare octavo die circumcidi mandatum est.
- XXX. In Proverbiis ait, *Justus sui accusator est*: quomodo justus, si necatur?
- XXXI. An cum muliere serpens natura locutus sit, an ab actu dictus serpens a diabolus.
- XXXII. Legimus apud Salomonem, *Dives et pauper obviaverunt sibi, fecit autem ambos Deus*. Quomodo ergo non est personarum acceptio a iudice Deum.
- XXXIII. Salomon, *animi*, inquit, *impiorum minuentur*: cum videamus impios aliquantos longeños.
- XXXIV. Apud Salomonem, *Deus morteni non fecit*: et alio loco, *Bona et mala, rita et mors a Deo sunt*.
- XXXV. Qua ratione David Saül, postquam Deus ab eo recessit, christum Domini vocat, etc.
- XXXVI. Si anima que peccat ipsa morietur, quid est ut in causa Charii tristitia sex viri occisi sunt.
- XXXVII. Quid est ut missa mors in Jacob venerit in Israel.
- XXXVIII. Si equus et nulus non habent intellectum, quanto magis terra? quid ergo est ut dicatur terra benedicere Dominum.
- XXXIX. Quid est quod legitur in Salomone, *Spes est in tenebris. Melior est canis vivus leone mortuo*.
- XL. Quid est quod dicit propheta, *Luctare sterilis, que non parit*, etc.
- XL.I. An spiritus qui super aquas cerebatur, Spiritus sanctus intelligatur.
- XL.II. Cur angelus Moysi et in igne et in rubo apparuit.
- XL.III. Cum Abraham prohibitus sit filium suum immolare; cur Iephite filiam immolare non prohibetur?
- XL.IV. Adversum Judaeos.
- XLV. Quomodo homo ad imaginem Dei factus sit, et an mulier quoque.
- XLVI. Utrum Samuel fuerit de filiis Aaron, et utrum sacerdos.
- XLVII. De hoc quod in Isaia legitur: *Et apprehendent septem mulieres*, etc.
- QUESTIOES NOVI TESTAMENTI.
- XLVIII. Deus perfectio est: quid ergo opus fuit Christo ut nasceretur.
- XLIX. Cur Salvator baptizatus sit.
- L. Si ideo Salvator baptizatus est ut exemplo esset, quare non ita et in circumcisione.
- L.I. Quomodo intelligatur: *Spiritus sanctus superveniet in te*.
- L.II. Si de Spiritu sancto natus est Christus, cur dictum est, *sapientia redificari sibi domum*.
- L.III. Quid est ut vim calend. januar. Salvator natus dicatur.
- L.IV. Si ex semine David Christus Filius Dei factus, id est iam natus est, quare cum baptizatur audit: *Filius meus es tu, ego hodie genui te*.
- L.V. Quid cause luit ut vii cal. april. crucifigi se permittet Dominus.
- L.VI. Quare in Matthæo pater Joseph Jacob scribitur, et in Luca, Heli, etc.
- L.VII. Quid est ut cum in Malachia scriptum sit, *Ecce ego mittio regnum meum*; Marcus dicat in Isaia.
- L.VIII. Qua ratione negat Joannes Christum se nosse ante baptizatum, cum prober ante eum nosse.
- L.IX. Si Baptismus celeste mysterium est, cur Nicodemo ait Dominus, *Si terrestria dixi vobis*, etc.
- LX. Si Lex et Prophetæ usque ad Joannem, quare Salvator ad sacerdotes mittit offerri munera.
16. Quid est ut Deus qui justus prædicatur, etc.
17. Cum justum prædicet Lex, contra Salomon, etc.
18. Quare angelus qui in via volebat occidere Moysen, etc.
19. Quid est ut maledictos dicat qui, etc.
20. Quare Saül peccans petuit orari pro se, etc.
21. Si Adam cor us immortale habuit, etc.
22. Quid est quod dicitur, *Panem*, etc.
23. Quid sit ad imaginem et similitudinem Dei, etc.
24. Quid est ut dicat Salomon, *Justifica*, etc.
25. An ex traduce sint anime.
26. Quid est ut vir imago Dei sit, etc.
27. Utquid Joseph adjurat filios Israel, etc.
28. De Eliseo, an id quod dure petuit, etc.
29. An Pythonissa Samuel excitaverit.
30. Quid contradicendum his qui mundum aeternum dicunt.
31. Quare octavo die circumcidi mandatum est.
32. In Proverbiis ait, *Justus sui accusator est*, etc.
33. An cum muliere natura serpens locutus sit, etc.
34. Legimus a iudice Salomonem, *Luctare et pauper*, etc.
35. Salomon, *animi*, inquit, *impiorum minuentur*, etc.
36. A iudice Salomonem, *Deus morteni non fecit*, etc.
37. • Cur Deus dixit, *Non permanebit spiritus meus in hominibus istis, quia sunt caro, et erant amici illorum centum viginti*.
38. • Quid continet benedictio Jacob, quam dedit.
39. Cur angelus Moysi et in igne et in rubo apparuit.
40. • Non tuit aliud signum, quod fieret a Moyse iudice Pharaoni, nisi serpens.
41. • Quid est quod in Psalmo, *Homines*, inquit, *et jumenta salvo furci*. Et ad Jonam, *Nou parcam, ait, civitati, in qua habitant centum viginti milia hominum et pecora multa*, etc.
42. • Si Adam factus a Deo et animatus spiritum sanctum accepit (a).
43. Si anima que peccat ipsa morietur, quid est ut in causa Charii tristitia sex viri occisi sunt.
44. Quid est ut missa mors in Jacob venerit in Israel.
45. In sole, inquit, posuit tabernaculum suum, id est corpus suum in quo habitavit christus, qui a Pilato flagellis casus est: quomodo ergo dicitur in Psalmo de Christo, *Flagellum non approquinabit tabernaculo tuo*.
46. Cur Adam in mundo positus mandatum accepit.
47. Vetus Lex Deum iurasse allegat, Salvator autem iurare prohibuit: quomodo non destruxit vetera.
48. Cur in Lege etiam ipsi Aaron dictum est ut pro peccatis suis holocausta offerret, cum dicat David, *Pro delictis holocaustum non postulasti*, etc.
49. Cur Salomon spiritum sapientie habuit, cum vitam mundam non habuit.
50. In Tobia, *Opera Dei revelare et confiteri honorificum est*: Salvator autem opus Dei faciens, Nulli, ait, dixeris.
51. Utquid circumcisio et præcepta data sunt populo, quae prius non erant, neque nunc in auctoritate habentur.
52. Quid est ut dicatur terra benedicere Dominum, etc.
53. Quid est quod legitur in Salomonem, *Spes est in tenebris*, etc.
54. • In Sapientia, *Qui cravat*, inquit, *orbem ex materia invisa*. Et contra quia ex nihilo facti sunnus.
55. Quid est quod dicit propheta, *Luctare sterilis, que non parit*, etc.
56. An spiritus qui super aquas cerebatur Spiritus sanctus intelligatur.

CAPITULA DE NOVO TESTAMENTO.

1. Deus perfectio est: quid ergo opus fuit Christo ut nasceretur.
2. Si unus Deus est, cur in tribus spes salutis, et quare prius non est Trinitas predicata.
3. Cur facta et dicta Domina quatuor libris, et a quatuor Evangelistis scripta.
4. Quis ordo quatuor Evangeliorum.
5. Quare Matthæus scribit: *tiber generationis Jesu Christi filii David*; cum prior sit Abraham.
6. Quid est ut generationes in tres partes dividetur Matthæus.
7. Quare cum quadraginta una sint generationes, Evangelista quadraginta duas numerasse videtur.
8. Quid est ut cum constet a David ad transmigrationem Babylonis octodecim esse generationes, Evangelista quatuordecim dicat.
9. Cur Salvator baptizatus sit.
10. Si ideo Salvator baptizatus est ut exemplo esset, quare non ita et in circumcisione.

(a) Haec questio diversa est a cxxiii quest. MSS. primi generis.

- LXI. Quid est ut Iudeis discipulos accusantibus Dominus David exemplum proferret, per quod videntur simul cum David rei fieri.
 LXII. Quid est ut occisis filiis Liae, Rachel filios suos plangere dicatur.
 LXIII. Qua ratione Magi per stellam Christum regem Judæorum natum intellexerunt.
 LXIV. Quomodo probatur, post tres dies et noctes resurrexisse Salvatorem.
 LXV. Si uno ore Evangelistæ locuti sunt, cur tres sexta hora, et Marcus tertia dixerit passum Dominum.
 LXVI. Marcus dæmonia dixit cognovisse Dominum, Apostolus vero, si intellexissent, ait, etc.
 LXVII. Quid est ut in cruce Dominus dicat, *Pater, ignosce illis: non enim scimus*, etc. Si enim nesciunt, quid ignoscitur?
 LXVIII. Orandum pro iniunctis docemur, quare animæ occisorum vindicari se petant.
 LXIX. Si predicante Joanne Lex cessavit, quo modo Salvator, *Non veni, ait, solvere legem; sed adimplere*.
 LXX. * Dominus certe inimicos nos esse vult diabolus; quare ergo, *Esto, inquit, consentiens adversario*.
 LXXI. Jacob appellatus est homo videns Deum; quomodo, *Deum nemo visuit unquam*.
 LXXII. Quid est quod dicitur in Apocalypsi, *Vade et accipe librum, et devora illum*, etc.
 LXXIII. Quid est quod dicit Simeon ad Mariam matrem Domini, *positus est hic in ruinam*, etc.
 LXXIV. Quid sibi vult ut Isaías dicat de Christo, *Qui peccatum non fecit: et Apostolus, Pro nobis peccatum fecit*,
 LXXV. Cur Salvator pro se tantum et pro Petro didrachma solvit.
 LXXVI. In Evangelio, *I.e.*, ait, *per Moysen data est; gratia et veritas per Christum*. An antea veritas non erat? Ergo nec Lex.
 LXXVII. Quid est quod dicitur in Marco, *Intrans in domum neminem voluit scire, et non potuit latere*.
 LXXVIII. Legitur in Joanne quod cum negaret se Jesus ascendisse ad diem festum, ascendit tamen.
 LXXIX. Si proprio arbitrio vivimus, quare Salvator dixit, *Nemo venit ad me, nisi Pater attraxerit eum*.
 LXXX. Certe aut filius Dei quisque est, aut diaboli; quid ergo nascimur requirendum est.
 LXXXI. Apostolus ait, *Nos natura Iudai*: de Iudeis ergo nasci Iudeos ostendit, non de proselytis, etc.
 LXXXII. Pagani elementis subjecti sunt, quare ergo dicit Apostolus, *Eramus sub clementiis*, etc.
 LXXXIII. Si per Christum salus et vera cognitione, cur non ante venit, etc.
 LXXXIV. Quare lunæ cursus in ratione Paschæ custodiens, reprehendimus paganos, quia dies lunares et motum custodian.
 LXXXV. Quid est ut cum a David usque ad transmigrationem Babylonis septendecim sint generationes; evangelista dicit quattuordecim.
 LXXXVI. Quid est quod probet matrem Domini esse de tribu David.
 LXXXVII. Si unus est Deus, cur in tribus spes salutis est.
 LXXXVIII. * si major gratia in Novo est Testamento, cur in Veteri sedens videtur Dominus et stans in Nono.
 LXXXIX. Quomodo accipientium quod Salvator dicit de Spiritu sancto, quod ventiens arguet mundum, etc.
 XC. Si satanas diabolus est, quare dicit Iudeus, *De patre diabolo nati estis*, etc.
 XCI. Adversus Photinum qui dicit Christum ante Mariam non esse.
 XCII. Quomodo intelligatur quod dicit Dominus, *Pacem meam do vobis*, etc.
 XCIII. An Apostoli spiritum sanctum habuerunt præsente Domino in carne.
 XCIV. Si Iudas Scariotus ante passionem Domini crepuit pendens.
 XCV. Unde orta sit observatio Pentecostes.
 XCVI. Si Pascha transitus interpretetur.
 XCVII. Adversus Arium.
 XCVIII. Si saurus diabolus est, quare Salvator dicit Iudeis, *De patre diabolo estis*.
 XCIX. Quid sit Tentatio vos non apprehendat nisi humana.
 CI. * De eo quod legitur in Evangelio Matthæi, *confieor tibi, Pater*, etc.
 CI. * De jacantia Romanorum levitarum.
 CII. * Contra Novatianos, qui penitentiam salutarem negant.
 CIII. * Cum constet Deum in Levitico de sacrificiis offerendis mandasse, cur alibi negat et resurxit.
 CIV. * Utquid Dominus gladium parari jussit, et post prohibuit percutere.
 CV. * Quomodo prophetia quadriga cum Evangelio de obscuratione solis, etc.

51. si ex semine David Christus Filius Dei factus, id est iam natus est, quare cum baptizatur audit: *Filius meus es tu, ego hodie genui te*.
 52. Si de spiritu sancto natus est Christus, cur dictum est, *Sapientia aedificavit sibi dominum*.
 53. Quomodo intelligatur, *Spiritus sanctus superveniet in te*.
 54. Quid est ut vii calend. januar. salvator natus dicatur.
 55. Quid cause luit ut vii calend. april. crucifigi se permetteret Dominus.
 56. Quare in Matthæo pater Joseph Jacob scribitur, et in Luca Heli, etc.
 57. * Utquid Salvator quadraginta diebus jejunavit et postea esurii.
 58. * Cur baptismus Joannis cessavit.
 59. * Quare Lex usque ad Joannem, cum Apostolus dicat Legi nos subiectos esse debere.
 60. Si predicante Joanne Lex cessavit, quomodo Salvator, *Non veni, ait, solvere legem*, etc.
 61. Si Lex et Propheta usque ad Joannem, quare Salvator ad sacerdotes mittit, etc.
 62. * Quomodo non evanescat Lex est, quando sabbatum solutum est.
 63. * Cur Salvator discipulos suos filios tonitrui appellavit.
 64. Cur Nicodemo ait Dominus, *Si terrena dizi vobis*, etc.
 65. Quid est ut Iudeis discipulos accusantibus Dominus David exemplum proferret, etc.
 66. Qua ratione Magi per stellam Christum regem Judæorum natum intellexerunt.
 67. Quid est ut occisis filiis Liae, Rachel filios suos plangere dicatur.
 68. * Cur post baptismum accessit ad Salvatorem tentator dicens, *Si Filius Dei es*, etc.
 69. * Cur salvator tentatori non aliter, quam exemplis Legis restituit.
 70. Quid est ut cum in Malachia scriptum sit, *Ecce ego misericordiam Angelum meum*; Marcus dicit in Isaia.
 71. Qua ratione negat Joannes Christum se nosse ante baptismum, cum prophetet ante eum nosse.
 72. * Quomodo Deum nemo vidit unquam, cum Filius dicat videri Patrem cum ipse videtur.
 73. * Cur Salvator mulieri alienigenæ, id est Chananeæ, initio misericordiam denegabat, non item Centurionis alienigenæ, etc.
 74. Quomodo probatur post tres dies et noctes resurrexisse Salvatorem.
 75. Cur tres Evangelistæ sexta hora, et Marcus tertia dixerit iussum dominum.
 76. Quid est ut in cruce Dominus dicat, *Pater, ignosce illis*, etc.
 77. Marcus dæmonia cognovisse dixit Dominum: Apostolus vero de principibus sæculi, *Si cognorisset*, ait, etc.
 78. Orandum pro iniunctis docemur: quare animæ occisorum vindicari se petant.
 79. * Quid est, *Propter quod donarit illi nomen*, etc., cum imperfectus videatur, qui per opera sua augetur.
 80. In Evangelio, *I.e.*, ait, *per Moysen data est, gratia et veritas per Christum*. An antea veritas non erat, etc.
 81. Quid est quod legitur in Marco, *Intrans in domum voluntinem scire, et non potuit latere*.
 82. Cur Joannes ad Dominum, *Tu es qui venturus es, an alium expectamus?*
 83. Quid est ut salvator alias verbo, cæcum autem facto luto de sputo curaret.
 84. Quid est ut Lazarus resuscitatus fleret; aut locum ubi positus erat, quasi ignarus quereret.
 85. Quid est, ut Herodem mortuum legamus; intra autem, et post multos annos Herodem Joannem occidisse.
 86. Quid es quod probet matrem Domini esse de tribu David.
 87. Si arbitrio proprio vivimus, cur Salvator dixit, *Nemo venit ad me nisi a Pater attraxerit eum*.
 88. * Cur Apostolus omnibus omnia se factum dicit, quod factum videtur adulatoriis et hypocrite.
 89. Quid est quod dicitur in Apocalypsi, *Vade et accipe librum, et devora*, etc.
 90. * Quid est ut Apostolus factum Salvatorem dicit ex semine David.
 91. * Quid est quod dicit Apostolus ad Galatas, *Estote sicut ego, quia ego sicut vos*.
 92. * Quomodo liberi sumus arbitrii ac voluntatis, cum dicat Apostolus: *Caro concupiscit adversus spiritum, et spiritus adversus carnem, ut non que vult ea faciat*.
 93. * Qua ratione sapientia carnis inimica est Deo, etc.
 94. Quid est quod dicit Simeon ad Mariam matrem Domini, *positus est hic in ruinam*, etc.

- CXVI. * Quomodo intelligenda sunt que leguntur in Genesi de opere sex dierum.
 CXVII. * De ordine diei et noctis, utra sit prior.
 CXVIII. * De lingua hebraica, unde nomen accepit.
 CXIX. * De Melchisedech, quomodo Abrahamo benedixit, etc.
 CX. * De psalmo primo.
 CXI. * De psalmo vigesimo tertio.
 CXII. * De psalmo quinquagesimo.
 CXIII. * Cur Filius Dei missus sit, et non aliis.
 CXIV. * Adversus iaganos.
 CXV. * De fato.
 CXVI. * De Paschate unde dictum sit, et quomodo mystice celebretur per sanguinem.
 CXVII. De Abraham et Iesu filie.

53. * Quid est quod Joannes dicit ad Christum, *in es qui renatus es, an aliam expectamus?* an dubitans dixit.
 54. Quid sibi vult ut Isaías dicat de Christo, *qui peccatum non fecit;* et Apostolus, *qui pro nobis peccatum fecit.*
 55. * Quid est quod Ap̄ostolus dicit Galatis, *Miror quod sic tam cito transferimini ab eo qui vocavit vos in gratiam in aliud Evangelium, quod non est aliud,* etc.
 56. * Quare Ap̄ostolus dicit, *omne peccatum quod fecerit homo extra corpus est; qui autem fornicatur, in corpore suum peccat; cum peccare in corpus suum videantur, qui sibi vim inferunt.*
 57. Cur salvator pro se tantum et pro Petro didrachma solvit.
 58. Cur Ap̄ostolus paulus reprehendat Petrum quod circumisionem daret, cum et ipse Timotheum circumcidet.
 59. Quem spiritum Apostolus salvaendum asserit cum dicit, *tradi huiusmodi hominem Satanae in interitum carnis, ut spiritus, etc.*
 60. Quare Salvator orat et ait, *Ne fiat fuga nostra hieme vel sabato:* cum tempus persecutionis hujus differri non possit.
 61. Certe aut filius Dei quisque est, aut diaboli: quid ergo nasci aut requirendum est.
 62. Ap̄ostolus ait, *Aos natura Judaei. De Iudeis ergo nasci Iudeos ostendit, non de proselytis, etc.*
 63. * Quid est quod Ap̄ostolus dicit, *Nemo potest dicere dominum Deum nisi in spiritu sancto;* cum Photinus, Marcion, Manicheus, meretrices et scurci dicant.
 64. Si in Legi nemo justificatur, utquid maledictus est, qui non implavit Legem.
 65. * Si in Christo omnes thesauri sapientiae et scientiae; quomodo du die et hora iudicii dicit se nescire.
 66. Pagani elementis subjecti sunt; quare ergo dicit Ap̄ostolus, *Eramus sub elementis, etc.*
 67. * Saluator ait, *Qui non reliquerit omnia, etc., non potest meus esse discipulus:* cum ex Evangelio discipulus Iesu fuerit Joseph ab Arimathea homo dives, etc.
 68. Quid est ut Salvator dicat Mariae, *Noli me tangere,* etc., cum legatur ab aliis mulieribus tactus.
 69. Quid est, *Qui ante me fuerunt, fures sunt,* etc., quod videtur Propheta hujus pati.
 70. * Apostolus dicit Christum pro omnibus mortuum esse: at ipse Dominus aut se dare animam suam redemptionem pro multis.

- CXVIII. * De Job
 CXIX. * De Tobia.
 CX. * De jejuno.
 CXI. * De Paschate, quam prædabilis et gloria sit solemnitatis.
 CXII. * De eo quod legitur apud Evangelium, *in principio erat Verbum.*
 CXIII. * Utrum Adam Spiritum sanctum haberet.
 CXIV. * Quomodo idem quod differt secundum personas sive in laudem sive in condemnationem.
 CXV. * Contra Eusebium, utrum spiritus sanctus scivit mysterium nativitatis Domini.
 CXVI. * De eo qui fidei percipit, quid plus habeat ad gratiam consequendam.
 CXVII. * De Adam et Eva.

75. * Quid est ut David, *Luge, in malo accipit, salvator in bono ponit.*
 76. * Quid sit, Tentatio yes non apprehendat nisi humana.
 77. Quonodo Lex sancta et justa et bona, siquidem iram operatur.
 78. Si dura mandata propter dissidentiam acceperant Iudei, quid est ut eorum posteri hūdem astringerentur.
 79. Salvator dicit, *Non pro mundo rogo:* quid ergo Joannes ait, eum advocationi esse pro universo mundo.
 80. Quonodo regni Christi non erit finis, cum Ap̄ostolus dicat, *cum tradiderit regnum Deo et tui.*
 81. Cum Salvator dixerit: *I postquam resurrexero, præcedam vos in Galileam, ibi me videbitis;* quid est ut inveniatur versus Ierusalem.
 82. Quonodo Ap̄ostolus contristandum vetat, cum ipse contristandum se, si Ep̄iphodus obiisset, declarat.
 83. Ap̄ostoli alias sibi oblatos sanarunt; quid est ut propriis infirmis medelam non dederint.
 84. Unde origo Pentecostes.
 85. Jacob appellatus est homo videns Deum: quonodo Deum nemo vidit unquam.
 86. Quare lumen cursum in ratione Paschæ custodiens, reprehendimus Paganos, quia lunares dies custodiunt.
 87. Quid est quod salvator dicit de spiritu sancto, quod veniens arguet mundum, etc.
 88. Si satanas diabolus est, quare dicit Iudeis, *De patre diabolo estis.*
 89. Quonodo intelligitur quod dicit dominus, *Pacem mihi do robis.*
 90. An apostoli spiritum sanctum habuerunt presente domino in carne.
 91. Si Pascha transitus inter retetur.
 92. * De aeternitate Filii:
 93. Adversus Photium, etc.
 94. Adversus Arium.
 95. * De spiritu sancto (a).

(a) Sic Elenchus collectioni præfixus in MSS., qui tamen hujus nonagesime quinte questionis loco exhibent numerum dialogum adversus Luciferianos.

Quæstiones

VETERIS ET NOVI TESTAMENTI.

—
Ex Veteri Testamento.

QUESTIO PRIMA. — Quid est Deus.

Hoc est quod nulla attingit opinio. Plus est enim quam quidquid dici poterit aut cogitari. Sed dicamus aliquid, quod licet impar sit, tamen ex aliqua convenientia ratione his quas Deo digna videntur. Nam unaquaque natura pro capacitate sui suspicatur deo, ut quantum natura distat a natura, tantum distet sen-

tentia a sententia in judicando quid sit Deus. Quia enim supra omnia est, necesse est ut omnium mentes exceedat. Homines enim quantum possunt aciem mentis extendere, aspiciunt quid Deus sit, opinione non definitione. Angeli autem qui superiores hominibus sunt, quia plus de Deo aliquid sentiunt, non est dubium; Archangeli vero eo ipso amplius; Cherubim

autem et Seraphim, quæ potentiae juxta Deum esse dicuntur, majora de Deo sentiunt, non tamen comprehendunt penitus quid Deus sit. Quia nemo novit Patrem nisi Filium, nec Filium quis novit nisi Pater (*Matt. xi, 27*). Igitur Deus est, sicut hominibus videtur, spiritus natura simplex, lux inaccessibilis, invisibilis, inaristabilis, infinitus, perfectus, nullius egens, aeternus, immortalis omnimodo, a quo omnia initium consecuta sunt, venerandus, diligendus, metuendus, extra quem nihil est, imo in quo sunt omnia quæque sunt sursum et deorsum, summa et ima; omnipotens, omnitemens, vere in omnibus dives, quia nihil est quod ejus non sit; bonus, justus, misericors: bonus, quia fecit existere que non erant; justus, quia quæcumque fecit ut proficerent, proprio libertatis arbitrio dimissa sunt; quia tamen non tam perfecta sunt ut labi non possint, semina his legis inesse decrevit naturaliter, addens auxilium manifestatæ legis, ut auctoritas ejus perfecta esset hominibus: misericors vero, quia peccantibus non facile reddit, sed sustinet ut conversis ignoscat. Est et severus, ut terrore quæ ab eo bene condita sunt conserventur, ne negligentia pareret vita precipitum. Et ne quod admirabilius est prætermittamus, tanta est ejus clementia, ut contumelias passus ab his quos fecit, sufferat, et prior vocet eos ad pacem. Numquid non majoris virtutis hoc est, quam condidisse creaturam? In quo si permaneret nimia bonitas ejus, obesset creature. Unde aliquando diligi, aliquando timeri se vult, ne aberrantes ab eo depereant. Hinc est unde, ne patientia ejus non utique ad dænum ipsius, sed ad nostrum omnino contempnenda putaretur, ait: *Tacui; numquid semper tacebo?* (*Isai. xlII, 14*)? Itaque Deus bonus, et omnia que fecit bona sunt. Unde ergo malum? Nihil est malum nisi prævaricatio boni, dum aut inconcessa presumuntur, aut concessa inordinate sunt: ut alibi mandatum, alibi peccatum fiat. Ut quando quod in uxore concessum est, sit in ineretrice; et quod Deo offerendum erat, offertur diabolo: et cum quis non tollit suum, sed alienum; et cum prævaricatio occidi debat, occiditur innocens. Nulla igitur natura probatur malum. Voluntas autem est accidens naturæ, concepta ex causis, quæ male moventur, dum excedit modum, ut illa gerat quæ naturæ suæ non sunt. Causæ autem prævaricationis oriuntur ex sensibus, quando aliquid male videmus aut audiimus. Quem errorum hac res facit, quia homo non est Deus, qui solus errare non potest. Natura igitur hominum proprio arbitrio remissa et dimissa est, ut possit facere quod vult: ut si bonum naturæ sua exercitio meliore, honorabilior sit; si autem infirmet vigorem suum, contumelia dignus habeatur hujusmodi. Facit enim quod contra se sit. Non est minimum quod concessum est homini, ut cum recta sequitur, gaudeat in sese per id quod opere suo videt se meliore; aut certe impudet sibi, qui cum potuit, non dedit operam ut melioraret se bonis. Si autem homo potestatis suæ non esset, subjectus fuerat necessitatibus, ut neque boni operis haberet gloriam, neque mali peccatum, sed fuisse unum ex peccatis. Quoniam ergo ad utrumque facti sumus possibles, ut per negligientiam delinquamus, si quod bene audire et videre debemus, male, id est, extra normam¹ et rationem audiamus; per vigiliam autem naturæ bonum custodiamus: et cauti esse semper non possumus, quia, sicut dixi, ad utrumque facti sumus possibles; si peccamus, non jam condemnamur, nisi iterum delinquamus, jam quasi proditores. Qui enim semel peccaverit, reparare se debet ne denuo peccet, ne pat sit ei qui se vicerat, ut iterum si non peccet, jam superior habeatur. Quia semel elitis bis triumphabit. Hoc justitia est, ut quia colluctatio est in mundo, qui propensior ad peccandum est, in non peccando coronetur. Nihil ergo in Dei opere malum est. At si a quibusdam mala quedam dicantur, ut venenum, aut tenebra, quia corpora

nostra vim veneni ferre non possunt; malum dicant etiam ignem aut aquam: et ferrum vel plumbum, quia multum ab auro distat, malum dicatur. Ad comparisonem enim lucis tenebras condemnant, cum scient pro loco suo necessarias esse, sicut plumbum aut testam. Nam utique requiem dant post laborem. Igitur omnis qui colluctatur in mundo, sic eniti debet, ne in re aspera victus abscedat, et fiat reus, vix aut tarde se reparans, et forte inter haec proveniat exitus, et exeat hinc cum peccato. Qui enim omni virtute renititur, si elisus forte fuerit, quasi vir cadit, nec succenset ei quisquam, sed hortatu quodam animum ejus reparat. Videt enim eum propositum haluisse vincendi, et sperat talen posse prolicare ad victoriam, quem non sine fatigione sui hostis elisit. Qui enim facile vincitur, non habet animum resistendi; nec vincitur, sed consentit. Hic acerbius peccat. Hujusmodi vix¹ ad veniam admittendus est, qui votum habet delinquendi. Qui enim id meditatur ne peccet, etiam si peccaverit, non aspere peccat. Diligentioribus enim aliquando minora peccata subrepunt. Quanto autem minora sunt, tanto subtiliora; et dum continentur, non vitantur. Majora enim longe apparent. Ac per hoc qui in majoribus peccat, voluntatis ejus est crimen. Sane quoniam superius peccata ex sensibus ortum capere diximus, dum contra legis imperium vel rationem, aliquid aspicimus aut audiimus, id est, si solem videntes adorandum eum putemus propter pulchritudinem ejus, tunc male videmus: quia ad injuriam pertinet Creatoris communis, ut quod illi soli debitum est, deputetur creature. Quippe cum ab eo prohibitum sit per legem. Aut cum corpora bene composita et decora videmus, aut aliquid proximi, si concupiscamus, et aliter ea aspicimus, quam mandat lex: tunc facinus peccatum quod vocatur malum. Sed forte dicatur, Nihil igitur formosum debuit fieri, ne nos peccaremus, ut tutela nostra ex aliorum deformitate constaret. Quod si esset, nec ferrum esset, ne de eo fierent homicidia. Neque lucerna in usu esset, ne fures lumine ejus ad effringendum uterentur, ut quod magnopere omnibus utile est, deesset propter quorundam vaniloquia. Cum constet nos semper omnia aspicere, nec tamen semper omnia concupiscere; quia non illorum vitium, sed nostrum est cum sumus negligentes: quod constat ex intervallo creari, quia non sumus quod Deus est. Sic autem male audiimus, si audientes idola deos esse, consentiamus, aut si turpia cantantibus aurem accommodemus. Tunc autem bene audiimus, si audientes de Deo quod unus sit, oblectemur. Si quis autem contra legem aliquid audiens assentiat, peccat: et hoc erit male audire.

II. — Cur Deus mundum fecerit?

Fecit, quia est opifex; aut negetur, si non est. Sed esse, ipsa opera manifestant. Fecit ergo ut esset quod ante non erat, quia sine dubio melius est esse, quam non esse. Si dicatur, Numquid inane fuit aliquid ubi faceret, aut quid prius erat ubi fecit? Hoc Vas electionis paucis absolvit. Ait enim cum de Deo esset sermo, *In ipso vivimus et moveamur, et sumus* (*Act. xvii, 28*): hoc est, omnia in Deo, quia ubique est, et ante omnia solus ac aeternus, invisibilis omni creature. Et ne mysterium prætermissee videamur, aut potius ignorasse cur mundus factus sit; dicimus diaconi apostasiam multos angelos, id est spirituales potentias, secum in prævaricationem traxisse, dum voluit sibi regnum impia presumptione defendere: quod propheta Isaïas significat, dicens, *Quomodo cecidisti de celo, Lucifer, qui mane oriebaris* (*Isai. xiv, 12*)? id est, qui ceteris lucidior apparebas. Erat enim quasi princeps multorum, inter quos clarior erat, et cum quorum societate ad impium descendit certamen. Videns enim infra se multas spirituales potentias; quippe cum in paradiso Dei prestantior esset cognitione mysterii coelestis, ipsa elatione inflatus.

¹ MSS. secundi generis, nec.

* MSS. secundi generis, nec.

voluit dici deus : hac scilicet ratione, qua etiam in presenti vita exemplum ejus quosdam imitatos videamus, qui contemplatione aggregatorum circa se militum elati, satellitibus in hac re locitem conspirationis praebentibus, imperium sibi vindicare voluerunt. Hinc est unde Deus, ut ejus presumptionem non potestate, sed ratione destrueret, materiam condidit, quæ esset rerum confusio, ex qua faceret mundum. Distincta enim, quæ simul confusa erant, hunc præsisterunt quem videmus ornatum. Discretis enim ab invicem substantiis, facta compaginazione mundus vocatur ; quia unaquaque res ab altera segregata ad mundum apparuit : ut hic homo positus, creatus ex supernis et infernis, id est, ex coelestibus et terrenis, unius Dei dominium, non tantum voce, sed et imagine, quia unus ab uno Deo factus est, ex quo ceteri orientur, ostenderet. Ideo enim unus unum fecit, ut doceret ab uno omnia esse, ac per hoc unum esse Deum, ut superior creatura ad confusionem suam in homine disseret, qui de terra conditus est, veritatem. Ex eo diabolus inimicus existit hominis. Praevidit enim quia ad accusationem ejus factus est homo : unde subtilitate sua id egit, ut in eamdem illum prævaricationem in quam ipse ruit, induceret, ut accusatorem suum participem sue damnationis efficeret. Ex transgressione enim deitatem illi spopondit, ad quam ipse dum affectaret, ab ea dejectus est. Et quia omnis natura a criminis libera est, ex accidenti sumit nomina. Ante enim res, postea significatio : ac per hoc satanas et diabolus ex actu ejus composita sunt nomina, ut sit noua natura ejus, sed voluntatis significatio. Itaque ut propositum Dei, quod in causa creati hominis decrevit, maneret, et factum diaboli, per quod hominem circumvenit, ad cumulum ejus reatus profligeret; Christus de sacris sedibus etiam ad terras venire dignatus est : ut et hominem a transgressionis sententia liberaret, et diaboli futuram perditionem, ne quis factum ejus imitaretur, ostenderet. Propterea dixit Joannes apostolus, *Ideo venit Filius Dei ut solveret opera diaboli* (*I Joau. III, 8*) ; qui si natura malus esset, pœnam ei promittere, aut dementis erat, aut iniqui. Quis enim arguat eum, quem videt non aliter aliud facere, quam natura ejus admittit? Si igni potest succenseri, quia urit, aut aquæ quia infrigitat, cum non utique voluntate hoc faciat, sed natura? Unde etiam diabolus si natura malus esset, voluntatem non habet. Nec enim posset discernere, sed uno atque eodem modo omnibus se quasi cæcus ingereret¹. Porro autem iudicio quodam hoc agit : nam suam voluntatem facientibus parcit, a quibusdam neophytis dissimulat, ad Dei auxilium confugere voluntibus offendicula et impedimenta opponit, servis Dei insidias tendit, et promptioribus circa ejus obsequia magis infestus est. Unde manifestum est, voluntatem ejus esse in crimen. Quamobrem Petrus apostolus ait, *Sobrii estote et vigilate; quia adversarius vester diabolus, tanquam leo rugiens, circumit quærens quem devoret* (*I Petr. v, 8*). Gentiles non quærunt, Judæos non quærunt, mala vita et conversationis non quærunt : sed querit Dei servos et Christi famulos, quos sibi scilicet inimicos ; quia factum ejus et præsumptionem ejus condemnant. Denique Lege data, plus exarsit invidia adversus eos qui sub Lege erant, sciens Legis documenta unum Deum tradere, et bonam conversationem hominibus. Igitur si hoc naturaliter putatur facere, reus constitui non potest : quia hoc facit quod naturæ suæ est, et potest ; et non facit quod non potest, quia naturæ suæ non est. Itaque neque laudandus, neque condemnandus est. Laudandus non est, quia obsunt quæ agit ; condemnandus autem non est, quia non voluntate hæc facit, sed impulsu naturæ. Nam aliquos scimus subito dementes factos, fustæ, ferro, lapidibus, morsibus, multis nocuisse, quosdam etiam occidisse ; captos autem industria et judicibus oblatos, minime reos factos, eo quod non voluntate, sed impellente vi nescio

qua hæc gesserint nescientes. Quomodo enim reus constitutus, qui nescit quid fecerit? Ita et diabolus si bonum nescit, quare condemnandus censetur, qui non facit quod nescit? Imo, si posset fieri, laudandus erat, quia facit quod non novit. Nos autem jure rei constituimur, quia illud non facimus quod scimus debere nos facere, vel quia illud facimus quod scimus debere nos non facere. Sed quia² per omnem Scripturam reum diabolum constitui videmus, et propterea ḡ-hemnam illi paratam legimus, legibus illum dannandum scimus : quia cum sciret et posset facere bonum, fecit malum. Nec enim Deus qui justus est, damnaret eum, quia bonum non fecerat, quod nescierat ; sed quia malum fecerat, quod sciverat. Manifestatum itaque puto, nullam naturam debere dici malum ; quia omne malum, sicut claruit, ex voluntate fit, quæ per sensus accidit natura.

III. — Quid opus erat per Moysen postea, et non ante, exordium mundi et ordinem creature expōnere.

Prius describi non debuit, quia adhuc ex hac causa error tantus non erat in hominibus. At ubi iam error creverat generi humano, ita ut etiam filii Israel contra hanc expositionem in Aegypto tradi audirent a philosophis Aegyptiorum, a quibus etiam Moyses fuerat instructus omnem peritiam Aegyptiacam, quæ Apim³ quendam mundum istum asserit per malos angelos condidisse; hunc quoque principem mundi videri, id est, satanam Quam sententiam Marcion secutus, ruit in mortem. Nam et Manichæi ab eodem satana⁴ hominem dicunt factum, non mundum istum, stultiores cæteris. Cum enim mundum constet hominis causa fabricatum, illi a Deo dicunt mundum factum, licet de alieno : hominem vero ab adversario creatum, ut in domo alterius alter posuerit dominum. Oportuit ergo Moysen, ut errorem istum proderet et auferret, manifestare mundi et hominis fabricati Deum esse auctorem. Accepta enim auctoritate per signa et prodigia quæ fecit, docuit, sine dubio id verum esse, quod testibus signis tradebat. Quis enim non crederet ei, cujus tanta signa in rebus gestis existarent? Denique hinc est, unde qui contra disciplinam hanc sentiunt, errare nesciuntur, quia nudis verbis assertionem suam allegare nituntur. Itaque ut nihil Deo coeternum esse doceret, ordinem ipsum creatorum rerum exponit, ut dum minora prius facta memorat, postea autem majora, nihil horum insectum habeatur : quia quæ tempore minora sunt, virtute majora sunt : ut si illa prescribere de tempore se putent, ipsa infirmitate qua posterioribus subjecta sunt, convincantur : aut si hæc de virtute præsumendo primatum⁵ sibi vindicent, posteritate ipsa humiliantur, ut nihil horum non initio subjectum videatur. Ante quidem cœlum factum est et terra ; deinde lux, quæ in officio dei⁶ est : post firmamentum, quod appellatum est cœlum, et congregations aquarum quas appellavit maria, ut appareret terra in qua possit habitari. Terram autem quam post cœlum factam dicit, non terram solam vult intelligi, sed materiam significavit, id est, omnia inferna quæ in mundi omnem speciem profecerunt. Cœlum autem non hoc carnale, sed illud supernum quod spirituale est, in principio factum contendit : ut cum cœlum primo dicit factum, deinde terram in cœlo omnia invisibilia, et in terra omnia visibilia creatæ a Deo significaret. Totius enim naturæ summa et ina comprehendit, ut quidquid medium est, procul dubio etiam factum credatur. Luminaria vero quæ ad gubernandum mundum instituit, quarto die asserit facta, ut quanto majora sunt virtute, tanto inferiora

¹ MSS. : *quia aliud facimus, quam scimus debere nos facere. Sed quia, etc.*

² Germ. Ms., *Sacram. Colb. Ms., Salam.*

³ MSS. *et* *Colb., Sacram.*

⁴ MSS., *primatus.*

⁵ MSS., *dies.*

(Soixante-dix.)

¹ MSS. Colb. et Germ., *immerget.*

sint tempore. Hominem autem sexto die constituit, ut in domum jam factam habitatorem introduceret. Et valde sublimior est homo, quem utique sexto die factum declaratum est: quem idcirco sublimiorem dixi, quia interior ejus natura invisibilis est, et intellectu capax: sed fortitudine major est sol, et lumine potior luna est, quam terra. Hinc est quod quibusdam displicet dictum, *Et vidit lucem quia bona est*: ut quia omnia a malo facta dicebantur, et bona credi non poterant. Moyses ut bona quæ facta sunt probaret, ipsi Deo placita quæ fecit ostendit, ut cui displicerent, reum faceret. Nam quomodo possit nescire lucem qui dixit, *Fiat lux, et facta est lux?* Aut quis facit quod nescit? Facta autem lux placuit ei, qui se fecit. Quis opifex in opere suo non latetur? Sic dictum est, *Vidit Deus lucem quia bona est* (*Gen. i, 3, 4*). Et non desunt qui dicant, quod mala est. Quid, si sine testimonio esset relictum? Igitur descripta mundi fabrica, e primi hominis origine traducem tenuit generis Seth, qui redditus est pro Abel, et per ordinem venit ad Abraham patrem Iudeorum: ut ostenderet Abraham huic Deo credidisse, qui opifex mundi est, et ipsum Legem dedisse, in qua futurus Christus promissus est, qui liberaret gennus humanum de dominio diaboli. Ex his rationabilis¹ probatur fides nostra. Testimonium enim huic dat origo descripta, quia ab initio genus est Christianorum. Ex Seth enim filio Adæ venitur ad Enoch, ab Enoch ad Noe, ex Noe ad Abraham, ab Abraham descendit ad David, a David ad Mariam, ex Maria de Spiritu sancto nascitur Christus. Retro ergo omnes quotquot fidem habuerunt unius Dei, quam Salvator predicavit, jure Christiani dicendi sunt. Ab initio enim Salvator venturus promissus est. Unde Joannes in Apocalypsi ait, *Agnus qui occisus est a constitutione mundi* (*Apoc. xii, 8*). Itaque semper Christiani fuerunt. Ii enim omnes, quos supra dixi, a primo homine creato in mundo, per quos tradux tenditur ad Salvatorem, hujus Dei fidem habuerunt, de quo Christus locutus est dicens: *Hæc est autem vita æterna, ut cognoscant te solum et verum Deum, et quem misisti Iesum Christum* (*Joan. xvii, 3*) (a). Potest dici et contra. Si ante et illi Christiani fuerunt, quæ notitia per Christum? Hunc intelligentia profectum adventus contulit Christi, quia prædicatio unius Dei ostendit mysterium, et quid cuique personæ competit, demonstravit, et ad explendam Legis justitiam, addidit que reservata erant.

IV. — Quare Deus Legem non in primordio dedit?

(b) Primum Lex formata in litteris dari non debuit, quia in natura ipsa quoddammodo inserta est, et Creatoris notitia ex traduce non latet. Nam quis nesciat, quid bona vita conveniat; aut ignoret, quia quod sibi fieri non vult, alii minime beat facere? At ubi naturalis lex evanuit, oppressa consuetudine delinquendi, tunc oportuit Legem manifestari, ut in Iudeis omnes homines audirent. Non quod penitus obliterata esset, sed quia maxima ejus auctoritate carebant, idolatria studebatur. Timor Dei in terris non erat. Fornicatio operabatur. Carea rei proximi avida erat concupiscentia. Danda ergo Lex erat, ut et quæ sciabantur auctoritatem haberent, et quæ latere coperant, manifestarentur. Nau invenimus ante Moysen non solum non latuisse, sed etiam vindicata esse peccata. Quamobrem et justi fuisse reperiuntur in illo, qui scientes Deum vindicem, timebant peccare. Quod cum coepisset iam negligi, legem naturalem revelari oportuit, ut scirent cuncti aperte ratione, Deum requisitorum actus humanos. Quamvis per diluvium vindicatum legatur, et in Sodomam et Gomorrham (*Gen. vii, xix*): sed hæc vetustatis oblitio texerat. Unde per Moysen terroris causa ad disciplinam corrigendam, et fidem in Deum reformandam, commemorata sunt. Quare et

Apostolas, *Justis. ait, Lex non est posita, sed injustis, idola colentibus, fornicatoribus* (*1 Tim. i, 9*), et talia. Nunc videamus an convenientias, qui Dei judicium audientes rident futurum; si proderit, an obterit; si veritate munitur, an caret ratione. Lex quidem data est mundo, sed videmus eam circa multos cessare. Non ergo justum videtur, ut qui hic peccant per potentiam, securi sint. Alii legibus illudunt, pauperes deprimitur, justis accusatio componitur, bene agentes opprobrio sunt, pii indigent, mali florent, iniqui et corruptores in honore sunt, avari et raptiores locupletantur, judex venalis est. Nonne iniquum videtur si Conditor rerum non hæc requirat: ut qui hic inuste oppressi sunt, releventur; et qui bene vivendo indigerunt, remunerentur; et qui propter justitiam opprobrio erant, honorentur: illi autem qui per potentiam leges contempserunt, aut tergiversatione illuserunt, iniquitatem sectantes, sic gloriari in his, ut ipsi justitiae insultare videantur, ut humiliati et confusi tormentis subjiciantur in conspectu eorum, in quorum malis et desperatione gaudebant; ut et ipsi de poena illorum lenti Beo gratias referant, apud quem solum personarum acceptio cessat (*Rom. ii, 11*)?

V. — Ut quid Abel sacrificium acceptatum est, et Cain refutatum (a)?

Ex verbis hoc ipsius lectionis potest colligi, quia non est litterarum arte velata historia. Nam Abel prudentem et devotum in eo ipso sermo indicat Scripturæ. Cain vero negligentem et improvidum, ac per hoc minus devotum. Abel ergo de placidis potiora elegit, que Domino offerret creatori, ut de iis utique que creaverat, præcipua illi offerret ut per hoc et dictionem suam et meritum ejus probaret, ut et propriam reverentiam et Deum auctorem ostenderet. Hoc Cain velut rusticus præsentare nequivit. Totum enim animum terræ insrens, mentis oculos ad cœlum levare non potuit, ut quid Creatore dignum esset aspiceret; qualiacumque enim Deo obtulit munera. Quæ causa etiam in Iudeis oblique mentis deprehenditur. Sæpe enim reprehensi sunt, cum numero sua improvide Dei altari offerrent, que nec hominibus digna viderentur, dicente Domino, *Cæcas et luscas offertis mihi; non hæc suscipiam de manibus vestris. Offer ea præposito aut duci tuo, si acceperit ea* (*Malachi. i, 8*). Cum constet apud omnes, persone sublimi maxima offerri debere munera. Ideoque Cain munera repudiata sunt, dicente ei Domino, *Quid contristatus es, et utquid concidit vultus tuus? Nonne si recte offeras, recte autem non dividias, peccasti? Quiesce. Apud te conversio ejus, et tu dominaberis ejus* (*Gen. iv, 6, 7*). Vides ergo quia divisio incurrit peccatum, dum non astimans quid dignum Deo esset, potiora reservavit suis usibus. Itaque non quia obtulit reprehensus est, sed quia indigna obtulit. Neque ex eo damnatus est, sed quia factum noluit enendare commonitus. *Ad te enim, ait, conversio ejus, et tu ejus dominaberis:* hoc est, me non accipiente, ad tuum dominium conversum est munus a te oblatum; ut de cetero sciret quid faceret. Hinc invidia exarsit ut occideret fratrem, ut ab injusto occideretur, qui justitiam primus ostenderat, et exemplum malum darest hominibus. Sic enim amulatio zeli cæcatus est, ut non solum gratias non ageret, eo quod reus factus non fuerat, sed et didicerat quomodo hoc emendaret; verum etiam adderet aliud gravius, per quod damnari merebatur. Talis est causa improvidi ac fratricide Cain, qualis et illius nequam servi, cui cum ignotum esset a domino, ingratus effectus exiens suffocabat conservum suum, ut et de præterito ignoto sibi facinore, et de impietate in conservum suum admissa inexcusabilis damnaretur (*Math. xviii, 27, sqq.*). Et tamen ad præsens non est damnatus Cain, sed confusus et reus sub terrore dimissus est super terram; ut, si paeniret, ignosceretur ei. Denique tunc ne aliquis eum pro hoc facto occideret, ait ad Dominum, *Major cas-*

¹ Ms. Germ., *rationibus*.

(a) Reliquum deest in MSS. secundi generis.

(b) Confer Alcuini, quæst. 14 in Genesim.

(a) Alcuini, quæst. 15 in Gen.

sa est mea, relinqu¹ me; si ejicis me hodie a facie tua, et a facie terræ abscondam me, et ero gemens et tremens super terram. Et erit, omnis qui invenerit me, occidet me. Territus itaque Cain verbis justi judicis, timet despici a Domino, ita ut et a conspectu hominum confusere se debere putet; certus, quia qui irato Deo vivit, etiam ab homine possit occidi. Sed quid ei respondet Dominus? *Non sic*, inquit: *hoc est, non ad hoc te remisi cum non merearis vivere, ut ab aliquo occidaris; sed ut gemas et tremas, quasi qui primus malum exemplum dederis super terram, dum laboribus tuis non respondet fructus ex humo.* *Itaque omnis qui occiderit*, inquit, *Cain, septem vindictas exsolvet.* Hæc sententia ostendit iure damnandum Cain. Quando enim vidit legem datum sub tali comminatione, ne quis imitaretur factum ejus, plus coepit timere, sciens quid mali admiserat. Septem ergo vindictas promittit, si quis ad hoc facinus aspirasset, ut videns ex hoc opere Cain reum factum, et cum adhuc legis manifestatio non erat, sciret se septemplici poena multari si hoc non vitaret: ut legis notitia sex plagas adderet supra quam meruerat Cain, ut cum plaga Cain septem numerarentur vindictæ. Hoc etiam numero remunerandi sunt qui relicti omnibus Dominum sequuntur, et in futuro vitam eternam habebunt. *Hoc est signum quod posuit Dominus in Cain, ne occideret eum omnis qui invenisset eum* (Gen. iv, 15-15). In parricida enim posita lex est, ut si quis homicidium fecisset, quia omne parricidium homicidium est, septies reus esset, quam fuerat Cain, ut hac severitate perterriti ceteri, ab hoc se facinore cohiberent.

VI. — Si Lamech occidit Cain, sicut putatur?

Frustra hoc putant, qui arbitrantur quod Lamech dixerit de Cain, *Occidi virum in labore meo, et juvenem in vulnere meo.* Jam enim in quinta generatione natus erat Lamech a Cain, id est, de Mathusalem abnepte Cain. Hoc autem idcirco commemorat Lamech, ut ostenderet acrius astringendum eum qui sub manifestata lege peccaverit. Ac per hoc si post Cain in imitatem ejus septies vindicandum est, quanto amplius in eum vindicandum est, quem nec factum Cain et correptio, nec post in eum lata sententia terruit, ut a tam impio et crudeli facinore voluntatem averteret? Post Cain ergo Lamech hoc homicidium perpetravit, qui sine dubio juxta ea quæ supra dicta sunt, septem vindictas exsolvit: et quid post Lamech ei qui hoc secutus fuisset, esset futurum, ostendit dicens, *De Lamech autem septuagies septies* (Gen. iv, 25, 24). Ut quia malum opus penitentia non subsequitur, septuaginta septem plagarum ictibus ferriatur, unde et Salvator etiam septuagies septies peccanti, converso tamen remitti praecepit (Matth. xviii, 22). Sed ne putetur alius ante Lamech homicidium post Cain fecisse, quia dixit, *De Cain vindicatum est* (Gen. iv, 24, sec. LXX), quasi iam factum. Lamech autem de se quomodo diceret quia vindicatum in eum erat, cum adhuc recens esset homicidium, quod confessus fuerat se fecisse? Cum constet omne factum sententiam secum habere. Quando enim alia spes non est, praterquam quod expleto operi dignum scitur, futurum pro facto habetur. Denique dictum est Ade et. Evæ, *Qua die manducaveritis, morte moriemini* (Gen. ii, 17): et utique non statim mortui sunt, sed post longum temporis intervallum: sed quia iam spei immortalitatis amiserant, futura mors presens dicta est, quia haec coepit in spe haberet. Igitur cum Lamech juvenem se occidisse fatetur, et Cain sicut claram, usque ad hoc tempus pervenire non potuit, aut si pervenit, quod impossibile videtur, senior fuit; eum non occidit.

VII. — Quæ decem verba in tabulis data sint; aut singulae vobis, quæ et quot verba habuerint?

Decem sententias, decem verba appellavit: Tuia et Salvator sensum verbum significavit, dicens inter

¹ Mas., relinque.

cetera ad Judeos, *Interrogo vos et ego unum verbum: respondete mihi: baptismus Joannis unde erat, e celo, an ex hominibus* (Matth. xxi, 23.)? Hunc sensum verbum appellavit. Simili modo et in duas tabulis decem verba scripta dicuntur, que decem sensus sunt. Denique dicit, *Non sint tibi dii alii praeter me: primum verbum hoc est: et subjicit secundum. Non facies tibi ullam similitudinem in celo sursum, et in terra deorsum, neque in aqua quæ est sub terra.* Deinde adiecit tertium, *Non assunes nomen Dei tui in vanum.* *Non enim mundabit eum Dominus, qui sumit nomen eius in vanum:* hoc est, *Non in mendacio nomen Dei tui assumes, ut perjures per illud.* Deinde quartu loco dicit, *Sabbatum Domini Dei tui servabis, et non facies in illo ullum opus servile.* Hæc quatuor verba ad Deum proprie pertinent, et in prima tabula continentur. Reliqua hæc sunt: Primum verbum est, *Honora patrem tuum et matrem tuam: secundum, Non occides: tertium, Non fornicaberis: quartum, Non furaberis: quintum, Non falsum testimonium dices: sextum, Non concupisces quidquam proximi tui* (Exod. xx, 3-17). Hæc in secunda tabula: scripta probat apostolus Paulus, dicens, *Honora patrem et matrem, quod est mandatum primum in promissione* (Ephes. vi, 2). Quomodo enim esset primum, nisi in secunda tabula ab ipso coepisset? In promissione autem ideo dicit, quia statim subjicit, *Ut sis longæ super terram, et bene sit tibi.* Hæc est promissio facta iis qui mandata custodiunt. Itaque habes et mandata distincta, et numerum eorum consummatum, et quæ et quot singulis tabulis scripta sunt.

VIII. — Utquid Moyses descendens de monte cum tabulis vultum splendidum habuit et intolerabilem?

Accepta potestate in peccatores cum honorificentia descendit de monte, facie gloriosa. Lex enim contra peccatores data est. Moyses ergo quia non peccaverat, gloriosus apparuit, et in tantum ut a peccatoribus visi non posset. Ostensum enī in eo est, quia peccatores gloriam Dei non merentur aspicere. Post simulacrum enim vituli fusilis, et confractiōē tabularum in quibus data Lex fuerat, rursus ascendit Moyses in montem cum tabulis, in quibus accepta Lege cum descederet, glorijs facta est facies ejus, ita ut non possent aspicere filii Israël vultum ejus, neque Aaron, quia et ipse peccaverat. Sed interposito velamina loquebatur ad illos, ut tamdiu indigni essent gloria Dei, quādū in peccatis versarentur (Exod. xxxiv, 29, sqq.). Unde dicit Apostolus, *Cum conversus fuerit ad Deum, auferret velamen* (Il Cor. iii, 16), ut dono Dei abluti, digni fierent intendere gloriam Dei. In confractiōē enim tabularum, quas ante acceperat, Judeo ruin populum reprobum significavit, eo quod peccatis studentes, promissione Dei indigni futuri erant. Quod autem reiterata Lex est, alter populus futurus significatus est, cui proficeret Lex data in monte.

IX. — Si omnia Deus bona fecit et valde bona, utquid dixit ad Noe, *De mundis et immundis indu tecum in arcum* (Gen. vii, 2), cum immundum bonum dici absolute non possit?

Per id quod multimodam rationem habent verba, faciunt quæstiones. Nam si ad causam de qua agitur referantur, nulla erit quæstio, quia per ordinem res ipse se produnt. Nam aliquando commune dicimus, quod indivisum est; aliquando, quod immundum est. Duobus enim modis appellatur commune. Denique Petrus apostolus, *Commune, inquit, et immundum nunquam introibit in os meum* (Act. x, 14). Et apostolus Paulus, *Omnis, inquit, quod non est ex fide peccatum est* (Rom. xiv, 23); et alibi, *Lex, ait, non est ex fide* (Galat. iii, 12), et tamen non est peccatum. Vides ergo, quia unus atque idem sermo non eadem semper significat. Ideo et cum dicitur, *immundum*, considerandum est quia ex causa dicatur; quia aliquando ad comparationem melioris immundum dicitur, aliquando ad opera sordida refertur, ut malum intelligatur. Nulla igitur substantia malum; quia quæ per substantiam immunda

dicuntur, ad comparationem pulcherrimarum rerum immunda sunt. Nam et canis immundus dicitur ad ovem, et plumbum ad comparationem auri immundum est, et corvus ad pavum, et cum unius corporis membra sint, alia honesta, alia inhonesta vocantur, cum sciantur mala non esse. Itaque omnia in sua natura bona sunt, quia utilia.

X. — Cum Deus dicat ad Abraham de filiis Israël, quod quarta progenie exituri essent de potestate Ägyptiorum (*Gen. xv, 16*), cur Lex dicit, *Quinta progenie exierunt filii Israel de terra Ägypti?*

Quantum ad verba pertinet, videtur esse contrarium; si autem sensus requiratur, inveniuntur esse non dispar. Sic enim Lex loquitur, ut a diligentibus et sedulis possit intelligi, ut ratio veritatis non incuriosis, sed sollicitis se revelet. Nam utique Deus dixit, *Quarta progenie*, et Moyses scripsit, *Quinta progenie*: quoniam utrumque Moyses restulerit, et fallere cum impossibile sit, in quo tanta virtus operata sit: ac per hoc investigandus est sensus, quia non otiose aliquid aut improvide divina loquitur Scriptura. Itaque duae partes sunt, quas singuli memorarunt. Deus enim quatuor generationes significavit, quæ natæ sunt in Ägypto; Moyses autem addens his unam, ex qua hac ortum acceptarunt, cum intrassent in Ägyptum, *Quinta*, inquit, *generatione exierunt filii Israel*. Generationem enim quæ intravit in Ägyptum, et quatuor quæ illuc natæ sunt, simul complexus est. Nam ab Abraham usque ad extitum filiorum Israel de Ägypto, generationes sunt octo. Duxentis enim quindecim annis a promissione facta Abrahæ, habitaverunt in Chanaan, et duxentis quindecim in Ägypto. Hi sunt anni quos comprehendit Apostolus ad Galatas dicens, *Post quadragesitos et triginta annos facta est Lex* (*Galat. iii, 17*). Igitur hæ quatuor generationes natæ sunt in Chanaan. In Isaæ una, altera in Jacob, tertia in Levi, quarta in Gerson, et Caath, et Merari. Cum intrassent autem filii Israel in Ägyptum, Caath genuit Amram: hæc est prima generatio facta in Ägypto. Amram autem genuit Aaron et Moysen et Mariam, quæ est secunda generatio facta in Ägypto. Et Aaron genuit Eleazar et fratres ejus, quæ est generatio tertia. Eleazar autem genuit Phinees quarta generatione. Hæc sunt generationes quatuor procreatae in Ägypto. Unde ait Dominus ad Abraham, *Peregrinum erit semen tuum, et servitio opprimit eos: ego autem liberabo eos, et quarta generatione exient inde*. Vide si non apertum est, quia non aliquid aliud significavit Deus, quam quod gestum est in Ägypto. Moyses autem ut etiam illam generationem poneret, quæ cum Jacob patre suo intravit in Ägyptum, ex qua iste quatuor originem habent, dixit, *Quinta progenie exierunt filii Israel de terra Ägypti*.

XI. — Si viri justi voluntas bona est, quid est ut Isaac, non Esau, quem voluit; sed Jacob, quem noluit, benedixit (*Gen. xxvii, 27*)?

(a) Justi hominis, quantum ad conscientiam ejus pertinet, voluntas bona est; quantum autem ad præscientiam, immunis est ab adversis. Deus enim solus est, qui de futuris judicat. Ac per hoc Isaac justus quantum ad presentem humanitatem, dignum esse maiorem filium suum benedicendum magis putabat. Sed Deus qui occulorum cognitor est, minorem benedictionem mereri ostendit, ut in benedictione non hominis ostenderet esse beneficium, sed Dei; quia officia dignitas est, non hominis meritum, quam Dei sequitur benedictio. Denique dictum est a Deo in Numeris ad Moysen et Aaron sacerdotes, *Vos ponite nomen meum super filios Israel; ego Dominus benedicam eos* (*Num. vi, 27*): ut gratiam traditio per ministerium ordinantis transfundat hominibus, nec voluntas sacerdotis obesse aut prodesse possit, sed meritum benedictionem poscentis. Quanta autem sit dignitas ordinis sacerdotalis, hinc advertamus. Dictum est enim de nequissimo Caipha interfectore Salvatoris inter cetera, *Hoc autem a semetipso non dixit; sed cum esset*

princeps sacerdotum anni illius, prophetavit (Joan. xi, 51). Per quod ostenditur spiritum gratiarum non personam sequi aut digni aut indigni, sed ordinationem traditionis¹: ut quamvis aliquis boni meriti sit, non tamen possit benedicere, nisi fuerit ordinatus, ut officium ministerii exhibeat. Dei autem est effectum tribuere benedictionis.

XII. — Quare Abraham fidei suæ signum, circumcisionis accepit sacramentum (*Gen. xvii, 10*)?

Si velis advertere, non incongruum videbis quod putas diversum esse a ratione (a). Credens enim se filium habiturum, in quo omnes gentes benedicerentur, et a quo sanctimonium exoriendum erat, illa in parte signum accepit, per quam generatio filiorum et inchoat, et cessat, ut sanctior sit. Sed si aliquibus deformatio videtur, animadvertis Abraham in eo gavsum, et filios ejus hoc testimonio suis gloriosos. Nam Achior utique unus ex principibus Gentilium videns tantam virtutem esse in Deo Abrahæ, ut Holofernem ducem exercitus Assyriorum, cuius potentiam tota terra tremebat, proprio gladio manus feminæ decollaret; sponte se circumcidit, arbitratus ex eo ipso dignitatem sibi esse quæsitam (*Judith. xiv, 6*). Nonne præ se fert, si aliquis pro nomine Christi oculum aut aliquod membrum amiserit? Nonne partem ipsam humanis vultibus ingerit, ut appareat gloriosus? Pro fide enim aliquid ad tempus amittere, lucrum est facere. Ita et Abraham fidei suæ signum accipiens, non defornatus est, sed melioratus (b). Spiritualiter vero hoc significavit, quia nebula carnis circumcidì debebat a cordibus hominum per fidem Christi: quia carnalis error obstabat, caliginem præstans humanis cordibus, ne cognoscerent Creatorem. Abraham autem, quia et promissus est ex semine ejus futurus Christus, qui hanc caliginem abstergeret, ideo circumcisus est, quia filium creditit se habitum, qui errorem hunc auerparet. Jam vide, si non congrue illa in parte vel late signum accepit.

XIII. — Si judicium Dei justum est, quare infantes in Sodomis simul cum parentibus cremati sunt (*Gen. xix, 25*)?

Ut nimis impium facinus Sodomitarum possit advertere, peccatum eorum pervenit usque ad necem filiorum ipsorum, ne de origine illorum signum aliquid remaneret. Nonne provisum est illis ne diu viventes exempla sequerentur patrum? A gehenna enim liberi sunt, in aliena causa occisi (c). Parentes enim tam pro se, quam pro his rei sunt, quia ut eorum opera oblitterarentur, omnis progenies ipsorum erasa est. Nam sicut de bonis parentum lœti sunt filii, eo quod commendentur prærogativa illorum; sic et de morte, quæ pro malis illorum inseritur, queri non possunt. Quemadmodum enim participes in lucro sunt, necessaria est ut sint et in danno. Similiter et in Ägypto proximis patrum plexi sunt filii, sed ut ad emendationem eorum proficeret: ut quia ex aliis causis Deum credere et venerari, qui in Moyse erat, noluerunt, hac plaga territi confiterentur cum satisfactione, ne gravius hunc reatum sentirent. Hæc ergo mors filiorum, crimen est patrum. Quocunque enim modo filii debitum spiritum reddiderunt, futuri accusatores parentum, quia persidiam sicut nec sanguine filiorum vincere potuerunt. Non ergo in futurum, sed ad præsens temporis mala parentum filios invenerunt. Nec qualecumque beneficium est, gloriosum non esse, nec tamen reum (d). Nam si quidam cum precibus emituntur, in postremis positi, ad fidem veram accedere, ut, si non coronam, vel veniam mereantur; quomodo poterunt hinc aliquid queri, cum quibus ita actuū est, ut neque esset unde ignosci sibi precarentur, neque subtiles haberentur quia minime laboraverunt? Confer nunc

¹ MSS. secundi generis, *ordinem traditionis*.

(a) Alcuin., q. 174 in Gen.

(b) Reliquum deest in MSS. secundi generis.

(c) Cautius Alcuinii q. 183 in Gen. « Et ut levius crucientur, vel omnino non in aliena causa occisi. »

(d) Apud Alcuin. clariss in q. 183 in Gen. « Fst qualunque beneficium, reum non esse qui gloriosus non est. »

unius momenti cruciatum ad multi temporis poenam. Arbitrare etiam multos laborare, et quia perseverare non possunt, non solum effectum laboris amittere, sed et poena multari. Adde etiam, quia difficile de malis nati, et inter nequissimos educati vel conversati, mentem suam temperant ad disciplinam Dei sequendam. Vide ergo, si non magis bene actum est cum filiis perditorum.

XIV. — Quid est ut Deus, qui justus prædicatur, peccata patrum filii reddere promiserit in tertiam et quartam progeniem (*Exod. xx, 5*)?

Nihil injuste Deum facere aut dicere, qui dubitat, insanus est. Itaque si verba Domini non supprimantur, sed omnia quæ ad eamdem quæstionem pertinent, proponantur; lucebit quod obscurum videtur, et pium cœstimabitur quod minime justum putatur. Qui enim verba supprimit quæstionis, aut imperitus est, aut tergiversator, qui calumnia magis studeat quam doctrinæ. Porro autem reprobrit quidem Dominus, reddere se peccata patrum filii, sed qui oderint eum, hoc est, qui in paternis malis versati servierint idolis, sicut et patres illorum. Ille enim inimicus Dei est, qui honorem nominis ejus vindicat creature. Sicut enim justorum filii et ipsi justi nobilitant in se genus justitiae, dum et patrum et sua justitia sublimantur; ita et nequissimorum, et ipsi filii nequissimi cremen- tum faciunt malitiæ, quia et malorum filii sunt, et nequitiam illorum exemplarunt ad perditionem multorum. Cum terrore ergo locutus videtur Deus: sed verum est, et hoc habet ratio. Quis enim malum et mali hominis filium non duplice genere exsecratur; quo modo bonum et boni filium duplice mercede censem honorandum? Idcirco autem in tertiam et quartam progeniem reddere se promisit, ut si post patrem malum filium non sequatur perfidiam patris, nepos autem avi in malis imitator existens, sciat se non immunem futurum a severitate sententiæ; aut si et nepos forte non avi, sed patris secutus vestigia Testamentum diligat Dei, non ignoret pronepos ad se usque pervenire sententiam, si æmulus sit proavi perfidie. Hac legis manifestatione deterri voluit Deus impios patres, ut agnoscentes quantum mali pareret sectatio idolatriæ, vel affectu filiorum revocarentur ad reverentiam Creatoris; aut filii timentes ne incurrent peccata patrum, Dei legi obtemperarent. Illi autem adentes ad nequitiam, aliter hoc interpretari coeperunt dicentes, *Patres nostri manducaverunt uvam acerbam, et dentes filiorum obstupuerunt*: ut securi de impunitate, eo quod filii ipsorum redherent peccata, neque spiritus neque carnis haberent pietatem. Hinc dicitur eis, Non morietur filius pro patre, neque pater pro filio; sed, anima quæ peccavit, ipsa morietur (*Ezech. xviii, 2, 4*). Ut adiscerent non impune sibi futurum, sed sic reddi peccata patrum filii, ut quia impietatem parentum secuti, mala, quæ obliteranda erant, exemplaverint, acerbis puniantur. Postquam ostendit Deus quid mali pariat idolatria, addidit statim quæ bona diligentes sequantur, dicens, *Et faciens misericordiam in milia milium iis, qui diligunt me, et custodiunt precepta mea* (*Exod. xx, 6*): ut bonum patris, non usque ad pronopatem, sed usque ad milia milium reddat. Ut puta, si quis ex semine David diligit Deum, quem constat utique porro ante mille annos fuisse: huic additur misericordia Dei, ut in necessitate, duabus suffragantibus causis, misericordiam accipere mereatur; quia et ipse Dei cultor est, et ex ejus semine est, qui amaverit Deum. Et in hoc clementia Dei laudabilis est, ut odio habentibus se usque in tertiam et quartam reddit progeniem, et non in milia milium: ut si in quintam progeniem tractum fuerit malum, inde iterum caput habere incipiat, ut ex eo numeretur usque ad tertiam et quartam progeniem. Sed dicet quis: Auctori magis amplius reddendum justum videtur, quam imitatori. In auctorem congrue datur vindicta; filii autem quod plus dicit reddi, poena est patrum. Et si

¹ Mes. secundi generis, merito.

cœsam queras, accessu Legis peccatores plus sunt rei, sicut Lamech et post Lauechi. Quibusdam tamen videtur, sic redditæ esse peccata patrum in filios, dum in captivitate ducti sunt causa patrum, et fuerunt ibi usque ad quartam generationem. Quod si verum est, non solum odio habentibus se redditæ percata patrum, sed et diligentibus nomen suum: quia et Daniel abductus est, et tres pueri, et Baruch, et Ezechiel, et Esdras ibi natus est. Liquido ergo apparet illud convenire propositæ quæstioni, quod supra diximus.

XV. — Cum justum Lex prædicet, et hic vere justus sit, qui plenam habet justitiam, quomodo contra Salomon, *Noli, inquit, esse justus multum* (*Eccle. vii, 17*)?

Nimia justitia incurrit peccatum, temperata vero justitia facit perfectos. Non enim sine malitia est, qui multum est justus; quia peccantibus ad singula si respondeas, non deerit ubi pecces. Denique Dei temperata justitia est. Peccantibus enim aliquando ignorat, aliquando irascitur, aliquando reddit non quantum digni sunt: suffert enim eos, ut sint qui proficiant. Lex enim quia seipsum mollire non potest, a nobis mitiganda est, ut possit prodesse sub se agentibus. Illic ergo justus non est multum, qui Dei imitator est.

XVI. — Quare angelus qui volebat in via Moyses occidere, circumciseione infantis placatus est (*Exod. iv, 24*)?

Quod sine consilio Moyses fecerat, apparentia com- minantis angeli emendavit. Denique video fieri, quod per negligentiam fuerat prætermisso, cessavit ab ira. Idcirco ergo sic infestum angelum in se videt Moyses, et paratum ad vindictam, quia viri sublimis culpa, grave peccatum est. Quanto enim persona ejus sublimis est, tanto magis grave delictum ejus. Quod ergo a summo viro, utpote a ductore populi, sit, acerbissimum est peccatum. Pergebat itaque ad filios Israel, missus a Deo Abraham, et signum justitiae Abrahæ non ferebat, in quo gloriari sciebat Iudeos, ut aut ipse sollicitator diceretur, aut non ab eodem Deo missus, qui Abraham elegerat. In Madian enim habitans filios suos minime circumcidit: quos aut ducere secum ad Ægyptum non debuit, qui cœteros ibat inde educere; aut certe circumcisos assumere, propter quæ supra diximus. Sephora ergo uxor Moysi, quod compendio loquitur Scriptura, non ignorans qua causa viro suo infestus angelus videbatur, accipiens petram, circumcidit filium suum, et recessit angelus. Ea enim ratio ne, mitigata est ira, qua fuerat accensa. Nam aliquando compendio loquitur Scriptura, quæ subintelligi vult ex proposita ratione: sicut et illud, quod Salvator dicit inter cetera ad Iudeos, *Quare et vos præteritis mandatum Dei, ut traditionem vestram statuatis? Nam Deus dixit, Honora patrem tuum et matrem; et, Qui maledixerit patri aut matri, morte moriatur. Vos autem dicitis. Quicumque dixerit patri aut matri, Omne munus quodcumque fuerit ex me, tibi proderit, et non honorificabit patrem aut matrem suam* (*Matth. xv, 3-6*). Sine dubio per compendio dixit hoc Salvator, ut subintelligantur sacerdotes Iudeorum, dum avaritiae stude rent, Dei Legem sprevisse. Impia enim conspiratione consilium dederunt filii, ut maledicentes patrem aut matrem, quodcumque offerrent quasi donum Deo, per quod data sententia in maleficos solveretur: unde securi facti filii, contra Dei præceptum contemnabant parentes. Ita et Moyses cum infestum sibi videret angelum, intelligens causam, quid fieri deberet ostendit uxori ut recederet ab eo angelus, qui eum quarebat occidere. Hoc subintelligitur in hac causa, sicut et illud quod supra diximus in sacerdotes.

XVII. — Quid est ut maledictos dicat Lex, qui semen non reliquerint in Israel; per Isaiam autem nihil obesse dicatur spadonibus, quia generare non possunt (*Exod. xxiii, 26; Deut. vii, 14, et Isai. lvi, 3-5*)?

Quoniam aliter quam dictum erat, intelligi coepérat: idcirco *Iudas* propheta ostendit postea, quo sensu di-

etum esset. Cum enim hoc ex causa offensi Dei sententiae loco positum esset, quia deserentes Deum in coperebantur, ne ducentes uxores semen relinquerent; sic hoc arripuit error humanus, ut putarent eos esse apud Deum, si qui aut uxores nollet, aut accipientes, ut assolet, generare non possent; quasi nihil aliud quam semen quereret.¹ Deus, sicut arguntur per Malachiam prophetam, Isaías ergo ut consolaretur eos quos mala intelligentia contristaverat, dicit nihil obesse, si quis aut non posset habere filios, aut nollet, dummodo legem Dei servaret. Maledictum enim illis competit, qui cum possent ac vellent, divino obstante iudicio, steriles erant, ne fructum haberent creationis Dei, quem spernabant; ut cum viderent aut generare se non posse, aut genitos minime possidere, cognoscerent indignantis Dei iram esse, et conversi satisficerent. Nam et sancti viri cum cupidi essent filiorum, et non id obtinerent, estimabant peccata obstatre et dolebant, ignorantes Dei esse providentiam, cui servabantur. Denique ad Dei procurationem, et Anna concepit, et peperit Samuelem (*I Reg. I, 20*), et Elisabeth Joannem (*Luc. I, 57*), et uxor Manue Samsonem (*Judic. XIII, 24*). Spiritualis enim intelligentia in hac causa ista est, ut malefici babeantur qui non reliquerint semen, quod videat Deum, id est, qui non imbuerint aut filium, aut servum, aut proximum, qui Dei timorem doceat super terram.

XVIII. — Quare Saül peccans petit orari pro se ut ignoscatur sibi, et impetrare non potuit; David autem peccans postulavit, et veniam consecutus est (*I Reg. XV, 24-26*; *II Reg. XI, 15*)?

Dei iudicium retractari non convenit: nam humana imbecillitas atque imperitia, Dei se debet iudicio eridire, in hoc quod non sapit, ut ex sententia Dei intelligat veritatem, et nihil aliud fieri debuisse, quam quod videt fecisse Deum, quem scit acceptorem personarum non esse (*Act. X, 54*). Si enim David preceum suscepit, et Saül refutavit, nihil adversum sentiendum est Deum fecisse. Sciens enim qua mente uterque locutus est, ejus petitionem accepit, quem vidit tribulato corde veniam postulare; illum autem despexit, quia animam ejus preuentientem non tetigerat dolor. Quia a Deus cordis auditor est magis quam vocis. Hinc dictum est, *Homo videt in facie, Deus autem in corde* (*I Reg. XVI, 7*). Ideo etiam fallimur, quia similitudo in verbis et vultu circumvenit nos: in corde enim quid sit videre non possumus. Quamobrem Dei iudicium sequi nos oportet, qui secundum eum, in quo minuscumque sentientia est, examinat singulis. Hoc etiam et Salvatorem fecisse invenimus. Scribam enim se offerentem non suscepit (*Matt. VIII, 19*); sedentem autem Levi ad telonium vocavit (*Id. IX, 9*; *Luc. V, 27*): quia verba Scribe non secutum est cor, Levi autem tacens hoc in corde habebat, quod Scribe in verbis: Jesus autem, qui juxta quod scriptum est, scribat quid esset in homine (*Joan. II, 25*), Levi elegit (*a*). Præterea David non alium pro se voluit humiliari sicut Saül, sed ipse supplex tribulato corde veinat precubatur.

XIX. — Querendum est, si Adam factus, corpus immortale habuit, an mortale?

Deus hominem fecit, qui quandiu non peccaret, immortalitate vigeret: ut ipse sibi auctor esset aut ad vitam, aut ad mortem; ut custodiens se a peccato, labore suo gauderet, esse se immortalem; negligens vero factus, ipse sibi impunitaret, quia coeparet esse mortalis. Quandiu enim in Creatoris legi duravit, dignus fuit edere de arbore vite, ut mori non posset. Nec enim corpus tale erat, quod dissolvi impossibile videretur; sed gustus arboris vite corruptionem corporis inhibebat. Denique etiam post peccatum potuit indissolubilis manere, si modo permisum esset illi edere de arbore vite. Nam quomodo immortale corpus habebat, quod cibo sustentabatur? Immortalis

enim non egat esca neque potu, Cibus enim vires præstabat, vite autem arbor medicina modo corruptionem omnem prohibebat. Sic enim homini erat quasi inexpugnabilis murus.

XX. — Quid est quod dieitur, *Panem Angelorum manducavit homo* (*Psal. LXXXVII, 25*), cum Angeli non egeant cibo; quippe cum sint natura simplices, et potentia spirituali vigentes?

Panis quem Angelorum appellat, manna est. Manna autem interpretatur, *Quid est hoc?* Videntes enim filii Israel, quasi semen coriandri cadere super terram candidum, dixerunt ad invicem, *Quid est hoc* (*Exod. XVI, 15*)? Quod in Hebreæ lingua dicitur, *Man hu?* Hie ergo panis aut cibus, non mundi lego creatus est, commixtione elementorum; sed desuper venit spirituali ratione provisus¹. Nec quidem in supernis habebatur, quia corporibus aliendis ad momentum, Dei virtute creatus est. Ideo autem Angelorum panis dictus est, quia ea virtute creatus est, qua angelica natura subsistit et vivit. Sine Deo enim nulla vita est. Per id ergo quod de celo venisse dicitur, Angelorum dictus est panis. Ut enim quanta et qualia beneficia Dei circa hominem sunt, memoraret; sic locutus est, ut agnoscentes Deo gratias referrent, qui tanta cura servos suos gubernat, ut eis hie in carne adhuc positus, si necesse fuerit, exhibeat, per quae vivunt Angeli. Dixit Apostolus inter cetera, *Petra autem erat Christus* (*I Cor. X, 4*), ut quia Christi virtute aqua fluxit de petra (*Exod. XVII, 6*), petra appellatus sit Christus. Simili modo, ei quia manna potestate ejus venit de celo, manna, id est, panis dicatur: ut quod tunc factum est, ejus rei, que nunc in Ecclesia offertur, figura suis existimetur; ut Christiani populi, quos in Angelis significavit Scriptura, panem manducarent homines, id est, Judei. Et quia major gratia est nunc, quam fuit in Prophetis et libertas data per Christum, quia ubi spiritus Domini, ibi libertas (*II Cor. III, 17*): ad comparationem temporum et gratiarum, Christiani Angeli digni sunt: quorum pax, qui Christus est, satiati sunt Judei, quos homines dixit. Horum enim magis Christus est, quibus et revelatus est, et qui hoc nomine vocari censemur. Duplici ergo genere potest intelligi supra dicta questio, ut et panis Angelorum celestium dici possit, et Christianorum secundum ea quia dicta sunt.

XXI. — Quid sit ad imaginem et similitudinem Dei faci-se hominem (*Gen. I, 27*), et an mulier imago Dei sit?

Hoc est ad imaginem Dei factum esse hominem, quia uous unum fecit: ut sicut ab uno Deo sunt omnia, ita et ab uno homine omne genus humannum. Similitudo autem hæc est, ut quemadmodum de Patre est Filius, sic et de viro mulier, ut unius principii auctoritas conservetur. Sed filius ineffabiliter et incomprehensibiliter natus est de Deo Patre: mulier autem corporaliter, sicut legitimus (*Id. II, 24, 22*), facta est de viro, ut per eam nativitas oriretur. Filius vero Dei ideo natus est, ut per ipsum fieret creatura. In hoc ergo dissimile est. Nam et de Deo Deus natus est, de viro autem femina: quia illie simplicitas est, et non potuit nisi de simplici simplex nasci, spiritus de spirito, Deus de Deo. Igitur vir imago Dei est. Sic enim scriptum est, *Fecit Deus hominem, ad imaginem Dei fecit eum*. Unde et Apostolus, *Vir quidem, inquit, non debet velare caput, cum sit imago et gloria Dei : mulier autem, inquit, vellet caput* (*I Cor. XI, 7, 6*). Quare? Quia non est imago Dei. Unde denuo dicit Apostolus, *Mulieri autem docere non permittitur, neque dominari in virum* (*1 Tim. II, 12*).

XXII. — Quid est, ut dicat Salomon: *Justifica animam tuam ante obitum tuum*: et in Psalmo, *Non justificabitur, ait, in conspectu tuo omnis homo vivens* (*Ecli. XIV, 17; Psal. CLII, 2*)?

Hic justificat animam suam ante mortem, qui spe vite futore consequitur fidem, ne moriatur impius.

¹ MSS. secundi generis, retaret.

^a Nihilquon deest in MSS. secundi generis.

¹ MSS. secundi generis, pro justis.

Sed Salomon de eo dicit, qui sub Lege vivit, et non conversatur juste. Hujusmodi ergo si corrigat animam ut justitiae vias ambulet, justificat animam suam ante mortem. Salomon enim propter judicium futurum consilium dedit, ne quis indiligens circa se in peccatis moriatur. David vero de perfectione justitiae locutus est; quia nemo justificabitur apud Deum, ut dignus missione sit, nisi fuerit mortuus cum justitia. Quamdiu enim vivit, futurorum meritum non habet adhuc plenum. Unde dicit Salvator, *Qui perseveraverit usque in finem, hic salvus erit* (*Matth. x., 22, et xxiv, 13*).

XXIII. — An ex traduce sint animae sicut et corpora?

In honestum puto, si dicantur animae cum corporibus generari, ut anima nascentur ex anima, quod nec animae ipsi competit: aut si certe singulae coelestes potestes facte sunt, et ex ipsis ceterae natæ sunt, potest ex una Adæ anima credibile videri ceteras nasci. Sed non convenit, quia soli Deo hoc possibile fuit, ut simplex generaret, nec ceteris concederetur. Quod tam mysticum est in causa Salvatoris, ut non solum a solis gentilibus vel Judæis, verum etiam ab ipsis qui Christianos se dicunt, incredibile reputetur. Photiniani enī et Ariani hanc fidem spernunt, nec credunt Deum generasse. Nam si eo tempore quo se minatur corpus, etiam anima generatur ex anima, de Adam costam sublatam legimus, non tamen animam natam ex anima: sed si costa secum habuit animam, jam non nata est, sed detracta in partem. Sed nec hoc scriptum est. Propheta enim Zacharias inter cetera, *Qui plasmavit, inquit, animam hominis in eum* (*Zach. xii, 1*). Nec Isaías ab his dissentient ait, *Sic dicit Dominus Deus qui fecit te, et finxit te in utero* (*Isai. xliv, 2*). Si ergo in utero singitur, jam formato corpori tribuitur. Cum enim omnia membra implet corporis, figurata dicuntur in corpore. Ut sicut aqua, cum sit sine effigie, missa tamen in vas figurata videtur; ita et anima cum sit natura incorporea et simplex, quasi formatur in corpus, singula membra vivificans. Quod quidem Moyses manifestius tradidit dicens, *Si quis percusserit mulierem in utero habentem, et abortiverit: si formatum fuerit, det animam pro anima; si autem informatum fuerit, multetur pecunia* (*Exod. xxi, 22*): ut probaret non inesse animam ante formatum. Itaque si jam formato corpori datur, non in conceptu corporis nascitur cum semine derivata. Nam si cum semine et anima existit ex anima, multa animæ quotidiē pereunt, cum semen fluxu quodam non proficit nativitatē. Sed si proprius respiciamus, videbimus quid sequi debeamus. Contemplemur facturam Adæ. In Adam enim exemplum datum est, ut ex eo intelligatur, quia jam formatum corpus accepit animam. Nam potuerat animam limo terre admiscere, et sic formare corpus. Sed ratione informabatur, quia primum oportebat domum compaginari, et sic habitatorem induci. Anima certe quia spiritus est, in sicco habitare non potest, ideo in sanguine fertur. Cum ergo corporis lineaamenta compacta non fuerint, ubi erit anima? An foris vagatur, quamdiu immittitur; cum ratio tradat sic dari eam ut animet corpus, non ut otiosa vagetur? Sed ex quo detur, dicant qui aliud putant; ex mare, an ex feminâ¹? Si ex feminâ, non convenit; quia aliud in exemplo est. Proponunt enim ex viro cum costa datam et animam: quod multis rationibus infirmari docuimus. Unde forte videatur dari ex feminâ, maxime propter Salvatorem, quem scimus sine complexu carnis de Spiritu sancto natura ex feminâ. Quod si arbitrantur, plus dant feminis: auctoritatē enim viri immunat in feminam. Cum enim tam corporis quam animæ originem ex viro dicant, convertunt se ut id quod potius est, ex muliere dicant, id est, animam; quod vero minus, ex masculo, id est, corpus: cum manifestum sit ordinem exempli a Deo traditi

iminutari non posse.

XXIV. — Quid est, ut cum vir et mulier una sint caro, vir imago Dei sit, et non femina?

Unius substantiae quidem sunt vir et mulier, et in anima et in carne: sed gradu major est vir, quia ex eo est femina, sicut dicit Apostolus, *Caput mulieris vir* (*Ephes. v, 25; I Cor. xi, 3*). Causa enim majorem fecit virum, non substantia. Nam et in uno corpore majora membra sunt et minoria, non natura, sed ordinatione¹.

XXV. — Utquid Joseph post prophetiam adjurat filios Israel, ut cum a Deo liberarentur, cinceres ejus de Ægypto transferrent (*Gen. L, 24*)?

Non otiose illud mandasse Joseph filiis Israel, in absoluto est. Qui enim prophetare potuit, non improinde locutus esse credendus est. Cum enim esset in Dei Creatoris devotione propensior, sciens autem ab Ægyptiis se coli causa administrationis, qua in magna egestate Ægyptum gubernavit; post exitum suum errorum petivit auferri: certus vanitatem vulgi mortuos magis ut deos venerari quam vivos, ne ei deferretur debitus Creatori honor. Illic ergo ostendit se libernum fuisse a vana superstitione Ægyptiorum, quando ne ad Dei injuriam proliceret, cinceres suos transferri mandavit. Quod quidem et Apostolos invenimus secutus. Paulus enim et Barnabas cum sacrificari sibi velle vidissent, scientes hoc exosum Deo, sciderunt vestimenta sua direntes, *Quid faciis? et nos homines sumus vobis similes*: et sic compescuerunt turbas (*Act. xiv, 10-17*).

XXVI. — Requirendum de Eliso, an id quod dure petuisse ab Elia dictus est (*IV Reg. II, 10*), consecutus sit?

Cupidus spiritus Elisœus faciendarum virtutum, illectus exemplo magistri, accepta facultate posseendi quodcumque voluisset, avarus ad bonum, dupliciter spiritum sibi inesse, quam in magistro erat, postulavit. Cui homo Dei Elias ait, *Dure petisti*. Aviditate enim non consideravit discipulum non esse super magistrum (*Matth. x., 24*). Elias tamen sciens illum non ambitione præsentis gloria hoc postulasse, respondit: *Atamen si videris me assumi abs te, erit tibi sic*. Sensus hic ponderandus est. Subindignatus autem cum dixisset, *Dure petisti*; subiecit, *Si videris me tamen assumi, erit tibi sic*; neque negasse illi visus fuerat. Ostendit sic illi futurum sicut dignum erat, non sicut ipse postulaverat. Multa enim subintelligi vult Scriptura, ut collectus sensus ex verbis, non sit rationi religionis adversus. Nam utique dura petitio, etiam meritum debebat amittere: sed quia cupidus boni sic postulavit. Deus qui scit quid unicuique dandum sit, bonis privari illum non passus est meritis suis. Videamus itaque si Elias meritum admitteret, ut Elisœus duplum donum ejus mereretur accipere. Dictum namque est a Spiritu sancto per Zachariam, cuius meriti futurus esset Joannes, *Veniet, inquit, in spiritu et virtute Elias* (*Luc. i, 17*). Parem ergo Joannem Elias ostendit. Et Dominus dicit, *Nemo maior inter natos mulierum propheta Joanne Baptista* (*Matth. xi, 11*). Non dixit, omnibus major est: sed, *nemo illo major est*; hoc est, requalem habet, majorem non habet. Elias ergo par illi est, nullo utique minor; quomodo Elisœus major illi est, cum Joannes quo nemo major est, par Elias sit? Nam veniens ad aquarum transitum, non accepit honorem ab eis, ut potuisset transire, nisi nominasset Deum Elias (*IV Reg. II, 14*): ut per hoc dura petitio correpta videretur, dum nonnisi nomine Elias auditus est, ne id quod dure petierat, accepisse putaretur, quasi non sufficeret pro temporis merito dispensatio spiritus concessa Elias.

XXVII. — An Pythonissa Samuelem excitaverit, et ipse ab ea visus sit, et locutus sit ad Saül: quæ historia refert in libro Regnum (*I Reg. xxviii, 7-20*)?

¹ MSS. secundi generis, aliud putant ex mare dari, aliud ex feminâ.

¹ MSS. secundi generis, ordine.

Indignum facinus æstimo si secundum verba historie commendetur assensus. Quomodo enim fieri poterat, ut arte magica attraheretur vir, et nativitate sanctus, et vita operibus justus? aut si non attractus est, consensit? Quod ultrinque de viro justo credere absurdum est. Si enim invitus adductus est, nullum suffragium habet justitia; si autem voluntarius, amisit meritum spirituale, quod positus in carne quasiverat: quod valde absurdum est; quia qui hinc justus recedit, permanet justus. Porro autem hoc est prestigium satanae, quo ut plurimos fallat, etiam bonos in potestate se habere confingit. Quod Apostolus inter cetera ait, *Ipse satanas transfiguratus se in angelum lucis* (II Cor. xi, 14). Ut enim errorum ficeret, in quo et ipse gloriaretur, in habitu viri justi et nomine se subornavit: ut nihil prolixcere spem que prædicabatur Dei cultoribus, mentiretur; quando hinc execentes justos linxit in sua esse potestate. Sed hoc quosdam fallit, quod de morte Saül et filiorum ejus non sit mentitus: quasi magnum sit diabolo, ante diem occasum corporis prævidere, cum signa quedam soleant apparere morituris; quippe a quibus Dei protectio amota videtur. Quanto magis diabolus quem angelica maiestate sublimem propheticæ oracula fuisse testantur; de cuius magnitudine Apostolus ait, *An ignoratis altitudinem satanæ* (Id. ii, 11)? Quid mirum ergo si imminentem prope mortem potuit prævidere, cum hoc sit unde fallit, et se in Dei potestate vult adorari? Nain tanta hebetudine demens effectus est Saül, ut ad pythonissam confugeret. Depravatus enim causa peccati, ad haec se contulit quæ dannaverat. Sed si quis propter historiam, et ea quæ verbis expressa sunt putet non prætermittenda, ne ratio historie manis sit; recte faciet quidem, si tamen minime istud ad veri rapiat rationem, sed ad visum et intellectum. Saül namque reprobus factus, non poterat bonum intellectum habere. Historicus enim mentem Saül et habitum Samuelis descripsit, ea quæ dicta et visa sunt exprimens; prætermittens, si vera an falsa sint. Quid enim ait? Audiens in quo habitu esset excitatus, *Intellexit, inquit, hunc esse Samuelem*. Quid intellexerit retulit, et quia non bene intellexit, contra Scripturam alium adoravit quam Deum; et putans Samuelem, adoravit diabolum, ut fructum fallacie suæ haberet satanas. Hoc enim ntitur, ut adoretur quasi Deus. Si enim vere Samuel illi apparuisset, non utique vir justus permisisset se adorari, qui prædicaverat Deum solum esse adorandum. Et quomodo homo Dei, qui cum Abraham in refrigerio erat, dicebat ad virum pestilentie, dignum ardore gehennæ, *Cras mecum eris?* His duobus titulis subtilitatem fallacie suæ prodidit improvidus satanas, quia et adorari se permisit sub habitu, et nomine Samuelis contra Legem; et virum peccatis pressum, cum magna distantia peccatorum et justorum sit, cum Samuele justissimo futurum mentitus est. Verum potest videri si de Samuels nomine taceatur, quia Saül cum diabolo futurus erat. Ad eum enim transmigravit, quem adoravit. Semper enim diabolus sub velamine latens, prodit se, dum ea confingit quæ abhorreat a personis, per quas fallere ntitur.

XXVIII. Quid contradicendum iis sit, qui mundum istum ab æterno naturaliter moveri inquiunt, neque initio, neque abolitione obnoxium?

Mundum ab æterno constare et nulli debere subjectionem, improbabile et impossibile est: quem videamus tanta diversitate extare corporum; cum nihil divinum et æternum possit esse nisi simplex, in quo nulla diversitas videatur, sed sit unitas. Nam et vices ipsas temporum non servat, ut non solum in temporibus variis sit, aut contrariis constet substantiis, sed et in ipsis vicibus temporum: cum res æterna diversitatibus abhorreat, et sit nec factu nec visu capienda, utpote incorporalis: hic autem passioni obnoxius est, quia et aqua repugnat igni; et ignis si amplius fuerit, superat aquam; et terra cum sit natura arida et frigida, patitur incendium, quasi res corporalis. Itaque inconveniens est mundum æternum dicere, quem cum vi-

demus passioni subiectum, et per secula senectute deficere, credimus et finiri. Quid censemur de homine, qui mundum æternum putat? Certe homo coepit in mundo: sine homine ergo cui proficiebat annua seUNDITAS in mundi? Alii sine aliqua providentia generabat? Et quomodo æternus corruptibilia et mortalia generabat, cum de æterno debeat æternum existere? Et quod visibile est et sentitur et tangitur, qua audacia vocatur æternum? Et quod vicibus temporum ministratur, ita ut ipsa tempora aliquando non servent officia sua, quomodo appellatur æternum? Æternitas enim non corruptitur, nec immutatur.

XXIX. — Quare octavo die mandatum est circumcidere (*Gen. xvii, 12*)?

Octavo die a nativitate idcirco præceptum est circumcidere, quia juxta numerum et curricula dierum septem, ipse rursum primus invenitur quasi post sabbatum, ut jam non octavus habeatur, sed primus. Quia enim salus futura pror Christum in primo die erat prædestinata (qui Dominicus ideo dicitur, quia in eo resurrexit Dominus), qui est post sabbatum; propterea salutis hujus figura in circumcisione data est, ut quasi renovatio futura in circumcisionis lege dignoscatur. Et quia per fidem salvari haberent homines, quæ primo die resurrectionis Domini firmata est; figura hujus rei in circumcisione primo die data est, quæ etiam esset signum fiduciæ Abrahæ. Integra ergo causa est, quia signum præteritæ fiduciæ primo die signata, figura fuit futura: fiduciæ primo die constabilitate.

XXX. — In Proverbii, *Justus, ait, accusator est sui in primordio sermonis* (*Prov. xviii, 17*): quomodo justus, si peccator?

Omnis veritas justitia est. Quia ergo constitetur quod est, justus est: veritatem enim loquitur; peccatores autem vindicantes sua delicta, justificari non possunt. Unde hujusmodi digne justus dicitur, quia pronuntians peccatum suum, remitti sibi utique postulat, misericordiam Dei implorans. Scit enim dictum in Lege, *Confitebere peccata tua, ut justificeris* (*Isai. xliii, 26*). Quid est autem, in primordio sermonis confiteri; nisi non coactum fateri, sed voluntarium? Quis enim etiam timens Deum, sine peccato est; cum et in cogitatione admisceatur delicta, et aliquoties peccemus invitî? Potest tamen et de eo dici vel sentiri, qui catechumenus dicitur, ut accedens ad fidem justificetur. Cum enim petit immutari se, sine dubio peccatorem se constitutus est ut justificetur.

XXXI. — An cum muliere, natura serpens locutus sit; an actu (a) dictus serpens diabolus eam seduxerit (*Gen. iii, 1*)?

Quantum ad historiam pertinet, serpens natura dictus est, qui sapientior esset ceteris bestiis, quas fecerat Dominus Deus super terram. Denique et sententiam Deus in serpentem dedit. Nam quid mirum si diabolus sapientior erat bestiis, de quo dicit Apostolus inter cetera, *An ignoratis altitudinem satanæ* (II Cor. ii, 11)? Usque adeo autem natura serpens fuit, ut diceretur illi, *Supra pectus et ventrem tuum repes, et terram edes omnibus diebus vita tua* (*Gen. iii, 14*). Ille longe sunt a conditione satanæ; quia neque corporeus est, neque mortal is. Et si proprius aspiciat, videbitur sententia data nihil obsuisse serpenti: sed in eo in quo factus est, jussus est permanere. Quia enim minister factus est satanæ ad hominem subjungandum, cui omnia Deus subjecerat; idcirco Deus in ea subjectione qua omnia homini subjecerat, repressit elationem serpentis qua cooperatus minister esse superbiæ. Videbatur enim homo factus sub serpente, per quem, accepto consilio legem datum contempserit. Quoniam autem serpentes prudentes sunt, confirmat in Evangelio Dominus dicens, *Estote astuti ut serpentes* (*Matth. x, 16*). Igitur quia claruit vere serpentem locutum esse cum Eva; illud superest ut discernatur, an potuerit tam prudens esse et astutus, ut dolo falleret eam. Si enim ceteris bestiis prudentior erat, nun-

(a) Forte, astu.

tamen hominibus; quippe cum nullum animal rationale sit, nisi homo. Itaque serpentem subtilitatem istam composuisse impossibile est: quamvis enim prudens dicatur, sed non ultra naturam suam. Nec enim deliberauit aut excoxit, aut consilium capit. Idecirco diabolus fuisse, qui per serpentem mulierem circumvenit, dubium non est. Admiserens enim se serpenti, egit per illum quasi per organum, ut uer mulier occulti diaboli intelligeret dolum, sciens prudentem esse serpentem. Ac per hoc corporaliter data sententia, spiritualiter in satanam cecidit: quia sententia reum tenet. Non enim ab homine data sententia est, ut innocentem forte perimeret per errorem aut malevolentiam; sed a Deo qui falli utique non potest, ut sententia ejus eum solum teneat, qui reus est. Quia enim cum sit invisibilis satanas, dolum corporaliter egit, corporalis videtur data sententia, ut illum spiritualiter teneat, cuius factum elicit dari sententiam. Nam projectus de sacratissimis celorum sedibus impudentissimus satanas in terra voluntat gemens semper. Sed forte dicatur, In qua, putas, lingua serpens locutus est ad mulierem? Serpens utique ore. Si enim hodie non desunt, qui latratum canum intelligent, et luporum ululatum, et barritum elephantorum, et cantum gallorum; quare non magis rufus adhuc mulier scire potuit et intelligere sibilum serpentum, cum multis sciamus avium voces discernere (a)? Nam et constat diabolus ejus lingua uti, cuius corpus intraverit: nec aliter falleret mulierem. Ac per hoc serpentis ore locutus est per serpentem.

XXXII. — Legimus apud Salomonem, *Dives et pauper obviaverunt sibi; fecit autem ambos Dominus (Prov. xxii, 2)*: quomodo ergo personarum acceptio non est apud Deum?

Longe absit a fidelium mentibus haec impietas assertio. Nam Scriptura ne pauperem contempnendum doceret, et divitem honorificandum, ostendit amborum opificem esse Deum: non utique in paupertate et divitiis, sed in eo quod sunt. Si enim facultatibus ab invicem discrepant, non tamen naturae substantia. Nec enim quia occasiones proventus quosdam faciunt in mundo, aut prosperos in divitiis, aut infastos in paupertate, idecirco despiciendi sunt quos Deus non humiliavit, aut suspiciendi quibus veritas non dedit testimonium. Contemnendi plane sunt, sed corruptiores morum et sacrilegi in Lege Dei; honorandi vero diligentes Deum et discipline cultores. Hi enim divites apud Deum habentur, qui bona conversationis sunt: et quanto in mundo contemptibiliiores sunt, tanto magis honorificiores sunt in celo. Nam qui beneficium temporis habent in ampliandis facultatibus, si se cognoscant, et Dei intelligent voluntatem, qui terram omnibus dedit, et solem suum cunctis oriri jubet, et pluvias indiscretas effundit (*Matt. v, 45*); iniquitas autem temporis, aut fortunae occasionis, aut indigentia quibusdam abnegat quae Deus omnibus dedit; ipsi ministrant eis, ut perficientes Dei voluntatem, non solum in mundo, sed et in celo divites sint, ne pauci temporis divitiae excludant aternas. Illi vero quos paupertatis causa despiciendos putant, si futurum Dei iudicium contemplentur, illic semper divites erunt, ubi divites saeculi egebunt, poenitentes se pauperes non fuisse.

XXXIII. — Salomon, *Anni*, inquit, *impiorum inveniuntur (Prov. x, 27)*: quomodo ergo est quod videamus impios aliquantos longevos?

Dignum erat quidem omnes impios, non solum ci-
tius hac luce carere, verum etiam nec unius momenti temporis vita frui, qui Conditoris sui immemores, vitae totius auctoritatem imputant creature. Sed Scriptura hos impios alloquitur, qui cum sub Dei Lege agerent, propensiore in idolis erant. Peiores enim sunt ceteris impios: scientes enim Deum et con-
tinentes eum, obtemperant servis. Et quod de his di-
ctum sit, probat Apostolus dicens, *Scimus autem quo-*

niam quacunque Lex loquitur, his qui in Lege sunt loquitur (Rom. iii, 19). Gentiles autem non habentur in numero vivorum.

XXXIV. — Quomodo idem Salomon, *Deus, inquit, mortem non fecit: cum alio loco dicat, Bona et mala, vita et mors, paupertas et honestas a Deo sunt (Sap. 1, 15; Eccli. xi, 14)*?

Nulli dubium est bona omnia a Deo esse, mala autem que dixit, solum mala sunt, dum vindicatur de nobis. Poena enim quamvis justa inferatur, patienti tamen mala videtur. Nam et per prophetam ad peccatores loquitur Deus dicens, *Faciam vobis mala, id est, poenis vos agam*. Vita autem et mors sic a Deo est, quia legem dedit, quae servantibus se vitam promittit, contemptoribus vero mortem, sed illam quae secunda dicitur. Dum enim unumquemque adjudicat quid meretur, ab ipso est, sive absolutio ad vitam, sive reatus ad mortem. Non ergo inventor mortis est, sed iudex, quia mortis auctor peccatum est. Quomodo ergo Deus poterat facere mortem, qui nescit peccare? Sed dum peccatis retribuit, ab ipso dicta est esse mors cum non ex ipso sit, sed ex hoc qui peccavit. Eadem ratione paupertas et divitiae a Deo sunt. Quidam enim habentes timorem Dei, luxuriam spernunt, vitam prodigam fugiunt, ab ego et paupere oculum non avertunt: hujusmodi clementum faciunt honorum. Scriptum est enim in Proverbii, *Paupertatem et ignobilitatem austert disciplina (Prov. xiii, 18)*. At hi qui timorem Dei non habent, soluti viventes et egenum despicientes, sicut scriptum est, in inopia erunt; non solum negligentes et improvidi circa se, verum etiam coetempores date legis. Hoc modo fecit Deus pauperes ac divites: quia dum offensio legis parit egestatem, a Deo fieri dicitur auctore legis; et cum aliqui terrore disciplinam legis custodiunt, a Deo auctore legis divites flunt.

XXXV. — Qua ratione David Saül, postquam Deus ab eo recessit, christum Domini vocat, et honorem desert ei (*I Reg. xxvi, 16, 18, sqq.*)?

Non nescius David divinam esse traditionem in officio ordinis regalis, idecirco Saül in eadem adhuc traditione positum honorificat, ne Deo injuriam facere videretur, qui his ordinibus honorem decrevit. Dei enim imaginem habet rex, sicut et episcopus Christi. Quamdiu ergo in ea traditione est, honorandus est, si non propter se, vel propter ordinem. Unde Apostolus inquit, *Potestatibus sublimioribus subditi estote. Non est potestas nisi a Deo: que enim sunt, a Deo ordinata sunt (Rom. xiii, 1)*. Hinc est ut gentilem, in potestate tamen positum, honorificemus, licet ipse indignus sit, qui Dei ordinem tenens gratias agit diabolo. Potestas enim exigit, quia meretur honorem. Nam ideo Pharaoni future famis sonnum revelatum est (*Gen. xli, 1-37*): et Nabuchodonosor aliis secum assistentibus solus filium Dei vidi in camino ignis (*Dan. iii, 92*), non utique merito suo, qui in idolo se adorari voluit, se merito ordinis regalis.

XXXVI. — Si anima quae peccaverit, ipsa morietur, quid est ut Achar filius Charam peccaverit, et triginta viri¹ occisi sunt in causa ejus (*Josue vii, 24, 5*)?

Alio sensu Scriptura locuta est quam propositum est. Non enim de hac morte quae communis utique omnibus est, dixit; sed de illa quae appellatur secunda. Hec enim peccatores suscipit: illis autem qui in pugna mortui sunt, non peccatum Achar redditum est; sed obsuit illis, ne in protectione divina adjuti invalescerent hostibus. Nec enim causa Achar inflammati sunt, sed Dei auxilio minime muniti, ut dum fortiter facere nequeant, occiderentur. Nam pauci fuerunt contra multos, unde et superati noscuntur. Nulla ergo injustitia in voluntate Dei est. In potestate enim habet, si adjuvare vult: ut si affuerit, misericors sit; si noluerit, justus: nec enim in talibus debitor est, ut teneatur obnoxius. Hinc est quod Jesus Nave contristatus scidit vestimenta sua (*Ibid. 6*),

¹Mss. secundi generis, *triginta sex viri*. Et verius. M.

(a) Reliquum abest a MSS. secundi generis.

intelligens non sine causa Deum auxilium suum subtraxisse.

(a) Charmi quidem peccavit, et mortuus est lapibus. Illi autem triginta sex viri, qui in pugna mortui sunt, non utique pressi a Deo sunt, sed non adjuti. Inbecillitate enim sua, dum fortiter facere nequiverrunt, occisi sunt. Charmi ergo causa hoc præstitit vel obfuit, quia qui adjuvari habuerant, neglecti a Deo sunt. Hinc ergo est quod Jesus filius Nave contristatus excidit vestimenta sua, quia intellexit Deum adjutorem suum auxilium subtraxisse in hoc loco.

XXXVII. — Quid est ut missa mors in Jacob venit in Israel, cum Jacob ipse dictus sit Israel (*Isai. ix, 8, sec. LXX*)?

Unius populi duo nomina posuit, ut ex nominibus merita eorum possint intelligi. Nam utique qui Israel cognominatus est, prius Jacob dicebatur. Collectans enim cum Salvatore, intellexit Deum esse, quem in specie corporis videbat: ideoque appellatus est, Homo videns Deum (*Gen. xxxii, 24-28*). Populum ergo, quem Jacob nuncupat, hoc loco et in hac causa carnalem significat, quomodo nomina quæ natis a parentibus imponuntur. Sed h. i. id est, Judæi, propter mala opera non Israëlitæ dicti sunt, quia vaccis et lucis sacrificabant in Samaria, studio et imperio Jeroboam regis. Ille autem populus, qui in Ierosolymis in templo Domini hostias offerebat per sacerdotes Dei, Israel appellatus est. Samaria ergo propter impietatem suam tradita est captivitatibus et morti: Jerosolyma autem reservata est, propter quod habuit reges diligentes Deum. At ubi autem et ipsa Jerusalem impietatem secuta est Samaria, sententia illam comprehendit data in Samariam. Ideo ergo dictum est, *Misit Deus mortem in Jacob*, id est, in populum Samariæ, qui carnaliter conversatus est, sicut supra diximus; *Et venit in Israel*, hoc est, in populum Jerusalem, quia idolatriam secuta est, imitata Samariam: ut simili modo abduceretur in captivitatem a Nabuchodonosor, sicut et Samaria a Salmanasar rege Assyriorum. Hoc est aperte: sententia data in malos, invenit et bonos, dum desierint esse justi. Missa enim mors in Jacob, sicut supra ostensum est; pervenit in Israel, non prætermittens Samariam, sed dum causa, qua missa est in Samariam, inventa est in Jerusalem, missa illuc venit etiam in eum locum, quo eadem res erat. Quia vindicta causam sequitur, non discernens personam.

(b) Unius populi duo nomina posuit. Nam utique qui prius Jacob dicebatur, postea accepit nomen Israel, cum collectatus est cum Filio Dei, et vidit eum per intellectum homo videns Deum. Populus ergo quem Jacob nuncupat, hoc in loco et in hac causa non videns Deum intelligitur, sed quasi carnalis habetur, propter opera bona (c): ut sicut Jacob priusquam videret Deum Christum, non dicebatur Israëlitæ, et hi dum populus dicuntur Jacob, non videntes Deum designantur. Israel autem populum dicit, qui operibus Dei factus dignus habetur videre Deum. Itaque populus Jacob, quia carnali fretus erat auxilio, desperans de adjutorio Dei (idola enim diligebat) traditur morti, dum excitatur adversus eos rex Assyriorum. De Samaria autem hoc dictum intelligitur ab Isaia propheta, quæ prius malum fecit coram Deo, vaccas instituens quibus sacrificarent, adiuvante nova sacerdotia Jeroboam. Mors ergo ad eos missa est: primi enim ipsi capti sunt, et transmigrati a Salmanasar rege Assyriorum, ut illorum exemplo populus Juda et Benjamin et Levi, quæ duæ tribus remanserunt, et dimidia in Jerusalem Roboam filio Salomonis, quæ in templo Domini per sacerdotes Domini sacrificabant. Ios ergo dicit populum Israel propter tribum Juda et Levi, qui et ipsi cum exemplo Samariæ recte

(a) Quæstio eadem ex MSS. secundi generis que inter post vulgatas Veter. Test. sicut haec tenuis decima quarta.

(b) Ibid. Quæstio decima tertia.

(c) Forte, non bona.

agere debuerunt, maligne fecerunt idolis servientes. Tamen fuerunt aliquanti reges in Jerusalem, qui post excessum Salomonis et filii ejus Roboam, viam secenti sunt David, recte ambulantes in conspectu Dei. Omnes autem reges Samariae maligne egerunt in conspectu Domini usque ad transmigrationem suam. Ideoque carnali nomine nuncupati sunt. Et quia Jerusalem eorum impietatem secuta est, traditur etiam ipsa in captivitatem Nabuchodonosor regi Babylonie: et hoc est missis mortem in Jacob, et venisse in Israel. Missa est enim in Samariam; sed dum causa per quam missa est in Samariam, inventa est in Jerusalem, missa illuc venit etiam in locum in quo eadem res erat. Non enim locum sequitur vindicta, sed causam.

XXXVIII. — Si equus et mulus non habent intellectum, quanto magis terra res sine sensu? Quid ergo est ut dicatur terra benedicere Dominum (*Psal. xxxi, 9; Dan. iii, 74*)?

Non est sic intelligendum ut sonant verba. Opus est enim, quod licet mutum sit, clamare dicitur laudem Creatoris: hortatur enim aspicientes se, benedicere opificem; sicut et omne vas bene compositum, laudat artificem. Quippe cum legatur in Psalmis, *Nunquid confitebitur tibi pulvis, aut annuntiabit veritatem tuam* (*Psal. xxix, 10*)? In omni ergo insensata substantia, non voluntas, quæ utique nulla est, sed opera benedicunt auctorem. Si autem spiritualiter vis hoc accipere; per terram hominem significatum intellige, secundum dictum prophete, Memento enim ait, Domine, quoniam terra sumus (*Psal. ci, 14*); quem opera creaturae in laudem Conditoris sui prorumpere exhortantur.

(a) *Benedic terra Dominum*, ait; hoc est, laudet et confileatur veritatem tuam. Numquid ergo in Psalmis, *Nunquid confitebitur tibi pulvis, aut annuntiabit veritatem tuam?* Non est sic intelligendum ut legitur et sonant verba. Neque enim sensum habet terra, ut gratias agat Creatori. Si autem spiritualiter hoc acceperis, terram hominem intellige, secundum dictum prophete, Memento, Domine, quoniam terra sumus. Quam operam facti mundi in laudem Creatoris prorumpere exhortatur, ut confessionem veritatis eius acquirat illis, quæ licet taceat, clamare dicitur laudem Creatoris, cuius opus est. Hæc ergo causa est, quod in creatione terra Deum dicitur benedicere.

XXXIX. — Quid est quod legitur in Salomone, *Spes est, inquit, in tenebris. Melior est canis vivus leone mortuo* (*Eccle. ix, 4*)?

Tenebrae gentilitatem et ignorantiam significant. Spes ergo mojorem in gentili populo esse, quam in apostata, vult intelligi per id quod subiecit, dicens, *Melior est canis vivus leone mortuo*: quia sicut leo omnibus feris fortior est, ita Christianitas omnibus sectis. Si quis ergo ab hac destiterit, amittit salutem, ita ut deterior gentili sit. Potest enim fieri ut credat gentilis, et acquirat salutem, quam perdidit apostata. At si non credat, adhuc pejor est apostata; quia deterior est amissis salutem, quam non habuisse. Canem autem, gentilem significatum Salvator ostendit dicens, *Non licet accipere panem filiorum, et mittere canibus* (*Math. xv, 26*).

(b) Tenebrae ignorantiam significant et gentilitatem: quia spes est in gentili potius, quam in apostata. Hunc enim dicit leonem mortuum, hoc est, christianum apostata: quoniam quamdiu in fide duravit, leo erat; at ubi recessit, mortuus dicitur. Canem vero, gentilem dixit de quo spes est, ut credat: quamdiu enī vivit, speratur de illo. Illius autem spes peribit. Nam canem, gentilem significari Salvator ostendit dicens, *Non licet panem accipere filiorum, et mittere canibus*.

XL. — Quid est quod dicit propheta, *Lætare*

(a) Quæstio eadem ex MSS. secundi generis, inter post vulgatas Veter. Test. decima sexta.

(b) Ibid. Quæstio decima nona.

sterilis quae non paris, erumpit et exclama quae non parturis : quia multi filii desertæ magis, quam ejus quae habet virum (Isai. liv, 4)?

Quoniam filii Jerusalem terrena apostataverunt a Deo, non potest huic gaudium adscribi, sed mœror. Ad opprobrium ergo hujus Jerusalem prophetæ illam superiorum Jerusalem latari debere dicit, quam Apostolus matrem nostram appellat (*Galat. iv, 26*) : quia sine gemitu et doloribus multo plures filios habet, quam haec quæ cum lacrymis generat carnaliter, Judæos utique : illa autem Christianos per fidem spiritualiter. Quam ideo desertana dicit, quia ipsa est vita, quam deseruit Adam primus, et secutus est mortem. Cum regenerantur ergo homines, revertuntur ad eam, quam deseruerant, vitam. Hæc vita Christus est, quia ipse dicit, *Ego sum vita (Joan. xiv, 6)*. Est et Deus Pater vita, quia ait Dominus, *Sicut habet Pater vitam, ita dedit Filio vitam (Id. v, 26)*. Sine dubio et Spiritus sanctus vita est, dicente Domino. *Quia de meo, inquit, accipiet (Id. xvi, 15)*. De vita utique qui accipit, vita est. Tres ergo sunt una vita. Hæc est vita, per cuius fidem regeneramur. Ipsa est mater nostra, sicut in Genesi legimus, quia ipsa, id est, Vita, est mater omnium vivorum (*Gen. iii, 20*). Qui sunt qui vivunt, nisi qui credunt?

(a) Duas matres hoc in loco intelligimus, cœlestem, et terrestrem : id est Jerusalem liberam, de qua dicit Apostolus, *quaæ est mater nostra ; et Jerusalem istam quam servire dicit cum filiis suis, hoc est, Judeis*. Propheta enim adventum Domini prædicens, et tempus gratiae plenum in exultatione vocis obtestans, Jerusalem cœlestem, quæ ideo deserta dicta est, quia inhabitantes filios per fidem generatos non habebat, latari debere hortatur. Tempus enim venerat, ut haberet filios olim prædictos et multo plures quam fuerant hujus Jerusalem : quia Christiani supergressi sunt numerum Judeorum. Sterilis ergo dicta est, quia virgo est, quæ non per mixtionem et complexum generat filium, sed per solam fidem spiritualiter. Unde nec parturire dicitur; quæ enim parturit, dolores patitur. Hæc enim exclamat in latitum salutis humanae. Jerusalem vero terrena ideo virum habuisse dicitur, quia carnaliter generabat. Civitas enim quasi in matrem est significata, sicut et habitatio cœlestis illa ad ouam vocamus, mater nostra dicitur.

LXI.—An spiritus qui super aquas cerebatur, Spiritus sanctus intelligatur, quia dictum est, *Spiritus Dei cerebatur super aquas (Gen. i, 2)*?

Si videtur hic errasse in ista sententia, non est accipiendum quod dixit. Ideo et a quibusdam Spiritus sanctus esse putatur, quia Dei spiritus legitur esse. Invalida autem et inanis assertio est : non solum enim ordo hoc non patitur, et ratio abnuit, sed et verba ipsa infirma probantur ad causam istam astruendam. Nam his verbis frequenter aliud invenimus significatum in Lege. Inter cetera autem ait Dominus Deus dicens, *Non permanebit spiritus meus in hominibus istis, quia sunt caro*. Et in subjectis. *Sed deleam, inquit, omnia ab homine usque ad pecus (Id. vi, 5, 7)*. Propterea quia diluvium facturus erat super terram, numquid Spiritus sanctus potest intelligi? Nonne de animalibus locutus est? Nam non solum nostræ animæ spiritus dicuntur, sed et pecorum. Sic enim scriptum est, *Et mortua est omnis caro in aqua, in qua erat spiritus vita (Id. vii, 22)*. Et in Ezechiele propheta sic dictum est, dum de reformatione hominum promittit Deus dicens, *Hæc dicit Dominus Deus ossibus istis: Extendam super vos cutem, et dabo in vobis spiritum meum, et vivetis (Ezech. xxxvii, 5)*. Numquid de sancto Spiritu locutus est et non de anima? Omnia quidem cœlestia spiritus sunt, sed differunt ab invicem, et Deus spiritus est (*Joan. iv, 24; II Cor. iii, 17*), sed longe aliter. Omnis itaque spiritus Dei est; non tamen Deus est, nisi spiritus qui de ipso est. Cujus significatio hæc est ut sanctus dicatur. Nam et homines filii Dei vocantur, et

(a) Questio eadem ex MSS. secundi generis, et inter post vulgatis veter. Test.

Christus dicitur Filius Dei ; sed intervallum est, quia hic verus est, illi adoptivi. Sic quoque et inter spiritum Dei diversitas est. Spiritus enim sanctus de Deo est, et consubstantivus ei; reliqui vero spiritus Dei esse dicuntur, sed creatura sunt. Sed nec ordinis est ut Spiritus sanctus ferri super aquas intelligatur; cum super aquas spiritualem creaturam esse tradat ratio, et quæ super se habeat potiorem creaturam alteram, quia creatura a creatura differt in claritate (*I Cor. xv, 41*): quidquid enim prope sedem Dei acceditur, clariora sunt ministeria. Unde dicit Raphael angelus interior extera : *Ego sum, inquit, unus ex septem angelis sanctis, qui astamus et conversamur ante majestatem Dei (Tob. xii, 15)*.

(a) Si ideo a quibusdam Spiritus sanctus putatur, quia Dei esse spiritus legitur, invalida et inanis assertio est. Non solum enim ordo hoc non patitur, et ratio abnuit, sed et verba ipsa infirma probantur ad hanc assertionem astruendam. His enim verbis aliud dictum significatur frequenter in Lege. Ait autem Dominus Deus, *Non permanebit spiritus meus in hominibus istis, propterea quod sunt caro*. Et in subjectis, *Sed deleam, inquit, omnia ab homine usque ad pecus*. Hoc utique dicit, quia diluvium inducere habuit super terram. Nunquam hic Spiritus sanctus potest intelligi. De animalibus enim dixit. Nam non solum nostræ animæ spiritus dicuntur, sed et pecorum. Sic enim scriptum est, *Et mortua est omnis caro in aqua, in qua erat spiritus vita*. Et in Ezechiele propheta sic dictum est, cum de reformatione hominum promittit Deus dicens, *Hæc dicit Dominus Deus ossibus istis: Extendam super vos cutem, et dabo in vobis spiritum meum, et vivetis*. Non utique ex eo Spiritus sanctus debet intelligi, quia dictum est a Domino, *Dabo spiritum meum in vos : cum manifeste de anima dixerit Deus. Commune est enim hoc omni spiritui cum sancto Spiritu, ut similiter dicatur omnis spiritus, Dei spiritus. Intelligentia enim hic necessaria est quæ discernat res unius nominis*. Nam Deus utique spiritus dicitur, et anima hominis spiritus dicitur, et ventus similiter, et aer, et anima pecoris, et angelii, et quæcumque acceperunt ut vivant per substantiam propriam. Sed jam per intelligentiam discernis aliter Deum spiritum dici, et aliter creaturam : sicut aliter intelligis Christum dici Filium Dei, et aliter homines vocari filios Dei. Quotiescumque autem spiritum qui proprie deo est, vult Scriptura significare, addit dicens, *Spiritus sanctum*; ut per hoc non creatura intelligatur, sed quia de Deo est, non aliud esse quam est Deus, creditur. Moyses autem cum creaturam hylicam, id est confusione rerum describeret, quæ utique sensu bruta est, super terram et abyssum et tenebras spiritum Dei superferri interlocutus est, ut ex eo spiritu et loco in quo cerebatur, superior creatura, quam spiritualem dicimus, cognoscatur. Nam et ex eo quod superferri illum dixit, creaturam illum significavit, quia omnis creatura Dei fertur virtute a quo accepit ut sit. Nam quis ordo est ut Spiritus sanctus super aquas feretur, quem contactum utique super omnem esse creaturam? Si enim Christus in dextera Dei est super omnes cœlos (*Coloss. iii, 1*), illic est et Spiritus sanctus. Res enim unius meriti et naturæ simul sint oportet : quanquam ubique Deus esse non negetur, hoc est Trinitatis potestas; tamen debita honorificentia etiam reservatur, ut super omnem creaturam esse dicatur, ut proprium illi hoc sit. Quare et dicitur, *Pater noster qui es in celis (Matth. vi, 9)*; et, *qui lucem habitat inaccessibilem (I Tim. vi, 16)*.

XLI. — Cur angelus missus loqui ad Moysen, in igne et in rubro apparuit in monte (*Ead. iii, 1, 2*)?

Deus excelsus est : dignum ergo fuit ut in alto apparet, scilicet in loco qui vicinus est celo. Et quia ignis semper superiora appetit sursum crescen-

(a) Questio eadem ex MSS. secundi generis, et inter post vulgatis veter. Test. secunda.

do ad cœlum, in eo debuit cœlorum Dominus apparet, qui de humo ad superna contendit. In rubo vero causa fecit, ut appareret, delictorum. Quia enim peccatorum causa Legem descendebat dare, spinæ autem in peccatis significantur, quia sustinui, inquit, ut saceret uam, fecit autem spinas (*Isai. v, 2*); et Lex statim vindicare non venerat, sed prius ostendere: ideo ignis rubum non combussit; id est, data Lex non fecit reos de præterito peccatores. Nam et quia peccata non sunt de natura, sed ex accidenti; rubi, id est, spinarum materia non habet radicem spinis armatam. Ratione ergo factum est, ut ita Dominus appareret Moysi.

(a) Natura angelica secundum se simplex est, cuius substantia superiora appetit, non inferiora. Ideoque Dominus in igne apparuit, cuius natura semper ad superiora tendit, ubi Christus est. In rubo autem idcirco, quia et spinas habet quæ noceant, et facilis est ad combustionem et tamen ab igne non combustus est. Ignem fac esse Legem, quia peccatoribus ignis est. Rubus autem in peccatis significatur, quia a Salvatore ad comparationem ceterorum rubus mala arbor significata est: et peccata nihil aliud quam malitia. Igitur ignis cum in persona Legis apparuit, non tamen exussit rubum: sicut Lex data præteriti peccati causa, non utique vindicavit, sed magis abstinuit vim justitiae suæ, ut postea jam data si contempta fuisse, vindicaret. Hac ergo causa Dominus in igne et rubo apparuit, quia in rubo ignis Legem significavit.

XLIII (b). — Cum Abraham filium immolare prohibitus sit, cur Jephite filia sacrificium persolvere non est prohibitus (*Gen. xxii, 11, 12; Judic. xi*)?

Multum intervallum est inter causam Abrahæ, et causam Jephite. Primo quidem Abraham legitime natus est, Jephite vero spurius: erat enim filius meretricis. Deinde Abraham conversationis optime, Jephite autem princeps latronum. Abraham vir iustus, et in tentatione probatus; in Jephite autem nullum justitiae testimonium. Abrahæ itaque præceptum est, ut filium suum Deo offeret, ut ostendetur hominibus quantum Deo erederet Abraham, qui nec filium suum jubente eo dubitavit occidere. Qui enim contra mundi spem nasci eum potuit facere de sterili et anicula, non fuit ambiguum quod contra mundi rationem posset eum suscitare a mortuis (*Hebr. xi, 19*). Hoc facto cumulatus est justitia Abraham. Ostendit enim Deus, quia non sanguinei pueri poposcerat, sed ut famulus suus Abraham hoc factio auctior fieret. Diligentes enim se aliquid pati vult, ut juste illos promovere videatur. Nam Jephite homo facinorosus et imprudens, stulta devotione munus Deo promisit dicens, *Quidquid mihi redēunt a cœde occurrerit ante ostia domus meæ, hoc offeram Deo*. Numquid coactus devovit, aut numquid intellexit quomodo deberet votum facere? Quid enim si canis illi aut asinus occurrisset, quod Dominus offerri prohibuit; aut si filius alienus, aut si uxor, ut in dolore alieno exultans redderet votum? Idcirco imprudenti quod in alienam perniciem devoverat, in illum ipsum Judicio divino retortum est: et usque adeo insensatus fuit jephite, ut nec postea stulta se deponuisse cognosceret, ut error ejus qui ab ipso cœperat, per ipsum emendaretur. Intelligere enim debuit Deum non tali sacrificio delectari, et rogare pro stutitia sua, et aliud offerre quod contra Legem non esset: sed fidem se præstit factus parvicia, cum constet fidem stultam non solum minimè prodesse, sed obesse. In causa itaque filiae suæ ipse mactatus est, unde et Deus a tali sacrificio dissimulavit. Si enim hoc prohibuisset, aliud offerre sibi illum voluisse videretur, cum sciret ut indignum non debere

(a) Questio eadem ex MSS. secundi generis inter post vulgatas Veter. Test. septima.

(b) Haec questio deest in MSS. secundi generis.

illum offerre. Filia autem ejus lucrum fecit: quia enim innocens in malis patris mortua est, poena caruit inferi; quod diu forte vivendo adipisci nequiescit. Ut autem triumphus victoriae Jephite prosequetur, non meritum ejus fecit, neque populi: nec enim legitur supplices illos fuisse Deo, ut daret eis defensorem. Aut numquid ipsum Jephite Dominus misit, aut allocutus est? Sed quia Allophyli deos suos laudabant, quasi qui subjectos illis fecerant filios Israel, vituperantes Deum Abrahæ: idcirco propter honorem nominis sui Deus vindicavit in Allophylos, si non propter istos vel propter meritum Abrahæ et suum culmen. Aut numquid quia spiritus Domini insiliit in Samsonem merecramentem (*Judic. xiv, 6, 19; xv, 14*), dignus dicitur, cum hoc factum intelligatur ad Allopholorum perniciem?

XLIV (a). — Quomodo ostendi posset ex Prophetarum testimonio jam in Novo Testamento a gentibus recepto, promissionem quam Deus Abrahæ fecerat, per Christi adventum esse completam?

Scriptum est in Isaia propheta, *Domus mea domus orationis vocabitur omnibus gentibus* (*Isai. LVI, 7*). Sed forte dicant Judæi, Domus Dei, id est synagoga, omnibus patet. Nec renituntur; ita tamen ut, sicut semper, circumcisi applicentur ad Legem. Lex enim eorum est quia jussi sunt more Abrahæ circumcidisti. Nihil ergo novum hoc exemplo propheta poterit videri; quia ex quacunque gente quis veniens, non est prohibitus adjungere se Legi ab exordio Judæis. Nihil novum a propheta dictum poterit astimari; imo superflue, si semper admissi sunt servire Gentiles Deo Abrahæ, nec aliquando prohibiti inveniuntur. Et verum est, quia subjiciunt se Legi, numquam non suscepti probantur. Si igitur haec ita sunt, superflue videtur admonitus propheta, quod semel traditum custoditum est semper. Et an quis tam hebes poterit inveniri, qui dicat tantum prophetam rem superfluam et inanem locutum? Nescio cui hoc intum sit vel audire et non prohibere. Nam cum Judæis utique populus propter peccata, quæ in Deum delinquentab, ab idolis suffragia requirentes, a Prophetis saepe correpti, pœnitentia iter ingredi nollent, ut reverterentur ad Deum; ad exprobationem illorum domum suam Deus apertum se omnibus gentibus ad orandum significavit, ut abdicatis Judæis, alias in loco illorum positurum se ostenderet. Nam si semper admissæ sunt gentes ad Legem, sicut supra dictum est, quomodo hoc propheta dicebat futurum, nisi quia aliud significavit quam præceptum erat prius? Non enim posset dicere de re quæ quotidie fibat, quia futura erat. Unde manifestum est istud ad necem proficere Judæorum, quibus ostendit propheta, quod alii his amotis vocandi essent, ac receperunt domum gratiæ Dei, quod promissum fuerat Judæis. Quid sit autem promissum, Isaïas propheta docet, dicens, *Veniet ex Sion qui eripit et avertet impietatem ab Jacob; et hoc illis a me testamentum* (*Isai. LIX, 20, 21*). Igitur hoc testamentum est abolitione peccatorum. Illoc est testamentum Novum, quod promissum est per Jeremiā dicente, *Ecce venient dies, dicit Dominus, et consummabo domum Israel et domum Juda Testamentum novum, non secundum Testamentum quod disposui patribus illorum in die, qua apprehendi manum illorum, ut educerem illos de terra Ægypti: quia ipsi non permanescent in Testamento meo, et ego neglexi eos*, dicit Dominus (*Jerem. XXXI, 31, 32*). Ille est prevaricatione illorum, quando simulacrum vituli fecerunt, tunc Testamentum ejus coruperunt. Unde et tabule in quibus data Lex fuerat, sub monte confracte sunt (*Erod. xxxii, 4, 19*), ex eo quod graviora præcepta meruerunt accipere. Sed quia clemens et misericors Deus est, promisit per Prophetas mutare se Legem, ut aliud Testamentum

(a) Adversum Judæos. Haec deest in MSS. secundi generis.

daret, quod differret ab eo quod dederat prius : ut non solum quod grave erat mutaretur, sed et illa quæ in figura data erant, id est, sabbatum et circumcisio : ut quia diu pressi erant, per omnia relevati supplices Deo gratias agerent. Et quia in prævaricatione paterna durantes animos ab idolis avertere noluerunt; gentes cum residuis qui fidem servaverunt, Testamento frni quod futurum dixerat, contestatur : ut dupli modo gravati excrucientur perfidi Judæi. Et ad tempus enim gravati sunt præceptis, et in futurum congruas poenas exsolvent, quia neque in Veteri, neque in Novo Testamento fideles inventi sunt. Novum ergo Testamentum dare se dixit, ut cessaret Vetus, quod datum erat Patribus. Ac per hoc qui in hoc Testamento servit Deo, neque sabbatum, neque neomeniis, neque circumcisionem custodit, neque escarum discretiones; sed tantum Dei habet timorem in fide : quia non ex Legi justificabitur, sed ex fide, dicente Habacuc propheta, *Quia justus ex fide paret* (*Habac. ii, 4*) : ut non utique iam multis utatur præceptis ad Deum promerendum, sed paucis : *Isaia iterum de hoc sensu eadem dicit*; ait enim, *Si fuerit numerus filiorum Israel tanquam arena maris, reliquæ eorum salvæ fient. Verbum enim consummans et brevians in æquitate, quia verbum breviatum faciet Dominus in universo orbe* (*Isai. x, 22, 23*). Reliqui qui in fide promissionis perseveraverint, ceteris diligenteribus, breviatum Legis verbum ostendit : hoc est Novum Testamentum quod promisit. Quod non aliter Testamentum diceretur, nisi simil modo etiam hoc sanguinis testimonio firmaretur; sicut et Testamentum Vetus, ut nomen unum sit utriusque : sed in Veteri multa, in novo autem pauca sint præcepta, sicut promisit. Ut quia Abraham patrem multarum gentium futurum dixerat (*Gen. xvii, 4, 5*), eodem modo justificarentur et filii, sicut fuerat justificatus et pater : ut cessantibus quæ post fidem Abrahæ cooperant, suscipientes fidem per quam justificatus est idem Abraham, filii essent Abrahæ, sicut dictum est a Domino. Quod quidem nec in irum nec inauditum est, ut sine cura sabbati et circumcisione et reliquis hujusmodi mandatis justificantur homines. Nec enim per hoc placuit Deo Enoch, ut transferretur, neque, Noe hoc servando in diluvio solus inventus est justus, neque ipse Abraham postquam circumcisus est, justificatus est : *Creditit, inquit, Abraham Deo, et reputatum est ei ad justitiam* (*Hebr. xi, 5, 7, 8; Rom. iv, 3*). Tunc circumcisus est, ut signum esset in eo, quia creditit cum senior esset, filium se habiturum. Non ergo circumcisionis commendat Abraham, sed fides. Ideoque credentibus sufficit fides ad justificationem, ut filii sint Abrahæ in fide, non in circumcisione, quia his non est opus circumcisione. Non enim creditur, quod creditit Abraham. Judæi autem idcirco jussi sunt circumcidiri, at fidei Abrahæ signum haberent, non suæ fidei, sed ut filii ejus secundum carnem scirentur : si autem credant, erunt filii ejus et in justificatione. Quid enim prodest dici filium potentis eum qui impotens sit, nisi quia magis obest? Dedeceus est enim, incliti et gloriosi filium esse sine honore. Nam in tantum circumcisionis carnis nullius meriti est, ut vindicaturum se dicat Deus per Jeremiā prophetam in omnibus circumcisos præputio, si non fuerint circumcisus corde (*Jerem. iv, 4*). Illi autem non indignatur, qui circumcisionis corde præputiati sunt carne, quia nemo sine cordis circumcisione placuit Deo. Quicumque ergo circumcisioni sunt carne, genus significant Abrahæ iuxta carnem; nam qui circumcisus sunt corde, significant genus Dei secundum fidem, quia circumcisus omni mundano errore Deum profiteretur parentem. Quid ergo prodest carnis circumcisionis, si cum fides defuerit in Judeo, ad meritum Abrahæ pervenire non poterit? Aut quid obest præputium, cun nemo, nisi qui æmulus fuerit fidei Abrahæ, pervenit ad justitiam ejus? Superflue igitur gloriantur de carnis circumcisione, cum videant illam apud

Deum meritum non habere. Et si, sicut est ostensum, melius est fidem habere, quam circumcisionem, meilleores sunt Gentiles Judæis; quia isti fidem habent, Judæi circumcisionem. Et quos putas magis agnoscet filios Abraham; qui juxta carnem similes illi sunt, an qui in fide? Sed Abrahæ fides testimonium perhibet, Ac per hoc non in carne, sed in fide gloriat. Ideoque istos in filios suscepit, quos videt imitatores esse gloriae sue. Quomodo enim illos potest appellare filios, a quibus videt abhorrire unde placet ut Deo et justificatus est? Non ergo filios suos, sed inimicos poterit judicare. Invidi enim ejus videntur spernentes fidem, per quam glorificatus est. Nec mirum si Judæi dissidentes deprehendantur minime suscipientes Novum Testamentum, cum sciamus illos nec in Veteri fuisse fideles. Semper enim contra Deum rebellies et contumeliosi fuerunt, unde talia præcepta accepérunt, per quæ cervices illorum, quæ inflexibles erant, premerentur. Nunquam enim bona de Deo sperare voluerunt, cuius tanta beneficia et virtutes tam mirandas agnoverant. Hinc est unde inter cetera dicit Ezechiel propheta, *Levavi manum meam in deserto inter eos, ut dispergerentur inter gentes, et disseminarentur in regionibus, eo quod justificationes meas non fecerunt, et præcepta mea repulerunt*. Et in subjectis, *Ego dedi illis præcepta non bona, et justificationes meas, in quibus non vivent in eis* (*Ezech. xx, 23-25*). Ostendit qua causa data sint illis præcepta tanta et tam aspera, ut quia ingrati tantis bonis extiterunt, dictante justitia, præceptis severioribus premerentur. Idcirco non bona ea dixit, cum justa sint : quia non illis ad justificationem proficiunt, sed ad exitium; et poena licet digne illata, patienti tamen bona non est. Post hæc tamen, quia pius est Deus, Novum Testamentum datum se promisit, in quo abbreviatio facta Legis justificaret credentes, sicut justificatus est Abraham : ut cessantibus neomeniis et sabbato et circumcisione et ceteris præceptis, non quæ naturalis legis sunt, id est, homicidium, adulterium, et talia; ita justificantur, sicut Abraham. Renovata enim fide Abrahæ, omnia voluit cessare, ut tale tempus esset, quale fuerat quando credidit Abraham. Sed forte dicant Judæi: Si ea que a Moyse data sunt, cessare dicta sunt per abbreviationem Legis, numquid circumcisione a Moyse data est ut cesseret? Ac per hoc signum patris nostri habemus, quia sumus filii Abrahæ, quod propter testimonium generis cessare non debet. Tempore quidem suo geranda fuit circumcisione, id est, antequam Novum Testamentum daretur, quod promissum erat. At ubi Dei gratia prestante, onera Legis cessare jussa sunt, quid opus est circumcisioni? Idcirco autem nova Lex data est, id est spiritualis, ut cessarent carnalia, et suscipientes eam signum ejus acciperent: ut sicut in Veteri Testamento Abrahæ signum haberunt, ex quo cepit Testamentum Vetus; ita et in Novo signum habent Salvatoris, qui Novi Testamenti constitutore est. Quemadmodum enim ex Abraham Hebrei dicti sunt, sic et ex Christo Christiani dicuntur. Quicumque ergo adhuc Hebrei dicuntur, Novum Testamentum quod promisit Deus, non receperunt, beneficium et misericordiam Dei in irritum deducentes: qui populum sunum jam non hominis nomine volens censerit, sub Filii sui nomine constituere illos dignatus est. Quia igitur audacia dicunt Judæi, non nostra nos lege uti, sed sua; cum dicat David, *Confitebor tibi in gentibus* (*Psal. xvii, 50*); et iterum, *Epulamini, gentes, cum populo ejus?* Et ad Jeremiā prophetam dicit Dominus, *Priusquam te formarem in utero, novi te: et antequam exires de vulva, sanctificavi te; et prophetam in gentibus posui te* (*Jerem. i, 5*). Judaismus certe proprias habet significations: aut enim populus iste in Jacob significatur, aut in Samaria, aut in Jerusalem, aut in Judea, aut in Israel. De gentibus autem apertum est, quia aliter illos significat, quam sunt Judæi. Noster ergo propheta est Jeremias. Quamvis enim in omnibus Propheticis gentes participes domi sui

ostenderit Deus, ad Jeremiam tamen specialiter dicit, quia nobis illum dedit prophetam. Illic enim Novum Testamentum futurum significavit, quod plus gentibus proficeret quam Iudeis, quod nunc declaratum videtur. Cum enim in universa terra Novi Testamenti sit predicatio; tam raro et difficile Iudeus similis inventur, ut omnes Ecclesiae Novi Testamenti, gentium nominentur, sicut dictum erat in Osee propheta, *Vocabo non plebem meam, plebem meam; et non dilectam, dilectam* (*Osee ii, 24; Rom. ix, 25*). Repulsis ergo Iudeis, convocata gentes ea misericordia et gratia, qua vocare dignatus est et Abramam. Nec enim Abraham non vocatus cognovit Dominum. Itaque qui dignatus est Abraham, idem ipse dignatus est gentes. Cur ergo dicunt, Nostra est Lex; cum manifestum sit, dominum Dei omnium esse volentium? Cesset itaque ista usurpatio temeritas, quia gratia Dei communis est omnibus. Quo namque pudore negant Christum nostrum in Lege promissum, cum videant omnia signa in eo, quae Lex futura predixerat? Quia et secundum Abrahā promissionem omnes gentes justificantur, in eum credentes (*Gen. xxii, 18*) ; et secundum Isaiah prophetam de Virgine natus est (*Isai. vii, 14*) in Bethlehem ex tribu Juda, sicut fuit promissum, ex semine David (*Michæl v, 2*); et juxta quod Jeremias prophetavit (*Jerem. xxxi, 31, 32*), Novum Testamentum, quod Deus tunc promiserat futurum, praedicavit; et post omnia signa virtutum ostensa, humiliavit se, secundum dicta Prophetarum; et omnia que predicta sunt, passus, tertia die surrexit, quemadmodum scriptum est in propheta. Et si tempus promissionis requirant, sicut in Daniel propheta ostensus est (*Dan. ix, 24, sqq.*), invenient impletum tempore quo natus et passus est Christus: quia a tempore primi anni Darii regis Persarum usque ad nativitatem ei passionem Domini et excidium Jerusalem, quod factum est per Vespasianum imperii Romani principem, impletæ sunt hebdomadæ septuaginta, quæ sunt anni quadragesima nonaginta, qui computus per regna ei per successores imperii manifestus est. Quomodo etiam a Tertulliano computatum invenitur in libro quem scriptis adversus Iudeos, quod ne ad injuriā ejus proficeret, quia recte computavit, prætermisimus. Et quis ambigat de hoc numero, cum trecenti circiter anni nunc super hunc numerum inveniantur? Impudentis ergo est post tantum superadditum numerum adventum Salvatoris, dicere, Non venit. Sub Apostolis enim, aut tempore quo agebat Dominus inter homines, se poterat occultare malitia contradicens veritati; ut cum omnia signa promissi Christi videret in Salvatore, de tempore tamen ambigere se dicaret, ut persidiam suam celaret. Post autem, cum super promissum numerum superexcere multi anni ceperunt, quæ impudentia est negare venisse, quod etiam et signis et temporibus adimpletum scitur? Nam quando aliquid plenum est, et non superabundat, potest contentiosus aliquis dicere non esse plenum, sed superabundans clauditur os contentioso: ita et Iudei tempore Salvatoris potuerunt dicere, licet per fallaciam, non bene computatum a Darii tempore usque ad Dominum Christum, ut ipse dicatur esse qui promissus est. Fallimur enim in annis et in mensibus et in diebus Imperatorum, et ad liquidum non colligimus. Ubi autem creverint tempora super numerum prescriptum annorum promissi Christi, nulla potest pretendi excusatio, ut non ipse esse Christus dicatur, qui venit, nisi, quod absit, mentitus dicatur esse qui promisit. Quando enim tempus promissionis emensum est, et negatur venisse qui promissus est, quid aliud quam mendacii arguitur qui promisit? Sed veracem esse qui promisit, signa omnia docent, quæ predicta in Christo sunt, et reperta in Christo noscuntur. Judei autem, dum emendare erubescunt, non cogitant futurum iudicium. Nihil enim pejus est, quam si neget quis verum esse, quod intellegit non esse mendacium.

XLV.—(a) Quomodo homo ad imaginem Dei sanctus sit, et utrum ad dominationem, et an mulier quoque?

Faciamus, inquit, *hominem ad imaginem et similitudinem nostram* (*Gen. i, 26*). Hoc quibusdam ex alia parte lectionis intelligendum esse videtur; ex hac videlicet, in qua legimus dixisse Deum, *Venite, descendamus, et confundamus linguas eorum* (*Id. xi, 7*). Quia quantum in superficie videtur, simile est: unius enim vox est, plurali numero loquentis: sed discrepat sensu, quia et dissimilis ratio est. Illic enim de creando homine dicit, quem ad imaginem et similitudinem suam Deus vult creari. Illud autem quod dicit, *Venite, descendamus et confundamus linguas eorum*, ad hoc pertinet, ne se intelligerent homines: unde ad Angelos potest videri locutus Deus, quasi imperator ad exercitum. Communiter enim dicit, quia facturus erat per illos, utpote Creator illorum: ac per hoc, *Confundamus*, inquit, *linguas eorum*. Nam cum dicit, *Faciamus hominem ad imaginem et similitudinem nostram*, non potest dici Angelis locutus; quia non potest dici una esse imago Dei et Angelorum, sicut imperator et comitum. Quia quorum imago est una, non potest dissimilis esse dignitas vel natura. Denique adiecit, *Et fecit*, inquit, *Deus hominem; ad imaginem Dei fecit eum* (*Id. i, 27*): ut Deus dixerit, et Deus fecerit; non alter deus aut differens, sed idem Deus. Quod enim unus ad unum dixit, non aliam naturam significavit, sed personam. Cum enim Deus unus sit, tres tamen personæ sunt: et ideo unus est Deus, quia sive in Filio, sive in Spiritu sancto, Dei unus substantia est; quia non potest non hoc esse, quod de ipsa est, quod ipse est. Dei ergo Patris persona est dicentis, *Faciamus*; Filii vero facientis hominem ad imaginem Dei; sive ad Patris, sive ad saeculum, nihil interest, quia utriusque una imago est. Fecit autem Filius per Spiritum sanctum. Sicut enim Pater per Filium dicitur facere, ita et Filius per Spiritum sanctum, ipso dicente, quia *ego in Spiritu Dei ejicio daemonia* (*Matth. xii, 28*). Igitur una trium imago est; quia sive Pater, sive Filius, sive Spiritus sanctus, unus est Deus. Ac per hoc unus factus est homo ad unius Dei imaginem. In eo autem imago Dei est homo, ut sicut unus est Deus in cælis, ex quo omnia subsistunt spiritualia; ita unus esset in terris homo, ex quo exterius haberent carnalem originem. Aliquis tamen videtur, quia in dominatione Dei imago est factus homo; et quia dicit, *Et dominetur piscium maris, et volutum celi, et totius terræ*: cum non solum viro, sed et mulieri ista cernantur subjecta, quam constat Dei imaginem non habere. Quod quidem duplice modo caret ratione: per hoc enim neque ad Filium dixisse Deus assentitur, *Faciamus hominem ad imaginem et similitudinem nostram*, sed ad dominationes coelestes, quas Apostolus commemorat, si imaginem Dei homo in dominatione habet; et mulieri datur, ut et ipsa imago Dei sit, quod absurdum est. Quomodo enim potest de muliere dici, quia imago Dei est, quam constat dominio viri subjectam, et nullam auctoritatem habere? Nec docere enim potest, nec testis esse, neque fidem dicere, neque judicare: quanto magis non potest imperare?

XLVI (b).—Utrum Samuel fuerit de filiis Aaron, et utrum sacerdos fuisse existimandas sit?

Sunt quidam inter nos, qui partim negotiis saecularibus occupati, partim minus studiosi circa Scripturas sacras, errorem patiuntur, putantes Samuelem sacerdotem fuisse, id est, ex Aaron habere originem: ex cuius progenie constituit Dominus Deus nasci, non fieri sacerdotes. Nec aliqui preter filios ejus concessum est, ut poneret in altare incensum. Ex quibus aliqui plus errantes, negant quidem Samuelem de genere fuisse Aaron; hoc est, non illum dicunt ha-

(a) Haec quæstio deest in MSS. secundi generis.

(b) Haec quæstio deest in MSS. secundi generis.

um sacerdotem, et nihilominus sacerdotio illum asserunt functum. Quibus prius respondendum est. Peius enim est negare Samuelem natum fuisse sacerdotem, et tamen asserere illum functum esse sacerdotio, quam dicere sacerdotem illum fuisse ex filiis Aaron. Hic enim ignorantia est, illic stultitia. Cum enim didicerint, qui illum putant natum sacerdotem, ex filiis Aaron non esse; manifestum habebunt non illum fuisse sacerdotem: ignari quia non licuit agere alicui sacerdotium, nisi ei qui esset ex semine Aaron. Comptum enim habent; manifestum est enim, quod Choræ cum non esset ex filiis Aaron, et voluisset super altare imponere incensum, hiatus terræ absensus est cum sociis suis (*Num. vii. 1-34*). Et Ozias rex, cum non utique esset ex semine Aaron, sed ex tribu Iudeæ, et præsumpsisset agere sacerdotium, stans ante altare, percussus lepra in fronte est, et sic expiravit (*II Paral. xxvi. 16-21*). Illi autem, qui dicunt Samuelem non natum esse sacerdotem, et nihilominus egisse illum asserunt sacerdotium, satis stultum est quod dicunt: et stulto suadere quod honum est, laboris est maximus. Quanta enim hebetudine ducitur, et sole apparente super terram, dicant quia nox est? Cum enim legant, et non uno loco legant, hoc a Deo esse decretum, ut nemo auderet sacerdotium agere præter Aaron et filios ejus, obstinata mente contendunt, sacerdotem fuisse Samuelem: non enim intelligent, quia si natus sacerdos non est Samuel, et sacerdotium egit, præsumptor dicitur: quia hoc Deus statuit, ut nascerentur, non fierent sacerdotes. Et de Samuele hoc sentire puto tutum non esse. Quomodo enim posset fieri, ut vir laudabilis et Dei testimonio commendatus hoc ageret, quod inconcessum sciebat? Cujus etiam presumptionis vindictam pro certo habebat semel et iterum factam. Neque enim Dei iudicio potuit ad hoc aspirare, quem immutabilem sciebat: a quo, si forte hoc audisset, tentari se potius credisset, sciendo Deum nullo modo sententiam suam posse rescindere. Posset enim magis sub Dei apparenzia et nomine id agi secum credere, ut circumveniretur a parte adversa, quam judicium suum Deum posse mutare. Denique cum Balaam prohibitus fuissest a Deo, ne iret ad Balacem, et postea iterum requisisset, an iret; indignatus ei Deus, ex ore asinæ corripuit eum: quia prohibentem angelum videns asina, ceptum iter implere solebat (*Num. xxii. 28*), Balaam vero, prohibente Deo ne iret, iterum interrogans, an ire illum vellat; sic de Deo quasi de homine judicavit, qui per id quod impræsciens est, varius et mutabilis est. Sed Balaam nullo divino testimonio commendatur; erat enim harioles. Samuel autem vir Deo charus, et judiciorum ejus sciens fixam esse sententiam, quonodo aliud fieri debere crederet, quam sciebat a Deo esse constitutum? Sed Heli, inquit, mortuo, et filiis ejus sacerdotibus, Samuel cœpit agere sacerdotium. Quod nec lectio docet, nec ratio admittit. Ille enim dicentes, nullum putant tene fuisse, qui ageret sacerdotium, ut his tribus mortuis, nisi Samuel populi munera obtulisset, sacerdotium agi desisset. Quæ asseveratio est Dei inimica. His enim Deus improvidus judicatur quasi nescius, cum id statuit, quod permanere non possit. Utquid enim nulli alii quam filii Aaron sacerdotium agere usque in saeculum statuit, hoc est, usque ad tempora adventus Christi, si hoc deficerere sciebat? Si autem nescivit, quod absit, improvidus fuit: et ideo fieri potuit, ut nec Samuel fuerit, illis deficientibus, sacerdos. Si autem providus et præcious Deus est, permansit quod statuit: et si permansit quod statuit, Samuel non egit sacerdotium, qui Dei non erat sacerdos. In Veteri enim Legi nasci decrevit Deus sacerdotes, in Nova vero fieri Dominus jussit sacerdotes. Eligant nunc unum e duobus; aut natum probent Samuelem sacerdotem, aut factum. Sed consentiunt non illum natum esse sacerdotem, quia sciunt illum non esse ex filiis Aaron. Si ergo natus non est sacerdos Samuel, factus autem non legitur, nec probatur, quia nec statuerat Deus fieri sa-

cerdotes; in absoluto est, Samuelem minime fuisse sacerdotem. Sed contradictores clausis oculis, Si sacerdos, inquit, non fuit, vicem tamen egit sacerdotis; quoniam legitur Deo sacrificium obtulisse. Quis audeat negare quod scriptum probatur (*I Reg. vii. 9*)? Obtulit enim Deo sacrificium Samuel, sed non inde vicem sacerdotis egisse cognoscitur. Ipse enim semper dicitur offerre, cuius oblationes sunt, quas super altare imponit sacerdos. Et Saül obtulit hoc utique generi, id est, per sacerdotem, sicut et nunc offertur; et David obtulit, et Salomon obtulit, et cæteri similiiter obtulerint: numquid omnes vicem sacerdotis egerunt? Quanvis enim proprio sacerdos fungatur officio, ille tamen offerre dicitur, cuius nomine agit sacerdos. Ipsi enim imputatur, cuius munera offeruntur. Et qui non fuit sacerdos, quomodo vicem agere poterat sacerdotis? Numquid diaconus potest vicem gerere sacerdotis? Praefectus etenim potest agere vicem praefecti, et prætor prætoris; non tamen privatus potest agere vicem potestatis alicuius: quanto magis sacerdotis vicem agere non potest, qui non est sacerdos? Quo enim consilio ad hoc aspirare audeat, quod sibi scit non licere? Nam si sacerdos alicubi desit, potest alterius loci sacerdos rogatus venire, et vicem ejus agere; non tamen propheta, quanvis sanctæ vite sit, agere potest quod scit sibi minime esse concessum. Aliud enim est bene vivere, et aliud potestatem alicuius officii accipere. Sicut enim qui sacerdos est, non ex eo vitam suam commendataam putare debet; ita et qui sanctæ conversationis et vite est, non jam ex eo sibi sacerdotium vindicare debet. Quanvis enim bonum sit sacerdotium, tamen malum erit ei, cui concessum non est, et præsumit. Nam si respiciamus quod scriptum est de sancto Samuele, videbimus quale testimonium det ei Scriptura, dicens, *Et innotuit, inquit, omni populo, quoniam fidelis est Samuel propheta Domino* (*Id. iii. 20*). Et in Psalmo, *Fiant, inquit, Moyses et Aaron in sacerdotes ejus, et Samuel inter eos qui invocant nomen ejus* (*Psal. xcvi. 6*). Quis non advertat ex hac distinctione divisas es-e personas dignitatum causa, ut Moyses et Aaron sacerdotalem dignitatem adepti noscantur; Samuel vero inter prophetas Deo dignus exstitisse habeatur, qui precibus Deum invocabant ad protegendum populum suum, sicut legitur? In tantum autem sacerdotes minime defuisse probantur, ut revocata area ab Allophylis, bajulis Levitis, viri Bethsamis obtulerint Deo sacrificia absente Samuele. Rege autem facto Saüle, Achimaas erat præcepis Heli sacerdotis, qui portabat ephod. Sed hinc, inquit, videtur sacerdos fuisse Samuel, quia vestitus erat ephod. Quasi non hodie diaconi dalmaticis induantur, sicut episcopi. Ephod autem etiam David legimus fuisse indutum, et duplicum ephod (*II Reg. vi. 14*). Samuel autem adhuc puerulus, succinctus erat ephod (*I Reg. ii. 18*): numquid puerulus potuit Deo munera populi offerre? Vides ergo, quia ephod unum quidem nomen est, sed non unam rem semper significat. Sacerdotes enim portabant, non vestiebantur ephod; reges vero et levita Samuel inducebantur ephod. Aliquando ergo vestis, aliquando quasi armariolum¹, quod portabant sacerdotes ad interrogandum Dominum, significatur ephod. Quantum apparel, probatum est Samuelem non sacerdotem, sed prophetam fuisse: nunc his respondeamus, qui ignorantis quia Samuel non est de filiis Aaron sacerdotis, astinamt illum sacerdotem fuisse; nee enim fas erat, ut de origine Aaron descendens, sacerdos non esset. Quos primum volo cognoscere, quia si sacerdos erat Samuel, sine dubio et Illecanæ pater ejus sacerdos fuit: congruum quoque fuerat et filios ejus sacerdotes fuisse: quos, quia sacerdotes non erant, judices illos constituit filii Israel (*Id. viii. 1*), sicut et idem ipse erat Samuel. Sic enim legimus, quia judicavit filios Israel. Illecanæ autem pater Samuelis, propter quod sacerdos non erat, *Ascendebat*,

¹ Ms. Colbert., armariolum

inquit, *ex diebus in dies de civitate sua Ramathaim adorare et sacrificare Deo omnipotenti sabaoth : et ibi erat Heli et duo filii ejus, Ophni et Phinees sacerdotes Domini* (1 Reg. 1, 3). Quid tam apertum, quia veniebat Hæcana offerre munera sua ante Dominum per sacerdotes tempore competenti, secundum quod statuerat Moyses, ut tribus temporibus anni offerrent munera et decimas suas, ubi fuisset arca-Domini et sacerdotes? Quippe cum et duas uxores haberet tempore uno, quod illicitum est sacerdotibus. Erat enim Hæcana ex Levitis, sicut generationum ordo se continet in libro Paralipomenon (*Paralip.* vi, 33). Adhuc enim Levitis: non erant habentes ordinem constitutum ministerii circa sacerdotes et arcum Domini. David enim in regno suo disposuit vices sacerdotibus et Levitis, ut a viginti annis et supra, in Lege autem a viginti quinque annis et supra, inciperent exhibere servititia dominicis exercitiis, ut essent de filiis Aaron, id est de Phinees et Thamar traduce, classes sacerdotum viginti quatuor, que vices suas agerent certis temporibus. Levite autem constituti sunt, qui essent tabernaculi janitores, et qui bajuli arcae Domini, et qui excubias observarent, et qui vasorum essent custodes, et qui promiscuas susciperent oblationes. Et viginti quatuor classes instituta sunt cantantium et citharizantium et musicorum exterorum, ita ut etiam hi, id est, omnes Levite haberent temporum vices: quia necesse erat eos et oīum habere, ut et domorum suarum agerent curam. Et non solum hæc proficiunt ad causam supra dictam, quoniam Samuel non fuit de filiis Aaron; sed et illud quod dicit mater ejus ad Dominum, quia Si mihi, inquit, dederis filium, commodeum Domino omnibus diebus vitæ sue (1 Reg. 1, 41). Non hoc diceret, si natus esset sacerdos, oportebat enim illum servire altari; sed quia Levita erat, et adhuc lex Levitis non erat posita, sed unusquisque pro voluntate sua agebat, ita ut oberrantes illicita præsumerent. Jonatha enim filius filii Moysi, cum inter Levitas deputatus esset, sacerdotum agere presumpsit tribui Dan. Ac per hoc legimus in libro Iudicium, *Quia unusquisque, inquit, placita sibi faciebat, eo quod non esset rex in Israel* (Judic. xvii, 6). Idcirco vovit Anna dicens, *Commido eum Domino : ne cum ceteris oberraret*. Et ut plenius quæstio discuti possit, etiam illud tractemus, quod dictum est de Hæcana, quia veniebat ex diebus in dies offerre munera sua, et decimas: quomodo decimas offerebat, qui nihil possidebat? Levite enim non accepérunt agros; quia de decimis, quæ a plebe dantur, victum querrebant. Sed potest fieri, et sic datur intelligi, quia potuit habere possessionem uxoris suæ, aut emplam: quia de aliis tribibus accipiebant uxores, non solum hi, sed et ceteri; ita ut et sacerdotes acciperent de aliis tribibus uxores. Nam Joia de sacerdos magnus uxorem duxit de tribu Juda filiam regis Joram (II Paral. xxii, 11).

XLVII (a). — Quomodo hoc quod in Isaia dicitur, *Et apprehendent septem mulieres*, etc. (Isai. iv, 1), septem Ecclesiæ significent?

Et apprehendent, inquit, *septem mulieres unum hominem, dicentes, Panem nostrum manducabimus, et vestimentis nostris operiemur: verumtamen invocetur super nos nomen tuum, aufer opprobrium nostrum*. In absoluto est, per septem mulieres septem Ecclesiæ esse significatas: quamvis enim una sit, sed septiformis dicitur, ut corpus unum septemplici numero constet membrorum: non solum enim nos, sed et superni cives Ecclesiæ membra sunt, cuius caput Christus est (Ephes. v, 23). Sive igitur una, sive septem dicantur Ecclesiæ, non discrepat. Una enim dicitur, quia unum habet caput, quod est Christus; septem autem ideo, quia sicut membra diversa sunt; ita et potentiae spirituales, inter quas et nos depatimur, diverse sunt virtutes, propter quod et aeri.e¹

dicuntur. Idcirco enim diversæ sunt, ut non omnia singulae possint, sed simul omnes corpus sint Christi: quia ipse est caput corporis Ecclesiæ (*Coloss.* i, 18), ex quo totum corpus subsistit, id est ex quo omnia in cœlis et in terra habeant originem. In hac ergo quæ in terris est Ecclesia, omnium Ecclesiæ facta est mentio: quia cum huic sacramentum Creatoris prædicatur, etiam cœlestibus hujusmodi intimatur doctrina. Inferioribus enim cum insinuatur, necesse est ut audiant et superni. Unde Apostolus, Mihi, inquit, minimo omnium sanctorum data est hac gratia, inter gentes evangelizare incomprehensibiles divitias Christi, et illuminare omnes, quæ sit dispositio ministerii absconditi a sæculis in Deo, qui universa creavit, ut innosceret principibus et potestatibus in cœlestibus per Ecclesiam multiformis sapientia Dei (*Ibid.* 23, sqq.). Per hanc ergo Ecclesiam superni docentur, quia *Veritas*, ait, *de terra orta est* (Psalm. LXXXIV, 12). Ut enim mentio superiorum fiat, hic septem Ecclesiæ nuncupantur in una plebe, quas septem Ecclesiæ supplices propheta inducit Salvatori factio homini. Intellexerunt enī ad hoc natum esse Christum, ut auferret opprobrium, primum quidem sub Lege sua agentium, deinde ceterorum. Habant autem in memoria, scriptum esse, *Veniet ex Sion qui eripiat et avertat impietatem ab Jacob* (Isai. lxx, 20). Ille ergo septem Ecclesiæ apprehenderunt hominem unum, id est, natum Christum, dicentes, *Panem nostrum manducabimus, et vestimentis nostris operiemur: verumtamen invocetur nomen tuum super nos, aufer opprobrium nostrum*. Quid est hoc quod precantur? Si enim pane proprio utuntur, et vestimentis suis induuntur, id est, et vivunt, et nudus non sunt, quid eis deest? Si enim panis ad vitam significatur, et vestitus ad Dei inductionem¹, quia qui sine Deo est, nudus dicitur; unde Apostolus, *Qui in Christo, ait, baptizati estis, Christum induistis* (Galat. iii, 27); et iterum, *Si expoliati, inquit, non nudi inveniamur* (II Cor. v, 3); quid est quod poscent ut auferatur ab eis opprobrium; nisi quia hic populus significatur in septem Ecclesiæ numero, qui sub Lege agens Christum exspectabat promissum ad abolendam peccata? Ideo dicunt, *Panem nostrum manducabimus*, hoc est, verbis Legis quæ unum tradunt Deum, pascentur: quia non in pane tantum vivit homo, sed in omni verbo Dei (Deut. viii, 5; Matth. iv, 4). *Et vestimentis nostris operiemur*, id est, Creatoris nostri nomine censemur: quia hoc unusquisque indutus dicitur, quod et est et prolitetur. Denique senatorès vel officiales ex vestibus intelliguntur quid sint. Sed quia hæc satis non faciunt ad Deum promerendum, hoc etiam statuit, ut per sacramentum cognitionis unius Dei, heres esset homo regni cœlorum. Per fidem enim peccatis ablatus, et a morte secunda (quæ ex sententia data in Adam, homines apud inferos detinebat) alienus, nullo detinente, pergit in paradisum Dei Patris, in quo dixit latroni Dominus, quod secum esset futurus (Luc. xxiii, 43). Quamvis enim populus supradictus, qui per septem Ecclesiæ significatus est, sub Dei lege esset, et devotione tam proprii², quam paterni delicti, *Quia omnes*, inquit, *peccaverunt, et egent gloria Dei* (Rom. iii, 23); idcirco orant supra memorata Ecclesiæ, ut auferatur opprobrium earum invocatione nominis Christi: quia qui signum ejus habent quo vicit mortem, ab inimico teneri non possunt. Et non solum istæ Ecclesiæ Christi nomen super se invocari precantur, sed et supernæ spirituales in cœlestibus degentes. Quanquam enim spirituales sint et cœlestes potentiae, opprobrio tamen subjacent, si a Creatore suo fuerint alienæ, et nec membra erunt corporis, quæ caput suum non cognoscentes oberrant. Et quia aliud non est quam explanavimus, in subjectis propheta testatur dicens, *In illa autem die illuminabil Deus in consilio super ter-*

¹ Ms. Colbert., *egere.*

(a) Hæc quæstio deest in MSS. secundi generis.

² Ms. Colbert., *devotionem.*

² Ms. Colbert., *et devotione a mundi ipsius origine in-duebatur tunc purificatione tan propria, etc.*

rum. Et adjecit. Quoniam abscondit Dominus, inquit, sordes filiorum et filiarum, et sanguinem purgabit de medio eorum (Isai. iv, 2, sec. LX). Quid tam evidens, quam in illo die, id est quo promissum Dei adimpletum est, et fidei sacramentum declaratum est hominibus, illuminati sunt, ut per Creatoris cognitionem purificati, qui rei fuerant mortis, fierent aeternae vite heredes? Promiscue igitur propheta locutus est, ut

omnes dono Dei indigere significaret, ut sive peccatores, sive justi, Dei misericordiam expectasse noscerentur: peccatores propter delicta propria, ut de fauclibus mortis eriperentur; justi vero paterno absoluti peccato, deleta sententia data in Adam, per quam cuncti tenebantur a morte, libertate accepta Dei regnum intrarent, facti jam non servi, sed filii Dei.

QUÆSTIONES EX NOVO TESTAMENTO.



XLVIII. — Deus certe perfectio est et nullius egens; quid ergo opus fuit Christo Salvatori ut nasceretur de Deo, et Filium haberet Deus per quem omnia faceret?

Cum ea que non erant Deus voluisse existere, et maiestatis suæ, minime hoc condignum opus sciret; prius de se, cum sit natura simplex et incorporeus, Filium generavit¹, qui nihil ab eo distaret, ut magnitudini sue congruus responderet effectus. Quid enim ultra posset facere, quam ut ex se alterum, qui perfectus est, generaret? Hoc ergo perfectum opus est, quo nihil possit aliud videri praestantius. [Cetera enim omnia minora sunt: quanto enim excellentior his omnibus Christus est, tanto magis creatio illorum inferior est generatione ejus. Est et aliud²:] Deus enim ex quo sunt omnia, volens condere creaturam, Verbum prius quod in mysterio apud se habebat, generavit, hoc est fecit existere. Quod Verbum idcirco Filium noncupavit, ut ostenderet de se illum exstisset, et esse sibi consubstantivum: ut lex, qua filii de parentibus sunt, hoc credibile ficeret, per quod manifestaret creaturae mysterium, quod latuit in eo ex aeterno.

XLIX. — Cur Salvator cum sanctus natus sit, et Christus Dominus in ipsa nativitate appellatus, baptizatus est; cum baptismus purificationis causa sit, et peccati (Luc. ii, 11; Matth. iii, 16)?

Venit et manifestum est Salvatorem non egnisse baptismi; quia Christus non factus sed natus est, dicente angelo pastoriis, *Ecce natus est vobis hodie Salvator, qui est Christus Dominus*. Denique sciens Joannes sanctitatem ejus, prohibuit eum a baptismo: Salvator vero instituit fieri oportere; non utique propter peccatum suum, sed propter implendam justitiam. Dignum enim erat, ut ipse exemplo esset futuris filiis Dei qui per Baptismum filios Dei fieri docebat: et qui credentibus Spiritum sanctum a Deo dari promittebat, debuit istud in semetipsa visibiliter demonstrare, quo comperto credentes invisibiliter se posse Spiritum sanctum habere sperarent. Nam Salvator utique, cum de Spiritu sancto nascetur, purificatum corpus habuit. Unctio enim carni ejus spiritualiter in utero Virginis data est. Spiritus enim sanctus purificavit quod de Maria virgine in corpus Salvatoris profecit: et haec est unctio carnis corporis Salvatoris. Quare et natus Christus est appellatus. Quod enim per oleum unctionem praestabat Deus ministerio Prophetarum iis, qui in reges ungebantur, hoc præstavit Spiritus sanctus homini Christo, addita expiatione. Quia anteriores Christi solam potestatem imperii accipiebant per unctionem; Salvator autem et potestatem accepit homo natus, et purificatus est natus. Incongruum enim erat, ut Dei Filius in corpore peccatis subditio nascereatur. Hominis ergo causam suscitare.

¹ In MSS. secundi generis additur, *in quo ipse videretur.*

² Haec quæ uncis includuntur, omitt. in MSS. secundi generis; postque verbum, *generavit*, sic terminatur quæstio: *per quem faceret quæ facta sunt, ut ostenderet creaturae mysterium, quod latuit in illo ex aeternis, sicut dicit Apostolus.*

piens, et per regenerationem filios Dei fieri docens, baptizari debuit, ut in se hoc ostenderet ratum. Facile enim probatum habetur et suadetur quod dicitur, si a magistro fieri videatur: sic utique et virtutum insignia oportuit fieri, ut jam Filius Dei apparet, per mysterium regenerationis medelam daret corporis passionibus, ut exemplo esset futuris fratribus, quia per regenerationem accipit unusquisque potestatem virtutis.

L. — Si ideo Salvator baptizatus est, ut exemplo esset; quare circumcisus, cæteros prohibuit circumcidere?

Circumcisio præteriti temporis mandatum est, quam usque ad Christum oportuit habere auctoritatem, ut tamdiu curreret, quandiu Christus nasceretur promissus Abrahæ, ut de cetero cessaret circumcisionis, promissione impleta. In figura enim Christi Isaac promissus est. Dixit enim ei Deus, *In semine tuo benedicentur omnes gentes* (Gen. xxii, 18): quod est Christus. Fides enim, quam Abraham accepert, restaurata a Christo est, ut in semine Abraham, quod est Christus, omnes gentes benedicentur, sicut promissum fuerat Abrahæ. Circumcisio itaque signum fuit promissi Filii Dei, id est Christi; quo nato cessare oportuit signum promissionis: ita tamen ut ipse promissus adveniens signum patris acciperet, ut sciretur is esse, qui promissus fuerat omnes gentes justificare per fidem in circumcisione cordis. Quia enim patri Abrahæ carnaliter nascentis filii signaculum circumcisionis corporale fuit; ita et eorum qui spiritualliter nascentur, spirituale signum est circumcisionis cordis: id quoque recte post Christum non adhuc oportuit carnaliter circumcidere.

(a) Circumcisio usque ad Christum indulta est; Abraham autem circumcisionem in Christo promisso accepit, ut tamdiu circumcisione curreret, quandiu Christus nasceretur promissus Abrahæ, qui omnes gentes justificaret per fidem, sicut fuerat justificatus Abraham. Ideo debuit circumcidere, ut ipse probaretur esse qui promissus Abrahæ esset: ita ut de cetero circumcisione cessaret, impleta promissione. Baptismus autem non debuit cessare, quia forma renascibilitatis est a Christo coepit: non prius data, et usque ad Christum consummata; sed a tempore Christi incipiens et cursum suum tenens usque ad consummationem mundi.

Ll. — Quomodo intelligatur, quod dicenti Mariam ad angelum, *Et unde hoc sciam, quia virum non cognosco?* respondit Gabriel angelus, *Spiritus sanctus superveniet in te, et virtus Altissimi obumbrabit tibi* (Luc. i, 34, 35)?

Ambigenti Marie de conceptu, possibilitatem angelus predicat, dicens, *Spiritus sanctus superveniet in te*; hoc est, Ne dubites, quia virum nescis: quod enim dixi quia concipies, Spiritus sanctus supervenient in te, operabitur ut concipias sine viro. *Et virtus Altissimi, inquit, obumbrabit tibi.* Altissimi virtus

(a) Quæstio cadem ex MSS. secundi generis, inter postvulgatas ex Novo Test. ordine vigesima secunda.

(Soixante-onze.)

sine dubio Christus est : hoc enim ad ipsius personam pertinet. Supervenientis ergo Spiritus sanctus in Virginem, sanctificavit eam opere suo efficiens corpus sanctum ex ea, in quo Virtus quæ dicitur Dei Filius, nascetur. Cujus obumbratio in Virginem hæc est, ut in immensitate divinitatis aliquid esset in utero Virginis, quantum posset capere natura humana, quod quasi ex splendore obumbratio diceretur, virtus Dei esset (*a*) ; que Dei virtus, necon et Deus. Nihil enim de Deo est, quod non dicatur Deus. Nam hoc corporeum est, ut sit in carne aliquid et caro dici non possit, ut pili, et ossa, et nervi et cetera.

(b) Ambigenti Marie de conceptu, etc. Virtus Altissimi sine dubio Christus est. Ad ipsius enim personam pertinet dictum hoc; signum enim Filii Dei, hoc est cum dicitur, Virtus Dei. Juxta divinitatem vero et Pater virtus est, et sanctus Spiritus virtus est, et trium horum una virtus, quia una substantia est. Spiritus sanctus ergo carnem ex Virgine fecit Salvatori : virtus Altissimi autem, id est Christus, obumbravit eam veniens in carnem factam a Spiritu, ut in corpore et anima lateret Filii virtus. Latere autem ejus, est ad tempus non intelligi. Obumbratio autem quid penitus intelligatur, considerandum est. Vis autem hujus verbi si exprimatur, obumbratio virtutis Dei, impeditio aliqua intelligitur, ut dum obumbratio corpus, aliquid sumere ex Dei virtute digneatur. Hoc autem aliquid totum est, quia non potest partiri divinitas. Sequitur itaque, *Propterea et quod nascetur ex te sanctum, vocabitur Filius Dei.* Quod enim de Spiritu sancto natum est, in se habens obumbrationem virtutis Dei, quæ est Filius Dei, sine dubio sanctum natum est, id est corpus Filii Dei. Sancti enim corpus sanctum est. Sanctus ergo Filius Dei in sancto corpore natus est. Sic etenim de carne Christi dixit David, *Non dubis sanctum tuum videre corruptionem* (*Psalm. xvii, 9*) : ut in corpore sancto ipse significetur.

LII. — Si de Spiritu sancto natus est Christus, id est effectu ejus ex Maria caro factus, cur dictum est, *Sapientia, quæ utique Christus est, adiuvavit sibi dominum* (*Prov. ix, 1*)?

Quæstio ista gemina ratione potest intelligi. Primum enim dominus Christi Ecclesia est, quam adiuvavit sibi sanguine suo. Deinde etiam potest et corpus ejus dici dominus ipsius, sicut dicitur et templum ejus. Si enim propter habitationem dicitur templum Dei, non absurde dicitur et dominus, sicut legimus in Lege. Sed si effectu Spiritus sancti factum est corpus, et dominum posse dici arbitramur, quare ad personam Christi relatum est, queritur. Factum Fili, factum Patris est, quia utriusque una virtus est. Simili modo etiam factum Spiritus sancti, factum Filii Dei est, propter naturæ et voluntatis unitatem. Sive enim Pater faciat, sive Filius, sive Spiritus sanctus, Trinitas est quæ operatur : et quid quid Tres fecerint, Dei unius est operatio.

(c) Factum Fili, factum Patris est ; quia una virtus Patris et Filii est. Sic factum Spiritus sancti, factum Christi est ; quia de ipsius accepit. Secundum personam ergo effectu Spiritus sancti Christus caro factus est, id est homo natus : secundum divinitatem autem Christus operatus est in Virginie, ut fieret caro. Quia Spiritus sancti et Christi una divinitas est ; ac per hoc opus Spiritus sancti, opus Christi est.

LIII. — Si omnia ratione facta sunt, quid est ut octavo calendaris januarias Salvator natus esse dicatur ?

Nemo sic poterit hebetari, ut neget omnia facere Deum cum ratione. Ideo ergo Christus descendens de sacris sedibus ad salutem mundo tribuendam, ut

(a) Forte, obumbratio diceretur virtutis Dei, essetque Dei virtus.

(b) Quæstio eadem ex MSS. secundi generis, inter post vulgarias ex Novo Test. ordine trigesima octava.

(c) Quæstio eadem ex MSS. secundi generis.

etiam mundum ipsum, et tempora a se instituta doceret ; tunc nasci homo voluit, ad diminutionem humani generis augmentandam in Deum, quando ex magna diminutione lux quæ dies est, clementum incipit accipere : ut tempus nativitatis ejus ratione congruat doctrinæ divinæ, quæ ex umbra mortis homines cœpit multiplicare ad vitam.

LIV. — Si ex semine David Christus Filius Dei factus est secundum carnem, hoc est, natus iam Filius Dei est in utroque, quia sanctus natus est ; quomodo ergo postquam baptizatus est, dictum ei a Domino Deo est, *Tu es filius meus, ego hodie genui te* (*Psalm. ii, 7*)?

Christus Dei Filius ex aeterno est secundum spiritum sanctitatis : juxta carnem vero ex semine David natus est Filius Dei, ut in utroque non factus Dei Filius habeatur, sed natus. Illud autem quod in baptismo audit, mysterii, non sua causa est. Nam hoc omnibus audit qui baptizantur. Ipse autem demonstratur tantummodo, ut ex hoc appareat in homine virtutibus Deus : ceteri vero firmantur, quia ex hoc incipiunt esse filii Dei, cum sanctum accipiunt Spiritum. Quamvis enim sanctum natum sit corpus Domini, non tamen sacramento regenerationis firmatus fuerat homo Christus esse Filius Dei, nisi Spiritum sanctum accepisset, juxta decretum *Fenascibilitatis donum*. Nam et Iudei filii Dei dicti sunt in devotione, non in sacramento quod nunc operatur, ut accepta remissione peccatorum superveniente sancto Spiritu, dicantur filii Dei. Salvator ergo et natus est secundum carnem Filius Dei, et post in mysterio firmatus. Nec enim poterat quod de sancto Spiritu natum est, non de Deo nasci ; sed ut propositum mysterii impleretur, superveniente Spiritu non diminutum est, sed auctum.

(a) Christus Filius Dei secundum spiritum ex aeterno est, juxta carnem autem Dei Filius ex semine David est ex nativitate. Non per baptismum factus, quia de Spiritu sancto natus purificatum corpus habuit. In baptismo autem ideo audit, *Filius meus es tu, ego hodie genui te*, ut ostenderet per mysterium Baptismatis filios Dei fieri. Denique Spiritu descendente et manente in se, audit haec verba ; quia ante acceptum Spiritum sanctum non sunt filii Dei. Audit ergo non sibi, sed nobis, ut in illo disceremus quomodo filii Dei esse possemus. Non enim sibi baptizatus est, sed nobis ; quomodo alio loco ipse Dominus ait, *Non propter me venit haec vox, sed propter vos, ut credatis* (*John. xii, 30*) : ita et hoc factum est, ut forma nobis fieret.

LV. — Quid causæ fuit ut illo tempore crucifigi se permetteret Dominus, quo octavo calenda aprilis Pascha acturi erant Iudei?

Omnia propriis locis et temporibus egit Salvator. Ut enim omnia se voluntate Patris recte condidisse doceret, tunc voluit passione sua mundum redimere et reformatre, quando eum et creaverat ; id est in aquinoctio, unde mundus initium cepit, et dies super noctem increscere. In regno itaque agens Romano, nonnisi octavo calendaris aprilis pati debuit, quando aquinoctium habent Romani. Tunc enim utique primum h.ec pars mundi illuminata est, et ex eo dies coepit clementum accipere. Ideoque et passione Salvatoris tunc a tenebris ad lucem perducta est. Nulla itaque vituperatio auctoris poterit videri, quando lapsam creaturam tunc reformatre quando et fecerat. Nec enim reprehendi poterit rei lapsæ initiationem creationis, cum ad id redeat instauratio. Eadem enim die voluit esse renovationis gaudium, quo fuerat et dedicationis ¹.

LVI. — Quare in Mattheo pater Joseph Jacob scribitur, et in Luca Heli, ut aut duos patres

¹ In MSS. secundi generis ita concluditur : *Ergo mysterium hoc continet ut salus mundo tunc redderetur, quando eam acceperat.*

(a) Quæstio eadem ex MSS. secundi generis, inter post vulgarias ex Novo Test. ordine quadragesima quinta.

habere imperite . descriptus sit, aut certe qui vere pater ejus sit, nesciator (*Math. i, 16; Luc. iii, 23*)?

Non est ambiguum patrem Joseph Jacob fuisse. Ordo enim a David per Salomonem tramitem suum tenens, recto cursu pervenit ad Jacob, cuius filius est Joseph : Heli autem filius Mathat, a David per Nathan filium ejusdem David, ordinem tenet, usque ad tempus quo Salvator advenit¹. Unde singuli Evangeliste a David singulorum fratrum generationum ordinem prosecuti, quasi suream fecerunt, ut Matthaeus a David per Salomonem descenderet ad Joseph; Lucas vero ab Heli, qui tempore fuit Salvatoris, ascendit per traducem Nathan filii David, et utriusque, id est, Heli et Joseph junxit tribum, ostendens unius generis esse utrumque; ut cum Heli sociat Joseph, non discrepare eos in generatione, sed fratres ostendat : ac per hoc non solum ipsius Joseph filium esse Salvatorem, sed et Heli. Ipsa enim ratione, qua ipsius Joseph filius dicitur Salvator, ipsa est et Heli filius, et ceterorum omnium, qui de eadem tribu sunt. Hinc est quod dicit Apostolus, *Quorum patres, et ex quibus Christus secundum carnem* (*Rom. ix, 5*). Divino etenim nutu permotus Lucas est, ut ab Heli per traducem Nathan ascenderet ad David, et per Tharam patrem ejus ascenderet ad Sem filium Noe, et adhuc super diluvium perveniret ad Seth filium Adae, qui redditus est pro Abel : et eadem ratione faceret filium Adae Salvatorem, qua dicebatur filius esse Joseph et Heli. Super Adam autem transcendens, assignaret ante omnem carnem Christum Filium Dei esse. Illud quod quibusdam videtur, quia Heli accepérat uxorem Jacob, quomodo Lex mandavit, ut si quis mortuus fuisset sine filiis, acciperet frater aut propinquus uxorem ejus, et resuscitaret semen fratris sui (*Deut. xxv, 5*); et ita factum, ut Heli generaret Joseph Jacob, cuius uxorem accepérat, et per hoc jungi generationem, ut non immixtus Joseph patrem habere Heli dicatur : hoc nec probable est, nec ad ullam rem proficit. Illud autem quod supra dictum est, et per generationem jungit duos fratres filios unius, et Christum ostendit Filium Dei esse ante omnem generationem. Evangelista enim cum referret, dicens, *Et ipse Jesus erat incipiens fere annorum trintiga, filius sicut putabatur Joseph, qui fuit Heli, id est Jesus filius aestinabatur Joseph* : et non solum Joseph erat filius, sed et Heli. Non quia Joseph filium dicit Heli, sed eodem genere, quo Joseph vocabatur filius e- se Jesus, ita erat etiam filius Heli, propter quod fratrum filii erant Joseph et Heli, id est Salomonis et Nathan filiorum David, ut per David ascendens ad Abraham et Noe et Seth, et ad ipsum Adam, et super Adam, doceat esse Christum Filium Dei. Cum enim dicit, *Qui fuit filius Seth, qui fuit filius Adae, qui fuit Filius Dei*; Christum utique ita dicit Adae filium, sicut dicebatur filius Joseph. Ait enim Maria ad eum, *Fili, quid fecisti nobis sic?* Etenim ego et pater tuus mortali et tristes quarebanus te (*Luc. ii, 48*). Super Adam auem junxit Christum Patri Deo, ut qui horum, id est ab Adam usque ad Joseph et Heli filius dicebatur, ante istos omnes Dei verus Filius intelligeretur, ad confusione Photini, qui Christum nonnisi ex Maria, nec ante fusse contendit (a). Quorum enim non erat, filius dicebatur; et Dei, cuius Filius verus erat, negabatur. Si enim, quod improbable est, et ad nullam rem proficit, Joseph Heli filius dicatur, secundum quod supra diximus, non dixisse videbitur de Christo, quia fuit Filius Dei, sed de Adam. Per ordinem enim singulorum filiorum patres subjiciendo, venit ad Enos, cuius patrem dicit Seth, patrem autem Seth dicit Adam, Adae vero patrem dicit Deum : et nescio que utilitas sit sic

¹Mss. secundi generis: *ad tempus quo fuit Joseph. Si enim duo filii, id est Joseph et Heli, duorum fratrum, salomonis et nathan, singuli ex singulis fratribus per ordinem generationum suarum pervenerunt ad tempus quo salvator advenit.*

(a) Nihilquoniam deest in Mss. secundi generis.

asseverare. Si autem per ordinem, sicut diximus, singuli patres Christi dicantur, sicut et filius dicebatur Joseph, quia dictum est, *Quorum patres, et ex quibus Christus secundum carnem*; ipso ordine legitur filius esse Seth, et filius Adae. Et super hos unnes assignatur Filius Dei, ut ante ipsos dicatur esse, quorum filius nuncupatur.

LVII. — Quid est hoc ut cum in Malachia propheta scriptum sit, *Ecce mitto Angelum meum ante faciem tuam, qui preparat viam tuam ante te;* Marcus hoc evangelista in Isaia prophetam scriptum asserit (*Malach. iii, 1; Marc. i, 2*)?

Non potuit latere Marcum, quid scriberet : nec enim expers erat lectionis, qui ab infanthia divinis Litteris imbutus, et exercitatus erat in Lege, maximo cum Apostolos sit secutus. Sciens autem omnia ad auctorem referenda dicta, haec ad Isaiam revocavit, qui sensum istum prior intimaverat dicens, *Vox clamantis in deserto: Parate viam Domino, rectas facite semitas Dei nostri* (*Isai. xl, 3*). Denique post verba Malachiae statim subiecit Evangelista dicens, *Vox clamantis in deserto;* ut jungeret verba utriusque prophetie ab unum sensum pertinentia sub prioris prophete persona.

LVIII. — Qua ratione negat se Joannes Christum scisse ante baptismum, cum venienti ei ad baptismum dicat, *Ego u te debeo baptizari, tu uenias ad me* (*Joan. i, 31, 33; Math. iii, 14*)? quomodo ignorabat eum quem prohibuit, humilians se ei?

Tanta sanctitate prædictus est etiam ab ipsis cunabulis Joannes, ut nec falli nec fallere credatur, nec Dominum suum qui eum in utero per Spiritum sanctum illuminaverat nescire : ac per hoc verum est, quia et descendente in eum Spiritu agnivit eum, et priusquam ad baptismum veniret, non ignoravit eum. Sciebat enim eum, sed an ipse es-set, qui donum Dei olim Patribus reponuisse ministratus esset, ne- sciebat : hoc est, quo tunc se didicisse profiteretur, cum vidi in eum Spiritum descendisse. Sic enim se a Deo instructum dicit Joannes, *Super quem, ait, videbis Spiritum descendenter et manentem super eum, ipse est qui baptizat in Spiritu sancto.* Hoc etiam Apostolus contestatur: *Dico enim, inquit, Christum ministrum fuisse circumcisiois propter veritatem Dei, ad confirmandas promissiones Patrum* (*Rom. xv, 8*). Hoc est in quo nesciebat Dominum Joannes: quamvis enim magnificentiam ejus non ignoraret, hoc tamen latuit eum, quia per ipsum fides Abrahæ implenda erat.

LIX. — Si Baptisma ecclæste mysterium est, cur Nicodemus cum de Baptismo dubitanti loquitur Dominus, *Si terrestria, inquit, dixi vobis, et non creditis, quomodo si dixerim vobis ea stia credetis* (*Joan. iii, 12*)?

Qui Baptismum putat carnati ratione consistere, hic non est spiritualis : nec donum ecclæste poterit consequi, qui se non per aquam, sed per fidem immutari non credat. Aqua enim cernitur, sed qui non videtur Spiritus operari, ut fides in eo sit. Quia si- ut sordes corporeas aqua, ita Spiritus animam abluit a peccatis; ut quomodo visibilia visibilibus, ita et spiritualibus prosit Spiritus : ac per hoc spiritualis ratio vertitur in Baptismo. Plus enim est ibi quod auditur, quam quod videtur. Cum hinc ergo Nicodemus carnali instructus ratione dubaret, Sal- valor ut eum ad fidem attraheret exemplo usus est congruo, ut ad rem invisibilem firmandam visible dare exemplum, quod solo auditu consistit, non visu, et non negatur : et est tamen terrenum, quia mundi rem operatur. Ait ergo Dominus ad Nicodemum sua- dendo illi, *Spiritus ubi vult spirat, et vocem ejus audi- dis, et nescis unde veniat vel quo eat.* Sic est omnis qui renascitur ex aqua et Spiritu sancto : ut quomodo vox venientis spiritus, id est, venti, auditur quidem, non autem videtur, sicut dictum est ; sic et ratio Baptismi auditur quod dicatur, tamen quomodo per Spiritum

fit non videtur : auditur tamen cum quid futurum est ab eo qui verba insinuat, prædicatur, ut fieri credatur quod auditor, non tamen ratio facti reddatur. Cum autem nec per exemplum Nicodemus duceretur ad fidem, tunc audivit a Salvatore, *Si terrestria, inquit, dixi vobis, et non creditis; quomodo si dixerim vobis cœlestia, credetis?* Ista verba terrena dixit, que ad exemplum protulit : hoc est, si perrationem terrenam, inquit, exempli dati, spiritus, id est, venti, non creditis posse fieri, quia quomodo fiat, non videtur ; quomodo fieri poterat, ut si darem cœlestia exempla, quæ utique nescitis, crederetis? Potest enim homini suaderi quod nescit, per id quod scit ; ut puta Deus dicit de Christo, quod Filius ejus sit verus, quod quomodo sit, comprehendendi non potest : per id autem quod scimus secundum carnem quomodo sint filii, credimus ideo Deum dixisse, Christus Filius meus est verus, ut de semetipso illum esse significaret. Hoc modo et Salvatorem quod nec verbis nec animo explicari potest, per id quod sensibile est et auribus auditur, voluit commendare ; hoc est per exemplum spiritus qui est ventus, quem et sensibilitas capit et auris audit, sed unde veniat nescit, factum Spiritus sancti, quod capi non potest, voluit sacre credibile. Sed et in Actibus Apostolorum eodem modo legitur : *Et factus est, inquit, subito de cœlo sonus, tanquam adveniens spiritus validi, et repletum totum domum* (Act. ii, 2), etc. Ecce aperte exemplo venti Spiritum sanctum insinuat ita de cœlo advenisse, et sonuisse, quemadmodum validus ventus super terram. Nam et Jeremias ventum spiritum vocat dicens, *Ventus spirat in omni regione*. Qui propterea quod in hoc mundo est, et per diversa circumfert loca, unde veniat, vel quo eat, nescimus. Spiritus autem sanctus de cœlo venit, sicut legimus, ut credentes illuminet. Quomodo ergo quibusdam videtur de Spiritu sancto Salvatorem dixisse, *Spiritus ubi vult spirat, et vocem ejus audis, sed nescis unde veniat, vel quo eat?* cum constet exempli causa locutum hoc Salvatorem. Denique subjecit, *Sic est*, inquit, *omnis qui renatus fuerit ex aqua et Spiritu sancto*. Quid tam apertum, quia spiritum ventum significavit? Sed ideo putant non ventum significatum, quia ait, *Ubi vult spirat* : quasi non omnis creatura, lege sibi posita, remissa sit arbitrio proprio. Et nos enim inus, et facimus quod volumus, agentes sub lege ; quare et rationem præstabimus. Aut possible putatur, et nec stultum videtur ut effectum volens sancti Spiritus insinuare, illum ipsum daret exemplum. Igitur omni genere questionem solutam arbitror.

(a) Quod dixit, *Si terrestria dixi vobis, et non creditis*, non pertinet ad Baptismum ; quia baptismum nostrum scimus esse spirituale, quamvis per aquam celebretur : sed ratio illie vertitur cœlestis. Nec enim aqua purificat, sed invisibiliter et incomprehensibiliter Deus. Pertinet vero ad imitationem dati exempli, id est, ad id quod dixit, *Spiritus ubi vult spirat, et vocem ejus audis, sed nescis unde veniat, vel quo eat*. Per huc enim exemplum ad fidem Nicodemum voluit informare, ut crederet renasci hominem per aquam et Spiritum, non tamen posse capi quomodo fiat : sit enim spiritualiter. Sic enim spiritus, hoc est venti vocem audis, quæ est sonus, sed nescis unde veniat, vel quo eat : sic et cum qui renascitur, quomodo immutetur nescis, tamen quia fit sentis, quia immutationem ipsam sentis. Si enim ventus ubi vult spirat, quanto magis Spiritus qui de Deo est, quem vult sanctificat? Ideo autem dixit, *Ubi vult spirat* ; quia omnis creatura quamvis sub Lege agatur, proprio tamen dmissa est arbitrio. Si quis autem spiritum istum, Spiritum sanctum putat intelligi, non stat : quippe cum exempli causa spiritum istum posuerit, per quem quod dixerat renasci per aquam et Spiritum hominem oportere, et a Nicodemo non cre-

(a) Questio eadem ex MSS. secundi generis, inter post vulgatas ex Novo Test. decima sexta.

debatur, sicut ret. Nam utique aliud est exemplum, et aliud quod firmatur exemplo. Si ergo in exemplum datus est, non est Spiritus sanctus, mundanus qui dicitur ventus. Volens enim rationem spiritualem suadere non credenti Nicodemo, exemplum spiritus dedit, ut per ipsum ratio et operatio sancti Spiritus crederetur. Spiritus tamen sanctus scimus quia de cœlo venit, ut se infundat credentibus, sicut factum legimus inter initia Apostolis, ei sonum tunc vocem appellatum. Ita enim dictum est, *Et subito factus est de cœlo sonus tanquam adveniens spiritus validi*. Ilunc sonum in subjectis vocem appellat. Exemplo enim spiritus, id est venti, Spiritus sancti opera ostendit, ut dictum Salvatoris maneret. Quid enim aliud est cum dicit, *Et factus est de cœlo sonus tanquam adveniens spiritus validi?* Sic utique dixit Spiritum sanctum descendisse et souisse sicut ventus validus. Ilunc ergo spiritum ad exemplum dedit. Denique ait, *Sic est omnis qui renascitur*. Et hic unde veniat nescimus : Spiritus autem sanctus de cœlo venit.

LX. Si lex et Prophetæ usque ad Joannem, quomodo Salvator ad sacerdotes misit offerri munera pro emundatione lepræ (Math. viii, 4; Marc. i, 44; Luc. v, 14)?

Hoc quidem non fuit temporis, sed ad condamnationem factum est Judeorum : ut cum veritatis culmen meliorati temporis non intelligerent ad lucrum salutis sue factum, inclinarerit se veritas ad accusationem eorum. Cum enim velut Legis inimicum haberent Salvatorem, quia misericordiae causa ab onere illos Legis solebat liberare, sicut predictum erat ab Jeremia propheta : ait enim inter cetera, *Et dabo illis testamentum novum, non quale dedi patribus eorum* (Jerem. xxxi, 31, 32) : tunc Salvator, ne inimicus, sicut putabant, appareret, nova predicans, cum qui mundatus fuerat a lepra, ad sacerdotes misit offerre munera pro emundatione sua, sicut præcepérat Moyses (Levit. xiv, 2). Et ut ad accusationem eorum hoc proficeret testaretur, *In testimonium*, inquit, *illis* : ut in iudicio haec res contra illos testis esset, qui Salvatorem inimicum Legis dicebant. Hoc securus est et apostolus Paulus : cum enim predicaret iam non oportere circumcidiri, ipse Timotheum circumcidit propter scandalum Judorum (Act. xvi, 5) : maluit enim rem superfluam facere, quam tumultum excitari a falsis fratribus : quod quideam errori profecit Judeorum. Satis enīc eis factum est ad horam, per quod in perpetuum errarent.

(a) Hoc securus est apostolus Paulus. Cum enim prædicaret iam non oportere circumcidiri quemquam, ipse Timotheum circumcidit, propter scandalum Judeorum. Maluit enim rem superfluam facere, quam imperitis ex quibus aliqui possent salvari, scandalo esse. Dominus autem prope similiter, ut Iudeis, quod de illo opinabantur, auferret (dicebant enim hunc inimicum traditionis Judaicæ), tunc jussit ut leprosus offerret munera pro emundatione sua, sicut præceptum erat a Moyse et subjecit, *In testimonium illis* ; ut haec res testis esset contra illos, quia Salvator non erat Legis inimicus. Factum itaque est quod iam cessare debuerat. Sed quia solet superflua jam non nocere, ideo factum est ut prodesset illis utique, qui male opinabantur, ut satis sibi facerent, quia Salvator non erat Legis inimicus.

LXI. Quid est ut Iudeis discipulos accusantibus, eo quod sabbatum violarent, spicas manibus confriantes et comedentes, Salvator exemplum David præferret, quia manducavit panes, quos non licebat manducare nisi solis sacerdotibus (Math. xii, 1-4)? per quod non videntur excusari, sed simul cum David rei fieri : quippe cum nec sabbatis fecerit hoc David.

Salvator hypocrisim Judeorum multis vult exemplis arguere, majora ostendens admissa in Lege, et nullum ausum fuisse accusare : ut non solum semel

(a) Questio eadem ex MSS. secundi generis, inter post vulgatas ex Novo Test. vigesima octava.

et iterum sabbatum in Lege violatum monstraret, verum etiam sacerdotalem panem ipso sacerdote concedente presumptum illicite; et quod magis est, a sublimi auctoritate Legis sue viris. Primus enim Jesus Nave divino praeceptio sabbatum non servavit; quo facto muri Jericho ultra eccliderunt (*Josue vi, 15-20*). Quantum profuit sabbatum non custodisse, sed fidem? Et Machabri, cum prius caesi fuissent, sabbatis dimicaverunt, et de hostibus triumphaverunt (*I Machab. ii, 58, 41*). Et sacerdotes ut dominicis ceremoniis inservirent, in templo sabbatum contemnabant. David autem jam unctus in regem, postquam Dei virtute intersectum armis expoliavit Allophylum, in itinere positus, necessitatem famis passus, a sacerdote panem accepit (*I Reg. xxii, 6*), quem non illi licet manducare: sed excepta necessitate non licet; licet autem erat, si necessitas exegisset. Denique sacerdos videns necessitatem, non negavit; et David a Deo electus, sine cunctatione accepit: talis causa est et sabbati, quare et c'renunci in sabbato non prohibetur. Haec enim qua periculosa non sunt, sic servanda mandata sunt, ut non obsit, si ex necessitate fuerint admissa: quia non ad salutem, sed ad reverentiam mandata sunt. Illud autem quod omnino non licet, semper non licet, nec aliqua necessitate mitigatur, ut admissum non obsit. Est enim semper illicitum, quod legibus quia criminosum est, prohibetur. Superiora autem illa, quae diximus aliquando licere, talia sunt, qualia jejunia legitima, que in necessitate soluta, non faciunt reos, si stomachi fuerit causa aut infirmitas febrium. Haec igitur scientes, dolose Iudei discipulos accusabant, quasi sabbatum violarent, sicut supra dictum est. Salvator autem non habuit illis de tempore impleta Legis praejudicare, ne plus ad insaniam prosilirent; sed de praeterito, unde sabbatum vindicandum magis putabant, calumniosos illos ostendit: et non solum in sabbati causa, sed etiam in sacerdotali pane confusi sunt, sicut supra ostensum est.

(a) Noluit Salvator de tempore impleti sabbati praejudicare Iudeis. Aperie enim audiens quod verum est, non illos dignos judicavit, utpote infideles: sed de eo illos voluit convincere, quod sibi presumebant, id est de tempore quo adhuc sabbatum robur summi tenere videbatur, cum accusarent discipulos cur sabbatis spicas vellent, et confirantes manibus manducarent, et jam sabbati servandis tempus esset impletum. Praeterni-so hoc ostendit illis, etiam tunc quando sabbati adhuc lex manebat, necessitatis causa sabbatum fuisse violatum: quod enim non licet, fecit David; et quod prohibitum erat fecit Jesus Nave, quando muros Jericho septem diebus armatos jussit circumire; et quod interdictum erat Machabaei gesserunt, sabbatis se defendentes; *Et in templo*, inquit, *sacerdotes sabbatum violant, et sine crimine sunt*. Per haec ergo ostendit, malevolentia magis quam errore accusavit discipulos a Iudeis: quando haec omnia scientes a violentibus sabbatis gesta, et a sanctis quidem, accusabant innocentes. Sic enim mandatum est sabbatum custodiri, nt si necessitas tamen es- et, reus non fieret qui sabbatum violasset. Ideo sabbatis circumdei non est prohibitum, quia necessitas erat ut fieret. Unde et discipuli esurientes spicas vellebant, quod non licet secundum praeteritum tempus, sed necessitate famis factum est licitum: sicut et David fecit quod non licet cum esuriret, et sciens famam hoc excusare. Talis haec causa est, qualis hodie in jejuniis legitimis. Numquid si quis ager jejuniū corruperit, reus constitutus? Non utique, quia non est periculum. Hoc enim aliquando licet, sicut sabbatum apud veteres. Quod enim semper non licet, non habet excusationem necessitatis.

LXII. — Quid est ut occisis filiis Lice, qui erant

(a) Questio eadem ex MSS. secundi generis, inter post vulgatas ex novo Test. ordine vigesima tertia.

ex tribu Iuda, Rachel filios suos plangere dicatur (*Math. ii, 18*)?

Quantum ad historiam pertinet, Rachel filii sunt tribus Benjamin. Porro olim pro maleficiis propriis, operibus scilicet Sodomitarum, et stupro quo in concubinam viri Levite gesserant, a reliquis tribibus extinti et erasi sunt (*Judic. xix, xx*). Quamobrem consolationem recipere velle negatur, sciens nullam spem eorum qui periisse noseuntur. Filii autem Lice in primis annis, in Salvatoris causa occisi sunt. Unde eorum can-am planetui non vult adscribi; quia et innocentes occisi sunt, et propter Deum, a quo sine dubio, mercedis gratia, aeterna vita donati sunt. Quapropter planetum Rachel filii dicit competere, qui et in presenti et in futuro erasi sunt. Illi autem carnaliter planeti, spiritualiter consolati sunt. Filii autem Rachel carnaliter conversati, flammis spirituibus consumuntur. Idecirco autem Lice filii occisis adimpletum planetum Rachelis Evangelista testatur, quia tunc plangere¹ filios suos coepit, quando filios sororis sue in tali causa vident occisos, ut aeternae vite baredes existent. Cui enim aliquid adversum advenit, ex felicitate alterius, infusa sua miseria luget.

LXIII. — Qua ratione Magi chaldaei per stellae apparentiam Christum regem Iudeorum natum intellexerunt, cum stella indice temporalis rex soleat designari (*Math. ii, 1, 2*)?

Hil Magi chaldaei non malevolentia astrorum cursus, sed rerum curiositate speculabantur. Sicut enim datur intelligi, traditionem Balaam sequerantur: qui cum accersitus esset a Balach ad maledicendum populum Dei, divino nuto benedicere coepit. Ex hujus ergo relatione compertum habebant, futurum Dei providentia ex Jacob qui regnaret. Hinc enim, quod non est occultum, prophetavit dicens, *Orietur stella ex Jacob*, etc. (*Num. xxiii, xxiv*). Istam ergo traditionem Magi sectuti, videntes stellam extra ordinem mundi, hanc esse intellexerunt quam Balaam futuram indicem regis Iudeorum prophetaverat. Quod quidem factum contra inimicos religionis est. Inde enim testimonium accepit unde solet improbari. Astrologi enim inimici sunt veritatis.

(a) Hil Magi chaldaei non malevolentia, etc. *Orietur stella ex Jacob*, et exsurget homo de Israel, et confringet duces Moab, et prædabitur omnes filios Seth, et erit Edom haereditus ejus, etc. Haec ergo prophetia est Balaam, non quia fuit propheta, sed Deus causam populi sui egit per illum, non voluntarium sed invitum: sicut prophetasse inveniuntur missi a Saül ad David capiendum, et sicut ipse Saül cum dictum est, *Numquid et Saül inter Prophetas* (*I Reg. xix, 20-24*)? Hinc enim probare volui Deus quanta sit maiestas Dei Iudeorum, qui cum maledicere venerat, convertit, ut bonum illi videretur benedicere populum Dei. Nec enim maledictum ejus poterat timere, cuius cor habebat in potestate. Hunc ergo prophetam hanc intimascollegis suis datur intelligi, qui cum curiosi sunt circa astra, videntes stellam incognitam, et nimia claritate fulgentem, ita ut solem luce superaret (videbatur enim per diem), conferentes inter se, animadverterunt hanc esse stellam quam futuram dixerat Balaam.

LXIV. — Quomodo probatur post tres dies et noctes resurrexisse Salvatorem ex mortuis?

In hac causa si numerum dierum ac noctium per ordinem requiris, effectum intelligentem non habebis. Quia et Moyses quadragesima diebus et quadragesima noctibus jejunavit (*Exod. xxxiv, 28*), et tamen non integer numerus invenitur: quando enim per diem ascendit, et per diem descendit, omnem utique numerum non implevit: sed quia ubi dies est computatur noctis, et ubi noctis est computatur et dies, ut a parte

¹ MSS. secundi generis, *plus plangere*.

(a) Questio eadem ex MSS. secundi generis, inter post vulgatas ex Novo Test. trigesima nona.

ad totum, quadraginta dies et quadraginta noctes dicuntur. Ita est quod dixit Salvator, *Sicut fuit Jonas in ventre ceti tribus diebus et tribus noctibus, ita erit Filius hominis in corde terræ* (*Math. xii, 40*). Et quia tres noctes sunt, tres accipiuntur et dies. Est enim nox ne novum aut contra rationem forte videatur, ut cum nox ex die pendeat: nam ante lucem factam, ex qua appellatus est dies, quam vesperum quod sequitur nox institutum, minime dubitator, quod passio Dominica a nocte sumere asseverant initium, non absurdum est. Nam scit lux, id est dies, imago vitae est; ita nox similitudo mortis est, id est tenebris: sicut in Scripturis evidenter ostenduntur filii lucis, et e contra tenebrarum. Nec mirum si cum ubique dies nocti, et lumen tenebris, hic solum quæ sunt sequentia anterioribus preponantur; vel quod in tali causa rerum ordo confunditur et mutatur, ut ante signavimus. Nam mortis nox magis, quam dies esse videtur. Ideo etenim a nocte initium sumitur, quia non aliter principi tenebrarum nisi per noctem potuit subintrari, id est non potuit vinci: et ut aliquatenus Dominus lucis, id est aeternæ vite, principi tenebrarum sive mortis subjectus esset ad tempus; quatenus et præteritos et post futuros a morte liberaret. Nam non esset mors penitus evanescuta, nec unquam tenebrarum caligo discessi, si Dominum non vidisset subintrantem. Et enim tanta luce secretum mortis, in quo dominabatur, evanuit, nec penitus vinci potest, nisi qui vel per sua vel in suis capit. Recete ergo in tali negotio tantummodo nox obtinet principatum, ita ut amitteret potestatem: et ut Iudei non credentes in perpetua nocte remaneant, nec auctor dies tanti sceleris, immo sacrilegii, sed nox fieret, præcedenti nocti contra rerum seriem subditur dies, sicut Deus et Dominus omnium rerum principi nefariae mortis, ut omnes a mortis laqueis explicaret. Quod si cui adhuc forte videatur esse contrarium, diligenter advertat ne incipiat illud durius aestimare, quod Deus se personam induens servi, non dicam hominis, morti dederit. Quid ergo hic et ordinem queris, ubi omnia video esse contraria? Quæ est enim lux quæ fuit in tenebris, et tenebrae eam non comprehendenderunt (*Joan. i, 5*)? Dominus lucis, qui et comprehensus est. Qui enim scit se ad hoc comprehendendi ut feriatur, tempus illud in mortem computat. Est et dies sequens qua auditus et crucifixus est. Est et nox quæ cadit in sabbatum, est et ipsum sabbatum. Est etiam vesper post sabbatum, hoc est quod Iudeis a Moysi præceptum est in figura, ut vespera intrarent in sabbatum, in quo Dominus resurrexit: qui complectitur diem dominicum; quia nox non computatur sine die, neque dies sine nocte. Hac ratione, post tres dies et post tres noctes Dominus resurrexit.

(a) Præciosus Salvator omnium quæ in se futura erant, haec protestans est, certus ad hoc se a Iudeis comprehendi ut occideretur, se quoque impatiat illorum non repugnaturum, cum posset utique eos illudere: quippe cum propterea jam detentus, aurem servi principis sacerdotum, quam productio gladio abscederat Petrus apostolus, reddidit; ut se ostenderet non insirmite humiliatum, sed providentia quadam voluntati illorum cessisse ad tempus, ut per hoc regnum inferni destrueret. Improvidus enim diabolus sensibus se Iudeorum immersit, ut eos ad necem Salvatoris incenderet, quasi sibi profasset, si hic qui viam veritatis ostenderet, tolleretur de vita: nesciens futurum adversum se. Cum enim peccati causa de captivitate hominis triumpharet, inventus ipse reus per id quod Christum innocentem occidit, ut eum qui peccatum nesciebat, inter peccatores teneret; ita factum est, ut etiam illos quos jure in infernis tenebat, amitteret. Igitur horum præciosus Salvator, noctem qua comprehensus est, simul computavit. Omnis enim detenus, qui se judicis manus non credul evadet, antequam scriatur, jam se mortuum dicit. Adde huic

(a) Questio eadem ex MSS. secundi generis, inter post vulgatas ex Novo Test. decima octava.

diem quo passus est, et sequentem noctem. Adde et sabbatum et noctem quæ lucescit in diem dominicum cum ipso die dominico, et complevisti mysterium verborum Domini. Novissima enim nocte cum adhuc tenebre essent, et dies inciperet oriri, inter lucem et tenebras surrexit, ut et nox computetur, et dies, quo possit numerus a Salvatore prædictus integer inveniri.

LXV. — Si uno ore et ratione Evangelistæ locuti sunt; quomodo factum est ut tribus dicentibus, id est Matthæo, Luca et Joanne, quia sexta hora crucifixus est Dominus, Marcus e diverso tertia hora crucifixum dicit Salvatorem (*Matth. xxvii, 45; Luc. xxiii, 44; Joan. xix, 14; Marc. xv, 25*)?

Obscuris vera involvere non est bonum. Nam tres Evangelistæ unum sensum habuerunt, Marcus autem rem quæ ab illis praetermissa fuerat, voluit intimare, sciens necessariam. Nec enim falli posset qui auctorum exempla secutus, ea quæ scripsit magna devotione et industria didicit, et nec sine sancto Spiritu fecit. Quid ergo ex hoc ostendere voluit, debet absolvit. Contuendum itaque est, quia non a Pilato, sed a Iudeis Salvator crucifixus est. Quantum enim ad leges Romanas pertinuit, innocentem pronuntiavit Salvatorem. Ait enim Pilatus Iudeis, *Ego nullam invenio causam in eo*. Et dicentibus illis, *Crucifige eum*; respondit, *Quid enim mali fecit?* Denique persistens et volens educere eum de manibus eorum columnam passus est, dicentibus eis, *Si hunc dimittis, non es amicus Cæsaris*. *Omnis enim qui se regem facit, contradicit Cæsari*. Sic factum est ut traderet eum iudicio illorum (*Joan. xix, 4-13*). Sententiam ergo non dedit Pilatus, sed Iudei. Denique premoniti sunt, inquit, a principibus sacerdotum, ut dicerent, *Crucifigatur*. Hanc sententiam tertia hora datam vult intelligi in qua assiduis vocibus perdurantes cum intervallo horarum fere trium, quibus itum et redditum est ab Herode, crucifixerunt Salvatorem. Omnis enim qui addicitur morti, ex eo jam mortuus computatur, quo sententiam excipit. Manifestavit igitur Marcus, quia non in iudicio sententia Salvator crucifixus est. Difficile est enim innocentem probare eum, qui sententia judicis punitur. Discordare ergo se passus est in verbo, ut doceret tertia hora cœptum esse, quod sexta hora impletum est: non legibus, sed persistente malevolentia Iudeorum.

(a) Obscuris vera involvere non est bonum. Nam tres Evangelistas verum dixisse ipsa concordia obtestatur. Marcum autem sensum nescio quem occultum voluisse prodere, res ipsa declarat. Nec enim falli posset, qui auctorum exempla secutus, ea quæ scripsit, magna devotione et industria didicit. Quid ergo ex hoc dicto prodere voluit, solerti vigilancia investigandum est. Nec enim otiose a tribus Evangelistis discordare se passus in verbis est. Animadvertisamus ne verum dicant, qui sententiam datam tertia hora dixerunt, ac per hoc tertia hora crucifixum Salvatorem, quamvis illud probare non valuerunt. Sensum enim forte sciunt, sed quatenus defendant, ignorant. Ideoque Pilati persona interim sequestrata videamus, unde sententia data in Salvatorem accepit exordium, et tunc apparebit an possit verum videri quod dicimus. Constat itaque principes Iudeorum præmonuisse Iudeos ut Barabbam latronem peterent sibi in die festo dimitti, Jesum vero crucifigere debere. Contra quod Pilatus cum diu resistaret, volens dimittere Salvatorem, frequenter intrans et exiens ad Iudeos, dicebat nullam se in eo causam mortis videre. Illi autem inconsistentes dicebant, *Crucifigatur*. Hinc moræ ortæ sunt, et cum illudetur a militibus, et producitur, et ueste purpurea induitur, et fit ei corona de spinis, et adoratur, et conspuitur, et flagellatur, et palnis verberatur, propterea sexta hora in crucem positus est. Ad Pilatum autem adductus est: tunc exivit ad eos Pilatus fors, quoniam ipsi non introierunt pretorium; et

(a) Questio eadem ex MSS. secundi generis, inter post vulgatas ex Novo Test., vigesima prima.

allocutus est eos, et audivit falsas accusationes eorum, et mihi illum ad Herodem, et regressus est, et iterum interrogavit Jesum, et ipse e contra respondit ei, et postea iterum exiit ad Iudeos et collorcitus dicebat, nullam causam mortis esse in Salvatore. Interea per ventum est ad horam tertiam per has moras. Tunc Iudei volenti Pilato dimittere cum dixerunt, *Crucifigatur*. Contra quos Pilatus diu resistens, cum non potuisset obtinere, tradidit Jesum sententiae illorum hora fere sexta. Sic enim scriptum est, *Tunc tradidit eum voluntibus illorum*. Ideo dictum est recte sententiam tertia hora datam; quia non a Pilato data est, sed a Iudeis. Pilatus autem in invitus consensisse videtur: propter invidiam enim maxime dicentium, *Si hunc dimittis, non es amicus Caesaris*. Quid ergo Marcus volens purgare hoc, secutus est, videamus. Ostendere voluit Salvatorem non judicis sententia occisum, quia difficile qui judicis sententiam excipit, non juste occisus videtur.

LXVI. — Quomodo Marcus evangelista demonia cognovisse ait et professa esse Jesum, e contra autem Apostolus, principes et potestates hujus saeculi neget cognovisse divinitatem Domini Jesu? Dicit enim inter cetera Marcus, *Sciebant eum ipsum esse*: Apostolus vero, *Quem nemo, inquit, principum hujus saeculi cognovit. Si enim cognovissent, nunquam Dominum majestatis crucifixissent* (*Marc. i, 34; i Cor. ii, 8*). Si democriti sciebant, quomodo principes ignorabant?

Quibusdam videtur principes hujus saeculi, maiores Iudeorum significasse, quasi juxta illud quod Petrus apostolus dicit, *Scitis enim, inquit, fratres, quia per ignorantiam gessistis hoc malum, sicut et principes vestri* (*Act. vii, 17*). Ergo Iudeorum erant principes, non tamen hujus saeculi principes erant. Unde ait, *restri*, non saeculi: quippe cum dixerint regem se habere Caesarem, sub cuius fuerant redacti potestate. Sunt autem isti hi principes, quos alio loco significavit Apostolus dicens: *Non est nobis colluctatio adversus carnem et sanguinem, sed adversus principes et potestates hujus mundi, adversus tenebrarum harum rectores* (*Ephes. vi, 12*). Recte ergo queritur. Si enim isti non cognoverunt Jesum, quomodo poterat fieri ut demonia agnoscerent eum? Sed aliud est quod cognovisse in Christo demones dicit, et aliud quod hujus saeculi principes negat cognovisse. Nam demonia sciebant ipsum quidem esse, sed qui per Legem fuerat promissus. Omnia enim signa videbant in eo, que dixerant futura esse Propheta; ut quod ex semine David de virginе venturus esset redemptor Israel: mysterium autem divinitatis ejus ignorabant, sicut et principes eorum. Denique querit, quanvis captiose, diabolus a Salvatore dicens, *Si tu es Filius Dei*, etc. (*Matth. iv, 3*). Videns enim aliquando divinum virtutem, aliquando hominis infirmitatem, ambigens quid verum esset, torquebat. Concordant ergo Scripturae secundum ea que revelata sunt. Impossible est enim discordare unius spiritus viros.

(a) Quibusdam videtur principes et potestates hujus saeculi Iudeorum maiores et principes dixisse, qui juxta Petri apostoli dicta ignoraverunt quid mali fecerunt. Ait enim, *Scio, fratres, quia per ignorantiam gessistis hoc malum, sicut et principes vestri*. Iudeorum principes hi fuerunt, non tamen hujus saeculi principes dici potuerunt: quippe cum in potestate redacti fuerant Romanorum, profientes se non habere regem nisi Cæsarem. Hi autem sunt principes isti, quos alio loco significat Apostolus, dicens, *Non est nobis colluctatio adversus carnem, sed adversus hujus mundi principes, et tenebrarum harum rectores*. Si ergo hi sunt principes qui nescientes Dominum majestatis Christum esse, crucifixerunt, quomodo a demonibus potuit sciri? Non illum aliter sciérunt demones, quam sciebant principes hujus saeculi. Sciebant enim ipsum

(a) Quæstio eadem ex MSS. secundi generis, inter post vulgatas ex Novo Test. quadragesima octava.

esse qui promissus erat in Lege per signa prophetæ: non tamen mysterium ejus, quo Filius Dei erat ex aeterno, sciebant, neque sacramentum incarnationis.

LXVII. — Quid est quod in cruce positus Salvator ait: *Pater, ignosce illis; non enim sciunt quid faciunt* (*Luc. xxiii, 34*): si enim nesciunt, quid est quod ignoriscit, maxime cum dicat rex Abinalech ad Deum, *Nunquid gentem ignorantem perdes* (*Gen. xx, 4*)?

Non omnis ignorans immunis a poena est: ille enim ignorans potest excusari a poena, qui a quo disceret non invenit. Iste autem hoc ignorari petit, qui habentes a quo discerent, operam non dederunt. Huiusmodi non licet ignorare. Accipient ergo veniam, si convertantur.

(a) Non omnis ignorans immunis a poena est. Ille enim qui potuit discere, et non dedit operam, reum se fecit. Erat enim ut disceret, et a quo disceret: sed negligenter luxuria aut malevolentia factus inexcusabilis est a crimine. Unde dicit Salvator, *Si non venissem et locutus eis fuisset, peccatum non haberent* (*Joan. xv, 22*). Ille autem qui non suo vitio ignorat, ideo enim ignorat quia non luit a quo disceret, nec rume comperit doctrinæ opinionem, omni genere immunis a condemnatione est. Ideo his, si convertantur, Dominus veniam postulat a Patre, qui cum predicatorum veritas, ut eam addiscerent operam non dederunt, sed per ignorantiam auctoriter ejus occiderunt. Unde Petrus apostolus in Actibus ait, *Convertimini, ut deleantur peccata vestra* (*Act. iii, 19*).

LXVIII. — Cum utique crudum pro inimicis Dominus docuerit, quid est quod in Apocalypsi contra hos animos occisorum ulcisci se patiat, a Deo postulantes vindictam (*Math. v, 44; Apoc. vi, 10*)?

Sic enim animos occisorum clamant vindicari se postulant, sicut sanguis Abel clamavit de terra (*Gen. iv, 10*). Causæ ergo sunt quæ clamare dicuntur, cum loqui non possint. Sanguis enim effusus quid aliud quam vindicari se postulat, clamans non voce, sed ratione? Nam et opus opificem laudare dicitur per hoc ipsum quod videntem se oblectat. Non enim tam impatiens sunt sancti, ut urgeant jam fieri quod sciunt tempore præfinito futurum, quod nec anticipari potest, nec differri. Sed hoc dicto ostendere voluit, vindicaturum Deum sanguinem sanctorum suorum: ne quia tam patientes nunc videtur, inultum putaretur impium bellum, quod contra sanctos geritur: ut et terrorum incutientis persecutibus Dei servos, et exhortaretur pro se patientes. Revelatur enim anima patientis quando vindicari se audit a potente. Pre se enim spem fert, si mortem suam audiat judici disponere: tunc enim pro certo habet innocentem se esse. Et Deus quidem misericors et patientis est, sed moderate. Exspectat enim ut impii erudiant, et peccatores se emendent: si quo minus, plectentur, quia Dei longam patientiam contempserunt. Cuius rei exemplum etiam tempore misericordie prædicante ostendit, ne non patientis, sed insensibilis, et quem neque dolor alicuius, neque pietas commoveret, videatur. Hinc est unde ait per prophetam, *Tacui, numquid semper facebo* (*Isai. xlii, 14*)? et Dominus, *Numquid non faciet*, inquit, *Deus vindictam servorum suorum clamat* ad se die ac nocte (*Luc. xviii, 7*)? Sic utique claimant, sicut supra diximus. Si quis ergo christianus ad tempus vindicet, non acerbe, neque cum sanguine, non peccat: melius tamen fecerit, si dimiserit iudici Deo.

(b) Apocalypsis cum futura mala et tribulationes diffidentie et male vita causa Deo vindice testatur, exemplare etiam poenarum uniuscuiusque peccati occulata fide demonstrans, ut nihil impietatis et crudelitatis inultum remanore probaret, animas occisorum

(a) Quæstio eadem ex MSS. secundi generis, inter post vulgatas ex utroque Test. quarta.

(b) Ibid. Quæstio duodecima

die ac nocte dicit vindicari se postulare. Quod quidem non est contrarium : quia Deus utique qui hanc legem dedit, vindicare se in diem judicii repromisit, ut hoc præceptum ad præsens dedisse videatur, quod excusat occisorum animas, si illic jam positi diem ultionis depositent. Et tamen, ut verius dicam, causam clamare intelligendum est. Ipsa enim non tacet, sed semper vindictam flagitat : sicut dicit Deus ad Cain, *Sanguis fratris tui clamat ad me de terra*. Quid est hoc, nisi quia causa facinoris clamat, vindicari desiderans? Si enim dicimus, propter opus, Laudat terra Dominum; cum utique neque vocem habeat, et caret intellectu : sic propter opera mala clamare dicitur sanguis. Nam utique non tam impatiens erant, neque tam imperiti, ut ante diem futurum judicari se peterent, ne postularent fieri quod sciebant non effici ante tempus definitum. Et Salvator similiter, *Non faciet*, inquit, *Deus vindictam electorum suorum clamantium die a nocte?*

LXIX. — Si jam prædicante Joanne, aut Salvatore, Lex cessavit; quomodo Salvator ait, *Non veni solvere Legem aut Prophetas, sed adimplere* (Matth. v., 17)? Si enim prohibita est¹, quomodo non soluta est, que agendi amisit auctoritatem?

Omnis quæ de Christo dicta sunt, adimpta sunt: et ipse Dominus sic adimplevit Legem et Prophetas, cum omnia quæcumque de se scripta sunt, fecit, nec dissolvit aliquid, sed confirmavit. Lex enim et Prophetæ usque ad ipsum. Prophetæ enim de ipso locuti sunt, ideo ultra illum quæ ab his de hoc, id est, de Christo dicta sunt, tendi non possunt; neque post ipsum aliquid hujusmodi Prophetæ reperi potuerunt: quia neque habent de quo dicunt, et de quo dicebatur iam venit. Omnia etenim suis voluminibus complexi sunt, et incarnationem, et conversationem, et passionem, et resurrectionem, et divinitatis manifestationem, et futurum ejus judicium revelaverunt: ac per hoc cessaverunt Prophetæ impleto opere dispensationis. Lex autem dupli modo cessavit; nec quidem tota: nam et id quod cessavit poterit permanere, si servetur conditio. Aliud enim cessavit in sententia, aliud in ipsa Lege. Prædicante Joanne baptismum poenitentiae in remissionem peccatorum, cessavit sententia Legis, quæ reos tenebat peccatores; cessaverunt etiam onera Legis, quæ ad duritiam cordis judaici fuerant data in escis, neomeniis, sabbatis, et cæteris. Misericordia enim adveniente, cessavit iudicium. Sed onera Legis in perpetuum cessaverunt. Sententia vero his cessat et aboletur, qui permansere in beneficio consecuto. His autem qui redeunt ad hominem veterem, refricatur Legis auctoritas, quia immemores beneficiorum redempti sub sententiam Legis. Circumcisio vero et sabbatum usque ad illud tempus valuit, quo nova legis prædicaretur mandatum. Sic enim data sunt, ut adveniente lege fidei cessarent. Unde dicit Apostolus, *Finis Legis Christus* (Rom. x., 4). Nam et Daniel hoc significat, cum et de adventu Domini et temporibus hebdomadum prophetat, quia et chrisma et iudicium et sacrificium et ipsa civitas cessatura erant (Dan. ix., 24-27). Spirituali enim adveniente lege, necesse erat cessare carnalia. Tunc enim ex parte corporis serviebatur Deo, nunc ex parte animæ; pridem visibiliter, modo invisibiliter; tunc in carne, nunc in animo. Quia Deo utique qui spiritus est, in spiritu serviendum est (Joan. iv., 24). Non ergo soluta Lex est, quia cessavit, sed successum illi est impletum tempore. Nec enim administratio ejus accusatur aut iudicium, si peccatoribus indulgentia datur: cum hinc magis recte data et justa probetur, quia quibus dominabatur, peccatores fuisse non negantur, quia *justis*, inquit, *Lex non est posita* (I Tim. i., 9). Non ergo quia misericordia preferenda est, contemnenda putetur justitia; cuius reverentia si non est, ipsa misericordia fructum non haberet. Nisi enim hanc

servaverint post acceptam misericordiam, nihil illis proderit indulgentia. Nam dixit Lex, *Non facies tibi idolum, neque adoraveris quæ in celo sursum sunt, et quæ in terra deorsum; et, Non pejerabis; et, Honora patrem, et matrem, et, Non occides, Neque fornicaberis, Neque furtum facies, Non dices falsum testimonium, Neque concupisces quidquam proximi tui* (Exod. xx., 4-17). Numquid haec cessasse dicenda sunt? Absit. Sine his enim quis poterit vel in hac vita idoneus judicari? Ac per hoc catena cessaverunt quæ supra diximus, neomenie, sabbata, lex escarum, sacrificia, circumcisio, etc. Hinc est unde dicit Apostolus inter alia, *Principes non sunt timori operi bono, sed malo. Vis autem non timere potestatem? Bonum fac, et habebis laudem ex illa* (Rom. xiii., 3). Hæc servata bonos faciunt, non tamen perfectos. Unde Salvator, *Nisi abundaverit, inquit, justitia vestra plus quam Scribaram et Pharisæorum, non intrabit in regnum cœlorum* (Matth. v., 20). Addens enim istis potiora Salvator, non solvit utique Legem, sed adimplevit. Sensus enim Legis ad salutem hominis pertinet, utputa. *Oculum pro oculo, dentem pro dente* (Levit. xxiv., 20): ut timens ne pateretur quod alii facere prohibitus est, cohibetur se a nequitia. Salvator autem superiorum in hunc sensum addens justitiam, *Ego autem, inquit, dico vobis, non resistere malo; sed si quis te percusserebit in dexteram maxillam tuam, præbe illi et sinistram* (Matth. v., 39); ut dum vicem non reddi malo, perfectus sit. Reddere enim vicem justitia est, sed non plena; si vero dissimileat ab injurya, plena justitia est et abundans. Retribuere enim, gaudere ad tempus est; remittere autem, in futurum prestat lætitiam. Sic ergo adimplevit Legem Salvator, dum quos illa justitiam docuit, hic justiores efficit, quod illa non potuit. Quamobrem gaudium Legis est, quia discipuli ejus peritiores effecti sunt. Destruisset plane Legem, si impune peccare docuisset. Porro autem suspendit sententiam, ut hic qui male facit, habeat spatiū pœnitendi: si quominus, reddit in illum sententia cumulata, quia non cognovit ad hoc se remissum ut emendaret se.

(a) Prophetarum dicta de Salvatoris adventu, impleta sunt cum venit; quando enim quod prædictum est, factum est, impletum videtur: Lex autem, quam ad tempus datum diximus, cum tempore, quod transgredi prohibita est; quia quod impletur, cessat. Auctoritatem enim amisit, et destruxit videretur, si non juxta prædictum tempus cessasset. Nam si alicui in potestate constituto successor datur, numquid destruxit dicetur? Destructa plane esset Lex si tempore quo viguit, accusaretur. Et non dixit, implesse se Legem aut Prophetas; sed, *adimplere*. Adimplere autem non aliud significat quam plene addere. Quid est autem addere Prophetis, nisi culturam Dei sub Trinitatis nomine ordinare? Quamvis enim Prophetæ in Dei nomine docuerunt et corripiuerunt populum; hoc tamen mysterium in abscondito erat. Legem autem hoc est adimplesse, manentibus præteritis nova addere, utputa, *Audistis*, inquit, *quia dictum est antiquis, Oculum pro oculo, dentem pro dente. Ego autem dico vobis, non resistere malo; sed si quis percusserebit te in maxillam tuam dexteram, præbe illi et sinistram*. Hoc sicut adimplere. Non enim destruxit illum, sed potiora addidit, non ut peccare videretur qui vindicatur, sed ut melius sit qui non retribuit. Nec aliud ergo volunt, quam quod Lex in sensu habet, sed voluntatem ejus perficit. Ut enim Lex hominem justitiam doceret, et per hanc salvum facheret, mandavit ut si quis oculum tolleret alicui, oculum amitteret: et ut hoc timore terri homines non facerent quod sibi fieri solebant, et per hoc salutem haberent. Sed quoniam fragile genus est hominum, et ad peccandum proclive, ideo incurrit ut patiatur quod sibi fieri non vult. Immutatus ergo Salvator verbis docuit quod saluti pro-

¹ Sic codex Colbertinus. At MSS. secundi generis: *Si enim cessavit. Editu, propheta est.*

(a) Quæstio eadem ex MSS. secundi generis, inter post vulgas ex Novo Test. decima tertia.

dessel, ut sensum Legis adimpleret, ut quia timore Legis salvi esse nequiverunt, per patientiam victi emendarent, sese corrigentes. Hoc preceptum datum est, ut non insolentes viverent patientia bonorum, dum non illis retribuunt condigna; ut si voluerint corrigi, boni ex hoc profectum habeant, illi vero geminam penam. Non ergo justitia destructa est, quam videmus etiam per Apostolos operata: quia et Petrus apostolus in Anania et Saphira hanc servavit (*Act. v. 1-10*). Et Vas electionis non repudiavit, sed usus est, dum et Elymam magum resistente viæ Domini, excavavit (*Id. xiii. 8-11*). Est etiam aliud quo impleta Lex est. Dicit enim Dominus, *Auditistis quia dictum est, Diliges proximum tibi, et odio habebis inimicum tibi*; hæc justitia est: Dominus autem, *Ego autem, inquit, dico vobis, Diligit inimicos vestros* (*Matth. v. 43, 44*). Addit utique, quod est adimplevit, quia non destruxit vetera, sed ut perfectos faceret, potiora mandavit. Inimicos enim, hoc est malos, quia retrahuntur, que justitia dictante sit, emendare et corriger non potuit, per amorem illos et obsequium salvos fieri voluit, quod et Lex in sensibus habebat. Lex enim sic voluit inimicium tollere, ut per retributionem territi homines desinerent esse inimici: et quoniam audacia sua homines timorem Legis et naturæ spreverunt, crescentes in malum; per humilitatem Salvator inimicium voluit vinci, ut vel sic homines flecerentur ad bonum, dum viderent non sibi reddi inimicium; permanentes autem gravius tractandos fore, quia nec humilitate ejus, cuius vicissitudinem experiri debuerant, victi sunt. Non ergo justitia in vindicta oblitterata est, sed suspensa ad utrumque; quia cessavit circa eum qui sese cognovit: si quominus, plecteret contumaciam.

LXX (a). — Dominus certe inimicos nos diabolo fieri præcepit: quid ergo est ut in Evangelio dicat, *Esto consentiens adversario tuo cito* (*Ibid. v. 25*)? Quis est hominis adversarius, nisi diabolus?

Nulli dubium est diabolum esse hominis inimicum, maxime fidelis. Vehementiora enim tela sua contra Dei servos excutit. Sicut ergo iste bonorum inimicus est, ita et lex malis adversa est. Quis enim contemnit se non aduersetur? Dominus ergo peccatorem aliquirit, ut consentiat mandatis quæ illum inobedientem condemnant, ut subjiciat se voluntati eorum, et fiat ex inimico amicus. Quia et contemptor legis inimicus est ejus: voluntati enim ejus resistit. Ideoque hortatur Dominus peccatores, ut bene agendo reconciliet sibi legem, ne in die judicii accuset eum apud judicem, et condemnatus poenas det spretæ legis: Omnis etenim, inquit, qui male vult agere, disciplina Dominicæ inimica videtur: cui nisi consenserit, mittetur in gehennam, diabolo, qui vere inimicus humani generis est, preparataam.

LXXI. — Jacob appellatus est Homo videns Deum, et Moyses vidit Deum facie ad faciem; nec non et Isaías, *Vidi, ait, Deum sabaoth oculis meis: contra autem Joannes evangelista, Deum, inquit, nemo vidit unquam* (*Gen. xxxii. 28; Exod. xxviii. 11; Isai. vi. 5; 1 Joan. iv. 12*); hoc, quantum videtur, contrarium est.

Quantum ad fidem veri pertinet, Deum omnino nemo vidit unquam, neque Patrem, neque Filium. Quod enim visus dicitur, ad intelligentiam referunt; visus est enim velut in imagine. Veluti nos cum imperatores nesciamus, videmus eos in figura, non in veritate: ita et Deus visus est, ut intelligeretur Deus esse qui apparebat, per rationem, non per substantiali; quia in natura sua Deus videri non potest. Et ut verius propositæ questionis secreta pandamus, sensum Evangelistarum explicare nitanur. Joannes enim occultum aliquid prodere voluit, quod scivit ad salutarem doctrinam pertinere: idcirco, *Deum, inquit, nemo vidit unquam, nisi unigenitus Filius qui est in sinu Patris, ipse enarravit*. Animadvertisimus sensum Evangelistarum:

(a) Hæc quæstio deest in MSS. secundi generis.

ut enim verum esse, quia nemo vidit Deum unquam, ostenderet, Filium hoc enarrasse docet: quem falli utique impossibile est, quia in sinu Patris est. Sinus autem Patris quid est, nisi affectus in charitate veri Patris per naturæ unitatem in Filium? Quamobrem nemo vidit Deum, nisi unicus Filius: hoc Joannes apostolus Filium Dei auditivit dicentem inter alia, *Non quia Patrem vidit quisquam, nisi qui est a Deo, hic vidit Patrem*. Ut ergo ad condemnationem proficeret Judeorum, qui Christum Dei Filium audire notebant vel credere, ostendit Evangelista hunc esse Christum qui Patribus apparuisse in Deum¹: illum autem qui Pater est, nunquam videri nisi a Filio. Quando enim Deum Patrem negat visum, et Deum apparuisse Patribus profiteretur, manifestare se vult Dei Filius, quia ipse semper in Deum visus a Patribus est. Unde inter cetera dicit Iudeus de Patre, *Neque vocem ejus audistis aliquando, neque figuram ejus vidistis* (*Joan. v. 37*). Ecce non est contrarium, et visum et invisum esse Deum.

LXXII. — Quando legitur in Apocalypsi Joannis, *Vade, inquit et accipe librum de manu angelii, et devora illum, et amaricabit ventrem tuum, sed in ore tuo erit dulcis sicut mel* (*Apoc. x. 8, 9*): quis iste liber est, qui amarum facit ventrem cum sit dulcis?

Omnia divina volumina amara sunt, sed perfidis atque carnalibus. Idolatrias enim insuave est, cum audiunt unum Deum predicari in Christo. Et Photinus simul pertimescit horrore corruptus. Erubescit etiam Sabellius audiens Patrem esse qui Filius dici non possit, quia ab ipso sunt omnia; Filium autem idcirco Filium appellari, quia non uiuere Pater ipse est, sed de Patre, nec a quo, sed per quem sunt omnia. Confutatur et Arius, cum legit Christum verum esse Filium Dei; sine dubio enim verus dici non posset, nisi proprie esset de Deo. Convincitur et Marcion, addicens quia Verbum caro factum est, qui putat Christo carnem negandam. Arguitur etiam improbus Manichæus, videns scriptum ab Evangelista, quia Salvator non solum præsentia sui nuptiarum vota decoravit, verum etiam poculis honestavit (*Joan. ii. 1-11*), qui nuptiarum aditus intercludit et promiseue convenire hortatur. Ille continetur in libro, quem accepit Apostolus devorandum. Ille liber Evangelium est quod x̄x̄ et Joannem intitulatur, quod non solum male sentientibus amarum est, verum etiam indisciplinatis, qui nolunt corripi, ut in pejus proficiant. Ista revelatio eo tempore facta est, quo apostolus Joannes in insula erat Patmos, relegatus a Domitiano imperatore, fidei causa. Tunc fuit in Spiritu, ut posset videre cœlestia, et dum hæc ei ostenduntur, que futura sunt causa impietatis et stupri et exterorum, datum est illi liber qui dulcis quidem erat in ore, sed amarum faceret ventrem: ut ex his qui videntur unius corporis esse hominis², istis dulcis esset; qui propter quod integræ professionis sunt, in ore significati sunt: hoc enim dulce in ore est, quod unum est: illis autem qui heretica pravitate carnaliter vivunt vel sentiunt, propter quod in ventre significati sunt, amarus. Accusabit enim eos in die judicii Dei. Post revelationem ergo Evangelium jussus est scribere, propter hæc quæ supra diximus. Et Ezechieli propheta similiter dictum est, ut acciperet librum qui esset dulcis in ore ejus, quando perfidiam populi misera est increpare (*Ezech. iii. 4*).

(a) Frequenter, qui compendium querit, solet errare. Quid est ut non omnia ad causam dicta proposas, sed aliqua reprimas, ut obscurior fiat sensus? Nam dictum est Joanni, *Vade, et accipe librum, qui est in manu angelii, et devora illum; et erit in ore tuo dulcis tanquam mel, sed amaricabit ventrem tuum*. Et ait, *Oportet, inquit, te prophetare iterum populis et*

¹ Abest, in Deum, a MSS. secundi generis.

² Ms. Colburt., *corporis esse hominibus*.

(a) quæstio eadem ex MSS. secundi generis, inter vulgatas ex Novo Test. sexagesima quinta.

gentibus multis. Quantum ergo ad veri pertinet rationem, post exsilium Evangelium scripsisse probatur. In exilio enim positus in insula Pathmos, in quam fuerat a Domitiano imperatore relegatus, vidit revelationem, sicut dicit, in die dominico: post, sicut dixi, scripsit Evangelium, quod hereticis amarum est, quos in ventre significavit. Sunt enim carnales, quia male intelligent Christum. *In ore autem tuo,* quod dicit, erit dulcis tanquam mel: quasi omnium Christianorum unum facit corpus, ut singuli membra sint alter alterius: ita ut in ore, quod utique capit is pars est, honorabilius et fidelior; significet, quibus veritas quæ de Christo est, dulcis est; in ventre hereticos significat, quia carnales sunt. Veritas enim quæ Christum verum Deum loquitur, his amara est. Totum enim Evangelium Joannis contra hereticos est. Contra Photinum enim, qui Christum ante Mariam esse negat, probat de cœlis descendisse Salvatorem. Contra Arium autem, ostendit Christum initium non habere: quia in initio erat Deus Christus Filius Dei apud Deum Patrem, et quia nihil sine illo factum est, ipsum non posse dici facturam. Si enim factura erat, factum esset aliquid sine illo: sed quia nihil sine illo erat, semper fuit. Sabellium autem qui unionem accipit Patrem et Filium, ut unus singularis duobus nominibus nuncupetur, sic confutat ut dicat, *Si me diligenteris, gauderis utique, quia vado ad Patrem, quia Pater maior me est* (Joan. xiv, 28): ubi manifestavit duorum personas, quando Filius Patrem majorem appellat. Nec enim singularis ipse sibi major est. Neconon convincit et Marcionem qui carnem Christi denegat. Dixit enim, *Et Verbum caro factum est, et habitavit in nobis* (Id. i, 14) Hoc sensu etiam Manicheum arguit, qui Christum in carne venisse nescit, et nuptiarum aditus intercludit, ignarus Salvatorem nuptiarum convivium remunerasse. Similimodo et propheta Ezechieli dictum est ab angelo ut acciperet volumen (Ezech. iii, 1), et devoraret illud, et dulce esset in ore ejus, ventrem autem ejus repletet. Hoc dictum est prophete, cum missus est arguere populum perfidum et indisciplinatum, qui similiter in ventre significati sunt, quia erant carnales. Ex his sunt quos Scriptura in Isaia propheta, licet mali sint, fratres appellat. Dicit enim: *Vos qui timetis Deum, dicite illis qui vos oderunt, nec audierunt præcepta mea, Fratres nostri estis* (Isai. lxi, 5, sec. LXX).

LXXXIII. — Quid est quod Simeon dicit ad Mariam matrem Domini inter cetera, *Hic vositus est in ruinam et in resurrectionem multorum in Israel: et tuam, inquit, ipsius animam pertransibit gladius, ut revelentur multorum cordium cogitationes* (Luc. ii, 34, 35)?

Simeon vir sanctus, et divinis oraculis communitatus, per Spiritum sanctum locutus quid futurum esset hominibus ex causa Christi, ut ruina his esset, qui cum sibi viderentur stare per observantium et peritiam Legis, dissidentia tamen operum Christi caderent, dissoluti a promissione Patrum: illis autem qui nullius prope dignitatis essent in Lege, credentibus vero in Christum, resurrectio in Israel. [Ut digni Deo fierent qui prius indigni et intunes erant, et reprobarerent qui aliquid esse putabantur¹.] Hoc est quod alio loco dicit Dominus, *In judicium ego veni in hunc mundum, ut qui non vident, videant; et qui vident, cœci fiant* (Joan. ix, 39). Denique non Legis doctores, non Pharisei, non Scribe securi sunt Christum; sed piscaiores, homines imperiti et rusticani. Hinc est unde dicit Dominus: *Pater, gratias ago tibi, quia abscondisti haec a sapientibus et prudentibus, et revelasti ea parvulis* (Matth. xi, 25). Quod autem adjecit, dicens, *Et tuam ipsius animam pertransibit gladius, ut revelentur multorum cordium cogitationes*; hoc utique significavit, quia etiam Maria, per quam gestum est mysterium incarnationis Salvatoris, in morte Domini dubitaret; ita tamen, ut

resurrectionis honore et virtute Domini firmaretur. Omnes enim stupore quadam in morte Domini dubitabant. Non tamen in dubitatione permanerunt. Sic enim animam pertransit gladius, si dubitatio non permaneat in cogitatione, sed perstabit superveniente reformato se pristina virtute. [Quis enim non ambigeret videns eum, qui se Filium Dei dicebat sic humiliatum, ut usque ad mortem descendere? Et quia, ut dixi, omnis ambiguitas in resurrectione Domini recessura erat, pertransire dixit gladium. non supercadere, aut contingere transeuntem membrum aliquod. Ut sicut gladius missus pertransiens juxta hominem, timorem facit, et tamen non percutit, ita et dubitatio mœstitium faceret, non tamen occideret: quia non sedit in anima, sed pertransit, quasi per umbram contingens corda discipulorum. Denique Cleophas et alius discipulus Emmaus euntes¹, in via tristes, dixerunt inter cetera ipsi Domino, nescientes quia Dominus est, *Nos putabamus, quia ipse erat qui incipiebat liberare Israel* (Luc. xxiv, 21). Dubitaverunt, sed statim agnito Domino, transivit dubitatio².] Sicut dictum est et de Joseph, quia ferrum pertransivit animam ejus (Psal. civ, 18). In carcere enim innocens diu positus, de Dei iudicio circa se quod dubitaverit, non est mirum: sed quia plus de Deo sperabat, non permanxit in ambiguitate. In eo enim quis iudicatur, in quo propensior est. Apocalypsis Joannis hoc sancit. Dicit enim, *Dubiis et infidelibus pars erit in stagno ignis et sulphuris* (Apoc. xxi, 8). Ideo qui non permanet in dubitatione, eripitur a morte^(a): hoc est mortem evadere; quia dubitare de Deo, vel de Christo, mors est. Ac per hoc qui desinit dubitare, evadit mortem.

LXXXIV. — Quid sibi vult ut Isaia propheta dicat de Christo, *Qui peccatum non fecit: contra autem Apostolus, Eum qui peccatum, inquit, nesciebat, pro nobis peccatum fecit* (Isai. liii, 9; II Cor. v, 21).

Quantum ad sensum pertinet, questiones diverse sunt, sed verba similia: ex parte quidem similia, ex parte vero discrepantia. Fecit enim, et non fecit, contrarium est; nesciebat, et non fecit simile est. Propheta ergo ex persona Christi locutus est, quia peccatum non fecit, nec dolus inventus est in ore ejus; Apostolus vero loquitur de persona Dei Patris, qui eum, id est Christum qui peccatum nesciebat, pro nobis peccatum fecit. Quod duplice modo intelligendum est. Primum enim fecit illum peccatum, dum incarnari illum voluit, ut quem sors non tangebat, de peccatrice carne corpus acciperet, per quod dicitur factus peccatum. Deinde dum offert eum pro peccatis, fecit illum peccatum. Hostia enim in Lege pro peccatis oblata, peccatum nuncupabatur. Non ergo Christus peccatum fecit, sicut dicit propheta; sed a Patre ipse peccatum factus est, sicut ostensum est. Offerre autem Christum pro nobis quid est, nisi dare potestatem volentibus eum occidere? Quod idcirco concessum est, quia profuturum erat ut esset causa descendendi ad inferos, ut spoliaret tartarum animabus. Superabundans enim et inauditus peccatum est, occidisse eum qui non solum nullo genere peccaverat, sed et multis vitam donaverat. Illoc peccato reus factus diabolus, contradicendi audaciam perdidit. Nam simile aliud ad Galatas in Epistola legitur: inter cetera enim, *Factus, inquit, pro nobis maledictum* (Galat. iii, 13). A quo factus, nisi a Patre? Judicio enim Dei crux Christi maledictum est Iudiciorum: peccatum enim illorum exclamat mors Salvatoris. Crucifigi ergo se permisit, ut passio ejus proficeret nobis, ut hinc cum signo ejus exequentes, a secunda morte minime temeremur. Metuit enim mors etiam servos ejus a quo victa est.

(b) Quantum ad propo-utum pertinet, non solum verba discrepant, sed et personæ diversæ sunt. Fecit

¹ Ms. colbert, Cleophas et Amatus euntes.

² Hac desunt in MSS. secundi generis.

(a) Reliquum deest in MSS. secundi generis.

(b) Questio eadem ex MSS. secundi generis, inter post vulgas ex Novo Test. quadragesima.

* Haec desunt in MSS. secundi generis.

enim, et non fecit, contrarium est. Sed quia non ab hoc factum intelligitur, qui fecisse negatus est, contrarium dici non potest. Propheta enim dictum ad personam pertinet Christi, Apostoli vero ad personam Patris. Deus enim Pater reconciliavit sibi mundum per Christum; et ita factum est, ut eum, id est, Christum, ficeret peccatum. Hoc est enim fecisse eum peccatum, dare illum in utero virginali, ut nasceretur homo, ex parte carnis factus peccatum, quia caro peccati est, hic utique quem sors et conditio non langebat hominem procreare. Ad hoc igitur natus est, ut hostia pro peccatoribus offerretur. Peccatum ergo factus dicitur, quia secundum Legem hostia quae pro peccatis offerrebatur, peccatum nuncupabatur. Similis locus est alias Apostoli ad Galatas dicentis de Salvatore, *Factus pro nobis maledictum*: ipse sensus est, Factus est pro nobis peccatum sive maledictum nostra causa a Deo Patre qui permisit illum a Judaeis occidi, ut incredulitatis sua causa abdicarentur a nobis in locum illorum inducti; sicut dicit Salvator, *Tolletur vobis regnum Dei, et dabitur genti facienti fructum ejus* (*Matth. xxi, 43*). Nam nonne quod permittit Deus, facere dicitur: quia si non permittit, non fit. Unde dicit Dominus ad Pilatum, *Non haberes potestatem in me, nisi data esset tibi desuper* (*Joan. xix, 11*). Non ergo immittens, sed permittens dare dicitur potestatem, ut dum mala mens voluntatis sue accipit potestatem, sit rea: sicut Judai qui occidentes Salvatorem, fecerunt illum maledictum suum, Dei iudicio. Crux enim Salvatoris maledictum est Iudeorum. Non enim sicut hostia quae pro peccatis offerebatur, abliebat offerentem; sed contra oblatus Salvator inacula et peccatum fit offerentium: justificatio autem illorum qui dissentient, ut gentibus benedictio Abrahæ fieret in Christo Jesu. Oblatio enim Iudeorum profecit Gentibus non dissidentibus a fide Jesu Christi.

LXXV. — Cur Salvator pro se tantum et Petro didrachmam solvit, non etiam pro ceteris Apostolis (*Matth. xvii, 26*)? Quippe cum omnes eum, relatis facultatibus omnibus, subsecuti sint, pro omnibus solvere debuisse videtur.

Didrachma, capitum exactio intelligitur, non prædiorum, [quod nunc pannosum aurum appellatur, quia et pauperes exigunt¹:] nec enim Salvator aliquid possidebat in mundo, cum sit dominus mundi. Mortuus enim alienis impendiis sepelitur: et nos a quibus mundus extraneus est, facultates angere cupimus, ut morientes mundum a nobis invasum, non tantum vocem, sed et litteris contestemur, ut professione nostra ab eo, cuius mundus est, condemnemur. Hinc Dominus, *Qui non, inquit, reliquerit omnia, et secutus me fuerit, non potest: meus esse discipulus* (*Luc. xiv, 26*). [Quicumque ergo sic habet facultates suas, ut spei in illis non habeat, paratus autem sit pro fide illas abjecere, viam ambulat qua itur ad Christum Dominum nostrum².] Didrachma ergo ab his exigenda erat, qui aliquid negotii gerebant, aut artibus operam dabant. Salvator autem, quia nihil horum curabat, neque discipuli ejus, exigendus utique non erat: sed quia inimicus diabolus semper in insidiis erat, occasionem querens si posset inclinare Salvatorem; exactorum didrachmæ animos occupavit, ut ejus ficerent voluntatem; ut accedentes ad Petrum, qui primus inter Apostolos erat, solvi debere ab eorum magistro dicerent didrachmam, qui ab his oneribus liberri erant. Nihil enim agebant in mundo quod esset mundi: ut quia non erat unde solveret, aut his scandalo esset, aut certe humilitate suffragii quereret a quo solvere. Tunc Dominus ut improvidum diabolum adversus semetipsum semper machinari ostenderet, ad mare ire Petrum apostolum jubet³, et capti piscis os aperi, et illic invenire nummum exactioni debitum:

¹ Absunt hæc a Ms. Colbertino.

² Haec absunt a Ms. secundi generis.

³ MSS. secundi generis addunt, *quasi cui curam domus delegarcat*.

quo soluto, non solum scandalum non esset exactoribus, neque inclinaretur requisito auxilio ad solvendum; verum etiam signum virtutis maximæ demonstraret, per quod captos a diabolo ad se traheret, ut argumento et astutia sua diabolus torqueretur. Dicunt ergo exactorum didrachmam ad Petrum apostolum, *Magister vester non solvit didrachmam*, etc. Quo dicto, magistrum ut pro omnibus discipulis solveret, conveniebunt. Salvator autem eum pro se et Petro dari jubet, pro omnibus exsolvisse videtur: quia sicut in Salvatore erant omnes causa magisterii, ita et post Salvatorem in Petro omnes continentur. Ipsum enim constituit esse caput eorum, ut pastor esset gregis dominici⁴. Nam inter cetera dicit discipulis. *Vigilate, et orate, ne intretis in temptationem* (*Matth. xxvi, 41*). Et Petro dicit: *Ecce satanas expostulavit, ut vos ventilete sicut triticum: ego autem rogavi pro te, ut non deficiat fides tua: et tu aliquando conversus confirma fratres tuos* (*Luc. xxi, 31, 32*). Quid ambigitur? Pro Petro rogabat, et pro Jacobo et Joanne non rogabat, ut ceteros taceam? Manifestum est in Petro omnes contineri: rogans enim pro Petro, pro omnibus rogasse dignoscitur. Semper enim in præposito populus aut corripitur, aut laudatur. Quia et alio loco dicit: *Ego pro his rogo quos mihi dedisti, Pater; et volo ut ubi ego sum, et ipsi sint mecum* (*Joan. xvii, 9, 24*).

LXXVI. — Joannes in Evangelio, *Lex*, ait, per Moysen data est, *Gratia et veritas per Jesum Christum facta est* (*Id. i, 17*): ergo Gratia et veritas ante non fuit. Quomodo ergo Lex a Deo data dicitur, in qua veritas non fuit?

Non sic passim prætereundum est, sed considerandum est quid sit, *Lex per Moysen data est*. Per Moysen enim Lex data manifesta habet præcepta; sed scripsit et historiam, quæ et ipsa Lex appellatur. Et videamus, quid in præceptis ejus non erit verum: forte quod dicit, *Non occides, Non fornicaberis, Non furtum facies* (*Exod. xx, 13-15*)? talia sunt et cetera. Nam historia ejus, quia ante adventum Christi veritas non erat, hoc manifestum est. Etenim quæ sub velamine erant, quid significarent, incertum erat. Cum autem per Christum manifestaretur, cujus persona sit quæ dicit in Genesi, *Faciamus hominem ad imaginem et ad similitudinem nostram* (*Gen. i, 26*), et quis est qui fecit; et quis fuerit qui in rubro a Patriarchis visus fuit (*Exod. iii, 2*); et qui in petra operatus sit, quæ dedit aquas in deserto (*Id. xvii, 6*); quia *Petra, inquit, erat Christus* (*1 Cor. x, 4*): sic fuit veritas per Christum, quando ea quæ latebant, aut in dubium veniebant, quid significarent a Christo ostensum est. Nam inter cetera Dominus ait, *De me scripsit Moyses* (*Joan. v, 46*). Hoc prius latuit; error enim erat. Putabatur enim Deus Pater, qui erat Filius; et qui astimabatur angelus, cognitus est esse Dei Filius. Et promissio facta fuerat Abrahæ, quæ quamdiu non reddebar, in ambiguo erat; cum autem veniente Christo redditæ est, facta est veritas: quando et quod promissum est redditum est, et ceperit sciri quod erat promissum. Promittere enim fidem tunc vera probatur, cum exsolvit promissum.

(a) Videndum est quid sit, *Lex per Moysen data est*. Per Moysen autem Lex data, manifesta habet præcepta, et quid illuc non erit verum? *Non occides, Non fornicaberis?* talia et cetera sunt. Sed scripsit et historiam in qua usque ad adventum Salvatoris, quæ esset veritas, manifestata non erat. Cum ergo per Christum manifestatur, cujus persona dicat, *Faciamus*, et quæ sit quæ faciat; et quis fuerit qui in rubro, aut Patriarchis visus sit; et qui in petram, cum aquam ipse produxit, operatus sit, quia *Petra, inquit, erat Christus*: sit ergo veritas per Christum, dum ea quæ in dubium veniebant, quid significant intelliguntur. Itaque Lex per Moysen data reos constituit peccatores:

⁴ MSS. secundi generis: *Ipsum enim, post se reliquit pastorem, ut pastor esset gregis dominici*.

(a) Quæstio eadem ex MSS. secundi generis, inter post vulgatas ex Novo Test. trigesima.

Gratia autem promissa in Lege adveniens, donatis peccatis peccatores morte privavit. Ordo ergo sicut primum Legem dare, postea vero misericordiam, quæ tunc sit Gratia, dum donat peccata. Ante enim promissio erat, quæ postea sit Gratia. *Veniet enim, inquit, ex Sion qui eripiat et avertat impietatem ab Jacob (Isai. lxx, 20, sec. LXX).* Ille promissio per Christum, facta est Gratia, dum donat gratis peccata. Quomodo autem donaret peccata, si non prius Legem daret, per quam reis factis veniam largiretur? Nam non daret nisi quod sibi debebat. Deberi autem non poterat, nisi Lex præcederet.

LXXXVII. — Quid est quod inter cætera dicit Marcus Evangelista de Christo, *Intrans in domum voluit neminem scire, et non potuit latere (Marc. vii, 24)? si ergo voluit et non potuit, infirmata voluntas ejus videtur.*

Impossibile prorsus est ut Salvatoris voluntas non impleatur; nec potest velle quod seit fieri non debere: idcirco quod factum est, hoc voluisse dicendum est. Nam voluntas ejus nunquam extra naturam ejus est. Sicut ergo natura ejus in reprehensione non cadit, ita nec voluntas. Nam quod proponitur, factum legitur in finibus Tyri: tunc intravit in domum, et neminem voluit scire. Num requiritur quomodo vel quare neminem voluit scire. Animadvertisendum est enim, quia istud in finibus gestum est Gentilium, quibus adhuc tempus prædicandi non erat. Denique mittens discipulos suos præcepit, dicens, *In viam Gentium ne abiheritis, et in civitates Samaritanorum ne introieritis; sed ite potius ad oves quæ perierunt domus Israel (Matth. x, 5, 6).* Idcirco noluit se prodi, quod esset in domo; requiri autem se non noluit, sed libenter accepit. Quamvis enim tempus non esset prædicandi Gentilibus, ultra tamen venientes ad fidem non suscipere, invidia erat. Sic factum est, ut dum Salvator a discipulis proditus non esset, ab aliis tamen qui cum ingredientem domum viderant, proditus sit: et cœpit sciri quod esset in domo, ut intrarent ad illum qui vellent consequi beneficia. A suis ergo noluit præcari, quod esset in domo. Requiri enim se voluit; et ita factum est. Non enim latuit ab aliis deministratus quod esset in domo. Denique mulier Chananæa audiens de illo, intravit ad eum deprecans ut expelleret dæmonium a filia ejus: quæ nisi prius subjecisset se Deo Iudeorum, beneficium consecuta non esset. Impleta ergo voluntas Salvatoris est secundum quæ explanavimus: ea enim quæ compendio brevitatis studens Evangelista complexus est, discutentes, invenimus quod latebat.

(a) Illoc quod per compendium propositum est, ut plus sensum posset occulere, in finibus factum legitur Tyri: quia cum Salvator pervenisset in fines Tyri, intravit in domum. Et quia non adhuc Gentibus prædicare oportebat, jussit neminem alium nuntiare adventum suum: hoc est, *neminem voluit scire: et subaudiatur, a suis noluit nuntiari alium quia erat in domo.* Requiri autem se noluit, quia tempus offerendi Gentibus gratiam non erat. Denique veniens mulier, comperto ab aliis qui viderant illum intrasse in domum, orabat expelli dæmonium a filia sua. Salvator autem sciens non esse tempus dandi ultra gratiam Gentibus, ait, *Sine, nati prius saturentur. Non enim licet accipere panem filiorum, et mittere canibus.* Tunc mulier consensit Salvatoris verbis, et accepit beneficium quod volebat. Consentendo enim junxit se Deo Iudeorum. Hac ergo causa noluit per suos sciri quod esset in domo: et ita factum est ut voluit.

LXXXVIII (b). — Legitur in Evangelio Joannis, quod cum negasset se Salvator ascendere ad diem festum, ascendiit (*Joan. vii, 8, 14*): hoc inconstantis esse videtur.

• Semper brevita propositione sensum occultas. Nam

(a) Quæstio eadem ex MSS. secundi generis, inter post vulgatas ex Novo Test. vigesima quinta.

(b) Hac quæstio deest in MSS. secundi generis.

hoc quod in quæstionem vocas tunc factum est, quando in Galilea positus propter tumultum Iudeorum, fratribus suis adhuc non creditibus sibi, compellebatur ascendere in Iudeam, quia futurus erat dies festus Iudeorum, ut seditionem pateretur. Ipse autem respondit eis, dicens: *Vos ascendite ad diem festum istum, quia mundus vos non odit: me autem odit, quia arguo opera ejus. Ego non ascendo ad diem festum hunc, quia tempus meum nondum impletum est.* Tunc fratres ejus ascenderunt ad diem festum, ipse vero mansit in Galilea. Post autem et ipse ascendit ad diem festum. Quid videtur contrarium, quando non tunc ascendit quando negavit, sed ascendit posterius; et ascendit non quasi ad diem festum, sed quasi ad item? Illi enim omnes leti ascenderunt, quasi ad perfruendas delicias diei festi. Certum est ergo, quia non ascendit ad diem festum. Salvatori autem ille fuit dies festus, quo passione sua redemptum mundum. Denique dicit: *Nunc clarificatus est Filius hominis, et Deus clarificatus est in eo (Joan. xiii, 31).* Hic dies festus ejus est, in quo vicit mortem.

LXXXIX (a). — Si proprio arbitrio vivimus, quare Salvator dixit, *Nemo venit ad me, nisi Pater qui misit me, traxerit eum (Id. vi, 44)*: et consentiens his Apostolis, *Neque voluntis, inquit, neque currentis, sed miseren- tis Dri est: et, Cujus vult miseretur, et quem vult indurat (Rom. ix, 16, 18)*? Quomodo voluntatis arbitrium liberum est, quando alterius nutu aut ad bonum ducitur, aut ad malum?

Aliter causa se habet quam proposita est. Non enim hic quæstionis hujus sensus est quem obtendis. Nam nullo genere ex his liberi arbitrii poterit causa turbari: quia si penitus sensum dictorum advertas, scies hinc magis arbitrii liberi firmari sententiam. Hec enim contra malevolos Iudeos prolatæ sunt. Cum enim dolo simulationis ortæ ex invidia, Joseph patrem proprium et filios ejus fratres assererent Salvatoris, ne Dei esse Filius crederetur, tunc Salvator ait, *Nemo venit ad me, nisi Pater qui misit me, atraxerit eum.* Quomodo autem Pater attrahebat ad Filium, nisi per opera quæ faciebat per illum? Sic enim dicit, *Pater manens in me, ipse operatur (Joan. xiv, 10)*: ut opera hæc attraherent ad fidem Christi. Virtutes enim quas faciebat Salvator, ipse suadebant Deum esse Patrem Christi: ut qui alium patrem habere illum dicaret, non attraheretur a Deo ad Christum. Ideo ergo Deus operabatur per Christum, ut verbis ejus fides commodoretur, quibus dicebat se Filium Dei. Hec est attractio, non violentia, sed testimonium Dei in Christo, cui qui credit, attractus dicitur ab eo ad Christum. Nemo enim Salvatori credit, nisi qui Patrem illius proprium dicit Deum. Nam Apostolus non ut arbitrium pulsaret, hac fatus est que in quæstionem redeisti; sed ut judicium Dei retractari prohiberet, hæc dixit, justum prædicans Deum: scit enim cuius debeat misereri. Cordis enim inspectio providet postulantis mentem, an mereatur accipere. Denique dicit per prophetam, *Plebs hæc labii me honorat, cor autem eorum longe est a me (Isai. xxix, 13).* Nam simularis animum justum est ut obduret Qui enim non per errorem, verum vocat falsum, sed per malevolentiam, ut intelligens bonum, fingat se nescire quod bonum est, ut convertat illud in malum; hoc utique debet illi præstari, ut vere non intelligat bonum, ne salvetur, quod non vult. Nec enim justum est, ut invitus salvetur, qui non per ignorantiam salutem spernit, sed per malitiam vel invidiam. His igitur confirmatur magis liberum arbitrium quam destruitur, ut unicuique pro voto suo respondeatur.

(b) Nullo genere ex his liberi arbitrii causa poterit turbari. Si enim dicta ad causam referas qua dicta sunt, scies hinc magis arbitrii liberi firmari senten-

(a) Pelagianizare videtur auctor hujus sequentiæ quæstionis.

(b) Quæstio eadem ex MSS. secundi generis inter post vulgatas ex Novo Test. trigesima secunda.

iam. Cum enim Iudei studio malevolentie sue de Salvatore dicent, *Nonne hic est filius Joseph, cuius nos norimus patrem?* Quomodo ergo hic dicit, *Quia de celo descendit?* Ad hoc respondit Jesus : *Nemo potest venire ad me, nisi Pater qui misit me, attraxerit eum.* Nunc videndum est quomodo trahit Pater. Ipsius Salvatoris verbum sumatur ; dicit enim, *Opera quae facio, Pater facit. Credite quia ego in Patre, et Pater in me.* Si ergo in Filio Pater operatur, opera autem sunt quae invitant ad fidem ; recte dixit, *quia nemo venit ad me, nisi quem Pater traxerit.* Trahit autem, cum operatur per Filium. Nam qui sibi vult credi, quomodo tollit liberi arbitrii voluntatem? Et qui incredulum arguit, *qua ratione trahit invitum?* Ad Iudeos utique hoc protulit, qui alium patrem illius, quam qui est, dicebant. Nemo enim Salvatori credit, nisi qui Patrem illius dicit Deum. Apostolus quoque non ut arbitrium pulsaret, huc fatus est que nunc proposita sunt; sed ut ostenderet Dei esse justum iudicium, qui filii non potest in danda aut non danda misericordia. Est enim qui postulat, et non meretur accipere ; aliis vero petit, et meretur accipere. Ille enim non solis verbis, sed operibus observat ; ille sola lingua ; hic et corde contributato ; talis enim potest impetrare. Denique quid dictum in Lega est? *Plures habent labores me honorant, cor autem illorum longe est a me.* Si ergo duo petant, unus autem ex his accipiat, debet sciri hunc sic postulasse ut dignus esset accipere : *quia Deus qui justus est, non dat nisi cui dandum scit.* Vides ergo non arbitrium negatum, sed firmatum. Nam si una mente, una operatione duos audieris postulasse, et unum ex his exauditam, alterum despectum ; recte et arbitrium non esse, et Deum acceptorem personarum putares.

LXXX. — Certe aut filii Dei quisque est aut diaboli : *semper ergo filius est;* sed aliquando Dei, aliquando vero diaboli : *quid ergo nascimur requerendum est.*

Dominus cum filii Israel saepe delinquerent educti de Aegypto, iratus sententiam dedit, dicens, nullum illorum intratrum in terram promissionis excepto Caleb et Josue filio Nave, qui prius Auses dicchatur. Eos autem qui nati fuerant in deserto, ipsos dixit intraturos, eo quod nescirent bonum aut malum. Nescire autem bonum aut malum, simplicitas quedam est naturalis, *qua neque ad malum erudita est.* Hac est ignorantia sine malitia. Sine sensu enim nascimur : sed natura nostra hoc bonum habet, *quod capax est ediscere veritatem.* Filius autem diaboli est, qui natus malis rebus inebiatur, ut his studeat *qua innivica sunt Creatori,* multos asserens deos, et his immolandum quasi mundi rectoribus. Ille si resipiscat, et juxta naturam suam sentiat, ad Creatorem se conferens, filius Dei erit. Ac per hoc neque filii Dei sunt qui nascuntur, neque filii diaboli. Quid enim dicit Salvator Iudeis? *Vos de patre diabolo estis, et concupiscentias patris vestri vultis facere* (*Joan. viii. 44.*) Vides ergo operibus et professione filios creari diaboli : hos autem esse filios Dei, qui consitentes proprium esse Deum Patrem Christi, recte versantur. Sic enim Deus instituit genus nostrum, ut sine sensu nascamur, possibiliter tamen habeamus discendi, sive bona, sive mala ; ut ipsi nobis aut mala acquiramus, aut bona : ut letemur in nobis, cum recte agentes remuneramur ; aut ipsi nobis imputemus, si prava sequentes condemnemur.

(a) Dominus, cum filii Israel saepe delinquerent educti de Aegypto, iratus, nullum illorum in terram promissionis intrare permisit, excepto Caleb et Iesu Nave. Filios autem eorum qui nati fuerant in deserto, ipsos dixit intraturos, eo quod nescirent bonum aut malum. Nescire autem bonum vel malum, simplicitas quedam est naturalis, *qua neque ad bonum neque ad malum erudita est :* hoc est, ignorantia sine malitia. Sine sensu enim nascimur, sed nostra natura capax est ediscere veritatem. Filius autem diaboli est, qui

(n) Questio eadem ex MSS. secundi generis, inter post vulgatas ex Novo Test. quadragesima prima.

natus malis rebus imbutus, iis studet que adversus Creatorem sunt, dicens multos esse deos, et iis sacrificandum quasi mundi rectoribus. Ille si resipiscat, ad naturalem regressus justitiam, recipiens fidem Christi, erit filius Dei : ac per hoc neque filii Dei sunt qui nascuntur, neque diaboli. Quid enim dicit Salvator Iudeis? *Vos de patre diabolo nati estis, et concupiscentias patris vestri vultis facere.* Vides ergo operibus et professione filios diaboli procreari. Sic enim Deus instituit genus nostrum ut sine sensu nati, possimus tamen erudi ad utrumque, ut sive ad bonum, sive ad malum ipsi nobis quodammodo simus auctores : ut letemur in nobis, cum recte agentes remuneramur ; aut nobis imputemus si prava sequentes penitus subjiciamur : ideo iudicio nostro nos dimisit, ut neque queramur de malis, neque frustra, sicut et Dei filios per fidem fieri, de nobis gaudeamus si coronemur. Deus conditor et auctor substantiae nostrae voluit aliquid nos proprium nostrum habere, ut non indigne gloriemur de fide, quam habemus in Deo. Qui enim potestatis suae non est, quidquid habuerit, alienum est ; ut nec gloriari possit de bonis, nec reus constitui de malis.

LXXXI. — Apostolus ait, *Nos natura Iudei* (*Galat. ii. 15*) : de Iudeis ergo nasci Iudeos ostendit : non de proselytis dico, quos constat fieri Iudeos. Denique qui in cremo nati sunt, non sunt circumcisi, et tamen Iudei erant. Non ergo circumcisio Iudeum facit ; sed nativitas sub Dei Creatoris devotione progenita. Si ergo de Iudeis Iudei nascuntur, quare non etiam de Christianis Christiani ? nam et de Paganis Pagani nascuntur.

Non omne quod nascitur, hoc est unde nascitur. Nam et aurum de terra nascitur, et non tamen terra est ; et gemme et alia multa : et de ligno esca nascitur, et de ovo pullus. De Paganis autem ut Pagani nascuntur haec facit causa : *quia enim omnis paganus in ignorantia est, et qui nascitur ex eo sine sensu est, ambo ignorantes sunt.* Sed hoc interest inter utrumque, *quia qui generat, sine dubio blasphemus est, ac per hoc filius diaboli est :* natus autem infans nescit blasphemare, sicut nescit benedicere ; paganus tamen est, *quia sine sensu est.* De Iudeo autem idcirco Iudeus nascitur, *quia sub Creatoris devotione generatur.* Sicut dixit Adam de Cain, *Procreavi hominem per Deum* (*Gen. iv. 1*). Sicut enim Pagani indevoti Creatori, daemonis gratias agunt in omnibus quae agunt ; ita et Iudei Deo Creatori supplices, laudent eum in omni actu suo, in eo despiciendi quia non cognoscunt Christum, per quem sunt omnia. Hoc etiam modo de Iudeo Iudeus nascitur. Non enim sicut quibusdam videtur, *quia circumcisio facit Iudeum.* Circumcisio enim signum Judaismi est, non Judaismus : *quia non Abraham circumcisio justitia est, sed signum justitiae, ut nati ex Abraham signum haberent, per quod probarentur filii esse Abraham :* quippe cum ex Iuda Machabeo hoc nomine sint appellati, ut non solum ex Iuda, sed et ceteri ex omnibus filiis Jacob, Iudei vocarentur, propterea quod Judas dux fuerit eis. Ideoque nati Iudei signum accipiunt, ut qui sunt intelligentur. De Christiano autem ideo non nascitur Christianus, *quia ipse qui generat, non natus, sed factus est Christianus.* Quomobrem et iste qui nascitur, fieri oportet, ut sit. Nec enim per substantiam nascitur, sed per fidem que jam natis accedit. Ignorantia enim cum carne nascitur, fides autem postea spirituali ratione inseritur. Sed dicitur e contra, Si factus utique est qui generat, hoc jam debet generare quod ipse est, ut accepta dignitas traducere faceret. Nam senatoris generant senatores. Sed senatorum dignitas non habet apud Deum meritum. Neque ipsa natura, hoc est substantia consequitur beneficium, sed in sola fama et sermone dignitas vertitur. Ac per hoc currit quidem sermo per traducem carnis, sed nihil aliud prestat, quam opinionem dignitatis : sicut et hi qui consules sunt, aut statuis honestantur, gaudent in vano. Christiani autem cum sunt, ipsi naturæ accedit dignitas, ut essentia

ipsa hominis æternum habeat incorruptibilitatis beneficium ut non opinio sola, sed et res sit in effectu apud Deum. Tale est ut istud, si quis disertus pauper in laude sit et egeat pane, aut reliquis necessariis. Hec enim vera laus est, si sic illi proficiat quesita dignitas, ut nullius egeat; dum hoc naturæ ejus præstatur, ut per se ipsa vivat, et bene vivat nullo requisiتو suffragio: hoc est, vere divitem fieri et gloriosum.

(a) Non omne quod nascitur, hoc est quod unde nascitur. Nam et aurum, etc. Paganus tamen est, quia sine sensu est, neque suum habens meritum, neque alterius. De Judeo autem idcirco Judæus nascitur, etc. Sed dicitur e contra, Si factus utique est qui generat, hoc debet generare quod ipse est, ut jam accepta dignitas traducere faciat: sicut et in Judeis, quia Abramam de pagano, Dei cultor factus est, et ex eo origo Judeorum; sicut et facti senatori, juri senatorum generant. Sed senatorum dignitas non apud Deum meritum habet, neque ipsa natura, id est substantia consequitur beneficium; sed in sola lama et sermone dignitas veritur; ac per hoc currit sermo per traducem carnis, nihil aliud prestans, quam opinionem mundanam dignitatis. Quare autem de Judeo Judeus nascitur, jam dictum est: Christianus autem cum boni dignitas nature ipsi accedit, ut substantia hominis qua constat beneficium consequatur, ut non opinio sola, sed et res sit in effectu apud Deum. Denique accepta remissione peccatorum, purificatur totus homo, ita ut et filius a Deo adoptetur. Quamobrem omnes natos renasci oportet, quia misericordia Dei singulis donat gratiam. Nec enim alter alteri potest remissionem accipere. Anima enim quae nascitur in corpore, vel cum corpore, subdita morti inventa ab Adam, nisi signum acceperit evictæ mortis, tartarum inferni non evadit. Uniusquisque enim sibi accepit beneficium, non et ei qui nondum est. Si enim factus Christianus immortalis jam esset, recte natus de illo hoc esset quod et genitor. Nam qui sunt Christiani, signum accipiunt, ne a morte secunda teneantur: non tamen mortem presentem, quam Adam invenit, evadunt. Infantes autem propterea baptizantur, cum sint innocentes, ut anima rufis nata in corpore, signum habeat mortis evictæ, ne possit ab ea teneri. Hoc signum Abraham non habuit: neque Prophetæ, quia tempus illos non invenit; reservatum est autem Filio Dei, qui veniens vincet mortem, et hanc gratiam credentibus largiretur. Hinc est unde Dominus ait Judeis, *Abraham pater vester cupivit ut videtur diem meum; et vidit, ei gavisus est (Joan. viii, 56).* Sciens enim Abraham Christum ad liberationem humani generis repromissum, semper enim necesse erat ortum ejus in inferis positos expectare; quem ubi in spiritu natum esse vidit, gavisus est, certus quid in brevi de inferno eruptus induceretur in celos. Quomodo ergo de Christianis nasci deberent Christiani, quando qui non crediderit, aut non fuerit baptizatus, non erit Christianus?

LXXXII. — Pagani elementis esse subjectos nulli dubium est: quid est ergo quod Apostolus dicit, *Eramus et nos sub elementis hujus mundi servientes? (Galat. iv, 3).* Si itaque et Judæi elementis erant servientes, quid differebant a Pagani?

Manifestum est adjectio, aut diminutione, sive immutatione unius syllabæ sensum perverti. Idcirco Pagani elementa colere omnibus cognitum est; Judæi autem non elementis, sed sub elementis Deo servisse, propter neomenias, et sabbata, et circumcisionem, et cetera talia; hæc enim carnalia sunt. Quidquid enim visibile est, carnale est, et de elementis est. Sed quia ex precepto Dei erat, Deo serviebatur; ut ex visibilibus ad invisibilia veniretur, et ex hac causa profectus fieret ad majora capienda, ut in his meditati digni fierent promissi spiritualibus. Ex ea igitur parte, quam supra dixi, sub elementis servie-

^{ta} Quæstio eadem ex MSS. secundi generis, inter post vulgatas ex Novo Test. quinquagesima sexta.

bant Judæi; ex alia parte legem habebant spiritualem, quæ et peccare prohibet, et exhortatur ad dilectionem Domini Dei, qui venturus eis fuerat promissus ad remittenda peccata.

(a) Pagani non sub elementis servient, sed ipsis elementis. Colunt enim astra, solem, lunam et sidera; haec in firmamento: in inferioribus autem terram, aquam: in mari vero Neptunum: in inferis autem Platonem: aperte creaturam mundanam colunt, præterito Creatore. Nam Judæi hoc modo sub elementis, Deo tamen serviebant, qui haec ipsa mandata dederat. Observant enim neomenias, sabbata, pecorum sacrificia. Initio mensis septimi tuba cauere, quinto decimo autem die mensis septimi medullas palmarum et ramos ligni spissos, et ramos salicis circumferre, et in casis septem diebus habitare. Hæc ergo observantes, recte sub elementis dicuntur servisse: haec enim ex elementis sunt. Christiani autem non sub elementis, sed supra elementa Deo servient, ad Jerusalem celestem properantes, in spiritu Deum adorant, non in visibilibus et mundanis, sed in animo Dei culturam habentes, invisibili invisibiliter serviientes, sicut dicit Dominus in Evangelio, *Veniet hora, in qua veri adoratores adorabunt Patrem in spiritu et reitate (Joan. iv, 23).* Hæc ergo veritas est, spiritu Deo servire, animo magis quam corpore: ut quia Deus spiritus est, spiritualiter excolatur. Ex hac parte Judeos sub elementis subjectos dicit suis, qua supra memoravi: ex alia autem parte, Legis spiritualem fuisse rationem, quæ et peccare prohibuit, et diligendum ex omni corde Dominum mandavit, et spem habere in Christo. Sed Apostolis prædicantibus hæc, magis defendebant quæ carnaliter data fuerant. Hæc Apostolus memorat ut obsfuscat Judeos, qui obtrectantes Legis spiritualis, visibilibus erant subjecti: et ut hæc vere, ad comparationem legis fidei, infirma ostenderet, etiam interposita persona hoc denotat, qui utique eorum annulus fuerat vehementer. Cognito autem Christo, hæc contemni astimavit, quia multum differt Gratia Dei per Christum a Lege factorum.

LXXXIII. — Si per Christum salus, et vera et perfecta cognitione; cur non ante venit, ut et anteriores nostri qui in ignorantia fuerint, addiscerent veritatem? Denique post adventum Christi multi salvati sunt, magis quam prius. Unde et si ante venisset, multo plures salvati fuissent. Si ergo ita est, reprehensibile videtur.

Nulli misericordiam facienti catulliam fieri oportet. In potestate enim dantis est, quando vel quantum velut miseri. Exhortandus est enim hujusmodi et precibus provocandus, non contentione a bono opere revocandus. Forte non contradiceretur, si pro hac misericordia vicis illi aliqua redderetur. An quis medicum arguet qui medicamenta sua et officium suum gratis impendet? aut accusabit tarditas ejus ab eis, a quibus non est requisitus? Hæc quidem diximus secundum rationem, sed Salvatoris bonitas ista non curat propter imbecillitatem humanam: suam enim sequitur naturam ad faciendam misericordiam. Idcirco tunc venit quando debuit venire, voluntatis sue rationem secutus, non meritorum nostrorum. Nam si merita perpendas, venire non debuit. Venit ergo quando et subveniri debere scivit, et gratum futurum beneficium. Si autem ei cui necessitas imminet ante subveniatur, erit quidem gratum; non tamen valde poterit scire quid sibi præstitum est: si autem in ipsa necessitate posito auxilium feras, sciet quale beneficium consecutus sit. De tribulatione enim eruptus, majores gratias referet: quomodo si esurienti offeras panem; si autem offeras cum non esurit, non utique tam gratum erit. Idcirco recte factum est, ut non ante veniret Dominus. Primum enim dimisit genus hominum ut voluntate sua, non sine testimonio sui, quia ex ipsa mundi fabrica per annua numerā, que elementorum ministerio humanis usibus exhiberi decre-

^{ta} Quæstio eadem ex MSS. secundi generis, inter post vulgatas ex Novo Test. quinquagesima nona.

vit, intelligi et timeri divinitatem suam voluit. Quippe cum etiam ex traduce primi hominis, deinde Enoch et Noe notitia ejus esset in terris. Sed cum language quodam humani generis obsolescere copisset cognitio Dei inter homines, et mores immutarentur, eligere dignatus est Abraham, in quo forma esset renovata notitia Dei et morum. Et cum adhuc reverentia seniorum esset, postea per Moysen Legem litteris dedit, quae neque obsolesceret, et magis metum incenteret. Major enim timor est, ubi auctoritas manifesta est. Et quia acceptam Legem gentes spreverunt, non se subjiciunt ei, neque ii qui accepserunt servaverunt eam; motus Dominus misericordia, misit Filium suum, qui se pro illis offerens, mortem destruens, data omnibus remissione peccatorum, Deo Patri illos justificatos offerret. Non enim posset descendit ad inferos, nisi per mortem. Nec ordo e: in nec ratio poscebat, eum qui mortuus non fuisset, intrare iannas tartari. Nonne si quis vult in terra sua barbaros decipere, immutat se in habitu illorum, ut putetur unus ex his, et sic explorat quomodo illos subverterat? Ita factum est et de diabolo: quoniam male more hominem subverterat, ut in morte non remaneret, inventum est remedium, quomodo quos male tenebat amitteret, et subintraretur ei: et quem putabat se velut hominem occidisse, reperiret illum apud inferos Deum. Quo facto, reus inventus omnes quos tenebat amisit, et de cætero aperta est ad cœlum via. Ecce quantum profuit adventus Salvatoris, ut scientes homines de quo periculo liberati sunt, sine cessatione gratias illi referant. Sed forte e contra dicatur: Si inulti ante Legem et post Legem peccatis pressi totos se carni dederunt, et digni fuerunt in tartaro remanere, sine dubio fuerunt qui devotione et Creatoris reverentia vitam suam naturæ lege frenarunt: numquid non etiam hi detentis sunt apud inferos, exuti hac vita? Si autem ante venisset post mortem Adæ, liberato Adam qui prior peccaverat, ceteris ad cœlum aperiret viam, ut qui bene vixerant, agnito Creatore defuncti reciperentur in cœlum. Dammum ergo est, quia non ante venit Christus? Dammum esse manifestum est, sed quare an justum an injustum sit. Solent enim damna justa esse, de quibus queri non licet. Numquid sur deprehensu et juxta legem in quadruplum condemnatus, ausus est queri? Ac per hunc damnum quod genus hominum passum est, juste factum est, unde et permisum est. Quare et Salvator inter ipsa primordia venire non debuit. Cum enim diabolus superbiret, homo factus a Deo positus est illi inimicus, ut auxilio Dei munitus, quia impar erat, resisteret ei accepto mandato. Diabolus autem solita subtilitate simulavit se ignorare quid preceptum esset a Deo, et invenit Eman instabilem: postea autem promittens illis, quod si interdictum contigissent, præstaret illis divitiam; circumvenit eos. Tunc diabolus superato nomine triumphavit: hic vetus genus suum subiecti peccato. Quamobrem injustum erat victori violenter auferre spolia, quia Deus quod facit iuste facit. Praeterea cum acerbe peccaverit homo assentiens ei, contra mandatum Creatoris, fieri se Deum; idolatriam admisit, per quod in Deum peccavit: ideoque non illi statim debuit subveniri; quippe cum nec pœnituerit, nec grata ei fuisset misericordia, si non scivis-erit quid mereretur. Quanquam enim omnia possit Deus, illud facit quod convenit rationi, ut irreprehensibilis perseveret.

(a) Si ei cui necessitas imminet, ante subveniatur, erit quidem gratus, non valde tamen poterit scire quid sibi præstitum est. Si autem in ipsa necessitate posito auxilium feras, sciet quale beneficium consequens est. De tribulatione enim eruptus plus gratias agit; quomodo si esurienti offeras panem: si autem offeras non esurienti, quæ erit gratia? Idecirco recte

factum est, ut non ante veniret Dominus. Primum enim dimisit genus humanum uti voluntate sua, non sine testimonio sui: quia ex ipsa fabrica mundi per annua mœra, que elementorum ministerio humanis usibus exhiberi decrevit, cognosci et timeri divinitatem suam voluit. Postea vero cum obsolesceret notitia Dei in terris, et mores immutarentur, dignatus est visitare genus hominum, ut data Lege, vel reformata (erat enim in natura, sed negligi coepit), et notitiam sui et Legis auctoritatem restauraret; ut recognitus Deo, et revocata Lege timere inciperent: certi quia qui Legem dedit, judicaturus esset actus humanos. Et quia accepta Lege a peccatis se cohibere nequiverrunt, cum possent, diu etiam per Prophetas admoniti: motus Deus misericordia misit Filium suum, qui se pro illis offerens, et mortem destruens, data illis remissione peccatorum, Deo Patri illos justificatos offerret: ut scientes de quo periculo sunt excepti, sine cessatione Deo gratias agant; ut etiam si usus exegerit sanguinem pro illo fundentes, nec sic se illi vicem reddere profiteantur. Quam gratum ergo et pretiosum beneficium existimant, quod nec morte compensari putant? Sed forte contra dicatur: Si multi ante Legem, et post Legem peccatis pressi totos se carni dederunt; sine dubio fuerunt aliqui, qui creatori Deo devoti a vitiis se infranarent. Age, numquid hi expuncti a vita non in infernum descenderunt? Si autem ante, post mortem Adæ, Christus venisset; liberato Adam, qui peccato proprio tenebatur, a morte, ceteris ad cœlum iter fecerit credentibus, ut quia hic bene vixerant, grati Creatori et restauratori defuncti recipierentur in cœlum. Dammum ergo est, quia non ante venit Christus. Dammum e: se manifestum est. Sed quare an justum an injustum sit. Solent enim damna justa esse. Numquid sur reprobatus, cum in quadruplum juxta legem damnatur, non damnum patitur? Sed justum est, ac per hoc justum quod hominum genus passum est, juste provenit, ideo et permisum est. Quare et Salvator inter ipsa primordia venire nou debuit. Cum enim diabolus superbiret, et homo a Deo factus positus est illi inimicus, ut auxilio Dei munitus, quia impar erat viribus, resisteret illi accepto mandato unius Dei imaginis in terris ad errorem auferendum, per id quod unus ab uno factus, ex quo ceteri, demonstraret. Diabolus autem solita subtilitate simulavit se ignorare quid preceptum fuisset a Deo, et invenit Eman instabilem, post autem promittens illis, quod si interdictum degustassent, futuri essent dii; circumvenit eos. Sic diabolus devicto nomine triumphavit, hic vetus genus suum vendidit peccato. Non ergo justum erat victori statim auferre violenter spolia: quia quod facit Deus, iuste facit. Praeterea cum acerbe peccaverit homo; assentiens enim fieri se Deum, idolatriam admisit, hoc est in Deum peccavit: ideoque non illi statim debuit subveniri, qui nec pœnituit. Post autem justis multa mala intulit satanas: Job, Joseph, Jeremias, Isaiae, Zacharia, et ceteris Propheticis, et justis. Idecirco communis: est Christus a Deo Patre suo qui illum vinceret, et se manifestaret, regnum ejus auferens ratione, non potestate; quanquam omnia possit Deus: sed illud facit quod congruit rationi, ut irreprehensibilis perseveret.

LXXXIV. — Quare lunæ cursum in ratione Pascha custodiens, Pagani reprehendimus, quia dies lunares et motum custodiunt?

Absit a Christianis ut sidera venerari dicantur, quibus indulta est spirituali cultura, ut despicientes quæ videntur, iis quæ invisibilia et super cœlestia sunt, copulentur; et haec omnia transcendent futuri cum Angelis Dei. Nam et siderum cultores aut cum ipsis erunt, aut infra ipsa. Quomodo enim fieri potest, ut aliquis super hæc sit que colit? Pagani itaque non computum lunæ observant; sed lunam ipsam velut deam venerantur. Et effectus curriculorum ejus apprehendisse se arbitrantes, quid certis diebus agendum, quidve cavendum sit, decernunt, imperio ejus quasi vitam et conversationem suam ordine quodam

¹ Ms. Colbert., expuncti.

(a) Questio eadem ex MSS. secundi generis, inter post vulgatas ex Novo Test. quinquagesima octava,

subjicienes : quos, quia extra Dei ordinationem hæc ausi sunt usurpare, falli frequenter reprehendimus. Hæc enim luminaria in signa temporum Deus constituit. Unde et nos numerum lunæ custodimus, non illum ipsam excolimus ; ut a quarta decima luna, quæ nobis secundum Legem prima est, rationem Paschæ observemus. Omnia enim plena Deus instituit : ideoque a quarta decima usque ad vigesimam primam, his septem diebus Pascha nobis celebrare concessum est, ut de his septem aliqui dies a paraseeve usque ad resurrectionem Domini concludantur : ut neque tertia decima in passione sit, neque quarta decima in resurrectione, aut quinta decima ; ne ante primam secundum nos lunam, passio Christi sit, neque resurrectio ejus non primo die quo cœptus mundus est. Omnia enim mundi tempora unius hebdomadæ curriculae numerantur ; quia his Deus mundi membra et ornamenta composuit. Sex enim diebus mundum aptavit, et septima cessavit, quam sabbatum appellavit. His enim septem diebus totius mundi ratio et numerus continetur. Semper enim in se redeentes multiplicant numerum temporum. Post sabbatum enim a primo die repetit semper usque ad diem septimum, id est sabbatum : ut resurrectio Domini primo die inchoati mundi facta discatur ; qui dies dominicus dicitur. Ipsum enim fecit Dominus unum cum vespere, et in septenarium numerum evolutus incipit iterum, ut sit post hebdomadam primus. Quod ita decreatum ab initio est propter sacramentum incarnationis Domini, et passionis, et resurrectionis. In corpore enim Domini totus prope mundus resurrexit, et instauratus est. Absolutum est, non nos lunam colere ; sed numerum, qui per lunæ cursum institutus est, custodire. Diabolus autem, qui est satanas, ut fallacie sue auctoritatem aliquam possit adhibere, et mendacia sua commentitia veritatem colorare, primo mense quo sacramenta dominica scit celebranda, quia non mediocris potentias est, Paganis que observarent instituit mysteria, ut animas eorum duabus ex causis in errore detinaret : ut quia preuenit veritatem fallacia, melius quiddam fallacia videretur, quasi antiquitate prejudicans veritatem. Et quia in primo mense, in quo aquinoctium habent Romani, sicut et nos (*a*), ea ipsa observatio ab his custoditur ; ita ut etiam per sanguinem dicant expiationem fieri, sicut et nos per crucem : hac versutia Paganos detinet in errore, ut putent veritatem nostram imitationem potius videri quam veritatem, quasi per simulationem superstitione quadam inventant. Nec enim verum potest, inquiunt, testimoni quod postea est inventum. Sed quia apud nos pro certo veritas est, et ab initio hæc est, virtutum atque prodigiorum signa perhibent testimonium, ut, teste virtute, diaboli improbitas innotescat. Quoniam enim sola est quæ facile suadeat, hæc contra versutiam et prætentum diaboli posita est, ut simulationem ejus revelet. Nemo enim etiam inimicorum negare audeat illuc esse veritatem, ubi virtus apparel.

LXXXV. — Quid est ut cum constet a David usque ad transmigrationem Babylonis decem et septem esse generationes ; evangelista quatuordecim dicit (*Matth. 1, 17*), pretermisis Ochozia, qui post Joram est filium Josaphat, et Joas filio Ochoziæ, et Amasia filio Joas ?

Nihil Evangelistam quam sensum Legis secutum credibile videri debet. Ideoque non immerito hi ab Evangelista sublati sunt de numero cæterorum. Sic enim horum continuavit impietas, ut malignum eorum nullum intervallum haberet. A Joram autem coeptum malignum sic perambulavit usque ad Oziam filium Amasia, ut nullius lateris esset suffragium, quo ex parte merito patris aliquis horum remaneret in numero regum. Nam Joram maligne agens merito Josaphat premissus in numero est ; et Ozias merito

(*a*) Loquitur perinde ac si alibi quam Roma scribat : non ergo idem ipse est auctor quæstionis cxv apud Romanum scriptum.

Joathan reservatus in numero est. Illorum autem trium continua malignitas in Deum est. Salomon quoque merito patris remissus in regno est ; et Roboam filius Salomonis maligne agens merito Asa relictus est in numero regum. Illi autem tres in medio malorum conclusi sunt maligne agentes, ideo erasi sunt. Pejus eniū a perditione generis exemplum est, quando se jugiter malignitas pandit (*a*). Et ut proprie dicam, propterea quod ex traduce eorum non est Joseph, pretermisi sunt. Ab Abraham eniū horum generationem secutus est Evangelista, ex quibus originem trahit Joseph, cui desponsata est Maria, quæ genuit Christum.

LXXXVI. — Quid est quod probet Mariam matrem Domini ex tribu et semine esse David ?

Idonei testis proferemus sermonem. Dicit enim Angelus ad Mariam inter cætera : *Et dabit illi Dominus Deus sedem David patris sui, et regnabit in domo Jacob in eternum, et regni ejus non erit finis* (*Luc. 1, 32, 33*). Quomodo diceretur ab idoneo teste pater ejus David, si non esset mater ejus Maria ex semine David ?

LXXXVII. — Si unus est Deus, cur in tribus spes salutis est, et noui in duobus aut quator, aut certe in ipso uno ? et quare non est ab initio Trinitas prædicta ?

Nihil pene novum effectum est : sic enim Trinitas prædicatur, ut unus Deus creditur. Non ergo additum est aliquid, sed sacramentum Dei unius revelationum. Inter ipsa autem primordia manifestari non oportuit ; quia prius prædicandum, et postea id quod prædicatum est, revelandum : ut scias patrem esse, a quo cuncta sunt ; Filium vero dici, per quem sunt omnia ; Spiritum autem sanctum appellari, per quem omnia, quæ a Patre quidem, sed per Filium sunt, regenerantur ab fidem Dei unius. Ili ergo tres sunt quidem, sed una divinitas. Ratio igitur facit ut tres sint, non plures aut infra. Omnis enim numerus usque ad novem pervenit, quia tres dum invicem in se sunt, faciunt numero novem ; quia in uno tres sunt, et tres sunt unum. Qui enim videt unum, videt tres, dum nihil differt alter ab altero. Tres ergo unum, et ter tres unum. Haec enim in nono numero perfectio est, quantum ad numerum pertinet, quia de uno sunt omnia. Addito enim uno ex quo vel in quo tres qui numerantur novem, fiunt decem vel viginti. Semper tamen usque ad novem venitur, et unus additur, quia novem unum sunt, ut plena perfectio sit unitatis.

(*b*) Unus quidem est Deus, sed non singularis est. Habet ex æternis in mysterio alterum qui sit cum altero. Et quoniam Deus pater in se habet alterum cum altero, sicut dixi, dignum fuit unum prius prædicare, non manifestato mysterio quod erat in ipso : quoniam caput Filii Pater est, et caput Spiritus sancti Filius, quia de ipso accepit : et sicut Pater misit Filium, ita et Filius misit Spiritum sanctum. Postquam autem cognitus est Deus ex quo sunt omnia, tunc scientibus se manifestavit Filium suum, quem ex æterno habuit apud se. Manifestatus autem Filius ostendit Patrem esse qui prius unus Deus prædicabatur esse. Quo cognito palam fecit esse etiam Spiritum sanctum, qui tertius sit a Patre, secundus autem a Christo secundum numeri ordinationem ; juxta substantiam autem non esse et non differre alterum ab altero : et hoc ex æternis suis in mysterio Dei, qui in Trinitate est adorandus. In codem eum honore vult recipi, quod ex ipso est, in quo recipitur ipse a quo est. Dignum enim est, quia in ipso fuerunt et omnia per Filium facta, et per Spiritum sanctum illuminata, ut in Trinitate salus prædictetur, servato ordine personarum, unius divinitatis indiscreta adoretur potestas. Ut ergo tres sint noui

(*a*) Reliquum deest in MSS. secundi generis.

(*b*) Quæstio eadem ex MSS. secundi generis, inter post vulgatas ex Veteri Test. nona.

plus aut infra, ratio facit: quia omnis numerus usque ad tres pervenit. Tres enim quia invicem in se sunt, undique Trinitas annuntiatur, quia in uno tres sunt, et tres unum sunt. Unum qui videt, videt tres, dum nihil differt alterum ab altero. Tres ergo unum, et unum tres. Hæc est Trinitas undique perfecta. Et hæc est Trinitatis intelligentia, quæ tunc perfecta est, si unum dicantur.

LXXXVIII. — (a) Si major gratia, et manifestatio intelligentia in Novo est quam in Veteri Testamento; quare Isaías propheta sedentem in throno majestatis vidit Dominum sabaoth, qui est Christus, iuxta interpretationem Joannis evangelista? dixit enim inter cetera, *Hec locutus est Isaías, quando vidit majestatem ejus, et locutus est de eo (Isai. vi, 1; Joan. xii, 41).* In Novo autem Stephanus primus martyr stantem se vidisse dicit Jesum a dextris Dei (Act. vii, 55). Quid est istud ut hic subiectus videatur post triomphos, et illuc quasi Dominus antequam vincent?

Prout causa fecit ita et Dominus se ostendit. Prophetæ enim visus est quasi rex corripiens plebem: et hoc se ostendit quod erat, hoc est, sedentem. In pace enim erat causa divinitatis ejus. Stephano autem ut stans appareret, fecit calumnia Iudeorum. In Stephano autem Salvatoris causa vim patiebatur. Ideo sedente judge Deo, stans apparuit, quasi qui causam diceret: et quia bona causa ejus est, ad dexteram judicis erat. Omnis qui causam dicit, stet necesse est.

LXXXIX. — Salvator inter cetera dicit de Spiritu sancto, quod *Veniens*, inquit, *ille arguet mundum de peccato, et de justitia, et de iudicio. De peccato quidem, quia non crediderunt in me; de justitia vero, quia eo ad Patrem, et jam non videbitis me; de iudicio autem, quia princeps hujus mundi iudicatus est (Joan. xvii, 8).* Causam quidem videtur dixisse arguendi mundi, sed indiget explanatione.

Cum Salvatori non crederent Iudei, neque mundane potestates; quia non solum hominibus se manifestari voluit, sed et principibus et potestatibus in coelestibus, sicut docet Apostolus in Epistola ad Ephesios (Ephes. iii, 10); post passionem suam verac locutum Spiritum sanctum probaturum ostendit. Et hoc est arguere mundum, ostendere illi vera esse quae credere noluit. Credere enim noluit a Deo venisse Salvatorem. Salvator autem servata justitia non trepidavit reverti ad eum qui se miserat: et per id quod regressus est, probavit se inde venisse. Quia *nemo*, inquit, *ascendit ad Deum, nisi qui descendit a Deo (Joan. iii, 13)*. Videntes ergo potestates ascendere eum, confusæ sunt, videntes verum esse quod velut falsum spreverant. Itaque ista justitia arguit eos, quia justum probatum est, quia regressus est unde venerat. Sic autem arguit eos de peccato, quia non solum credere ei noluerunt, sed et occidereunt eum. De iudicio vero sic eos corripuit, dum ostendit principem mundi reum factum et comprehensum ab eo, cuius fidei non communicarunt. Videntes enim animas de iuferis ire in celos, cognoverunt adjudicatum esse principem hujus mundi, ut reus factus in causa Salvatoris, quæ tenebat, jure amitteret. Hæc quidem ascendente Salvatore visa sunt; sed superveniente in discipulos Spiritu sancto, palam aperteque manifesta sunt. Vera enim correptio tunc fuit, quando post passionem resurrectionemque ad testimonium Salvatoris publice a perfidis videbantur resurgentis mortui, claudi currentes, leprosi mundati, paralytici confirmati, cæci aspicere, surdi audire, muti eloqui, dæmoniaci purgari, infirmi recuperata sanitatem gratias agere. Hoc modo Spiritus sanctus arguit mundum; quia in nomine Salvatoris, qui reprobus est a mundo, omnium curationum virtutes operatus est.

(a) Hæc quæstio deest in MSS. secundi generis.

PATROL. XXXV.

XC. — Si diabolus ipse est satanas, quid est ut inter cetera dicat ad Iudeos Salvator, *Vos de patre diabolo estis, et concupiscentias patris vestri vultis facere. Ille homicida fuit ab initio, et in veritate non stetit; quia veritas non est in eo: cum loquitur mendacium, ex suis propriis loquitur; quia mendax est sic et pater ejus (Joan. viii, 44)?*

Diabolus non speciale nomen est, sed communio cum ceteris. In quoquaque enim opera diaboli fuerint inventa, sine dubio diabolus appellandus est. Operis enim nomen est, non naturæ. Itaque hoc in loco patrem Iudeorum Cain significat, cuius imitatores volentes esse Iudei, Salvatorem peremurunt. Ille dicit eum, quia se parricidio maculavit, et reum fecit mortis, in veritate non stetisse. Ab ipso enim forma data est fratricidii. Iustum ipsum dicit, *cum loquitur mendacium, de suis propriis loqui, ut ostenderet unquamque nonnisi propria voluntate peccare. Sed quia imitator diaboli est, adjecit, Quia mendax est, sicut et pater ejus. Ille enim ut primum hominem morte condemnaret, simulavit se nescire quid preceptum fuisset ei a Deo. Sic et Cain interrogatus finxit se nescire, ubi esset frater suus Abel, quem occiderat (Gen. iv, 9).* Hoc ergo in loco diabolum Cain esse dixit; patrem autem ejus diabolum, cuius opera secutus est. Diaboli enim filius, diabolus est. Sed diabolus ille qui est satanas, patrem in malitia sua nullum habet. Ipse enim sibi in malo auctor est. Prior enim ipse peccavit, ac per hoc quicunque imitati illum fuerint, filii ejus dicentur, et ille pater eorum. Etenim nos in fide patrem Abram habemus, quia prior ipse creditus Deo: ac per hoc nomine ejus censemur. Fideles enim dicimus sicut et ille.

XCI. — Querendum quomodo contradicendum sit argumentis Photini dicentis, Christum ante Mariam non esse.

A Joanne prius quereramus Baptista, quem ipse Salvator testem suum esse professus est. Ait enim inter cetera de Domino, *Qui de sursum venit, super omnes est: qui auctem de terra est, de terra loquitur. Qui vero de celo venit, quod vidit et auditiv, testificatur: et testimonium ejus nemo accipit (Joan. iii, 31, 32).* Ecce Joannes omnes secum pariter ad comparationem Domini terrestres appellat: quia illum de consilis testatur venisse, ceteros vero omnes de terra esse, hoc est, de inferioribus. Et ipse Dominus inter cetera eadem loquitur, dicens: *Non enim descendit de celo ut faciam voluntatem meam, sed voluntatem ejus, qui misit me, Patris (Id. vi, 38).* Et iterum Dominus inter alia hoc sensu loquitur dicens: *Et non dico vobis, quia ego rogabo Patrem. Ipse enim Pater diligit vos, quia vos me diligitis et creditis quia a Deo exihi. Exihi enim a Patre, et veni in hunc mundum: iterum relinqu mundum, et vado ad Patrem. Tunc videntes discipuli manifeste illum esse locutum, dicunt ei: Ecce nunc palam loqueris, et proverbiū nullum dicas. Nunc scimus quoniam scis omnia, et non opus tibi est ut quis te interroget: in hoc creditus, quoniam a Deo existi (Id. xvi, 26-30).* Hæc interpretatione non indigent. Quippe cum ista summa sit religionis nostræ, ut Christum ante carnem in consilis cum Deo fuisse credamus, ut Filium apud Patrem. Nam si propter justam conversationem et coelestem doctrinam de celo et a Deo se dixit exiisse, et venisse in mundum, eadem debuerant dicere de se omnes Prophetæ et Apostoli. Et quia dixit, *Iterum relinqu mundum, et vado ad Patrem;* hoc forte dicatur significasse, quia doctrina quæ venerat a Deo, relicto mundo ad Deum est regressa? Aliud enim quod dicant non habent. Si enim de celo venisse, et a Deo exiisse, et venisse in hunc mundum, ad virtutis et doctrinæ pertinent causam, non ad Salvatoris personam, cum dicit, *Iterum relinqu mundum, et vado ad Patrem;* illo utique redit unde venerat: sed videmus post abscessum Domini, et virtutem suis in mundo et doctrinam. Vides ergo non de virtute dictum esse

(Soixante-douze)

a Domino et doctrina, sed specialiter de se Dominum locutum. Quod si virtus quæ in Christo operata est, dicas esse verba; hæc ipsa virtus Deum Patrem suum appellat. Ecce incurris quod times: quia si virtus Dei Filius Dei est, ipsa utique virtus Dei est, de qua dicit Apostolus, *Christum Dei Virtutem et Dei sapientiam* (I Cor. 1, 24): hæc exivit a Deo, et iterum ad eum regressa est. Itaque hæc ipsa Virtus quæ Christus est, in Spiritu Dei dæmonia se testatur ejicere (Matth. xii, 28); qui Spiritus per Apostolos operans est, usciam Spiritum sanctum per quem Dominus operatus est, post abscessum Domini hic in mundo per Apostolos operatum: ut plenius appareat Dominum de sua persona locutum, quia relicto mundo regressus est ad Deum. Aut si putas virtutem hanc non esse Christum, duas erunt virtutes et duo filii Dei: et ubi est illud quod legitur, *Unigenitus Filius Dei, qui est in sinu Patris* (Joan. 1, 18)? et iterum, *Sic enim, inquit, dilexit Deus mundum hunc, ut Filium suum unicum daret pro eo* (Id. iii, 16)? Animadvertis jam virtutem Dei, quæ corporaliter operata est in mundo, ipsam unam esse quæ et Dei Virtus dicatur et Filius. Et videamus quid crediderint, aut cui, Apostoli audientes a Donino, *Ecce iterum relinquimus mundum, et vado ad Patrem*: responderunt enim, *Ecce nunc palam loqueris, et proverbium nullum dicas. Nunc scimus quia nosti omnia, et non opus est tibi ut quis te interroget: in hoc credimus, quoniam a Deo existi*. Nunc videamus si de virtutibus ambigerent discipuli, utrum a Deo exissent, cum vidissent Lazarum jam fetidum quartam die resuscitatum (Id. xi, 44), caco a nativitate oculos reformatos (Id. ix, 7), tactu simbriæ mulierem a proslvio liberatam (Matth. ix, 20-22), aquæ naturam mutatam in vinum (Joan. ii, 9). At de persona Domini nemo plane dubitavit, vel de virtutibus: quippe cum dicerent illum alii esse Eliam, alii Jeremiam, aut unum ex Prophetis (Matth. xvi, 14). Nam cum lapidare vellent illum Judei, respondit eis Jesus: *Multa opera bona ostendi vobis a Patre meo; propter quod eorum opus lapidatis me?* Dixerunt ei Judei: *Nos de bono opere non te lapidamus, sed propter blasphemiam; et quia cum sis homo, facis te Deum* (Joan. x, 31-33). Si ergo Judei quod Dei opera essent non ambigebant, Apostoli ambigebant? Quoniam ergo omnis dubitatio de Salvatoris persona erat (res enim inaudita, et quæ in sensum humananum non rueret, stuporem hominibus faciebat, cum audiebant dicentem illum se a Deo exiisse, et proprium sibi patrem esse Deum); idecirco discipuli satis sibi esse factum confidentes manifestatione verborum Domini, dixerunt ad eum: *Nunc scimus quoniam nosti omnia, et non est opus ut quis te interroget: in hoc credimus, quoniam a Deo existi*. Si enim non vere a Deo exiit, fides Apostolorum exinanitur: sed non potest, quia a Salvatore probata est. Respondit enim eis, *modo creditis*; id est, tanta signa videntes non credebatis. Itaque probatum est Apostolis Christum a Deo exiisse et venisse, ut per hanc exitiōem Filium istum Dei credere non eset ambiguum. Si enim nemo vidit Deum nisi qui est a Deo hic vidit Deum (Id. vi, 46), et si nemo novit Patrem nisi Filius (Matth. xi, 27); hoc est vere apud Deum Patrem fuisse, et ab eo exisse, et venisse. Nemo enim alias poterat a Deo exire, nisi hic qui in principio erat apud Deum (Joan. i, 1); quia et nec quisquam alias sciebat, aut viderat Deum. Ideo non incredibile nobis est, verum Filium hunc Dei credere. Sicut dicit Joannes in Epistola prima, *Et simus, inquit, in vero Filio ejus Iesu Christo. Hic est verus Deus, et vita æterna* (I Joan. v, 20): et Apostolus, *Qui proprio, inquit, Filio non perciperit* (Rom. viii, 32): et Evangelista, *Quia proprium, ait, sibi patrem dicebat Deum* (Joan. v, 18). Si verus ergo Filius Dei est Christus, quomodo homo tantum est? verus enim Filius non diceretur, nisi proprie ab eo esset genitus. Aut dicat Photinus, quare verus Filius Dei creditur, si non est verus? Aut quid opus erat hunc credere Filium Dei, si unus esset de ceteris

sanctis, qui filii Dei digni sunt appellari? Ant numerum quid aliqua indignitas in hoc est, per quam Filius Dei sicut ceteri sunt, credi non posset: et idcirco dicitur, ut hic de quo incredulum videtur, credatur Filius esse Dei? Si enim potior ceteris est, quid opus est ut dicatur, Crede Christum Filium Dei esse, si unus esset de ceteris; nisi quia, ut aliter de hoc creditur, præcipitur, quam de ceteris? Ut quia multi sunt qui filii Dei sanctitatis causa appellantur, hic solus verus Filius Dei credatur, unde et unicus dicitur. Nam quis sanctorum ausus fuerit Filium Dei se dicere, non dicam et unicū¹, nisi Salvator conscientia nativitatis sua deo profectus? Quomodo autem patetur se adorari, si nesciret se deo, cum scriptum sit, *Dominum Deum tuum adorabis, et ipsi soli serives* (Deut. vi, 15)? Quippe cum Joannem angelus corripuerit, eo quod adorare se vellet, dicens ei, *Ne feceris, quia conservus tuus sum: Deum adora* (Apoc. xix, 10, et xxii, 9). Et cum soli Deo serviendum Scriptura testetur; Apostolus tamen, *Qui servit, inquit, Christo, placet Deo* (Rom. xiv, 18). Quare? Quia unum sunt Deus et Christus, Pater et Filius. Apostolus se Christi servum fatetur, et dicit Corinthiis, *Nolite fieri servi hominum* (I Cor. vii, 23). Et ad Galatas, *Paulus apostolus, non ab hominibus, neque per hominem; sed per Jesum Christum, et Deum Patrem, qui suscitavit eum a mortuis* (Galat. i, 1): ostendit aperte Christum Deum esse et hominem, ut apostolatum suum non ab homine esse, sed a Christo, juxta quod Deus est, et a Patre Deo esse demonstraret. Denique in subjectis ait: *Neque enim ego ab homine acceperī illud, neque edocēsum; sed per revelationem Iesu Christi* (Ibid., i, 12). Quid tam apertum? Dei enim doctrinam non per hominem dicit se esse assecutum, sed ab ipso Deo edocutum. Nam nos Dei doctrinam per homines accipimus: *Vas autem electionis nihil se probat ab Apostolis assecutum, hoc est, ab hominibus. Nam si, quia Dei doctrina est, ideo non per hominem discitur, quam laudem suam testatur Apostolus, si sic didicit sicut ceteri Apostoli?* Utquid dicit, *Neque ego ab homine acceperī illud, neque edocēsum; sed per revelationem Iesu Christi?* Quis ambigat hoc loco Christum Deum significatum? Sed quid mirum, cum inter cetera dicat ad Romanos, *Quorum patres, et ex quibus Christus secundum carnem, qui est super omnia Deus, benedictus in sæcula* (Rom. ix, 5)? Quid est, et ex quibus Christus secundum carnem? Non enim hoc diceret, nisi esset et secundum Deum; ut secundum carnem ex patribus, secundum divinitatem vero ex Deo Christus sit super omnia Deus. Sed forte ad Patris personam pertinere dicatur? Sed hoc loco nulla est paterni nominis mentio. Ideoque si de Christo dicunt negatur, persona cui competit detur. Quare autem Christo non competit, cuius nomini cœlestia, terrestria et inferna genu flectunt (Philipp. ii, 10)? hoc est, super omnia esse Deum. Prater haec enim alia nulla sunt. Dicat nunc Photinus, si haec homini genu flectunt: aut si Deus potentias illas cœlestes et sanctos Angelos ut hominem adorent, decrevit. Sed absit, quia Deus nihil stultum decrevit; maxime cum non licet, nisi Deum adorari; quanto magis in cœlis? Rex enim adoratur in terris quasi vicarius Dei. Christus autem post vicariam impletam dispensationem adoratur in cœlis et in terra. Legimus namque, quia *Verbum caro factum est* (Joan. 1, 14): hoc est, ministro Spiritu sancto incarnatum esse ex Maria hoc Verbum, in principio apud Deum fuisse, et Deum esse, hoc quoque Filium Dei appellari. Quomodo ergo non ante Mariam est quod in principio erat, et Deus erat? Etiamsi obcœcatus Deum hoc esse negas, Verbum tamen non negas: neque ignoras hoc Verbum Filium Dei appellari, et hoc apud Deum fuisse in principio. Quia ergo ratione post Mariam dicis esse, quod in principio legis fuisse? In Apocalypsi enim legimus de Christo, *Et nomen ejus est, Verbum Dei* (Apoc. xix, 13). Quod verbum multas habet inter-

¹ Mr. Colbert., verum.

pretationes. Nam nihil de Deo est quod non Deus dicatur; sed propter auctoritatem unius Dei, quod de ipso natum est, Verbum appellavit: ut hac ratione ducti, qua scimus verba nostra non nisi ex nobis esse, Christum de Deo esse crederemus. Nec aliter quidem oportuit dici ut de ipso, et non extra eum crederetur. Nam simil modo et Virtus et Sapientia Dei vocatur, ut eadem ratione de ipso intelligatur. Si enim dixisset Deus et Deus; non illum de se esse significaverat, sed duos fecerat deos, quod unitati adversum est. Haec ratio in divinis Libris est, ut significatus Deus Christus, modum non excedat Dei unius. Quam autem illud tuum stultum est, Photine, quo sic distinguis in capite Evangelii Joannis, ne Verbum Deus dicatur? Sic enim legis: *In principio erat Verbum, et Verbum erat apud Deum, et Deus erat Verbum. Hoc in principio erat apud Deum.* Quid sibi vult haec distinctione? quem indicat sensum? quam significat pietatis rationem, nisi solam adversus Dei Filium inimicitiam? Quae enim significatio est pronuntiantur, *Et Verbum erat apud Deum, et Deus erat?* Haec ergo legis nostrae sapientia est, ut doceat quia est Deus? Quae lingua est, quae gens, quae terra, quae secta, quae ueget Deum esse? Et ut quid insinuet dicit, *Et Verbum erat apud Deum: aut verbum hoc quid vult intelligi, nisi rationem ejus ostendat?* Non enim propter Deum Evangelium scribitur, de quo nemo dubitat, sed propter Verbum de quo questiones fiunt. Mysterium enim Dei est, quod ideo creditur, quia non est omnibus manifestum. Ideoque Scriptura contendit docere quid sit Verbum, dicens: *Et Verbum erat apud Deum, et Deus erat Verbum. Hoc erat in principio apud Deum.* Istud et rationi convenit, et pronuntiatio integrata est. Ostendit enim quia Verbum hoc, quod in principio apud Deum erat, et Deus erat, in sacramento mysterii aeterni Dei quod ignotum erat a saeculis et generationibus, Deus Verbum apud Deum Patrem fuisse credatur. Et quia carnalibus in dubium venit, qui volunt Scripturam pro sensu sui loqui capacitate, fides posita est, quae sensum Scripture secuta praemium mereatur. Salomonum cum sapientiam a Deo postulasset, responsum a Domino est: *Ecce dedi tibi, inquit, cor sapiens et prudens, quale non fuit ante te, et post te non exsurget vir similis tibi* (III Reg. iii, 12). Quid dicemus? Verum est quod promisit Deus? In verum est. Nemo ergo hominum similis erit Salomon. Et quid videbitur de Christo, qui inter cetera, *Regina, inquit, Austri, venit ab ultimis terrae audiare sapientiam Salomonis: et ecce plus Salomone hic* (Matth. xii, 42)? Nunc elige qui credas, Photine, Deo an Christo, Patri an Filio? Si Patri credis, arguis Filium; si Filio credis, accusas Patrem. Si enim homo tantum est Christus, frustra se proposuit Salomon contra promissum Dei; si autem intelligitur esse et Deus, digne se anteposuit Salomon, et promissum incontaminatum est Dei, quia non exsurrexit homo similis Salomon. Christus enim idcirco se potiorem ostendit, quia Deus est. O dementiam Photini, qui Christum ante Mariam fateri non vult, quem voce sua audit testantem quod ante Abraham sit! Cum enim de tempore agerent cum eo Iudei dicentes, *Quinquaginta annos nondum habes, et Abraham vidisti?* respondit cis, *Amen dico vobis, antequam Abraham fieret ego sum* (Joan. viii, 57, 58). Non dixit, melior sun: sed ad interrogata respondit, quia ante erat quam putabant Iudei. Maledictum plane Legis Photinus evadere non potest, quia spem suam habet in Christo, quem tantum hominem dicit, cum legat, *Maledictus homo qui spem habet in homine* (Ierem. xvii, 5). Apostolus autem sciens Christum Deum, ideo et in presenti et in futuro spem esse in eo ait, *Si in hac tantum vita, inquit, sperantes sumus in Christo, miserabiliores sumus omnibus hominibus* (I Cor. xv, 19). Non ergo homo tantum est, in quo spem habere decemur; quia vana spes in homine est. Haec diximus paucis de multis: sufficeret enim, si bona mentis esset. Photino hoc solum quod postremum posuimus.

XCII. — Quomodo intelligitur quod dicit Salvator, *Pacem meam do vobis; pacem meam relinqubo vobis: non sicut hic mundus dat, ego do vobis* (Joun. xiv, 27).?

Qui pacem suscipit Salvatoris, inimicitiam contrahet mundi. Nisi enim discordaverit a diabolo, pacem non habebit cum Christo. Nemo enim potest duobus dominis servire (Matth. vi, 24). Hic ergo a mundo discordat, qui legem Dei fideliter servat. Christi pace munitus, omnium adversariorum comprimit tela. quis enim audeat adversus eum quem scit regis amicum? Alterum tamen mundus pacem dat, quani se Salvator dare promisit. Mundus enim aut metu dat pacem, aut prece. Salvator vero cum sit fortissimus omnium, nullum utique metuens, non rogatus dat pacem. Salvatoris ergo haec pax est, quae idcirco datur, ut munimentum sit contra hostes. Pax quidem uno nomine appellatur, sed longo intervallo discernitur, Dei et mundi. Haec enim fragilis est, illa fortis; haec carneal, illa spiritualis; haec terrena, illa celestis; haec de necessitate est, illa de voluntate. Christus enim nullius egens pacem offert invalidis et inermibus, Dominus servis, bonus malis, Deus hominibus. Recte ergo ait, *Non sicut hic mundus dat, ego do vobis: hoc enim dicens, intelligi volui clementiam bonae voluntatis sue.* Cum enim omnis idcirco det pacem ut proficiat sibi; hic, id est Salvator, ad hoc dat, ut pro sis non sibi, sed eis quibus dat. Alterum ergo mundus dat pacem, quam dedit Salvator. Et mundi pax non docet bonam vitam, non suadet ad patientiam, non provocat ad justitiam, nonhortatur ad misericordiam, non promittit aeternam vitam. Quicunque enim acciperit pacem Christi, alienus erit a vitiis hujus mundi, que militant adversus animam.

XCIII. — Querendum an Spiritum sanctum habuerint Apostoli tempore illo quo fuerunt in terra cum Domino: quia inter multa dicit Evangelista, *Spiritus nondum erat datus, quia Jesus nondum fuerat honorificatus* (Joan. vii, 39); et alio in loco, *Si diligitis me, ait, præcepta mea servate, et ego rogaro Patrem, et alium Paracletum dabit vobis, ut vobiscum sit in aeternum, Spiritus veritatis, quem mundus non potest accipere; quia non videt nec cognoscit eum: vos videtis eum et cognoscitis; quia apud vos manet, et vobiscum est* (Id. xiv, 15-17). Quid est hoc? Negat datum Spiritum ante passionem: rogaturum autem se promittit Patrem, ut mittat eum. Item subjecit, quia cum ipsis erat, et manebat apud eos. Post resurrectionem autem legitur insuflasse et dixisse eis, *Accipite Spiritum sanctum* (Id. xx, 22). In Pentecoste autem descendisse legitur Spiritus sanctus in Apostolos (Act. ii, 1-4). Tantas video in hac causa perturbationes, ut quid tenendum sit ne-

sciam. In his omnibus quae proposita sunt, non una est causa. Breviter enim singularum causarum significare sunt formæ; quia unus quidem est Spiritus, sed dona habet multa. Cum ergo legitur Spiritus sanctus, intelligi debet et ejus officium, in quo sit significatus. Nam quia et cum eis erat, et venturus erat, non est falsum: sed si non istud ad personam trahas, sed ad naturam. Alterum enim se venturum a Patre promisit Christus; ut quia indifferens est eorum divinitas, in praesentia Christi non putetur absens Spiritus sanctus, et in adventu et in apparentia Spiritus sancti praesens estmetur et Christus. Ideo cum venturum cum promittit, dicit, *Vos videbitis eum, quia apud vos manebit, et vobiscum erit: ut securi essent Apostoli, quia post ascensionem Domini non minorem aut degenerem ad tuitionem habituri essent pastorem aut regem.* Nam non est dubium non datum esse creditibus Spiritum, nisi sicut Evangelista testatur, postquam devicta morte resurgens clarificatus est Dominus. Ipsius enim triumphantis Domini verba sunt et dicentis, *Quia Joannes quidem baptizavit aqua, vos autem baptizabimini Spiritu sancto, quem accepti pluri estis non post multos hos dies* (Act. i, 5): hoc,

tempore quo ascendere ad Patrem disposuit, interfatus videtur. Illud autem quod insuflasse in discipulos Dominus legitur post dies paucos resurrectionis sive, et dixisse, *Accipite Spiritum sanctum*, ecclesiastica potestas collata intelligitur esse. Quia enim omnia in traditione dominica per Spiritum sanctum aguntur, ideo cum regula eis et forma traditur hujus disciplinæ, dicitur eis, *Accipite Spiritum sanctum*. Et quia vere ad jus ecclesiasticum pertinet, statim subiecit dicens, *Cuius tenui ritis peccata, tenebuntur; et cuius remiseritis, remittentur ei* (*Joan. xx., 23*). Inspiratio ergo hec, gratia quedam est quæ per traditionem infunditur ordinatis, per quam commendationes habeantur. Unde Apostolus dicit ad Timotheum, *Noli, inquit, negligere gratiam quæ est in te, quæ data est tibi per impositionem manuum presbyteri* (*I Tim. iv., 14*). Semel ergo fieri oportuit, ut de cætero traditio ista non sine dono Spiritus sancti esse credereatur. Sicut enim in Salvatore forma data est visibiliter, ut post Baptismum Spiritus sanctus credentibus de cætero invisibiliter dari non ambigeretur: ita et in supra dicta causa forma data est in principio, ut ex eo traditione ecclesiastice Spiritus sanctus infusus credatur. Ut autem Apostoli præsente Domino virtutes facerent, potestas data est, sicut et prius Prophetis. Trium ergo officiorum formæ doni Spiritus sancti in Apostolis sunt ostensæ. Quarum prima haec est, quæ ad jus ecclesiasticum pertinet in regenerandis vel cæteris officiis. Secunda, quæ in Pentecoste data est, quæ est generalis. Non solum enim in Apostolis, verum etiam in omnes decidit Spiritus sanctus credentes. Tertia forma est, quæ solis Apostolis concessa est in signis ac virtutibus faciendis, usque dum fidei semina jacerent ad crementum. Semina enim fidei sunt virtutes per Apostolos factæ. Ipsi enim antistites positi sunt hujusmodi veritatis, qui per signa et prodigia non irrationaliter esse fidem nostram testarentur. Nulla enim probatio maior est veritatis quam virtus. Hæc est enim quæ omnem terrenam philosophiam accusat, quia semper verbis studuit, non habens testimonium virtutis, quæ stabile esse quod verbis astructum erat, demonstraret. Igitur Spiritus sanctus generaliter sernel datur omnibus credentibus, per quem filii Dei esse probentur, dum manet in eis. In signis vero et prodigiis faciendis, non manet in homine, sed vocatus advenit, aut suggerit necessaria, et recedit. Similiter et in traditione vel ordinatione desorū gratiam præstat, tuitionem etiam deferens devotis fidei.

(a) In his omnibus quæ proposita sunt, non una est causa. Breviter enim, etc. Nam non est dubium credentibus non datum esse Spiritum, nisi postquam devicta morte clarificatus est Dominus. Ante ascensum enim Dominus formam discipulis dedit, quomodo accipere deberent baptizati Spiritum sanctum, quod nunc ab episcopis custoditur. Trium ergo officiorum formæ doni Spiritus sancti in Apostolis datae sunt. Prima est quæ generalis est, quæ in Pentecoste data est; non solum enim in Apostolis, verum etiam in omnes decidit Spiritus sanctus credentes, ut loquerentur magnalia Dei linguis diversis unius gentis homines. Secunda forma specialis est. Non enim pertinet ad omnes credentes, sed ad episcopos tantum, ut baptizatis per manus impositionem dent Spiritum sanctum: quæ inter episcopos potest dici generalis. Tertia forma est, quæ solis Apostolis et concessa, in signis ac miraculis faciendis ad fidei incrementum. Semina enim sunt fidei virtutes per Apostolos factæ. Itaque per ordinem officiorum Spiritus sanctus Apostolis datum est, ut primum decideret in eos, sicut et in cæteros credentes, in Pentecoste. Deinde quasi primi sacerdotes, ut episcopi manus imponentes credentibus darent Spiritum sanctum. Nam prodigia ut fierent per Apostolos, temporis gratia est, non per-

(a) Quæstio eadem ex MSS. secundi generis, inter post vulgatas ex Novo Test. quadragesima secunda.

sonarum: sed beatificati sunt, quia eos tempus inventit, quo Dominus donum suum effudit super terram, ut potestatem acciperent ad exemplum credentium, per Spiritum sanctum faciendorum virtutum. Ut autem præsente Domino missi dæmonia pellerent et virtutes cæteras facerent, Apostolis potestas data est, ut sine invocatione nominis imperarent dæmonis, aut cæteris ægrorum passionibus, et salutis prosequeretur effectus. Hac scilicet rationis potestate, qua usi sunt prophetæ, Elias et Eliseus, in virtutibus faciendis. Denique dicit Salvator discipulis suis, *Amen, amen dico vobis; si quid petieritis a Patre in nomine meo, dabit vobis: usquemodo non petitis quidquam in nomine meo; petite, et accipietis* (*Joan. xvi., 23, 24*). Quoniam ergo sine invocatione nominis fecerunt virtutes Apostoli, sicut supra memoravi, non tamen omnino sine nominis potestate. Per id enim quod ab ipso missi erant, qui dæmonibus et passionibus terrori erat, ipso metu fugabantur dæmonia, et infirmitates curabantur. Itaque nomen Domini facile operabatur. Denique apostolus Petrus dicit Judæis inter cætera, *In nomine Jesu Christi Nazareni, quem vos abnegasti et crucifixisti, hic astat sanus coram vobis* (*Act. in, 16*): nec quidem aliud nomen datum est sub celo, in quo oporteat salvos fieri.

XCIV (a). — Quarendum est, si Judas Scariotes proditor Domini, ante passionem Salvatoris laquo vitam finivit.

Tradito Salvatore, et illucescente parasceve, omnes principes sacerdotum et Scribeæ et seniores convenirent in domum Caiphæ pontificis, quo perducendum sciebant esse Jesum, ut audirent eum. Illoc Matthæus et Marcus evangelistæ testantur, et nullum ex his ante perfectum inpium opus a domo præsidis abscessisse, quippe cum omnis instantia eorum et devotione ad agendum Pascha mors esset Salvatoris. Occupatis ergo eis ad necem Domini a mane usque ad horam nonam, quo modo Judas eis retulisse pretium sanguinis, quod accepérat, ante crucem Domini probatur, et dixisse illis in templo, *Peccavi, quod tradiderim sanguinem justum* (*Math. xxvii., 4-5*)? cum constet utique omnes principes et seniores ante passionem Domini non fuisse in templo. Quippe cum etiam in cruce positio insultarent ei (*Ibid., 41*). Non enim inde potest probari, quia ante passionem relatum est, cum sint multa, quæ cum ante facta probentur, novissima ordinantur: et iterum, quando locus admittit, ut quod post factum est, anteponatur. Nam manifestum utique est quinquagesimum psalmum anteriorem esse quam tertium. Sic ergo aliquando evenit, ut anticipentur quæ posteriora sunt. Unde et Maria cum post resurrectionem fratris sui Lazarī, ante sex dies Pascha in cena unguento pedes Domini unxit se probetur, propter significationem ejus anticipatum est ab evangelista, dicente inter cætera, *Maria autem erat, inquit, quæ unxit Dominum unguento* (*Joan. xi., 2*). Hoc refert antequam Lazarus moreretur: quod nisi postea factum inveniremus, nesciremus quo tempore factum esset. Sed ne forte post nonam horam factum sit, ut videns impius et crudelissimus Judas occidit Salvatorem, et ob hoc velum templi scissum, terram tremuisse, saxa fissa, elementa conterrata, ipso metu correptus dolerit, non nescius justum se tradidisse, in cuius passione sic indignatus sit judex Deus. Sed et post horam nonam occupati erant, sicut testimoni, seniores et principes sacerdotum. Vespere enim eadem die Pascha acturi erant; sabbato autem nummos portare non licebat secundum Legem: ac per hoc improbabile est apud me, quo die, immo quo tempore laqueo vitam finierit Judas Scariotes.

XCV. — Unde orta sit observatio Pentecostes, vel qua ratione?

Non est ambiguum cuncta religionis nostræ veteri¹

¹ *Vero, juxta Er. Lugd. Ven. Lov. M.*

(a) Hæc quæstio deest in MSS. secundi generis.

testimonio roborari, et Legis veteris prærogativa signari. Omnia enim præterita Legis veteris, in figura fidei nostræ futura gesta et designata noscuntur, ut verum nos tenere non ambigeremus, quando ea quæ nunc et audimus et credimus, ante secula prædestinata videmus, non solum vocibus, verum etiam signorum virtutibus commendata. Sed nunc illud est, si eodem modo ut designata sunt, a nobis intelligantur, ut dies Pentecostes, unde et qua ratione tractus sit congrue dignoscamus. Scriptura enim dominice sensus suos sollicitis et devotis aperiunt, negligentibus claudunt. Nec enim par erat, ut res quæ meritis ac dignis reservate sunt, passim ab omnibus viderentur. Pentecostes ergo, qui quinquagesimus a Pascha computatur dies, hanc habet rationem, ut sicut post hebdomadam dominicus dies primus est, in quo adimpletum est Pascha mysterium in redemptionem salutis humanæ; quia semper post curricula dierum septem, ad prius reverti necesse est, ut ostendatur ætatem mundi septenario numero consummari, et ad requiem pervenire: ita et post hebdomadas septem, primus dies est Pentecostes. Denique nunquam alio die quam die dominico Pentecostes est, ut totum quod ad salutem humanam proicit, dominico die et inchoatum et adimpletum noscatur. Dominico enim die factus est mundus, et post lapsum rursus dominico die reformatus; cuius reformationis figura data est prius in circumsione, in qua futuræ fidei signum fuit. Post hebdomadam enim, qui octavus est, prius est in mysterio. Hæc est enim dies, quam fecit Dominus. Unum eum diem fecit, ex quo ceteri curricula sortientur. Ac per hoc ipso die surrexit quem fecit, et secundum numerum supra dictæ rationis, ipso die et in monte Sina Legem dedit per famulum suum Moysen: ut sicut agnus figura passionis Domini fuit in sacramento Pascha; ita et legislatio, evangelicæ prædicationis: quia eodem die, id est Pentecoste, Lex data est, quo et Spiritus sanctus decidit in discipulos, ut auctoritatem caperent, ac scirent evangelicum jus prædicare. Quod factum dupli testimonio confirmatur, quia et prædestinatum ostenditur, et manifesta Spiritus sancti infusione divinum et supercoeleste probatur ad legi nostræ testimoniūm perhibendum. Cum enim incognitis sibi impenitus diversis linguis magnalia Dei loquuntur, divinitus se inspiratos ostendunt. Filiis ergo Israel tertio die mensis tertii data est Lex per Moysen, sicut in libro Exodi continetur (*Exod. xix, 16*), qui dies a quarta decima mensis primi, quo die factum est Pascha in Ægypto (*Id. xii, 18*), quinquagesimus est, hoc est Pentecoste. Unde factum est, ut ad legem fidei prædicandam in Pentecoste Spiritus sanctus descedenter in Apostolos (*Act. ii, 1-4*), ut gesta veterum, futurorum imagines haberentur, ad securitatem fidei nostræ: quia falsum videri non potest quod ab initio prædicatum est. Ideo remissionis et reformationis tempus in quinquagesimo psalmo describitur, ut eadem providentia quinquagesimi dici, quæ et primi est, sciretur. Hinc factum est ut et manna primo die, qui est dominicus, e cœlo daretur populo Iudeorum, quod ita esse sex dierum continuatio probat, quibus colegerunt, et septimo die, id est sabbato quieverunt (*Exod. xvi, 22, 23*). Manna antem typus est escæ spiritualis, quæ resurrectione Domini veritas facta est in Eucharistie mysterio. Omnia itaque gesta sunt, ut ad causam primæ resurrectionis incolumia revertantur, et non glorietur satanas, sed lebescat, qui hominem falsa spe dejecit, ne in hoc maneret quod factum est per Christum Dominum (*a*). Nunc superest ut probenus, si ita intelligenda sunt quæ diximus, ut supra memoravimus. Mensis primus quo Pascha quarta decima die celebratum est in Ægypto, hæc dies quarta feria fuit. Unde et Lex quarta feria data est. Quod hinc datur intelligi, quia quinto decimo die mensis secundi profectionis filio-

(a) Reliquum deest in MSS. secundi generis.

rum Israel sabbatum videtur fuisse: deinceps non inde grex illis missus est columnicum, sed vespre. Mane autem manna pluit de cœlo (*Exod. xvi, 13, 14*), id est die dominico, qui prius post hebdomadam in repetitione invenitur. Denique sex diebus continuis manna collegerunt, septimo autem die, qui est sabbatum, quieverunt. Ab hoc ergo die usque ad tertii mensis diem tertium quo Lex data est, quære, et invenies quartam feriam fuisse quando Lex data est. Sunt enim a quinto decimo die mensis secundi, quando sabbatum fuit, usque ad tertii mensis tertium diem quo Lex data est, dies decem et novem. Tene ergo hos decem et novem, et redi super quintum decimum diem secundi mensis, quo sabbatum fuit, qui a primo computatur quartus decimus; et perveni usque ad diem primum secundi mensis, et habebis alias quatuordecim: quos superjunge ad decem et novem supra memoratos, et invenies primum diem mensis secundi sabbatum fuisse. Superadde adhuc ad caput primi mensis dies septem et decem, quia primi mensis tredecim dies retrahendi sunt, qui ante Pascha fuerunt: quarta decima enim die primi mensis Pascha factum est. Retractis ergo tredecim, et additis septem et decem, invenies quartam decimam mensis primi quartam feriam fuisse. Et ne legendi fastidium patiaris, aut quæstionis singula membra curiose inspicere, do compendium, ut et de numero dicorum quo a Pascha usque ad datam Legem sunt, certus sis, et ab ipso facilius discas, quota feria factum est Pascha. Tertio die post secundum mensem Lex data est. Sunt ergo menses duo et dies tres. Retrahe ergo de his tredecim dies qui ante Pascha fuerunt, et reliqui erunt dies quinquaginta. Quoniam autem quarta feria data est Lex, hinc facile videtur. Manna prima feria datum est, quia continuis sex diebus collegerunt, quæ prima feria sexto decimo die fuit mensis secundi. Ab hac itaque prima feria usque ad octavum decimum diem, quo Lex data est, quartam feriam invenies. A feria vero quarta, sive ante sive retro computes in quinquagesimum diem, quarta feria est: idcirco quia quarta feria Pascha egerunt in Ægypto Iudei, et quarta feria Legem acceperunt: quinta autem feria profecti sunt de Ægypto. Igitur dedicatio Legis est Pentecoste.

XCVI. — Quærendum si Pascha transitus interpretetur, sicut Græcis videtur.

Apostolus fali non potuit, qui ait, *Pascha nostrum immolatus est Christus* (*I Cor. v, 7*). Quod non suum utique, sed Legis est verbum, dicente Moyse, *Et erit cum dicere vobis filii vestri, Quæ est deseruïcio hæc?* *Et dicetis, Immolatio hæc Pascha Domini est* (*Exod. xii, 26, 27*). Quid amplius est necessarium ad testimonium? Lex loquitur; Apostolus probat: hoc superest, ut contradictor abjectetur ut pervicax. Manifestum est enim transitum post Pascha fuisse. De sanguine cuius immolati agni super postes ostii et super lumen posuerunt, ut transiens nocte angelus non percuteret dominum, in qua signum sanguinis esset. Sanguis igitur salutem præstuit, non transitus: quia ut transitus non noceret, obstitut sanguis.

XCVII. — Qua ratione responderi possit Arii impieati simpliciter ex Lege?

Si ratione fides commodetur, ipsa nominum ratio Patris et Filii ostendet unitatem. Si quæreris, quomodo? Non enim verus Dei Filius diceretur, nisi exstisset de substantia Dei Patris. Nec enim pateretur veritas et justitia Dei verum dicere Filium, si de ipso non esset. Non est enim verus Dei Filius, si de ipso non est. Sed Scriptura dicit, *Verus est*: ergo de ipso est. Qui enim negat de Deo natum Christum, Scriptura calumniam facit, quæ ideo illum dicit verum Dei Filium, ut significet de Deo hunc natum. Si enim non est de Deo, et verus Filius Dei dicitur, fallax est Scriptura. Quod si Scriptura non fallit; qui Christum non fatetur exstisse de Deo, et Scripturam evacuat, et Christum negat verum Filium Dei. Non enim voluntas verum Filium facit, sed nativitas. Sed poten-

tice, inquit, Dei hoc subest, ut falsa faciat vera. Imo potentia Dei haec est, unde et omni laude dignus est, quia verum apud illum verum est, et falsum falsum est. Nam istud mendacis est, ut falsum dicat verum; quod Deo non competit. Nam omnia quidem potest Deus, sed non facit nisi quod conveniat veritati ejus ac justitiæ. Manifestum igitur est idcirco verum dici FiliuM Dei Christum, ut proprius, id est, de substantia ejus natus intelligatur. Unde inquit Apostolus: *Qui proprio Filio suo non pepercit*¹ (Rom. viii, 32); et in alia Epistola: *Qui cum in forma Dei esset, non rapinam arbitratus est esse parem Deo* (Philipp. ii, 6). Si ergo non rapinam arbitratus est, dicens se parem Deo, verum se Filium Dei demonstravit. Deo enim pars esse non poterat, nisi esset de ipso. Pares enim hi sunt, qui aut ambo veri sunt, aut ambo falsi. Nec enim parilitatem recipit cœptum et aeternum, aut unitatem. Unum enim se esse dicendo Christus cum Patre, parem se Deo facit. Non solum enim, inquit, solvbat sabbatum, sed et patrem suum dicebat Deum, æqualem se faciens Deo (Joan. v, 18), hoc est, parem. Nonne manifestum est æqualeitatem hanc de proprietate nativitatis descendere? Proprium enim se, id est verum dicens Dei Filium, æqualem se faciebat Deo. Hinc est unde dicit, *Qui videt me, videt et Patrem meum* (Id. xiv, 9). Per illud enim quod consubstantia sunt, qui unum videt, ambos videt. *Sicut enim habet Pater vitam in semetipso, sic dedit et FiliuM habere vitam in semetipso* (Id. v, 26); hoc est, æqualem sibi genuit Filium Pater; et omnia que Patris sunt, Filii sunt; et quæ sunt Filii, Patris sunt (Id. xvii, 10): et nemo potest quidquam rapere de manu Patris, neque de manu Filii (Id. x, 29). Et subjecit, *Ego et Pater unus sumus* (Ibid. 30); et, *Verba quæ, inquit, loquor vobis, a me ipso non loquor: Pater autem manens in me, ipse loquitur; et opera quæ facio, ipse facit*. Credite mihi, quod ego in Patre, et Pater in me est; at quoque vel propter opera ipsa credite (Id. xiv, 10-12). Quia enim generatio a semetipso non est, sed ab eo qui genuit, idcirco quidquid facit, factum dicit Patris: ut per hæc omnia illud firmetur, quia ideo verus dicitur Filius Dei Christus, ut de ipso natus creditur (a), ne et substantia ejus extra unius Dei naturam existimaretur. Humilitas ergo ejus maxima exaltatio est. Cum enim videtur se subjicere dicens, *Verba quæ loquor vobis, a me ipso non loquor: Pater enim manens in me, ipse loquitur; et opera quæ ego facio, ipse facit*: probat se origine a Deo habere, et Virtutem ejus se esse ostendit, dum non quod est, a semetipso esse dicit, sed ab ipso. Per hoc enim commendatur Christus, non inclinatur. Qui enim a se loquitur, verus Filius non est. Vides ergo quia Ariani inde male intelligent Christum, unde bene intelligendus est; et inde illum improbat et falsum dicunt, unde verus Dei esse Filius approbatur: nam clarificandum se a Patre postulat, et clarificare se Patrem quem petit, promittit; et ubi se humiliare videtur, exaltat. Pater enim cum testimonium dat Filio suo, laudem suam testatur; Filius vero cum prædicat Patrem, gloriam suam manifestat. Magnificentia enim et nobilitas Patris, generositas est veri Filii. Ideo quidquid Patris dicitur esse, est et Filii sine dubio; et quod Filii dicitur esse, est et Patris. Nam qui Spiritus dicitur Dei, idem Spiritus dicitur et Christi. Ecclesia dicitur Dei, dicitur et Christi. Adoratur Deus, adoratur et Christus. Servitur Deo, servitur et Christo. Sancti dicuntur sacerdotes Dei, dicuntur et sacerdotes Christi. Templum civitatis sancte dicitur Dei, similiter et Christi². Lumine Dei illustrari dicitur civitas sancta, eodem modo et Christi. Sedes Dei est, nec non et Christi. Iudex Deus est, est et Christus: quia Isaías propheta in throno majestatis Christum videt sedentem Dominum sabaoth (Isai. vi).

¹ In MSS. secundi generis interponuntur hoc loco ea quæ habent post istam questionem.

² Ms. Colbert., *Deus, similiter et Christus.*

(a) Nihilqua desunt in MSS. secundi generis.

1), quod Ariani non negant. De Deo Patre legitur, quod *Rex regum sit et Dominus dominorum* (1 Tim. vi, 15), eadem et de Christo Filio Dei vero (Apoc. xvii, 14; xix, 16). Sic ubique divinitate exæquantur Pater et Filius, ut unius Dei modum non egreditur numerus personarum. Inter Patrem autem et Filium nihil interest, nisi hoc solum, quia Pater ingenitus est, Filius vero genitus: id est, Pater a nullo est, Filius autem de Patre; quod quidem sublime est in Filio. Hinc enim addiscitur nobilitatis ejus aeternitas, et quia verus Filius est veri Patris. Unde est enim illud quod legitur in Genesi dicente Deo, *Faciamus hominem ad imaginem et similitudinem nostram* (Gen. i, 26)? Itaque si imago eorum et similitudo una est, quomodo non unum sunt et natura? In spiritualibus enim ubi utique non sunt figure, simile non erit aliquid nisi per substantiam, ut ubi duorum imago una est, quomodo non eorum una erit substantia? Idcirco enim imaginem eorum et similitudinem unam esse legimus, ut eorum unum nihil differre ab altero crederemus, hoc est, verum Dei Filium esse Christum, quia non est dispar a generante nativitas. Denique Judæi intelligentes, quia proprium sibi Patrem dicebat Deum, dicunt ad Pilatum, *Nos Legem habemus, et secundum Legem debet mori, quia Filium Dei se fecit* (Joan. xix, 7). Judæi intellexerunt, et Christiani se dicunt non intelligere? qui non credebant, intelligebant; et qui se dicunt credere, faciunt ne intelligent? Vel hoc saltem admittent, quod propheta Isaías, ut Christum non a semetipso quidem, sed de Deo Deum esse significaret, inter cetera ait: *Post te sequentur alligati vinculis, et adorabunt te, et in te deprecabuntur; quoniam in te est Deus, et non est Deus præter te. Tu enim es Deus, et nesciebas; Deus Israel salvator* (Isai. xlvi, 14, 15). Quantum ad bonam mentem pertinet, hæc manifesta sunt. His enim et Pater in Filio esse probatur; et Filius Deus ejusdem substantie cuius Pater est, significatur. In quo enim Deus est, et præter ipsum Deus non est, et ipse Deus est; quid aliud poterit esse dici, quam hoc quod est Pater Deus, et nec differre in aliquo? Hoc est enim duos esse unum. In ipso enim Deus est, quia univius Deus sit, non tamen ex se Deus est. Est enim a Patre, quia Filius est. Præter ipsum autem non est Deus, quia unicus Patris Filius est. Ipse autem est Deus, quia una atque eadem substantia Dei et Christi est. Nihil igitur ambiguitatis relinquitur, ut Patris et Filii una esse creditor substantia. Verus enim Filius et veri Patris est. Tale enim etiam illud Jeremiæ propheta est: dicit enim inter alia: *Hic Deus noster, et non æstimabitur alter ad eum. Hic adinvenit omnem viam scientiæ; et dedit eam Jacob puer suo, et Israel dilectio sibi. Post hec in terris visus est, et inter homines versatus est* (Baruch iii, 36-38). Numquid de degenerè potest dici, ad quem alius non potest æstimari; aut alius Deus quam Pater est, poterit dici, ut Deo proficiat ad injuriam Patris? Si enim æstimari ad eum alter Deus non potest, et absque Deo Patre est; videte an debeat dici id quod sequitur: periculosum est enim. Major enim Patre dicitur. Putantes enim se Deo Patri deferre, si ab eo Filiū segregent, derogant ei; ut quem minorem volunt facere, impia obsecrati mente, proponant eum illi cuius auctoritatē inclinandum hunc putant. Scriptura autem ut nihil Filiū a Patre differre doceret (differret autem si non esset verus), alium nullum dicit æstimandum ad eum; quia nulla alia substantia poterit similis reperiri substantie Dei, quæ est et Christi. Alter siquidem Christum de Deo esse docere non poterat, quam ut nullum diceret alium æstimandum ad eum. Sciens enim Deo Patri nullo modo dici posse subjectum Filiū ejus, ut hinc parem esse ostenderet, *Non æstimabitur*, inquit, *alter ad eum*: quia Patri Deo, quoniam Deus est, æqualis est; verus enim ejus Filius est. Igitor propheta ait, *Hic est Deus noster*; hoc est, Deus Israel. Si hic est, ipse est Deus unus. De isto enim dicit Scriptura, *Audi Israel, Dominus Deus tuus Deus unus est* (Deut. vi, 4): et certe non est hic Pater, sed

est Filius ejus. Vides ergo non præjudicare uni Deo personam Filii, si et ipse unus Deus dicatur : quippe cum hoc Scriptura testetur. Unde hoc, nisi quia unum sunt Pater et Filius, quia non personis significatur unitas, sed natura : aut non substantia duo sunt, sed unum; nec duo divinitate, sed unus Deus : ut sive loquatur Pater sive loquatur Filius, unus Deus locutus dicatur? Nam si ipse Dominus inter cetera de mare et femina, *Jam non sunt*, inquit, *duo, sed una caro* (*Marc. x. 8*); quanto magis Pater et Filius non duo dui sunt, *sed una substantia*? Ut autem duo dicantur Pater et Filius, causa est nativitatis: ne autem iterum duo dui sint, causa est unitas divinitatis. Quia tamen hebetudine Christum creatum, id est factum prædicant, cum legatur nihil Deum sine Christo fecisse (*Joan. i. 3*)? Si ergo sine illo nihil factum est, non erit ipse factura. Si enim factura est, factum est aliquid sine ipso. Sed absit; quia nihil sine illo. Natus enim de Deo non esse coepit, sed semper exstitit. Nativitas enim nihil est aliud quam exitio: exitio autem manifestatio est. Itaque non factus, sed editus est. Ut enim Christus de essentia Dei exiisse vel processisse significaretur, exitio ejus nativitas appellata est: ut quae non dispar est a genitore nativitas, consubstantius esse Deo Christus non ambigeretur; et mens illa que ait, *Erat quando non erat, damnaretur*. Quia non potest aliquando non fuisse, qui ut apud Deum semper fuisse significaretur, de Deo legitur processisse. Nemo enim de Deo processit ubi non fuit. Solent quippe Ariani sic interpretari de Filio Dei dicentes, Ideo verus Dei Filius Christus dicitur, quia sic illum fecit ut verus sit. Quasi sit aliquid falsum quod faciat Deus. Et illa omnia quae supra diximus de unitate Patris et Filii, quid erunt, cum sic roborata sint ei firmata? Si hic aliter sentiendum putatur, multa poterunt divinis solidata oraculis unius convelli degeneris testimonio? Amputandum est tamen, ne sibi vel de eo ipso blandiatur iniquitas. Igitur sic, inquit, illum fecit ut verus sit, ut voluntas cesserit pro nativitate, et factura pro generatione. Tantum enim dandum est, inquit, potentiae Dei, ut possit facere quae non sunt, tanquam quae sunt. Quoniam ergo hac astutiae calliditate nuntiatur contra Filium Dei, ex iis ipsis de quibus præsumunt, quia in reliquis sunt convicti, respondendum est eis, ut in tota summa convicti apparent. Propositione enim haec quantum ad sensum pertinet, nullius momenti est: quantum autem ad verba, caliginem facit ne cito appareat. Sic est enim ac si *Egyptius* positus in obscuro; quia causa mala bono sensu defendi non potest. Ad impietatem ergo defendendam sacrilegis verbis utuntur. Si itaque haec est potentia Dei, ut verum faceret Christum esse Filium sibi, cum de se ipso non esset natus; ergo talem illum fecit qualis ipse est, ut hoc præstiterit factura, quod datura erat generatio. Si ergo nihil interesse dicitis inter Deum et Christum, poterit forte dubitari¹, quia non hoc malitiosa a vobis asseritur, ut quod in voce dicitur, hoc sit et in sensu: ut quia verus dicitur Filius, verus sentiatur, per id quod unius substantiae est cum Patre, licet non per generationem, sed per facturam: quia totum potest Deus, sicut dicitis, ut factum sic sit quasi infectum. Si autem rationis lineam sequentes, non posse dicitis, quod initio continetur, æquale esse et consubstantium cum eo quod aeternum est, reuelatis dolum malitia vestre: quia ut sensum verbis eluidatis, falsa voce Christum verum esse Filium Dei dicitis, negantes ei quia æqualis est Deo Patri. Non enim verus est si inæqualis. Numquid poterit verus dici Filius, si non verus dicatur et Pater? Si enim verus est Filius, erit verus et Pater: quam veritatem æqualitas probat. Quod si dispares sunt, neuter eorum verus est. Sed quoniam Scripturarum testimonium irritum fieri non potest, quo Christus verus Dei Filius approbat, de Deo Patre natus credendus est: quia ut veritas haec firmaretur, et par Deo et æqualis logitur. At tu qui potentiam Dei inæstimabilem præ-

dicas, ais, Deus generare non potest, quia simplex natura est: per quod etiam ipsi Deo Patri contumeliam facis. Mendacem enim istum dicis, ut Filium quem ille suum et verum asserit, deueges; et tuam hypocrisim delegas, quia falso potentem Deum prædicas. Si enim potentiam Dei in id quod verum ex falso factum asseris, prædicas, ut quod verum est illudas, quanto magis hoc amplecti deberes, si bona mentis esces, per quod verum quod dicitur, verum probatur, et testimonium quod Deus Pater de Filio suo dedit, verum firmaretur? Nam Dominus ait, *Apud Deum autem, inquit, omnia possibilia* (*Math. xix. 26*): ut quidquid hominibus impossibile videtur, Deo possibile sit. Nam si ratio carnis respicitur, nec Virgo perperit, nec Jonas in ventre ceti vixit (*Jonas ii. 1*), nec mortui resurgent, nec Deus Filium genuit, quia simplex natura non potest generare, quia nihil sine commixtione generatur in hoc mundo. Haec omnia aut simul credenda sunt, aut simul refellenda. Si enim ratio mundi tenenda est, in his omnibus debet auctoritatem habere. Quod si aliqua ratio spiritualium est, carnalis dicendus est, qui mundi ratione infectus, negat alter quid fieri quain novit. Aliud iterum assolent sua tergiversatione proponere. Aut enim, Utrum voluntate Pater gennit Filium, an non? ut cum audiunt, utique quod voluntate, statim ut inimici Dei Filii respondent, Ergo voluntas ante Filium est; ut ex hoc non aeternus appareat, cum non utique per nativitatem initium accepit, sed exstiterit. Et tamen si hoc putant, non solum ante Filium erit voluntas, sed et ante Patrem; quia causa generationis Pater et Filius est. Infidelitas carnales sensus sequitur in omnibus. Sic enim inducit causam Dei quasi hominis, ut ante deliberaverit et excogitaverit ut generaret, quasi infirmitati subjectus; cum in Deo neque generatione sine voluntate fuerit, neque voluntas sine generatione. Ipsa enim voluntas, generatione est. Nam utique commune dictum est, Fecit Deus, fecit homo: sed aliter facit Deus, aliter facit homo: ita et in cæteris causis. Sic enim de Deo dicendum est, ut dignum est ei. Solent etiam ipsi de Deo Patre aliam facere quæstionem, dicentes, Accessit illi ut generaret, aut ejus naturæ est, ut semper generet? Quod ideo afflent¹, ut et Deum mendacem asserant, qui se Christum generasse testatur, et Christum non verum, sed adoptatum faciant. Si enim generavit, inquit, semper debet generare; ut quia non semper generat, nec Christum genuisse credatur: quasi mundum negotur fecisse, quia alios non facit. Quæ irreverentia, quæ indisciplinatio est, legem Deo ponere, ut si genuit, aut multos genuerit, aut unum generare non potuerit? nec ipsi Domino credentes, qui se unicum Dei Filium protestatus est.

Post haec quæ supra ostensa sunt æqualia Patri et Filio, videamus an in his concordant quæ de Spiritu sancto scripta sunt, ut Trinitas quam in salutari professione retinemus, non recipiat discrepantium naturæ, quomodo non habet fidei diversitatem. Quoniam enim salus sine aliquo ex his non sit, una eorum vindetur tamen potestas, quæ in se credentibus dat salutem. Quoniam ad testimonium Filii verba Patris protulimus; nunc ad testimonium Spiritus sancti, verbis utamur Filii, quibus non differre a se Spiritum sanctum protestatur: ut cum Filio Pater, et Filius Spiritui sancto testis est, unius esse naturæ Trinitas intelligatur. Dicit ergo inter cetera Dominus: *Rogabo Patrem, et alium Paracletum dabit vobis, ut vobiscum sit in aeternum, Spiritum veritatis* (*Joan. xiv. 16, 17*). Cum alium Paracletum mittendum dicit, se utique Paracletum prolat. Nam et legitur in Epistola Joanis; dicit enim: *Habemus advocatum apud Patrem Iesum Christum, qui exorat pro peccatis nostris* (*I Joan. ii. 1*). Et iterum dicit Dominus, *Ego sum veritas* (*Joan. xiv. 6*). Ecce aperta unitas Spiritus sancti et Filii Dei. Quæ enim de se loquitur Filius, eadem loquitur et de Spiritu sancto. Nunc subjicienda sunt, quæ in hujusmodi sensum ordinat Scriptura. Legitur

¹ Juxta Er. Iugd. ven. Lov., asserunt. M.

¹ Ms. Colbert., pulari.

In Isaia, quod Dominum sabaoth viderit in throno majestatis sedentem (*Isai. vi, 1*), quem Joannes evangelista Christum esse intellexit, dicens inter alia, *Hæc dicit Isaia, quando vidit majestatem ejus, et locutus est de eo (Joan. xi, 41)*. Hunc Apostolus sanctum dicit esse Spiritum. Ait enim in novissima parte Actuum Apostolorum, *Bene locutus est Spiritus sanctus ad patres vestros dicens, Aure audietis, et non intelligetis, etc., (Act. xxviii, 25, 26)*. Hæc verba a Domino sabaoth dicta sunt. Ille est unus Deus, qui sive Pater intelligatur, sive Filius, sive Spiritus sanctus, non est contrarium: quia una eorum divinitas et una potestas est. Nam si in unius praefecti prætorio programmate, etiam exteri praefecti jubere dicuntur, propter auctoritatem unius potestatis; quanto magis in unius Dei imperio, si locutus unus e tribus fuerit, non incongrue dicentur tres locuti? Est enim eorum natura et voluntas una. Solent iterum præjudicare Spiritui sancto, quod ideo degener intelligatur, quia in ordine tertius ponitur; cum tanta simplicitas sit in Scripturis divinis, ut aliquando invenias tertium primum positum. Ut enim causa se tulerit, sic et ponuntur. Nullius enim injuria est, quia una eorum divinitas est. Denique legimus in Isaia dicens Domino, *Ego sum primus, et ego in æternum: et manus mea fundavit terram, et dextera mea solidavit colum*. Et in subjectis, *Ego locutus sum, ego vocavi, ego adduxi eum, et prospexit iter ejus feci. Accedite ad me, et audite hæc: Non in occulto ab initio locutus sum: cum fierent, illic eram, et nunc Dominus misit me et Spiritus ejus (Isai. xlvi, 12, 13, 15, 16)*. Quem vis esse qui fundavit terram? Ipse enim dicit se missum esse. Namquid Patrem? Absit. Filius ergo est qui se missum dicit a Deo et Spiritui sancto. Ecce paria sunt inter Filium et Spiritum sanctum. Sicut enim a Patre et Filio missus legitur Spiritus sanctus; ita et a Deo et Spiritu sancto missus est Christus. Hoc enim solius Patris peculiare est, ne missus dicatur. Accipe dicta Apostoli, qui alio ordine complectitur Trinitatem: dicit enim inter cetera in Epistola ad Thessalonenses secunda, *Dominus dirigit corda vestra in charitate Dei et in patientia Christi (II Thess. iii, 5)*. Quienam putas dicit Dominum, nisi Spiritum sanctum? Et quid mirum? cum quem in throno majestatis sedentem Isaia viderit, hic ipsum dicit Spiritum sanctum Dominum sabaoth, sicut supra ostendimus. Et Joannes apostolus Deum intelligi in Spiritu sancto significat, inter cetera dicens, *In hoc cognitorum quia Deus in nobis manet, de Spiritu sancto quem dedit nobis (I Joan. iv, 13)*. Si ergo per Spiritum suum ipse in nobis manet, non ambiguitur de Deo esse Spiritum sanctum. Et nec dubium est, quia quod de Deo est, Deus est. Hinc est unde Apostolus dicit, *Nemo scit quæ sunt in Deo, nisi Spiritus Dei (I Cor. ii, 11)*. Quomodo potest scire que in Deo sunt, nisi sit ejusdem divinitatis? Inferior enim natura non potest scire quid sit in potiore: quanto magis creatura quid in Conditore suo esset, scire non poterat? Et ad Corinthios in Epistola prima, præterito ordine qui in traditione fidei est, a Spiritu sancto incipit gratiarum et mysteriorum memorare operationes: et subjungit Dominum Iesum; et tertium ponit Deum, quem et in Spiritu sancto et in Dominum dicit operari (*Id. xii, 4-6*): sicut ait et Dominus, *Pater manus in me, ipse operatur (Joan. xiv, 10)*. Per id enim quod de Deo patre est et Spiritus sanctus et Christus, operatio eorum opus est Dei. Denique Spiritum sanctum idem dicit et Dominum, et Dominum idem dicit et Deum, propter unitatem naturæ. Cum ergo hoc loco idem Deum qui est et Dominus, dicat operari omnia in omnibus, inferius sic concludit dicens, *Omnia autem hæc operatur unus atque idem Spiritus, dividens unicuique prout vult (I Cor. xii, 11)*. Quid tam apertum, tres unius esse operationis? quia operante uno, operari dicuntur tres; quare, nisi quia unius sunt divinitatis? Nam non est ambiguum donum gratiarum proprie Spiritum sanctum operari. Sed ut Deum et Dominum et Spiritum sanctum unum esse propter naturæ indifferentiam doc-

ret, opus Spiritus sancti trium esse opus ostendit. Et ut manifestaret quia solius, quantum ad personam pertinet, Spiritus sancti opus est, *Hæc autem omnia, inquit, operatur unus atque idem Spiritus, dividens unicuique prout vult*. Ideo prout vult, quia voluntas ejus, voluntas est Dei. Non enim dicit, prout vult Deus, sed prout vult Spiritus. Creatura enim cogit se, ut Dei faciat voluntatem; Spiritus autem sanctus naturaliter hoc vult. Ut autem aperte lucat quia omnia Spiritus sanctus operatur, dicit Dominus inter cetera, *Si enim ego in dige Dei ejici dæmonia, etc., (Luc. xi, 20)*. Digitum Dei appellat Spiritum sanctum, ut probet illum de Deo esse. Denique Judeos qui eum in Beelzebub principe dæmoniorum ejicere dæmonia dicebant, in Spiritum sanctum blasphemasse testatus est. Moyses quoque quia per Spiritum sanctum signa faciebat, consenserunt magi dicentes, *Digitus Dei est hic (Exod. viii, 19)*. Nam in Actibus Apostolorum legimus, *Deservientibus autem eis et jejunantibus Domino, dixit Spiritus sanctus, Segregate mihi Barnabam et Saulum ad opus, ad quod vocavi eos (Act. xiii, 2)*. Ecce servitor Dominus, et hoc Spiritus sanctus sibi vindicat. Unde manifeste appareat hunc esse Dominum sicut et Deum Patrem. Et Saulum Christus de cœlo vocavit, et misit prædicare (*Id. ix, 4*): et hoc simili modo sibi vindicat Spiritus sanctus, dicendo, *ad opus ad quod vocavi eos: nam nemo ignorat episcopos Salvatorem Ecclesiæ instituisse. Ipse enim priusquam in cœlos ascenderet, imponens manum Apostolis ordinavit eos episcopos*. Hoc Apostolus Spiritui sancto deputat, cum dicit: *Attendite vobis et omni gregi, in quo vos Spiritus sanctus posuit episcopos regere Ecclesiam Domini Iesu (Id. xx, 28)*. Et inter cetera dicit Petrus ad Ananiam: *Anania, cur replevit satanas cor tuum, ut mentireris Spiritui sancto?* Et infra, *Non es enim, inquit, hominibus, sed Deo mentitus (Id. v, 3, 4)*. Aperatum est Spiritum sanctum dictum Deum, cui mentitus Ananias, Deo mentitus dicitur. Quod si Spiritum sanctum minime voluisset Deum intelligere, dixisset, *Non es mentitus hominibus, sed Spiritui sancto;* ut neque Deum hunc, neque hominem significaret. Et quid mirum? Apostolus enim aliquando templum Dei hominem appellat (*Il Cor. vi, 16*), aliquando vero templum Spiritus sancti (*I Cor. vi, 19*), propterea quia unum sunt natura. Si enim Deus minime intelligeretur Spiritus sanctus, qua audacia diceret infra, *Templum Dei sanctum est, quod estis vos (Id. iii, 17)*? Quoniam unum Deus in omnibus Scripturis prædicatur; mysterium autem ejus in Trinitate adoratur. Idcirco sic ait Scriptura, ut sub unius Dei professione, ea quae de ipso sunt, id est, Filius et Spiritus sanctus ejus, in eodem honore intelligentur, in quo ipse Deus est. Quia ideo sacramentum revelatum est Dei, ut gloria ejus in Trinitate significaretur. Quamobrem non plena auctoritate Deus vocatur quod de Deo est, ne alterum absque eo qui unus est, facere credatur. Sed intellectum dat, ut credamus ea ratione in Trinitate creature salutem consistere, quia una est eorum divinitas. Neque enim possent simul jungi et in ordine poni Creator et creature, Dominus et servi, æternitas et que sub initio sunt: quippe cum sine uno eorum salus nulli sit. Ad injuriam enim vocatur omne quod Deus est, sive Filius, sive Spiritus sanctus, si extra unius Dei honorem deputetur et gloriam. Scripturæ igitur ostendunt Christum Deum, ostendunt Spiritum sanctum Deum, ut videntes sciunt quid sit, quid ostenditur¹. Tale est si quis genitam ostendat, non clamans quia gemma est, numquid quia ille non clamat, non erit gemma quæ videtur? Ita et Scripturæ ostendunt per ea quæ supra tractata sunt quid credere debeamus, intra unius Dei fidem sensum nostrum concludentes, mysterio Trinitatis.

(a) Si rationi fides accommodetur, etc., Manifestum

¹ Er. Ven. Lov., ut videntes sciunt quid sic ostenditur. M.

(a) Questio eadem ex MSS. secundi generis, inter post vulgatas ex Novo Test. quadragesima tercia.

Igitur est idcirco verum dici Filium Dei Christum, ut proprius, id est de substantia ejus natus intelligatur. Unde et Apostolus, *Qui proprio, inquit, Filio suo non percit.* Nam Patrem et Filium unius esse substantiae, ipsa nominum ratio docet. Ut enim mysterium, quod ratio humana propter suam infirmitatem non capit, possit sciri, nomina sacris rebus aptata sunt congrue, ut per haec veritas Patris et Filii possit aliquatenus intelligi. Nihil enim sic Christum Dominum deo esse Deum facit adverteri, quam nomen hoc quod dicitur Filius Dei. Et quia malignitas etiam ipsis nominibus perfidiani suam infert, ut aliter quam ratio ipsa se habet nominis ipsius, causam interpretetur, addidit, *verus Filius : ut obstrueret os pravum, et mente perversum.* Denique nemo in haeresin ruit, nisi a noniunum ratione discedens : simplices vero permanentes in ratione nominum, catholicae fidei adhaeserunt. Ipsa enim simplicitas non aliter hoc advertit imperturbata, quam traditum est. Accedente autem tergiversatione, dum re bene et simpliciter posita commovent questiones, non contenti credere quod sonant verba, indignum putantes si non sibi addant aut demandant, de traditione precipitantur. Sollicitos enim se faciunt, ne Deus aliter debeat credi, quam tradidit. Ratio autem nominum Patris et Filii inducit ad veritatem unitatis eorum. Nec enim potest discrepare ab altero, quorum imago una sacris Scripturis refertur, quod etiam ipse Filius firmat, cum dicit, *Qui me videt, videt et Patrem.* Si ergo unum ex iis qui videt, ambos videt, sine dubio Pater et Filius unam habent imaginem; qua non esset una nisi consubstantivi essent Pater et Filius : quod quidem non est ambiguum circa notitiam humanam. De vero enim Filius quid aliud poterit judicari, quam ut unitas eorum ipsa nominis proprietate nascentis et generantis firmetur? Quis enim aliud generet quam ipse est? Si enim Filius tantum dicetur, et non adjiceretur ad intellectum quia verus est, testante illud apostolo Joanne, qui ait, *Sunus in verò filio Iesu Christo, qui est verus Deus, et vita æterna;* et apostolo Paulo similiter praedicante: *Qui proprio, inquit, filio suo non percit :* posset de nudo nomine Filii dubitari. Nam cum addat verum hunc esse Filium Dei; qui ab hac

voce et sensu recedunt, ipsi sibi proprie inimici sunt. Confingunt enim sibi, et persuasione quadam opinonis perverse aliud debere credi assunt, quam ratio fidei continet, quasi plus deum Deo quam ipse de se volunt credi. Si enim adjectum non fuisset, *vero*, posset dubitari. Diceretur enim similis esse Patri, propter hoc quod ait, *Qui me videt, videt et Patrem :* ut sicut lac et gypsum, quantum ad colorem pertinet, simile est: quantum ad naturam, longe dissimile: sic et id quod dictum est, *Qui me videt, videt et Patrem,* possit videri. Sed quia veri Filii Dei verba sunt, non debet aliud ad intellectum admitti, quam ut ideo hoc videatur dixisse, quia unum sunt natura Pater et Filius, hoc est in nullo discrepare alterum ab altero. Nam si Salvator de viro et muliere, propterea quod una amborum substantia est, ait, *Jam enim non sunt duo, sed una caro :* quanto magis Pater et Filius non sunt duo dicendi juxta substantiam; ne aut scissa vel divisa, aut certe dispar ac dissimilis eorum substantia dignoscatur? Denique Paulus apostolus unitatem substantiae eorum firmans dicit, *Qui non rapinam arbitratus est esse se parem Deo.* Parilitas ergo haec unde erit, nisi de unitate substantiae? Hinc ambo unius sunt imaginis. Sic ergo ut Apostolus ait, *Non rapinam arbitratus est esse se parem Deo,* verum se Dei Filium demonstravit. Deo enim par esse non poterat, nisi esset de ipso. Parentes enim ii sunt qui aut ambo veri sunt, aut ambo falsi. Nec enim parilitatem recipit, ceptum et alternum, aut unitatem. Unum enim se esse dicendo Christus cum Patre, parem se Deo fecit. *Non solum enim, inquit, solveba' sabbatum, sed et Patrem proprium Deum sibi dicebat, æqualem se faciens Deo,* hoc est Patri. Nonne manifestum est æqualitatem hanc de proprietate nativitatis descendere? Proprium enim se, id est verum dicens Dei Filium, æqualem se faciebat Deo: hoc est unde dicit, *Qui me videt, videt et Patrem :* per id quod consubstantivi sunt, qui unum videt, ambos videt. *Sicut enim habet Pater vitam in semetipsa, ita et dedit Filio habere vitam :* hoc est, æqualem, etc., (a).

(a) Consequuntur per pauca ulti in MSS. primi generis, scilicet usque ad verba, *natus creditur.* Reliqua deinceps in MSS. secundi generis desunt.

QUÆSTIONES EX UTROQUE MIXTIM ^(a).



DE EVANGELIO JOANNIS.

XCVIII (b). — Audistis que contestetur sacro-sanctum Evangelium, dicente Domino ad Iudeos, *Vos de patre diabolo nati estis, et desideria patris restitutis facere.* Ille homicida erat ab initio, et in veritate non stetit, quia veritas non est in illo. Cum loquitur mendacium, ex suis propriis loquitur, quia mendax est, sicut et pater ejus (*Joan. viii, 44*). Nemo fidelium dubitet diabolum apostasie suæ auctoren non habere. Ipse enim totius erroris est princeps: qui videns a Deo factum se non mediocris potentiae, ausus est presumere divinitatem; ut quia cæteros vident inferiores, seipsum præferret ut deum. Denique nomina quibus

¹ Ita MSS. et editio Ratisponensis. Aliæ vero editiones sic habent: *Quonodo in Evangelio Joannis diabolus dicatus habere patrem.*

(a) Titulus ineptus, ut ex qq. ci, cn, cxiv, cxv, etc., patet, nec a nobis repertus in MSS. qui partitionem hic nullam habent. Sed ex editis hactenus receptum est, ut citetur hec tertia pars Questionum sub illo titulo: quapropter nihil hic mutandum curavimus, in opere præserendum non magni momenti.

(b) In MSS. secundi generis non existat haec iam secunda tractatio ejusdemmet arguendi, de quo supra est quæstio nouagesima.

appellatur diabolus et satanas, ab actu ejus composita sunt, non ex natura. Omne enim malum opere probatur, ut non substantia in crimen sit, sed voluntas concepta ex causis. Dum enim se vidit potiorem catenam, inflatus est ad excedendam dominationem. Quomodo ergo patrem habere dicitur, qui auctor sceleris ejus habeatur? Aut unde probatur ab initio homicida fuisse? Sed Scriptura illum qui ejus fuerit imitator, nomine ejus appellat; ut quia ab opere nonen accipit, omnis qui malum opus fecerit, non immirito diabolus nominetur. Salvator ergo hoc loco Cain diabolum appellavit, quia operum ejus æmulalus, dum invidit fratri, homicidium perpetravit, exemplum relinquens crudelitatis parricidii. Sicut et diabolus dum invidit homini facto ad imaginem Dei, malignitatem operis sui cumulavit, typum prebens erroris. Hinc itaque exstitit etiam mendax Cain, dicente sibi Deo, *Ubi est Abel frater tuus?* Qui patris sui imbutus malitia, in mendacium prorumpens, *Nescio*, inquit (*Gen. iv, 9*); ut cui vitam extorserat, ubi esset nescire se simularet; sic furore excitatus, ut Deo sic responderet quasi homini, quem putaret se posse celare. Igitur hujusmodi imitatores facti Iudei, etiam ipsum Dominum occidérunt, Cain potius fratricidam patrem volentes ha-

here quam Deum, ut totius sanguinis effusi rei fierent. Auctorem enim vitæ perientes, totius sceleris principes extiterunt, ita ut huic malo etiam filios suos obligarent dicentes, *Sanguis ejus super nos et super filios nostros* (*Matth. xxvii, 25*). Ut enim Pilato suaderent, nihil mali esse quod petebant, in filios suos retorqueri dixerunt, si eset injustum: quia ut furori suo satisfacrent, nec filii quidem suis parcer voluerunt. Nam quia diabolus non natura malus est, hinc facilius dicitur, quia poena non promitteretur ei qui non fecerat quod nescierat. Iniquum est enim punire eum qui non facit aliud, quam quod sure est naturæ. Et magis istud malum est, si hoc exigas ab aliquo, quod scias illum non posse. Quamobrem juste plectendus est, quem cum constet scire ac facere posse bonum, agit malum. Hoc etiam ex verbis Salvatoris poterit adverti: ait enim, *sicut supra memoratum est, Pater vester homicida fuit ab initio, et in veritate non stetit*. Igitur si per naturam mendax est, quomodo dicitur in veritate non stetisse? Hic enim in veritate non stat, qui in veritate non permanet. Constat ergo diabolus in veritate fuisse, sed non perseverasse. Denique legimus in prophetia sic dicentem Dominum, *Si stetissent, inquit, in substantia mea* (*Jerem. xxiii, 22*), id est in lege mea. Et Apostolus ad Galatas, *State, inquit, et nolite iterum servitutis jugo cohiberi* (*Galat. v, 1*). Quid tam apertum? Ille enim mandat ut de cætero permaneant in mandatis ejus. Quod si diabolus servasset, steterat in substantia et in lege Dei. Fundamentum est enim lex servantibus eam. Quomodo ergo quibusdam videtur, diabolus aut malum a Deo factum, aut propriam habere originem, id est ex nullo ortum, quod utrumque Deo videtur contrarium? Qui enī ad hoc illum dicit factum ut esset malus, imperfecte putat Deum esse bonitatis; quia perfecte bonus non facit malum. Qui vero originis ejus Deum auctorem esse non credit, ejus dominium Deo abnegat. Per hoc enim, cum omnia Dei sint, aliquid esse arbitratur quod minime ad Deum pertineat: quos oportet penas perpēti, cum viderint cuncta a Deo judicari per Christum.

CXIX. — Quid sit illud Apostoli, *Tentatio vos non apprehendat, nisi humana* (*1 Cor. x, 15*)?

Non sine providentia, ut arbitror, magister Gentium Apostolus nos ter, tentatio ut nos apprehendat expletat, sed ut humana duntaxat; quia divina tentatio perniciem parit. Hac enim Judæi apprehensi a serpentibus perierunt. Agentes enim sub Dei lege, dc providentia ejus dubitabant: ac per hoc ne divina nos, sed humana tentatio apprehendat, hortatur. Hic enim tentari a Deo dicitur, qui sub nomine ejus agens, ab idolis sperat salutem; quia non habet Deum probatum. Omne enim quod probatum non est, tentatur; et quod tentatur, in dubium venit. Ac per hoc divina tentatio mortalis est, humana vero tentatio salutaris est: quia sicut de Deo dubitare perniciosum est, ita de homine desperare propter Dei legem saluberrimum est. Quamobrem providenter Apostolus, *Tentatio, inquit, vos non apprehendat nisi humana*: ut propter Dei legem ab hominibus tentati, fortes inveniantur¹, dubitantibus de nobis hominibus carnalibus, Deo autem prolati simus: quia qui probati Deo non sunt, tentantur ut emendentur. Duplex ergo tentatio est: aliquando enim quasi fideles, aliquando quasi disfidentes tentantur; ut fidelium tentatio humana sit. Propter fidem enim ab hominibus tribulamur: tentant enim nos si possint abducere a fide. Propter disfidentiam autem tentantur, ut angustiati poenitentes redeant in viam; sicut factum est etiam Judæis. Cum enim disfiderent de providentia Dei, tentati sunt a serpentibus, ut dolore correpti emendarerentur. Deus enim sic tentat, ut corrigit hujusmodi homines. Est et alia tentatio, qua tentatus est Abraham, et Job, necnon et Tobias famuli Dei: ut Abraham per tribulationem oblati unici et dilectissimi filii (*Gen. xxi*), uberiorem fructum iustitiae haberet ad æternam gloriam: Job autem amissione totius sub-

stantiae augmentaretur divitiis locupletatus in celis et in terra (*Job 1, 11; xlii, 12, 13*). Tobias vero excitatem luminum passus sic proiectior exstincti, ut ad prorsus gloriosus fieret receptis oculis, et in futurum servaretur ei claritas perpetua (*Tob. ii, 11; xi, 15*). Quia ad hoc probantur justi, ut proficiant. Ideoque in tentatione robusto animo esse debemus, scientes non ad diminutionem nostram hoc proficere, sed augmentum, si modo æquo animo toleremus per Christum.

(a) Omnis quæstio ut dilucidari possit, ad originem revocanda est. Apostolus autem cum de Judæorum persidia quereretur, et quoniam Deum in solitudine tentaverunt; unde dicit, *Neque tentemus Christum, sicut quidam tentaverunt* (*1 Cor. x, 9*): dum ergo haec memoraret, et quid propter ista mala passi sunt, ad terrorum inculcendum exponeret, ut ipso nos exemplo malitiae vel tentationis quæ in Domino sit revocaret (divina namque tentatio est, si sub lege Dei agens, ex alia parte aut ab idolis auxilium petat, diffidens de Deo), ideo hoc Apostolus cavendum monet. Ut autem humana tentatio nos teneat, exhortatur: quia humana tentatio est, in Dei causa desperare de homine, et promittum esse in fide Dei. Tentatio enim hæc disfidentia intelligitur, ut de promissis Dei non diffidant. De humanis, quia in omni errore seductionis humana tentatio est², quæ infesta mundanis rationibus Dei legi obsistit, desperans de missis ejus. Illebus ergo manifestatum quæ sit in Deum tentatio, et quæ est humana tentatio, quam fastidire non debemus, si fidei Dei participes sumus.

DE EVANGELIO MATTHÆI³.

C (b). — Audistis, fratres charissimi, que contestetur Evangelium dicente Domino: *Confiteor tibi, Domine caeli et terre, qui abscondisti haec a sapientibus et prudentibus, et revelasti ea parvulis. Ita, Pater, quoniam sic fuit placitum ante te* (*Matth. xi, 25, 26*). Igitur si dictorum sensum inspiciamus, videbimus ea quæ ad exhortationem creditum a Domino dicta sunt, eorum qui propterea quod mundanam sapientiam spenunt, parvuli videntur sapientibus mundi, qui nullo testimonio commendati sapientes volunt dici. Idcirco indignum visum est Deo his ostendere veritatem: humiliibus autem qui nihil de se presumentes divinæ se voluntati inclinant, aquitatem cogente salutaria revelanda sunt. Hic enim prudens Deo est et salutis suæ memor, qui scientie sue anteponit Dei legem, quam uique videt non verborum strepitum fulciri, sed rerum virtutibus. Et sine dubio hic stultus et vanus est, qui huic rei se commendat, quæ nulla munitur prærogativa signorum. Unde non litteratis sæculi regnum Deus promisit, sed fidelibus; neque scrutatoribus siderum æternitatem pollicetur, sed recte agentibus; nec dialecticis, qui fraude et minutis quibusdam ratiunculis verum excludere nituntur, gloriam dat; sed bonas voluntatis hominibus, qui accutati magis vita sunt quam sermone. Istos enim reprobat Deus, qui oratione clari sermonis magis uti volunt quam bonis actibus. Nam et gloriam Dei in se vult convertere, qui rem Dei verbis exornare se putat. Res enim ipsæ per se placere debent, ut non sermo, sed sensus laudetur. Si enim sensus auctor est litteræ, et verba propter res significandas inventa sunt; cur non magis res ipsæ puro sensu promendae sunt, ut felicissimæ mentem incident ad salutem? Ideoque píscatores elegit Dominus noster Apostolos, homines simplices et sine litteris, qui sine aliqua versutia fidem servando et bene vivendo, Dei in se ostenderent veritatem. Unde et apostolus Paulus, *Et ego veniens, inquit, ad vos, fratres, non veni in subtilitate sermonis aut sapientie* (*1 Cor. ii, 1*). Et inter cætera, *Quia non,*

¹ Ms. Germ., *traditio est*.

² Ita MSS. et editio Ratisponensis. Aliae vero editiones: *Quomodo in Evangelio Matthæi dictum sit: Confiteor tibi, Pater, Domine caeli, etc.*

³ Ms. Colbert., *justitiae*.

(a) Quæstio eadem ex MSS. secundi generis, inter post vulgatas ex Novo Test. quinquagesima secunda.

(b) Ille quæstio deest in MSS. secundi generis.

ait, *in sermone est regnum Dei, sed in virtute* (I Cor. iv, 20) : ut quia verba contradictioni obnoxia sunt, Dei legi virtus testis existeret, cui omnis cedit sermonum sublimitas. Itaque haec idcirco premissa sunt, fratres charissimi, ut consuleretur simplicioribus, ne forte indignos se putarent gratia Dei, quia minime sunt litteris forensibus erudit, cum magis ad laudem proficiat simplicitas eorum : quoniam quod prudentes mundi non vident superbia litterarum, hi credunt, non verbis sed consilio prudentes. Sciant enim in bonis operibus requiescere Deum, et fidem querere, non cultum sermonem. Legunt enim dicentes Dominum, *In quo requiescam, nisi in humili et mansuetu et tremente verba mea* (Isai. lxvi, 2) ? Quamobrem ut digni efficiamur ad promissa præmia, ea quæ a Domino jubentur, facere debemus, securi quia hos diligit Dominus, qui verba ejus custodiunt. Sic enim dicit discipulus suis, *Si diligitis me, præcepta mea servate* (Joan. xiv, 15) : ut in his Domino servientes regni ejus hæredes esse possimus per Jesum Christum Dominum nostrum.

DE JACTANTIA ROMANORUM LEVITARUM¹.

CI (a). — Dum jussis charitatis parere volumus, in vituperationem forte cademus, qui de re quæ nulli aliquando in dubium venit, scribimus; quia cum amicitiam offendere nolumus, studium quod ad aliquam rem occultam revelandam proscire debuit, intricamus : quamvis propter nimiam stultitiam cuiusdam hoc asseverantis, quod in subjectis pandemus, istud nobis injunxerit charitas memorata, ne cum nemo diu ad hoc responderet, in pejus proficeret, et diu in vano exercitatus emendari non possit. Hoc enim charitatis studium est, que non querit que sua sunt. Quidam igitur qui nomen habet Falcidii², duce stultitia, et civitatis Romanæ jactantia, levitas sacerdotibus, et diaconos presbyteris coæquare contendit : non dicam præferre, quia stultius est, et forte incredibile videatur³, et nos non emendatores, sed calumniatores habeamur. Quia igitur lege quæve consuetudine, quonam exemplo hoc aggredit audeat, nullum scire arbitror, ut istos quibus consensus in Ecclesia datus est minime, iis coæquet qui propter quod antistites Dei sunt, in domo Dei et in honore Christi cum dignitate considunt : quæ audacia est presbyteris ministros ipsorum pares facere? Quæ temeritatis præsumptio, sacerdotibus bajulos tabernaculi et omnium vasorum ejus et lignorum concisores et portatores aque conferre? Hoc enim officium fuit levitarum. Tale est, si præfectis officiales, dominis servi æquenter. Hoc enim scriptum est dicente Domino ad Moysen, *Accipe tribum Levi de medio filiorum Israel, et statue illos ante Aaron sacerdotem, et deseruent et* (Num. viii, 13). Quid hoc exemplo apertius, quod etiam nunc in Ecclesia custoditur? Quanquam Romanæ Ecclesiæ diaconi modico invercundiores videantur, sedendi tamen dignitatem in Ecclesia non præsumunt. Ut autem non omnia ministeria observiorum per ordinem agant, multitudine facit clericorum. Nam utique et altare portarent et vasa ejus, et aquam in manus funderent sacerdoti, sicut videmus per omnes Ecclesias, et sicut constitutum est a Domino per Moysen. Aut numquid meliores Elisavo sunt, qui aquam fundebat in manus Eliæ (IV Reg. iii, 11)? Sic autem diaconos adversus presbyteros defendit, quasi ex presbyteris diaconi, et non ex diaconis presbyteri ordinantur. Sed quia Romane Ecclesiæ ministri sunt, idcirco honorabiliores putantur quanam apud cæteras Ecclesias, propter magnificientiam urbis Romæ, quæ caput esse videtur omnium civitatum. Si itaque sic est, hoc debent et sa-

¹ Sic MSS. et editio Ratisponensis. Aliae vero editiones: *Quomodo contra levitas Romanos disceptandum sit, qui contendunt levitas sacerdotibus, et diaconos presbyteris coæquare.*

² Ms. Colbert., *Falsi-de-re-querunt duce, etc.*

³ Juxta Er. Lugd. et Ven., videtur. M.

(u) Quæstio haec deest in MSS. secundi generis.

cerdotibus suis vindicare : quia si ii qui inferiores sunt crescunt propter magnificentiam civitatis, quanto magis qui potiores, sublimandi sunt? Quidquid enim officialibus præstat, augmentum fit potestati : sicut honor servi ad laudem proficit domini. Quanquam apud justum judicem Deum unicuique hic honor maneat, qui decretus est singulis Eccl. siarum officiis, ut qui diaconus est, diaconi honorem per omnes Ecclesias habeat. Non enim qualiscumque honor est, antistiti Dei servire in Ecclesia dimitat ut sacerdos totius honoris ecclesiastici dignus habeatur. Major enim ordo intra se et apud se habet et minorem : presbyter enim et diaconi agit officium et exorcistica et lectoris. Presbyterum autem intelligi episcopum, probat Paulus apostolus, quando Timotheum quem ordinavit presbyterum, instruit qualem debeat creare episcopum (I Tim. iii, 1-7). Quid est enim episcopus, nisi primus presbyter, hoc est summus sacerdos? Denique non aliter quam compresbyteros hic vocat et consacerdotes suos. Numquid et ministros condiaconos suos dicit episcopus? Non utique, quia multo inferiores sunt. Et turpe est judicem dicere primicerium. Nam in Alexandria et per totam Ægyptum, si desit episcopus, consecrat presbyter⁴. Quanta autem sit dignitas ordinis sacerdotalis, causa ostendit Caiphæ, qui cum esset homo pessimus, prophetavit. Quare? *Quia princeps, inquit, erat sacerdotum* (Joan. xi, 49). Et iterum multum distare inter diaconum et sacerdotem, liber approbat, quem dicimus Actus Apostolorum. Cum enim ex Maria credidissent Philippo prædicanti diacono ab Apostolis ordinato, Miserunt, inquit, ad Petrum et Joannem ut venirent, et iis qui crederent, darent Spiritum sanctum per manus impositionem (Act. viii, 14, 15). Sed insciī credo Scripturarum aut iminimores Legis hæc defendant. Recordari ergo debet qui ista putat asserenda, quid levitis acciderit cum taliter sapient. Cum enim nihil inter sacerdotes et levitas interesset præsumerent, Deo judice hiatu terra absorpti sunt Chore et consentientes ei, et ducentos quinquaginta viros torrens ignis simul consumpsit (Num. xvi, 31-35) : et Ozias rex cum opus sacerdotale præsumeret, lepra perfusus est (II Paral. xxvi, 19-21) : ut hoc utique exemplo cæteri territi non audeant quod sibi concessum non est præsumere. Nunc enim videamus diaconos temere quod sacerdotum est agere per convivia et in oratione id velle, ut respondeatur illis, cum istud solis licet sacerdotibus. Diaconi enim ordinis est, accipere a sacerdote, et sic dare plebi. Vides quid pariat vana præsumptio? Immemores enim elatione mentis, eu quod videant Romanæ Ecclesiæ se esse ministros, non considerant quid illis a Deo decretum sit, et quid debeant custodire : sed tollunt hec de memoria assidue stationes domesticæ et officiales, quæ per suggestiones malas seu bonas nunc plurimum potest. Aut timetur enim ne male suggerant, aut emuntur ut præstant. Hi sunt qui faciunt eos ordinis sui non considerare rationem. Dum enim per adulatioinem obsequuntur illis illicite, præcipites illos faciunt, ut plus sibi putent licere : quippe cum videant non sic deferri sacerdotibus ; ac per hoc anteferri se putant. Sed testimonio, inquit, diaconi sit presbyter : quasi istud ad prærogativam pertineat magnitudinis. Legimus enim ad plebem dixisse Petrum apostolum : *Eligite, inquit, ex vobis quos constituumus deseruire mysteriis Ecclesiæ* (Act. vi, 3). Nolo dicere, mensis. Ecce laicorum testimonio creati sunt diaconi. Et Apostolus eum qui ordinandus dictatur episcopus, etiam testimonium vult habere Gentilium : sic enim ait, *Oportet enim hunc et testimonium habere bonum ab his qui foris sunt* (I Tim. iii, 7). Omnium ergo est testimonium dare, et non tamen omnes hoc honore digni sunt. Judicare enim omnes possunt, et non tamen omnes possunt esse quod judicant. Prostest enim pictor judicari bonus, et præferri alteri ab

⁴ Ms. Colbert., consignat.

illo qui pingere nesciat; et choraula melior alio chora approbari ab eo, qui alterius est artis: ita et testis potest esse creandi presbyteri qui inferior ordine est. Et iterum, quo inflentur et putent sibi multum deberi, A nobis enim, inquit, perducuntur qui ordinandi sunt: ut dum lateri illorum septi sunt, honore digni videantur. Fac verum esse. Quasi officialis enim ab episcopo mittitur, ut obsequium prebeat ordinando. Nam et imperator, ut imperator appareat, ordinatur obsequio militari: non tamen melior nec par est exercitus imperatoris. Nam et Aman cum esset clarus in honore militari, a rege missus est ut Mardochæo in obsequium iret (*Esther vi, 10*): ut quantum dignus esset Mardochæus, ex hujusmodi obsequiis nosceretur. Ita et diaconi creandis presbyteris in obsequium mittuntur; ut dignos eos fieri sacerdotes, omnes intelligent. Exceptis enim sacerdotibus, quibus obsequium debent, omnibus preponuntur diaconi.

CONTRA NOVATIANUM¹.

CII (a). — Dicunt discipuli sui ad Jesum, *Domine, vis ut dicamus, descendat ignis de cœlo, et consumat eos, sicut fecit Elias?* Et respondit illis Dominus dicens, *Nescitis cujus spiritus estis. Filius enim hominis non venit animas perdere, sed salvare* (*Luc. ix, 54-56*). Cum dignum utique esset vindicare in Samaritanos non suscipientes eum; Dominus tamen qui ad misericordiam dandam advenit, sententiam amovit, ut de cetero corrigentes emendantur. Et propheta Elieus indignatus pueris qui ei contumeliam faciebant, Deo iudice vindicavit in eos, ut eo loco ab ursis comedenterur, ubi silva esse negatur (*IV Reg. ii, 23, 24*): Dominus autem oblatæ sibi meretrici pepercit, ei videlicet quam in adulterio se deprehendisse maiores Judæorum dixerunt (*Joan. viii, 11*); ut quia pia prædictio incooperat, non condemnandum, sed ignoscendum doceret. Nam per Moysen data Lex, quia justitiam habuit ad vindictam, in primordiis suis severitatem exercuit. Quia et in illum qui sabbatis exiit ligna colligere, sinebriter vindicavit (*Num. xv, 32-36*); et in filium Ægypti qui blasphemaverat in D-um, similiter ultionem dedit (*Levit. xxiv, 10-14*); et in causa fusilis vituli percussit filios Israel (*Exod. xxxii, 27*). Unaquæque ergo Lex inter ipsa primordia sensum suum plenum ostendit, ut vetus Lex, quia ad vindicandum promptior erat, inter initia sua asperior videbatur, ut metu incusso diligentes et sollicitos faceret auditores suos. Nova vero propterea quod pia et ad misericordiam facilis est, primordia sua mississima et clementissima demonstravit, ut ipsa oblatione ac dilectione omnes ad indulgentiam provocaret. Postea autem et illa que asperior visa est propter fragilitatem humani generis, non solum rigorem suum mollivit, sed et humanam et piam se præstitit, et haec quæ clemens visa est aliquando vindicavit. Ananias enim cum Saphira uxore sua divinitus cæsi sunt (*Act. v, 5, 10*). Et Elimas magus incredulus et Dei legi repugnans, Domini iudicio et virtute caecatus est (*Id. xiii, 8-11*). Et Herodes rex propterea quod honorem non dedit Deo celi, ab angelo Dei percussus scatens vermis expiravit (*Id. xi, 23*). Ne quia misericordia prædicatur, inultum omnino putarent homines et impune peccari, timorem posuit, ostendens ad hoc dari veniam delictorum, ut quasi ex mortuis vivificati postea abstinerent se a contrariis, ut id elaboretur, ne quis hinc cum crimen exeat, quia ad judicium veniatur. Haec enim unicuique sententia imputatur, in qua defungitur. Quoniam igitur nova Lex plenitudinem habet misericordie, ne contemptui duceretur ab amatoribus peccatorum, in supra dictos vindicavit. Vetus vero Lex quanquam ad

¹ sic MSS. et editio Ratisponensis. Aliæ vero editiones: *Quonodo contra Novatianos contendendum sit, qui pœnitentiam salutarem negant.*

(a) Haec quæstio deest in MSS. secundi generis.

vindictam sit, quibusdam tamen ignovit, ne omnino crudelis diceretur: sed in plures vindicavit, quia sensus ejus ad ulciscendum promptius est. Sine dubio ergo major gratia novæ Legis est quam fuit veteris. Si ergo major gratia est, quomodo negatur hoc præstare posse, quod præstít illa, quæ minorum gratiam habuit? Erat enim propensior in severitatem. Itaque si ista pœnitentibus ignovisse probatur, qui fieri potest ut ista quæ clemens est, non recipiat pœnitentes? Nam et Iudei filii Dei appellati sunt, qui per Moysen in nube et in mari baptizati, apostoli Pauli auctoritate leguntur (*I Cor. x, 2*). Legem enim accepturi procul dubio purificati noscuntur, ut de cetero acceptæ Legis redderent rationem, ut si quid peccarent, per pœnitentiam se reformarent; dicente Domino per Isaiam prophetam, *Pœnitentiam agite qui erratis, et convertimini* (*Isai. xlvi, 22*). Sed forte et contrario dicitur, Pœnitentia quidem predicata est, non tam remissio. Si ergo pœnitentia a Deo predicata est, fructus erit agentibus pœnitentiam. Nec enim supervacue hoc Dominus commoneret. Porro autem sciens Dominus conversis dari debere peccatorum remissionem, hoc præcepit: quippe cum dixerit, *Nolo mortem peccatoris, tantum ut convertatur et vival* (*Ezech. xviii, 52*). Itaque et est fructus pœnitentiae, sicut claruit, conversis ad Deum. Exclusa est ergo Novatiani impie composita assertio, qua verborum Domini sensum invertit dicens, *Ait Dominus, Qui me negaverit, et ego negabo ipsum* (*Math. x, 33*): ut si aliquis christianus quacumque ex causa negaverit, jam redire non possit, aut certe revertens, minime recipiatur. Et ubi erit demandata pœnitentia? Cum Salvator post datum hanc sententiam negantem apostolum Petrum non negaverit. Quare? Quia pœnitentiam subsequente erratum suum amarissime levit (*Id. xxvi, 75*), sciens utique conversis ignosci, et reformati eos per pœnitentiam. Sed Novatianus singit agendam pœnitentiam. Quia enim aperte non audet negare pœnitentiam dandam, astrictus Lege, subtiliter hanc frustare contendit. Quando enim dicit, quia qui negaverit, nullo modo veniam habebit, sed negabitur et ipse in conspectu Angelorum Dei, quomodo non cum dolo agendam pœnitentiam profiteretur? Hinc autem manifeste fraus ejus apparel, cum subjungit dicens, *Quicumque peccaverit in Spiritum sanctum, non remittetur ei, neque hic, neque in futurum* (*Id. xii, 52*). Quamvis alia causa sit qua peccatum est in Spiritum sanctum, et alia negare Dominum Jesum; Novatianus tamen ut huic peccato veniam deneget, unum sensum vult esse, et negantis Dominum, et peccantis in Spiritum sanctum, ut hac tergiversatione fructum amputet pœnitentiae. Si enim idem est negare Dominum quod peccasse in Spiritum sanctum, nulla veniam speranda est negantibus, neque fructus aliquis pœnitentiae; quia hoc peccatum, neque hic, neque in futuro remitti dominica oracula promiserunt. Hinc ergo apparel, Novatianum cum dolo dicere agendam pœnitentiam. Ut quid enim pœnitentia, si delictum aboliri negatur? Pœnitentia enim gemitus, fletus et lamentatio hoc acquirit, ut et veniam mereatur et reformationem. Denique David pœnitens et confitens peccatum suum, et veniam meruit (*II Reg. xii, 13*), et ad pristinum statum redditus est; quia et rex permanit, et postea prophetavit. Quod liquido probatur: in quinquagesimo enim psalmo pœnituit, et postea persecutionem a filio suo passus prophetavit. Tertius enim psalmus Juxta historiam post quinquagesimum est. Sed forte regi ignosci oportuit, humilibus autem ignosci non debet; cum magis potentioribus difficilius ignoscendum videatur? Deus enim personam hominis non accipit (*Rom. ii, 11*). Quanto enim quis sublimior, tanto magis, licet leve peccatum ejus, grave est crimen. Sicut enim humilitas in potente sublimis et magnifica est; ita et culpa ejus pro crimen habenda

¹ In B.: *Quantum ut convertatur et vival. Lectionem Er. Luggd. Ven. Lov. secuti sunus. M.*

est. Exceptis enim peccatis, quæ constat omnibus esse illicita, non omnia licent potentiis, quæ sunt concessa humilibus. Dignitas¹ enim homini negotiari deformis est, et popinam ingredi notabile est. Senatoribus quoque fenus infamia est. Si ergo in his levibus inventi notandi sunt, quanto magis rei constituendi sunt, si peccaverint? Per hoc ergo apparet David gravissime peccasse, et quidem duplaci modo: conversus tamen, et homicidiū et adulterii veniam consecutus est, et quod est amplius, deflens reformatus est. Cum enim a propheta Nathan argueretur, peccatum celare non ausus est, sed confessus est dicens, *Peccavi Domino*. Tunc respondit propheta et dixit, *Abstulit Dominus peccatum tuum, et non morieris, quoniam paenituitis*. Et quia invenitur postea prophetasse, dubium non est hunc reformatum. Nam et Achab correptus a propheta propter mortem Nabuthe ibat plorans, et conscidit vestimenta sua, et precepsit se cilicio, et factum est verbum Domini in manu servi ejus Eliæ de Achab, et dixit Dominus: *Audisti, quoniam motus est Achab a facie mea? non inducam ei mala in diebus ejus* (*III Reg. xxii, 27-29*). Et Ninivitis peccata deslentibus, imminentे morte reparata est vita (*Jone iii, 10*). Ecce quantus profectus est paenitentia. Sed forte dicatur et contra, Concessa quidem est, sed non de criminе idolatriæ: quamvis enim haec gravia sint, majus est tamen crimen idolatriæ. Recte tamen explosa est non ex modica parte Novatiani assertio, quia duo crimina gravia concessa paenitentia videntur. Quia si fornicatione ignosci non debet, sicut Novatiano videtur, quanto magis homicidio, aut adulterio? Sed hinc vanitas ejus apparel, quando haec quæ graviora sunt, concessa probantur: quamobrem nunc, an idolatriæ concedi posse promiserit Deus, requirendum est. Omne enī quod jure hic concessionem non fuerit, nec in futurum poterit concedi. Hic enim, sicut dixit Dominus, aut ligantur, aut solvuntur peccata (*Math. xvi, 19*); in futuro autem nihil aliud erit, nisi remuneratio aut condemnatio. Omnis enim qui hic jure reprobatur, non poterit eligi, aut dignus in futurum judicari. Audiamus igitur quæ dicat Dominus de idolatriæ ad Jeremiam prophetam: *Vade, et dic, inquit, Revertere ad me, commoratio Israel, dicit Dominus, et non firmabo faciem meam in vos: quia misericors ego sum, dicit Dominus, et non irascer vobis in ævum. Verumtamen cognoscit delictum tuum: impie egisti, et posuisti vias tuas in alienos subtus omne lignum nemorosum* (*Jerem. iii, 12, 13*). Ecce quid promittit eis Deus, qui post lapsum ad se convertuntur, ut post apostoliam regressus remittat peccata. Et iterum dicit Deus per Jeremiam: *Delicati mei ambulaverunt vias asperas, ducti sunt ut grex direptus ab inimicis. Constantes estote, filii, et proclamate ad Deum, erit vestra in abductione memoria. Nam sicut fuit mens vestra ut erraretis a Deo, duplicabitis decies tantum conversi, quærentes eum. Qui entia induxit in vos mala, inducit in vos eternam iucunditatem cum salute vestra* (*Baruch iv, 26-29*). O clementia Dei! quemadmodum lapsos provocat ut se erigant! quomodo hortatur ut post errorem idolorum revertantur ad eum! quasi pater benevolus, filiis suis jucunditatem perennem promittit salutis si se corrigant. Item apud eudem inter cetera: *Et restituam illos in terram istam, et reædificabo eos, et non destituam; et replantabo eos, et non evellam* (*Jerem. xxiv, 6*): ut quia communatus dixerat, *Sacrificans diis, eradicabitur; ne peccantes in Deum desperarent de se, quasi jam qui sacrificaverant idolis eradiciati, replantari non possent; hortatur eos, quia si paeniteant, poterunt ad statum suum pristinum reformati. Sententia enim tunc manet, si non emendetur delictum. Denique Ninivitis prædicatum est, quia post triduum everteretur civitas eorum. Quare post triduum, nisi ut aut paeniterent, et auferretur sententia; aut in eo permanentes, justius deperirent?* Hoc

¹ Ms. Colbert., *dignitudo*.

est quod dixit per prophetam, *Nolo mortem mortentis, tantum ut revertatur et vivat*. Ita factum est ut morituri peccatorum causa Ninivitis, ignoscetur paenitentia subsequenti. Utquid enim centum annis sub Noe arcam invenimus fabricatam (*Gen. v, 31; vii, 6*), nisi ut videntes et audientes quid immimerent emendarent se? Neminem enim Deus vult perire. Hinc est unde in Salomonē legimus, *Quoniam, inquit, Altissimus misertus est paenitentibus* (*Ecli. xii, 3*). Et iterum, *Misereris omnium, quia omnia potes, et dissimulas peccata hominum proper paenitentiam* (*Sap. xi, 24*). Hoc sensu et Dominus dolens super perfidiam Judicorum, ait: *Jerusalem, Jerusalem, quæ interficis Prophetas, et lapidis missos ad te; quoties volui congregare filios tuos, quemadmodum gallina congregat pullus suos sub aliis suis, et nolusti* (*Math. xxiii, 37*)! Igitur semper Dominus per totam Legem peccatores ad se converti hortatur, nolens opus suum perditioni esse obnoxium; cum nec alia causa datæ Legis esset, quam ut ex errore homines convertantur ad veritatem: ita tamen, ut in Novo Testamento auctor Legis clementior videatur, quia tempore quo sacramentum Filii sui Domini nostri manifestare dignatus est, largior et uberior in misericordia esse voluit, ut plus gratias prædicante Filio esset, quam fuerat prædicantibus servis. Nec inmerito: sic enim fuit dignum ut majora dona per Filium, quam per famulos largiretur. Denique ad se conversis credentibus omnia simul peccata concedit, nulla interveniente lamentatione paenitentia. Unde dicit Paulus apostolus, *Sine paenitentia enim sunt dona et vocatio Dei* (*Rom. xi, 29*). Post autem si peccaverint, per paenitentiam poterunt mereri veniam; ut quia post acceptam gratuitam misericordiam peccaverunt, non iam gratis, sed interveniente gemitu et fletu possint ad indulgentiam pervenire. Impossible est enim homini ut non peccet. Unde Joannes apostolus, *Si dixerimus, inquit, quia peccatum non habenus, nos ipsos seducimus, et veritas in nobis non est. Si confitemur peccata nostra, fidelis et justus est, ut remittat nobis peccata, et mundet nos ab omni iniquitate* (*I Joun. i, 8*). Sicut David meruit veniam et reformationem, cum confiteretur peccatum. Certe Christianis loquitur Joannes apostolus. Ait enim in subjectis, *Filioli mei, haec scribo vobis ut non peccetis: et si quis peccaverit, advocatum habemus apud Patrem, Jesum Christum* (*Id. ii, 1*). Hoc dicit, ut si post Baptismum peccaverimus, advocatum supplices deprecemur, ut exoret pro nobis Patrem. Si enim apud veteres nostros paenitentia habuit locum, quomodo fieri potest ut hoc tempore locum non habeat, quando major clementia prædicationis est? et qui inimicus misertus est vocando illos ad gratiam, amicis factis non miserebitur cum mercede? Tribulatio enim cordis, merces est paenitentis. Quod si esset verum, dolerent homines ex inimicis factos se amicos. Aut qualis astimandus erat ille, si inimicus non paenitentibus misericordiam daret, amicis vero et paenitentibus non daret? Præterea cum sciat Dominus diabolum adversus amicos et servos Dei plus se extollere et saevire: unde dicit Petrus Apostolus, *Vigilate et sobri estote, quia adversarius vester diabolus fremens sic ut leo circum, quærens quem devoret* (*I Petr. v, 8*): quoniam ergo novit Dominus adversarium nos habere horrendum et validum; si victi ab eo fuerimus, vult nos ad auxilium suum configere, dolens elisos nos, ut virtute ejus reparati fortiter repugnemus. Sicut enim nisi breviter fuerit dies illi, quos dicit Dominus (*Math. xxiv, 22*), nulla fiet salva caro; ita et si negetur hominibus paenitentia, nemo poterit salvus fieri. Si enim nemo, inquit, gloriabitur mundum se habere cor (*Prov. xx, 9*); et alibi, *Nemo, ait, sine sorde, nec insensu unius dici* (*Job xiv, 4*): quis poterit evadere,

¹ Ita Ms. Colbert. At editi, post, *paenitentis*, prosequuntur sic: *Si lapsis paenitentibus, quæ ante lapsum amici fuerant, non ignoscetur, quod dictum est Novatium si esset verum, dolerent, etc.*

si pœnitentia denegetur? Et ubi est quod dicit Dominus, quia gaudium erit in cœlo super uno peccatore pœnitentiam agente (*Luc. xv, 7*)? Sed majora crima, inquit, ignosci non debent, fornicatio et idolatria. Et ubi est dictum dominicum, quo omnia peccata et blasphemias promittit remitti hominibus; *Spiritus autem sancti blasphemia non remittetur hominibus* (*Matth. xii, 31*)? Omnia penitus peccata dicunt posse remitti, excepto uno. Nunc elige; Novatiani, de quibus vis dictum; de adhuc non creditibus, aut de jam creditibus? Si de non creditibus; quomodo datur remissio peccatorum, cum constet omnes, antequam credant, in Deum peccare et in Spiritum sanctum? Nam nonnulli gesta dominica magicas artes appellant, opus sancti Spiritus dæmoniis assignantes. Si autem de creditibus vis dictum, exclusa est asseratio tua, quia omnia peccata remittuntur: *Et qui dixerit, inquit, verbum contra Filium hominis, remittetur ei.* Ergo sive in Deum, sive in Christum peccetur, remittetur hominibus. Omnia enim peccata complexus est, præter in Spiritum sanctum. Itaque non hoc peccatum vult intelligi, quod peccatur in Deum, hoc esse et in Spiritum sanctum: si enim hoc esset, non utique istud exciperet. Quoniam ergo aliud peccatum significat, cum blasphematur in Spiritum sanctum (ad personam enim pertinet hoc dictum, non ad natum Spiritus sancti); sive jam creditibus per pœnitentiam, sive futuris creditibus per Baptismum, omnia remittuntur peccata. Quod autem in Spiritum sanctum peccaverunt Judæi, alia causa est, et quæ ad tempus illud pertinuit. Unde non illis hoc remitti, neque hic, neque in futurum ostendit. Non enim errore peccaverunt in Spiritum sanctum, sed malevolentia. Scientes enim prudentesque, opera quæ videbant in gestis Salvatoris Dei esse, ut populum a fide ejus averterent, haec simulabant esse principis dæmoniorum. Hinc est unde dicit eis Dominus, *Vos habetis clavem scientiæ, et nec vos intratis, nec alios sinitis intrare* (*Luc. xi, 52*). Haec ergo sententia contra malevolos prolatæ est quibus remedium inveniri non potest ut salventur. Nihil est enim hoc crimen gravius: fingit enim falsum esse, quod scit esse verum. Judei enim qui sub Dei lege esse videbantur, quibusque facta promissio Christi est, videntes magnalia, et intelligentes hoc esse quod promiserat Deus; invidia cœcati sunt, ut hoc esse negarent; et non solum negarent, sed et persequerentur usque ad mortem. Non ergo dignum est, istis peccatum hoc unquam debere remitti, qui conscientia sua teste, Deo, cui se devotos dicebant, ausi sunt repugnare. Ut autem in Deum vel in Christum peccetur, diversæ sunt cause. Aut enim aliquis dum felicitati alterius invictus, dolore humilitatis sua insurget in Creatorem; aut aliquid repentinum passus quod sit adversum, in iracundiam excitatus, in parentem injurious existit. Christi autem incarnatione etiam ad injuriam provocat¹. Duni enim ignorant homines sacramentum incarnati Christi, blasphemant, indignum ducentes si Filius Dei, qui incorporalis et simplicis naturæ est, hominum more natus dicatur. Blasphemant ergo, quia ignorant mysterium. Quamobrem conversis his porrígenda est manus, quia sic contra verum existunt, dum pro vero se facere arbitrantur. Tortus hujusmodi et exungulatus, hoc verum esse dicit, quod persequebatur². Supra memorati autem Judæi aliud senserunt, et aliud egérunt, qui sine judice et carnifice, conscientia sua teste semper torquentur. Qui enim per errorem inimicus existit vero, cum conversus fuerit, gaudet cognovisse se veritatem: malevolus autem non habet quod emendet; si enim converterit se, incipiet verum dicere quod prius falsum esse nesciebat. Spiritui autem sancto ut fiat injuria, causa nulla existit: officium enim ejus offendere non parit, quia in

virtute signorum et prodigiorum appetet. Quis enim insibilare³ contra eum audeat, videns mortuos excitatos? Aut quis irascatur ei, cuius effectu videat curentes paralyticos, cæcos lumen accipere, surdos audire? Aut quomodo non amabit eum, quem videat spiritus immundos ejicere, leprosos mundare, et simul omnes infirmitates curare? Huic Judæi maluerunt injuriam facere, opus ejus dicentes opus esse dæmoniorum, dummodo invidiam atque odium contra Salvatorem exercentes⁴ explorent: idcirco neque hic, neque in futurum, hoc peccatum remitti eis ostendit. Sed Novatianus, Majora, inquit, crima nominatim remitti probebunt, id est, idolatria et fornicatio post lavacrum. Idcirco enim in Baptismo, ait, simul omnia remittuntur peccata, ut de cetero si quid grave commiserint, nullo modo veniam consequantur; quia post acceptum Spiritum sanctum, quod contra Spiritum sanctum est, admitti non debet. Quis negat peccari nunquam debere, si esset possibile? Porro autem sciens Deus fragilis genus humanum, semper remedii salutaribus prossecutus est eos, ut post peccata haberent quomodo se repararent. Si autem Spiritus datus prohibet peccantibus dari pœnitentiam, nulla providentia est in Novo Testamento, et melius videbitur veteribus provisum, quibus medicina ista minime est denegata. Et quomodo major gratia est in Novo quam in Veteri? Nam hoc inimici est, qui sciens hominibus aliter provideri non posse, ut perveniant ad salutem, quam interventu pœnitentiae, Spiritum sanctum det, cui si injuria facta fuerit mentu aliquo, aut per aliquem errorem, jam satisfactio locum non habeat reformandi hominem: hoc est occasione quæsiisse perdendi homines, non salvandi. Sed absit, quia Dominus ait, *Filius hominis non venit animas perdere, sed salvare*. (*Luc. ix, 56*). Nam si nobis peccata, quæ in nos peccamus invicem, si convertamur, septuagies septies remitti a nobis alterum præcepit Deus (*Matth. xviii, 22*); quanto magis ipse, si in illum peccetur, ignoscit conversis? Omne enim peccatorem converti vult. Unde Apostolus forniciariis et immundis remissum probat dicens, *Ne forte veniens lugam multos ex his, qui ante peccaverunt, et non egerunt pœnitentiam super immunditia et fornicatione, quam gesserunt* (*II Cor. xi, 21*). Probat quodammodo egisse pœnitentiam, de quibus non dolet, sed gaudet: aliquos autem significat, non egisse fornicationis sue pœnitentiam; propter quod et lugere se eos dicit, non pertinentes ad vitam, quia non egerunt pœnitentiam. Si enim hujusmodi criminis in hac vita semper agenda pœnitentia esset, non dicere lugere se eos, quia non egerunt, sed quia non agunt. Sciens autem hic et incipi, et peragi pœnitentiam, ait, quia non egerunt. Hoc enim volebat, ut veniens ad eos pacem haberet cum communione eorum. Ecce probatum est, forniciariis post actam pœnitentiam communicandum esse. Non enim potest illis communicari quādiū agunt: tunc autem communicandum est, cum desiderant agere iudicio Ecclesiæ. Nunc superest videre an specialiter idololatris posse remitti probemus. Legimus enim in Apocalypsi beati Joannis apostoli, pœnitentiam super idolatria prædicari. Commententur enim episcopi, quos angelos vocat, id est nuntios, sicut et beatus Paulus apostolus ait, *Sicut angelum Dei exceperis me* (*Galat. iv, 14*), ut peccantibus dent pœnitentiam, nec eos patiantur minime commonorū, qui scandala faciunt in Ecclesia, cum sint et ipsi de Ecclesia. Dicit ergo, *Et angelo Pergami Ecclesiæ scribe: Hæc dicit, qui habet gladium ex utraque parte acutum, Scio ubi habitas, ubi sedes est satanæ: et tenes nomen meum, et non negasti fidem meam, in diebus, quibus Antipas testis meus fidelissimus occisus est apud vos, ubi satanas habitat. Sed habeo adversus te paucæ, quia habes illic tenentes doctrinam Baluam, qui doccebūt Balac mittere scandalum sub oculis filiorum Israel,*

¹ Ms. Colbert., *Christo autem incarnatione sua injuriam provocat.*

² Ms. Colbert., *sequitur.*

³ Ms. Colbert., *insilire.*

⁴ Ms. Colbert., *quod circa Salvatorem exercabant.*

manducare delibata, et fornicari : ita et tu habes te-
nentes doctrinam Nicolaitarum. Similiter age pœnitentiam. Hanc dicit esse doctrinam Nicolaitarum quae fuit et Balaam, id est, idolatriam et fornicationem, de qua jubet agi pœnitentiam. Et quia hominibus Ecclesie loquitur, ostendit dicens, *Hæc dicit spiritus Ecclesiæ. Quis autem fructus est pœnitentie, ita signifi-*
catur, Vincenti, inquit, dabo manducare manna, quod est absconditum; ut per pœnitentiam quasi vincat peccata. Quid est enim pœnitentie, nisi dolere præterita, et de cætero temperare ab his quæ admiserat? *Et Angelo Thiatyrae Ecclesiæ scribe: Hæc dicit Filius Dei, qui habet oculos sicut flammam ignis, et pedes ejus similes exanimati Tyrino: Scio opera tua, et dilectionem, et fidem, et ministerium, et patientiam, et opera tua novissima meliora prioribus. Sed habeo adversum te, quod sis in mulierem Jezabel, quæ se dicit prophetam, et docet, et seducit servos meos fornicari, et manducare immolata idolis. Et dedi ei tempus ad pœnitendum, et non luit agere pœnitentiam de fornicatione sua. Ecce mittam illam in lectum; et adulteros ejus cum illa in tribulationem magnam, nisi egerint pœnitentiam factorum suorum, et natos ejus occidam morte; et scient omnes Ecclesiæ, quia ego sum qui scrutor renes et corda; et dabo unicuique vestrum secundum opera sua. Vobis autem dico, et cæteris qui Thiatyrae estis, qui hanc doctrinam non habetis, et ignoratis altitudinem satanæ, sic ut dicunt, non mitto in vos aliud pondus: verum tene quod habetis donec veniam. Vincenti autem et servi opera mea usque in finem, dabo ei potestatem super gentes (Apoc. ii, 12-26).* Sub una Epistola data ad Ecclesiam Thiatyram duplice Novatianæ heresis confundit et explodit errorum: et pœnitentibus enim idolatriæ causa fructum promitit, et in una Ecclesia malos non contaminare bonos ostendit, cum unius utique essent communionis: nec enim extra Ecclesiam positis scribebat dicens, *Qui habet aures, inquit, audiat quid dicit Spiritus Ecclesiæ.* Similiter enim iudeo apostolus Paulus, *Scimus enim, inquit, quia quæcumque lex loquitur, his qui sub lege sunt loquitur (Rom. iii, 19).* Et alio loco, *Quid enim, inquit, mihi de his qui foris sunt judicare (I Cor. v, 12)?* Unius ergo Ecclesiæ homines, partim ad pœnitentiam provocat, partim collaudat dicens, *Vobis autem dico, et cæteris qui Thiatyrae estis, quicunque non habetis doctrinam istam, id est idolatriæ, tene quod habetis, donec veniam;* hoc est, perseverare usque ad finem, quia qui perseveraverit usque in finem, hic salvus erit (*Math. x, 22*). Similiter et qui perseveraverit in malo, damnabitur. Ac per hoc sicut justitia iusti non liberabit eum, in die qua erraverit; sic et iniquitas iusti non nocebit ei, cum converterit se. Ideo dixit, sacrificans diis eradicabitur: si autem converterit se vita vivet. Sicut est et illud quod ait Dominus, *Qui me negaverit, negabo eum (Ibid. 33).* Si autem converterit se, non poterit negari ab eo quem constitetur. Illic est ut diceret in Psalmo, *Non justificabitur in conspectu tuo omnis homo vivens (Psal. cxlii, 2).* Hæc enim sententia imputatur homini in qua moritur. Nam quia in Ecclesia mali cum bonis futuri essent usque ad judicium Dei, ipse Deus significavit, dicens, *Simile est regnum celorum rei misso in mare, quod ex omni genere piscium colligit.* Cum autem venissent ad littus, bonos segregaverunt in vasas sua, malos autem foras miserunt. Sic erit in consummatione sæculi: exhibent Angeli, et segregabunt de regno Dei omnia scandala, et eos qui iniquitatem faciunt (*Math. xiii, 47-49*). Hæc causa significatur etiam in illo, qui inter discubentes inventus est non habens vestimentum nuptiale (*Id. xxii, 12, 13*): quem solum projectum de costu ostendit Ecclesiæ, quia crimen indignitatis ejus non polluit cæteros; et quia hæc indignitas ejus designata est, eo quod vestimentum non habuerit nuptiale, manifestus fuit cæteris. Videbant enim eum inter se aliud esse vestitum. Hinc est unde Paulus apostolus, *In magna autem, inquit, domo, non solum sunt vasæ aurea et ar-*

gentea, sed et ligneæ et fictilia (II Tim. ii, 20). Istud propter Hymenæum et Philetum posuit, qui cum essent ex Ecclesia, perverse de resurrectione sentiebant; sicut aliqui de Corinthiorum Ecclesia resurrectionem negabant. Sed hanc dominum magnam Novatianus mundum significat intelligendum, non Ecclesiam; ne in una Ecclesia malos cum bonis, mundos cum immundis cogatur assefere. Quod facile puto convelli. In una enim domo oinnes sub uno sunt nomine: quamvis enim moribus diversi sint, uno tamen domini sui nomine censeunt in professione. Mundus autem hic diversæ professionis continet homines, ita ut dispare profiteantur se habere et deos et dominos. Vides ergo non hoc potuisse dici de mundo, sed de Ecclesia, in qua sub uno degentes nomine, diversi sunt actu. Quod quidem Novatianum non ignorasse adverto, sed quia abcessionis sue justas querimonias non habebat, ne aperte erubesceret, argumenta quedam sibi conslavit per malam legis interpretationem, quibus excusare niteretur et tenegere livoris sui invidiam voluntatem. Denique respondeat ad hæc quæ diximus dicens, *Nec ego renuo agendam pœnitentiam admisse idolatriæ, sed ego remittere non audeo; quia crimen hoc ab eo resultandum est, in quem admissum est.* Hæc autem cum dolo respondet. Interpretationibus enim suis detegitur, quibus fraus ejus appetet. Quando enim dicit, scriptum est, *Qui me negaverit, et ego negabo eum,* et mentiri non potest cuius verba sunt: pœnitentiam quam agendam dicit, inanem et infructuosam ostendit. Si cuim sententia data est, et non fallit qui dedit; quid excruciali compellis hominem lamentationibus et gemibus, qui hujus rei effectum, aut demegas, aut scire te minime profliteris? Omnis enim qui consilium alicui dat, ad hoc utique dat, ut quid ex eo prolicere possit, prædicet. Sed quia tu, Novatiane, dolose hoc profleris, ad illudendas inuenies hominum agendam pœnitentiam dicis. Sciens enim aperte hoc negari non posse, subtiliter facis, quia non voce sed affectu pœnitentiam amputas. Omne certe qui idolis sacrificaverit, in Spiritum sanctum dicis peccare, cui neque hic, neque in futurum, peccatum hoc remitti per legis verba contendis. Quomodo ergo hujus delicti agendam pœnitentiam dicis, nisi quia falsis, sicut supra ostendi? Sed soles alio dolo fraudem hanc velle contegere, dicens eodem sensu etiam Petrum apostolum dixisse Simonis, *Age pœnitentiam ab hac malitia tua, si forte remittatur tibi (Act. viii, 22).* Sed contuens apostolus Petrus veterem et venenatum malitiam hominis et peraram, idcirco dubium ei dedit responsum. Quis enim mortalium sic peccavit, ut donum Dei pecunia vellet mercari? Malevolentia ergo responsum istud datum est, non errori. Hæc est enim quæ remedium non habet; quia nec error est, nec per quam excusat necessitas, ut possit per flagrum ad veniam pervenire. Si in tali itaque causa aliqui fuerint inventi, hoc audiant quod audivit et Simon. Nam ideo dubie respondit ei *Apostolus Petrus dicens, In felle enim amaritudinis et in obligatione iniquitatis video te esse.* Si ergo in tam gravi causa, et quæ sine remedio videatur, dubie responsum est; ambiguum non est, eis qui errore aut necessitate aliqua in Deum peccant posse remitti, si congruam pœnitentiam agant. Hoc eniun concessum est juri ecclesiastico ab auctore, ut et pœnitentiam det, et post pœnitentiam recipiat. Et adhuc est aliquid quod reprehendit Novatianus: *Cur, inquit, corpus Domini tradunt eis quos noverunt peccatores?* Quasi possint ipsi accusatores esse, qui sunt judges. Si autem accusati fuerint et manifestati, poterunt abjici. Nam quis judex accusantis sumat personam? Nam si ipse Dominus Iudam passus est, quem sciebat furem esse, et ea qua mittebatur exportare (*Joan. xii, 6*), nec eum qui accusatus non est, abjectit: hoc exemplo uti oportet, ut eum abjicere non licet, qui publice detectus non fuerit. Nam nec justo

¹ ms. Colbert., effectu.

viro competit aliquem accusare. Unde Matthæus, *Joseph cum esset*, inquit, *homo justus, et nollet eam traducere, voluit eam occulte dimittere* (*Math. i, 19*). Judas ergo cum esset inter discipulos, contagione sua non eos maculavit, dissidentes utique a furtis ejus; et Eucharistiam inter eos accipiens, non polluit innocentes. Nec Dominus ei quem latronem sciebat, corpus suum denegabat; quia secundum Apostolum, *Qui indigne sumit, gladium sibi sumit* (*1 Cor. xi, 27*). Unde nec ab oculis ejus se avertit. Peccatores etenim eos polluant, qui consentiantur malis eorum. Unde dictum est, *Videbas furem, et concurrebas cum eo* (*Psal. xlix, 18*). Hinc est unde Apostolus plebem Corinthiorum arguit, propterea quod illum qui publice uxorem patris habebat, non corriperent aut evitarent, ut se emendaret, dicens, *Nescitis quia modicum fermentum totam massam corrumpit* (*1 Cor. v, 1, 6*)? Cum enim non esset dux aliquis, aut præpositus Ecclesiæ; plenibus erat corripere eum, quem videbant tam turpiter et obsecrè inter eos conversari. Ac per hoc quasi consentientes eos criminis ejus Apostolus arguit. Nec enim in hac re accusatore opus erat, aut testibus; publice enim novercam suam loco uxoris habebat. Itaque, quantum ad causam nostram pertinet, exposuimus rationem, non alios criminales, sed nos defendantes. Novatiani autem obtestor conscientiam, qui nos semper accusat, si sanctos scit esse omnes quos secum habet. In tantum autem irascitur nobis, ut et christianos nos neget; cum sciat nos ea fide initiatos, de qua ipse præsumit. Christianum certe professio facit et vita. Si ergo vides hominem ea profiteri quæ tu, et non dissimilem esse in vita; quare negas esse eum quod tu es? Certe qui dicit Dominum Jesum, in Spiritu sancto dicit (*Id. xii, 3*); verum enim dicit. Omnis enim veritas de Deo est. Cur non assentis vera dicenti, sed negas? facili Deum contradicis non ratione, sed furore? Numquid non inimicus Dei videris, qui vera de eo profidenti resistis? Numquid paganus, audiens aliquem idola dicentem esse deos, negat paganum esse? Cur tu negas christianum quem audis verba integræ fidei profidentem, cum legas, *Corde creditur ad justitiam, ore autem confessio fit ad salutem* (*Rom. x, 10*)? At tu, ut inimicus, quod per iracundiam non vides, Deo repugnas; negas hoc confidentem habere salutem, cum Dominus dicat, *Quicumque me confessus fuerit, et ego eum* (*Luc. xii, 8*). Numquid ait, Si Novatianus me fuerit confessus? Sed tu hoc sic astruis, ut tibi hoc defendere videaris, ut is salvetur qui non christianus tantum, sed qui fuerit et novatianus. Sed si in Christum facia confessio dat salutem; ubicumque, apud quoscumque integra fuerit haec confessio, habet salutem. Itaque si confessionis hujus traditio corrupta est apud nos aut sensus immutatus, recte accusas. Si enim haec manet in nobis sicut et in te, nos negando et te negare videris. Sed fidei ministros accusas: fac verum esse, quamvis probare non possis. Qui tamen ab his audierunt; verum est quod audierunt, an falsum? Nec enim si vitiosus verum dixerit, non erit verum, quia a vitioso dictum est; cum alia causa sit conversationis, et alia professionis. Nonne persecutor odio christiani nominis professionem perseguitor, non conversationem? Primo in loco sciens hoc proficer religioni, cum constitemur esse nos christianos, sacrilegus confidentibus nobis credit quod non vult audire, quia audit. Tu autem cum ejusdem professionis sis et signaculi, non credis confidentibus nobis quæ ipse confiteris. Si aliter nos renatos scires quam tu renatus es, recte non crederes hoc nos esse quod tu es. Ut quid a sacrilego persecutionem patior, si non hoc sum quod tu es? Nam si hoc de me profiterer, quod tu de me dicis; persecutionem non patier. Ac postremum mihi credendum est de me, non tibi. Meam enim professionem querit judex, non tuum de me. Quid ergo me confidentem tu negas, cum verum sit, in hac causa non alienum testimonium, sed meam professionem requiri, aut pro me, aut con-

tra me? Nolebam pro nomine torquere te contra me, ut appareret si vera confidentem et tu negares contra me, aut cui crederetur. Dolo enim hoc proposis, ut justam causam videaris habere schismatis. Nam non ignoras in hac re meam de me testificacionem requiri, non alienam; et hoc verum haberis, quod ego fuero confessus, non quod alter negaverit. Manifestum est utique liberos esse eos, qui amore Christi non disquirentes hominum actus, ad fidem ejus consequendam concurrent: hoc eorum probantes quod sibi utile norunt, id est, ut traditionem fidei, quæ de Christo est, consequantur. Nam qui præter mysterium aliud in hac re putat homini necessarium, traditioni facit injuriam; minus enim sentit de gratia Dei. Quando enim nisi meritum hominis adsuerit, negat donum Dei proficer posse devoto sibi, aut potiorem, aut parem facit hominem ipsi traditioni, cum longe sit meritum hominibus ab hoc officio. Sic ut de hac eadem re dicit apostolus Paulus, *Ego plantavi, Apollo rigavit, sed Deus incrementum dedit. Itaque neque qui plantat est aliquid, neque qui rigat, sed qui incrementum dat Deus* (*1 Cor. iii, 6, 7*). Quomodo in hac re aliud de homine sperandum est, cum verba data sint quæ tradantur? Videamus itaque quid proderit, si boni meriti fuerit, aut quid obserbit, si mali fuerit meriti. Accedens verba Dei audire desiderat, quibus fidem commodans, salutem se credit accipere. Quid facit in hac re, si bona aut mala vitæ sit qui verba solemnia tradit, cum fidem devota queratur percipientis, ut ea quæ audit, toto animo credat? Numquid si mala vitæ sit qui tradit, impedimentum faciet percipienti, ut non credat quæ audit credenda, ut peccatum ejus intret in cor ejus ne credat? aut Deus, qui justus est, despiceret habet devolum sibi propter peccatum ejus, quem ipse patitur esse in ordine? Nec homo sic iudicat, quem constat falli frequenter, aut esse gratiosum. Si ita esset, et homo causam suam ageret, nonne diceret Deo: Quis sit iste cujus causa me despicias, nescio. Ego ad eum tui causa accessi, quia tuus dicebatur antistes: te quæsivi, te desideravi, tibi credidi, de homine nihil speravi: quare ergo mala ejus mihi obsint, quem nescirem nisi te quæsisem? Si bona ejus mihi possent proficer, justum videretur forte, ut et mala ejus obessent mihi. Sed sicut bona ejus si dubie credidisse, nihil proderant mihi; ita et mala ejus nihil obesse mihi debent bene credenti. Ego enim verbis ejus fidem dedi, quæ a te data dicuntur, quæque te inspirant, te loquuntur, de te promittunt: huic de se nihil credidi, nec gestis ejus; sed fideli, quæ ex te est, me copulavi. Secundum hanc integræ est causa credentis. Advocatorum enim more accipe antistes: numquid si mala vitæ sit advocatus, contra susceptum ejus pronuntiabitur? Hoc est officium advocati, ut secundum juris ordinem, suscepti sui causam peroret: numquid poterit vita ejus, si turpis est, obesse cause suscepti? Persona enim advocati nec obesse, nec prodesse poterit; qualis enim fuerit causa, sic et respondebitur ei. Sic sunt et qui volunt christiani fieri: accedunt ad antistitem, dicunt ei vota sua: ille facit verba juris ecclesiastici. Si vera vota sunt, suscipiuntur a judice: in quo illo aut obesse poterit, aut prodesse? quippe cum nec causam suscepti sui norit. Deo enim iudici soli cognitum est, quis, qua mente accedat. Antistitis ergo est, delegato sibi fungi officio; judicis autem, aut suscipere, aut renuere causam suscepti. Ipse enim inventur dixisse, *Filia, fides tua te salvam fecit* (*Math. ix, 22*). Vides itaque nullius adjutorio, sed unumquemque fido sua salvari. Hoc enim Deus decrevit fiduci, ut si non dubitet, omne quod voluerit, consequatur. Tu tamen non ut amicus, sed quasi inimicus Christi, populum sub tuo nomine congregasti, ut non sint christiani nisi fuerint et Novatiani; cum Apostolus condemnaret, si quis dicat se Paulianum, aut alterius alicujus (*1 Cor. iii, 4*): sed tu potiorem te judicans, super Christi no-

Ms. Colbert., rolebam pro nomine torqueri.

men, tuum posuisti; quasi ille non sufficeret ad tuerendam Ecclesiam suam.

CIII (a). — Quomodo in Levitico Dominus sacrificia et libamina offrenda praecepit, quae alibi respuit? cum constet in Levitico de sacrificiis offerendis Dominum mandasse Patribus, ut offerrent libamina vel sacrificia, sive holocausta: denique sic dicit per Jeremiam prophetam, *Hæc dicit Dominus, Holocausta vestra congregate cum sacrificiis vestris, et manducate carnes; quia non sum locutus ad patres vestros, neque mandavi illis, qua die eduxi illos de terra Ægypti* (*Jerem. vii, 21 et 22*).

De holocaustis et sacrificiis, si penitus advertas, non est de hac re facere questionem: nec mentitur Dominum aut immutatum putas, ut mandaret, et postea denegaret. De hujusmodi enim sacrificiis et libaminibus seu holocaustis nihil inventur mandasse, de quibus nunc se locutum testatur. Duo etenim genera sacrificiorum adverte: unum quod per singula genera offerri mandatum est, et aliud quod voluntarium dictum est. Illud ergo quod per diversa genera, sive pro peccatis, sive pro primogenitis offerri praeceptum est, quid et quale et quomodo offerendum esset, mandatum est. Sacrificium autem voluntarium non utique mandatum est, quia arbitrio remissum est, ut si aliquis voluisse offerre, quod illi visum suisset, offerret: voluntaria¹ enim erant haec sacrificia. Et quia negligenter et improvide haec offerebant, non deliberantes, quia qui offerret potentiori, munera electa offerret; idcirco dicitur eis, Non mandavi vobis de his: sed si vultis, debetis quae digna sunt offerre. Sic etenim inventur, et Cain peccasse, cum non considerat Deo haec debere offerri, quæ potiora sunt. Cum enim ad propitiandum Deum haec offerre se dicerent, in eo ipso provocabant Deum ad indignationem, ut in id quod dicentes se bene facere, peccarent offerentes Deo holocausta indigna. Unde dicit in Malachia propheta, *Si adducatis ad victimam cæcum aut claudum aut ægrum, non est bonus. Offer autem ea duci aut præposito tuo, si suscipiet te, dicit Dominus omnipotens* (*Malach. i, 8*). Ille est ut per Isaiam de eadem re queratur Deus, dicens, Quo mihi oves holocausti tui? Neque in sacrificiis tuis honorasti me. Non enim ad hoc te feci, ut laborares in thore, aut ut mercareris mihi argento incensum; nec adipem sacrificiorum tuorum concupivi: in peccatis autem tuis et iniquitatibus astististi mihi (*Isai. i, 11*). Manifestum est itaque ortas esse querelas: quia cum voluntaria sacrificia offerrent, non in his Deum honorabant, offerentes indigna, cum haec utique non essent necessitatis. Si enim mandata fuissent, necessitate videbantur qualiacumque offerre; quando autem arbitrio suo haec offerebant, talia debebant offerre, ex quibus obsequium in se Dei ostenderent. Sed quia animus illorum cupiditate adulorum errabat, inconsiderate haec agebant. Igitur duplice genere exprobabantur, quia et inique agentes, Deo audebant offerre; et quae indigna erant, offerebant: cum iniqui actus non sacrificii redimantur, sed lamentatione et misericordia. Unde dicit David cum pecaasset, *Si voluisses, sacrificia dedissim: utique holocaustus non delectaberis. Sacrificium Deo spiritus contribulatus; et cor contritum et humiliatum Deus non spernit* (*Psal. L, 18, 19*). Denique dicit Samuel ad Saül, qui cum contempssisset præceptum Domini, sacrificio Deum putabat posse placari, Non enim, inquit, ruit Deus sacrificium magis, quam audiri vocem suam (*1 Reg. xv, 22*). Et Scriptura dicit, *Misericordiam rolo plus quam sacrificium* (*Osee vi, 6*). Judei cum injusti essent, et immisericordes, oblationibus proprium Deum fieri arbitrabantur: sicut et nunc quidam spartenses justitiam, oblationibus laudari se putant. Bona est ergo oblatio, si servetur justitia, et non negligatur misericordia; quia quod nobis petimus, et aliis præstare debemus.

¹ Ms. Colbert, votiva.

(a) Haec quæstio deest in MSS. secundi generis.

DE EVANGELIO LUCE.

CIV (a). — Sciens Dominus bellum Iudaicum adversus se futurum, dixit discipulis suis ut gladios sibi pararent: quo facio, cum ceptum esset bellum duce Juda Scariote, videns Petrus apostolus insurgentes hostes, protulit gladium, et amputavit auriculam servi sacerdotum. Tunc Dominus jussit Petro, ut reconderet gladium in thecam suam: *Quoniam enim, inquit, qui accepit gladium, gladio peribit* (*Math. xxvi, 51, 52*). Ut quid parari jussi, qui prohibuit percutere; reum etiam mortis designans eum, qui percusserit gladio, cum non utique iniuste videatur apostolus percussisse? Quantum enim pertinet ad Petrum, percussit eum quem contra se armatum videbat. Resistere enim debuit ingratius servis, et ad Dominum necandum armatis. Si singula membra inspicias causæ, cuius vis patieret rationem, invenies et alia que requiras his dictis. Quid enim opus erat, ut hic qui spirituali fretus erat virtute, gladius juberet parari carnale: et qui prius jussit in via nec peram ferri, nec pecuniam, nec virginem (*Id. x, 10*); nunc juberet haberi, que prius prohibuit? Incipianthus ergo, cur gladios jusserit parari et occidi prohibuerit, explanare. Non solum enim inimicorum, verum etiam ipsorum discipulorum suorum causa, ad superventurum bellum arma procurari præcepit. Nova enim et mirabilis res futura erat, ut is qui nova et inaudita signa faciebat, sic subito humiliaretur, ut et verberibus subjiceretur et morti. Ne ergo velut impresciens haec pati videretur, et a quo forte virtus recessisset, haec omnia sic predixit, ut non dubitaret de his, sed præscius contra haec se pararet; et quia voluntate humiliatus est, non resistere acerius inimicis juberet: in tantum scipsum esse qui fuerat ostendens, ut jam detentus, aurem que abscissa fuerat restituere; ut quod gladio perante deciderat, redderet: non quasi carnalis utique medicus, sed quasi corporum conditor opus suum truncatum resinxit. Nec enim possunt medici abscissa corporis membra reparare. Ut autem Dei virtus in illo non diminuta, sed ita ut fuerat inesse videretur, et illud firmaret quod dixerat, *Potestatem habeo ponendi animam meam, et potestatem habeo iterum sumendi eam* (*Joan. x, 18*): haec ergo causa gladios parari, non tamen occidi jussit. Nunc illud ostendere superest, quare contuens factum apostoli Petri, cum qui gladio usus fuerit, gladio dixit perire, cum non iniuste percussisse videatur. Nam sicut significatur in Luca, ipso Domino permittente percussit, et sic prohibitus haec audiuit (*Luc. xxii, 49, 50*). Ideo etenim permisum est, ut et vindicare se posse videretur, sed nolle; et ut virtus ostenderetur in eo manere, in quo fuerat, ut in utroque vindicare se posse non ambigeretur; inimici vero pro certo haberent datam sibi ab eo potestatem, ut hoc facerent. Non enim virtus apparebat, sed tradens se voluntati eorum. Quare ergo sententia data est, ut qui gladium accipit, gladio pereat; nisi quod nullum licet, excepto judice, quemquam gladio occidere? Apostolo autem Petro usque ad hoc permisum est, ut dolorem faceret, non quod occideret. Ob hoc enim audivit, ne iterum periret. Didicit preterea, quia christianis jam factis occidere non licet. In misericordia enim positis, lege juris mundo crediti ut non licet asperre. Illud autem quod ante euntibus in via discipulis mandasse videtur, ut nihil tollerent in via, pacis est causa, et gratia virtutum, et affabilitas doctrine. Quid enim epus erat tollere aliquid in via, quibus signorum causa omnia offrenda erant? At ubi tempus, quo se pati permisit, advenit, propter quod rixa magis quam bellum iuinebat; armatos jubet esse discipulos: non ut repugnaret qui pati solebat, sed, ut dixi, ut præscium se hujus rei, et in potestate habere passionem suam ostenderet; humiliaret autem se humanae salutis causa, quod suo loco dicitur.

CV (b). — Quomodo Prophætia quadret cum Evan-

(a) Haec quæstio deest in MSS. secundi generis.

(b) Haec quæstio deest in MSS. secundi generis.

gelio, de obscuratione solis et quibusdam aliis.

Cum in primo adventu Domini predictum sit, quia contenebraretur sol in passione ejus, eadem hora qua factum probatur, id est, meridie. Sic enim scriptum est in Amos propheta, *Et erit in illa die, dicit Dominus, occidet sol in meridie, et contenebrescit super terram dies lucis* (Amos viii, 9). Illo ergo die a sexta hora contenebratus est sol usque ad horam nonam, et ita completa est prophetia supradicti prophetae. Imago hujus rei, quae futura est in adventu Domini secundo, in passione Domini est ostensa; quia in fine, cum cœperit Dominus avenirre ut iudicet mundum, sol ventur luminaria ab officio suo, dicente Domino, *In illis diebus sol contenebrabitur, et luna non dabit lumen suum* (Matth. xxiv, 29). Quod quidem et Joel propheta non prætermisit, ut cum a multis significatur, sine dubio impleri creditur. Ita enim dixit: *Sol convertetur in tenebras, et luna in sanguinem, priusquam veniat dies Domini magnus et manifestus* (Joel. ii, 31). Hoc quantum appareat, secundo adventui magis congruit; tunc enim omnibus aperite manifestabitur, sic dicente Scriptura. *Tunc videbit illum omnis oculus, et plangent se super illum omnes tribus terræ, et qui illum crucifixerunt* (Apoc. i, 7). Itaque si in utroque adventu hoc continetur, quia sol contenebrabitur illis diebus, qui dies ille est, quo ampliari solem et lunam cecinit Scriptura? Ait enim inter cætera Isaías dicens: *Eritque super omnem montem excelsum, et in omni loco exalto aqua perambulans in die illa, cum perierint multi, et cum ecclerint turre. Et erit lumen lunæ, ut lumen solis; et lux solis erit septies tantum in die, cum sanabut contritionem populi sui* (Isai. xxx, 23, 26), et cætera. Qui dies potest intelligi, quo promisit se Dominus sanare contritionem populi sui? Hunc opinor esse diem, quem pater Joannis Zacharias ostendit dicens: *Benedictus Dominus Israel, quia visitavit et fecit redemptionem plebis sue. Et erexit cornu salutis nobis in domo D. vid pueri sui. Sicut locutus est per os sanctorum Prophetarum suorum, qui a sæculo sunt. Et liberabit nos de inimicis nostris, et de manu omnium qui oderunt nos. Ad faciendam misericordiam cum patribus nostris* (Luc. i, 68-72). Et Simeon inter cætera, *Hic positus est, inquit, in ruinam, et in resurrectionem multorum in Israel* (Id. ii, 34). Hæc ruina est Scribarum et Pharisaorum et principum Judæorum, quos propheta significavit per turrem. His ergo per incredulitatem ruentibus, alii surrexerunt credendo qui prius videbantur infirmi, et agri per negligientiam. Unde Salvator, *In iudicio, ait, ego veni in hunc mundum, ut qui non vident, videantur; et qui vident, cæci fiant* (Joan. ix, 39): ut qui per Legis culturam et peritiam lumina videntur, per incredulitatem excaerentur; cæci vero, id est, imperiti vel publicani viderent, dum crederent. Quorū infirmitates propheta Salvatorem portaturn prædictit (Isai. liii, 11). Itaque hoc tempore Salvatoris factum est, sicut legitur in Evangelio, *quia ipse infirmitates nostras accepit, et vulnera nostra curauit* (Matth. viii, 17). Quæ quidem omnia in passione Salvatoris consummata et adimplita sunt: sic enim salus humani generis, tam apud superos quam apud inferos et redempta est et firmata, quia propheta Zacharie supradicti utrumque comprehendit. Et hic enim apud superos liberati sunt a contritione inimicorum, interventu misericordiæ; et illic apud inferos, cum erexit sunt de tartaro. Cuncti enim qui speraverunt in promissum Christum, exspectabant adventum ejus, ut devicta morte liberarentur de inferno. Unde dixit, *Ad faciendam misericordiam cum patribus nostris*. Si quis autem salutem hanc et in secundo adventu contineri intelligat; in utroque tamen adventu, maxime in secundo, *sol convertetur in tenebras, et luna non dabit fulgurum suum*: quomodo ergo augeri solem et lunam die quo visitabit Dominus populum suum, ad-

verteamus; quando utroque in tempore, quo coepit liberationis populi et adimplita est, solem et lunam non minui, sed contenebrari legamus? nisi plane solem et lunam sanctis comparatos intelligamus; sicut in alio loco legimus sanctos luminaribus exequatos, Paulo apostolo predicante, quia inter hos homines sancti in hunc mundo velut luminaria videantur. Et in Evangelio, *Tunc justi, inquit, fulgebant sicut sol* (Math. xiii, 45). Dominus enim opera justa lumen appellat: sic enim ait, *Luceat lumen vestrum coram hominibus, ut videntes opera vestra bona, magnificant Patrem vestrum, qui est in caelis* (Id. v, 16). Illi ergo, qui omnibus suis relictis, Dominum sequuntur, justitiae et sanctitatis causa, soli et luna comparantur septies honorati; sicut dicit Dominus, *Nemo est qui relinquat dominum, aut uxorem, aut filios, aut agros, qui non recipiet septies tantum in hoc sæculo* (Luc. xviii, 29, 30). Qui ergo ad praesens septies honorantur, potest intelligi, quia etiam in futuro septem partibus clariores cæteris futuri credantur; ut resurrectio cornu soli comparetur ac luna, cæterorum vero sicut telli sint. Claritas ergo sanctorum, quæ hic septies honoratur, in resurrectione aliud septics consequitur, ut qui hic claritatem lunæ habet, in futuro solis accipiat claritatem; et qui hic soli comparatur, septies tantum futurus creditur accipere. Propheta ergo Isaías solis et lunæ comparatione sanctorum merita augeri predixit, nec immerito. Si enim ipse Dominus sol justitiae dictus est, sancti autem similes ei erunt, Joanne apostolo dicente, *Cum enim apparuerit, inquit, similes ei erimus* (I Joan. iii, 2); convenienter sanctos in sole esse significatos, septem tamen partibus maiorem solem quam lunam propheta supradictus ostendit. Quando enim lunam, sicut lumen solis, futuram ostendit, solem autem septies tantum; ad modum utique solis septies lunam augeri significat, ut talis sit tunc luna, qualis nunc est sol: quamvis sanctorum ratio hic vertatur, sub hac fæmine causa luminarium ex parte prodidit quantitatem, ut post clementem solis ac lunæ tantum iterum major sit, quantum erat sol; et quantum in praesenti distat sanctus a sancto, tantum distet in futuro post remunerationem.

DE LIBRO GENESIS¹.

CVI. (a) — *In principio fecit Deus cælum et terram* (Gen. i, 1). Si cælum in principio fecit, et terram, cælum autem firmamentum est, sicut in subiectis apparet; non est verum, quia prior lux facta est, et sic firmamentum: aliud enim cælum significare non poterat, quia facturam mundi describit Deo operante perfectam. Propterea enim quod diversis opinionibus homines fallebantur in causa mundi, Moses Deo se inspirante ostendit quæ esset ratio mundi. Quibusdam enim videbatur initium non habere; alii initium quidem habere, sed ab Angelis quibusdam fabricatus esse; nonnullis vero factus similiter, sed a Saclâ² quodam, qui est et Deus potestatis adversæ: pauci autem de origine, veritatis traducere sequentes, Deum episcicem ejus asserebant. Horum ergo causa qui diversitatis falsa opinione trahebantur, coactus est Moses quæ esset causa hujus vera ostendere; ne filii Israel eripi de potestate Ægyptiorum, a falsa tamen intelligentia eorum liberati non essent. Ipsi enim inter cæteros magis erroris studium sequebantur: hi enim antiquitus præ cæteris vane philosophie operam dabant. Denique Moses per id, quod a filia Pharaonis adoptatus videbatur, eruditus est omni sapientia Ægyptiorum (Act. vii, 22). Quid est ergo quod dicit, *In principio fecit Deus cælum et terram?* Si enim firmamentum significat secundum quod supra ostendit-

¹ Sic MSS. et editio Ratisponensis. Aliæ vero editiones: *Quonodo intelligenda sunt quæ habentur in Genesi, præcipue de opere sex dierum.*

² Am. Er. et Lov., *a spiritu. Rat., a secula. Aliquot MSS., a secula, uti etiam supra, in questione tertia.* — Ven. et Lov., *ferunt, sed a spiritu quodam.* M.

(a) Hæc questio deest in MSS. secundi generis.

¹ Er. Lugd. et Lov. legunt, *liberabit. ven., liberabit, ut PP. Bened. M.*

mus, videamus quid dicat. Arbitramur, quia Moyses ut omnem errorem inferioris creature auferret, et impensarum facti mundi; in principio substantias ipsas, ex quibus mundus constat, factas esse significavit; quia si hoc tacuisset, aeterna forte putarentur esse substantiae, Deo jugabiles aestimare: ut qui hujus rei testimonium recipit, ambigere non possit factum esse mundum, quando substantias, que ad impensas mundi prosecerunt, initio subjectas fatetur. Igitur *In principio fecit Deus celum et terram*, id est supernam et infernam substantiam. Superna est, qua constat celum; inferna autem concretio est quardam fluentia, que proficit in aridam quae dicitur terra, et tenebras. Unde dicit in Isaia propheta, *Ego Dens, qui feci lucem, et creavi tenebras* (*Isai. xlvi, 6, 7*). His ergo creatis, fecit simul sub tantiam; hoc est, aquam, tenebras, et terram ante tempora: tempora enim sub firmamento sunt. Firmamentum enim, sicut quibusdam videtur, glacies est aquarum. Et ideo firmamentum dicitur, quia concretis divinitus aquis firmatum est, quod ab occulendo vel celando appellatum est celum. Itaque propterea quod aqua majus sit elementum, prior est significata, quia pars ejus proficit in cameram mundi. Terra autem pavimentum: que quidem et David a Spiritu sancto creata fatetur. Ait enim, *Et aquæ que super caelos sunt, laudent nomen Domini. Quia ipse dixit, et facta sunt; ipse mandavit, et creata sunt* (*Psal. cxlviii, 4, 5*). Post huc ergo el menta, ante compositionem mundi, fecit Deus lucem, ut opera ejus in lucem procederent, que lux modo disposito, cursum diei explevit. Facta est nox juxta diei modum, que similiiter implete modo spatii, illuminata est adventus luminis matutini: et sic impletus est primus dies, cum coepit secundus; nox enim diei deputata est, ut simili dicantur unus dies: propterea enim, quod subjectae sunt tenebre lumini, auctoritate carent, nec possunt numerum facere. Triginta etenim dies una luna appellatur, cum secum habeant noctes. Itaque lucis ministerium, quo spatiū consumit sibi decretum, dies nuncupatur. Tenebrarum autem substantia antequam illuminetur, nox appellatur. Spatiū autem illud, quod inter occasum et ortum est, nox est. Non enim tenebre faciunt noctem, sicut et lux diem; quia tenebre manent in sua natura. Lucis autem accessus facit diem, et discessus noctem. Non immerito ergo subjecta est nox diei. Luce ergo facta, et cursu duodecim horarum implete, totidemque et noctis spatio peracto, aequinoctium fuit in primo die: et exinde coepit dies increscere super noctem tribus scilicet mensibus, qui sunt tempus veris. Ex eo deinde augmento suo minuitur dies alius mensibus tribus, qui sunt tempus aestatis. Et iterum fit aequinoctium, ita ut ex eo nox increseat supra diem alius mensibus tribus, qui sunt tempus autunni. Et incipit iterum nox de magnitudine sua, qua supergreditur diem, minorari usque ad finem quarti temporis, quod est hiems. Et fit aequinoctium primi temporis, quando Deus mundum creavit, qui dies intelligitur esse undecimū calendaras aprilis, quando primus dies Pascha est, id est primus dies primi mensis. In Lege enim mandatum est, ut decima die primi mensis vespere prepararent se ad Pascha faciendum quarta decima mensis die, id est, ab undecimo. Jam enim vespere decimi diei in undecimum luet, ut ab undecimo calendaras aprilis initium esset primi mensis. In principio etenim facta luna fuit quarta decima, quia omnia plena sunt facta: addit triduum a decimo vespere, et hi sunt tres dies ante luminaria qui fuerunt, ut undecimo calendaras aprilis factus sit mundus; quia numerus lune ab undecimo venit ad quartum decimum, cui Pasche primus mensis integer est attributus, ut in Pascha die solemni neque extra undecimum calendaras aprilis sit, neque extra lunam quartam decimam, quia undecima mundus factus est, quarta decima autem luna majori lumine clarior factus est. Inter principium ergo et claritatem qua illuminatus est mundus, Salvator noster et passus est et resurrexit; quia quarta decima luna passus est, et primo

die resurrexit, qui ideo dominicus dicitur, quia ipsum Dominus fecit, qui multiplicatos menses fecit, et tempora, et annos. Ut autem uno atque eodem modo minime celebretur, cursus facit luna in decrementis et crementis. *Terra autem erat invisibilis et incomposita*. Manifestum est, quia terra, postquam facta est, invisibilis erat et incomposita: tegebatur enim aquis, ideo erat invisibilis; incomposita autem ideo, quia cum esset fluxa, non erat apta ad culturam. *Et tenebre erant super abyssum*. Tenebras dicit fuisse super abyssum, id est, super immensum ex omni parte aquam. *Et spiritus Dei superserebat super aquam* (*Gen. i, 2*). Ille aqua quasi summittat significat, super quam spiritus Dei quia superserebatur ostendit, ut tenebras super infinitam profunditatem fuisse significet. Spiritum autem Dei super aquas, quia ubi spiritus Dei erat, obscuritas non erat; quantum enim poterat, illuminabat aquam. Abyssum autem, id est immensam profunditatem illuminare non poterat: hoc est, superiores aquas illuminabat, et subter erant tenebre, et super abyssum. Idecirco autem hunc Dei spiritum dicit, non quia sanctum hunc intelligi vult Spiritum, sed eum super creaturam hylicam spiritualiter vult intelligi, totum autem Dei esse significans, Dei hunc, qui super aquas ferebatur, spiritum vocat, ut pravam asseverationem convellat, qua quidam utinuntur, dicentes aliquid esse quod non sit Dei. Nam nec ordinis, nec rationis est, ut super aquas spiritus sanctus fuisse dicatur, quia super omnem creaturam est. Quod enim de Deo est, super omnes potestates et principatus et similiter super omnes potentias spirituales est. Non moveat autem mentem aliecius, quia Dei spiritus dicitur, cum constat omnia Dei esse. Ait enim Deus inter cetera facturus diluvium, *Non permanebit spiritus meus in hominibus istis, quia sunt caro* (*Id. vi, 3*): et in Ezechiele inter alia, *Hec dicit Dominus ossibus istis, Extendam super vos cutem, et dabo spiritum meum in vos, et vivetis* (*Ezch. xxxvii, 5*). Numquid haec ad officium Spiritus sancti pertinent, et non ad animam? Spiritus ergo hic Dei est quidem, sicut cetera, hylicarum tamen moderator est substantiarum; ipsis enim ordo est his praesesse. Luce ergo facta, et cursu diei moderato, et peracto secundo die, fecit firmamentum, id est, celum, ut lux in terra firmamenti moderaretur diem, ut esset quasi lucerna in domo. Hoc, inquam, firmamentum factum est ex supradicta aqua substantia. Nunc enim compaginatur in specie mundi, ut de confusione rerum discretis substantiis, singulae partes aplarentur, que ad membra mundi proficerent. Substantiae enim quas primum factas esse diximus, impensa sunt mundi. Et ideo mundus dicitur, quia res ab invicem separate que erant confuse, et in speciem producunt, mundum fecerunt vocari, cuius in fabricam proficerunt. Firmamentum ergo, id est celum, factum est in medio aquarum, ut divideret inter aquam que erat supra firmamentum, et inter aquam que erat sub firmamento; ut Dei virtute in medio aquarum consistiret firmamentum, sub se, et intra se, et supra et circa se habens aquam; ut esset concavum deforis, et intra munitionem, ne aquæ sive interiores sive exteriores penetrarent concavum ejus, ut esset quasi dominus munita atque firmata, ut securi essent habitantes in ea. Tertio die jussit congregari aquam que erat sub celo, hoc est, intra capacitem firmamenti, in congregationem unam, ut appareret arida, quæ est terra, et factum est sic. Exhausta enim latitudine terræ, factum est velut alveum, in quo deinergeretur omnis aqua, que erat intra firmamentum, et apparuit arida. Recedente enim aqua, necesse erat appareret terra sive visibilis, que prius erat invisibilis. Tunc arida appellata est terra, et congregations aquarum maria. Et jussit producere terram herbam pabuli, et ligna fructifera ad semen super terram. Quarto item die jussit Deus fieri luminaria in firmamento cœli, ut luceant super terram; luminare majus, in inchoationem diei; et luminare minus, in inchoationem noctis, et stellas. Hæc ad conceptum et nativitatem

et ad nutrimenta pertinent eorum, quæ pignuntur in mundo, et ad signa temporum certis curriculis necessaria, necnon et ad ornatum totius mundi. Sicut enim ad ornamentum domus pertinet, si camera ejus habeat auro distincta laquearia; ita et mundo ornatum præstant stellæ diversa luce fulgentes. Luci ita que, quæ facta est prior, est additus splendor solis, ita ut connexa sint hæc et individua. Nocti autem, quæ erat tenebrosa, datum est luminare: et quia quarta decima fuit luna quando facta est, sic ait, *Luminare minus, in inchoationem noctis*: facta etenim, tota nocte luxit. A parte ergo ad totum dictum est, *in inchoationem noctis*; quia non semper vespera lucet. Luminare autem majus, quod solem dicimus, manet in initio diei, quia simul cum luce priore concretus est. Tribus ergo diebus sine luminaribus his fuit mundus; non enim erant adhuc quibus profligent officia eorum. At ubi autem produxit terra herbam paluli, et ligna fructifera; necessaria fuerunt quæ emerit vel conservarent quæ erant producta. Quia ergo generatio omnis horum interventu perficitur, non oportuit prius haec fieri, ne eorum effectu quæ producta de terra sunt, orta putarentur; sed illa ante facere, ut sic haec sine his facta esse non ambigantur. Quinta deinde die, aquas jussit producere reptilia animalium vivarium, et volatilia voluntia super terram secundum firmamentum cœli, et factum est sic. Et inter cetera, *Et vidit, inquit, Deus quia bona sunt, et dixit, Crescite et multiplicamini* (Gen. i, 21, 22). Ideo autem addegit, *Et vidit Deus quia bona sunt*, quia a quibusdam dicuntur mala esse, ut vel sic erubescant. Quando enim Deo et conditori suo placent, nulli utique debent displicere. Nam solent dicere stulti, Ideo, inquit, vidit, et placerent ei, quia ante nesciebat. O hebetes, quomodo nescivit? Quidquid voluit, productum est. An quis vult quod nescit? et qui potest facere, potest dici quia nescit quod faciat? Et quod amplius est, non ipse fecit, sed jussit ut fieret; et qui jussit, non est hujus virtutis ut faceret? Sed quia huic omnia possibilia sunt, jubente hoc quæ non poterat, coepit posse, ut ad hujus laudem proficeret¹. Duplex ergo virtus est, ut insensibilem jubetur sensibilia producere. Sexto vero die præcepit ut produceret terra animam viventem, quadrupedia, et bestias terræ; et factum est sic, et producta sunt. Et vidit Deus, quia bona sunt, et valde bona, quia omnia necessaria sunt. Supra dicta ergo die dixit Deus: *Faciamus hominem ad imaginem et similitudinem nostram*, et habeat, inquit, potestatem super omnia quæ facta sunt super terram (Ibid., 26). Primum quidem fecit Deus substantias ex quibus mundum compaginaret, quo compacto, et omnibus ornatis decorato, et necessariis honestato, post hoc hominem fecit, qui frueretur eo, et omnibus quæ in illo sunt. Nam cum omnia super terram ex aquis et terra produci jussis-erat, hominem tamen ut faceret, lumen terre manibus apprehendisse describitur, ut multum differre hominem ab his quæ fecerat, edoceret. Ad honorem enim hominis pertinere vult, quando eum Dei manibus factum describit, et factum ad imaginem et similitudinem Dei, id est Patris et Filii. Quid sit autem ad imaginem et similitudinem Dei, quamvis alibi dixerimus, hic tamen locus et causa postulat ut iterum dicamus. Patris enim ad Filium verba sunt dicentes, *Faciamus hominem ad imaginem et similitudinem nostram*: quanquam in opere utriusque intelligatur persona, dicentes et obaudientis. Haec ergo imago Dei est in homine, ut unus factus sit quasi Dominus, ex quo ceteri orientur, habens imperium Dei quasi vicarius ejus; quia omnis rex Dei habet imaginem. Ideoque mulier non est facta ad Dei imaginem. Sic etenim dicit, *Et fecit Deus hominem, ad imaginem Dei fecit eum*. Hinc est unde Apostolus, *Vir quidem, sit, non debet velare caput suum, quia imago et gloria Dei est*; mulier autem ideo

vetat, quia non est gloria aut imago Dei (1 Cor. xi, 7). Similitudo autem Dei hæc est in homine, ut sicut ex Patre Filius, sic ex homine mulier. In hoc plane dispar, quia hæc facta, ille vero natus est. Quibusdam tamen videtur omnia simul Deum fecisse. Si enim verbo, inquit, fecit, quare non omnia simul fecisse dicatur? Nam hic hominum mos est, ut per partes fecisse credatur. Ad potentiam ergo Dei magis facere videtur, si uno die omnia ab eo facta dicantur. Porro autem magnam providentiam in hoc opere et ordine contuemur. Nam potuit utique simul facere cuncta; sed ratio multiformis prohibuit, et sepositis his omnibus, Scripturae divine fides adhibenda est, quæ dicit, et saepe dicit, quia in sex, inquit, *diebus fecit Dominus Deus tuus cœlum et terram, mare et omnia quæ in eis sunt* (Exod. xx, 11). Primo enim in loco sic debuerunt fieri, ut sentirent ac scirent quia facta sunt: quando enim non se omnia simul viderant, sed unum hodie, cras alterum; cognoverunt initio se contineri, et nullo modo posse æternitatem suspicari, ubi se partibus invicem recognoscunt. Nam si omnia simul exsistissent, non esset eis sensus infirmatiss, sed putarent se non cœpisse. Quæ enim verbo Dei subito simul existunt, non se fieri sentiunt, nisi aliud ante se, aliud post se videndo. Et ne forte illud quod primum factum est putet se infectum, majora post se facta cernendo, hoc credit de se quod vidit in altero potiore. Denique lunam quod dies appellatur, ante se habet cœlum et terram, id est, aquam et aridam. Cum autem ipsa aqua et arida et tenebre confusa fuissent facta, æternitatem sibi vindicare non poterant, quia nihil horum statum et proprietatem sibi ansum est vindicare. Sol iterum et luna cum sunt clarissima, ante se habent multa. Ita ergo factum est, ut potiora posteriora, anteriora autem inferiora cum se vident, nihil horum sibi vindicet æternitatem. Prætereaque sex diebus opus consummatum, totius mundi ætatem in se continet, ut sex dierum opera, sex millionum aurorum haberent figuram: quia quod unicolorque saeculo futurum erat, sex dierum per ordinem operibus continetur; utpote, quia prioribus saeculis tanta cognitio Dei in terris non erat futura, sine splendore anteriores dies videntur: ut autem ante hominem pecora fierent, quia veteres nostri inculti et agrestes pecorum more victuri erant: sexto autem die homo fieret, hæc res fecit, quia in sexto millenario annorum adventus Christi hominem fecit, ne morti esset obnoxius. Ut autem imago Dei esset homo, quia dono Dei coimaginari haberet Filio Dei, dicente Joanne apostolo, *Scimus autem, inquit, quia cum apparuerit, similes ei erimus* (1 Joan. iii, 2). Et Vas electionis: *coimagineati, ait, Filio Dei* (Rom. viii, 29). Arbor autem vite quæ posita est in paradiso, imago fuit futura gratie Dei, quæ est corpus Domini, quod qui edit, viveret in æternum. Nam arbor scientiarum boni et malorum significat quod Lex data est per Moysen, quæ cum cognitum fecisset peccatum quod prius latebat, dedit scientiam boni et malorum. Ostendit enim quid esset bonum, quidve malum. Illud vero, quod septimo die requievit ab operibus suis, hoc significat, quia impletio sexto millenario¹ annorum, in septimo millenario requiescat, cessante jam mundo ab omni opere seculari. Haec diximus pauca de multis, ut viam pandemus intelligendi secundum ea quæ supra ostendimus.

DE ORDINE DIEI ET NOCTIS.

CVII. — Quantum ad mundi rationem pertinet, tenebras ante legimus quam lucem. Ea enim quæ ad mundi fabricam profecerunt, queque simul facta videntur, lumine privata fuisse considerantur; id est, aqua, terra, tenebre, ex quibus compaginatus est mundus, sicut continetur in Sapientia, quæ dicitur Salomonis, *ex materia invisa* (Sap. xi, 18), hoc est tenebrosa. Et tenebras enim et aquam faciem sacra columnæ ipsius Domini voce testantur per Iacobum

¹ Fr. Ingld. Ven. Lov. sic exhibent hunc locum: *qua non poterat, caput esse, ut ad hujus laudem proficeret.*

¹ Ms. Colbert, hic et infra, millesino.

prophetam : Ego , inquit . Dens feci lucem , et creavi tenebras (*Isai. xlvi*, 6, 7). Similiter et per David , et aquas factas , et terram firmatam super aquas Spiritus sanctus ostendit (*Psal. cxxxv*, 6). Quod convenit et Evangelice auctorati et Apostolica traditioni , in quibus omnia facta leguntur : et ut nihil exciperet , sive quæ in celis sunt , ait , sive quæ in terris (*Joan. i*, 3, *Coloss. i*, 16). In hac ergo parte , quæ ad terras pertinet , ante tenebras legimus quam lucem : hoc autem est quantum ad ordinem lectionis pertinet , non quantum ad dignitatem ; nam utique multo melior lux quam tenebrae : in mundi tamen ratione lux accipit nomen ut appelletur dies , et tenebrae nox ; sed hoc scilicet ratione , quia dum illuminantur tenebrae , et præterit lux , illud tempus quamdiu redeat lux , dicitur nox ; et illud tempus quo illuminantur tenebrae , appellatur dies. Nox ergo cum dicitur , speratur futurus dies ; et cum dies dicitur , speratur futura nox. Cum vero officia hec cessaverint , transente mundo , tenebrae tantum dicentur , et lumen. Non enim potest dici nox , cum perpetuo sint tenebrae : neque dies , cum occidere cessaverit lumen. Ubi æternitas est , cessant haec nomina , quia cum mundo coepérunt. Denique antequam in lux fieret , quæ appellata est dies , non nox legitur fuisse , sed tenebrae : quæ postquam illuminatae sunt , et præterit lux , vesper appellatae sunt et nox. Igitur quantum appareat , subjecta est nox diei. Non enim quia ante tenebrae leguntur quam lux , idcirco anteponendæ debent videri : quia et cœlum ante solem est , et tamen claritate major est sol ; et terra ante hominem , et pecora et cræta animantia , et tamen subjecta sunt homini : non ergo idcirco nox præferri debet diei , quia ante leguntur et tenebrae ; cum appareat et dignitate lumen tenebris , et tempore diem nocti anteponi. Sicut enim supra ostensum est , cum essent tenebrae facta est lux. Et appellavit Deus lucem diem , et tenebras appellavit noctem : et factum est vesper et mane dies unus (*Gen. i*, 5). Nam nisi dies fuisset , nec nox esset ; tenebrae enim erant , quæ cum illuminatae sunt , et præteriti dies cursu suo peracto , factus est vesper. Et cum post vesperum illuxisset , factus est dies primus nocte transacta , ut diem sequeretur nox. Hoc et dignum est , et ratione commendatum , ut inferior natura per omnia subjecta sit potiori. Quomodo ergo nox ante diem dicitur , cuius nomen post diem legis ? Non enim appellata fuissest nox , neque vesper , nisi facta lux diem egisset : quo transacto , factus est vesper , qui est nox : dies utique factus est vesper , ut scias noctem partem esse diei. Tunc enim consummatur dies , cum transit et nox. Denique sic dicimus , Annus dies habet trecentos sexaginta quinque ; non utique sine noctibus. Cum enim dies dicimus , ibidem computamus et noctes. Sub auctoritate enim diei significamus et noctem ; nam et si nox præiret diem , sub vocabulo noctis computaretur et dies. Quis etenim hominum dicat , Post quinque noctes videbo te , et non , post quinque dies ? Nec legiisse nos meminimus alibi noctem ante diem significatam. Nam fuit , inquit , *Moses in monte quadraginta diebus et quadraginta noctibus* (*Exod. xxiv*, 18). Et in Psalmo , *Sol* , inquit , non uer te per diem , neque luna per noctem (*Psal. cxx*, 6). Et ut de ipsis primordiis demus exemplum , *Fiant* , inquit , *luminaria in firmamento cœli* , et luceant super terram : *luminare majus in inchoationem diei* ; et *luminare minus* , in inchoationem noctis (*Gen. i*, 14) : sed luna non potest præponi soli , sicut nec nox diei ; sed sicut luna sub sole est , ita nox sub die. Et in Evangelio habemus sub auctoritate et numero diem significatas et noctes : ait enim inter cræta *Dominus* , *Sunt hic quidam circumstantium , qui non gustabunt mortem , donec videant Filium hominis in regno suo*. Et subiecit , *Factum est post dies octo* (*Luc. ix*, 27) , etc. Numquid non in hoc numero continentur et noctes ? Et alio loco , *Hæc* , inquit , in *Bethania gesta sunt trans Jordanem* , ubi erat *Ioannes baptizans*. Postera die vidit JESUM venientem. Numquid dixit , Postera nocte ? Iterum sequitur , *Sequenti die voluit proficiisci in Galileam*

(*Joh. i*, 28 , 29 , 43). Et in subjecto , *Et die tertio nuptiae factæ sunt in Cana Galileæ* (*Id. ii*, 1). Ecce ubique dies in auctoritate probatur , noctem habens subjectam. Si enim noctis nomine continetur , præiret nox diem. Nam quia Romani regnum habent ; Hispani et Galli et Afri et cæteri subjecti eis , sub eorum nomine Romani vocantur : ita et nox , quia subjecta est diei , sub ejus nomine continetur. Sed inde quidam falluntur , quia Judei in sabbatum vespera jubentur intrare , non considerantes cur ita mandatum sit. Nam utique pridie necesse habent emere sibi escas et preparare in sabbatum , et lotum ire. Nunquid possunt haec nocte facere , ut orto die intrarent in sabbatum ? Dominus certe vespere resurrexit , et diei deputatur. In die enim resurrectio celebratur , qui dies dominicus appellatur. Sic enim legis , *Hæc dies quam fecit Dominus* (*Psal. cxvii*, 24) ; non tamen nox dominica , quia principatum dies habet. Sive enim præterito die , sive futuro , semper nox subjecta est ; quia et ordine inferior est et natura , dicente Apostolo , *Filius diei estis et lumenis , non noctis neque tenebrarum* (*1 Thess. v*, 5). Et si de consulibus conciijamus , videbitus illum primum nominari qui prior eligitur. Denique solet dici , Cum illo quis erit consul ? Si ergo et nox ante diem esset , prior nominaretur. Nam usque adeo a die incipit numerus , utputa si dicamus , *Cras sextum calendas est* ; a mane utique est usque dum veniat ad aliud mane , ut transacto die et nocte computetur. Nam et luna utique in initio mane facta est quarta decima : facta enim lucere debuit tota nocte , et in aliud mane coepit quinta decima. Quid ergo ambigitur , ut non a die principia teneantur ? Propter quorundam contentiones de re manifesta coacti sumus latius loqui , cum ipsa se lectio explanet , in qua dies ante noctem aperta ratione significatur. Hæc omnia supra memoriata secundum mundi originem diximus. Verum si altius loqui velimus , intellectum nostrum spirituali erigentes vigore , incongruum deprehendimus tenebras ante lucem creatas asserere. Si enim lucis cœlestis natura est , et tenebrarum terrena , incepit utique est post tenebras lucem factam putare : quia Moyses lucem quidem factam , sed in qua nunc mundus est parte , non quia tunc creata est , dicit ; quia omnia spiritualia ante creata sunt quam carnalia , ut lux que in supernis erat fieret in subjectis , ut lampas in domo. Quia autem ratione ante lucem tenebrae dicuntur , cum semper post lucem videantur ? Denique celestia et spiritualia lumen natura esse creduntur , terrena et carnalia tenebrae ; ut tenebrarum natura potentia lumen subsistere videatur , quia omne imum summitatis est. Nam si requiramus , in ipso sole tenebras comprehendimus. Quando enim juxta illum fueris , tam clarissimus videtur , ut prospici non possit ; si vero intervallo , clarissimum quidem , sed ut possit aspici ; si autem longe , minus clarus : quanto longius , tanto minus elarus. Unde defectus quidam appetit , qui tenebras nuntiat , et ita pervenitur , ut tenebrae ex lumine ortum capere videantur. Itaque qui fecit lucem , hoc modo creavit et tenebras , quomodo faciens aquam simul creavit et terram : ut sicut firmum aquæ terra est , ita tenebrae defectus luminis. Deus autem solus est qui defectum non patitur , qui cum ubique sit , immo omnia intra se habeat , tam præclarus est ut a nullo videatur , nisi si voluerit temperare. Denique Salvator cum esset in corpore et clausus non esset , tamen minime videbatur , nisi voluisset. Nam utique quod in monte transfiguratus est , et in claritate magna apparuit (*Math. xvii*, 1, 2) , hoc veluti latebat in corpore , quod cum voluit , manifestavit. Quomodo ergo latebat , qui clausus non erat ? Nam si cum corpore clausis ostiis intravit ad discipulos (*Joan. xx*, 19) , quemadmodum divinitas ejus non omnia penetrat ? hoc est , claudi non potest , quia defectum non patitur. Cum ergo nonquam desit Deus , illic tamen dicitur esse , ubi apparet , et vult videri. Cum ergo omnia in Deo sint , quia excedit cuncta , dicente Apostolo , *In ipso enim vivimus , movemur et sumus* (*Act. xvii*, 28) ; ipse tamen

in nullo est nisi in quo voluerit. Mysterio enim quodam in omnibus est, et providentia quadam in quo vult, appetit.

DE LINGUA HEBRAICA, EX QUO NOMEN ACCEPERIT.

CVIII (a). — Omne quod a Deo est, rationabile est : et unicuique rei exordium causa dat, que sit origo ipsius, ut non absurde nominari aut subsistere videatur, sed ut nuncupationem ostenderet, que caput intelligitur esse ipsius nominis. Igitur ratio hominis est causa qua constat. Constat autem ex quatuor elementis, scilicet terra, aere, aqua et igne, Deo auctore duntaxat : quintus est animus quasi auriga, ut concretum et figuratum corpus agat, et quasi imperator ipsius. Et ab humo initium sumpsimus, et ejus nomine nuncupamur. Homines enim vocamus propter humum, unde pater noster foriusecus originem habet. Igitur causa et ratio facit ut ex nomine alicujus ceteri subsistentes sub eodem nomine appellantur, ipsum significantes in sese. Quamobrem videamus si congruit, sicut quidam putant, ex Heber dictos Hebreos. Videtur enim quantum ad nomen pertinet, inde hujus nominis origo descendere; anterior est etenim Heber quam Abraham. Quod si esset verum, deberent hi, qui de tribu Heber sunt, post ipsum eodem nomine nuncupari : ab Heber enim septima generatione natus est Abraham (*Gen. xi, 16, 2.*). Si ergo super Abraham, vel ipse Abraham Hebreus dictus est; sine dubio Hebrei ab Heber nuncupantur : si autem non legitur super Abraham dictos Hebreos, sed post Abraham, non jam utique ex Heber, sed ab Abraham dicuntur Hebrei : quippe cum filii Abraham primo hoc nomine appellati noscantur. In Genesi enim Joseph et fratres ejus Hebrei sunt appellati (*Id. xlvi, 52.*). Scientes enim Abraham fuisse, qui de Syria descendisset in Chanaan (*Id. xi, 4.*), et multiplicatus fuisse, fidei causa omnibus copiis refertus, rex et Prophetæ appellatus et pater multarum gentium (*Id. xvii, 4.*), qui cum trecentis decem et octo viris vernaculis suis quinque reges confederit (*Id. xiv, 14, 15.*) ; quia non in angulo haec gesta et dicta sunt, ut latenter; eos qui ex semine ejus erant, Hebreos nuncupaverunt. Ordinis ergo et meriti ejus fuit Abraham, ut caput fieret his qui ex eo traducem habent. Dei enim iudicio princeps et origo positus est in terra Chanaan, ut ex eo geniti, alterius essent et professionis et conversationis, quam fuerat ipse priusquam descenderet in terram Chanaan : innovatus enim ipse, novum constitueret populum in Dei devotione. Hinc est unde apostolus Paulus Hebreum se ex Hebreis satetur (*Philipp. iii, 5.*): hoc enim dignitatis videbatur esse cognomen. Testimonium enim et nobilitas generis erat, ut ex nomine ejus cognominarentur, qui multis modis Deo placuerat, quique eis erat origo. Abnuntur, si non convenient rationi; spernatur, si dispar est; convellatur, si alicunum est a meritis Abraham; et nos refellanur quasi adulatores ejus. Quae est inimicitia adversus Abraham, que xenatio, qua ei obtrectant inimici; et qui sunt hi, nisi qui filii ejus dicuntur? Quid est in quo disperdet Abraham, ut gloria haec aliena ab eo putetur? Et quid est quod placeat in Heber, ut primatum istum habere dicatur? Cujus si conversatio posset inquire, inveniretur forte idola coluisse sicut Thare et Nachor, et pater Nachor, quos constat non longe ab eo fuisse, sicut testatur Jesus Nave, qui idola coluerunt (*Josue xxiv, 2.*). Aut certe qui ex diverso sunt, ostendant qua ratione vindicandum est hoc Heber, ne forte a nobis supprimatur meritus ejus; sed nullum est, quia communis sunt nobis Scripturae, et quid unicuique debetur, in propatulo est. Si enim ex solo nomine putant hoc debere defendi, infirmum et improbabile est. Tunc etenim rite nomini ejus vindicetur, si causas aliquae testes existent que hoc confirmarent : possent enim aliqui ejusdem nominis rem sibi non suam vindicare, ideoque hoc est verum, quod non solo nomine, sed et perspicua ratione firmatur. Nam quoniam dignatione

(a) Quesuo haec deest in MSS. secundi generis.

Dei factum est ut in Abraham viviscaretur ¹ genus humanum, et forma fieret salutaris hominibus, nulli est ambiguum, idecirco in ipso reparatum esse quod fuerat amissum vitio fragilitatis humanæ. Hic enim imago quædam positus est, ut ad ejus similitudinem genus hominum revertetur ad Deum, ut et Dei culturam, et sermonem qui datus prius fuerat in usum, hominum, recuperaret hominibus : quia sicut in principio in Adam Dei fuit imago, ut cognitione ejus esset in terris; ita post ruinam humani generis, et oblicationem veri Dei, in Abraham reformatum est, ut ab ipso fides in Deum coepit, iterum germinaret in fractum. Unde non est absurdum ut ex nomine ejus plebs ab eo coepit vocabulum sortiretur. Sed ne forte propter nomen Heber scrupuluni patientur, quia magis cum Hebreis Heber sonat nomen, quia Hebrei dicuntur, non Hebrei; recognoscant iterum quia Hebrei, non Hebrei dicuntur : Heber enim dictus est, non Hebre. Si ergo hinc impugnandum putant, patientur quod faciunt, et neuter nostrum habebit ex hac parte victoriam, nisi is qui per ordinem redditam ratione ostendit verum esse quod asserit : qui enim in una re par est, perdisse dicendum est, si in altera inaequalis fuerit inventus : nam propter sonum inmutata est littera, ut Hebrei pro Hebreis dicerentur, quia melius sonat. Quoniam et ex Juda non Judai dicuntur, sed Judæi. Ubi cum enim absurdum visum est, inmutata est littera, ut vox sonum compositum haberet. Nam pro medio die meridie dicimus, et multi sunt talia. Igitur convenit, ut est ostensum, ut nomine Abraham, tam lingua quam populus nuncuparetur. Haec ergo lingua est, quam dicimus primitus datum. Adæ et ceteris, quam propter præsumptionem turris adficatae creditur in multis dispersam et confusam, ut non jam haec, sed multe ex hac, inmutatione habita quorundam dictorum, existerent : ut unam haberent speciem, nec tamen deperiret, sed tota confusa esset ceteris linguis. Ita enim tunc actum est, ne se homines intelligerent, et majora auderent (*Gen. xi, 8.*). Tantè ergo tunc linguae intelliguntur exstissem, quanti et homines fuerant, qui dispersi, locis in quibus habitarunt, unusquisque linguam suam instituit. Si autem ipsa esse minimè putabatur quæ scripta est tunc una fuisse, hoc supererat, ut de ceteris linguis collecta sit particulatum, et compaginata in speciem lingue unius qua uteretur Abraham; ut quia pater multarum gentium erat, ex multis linguis sermonem haberet compositum, et esset per omnia innovatus. Sed quia ii quos memorat liber Genezeos unius vocis et sermonis (*Id. x, 51.*), ab Oriente migrasse leguntur, et inde iterum di-persi a Deo super faciem totius terræ, non utique illic remansit, quin primitus lingua data remaneret. Denique neque terram aliquam habet inter homines, ut cetera linguae, neque gentem, exceptis Judeis; quia primo homini data est in paradiso. Et postquam confuse sunt linguae, nusquam reperta haec quæ nunc dicitur Hebreæ. Si ergo nusquam habet locum vel gentem; Abraham autem natione Syrus erat; unde hanc linguam Abraham vel ceteris seminiis ejus, nisi quia aut illa prima est, aut certe de multis apta? Videntur enim aliquantas linguas nonnulla verba similia ejus habere. Sed hoc non sic convenient rationi quomodo illud, si prima ipsa esse dicatur : non enim otiose hoc factum ratio probat. Ipsam enim linguam debuit Abraham habere, quam habuit primus homo, ut Moyses veniens, et creaturam et hominem a Deo factum describens, hac voce uteretur, qua Deus locutus est et hominem appellavit Adam, et Adæ mulier vocata est Eva : ut hac vox esset in libro Moysi, quæ fuerat et in iis quos describit, ut vere in omnibus reformatam doceret primam causam, et beneficium divinum in Abraham.

DE MELCHISEDECH ².

CIX (a). — De Melchisedech legimus in libr.

¹ Ms. Colbertinus, visitaretrur.

² Sic in MSS. et in editione Ratisponensi. Aliæ vero editiones addunt: omnino Abraham benedixerit, et quid de eo senserit apostolus.

(a) Deest in MSS. secundi generis. — Bernardus vindin-

Genesios, de Melchisedech etiam simili modo est et in Epistola data ad Hebreos, quia obriarit, inquit, *Melchisedech sacerdos Dei summi Abraham revertenti a carde regum, et protulit panes et vinum, et obtulit ei, et bene dicxit eum, dicens: Benedictus es, Abraham, a Deo ex celso, qui fecit caelum et terram, qui tradidit inimicos tuos sub manus tuas* (*Gen. xiv, 18-20*). Et ut Apostolus significaret, quis intelligendus esset per Melchisedech, adjecit, *Sine dubio enim, ait, quod minimum est, a meliore benedicitur* (*Hebr. vii, 7*). Quod quidem non utique ad traditionem retulit officii ecclesiastici. Quis enim ambigere regulam traditionis dominice, qua benedicuntur subjecti a Domino, meliore esse iis qui benedicuntur ab ea? Domini enim mysterium in iis verbis, quae ipsum complectuntur ac memorant, operatur. Personae autem ejus proprium meritum et potentiam volunt demonstrare. Quis ergo hic et quantus est, ad cuius comparationem minimus dicitur Abraham, quem constat in omnibus fidelibus signum habere testimonii nobilitatis ac fidei? Igitur hic Melchisedech non utique sic benedixisse intelligitur Abraham, sicut faciunt homines sacerdotes, ut ex delegatione daret benedictionem verbis solemnibus; sed quasi propriam, quam non per verba, sed per naturam acceperit substantialiter, ut sit ei propria. Sacerdotes autem, quos antistites dicimus, regulam habent verbis solemnibus ordinatam et traditam sibi, quam superponentes hominibus benedicunt: non tamen quos volunt, sed etiam aliquando quos nolunt; quia dator regulae ipse seit cui dari debeat vel infundi sacratissima benedictio. Ille vero qui natura habet benedictionem substantialiter, quem dicit summi Dei sacerdotem, per voluntatem dat benedictionem. Verba enim benedictionis et natura ejus cum voluntate concordant. Nec errat, ut ibi velit ubi non debet, neque nolit ubi debet; sed cui dederit verba, dat et effectum. Nostri autem sacerdotes super multos quotidie nomen Domini et verba benedictionis imponunt, sed in paucis effectus est. Est iterum quando meliores se benedicunt. Quamvis enim qui sanctus sit, curvat tamen caput ad benedictionem sumendam, quia non proprium sacerdotis est, sed Dei inventum. Ille enim sacerdos Annam benedit, et prosecutus effectus est (*I Reg. i, 17, 20*), non utique merito sacerdotis, sed ipsius Annae, cuius mundum cor inspexit Deus. Igitur Melchisedech non ideo melior Abraham dicitur propter solum officium sacerdotii: sed et natura anteponitur illi, ut ultra homines intelligatur. Nullo enim modo fieri potest ut qui tanto amico Dei præponitur, et fidelis usque adeo ut amore et timore ejus nec filium suum charissimum dubitet occidere, homo putetur. Quia enim justitia, quibus operibus plus posset mereri, quam meruit Abraham? Nec enim erat plus quod faceret ad commendationem meritorum, quam fecit Abraham. Primum enim cum nesciret Deum, nec signum vidisset quo ei suaderetur; dicenti sibi Deo, *Exi de terra tua, et de cognatione tua, et de domo patri tai* (*Gen. xii, 1*), nec distulit, sed statim obedivit, non solum presentis Dei, sed et futuri Domini implens voluntatem. Dicit enim Dominus: *Quicumque plus fecerit domum, aut parentes, aut fratres, aut cognatos quam me, non est me dignus* (*Matth. x, 37*). Qualis ergo Abraham, et cuius meriti est, qui ante mandata Salvatoris implevit quam prædicarentur? Apostolus hospitalitatem sectandam magnopere docet (*Hebr. xiii, 2*); hanc Abraham sic et tam devote excoluit (*Gen. xviii, 3*), ut videatur ab hoc didicisse Apostolus hanc predi-

gus in Critico Aug. ad hauc quæst. « Nonnulli, inquit, suspicuntur hujus operis auctorem esse illum quem reprehendit Hieronymus epist. ad Evagr., asserente Melchisedech esse spiritum sanctum. Concedo quidem, librum illum de Melchisedech, quem ibi exigit, huic insertum, sicut et cetera ipsius constat ex variis auctoribus et libris collecta: si vero hunc totum accepisset S. Hieronymus ab Evagrio, cum scirebat longe pluribus risque gravissimis erroribus, non is unum solum de Melchisedech carpsisset, sed reliquias etiam saitem verbo tetigisset. »

candam. Deinde proiectus annis, sic multiplicari credidit semen suum, quod prudentibus mundi stultum videtur, quemadmodum sunt stellæ cieli, ut antequam sententia decerneretur prudentibus seculi, ab hoc damnati videantur. Postea enim dictum est, *Perdam prudentiam prudenterum* (*Isai. xxix, 14; I Cor. i, 19*). Iussu Dei circumciditur; quod non utique sine dolore fit: et non segreg fert, ut posteris formam daret patientiae. Ex Sara illi uxore sua jam ancilla filius promittitur, et non dubitat (*Gen. xvii, 17*): ut futuris ostenderet in tantum Dei auctoritati credendum, ut etiamque irrationabilia vidontur, precipiat aut promittat, non ambigatur; quia magis persona ejus respicienda est quam verba, ut quod in verbis infinitum aut impossibile videtur, persona ejus confirmet, et faciat videri possibile. Deus est enim qui promittit, de quo credendum est quia potest quod hominibus impossibile videtur. Quæ enim offensio potest judicari, cum plus de Deo opinatur, quam de se sensu humanitas? Propter quod datum sibi a Deo Abraham filium eodem jubente occidere illum non ambigit, nec tempus differt; nec admiratur ad Dei voluntatem, ut filium, quem magnopere beneficij et admirationis dederat gratia, hunc jubere occidi: certus Dei voluntatem non debere ab homine retractari, neque jussiōnem aut factum Dei sine providentia esse. Quod ut omni devotione festinanter impleret, matri ejus conjugi sue non indicat, non ignarus fragiliores esse circa filios feminas, et posse huic devotioni lacrymarum miseratione impedimentum afferre: nec non et ipsum puerum latet usque ad horam necis, ut jussionei Dei toto mentis obsequio obediens (*Id. xxi, 3-10*); non parricidium hoc depuktans, sed holocaustum, quod justo iudice auctore liebat. Quæ ergo his majora posset gerere Melchisedech, quibus præcederet Abraham, quem sicut videmus, in nullo constat inobedientem fuisse? Moyses etenim, cui legitur facie ad faciem Dominus esse locutus (*Exod. xxxiii, 11*), missus ad gentem et ad fratres suos, ire nolebat (*Id. iv, 1*). Jonas propheta præceptum sibi ut Ninivitis prædicaret irrupit, ut ad alium locum pergeret, quo missus non fuerat (*Jonas i, 1-3*). Job plane egregius in omnibus, tamen motus amissione filiorum, vestimenta scidit sua, et totundit eomam capitū sui (*Job i, 20*): Abraham autem nec contristatus legitur de morte charissimi filii, et quem jussus fuerat ipse occidere, nec a'icubi Deo sibi jubente legitur trepidasse. Igitur per haec appareat Melchisedech ultra hominem esse, quia non erat unde melior esset quam Abraham, nisi sola præcedat illum natura. Natura enīm impassibilis, beatitudinem per substantiam habet: humana autem nativitas beatitudinem acquirit per gesta. Quia enim perfectionem divinitatis non habet, per exercitium et colluctationem proficit ut melior fiat, cum plus vincit quam vincitur. Si enim sic ageret, quod impossibile est, ut nunquam peccaret, melior Deo fieret: quod absit, (a) quia natura que potest peccare, sicut et non peccare, si semper vinceret, illi naturæ præponenda erat, quæ ideo non peccat, quia impassibilis est. Non enim magnum videretur non peccare, quia non potest; magnificum autem, si cum posset peccare, non peccaret. Hoc ergo interest inter substantiam Dei et hominis, quia Dei substantia beata semper est securitate invincibilis aeternitatis sua; hominis autem substantialiter² beata sit per laborem. Et alia necesse est beatitudo sit impassibilis, alia illius qui tribulationibus conficitur, ut possit aliquando gaudere. Beatitudo enim impassibilis in eo est semper ut beata sit; passibilis autem post magna exitia gaudet evasisse mortem. Contristatur ergo ut possit gaudere, nec perpetuo securus passibilitate naturæ. Impassibilis autem, semper bea-

¹ Sic MSS. et editio Ratisponensis. Aliæ vero editiones, necessitas.

² Forte hic nucleus legeretur: *Substantia alter, pro, substantialiter*. Vid. Morel, Elem. Crit. p. 311. M.

³ Reliqua in editione Rat. et in Ms. Colbort. desunt.

tas est; quia neque novit tristitia, neque suspicatur posse se contristari. Nam et natura hominum, quamvis per laborem beatitudinem consequitur, non erit tamen intacta, neque deerunt ei cicatrices. Quomodo enim fieri potest ut saepe congressa et aliquoties vita, non sit vulnerata? Impassibilis autem semper intacta, illesa, inviolabilis manet. Igitur non minimus diceretur Abraham ad Melchisedech, nisi potior esset natura Melchisedech quam Abramam. Nam haec que diximus, ingenii esse forte videntur. Si autem Legem respiciamus, plurima adhuc et potiora dicentur. *Hic enim Melchisedech rex Salem, sacerdos Dei summi, qui ubiavit Abraham regreso a cœde regum, qui eum benedixit eum, primum quidem interpretatur Rex justitiae, deinde Rex Salem, quod est rex pacis. sine patre, sine matre, et sine genealogia, neque initium dierum, nec finem vite habens: similitus autem Filio Dei manet sacerdos in perpetuum.* Et ut haec locis quibus significaverat, commendaret, de eo adiecit: *Videlis, ait, quantus sit hic, cui decimas dedit Abraham de primitiis principis patrum* (Hebr. vii, 1-4). Ut enim qua potentia et quanta Melchisedech sit ostendat, laudat Abraham dicens *quia princeps patrum est, hoc est, ceteris omnibus melior Abraham, sed minimus ad Melchisedech.* Nonne manifestum est hunc hominem non esse, sed meliorem? Quid est enim quod dicit de eo, quia rex pacis est, et rex justitiae? Proprias accedit, et videt. De longe enim solem videntes lucernam putatis, et argentinum aspicientes, aestimatis stannum. Potest aliquis hominum dici rex pacis atque justitiae? Pax enim hominibus predicator, similiter et justitia: hic autem ideo rex pacis et justitiae dicitur, ut ab eo justitia et pax originem habere noscatur. Non enim super ipsum esse dici potest, quod ab ipso regitur. Nam homines justitia magistra et pace erudiuntur ad Deum promerendum. Haec ergo que hominum magistra est, Melchisedech habet regem. Quantum ergo melior est homine Melchisedech, quando gubernatrix hominum sub ipso est, hoc est, regem esse regum? Itaque cum rex justitiae et pacis dicitur, auctor eorum esse significatur: ut quomodo Dominus Jesus auctor vite est, ita et Melchisedech auctor justitiae sit et pacis; quia qui per Christum vivunt, in dispensante justitia et pace reguntur. Cordibus enim servorum Dei justitiam infundit et pacem, ad exornandam disciplinam dominicam. Scriptum legitimus in psalmo octogesimo quarto, quia *Justitia et pax complexæ sunt se, et veritas de terra orta est: et ut de qua justitia dicet, ostenderet, auctor quia Justitia de cœlo prospexit* (Psalm. lxxxiv, 11, 12). Hoc de tempore Salvatoris Scriptura ostendit, quo justitia Dei data est mundo per Christum, in cognitione mysterii Dei unius quod ante promiserat. Justum est enim scire creaturam veritatem Creatoris sui: que justitia manifestata in terris, sublata discordia que de injustitia fuerat generata incogniti Dei, pacificos fecit discordes, dum diversos duduū in una fide constituit. Sic se complexæ sunt justitia et pax et veritas unius. De terra orta est magistra justitia. Incarnatio enim Christi ostendit que esset de ipso Deo veritas cognoscenda. Igitur haec certe justitia Dei est. Similiter et pax, dicente Apostolo, *Ipse autem Deus pacis conterat satan* (Rom. xvi, 20). Quomodo hoc possit discernere, non adverto, ut cum Deus pacis, Pater sit Domini nostri Iesu Christi, neconon et ipse Christus; dicit enim *Pax meam do vobis* (Ioh. xix, 27); de Melchisedech dicitur *quia rex justitiae et pacis est: qua ratione secernatur, non intelligo.* Puto enim nihil differre, quantum ad rem pertinet, regem pacis a Deo pacis. Quia enī in mundo quisquam Deus dici non debuit, ut unī soli ex quo sunt omnia, reservaretur hoc tantum nomen, regem qui imaginem ejus haberet instituit, qui excepto Dei nomine omnem potestalem ejus haberet: sed *quia terrenus est, hominum rex est, non tamen pacis et justitiae.* Quia etiam ipse ducem habet justitiam, quam non illi licet contennere. *Justitia enim Deus illi est Regis enim Dei est justitia, et*

qui prævaricatur eam, reus fit Dei Judicio. Melchisedech autem sicut datur intelligi, non more hominum rex appellatur; quia sub se habet justitiam, quae regibus dominatur. Nemo etenim potest habere sub se justitiam, nisi ejus natura sit ut peccare non possit. Sub ipso autem esse ideo dicitur, quia ab eo inventa est modo legis, per quam gubernantur, qui possunt peccare. Igitur rex justitiae moderator est verborum a se inventorum, quibus bene beatoque et vivi possit et credi. Diu multumque laboramus, et adhuc minus de Melchisedech dicimus, nisi revertarum ad Scripturam, que et ipsa diu pulsat et clamitat, ut pressos gravissimo excitet ad intellectum, non noctis, sed diei. Dicit ergo quia *sine patre, sine matre, sine genealogia est Melchisedech.* Et ne aliter intelligeretur quam dignum est, adiecit: *Nec initium dierum, nec finem vite habens.* Per quod ostendit neque natum, neque mortuum esse Melchisedech. Quid ad haec tam manifesta humana argumentatur subtilitas? Quæ est tam versuta ingenii calliditas, quæ andet resistere manifestis, ut non sensum capiat ex lectione, sed sensum tributae lectioni? Vis infertur Scripturis dominicis, ita ut etiam hos inimicos sentiat, qui auctoritati ejus se inclinare videntur. Dicunt enim quidam non ita de Melchisedech debere credi, ut relatum est Scripturis, ac per hoc ad sensum suum Scripturas convertunt. Quibus melius e-set aperi non recipere Scripturas, quam dislocare agere contra illas, ut sub nomine pacis paretur bellum, et sub tegmine amicitiae lateat hostis. Dicunt ergo non ad generositatem pertinere Melchisedech, sed ad humilitatem generis ejusdem, quia sine patre et matre legitur suis. Ille enim ideo ait sic scriptum esse, ut ostenderetur ex alienigenis suis, non ex tribu qua ortus est Abraham, quia genus ejus non inventur in Lege. Unde et adiecit, inquit, *Et sine genealogia, ut intelligeretur penitus origo ejus in Lege descripta non esse, ut ex parentibus qualibuscunque per seipsum vir bonus factus crederetur.* Porro autem jam tanta est Scriptura, ut omnia per ordinem digesta cause necessaria ponat. Primum enim dicit, *Sine patre, sine matre.* Videamus si exteriorum matres significantur in Lege: quæ fuerit uxor Nachor avia Abraham, mater Thare, non legitur quæ fuerit mater Abraham, ut de ceteris tacem. Numquid hi sine matribus suis dicendi sunt? Si dixisset, Sine patre, sine fuerat color, quia omnium qui fuerunt, patres habentur in Lege. Addit, *Et sine genealogia.* Si ideo haec dixit, ut ostenderet generationem ejus in Lege non esse, sufficerat dixisse, *sine patre;* quia illius patrem nemo novit. Multo magis iterum ad manifestationem dicit, *Neque initium dierum, neque finem vite habens.* Die, quisquis es violentus, quomodo istud interpretaris? Quid est initium dierum non habere, neque finem vite? Sufficerat certe dixisse generationem ejus in Lege scriptam non esse, ac per hoc origo ejus ex altophilis est credenda. Potest dici translatum hunc sicut Enoch, ideo non mortuum esse. Esto. Quid est initium dierum vite non habere? Forte dicas, quia dies natalis ejus scriptus non est. Cujus enim scriptus est in Lege? et haec ratio est, ut cujus natalis dies scriptus non est, initium dierum vite negetur habere. Potuit ergo et de ceteris idem dici. Et si ut homo translatus fuisset, non tamen sine vite erat sine; quia quidquid sub spe mortis est, tamen habet. Desine, quisquis contentioni studes. Expedit enim veris vinci, quam vincere vera per falsa. Perdere est enim, non vincere; quia si in homine perdere videretur veritas, apud Deum tamen vincit, quia ratio ejus invincibilis est. Itaque animus a Lege vinci debet, ut hoc sentiat quod a Lege significatur, non ut ipse Legi sensum det suo arbitrio, ut Legem se violenter legi exhibeat. Et audi Zorobabel, quia *super omnia, ait, vincit veritas* (III Esdr. iii, 12). Jam Melchisedech futurum mysterium incarnationis et passionis Domini ostendit, dum Abraham primum, quasi patri fidelium tradidit Eucharistiam et corporis et sanguinis Domini, ut praefiguraretur in patre, quæ

in filiis futura erat veritas. Qui si homo putatur et sacerdos, eo more quo fuit Aaron, aut nunc sunt, ostendatur aut legatur locus habitationis ejus; aut si fuit templum aliquod aut synagoga in qua congregabat populum, et offerebat eorum sacrificia, vel qui populus conveniebat ad illum. Si enim sacerdos in terris erat, sine dubio habuit populum, et ante Abraham utique, vel tempore ejus erat populus qui servaret Deo. Et quomodo Abraham quasi caput factus est fidei, ut ex eo populus haberet notitiam Dei? Similiter enim si Melchisedech erat, qui doceret unius Dei timorem in terris, frustra electus est Abram, ut ex eo plebs Dei nuncuparetur. Potuerant enim inter eos esse, qui conveniebant ad Melchisedech. Et ubi est illud quod legitur in cantico Deuteronomii, quia cum divideret, inquit, Altissimus gentes, quemadmodum separavit filios Adae, statuit fines gentium, secundum numerum Angelorum Dei. *Et facta est pars Domini populus ejus Jacob* (Deut. xxxii, 8, 9). Igitur si in mundo plebs non erat Dei, exceptis filiis Abraham, quia ratione alia plebs putatur suisse, quae ex doctrina descenderat Melchisedech, negante Propheta? Quando enim nominat omnes gentes quae in mundo sunt, et non dicit populum Dei esse nisi filios Abraham; quid superest nisi ut, exceptis his, negetur ceteros Dei habuisse notitiam, quia notus in Iudea Deus (Psal. lxxv, 1)? Melchisedech autem sacerdos Dei summi, ad benedicendum Abraham apparuit ad praesagium futurorum sanctorum: quia benedictio danda erat in futurum plebi Dei per antistitem fere Dei, quem dicimus sacerdotem. Hic ergo Melchisedech praecursor apparuit sacerati futuri Filii Dei, quia praeedit ad obsequium qui ordine sequens. Non ergo admiranda sunt quae diximus de Melchisedech, quando Scriptura ad confusionem obstrepenit plus addat et dicat. Post omnia enim laude digna, ut confundat malevolos ait: *Similatus autem Filio Dei manet sacerdos in perpetuum*. Jam vide de quo male sentire contendis, et si hunc non vereris, vel Christum metue, cui similis Scripturæ auctoritate refutur. Per ordinem enim paulatim ad naturale ejus meritum venit, ut si quos dicta superiora moverent, quibus rex justitiae et pacis significatus est, et quia in carne visus neque patrem, neque matrem habuit, hoc est ingenitus apparuit, neque ortum, neque occasum habens; ex iis quae ultima subiecti, superiora credibili demonstrare. Quis enim audiat dicere nisi vesanus, haec omnia quae sublimia dicta sunt, incongrua esse illi qui Dei Filio similis designatus est, manus sacerdos in perpetuum? Similis autem Filio non potest esse, nisi sit ejusdem naturae. Et quid incredibile videtur, si Melchisedech ut homo apparuit, cum intelligatur tercia esse persona? Si enim Christus qui secunda persona est, frequenter visus est in habitu hominis, quid ambigitur de iis quae dicta sunt? Legimus etenim in Psalmo quiz, *Tu es*, inquit, *sacerdos in aeternum*, secundum ordinem Melchisedech (Psal. cix, 4). Hoc nemo nostrum dubitat ad Christi pertinere personam, quia eodem genere sacerdos est Christus in aeternum, quo et Melchisedech. Sed summus sacerdos Christus est, Melchisedech secundus. Nam si homo est Melchisedech, quomodo convenit ut secundum ordinem ejus Christus sacerdos sit in aeternum? Jam ambo similes esse leguntur, et minus esse dispensationis, quia uero sunt et natura. Quoniam autem omni modo unus Dei auctoritas conservanda est, idcirco et tercia persona subjicitur paterno nomine. Christus autem vicarius Patris est et antistes, ac per hoc dicitur et sacerdos. Similiter et Spiritus sanctus quasi antistes, sacerdos appellatus est excelsi Dei, non summus, sicut nostri in oblatione presumunt. Quia quamvis unus sit substantia Christus et Spiritus sanctus, uniuscuiusque tamen ordo observandus est. Sacerdotes igitur vel legati ideo dicuntur, quia illi in se ostendunt cuius legati sunt: sunt etenim ejus imago. Ac per hoc Christus et Spiritus sanctus naturaliter habentes Dei imaginem, sacerdotes ejus

dicuntur. In ipsis videtur Deus, sicut dicit Dominus, *Qui me videt, videt et Patrem* (Joan. xiv, 9). Et si in gestis Dei visus est Dominus, gesta autem Spiritus sancti sunt opera, significante Domino, *Quia ego in Spiritu Dei ejicio daemona* (Matth. xii, 28); et in Spiritu sancto visus est Deus.

DE PSALMO PRIMO.

CX (a). — *Beatus vir qui in via peccatorum non stetit*. Si autem steterit, non iam beatus, sed rens dignus plagi. Ad emendationem enim aliquam videatur habere spem, quia non impius, sed peccator est. Si autem unus fuerit qui non abiit in consilio impiorum, et in via peccatorum non stetit, duplice genere beatus est. Nec enim potest esse beatus, si in consilium peccatorum non eat, et in via peccatorum stet; quia si non perditioni, poene tamen obnoxius est. Dehinc adjectit, *Et in cathedra pestilentiae non sedit*. Hanc dicit beatitudinem esse, quae bis tribus gradibus constat, et triplici ratione munitur; id est, ut neque in consilium impiorum eatur, neque in via peccatorum stetur, neque in cathedra pestilentiae sedeatur. Sed cum duo genera tantum habeantur impiorum et peccatorum, in comprehensione eorum quae supra memorata sunt, hoc tertium cui generi adscribi voluit, quod adjectit, dicens, *Et in cathedra pestilentiae non sedit; impiorumque, an peccatorum?* Sed videamus quid sit in cathedra pestilentiae sedere, et tunc cui generi hoc adscribat intelligemus. Hanc dicimus cathedram pestilentiae, que extra Dei ordinationem est, ad hoc utique inventa, ut iniqua inde exeat iudicia: propterea pestilentiae cathedra dicta est, quia est corruptio quae parit mortem, sicut et iniquitas damnationem. Non est ergo a Deo quae est cathedra mortis. Nam Moyses accepit cathedram vitae. Ad hoc enim data est, ut auctoritas in ea sit justi iudicis vel creatoris Dei. Unde dicit Dominus, *Super cathedram Moysi sederunt Scriba et Pharisai* (Matth. xxiii, 2). : et Apostolus, *Non est, inquit, potestas nisi a Deo: quae enim sunt, a Deo ordinatae sunt* (Rom. xiii, 1). Unde dicit ad principem plebis: *Tu quidem sedes judicans secundum Legem, et contra Legem jubes me percuti* (Act. xxiii, 5). Quod dixit, secundum Legem, justam et salutarem cathedra: auctoritatem significavit. Illud autem quod ait *contra Legem jubes me percuti*, illum ipsum injustum iudicem ostendit, ut in Dei cathedra sedens judicaret iniquum. Hinc est unde et Daniel, *Dei est*, ait, *regnum, et cui vult dabit illud* (Dan. iv, 14). Sicut enim terreni imperatoris auctoritas sic currit per omnes, ut in omnibus ejus sit reverentia; ita Deus instituit, ut ab ipso rege D. i. auctoritas incipiat, et currat per cunctos: quamvis frequenter mundus hoc non intelligat, et aliis se subjiciat in potestate positis quam debet, tamen institutio est ut unus sit qui timeatur. Ubi ergo haec institutio non est, ibi cathedra pestilentiae reperitur¹. Nusquam unius Dei auctoritas abnuit, nisi apud eos qui multorum deorum praedicant metum et reverentiam. Huius ergo sunt qui in cathedra pestilentiae sedent, quia quod pontifices eorum praedican, mors est. Hoc enim debent, ut cultores unius Dei quasi stulti et inimici, aut opprobrio sint, aut de hac vita tollantur. Haec ipsa materia impietatis est, quae etiam in ceteras partes extenditur, per quas impietatis sue leges ostendat. Nam jussu Jezabel antistites iniquitatis in cathedra pestilentiae sedent, qui adversus innocentem Naboth, cum judices non essent, prava meditantes, subornatis falsis testibus, mortis tulerunt sententiam (III Reg. xxi, 11-13). Unde et in alio psalmo dicit, *Et cum impiis non sedebo* (Psal. xxv, 5). Hoc enim iudicium ejus est, cuius et cathedra pestilentiae. Itaque si in Dei cathedra sedentes, innocentes opprimant, injustum erit iudicium, non cathedra. Ubi enim cathedra pestilentiae est, non potest iudicium non esse iniquum:

¹ Ms. Colbert.: *Ubi ergo haec institutio est, non ibi cathedra pestilentiae reperitur.*

(a) Quiescit haec deest in MSS. secundi generis.

quamvis quædam sibi applicant veluti velamina, quibus impietatem contegant, ut videntes fallantur. Non potest enim sola impietas proponi, quia non invenit emptorem : et ubi lex diaboli est, si ipse nominetur, horretur. Sed sicut mel veneno admiscetur per quod lateat, ita et legi diaboli quædam justa admiscent, et nomen applicant veritatis. sed uniuscujusque sensus est judicandus, quia ideo aliquando aliquid verum ostendit, ut fallat, ut cum maligna prædicat, bona putentur. Quoniam cathedralm pestilentiae non esse de Dei ordinatione asseveravimus, etiam eorum qui extra Ecclesiam vel contra Ecclesiam sedes sibi instaurunt, cathedralm pestilentiae dicimus. Qui enim inconcessa¹ præsumit, reus est; quanto magis si et corrumpat traditionem ejus cuius sedem usurpat? Nam et ordinem ab apostolo Petro cœptum, et usque ad hoc tempus per traducem succedentium episcoporum servatum perturbant, ordinem sibi sine origine vindicantes, hoc est, corpus sine capite profientes ; unde congruit etiam eorum sedem cathedralm pestilentiae appellare. Nec enim ideo impune erit, quia sub Dei nomine hoc agunt. Constat enim suas illos causas sub Dei nomine agere. Non enim zelo Dei hoc agunt, sed sibi locum volentes defendere : cum sciamus Coram et ducentos quinquaginta viros per presumptionem Deo offerebant, hiatu terra absorptos esse (Num. xvi, 31, 35), et Oziam regem cum Deo illicite obtulisset lepra in fronte percussum (IV Reg. xv, 5, et II Paral. xxvi, 21). Quoniam claruit cathedralm pestilentiae ad impietatem supradictam pertinere, reliqua prosequantur. Adjectit enim : *Sed in lege Domini sunt voluntates ejus.* Ejus voluntatem in lege Domini dicit esse, qui spretis impiis et desertis peccatoribus, abnuens pestilentiae cathedralm, voluntatem suam in Dei lege statuit. Quamobrem beatum hunc dixit. Et sequitur : *Et in lege ejus meditabitur die et nocte.* Manifestum est, quia liber ab omnibus illecebris, et immunitus ab iis que Dei legi adversa sunt, nihil aliud quam in Dei lege exercitium facit, sacramentis Filii Dei confirmatus, in die bonis operibus insistit, et nocte orationibus. Hic est enim de quo dicit in Canticis canticorum, quia dormit et cor ejus vigilat (Cant. v, 2). Unde ait : *Et erit tanquam lignum quod plantatum est juxta decursus aquarum.* Quis ambigit cum qui in lege Dei meditatur, spem habere ad premium capiendum? Quia sicut lignum juxta aquam plantatum sterile esse non potest; ita et qui frequenti usu legi Dei studet, non potest ejus operis minime habere effectum. Et adjectit : *Quod fructum suum dabit in tempore suo.* Omnis plantatio bene gubernata fructum dat tempore competenter; sic et hic qui legi Dei obtemperat, fructum habebit tempore preflinto. Tunc enim hujus devotionis mercedem accipiet, cum cœperit Dominus Jesus Christus sedere ad judicandum vivos et mortuos. Dolinc subiectit : *Et folium ejus non defuet.* Manifestum est in arbore cuius folia non decadunt, vitam significasse. Humore enim recurrentis aquæ vegetatum lignum, folia continet sua. Nam et Dominus Jesus. Si in humido, ait, *ligno hæc faciunt, in arido quid fieri* (Luc. xxiii, 31)? In ligno humido vitam significavit et fructum. Sicut lignum ergo auxilio recurrentis aquæ siccitatem non sentit; ita et hic qui legi Dei studet, accende tentatione, præsidio Dei tutus non anittit, sed acquirit salutem, dicente Apostolo. *Quia per multas tribulationes oportet nos intrare in regnum Dei* (Act. xiv, 21). Et sequitur : *Et omnia quæcumque fecerit, prosperabuntur.* Aperatum est quod dicit, quia qui legi Dei sicut servat cupidus mandatorum ejus, felix sit in omnibus suis factis : sicut et Joseph, qui propterea quod timorem Dei presenti vita præposuit, omnia quæ agebat prospéra faciebat Deus in manibus ejus. Et subiectit : *Non sic impii, non sic.* Iteratio sermonis, non aliter omnino futurum significat quæ promittit, quia impiis

nihil prosperum erit in futuro, sed omnia adversa usque ad interitum eorum : unde ait, *Sed tanquam pulvis, quem projicit ventus a facie terræ.* Eodem modo dicit impios interire, sicut pulverem, quem spiritus projicit a facie terra ut pereat. Sublatus enim a substantia sua, per aërem dispersus paulatim deperit : ita et impii, ministris Angelis projecti a facie auctoris Dei, sine quo non potest vivi, interibunt. Et sequitur : *Ideo non resurgent impii in judicio.* Dignum est quod dicit. Utquid enim in judicio resurgent, qui nullum negotium Dei credi sibi maluerunt cuius redderent rationem? Spernentes enim Dei legem et negantes, non est unde præstant rationem, ut in judicio interrogati juxta legem sibi creditam præstant causas. Arrogantes ergo et rebelles in Deum inventi, ad hoc resurgent, ut videant verum esse quod credere noluerunt, ut pereant, quia Deum mendacem judicaverunt. Et adjectit : *Neque peccatores in consilio justorum.* In hoc psalmo, Psalmista trium hominum genera significat ; impiorum, peccatorum, et justorum, que ordine cœptus est error. Sed impii ab his alieni sunt, quia sub Dei decreto, sicut dixi, vivere noluerunt. Peccatores autem sub Dei lege agentes ante tribunal Christi sistendi sunt, segregati a justis ut acceptæ legis præstant rationem mandatorum¹, in quibus operam non dederunt, ut plus haberent laudis, quam vitiuperationis. Justi vero valde propensiōes in exercitio implendæ legis inventi, remunerandi sunt. Et subiectit : *Quoniam scit Dominus viam justorum.* Ilos scire dicitur Deus, qui memores præceptorum ejus bonis operibus insistunt, ut justi habiti coronetur. His autem qui immemores ejus circa curam animæ negligentes sunt, sic dicit, *Recedite a me; nescio vos, operari iniquitatis* (Luc. xiii, 27). Et sequitur : *Et iter impiorum peribit.* Unde Psalmus cœptus est, et terminatus, ut causa impiorum tractata, nulli alii quam perditioni docerentur obnoxii. Sicut enim dixi, idcirco dicitur Deus scire viam justorum, quia in lege ejus ambulant : iter autem impiorum, quia extra legem Dei est, peribit ; quia *omnes viæ impiorum tenebrosæ* (Prov. iv, 19), sicut dicit Salomon, piorum autem clarissimæ duce Christo Domino nostro.

DE PSALMO VIGESIMO TERTIO.

CXI (a). — Titulus Psalmi rationem ejus insinuat. De Christi enim Domini nostri sacramento locuturus, dominicum diem signavit, dicens, *Huius David prima sabbati* : cum enim dicitur, *Huius David*, ad eum pertinet, cuius hic David habet imaginem, de quo dicit propheta, *Et puer meus David pascat illos* (Ezech. xxxvii, 24). Prima autem sabbati, prima feria est. Post sabbatum enim primus dies dominicus est, affirmante Evangelio et dicente, *Prima autem sabbati venit Maria Magdalene et altera Maria ad sepulcrum*, etc. (Math. xxviii, 1). In dominico autem die, Salvatoris sacramentum significavit. Sed ut per rationem ordinis Psalmus exponeretur, a persona Dei Patris initium fecit, ut divinitatis sacramentum non sine ortu manifestaretur hominibus. Qui enim causam aliquam insinuare vult, nisi ejus caput et originem tecusat, non poterit proprietatem ejus ostendere, neque quis sit ejus veritas edocere. Itaque sic orsus est Prophetæ, et ait : *Domini est terra et plenitudo ejus.* Fidem rerum tenuit dicens : *Domini est terra et plenitudo ejus.* Autoritatem enim veterum sanctorum secutus est, qui terram et ea quæ sunt in ea ad Dominum Deum pertinere dixerunt. Et adjectit : *Orbis terrarum et omnes qui habitant in eo.* Ne forte minus aliiquid significasse putaretur, quia dixerat, *Domini est terra et plenitudo ejus*; secundum suum aperuit dicens, *orbis terrarum et universi qui habitant in eo* : ut doceret omnem omnino terram Domini esse, et quæ sunt in ea, ut nihil esset exceptum quod non sit Dei. Sicut putant quidam haereticæ, qui secundum dictum apostoli Petri dominium Deo abnegant (II Petr. ii, 10), quorum ad conde-

¹ Ep. Luggd. Ven. Lov. sic legunt, *inconcessa*. In B. separatum, in *concessa* N.

Ms. Colbertinus, *præstant rationem emendandi*.

(a) Quæstio hæc deest in MSS. secundi generis

mimationem cuncta Dei esse, prophetica oracula docuerunt. Et sequitur, *Ipse super maria fundavit eam*; hoc est, quod in alio psalmo significavit dicens, *Terram super aquas tu formasti* (*Psalm. cxxxv, 6*): ut fidem testimonium sequeretur, ostendit quomodo fecerit. Num enim confusio esset rerum, et neque terra, neque aqua propriam haberet speciem, jussu Dei adunata est terra, et firmata super aquas, ut et terra et aqua haberent originis suae proprietatem. Unde in Regnorum libro vox est Dei dicentis, *Nonne aquas ego feci?* Et subiectit: *Ei super flumina preparavit illam*. Sic super omnina preparata est, dum intra se aquas conditas habet, quae quasi per venarum fistulas fluitantes prestant ei densitatem, ne penitus secca fragilis esset, et inutilis ad culturam. Radicibus enim nascentium vitalem prstant effectum, simulque locis aridis siti auxilio sunt. Et ut professionem sine bona vita non valde proficeret ostenderet, ait: *Quis ascendet in montem Domini, aut quis stabit in loco sancto ejus?* Proponit qualis debeat esse qui Deum cretorem profitetur; ne quia puniendos ostendit, qui, sicut dixi, dominium Deo abvegant, ii qui confluent immunes se a pena scirent non esse, si recte minime versarentur. Montem ergo Domini dicens, cœlum significavit. Unde in alio psalmo dicit: *Levavi oculos meos ad montes, unde veniet auxilium mihi* (*Psalm. cxx, 1*). Locus Domini est ubi apparet. Dicitur autem ad Iesum Nave, cum Dominus ei apparuisset, *Locus in quo stas, terra sancta est* (*Iosue v, 16*): et Jacob ubi Deum vidit, *Hæc est*, ait, *domus Dei* (*Gen. xxviii, 17*). Et sequitur: *Innocens manibus et mundo corde*. Hunc dicit dignum ascendere in montem Domini, id est, in cœlum, aut stare in loco sancto ejus, si quis fuerit innocens operibus, et mundum cor habeat in causa Dei, id est, fidei. Huiusmodi enim potest in cœlum ascendere, et stare in loco sancto ejus. Defunctus enim hac vita ascendit in cœlum. Deinde dum civitas Jerusalem in adventu Domini descendit de cœlo, dignus erit stare ubi iudicaturus est Dominus de vivis et mortuis quasi innocens: impii autem et peccatores indigni erunt stare in loco sancto iudicij Dei, quia resurgent impii ad perditionem, peccatores ad paenam. Nam si vultum Moysi glorificatum descendentes de monte filii Israel peccati causa videre non poterant (*Exodus. xxxiv, 29, 30*); quanto magis ipsum gloriæ Dominum in throno majestatis suæ sedentem, conscientia delictis obnoxia formidabit aspicere? Audient enim, *Non novi vos, operari iniquitatis* (*Math. vii, 23*). Et adjectit: *Qui non accepit in vano animam suam*. Nunc ipsa genera peccatorum tangit. Primo enim in loco, hic est innocens, et mundum cor habet, qui a fornicatione idolatriæ imminutus est. Ipsa est enim vanitas, cui se inclinat, animam suam subjugat corruptioni. Et sequitur: *Nec juravit proximo suo in dolu*. Duas causas memoravit, quæ sunt principales, Dei et proximi; quia qui in his idoneus fuerit, sine dubio et in castis probatus habebitur, dicente Domino, *Dileges Dominum Deum tuum ex toto corde tuo, et ex omni virtute tua*. *Hoc est primum mandatum*. *Et secundum est simile illi, Dileges proximum tuum sicut te ipsum*. In his duabus mandatis tota Lex pendet et Prophetæ (*Math. xxi, 37-40*). Quis ergo ex toto corde Deum diligens legem ejus non servet? Aut quis habens proximi charitatem, peccatis studeat? quippe cum causa timoris Dei diligit proximum. Et subiectit: *Hic accipiet benedictionem a Domino, et misericordiam a Deo salutari suo*. Nunc quod meritum est ejus qui in causa Dei et hominis, creatoris et proximi, fidem habuerit et dilectionem, ostendit: quia et benedicetur a Domino, ut commendatus appareat, et in his misericordiam consequetur quæ implere non potuit. Nec enim tam circumspetus potest aliquis esse, ut nusquam erret; sed quia in magnis sollicitus et fidelis inventus est, et in minimis misericordiam accipiat a Deo suo. Qui ideo salutaris dicitur, quia non vult inorientis mortem, sed ut convertatur et vivat (*Ezech. xviii, 32*). Et sequitur: *Hæc est generatio querentium Dominum, querentium faciem Dei Jacob*. Unam dixit esse generationem re-

quirentium Deum, et querentium faciem Dei Jacob, quod non est otiosum. Quamvis enim utrumque bonum sit, duos tamen gradus his dictis significavit. Bonum est requirere Deum, plenum est autem bonum querere faciem Dei Jacob. Digniores enim sunt, qui ante faciem judicis sunt. Horum ergo meritorum haec est generatio: quia ut ad hoc veniatur, innocentia facit et puritas cordis; sicut iterum ut ad malum possit veniri, praecurrit iniquitas atque iniquitas. Quia due generationes sunt: una est ex parte iniquitatis, quæ est mater Cain; altera ex parte justitiae, que est mater Abel: hæc in fide consistit et bona conversatione, illa in perfidia et obliquis operibus. Istæ sunt duæ leges, boni et mali, Dei et diaboli; et quam secutus quisque fuerit, ejus appellabitur filius. Ac per hoc requirentium Deum generatio hæc est, fides in Deum, et dilectio in proximum, sicut supra diximus. Quia enim fidem habet in Deum, semper ejus querit auxilium; nec hominibus injustum se præbet, qui Deum vult habere propitium. Cujus signum hoc est cum dicatur, Deus Jacob, quia notus in Judæa Deus (*Psalm. lxxv, 2*). Sed quare ejus faciem querere dicuntur, cum audierit Moyses, quia, *Non, inquit, videbitur tibi facies mea* (*Exodus. xxxiii, 20*)? Si ergo et Moyses faciem Dei quæsivit, et videre non potuit; frustra hi querere dicuntur, quia meliores Moyse non sunt. Sed ne mo frustra faciem Dei querere dicendus est; quia ideo faciem Dei dicuntur querere, ut sciatur, quæcumque quærunt quia digni sunt et videre. Omnis enim qui queritur, tunc cognoscitur si facies ejus videatur. Sed quoniam a mortalibus facies Dei videri non potest, significatio hæc pro facie est, cum dicatur, Deus Jacob. *Diapsalma*. Diapsalma hoc in loco personæ significat mutationem. Post enim illa quæ ad Patris Dei personam pertinent, subiungit ea quæ ad Filii Dei pertinent sacramentum, ut ordo integer conservetur Patris et Filii. Nam data est Lex per Moysen, ut quasi paedagogus esset hominibus, erudiens et præparans eos magistra justitia, ut digni fierent ad expiandum (*a*) annum Domini et diem retributionis; ut qui sub sic futuri Christi fideles fuissent, susciperent eum, et possent Adæ peccatum effugere, de suis securi, quia adventus ejus quem speraverunt, datus esset illis misericordiam de iis in quibus subreptum est illis ut delinquerent. Hoc est quod superius memoravit, dicens, *Accipiet misericordiam a Deo salutari suo*. Dicit ergo: *Tollite portas, principes, vestras*. Hæc vox sanctorum est Angelorum, de quibus dicit in Evangelio, quia *accesserunt, inquit, Angeli, et ministrabant ei* (*Matthew. iv, 11*). Hi ergo dicunt ad principes et potestates adversus quos nolis collectatiq[ue]m dicit esse Apostolus (*Ephes. vi, 12*), ut tollant portas principis sui, id est diaboli, qui est princeps principum in errore constitutorum, per quas itur in gehennam. Hæ portæ perfidia est et fallacia idolatriæ. Et sequitur: *Et elevamini, portæ aeternales*. Fides et spes cum charitate portæ sunt aeternales, quia non potest aboliri quod per veritatem predicatorum. Illæ autem portæ, quæ dixi perfidiæ esse et fallaciæ idolorum, temporales sunt, quia omne mendacium non permanet. Manifestata enim veritate interibit. Docentur ergo ut tollant portas principissui tenebrarum, id est, ut anno multorum deorum errore, unius Dei fides introducatur in Christo. Hec est quod se Apostolus edocero missum testatur, ut non solum ostendat hominibus, sed principibus et potestatibus in celestibus mysteriis Dei unius in Christo (*Id. iii, 8-12*). Et subiectit: *Et introibit rex glorie*. Tollendas dicit fallaces portas diaboli subtilitate compositas, quæ sunt presumpcio, per quam deum se existimavit, ut introcat rex glorie, qui est Christus Jesus Dominus noster. Nullius enim mentem Dei fides ingreditur, nisi tulerit a se errorem diaboli prævaricatione inventum. Et principes supra memorati non possunt in unius Dei fidem Christum regem recipere, nisi projecterint a se traditionem per quam uni Deo importatur calumnia; non solum ter-

(a) Forte, expectandum.

rena, sed et ea quæ in coelestibus usurpata est a principe principum satana: quia illuc errorem quem inter se conspiraverunt, ut auctore diabolo deos se dicerent, etiam hic in terra disposuerunt, ut hic error illius imago sit. Et sequitur: *Quis est iste rex gloriae?* Ne supervacue forte Christum regem gloriae dicere putaretur, interrogantus ponit personam et dicentis, *Quis est iste rex gloriae?* Quasi admiretur aut doceri se velit, an verum est et condignum dicere Christum regem gloriae. Et ideo responderunt ei: *Dominus fortis et potens, Dominus potens in prælio,* ut hoc subiecto non nudis verbis, sed cum testimonio regem gloriae Christum addisceret. Virtus enim et potentia qua subegit et pressit diabolum cum satellitibus ejus, haec ostendit illum regem esse gloriae. Et adjectit: *Tollite portas, principes, vestras, et elevamini, portæ aternales;* hoc est, quoniam virtutis testimonio, cui contradic nefarium est, didicistis dignum esse Christum dici regem gloriae, auferre errorem de mentibus vestris. Et quod ait, *Introibit rex gloriae,* ostenditur quia non possunt participare cum fide Christi, nisi ab omni immunditia idololatriæ emundaverint corda eorum. Nisi enim innovatus fuerit homo, non intrabit Spiritus sanctus in eum. Et sequitur: *Quis est iste rex gloriae?* Iteratio ista confirmationem facit. Omne enim quod novum auditur, non concipitur corde nisi iteretur. Admirationem autem et stuporem facit, cum dicitur quod auditum est nunquam. Et adjectit: *Dominus virtutum ipse est rex gloriae.* Eadem repetendo docet rite dici hunc regem gloriae, qui sit Dominus virtutum. Non immerito enim rex gloriae appellatur qui virtutibus dominatur. Unde Apostolus: *Si enim intellexissent, ait, nunquam Dominum majestatis crucifixissent* (*I Cor. ii, 8.*).

DE PSALMO QUINQUAGESIMO.

CXII (a). — Quinquagesimus Psalmus hic positus est, non pro temporis ordine, sed ratione. Titulus enim ejus non numero, sed ratione subjectus est. Quantum enim ad historiam pertinet, anterior est quam tertius. Prius enim a propheta Nathan delicta causa correptus est, quam insurgeret contra illum filius ejus Absalon, ut eum velle et vita et regno privare. Hæc ergo causa est ut quinquagesimus ponatur, quam constat ex Lege descendere. Illic enim cantum est quinquagesimum numerum remissionem habere. Est enim post septem septimanas primus typum habens dominicus dici: quia sicut post septem dies, primus dies ipse est qui initio factus est, qui semper finita septimana dies primus est; ita et post septem septimanas quinquagesimus numeratus, in mysterio primus est, qui duplice genere dominicus dies appellatur: primum quia initio factus a Domino est, qui semper in se conversus per curricula impleta septimana primus est; deinde quia in eo resurrexit Dominus, triumphata morte, dominicus etiam dics nuncupatur. Non immerito ergo in quinquagesimo numero, quem in mysterio primum significatum advertimus, remissio continetur. Denique Lex quinquagesimo die data est. A profactione enim filiorum Israel ex *Ægypto*, quadragesimo et octavo die ablui jubentur, ut biduo purificati, tertia die parati essent ad Legem accipiendam (*Exod. xix, 10, 11*). Quæ ablutione quid aliud indicat, quam remissionem factam in quinquagesimo die, ut purificati Legem acciperent? Ex quo de cetero præteritis obliteratis, actus sui redderent rationem secundum creditam sibi Legem. Hac etiam ratione possessionem emptam quinquagesimo anno remitti debere præcepit Lex (*Levit. xxv, 10*). Hinc est ergo unde et Psalmus quinquagesimus intitulatus est. In hoc enim rex David remissionem postulat secundum prædictum sensum; unde ait: *Miserere mei, Deus, secundum magnam misericordiam tuam.* Sciens rex David graviter se peccasse, sic postulat dicens: *Miserere mei, Deus, secundum magnam misericordiam tuam.* Magna enim misericordia tunc est, cum grandia ignorent precati. Et adjectit: *Et secundum multitudinem miserationum tuarum, dele iniquitatem meam.* Ut in-

(a) Deest in MSS. secundi generis.

nifestaret acerbe se deliquesce, peccatum suum iniqutatem appellat, quia iniquitas non leve peccatum est; et qui delet iniqutatem, hoc est, non imputat, miseratione abundat. Nihil ergo in causa sua excusare nititur, ut non solum animum sibi judicis mitiget, sed et faciat condolere. Commovetur enim animus ad misericordiam, quando videt reum sic sua consiliteri peccata, ut ostendat dolere sibi quia peccavit. Qui enim non dolet, irridere videtur judicem; quia ideo precatur, ut evadat iterum postea eadem facturus. Et sequitur postea: *Usqueaque, inquit, lava me ab iniquitate mea, et a peccato mo munda me.* Quoniam multam miserationem Dei predicit, penitus se mundari precatur, ut nihil maneat deficti aut in justitie in eo, unde suspectus sit. Et ut hoc ipsum obtinere possit vel impetrare, adjectit: *Quoniam iniquitatem meam ego cognosco, et delictum meum coram ¹ te est semper.* Quoniam graviter scit se peccasse, sollicitus est ne non totum ei remittatur. Considerans enim magnitudinem peccatorum suorum, timet, sciens gravia peccata non facile ignosci; ac per hoc cum fletibus constetur, peccatum suum ante oculos habens, ut ex omni parte propitium sibi faciat judicem. Scit enim scriptum esse: *Dic prior iniquitates tuas, ut justificeris* (*Izai. xiii, 26*). Et sequitur: *Tibi soli peccavi, et malum coram te feci.* Nunc ex alia parte culpe sue medelam prospicit, ut ad effectum postulationem dedit. Hac enim prosecutione in prima causa innocentem ² se dicit: nam qui alteri Deo peccat, inimicus est auctoris Dei. In locum enim ejus alterum eligit, cui auctoritatem ejus adscribat. Unde hic ab hac se iniquitate alienum ostendens, *Tibi, ait, soli peccavi, et malum coram te feci:* hoc est, quia tibi, et nulli alii quem Deum per errorem dicerem, peccavi, minor mea culpa est quam caeterorum, qui sunt perditioni obnoxii. Non enim iniplus sum; sed peccator, quia non in te, sed in legem tuam peccavi: nec te negavi, sed te Deum et Dominum constens, in hominem peccavi. Ergo quia in illa quæ tua propria causa est, reus non sum, ignosc quod in conservum peccavi. Sic enim peccavi, ut honorificentem nominis tui nec negarem, nec alteri darem. Fuit itaque unde commoveretur ad misericordiam judex. Cum enim multi in illum peccent, quos etiam hortatur ad se converti, dum si qui non in illum peccant, ex aliis tamen causis veniam postulant, liberter admittit. Semper enim Dominus ad auxilium suum vult confugere servos suos. Unde adjectit: *Ut justificeris in sermonibus tuis, et vincas cum judicaris.* Misericordiam postulans, Deum justitiam suam non immutare precatur, cum soleat media esse justitia, ut non peccantibus et peccantibus æqua sit, id est, ut unicuique reddit secundum opera sua: sed non ignorat quid postulet vir innocens in Dei sacramento. Sciens enim Deum frequenter in Lege dixisse, quia misericors, inquit, *sum ego Dominus Deus vester* (*Exod. xxii, 27*); inde rogat ut haec fides maneat, et in sermonibus suis Deus justificetur, dum in eo permanet quod locutus est, nec peccalis hominum vincitur, ut non misereatur. Scientes enim qui peccant, quæ promisit Deus beato viventibus, et quia in eo perdurant, judicant illum mendacem. Non enim credunt male vivendo vera esse quæ promisit. Idecirco petit rex David ut vincat hoc Deus quod putant homines, et det quæ promisit; ut erubescant qui dum non servant mandata, judicant illum non daturum. Et sequitur: *Ecce enim in iniquitatibus conceptus sum.* Nunc hoc adjectio causam iniquitatis humani generis memorat, quia facile est homini peccare, ut examen circa se judicis mitiget. Primum enim culpe ³ facit mentionem, ex qua prævaricando Adam genus humanum obnoxium fecit peccato. Suas enim et fallacia inimici iniquitatem concipiendo, omne semen suum iniquitati subjicit, ut ex eo omnes per traducem geniti peccato essent obnoxii. Propterea adjectit, *Et in delictis concepit me mater mea: ut ad*

¹ Ms. Colbert., contra me.

² Editi, nocentes; et infra, alteri a Deo. Sequuntur MSS.

³ Ms. Colbert., cause.

Adam derivatio facta peccati, conceptis et natis impedimento esset ad bonam vitam agendum; ac per hoc supplici non negandam misericordiam, quia infestum ¹ habet hostem, qui ei suadet ut peccet. Per peccatum enim diabolus subiecto sibi primo homine potestatem accepit carni ejus se immiscere, et delictorum quadam subtilitate oblectamenta suggerere, per quod captum hominem spolet vita. Quam rem magister gentium memorans, *Videò autem, inquit, aliam legem in membris meis, repugnante legi mentis meae (Rom. vii, 23).* ut hoc contuens iudex, dolenti circumuento porrigit manum. Et sequitur: *Ecce enim veritatem dileristi.* Quia ergo veritatem diligis, inquit, subveni roganti, et quem scis vera pectoris sui impedimenta expondere, cuique reo olim motus misericordia subvenire decrevisti, ut errorem admissum in terra, coelstis providentia emendaret. Propter quod subiecit: *Inculta et occulta cordis manifestasti mihi. Incerta et occulta cordis haec significat, quae Deus ad præsidium humani generis procuravit, sicut et Apostolus, Quod oculus, inquit, non ridit, nec auris audiit, nec in cor hominis ascendit, quae præparavit Deus dilgentibus se (1 Cor. ii, 9).* Qui sunt qui diligunt Deum, nisi qui legi ejus consentiunt, non celando vel excusando peccata? Hic ergo occulta cordis manifesta sunt diligentibus Deum, ut quia dolebant se delicitis circumveniri, ne correpti negarentur, sibi et origini sua imputantes, in auctorem Deum transferentes quae peccabant: corda eorum illuminata sunt spirituali corusco, ut viderent Dei providentiam in Christo, quia venturus erat ad damnandum peccatum, quod ex prævaricatione Adæ humano generi impeditabat. Hoc ergo orat rex David, ut quod decreverat Deus in futurum, videns genus humanum laborare, sibi prius subveniret in eadem necessitate constricto, in qua omnibus se decreverat subventurum; ut donum quod gratitudinem futurum erat, et ante tempus dari non poterat, huic pro prece et lacrymis concederetur. Quod quomodo fiat, non tacet dicens: *Asperges me hyssopo, et mundabor. Recete aspersione hyssopi petit se mundari.* De hoc enim filii Israel postes suos sanguine liniverunt, ut tui præstarentur a morte (*Exod. xii, 22, 23*): ita et hic aspersione hyssopi orat mundari se a peccatis, ne tangatur a morte. Et sequitur: *Lavabis me, et super nivem dealabor. Manifestum est, quia sanctum Dei distat a facto homini: ideo super nivem, inquit, dealabor, quia quod Deus fecit, multo melius est quam quod fecit homo.* Propter eas aspersione hyssopi petit se mundari, ut sicut carnale corpus aqua abluitur, ita et per hyssopi significationem, spirituali ratione animalium maculae ablinuantur. Aspersio enim hyssopi, instratio quedam est; ut per id quod visibile est, invisibiliter emundetur. Et sequitur: *Auditui meo dabis gaudium et letitiam.* Dubium non est, quia vox prædicantis remissionem, gaudium præstat peccatoribus. Quis enim non lactetur, cum audit dari indulgentiam? Cum enim Deus remittit, et in praesenti et in futuro securus est. Propterea *consultabunt ossa humiliata.* Duplici genere sunt ossa humiliata: quia et ut peccaret humiliatus est; nemo enim peccans exaltatur; et ut postea supplex veniam imploraret. Nam utique in cilicio et cinere volutatus misericordiam precabatur, quam obtinens elevatus est mentis exultatione et corporis refactione. Et subiecit: *Averte faciem tuam a peccatis meis, et omne iniquitates meas dele.* Hac forma remissionem postulat, sicut constitutum erat in futurum per fidem Christi, ut Salvator qui ei spiritualiter est promissus, ab ipso inciperet cuncta conversis donare peccata. Cujus enim non respiciuntur peccata, et omnes delentur iniquitates, non habet unde reus constituantur, et inimicorum ejus ora clauduntur. Qui enim non respicit peccata, non illa imputat. Hoc est cuius avertere faciem

a peccatis aliquius, accusationem contra eum non accipere. Et quid est hoc, ut cum de duobus peccatis correptus sit, hic addat de multis se accusando? et cum audierit a propheta Nathan quia ignotum erat ei, quare sic postulat sedula prece, ut possit ad veniam pervenire, nisi quia non suam solius causam agit, sed sub accusatione ¹ peccati sui, totius populi miseras narrat? Sibi enim reformationem precatur, quia cui ignoscitur, non est sine rubore, nisi loco suo fuerit redditus, ut dignitas loci ruborem excusat: ceteris autem beneficium Dei, quod ad cuncta peccata ablenda futurum erat in Christo significavit. Et sequitur: *Cor mundum crea in me, Deus, et spiritum justum dedica in visceribus meis.* Hoc est bona mente misericordiam deprecari. Non solum autem de præteritis rogat, sed etiam de futuris sollicitus est, ut peccator intendens odisse peccare ne peccet ², adjuvetur a Deo per spiritum justitiae quem orat dedicari in visceribus suis; id est, ut novus ad hoc ponatur in eo, ut custodiat eum a peccatis, ne cogatur facere quod scitur nolle. Cor autem mundum sic potest habere, si neque in us, neque foris delinquit; hoc est, neque in opere, neque in cogitatione. Quod quia prope impossibile est ut in omnibus servetur, vel in Dei causa servandum est, quae principalis est, ut mundum cor in sacramento Dei et Christi custodiatur, dum fides eorum inviolata servatur; quia et in alio loco dicitur, *Quis gloriabitur mundum se habere cor, aut immunem esse a peccatis (Prov. xx, 9).* Denique rex David mundum cor habuit in causa Dei, quia neque auxilium aliquando a vanitate quæsivit, quae est idolatria, neque aliud a Deo sibi præceptum non implevit. Ideo de ceteris adjecit ³: *Ne projicias me a facie tua, et Spiritum sanctum tuum ne auferas a me.* Hic sensus est, quem supra memoravi, quia securus de venia, sollicitus est de reformatione. Cui enim ignoscitur solun, solet a facie Domini secerni. Quamvis enim non in illo vindicetur, in animo tamen Domini vel judicis facinus ejus deletum non est. Ideo orat, ut penitus peccatum ejus deleatur, et dignus sit accedere ad faciem Domini, et iterum prophetare; quod ei factum est. Hoc est enim quod dicit: *Et Spiritum sanctum tuum ne auferas a me.* Hic est spiritus Prophetarum. Et sequitur: *Redde mihi latitiam salutaris tui, et Spiritu principali confirma me.* Latitiam dari sibi postulat, quae promissa erat in Christo, ut omnibus maculis abluitus et reparatus, letatus esset in salute quæsita; nec a motus, sed confirmatus in regno a Spiritu sancto. Quem ideo principalem dixit, quia super omnem creaturam est, per quem reges regnant. Et subdit: *Doceam iniquos vias tuas, et impii ad te convertentur.* Hoc dicit, ut in eo discant iniqui pietatem Dei, qui confitentes sibi suscipit peccatores et promovet; nec impios conversos negligit, sed hortatur dum aliis miseretur. Et sequitur: *Liber me de sanguinibus, Deus, Deus salutis meus.* Hoc dicto ostendit peccatum suum morte dignum, ut Dei misericordia quanta sit, predictum. Per hoc enim etiam alios provocat confugere ad Dei clementiam. Unde subiecit: *Exultabili lingua mea justitiam tuam, Domine.* Gaudere se dicit in justitia Domini, quia in eo permanet quod promisit dicens: *Misericordiam autem meam non movebo ab eis (Psal. lxxxviii, 34).* Lætus ergo David rex et securus in hac parte, Dei sui justitiam prædicat. Et sequitur: *Lobia mea aperies, et os meum annuntiabit laudem tuam.* Sic labia ejus aperit, dum subiectum illum esse non sinit causa peccati. Liberati enim os patet; peccator autem clausum est os: puluore enim et metu corruptus loqui non audet; absolutus autem et liberatus tripudians prædicat laudem judicis. Nam et Apostolus sicut i se testatur, propter quod ab hominibus liber esset, *Os nostrum, ait, patet ad vos, o Corinthii (II Cor. vi, 11).*

¹ Ms. Colbertinus, occasione.

² Sic Ms. At editi, immo.

³ Ms. Colbertinus, ne peccator tendens odisse peccare se adjecetur.

⁴ Ms. Colbertinus: *Ideo rideris de ceteris. Et adjecit.*

¹ Ms. Colbert., insertum. Et mox idem vetus codex, peccatum enim quod est diabolus.... potestatem accepit carni ejus inservire, et dilectorum, etc.

² Ms. Colbert., nec correpti negabant.

Et adject: *Quoniam si voluisses sacrificium, dedissem utique. Hoc de comperto toquitur, sciens sanctum Samuel dixisse ad Saul regem, qui cum peccatum suum non dolore mentis, neque lacrymarum miseratione, sed sacrificii oblatione oblitterari putaret, Non vult, inquit, Deus sacrificium magis quam audiri vocem tuam* (I Reg. xv, 22); quia hujusmodi sacrificia damnum possunt facere, non tamen Deum placare. Deus enim sic placatur, si anima peccati sui memor in tribulatione et moerore cordis, delleat quod peccavit. Et sequitur: *Holocaustis non delectaberis. Nec delectatur holocaustis Deus, sed in hujusmodi causis. Ipse enim animus pro se satisfacere debet, non se de foris redimere. Nam ista adjutoriorum praestare possunt. Animus enim sicut oblectatus est in peccatis, sic tribulari debet in poenitentia, et tunc delectabit Deum delere ejus peccata. Unde subjecit: Sacrificium Deo spiritus contributatus: cor contritum et humiliatum Deus non spernit. Ostendit quale sacrificium pro peccatis Deus suscipit; quia non poterit Deum placare, nisi qui latitus est contra salutem, contributatus fuerit corde, et sic reparetur ad vitam. Denique omnis inquietus, vel indisciplinatus frequenter incurrit, ut membra corporis laedat, quæ utique non sine dolore possunt sanitatis recipere medicinam: sic et peccatores non possunt peccata sua redimere, nisi dolorem senserit animus qui peccaverit. Iloc enim justum est, ut quia contra rationem gavisus est, secundum rationem patiatur moerorem. Et sequitur: Benigne fac, Domine, in bona voluntate tua Sion. Sion dicens Ecclesiam significat, ut perseveratio nostra non improbabilis videatur, cui ut impletus Deus promissum suum, suggestit, sciens se tunc plenam remissionem accepturam, cum quod decrevit Deus in Christo impleverit: id est, ut ab omni peccato liberentur sperantes in salute promissa; quia non solum a propriis, sed ab Adæ peccato quod per traducem in omnes pervenit, liberabuntur per Christum. Et adject: Et ædificabuntur muri Jerusaleni. Numquid destructi fuerant? Sed muros Jerusalem dicens, Ecclesiam significat, quæ per fidem in Christo disposita erat construenda. Cujus muri esse sancti homines intelliguntur, docente nos Apocalypsi Joannis apostoli; quia et Jerusalem civitas et muri ejus servi Dei sunt intelligendi (Apoc. xxi, 12). Sciens etiam per Christum rex David promissum, quod futurum erat implendum ad liberationem servorum Dei, orat ut impleteatur; id est, ut per fidem ædificetur Ecclesia, et liberentur sperantes de hac fide salutem. Et sequitur: Tunc acceptabis sacrificium iustitiae, oblationes et holocausta. Iloc dicit, quia oblationes et holocausta tunc accepta sibi habebet, cum esset Ecclesia sedisfacta; et non passim aut secundum omnem consuetudinem, sed sacrificium, inquit, iustitiae acceptabis. Justum est sacrificium, cum condignum munus offertur: porro autem nihil est tam justum sacrificium et condignum, nisi ut nos ipsos offeramus Deo. Quia enim Deus spiritus est (Joan. iv, 24), spiritualia illi offerenda sunt sacrificia, ut vivo viva hostia offeratur. Quia enim dixerat, in causa peccati sacrificii carnalibus Deum minime delectari, ostendit futurum, quia spiritualiter Deo offerendum erat, et acceptaret; quia haec Deo digna sunt sacrificia: hoc est, in præterito minora fuerunt, quia carnalia; nunc majora, quia spiritualia. Et adject: Tunc imponent super altare tuum vitulos. Si cessantibus pristinis sacrificiis, spiritualia successura sacrificia significavit, quid est ut diceret, Tunc imponent super altare tuum vitulos: nisi quia per haec corporalia spiritualia significat; quippe cum dixerit, quia carnalibus non delectatur? Vitulos ergo dicens, populum novellum significavit, Christi fide renatum, cuius devotione quotidie super altare Domini delibatur. Qui enim de Ecclesia intelligitur locutus, sacrificia quoque ejus spiritualia significasse debet intelligi.*

¹ Ms. Colbertinus, asseveratio.

CXIII. (a) — Cur Filius Dei missus sit, et non alius?

Quanquam omne quod facit Deus, rationabiliter et providenter factum credendum sit; melius tamen puto, si post fidem etiam causa facti possit adverti, ut quod creditur, non ignoretur. Unde Dominus ait: *Hæc est autem vita æterna, ut cognoscant te solum verum Deum, et quem misisti Iesum Christum* (Joan. xvii, 3). Primum enim credi debet, sicut a Prophetâ dictum est, deinde sciri quod creditur: quia jam fidem et in hac re diligenter adjuvat Spiritus sanctus, ut cognoscens intelligat fidei rationem. Tunc enim plenum habet gaudium creditualis suæ, si quod credit intelligat. Hoc est enim fides robur, hoc immobile fundamentum creditualis, addiscere sacramentum. Ubi enim sola fides est, non est tam mera devotio, et potest aditum habere subreptio. Unde vas electionis ideo laborat, ut credentes fidei suæ rationem ediscant. Cum enim cognoverint quantus sit cui se crediderint, et que sit ejus potentia, nullo pacto, nulla ratione ab ejus spe traduci se patientur. Unde dictum legimus, *Gustate, et videte, quoniam suavis est Dominus* (Psal. xxxii, 9): ut data opera cognoscant divinitatem ejus saporem, intelligentes nihil sapientius esse quam in Christum credere. Quoniam ipse Magister Gentium inter cetera ait, *In quo sunt omnes thesauri sapientiae et scientiae Dei absconditi* (Coloss. ii, 3): et iterum, *Scio, inquit, cui credidi, quia potens est depositum meum custodiare* (II Tim. i, 12). Igitur hic scit fidei suæ rationem, et non dubitat de potentia ejus, qui intelligit omnes thesauros sapientiae et scientiae in sacramento nativitatis et passionis et resurrectionis Christi esse absconditos. Manente ergo fide, diu mecum contuli, ut scirem cur Dominus noster de sacrâ et de coelestibus sedibus ad terram incarnatus ¹ venisset, et non alius, ex eis quos ipse Dominus sanctos Angelos vocat. Incongruum enim videtur personæ ejus hoc opus subiisse, nisi causa facti noscatur. Denique hoc est quod movet multos. Nam potuit Dei Patris provisio per alteram personam hoc negotium gerere, ut et hominibus in errore constitutis ostenderet veritatem, et diabolum præsumptorem et salutis invidum cum satellitibus ejus comprimeret, et expoliaret devictum. Quia pervicacia et irreverentia nequissimorum servorum, ministris famulis fuerat compescenda, ut non Dominus omnium rei sibi indignam experiretur. Neque enim antea vis et potentia est satanæ, ut per alteram potestatem ejusdem conditionis superari minime potuisset, cum constet Dei auxilio ipsum etiam ab hominibus vinciri. Nam quanvis impar sit, si ex terrenis sumamus exempla, tamen ex aliqua parte convenient ratione. Servum enim contra David regem rebellante, Joab conservus ejus missus est persecui et trucidare; et contra Absalon in patrem impium servis injuncta res est (II Reg. xx, 6, et xv, 14): quanto magis et tyrannidem diaboli vincendam unius de multis sufficerat efficacia; quippe cum legamus quia repugnans contra Michael archangelum perdurare non potuit, sed projectus in terram est (Apoc. xi, 7-9)? Iloc ergo mecum sapientiæ reputans, hoc solum sciebam, quia ideo ipse a Patre missus est, ne ad injuriam ejus pertinceret, si opus per eum factum, per alterum reformaretur: sed hoc scire minimum erat. Non enim satisfaciebat ad tam magnam et admirabilem causam, nisi et aliud comprehendenteret quod proliceret ad arcanum intellectum. Sic factum est, ut animadvertemus causam hoc poposcisse, ut sic veniret qui venit. Ipsum enim ratio tangebat, ut ad eum comprimentum veniret, qui dignitatem ejus et meritum usurpasset. Post Deum enim Patrem diabolus deus dici voluit, quod et nunc usque contendit, cum utique non illum res contin-

¹ Ms. Colbertinus, incarnandus

² Ms. Colbert., reformare.

(a) Quarstio hæc deest in MSS. secundi generis.

geret, sed esset hoc Filii Dei, qui post Patrem Deum secundus est, non natura, sed ordine. Ad hanc ergo causam agendam non aliud oportuit venire nisi Christum Dominum nostrum: qui non tantum ad comprehendendum diabolum venit, sed et manifestare seipsum omni creaturae: ut reprobata persona diaboli, hunc esse cognoscerent, cuius principatum et maiestatem præsumperat satanas; et de cetero cognita veritate relinquerent errorem, pro certo habentes Christum esse Dei Filium, qui solus Deus de Deo sit, et caput sive principium eorum omnium, sive que in celo sunt, sive que in terra: quia virtute et potentia, qua superavit tyrannum satanam, manifestatus est ipse esse, cuius imperium præsumperat impius diabolus, qui est satanas. Num enim voluit inique deus dici, ut dominaretur potentissimis spiritualibus (unde increparat a prophetâ dicente, *Tu enim, inquit, dixisti in corde tuo, Ponam sedem meam in nubibus, et ero similis Altissimo [Isai. xiv, 13, 14]*), multos decepit, quorum conspiratione princeps erroris est factus. Qui in Psalmo commonetur, ut rejicentes mendacium, suscipiant veritatem. Dicitur enim eis: *Tollite portas, principes, vestras; et elevamini, portæ aternales, et introibit rex gloriae*. Nisi enim tollatur error de mentibus incredulorum, non poterunt suscipere fidem unius Dei in Christo. Hoc enim edocentur, ut sublati portis per quas itur ad mortem, secundum perfidiam a diabolo ceptam¹, suscipiant fidei sacramenta per quæ itur ad vitam. Ista sunt enim quæ significat in aeternis portis; quia veritas fidei aeternitas est: perlidia autem temporalis est, quia mendacium ad inventio diaboli est. Diabolus enim ceptam prævaricationem in celis, seminavit in terris, multorum deorum suadens culturam, inter quos principatum haberet. Caput enim et principium voluit esse ceterorum, quod non ei debetur, sed Salvatori. Unde persequitur eum usque ad terram, ut comprimens eum ostendat erroris ejus prævaricationem manifestata in se veritate. Unde dictum est: *Veritas de terra orta est* (Psal. lxxxiv, 42). Projectus enim de celis, confudit ad terras, ut meditata divinitatem in supernis, exploreret in inferioribus. Unde dicit Apostolus: *Ita ut in templo Dei sedeat, ostendens esse quasi sit Deus* (II Thess. ii, 4). Quoquo enim modo desiderium suum implere vult et damuari: furore enim plenus minus putat esse damnari, quam non explore aviditatem erroris.

ADVERSUS PAGANOS.

CXIV (a). — Qua ratione Pagani adversus nos audiunt congregati, aut fidem nostram impugnare, se autem putent absolutos esse, non video. Quippe cum nulla habeant assertionum suarum documenta, superstitionis suæ magis dicam quam religionis. Nam quæcauta non habent, proferunt, ut ipsi potius novarum rerum auctores et defensores habeantur. Primo enim in loco deos se asservant colere: quorum nulla insignia, nulla dant testimonia. Illos enim deos appellant, qui se ausi non sunt hoc nomine nuncupare, ut homines auctores deorum habeantur, cum Deus auctor debeat esse hominibus: ac per hoc via et iniannis assertio est. Quidquid enim sine Deo est, stabile esse non potest. Manifesta enim esse quæ dico, probant libri eorum, in quibus nihil divinum, nihil Deo iubente legitur constitutum; sed singulos viros propter quasdam causas diversa asservant instituisse numinum sacrificia, ut ii qui nullius meriti videntur, ea ipsa quæ statuerant digne statusse probarentur. Quando ergo quos deos appellant, nihil horum mandasse leguntur; qua auctoritate bi faciunt, aut accepto ferri putant, quod non probant mandatum; cum si etiam mandatum probaretur, examinandum prius fuerat si dignum esset aut debitum his obediere, quorum nulla signa, aut prodigia, ad commendationem divinitatis in rebus

¹ Ms. Colbertinus, *ad mortem secundum, que sunt perfida a diabolo cepta*.

(a) Quæstio hæc deest in MSS. secundi generis.

gestis existent? Sed solent ab his exclusi ad elementa confugere, dicentes hæc se colere quorum gubernaculis regitur vita humana. A quibus, ut supra, requirimus si mandatum est aut jussum a Deo, quem etiam ipsi magnum et sumnum fatentur, et negligunt eum. Si enim fieri debet, ab illo mandari oportuit, qui auctor eorum dicitur. Si autem ab illo non est mandatum, præsumptio est, et ad poenam proficiet, non ad præmium; quia ad contumeliam pertinet Conditoris, ut contemptu Domino colantur servi, et spreto imperatore adorentur comites. Quomodo istud impunitum erit, quod etiam in hac vita vindicari, et quidem acerbius, videamus? Sed si forte ab ipsis elementis dicant mandatum, ostendant alicubi præceptum, legant aliquando aliquid illa locuta. Quod si non ostendunt, qua poena digni sunt, qui auctores præsumptæ et conflictæ religionis deteguntur? Libera sunt ex hac impietate elementa. Ipsa enim luminaria mundi accusabunt illos apud judicem Deum, quia in hac consilii vanitate minime se auctores ostendunt. Similiter et illi quos cum constet homines fuisse, deos nuncupant, cum coeperint pro peccatis suis cruciari, in hac parte minime se reos esse defendant, in hos crimen hoc retrorquentes, quibus cum hoc non mandassent, ut deos illos colere coeperunt. Igitur quo pudore fidem nostram reprehendant aut irridendant poterunt, quorum legem virtutum testimoniis fultam, neconon et ipsius Domini ac Dei nostri relegunt vocem dicentis, *Ego sum Deus, et non est alius præter me* (Isai. xlvi, 21, 22)? Quod si nudis verbis diceret, non erat ei credendum, ne similes Paganis videremur, qui nulla deorum suorum signa majestatis videntes, colere eos coepérunt; et, quod peius est, in honesta. Turpia enim illic aguntur, quæ pudoris est revelare, et prudentes se appellant, quia de lege sua sicut a Samardaco illuduntur. Porro autem Deus noster teste virtute coli se mandavit: et ut nihil suspiciorum relinquere, legem ipsam honestam et sanctam, ut et Deo dignum est, tradidit. Nos vero qui stulti a Paganis dicimus, Deo nostro non credidimus, nisi nobis satisfecisset etiam testimoniis virtutum; nec legem ejus suscepimus, si non illam puram et ipsa professione dignam cognovissemus. Hinc est unde nihil apud nos in tenebris vel oculi geritur. Omne eniū quod honestum scitur, publicari non timetur: illud autem quod turpe est et dishonestum, prohibente pudore non potest publicari. Quamobrem Paganī mysteria sua in tenebris celebrant, vel in eo prudentes. Erubescunt enim palam illudi: piacula¹ enim quæ illic vice legis aguntur, nolunt manifestare, ne qui prudentes se dicunt, hebetes his videantur quos stultos appellant. Sed ne forte binc illis stulti videamur, quia lex nostra castitatem, misericordiam, pietatem, continentiam prædicat: apud illos eniū haec stulta sunt, quia omnis bonus malo malus est, et prudens stulto insensus est. Nam in tantum castitatem exscrutarunt, ut etiam cinedis delectentur, magisterio eorum subjecti; qui nisi tales fuerint, idonei non erunt ipsi, si dicendum est, religioni. Propterea enim absconduntur, et habitum immutant, ut de viris quasi feminæ siant, et contra naturam subjecti mulierbia patiantur, et tunc deum apti et digni sint ministri superstitionis illorum. Numquid accusari potest hujusmodi, quem lex facit talēm? Ideo enim amissio viri et actu et habitu in mulierem transformatur, ut licenter mulierbia patiatur. Quæ ergo putantur esse mysteria, ubi de honesto dishonestum sit, et de incorrupto corruptum, cum hic sit vere cultus religionis, qui de turpibus honestos facit, de indisciplinatis modestos? Quomodo cultores ejus amuli possunt esse bona vita, quando mysteria legis eorum sine cinaidis celebrari non possunt? Si ergo lex eorum his delectatur, peccator erit et stultus quisquis non fuerit talis. Ideoque stultos nos appellant. Coientes enim hæc turpia, prudentes ab his judicantur; evitantes autem et fugientes,

¹ Ms. Colbertinus, *turpia*.

stulti. Quod quidem callide et astute ab ipsis videtur aptatum. Idecirco enim legi sue applicant nomen prudentiae, ut contegant reprehensibilia ejus; quia ubi prudentia, reprehensio nulla est. Nostram autem legem stultam dicunt, ut prohibeant ab ea. Sed sublati nominibus prudentiae et stultitiae, et submota omni invidia, quam parit defensio ambarum partium, ipsæ leges inter se confligant, ut appareat ubi sit prudentia, et ubi stultitia. Sed præsente signo crucis obmutescit Paganitas. Et si adest, quam vocant stultitiam, prudentia illa, sacra illorum respondere non audent. Reprimuntur enim extra illorum, et occultantur ob reverentiam christiane majestatis. Magna res est, ut illa quam vocant prudentiam, metuat illam quam appellant stultitiam. Conferamus nunc tenorem legum. Pagani deos deasque colere se etiam litteris profiterentur: et verum est quod dicunt, quia et masculos colunt et feminas. Janus enim et Saturnus, Jovis et Mercurius, et Apollo et ceteri, item Minerva, et Isis, et Fruxilla, et Venus, et Flora meretrix cum ceteris, dii deinceps sunt, sicut historie tam Gracorum quam Romanorum testantur. Christiani autem utpote pauperes, quos stultos vocant, unum Deum colunt in mysterio, ex quo sunt omnia: nec aliquid quod ab eo conditum est venerantur. Ipsum enim solum sufficere sibi et abundare sciunt ad salutem, non ignorantibus quia si gloriam et nomen ejus aliis depaverint, offendant eum; quia nullus imperator permettit ut eum nomine ejus tribuni et comites adorentur. Conferantur nunc leges, ut videatur ubi sit prudentia, qui Creatorem colit, an qui creaturam; qui Dominum, an qui servos? Potest fieri in aliqua domo ut præter unum alias dominus appelletur, ut pagani litteris forensibus instructi, qui sibi prudentes videntur, in uno mundo ab uno Deo condito multos deos deasque venerantur? Procuratores enim et auctores mundi deos et Dei nomine nuncupant, cum improvidi detegantur. Illud autem asserere quod perniciem parricidii, improvidi est et stulti. Quoniam necesse est Deum injuriam suam vindicare in eos qui conservis suis Domini Dei nomen et gloriam impertierunt. Dehinc considerentur precepta. Lex nostra quos stultos vocant, antistites et ministros idoneos, sine criminie, sanctos et irreprehensibilis præcipit ordinari: et contra autem Paganorum traditio antistites et ministros idoneos sibi esse non posse, nisi ex viris transfigurantur in feminas, ut licenter et publice mulierib[us] patiantur, et discussis in aqua inhoneste crinibus mollem quassatamque vocem et turpem emittant. Quod si publice facerent, ab omni populo lapidarentur. Et Cynocephalus ille, qui mutabundus² per omnia se circumfert loca, querens membra adulteri Osiris viri Isidis. Ecce quibus ministris sive magistris Pagani prudentie sibi nomen adsciscunt, cum non solum non prudentie sit, sed et criminis. Obscenæ enim et probrosa diligere sumestum est. Illud autem quale est quod inspeleo (^a) velatis oculis illuduntur? Ne enim horrent turpiter dehonestari se, oculi illis velantur: alii autem sicut ales alas percipiunt, vocem coracis imitantur; alteri vero leonum more tremunt; alii autem ligatis manibus intestinis pullinis, projiciuntur super forveas aqua plenas, accedente quadam cum gladio, et irrumpte intestina supra dicta, qui se liberatorem appellat. Sunt et cetera inhone-tiora. Ecce quantis modis turpiter illuduntur, qui se sapientes appellant. Sed quia breviter in tenebris patiuntur, putant posse nesciri. Ista enim omnia, que a malis et turpibus inventa et ordinata sunt in occulto, sancta fides christiana prodidit et detexit. Predicata enim fide, considerantes qui audiebant, quid boni et sanctitatis publice promitteretur, contulerunt se ad fidem, occulta illa inhonesta et turpis relinquentes, et quomodo per ignorantiam illius sint consitentes. Tunc enim jampridem omnes prope in hoc vertebarunt errore et idecirco sibi

¹ Ms. Colbertianus, *actores*.

² Ms. Colbertianus, *naturabundus*.

(a) Id est, *spelunca*.

prudentes videbantur, quia qui reprehenderet non erat. Nam quanquam omnes errarent sub uno fallaciis nomine idolatriæ, unusquisque tamen juxta mores suos et conversationem ordinavit culturam, ut unus error diversitatem haberet ex turpitudine et conversatione auctorum. Denique sacra, quæ Liberi vocant, inhonesta et vanissima sunt, et plena furoris. Difficile enim impurus non trucundus est: denique ubique cum Priapo depictus invenitur, cum quo inhoneste vivebat. Hoc modo sunt et cetera sacra corum: sed ut posteri his inventionibus caperentur, subtilitate et astutia factum est satane: quanquam non sine illius consilio ista inventa sunt; inventis tamen singulis, aspergit quedam præstigia, per quæ illiceret homines ad errorem. Et sic factum est ut per traducem antiquitatis commendare*ur* fallacia, et excusaretur turpis inventio. Per consuetudinem enim cœpit non turpe videri, quod turpe erat. Nam cum dehonestatur aliqui; primo erubescunt, postea blandiente consuetudine, recedit pudor mutata fronte, præcipue si moltos videant tales. Nam quæstus turpitudinis tunc est, quando ii qui nobiles dicuntur, dehonestari videntur: facile enim imitatores inveniunt honestata nobilitas. Si ergo jam porro pridem propter hoc prudentes sibi videbantur, quia cui foeda inventio hac displacebat, non erat; nunc quia Dei misericordia illustratum est genus humanum, et declaratum crimen esse quod pro lege credebatur, stultum autem quod putabatur prudentia inventum; vel ab hac appellatione cesare debent, permanere noientes in detecto criminis, cognoscentes nomen sapientiae a se alienum esse. Sed ut addant ad cumulum confessionis sue stultitiam, in stultitia deprehensi vocant fatuos, a quibus convincuntur. Sed fidem nostram et posteritatem accusant; in præceptis autem non negant nihil posse reprehendi. Qui fidem nostram accusant, non magis contra nos, quam contra auctorem nostrum suscipiunt. Nos enim stultos, qui quasi rei fatuæ fidem dederimus: illum autem mendacem et circumventorem, necon et malitiosum pronuntiant, qui fidem tradiderat per quam deciperemur. Credentes ergo prius quod vetus consuetudo tradiderat: in qua (quod non latet) diversi illi vanitatis, nullam spem soluti cognovimus. Quid enim poterat prædæsse res ab omnibus inventa? Ut autem ad fidem Dei accedemus, et Filium ejus incarnatum et crucifixum credemus, non verbis suasum est nobis, sed rebus. Videlicet enim mortuos suscitatos, leprosos mundatos, caeco nato oculos restitutos, daemona ejecta, et simul omnes infirmitates curatas. Nunc quando stulti sumus judicetur; cum nudis verbis credidimus, aut cum rebus? Sinc dubio enim res ante verba sunt; quippe cum ad res significandas inventa sint. Si ergo traditioni humanæ, nulla suadente virtute, quæ ad illudendas mentes hominum inventa est, fidem dedimus; quanto magis huic, quam divinam et deificam omnia signa quæ Deum invocant, contestantur? Nonne digne stulti judicemur, si virtutibus non credereamus, qui sermonibus credideramus? Nonne rationabiliter improvidi et inconsulti notaremur, si advocantem spem non sequeremur, qui desperationi fueramus obnoxii? Sed, aiunt et contra, stultum est quod creditur. Non enim rationi subsistit, Deum habere Filium; neque emortua et dissoluta corpora rursus reparari posse ad vitam. Omnes philosophi et sectarum inventores diversis disputationibus invicem se confoderant, nullus ad alterum transiens; quia unusquisque in quo imbutus fuerat, permanebat. Per id enim quod verba contradictioni obnoxia sunt, nullus alterum supererat. Non enim erat unde se quis viorem ostenderet, sed invicem contradictionibus se fatigantes, minime alteri persuadebat. Hinc factum est ut Dei providen-

tia, cuius sensus investigari non potest, prædicationi sue virtutem adjungeret, ut veritas prædicationis virtutis testimonio probaretur; ut qui verbis contradicere parati erant, videntes virtutem contradicere non auderent. Quæ enim major poterit esse testificatio veritatis, quam est operatio virtutis? Si quis autem opera virtutum deneget accusans Scripturas, quomodo poterit stultam fidem nostram dicere denegans Scripturas? Ubi enim scriptum est de Christo quod Filius Dei credendus est, eodem loco virtus testis inventitur. Et si cui absurdum videtur legenti Christum Dei Filium crucifixum, revolat, et inveniet resurrexisse eum a mortuis, et intelligat non otiose eum mortuum esse, neque invitum, qui potuit resurgere, sed esse mysterium. Quicumque ergo est ille, aut tacabit de cruce; quia si dixerit stultam cruxem, non poterit stultam dicere resurrectionem, excusat enim resurrectionem crucem; aut si locutus fuerit de cruce, non poterit negare providentiam esse in ea quam videt testimonio resurrectionis firmari: aut utrumque enim accipitur, aut utrumque refellitur, ut qui non defensat, nec audeat accusare. Quare autem crucifigi se permisit, cognatis mysterium reservandum est. Mortem autem hanc in tantum commendavit, ut classificari se per eam testatus sit. Nam ait: *Potestalem habeo ponendi animam, et potestatem habeo iterum sumendi eam (Joan. x. 18).* Non ergo coactus est mori; quia potestatem habuit et mori et resurgere. Hanc qui abnuit, non poterit dicere violenter illi mortem illatam. Si enim istam negat, nec mortuum illum poterit asseverare, quia haec illic continetur, ubi morti traditus legitur. Nemo enim ex superioribus postrema, aut ex postremis superiora condemnat; quia contrarium non est quod unius corporis est. De mortuis autem quod resurgent, dolo dicunt stultum credere. Vident enim exempla quibus credibile judicetur. Omnia enim semina usibus necessaria, nisi resoluta fuerint, renasci rursus non poterunt. Si hoc in mundo hominum causa Deus decrevit, cur illorum ipsorum corporibus si hoc præstaturus credatur, stultum putatur? Nisi quia ipsi stulti sunt, qui Deo non dant, quam potest mundus, virtutem; cum gestarum nunc usque appareat umbra, quia iam tempus non est faciendarum virtutum. Initio enim fieri oportuit, ut semen fidei per hanc clementem faceret. Tamen et modo dæmonia nominata crux Christi terrerunt; et si impensis flat, fugantur; et illi Paganorum fornicidine et metu nominatae crucis responsa dare non possunt. Si opprobrium est mors Christi, quare terrori est? Res enim que ex crimine venit, non timeri debet, sed contemni. Quis enim timeat hominem pro crimine suo occisum? At si innocens fuerit, timeri tamen non potest, sed doleri. Itaque nisi sentirent dæmonia, vel illi Paganorum, sacramentum esse crux Christi, nominata ea non terrentur; et ut expressius dicam, nisi rei essent, non timerent. Illi enim omnes, qui ex parte diaboli sunt, consenserunt in mortem Christi. Unde cuncta dæmonia sive illi Gentium, nominata cruce Christi, terrore concuriuntur. Omnis enim qui in alicuius innocentis morte reus est, cum nomen ejus fuerit memoriam, timor apprehendit cor ejus. Recordatione enim habita delicti reum se videt. Quanto magis dæmonia, vel illi Gentium, qui rei sunt necis Domini et Salvatoris mundi? Sed Pagani antiquitas causa verum se tenere contendunt, quia quod anterius est, inquiunt, falsum esse non potest. Quasi antiquitas aut vetus consuetudo prejudicet veritati. Possent enim homicidae, aut molles, aut adulteri, vel exteri criminosi per hoc illicita sua defendere, quia antiqua sunt, et ab ipso mundi initio cepta; cum hinc magis intelligere deberent errorum suum; quia quod reprehensibile et turpe est, male cœptum probatur; quod autem honestum et sanctum est, digne colitur: nec posse turpe et reprehensibile ante factum esse honestum et irreprehensibile. Et ad extrellum, Paganorum traditio ab homine inventa negari non potest: quia autem nostra Lex a Deo

data est, evidens res est. In monte enim apparuit majestas Dei ad dandam Legem hominibus. Et ut huic fides possit haberi, premisit signa multa et prodigia facta in Ægypto, quod hodie quoque libri testantur a Ptolomæo reconditi in bibliotheca Alexandrina. Sic ergo Legem dignatus est dare, ut nemo ambigeret Deum esse qui tradidit. Palam enim et manifeste visa est omnibus majestas Dei, tanto fulgore et terrore, ut etiam præter eum nemo alias Deus crederetur, et quod jubebat omni observatione dignum habere. Et ut omnia deinceps ratione convenient, inspiciatur tradita Lex, si quid in ipsa injustum, si quid in honestum, si quid ridiculosum. Sic oportuit Deum innotescere; non ut in angulo per imposturam appareret, qui claudi non potest; neque in speculo, ubi aliud est quam cernitur operante illocebrosa fallacia: neque ea servanda traderet¹, quæ propterea quod in honesta essent, in tenebris gererentur. Cum enim unius Dei notitia obliterata esset in mundo consuetudine delinquendi, quia mendacium velamen presterat veritati, clerens et misericors Deus, nolens opus suum perditioni obnoxium fieri, visitare dignatus est genus humanum. Non sic apparet sicut hi qui falso dñi appellari voluerunt; sed sicut est Veritas Dei, ita se manifestavit, ut errorem adimeret, qui falsorum deorum prædicatione inundi sensum coruperat. Denique supra sexcenta millia hominum egressa de Ægypto, videntes et cognoscentes Dominum hunc esse supra omnes ex apparentia ineffabilis gloriae, proximare ad eum timuerunt, sed longe curvato genu eum adoraverunt (*Exod. xx. 18*). Postea prosequenter aliis signis² quam que fecerat in Ægypto, in omnibus mirabilibus manifestatus est unus esse Deus. Haec omnibus prope innotuerunt linguis, haec viciis gentibus terrori fuerunt. Quid tale in diis Gentium? Cui genti, cui populo gloriam suam ostenderunt? quæ signa aut virtutes ad divinitatis sue testimonium fecerunt? ubi vel quando locuti probabant? Sed irrationale vulgus aut apparentes umbras, aut dæmonia, aut simulacula mortuorum, ut deos colere coepérunt: quæ res in consuetudinem vetustatis deducta, arbitratur rationis sibi veritatem posse defendi; cum veritatis ratio non ex consuetudine, quæ est ex vetustate, sed ex Deo sit, qui non vetustate Deus probatur, sed aeternitate. Quonobrem fides non coepit res, sed sine initio est. In Deum enim credere, nostrum incipere est. Nam quod creditur, aeternum est. Quomodo ergo anteriores se pitant Pagani, quando quod colunt, post Deum est? Numquid non opus post opificem est? Pagani colunt opera, nos opificem; illi creaturam, nos Creatorem. Certe Deus fecit mundum, facto notitiam suam non ostendit? Aut fecit hominem, et noluit se ab eo coli quem fecit? Sed absurdum est. Factus ergo homo coepit venerari suum Conditorem; quia dignum est, et causa hoc exigit. Quod cum per desidiam hominum oblevisset, reparavit istud Deus in Abraham, ut cognitione Dei que fuerat in Adam, inciperet rursus in Abraham: ut ab eo geniti, sub ejus cognitione educarentur, et per traducem non deficeret, neque decesset quæ coleret Deum; advocatis etiam exteræ gentis hominibus ad istam Dei cognitionem. Qui ergo cognovit, sub initio est: qui autem cognoscitur, supra initium est. Quia igitur ratione Pagani legem suam ante dicunt fuisse quam nostram? Si mundus ante Deum est, quod absit, sic poterit et Paganitas anteponi Christianitati. Nemo miretur de nomine Christianitatis. Est enim colere unum Deum in mysterio Trinitatis. Quod si nomen Christi putatur ex chrismate, nominis tamen ratio ante christinam est. Apud maiores enim nostros, qui in reges ungebantur, christi vocabantur, habentes imaginem Christi venturi, qui natus de Deo Patre in regem non immitto Christus appell-

¹ sic Ms. Colbertinus. At editi, celaret.

² Editi hic interponunt, tam illis que fecit in deserto. Redundat, et abest a Ms. Colbert.

(Seicxante-quatorze.)

latur; quia quod istis chrisma, illi dedit nativitas: quem quamdiu ignorant Pagani, reprobant; cum putem cognoverint, diligentius excolunt, gaudentes quia de malo transierunt ad bonum. Qui enim in retam frivola et inepta pertinaces fuerunt, quando fortiores et vehementiores erunt cognita veritate? Qualis ergo Christus noster est, qui cum nescitur, odit; cum cognoscitur, amat? Nam omnis malus cum nescitur, amat, cognitus odit. Quanti retro odiunt Christum, qui nunc amant, quique dolent odisse se, quod nescierunt? Inprudentis enim est odisse quem nescias, quia probandum est an odio digna sit res. Denique qui hodie adversantur, crastino defendant, penitentiam agentes, tarde se cognovisse quod verum est. Quod si odio digna res esset, aut aliquid haberet fallacie, quotidie ex christianis fierent pagani. Porro autem, quoniam hæc veritas est, quotidie omni hora sine intermissione deserentes Jovem, inter quos sophistæ et nobiles mundi, qui eum Deum confessi erant, configunt ad Christum, cui est honor et gloria in sæculorum sæcula.

DE FATO.

CXV (a).— Nihil tam contrarium christiano, quam si arti matheseos adhibeat curam. Hæc enim inimica dignoscitur Dei legi. Si enim naseuntur qui mali sint, et e contra qui boni sint; frustra lex data dicitur: et non solum hoc, sed et injustus habebitur Legislator. Qui enim lege data cogit homines contra id quod natu sunt facere, sciens non posse mutari naturam, ad hoc utique legem videtur dedisse, ut haberet occasionem qua crudelitatem suam de nece hominis satiat. Ut quid enim prohibet quod scit averti non posse? Aut quemadmodum dannat hominem qui non fecit quod facere non potuit? Si autem injustum videtur, ut est, quia istud de Deo sentire nefarium est; recte et salutari ratione legem dedit, sciens posse hominem continere se ab eo quod prohibet lex. Ergo quia justa legem dedit, non est utique iniquus cum vindicat. Itaque si legi Dei fides commoda est, quia justa probatur data; arti matheseos evitanda et fugienda est. Hanc enim astutia et subtilitas invenit diaboli. Quia enim aperte repugnare non audet auctori, tergiversatione id agit, ut et Deo injurijs faciat, et hominem legi inimicum constitueat, morte mulctet secunda. Qui ergo Dei auctoritatⁱ cedit, et factum ejus retractari nefarium dicit, legi ab illo data obtemperat, die noctuque studiis ejus insistens, nec aliquid adversum respicit, non dubitans quia potens est homo præcepta ejus servare. Nam hi qui peccare gestiunt, occasionem querunt quomodo peccata sua a se faciant aliena; ut dum nature quasi imputanda peccata sint, immunis esse a poena videatur peccator. Hoc propositum horum est qui desperatione promissæ futuræ vitæ, præsenti desiderant frui voluntate. At hi qui freti fiducia fidei, spem futurorum expectant, hoc implere contendunt, quod in primordio renascibilitatis policili sunt, ut abrenuntiantur pompis et voluptatibus satanæ. Quanta ergo subtilitate usus est satanas, ut promptiorem hominem ad peccandum faceret, per quod invidiæ suæ explaret nequitiam? Dum enim audit sic se natum esse. ut peccet, et Deum non ignorat esse justissimum, credit se impune peccare; quia qui justus est judex, non damnat eum qui imperante natura peccavit. Nec quidem ejus peccatum dicendam est, quod alius egit per illum. Sic deceptus est homo: peccatis enim pressus, factus est morti obnoxius. Igitur tollit omne hominis bonum, qui tollit et malum. Si enim peccator non habet poenam, nec justus coronam. Ut quid laudantur boni, et reprehenduntur mali? Si eni^m hujus naturæ est ut peccare non possit, quid laudas in illo quod non est ejus? Et utquid condemnas in peccatore delictum, cum scias non ejus esse quod peccat? Quid nisi injustus erit qui bonum lau-

(a) Deest in MSS. secundi generis.

dat, et malum accusat? Sed forte dicatur e contra, Bonam naturam in homine laudo, et malam condemno: quis et vinum bonum laudatur, cum per naturam bonum sit; et malum reprobatur, cum illud à quæ natura hoc præstet. Si ita esset, nihil erat reprehensionis causa, ut sic laudaretur justus, nec corona dignus judicaretur: neque ita accusaretur injustus, ut pena dignus diceretur. Porro autem et in præseenti et in futuro justos rénumerari scimus et legimus, et injustos pœnis subditos concremari: quod in justum utique videretur, si iste qui naturæ suæ rem gesserat, igne ultiore pœnas pateretur; aut aliis qui à quæ naturæ suæ rem exsequitur, præmiis afficeretur. Si autem laudandus est bonus, quia quod naturæ suæ erat fecit; laudari debet et malus, quia et ipse similiter quod naturæ suæ erat, gessit, ut unusquisque permanens in eo quod factus est, laudetur. Quia si in quo factus est manens vituperabilis habetur, auctore tangit vituperatio, qui talēm nasci fecit qui displiceret. Quod si jure remunerandus est justus, et condemnandus injustus, jam non naturæ respondet, sed voluntati: quia natura libera est, voluntas autem in causa est, quæ sensibus accessus patitur et recessus; ut injustus videns coronari justum, se autem damnari, sibi imputet, qui contra legem sensibus credens malum fecit, cum potuit facere bonum. Numquid poterit accusari sol, quia urit; aut aqua, quia infrigidat? Aut numquid remuneranda est aqua, quia sibi affectos homines recreat; vel præmiis afficerit sol, quia reficit homines calore suo post frigus? Quod enim naturæ suæ est, faciunt: unde nec damnantur, nec laudantur; aliud enim facere nesciunt. Sed quoniam non ita est ut estimant stellularum speculatores, ratio actuum probat. Non enim inveniri potest qui bene faciat semper; aut male. Tunc enim videretur sic natus ut bene ageret, si irreprensibilis permanaret; et ita digne astinaretur ut esset malus, si in eo duraret ut male ficeret semper: at cunⁱ et illum, quem bonum putas natum, aliquoties videas male agere; et hunc, quem malum natum dicis, nonnunquam cernas facere bonum, quomodo hoc verum probas, ut malus malus sit, et bonus bonus, nisi quia hoc magis certissimum est, quia ubi animus quis dederit, in eo prouicit? Nam et causæ sunt, quæ generant peccata, ut aut invidia quis litiget, aut inimicus existat. Illa autem quæ a lege prohibentur, non palam neque manifeste, sed occulte admittunt. Quare, nisi quia reverentur legem? Sin vero, ita ut assurunt, ad hoc nati essent ut male facerent, non quærerent latibula, neque aliquam legi reverentiam exhiberent; sed passim ea facerent quæ cogeret natura. Sed cunⁱ videas procurari peccatis, et excogitari ut possint latenter admitti; et loca enim et personas et tempora eligunt, ut mali propositi impleant voluntatem; simili modo etiam boni iudicio quodammodo et bona opera sua discernunt, ut pro tempore et causa aliqui bonum suum distribuant: quod utique non jam naturæ imputandum est, sed quia in natura est voluntati. Si autem naturale eset, cessaret iudicium. Nam si rem plepus discutiamus, qui nunc justi sunt, injustos illos prius fuisse ostendemus: data autem opera immutati sunt. Ipse etiam Abraham per fidem justificatus legitur (*Jacobi* ii, 23, et *Rom. iv*, 5). Ante ergo non fuit, quippe cum patre suo duce idola coluisse intelligatur. Et Zachæus utique, cui post vulgarem vitam testimonium perhibet Dominus (*Luc. xix*, 9). Et vas electionis, qui istud eliam satetur, dicens, *Exodus et nos natura filii iræ, sicut et cæteri* (*Ephes. ii*, 5): quia cedit voluntas pro natura. Ex voluntate enim quis judicatur, non ex natura. Sine dubio et omnes martyres et justi facti sunt boni; quia non fideles nati, sed renati sunt. Et quantos scimus turpis vita fuisse, et prodigos cultores luxuriae, qui nunc continentates et sancti sunt? Accidente enim timore Dei, vincuntur vitia, que prius dominabantur. Quantum autem possit timor legis, hinc advertamus. Ante Ju-

Iiani edictum, mulieres viros suos dimittere nequibant. Accepta autem potestate, cooperunt facere quod prius facere non poterant; cooperunt enim quotidie viros suos licenter dimittere. Ubi latuit fatum tantis temporibus? Timore credo legis occultabat se. Illud autem quomodo subintravit, quod tradidit Moyses? Dormientibus credo fatis. Tanta enim tradita sunt illis servanda, et talia qualia nulla gens habet praecpta. Et ne hoc aliquis ad plagam cœli referendum putet, in omnem prope orbem dispersi mandata legis sue custodiunt. Hæc præcepta contra fata sunt. Non enim forte fuerunt tribus millibus annis et supra a constitutione mundi: postea autem data, permanent usque in finem. Quod ergo tot millibus annis non fuit, quomodo coepit? Stellarum enim cursus a constitutione mundi est. Et quid illud est, cum tanta multitudine Iudeorum sit per totum mundum, nemo immutetur ex his ut fiat gentilis, cum videamus ex Paganis, licet raro, fieri Judeos? Ecce quantum pertinet ad ritum Iudeorum, exclusum est fatum; quia et extra fatum esse cooperunt, et in eo permanent. Quid videtur de Sodoma et Gomorra, quorum quæs fuerit exitus, vindicta obtutibus adjacet (*Gen. xix.*, 24)? Sic fuit ut omnes spurcitæ infamia aspersi, divino igne consumerentur. In cataclysmo omnes unius fati fuerunt, ut omnes una morte et eodem tempore cuncti perirent, excepta domo Noe (*Id. vi.*). Et omnis exercitus Pharaonis uno decreto natus dicetur¹, ut ineptus error matheseos vindicetur, quia demersi sunt in Rubro mari cum suo rege (*Exod. xiv.*, 24). Et alia quanta exempla sunt quæ prætermittimus, quia ad satisfactionem sufficient duo exempla; quanto magis tot mysteria? Nam et cunctæ gentes diversa habent instituta: et quod alibi licet, hic non licet; et iterum, quod hic licet, alibi non licet. Hic enim in urbe Roma (a) et finibus ejus, quæ sacratissima appellatur, licet mulieribus viros suos dimittere, cum cautum sit in lege divina, ut ne viri quidem hac potestate uterentur, excepta fornicationis causa (*Matth. v.*, 32). Ecce in hac re meliores sunt Barbari. Quod et hic servari posse non impossibile est, quia prius servatum docetur. Mutatum est ergo fatum, quia coepit licere quod ante prohibitum erat. Et eunuchos in regno Romano fieri non licet, apud alias licet: quia autem et hic possent fieri, in absoluto est; nam factum licet occulta probatur; si autem cessaret timor, publice fieret. Metus ergo prohibet fatum; vincitur enim, si quod vult facere non facit. Et Persæ mulierum more inaures habent, quod hic in honestum et illicitum est: quia autem et hic fieri possit, attestantur antistites Matris, quæ appellatur magna; et revera magna fuit, sed mere-trix: sed in eo distat, quin isti cimardi sunt, illi viri. Et quid dicemus? In omni orbe terrarum hi soli hoc fato nascuntur, ut absensi in mulieres transformentur, ut toto mundo isti pauculi inveniantur; quos constat minis circumveniri, et promissis præmiis ad hunc dolorem et dedecus cogi: si autem ad hoc natí essent, non cogerentur. Persæ licetum habent cum filiabus suis convenire, quod et hic fieri posse ostenditur per id quod a quibusdam factum probatur. Sed quia vindicta intervenit, metu corripi sunt, ne facerent quod potest fieri, sed non licet. Omne enim quod prohibetur, ideo prohibetur, ne, quia potest fieri, fiat: si autem fati esset, non posset fieri, neque prohiberetur. Nam si non esset fati et prohiberetur, posse fieri quod fati non est significaretur. Et quæ prudentia est prohibere quod non potest fieri; ac si aliquis prohibeat, ne quis de urbe Romana transvolet in Hispaniam, aut ne quis humeris montem transferat? Illa autem quæ possunt fieri cum non debeant, prohibentur. Mos Maurorum est ut inaures etiam in naribus habeant feminæ; numquid

fati est? Si fati esset, buc translati sic manerent; quia si fatum est, unusquisque secum habet fatum suum: sed quia non est fati, omnes inde venientes, hinc immutantur, videntes turpe istuc videri quod illic decorum putatur. Certe apud omnes gentes numerus, numerus est; terra, terra est; et aqua, aqua est; et aer, aer est; et ignis, ignis est. Numquid potest alieci reperiri terra quæ non arida sit, aut aer qui palpabilis sit, aut aqua quæ non fluxa et frigida sit, vel ignis qui frigidus sit? Sic ubique Jupiter, Jupiter est; et Saturnus, Saturnus est; et Venus, Venus est. Eodem modo et cetera signa. Ars enim ista una ratione tractatur ubique: sed quia apud omnes gentes instituta manent, non fatorum ratione quæ ubique una est, sicut tractant, sed hominum exco-gitatione. Quidquid enim alieci qui primus putatus est apud suos, quod ratione dignum visum est et aptum decori, statuit quibus præcerat. Inde unaquaque regio vel gens propria habet quæ seruet. Sic ut Solon et Lycurgus multa statuerunt quæ a Græcis legis more servarentur, quæ pauperrim deficiente regno eorum oblitterata sunt. Nam regibus Iudeorum multa placuerunt ad sessum; Romanorum autem non mulæ, sed equi; Caramantum autem, qui supra Tripolim Afrorum sunt, regibus tauri placuerunt ad sessum: Persarum vero reges vehiculis seruntur; nam veteres reges Persarum, nec videbantur a poliis: et reges Madian camelis delectantur ad sessum, ita ut et colla eorum aureis exornentur torquibus: et per Africam asinis magis volunt insidere quam equis. Cum omnia ubique sint, non tamen omnia omnibus gratiosa sunt; quia unusquisque eligit quod magis apud illum habeat gratiam. Nam et nobis ipsis diversa voluntas est, et in vestibus, et in cibis, et in cetero usu, et in ipsa sententia. Quod ne fati dicant qui multorum diversa asserunt fata, hæc res probat, quia frequenter mutatur nobis voluntas. Quod enim diu amavimus, postea displaceat; et diligere incipiimus quod prius libenter non habebamus, et facta consuetudine immutati manemus. Ordinem autem si dicunt esse fatorum, ut sit quid quibus efficiant temporibus per intervalla recurrentia pristina, ut puta quod hodie faciunt, iterum faciunt post tempus: non enim in uno dicuntur manere. Nam per disciplinam et consuetudinem vincuntur. Mulieribus etenim Romanorum multis temporibus vii usus incognitus fuit. Disciplina enim facta consuetudine confirmavit sensum suum, ut retineret quod prodeesse didicerat. Numquid illis temporibus hæc fata fuerunt, et postea mortua sunt, ut cessaret res bene inventa? Sed non fata hæc, sed disciplina invenerat. At ubi recessum est a consuetudine, perit disciplina. Et veteres Romanorum tantæ continentaliæ furent, ut etiam oblate munera refutarent, bonam famam divitias arbitrantes, et virtutem voluptatibus præponentes: et his fatis successum est, aut obiorunt; sed non fata fuit, sed disciplinæ, quae etiam ipsius fati pædagogus est. Quomodo enim potest fata esse quod neque ante tempus habuit, neque nunc habet? Et quidem nescio utquid tantam invidiam fato faciant, ut in omnibus gestis ipsum dicant auctorem, cum sit et non sit. Ubi enim disciplina est, non est; et ubi consuetudo est, non est; et ubi casus est, non est: ubi autem videtur esse, timore legis vincitur; et libido enim metu compescitur, et questus pecuniae propter Deum promerendum repudiatur. In hac ergo parte negari non potest, quia non potest non esse quod vincitur: et tamen recie potest dici et in eo ipso non esse, quia caret auctoritate quod vincitur. Itaque Dei legem qui sequitur, et consuetudinem tenet bonæ vitæ, huic cedunt omnia quæ dicuntur fata. Tantum enim potest consuetudo, ut etiam bestias mitiget. Nam male vivere volentes, ipsi sibi fata constituant. Per luxuriam enim et voluptatem fit intemperantia et inquietudo, quæ patit incontinentiam et iracundiam. Et scientes istud

¹ Sic Ms. Colbertinus. At editi, *damnatus dicitur*.

(a) Romæ hæc scribuntur: cum alio in loco scripta sit quæst. 84.

poena dignum, ut immunes se faciant, pudorem passi fatis adscribunt, cum de hac re cogitantibus adjutorium faciant daemones¹ quia et hoc statuant, ut male cogitantibus tribuant effectum: istos fata appellant, non intelligentes quia sunt homini inimici. Nam si per sensus non subintrarent peccata ad animam, sed de intus nascerentur, recte omne quod delinquitur, fatorum esse videretur: cum autem videant, per visum et auditum et per reliquos sensus nasci concupiscentiam peccatorum (adjuvantibus inimicis qui suggesterunt faciendum quod contrarium est; et non putatur quādū fiat: dulce enim videatur cum sit, aut antequam fiat; perfectum autem appareat esse amarum), quid fatis imputant? Quia autem potest vinci, hinc advertimus. Cogitantibus etenim nobis et de aliqua re sollicitis, silent inimici, et conquiescit libido: non enim possunt sugerere occupatis nobis. Numquid aliquis ad aliquam rem alicui dedito aliud suggerit? Non facit, sciens aut se non audiri, aut apriori quasi importune suggestorem. Ita et inimici quos constat esse daemones; ii sunt enim dei Paganorum, qui si viderint divinis rebus nos occupatos, non se ingerunt ad contraria sugerenda, sed in insidiis sunt quarentes occasionem qua se ingerant. Mumenta ergo sunt animorum meditatio assida legis Dei et operatio; quia si otiosos nos viderint a rebus divinis, excitantur ad sollicitandos nos. Ipsi enim sunt qui per carnem et sanguinem seminant concupiscentias. Quanvis enim habeat caro proprium motu originis su.e, quia non est otiosa² carnalis nativitas; tamen in hac re accedit ad necem hominum adjutorium daemonum. Diversa enim sunt daemona, et disparem habentia voluntatem. Quedam enim sunt que cum perturbant animos, elidunt corpora: quedam vero admiscentia se sanguini, generant animis desideria: alia autem cordi hominis se copulantia, suggestur cum blanditiis contraria: nonnulla autem sunt, que sola corpora obligant infirmitatibus; sicut et illam filiam Abraham, quam Dominus curavit (*Luc. xiiii. 41-46*). Hęc omnia ignorantes Pagani, fatum appellant; cum diversa sint causae, et ista ab inimicis procurentur, ut quacunque ex causa irritetur homo, et subjiciatur passionibus. Sed factum bonum appellant, cum bene temperata sunt corpora, aut affabilitate commendantur, habentia gratiam quamdam: malum autem fatum esse, si plus caloris habeant, aut humoris; aut si quis non sit aspersus gratia, sed magis ad detrimenta paratus, quos infortunatos vocant. Facta esse. Videamus enim hęc etiam in animalibus, ut plus habeant caloris: sed animalia non sunt rationalia sicut homo, ut possint adhibita coru corpus suum temperare. Ideo enim imperator est corporis animus, ut gubernet illud retinaculis legis divinae. Ea enim que sive impulsu carnis, sive ab inimico suggestur, non esse utilia lex ostendit divina. Quam ideo adjutorio dedit Deus, ut dictantem inimicum mala, quasi bona respicientes legis præcepta, illum intelligamus esse seductorem, quia aliud suadet quam docet lex. Sic ergo frenatur corpus, ut quia servet, minus illi detur, et a deliciis retineatur. Sicut enim corpus frélicitans si accipit escam aut potum, incrementat illi calor; ita et hujusmodi corpora que sanguinis fervore uruntur, vehementius exardescunt, nisi fuerint gubernata. Igni enim si deest esca, sopiuntur. Animi est ducere corpus. Si autem dimiscrit illud ut eat quo vult, præcipitabit ipsum, sicut equus furiosus negligenter sessorem. Et quia corporis servor plus exardescit, agentibus inimici, ad deceptionem anime; quia non corpus desiderat, sed calore suo generat animæ desideria; Dei nostri assistentia³ imploranda est ad tutelam, ut prohibeat eos: quia non est nobis collectio c.versus carnem et sanguinem, sed adversus principes et potestates (*Ephes. vi. 12*): quibus amotis, facile erit carnis et sanguinis motura comprimere.

¹ Ita Ms. Colbertianus. At editi, cecisa.

² Ms. Colbertianus, ductio.

Exstinguitur enim incendium, si desit materia per quam urat. Illis autem eveniunt que a mathematicis dicuntur, qui credunt futurum quod dicunt. Illud enim agitur subtilitate daemoniorum, ut ea efficiant quæ auctistis illorum dixerint futura, ne falsi detecti crederentur. Circa eos vero qui responsis illorum non commodant fidem, non prævalet effectus eorum: quia neque ipsi tam intenti sunt, ut satisfaciant eis qui illis non credunt; neque patitur Deus facere illos per quod seducantur fidentes de Deo, et non credentes diabolo. Omnia enim sic Deus instituit, ut secundum uniuscujusque fidem eveniat, ut arbitrium liberum maneat voluntatis: ac per hoc qui Deo credit ad auxilium ejus confugiens, nihil ei poterit prævalere; certus est enim in potestate ejus esse quæ fecit, et non audere contra eum quem videt Deum communem habere propitium. Certe fecit Deus mundum, et solem et stellas creavit, constitutis eis cursus quibus gubernatur genus humanum: numquid non habet potestatem imperare illis, ut aliquando aliud faciant, quam decretum habent? Sic enim ea condidit, ut voluntati subjaceant, tunc demum cursus decretos exsequantur, si alind minime fuerit præceptum: ut si rugatis ab iis fuerit quibus ministrant, per id quod aut importune sint pluviae, aut nimia siccitate steriles fructus appareant, jubeat temperari tempus: aut si forte, ut assolet, irato Deo vivant homines, dum per luxuriam et vanitatem oberrantes non faciunt quod placet Deo, diutissime suspensa pluvia, ut factum legimus sub Elia et Eliseo, famem excitet super terram, satisfactione placatis annual ut imbreis irrigant aridam (*III Reg. xviii. 43*). Eodem enim modo ratio mundi est, ut imperium saeculare. Quomodo enim quidam pressi a rectoribus provinciarum, ad auxilium Imperatorum recurrent ut ergantur; ita et homines si adversa sibi viderint tempora, supplices se præbeant Deo, in cujus potestate sunt omnia. Sed hoc mathematicis non videtur. Aliud enim inquietum fieri non posse, quam ut sidera decretis sibi implicant causas: et neque revocari, neque ad aliud impelli possunt, sed semel statuta servant officia. Hęc mathematicorum asseveratio est, ut dicant facta immutari non posse, neque precibus aliquid impetrari; quia semel Deum dicunt statuisse totius mundi rationem, et ministris sideribus tradidisse, que neque retro neque ante fieri possunt. Hęc est error in mathematicorum, quo et Deum pulsant. Per hanc epim asseverationem negant aliquid posse fieri extra ordinem mundi, ut omnia que in mundo a Deo facta leguntur, si a mundi lege discordant, negent credenda: illa autem asseverant que juxta mundi statuta facta dicuntur, ut neque virgo peperisse dicatur, neque virga Aaron floruisse et fructum attulisse (*Num. xvii. 8*), neque Sara anus peperisse (*Gen. xxi. 2*). Hęc enim mundi ratio non habet, quia extra mundi ordinem a Deo facta leguntur. Et quid mirum, si auctor mundi fecit quod non potest mundus? Sed transgressus videretur, aiunt, rationem quam statuit, si alter ipse fecisse dicitur, quam mundo decrevit. Age vero, mundo legem statuit faciendo, aut generandi; numquid sibi? Et humilitas ejus erat, si sic faceret, sicut ab eo conditus est mundus? Et unde ab eo factum intelligeretur, si mundi lege fecisset quod fecit? Ut autem intelligeretur a Deo factum, non a mundo, alio ordine factum est. Certe soli decrevit ut incessibiter implæta statuta spatio, nec habeat licentiam standi; nunquid qui hanc legem ei statuit, non ipsi licebit statuere illum? Certe judicibus statutum est ne licet in reum datum sententiam revocare; nunquid et ipse imperator sub hac erit lege? Nam ipsi soli licet revocare sententiam, et reum mortis absolvere, et ipsi ignorare: quanto magis Deo licere debet quod mundo concedi non debuit, quia Creatoris sui est famulus? Denique mundus per legem sibi traditam, occidere potest, vivificare non potest; per intemperiam cœcum creare potest, oculos illi reformare non potest; imbecillum et ægrum facere potest, curare illum nou-

potest : hoc enim sibi Deus reservavit, unde appareat eum Dominum omnium esse. Ad subruendam enim fatum pertinet, quia mortui surrexerunt ; exco nato oculi reformati sunt, tegri et paralyuci confirmati sunt, et cetera quæ facta sunt alia, ut confugientibus ad Deum, si quid fari esse potest, impedimentum afferre non possit. Dicit enim Joannes apostolus : *Major est, inquit, qui in nobis est, quam qui in hoc mundo* (I Joan. iv, 4). Rogatus enim Deus, etiam quæ statuit amovet. Nam utique statuit in peccatoribus vindicandum, et tamen deprecantibus ignoroscit; quia ipsi soli licet ligare et solvere. Unde cum soli statio concessa non sit, sub Jesu Nave jesus est stare, et obedivit ejus imperio (Josue x, 12, 13), contra id quod sibi in ratione mundi fuerat præceptum. Sub Ezechia autem amplius factum legitur ; quia ut Ezechias, quod sibi promissum erat, verum esse non dubitaret, signum tale accepit, quod novum esset, et humanis auribus inauditum. Non enim sicut prius soli jussum est ut staret, sed ut reverteretur retro (IV Reg. xx, 11) : quod videns Ezechias certum haberet eum posse sibi quindecim annos addere ad vitam, qui de hora nona fecerat sextam. Et quia contra mathematicos est quod Ezechias concessum est, negant enim posse addi ad vitam ; signum iterum in hac re quod contra mathematicos esset, accipit. Impossibile enim asserunt aliud astra facere quam habet constitutum. Certe fari esse dicunt servum habere, aut non habere. Esto. Ab initio mundi haec fata ubi fuerunt ? Usque ad diluvium enim et infra multa serie annorum transacta, non fuit haec conditio servitutis. Aut numquid ex Nini regis temporibus haec fata coepérunt, qui prius dicitur finitimis bella inferre coepisse, et captos facere servituti obnoxios ? Vides ergo postea hoc esse inventum, et non esse fata, sed actus demoniū ; quia si fata esset, ab initio mundi fuisse. Ipsa enim sunt sidera quæ facta sunt in initio, et nunc manet cursus eorum. Et antea vita hominum agrestis erat, nec divitiis studebatur : quomodo nunc astrologi per astra dicunt divites et pauperes fieri ? Numquid mutantur sunt astra ? At versutia et præstigium est Satana, ut ea per stellas dicat fieri, que angelis suis ministris operatur. Accedente enim tempore quo interitus ei appropinquat, majora adinventi per quæ peccetur. Ecce scimus laborasse fame Italiani, et Africani, et Siciliani, et Sardiniani ; dicant mathematici, si omnes hi unum fatum habuerunt, cum inter centum ne quidem duorum fata sibi convenire posse dicantur. Erubescant, et taceant ; et Deo supplices manus tantum, in cujus potestate sunt omnia. Sed in hoc forte subreptum est fatis ? Quid dicamus esse de Pannonia, que sic erasa est, ut remedium habere non possit ? O insirimitas eorum ! quia fide pendula christianos sese profitentur. Dum enim de promissis dubitant, nec de iis quæ facta sunt, cogitant. Si enim ea quæ a Prophetis et Apostolis gesta sunt, considerarent, nunquam fabulas mathematicorum admitterent. Scirent enim omnia in Dei esse potestate, nec terrenentur quando bonis mala accidunt ; quia in futuro judicio remunerabuntur, membrorum Apostoli dicentes, *Quia per tribulationes, inquit, oportet nos intrare in regnum Dei* (Act. xiv, 21). Contentus enim, et Dei sui exspectans judicium, remuneratus etiam vindicabitur. Si enim in presenti vindicari desiderat, aut omni aviditate praesentibus frui copiis, dubitat de promissa vita ; ac per hoc in futuro inter perfidos deputatus poena dignus habebitur. Mundum enim Deus propter exercitium fecit, et omnibus copiis honestavit, duas causas proponens, praesentem et futuram, celestem et terrenam, ut ad probationem esset homini : ut qui spreta futura vita praesentem eligeret, carni deputaretur ; qui vero presenti futuram anteponeret, spiritualibus dignus haberetur ; et qui injuste pressus potentia in justorum, querelas Deo deponeret vel resignaret¹, in futuro judicio relevatus spirituali

gloria honoraretur. Unde nullus sanctorum in mundo glorus apparuit, neque presentes dilexit delicias. Hinc Apostolus : *Habentes, inquit, victimum et vestitum, his contenti simus* (I Tim. vi, 8). Sed qui est christianus, etiam dolet, si felix videatur in seculo, cum Christianorum dignitas et felicitas non in terris promissa sit, sed in celis. Quomodo christianum se dicit, qui non illic gloriari vult ubi promissum est, sed hic ubi prohibiunt est ? Si enim expediret presentibus frui, non utique hac contemnentibus coelestia promitterentur. Quia ergo spe Christiani mathematicis aures commodant, cum audiant Joannem apostolum clamantem et dicentem : *Nolite diligere hunc mundum, neque ea quæ in hoc mundo sunt* (I Joan. ii, 15) ? Itaque si hæc sunt sidei vel legis nostræ præcepta, ne mundus diligatur, neque ea quæ in mundo sunt ; quid est ut quidam nostrum querantur contrastati de aliorum felicitate que est in mundo, quæ apud Deum forte infelicitas est ; cum magis gaudere deberent, quia non illis mundus præstat per quæ obligati tenentur humanis rebus obnoxii ? Felicitas enim ista, securitatis facultate accepta, divinorum caret sollicitudine. Indilgens enim sit necesse est circa divina oracula, qui omnibus necessariis refertus, unde sit sollicitus non habet. Alia enim sollicitudine incipere solent laborare hujusmodi, ut amplificentur in seculo, quod sine peccato non potest fieri. Si proprius autem aspiciat, videbitur inimicus magis illorum esse inundus, quos beatos dicitur facere. Vix enim aliquis illorum coelestia cogitat. Gaudendum ergo Christianis est, dum recte conversantes prenuntur in hoc seculo. Hic enim vincit seculum, qui contentus quomodo illi evenerit in hoc seculo, Deo gratias agit, a quo si qua hic denegata videntur temporalia, reddi speret æternæ. Utquid enim Deus futurum judicium statuit, nisi ut qui injuste deprimitur ad tempus, vita æterna donetur, depresso iis qui per potentiam contententes, aut non credentes futurum Dei judicium, impunitatem esse scelerum arbitrati sunt ? Sed fatorum assertores negant futurum judicium. Si enim nascuntur qui boni sint, et e contra qui mali sint ; quid laudas aut accusas, quando neque bonus congressus laboravit ut vinceret, neque malus negligens fuit ut perderet ? Quid enim inter privatos fabulas venditant ? Nam judicibus oblatis peccatores, nunquam ausi sunt crimina sua satis excusare ; sed senectips reos confitentes, jure se sententiam exciperre non negant. Itaque legis auctoritas rationem calcat fatorum, ita ut ne nominari quidem possint, cum se commoverit lex. Quomodo autem evasuros se in perpetuum credunt, qui nequieri versati legis divinae severitatem studio quadam ad tempus fugiunt, non cogitantes auctorem legis hinc dissimulare non posse ? Nam hic imago legis est, illic veritas : et qui illudit imaginem, veritatem illudere non potest. Numquid est aliquis locus sine Deo, aut aliquis manus ejus effugiat ? Putant autem blandientes sibi, quia qui hic evadit, jam securus sit. Et quomodo hoc justum aestimant, ut alii punitis in talibus causis isti evadant ? Certe Deus mundum constituit, et qua lege uteretur, ostendit. Diligens enim opus suum ostendit ei viam, quæ itur ad vitam, ordinans quibus dibus uteretur ; quia est et via quæ ducit ad mortem. Nunquid non ergo requirere debet, si ii quos ministros regni sui posuit, eo jure quo constituit populum ejus gubernarunt ; aut si populus edictum ejus suscepit, aut administri fideles inventi laude digni sint, aut infideles poenis subditi ? Similiter et populus lege servata laudatur, aut contempta damnatur. Ille jus suum, hoc causa exposcit. Quomodo ergo quibusdam displaceat futurum judicium credere ? Sed hoc mathematicorum inventi amentia. Quomodo enim possunt futurum accipere judicium, qui presenti repugnant ; quia judicium in nativitate esse contendunt ? Et quia nativitatibus imputatur premium, despiciunt ipsi qui cum quodam judicio naturali bonos et malos non fieri, sed asserunt nasci, peccantibus retribuant, nec pa-

¹ Ms. Colbertinus, reservaret.

vuntur inulta esse peccata¹. Virgis enim malos et vinculis intus corripiunt, quos foris inemendabiles asserunt natos. An quis prudentius corripit quos scit emendari non posse? quod quidem aut stulti esset, aut iniqui. Sed ne hoc ipsum fati dicant fieri; qui sub fato est, non facit quod vult, ut et ipsi naturale habeant ut vindicent in eos quos sciunt inconvertibilis manere naturaliter; et vere quia sic dicendum est, ut quidquid fatus esse dicitur, stultitiae deputetur. Quam cuim stultum est ut cum dicant aliquem malum natum, nec illum bonum probent quem asserunt bonum natum? Quomodo enim potest bonus judicari, qui rem iniquam facere reprehenditur? Quid enim tam iniquum, quam ut iniquus creditur, qui negatur aliud potuisse facere quam fecit? Et si omnia sub fato sunt, quomodo lex subintrauit quae non sinat fieri quod fatus est? Si enim tollatur lex, passim publice illicita sient, nec potentes poterunt ferri, nec erit libertas; quia et qui nunc non cogitat maleum, sublato timore incipiet malus esse. Denique legimus legem malorum causam datum. Sed et hoc ipsum fatus forte fuit, ut lex daretur? Et qua ratione fata subsistunt, si generant a quo destruantur? Quidquid fatus est, contradicit lex fieri debere. Carent ergo ratione, si contraria sibi generant. Et iniqua sunt, quia nasci faciunt homines ad damnationem: et si iniqua sunt, auctoritatem habere non debent; quia omne iniquum punitioni obnoxium est. Aut ne forte legem nihil prodesse dicant, quia qui sic natus est ut malus sit, per legem non potest immutari; quod si est, lex superflue data est: et quomodo fata rem superfluum fecerunt nasci? quia nihil sine fato². Itaque fata et pro se et contra se faciunt: quod si ita est, stare non potest quod per inconstantiam rationis non tenet firmitatem. Sed ne propter hoc legem fatus esse voluerunt, ut quos malos fata faciunt nasci, a lege damnentur, ut conveniat fatis ex lege adhibere punitionem? Ad hoc quid erit quod dicatur, nisi quia et leges et fata proprio iudicio condamnari merebuntur, si pari injustitia hoc elaborant, ut occidentur qui non sponte, sed fatis agentibus mala fecerunt? Ad hoc lex contradicit, quia fata propria professione damnanda sunt. Non enim negant eos qui mali sunt, fatus esse quod mali sunt. Lex autem usque adeo adversa est ipsis fatis, ut neget malos fatus esse quod mali sunt, sed voluntatis illorum: quamobrem illos puniendo rite constituit³. Nihil ergo legi et fatus commune est, quando a lege negatur quod a fatus asseritur. Qua autem ratione nati dicentur, qui mathematicos urbe Roma prohibuerunt? quod diu servatum non ignoratur, et certe pagani fuerunt. Quomodo fato sunt quae contra fatum sunt? Sed si est fatum, non facit contra se. Isti non habent fatum, qui faciunt contra fatum; et si hi non habent fatum, non est fatum. Sed est, inquit, fatum unicuique praestans qua morte moriatur. Quod si ita est, non est accusandus homicida. Nam et duplice genere se defendet; quia et ipse fatus agentibus hoc fecit, et ille agentibus fatus occisus est. Sed inter haec lex pulsatur, quia punit oblatum homicidam. Simili quoque modo nascitur qui adulteri sit, et quae adultera, et cui fiat adulterium. Quod si et hoc sic se habet; etiam nunc lex tangitur, quae punit adulteros: quod si vere fatus esset, etiam ille puniendus erat, qui tale habet fatum, ut adulterium patiatur. Et ipse enim particeps inventur, quia fatum ejus admisit ut fieret adulterium.

¹ Ms. Colbertinus, sic legit hunc locum: *Et quia veritas computatur præmia resurgit, ipsi qui cum quodam iudicio naturali bonos et malos non fieri, sed assentur nasci, peccantibus retribuunt, nec patiuntur inulta esse peccata.* — Hanc lectionem admittit Morel, et sic corrigendam judicat: pro, *Et quia veritas computatur præmia resurgit, legendum est: Et quia veritas cum putatur premi, resurgit.* Nemo inficiari audeat correctionem istam esse sensui, si non genuino, at saltem naturali accomodatissimum. M.

² Ita Ms. Colbertinus. At editi, *nihil prodesset fato*.

³ Ms. Colbertinus, *reos illos rite constituit.*

Aequum ergo erat ut aut simul condemnarentur, aut simul absolverentur. Inter haec inusta lex videtur. Ideo si a Deo sunt fata, lex non erit Dei; quia hoc non solum Deo, sed nec prudenti convenit id damnare quod fecit. Sed quoniam nemo unquam contra legem ausus est dicere, vel a Deo hanc esse negare, fata a Deo dici esse non poterunt, quia ista Deus ponit per legem. Quando enim damnatur quod fit impellentibus fatis, sine dubio fata damnantur. Sed animæ, aiunt, male ad hoc nascentur ut male faciant. Esto. Sed non deberent male fato nasci, ut innocentes ab his possent occidi. Si enim illæ male animæ essent, nasci non deberent, sed puniri, ne occiderent innocentes. Sed non animæ, quas malæ fingunt, innocentes occidunt; sed fata, quæ sic faciunt nasci homines, ut occidantur. Ac per hoc non animæ, sed iniqua sunt fata; et si iniqua sunt, a Deo non sunt: ergo a diabolo sunt; et si a diabolo sunt, simul damnanda sunt cum illo. Et quoniam discernerere dicuntur singulis, quomodo moriantur, aut ferro, aut laqueo, aut precipitio, aut naufragio, vel alterius, multis modis eadem prestant. Nemo enim potest solus ab omnibus fatis discrepare. Quod si quis inventus fuerit discrepare, jam non est fatus, sed eventus. Et si in unius morte eventus est, erit et in multorum; et jam non erit fatus. Anaxagoras in pilam conjectus jussu regis contusus expiravit, quod non contigit ulti hominum. Et Sisaræ regi Allopholorum mulier palum in tempora fixit, et ita reddidit spiritum (*Judic. iv. 24*). Hoc modo nemo est mortuus. Et antea cruci homines flagebantur, quod postea editio prohibet manet. Si fatus erat, quomodo desit? Quando enim quod fatus est prohibetur et non fit, vincitur fatum. Aut si non erat fatus, non fato homines crucifigebantur, sed iudicio legis. Et ita est ut non fato homines damnentur, sed convicti a malis suis operibus. Apud Thrascos¹ natus dicitur quidam tam formosus facie, quam nemo unquam fuit: et quia vir bonus erat, ne cui in suspicionem veniret, quia etiam honestarum mulierum oculos illiciebat, faciem sibi septem plagi vulneravit, ut pulchritudinem quæ ab omnibus desiderabatur, damnaret (*Valer. Max. lib. 4, cap. 5*). Ecce quomodo si fata sunt, superata sunt. Sed forte dicatur, Naturæ fuit ut formosus nasceretur; fatus vero, ut fatus ejus vulneraretur. Quod si ita est, jam non nascitur fatum, sed accidens causa est. Et si accidentis est, non erit fatus, sed consilii, aut forte eventus, quantum ad reliquias pertinet partes. Nam quid aliud est vincere fatum, nisi immutare naturam? Quod si adeo utique esset, nec immutari posset, nec vivi. Legitur namque cautum in quodam juris libello, aliquando mulierem quinque peperisse: quomodo subreptum est fatus, ut huic soli hoc natura decreverit, quod non erat fatus? Quod si fatus fuisset, aliquantæ hac sorte oneratae foissent. Et cum quidam ad peregrina loca profisciceretur, uxorem suam amico quem fidelem sciret, commendavit, non utique puer, sed mature atatis. Qui ut diligentior custos ejus esset, abscedit se ille, ut cum ea sine cuiusquam suspicione caute dormiret. Quid putamus, fatus fuisset, an consilii? Sed quomodo fatus fuerit quod contrarium est? Qui vincit enim quod natum in eo est, hic exinanit fatum. Et in studiis certe fatorum vertitur causa, ut sciat quis aliquid, aut non possit comprebendere. Omnes ergo senatores unum habent fatum; nullus enim senaturum sine litteris est: et gentes quæ sine litteris sunt, unum habent, et omnes servi unius sunt fati; nemo enim servorum est senator. Sed si quod nascitur dicitur fatum, quidquid accesserit, extra fatum erit. Aut si quod accidit, ex fato venit, quare per laborem venit? Tunc enim diceretur fatus, si invito homini eveniret. Quod enim evenit² sine providentia, fatorum dicitur: quod vero exagitatur, et diu penatur, et exercitus mediis acquiritur, cur fatus esse

¹ Ms. Colbertinus, *Etruscos.*

² Ms. Colbertinus, *invenerit.*

dicitur? Eunuchus aliquis natus est, ali sunt, ubi erit fatum? In illo credo qui natus est: qui sunt, quid dicendum de his est? Diversum est enim nasci et fieri. Aut si hi fati facti eunuchi sunt, illi contra fatum natus est eunuchus. Et quare tam raro eunuchus nascitur, ut incredibile videatur? Quedam mulier fuit in urbe Roma, quam constat unicecum maritos habuisse; et alius vir qui duodecim¹ habuit uxores; que fata sunt, que his haec decreverunt? Nam tempore imperatoris Constantini manifestum est puerum in parte Campanie immutatum in masculum, et Romanum perductam: que hoc fata fecerunt? Alia ut opinor que vos nescitis. O si de hoc nomine taceretis, et aliqui eventui et casibus remitteretis, quedam providentia concederetis! Nam tantum potest virtus et industria animalium, ut non solum naturae resistat, verum et scipsam emendet aut inemendet, quia habet judicium sui. Traduntur enim malices Scytharum, qua Amazones dictae sunt, cum viri eorum occupati bello longinquō diu abessent, propter sobolem se miscuisse servis, et omnēm mārem natūm necavisse relictis feminis, ita ut nulla lanificio operam daret, sed ab ineunte aetate palestra et armis imbuerentur. Harum tanta virtus in rebus gerendis fuit, ut per multam seriem annorum regnantes, nonnullas gentes subigerent, Asiamque omnēm sub tributo ponenter. Quid ad hoc poterit dici? numquid haec fati fuerint, que per tot annos sic gesta sunt, ut omnia que fati putantur esse, exinanirent? Primum, ut contra naturam mulieres spretis viris regnarent; deinde quod servis mixtæ sunt propriis; tertio, ut omnes nati masculi necarentur, feminæ vivilicarentur. Tanta eas prosperitas est secuta, ut sine viris regnum ceptum magnis copiis, magnis temporibus propagarent. Certe hoc factum a constitutione mundi nunquam factum est, nisi in Scythia tantum: ne forte dicent, quia cum mundus innovatur post annos mille quadragesimos sexaginta, sic haec veniant; quippe cum mundus jam sexto millesimo anno agitur, quamdiu quod initatus quis fuerit, facit. Nam Crassus Agelastus dictus est, quia semel traditur in vita risisse. Cur Junius, Brutus est cognominatus? Quia sagaci consilio stultum se simulavit, ne a superbo rege propter pecuniae suæ magnitudinem occidereetur. Tempore Constantini moriorum se tristitia annis finxit quidam, qui Samatius² vocabatur, ut imperatorem, sicut ipse postea dixit, a tediis suis avocaret. Ubi est ratio fatorum, quando unusquisque quod vult facit? Exclusa est. Illud autem quale est, quod fatorum assertores supplicationibus sunt devoti, cum sint his adverse? Nam et annos suos his commendant, et de mītiis, et de profectione querant, et de emptionibus, et de dignitatibus. Quod si fati est, quid oras, quid supplicias, quod etiam te invito futurum est? Sed quaro, inquit, an debeam emere. Ergo non in fati consistit quod tunc facere debere te dicas, si diceres expedire. Nam si fati est, frustra queris, quod velis nolis, queras non queras, facturus es. Quod autem nec apud eos ipsos fixa est ista asseveratio, idcirco incerta tentant, ne aliud verum inveniant quam tractant. Sed prudentiores qui inter eos videntur, non propter fata, inquiunt, supplicamus, cum ea minime immutari sciamus, sed horum causa que juxta fata sunt, ne faciant nobis aliquid adversum. Age vero, si nescio quis bonum ratum habeat, et iuxta se sit aliquid quod videatur contrarium, quid poterit esse, cum fatum bonum immutari negetur, sicut et malum? Certe hoc quod juxta fatum est, ne noceat supplicatur; nocebit enim nisi fuerit supplicatum: quomodo ergo illud fatum immutari negatur, quando hoc quod vicinum est, timetur? nec enim timeretur, nisi illud immutari posse crederetur. Sed quia in eo magis causa consistit, ne fatum mutari dicatis, sine dubio, sine causa supplicatis. Videte autem ne hoc fati sit quod supplicatis, quia sine malo solet esse

¹ Ms. Colbertinus, undecim.

² Ms. Colbertinus, Samsucus.

quidquid fati assignatis. Certe non mala res est supplicare: cur ergo non fati esse dicatur? Si ergo fati erit quod supplicat, cuius erit supplicare, ei non impetrare? quia si fati erat, impetrare deberet quod supplicat. Si autem fati est supplicare et non impetrare, stultum est fatum; quia supplicare facit hominem, quem scit non impetrare. Quod si nescit an possit impetrare, quod illum facit supplicare; improvidum erit fatum, et carens ratione: quia omnis ignorantia insipientia est, insipientia vero stultitia est. In hanc partem cadit omnis tractatus Paganorum. Viderint Pagani, qui circumfusa caligine non vident lumen. Antiquo enim errore circumventi, veritati que prius latebat, aures accommodare detrectant. Quid de quibusdam christianis dicimus, qui in Salvatore, cœn solo nomine mutant, pristini erroris vindicant vanitatem, in tantum hebetati, ut ipsum Deum sub fati egisse contendant, dicentes, Ipse dixit, *Nondum venit hora mea (Joan. ii, 4)*; ut hora haec non voluntatis, sed fatalis conditionis fuisse necessitas, cum ille voluntatis sua horam significaverit, qua se tradi¹ permiserit. Denique ait: *Potestalem habeo ponendi animam mean, et potestatem habeo iterum sumendi eam (Id. x, 18)*. Ces- sat ergo fatalis necessitas, ubi potestas est voluntatis. Et quomodo Salvator appellatur a nobis, si fati sunt que agimus, vel accidunt nobis? Quia ideo Salvator dicitur, quoniam ostendit nobis viam salutis: itaque si ab hoc ostensa est, non fati fuit quia prius latuit. Et quod fati esse dicitur, ex improviso evenire contendant. Hoc ep̄im fidei meritum est, quæ non potest dici ex fato, quia quod creditur, aliis seculis auditum non fuit. Fata enim hoc dicunt præstare, quod in conuersatione hominum vertitur. Hoc autem qua ratione præstare posso dicuntur, quod ignorare deprehenduntur. Hinc est unde Apostolus ait, *Quem nemo principum hujus saeculi cognovit (1 Cor. ii, 8)*. Hi sunt principes et potestates, malos angelos sub se habentes, qui sub nomine fatorum voluptates suas efficiunt, prout eis libitum fuerit, sicut et assolent malefici consideri. Sunt enim quos diligunt, alios non amant, quosdam odern. Et unicuique hoc suggestit unusquisque quod diligit, quia et ipsi diversas habent voluptates; aliis libidinem diversi stupri, aliis munera, aliis voluptatem, aliis petulantiā, aliis iram, quibusdam avaritiam, aliis luxuriam, aliis damnam procurant, aliis charisma, aliis odia, necon et impedimenta. Et aliquando certis temporibus satiat quiescent in otio: aliquando vero ratione, aliquando occupate menti non se ingerunt; quia non dominantur, sed subrepunt opportunitatem querentes qua capiant. Igitur voluntatis arbitrium liberum est, sed dum quodam desiderio negligentes circa nos ipsos efficiunt, sollicitantes suadent nobis aduersa: maxime si cogitare nos aliquid quod legis divinas non est invenerint, veniunt in eo ipso adjuvantibus ut impleamus quod prohibet lex. Nam si timor Dei in animo sit, nec caro, nec sanguis, nec principes, nec potestates prævalent; quia Dei admirabilis sic eos persecutur, ut non cum labore vincantur. Si autem potestatis nostræ non essemus, quomodo diceret Dominus, *Petite, et dabitur vobis: omnis enim qui petit, accipiet (Matth. vn, 7, 8)*? Si ergo qui vult petere, accipiet, jam non est illud quod solet dici, Non que volumus, sed que data sunt habemus: quia voluntas a Salvatore incitat ut petat, et accipiat quod petierit. Fati autem hoc dicunt, ut sive petat, sive non petat, fato tamen quod aut malum aut bonum est, consequatur. Dominus autem hoc excludens, ait: *Filia, fides tua salvam te fecit (Id. ix, 22)*. Non jam fati sit, quando fides percipit, beneficium. Et iterum, *Si credis, ait, omnia possibilia sunt credenti (Marc. ix, 22)*: in voluntate utique posuit meritum; quia fidei bonum est, non naturæ. Fides autem res accedens est, que excitat ad exercitium voluntatem; ut quia in natura non est, voluntas que in natura est, suscepta fide, meritum ei collocet apud Deum. Ita

¹ Ms. Colbertinus, pati.

enim est natura hominum sicut lapis, qui cum ignem non habet in substantia, habet tamen in potentia, ut opere creet quod non videtur habere, quia non existit, sed quasi in semine; ita est in potentia ut per exercitium generetur, et si defuerit exercitium, non fit; quia et semen nisi exerceatur non generat, sed ipsum solum manet. Accessio ergo facit ut generet. Ita et homo fidem non habet in natura, sed semen fidei habet, quod nisi fuerit provocatum et excitatum, fructum non dabit, id est, fidem non habebit. Mathematicorum enim fatis¹ credentes, fidei semen exterrinant, quod et Creatori et justitiæ ejus testimonium perhibet. Opus enim opificem cognoscit, et a quo jure amoreque et facto testatur. Fugiendum omnibus modis ab hac arte monemus. Curiosi etenim ejus, inimici Dei sunt, et sine sollicitudine nunquam sunt: semper enim suspensi expectant quod minime certum sciunt. Nos autem qui de Deo omnia prospera credimus, et si qua adversa exstiterint, ejus nutu comprimi, suppliciter vivamus securi de ejus protectione; nec tamen nescii quia et si quid adversum bene nobis agentibus evenerit, toleratum proficiet ad coronam.

DE RATIONE PASCHÆ².

CXVI(a).—Pascha, dilectissimi fratres, a passione appellatum est, sicut docet nos traditionis hujus præfiguratio, que perfecta est in Ægypto per famulum Dei Moysen, dicente Scriptura, *Immolationis³ Pascha hoc Domini est (Exod. XII, 11)*. Quæ ergo ratio est ut mysticum sacramentum⁴ per sanguinem sit celebratum, et reparatio vite per mortem; ut cum mors augmentum facere se putaret, accepto sanguine Salvatoris minorata defueret; et cum virtute operatum se hoc existimaret, infirmata rueret? Morti enim mors per opus ejus divina procreatione inventa est: ut quia semper mala vult, cederetur illi ad tempus, ut injustitiae suæ opere destructa⁵, regnum sibi ablatum queri non posset. Quamvis enim omnia possit Deus, nihil tamen facit quod sit rationi absurdum. Justitiam enim quam exigit, hanc et facit, non præsumens de potestate. Magna est ergo providentia erga genus humanum, ut justitiam servans, sic ea que juste decreta erant, solveret, et hominem a morte erueret: quanquam non immerito teneretur. Sed quia invidia deceptus fuerat diaboli, justum sicut huic subveniri. Dei enim sententia tenebatur, sed haec operatus fuerat satanas. Unde sicut justum visum est hunc eruere, ita et injustum erat per potentiam hoc facere, neglecta justitia. Victor enim homo suadente diabolo, ut misericordiam acciperet, quasi accusator diabolus contradicbat. Unde id actum est, ut iste qui in peccato hominis gloriabatur, peccans reprehenderetur, ut tunc demum reus factus, contradicere non auderet. Sic factum est ut Dei Filius homo nasceretur, et justitiam prædicans diabolum incitaret, propter quod homines a vita ejus prohiberet; ita ut et occideret cum qui peccatum nesciebat. Tunc peccasse, et gravius quidem quam homo quem accusabat, inventus est. Cum enim ex Dei decreto propter peccatum hominem sibi vindicaret, quia qui peccat, ex parte diaboli est: inventus est plus peccasse, cum eum qui non peccaverat interfecit, ut sibi usurparet. Per mortem ergo morti interitus subintravit; ut sanguis recuperaretur, sanguis effusus est: quia, ut dixi, mortis auctor, qui est diabolus, quoniam peccasse in morte Salvatoris inventus est, sanguinem ejus cum omnium nostrum amisit: quia sicut per unum Adam peccantem, omnes in morte tenebat; ita per unum non peccantem omnes amisit. Ergo sanguis

¹ Ms. Colbertinus, *fabulæ*.² Ila MSS., et editio Ratisponensis. Aliæ vero editiones addunt: *Unde Pascha dictum sit, et quomodo per sanguinem mystice celebretur.*³ Ms. Colbertinus, *Immolatio*.⁴ Ms. Colbertinus, *mysterium sacrum*.⁵ Ms. Colbertinus, *ut in justitia opere suo destructa*.

(a) Deest in MSS. secundi generis.

Salvatoris fusus injuste, hoc præmium¹ consecutus est, ut originis sue sanguinem cum triumpho recuperans ad pristinum statum revocaret meliorata substantia. Victa enim mors, ei qui illam vicerat, non potuit contradicere. Beatum itaque Pasche mysterium, quod per sanguinem nos redemit, morte per mortem devicta, sicut solet venenum veneno superari.

DE ABRAHAM².

CXVII (a).—Hujus patriarchæ fides tam præcipua et admirabilis fuit, ut ceteri omnes justi patrem hunc credulitatem Dei judicio fateantur; nec sit aliquis Deo dignus et charus, nisi ejus filius fuerit appellatus. Prerogativa enim honoris ejus ac meriti fides est, quam cum rebus incredibilibus dare non ambigit, inter cetera etiam Salvatorem videre dignus exstitit in spe³ tunc futuræ Incarnationis, dicente et probante Domino ad Iudeos, *Abraham pater rester cipivit ut videret diem meum; et vidit, et gavissus est (Joan. VIII, 56)*. Qui enim merito fidei pater factus est, dignum fuit ut futurorum filiorum suorum spem prævidet, quæ proprio et provido Deo hereditatis gratia ab humano et pio patre in filios obsequentes redundaret. Videamus nunc quid creditit fides haec, ut ad tantum honorem et gloriam divino iudicio perveniret. Fidem landavinius, sed quid creditit, nondum diximus. Educens etenim hunc Dominus ostendit ei stellas coeli, et dixit: *Si potes numerare eas? Sic erit semen tuum. Et creditit Abraham Deo, et reputatum est ei ad justitiam (Gen. XV, 5, 6)*. Non magnum esset credidisse Deo, nisi quia quod creditit, mundus non credendum et stultum judicat; quia istud in spe rerum naturæ non est. Unde Abraham unus e mundo quia hoc creditit, segregatus a mundanis, justificatus est. Hoc ergo credidisse perfidia mundanæ sapientiae magnum facit, contra cuius spem hoc credidisse, inanimi meriti est. Desperatio enim mundanorum, meriti est et spes Christianorum. Bonorum enim præmium, causa facit malorum: fortior namque et plenior fides est, cum se incredibilibus magis committit. Homo enim iam aridus et de uxore anicula semen se creditur habiturum, quod præ copia numerati non posset: non hoc magis respiciens quod ostensum est, sed illum qui ostendit, mentiri posse non testimans. Ideoque deputatum ei est ad justitiam. Nam rem absurdam, et quæ impossibilis scitur, hebetis est credere, nisi persona sit quæ credi istud suadet. Unde Abraham et admirabilis fidei est, et cordis periti, dum et illud credit quod incredibile est, et huic se commitit cui non credere et stultum est et periculoseum. Fidem enim nostram hoc probat rationabilem, quia non de alio quam de Deo credit, posse ipsum quod promittit. Hoc ergo fidei propugnaculum est, hic triumphus. Quod perspicentes quidam mundi sapientes, quia rerum naturæ hoc non potest, stultum aiunt credere. Ignorantes quia secundum Apostolum, *quod stultum est Dei, sapientius est hominibus (I Cor. I, 25)*. Juste enim stultos nos judicarent si hoc de rerum natura crederemus, quod probatur non posse. Porro autem ea quæ rerum naturæ non potest, nos Deum credimus posse facturum si promiserit. Quæ in hac re potest stultitia deprehendi? Si autem indignum Deo est opus quod posse creditur, recte fides hebeti dini comparatur: quod si dignum est, per id quod creatura impossibile est; eur non laudanda fides est, quæ tantum dat Creatori, quan'um creatura posse negatur? Magnus ergo et admirabilis Abraham, qui contra mundi sententiam Deo credere non dubitauit, quia facere potest quod promittit. Natura Chaldaeus, magister credulitatis apparuit: quamvis astrologie peritus, Deum tamen preposuit humano consilio, dignum testimoniis si hoc credatur de Deo, quod quomodo fiat, investigari non possit. Infringitatem enim suam

¹ Ms. Colbertinus, *præmii nominæ*.² Addunt quedam editiones, et ejus fide quæ meruit fidem pater appellari.³ Ms. Colbertinus, *in specie*.

(a) Deest in MSS. secundi generis.

Dei potentia confirmavit, quia ad majestatis sue unicam magnitudinem protestandam, facere disposeret quae impossibilia et inaudita sunt mundo, quo facto ostenderet se Dominum creature, et creature subjiceret se ei, cuius opus ceteris omnibus impossibile videbatur; quorum incredulitate plus sublimatur fidelissimus Abraham. Fides enim ejus, incredulorum poena est: incredulorum perfidia, gloria ejus est. Nam fidellum est pater, et infidelium est judex. Hujus enim exemplo et boni æterna vita donantur, et malis æterna dabuntur supplicia¹. Illo enim tempore quo mundus adhuc scientia parvulus erat, nec signis ac prodigiis quæ ad fidem attraherent illustratus, Deo contra scientiam suam fidem non denegavit. Sanctus igitur Abraham exemplum generi humano datus est fidelissimus. In ipso enim præfigurata sunt omnes gentes ad salutem venire per fidem; cujus ut superabundans incrementum fiduci nosceretur, tentatur, ac jubetur filium suum Deo immolare; quod factum non erat unquam (et nec rei novitate turbatur, nec disputat an fieri debeat) Deo jubente parvulum, qui homicidium ne fieret comminatus est. Sic de Dei voluntate intrepidus et securus, non cunctatur providum esse quod jubet Deus: et hunc filium quem duo sene ex promissione suscepserant, præmium fidei, meritorum indicem, et in quo omnis spes ex promissione futuri semiinis habebatur. Quod ut omni devotione impleret, matri ejus non indicavit, ne quod dictioni ejus impedimentum afferret, sciens circa affectum filiorum procliviores in amore esse matres; ideoque celavit eam, non ambigens impleri debere quod jubet Deus, ut hoc exemplo doceremur, omni cura Dei facere mandata. Si enim fidelissimus Abraham in re tam gravi et aspera obediens invenitur: quanto magis nos, quibus illa præcipiuntur quæ possunt portari? O fides Deo dicata, et spes in Domino firma, quæ tam clara et suavis est, ut parentum ac filiorum affectibus preponatur, dicente Scriptura, *Gustate et videte, quoniam suavis est Dominus (Psal. xxxiii, 9)*? Patriarcha autem noster fidelissimus Abraham quia propheta erat, scivit quid sequi deberet. Ideo secundum quod Dominus nunc dixit, tunc ille fecit, ut filio quamvis charissimo Deum in dilectione præferret dicente Domino, *Si quis diligit patrem et matrem, aut filios supra me, non est me dignus (Matth. x, 37)*. Unde Patriarcha ut Domino præ ceteris dignus existaret, etiam occidere filium non recusavit.

DE JOB.

CXVIII (a). — Magna dilectio est, fratres dilectissimi, omnipotentis Dei erga genus humanum: quæ intellecta quidem perducit ad regna coelestia; non intellecta autem deducit ad inferos. Deus enim beneficium suum gratum vult esse et fructiferum, ut et nobis proficiat, et illum misereri delectet. Igitur quoniam bonus est, et omnes homines salvos vult fieri, exemplum nobis justitiae in Job famulo suo demonstravit, sicut præsens lectio testatur, quod secuti et malo carere et ad bonum venire poterimus, et non solum a poena liberari, sed et remunerari. Quam ergo admirabilis est sanctissimus Job, qui ante hanc littoris editam, in operibus suis exemplar legis ostendit: nulla in hac causa aliquicun documenta addicunt, sed natura ipsa due, cui Deus justitiae semina² naturaliter inesse decrevit, Creatori reverentiam pia devotione servavit? Quanta ergo laude dignus est, et quibus verbis facta ejus debeat extolliri, cui non ante Legem, neque post Legem parem possumus invenire? Quamvis enim quis posset gesta ejus imitari, non tam cum eo conferendum est, neque ei similis jure dicetur. Non enim suum esset quod talis extiisset, quia exemplum secutus est alienum. Sanctus autem Job cum nihil tale vidisset, neque in voluminibus lexitasset, talen se præstitu, ut nullius aliquid in se

collatum haberet, sed ipse ex teris conferret, formam præbens mirabilium gestorum ad Deum promerendum. Quare et Domini testimonio commendatur dicentis: *Animadvertisisti ad puerum meum Job? Non est enim similis ei quisquam in terris verus Dei cultor (Job 1, 8)*. Quis tantum potuit promereri, cui tale testimonium Dominus perliberet, nisi hic qui non imitator invenitur, sed auctor eorum quæ gessit? Unde et verus Dei cultor asseritur. Nulla enim potest simulatio commentitiae veritatis in eo videri, qui ante se non habet tales. Omnis enim qui tingit, hoc flingit quod certatur imitari. Et his enim laudibus nulla probamenta tribulationum fuerunt, sed propositum Deo dicatum in exercitio et observationibus constitutum: quod quia ad coronam meritorum tentatori non visum est plenum, petuit ut permitteretur ei diversis temptationibus probare ejus justitiam; ut in multis constrictus alii cubi hareret, et posset modum excedere. Quia ad hoc solent peccantibus diverse poenæ inferri, ut quia nemmo omnia potest ferre tormenta, aliquid illorum elicit ei veritatis confessionem. Itaque permissum est tentatori omnia ejus exterminare, et perdere, usque ad mortem filiorum: ut si daunum ferret boum, ovium non ferret; aut si et ovium ferret, camelorum amissionem non ferret, neque servorum aut totius substantiæ; aut si, quia grandis animi erat et satis meret devotionis, his omnibus non vinceretur, certe vel affectu charitatis, cogente frangeretur morte simul omnium filiorum. Sed quia ante legem editam, legem in corde suo scriptam habebat, nulla damna, neque orbitates minorem illum in Dei devotione fecerunt, ut formam daret ad Deum ex toto corde super omnia diligendum. Quanta ergo dignus est gloria, qui ante Legem, Legem servavit, ut Lex quæ futura erat, quomodo custodienda erat, demonstraret, non in verbis, sed auctor in factis? Et quia tentator irreverens est, nec haec gloria satis ei visa est ad probationem viri justi, nisi aliud adversus eum machinaretur, quod sciret ab homine ferri non posse; petuit iterum, ut illum ipsum saevo vulnere percuteret a capite usque ad pedum unguis. Et cum hoc permissum esset, quia fides ei haberet non debet, præceptum est ei, ut animam ejus servaret propter arbitrium, et ne quid violenter auderet in eum, quem rationis jure superare non poterat. Accepta igitur potestate, recrudescens in se crudelitatis sævitia, percussit virum justum plaga magna nimis, ut nihil esset in corpore quod immune esset a vulnere, quod nemo hominum tolerare posset, nisi solus Job³, qui vincere potuit satanam. Et cum nec sic nequitia diaboli aliquod murmur contra Deum viro justo eliceret, memor pristinæ calliditatis suæ, qua decepit Adam, sategit si posset et istum per mulierem decipere; quia facilius quis decipitur per domesticum. Et in his omnibus nihil proficiens, imo detrimentum faciens impudentissimum satanas, non solum immobilem invenit Dei servum, sed etiam magistrum. In ipsa enim necessitate positus, non tantum in Dei timore duravit, verum etiam uxori contraria suggesterem increpans, docuit, omnia quæ Deo permittente accidunt, fortiter toleranda (Job ii, 1-14): quod ad duplē poenam pertinet improvidi satanae, quia nec suasit quod voluit, et cum huic invidit, alios fecit discere quod nec hunc scire volebat. Quantum enim prospit tentatio Dei servis, et ob sit diabolo, hac lectione plenius edocemur. Cum enim putat se nocere eis, promovet eos; et cum unum persequitur, multos ad virtutem provocat. Videntes enim auxiliis Dei hunc protegi, multi imitatores ejus existunt. Luctum ergo volens facere perdidit. Semper enim furor ejus damnosus est ei. Nam cum persequitur justos ne munerentur, dignores eos facit: et cum zelatur sanctum Job, duplicitur ei meritum in celo et in terra; quia et hic auctus est, et in cœlis cum Salvatore rece-

¹ Ms. Colbertinus, et mali æterna dubia supplicia.

² Editi, semen, Miss., semina.

³ Nec est in MSS. secundi generis.

¹ In editis deest, 'ob, quod restituitur ex Ms. Colber-

ptus; ut ista omnia ad sanctorum proficiant gloriam, ad diaboli vero poenam.

DE TOBIA.

CXIX (a). — Tanta providentia est Domini Dei circa nos, ut errare nos nolens, et legem et exempla bonorum operum daret, quibus modesta et tranquilla agi possit vita cum Dei timore. Qui enim auctor vita est, non vult utique opus suum morti esse obnoxium. Quamvis natura ipsa legis non expers sit; tamen quia Dominus bonus et misericors est, ut major notitia eorum esset que sequenda, et illorum quae vitanda sunt, litteris et exemplis ostendit, sicut praesens lectio testatur. Dei ergo famulus sanctus Tobias post legem exemplum nobis datum est, ut quæ legimus, quomodo sunt, sciamus; et si tentationes atvererint, a Dei timore non recedamus, neque auxilium aliunde quam ab eo speremus, memores scriptum esse, *Pusillus fui, etenim semui, et nunquam vidi iustum derelictum, nec semen ejus querens panem* (*Psal. xxxvi, 25*). Nunquam ergo decipi potest, qui tota mente sperat in Deum. Licet ad tempus tribulationes ortas fuerint per insidiias satanæ, exempla nos docent sanctorum virorum, non haec a Deo permitti, nisi ad incrementum meritorum nostrotum: quia si æquo animo fuerint bajulatæ, hic nobis dabitur consolatio cum effectu, et in futuro vita æterna cum gloria. Deus enim noster quia justus est, et personarum acceptio apud illum non est (*Rom. ii, 11*), tentari nos permittit, quia nos diligit, ut post laborem possit nobis præmia dare amplissima. Denique Apostolo, ut tentationes ab eo cessarent, deprecanti, Dominus ait, *Sufficit tibi gratia mea; nam virtus non in infirmitate perficitur*. Hinc subsecutus ait, *Cum infirior, tunc fortior sum; et, Gaudeo, inquit, in tribulationibus meis, ut inhabitet in me virtus Christi* (*II Cor. xii, 9, 10*). Quam ergo laudabilis sit sanctus Tobias, Scriptura docemur; cujus devotionem nec captivitas minuit, nec oculorum amissio quominus Deum benedicret, persusas, neque exhausta substantia a via justitiae et veritatis avertit (*Tob. i-iii*). Necessest enim probat justum; et in egestate æquitatem servare, vera ac perfecta justitia est. Unde enim quorundam devotione minuitur, inde augmentum fecit laude dignus Tobias. *Inopia enim, inquit, humiliat virum; et qui humiliatur, non potest servare justitiam*. Sancti autem Tobiae erector ad Deum animus, nec capillitate fratus est, nec inopia humiliatus: quia et contra interdictum, occisorum corpora sepulture mandabat, et de Dei largitione securis, de ipso ex quo misericordia erat, sciens hanc magis placere Deo misericordiam que de exquo illi; sicut et vidua illa fecit, quod Dominus in Evangelio collaudavit (*Luz. xxi, 2-4*). Ille enim vere fidelis est, hic non dubitat de prontissimis Dei, qui de parvo largitur. Spes ergo futurorum ailiamenti nrum consolans, Deo dicatus Tobias in tentatione robustus et fortis irventus est, ostendens in necessitate plus in Dei timore vigilandum; quia si necessitas ad Dei auxilium non impellit, quanto magis securitas? Certi ergo sancti viri quod Deus iudicium sibi eorum omnium que in hoc mundo sunt, excepterit, tribulationes et damnationem reliqua exilia vel contumelias, non tantum non ægre tolerant, sed et gravioriter acceperunt: sicut et nostri apostoli, qui cæsi gavisti sunt, quia digni habiti sunt pro nomine Christi contumeliam pati (*Act. v, 41*). Indicia enim meritorum suorum existunt sunt, quæ injuste sunt fidelibus, sive in tribulationibus sive in contumelias. Itaque in tantum Deo placuit justus Tobias, ut duplice genere meritorum suorum consequeretur mercédem: et in presenti enim quod amiserat, ministro angelō recuperavit lumen, ac datum est etiam copias quæ ad presentem pertinent vitam; et in futuro hæres regni cœlorum est facius: ut in hoc doceremur quia qui toto corde Dei legi obtemperat, nec de promissis dubitat, et in hoc sæculo copias ejus sepe auget

(a) Deest in MSS. secundi generis.

Déus¹, et in futuro donat illum vita æterna. Est etiam aliud quod nō invitat ad divina obsequia. Sahtus enim Tobias non solum Jusitiae sue merita consecutus est; quia accedit ad cumulum glorie ejus, etiam ex eorum bonis qui imitatores ejus existunt. In imitatoribus enim exempla laudantur. Quod nobis quoque poterit provenire, si sic vixerimus, ut dignum sit et nos imitatores habere.

DE JEJUNIO.

CXX (a). — Congruum est, fratres clarissimi, devotissime Dei sacerdotem et præpositum pœbis Christi, exhortari populum sub cura sua positum in doctrina sana, sicut mandat Apostolus (*Tit. i, 9*), ut opus fidei, pro temporis observatione, omni cura diligenter, alacri et devoto animo faciamus. Jejunia etenim, quæ nunc imminentie die festo Pasche celebranda sunt, quid proficiant, quamvis non lateat, triceri tamen non debet. Incitat enim devotio, quando ea que licet non ignorentur, recensentur tamen. Tale enim est ingenium nature nostræ, ut torpescat, si usus destiterit lectionis. Quia sicut ferdi, nisi usum fuerit², æruginem general; ita et anima nisi frequenter divinis exerceatur lectionibus, nascentur illi peccata. Hinc est unde in Psalmo hunc dicit beatum, qui die nocturne legem Domini meditatur (*Psal. i, 2*). Denique quamvis nota sint divina eloquia, tamen cum fuerint sacris voluminibus memorata, sic illi devotum pectus suscipit quasi nova. Excitat enim desiderium animæ erga opera salutaria. Unde Apostolus ad Timotheum inter cetera: *Ut resuscites, inquit, gratiam Dei que est in te* (*II Tim. i, 6*). Igitur necessaria sunt nobis jejunia, sicut in vulneribus medicina. Medelam enim conferunt vita perpetua; ita tamen ut duarum rerum testimonio comprobentur, id est, oratione et misericordia. Jejuna ergo intemperantiam corporis mitigant, motus adversos reprimunt, pressuram animæ auferunt, sicut ait Dominus: *Nolite dedit esse in esca et crapula; ne graventur corda vestra* (*Luc. xxi, 34*). Cuin enim anima ab esu et potu nimio fuerit liberata, tunc se melius recognoscit. Sicut enim in speculo sordido non se tamē homo aspicit qualis est; ita et si esca et crapula suæ rit gravatus, alterum se sentit quam est. Tunc exsuscitur libido, accenditur ira, inflammatur superbia, generatur luxuria. Unde Apostolus: *Nolite, ait, inebriari vino, in quo est luxuria* (*Ephes. v, 18*). Quod si temperatum fuerit corpus interposito jejunio, cognitione sui recepta anima intelligit qua devotione sequi debeat Redemptori. Magna ergo ex parte jejunia sunt necessaria. Sub Esther etenim regina cum Iudaicus populus in periculo positus est, jejunio suffragantibus liberatus est (*Esther, iv, 16*). Et Ninivæ cum eversionis sue præscriptum diem a propheta audissent, jejunio indicto evadere mœruerunt (*Jonæ iii, 7*). Et justi ac Prophetæ nostri, quando a Deo aliquid impetrare voleant, jejunio se humiliabant, dicens David, *In jejunio humiliabam animam meam* (*Psal. xxxiv, 13*). Nam et Salvator, cui opus non erat, ut nobis exemplum daret, jejunavit (*Math. iv, 2*). Itaque nulli dubium est prodesse jejunia: sic etenim ostendit se homo velle impetrare quod postulat, cum se affligit jejunio. Unde dictum est, *Bona est oratio cum jejunio* (*Tob. xii, 8*). Ut accepta ergo possit esse oratio, consolitum vult secum habere jejunii³. Et quia nihil horum sine pietate firmum est, adiicit, *Et eleemosyna cum justitia; ut eleemosyna servata justitia, commendet orationem cum jejunio*. Denique orationem et jejunium Cornelii misericordia commendavit. Ipse enim abundans copias⁴, jejunabat; sed et non habentes pascebat, ut illorum saturitas jejunium ejus faceret acceptable. Nonnullis ergo in-

¹ Ms. Colberthinus, cutam ejus agit Deus,

² Ms. Colberthinus, fecerit.

³ Ms. Colberthinus, solatium vult eam habere jejunii.

⁴ Er. Ven. et Lov., abundans opibus, seu copiis, jejunabat.

Lugd., abundans opibus jejunabat. M.

(a) Deest MSS. secundi generis.

diget, et nonnullis carere debet jejunium, si possit mereri quod postulat.

LAUS ET GLORIA PASCHÆ¹.

CXXI (a). — O sanctum et salutarem diem Paschæ, et omni laude praedicandum, quo mors de-victa est, diabolo regnum ablatum, sacramentum Dei manifestatum, decretum quod adversum nos erat, evacuatum; tartari januæ conftractæ, vincit soluti, clausi remissi, cæci illuminati, imperiti scientia donati, iuppi facti misericordes, inquis et injustis peccatorum data remissio, inimicorum reconciliatio, erroris emendatio, veritatis declaratio; Deo filii ex perditis acquisiti, superbia depressa, humilitas exaltata; pauperes ditati, divites exhausti; montes deplanati, valles repleta, colles prostrati; impudentia calcata, verecundia compta², animos ad cœlum data facultas, libertas redditæ, disrupta ac resoluta captivitas: torpuerunt tenebrae, confusa est malitia, purificatus squalor, satanas dejectus; inanitus infernus: Dominus noster Jesus Christus verus Dei Filius approbat, caro ad confusioneum prudentium mundi in cœlos sublata, cœlestia, terrestria et inferna unius Dei et Domini demonstrata! Itaque, fratres charissimi, hunc diem festum colere et venerari debemus, devoti Deo cum modestia vitæ et animæ letitia, turpia et inhonestæ vitæ, ut ad fructum Paschæ venire mereamur per Christum Dominum nostrum, cui est honor et gloria in sæcula sæculorum.

DE PRINCIPIO.

CXXII (b). — In principio erat Verbum (Joan. 1, 1). Quid est in principio? Quoniam legimus et in veteribus Libris, In principio fecit Deus cœlum et terram (Gen. 1, 1). Et in Epistola ejus, cuius Evangelium est, de cuius principio aliquid conatur edicere, eodem sensu significatum est: ait enim, Quod erat ab initio. Epistola ergo et Evangelium unum habent sensum. Aliud enim est quid in veteri ait, In principio fecit Deus cœlum et terram; et aliud cum dicit, In principio erat Verbum; et, Quod erat ab initio (1 Joan. 1, 1). In principio enim esse, et ab initio esse, unum significat, qui ab initio quod erat, non cœpit esse. Quod enim incipit esse, ab initio non erat: et ideo subiicitur initio, id est, ut inter cetera in ordine, primus sit, quia ipse initio factus, alios cœpit post se habere, qui post illum sunt facti. Sicut legimus, quia in principio fecit Deus cœlum et terram: non dixit, In principio erat cœlum et terra; quia cùm non essent, et disponeret Deus facere mundum, in principio, hoc est inter cetera quæ ad mundi fabricam proficerent, primum fecit Deus cœlum et terram; quia principium initium est inchoantis aliquid, quod sit primum in ordine. Illud autem quod dicitur, quia in principio erat, id est, Verbum, ante inchoationem creaturæ supernæ et infernæ significatur fuisse: ut non utique inter haec quæ creata sunt, prius factum intelligeretur; quia in principio erat cum Deus disponeret facere creaturam. Ergo si in principio erat, id est, ante omnia erat, semper erat. Ideoque et Verbum erat. Ubi? Apud Deum, inquit, ut non indigne initio subjectum minime testimaretur, quod semper erat apud Deum. Convenit enim ut quod ante omnia apud Deum erat, nulli subiicitur initio. Unde adjectit: Et Deus erat Verbum. Nunc ostendit aperte quia quæ supra dicta sunt, congruunt Verbo; quia Deus est, inquit, Verbum: et de Deo alter non oportet sentiri, quam ut semper dicatur fuisse. Si enim cœpitesse, creatura est; si creatura est, Deus non est. Quidquid enim est, aut Deus est, aut creatura est: ac per hoc Dei nomen non competit creaturæ. Sed quia non cœpit esse (erat enim), digne dicitur Deus. Apud

Deum autem ideo dicitur semper fuisse, quia non ex se, sed ex Deo Deus est. Quaniobrem et nomen ejus dicitur Verbum Dei, sicut fides ejusdem evangeliste in revelatione sua demonstrat. Ait enim inter cetera: Et nomen ejus est Verbum Dei (Apoc. xix, 13). Ut enim non ipse ex quo sunt omnia significaretur, sed per quem³ sunt omnia, id est non Pater, sed Filius, Verbum Di appellatus est: ut quia Deus sine Verbo esse non potest, hic qui Verbum Dei dicitur, semper apud Deum fuisse creditur; et quia Verbum non est extra eum cujus Verbum est, hoc verbum quod apud Deum erat, non aliunde, sed de Deo esse significatum intelligatur: et quia de Deo est, non absurdè Deus dicatur. Itaque non duos deos facit, Deum fuisse apud Deum. Si enim essent duo, diversi essent natura, nec unius voluntatis. Si enim nos homines eum unius sumus naturæ, diverse tamen sumus voluntatis; quanto magis ubi diverse et naturæ? et nec Deus apud Deum esse diceretur⁴. Deus enim qui apud Deum erat et est, non ex se habet quod Deus est: si quominus, nec apud Deum Deus esse diceretur, neque Dei Verbum Deus Verbum appellaretur; sed quia quod de Deo est, non aliud significat esse quam Deus est, Verbum Dei Deus est nucupatus, ut quia Verbum Dei dicitur, ad alterum Deum non referatur. Quod autem Deus vocatur, ideo sit, ne ad injuriam Bei proficeret, si quod de Deo erat, Deus minime diceretur. Igitur et unitas Dei servata est, et debita honorificata redita; quando non in propria gloria recepta est hic qui de Deo Deus est, sed in ejus de quo Deus est. Propterea de Verbo incipit loqui Evangelium priusquam loquatur de Deo patre; quia quæstiones non de Deo sunt, sed de Verbo Dei. Nemus enim dubitat de Deo, sed de eo qui est de Deo Deus. Omnis enim lingua cœlestium et terrestrium fatetur unum Deum; sed in sacramento unius Dei turbatur. Trepidat enim audiens Deum dici Verbum Dei; corporalibus enim modis pulsatur, quia verbum hominis homo dici non potest: cum utique Deus natura sit simplex, non membris compitus, neque qui intus habeat et foris, neque ante et post, aut subminum et innum; sed si potest dici, totus per omnia idem, nusquam varius vel absimilis: una autem claritas ejus est immensa. Nam si ignis non habet anteriora et posteriora, aut intus et foris, quanto magis Creator ejus? Itaque quia omne quod Deus est, totum unum est, non discrepat cum quid de Deo est, dicitur Deus. Ex parte ergo humano exemplo, et ex parte non humano, Dei Filius qui est Verbum Dei, Deus est. Ea enim ratione quæ filii hominum homines sunt, Dei Filius Deus est: sed quia ex commixtione filii hominum homines sunt, non hoc exemplo Filius Dei Deus est; quia ex simplici Deo simpliciter natus est. Et quemadmodum verbum nostrum ex nobis est, hoc exemplo intelligitur Verbum Dei esse de eo: sed quia verbum nostrum non est hoc quod nos sumus, non hac ratione Verbum Dei de Deo est; quia Verbum Dei res est, non sonus qui deperit. Nec enim quia communia vocabula nobis et Deo sunt, una ratio erit nobis et Deo in rérum effectu. Nam legimus, In principio fecit Deus cœlum et terram. Quomodo fecit? Numquid sicut nos manu facimus opera⁵? Et in subjectis: Et dixit, inquit, Deus, Fiat lux; et facta est lux (Gen. 1, 3). Cui putamus locutum esse Deum? Quia non utique homini locutus est, sed ei qui posset facere, qui etiam hominem facturus erat, sicut et fecit. Sed quomodo locutus est? numquid, sicut nos loquimur, organo corporali? Absit. Vides ergo quod vocabula quidem nobis et Deo communia sunt, sed discrepant in effectu: aliter enim Deus facit quam facimus nos; et loqui dicitur, sed non more nostro. Sic et Verbum Dei non talo

¹ sic MSS. et editio Ratisponensis. Aliae autem editiones: *De Paschate, quam laudabilis et gloriosa sit solemnitas.*

² Ms. Colbertinus, *confusa.*

(a) Deest in MSS. secundi generis.

(b) Deest in iisdem MSS.

³ Ms. Colbertinus, *post quem.*

⁴ Sic MSS. At editi, ubi *diversitas non est naturæ neque voluntatis*, Deus apud Deum diceretur.

⁵ Ms. Colbertinus, *facimus manu, opere.*

verbum est, sicut nostrum, quod postquam fit, non est; illud autem manet; quia tale Verbum est, quod et audit, et loquitur, et operatur. Non solum autem Verbum Dei est, sed et Virtus et Sapientia Dei, hic est Filius Dei: qui quantum ad effectum pertinet, Filius dicitur Dei; quantum autem ad locutionem, qua nos alloquitur Deus per ipsum, Verbum dicitur Dei; quantum vero ad sapientiam, qua nos Deus per ipsum docet sacramentum suum, Sapientia dicitur Dei; quantum autem ad operationem, qua per ipsum omnia fecit et facit Deus, Virtus dicitur Dei. Hæc nulli alii possent competere nisi Filio Dei. Propterea enim quod ex Deo Deus est, omnia Dei habere dicitur. Nascendo enim omnia consecutus est Dei. Nec enim conveniens erat degener dici Verbum Dei; et Virtutem et Sapientiam Dei: hoc est enim Deus Verbum, Virtus et Sapientia. Christus autem quia totus de toto est Deo Deus; et Sapientia dicitur Dei, et Virtus, et Verbum: hoc est, Deum esse de Deo, et apud Deum. Propter quod ait, *Hoc erat in principio apud Deum*. Ad evincendas enim incredulorum mentes coacta Scriptura erupit, ut ostenderet Christum esse Deum, cum omni loco propter unitatem Dei, intelligi vult Christum esse Deum. Nunc autem aperta voce dixit eum esse Deum, et semper fuisse apud Deum, sacramentum patescens Dei, ne Deus omnino solitarius pateretur, declaravit non propterea unum dici Deum, ut solitarius aestimetur, sed licet duo vel tres, ex uno tamen, non prajudicare unitati quia quod de uno est¹ ad illud ipsum refertur, quia unus est, quamvis omnia dicantur ex Deo. Sed aliud est quod proprio existit de Deo, et aliud quod nutu deforis creatum est Dei: hoc est, aliud est quod de substantia ejus processit, et aliud quod cum nullo modo esset, voluntate ejus creatum est. Quia quod de substantia Dei processit, nunquam fuit post² ejus substantiam; quod vero creatum est, tunc cœpit esse substantia cum creatum est: ac per hoc initium non habet Trinitas sola. Declaratio igitur mysterii merita fidei minoravit: quia quanto occultius est quod creditur, tanto magis propensior credentis est merces, et minor pena diffidentis. Declaratio autem mysterii sicut minora fecit merita credentibus³; ita maiores exsuscitavit diffidentibus penas. Manifestior enim lex plus facit reum. Nam sufficerat testimonium Salvatoris, quo sibi proprium Patrem dixerat Deum. Quis enim credentium dubitaret nihil a Patre differre in substantia Filium? Sed quia haereticorum perversitas infidelitatis commentis fidei jura pulsare coepit, alter accipiendo Filium Dei quam predicator, additum est, ad faciendam manifestationem, hunc ante omnia apud Deum fuisse et Deum esse; ut declararet quod filii veri ratio inistre continebat: per quod divina clementia humana infirmatae providisse videtur, ut aperiret quod clausum potioris fidei meritis reservaverat: unde adjectit, dicens, *Omnia per ipsum facta sunt*, ut si quis ex superioribus in aliquo ambigeret, quia angusta est intelligentia hominum ad divinas res capiendas, ex his capax fieret, cum audit, *Omnia per ipsum facta sunt*: ut non utique facturam ipsum putaret, quia omnia per ipsum audit facta a Deo; si autem et ipse esset factura, non omnia per ipsum facta a Deo dixisset: nec enim ipse per se siebat. Quod ut adhuc absolutius traderet, adjectit, *Et sine ipso*, inquit, *factum est nihil*: hoc dicens, exclusit omnem controversiam et argumenta terrena. Quamvis non desint qui diffidant; tamen quando sine ipso nihil factum ostendit, nullo modo illum facturam esse suspicari debere edocuit. Quomodo enim dici potest ipse esse factura, cum nihil dicatur Deus sine ipso fecisse? Si enim fecit, menti-

tur Scriptura. Sed absit. Fidelis enim est Scriptura, quæ ut errorem amputet, quanta potest utitur manifestatio ad salutem hominum redimendam. Denique subjecit, *Quod factum est in ipsa vita est* (*Joan. 4, 2-4*): *in ipso*, id est in Verbo, quod factum est, vitam esse significat. Sicut et ipse Dominus ait: *Sicut habet Pater vitam in semetipso, ita dedit et Filio vitam habere in semetipso* (*Id. v, 26*). Non quia Verbum sine vita erat, et postea aut data aut facta est in illo vita; sed ipsum Verbum vitam vult intelligi esse. Si de Patre Deo potest dici quod aliud ipse est, et aliud in se habet; ita etiam de Filio ejus: quia sicut habet Pater vitam in semetipso, ita dedit Filio vitam habere in semetipso. Humana enim eloquia non sunt idonea ad res explicandas divinas. Ideo vitiosum videtur quod dicitur, ut cum factura non sit Dei Filius, in ipso dicatur factum quod est⁴. Et si dixisset, quod genitum est in ipso, etiam sic vitiosum videbatur. Sed ut substantiam generationem⁵ ejus ostenderet, opus in ea factum quali uti potuit sermone, per quod existeret, demonstravit, quia generatio ejus vitam in se habet. Nos enim vivimus quidem, sed non possumus aliis dare vitam: quippe cum nec in potestate nostra sit eadem vita. Ille autem ideo dicitur vitam in se habere, quia potens est vivificare, et creare quæ vult ut sint et vivant. Ad hoc enim natus dicitur, ut omnia possit facere quæ facit Pater; quia sic habet vitam in se, sicut habet et Pater. Hoc enim est, omnia per ipsum et in ipso fecisse, sic cum genuisse, ut haberet in se vitam, per quam omnia possit facere: non quia ipse aliud est quam vita, sed dum hoc potest vita ejus, ut et vivat, et alia possit creare quæ vivant, vitam dicitur habere in semetipso. Nos enim vivimus, sed non habemus sic in nobis vitam ipsam, ut etiam aliis denus vitam. Quem sensum et apostolus Paulus memorat inter cetera dicens: *Qui est imago invisibilis Dei, primogenitus ante omnem creaturam: quoniam in ipso condita sunt omnia in cœlis et in terra: visibilia et invisibilia, sive Sedes, sive Dominationes, sive Principatus, sive Potestates; omnia per ipsum et in ipso creata sunt* (*Coloss. 1, 15, 16*). Conveniunt autem Evangelia in hoc duorum Apostolorum Joannis et Pauli: eadē enim dicunt, quia Filius Dei ante omnem creaturam genitus est, ut crearet potentias spirituales, et mundum, et quæ in eo sunt visibilia. Quod enim dixit Joannes, quia quod factum est, in ipso vita est, hoc idem significavit et Paulus dicens, quia in ipso condita sunt omnia in cœlis et in terra. Et in subjectis, *Omnia per ipsum et in ipso creata sunt*. Per ipsum creavit, quia in substantia idem Deus est, hoc est Pater in Filio: *In ipso vero, quoniam sic generavit Filium, ut haberet potentiam faciendi omnia visibilia et invisibilia*. Hoc fuit fecisse in illo vitam, ut et viveret, et vitam aliis præstaret vivendi, intelligendi, agendi, et ceteris animantibus secundum quod voluit, quasi *imago Dei*. Dum enim *imago dicitur Dei*, ad utrumque referuntur; quia et per expressam nativitatem, plenam habet in se similitudinem Patris, et potest quidquid potest et Pater, ut verum sit Patrem videiri in Filio, qui est *imago invisibilis Dei*. Numquid quia Patrem invisibilem dixit, Filium visibilem fecit, cum hoc utique sit Filius per naturam quod et Pater? Et cum creatura cœlestis sit invisibilis, quanto magis Creator ejus? Sed hoc significavit quod in cœlis est, non quod in terra; quia quamvis Filius invisibilis sit, illie tamen, id est, in cœlestibus videtur ab Apostolis vel ceteris talibus, de quibus dixit: *Pater, volo ut ubi ego sum, et isti sint mecum, et videant claram meam* (*Joan. xvii, 24*). Et alibi: *Beati, inquit, mundo corde, quoniam ipsi Deum videbunt* (*Math. v, 8*): hoc est, Patrem in Filio, Deum imaginem; quod est Deum in Deo. Sicut corporalis

¹ Sic Ms. Colbertinus. At editi, licet duæ vel tres personæ essent, tamen non prajudicaretur unitati, quia quod Deus est, etc.

² Editi, præter. MSS. post.

³ Ms. Colbertinus, mereri credentes.

⁴ Ms. Colbertinus, omittit, quod est.

⁵ Sic Ms. Colbertinus. At editi, substantiam generationis.

rei corpus imago est, ita et Dei Deus imago est : quia exemplum Pater, Filius vero exemplum de exemplo, quod communicat Spiritui sancto; *Quia de me*, inquit, *accipiet* (*Joan. xvi*, 14). Ideoque in Filio videtur Deus quasi in sua imagine. Sic ut enim nemo dignus inventus est aperire librum, et signacula ejus, nisi Verbum Dei (*Apoc. v*, 4-8); ita et Deum Patrem nemo videre dignus est, neque natura, neque meritum, nisi verus Filius ejus. Nihil etenim medium est, quod obstet inter Patrem et Filium, ipso nobis teste qui ait: *Neque enim Patrem vidit quisquam, nisi qui est a Deo, hic vidit Deum* (*Joan. vi*, 46). Sed si in Filio videtur Pater, quare nemo dignus dicitur videare Deum; cum videatur in Filio, quia nihil differt a Patre Filius? Nihil plane differt in substantia, quia verus Filius est; differt autem in causalitatis gradu¹, quia omnis potentia a Patre in Filio est: et in substantia minor non est Filius, auctoritate tamen major est Pater, ipso Domino testante et dicente, *Si diligenteris me, gauderis utique, quia uado ad Patrem, quia Pater maior me est* (*Joan. xiv*, 28). Quem etiam modum custodiens apostolus Paulus, *Urus*, inquit, *Deus Pater, ex quo omnia et nos in ipso; et unus Dominus Jesus, per quem omnia, et nos per ipsum* (*1 Cor. viii*, 6): ut primus gradus sit, ex quo sunt omnia; secundus, per quem omnia; tertius, in quo omnia. Et quia nullus ex his degener est, in unitate Dei significati sunt, dicente Apostolo, *Quoniam ex ipso, et per ipsum, et in ipso sunt omnia, ipsi gloria in saecula saeculorum* (*Rom. xi*, 36).

CXXIII (a).—Utrum Adam Spiritum sanctum habuerit?

Comperi quosdam ex fratribus nostris, non plene discissimis Scripturas; sed simplicitate animi asseverare quod Adam factus, sanatum accepit Spiritum, quem peccans amisit, sicut nunc datur credentibus. Ille ducti ratione, qua solet asseverari a plurimis quia per fidem instauratus est homo, ita ut ad pristinum redditum statum, hoc nomine accepiceret quod inter initia Adam fuerat consequens; et quia perfectus homo factus dicebatur, qui si non habuit, inquietum, Spiritum sanctum, imperfectus fuit. Ego autem non solum hominem, sed et cuncta quae fecit Deus, quae non possunt dici accepisse Spiritum sanctum, dico perfecta. Omnia enim genera animalium in suo perfecta sunt, ut implent id ad quod sunt facta: ita et homo in suo genere perfectus est, ut potens sit discernere malam a bonis, prava a rectis. Est enim animal intelligibile, perfectum ad id ad quod factum est. Capax est enim dicendi, excogitandi et faciendi, ut quae virtute non potest, implet sensu. Et quomodo ausi sunt dicere, hominem perfectum nasci debere et totum scire, quem vident nihil ultra nosse quam hic dicunt? Quod enim hic non dicunt, nescit. Denique quoniam hic non dicunt, qualis sit, nescit: qui se ergo nescit qualis sit, quomodo omnia novit, cum minus sit se nosse, quam cetera? Sed quia ex ceteris dicunt, de se autem non dicunt, de aliis novit, de se nescit, neque qualis sit, neque an ante corpus an post corpus sit. Nam si sic perfectus factus esset ut nullius egeret, non fuerat homo, sed Deus; neque circumventus prævaricasset. Spiritum autem sanctum habere, ultra naturam et perfectionem hominis est, ut possit quae Dei sunt. Numquid non, quia asina locuta est ad Balaam, ultra perfectionem ejus est (*Num. xxii*, 28)? Accepit enim ut posset quod naturæ sue non erat, sed nostræ. Itaque quia præstantior est homo ceteris animalibus, idcirco illa imperfecta dicenda sunt? aut quia sancti Angeli non sunt quod est Deus, imperfecti sunt? vel quia luminaria et stellæ imperfectiones sunt supernis Angelis, vel quia nubila velamine suo obscurant sollem et lunam, minus perfecta sunt? Et quia membra invicem egent (non enim possunt pedes quod possunt manus), imperfecta dicentur? Absit. Omnia enim pro

locis et gradibus suis firma et perfecta sunt, ut implent id ad quod facta sunt. Igitur omnia perfecta sunt, quia et Creator eorum perfectus est; sed ad comparationem ejus imperfecta sunt. Deus enim per omnia perfectus est, quasi fons et origo omnium. Nam quæ facta sunt, perfecta quidem sunt, sed ad id quod facta sunt, ut in alia parte non sint perfecta; quia alter alterius eget: ut in eo quo non eget, perfectum sit, non in quo eget: ideoque perfecta et imperfecta sunt omnia. Manus indigent pedibus; quia nisi ambulaverint pedes, otiosas erunt manus. Iterum pedes indigent manibus; calceare enim se non possunt, neque curare. Cum ergo corpus perfectum sit membris, volare tamen non potest, neque ferre tantum quantum potest burdo. Cunque hi perfecti sint, gubernare tamen se nesciunt, nec adlibere sibi possunt medicinam. Unde dictum est, *Nolite fieri sicut equus et mulus, in quibus non est intellectus* (*Psal. xxxi*, 9). Et aqua et ignis cum repugnant invicem, in suo genere perfecta sunt; implet enim id ad quod facta sunt. Coquit enim ignis, et consumit; purgat et calcificat: aqua vero abluit, refrigerat, irrigat, sipientes recreat. Itaque cum omnia in suo genere perfecta sint, sine homine tamen nihil possunt, neque homo quanvis perfectior sit, sine his. Hinc Apostolus imperfectos et perfectos nos dicit. Ad comparationem enim infidelium nos perfecti sumus, quia Deum cognoscimus: sed quia quæ promissa sunt, minus scimus quam debemus, quia in hac vita non tantum possumus comprehendere, quantum est quod creditur, imperfecti sumus. Igitur quoniam putant perfectionem Adic instaurari credentibus, videamus si hæc instauratio nihil ultra doni habeat divini quam fuerat consecutus Adam. Factus enim Adam positus est in paradiiso, ut operaretur ibi, et custodiret: hoc est, ut coleret terram, et custodiret præcepta Dei, per quæ sciret sic se dominum cunctorum accepisse, ut ipse tamen sub lege viveret Creatoris, ne dominatio extolleret eum, et inflatus superbia immemor fieret sui Conditoris. Positus ergo est, ut cibis sustentaretur vita ejus: per Christum autem hoc concessum est, ut resurgentes non egeant cibo vel poto; quia quod mortale est hominis, convertitur in vitam. Factus est Adam ut habitaret in terra; fides autem largiri dignata est ut in cœlis sit habitatio nostra. Scriptura ipsa testatur, quia *factus est*, inquit, *primus homo Adam in animam viventem, secundus autem homo in spiritum vivificantem. Primus autem homo de terra, terrenus; secundus autem homo de caelo, cœlestis. Qualis terrenus, tales et terreni; et qualis cœlestis, tales et cœlestes* (*1 Cor. xv*, 45-48). Quid tam aperte quam quod Adam non habuit Spiritum sanctum? Factus est enim in animam vivente; per Christum autem in spiritum vivificantem, ut homo in aliquo similis sit Creatori, quem credit². Quia enim mysterium fidei, quod ad salutem datum est, trinum est, trinus fit, corpore, anima, et Spiritu sancto, per quem dicimur filii Dei: quod minime Adam probatur vocatus; terrenus enim factus est. Filii autem Dei non carnaliter, sed spiritualiter nati, coelestes dicuntur esse. Ecce absolutum est donum Dei multo plus gratiae concessisse homini tempore Salvatoris, quam accepérat Adam; quia non solum est instauratus, sed et melioratus: in eo instauratus, quia peccatis ablutus est; in ceteris melioratus. Ille enim et justitia et ratio exigebat, ut tunc uberior esset clementia Dei in dandis beneficiis, quando mysterium divinitatis sue innotescere voluit creature: ut cognoscentes, quod incognitum fuit a saeculis et generationibus, Dei unius sacramentum in Trinitate consistere, pro ipsa novitatis quasi dedicatio peccatis abluti insuper justificantur, et adoptati a Deo Spiritum sanctum accipiunt, per quem signum adoptionis habere videantur. Adoptio enim a Deo signum habere debet Dei Patris, ut non innumerito ulli

¹ Ms. Colbert., in causa vel gradu.
^(a) Deest in MSS. secundi generis.

² Ms. Colbert., et sit quod credit.

Dei appellentur. Hoc donum etiam per Prophetas promissum est, ut tunc daretur, quando mysterium Dei declarari deberet in triumpho devicta morte, ut sciret creatura Patrem et Filium et Spiritum sanctum unum esse Deum. Unde evangelista : *Spiritus, inquit, nondum erat datus, quia Jesus non erat clarificatus (Joan. vii, 39)*. Clarification enim hec est, cum per virtutem suam cognoscitur esse quod testificatus est de se, quia clarificatio hoc donum dedit, quod per Ioseph prophetam fuerat promissum. Ait enim Deus : *In noctisimis diebus effundam de Spiritu meo super omnem carnem, etc. (Joel. ii, 28)*. Et Apostolus inter alia : *Cum autem benignitas, inquit, et humanitas apparuit Salvatoris Dei nostri; non ex operibus justitiae, quae fecimus nos, sed secundum suam misericordiam salvos nos fecit per lavacrum regenerationis et renovationis, per Spiritum sanctum, quem effudit in nos abunde per Iesum Christum Salvatorem nostrum : ut justificati gratia ipsius haeredes efficieremur secundum spem vitæ aeternæ (Tit. iii, 4-7)*. Confirmavit Apostolus quod per Ioseph prophetam fuerat promissum, quia hoc postquam clarificatus est Jesus, implevit Deus, ut Spiritum sanctum effunderet in illos qui credunt in Christum : et hoc est haeredem fieri vita aeterna, Spiritum sanctum accipere; ut quia Spiritus aeternus est, aeternam habeat vitam qui accipit eum : pignus est enim immortalitatis. Qui enim accipit eum, et manet in ejus dilectione, transacta hac vita pergit in caelos ad eum cuius Spiritum habet. Incongruum est enim ut qui hinc exit habens Spiritum sanctum, apud inferos teneatur. Signum est enim in homine vitoriae Christi, qua visit mortem, Spiritus ejus, ut in quo fuerit Spiritus ejus ab inferis teneri non possit. Ac per hoc in veteribus sanctis non ita fuit Spiritus sanctus, sicut nunc est in fidelibus; quia exentes de seculo, apud inferos erant : et non potest dici quia Spiritus sanctus causa peccati Adae, quod per traducem generis omnes semina ejus subiectum fecit inferis, simili tenebatur sententia data Adae. Cum Prophetis ergo et justis viris sanctum fuisse Spiritum non est ambiguum : cum Prophetis, propter dispensationem; cum justis vero causa sanctitatis, sicut legitur de sancto Simone, quia *Spiritus sanctus, inquit, erat cum eo (Luc. ii, 28)*; non ut signum esset adoptionis in eo, sed meritorum ejus gratia. Nam filii Dei credentes tunc esse coepерunt, quando manifestatus est Filius Dei, victa morte, cuncte creature. Si autem in Adam vel in ceteris sic dicatur fuisse Spiritus sanctus, sicut nunc est in fidelibus; quae nova dona dedit Deus, cum regnum Filii sui dedicavit in nobis? Et quomodo felix et beatum tempus praeceteris dicitur Salvatoris adventus, si ea praestit quae jam fuerant praestita? Et ubi est illud, quod dicit Salvator ad discipulos : *Muki, inquit, Prophetæ et justi cupierunt videre quae vident, et audire quae audit, et non audierunt (Math. xiii, 17)*? Quia ratione ergo poterit dici quod beatitudo temporis hujus nihil amplius contulit doni, quam veteribus est collatura? Quidquid ad injuriam proficit Salvatoris, ut nihil habuerit novum quod in ortu imperii sui suscipientibus se donaret: cum tamen laborare soleant divites, ut in die festo natalis sui exquisita invitatis dent apophoreta. Quanta ergo injuria est, ut Deus iis quos ad novum et inauditum diem festum et omni laude dignum invitavit, non dicatur habuisse inexperta quae donaret? Et ubi est illud evangelistæ Joannis, quod dicit : *In sua venit, et sui eum non reciperunt: quotquot autem receperunt eum, dedit eis potestatem filios Dei fieri; iis qui credunt in nomine ejus, qui non ex sanguine, neque ex voluntate carnis, neque ex voluntate viri, sed ex Deo nati sunt (Joan. i, 11-13)*? Igitur quomodo non inusitatum est quod donavit credentibus Deus in Christo, quando dedit eis potestatem filios Dei fieri, id est, fratres Filii sui proprii, non ex voluntate carnis aut viri, sed ex Deo, ut spiritualiter nascerentur? Aut si prius gratia ista concessa probatur, tunc nihil novum adventus Christi contulisse dicatur. Adæ certe carnalis et terrena fuit factura, non spiritualis. Non

enim ex Deo sine carne et sanguine natus est, sed de terra a Deo factus est: ideoque non potuit Spiritum sanctum accipere, qui non erat spiritualis, et cui concessum non erat Pateris Deum vocare in oratione. Qui enim Spiritum sanctum accipiunt, his datur potestas ut per id quod Spiritum sanctum habent, patrem illum Christianorum in oratione appellant. Quid quia ante concessum non fuit, non possunt dici priores Spiritum sanctum habuisse. Il ergo qui putant Adam vel ceteros habuisse Spiritum sanctum, nesciunt quale donum habeant Dei; nec gratias congras possunt ei agere, qui plus ceteris accipientes nihil se dicunt amplius consecutos.

UNUM OPUS DIFFERRE SECUNDUM PERSONAS IN LAUDEM SIVE CONDEMNATIONEM.

CXXIV (a).— Una est misericordia in divite et paupere, sed aliter imputatur diviti, aliter pauperi: quia plus laudanda est in paupere quam in divite. Pauper enim de exiguitate sua largiri non timuit, sperans a Deo sibi retribui et in presenti et in futuro. Credit enim Scripturæ dicenti quia qui tribuit pauperibus, non egredit (*Prov. xxviii, 27*). Unde et paupercula¹ illa, divitibus multa mittentibus, sola ineruit a Deo collaudari, quia de penuria sua largiri non timuit (*Luc. xxi, 2-4*). Divites vero secuti de divitis suis largiuntur, pauper autem securus de Domino. Bene igitur faciunt divites dum largiuntur egenis, sed multo melius pauperes. Ac per hoc alia remuneratio pauperis et alia divitii. Dives enim si hoc non fecerit, vapulabit: a paupere enim non exigitur tantum. Ideoque laudabilis est pauper misericors. Furtum in paupere et divite unum peccatum est, sed divitem plus facit reum: quia pauper per inopiam facit sursum, dives autem cum abundet non contentus suo, tollit aliena; et quod pejus est, solet pauperes expoliare: ac per hoc differt poena utriusque. Et justitia pauperis, et divitii una est; sed laudabilis est in paupere magis. In egestate enim servare justitiam, magnifica res est. Dives autem ideo servare videtur justitiam, quia alienus est ab inopia. Ergo uterque justus est, sed maior est in necessitate servare justitiam. Superbia una est, sed plus damnanda in paupere est quam in divite: quia dives copia elatus est, pauper autem in egestate superbus, quod ad insaniam pertinet, ac per hoc plus reus est pauper. Humilitas una est, sed magis laudanda in divite est. Quid enim magnum est si pauper humilis videatur, quem ipsa inopia humilem facit? Magnificum autem si hic qui dignitate et copiis commendatur, inclinet se, non sibi vindicans quae moreri se novit. Ergo in omnibus humilitas bona est, sed multo magis in divite. Doctrinæ et studii una est causa; sed laudabilior in divite est. Pauper enim cum nulla prærogativa commendaretur, operari dedit ut haberet unde posset requiri: Dives autem cum esset unde commandaretur, adhibito labore auxit se, ut duplice genere necessarius esset; non enim avocatus copiis retraxit animum, quo maius per se floreret. Et ideo hic magis laude dignus est quam pauper, qui si studiis operam minime dedit, per omnia remanserat vilis. Illum ergo voluntas, huic necessitas fecit studii cupidum. Libido in paupere et divite eadem est, sed damnabilior in paupere quam in divite est. Pauperem enim ipsa egestas revocare debet a cupiditate luxurie: cogitare enim debet quia unde hoc impletat non habet, et dum hoc festinat adimplere, alia multa mala adiutant necesse est, quibus forte nec ad presentis evadat; aut certe hoc ipsum quod habet insuavis, mendicus remanebit cum nota. Divitem autem deliciarum copiae lassessunt ad voluptatem libidinis: proterea quia divites securi sunt de impunitate, solentes venalia esse judicia, et nec redargui se ab aliquo. Quis enim dignitate fulsum virum et divitem arguere audeat? Unde magis acoenduntur, ut et violenter hoc agant. Non solum enim iniuste

¹ Ms. Colbert., paupera.

(a) Debet in Ms. secundi generis.

reprehenduntur, sed in magno honore sunt, et gloriar possunt, quia tales sunt. Quod si uteisque, id est, pauper et dives pudicus sit, multum differt pudicitia divitis a pudicitia pauperis. Pauperem enim potest humilitas revocare, ne quod vult possit implere, ant timor legum: dives autem cum multis suffragantibus causis ad voluntatem possit allici, laudabilis est, si avertat hinc animum. Alia ergo remuneratione dignus est dives pudicus, et alii pauper pudicus. Quid si rex sit pudicus, multum est gloriosum, ut omnia in potestate habens non contingat, quod scit impune a se posse fieri. Hic vere Deum timet, hic vere praecipit eius custodit, qui in potestate habens leges, futurum Dei judicium contemplatur. Itaque grandis res est ut qui in presenti non habet quem timeat, vincat quod delectat; cum delectatio tantum possit, ut non solum futura, sed et presentia minime vereatur. Unde multum merentur quicunque hanc superant, sed plus iij qui in praesenti legibus et hominibus dominantur. Casteri enim et homines et leges vereantur; quare et propositum custodiunt. Ne enim apud homines erubescant, servant quod diu tenerunt; et ne condemnentur, a prohibitis se abstinent: hic autem qui damnatione nec leges timet, nec homines erubescit, magna gloria est si se abstinet.

ADVERSUS EUSEBIUM.

CXXV (a). — Memini me in quadam libello Eusebii quondam egregii in reliquis viri legisse, quia nec Spiritus sanctus sciat mysterium nativitatis Domini nostri Iesu Christi; et admiror tantae doctrine virum hanc maculam Spiritui sancto inflixisse. Hoc enim dicens degenerem illum significavit. Neque enim potest dici de Deo esse, si nescit quae Dei sunt: quia inferior natura quid in potiore sit, nescit. Sin vero substantiae est ejusdem et divinitatis, quomodo potest nescire quae sunt? Denique Filius Dei, quia, *Ego, inquit, et Pater unus sumus* (*Joan. x, 50*), propter unitatem substantiae, non immorito adjecti, dicens, *Omnia quae Patris sunt, mea sunt; et quae mea sunt, Patris sunt* (*Id. xvi, 15*). Quonobrem si Spiritus sanctus ejusdem divinitatis est, qua ratione segregatur, ne sit ejusdem scientie, cum ejusdem non negetur esse substantiae? Quod plus est concessit, quod minus est renuens¹. Creatura enim discit, et incipit aliquanta scire de auctore suo, et erunt ei quae didicerit cum auctore suo communia: substantia autem vel divinitas non potest Deo esse et creatura communis. Nam Dei substantia non habet quod discat, quia nihil est quod ignoret: substantia vero hominum non habet in natura ut sciatur, sed ut discatur. Itaque natura hominum accedit scientia: non tamen immutatur substantia: quia hominis natura debet scientiam: sic enim condita est, ut per exercitium acquirat scientiam. Igitur major est substantia quam scientia; quia non scientia acquirit substantiam, sed substantia scientiam: et substantia est sine scientia, non tamen scientia potest esse sine substantia. In Deo autem scit est substantia, ita et scientia: substantia enim quae nihil habet quod discat, ipsa substantia est sibi scientia. Quonobrem omnia in Deo substantiva dicuntur. Substantia enim cui nihil deest, omnia substantialiter habet; quia nihil ei accessit post studium. Quomodo ergo dici potest de Spiritu sancto quia nascit nativitatem Filii Dei, si consubstantivus est ei? Numquid potest una eademque substantia, et scire, et nescire? Certe Filius Dei mysterium nativitatis sue non didicit; scit enim substantialiter, non per doctrinam: quia ergo ratione Spiritus sanctus dicitur nescire, cum similiter ipse nihil habeat quod discat, quia omnia novit per substantiam? Sicut enim Dei Filius, ita et Spiritus sanctus Dei substantia est, dicente Domino, *Omnia quae Patris sunt mea sunt*: per quod significavit substantiam Dei Patris suam esse sub-

stantiam. Et Spiritum sanctum a Patre dicit procedere, et de suo accipere: *Et ideo, inquit, dixi, de meo accipiet, quia omnia quae Patris sunt, mea sunt*. Si a Patre procedit, et de Filio accipit, quomodo Filius nesciat nativitatem; quando substantia ejus substantia Filii est? Omnia enim quae Patris sunt, Filii sunt. Sine dubio ergo Patris substantia et in Spiritu sancto est. Adjectit enim Filius, dicens: *Et omnia quae mea sunt, Patris sunt*. Quid ergo ambiguitur de Spiritu sancto, an ejusdem divinitatis sit, cum sit ejusdem substantiae? Nam sicut de se dicit Dominus quia a Deo processit, ita et de Spiritu sancto testatur. Et ne hoc aliter possit interpretari, *A Patre, inquit, procedit* (*Joan. xv, 26*); et, *De meo accipiet* (*Id. xvi, 14*): ut a Patre procedere, hoc sit de Christo accipere. Cum enim dicitur de Filio Dei accipere, non ambiguitur etiam ipse esse deo, ut in sancto Spiritu Patris esse substantia et divinitas non ambigatur. Itaque qui hunc dicit nescire Filii Dei nativitatem, ipsis derogat ejus dicitur accepisse. Nec enim aliud accipit, quam ipse est de quo accipit; quia accepisse de Christo, de Deo processisse significavit: ideoque non potest nescire, quod hic sit de cuius accepit; neque ignorare dicendum est Dominum, quia a Deo processit. Certe Filius Dei, quia de Patre est Deo, scit omnia Dei: quare ergo Spiritus sanctus negetur scire quacumque Christi sunt, cum de eo accepit? Itaque si scit Filius Dei que in Deo sunt, dubium non est etiam Spiritum sanctum non ignorare que in Filio Dei sunt: et per id quod novit que sunt in Filio, non nescire dicendum est que in Deo sunt. Deo enim de quo accipit, Dei habet notitiam. Et quid laboramus, cum testis sit in hac re Apostolus, dicens: *Nemo scit quae sunt in Deo, nisi Spiritus Dei* (*1 Cor. ii, 11*)? Ecce in quo diu sudavimus, Apostolo adjuvante imple invitus. Et numquid prejudicavit Filio Dei, quia neminem dixit sciere que in Deo sunt, nisi Spiritum Dei? Absit. Sic nec prejudicavit Spiritui sancto Filius, cum dixit: *Nemo nescit Patrem, nisi Filius*. Neminem enim dixit sciere que in Deo sunt, prater eum qui de Deo est: quia omne quod de Deo est, novit Deum; et quae in Deo sunt. Naturam enim Dei, ipsa se novit; quam cum intelligis esse etiam in Spiritu sancto, per id quod a Patre processit, et de Filio accepit, tunc non est istum dicere nescire Patrem Deum, cuius naturam agnoscis in eo: et tamen Salvator sic dixit, neminem sciere Deum Patrem nisi Filium, ut reservaret alii personae hujus cognitionem; statim enim subiect, dicens: *Et cuius valuerit Filius revelare* (*Math. xi, 27*). Qui putas, nulli revelare Filius? Nulli enim charior esse potest quam Spiritui suo: quia si quis, inquit, *Spiritum Christi non habet, hic non est ejus* (*Rom. viii, 9*). Quomodo ergo putas revelatum Deum Patrem a Filio Spiritui sancto, nisi quomodo ipse Dominus ait, *de meo accipiet?* Creatura enim revelari non potest Pater Deus; quia Dei naturam serre non potest, nisi fuerit ejusdem substantiae: lucem etenim habitat inaccessibilem creature dimicata (*1 Tim. vi, 16*). Sed quibusdam videtur ideo recte dici nescire mysterium nativitatis Filii Dei Spiritus sanctus, quia omnia dicuntur scrutari (*1 Cor. ii, 10*), et qui scrutatur, inquit, nescit utique. Quod ex alio loco debet intelligi: Dei enim verba sunt inter cetera dicentes, *Ego Deus qui scrutor renes et corda* (*Jerem. xvii, 10*); et in Psalmo, *Scrutans ait, corda et renes Deus* (*Psal. viii, 10*); et Apostolus, *Qui scrutatus, iugulat, corda, sciit quid desideret Spiritus*; quia secundum Dei voluntatem postulat pro sanctis. His exemplis cum scrutari dicuntur Dei Spiritus, non ignorare significatur. Etiam alta Dei dicuntur scrutari: et quae sunt altae Dei, quae dicuntur per videre? Scrutari enim occulta significat penetrare, ut per id nihil esse occultum ei credatur, Alta enim Dei mysteria interiora sunt Dei, que scrutari a creatura non possunt. Nam et secretum Dei voluntatem pro sanctis legitur postulare, quod sancti utique nesciunt, dicente Apostolo: *Nam quid oremus, sicut oportet, nescimus* (*Rom. viii, 27, 26*). Ergo

¹ Ms. Colbert., *Quod plus est concedis, et quod minus est refines.*

(a) Deest in MSS. secundi generis

alta Dei scire, et voluntatem Dei non ignorare, unum significat. Quid enim tam altum mysterium, quam voluntas est Dei, quod cognitum est Spiritui sancto, cæteris vero incognitum est omnibus? Contuendum ctenim est quomodo dictum sit, quia *nemo scit quid sit in homine, nisi spiritus hominis, qui in eo est* (*1 Cor. ii, 11*): spiritum animam significavit; quia nemo scit quid sit in animo hominis, nisi animus ejus qui est spiritus. Sic et in Deo nemo scit quae sunt Dei, nisi Spiritus Dei, hoc est, ipse Deus. Qui enim de Deo est¹, non alius intelligitur esse quam Deus est. Ideo Spiritus Dei scit quid in Deo est, quia de Deo est. Nam si cogitationes hominum nemo novit nisi Deus; quanto magis Dei secreta et voluntatem nullus potest cognoscere nisi sit de Deo, hoc est idem ipse Deus? Ipse est enim sibi soli cognitus. Nam utique in Deo non sunt cogitationes. Nec enim tractat apud se quid faciat, aut quid non faciat, deliberans an expediat; quia omnia que in Deo sunt sine dubitatione sunt non per accidentiam, sed per substantiam; nec per studium, sed per naturam; quia non immutatur². Ac per hoc non aliter novit Spiritus sanctus mysteria Dei, nisi per substantiam: una enim substantia unum habet sensum et voluntatem. De Deo loquitur, qui semper unus et immutabilis est, sive in Filio, sive in Spiritu sancto. Quod enim vult Pater, hoc vult et Filius; et quod vult Filius, eadem vult et Spiritus sanctus. Quamobrem aliquando dicitur Spiritus Dei, aliquando Spiritus Christi: *Qui a Deo, inquit, procedit; et, de meo accipiet*. Hinc est unde Joannes apostolus ait: *Ex hoc scimus quia Deus in nobis manet, de Spiritu suo, quem dedit in nobis* (*I Joan. iii, 24*). Ergo si Spiritu Dei in nobis manente, manere dicuntur in nobis Deus, Deus significatur esse Spiritus Dei. Denique, hoc est signum credentium, quod sint filii Dei, ut cum hunc accipiunt, Dei se filios andeant appellare. Nisi enim signum deitatis habuerint, Dei filii dici non poterunt. Quanquam aliquis verus Dei filius non est, ut sit totus de toto, sicut et Christus. Per adoptionem autem sunt filii Dei, ut accipientes Spiritum Christi per ipsum filii Dei dicantur, per id quod de Deo est quem in se habent Spiritum. In filiis enim, quamvis adoptati sint, patris tamen ex aliqua parte debet videri substantia. In mundo enim quia res imperfecte sunt, adoptati ab hominibus filii nullum pignus, sed solum noniem accipiunt. Deus autem quia perfectus est, plus facit, ut adoptatis Spiritum suum det, per quem aliquam veritatem adoptati ab eo videantur habere; quia vocabula sine rebus insania sunt. Apostolus noster hanc assertionem nostram adjurat, dicens: *O altitudo divitiarum sapientiae et scientiae Dei! quam inscrutabilia sunt iudicia ejus, et investigabiles viae ejus* (*Rom. xi, 33*)! Quid tamen sibi vult, quod cum alibi dicat scrutabilia esse alta Dei, id est secreta, hoc in loco denegat, dicens inscrutabilia esse? Sed in hoc loco de creatura dixit, quia inscrutabilia sunt ei secreta vel iudicia Dei: Spiritui autem sancto, eo quod omnia Dei noverit, scrutabilia dixit esse cuncta que in Deo sunt; ut quod creaturae incognitum est, Dei Spiritum asserat non ignorare. Dei ergo natura negari non potest, quæ cognitum habet quod a creatura non potest comprehendendi. Qui degenerem dicunt Spiritum sanctum Dei, pulsant propositionem, qui talius creaturæ salutem in Trinitatis divinitate consistere declaravit: quia si consubstantivus non est Deo et Christo, ineptum est ponere istum in numero Patris et Filii, ut sine hoc neque salus alicui sit, neque dignitas. Si enim non est ejusdem divinitatis, aut stulte, aut gratis effectum est³; quod absit. Quis enim prudenter denegat Creatorem cum creatura communiquerari non posse, neque æternum cum eo qui sub initio sit comparari, neque Dominum cum servo æquari, neque potentem cum impotente conserfi, neque

scium cum inscio deputari? Sed jam cessen zalumnia. Tertius enim ordine est, non natura; gradu, non divinitate; persona, non ignorantia. Sicut enim Filius Dei secundus a Patre est, et divinitate minor non est; ita et Spiritus sanctus sequens a Filio est, non impar, sed æqualis divinitate substantiae. Denique quæ legimus de Filio Dei, eadem legimus et de Spiritu sancto, ipso nobis testante. Ait omnis: *Rogabo Patrem, et alium Paracletum dabit vobis, Spiritum veritatis* (*Joan. xiv, 16*). Alium cum dixit, se Paracletum significavit. Quod Joannes declarat, dicens quia *Filius Dei postulat pro peccatis nostris* (*I Joan. ii, 2*). Et Paulus apostolus: *Ipse, inquit, Spiritus Dei postulat pro nobis*. Ecce Scriptura ambos advocates esse ostendit. Et cum veritatis illum dixit Spiritum, nihil illum a se differre ostendit, quia dixit: *Ego sum veritas* (*Joan. xiv, 6*). Misum se a Patre dixit, et ipse mittere se Spiritum sanctum promisit. Si ipse amittente impar non est, neque a mittente impar ab illo Spiritus sanctus est. Neque enim quia tres sunt singuli, alter alterius membra sunt, ut diversa possint. Una est enim trium potentia, ut nihil desit singulis. Hic finis sit. Jam enim in libello adversus Arianam impietatem digesto, reliqua plenius tractata sunt, quæ Trinitatis complexa sunt indiscretam unitatem.

DE EO QUI FIDEM CHRISTI PERCEPIT¹.

CXXVI. — Scriptum est, *Quia justo nihil proderit iustitia ejus, in qua die erraverit: et quia injusto nihil obteret iniquitatem sua, cum se converterit* (*Ezech. xviii, 26, 27*). Et Dominus in Evangelio, *Qui non crediderit, inquit, jam judicatus est* (*Joan. iii, 18*): ut per hoc eum qui crediderit, non iudicio subjectum ad sententiam excipiendo significaret, sed fidei merito laude dignum futurum. Ergo cognitio Dei hanc habet prærogativam, ut peccatorum consequatur remissam. Credens enim Dei esse Filium Jesum, dignus existit ab omnibus liberari peccatis. Diu enim errore devius, cum per diversa ignorantie fluctibus jactaretur, illuminatus veritatis coruscationem nactus est, in qua post nimias tempestates requiescat securus: cui congruit, ut post cogitationem temperet se ab iis quæ jam pridem in ignorantia positus agbat. Quid enim prodest cognitione, si manet pristina conversatio? Hinc etenim quis videtur cognovisse Deum, si vitam mutet, et conversationem suam corrigat. Cognitus enim Deus timeri debet, quia iudicaturus prædictetur, ut et fideles justitiae sua percipient fructum, et impii, id est increduli, perfidie sua congruas penas exsolvent. Convenit enim justos in futuro gaudere, ubi regnabit Christus cum suis: ut sicut in seculo sunt opprobrio, et injuriis subjacent, in quo princeps est diabolus: ita et in regno Christi gloriosi appareant, propter quem contemptibiles iudicati sunt a mundanis: injustos autem quia falso florere videntur, per mendacium repugnantes veritati, in poena tribulari; ut qui per fucum gloriosi visi sunt, per verum despici et humiliati nimis appareant. Tunc enim justi se credidisse gaudebunt, cum perfidos videbant cruciari: et nec penitentibus perfidios non credidisse nisi viderint gloriam eorum et suam poenam, quos quia crediderunt stultos, et contemptibiles arbitrati sunt. Ergo ex eo quod profitetur se quis christianum esse, id studere debet ne peccet, et armare se contra vitia: et quia impossibile est semper vincere, si victimus fuerit, dolere ne iterum vincatur; quia qui se dolet victimum, reparat se. Qui ergo repugnat, habet unde se excusat, si victimus fuerit. Ostendit enim se votum habuisse vincendi, sed minime prevaluisse. De hac spes est quia potest se reparare, ut assidua meditatione in congressione peritior et fortior inveniatur. Nam qui ad hoc surgit, ut peccet, inexcusabilis effectus per gravem habet causam. Peius est enim sub Dei vivere professione, et voluntatem habere peccandi, quam si ignoret quis Deum et turpiter et contaminante verbo

¹ Editi, in *Deo*. At Ms. Colbert., de *Dco*.

² Ms. Colbert., *immutantur*.

³ Ms. Colbert., *aut gratis factum est*.

¹ Quidam editi addunt: *quid præminentia seu prærogativa habeat ad gratiam consequendam plus quam infideles*.

tur. Hic enim nescit quem timere debeat, ille sciens contemnit. Credentes ergo accipiunt remissionem peccatorum; non tamen gloriosi erunt, nisi post acceptam fidem vixerint sub Dei timore, ut collectati contra hostes christiani nominis victoriam faciant, ut possint primum mereri dum plus vincunt quam vincuntur. Nam qui intelligit Deum, et non accedit ad fidem ejus ne vivat christianus, sed in fine vult fidem accipere, ut moriatur christianus, aut erubescit christianus vivere, aut peccatis operam dat, quae arbitratur posse sibi renitti cum crediderit; istum puto non bonam causam habere: quia ut quādū in saeculo est, peccet, non vult fieri, nec vivere christianus, aut confunditur fieri christianus. Qualem sperat Deum, cui cum militare erubescit, vult ab eo stipendium accipere? hujusmodi irrigor est. Sciens enim se jam non tempus habere ut peccet, morte imminentia, tunc vult fieri christianus; ut quia jam non potest peccare, credere se dicat in Christum, qui execratur peccari, ut non jam nolit peccare, sed non possit prevente morte. Iste debet legi quia *Deus non irrideat* (*Galat. vi. 7*). Nam et solent hujusmodi talia dare mandata, ut jam defectis et alienis, tantum anhelantibus detur fides, timentes ne evadant, et confundantur, quia facti sunt christiani. Quibus recitanda sunt Evangelii verba: *Qui, inquit Dominus, erubuerit me confiteri in hac generatione*¹, et *Filius hominis confundet eum, cum venerit in regno Patris sui* (*Matth. x. 33*). Sed forte dicant, scientes fragile esse genus humatum, idcirco in fine vita volumus fidem accipere, ne jam peccemus. Sed fides sic accipi debet, ut sciatur quid accipitur. Tunc enim beneficium ejus habebit, si cognoscat, et profiteatur eam. *Corde enim creditur ad justitiam, ore autem confessio fit ad salutem* (*Rom. x. 10*). Ac per hoc, qui jam nescit ubi sit, quomodo potest dici accipere? Ille enim accepit, qui profitetur se accepisse, sciens quia accepit. Si enim credunt quia datur creditibus remissio peccatorum, scire debent quia hic credit, qui corde suo teste credit. Quia Deus, qui promisit, cordis inspectio est: ipsum enim suscipit quem corde videt credere. Itaque cujus cor verba fidei non advertit, quomodo beneficium ejus habebit? Ergo hic potest videri non temere fieri christianus accepta fide, qui id agere cernitur, ne facile peccet. Nam qui peccare festinat, idcirco non vult accipere fidem, ne cogatur bene vivere, quod videtur nolle; sed in morte vult consequi, impunitatem sperans, et remissionem præteriorum malorum, ut et de præteritis securus sit, et de futuro; quia jam utique non poterit peccare moriturus. Sed hoc non bono sit consilio, neque munda conscientia, ut tunc velit accipere fidem, quando jam non possit, non nolit peccare. His convenient dictum illud, *Faciamus malitia, ut veniant bona*; hoc est, modo peccemus, et in novissimo credamus, et remittetur nobis. Ideoque subjecit, *Quorum damnatio justa est* (*Id. iii. 8*). Non est enim dignum ut his dictur remissio peccatorum, qui jam scientes Deum qui nolit quemquam peccare, et odio habeat peccatores, peccare gestiunt; nolentes advertere, donum Dei his prolicere, qui ignorantes Deum sic peccant, ut nesciant judicaturus Deum. Qui autem audivit et tractavit apud se, et votum habet peccandi, non ut vincatur aliqua cogente causa, sed velit peccare, durum est ignosci ei. Nam duæ cause sunt quæ habent peccatorum remissam: una doni, alia poenitentiae, ut qui post donum peccaverit, per poenitentiam reformatur. Quia enim in accepta gratia non permisit, ut in libertale duraret, sed iterum se subjicit peccato, lamentatione et gemitu impetrat obliterari peccatum; sciens enim prudensque peccavit: non quod aliquis ignoret peccatum, sed qui nescit Deum judicaturum, impune putat futurum quod peccat. Ac per hoc gentilis si coepit inlirnari, et in ipsa vita desperatione tractet apud se de fide et

spe promissa, integrum habet causam, ut hoc credenti remittantur peccata, nec tenetur in inferis, signum ferens secum evicta mortis ac spoliata, licet non habeat dignitatem vel remunerationem. Quia debet aliquid interesse inter cum qui provocatus amore sui Domini contra hostes ejus dimicare non timuit, armans se continentia et observatione omnium vitiorum, ut possit resistere malo, semper sollicitus quomodo imperium Domini sui defensat; et inter cum qui cum inimicis Domini sui conveniens, et eis assistens, in fine vite ad Dominum suum regressus est, non ut regnum Domini sui vindicaret, sed ut sibi soli prodesset esse civis antequam miles. Ille enim qui vivere vult christianus, ut post mortem remuneretur, scit quia non sunt condigne passiones hujus temporis ad futuram gloriam quæ revelabitur in nobis (*Rom. viii. 18*). Ac per hoc suscepta armatura fidei non dubitat congregi contra principes et potestates, ut in saeculo existens vicit, post saeculum coronetur. Dignum est enim ut qui inter perfidos et rebelleres Domini sui regnum ad praesens testatur, hujus rei in futuro consequatur mercedem: ut videntes inimici Dei testem Christi propter confessionis suæ veritatem sublimem apparere in regno Dei, delectant confusi falsum se aestimasse quod verum esse declaratum est; necnon et hi qui tarde crediderunt, non in vita, sed in morte confidentes Deum, videntes quanta eorum gloria est, qui sub armatura Christi militantes bella imperatoris sui devote et fideliter gesserunt, pœnitentiant non se vixisse, sed mortuos esse christianos. Potest enim videri minime idoneus mori christianus, qui votum non habuit vivere christianus: forte enim jam moriturus, idcirco voluit dici christianus, quia jam tempus peccandi non erat; Ne forte, inquit, verum sit quod creditur, volo fieri christianus, nihil amittens, si falsum est quod creditur: et quia jam in morte non voluntas² peccandi, sed peccatum fieri desinit, tentat si prodesse poterit fides post mortem; cum hoc utique fuerit utile, ut hic vita et peccata emendarentur, ubi fuerant admissa. Tunc enim aliquis condemnasse se præterita probat, quando fidei lineam sequens, conversationem et vitam videtur mutare. Si enim prius ideo peccabat, quia nesciebat Deum, cum cognoscit eum, ultra non debet peccare, ne frustra sit cognovisse illum. Debet enim aliquis perfectus esse ex cognitione Dei. Christianus enim ante professionem debet intelligere operibus magis se probandum quam nomine. Nam propterea mandata data sunt cæteris legibus potiora³, et ad sanctitatem pertinient, ut ex his Dei cultura appareat: si quominus, audiens, *Quid me vocatis, Domine, Domine, et non facitis quæ dico* (*Luc. vi. 46*)? Per quod tunc significavit prodesse Dominum vocari Dominum, si mandata ejus serventur: irrigor enim videtur qui Dominum vocat eum cuius præcepta contemnit. Huic verba Legis recitanda sunt, quæ dicunt quia *Deus non irrideat*. Itaque verbis suis condemnabitur, quia Dominum vocat quem minime se timere operibus suis ostendit.

DE PECCATO ADE ET EVE⁴.

CXXVII(a).—Nulli dubium arbitror, mundum istum hominis causa esse fabricatum: qui cum diversis constet substantiis, unus est tamen multis membris aptatus, ut ex his invicem mutuis operibus, quæ necessaria homini futura erant, gignerentur. Domus enim facta est homini cum annona, ita ut singula eorum secundum genus fierent super terram, id est, ut facta hanc haberent insitam⁵ potentiam in propagine uniuscuiusque generis eorum quæ crearentur in terris. Origines enim institutæ sunt, quarum semin proscieret ad procreationem multiplicandorum generum

¹ Sic Ms. Colbertinus. At editi, non est voluptas peccandi.

² Ms. Colbertinus, puriora.

³ Quidam editi addunt, de eorum conditione et donis gratuitis.

⁴ Sic Ms. Colbertinus. Editi vero, hinc haberent infinitam.
⁵ (a) Deest in MSS. secundi generis.

(Soixante-quinze.)

¹ Ms. Colbertinus: *Qui enim me erubescit, inquit, et mea verba in hac, etc.*

super terram. Unde Scriptura testatur, *Et benedixit illa Deus, dicens: Crescite, et multiplicamini super terram* (Gen. i, 22, 28). Simili modo etiam hominum genus benedictum est: quem sensum contuenerit in Lege. Cernimus enim scriptum esse, *Creuit populus, et multiplicatus est in Aegypto* (Act. vii, 17). Quia benedictione enim benedicta sunt, quæ ad utilitatem creatæ suæ hominis, ea benedictione et homo est benedictus, ut similiter ex mare et femina propago generis humani cresceret et multiplicaretur super terram: et ut sicut per culturam melioranda erant semina, ita et hominum genus adhibita cura id studeret, ut Creatoris cognitione percepta, vitam suam frenaret ad promerendum eum, ut simul omnia proficerent ad laudem et gloriam Creatoris. Et quoniam non aliud haec dicta significant, res ipse testantur. Omnia enim quæ facta sunt, Dei nutu multiplicata et meliorata super terram. Nec enim aliter posset accidere, quam Dei voluntas et benedictio decrevit seminibus. Quomodo ergo dici potest male fieri, aut non licere quod ex Dei benedictione et ipso favente augmentum facit? Cojus rei traditio et in Synagoga manuit, et nunc in Ecclesia celebratur, ut Dei creatura sub Dei benedictione jungatur. Non utique per presumptionem, quia ab ipso auctore data est forma. Sed si cessare debere putatur, tunc cessare debet, quando cessatura et illa sunt, quæ similiter benedicta sunt ut multiplicarentur: quia si generatio hominum cessat, ad quam utilitatem nascuntur, quæ benedicta sunt super terram? Non potest enim mundus ex parte agere, et ex parte cessare. Aut totus enim operatur, aut totus pausat in otio. Numquid utile corpus est, cuius quadam membra vigeant, quadam torpescant? Quod ergo a Domino benedicatum est, cur sordidum et contaminatum opus a quibusdam asseritur, nisi quia ipsi Deo manus quodammodo infertur? Non enim hoc reprehenderent, nisi de Deo hujus operis auctore male sentirent. Quia enim aperte Deo detrahere ventur, per opus tamquam ab eo inventum accusant eum. Quando enim displicet opus, reprehenditur auctor. Si hujusmodi homines legerint, aut potius acciperent Scripturas, memores essent Balaam dicentes, *Quid maledicam quem benedixit Deus* (Num. xxii, 8)? Frustra enim accusatur qui a judice laudatur: immo ipse sui accusator est, qui reum dicit quem leges defendunt. Quis ergo tu es qui damnari censes quod a Deo benedicatum legis, nisi aut Deum hunc negas esse, aut Scripturam falsam accusas? Sunt enim qui quasi nova accipientes, vetera repudianda putant. Sed non discrepant ab his nova per Christum precepta populis intimata. Ipse enim rogatus ad nuptias ire non dignatus est: et non solum præsentia sua illustravit eas, verum etiam contulit quod docebat ad laetitiam (Joan. ii, 1-11). Scriptum est enim, *Quia vinum lætitificat cor hominis* (Psal. ciii, 15, et Eccli. xl, 20). Et ut hoc secundum Dei Patris sui voluntatem fecisse se demonstraret, Iudeus interrogantibus anniculat homini dimittere uxorem suam, respondit inter cetera, dicens. *Quoniam ab initio fecit Deus masculum et feminam, et dixit: Propter hoc relinet homo patrem et matrem, et adhaerabit uxori sue, et erunt duo in carne una. Itaque iam non sunt duo, sed una caro.* Quod ergo Deus conjunxit, homo non separat (Matth. xix, 4-6). Hinc est unde rogatus ad nuptias in liberter, ne factum Dei et Patris sui infirmare videretur. Magis autem Legis veteris et novae doctrinam concordare ostendens, nuptias non solum non prohibuit, sed et interesse dignatus est, testimonium eis tribuens quoniam Deus auctor earum est; et quod a Deo jucundum est, neque prohiberi, neque separari debere salutari precepto monstravit. Et quia nativitas prodest, cum iam relinquenter mundum, matrem suam Joanni discipulo suo commendavit (Joan. xix, 26, 27). Quamobrem et nos per omnia Legis veteris et novae mandata servantis, parentes honorare docemur (Deut. v, 16, et Matth. xv, 4): quod nisi fecerimus, maledictum nos incursumos cautum est Lege. Itaque quoniam

est hoc presumptio, aut ex qua lege descendit, impiarum aditus intercludere, quando tam nova quam vetus Lex per omnia istis favere videatur? Sed illud est quod legimus, quia *quod extra est, a malo est* (Matth. v, 37). Unde Apostolus hujusmodi homines cauteriatam dicit habere conscientiam, qui prohibentes numerum, et a cibis quos Deus ad percipiendum creavit, abstinentem docent (I Tim. iv, 2, 5). Hoc enim in hypocrisi, inimicitarum causa facere denotantur, ut Legem a Deo traditam criminentur. Alii ideo studentes preceptis salutaribus obvias manus tendunt, ut prava doctrine mandata commendent: ac per hoc cauteriatam habere dicuntur conscientiam. Corrupta enim mente aliud scientes, aliud profertur. Sicut et Iudei, qui non ignorantes gesta Salvatoris opera esse Spiritus sancti, invidentes dicebant quia in Beelzebub ejicit daemonia (Matth. xii, 24); et populum a fide ejus averterent. Talis est etiam supra memoratorum versutia, quia ut sanctitatis et castitatis amatores esse se simulent, nuptias esse dicunt damnandas, ut per hoc commendentur, et populum a veritate avertant: et ut abstinentie se studere singant, temperandum a cibis tradunt, ut per hoc se alienos a mundo ad ecclesia regna festinare ostendant, per quod mentes hominum illicientes deinceps illicita docent licet, et licita quasi inconcessa damnare. Haec sunt præstigia satanae, ut causas invertat, quasi novum insinuans aliquid, excludat veritatem, in qua nihil novum est, quia totum aeternum. Quis non advertat sensum istum ab adversariis esse aplatum? Quis enim audeat Dei inventum reprobare, et quod nunquam alicui obscurt, nisi adversario veritatis? Qui ut impunitatem suam legit, sanctimoniam predicit quia non amat, ut dum ex eo se quasi bona voluntatis ostenderet¹, illicita suadeat quasi licita. Commendat enim se ut promptius fallat, ac per hoc capitis imprudentibus suggerat, per quæ plus eos faciat peccatores: quia ut cause sue aliquam conferat medicinam, granditer suadet homines peccare, magnum ex eo querens solatium, dum criminis sui socios multos ostendit, levem poenam restinans, ac si minus gravis sit, si secum multos videat in gehenna. Caci homines², dum vincuntur vitiis, aut per infirmitatem, aut per ignorantiam sese defendant, non vindicando haec quæ contraria dicunt concupiscentia. Aut quæ obstat caligo ut non quod verum est, videatur? Nam solent littere aliud videri significare, dum aut non bene pronuntiantur, aut impropte distinguuntur. Cum autem legitur, *Fecit Deus; et, Benedixit quod fecit: quis hinc disputet? quis dubitet? quis quod benedicatum est, maledicatum putet, nisi alio spiritu animetur?* Quod quidem si hominis vox esse diceretur, forte aliqua fallacia crederetur: Deus dicitur loqui, et dubitas? Deus benedixit, et reprobas? Sed forte sub Dei nomine Moyses errorem induxit? Satis tibi faciant signa et prodiga per Moysen facta in Aegypto; suadent tibi mirabilia quæ in Rubro mari gesta sunt ad liberationem filiorum Israel. Audi magos confitentes quia *digitus Dei est hic* (Exod. viii, 19). Consendi Apostolo dicenti, *Nolo vos ignorare, fratres, quoniam patres nostri omnes sub nube fuerunt, et omnes per mare transierunt, et omnes per Moysen baptizati sunt in nube et in mari, et omnes eandem escam spiritualem manducaverunt, et omnes eundem potum spiritualem biberunt.* Bibebant autem de potu spirituali consequente eos petra: *petra autem erat Christus* (I Cor. x, 1-4). Et unde hoc Apostolus locutus est? Prasto est Scriptura, in qua legimus Christum Dominum nostrum dicentem Iudeis, *Si crederetis Moysi, crederetis forsitan et mihi; quia de me scripsit Moyses* (Joan. v, 46). Quis huic concordie fidem deneget? quis audeat dicere, quod unum est dispareare? quis tam malum mentis est, ut individuum charitatem contendat videri inimiciam?

¹ Sic juxta Er. Lugd. Ven. et Lov. In B., ostendet. M.

² Ms. Colbertinus: si secundum multos videntur in peccatis, nec carteris homines dum vincuntur vitiis. Et paulo post, defendant non vindicanda hic.

Ecce habes et verborum testimonia , et excusyia virtutum , quae animum tuum subjungent veritati , ut non aliud putes verum quam quod Ecclesie catholice continent libri . Quoniam igitur probatum est eumdem Deum fuisse in Veteri Testamento , qui nunc noster est , et hunc multis virtutum indicis verum esse , in tantum ejos auctoritas debet praeferri , ut etiam id quod asperum , et forte absurdum a nobis estimatur , accepto ferri debeat , et aliter sentiri quam a nobis putatur , si Dei iudicio commendetur ; quia magis Deo credere debemus quam nobis . Infirmitas enim nostra et imperitia , utilia solet judicare que nociva sunt , et estimare falsa pro veris : quod de Deo vel suspicari nefas est . Non est enim natura , qua possit falli : quanto magis de conjugiis dubitari non debet , Deo dicente . *Quod Deus conjunxit , homo non separabit* ? Est enim res aperta et simplex . Certe omnis homo gaudet cum fuerit Dei dignationem adeptus , et meliorari se credit dum sacramentum Creatoris addiscit , quod huique non assoqueretur , nisi natus . Cur ergo plangit quod gaudet , et quod gloriatur se didicisse , condemnat ? Si enim gaudet quia didicit , non autem didicisset , nisi natus fuisset ; sine dubio bonum est nasci , quia fructus nativitatis , cognitio est veritatis . Si autem malum est nasci , non erit bona cognitio . Cui enim rei proderit cognitio , si damnatur nativitas ? Quia si non expedit nasci nec debet , inane est ut discat damnandus . Sed quia nemo tam hebes est , ut neget cognitionem Dei prodesse hominibus , et bona et utilis est . Per ipsam enim melioratur nativitas , ut meliorata nativitas plus mereor quam fuerat collatum Adæ : quia in cœlo , non in terra regnabunt credentes , in paradyso Dei Patris , non in quo Adam corporaliter jussus fuerat operari . Nam si encanis celebabantur Jerosolymis , id est , dedicationis templi Dei agebatur festivitas ; quanto magis ipsius hominis celebrandus natalis est , qui magis templum Dei est ; cuius etiam , ad agendum Deo gratias , manibus templum est fabricatum . Melius est enim templum , corpus nostrum : quia hoc Dei opere , illud vero humano labore constructum est ; et hoc sub spe aeternitatis est , illud perditionis . Itaque qui Deo instituente natum se novit , ut ei gratias agat , cognitum habens mysterium ejus , debet in natali suo gaudere , videns profectum esse nativitatis sue . Vere autem illi nasci non debuerunt , qui Creatorem suum relinquentes , gloriam ejus alii deputant : horum enim nativitas proficit ad peccati : sed non nativitas crimen incurrit , sed voluntas . Sed quis es tu , qui nuptias prohibes ? Forte Marcion , quia corpus non a Deo fabricatum putas , sed a diabolo : animam vero errore quodam lapsum passam , ut ad tenebrarum partes , in quibus nunc mundus est , veniret , contendis . Quomodo ergo posset hinc liberari , si prohiberetur generari ? Natus enim cognovisti easum tuum , et data opera id egisti ut remeares ad paträm¹ secem , redditus sorti tuae . Denique gratias agere te dicis Christo , per quem hanc cognitionem assecutum te gratularis . Age vero , si natus non esces , cessaret cognitio , nec prosequeretur liberatio . Itaque si gaudes animam liberari , fave nativitati : nam si nativitati resistis , inimicus es animarum . Aut si Manichæus es , qui nuptias quasi contrarias renuis , querro a te , si corpora minime gignerentur , quomodo anima hinc , quam fusam in tenebrarum partem et herentem hylicis rebus asseris , eriperetur ? Nascendo enim liberari eam in libriss vestris scriptum habetis , ut a luna suscepit animam et exentes de corporibus soli tradantur , quem Deum vestrum asseritis animarum . Nam gaudelis , cum Manichæi vocantini . Per hoc enim nomen liberationem vestram flagitatis : quod utique nesciretis , nisi nati essetis . Longe itaque appetet per hypocrisim vos nuptias condannare . Sanctimoniam enim profitentes , latenter immunditie studetis ; quod non solum privatum sed etiam edictis proditum est imperatorum .

¹ Ms. Colbertinus , patricam .

Audi nunc , catholice , et ex Evangelio disce¹ , prodesse hominis nativitatem . Cum Simeon enim vir iustus vellet exire de saeculo , sufficere sibi putana Creatoris sine mysteri ejus cognitione notitiam , non permisum est ei nisi incrementum faceret in Dei perceptione , ut plenam haberet fidei sue mercedem . Denique natum Salvatorem accipiens in manibus benedixit Deum , et dixit : *Domine , nunc dimittis servum tuum , secundum verbum tuum in pace ; quia viderunt oculi mei salutare tuum* (Luc . ii , 29 , 30) . Manifeste ostensum est Dei beneficium esse in hominis nativitate , quando viro justo de morte cogitanti responsum est quod non ante moreretur , quam Christum Domini vidisset : in tantum enim proliciebat in vita , ut dignus fieret etiam in presenti videre quem liberatorem sperabat post mortem . Qui ergo reservatus in vita non permisus est mori , nisi spei sua fructum vidisset , ut securus esset quia de vita ad vitam transiret ; quomodo potest dici non huic profuisse nativitas ? Si enim malum est quod nascimur , non paradisus promitteretur , non vita aeterna , non regnum coelorum , sed pena et gehennæ perditio , ut timeret alterum generare , qui se feceret natum ad perditionem ; ut ille qui se illicite natum sciret , non affectaret generare . Sed forte dicatur : Regnum quidem coelorum promissum est , sed fidelibus ex bene agentibus . Recte . Vides itaque non ideos fieri homines , quia nati sunt , sed quia male conversati sunt . Neque enim non natus promissum est regnum coelorum , ut nativitati impunit , quibus non dabitur : promissum est autem natus bene agentibus , ut neque nativitas prosit male agenti , neque obesse possit bene agenti . A fidelibus enim et bene agentibus melioratur nativitas : ab infidelibus autem et male agentibus deterioratur . Sic enim est nativitas , quasi arbor quae inseritur : quia si bona surculo inseritur , melior fiet et bona dicetur ; si vero mala surculo inseratur , deterior erit , et non bona , sed mala vocabitur . Ita et nativitati si bona accedit doctrina , bonos faciet fructus ; si autem mala , malos faciet fructus . Itaque siue necessaria est arbor , ut sit ubi inseratur ; ita etiam necessaria est nativitas , ut sit ubi proficiatur . Sed respondetur e contra : Si utilis est nativitas , cur renascimur ? Non renasceremur nisi utilis esset nativitas . Renasci enim renovari est , et qui renovantur , instaurantur . Non ergo accusat renascibilitas nativitatem , sed reformat : et quod reformatur , bene ab initio institutum probatur . Igitur quod renascimur , consilio iniulatur , corporis expiatione recepta , ut reddanur ad pristinum statum Adæ . Animæ autem peccato maculatum est corpus , quo reparato et meliorato per fidem , consilio abluitur : ut sicut per contemptum Dei fuerat pollutum , ita per obedientiam abluatur , ut effugiat sententiam datam Adæ , et possit resurgere . Itaque si ab anima coepit peccatum , cur natura corporis accusatur² ; cum in causa peccati Adæ non fuerit desiderium corporale , sed spe deitatis illicita anima transgressa sit Dei preceptum , ut corpus suum subjugaret peccato , et nascientur homines sub peccato ? Quod quidem nihil obest homini , si tamen legi Dei obediat , nisi quod moritur : cui rei benevolentia Dei promisit mercedem , ut quoniam in Creatoris devotione fideles inveniuntur , per prævaricationem autem Adæ corruptioni subjecti sunt et morti , pro hac re accipiunt a iudice Deo³ ultra quam fuerat concessum Adæ , ut in futuro et gloriros sint , et aeternam habeant vitam , et adoptati filii Dei vocentur ; ut lucrum sit , quia nati sunt . Ex hoc jam revertar ad reliquam partem lectionis . Cum positus esset homo in paradyso , haec accepit mandata : *Ex omni , inquit , ligno quod est in paradyso ad escam , edes . De ligno autem unde dignoscitur bonum et malum , non edetis ex eo .*

¹ Ms. Colbertinus , teste .

² Sic Ms. Colbertinus . At editi : cur non a corpore accusatur ?

³ Sic Ms. Colbertinus . At editi : ut qui in Creatoris devotione fideles inveniatur , salventur . Per prævaricationem autem quia Adæ corruptioni subjecti sunt et morti , pro hac re suscipient a iudice Deo .

Omnia ligna quæ commemorat, fructus sunt ad esum creaturarum. Denique uno nomine ligna dicuntur, sed varia intelliguntur in fructibus. **Omnia tamen ligna sunt, et edendi unum est genus, quamvis diversa sunt quæ edantur.** Cum enim multa fructuum ligna creasset homini ad edendum, sicut dixi, de uno ligno edi prohibuit; ut reverentiam Creatoris ex aliqua parte haberent, qui omnia in potestate acceperant, dum una reservata est arbor, cuius licentiam non haberent, ut memores essent conditionis legis. Quomodo autem ex sententia peccati genus intelligatur? Et homicidæ enim, et malefici, et adulterio, et infamie congruit haec sententia. Achar quoque filius Charmi cum peccasset, consumi cum omnibus suis adjudicatus est (*Josue vii, 1*). Quomodo ergo potest haec sententia peccati genus intelligi? Grande delictum fuisse potest cognosci, non tamen genus delicti intelligi. Scimus enim alios hac damnatos sententia, cum sciantur aliter delinquisse. Et Amorrhæ¹ et Sodomitæ cùm omnibus suis periisse noscuntur. Ita enim sit ut et unius peccati rei diversa feriantur sententia, et diversi criminis peccatores uno atque eodem genere puniantur. **Quamobrem Adæ et Eve non ex data sententia peccati genus potest intelligi.** Quamvis enim unum eorum peccatum sit, sed secundum personam suam vir et mulier sententiam acceperunt: neconon et serpens, ut non solum in eo quod facti sunt, non manerent, verum etiam adderetur eis labor ad poenam. Cum enim omnia pecora et animalia hominum fuissent, sicut legimus, subjecta (*Gen. i, 26*); serpens contra hanc constitutionem erexit se, et dolo et fallacia circumventum hominem sibi subjecit. **Sine dubio enim qui aliquem capit, infra se eum facit.** Propter quod serpens ne astutie sua effectum haberet, sententia Dei revocatur, et reprimitur ultra quam fuerat factus, ne supra hominem esset, ut calliditate sua non solum ad nihil se profecisse doleat, sed et deteriorasse. **Cum enim prudentior legatur fuisse ceteris bestiis, postquam decepit hominem, maledictus factus est ab omnibus bestiis terræ.** Post sententiam datam in hominem, datam in feminam, datam in serpentem, sequitur ut et mulier quam sibi sociaverat ad condemnandam Dei legem, excipiat sententiam. Ait ei: *Replebo arumnas tuas et gemitum tuum: in tristitia paries filios, et ad virum tuum convergo tua, et ipse tui dominabitur* (*Id. iii, 16*). Nemo quod reprehendit, ipse confirmat. Si ideo concessi sunt filii quia usurparerat coitum, ergo plus usurpatio præstitti. Sed quia dixit, *In tristitia paries filios*; si inde putas generationem sumpsisse principium, ubi erat quod dictum est, *Crescite et multiplicanini?* Intelligite ergo hoc ad poenam tantum additum, ut cum per letitiam sibi fuerat ante concessum, tristitia subderetur ad poenam: et ut deuterius et multiplicata poena mulierem semper urgeret, additur conversio ad virum, ut esset unde ei dolor iterum innovaretur. Si coitum Dominus damnabat, cur in subjectis addebat. **Et ad virum conversio tua?** Nemo quod damnat, hoc pro poena constituit; cum utique poena sit damnationi contraria, nec unquam ex uno, sed contra proveniat. Quod si in uno essent, damnationem nemo metueret. Deinde aliquis in hoc addiceret², ex quo in legem commissum videret. Hoc est confirmasse, non punisse peccatum, si ideo conversio feminæ ad virum, et ex eo quod colit, et non quod verum est, conversio simpliciter ante concessa cum ultima servitute, propter poenam eidem creditur imposita, quoniam per mulierem concessam subjectus factus fuerat vir. Et sine dubio superior videbatur, cuius consilio usus putavit prodesse quod suasis, ut factum Dei subtilitate serpentis destrui videretur: instauratur per sententiam Dei institutam, ut revertatur mulier ad conditionis subjectionem humiliata viro, sicut fuerat constitutum; et additum ei quod additur ad poenam, cum audit, *Replebo mæores tuos, et gemitum tuum: in tristitia paries filios, et ad virum*

¹ Ms. Colbertinus, et man.

² Sic Ms. Colbertinus. At editi, addisceret.

tuum conversio tua, et ipse tui dominabitur. Numquid fuerat aliter decretum, quam ut mulier dominio viri esset subjecta? Hinc ergo apparet mulierem revocatam esse ad id quod fuerat cum additamento. Unde ait, *Replebo mæores tuos et gemitum tuum.* Quod replet, in eo quod minus est, addit non in eo quod non est, videtur operari. Hac ergo sententia quæ ante processerat, *Crescite et multiplicanini* (*Gen. i, 22, 28*), non incipit ad creandum, sed ad creaturæ, que fuerat concessa, perniciem. Mulieri ad pariendum filios dolor additur, difficultas impunitur, non procreationis nova forma componitur: nam si ex hoc recte generatio speratur, magis intelligi potest arbitrio serpentis generationem extitisse, quam Domini; et est vere, ut ait ille, *Progenies vörperarum* (*Math. iii, 7*). Si quis autem se existimat ita natum, quid mereatur, advertat, ut propter peccatum amplificaretur ei dolor parti, ut quæ modicum doloris habitura erat, filiorum cresceret ei causa delicti: quia ei cùm gemitu et macore parvunt, nati autem sine tristitia non habentur. Nunc tertio promittur in virum sententia talis: *Quoniam audisti, inquit, rocem mulieris tuæ, et edisti de ligno, de quo præceperam tibi ne ederes ex eo, maledicta terra in operibus tuis, et in mæroribus tuis edes ex ea omnibus diebus vita tuae: spinas et tribulos germinabit tibi* (*Gen. iii, 17, 18*). Et hinc idem Adam ad hoc revocatur, ad quod fuerat factus, sed cùm decremento. Ante enim positus erat ut operaretur terram simpliciter, ut sequeretur eum laboris effectus: at ubi autem sprevit præceptum Dei, melius sibi procnrari credens consilio serpentis quam fecerat Deus, ad institutum pristinum revocatur cùm laboris dispendio; ut terra ei secundum laborem minime responderet, maledicta non sibi, sed operibus ejus; ut ostenderetur propositum Dei subverti non posse, neque melius posse quemquam providere quam Deum. Nemo enim potest alterius opus plus diligere, quam ipse qui fecit, dicente Apostolo, quia nemo, inquit, carnem suam odio habet; sed nutrit, et fovet eum, sicut et Christus Ecclesiam (*Ephes. v, 29*). Videamus nunc sequentia Legis, an concordent cum initis ejus. Abraham cum placuisse Deo, inter extera quæ ad remunerationem fidei ejus pertinet, cum senior esset, unum filium generare dignus est judicatus (*Gen. xviii, 10*). Quomodo ergo accusari potest quod pro merito concessum videtur, ut qui ipsius Dei voluntatem fecerat, Deus voluntatem ejus impletet? quæ minime suisset impleta, nisi innoxia esset; nec Deus impletet quod male vel imperite posci videbat, maxime ab eo qui sibi placeret: hoc enim nec homini convenit. Et Anna cum sterilis esset et Deum diligenter, petiit ut haberet filium et accepit (*1 Reg. i*): quod si contrarium esset, moneri potuit ab eo quem diligebat, ne rem postularet adversam. Et natus ex ea sanctissimus Samuel, filios genuit, non tamen justitia sua merita minuit. Prima enim aetate sua semper auctus est, ut in senectute propensiiori Dei testimonio commendaretur. Et Zacharias sacerdos, vir justus, in senectute sua Dei mitu genuit filium: quo nondum nato, meruit propheteare (*Luc. i, 5*). Quia ergo ratione accusatur quod minime obesse probatur? Et quis negat bonum debere dici quod neminem kedit? Et ut hoc loco aliquid de Apostolis dicatur, quod ad robur pertinet cause, certe sanctus Joannes castimoniæ fuit custos: condiscipulus autem ejus, id est sanctus Petrus, uxorem habuisse cognoscitur; et primatum ut acciperet inter Apostolos, non ei obstitut generatio filiorum. Quomodo ergo condemnationem patitur quod non impedit meritum? Hinc Apostolus eum qui uxorem habeat, si in cæteris servet mandata, sacerdotem fieri posse ac debere ostendit. Quod si illicitum esset, non poterat utique peccatorem dicere debere fieri sacerdotem. Et quid tam apertum? Ejusdem enim Apostoli vox est dicentis: *De virginibus autem imperium Domini non habeo* (*1 Cor. vii, 25*). Cum enim Corinthii exagitantur ab hereticis, qui in hypocrisi nuptias dannandas docebant, consuluerunt Apostolum litteris, an liceret nubere, an uxorem remittere.

Tunc præcepit Apostolus non debere uxorem a viro recedere : cum habuerit occasionem dicendi, si scisset sic docendum, non licere nubere; quomodo quod sibi non sit traditum, docere se non posse ostendit. Quis autem discipulorum doceret quod a magistro traditum non est? Vel quis non audiat prædicantem: *Volo adolescentulas nubere, filios procreare* (I Tim. v. 14)? Sed forte dieatur: Si licet et bonum est nubere, cur sacerdotibus non licet uxores habere? id est, ut ordinatis jam non licet convenire? Quis nesciat unumquodque suam legem habere? Est enim quod omnino generaliter omnibus non licet: est item quod aliis licet, et aliis non licet: et est quod aliquando licet, et aliquando non licet. Fornicari omnibus semper non licet: negotiari vero aliquando licet, aliquando non licet. Antequam enim ecclesiasticus quis sit, licet ei negotiari: facto jam non licet. Et Christiano cum uxore sua convenire aliquando licet, aliquando vero non licet. Propter dies enim processionis aliquando non licet convenire; quia etiam a lictis abstinentium est, ut facilius impetrari possit quod postulatur. Unde Apostolus, ex consensu ait abstinentium ad tempus, ut vacetur orationi (I Cor. vii, 5). Nam secundum Legem in jejunio cædi et jurgari non licet, postea licet: quia major reverentia debetur Dei causis. Numquid omne quod ante cæteros licet, ante imperatorem licet?

Quanto magis in Dei causis? Ac per hoc antistitem ejus purioriem cæteris esse oportet: ipsius enim personam habere videtur, est enim vicarius ejus: ut quod cæteris licet, illi non licet; quia necesse habeat quotidie Christi vicem agere, aut orare pro populo, aut offerre, aut tingere. Et non solum hinc concubitus non licet, verum etiam ministro ejus: quia ipse mundior debet esse, quia sancta sunt quæ ministrat. Nam sicut ad comparationem lucernæ tenebræ non tantum obscuræ, sed etiam sordide sunt, ad comparationem autem stellarum lucerna caligo est, ad solis vero comparationem stellæ nebulosæ sunt, ad Dei autem claritatein sol nox est: ita et quæ ad nos licita et munda sunt, ad Dei autem dignitatem quasi illicita et immunda sunt; quanquam enim bona sunt, Dei tamen personæ non competit. Numquid non tunica mediocris hominis, quamvis munda, imperatori tamen sordida et illicita est? similiter et Saxonica senatori? Ac per hoc antistites Dei puriores esse debent quam cæteri, quia et Christi habent personam, et ministros Dei mundiores esse oportet. Nemo enim imperatori ministrat non accuratus; igitur vestimentis claris et mundis induiti ministrant: Deus autem quia natura clarissimus est, ministros ejus natura magis quam vestibus mundos esse oportet; cui laus et gloria in sæcula sæculorum. Amen.

IN QUÆSTIONES VETERIS ET NOVI TESTAMENTI POST VULGATAS.

ADMONITIO.

Habes præfixum superiori libro elenchum duplicem: unum quo illa præcedentium centum viginti septem Quæstionum exhibetur collectio, quæ ab Augustino Ratisponensi, ab Joanne Amerbachio et a Desiderio Erasmo fuit primum vulgata; alterum, qui collectionem non tantum disparem Quæstionum ordine, sed etiam earum numero auctiorem longe representat. Hujus porro alterius collectionis exemplar cum e Victoria Bibliotheca adeptus fuisset Jacobus Haemer, curavit ut subsequentes hic Quæstiones, quas videlicet aut nondum vulgatas, aut certe aliis verbis tractatas esse animadvertebat, prodirent in lucem. Fecit vero ipse tres earum classes, quarum prima in editis inscribitur, Quæstionum ex Veteri Testamento pars secunda; aliae similiter, Quæstionum sive ex Novo Testamento, sive ex utroque mixtum, pars secunda dici solent: cum tamen Victorinus codex aliqui inspecti a nobis MSS., in una et altera classe Quæstiones omnes, nec alia quam in excuso superius elenco cernitur, ratione et ordine digestas complectantur. Nihil nos in constituta per Haemeream, perque posteriores editiones jam confirmata distributione mutandum duximus: nisi quod aliquod inde Quæstiones transferre visum est in superiore librum collectionis primo vulgatae; ut quæ de eodem argumento agunt, juxta se collocatis, quid inter illas intercedat varietatis primo conspectu deprehendas; tum etiam ultra collectio in MSS. antiquior et sincerior sit, vel potius an utraque interpolatoris incepti manum referat, dijudicare possis. Cæterum de subsequenti opere idem quod de priore sentiri volunt Lovanienses Theologi: quod varia, inquiunt, contineat et Augustino indigna, et a veritate aliena.

QUÆSTIONUM EX VETERI TESTAMENTO

PARS SECUNDA.

ADVERSUM EOS QUI NEGANT AD DEUM ALIQUID PERTINERE.

QUEST. PRIMA (a).— Multis, quos saecularis ista caligo cœcavit, plurimum displicemus, si solliciti Dei præcepta servemus, si occasiones delinquendi fugiamus, si bona omnia salutari studio implere conemur, si illecebrarum, vitiorumque blandimenta seductoria negligamus, si nulla nos saeculari dulcedine capi patiamur, si sponte pro Dei nomine cruciatus poenasque subeamus, si mortem ipsam virtute spiritus contemnamus. Illis nimirum quibus omne quod geritur, sensus iste mortal is nec laude nec vituperatione di-

gnum esse persuasit. Nolunt enim ad Deum horum aliquid pertinere. Nonnulli adeo sceleris sua criminaque defendere cupientes, Nihil, inquiunt, prodest, bene an male vivas. Neque enim ista nunc Deo cura est, ut te diversa pro instituto proprio morboque gerentem sollicite festinet aspicere, et sedis aliquando tuis actibus oculos permisces. Vana sunt omnia, quæ ut libitum fuerit celebrantur: is qui ad Deum pertinet, secretus est et remotus ab istis rebus humana, et ideo nec irascitur, nec movetur; nulla illi humanarum rerum, nulla nostri actus est contemplatio; totus rotati sæculi cursus, et quedam mundani orbis inexplicabilis voluntatio, ita correptus rapit et projicit, ut stultus credatur quisquis se ad curam Dei

(a) Deest in MSS. primi generis.

revocare posse putaret. Nec martyrum quidem probandus est animus, qui Deum suum, quem misericordem esse pronuntiant, effusione sui sanguinis testantur deflectari. Nihil illi charum in nobis, nihil est odiosum; nulla mortis nostræ conditione, nulla sanitatis integritate letatur; nec quid ubi geratur scire desiderat: non quod impossibile sit majestati divina omnium fere quæ gesta sunt vel geruntur habere notitiam, sed quod scire nolit miseras hominum vanitatesque mundanas. Sic denique scriptum est: *Vanitas vanitatum¹, universa vanitas (Eccl. 1, 2).* Quorum sententia desperatione firmata, ut divini sensus auctoritate dissolvitur, sic ipsorum sacro sermone vulgari, qui maximus habetur in usu, convincitur expugnata. Nam cum inter negotia diversorumque contractus fides perfidiaque contendunt, ut testis divinitas adhibetur, que aliquando quid agamus scire negatur. Testis est, inquit, Deus: Deus videat, Deus iudicet, Deus faciat, Deus reddat. Et cum ad necessitatem jurisjrandi venitur, et jurauit animus metuit ne sibi aliquid obveniat pejoranti; et jusjurandum exigit, et reddi ei posse confidit, qui sibi male juravit. Et cum sanitas excepta et bona valetudo fuerit consecuta, divinitati gratiae referuntur. Et cum aliqua incidente materia casus proximus illesus evaserit, Deus bonus dicitur præstissime. Et cum adverso ventorum flatu commoti aquoris fluctus insurgunt, et navis undique cesa quassatur, navigantium turbæ ad cœlum manus extendunt, Deum voce supplici deprecantur, et exaudiiri se et liberari posse confidunt. Unde hæc si Deo nulla nostri est cura, si quid agamus ignorat? Inanis est igitur ista persuasio. Omnia Deo sunt cognita. Nullus sibi de impunitate commissorium scelerum blandiatur. Bonæ vite maximus fructus est, male perpetua poena et æterni cruciatus. Igitur nobis qui Deum omnia nosse credimus, qui devote ad martyrium destinamus, inestimabilis fructus, perpetua vita præstabitur: impiis vero, qui Deum scelerata sua, criminumque nescire docuerunt arcana, ignis flamma consumens, incendiumque semper indeliciens ministrabitur.

II (a). — An Spiritus qui super aquas ferebatur, Spiritus sanctus intelligatur; quia dictum est, *Spiritus Domini ferebatur super aquas (Gen. 1, 2)*?

Si ideo a quibusdam Spiritus sanctus putatur, quia Dei esse spiritus legitur, etc.

III (b). — Si Adam factus a Deo et animatus, Spiritus sanctus accepit; quia scriptum est, *Inspiravit Deus in faciem ejus spiritum vitæ (Gen. 2, 7)*.

Non erat ordinis ut acciperet Spiritum sanctum; quia hoc in posterum reservatum est a Deo, ut in novissimis diebus cum mysterio unius Dei manifestatum est, daretur credentibus. A principio quidem prædicata est Trinitas, sed quasi sub velamine erat intelligentia ejus. Dei enim Patris primum persona sine cunctatione et figura prædicta et manifestata est, quia ab ipso sunt omnia. Filii autem ejus, Domini nostri Jesu Christi et Spiritus sancti persona non facebantur, sed neque manifestabantur. Denique de Domino fit a perfidis questio, et de Spiritu sancto. Quidam enim dementes Spiritum sanctum ipsum Patrem dicunt, sicut et Sabellius ipsum dicit Patrem quem et Filium. Dei autem Patris persona nemo dubitat. Cum ergo Trinitatis sit manifestatio, tunc demum Spiritus sanctus datum credentibus, ut et persona ejus manifesta sit, et accipientes illum, signum habeant, quia filii sunt Dei, per id quod Spiritum Dei, qui de Deo utique est, habent in se. Perfectionis enim significatio hæc est, cum scitur et Pater esse et Filius et Spiritus sanctus. Hæc perfectio hoc tribut donum. Adveniens enim Filius Dei, et hæc adaperiens ac ma-

¹ *Erit, vanitatum; et paulo post, Dei iussus mutoritate.* At MSS., *vani tantum*; et, *divini sensus auctoritate.*

(a) Habetur supra inter primo vulgaras, juxta quest. 41.

(b) Idem argumentum tractatur in MSS. primi generis, quest. 123, sed alia prorsus ratione.

nifestans, plus aliquid debuit dare, et dignum fuit tribuere perfectionem hanc credentibus; quia nec in Filio, nec in Patre solo perfectio est vel salus, sed in nomine Patris et Filii et Spiritus sancti. Unde dicit Joannes evangelista, quia de plenitudine ejus nos omnes accepimus, gratiam pro gratia: quia Lex per Moysen data est, gratia autem et veritas per Jesum Christum facta est (*Joan. 1, 16, 17*). Apertum est, adveniente Salvatore plenitudinem factam veritatis. Quæ enim litebant, et quod promissum est dum revelatur, et manifestatur, plenitudo sit veritatis: tunc credentes accepto Spiritu sancto sunt filii Dei. Nam inspiratio quæ dicitur facta a Deo in Adam, animæ traditio est: Spiritus enim frequenter pro anima ponitur, dicente Evangelio inter cetera, *Et reversus est*, inquit, *spiritus ejus ad illam (Luc. viii, 55)*. Et in Psalmo: *Spiritu, ait, contributum, et cor contritum Deus non spernit (Psal. L, 19)*. Frequenter tamen aliqui codices non sic habent, quia *inspiravit Deus*; sed, *insufflavit Deus in faciem ejus spiritum vitæ, et factus est homo in animam viventem*. Non quia dixit, *spiritum vitæ*, ideo Spiritum sanctum significavit. Nam et de animalibus ita ait: *In quibus erat spiritus vitæ (Gen. vii, 22)*. Spiritus vitæ dicitur, quia animat corpora ad vitam.

IV (a). — Cur Adam in mundo positus mandatum vel legem accepit, cum ipse dominium cæterorum haberet.

Quamvis in mundo dominus positus sit Adam, tamen quia non utique ex se, sed a Deo id accepit, debuit hujus rei significationem ex lege accipere; ut ipse qui dominus videtur, per legem subjectus ei esset qui illi hanc dederat potestatem; ut auctoritas Creatoris reverentiam illi faceret per legem, ne dominatio tanta extolleret illum, et immeumor fieret Dei censoris sui.

V (b). — Cur Deus dicat, *Non permanebit Spiritus meus in hominibus istis, quia sunt caro: anni illorum centum viginti, etc. (Gen. vi, 3)*.

Cum gigantes essent illis diebus super terram, pestiferi et superbi, a magnitudinis statura elati, post desideria carnis eunt, nati apostate; tunc cum displiceret Deo, promisit genus humanum diluvio deleturum, et tempus statuit; ut si quis forte ira Dei audita et indignatione, super hoc vellet se corrigeret, haberet spatium emendandi se. Denique centum annis arca hac ratione videtur fabricata. Ante arce autem inchoationem viginti anni fuisse perhibentur. Sed narratio istud quod postquam de numero annorum Noe dixit, subiecit, obscurare videtur. Nam hæc sententia antequam quingentorum annorum esset Noe, dignoscitur lata. Quid enim dicit? *Non permanebit spiritus meus in hominibus istis: propterea et subiecit, Quia malitia increvit super terram, delebo¹ hominem a facie terræ usque ad pecus; quod utique diluvio facto impletum est.* Nam et post diluvium multis annis homines vixisse meminimus: et Aaron frater Moysi centum viginti tres annos vixisse memoratur (*Num. xxxiii, 38, 39*). Ipse autem Moyses ut centum et viginti annos transire non posset, fecit quod Deum in contradictione aquæ non clarificavit. Nam intraturus erat in terram promissionis, si non obstetisset peccatum (*Deut. xxxiv, 7, et xxxii, 48-52*). Videtur enim hoc quibusdam dictum ad tempus Moysi pertinere, cum inveniatur Joïada sacerdos centum triginta annos vixisse (*Il Paral. xxiv, 15*).

VI (c). — Quid continet benedictio Jacob, quam dedit filii suis (*Gen. xlvi, 49*).

Non solum ex presentibus causis futura uniuscunque tribus prædixit, sed et de futuris futura, quorum adhuc umbra non erat, in populo Judaico significavit. Quales enim future essent singulæ tribus iheribus, fide, disciplina, luxuria, petulantia, contempta fidei, ut cum de uno erant, et tamen unum non ser-

¹ *Mss., delcam.*

(a) Deest in MSS. primi generis.

(b) Deest in iisdem MSS.

(c) Deest in iisdem MSS.

arent, ostendit. Aliqui enim profecerunt in melius, alii deterioraverent, alii permaneserunt: ut per hoc non sibi prærogativam generis vindicarent, cum ab eis ipso predictum esset, quosdam ex his, qui utique ex ejus essent origine, reprobos futuros, imo multos perituros, ita ut alii significantur subintrare, qui ad eorum dedecus et damnationem insicerentur in naturam, ex qua illi exciderunt. Promiscuum ergo populum in omnibus tribibus futurum declaravat: qua varietate tam boni sed pauci, quam mali sed multi intelligerentur. Et quanvis sceptrum dederit filio suo Josephi ad tempus, Judam tamen præfecit omnibus. Non quod omnes ex Iuda idonei essent futuri, sed quia Salvator, qui vere rex est, ex ea tribu oriundus erat secundum carnem.

VII (a). — Cur angelus missus loqui ad Moysen in igne et rubro apparuit?

Natura angelica secundum se simplex est, cuius substantia superiora appetit, etc.

VIII (b). — Non fuit aliud signum quod fieret a Moyse palam Pharaoni, nisi serpens (*Exod. vii, 10*)?

Qui hoc reprehensibile putat, dicat quid aliud fieri debuit. Nam utique serpentem fecit, qui et terrorem incuteret, non tamen obesset, per id quod stupore quodam ad nocendum tardior est. Si enim leonem fecisset, aut ursum, aut aliud tale, quomodo evadrent qui aderant? Nec enim occidere voluit quemquam, sed solun timorem ponere, et ostendere virtutem; ut quia prima prævaricatio per serpentem coepit, similiter et recordatio cognitionis Dei et morum emanatio serpenti signo proveniret, ut quomodo peccatum est, sic et emendaretur: sicut et per mulierem peccatum factum, per mulierem sublatum est, Mariam matrem scilicet Domini, ex qua Christus natus damnavit peccatum. Eva virgo adhuc prævaricavit, sicut et Maria virgo erat. Hoc ergo modo ad statum pristinum revocata sunt, quæ perierant: quia et regnum per ligni gustum amissum erat, et iterum per lignum quiescum est. *Dominus enim, ait, regnabit a ligno* (*Psalm. xcvi, 10*). Simili modo et mundus in quo factus est, in eo et reformatus est, id est in principio mensis primi, quod est Pascha. Nulla ergo mala erit natura nisi sola prævaricatio; quando peccatum per id emendatum est, per quod et admissum est.

IX (c). — Si unus Deus est, cur in tribus spes salutis est, et non in duobus, aut quatuor, aut certe in uno; et quare prius non est Trinitas prædicata?

Unus quidem est Deus, sed non singularis est, etc.

X (d). — Utquid circumcisio et præcepta data sunt populo, quæ prius non erant, neque nunc in auctoritate habentur?

Circumcisio signum est fidei Abrahæ, ut cum in filiis ejus hoc signum videretur, scirentur ejus filii esse, qui Deo credens hoc signum acceperit (*Gen. xvii, 10, 11*). Præcepta autem sabbatorum, et præteriorum testimonio data sunt, et futurorum quæ haberent figuram (*Exod. xx, 9-11*). Futuri enim sabbati, quod in aeternis dabit requiem, figura est hoc sabbatum quod in hebdomadam impletum factum est. Escarum autem lex non in primordio Legis data est, sed cum diu perfidia, Dei verbis et promissis fidem nollent dare, ad duritiam cordis sui acceperunt præcepta non bona, sicut dicit propheta Jeremias (*Ezech. xxv, 25*). Id enim actum est, ut cervix eorum premetur, ad profectum illorum. Superbis enim hominibus et contumacibus, non debuit tota creatura subjici. Postea autem misericordia Dei veniente, redditæ est libertas edendi. Unde dicit Petrus apostolus: *Quid imponitis jugum super cervicem fratrum, quod neque nos neque patres nostri portare potuimus* (*Act. xv, 10*)?

(a) Habetur supra inter primo vulgatas, juxta quest. 42.

(b) Deest in MSS. primi generis.

(c) Habetur supra inter primo vulgatas, juxta quest. 87.

(d) Deest in MSS. primi generis.

XI (a). — Si propter dissidentiam et detractiones dura acceperant Iudei mandata; quid peccaverant filii eorum, ut etiam ipsi his mandatis astringerentur?

Patribus data lex est, que filii similibus oneri esset. Nam postea non minus, sed forte amplius in Deum peccaverunt quam patres illorum. Præscius enim Deus, filii magis hanc legem dedit; quia illi omnes in extremo obierunt.

XII (b). — Cur in Lege etiam ipsi Aaron dictum est, ut pro peccatis suis holocausta offerret, cum dicat David, *Pro delictis holocaustum non postulasti* (*Psalm. xxxix, 7*); et in subjectis, *Holocaustis non delectaberis* (*Psalm. l, 18*)? Quomodo offerri præcepit, quo non delectatur?

Manifestum est holocaustis Deum non delectari, sed pro satisfactione peccati gemitu et dolore cordis veniam posse mereri. Sacrificium autem testimonium peccati voluit esse, ut se peccator per oblationem sacrificii confiteretur peccasse. Remissio autem quomodo obtinetur, ipse alio loco ostendit, dicens, *Frangere esurienti panem tuum: si rideris nudum, vesti, et domesticos seminis tui ne despicias* (*Isai. lviii, 7*): aut certe, *Cor contributum et humiliatum Deus non spernit* (*Psalm. l, 19*). Primum ergo confitendum elicitum monuit; deinde quomodo ignosci possit, ostendit. Nam nunquam pro manifesto delicto sacrificium mandavit, sed pro ignorantia; quia etiam cum nescit homo peccat, et cum se putat recte agere, intentione quam delinquit. Tale peccatum dixit per sacrificium posse purgari.

XIII (c). — Quid est ut missa mors in Jacob, venerit in Israel; cum Jacob ipse sit Israel?

Unus populi duo nomina posuit. Nam utique qui prius Jacob dicebatur, etc.

XIV (d). — Si anima quæ peccat ipsa morietur, quid est ut Charmi peccante triginta sex viri occisi videantur causa ejus?

Charmi quidem peccavit, et mortuus est lapidibus. Illi autem triginta sex viri, etc.

XV (e). — Quid est quod dicit propheta, *Lætare, sterilis quæ non paris; erumpere et clama, quæ non parturis: quia multi filii deserteræ magis quam ejus quæ habet virum*?

Duas matres hoc in loco intelligimus, cœlestem et terrestrem, id est, Jerusalem liberam, etc.

XVI (f). — *Benedic terra Dominum*, ait, hoc est laudet et confiteatur virtutem tuam: quomodo ergo in Psalmis, *Nunquid confitebitur tibi, inquit, pulvis, aut annuntiabit virtutem tuam?*

Non est sic intelligendum, ut legitur, et sonant verba, etc.

XVII (g). — *In sole, inquit, posuit tabernaculum suum* (*Psalm. xviii, 6*), id est corpus suum in quo habitavit Christus, qui a Pilato flagellis carcere est: quomodo ergo dicitur in Psalmo de Christo, *Flagellum non appropinquabit tabernaculo tuo* (*Psalm. xc, 10*)? quippe cum templum corpus suum dixerit.

Et filii hominis, et Dei Filii corpus templum esse intelligitur. Deus tamen, id est, Dei Filius, quamvis in carne venerit, in anima tamen habitavit. Ergo tam anima quam corpus tabernacula est Filii Dei, licet unus sit Deus et homo, Filius Dei, et filius hominis. Ergo ex hac parte flagellum non appropinquasset dicitur tabernaculo ejus; id est, anima ejus, in qua habitat divinitas ejus, immunita fuit a pena inferni vel principum ejus. Ne quia hic quasi peccator, cum sit innoxius, crucifixus est, et passa est caro, aliquid noestitiae apud inferos anima ejus passa putaretur, ostendit Scriptura non potuisse animam ejus turbari apud inferos, quia ad hoc descendit, hoc est pati se

(a) Deest in MSS. primi generis.

(b) Deest in iisdem MSS.

(c) Habetur inter primo vulgatas, juxta quest. 57.

(d) Habetur supra inter primo vulgatas, juxta quest. 58.

(e) Ibid., quest. 40.

(f) Ibid., quest. 38.

(g) Deest in MSS. primi generis.

permisit, ut confundenderet tenebras, et principes earum remitteret hebetes. Unde et ipse Dominus ait: *Tristis est anima mea usque ad mortem* (*Matth. xxvi, 38*). Permissa est enim, quod natura sue erat, ut tristaretur, tropaeum protinus referens, et spolia eorum a quibus contristata fuerat usque ad mortem, post mortem jam in aeterno gaudio constituta. Potest et de toto homine intelligi; quia qui peccatum nesciit, a lege flagellari non potuit.

XVIII (a). — Cur Salomon spiritum sapientiae habuit (*III Reg. vi*), cum vitam mundam non habuit? valde enim mulieribus delectabatur, ac per hoc peccabat (*Id. xi*).

Primum merito suo accepit spiritum prudentiae: postea vero quam mulieribus nimium coepit uti, et per hoc peccare, si habuit spiritum sapientiae, regni merito habuit; sicut et Nabuchodonosor regni merito in cauino Christum vidit.

(a) Deest in MSS. primi generis.

XIX (a). — In Salomonem, *Spes est, inquit, in tenebris, et melior est canis vivus et leone mortuo*.

Tenebre ignorantiam significant et gentilitatem: quia spes est in gentili potius quam in apostola, etc.

XX (b). — In Sapientia, *Qui creavit, inquit, orbem ex materia invisa*: et contra, quia *ex nihilo facti sumus* (*Sap. xi, 18, et ii, 2*).

Deum simul confusas substantias creasse, Scripturarum sensus declarat, permixtis utique tenebris. Hanc confusione rerum, id est, aera, ignem, aquam, terram, tenebras, materiam dixit invisam, sicut in Genesi legitur: *Terra autem erat, inquit, invisibilis et incomposita* (*Gen. i, 2*). Ex hac ergo confusione creavit orbem instituto firmamento, ut intra ipsum aquis congregatis in unum habitatio stere generi humano. Distinctis enim et discretis substantiis, in concavo domum habitabilem fecit.

(a) Habetur supra inter primo vulgatas, juxta quæst. 39.

(b) Deest in MSS. primi generis.

QUÆSTIONUM EX NOVO TESTAMENTO

PARS SECUNDA.



QUESTIO PRIMA (a). — Cur facta et dicta dominica quatuor voluminibus a quatuor scriptoribus sunt in scripturam digesta?

Congruum fuit annum Domini acceptabilem, sicut dicit propheta (*Isai. lxi, 2*), a quatuor voluminibus veluti quatuor vicibus contineri. Sicut enim annus quatuor temporibus evolvitur, ita ut invicem sui egeant; ita et gesta et dicta Domini quatuor libris definita sunt, ita ut alter alterius indigeat: simul autem plenitudine perfecta sunt. Ut autem a quatuor scriptoribus ordinarentur, haec fuit causa, ut quia temporum diversa sunt nomina, Evangeliorum quoque essent diversa vocabula. Et si qua videntur in verbis contraria, sensu tamen non discrepant, per interpretationem aptam causæ: sicut tempora cum videantur utique diversa nomine, aere, et cursu siderum, in effectu tamen eorum que giguntur non discrepant.

II (b). — Quoniam constat quatuor libros rite conscriptos gestorum et dictorum Domini, sciendum quis ordo eorum sit.

Evangelium ordinatione colligitur magis quam tempore. Matthæus ergo primus ponendus est, quia ab ipsa promissione sumpsit initium, id est ab Abraham, cui facta promissio est incarnationis Domini nostri Jesu Christi. Post hunc Lucas, quia incarnationem hanc quomodo facta est, narrat. Tertius Marcus, qui Evangelium quod prædicatum est a Christo, testatur in Lege promissum. Quartus autem Joannes, quia hunc qui promissus est Abrahae incarnandus, et a Luca quemadmodum incarnatus est dictum est, et a Marco Evangelium ejus juxta Isaiam prophetam prædicatum ostensum est, aperta voce ostendit Deum dicens, *In principio erat Verbum, et Verbum erat apud Deum, et Deus erat Verbum* (*Joan. i, 1*).

III (c). — Quare Matthæus Evangelium Christi describens dicit, *Liber generationis Jesu Christi filii David* (*Matth. i, 1*); cum prior sit Abraham?

Propterca sic ceperit, ut prius de ipso dicaret a promissione incarnationis ejus genealogiam describens, sicut dicit Apostolus, *Quorum patres et ex quibus Christus secundum carnem* (*Rom. ix, 5*). Ideo dixit, *Liber*

generationis; quia ex multis et diversis incarnationis Christi consistit, ut quia ex uno diversi esse coepissent, de omnibus corpulentiam traheret. De Iudeis et Gentibus et de dignis et indignis: quia Ruth Moabitida fuit, et Bersabee ex moëcha facta uxor est; ut omnium carnem ad se trahens, ad unitatem illos genuinam revocaret. Idecirco, *Jesu Christi filii*, ait, *David*, cum prior sit Abraham; quia specialiter Christus dicitur filius David, propter regnum: ut sicut Deus de Deo, ita et rex de rege ortum caperet juxta carnem. Sic enim dictum est ad David: *De fructu ventris tui ponam super sedem tuam* (*Psal. cxxxii, 11*).

IV (a). — Quid est, ut generationes omnes in tres partes dividenter supradictus Matthæus apostolus (*Matth. i, 17*).

Cause faciunt divisiones et tempora. Idecirco ab Abraham usque ad David distinxit. Prima enim pars causa ab Abraham usque ad David est; quia Abraham pater fidei est, et David pater regni. Saül enim indignus effectus, seipsum regno privavit. A David vero usque ad transmigrationem alia pars causæ, in qua regnum amiserunt facti reprobi Iudei. Post transmigrationem autem Babylonis usque ad Christum tercua pars lamentationis et miseriae, captivitatis et dispersionis illorum: quia quavis post transmigrationem Babylonis et septuaginta annorum tempus, quando a Cyro dimissi reversi sunt ad sua, nunquam tamen causam¹ vel requiem habuerunt. Neque enim postea Iudei regnare potuit, sed solliciti semper et peregrantes fuerunt. Nam utique tempore nativitatis Christi captivi fuerunt, dicentes: *Nos, non habemus regem nisi Cæsarem* (*Joan. xix, 15*). Hac ergo causa Matthæus tres gradus fecit generationis, ut etiam meritorum et causarum mutationes ostenderet a promissione facta usque ad Christum, anni autem tempora usque ad finem in unam gratiam permanere.

V (b). — Quare cum quadraginta et una sint generationes, Evangelista quadraginta duas numerasse videtur (*Matth. i, 17*)? Ter enim quatuordecim, qui faciunt, nisi quadraginta duo?

(a) Deest in MSS. primi generis.

(b) Deest in iisdem MSS.

(c) Deest in iisdem MSS.

¹ Morel affirmit legendum, *pausam*, vid. *Element. Critic.*, pag. 321. M.

(a) Deest in MSS. primi generis.

(b) Deest in iisdem MSS.

Secundum numerum, quadraginta et una generaciones numerantur; juxta rationem autem, quadraginta dñe probantur. Jechonias autem in transmigratione genitus, id est rex factus, sicut continetur in Paralipomenon, finem fecit secundae parti: et quia post transmigrationem remansit in regno pernitemte rege Nabuchodonosor, ab ipso incipit tertia pars, que venit usque ad Christum. Ideoque his computatur, ut et concludat secundam partem, et initiet tertiam Jechonias. Sic enim habet: *Et post transmigrationem Babylonis, Jechonias genuit Salathiel (Matth. i, 12).* Usque ad istum autem Salathiel regnaverunt qui sunt ex Juda, scilicet quorum ex radice nascitur Joseph. Nam Jechonias primum filium habuit Assur nomine. Sed quoniam Joseph per radicem Salathiel originem trahit, pratermissio Assur Salathiel Jechoniam patri suo subjunctus est, ut veniretur ad Joseph, cui erat sponsata virgo Maria. Nam et post Josiam Jechonias sequitur. Sed quia per Joachim patrem Jechoniam venitur ad Joseph, pratermissio eo, id est Joachim, Jechoniam posuit, ut numerum quatuordecim generationum non egredetur, et quia post Jechonianam Salathiel et filius ejus per quem oritur Joseph.

VI (a). — Quare in Matth. eo pater Josephi Jacob scribitur, et in Luca Heli; ut aut duos patres habere imperite descriptus sit, aut certe qui vere pater sit nesciatur?

Non est ambiguum patrem Joseph Jacob fuisse. Ordo enim a David per Salomonem tramitem suum tenens, recto cursu pervenit ad Jacob, etc.

VII (b). — Manifestum quia natus Salvator Dei Filius et Christus appellatus est: cur ergo post baptismum accessit ad eum tentator, dicens, *Si Filius Dei es? etc. (Matth. iv, 3).*

Sic natus Salvator ex Virgine est, ut et Christus esset et Filius Dei, non factura, sed ortu. Adhuc autem in minori aetate potentiam suam evacuans, hoc est a potestate sua dissimulans, impudentiam diaboli non provocavit. Baptizatus autem descendente in se Spiritu sancto, cum apparuisset hominibus testimonio Dei Patris, aemulatione zeli ductus est inimicus ad injuriam, videns hoc factum sibi obesse: intellexit enim ordinationem baptismatis ad salutem hominum procuratam. Ideoque accedit ad Salvatorem hujus rei principem, non ut approbet, sed ut locum inveniat evertendi. Tentatio enim aliquando ad probationem fit, aliquando sub dolo ad subversionem. Arbitratus est enim quasi Salvatori eliciisset secundum dolum voluntatis suae responsum, ut regnum suum totum haberet securus, quod dñe Salvatoris doctrinæ subiecto, nemo mortem ejus evaderet.

VIII (c). — Cur Salvator tentanti se diabolo non aliter quam exemplis Legis resistit (Matth. iv, 4-10)?

Salvator non solum diabolo tentanti respondit, sed et Iudeis per quos crudelitatem suæ impietatem egit in Salvatorem. Praescius enim Iudeos se inimicum Legis dicturos, patris eorum impudentiam diaboli, testimonii Legis compressit, ut patrem in filios, et in filios in patrem condemnaret.

IX (d). — Utquid Salvator post baptismum quadraginta diebus jejunavit, postea esurit (Matth. iv, 2)? Qui enim quadraginta diebus jejunavit, potuit jam non esurire.

Scriptum est, *Fili, accedens ad servitutem Dei, sta in justitia et timore, et prepara animam tuam ad tentationem (Eccli. n, 1).* Ideoque Salvator ut formam nobis daret, jejunavit; ut simili modo nos quoque jejunis insisteremus, omnem motum diaboli contra nos oppositum, Dei auxilio superemus, scientes exemplo Salvatoris tunc magis insidias adversarii cavendas, cum ad Dei timorem accedimus. Dolet enim quod re-

(a) Eadem est cum ea quæ inter prima vulgatas numeratur quast. 36.

(b) Deest in MSS. primi generis.

(c) Deest in iisdem MSS.

(d) Deest in iisdem MSS.

cesserimus ab illo: ideo plus sœvit aduersum nos. Hoc nobis gessit Salvator, non sibi. Similiter et quod esurit, non sua causa, sed nostra est. Jejuniis enim cum superate fuissent tentationes diaboli, que ideo scriptæ non sunt, quia ad profectum doctrine non pertinent; postea, id est, post quadraginta dies permisit, ut (quod hominis erat) pateretur famem: ut videns diabolus, qui jam fuerat superatus, infirmitatem in eo famis, incitaret rursum ad tentandum, videns hominem esse a quo vincebatur. Hoc enim fuit mysterium Salvatoris, ut quia homini vicio insulatabat et dominabatur, ab homine vinceretur, ut Dei virtus homini victoriam acquireret: et sic magis vilis effectus est satanas, cum et hominem cernit, et virtutem non hominis intelligit. Mirabatur enim stupore hebetatus, quod mysterium inesset quod se lateret: ut potestas esset accedendi, circumveniendi non esset. Duabus enim ex causis torquebatur. Videns enim infirmitatem, accedebat, et inveniebat virtutem; ut cernens hominem suspectus esset de Dei virtute. Ad hoc ergo esurit, ut illudceret astutiam satanæ. Idcirco autem non amplius jejunavit, ut concordaret Moysi et Eliæ.

X (a). — Quid est ut cum prius Joannes Baptista testimonium perhibuerit Salvatori, postea dubitaverit dicens per discipulos: *Tu es qui venturus es, an aliun expectamus (Matth. xi, 3-10)?*

Qui Joannem putant dubitasse, detrahunt Salvatori Aut enim illum recte asserunt dubitasse, aut certe imperitiae arguunt Salvatorem; quia sicut putant, male de se sentientem laudavit. Sed quia falli Salvatorem impossibile est, recte laudatus ab eo Joannes est. Si recte laudatus est, non dubitavit. Ipso enim tempore quo misit ad Jesum Joannes de carcere discipulos suos, dicens: *Tu es qui venturus es, an aliun expectamus?* tunc Jesus respondit discipulis ejus dicens: *Ite, dicite Joanni quæ videtis et auditis. Cœci vident, surdi audiunt, leprosi mundantur, claudi ambulant, mortui resurgunt, et beatus ille qui non fuerit scandalizatus in me.* Abentibus autem nuntiis Joannis, cœpit Jesus dicere ad turbas de Joanne Baptista: *Quid existis in desertum videre? arundinem vento moveri, aut hominem mollibus vestibus indutum?* Ecce qui mollibus vestiuntur, in domibus regum sunt. Sed quid existis videre prophetam? Dico vobis quoniam plus quam prophetam. *Hic est de quo scriptum est, Ecce ego mitto angelum meum ante faciem tuam, qui preparet viam tuam.* Tunc publicani laudaverunt Deum, baptizati baptismō Joannis. Quanta autem laus data Joanni est, ut plus diceretur esse quam propheta, et beatum vocat Salvator eum qui non scandalizatur in se? quomodo laudatur Joannes qui dubitando scandalizatus est? Sed non utique dubitavit. Laus enim beatum illum probat, quia non est scandalizatus. Nam et Salvator idcirco ipso tempore in laudem Joannis prorupit, ut ostenderet sensum Joannis esse liberum a discipulorum ejus dubitatione. Joannes enim volens mirantes discipulos suos corroborare in fide Salvatoris, sciens exitum sibi imminere, ea quæ de ipso dicebat, ore ejus voluit confirmari: ideo ut testis verus sit, testimonium potioris implorat, ut eorum concordia omnis ambiguitas auferretur. Hoc commentum Joannis est, ut dubios suis quasi verbis mitteret, ut eadem audientes a Salvatore quæ audierant a Joanne, firmarentur, scientes idonei procuratoris et Domini coelestis testimonium in dubium vocari non posse. Idcirco et Salvator quasi Joanni respondit, ut inter Joannem interrogantem et Salvatorem respondentem discerent veritatem.

XI (b). — Quid est quod superius Herodem mortuum legimus (Matth. ii, 19), infra autem et post multos annos Herodem Joannem occidisse (Id. xiv, 1-11), cum superius mortuo Herode Joannes supervixerit?

(a) Deest in MSS. primi generis.

(b) Deest in iisdem MSS.

Herodes rex fuit **Iudeæ**: hic habuit filios quatuor, **Archelaum**, **Herodem**, **Philippum**, et **Lysaniam**: sed mortuo Herode patre eorum, successit Archelaus, quo mortuo, in quatuor partes divisum est regnum supra dicti Herodis, ita ut Pilatus in partem regni quartam admitteretur, quasi preses, non quasi rex (*Matth. n. 22, et Luc. iii. 1*): filii autem Herodis reges dicerentur. Denique mortuo iterum Philipo, accepit uxorem illius Herodes frater ejus, de qua arguebatur a Joanne Baptista, qua causa occidit eum Herodes filius supra memoriam Herodis. Quid enim dicit? **Herodes**, inquit, **tetrarcha**; id est, in parte quarta regni positus sui patris Herodis. Quid ergo ambigitur quando significatio adjecti cognominis ostendit alium hunc esse Herodem? Ipse est enim qui et Jacobum occidit g'adio, fratrem Joannis, qui postea percussus ab angelō Dei scatens verminibus expiravit.

XII (a). — Orandum utique pro inimicis docuit Dominus: quid est ergo ut contra anima occisorum ultisci petant, a Domino postulantes vindictam?

Apocalypsis cum futura mala et tribulationes dissidentiae et malæ vite causas Deo vindice testantur, etc.

XIII (b). — Si jam prædicante Salvatore vel Joanne Lex cessavit, quomodo Salvator ait: *Non veni solvere Legem aut Prophetas, sed adimplere?* Si enim cessavit, quomodo non soluti est, aut destructa, que agendi amisit auctoritatem?

Prophetarum dicta de Salvatoris adventu, impleta sunt cum venit, etc.

XIV (c). — Joannes ad Dominum, *Tu es qui venturus es, an alium exspectamus* (*Matth. xi.*)? Sub sua persona discipulorum suorum agit causam. Non enim Joannes dubitabat, qui dixerat: *Ecce agnus Dei, ecce qui tollit peccata mundi* (*Joan. i. 29*): sed ut discipulis suis satisfaceret, mittit illos suis verbis, ut Salvatoris ore firmaret quod ipse de illo docebat; ut post excessum suum sine dubitatione aliqua discipuli sui Christum sequerentur.

XV (d). — Quare Lex et Prophetæ usque ad Joannem, et post recte cessasse dicuntur (*Matth. xi. 15*)? Quia jam de quo prophetabant, advenit. Quare Lex usque ad Joannem, cum Apostolus dicat, *Legi nos subditos debere esse: Quae autem, inquit, sunt, a Deo ordinata sunt* (*Rom. xiii. 1*)?

Legis quidem unum nominem est, sed tripartitam habet intelligentiam. Prima enim pars Legis de Deo est. Sic enim Lex a lectione dicta est, ut de multis quid eligas scias. Inter errores ergo positi accepert ut eligant verum, id est reprobato diabolo eligant Deum. Secunda autem Legis pars haec est, quæ scilicet preceptis continetur, que sic incipiunt, *Honora patrem et matrem*. Tertia vero in neomeniis et in sabbato est, et in escis discernendis ac eligendis, et in circumcisione et in hostiis pecudum offerendis. Hanc itaque Legem dicit usque ad Joannem, non ultra servandam. Sic enim data est, ut completo tempore cessaret, nec enim fuit ab initio, sed ex causa data ad tempus est, ut adveniente Salvatore cessaret Lex. Ergo de Deo manet tam Lex præceptorum quam natura ejus quæ sine dubio est, ab ipso aboliri non potest. Per ipsum enim præficitur ad promissum præmium. Timor enim sollicitudinem parit.

XVI (e). — Cum Salvator baptismum Joannis de cerlo dicat, cur Nicodemo, cum de baptismio loquitur, dubitanti ait: *Si terrestria dixi vobis et non creditis?* etc.

Quod dixit, *Si terrestria dixi vobis, et non creditis*, non pertinet ad baptismum, etc.

XVII (f). — Quid est ut Salvator mulieri alic-

nigenæ, id est Chananæ, inter initia misericordiam denegaret (*Math. xv. 22-28*), cum et Centurioni alienigenæ, et leproso quem ipse Jesus alienigenam dixit, beneficium impertiude salutis non negaverit (*Luc. vii. 12-19*)?

Dignum factum Salvatoris ipsa causa designat. Absurdum enim erat, et ad injuriam promissionis Patrum proficiebat, si mulier que Judeorum Deum non confessa fuerat, acciperet beneficium promissionis genti confienti Deum. Inter initium ideo negatum est illi. At ubi autem cervix flexa Salvatoris verbis fidem non negavit, sed confessa est Judeos credentes esse filios, Gentes autem canes vel servos, per quod junxit se fidei dominice; quia servi dominum indicant, et dominus non est sine servis: unitas facta est subjecti et subjacentis. Hinc est unde mernit consequi quod precata est. Centurio autem qui beneficium a Salvatore incunctanter accepit, olim se Dei rebus inficerat. Denique dicunt majores Judeorum ad Dominum: *Dignus est ut præstes illi; diligit enim gentem nostram, et synagogam ipse edificavit nobis*. Leprosum vero alienigenam dixit Dominus, non fide, sed natione. Erat enim Samaritanus, quos constat ex origine esse Babyloniorum. Et hic tamen non sine confessione consecutus est beneficium: quia dictum erat discipulis a Domino: *In viam gentium ne abieritis, et in civitatem Samaritanorum ne introieritis, sed ite potius ad oves que perierunt domus Israel* (*Matth. x. 5, 6*); hoc est, ut non prius predicaretur Samaritanis et Gentibus quam Iudeis, quorum fuerat promissio haec. At ubi Judai coeperunt repudiare fidem Christi, tuac et Samaritanæ se obtulit Salvator, et post crucem Centurioni Cornelio: a Chananæ autem requisitus suscepit eam; quia non erat adhuc tempus, ut offerret illis salus.

XVIII (a). — Quomodo probatur quod dixit Salvator, quia post tres dies et post tres noctes a mortuis resurgeret; cum utique coena pura passus, illucescente die dominico, cum adhuc tenebræ essent, resurrexerit? Unde numerus dierum et noctium non convenisse videtur.

Præcious Salvator omnium que in se futura erant, haec protestatus est, etc.

XIX (b). — Quare Salvator, *Orate, ait, ne fiat fuga vestra hieme vel sabbato* (*Matth. xxiv. 20*): cum tempus persecutionis hujus differri non possit, dicente Apostolo, *Qui revelabitur in sue tempore* (*1 Thess. ii. 6, 8*); et in Actibus Apostolus inquit, *Definiens tempora et terminos habitationis eorum* (*Act. xvii. 26*)? Et cur hieme fugam vel sabbato non expedire significat?

Hiemis tuta fuga non est: frigori enim sunt, imbrevis assidui, ningit, gelat, flumina exeunt; ideoque fugientibus pergrave est. Latere enim in silvis non possunt, neque in montibus, neque in speluncis. Sabbato autem juxta Judeos longius a civitate exire non licet, nec altum ascendere, ac per hoc fugi sabato non potest¹. Quomodo haec tempora fugam tutam non faciunt, propter impedimenta supra dicta; ita et fuga nostra tuta non erit, si nos obligatos impedimentis carnalibus invenerit predicta persecutio. Deinde enim homines quasi compedes desideria sœcularia, id est facultates mundane, ne edicta diaboli possint effugere. Ideo ergo orandum est ne tempore quo fugiendum est, hiemis et sabbati in nobis ratio inveniatur, sed ut liberos nos ab his impedimentis Dei præstet auxilium, ut non sit quod nos desiderio sui captos mancipet mundo. Quoniam ergo de novissima persecutione loquebatur Salvator, que futura est ab Antichristo; ideo hiemem posuit, quia novissimum tempus est: et sabbatum similiter, quia postremus dies est, ut sicut his temporibus aspera et difficilis fuga est, ita significaret illo tempore tan-

(a) Habitetur supra inter primo vulgatas, juxta quæst. 68.

(b) Ibid., quæst. 69.

(c) Deest in MSS. primi generis.

(d) Deest in iisdem MSS.

(e) Habitetur supra inter primo vulgatas, juxta quæst. 50.

(f) Deest in MSS. primi generis.

¹ Ms. Germanensis, *fugere sabbato non potest*.

(a) Habitetur supra inter primo vulgatas, juxta quæst. 64.

(b) Deest in MSS. primi generis.

graves futuras persecutioes et pressuras, ut vix aliquis eas possit effugere.

XX (a). — Salvator cum se passurum diceret, et post tertium diem resurrectorum, adiecit, *Et postquam resurrexero, præcedam vos in Galilæam, ibi me videbitis; et angelus mulieribus similiter* (*Math. xxvi, 32, et xxviii, 7*) : cum tamen inveniatur a mulieribus et a discipulis suis in Jerusalem.

Verba Salvatoris retractare infidelis est : sed te video non de verbis Salvatoris dubitare, sed sensum requirere, quare eum in Jerosolymis post passionem suam visus sit, dixit se in Galilæa ab his videri. In Jerosolyma visus est, sed particulatim ad recreandos animos discipulorum : in Galilæa vero ab omnibus simul. Ergo qui in Jerusalem visuri illi erant per partes, in Galilæam illis constituit ut simul omnibus appareret, et ad ordinandam disciplinam daret precepta.

XXI (b). — Tres evangeliste sexta hora crucifixum dicunt Salvatorem, Marcus vero evangelista tertia hora dicit crucifixum. Sed quidam strenui (industria sua) tertia hora sententiam datam dicunt, ac per hoc tertia hora crucifixum. Data enim quis sententia jam mortuus habetur. Sed constat post quintam horam in sextam Pilatum sedisse pro tribunali, et sic sententiam dedisse, sicut Joannes ostendit.

Obscuris vera involvere non est bonum. Nam tres evangelistas verum dixisse ipsa concordia obtinuerat, etc.

XXII (c). — Si ideo Salvator baptizatus est ut exemplo esset, quare circumeisus cæteros prohibuit circumcidere?

Circumeisio usque ad Christum indulta est. Abramian autem circumcisionem in Christo promisso accepit, etc.

XXIII (d). — Iudæis accusantibus discipulos eo quod facerent contra legem sabbati, spicas vellendo, Salvator exemplum protulit David, dicens : *Nescitis quid fecerit David cum esuriret, quomodo accepit panes propositionis et manducavit, et dedit his qui secum erant, quod non licebat nisi solis sacerdotibus?* Quod exemplum non excusat videtur discipulos, sed possunt tam hi quam David prævaricatores videri.

Noluit Salvator de tempore impleti sabbati prejudicare Iudeos, etc.

XXIV (e). — Cur Salvator discipulos suos filios tonitru appellavit (*Marc. iii, 17*), qui plus magis videantur filii Dei dici? tonitrua enim dicuntur collisione nubium fieri.

Quoniam tonitrua terorem incutiunt, hac causa filios tonitru discipulos appellavit, quasi ejus filii, qui timendum sit. Quoniam enim tonitrua collisione nubium sunt, voluntate tamen Dei sunt, et sunt terribilia.

XXV (f). — Quid est ut secundum Marci evangeliste relationem, Christi non sit impleta voluntas : *Intrans enim, inquit, in domum, voluit neminem scire, et non potuit latere?* Si ergo voluit latere et non potuit, informata voluntas ejus est.

Hoc quod per compendium propositum est, ut plus sensum p̄asset oculere, etc.

XXVI (g). — In Evangelio legimus angelum dicere ad Mariam matrem Domini, quod regni ejus, id est Christi, non erit finis (*Luc. i, 35*). Et Daniel eadem dicit : ait enim : *Tunc exsurget regnum in æternum, quod nunquam corrupterat* (*Dan. vii, 14*). Contra Apostolus de Domino : *Cum tradiderit, inquit, regnum Deo et Patri* (*I Cor. xv, 24*). Quomodo regnum æternum habebit, quod traditur dicitur Deo et Patri?

(a) Deest in MSS. primi generis.

(b) Habetur supra inter primo vulgatas, juxta quest. 63.

(c) Ibid., quest. 50.

(d) Ibid., quest. 61.

(e) Deest in MSS. primi generis.

(f) Habetur supra inter primo vulgatas, juxta quest. 77.

(g) Deest. in MSS. primi generis.

In causa Patris et Filii, id est, Dei et Christi, traditio non abolito intelligitur. Considera enim quomodo Pater tradiderit Filio regnum, ipso hæc Dominino protestante : *Omnia enim, inquit, mihi tradita sunt a Patre meo* (*Math. xi, 27*). Si Pater ergo debet habere cum tradidit, potest et de Salvatore dici quia cum tradidit, amisit. Nam Filius postquam traditum sibi a Patre regnum dixit, Patrem adhuc praferens ait : *Hæc est autem vita æterna, ut cognoscant te solum et verum Deum, et quem misisti Iesum Christum* (*Joan. xvii, 3*). Secundum hunc igitur sensum et Filius non amittit regnum cum tradit, ut hæc vera sint; et angelus et Daniel non discrepare ab hoc sensu dicantur. Qui horum enim testimonium retractandum putat, perfidia plenus est. Sed nunc videamus manentes in hac side, quid sit tradere Filium Patri regnum : hoc enī est quod inter cetera alio loco dicit Apostolus : *Tunc et ipse subjectus erit ei qui subiecit ei omnia, ut sit Deus omnia in omnibus* (*I Cor. xv, 28*). Subjectio igitur hæc, ipsa est traditio regni. Itaque hoc loco interpretatio videtur necessaria, ut et subjectus Patri Filius non negetur, et nihilominus æternum regnum habere dicatur. Hoc est regnum Filii, quia in nomine Iesu omnia genus flectuntur, celestia, terrestria, et inferna (*Philipp. ii, 10*). Quod etiam firmat Petrus apostolus, dicens : *Non est aliud nomen datum sub caelo, in quo oporteat nos salvos fieri* (*Act. iv, 12*). Et ipse Dominus discipulis ait : *Usquemodo nihil petistis in nomine meo; petite, et ego faciam* (*Joan. vi, 24*). Sic regnat Filius, cum omnia in nomine ejus salvantur, et tantur quæ postulantur usque ad finem mundi. Postquam vero omnia Christum fuerint confessa, sive vi, sive voluntate, et substrata potentia ejus cui résisterant, mysterium unius Dei cunctis manifestabitur, et omnis gratiarum actio referetur ad Patrem, ex quo sunt omnia; ut cessante prædicatione unus Deus sciat in mysterio Trinitatis. Cum enim omnes potestates, omnes principatos et Dominaciones Christo genu flexerint, tunc Filius manifestabat non se esse a quo sunt omnia, sed Filium ejus, et illum in se videtur. Hæc est subjectio et regni traditio. Ostendens enim Patrem esse a quo sunt omnia, subiecit se illi cum de eo se dicit esse. Tanta enim majestas et claritas in adventu Filii videatur, ut omnes potentiae et chori Angelorum hunc singulariter putent Deum. Salvator autem cum se non illum esse dixerit, qui dicitur Pater, sed Filium ejus, regnans tradit regnum Patri. In hac re manifestata est et subjectio, et regni traditio; quia et cum a Patre se proflitetur esse, quidquid habet, Patris confitetur esse, omnem summam referens ad eum.

XXVII (a). — Salvator ait, *Si quis non reliquerit omnia sua, id est, domum, et agrum, et cetera, non potest meus discipulus esse*: et contra evangelista, *Venit, inquit, Joseph ab Arimathea, homo dives, qui et ipse discipulus erat Iesu, expectans regnum Dei* (*Luc. xiv, 33, et xxii, 50, 51*). Quid est ut evangelista profliteatur eum discipulū quem Salvator negavit? Nam et Zachæus dives erat, et Cornelius Centurio dives, et mulieres quæ illis ministrabant de facultatis suis.

Hunc sensum paucis absolvit Apostolus, dicens : *Qui habent, quasi non habentes sint; et qui utuntur hoc sacerdo, quasi non utuntur; et qui emunt, tanquam non possidentes* (*I Cor. viii, 30, 31*). Qui ergo hæc sic habet, quasi non habeat, reliquise videtur. Quando enim non præsumit de his, neque se jactat, sed humiliter incedit, non tantum habitu, sed et mente, dispensatorem se harum et ministerium intelligens, omnia sua reliquise videtur. Hoc enim reliqui dicitur, quod a desiderio recedit, et gratiam non habet.

XXVIII (b). — Si Lex et Prophete usque ad Ioannem quomodo Salvator ad sacerdotes mittit offerri munera pro emundatione?

(a) Deest in MSS. primi generis.

(b) Habetur supra inter primo vulgatas, juxta quest. 60.

Hoc secutus est apostolus Paulus. Cum enim prædicaret jam non oportere circumcidiri quenquam, etc.

XXIX (a). — Si Lex et Prophetæ usque ad Joannem, ex quo regnum cœlorum prædicatum est (*Luc. xvi, 16*) ; ipse est enim inclinator novæ prædicationis ; cur baptisma ejus cessavit ?

Baptisma Joannis cœptum non cessavit, sed additum est ei quod deerat. Joannes enim tantum baptizavit, non Spiritum sanctum creditibus dedit : sicut et ipse de Salvatore dicit, *Ego baptizo vos in aqua in penitentiam, ipse autem vos baptizabit in Spiritu sancto* (*Math. iii, 11*). Hoc est quod dicit : Per me remissio peccatorum, non tamen datur Spiritus sanctus, ut purificati filii dicantur ; hoc enim Salvatori reservatum est, utpote Domino, ut filii Dei non fierent, nisi acceptio a Filio Dei Spiritu sancto. Effectus ergo baptismi Joannis, quod tacite operabatur sine interrogatione, non tamen sine Salvatoris mentione, ut finium esset quod agebat. Trinitatis est donum : quod dignatio Salvatoris ostendit, dans formam trium nominum, quæ a primordio sub unius Dei nomine vel persona unum opus et indifferens opera sunt. Interpretatio ergo accessit ad baptismum Joannis cum significacione latentis dudum mysterii : accessit et amplius donum, ut baptizati acceptio Spiritu sancto sint filii Dei. Amplificatum ergo est, non evacuatum.

XXX (b). — In Evangelio Joannis, *Lex*, ait, per Moy-sen data est : *gratia autem et veritas per Iesum Christum facta est*. Si ergo per Christum veritas facta est, ante non fuit. Si ante non fuit, quomodo a Deo data Lex dicitur, in qua veritas non erat ?

Videndum est quid sit, *Lex per Moy-sen data est*. Per Moy-sen autem *Lex data*, manifesta habet precepta, etc.

XXI (c). — Sabbathum certe Lex est vel pars Legis; quomodo ergo non evacuat Lex est, dicente evangelista, *Non solum solvebat sabbatum, sed et patrem suum dicebat Deum* (*Joan. v, 18*).

Solvit sane sabbatum Salvator, sed sine præjudicio dati sabbati. Dum enim sabbati jam tempus cessaret, Judei autem sabbatum adhuc manere assererent, Salvator sabbatis operans, et infirmo lectum suum sabbatis portare præcipiens, secundum sensum Iudeorum sabbatum solvebat. Nam juxta veri fidem tale est si dicatur quod jam cessaverat, quale est si dicatur de aliquo qui ex profectus dicendus est, et injuriam passus fuerit, quia præfectura injuriam passa est. Non ergo sabbatum solvit, sed homines qui impudenter sabbati auctoritatem vindicabant, delusi sunt, cum iam sabbato succe-sisset nova Lex.

XXII (d). — Si arbitrio proprio vivimus, cur Salvator, *Nemo*, inquit, *venit ad me, nisi Pater qui misit me, traxerit eum* : et non discordans ab his Apostolus, *Neque volentis, inquit, neque currentis, sed miserentis est Dei*? His utique perturbari videtur arbitriu liberae voluntatis. Si enim nemo vadit, nisi tractus, non erit illius delictum, qui non vadit quia non est tractus. Et si non qui petit et currit, accipit, sed cui vult dat Deus, sine culpa erit et crimen qui vult et non obtinet ; et ad illum redundat crimen qui pentelem spernit.

Nullo genere ex his arbitrii causa poterit turbari. Etenim dicta ad causam referas qua dicta sunt, etc.

XXXIII (e). — Quid est ut cum Salvator omnes prope verbo curasset, cœco tamen per lutum de sputo factum oculos reformatum (*Joan. ix, 6, 7*) ?

Hoc Salvator ad confusione illorum fecit, qui Creatorem accusant. Quando enim non alter vitium accidentis corpori emendavit quam Conditor fecit, auctorem operis hujus commendavit. Per id enim emendavit, quo erat conditum. Omne enim quod sit, si

(a) Deest in MSS. primi generis.

(b) Habetur supra inter primo vulgatas, juxta quæst. 76.

(c) Deest in MSS. primi generis.

(d) Habetur supra inter primo vulgatas, juxta quæst. 79.

(e) Deest in MSS. primi generis.

lapsum per id quod fuerat factum reformatum, rectum factum probabitur. Si enim Salvator per hoc se Deum testatur, quia damna et vitia corporis emendavit, quanto magis Deus est qui ipsius corporis inventor est?

XXXIV (a). — Quid est quod Salvator ait, *Ego sum janua ; qui ante me fuerunt, furcs sunt et latrones* (*Joan. x, 7, 8*) ? Quod dictum videtur Prophetas pul-sare.

Quia nemo vadit ad Deum Patrem, nisi per fidem Christi, idcirco se januam dicit Salvator regni cœlo-rum. Si ergo januam verbis utitur, quid opus erat ut de anterius diceret, *Quotquot ante me fuerunt* ; cum nulla quaestio de præteritis verteretur ; sed utique quasi presens janua de præsentibus quereretur ? De Judeis enim dicit Salvator, qui non per fidem, sed per justitiam Legis in regnum Dei se intrare putabant. Ante Salvatorem enim venientes, id est ante illum stantes, obrectabant ei contradicentes, ut etiam alios a fide ejus averterent. Unde fures et latrones appellati sunt. Nam eo tempore haec dicta sunt, quo Phari-sæi disceptabant cum illo qui erat ex cœco illuminatus, cui Salvator oculos reddidit quos natura negaverat, quem volebant a fide Salvatoris avertere, dicentes non per hunc posse, quia sabbatum violat, sed per justitiam Legis intrari in regnum Dei. Tunc Salvator : *Ego sum, inquit, janua ; per me si quis introbit, pa-scua inueniet : si quis autem aliunde intrare voluerit, ille sur est et latro*. Numquid Prophetæ contra Christi doctrinam per justitiam Legis sine fide Deum promoveri posse dicebant, qui Christum in carne vulturum scierunt ? Hoc ergo de præsentibus dixit, ut quicunque ante ipsum fuerint, astantes vel sedentes, fures intelligentur et latrones. Sevocantes enim illum qui fuerat cœcus, volebant eum a fide Salvatoris avertere, dicentes : *Da honorem Deo ; nos scimus quia hic homo peccator est*. Quos ille arguit, dicens : *A sæculo nunquam fuit auditus quod aperuerit quis oculos cœci nati : nisi hic esset a Deo, non poterat facere quidquam* (*Id. ix, 24, 32, 33*). De hoc ergo, quia perseveravit in fide ; et de illis qui dixerunt, *Hæc verba non sunt dæmonium habentis ; numquid potest dæmonium cœcum oculos aperire ?* dixit Salvator, *Sed non audierunt eos oves* (*Id. x, 8, 9, 21*) : illos utique quos fures et latrones appellavit. Nam quomodo non audierunt Prophetas oves, cum constet Scripturis omnes bonos obdisse Prophetis, et malos pseudoprophetis ?

XXXV (b). — Quid est ut admirabilem et incognitam virtutem facturus, Lazarum scilicet a mortuis resuscitatus, fieret, aut locum ubi positus erat quasi ignarus quareret (*Joan. xi, 34, 35*) ?

Salvator Deus et homo est, ac per hoc duas vices egit semper : ut quia hominis affectus habeat, plorat ; sed quia et Deus erat, hunc quem leviter resuscitavit. A minimis ergo semper ad majora venitur, ut quia homo cernebatur, hoc reprobaret esse quod videbatur ; Deum autem se operibus asserebat.

XXXVI (c). — Cum Salvator dicat, *Ego pro eis rogo, quos mihi dedisti ; non pro mundo rogo* (*Joan. xvii, 9*) ; Joannes apostolus contra, *Habemus*, inquit, *advocatum apud Patrem, deprecarem pro peccatis nostris, et non solum pro nostris, sed pro universo mundo* (*1 Joan. ii, 1, 2*) : hoc contrarium videtur.

Quamvis non longe discrepet sensus, tamen aliud est quod dicit Salvator, et aliud quod affirmat apostolus Joannes. Nam Salvator rogat pro discipulis, ut a malis infestatione tuti præstentur : denique sic dicit : *Nou rogo ut tollas eos de mundo, sed ut serves eos a malo*. Apostolus autem Joannes aliud genus precationis inducit : ait namque : *Habemus advocationem, qui postulat pro peccatis nostris, et totius mundi*. Pro Christianis ergo duplice genere postulatur ; quia et pro peccatis illorum oratur, et ut tui a diaboli infestatione præ-

(a) Deest in MSS. primi generis.

(b) Deest in iisdem MSS.

(c) Deest in iisdem MSS.

stentur. Pro his autem qui non credunt, hæc sola do-
precatio est, ut cum pro peccatis suis et perfidia ple-
cti mererentur, bonitas et patientia exspectet illos,
si forte velint corrigi. Non enim postulatur ut igno-
scantur illis peccata distidentibus, sed ut dilationem
accipiant longam, ut si se einendaverint, dimittantur
illis delicta. Illoc ergo postulat pro illis Salvator, quod
diximus.

XXXVII (a). — Quid est ut Salvator dicat Mariæ
volenti se tangere causa gaudii, *Noli me tangere*; *nondum enim ascendi ad Patrem* (*Joan. xx, 1-17*);
cum legatur a ceteris mulieribus et tactus et ado-
ratus?

Indignantis verba sunt dicentis, *Noli me tangere*.
Quiamvis enim desideraret Salvatorem, aliis tamen
resurrectionem ejus ercentibus, hæc ad monumen-
tum stabat plorans, quam jam gaudere oportuerat.
Audierat enim a Joanne et Petro apostolis resurrexisse
Dominum. Sic enim habes: *Et vidit linteum et su-
darium in unum locum, et creditit: nondum enim scie-
bat Scripturam, quia oportebat eum a mortuis resurgere.*
Sed Maria quia non illum videbat resurrexisse, non
credebat. Nimirum enim amor dubitare illum faciebat.
Denique quos diligimus, si incommodum patiantur,
non eos evadere credimus: quos autem odimus, si
jam prope mortem sint, incredulum nobis est. Mariæ
ergo, quoniam obstupuerat et moerore patiebatur
per amorem, quam oportuerat sequi discipulorum
fidem, primum se ostendit Dominus, ut desineret a
moerore, non tamen sine indignatione. Hinc audit,
Noli me tangere: hoc est, Carnalem sensum queris;
abstine te, et spiritualia sequere quæ non videntur.
Nondum enim, inquit, *ascendi ad Patrem*. Tale est
hoc, quale illud beati Joannis Baptiste mittentis di-
scipulos suos ad Jesum, et dicentes: *Ite, dicite, Ioan-
nes Baptista misit nos ad te, dicens, Tu es qui venturus
es, an alium expectamus* (*Luc. vii, 19, 20*)? Sub sua
persona, discipulorum suorum agit causam. Nec
enim Joannes dubitabat, qui dixerat, *Ecce Agnus
Dei, ecce qui tollit peccata mundi* (*Joan. i, 29*): sed
ut discipulis suis satisfaceret, mittit illos suis verbis,
ut Salvatoris ore firmaret quod ipse de illo doce-
bat, ut post excessum suum sine dubitatione aliqua
discipuli sui Christum sequerentur. Ita et Sal-
vator in se¹ Marian arguit, dicens, *Nondum ascendi
ad Patrem*: id est, Adhuc cor tuum humi pressum
est, quæ si non vides, non credis. Si enim ad Deum
cor elevasset, resurrexisse Dominum cum discipulis
credidisset.

XXXVIII (b). — Quomodo intelligitur, quod di-
cente Maria ad angelum, *Et unde hoc sciam, quia
virum non cognovi?* respondit Gabriel angelus, *Spiritus
sanctus superveniet in te, et virtus Altissimi obumbrabit
tibi?*

Ambigenti Marie de conceptu, possibilitatem an-
gelus prædicat dicens, etc.

XXXIX (c). — Qua ratione Magi Chaldæi per
stellam apparentem Christum regem Judæorum na-
tum intellexerunt; cum stella indice temporalis rex
designetur?

Hic Magi Chaldæi non malevolentia astrorum cur-
sum, sed rerum curiositate speculabantur, etc.

XL (d). — Quid sibi vult ut Isaías propheta
de Christo dicat, *Qui peccatum non fecit; contra autem
Apostolus, Qui peccatum, inquit, nesciebat, peccatum
pro nobis fecit?*

Quantum ad propositum pertinet, non solum verba
discrepant, sed et personæ diverse sunt, etc.

XLI (e). — Certe qui filius Dei non est, dia-

boli est: semper ergo filius est, sed aliquando Dei,
aliquando diaboli. Quid ergo nascimur, requirendum
est utrum filii Dic, an diaboli, an aliud tertium, si
possit admitti.

Dominus cum filii Israel saepe delinquerent educti
de Ægypto, iratus, nullum illorum terram promis-
sionis intrare peritis, etc.

XLII (a). — Quarendum an Spiritum sanctum
habuerint Apostoli tempore illo quo fuerunt cum
Domino, etc.

In his omnibus quæ proposita sunt, non una est
causa. Breviter enim singularum causarum significare
sunt formæ, etc.

XLIII (b). — Qua ratione responderi possit Arianæ
impiciati simpliciter ex Lege.

Si ratione fides accommodetur, ipsa nominum ratio
Patris et Filii ostendit unitatem, etc.

XLIV (c). — Cum Salvatorem natum prositeamur,
quid est ut Apostolus factum eum dicit ex semine
David (*Rom. i, 3*): cum aliud sit tieri, aliud nasci?

Quanquam hoc loco possit factura nativitatis intel-
ligi: factura enim a generatione distat quidem; sed
in aliis causis non ubi carnis et corporis vertitur
ratio: Apostolus tamen non sine causa taliter verbis
locutus est; quia et in alio loco, *Factum*, inquit, *ex
mutiere* (*Galat. iv, 4*). Aliiquid ergo significavit hoc
dicto. Quoniam enim non humano semine concreta
caro Domini est in utero Virginis, et corpus effecta,
sed effectu et virtute sancti Spiritus; ideo sic locutus
est Apostolus. Aliud est enim semine admixto san-
guinem coagulare, et generare, et aliud non permix-
tione, sed virtute procreare. Ideo factum potius dixit
quam genitum¹.

XLV (d). — Si ex semine David Christus Dei factus
est Filius secundum carnem, hoc est natus jam Filius
Dei est in uteroque, quia sanctificatus natus est: quo-
modo ergo postquam baptizatus est, dictum ei a Deo
est, *Tu es Filius meus, ego hodie genui te?*

Christus Filius Dei secundum spiritum ex æternō
est, juxta carnem autem Dei Filius ex semine David
est ex nativitate, etc.

XLVI (e). — Apostolus Legem datam a Moyse, et
sanctam, et justam, et bonam, et spiritualem appellebat (*Rom. vii, 12, 14*). Alibi dicit, *Lex enim iram
operatur*; et, *Ubi non est Lex, nec prævaricatio* (*Id.
iv, 15*). Sine enim his esse, securitas est.

Ipse dicta conferens, satis tibi deluberas facere.
Nam sic solent dubii facere questiones, ut unius
dicta, quæ fas non est reprehendere, pugnantia et
inimica quarantur. Si enim Apostolus Legem san-
ctam, et justam, et bonam, et spiritualem vocat, vir-
tute laude precipius, et undique veritate munitus,
sufficeret hoc ad fidem, et de hoc quod videtur in
verbis contrarium, sine obstinatione et invidentia
quarendum erat. Propositio enim hæc impunitatem
peccandi vult. Nam Apostolus utique cum legem fideli
pro temporis merito et gratia præferret apud Romanos,
qui sub fide Christi in Legem fuerant inducti. In
legem dico, non eam quæ naturæ est: nam utique
in legem erant Romani, quam de Athenis decemviri
missi, et post alii duo attulerunt, quæ in duabus²
tabulis scripta est, quæ in Capitolio obrutæ sunt; sed
eam quæ factorum appellatur, ut circumcidentur,
sabbatum observarent et neomenias, discernerent
escas, circa mundanda vasa essent solliciti, et cæteræ
qua continentur in Lege hujusmodi. Hanc ergo Legem
dicit iram operari: propterea enim irato Deo addita
sunt hæc, ut oneri essent perfidie Judæorum. De
tantis enim necesse est ut aliquid prætereat. Unde
apostolus Petrus: *Quid, inquit, imponitis jugum*

¹ Ms. Germanensis, *factum dicit quia ingenitum*.

² Forte legendum, *duodecim*.

(a) Deest in MSS. primi generis.

(b) Habetur supra inter primo vulgatas, juxta quæst. 93.

(c) Ibid., quæst. 97.

(d) Deest in MSS. primi generis.

(e) Habetur supra inter primo vulgatas, juxta quæst. 94.

(f) Deest in MSS. primi generis.

*super cervicem fratrum, quod neque patres nostri, neque nos potuimus portare (Act. xv, 10)? Denique dicit Deus per Jeremiam prophetam: Dedi illis precepta non bona (Exch. xx, 25). Post enim offensiones multas et tentationes in Deum et contumelias factas Moysi et detractiones deo, haec data sunt, quae observarent, ut premeretur dura cervix eorum, et quoconque se converterent. Legem haberebat, ut nullum eis esset refrigerium. Ut ergo ab hac illis Legi tolleret Apostolus, *Ubi, ait, non est Lex, nec prævaricatio*: ut securi per compendium possint Deo servire spiritualiter. Quia, inquit, legem Judæorum servantes, necesse est ut prævaricetis. Tanta enim sunt precepta, quæ impleri impossibile est. Nam quo modo de ista lege diceret, quæ naturalis est? Nam Moyses ideo scripsit, ut auctoritate illius firmaret, non quia ante non erat, cum legamus vindicatum esse ante Moysen; sed ut exponeret Romanis non debere vivere iam sub Lege, quos sub Legi agere expediebat. Nec aliter enim possent servare justitiam. Denique dicit ad eos: *Vis non timere potestatem? Bonum fac; et, Qui contemnunt, ipsi sibi damnationem acquirunt (Rom. xii, 3, 2).* Sp*ritualiter ergo hanc legem dicit, quam et sanctam, et justam, et bonam ostendit. Hoc est quam naturalem diximus, quæ prohibet peccare: dux est enim bona vita. Hinc addita Lex fidei perfectum hominem facit. Nam quia communis nomine nuncupatur lex haec quam naturalem dixi, et illa que factorum lex dicitur¹, contra Legem loqui videtur Apostolus. Sed ne hanc exinanire videretur, sine qua vita haec gubernari non potest, dicit, Scimus quia Lex spiritualis est: ut illam quam exinanit, lex sabbati, et circumcisionis, et escarum, et nomeniarum sciretur. Illa enim idcirco spiritualis dicitur, quia omnia punit peccata².**

XLVII (a). — Qua ratione sapientia carnis inimica est Deo; vel quæ est ipsa sapientia quæ legi Dei non est subjecta (*Rom. viii, 7*)?

Non discrepat sensu questio hæc a superiore (b). Nam carnem dicendo, quid significet declaratum est; unde quæ sit ejus sapientia, facile possit dignosci. Diximus ergo elementa omnia carnem appellari, id est visibilium substantias: quorum ratio talis est, ut nihil æstiment posse fieri sine commixtione spirituali et simplici, potentiae rationem horrentes ac fatuam judicantes. Hi enim qui de spiritualibus diffidentes, carnalia sequuntur, nihil aliud sapiunt ac putant verum, quam ratio continet elementorum: ut neque virginem peperisse, neque carnis credant resurrectionem; quia hoc ratio carnis, id est elementorum, non recipit. Omnia enim quæ gignuntur in tempore, permixtione operante generantur: et emortua et resoluta corpora non posse rursus reddi ad vitam, quia unumquodque elementum permixtione discreta revertitur in propriam naturam. His modis inflati, negant futurum vel factum quod credimus: ac per hoc asseveratio illorum inimica est Deo, dum stultum et inane putat quod fecit et facturum se promisit Deus.

XLVII (c). — Apostolus dicit de principibus et potestibus hujus saeculi, quod si cognovissent, nunquam Dominum majestatis crucifixissent: e contra Marcus evangelista de demonibus ait, Sciebant enim ipsum esse. Si demones sciebant, quomodo potestates ignorabant?

Quibusdam videantur principes et potestates hujus saeculi Iudeorum maiores et principes dixisse, etc.

XLIX (d). — Quem spiritum Apostolus salvandum

¹ Sic Theologi Lov. In B. desunt verba, *haec quam naturalem dixi, et illa que factorum lex.* M.

² Germanensis Ms., deponit peccata.

(a) Deest in Ms. primi generis.

(b) Indicit questionem quæ in a est 61.

(c) Habebatur supra inter primo vulgatas, juxta quæst. 60.

(c) Deest in Ms. primi generis.

asserit, cum dicit, *Tradidi huiusmodi hominem salutem in interitum carnis, etc. (I Cor. v, 5)*?

Interitus carnis est, cum quis voluptatibus et dosideriis carnalibus deditus, gehennam sibi procurat: interitum enim ex opere carnis acquirit. Ex his enim totus fit carnalis, quia sicut secundum legem vivens totus homo spiritualis efficitur, ut etiam caro hoc dicatur quod anima: ita si secundum desiderium mundi et voluptates libidinum vivat; totus homo fit caro, proficiebat quod fluxa et corruptibilis et mortalis est, amissa anima deformatur carens figura, defluit in interitum; interit enim cum vigorem omnium membrorum amittit: sic et anima de tali corpore deformata est, cuius vigore despiciat erat in pena cum carne, in qua se virtus maculavit. Ut nullus profectus sit carni per animam; sed interitus habeat anima per carnem, quia non corpus gubernavit, spiritualiter, cum regna data sit carni, sed ipsa deceat ¹ opera carnalia. Talem igitur hominem cum Ecclesia abjecit, spiritum habet salvum, sanctum scilicet, qui Ecclesie curator est: quia si passi fuerint talen inter se habere qui uxori patris poluit libidine, ut lege cum possint compellere, ne contaminet omnes, et Spiritus sanctus recedat ab Ecclesia propter pollutum; non habebit salvum spiritum Ecclesia. Quod enim amittitur, non est salvum, et in die Domini nudi ab spiritu inventi, inter filios Dei computari non poterunt. *Spiritus etenim testimoniū perhibet quod sumus filii Dei (Rom. viii, 16).* Ille Apostolus ad plebem loquitur, quia adhuc episcopi Ecclesiæ non erant locis omnibus ordinati. Ideo plebem jubet hoc facere quod facturus esset si illic creatus fuisset episcopus, ut conspirantes in unum, ejicerent illum de cœtu suo, ne consentire videantur operibus ejus. Quia qui non arguit eum quem potest, sed recipit quasi non errantem, delinquendi illi somitem prestat, qua causa contaminatur et ipse fugans a se spiritum sanctum. Ad Thessalonicenses namque simili modo inter cetera dicit: *Integer spiritus vester, et anima, et corpus sine querela in adventu Domini nostri servetur (I Thess. v, 23).* Ipsæ idem sententiae est: hoc est enim salvum esse, quod integrum. Nam dicit rex ad Danielē, *Salvare sunt signa Daniel?* et ille respondit, *Salva, rex (Dan. xiv, 16);* id est, integra: ut nobis sit integer spiritus, cum non nos deserit. Quos enim spiritus deserit, jam non erunt integri in causa regenerationis; quia non habent eum, per quem filii Dei vocabantur. Nec hoc est contrarium, si Spiritum sanctum dicamus, nobis peccatis nos deserere, et integrum non esse. Ideo enim integer non est, dum nos deserit qui dux et rector noster erat; quia si caput nostrum est, et nos membra ejus. Cum autem adversum aliquid facimus, non ille nos, sed nos illum videmur deserere: et tunc ille videtur integer non esse, cum nos amittit. Hoc enim verum ac manifestum est, quia non ille se a nobis avertit, sed nos ab illo cum peccamus. Et ad Colossenses inter cetera ait: *Ex quo omne corpus subministratum et productum crescit in incrementum Domini (Coloss. ii, 19).* Quod juxta sonum verborum si accipiamus, non convenit: nec enim Deus aliquid debet, ut clementem faciat per nos. Sed nos dum revertimur ad auctorem vitæ nostræ, et confidemus illum, acquirens nos ad salutem, clementem facit in nobis divinitas: ideo in eis qui ab eo recessunt, detrimentum est. Hoc est ergo integrum non esse, quod est et detrimentum facere.

L (a). — Cum multa peccata in corpus admitti videantur: omnis enim qui sibi ex quacunque parte corporis vim intulerit, in corpus uisque suum peccat; est enim qui se abscedit, est qui laqueo vitam finivit, est qui ferrum in se injectat: quare Apostolus, *Omne, inquit, peccatum quodcumque fecerit homo,*

¹ Editi, dicit. At Ms. Germanensis, dovet.

(a) Deest in Ms. primi generis.

extra corpus est; qui autem fornicatur, in corpus suum peccat (1 Cor. vi, 18).

Imperium putas fuisse Apostolum, aut vim dicti explanari desideras? Nam Apostolus corpus dicens, non singularem hominem significavit, sed simul comprehendit et feminam; quia portio viri est mulier. Nam omnia supra dicta facinora, que violenter in se unusquisque adimit, non totum maculant corpus; singularis enim peccat, ac per hoc solus fit reus. In fornicatione autem totum polluitur corpus; quia consensus contaminationis et virum tenet et feminam: ideo grave delictum esse fornicationem. Pessime enim peccatur, cum quis facinori suo socium querit ad perditionem. Si enim ut bene vivens etiam pro eo praemium accipiet, quem lucrum fecit; et malus non tantum in se, sed et in illo fit reus, quem participem voluit habere damnationis: quanto magis qui fornicatur, quem constat uno delicto seipsum bis quodammodo contaminare? Si enim in carne, quae ex se est peccat, bis utique seipsum adulterat. Si quis autem questione hanc transfigurare se putat, ut ad Ecclesiam, aut ad corpus Christi dictum hoc aptet, non stabit. Improprie enim dicetur, et Novatiano erit similis, qui ut causam furoris sui astruat, pronuntiat eum qui fornicatur, non in corpus suum peccare, sed in Caristi, quia Christiani membra et corpus Christi sunt; ut fornicatio hoc sit quod sacrilegium; ut talis in Christum dicatur peccare, sicut qui negat Christum. Quod quidem infirnum est et fragile: quia ex quavis parte heret in laqueum, et non evadit. Si enim qui fornicatur, in corpus Christi peccat, cetera peccata non erunt in Christum admissa: ut si christianus fratrem occidat, aut sacrificet idolis, vel aliud genus peccati admittat; quia omne peccatum extra corpus est, excepta fornicatione. Si autem omne peccatum non est extra corpus, sed quodcumque fuerit, in Christum admittitur; qui furatur, aut qui perjurat, et qui mentitur, aut qui percudit fratrem, aut aliud tale admittit, in Christum vel in Spiritum sanctum dicetur peccare, quod valde absurdum est: et tamen Apostolus Ecclesiae membra corpus Christi appellat¹, ita ut nos invicem simus membra. Quomodo ergo qui fornicatur, in suum corpus peccat, et non magis in Christi? quia secundum Ecclesiae mysterium non nostrum corpus dicimus, sed Christi; et hoc longe a causa est, quia qui fornicatur, ideo in corpus suum peccat, quoniam totus Adam contaminatur.

L.I (a). — Cur Apostolus omnibus omnia se factum dixit (1 Cor. ix, 22): quod factum adulatoris videtur et hypocrita?

Adulator ille est qui ideo dat consensum, ne offendat eum quem optat habere propitium. Qui enim propter scandalum aliquid facit, quod non quidem periculosum, sed superfluum sit, saluti studet illius quem scandalum pati non vult. Cum Paulus apostolus circumcidit Timotheum propter Judeos, et purificatus intravit in templum, talem se utique præstabilit, ne illi qui simul erant traditionis paternæ scandalum passi aut occidenter illum, aut religiosum nostrum sibi inimicam putarent. Minus ergo admittere voluit, ut plus possit lucrari. Graviter enim potuerat peccare, si non ut Iudaum se fecisset in templum ire ad orandum: subjicit ergo se, ut illis prodesset. His autem qui sub Lege erant, id est, Samaritanis, hac ratione, consensit, qua constat illos, libros Moysi recte confiteri esse a Deo, et circuncisionem et sabbata a Deo data. Ex his autem ostendebat illis Christum quem sperabant, hunc esse quem prædicabat. Sic enim habes dicente Samaritide ad Dominum, *Sic quia Messias venit: cum ergo venerit, ille annuntiabit nobis omnia* (Joan. iv, 23). Juxta ergo hunc sensum persecutus erat verba librorum Moysi, qui dixit, *Quia Prophetam vobis suscitabit Dominus*

¹ Ms. Germanensis, Ecclesiam membra et corpus Christi appellat.

(a) Deest in MSS. primi generis.

*Deus uester de fratribus vestris (Deut. xviii, 15). His autem qui sine Legi erant, ex hac parte assensit, quia mundum dicunt factum a Deo, et hominum genus. Ait enim: Sicut quidam ex vobis dixerunt, *Iustus etenim genus sumus* (Act. xvii, 28). Sic ergo factus est omnibus omnia, ut saluti eorum proficeret.*

LII (a). — Quid est quod dicit Apostolus, *Tentatio vos non apprehendat nisi humana; quasi optet hanc fieri? Et quae est hanc humana tentatio? Nam per hanc ostendit esse et divinam tentationem. Discernendae ergo sunt et quae sint ostendit.*

Omnis questio ut dilucidari possit, ad originem revocanda est. Apostolus autem cum de Judæorum perfidia quereretur, etc.

LIII (b). — Quid est quod dicit Apostolus, *Nemo potest dicere, Dominus Jesus, nisi in Spiritu sancto* (1 Cor. xii, 3)? Ergo Photinus, qui negat Christum Deum, potest Dominum nostrum Jesum Christum in Spiritu sancto fateri? et Marcion et Manicheus, qui negant Christum in carne venisse, hi in Spiritu sancto possunt dicere Dominum Jesum Christum; vel meretrices et spuri: cum Spiritus sanctus non habitat in corpore subditio peccatis, et in malevolam animam non intret sapientia (Sap. 1, 4)?

Veritas non ex persona probatur, vel improbaratur: quidquid enim bene et verum dicitur, sine dubio in Spiritu sancto dicitur. Non ergo si quis in aliis rebus est, et in hoc illi prescribi debet, quod verum loquitur. Nec illi tamen prescribitur, sed Christo Domino contradicitor. Qui enim negat istum verum dicere, Christo injuriam facit. Si autem verum dicitur, negetur quod verum est in Spiritu sancto dici, quod et Christus admittit (nemo enim bonorum vera de se dicentem arguit: nec enim ex revelatione ediscitur, quod per traditionem discitur); nemo verum dicens poterit improbari.

LIV (c). — Apostolus dicit Christum pro omnibus mortuum esse: sic enim ait, *Ergo omnes mortui sunt, et pro omnibus mortuus est* (1 Cor. v, 14, 15). Ipse vero Dominus ait, *Venit Filius hominis dare animam suam redempcionem pro multis* (Math. xx, 28). Illoc modo contrarium.

Verba quidem diversa sunt, sed unus est sensus; quomodo iterum verba eadem diversum habent sensum, utputa, *Omne quod non est ex fide, peccatum est* (Rom. xiv, 23); et, *Lex, ait, non est ex fide* (Galat. iii, 12), nec tamen peccatum est. Hos ergo quos multos dixit Salvator, ipsos Apostolus omnes significavit. Multi enim sunt, quia maxima pars ex omni populo et gente creditura est Salvatori. Iatos Apostolus credentes omnes nuncupavit. Sic enim inter cetera ait, *Pro omnibus mortuus est*; his utique qui crediderunt et credituri sunt. Est etiam et pro ipsis mortuis, qui credere nolunt: sed dum illi beneficium non recipiunt, nolunt pro se mortuum esse Christum; ac per hoc non videtur mortuus pro his, quibus nihil profuit, sed magis obfuit. Pro his autem rite mortuus dicitur, quibus acquisita Victoria est, qui intelligentes mysterium, Deo gratias referunt, per Christum Dominum nostrum.

LV (d). — Cur apostolus Petrum coapostolum suum reprehendit, quod timens eos qui erant ex circumcisione, subtrahebat se a Gentilibus (Galat. ii, 11, 14), cum et ipse timens eos qui erant ex circumcisione, accipiens circumcidit Timotheum, quod fieri prohibebat (Act. xvi, 3)? et ipse ergo reprehendendus est?

Incredibile est tantum apostolum in eo alterum reprehendisse, in quo se secret succubuisse. Hoc a tam magno viro factum, non est fas credere; quia iis competit qui carnaliter vivunt. Caret itaque apostoli Pauli factum reprehensione. Cum enim prædi-

(a) Rabetur supra inter prima vulgatas, iuxta quæst. 99.

(b) Deest in MSS. primi generis.

(c) Deest in fidem MSS.

(d) Deest in iisdem MSS.

caret non circumcidisti, volens autem Timotheum secum assunseri, qui cum esset natus matre Iudea, patre autem Graeco, et hoc Iudeis esset scandalum, ut ex Iudea natum incircumcisum assumeret; tunc subjectioni se submisit ad horam, et accipiens circumcidit eum. Rem ergo superfluam fecit, permittente eo qui passus est. Quia enim erat ex matre Iudea, eruditus ab infante in synagoga litteris sacris, id est voluminibus Hebreorum, permisit circumcidisti se, ut Iudeis scandalum tolleret, quia zelum habebant generis sui. Denique *cum Titus*, inquit, *esset Graecus, non est compulsus circumcidisti* (*Galat. ii, 3*). Timotheum autem, quia de matre Iudea erat, sicut dixi, non sunt passi Iudei assumiri inter doctores incircumcisum. Ad hoc illum assumpsit Apostolus, ut eum episcopum ordinaret, sicut fecit. Eruditus enim prophetis Litteris, ad asserendum Christum idoneus magister inventus est. Apostolus enim Petrus non esset reprehensus, si se more¹ Iudeorum a Gentilibus segregasset, ne illis scandalum esset. Sed hoc reprehensum est in apostolo Petro, quod cum ante Graecis creditibus gentiliter viveret, advententibus ab Jacobo Iudeis, timore subiectus ex Gentilibus creditibus judaizare debere docebat. Hinc audit, *Si tu, cum sis Iudeus, gentiliter vivis, quomodo cogis Gentes judaizare?* Dubitari enim fecerat de evangelica disciplina: quod crimen est, dum que aedicaverat, destruebat. Ideo simulationem hanc vocat apostolus Paulus, quem constat si circumcidisset Timotheum², ut non laceret tem se superfluam propter illorum scandalum facere, et ideo se cedere, propter quod matrem haberet Iudeum: nec enim Iudei insisterent, nisi inventa occasione matris Iudea, quia hoc minime possent improbare Gentilibus, nec habere facile de his scandalum, qui non essent de genere Israel. Non ergo simulatione hoc fecit, sed violentia. Supradicta enim causa simulationem habuit non minimam. Nam multi reprehensi sunt in hac causa, ita ut aliqui Iudeorum et Barnabas consentirent huic simulationi.

LVI (a). — Apostolus ait, *Nos natura Iudei*. De Iudeis ergo Iudeos nasci ostendit. Denique in eremo qui nati sunt, non circumcisus Iudei erant. Non ergo circumcisio Iudeum facit, sed nativas sub Dei creatoris devotione progenita. Si ergo de Iudeis Iudei nascuntur, et de Pagani Pagani nascuntur; etiam de Christianis Christiani nascuntur.

Nomine quod nascitur, hoc est quod unde nascitur. Nam et aurum de terra nascitur, etc.

LVII (b). — Quid opus erat ut Galatas arguens Apostolus hoc interponeret. Galatis enim post Evangelium ad Legem confugientibus inter cetera ait, *Mediator autem unus non est, Deus autem unus est* (*Galat. iii, 20*): quasi Galatae unum Deum negarent. Quippe cum habeant ratione induiti in Legem, ut unum Deum et singularem crederent: Christum autem ministrum tantum ex propria destinatione venisse ad dispensandum donum gratiae Dei.

Manifestum est sic induclos Galatas in Legem fuisse ut et Christum profiterentur, sed non sicut dignum est, sed more Photini; ut quia unum Deum Lex predicit, contra Legem sit si Christus Deus dicitur. Illoc commentum Iudavorum est, qui magnalibus virtutum vici crediderunt post crucem Christi, ita ut profientes Christum, Legem tamen servirent, quasi non esset omnis spes in Christo ponenda. Hi sunt quos Apostolus falsos fratres appellat (*Id. ii, 4, et II Cor. xi, 26*). Iste ergo post Apostolorum traditionem, Galatarum sensum corruperant, ita ut Iudeos eos facerent sub nomine Salvatoris. Hinc Apostolus Christum dicit venisse arbitrum circumcisionis et praeputii, sic-

ut dicit ad Ephesios: *In uno novo homine faciens pacem* (*Ephes. ii, 15*). Si ergo arbitri venit Christus, arbitri autem sic facit pacem inter duos, ut novam regulam ponat, auferens ambobus profesiones, reconciliat eos, ut ejus sententiam secuti, amittant discordiam pristinam. Iudeo enim circumcisionem vindicante, et Gentili praeputium, discordia fit. Cum vero hoc ambobus auferatur, fit pax. Si igitur sic se hac habent, quomodo vos, inquit, Galatas Iudei facti, Christi arbitrium corruptitis? Ideo dixit illis: *Erauerati estis a Christo*. Jus enim reconciliationis quod inter eos constituerat spernentes, ad pristinum Iudeorum sensum conversi sunt, accusantes tam se quam reconciliatorem. Omne enim quod displicet, accusatur. Et quoniam haec res Galatas ad Legem converti coegerat, ut unum Deum sine mysterio faterentur, quasi Legi esset inimicum, si Christus Deus diceretur; dicit, *Arbitrarius, hoc est, mediator, unus non est*, sed duorum utique: vos autem conversi ad Legem, arbitrum recusatis, *Deus tamen unus est*. Quod dicto non sic se Christum Deum praedicare testatur, ut alterum Deum faceret, aut duos proliferetur, sed unum esse Deum, sicut et in Lege dictum est. Quia Christus cum de Deo Deus praedicatur, non ad alterum proficit Deum: quia quod de Deo est, non se permittit alterum Deum dici. Sive enim Deus, sive quod de Deo est, unus est Deus. Nihil enim utique distat inter Deum, et quod de Deo est. Est enim alter. Ipse enim alter, propter personam, qua Filius nuncupatur: ipso vero idem, propter unitatem substantie. Ne reprehensibile videatur quia personam dixi, solent enim hoc quidam abnuere; sed Apostolum sequamus qui ait: *Nam quod donavi, si quid donavi, propter vos in persona Christi* (*II Cor. ii, 10*).

LVIII (a). — Si per Christum salus, et vera et perfecta cognitio, cur non ante venit, ut anteriores nostri qui in ignorantia fuerunt addiscerent veritatem? Denique post adventum Christi multi salvi facti sunt magis quam prius: unde si ante venisset, multo plures salvi fuissent. Si ergo ita est, reprehensibile videtur.

Si ei cui necessitas imminet, ante subveniatur, erit quidem gratis, non valde tamen poterit scire quid sibi praestitum est, etc.

LIX (b). — Paganos sub elementis esse nulli dubium est. Quid ergo Apostolus dixit, *Eramus et nos sub elementis hujus mundi servientes*. Si itaque et Iudei sub elementis erant, quid differunt a Pagani?

Pagani non sub elementis serviantur, sed ipsis elementis. Colunt enim astra, etc.

LX (c). — Quando Apostolus Galatis dicit, quos sic reprehendit et arguit per totam Epistolam, *Estate sicut et ego, quia ego sicut vos* (*Galat. iv, 12*): si ergo talem se praestit quales illi erant, superfluum fuit dicere, *Estate sicut et ego*. An forte in quibusdam imitatoribus esse cooperat, et in aliquibus vult illos sui similes existere?

Quid illorum poterat imitari Apostolus? aut quid illi debeat magistro gentium? Sed hortatur illos ut imitatores ejus sint: et quoniam non est impossibile, sic reprobat, cum dicit, *Quia hoc sum quod vos: homines enim estis, sicut et ego; ideo facite quod facio ego*. Potest et ad illud referri, ut quoniam omnibus se omnia factum dicit per assensum in quibus a vero non discrepabant, maxime Gentiles (*I Cor. ix, 22*). Nec enim fuit aliquid eorum, quid jam fieri minime oportebat, prius autem recte factum erat, ut circumcision, sabbatorum observatio, neomeniarum, escarum. Sed si quid gentium probavit, non cessare jam debere ostendit. Mundum enim dicunt a Deo et hominibus fabricatum: hoc semper stat. Si ergo in his consentientis illis tactus est sicut et illi, hortatur illos

¹ Ms. Germanensis, *timore Iudeorum*.

² Morel affirmat legendum, quem constat sic circumcidisti se *Timotheum*. Vid. Element. Critic., pagg. 26, 293. M.

(a) Habetur supra inter primo vulgatas, iuxta quest. 81.

(b) Deest in MSS. primi generis.

¹ Germanensis Ms., *Quis illorum poterat imitari apostolum?*

(a) Habetur supra inter primo vulgatas, iuxta quest. 83.

(b) Ibid., quest. 82.

(c) Deest in MSS. primi generis.

ut simili modo et hi siant sicut et illa est, consentientes doctrinæ ejus.

LXI (a).— Quomodo liberi sumus arbitrii ac voluntatis, cum dicunt Apo-tolus, *Caro concupiscit adversus spiritum, spiritus vero adversus carnem, ut non quæ vultis, ea faciatis* (*Galat. v, 17*)? Et si caro adversus spiritum concupiscit, mala est. Spiritus enim bona suggesterit.

Carnem non substantiam carnis hoc loco intelligas, sed actus malos et perfidiam significata in carne. Per id enim quod omnis error ex visibilibus et mundanis, caro autem cognata eorum est; ex elementis enim constat; omnem errorrem carnem appellat: non solum adulteria, fornicationes et luxuria, opera dicit carnis, sed et idolatriam, et maleficia, et blasphemias, et talia. Numquid caro ad blasphemiam cogit aut idolatriam?¹ Nonne hæc animæ vitia sunt, dum consentit errori? Recte autem agentibus dicit quod non sint in carne, sed in spiritu. Et utique ad hoc in corpore sunt². Qui ergo bene ambulat, nec diffidit de spe fidelium, in carne positus, non esse dicitur in carne: male autem vivens et blasphemus, in carne dicitur esse, et caro; quia quonodo bene agentes spirituales sunt cum ipsa carne, sic male viventes carnales sunt cum ipsa anima. Hoc enim nuncupatur quod dicit. Hic itaque error, quem carnem appellat, concupiscit adversus spiritum, id est suggestit mala contra eundem spiritum, qui est lex Dei. Ad duas enim leges inducit, Dei et diaboli. Unde spiritum dicit, propterea quod lex Dei spiritualis est, contra carnem, hoc est contra vitia repugnare, ut hominem conservet Deo: lex autem diaboli, qui est error, contradicit per oblectamenta luxurie, et mundana dulcedine. His ergo repugnantibus mediis homo est, qui cum consentit spiritui, non vult caro: cum autem manum dat carni, spernit spiritum, id est legem Dei contemnit. Consentientem ergo carni, spiritus revocat ne faciat quod vult: assentientem autem spiritui, caro sollicitat ne faciat quod punit utile. Sed spiritus recte et providenter contradicit et revocat, ut eripiat hominem a consilis satane. Caro autem quæ est lex adversa, idcirco sollicitat, et spiritui legis resistit, ut per fallaciam decipiatur. Ideo ergo hæc Apostolus publicat, ut ostendat arbitrio humano cui rei voluntatem suam committat, non ut arbitrium libertatis exinaniat, sed docet arbitrium cui rei se conjugat. Si autem non est voluntatis arbitrium, neque lex diaboli quæ est caro, neque lex Dei quæ est spiritus, in vicem sibi adversando hominem consilii sollicitarent. Qui enim sollicitat, suadet: qui autem suadet, non viu infert, sed circumvenit: qui circumvenitur, fallaciis quibusdam voluntas illi mulatur. Si autem non esset liberum arbitrium, nolens homo traheretur ad ea quæ non vult.

LXII (b).— Si in Christo *omnes thesaure sapientiae et scientiae sunt absconditi* (*Coloss. ii, 3*), quomodo idem Salvator do die et hora futuri judicii dicit se nescire (*Marc. xiii, 32*)? Si autem sciat, et dicit se nescire, videtur mentiri.

Dictum hoc duplum continet sensum. In Christo enim omnes thesauros sapientiae et scientiae sic dicit absconditos, ut qui habet Christum, pro omni sapientia et scientia illi cedat³: ut scire Christum totum sit sciare, et omnem sapientiam comprehendisse, sicut dicitur ad Colossenses, *Nemo vos circumveniat per philosophiam et inanem seductionem, secundum elementa hujus mundi, et non secundum Christum: quia in Christo inhabitat omnis plenitudo divinitatis corporaliter*:

¹ Juxta Lov.: *Numquid caro blasphemiam cogit aut idolatrium?* M.

² Moret affirmat legendum: *Et utique adhuc in corpore sive vid. Element. Critic., pag. 168.* M.

³ Ms. Germanensis, *illum credat.*

(a) Deest in MSS. priuî generis.

(b) Deest in iisdem MSS.

Hoc est, nihil indigere ad salutem, eum qui credit in Christum, sed illi hoc abundare; quia plenitudo divinitatis in fide ejus est. Et iterum in eadem Epistola inter cetera ait: *Nemo vos seducat in humiliacionem cordis, et in superstitione Angelorum, quæ videt extollens se, frustra inflatus mente carnis suæ, et non tenens caput ex quo omne corpus subministratum et productum crescit in incrementum Dei* (*Coloss. ii, 8, 9, 18, 19*). Si itaque credentes in Christum, caput totius principatus et potestatis venerantur, nullius indigent, sed totum quod ad salutem opus est habent; nihil illis obserat inferiora quæ ad salutem nihil conferunt nescire, quando id quod necessarium est norunt. Hujusmodi ergo totum scire, dicendi sunt, qui hoc sciunt, quod illis proficiat ad salutem. Est etiam illud, quia in Salvatore omnes thesaure sapientiae et scientiae sunt absconditi. Omnia enim sacraenta Paterna ipsi sunt cognita; et omnem creaturam ipse metitur; et nec Pater judicat quemquam, sed omne iudicium dedit Filio (*Joan. v, 22*); et nemo scit quæ sunt in Deo, nisi Spiritus Dei (*I Cor. ii, 11*), qui est et Christi. Quomodo ergo et diem et horam futuri iudicii nescire dicens est, cuius Spiritus quæ in Deo sunt, novit, de quo dixit quia de ejus accepit (*Joan. xvi, 14, 15*)? Si ergo qui de ejus accepit novit quæ futura sunt, quomodo non sciet Christus qui misit Spiritum sanctum? Et potest fieri ut *judex nesciat diem futuri iudicij?* quippe cum omnia signa dederit quando speretur. Forte etiam hos dicatur vere nescire, quibus dicit: *Amen dico vobis, quod nescio vos* (*Math. xxv, 12*). Nec virgines stultas et improvidas dicetur scire, quia dixit etiam, ipsis dicentibus, *Domine, Domine, aperi nobis*, *Amen dico vobis, quod nescio vos*. Causa ergo est ut dicat se nescire quod scit. Denique sic ait: *Vigilate, quia nescitis quia hora Dominus vester venturus sit* (*Id. xxiv, 42*). Ut ergo sollicitos nos et vigilantes faceret, interrogatus ne scire se dixit diem et horam futuri iudicij; sed ut nobis prodisset, negavit se scire quod scit. Ignorantibus ergo nobis quid prosit nobis, scire omnino volumus quod si scierimus, obserat nobis: Christus autem provisor salutis nostræ, ne audiremus quod contra nos esset, dixit se nescire. Numquid si aliqui in dolore posito gladium poscenti se ut perimat, qui habet respondeat se non habere, mendacii arguendis erit negans, quod si non neget, sciat contrarium?

LXIII (a).— Quid est ut cum Apostoli omnes cursus sibi oblatis sanassen, propriis tamen insirmis medelam non dederint? Nam utique Epaphroditus usque ad mortem non agrotasset (*Philipp. ii, 27*), si intercessio Apostoli fuisset audita. Quis enim dubitet orasse hoc sepe Apostolum, et non impetrasse? Si enim auditus fuisset, statim insirmitas fuisset adempta?

Signa et virtutes idcirco ab Apostolis factæ sunt, ut infidelitas cogeretur ad fidem, ut videntes facta quæ hominibus impossibilia sunt, Dei ex hoc esse predicationem agnoscerent, et rationem esse in fide, virtute probarent: ut quoniā verbi semper contradicatur, testis virtus posita est, cui cum verba cedunt, rationem esse in fide significat, quæ verbi exprimi non potest. Inter fideles igitur non jam signa et prodigia sunt necessaria, sed spes firma. Postquam enim discitor vera esse quæ promissa sunt, ad hoc se armat animus, ut pretiis præsentibus, futuris dignus existat, meritum sibi collocans per laborem; hoc Salomonem testante, qui ait, *Fili, accedens ad servitutem Dei, sta in justitia et timore, et prepara animam tuam ad tentationem* (*Ecli. ii, 1*). Quoniā temptationibus prolicet homo, hæc data sunt monita. Unde Apostolus: *Per tribulationes, inquit, oportet nos intrare in regnum Dei* (*Act. xiv, 21*). Haec tribulationum tentationes diversis modis accidunt, ut perseverans animus in accepta fide possit coronari. Non solum enim

(a) Deest in MSS. primi generis.

in fide tentatur homo, sed et in segritudine, et in damno, et in persecutione, et in morte charorum : ut si in his passionibus ad auxilium demoniorum non fuerit abductus, sine sanguinis pretio meretur martyrium. Non ergo ad dispendium Epaphroditus non impetravit Apostolus quod petuit, sed ad profectum : quia et in sua causa, cum postulasset, audivit, *Sufficit tibi gratia mea ; nam virtus in infirmitate perficiatur* (II Cor. xii, 9).

LXIV (a). Petrus apostolus dicit, *Christus mortuus est pro vobis* (I Petr. ii, 21). Paulus vero apostolus asserit quia et pro se mortuus est, *Factus, inquit, obediens usque ad mortem*; propter quod donavit illi Deus nomen quod est super omne nomen (Philipp. ii, 8 et 9). Quod si ita est, imperfectus videbitur fuisse qui per opera sua fecit augmentum.

Filiū Dei perfectum natum esse deo, nemo fidelium ambigit. Omnia enim divinitatis paternae ac-

(a) Deest in MSS. primi generis.

cepit nascendo de Deo Patre. Tunc ergo accepit nomen, quod est super omne nomen, id est ut hoc dicatur quod Pater, Deus. Nam nihil apud eum futurum dicitur : omnia enim ante se habet. Ideo ad hæc omnia creanda et restauranda natus est. Nam utique ordo et ratio hoc habet, ut paterno nomini omne genu flectatur. Hoc Pater donavit Filio propriæ ea quæ erat acturus ; donavit autem quando genuit. Sic enim illum genuit, ut in eodem honore esset, quo ipse Pater est.

LXV (a).—Quid est quod dictum est Joanni, sicut in Apocalypsi scriptum legitur, *Vade, et accipe librum, et devora illum ; et amaricabit ventrem tuum, sed in ore tuo erit dulce tanquam mel?* Quid est hic liber : vel quomodo amarum facit ventrem, cum sit dulcis ?

Frequenter, qui compendium querit, solet errare. Quid est ut non oīnnia ad causam dicta proponas, etc.

(a) Habetur sup. inter primo vulgatas, juxta quest. 72.

QUÆSTIONUM EX UTROQUE MIXTIM

PARS SECUNDA.



QUESTIO PRIMA (a).—Quid sit ad imaginem et similitudinem Dei fecisse hominem : et an mulier imago Dei sit.

Hoc est ad imaginem Dei factum esse hominem, quia unus unus fecit, etc.

II (b).—Evangelium testatur quia nemo vidit Deum (Ioh. i, 18, vi, 46, et I Tim. vi, 16) : contra Jacob et Moyses et Isaías asserunt Deum se vidisse (Gen. xxxii, 30, et Isai. vi, 1). Sed dicit quis, *Patrem nemo vidit. Quid ad rem? Si Filius visus est, visus et Pater est : quippe cum Pater et Filius uteque sit unus Deus, et in substantia, et in imagine, quia duorum una imago est, et sicut ipse dicit, Qui me videt, videt et Patrem (Ioh. xiv, 9).* Numquid ergo nemo vidit Patrem Deum, cum Filius dicat videri Patrem cum ipse videatur? Quia neque alter Deus. Si ergo alter non est, ipse idem quia unus est, visus est Deus.

Quantum ad Evangelistam pertinet, de Patre Deo hoc dixit, quia nemo vidit Deum, nisi Filius unigenitus qui est in similitudine Patris, ipse enarravit. Credamus Filio; ipse enarravit enim quia nemo, nisi ipse, vidit Deum. Hoc autem ideo dixit, ut doceret se semper apparuisse Patriarchis et Prophetis. Non ergo hoc ad unum Deum pertinet, sed ad personam Patris, de quo non potest dici aliter quam Deus Pater. Filius autem sic se visum dicit, ut invisibilis sit tamen in eo ipso cum videri putatur. Visus enim hic intellectus est ; quia non utique oculus visus est, sed mente intellectus : et hoc fuit vidisse, intellectus, in eo quod apparet ibi inesse Deum. Cum autem dicit Salvator, *Qui me videt, videt et Patrem*; non utique ad oculorum visum hoc retulit, sed mentis, et ut nihil inter Patrem et Filium diversum esse putaretur. Nenter ergo eorum visus est juxta substantiam. Circum apparet autem solus Filius visus est mente, non carnalibus oculis ; quia invisibilis est sicut pater.

III (c).—Vetus Lex Deum jurasse allegat : sic enim dicit, *Per memetipsum juravi, dicit Dominus* (Gen. xxii, 16). Salvator autem jurare prohibuit (Matth. v, 34) : quomodo non destruxit vetera?

Antequam notitia Dei esset in terris, non aliter oportuit provocare homines ad spem inauditam, quam

(a) Eadem cum ea quæ inter primo vulgatas est quest. 21.

(b) Deest in MSS. primi generis.

(c) Deest in istisdeum MSS.

jurejurando promissio illis fieret, ab eo utique quem non, ut dignum erat, sciebant. At ubi autem coepit sciri, non utique jurare oportuit, quem intentiri fas non esset arbitrari. Ideo ergo Dominus nec servos jam jurare præcepit, sed tales se instituere, ut sermonibus illorum fidem habeatur. Sacramentum enim jurisjurandi aut per fidia exegit, aut fallacia inconstans ; ut quia fallere homines solent, timore forte Dei reverentur : aut certe satis erit, et qui fallitur, quia ex hoc offensam acquirit.

IV (a).—Quid est quod in cruce positus Salvator ait, *Pater, ignosce illis ; non enim scunt quid faciunt?* Si nesciunt, quid est quod ignoroscitur, maxime cum dicat Abimelech ad Deum, *Numquid ignorantes perdes?*

Non omnis ignorans immunis a poena est. Ita enim qui potuit discere, et non dedit operam, etc.

V (b).—Si in Lege nemo justificatur apud Deum, quare scriptum est, *Maledictus omnis qui non permanerit in omnibus quæ scripta sunt in libro Legis, ut faciat ea* (Deut. xxvi, 26) : si ex fide justificantur homines, et non per Legem (Galat. ii, 16), ut quid maledictus est qui non impletivit Legem, cum non proficiat ad justitiam?

Lex data per Moysen justitiam habebat quidem, sed terrenam ; ut servantes Legem justi essent ad præsens, ut non rei fierent. Justus est enim ex Lege, qui nulli nocet. Unde Apostolus, *Lex, inquit, non ex fide ; sed qui fecerit ea, vivet in eis* (Id. iii, 12) : hoc est, facient Legem non morietur, sed vivit ad præsens ; justitia autem quæ ex fide est, justificat homines apud Deum, ut remunerentur in futuro sæculo. Addiderunt enim temporali justitiae justitiam fidei. Justum est enim nosse ex quo et per quem sumus, ut Patris et Filii et Spiritus sancti vera confessio ad cœlestia regna nos perducat. Nam et veteres qui non solum Legis præcepta servaverunt, sed et Deum dilexerunt, spem habentes in promissione, justificati sunt apud Deum. Solam enim Legem dicit non justificare homines apud Deum, sicut nec sola fides exceptis bonis operibus commendat apud Deum, sed servata justitia terrena et divina, perfectos facit. Hinc dicit Dominus : *Nisi abundaverit justitia vestra*

(a) Habetur supra inter primo vulgatas, juxta quest. 67.

(b) Deest in MSS. primi generis.

plus quam Scribarum et Pharisaeorum, non introibitis in regnum caelorum (Math. v. 20).

VII (a). — Quid est ut David dicat, *Confundantur et erubescant qui dicunt mihi, Euge, euge (Psalm. LXIX, 4)*: Dominus autem, *Euge*, inquit, *serve bone et fidelis*, (*Math. xxv, 21, 23*) etc. Quod David pro malo accepit, hoc Salvator bonis meritis dignum ostendit?

Non valde istud discrepat a superiore quæstione. Unum enim verbum diversas habet significaciones, sicut supra memoravi (*In secunda parte Quæst. ex Novo Test., quæst. 54*). Obtrectatores enim David, cum exitus ejus faverent, gratulabantur malis ejus. Dum enim ille pressuras et angustias patetetur a Saul et filio suo Absalon, illi recte et bene fieri dicebant. Tale est si aliquis dicat, de eo qui injurias patitur. Bene illi hoc est, gaudere in malis: hoc et dicere, *Recte illi fit, sic enim meretur*. Simili modo et Salvator iletus in bonis operibus, meritum hominis pronuntiat dicens: *Euge, serve bone et fidelis*. Exsultat enim, quia servus digniorem se fecit, dicens, *Bene; hoc est, Recte egisti, uti majus meritum collocares*. Unum igitur verbum duabus contrariis causis aptatur. Nam solemus de aliquo dicere, Adjudicatus est. Sed quomodo dicatur, causa aut subsequens aut præcedens declarat. Aliquando enim ad bonum dicitur, aliquando ad malum: sicut et concupiscentia aliquando ad bonum, aliquando ad in malum aptatur.

VII (b). — Quid est quod in Psalmo, *Homines, inquit, et jumenta salvos facies (Psalm. XXXV, 7)*: et ad Jonam prophetam, *Non parcam, ait, civitati in qua habitant centum triginta milia hominum, et pecora multa (Jonas IV, 11)*: contra autem Apostolus, *Nunquid, ait, de bobus cura est Deo (I Cor. ix, 9)*?

Quantum ad verba pertinet, videtur contrarium; si causa autem hominis et pecorum inspicatur, manifestabitur esse non dispar. Omnium curam gerit Deus, quasi omnium opifex; sed non servat pecora propter ipsa, sed propter homines servat pecora, non homines propter pecora. Itaque qui hominum curam gerit, custodit pecora, ut non illi cura sit de bobus, sed de hominibus. Quæ enim spes in pecoribus?

VIII (c). — In Tobia, *Opera, inquit, Dei revelare et confiteri, honorificum est (Tob. XI, 7)*. Salvator autem opus Dei faciens, *Nulli, ait, dixeris (Marc. VIII, 26)*.

Non Salvator opus Dei celari debere dixit: nam alio loco, *Vade, inquit, et narrā quanta tibi fecerit Deus (Id. v, 19)*. Sed illorum testimoniorum refutavit aliquando, et jactantiam pressit; ne videretur, quod prudentibus absurdum est, ipse sibi, ut seductor, testimonium perhibere.

IX (d). — De æternitate Filii.

Quoniam sunt quidam, qui nondum adhuc discussa erroris caligine, nec purgata vel deterga veternosæ vita carie, terreno sensu existimantes, dubitant vel de Dei Filio, vel duos unum esse (perfidia enim et contumax natio Iudeorum, quibus fons Legis et sacramentorum thesauri patuerunt), non ambigit, sed nefarisi pernegat vocibus, breviter quantum tractus contractior patitur edisseram. Spes enim ignorantibus si velint discere, integra dimittitur; poena dissimilantibus perpetua destinatur. Deus omnipotens, cum magnitudine ac bonitate præstantur sit, magnum aliud et maxime bonum edere ex se atque exhibere debuerat: sed si quid edidisset quod contra modum excellentiae suæ foret, aut non potuisse amplius, quod in omnipotentem non cadit; aut noluisse, quod in benignissimum, videretur. Certe in summo Deo grande non fuerat fecisse quod infra se possum vim

¹ Sic Ms. Germanensis. At editi, *utinam*.

² Sic Ms. Germanensis. At editi, *thesauri hoc monstrare potuerunt*.

(a) Deest in MSS. primi generis.

(b) Deest in iisdem MSS.

(c) Deest in iisdem MSS.

(d) Deest in iisdem MSS.

plene summitatis non esset habiturum. Super se ergo nihil erat; nihil est enim quod Denm vincat: infra se parum fuerat; quia minus maximo non congrebat. Simillimum itaque suum Filium creans, edidit ex se quasi alterum se: ac sic illud summum et maximum bonum, quod nobis ex Deo suspetit, per ejus ad nos propaginem redundavit. Quin et haec simul intelligenda ratio est, Deum qui hunc mundum condidit, ei qui inter cetera pulchritudinis ordinatio- nisque miracula, creandi quoque naturam sufficiendis sui cujuslibet generis fetibus tribuit, ipsum prius utique habuimus quod deederit. Nullus enim dat quod ipse non habeat. Qui habuit ergo Filium totis sibi similitudinis partibus congruentem, hoc est, unus unicūm, probus probum, bonus benignum, beatus beatum, maximus maximum, sempiternus æternum, habuit utique ante mundum creatu- sobolis principatum, de quo rebus oriundi impertiebat exemplum, ut gigantum germina suis respondere seminibus cogarentur. Nec sane aliter sinebat ordo legitimus, quam ut pater rerum futurus, ante esse debuerit pa- ter proprius, hoc est proprii sui fetus. Sed quod editum filium diximus, non sic est accipendum tanquam nostri similem habeat ortum, natusque ita sit, ut mortales nasci videmus, cum prorumpente fetus existant quæ ante non fuerant. Illa enim aliunde ini- sitis concepta seminibus, elementorum subjectorum cœtu in generis sui speciem coalescant¹: haec autem divinitus nullo auxilio admixtionis externe ex se id quod in se ac secum semper habuit, edoxit et protulit. Ut enim si locem nasci ex sole dicamus, quod ab eo procedat et profluat; non utique sic dicimus, quasi aliquando sine luce sol aut esse possit, aut fuerit, ut eam tempore aliquo a se posteriore generaverit², sed ut quod secum semper obtinuit, eam de se scilicet genitam sine coepiti aliqua distinctione a principio, qua semper fulgeat, semper ex se velut munere reparante colluget: sic Dei Filius ab æternis omnino Patri coherens, hanc quoque ejus similitudinem tenuit, ut nec ortum habeat, nec occasum. Et ut Deus sine origine sempiternus, ita et Filius semi- piternus: et ut Deus unus est, simplex, idemque, sic cum Patre permixtus, ut nominibus et affectibus distincti quidem, sed idem sint, in ambobus unus, et eterne in uno inseparabili maiestate continuus. Deus itaque Filium non ex materiis discordantibus tractum, sed ex simplici ac singulari nature sue stirpe ac seminario editum, semper in se habitum, nec a se ulla unquam separatione dimisum, ita se- cum continet et amplectitur, ut nihil in ambobus de illa unitate mutetur.

X (a). — Quid est quod Apostolus dicit Galatis, *Miror quod sic tam cito transferimini ab eo qui vocavit vos in gratiam, in aliud Evangelium, quod non est aliud (Galat. I, 6, 7)*? Si aliud certe est, ipsum non est: si ipsum non est, quomodo non aliud est?

Ideo aliud dicit Evangelium, ad quod vocati fu- erant, quia non hoc est quod postea sequi cooperant Galatæ. Ab Evangelio enim Christi abducti, in Ju- daismum fuerant attracti sub nomine Christi, quasi hoc es et sequendum; et aliud quam quod Apostolus prædicabat, affirmabant. Unde sublegitur, *Sicut vobis suadent*. Pseudo enim apostoli, cum circumvenirent Gentiles credentes, hoc dicebant a Salvatore tradi- tum, quod ipsi docebant, sicut continent in Actibus Apostolorum, *Quia nisi circumcidamini more Moysi, non poteritis salvi esse (Act. XV, 1)*. Hinc Apostolus dolore eversionis illorum commotus, scribit ad eos, dicens: *Miror quod sic tam cito transferimini ab eo qui vocavit vos in gratiam, in aliud Evangelium, quod non est aliud*. Miratur ergo, quia post rem levem et nimis gravem, asperitati studerent et oneri: hoc

¹ Ms. Germanensis, *elementorum distantia in cœtu suigen- eris specie coalescat*.

² Ms. Germanensis, *a se superiore generaverit*.

(a) Deest in MSS. primi generis.

est, ut post fidei simplicitatem circumcidisti se, pro elementis permitterent, neomenias colerent et sabbatum, elementis subjecti ac provocati erant, id est, gratiae non Legis factorum¹. Et ne pseudopostolis occasionem dedisse videretur, dicentibus aliud esse quod accepserant Galatæ quam veritatis habet traditio, statim subjicit, *Quod non est aliud, nisi sunt aliqui qui vos conturbant, et volunt convertere Evangelium Christi.* Aliud ergo erat, ad quid ab Apostolo vocati erant Evangelium, quam quod sequi coeperant impulsu pseudoapostolorum: non tamen aliud erat quam Christus tradiderat, ut vel per id in errorem se inductos cōgnoscerent, et solam fidem sequerentur, profiteente Christum Deum, et hunc sufficere ad salutem triāendam, per quem fuerant remissionem peccatorum adēpti, non per Legem: quia sine Lege gratia Dei donat delicta.

XI (a). — Non esse contristandum de mortuis Paulus apostolus signat (*I Thess. iv, 12*). Nam desperantium est contristari; et ipse, *Infirmus, inquit de Epaphrodite, fuit prope mortem, sed Deus misertus est illi:*

¹ Itæ verba, ac provocati erant, id est, gratiae non legis factorum, absunt a Germanensi codice.

(a) Deest in MSS. priuī generis.

non solum autem illi, sed et mihi, ne tristitiam super tristitiam haberem (Philipp. ii, 27). Quomodo contristandum vetat, cum ipse contristandum se, si mortuus fuisset, declarat?

Aliter se de morte Epaphroditii, si provenisset, contristandum significavit, et aliter prohibet contristandum. Nam hic propter solatium adjutorii ejus, que utebatur in Evangelio, si mortuus fuisset, contristandum se dixit. Nos autem sic contristari prohibet, ne obitos quasi extintos et perditos lugemus, desperantes de resurrectione. Aliud est igitur solatium requirere quasi absentis, et aliud dolere interitum jam non futuri. Illic cessat consolatio, illic excludit desperationem.

XII (a). — Quid est quia occisis filiis Lize, qui sunt ex tribu Iuda, Rachel filios suos plangere dicatur?

Rachel filii, quantum ad historiam pertinet, olim pro maleficio suo opere Sodomitarum, et spurcitia quam in concubinam hominis levitatem operati sunt, extinti fuerunt et erasi sunt a reliquis tribibus, etc.

(a) Eadem cum ea quæ i latero primo vulgatas est quest. 62.

ADMONITIO DE SUBSEQUENTI EXPOSITIONE IN APOCALYPSIM.

Veterum in Apocalypsim commentarios evolventi tibi occurret magna pars subsequentis expositionis, quæ ex Victorini martyris præsertim (si ad ipsum tamen vulgatus ejus nomine commentarius pertinet), atque ex Primasii et Bedæ verbis consarcinata est. Hauc pro Tichenii opere omnino recipi volebant nonnulli: at certe non habentur hic quæ Donatista ille suo operi insperserat, « multa » videlicet, uti Primasius scribit, « sanæ doctrinae contraria, ita ut de causa quæ Catholicos inter et Donatistas vertebatur, secundum pravitudinem cordis sui loca nocendi captaret, catholicæque Ecclesiæ noxia expositione putaret mordaciter illuminendum. » Quin imo adversus Donatistarum haeresim exponuntur de industria sententiae quamplures; et Baptismi repetitio, quæ schismaticis illis in usu erat, passim improbat, velut in Homilia 6 ad Apocal. cap. 8, ¶ 11. « Hoc, » ait auctor, « in his qui rebaptizantur, manifeste intelligi potest. » Hinc etiam absunt quædam interpretationes a Beda Tichenii nomine relatae. Ad hæc, Tichonius in Apocalypsi querens quemadmodum intelligendi sint Angeli Ecclesiarum septem, quibus scribere Joannes jubetur, « ratiocinatur multipliciter, » inquit Augustinus in lib. 3 de Doctrina christiana, cap. 50, « et ad hoc pervenit ut ipsos Angelos intelligamus Ecclesias; copiosissima » utique « disputatione » usus. Sed hac profecto in re multo brevior pressiorque est subsequentis operis conscriptor, qui nimurum ex aliorum libris, atque ex ipso forsitan Tichonio, a quo præclara quædam mutuati sunt etiam Primasius et Beda, nudas interpretationes decerpere contentus fuerit. Quapropter Lovaniensibus Theologis merito visum est hoc opus nihil esse præter annotationes alicujus studio collectas, posteaque in Homiliarum formam redactas. Porro in verustissimo Abbatie S. Petri Carnutensis codice Homilia 16 verbis quibusdam additis dividitur in duas: præterquam quod Homilia 1 non idem quod in editis habet exordium, sed aliquanto diversum sub hisce verbis:

« Ea quæ in Apocalypsi sancti Joannis continentur, fratres charissimi, aliquibus ex antiquis Patribus hoc visum est, quod aut tota, aut certe maxima pars ex ipsa lectione, diem judicii, vel adventum Antichristi significare videatur. Illi autem qui diligenter tractaverunt, quod ea quæ in ipsa revelatione continentur, statim post Passionem Domini Salvatoris nostri fuerunt inchoata, et ita sunt usque ad diem judicii consummata, ut parva portio temporibus Antichristi remanere videatur: et ideo quidquid in ipsa lectione recitari audieritis sive Filium hominis, sive stellas, sive Angelos, sive candelabra, sive quatuor animalia, sive aquilam in medio cœlo volantem, et reliqua omnia in Christo intelligite, et in Ecclesia fieri, vel in typo ejus prædicta esse cognoscite. In septem Ecclesiis quibus sanctus Joannes evangelista scripsit in Asia, intelligitur una Ecclesia catholica propter septiformem Spiritum gratiae. Quod autem dicit, *Testis fidelis, Christus est, qui testimonium reddidit sub Pontio Pilato. Fecit, inquit, nos regnum et sacerdotes Deo: sacerdotes Deo totam Ecclesiam dicit;* sicut ait S. Petrus: *Vos, inquit, genus electum, regale sacerdotium (I Petr. ii, 9).* Et vidi, inquit, *septem candelabra aurea: in septem candelabris Ecclesia est. Et in medio candelabrorum similem Filio hominis (Apoc. 1, 5, 6, 12, 13), id est Christum. Sive autem Filius hominis, sive septem candelabra, » etc.*

EXPOSITIO IN APOCALYPSIM B. JOANNIS.



HOMILIA I¹.

[*Aproc. cap. 1.*] In lectione revelationis beati Joannis apostoli, fratres charissimi, animadvertisimus, et secundum anagogem hoc Domino largiente explanare curabimus, quia revelatio Jesu Christi nostris auribus panditur, ut arcana coelestia nostris cordibus manifestentur. *Apocalypsis Jesu Christi, quam dedit illi Deus palam facere serris suis*, id est manifestare. Quæ oportet fieri cito significans: hoc est ostendens. *Servo suo Johanni: Joannes, Dei gratia interpretatur Scribens septem Ecclesiis, quæ sunt in Asia.* Asia Elatio interpretatur, per quam genus humanum figuratur. Istæ septem Ecclesiæ et septem candelabra, hoc solerter intuendum est, quia septiformis gratia est, que data est a Deo per Jesum Christum Dominum nostrum, nobis generi humano, qui credidimus: quia et ipse pollicitus est nobis mittere Spiritum paracletum de cœlo, quem ei Apostolis misit, qui in Asia esse videbantur, hoc est in elato mundo, ubi et septiformem gratiam septem Ecclesiæ nobis per servum suum Joannem donavit. *Gratia vobis et pax multiplicetur a Deo Patre et a Filio hominis:* id est, Christo. Sive autem Filius hominis, sive septem candelabra, sive septem stellæ, Ecclesia intelligitur cum capite suo Christo. Quod autem ait, *Cinctum inter mamillas zona aurea:* ille qui erat cinctus, Christum Dominum figurabat. Duas mamillas, duo Testamenta intelligi, quæ de pectore Domini Salvatoris tanquam de pennis fonte accipiunt, unde christianum populum nutriant ad vitam æternam. Zona vero aurea, chorus est, sive multitudo Sanctorum. Sicut enim de cingulo pectus stringitur, ita sanctorum multitudine Christo adhaeret, et velut duas mamillas duo Testamenta complectitur, ut ex ipsis velut de sanctis uberibus nutritant ad vitam æternam. *Caput, inquit, ejus et capilli sicut lana alba et nix:* capillos albos multitudinem albatorum, id est neophytorum ex Baptismo prodeuntum dicit². *Lana dixit, quia oves Christi sunt.* Nivem dixit, quia sicut nix de celo ultra descendit, ita et gratia Baptismi nullis præcedentibus meritis venit. Ipsi enim qui baptizantur, Jerusalem sunt, quæ quotidie ad instar nivis de celo descendit. Jerusalem, id est Ecclesia ideo de celo descendere dicitur, quia de celo est gratia, per quam et a peccatis liberatur, et Christo, id est æterno capiti sposo coeli conjungitur. *Sicut e contrario bestia de abysso ascendere dicitur,* id est, populus malus qui ex populo malo nascitur. Nam sicut Jerusalem humiliter descendendo exaltatur, ita bestia, id est populus superbus arroganter ascendendo præcipitatur. *Oculi ejus velut flamma ignis:* in oculis præcepta Dei dicit; sicut scriptum est, *Lucerna pedibus meis verbum tuum, Domine;* et, *Igitur eloquum tuum* (*Psal. cxviii, 105, 140.*) *Et pedes ejus similes aurichalco Libani³,* *igniti velut in fornace ignis:* in pedibus ignitis Ecclesia intelligitur; quæ immidente die judicii, nimietate pressurarum probanda, et igne examinanda est. Et quia pes novissima pars est corporis et pedes ignitos dixit esse, ideo in pedibus Ecclesia novissimi temporis intelligitur multis tribulationibus velut aurum in fornace probanda. Quam rem qui bene considerat, jam nunc ex multitudo iniquitatum fieri videt. Ideo aurichalco signa-

vit, quod ex aere et igne multo ac medicamine perditur ad auri colorem: sicut Ecclesia per tribulationes et passiones purior redditur. In zona aurea accincta pectori, potest etiam scientia spiritualis ac purus sensus datus Ecclesia intelligi. *Gladium vero bis acutum de ore ipsius procedentem,* ipsum Christum esse significat, qui et nunc Evangelii bona, et prius per Moysen Legis notitiam universo orbi protulit: et de quo David similiter ait, *Semel locutus est Deus, duo haec audiens* (*Psal. LXI, 12.*) Haec ergo sunt duo Testamenta, quæ pro captiu temporis aut nova, aut vetera, gladius his acutus dicuntur. *Vox ejus tanquam vox aquarum multarum:* aque multæ, populi intelliguntur esse; in voce, prædicatio Apostolorum. Quod autem supra dixit, *Pedes ejus similes aurichalco, tanquam in fornace conflati;* possunt etiam Apostoli intelligi, qui post passionem prædicaverunt verbum ejus. Per quos enim ambulat prædicatio, merito pedes nominantur: sicut et propheta dixit, *Quam pulchri pedes evangelizantium pacem, evangelizantium bona* (*Isai. LII, 7*)! et illud, *Adorabimus in loco ubi steterunt pedes ejus* (*Psal. XXXI, 7.*) Quod autem dicit, *Habebut in dextera sua stellas septem;* Ecclesiam intelligi voluit. In dextera enim Christi est spiritualis Ecclesia cui ad dexteram posite dicit: *Venite, benedicti Patris mei* (*Matth. XXV, 34.*) Septem ergo stelle, Ecclesia est. Diximus enī quia Spiritus septiformis virtutis ei status a Patre, sicut Petrus ad Judæos de Christo ait, *Dextera igitur Dei exaltatus, acceptum a Patre Spiritum effudit* (*Act. II, 33.*) Septem autem Ecclesiæ, quas vocat vocabulus suis, non ideo dicit, quia illæ sole sint Ecclesiæ; sed quod dicit uni, omnibus hoc dicit. Denique sive in Asia, sive in toto orbe, septem Ecclesiæ omnes esse, et unam esse Catholicam: sicut ad Timotheum ait, *Quomodo oportet te in domo Dei conversari, quæ est Ecclesia Dei viri* (*1 Tim. III, 15.*) et in Isaia, *septem mulieres quæ apprehenderunt virum unum* (*Isai. IV, 1.*) septem Ecclesiæ significari intelligit, que et una est: virum, Christum intelligimus; panem mulierum, Spiritum sanctum, qui nutrit in vitam æternam. Et ut vobis ea quæ dicta sunt tenacius inculcentur, breuem ex ipsis recapitulationem fieri volumus. Septem ergo Ecclesiæ, quibus sanctus Joannes scribit, intelligitur una Ecclesia catholica, propter septiformem gratiam. Quod autem dicit, *Testis fidelis,* Christus est. Septem candelabra, Ecclesia catholica est. In medio candelabrum similis Filio hominis, Christus est in medio Ecclesiæ. Quod autem ait cinctum super mamillas: mamillæ duo Testamenta intelliguntur, quæ de pectore Christi lac spirituale accipiunt, ut populum christianum in vitam æternam nutrit. Zona vero aurea, chorus est sive multitudo sanctorum, qui jugiter dum lectioni et orationi insistant, Christo adhaerere probantur. Jam ista charitati vestre sufficient. Quod audistis, sancta inter vos collecione meditamini, donec quod reliquum est, donante Domino audire possitis. Quod ipse præstare dignetur, etc.

HOMILIA II².

[*Ib. II et IV.*] Fratres charissimi, in candelabro, de quo cum Apocalypsis legeretur audistis, populus intelligitur. Quod autem ait, *Movere candelabrum tuum;* hoc est, dispergani populum pro peccatis. *Et pugnabo*

¹ Ms. Belgicus, per.

² Ms. Petrensis: *incipit sequentia de expositione Apocalypsis;* nec alter sere la ceteris.

³ Titulus, *homilia I*, non est in veteri codice Petrensi.

⁴ Ms. Petrensis, *procedentium.*

⁵ In editis, *cibani.* Sed legendum esse. *cibani* patet ex primario et ex Autperfo.

*cum ea in gladio oris mei : id est, proleram præcepta mea, per quæ arguantur peccata vel crimina sua. Quod vero dixit, *Facies ejus sicut sol tuus in virtute sua* (*Apoc. 1, 16*) : et de adventu vel presentia Christi, quia per faciem quisque manifestatur atque cognoscitur; et de Ecclesia potest hoc accipi, cui istam claritatem Christus promisit, de qua dicit, *Tunc fulgebunt justi sicut sol in regno patrum eorum* (*Matth. xiii, 43*). *Stellam matutinam*; primam resurrectionem dicit, quæ per gratiam Baptismi sit. Stella matutina noctem fugat, et lucem annuntiat, id est, peccatum tollit et gratiam tribuit: si tamen accepta gratia bona opera sequantur. Sicut enim magnam arborem virere et fructum non reddere nihil prodest¹; sic nihil prodest christianum dici, et christiana opera non habere. Et ideo dicit, *Consolo tibi a me gressu aurum constatum* (*Apoc. iii, 18*): id est, contendit ut pro nomine Christi aliquid patiaris. *Et colligio iunque oculos tuos*: ut quod libenter per Scripturas cognoscis, opere imples. *Ostium apertum esse in celo*, Novi Testameuti prædicator videt Joannes. [Quibus oculis vidit? Quantum ad figuratam ostensionem, non carnis, sed mentis. Quantum vero ad ipsius rei veritatem quæ jam in carne Domino apparente manifestata fuerat, non solum oculus carnis vidit, verum etiam manibus contrectavit. Quid vero per ostium designatur in hoc loco, nisi mediator Dei et hominum Christus Jesus? ipso Domino dicente, *Ego sum ostium* (*Joan. x, 9*), et reliqua. Jure igitur non clausum, sed apertum intuetur, quia nimirum idem mediator noster nascendo, moriendo cunctis fidibus innotuit, quia ipse erat redemptor mundi. Quid per cœlum, nisi Ecclesia designatur? sicut ipse dicit, *Cœlum milit sedes est* (*Isai. LXVI, 1*); vel, *Anima justi*, sicut Salomon testatur, *sedes est sapientia*. Paulus quoque occurrit dicens Christum Dei Virtutem, et Dei Sapientiam (*I Cor. 1, 24*). Constat procul dubio quod cœlum est electorum Ecclesia, in qua ostium apertum cernitur; quia Redemptor noster natus et passus ac resuscitatus ad cœlos ascensisse in ea prædicatur et creditur. Quid autem in hac visione positus audierit Joannes, manifestus dicens, *Et vox prima quam audivi, tanquam tubæ loquentis necum, dicens* ²] *Ascede huc*: Quando apertum ostenditur, clausum antea suis hominibus manifestatum est. *Solium positum*, est sedes iudicantis, super quem vedit similitudinem jaspidis et sardi. Jaspis aquæ colorem habet, et sardius ignis: in his duobus lapidibus duo iudicia intelliguntur; unum quod jam per aquam factum est in diluvio, aliud quod erit per ignem in consummatione sæculi. Potest hoc loco et vita servorum Dei intelligi; quia ad similitudinem aquæ et ignis interdum in hac vita omnes sancti habent prospera, interdum patiuntur adversa. [*Et iris erat in circuitu sedis similis visioni smaragdini*. Iris itaque græca latinaque lingua arcus vocatur, qui in die pluviae apparet videtur. Et quid per hanc nisi reconciliatio mundi designatur, que per incarnationi Verbi dispensationem facta cognoscitur? Hoc certe si solerter inspicitur, effectus ipsius iris indicare videtur. Arcus itaque tunc appareat, cum radiis solis imbrifera suerit nubes illustrata. Sole igitur nubem illustrante, iris, id est arcus apparuit: quia videlicet Patris Verbum, quod candor est lucis æternæ ac soli iustitiae, humanam suscipiendo illustravit naturam, ipsa humanitatis ejus suscepit, que profecto nubes a propheta vocatur (*Isai. xix, 1*), reconciliatio facta est mundi. Bene autem imbrifera, quia nimirum prædications eloquio plena. Congruenter siquidem ad reconciliationem humani generis in novo Testamento arcus figuratum apparuisse describitur: qui in Veteri quoque ideo in nubibus a Domino positus intelligitur,*

¹ MSS., *Non enim magnum est arborem vivere, et fructus non reddere. Sic nihil prodest.*

² MSS., *consule tibi, eme a me.*

³ Quæ uox hic inclusus, sicut et infra tota vers. 5 exposito, quam signo eodem distinximus, absunt a MSS. Petrensi et Belgico; adiecta sunt ex Ambrosii Autpertii libro 3 in Apocalypsim.

ut post inundationem diluvii per eum terris pax redditæ cognosceretur; ut scilicet ejus visione pacti sui memor omnipotens Deus, nequaquam ultra aquarum immensitate deleri terram pateretur. Cui videlicet nominu si una in fine additur littera et irini dicatur, utique hoc ipsum interpretatio sonare videtur: nam græco vocabulo ἀπόνη παξ appellatur. Et in Veteri quidem Testamento Dominus ad Noe ait, *Ecce, ego statuam pactum meum vobiscum* (*Gen. ix, 9*). Et notandum quam apta sit figurarum contextio. Quia enim fulgura, voces et tonitrus de throno tanquam de nube procedere in subsequentibus narrantur, convenienter hic irradiante sole arcus similitudinem, idem thronus reddidisse narratur: qui videlicet arcus, cum sit diversi coloris, resplendenteque principaliter duobus, id est, aquæ et ignis, ac designetur per diluvium⁴, ac subsequens per ignem; hic tamen non immerito visioni smaragdinæ comparatur, ut per eum, sicut diximus, reproposito mundo divinitas ostendatur. Lapis enim smaragdus viridissimi coloris est: qui videlicet color, sicut præcedenti versiculo jam fatus sum, non inconveniente naturæ divinitatis aptatur.] *Mare viretum*, donum Baptismi est: quod ideo ante solium esse dicitur, quia ante adventum judicij datur. Quod vero post hæc ait, *Habeo claves mortis et inferni*; hoc ideo dicit, quia qui credit et baptizatur, a morte et ab inferis liberatur; et quia ipsa Ecclesia, sicut habet claves vite, ita et inferorum: ipsi enim dictum est, *Cui dimiseritis peccata, dimittuntur ei; et cujus retinueritis, retenta sunt* (*Joan. xx, 23*). Ubicumque ponit in Apocalypsi angelum hominis, ipsum hominem significat: sicut et Ecclesie et Angeli eorum ibidem non debent intelligi, nisi aut episcopi aut præpositi Ecclesiæ. In tantum angelorum nomine Ecclesiæ catholicas voluit intelligi, ut jubeat angelos poenitentiam agere. Non enim Angeli, qui in cœlo sunt, indigent poenitentia; sed homines qui sine peccato esse non possunt. Nam quia etiam Angelus Nuntius interpretatur, quicunque aut episcopus aut presbyter aut etiam laicus frequenter de Deo loquitur, et quomodo ad vitam aeternam perveniant annuntiat, merito angelus Dei dicitur. Et tamen quia sine peccato nemo esse potest, dicitur ei, id est homini, ut poenitentiam agat: quia et revera qui bene considerat, agnoscat quod non tantum laici, sed etiam sacerdotes una die esse non debent sine poenitentia. Quia quomodo nullus dies est in quo homo possit esse sine peccato, sic nullus dies debet esse sine satisfactionis remedio. Septem autem candelabra, et unum candelabrum⁵, septiforme Ecclesiæ possumus intelligere: et ideo quæcumque ad septem Ecclesiæ loqui videtur, ad unam Ecclesiæ loquitur toto orbe diffusam; quia in septenario numero omnis plenitudo consistit. Angelos ergo Ecclesiæ dicit: in quibus duas partes, id est bonorum et malorum ostendit. Et propterea non solum laudat, sed etiam increpat, ut laus ad bonos, increpatio ad malos dirigatur: sicut Dominus in Evangelio, omne præpositorum corpus unum servum dixit beatum et nequam, quem veniens Dominus ipse dividet. Quomodo fieri potest ut unus servus dividatur, cum divisus vivere non possit? Sed unum servum dicit totum populum christianum: qui populus si totus bonus esset, non divideretur. Sed quia non solum habet bonos, sed etiam habet malos, dividendum est: et boni audituri sunt, *Venite, benedicti Patris mei, percipite regnum*; raptiores vero et adulteri, qui misericordiam non fecerunt, audituri sunt, *Discidite a me, maledicti, in ignem aeternum*. Quod autem in Apocalypsi singulis dicitur Ecclesiis, fratres charissimi, singulis hominibus convenit in una Ecclesia constitutis. *Hæc dicit qui tenet septem stellas in manu sua*: hoc est, qui vos in manu, id est in potestate habet, et gubernat. *Qui ambulat in medio candelabrorum aureorum*: id est,

⁴ Sanius Apud Ambrosium Autpertum: *Designetur per eum vel Baptismus aquæ et Spiritus sancti, vel judicium prædictum per diluvium, etc.*

⁵ Ms. Belgicus, unum ad candelabrum.

in medio vestri; quia candelabrum illa populum significant christianum. Quod autem dicit, *Movere candelabrum tuum de loco suo, si non egeris paenitentiam*: videte quia non dixit, auferet, sed movet; quia candelabrum significat unum populum christianum. Et ipsum candelabrum moveri dicit, non auferi: et per hoc intelligitur quod in una eademque Ecclesia mouentur mali, confirmantur boni; et quod occulto, sed tamen justo Dei iudicio, id quod tollitur malis, bonis augetur; ut adimpleatur illud quod scriptum est, *Qui habet, dabit ei; ei autem qui non habet, et quod videtur habere, auferetur ab eo* (*Math. xxv, 14-41*). Quod autem dicit, *Vincenti dabo manducare de ligno vitae*; id est, de fructu erucis. *Quod est*, inquit, *in paradiſo Dei mei*: paradiſum Ecclesiam dicit; omnia enim in ejus figuram facta sunt. Nam quod dicit, *Scio opera tua, et tribulationem, et paupertatem; sed dives es*; omni Ecclesia dicit, que spiritu pauper est, et omnia possidet. Quod autem dicit, *Habebitis pressuram dies decem*; dies decem, totum tempus posuit, quia denarius numerus perfectus est: in quo populus christianus, sicut dicit Apostolus, per multas tribulationes intrat in regnum cœlorum (*Act. xiv, 21*). Nam quod dicit angelus Pergami Ecclesie, *Scio ubi habitas, ubi est introitus satanae* (*Apoc. ii, 13*); omni Ecclesia dicit in unius vocabulo, quia ubique habitat satanas per corpus suum. Corpus autem satane homines sunt superbi et mali; sicut et corpus Christi humiles et boni. *Vincenti dabo manducare de manua abscondito*: id est, de pane qui de cœlo descendit. Cujus figura fuit manna in eremo quod, sicut ipse Dominus dixit, multi manducantes mortui sunt (*Joan. vi, 41*). Sed et nunc qui cumque manducat indigne, iudicium sibi manducat (*1 Cor. xi, 29*). Idem panis est etiam lignum vitae. Possimus et per manna immortalitatem accipere. *Et dabo ei calculum candidum*; id est, corpus Baptismate candidum. *Et super calculum nomen novum scriptum*: id est, notitiam Filii hominis. *Quod nemo scit, nisi qui accipit*: scilicet per revelationem; et ideo de Iudeis dicitur, *Si enim cognovissent, nunquam Dominum gloriam crucifixissent* (*Id. ii, 8*). Quod autem dicit angelo Thyatirae, *Habeo adversum te, quia permisisti mulier Jezabel*; dicit prepositus Ecclesiarum, qui luxuriosis et fornicantibus, et aliud quodlibet malum agentibus, severitatem disciplinae ecclesiasticae non impo- nunt. Potest hoc et de hereticis intelligi, *Quæ dicit se prophetæ*: id est, christianam. Modo enim multe hereses sibi hoc nomine blandiuntur. *Nec cognovistis altitudinem satanae*: id est, non respuistis¹ doctrinam ejus, sicut hereses. *Non mitto super vos altud pondus*: id est, super id quod potestis sustinere. *Verum quod habetis tenete donec veniam*. Qui vincit, et qui seruat opera mea usque in finem, dabo ei gentes; et pascet eus in virga ferrea, et ut vas figuli communuentur, sicut et ego accepi a Patre meo. In Christo habet Ecclesia hanc potestatem; sicut dicit Apostolus, *Cum illo omnia nobis donavit* (*Rom. viii, 32*). Virgam ferream dicit propter justitiae rigorem: et de ipsa virga corrigitur boni, constringuntur mali.

BONILLA III.

[ib. iii et iv.] Modo, fratres charissimi, audivimus beatum Joannem, peccatorem hominem terribiliter incepantem; et ideo cum ingenti timore confidemus, et cum tremore timeamus quod dictum est, *Novi opera tua, quia nomen habes quod vivas, et mortuus es*. Non moritur, nisi qui mortale crimen commiserit, secundum illud quod dictum est, *Anima quæ peccaverit, ipsa morietur* (*Ezech. xviii, 20*). Quod prius est, multi in corporibus vivis animas mortuas portare noscuntur. *Esto vigilans, et confirma cætera quæ moritura erant*. *Hæc dicit sanctus et verus qui habet claves David*: id est, regiam potestatem. *Qui aperit, et nemo claudit; claudit, et nemo aperit*: manifestum est quod Christus pulsantibus aperiat, et hypocritis, id est scitius vitæ januam claudat. *Ecce dedi ante te ostium apertum*: hoc

¹ vss., recipitis.

ideo dictum est, ut nullus dicat, quia ostium quod Deus aperit Ecclesie in toto mundo¹, aliquis possit vel in parte claudere. *Quia modicam habes virtutem: laus est Dei, quod modicæ sidei Ecclesie aperiat ostium. Et scribam super illud nomen Dei mei*: utique quo Christiani signamur. *Et nomen civitatis Dei mei novæ Jerusalen, que descendit de cœlo*: novam Jerusalen cœlestem, Ecclesiam dicit, que a Domino nascitur. Novam autem dixit, propter novitatem nominis christiani, et quia ex veteribus novi efficiuntur. *Neque frigidus es neque servens*: id est, inutilis es. Potest enim et super divitum sterilium persona accipi, qui habent facultates, et non inde faciunt misericordias. Pauperes non sunt, qui habent facultates: divites non sunt, qui ex divituis non operantur. *Consilium tibi do, ut emas tibi aurum*: id est, ut eleemosynas faciendo, et actibus bonis insistendo, ipse efficiaris aurum; id est, a Deo accipias intellectum, et per bonam conversationem merearis martyrium pati. *Et ecce, inquit, ostium apertum est in cœlo*. Ostium aperatum Christum dicit, quia janua est. Cœlum Ecclesiam dicit ubi cœlestia geruntur; sicut dicit Apostolus, *Instauratione omnia que in cœlis et que in terra sunt* (*Ephe. i, 10*): cœlum intelligitur primitiva Ecclesia de Iudeis, terra vero ex Gentibus. *Ascende huc, et ostendam tibi*: hoc non in solum Joannem convenit, sed in Ecclesiam vel in omnes credentes. Qui enim videbit ostium apertum in cœlo, id est natum, et passum, et resurrexisse Christum crediderit; ascendit in altitudinem, et videt futura. [Quibus gressibus nisi fidei et credititatis? Ac si aperit cuiilibet electorum dicetur, Ad cognoscenda Christi et Ecclesie sacramenta, fide concende, credititudo pertinge. Recte enim a voce prima Joannes invitatur, ut ad ostium cœli cœlumque concendat: quia videlicet unusquisque electorum, ut inoffenso credititatis pede per Evangelium ad vere fidei sacramenta pertingat, veteris instrumenti doctrina, quæ novam præcedit, roboretur².] *Et ecce thronus positus erat in cœlo*: id est, in Ecclesia. *Et qui sedebat, similis erat aspectui lapidis jaspidis vel sardii*: ista comparationes in Ecclesiam conveniunt. Jaspis aquæ colorem habet, et sardius ignis: per hæc, sicut jam dictum est, duo iudicia vult intelligi: unum per aquam, quod jami factum est per diluvium; aliud quod futurum est per ignem. [Quid per jaspidem nisi divinitus Mediatoris nostri signatur?] *In circuitu throni vidi sedes virginis quatuor, et supra sedes virginis quatuor seniores sedentes*. Seniores totam Ecclesiam dicit, sicut Isaías dicit, *Cum in medio seniorum suorum fuerit glorificatus* (*Isai. xxiv, 23*). Vinti quatuor autem seniores, præpositi et populi sunt. In duodecim, Apostolos et præpositos; et in aliis duodecim, reliquam Ecclesiam intellige. *Et in sede procedebant fulgura et voces*: de Ecclesia enim procedunt heretici, quia ex nobis exierunt. Est et alius sensus, ut fulgura et voces predicationis Ecclesie intelliguntur. In vocibus verba, in fulgere miracula cognoscuntur. *In conspectu throni mare vitreum*: mare vitreum, fontem Baptismi; ante thronum dixit, id est, ante iudicium. Sed et aliquando animam sanctam intellige thronum: sicut scriptum est, *Anima justi sedes est sapientæ* (*Sap. vii*); aliquando Ecclesiam in qua sedem habet Deus. *Et in medio throni quatuor animalia*: id est, in medio Ecclesie Evangeliste³. Plena oculis in priora et retro: id est, intus et foris. Oculi, præcepta sunt Dei. *In priora et retro*: id est, in præterita et futura consciencia. In animali primo simili leoni, fortitudo Ecclesie ostenditur. In vitulo, passio Christi. In tertio animali, quod est velut homo, humilitas Ecclesie significatur: quia nihil sibi blanditur ut superbum sapiat, quamvis adoptionem filiorum teneat.

¹ Ms. Petrensis, in totum mundum.

² Ms. Petrensis et Belgicus carent istis septem versibus, qui ex Ambrosii Autperi libro 3 in Apocalypsim exscripti sunt, sicut et verba paulo interius uncis item distincta.

Mss., Evangelia.

Quatum animal, Ecclesiam dixit, *Similem aquilæ*: id est, volantem et liberam, atque a terra suspensam duabus aliis, quasi duorum Testamentorum, sive duorum præceptorum gubernaculis elevatam. Nam et Joannes evangelista cum de istis animalibus introspectisset in Christo compleatum esse quadrigiforme mysterium, et vidisset hominem nascentem, vitulum patientem, et leonem regnante, tunc vidit et aquilam ad cœlestia remeantem. *Et singula eorum habebant alas senas per circuitum.* In animalibus ostenduntur viginti quatuor seniores: nam senæ alæ in quatuor animalibus, viginti et quatuor ale sunt. Etenim per circuitum throni vidit animalia, ubi se dixerat seniores vidisse. Nam quomodo animal cum sex aliis potest simile esse aquilæ, qua habet duas alas, nisi quia quatuor animalia unum sunt, quæ habent viginti et quatuor alas, in quibus viginti et quatuor seniores intelligimus, qui sunt in Ecclesia quam assimilavit aquilæ? Et aliter senæ ale testimonia sunt Veteris Testamenti. Sicut enim animal volare non potest, nisi habeat pennas; sic nec prædicatio Novi Testamenti fidem habet, nisi habeat Veteris Testamenti prenuntiata testimonia, per quæ tollitur a terra, et volat. Semper enim quod ante dictum est futurum, et postea factum inventur, fidem facit indubitatem. Nisi enim que predixerant Prophetæ, in Christo essent consummata, inanis esset prædicatio illorum. Hoc tenet Ecclesia catholica, et anté predicta, et postea consummata. Merito volat, et tollitur a terra unum animal¹ in cœlum. *Et requiem non habebant animalia illa:* Ecclesia est, quæ non habet requiem, sed semper laudat Deum. Viginti et quatuor seniores possumus etiam intelligere libros Veteris Testamenti, et Patriarchas et Apostolos: fulgura et tonitrua, quæ de solo exire dicuntur, prædicationes et promissiones Novi Testamenti. *Mittentes coronas suas ante thronum:* hoc ideo, quia quidquid dignitatis habent sancti, totum Deo tribuunt; sicut et illi in Evangelio palmas et flores sternebant sub pedibus ejus (*Matth. xxi. 8*), id est, ipsi tribuentes omne² quod vicerant. *Quia tu creasti omnia, et ex voluntate tua erant, et creata sunt:* erant secundum Deum, a quo cuncta antequam fierent possessa sunt; creata sunt autem, ut et a nobis viderentur, sicut dicit Moyses ad Ecclesiam, *Nonne hic ipse est Pater tuus, qui fecit te, et possedit te, et creavit te* (*Deut. xxxii. 6*)? Possedit in præsencia, fecit in Adam, creavit ex Adam.

HOMILIA IV.

[Ib. v.] *Et vidi supra dexteram sedentis in throno librum scriptum intus et foris:* utrumque Testamentum intellige; a foris Vetus, ab intus Novum quod intra Vetus latebat. *Signatum,* inquit, *sigillis septem:* id est, omnium mysteriorum plenitudine obscuratum, quod usque ad passionem et resurrectionem Christi mansit signatum. Nam quomodo testamentum non dicitur, nisi quod faciunt morituri, et signatur usque ad mortem testatoris, et post mortem ipsius aperitur: ita et post Christi mortem omnia mysteria revelantur. *Et vidi angelum fortè clamantem voce magna:* *Quis est dignus aperire librum, et solvere signacula ejus?* Cur primo signa solvantur, deinde liber aperiatur, certa ratio est, quia Christus tunc aperuit librum, cum opus paternæ voluntatis aggressus, conceptus et natus est; tunc ejus signacula solvit, quando pro genere humano occisus est. *Et nemo poterat neque in cœlo, neque in terra, neque sub terra:* id est, neque angelus, neque in terris vivens, neque mortuus. *Aperi librum, neque videre illum:* id est, contemplari splendorem gratie novi Testamenti. *Et ego flebam multum, quia nemo inventus est dignus aperire librum et videre eum:* Ecclesia flebat, cujus figuram habuit Joannes, onerata et gravata peccatis, implorans sui redemptionem. *Et ecce unus ex senioribus: unum ex senioribus totum corpus Prophetarum intellige.* Pro-

¹ Apud Victorinum, *vivum animal.*² Ms. Belgicus. *omnes.*

phetæ enim consolabantur Ecclesiam, annuntiantes Christum de tribu Juda radicem David. Quia ipse in nobis vincit omne peccatum, ei si quid boni aliquis habet, ab ipso habet. *Et vidi, et ecce in medio throni et quatuor animalium, et in medio seniorum agnum stantem quasi occisum:* throni, animalia, seniores, et agnus quasi occisus, Ecclesia est cum capite suo, quæ pro Christo moritur, ut cum Christo vivat. Possunt et martyres in Ecclesia agnus quasi occisus accipi. *Habentem,* inquit, *cornua septem et oculos septem,* qui sunt spiritus Dei, missi in omnem terram: quod nemo possit habere Spiritum Dei præter Ecclesiam, hinc manifeste cognoscitur. *Et venit, et accepit de dextra sedentis in throno librum:* sedentem in throno, et Patrem accipimus et Filium et Spiritum sanctum. Accipit ergo Agnus de dextra Dei, id est a Filio accepit opus libri persicendum, ipso dicente, *Sicut misit me Pater, et ego mitto vos* (*Joan. xx. 21*): eo quod ipse in illis persicat quod donat. *Habentes singuli citharas:* id est, chordas laudum. *Et phialas aureas:* hæc sunt vasa in domo Domini, in quibus quia thymiana offerri consueverat, ideo orationes sanctorum bene in eis intelligimus. *Et cantabant canticum novum:* id est Testamentum Novum; cantantes canticum novum, id est professionem suam publice profentes. Et vere novum est, Filium Dei hominem fieri, et mori, et resurgere, et in cœlum ascendere, remissionem peccatorum hominibus dare. Cithara enim, id est, chorda in ligno extensa, significat carnem Christi passionis conjunctam: phiala autem confessionem, et novi sacerdotii propaginem. Resignatio sigillorum adapertio est Veteris Testamenti. *Et vidi et audivi vocem multorum angelorum:* angelos homines dicit, qui et filii Dei dicuntur. *Dignus est Agnus qui occisus est, accipere potestatem et divitias et sapientiam,* etc. Non de Deo dicit, in quo sunt omnes thesauri sapientiarum (*Coloss. ii. 3*), ut ipse accipiat: sed de homine assumpto, et ejus corpore, quod est Ecclesia, vel de martyribus ejus, qui pro nomine ejus occisi sunt; quia in capite suo totum accipit Ecclesia, sicut scriptum est, *Cum illo nobis omnia donavit* (*Rom. viii. 32*). Ipse enim Agnus accipit, qui in Evangelio dicit, *Data est mihi omnis potestas in cœlo et in terra* (*Matth. xxviii. 18*). Secundum humanitatem autem, non secundum divinitatem accepit. *Omnes,* inquit, *audivi dicentes sedenti in throno,* id est, Patri et Filio: *et Agno,* id est, Ecclesie cum capite suo. *Benedictio et honor et claritas in sacula:* cui est honor et gloria et imperium in sæculis sæculorum. Amen.

HOMILIA V.

[Ib. vi.] Sicut modo, dum lectio divina legeretur, auditæs, ita ait beatus Joannes, *Et ecce equus albus, et qui sedebat super eum, habebat arcum; et data est ei corona, et exiit vincens:* equus albus Ecclesia est, sessor Christus. Iste equus Domini cum arcu bellico per Zachariam hoc modo ante promissus est, *Visitabit Dominus Deus gregem suum dominum Israel, et disponet eum sicut equum speciosum in bello:* et ex eo inspiciet, et ex eo disponet, et ex eo arcus in ira, et ex eo exierit omnis insequens (*Zach. x. 5, 6*). Equum ergo album intelligimus Prophetas et Apostolos. Equitem coronatum habentem arcum, agnoscamus non solum Christum, sed etiam Spiritum sanctum. Posteaquam enim Dominus ascendit in cœlum, et aperuit universa mysteria; misit Spiritum sanctum: cuius verba per predicatores tanquam sagittæ ad cor hominum pertingerent, et vincerent incredulitatem. Corona autem super caput, promissa per Spiritum sanctum intelligenda sunt. *Et cum aperiuisset sigillum secundum, audi vi secundum animal,* dicens: *Veni et vide. Et exiit equus rufus:* et sedenti super eum datum est tollere pacem de terra, et ut invicem occiderent, et datus est ei gladius magnus. Contra victricem vincentemque Ecclesiam exiit equus rufus, id est populus sinister et malus, ex sessore suo diabolo sanguinolentus: quamvis legamus secundum Zachariam equum Domini rufum; sed ille suo sanguine erat, hic alieno. *Cui datus ex*

*gladius magnus, ut tolleret pacem de terra; scilicet suam pacem, hoc est mundanam: nam Ecclesia æternam pacem, quam sibi Christus reliquit, habet. Sic ut ergo supra dictum est, equum album Ecclesiam dicit; sessorem ejus, Christum vel Spiritum sanctum. Arcus quem tenebat in manu, præcepta ejus sunt: quæ per totum mundum velut sagittæ acutæ potentis ad interficienda peccata, et excitanda¹ fidelium corda directæ sunt. Corona in capite ejus, promissio vitæ æternæ est. Equum rufum, malum populum; sessorem ejus, diabolum: quem ideo dixit rufum, eo quod multorum esset sanguine rubicundus. Quod autem datus est ei gladius acutus, et tollere pacem de terra, hoc est, quod diabolo suadente, homines mali jugiter inter se litigant et discordias usque ad mortem excitare non cessant. Et in equo nigro, intelligitur populus niger, diabolo consentiens. Quod autem, *Stateram habebat in manu*, hoc ideo, quia dum se singunt mali justitiae libram tenere, sic plerumque decipiunt. Quod dixit, *Vinum et oleum ne læseris*; in vino sanguis Christi, in oleo unctio chrismatis intelligitur. In tritico vel hordeo, tota Ecclesia sive in magnis sive in minimis, aut certe in præpositis et in populis: et in equo pallido, homines intelliguntur mali, qui persecutions excitatæ non desinunt. Isti tres equi unum sunt, qui exierunt post album et contra album: et sessorem habent diabolum, qui est mors. Tres ergo equi, famæ et bella et pestis intelliguntur: quod etiam Dominus in Evangelio suo predixit, quæ et jam sunt, et imminente die judicij amplius futura sunt. Quod autem dixit se vidisse sub ara Dei animas intersectorum, martyres intelliguntur. Quod autem dicit, *Terræ motus magnus*, persecutio novissima est. Quod dicit, solem factum nigrum, et lunam sanguineam, et stellas cecidisse de caelo; sol et luna et stellæ, Ecclesia est in toto orbe diffusa. Quod autem dicit cecidisse; non tota cecidit, sed a parte totum intelligitur. In omni enim persecutione boni perseverant, et mali quasi de caelo, id est de Ecclesia cadunt. Denique sequitur, *Sicut fucus mitit grossos suos cum a vento agitatur*: sic de Ecclesia cadunt mali, quando per aliquam tribulationem fuerint conturbati. Quod autem caelum recessit ut liber; Ecclesia est quæ separatur a malis, et velut liber involutus, continet in se sibi nota divina mysteria. Quod autem dicit, *Reges terræ fugerunt, et absconderunt se in speluncis terræ*; hoc significat quod totus mundus in bonis et sanctis refugium habiturus est ad Ecclesiam, ut sub ejus protectione constitutus, pervenire possit ad vitam æternam, auxiliante Domino nostro Iesu Christo, qui vivit et regnat in sæcula sæculorum. Amen.*

HOMILIA VI.

[Ib. vi-viii.] *Et vidi alterum angelum ascendentem ab ortu solis. Alterum angelum eamdem Ecclesiam catholicam intelligit: ab ortu solis, a passione et resurrectione Domini clamantem quatuor angelis terræ. Et clamavit vox magna dicens quatuor angelis, quibus data est potestas lædere terram et mare: Ne læseritis terram, neque mare. Accipit autem gladium generaliter, sive contra quos in vita interficit, sive quos inter se pro rebus temporalibus usque ad mortem litigare persuadet. De tertio sigillo dicit equum nigrum esse, et qui sedebat super eum habebat in manu sua stateram: *Libram, inquit, habebat in manu sua*, id est, examen aquitatis; quia dum singit se justitiam tenere, per simulationem lœdit. Dum autem in medio animalium, id est in medio Ecclesie dicitur, *Ne læseris*; ostenditur quod spirituales nequitiae potentiam in servos Dei non habent, nisi a Deo acceperint. *Vinum et oleum ne læseris*: in vino et oleo, unctio nem chrismatis et sanguinem Domini; in tritico autem et hordeo Ecclesiam dixit, sive in magnis sive in parvis Christianis, sive in præpositis et populis. De quarto sigillo, *Equus pallidus*. Et qui*

sedebat super eum nomen erat ei Mors, et infernus sequebatur eum: et data est ei potestas super quartam partem terræ, interficere gladio, fame, et morte, et bestiis terræ. Isti tres equi, unum sunt, qui exierunt post album et contra album: et unum sessorem habent diabolum, qui est mors. Nam equitem diabolum esse et socios ejus, sexto signo manifestat; cum prelio ultimo equos dicit congregandi. Tres ergo equi, famæ et bella et pestes intelliguntur, sicut a Domino in Evangelio prænuntiatur. Equus albus, verbum est prædicationis in orbe terrarum. In equo rufo et sessore ejus bella sunt significata quæ futura sunt, imo sunt, cum jam gens surgat contra gentem. Per equum pallidum et sessorem ejus, pestis magna et mortalitas signatur. *Et infernus sequitur illum*: id est, expectat devorationem multorum. *Et cum aperuisset sigillum quintum*, vidi sub ara Dei animas intersectorum. Aram Dei Ecclesiam dicit, sub eius oculis martyres effecti sunt. Et licet anime sanctorum in paradyso sint, tamen quia sanguis sanctorum super terram funditur, sub ara clamare dicuntur: sicut illud est, *Sanguis fratris tui clamat ad me de terra* (Gen. iv, 10). *Et cum aperuisset sigillum sextum, terræ motus factus est magnus*: id est, persecutio novissima. *Et sol factus est niger sicut siccus cilicinus*, et luna facta est tota sicut sanguis, et stellæ cediderunt in terram. Quod est sol et luna, hoc et stellæ, id est Ecclesia: sed a toto pars intelligitur. Non enim tota Ecclesia, sed qui mali sunt in Ecclesia, ipsi cadunt de caelo. Totam autem dixit, quia in toto orbe terrarum erit novissima persecutio. Et tunc qui justi fuerint, permanebunt in Ecclesia tanquam in caelo: cupidi vero, injusti et adulteri acquiescere habent sacrificare diabolo. Et tunc qui se christianos esse verbis tantummodo dicebant, tanquam stellæ cadent de caelo, quod est Ecclesia. *Sicut fucus magno vento agitata militi grossos suos*. Agitatam arborem, Ecclesie comparavit; ventum magnum, persecutioni; grossos, hominibus malis, qui extinti sunt et recessi ab Ecclesia. *Et caelum recessit ut involutus liber*. Et hoc loco caelum Ecclesiam dicit, quæ a malis recedit, et intra se sibi sola nota mysteria continent, sicut liber involutus, quem iniqui intelligere nec volunt omnino, nec possunt. *Et omnis mons et insula de locis suis movebatur*. Quod caelum, hoc montes, hoc insulae significant; id est Ecclesiam facta novissima persecutio omnem de loco suo recessisse, sive in bonis fugiendo persecutionem, sive in malis fidei cedendo. Sed potest in utramque partem convenire; quia et bona pars moveretur de loco suo, fugiens, id est, amittens illud quod habet: sicut illud, *Movebo candelabrum tuum de loco suo* (Apoc. ii, 5). *Et reges terræ et magistratus: reges, potentes homines accipimus*. Ex omni enim gradu et conditione convertentur ad Christum. Cæterum qui tunc reges erunt, præter unum persecutorem, abscondentur se in speluncis et petris montium. Confugiunt omnes in praesenti seculo ad fidem Ecclesie, et in abscondito mysterio Scripturarum conteguntur. *Et dicunt, Cadite*: id est, tegite nos. *Et absconde nos*: id est, ut homo vetus a Dei oculis abscondatur. Et aliter: Qui cogitat futurum judicium, convertitur ad montes, id est ad Ecclesiam, ut abscondatur peccata sua per pœnitentiam in praesenti tempore, ne in futuro puniantur. *Donec signemus servos Dei nostri in frontibus eorum*: Ecclesiam denuntiat; et dicit malis hominibus, id est sinistre parti lœdenti, *Ne læseris*. Hæc est vox, quæ in medio quatuor animalium dicit lœdenti, *Vinum et oleum ne læseris*: in vino et oleo, omnes qui sunt justi intelliguntur, quos nec diabolus nec mali homines lœdere poterunt, nisi quoties ad eorum probationem permisit Deus. *Vinum, inquit, et oleum ne læseris*: precipit Dominus omnem terram suam spiritualem non lœdi, quounque omnes signentur. *Et audi numerum signatorum, centum quadraginta quatuor millia signati ex omni tribu filiorum Israel*. Centum quadraginta quatuor millia, omnis omnino Ecclesia est. Postea vidi, et ecce populus multus, quem dinumerare nemo poterat, ex omnibus

* MSS., exscriptanda.

gentibus et populis et linguis: non dixit, Post hæc vidi alium populum; sed, *vidi* populum, id est eundem quem viderat in mysterio centum quadraginta quatuor millium, hunc vidit innumerabilem ex omni tribu et lingua et gente, quia omnes gentes insertæ sunt radici credendo. Dominus in Evangelio totam Ecclesiam tam de Judeis quam de Gentibus, in tribubus Israel duodecim demonstrat, dicens: *Sedebitis super duodecim thronos, iudicantes duodecim tribus Israel* (Matth. xix, 28). *Aniicti stolis albis*: stolas albis, donum Spiritus sancti intelligit. *Et omnes angeli stabant a circuitu throni*: angelos, Ecclesiam dicit; quia præter ipsam nihil aliud describat. *Et respondit mili unus de senioribus dicens*: *Isti qui amici sunt stolis albis, qui sunt?* Unus de senioribus qui respondit, officium indicat sacerdotum; quia Ecclesiæ, id est populum in Ecclesia docent, quæ sit remuneratio laboris sanctorum: dicens, *Hui sunt qui venerunt ex magna tribulatione, et laverunt stolas suas in sanguine agni*. Non enim, ut aliqui putant, martyres soli sunt, sed omnis populus in Ecclesia: quia non in sanguine suo dixit lavisse stolas suas, sed in sanguine agni, id est in gratia Dei per Jesum Christum Dominum nostrum, sicut scriptum est, *Et sanguis Filii ejus mundavit nos* (I Joan. 1, 72). *Et qui sedet in throno, habitat super eos*: ipsi enim thronus sunt, super quos habitat Deus in sacula, id est in Ecclesia. *Neque cadet super eos sol, neque aestus*: sicut dicit Isaia de Ecclesia, *Erit in umbra ab aestu* (Isai. xxv, 4). *Et deducet ad vitæ fontes aquarum*: omnia hæc etiam in præsenti vita spiritualiter Ecclesiæ eveniunt; eum dimissis peccatis resurgimus, et vita prioris lugubris ac veteris hominis expoliati, in Baptismo Christum induimus, et gaudio sancti Spiritus implemur. *Et cum aperuisset sigillum septimum, factum est silentium in cœlo*: id est, in Ecclesia. *Quasi media hora*: in semihora, ostendit initium quietis æternæ. *Et vidi septem angelos, qui stant in conspectu Dei*. Septem angelos, Ecclesiam dixit, Qui accepserunt septem tubas, id est perfectam prædicationem: sicut scriptum est, *Exulta, sicut tuba, vocem tuam* (Id. LVIII, 4). *Et alius angelus venit, et stetit ante altare*: alium angelum quem dicit, non post illos septem venit, quia ipse est Dominus Jesus Christus. *Habens thuribulum aureum*: quod est corpus sanctum. Ipse enim Dominus factus est thuribulum, ex quo Deus odorem suavitatis accepit; et propitiis factus est mundo, quia obtulit scipsum in odore mundi suavitatis (Ephes. v, 2). *Et accepit angelus thuribulum, et impletuit illud ex igne altaris*: accepit Jesus corpus, id est Ecclesiam, et ad perficiendam Patris voluntatem, implevit illam igne Spiritus sancti. *Et factæ sunt voces et tonitrua et fulgura et terra motus*: omnia hæc spirituales sunt Ecclesiæ prædications et virtutes. *Et septem angeli qui habebant septem tubas, præpararunt se ut tuba canerent*: id est, Ecclesia præparavit se ad prædicandum. *Et primus angelus tuba cecinit*, et facta est grando et ignis mixtus saugine: facta est ira Dei, quæ haberet in se multorum necem. *Et missa est in terram*, et *tertia pars terre combusta est*, et *tertia pars arborum*, et *omne fenum viride combustum est*: quod est terra, hoc et arbores, hoc fenum, id est homines. Fenum autem viride, carnem intellige sanguineam et luxuriosam, secundum illud, *Omnis caro fenum* (Isai. XL, 6). *Et secundus angelus tuba cecinit*, et *velut mox magnus ardens igni missus est in mare*, et *facta est tertia pars maris sanguis*: ardeus mons, diabolus est. Et quod *tertia pars terra vel arborum*, hæc *tertia pars maris*. Et homines habentes animas, impios dixit¹: ut ostenderet in cargo vivos, sed spiritualiter mortuos. *Et tertiam partem narium corruperunt*: doctrina sua heretici corruperunt eos qui illis acquieverunt. *Et tertius angelus tuba cecinit*, et *cecidit de cœlo stella magna ardens velut facula*: de Ecclesia dicit ecclidisse homines superbos et impios. *Magnam vero stellam dixit*; quia personæ majorum, et potestatem

vel divitias habentium. *Et nomen hujus stellaræ dicitur absinthium*, et *facta est tertia pars aquarum in absinthium*: tertia pars hominum facta est similis stellaræ quæ super illam cecidit. *Et multi hominum mortui sunt ab aquis*, quoniam amaricaverunt aquæ. Homines mortui sunt ab aquis. Hoc in his qui rebaptizantur, manifeste intelligi potest. *Et quartus angelus tuba cecinit*, et *percussa est tertia pars solis*, et *tertia pars lunæ et tertia pars stellarum*: sol, luna et stellaræ, Ecclesia est, cuius tertia pars percussa est; in tertia parte, intelliguntur omnes mali. Percussa est autem, id est suis malis tradita et voluptatibus: ut redundantibus et inolescentibus peccatis, suo tempore revelaretur. *Et vidi et audivi vocem unius aquilæ volantis in medio cœli*, et dicens, *Væ! vae!* *ve habitantibus terram!* Aquilam Ecclesiam intelligit volantem in medio cœli, id est in medio sui discurrentem, et plagas novissimi temporis magna voce prædicantem. Quando enim sacerdos diem judicij annuntiat, aquila in medio cœli volat. Sicut ergo supra dictum est, alias angelus quem dixit ascendas ab ortu solis, Ecclesia est, ascendens ab ortu solis, id est a passione vel resurrectione Domini. Quod autem dicit, *Ne læseris terram, neque mare*; Ecclesia hoc quotidie prædicando malis hominibus clamat. Quod dicit, *Vinum et oleum ne læseris*; in vino et oleo, omnes qui sunt justi in Ecclesia intelliguntur; quos nemo federe poterit, nisi ad probationem illorum permisericet Deus. Quod autem ait, centum quadraginta quatuor millia fuisse signatos: tota Ecclesia intelligitur. Unde et in illis de quibus dixit se vidisse populum nullum quem dinumerare nemo poterat, Ecclesia eadem significata est. Quod autem dicit, amicos esse stolis albis; in stolis donum Spiritus sancti intelligitur: angelos stantes circa thronum, Ecclesiam dixit, quia præter illam nihil aliud describat. Senior qui respondens dixit, *Qui sunt isti, et unde venerunt*, officium indicat sacerdotum, qui populum in Ecclesia docent. Quod autem dicit, *Laverunt stolas*, de tota Ecclesia dixit, non de martyribus tantum. Denique non dicit in sanguine suo, sed in sanguine agni, quod utique per Baptismi sacramentum impletur. *Et qui sedet super thronum, habitat super illos*: ipsi enim thronus sunt, super quos habitat Deus. *Neque cadet super eos sol, neque ullus aestus*: et deducet eos ad vitæ fontes aquarum: omnia hæc etiam in præsenti sæculo, et his diebus spiritualiter Ecclesiæ eveniunt; dum ita per gratiam Dei defenditur, ut persecutoribus mundi hujus exerceatur potius quam vincatur. Quod dicit in semihora silentium factum in cœlo; in Ecclesia dicit, et significat initium quietis æternæ. Et septem angelis tubis canentibus: in angelis Ecclesia, in tubis prædicant Ecclesiæ intelligitur. Alius angelus, quem dixit stetisse ante altare, Christus Dominus est. *Habens thuribulum aureum*: corpus scilicet sanctum, per quod Deus Pater passionis incensum, odorem suavitatis accepit. Quod autem dicit, *Factæ sunt voces, fulgura et tonitrua*; prædications sunt Ecclesiæ spirituales. Septem angeli qui se præparaverunt ut canerent, Ecclesia est; in qua per totum mundum contra omnia peccata vel crima lit prædictio spiritualis. Quod autem canente primo angelo tertia pars terra combusta est, significat homines superbos et voluptatibus deditos, quos Deus justo iudicio permittit incendio luxuriæ vel cupiditatis exuri. Quod autem, canente secundo angelo, mons ardens cecidit in mare; mons ille diabolus, mare mundus iste intelligitur. Tertia pars maris, sicuti jam supra dictum est, homines iniqui et impii. Quod autem, tertio angelo canente, stella magna cecidit de cœlo, homines magui intelliguntur, qui malis moribus et iniquis actibus de Ecclesia tanquam de cœlo cadunt. Quod dicit, *Multi hominum mortui sunt ab aquis*, quoniam amaricaverunt aquæ; hoc in his qui rebaptizantur intelligi potest. Quod autem, canente quarto angelo, solis, et luna et stellarum tertia pars percussa est; in his Ecclesia intelligitur, in qua quotidie qui mali vel fieri sunt, persuadente diabolo pec-

¹ MSS., *arbores habentium minas dixit*

catorum vulneribus percutiuntur in anima. Quod autem dicit Aquilam volantem in medio cœli, et clamanter, *Vae ! vae ! vae !* Ecclesiam intelligi voluit volantem in medio cœli, id est, in medio sui, et per assiduitatem prædicationis plagas novissimi temporis annuntiantem. Quando enim sacerdos in Ecclesia Dei diem judicii annuntiat, aquila in medio cœli volat. Concedat divina pietas, ut dum et sacerdotes student jugiter prædicare, et populi ea que prædicantur fideliter adimplere, simul mereantur ad alterna¹ pervenire, præstante Domino Iesu Christo, qui vivit, etc.

HOMILIA VII.

[Ib. ix et x.] Modo, fratres charissimi, cum Apocalypsis legeretur, audivimus quia quinto angelo tuba canente, stella de cœlo ceciderit super terram. Una stella corpus est multorum cadentium per peccata. *Et data est ei clavis putei abyssi : stella, abyssus, puter homines sunt.* Ergo stella cecidit de cœlo : id est, *populus peccator de Ecclesia.* *Et accepit putei abyssi clavem :* id est, potestatem cordis sui, ut aperiat cor suum, in quo diabolus deligitus non compescatur ut faciat voluntatem suam. *Et aperuit puteum abyssi :* id est, manifestavit cor suum sine ullo timore vel pudore peccandi. *Et ascendit fumus de puto :* id est de populo ascendit quod cooperit et obscurat Ecclesiam, ita ut dicatur, *Et obscuratus est sol et aer de fumo putei.* Obscuratum dixit solem, non cecidisse². Pecata enim malorum et superborum hominum, qua passim committuntur per orbem, obscurant solem, id est Ecclesiam, et sanctis ac justis interdum faciunt obscuritatem : quia tantus est malorum numerus, ut aliquoties vix inter eos appareant boni. Sicut, inquit, *fumus fornacis magna.* *Et ex fumo putei exierunt locustæ in terram,* et data est eis potestas, sicut habent potestatem scorpiorum terræ ; id est, veneno lœdere. *Et præceptum est illis, ne lœderent fenni terræ neque omnem arborem, nisi homines.* Et datum est eis ne occident eos. Et quia duæ partes sunt in Ecclesia, honorum scilicet et malorum ; una pars sic percutitur ut corrigatur, alia voluntatibus suis relinquitur. Pars bonorum humiliacionis traditur ad cognitionem justitiae Dei, et commemorationem paenitentie, sicut scriptum est, *Bonum nihili quod humiliasti me, ut discerem justificationem tuas* (Psal. cxviii, 17). *Datum est eis ne occiderent, sed ut cruciarent :* et cruciatus sororum sicut cruciatus scorpiorum, cum percutit hominem : hoc tunc sit, quando diabolus per vitia vel peccata verna propinat. *Et querent homines mortem :* mortem vero requiem dixit. Querent itaque mortem, sed malis, id est tribulationibus, ut ipsi requiescant, dum mala moriuntur. *Super capita, inquit, eorum tanquam coronæ similes auro.* Ecclesia superioris descripta est in viginti quatuor senioribus, qui habent coronas aureas ; isti autem similes auro, hæreses sunt, quæ imitantur Ecclesiam. *Et habebant capitulos, sicut capitulo mulierum :* in capitulis mulierum non solum sexum effeminatum, sed etiam utrumque sexum voluit ostendere. *Et habebant caudas similes scorpiorum, et aculei in caudis eorum :* caudas hereticorum præpositos dicit, sicut scriptum est, *Propheta docens men-dacium, hic est cauda* (Isai. ix, 15) ; qui sunt pseudoprophetæ, et h̄j crudelia regum jussa implent. *Habenentes super se regem angelum abyssi :* id est, diabolum vel regem saeculi. Abyssus populus est. *Cui nomen hebraice Abaddon, græce ἀνόλιος, latine Perdens.* *Va-* unum abiit, et ecce duo vœ veniunt, post hæc. *Et sextus angelus tuba cecinit :* hinc incipit novissima prædictio. *Et audi vi unum ex quatuor cornibus angelum al-taris aurei, quod est in conspectu Dei, dicentem sexto angelo, qui habebat tubam : Solve quatuor angelos, qui alligati sunt in flumine magno Euphrate.* Altare quod

est in conspectu Dei, Ecclesiam vult intelligi, quæ in tempore novissimæ persecutionis audeat crudelissimi regis verba ant jussa contemnere, et ab obtemperrantibus discedere. *Solve quatuor angelos in flumine Euphrate.* Flumen Euphratæ peccatorem populum dixit, in quo satanas et propria voluntas ligata est. Euphrates autem fluvius est Babylonis, sicut Jeremias in medio Babylonis submittit librum in Euphratæ (Jerem. li, 63). *Et soluti sunt quatuor angeloi,* id est inchoata persecutio est. *Parati in horam et diem et mensem et annum, ut occiderent tertiam partem homi-num :* hæc sunt quatuor tempora triennii, et pars temporis. *Et numerus, inquit, exercituum bis my-riades myriadum, audi vi numerum eorum :* sed non dixit, quot myriadum. (a). *Ut occiderent tertiam par-tē hominum :* hæc est superborum pars tertia, de qua descendit Ecclesia. *Et vidi equos in visione, et qui sedeabant super eos, habebant loricas igneas, et hyacin-thinas ac sulfureas.* Equos homines dicit, sessorum vero spiritus nequam, armatos igne, fumo et sulfure. *Et capita eorum erant sicut leonum :* ad seviendum in persecutione. *Ex ore eorum exit fumus, ignis et sul-fur :* id est, blasphemæ de ore eorum contra Deum egrediuntur. *Caudæ eorum similes serpentibus.* Caudas prepositos diximus, capita principes mundi. Et in his nocet diabolus, et sine his nocere non potest : aut enim sacrilegi reges male jubendo, aut sacrilegi sacerdotes male docendo nocent. *Et vidi, inquit, ultim angelum fortē descendente de cœlo, amictum nube, et iris, id est arcus, in capite ejus, et facies ejus erat ut sol : amictus nube, Dominus intelligitur amictus Ecclesia. Legimus enim sanctos, nubes ; sicut Isaïas dicit, Qui sunt hi, qui ut nubes volant (Isai. lx, 8)? Indutum itaque nube spirituali, id est, sancto corpore Christum intellige. *Et iris super caput ejus :* id est, vel judicium quod fit et quod futurum est, vel promissio perseverans. Ecclesiam enim describit in Domino, dicens, *Et facies ejus sicut sol ;* id est, de resurrectione. Sicut sol enim apparuit, quando a mortuis resurrexit. *Et pedes ejus sicut columnæ ignis.* Pedes Apostolos dicit, per quos in universo mundo doctrina ejus discurrit : aut certe, quia pes novissima pars corporis est, Ecclesiam dicit post ignem novissimæ persecutionis futuram sanctorum claritatem. *Et posuit pedem suum dexterum super mare, sinistrum autem super terram :* id est, ad prædicandum trans mare, et in universo orbe terrarum. *Et clamavit vox magna, quæniadnodum leo rugit :* id est, fortiter prædicavit. *Et cum clamasset, locuta sunt septem tonitrua voces suas, quæ sunt et septem tubæ.* *Et audi vi vocem dicentem de cœlo, Signa quæ locuta sunt septem tonitrua, noli ea scribere :* propter obtundendos, ut non passim omnibus impensis pateant verba Dei. Alio denique loco propter servos suos : *Ne si-gnaveris, inquit, verba prophetiæ hujus.* Et ostendit tubis signari jussarat, et quibus non : *Qui perseveraverit, inquit, nocere, noceat ; et qui in sordibus est, sordeca adhuc* (Apoc. xxxi, 10, 11). Hoc est, Propterea in similitudinibus loquor illis, ut qui justus est, iustiora faciat, similiter et sanctus sanctiora ; hoc est, vestri felices oculi, quoniam vident, et aures, quoniam audiunt : istis enim non sunt signata verba libri, malis autem signata sunt. *Et juravit angelus ille, quoniam tempus jam non erit : sed in diebus septimi angelii, cum ceperit tuba canere : septima tuba finis est persecutio et adventus Domini.* Propterea dixit Apostolus in novissima tuba fieri resurrectionem (1 Cor. xv, 52). Quod autem sicut supra dictum est, quinto angelo tuba canente iterum stellam dixit cecidisse de cœlo ; etiam et hæc stella corpus est multorum stellarum de cœlo, id est de Ecclesia cadentium, et significat populum superbum et impium. Quod autem data est ei clavis abyssi ; dimissus est in potestate cordis sui, ut aperiat cor suum diabolo, et absque ulla reverentia exerceat omne malum. Quod autem ascendit fumus de puto ; id est, de populo malo : et*

¹ MSS., ad æternam beatitudinem.
² MSS., occidisse.
³ MSS., humiliatio.

(a) Sic omnino Tichonius, teste Primasio.

obscuravit solem et lunam; obscuratum solem dixit, non occidisse. Hoc ideo, quia peccata malorum et superborum hominum obscurare videntur solem, dum sanctis et justis interdum per multas tribulationes faciunt obscuritatem. Sed lumen eorum extinguere non possunt, quia illis ad malum consentire non acquiescent. Quod autem dicit, *Ex fumo putei exisse locustas, et accepisse potestatem laedendi: et datum est eis ne occiderent eos*; hoc ideo, quia duas partes sunt in Ecclesia, honorum scilicet et malorum. Una pars sic percutitur ut corrigatur, alia voluptatibus suis relinquitur. Quod autem dixit, *Cruciatus earum sicut crucifixus scorpii, cum percutit hominem*: hoc tunc fit, quando diabolus luxuriosus hominibus per vitia et peccata, in modum scorpii venena propinat. *Et super capita earum tanquam coronæ similes auro*. Viginti et quatuor seniores, in quibus Ecclesia descripta est, coronas aureas habebant: isti autem similes auro, haereses scilicet quæ imitantur Ecclesiam. Quod autem capillos habebant mulierum; in capillis non solum sexum effeminatum, sed etiam utrumque sexum voluit ostendere. In caudis earum, quæ erant tanquam scorpiorum, duces vel principes haeticorum intelligentur: sicut scriptum est, *Propheta docens mendacium hic est cauda. Habant super se regem abyssi*: id est, diabolum. In abyso populus malus intelligitur, cui diabolus dominatur. Altare quod dixit esse in conspectu Dei, Ecclesia vult intelligi, quæ velut aurum purgatum, tempore novissimæ persecutionis audeat crudelissimi regis iussa contempnere, et ab obtemperantibus discedere. Quod autem dicit quatuor angelos ligatos in flumine Euphrate; flumen Euphrates populum peccatorem significat, in quo satanas et propria voluntas ligata est. Euphrates autem est flumen Babylonis, quæ interpretatur Confusio. Unde ad ipsum flumen pertinent, quicumque res confusione dignas exercent. Quod autem dicit se vidisse equos, et qui sedeant super ipsis, habebant loricas igneas et hyacinthinas et sulfureas; equos, superbos homines dicit, et sessorem eorum diabolum et angelos ejus. Quod autem dicit capita eorum sicut leonum, propter violentiam persecutionem malorum hominum dictum est. *Et ex ore eorum exiit ignis, fumus et sulfur*: id est, blasphemias de ore eorum contra Deum egrediuntur. In caudis, quæ erant similes serpentibus, sicut jam supra dictum est, principes et prepositi sunt haeticorum, per quos ludere consuevit diabolus. Aut enim sacrilegi reges male jubendo, aut sacrilegi sacerdotes male docendo¹ nocent. Angelum quem dixit amictum nube, Dominus et Salvator noster est, amictus nube, id est Ecclesia: quia de sanctis scriptum est, *Qui sunt isti, qui ut nubes volant?* Quod autem dixit, *Facies ejus ut sol*, propter resurrectionem Domini dixit: sicut sol enim apparuit, quando a mortuis resurrexit. In pedibus ejus, qui erant sicut columnæ ignis, Apostoli figurati sunt, per quos in universo mundo doctrina ejus discurrerit. Quod autem, posuit pedem suum dexterum super mare, hoc significavit, quod prædicatio ejus usque trans mare, et in universum mundum itura esset. Quod autem, *velut leo rugiens clamavit*, hoc ideo quia ex potestate fortiter prædicavit. Quod autem dixit, *Signa quæ locuta sunt septem tonitrua*, propter obtundendum dictum est, de quibus in Evangelio, *Nolite sanctum dare canibus* (*Matth. vii, 6*): id est, ut non passim omnibus impia pateat verbum Dei. Alio denique loco propter servos suos dixit: *Ne signareris*, inquit, *verba prophetarum hujus*. Et ostendit quibus signari jusserit, et quibus non: *Qui perseveraverit*, inquit, *nocere, noccat*: et qui in sordibus est, sordescat adhuc. Ecce quibus signatum est verbum Dei. Propter ea in similitudinibus loquor illis, ut qui justus est, justiora faciat, similiter et sanctus sanctiora. Ecce quibus signatum non est. Quam rem oremus ut etiam in nobis implere Dominus

pro sua pietate dignetur, qui cum Patre et Spiritu sancto vivit et regnat. Amen.

BONILLA VIII.

[lb. x et xi.] Vox de celo, imperium est Dei, qui Ecclesiæ cor tangit, et jubet percipere eam, quia Ecclesia² aperto libro futuram pacem prædicavit. *Et abii ad angelum, ut daret mihi librum*: hoc ex persona Joannis Ecclesia dicit, desiderans perdoceri. *Et tunc dixit mihi, Accipe et comedere illum*: id est, tuis visceribus pande, et describe in latitudine cordis. *Et faciet amaricari ventrem tuum, sed in ore tuo erit dulce ut mel*: id est, cum perceperis, oblectaberis eloquii divini dulcedine, sed amaritudinem senties cum prædicare et operari cœperis quod intellexeris; sicut scriptum est, *Propter verba labiorum tuorum ego custodivi vias duras* (*Psalm. xvi, 4*). *Et aliter, Erit, inquit, in ore tuo dulce ut mel, et in ventre tuo amaritudo*. In ore intelliguntur boni et spirituales Christiani, in ventre carnalia et luxuriosi. Inde est quod cum verbum Dei prædicatur, spiritualibus dulce est: carnalibus vero, quorum secundum Apostolum Deus venter est (*Philipp. iii, 19*), amarum videtur et asperum. *Et data est mihi arundo virgæ similis, dicens: Surge et metire templum Dei et altare, et adorantes in eo. Surge, excitatio est Ecclesiæ*. Non enim hic Joannes sedibundus³ audiebat. *Metire templum, et altare, et adorantes in eo*: Ecclesia jubet recenseri, et præparari ad ultimum, et adorantes in ea. Sed quia non omnes qui videntur, adorant, ideo dixit, *Atrium quod est foris templum, ejice foras, et ne metiaris illud*. Ipsi atrium sunt qui videntur in Ecclesia esse, et foris sunt, sive haeticci, sive male viventes catholici. *Quoniam datum est gentibus, et civitatem sanctam calcabunt mensibus quadraginta duobus*. Qui excludentur, et quibus dabitur, utrique calcabunt eam. *Et dabo duobus testibus meis*: id est, duobus Testamentis. *Et prophetabunt diebus mille ducentis sexaginta*: numerum novissimæ persecutionis dixit, et future pacis, et totius temporis a Domini passione; quoniam utrumque tempus totidem dies habet, quod suo in loco dicetur. *Saccis, id est ciliciis, amici*. Quod in ἔξοπλοις, id est, in confessione sint constituti, quia ex sensu humilitatis dixit saccis amictos. Dehinc ostendit qui sunt hi duo testes, dicens, *Hi sunt duæ olivæ et duo candelabra, in conspectu Domini terræ stantes*: hi sunt qui stant, non qui stabunt. Duo candelabra Ecclesia est, sed pro numero Testamentorum dixit duo. Sicut quatuor angelos dixit Ecclesiam, cum sint septem pro numero angelorum terræ: ita ex septem candelabris, si unum vel amplius pro locis nominet, tota Ecclesia est. Nam Zacharias unum candelabrum vidi septiforme, et has duas olivas (*Zach. iv, 2, 3*), id est, Testamenta infundere oleum candelabro, id est Ecclesiae. Sicut sunt ibidem septem oculi, septiformis gratia Spiritus sancti, qui sunt in Ecclesia, insipientes totam terram. *Et si quis vult eos laedere vel occidere, ignis exiit ex ore eorum, et devorabit inimicos eorum*: id est, si quis Ecclesiam vel laedit vel laedere voluerit, precibus oris ejus divino igne aut in praesenti ad correctionem, aut in futuro sæculo ad damnationem consumetur. *Hi habent potestatem claudere cælum nubibus, ne pluat in diebus prophetarum ipsorum*. Habent, ait; non, Habebunt: hoc ideo dicit, quia tempus quod nunc agitur significavit. Sed et spiritualiter cælum claudetur, ne imbre pluat, id est ne occulto, sed tamen justo judicio Dei super sterilem terram de Ecclesia benedictio descendat. *Et cum finierint testimonium suum, bestia quæ ascendit de abyso, faciet cum eis prælium*. Aperte hac omnia ostendit ante novissimam persecutionem fieri, cum dicit, *cum finierint testimonium suum*: utique illud quod præbent⁴ usque ad revelationem Christi. *Et vincet eos, et occidet: vincet,*

¹ Vss., Ecclesiæ.

² Id cœlitis deest, sedibundus. Habetur in vs. Petrus et Epud Bedam.

³ Primasius, perhibent.

⁴ Kiss., prædicando.

in eis qui succubuerint; occidet, in eis qui confessi Deum fuerint. *Et corpus eorum projicietur in plateis civitatis magnæ*: duorum dicit unum corpus, aliquando corpora, ut et numerum Testamentorum servaret, et Ecclesie unum corpus ostenderet¹. In plateis civitatis magnæ: id est, in medio Ecclesiæ. Et vident de populis et tribibus et linguis corpus eorum, per dies tres et dimidium: id est, annos tres et menses sex. Miscet enim tempus, nunc præsens, nunc futurum: sicut et Dominus dicit, *Veniet hora, in qua omnis qui occiderit vos, arbitretur obsequium se praestare Deo* (*Joan. xvi, 2*). Et nunc est, et veniet. Et corpora eorum non sinuntponi in monumento. Votum corum ad impugnationem dixit: non quo valeant facere ne sit Ecclesia in memoria, sicut et illud, *Nec vos intratis, nec alios sinitis intrare* (*Math. xxiii, 13*); cum multi introierint etiam illis impugnantibus. Sic ergo non sinuntponi in monumento. *Et inhabitantes terram gaudent super eos, et epulantur, et munera invicem mittunt*. Hoc semper factum est, et nunc invicem mittunt, et novissime gaudebunt et epulabuntur; quoties enim justi affliguntur, exsultant injusti, et epulantur. *Quoniam hi duo Prophetæ cruciaverunt eos*: per plagas, quæ pro contemptu Testamentorum Dei humanum genus affligunt. Denique etiam ipse visus justorum gravat injustos, sicut ipsi dicunt, *Gravis est nobis etiam ad videndum* (*Sap. ii, 15*). Gaudebunt autem ubicumque, veluti jam nihil habuerint quod impatienser ferant, disturbatis et occisis justis, et eorum hereditate possessa. *Et post dies tres et dimidium spiritus vita a Deo intravit in illos*. Jam dictum est de diebus. Huc usque angelus futurum narravit, et inducit factum quod futurum audit. *Et steterunt super pedes suos, et timor magnus cecidit super videntes eos*. Et audivi vocem magnam de cœlo dicentem, *Ascendite huc: et ascenderunt in cœlum in nube*. Hoc est quod Apostolus dixit, *Rapiemur in nubibus obviam Christo* (*I Thess. iv, 16*). Ante adventum autem Domini nulli hoc posse contingere scriptum est: *Initium Christus, deinde hi qui sunt Christi in adventu ejus* (*I Cor. xv, 23*). Unde excluditur omnis suspicio quorundam, qui putant hos duos testes duos viros esse, et ante adventum Christi cœlum in nubibus ascendisse. Quomodo autem potuerunt habitantes terram de duorum nece gaudere, cum in una civitate morerentur, et munera invicem mittere, si tres dies sint, qui antequam gaudient de nece, contristabuntur de resurrectione? Aut quales epulae aut voluptas esse potest in plateis epulantium, cadaveribus humanis epulis morbum triduano fetore redditibus? Unde nos Dominus libera-re dignetur. Amen.

NONILA IX.

[Ib. xi et xii.] Quod audivimus, fratres, in lectione que recitata est, quia in illa hora factus est terra motus magnus; in illo terra motu persecutio intelligitur, quam diabolus per malos homines exercere consuevit. *Et decima, inquit, pars civitatis cecidit, et occisa sunt in terra motu nomina virorum septem milia*. Et denarius et septenarius perfectus est numerus: quod si non esset, a parte totum intelligendum erat. Duo sunt enim aedificia in Ecclesia; unum supra petram, aliud supra arenam: quod supra arenam est, dicitur corruiisse. *Et ceteri timuerunt, et dederunt claritatem Deo*. Illi dederunt claritatem, qui supra petram aedificati sunt, et cum illis qui supra arenam erant, cadere non potuerunt. Ideo autem dixit, *timuerunt, quia videntes justus peccatoris interitum, plus accendit in observatione præceptorum*, sicut dicitur, *Et lavabit manus in sanguine peccatoris* (*Psal. lxxvii, 11*). *Et aper-tum est, inquit, templum Dei in cœlo*; id est, in Ecclesia incarnationis Christi mysteria patefacta sunt: unde ostenditur Ecclesia cœlum esse. *Et visa est arca testamenti ejus in templo ejus*: id est, intellectum est Ecclesiam esse arcam testamenti. *Et facta sunt fulgura*

¹ Hic MSS. addunt, quod est illud: *projecisti sermones meos retrorsus*.

et tonitrua et terre motus: hæc omnia sunt virtutes prædicationis et coruscationis et bellorum Ecclesiæ. *Et signum magnum est in cœlo visum, mulier amicta sole, et luna sub pedibus ejus*: Ecclesiam dicit, partem suam, id est, homines factos et malos Christianos sub pedibus habere. *Et in capite ejus corona stellarum duodecim*. Ista duodecim stellæ, duodecim Apostoli intelligi possunt. Sole autem amicta spem resurrectionis significat, propter illud quod scriptum est, *Tunc justi fulgebunt sicut sol in regno Patris eorum* (*Matth. xiii, 43*). *Draco magnus rufus*: diabolus est quærens Ecclesiæ natum devorare. *Habens, inquit, cornua decem et capita septem*: capita reges sunt, cornua vero regna. In septem enim capitibus omnes reges, in decem cornibus omnia regna mundi dicit. *Et cauda ejus trahebat tertiam partem stellarum cœli, et misit eas in terram*: cauda prophetæ iniqui sunt, id est haëretici, qui stellas cœli per iteratum baptismum adhaerentes sibi dejiciunt in terram; ipsi sunt sub pedibus mulieris. Multi, homines illos esse astimant, quos sibi consentientes diabolus fecit sodales: multi, angelos, qui cum illo quando cecidit precipitati sunt. *Parturiens cruciatur ut pariat*: per onne tempus quotidie pari Ecclesia in prosperis et in adversis. *Et draco steti ante mulierem quæ era paritura, ut cum peperisset filium ejus devoraret*: semper enim in cruciatiibus parit Ecclesia, Christum per membra, semper et draco querit devorare nascentem. *Et genuit mulier filium masculum*: id est, Christum. Deinde corpus ejus, id est Ecclesia, semper generat Christi membra. Masculum autem dixit, victorem adversus diabolum. *Et mulier fugit in erenum*: mundum istum non incongrue eremum accipimus, ubi usque in finem Christus Ecclesiæ gubernat et pascit, in quo ipsa Ecclesia superbos et impios homines tanquam scorpiones et viperas, et omnem virtutem satanæ per Christi adjutorium calcat, et conterit. *Et factum est bellum in cœlo*: id est, in Ecclesia. *Michael et Angeli ejus pugnabant cum dracone*: Michaelem, Christum intellige; et Angelos ejus, sanctos homines. *Et draco pugnavit et angeli ejus*: id est, diabolus et homines voluntati ejus obtemperantes. Nam absit ut credamus diabolum cum angelis suis in cœlo ausum esse pugnare, qui in terra unum Job ausus non est tentare, nisi cum a Domino postularet ut laderet. *Et non valuerunt, neque locus eorum inventus est amplius in cœlo*: id est, in hominibus sanctis, qui credentes, semel expulsum diabolum ejusque satellites amplius non recipiunt; sicut Zacharias dixit, ut semel exterminata idola amplius non recipiant locum. *Et expulsus est draco magnus, anguis antiquus qui dicitur diabolus et satanas, et angeli ejus cum eo*: diabolus et spiritus immundi omnes cum suo principe de sanctorum cordibus expulsi sunt in terram, id est, in homines qui terrena sapient, et totam spem suam in terra constituunt. *Et audivi vocem magnam de cœlo dicentem, Modo facta est salus et virtus et regnum Dei nostri*: id est, Ecclesiæ. Ostendit in quo cœlo ista stant. Apud Deum enim semper fuit et virtus et regnum et potestas Filii ejus: sed in Ecclesia dixit per victorianam factam Christi salutem, quam videntes illi de quibus Dominus dixit, *Multi justi et Prophetæ cupierunt ridere quæ videtis* (*Matth. xiii, 17*); dixerunt, *Modo facta est salus Domini nostri*. *Quoniam exclusus est accusator fratrum nostrorum*, etc. Si autem, ut quidam putant, Angelorum vox est in cœlo superiore, et non sanctorum in Ecclesia, non dicent, accusator fratrum nostrorum, sed, accusator noster; nec, accusat, sed, accusabat. Quod si justos in terra positos appellaverunt Angelii fratres suos, non erat gaudium missum esse diabolum in terram, quem molestiorem possint experiri sancti secum in terris positum, quam si, ut dicitur, adhuc esset in cœlo. Sic enim terræ maledictum dicentes, *Vox tibi, terra et mare!* id est, qui cœlum non estis. *Quia descendit ad vos diabolus, habens iram magnam, sciens quia breve tempus habet*. Descendit, inquit, ut allegoriam servaret. Cæterum omnes in cœlo sunt, id est in Ecclesia,

que justæ cœlum dicitur : unde dejectus a sanctis diabolus descendit in suos, qui pro amore terreno terra sunt. Dejici autem de cœlo non sic dixit, quod in hominibus heret jam cœlum factis, sed quod sint, non quod fierent¹. Non enim possunt sancti cœlum fieri, nisi diabolo excluso. Non ergo primo nomine, sed secundo appellavit eos cœlum, in quibus ultra diaboli locus inventus non est. De quo periculo nos Dominus sub sua protectione liberare dignetur, qui vivit, etc.

HOMILIA X.

[Ib. xii et xiii.] Modo, fratres charissimi, audivimus quia cum vidisset draco quod de sanctis exclusus esset in terram, id est de corlo in peccatores, persecutus est mulierem que peperit masculum. Quanto enim diabolus de sanctis dejicitur, tanto magis eos persequitur. *Et date sunt mulieri, id est Ecclesie, duæ aquilæ magnæ, ut volaret in desertum locum suum, ubi alitur per tempus et tempora et dimidium temporis a facie serpentis : tempus, et annus intelligitur et centum anni. Duæ aquilæ magnæ, duo sunt Testamenta Ecclesie quæ accepit, quo serpentem evaderet in eum.* In locum suum dixit, id est, in hoc mundo, ubi serpentes et scorpiones habitant : quia illi dictum est, sicut Dominus dicit, *Ecce ego misso vos sicut oves in medio luporum* (Matth. x, 16); et Ezechiel dicit, *Fili hominis, inter scorpiones tu habitus* (Ezech. ii, 6). *Et misit serpens ex ore suo post mulierem aquam velut flumen.* id est, violentiam persecutorum. *Et adiuvit terra mulierem, et aperuit os suum, et absorbut flumen quod misit draco de ore suo.* Terram sanctam dicit, id est sanctos. Quoties enim persecutiones Ecclesie irrogantur, sanctas terræ precibas, id est omnium sanctorum orationibus aut amboventur, aut temperantur. Nam et Dominus noster Jesus Christus qui interpellat pro nobis, et has persecutions removet, cum ipsa terra sedet a dextris virtutis. Item aliter, mulierem volasse in desertum, ipsam Ecclesiam catholicam intelligit, in qua novissimo tempore sub Elii creditura est Synagoga. Alas duas aquilæ magnæ, duos vult intelligi prophetas, scilicet Elijah, et qui cum eo venturus est. Aqua emissa de ore draconis, exercitum persequentiū eam significat : absorbit aqua, de persecutoribus factam vindictam. *Et iratus est draco in mulierem, et abiit bellum facere cum reliquis de semine ejus :* id est, cum vidisset non posse continuari persecutions, quas per Paganos solebat immittere, eo quod ore sancta terra, id est orationibus sanctis removebant, haereses concitavat. *Et steti super arenam mari :* id est, super multitudinem hereticorum. *Et vidi ascendentem bestiam de mari :* id est, de populo malo. Ascendentem dixit, hoc est nascentem. Sicut flos in bonam partem de radice Jesse ascendit. Bestiam ascendentem de mari, impios dicit, qui sunt corpus diaboli. *Et bestia quam vidi, similis erat pardo, et pedes ejus sicut ursi, et os ejus sicut os leonis :* pardo propter varietatem gentium simulavit, ursus propter militiam et vesaniam, leoni propter virtutem corporis et linguae superbiam. Et quia temporibus Antichristi cum varietate gentium et populorum regnum illius erit commixtum, pedes tanquam ursi, duces ejus ; os ejus, jussio ejus. *Et dedit ei draco virtutem suam :* sicut videmus modo hereticos esse in hoc sæculo potentes, qui habent virtutem diaboli. Sicut quondam Pagani, ita nunc illi vastant Ecclesiam. *Et vidi unum ex capitibus ejus quasi occisum in mortem ; et plaga mortis ejus curata est :* quod dicit quasi occisum, heretici sunt, qui simulant se confitteri Christum : et dum non sic credunt ut fides catholica habet, blasphemant ; cum eum et occisum predicent, et resurrexisse : quia et ipse satanas transfigurat se in angelum lucis (II Cor. xi, 14). Et aliter : occiduntur haereses per Catholicos, cum Scripturarum testimonios opprimuntur, sed illi nihilominus quasi satanae plaga redivivi peragunt opera satanæ, et non cessant blasphemare, et ad

¹ Ms. Petrensis, *sed sibi, non quod fuerint.*

dogma suum quos possunt attrahere. *Et mirata est omnis terra secula bestiam, et adoraverunt draconem qui dedit potestatem bestie :* utique habent potestatem heretici, sed præcipue Ariani. *Et adoraverunt bestiam dicentes, Quis similis bestie ? aut quis poterit pugnare cum ea ?* Illoc ideo quia sibi blandiuntur heretici, quod nullus melius credit illis, et quod nullus vincat populum ipsorum qui bestiae nomine censetur : cui datum est ab ipso diabolo, et a Deo permissum est, ut loquatur magna et blasphemias; sicut dicit Apostolus : *Oportet haereses esse, ut qui probati sunt, manifesti sint in vobis* (I Cor. xi, 19). *Et data est ei potestas facere menses quadraginta duos : tempus novissimum persecutionis in istis quadraginta duabus mensibus intelligimus.* Deinde aperuit os suum in blasphemiam ad Deum : hic manifestum est illos significari qui de Ecclesia recesserunt catholicis ; ut qui ante occulite intra Ecclesiam quasi fidem rectam tenere videbantur, in persecutione aperto ore in Deum proferant blasphemiam. *Et in tabernaculum ejus, et in eos qui in cœlo habitant :* id est, in sanctos qui intra Ecclesiam continentur, quæ cœlum est nuncupata, quia et ipsi tabernaculum Dei sunt. *Et datum est ei bellum facere cum sanctis, et vincere eos :* a toto partem intelligimus, que vinci potest ; non enim boni Christiani, sed illi qui male sunt vincuntur. *Et data est ei potestas super omnem tribum et linguam, et adorabunt eam omnes habitantes terram :* omnes dixit, sed in terra habitantes, non in cœlo. *Quorum non est scriptum nonen in libro vite Agni :* de diabolo dixit vel ejus populo, non est scriptum nomen ejus in libro vite. *Signati (a) ab origine mundi :* quia in presentia Dei Ecclesia ante præordinata est atque signata. Quod ipse præstare, etc.

HOMILIA XI.

[Ib. xiii et xiv.] In lectione que modo recitata est, fratres charissimi, audivimus beatum Joaunem dicente, *Et vidi aliam bestiam ascendentem de terra : quod est mare, hoc terra.* *Et habebat cornua duo similia Agni :* id est, duo Testamenta ad similitudinem Agni, quod est Ecclesia. *Et loquebatur ut draco :* hæc est illa que sub nomine christiano agnum prefert, ut draconis venena latenter infundat ; hæc est heretica Ecclesia. Agni enim similitudinem non imitaretur, siaperte loqueretur : nunc Christianitatem fingit, quo securius incautos decipiatur. Propterea Dominus dicit, *Cavete a pseudoprophetis, etc.* (Matth. vii, 15). *Et facit terram et eos qui in ea sunt ut adorent bestiam priorem, cuius curula est plaga mortis ejus :* et facit signa magna, ita ut ignem facial descendere de cœlo in terram : et quia cœlum Ecclesia est, quid est ignem de cœlo descendere, nisi haereses de Ecclesia cadere ? sicut scriptum est, *Ex nobis exierunt, sed non erant ex nobis* (I Joan. ii, 19). Ignis enim de cœlo descendit quando heretici qui de Ecclesia velut ignis reddunt, ipsam Ecclesiam persequuntur. Bestia ergo cum duobus cornibus, facit ut populus simulacrum bestie, id est diaboli adiunctionem adoret. *Ut dei eis notam super manum eorum dextram, aut super frontem eorum :* mysterium enim disputat facinoris. Sancti enim qui sunt in Ecclesia, Christum accipiunt in manu et in fronte ; hypocritæ autem bestiam sub Christi nomine. Si qui non adoraverunt bestiam, nec imaginem ejus, nec accepterunt inscriptionem¹ in fronte, aut in manu sua, occidentur : non abhorret a fide, ut bestia ipsa impia civitas intelligatur, id est congregatio vel conspiratio omnium impiorum vel superborum, quæ Babyloniam dicitur, et interpretatur Confusio ; et ad ipsam pertinent quicunque res confusione dignas exercere voluerint. Ipse est populus infidelium, contrarius populo fideli et civitati Dei. Imago vero ejus simulatio est, in eis videlicet hominibus, qui velut fidem catholicam profitentur, et infideliter vivunt ; singuli enim se esse quod non sunt, vocanturque non veraci effigie, sed fallaci imagine christiani : de qui-

¹ Ms. Petrensis, *imaginem ejus neque inscriptionem.*

(a) Pro esphagnéou, occisi, legit esphragménou, signati.

bus Apostolus dicit, *Habentes quidem speciem pietatis, virtutem autem ejus abnegantes* (II Tim. iii, 5); quodrum non parva portio in Ecclesia catholica continetur. Justi autem non adorant bestiam, id est, non consentiunt, non subiiciuntur: neque accipiunt inscriptiōnem, notam scilicet criminis, in fronte propter professionem, in manu propter operationem. Sic ergo facient, *Ut nemo possit mercari, nisi qui habet nomen aut notam bestiae, aut numerum nominis ejus. Hic sapientia est. Qui habet intellectum, computet numerum bestie: numerus enim hominis est: id est, Filii hominis Christi, cuius nomen in haereticis sibi fecit bestia. Faciamus ergo numerum quem dixit, ut accepto numero inveniamus nomen et notam. Numerus, inquit, ejus est sexcenti sexdecim*¹. Quem faciamus secundum Grecos maxime quia ad Asiam scribit, *Ego, inquit, & et alii. Sexcenti et sexdecim gratias sic fiant*². Quae notae solitae, numerus est: redactae autem in monogrammum, et notam faciunt, et numerum, et nomen. Hoc signum Christi intelligitur, et ipsius ostenditur similitudo, quam in veritate colit Ecclesia. Cui se similem facit haereticorum adversitas, qui cum Christum spiritualiter persequantur, tamen de signo crucis Christi gloriari videntur. Illoc ideo, quia dictum est, *Numerus bestie numerus hominis est. Et vidi, et ecce Agnus stans in monte Sion, et cum eo centum quadraginta quatuor millia, habentia nomen ejus et nomen Patris ejus scriptum in frontibus eorum. Aperuit quae sit initatio nocte in frontibus, dum et Deum et Christum dicit scriptos in frontibus Ecclesiae. Et audivi vocem de celo sicut aquarum multarum: id est, centum quadraginta quatuor millium. Et sicut tonitru magni: et vocem quam audiri sicut citharædorum citharizantium in citharis suis. Quod autem dixit, *Hic sunt qui se cum mulieribus non coquinaverunt, etc.*, virgines hoc loco non solum corpore castos intelligamus, sed maxime omnem Ecclesiam, quae fidem puram tenet, sicut dicit Apostolus, *Sponsavi enim vos uni viro, virginem castam exhibere Christo* (II Cor. xi, 2): nulla adulterina haereticorum commixtione pollutam, nec in male blandis et mortiferis hujus mundi voluptatibus usque ad exitum vitae sue absque remedio penitentiae infeli perseverantia colligatam. Addit post hoc dicens: *Et in ore ipsorum non est inventum mendacium. Non dixit, non fuit; sed, non est inventum.* Qualem enim invenit Dominus cum hinc evocat, talem et judicat: nam aut per Baptismum, aut per poenitentiam possumus in interiori homine et virgines effici et sine mendacio. Nunc iterum recapitulam. *Et vidi, inquit, alium angelum volantem in medio caeli: id est, prædicationem in medio Ecclesiae disserente. Habentem Evangelium aeternum; ut evangelizaret habitantibus in terra, dicens: Timete Dominum, etc.* Volunt aliqui intelligi angelum volantem in medio caeli Eliam; et alium angelum qui eum sequitur, comitem Eliae, qui eo tempore predicabit. *Et alius angelus secutus est: id est, facis futuræ predicationis. Dicens, Cecidit, cecidit Baby'on illa magna: Babylonem civitatem impiam, sicut jana supra dictum est, diaboli congregationem dicit, id est, populum ipsi consentientem: et onnem concupiscentiam et corruptelam, quam in perniciem sui et humani generis exquirit. Nam sicut Ecclesia civitas Dei est et omnis conversatio celestis: ita et contrario civitas est diaboli Babylon in omni mundo, sicut dicit Dominus, *Ecce ponam Jerusalem lapidem concubabilem in omnibus gentibus* (Zach. xii, 3). Ecclesia ergo dicit, *Cecidit, cecidit Babylon illa magna.* Jam quasi perfectum dicit, quod adhuc futurum erat: sicut illud, *Diviserunt sibi vestimenta mea* (Psal. xxi, 19). Quæ a vino iræ fornicationis sue potavit omnes gentes: omnes gentes, civitas est mundi, id est omnes superbi et impii, sive extra Ecclesiam, sive in Ecclesia constituti. *Et vidi, et ecce nubem candidam, et super nubem sedentem Filium hominis, id est, Christum. Ecclesiam enim describit in claritate sua præ-***

cipue post persecutionum flamas albentem. *Habentem in capite suo coronam auream: ipsi sunt seniores cum coronis aureis. Et in manu sua falcem acutam: ista falx separat Catholicos ab haereticis, sanctos a peccatoribus, sicut dicit Dominus de messoribus. Si autem potandum est quod ipse specialiter Christus visus est in nube alba messor; quis est vindemiat, nisi idem, sed in suo corpore quod est Ecclesia? Forte non male sentitur, si istos tres angelos qui exierint, triformem intellectum Scripturarum intelligentiam, juxta historiam, moralam, et spiritualem: falcem vero discrepationem. Et misit in torcular iræ Dei magnum: non in torcular magnum; sed ipsum misit in torcular, id est superbum quenque. Et calcatum est torcular extra civitatem: id est, extra Ecclesiam. Facta enim dissensione, foris exit omnis homo peccati. Calatio autem torcularis, retributio est peccatorum. Et exiit sanguis de torculari usque ad frenos equorum: exiit ultio usque ad rectores populorum. Usque enim diabolum et angelos ejus novissimo certamine exiit ultio sanguinis effusus. Per stadia mille sexcenta: id est, per omnes quatuor partes mundi, Quaternitas enim est conquaternata, sicut est in quatuor faciebus quadriformibus et totis. Quater enim quadrangenti sunt mille sexcenti¹.*

HOMILIA XII.

[Ib. xv et xvi.] In lectione quæ recitata est, fratres charissimi, dixit se sanctus Joannes vidiisse aliud signum in celo magnum et mirabile: angelos septem: id est, Ecclesiam. *Habentes plagas septem novissimus, quoniam in his finita est ira Dei: novissimas dixit, quia semper ira Dei percutit populum contumaceum septem plagiis, id est, perfecte; sicut ipse Deus in Levitico frequenter repetit, *Et percutiam vos septies, propter peccata restra* (Levit. xxvi, 24). *Et vidi sicut mare vitreum: id est, fontem Baptismi pellucidum. Mixtum igne: id est, spiritu vel tentatione. Et victores bestie super mare vitreum: id est, in Baptismo. Habentes citharas Dei: id est, corda laudantium Deo dedicata. Et cantantes canticum Moysi servi Dei, et canticum Agni: id est, utrumque Testamentum. Magna et mirabilia opera tua sunt: hæc enim in utroque Testamento sunt, quod cantant supradicti. Repetit quod proposuerat dicens: Post hæc vidi, et ecce apertum est templum tabernaculi testimoniorum in celo. Templum Ecclesiam jam diximus sentiendam, angelum qui exiit de templo et jussit sedenti super nubem, imperium Domini esse, dictum est. Jussionis enim exitus est, sicut evangelista dicit, *Exiit edictum a Cæsare Augusto* (Luc. ii, 1). *Induti lino mundo et splendido, et cincti super pectora sua zonas aureas: manifeste ostendit in septem angelis Ecclesiam.* Sic enim initium descripsit de Christo: *Habentem, inquit, zonam auream super ubera.* Et unum ex quatuor animalibus dedit septem angelis septem phialas aureas, plenas de ira Dei (Apoc. 1, 13): istæ sunt phialæ quas cum odore ferunt seniores et animalia, quæ sunt Ecclesia; qui et septem angelii. Et quod sunt odoramenta, hoc ira Dei, hoc et verbum Dei. Sed et hæc omnia dant bonis vitam, malis inferunt mortem: ut est illud, *Aliis odor vita in vitam, aliis odor mortis in mortem* (II Cor. ii, 16). Orationes enim sanctorum, qui est ignis exiens de ore testium, ira sunt mundo et impiis. Hoc ideo, quia superbis et impiis non sufficit, quod eos qui sancti sunt, nec diligunt, nec imitantur, veruni etiam ubicumque potuerint perseguuntur. Omnes istæ plagiæ spirituales sunt, et in anima sunt. Nam ipso tempore illæsus erit omnis populus impius ab omni plaga corporis; quia non meretur in praesenti sæculo flagellari, quasi qui acceperit totam saevitatem potestatem: sed spiritualiter, id est, voluntaria et mortalitia peccata, quæ sunt ulceræ in animabus suis, patiuntur onnes impii et superbi. *Secundus fudit phalam suam in mare, et reliqua. Mare, flumina, fontes aquarum, sol, thronus bestie, fluvius Euphrates,***

¹ Sic Ms. At editi, sexcenti sexaginta sex.

² In Ms. Petrensi, sub cugis protectione nos dominus liberare dignetur.

aer, super quæ angelii fuderint phialas, terra est et homines : quia omnibus angelis in terram fundere mandatum est. Omnes autem plaga istæ a contrario intelligendæ sunt : plaga est enim insanabilis, et ira magna, accipere potestate in peccandi, maxime in sanctos, nec coripi ; adhuc major ira Dei, et errorum fomenta subministrari injustitiae. Hæc plaga iræ Dei, hæc vulnera, transpungi et gaudere et placere sibi unumquemque in peccatis. Sic prosperitas malorum, ulcera sunt animarum : et adversitas iustorum, æternorum sunt pretia ⁴ gaudiorum. In tertio vero angelo et aquarum conversione in sanguinem, omnes angelos populorum intellige, id est, infirmiores ⁵ homines in animo cruentos. Quartus angelus effudit phialum suam super solem, et usi sunt homines unctione magna : hoc futurum est adhuc in igne gehennæ. Nam diabolus in præsenti cum in anima occidat amatores suos, non solum non urit in corpore, sed quantum permittitur clarificat : quam claritatem et letitiam Spiritus sanctus plagas definivit et dolores. Et blasphemaverunt nomen Dei habentis potestatem in his plagiæ, nec egerunt pœnitentiam. Quia non in corpore, sed in animo percutiuntur plagiæ istæ a Deo : ideo nec Domini recordantur, sed in pejus proficiunt; et propterea blasphemant, persequentes sanctos ejus. Quintus effudit phialum suam super sedem bestiarum, et factum est regnum ejus tenebrosum : thronus bestiarum, Ecclesia ipsius est, id est congregatio superborum, quæ hujusmodi plagiæ obcæcatur. Comedebant linguas suas a doloribus suis : id est, sibi nocebant blasphemantes ex ira Dei, qui transpuncti gaudia existimabant. Et pœnitentiam non egerunt : utique obdurate letitia. Et sextus angelus effudit phialum suam super flumen magnum illud Euphratem : id est super populum. Et siccata est aqua ejus : sicut supra dixit, aruit missis terra, id est, ad combustionem parata est. Ut præparetur via eorum qui sunt ab ortu solis : id est, Christo : his enim perfectis justi, proficiscuntur obviam Christo.

HOMILIA XIII.

[lb. xvi et xvii.] Sanctus Joannes, fratres charissimi, dum de septem angelorum phialis vel plagiæ loqueretur, solito more prætermisso septimo angelō recapitulat ab origine breviter dicens : *Et vidi ex ore draconis, et ex ore bestiarum, et ex ore pseudopropheta spiritus tres inmundos in modum ranarum. Unum spiritum vidit, sed pro numero et portione ⁶ unus corporis. Draco, id est diabolus : nam et bestia, id est corpus diaboli, et pseudopropheta, id est præpositi corporis diaboli, unus spiritus est, quasi ranæ. Sunt enim spiritus daemoniorum facientes signa. Ranæ namque præter horrorem proprium, etiam in loco inmundo sunt ⁷. Quæ cum aquarum incoleat et indigenæ videantur, non solum aquarum refuge et sic citatis impatiens sunt, sed etiam in ipsis aquis, in aquæ sordibus et cœno voluntantur. Sic hypocrite non in aqua, ut putantur, degnunt ; sed in sordibus, quas credentes in aqua deponunt. Ranis sunt similes etiam homines, qui in peccatis vel criminibus, quæ alii per pœnitentiam vel Baptismum deponunt, voluntari non erubescunt. Quando enim aliquis se convertit ad Deum, et pœnitet fuisse superbun, adulterum, ebriosum vel cupidum, qui ista peccata quæ alius confitendo relinquunt, imitatur cogitans apud se et dicens, Facio quod volo, et postea quomodo iste agit pœnitentiam, et ego ago ; et subito dum ei supervenit ultimus dies, perit confessio, et restat damnatio : iste qui talis est, dum alios non ad bonum, sed ad malum vult imitari, in luto, unde alius liberatus est, velut rana involvitur, et voluntatur. Ranæ ergo significant spiritus daemoniorum facientes signa. Qui exirent ad reges totius orbis congregare eos ad bellum*

¹ MSS., præmia.² MSS., interioræ.³ MS. unus, participatione Alius, partitione.⁴ MSS., proprio etiam loco inmundas sunt.

*die magni Domini. Diem magnum totum tempus dicit a passione Domini. Sed pro locis accipiens est dies : aliquando diem judicii dicit, aliquando novissimam persecutionem, quæ sub Antichristo futura est, aliquando totum tempus, sicut per Amos prophetam : *Væ, inquit, eis qui concupiscunt diem Domini ! Et utquid vobis dies Domini* ¹ (*Amos. v. 18*) ? et reliqua quæ ibi sequuntur. Omnia haec in hac sunt vita his dies quibus Domini tenebræ sunt : qui concupiscunt diem Domini, id est qui in hoc sæculo delectantur, quibus suave est, qui in eo voluptati et luxuriae servientes luca percipiunt, qui existimant questum esse religionis, quibus dicitur, *Væ vobis qui saturati estis* (*Luc. vi. 25*) ! non illi quibus dicitur, *Beati qui lugent* (*Matth. v. 5*). Recapitulat iterum ab eadem persecutione dicens : *Et facta sunt fulgura et tonitrua, et terræ motus factus est magnus, qualis non est factus ex quo homines facti sunt ; et facta est illa civitas magna in tres partes. Hæc civitas magna, omnis omnino populus intelligitur qui est sub cœlo, qui sicut in tres partes cum Ecclesia divisa fuerit, ut sint Gentiles una pars, haeretici et sciti Catholici altera, Ecclesia catholica tertia. Sequitur enim, et ostendit quæ sint tres partes, dicens : Civitates gentium ceciderunt, et Babylon illa magna in mentem venit Deo dare ei poculum vini iræ sue, et omnis insula fugit, et montes inventi non sunt. Civitates gentium gentes sunt, Babylon abominatio vastationis, montes et insulæ Ecclesia est ; in civitatibus gentium omne munimen et spem dicit gentium cecidisse. Non enim diversas ² habent a Christianis, sed civitates bona atque male in hominibus describuntur. Tunc ergo Babylon cecidit aut iram Dei bibit, cum potestaten accepit adversus Jerusalem, quæ est Ecclesia. Insulae inventæ non sunt : id est, non sunt superate. Et grande magna quasi talentum descendit de cœlo super homines : grandinem iram Dei dicit. Omnes plagiæ istas figuræ esse dicit plagarum spiritualium. Et blasphemaverunt homines Deum ex plaga grandinis, quoniam magna est plaga ejus nimis. Recapitulat iterum dicens : *Et venit unus ex septem angelis, et dixit mihi, Veni, ostendam tibi damnationem meretricis magnæ, sedentis super aquas multas, cum qua fornicati sunt reges terræ, id est, omnes terrigenæ. Et tulit me in eremo in spiritu, et vidi mulierem sedentem super bestiam. In bestia omnis populus malus intelligitur ; in muliere corruptela monstratur : in eremo mulierem sedere dicit, eo quod in impiis, in anima mortuis et a Deo desertis scdeat : in spiritu, dixit ; quia non nisi in spiritu videri potest hujusmodi desertio. Pretiose ornata m̄ dixit, propter ornamenta luxurie. Nam bestiam super quam sedet, sicut jam dictum est, populum esse dicit, quæ sunt aquæ multæ, sicut ipse exponit : Aquam quam vides, ubi mulier sedet, populi et turbæ sunt, et gentes et linguae. Corruptelam dicit sedere super populos in eremo. Meretrix, bestia, eremus unus sunt. Bestia, ut jam dictum est, corpus est adversus Agnum, in quo corpore nunc diabolus, nunc caput velut occisum, quod significat haereticos, qui velut de morte Christi gloriari videntur, non solus superborum populus accipiens est : quod totum Babylon est. In tribus spiritibus, qui ex ore draconis velut ranæ procedebant : in uno intelligitur diabolus ; in alio, pseudoprophe vel prepositi haereticorum ; in tertio, corpus diaboli, id est omnes sciti, superbi, vel impii Christiani, quorum maximus numerus in Ecclesia continetur. Denique qui tales sunt, ad similitudinem ranarum, in omni inmunditia et luxurie sordibus voluntantur. Ranis etiam similes sunt homines, qui in peccatis vel criminibus, quæ alii per pœnitentiam vel Baptismum deponunt, voluntari non erubescunt, dicentes sibi, Ad præsens impleto voluntates meas ; postea, quomodo isti conversi sunt,***

¹ Sic vetus codex Petrensis. At editi : *Et utquid vobis diem persecutionis ? Et facta sunt fulgura, etc., omissis sex versibus.*² MSS., divisæ.

et ego convertar ad Deum. Et subito superveniente morte perit confessio, restat damnatio. Quod dicit, congregando homines ad diem magnum; diem magnum dicit totum tempus a Domini passione usque ad finem mundi. Iste enim dies quibus suavis est, et qui in eo voluptati et luxuriae servientes luera requirunt, in magnam miseriam convertuntur, quia impleendum est in eis illud propheticum, *Væ desiderantibus diem Domini!* Per falsam enim et transitoriam dulcedinem preparant sibi eternam amaritudinem. Potest hoc loro dies magnus intelligi illa desolatio, quando a Tito et Vespasiano obsessa est Jerosolyma, ubi exceptis his qui in captivitate ducti sunt, quindecies¹ centena millia mortua referuntur. Quod autem dicit, *Congregavit illos in loco Herma gedon*², omnes inimicos Ecclesie intelligi voluit. Denique sequitur, et dicit, *Circumdederunt custra sanctorum et civitatem sanctam dilectam* (Apoc. xx, 8): id est, Ecclesiam. Quod autem facta sunt tonitrua, et terra motus factus est agnus, et facta est civitas magna in tres partes; civitas magna, omnis omni populus intelligitur, ubi una pars Paganorum, alia hereticorum, tertia Christianorum, in qua sunt etiam hypocritae. Cum ex ista tercia parte separari fuerint boni, tunc illi qui sunt in Ecclesia fleti, illis duabus partibus juncti accipiunt judicium Dei: quod etiam in hoc tempore jam ex aliqua parte completur. Tunc enim Babylon eadit, quando potestem accipiunt mali, ut persequantur bonos qui sunt Ecclesia. Quod autem grande magna sicut talentum descendit de celo, in grandine ira Dei intelligitur: que etiam antequam dies judicij veniat, super impios et superbos spiritualiter intus in anima mititur. Mulierem meretricem, quam vidi in spiritu super bestiam sedentem in eremo; ideo dicit in eremo, quia in impiis, id est, in anima mortuis sedeat et a beo desertis. In Spiritu dicit, quia non nisi spiritualiter videri potest hujusmodi desertio, quae intus in anima sit. Meretrix, bestia, eremus unum sunt, quod totum Babyloniam intelligitur. Bestia, ut jam dictum est, corpus est impiorum adversus Agnum: in quo corpore nunc diabolus, nunc caput velut occisui, quod significat persidiam hereticorum, qui velut de morte Christi gloriari videntur, cum tamen Christi Ecclesiam jungiter persequantur. Et quia non solum heretici vel Pagani, sed etiam Catholici mali, id est superbii et impiorum eos quos in Ecclesia mansuetos et humiles viderint, persequuntur; quantum possumus, Dei misericordiam deprecemur, ut et illos de tam malis actibus ad bonum corrigat, et nobis in bonis operibus felicem perseverantiam pro sua pietate concedat, qui cum Patre et Spiritu sancto vivit et regnat, etc.

HOMILIA XIV.

[lb. xvii.] Modo cum divina lectio legeretur, fratres charissimi, audivimus beatum Joannem dixisse quia viderit mulierem sedentem super bestiam coccineam: id est, peccatricem, cruentam. Plenam nominibus blasphemias: ostendit multa nomina esse in bestia, id est in populo impio, ut iam diximus. *Habentem capita septem, et cornua decem*: id est, mundi reges et regnum, cum quibus diabolus visus est in celo. *Et mulier*, id est, omnis multitudo superborum, erat circumdata purpura, et coco, et ornata auro et lapide pretioso: id est, omnibus illecebris simulatae veritatis. Quid sit denique intra hauc pulchritudinem, sic exponit, dicens: *Et habens poculum aureum in manu sua, plenum abominationum et immunditiarum fornicationis ejus*. Aurum immunditiarum hypocrisy est; qui a foris quidem parent hominibus quasi justi, intus autem sunt pleni omni immunditia (Math. xxiii, 28). *Et in fronte ejus nomen scriptum*, Mysterium, Babylon magna, mater fornicationum et abominationum terrae: nulla est superstitionis, que fronti det signum, nisi hypocrisy. Spiritus autem retulit³ quid sit scriptum in

¹ MSS., undecies.

² MSS., Magedon.

³ Editio, non ret. lit. Abest, non, a ss.

PATROL. XXXV.

fronte. Nam quis talen titem aperte imponat? Mysterium enim dixit esse, quod interpretatus est dicens, *Et vidi mulierem ebriam de sanguine sanctorum et martyrum Jesu*. Unum est enim corpus, quod adversatur Ecclesia intus ac foris; id est, in Ecclesia fleti Christiani, et extra Ecclesiam heretici vel Pagani. Quod licet corpus videatur loco separatum, in persecutione tamen Ecclesia unitatem spiritus operatur. Impossibile est enim Prophetam perire praeter Jerusalem interficiendum Prophetas (Luc. xiii, 33, 34); id est, non potest fieri ut Christiani boni sine Christianis malis persecutionem aliquam patientur. Sic nepotes¹ proavorum consensu, Zachariae lapidasse accusantur (Math. xxiii, 35), cum ipsi non fecerint. *Et bestia fuit et non est, et futura est, et ascensura de abysso, et in perditionem iræ Dei ibit*: id est, ex populo nasceretur, ut possit dicere, Bestia ex bestia, abyssus ex abysso. Quid est bestia ex bestia, et abyssus ex abysso, nisi populus malus nascens ex populo malo? Hoc sit dum filii mali parentes pessimos imitantur. Et ascendit superstes, et in perditionem vadit, sicut et patres sui, ex quibus ascendit. Et jam nunc sunt, quia alii morientibus alii succedunt eis. Et sic numquam desunt, seu in paucis seu in multis, sen occulte sive quasi aperte, qui non ab initio semper insidentur Ecclesie. Quod autem dicit, mulierem sedentem super bestiam coccineam; peccatricem et cruentam plebem intelligi voluit. Quod autem dicit, circumdatam purpura et coco, et ornata auro et lapide pretioso; ostendit superborum et impiorum hominum plebem omnibus illecebris simulatae veritatis repletam. Quod autem poculum aureum habebat in manu sua plenum abominationum et immunditiarum fornicationis ejus; hypocritæ et fleti Christiani intelliguntur, qui a foris quidem parent quasi justi, intus autem pleni sunt omni immunditia. Quod autem, in fronte habebat scriptum, *Babylon mater fornicationum*; nulla est superstitionis que fronti det signum, nisi hypocrisy, id est, singunt se bonus cum sint mali. Quod autem dixit, ebriam esse mulierem sanguine sanctorum et martyrum Jesu; unum corpus malorum intelligi voluit, quod semper adversatur Ecclesia intus et foris: quia et in Ecclesia sunt fleti Christiani, et extra Ecclesiam heretici vel Pagani. Et flet interdum corpore separantur, uno tamen animo in Ecclesia persecutione junguntur. Quod autem dicit, *Bestia fuit, et non est, et futura est, et ascensura de abysso*; hoc intelligitur, quod ex populo malo nascatur populus malus, ut possit dici, Bestia ex bestia, abyssus ex abysso. Quid est bestia ex bestia, nisi populus malus nascens ex populo malo? Hoc sit dum filii mali parentes pessimos imitantur: ac sic dum alii morientibus alii succedunt, nunquam desunt sive in paucis, sive in multis, seu occulta, seu aperte, qui non ab initio semper insidentur Ecclesie. De quorum consortio quia corpore non possumus separari in hoc saeculo, gremius Dei misericordiam, ut sic moribus separaremur, ne cum illis aeterno supplicio pereamus: sed magis cum illi audierint, *Dicde te a me, maledicti, in ignem aeternum*; nos audire mereamur, *Venite, benedicti Patris mei, percipite regnum* (Id. xxv, 41, 34); prastante Domino nostro Iesu Christo. Amen.

HOMILIA XV.

[lb. xvii et xviii.] In lecture que recitata est, fratres charissimi, reges illos quos dixit quod persequuntur Iesusalem, populi mali sunt, qui persequuntur Ecclesiam Dei: qui quasi reges appellantur, quia velut in somnis reguant. Omnis enim malus qui persequitur bonum, velut in somnis hoc facit: quia malorum omnium persecutio non permanebit, sed velut somnum evanescet, sicut Isaia ait, *Erunt velut somnians in somno divitiae omnium gentium* (Isai. xxix, 7). *Hi unam sententiam habent*: id est, uno animo persequuntur bonos. Ideo dicit, *habent*; et non habebunt: quia persecutio malorum non solum ad-

¹ MSS., prone, et c.

Soixante-dix-sept.)

veniente die judicii erit, sed etiam in presenti non desinit. *Et virtutem et majestatem suam diabolo dabunt:* hoc ideo dicit, quia homines impii, ipsi videntur dare virtutem, quo instigante faciunt mala. *Hi cum Agno pugnant:* id est, usque in finem, donec sancti regnum omnime percipient, Ecclesie adversantur. *Et Agnus vincet eos:* id est, utique, quia non permittit illos Deus tentari supra id quod possunt. Ideo dicit, *Et Agnus vincet eos, quoniam Dominus dominorum est, et rex regum;* et qui cum eo, vocati et electi et fideles: id est, Ecclesia. Propterea autem dixit, vocati et electi, quia non omnes vocati sunt et electi: sicut Dominus ait, *Multi vocati, pauci autem electi* (*Matth. xx, 16*). *Et dixi mihi angelus:* Vides aquas ubi mulier sedet, haec et populus et turbæ sunt, et gentes et linguae: et decem cornua que ridisti, hi odio habent meretricem: id est, mulierem illam. Meretrix est enim vita luxuriosa, que rapinis et voluptatibus agitur. Ideo dixit quod odio habeant meretricem, quia homines luxuriosi, superbi, cupidi et elati, non solum sanctos persequuntur; sed etiam scipios odio habent. Et alio modo seipso odio habent, in quibus impletur quod scriptum est, *Qui diligit iniquitatem, odit animam suam* (*Psalm. x, 6*). *Et desertum eam facient et nudam.* Ipsi enim per iram Dei et justum judicium quo deseruntur ab eo, desertum faciunt mundum; dum ei dediti sunt et injuste utuntur. *Et carnes ejus edent.* Hoc ideo, quia se invicem secundum Apostolum mordent et comedunt (*Galat. v, 15*). Et propterea adjecti causam dicens, *Deus enim dedit in corda eorum facere sententiam ejus:* id est, excitavit plagas, quas mundo jure meritoque irrogare decrevit. *Et dabunt regnum suum bestiæ, usque dum finiantur dicta Dei:* id est, homines mali diabolo obtemperant, donec impleantur Scripturæ, et veniat dies judicii. Post hæc sequitur, *Mulier quam vidisti, est civitas magna, quæ habet regnum super reges terræ:* id est, omnes mali et impii. Sic et de Ecclesia dictum est, *Veni, ostendam tibi nullum Agni:* et ostendit nulli civitatem descendenter de cœlo (*Apoc. xxi, 9, 10*). Postea vidi aliud angelum descendente de cœlo, habentem flosculam magnam: et terra illuminata est ad claritatem ejus. *Et clamavit in fortitudine,* dicens: *Cecidit, cecidit Babylon illa magna, et facta est habitaculum demoniorum, et custodia omnis avis immunda et inquinata.* Numquid unius civitatis ruina potest omnes spiritus immundos expere, aut omnino avem immundam; aut eo tempore quo civitas ipsa ceciderit, totus mundus deseretur spiritibus et avibus immundis, et in unius civitatis ruina habitabunt? Nulla est civitas quæ omnem animam capiat immundam, nisi civitas diaboli, in qua omnis immunditia in hominibus malis, per totum orbem commoratur. Reges quos dixit quod persequantur Jerusalem, homines mali sunt, qui persequantur Ecclesiam Dei: qui vivit et regnat, etc.

HOMILIA XVI.

[lb. xviii-xx.] Quoties Babyloniam nominari auditis, nolite civitatem de lapidibus factam intelligere; quia *Babylonia Confusio* interpretatur: sed homines superbos, raptiores, luxuriosos et impios in malis suis perseverantes ipsius nomen significare cognoscite: sicut et contrario quoties nomen *Jerusalem* audieritis, quæ *Visio pacis* dicitur, homines sanctos ad Deum pertinentes intelligite. Nam quia *Babylonia* malorum hominum imaginem gerit, ideo de eis in sequentibus di it, *Quoniam ex vino iræ fornicationis ejus biberunt omnes gentes, et reges terræ qui cum ea fornicati sunt:* id est, cum invicem. Non enim cum una meretrice omnes reges fornicari possunt; sed dum se luxuriosi, qui sunt meretricis membra, invicem corrumpunt, cum meretrice, id est luxuriosa conversatione fornicari dicuntur. Post hæc sequitur, dicens: *Et omnes mercatores terræ ex virtute luxuriae ejus dirites facti sunt.* Hoc loco divites peccatis dicit; nam nimetas luxuriae pauperes potius quam divites facit. *Et audi vi, inquit, aliam vocem de cœlo dicentem:* *Exite de ea, populus meus, ne communicetis peccatis*

ejus; et plagi ejus ne lædamini. Hoc loco demonstrat *Babyloniam* in duas partes esse divisam: quia dum aspirante Deo convertuntur mali ad bonum, *Babylonia* dividitur; et pars illa quæ ab illa discesserit efficietur *Jerusalem*. Quotidie enim de *Babylonia* transferuntur ad *Jerusalem*, et de *Jerusalem* seducuntur ad *Babyloniam*; dum et mali convertuntur ad bonum, et qui videbantur in hypocrisi boui, manifestantur publice mali. Denique bouis ita etiam per *Isaiam* Scriptura dicit, *Exite de medio eorum, et immundum nolite tangere: exite de medio eorum, et separamini, qui fertis vasa Domini* (*Isai. lvi, 44*). Hujus separationis Apostolus meminit, dicens: *Firmum enim fundamentum Dei manet; et cognovit Dominus qui sunt ejus, et discidat ab iniunctis omnis qui nominat nomen Domini* (*II Tim. ii, 19*). *Ne communicetis, inquit, peccatis ejus, et plagi ejus ne lædamini.* Cum scriptum sit, *Quicumque morte occupatus fuerit justus, in refrigerio erit* (*Sap. iv, 7*); quomodo participes delicti esse potest justus, quem cum impio civitatis casus abstulerit? Nisi forte quando de civitate diaboli, id est, de conversatione luxuriosa et impia exēunt boni, si aliquis ex illis remanere et delectari voluptatibus *Babylonie* voluerit; hoc si fecerit, sine dubio plaga ejus participes erit. Quod autem toties dixit, *Exite, nolite hoc corporaliter, sed spiritualiter intelligere.* De medio *Babylonie* exitur, quando conversatio mala deseritur. Nam et in una domo et in una Ecclesia et in una civitate simul sunt *Babylonii* cum *Jerusalemitanis*: et tamen quādū nec boni consentiunt malis, nec mali convertuntur ad bonos, et in bonis *Jerusalem*, et in malis *Babylonia* esse cognoscitur. Similiter habitant corpore, sed longe divisi sunt corde: quia malorum conversatio semper in terris est, quia terram diligunt, et omnem spem suam et totam intentionem animi sui in terra constituant; bonorum vero mens secundum Apostolum semper in cœlis est, quia quæ sursum sunt sapient (*Coloss. iii, 2*). *Exite, inquit, de ea, populus meus,* id est, de *Babylonia*: *ne communicetis peccatis ejus, et plagi ejus ne lædamini.* *Quoniam ascenderunt peccata ejus usque ad cœlum,* et recordans est Deus iniunctum ejus. *Riddite ei sicut ei ipsa reddit vobis, et duplicate dupla secundum opera ejus:* in quo poculo miscuit, miscete illi duplum: quoniam se clarificavit et indelicavit, tantum date ei cruciatum, et luctum poculum suum¹. *Hæc omnia Christianis bonis,* id est, Ecclesia dicit Deus: de Ecclesia enim exēunt in mundum plagiæ visibles et invisibles. *Quoniam in corde suo dicit Babylonia,* id est, plebs omnium malorum vel superborum, *Sedeo regina, et vidua non sum,* et luctum non videbo. Propterea in una die venient plagiæ ejus mors et luctus et famæ; et igne concrevabitur. Si una die morietur, et concrevabitur, quis super istis lugebit mortuum, aut famæ quanta esse potest unius diei? Sed diem dixit breve tempus vita presentis, quo et spiritualiter et carnaliter affliguntur: nam super omnes superbos et voluptatibus deditos, majoris plagiæ in anima veniunt, quæ in corpore. Tunc enim majori plagiæ percutiuntur, quando de suis se iniunctis extollentes, ita justo Dei judicio malum agere permittuntur, ut inter filios Dei flagellari non mereantur, sed impletur in eis illud quod scriptum est: *In laboribus hominum non sunt, et cum hominibus non flagellabuntur;* ideo tenuit eos superbia eorum (*Psalm. lxxii, 5, 6*). *Quoniam fortis Dominus Deus, qui judicabit eam².* Et flent et plangent se super eam reges terræ, qui cum ea fornicati sunt. Qui reges plangent eversam, si eam reges evertent? Sed quod est civitas, hoc et reges, qui eam plangent. Non luxuria malum quia cum ea peccant, agendo pœnitentiam plangunt; sed quia prosperitatem sacculi, per quam suis voluptatibus servabant, perire cognoscunt: vel quia cessare incipiunt in eis ea, quæ per luxuriam ante placebant, luxuriosi invicem consumentur, tan-

¹ Sic Ms. Petrensis. At editi, populo suo.² Ms. Petrensis, judicavit eam.

quam sumus instantis gehennæ , a longe stantes propter metum pœnæ ejus : a longe stantes non corpore, sed animo , dum unusquisque sibi timet, quod alterum per calumnias et per superborum potentiam pati videt. *Dicentes, Væ, vœ, cœritas magna Babylon, civitas fortis, quoniam una hora venit damnatio tua!* Spiritus dicit nomen civitatis : verum illi mundum plangunt, exiguo admodum tempore pena intercepunt, omninem industriam labefactam cessisse. *Et equorum et rhedarum et porcorum¹ mercatores qui diutini sunt ab ea, longe stabunt flentes et dicentes, Væ, sæ, civitas magna!* Ubicumque spiritus ditatos dicit ab ea, peccatorum divitias significat. *Induta byssino, et purpura, et cocco, et ornatauro et lapide pretioso ac marguritis.* Numquid omnis gubernator et nautæ quotquot operantur mare, adesse potuerunt ut videarent incendium unius civitatis ? Sed omnes sæculi amatores et operarios iniuitatis dicit timere sibi, videntes spei sue ruinam. Post hac ait, *Et vidi bestiam et reges terræ et exercitus eorum: in bestia diabolum significat; in regibus terræ et in exercitu, omnem populum ejus. Congregatum facere bellum cum sedente s: per equum², et cum exercitu ejus, id est cum Christo et Ecclesia. Et vidi alium angelum descendentem de cœlo : Dominum Christum dicit in primo adventu. Hæc entem clavem abyssi : id est, potestatem populi; abyssum enim populatum malum vult intelligi. Et catenam magnam in manu sua : hoc est, potestatem dedit Deus in manu ejus. Et tenuit draconem, anguem antiquum, qui est diabolus et sa'anas (a), ei ligavit eum annos mille : primo utique adventu, sicut ut ipse dicit, *Quis potest introire in domum fortis et vasa ejus diripere* (Matth. xii, 29), nisi prius alligaverit fortem? Cum enim excludit diabolum de populo credentium, mittit eum in abyssum, id est, in populum malum : quod et invisiibiliter ostendit, cum eos de hominibus ejiciens in porcos, qui in abyssum mergendi erant, ire permituit; quæ res maxime in hæreticis adimpletur.*

HOMILIA XVII.

[lb. xviii-xx.] Ea que de lectione Apocalypsis nunc audivit Charitas vœtra, secundum vestram consuetudinem animo attento suscipite. Dixit enim beatus Joannes evangelista se vidiisse cœlum aperatum, *Et ecce equus albus, et sessor ejus vocatur Fidelis et Verus, et oculi ejus ut flamma ignis, et super caput ejus erant diademata multa: in illo enim est multitudo coronatorum. Habens nomen scriptum, quod nemo scit nisi ipse: ipse utique et que in illo est omnis Ecclesia. Et circumdatus est veste sparsa sanguine: vestimentum Christi Ecclesia est quam induit; haec est passionum sanguine variata. Et dicitur nomen ejus Sermo Dci. Exercitus qui sunt in cœlo sequebantur eum in equis albis: id est, Ecclesia in corporibus candidis imitatur eum, sicut supra dictum est, *Hi sunt qui sequuntur Agnum, quounque iterit* (Apoc. xiv, 4). Indutus albo byssino mundo, quo definiuit justa sautorum facta. *Et ex ore ejus procedit gladius bis acutus: ipse est de quo defenduntur justi, puniuntur injusti. Ut in eo percussat gentes: et ipse reget eas in virga ferrea. Ipse calcat torculari vini indignationis iræ Dei omnipotentis: calcat etiam nunc, quando malos permituit facere malum, et dimisit eos in voluptatibus suis; et postea extra civitatem, id est, extra Ecclesiam calcabit, cum eos qui non gerint penitentiam, gehennæ ignibus tradet. Hic habet in vestimento, et super femur suum scriptum**

¹ Ms. Petrensis, pardorum.

² Ms. Petrensis addit, album.

(a) Ita vetus Ms. Petrensis: at editi, sexdecim detractus versibus, subsequenter homiliam cum ista confundunt.

nomen. *Re regum et Dominus dominorum: hoc est nomen quod nemo superborum cognoscit; quia Ecclesia serviendo, in Christo regnat, et dominatur dominantium; id est, vincit vitia et peccata. Femur autem posteritas est, sicut illud, *Non deficit princeps de seminibus Juda: et Abraham, ne posteritas ejus alienigenis misceretur, inter se servumque suum, certum testimonium femur adhibet* (Gen. xlvi, 10, et xxiv, 2-4). *Et vidi, inquit, angelum stantem in sole: id est, prædicatorem³ in Ecclesia. Et clamavit vox magna dicens omnibus avibus, quæ volant in medio cœli: aves vel bestias pro loco accipiimus bonas et malas, sicut est illud, *Benedicent me bestie agri* (Isai. xlvi, 20); et, *Leo de tribu Juda* (Apoc. v, 5): hoc ergo in loco aves volantes in medio cœli, Ecclesia dicit, quas in unum corpus redigens dixerat aquilam volantem in medio cœli. *Venite, congregamini ad cœnam magnam Dei, ut manducetis carnes regum, et carnes tribunorum et fortitionis, et carnes equorum et sedentium super eos, et carnes omnium librorum et servorum et pusillorum et magnorum: omnes enim gentes, quando in Christo credentes Ecclesiæ incorporantur, spiritualiter ab Ecclesia comeduntur. Et post haec de diabolo ait: *Et clausi et signavi super eum, ne seducat nationes: usque dum finiantur mille anni.* Iste intelliguntur mille anni, qui ab adventu Domini nostri aguntur. In istis ergo Dominus diabolo interdixit ne seducat nationes; sed quæ in vitam destinatae sunt, quas antea seduccebant, ne Deo reconciliarentur. Post haec oportet enim solvi modico tempore: id est, tempore Antichristi, cum revelatus fuerit homo peccati, cum acceperit totam perseundi potestatem, qualem non accepit ab initio. Mille annos dixit, partem pro toto. Hic reliquias mille annorum sexti diei, in quo natus est Dominus et passus, intelligi voluit. Post haec ait: *Væ, vœ, civitas illa magna, in qua ditati sunt omnes illi qui habebant naves in mari; quoniam una hora deserter est! Exulta, cœlum, super eam, et sancti, et Apostoli, et Prophetæ. Numquid sola Babyloniam civitas in omni mundo persecutior aut persecuta est Dei servos, ut ipsa extincta universi vindicetur?* In toto enim mundo est Babyloniam in multis hominibus, et in toto mundo persecutior bonus. *Et tulit unus angelus lapidem, ut molam magnum, et misit in mare, dicens: Sic impetu deciscitur illa Babyloniam civitas magna: ideo Babyloniam velut molam magnam dicit projectam, quia omnes amatores mundi revolutionis temporum sicut mola conterit, et in gyro mitit, de quibus scriptum est, *In circitu impii ambulant* (Psal. xi, 9). Quorum infelix occupatio semper quasi incipit. *Et non invenietur amplius: et vox citharaeorum, et musicorum, et tibicinum, et fistulatorum non audietur in ea amplius: jucunditatem dicit transire impiorum, et jam non inveniri. Et adjecit canans, dicens, *Quoniam mercatores tui erant maximi terræ: id est, quoniam in vita tua perceptisti bona. Quoniam in beneficiis tuis erraverunt omnes gentes, et sanguis Prophetarum et Sanctorum inventus est omnium a te occisorum super terram.* Numquid eadem civitas occidit Apostoles, quæ et Prophetas et omnes reliquos martyres? Sed haec est civitas omnium superbiorum, quam Cain fratri sui sanguine fundavit, et vocavit nomen ejus nomine filii sui Enoch (Gen. iv, 17), id est, posteritas: quia omnes mali, in quibus est Babyloniam, succedentes sibi, usque ad finem mundi persecutior Ecclesiæ Dei. In civitate ergo Cain funditur omnis sanguis justus a sanguine Abel justi usque ad sanguinem Zacharie, id est, populi et sacerdotis; *inter templum et altare* (Matth. xxii, 35), id est, *inter populum et sacerdotes.* Hoc ideo dictum est, quia non solum populi, sed etiam sacerdotes conspiraverunt in mortem Zacharie. *Inter templum, inquit, et altare: in altari intelliguntur sacerdotes; in templo, populi significati sunt:******

³ MSS., prædicationem.

alia enim causa loci nominandi non fuit. Hec est civitas que interficit Prophetas, et lapidat missos ad se. Hec est civitas que sanguine struit, sicut scriptum est : *Vix qui adificat civitatem in sanguinibus, et parat civitatem in iniustitia (Habac. ii, 12)*! In equo albo, de quo supra dictum est, Eccl siam intellige : in sessore ejus, Christum Dominum recognoscere. Quod autem dixit, *Habens nomen scriptum, quod nemo novit nisi ipso*; ipse utique, et que in illo est, omnis Ecclesia. In ueste sanguine sparsa, martyres qui sunt in Ecclesia, intelligendi sunt. Quod autem, *exercitus qui est in celo, sequebatur eum in equis albis*; Ecclesia est in corporibus candidis. In gladio bis acuto, potestas Christi intelligitur, de qua descenduntur justi, puniuntur injusti. In virga ferrea, justitia ejus cognoscitur, de qua eriduntur humiles, superbi tanquam vasa sigilli confringuntur. Quod autem dixit, *Ipsa calcat torculari vini irae Dei omnipotens*: calcat enim etiam nunc, quando malos permittit ut persequantur bonos, et dimittit eos in voluptatibus suis; sed postea retribuet, quando eos qui non egerint penitentiam, mittet in gehennam. Angelum stantem in sole, prædicationem in Ecclesia intellige. Ideo enim Ecclesia soli comparatur, quia de ea scriptum est, *Tunc justi fulgebunt sicut sol, in regno patris eorum (Matth. xii, 43)*. Quod autem, *clamavit omnibus avibus, quæ volant in medio cœli*; aves illæ Ecclesia intelliguntur. Quod autem dictum est, *Congregamini ad cœnam magnam, ut manducetis carnes regum et carnes tribunorum*; hoc in Ecclesia fieri in veritate cognoscimus. Nam quando omnes gentes Ecclesie incorporatur, spiritualiter comeduntur : et qui devorati a diabolo erant corpus diaboli, suscepisti ab Ecclesia membra efficiuntur Christi. Quod autem de diabolo dixit, *Et clausit et signavit super eum, ne seducat nationes, usque dum finiantur mille anni*: sicut dictum est, isti mille anni a passione Domini aguntur, in quibus non permittitur diabolo facere quantum vult; quia non permittit Deus tentari servos suos supra id quod possunt sustinere (*I Cor. x, 13*). Quod autem postea modico tempore solvendus est, tempus Antichristi designatur, in quo majorem potestatem sciendo diabolus accepturus est. Quod autem dicitur, *Vix, vix, civitas magna! Babylonia intelligitur. Sciendum tamen est, quod non sola civitas Babylonie persequitur sanctos, ut ipsa extincta universi vindicentur. In toto enim mundo est Babylonie in malis hominibus, et in toto mundo persequitur bonos*. Quod autem *lapidem granitem velut molam visit angelus in mare, dicens, Sic mittetur Babylonie*; ideo velut molam dicit Babylonem, quia amatores mundi revolutione temporum sicut mola conterit et in gyro mituit. Quod autem dixit, *In venientiis tuis erraverunt omnes gentes, et sanguis Prophetarum inventus est omnium a te occisorum super terram*: non enim in una civitate occisi sunt Apostoli et Prophetæ aut reliqui Martyres; sed haec est civitas superborum, quæ in toto mundo persequitur sanctos. Ilsa est civitas quam Cain fratris sui sanguine fundavit, et vocavit nomine filii sui Enoch, id est, posteritatem : quia omnes mali in quibus Babylonie est, succedentes sibi usque ad finem mundi persequuntur Ecclesiam Dei. De quorum persecuzione nos Dominus per suam misericordiam liberare dignetur, qui cum Patre et Spiritu sancto, etc.

HOMILIA XVIII (a).

[lb. xix-xxii.] In lectione que recitata est, fratres charissimi, beatus evangelista Joannes sic ait : *Audi vocem magnam populi multi, in celo dicentium Alleluia, Salus, et claritas, et virtus Deo nostro: quoniam vera et justa judicia ejus, quoniam judicavit meretrice illam magnam, quæ corrupit terram fornicatione sua, et vindicavit sanguinem servorum suorum de manu ejus. Et iterum dixerunt, Alleluia. Hæc vox*

¹ MSS., mergetur.

(a) Alias 17.

est Ecclesie, cum discessio facta fuerit, et cum ab ea exierint omnes mali aeterno incendio concremandi. *Et funus eorum ascendit in secula seculorum*. Audite, fratres, et expavescite. et pro certo cognoscite quia Babylonie et meretrice, quorum sumus ascendit in secula seculorum, non intelliguntur nisi homines cupidi, adulteri et superbi. Et ideo si valitis hæc mala evadere, nolite tam grava peccata committere. *Et funus, inquit, eorum ascendit*: numquid enim visibilis civitatis exusæ sumus in secula seculorum ascendit, et non hominum in superbia perdurantium? *Ascendit autem; et non, ascendit*: semper enim etiam in praesenti saeculo in perditionem vadit. Babylon autem crematur ex parte, sicut Jerusalem in illis sanctis qui de seculo migrant, transit in paradisum, Domino manifestante in paupere et divite (*Luc. xvi, 19-22*). *Et audiri ut vocem populi multi, et ut vocem aquarum multarum, et ut vocem tonitruorum fortium, dicentes: Alleluia; quoniam regnavit Dominus Deus noster omnipotens: gaudeamus, et exsultemus, et glorificemus nomen ejus; quoniam venerantur nuptiae Agni, et mulier ejus pararit se: mulier Agni Ecclesia est. Et datum est ei ut operariatur byssino splendido mundo, Byssinum enim justa facta sanctorum sunt: id est, datum est ei factis suis indui, sicut scriptum est, Sacerdotes ui*m* induantur justitia (*Psalm. cxxxii, 9*)*. *Hi, inquit, omnes vixerunt et regnaverunt cum Christo mille annis*: id est, in praesenti saeculo. Et recte dixit, *Omnes et superstites et anima justorum*¹: id est, et qui adhuc in hoc mundo vivunt, et qui jam de hac vita migraverunt, regnant cum Christo. *Regnauerunt profecto dixit, sicut, Diviserunt vestimenta mea sibi (Psal. xxi, 19)*. Nam dicturus erat, Regnabant. Ut ostenderet autem quod in hac vita isti mille anni sunt, ait, *Hæc est resurrectio prima. Ilsa est enim qua resurreximus per Baptismum, sicut Apostolus dicit, Si consurrexissemus cum Christo, que sursum sunt querire (Coloss. iii, 2): et iterum, Tanquam ex mortuis viventes (Rom. vi, 13)*. Peccatum enim mors est, sicut dixit Apostolus, *Cum essetis mortui delictis et peccatis vestris (Ephes. ii, 1)*. Et sicut prima mors in hac est vita per peccatum, ita et prima resurrectio in hac est vita per remissionem peccatorum. *Beatus et sanctus qui habet partem in resurrectione prima*: id est, qui servaverit quod in Baptismo renatus accepit. *In hoc secunda mors potestatem non habet*: id est, aeterna tormenta non sentiet. *Sed erunt sacerdotes Dei et Christi, et regnabunt cum eo mille annos*. Retulit spiritus cum haescriberet, regnaturam Ecclesiam mille annos in hoc saeculo usque ad finem mundi. Manifestum est quod dubitari non debeat de perpetuo regno, cum etiam in praesenti seculo sancti regnent. Bene enim regnare dicuntur, qui cum Dei adjutorio etiam inter ipsas pressuras mundi et se et alios bene regunt. *Et cum priu*m* fuerint mille anni, solvetur satanas de custodia sua*. Finitos dixit, a toto partem. Nam sic solvetur, ut supersint anni tres et menses sex novissimi certainimis temporibus Antichristi. *Et exiet seducere nationes quæ sunt in quatuor angulis terra*. A parte totum dicit: nam non omnes seduci possunt. Superbi tantummodo seducuntur et impii : quia veri et humiles christiani non seducuntur. *Muli namque vocati, pauci electi (Matth. xx, 16)*. *Et ascendunt diabolus et populus ejus in altitudinem terræ*: id est, in elevationem superbe*c*e. *Et circumdederunt castra sanctorum et dilectorum civitatem*: id est, Ecclesiam. *Hoc est quod supra dixit, collectos in Armagedon (Apoc. xvi, 16)*. Non enim ex quatuor angulis terræ potuerunt in unam civitatem congregari; sed in ipsis quatuor angulis unaquaque gens congregabitur in obsidionem sancte civitatis, id est, in persecutionem Ecclesie. *Et descendit ignis de celo a Deo*: id est, de Ecclesia. *Et comedit eos*: duplificiter hoc loco intelligitur ignis: aut enim per ignem sancti Spiritus credunt in Christum, et spiritualiter

¹ MS. Petrensis, sanctorum.

comeduntur ab Ecclesia, id est, incorporantur Ecclesia; aut peccatorum suorum igne comeduntur, et pereunt. *Et diabolus seducens ipsos, missus est in stagnum ignis et sulfuris, ubi et bestia et pseudoprophetæ: pseudoprophetæ intelliguntur aut heretici aut ficti Christiani. Ex quo enim passus est Dominus, mortua bestia et pseudoprophetæ, et in ignem mittuntur, usque dum finiantur mille anni ab adventu Domini. Et punientur die ac nocte in sæcula saeculorum. Et vidi mortuos magnos et pusillos stantes in conspectu throni: et libri aperti sunt, et alius liber apertus est, qui est vita uniuscujusque. Libros apertos Testamento Dei dicit: secundum enim utrumque Testamentum judicabitur Ecclesia. Librum uniuscujusque vite, memoriam dicit gestorum nostrorum; non quod librum habeat commemoratorium oculorum cognitor. Et iudica i sunt mortui ex his ad quæ scripta sunt in libris secundum opera sua: id est, ex Testamentis judicati sunt, secundum quod Dei precepta aut fecerunt, aut non fecerunt. Et dedit mare mortuos suos: eos quies hic iudicii dies invenerit vivos, ipsi sunt mortui maris; quia hoc saeculum mare est. Mors et infernus dederunt mortuos suos: id est, eos qui in sepulcris inveniendi sunt in die iudicii. Mors et infernus missi sunt in stagnum: mortem et infernum diabolum dicit et populum ejus. Et si qui non est inventus scriptus in libro vita: et qui voluptatibus suis dimisssus, per temporaneam examinationem in hoc seculo non meruit judicari a Deo dum viveret, missus est in stagnum ignis. Et vidi caelum novum et terram novam. Primum enim caelum et prima terra abierunt, et mare jam non est. Et civitatem sanctam Jerusalem novam vidi, descendente de caelo a Deo, compositam sicut sponsam, et ornatam viro suo. Et audivi vocem magnam de caelo dicentem: Ecce tabernaculum Dei cum hominibus, et habitabit cum ipsis; et ipsi erunt populus ejus, et ipse Deus cum eis erit eorum Deus: et absterget Deus omnem lacrymam ab oculis eorum; et mors non erit amplius, et luctus non erit. Hoc totum de gloria Ecclesie dixit, qualem habebit post resurrectionem. Et dixit, Scribe; quoniam sermones isti fideles et veri sunt. Et dixit mihi: Ego sum et aeterno initium et finis. Ego sicutem dabo ex fonte aquæ vita gratis: id est, cipienti remissionem peccatorum per fontem Baptismi. Qui vincit, possidebit haec; et ero ejus Deus, et ipse erit meus filius. Timidus autem et incredulis, et execrabilibus, et homicidis, et veneficis, et idolorum cultoribus, et omnibus mendacibus pars erit in stagno ardente igne et sulfure, quod est mors secunda. Quod supra dictum est, Judicavit meretricem illam magnam quae corrupit terram in fornicatione sua, et vindicavit sanguinem servorum suorum de manu ejus; haec vox est Ecclesie, cum ab ea in die iudicii exierint omnes mali, aeterno incendio concremandi. Et sumus eorum ascendit in secula saeculorum. Non enim visibilis civitatis sumus ascendit in secula saeculorum, sed hominum in superbia perdurantium. Quod autem dicit, Quia venerunt nuptiae Agni; de Christo intelligitur, et de Ecclesia. Quod vero eam dicit operata bysso; in bysso opera justa sanctorum intelliguntur, quibus justi vestiuntur, secundum quod dictum est, Sacerdotes tui induantur justitia. Quod autem dicit, eos regnasse mille annos; praesens tempus intelligitur, in quo sancti juste regnare dicuntur, quia se ita cum Dei adjutorio regunt, ut a peccatis vinci non possint. Et ut hoc evidenter ostenderet, secutus ait: Haec est prima resurreccio. Prima enim resurreccio, qua a morte peccati ad vitam justitiae animæ resurgunt, toto nunc tempore agitur: secunda vero, quæ de terre pulvere ad vitam corpoream redeunt, in futurum exspectatur¹. Ipsa est enim qua resurgimus per Baptismum. Quia sicut prima mors in hac vita est per peccatum, ita et prima resurreccio per remissionem peccatorum. Beatus*

et sanctus qui habet in resurrectione prima partem: id est, qui servaverit quod in Baptismo renatus accepit. Quod autem dicit, regnaturam Ecclesiam mille annos; in hoc sæculo intelligitur usque in finem mundi. Unde manifestum est quod dubitari non debet de perpetuo regno, cum etiam in presenti sæculo sancti regnent. Recte enim regnare dicuntur, qui cum Dei adjutorio, etiam inter ipsas pressuras mundi, et se et alios bene regunt. Quod autem de diabolo dicit, Quia seducit nationes quæ sunt in quatuor angulis terræ, a parte totum intelligitur. Nam soli mali seducuntur, secundum illud; Multi vocati, pauci electi. Quod autem dicit, quia diabolus et angelii circumdederunt castra sanctorum, et ciuitatem dilectorum: non enim potuerunt ex quatuor angulis terræ in unam ciuitatem congregari, sed in ipsis quatuor angulis unaquaque gens congregatur in persecutionem Ecclesie. Quod autem dicit, Cecidit ignis de caelo et comedit eos, duplum intelligitur: aut enim per ignem sancti Spiritus spiritualiter comeduntur, dum Ecclesie incorporantur; aut si ad Deum converti noluerint, peccatorum suorum igne comeduntur, et pereunt. Quod autem dicit, libros apertos esse, Testamenta Dei intelligi voluit. Secundum enim uirumque Testamentum judicabitur Ecclesia. Librum vero vite uniuscujusque, memoriam dicit gestorum nostrorum, quia in die iudicii nihil latebit, nec ullus poterit abscondere peccata vel crimina sua. Quod dicit, quia mare dedit mortuos suos; eos dicit quos in hoc mundo vivos invenerit adventus Christi. Ipsi sunt mortui maris, quia hoc saeculum mare est. Quod dicit, Mors et infernus dederunt mortuos suos; illi intelliguntur, qui in sepulcris inveniendi sunt in die iudicii. Et mors et infernus missi sunt in stagnum ignis. Hoc loco mortem et infernum, diabolum et populum ejus intelligi voluit, qui voluptatibus suis dimisssus, per temporaneam examinationem non meruit judicari. Post hanc exposita Ecclesie gloria adjungit et dicit, Ego sitiens dabo ex fonte vita aquæ gratis: id est, cipienti remissionem peccatorum per fontem Baptismi. Qui vincit, possidebit haec, et ero ejus Deus, et erit meus filius: quod ipse præstare dignetur, qui cum Deo Patre, etc.

HOMILIA XIX (a).

[lb. xxi et xxii.] Sicut modo audivimus, fratres charissimi, locutus est Angelus Domini ad beatum Joannem dicens: Veni, ostendam tibi sponsam, uxorem Agni. Et abstulit me in spiritu supra montem magnum et altum: montem Christum dicit: Et ostendit mihi civitatem sanctam Jerusalem, descendente de caelo a Deo. Hæc est Ecclesia, civitas in monte constituta, sponsa Agni. Ipsa enim civitas tunc in monte est constituta, quando in humeris pastoris, tanquam ovis ad ovile proprium revocata est (Luc. xv, 5). Si enim alia est Ecclesia, alia civitas descendens de caelo, erunt due sponsæ, quod omnino fieri non potest. Et hanc enim civitatem sponsam dixit Agni. Unde manifestum est ipsam esse Ecclesiam, quam sic describit, dicens: Habentem claritatem Dei. Luminare ejus simile lapidi pretiosissimo. Lapis pretiosissimus Christus est. Habentem murum magnum et altum, habentem portas duodecim, et super portas angelos duodecim. Ostendit duodecim portas et duodecim angelos. Apostolos esse et Prophetas²: quoniam, sicut scriptum est, coædificati sumus super fundamentum Apostolorum et Prophetarum (Ephes. ii, 20); sicut et Dominus dixit Petro, Super hanc petram adificabo Ecclesiam meam (Matth. xvi, 18). Ab oriente portæ tres, ab aquiloni portæ tres, ab austro portæ tres, ab occidente portæ tres: et quia civitas ista quæ describitur, Ecclesia est toto orbe diffusa, ideo per quatuor partes civitatis terrene portæ esse dicuntur, quia per totas quatuor partes mundi, Trinitatis mysterium in Ecclesia predicatorum. Et murus civitatis habens fundamenta duodecim, et super ea duodecim nomina Apostolorum Agni: quod sunt portæ, hoc fundamenta; quod civitas, hoc murus, hoc supellex.

¹ MS. Belgicus non habet haec verba: Prima enim resurreccio, qua a morte peccati ad vitam justitiae animæ resurgent, toto nunc tempore agitur: secunda vero, quæ de terra pulvere ad vitam corpoream redeunt, in futurum exspectatur.

² MSS., Patriarchas.

(a) alias 18.

*Et qui loquebatur tecum habebat mensuram arundineam auream : in arundine aurea, homines Ecclesie ostendit, fragili quidem carne, sed aurea fide fundatos ; sicut dicit Apostolus, *Habentes thesaurum in vasis fictilibus* (I Cor. iv, 7). *Et supellex muri et civitas aurum mundum, simile vitro mundo* : Ecclesia enim aurea est, quia fides ejus velut aurum splendet ; sicut septem candelabra, et ara aurea et phialae aureae ; hoc totum Ecclesiam figuravit. Vitrum autem ad puritatem fidei retulit, quia quod foris videtur, hoc est et intus, et nihil est simulatum, sed totum perspicuum in sanctis Ecclesiis. *Fundamenta muri civitatis omni lapide pretiosi*. *Fundamentum primum jaspis, secundum sapphirus, tertium chalcedonius, quartum smaragdus, quintum sardonia, sextum sardius, septimum chrysolithus, octavum berillus, nonum topazius, decimum chrysoprasus, undecimum hyacinthus, duodecimum amethystus* : ideo diversitatem gemmarum in fundamentis nominare voluit, ut dona diversarum gratiarum, que Apostolis data sunt, demonstraret ; sicut de Spiritu sancto dictum est, *Dividens singulis prout vult* (I Cor. xii, 11). *Et duodecim margaritae singillatim* : et unaquaque porta erat ex una margarita : et in i-tis margaritis, sicut dictum est, Apostolos designavit ; qui ideo porte dicuntur, quia per doctrinam suam aeternae vite januam pandunt. *Et platea civitatis aurum mundum, ut vitrum perspicuum* : et templum non vidi in ea ; Dominus enim Deus omnipotens templum ejus est et Agnus : hoc ideo, quia in Deo est Ecclesia, et in Ecclesia Deus. *Civitas non indiget sole neque luna, ut luceat in ea* : quia non lumine aut elementis mundi regitur Ecclesia, sed Christo aeterno sole dedicatur per mundi tenebras. *Claritas enim Dei illuminavit eam* : et lucerna ejus Agnus est : ipso dicente, *Ego sum lumen mundi* (Joan. viii, 12) ; et iterum, *Ego sum lumen verum, quod illuminat omnem hominem venientem in hunc mundum* (Id. i, 9). *Ambulabunt gentes in lumine ejus, usque in finem*. *Et reges terre afferent gloriam* : reges terre, filios Dei dicit. *Et portae ejus non claudentur die*. *Nox enim ibi non est* : usque in aeternum. *Et inferent gloriam et honorem gentium* : in Christo utique credentium. *Et non introibit in eam omne immundum, aut faciens abominationem et menacium, nisi scripti in libro vita Agni*. *Et ostendit mihi flumen aquae, sicut crystallum, exiens a throno Dei et Agni, in medio platea ejus* : fontem Baptismi ostendit in medio Ecclesie, venientem a Deo et Christo. Nam quale decus civitatis esse potest, si flumen per medium platea ejus ad impedimentum habitantium descendat ? *Et ex ultra parte fluminis lignum vita faciens fructus duodecim per singulos menses, et reddens fructum suum*. Hoc de cruce Domini dixit. Nullum est lignum quod omni tempore fructificet, nisi crux quam gestant fideles, qui rigantur aqua ecclesiastici fluminis, et redditum fructum perpetuum omni tempore. *Et thronus Dei et agni in ea erit* : utique a nunc in secula. *Et servi ejus servient ei, et videntur faciens ejus* : sicut dicit, *Qui me vidit, vidit et Patrem* (Id. xiv, 9) ; et, *Benti mundo corde, quia ipsi Deum videbunt* (Matth. v, 8). *Et nomen ejus in frontibus eorum*. Et nox non erit amplius, et non egebit lumine lucerna, et lumine solis; quoniam Dominus Deus illuminabit super eos, et regnabunt in secula seculorum. Omnia ista a Domini passione coepiuntur. *Et dixit mihi angelus* : *Ne signaveris verba prophetiae libri hujus* : *tempus enim prope est*. Qui injustus est injusta faciat adhuc, et sordidus sordecat adhuc : isti sunt propter quos dixerat, *Signa que locuta sunt septem tonitrua* (Apoc. x, 4). *Et justus justitiam faciat adhuc, et sanctus sanctificetur adhuc* : isti sunt propter quos dixit, *Ne signaveris verba prophetiae libri hujus*. Ac sic Scripturae divinae omnibus superbis, et plus mundum quam Deum amantibus signatae sunt : humilibus autem et timentibus aperta. Et quia sic concludit Apocalypsis Joannis evangeliste, ut dicit, *Ecce venio cito* ; oreamus ut secundum suam promissionem Dominus Jesus Christus ad nos venire, et per suam misericordiam de carcere nos mundi istius liberare, et ad suam beatitudinem pro sua pietate perducere dignetur : qui cum Patre et Spiritu sancto vivit et regnat in secula seculorum. Amen.*

in ei. italem : qui enim non servant mandata, non per portas intrant, sed alia parte. In ipsis signatus est liber, de quibus sequitur et dicit, *Foris canes, et venefici, et fornicarii, et homicidae, et idolorum cultores, et omnis amor et faciens mendacium*. Ego Jesus nisi angelum meum testari vobis habe in Ecclesiis. Ego sum radix et gemma David, stella splendida matutina. *Spiritus et sponsa dicens*, Veni : utique sponsus et sponsa, Christus et Ecclesia. Qui sitit, veniat ; qui ruit, accipiat aquam vita gratis : id est, Baptisma. Testor ergo omnem audientem sermones prophetiae libri hujus : Si quis apposuerit ad ea, apponat super eum Deus plagas scriptas in hoc libro : et si quis demiserit de sermonibus prophetiae hujus, demet Deus partem ejus a ligno vita et ex civitate sancta ; scripta in libro. Hoc dicit qui testificatur haec propter falsatores sanctorum Scripturarum ; non propter eos qui simpliciter quod sentiunt, dicunt. *Etiam venio cito* : mons altus, in quo sanctus Joannes ascendisse se dixit, spiritus intelligitur. In civitate Jerusalem, quam se ibi vidiisse dixit, Ecclesia significata est. Quod in Evangelio ipse Dominus ostendit, quando dixit, *Non potest civitas abscondi supra montem posita* (Matth. v, 14). Quod autem dicit, habere eam lumen simile lapidi pretiosissimo ; in illo lapide Christi claritas demonstratur. In duodecim portis et in duodecim angelis, Apostoli intelleguntur et Patriarchae, secundum illud, *Superadiscati super fundamentum Apostolorum et Prophetarum* : et quia civitas que describitur, Ecclesia est toto orbe diffusa, ideo per quatuor partes ejus propter Trinitatis mysterium terrena porte esse dicuntur. In arundine aurea, homines Ecclesie ostendit, fragili quidem carne, sed aurea fide fundatos, propter illud Apostoli : *Habentes thesaurum istum in vasis fictilibus*. Quod dicit civitatem auream, aram auream, et phialas aureas ; Ecclesia est propter fidem rectam. In vitro autem puritas fidei ipsius significata est. Quod autem nomina diversarum gemmarum in fundamentis nominare voluit ; dona diversarum gratiarum, que Apostolis data sunt, demonstravit. In illis autem margaritis Apostolos designavit, qui ideo porte dicuntur, quia per doctrinam suam aeternae vite januam pandunt. Quod autem dicit, *Quia templum non vidi in ea, quia Dominus omnipotens templum ejus est, et Agnus* : hoc ideo, quia Deus est in Ecclesia, et Ecclesia in Deo. Quod vero dicit, *Quia civitas non indiget sole neque luna* ; hoc ideo, quia non visibili sole Ecclesia, sed Christi aeterno lumine inter tenebras mundi istius spiritualiter illuminatur, sicut ipse dicit, *Ego sum lumen mundi*. Reges terre, filios Dei, id est, Christianos intelligi voluit. In flumine aquae, sicut crystallum, fontem Baptismi in medio Ecclesie venientem a Deo et Christo. Quod autem dicit, *Lignum juxta flumen duodecim per singulos menses dare fructum* ; crux intelligitur, que per totum mundum non solum omnibus mensibus, sed etiam omnibus diebus, in his qui baptizantur, exhibet fructum Deo. Quod autem dicit, *Dominus Deus illuminabit illos, et regnabunt in secula seculorum* ; omnia ista a Domini passione coepiuntur. Quod vero in superiori parte libri dicit, *Signa quae locuta sunt septem tonitrua* ; propter eos dicit, de quibus ait : *Ut sordidus sordecat adhuc, et qui injustus est injusta faciat adhuc*. Illud autem quod ait, *Ne signaveris verba prophetiae* ; propter sanctos et justos intelligi voluit. Ac sic Scripturae divinae omnibus superbis, et plus mundum quam Deum amantibus signatae sunt, humilibus autem et timentibus aperta. Et quia sic concludit Apocalypsis Joannis evangeliste, ut dicit, *Ecce venio cito* ; oreamus ut secundum suam promissionem Dominus Jesus Christus ad nos venire, et per suam misericordiam de carcere nos mundi istius liberare, et ad suam beatitudinem pro sua pietate perducere dignetur : qui cum Patre et Spiritu sancto vivit et regnat in secula seculorum. Amen.

¹ Ms. Petrenas, Christus.

INDEX RERUM

QUE IN HOC TERTIO VOLUMINE CONTINENTUR.



IN TERTIUM TOMUM PRÆFATIO.	9-10	LIBER SECUNDUS. — Jam de signis verbiisque Scripturæ sacrae sermonem instituit Augustinus, ostenditque hujus germanum sensum. Itemque ideo non percipli, quia signa illa aut ignota sunt, aut ambigua. Quapropter prolatio in primis divinorum librorum canone, declarare pergit quarum potissimum linguarum peritia, quæcumque disceat lingue ac scientie conferant ad illam signorum ignorantiam removendam. Tibi data occasione de repudia. <i>dis sc̄. eritiosissim⁹ artib⁹ et d. c̄tris strictissim⁹, sed profunde disputat.</i> Quemadmodum etiam animo comp̄ aratus is esse debet, qui operari studio Scripturarum navaturus sit, declarat sub initium et ad finem libri.	33-36
ADMONITIO IN LIBROS DE DOCTRINA CHRISTIANA.	13-14	CAPUT PRIMUM. Signum quid et quotplex.	<i>Ibid.</i>
S. AURELI AUGUSTINI, HIPONENSIS EPISCOPI, DE DOCTRINA CHRISTIANA LIBRI QUATUOR.	15-16	II. De quo signorum genere licet tractandum.	37
PROLOGUS.	<i>Ibid.</i>	III. Inter signa principiata obtinent verba.	<i>Ibid.</i>
LIBER PRIMUS. — Principio sit partitio totius operis, quo Scripturarum studiosus cum ad carum investigandum s̄ usum, tum ad ediscendum institutus. <i>Box</i> observata eorum de quibus doctrina tradenda est distinctione in res et signa, suscipitur in hocce priore libro tractatio de rebus. <i>Res</i> porro alias esse quibus frui, alias quibus nonnisi uti faciat : et quidem Deo s̄. li fruitione iuhærendum esse, eoque nos i. sius incarnatione Verbi et rebus ab ipso temporaliter gestis, atque traditis. Ecclesiæ clavibus promoveri ; inter eas vero res que in usum veniunt, nonnullas esse quibus dilectio jure impenditur, sed in Deum relata. Quibus explicatis docetur totius Scripturae sacræ plenitudinem et fluem esse gemini in charitatem. <i>Dei</i> propter seipsum ac proximi propter Deum.	19-20	IV. Unde litteræ.	38
CAPUT PRIMUM. Inventione et enuntiatione nititur Scriptura tractio : que cum Dcī auxilio suscipienda.	<i>Ibid.</i>	V. Diversitas linguarum.	<i>Ibid.</i>
II. Quid res, quid signa.	<i>Ibid.</i>	VI. Obscuritas Scripturæ in tropis et figuris quorsum utilis.	<i>Ibid.</i>
III. Berum divisio.	<i>Ibid.</i>	VII. Gradus ad sapientiam : primus, timor ; secundus, pietas ; tertius, scientia ; quartus, fortitudo ; quintus, consilium ; sextus, purgatio cordis ; septimus gradus seu finis, sapientia.	39
IV. Frui et uti, quid sit.	<i>Ibid.</i>	VIII. Libri canonici.	40
V. Deus Trinitas, res qua fruendum.	21	IX. Qua ratione vacandum studio Scripturae.	42
VI. Deus ineffabilis, quomodo.	<i>Ibid.</i>	X. Scripturam contingit non intelligi ob ignota signa vel ambigua.	<i>Ibid.</i>
VII. Deum omnes intelligent in quo nihil melius.	22	XI. Ut ignorantia signorum tollatur necessaria est linguarum cognitio, ac presertim grecæ et hebreæ.	<i>Ibid.</i>
VIII. Deus cum sit, sapientia incomparabilis, rebus omnibus anteponendus.	<i>Ibid.</i>	XII. Diversitas interpretationum utilis. Ex verborum ambiguitate ut accident error interpretum.	43
IX. Sapientiam immutabilem mutabili præferendam esse omnes norunt.	23	XIII. Interpretationis vitium unde evincendi possit.	44
X. Ad videndum Deum purgandus animus.	<i>Ibid.</i>	XIV. Ignoti verbi et ignote locutionis unde cruenta locutio.	45
XI. Purgandi animi exemplum Sapientia incarnata.	<i>Ibid.</i>	XV. Commendatur Itala versio latina, et grecæ septuaginta Interpretum.	46
XII. Quomodo sapientia Dei ad nos venit.	<i>Ibid.</i>	XVI. Ut translata signa intelligantur, juvat tum linguarum notitia, tum rerum.	<i>Ibid.</i>
XIII. Verbum caro factum est.	24	XVII. Origo fabule Musarum novem.	49
XIV. Hominem quomodo sauerit Dei Sapientia.	<i>Ibid.</i>	XVIII. Profani si quid bene dixerunt, non aspernandum.	<i>Ibid.</i>
XV. Resurrectione et ascensione Christi fulcitur fides, excitatus iudicio.	<i>Ibid.</i>	XIX. Doctrinarum genera duo reperta apud Ethnicos.	50
XVI. Ecclesia Christi corpus et conjux medicinalibus molestiis ab ipso purgatur.	25	XX. Scientiae quas homines instituerunt, aliquæ superstitione lente. Catonis dictum lepidum.	<i>Ibid.</i>
XVII. Christus douando peccata viam aperuit ad patriam.	<i>Ibid.</i>	XXI. Superstitione mathematicorum.	51
XVIII. Claves traditæ Ecclesie.	<i>Ibid.</i>	XXII. Observatio siderum ad cognoscendam vitæ seriem vana.	<i>Ibid.</i>
XIX. Corporis et animi m̄ rs atque resurrectio.	<i>Ibid.</i>	XXIII. Cur repudianda genethliacorum scientia.	52
XX. Qui non ad vitam, sed ad supplicia renascantur.	26	XXIV. Societas et pactum cum dæmonibus in superstitione rerum usu.	53
XXI. Ritus de corporis resurrectione.	<i>Ibid.</i>	XXV. In instituti humanis non superstitionis quedam superflua, quedam commoda et necessaria.	54
XXII. Solo Deo truendum.	<i>Ibid.</i>	XXVI. Quæ hominum instituta fugienda, et quæ amplectenda sint.	55
XXIII. Homini præceptio non opus est, ut se et suum corpus diligat. Prava sui dilectio.	27	XXVII. Scientiarum quas homines non instituerunt aliquæ juvant ad intelligentiam Scripturarum.	<i>Ibid.</i>
XXIV. Nemo carnem suam odit, nequidem illi qui in eam insurgunt.	<i>Ibid.</i>	XXVIII. Historia quatenus juvet.	<i>Ibid.</i>
XXV. Etsi aliquid amplius diligitur quam corpus, non tamen corpus odio habetur.	28	XXIX. Ad Scripturarum intelligentiam quatenus conductat animalium, herbarum, etc., præsertimque siderum cogitatio.	56
XXVI. Fratres, tum de Deo et proximo, imo et de i. so diligendo datum est.	29	XXX. Quid codem conferant artes mechanice.	57
XXVII. Ordo dilectionis.	<i>Ibid.</i>	XXXI. Quid juvet dialectica. Sophismata.	<i>Ibid.</i>
XXVIII. Cui succurrendum, quando succurrere omnibus vel dubius non possit.	50	XXXII. Veritas connexionum non ab hominibus instituta est, sed tantum observata.	58
XXIX. Quæ hominum instituta fugienda, et quæ amplectenda sint.	<i>Ibid.</i>	XXXIII. In falsis sententias conclusiones verae esse possum, et in veris falsæ.	59
XXX. Proxi nostri omnes homines et ipsi Angeli.	<i>Ibid.</i>	XXXIV. Aliud est nosse leges conclusionum, aliud veritatem sententiarum.	<i>Ibid.</i>
XXXI. Deus nobis non fruitur, sed uitur.	52	XXXV. Scientia definiendi et dividendi non est falsa, etiā si falsis adhibeat. Falsum quid.	60
XXXII. Deus homine quomodo utatur.	<i>Ibid.</i>	XXXVI. Eloquentiae præcepta vera sunt, quamvis eis interdum falsa persuadentur.	<i>Ibid.</i>
XXXIII. Quomodo homine rui conveniat.	<i>Ibid.</i>	XXXVII. Quæ utilitas rhetorica et dialectica.	<i>Ibid.</i>
XXXIV. Prima ad Deum via christus.	53	XXXVIII. Numerorum scientia non ex hominum instituto, sed ex rerum natura est ab hominibus aduentiva.	61
XXXV. Scriptura plenitudo filiisque, amor Dei et proximi.	34	XXXIX. Quibus ex supra notatis disciplinis queve animo danda opera. Leges humanæ.	62
XXXVI. Interpretatio Scripturæ, licet vitiosa, non est mendax nec perniciose fallax, si modo utilis sit ad fidicandas charitati. Corrigendus tamen interpres qui sic fallitur.	<i>Ibid.</i>		
XXXVII. Multum inest periculi in hac interpretatione vitiosa.	55		
XXXVIII. Charitas perpetuo manet.	<i>Ibid.</i>		
XXXIX. scripturis non indiget homo fide, spe et charitate instructus.	56		
XL. qualenti lectorem scriptura postulet.	<i>Ibid.</i>		

- XI. Ab Ethanicis si quid recte dictum, in nostrum usum est convertendum.
- XII. Studium Scripturæ sacræ qualē animam requirat. Hyssopi proprietates.
- XIII. Sacra Scriptura cum profana comparatio.
- LITERA TERTIA.** — Postquam egi in superiori libro de removenda signorum ignorantia, transit nunc S. Doctor ad considerationem ambiguitatis que cum in propriis tuis in translatiis signis occurrit. In propriis quidem ex interpretatione vocum, ex earum pronuntiatione, ex anticipiti significatu; quod genus ambiguitatis ex contextu sermonis, et collatione interpretum, aut eius lingua unde scriptura translata est inspectione resolvi ostendit. In translatiis vero signis ambiguitas contingit, cum ipsa dictio non ad litteræ sensum conatur in scripturis; quia de re operosis disputat, traditque regulas quibus dignoscatur an locutio figurata sit, et siquidem figurata, quo pacto debeat explicari. Ad extreum ipsius Tichomii septem regulas singulatim exponit.
- CAPUT PRIMUM.** Summa superiorum librorum, et scopus sequentis.
- II. Ambiguitas ex verborum distinctione quo modo tollenda.
- III. Qua ratione expediatur ambiguitas ex pronuntiatione. Percontatio et interrogatio quo differant.
- IV. Ambiguitas dictionis qua ratione expediatur.
- V. Scripturæ figuratas locutiones ad litteram accipere servitus miserabilis.
- VI. Iudeorum servitus sub signis utilibus.
- VII. Servitus gentium sub signis inutilibus.
- VIII. Alter Judæi a signorum servitute liberati, aliter gentiles.
- IX. Quis signorum servitute premitur, quis non. Baptismus, Eucharistia.
- X. Unde dignoscatur an figurata sit locutio. Regula generalis. Charitas. Cupiditas. Flagitium. Facinus. Utilitas. Beneficentia.
- XI. Regula de iis que sevitiam redolent, referunturque nihilominus ex persona Dei vel sanctorum.
- XII. Regula de dictis et factis quasi flagitiosis imperitorum judicio, que Deo vel sanctis viris trahuntur. Facta iudicantur ex circumstantiis.
- XIII. Continuatio ejusdem argumenti.
- XIV. Error oīnatiuum nullam esse justitiam per seipsam.
- XV. Regula in figuratis locutionibus servanda.
- XVI. Regula de locutionibus præceptivis.
- XVII. Alia omnino communiter, alia singulariter seorsim præcipi.
- XVIII. Quo tempore quid præceptum vel licitum sit considerandum.
- XIX. Malo alias de suo astinentia ingenio.
- XX. In quavis vivendi ratione boni sui sunt similes.
- XXI. David quamquam in alterius latitudinis, lauge sicut a littoraliorum intertemperantibus.
- XXII. Regula de scriptura locis, ubi laudantes facta quedam bona rura hodie moriuntur in contraria.
- XXIII. Regula de locis ubi magnorum virorum peccata referruntur.
- XXIV. Ante omnia considerandum genus locutionis.
- XXV. Idem verbum non idea significat ubique.
- XXVI. Obscura ex locis apertioribus exponenda.
- XXVII. Eundem locum varie intelligi nihil prohibet.
- XXVIII. Locus incertus tutius per alios scripturæ locos quam per rationem manifestatur.
- XXIX. Troporum cogitatio necessaria.
- XXX. Regula Tichonii definitione exponendatur.
- XXXI. Regula prima Tichonii.
- XXXII. Regula secunda Tichonii.
- XXXIII. Regula tertia Tichonii. Liber de Spiritu et Litera.
- XXXIV. Regula quarta Tichonii.
- XXXV. Regula quinta Tichonii.
- XXXVI. Regula sexta Tichonii.
- XXXVII. Regula septima Tichonii.
- LITERA QUARTA.** — Hactenus de investigando scripturæ sensu, nunc denunzi agitur de disserendo. Et quidem rhetorice artis præcepta ad hujus libri institutum pertinere non vult Augustinus; sed tamen summa diligentia christiana oratoris partes persequitur: cum saevarum litterarum auctores et doctores ecclesiasticos dicendi sapientia, imo et eloquentia longe præstaurissimos initandas proponit, ex eorum scriptis elocutionis exempla in vario dicendi genere subiiciens. Postremo ipsum ecclesiasten horlat, ut in primis oratione det operari, et quod verbis docet aliis, id omnino vita et moribus præ-

- stet.
- CAPUT PRIMUM.** Rhetorice præcepta tradere non est hujus instituti.
- II. Rhetorica facultate christianum doctorem uti convenit.
- III. Rhetorice præcepta qua ætate quave ratione disci possunt.
- IV. Officium doctoris christiani.
- V. Interest magis ut sapienter dicat christianus orator, quam ut eloquenter. Unde consequi id valeat.
- VI. Sapientia juncta cum eloquentia in sacris auctoribus.
- VII. Pulchre docet, adductis exemplis, in sacris litteris inesse germanam eloquentiam, quæ sapientiae adhaeret velut inseparabilis comes. Exempla ponuntur ex Epistola Pauli et ex Amos propheta. Exemplum aliquid saepe eloquentiae ex Amos vi, 1.
- VIII. Obscuritas sanctorum auctorum, licet eloquens, non imitanda a doctoribus christianis.
- IX. Difficilia intellectu apud quos et quomodo tractanda.
- X. Perspicuitatis in dicendo studium.
- XI. Quare conanti docere dicendum perspicue, non tam insinuaverit.
- XII. Oratoris est docere, delectare, flectere, ex Cicero, de Oratore. Quo modo haec tria præstare debet.
- XIII. Dicendo demum flectendi animi.
- XIV. Dictionis suavitatis pro ratione argumenti procuranda est.
- XV. Orandus Deus auctori ecclesiastico ante concionem.
- XVI. Docendi præcepta non superfluo dantur ab homine, tametsi dolores officia Deus.
- XVII. Ad docendum, delectandum et flectendum pertinet triplex dicendi genus.
- XVIII. Ecclesiasticus orator in materia grandi semper versatur.
- XIX. Alias alio utendum dicendi generis.
- XX. Exempla ex sacris litteris: primum, dictionis submissæ; deinde, temperatae; postremo, grandis: haec tria ex Epistolis Pauli.
- XXI. Exempli la tri, lics hujus generis dictionis ex doctoribus ecclesiasticis, nempe Cypriano et Ambrosio, desumuntur.
- XXII. Omnibus generibus dictio varianda est.
- XXIII. Quomodo intermixenda dictionis genera.
- XXIV. Sublime dicendi genus quid efficiat.
- XXV. Temporatum dicendi genus quem in finem referri decet.
- XXVI. In unoquoque dicendi genere intendere debet orator ut intelligenter, libenter et obedienter audiatur.
- XXVII. Obedientius audiri cuius vita dictioni respondet.
- XXVIII. Veritati potius quam verbis studendum. Verbi contendere quid sit.
- XXIX. Non culandus ecclesiastes, qui a peritiore sumit conscriptum eloquium, quod ad populum proficerat.
- XXX. Concionator præmittat orationem ad Deum.
- XXXI. Excusat prolixitatem libri.
- ADMONITIO DE LIBRO DE VERA RELIGIONE.**
- S. AURELIUS AUGUSTINI HIPPOPONENSIS EPISCOPI, DE VERA RELIGIONE LIBER UNUS, in quo, præmisso veram religionem non reperiunt apaginos, neque in secta ultra præterquam in catholicâ Ecclesia, mox divinitate economice erga humanam salutem historia (quod quidem christiana religionis caput de fundamentum est) sic explicatur, ut Mani horum de duabus præsertim naturis sen de mali origine et natura errores revincantur. Agitur de duplice via qua Deus hominibus consulti, auctoritate credentes ad salutem vocans, intelligentes ratione. Qui per ratione subinxus homo ex rebus inferioribus ad Deum evenerit; imo ad ipsi sum prosequendum admonetur ex his virtutis de quorum tripli genere prolixum hic sermonem instituit Augustinus; qui denique unum verum Deum, id est Trinitatem, Patrem, et Filium, et spiritum sanctum vera religione colendum esse concludit.
- CAPUT PRIMUM.** Philosophi de religione aliud in scholis docebant, aliud in tempis risuofitebantur.
- II. De diis quid Socrates senserit. Mundus hic pro Deo habitus.
- III. Vera religio christiana, quæ hominibus persuasit quod illis persuaderi posse Plato non creditit.
- IV. Philosophi qui sensibilibus toti habeant conte-

V.	in quibus sectis vera religio. Munus divinum Spiritus sanctus.	120	mur ad contemplandam veritatem.	164
VI.	Vera religio in sola Ecclesia catholica, quae omnibus errantibus utitur ad proventus suos. Boni non nunquam ex Ecclesia per seditiosos expulsi.	121	L. Scripturarum et interpretationum ratio. Allegoria quatuorplex.	165
VII.	Catholicae Ecclesiae religio amplexu lecta. Quid illa profiteatur.	127	II. Scripturarum perscrutatio in curiositatis mediam.	166
VIII.	Quae primo auctoritate ducti credidimus, postmodum ratione intelligimus. Heretici prosunt Ecclesiae.	128	III. Et curiositas, et alia via sunt occasio ad virtutem.	167
IX.	Manichaeorum error de duabus principiis et duabus animabus.	129	IV. Scopi stultorum ac sapientium diversi.	167
X.	Historiam divinæ œconomiae erga nostram salutem narratur, ostendit primum unde error in religione contingat, et quomodo perfecta religio Deo suaveniente instauretur.	130	V. Supplicia damnatorum quam habeant rationem ad eorum vitia.	168
XI.	Omnis vita a Deo. Mors animæ, nequitia.	131	VI. Epilogus exhortans ad veram religionem, et a falsa deterrens. Qualis erat Manichaeorum religio.	169
XII.	Lapsus et reparatio totius hominis.	132	Falsæ opiniones de diis. Vera religio.	169
XIII.	Angelorum differentia.	133	De DUCIBUS LIBRIS DE GENESI CONTRA MANICHÆOS.	171-172
XIV.	A libero arbitrio peccatum.	134	S. AURELI AUGUSTINI, HIPPOGENSIS EPISCOPI, DE GENESI CONTRA MANICHÆOS LIBRI DUO.	173-174
XV.	Poena ipsa peccati ad resipiscendum eruditur.	135	Liber PRIMUS. — A Manichaorum calumniis vindicatur initium Geneseos, scilicet ab hocce versiculo cap. 1 : <i>m principio crevit Deus cælum et terram</i> , usque ad versiculum 2, cap. 2, quo Deus septimo die requievisse dicitur.	174
XVI.	Incarnato Verbo beneficentius homini consultum est.	136	CAPUT PRIMUM. In veteris Legis defensionem contra Manichaeos scripturis est stilo ad imperitorum captum demissio.	174
XVII.	Doctrine ratio in vera religione quam optimam, seu vetus, seu Novum Testamentum spectetur.	137	II. Versiculus 1 cap. 1 Geneseos vindicatur contra obrectantes quid faceret Deus ante mundi creationem, et unde subito placuerit ei mundum creare.	174
XVIII.	Creaturae quare mutabiles.	138	III. Defenditur vers. 2.	176
XIX.	Bona sunt, sed non summa bona, quae vitiari possunt.	139	IV. In defensionem vers. 3 ostenditur tenebras nihil esse.	176
XX.	Unde animæ vitium.	140	V. Ut intelligendum quod spiritus Dei superferatur super aquas, juxta vers. 2.	177
XXI.	Anima seducitur, dum fugaces corporum pulchritudines consecutatur.	141	VI. Materies informis ex nihilo, et ex illa omnia.	178
XXII.	Rerum transeuntium administratio solis impiis displicet.	142	VII. Informis materia variis nominibus designata.	178
XXIII.	Omnis substantia bona.	143	VIII. Reprimitur Manichaorum calumnia de vers. 4.	179
XXIV.	Duplici via saluti boni consulitur, auctoritate et ratione; ac primo de auctoritatis subsidio agitur usque ad caput 29.	144	IX. Agitur pro altera parte ejusdem vers. et pro prima parte seq.	180
XXV.	Quorum hominem seu librorum auctoritati de Dei cultu credendum.	145	X. Ut recte intelligitur copisse et transisse dies unus juxta vers. 3.	181
XXVI.	Divina providentia erga nostram salutem ad sex ætates hominis veteris ac novi.	146	XI. Aque ut firmamento divisæ, vers. 6-8.	181
XXVII.	Cirrusque hominis decursus in universo hominum genere.	147	XII. Aquarum congregatio, de qua vers. 9 et 10, est ipsa earum formatio.	182
XXVIII.	Quæ, quibus et quo pacto tradenda.	148	XIII. Ex ieiunio conquestio circa vers. 11.	182
XXIX.	De altero salutis subtilio, scilicet ratione; quomodo hac duce ad Deum homo evenerit: hæc primum sensibus prestare reprehenditur.	149	XIV. Resolventur difficultates circa vers. 14-19	182
XXX.	At ratione præstantior lux immutabilis, scilicet veritas secundum quam judicat.	150	XV. Aerem nebula sum aquæ nomine designari vers. 20, etc.	184
XXXI.	Deus summa ista lex est, secundum quam ratio judicat, sed quam judicare non licet.	151	XVI. Perniciosa animantia cur creata.	184
XXXII.	Unitatis in corporibus est vestigium, sed ipsa unitas non nisi mente conspicitur.	152	XVII. Ut intelligitur ad imaginem Dei factus homo, juxta vers. 26.	188
XXXIII.	Non corpora, nec sensus corporis, sed judicium mentitur. Differunt mentiens et fallens.	153	XVIII. Potestas hominis in bestias.	187
XXXIV.	Conficta phantasmata quomodo judicentur.	154	XIX. Ut spiritualiter accipiendo vers. 28.	187
XXXV.	Vacuum ut Deus cognoscatur.	155	XX. Bestiæ dominari, per allegoram.	188
XXXVI.	Verbum Dei ipsa est veritas, quia omnino impedit id a quo principio unum est quidquid est unum. Falsitas non ex rebus, sed ex peccatis.	156	XXI. In vers. 31, cur dicitur, <i>Bona vulpe</i> .	188
XXXVII.	Impietas idololatriæ multiplicis orta ex amore creature.	157	XXII. Requies diei septimi per allegoram, cap. 2, vers. 1-3.	189
XXXVIII.	Aliud idololatriæ genus, quo peccator tristripi cupiditatibus servit.	158	XXIII. Septem dies, et septem ætates mundi.	190
XXXIX.	Ex ipsis vitiis suis animam admoneri ut primam pulchritudinem requirat: quod primo de virtute voluptatis ostenditur usque ad caput 43.	159	XXIV. Ætates mundi quare inæquales.	193
XL.	De pulchritudine corporum carnisque voluptate, et de peccantium poena.	160	XXV. Septem diuerum altior allegoria.	193
XLI.	In peccatis animæ i cena pulchritudo.	161	Liber SECUNDUS. — Persequitur expositionem Geneseos ab hoc versiculo 4, cap. 2: <i>Hic liber creaturæ cœli et terræ</i> , etc., usque ad illum cap. 3, quo Adam et Eva de Paradiso ejiciuntur. Ad extremum Ecclesiæ dogmata cum Manichaorum erroribus confert.	195-196
XLII.	Voluptas carnis admonet ut numeros indivisibilis queramus. Ante tales insint in aliquo vitali motu.	162	CAPUT PRIMUM. Recitatio secundi et tertii ca; itis Geneseos.	196
XLIII.	In homine vis judicandi de corporum et temporum proportione. Qui in perpetua veritate modus ordinis.	163	II. Genesis ad litteram ubique non potest exponi.	197
XLIV.	Dei imago Filius, ad quam facta quedam.	164	III. Viride agri quid designat, vers. 5, cap. 2.	197
XLV.	Voluptas imbecillitas protrudit nos ad sublimiora. De superbiæ virtute usque ad cap. 49: quomodo per hoc admonenur ad amplexum tendam virtutem.	165	IV. Quid sit, <i>Nondum pluerat super terram</i> , vers. 5.	198
XLVI.	Invictus qui id solum amat quod amanti eripi non potest, id est Deum ex toto corde, et proximum sicut seipsum.	166	V. Fons irrigans terram allegorice. Superbia quid est.	199
XLVII.	Vera proximi dilectio, quam qui impendit invictus est.	167	VI. Invisibilia quibus vocabulis signantur.	200
XLVIII.	Quæ sit perfecta justitia.	168	VII. Linus quid habeat mysteri.	200
XLIX.	De curiositate deinceps, ut hoc virtus admenc-	169	VIII. Insufflatio spiritus quid. Quid in Scripturis dicatur spiritus hominis.	201
		170	IX. Paradisi deliciae quid allegorice.	203
		171	X. Plumbina quatuor quid notent.	203
		172	XI. Opera hominis in paradiſo; mulier in adjutorium facta.	204
		173	XII. Sopita Adæ juncta Eva, quid sibi velit.	205
		174	XIII. Spirituale conjugium in homine.	206
		175	XIV. Serpens diabolus, Eva affectus.	206
		176	XV. Tentatio quomodo dejicit.	207
		177	XVI. Absconſio, ambulatio, percontatio quid signent.	208
		178	XVII. Rejectio culpe et serpentis i cena.	209
		179	XVIII. Serpentis cum Eva iniurictia.	210
		180	XIX. De penitentiæ mulieri inflictis.	210

XX. De vtri poma.	211	XI. De vers. 9 et 10, ubi explicat quid de terrae informitate intelligendum sit.	272
XXI. Quare post transgressionem Adam vitam vocavit ipsam Eman, et de pellicearum tunicarum significacione.	212	XII. De vers. 11, 12 et 13, quare seorsum de herbis et lignis dictum sit, <i>Et factum est sic</i> , etc.	273
XXII. Expulsio Adæ quid allegorice.	213	XIII. De vers. 14, 15, etc., cur luminaria die quarto condita.	ibid.
XXIII. Cherubim et framea versatilis quid notent.	214	XIV. Quomodo luminaria sint in signa et tempora, in dies et annos.	274
XXIV. Adam Christus, Eva Ecclesia.	215	XV. Luna qualis creata fuerit.	275
XXV. Hæretici et Manichæi maxime, per serpentem designati.	216	XVI. An sidera æquilateri fulgeant.	277
XXVI. Serpens hereticus Manichæus.	217	XVII. In Genethliacos.	278
XXVII. Adæ lapsus et poma allegorice.	218	LIBER TERTIUS. — De vers. 20 : <i>Et dicit Deus, educti sunt aquæ</i> , et reliquis usque ad primi cœtiis finem.	279-280
XXVIII. Per epilogum singulas refellit Manichæorum calumnias.	ibid.	CAPUT PRIMUM. Animalium ex aquis educio prius narratur quam quae de terra. Quod aqua aeri, aer colo proximum elementum sit.	ibid.
XXIX. Confert Ecclesiæ dogmata cum Manichæorum erroribus.	ibid.	II. Coelos diluvio periisse, et aerem in aquæ naturam transuisse.	ibid.
8. AURELI AUGUSTINI, HIPPOENSIS EPISCOPI, DE GENESI AD LITTERAM IMPERFECT LIBER.	219-220	III. De elementorum commutatione sententie. Aer in Genesis historia non prætermisssus.	ibid.
Tractatur initium Geneœos usque ad huncce versiculum 26 : <i>Faciamus hominem ad imaginem</i> , etc.	ibid.	IV. Quinque sensus ad quatuor elementa referri.	281
ADMONITIO IN SUBSEQUENTES DE GENESI AD LITTERAM LIBROS DODECIM.	245-246	V. Ut ad quatuor elementa varie se habet sentiendi vis in quinque sensibus.	282
S. AURELI AUGUSTINI, HIPPOENSIS EPISCOPI, DE GENESI AD LITTERAM LIBRI DUODECIM.	ibid.	VI. Aeris elementum non esse prætermisssum a scriptore Genesico.	ibid.
LITER PRIMUS. — Expenditur initium Geneœos, cap. 1, vers. 1 : <i>In principio fecit Deus cœlum et terram</i> , usque ad vers. 5 : <i>Et vocavit Deus lucem diem</i> , etc.	246	VII. Volatilia ex aquis non immerito dicuntur creatæ.	ibid.
CAPUT PRIMUM. In Scriptura quid considerandum.	ibid.	VIII. Reptilia animalium vivarum i scis cur apellati.	283
II. Quomodo dixit Deus, <i>Et lux</i> , an per creaturam, an per aeternum verbum.	247	IX. Quod quidam philosophi cuique elemento sua animalia tribuerunt.	284
III. Quid sit lux illa; curve non dictum, Fiat coolum, etc., sicut, <i>Fiat lux</i> . Responsio prima.	ibid.	X. Concesso daemones esse aeria animalia, nihil detrahitur Scriptura docenti producta fuisse ex aquis volatilia. Venti, tonitrua, nubes, pluvia, nix, grando, serenitas.	ibid.
IV. Altera responsio ad superiorem questionem.	249	XI. Tractantur vers. 21 et 23, ubi de variis animalium generibus creatis de terra.	285
V. Informem esse creaturam intellectualem, nisi perficiatur conversa ad divinum Verbum. Spiritus sanctus cur super aquam terri dictus est antequam narraretur dixisse Deum, <i>Fiat lux</i> .	ibid.	XII. Quid secundum genus, quod de quibusdam creaturis, non de homine dicitur.	287
VI. Trinitas insinuata cum inchoatione, tum in perfectione creaturæ.	250	XIII. Benedictio cur solis aquatilibus sicut homini impetrata. Officium giguendi.	288
VII. Spiritus Dei cur dictus est superferri super aquam.	ibid.	XIV. De insectorum creatione.	ibid.
VIII. Dei amor in creaturas spectat eis ut sint et ut maneat.	251	XV. De creatione animalium venenatorum.	289
IX. Utrum in tempore dictum sit, <i>Fiat lux</i> , an sine tempore.	ibid.	XVI. Bestiae invicem nocentes cur creatæ.	ibid.
X. Quomodo dies unus peractus fuit, sive in creatione, sive post creationem lucis. Primus explicandi modus improbatur. Secundus dicendi modus difficultatis implicatur.	253	XVII. Scrupulus de corporibus mortuorum devoratis.	290
XI. De solis officio nova difficultas in superiore modo dicendi.	ibid.	XVIII. Spinae et tribuli lignaque infructuosa cur et quando creatæ.	ibid.
XII. Alia difficultas de successione trium dierum et noctium ante solis creationem. Congregatio aquarum quonodo facta.	254	XIX. Cur in solius hominis creatione dictum, <i>Faciamus</i> .	291
XIII. Aqua et terra quando creatæ.	ibid.	XX. In quo homo factus sit ad imaginem Dei. Cur de hominis creatione non dicitur, <i>Et sic est factum</i> .	292
XIV. Ratio cur in primo versiculo Geneœos subintelligatur materia informis.	255	XXI. De hominis immortalitate difficultas ex cibo ipsi præstito.	293
XV. Materia origine, non tempore formam præcedit.	ibid.	XXII. Opinio quorundam anime creationem signari his verbis, <i>Et fecit</i> , etc., corporis vero istis, <i>Et finxit Deus</i> , etc.	ibid.
XVI. Alia ratio explicandi quomodo dies et nox facta fuerit, emissione scilicet et contractione lucis, non probatur.	256	XXIII. Quo spectet illud vers. 30, <i>Et sic est factum</i> .	294
XVII. De spiritu luce difficultas, quomodo in ea sit vespera et mane, divisio que a tenebris.	ibid.	XXIV. Cur de homine non singulatum, uti de cateris, dictum sit, <i>Hoc Deus quia bonum est</i> .	ibid.
XVIII. Quonodo Deus operatur.	257	LIBER QUARTUS. — Tractatur initium cap. 2 Geneœos ; postque nonnulla de senarii numeri perfectione, moveret quies rursum, circa vers. 5 cap. 1, quomodo scilicet creatæ luce, facta sit vespera et factum mane, siue dies numerati usque ad sextum et septimum.	295-296
XIX. In obscuris Scripturæ locis nihil temere asserendum.	ibid.	CAPUT PRIMUM. Dics sex quonodo accipiendi.	ibid.
XX. Genesim cur interpretetur sententias varias proferendo, non aliquam unam asserendo.	261	II. De senarii numeri perfectione.	ibid.
XXI. Quis fructus hujusmodi interpretationis, qua nihil temere asseritur.	262	III. De eo quod scriptum est Sap. xi, 21, <i>Omnia in mensura</i> , etc.	297
LIBER SECUNDUS. — De eo quod scriptum est cap. 1, vers. 8 : <i>Et dixit Deus, Fiat firmamentum</i> , etc., usque ad vers. 19 : <i>Et factum est vespera</i> , etc. Nonnulla in fine contra Genethliacos.	263-264	IV. In Deo esse mensuram sine mensura, numerum sine numero, et pondus sine pondere.	ibid.
CAPUT PRIMUM. Firmamentum in medio aquarum quid. Aquas supra sidereum cœlum esse quidam negant.	ibid.	V. In Deo i. so exstat ratio mensuræ, numeri et ponderis, ad quam disposita sunt omnia.	300
II. Aer terra superior.	ibid.	VI. Ubi cernebat Deus unde omnia disponeret.	301
III. Ignis superior aere.	265	VII. Senarii numeri perfectionem quonodo cernamus.	ibid.
IV. Aquæ supra cœlum aereum, quod firmamentum appellari quidam observavit.	ibid.	VIII. Quies Dei in die septimo ut intelligenda.	ibid.
V. Aquæ supra cœlum etiam sidereum.	266	IX. Quo sensu Deus requiescere dicitur. Tristitia laudabilis.	302
VI. De eo quod additum est, <i>Et fecit Deus</i> , etc., an eo declaretur Filii Dei persona.	267	X. Questio an ipse Deus propriæ requiescere poterit.	303
VII. De eadem re.	268	XI. Quomodo ultrunque constat, Deum in die septimo requievisse, et nunc usque ocrari.	ibid.
VIII. De luce cur non additum, <i>Et fecit Deus</i> , sicuti sicut let of aliis creaturis dici.	269	XII. Alia ratio conciliandi Scripturam de requie et de continua operatione Dei.	304
IX. De figura cœli.	270	XIII. De sabbati observatione. Sabbathum christianum.	305
X. De cœli motu.	271	XIV. Cur Deus sanctificaverit diem quietis suæ.	ibid.
		XV. Solvitur questio superius proposita.	306
		XVI. Dei requies ab operibus suis in septimo die.	ibid.
		XVII. Quies nostra in Deo.	307
		XVIII. Septimus dies cur mane habuerit, non vesperam.	308

XIX. Alia ratio qua intelligitur septimus dies habuisse mane sive vespera.	510	XII. Corpus hominis an singulari modo a Deo formatum.	517
XX. Dies septimus an creatus.	<i>Ibid.</i>	XIII. Qua etate aut statura conditus fuerit Adam.	518
XXI. De luce quae ante luminaria fuit ad vicissitudi- nem diei et noctis.	511	XIV. Nationes causales mundo primam inditæ cuius generis fuerint.	519
XXII. Lux spiritualis quomodo diei et noctis vicissitu- dinem exhibuisse intelligitur.	<i>Ibid.</i>	XV. Primus homo non aliter quam primordiales cause haberent, forma:us fuit.	<i>Ibid.</i>
XXIII. Cognitio rerum in Verbo Dei et in seipsis.	512	XVI. In re natura est ut quid esse possit; ut futuram sit non nisi in Dei voluntate.	520
XXIV. Scientia angelorum.	513	XVII. Ex futuris quacunq; vere futura.	<i>Ibid.</i>
XXV. Cur sex diebus non addatur nox.	<i>Ibid.</i>	XVIII. Colligitur Adamum non formatum fuisse contra quam erat in primordiis causis institutum.	521
XXVI. Numerus dierum quomodo accipienda.	514	XIX. Adamo non spirituale, sed animale cor:us a Deo formatum est.	<i>Ibid.</i>
XXVII. Usitat dies hebdomadae longe disparates septem diebus Genesos.	<i>Ibid.</i>	XX. Difficultas contra superiorem sententiam. Opinio corpus Adami prius animale, postea spirituale ac- tum fuisse in paradiso.	522
XXVIII. Interpretatio data de luce et die spirituali non existimetur imprposta et figurata.	<i>Ibid.</i>	XXI. Exploditur illa opinio.	<i>Ibid.</i>
XXIX. Angelica cognitione dies, vespera et mane.	515	XXII. Adamum peccato mortem ammae, non cor:is meruisse, quidam non recte arbitraentes.	523
XXX. Nihilo ignobilior angelica scientia, licet in hac sit vespera et mane.	<i>Ibid.</i>	XXIII. In eos qui dicunt Adae corpus ex animali spiri- tuale lactum in paradiso.	<i>Ibid.</i>
XXXI. Initio creationis rerum quomodo non simul dies, vespera et mane in angelica cognitione.	516	XXIV. In renovatione quomodo id recipimus, quod Adam perdidit.	<i>Ibid.</i>
XXXII. Si tunc ista omnia simul in Angelorum scien- tia, saltem non sine quodam ordine fuerint.	<i>Ibid.</i>	XXV. Adae corpus mortale simul et immortale.	524
XXXIII. An simul omnia, an per intervalla dierum con- ditæ fuerint.	517	XXVI. Corpus Adae et nostrum diversa.	<i>Ibid.</i>
XXXIV. Omnia et simul facta, et nihilominus per sex dies acta.	519	XXVII. Quomodo mente et corpore ad id renovariur, quod Adam perdidit.	525
XXXV. Conclusio de diebus Genesos.	520	XXVIII. Adam licet spiritualis mente, corpore fuit ani- malis etiam in paradiso.	<i>Ibid.</i>
LITERA QUINTUS. — De eo quod scriptum est in cap. 2 Genesos, v. 4: <i>Hic est liber creaturae cœli, etc.</i> , usque ad illud, v. 6: <i>Fons autem ascendebat de terra.</i>	321-322	XXIX. De anima tractandum in sequenti libro.	526
CAPUT PRIMUM. Sex vel septem Genesos dies unus dies repetitione numerari potuisse.	<i>Ibid.</i>	LITERA SEPTIMUS. — Illud Genesos cap. 2, vers. 7: <i>Et flavit in faciem ejus flatum ritus, etc.</i> , illustratur uberrima tractatione de anima.	527-528
II. Viride atri cur additum.	<i>Ibid.</i>	CAPUT PRIMUM. De anima tractatio suscipitur.	<i>Ibid.</i>
III. Ex narrationis ordine intelligitur omnia simul creata fuisse.	<i>Ibid.</i>	II. Animæ non esse ejusdem naturæ cum Deo ex proposito Scripturæ loco arguitur.	<i>Ibid.</i>
IV. Cur fenum antequam exoriretur factum fuisse di- citur.	523	III. Urgetur idem argumentum.	527
V. Ordo creationis rerum per sex dies, non interval- lis temporum, sed connexione causarum.	523	IV. Deum sufflando non fecisse de scipo animam, nec de elementis.	528
VI. De versiculo, <i>Non enim plural, etc.</i> An intelligendū omnia simul creatæ esse.	527	V. An anima ex nihilo.	<i>Ibid.</i>
VII. De fonte qui rigabat totam terram, etc.	528	VI. An ut corporis, ita et animæ præcesserit aliqua materies.	<i>Ibid.</i>
VIII. Quæ scriptura retinet, quatenus conjectando pro- ferre juvat.	529	VII. Dicitur non posse qualis fuisse illa materies animæ.	529
IX. Difficultas de fonte terram universam irrigante.	<i>Ibid.</i>	VIII. Beatam fuisse materiem illam admitti non potest.	<i>Ibid.</i>
X. Fons ille terram totam rigans ut intelligendus.	<i>Ibid.</i>	IX. Neque illam materiem esse quamdam irrationali- lem auimam.	530
XI. Rerum creationem primam factam esse sine tem- poris mora; administratione non ita.	530	X. Ex morum similitudine non effici ut anima hominis in pecus transveat.	<i>Ibid.</i>
XII. Opera Dei sub tripli consideratione.	531	XI. Fictiliae quarundam animarum transmigrationes.	<i>Ibid.</i>
XIII. Omnia antequam fierent, in sapientia Dei.	<i>Ibid.</i>	Manichæorum deterior quam philosophorum in illo.	531
XIV. Illud ex Joanne, <i>Quod factum est, etc.</i> , quomodo distinguendum.	<i>Ibid.</i>	XII. Animæ non est ex corporeo elemento.	532
XV. Omnia qualis vita sunt in Deo.	532	XIII. Medicorum sententia de corpore humano.	<i>Ibid.</i>
XVI. Deum facilius mente percipi inus quam creaturas.	533	XIV. Animæ non esse ex elementis.	533
XVII. Ante secula, a seculo, in seculo.	533	XV. Animæ incorporea.	<i>Ibid.</i>
XVIII. Creaturae plures nobis ignotæ. Qua ratione a Deo et ab Angelis noscuntur. Cognitio matutina et vespertina.	<i>Ibid.</i>	XVI. Cur dictum sit, <i>Factus est homo in animam vi- vam.</i>	<i>Ibid.</i>
XIX. Angeli Dei nuntii mysterium regni coelorum no- verunt a seculis.	534	XVII. Tu faciem hominis cur dicitur Deus sufflasse.	534
XX. Deum adhuc operari.	<i>Ibid.</i>	XVIII. Tres ventriculi cerebri.	<i>Ibid.</i>
XXI. Omnia gubernari divina providentia.	535	XIX. Animæ præstantia supra res corporeas.	<i>Ibid.</i>
XXII. Argumenta divinæ providentiae.	536	XX. Aliud anima, aliud organa corporis.	535
XXIII. Quomodo Deus omnia simul creaverit, et nunc usque operetur.	537	XXI. Animæ neque ullo ex corpore, neque ullum cor- pus est.	<i>Ibid.</i>
LITERA SEXTUS. — In vers. 7 cap. 2 Genesos: <i>Et finxit Deus hominem pulvrem de terra, etc.</i> , quomodo seu quando de limo formatus fuerit homo inquiritur; tum dilata tantisper consideratione animæ, dicitur de corpore Adami.	539-540	XXII. An causalis ratio animæ fuerit condita in diebus Genesos.	536
CAPUT PRIMUM. An istud: <i>Et finxit Deus, etc.</i> , de prima homini formatione facta die sexto, an de altera po- sterius et per temporis moram facta intelligendum.	<i>Ibid.</i>	XXIII. An illa causalis ratio animæ fuerit inserta in an- gelica natura.	538
II. Res exploratur ex contextu Scripturae.	<i>Ibid.</i>	XXIV. Animæ an creata sit priusquam corpori inserta.	<i>Ibid.</i>
III. Eadem questio ex aliis locis Scripturæ discutitur.	541	XXV. Animæ si extra corpus existebat, an suopote nutu ad corpus venerit.	<i>Ibid.</i>
IV. Idem expendit ad Gen. ii, 8-9.	<i>Ibid.</i>	XXVI. Animæ si proprio nutu corpori inserta, non fuit præscia futuri. Liberum arbitrium.	539
V. De eadem re.	541	XXVII. Animæ naturali appetitu ferri in corpus.	<i>Ibid.</i>
VI. Sententiam suam liquidius explicat, ne male intel- ligatur.	542	XXVIII. Difficultates, cum dicitur animam Adæ non prius creatam quam ejus corpori insiriatam fuisse.	540
VII. Dicit non posse animas prius creatas quam corpora.	543	LITERA OCTAVUS. — De eo quod legitur Gen. 2, vers. 8: <i>Et plantavit Deus paradisum in Eden, etc.</i> , usque ad illud, vers. 17: <i>De ligno autem cognoscendi bo- num et malum non manducabitis de illo, etc.</i>	571-572
VIII. Difficultas de voce Dei ad hominem sexto die di- recta.	544	CAPUT PRIMUM. Paradisus in Eden plantatus et proprie et figurate accipiendo.	<i>Ibid.</i>
IX. Jeremias quomodo Deo notus antequam formatus. Meritis nondum naturum.	544	II. Genesim alias contra Manichæos cur secundum alle- goriam exposuerit.	573
X. Res variis modis existentes.	545	III. De vers. 8 et 9, ubi rursus de creatione ligni.	574
XI. Opera creationis die sexto quomodo et jam con- sumata, et adhuc inchoata.	<i>Ibid.</i>	IV. De altera parte vers. 9, lignum vitæ et vere crea- tum esse, et sapientiam figurasse.	575
	<i>Ibid.</i>	V. De eodem ligno vitæ, ipsum et figuram, et nihilominus rem rem veram fuisse.	576
	<i>Ibid.</i>	VI. Lignum scientie boni et mali arbor vera et in-	

- noxia. Obedientia. Inobedientia.
 VII. De vers. 10, 11, 13 et 14; illuc accipienda esse vera flumina. Tiberis prius Abula. Nilus, qui prius Geon. Ganges, qui prius Phison.
 VIII. De vers. 15; an homo positus in paradiso ut agriculturae operam daret.
 IX. Agricultura opus allegorice.
 X. Quid sit, *ut operaretur et custodiret.*
 XI. Cur hic addita dictio, *Dominus verus.*
 XII. Hominem non posse quidquam boni agere sine Deo. Discessus a Deo.
 XIII. Cur homo prohibitus a ligno scientiae boni et mali. Inobedientia.
 XIV. Ex divini praecepti contemptu experientia mali.
 XV. Lignum scientiae boni et mali cur sic a pellatum.
 XVI. Hominem ante mali experimentum potuisse intelligere quid esset malum.
 XVII. An utriusque, Adamo et Evæ, datum sit præceptum.
 XVIII. Quomodo Deus locutus sit homini.
 XIX. Ut intelligatur operatio Dei in creaturis, quid in primis de ipso sentierendum.
 XX. Creatura corporalis loco et tempore, spiritualis tempore tantum, Creator ipse neutro modo mutabilis.
 XXI. Quomodo Deus immotus moveat creature, exemplo animæ deprehendi.
 XXII. Quomodo Deus moveat, quomodo anima.
 XXIII. Deus semper quietus, omnia tamen agens.
 XXIV. Quænam heatis Angelis subditæ creature.
 XXV. Natura universitatis, partesque ejus quomodo administrantur.
 XXVI. Deus semper idem et immotus administrat omnia.
 XXVII. Quomodo locutus sit Deus Adæ. 392
 LIBER NONUS. — De eo quod legitur Gen. cap. 2, vers. 18: *Et dixit Dominus Deus: Non est bonus hominem esse solum, etc.*, usque ad illud, vers. 24: *Et erunt duo in carne una.* 393-394
- CAPUT PRIMUM. Cur dictum sit, *Et finxit Deus adhuc de terra*, etc. De terræ vocabulo. 394
 II. Quomodo id locutus sit Deus, *Non est bonus, etc.* 394
 III. Mulier in adjutorium propter sobolem facta. 395
 IV. Quare non coierint iuniori parentes in paradiso. 396
 V. Mulier facta in adjutorium non alia quam sobolis causa. 396
 VI. Filiorum successio qualis si Adam non peccasset. 397
 VII. Mulier pariendi causa. Unde landabilis virginitas et nuptiae. Matrimonii triplex bonum. 397
 VIII. Fuga vittiorum in contraria. 398
 IX. Mulier propter gigantidos filios, etiamsi ex peccato non fuisset necessitas moriendo. 398
 X. Libidinis morbus ex peccato. 398
 XI. Femininus sexus conformatus propter sobolem, non tamen cum libidine, nisi homo peccasset, procreandam. Obedientia. 400
 XII. Animalia vere adducta esse ad Adam, ut iis nomina imponeat; sed hac re gesta aliquid figurari. 400
 XIII. Formatio mulieris eo modo quo narratur facta est, ut quidpiam prenuntiaretur. 402
 XIV. Quomodo animalia adducta ad Adam. 402
 XV. Formatio mulieris non per alium quam Deum. 403
 XVI. Tarditas ingenii humani non assequitur opere dei. 404
 XVII. Mulieris formanda ratio an in hominis causalí conditione ad sextum diem pertinere præexistabat. 405
 XVIII. Mulieris formanda ratio sic præexistebat ut era mysterio conveniens. 406
 XIX. Ecclasiæ Adæ. 408
 LIBER DECIMUS. — Tractatur de animarum origine. 407-408
- CAPUT PRIMUM. Animam mulieris ex anima viri factam esse quorundam opinio. 408
 II. Quid in superioribus investigatum circa originem animæ. 409
 III. Originis animarum triplex modus. 410
 IV. De anima natura et origine quid certum. 411
 V. Anima nec ex Angelis, nec ex elementis, nec ex Dei substantia. 411
 VI. Opiniones de anima duæ ad Scripturæ testimonia expendende. 412
 VII. Utri opinioni faveat illud, *Sorsitus sum animam bonam, etc.* 413
 VIII. Neutri sententiae adversari illud, *Ausferes spiritum, etc.* 413
 IX. Item illud, *Et convertatur, etc.*, inter utramque opinionem consistet. 414
 X. Quæstio de anima non facile solvitur ex Scripturis. 413
 XI. An utriusque sententiae possit accommodari illud, *Per unum hominem, etc.* Baptismus infantium. 413
- 377 XII. Carnalis concupiscentia causam non in carne sola, sed etiam in anima esse. 416
 XIII. Illa sententia de concupiscentia carnis, quam sit expedita. Peccata pauperum. 417
 XIV. Argumentum pro opinione: nimarum ex traduce, desumptum ex reatu et batismo parvorum, discutitur. 418
 XV. Idem argumentum penitus examinatur. 419
 XVI. De eodem argumento. 420
 XVII. Testimonium ex libro Sapientiae in utramque partem tractatur. 420
 XVIII. De anima Christi, an possit in ipsius sum convenienter illud, *Puer autem ingeniosus eram, etc.* 421
 XIX. Animæ Christi non fuit in lumbis Abrahamæ, ideoque non est ex traduce. 422
 XX. Ad argumentum nunc allatum quid respondendum pro defendentibus animarum traducem. 422
 XXI. Christum, si in Abrahamo secundum animam fuisse, non potuisse non decimari. 423
 XXII. Utrique opiniionis de anima origine accommodatur locus ille Joannis, *Quod natum, etc.* 423
 XXIII. Ex duabus de anima sententias quenam præconderet. Consuetudo Ecclesiæ in Baptismo larvorum. 423
 XXIV. Quid cavendum his qui opinantur animas esse ex traduce. 426
 XXV. Tertulliani error ex anima. 427
 XXVI. De animæ incrementis quid Tertulliano visum. 428
 LIBER UNDECIMUS. — In illud cap. 2 Genesios, vers. 25: *Et erant nudi, etc.*, et in totum cap. 3, cuius illustrandi causa dicatur de conditione et casu diabolici. 429-430
- CAPUT PRIMUM. Recitato textu Genesios, explicatur vers. 25, cap. 2. 430
 II. Serpentis sajentia qualis et unde. 430
 III. Diabolus nominis per serpentem tentare permisus. 431
 IV. Tentatio hominis quare permissa. 431
 V. Honio a tentatore dejectus, quia superbus. 432
 VI. Cur Deus permisit hominem tentari. 432
 VII. Cur homo non talis creatus, qui nollet unquam peccare. 433
 VIII. Quare creati qui præsciebantur futuri mali. 433
 IX. De eadem difficultate. 434
 X. Malorum voluntatem in bonum convertere potest Deus; quare non faciat. 434
 XI. Malorum opiniis non indiget Deus, sed ex eis constitutis bonorum saluti. 434
 XII. Cur tentatio per serpentem fieri permissa. 435
 XIII. In Manichæos qui diabolum in creaturis Dei consideri volunt. 436
 XIV. Causa ruinæ angelicæ. Superbia; invidia. 436
 XV. Superbia et amor privatus fontes malorum. Amores duo. Civitates duæ. Opus de Civitate Dei pollicetur. 436
 XVI. Diabolus quondam laesus sit. 437
 XVII. An-beatus fuerit diabolus ante peccatum. 438
 XVIII. Homo ante peccatum quomodo beatus fuerit. 438
 XIX. Angelorum conditio. 439
 XX. Opinio de diabolo creato in malitia. 439
 XXI. Refutatio haec opinio. 440
 XXII. Opinionis ejusdem fundamenta convelluntur. 440
 XXIII. Ut intelligendum est diabolum in veritate nunquam stetisse. 441
 XXIV. De corpore mystico diaboli intelligendum esse illud, *Quomodo cecidit, etc.* 441
 XXV. De eodem corpore diaboli dictum esse illud, *Tu es signaculum, etc.* Paradisus Ecclesiæ. 442
 XXVI. Conclusio de diaboli conditione et lapsu. 443
 XXVII. De tentatione diaboli per serpentem. 443
 XXVIII. An serpens verba prolatæ intellexerit. 444
 XXIX. Serpens cur dictus prudenter. 444
 XXX. Colloquium serpentis cum muliere. 445
 XXXI. Ad quid aperti oculi Adami et Evæ. 445
 XXXII. Mortalitatis et libidinis origo. Ficulnea succulenta. 446
 XXXIII. Vox Dei ambulantis in paradiso. 447
 XXXIV. Adam ob nuditatem sece abscondens interrogatur a Deo. 448
 XXXV. Excusationes Adami et Evæ. 448
 XXXVI. Maledictio serpentis. 449
 XXXVII. Urota mulieris. 450
 XXXVIII. Perna Adami et nomen mulieri impositum. 450
 XXXIX. Tunica pellicea. Ex robratio superbie. 451
 XL. Expulsio a paradiso. Excommunicatio. 452
 XLI. Opiniones de hominis peccato; quale fuerit. 452
 XLI. An Adam crediderit serpentem, quæve ratione ad peccandum inductus sit. 452

LIBER DUODECIMUS. — De paradiſo et tertio caelo quo raptus est Paulus, deque nautiplici visionum genere disputatur.	453-454	I. LIBER SEPTIMUS. — Quæſtiones in Judices.	791-792
CAPUT PRIMUM. De paradiſo locus Apostoli examinandus.	<i>Ibid.</i>	II. DE SUBSEQUENTI ANNOTATIONUM IN JOB OPERE.	793
II. Apostolum potuisse nescire an extra corpus paradiſum vellet, si vidit in ecclasi.	453	S. AURELI AUGUSTINI, HIPPONENSIS EPISCOPI, ANNOTATIONUM IN JOB LIBER UNUS.	<i>Ibid.</i>
III. Apostolus certus se vidisse tertium caelum, incertus quomodo viderit.	<i>Ibid.</i>	ADMONITIO IN LIBRUM CIC TITULUS <i>Speculum</i> .	887-888
IV. Vere tertium caelum fuisse illud quo raptus est Apostolus. Difficultas quomodo Apostolus certus sit de caelo viso, et incertus de modo quo visum fuit.	456	S. AURELI AUGUSTINI, HIPPONENSIS EPISCOPI, DE SCRIP- PTURA SACRA SPECULUM.	<i>Ibid.</i>
V. Eadem difficultas endatur.	457	PREFATIO.	<i>Ibid.</i>
VI. Visionum genera tria.	458	De libro Legis, qui <i>Exodus</i> nominatur.	8-9
VII. Genera visionum : corporale, spirituale, intellec- tuale. Corporale proprie et translatæ. Spirituale plurius modis.	459	De Levitico.	9-2
VIII. Unde spirituale dicitur visionum genus secundum.	460	De Numeris.	8-3
IX. Prophetiam ad mentem pertinere.	461	De Deuteronomio.	8-6
X. Intellec- tuale genus visionis.	<i>Ibid.</i>	De Jesu Nave.	9-0
XI. Corporalem visionem referri ad spiritualem, hanc vero ad intellec- tuelam.	462	De Psalmis.	9-2
XII. Corporalis et spiritualis visio.	463	De Proverbii.	9-3
XIII. An insit in anima vis divinationis.	464	De Ecclesiaste.	9-3
XIV. Intellectualis visio non fallit. In aliis falli non semper est perniciosum.	463	De Canticō canticorum.	9-3
XV. Sonnia venera sine peccato contingere.	466	De libro Job.	9-3
XVI. Corporalium similitudines a spiritu in seipso for- marī.	<i>Ibid.</i>	De libro Cœli.	9-28
XVII. Similitudines animo ex resse unde innotescant demonibus. Visiones quedam mira. Phrenetici. Puer ægyptianus.	467	De libro Joel.	<i>Ibid.</i>
XVIII. De visionum causis.	469	De libro Amos.	<i>Ibid.</i>
XIX. Unde nascantur visiones.	470	De libro Michæl.	9-29
XX. Visa que a corpore occasionem habent, non ta- men exhiberi a corpore.	<i>Ibid.</i>	De libro Habacuc.	9-50
XXI. Visa corporalibus similia in qua anima rapitur, non ideo esse naturæ diverse.	472	De libro Sophonie.	<i>Ibid.</i>
XXII. Quomodo contingent visa illa, ex quibus divina- tiones occulto instinctu seu casu factæ.	<i>Ibid.</i>	De libro Zachariae.	9-51
XXIII. Spirituale naturam, ubi tam multis causis similitudines corporalium tormentur, in nobis exi- stere.	473	De libro Malachiae.	<i>Ibid.</i>
XXIV. Visionem intellectualem spirituali, spiritualem corporali præstare.	474	De libro Isaiae.	9-52
XXV. Solam intellectualem visionem non fallere.	473	De libro Jeremie.	9-57
XXVI. Raptus animæ duplex, spirituali visione et intel- lectuali.	476	De libro Ezechielis.	9-41
XXVII. Quo genere visionis Deus a Moysi visus.	477	De libro Sapientie.	9-47
XXVIII. Tertium caelum et paradisum de quo Apostolus, posse intelligi tertium genus visionis.	478	De Ecclesiastico.	9-48
XXIX. An ut plures caeli, ita in sacerdotiis et intellec- tuali visione plures gradus.	<i>Ibid.</i>	De libro Tobiae.	9-69
XXX. In spirituali genere visionis alia visa quasi divina, alia humana.	478	De Evangelio secundum Matthæum.	970
XXXI. In intellectuali visione alia sunt que in anima videntur, aliud lumen quo ipsa illustratur. Lumen anime Deus.	<i>Ibid.</i>	De Evangelio secundum Marcum.	980
XXXII. Animæ corpore exuta quo feratur.	480	De Evangelio secundum Lucam.	985
XXXIII. De inferis questio. Animam esse incorpoream. Sinus Abraham.	481	De Evangelio secundum Joannem.	992
XXXIV. De paradiſo et tertio caelo quo raptus est Pau- lus.	482	De libro Actuum apóstolorum.	993
XXXV. Resurrectio corporum ad perfectam beatitudi- nem animæ cur sit necessaria.	483	De Epistola B. Pauli ad Romanos.	994
XXXVI. Tria visionum genera quomodo erant in bea- tis.	484	De Epistola I B. Pauli ad Corinthios.	999
XXXVII. Sententia quorundam de tertio caelo.	<i>Ibid.</i>	De Epistola II B. Pauli ad Corinthios.	1007
DE SUBSEQUENTI LOCUTIONUM OPERE.	485-486	De Epistola B. Pauli ad Galatas.	1011
S. AURELI AUGUSTINI, HIPPONENSIS EPISCOPI, IN HE- PTATEUCHUM LOCUTIONUM LIBRI SEPTEM.	<i>Ibid.</i>	De Epistola B. Pauli ad Ephesios.	1012
LIBER PRIMUS. — Locutiones de Genesi.	<i>Ibid.</i>	De Epistola B. Pauli ad Philippienses.	1013
LIBER SECUNDUS. — Locutiones de Exodo.	501-503	De Epistola I B. Pauli ad Thessalonicenses.	1017
LIBER TERTIUS. — Locutiones de Levitico.	515-516	De Epistola II B. Pauli ad Thessalonicenses.	1018
LIBER QUARTUS. — Locutiones de Numeris.	521-522	De Epistola B. Pauli ad Colossenses.	1019
LIBER QUINTUS. — Locutiones de Deuteronomio.	531-532	De Epistola I B. Pauli ad Timotheum.	1020
LIBER SEXTUS. — Locutiones de Jesu Nave.	537-538	De Epistola II B. Pauli ad Timotheum.	1025
LIBER SEPTIMUS. — Locutiones de Iudicibus.	541-542	De Epistola B. Pauli ad Titum.	1025
DE SUBSEQUENTI QUESTIONUM OPERE.	543-546	De Epistola B. Pauli ad Philemonem.	1026
S. AURELI AUGUSTINI, HIPPONENSIS EPISCOPI, QUÆ- STIONUM IN HEPTATEUCHUM LIBRI SEPTEM.	547-548	De Epistola ad Hebreos.	<i>Ibid.</i>
LIBER PRIMUS. — Quæſtiones in Genesim.	<i>Ibid.</i>	De Epistola I Petri.	1029
LIBER SECUNDUS. — Quæſtiones in Exodum, et in fine descripſio Tabernacula.	597-598	De Epistola II Petri.	1032
LIBER TERTIUS. — Quæſtiones in Leviticum.	673-674	De Epistola Jacobi.	1033
LIBER QUARTUS. — Quæſtiones in Numeros.	717-718	De Epistola I Joannis.	1036
LIBER QUINTUS. — Quæſtiones in Deuteronomium.	747-748	De Epistola II Joannis.	1039
LIBER SEXTUS. — Quæſtiones in Jesu Nave.	773-776	De Epistola III Joannis.	<i>Ibid.</i>
		De libro Apocalypsis.	1040
		ADMONITIO IN LIBROS DE CONSENSU EVANGELISTARUM.	<i>Ibid.</i>
		S. AURELI AUGUSTINI, HIPPONENSIS EPISCOPI, DE CON- SENSU EVANGELISTARUM LIBRI QUATUOR.	1041-1042
		LIBER PRIMUS. — Dicto breviter de Evangelistarum auctoritate, numero, ordine ac varia scribendi ratio- ne, Augustinus, priusquam de eorumdem con- sensu agat, illis hoc libro occurrit qui vel inveniuntur cur Christus ipse nihil scriperit, vel fingunt scri- ptos ab iis quod fuisse libros de magis; quique ad- versus evangelicam doctrinam jactitant Christi discipulos non tantum magistro suo amplius tri- buisse quam re vera erat, dicendo illum Deum; sed etiam deorum cultum prohibendo, non hoc do- cuisse quod ab ipso didicissent. Contra quos doctri- nam Apostolorum ex prophetarum eloquii vindicat, ostendens Deum Israel solum colendum esse qui solus a Romanis quod deos alios coli secum veteret, ante non receperit, jam demum Romanum imperium suo nomini subjugavit, atque apud omnes gentes, uti per suos prophetas futurum promi- serat, idola communivit per Evangelii prædicatio- nem.	
		CAPUT PRIMUM. Evangeliorum auctoritas.	<i>Ibid.</i>
		II. Ordo Evangelistarum, et scribendi ratio.	1013
		III. Mattheus cum Marco ad regiam, Lucas ad sacer- tolem Christi personam intentionem retulit.	1044
		IV. Joannes ipsius divinitatem ex rimendani curavit.	1043
		V. Virtutes dñe, circa contemplativam Joannes, circa activam Evangelistæ alii versantur.	<i>Ibid.</i>
		VI. Quatuor animalia ex Apocalypsi de quatuor Evan-	

gelistis alii alii ap[osto]li intellexerunt.	1040	eritas eorum	1086
VII. Causa suscepti operis de Evangelistarum consensu. occurritur iis qui dicunt Christum nihil scripsiisse, discipulos vero ejus Deum illum prædicando membris suisse.	1047	X. Quomodo Lucas dicit, <i>b[ea]nt parentes ejus per omnes annos in Jerusalem in die sollemni paschae cum illo puer; cum dicat Matthaeus quid metu Archelaui tenuerat illum ire ab Egypto redeuntes.</i>	1086
VIII. Si fama narrante Christus creditur sapientissimus, cur majori fama prædicante non creditur Deus.	1048	XI. Quomodo potuerint, complicitis diebus purgationis matris christi, sicut lucas dicit, ascendere cum illo in templum ad peragenda solemnia, si secundum Mattheum iam Herodii per viagos nocturnos erat cum natum, pro quo, cum cum quereret, tot occidit infantes.	1087
IX. Quidam flagrant Christum scriptis libros de Magis.	1049	XII. De verbis Joannis inter omnes quatuor.	ibid.
X. Eosdem libros Petro et Paulo inscriptos quidam delirant.	ibid.	XIII. De baptizato Iesu.	1088
XI. In eos qui somniant Christum magica arte populos ad se convertisse.	1050	XIV. De verbis vocis factae de celo super baptismum.	1089
XII. Judeorum Deus, illis subjugatis, ideo non fuit a Romanis receptus, quod is haberet se solum coli simulacris deletis.	ibid.	XV. Quomodo secundum Joannem Evangelistam dicit Joannes Ba[bi]tista, <i>I go non noreram eum; cum secundum alios inveniatur quod jam noverat eum.</i>	1090
XIII. Iudeos cur Deus passus est subjugari.	1051	XVI. De tentato Iesu.	ibid.
XIV. Deus Iudeorum victimis illis se victimum non esse ostendit idolorum eversione et gentium omnium ad ipsius cultum conversione.	ibid.	XVII. De vocatione apostolorum piscantium.	1094
XV. Pagani Christum laudare compulsi, in ejus discipulos contumeliosi.	1052	XVIII. De tempore secessione Iesu in Galileam.	1097
XVI. Apostoli de suahertendis idolis nihil a Christo vel a prophetis diversum docuerunt.	ibid.	XIX. De illo sermone prolixo quem secundum Mattheum habuit in monte.	1098
XVII. In Romanos qui Deum Israel solum rejecerunt.	1053	XX. Quomodo dicit Matthaeus centuriam ad eum accessisse pro puer suo, cum Lucas dicit quod amicos ad eum miserit.	1100
XVIII. Iudeorum Deus a Romanis non receptus, quia se solum coli voluerit.	ibid.	XXI. De socru Petri quo ordine narratum sit.	1101
XIX. Hunc esse verum Deum.	1054	XXII. De ordine rerum quae post hoc narrant, utrum nil inter se dissentiant Matthaeus, Marcus et Lucas.	1103
XX. Contra Deum Iudeorum nihil a Paganorum variis predictum repperitur.	ibid.	XXIII. De illo qui ait Domino, <i>Sequar te quocumque sis;</i> et alii quae juxta sunt, quo ordine narrantur a Matthaeo et Iuca.	1105
XXI. Hic solus Deus coleundus, qui cum aliis coli prohibeat, coli non prohibetur ab aliis.	1055	XXIV. De transfiguratione ejus, ubi dormivit in nivali, et de expulsio daemonis, quos permisit in porticos, quomodo ea que gesta vel dicta sunt, convenienter inter Mattheum, Marcum et Iucam.	1104
XXII. Opini gentium de Deo nostro.	ibid.	XXV. De paralytico cui dixit, <i>Tu immitior tibi peccata;</i> et, <i>Tolle grabcum tuum,</i> maxime utrum locus ubi hoc factum est, conveniat later Mattheum et Marcum; quia Mattheus dicit in civitate sua, Marcus autem in Capharnaum.	1105
XXIII. De Jove et saturno quid nugati sint Pagani.	1056	XXVI. De vocatione quoque Matthei, utrum Marco et Luce, qui dicunt Levin Alphai, idem Matthaeus congruat.	1106
XXIV. Non omnes deos colunt, qui Deum Israel rejiciunt, nec eum colunt, qui alias colunt.	1058	XXVII. De convivio ubi objectum est ei quod cum peccatoribus manducaret, et quod non jejunarent discipuli ejus, quod videtur alius alios dicere a quibus objectum sit, et de verbis eorum, responsisque Domini, utrum Matthaeus, Marcus et Lucas, congruant.	1107
XXV. Dii falsi alii coli secum non probubent. Deum Israel esse Deum verum euincunt ex operibus ejus et praedictis et iam letis.	1059	XXVIII. De filia Archisynagogi resuscitata, et muliere quae tetigit sanguinem vestimenti ejus: utrum ordo quo dicta sunt nihil cuiquam eorum aduersetur, a quibus dicta sunt; et maxime de verbis Archisynagogi, quibus rogavit Dominum.	1108
XXVI. Idolatria per Christi nomen et Christianorum fidem juxta prophetias eversa.	1060	XXIX. De duabus cœcis et muto dæmonio, quae solus Matthaeus dicit.	1109
XXVII. Urget idolatrarum reliquias, ut demum serviant vero Deo idola ubique subvertenti.	1061	XXX. Ubi turbarum misertus misit discipulos suos, dans eis potestatem sanitatum praestandardum, et eis multa mandavit, ordinans quemadmodum viverent; ubi quarendum est quomodo Mattheus Marco et Iucae congruat, maxime de virga quam secundum Athaeum dicit non ferendam, secundum Marcum autem solam ferendam; et de habitu calceamentorum atque vestium.	ibid.
XXVIII. Predicta idolorum rejectio.	1062	XXXI. Ubi Joannes Baptista misit ad Dominum de carcere discipulos suos, quid Matthaeus et Lucas dicunt.	1113
XXIX. Deum Israel quidni colant Pagani, si eum vel prepositum elementorum esse oportet.	1063	XXXII. Ubi exprobavit civitatibus quod non egerint penitentiam, quod et Lucas dicit: ubi quarendum est quemadmodum illi Mattheus ipso ordine congruat.	ibid.
XXX. Deus Israel imploris prophetis jam ubique innovult.	ibid.	XXXIII. Ubi vocat ad tollendum jugum et sarcinam suam, quemadmodum Mattheus a Iuca non discrepet in narrandi ordine.	1116
XXXI. Prophecia de Christo impletata.	1064	XXXIV. Ubi discipuli spicas velientes manducaverunt, quemadmodum inter se congruant Mattheus, Marcus et Lucas in narrandi ordine.	ibid.
XXXII. Apostolorum contra idolatriam doctrina vindicatur ex prophetis.	1065	XXXV. De illo qui manum aridam cum haberet, sabbato curatus est, quemadmodum narratio Matthei concordet cum Marco et Iuca, vel rerum ordine, vel Domini et Judeorum verbis.	ibid.
XXXIII. in eos qui rerum humanarum felicitatem per christiana tempora diminutam esse conqueruntur.	1068	XXXVI. Considerandum utrum ab isto ejus arida manus sanata est, digrediantur hi tres Evangelistæ ut in nullo sibi adversentur ipso narrationis ordine.	1117
XXXIV. Epilogus superiorum.	1069	XXXVII. De muto et cœco qui dæmonium habebat, quomodo Mattheus Lucasque consentiant.	ibid.
XXXV. Mediatoris mysterium antiquis per prophetis, nobis per Evangelium prædicatur.	ibid.		
LITERA SECUNDUS. — Matthæi Evangelium usque ad coram narrationem ex ordine pertractat Augustinus, cumque eo comparat alla Marci, Iucae et Joannis Evangelia, demonstrans perpetuam inter quatuor Evangelistas reperiri consensionem.	1071-1072		
CAPUT PRIMUM. Quare usque ad Joseph generatores Christi commemorentur, cum de illius semine Christus non sit natus, sed de Virgine Maria.	ibid.		
II. Quomodo sit Christus filius David, cum ex Joseph filii David concubitu non sit natus.	ibid.		
III. Quare alios progegeneratores Christi Mattheus enumerat, alios Lucas.	ibid.		
IV. Quare quadrangula generationes, excepto ipso Christo, inventuuntur apud Mattheum, cum quatuordecim triplicet.	1074		
V. Quomodo Matthei ordini congruat ordo Iucae in his que de conceptu et de infantia vel pueritia Christi alias prætermittit, alias commemorat.	1077		
VI. De ordine prædicationis Joannis Baptiste inter omnes quatuor.	1077		
VII. De duobus Herodibus.	1084		
VIII. Quomodo Mattheus dicit timuisse Joseph ire cum infante Christo in Jerusalem, propter Archelaum; et non timuisse ire in Galileam, ubi erat tetrarcha Herodes frater ejus.	1086		
IX. Quomodo dicit Mattheus ideo esse in Galileam Joseph cum in ante Christo quia timuit Archelaum pro suo patre regnante in Jerusalem, cum Lucas dicit ideo esse in Galileam, quia ibi erat Nazareth	ibid.		

- XXXVIII.** Ubi ei dictum est quod in Beelzebub ejicit diabolus, quidquid ex ipsa occasione locutus est de blasphemia adversus Spiritum sanctum, et de duabus arboribus, utrum in nullo Matthæus a duobus aliis, maxime a Luca, dissentiat. 1118
- XXXIX.** Quod respondit petentibus signum, de Jona propheta et de Ninivitis, et de regina Austræ, et de spiritu immundo, qui cum exierit ab homine, redit et invenit domum mundatam, quomodo Matthæus Lucae congruat. 1119
- XL.** Ubi ei nuntiata est mater et fratres ejus, utrum a Marco et Luca ordo ipse non discrepet. ibid.
- XI.** Quod ex navicula turbis locutus est de illo cuius in seminando aliud cecidit in via, etc., et de illo cui superseminalia sunt zizania, et de grano simili, et de fermento; et quod in domo locutus est, de thesauro abscondito in agro, et de margarita, et de sagena missa in mare, et de proferente de thesauro nova et vetera, quomodo Marco et Lucae Matthæus consentiant, vel in his que cum illo dixerunt, vel narrationis ordine. 1120
- XII.** Quod venit in patriam suam, et mirabantur doctrinam, cum genio ejus contemnerent: quomodo consentiant Marco et Lucae Matthæus, maxime utrum narrandi ordo nihil alteri adversetur. ibid.
- XIII.** Quemadmodum inter se convenient Matthæus, Marcus et Lucas de verbis Herodis cum audisset de mirabilibus Domini, vel de ipso narrationis ordine. 1122
- XIV.** De Joanne inclusu, vel etiam occiso, quo ordine ab his tribus narretur. 1123
- XV.** Ad miraculum de quinque panibus quo ordine ab omnibus, et quemadmodum ventum sit. 1124
- XVI.** In ipso de quinque panibus miraculo quemadmodum inter se omnes quatuor convenient. 1125
- XVII.** Quod ambulavit super aquas, quomodo qui hoc dixerunt inter se convenient; et quomodo ab illo loco digrediantur, ubi turbas de quinque panibus pavit. 1127
- XVIII.** Quomodo Matthæus et Marcus non adversentur in eo quod ab eis tribus narratur quid postea transfrerant factum sit. 1129
- XIX.** De muliere Chananæa quæ dixit, *Et canes edunt de nictis cudentibus de mensa dominorum suorum*, quomodo inter se Matthæus Lucasque consentiant. ibid.
- X.** Cum de septem panibus pavit turbas, utrum inter se Matthæus Marcusque convenient. 1130
- I.** Quod dicit Matthæus inde eum venisse in fines vagadan, quomodo congruat Marco; et in eo quod potentibus signum respondit iterum de Jona. 1131
- II.** De fermento Phariseorum quomodo cum Marco convenient, vel re vel ordine. ibid.
- III.** Cum interrogavit discipulos, quem illum dicerent homines, utrum nihil inter se repugnat Matthæus, Marcus et Lucas, rebus aut ordine. ibid.
- IV.** Ubi prænuntiavit discipulis passi nem suam, quæ sit inter Matthæum, Marcum et Lucam convenientia. 1133
- V.** Ubi subjungunt idem tres quomodo præcepit Dominus ut post eum qui voluerit veniat, quam secum concordeat. ibid.
- VI.** Quod se Dominus tribus discipulis in monte ostendit cum Moyse et Elia, quomodo inter se congruant tres isti ordine et rebus, et maxime propter numerum dierum, quia Matthæus et Marcus dicunt post sex dies factum, quod Lucas post octo. 1133
- VII.** Ubi de adventu Elie locutus est eis, quæ sit convenientia inter Matthæum et Marcum. ibid.
- VIII.** De illo qui ei obtulit illum suum, quem discipuli sanare non potuerunt, quemadmodum tres isti consentiant etiam ordine narrationis. 1134
- IX.** Ubi de passione sua cum eis divisisset, contristati sunt, quod tres ipsi eodem ordine commemorauit. ibid.
- X.** Ubi de ore piscis solvit tributum, quod Matthæus solus dicit. ibid.
- XI.** De puer parvulo quem proposuit imitandum, de scandalis mundi, de membris corporis scandalizantibus, de angelis parvulorum qui vident faciem Patris, de una ova ex ovibus centum, de fratre corripiendo in secreto, de solventis ligandisque peccatis, de concordia duorum et congregatione trium, de dimittendis peccatis usque septuagies septies, de servo cui dimissum est multum debetum, et ipse parvum non dimisit conservo, Matthæus quemadmodum ceteris non repugnet. ibid.
- XII.** Quando interrogatus est utrum licet dimittere uxorem, quemadmodum inter se consentiant Mat- 1135
- thæus et varus, maxime de iis interrogationibus vel Domini vel Iudeorum atque responsis, in quibus vident aliquantulum variare. 1135
- XIII.** De parvulis quibus manus imposuit, de divite cui dixit: *Vende omnia tua*; de vinea quo conducti sunt operari per horas diversas, quemadmodum Matthæus duobus aliis non repugnet. 1136
- XIV.** Ubi secreto duodecim discipulis de propria sua prædictis, et mater filiorum Zebedæi cum filiis suis petit ut unus eorum ad dexteram ejus, alter ad sinistram sederet, quomodo non repugnet Matthæus aliis duobus. 1137
- LXV.** De cœcis Jericho illuminatis, quemadmodum non adversetur Matthæus vel Marco vel Luce. ibid.
- LXVI.** De asinu pullo, quomodo Matthæus ceteris congruat, qui solum pullum commemorauit. 1138
- LXVII.** De expulsi templo vendentibus et ementibus, quemadmodum tres isti non repugnent Joanni qui hoc idem longe aliud dicit. 1139
- LXVIII.** De arefacta arbore fœculnea, et quæ juxta narrata sunt, quomodo non repugnet Matthæus ceteris, et maxime Marco de ordine narrationis. 1140
- LXIX.** Cum dominum interrogaverunt Judei, in qua potestate ista faceret, quomodo inter se consentiant isti tres. 1141
- LXX.** De duobus quibus imperaverit pater ut irent in vineam, et de vinea, quæ locata est aliis agricolis, quomodo non adversetur Matthæus illis duobus, cum quibus eundem ordinem tenet, et maxime in hac parabola quam omnes tres dicunt de vinea locata, propter responsionem eorum quibus dicuntur, ubi aliquantum videtur variare. 1142
- LXXI.** De nuptiis filii Regis ad quas turbe invitatæ sunt, quem Matthæus ordinem tenuerit, propter Lucam qui tale quiddam aliud dicit. 1143
- LXXII.** De numero Cæsari reddendo, cuius habeat imaginem, et de muliere quæ septem fratrilus nupserat, quemadmodum tres isti concordent. ibid.
- LXXIII.** De illo cui commendata sunt duo præcepta dilectionis Dei et proximi, qui ordo sit narrantium Matthæi et Marci, ne a Luca dispare videantur. 1143
- LXXIV.** Quod Judæi interrogantur de Christo, cuius eis filius videatur, utrum non repugnet Matthæus aliis duobus; quia secundum istum dicitur, *Quid vobis videtur de Christo? cuius est filius?* Cui responderunt, *David*; secundum illos autem, *Quomodo dicitur Scribae Christum filium esse David?* 1147
- LXXV.** De Phariseis sedentibus super cathedram Moysi, et dicentibus quæ non faciunt, ceterisque in eosdem Phariseos a Domino dictis, utrum sermo Matthæi congruat aliis duobus, et maxime Luce, qui non hoc ordine, sed alii similem commemorat. ibid.
- LXXVI.** Cum prænuntiavit templi eversionem, quomodo aliis duobus narrandi ordine congruat. 1149
- LXXVII.** De sermone quem habuit in monte Oliveti, quærentibus discipulis quando erit consummatio, quemadmodum tres isti inter se congruant. 1150
- LXXVIII.** Quod commemorant Matthæus et Marcus ante biduum futura Pascha, et postea dicunt quod in Bethania fuit, quomodo non repugnet Joanni, qui cum ijsis marcat hoc idem quod factum est in Bethania, et dicit, *nisi sex dies Pasche*. 1152
- LXXIX.** De cena in Bethania, ubi mulier unguento pretioso Dominum perfudit, quomodo inter se congruant Matthæus, Marcus et Joannes, et quomodo Luce non adversentur tale aliquid alio tempore commemorant. 1154
- LXXX.** Ubi mittit discipulos ut præparent ei manducare Pascha, quomodo inter se congruant Matthæus, Marcus et Lucas. 1156
- LIBER TERTIUS.** — Evangelistarum a coenæ narratione ad Evangelii fluem concordia, collato simul ordine que digesto singulorum contextu, demonstratur. 1157-1158
- CAPUT PRIMUM.** De cena Domini, et de expresso traditore ejus, quemadmodum inter se quatuor convenient. ibid.
- II.** De predicta negatione Petri, quemadmodum ostenduntur nihil inter se repugnare. ibid.
- III.** De his quæ dicta sunt a Domino donec exiret de domo ubi cenaverunt, quemadmodum nihil discrepare monstrentur. 1163
- IV.** De his quæ gesta sunt in illo prædio vel horto, quo ex illa domo post coenam venerunt, quomodo trium, id est Matthæi, Marci et Luce consonantia demonstretur, quoniam Joannes de hoc tacet. 1164

- V. De his quæ in ejus apprehensione facta et dicta omnes commemorant, quomodo inter se nihil apud aequaliter dissentire. 1100
- VI. De his quæ gesta sunt cum duceretur Dominus ad dominum principis sacerdotum, et quæ in ipsa domo cum nocte perductus esset, et maxime de Petri negatione, quemadmodum inter se omnes concurrerunt. 1108
- VII. De his quæ mane gesta sunt, priusquam Pilato tradiceretur, quoniam Evangelista inter se non discreperunt; et de testimonio Jeremie quod Matthæus propter Domini premium interposuit, cum hoc in eiusdem prophetæ Scriptura non inveniatur. 1113
- VIII. De his quæ a j. ad Pilatum gesta sunt, quomodo inter se nihil dissentient. 1116
- IX. De illusione qua illusus est a cohorte Pilati, quomodo non dissouent tres qui hoc dicunt, Matthæus, Marcus et Joannes. 1118
- X. Quomodo non regnent quod Matthæus, Marcus et Lucas angariatum dicunt, qui portaret eum crucem, cum Joannes dicat quod eam Jesus ipse portaverit. 1123
- XI. De potu quem dederunt ei priusquam commemorata esset eum crucifixio, quomodo conveniat inter Matthæum et Marcum. 1128
- XII. De divisione vestimentorum ejus, quomodo inter se omnes convenient. 1130
- XIII. De hora dominice passionis, quemadmodum non inter se dissentiant Marcus et Joannes, propter tertiam et sextam. 1133
- XIV. De duabus latronibus cum illo crucifixis, quomodo omnes concordent. 1135
- XV. De his qui Domino insultaverunt, quomodo inter se consonent Matthæus, Marcus et Lucas. 1138
- XVI. De latronum insultatione, quomodo non repugnant Matthæus et Marcus Lucæ, qui dixit unum eorum insultasse, alium credidisse. 1140
- XVII. De potu aceti, quomodo inter se omnes consentiant. 1142
- XVIII. De vocibus Domini quas continua moriturus emisit, quomodo non regnent Matthæus et Marcus Lucas, et ipsi tres Joanni. 1145
- XIX. De scissione veli quomodo non dissentiant Matthæus et Marcus a Luca, quo ordine factum sit. 1148
- XX. De admiratione centurionis et eorum qui cum illo erant, quomodo inter se consentiant Matthæus, Marcus et Lucas. 1150
- XXI. De mulieribus quæ ibi stabant, quomodo Matthæus, Marcus et Lucas, qui dixerunt eas a longe stetisse, non repugnat Joanni, qui nominavit unum eorum iuxta crucem stetisse. 1153
- XXII. De Ioseph qui corpus Domini petiit à Pilato, quomodo omnes consentiant, et quomodo a seipso Joannes non dissentiat. 1156
- XXIII. De sepultura ejus, quomodo tres a Joanne non dissentiant. 1158
- XXIV. De his quæ circa tempus resurrectionis Domini facta sunt, quemadmodum omnes non inter se dissentiant. 1160
- XXV. In eo quod se postea discipulis manifestavit, quomodo sibi omnes Evangelistæ non adversentur, collatis testimoniis et de apostolo Paulo et de Actibus Apostolorum. 1203
- Liber quartus.—De iis quæ peculiaria sunt Marci, Luce et Joannis. 1215-1216
- CAPUT PRIMUM. In Evangelio Marci, exceptis his quæ cum Matthæo dixit, quomodo nulla repugnacia demonstretur, ab initio usque ad illud ubi ait, *et ingreditur Capharnaum, et statim sabbatis docebat eos*, quod cum Luca dicit. 1216-1217
- II. De homine a quo spiritus immundus ejectus est convexans eum, quomodo Luce qui hoc cum eo dixit, non repugnet. 1217
- III. De nomine Petri, quomodo etiam atque etiam commendetur, non repugnare Joanni, qui dixit quando hoc nomen accepit. 1218
- IV. Quod dixit, *Quanto magis eis præcipiebat ut taceant, tanto magis plus dicebant*, quomodo non repugnet præscientiae ipsius, que in Evangelio commendatur. 1218
- V. De quo suggestit Joannes, quod in nomine ejus ejiceret demonia non sociatus discipulis, et dixit, *Nolite prohibere eos: qui enim contra vos non est, pro vobis est*; quomodo non repugnet illi sententia ubi ait, *Qui non mecum est, adversus me est*. 1219
- VI. Quod in occasione hujus quæ in nomine Christi ejiciebat demonia, quamvis cum discipulis non sequeretur, Marcus amplius quam Lucas Dominum dixisse narravit, quomodo ostendatur ad hoc ipsum pertinere quod illum in nomine suo virtutem faciem velut prohiberi. 1220
- VII. Hinc usque ad coenam Domini unde omnia omnium considerari cooperant, nullam de Marco quæstionem esse tractalam. 1221
- VIII. De Lucæ Evangelio, quomodo principium ejus congruat principio libri Actuum Apostolorum. 1222
- IX. Quomodo ostendatur quod de piscibus captis Lucas commemoravit non pertinere ad illud quod videtur simile Joannes narrasse post Domini resurrectionem, atque inde iam usque ad coenam Domini, unde omnium omnia usque ad finem considerata sunt, nullam etiam ex Evangelio Lucæ tractalam esse quæstionem. 1223
- X. De Joanne evangelista, quid a ceteris tribus distet. 1223
- ADMONITIO IN LIBROS DE SERMONE DOMINI IN MONTE. 1228-1230
8. AURELI AUGUSTINI, HIPPONENSIS EPISCOPI, DE SERMONE DOMINI IN MONTE SECUNDUM MATTHÆUM LIBRI DUO. 1231
- LIBER PRIMUS.—Explicatur prior pars sermonis a Domino in monte habiti, contenta Matthæi capite quinto. 1231
- LIBER SECUNDUS.—In posteriorem partem sermonis Domini in monte, contentam Matthæi capitibus sexto et septimo. 1239-1270
5. AURELI AUGUSTINI, HIPPONENSIS EPISCOPI, QUÆSTIONUM EVANGELIORUM LIBRI DUO. 1231-1232
- PROLOGUS. 1231
- LIBER PRIMUS.—Quæstiones in Evangelium secundum Matthæum. 1232-1234
- LIBER SECUNDUS.—Quæstiones in Evangelium secundum Lucam. 1233-1234
- ADMONITIO IN LIBRUM SEPTEMDICIM QUÆSTIONUM SUPER MATTHÆUM. 1233-1234
- QUÆSTIONUM SEPTEMDICIM IN EVANGELIUM SECUNDUM MATTHÆUM LIBER UNUS. 1235-1236
- ADMONITIO DE TRACTATIBUS IN JOANNEM. 1235-1236
- PRÆFATI INCERTI AUCTORIS. 1237-1238
- S. AURELI AUGUSTINI, HIPPONENSIS EPISCOPI, IN JOANNIS EVANGELIUM TRACTATUS CXIV. 1239-1240
- TRACTATUS PRIMUS. In illud Joannis, *In principio erat Verbum, et Verbum erat apud Deum, et Deus erat Verbum, etc.*, usque ad id, *Et tenebrae eum non comprehenderunt*. Cap. I, §. 1-5. 1239
- TRACT. II. De eo quod scriptum est, *Fuit homo missus a Deo, cui nomen erat Joannes, etc.*, usque ad id, *Plenum gratie et veritatis*. Cap. I, §. 6-14. 1239
- TRACT. III. Ab eo quod scriptum est, *Joannes testimonium perhibet de seipso, etc.*, usque ad id, *Unigenitus Filius, qui est in sinu Patris, ipse enarravit*. Cap. I, §. 15-18. 1239
- TRACT. IV. Ab eo quod scriptum est, *Et hoc est testimonium Joannis, quando misericordia Iudeæ ab Ierosolymis sacerdotes, etc.*, usque ad id, *Ipsæ est qui baptizat in Spiritu sancto*, etc. Cap. I, §. 19-33. 1240
- TRACT. V. Rursum in illud, *Et ego nesciebam eum, etc.* Quid novi Joannes didicerit de Domino per columbam. Cap. I, §. 33. 1241
- TRACT. VI. In eundem Evangelii locum. Quare Deus per columbam speciem ostendere voluerit spiritum sanctum. Cap. I, §§. 32, 33. 1243
- TRACT. VII. Ab eo quod scriptum est, *Et ego vidi, et testimonium perhibui quia hic est Filius Dei*, usque ad id, *amen dico vobis, videbitis calum apertum, et Angelos ascendentes et descendentes super Filium hominis*. Cap. I, §. 34-51. 1243
- TRACT. VIII. Ab eo Evangelii loco, *Et die tertia nuptiæ facta sunt in Cana Galileæ*; usque ad id, *Quid mihi et tibi est, mulier? nondum veni hora mea*. Cap. II, §. 1-4. 1245
- TRACT. IX. In eamdem Evangelii lectionem. Quid mysterii sit in miraculo facto in nuptiis apud Canam Galileam. Cap. II, §. 1-11. 1245
- TRACT. X. Ab eo Evangelii loco, *Post haec descendit in Capharnaum ipse ei mater ejus*, etc., usque ad id, *ille autem dicebat de templo corporis sui*. Cap. II, §. 12-21. 1246
- TRACT. XI. Ab eo quod scriptum est, *Cum autem esset Ierosolymis in Pascha in die festo, nulli crediderunt in nomine ejus*; usque ad id, *Nisi quis renatus fuerit ex aqua et Spiritu, non potest introire in regnum Dei*. Cap. II, §. 23-25, et cap. III, §. 1-5. 1247
- TRACT. XII. Ab eo Evangelii loco, *quod natum est de carne, caro est*, etc., usque ad id, *Qui autem facit*

- veritatem, venit ad lucem, ut manifestetur ejus opera, quia in Deo sunt facta.* Cap. iii, §. 6-21. 1484
TRACT. XIII. Ab eo Evangelii loco, *Post haec venit Jesus et discipuli ejus in Iudeam terram, etc., usque ad id, natus autem sponsi, qui stat et audiit eum gaudio gaudet propter vocem sponsi.* Cap. iii, §. 22-29. 1492
TRACT. XIV. Ab eo Evangelii loco, *Hoc ergo gaudium meum impletum est, etc., usque ad id, Qui autem incredulus est Filius, non trahit vitam, sed ira Dei manet super eum.* Cap. iii, §. 29-36. 1502
TRACT. XV. Ab eo Evangelii loco, *Et ergo cognovit Jesus quia audierunt pharisei quia Jesus plures discipulos facit, etc., usque ad id, Et scimus quia hic est vere salvator mundi.* Cap. iv, §. 1-42. 1510
TRACT. XVI. Ab eo Evangelii loco, *Post duos antem dies exiit inde, et abiit in Galileam; usque ad id, Et creditit ipse, et domus ejus tota.* Cap. iv, §. 43-53. 1522
TRACT. XVII. Ab eo quod scriptum est, *Post haec erat dies festus Iudeorum, et ascendit Jesus Jerosolymam; usque ad id, Quarebant eum Iudei interficere, quia non solum solvebat sabbatum, sed et patrem suum dicebat Deum, aequaliter se faciens Deo.* Cap. v, §. 1-18. 1527
TRACT. XVIII. In eum Evangelii locum, *Amen, amen dico vobis, non potest Filius a se facere quidquam, nisi quod viderit Patrem facientem; quicunque enim ille fecerit, haec et Filius similiter facit.* Cap. v, §. 19. 1533
TRACT. XIX. Ab eo quod scriptum est, *Non potest a se Filius facere quidquam, nisi quod viderit Patrem facientem; usque ad id, quia non queritur voluntatem meam, sed voluntatem ejus qui misit me.* Cap. v, §. 19-30. 1543
TRACT. XX. Rursum in illud, *Amen, amen dico vobis, non potest Filius a se facere quidquam, nisi quod viderit Patrem facientem; quicunque enim Pater facit, haec eadem et Filius similiter facit.* Cap. v, §. 19. 1556
TRACT. XXI. Ab eo quod scriptum est, *Pater enim diligat Filium, et omnia demonstrat ei quae ipse facit;* usque ad id, *Qui non honorificat Filium, non honorificat patrem qui misit illum.* Cap. v, §. 20-33. 1564
TRACT. XXII. Ab eo quod scriptum est, *Amen, amen dico vobis, quia qui verbum meum audit, et credit ei qui misit me, habet vitam aeternam, usque ad id, Quod non queritur voluntatem meam, sed voluntatem ejus qui misit me.* Cap. v, §. 21-50. 1574
TRACT. XXIII. In illam lectionem Evangelii, *Si ego testimonium perlibeo de me, etc., usque ad id, Et non vultis venire ad me, ut vitam habeatis.* Tum etiam repetuntur superiores lectiones jam ante tractatae, scilicet ab his verbis, *Amen, amen dico vobis, non potest Filius a se facere quidquam,* etc. Cap. v, §. 19-40. 1582
TRACT. XXIV. Ab eo quod scriptum est, *Post haec abiit Jesus trans mare Galilee, quod est Tiberiadis; usque ad id, Ric est vere propheta qui venit in mundum.* Cap. vi, §. 1-14. 1592
TRACT. XXV. Ab eo quod scriptum est, *Jesus ergo cum cognovisset quod venissent ut raperent eum;* usque ad id, *Et ego resuscitabo eum in novissimo die.* Cap. vi, §. 15-44. 1598
TRACT. XXVI. Ab eo quod scriptum est, *Murmurabant ergo Iudei de illo, quia dixisset. Ego sum panis qui de celo descendit;* usque ad id, *Qui manducat hunc panem, rivot in aeternum.* Cap. vi, §. 41-59. 1606
TRACT. XXVII. Ab eo quod scriptum est, *Hac dixit, in synagoga doceens sabbato in aperturam;* usque ad id, *ille enim tradidit eum, cum esset unus ex duodecim.* Cap. vi, §. 60-72. 1615
TRACT. XXVIII. Ab eo Evangelii loco, *Et post haec ambulabat Jesus in Galileum;* usque ad id, *Nemo tamen pului loquebatur de eo, propter metum Iudeorum.* Cap. vii, §. 1-15. 1622
TRACT. XXIX. In illud Evangelii, *Jan autem die festo mediente, ascendit Jesus in templum;* usque ad id, *Qui misit illum, hic verax est, et iustitia in illo non est.* Cap. vii, §. 14-18. 1628
TRACT. XXX. Ab eo loco, *Nonne Moyses dedit vobis Legem, et nemo ex vobis facit legem?* usque ad id, *Nobis judicare secundum factum, sed justum judicium judicate.* Cap. vii, §. 19-24. 1632
TRACT. XXXI. Ab eo loco, *Dicebant ergo quidam ex Ierosolymis, nonne hic est quem quarebant Iudei interficere?* usque ad id, *Quarebant me, et non inventebitis;* et ubi sum ego, vos non potestis venire. Cap. viii, §. 25-36. 1636
- TRACT. XXXII.** Ab eo loco, *In novissimo autem die substantialis stabat Jesus et clamabat, dicens, Si quis sit, veniat ad me, et bibat; usque ad id, Nondum enim erat Spiritus datum, quia Jesus nondum fuerat glorificatus.* Cap. viii, §. 37-39. 1642
TRACT. XXXIII. Ab eo loco Evangelii, *Ex illa ergo turba cum audissent hos sermones ejus, etc., usque ad id, Nec ego te condemnabo; vade, et amplius noli peccare.* Cap. viii, §. 40-53, et cap. viii, §. 1-11. 1647
TRACT. XXXIV. In illud, *Ego sum lux mundi: qui sequitur me, non ambulet in tenebris, sed habebit lumen in se.* Cap. viii, §. 12. 1652
TRACT. XXXV. Ab eo quod legitur, *Dicerunt ergo Pharisai, Tu de teipso testimonium perhibes, etc., usque ad id, Verum est testimonium meum, quia scio unde veni, et quia vado.* Cap. viii, §. 13-14. 1657
TRACT. XXXVI. Ab eo quod scriptum est, *Vos secundum carnem judicatis, ego non judico quemquam;* usque ad id, *Ego sum qui testimonium perhibeo de me ipso, et testimonium perhibet de me, qui misit me Pater.* Cap. viii, §. 15-18. 1662
TRACT. XXXVII. Ab eo quod scriptum est, *Ricebant ergo, ubi est pater tuus?* usque ad id, *Et nemo apprehendit eum, quia nondum venerabat hora eius.* Cap. viii, §. 19-20. 1670
TRACT. XXXVIII. Ab eo quod scriptum est, *Dixi ergo eis Jesus, Ego vado, et quarebitis me;* usque ad id, *Dixi eis Jesus, principium, quia et loquor vobis.* Cap. viii, §. 21-23. 1673
TRACT. XXXIX. Ab eo quod scripsi sum est, *M Ita habeo de vobis loqui et judicare;* usque ad id, *Et non cognoverunt quia Patrem ejus dicebat Deum.* Cap. viii, §§. 26-27. 1682
TRACT. XL. Ab eo loco, *Rexit ergo eis Jesus: Cum exaltaverit filium hominis;* usque ad id, *Et cognoscetis veritatem, et veritas liberabit vos.* Cap. viii, §. 28-32. 1686
TRACT. XI. Rursum in illud, *Dicebat autem Jesus ad eos qui creditabant;* usque ad id, *Si ergo vos filius liberaverit, vere liberi eritis.* Cap. viii, §. 31-38. 1692
TRACT. XII. Ab eo quod scriptum est, *Scio quin filii Abraham estis, sed quarebitis me interficere;* usque ad id, *Propterea vos non auditi, quia ex Deo non estis.* Cap. viii, §. 37-47. 1700
TRACT. XI. III. Ab eo quod scriptum est, *Respondent iudei ci dixerunt et;* usque ad id, *Tulerunt ergo lapides Iudei ut jacerent in eum; Jesus ictum abscondit se, et exitus de templo.* Cap. viii, §. 48-59. 1703
TRACT. XLIV. Ab eo quod scriptum est, *Et præteriens vidit hominem cæcum a nativitate;* usque ad id, *Nunc vero dicitis, quia videmus: peccatum vestrum manet.* Cap. ix. 1713
TRACT. XI. V. Ab eo quod scriptum est, *Amen, amen dico vobis, qui non intrat per ostium in orile orium, sed ascendit alium, ille fuit est et latro;* usque ad id, *Ego vici ut vitam habeant, et abundantius habeam.* Cap. x, §. 1-10. 1719
TRACT. XI. VI. Ab eo quod scriptum est, *Ego sum pastor bonus, etc., usque ad id, Mercenarius autem fugit, quia mercenarius est, et non pertinet ad eum de oviibus.* Cap. x, §. 11-13. 1727
TRACT. XI. VII. Ab eo quod scriptum est, *Ego sum pastor bonus, et cognosco oves meas, etc., usque ad id, Numquid daemontium potest cæcorum oculos aperi-re?* Cap. x, §. 14-21. 1732
TRACT. XLVIII. Ab eo loco, *Facta sunt encænta in Ierosolymis;* usque ad id, *Omnia autem quæcumque dixit Joannes de hoc, vera erant, et multi crediderunt in eum.* Cap. x, §. 22-42. 1741
TRACT. LIX. Ab eo quod legitur, *Erat autem quidam languens, Lazarus;* usque ad id, *Abiit in regionem Juxta desertum, in civitatem quæ dicitur Ephrem, et ibi morabatur cum discipulis suis.* Cap. xi, §. 1-34. 1746
TRACT. L. Ab eo loco, *Primum erat Pascha Iudeorum;* usque ad id, *Multi propter illum abiabant, et credebant in Jesum.* Cap. xi, §§. 53, 56, et cap. xii, §. 1-41. 1756
TRACT. LI. Ab eo quod scriptum est, *In crastinum autem turba multa quæ venerat ad diem festum, etc., usque ad id, Si quis mihi ministraverit, honorificabit illum Pater meus.* Cap. xii, §. 12-26. 1761
TRACT. LII. Ab eo quod scriptum est, *Nunc anima mea turbata est; et quid dicam?* usque ad id, *Hac locutus est Jesus, et abiit, et abscondit se ab eis.* Cap. xii, §. 27-36. 1769

PATROL. XXXV.

(Soixante-dix-huit.)

- TRACT.** LIII. Ab eo quod scriptum est, *cum autem tanta signa fecisset coram eis, non credebant in eum; usque ad id, dilexerunt gloriam hominum magis quam gloriam Dei.* Cap. xii, §. 37-43. 1774
- TRACT.** LIV. Ab eo quod scriptum est, *Qui credit in me, non credit in me, sed in eum qui misit me;* usque ad id, *Quae ego loquor, sicut dixit nesci rater, sic loquor.* Cap. xii, §. 44-50. 1780
- TRACT.** LV. Ab eo loco, *ante diem festum Paschæ, sciens Jesus quia venit hora ejus;* usque ad id, *Et cœpit lavare pedes discipulorum, et extergere lincte quo erat præcinctus.* Cap. xiii, §. 1-5. 1784
- TRACT.** LVI. Ab eo quod scriptum est, *Venit ergo ad Simonem Petrum, etc., usque ad id, Qui lotus est non indiget nisi ut pedes laveat, sed est mundus totus.* Cap. xiii, §. 6-10. 1787
- TRACT.** LVII. Quonam modo Ecclesia timeat inquinare pedes, dum pergit ad Christum. 1789
- TRACT.** LVIII. Ab eo quod Dominus dicit, *Et vos mundi estis, sed non omnes;* usque ad id, *Exemplum dedi vobis, ut quædammodo ego feci vobis, ita et vos faciatis.* Cap. xiii, §. 10-13. 1792
- TRACT.** LIX. Ab eo quod Dominus dicit, *amen, amen dico vobis: non est servus major domino suo;* usque ad id, *Qui autem me accipit, accipit eum qui misit me.* Cap. xiii, §. 16-20. 1793
- TRACT.** LX. In illud, *Cum haec dixisset Jesus turbatus est spiritu,* Cap. xiii, §. 21. 1797
- TRACT.** LXI. Ab eo quod Dominus ait, *amen, amen dico vobis quia unus ex vobis tradet me;* usque ad id, *ille est cui ego linctum panem porrexero.* Cap. xiii, §. 21-26. 1800
- TRACT.** LXII. Ab eo quod scriptum est, *Et cum linctus panem, dedit Iude;* usque ad id, *Nunc clarificatus est Filius hominis.* Cap. xiii, §. 20-31. 1801
- TRACT.** LXIII. De eo quod Dominus ait, *Nunc clarificatus est Filius hominis;* usque ad id, *Et continuo clarificabit eum.* Cap. xiii, §§. 31, 32. 1803
- TRACT.** LXIV. In id quod Dominus dicit, *Filioli adhuc modicum vobiscum sum: quæritis me, et sicir di iudeis, quo ego vado, vos non potestis venire; et vobis dico nōdo.* Cap. xiii, §. 53. 1803
- TRACT.** LXV. In id quod Dominus ait, *Mandatum novum do vobis, ut diligatis inicem sicut dilexi vos et vos inicem diligatis;* *et hoc cognoscet omnes qui i mei discipuli estis, si dilectionem habuerint in inicem.* Cap. xiii, §§. 31, 33. 1807-1808
- TRACT.** LXVI. De eo quod sequitur, *Dicit ei stiūo i cistrus: Domine, quo vadis?* usque ad id, *amen amen deo tibi, non cantabili gallus, donec ter me neges.* Cap. xiii, §. 36-38. 1810
- TRACT.** LXVII. De eo quod Dominus dicit, *Non turbetur cor restrum;* usque ad id, *Iherum venio, et accipim vos ad meipsum.* Cap. xiv, §. 1-3. 1811-1812
- TRACT.** LXVIII. In eandem lectionem. 1813
- TRACT.** LXIX. In id quod Dominus dicit, *Et quo ego rado scitis;* usque ad id, *Nemo venit ad Patrem, nisi per me.* Cap. xiv, §. 4-6. 1813
- TRACT.** LXX. De eo quod Dominus ait, *Si cognovissemus, et Patrem meum utique cognovissetis;* usque ad id, *Non credis quia ego in Patre, et Pater in me est?* Cap. xiv, §. 7-10. 1818
- TRACT.** LXXI. In id quod Dominus dicit, *verba quae ego loquor vobis, a meipso non loquor;* usque ad id, *Si quid petieritis Patrem in nomine meo, hoc faciam.* Cap. xiv, §. 10-14. 1820
- TRACT.** LXXII. In eandem lectionem. 1822
- TRACT.** LXXIII. Item in eandem lectionem. 1824
- TRACT.** LXXIV. De eo quod ait, *Si diligitis me, mandata mea servate;* usque ad id, *Apud vos manebi, et in vobis erit.* Cap. xiv, §. 15-17. 1826
- TRACT.** LXXV. De eo quod ait Jesus, *Non relinquam vos orphantos;* usque ad id, *Et ego diligam eum, et manifestabo ei meipsum.* Cap. xiv, §. 18-21. 1829
- TRACT.** LXXVI. De eo quod sequitur, *Dicit ei Judas, non ille Iscarioles, etc., usque ad id, Sermo quem audistis non est meus, sed ejus qui misit me, Patris.* Cap. xiv, §. 22-24. 1831
- TRACT.** LXXVII. De eo quod sequitur, *Hæc locutus sum vobis apud vos manens;* usque ad id, *Pacem meam do vobis; non quomodo mundus dat, ego do vobis.* Cap. xiv, §. 23-27. 1833
- TRACT.** LXXVIII. In id quod Dominus dicit, *Non turbetur cor restrum, neque formidet,* etc. Cap. xiv, §. 27-28. 1833
- TRACT.** LXXIX. De eo quod ait, *Et nunc dixi vobis priusquam fiat,* etc., usque ad id, *Surgite, eamus hinc.* Cap. xiv, §. 29-31. 1837
- TRACT.** LXXX. De eo quod dicit, *Ego sum vobis vera, et Pater mens agricola est;* usque ad id, *Iam vos memori estis propter sermonem quem locutus sum vobis.* Cap. xv, §. 1-5. 1839
- TRACT.** LXXXI. De eo quod ait, *Manete in me, et ego in vobis;* usque ad id, *Quodcumque volueritis petatis, et fieri vobis.* Cap. xv, §. 4-7. 1841
- TRACT.** LXXXII. De eo quod Dominus dicit, *In hoc clarificatus est Pater meus, ut fractum plurimum affectatis;* usque ad id, *Et maneo in ejus dilectione.* Cap. xv, §. 8-10. 1842
- TRACT.** LXXXIII. In haec verba, *Hæc locutus sum vobis, ut gaudium meum in vobis sit, et gaudium vestrum impleatur.* *Noc est preceptum meum, ut diligatis inicem, sicut dilexi vos.* Cap. xv, §§. 11, 12. 1844
- TRACT.** LXXXIV. In illud, *Maiores hac dilectionem nemino habet, ut animam suam ponat quis pro amicis suis.* Cap. xv, §. 15. 1846
- TRACT.** LXXXV. De eo quod dicit, *Vos amici mei estis, si feceritis que præcipio vobis.* *Iam non dico vos servos;* *quia servus nescit quid faciat dominus ejus.* Cap. xv, §§. 14, 15. 1848
- TRACT.** LXXXVI. De eo quod Dominus ait, *Vos autem dixi amicos, usque ad id, et quodcumque petieritis Patrem in nomine meo, del vobis.* Cap. xv, §§. 15, 16. 1850
- TRACT.** LXXXVII. De eo quod ait Jesus, *Hæc mandabo vobis ut diligatis inicem;* usque ad id, *sed ego elegi vos de mundo, et propterea odit vos mundus.* Cap. xv, §. 17-19. 1852
- TRACT.** LXXXVIII. De eo quod dicit Jesus, *Memento sermonis mei, etc., usque ad id, Sed haec omnia faciet vobis propter nomen meum, quia nesciunt eum qui misit me.* Cap. xv, §§. 20, 21. 1854
- TRACT.** LXXXIX. De eo quod dicit Dominus, *Si non venissem, et locutus eis fuisset;* usque ad id, *Qui me odit, et Patrem meum odit.* Cap. xv, §§. 22, 25. 1856
- TRACT.** XC. In illud, *Qui me odit, et Patrem meum odit.* Cap. xv, §. 25. 1858
- TRACT.** XCI. *Si opera non feci sem in eis, quae nemo alius fecit;* usque ad id, *Quia odio habuerunt me gratis.* Cap. xv, §§. 24, 25. 1860
- TRACT.** XCII. In haec verba, *Cum autem veneril Paracletus quem ego mittam vobis a Patre, Spiritum veritatis, etc.* Cap. xv, §. 26, 27. 1862
- TRACT.** XCIII. De eo quod Dominus dicit, *Hæc locutus sum vobis, ut non scandalizemini;* usque ad id, *sed haec locutus sum vobis, ut, cum veneril hora eorum, reminiscantur, quia ego dixi vobis.* Cap. xvi, §. 1-4. 1864
- TRACT.** XCIV. De eo quod dicit Jesus, *Hæc autem vobis ab initio non dixi, quia vobiscum eram;* usque ad id, *si autem abiero, mittam eum ad vos.* Cap. xvi, §. 5-7. 1868
- TRACT.** XCV. In haec verba superioris lectionis, *Cum veneril ille, arguet mundum de peccato, et de justitia, etc.* Cap. xvi, §. 8-11. 1870
- TRACT.** XCVI. In haec verba, *Aduic multa habebo vobis dicere; sed non potestis portare modo;* *cum autem veneril ille Spiritus veritatis, docebit vos omnem veritatem.* Cap. xvi, §. 12, 13. 1873
- TRACT.** XCVII. In eandem lectionem. 1877
- TRACT.** XCVIII. In eandem lectionem. 1880
- TRACT.** XCIX. In illud, *Non enim loquetur a somnis ipso, sed quæcumque audiens, loquetur.* Cap. xvi, §. 13. 1885
- TRACT.** C. In ejusdem lectionis verba postrema. 1880
- TRACT.** CI. De eo quod Dominus dicit, *Modicum et iam non videbitis me;* usque ad id, *Et in illo die me non rogabitis quidquam.* Cap. xvi, §. 16-23. 1885
- TRACT.** CII. De eo quod Dominus ait, *amen, amen dico vobis, si quid petieritis Patrem in nomine meo, dabut vobis;* usque ad id, *Iherum relinquendo mundum, et rudo ad Patrem.* Cap. xvi, §. 25-28. 1886
- TRACT.** CIII. De eo quod sequitur, *Dicunt ci discipuli ejus: Ecce nunc palam loqueris; usque ad id, Sed confidit, ego rici mundum.* Cap. xvi, §. 29-33. 1889
- TRACT.** CIV. In il quod sequitur, *Hæc locutus est Jesus, et sublevat oculis in celum dixit: Pater, venit hora, clarifica Filium tuum, ut Filius clarificet te.* Cap. xvi, §. 1. 1901
- TRACT.** CV. Ab eo quod Dominus ait, *Ut Filius tuus clarificet te;* usque ad id, *Claritate quam habui, priusquam mundus esset, apud te.* Cap. xvi, §. 1-5. 1901

- TRACT. CVI. De eo quod Dominus dicit, *Manifestari nomen tuum hominibus*, usque ad id, *et crediderunt quia tu me misisti*. Cap. xvii, §. 6-8. 1908
- TRACT. CVII. De eo quod dicit Jesus, *Ego pro eis rogo*; etc., usque ad id, *Ut habeam gratium meum impletum in semetipsa*. Cap. xvii, §. 9-13. 1913
- TRACT. CVIII. De eo quod ait Jesus, *Ego dedit eis sermonem tuum*; usque ad id, *Ut sint et ipsi sanctificati in veritate*. Cap. xvii, §. 14-19. 1915
- TRACT. CIX. In illud, *Non pro his autem rogo tantum, sed et pro eis qui credituri sunt per verbum eorum in me*. Cap. xvii, §. 20. 1917
- TRACT. CX. De eo quod sequitur, *Ut omnes unum sint*, etc., usque ad id, *Et dilexisti eos, sicut et me dilexisti*. Cap. xvii, §§. 21, 23. 1920
- TRACT. CXI. De eo quod Dominus dicit, *Pater, quos dedisti mihi, volo ut ubi ego sum, et illi sint mecum*; usque ad id, *Ut dilectio qua dilexisti me, in ipsis sit, et ego in ipsis*. Cap. xvii, §. 24-26. 1923
- TRACT. CXII. In id quod sequitur, *Hoc cum dicisset Jesus, egressus est cum discipulis suis*, etc., usque ad id, *Comprehenderunt Iesum, et ligaverunt eum*. Cap. xviii, §. 1-12. 1929
- TRACT. CXIII. Ab eo quod legiuit, *Et adduxerunt eum ad Annam primum*; usque ad id, *Iterum ergo uenavit Petrus, et statim gallus cantavit*. Cap. xviii, §. 13-27. 1933
- TRACT. CXIV. Ab eo loco, *Adduxerunt ergo Jesum ad Caipham in praetorium*; usque ad id, *Et sermo Jesu impleretur quem dixit, significans qua morte esset moriturus*. Cap. xviii, §. 28-52. 1936
- TRACT. CXV. De eo quod dicitur, *Introivit ergo iterum in praetorium Pilatus*; usque ad id, *Erat autem Barabbas latro*. Cap. xviii, §. 33-40. 1938
- TRACT. CXVI. In id quod sequitur, *Tunc ergo apprehendit Pilatus Jesus, et flagellavit*; usque ad id, *Suscepserunt autem Jesus, et eduxerunt*. Cap. xix, §. 1-16. 1941
- TRACT. CXVII. De eo quod sequitur, *Et bojulans subi crucem, exiti in eum qui dicitur Calvarie locum*; usque ad id, *Respondit iustus: Quod scripsi, scripsi*. Cap. xix, §. 17-22. 1944
- TRACT. CXVIII. In hæc verba, *Milites ergo cum crucifixissent eum, acceperunt vestimenta ejus*, etc. Cap. xix, §§. 23, 24. 1947
- TRACT. CXIX. Ab eo quod sequitur, *Et milites quidem hæc fecerunt*; usque ad id, *Et inclinato capite tradidit spiritu itum*. Cap. xix, §. 24-30. 1950
- TRACT. CXX. Ab eo quod sequitur, *Judei ergo, quoniam parassebant scripturam, quia oportet eum a mortuis resurgere*. Cap. xix, §. 31-42, et cap. xx, §. 1-9. 1952
- TRACT. CXXI. De eo quod sequitur, *Abierunt ergo iterum ad semetipsos discipuli*; usque ad id, *Reverentia non qui videbunt et crediderunt*. Cap. xx, §. 10-29. 1953
- TRACT. CXXII. De eo quod sequitur, *Multa quidem et alia signa fecit Jesus*; usque ad id, *Et cum tanti essent, non est scissum rete*. Cap. xx, §§. 30, 31, et cap. xi, §. 4-11. 1959
- TRACT. CXXIII. De eo quod dicit Jesus, *Venite, prandete*; usque ad id, *Hoc autem dixit, significans qua morte clarificaturus esset Deum*. Cap. xxi, §. 12-19. 1963
- TRACT. CXXIV. Ab eo loco, *Et cum hoc dixisset, dicit ei: Sequere me*, etc., usque in finem Evangelii. Cap. xxi, §. 19-25. 1969
8. AURELI AUGUSTINI, HIPPOGENSIS EPISCOPI, IN EPISTOLAM JOANNIS AD PARTHOS TRACTATUS DECEN. 1977-1978
- TRACTATUS PRIMUS.—De eo quod Joannes scribit, *Quod erat ab initio, quod audiremus, et quod vidimus*, etc.; usque ad id, *Quoniam tenebrae excæverunt oculos ejus*. Cap. i, et cap. ii, §. 1-11. *Ibid.*
- TRACT. II. Ab eo versiculo, *Scribo vobis, filioli, quia remittuntur vobis peccata per nomen ejus*; usque ad istum, *Qui autem fecerit voluntatem Patris, manet in aeternum, sicut et ipse manet in aeternum*. Cap. ii, §. 12-17. 1988
- TRACT. III. De eo quod sequitur, *Pueri, novissima hora est*; usque ad id, *Uncio ipsius docet vos de omnibus*. Cap. ii, §. 18-27. 1997
- TRACT. IV. De eo quod sequitur, *Et verax est, et non est mendax*; usque ad id, *In hoc manifestatus est Filius Dic, ut solua opera diabolus*. 2003
- TRACT. V. In id quod sequitur, *Omnis qui natus est ex Deo, non facit peccatum*; usque ad id, *Non diligamus terro tantum et lingua, sed opere et veritate*. Cap. iii, §§. 9, 10. 2012
- TRACT. VI. In illud, *Et in hoc cognoscimus quia ex veritate sumus*; usque ad id, *Et hic est nichil Christus, de quo audistis, etc.* Cap. iii, §. 19-24, et cap. iv, §. 1-3. 2019
- TRACT. VII. Ab eo quod sequitur, *Jam vos ex Deo estis filioli*; usque ad id, *Deum non vidu inquit*. Cap. iv, §. 4-12. 2029
- TRACT. VIII. De eo quod sequitur, *Si diligimus invicem, Deus in nobis manebit*; usque ad id, *Deus dilectio est; et qui manet in dilectione, in Deo manet, et Deus in eo*. Cap. iv, §. 12-16. 2033
- TRACT. IX. De eo quod sequitur, *In hoc perfecta est dilectio in nobis*; usque ad id, *Et hoc mandatum habemus ab ipso, ut qui diligat Deum, diligat et frater suum*. Cap. iv, §. 17-21. 2045
- TRACT. X. De eo quod Joannes scribit, *Omnis qui credit quod Jesus sit Christus, ex Deo natus est*; usque ad id, *Hæc est enim dilectio Dei, ut præcepta ejus servenus*. Cap. v, §. 1-13. 2053
- S. AURELI AUGUSTINI, HIPPOGENSIS EPISCOPI, EXPOSITIO QUARUNDAM PROPOSITIONUM EX EPISTOLA AD ROMANOS. 2063-2064
8. AURELI AUGUSTINI, HIPPOGENSIS EPISCOPI, EPISTOLÆ AD ROMANOS INCLIOATA EXPOSITIO. — LIBER UNUS, in quo salutatio tantummodo expeditur, et disputatur de peccato in spiritum sanctum. 2087-2088
- S. AURELI AUGUSTINI, HIPPOGENSIS EPISCOPI, EPISTOLÆ AD GALATAS EXPOSITIONIS LIBER UNUS. 2103-2106
- APPENDIX TOMI III OPERUM S. AUGUSTINI, complectens aliquot in Scripturam tractatus i; si olim falso adscriptos. 2119-2130
- ADMONITIO IN OPUSCULUM DE MIRABILIBUS SACRA SCUTURÆ. *Ibid.*
- DE MIRABILIBUS SACRAE SCRIPTURÆ LIBRI TRES. *Ibid.*
- LIBER PRIMUS. — De Moysi Pentateucho. 2151-2152
- CAPUT PRIMUM. De Deo Creatore et constitutione creaturarum. *Ibid.*
- II. De rationabilium naturarum dissimili peccato. *Ibid.*
- III. De Abel et Henocu primatum tenetibus in hominum justitia. 2154
- IV. De eo quod terrena tantum animalia in diluvio mortificata sunt. 2155
- V. De animalibus quæ nec in terra tantum vivere, nec in aqua tantum) ossunt, quomodo diluvium evaserint. 2156
- VI. De eruptione aquarum diluvii. *Ibid.*
- VII. De recessu aquarum diluvii. 2157
- VIII. De cursu solis et lunæ in diluvio. 2160
- IX. De dispersione linguarum. *Ibid.*
- X. De Sodomita vindicta. 2161
- XI. De uxore Lotu in statuom salis mutata. *Ibid.*
- XII. De Sara nonagenaria parente filium. 2162
- XIII. De uteo quem vidi Agar ejecta cum filio. *Ibid.*
- XIV. De ariete quem Abraham obtulit pro filio. *Ibid.*
- XV. De Jacob et Joseph, quare unus in terra reprobationis, alter in Ægypto sepelitur. *Ibid.*
- XVI. De Moysu et rubo in Oreb. 2163
- XVII. De duobus signis, id est manu in sinum conversa, et virga in columbam mutata. 2164
- XVIII. De aqua in sanguinem versa. *Ibid.*
- XIX. De cæteris plagis Ægyptiorum. 2165
- XX. De recedente et siccalo mari rubro. 2166
- XXI. De carmine consono filiorum Israel. 2167
- XXII. De aquis inducatis in marath. *Ibid.*
- XXIII. De manna plente de celo. 2168
- XXIV. De petra percussa in ore. 2169
- XXV. De filiis Moysi, quare ducatu sacerdotum privati sunt. 2170
- XXVI. De jejunio quadraginta dierum. *Ibid.*
- XXVII. De populo carnes postulante. *Ibid.*
- XXVIII. De Æthiopissa uxore Moysi, et lepra murmuratrix Mariæ. 2171
- XXIX. De Chore et Dathan et Abiron. *Ibid.*
- XXX. De plaga quæ descendit i. populum, quando Moyses fugit in Tabernaculum. *Ibid.*
- XXXI. De virga Aaron quæ fronduerat. 2171
- XXXII. De petra bis percussa in Cades. *Ibid.*
- XXXIII. De serpente æneo. *Ibid.*
- XXXIV. De Balæam et asina ejus. *Ibid.*
- XXXV. De Mose pergitæ in montem Abarim. 2172
- LIBER SECUNDUS. — De Prophetia. 2173-2174
- CAPUT PRIMUM. De Iesu Filio Nun, et dirempto Jordane in transitu populi. *Ibid.*
- II. De calceamentis et vestibus filiorum Israel. *Ibid.*
- III. De subversione Jericho. *Ibid.*
- IV. De sole et luna stantibus ad imperium Josue. 2175
- V. De Gedeone et duobus signis. 2176
- VI. De Samsonis fortitudine in capillis. 2177
- VII. De arca domini in terra Philistina. *Ibid.*

VIII. De eccl fragore quo territi sunt Allo;hyli.	2178	X. De panibus et piscibus saturantibus millia populo-	rum.	2197
IX. De vocibus et pluvis quando saul ordinatus est.	<i>Ibid.</i>	XI. De visione Domini in monte cum Moyse et Elia	colloquentibus.	<i>Ibid.</i>
X. De saül prophetante inter prophetas.	2179	XII. De Lazaro et cæteris resuscitatís mortuis.	2198	
XI. De Samuele suscitato a Pythonē.	2180	XIII. De solis eclipsi in passione Domini.	2199	
XII. De percusione Osæ.	<i>Ibid.</i>	XIV. De corporibus sanctorum venientibus de mou-	mentis suis post resurrectionem Domini.	<i>Ibid.</i>
XIII. De David numerante populum.	2181	XV. De cibo Domini post resurrectionem.	2200	
XIV. De duobus signis juxta altare Bethel.	<i>Ibid.</i>	XVI. Petrus paralyticum restituit.	<i>Ibid.</i>	<i>Ibid.</i>
XV. De trium annorum et sex mensium siccitate.		XVII. Virtus Petri.		<i>Ibid.</i>
XVI. De vidua in Sarepta Sidoniorum.		XVIII. ADMONITIO IN OPUSCULUM DE BENEDICTIONIBUS JACOB PA-	TRIARCHÆ.	2190-2206
XVII. De mortuo unico viduae filio quem suscitavit Elias.	<i>Ibid.</i>	DE BENEDICTIONIBUS JACOB PATRIARCHÆ.		<i>Ibid.</i>
XVIII. De holocausto in monte Carmeli.	2182	ADMONITIO IN LIBRUM QUÆSTIONUM VETERIS ET NOVI TE-	STAMENTI.	2203-2206
XIX. De quadraginta dierum jejunio.	<i>Ibid.</i>	ELENCHUS QUÆSTIONUM.		2207-2208
XX. De igue descendente super quinquagenarios.	2183	QUÆSTIONES VETERIS ET NOVI TESTAMENTI.		2213-2214
XXI. De transuentibus Jordanem Elia et Elisco.	<i>Ibid.</i>	EX VETERI TESTAMENTO.		<i>Ibid.</i>
XXII. De ascensione Eliae.	2184	EX NOVO TESTAMENTO.		2240-2241
XXIII. De virtutibus Elisei.	2185	QUÆSTIONES EX UTROQUE MIXTIM.		2247-2248
XXIV. De lepra Naaman curata, et adhærente Glezi.	2186	QUÆSTIONUM EX VETERI TESTAMENTO PARS SECUNDA.		2303-2304
XXV. De ferri supernatazione.	2187	QUÆSTIONUM EX NOVO TESTAMENTO PARS SECUNDA.		2304-2305
XXVI. De Victoria per Eliseum.	2188	QUÆSTIONUM EX UTROQUE MIXTIM PARS SECUNDA.		2411-2412
XXVII. De captivitate populi, et Sennacherib veniente in Judæam.	<i>Ibid.</i>	ADMONITIO DE EXPOSITIONE IN APOCALYPSEM.		2415-2416
XXVIII. De infirmitate et signo Ezechiae.	2189	EXPOSITIO IN APOCALYPSIN B. JOANNIS.		2417-2418
XXIX. De captivitate Babylonica.	2190	Homilia prima.		<i>Ibid.</i>
XXX. De Daniele clarente in Babylone.	2191	Homil. ii.		<i>Ibid.</i>
XXXI. De tribus iueris qui ignis tormentum sine læ-	<i>Ibid.</i>	Homil. iii.		2421
sura evaserunt.	2192	Homil. iv.		2423
XXXII. De Daniele quiescente in lacu leonum.	2193	Homil. v.		2424
XXXIII. De Esdra restituente legem.	2194	Homil. vi.		2425
XXXIV. De bellis præcipuis quæ Domini auxilio per-	<i>Ibid.</i>	Homil. vii.		2429
acta sunt.	2195	Homil. viii.		2432
LIBER TERTIUS. — De novo Testamento.	2191-2192	Homil. ix.		2433
CAPUT PRIMUM. De visione Zachariae et nativitate Joannis Baptiste.	2196	Homil. x.		2433
II. De Incarnatione Domini nostri Iesu Christi, et na-	<i>Ibid.</i>	Homil. xi.		2436
tivitate ex Maria Virgine.	2197	Homil. xii.		2438
III. De pastoribus quibus angeli natum infantem nuntiaverunt.	<i>Ibid.</i>	Homil. xiii.		2439
IV. De magis ab Oriente et stella duce.	2198	Homil. xiv.		2441
V. De baptismate Christi.	2199	Homil. xv.		2442
VI. De Christi tentatione et jejunio.	2196	Homil. xvi.		2443
VII. De virtutibus Evangelii usque ad ambulationem super mare.	<i>Ibid.</i>	Homil. xvii.		2445
VIII. De ambulante Domino super undas.	2197	Homil. xviii.		2447
IX. De cæteris virtutibus Domini nostri Iesu Christi.	<i>Ibid.</i>	Homil. xix.		2450

EXPLICIT TOMI TERTII PARS POSTERIOR.